





3 1761 01450153 0





CÆSARIS BARONII

ANNALES ECCLESIASTICI

TOMUS VIGESIMUS QUARTUS

Cet ouvrage, par les corrections et les additions considérables qui y ont été opérées, est devenu la propriété de l'Œuvre de Saint-Paul, qui se réserve tous ses droits. Toute contrefaçon ou imitation, quelle que soit la forme sous laquelle elle se présente, sera poursuivie rigoureusement, conformément aux lois.

Hoc in opere tam multa sunt aut correctæ aut additæ, ut id suum Consociatio Sancti Pauli reddiderit et, quidquid sui juris sit, sibi vindicet. Itaque, si quis idem aut furto ediderit aut quoquo modo erit imitatus, in crimine erit et de injuriâ postulabitur.

HEct
B

CÆSARIS S. R. E. CARD. BARONII

OD. RAYNALDI ET JAC. LADERCHII

CONGREGATIONIS ORATORII PRESBYTERORUM

ANNALES
ECCLESIASTICI

DENUO ET ACCURATE EXCUSI

TOMUS VIGESIMUS QUARTUS

1313-1333



2
3
4
5
6
7
8
9
10

EX TYPIS CONSOCIATIONIS SANCTI PAULI

BARRI-DUCIS

PARISIIS

FRIBURGI HELV.

56, VIA DICTA DE LA BANQUE, 36

51, VIA DICTA DE LILLE, 51

10, VIA DICTA GRAND'RUE, 10

M DCCC LXXX

SUMMARIVM

TOMI XXIV.



MCCCXIII.

1-5. Legatus Apostolicus Syriacæ expeditionis cum litteris Pontificiis ad reges missus. 6-8. Principes viri cruce insigniti : torneamenta vetita. 9. Saraceni intestino bello distracti. 10. Genuenses insurgunt in Cyprum. 11-18. Henricus imp. in Robertum Siculum animadvertit lata sententia, quam Clemens infirmat. 19. Clementinum istud decretum oppugnatum a Marsilio, defensum a Pighio. 20, 21. Bellicus apparatus in Robertum. 22, 23. Invasa Calabria ab Henrico, contra Clementis decretum. 24-28. Henrici imperatoris obitus, et illius in Romanam Ecclesiam consilia. 29-30. Mortuo imperatore, rerum in melius commutatio. 31-36. Veneti supplices ab interdicto liberati, privilegiis redintegrati. 37-39. Ecclesiæ Leodiensi, et Academiæ Salmanticensi provisum, et Hospitalariis bona Templariorum collata. 40-42. Cælestinus V sanctorum Catalogo adscriptus.

MCCCXIV.

1-4. Robertus creatus a Clemente imperii vicarius. 5-7. Res bellicæ Roberti regis cum Insubribus, Etruscis et Friderico Trinacriæ rege. 8-11. Fridericus rex Trinacriæ Athenarum et Neopatriæ ducatum sibi vindicat. 12. Petrus patriarcha Hierosolymitanus. 13. Ungari adversus Tartaros excitati. 14, 15. Mors Clementis et calumniæ in eum jactatæ. 16. Comitia cardinalium seditione interrupta. 17-23. Duorum Cæsarum electio, et inde discordiæ. 26. Philippi regis Francorum mors. 27. Controversia de reliquiis S. Albani martyris mire composita.

MCCCXV.

1, 2. Bella in Italia inter Guelphos et Gibellinos, in Germania inter Ludovicum regem Francorum, et Robertum Belgii comitem. 3. Equitum Hospitaliariorum expeditio in Ægei insulas. 4. Henrici eremite obitus. 5. Raymundi Lulli martyrium.

MCCCXVI.

1-5. Joannis XXII electio, primordia et coronatio. 6-9. Litteræ Joannis encyclicæ. 10. Ludovicus et Fredericus simul in imperii solium in discordia erecti ad pacem sollicitati. 11, 12. Ludovici X regis Francorum mors. 13, 14. Clementiam viduam solatur Joannes ob defunctum ejus filium nuper natum. 15-17. Roberti Atrebatensis, et aliorum principum insurrectio in Gallias. 18. Philippus regnum Francorum carcessit et privilegiis a Pontifice decoratur. 19-22. Cardinalium creatio Avenione, quam urbem privilegis ornat Pontifex. 23. Robertus rex creatur Urbis senator. 24, 25. Legatio Eduardi regis Anglorum ad summum Pontificem pro censo Ecclesiæ Romanæ solvendo. 26. Ferdinandus Baleariis Peloponesum injuste invadens cæditur. 27. Rex Aragonum oratores ad Pontificem mittit obsequium professuros.

MCCCLXVII.

1-5. Saluberrima Joannis papae monita ad Philippum Galliae regem. 6-8. Officia a Joanne exhibita in adversis Philippo et privilegia concessa. 9-11. S. Ludovici episcopi Tolosani sollemnis canonizatio. 12,13. Tolosana sedes ad archiepiscopalem evecta et aliae sedes constitutae in Gallia. 14. In clericis malos et in laicos monetam adulterinam percipientes animadverit Joannes. 15,16. In Academicis redintegrata studia, Constitutionibus datis. 17-22. Bellum inter Robertum Siciliae et Fridericum Trinacriae reges Pontificis opera compositum. 23,24. Robertus rex per oratorem fidelitatis homagium dat Pontifici. 25,26. Monita saluberrima Joanni ad Robertum regem et reginam Sanciam. 27,28. Imperii urbes in Italia tyrannis expositas tutatur Pontifex. 29-31. In Ferrarienses perduelles decernit Pontifex. 32,33. Guelferum et Gibellinorum factionibus laceratam Insubriam componere studet Joannes. 34. Matthaeus vicecomes et alii principes frustra ad pacem affecti. 35,36. Res Genuensium in Cypro, et in Italia. 37-39. Reges Majoricarum, et Castellae in Saracenos expeditionem parant. 40. Nova equitum militia instituta, et antiquae reintegratae. 41. Turbae in Hispania ob regni successorem. 42-44. Angliae et Hiberniae contentibus sub Eduardo rege et Roberto Brusio consulit Pontifex. 45,46. Optima de bono regimine consilia dat Joannes Eduardo regi. 47,48. Ad fidelitatis juramentum adigit Eduardum Joannes per legatos Apostolicos, qui interea vexantur a latronibus. 49. Denarius S. Petri ex Anglia, Suecia et aliis regnis collectus. 50. Rutheni et Lithuani ad fidem invitati. 51-53. Pontifex insidiis appetitus: hinc magorum et veneficorum scandala. 54. Gerardus episcopus Caturcensis lege majestatis damnatus. 55. Concilium Bononiense, et miracula B. Clarae et Montefalcone. 56-61. Variæ Fratricellorum species, et in eos Pontificia Constitutio. 62. Arnaldi a Villanova errores damnati.

MCCCLXVIII.

1-3. Tartarorum imperatorem litteris adhortatoris adit Pontifex. 4-6. Sedes patriarchalis Soltaniensis excitata in Perside. 7. Evangelici praecones ad gentes missi. 8-14. Redintegrata Armenorum cum Romana Ecclesia conjunctio, ad quos litterae Apostolicæ doctrinales et parenticae. 15,16. Gymnasia in Armenia instituta ad docendas Latinas litteras. 17. Regi Armeniae concessa praerogativæ. 18-24. Discordias inter Robertum Flandriae comitem, Philippum Francorum regem, Belgosque componere studens Joannes, ad sanctam expeditionem eos adducere conatur. 25. Mons-Pessulanus Sedi Apostolicæ clientellæ nomine addictus. 26. Academiae Parisiensis, et aliarum dignitas aucta. 27,28. Ab Eduardo rege Angliae parva victoria in Robertum Brusium, unde. Litterae gratulatoriae Joannis. 29,30. De Roberto archiepiscopo Cantuariensi et Thoma Aquinate in sanctorum numero collocandis. 31-33. Genuense bellum Friderico Trinacriae rege Gibellinis, et Roberto Guelfis favente. 34. Rex Trinacriae Pontifici vecligal pendit. 35. Ursorius Rasciae rex schismaticus regno pulsus. 36,37. Bellum sacrum in Mauris Granatenses. 38. Caesarangustana sedes in archiepiscopalem excitata et Taraconensis divisa. 39. Dissidia regum Lusitaniae componit Pontifex ope Elisabethæ reginæ. 40. Munera a Lusitaniae et Galliae regibus missa Pontifici. 41. Ferrarienses et Marchiones Atestini ad Pontificis imperia redeunt. 42. Emilia, et aliae provinciae discordiis agitatae. 43-56. Haereses in Boemia et Polonia et multiplex Pseudo-minoritarum haeresis ejusque origo, processus et confutatio. 57. Magi ad supplicium quæsiti. 58. Indulgentiæ recitantibus ter Angelicam orationem sub vespertino crepusculo.

MCCCLXIX.

1-6. Regiam dignitatem in Polonia restituit Pontifex, frustra renuente Boemiae rege. 7-9. Guelfis et Gibellinis furentibus, urbes vastatae, insignia scelera patrata. 10. Bellum inter Genuenses et Cypri regem per arbitrum componere studet Joannes. 11. Heliönus Rhodiorum equitum magister creatus. 12. Catalana societas furit in Grecia. 13. Satisfactio penitentialis imposita Rogerio interfectori episcopo Frequentini. 14. Litterae Apostolicæ ad Maladinum Chroatiae et Bosnie comitem pro reprimendis haereticis. 15. Cleri Ungarici legatio ad Pontificem. 16-20. De expeditione Asiatica litterae Pontificiae ad reges Galliae et Angliae. 21-23. Inter Robertum Brusium et Eduardum regem Angliae innovatum certamen et pacis induciae. 24-27. In Hispania contentio de regno, et clades Christianorum a Mauris accepta. 28. De Compositellae dominatu inter archiepiscopum et regem controversia. 29. Equester religiosus Ordo institutus in Lusitania. 30. S. Ludovici episc. reliquiarum translatio. 31. Minoritae martyres in India. 32. Cassinensis episcopatus institutus.

MCCCLXX.

1-3. Relata de Ursorio rege Rasciae schismatico victoria a Carolo Ungariae rege. 4. Wladislaus Poloniae rex coronatus. 5-8. Christophorus Daniae rex. 9-12. Quomodo Joannes papa in imperii controversia se gesserit, misso cardinali paciario in Insubriam, qui in Matthaeum vicecomitem animadverit. 13. Passarinus alique in Italia tyranni in judicium vocati. 14-17. Recrudescente bello inter Fridericum et Robertum; inducias a Friderico violatas queritur Pontifex. 18. Delectiones et conjurationes Ferrariæ et in

Piceno. 19. F. nardi patriarchæ Antiocheni contumacia et iudicium. 20. Pax inter Gallos et Anglos. 21-23. Pastorelli in arma coacti et compressi. 24-30. Judæorum in Galliis facinora, et in eos Pontificiæ Constitutiones. 31. Magica pestis damnata. 32-35. Saracenis in Hispania invadentibus, Pontifex dissensiones ex Lusitania, et Castella avertere conatur. 36-42. Agitata controversia inter Robertum Brusium Scotiæ et Eduardum Angliæ regem, usque ad pactas inducias. 43-46. B. Thomas episc. Herefordensis sanctorum Catalogo adjectus. 47, 48. Genuenses et reges Cypro et Armeniæ ad pacem adducere nititur Pontifex. 49. Creatio cardinalium. 50. Ordo montis Olivetani initia. 51. Templum B. M. V. excitatum in miraculi memoriam Avenione.

MCCCXXI.

1-4. Tartarorum principibus ad fidem conversis gratulatur Pontifex et fidei propagandæ studet. 5-7. Ecclesias in Tartaria instituit, et sacramentum confirmationis ab episcopis conferri jubet. 8-13. Georgianos et Armenos ad Romanam Ecclesiam reducendos dat litteras Pontifex, plurimis ad ritum et disciplinam expectantibus documentis. 14. Data Pisanis in Asia et Græcia Ecclesiarum condendarum potestas. 15, 16. Præcipies in exitium Græcorum res. 17. Minorite duo ab hæreticis trucidati. 18, 19. Pestifera Bizochoorum secta damnata et perperam hoc nomine veri Franciscani insimulati. 20-37. Joannis e Poliacæ error damnatus super exhomologesi apud religiosos sacerdotes lacta, pluribus allatis ad rem documentis. 38. Nova superstitio furens in Italia. 39. Collabescit ditionis Ecclesiasticæ status. 40. Guelpha et Gibellina factio Italiam exercet. 41, 42. Maurorum incursiones in Hispania, et controversiæ de iuribus Ecclesiarum. 43. Angliæ tumultus. 44. Expeditio Asiatica retardata et in Judæos in comitatu Venusino animadversum. 45. Controversia de Jaderæ imperio inter Venetos et Ungaros composita. 46. De Thomæ Aquinatis miraculis institutum examen. 47. Raynaldus archiepiscopus Raveunatensis pie moritur. 48. Dantis Aligerii mors et ejus liber de Monarchia.

MCCCXXII.

1, 2. Fridericus comes Montisferetri, et ejus filii perduelles dant pœnas. 3. Recinetum excisum. 4-7. Ditio Ecclesiastica seditionibus agitata et Matthæi vicecomitis scelera. 8-10. Henricus Friderici Austriaci frater arma vertit in Mattheum a quo tamen decipitur. 11-13. Rerum conversiones Mediolani et Parmæ. 14, 15. Ludovicus Bavarus cum Fridericio imperii æmulo armis congressus eum vincit et capit. 16-19. Pontifex concordiam in Lusitania restituit. 20, 21. Eduardi res bellicæ contra perduelles in Anglia et Scotia. 22-27. Defuncto Philippo Francorum rege succedit Carolus ad quem Pontifex dat litteras parenneticas et gratulatorias. 28, 29. Divortium Caroli regis, et novæ nuptiæ. 30, 31. Asiana expeditio per oratores Gallos apud Pontificem ventilatur. 32-40. Saracenis furentibus in Armenia Pontifex dat litteras encyclicas hortatorias ad bellum sacrum. 41-44. Tartaros ad fœdus cum Christianis ineundum et ad fidem Christianam capessendam allicit Pontifex. 45, 46. Sedes episcopales in Oriente institute. 47. Rhodus vane tentata a Turcis. 48-50. Catholicis Latinis in Achaia et in Oriente consult Pontifex contra Turcos et schismaticos. 51-70. Turbæ ex Pseudo-Minoritis coorte, unde insignis questio de paupertate Christi, et Apostolorum penitus exposita. 71. Constitutio Pontificia arcet susceptionem Ordinis sacri post matrimonium ratum. 72. Coerciti nonnulli impostores in agro Piceno.

MCCCXXIII.

1-3. Pontifex pro Christianis in Tartaria degentibus agit apud Usbec Tartarorum imperatorem. 4-6. Armenis contra Saracenos opitulatur Pontifex, pecunia et adhortationibus ad eos missis. 7, 8. Armeni in Perside, et in Armenia Muori ad fidem orthodoxam invitati. 9. Armenia defensa a Tartaris contra Saracenos. 10, 11. De Syriacæ expeditione consilium inter regem Galliæ et Pontificem. 12. Minæ Saracenorum in Cyprum cui Pontifex opitulatur. 13. Controversias inter Armenos et Cyprios sedare studet Pontifex. 14-18. Orosium Serviæ regem ad Romanæ Ecclesiæ conjunctionem redeuntem litteris et legatis prosequitur Pontifex. 19, 20. Lithuania, et Ruthenorum rex ad fidem in speciem conversus. 21. Fumariani ethnici in Norwegos barbariem exercent. 22. Inter Danie regem, et principem Megalop. discordiam componit Pontifex. 23, 24. Feltrensis episcopi cædes et turbæ in tota fere Italia. 25. Galvatio vicecomite profligato, ceteri tyranni collabescunt. 28-33. Ludovicus Bavarus perduellibus dat opem et sententia Pontificia percellitur. 34-36. Ludovicus suam scribit apologiam. 37. Motus in Sardinia et Lusitania. 38-60. Elucubrationes variæ super controversia de paupertate Christi. 61-63. De eadem questione Decretum fidei pronuntiatur e Petri cathedra. 64-66. Thomas Aquinas sanctorum Catalogo adscribitur. 68. De Philippi archiepisc. Biuricensis miraculis, et sanctitate institutum examen. 68. Elezari Ariadi comitis beata mors, quem deinde Gregorius XI in sanctorum numerum retulit.

MCCCXXIV.

1-3. Ludovici Bavari oratorum ad Sedem Apostolicam accessio, et Pontificis responsum in litteris Apostolicis expressum. 4-20. Ludovici Bavari studium, et acta in defendendis per-

duellibus, et hæreticis, et in propugnazione sui asserti juris contra Pontificias leges et et jussa. 21-25. Sententia Pontificis in Ludovicum omni jure imperiali privatum. 26. Carolus Francorum rex ambit dignitatem Romani imperii. 27-33. Ludovicus Pontifici infensus Fratricellorum fit fautor, unde novæ ejusdem hæresis refutationes. 36. Sardinia ab Alfonso Aragonie comparata. 37. Mortuo Sancio rege Majoricarum ejus nepotis successoris tutelam suscipit Pontifex. 38. Ortus discordias inter Anglorum et Francorum reges componere studet Pontifex. 39-41. Andronicus Græcorum imperator metu Tartarorum de ejurando schismate agit consilia. 42-44. Oratores Armeni pro Asiatica expeditione sollicitanda, quam litteris fovet Pontifex. 45-50. Missi in Lithuaniam legati pro fide amplificanda quos regi litteris paranteticis commendat Pontifex. 51-52. Rex Lithuanie in idololatria permanet. 53. Crimina objecta equilibus cruciferis et Polonie regum obsequiose littere ad Pontificem. 54. Visio mirabilis.

MCCCXXV.

1-4. Fridericus e carcere solutus fœdus init cum Bava, quod Pontifex improbat. 5-6. Molitur Pontifex transferre imperium Romanum ad Francos. 7. Tentata nova regis Romanorum electio. 8-11. Adversus Ludovicum Germani et Itali excitati; hinc motus, et bella. 12. Concordia firmata inter Francorum et Angliæ reges. 13. Ducem Aquitanie salubribus præceptis instituit Pontifex. 14. Belgium civili bello laborat. 15, 16. Dionysii regis Lusitanie obitus de quo litteræ Pontificis ad S. Elisabetham viduam. 17, 19. Rex Aragonum Sardinia politur et collectæ tabulæ de tributo solvendo Pontifici. 20-25. Nonnullorum Pseudo-Minoritarum pervicacia et hæresis, auctore Petro Joanne Olivi, cujus errores recensiti et refutati. 26, 27. Fratricellos in Oriente hæresim spargentes reprimunt Pontifex. 28, 29. Ad Carolum Ungariæ regem de fide propaganda sollicitum litteræ Pontificiæ. 30. Regi Boemie Asianam expeditionem meditantem dat litteras Pontifex. 31. Joannis principis felices in Græcia progressus.

MCCCXXVI.

1. Joannes card. S. Theodori legatus paciarius in Italiam missus. 2, 3. Castrucius dolose in gratiam admitti postulat. 4. Guido episcopus Aretinus perduellis Pontificia sententia percellitur. 5. In ditione Pontificia, varii et tristes belli casus. 6, 7. Fœdus inter Austriacum et Bavarum damnat Pontifex, ac Carolo Francorum regi ad sacrum Romanum imperium evolvendo favet. 8. Bochari archiepiscopi Magdeburgensis Ludovico infensi cædes. 9. Regis Polonie irruptio in Marchionatum Brandeburgensem. 10. Septentrionalia regna ab infidelibus infestata. 11-14. Civiles discordiæ in Belgio et dissidia recrudescunt inter reges Angliæ et Galliæ, quibus mederistudet Pontifex. 15, 16. Hugonis Spenserii miserandus exitus. 17, 18. Studia Pontificis de conciliandis regibus, et maxime Roberto Siciliæ et Friderico Trinacriæ. 19. Ecclesiarum juribus et disciplinæ consulit Pontifex. 20. Complutense Concilium a Toletano episcopo celebratum. 21. Privilegia a Pontifice collata. 22. Scurrilitas sacrilega aliquorum in Italia penis affecta. 23. Pseudo-Minoritas, et Fratricellos hæresim disseminantes reprimunt Pontifex. 24, 25. Commercia cum Saracenis vetita, et id permissum Genuensibus. 26, 27. Andronicus imperator revocandæ ad Romanum Græcorum Ecclesiæ desiderium præ se fert. 28, 29. Cyprios Græcos male de fide sentientes corrigit; et linguarum Orientalium studium in publicis scholis promovet Pontifex. 30, 31. Amplificata apud Tartaros Christiana religio. 32. Gregorium X miraculis clarum Placentini postulant sanctorum Catalogo annumerandum.

MCCCXXVII.

1-2. Bivari in Italiam adventus, et Tridenti habitus conventus. 3. Ludovicus Mediolani ab excommunicatis corona ferrea redimitus. 4-13. Romani exixe agunt per litteras et legatos ad reditum Pontificis in Urbem implorandum. 14, 15. Legatus Pontificius Romam missus a perduellibus repulsus. 17. Tumultus in ditione Ecclesiastica. 17. Pisæ capte a Ludovico. Guido olim episcopus Aretinus moritur ejurato schismate. 19-26. Pontificia sententia in Ludovicum hæresicos damnatum. 27-37. Marsilius et Jandunus hæresiararchæ, eorumque errores Pontificia Constitutione damnati, et ab aliis refutati. 38. Ludovicus copias Urbem versus ducit. 39. Jacobi regis Aragonum obitus. 40. Synodus Toleti celebrata. 41. Joannis principis in Granatenses Saracenos victoriæ. 42. S. Elisabethæ Lusitanie reginæ pia opera. 43. Eduardus senior Angliæ rex in vinculis extinctus. 44. Super juri-bus in Aquitania dissidiæ inter reges Angliæ et Galliæ. 45-48. Magia, astrologia aliæque hæreses grassantur. 49. Boleslaus dux Russiæ ad fidem Catholicam revocatus. 50. Ludl cruenti Neapoli vetiti. 51. Res Trinacriæ et Cypri. 52. Andronicus junior, pulso seniore, imperium Constantinopolitanum occupat. 53. De religiosis et viris Ecclesiasticis quid de creverit Pontifex. 54. Concessæ indulgentiæ recitantibus vespere Salutationem Angelicam. 55. Cardinalium creatio. 56. Mors S. Rochi.

MCCCXXVIII.

1-3. Ludovici Romam ingressus et coronatio. 4, 5. Indicta a Pontifice in Ludovicum cruciata

militia. 6-8. Cleri, et populi Romani constantiam commendat Pontifex, datis litteris hortatoris. 9, 10. Pontificii a Ludovici sequacibus, ducibus Marsilio et Janduno, divexati. 11-19. Impia Ludovici in Pontificem sententia, quæ penitus rellellitur. 20. Egregium Jacobi Columnæ facinus. 21, 22. Impia lex Ludovici in Pontificem. 23-37. Ludovici in Pontificem sententia capitalis lata, ejus singula capita exploduntur. 38, 39. Rejectæ preces de Friderico Austriaco ad imperium evehendo. 40-42. Indictus conventus principum electorum de creando novo Cæsare. 43, 44. Petrus Corbaria creatur antipapa, qui pseudocardinales creat, et coronatur. 45, 46. Antipapæ nefaria gesta, et in Catholicos persecutio. 47, 48. Indicta a Joanne papa publica preces. 49. Ludovici res everti ceptæ. 50-52. Ludovici et antipapæ fuga, et in Urbe rerum instauratio. 53, 54. Infelix exitus principum Ludovico adhaerentium. 55-58. Marchiones Atestini poscentes redire in gratiam Ecclesiæ recipiuntur. 59. Plures urbes ad Ecclesiæ imperium traductæ, nonnullæ abscissæ. 60, 61. Caroli ducis Calabriae mors Guelphos consternat. 62-66. Michaelis Casenatis schismatici Avinionem accessus, et inde fuga, atque impii conatus adversus Pontificem. 67, 68. In Michaelem Casenatem, et assecas sententia Pontificis, qui tamen optime sentit de Minoritis. 69. Caroli Francorum regis obitus, cui succedit Philippus nepos. 70. Joanna regina Navarræ. 71. Belgæ rebellantes a Philippo rege perdomiti. 72, 73. Pontifex Philippum regem ad Ecclesiæ studium hortatur, Anglo conciliare nititur. 74, 75. Anglia et Scotia conciliatæ. 76-80. Poscenti Alphonso regi Castellæ Pontifex dat opes et privilegia ad bellum contra Saracenos Granatenses. 81. Sacrum bellum civili dissensione retardatum. 82. Rex Aragonum sponsonem pro Sardinia præstat. 83. Philippus regia stirpe Baleari progenitus novam Franciscanorum familiam condere postulans rejicitur. 84. Ordinem Eremitarum S. Pauli confirmat, cleri Ungarici avaritiam cohibet Pontifex. 85. Missi viri ex Ordine Predicatorum in Orientem. 86. Imminens Cypro bellum amovere nititur Pontifex.

MCCCXXIX.

1-3. Nefaria acta antipapæ, quæ Pontifex damnat, datis litteris ad episcopos. 4. Joannes vicecomes pseudocardinalis et legatus in Insubria. 5, 6. Pisis discedente Ludovico, res conversæ in Etruria, legati Pistorienses ad Pontificem. 7-11. Pisanos censuris solutos pristinis iuribus restituit Pontifex, eos Florentinis conciliat, et de bene actis commendat. 12-14. Plures Insubriæ urbes, et viri principes a Bavaro desciscunt. 15. Joannes pseudocardinalis et Azo vicecomes ad obsequium Ecclesiæ redeunt. 16. Post varios belli casus Ludovicus redit in Germaniam. 17, 18. Tentata concordia inter principes Italiæ, populus Romanus in fide Ecclesiæ confirmatus. 19. Variorum principum perduellium exitus. 20. Atestini Marchiones Ferrariam accipiunt. 21-68. Sententia Pontificia in Michaelem Casenatem, et contra singulos ejusdem errores amplissimus Pontificis Commentarius. 69. Paucis exceptis, universus Minoritarum Ordo in fide Romani Pontificis perseverat. 70-72. Echarodus hæresiarcha damnatus. 73, 74. Sedibus Moguntinæ et Vratislaveni consulit Pontifex. 75-77. Petri Cunerii errores circa potestatem Ecclesiæ confutat Bertrandus episcopus Eduensis. 78. Eduardus Gallo adjicit fidem, quam dein violat. 79, 80. Robertus rex Scotiæ ungi et coronari postulat. 81, 82. Roberti regis obitus, cui succedit filius David. 83-87. Alphonsus rex Aragonius Sardiniam et Corsicam Ecclesiæ beneficiarias agnoscit, ac dat fidelitatis juramentum. 88-91. Negata Aragoni dispensatio pro contrahendis nuptiis in vetito gradu. 92. In nuptiis regis Castellæ dispensatum super impedimento. 93. Hispani reges in Mauros fœdus jungunt. 94. Armeni a Saracenis oppugnati per Pontificem sublevantur. 95, 96. Greci Asiatici ad ejurandum schisma invitati. 97, 98. Pro Christianis in Perside laborat Pontifex, datis litteris ad imperatorem Tartarorum cum fidei formula.

MCCCXXX.

1-3. Fuga, detectio et resipiscentia antipapæ. 4-9. Antipapam resipiscentem urbane tractat Pontifex, eique benigne indulget. 10-24. Corbarius Avinionem ingressus in consistorio pseudo-pontificium, publicis de ea re confectis tabulis, deponit. 25-27. De antipapæ resipiscentia gratulationes. 28-38. Principes Germanos et præsertim Boemiæ regem a Ludovici partibus delerrere plurimum studet Pontifex. 39. Joannis regis Boemiæ in Italiam expeditio. 40-43. Plures populi ac præ ceteris Romani ad Pontificis obsequium plane redeunt. 44-48. Reges Hispani adeunt supplices Pontificem super expeditione Granatensi, quam salis felicitate obeunt. 49. Philippus rex Galliæ comiti Atrebatensi infensus. 50. Pontifex Eduardum regem Angliæ a severitate et aliis excessibus revocare nititur. 51, 52. Trevirensi Ecclesiæ illata injuria expiatur publica pœnitentia. 53. Judeorum facinoræ, et res Græcorum. 54. Gualterus dux in Achaïam parat expeditionem. 55, 56. Patriarcha Jacobitarum ad unitatem Ecclesiæ redit. 57. Joannes Core creatur archiepiscopus Soltaniensis; Nascarini, et alii populi schismatici in Oriente ad fidem Catholicam invitati et traducti. 58. B. Ivonis virtutes et miracula.

MCCCXXXI.

1, 2. Marsilii et Janduni errores a Pontifice excisi et damnati. 3. Thomasius antipapæ capellanus ejurat schisma. 4-7. Instaurata edicta in Fraticellos, et in sectam Cæsareorum.

8-14. Michaelis Cæsennatis errores a Geraldo Othone refutati. 15, 16. Michael et socii a Minoritis damnati. 17. Regnam Siciliae edocet Pontifex de Michaelis erroribus. 18. Regis Boemiae in Italiam adventus. 19. Considerationes contra regem Boemiae. 20-24. Diversa studia principum et regum Germaniae erga sanctam Sedem. 25. Ungariae rex et regina a sicario appetiti. 26. Carolus rex Ungariae paternum principatum Salernitanum a Roberto rege Siciliae poscit. 27, 28. Catalanos, Genuenses, et Baleares ad concordiam revocare nititur Pontifex. 29. Consilia de expeditione Granatensi, et potissimum de Asiatica contra Saracenos et Turcas sequitur Pontifex. 30. Athenarum ducis in Achaiam irrita expeditio. 31, 32. Jura episcoporum Magalonensis et Rothomagensis tuetur Pontifex. 33, 34. Contendit Philippus rex de creandis cardinalibus natione Gallica. 35-37. Regi Angliae et reginae Aragonum Pontificem consuientibus monita salutaria. 38, 39. Corsi salubribus praeceptis imbuti a Pontifice. 40, 41. In Dania et Suecia libertas Ecclesiastica asserta. 42. Miraculum S. Hyacinthi, et alia aliorum. 43-45. Controversiae de visione beatifica inilia; et inde in Pontificem per schismaticos conflata invidia.

MCCCXXXII. 1-7. Consilium Pontificis de adventu in Italiam impedit Philippus rex, qui interea de expeditione Asiatica multa pollicetur. 8. Bononienses Pontificii adventus expectatione nutriuntur. 9-10. Factiones in Italia ingravescent. 11-16. Verae causae cur Ecclesiae communioni non fuerit restitutus Ludovicus Bavarus, a quo interea populos discedentes anathemate liberat Pontifex. 17. Rex Trinacriae ad conjunctionem Ecclesiae sollicitatus. 18, 19. Philippi principis Tarentini mors, et controversia de successione regni Siciliae. 20. Regina Siciliae favens Pseudo-Minoritis monetur a Pontifice. 21. Bellum inter Genuenses et Catalanos sopire studet Pontifex. 22-26. Tursicae grassationes in Graecos, et Andronici imperatoris infelix obitus. 27. Ungariae regis in Ruthenos expeditio. 28-30. In haereticis coerceudis morae Pontificis qui veros interea Minoritas colit, inter quos Alvarum. 31. Waldenses pulullant in Pedemontio.

MCCCXXXIII. 1-6. De bello sacro consilia: eique praeficitur Philippus, rex Galliae, datis eidem litteris Apostolicis. 7, 8. Conventiones inter Philippum et Pontificem. 9, 10. Privilegia collata Philippo ad bellum sacrum. 11, 12. Quantus fuerit exercitus comparandus, et qui dolus Philippi. 13, 14. Turcarum in Europam excursions. 15, 16. De conjungendo foedere principum in Turcas consilia. 17, 19. Andronicus imperator, episcopi, et populus Graecus ad ejurandum schisma invitati per litteras Apostolicas et legatos. 20. Maurorum in Hispaniam invasio. 21. Pontificis curae pro Catalanis et Liguribus conciliandis. 22. Delphinus Sabaudum bello appetit, et moritur. 23. Anglum inter et Scotum orta dissidia, bellorum semina. 24, 25. Irrita Joannis consilia repetendi Urbem, quam factiones dilaniant. 26. Pontificia pro Italia pacanda studia. 27. Ungari regis in Siciliam adventus. 28. Ludovici Bavari ad Pontificem legatio. 29. Moguntini episcopi jura defendit Pontifex. 30. Mortuo Wladislao succedit Casimirus in regno Poloniae. 31-42. Fides in Tartaria amplificata, missis a Pontifice nuntiis et litteris ad principes et populos. 43. Temperatur a Pontifice lex de conjugii quoad gradus prohibitos in Neophytorum gratiam. 44. Apostata a fide apud Saracenos resipiscunt. 45-69. Resumpta quaestio de visione beatifica, editis hinc inde gravissimis Commentariis.

ANNALES ECCLESIASTICI.

CLEMENTIS V ANNUS 9. — CHRISTI 1313.

1. *Legatus Apostolicus Syriacæ expeditionis cum litteris Pontificis ad reges missis.* — Ad dixerunt¹ se accepto solemnī pompa crucis symbolo, religiosæ in Saracenos Asiaticos militiæ tres reges anno a salutē humani generis millesimo trecentesimo tertio, Indictione undecima; quorum exemplo, ac Romani Pontificis adhortationibus delibatus in iis regnis equitum flos Syriacæ expeditioni se similiter devovit². Clemens vero, qui recuperandæ Terræ-Sanctæ consilia in Viennensi Synodo tanta religione ac Patrum totius Ecclesiæ communibus votis, indictis in eam rem sexennalibus decimis, suscepta explicare, atque ad felicem perducere exitum nitebatur, legavit ad promovendam Christi causam Nicolaum Farinulam tit. S. Eusebii presbyterum cardinalem, datis hisce litteris³, quibus præcipua ad fideles commovendos argumenta libavit.

2. « Clemens, etc.

« Intolerabilibus, prohi dolor! Terra ipsa (de Terra-Sancta loquitur) consumpta doloribus, in auribus populi Christiani clamat assidue, quod hæreditas Domini speciosa dudum plena fidelibus, omnis pulchritudinis amisso decore, sola sedet sub umbra mortis in tenebris, jacet ancillata canibus subdita barbaris et tributaria Saracenis; omnibus parvis et magnis Terræ prædictæ Christicolis, ut beatæ quæ non genuerunt steriles, et quæ non lactaverunt ubera dicerentur, hostili feritate crudeliter interemptis. Propterea magna sua est velut mare contritio, cum ventorum fragoribus agitur. Heu! Præclara Salvatoris hæreditas sacratissimi sanguinis profluvio consecrata, abominabilium gentium pedibus teritur, et alienarum sub-

vertitur imperio nationum. Heu! Quod locus ille sanctissimus, ubi cæli Regem Virgo puerpera genuit, locus Redemptoris nostri cruore perfusus, locus ubi poni meruit sepulchri Dominici fundamentum et locus, quem resurgens Christus a mortuis suæ resurrectionis gloria multipliciter illustravit, coinquinatur a filiis tenebrarum.

3. « Hæc siquidem charissimus in Christo filius noster Philippus rex Francorum illustris Christianissimus princeps devota meditatione considerans, et oculo clementis propitiationis advertens, dictæque Terræ pia mente compatiens calamitatibus et pressuris; et ad ulciscendum in illa nostri Redemptoris injurias, ut misereretur illius regionis oppressæ, cuius miserendi tempus advenisse speratur, eamque liberaret de manibus hostium fidei Christianæ regali magnanimitate consurgens; sponte se obtulit, nobisque promisit, salutiferæ crucis signo una cum filiis et fratribus suis, ac baronum et militum regni sui multitudine copiosa recepto, in Terræ prædictæ subsidium, dirigente Domino, profectum; supplicans ut per aliquem de fratribus nostris sanctæ Romanæ Ecclesiæ cardinalibus, propter hoc ad dictum regnum specialiter destinandum, sibi, filiis, fratribus et baronibus ac militibus supradictis imponi signum huiusmodi faceremus. Super quo laudes Altissimo, qui hoc ei dignoscitur inspirasse, referimus, ejusque clementiam, ut huiusmodi desiderium suum pio prosequi favore dignetur, suppliciter exoramus.

4. « Exsurgant igitur virtuoso dicti regis exemplo in ipsius Terræ subsidium viri ad bella doctissimi, prædicti regis Franciæ bellatores, et regem ipsum, præclatorem promptissimum Crucifixi, ad succurrendum Terræ illius calamitosi desolationibus imitentur. Prodeant in publicum ipsius regni signa victorica, quæ anxio Terra ipsa desi-

¹ Clem. l. VIII. Ep. cur. CXII et CXVIII. — ² Bern. Chron. reg. Franc. — ³ Lib. VIII. Ep. cur. XL.

derio præstolatur, sperans ab exterminii sui laeymosis liberari squaloribus, et ad serene tranquillitatis tempora. Deo miserante, reduci. Accingant se dicti regni viri fortes et strenui sub potenti manu Domini gladiis circa femur, et reddantur in bello Domini gloriosi, qui solent gloriosiores in præliis probate virtutis exercitio reputari. Eidem quoque regi, et inclyte domui Francie, cui Dominus benedixit, hujusmodi felix victoria belli promittitur : hæc illis paratur ad gloriam et eis, sicut speratur, ad meritum reservatur. Hujus etenim pii operis fructus recolenda memoria, divini dispensatione consilii eorum, ut creditur, laboribus reservata, ipsorum gesta magnifica futuris sæculis excelsis attollenda præconis demandabit.

5. « Ad personam itaque tuam, quam dicto regi gratam credimus ac acceptam, nostre mentis oculos dirigentes, illam ejus nobis sunt notæ virtutes, quamve in magnis et arduis dicta Sedes diversis vicibus est experia, et de cujus operibus virtuosus fructus utiles provenisse conspicimus, ad imponendum ejusdem vivificæ crucis signum regi, filiis, fratribus, baronibus et militibus supradictis; necnon et quibuslibet aliis tam de dicto regno, quam ad illud venientibus undecumque, signum recipere volentibus supradictum, et alias ad ipsius predicationis officium in regno prædicto, quæ tibi præsentium auctoritate committimus; de fratrum nostrorum consilio duximus eligendum, in remissionem tibi peccatorum injungentes, quatenus impositum hujusmodi tibi onus devote suscipiens, et personaliter ad regnum te conferens supradictum, et in his juxta datam tibi a Deo prudentiam procedens efficaciter et prudenter illa per te, et alios quos ad hoc idoneos esse pulaveris; præsertim archiepiscopos et episcopos dicti regni, qui quidem archiepiscopi et episcopi etiam alii, dum tamen idoneis, hæc committere valeant; exequi studeas diligenter, etc. Datum Avinioni IV idus Februarii anno octavo ».

6. Gessisse strenue impositum munus Nicolaum cardinalem, ex Bernardo constat¹, qui rem gestam describit, ubi præmisit, Ludovicum regem Navarre una cum fratribus postea regibus, ac proceribus quadringentis a Philippo cingulo equestri donatos : ad quam celebrandam pompam, assentiente Romano Pontifice, sacramenti coram patribus Viennensis Concilii de cruce non integro evolvendo anno induenda nuncupati, diem prorogalam vidimus : « Anno Domini, (auctoris verba refero), millesimo trecentesimo decimo tertio in festo Pentecostes, qui fuit III non. Junii præfatus rex Philippus tunc Parisiis curiam valde magnam comitum et baronum et militum regni sui, in qua interfuit rex Angliæ Eduardus gener ejus cum conjugē sua Isabella filia ejusdem regis Philippi : in quo festo idem Philippus rex Ludovicum filium suum primogenitum regem Navarre, ac alios duos

filios suos Philippum et Carolum accingit baltheo militari; fueruntque in dicto festo facti novi milites quadringenti, sicut fuit communiter divulgatum. Item in eadem hebdomada tres præfati reges, videlicet Philippus Franciæ, Eduardus Angliæ, Ludovicus Navarre, cum præfatis duobus filiis regis Franciæ Philippo et Carolo, ac etiam cum duobus fratribus præfati regis, videlicet Carolo comite Valesi et Ludovico comite Ebroidensi, crucem suscipiunt transmarinam cum multis aliis nobilibus regni Franciæ de manu domini Nicolai tit. S. Eusebii presbyteri cardinalis, qui pro prædicanda cruce, et promovendo negotio passagii transmarini per Clementem papam V ad regnum Franciæ fuerat destinatus : cepitque exinde crux pro dicto passagio in regno Franciæ publice prædicari ».

7. Consentiant his, quæ a Bernardo dicta sunt de tribus regibus cruce insignitis, Apostolicæ litteræ². Verum ut proclivior ad malum natura sanctissima quæque ad improbum usum detorquet, plerique nobiles viri præsertim in Romani imperii locis, dum sacræ expeditionis apparatus fragore omnia infremebant, ac militari ardore calebant animi, Indieris certaminibus, quasi in hostem proferere discerent, se dederunt : al cum in hujusmodi hastiliis crebre cedes patrari consuevissent, atque inani vestium luxu opes melius in comparando milite ac armis conflandis collocande absumerentur, Pontifex edito Apostolico Diplomate hujusmodi solemnia hastiludia, torneamenta vulgo dicta, vetuit et censurarum religionem iis omnibus, qui se iis quovis modo implicuissent, incensuit³ :

« Clemens, etc. per Germaniæ, Franciæ, Angliæ regna, Burgundiam imperialem, ac comitatum Provincie, dioceses Lugdunensem, pro ea parte, quæ de regno Franciæ non existit; necnon et Arelatensem, Viennensem, Bisuntinam, Avenensem, et Tarantasiensem civitates et dioceses ac provincias, et configua. circumvicina et adjacentia partes, terras et loca constitutis, in quibus vel aliquibus eorundem frequenter torneamentorum, et iustarum prædictorum consuevit usus haberi; cujuscumque conditionis, status, vel præeminentiæ fuerint, auctoritate Apostolica districte præcipimus, et inhibemus expresse, ne torneamenta seu iustas hujusmodi in dictis regnis, civitatibus, diocesis, provinciis, partibus, terris et locis de cætero facere vel exercere præsumant, etc ». Fulminat in eos anathema, quia ad hastiludia descenderint, vel congressuris arma, equos, aliaque hujusmodi præbuerint, aut ad ea spectacula confluxerint, ipsorumque terris sacrorum justitium infligit : quæ vero ad ea incunda lædenda promissave, etiam sacramento sancita fuerint, ea penitus dissolvit, convellitque. « Dat. in prioratu de Gransello XVIII kal. Octobris, anno viii ».

¹ Bern. Chron. reg. Franc.

² Lib. viii. Ep. cur. cxii et cxviii. — ³ Eod. lib. post Ep. cxxy.

8. Transmisit idem Dilema ¹ Moguntino, Trevirensi, Coloniensiſque archiepiſcopis, ut illud in Germania promulgari juberent; tum Arnaldo epiſcopo Albanenſi, atque alteri ejusdem nominis tit. S. Priſce preſbytero cardinalibus, Apoſtolice Sedis nuntiis, ut in Anglia divulgandum curarent: quod in cæteris pariter locis factum revocari in dubium non poteſt. Legarat porro in Angliam eos cardinales Pontifex una cum Guillelmo Teſta cardinale, ut gravioreſ inter proceres diſcordias ſopirent; qui cum a perduellibus mare trajicere prohiberentur, Pontifex ipſos ea inſtruit auctoritate, ut Acta publica in illoſ conſecta tam in ceterioribus quam ultramarinis locis promulgarent ², præterea pari poteſtate utrobique impoſito ipſis munere fungerentur ³ imperarentque ⁴ religioſis viris, ut ab Anglia in terras citramarinæ ſe conferrent. E quibus colligitur, Angliam ob perductionem in regem concitatum, atque ille Apoſtolicis nuntiis intercluſum Eccleſiaſtico interdico devinctam fuiſſe. Suffectus vero eſt alteri cardinalium Guillelmo Teſtæ Guillelmo e Baleno, cui denarii S. Petri in Anglia, Wallia, Hibernia, ac Scotia colligendi provincia data eſt ⁵. Sed ad inſtitutum orationem revertamur.

9. *Saraceni inſtina bello distracti.* — Affuſiſſe tunc egregiam reſtituendæ Chriſtiano cultui Syriæ ſpem, refert Jordanus ⁶ cum Saracenoſ graviffima inſtina bella attriviſſent, in quorum medio ardore ſoldani Bibarsincher, Naboyſeler, Merecendal et Camelinus a ſoldano claudo extincti eſſent: Carasanchor vero, qui Chriſtianis ſacris initiatus, Antiochena ditione pulſus, Carbandam regem Tartarorum, quem oratoris ad Pontificem pro excitanda Occidentalium in Palæſtinam expeditione miſiſſe vidimus, commoviſſet in Saracenoſ. Cujus belli converſione memoratus auctor hiſ verbis narrat: « Carasanchor quoque Chriſtianus fuit, dives valde et potens, qui dominabatur in contrata Antiochiæ et Semi, qui fratrem ſoldani interfecerat. Seraph per dictum ſoldanum claudum Euphratem tranſire, et cum theſauris ſuis ad Tartaroſ fugere coactus eſt, et induxit Carpendam, ut contra duo caſtra ſoldani ſuper Euphratem ſita veniret mæcæxi, quorum unum vocatur Clerachembe, alterum Elyere: ſunt autem ipſa caſtra in confinio Tartarorum ultra Euphratem: promiſerat enim Carasanchor, de Caſtellanis et habitatoribus caſtrorum confidens, quod cito et leviter Tartariſ traderetur; ſed mutatis Caſtellanis ac cæteris per ſoldanum, promiſſum implere non potuit: et fuiſſe dicitur in illo exercitu ultra mille millia beſtiarum cabalarum. Poſt mensem autem obſidionis propter defectum herbatici, et quia morbus, vulgariſ dictus pedana, equoſ invaſerat: quia etiam ſoldanus cum magno exercitu

in Damasco (Damascum) venerat, habila deliberatione Carpendas ac deducendum æſtivum tempus ad contratam Baldaccenſem tranſiit, miſiſſique ad fratrem ſuum Henregi, qui ſua conceſſione in Turchia dominabatur, veniebatque ejus juſſu contra ſoldanum, ut rediret et ipſe ». Hæc iſdem verbis repetit Sanutus ¹, notatque ſultanum illum quem evertiſſe Ptolemaidem et Latinoſ Syria populiſſe vidimus, a Carasanchor Chriſtiano trucidatum fuiſſe. Tum ſuperioribus addit hæc verba: « Ex hiſ omnibus liquet aperte, quam debilitata ſit Egypti ſoldani potentia, quam apta tempora populo Chriſtiano ad faciendam vindictam in nationibus, et increpationes in populis ſceleratiſ ». Non minus Catholicos inſtina diſſenſiones in Occidente Orienteque implicuerunt, ad quas ſecondas ſtudium collocatum eſt.

10. *Genuenſes inſurgunt in Cyprum.* — In Oriente quidem Genuenſes, ut injuſti doloris ulciſcendi cauſa pauciſ ante annis Rhodum, concitato in eam Madachia Saracenorum principe, in diſcrimen conſecerant; ita modo ex nimia vindictæ aviditate invadenda Cypro non ſine rei Chriſtiænæ damno imminabant. Ad quod bellum ſopientum Pontifex Genuenſes hortatuſ ² eſt, ut concordie conciliandæ facileſ ſe exhiberent. Inde vero diſcordiæ cauſa eruperat: dum in Armenia Henricuſ rex Cyri in vinculis tenebatur, excitata Famaguſte ſeditione, in qua multuſ utrinque ſanguis fuſuſ eſt, Genuenſeſ exaſperati, quod Amalricuſ Tyri dominuſ, qui tunc regni habenaſ moderabatur, in Famaguſtanoſ civeſ, vindictam expoſcentibuſ Genuenſibuſ, non animadvertiſſet, cum ipſi Genuenſeſ ſeditioni cauſam dediſſent, eo extincto, ſuoſ ad Cyri regem vinculiſ ſolutum oratoreſ vindictæ apud eum in Famaguſtanoſ perſequenda cauſa miſere: quibuſ ardentibuſ inſtantibuſ cum reſponſum eſſet ab rege, ex legum æquitate factum iri ſatiſ: ac negantibuſ Famaguſtaniſ obſecta a Genuenſibuſ crimina, imo oppoſentibuſ, aliquoſ e civibuſ ab ipſiſ caſoſ; reſpondit oratoreſ rex, ut ipſi Genuenſeſ, qui in ea criminis labe erant aſperſi, plecterent; ſe viciffim in reoſ Famaguſtanoſ legum ſeveritatem exerturum. Ad que oratoreſ cum dicerent, ad expetendam tantum ultionem non ad damnandoſ ſuoſ veniſſe; Cyri rex in Famaguſtanoſ inquirere ſuſperſedit.

Mox Genuenſeſ ſuoſ e Cypro excivere, promulgavereque impune Cyrioſ hedi poſſe. Quam aucupati occaſionem nonnulli, cum fingerent oratoreſ ad regem devehere in triremibuſ improviſo impetu Paphenſem civitatem, nihil hoſtile metuentem, vaſtarunt: necdum ſatiata ira, claſſem validam ad invadendam Cyprum inſtruxere: cuſ bellici apparatus fama permotuſ Pontifex, ut rei Chriſtiænæ periclitanti conſuleret, Henricum Romanorum imperatoreſ precibuſ urſit, datoſ

¹ Reg. juſt. eand. Ep. — ² Lib. VII. Ep. cur. XXXVII. — ³ Ep. XXXVIII. — ⁴ Ep. XXXVI. — ⁵ Ep. XXXVIII, XXXI, XXXI. — ⁶ Jord. Chr. Ms. Vat. ſign. num. 1960.

¹ Sanut. l. III. p. 13. c. 11. — ² Lib. VIII. Ep. com. CCXVIII.

IV kal. Maii litteris ¹, ut Genuenses a suscepto consilio adduceret. Eodemque pane exemplo ad Genuenses magistratus scripsit ², ut bello abstererent, in eaque re studium et amorem, quo in Romanam Ecclesiam erant affecti, explicarent.

11. *Henricus imperator in Robertum Siculum animadvertit lata sententia quam Clemens infirmat.* — Comparabant se alteri ³, non minus rerum Orientalium instaurationi, pernicioso atque exitiali bello Henricus imperator ac Genuenses ipsius partes adversus Florentinos et Robertum Siciliæ regem secuti. Haerant nimirum alte acceptæ ab iis iniuriæ dolor, qui superiori anno imperialem ejus consecrationem disturbari nisi essent, compluresque in ipsum ad defectionem concitassent. In quos antequam armorum omnem molem converteret, legibus agere constituit: ac post leviora in Florentina ditione confecta prelia Pisas nono Martii die reversus, Florentinos, lege majestatis postulatos, gravioribus pœnis affecit ⁴. Intendit etiam Roberto Siciliæ regi judicium, ac non contentum, ut imperii proditorem lege majestatis damnavit, et Provinciæ comitatu, et Siciliæ regno deturbandum pronuntiavit. Extat ⁵ latæ in eum sententiæ formula apud Albertinum, Mussatum, Albericum ⁶ Rosatum et Rebdorfium ⁷ in qua hæc ei vertit crimini, ubi ipsum augustali beneficio amplissimas terras obtinere est prefatus.

12. « Ipse, inquit, inter cæteros suæ malignitatis conatus, licet antequam imperialis coronationis causa proficisceremur ad Urbem, per suas litteras speciales pluries culmini nostro scripsisset, quod ipse (sicut ex causa prædicta debebat, et nos; qui nec opere, nec verbo gravavimus, nec gravare, sed potius gratiose tractare intendebamus eundem, ex puritate conscientiæ credebamus) ad exhibendam nobis debitam reverentiam et honorem tam in dicta coronatione quam atibi intendebat, et ad id pro viribus se parabat ». Secutus quidem Robertus initio egregia Clementis in Henricum studia, cum illum Pontifici futurum additissimum putaret ingredientem Italiam favit, illius amicitiam affinitatemque, interprete etiam Pontifice, exoptavit ⁸; misitque Genuam oratorem, qui Cæsari Provinciæ, Pedemontii, Folkalqueriique comitatus regio nomine acceptos ritu solemniter referret. Sed cum Henricus eos comitatus beneficiarios asserere Roberto negasset Genuæ ⁹, pollicitus Romæ illorum jura donaturum, petitam affinitatem respuerit, Astam juris Pedemontani comitatus, qua Gibellinæ factionis opera erat potius, non restitueret, everteret Guelphos Roberti socios ¹⁰, et cum ejus hostilibus coitiones iniret; suspicatus est Henricum versare dolos simulato pectore, et aucta

confirmataque ex imperiali inunctione potentia, controversa velera imperialia jura, tot disceptata bellis, ab ipso repetiturum. Dolens itaque non prohibuisse ipsum ingressu Italiæ, ut stantibus adhuc Turrianis potuerat, apertum bellum movit, ut majores progressus abrumperet, in quo gesta a Roberto narrat Henricus in suæ sententiæ serie.

13. « Conföderationes tamen, conspirationes, uniones, et ligas in offensam et impedimentum processus Cæsarei una cum Florentinis, Lucanis, Senensibus et aliis nostri Romani imperii subditis in Lombardia et Tuscia, ut eos in rebellionis præcipitem et cæcilitatis foveam, omne contrarium sicut exercuisse dignoscitur per se suosque procuratores, nuntios et ambasciatores in nostræ majestatis injuriarum et offensam, et impedimentum processus Cæsarei lacere procuravit et fecit. Tractavit etiam, quod civitas Cremonæ, Parmæ et Rhegii, quæ sub nostra obedientia existebant, contra nos et imperium rebellarent, inducendo tam communia ipsarum civitatum, quam subditos nostros prædictos ad rebellionem hujusmodi, et in eis ad id pollicendo auxilium, consilium et favorem; et nihilominus gentes dicti Roberti ejus fultæ favoribus, suæque nequitie conscii et ministri, civitatem Astensem et castra Valentini casalis S. Evasii, et alias nonnullas civitates et castra provincie Lombardiæ, quæ mandata nostra juraverant, et nos in dominum recognoverant, et officiales nostros receperant et habebant, officialibus ipsis exinde violenter ejectis, nequiter occuparunt, et occupatas et occupata pro Roberto retinent.

14. « Suprascriptus denique Robertus Joannem fratrem et stipendiarios Romanæ videlicet intentione transmisit, ut Urbe, si posset, suæ perditioni dolose subjecta vel saltem turbata, in ejus periculo nefandæ seditionis inmissione dicte coronationis impediret solemnitas ». Nonnullisque interjectis, quibus ipsum iter ad Basilicam principis Apostolorum ad accipiendum imperiale insigne abruptisse queritur, et in procinctu ad omnia fuisse ac servata judiciorum forma ipsi, ut flecteret ad officium, diem dixisse, refert; alias Roberti injurias: « Ipse Robertus, dum in Urbe prædicta causa prædictæ coronationis essemus, et dilectissimi nostri Pisani, qui inter cæteros nostros subditos fidelitatis ac operis sinceritate renitent, galeas et gentes Romanæ ad nostrum servitium et honorem mitterent, galeas ipsas in nostræ majestatis injuriam invadi, spoliari et gentes prædictas capi et incarcerationi et carcere definire fecit etc. » Subjicit, ut Robertus auxiliares copias Florentinis, in quos ut perduelles Cæsareæ aquilæ motæ fuerant, submiserit, aliaque patrarit facinora: « In retardationem, ut ait, negotii Terræ-Sanctæ, ad quod, teste Deo, qui omnia novit, totis cordibus et affectibus anhelamus ». Sed dolo plena est hæc vox, cum potius juncto cum Roberto federe, et pace Guelphis restituta sacram expeditionem Henricus

¹ Post Ep. XXIX. — ² Ibid. — ³ Jo. Vill. l. ix. c. 48 et seq. Ant. vii. p. tit. xxi. c. 2. § 8. — ⁴ Jo. Vill. l. ix. c. 48. — ⁵ Apud Alb. Mussat. l. xiii. c. 3. — ⁶ Alberic. Ros. in l. Quintanus c. ad leg. jul. majest. — ⁷ Rebdorf. in Annal. — ⁸ Clem. lit. ex Arch. Avi. mon. 345. — ⁹ Nauch. vol. 2. gen. 44. — ¹⁰ Alb. Mussat. in gestis Henr. Jo. Vill. l. ix. c. 9, 15.

promoturus fuisset. Exaggeratis denique Roberti injuriis, hac eum sententia percellit:

15. « Ut culpa supplicium timeat, et virtus retributionem expectet, Roberti eligimus domare superbiam, et presumptionem erectam contere, ipsumque a statu suo quantumcumque sublimi deponere, eum praemisso sit laesae majestatis crimine reus; universis et singulis dignitatibus, quocumque titulo comprehensis, quibus se intulit et ecorat, auctoritatibus, honoribus, libertatibus, immunitatibus et privilegiis; provinciis, comitatibus, civitatibus, castris, terris, villis et aliis feudis, vassallis, bonis, rebus, juribus et jurisdictionibus universis, tam perpetuis quam temporalibus, quos, quas et quae habet et possidet, vel quasi, sen habuerunt et possederunt hactenus quomodolibet ipse vel sui praedecessores; privamus eundem Robertum rebellem, proditorem et hostem imperii, dictaeque majestatis crimine reum de toto praedicto, imperio exanimamus et diffidamus ipsum, si quo tempore in nostram et imperii fortiam pervenerit, vita per capitis mutilationem privandum, in his scriptis sententialiter condemnamus, etc. Actum Pisis in praesentia nostrorum principum et baronum, ac populi multitudinis copiosae VIII kal. Maii, regni nostri anno quinto, imperii vero anno primo ».

16. Elatus ¹ nimio in ferenda ea sententia acceptarum injuriarum dolore imperator, justitiae metas transgressus est: si enim ea ditione, quam imperii beneficio et auctoritate oblinebat, exuere potuit; nequibat tamen Siciliae regno spoliare, aut ipsi obnoxios populos sacramenti religione exsolvere: quippe Sicilia non imperii sed Apostolicae Sedis beneficio stipendiaria erat, Robertique judex legitimus Pontifex, apud quem judicium regi intendendum foret; tum etiam quae extra imperii fines commissa crimina objecerat, non ab imperatoria sed Pontificia auctoritate essent plectenda, ut abunde illum arguit Clemens in Apostolico edicto, quo Henrici sententiam ut multis injustam capitibus, ad Pontificum jus, quod Henricus invaserat asserendum rescidit. Praecipuam nos hujus edicti Pontificii partem delibamus, ad historiae veritatem illustrandam: « Regem extra districtum imperii in regno scilicet Siciliae notorie ac continue tempore supradicto morantem, citare non potuit imperator: nec citatio, si quam forsam intra imperii fines fecit, citatum extra imperium constitutum arcavit.

« Nos quoque, regis ordinarius judex, quod ad imperatoris judicium citaremus, vel citari aut remitti faceremus eundem nequaquam fuimus requisiti. Imo licet ad nos et curiam nostram temporibus illis rumores frequenter de curia imperatoris venirent, et juxta eum etiam quidam ex fratribus nostris essent; prius tamen dictae sententiae promulgatio, quam aliquid de processibus antee-

dentibus ad audientiam nostram pervenit. Denique licet rex ipse terras aliquas ab imperatore tenere dicatur in feudum, non tamen in eis, sed in regno praefato domicilium suum fovebat; unde imperator in ipsis personam nullam ratione terrarum hujusmodi, nisi ex natura feudorum debitam, superioritatem habebat. Quod si punitio criminis, intra districtum imperialem commissi, ad imperatorem forsam pertinuisse asseratur, verum est quidem, si in eodem districtu fuisset inventus delinquens, vel ad illum more remissus. Dicine ergo sententia meruit, quae a iudice, qui per regem tute adiri non potuit, et in loco notorie, ac praefertur, non tuto in absentem nec citatum legitime, ac inauditum, per consequens et indefensum non maturo fuit iudicio, sed praecipiti, et praesertim de tanto crimine, promulgata?

17. « Rursus non est silentio relinquendum, quod ipse rex noster et Ecclesiae Romanae ratione regni praedicti notorie subditus, homoque ligus et vassallus, ac in eodem regno, non ut praemititur, in imperio, certum et notorium suum habens domicilium, ac originem inde trahens, imperatori eo modo non subfuit, quod in eum crimen laesae majestatis commiserit, quantumlibet omnia in sententia supradicta contenta veritatem indubiam continerent. Sicque nedum non jure, imo nec juris colore tulit imperator sententiam supradictam in regem ex causa, quae veritatis substantiam non habebat: propter quam etiam, quatenus in eo fuit, regem eundem privando regno et regia dignitate, ac terris etiam et aliis, et jurisdictionibus perpetuis et temporalibus, quae sub eo nullatenus vel ab eo, sed a nobis et sub nobis tenebant; necnon procedendo contra regem eundem ex illis, quae per ipsius stipendiarios ac nonnullos imperatoris ejusdem subjectos per malitiam et instigationem regis ipsius contra eum fuisse commissa in urbe dicebat, cum etsi illa fuissent ibidem revera commissa, punitio tamen eorum in regem, veluti extra districtum imperii commissorum, ad imperatorem nullatenus pertineret ». Et infra:

18. « Absolvendo quoque ab omni fidelitate, obligatione, servitio, promissione ac pacto provincias omnes, civitates et castra et loca, ipsiusque vassallos et feudatarios et alios quoslibet, eidem regi quomodolibet obligatos, cum includerentur in absolutione hujusmodi terrae et personae nobis et Ecclesiae Romanae subjectae, propriae terminos potestatis suam falcem. Caeterum defectus suppletio, circa processum adhibita supra dictos, non tantum valet ad justificationem ipsorum et sententiae supradictae, quantum ad eorum sugillationem et notam, cum nullam super praemissis potestatem haberet imperator in regem, sibi alias, ut praefertur, non subditum, non citatum legitime, aut remissum, et extra districtum

¹ Clem. I. Pastoralis de sent. et re jud. c.

ipsius continue ac notorie consistentem; nec prædicta suppletio circa subditum etiam ad ea potuisset de ratione referri, per quæ de crimine, præsertim sic gravi, delato defensionis, quæ a jure provenit naturali, facultas adimi valuisset, cum illa imperatori non licuerint, quæ juris naturalis existunt.

« Ut igitur sicut memorata sententia juris caret effectu, sic auctoritate et nomine rei careat judicate, ut nec in opinione communi aut vulgi ab iis nomen habere sententiæ mereatur : ut etiam in magnum justitiæ ac pacis obsequium scandalosis occurramus periculis, quæ cum nostræ et Ecclesiæ provinciarum multarum, regnorum et gentium turbatione non modica possent occasione ipsius pro tempore suboriri; nos tam ex superioritate, quam ad imperium non est dubium nos habere, quam ex potestate, in qua vacante imperio imperatori succedimus; et nihilominus ex illius plenitudine potestatis, quam Christus Rex regum et Dominus dominantium nobis licet immeritis, in persona beati Petri concessit, sententiam et processum omnes prædictos, et quicquid ex eis secutum est vel occasione ipsorum, de fratrum nostrorum consilio declaramus fuisse ac esse omnino irritos et inanes; nullumque debere aut de hisse sortiri effectum, seu documentum aut notam asferre cuiquam, vel quomolibet attulisse : ipsosque nihilominus quatenus processerunt de facto, et quicquid ex eis secutum est vel ob eos, vel in posterum sequi possent, in irritum revocamus ».

49. *Clementinum istud decretum oppugnatum a Marsilio, defensum a Pighio.* — Declamavit postea adversus hoc Clementis decretum inipius hæresiarcha Marsilius¹, qui confitam a Christo Ecclesiasticam hierarchiam, ut Ludovico Bavaro blandiretur, evertere molitus est : non ferens enim supremam potestatem quam Rom. Pontifex in omnes Christianos nullo regie imperatorieve dignitatis discrimine obtinet, virulentam ad reges ac principes apostropham in nefariis scriptis inseruit, qua Clementis traducit sententiam, contenditque falsum esse traditam a Christo plenitudinem potestatis, qua Cæsarem edictum revocari possit. Contra cujus venenata scripta, ubi a Lutheranis evulgata tuere, scripsit Albertus Pighius², e quo hæc delibamus :

« Nec quidquam, inquit, præter nudam meramque veritatem continet Clementina illa, *Pastoralis*, cui ille tam petulanter insultat *de sent. et re jud.*, nam si, quod supra evidenter demonstravimus, ad auctoritatem capitis hierarchiæ Ecclesiæ pertinet omnia membra Ecclesiastici corporis in officio continere, excessus corrigere, eorum præsertim, qui secundum ejusdem hierarchiæ formam nulli alteri Ecclesiæ membro subsunt quam capiti, tu non vis latam ab hujusmodi atquo

injustam iniquamque sententiam posse retractari auctoritate capitis, aut si de jure non subsistat quod ille fecit, nullam declarari. Habuit, habet et habebit, etiamsi te ruperis, illam auctoritatem super universa membra Ecclesiastici corporis caput ejusdem, quod a Christo nobis institutum est : hoc autem esse Romani Pontifices successores Petri libro in et iv irrefragabiliter demonstravimus. Itaque quod ille tanquam vanitatis præco, scilicet valeat atque impotenter clamat regibus, principibus, populis, per dictam Clementinam, secundum omnem ejus suppositionem apertissime falsam, omnibus summum præjudicium fieri : omnes siquidem secundum ejus sententiam subiectos esse auctoritati Romani Pontificis, quod nullis modis ferendum vult; ego contra veritatis verus præco clamo et valenter clamo, illum esse lividum detractorem veritatis, non præconem sed hostem et adversarium, pietatis eversorem, et pro pace, cujus se defensorem prædicat, Ecclesiam Christi confundere turbis, rixis, seditiombus, bellis innumeris. Vobis quoque dico principibus, regibus, populis, omnibus denique, qui se gaudent intra Christi ovile contineri, ut libenter, diligenter, et humiliter illi subsistat, cui Christus mandavit sui ovilis curam et regimen. Nulli hoc cuiquam fore præjudicio, sed lucto maximo : hæc enim via illam felicitatem assequemini, ob quam in hoc Christi regnum congregati sumus. Tu mihi dic, qui pacem defendere te prædicas, quo pacto pacem conservabis in domo Ecclesiastica, nisi omnem in eadem auctoritatem civilem subdas auctoritati Ecclesiasticæ hierarchiæ capitis ? Sunt in domo Ecclesiastica principes multi, civilesque magistratus gerentes, quorum nemo subditur alteri, nec alium supra se recognoscunt principantem civititer, ut imperator, rex Galliæ, rex Hispaniarum, Angliæ Scotiæ et alii plurimi inter hos si quando surgit questio et controversia nisi illos subesse volueris communi totius Ecclesiæ capiti, cujus est membra omnia officio continere, pace et concordia, numquid non erit necessarium, ut continuo armis decernatur omnis exorta inter eos controversia ejusmodi ? Numquid non continuus bellis tumultuabitur domus Ecclesiastica ? Quod si contra hos facies omnes diligenter fideliterque, ut tenetur, subesse communi totius Ecclesiæ capiti, numquid ille sua auctoritate cui obedire debent omnes, qui Christiano censentur nomine, non facile componet exortas omnes questiones et controversias ? Numquid pro continuis bellorum tumultibus, quæ tu defensor pacis inducis, excitas, foves, tot in Ecclesiastica domo principes, nec sibi immutuo, nec illi superiori subiectos constituens, non viderimus in eadem vigere pulcherrimam pacis pulchritudinem ? Et quæ est alia causa bellorum inter nos plusquam civilem, quibus Christiani fratres in viscera fratrum innocentum ferrum stringimus, nisi quia principes nostri infideles et inobsequentes filii ? Nisi

¹ Marsil. in defensione pacis. — ² Pigh. de hierarch. Eccl. l. v. c. 12.

quia a te, tuique similibus pestilentissimis consiliariis ducti vestris persuasionibus ejusmodi pii patris Ecclesiasticæ hierarchiæ præsidis, ipsos omni studio ad Christianam pacem exhortantis monitis, in totius Christianæ reipublicæ confusione, perniciem, et excidium rebelles et contumaces sunt?» Hæclemus Pighius. Cæterum Marsilii veneno imbutus Ludovicus Bavarus postea in Francfortensibus cælibus, dum Romanorum Pontificum quætere auctoritatem moliebatur, apud Ecclesiæ perduelles quæstus est inter alia, editam fuisse a Clemente superiorem Constitutionem, quasi Cæsareæ dignitatis fastigio detraheret. Sed demum cecidere irriti ejus conatus, vixitque Romana Ecclesia, atque a Carolo IV imperatore, ut suo loco dicitur, omnia Bavari gesti rescissa sunt, ac principes suæ temeritatis veniam a Pontifice poposcerunt.

20. *Bellicus apparatus in Robertum.* — Antequam vero memoratum decretum ederet Clemens, Apostolicas curas ad propulsandum a capite Roberti regis, quem gratia prosequebatur, atque etiam nonnullis difioni Ecclesiasticæ obnoxius urbibus præferebat, imminens periculum, ac regnum Ecclesiæ vectigale defendendum adiecit: Henricus enim, omissis Florentinis, a quibus ipsius exercitus male acceptus fuerat, belli molem vertere statuerat in Robertum, cui Florentinos ad quinquennium, eoque habente ad triennium aliud reipublicæ gubernacula delulisse, cum se imperatoris sustinendæ potentie impares fore meluerent; eorumque exemplo Lucanos, Pistorienses, ac Præternes ipsum sibi præfessice, refert Joannes Villanus¹, cum eo everso, cæteros ad obsequium procubituros spes esset. Ulque victoria facilis pollicetur, cum Friderico rege Trinacriæ ac Genuensibus armorum societatem junxit, præcepilque ut ingentem frumentum ac navium numerum compararent: in Germania novum militum declectum imperavit; atque in Insubria et aliis Italiæ locis Gibelline factionis sequaces ad signa jussit concurrere. De quo bellico apparatu hæc Albertinus Mussatus historiæ commendavit²: «E Ianna galeas xxv, e Pisis xii, cum armamentis apparatibusque ad omnem belli navalis congressum disponens; jamque portibus expositis nullis induciis munus suis copiis computavit: has ultra Fridericus Siculorum rex octo et viginti promptissimo obtulit obsequio. Incebit hoc per Italiæ civitates longe lateque novum, quod et trans Gallicas Alpes allatum est, invadendum in Apuliæ regno Robertum multa classe, viribusque illi pertimescendum; unde ad Philippum Francorum regem indicante Roberto delatum est, etc.» Subjicit auctor, ut Philippus rex Francorum, qui nullam antea suspicionem de Henrico, ut qui in regia Gallica militari balltheo cinctus, et in equestri munere educatus fuerat, in Gallicum nomen

conspiraturum; ea percussus fama, luendum Robertum, impendendique inde rei Christianæ pericula avertere decreverit: ac primum oratorem ad Pontificem, ut Henricum a copiis coaceret, additis hæc litteris³ submitit:

«Sanctissimo in Christo patri domino Clementi, divina providentia sacrosancte ac universalis Ecclesiæ summo Pontifici, Philippus gratiæ Dei rex Francorum, devotum pedum oscula beatissimum.

«Ad nostrum alias quorundam magistrorum relatu, et nunc ex assertione charissimi consanguinei nostri principis Achæie pervenit auditum, quod magnificens princeps Henricus imperator Romanorum, Apuliæ, Siciliæ et alias terras proprias illustris principis Roberti regis Siciliæ consanguinei nostri charissimi debellare proponens, ad ipsius exheredationem suos intendat exercere conatus, turbando pacem universam Christianorum, impediendo negotium passagii Terræ-Sanctæ in universale et specialiter Romanæ Ecclesiæ, ejus dictæ Terræ patrimonium proprium esse dignoscitur, excidium et jacturam. Cum igitur nos prædicti regis Siciliæ, qui de consanguinitate nostra traxit originem, et de nostra domo regia processit, exheredationem non de facili sustinere possemus, beatitudini vestre super hoc alias scripsimus, ut consideratis incommodis, quæ ex præmissis si, quod absit, contingerent, sequerentur, ad occurrendum tantis et talibus periculis velit vestra sanctitas in hac parte de competenti remedio celeriter providere, ne propter hujusmodi incommoda possit dictæ Terræ-Sanctæ negotium retardari, vel totaliter impediri. Verum cum imperatorem in prædictis non intellexerimus suum propositum divertisse, quinimo paret se diebus singulis ad eadem, vestram iteratis precibus clementiam deprecatur, quatenus imminentibus periculis occurrentes, prout ad vestrum spectat officium, in prædictis sic celeriter tale remedium apponatis, quod precis pulchritudo servetur, negotiumque passagii Terræ-Sanctæ, quod alias fieri posse non credimus, impediri non debeat aut turbari, et ne cum velletis super his aliis alias occurrere, tunc commode non possitis; dictumque regem et subiectos dignetur vestra sanctitas specialiter recomendatum habere. Dat. Parisiis xii Maii».

21. Flagitasse inter alia regios oratores a Clemente, ut potius latam ab Henrico in Robertum sententiam Pontificia auctoritate convellerent, quam rescindi ab Henrico imperaret; id vero a Pontifice postea factum narrat Mussatus: præterea Clementem Philippi oratoribus respondisse, tres cardinales legatos ad Henricum ituros, ut immunitia ea bella componerent; cumque validiora a Pontifice remedia adhiberi exposcerent Philippi oratores, Clementem tum ad tuendum Neapolitanum regnum Ecclesiæ vectigale, tum ne decreta

¹ Jo. Vill. l. ix. c. 55. — ² Muss. l. xvi. c. 2.

³ Ext. apud Albert. Muss. l. xvi. c. 3.

in Concilio Viennensi Philippo illius imperatore expeditio Syriaca disturbaretur, cum necesse esset Gallicana arma in Henricum averti, anathemate omnes, nullo regie imperialisque dignitatis discrimine, percussisse, qui bello citeriorem Siciliam adorirentur. Concepta est hisce verbis Apostolica sententia ¹.

« Clemens, etc. ad perpetuam rei memoriam.

« Nuper, multorum fida relatione percepto, quod nonnulli in diversis locis et partibus preparabant stolium galearum, et alios faciebant bellicos apparatus, quosdam ipsorum ex certis tenebat conjecturis exorta suspicio, quod regnum Siciliae seu terram citra farum, quae de regno ipso fore dignoscitur, quae ad nos et Rom. Ecclesiam pertinent pleno jure, et quas charissimus in Christo filius noster Robertus rex Siciliae illustris, nunc pro Ecclesia praedicta vassallus, a nobis et eadem Ecclesia tenet in feudum hostiliter invadendum vel offendendum, stolium et apparatus huiusmodi, quamvis hoc vix possimus credere, parabatur; nos Ecclesiae praefate ac nobis, et regno et terrae praedictis, quae velut recreationis nostrae pomerium delectabiliter intuemur, et in Apostolici pectoris medio praemulta dilectione portamus et adversus talium molimina providere volentes, ac periculis animarum, corporum detrimentis, bonorum dispendiis, et gravissimis scandalis, et irreparabilibus incommodis Terrae-Sanctae, quae possent ex iis, si procedi quod absit, ad illa contineretur, merito formidari, salubriter obviare, praesertim cum simul parati omnibus de ipso rege Siciliae conquerentibus iustitiam exhibere, universis et singulis clericis et laicis, cuiuscumque conditionis, ordinis, status, dignitatis, vel praeminentiae fuerint; etiamsi Pontificali, vel imperiali, sive regali aut quacumque alia praefulgeant dignitate; ac universitatibus, communitatibus, et civitatibus quibuscumque, auctoritate Apostolica districtius inhibemus, et expresse praecipimus, ne dictum regnum aut terram, seu partem vel aliqua eorum, vel alterius eorumdem loca per terram vel mare, quocumque colore quæsito, invadere vel offendere, aut propter hoc recipere vel exhibere stipendia, sive galeas seu alia vasa maritima dare, locare, commodare, titulo quocumque concedere, seu remigare in eis, vel eadem galeas seu vasa conducere quovis modo praesumant; sive prestare super his praesumptis ipsis auxilium, consilium vel favorem, directe vel indirecte, publice vel occulte.

« Nos enim in omnes et singulos qui contra inhibitionem et mandatum huiusmodi venire praesumpserint, etiamsi, ut praedicitur, Pontificali, aut imperiali, seu regali vel quavis alia praeminentia dignitate, de fratrum nostrorum consilio excommunicationis, quam eo ipso incurrant sen-

tentiam promulgamus: eorumque terras et loca ipsorum et quaslibet alias communitates ac universitates et civitates, contra praemissa vel praemissorum aliquod attentantes, Ecclesiastico subiecimus interdicto, etc. » Infligit alias poenas omnibus privilegiis, muneribus, honoribus ac bonis, quae ab Rom. Ecclesia acceperint, deturbatum iri: praeterea prout ipsorum temeritas in se Pontificiam severitatem exasperavit, legum acerbiter intendant. « Actum apud Castrum Novum Avenionensis dioec. in palatio ipsius Castri II id. Junii, Pontificatus nostri anno viii ».

22. *Invasa Calabria ab Henrico contra Clementis decretum.* — Non ex edicto Apostolico Henricus imperator ac Fridericus rex a susceptis perdendi Roberti, invadendaeque Siciliae consiliis revocati sunt, sed ad bellum se comparare perrexerunt: Genuenses enim, urgente Henrico, Irvemes imperatas instruxerunt, ac praefecto classis Lamba Oria cum Pisanis in Siciliam citeriorem vela direxerunt: Fridericus vero rex Trinacriae praescripta die, quinta scilicet Augusti, Messana solvit, confecta quinquaginta trirremium classe, atque in Calabriam excursionem facit, Rhegium et alia loca in suam potestatem redegit, ac plures adversus Robertum rebellionem movere. Ne autem huiusmodi Siculi regis hostes pietatem ex animis, spretis censuris Apostolicis, quae in Siciliae invasores propositae erant, eiecisse viderentur, Pontificiam sententiam in eum sensum delorsere, non defigi anathemate eos, qui Robertum regem lacerent, modo ab inferendo regno ullo damno sibi temperarent. Ad quorum futes cavillationes refellendas novo Diplomate VIII idus Septembris edito promulgavit Pontifex, omnes qui Roberto aut Siculis ullam inferrent injuriam, sive regia sive Augustali dignitate pollerent, quibus verbis Henricum et Fridericum designabat, anathemate aliisque poenis percelli.

23. « Clemens, etc. ad perpetuam rei memoriam.

« Noviter ad nostri Apostolatus auditum publica fama non absque grandi admirationis causa perducto, quod nonnulli, pacis utique æmuli, mundi, veritatis et odii incentores, suum quærentes in magnatum forsanurbationibus sabbatismum, suaque in alienis dispendiis commoda prosequentes, damnabili praesumunt praesumptione asserere, perversaque persuasione non metuant suadere, quod nostri processus ad invadentes seu offendentes personam, ut eorum utamur verbis, Roberti nati claræ memoriae Caroli Secundi intra dictum regnum, dummodo tales offensores seu invasores dictum regnum alias non intendant offendere vel invadere, minime se extendunt; nos quanquam vis verborum processuum praedictorum et verba, nostraque intentio temerariam ipsorum calumniosamque interpretationem clare refutet, et refellat aperte; nec profecto apud sane intelligentes vertatur, sicut nec verti debet,

¹ Lib. viii. Ep. cur. cx. ext. etiam apud Muss. I. xvi. c. 3.

in dubium, quin sententia in dictis per nos processibus promulgata, etiam ad praefectos invasores seu offensores dicti Roberti regis Siciliae intra regnum et terram praedictam; quinimo et ad quorumcumque regnicolarum et aliorum intra dictum regnum existentium invasores, seu offensores huiusmodi se extendant, etc.» Additis ad dissipandas huiusmodi artes, atque excusationum colores delendos, anathemate penisque aliis gravissimis incussis cunctis, sive regia sive imperiali dignitate fulgeant, prohibere, ne in Siciliam hostili furore irumpere, aut grassari mari audeant, aut Roberto regi Ecclesiae fiduciaro quoquo modo ullam injuriam inferre; tum subdit: «Prohibemus expresse, ne huiusmodi seu priores nostros processus et sententias, quas in suo robore volumus permanere, interpretari aut exponere, seu intellectum et sensum ipsorum et verborum in ipsis contentorum interpretando vel exponendo malitiose ad aliud, quam littera ipsa sonat, distorquere aut in aliquo depravare praesument. Nos enim in universos et singulos, contra prohibitionem huiusmodi facere praesumentes, excommunicationis sententiam promulgamus, etc. Dat. in prioratu de Grausello VIII idus Septembris, anno viii».

21. *Henrici imperatoris obitus, et illius in Romanam Ecclesiam consilia.* — Discusserat jam divinum Numen Roberto regi Ecclesiae studiosissimo impendens discrimen, sublato paucis ante diebus Henrico imperatore infensissimo ejus hoste, qui cum acceptarum nimis injuriarum lenax vibratum a Christi vicario in Siciliae regni Sedis Apostolicae vetricialis invasores Ecclesiasticum fulmen sperneret, et censuras inani verborum furore deludere arbitrarer, praeferretque ultionem Christianae reipublicae paci, inopinata morte in ipso imperii limine cursuque victoriarum extinctus est. Ipsum censuris devinctum fuisse, neque ea religione solvi poposcisse, refert subjectis verbis Bernardus¹: «Tandem praefatus Henricus, non sano usus consilio, contra juramenta fidelitatis et promissionis per eum praestita veniens, et jura Ecclesiae Romanae offendens, discordavit cum praefato Clemente papa, ut legitur in Clementinis Constitutionibus. Extra de jurejurando Romani principes, et factis processibus contra eum, tandem idem papa in eum excommunicationis sententiam promulgavit. Hic Henricus imperator, nullo absolutionis beneficio petito nec obtento ab Apostolica Sede ab excommunicationis sententia contra eum lata et sibi prius intimata, obiit apud Bonum-Conventionem in Tuscia, in festo S. Bartholomaei, regni sui anno v, Dominicae vero Incarnationis anno mcccxi, delatumque fuit corpus ejus apud Pisas et sepultum in Ecclesia cathedrali». Scribere recentiores, necatum veneno Henricum, atque in crimen vocare ipsius confessorium, virum religiosum Ordinis Praedicatorum, quem aiunt a

Guelpha factione subornatum sacram hostiam veneno livisse; alii venenum in calice, cum absolutionem porrigeret, miscuisse. Sed ea calumnia a pietatis oribus aspersa tam facile refellitur quam objicitur, cum lex recentiorum auctoritate nitatur: at si quid praeter communem ordinem triste acciderit, cur non in divinas iras causa referri possit, cum censuras Pontificias sperneret. Ceterum veteres hiistorici morbo naturali ipsum periisse affirmant, inter quos Jordanus haec tradit²: «Profectus (nimirum Henricus), usque Orontem fluvium, peracta cena, in fluvii ripa descendens, tinctis ob refrigerationem in aqua cruribus, subeuntem sensit languorem, et compta sub dextri cruris humi pastula, quae anthrax vocatur, nocem duxit innoctem: et dato mane signo tollendorum castrorum, Bonconventum properat, pagum xii millibus a Sena distantem, ibique viam universae carnis ingressus est, regni sui anno v, imperii autem primo, mense uno et diebus xxiv, in festo S. Bartholomaei». Consentiant Joannes Villanus³, S. Antonius⁴, Ptolemaeus Lucensis in historia Ecclesiastica Ms.⁵ (quam a recentiore pravam glossam adjectum sit) et Albertinus Mussatus qui triplicem mortis causam adducit⁶, inter quas praecipua ea fuit, concepta nimirum in latere vomica, effuso scilicet in pleuram ex nimio aestu et labore sub ardenti caelo sanguine, deinde ex captata perfrigeratione concreto, Auctoris verba ad confutandas nonnullorum recentiorum calumnias, et ineptas novatorum quaestiuunculas adducenda visa sunt.

25. «Triplex, inquit, illi interitus causa deprehensa est, una innata sub genu lethalis ulceris, quod physici anthracem vocant: altera scisse ab stranguria vesicae, quo morbo assidue laborabat: tertia pleuresi, quam misso jam spiritu vomuisse constitit. Admirabilis haec mortalibus, et veluti fatalis nota loci ac diei interventionem identitatis: cui admirationi Corradini de Stoph adiciebatur ejusdem sancti Bartholomaei memoranda festivitas, qua et ipse in Italia ab Carolo rege conditus capitale post supplicium sustulit. Cavenda nimis sacrosanctae matris Ecclesiae offensa Christiocolis, cum et hujus praedecessorem fuderit Apostolica sententia Fridericum, in quem cum prole tota veluti fulmen jaculata irreparabile tulit exitium. Et hic quoque Henricus, faecundae pacis vexillo in Italiam auspiciis ductus Ecclesiae, quae voluit obtinuit, simul ariditate fortuna: verum mutatis velis, veris ad oppositum gubernaculis, adverso sidere soluta classis profundum petit siquidem rescripti jam sola mente transgressor Apostolici, quo inhibitus Roberti regnum invadere, adverso ferente spiritu, suoapte frustratus ingenio adjuratum sibi Fridericum Siciliae dominatorem ad Ca-

¹ J. rd. Chr. Ms. Vat. sign. num. 1960. — ² Jo. Vill. l. ix. c. 51. — ³ Ant. iii. p. lli. xxi. c. 2. § 8. — ⁴ Ptol. Luc. Hist. Eccl. l. xxiv. c. 10. — ⁵ Muss. I. xvi. c. 6.

⁶ Bern. libel. de Rom. imp. Ms. Vat. libl. sign. num. 2613.

Henricum indignatum Romanis Pontificiarum partium sequacibus, comminatum si ad Urbem accessisset, acerbis in eos effluviare suppliciis; tum Urbevetere gravem adeo concitasse dissensionem, ut Gibellini contra Pontificios duobus diebus certamen consueverint, infelici tamen exitu.

27. Refert etiam Henricum classis suae praefecto ex arcano dedisse imperia ¹, ut cum Terracinanam applicuisset vigesimo septimo ab Urbe miliario, anchoras deligeret, ipsumque praestolaretur; tum spe et cupiditate jam universum regnum Neapolitanum beneficiarum Sedis Apostolicae Friderico Trinacriae rege socio occupasse. Quia in re insigni perjurii flagitio sese devinxit quippe qui suscepturus augustale insigne cardinalibus hunc sacramento spoponderat: « Ego Henricus rex Romanorum imperator promitto, spondeo et polliceor coram Deo et B. Petro, me de cetero protectorem et defensorem fore Pontificis et sanctae Romanae Ecclesiae in omnibus necessitatibus et utilitatibus suis, custodiendo et conservando possessiones et honores et iura ejus, quantum divino fultus adjutorio fuero, secundum scire et posse meum recta et pura fide. Sic me Deus adjuvet et haec sancta Dei Evangelia ». Quia etiam hoc sacramentum imperialibus sacris delibutus ratum habuit, litterisque pervulgavit ². Praeterea, antequam Italianam expeditionem duceret, Lousane Joanni Molans Pontificio intermedium haec iurejurando pollicitus erat, cinctusque diademate coram cardinalibus confirmarat ³: « Ratificamus, confirmamus, recognoscimus, immovamus et de novo concedimus omnia privilegia Constantini, Caroli, Henrici, Othonis IV, Frederici II atque Rodolphi regum et principum seu imperatorum Romanorum, quocumque tempore concessa, super quibuscumque, cujuscumque continentiae vel tenoris existant, sanctae Romanae Ecclesiae, Romanisque Pontificibus et Apostolicae Sedi ».

In eorum vero imperatorum litteris contineri Siciliae citioris donationem, exploratum est atque Othone, Fridericum II et Rodolphum profectos, Siciliam supremi juris Romanae Ecclesiae esse, ac Rodolphum ⁴ discrete Siciliam non invasurum pollicitum, tum suis locis diximus, allatis eorumdem principum monumentis, tum etiam Othone IV ob affectatum contra iusjurandum Neapolitanum regnum ab Innocentio III exauctoratum fuisse; adeo ut perjurii et proditoris in Romanam Ecclesiam nota ab Henrico etiam non possit, qui ad augendas res suas multis sacramenta de Ecclesiastica ditavit, regnoque Neapolitano non invadendis ad religionis speciem nuncuparat, quae deinde Italiae, expleta ex Pontificis absentia occasione, sibi subiiciende desiderio violavit; at-

que ad pompam tantummodo pervulgata his temporibus fallacia, bellum in Saracenos meditari iactaverit, dum atrocissima inter fideles bella ferebat, quae perfidus illius assentator Pisannus archiepiscopus inter multas blasphemias voces adversus Clementem, Henrici cupiditatis injustis reluctantem, effusas initia redemptionis Terrae Sanctae, ut refert Mussatus ⁵, appellabat; unde divina ultione in ipso consiliorum improborum molimine oppressum Henricum existimari potest, ut jam ante indicatum est.

28. Nec leve pariter si asperserat Henricus maculam, cum Romano Pontifice pacem ipsam inter Robertumque adducere meditante, atque litteris suis sacramentum fidei, quo Sedi Apostolicae se ille obstrinxerat, inculcant, ut ipsi rei componende arbitrium deferret, adeo in iras precipitem effudit animum, ut accersitis pluribus tabellionibus contestatus sit, ac Tabulis publicis consignari jussit, nunquam se Romano Pontifici fidem devinxisse. Cujus exempli perniciem ne in futuros Romanorum reges atque imperatores dimanaret, Clemens, insignem Apostolicam Constitutionem ad tuendam Pontificis Romani auctoritatem dignitatemque edidit ⁶; qua, ubi paucis prolusit Christianos imperatores triumpho duxisse sacramenta ab Henrico paucis ante diebus extincto, aliisve regibus et imperatoribus praestita praestandae a successoribus, sacramenta fidei appellavit: « Ne quis, inquit, in Romanum assumptus principem vel in posterum assumendus, an juramenta hujusmodi per dictum Henricum imperatorem praestita, et per successores ipsius in futurum praestanda fidelitatis existant, in dubitationem deducere audeat vel super his contrarium adstruere veritati, auctoritate Apostolica de fratrurn nostrorum consilio declaramus, illa juramenta praedicta fidelitatis existere et censi debere ».

29. *Mortuo imperatore, rerum in melius commutatio.* — Quae porro, sublato Henrico e vivis, sunt secuta, narrat S. Antoninus ⁷, tempestatem illam immanem, quam in Robertum Siciliae regem movebat Henricus, repente sedatam, dissolutum imperialem exercitum, Genuensium Pisanorumque classem dissipatam, inter quos postea magnae rerum conversiones configere: Friderici Sicili pariter terrestres copias in Gualterium ductis in Trimerium se subduxisse, maritimas disjectas irrito conatu domum redisse; Gibellinos vero, qui in Etruria cum Henrico contionem fecerant, e spe maxima in metum non minorem turbatos. At contra Guelphos ex clavis extremae terrore ad pristinas libertatis spes assurrexisse, describit eleganter Mussatus ⁸: « Hujus, inquit, regis interitus nos ad lucem e tenebris, illos ab

¹ Supl. I. XVI. de gest. Henr. c. 5. — ² Ext. in I. Priv. Rom. Eccl. tom. III. p. 412 et 347, et in arce S. Aug. et in M. V. lib. sign. lit. B. num. 12, pag. 378. — ³ Ext. de eo Henr. lit. Ms. Vall. B. num. 12, p. 284. — ⁴ Ann. tou. XII. an. 1207, num. 11. — 1215, num. 35. et tou. X. y. an. 1270, num. 28, 29, et an. 1270, n. 6.

⁵ Alb. Mus. I. XVI. c. 5. — ⁶ Ext. Clem. Roman. de jurac. — ⁷ A. t. III. p. lit. X. lib. c. 2. § 8. — ⁸ Muss. de gest. Ital. p. 8. mortem Henr. l. I. c. 4.

luce coniecit in tenebras : hi vestes lacrymis respersere lugubres, affectus illi dulcibus extulere letitibus. Zelatricis imperii civitates functum tristibus prosecute lamentis, luculentos nutibus ac gestibus ostendere successus, parum fidentes rebus humanis in tante aliusione fortune. At per ceteras qualis ante non fuerat ostensa felicitas; expiatam mundo cladem, supplices matres sacra piis muneribus instaurabant altaria, clerus sublatiis crucibus longo coetu cum laicorum ordinibus urbes ambibat, precedentibus mithratis antistitibus summo uti placato Deo laudes psalmorum concentu conclamans datori pacis post tante calamitatis angustias : ardentes noctu faces urbes lustrabant, solaribus aequata fulgoribus : novis amici vestibus populi eorumque hastarumque variis insultere praeludiis : per vicos et lora feminarum coetus lassius exultare virorum licentis : clauso iustitio forenses siluere cause, et singula tacere iudicia, apertis ex indulgentia lala carceribus : acta sublimes Bartholomeo laudes Apostolo, xenique decreta in ejus annua festivitate perpetua, qui in lapsos populos imperii cruciatibus jam bis Apostolica pietate prospexerat, luso Coradino de Steph, et hoc Henrico vita sublato. Sic veluti mutatis mundi vicibus, mutati singulorum affectus, et diversa mundi facies gentes alteravit Italicas ».

30. Obortos exinde novorum bellorum motus inter Siciliæ ac Trinacriæ reges, cum Robertus de Friderici peridia ulationem, occupataque ab hoste Calabrie partem et Trinacriam repetere vellet, narrat subjectis verbis memoratus Mussatus ¹ : « Lacessitus a Friderico Aragonensi, Siciliæ dominatore, Robertus Apulie rex, qui Henrico junctus Cesari regno orbandum ipsum pariter constituerat, inque ejus necem exitiumque pariter conjurarat, quamquam post, illo extincto complice, ipse Calabriam terram ingressus Rheginos deditione civitatis sibi asseverat, ad reliqua indeficienter processurus ; ipseque undecumque copias suas augendas, ut tanta molientem retunderet, decernit : nec ea dumtaxat repulsa, si prospere res succedant contentus ; sed ad veterem dirimendam novo bello regni Siciliæ litem, quam Bonifacius papa VIII semiplicatam multo studio reliquerat, animum crexit ». Percitus eo metu Fridericus delatam a Pisanis urbis præturam respuit ². Illi itaque Ugentinum Fagiolanum Guelphorum Etruscorum metu sibi præferre ³ : quos etiam Jacobi regis Aragonum Sardinia jura armis repetere meditantis terror angebat ⁴. At intermissum a Jacobo Sardinicum bellum, extractumque in aliud tempus, refert Surita ⁵, de quo agetur inferius : nunc ad Venetos digredimur.

31. *Venetis supplices ab interdicto liberati, privilegii redintegrati.* — Decreverat ⁶ illi jam

ante ob Ferrariam oppugnatam an. mcccx Carolum Quirinum et Franciscum Dandulum oratores, isque concordie tractatus, cum non levibus implicatus difficultatibus esset, ad triennium fuerat productus : cum interea temporis excedente e vivis Petro Gradenico, qui Ferrariam ditioni Venete adjungere erat molitus, Marinus Georgius anno hujus seculi undecimo vigesima tertia Augusti die habenas reipublicæ ecessivis : cujus ducatus toto tempore Venetam provinciam sub anathemate luxisse, refert Appendicis ad historiam Andrea Danduli auctor ¹, coque post menses decem ac dies totidem infelici imperio ac vita abeunte, Joannes Superantius die Julii decima tertia superioris anni dux renuntiavit, ut eam habem amoveret, omnes nervos intendit. Demum composita controversia Clemens censuras omnes, quibus Venetos ob invasam Ferrariam ac sepius bello tentatam devinxerat, Apostolica auctoritate dissolvit, dato ea de re ad eundem Joannem Superantium ducem ac senatum Diplomate ² VII kal. Februarii consignato, in quo, ubi lusa oratione descripsit inflictas ab ipsis vivo duce Petro Gradenico injurias, atque irruptiones hostiles : tum incussas iis a legalis atque ab Sede Apostolica censuras de quibus ante suo loco egimus, subjicit :

32. « Postmodum Deus et pater luminum, misericordiarum Dominus insensibilitatis præfate duritiam rore suæ infusionis emolliens, vosque de tenebris vocans in delectabile lumen suum, sic cordium vestrorum oculos illustravit, quod devota penititudine ducti ad Ecclesiæ suave gremium saniori directi consilio rediistis, et per dilectum nobilem virum Franciscum Danduli et quondam Carolum Quirinum de predicta terra Venetiarum, adhuc viventem, vestros et dicti Petri syndicos et procuratores ad hæc pro vobis et eodem Petro, (de Gradenico olim duce loquitur), et toto districtu vestro, singulis personis ipsius, dictisque subditis et fidelibus vestris plenum et sufficiens a vobis et ab eo mandatum habentes, (publicas ea de re a duce ac senatu datas Tabulas jam ante suo loco attulimus) ³, quos propter hæc ad Sedem Apostolicam destinastis, super prædictis excessibus, injuriis, damnis et violentiis ; occupationibus, spoliatione seu spoliationibus, depredationibus et molestiis, ac omnibus aliis et singulis supradictis, nostram et ejusdem Sedis gratiam et misericordiam implorastis humiliter ; et cum multe reverentia et devotionis supplicastis instantia, quod vos et alios dictis ligatos sententiis ab eis tem absolvere, dictosque relaxare processus et penas remittere dignaremur, se pro vobis, (nimirum Joanne Superantio, qui exercitum in ditionem Ecclesiasticam infuderat, ac senatu,) Petro, (Gradenicum defunctum intelligit), ac aliis supradictis,

¹ Muss. l. II. De gestis Ital. c. 51. — ² Jo. Vill. l. IX. c. 5. — ³ Id. eod. c. — ⁴ Clem. l. IX. Ep. com. CCLXXXIX. — ⁵ Sur. ind. l. II. — ⁶ An. Chr. 1310, num. 152.

¹ Ms. Append. ad hist. And. Danduli. — ² Clem. l. VIII. Ep. com. CXX. Ext. typis cusa an. 1600. ex Vat. typis. inter moneta et ediderat, excom. cont. Venet. — ³ An. Chr. 1310, num. 31.

(ii erant Vitalis et Michael, qui Ferrariae praefecturae gesserant,) quorum nomine procuratores erant et syndici, ut praedictur, constituti super eisdem excessibus, injuriis, violentiis atque damnis, occupationibus, spoliatione seu spoliationibus, depredationibus, molestiis et omnibus aliis supradictis, et eorum quolibet; nostris et Ecclesiae praedictae stare et parere mandatis et beneficiis offerentes. Et tandem in nostra et fratrum praedictorum praesentia in consistorio publico clericorum et laicorum adstante copiosa multitudo et constituti in vestras et Petri ac aliorum animas praefatorum super his juramentum super sancta Dei Evangelia ab eisdem corporaliter praestiterunt.

33. « Et licet Petrus praefatus postmodum decessisset, dictus tamen Franciscus syndicus, te Joanne duce praefato ad hujusmodi ducatus dignitatem assumpto, (inter Petrum Gradenicum ac Joannem Superantium medius ducatum tenuit, ut indicavi, Marinus Georgius, quo rempublicam moderante copius concordiae tractatus intermisit.) ab instantia hujusmodi supplicationis non destitit; sed continue apud Sedem Apostolicam moram trahens, super praemissis pro vobis Joanne duce ac consilio et commune et aliis antedictis nostram et Ecclesiae praefatę gratiam et misericordiam, ut prius, suppliciter imploravit.

« Nos vero, qui talem nostri clementissimi Salvatoris, cujus tenemus vices in terris, erga filios hominum novimus pietatem. Et infra: « Qui ipsos, cum de profundo malorum ad viam redeunt veritatis, desuper abundantem miserationum suarum multitudinem suscipit, nec eos quantumvis exiguae conversionis mercede patitur vacuari, vestigiis inherentes; et illius celestis patris familias, qui de regione longinqua filio redeunti misericordia motus occurrens, desideranter in oscula prorupit, illius exemplis saluberrimis moniti, et divinis institutionibus informati; vobis quamvis gravitas excessuum praedictorum, grandium penarum acerbitas importet, ejusdem matris Ecclesiae brachia liberaliter aperimus, in amplexus et oscula filialis dilectionis occurrimus, vobisque stola prima munda et nuda renovatis, Franciscum syndicum supradictum, in vestros et singulorum subditorum ac fidelium et Vitalis praedictorum, et uniuscujusque vestrum et ipsorum personas, etiamsi persone Ecclesiasticae forent, a dictis excommunicationum sententiis eadem auctoritate absolvimus, et processus omnes et singulos, ac penas, sententias, aggravationes, per nos et cardinalem ac nuntios supradictos, et quomlibet eorum vel alium seu alios, de mandato ipsorum, seu quemvis alium contra vos et terram, fideles et subditos vestros, et clericos ipsius terrae vestrae Venetiarum, habitos, promulgatos et factos; necnon et inhabilitatis notas, quas vos et iidem fideles et subditi, dictaeque terrae vestrae Venetiarum clericis incurristis; ac confiscationes de vestris et fidelium et subditorum eorundem bonis, et in-

terdictiones contra vos et eosdem fideles et subditos occasione praemissorum, ut praemittitur, factas; de speciali gratia remittimus, tollimus et etiam relaxamus: vosque et eundem terram vestram Venetiarum, communioni, participationi et commercio fideliū eorundem, omnibusque privilegiis, libertatibus, immunitatibus, feudis, juribus et bonis immobilibus, quae habebatis in dictis civitate Ferrariensi et districtu vel alibi; ac bonis mobilibus, quae habetis, tenetis vel possidetis per vos vel per alium, seu alios ubicunque; et honoribus, habilitati, famae ac statui pristinis; etque specialiter duces eidem dignitati ducatus, dictisque pristinis. Omne ac statui, honori et alias plene et in integrum restituimus et redintegramus totaliter de gratia speciali.

« Notarios quoque ipsius terrae vestrae per dictas nostras sententias rebellionis privatos officio ad ipsum officium plene restituimus, de cunctis de Apostolica plenitudine potestatis, instrumenta postmodum confecta per eos plenam obtinere roboris firmitatem. Vassallos equitem et fideles vestros in obligationem, qua tenebantur vobis tempore processuum praedictorum, reponimus et reducimus, ipsosque illi volumus subijcere. Hos autem ex vobis, aut fidelibus, vel subditis vestris, si qui forsitan de nostro, aut cardinalis sive nuntiorum praedictorum mandato vel auctoritate per quescunque clericos vel laicos, communitates aut universitates detineantur ubique terrarum, volumus juxta juris exigentiam relaxari. Cum eisdem vero personis Ecclesiasticis, quae contra praedictos nostros, aut cardinalis seu nuntiorum praedictorum, et quomlibet aliorum processus ratione praedictorum, quavis auctoritate habitos veniendo, excommunicationis sententiam incurrerunt; ipsaque ligati sententia celebrando divina, vel immiscendo se illis, non tamen in contemptum clavium, irregularitatis maculam contraxerunt, sique ligati se fecerunt ad ordines promoveri, dummodo alias rite statutis a jure temporibus ad eos ordines sint promoti, super eadem irregularitate, et quod in eisdem ordinibus licite valeant ministrare, et ad superiores etiam promoveri, et quolibet Ecclesiastica beneficia cum cura vel sine cura, etiamsi dignitates, personatus, officia, vel administrationes existant (non obstantibus processibus et irregularitate praedictis) licite valeant obtinere, eadem auctoritate Apostolica dispensamus. Clericis autem et religiosis praefatis, qui de nostro, ut praedicitur, seu cardinalis, vel nuntiorum praedictorum et aliorum quorumcunque Apostolica vel alia quavis auctoritate seu mandato de dictis civitate Castellanensi, et terra Venetiarum vel locis, ut praedicitur, ad decem millia eisdem civitati et terrae propinquis recesserunt, redeundi ad civitatem, terram et loca praedicta, ibique ut primitus commorandi plenam licentiam elargimur. Nulli ergo, etc. Datum Avin. VII kal. Febr. anno octavo ».

34. Duriorem in Venetos Clementem se prae-
buisse ferunt¹, cum ceptum triennio ante sub
Petro Gradenico pacis tractatum abruptissent, eos-
que Franciscum Dandulum misissent, qui ad fle-
dendum Pontificem, captandaque misericor-
diam catena collo injecta, ac vili cultu ad Cle-
mentis pedes, cum mensae accubisset, se abjece-
rit, suscepto sponte eo squalore, ut patriam cen-
surarum vinculis liberaret; dein, licet a nonnullis
humana arrogantia tumidis cognomen Canis ob id
retulisset, demum tamen Numine divino ejus
Christianam demissionem et charitatem in patriam
exorante, ducales apices assentum. Flexus ita-
que a Dandulo Clemens ad misericordiam, illam
amplissima venia explicuit².

35. Cum vero inter ceteras ponas, quibus
Venetos in discordia affecerat, ipsorum bona ubi-
vis terrarum comperita fisco addixisset, admissis
iis in gratiam, ad Christiani orbis antistites, reges
ac principes scripsit³ ut pristina bona Venetis re-
stituerent: tum etiam ad excedendam mercaturam,
privilegiis antiquis ac libertate, quibus eos priva-
rat, potiri jussit. Delevit⁴ pariter eam infamiam,
qua ipsorum posteris ad quartam progeniem
aspererat, ut ad sacerdotia ac munera Ecclesia-
stica gerenda idonei non censerentur. Denique ut
pristinam in eos benevolentiam explicaret, vetera
privilegia, quibus olim Ferrariae dum Atestini
principes Opizo et Azo illi imperitabant, fruere-
ntur, redintegranda constituit⁵; atque abbati Alba-
terrensi et decano Meldensi, ac Calharde e Casa
canonico Constantiensi, ut quae illa luissent, explo-
rarent, iisque adijcerent, vel detraherent, aut illu-
strarent, temperarente quidquid visum esset,
provinciam dedit. Decevit tamen, ne in post-
erum Venelorum dux aliive ex ea republica agros, aut
immobilia bona in Ferrariensis comitatu aut
urbe, sine Apostolicae Sedis facultate, intentata
eorum jectura, sibi comparare possent.

36. Discussis itaque ab abbate et decano Apo-
stolicis litteris, veteribus Ferrariensium cum Ven-
etis pactis, quae a ratione atque aequitate non
abhorrebant, licet ea Ferrarienses sine Apostolica
Sedis auctoritate inire non potuissent, alenda-
tamen concordiae causa redintegravit, datis ad
Joannem Superantium ducem et senatum ac po-
pulum Venetum litteris⁶, quibus inserta sunt ea
pacta conventa, quae Pontificia auctoritate cor-
roborata atque ita consignata sunt: « Dat. et actum
Aven. in domo domini Jacobi Montanerii, quam
habita dictus dominus Onufrius sub anno Do-
mini a Nativitate MCCXIII. Indict. XI. Pontificatus
domini Clementis papae V anno viii, die Vene-
ris, XVI mensis Februarii ». Quibus solito more
confecti Diplomatici Apostolici diem Pontifex ad-
jicit: « Dat. Aven. XIII kal. Martii, Pontificatus

nostri ad. viii ». Ne porro tanta maturitate con-
silio sancita pacta temere infringerentur, Pontifex
Roberto Siciliae regi, qui Ferrariae administratio-
nem a Sede Apostolica susceperat⁷, praecipit⁸ ut
quamdiu urbi praefuisset, daret operam ut a suis
administris religiose servarentur. Tum Patavino
episcopo munus imposuit⁹, ut ad conventa illa
Ferrarienses ac Venetos, incussa censurarum re-
ligione, obstrinzeret.

37. *Ecclesiae Leodiensis et Academiae Salman-
ticensi provistum, et Hospitalarii bona Templario-
rum collata.* — Admovit pariter Clemens ad
tuenda aliarum Ecclesiarum jura studium Apo-
stolicum, atque in primis Guidonem episcopum
Cameracensem, licet regi Romanorum fidem non
devinxisset, a Cameracensi tamen clero excipi
jussit¹⁰, cum interregnum esset; contrariasque in
ea re consuetudines rescidit, Adolpho etiam epi-
scopo Leodiensi, qui gerendae illi Ecclesiae adhi-
bitus fuerat cum praedecessor, ut vidimus, Romae
dum oppositos obices, ut in Basilicam principis
Apostolorum penetraret, perumpere nitetur,
captus ac gladio proditione caesus obisset, suo
duce orbi Romano imperio, ejus administratio
interregni tempore ad Pontificem Romanum de-
volvitur, regalia ad Romanorum regibus vel im-
peratoribus tradi solita Apostolico Diplomate con-
fuit, ne jura illius Ecclesiae obsolescerent, deperi-
rentve.

In Hispania cum Salmanticensis Academia,
quam a Ferdinando Palentia eo tractatam vidi-
mus¹¹, ob subducta magistris stipendia, quae olim
regia liberalitate fuerant attributa, penitus obso-
lesceret, restituendae pristinae illius dignitatis cu-
pidus Berengarius archiepiscopus Compostellanus a
Clemente precibus contendit, ut Apostolicam sol-
licitudinem in ea instauranda collocaret: qui, de
totius rei circumstantiis ab archiepiscopo edoctus,
tertiam partem tertie ex decimis archiepiscopatus
Compostellani subductae in ludu librarii magis-
trorum ac doctuum stipendia, exarato pridie
idus Octobris Diplomate¹², attribuit. Haec in pacis
artes colentes, ac dantes operam rei litterariae be-
neficia conferebat Clemens.

Nec belli sacri studia amplexos gratiarum
munerumque expertes reliquit: Hospitalarii enim
equilibus omnia bona quae Templarii fuerant
in regno Balearico, in quo Sanctus Jacobo successe-
rat, attribuit: eos vero censuris devinxit, qui
excurrente mensis spatio decreta bona non consi-
guassent Hospitalarii hisdem. Ceterum ut commo-
dorum et honorum, quibus potiti erant in eo
regno Templarii, computaret ita ad onera, quae ad
illos incumbunt, obstrictos jussit esse¹³. Quod
cum reputati consensiret, non in regno Majori-
cano modo, verum in ceteris regnis ac provinciis

¹ Shell, Lincol. I. IV, c. 2. — ² Comp. ibi. Venet. — ³ Lib. VIII. sup. fol. com. CXX. — ⁴ Ep. com. CXXII. — ⁵ Ep. com. CXXI. — ⁶ Ep. com. CXXI. — ⁷ Ep. com. CXXI.

⁸ Alb. Muss. I. XI, c. 2. — ⁹ Lib. VIII. Ep. com. CCXXI. — ¹⁰ Ep. CXXV. — ¹¹ Lib. IV. Ep. com. CXXII. — ¹² Annal. tom. XIII. an. 1299, num. 36. — ¹³ Exl. apud Jean. XII. I. VIII. Ep. com. DLXXXIX. — ¹⁴ Ep. CXXV.

etiam servandum edixit¹ in eundem anno idibus Januarii: ac si in eo Diplomate, quo Hospitalariis Templariorum bona furant addicta, expressum scriptoris negligentia, aut occupatione nimia non esset ea quae munera obstricti fuissent Templarii; sui tamen fuisse consilii, ut sicut in eorum bona, jura, immunitates ac privilegia, ita in armorum in Saracenos gerendorum onera succederent; tum regibus, principibus ac praesentibus ad ea officia ac munera praestanda, quibus tenebantur Templarii, cum vinculis traditi fuere, devincti forent.

38. Ad eorum vero jura e principum manibus vindicanda vicissim Clementem incubuisse, Apostolica docent litterae ad Robertum Siciliae regem datae², quibus ipsum objurget castra, oppida ac juris dicendi auctoritatem, quae in Provincia obtulerant Templarii, in Hospitalarios non transmississe, quamvis alia iis bona permisisset: non latere regem incussas graviore censuras omnibus, qui hujusmodi bonis, aut juribus manus non amovissent; sequerentur exemplum Philippi Francorum regis, qui omnia liber.liter Hospitalariis refo-di-set. Ex quibus a Philippo Francorum rege gravior calumnia, a plerisque auctoribus illi aspersa, detergitur, dum aiunt ex nimia cupiditate, qua Templariorum bonis inhiabat, ipsos delere meditatum: si enim impulerat eum avaritia, quomodo tandem fieri potuit, ut purissimas ab iis bonis manus servaret, ut testatur Clemens, cum maxime alii reges ab iis bonis sibi non temperarent?

39. Incitatum igitur ipsum bono zelo, atque impietatis odio ferro flammaque insectatum Templarios, par est credere: quem etiam sequenti anno in eos legum acerbiteriam exeruisse auctores docent. Cum enim Pontifex suppresso, ut vidimus, Templariorum Ordine, illius familiae equitum causae cognitionem Synodis provincialibus deluisset; reservata tamen Sedi Apostol. supremi magistri causa, ac visitatorum Franciae, Normaniae, Aquitaniae, Pictaviae, Provinciae et nonnullorum, quos Terrae Sanctae magnos praefectores vocabant, ut iustam ipsis ad expandenda scelera pœnam intuligeret; atque adeo exente hoc anno, nimirum XI kal. Januarii Arnaldo episcopo Sabiniensi, et Nicolao tit. S. Eusebii, atque Arnaldo tit. S. Priscae presbyteris cardinalibus provinciam dedisset, ut cognita eorum causa ipsos absolverent damnaverent; instituto iudicio agende penitentiae addicti sunt, dataque a Clemente imperia, ut ipsis ad vitam sustentandam nonnulla Ordinis vectigalia attribuerentur: sed cum illi confessa ut vi extorta revocassent, proximo anno flammis traditos fuisset narrat Bernardus³: « Anno, inquit, Domini mcccxi, (numerat more suo annos ab Annuntiationis die festo,) in vigilia B. Gregorii pape, in die Lune, Parisiis fuit combustus mi-

gister Ordinis quondam Templi cum quodam alio magistro ejusdem quondam Ordinis praefectore, qui tamen fuerunt prius cum peritorum et prelatorum consilio ad agendum aliam penitentiam iudicati. Sed audiens rex Philippus et curiales consilii, quod dicti Templarii confessiones suas revocabant, dicentes se falsa fuisse confessos, eosdem Templarios indilate perducere fecerunt ad locum supplicii et combusti, iudicio alio minime expectato. Erant autem Parisiis praesentes duo S. R. E. cardinales ». Quae ex parte in Chronico Pontificum ejusdem auctoris repetuntur⁴, iisdemque recensentur verbis in gestis manuscriptis⁵ Clementis V.

Suspiciant nonnulli, praecipue recentiores, ipsos inique fuisse oppressos, ac plurima insignis constantiae et innocentiae argumenta edidisse, prodiderunt, inter quos Paulus. Emilius haec refert⁶: « Sunt anchores⁷ non obscuri Jacobum Burgundionem Ordinis principem, cum productus ad supplicium circumfusa ingenti multitudine, dum pyra extruitur, staret, proposita vite spe ac impunitate, si quae in custodia fassus de se suisque esset, nunc quoque confessus veniam publice peteret, hujusmodi verba fecisset: Ego nunc supremis rebus meis, cum locum mendacio dari nefas sit, ex animo vereque fateor, me ingens in me meosque scelus conscisse, ultimaeque supplicia cum summo cruciatu promeritum, qui in gratiam, quorum minime degnit, dulcedineque vite flagitia impia sceleraque ad tormenta ementitus sum in Ordinem meum, de religione Christiana optime meritum: nec mihi nunc vita opus est precaria et novo super vclut mendacio relecta. Exin rogo impositum, ac admoto paulatim igne primoribus pedibus ad exprimendam scelus confessionem, ne tunc quidem, cum reliquo corpore depasto vilialia fædo nidore torrerentur, ab hujus orationis ullam significationem praebuisse, neque ipsum, neque duos cum ipso supplicio affectos nobilissimos ejus Ordinis viros, quorum alter esset Belphini Allobrogis frater ». His consentanea narrat Maçonius⁸ addique horum cineres ut martyrum collectos a nonnullis: tum in eam abijt sententiam, Templarios injuste versos, ac Philippum impietatis, Pontificem inclementiae accusat. Sed is parum attendisse visus est adhibitam a Clemente et OEcumenica Synodo in abolendis Templariis consilii maturitatem, festum gravissimorum multitudinem; tum maximum Templariorum numerum, quos nullo metu objecto coram Pontifice et cardinalibus delectionem a fide, aliisque scelera fassos, diximus suo loco. Porro Templariorum Acta⁹ iudiciaria, quae servatum in eos aequitatis et legum Ordinem ostendunt,

¹ Bern. Chr. Rom. Pont. — ² Gest. Mss. Clem. V. Vall. lib. et Ms. Vat. lib. sen. num. 5763. in Clem. V. — ³ Paul. Emul. in Pol. Pule. — ⁴ Jo. Vat. l. viii. c. 92. Mass. in l. lib. P. Sabell. Euseb. 9. l. vii. B. sans hist. ep. hier. p. 2. l. i. — ⁵ Mass. in Pol. Pule. — ⁶ Lat. in ante S. Aug. ext. de eod. Ms. Vat. sig. n. 1011.

¹ Ep. rom. LXXXVII. — ² Reg. post Ep. conl. — ³ Bern. Chron. Fr. ne.

in Molis Adriane Archæo servantur, tum etiam in Archivo Avenionensi reperta legato Oelavio cardinale Aquaviva Romanque advecta. Sed de Iunesto reorum supplicio, ad letum sanctissimi viri memorie consecrationem orationem tradicamus.

10. *Celestinus V SS. Catalogo adscriptus.* — Relatum fuisse inter sanctos hoc anno Celestinum V. Romanum olim Pontificem, qui ut divinis rebus liberiores animum transfunderet, angustissimam omnium dignitatum inaudito exemplo exuerat, narrat Bernardus²: « Anno, inquit, Domini MCCXXII, quinta die Maii, in sabbato, apud Avenionem, ubi tunc curia residebat, fuit frater Petrus de Murrone quondam Celestinus papa V canonizatus, et sub nomine S. Petri confessoris sanctorum confessorum Catalogo annotatus per Clementem papam V, Pontificatus sui anno VII, a transitu vero præfati S. Petri anno XVII, et ejus festivas fuit instituta, XIV kal. Junii celebranda, qua die exiverat ab hoc mundo ». Promulgavit Clemens Apostolico Diplomate decretos illi sanctorum honores, in quo præcipua vite sanctissimæ exempla, editaque miracula perstrinxit.

« Clemens, etc.

« Ut autem ad ædificationem Christifidelium saltem pauca exprimantur de multis, quæ sint velut informativa quamdam exemplaria vite nostræ; ipse sicut pluribus et fide dignis testimoniis est probatum, vestium splendorem ac levitatem despicens, in quibus amatores hujus sæculi delectantur, cilicii de pilis eorum factis, reticulatis pariter et nodosis, vestibus quoque aliis vilibus multum et asperis tegebatur. Ad nudam quoque carnem catenam ferream, et circulum quandoque ferreum deferrebat. Lecti etiam mollitem declinans (ne caro petulanter lascivens noxie moliretur in spiritum) in terra aut nudis tibulis dormiebat, vel in cancellatis craticulis, vestitus cilicio et pannis solitis, præcinctus lumbos catenâ ferrea aut circulo: pro pulvino vero ligno aut lapide, seu dura re alia utebatur; et (quod pene importabile est) sanus vel infirmus lectis aliis non est usus. Studens etiam pro viribus domesticum domare hostem, ne prævalere posset spiritui, nec infirmus carnibus vescabatur. Vinum vero non bibebat, nisi rarissime, sic tamen dilutum, ut videretur vini speciem non habere. Semper quoque nisi diebus Dominicis, jejunabat. Sex nihilominus quadragenas singulis annis faciens, mentem, non ventrem reficere cupiens, affligebat in ipsis solito durius carnem suam. O stupenda et aliis insæta rerum materies, cernere hominem, in carne decentem mortali et fragili, sub tam austerâ et longæ macerationis pondere non cadentem! In tribus namque quadragenis in pane et aqua jejunabat continue, et quandoque cum solis foliis caulium absque pane. Interdum autem solis

ponis, vel castaneis, seu gravis laborum mollificulis in aqua, aut crudis rapis tantummodo vescabatur. In cæteris vero quadragenis uno tantum ferulo utebatur, insipido tamen et in modica quantitate. In harum vero quadragenarum aliquibus (quod nature humani corporis est horror) natus est pro veste solo cilicio: in quibusdam vero cilicio, et super ipsum lorica, ejus pondere caro ejus per subintrantes nodos cilicii, ut testantur ejus secuti, aliquotiens disrumpebatur. Et revera hæc in homine isto sancto supra hominem gerebantur: ad hæc enim ferenda tam gravia virtus humana non videtur posse sufficere, sed divina potius in ipso habitans hoc gerebat.

41. « Ille beatus vir, jam mortificatus spiritu carnis desideriis et repressis, summe devotus Deo, orando assidue animum ad Deum tenuit firmiter elevatum. Ipse etenim ad Matutinas laudes media nocte surgebat: ipsisque dictis legebat psalterium cum litania et collectis quampluribus ac crebris genuflexionibus et disciplinis duris carnem suam cum vitii concupiscentiæ crucifigens. In aurora vero, missa per ipsum celebrata, iterum devote incipiens ibi psalterium ubi dimiserat, orare usque ad horam tertiam non cessabat. Ne autem ipsum reperire posset diabolus otiosum, laborabat propriis manibus, scribendo, vel suendo cilicia, seu faciendo aliud opus honestum et utile ab hora tertia usque ad nonam. Post cibum denique sumptum usque ad noctem profundam perseverabat cum Deo, ab oratione, fervente spiritu, non relaxans. Morum etiam honestate venustus, odore suæ sanctitatis vite communiter jam disperso, ad suum multos attraxit aspectum, et quamplures aberrantes per vitiorum abrupta reduxit ad Deum suis sanctis exhortationibus et exemplis. Nec mirum, nam ipsum reddebat cunctis communem charitas, obedientia promptum, placidum humilitas, pietas patientibus coactum, decorum puritas, parcemonia mirabilem, honestatis maturitas reverendum, benignitas litarem, constans quoque virtus animi in adversis et prosperis uniformem.

« Denique vir sanctus cupiens divinum ampliare cultum, congregationem monasticam sub B. Benedicti regula, superadditis ei statutis arctissimis, ordinavit; ubi fratrum suorum Deo famulantium adacta multitudine numerosa, fundatisque locis non paucis, in quibus Christus Jesus ab ipsis jugiter laudaretur, vixit cum eis, cunctis florans virtutibus, ac eximie sanctitatis operibus informans et reformans universos. Verum quia non erat expediens, quod tanta sanctitatis odor in solo uno mundi angulo sentiretur; sed prout quod ad ædificationem cunctorum fidelium circumquaque per mundum promptius spargere-tur, dispensatione provida ad summum Pontificatus apicem est proventus: in quo totus idem ipse manens, qui fuerat sub præcelsæ dignitatis habitu, nec vitam eremiticam, quantum fas servare fuit

¹ An. Chr. 1591. sign. p. ult. num. 1. — ² Bern. Chron. Rom. Pont. et Ms. Vat. Eccl. sign. num. 1709. in C. VI, V.

nec animum derelinquens, novit inter epulas esse sibi summe austerus et abstinens, inter amplas divitias summe pauper. At vero hic vir simplicitatis miræ, et in spectantibus ad regimen universalis Ecclesie inexpertus, utpote qui a teneris annis usque ad senium elongatus a mundo cor suum mundanis rebus non accommodaverat, sed divinis, reflectens prudenter suæ considerationis intimæ oculum ad seipsum, honori papatus cessit et oneri libere et ex toto, ne ob prædicta posset ex suo regimine quodammodo periculum universali Ecclesie provenire, et ut turbativa Marthæ sollicitudine declinata, vacare posset secus pedes Jesu contemplationis otio cum Maria. Post hæc itaque divinæ vacans contemplationi, assidue usque ad ejus obitum, quo beata illa anima carnis evasit ergastulum, cœlos petens, sanctissimam vitam duxit.

42. « Et quia multum conveniens erat, quod ille, quem Deus in mente perfunderat tot et tantis charismatibus gratiarum, clarus mundo colendusque divinæ virtutis testimonio appareret, non defuere divina miracula in quolibet stata suo, ante papatum videlicet, in papatu, ac etiam post papatum, in ejus vita pariter et post mortem, voce

clamosa proloquuntia ipsius innotandam cunctis exhibiamus sanctitatem, etc. » Adjungit plura insignia miracula ejus ope edita, cæcis oculorum lumen, ægris valetudinem, contractis liberum membrorum usum restituta : nec minora in Pontificatu ac post eum abdicatum, tum in extremo vitæ actu et post mortem collata ad ejus preces openive imploratam divina beneficia : ob quæ prodigia celestia cum sanctorum numero aggregatum pronuntiat : utque fidelium pietatem incitet ad colenda illius sacra ipsana, hæc addit, quæ cum desint in Bullario, doximus afferenda : « Et ut ad venerabile ejus sepulchrum ardentius Christiani populi confluat multitudo, ac celebrius ejusdem confessoris colatur festivitas, omnibus vere penitentibus et confessis, qui cum reverentia illuc in eodem festo annualium accesserint, ipsius suffragia petunt de omnipotentis Dei misericordia et beatorum Petri et Pauli Apostolorum ejus auctoritate confisi, quinque annos et quinque quadragenas, accedentibus vero annis singulis ad predictum sepulchrum, infra ejusdem festi Octavam, unum annum et unam quadragenam de nunc injuncta sibi pœnitentia misericorditer relaxamus. Dat. Avinion. III. non. Maii anno viii ».

SEDES VACAT ANNUS 4. — CHRISTI 1314.

1. *Robertus creatus a Clemente imperii vicarius.* — Invenit Christiano orbi annus a Virginis partu decimus quartus supra millesimum trecentisimum, Indictione duodecima, funestas rerum conversiones, tristiaque Clementis V ac Philippi Francorum regis funera, quibus suscepta in Vienneſi OEcumenica Synodo recuperandæ Terræ-Sanctæ consilia, atque anno superiori a tribus cruceſignatis regibus propecta concidere : inde discordiarum turbo Ecclesiam concensit, et cardinales ob contrarias cupiditates nullum hoc anno Pontificem fidelibus dedere. Auxere hæc mala electorum principum divisa suffragia, partitique sunt inter se Germaniam ferro flammaque duo reges. Ungariam invasit Tartarus : Angli et Scoti mutuis se cladibus attrivere : in Hispania sub Alfonso puero Castelle et Legionis rege tumultuati populi : Catalani in Græcia Gallici generis Catholicos oppressere ; ac præter vetera in Italia Guel-

phorum Gibellinorumque odia Robertus Sicilia rex in Fredericum Trinacriæ regem expeditionem duxit. De quibus singulis dicturi, a rebus Italicis ducemus initium.

2. Cum ab obitu Henrici suo principe orbatum esset Romanum imperium, Pontifex ad quem de vacante imperio curæ spectant, Robertum regem studio-issimum Sedis Apostolicæ, quem anno superiore Urbis senatorem designaverat, ac Ferrarie, Emiliæ, ditionisque Ecclesiasticæ maximæ parti ad continendos in officio populos, ac reprimendos exultantes Gibellinos antea præfecerat, vicarium imperii in Italia, Genuensi ditione excepta, creavit¹, ut terras imperio obnoxias sua prudentia moderaretur : obiecta tamen graviorum censurarum religione ipsum obstrinxit ut bimestri

¹ Lib. IX. Ep. com. CCXIX. ext. ed. lit. in Arch. S. Aug. Mz. in Arch. in fer. Avin.

clapso, postquam creandus Romanorum rex a Sede Apostolica fuisset in Cesareo fastigio confirmatus, accepta gubernacula deponeret. Sed exorta in imperio dissensione civili, cum electi reges recusarent Pontifici controversiam aequitate dirimendam permittere; ac Ludovicus Bavarus, victo armato, Clementi successorum capitali insectaretur odio, accidit ut Robertus vicariatum in Italia diutissime armis sibi asserere contenderit, nec nisi atrocibus bellis, quae plures annos tenuere, fessus ex ea dignitate discesserit.

« Clemens, etc. charissimo in Christo filio Roberto regi Siciliae illustri, vicario imperii a nobis in Italia partibus subjectis imperio constituto, salutem.

« Nos, ad quos Romani vacantis imperii regnum (regimen) pertinere dignoscitur, attendentes quam avide Italiae partes, praesertim quae ad imperium ipsum pertinent, rectorem exigant strenuitate, prudentia et potentia utique praeditum, cujus providentia tuta inter improbos innocentia perseveret, et in ipsis improbis nocendi facultas et audacia, quae contemptum consuevit parere, refrænctur (his praecipue temporibus) et requirant; necnon et in consideratione deducto, quod nos, ad quos negotia undique velut ad mare flumina conflunt, praemissa per nos exequi non valeamus, necessarium fore prospeximus, ut alii praefati curam regiminis committere debeamus, ut ibi nos praesentes esse non possumus, nostra saltem per eum auctoritas praesentetur.

3. « Exacte igitur deliberationis examine praecedente, ad te fili charissime, quem nobis et Ecclesiae Romanae devotum novimus; cujusque prudentiam, strenuitatem ac potentiam experientia in magnis et arduis probata negotiis luculentius manifestat, nostrae considerationis oculis converterentes, te de fratrum nostrorum consilio in partibus ipsis, dicto tamen subjectis imperio, civitate Januensi cum districtu, territorio et pertinentiis suis certis ex causis dumtaxat excepta, vicarium in temporalibus usque ad Sedem Apostolicam beneplacitum constituimus generalem; plenam tibi potestatem et liberam tenore praesentium concedentes, ut dictum vicariatuum officium per te vel alium seu alios, quem vel quos ad hoc idoneos reputaveris, durante beneplacito valeas exercere: ea videlicet apposita lege, quod postquam rex Romanorum a nobis vel nostris successoribus approbatus, regnare coeperit, tu ex tunc ultra duos menses eodem officio non utaris: et si forte contrarium feceris, personam tuam excommunicationis, terram vero interdicti sententiis, quas propter hoc ex nunc ferimus, decernimus subiacere; nobis nihilominus reservantes expresse, quod civitates, castra et loca alia, in praedictis partibus consistentia, de quibus nobis visum fuerit expedire, ab huiusmodi generali concessione, quandocumque et quotiescumque nobis visum fuerit expedire, possimus eximere, eaque ad no-

strum vel alterius per nos vel alium exercendum regimen revocare.

4. « Esto igitur, fili charissime, fortis et constans, dictumque vicariatuum officium devote suscipiens, ipsum juxta datam tibi a Deo prudentiam sic prudenter, sic viriliter et potenter ad Dei gloriam, nostrum et Ecclesiae Romanae honorem, subditorum utilitatem, ac tui exaltationem nominis, studeas exercere, quod proinde divinae retributionis praemium assequi, ac nostram et dictae Sedis gratiam uberius valeas promereri. Exulet prorsus a praefato regimine, quaesumus, odium: favor nil tibi indebite vindicare praesumat; sed styra recte lances appendat aequo libramine: habensque Deum solum praeculis, nunc oleum, nunc vinum, juxta temporum et locorum aliasque debitas circumstantias, fundere ratione praevia non omittas: ut sic populus tuo commissus regimini, ipso durante, in pacis pulchritudine sedeat, et in requie habiteat opulenta.

« Per hoc autem, quod dictum vicariatuum officium suscipies, et per te vel alium seu alios ipsum geres, volumus auctoritate nihilominus Apostolica decernentes, quod nequaquam adversus conventiones et condiciones contentas in Instrumento, seu litteris confectis de concessione regni Siciliae, ac totius terrae quae est citra pharum, civitate Beneventana cum territorio, districtu et pertinentiis suis excepta, per Sedem Apostolicam clara memoriae avi tui Carolo ejusque in regno et terris praedictis successoribus facta, venisse in aliquo censearis, aut ponas aliquas, in eisdem conventionibus et conditionibus expressas, vel earum aliquam incurrisse; nec juramentum, super eisdem conventionibus et conditionibus plenarie adimplendis et inviolabiliter observandis a te praestitum, aliquatenus violasse, seu juramentum ipsum aliquod impedimentum afferre, quominus praedictum officium per te vel alium, seu alios, dicto modo durante beneplacito, libere valeas exercere: conventionibus tamen ac conditionibus praefatis in nullo propter hoc volumus in posterum derogari, sed eas in suo robore plenarie perdurare. Dat. Montibus Carpentoracensis dioc. II id. Martii anno IX ».

5. *Res bellicae Roberti regis cum Insubribus, Etruscis et Frederico Trinacriae rege.* — Eodem fere exemplo, paucis immutatis verbis, ad viros principes, urbium magistratus, praefectos arcium, atque Insubres¹ et Etruriae populos² date litterae de creato a se Roberto imperii vicario, quibus eos ad exequenda illius jussa faciles obsequentesque esse exortabat; sed antequam eae sigillo Pontificio essent obsignatae, Clementem vita functum testatur Joannes XXII³. Vocarunt Insubres superiori anno, duobus Turrianis et aliis exulibus Guelpharum partium ad Mediolanensem principatum

¹ Eod. l. IX. Ep. com. CCXX. — ² Reg. post eand. Ep. — ³ Jo. l. I. Ep. CCXLII.

Robertum Siciliæ regem, cum VIII kal. Octobris Matthæus vicecomes ac Gibellini a Provincialibus ingenti clade fusi essent; sollicitatque tum fuere Roberti duces, ut oblatam ultro victoriam, prona in eos Mediolanensi urbe, Matthæoque conferrilo, amplexarentur: sed in nunquam promovere in urbem castra, cum decimo ab ea milliari abessent, voluerunt; corrupti nimirum Vicecomitum auro, ut Mussatus scribit¹: « O hominum, inquit, times insatrabilis! O immoderata inextpletaque avaræ mentis ingluvies! Ilanc Matthæi aurum litem diremisse, cladem sibi submovisse, increbrescens vulgavit opinio ». Exinde confirmata Vicecomitum potentia, nunquam Robertus, quamvis postea Joannis pape edictis ac studio fultus, lusingæ præfecturam assequi potuit; unde amplissima bellorum seges exorta.

6. Neque Insulres modo, sed Etrusci quoque Gibellinæ factionis, quo magis res suas dejectas atque in exitium præcipites videre, eo majori ardore in Robertum amulosque conflixere: quorum præcipui Pisani duce Ugutione Fagialono Lucenses oppressere². Ac tum Ecclesiæ Romanæ thesaurus pretiosissimus, quem Gentilis cardinalis Montisfloris ex Romana Urbe, Campania æ patrimonio extraxerat Clementis jussu, ac Luce in S. Fridiani sacris ædibus custodiendum collocarat, expilatus ab insolescente victore fuit³. Simili infelici casu pernisce alium thesaurum Pontificum (1) anno superiori, quem Raimundus Aspelus Clementis nepos ex Piceno in Gallias asportabat, eundemque Raimundum casum a Gibellinis Mutinensibus narrat Albertinus Mussatus⁴. Ob Lucensium porro cladem perterriti Florentini Roberto regi publicæ rei administrationem contulerunt⁵: qui mox Petrum fratrem cum egregia equitum ala ad reprimendum hostem submisit⁶.

7. Ipse vero ad recuperandam Trinacriam se

comparabat⁷, exigendasque pœnas de Friderico rege, qui veniente in Italiam Henrico imp. inducias secum initas infregerat, atque in exitum ipsius conjurarat. Solvit Neapoli V kal. Augusti⁸, Philippo et Joanne fratribus, atque aliis principibus viris stipatus, elatus ingenti subjuvante sibi Trinacriæ spe: conflasse enim centum ac viginti Irrenidum, præter minoris alvei naves, classem, refert Joannes Villanus⁹, in qua præter Apulos ac Provinciales Genuenses erant: quamvis enim Clemens, dato Roberto legati Cæsarei in Italia munere, Genuenses excepisset, ne cum ab illis antea bello fuisset appetitus, majores ea res in Liguria turbas ciceret; plures ex his partim officiis, partim stipendiorum magnitudine in suas partes pellexerat. Cecidere tamen irriti ii conatus: cum enim munitissimam arcem insulæ mari imminentem vi expugnasset, ac Drepanum inde corruptis aliquot civibus se adepturum speraret, geminata prodicione delusus est. Il enim tandem manibus promissis Robertum delinere, donec Fridericus urbem omnibus prædiis ita firmarit, ut cum Robertus in eam belli molem converteret, obsessorum virtute, temporum injuriis, imbrium copia, obsidionis incommodis, ac Friderici astu militari, qui nunquam pugnæ potestatem fecit, ne regnum alceæ et discrimini committeret adeo fatigatus sit, ut reintegrare cum hoste inducias coactus, domum re infecta se receperit, iis firmatis pactionibus, quas Mussatus narrat¹⁰: Evenit, inquit, ut hinc atque hinc intercepto induciis bello, arbitrorum colloquia de conditionibus fierent: demumque deo plus vicissitudines suo nutu, quam regum consensu urgente, ad belli dilationem utrinque devenit, his dumtaxat conditionibus, ut sublato ex omni Trinacria exercitu terra marique ex insulis Robertus abscedat, Fridericus Sicula ori contentus usque in decimum quintum mensem omni Italia abstineat, sique offensæ per tempus

¹ Muss. de reb. gestis Ital. post mortem Henr. VII. — ² Jo. Vill. c. 57 et 59. Aut. it. p. tit. XVI. c. 3. § 5. — ³ Vill. eod. c. 59. — ⁴ Muss. l. XI. c. 4. — ⁵ Vill. c. 60. — ⁶ Alb. Muss. l. V. de gestis Ital. Jo. Vill. eod. c. 60. Aut. c. sup. § 6.

⁷ Muss. de gestis Ital. l. V. Jo. Vill. c. 61. — ⁸ Albert. Muss. de gestis Ital. c. 5. — ⁹ Jo. Vill. l. IX. c. 61. — ¹⁰ Muss. l. V. de gestis Ital.

(1) Quanta sit Joanni Villani fides, et quam abundanter diligentiam in rebus apte distinguendis, elucet ex ea, quam de direptione thesauri Ecclesiæ Luce hereditatè narrat historia. Duo per hæc tempora Ecclesiastica pecunie deposita Lucensibus commissa erant. Alterum quidem relictum ex hereditate Gentilis cardinalis, qui ex Hungarica legatione rediit Luce decessit; illi enim ne disperderet curam fratrum Ordinis Predicatorum assignari Clemens jussisset, detulerantque in eam urbem a Vitalis de Chabonate clericus Bardalegensis, et Guillelmus de Luna, æ in templo S. Fridiani de Luca condiderant. Meminit prioris depositi Joannes papa XIII in literis datis a Avinionem IX kal. Aprilis anno primo, quibus cum pecuniam sublata a Ventura quodam vicario Francisci della Fagiolia Ugutonis filii relictum censuarum commutatione maneat, quas literas vulgavit Balzani in Collect. actor. veter. ad Vitas paparum Avinion. num. 17. De altero vero sermo est in Extrav. *Infelices de fortis*, unde et decimas pecuniam illam cum Lucena civitas ab Ugutione invaderetur ac disperderet, in prædium victoris cecisset. Duo hæc inter se diversi confundens Joannes Villani pecuniam a Gentili cardinali delatam ac depositam in templo S. Fridiani in Lucena direptione ablatam narrat; cum pecunia quidem in urbis capitione subrepta fuerit, sed altera plura ab ea quam Gentilis cardinalis obtulit Leviora sunt hæc frivola, sed valde convenient ad confirmandam eâ que sæpe alias animadvertit; immo etiam que Villanus scripsit, tanquam certa et indubitata minime admitti oportere. Præsertim quia alia plura tum in Chronologia, cum in rebus ipsæ sphæratæ, etiam in his que storum temporum sunt, ab ipso commissa facile sit indicare.

Sed et alia sunt que ex rebus Joannis attitis ad emendationem Ecclesiæ historie suppetunt. Gentilis presbyter cardinalis tituli S. Martini in Montibus Avinionenno anno XII decessit, si talis habeatur Oldonno in Additionibus ad Caenotium tom. 2. Ex his tamen literis discimus illum non Avinionem, sed Luce diem clausisse; ita etiam illa Joannes: « Gentilis tituli S. Martini in Montibus presbyter et cardinalis, de Ungarie partibus in Franciam fuerat legationis officio rediens, in civitate Lucena diem clausit extremum ». Sed et ex his verbis majora alia eruiere licet. Si Joannem Villanum audas, Gentilis in Concilio Viennensi Bonifacii Octavi causam contra Philippum defendit. (Villani lib. 9, cap. 22.) Verum cum Gentilis ab anno MCXXVI legationem Ungaricam excoepit, et ab ea rediit in urbem Lucenam obirent, quomodo Viennensi Concilio præsens adesse potuit? Nec est cur his functioni Ungarica legatione Gentilem communicamus, scilicet anno MCCXXVIII, iterum vero post Concilium Viennense, cum cum anno MCCXXII adhuc in Ungaria ageret, ut ex annalista ad eundem annum num. 52, discimus; via credo unquam ab ea, quam semel suscepit, legatione redire.

idem resideant. Executionem continuo remedia adinventā sortita sunt : Robertus cum omni manu ex insula submotā classe in Apuliam reversus est anno Domini Jesu Christi mcccxy, per mensem Februarium ¹. Laceratam in eo reditū Roberti classem, parlemque trirēmum, quā ex lignis recentibus nec probe compactis conflata erant, fluctibus haustam perisse, addit Joannes Vilamius ¹.

8. *Fridericus rex Trinacriæ Athenarum et Neopatriæ ducatum sibi vindicat.* — Ceterum Fridericus Trinacriæ rex non modo regnum a Roberti regis invasione tutatus est, verum Athenarum et Neopatriæ quoque ducatum sibi comparavit ²; indeque Friderici successores eorum principatum nomina veteribus titulis adjunxisse, refert Surita ³. Quo porro jure, quave occasione ii principatus a Gallici generis principibus ad Aragonios fuerint devoluti a Nicephoro Gregora ⁴. litterisque Pontificiis ⁵ colligitur. Composito inter Carolum II ac Fridericum bello Siculo, Catalane et Aragoniæ copie duce Rogerio in armis strenuo in Orientem, ut arma Christo adversus Siracenos consecrarent, trajecerunt. Excepti itaque honorifice ac benevole a Græcis Turcis bellum intulere, ac non semel magna eos gloria fudere : deinde arma vertere in Græcos, Turcas in auxilium magno Christiani nominis damno exiverunt. Sed auctor sceleris Entensa dux simulatione amicitiae a Genuensibus Græcorum federatis interceptus penas luit ⁶. Ir-rupere postea in Thessaliam, e qua, ut eos divellerent Græci, muneribus definitis armis adjuvere, ut in Catholicos generis Gallici, qui Bæotiam ac Peloponnesum etiam tum retinuerant, ipsos traderent. Obviam iis occurrit valido succinctus exercitus Gualtherus Breuna et veteri Gallica nobilitate Athenarum dux ; sed in acie magno prælio cæsus occubuit.

Uros porro Catalanos hoc militari delo refert Gregoras, proscidisse nimirum vomere illum terræ tractum, in quo pugnam committere decreverant, ducti-que e vicino flumine pluribus fossis planitiem ita rigasse, ut stagnarent aque : cumque dux Athenarum exercitus, robore superior, fraudis ignarus equitatum in hostem effudisset, harerentque in profundiore limo ac luctarentur equi, ab hoste circumventum telisque conflixum fuisse : ita Catalanos fugientes reliquos insectatos esse, ac Thebis et Athenis improv-o adventu popitos : quo vero confirmarentur res suas, externa subsidia clicienda duxer, ac Fridrico regi summam detulere imperit ⁷ : qui spreto facti invidia conditionem ahrisit, velutresque auxit titulos. At Pontifex accepto nuntio, Catalanos et Aragonios, qui religiosos in Turcas militiam pro fide amplificanda voverant, adeo fæde a suscepto descivisse

consilio, ut arma ad Catholicos opprimendos verterent, Jacobum regem Aragonum gravibus litteris monuit, ut Catalanos ipsos regio pro imperio e Græcia deduceret : tum patriarcham Constantinopolitanum omni studio et opera jussit incumbere, ut eos monitis, precibus et censurarum incussa religione, ad erepta restituenda Gualtero e Castellhone cæsi Athenarum ducis leviro regni Gallici equitum magistro præfectoque Athenarum adduceret.

9. « Clemens, etc. venerabili fratri patriarchæ Constantinopolitano.

« Ab olim clamor validus et multiplicitas querelarum de partibus ducatus Athenarum provenientes, Apostolicum pulsarunt auditum, imo nos, qui sicut in cunctorum fidelium pace quiescimus et tranquillitate letamur, sic eorum inquietudine et oppressionibus, quas pestilentia inducit hostilitas, multum offendimur, gravissime in intimis perturbamur. Habet enim ejusdem clamoris jam pluribus annis præteritis continuata et accumulans mala malis assertio, quod nonnulli, qui olim ad partes illas credebantur in favorem fidelium accessisse, et a quibus sperabantur eorundem fidelium partes defendi, non exercentes eorum vires in externos, sed in Ecclesias et personas Ecclesiasticas, eisdemque fideles, prohi dolor ! convertentes in propria Catholicorum viscera, immisericordi crudelitate deserviunt, et in Ecclesias ac fideles eosdem eorum conatus illicitos exercentes, eisdem gravioris depopulationis jacturam, et crudelium hostilitatum insultum, non absque personarum excidiis ac Ecclesiarum et bonorum Ecclesiasticorum et fidelium illarum partium incendiis, spoliis et depredationibus inferunt, quam fuissent quantulumlibet perversi hostes fidei eisdem fidelibus illatum : et quod horribilius est, ut licentius possent mala hujusmodi perpetrare, societatem ad invicem contraxerunt, ex quorum quidem consortio quot horrenda proveniunt, status illarum partium miserabilis manifestat.

« Nam inter universa scelera, quæ in illis partibus perpetrarunt, quoadmodum Gualterum de Breuna ducem Athenarum, qui defensionem dietorum fidelium, tanquam Christi verus athleta, et fidelis pugil Ecclesiæ, adversus Græcos schismaticos laborabat, nequiter occiderunt : filios ejus pupillos, et nobilem mulierem Joannam de Castellhone relictam ejus viduam hostiliter impugnant, bona eorum et Ecclesiarum ac personarum Ecclesiasticarum, multorumque aliorum fidelium illarum partium data in prædam et diripientium spolia occuparunt ; ac in personas tam Ecclesiasticas, quam alios fideles innumeros funestis exertis gladiis, strage data, eorum sanguinem immisericorditer effuderunt : a quibus horrendis sceleribus nondum cessant, sed clades cladibus continuatæ hostilitatis execrandis incursums dicuntur continue emulare.

10. « Cum itaque malis hujusmodi sit sollici-

¹ Jo. Vid. l. ix. c. 64. — ² Martini. l. xv. de reb. Hesp. c. 14. — ³ Surit. l. v. Annal. c. 104. — ⁴ Greg. l. vii. — ⁵ Clem. l. ix. — ⁶ Martini. c. 1. — ⁷ Martini. l. xv. c. 14.

tis studiis, celeribus et opportunis remediis per Apostolicæ Sedis providentiam obviandum, fraternitati tuæ per Apostolicæ scripta districte precipiendo mandamus, quatenus ad requisitionem dilecti filii capitanei ducatus ejusdem per dilectum filium nobilem virum Galcherum de Castellione comitem Porciensem, Constabularium Franciæ, ad tuitionem ipsius ducatus deputatum, vel procuratoris ejusdem capitanei juxta datam tibi a Deo prudentiam per te vel alium seu alios salubribus viis, modis et studiis omnibus, quibus expediet vigilantius et diligentius labores, præcipuorum capitaneorum et majorum societatis ejusdem salubribus hortationibus et inductionibus mentales oculos, quos diabolica fraus caligine cæcitatis obduxit, veritatis lumine illustrando, ut redeuntes ad cor de præteritis doleant, dolenda ulterius non committant; ipsosque capitaneos et majores, necnon ceteros alios de societate prædicta sub gravi interminatione pœnarum spiritualium et temporalium auctoritate Apostolica attentius moneas et inducas, ut Ecclesiis ac personis Ecclesiasticis, dictisque pupillis et viduæ, ac civitatibus, castris, et aliis locis et personis dictarum partium, quæ ipsi abstulerunt, vel detinent, occupata restituant, easdemque partes omnino dimittant, ad illas in impugnationem fidelium nunquam ulterius redituri. Alioquin eos, qui tuis monitionibus et inductionibus hujusmodi, imo verius nostris super præmissis efficaciter non parebunt; necnon illos, qui eis in præmissis dederint auxilium, consilium vel favorem, quos omnes auctoritate Apostolica de fratrum nostrorum consilio excommunicationis vinculo innodamus, tamdiu excommunicatos per te vel alium seu alios publice nuntiare procures, et ab aliis nuntiari facias, et ab omnibus arctius evitari, donec ad mandata Ecclesiæ redeuntes super his absolutionis meruerint beneficium obtinere, etc. Datum Montithis Carpentoratis diocesis XIX kalen. Febr. anno nono ».

11. Nil profuere Pontificis ac patriarchæ monita, ut injusto bello parta restituerent Catalani, quos Gregoras¹ ex iis iniustis ditionis sui terminis latius proterre ad sua tempora perrexisse refert: inde vero Hispanos reges varia successione Athenarum et Neopatriæ ducatus nomina, nunc quidem inania umbramque, aliis titulis adjecisse, Mariana testatur². Quod autem ad patriarcham Constantinopolitanum, ad quem datæ superiores littere, spectat; is erat Nicolaus Latine gentis, qui cum ob Constantinopolim ab Andronico schismatico obtentam a Sede sua exularet, ipsiusque Ecclesiæ olim quibus florentissima atque, ut aiunt Pontificiæ litteræ, Romanæ Ecclesiæ filia specialis extitisset, jam abjecta aciesque a schismaticis opibus ad inopiam redigeretur; Clemens defuncto Gualchero Negreponi olim Eubœæ episcopo, ipsi Negreponi Ecclesiæ administrationem ac vectigalia

tradidit ad sustinendam patriarchalem dignitatem: quam etiam Ecclesiam in posterum cum patriarchatu conjunctam jussit esse³.

12. *Petrus patriarcha Hierosolymitanus.* — Consuluit etiam Hierosolymitanæ patriarchali Ecclesiæ, quæ cum Antonio patriarcha eoque episcopo Burchinensi defuncto, pastore esset orbata, eam dignitatem Petro Ruthenensi episcopo contulit, cui ob Hierosolymas ab infidelibus oppressas Ruthenensis Ecclesiæ vectigalibus potiri, ejusque administrationem gerere permisit, ut Apostolicum Diploma docet Montithis IV kalen. Martii, Pontificatus anno IX exaratum. Commendavit⁴ eundem patriarcham regi Cypri, ut ipsum regis studio prosequeretur: quem quidem gessisse Apostolicæ Sedis legationem in exercitu, quo Rhodus Sarracenis erepta est, atque suo zelo de Orientali Ecclesiâ optime meritum, superius vidimus. Nil porro ab illius expugnata propugnataque tempore contra Turcarum impetus memorabiles adversus infideles gestum: imo vix fideles sua lueri potuerunt.

13. *Ungari adversus Tartaros excitati.* — In Ungaria quidem Tartari schismatici, alique impii tot excursionibus, populationibus, direptionibus fideles attrivere, ut cum res Christiana in discrimen adduceretur, Pontifex iis cladibus permotus, quo Ungaros ad hostem propulsandum divinatorum premiorum spe pelliceret, sacras indulgentias iis proposuerit⁵, qui Caroli regis signa in Tartaros et schismaticos, aut alias barbaras et impias nationes, quibus regnum cingebatur, sequerentur.

« Universis Christi fidelibus per regnum Ungariæ constitutis,

« Cum sicut ex parte vestra fuit nobis expositum, vos et Ecclesiæ Romanæ fideles aliarum partium regno Ungariæ adjacentium a schismaticis, Tartaris, paganis aliisque permixtis infidelium nationibus impugnationes, depopulationes, captivitates, servitutes et carceres, et alias diversorum generum pœnas et cruciatus multiplices patimini, quibus nec obviare potestis nec resistere per vos ipsos; nos hujusmodi vestris tantis calamitatibus, miseriis et pressuris affecto paterno compatiētes ab internis, libenter vobis illo quo possumus spirituali subsidio, quod cuilibet temporali prævalet, misericorditer subvenimus. Ut igitur vos alique Christi fideles ad defensionem Catholicæ fidei contra schismaticos et infideles eosdem eo amplius animemini, quo temporalem in hoc vitam sperabitis in perpetuum commutare; nos de omnipotentis Dei misericordia, et beatorum Petri et Pauli Apostolorum auctoritate confisi, vobis omnibus cæterisque Christi fidelibus, quos pro defensione Catholicæ fidei in bello seu pugna in regno Ungariæ, aliisque fidei terris et partibus eidem regno adjacentibus supradictis, aut vicinis eisdem, habitis contra schismaticos, Tartaros, pa-

¹ Greg. I. VII. — ² Marian. I. XV. c. 15.

³ Lib. IX. Ep. com. LXXXVI, et post eand. Ep. — ⁴ Reg. pos. eand. Ep. — ⁵ Lib. IX. Ep. com. CCXII.

ganos aliasque perversas nationes infidelium supradictas, aut ex vulneribus in eisdem bello vel pugna receptis postmodum mori contigerit, vestrorum omnium, de quibus vere contriti fueritis et confessi, plenam condonum veniam peccatorum, presentibus post triennium minime vulturis. Dat. Avin. kal. Februarii anno ix ».

14. *Mors Clementis et columnæ in eum jactata*. — Non defendenda in Ungaria modo adversus impios rei Christianæ, verum etiam toto orbe probe constituendæ intentus Pontifex, cum Avenione Montilios colligendæ, ut videtur, prioris auræ gratia, quippe graviore valetudine afflictebatur, reversus esset, Constitutiones in sacra Viennensi Synodo editas ac nonnullas alias additas in consistorio publico promulgavit. Quam rem xii kal. Aprilis gestam consignat Annalibus Bernardus¹: « Anno, inquit, Domini mcccxi, in festo B. Benedicti abbas, scilicet XXI kal. Aprilis in castro de Montiliis prope Carpentoracensem civitatem, in qua tunc curia morabatur, Clemens papa fecit coram se in consistorio publicari Constitutiones, quas prius fecerat ordinari: ex quibus decreverat fieri librum unum, quem sicut vulgatum fuit, volebat Septimum Decretalium appellari sicut fecerat Sextum Bonifacius antecessor. Cæpitque Clemens papa exinde egrotare ». Paucisque interjectis: « Et sic liber ille non fuit missus ad studia generalia, ut est moris, nec expositus communiter ad habendum, sed remanserunt Constitutiones illæ sic fere quadriennio in suspenso, donec postmodum per ejus successorem fuerunt publicatæ, et sub Bulla ad studia generalia destinatæ ». Cæterum Clementem cum se adversa valetudine conflictatum sentiret, ad captandum nativum aerem, repetendamque Burdegalam accinxisse se itineri, aiunt; sed patriam videre non licuisse: apud Ruperum enim Mauram extremum diem clausisse idem Bernardus testatur², qui etiam sedis tempus consignat: « Hic Clemens papa sedit annis viii, mensibus decem, diebus xv, a die creationis suæ usque in diem sui obitus computando. Obiit autem in nocte præcedenti diei sabbati subsequens, que fuit XII kal. Maii, Pontificatus sui anno ix, anno Domini mcccxi, apud Rodeham-Mauram, quod est castrum regis Franciæ super Rhodanum in finibus regni sui: fuitque inde reportatum corpus ejus ultra Rhodanum apud Carpentoracensem civitatem, ubi cardinales cum alia curia residebant ». Direptus est tunc Pontificius thesaurus a multis, qui veluti in expositam pradam irruerunt; itque postea a Joanne XXII in jus vocati sunt: tum maxime postulatæ iudicio Bertrandus comes Leomanie, Clementis papæ nepos, qui trecenta et eo amplius aureorum milia acceperat, ut bellicum apparatus ad expeditionem Syriacam instrueret,

deque iis rationem reddere recusabat: qua de re Acta iudiciaria extant³.

Relatum porro Carpentoraco Clementis corpus et designato Vezeste sepulchro conditum, narrat Bernardus⁴: « Sequenti, inquit, mense Augusti de Carpentoraco transvectum fuit corpus ejus in Vasconiam patriam suam, fuitque sepultum, sicut obigerat, in Ecclesia quæ appellatur B. Mariæ de Uze-la-darcesis Vasatensis, ubi paulo prius canonicos instituerat sæculares, in villula minus insigni et satis sterili et exili ». Excitatum illi est in eo loco nobile mausoleum, eleganti opere ac columnis e jaspide exornatum, ejusque corpus in feretro gemmis et auro exornato a nepote Leomanie comite pretio quinquaginta millium aureorum, quod postea a Joanne Armaniæ comite expulatum fuit, demumque sepulchrum a Calvinianis furore hæretico profanatum excisumque est, atque ipsius corpus pietatis ac religionis odio ab impiis flammis traditum anno ineunte MDLXXVII, ut refert Massonus⁵.

15. Obscurantem etiam nonnulli pii scriptores Clementis memoriam, quem ut ardentem avaritia, deliciisque diffluentem describere: aliaque prorsus indigna, ut de quæsito a quodam artis magicæ perito defuncti ejusdem nepotis animæ statu, ac loco inferni, in quem erat detrusus nepos, alioque palatio flammarum globis emcto, quod ipsi Clementi pararetur, ostentato tradidere. Sed hæc conflictata malevolis, cum ob translatam in Gallias Sedem extinctosque Templarios plurimum odia incurrisset, facile conjicitur, auctore etiam forte Dante, cui mordere quosque insignes viros instar triumphi fuit; et ut poete et inglorii fabulari et in infernum illum suum fictitium, quos libuit, trudere licuit. Quid enim magis abhorrens atque alienum ab eo Pontifice est, quam sceleratam cum mago et damone pactationem impingere, ejus gesta si spectentur, religione, zelo, fideique augendæ studio magnis æquandum Pontificibus comperies? Hujus sane rei testes Viennensis Synodus OEcumenica, impietas ab eo ferro flammæque constantissime exagitata, excitati toties ab eo in Sarracenos et schismaticos principes, composita tot egregijs Constitutionibus Apostolicis res Ecclesiastica, Rhodus ejus studio Christiano adjuncta imperio, ac republica Christiana in eum statum ab ipso adducta, ut nisi ipsum mors orbi eripuisset, religionem in Oriente propagatum iri spes magna afflueret. Sedis translatio potest jure obijci: sed lacinus expeditionis contra Sarracenos pro recuperanda Syria desiderium, Viennensis Concilii more, ac demum illi motus excusare apud quempiam forte videbuntur. Certe indigna illa et impia in Clementem commenta videtur relligere abunde ipsius successor Joannes XXII, dum sacram ejus memoriam apud se testatur⁶: « San-

¹ Bern. Chr. Rom. Pont. et Ms. lib. Vat. sign. num. 2165, in Clem. V. et in alio libell. de Conclis Ms. sig. num. 2043. — ² Bern. Chr. Rom. Pont. et Ms. Vat. lib. sig. num. 3765, in Clem. V.

³ Reperita sunt in Archivo Avin. sign. num. 203. — ⁴ Bern. ubi sup. — ⁵ Mass. in Clem. V. — ⁶ Jo. XXII. l. i. Ep. t.

clæ, inquit, recordationis Clemente papa V predecessore nostro de presentis vite moribus ad celestem patriam evocato »; neque enim sancte recordationis Pontificum vocasset, si ita avaritia, libidine, simonia, aliisque vitiis contaminatus fuisset. Sed hæc apud cordatum quemque pro abscondenda ea calumnia suffecerunt. Jam quid post illius obitum gestum percurramus (4).

16. *Comitia cardinalium seditione interrupta.* — Vacavit Sedes, ut scribit Bernardus, ¹ annis duobus, mensibus tribus, diebus septemdecim, dum enim sacer cardinalium senatus in conclavi sanctiore de proficiendo orbi Christiano summo Pontifice agitabat, exardescens Carpentoracenses inter atque alios ante Pontificiam administris discordia, eo res prorupit², ut tam in civitate quam in circumpositis locis gravissima certamina commissa fuerint: tum injectis facibus lectis pars urbis incendio conflavit; denique verso in Romanos mercatores et alios externos, qui Pontificiam aulam sequebantur, furore, eorum opes diriperunt, expilarint merces, annos distraxerunt: ex quo plures familia non ignobiles ad extremam inopiam redactæ fuere. Ardente eo Carpentoraci tumultu, jamque incendio proximas conclavis aedes corripiente, cardinales, quos etiam mutua discordia exagitabat, abscessere; atque in pristina animorum dissensione obfirmati diuturnum inter pontificium invexerunt, ut narrat subjectis verbis Bernardus³: « Defuncto Clemente papa, cardinales numero xxiii, qui apud Carpentoracensem civitatem cum alia curia residebat, intrantes condite in episcopali palatio pro electione summi Pontificis faciendâ, cum ibidem aliquandiu persistissent, non valentes concordare, suborta gravi et grandi turbatione, inter familias eorundem, ipsum circa festum S. Mariæ Magdalene concorditer exiverunt, statuens tempus, infra quod redire deberent ad eundem locum ad electionem summi Pontificis celebrandam. Sed subortis variis questionibus invicem, quæ stylo magis relinquendæ sunt quam scribendæ, illuc minime redierunt; sed in divisis civitatibus et villis dispersi sunt, steteruntque sic

divisi loco et proposito annis amplius quam duobus ».

17. *Duorum Caesarum electio et inde discordia.* — Funesta illius cardinalium, sua non quæ Jesu Christi sectantium, in Ecclesia dissentientis mala auxit electorum principum in creando rege Romanorum discordia, quorum alii Ludovicum Bavariæ ducem, alii Fridericum ducem Austriæ elegere⁴. Quæ de re hæc Ptolemæus Lucensis⁵: « Post mortem Henrici imperatoris electoribus Alamanniæ convenientibus in munus pro electione imperatoris anno Domini mcccxiv, in die B. Lucæ Evangelistæ, divisi fuerunt in duas partes, alii Ludovicum ducem Bavariæ, alii Fridericum ducem Austriæ in regem Alamanniæ nominantes, natos de fratre et sorore, et sic fuerunt in secundo gradu consanguinitatis: factaque est inter eos gravis et longa concertatio usque ad strages hominum ». Confirmat eandem electorum discordiam Germanus auctor⁶, qui Pontificium Vitas ad an. usque mcccxiv contexit: « Electores, inquit, convenientes in Frankfort duos in discordia elegerunt Ludovicum Bavariæ et Fridericum Austriæ duces ». Consentit etiam his Bernardus, qui ait⁷: « Anno Dom. mcccxiv, electores Alamanniæ convenientes in unum pro electione imperatoris divisi fuerunt in duos, alii Ludovicum ducem Bavariæ, alii Fridericum ducem Austriæ in regem Alamanniæ nominantes: factaque est inter eos propter hoc gravis et longa concertatio usque ad strages hominum ». Cortusiorum pariter historia⁸, et longum diversarum gentium auctorum agmen duos Cæsares discordibus suffragiis renuntiatis tradunt. Rei autem geste narratio vera vix ab historicis peti potest, cum ea scriptis tradiderint, quæ communi hominum fama in locis, in quibus versabantur, pervulgata erant, ut sentiebant cum hoc vel altero æmulo; indeque non minus dielis inter esse, quam armis adversi principes pugnarent. Repetenda vero visa sunt publica documenta a (2) Ludovici electoribus confecta, quæ Herwartus suis

¹ Bern. in Chron. Rom. Pont. et Ms. Vat. bibl. sig. num. 3765. — ² Jo. XXI, l. IV. Ep. cur. LXI. — ³ Bern. Chr. Rom. Pont. et Ms. Vat. bibl. sig. num. 3765. in Clem. V.

(1) Obisse hoc anno Clementem loco, mense ac die in Annalibus adnotatis certum est. Viri famam doctiam effecerunt scriptorum studia emendari. Alios enim offendit Temporum Ordo inversus. Alios Sedes ex Italia translatio. Aliis quod Constitutione sua de regna Fratrum Minorum, aliorum partes contra alios fovit. Hinc a F. Francisco Pipino Bononensi, utrinus Prædicatorum avaritia et animi studiosi in propinquis suis ditandis promovendi accusatur Chronic. lib. 4, cap. 47 quo etiam nomine illud damnat Neapoli de Crisinis in literis ad Philippum Francorum regem vulgata a Radzio in Vitis papar. Avenion. 4 an. ii num. 33. Eadem pariter cum aliorum virorum accessione imputat illi Joannes Valart lib. 9 cap. 58. Alii tamen viciis Pontificum hanc egregie commendant, quos inter principem locum meretur Ferretus Vicentinus scriptor eorum temporum, qui alios Pontificum vitam non dissimulat. Hæc vero die de Clemente Hist. lib. 3. Rec. Italic. tom. IX. pag. 1018: « Nec putandum est tam salubrem tamque Deo gratam pastorem odio vel prece corruptum a iustitia decinasse; nam omnia bene et sapienter ab eo gesta nemo mentis integer ambigit ».

MANST.

(2) De electione Ludovici, et Friderici Austriaci ad impediendum sermo hic ab annalista instituitur. Incipit illa quidem in hunc annum die xx Octobris, ut ex litteris archiepiscopi Moguntini ad Pontificem certum est. An vero sicut et de Ludovico electus, eadem pariter Fridericus a suis assumptus fuerit, incomptum mihi est. Id unum scio ex anonymo scriptore gestorum Trevirensium archiepiscopo cum a Martene tom. IV Collectanis sua vulgato, quique hoc tempore vitam Radmii Treviris scribit, electionem Ludovici per amicum Francofurti, Friderici vero in *Saxeleschen*, quem vicinam Francofurti locum esse conicio, Ulrique electus pro suo jure regni coronam assumpsit; Ludovicus quidem Aquigrani die xxv Novembris, S. Catharine festa, ut Rehdolius in Annalibus testatur; Fridericus vero anno sequenti in oppido Bonna, Colonia parum distanti, die festo Pentecostæ, ut ex continuatore Nangii ad an. mcccxvii discimus. Reliqua quæ ad utrumque electum pertinent, ex Annalibus intelliges.

MANST.

apologeticis Commentariis pro Ludovico editis inseruit¹.

18. « Sanctissimo in Christo patri ac domino suo, domino sacrosanctæ Romanæ ac universalis Ecclesiæ summo Pontifici futuro, Petrus Dei et Apostolicæ Sedis gratia sanctæ Moguntinæ sedis archiepiscopus, sacri iur. erit per Germaniam archicancellarius, Joannes Dei gratia Boemiæ et Poloniæ rex, Waldemarus marchio Brandenburgensis, ac Joannes dux Saxonie senior, humiles et devoti cum omni reverentia, devolisima pedum oscula beatorum.

« Vacante nuper per obitum felicitis recordationis serenissimi domini Henrici quondam Romanorum imperatoris ipso Romanorum regno, seu Romanorum imperio, et nobis una cum reverendo domino Balduino sanctæ Trevirensis Ecclesiæ archiepiscopo, necnon reverendi domini Henrici archiepiscopi Coloniensis, et illustrium principum Joannis Boemiæ et Poloniæ regis, Rodulphi comitis palatini Rheni ducis Baviaræ, Waldemari marchionis Brandenburgensis ac ducis Saxonie, honorabilibus procuratoribus, ad quos tam de jure, quam de consuetudine antiqua et approbata jus eligendi Romanorum regem, in imperatorem postmodum promovendum, noscitur pertinere, solemniter concordantibus in diem electionis hujusmodi, videlicet crastinum beati Lucæ Evangelistæ, quæ est decima nona mensis Octobris; et ego Petrus archiepiscopus Moguntinensis prædictus ex officii mei debito ipsam diem ad electionem hujusmodi celebrandam præfixi, litteras meas vocationis ipsis principibus et coelectoribus meis destinando.

19. « Qua die veniente suburbio oppidi regalis Frankenvordensium, loco siquidem ad hoc solito et consueto, nobis Petro Moguntinensi, Balduino Trevirensi archiepiscopis, Joanne Boemiæ et Poloniæ rege, Waldemaro marchione Brandenburgensi, ac Joanne duce Saxonie supradictis ibidem convenientibus, celebrata missa S. Spiritus, deliberatione provida præhabita ad procedendum in electionis negotio prælibato; et in quantum debuimus expectantibus, quod reverendus dominus Henricus archiepiscopus Coloniensis et Rodolphus comes palatinus dux Baviaræ nondum venerant, nec per se, nec per suos procuratores in dicto loco convenerant; nos pro bono pacis volentes in hoc eis deferre, ac facere gratiam specialem, terminum prædictum, videlicet crastinum beati Lucæ Evangelistæ, unanimi consensu cum reverendo domino Balduino Trevirensi archiepiscopo, usque in diem sequentem duximus continuandum: quam continuationem dictis archiepiscopo Coloniensi et Rodolpho comiti palatino, ac aliis, quorum interesse poterat, nos archiepiscopus Moguntinensis antedictus per nostros nuntios speciales ad id deputatos insinuavimus, notificavimus et ad eorum

notitiam deduximus, ipsos citandi vice et nomine omnium nostrorum presentium, ut præfata die continuata in dicto loco ad eligendum convenirent.

« Qua die continuata, ipsi archiepiscopo Coloniensi et comite palatino et aliis, quorum interesse poterat, sic vocatis et sufficienter expectatis, quod non venerunt, nec pro se miserunt, nec vices suas alicui seu aliquibus commiserunt in electionis negotio memorato; audita missa sancti Spiritus, nos archiepiscopus Moguntinensis antedictus, ipsa die continuationis, quæ fuit vicesima mensis prædicti, hora debita et consueta procedere cupientes, in scriptis monitionem legimus, et protestationem quamdam vice nostra ac omnium ibidem presentium, jus in ipsa electione regis Romanorum habentium illa vice, monendo omnes infames, excommunicatos, suspensos ac etiam interdictos; necnon quoscunque alios, si qui forent forsitan inter eos, qui de jure vel consuetudine interesse in ipsius electionis negotio non deberent, quod a tractatibus electionis celebrandæ futuri regis Romanorum, et ab eadem electione recederent, ipsos coelectores nostros, nos et alios, quorum interesset, eligere permittentes; protestando, quod non esset nostra vel coelectorum nostrorum intentio tales admittere, tanquam jus in illa electione habentes aut procedere vel eligere cum eisdem: imo volumus et intentionis nostræ fuit, quod voces talium, si qui reperirentur postmodum interfuisse, nulli præstarent suffragium, nec afferrent alicui noxamentum, et prorsus pro non receptis sive pro non habitis haberentur.

20. « Quam protestationem nos omnes supradicti, una cum reverendo patre domino Balduino archiepiscopo Trevirensi, coelectores tunc præsententes ratam et gratam habentes, consensimus in eandem; et denum post tractatus præhabitos, consideratis sollicite et diligenter circumstantiis pluribus, et statu personarum diversarum, per quas seu per quam regno vacanti et imperio posset utilis provideri, in illustrem virum Ludovicum comitem palatinum Rheni, ducem Baviaræ, virum utique Catholicum, orthodoxæ fidei fervidum zelatorem, Ecclesiæ sanctæ Dei et ministrorum ejusdem, ac pacis sanctæ ab ineunte ætate sua, experientia, quæ est rerum magistra efficax, attestante, devotum et humilem amatorem, strenuum in armis, in judicio justum, in consiliis providum, in universa morum honestate præclarum, benignum, affabilem et mansuetum, de alto et generoso sanguine divorum regum et principum procreatum, ac in cunctis agilibus pro regimine reipublicæ quamplurimum circumspectum, nostrum intuitum, divina disponente clementia, convertentes; nos Petrus Moguntinensis archiepiscopus pro nobis et nomine nostro, præfatus vero dominus Balduinus Trevirensis archiepiscopus pro se et nomine suo; nos vero Joannes Boemiæ et Poloniæ rex, Waldemarus marchio Brandenburgensis, et Joannes (seniorem hunc fuisse electorali

¹ Ead. apud Jo. Georgium Herwartio in an. 1344. num. 5.

pollentem dignitate, contendit Herwartus) dux Saxoniae praedicti, quilibet nostrum pro se et nomine suo, votis nostris per dominum Moguntinum archiepiscopum antedictum vice sua et nostra, et ex speciali mandato suo et nostro diligenter inquisitis; nos electores praedicti in loco praedicto praesentes, ius totale ea vice in electione dicti regis habentes consensimus concorditer in eundem Ludovicum, et ipsum nominavimus, quilibet nostrum pro se nullo penitus discrepante, in Romanorum regem eligendum, in imperatorem postmodum promovendum, et in advocatum sacrosanctae Romanae ac universalis Ecclesiae, viduarumque et orphanorum defensorem. Quibus sic peractis, ego Petrus Moguntinensis archiepiscopus de mandato speciali et voluntate mea, et meorum electorum praedictorum eundem Ludovicum comitem palatinum Rheni, ducem Bavarie, elegi solemniter in hunc modum:

21. « In nomine Domini. Amen. Cum vacante Romano regno seu Romano imperio per mortem felicis recordationis serenissimi domini Henrici quondam Romanorum imperatoris, vocatis qui fuerunt evocandi, et qui in electione regis Romanorum ius habere dignoscuntur, ac praesentibus dicta die continuata ad eligendum omnibus, qui voluerunt, potuerunt et debuerunt commode interesse, placuerit omnibus et singulis praesentibus ad electionem procedere futuri regis; inquisitis votis omnium et singulorum, ius in electione ipsius regis habentium et praesentium, omnes et singulos electores praedictos appareat ex praemissis direxisse concorditer vota sua in illustrem Ludovicum comitem palatinum Rheni, ducem Bavarie, in eum consentiendo, et ipsum nominando in Romanorum regem eligendum; per cujus quidem Ludovici praedicti experte strenuitatis merita, fidei puritatem et constantiam sperator sacrosancta Romana ac universalis Ecclesia potenter et utiliter defensari, ac in spiritualibus et temporalibus votiva suscipere incrementa, et etiam respublica provide dirigi, et pariter superno suffragante auxilio gubernari; ego Petrus archiepiscopus Moguntinensis antedictus vice mea ac coelectorum meorum praedictorum, ius in ipsa electione habentium, ex potestate mihi per eos tradita specialiter et concessa, eundem Ludovicum, invocata sancti Spiritus gratia, in Romanorum regem eligo, in imperatorem futurum promovendum.

22. « Electione autem huiusmodi celebrata, eam nos omnes et singuli electores praedicti praesentes approbavimus, et *Te Deum laudamus* alta voce fecimus decantari, et dictum nostrum electum, qui praesens exstitit, et electioni de se factae divinae volens resistere voluntati, interpellatus cum instantia a nobis, reverenter consensit; et deinde electionem ipsam clero et populo solemniter fecimus publicari. Postmodum vero ipsum electum in civitatem Frankenfordensem introducentes, in Ecclesiam S. Bartholomaei deduximus

et ipsum super altare majus prout moris et consuetudinis est, adhibitis solemnitatibus in talibus debitis et consuetis posuimus, *Te Deum laudamus* denno decantantes. Deinde in cœmeterio Ecclesiae antedictae clero et populo ipsum electum praesentavimus, et ejus electionem fecimus solemniter publicari. Eapropter sanctitati vestre tam humiliter quam devoto voto unanimi supplicamus, ut ipsum electum nostrum in regem Romanorum paternis vobis amplectentes, munus inunctionis et consecrationis eidem conferendo, de sacrosanctis manibus vestris sacri imperii diadema dignemini loco et tempore favorabiliter imperfiri, ut sciant et intelligant universi, quod posuerit in lucem gentium vos Dominus, et per sanctitatis vestrae arbitrium orbi terrae post nubilum exoptata serenitas elucescat. Ceterum ut beatitudo vestra cognoscat evidentius, vota nostra omnium praesentium in praedictis omnibus et singulis concordasse, ac in petitione huiusmodi existere unanimes et concordēs, praesens electionis nostrae decretum sanctitati vestrae transmittimus, sigillorum nostrorum appensione ex certa nostra scientia roboratum. Dat. apud Frankenford X kal. Novembris anno Domini mcccxiv ».

23. Conceptas alias iisdem verbis litteras ad Pontificem datas a Balduino archiepiscopo Trevirensi repetit Herwartus¹ ex archivi Bavarici autographo exceptas, ex quibus Albertum Argentinensem², et alios³, qui pugnantia cum his scribere, emendat, partumque ex hac electione a Ludovico Bavaro Caesarem ius admodum illustrat; de quo Albertinus Mussatus haec tradit⁴: « Vere quidem electionem primitivam a veris imperii electoribus satis idoneam fateri non prohibemur ». His etiam assentitur Joannes Villanus⁵, qui memoratorum litteris electorum Ludovico adherentium nomina recenset. Neque Joannes XXII Ludovici electionem oppugnavit, donec is contra datam fidem vicecomitum Ecclesiastici ordinis hostium, decretoriaque haereseos sententia damnatorum, clientelam adversus Sedem Apostolicam suscepit; tum suprema in Ferrariam ditionis Ecclesiasticae urbem jura, adactis sacramento fidei perduellibus Atestinis invasit: ob quae postulatum iudicio, et ob contemptas leges partis ex electione iuribus exactoratum visuri sumus.

24. Licet vero Ludovicus pluribus publicis scriptis evulgatis anno mcccxiv⁶ et mcccxxviii⁷ contenderit se ante Fridericum Austriacum non modo a majori parte, verum a duobus quoque partibus electorum principum renuntiatum regem Romanorum, atque acerbissime in Joannem dicentem fuisse Ludovicum ipsum discordibus electorum suffragis invecatus sit; et contenderit, sibi primum in loco ad id designato, nimirum Fran-

¹ Herv. an. 1314. — ² Alber. Argen. in Chr. — ³ Gaspin. et alii. — ⁴ Muss. in Lud. Bav. — ⁵ Jo. Vill. l. ix. c. 66. — ⁶ Ext. apud Nic. Minor. Ms. bibl. Vat. sign. num. 4008. p. 13. etc. — ⁷ Ext. ibid. p. 196.

cofarti, dieque constituto electo, atque Aquisgrani corona Germanica redimito ex veteribus imperii consuetudinibus parendum fuisse; tamen Pontifici potius tot publicis edictis litteris inferius asserendis pronuntiandi illum discordibus electum suffragiis, quam Ludovico contrarium affirmanti adhaerendum censumus: præcipue cum plures Germani Italique auctores in ea re consentiant, neque ita illustria et perspecta fuerint Bavaria jura, quin ea controversia Pontificis sententia dirimenda foret, ut jam ante a Richardo Anglo et Alfonso Hispano certatum legibus apud Sedem Apostolicam¹ vidimus: ac si potiora Ludovici, quam Friderici in imperium jura existerent, ut Musatus, Joannes Villanus alique plures consentiunt; in eo peccasse Ludovicum constat, qui armis tantum, non legibus certare voluerit, quæ de re conquerentem Joannem audituri sumus. Superius quidem decretum electionis Ludovici Joanni delatum non fuisse Joannes ipse questus est, vertitque crimini Bavarum, eo Sedi Apostolicæ veterum Cesarum more non oblato, regni administrationem corripuisse²: « Nondum, inquit, electione discordi, quæ de ipso in regem Romanorum promovendum in imperatorem facta fuisse dicebatur, Romanæ Ecclesiæ, ad quam examinatio ac approbatio, seu reprobatio electionis et personæ cuiuscumque in regem Romanorum electi, pertinere dignoscitur, præsentata; nec ea per eandem Ecclesiam approbata vel reprobata ». Pariter decretum de Friderico electo ad Sedem Apostolicam non transmissum³, quamvis illud Joannes expeteret, suo loco dicitur.

25. Neque vero Herwartus⁴ adeo aspere Joannem ob non asserta Ludovico Cæsarea jura passim carpsisset, si mature secum reputasset, Pontificem id nisi judicio ordine agere non debuisset: Ludovicum autem sibi defuisse, qui nunquam legibus, sed tantum vi rem persequi voluerit, atque in iudicem suæ causæ, controversi nimirum Cæsarei apicis, insurrexerit. Debuerat Herwartus potius improbos senatores, qui Ludovicum in atrocissima scelera egere præciperent, insectari; percellere Rodolphum Bavarum principem electorem, qui odio percitus dubiam fratris electionem effecerit; de dissensionibus conqueri Germanorum, apud quos non constabat de nonnullis ex septem virorum numero, quinam creandi Cæsaris jure pollerent, unde oborta est gravissima illa in imperio dissensio: nam sunt, qui indicant, quatuor tantum fuisse principes, de quorum auctoritate in designando Romanorum rege non controvertabatur, nimirum tres archiepiscopos et comitem Palatinum, atque a duobus ipsorum, nempe Petro Moguntino et Balduino Trevirensi Ludovicum; a totidem vero, scilicet Henrico Coloniensi ac Ro-

dolpho comite Palatino Fridericum fuisse electum, in quo par videbatur utriusque electi conditio. Cæteros vero electores Boemum, Saxonem, ac Brandenburgicum controversos ferunt; ducem Charnithie se regno Boemico injuria pulsum disceptasse: Rodolphum Saxonem contra Joannem eligendi Cæsaris jura sibi asseruisse; alium similiter principem cum marchione Brandenburgensi de principatu certasse. Quibus de rebus Jo. Villanus⁵, Albertus Argentinensis⁶, Rebdorfius⁷, Albertus Crantzius⁸ alique agunt. Ex his igitur patet Cæsaris creationem concordem non extitisse, licetque ab Sede Apostolica fuisse dirimendam; quamvis in eo Ludovici electio præstabat, quod Brandenburgicus et Boemus principatum possessione potirentur⁹: nec propterea Joannes ab Herwarto in crimen vocandus, in justitiæ zelo ductus, jura Sedis Apostolicæ tutatus sit, et imperium legum æquitate, non ferro et furore iudice suscipiendum contenderit; quæ de re agitur inferius: atque hæc de Cæsarium duorum creatione sufficerint.

Illi quidem mox a suis corona Germanica redimiti fuerunt, servato a neutro ritu antiquo, ex quo ea pompa a Coloniensi archiepiscopo Aquisgrani peragenda erat. De iis Albertus Argentinensis hæc assert¹⁰: « Fridericus Australis præ fame recedere est coactus, multique dextrarii in ascensu manserunt in via. Ludovicus itaque Aquisgrani a Moguntino et Trevirensi in loco, quo debuit, sed non a quo debuit; Fridericus vero in Bonna a Coloniensi, a quo debuit, sed non in loco in quo debuit, coronati sunt. Adhæserunt autem Ludovico civitates inferiores Rheni usque Seltz, Friderico autem Seltz et superiores regni civitates, exceptis Berna et Solodora, quæ neutrum curabant, etc. » Peperit porro hæc discordia non crudelissima modo et exitiosa in Romano imperio bella, verum etiam funestissimum in Dei Ecclesiæ schisma, de quibus suis locis ageretur. Jam a Germanicis rebus ad Gallicas nos conferamus.

26. *Philippi regis Francorum mors.* — Luxere hoc anno Galliæ Philippi regis mortem, cum ingentia expeditionis Asiaticæ consilia, sed quæ in longum tempus extraheret, ageretur: contigitque ut nullus ex iis regibus, qui in Viennensi Concilio symbolum crucis acceperant, nec successores, dum sibi de vitæ longitudine ablandiebantur, nuncupato voto fidem exsolverent. Tradit hæc de Philippi regis morte Bernardus¹¹: « Anno Domini mcccxiiv, in Vigilia B. Andreæ Apostoli, Sede Romana vacante, obiit Philippus rex Franciæ anno currente xxx regni sui, in castro de Fonte Bliandi ubi natus fuerat in hunc mundum: fuitque sepultum corpus ejus apud S. Dionysium, cor vero ipsius apud Pyssicum in monasterio sanctimonialium,

¹ Tom. Annal. xiv. an. 1263. num. 43. et 1266. num. 36. —

² Jo. tom. v. p. 1. Ep. secr. p. 177. — ³ In tom. v. et secr. an. 10. p. 258. — ⁴ Herv. in Lud. Bav. defens. tom. 1 et 11.

⁵ Jo. Vill. l. ix. c. 66. — ⁶ Argen. in Chron. et alid. — ⁷ Rebdor. in Chron. — ⁸ Crantz. Sax. l. ix. c. 8. — ⁹ Vill. eod. c. 66. —

¹⁰ Argen. in Chron. — ¹¹ Bern. Chr. Rom. Pont. et Ms. Vat. bibl. sign. num. 3765. in Clem. V.

quod ipse fundaverat, dum vivebat: cui successit in regno filius ejus primogenitus Ludovicus, qui tunc erat etiam rex Navarrae ». Versum est in religionem ab Hatis et Belgis scriptoribus ¹, mortis quo Philippus obiit, genus, divinaeque in eum vindictae datum ob Bonifacium calumniis leterimis appetitum, prioresque iras post acceleratam ejus mortem exercitas; cum in venatione, dum aprum insequeretur, ex equo, quem fera turbabat, in terram collisus est, ut narrat subjectis verbis S. Antoninus ²: nam de eo Galli veteres silentium tenent.

« Anno praefato mense Novembris de hac luce migravit rex Franciae Philippus, qui regnaverat xxx annis. Mors autem ejus fuit satis infelix; nam, cum esset in quadam venatione, quidam aper inter crura equi, quem equitabat rex, se ingessit, ex quo rex ex equo cadens paulo post mortuus est. Hic fuit pulcherrimus hominum temporis sui, statura magnus, et optime proportionata membra habebat: sapiens et bonus in se secundum conditionem regiam: sed quia nimis deditus erat delectationibus corporeis, et praecipue venationibus, non tantum vacabat curae regiminis quantum expediebat, sed aliis familiaribus suis negotia regni committebat; quibus cum nimis crederent in consiliis, multa detrimenta inde secuta sunt in regno. Post se autem reliquit tres filios, scilicet Ludovicum regem Navarrae, Philippum comitem Piccardensem, et Carolum comitem Marchiae. Omnes ii fratres fuerunt in modico tempore reges Franciae, succedente altero alteri per mortem eorum. Omnes pulcherrimi viri erant, et male fortunati in uxoribus eorum: nam deprehense sunt omnes in adulterio ». Nonnullisque interjectis: « Ad hanc infelicitatem creduntur devenisse, vel quia contraxerunt in gradibus prohibitis, vel potius propter nimiam injuriam sacrilegii perpetrati a patre Philippo in captura Bonitacii papae ». Ut vero illi ordine nullis relictis tiberis scepro Gallico successerint, quod Valesiorum ducis filio ac posteris transmissum est, suo loco dicitur. Ceterum apud plures invaluisse suspicionem Joannes papa indicat ³, arte et simulatione a Philippo Pulchro nuncupatum expeditionis Syriae votum, atque a divino numine, qui illuserat, vindicta percussus: unde ejus calamitas Philippo VI a Pontifice ob oculos postea proposita, ne simili arte votum infringeret, non enim perjurium impune laturum.

27. *Controversia de reliquiis S. Albani martyris mire composita.* — In Anglia Eduardus rex ⁴, cum Scotiam armis recuperare, conscripto, ut ferunt ⁵, centum millium armatarum exercitu, moliretur, maxima clade a Scotis fusus fugatusque est. Laudatur a Walsinghamo Robertus Brusius, virtutem egregiam militarem in eo bello expli-

cuisse, ac peditem praecessisse exercitum, dato exemplo, ne quis de fuga cogitaret: caesi sunt caplive plures aurati Angli equites, inter quos Gilbertus Glovernia comes in ipso pugna ardore occubuit. Ante hujus cladis historiam praemittit auctor ¹ rem non involvendam silentio: Eduardum regem, cum non levis inter Eliensis et S. Albani religiosos viros arderet controversia de Anglorum protomartyris reliquiis, quas singuli apud se religiose asservari contendebant, explorandae veritatis desiderio feretrum, in quo Elienses sacra lipsana condita putabant, coram se reserari jussisse; ac non S. Albani repertum corpus, sed pannum aspersum cruore adeo vivi coloris, ac si recenter effusus esset. Placet ipsius auctoris verba referre:

« Rex cum vidisset cunctos clavos extractos, et feretrum patefaciendum accessit, et levavit operculum manu sua: et ecce vident locellum illum a summo usque deorsum quodam panno villosa ita occupatum, ut nihil posset aliud continere: in superiori vero parte vestimenti conspiciunt cruoris coagula dense respersa, ita nova, ita recentia, quasi pridie fuissent effusa. Constat hanc vestem fuisse caracallam, quam sanctus Albanus in conversione acceperat a sancto Amphibalo magistro suo in signum religionis, in quo idem martyr sententiam subiit capitalem. Et fas est credere, quod ad honorem sancti, divino miraculo sanguis ejus sic in hac veste servatus, sicut in pulvere sui sepulchri per multa saecula legitur conservatus: cujus pulveris massam, in qua ruhebat adhuc sanguis martyris, S. Germanus Altissiodorensis episcopus secum abstulit et dedit ad natalem (natale) secum (solum) Altissiodoro (Antissiodori) capellam construens in honorem martyris memorari.

« Rex igitur et omnes assistentes, de tanto miraculo stupefacti, prout corruerunt in terram, et facta est non parva hesitatio, quis accederet ad deponendum operculum et feretrum contingendum. Tandem rex ipse ceteris animosior, operculum detraxit ad locum suum. Et tunc primo cognoverunt Elienses, quid de S. Albani haberent, cum oculata fide cernerent, in dicto feretro praeter caracallam nihil omnino contineri. Rex vero, hilarior effectus de rei comperta veritate, dedit illic dona varia, residuum temporis, quo mansit ibidem ducens in summa laetitia, frequenter conferens de merito martyris Albani et gloria, et judicans non sine divina factum providentia, ut in duobus locis tam celebribus martyris veneratio martiris haberetur; et ait Eliensibus: Gaudete de Dei munere, gaudete de tanti martyris meritis et sanctitate, quia si, prout dictis, hic Deus per illum plura facit miracula ratione vestis, credatis quod apud sanctum Albanum ampliora facit miracula ratione corporis quiescentis ».

¹ Joan. Vill. l. ix. c. 65. Ant. lib. p. lit. xxi. c. 3. § 4. Meyer Anal. Flan. l. xi. Massou. in Phil. Pulc. — ² Ant. lib. — ³ Tom. ix. p. 2. Ep. secr. pag. 187. — ⁴ Walsin. in Eduard. hoc an. Polyd. Vir. l. xviii. Boet. Hist. Scot. l. xiv. — ⁵ Buchan. l. viii.

¹ Walsin. ubi sup.

Hoc anno apparuisse tres lunas cruce signatas, conspectasque a se refert Jordanus kal. Martii

duabus ante auroram horis, eandemque impressionem aeream iterum oriente sole refussisse.

SEDES VACAT ANNUS 2. — CHRISTI 1315

4. *Bella in Italia inter Guelfos et Gibellinos; in Germania inter Ludovicum regem Francorum et Robertum Belgii comitem.* — Jacuit in luctu Ecclesia, suo viduata pastore, anno Christi millesimo trecentesimo decimo quinto, Indictione decima tertia, dissidentibus cardinalibus, « atque in diversis », ut ait Bernardus¹, « civitatibus et villis dispersis, sicque loco et proposito divisis »; Romanum imperium duorum Caesarum ambitio cruentavit; laniarunt Italiani funesta Guelphorum Gibellinorumque nomina; fractisque Gallos inter et Belgas induciis, bellum repetitum. In Etruria quidem magno ardore gestum est bellum² inter Guelphos ac Gibellinos, quorum signifer Uguitio Fagiolanus Pisarum et Luca dominus cum Florentinos propagandi imperii cupiditate magnis amicorum auxiliis fultus invaderet, cingeretque obsidione montem Catinum, ii a Roberto rege Siciliae subsidiarias equestres copias ac Philippum Tarentinum principem, ut rei bellicae praeset, poposcerunt. Secuti sunt Philippum Carolus filius, ac Petrus regis Philippique frater, qui infelicitur in acie ab hostibus caesi sunt, tristi admodum ac improviso casu: solvebat enim, exeunte Augusto, obsidionem montis Catini ob snorum in Lucensi agro defectionem, interclusosque commeatu Uguitio; cum Florentinus exercitus sine ducis, tum quartana laborantis jussu, male instructis ordinibus, illum adortus est: qui mox versa fronte et agmine composito inveltus in Florentinos, ipsos magna edita strage, concisisque ferro inter ceteros Roberti regis fratre ac nepote, in fugam vertit.

2. Non caruit etiam bello Germania inferior, cum Robertus Belgii comes Ludovico Francorum regi dicto Hutino, fidem sacramento devincire detrectaret, nisi primum arces a Philippo rege in ultimo bello Belgico retentas restituisset: in eum

enim Ludovicus mox a suscepto insigni regio expeditionem duxit: quae quidem regiae consecrationis pompa hactenus dilata fuerat, ut nova illius sponsa una cum ipso corona cingeretur: priorem enim Ludovici conjugem Blancam ducis Burgundiae filiam in privata custodia, in quam ob adulterii scelus conjecta erat, mœrore vel, ut Joannes Villanus³ et S. Antoninus alique tradunt, praefocata linteo obiisse ferunt. Addit vero Bernardus⁴ Ludovicum Clementiam Caroli Martelli ducis Calabriae filiam, et regis Ungariae sororem solemniter sibi conjugali nexu junxisse, subjicitque: « Sequenti Dominica prima Augusti in festo Inventionis S. Stephani fuit inunctus in regem Francorum Rhemis civitate per archiepiscopum Rhemensem cum memorata domina Clementia sponsa sua ». Addit auctor bellum in Flandriae comitem, qui regiae inunctionis pompae non interfuerat, nec officia clientis praestiterat, susceptum tanto apparatu, ut quindecim milia equitum numerarentur in Gallico exercitu, praeter peditum innumeram multitudinem, sed cum ad Lisam aminem promotae castra essent, tanto imbre terram immaduisse, ut cum luto, non cum hoste, certandum fuerit, universaque expeditio dissoluta sit⁵, ad quam comparandam multae praedae actae fuerant. Et quidem injustos cogendae bello tolerando necessarii pecuniae modo captasse Ludovicum, auctor singillat, dum subdit, ipsum oblata a Judaeis pecunia victum illos restituisse⁶ regno, e quo ob graviora scelera, addictis fisco eorum bonis, pulsae fuerant, ne Gallos improba consuetudine contaminarent.

Tradit idem Bernardus⁷ insigne trisleque humanarum rerum volubilitatis exemplum in Galliis editum fuisse in Engerrano Marini, regii fisci

¹ Jo. VI. l. ix. c. 65. Ad. H. p. 61. XVI. c. 3. § 4. Mass. in Lud. Hul. et alii et Ms. bibl. Vat. sign. num. 3765. in Clem. V. —

² Bern. Chr. regum Franc. — ³ Bern. Chr. reg. Franc. et Ms. bibl. Vat. sign. num. 3765. in Clem. V. P. M. Emul. in Lud. Hul. Gaguin. in eod. Mass. in eod. Meyer. in Rober. et alii — ⁴ Bern. Chr. et Ms. bibl. Vat. ubi sup. — ⁵ Bern. Chr. Rom. Pont. et reg. Franc. et Ms. bibl. Vat. sign. num. 3765. in Clem. V.

¹ Bern. Chr. Rom. Pont. — ² Alb. Muss. de gestis Bohem. l. v. sub fin. Carolus Hut. l. i. c. 24. Jo. VII. l. ix. c. 69 et 70. Leonard. Arel. l. v. Ant. III. p. 44. X. l. c. 1. § 6.

præfecto, qui cum sub Philippo rege summis opibus et gratia florisset, demum repetundarum reus ad patibulum damnatus, incoque tractus est: «Tempore, inquit, Philippi regis, patris illius Ludovici, major post eum non tam merito, quam de facto fuerat nominatus in regno, ita ut secundus regulus, quasi regulus videretur, ad cuius nutum regni negotia gerebantur: quos enim ipse volebat exaltabat, et quos volebat deprimebat; quidquid volebat fieri, factum erat. In modico tamen fuit superexaltatus et elevatus nimis, et post paululum audivimus eum tali exitu defecisse. Itaque exemplo ejus et alterius, qui præcessit, scilicet Petri de Brusia, qui elapsus jam tunc annis ferme triginta octo olim tempore Philippi alterius regis avi istius, postquam supernus effectus fuerat, post similem fortunæ gloriam similem ignominiam est perpressus, discant et pertimescant tam præsentem quam posteri in gradu comites et fortuna sobrie et juste ac pie vivere in hoc sæculo, præcavescentes ne casum consimilem patiantur». Injunctum olim hunc Engerranum Marimum facies funeste illi discordie, quæ inter Bonifacium Philippumque arserat, objicit illi accusator a Carolo Valesio instructus, cum nimirum nummariam pensationem fisco Pontificio debitam suppressisset: quod divinæ vindictæ non immerito ascribendum videtur, nec magicæ artes ab uxore, ut eriperetur supplicio, adhibita profuerunt².

3. *Equitum Hospitaliariorum expeditio in Egei insulas.* — In Oriente sulcasse hoc anno victrice classe archipelagus Fulconem Villaretum, Hospitalarii Ordinis equestris principem, ac plures insulas, interque alias Con, Hippocratis patriam, vulgo Langon dictam, suo adiecit imperio, refert Bosius³. Sed qui impetus vertere in Syriam, atque ad majora efferre animos debuisset, quæsitis piratica arte opibus auctis, Rhodum sibi subjecta, fastu tumidus, curas belli sacri ac publicæ rei abiecit, seque aucupis ac deliciis addixit: quocirca postea, atrocissima equitum conjuratione in ipsum conflatâ, principatu est deturbatus⁴, ut dicitur inferius.

¹ Paul. Æmil. in Lud. Hutino — ² Ibid. Gagni. in eod. — ³ Bos. hist. Equitum Hier. p. 2. l. 1. — ⁴ Ibid.

4. *Henrici eremite obitus.* — Migravit eodem anno¹ Tarvisii ex hac vita ad felicem immortalitatem B. Henricus eremita Bauceno oriundus, qui asperissimo vite suscepio genere, pascendo divinarum rerum contemplatione animo vacabat: cujus morientis sanctitatem Numen pulsatarum divinitus campanarum suavissimo concentu collustravit; atque adeo excitâ repente clerus populusque ad ejus cohonestanda funera concurrerunt. Stetit spectantium populorum, oculis expositum sacrum corpus in Ecclesiæ principe integro octiduo, nec tamen quamvis arderent graviore æstus, corruptionem contraxit. Plures vero celestes virtutes ad ejus sepulchrum editæ, quæ episcopi et prætoris jussu in publicos Commentarios relatæ fuerunt; insque permoti Tarvisini, oratores ad Joannem XXII postea decrevere, qui de ipsis ac B. Parisii consecranda memoria agerent: sed ob secuta deinde bella extracta res est. Ferunt illum aliquando, dum libero et aperto cælo preces Deo funderet, ruptoque nubibus imbre validissimo, nulla vel levi guttula aspersum fuisse.

5. *Raimundi Lulli martyrium.* — Hoc anno Raimundum Lullum (1) in Africa apud Bugiam promulgatæ fidei Christianæ, et confutatæ Mahumetanæ impietatis odio publici magistratus jussu post atroces injurias et carceris squalorem, cum in constantia defendende veræ religionis perstaret, objectum furenti plebi ac gladii saxisque appetitum ex vulnere dolore occubuisse tradunt²: dumque ejus corpus ex sepulchro marmoreo Franciscani templi, adhibitis testibus gravissimis, anno mcccxi erutum est, quatuor ingenta vulnera in capite accepta conspicua³ sunt. Porro ut de ejus vita (nam et nonnulli⁴ ante hæc tempora, alii postea obisse scribunt) ita de ejus doctrina variæ sunt discrepantesque sententiæ⁵: id tamen advertendum est, plures libros pestiferos, veluti de invocatione demonum, de secretis naturæ, de alchimia et metallorum metamorphosi a Raimundo Lullo juniore rabibino, eodemque sub religiosa veste fidei apostata compositos alteri seniori Lullo adscriptos esse;

¹ Pet. Baone Ep. Tar. in Vit. B. Henr. Ferar. in novo Cat. x. Jun. ex Tabulario Eccl. Tarv. Bonif. l. vii. Hist. Tarv. — ² Wad. in Aug. hist. hucan. num. 5. etc. ex ant. Ms. arch. Balar. — ³ Ibid. num. 13. — ⁴ Marian. l. xv. c. 5. an. 1311. — ⁵ Prat. de her. l. xvi. c. 2.

(1) In hunc annum rejicit annalista obitum B. Raymundi Lulli, cujus dies martyrii ex veteri apud Majoricensis Hispanos Balearios traditione die xxxi.iii. collocatur. De anno constat ex vetustissimo Epigrapho, quod olim, ante corporis in aptorem locum translationem, vetri ejus tumulo inscriptum erat, recitaturque a Bollandistis sociis ad diem xxx. Junii in Vita B. Raymundi Lulli. § 6. Vitam ejus delitit anonymus quidam ejus discipulus, cumque magistro adhuc super-tite scriberet, ad exitum usque illius incubationem suam minime perduxit. Ex ejus relatione disemus virum illum a secuti delens ad peritiam religiosam ac eremiticam vitam. Deo per visum invitante, acutum se contulisse, quod in annum mcccxi referunt scriptores apud Bollandistas. Ex tunc vero varias instituit peregrinationes, ubique docuit et exponens illam, quam Curio præcepto perdidit artem, quam vocant, magiam; artem scilicet de omni quacunque re que scripi potest disserendi. Miræ hoc invento usus est in amandanda asserendaque Saracenis vera Religione. Sæpe etiam Romanos Pontifices Honorio in IV, Bonifacio VIII, Clementem V adivit, ut eos adduceret ad omnes solitarios Equitres Ordines in unam regulam et Ordinem jungendos, ad excitanda virorum religiosorum convivia seu collecta in quibus Orientales lingue ad usum propagandæ fidei docerentur; ac denique ut Averrois scripta inquam perniciosa et rebellis Christianis eliminarentur. Nihil tamen profecit. Deum cum Bugiam in Africa transisset, ibique Arabes, quod apprime callabat, Chris. annuntiare Saracenis coepisset, a Barbaris saxis impu. tunc martyri occubuit. Libros plane multos conscripsit: sed multo etiam plures ipsi Luso tribuuntur, quos revera esse alterius Raymundi (non quidem Lulli, ut male annalista) Neophili, et Rabbinus Judæo Christiani, ac tandem monachi, non numero suspexit Waddingus a hunc annum num. 13. Ex his libris in nostrum ex n. omnis s. militudine ea arte est mixta, qua Lullus apud recentiores quosdam flagrat, cum revelet Lullo antiqua apud Majoricensis religio cultum detulerit, qualem decet virum sancti elogio insignitum, ut fuit apud Bollandistas in Commentar. præv. a 1 ejus Vitam §. 2.

unde istius errorum infamia prioris existimatio inquinata. Cum vero in aliis Raimundi Lulli libris plura reperiantur, quæ a fide orthodoxa primo aspectu abhorreant, nisi in meliorem sensum trahantur, quod operosa mole tentant edite plures apologiæ, id dici potest illum quamvis erraverit, non tamen hæreticum fuisse, cum pertinaciam errori non conjunxerit : quanquam Lullistæ ingentia sub obsoletis verbis arcana latere contendunt,

quos sugillat Mariana¹ quod videre se fingant aut somnient quod non vident, et digito conentur ostendere quod nusquam est. Ut vero Gregorii XI jussu de Raimundi Lulli erroribus², an ii senioris an junioris extiterint, habita sit judiciaria actio censore tidei Aymeric, dicitur suo loco (1).

¹ Mariana, l. xv, c. 5. — ² Recensentur centum error. in direct. inquis. Aymet, c. p. 2. q. ix.

(1) In continuatione Historiæ Ecclesiasticæ Parisiensis Gerharli Dubois a veteri Tabulario Parisiensi recitantur litteræ Ludovici X regis hoc anno Decembri mense datæ, in quibus auscultasse se testatur archiepiscopum Senonensem qui totius Senonensis Concilii nomine obtulit unam de inani duplici solutione conferendam, opportunitatem regiam subdum. Hoc vero Concilium celebratum scriptor ille censet anno isto in loco incerto, sed forte Lutetia, cui et præfuisse suspicatur Vilhelmum Philippum successorem, quia in re mentosum censet catalogum archiepiscoporum Senonensium apud Saccomanum, qui Philippum archiepiscopum vitam diutius pro-regant. Sed vix credo Concilium istud aliud fuisse a Concilio Parisensi anno Superiori, Maii mense a Patribus provincie Senonensis Philippo archiepiscopo prasidie habito. Quamvis enim tunc Philippo Pulchro in vivis agente ad illum designandus fuisset archiepiscopus Senonensis, non vero ad Ludovicum, qui nondum regnabat; forte tamen hæc archiepiscopi destinatio ad Philippum quidem directa erat; sed illo interim defuncto, et Ludovico substituto ad illum ex synodi mente archiepiscopus venit. Quare ut duas Senonensis Provincie Synodos duobus succedentibus annis celebratas commisceamus, nihil est.

Anno isto pariter Concilium provinciale Baniem in Helling Borriga Petro Lundensi archiepiscopo celebratum notat anonymus rerum Daniarum chronologus a Ludwig Reih. tom. ix vulgatus num. 7. In eo Concilio decretum fuit de « subsidio dando et (nuncpe Petro archiepiscopo in exilium actoj ex episcopis, qui modo in exilium deportatus fuerat ». Concilii hujus mentio nulla in Collectionibus hucusque vulgatis.

JOANNIS XXII ANNUS 4. — CHRISTI 1316.

4. *Joannis XXII electio, primordia, et coronatio.* — Discissi in contrarias factiones cardinales, quos nondum orbatæ sponso Ecclesiæ luctus, non dissidentium regnorum calamitates, non rei Christianæ periclitantis discrimina moverant, Philippus Pictaviæ comitis, a Ludovico fratre Franciæ et Navarræ rege in eam rem missi, industria, Lugdunum variis artibus exciti pro creando Romano Pontifice, in sacrum conclave anno millesimo trecentesimo decimo sexto, Indictione quartadecima, compulsi sunt. Quos quidem pie delusit Philippus comes, ut Ecclesiæ consuleret, ac fidem religiose fregit, ut refert Bernardus hisce verbis¹ : « Steterunt sic divisi loco et proposito annis amplius quam duobus, (de cardinalibus e Carpentoracensibus comitiis digressis loquitur), fueruntque tractatus plures habiti per personas medias inter eos : quorum finis tandem fuit mediante domino Philippo comite Pictavi, postmodum vero

rege Franciæ et Navarræ. Qui congregati sunt in Lugduno pactis prævis, quod non includerentur, et quod possent de Lugduno recedere quando vellent : quæ tamen fuerunt eis minime observata, quatenus pro majori bono reipublicæ, quæ præfertur private, compellerentur Ecclesiæ providere ».

2. Pertinacissimarum dissensionum fontem et causam aperit ex Joanne Villano¹ S. Antoninus² : « Multi, inquit, ex eis erant Guascones, et ii quærebant Guasconem habere Pontificem : qui vero erant ex Francia, Provincia, et Italia cardinales, illis non acquiescebant, alium quærentes, sive qui eis videretur Ecclesiæ Dei utilior, sive qui eis foret favorabilior ». Abrupit demum divina manus funestos private utilitatis et commodi nexus ac post consumptos altercationibus quadraginta dies, cum nisi dato Ecclesiæ Pontifice inde discessuros incensus ipsis religiosus metus fuisset, suffragia in Jacobum episcopum Portunensem contulere. De quo hæc Bernardus³ : « Quadagesimo die ab in-

¹ Bern. Chron. Rom. Pont. et ex eo Bosque, et Ms. Vat. sign. num. 3765, in Jo. XXII. Ptol. Luc. Hist. Eccl. Ms. l. LXIV. c. 12 et alii.

² Jo. Vill. l. ix, c. 79. — ³ Ant. Ul. p. tit. XXI. c. 4. ante § 1.

— ³ Bern. Chr. Rom. Pont. Ptol. Luc. Hist. Eccl. Ms. l. XXIV. c. 12.

clusione ipsorum quæ facta fuit in Vigilia Apostolorum Petri et Pauli, ipsis tunc quod tunc debent includi, penitus nescitis pariter et invitis tandem tractatu prohibito in præfatum dominum Joannem omnes pariter consenserunt. Erat autem cardinalis episcopus Portuensis, et Jacobus vocabatur : sed Joannes exinde vocatum est nomen ejus ». Nec ab his discrepat Ms. Vaticanum, in quo hæc habentur ¹: « In dominum Joannem consenserunt, ipsum eligentes anno Domini mcccxvi, mense Augusti, die xvi ». Celebratam eam electionem Lugduni VII id. Augusti a viginti tribus cardinalibus consentit Ptolemæus Lucensis ², Joannemque hoc exornat elogio : « In hunc Pontificem consenserunt, virum ardentis ingenii, et in jure Ecclesiastico ac divino valde peritum ». Ex Victorianis etiam Annalibus, hoc tempore conscriptis, magni ingenii, honestæque vitæ laude commendatur ³.

3. Assurrexisse in eam augustissimam omnium dignitatem ex abjecta et inopi conditione (1), emensis pluribus honorum gradibus, auctores consentiunt ². Calurensensem quidem patriam, patre Arnolde sutore veteramentorum; vicisse vero ingenio fortunam, ita refert S. Antoninus: « Hic fuit natione Gallicus, generis sui infimæ conditionis, filius scilicet resartoris sotalarium, pauper temporali substantia, sed dives ingenio et scientia; parvus corpore, sed magnus animo, qui nutritus est sub archiepiscopo Arelatensi magistro suo: quo sublato rex, (Robertum Siciliæ regem intelligit.) fecit eum loco ejus cancellarium ³ suum, et postmodum factus est episcopus Avenionensis, et inde propter scientiam suam et prudentiam factus est cardinalis ». His addit Bernardus ⁴, creatum pri-

munum Forojuliensem episcopum in Aquis provinciam, atque ab ea sede traductum ad Avenionensem, et adhibuit in Bonificii causa ad expianda testium dicta viduimus; deinde a Clemente Quinto anno mcccxi sabbato Quatuor Temporum, recurrente Adventu Dominico inter cardinales Avenionis relatum.

Sugillant eum nonnulli¹ dolo ad Petri Sedem irrepsisse, adeo ut cum ipsi a cardinalibus designandi Pontificis optio jure pae data essent, semetipsum consilio Neapolitoni Urini Pontificem remittant. Verum ut Neapolionem Joanni ad Pontificatum illi defendendum studuisse, plurimaque apud ipsum gratia valuisse non negamus, uti ex dicendis patet; ita rem hanc ab invidis factatam non leve argumentum est, cum Ludovicus Bavarus, alique Joannis hostes infensissimi, in illis adversus ipsum invectivis² acerbissimas, quas prae manibus habuimus, nunquam ea objecerint, quae sane nunquam, si mixta fuissent veritate, ut illum ambitionis nimia notarent, praeferissent. Neque etiam si ita res successisset, Joannes liberi et constanti voce denuntiasset toti orbi, se a Pontificatu oblato omnium suffragiis consentientibus abhorruisse, atque admodum ancipitem habuisse, an huiusmodi oneri subduceret, ut Encyclicae litterae doceant a nobis inferius afferende³. Commentum pariter inane videtur, ipsum Neapolini cardinali Ursino, cujus opera Pontificatum adeptum aiunt, sacramento ante adstrinxisse, nunquam mula vel equo vectum iri, ut Romam se conferret, promissa vero cavillo elusisse, nec in posterum iter, nisi pedibus aut flumine confecisse.

4. Dum Pontificiæ infuke conferendæ apparatus ornabatur, Philippi Navarræ moderatoris oratores a Joanne expetiere, ut celebritatem ad dies quin-

¹ Ms. Vat. bibl. sign. num. 3705. — ² Ptol. Luc. hist. Eccl. Ms. l. xxiv. c. 42. — ³ Mass. in Jo. XXII. — ⁴ Bern. ubi sup. Jo. VII. l. ix. c. 79. Ant. ubi sup. Mass. in Jo. XXII et ali. — ⁵ Jo. tom. viii. p. 1. Ep. sec. p. 27. — ⁶ Bern. ubi sup. et Ms. bibl. Vat. sign. num. 3705. Ptol. Luc. Mass. in Jo. XXII et ali.

¹ Jo. Vill. Anton. et Mass. ubi sup. — ² Ext. apud Nic. Mau. Ms. bibl. Val. sign. num. 4008, — ³ Hoc an. num. 8.

[illegible]

Errat etiam Vilanus in assignanda die, quae Joannes plebeum rati eorumque Pontificum assumptum, non enim in eam rem dies octava Septembris Vilanus memorat, sed dies quinta eadem mensis, quae Dominica erat, selegit. Docet id Bernardus in Chron. Rom. Pontif., Joannes Andreas in prologo Clementinarum, quem utrumque scriptorem adducit Pagus in Breviar. num. 9, cui adde Theologorum Niumm, Balizium in Notis ad Vitae Papae Avenion. pag. 589, paribus nititur probare, non adeo vili genere natum fuisse Joannem, cum Albertus Argentensis eorum temporum scriptor « de militari progine », hoc est, ut interpretatur Balizius « ex prisca nobilitate » natum asserat. Sed plebeum genus Joannes scriptores reliqui vultis adducunt. Quid vero ad Balizium ad probandum generis nobilitatem in Joanne, illorum scilicet res domesticas non adeo tenues fuissent, cum his aliquid suspiceret, unde solo aere blum possent ut studio operam navaret, id inquam, illustraret, e. explicaret ex his, quae tradit Ferreris Vincentinus; scribit enim etiam ex plebeo quidem patre natum « Avunculo Duce, qui tenui mercatorum lucris intentus, alta spe fore tentabat Nonnulli profectum fuisse, quibus Grammaticam, et Dialecticam didicisse ». Tum subdit illum fratris egi-dii duci Minoris beneficii adlectum fuisse inter regios Caroli Siciliae, et Dialecticam didicisse ». Tum subdit illum fratris egi-dii duci Minoris beneficii adlectum fuisse inter regios Caroli Siciliae, et Dialecticam didicisse ». Tum subdit illum fratris egi-dii duci Minoris beneficii adlectum fuisse inter regios Caroli Siciliae, et Dialecticam didicisse ».

MANSI.

decim extraheret, quo illius pompam spectare posset : qua prorogatione impetrata, iterum alia dierum octo expetita : sed cum tertia ejusdem principis nomine postularetur, negata est iustissimas ob causas, quas Pontificio jussu Arnaldus cardinalis Philippo exposuit ¹ :

« Excellenti et magnifico viro amico charissimo domino Philippo, claræ memoriæ domini regis Franciæ filio, regna Franciæ et Navarræ regenti, Arnaldus miseratione divina S. Mariæ in Porticu diaconus cardinalis salutem, et felices ad vota successus.

« De conscientia sanctissimi in Christo patris domini nostri summi Pontificis, et ejus expresso mandato in notitiam excellentiæ vestræ deducimus, quod nuper die lunæ, tertio videlicet post ejus assumptionem ad Apostolatus officium, speculabilis vir dominus comes Foresii et magister Radulphus de Perellis clericus vestre, ipsius domini nostri præsentiam adeuntes, pro parte vestra supplicarunt eidem instantibus, quod in aliquo loco regni Franciæ celebrare vellet coronationis suæ sollemnia, diemque ipsi coronationi præfigere, in qua possetis juxta conceptum inde per vos desiderium interesse; arbitantes ad id dies quindecim, ex tunc computandos, ad adventum vestrum posse sufficere, illosque concedi petentes, cum infra illos se credere dicerent, vos posse venire pro certo; et de supplicatione hujusmodi vestro nomine facienda, cuicumque in Pontificem Romanum assumpto, ac a vobis idem clericus asserebat speciale suscepisse mandatum. Præfatus autem dominus noster vobis in his et aliis proculdubio cupiens complacere, ac assensum vestram eidem coronationi gerens placidam atque gratam, licet breviorē diem ipsi coronationi antea præfisset, eam tamen ad illorum instantiam usque ad dictos dies quindecim petitis ut præmittitur prorogavit. Et deinde veniente viro magnifico domino... delphino Viennæ, et pro ulteriori prorogatione sollemniter instante, dominus ipse noster ad complacendum vobis uberius, et ut, si fieri posset, vestram posset habere præsentiam, per alios octo dies coronationem prorogavit eandem.

5. « Novissime vero venerabili viro domino P. de Capis Rhemensi canonico, clerico vestro, adhuc instante pro prorogatione majori, idem dominus noster de fratrum suorum consilio, ei habita deliberatione super hoc cum eisdem, respondit illi, quantumcumque vestris complacere vellet affectibus, quantumcumque etiam vestra cuperet lætificari præsentia, absque tamen scandalo plurimum, præsertim dominorum cardinalium, qui apud Avinionem, ubi erat ex indictione publica in proximus kalendis Octobris audientia Romanæ curiæ resumenda, rerum suarum premiserant partem non modicam, sine quibus amplius nequibant commodè remanere Lugduni, et

multorum etiam prælatorum, magnatum quoque et nobilium in curia ipsa sistentium, et avide coronationem expectantium antedictam; et insuper absque totius reipublicæ gravi dispendio coronationem ipsam non poterat ulterius prorogare, quoniam ante illam ardua, quæ incumbunt negotia expediri, nuntii qui ad partes varias sunt mittendi, interim destinari non poterant, cum nec ante uti Bulla consueverint Romani Pontifices, et jam instabat tempus audientiæ, ut præfetur, apud Avinionem indictæ, quod absque damno intolerabili mutari, vel differri non posset. Vestrum etiam poterat in ipsius coronationis expeditione festina interesse versari, quia si pro Flandriæ, vel aliis vestris et regi negotiis dominum ipsum nostrum interim scribere oporteret, id non posset ante coronationem hujusmodi facere, nec ante ex more Bulla, ut prædicatur, possit uti.

« Propter quod, cum ipse sciat, vos virum esse virtutis, bonitatis expertæ, conscientiaque sincere, ut nullatenus velitis cum tanto dispendio tantoque scandalo aliquid in hoc agi, supponit idem dominus noster indubie, quod prudentiæ vestræ mansuetudo moleste non feret, si requisitionem dicti canonici ad exauditionem admitti, præmissa consideratione attenta, non sinit. Ipse quoque, laudabilem vestrum veniendi contemptum affectum, vos nedum a veniendo habet, ut et concedet, excusatum; quinetiam perinde reputat, et gratiarum prosequitur actione, ac si personaliter interessetis coronationi prædictæ. Hæc scribimus vobis, quia dominus noster ante suæ coronationis sollemnia non posset juxta morem Ecclesiæ Romanæ laudabilem vobis, vel alii cuiquam aliquid scribere, cum nec antea Bulla integra possit uti. Datum Lugduni IV kal. Septembris ». Eadem etiam de causa, cum Robertus Siciliæ rex duo millia unciarum auri, extracta reliqui census solutione, Joanni submisisset, Nicolaus O-tiensis et Velletransis episcopus, Nicolaus tit. S. Eusebii presbyter, et Neapoleo S. Adriani diaconus cardinales ad Robertum de accepta vectigalis parte transmissere syngrapham ², his verbis consignatam : « Dat. Lugduni XVII kal. Septembris suscepti a domino Joanne Apostolatus anno 1 ».

Rediitum ipsum sollemni ritu Pontificalibus infulus Lugduni, refert Bernardus ³ subjectis verbis : « Fuit coronatus more Pontificum Romanorum cum honore sollemni nonis Septembris, Dominica prima mensis, Lugduni in Ecclesia cathedrali ».

6. *Litteræ Joannis Encyclicæ.* — De suscepto Pontificatu certiores tum fecit totius orbis Christiani præsules Encyclicis litteris ⁴, quæ in Pontificio Regesto Rhemensi archiepiscopo ac suffraganeis inscriptæ sunt : coque exemplo ad patriarchas,

¹ Ext. in Arce S. Angeli et infer coll. Plat. tom. I. pag. 412. —

² Bern. ubi sup. et Ms. bibl. Vat. sign. num. 3765, in Jo. XXII. —

³ An. I. p. I. Ep. cur. I. et post eand. Ep.

⁴ Tom. I. Ep. secr. XXIX.

archiepiscopos, episcopos, quorum prolixior catalogus describitur ¹, exarata, quibus ipsos ad instruendos et pascendos probe populos, ac partienda apostolatus onera adhortatur: tum etiam immunitata extrema earum calce transmissa ad Ludovicum Bavarum ac Fredericum Austriacum electos tumultu et discordia Romanorum reges, Joannem Boemiam, Carolum Ungarie, Ericum Danie, Birgerum Suecie, Eduardum Anglia, Philippum Francie et Navarre administratorem, Alfonsum Castellæ, Dionysium Lusitanie, Jacobum Aragonie, Sanctium Balearium, Henricum Cypri, Ossinium Armenie, Fridericum Trinacrie, ac Robertum Sicilie reges, quibus lotus electionis sue seriem exposuit; iucitavitque, ut ad rem Christianam, ac decretam in Concilio Viennensi expeditionem conficiendam cum Apostolico ejus zelo consentirent. Eas nos subjicimus, quas ad Robertum regem cui antea studio conjunctissimus fuerat, dedit ²; in quibus id adjicit, partum Pontificum munus nil pristinae detracturum benevolentiae, sed ipsam amplificurum: quæ promissa ipsum coluisse auctores testantur ³.

7. « Joannes episcopus, servus servorum Dei, charissimo in Christo filio Roberto regi Siciliæ illustri, salutem et Apostolicam benedictionem.

« Mira et inscrutabilis providentia Dei summi, firmam retinens in sua dispositione censuram circa sacrosanctam Ecclesiam Catholicam, quam sibi charitatis ineffabilis dulcedine copulavit, ita suæ benignitatis affectum et protectionis auxilium gratiose continuat, quod ubi ex insurgentis fremitu tempestatis submergi creditur, paratur eidem ex commotione tranquillitas, et in auram mitescentibus procellosi turbinis fluctibus, ab instantibus periculis prorsus servatur immunitas. Hoc quippe multifarie multisque modis ipsa magistra rerum experientia olim edocuit, et novissime diebus istis id ipsum evidenter ostendit, dum ipse pius Pater et misericors Dominus Ecclesiam ipsam, inter longæ ac periculose nimis viduitatis angustias fluctuantem, de suo habitaculo preparato oculo benigno respexit. Dudum siquidem, sicut tuam credimus notitiam non latere, sanctæ recordationis Clemente papa V prædecessore nostro de præsentis vite mœroribus ad cælestem patriam evocato, nos et fratres nostri ejusdem Ecclesiæ cardinales, de quorum numero tunc eramus, cupientes eidem Ecclesiæ de pastore celeriter providere juxta Constitutionem Apostolicam super hoc editam, nos inclusimus in conclavi, quod in civitate Carpentoractensi, ubi tunc Romana curia residebat, ad hoc extiterat præparatum. Demum vero electionis prædictæ negotio imperfecto, ex certis causis legitimis conclave prædictum egredi necessitate compulsi, nos ad diversa loca transtulimus, prout unicuique nostrum expediens visum fuit.

8. « Cumque postmodum diffusi temporis spatium, sicut Domino placuit, interjecto, ad civitatem Lugdunensem pro ejusdem electionis negotio concorditer venissemus, vias nostras illo dirigente qui novit, et tandem die septima præteriti mensis Augusti in loco fratrum Ordinis Predicatorum Lugdunen. in quo residebamus, insimul pro præfato electionis negotio fuisset in loco solito congregati; benignus sapientiæ spiritus, nesciens tarda molimina, tam proluxæ ipsius Ecclesiæ viduitati pie compatiens, cum eam nollet ulterius viduitatis incommodis subjacere, fratrum ipsorum corda sic adduxit ad spiritus unitatem, quod miro Dei, et nobis nimirum stupendo consilio ad imbecillitatem nostram oculos dirigentes, nos tunc Portuensem episcopum ad suscipiendum onus nobis ex humano defectu importabile, curam videlicet universalis gregis Dominici, concorditer, nemine disceperante, in summum Pontificem elegerunt.

9. « Nos autem difficultatem officii pastoralis, continui laboris angustias, et præexcellentiæ dignitatis Apostolicæ infra nostra præcordia recensentes,strarumque melientes virium parvitatem, timore ac tremore concussi, vehementer hæsitavimus, nec indigne. Quid enim tam timendum tanque pavendum, quam fragili labor, indigno sublimitas, et dignitas non merenti? Verum ne post ejusdem vacationis tam diffusa et dispendiosa tempora, obstinata contradictionis reluctatio profusioris dispendii occasionem induceret: nos quanquam de nostra, quam noster nobis animus attestatur, insufficientia desperantes, humiles nostros ad montem illum convertimus oculos, unde nobispe multa promittitur auxilium opportunum. Sicque de superabundantia illius omnipotentie concepta fiducia, cui enim voluerit subest posse; necnon de ipsorum fratrum nostrorum eminenti scientia, industria circumspecta, et experientia multa in agendis comprobata confisi, quorum sano consilio dirigi speramus in dubiis, et fulciri suffragiis in adversis; in humilitatis spiritu consensus præbuimus electioni prædictæ, tantique oneris sarcinae imbecilles exposuimus humeros, debiles misimus manus ad fortia, et colla nostra humiliter iugo submisimus Apostolicæ servitutis; suppliciter implorantes, ut ipse, qui per hujusmodi vacationem in maris mundi hujus altitudinem nos deduxit, non patiat nos ab ipsis tempestate demergi: sed illam nobis suæ potentiae dexteram porrigat, quæ Apostolorum principem ambulantem, et hæsitantem in fluctibus, ne mergeretur erexit, et coepostolum ejus Paulum nocte ac die in profundo maris positum liberavit; viamque nobis et tibi, cunctisque Catholicis principibus ac cæteris Christianis, illis præsertim, qui ad hoc vivificæ crucis signaculum assumpserunt, salubrem et paratam aperiat, nostris et illorum cordibus pium infundat affectum, et infusum augeat et conservet; viresque opportunas sua di-

¹ Reg. an. 4. p. 4. post Ep. cur. r. — ² Ann. 1. p. 1. Ep. cur. 1. — ³ Jo. Vll. 1. ix. c. 79. Aut. tit. xxi. c. 4. ante § 1.

gnatione tribuat ad parandum festinum et efficax Terræ Sanctæ subsidium, et ad recuperandum hæreditatis Dominicæ præclaræ funiculum de infidelium manibus, ad quod utique desiderium habemus intensum.

« Et quia quod in hac parte nostris exsequi meritis non valemus, multiplicatis intercessoribus nobis confidimus elargiri, tua et aliorum fidelium suffragia humiliter imploramus: et illos specialiter, qui sæcularis potestatis sollicitudinem in populo Domini susceperunt, ut in illo, prout ad eos pertinet, nobiscum fideliter et efficaciter collaborent, decrevimus exhortandos; et te præcipue, ad cuius personam et domum, ut nosti, gessimus ab olim, dum nos minor status haberet, solidæ dilectionis affectum, quem utique non imminuit, sed auxit potius desuper impositum Apostolatus officium, et exultit in paternum. Dat. Lugduni non. Septembris, Pontificatus nostri anno 1^o.

10. *Ludovicus et Fridericus simul in imperii solium discordia evecti, ad pacem sollicitati.* — Acceptis igitur Ecclesiæ gubernaculis Joannes, atque excitatis fidelibus ad divinam illi suis apud Numen precibus conciliandam gratiam, atque antistitibus et regibus ad coniungendam cum ipso pro re Christiana augenda operam sollicitatis; primas Apostolicas curas componendo Romano imperio, quod duorum Caesarum extitit ambitione fluctuabat, addixit: primumque paternis monitis Ludovicum Baviaræ ducem¹ mulcere, atque ad pacem ineundam cum Friderico Austriæ duce, controversiamque non ferro, sed æquitate iudiciorum dirimendam adducere, his verbis est conatus:

« Joannes, etc. Ludovico duci Baviaræ in regem Romanorum electo.

« Quanta de concordia inter te et charissimum in Christo filium nostrum Fridericum ducem Austriæ, in regem Rom. electum, si votis nostris annueret Dominus, reformanda utilitas proveniret, ipsa dispendiorum, quæ jam ex perniciose inter te et ipsum discordia his temporibus emergerunt, consideratio manifestat. Sopiret quidem pacis lenitas mala, quæ guerrarum calamitas introduxit, et multiplicata commoda ex illius reformatione succrescerent, præcis incommodis quæ dissensionis iniquitas germinavit. Propterea quæsumus, dilectissime fili, ut persuasiones paternas devota mente suscipiens, ad pacis et concordie lædera cum eodem electo, Deo propitio, reformanda cujusvis occasione rancoris exclusa, mentem tuam habiles et coepes; ut nostra sincera præcordia, quæ tuam et ejusdem electi, multo-

rumque fidelium populorum sentit in præfata dissensione jacturam, reformatio prædictæ concordie grata lætificet: ipseque misericordiarum Dominus, vota tua suis beneplacitis conformari prospiciens, præter retributionis æternæ mercedem, quam inde mereberis, adaugeat in benedictionibus dulcedinis diem tuos, etc. Datum Lugduni. non. Septembris, Pontificatus nostri anno 1^o. Ursit etiam aliis litteris¹ ipsum ac Fridericum Austriæ ducem æmulos, ut pacem inter se conciliarent: celeste enim eo facto imperium promerituros. Nil Pontificiæ exhortationes valere, belloque civili Germania misere attrita est, cujus clades accurate describunt Germanici scriptores².

11. *Ludovici X regis Francorum mors.* — Turbidæ etiam in Gallis admodum res exitere Ludovici X Galliæ et Navarræ regis obitu, de quo hæc Bernardus³: « Anno Domini mcccxi, sabbato infra octavas Pentecostes, nonis Junii, obiit rex Franciæ Ludovicus regni sui anno secundo: fuitque corpus ejus cum honore regio in monasterio S. Dionysii tumulatum; unicam filiam suam relinquens ex prima uxore, secunda vero uxore domina Clementia remanente gravida et prægnante ». Necatum veneficio fuisse regem submurmuratum est: nam et superiori anno deprehensa tradunt cerea simulachra Ludovici Hutini et Caroli Valesii, quæ leviter igni adnotata sensim opera daemonum tabem regi ac patruo erant illatura; earumque auctoris Paviothum magum et Claudam veneficam supplicio extremo periisse. Nec sane vana res est, diras hujusmodi artes in principum perniciem tentatas; cum iisdem Pontificem ipsum ac nonnullos cardinales appetitos, inferius visuri simus, repositosque tunc in Gallis variorum ordinum viros magica peste contaminatos. Neque calumniatores defuere, qui alienæ famæ struxerint insidias: nam et Gerardum e Barro clericum accusasse unum ex cardinalibus apud Ludovicum regem, dum vivebat, ac sanctius illius consilium, regi ac Philippo fratri Pictaviæ comiti, tum duobus cardinalibus veneno magicisque artibus, « per fabricationem et rabuzationem imaginum, cum incantationibus et invocationibus demonum conditarum », ut aiebat, mortem inferre pertentasse docent Joannis litteræ⁴ Parisiensi episcopo missæ, quibus a Guerardo tento in carcere publicam confessionem exprimi, atque ad se transmitti jubet. Temere autem jactatam calumniam iudiciorum exitus indicavit(1).

12. Contulit postea Pontifex nonnulla indul-

¹ Tom. I. Ep. secr. 1. — ² Alb. Arg. in Chr. Stero Althaens, et alii. — ³ Bern. Chr. Rom. Pont. et Chr. reg. Franc. et Ms. bibl. Vat. sign. num. 3765. in Clem. V. — ⁴ Tom. I. Ep. secr. LVII.

(1) In his, quæ annalista scribit in hoc et sequentibus paragraphis de rebus Gallicanis agens, nonnulla corrigenda sunt ex continuatore Nançii, qui tunc scribebat. Ludovicus X Galliarum rex hoc anno, ut Bernardus scribit, diem clausit extremum, sed Bernardus, et cum eo annalista noster in mense assignando errant. Non enim nonis Junii, sed potius die v. Julii decessit, ut idem continuator affirmat. Nec reputandum est errorem ab amanuensi in mense assignando profectum, cum scribit Philippum Pictaviensem, statim audito Ludovici obitu,

gentiarum præmia iis, qui pro defuncti regis anima et prole, quam reliquerat, ut feliciter in lucem prodiret, preces apud Deum funderet, scriptis ea de re ad Clementiam reginam litteris ¹ V id. Septembris : « Omnibus, inquit, vere pœnitentibus et confessis, qui devotis orationibus pro te ac prole tua; necnon pro animabus claræ memoriæ Ludovici regis Francorum viri tui, et parentum tuorum divinam misericordiam implorant, quoties apud Deum huiusmodi orationes effuderint, viginti dierum indulgentiam misericorditer impertimur ». Quam etiam criminum condonationem pro Ludovici regis anima Deum exorantibus alio Diplomate ad Philippum illius fratrem dato confirmavit ². Meritis erat egregie de universa Ecclesia Ludovicus ³, qui purpuratos patres ad dandum viduato orbi pastorem Philippi fratris opera compulisset; tum ingentes spes rei Christianæ providendæ, atque expectationem instauranti rei Syriacæ injecerat : vovisse enim ipsum in Concilio Viennensi OEcumenico coram patribus religiosos in Saracenis Asiaticis militiam, Clementis ⁴ Pontificis litteræ docent, illiusque Vite auctores ⁵ testantur, suprema mandata de eo conficiendo bello sacro a Philippo patre moriente accepisse. Sed pia ejus consilia mors oppressit.

13. *Clementiam viduam solatur Joannes ob defunctum ejus filium nuper natum.* — Suscepit vero regni administrationem ac procurationem regii uteri Philippus Pictaviæ comes ipsius frater secundus natus, *Longus* ob proceritatem corporis dictus, de quo Bernardus hæc scribit ⁶ : « Gubernacula utriusque regni Franciæ et Navarræ suscepit Philippus germanus ejus, comes Pictaviensis, sub nomine regentis tenenda, si puer masculus nasceretur usque ad intelligibilem ætatem annorum xiv pervenisset. Si vero filia nasceretur, idem Philippus rex Francorum fieret, et duæ filiæ Ludovici, (edenda nimirum in lucem e Clementia, atque alia e Blanca priore suscepta,) haberent et sibi di-

viderent regnum Navarræ, et Campaniæ comitatum. Et hæc dicuntur fuisse pacta primo inita et firmata; quanvis postmodum aliter fuerit ordinatum ». Philippum non Francie modo, sed Navarræ etiam regna corripuisse post nepotis mortem videbimus. Addit auctor, ut Clementia regina partum sit enixa : « Post hoc vero xiv die sequentis mensis Novembris Dominica die, sub nocte media præcedenti, memorata domina Clementia regina peperit filium suum primogenitum Parisiis, et Joannes vocatum est nomen ejus, et nulli in nativitate ejus gavisus sunt ». Audito quidem illius ortu Pontifex, ex innata in Gallos propensione, ut divinam gratiam et humanam felicitatem Gallorum apud Deum precibus novo regi conciliaret, exarato VII kal. Decemb. Diplomate viginti dierum sacram indulgentiam daturis pro illius incolmnitate cælo preces impertit ¹. Visum est divino Numini potius ut rex infans caducam æterna vita ac felicitate commutaret : qui cum brevis ævi extiterit, Francorum regibus a plerisque non annumeratur; septem enim tantum diebus vixisse refert Bernardus ² : « Gaudium, inquit, cito pertransiit, nam septimo die a nativitate infans obiit, et abiit regnum sibi accipere sempiternum ».

14. Gravissimo ex filii regis immatura morte dolore affecta est regina Clementia, cum excurrente paucorum mensium spatio cumulata viri ac filii regum funera recenseret : quam Pontifex, tristi accepto casu, Apostolicis litteris est horlatus ³, ne vinci se dolore pateretur, sed animum ad constantiam confirmaret, ac divinæ providentiæ subjiceret :

« Charissimæ in Christo filiæ Clementiæ regiænæ Franciæ illustri.

« Si finem universæ carnis attendis, si ad mortalitatis legem humano indictam generi debita considerationis retorques intuitum, conceptos nec immerito de unigeniti transitu doloris aculeos temperabis ; et humanitatis conditione pensata, quæ moleste geris, humane portabis.

¹ An. 1. p. 2. post Ep. con. MDLIV. — ² An. 1. p. 1. post. Ep. con. DCCCXIII. — ³ Bern. ubi sup. — ⁴ Clem. 1. VIII post Ep. cur. CXXV. — ⁵ Paul. Æmil. in Lud. Itutin. et alia — ⁶ Bern. Chr. reg. Franc. et Chr. Rom. Pont. et Ms. bibl. Vat. sign. num. 3765. in Clem. V.

¹ An. 1. p. 1. Ep. cur. XIV. et tom. 1. Ep. sec. e. 33, 34. — ² Bern. ubi sup. et Ms. bibl. Vat. sign. num. 3765. in Clem. V. sub finem. — ³ Tom. 1. Ep. sec. CXXV.

iter Lutetiam maturasse, eoque pervenisse die « Lunæ post translationem B. Benedicti », quæ translatio in Gallicanis Martyrologiis signatur die XI Julii. Igitur si Ludovicus die quinta Junii obiisset, adventus Pictaviensis comitis non satis pro necessitate acceleratus fuisset. Obiisse ergo Ludovicum quinta die mensis Julii affirmare oportet. Scribit etiam apud annalistas Bernardus in Parisiensi Conventu traditum fuisse Pictaviensi comiti regii administrationem, etiam si puer masculus ex Clementia regina nasceretur, usque in annos XV, cum revera administratum illa mandata fuerit in annos XVII, eodem continuatore teste.

Ad res Gallicanas quod attinet assignandum credo anno huic Concilium a Patribus variarum provinciarum Silvanecti habitum in causam Petri de Laifly episcopi Catalaunensis de parochia regis Philippi accusati. Dies illi dicta fuerat in altero Concilio Silvanectensi anno MCCCXV mense Octobri habito; sed differre seu prorogare ad aliud tempus Concilium visum est Patribus; quod Lutetiam indixerunt. At forte nec eo Patres conveniunt. Apud Bacherium Spicilegii tom. III, pag. 607 novæ. ed. ex autographo producit Epistola ab archiepiscopo Rhemensi ad plures archiepiscopos et suffraganeos illorum scripta anno MCCCXVI, quam et eorundem archiepiscoporum, et episcoporum sigillo munitam fuisse, Bacherius testatur. In ea vero proditur Concilium Silvanectense præteritum ad diem XV Maii ab ipse Patribus prorogatum fuisse. Sed cum episcopi infrequentiores ea die convenissent, ideo nova prorogatio ad feriam secundam post festum S. Marce Magdalenæ protrahendum censuerunt. In his litteris sermonem esse credo de Silvanectensi Concilio anno MCCCXV habito, tum et de ejus prorogatione Lutetiam ac de nova item prorogatione Silvanectum. An vero ad destinatum illam diem coiverint Patres illi ignoramus. Non convenisse suadet inopinatus obitus Ludovici regis, qui interim Galliam turbavit. Sed et illud constat Catalaunensem episcopatum quietum relictum fuisse et pacificum episcopatus sui possessorem, in quo et decessit anno MCCCXVII.

Creaturis enim Creator omnium Deus vitam cum exceptione mortis exhibuit, eamque per interitum solventem omnia, ac spiritum principum auferentem terminari finaliter ordinavit et sic commune factum est omnibus fatum huiusmodi, ut neminem ab illo eminentia dignitatis excipiat, nullum contra ipsum potentia, nullum divitiarum muniant, nec ad meliorem illius sententiam aetatis miseratio provocet, aut sexus invitet. Moritur siquidem juvenis, occidit senex, puer dum incipit florere, marcescit. Quae igitur querela, si eos ille, ut et sibi pro suae voluntatis arbitrio subtrahat, quos cum libuit pro sola suae clementiae libertate concessit? Quae causa dolendi, si homini de muliere nato, brevi victuro tempore, multasque misérias subituro, plenius tribuitur requies, angustiarum finis imponitur et laborum?

« Profecto, filia charissima, si haec et his similia, illudque praesertim, quod nulla tibi adesse poterat certitudo, an ipsius pueri vita longeva futura esset utilis, meditationis attentae censura reценсеas; sic praeparabis in spiritu fortitudinis mentem tuam, quod humanis non indulgebis affectibus; sed in hoc praesertim remedium temperate consolationis assumens, quod puer ipse sacri Baptismatis unda perfusus in cœlum abiit, ne dicamus, obiit; et in abyssum supernae claritatis assumptus, nedum praesentis aerumnas saeculi, quin etiam dolores aeternos evasit. Planctus ejus, quem natus in mundum emisit, est conversus in gaudium; ulinam et tuus in spiritualem lætitiā convertatur, ut sicut bona de manu Domini suscepisti, mala cum spiritualis exultationis júbilo sustineas patienter. Ulinam planctum, quem substracto impendis filio, in arma poenitentiae devote commutes, ut filium ipsum qui te turbato fatalitatis ordine, sicut Domino placuit, processit ad mortem, tu postdecursa feliciter praesentis vitae curricula sequaris ad vitam, etc. Dat. Avin. die xxviii Novembris ».

Contraxit sive e partus, sive e recentium funerum dolore morbum regina Clementia, quam Pontifex in rebus adversis erigere conatus est, monuitque ¹ non incusanda, sed adoranda divina esse consilia: « Ad salutem, non ad exitum te reputans a Domino verberatam, scias quasi sugere mel de petra, immensam colligens ex infirmitatis acerbitate dulcedinem, contra Deum nec murmurare nec querimonia resonante ». Auxit eos dolores rei familiaris jactura, cum bonis dotatibus a leviris exueretur: quare Pontifex, ad quem viduarum et pupillorum, regii maxime generis, cura spectat, Clementiae causam suscepit ²; ipsamque a contentibus armorum cum hostibus Philippi abducere studuit.

15. *Roberti Atrebatensis et aliorum principum insurrectio in Gallia.* — Et quidem e crebris re-

gum Francorum funeribus graves discordias exarsisse, Pontificiae litterae, atque auctores docent ³. Concitata in primis in arma universa Flandria: Robertus ⁴, enim ex Atrebatensium comitum stirpe, qui antea de comitatu Atrebatensi cum Mathilde Atrebat comitissa Philippo Pulchro olim rege arbitro ac iudice contenderat, causaque ceciderat, Atrebatensem comitatum invasit. Serpebat ea dissensio non in Gallicae modo, verum in rei etiam Christianae exitium, cum Philippus Longus instruenda, quam voverat, expeditioni sacrae in Syriam se comparare non posset, ut gravissime questus est hisce verbis Joannes ⁵: « Ipse namque regens, qui pie devotionis inflammatus affectu, intendens ad ipsius Terrae negotium prosequendum, jamdudum propterea signaculum vivificae crucis assumpsit, propter huiusmodi dissidia intestina distractus preparatoris dicti negotii nequit intendere, et Gallicorum laudanda devotio, quae se in obsequium Crucifixi devotione solita vocat, et ad cuius post Deum singulare suffragium Terra ipsa expectationis anxie tedio fatigata suspirat, circa haec sic potenter illicita damnabiliter occupatur ». Ad extinguendum itaque erumpens incendium Pontifex nervos omnes intendit, et abbatem S. Tiberii Agathensis diocesis ac Berengarium e Landora religiose Praedicatorum familiae magistrum ad dissentientes principes misit ⁶.

16. Auxere Roberti Atrebatensis factionem Robertus Flandriae comes, de cuius defectione anno superiori memoravi ⁷, ac Joannes Fiemensis, tum Fredericus e Pequignaco ac Gerardus fratres, necnon Joannes e Varenis et Guido regulus Calvimontis, quos Pontifex iniusta arma abicere jussit, atque ad vertendum in hostem fidei ardorem illum bellicum subjectis verbis est adhortatus ⁸: « O filii, dolemus ex intimis, et vobis proculdubio, si tamen dolueritis condolemus, quod famam vestram sic enormiter leditis; quod generosos vestros animos, qui contra inimicos Catholicæ fidei in Terræ-Sanctæ subsidium exercitari debuerant, in superiore et dominum damnabiliter implicatis; quod vos ac dictum regnum Franciæ obloquutionum linguis expositis lacerandos. Quid creditis dicitur, cum auditur, quod regnum ipsum præ cæteris regnis mundi huiusque viris erga Dominum fidelitate sincera et obedientia inconcussa vigentibus præditum, nunc a propriis incolis sic potenter impeditur? Nonne, prohi dolor! inferre poterit amulus, quod a regnis cæteris in incolarum dillere peridia nullatenus videatur. Quid non tam loquitur, quam obloquitur, crucis hostis, quod Gallicana potentia, cuius auxilium post Deum singulariter expectat et expetit Terra-Sancta, ad huiusmodi nefanda distrabitur; et regeus ipse,

¹ Ep. Secr. XXXII. — ² Ep. Secr. XXXVII, XXXVIII, XXXIX, XL, XLII.

³ Paul. Emil. Gapuin. Mass. Phil. Longo et alii. — ⁴ Tom. 1. Ep. Secr. XXXIV et CLXXI. — ⁵ An. 1. p. 1. Ep. cur. VIII. — ⁶ Ib. Ep. cur. XVIII et tom. 1. Ep. Secr. LX, LXI, LXII, LXIII. — ⁷ An. 1315. num. 2. — ⁸ An. 1. p. 1. Ep. cur. XX.

qui piæ devotionis inflammatus affectu ad negotium dicte Terræ personaliter prosequendum intendens, jamdudum propterea signaculum vivificæ crucis assumpsit, per hujusmodi dissidiorum turbines ipsius negotii vacare preparatoriis impeditur? Utinam, filii, hæc et alia non facile numerando discrimina, advertissetis attentius, etc. »

17. Philippum vicissim monuit Joannes¹, ut in Robertum Atrebatensem, si ad officium rediret, clementia uteretur; ac Robertum alterum comitem, Flandro-que pariter pristinæ gratiæ restitueret: « Fili, non te latet, cum lere sit orbi notorium, qualiter guerra illa Flandriæ, procurante pacis æmulo salore zizaniz, suscitata dictum regnum tempore jam longo turbaverit: quæ animarum pericula, quas strages corporum, quanta induxerit dispendia facultatum, ut jam idem regnum in seipso videatur expertum, quod inimico familiari nulla pestis est efficacior ad nocendum; et quod gravius manus sibi nocuere domestica, quam impugnantiūm hactenus et aliorum ipsum persequentiūm dexteræ inimicæ. Nec ignoras qualiter Gallicæ potentiæ gladius in Christi blasphemias ad ipsius exaltationem fidei et dilationem Christiani cultus limatus antea et acutus, propter commotionem et perurbationem hujusmodi habuit, prohi dolor! in effusionem Christiani sanguinis acui et limari, etc. » Subdit, ut ipsius parens Philippus eo implicitus bello arma in Saracenos vertere ac Terram-Sanciam recuperare non potuerit; nec ipsum, qui parentis vota ac sceptrum suscepit, ad tam arduum opus posse incumbere, si Flandria bello arserit: atque ideo ut ad recipiendos in gratiam Belgas, delendaque venia eorum crimina clementiam regiam explicet.

18. *Philippus regnum Francorum capescit et privilegiis a Pontifice decoratur.* — Affulsit ob Pontificiam diligentiam concordiz spes, ac Robertus Atrebatensis cum aliis sibi fœdere junctis, præ se tulit reverti ad obsequium Philippi, cui ea de re Joannes, exaratis VIII kal. Decembris litteris est gratulatus². Hoc vero anno Philippum regium nomen, insigne vero proximo ineunte accepisse, tradit Bernardus³ his verbis: « Cepit regnare, et rex pariter nominari dominus Philippus in regno Franciæ et Navarræ mense Novembri, anno Domini mcccxvi: fuit autem coronatus et unctus in regem, sicut moris est, Rhemis civitate Dominica infra octavas Epiphaniæ, scilicet V idus Januarii ». Disceptatum porro in ordinum regni conventu fuisse de regnorum successione, scribunt auctores⁴, cum Oddo Burgundiæ dux Joannæ pupillæ Ludovici Ilutini e priore uxore avunculæ contenderet, fraterno paternoque jure regna illi debere; sed procerum consensu ex veteri lege salica qua fœminæ a sceptro Gallico exclusæ, Francorum

regnum Philippo patrno adjudicatum. De Navarræ scepro, cui fœminæ gentis jure succedunt, diversa litis ratio erat. Sed cum Joannæ mater adulterii convicta dubium partum effecisset, Philippus etiam Navarrorum coronam capessivit.

Cæterum Joannes papa nonnullis Philippum beneficiis affecit⁵: atque in primis triginti indulgentiarum dierum omnibus impertit, qui pro ipso et conjuge; viginti, qui pro parentum et Ludovici fratris animabus preces Deo porrigerent; centum vero ac viginti, cum sacra concio coram ipso haberetur. Denique ob egregium studium, quod in Ecclesiam explicabat, ac flagrans expeditionis Asiaticæ adornandæ desiderium, sacerdotem, quem sacris confessionibus adhibebat, auctoritate instruxit, ut ipsum atque uxorem omni culpa ac pœna excurrentis unius anni spatio exsolveret. Similiter Clementiam regiam⁶ ea sacra prerogativa ornavit, ut antequam dies illucesceret, divina coram ipsa sacerdos perageret: « Cum ex probabili, inquit, causa fuerit opportunum, liceat tibi per idoneum sacerdotem et antequam illucescat dies, missam tibi et familiaribus tuis, in quocumque loco honesto te esse contingat, tacere celebrari, ita quod nec tibi nec ipsi sacerdoti missam taliter celebranti ad culpam valeat imputari, auctoritate præsentium indulgemus: proviso tamen, ut parce concessione hujusmodi perfruaris, cum Dominus noster Jesus Christus, qui in altaris immolatur sacrificio, non in tenebris ambulet, sed in luce, etc. Dat. Lugduni V id. Septembris anno 1 ».

19. *Cardinalium creatio Avenione quam privilegiis ornat Pontifex.* — Contenderat etiam magnis precibus a Pontifice Philippus Francorum rex in eo, quem Lugduni cum ipso habuerat, congressu, ut Jacobum Avenionensem electum, ac Petrum archidiaconum Borbonii cardinalatus dignitate ornaret: sed Joannes justas ob causas rem differendam arbitratus, cum recens ipsos in purpuratorum patrum numerum ascripsisset, hæc regi significavit⁷:

« Joannes, etc. Philippo regi Franciæ et Navarræ.

« Adveniente nuper jejuniūm observantia solita, Jacobum et Petrum prædictos una cum certis aliis ad cooperandum nobis in incumbendis executione regiminis, veluti viros ad id, ut speramus, idoneos et sufficientes, elegimus; eosque prout jam tibi significasse recolimus, ad cardinalatus honorem duximus promovendos. Et ecce super hoc speciales litteras dicto Petro per latorem præsentium mittimus, ac eum ad vacandum nobiscum divinis obsequiis et Eccl. Rom. servitiis evocamus ». Attendendæ sunt a nobis inferius eæ litteræ ad Petrum e Rebleyo datæ. Cur vero ad ipsum cardinalitum

¹ Tom. II, Ep. secr. LXXXI. — ² Tom. I, Ep. secr. CLVIII. —

³ Bern. Chron. reg. Franc. Paul. Æmil. Meyer. I. II. et alii. —

⁴ Paul. Æmil. in Lud. Hut. sub fin. et alii.

⁵ An. 1 p. 1. Ep. com. LXXIII, CLVI, DCLXVIII, DCCXCIII. —

⁶ Ib. Ep. com. DCLXIX, DCLXX et per eand. epist. — ⁷ Tom. I, Ep. secr. CLVIII.

galerum non transmiserit, multis exemplis illustrat: «Nec mireris si non mittimus ei (Petro scilicet) pileum: quia nec prædecessores nostri Romani Pontifices cardinalibus, quos in absentia creaverunt, consueverunt extra curiam hujusmodi pileos mittere, utpote Ecclesiæ Romanæ more laudabili id fieri citra causæ rationabilis exigentiam non sinit: si enim cardinales olim creatos tempore confessoris egregii beatissimi Ludovici progenitoris tui, inter quos fuit unus postmodum assumptus ad Apostolatus officium, videlicet piæ memoriæ Clemens Quartus, et quos felicis recordationis Clemens papa V prædecessor creavit, ad mentem (revocamus), nulli unquam præterquam duobus reuocatis, venerabili fratri episcopo Albanensi et dilecto filio nostro G. tit. S. Cyriaci presbytero cardinali, nuntiis tunc Apostolicæ Sedis in partibus Anglicanis, reperimus extra curiam ipsam pileum fuisse transmissum. Nec ad consequentiam trahi debet, quod in illis ex causa rationabili factum fuit, nisi forte par causa simile fieri suaderet: idem namque prædecessor noster providit illis tunc pileos mittere, ad gerentes cardinalis insignia, injunctum sibi ministerium tam in Anglia, quam idem episcopus in Francia, per quam habebat transitum facere, inibi nonnulla gesturus, possent favorabilis expedire: et etiam quia indecens videbatur, ut dilectus filius noster Arnaldus tit. S. Priscæ presbyter cardinalis dicti consors episcopi eidem episcopo, cardinalatus insignia non habenti, quomodolibet præferretur. Si igitur in missione pilei morem non transgredimur solitum, cum nec, ut prædicatur, causa subsit, nec utilitas aut necessitas id exposcat, regia non debet sublimitas admirari. Dat. etc.». Fuisse Petrum regii sigilli præfectum, Jacobum vero Pontificis ex sorore nepotem, tradit Bernardus¹, qui aulam Apostolicam Lugduno Avenionem tractantem, quive cardinalium cœtui aggregati fuerint, accurate hisce verbis describit:

20. «De Lugduno circa finem mensis Septemb. sabbato recedens, pervenit Avinionem secunda die mensis Octobris in sabbato, ubi prius futuram curiam publice fecerat proclamari. Ille fecit unam ordinationem octo cardinalium, quos assumpsit apud Avinionem feria vi in jejuniis Quatuor Temporum Adventus Domini, scilicet XVI kal. Januarii anno Domini mcccxi, quorum sunt nomina, quæ sequuntur: Dominus Bernardus de Castaneto, dudum Albiensis, tunc vero Aniciensis episcopus, quem fecit episcopum Portuensem, et nihilominus episcopatum Aniciensem tenendum commendavit eidem, anno quadragesimo primo episcopatus sui tunc fere completo. Item dominus Jacobus de Via de Caturco nepos pape ex sorore, electus tunc Avenionensis, quem fecit presbyterum

cardinalem tit. SS. Joannis et Pauli, et sibi episcopatum Avenionensem pariter commendavit». Sed brevis ævi extitisse Jacobum, atque in locum illius fratrem ejusdem a Joanne subrogatum, docent litteræ Pontificæ sequenti anno ad eundem Francorum regem datæ²: «Nobis, inquit, de transitu bonæ memoriæ Jacobi tit. SS. Joannis et Pauli presbyteri card. nepotis nostri, quem dolenter acceperas, interne compatiens, nedum curavisti pii consolatoris vices assumere; quin etiam ut superstitem fratrem ejus in quoddam nostrum de subtracto solatium ad cardinalatus apicem promovere vellemus, cum multa instantia nos rogasti; litteras ipsas ea liberali nimis oblatione concludens, quod videlicet adversus quascumque personas, ejuscumque conditionis existant, sanctæ Romanæ Ecclesiæ matri tuæ, personæ, statui aut honori nostris quomodolibet nocere volentes, personam propriam cunctamque potentiam tuam cordialius es paratus exponere, quam scribere aut referre». Et infra, ubi subjecit ob egregium adeo in se studium grates meritas agere, atque in nepolis morte, quem ob suas virtutes non tam obiisse quam abiisse in cœlum, domumque Iuleam in sideras sedes commutasse crederet divinæ voluntati se accommodasse, addit:

«Porro de promotione fratris ejus tuæ jam est instantiæ satisfactum: octavo namque die post dicti quondam obitum cardinalis, fratribus nostris in privato consistorio super hoc una voce parique consensu importune nimis instantibus, tandem eorum importunitate devicti eundem fratrem, Arnaldum nomine, diaconum creavimus cardinalem, et dein sibi Ecclesiam S. Eustachii pro titulo duximus assignandum. Dat. Aven. VI id. Jul.». De Arnaldo cardinale creato anno proximo Bernardus³, Ptolemæus⁴ Lucensis et alii⁵ meminere, sed ad Bernardi de aliis hoc anno renuntialis a Joanne cardinalibus narrationem redeamus: «Item dominus Gaucelinus (Gaucelinus), Joannis de Caturco civitate, tunc vicecancellarius presbyter cardinalis tit. SS. Marcellini et Petri. Item dominus Bertrandus de Projeto de Castro-Novo Raterii diœcesis Caturcensis presbyter cardinalis tituli S. Marcelli. Item dominus Bertrandus de Montefavento, de prædicto Castro-Novo Raterii diaconus cardinalis tit. S. Mariæ in Aquiro. Item dominus Petrus de Reblayo Gallicus cancellarius regis Franciæ tit. S. Susannæ presbyter cardinalis». Extant ad eum Joannis litteræ quibus virtutes, quæ in cardinalibus desiderantur, describit⁶:

21. «Joannes, etc. dilecto filio Petro S. R. E. cardinalis archidiacono Borbonensi, in Ecclesia Bituricensi.

«Pensantes nobis immensum onus spiritualis

¹ Bern. Chron. Rom. Pont. Tit. Luc. hist. Eccl. I. XXIV. c. 42. et Ms. bibl. Vat. sign. num. 3075. in Joan. XXI. Gacon. in eod. Contel. in Elen. card. et alii.

² Tom. I. Ep. secr. CCCXIV. — ³ Bern. Chron. Rom. Pont. in Jo. XXII. — ⁴ Ptol. Luc. in Hist. Eccl. Ms. I. XXIV. c. 42. — ⁵ Fel. Contel. in Elen. card. et alii. — ⁶ Tom. Ep. secr. CLVII.

regiminis totius orbis incumbere, ac supra vires immensile negotium attendentes, ut nobis onere partito si levis, de diversis mundi nationibus viros cooperatores nobis in ejusdem executione regiminis deliberavimus providendos, virtutum pollentes viribus, non effeminationis infamia denigratos; viros ulque potentes tam opere quam sermone, ut plebem operum exemplis instruant, et doctrina sermonis informant; viros, qui sic Deum timeant, quod nequaquam faciem hominis vereantur; sic avaritiam oderint, ut post aurum non abeant, et in pecuniarum multiplicatione non sperent; sed veritatem, imo Christum qui est via, veritas, et vita pure nec ad dexteram nec ad sinistram declinando, sequantur: inter quos ad personam hanc, quam virtutum Dominus multis virtutibus insignivit, considerationis convertens intuitum, deliberatione cum fratribus nostris praehabita, de ipsorum consilio te ad ministerium hujusmodi cooperationis duximus eligendum, hic. Dalum Avinioni ».

Pergit Bernardus ¹ caeteros cardinales recensere: « Item dominus Galliardus de Mota, Vasco natione, domini Clementis papae V, quondam ex nepte nepos, diaconus cardinalis tit. S. Luciae. Item dominus Joannes Gaytani Romanus de Ursinis diaconus cardinalis tit. S. Theodori ». Ex iis porro constat, Joannem nimio patrie amore fuisse irretitum, cum tot cardinales Gallos in sacrum collegium ascisceret, nonnullique existimant, ipsum retinendam in Galliis Apostolicæ Sedis consilium inisse. Ipsum vero ad id regis Francorum precibus permotum ac subornatum fuisse, Benedicti pseudopontificis oratores docent: jussi enim sunt ab eo Avenione obsecro ac pseudocardinalibus diuturni schismatis pertasæ Carolo VI regi Francorum hæc denuntiare, ut sui commodi illecebris regium studium periclitanti antipapæ Avinionensi conciliarent: « Attendatis ² quid fecerunt prædecessores vestri, non est diu, cuidam cardinali vocato domino Neapoleo de Roma vel de Italia: nam cum vellet curiam reducere Romam, dominus rex Franciæ, qui tunc erat, dedit sibi et hæredibus suis villam notabilem de Baheolis et ut in regno suo posset facere ædificia, et edificavit palatium, quod est in Villanova; et sic retinuit dominus rex curiam: et vos etiam custodiendo istum dominum Benedictum a morte, ad quod etiam tenemini de jure, reservabitis curiam ».

22. Ut vero eam urbem, in quam aulam Apostolicam traduxerat Joannem, aliquo religioso ac sacro munere ornaret, Ecclesiam in ea sitam, cui Domus nomen est, Virgini beatissimæ sacram ac miraculorum fama celebrem, adituris nonnulla indulgentiarum præmia proposuit ³, Pontificio Diplomate, quo Deiparam hoc encomio celebrat:

« Sempiternum est habitaculum Trinitatis effecta, et æternæ lucis incorruptibilem florem, summæque beatitudinis pretiosissimum fructum super omnia benedictum in sæcula, cujus mortui reviviscunt odore, concipiens desideratum cunctis gentibus Deum verum, mundi Salvatorem et Dominum parturivit. Talis namque partus Virgini congruebat, ut non pareret nisi Deum: et talem sibi condere matrem conveniebat Altissimo, qualem suam decere sciebat ineffabilem majestatem, suisque noverat affectibus placitum, ut immaculatus ex Virgine immaculata procederet, omnium maculas purgaturus. Hæc etenim illa splendidissima stella ex Jacob orta mirifice, cujus radiis præfulgens in superis orbem illuminat universum, perlustrat mentes, virtutes confovel, fulget meritis, micat exemplis, excoquit vitia, et tenebras reprimat peccatorum. Digne igitur matris ejusdem intemerata virginilas, super choros angelorum in sublimibus exaltata, gloriam honoris et laudis ab ipsa continue suscipit majestate, et digne populi fidelium illam, quæ in conspectu filii sui pro eis non desinit advocare, in hymnis jubilationum et canticis collaudant et magnificant universi. Dal. Avinion. II kalen. Decembris anno 1 ».

23. *Robertus rex creatur Urbis senator.* — Collocata itaque Sede Avenione, Joannes ne Romæ oblitus videretur, Robertum Siciliæ regem illi senatorem præfecit, ut ipsam in officio sua potentia contineret. Cum vero Robertus, qui ex accepti beneficio Apostolico regni legibus excurrente primo Pontificatus anno fidem suam Joanni præseus solemnî ritu obstringere tenebatur, flagitaret ab ipso, ut ejus oneris religione liberaretur, cum salva publica re e regno discedere non posset; ipsius votis Pontifex, exarato hæc de re quarto id. Januarii incunctis sequentis anno Diplomate, ea lege morem gessit ⁴, ut regis litteris rem divulgaret. Sane Roberti præsentiam valde necessariam Italiæ fuisse, indicat Joannes Villanus ⁵; plures enim ob acceptam anno superiori ab Ugutione cladem Roberti amicitiam abjecerant. Sed versæ hoc anno res contrario exitu: victor enim Ugutio ⁶, Pisarum Lucæque pariter dominatu inopinatus amisso, in Insubriam ad Scaligerum se subducere est coactus, quo ita ejecto Roberti regis potentia in Etruria confirmata est ⁷. At de his satis: jam ad res Anglicanas digrediamur.

24. *Legatio Edwardi regis Anglorum ad summum Pontificem pro censu Ecclesiæ solvendo.* — Implicitus gravissimum bello Eduardus Angliæ rex, atque a Scotis, Roberto Brusio regnum sibi vindicante, cujus defectionem ab rege Angelo suo loco consignavimus, pluribus cladibus affectus, sive agnosceret in se divinas iras ob violatam Romanæ Ecclesiæ jura asperasse, sive ut Pontificis gratiam

¹ Bern. ubi sup. — ² Tom. XII, de schis. Ms. arch. Vat. ex instructione orator. Petri de Luna ad regem Franc. — ³ An. 1. p. 1. Ep. cur. XXI et tom. I. Ep. secr. LXV.

⁴ An. 1. p. 1. Ep. com. CLIII — ⁵ Jo. Vill. I. IX, c. 74. Ant. III, p. III, c. 33, § 6. — ⁶ Vill. c. 76 et Ant. ubi sup. — ⁷ Jo. Vill. ib. c. 77.

ad Scotos in ordinem redigendos recuperandumque regnum illud colligeret, solemnes oratores ad Joannem decrevit ¹, qui ipsius nomine Sedi Apostolicæ se obstringerent, intermissum annis viginti quatuor viciagig mille marcharum Pontificio fisco, ut Joannem regem ² olim constituisse vidimus inferendum, persolutum iri, culpaque præteritæ, quam expiare pollicebatur, veniam flagitent. Quibus hac regia syngrapha conficiendæ rei provinciam commisit :

« Eduardus Dei gratia rex Angliæ, dominus Ibernæ, et dux Aquitanie, universis præsentibus litteras inspecturis salutem, et plenam præsentibus dare si lem.

« De fidelitate probata et circumspectione provida dilectorum et fidelium nostrorum Ademari de Valentia comitis Pembrok consanguinei nostri chrissimi, Bartholomæi de Bidelesmer, Joannis de Croniuvel, et Antonii Pessagui de Janna militum plenam fiduciam reputantes, ad excusandum nos super solutione annui census mille marcharum, qui a nobis per sacrosanctam Romanam Ecclesiam exigitur, non facta; necnon ad satisfaciendum inde, prout pro honore nostro melius viderint expedire, præfatis comiti et militibus vel tribus eorum plenam tenore præsentium committimus potestatem, ratum habituri et gratum id, quod per predictos comitem et milites vel tres eorum nostro nomine factum fuerit in præmissis. In cujus rei testimonium præsentibus litteras sigilli nostri impressione fecimus roborari. Datum apud Clipston xvi die Decembris anno Domini mcccvi, regni vero nostri x ».

25. Perfuncti sunt imposito sibi munere sequenti anno oratores, ac veniam a Joanne Pontifice petiere, si census pro Anglia et Ibernica debitus ab Eduardo parente ac filio, exhaustis ob bella graviora ærario, appensus non esset: ac mille marchas sterlingorum pro excurrente eo anno solvere, atque illa viginti quatuor millia, divisim in sex annos æquis pensionibus, recurrente beato Michaeli sacra die, solvenda ab Eduardo rege spondere. Quam rem publico Diplomate divulgatam ³ voluerunt :

« Universis præsens publicum scriptum inspecturis, tam præsentibus quam futuris, Ademarus de Valentia comes Pentubrole, Bartholomæus de Badesmes, Joannes de Cromoella, et Antonius Pesaygay milites nuntii serenissimi principis domini Eduardi, Dei gratia, regis Angliæ illustris, domini Ibernæ, ac ducis Aquitanie, ad præsentiam sanctissimi in Christo patris domini Joannis, divina providentia, sanctæ Romanæ ac universalis Ecclesiæ summi Pontificis destinati, salutem, et huic scripto publico fidem indubiam adhibere.

« Ad universorum et singulorum, quorum interest et interesse potest, notitiam volumus per-

venire, quod nos in præsentia notarii et testium subscriptorum recognoscimus et fateamur, a dicto domino nostro rege litteras ipsius patentes siveque magno sigillo munitas sub infra scripta contentia recepisse. Eduardus, etc. » Adducunt superiores Eduardi litteras, quibus expositis subjiciunt : « Quorum litterarum auctoritate nos recognoscimus et fateamur, excusasse dictum dominum nostrum regem coram præfato domino nostro summo Pontifice, sacroque collegio super eo, quod in solutione census annui mille marcharum sterlingorum, pro regno Angliæ et terra Ibernæ sacrosanctæ Ecclesiæ debiti, tam de tempore clare memoriæ domini Eduardi reg. Angliæ genitoris dicti domini nostri regis, quam ex quo ipse dominus noster rex gubernacula regni predicti suscepit, cessatum fuerat multis annis propter guerrarum strepitum, ac propter varia diversaque incumbencia eorum utrique negotia; necnon gravia onera expensarum, quæ fuerunt, urgente necessitate, subire compulsi. Recognoscimus etiam solvisse pro domino nostro rege thesaurariis dicti domini nostri summi Pontificis, recipientibus ejus nomine, mille marchas sterlingorum pro censu ipso debito pro anno præsentis, cujus medietas solvenda erat in festo B. Michaelis proxime præterito, et alia medietas solvi debebat in festo Paschæ proxime subsequenti : et ad supra et ad infrascripta omnia procedimus, et ea facimus de consilio et assensu reverendorum in Christo patrum dominorum Joannis Norvicensis et Joannis Elien. episcoporum et aliorum nuntiorum, seu collegiarum nostrorum ». Meminit Harpsfeldius ⁴ de horum presulum et comitis Pembrochii legatione decreta ad Joannem XXII, cui amplissima munera transmissa ait; sed apud illum irrepsit error, dum loco Eduardi II Richardus collocatur. Pergunt superiores Anglorum principum litteræ :

« Recognoscimus præterea et fateamur ipsius domini nostri regis nomine solemniter promissa de predictorum consilio et assensu, eidem domino nostro summo Pontifici pro se et Romana Ecclesia stipulanti, quod ipse dominus rex noster, vel alius pro eo solvet eidem domino nostro et ejus successoribus in terminis subscriptis viginti quatuor millia marcharum sterlingorum pro viginti quatuor annis præteritis; scilicet pro annis singulis mille marcharum, pro arreragiis census non soluti de utriusque regis tempore, ut præfertur, videlicet quartam partem dictorum xxiv millium marcharum sterlingorum in primo futuro festo beato Michaelis archangeli, et anno revoluti in eodem festo aliam quartam partem, et sic de anno in annum in eo die festo, donec de ipsis arreragiis fuerit eidem Romano Pontifici vel Ecclesiæ plenarie satisfactum : eo salvo, quod si de summa illa xxiv millium marcharum sufficienter constiterit aliquid fuisse solum Romano Pontifici, vel eidem

¹ Tom. II. Ep. secr. DXXXV. — ² Annal. dom. XII. an. 1213, num. 78. — ³ Ext. apud Jon. XXII. tom. II. in Ep. secr. DXXXV.

⁴ Harpsfel. Hist. Eccl. Angl. XIV. sec. c. 16.

Ecclesie pro censu predicto, illud de summa deducatur eadem; et quicquid usque ad eandem summam et ultra illam non doceatur fuisse solutionem pro arrearagiis dicti census, solvi nihilominus debeat ipsi Romano Pontifici et Ecclesie memorate. Et ad premissa omnia et singula tenenda, complenda et inviolabiliter observanda dicto domino nostro summo Pontifici et sancte Roman. Ecclesie, quanto melius et efficacius posimus, virtute litterarum predictarum in presentia notarii et testium subscriptorum obligamus ipsum dominum nostrum regem, regnum, terras et bona ipsius.

« In quorum omnium testimonium presens publicum scriptum per manus subscripsi notarii publici fecimus fieri, et sigillorum nostrorum appensione una cum ipsius notarii signo et subscriptione muniri. Actum Avinion. in camera domini cardinalis de Pel. die prima Aprilis anno Domini mcccxxv. Indictione xv. Pontificatus dicti domini Joannis PP. XXII anno primo, etc. » Adjuncta sunt testium nomina, quae removendi fastidii causa praetermittimus. Permovere haec Eduardi in Sedem Apostolicam officia, tum illius causae justitia, necnon querere graviore, quas ingeminabat domestico bello distineri, ne expeditionem, quam accepto crucis symbolo in Saracenos vocasse vidimus¹, pro juvanda re Christiana ac Syria recuperanda adornaret, ut Joannes illius partes susceperet, suamque auctoritatem pro sedanda Scotorum importunitate admovent: sed de his anno sequenti. Jam quid in Saracenos Occidentales hoc anno gestum (in Orientales enim ob regum discordias nisi inania tantum consilia agitari potuerunt) delibemus.

26. *Ferdinandus Balearis Peloponesum injuste invadens ceditur.* — Flagitante Balearum, vulgo Majoricarum, episcopo a Joanne, ut cum valida classis ad propulsandos Mauros, qui saepius in Balearicos incurrebant, instruenda esset, indulgentiarum praemia stipem pro ea apparanda erogaturis, vel annua in barbaros sumpturis impertiretur, Joannes piis ejus votis annuit: « Fraternitati, inquit, tuae, illis, qui contra dictos hostes armabuntur, et in armata ipsa persistent, si vere poenitentes fuerint et confessi, ad quinquennium, facientibus autem hujusmodi elemosynas, necnon et illis qui alia subventionis auxilia in ejusdem armate subsidium erogabunt, si modo similiter vere poenitentes fuerint et confessi, usque ad quinquennium, prout tu duxeris arbitrandum, super quo tuam conscientiam onaveramus, de injunctis eis poenitentis auctoritate nostra misericorditer relaxandi plenam et liberam, tenore presentium, concedimus facultatem. Dat. Avin. VII kal. Januarii anno i. » Nil memorabile a Balearibus gestum in Mauros. Ferdinandum tantum Balearem ea tempestate clarissimum, dum Catalanorum viribus

fretus Peloponesum injustis sibi armis vindicare conbatur, in ipso belli ardore extinctum refert Mariana¹; Castellanos² vero in Granatenses, Petro principe duce, egregiam militarem virtutem explicuisse, partaque nobili victoria Guadixenses, Cumbiles, geminas arces, et Alcabardum in Christianorum imperium concessisse: cum vero aetarium Maurici belli stipendius consumptum esset, missos ad Joannem novum Pontificem oratores, sacerdotumque decimas ac peccatorum veniam iis, qui sacra militiam suscepissent, obtinuisse. At de his iterum anno sequenti. Praesentem nunc rebus Aragonicis claudamus.

27. *Rex Aragonum oratores ad Pontificem mittit obsequium professuros.* — Evecto ad Pontificatum Joanne, Jacobus rex Aragonum oratores Pontium episcopum Barchinonensem et Vitalem de Villanova, virum nobilitate insignem, Avinionem misit, qui ipsius nomine, ut Sardiniae et Corsicae regis stipendiarii ac Romanae Ecclesiae classis praefecti summique copiarum ducis, officia praestarent, fidei Romanum Pontifici ut supremo in eas insulas domino obligarent, ut ferebat Pontificium Diploma, quo ea inter ceteras lege vectigalem se Jacobus postverie Sedis Apostolicae, data solemniori ritu fide, profiterentur: quam provinciam oratores sibi demandatam cum obituri essent, regias litteras Pontifici porrexerunt, hisce conceptas verbis³:

« Sanctissimo ac reverendissimo in Christo patri ac domino, domino Joanni divina providentia sacrosanctae Romanae et universalis Ecclesiae summo Pontifici, Jacobus Dei gratia rex Aragonum, Valentiae, Sardiniae et Corsicae, comesque Barchinoniae, ac praescriptae sanctae Romanae Ecclesiae vexillarius, admiratus et capitaneus generalis, ejus humilis filius et devotus, pedum oscula beatorum.

« Sanctitati vestrae tenore litterarum nostrarum praesentium pateat, quod viso ac plenarie intellecto papali rescripto super collatione, concessione et donatione confecto, quam felicis recordationis dominus Bonifacius papa Octavus predecessor vester nobis fecit, nostrisque haeredibus in perpetuum feudum de regno Sardiniae et Corsicae cum juribus omnibus et pertinentiis suis, sub certo servitio, sub certisque conditionibus, largius conscriptis in predicto rescripto, continentibus subsequentis: Bonifacius episcopus, etc. Super reges, etc. » Allatae ergo fuerunt a nobis in superiore tomo⁴, praetermissa brevitate gratia Praelatione usque ad ea verba *Ad honorem Dei*; consignatae vero sunt hac formula: « Dat. prid. non. Aprilis, Pontificatus nostri anno iii. » Huic vero Bonifa-

¹ Marian. l. xv. c. xv. — 2 Id. ib. — 3 Est. apud Joan. an. l. p. 2. Ep. com. Majoric. 4 Lib. Pat. Rom. Evid. tom. i. p. 396 et in arch. S. Anz. c. 10 et c. 11. Phil. tom. i. p. 438. — 4 Tom. Annal. XIV. an. 1297. num. 2 et seq. integra cum Prefat. ext. in Ms. bibl. Vall. sign. ut. D. num. 1. pag. 47.

¹ Ann. 1312. num. 22. — 2 Id. ib. l. p. 2. Ep. com. Majoric.

ciano Diplomati inserto subiungit Jacobus rex :

« Idcirco reducto ad memoriam, nos jam tempore donationis præmissæ memorato domino papæ Bonifacio supra continentiam dicti rescripti ex causis in eo scriptis juramentum, fidelitatem, vassallagium et homagium personaliter præstitisse; et postmodum etiam per Vitalem de Villanova militem et Guillelscanum de Laceria civem Barchinonæ procuratores nostros, ambaxiatores, et nuntios speciales, olim per nos ad Romanam curiam destinatos, juramentum, fidelitatem, vassallagium et homagium prædicta renovasse, fecisse et præstitisse felicis recordationis domino Benedicto præfato, domino Bonifacio in Apostolatus officio succedenti : et per eosdem nuntios eidem domino Benedicto summo Pontifici dedisse litteras nostras, Aurea Bulla nostra bullatas, recognitionis et acceptationis contentorum in rescripto prædicto juxta ejusdem tenorem; consequenter etiam nos per Joannem Burgundi sacristam Ecclesiæ Majoricensis et Petrum Martini de Godor militem procuratores nostros, nuntios et ambaxiatores ad hæc per nos olim ad Romanam curiam destinatos, similia juramentum, vassallagium et homagium renovasse, fecisse et præstitisse pro dicto Sardinie et Corsicæ regno, bonæ memoriæ domino Clementi summo Pontifici, prælibato domino papæ Benedicto in dignitate Apostolica succedenti; ipsique per eosdem procuratores et nuntios nostros dedisse similes litteras nostras, Aurea Bulla nostra bullatas, recognitionis et acceptationis in rescripto prædicto contentorum, juxta ejusdem tenorem, ut evidenter apparet per rescriptum memorati domini Clementis papæ tam de præmissis peractis cum dicto domino papa Benedicto, a quo circa hæc, propter supervenientem sibi obitum rescriptum suum haberi non potuit, sed dicto domino papæ Clementi ea omnia certa fuerunt, ut per dictum suum rescriptum, tam de peractis cum dicto domino papa Benedicto, quam coram se, clare colligitur; considerato etiam, nos nunc ex ejusdem rescripti supra inserti serie inductos, nostros procuratores solemniter ad eadem juramentum, fidelitatem, vassallagium et homagium vestre sanctitati præstanda et facienda constituisse cum publico scripto nostro; providimus propterea, sanctissime pater, has fieri litteras Bulla Aurea nostra bullatas, sanctitati vestre per prædictos procuratores nostros tradendas et dan-

das, prout fieri debere jam dicti superius inserti rescripti Apostolici tenor inducit.

« Propter quas siquidem litteras ex nunc et ex tunc modos, conventiones, conditiones, tenorem et formam in ipso papali rescripto conscriptos acceptamus expresse; et per quas etiam falemur et recognoscimus expresse dictum Sardinie et Corsicæ regnum a domino summo Pontifice et Romana Ecclesia recepisse in feudum sub conditionibus, conventionibus, modo et forma atque tenore, qui in dicto papali rescripto continentur : quos tenorem, modum, conditiones et formam promittimus nos inviolabiliter servaturos. Pro quorum observantia obligamus nos, et dicta regnum Sardinie et Corsicæ, jura et bona nobis competentia et competitura in eo. Humani generis Conditor et Redemptor personam vestram ad sua sancta servitia conservare dignetur per tempora longiora. Dat. Herdæ octavo idus Septembris anno Domini MCCCXVI ». Quod ad publica documenta, quibus Jacobus rex Pontifici significat, se oratores regis mandatis instruxisse ad clientelarem sponsonem Sardinie et Corsicæ regni liberalitate Apostolica acceptorum ergo profitendam attinet; extant illa inter alia Vaticani archæi monumenta ¹, quæ superioribus consentiunt litteris, et prætermittenda visa sunt, ne lectorem fatigemus. Adegit porro Joannes in Sedis Apostolicæ verba Jacobi oratores, ac ne rei gestæ memoriæ futurorum temporum mole oblitteraretur, publico illam Diplomati ² una cum Bonifacii VIII et regis Jacobi litteris superioribus commendavit, cui dies hac forma adjecta est. « Dat. Aven. XII kal. Decembris anno 1 ».

Postremo designatum ad gerendam Tarraconensem Ecclesiam Joannem regis Aragonum filium, extincto Rocaberto Tarraconensi præsule, refert Mariana ³; sed a Joanne Pontifice ut electionem ratam haberet, impetrari non potuisse, additque : « Cause memoriæ non sunt proditæ, simoniaci ambitus, sic suspicor, vitium obtenebatur, aut minoris ætatis : nondum solvendarum legum ad principum gratiam usus percerebuerat. Erat animi magnitudo, ut maximorum sepe regum cupiditatibus obsistere (Pontifices scilicet), non dubitarent ».

¹ Lib. Priv. Rom. Eccl. tom. II, p. 223. — ² Jo. an. I. p. 2. Ep. com. CXXXIV. — ³ Mart. I. XV. c. 15.

JOANNIS XXII ANNUS 2. — CHRISTI 1317.

1. *Saluberrima Joannis papæ monita ad Philippum Gallie regem.* — Anno a Virginis partu millesimo trecentesimo decimo septimo, Indictione quintadecima, Joannes Hispanos in Mauros incitavit, Siculum, Belgicum et Cyprum bella sopivit, strenuam denique operam ad pacem inter principes Christianos adducendam defixit: ad quæ præclara consilia in opus reducenda dum incumbebat, veneno primum, deinde magicæ artis carminibus appetitus, divina munitus providentia periculum omne discussit: de quibus acturis nobis primum Gallicæ res, constituta inter Gallos Apostolica Sede, occurrunt. Sacro oleo delibatus Rhemis ineunte anno Philippus, ut ex Bernardo¹ superius indicatum est, susceptoque regio insigni regia mox officia Christi vicario detulit, regnique opes et armorum potentiam illius obsequiis se addicturum est pollicitus. Quem Joannes, ut promissorum religione in colendo divino amore, tuenda Christi Ecclesia, pristinoque in eam studio explicando se liberaret, obstrinxit²:

2. « Joannes, etc. Philippo regi Francorum.

« Ecce spe ducti oblationis ejusdem, illud a te singulariter petimus, in hoc te cupimus oblationem ipsam exsolvere, in hoc tuum versari studium affectamus, ut devotionem ad Deum, per quem regnas et regeris, et Ecclesiam sponsam suam illibate custodias; charitatem et conjunctionem, quæ inter Ecclesiam ipsam et te jam dignoscitur notabiliter Deo auctore vigere, quam perseveranter durare desideranter appetimus, sollicitudine studiosa conserves; cum in te, quantum in te fuerit, in omni mansuetudine nutrias, nec per ejusvis astutiam ipsam vulnerari seu exasperari permittas. Et ut quæ in verborum obtulisti dulcedine, in operis gratitudine prosequi censearis, sic te zelus domus Domini comedat, quod, prout de te firma tenemus fiducia, quæcumque ipse ius exaltationem respiciunt, divini cultus augmentum, tui regni decorem, tuique throni stabilitatem, ac tuæ et subditorum fidelium animarum profectum rationabili censura producant, stabili constantia

diligas et promoveas operose; in his præsertim et aliis te catholicum principem, Deo devotum, veritatis amicum, zelatorem domus Dominicæ, favorem Ecclesiis ac personis Ecclesiasticis, et Ecclesiasticæ libertatis sedulum exhibeas promotorem, etc. Dat. XV kal. Februarii ».

3. Consignate sunt eodem die aliæ litteræ¹, quibus regem erudit, ut jam accepta regia consecratione regiam indueret gravitatem: priores gestus leviores poneret: uteretur longiore epitologio more majorum: ne, dum mysteria divina peragebantur, sermones conferret; sed ad fundendas apud Deum preces incumberet. Expostulavit etiam turpem in Galliis morem inolevisse, ut dies festi in polienda cute, tundendis radendisque barbis profanarentur, quem penitus abolere jussit, ut divinam sibi gratiam conciliaret.

« Regi Francorum.

« Nosti, fili charissime, quod juxta verbum nobilis citharedi, decet domum Domini sanctitudo: nosti, quod Ecclesiam vocari domum orationis ipsa veritas censuit; et temporalia negotia, quæ alibi geri licite poterant, inibi fieri non permittens, illos abinde eiecit. Sed an tu Ecclesiam ipsam domum negotiationis, aut colloctionis interdum efficias, paulisper attende: habet enim multorum assertio, nobis indubitanter implacida, quod tu, dum divina et specialiter missarum solemnitas in tui præsentia celebrantur, nunc isti, nunc illi colloqueris, et negotiis te frequenter impendens, quæ per Dei ministrum pro tua populi salute, ac expiatione peccatorum aguntur, ut concedet, non advertis. Porro, dilectissime fili, talia beneplacito divino fore contraria, turque indecentia majestati, nequaquam ambigimus, unde hujusmodi perniciosum abusum, tuis præsertim exulare temporibus affectamus, celsitudinem regiam exhortantes in Domino Jesu Christo, quatenus divinum officium reverenter audias et devote, et quamdiu celebrationi illius intereris, devotioni te totum præbens, humiliato spiritu et corde contrito sacratissimam passionem et alia

¹ Bern. Chron. reg. Franc. — ² Tom. II. Ep. secr. XL.

¹ Ep. CXLII.

immensa recogites tui beneficia Redemptoris, de cuius dono fateri debes, tibi fuisse concessum tantis oriri natalibus, tot abundare divitiis, tot gratis insigniri, et jure primogenitura collato, regie fieri consuetudinis successorem : et si cum forsitan offendisti, non adjicias iterum, sed tunc de pristinis, ut tibi misericorditer dimittantur, humiliter deprecare.

4. « Interim autem, dum in oratione colloqueris Domino majestatis, cujusvis alterius colloquium citra necessitatis exigentiam non admittas, ne peregrina forsam immiscendo colloquia, sibi qui et quodammodo tibi oranti colloquitur, censearis injuriam facere, ipseque tibi intendere dedigneatur, cui tu deprecans non intendis. Sed et quæ post susceptum unctionis regie ornamentum agere te decet, evacuatis gestibus pristinis, ea quæ digna sunt præcipue (percipe). Pulchrum crederemus et congruum, si ad excellentie regalis ornatum, epitogium longum ex nunc indueres, ut te tuis in hoc progenitoribus conformares.

« Illud sane, quod inolevisse in illis partibus dicitur, ut videlicet passim in quamdam divinam irreverentiam exerceantur judicia die Dominico, et radendis ac tendendis barbis atque capitibus intendatur, te dissimulare non decet, cum dies illa divino cultui specialiter dedicata talibus profanari non debeat, quam censura civilis alienam esse debere a cognitionibus præcipit, et litigantes a controversiis in illa respirare decrevit. Nec ignoras, quod inter præcepta Decalogi sanctificatio sabbati ponitur, ad quorum observantiam fidelis quilibet de necessitate tenetur. Hæc igitur sic reformari mandes et facias, quod uberius inde tibi gratiam tui Creatoris acquiras. Dat. XV kal. Februarii ».

5. Instruxit etiam Philippum Joannes saluberrimis ¹ aliis monitis, veluti Pontificum, regum, principum litteras suis perlegeret oculis, non aliis legendas traderet, easque vel mox lanicaret, aut tutiore loco reponeret : ita enim graviora plura pericula prudenter declinari. Cumque Sancius Balearium, vulgo Majoricarum, rex Gallicæ antiæ Montispezzulani atque illius ditionis, quam baroniam vocant, causa fiduciaris Parisios se conferret, ut recens regia inunctione delibito Francorum regi fidem sacramento obstringeret, divertensque in itinere Avenionem, cum Pontifice congressus, plurimum de injuriis a Galliarum regis administris illatis, suisque immunis iuribus questus esset ² ; Joannes ad sopiendam discordiam Philippum monuit, ut Sancium, amicitia et consanguinitate conjunctissimum sibi, debitis officiis devinciret, nec violari illius jura pateretur : quæ litteræ nono Aprilis consignate. Sed tum concordia coalescere non potuit, repetitis enim exeunte anno litteris, ut regis Balearium gratiam et amicitiam coleret, reprimeret administratos, et

controversiam omnem componeret, est adhortatus ³.

6. *Officia a Joanne exhibita in adversis Philippo, et privilegia concessa.* — Abducere a Sancti exemplo plerique proceres Gallici, qui Philippo regi clientium officia exhibere detrectarunt ⁴, ac Belgæ, Atrebas, Burgundus, Nivernensis, Andegavensis, Marchianus, Campani fœderati, et regina Clementia in eum variis de causis conjurarunt ⁵ : ad quas dissensiones extinguendas, ne in funestum bellum erumperent, Pontifex nullum amantissimi patris officium prætermisit. Atque in primis Philippum Francorum regem, ne ob conjuratorum multitudinem adversis rebus frangeretur, saluberrimis monitis erudit ⁶ : « Si felicibus, inquit, tuis auspiciis cuncta tibi non succedunt ad votum, si rebelles ad tuam obedientiam redire contemnunt, si rupto fidelitatis et naturalitatis fœdere insurgunt contra te, qui tibi assistere tenerentur, si quæ forsitan aliæ difficultates se ingerunt, æquanimiter cum gratiarum actione supports : non enim est Jacob, quem Esau non persequitur ; nec est Abel, quem Cain malitia non exeret : et Dominus cum filiis, quos diligit, sic semper agere consuevit, prius eis ostendens aspera, prius dura, ut eo gratior sit subjuncta prosperitas, quo perplexior eam præcesserit difficultas. Confide ergo in Domino, et in ejus omnipotentia confortare : speramus enim, quod cum sibi, prout creditur, placeant viæ tuæ, inimicos tuos convertet ad pacem, et serenitas grata successu præsentis temporis nubilum terminabit. Dat. Avin. X kal. Julii ». Ad discedentes vero ab officii religione principes in ordinem redigendos, tum alios sanguine conjunctissimos, ut fratrem ac patruum Carolum Valesium, conciliandos gravissimis litteris ad regis obsequium pellicere studuit ⁷, atque ad redintegrandum pristinum fœdus nuntios Apostolicos misit.

Pertuncti sunt ⁸ eo munere Rainaudus archiepiscopus Bituricensis et Berengarius et Landora, quos Pontifex incutiendarum conjuratis proceribus, si ipsos salubribus monitis ad officium adducere non possent, censurarum ac eorum subditos omni fidei et obsequii religione liberos pronuntiandi auctoritate instruxit : si vero nuntii perduelles ad officium flecterent, ut regiam clementiam in eos explicaret, Philippum hortatus subjectis verbis est : « Cum, fili, misereri posse, sit opus potentie virtutisque potentis, et ignorare genus optimum sit vincendi, mansuetudinem tuam rogamus, et in illo, cujus est proprium misereri semper et parcere, exhortamur attentius, quatenus prudenter attento, quod nihil adeo gloriose relucet in principe, sicut amare et exhibere justitiam sine acceptione persone, præfatis inobedientibus super his, de quibus adversum te justa poterit superesse que-

¹ Tom. I. Ep. cclvii. — ² Eod. tom. I. Ep. seer. clxxxii. —

³ Ib. Ep. clxxxvi, clxxxvii et tom. II. p. 2. Ep. cclxviii. —

⁴ Tom. I. Ep. seer. ccxix et cclx et tom. II. Ep. seer. liv. —

⁵ Tom. I. Ep. seer. clxxxi et cclxi. — ⁶ Ib. Ep. cclxvi. —

⁷ Tom. I. Ep. seer. clxxxiii. — ⁸ Tom. I. Ep. seer. clxxxv.

rela, licet eorum aliquibus, sicut habet facta nobis grata relatio, te inde justitiam obtuleris ministrare, adhuc ex superabundanti eis iterum et aliis insuper illis te ministraturum summarie et de plano justitiam offeras, ut per hoc fidentius inducantur ad tuam regredi gratiam; alioquin eorum protervia contumax justius contundatur, etc. Dat. Avin. III kal. Maii ».

7. Non ex modo dissensiones regem Philippum exercere, ac lata tristibus regni initia miscuere, verum etiam illa magno luctu confudit filii, sceptri Gallici hæredis, superiori anno in lucem suscepti, immatura¹ mors; ob quam dolore affectum parentem Pontifex solatus est²: « Licet, inquit, fili, de subtrahione nati tui, quem tibi Deo volente sperabas in regnis Francie et Navarre, quorum gubernacula possides, successurum, non leviter doleamus, tuoque dolori condoleamus ex internis; de hoc tamen tibi plurimum gaudeamus, quod tu sicut lætanter audivimus, quæ sunt digna principe cogitas, et in spiritu fortitudinis preparans mentem tuam, in eo consolationem prudenter assumis, qui natum ipsum, quem, cum libuit, pro sola suæ clementiæ liberalitate concesserat, ut et sibi licuit, pro suæ potestatis libertate subtraxit: in hoc, fili, regem illum David laudabiliter imitatus, qui licet egrotum filium flevit; ne tamen videretur contrarius (divinæ) voluntati, mortuum non ploravit, etc. Dat. Avin. id. Martii ». Jam nonnulla Apostolica beneficia a Joanne in Philippum collata afferamus.

8. Ad cælestem illi in primis conciliandam opem et gratiam concessa a S. Cælestino et Clemente V quadraginta dierum indulgentiarum præmia fidelibus, qui pro regibus Francorum pias preces funderent, confirmavit³: « Sperantes, inquit, firmiter, quod sacrificium tue justitiæ Dominus acceptabit, et regiæ magnificentie merita, inter quæ velut singulare sidus irradiat singularis, quam ad nos et Romanam geris Ecclesiam devotionis affectus, universos Christi fideles ad implorandum quotidie pro te, ac uxore, liberisque tuis Patris æterni gloriam illectivis retributionibus decrevimus invitandos. Ideoque omnibus vere pœnitentibus et confessis, qui devotis orationibus pro te, ac eisdem uxore et liberis, quamdiu tu et ipsi commodis presentis vite fruemini, necnon pro anima tua post obitum tuum, divinam misericordiam implorabunt; singulis diebus, quibus apud Deum hujusmodi orationes effuderint, de omnipotentis Dei misericordia et beatorum Petri et Pauli Apostolorum ejus auctoritate confisi; ac felices recordationis Cælestini V ac Clementis V prædecessorum nostrorum Romanorum Pontificum sequentes in hac parte vestigia, qui pro eodem rege diversas super hoc indulgentias per Apostolicas litteras concesserunt; quadraginta dies de

injuncta eis pœnitentia misericorditer relaxamus. Datum Avinioni id. Augusti anno 1 ».

Renovavit alia privilegia tum ab Alexandro IV S. Ludovico, tum a Nicolao III Philippo parenti concessa⁴, ut divinis mysteriis in locis Ecclesiastico interdicto suppositis interesset: tum etiam aliud eidem S. Ludovico datum, ut nimirum Francorum reges concepta communibus verbis interdicti et anathematis forma involuti non censerentur, nisi eorum nomina specialim a Romanis Pontificibus designata, eaque nota aspersa fuissent. Ex quibus patet, privilegia illa amplissimis concepta verbis tradita S. Ludovico de quibus meminimus⁵, ita intelligi, ut a nullo quam a Romano Pontifice censuris vinciri possent. Cum vero religione aliqua teneretur ob bona a majoribus injuste parata, quæ ad ipsum successione devoluta essent, Alexandri IV in S. Ludovico exemplo ea in elemosynas convertenda statuit⁶, si ad quos spectarent domini comperiri non possent. Prosecutus etiam et Apostolico studio reginam Joannam, quæ cum nonnulla leviora vota nuncupasset, quorum religione exsolvere facile se non posset, Gregorii IX in re simili exemplo partes Senonensi archiepiscopo commisit⁷, ut reginæ vota cum aliis piis operibus Apostolica auctoritate commutaret. Sacram perro adiculam, quæ in regia eleganti opere a Ludovico excitata erat, quamquam ab eo pretiosissimis exornatam reliquis vidimus, decoratam hoc anno ipsius sancti regis reliquiarum parte, transferente in eam magna religiosa pompa Philippo abnepote ipsius sacrum caput avulsam a reliquo corpore, quod in monasterio divo Dionysio sacro erat collocatum; decent Pontificiæ litteræ, quibus indulgentiarum præmia eam celebritatem cohonestaturis, atque regiam sacram adiculam, excurrente ab ea translatione octo dierum spatio, adituris⁸ proposita sunt.

9. *S. Ludovici Tolosani sollemnis canonizatio.* — Decretus est⁹ sanctorum cultus alteri ejus nominis Ludovico et Francorum et Siculorum regum stirpe oriundo, ejusdem sancti regis ex fratre Carolo rege Siciliæ abnepote, dispari quidem conditione, cum alter in gerendo sceptro Francorum, alter Siculo abjecto sanctitatem sit adeptus. Conferunt utrumque inter se Ludovicum eleganti oratione Pontifex in litteris ad Philippum Galliarum regem datis, et utrumque illi imitandum tanquam domesticum exemplum proponit⁷.

« Joannes, etc. reg. Franc. et Navar. illustri.

« Et quidem ex ipsa domo, quam utique decet in dierum longitudinem sanctitudo, duos ipse misericors Dominus diebus nostris produxit spiritualis belli belligeros, duos candidos Nazareos, qui scuto protecti fidei, et armis pœnitentiæ

¹ Bern. Chron. reg. Franc. — ² Ep. CXXV. — ³ An. 1. p. 4. Ep. com. MMMCXLII. — ⁴ An. 1. p. 4. Ep. com. MMMCXLII.

⁵ An. 1. p. 4. Ep. com. MMMCXLII. — ⁶ Tom. XIV. an. Christi 1275. num. 17. — ⁷ Ib. Ep. com. MMMCXLII. — ⁸ Ib. Ep. post eand. Ep. — ⁹ Ib. Ep. MMMCXLII. — ⁶ Jord. Ms. Vat. sign. num. 1360. Baron. in Not. ad Mar. Rom. XIX August. et alii. — ⁷ Tom. II. Ep. secr. LIII.

ac sanctæ conversationis accincti, licet diversis temporibus voto tam consimili finem sibi præstuentes eundem, præsentis vitæ stadium, ut incorruptibilem coronam acciperent cucurrerunt ambo ejusdem nominis, ambo ejusdem generis, et ambo admirabilis sanctitatis. Horum primus est, sicut nosti, S. Ludovicus confessor egregius, qui jam ab olim de terreno ac temporali regno ad cælestis et æterni gloriæ est translatus: secundus vero est venerandæ memoriæ sanctissimus Ludovicus Tolosanæ episc. qui tanquam veræ vitis palmes effectus vivit æterna plantatus in vita, cui ad cælestis palatium misericordiarum Pater paravit accessum, cujus miranda miracula, quibus miraculose per ipsius merita gloriosa dominantium Dominus suam mirificavit Ecclesiam, ad suæ laudis præconium, ad præsentium et seculorum instructionem et gaudium late patent, etc. Dat. Aven. V id. April. ».

Agunt de ea celebritate hoc anno VII id. Aprilis a Joanne XXII solemnè ritu Avenione perfecta, Bernardus ¹ et Ptolemaus ² Lucensis, qui Pontificem S. Ludovici magistrum fuisse observat: « Eodem, inquit, anno canonizavit Ludovicum fratrem Ordinis Minorum episcopum Tolosanum, qui ejus fuit magister, ex continua conversatione cum eo de ipsius sanctitate certior, puta qui ejus gesta et acta, vir subtilis indaginis, et oculis vidit et experientiæ manibus contrectavit ». Singulari porro felicitati attribuendum est Mariæ reginæ Siciliæ, S. Ludovici episcopi matri, intueri filium non de aliqua orbis parte debellatam, sed post calcatum regium fastum de parto cælo triumphantem, atque universæ Ecclesiæ, ut summa apud Deum florentem gratia, propositum: cui merito reginæ gratulatus est Pontifex, scriptis hisce de ejus filio a se sanctorum Catalogo aggregato litteris ³:

« Charissimæ in Christo filiæ Mariæ reginæ Siciliæ illustri.

« Epulari, filia, in sinceritalis et veritatis azymis, et in Domino gaudere te convenit, quia filius tuus, ab olim mundo moriens, Deo feliciter vivere; factusque compatriota cælestium et siderarum incola mansionum, in Domini tabernaculo meruit habere. Exultare, ac pium proutumpere debes in jubilo, de utero tuo processisse virum angelicum, meditantem consortem gloriæ angelorum. Profusus decet te plaudere gaudiis, quod talem in terris generis filium, cujus in cælis patrocínio, cujusque favore apud homines communis et intercessionibus apud Deum. Hic est ille natus tuus venerandæ memoriæ Ludovicus episcopus Tolosanus, quem Deus ipse gloriosus in sanctis suis, et in majestate mirabilis, sua immensa bonitate virtutum operatione mirificavit, et

gratia sanctitatum sic immensis illustravit miraculis, quod in diversitate graduum seu status in gratia et gloria gradatim ascendit. Hic est quem, ut pie creditur, Rex ipse cælestis sic honorari decrevit in patria, ut sedi supernæ quietis insideat æternæ claritatis lumine quasi regis vestimentis amictus, et scupiternæ gloriæ et diademate coronatus. Hic est denique, quem et nos propter suam merita gloriosa nostro ministerio per omnem Christiani cultus ambitum vehiculo debitæ venerationis incedere, ac profusus per orbem gaudiis, et effusus undique laudibus coli cupientes in terris, nuper die Jovis post festum Resurrectionis Dominicæ, septimo videlicet idus Aprilis de fratrum nostrorum et prælatorum omnium, tunc apud Sedem Apostolicam existentium, unanimi consilio et concordii consensu, sanctorum Catalogo duximus adscribendum. Nec sine causa Paschale tempus ad id faciendum elegimus, ut dies ipsa, nova festivitate jucunda, ex temporis gaudiosa celebritate Paschalis fieret ampliori jucunditate festiva.

« Digne itaque, filia, cor tuum lætari debet in Domino, et in salutari suo tuus animus dilatare; et digne gratias agere teneris Altissimo, qui tibi fecunditatem sobolis tam sanctissimæ tribuit, et qui in tanta sublimatione illius in benedictionibus immensæ dulcedinis te prævenit. Propterea igitur, quesumus, et in odore unguentorum beatissimi filii currere, tuas corrigendo vias, et bonis operibus vacando festina, ut illum sequi merearis ad regnum, quem si mundo viveret, affectu cogente materno, in exilium sequeris. Dat. Avin. V id. Aprilis ».

10. Excitavit ad sacri gaudii pompam Pontifex alios principes, qui S. Ludovicum consanguinitate affinitateve contingebant; ut Robertum ⁴ Siciliæ regem, ad quem S. Ludovicus hæreditarii regni, cum Evangelicam paupertatem ex divi Francisci discipline formula amplexus est, jura transfuderat; Philippum principem Tarentinum ⁵ alterum germanum, Sanciam reginam Siciliæ ⁶ sancti gloriæ, Clementiam ⁷ Francorum, Joannam ⁸ Armenorum reginas illius neples, Mariam reginam ⁹, ac Sanctium regem ¹⁰ Balearium, Jacobum Aragonum regem ¹¹, qui Blancam S. Ludovici sororem antea uxorem duxerat: quos omnes ad ejusdem sancti æmulandam pietatem accendit. Denique universos fideles Encyclicis litteris ¹² ad illum imploranda suffragia excitavit, quibus sepulcrum religiose veneraturis indulgentiarum premia proposuit ¹³. Ad cujus illustrandam virtutum gloriam hæc delibanda censuimus: « Ductus in Cataloniam cum duobus et suis fratribus, datus obses pro liberatione antedicti regis, (nimirum Caroli II patris,) tam ferventer dedicavit se studio, quod infra septennium, quo etiam ibi obses fuit,

¹ Bern. Chron. Rom. Pont. et Ms. Vat. bibl. sign. num. 3765, in Jo. XXI. — ² Ptol. Luc. Hist. Eccl. Ms. l. XXIV. c. 42. — ³ Tom. I. Ep. secr. CXXXIX.

⁴ Ep. secr. CXLI. — ⁵ Ep. CXLI. — ⁶ Ep. CXLII. — ⁷ Ep. CXLIII. — ⁸ Ep. CXLIV. — ⁹ Ep. CXLV. — ¹⁰ Ep. CXLVI. — ¹¹ Ep. CXLVII. — ¹² Ep. CXLVIII. — ¹³ Ep. CXLIX.

sub instructione Fratrum Minorum, quos secum habebat in socios, in primitivis scientiis, et sacra pagina sic profecit, quod vir Dei, pollens ingenio, de prædictis scientiis non solum publice ac private subtiliter disputare valeret; sed et solemniter clero et populo proponere verbum Dei, ut putaretur scientia hæc infusa sibi magis divinitus, quam humanitus inquisita.

« In orationibus sedulus et devotus mentem ad Deum elevatam tenuit, profecto sciens, quod oratio humiliantis se nubes penetrans, pro exauditionis suffragio Deum adit. In tempore namque dicto, sacramentali confessione præmissa, missas audiebat devote; in magnis vero festivitibus cum preparatione multa corpus sumebat Dominicum: factus autem sacerdos diebus singulis celebrabat. Audientia verbi Dei insistebat attente: pro pastu vero animarum, in Scripturis devotus studens habebat ad hoc pro solatio sanctos libros. Castitatis autem amor a puero affecerat ejus mentem adeo, quod ob ipsius fidam custodiam mulierum consortia fugiebat omnino; in tantum quod nisi forsam cum matre et sororibus, solus cum sola unquam tempore loquebatur: mulierem namque amariorem noverat esse morte. Verba etiam inhonesta horrebat audire, ac loquentes talia graviter arguebat, attendens prudenter, quod corrumpunt mala colloquia bonos mores: fratres nihilominus duo, et interdum quatuor in sua jacebant camera, in suæ testimonio nitidæ puritatis. Cum Apostolo Paulo sobrietate cibi et potus corpus suum castigabat assidue, sequæ frequenter manu sua, quandoque autem alicujus fratris consocii cum catenis ferreis disciplinans, vestiendo pro camisia rude stamen, et deferendo ad nudum pro cingulo cordam grossam, ipsam carnem in servitutem redigebat. Summo etiam studio terrena cuncta calcare studuit ex desiderio æternorum.

11. « Considerans etiam sanctus iste, quod mundus totus sit positus in maligno, quodque cum concupiscentia sua transit, ipsum fugiendo deseruit totaliter et contempsit. Nam rediens de Catalonia cum rege prædicto, votum quod de intrando Ordinem Fratrum Minorum in obsidione fecerat, in conventu eorundem Fratrum de Monte-Pessulano, voluit adimplere. Sed videns, quod timore dicti regis ipsum fratres recipere non audebant, votum ipsum solemniter iteravit. Et quia voventibus præceptum noverat de reddendo, suadenti felicitis recordationis papæ Bonifacio prædecessori nostro, quod assensum præberet provisioni de se factæ Ecclesiæ Tolosanæ, nullatenus consensit, quoadusque votum dictum, quod fecerat, complevisset. Cujus devotioni annuente prædecessore nostro prædicto, habitum Ordinis prædicti suscipiens, in præsentia bonæ memoriæ Joannis episcopi Portuensis, tunc ejusdem Ordinis generalis ministri, expressam professionem flexis genibus in manibus suis fecit; sicque provisioni prædictæ suum præbendo assensum, mandatis Aposto-

licis obedivit. Et quanquam de jussu prædecessoris ejusdem dictum habitum velatum portaverit usque ad festum B. Agathæ tunc vicinum; in dicto tamen festo in præsentia duorum cardinalium recepit publice, ac ex tunc portavit continue, atque ipso die ad sanctum Petrum patenter detulit, prædicando.

« Miranda res, et alias insueta l vir namque virtutum positus in sublimi juri primogenituræ renuntiavit et regno, regalis solii spreta pompa, pro regno corruptibili æternum ac plenum deliciis regnum mereans. Mira vero compassione ad pauperes ferebatur, quibus largas tam privatas quam publicas elemosinas faciebat: nuda jam factus episcopus Tolosanus per nuntium suum familiarem secretarium mandavit inquiri de suorum quantitate reddituum, quantumque sibi sufficeret pro moderatis expensis faciendis et rationabilibus, volens quod totum residuum in sustentandis pauperibus poneretur; quanquam prælatus tam magnus esset, et filius tanti regis. Cum autem iret Parisios, pauperem quemdam nudum reperit, cui multum compatiens, abscondite cappam contulit, quam portabat, sibi que fecit aliam secrete asportari, etc ». Iis addit Pontifex ut viginti quinquæ pauperes quotidie in sua domo reficeret, iisque etiam flexo genui inserviret: interdum xenodochia lustraret, luxum omnem a se abjecisset, magno pietatis exemplo episcopale obiret munus, Judæos et Saracenos ad fidem alliceret, sanctissime demum obierit: deinde ad implorata ejus apud Deum suffragia cælestes virtutes fuerint editæ, plures e morte ad vitam revocati, multis vocis usus, surdis auditus redditus; variorum morborum, quorum acerbitas omnia remedia eludebat, genere implicitis valetudo fuerit restitua: ob quæ religioso examine confirmata consecratam ejus memoriam promulgat, atque ipsius sepulchrum veneraturis nonnulla indulgentiarum præmia confert. Quæ litteræ « VII. id. Aprilis, Pontificatus anno 1 » consignatæ.

12. Non illustrata modo hoc anno est Tolosana Ecclesia S. Ludovici episcopi gloria et miraculis; verum etiam sede archiepiscopali a Pontifice decorata, atque in eam rem illius amplissima diocesis in sex episcopatus Montalbanensem, Rivensem, Lombiensem, Sanpaulensem, Vaurensem divulsa¹. Agitasse Clementem eadem consilia, testatur Joannes in Apostolica Constitutione² de ea re edita, in qua rationes graves adducit, quæ ipsum ad Tolosanam diocesim in plures partiedam impulissent, nimirum ob illius amplitudinem episcopum administrandis tot Ecclesiis imparem esse; unde divinus cultus plerisque in locis exolescere, et animarum jacturæ periculum grave immineret. Et quidem jam ante superiori sæculo

¹ Tom. 1. Ep. secr. CLII. tom. II. p. 2. Ep. xcvi et Ep. secr. cccxxxiii et an. II. p. 1. Ep. com. cmxcvii. — ² Extr. *Salvator noster* de præbend. et dignit. Item. Ms. Vat. bibl. sign. num. 3765. in Jo. XXII et Bern. Chron. Rom. Pont.

Fulco, præsul virtutibus ornatissimus, ab Innocentio III flagitabat, ut episcopatum divideret, cum pastorales curas in tot populos diffundere non posset: negarat vero ea de causa Innocentius, ut ingentibus Ecclesiæ suæ opibus ad comprimentes Albigenses uteretur. Mutata autem postea temporum ratione, Joannes vetera privilegia Tolosana Ecclesiæ de nunquam dividenda illius diocesi concessa rescidit¹, cum jam populorum numerus excrevisset, nec amplius sacræ opes adversus hæreticos sed ad inanem luxus pompam converti ab episcopis Tolosanis consuevisent, ut Pontifex graviter queritur hisce verbis: «Attendentes, quod licet Tolosanus episcopatus divitiis abundaret immensis, vix tamen supererat huc usque memoria, quod ex suorum opulentia copiosa reddituum aliquod in Ecclesia vel diocesi Tolosana pervenisset divini cultus augmentum; imo sic ex adipè prodierat ac prodibat iniquitas, ut multo jam tempore luxus, cura carnis in desideris, evectio pompa, numerositas clientelæ, immoderata distributio in parentes, sumptus enormes, ac usus extraordinarii sibi vendicassent ibidem quasi totum patrimonium Crucifixi; et verendum erat, ne præsul nuncius incrassatus, et dilatatus ex excessivis hujusmodi operibus et superbis, periculose recalcitrans, Deum factorem suum derelinqueret, et a suo salutari recedens, perditionis exempla in suos subditos derivaret, etc.»

Quamvis tot opibus affluisset postremus episcopus, is tamen Ecclesiæ suæ opes, alienatis etiam nonnullis ejus juribus, abliguriverat: quocirca eo amoto Joannes Convena episcopus Magalonensis ad archiepiscopatum Tolosanum est inductus. Alias præterea amplissimas dioceses in plures disgregavit² Pontifex; in Narbonensi enim Electensem et S. Pontii, in Albienensi Castrensem, in Agennensi Condomiensem, in Lemovicensi Tutellensem, in Petragoricensi Sarlatensem, in Claramontensi Santlorensem, in Rhutenensi Vabrensem, in Pictaviensi Malleacensem et Lucionensem episcopatus condidit³, suisque limitibus circumscripsit: de quibus extant plura Diplomata⁴. Neque eos modo episcopatus erexit Pontifex, ut animarum salutem consuleret; verum ad augendum divinum cultum plura canonicorum collegia in Ecclesiis, in quibus solemni ritu divina res perageretur, ac Numinis laudes personarent, excitavit⁵. At de his hæcenus: nunc ad alia digredimur.

13. Ad submovendos justitiæ terrore a flagitiis clericos, ne Ecclesiastica freti immunitate temeritati habenas laxarent, Pontifex canonum sacrorum religione Philippum exsolvit⁶, si secularis fori

satellitio facinorosi clerici certis in casibus, comprehenderentur: «Celsitudinis, inquit, tuæ precibus benignum impertientes assensum, ut si contingat te tuosve ministros alios flagitiosos clericos propter notoria crimina homicidii, mutilationis, aut alterius enormis facinoris, vel etiam super hujusmodi criminibus publice diffamatis, de quorum fuga et evasione probabiliter timeatur, servata modestia quæ potest in talibus observari, capere, definire, seu capi facere, vel etiam detineri, non in contemptum clericalis ordinis, vel odii zelo, seu persecutionis affectu, nec ut jurisdictionem usurpetis in ipsos; sed tantum ut reddantur ad mandatum Ecclesiæ, ne crimina remaneant impunita propter hoc; tu dictive ministri nequaquam excommunicationis sententiam incurralis, ad instar felicis recordationis Nicolai papæ IV prædecessoris nostri, qui per Apostolicas litteras eidem clare memorie Philippo regi Francorum tuo progenitori concessit, auctoritate presentium tibi duximus concedendum; nullam propter hoc tibi vel ministris eisdem dantes licentiam clericos ipsos taliter capiendi, nec eorum captivum vel detentionem etiam hujusmodi approbantes. Dat. Avinioni id. Augusti anno 1.»

14. *In clericos malos, et in laicos monet adulterium percutientes animadvertit Joannes.* — Exuendos etiam clericalibus privilegiis statuit¹ Gregorii X exemplo clericos conjugatos, sive monogami vel bigami essent, et alios, qui tonsura et habitu decori gererent magistratus, atque etiam pœna sanguinis fontes afficerent; ut vero onera subterfugerent, prærogativam clericalem obtinebant. Pari severitate Basiliensem episcopum, injusto bello se implicantem, non præfixa, ut mos est, litteris salute corripuit²: «Non attendens, inquit, quam districte sacri canones prohibent portationem armorum in clericis, quorum arma lacrymæ debent esse, abjecta prorsus maturitate pontificalis officii dilectum filium nobilem virum Radulphum dominum Novi Castri in nullo, prout fertur, injurium, ea solum occasione quod gueram habet cum dilecto filio nobili viro Petro de Grandisno domino Bellimontis, tibi consanguinitate conjuncto, nedum laicali more per tuas litteras diffidatis; sed et cum ad pacificandum eos juxta injuncti tibi pastoralis officii debitum sollicitudinis tuæ partes deberes apponere, non ut pacifer, sed belliger; non ut Dei minister, sed ministrator excidii arma sumpsisisti militaria contra eum; depredationes, rapinas, invasiones, incendia, et occisiones cum tuis complicibus perperam committendo, etc.». Intentata anathematis moleta, ac sacerdotiorum munerisque pontificalis privatione cœptis jubet ipsum absistere, ac damna illata sarcire. «Dat. Aven. VIII kal. Julii anno 1.» Querente etiam apud Sedem Apostolicam Philippo Galliarum rege, nonnullos clericos rerum terra-

¹ Tom. 1. Ep. secr. ccli. — ² Ms. Vat. sign. num. 3763. in Jo. XXII Bern. Chron. Rom. Pont. Prol. Luc. Hist. Eccl. 1. XXIV. c. 42. — ³ Ibid. — ⁴ An. 1. p. 4. Ep. com. MMMCCLXVIII. p. 1. MMMCCLXXII. MMMCCLXI et an. 2. Ep. MMMCCLXVI. MMMCCLXII. MMMCCLXXII. — ⁵ Bern. ubi sup. et Ms. Vat. bibl. sign. n. 3765. — ⁶ An. 1. tom. II. post. Ep. com. MXXIX.

¹ An. 1. 4. Ep. com. MMMCCV. — ² Tom. 1. Ep. secr. CCCXXII.

narum cupiditate irretitos mercatura se addixisse; cumque clericum privilegiis potiri flagitent, discipline Ecclesiasticæ se subducere, Joannes archiepiscopos atque episcopos coercere eorum avaritiam jussit.

Ad injiciendum quoque laicorum adulterinam monetam eudentium avaritiæ trenum, cum ea corruptela late in Gallia et Navarra grassaretur, hoc edicto ejus flagitii patrales perenlit¹:

« Ad perpetuam rei memoriam.

« Prodiens quasi ex adipe iniquitatis multorum sceleratorum funesta cupiditas, eos in perniciem præcipitare conatur, dum sequi miserabilem ejus ingluviem, satietatis nescientem moderamina, non verentur: ipsi etenim, turpium lucrorum se fecibus immergentem, ambitiosis nexibus involvuntur, Dei timorem damnabili cæcitate postponunt, et quasi ambulantes in tenebris, non curant excidia personarum. Nuper siquidem ad nostri Apostolatus auditum multorum relatio fide digna perduxit, quod nonnulli nullam habentes auctoritatem juris, vel consuetudinem seu privilegium faciendi monetam, falsam eundem et fabricant in regno Franciæ et locis circumvicinis: alii vero monetam fabricatam sub vero signo charissimi in Christo filii nostri Philippo regis Franciæ et Navarræ illustris studiose depravant, et ex hoc cadit a suo recto pondere. Quamplures etiam in locis circumvicinis, quibus de jure aut consuetudine aut privilegio jus competit fabricandi monetam, signum proprium monete regiæ monete suæ, quam fabricant, imprimere seu insculpere moliantur ejusdem quantitatis et rotunditatis et litterarum figuræ, quam habet moneta regiæ, monete suæ quam fabricant quantum possunt similis speciem et formam insculpunt, constituunt et imponunt. Et quamvis moneta prædicta eorum ad usurpatam similitudinem perducta deficiat a justo pondere argenti et solito in regia moneta, et more et consuetudine observato; simplices tamen et populares persone, non habentes inter monetas tantæ similitudinis peritiam discernere, falluntur quotidie ea occasione in usu monetarum, recipientes monetas falso assimilatas pro veris. Sunt et alii qui scilicet falsas monetas extra regnum prædictum emunt, et post infra regnum ipsum eas portant, vendunt et expendunt. Nos, igitur, attendentes quod falsarii et fabricatores monetarum filium et employes prædicti per hoc se dignos maledictione constituunt, eos qui (ut præmittitur) præmissa moliri, aut fabricare, aut emere, vel portare ad regnum prædictum scienter præsumperint, felicis recordationis Clementis papæ V prædecessoris nostri vestigiis inherentes, excommunicationis sententia innodamus, absolutione prædictorum nobis et successoribus nostris, præterquam in mortis articulo, reservata. Nulli ergo, etc. Dat. Avin. id. Augusti ANNO I^o.

13. *In Academiis redintegrata studia, Constitutionibus datis.* — Divulgandas hoc anno in Academicis proposuisse Joannem Clementis V Constitutiones, referunt Bernardus¹, et manuscripti² Annales Romanorum Pontificum. Extant eo argumento Apostolicæ litteræ³ ad Parisienses Academicos kal. Novembris exarata, quibus præcepit, ut in judiciis ac publicis scholis iis uterentur: quæ etiam Bononiensibus transmissæ, et Clementinis sanctionibus præfixæ sunt. Collocasse porro Joannem augenda rei litterariæ, ut erat in scientiis apprimè versatus, cupidissimum Apostolicas curas ad Academiæ splendori pristino restituendas, docent plura ejus Diplomata: atque in primis ad Parisiensem Academicam⁴, cæterarum principum, instaurandam professores corporit, qui artes liberales imperfectas traderent. Invetus etiam est in theologos⁵, qui theologiam, conquisitis philosophorum fucis ac sanctorum Patrum abjectis sententiis vel oraculis Scripturarum, inquinabant: « Sane mirantes, inquit, audivimus, et turbati quodammodo expavimus, quod nonnulli ex vobis, sicut habet fide digna relatio, habentes magisterii dignitatem, nec attendentes quod incassum bonum agitur, si priusquam veniatur ad terminum deseratur, legere libros incipiunt; sed negligentia, vel animi levitate, vel alia inconstantia ipsos debito modo non finiunt, sed deserunt imperfectos. Nonnulli alii, plus sapere quam oportet sapere, contra doctrinam Apostoli molientes, inhærendo philosophorum erroribus, veram philosophiæ intelligentiam derelinquunt; et cum deberent ad consolationem cordium ipsorum, juxta præceptum Apostoli, esse instructi in agnitione ministerii Dei Patris, et Domini nostri Jesu Christi, in quo sunt omnes thesauri sapientiæ et scientiæ absconditi, decipiuntur per philosophiam et inanem fallaciam, secundum traditionem hominum, fideique orthodoxæ documenta minus debite venerantur. Quidam vero minus idonei et indigni, quidam etiam sine debito examine ad statum magisterii assumuntur. Alii quoque solennium disputationum et determinationum frequentiam consuetam ab olim in Parisiensi studio prætermittunt. Quidam actu regentes, qui teneretur insistere exercitio lectionum, litigiorum anfractibus, et advocatorum strepitibus et forensibus occupationibus se involvant.

« Quidam etiam theologo, postpositis vel neglectis necessariis, utilibus et edificativis doctrinis; curiosis, inutilibus et supervacuis philosophiæ questionibus et subtilitatibus se immiscunt: ex quibus ipsis studii disciplina dissolvitur, luminis ejus splendor offenditur, et per consequens studentium utilitas impeditur. Et infra: « Nisi vestra discretio emendatione celeri præmissa cor-

¹ Bern. Chron. Rom. Pont. — Ms. Vat. bibl. sign. num. 5707. — ² Tom. I. Ep. secr. DCXXIX. — ³ An. I. p. 3. Ep. secr. MCMCLXXI. — ⁴ Id. ibid. I. p. 3. Ep. com. MCMCLXXI.

¹ An. I. p. 2. Ep. com. MXXIX.

rexerit, et præteritæ deformationis excessus in melius reformabit, illa per alios, in hac parte Apostolica auctoritate suffultos, non absque debita censura iustitia in eos, qui super præmissis culpabiles fuerint, exercenda infallibiliter, emendari et corrigi faciendum. Dat. Avinione VIII id. Maii anno 1.º. Eodem argumento ad episcopum Parisiensem scriptis litteris ¹, partes ei imposuit, ut adhibito in consilium sigilli Academiæ præfecto, ea vitia auctoritate Apostolica emendaret, seseque illi ea in re opposcentes censuris percelleret : si vero ea occurrerent, quæ sine novis Sedis Apostolicæ imperiis tolli non possent, rem ipsi litteris patefaceret, ut malum diligentia Apostolica succideretur.

16. Ad redintegrandam etiam Clementis exemplo Aurelianensem Academiam, Raimundo Bituricensi archiepiscopo et Joanni Cheremont canonico Parisiensi eam provinciam dedit ². Asservit etiam ³ suis iuribus Tolosanam, quæ cum ab Innocentio IV condita, atque iisdem ornata privilegiis ac Parisiensis fuisset, doctores nunquam a Parisiensibus impetrare potuerant, ut privilegiorum Parisiensis Academiæ exemplum traderent ; Pontifex non Innocentiana modo privilegia confirmavit, sed Parisiensis etiam Academicos Apostolicarum litterarum exemplum concedere Tolosanis iussit ⁴. Neque in Galliis solum, verum in aliis quoque regnis rem litterariam provexit. Oxoniensem quidem in Angliā Academiam, diremptis quæ intercedebant inter Prædicatores et doctores seculares controversiis, de conferenda doctoratus laurea que habendis theologicis lectionibus, composuit ⁵. Collatam Bononiensi ad decennium prærogativam a Clemente V ut in ea, exceptis episcopis, monachis et sacerdotibus, clerici juri imperiali artique medicæ operam navare possent, ad aliud septennium ob singularem Bononiensium in Ecclesiæ fidei constantiam, Italico civili ardente bello explicatam, extraxit ⁶. Hæc de re litteraria suffecerint : nunc ad bellicos tumultus digredimur.

¹ Reg. post eamd. Ep. — ² Tom. I Ep. secr. CCCIV. — ³ An. 1. p. IV. Ep. com. MMMCDXCVII. — ⁴ Ib. Ep. com. MMMI. — ⁵ An. 2. p. 1. Ep. com. CCCXL. — ⁶ An. 1. p. 2. Ep. com. MDCCXCVIII.

17. *Bellum inter Robertum Siciliæ et Fridericum Trinacriæ reges Pontificis opera compositum.*

— Recruduit crudele inter Robertum Siciliæ et Fridericum Trinacriæ reges bellum, cum inite inter eos induciæ effluxissent. Agebatur Robertus ira in Fridericum, cum ille violata jam antea pace, et cum Henrico imperatore coitione conflata, facta in Calabria irruptione, nonnullas arces eripuisse ; nec Trinacrii regis (1) nomine contentus, Siculum sibi arrogaret ¹. Ad propulsandas calamitates inde oborturas Joannes, incunite Martio, Guilhelmo Trecensem episcopum et Petrum Textoris plurima instructos auctoritate misit ² tum regem Fridericum ad ereptas Roberto arces restituendas, cum sine ea re pax coire non posset, gravissimis verbis est adhortatus ³ :

« Joannes, etc. charissimo in Christo filio Friderico regi Trinacriæ illustri.

« Considera, fili, considera quod pax Domini sine pace proximi non habetur : nec enim rex ipse pacificus, cujus in pace factus est locus, corda sediliosa incolit, nec in corpore peccatis subito requiescit. Considera quod, dum per cælestis præconis ministerium hominibus bonæ voluntatis pax in terra promittitur, impiis tollitur, malignantibus denegatur. Considera quod, cum brevis sit vita hominis, incertus exitus, et frequenter etiam repentinus, cujuslibet manus cum omni, qua datur, instantia operari debet, quæ suo accepta noverit Creatori, ut securus iudicem videat, quem Redemptorem agnovit. Considera quanta possent imminere tuæ posteritati discrimina, si eam, cui benevolentia esset acquirenda magnatum turbinibus odiorum, et guerrarum fluctibus relinqueres involutam. Profecto si hæc et alia circa prædictæ dissensionis incommoda, diligentius attendenda, sedula meditatione consideres ; si commoda, quæ ex tua et regis prælati concordia tibi tuisque provenient, intra cordis arcana revolvās ; tuum ad pacem inclinabis, ut indubie credimus, animum ». Et infra : « Quia illorum occupatio injuriosa cas-

¹ Tom. I. Ep. secr. CDXLIII. — ² An. 1. p. 1. Ep. cur. XCI. — ³ Tom. I. Ep. secr. CII.

(1) Siculum bellum, de quo annalista, non quidem hoc, sed jam inde a præcedenti anno recrudescente operatur, ut scriptores bini rerum Siculanarum, hoc tempore florentes, affirmant. Horum alter est anonymus Chronici Siciliæ scriptor a Martenio Anecd. tom. III vulgatus ; alius vero Nicolaus specialis a Balzoio primum in Append. Marce Hispan. dein a Muratori rer. Ital. tom. X vulgatus. Illi igitur resumpti exordium fuit dies prima Martii anni MCCCXXVI, qua Fridericus Castri cujusdam obsidionem assumpsit. Accurrit statim Robertus, atque dein toto illo anno ac sequentis dimidio circiter vario Marte pugnatum fuit. Ita anonymus Martium cum Nicolaus specialis lib. 7, cap. 7 non reputant. Apud eundem vero Nicolaum cap. 10 legas ea quæ Baronius excerptis exhibet annalista hic num. 19, ex quo intelligimus Baronium illa ex eodem Nicolao deumpsisse. Porro Nicolaus ibidem non duos, ut annalista hic num. 19, sed tres legatos Pontificis commemorat, videlicet episcopum Trecensem, Petrum Textoris, et Stephanum S. Maximanum abbatem, qui forte postremo, nonnisi postea additus fuit, quantum vero ex narratione scriptorum illorum erui licet, vix credo Apostolicos istos nuntios antea pervenisse in Siciliam, quam classis Roberti regis cum alio pariter terrestri exercitu sub imperio Thomæ de Macthano Squillacis comitis ditionem Friderici invasisset. Ideo Historiam suam non satis accurate dirigat annalista, utpote qui venisse nuntios Apostolicos statuit ac de pace concilianda sub censuram comminatione Fridericum exposuisset. Friderico remittente, inventum ab exercitu Roberti Siciliæ vastationem commemorat, cuius terrore, ait, relictus est ad officium. Profecto anonymus Siculus testitur Thomam Squillacensem venisse anno MCCCXXVI, die VIII Augusti ; legatos vero nonnisi anno MCCCXXVII, cum jam Fridericus mente Junii armati classe supervenisset.

Fallitur etiam annalista scribens num. 21, arces illas a Friderico traditas, adjudicatas Roberto tunc fuisse cum utriusque regis oratores ad Pontificem eundem suam obsecratori venerunt. Fallitur, inquam, nam teste Nicolao Speciali lib. VII, cap. XI : « Legati ipsi (A. ostolici, qui arces illas receperant, ministri dotti regis Roberti absque plurimo intervallo temporis, et contradictione aliena traderunt ». Capite vero sequenti missionem legatorum Friderici ad Joannem narrat, sed illos frustra expectatis legatis Roberti « spe vacuus in Siciliam rediisse notat », cap. 14.

trorum, quæ contra pacis dudum reformatæ, ac Apostolicæ confirmationis roboratæ minime, seriem in dicti regis injuriam, nostrorum et Sedis Apostolicæ contemptum, et divine majestatis offensam in Calabria detines, ipsi discordiæ non leuem causam præbuisse videtur, castra ipsa regi restitutas antedicto.

18. Subjicit, utad facilius conciliandum fœdus cum rege Roberto, inducias longiores contrahat: ac si de iis inenudis consentire inter se non potuerint, significat Guillelmo Trecensi episcopo ac Petro Textoris Apostolicis nuntiis illarum indicendarum munus injunctum, ut dum æe excurrunt, coram Sede Apostolica de firmissimo sanciendo fœdere agitari possit; ipsique reges ob id ad eam se conferant, vel saltem oratores summa auctoritate instructos mittant. Tum addit: « Tu ergo, fili, ordinationem nostram hujusmodi veluti salubrem amplectens, in omnibus te contingentibus eam sollicite studeas observare, castra restituendo prædicta: ineundo treguas, et ad nostram veniendo præsentiam, ut præmittitur, vel sufficientes nuntios destinando; præsertim cum charissimus in Christo filius noster Jacobus rex Aragonum illustris, germanus tuus, suos in eodem termino, sibi notificando, ad requisitionem nostram oblitterit ad nos mittere nuntios, vel personaliter interesse dicto tractatui coram nobis, juxta quod duxerimus ordinandum, etc. Dat. Avin. V id. Martii ».

19. Monnit aliis litteris Robertum regem Pontifex¹, ut Calabriæ arcibus recuperatis, pacem cum Friderico redintegraret. Cui etiam significavit² Jacobum regem Aragonum maximum revocandæ inter eos pacis desiderium explicuisse; ac tum apud Sedem Apostolicam contendisse precibus, ut suam auctoritatem adhiberet, præterea oratores ad Fridericum transmisisset, qui ipsum ad occupatas in Calabria arces restituendas permoverent. Cum vero non ita valerent apud Fridericum auctoritate regis Aragonum oratores, ut ipsum ad restituenda injustis armis paria essent adacturi, diffideret Pontifex, censurarum religionem incutiendam censuit, ac Pontificia utendum auctoritate, quam Jacobus rex Aragonum admovendam flagitarat. Partes itaque Guillelmo episcopo Trecensi, ac Petro Textoris dedit³, ut Fridericum, si rapta restituere Roberto abnueret, devincerent anathemate, atque illius terras interdicto⁴ Ecclesiastico percellerent.

Verum neque ea ratione Fridericus ad restituendas Roberto occupatas in Calabria arces adduci potuit. Cum itaque nisi armis frangendus esset, Robertus rem bello decernendam ratus, ut hostem e Trinacria, quam Carolo II eripuerat, depelleret; atque etiam Calabriæ partem amissam recuperaret, contraxit validissimam sexaginta trirremium ac plurium navium majoris ac minoris alvei classem, cui Thomam comitem Squillacii præfecit: is

equitatu et peditatu egregie instructus, excensione facta, in insulam irrupit, ac furore hostili Panormitanum et Messanensem agros exussit. Intulit Roberti exercitus¹, diebus quindecim latissime discurrens, fedissimam vastitatem. Friderico obviam progredi non auso, seque in arce, cui Giam nomen est, continente; adeo ut majori clade, quam olim Caroli I et II regum temporibus attrita sit: ac plerique sensere Robertum, si anno sequenti parem Trinacriæ vastitatem intulisset, facile Fridericum regno ejectum iri. Ea itaque depressum calamitate, ac majora reformidantem pericula, Pontifici intermitti ad inducias amplectendas, raptaque in Calabria restituenda flexere. Quæ de re hæc in Mss. Baronianis collectaneis reperio: « Rex illos tanquam legatos sacrosanctæ universalis matris Ecclesiæ quocum decuit honore suscepit. Tunc unus ex eis, non ignarus verba componere, causam dissidii præmissorum regum ab ipsis primordiis subtilitate repetens, nunc unum, nunc alterum arguit: et tandem summam sue legationis commissæ expressit civitatem Rheginum et castra, quæ in Calabria sub titulo hereditario Romanorum imperatoris, de quo paulo ante sermo præcessit, Fridericus rex occupaverat, ac matri Ecclesiæ resignari, servanda per eam usque ad pacem in proximo componendam, compto sermone poposcit; adjiciens, ut in designato die ad eundem dominum Pontificem, quo etiam Robertus rex convenire debebat, Fridericus ipse propulsis dubiis transfretaret, pacem utrique parti, Domino auctore, quietam et placidam receptorus. Cumque legati finem imposuissent sermonibus, rex Fridericus, se nunquam fuisse causam dissidii pacemque cum omnibus, Christianis maxime, cupientem testatus est: Sed quom, inquit, pacem summus Pontifex se daturum nobis constituit? Illi, quod est exiguum arctumque fretum Siciliam insulam ab Italia separans ostendentes, dixerunt: Et summus rerum opifex, qui antequam fierent cuncta disposuit, nihil frustra nihilque incassum operatus est. Erunt itaque hujus maris angustiae, quas videmus limites et termini regnorum vestrorum alterum ab altero separantes. Esto igitur quisque contentus finibus, quos constituit manus Dei. Verumtamen quia tractatus pacis hujusmodi non exiguo tractu temporis indiget, inducias annorum trium inter vos et eundem regem summus Pontifex et competens utriusque iudex reverendus pater indicit ».

20. Ad tollendam dissidii causam, atque odium fomitem extinguendum Fridericus legatorum jussis, et Jacobi regis Aragonum ac S. Elizabethæ reginæ Lusitanæ oratorum consiliis adductus, eam iniit rationem, ut Calabriæ arces, quas incesso antea anathemate erat jussus Roberto regi restituere, legatis traderet, ut Pontifex de iis,

¹ Ep. secr. CIII. — ² Ep. C. — ³ Ep. CVIII. — ⁴ Ep. CVIII.

¹ Jo. Vill. l. IX. c. 82. Ant. til. XXI. c. 4. ante § 1. Fazel. poster. dec. l. IX.

prout suaderet aequitas, vel ei vel Roberto restituendis statuerat. Qua de re subjectae publicae Tabulae confectae¹:

« In Dei nomine. Amen. Pateat universis per hoc praesens publicum Instrumentum, quod die Veneris in festo Nativitatis B. Joannis Baptistae, anno Domini mcccxxvii. Indictione xiv. Pontificatus sanctissimi patris domini Joannis divina providentia papae XXII anno primo, apud Messanam in Sicilia in palatio, in quo ibidem habitabat serenissimus princeps dominus Fredericus Trinacriae rex illustris, in praesentia notarii et testium infra-scriptorum ad hoc specialiter vocatorum et rogatorum, idem serenissimus princeps dominus Fredericus Trinacriae rex illustris pure, plene, libere et absque conditione et retentione quacumque tradidit, restituit et etiam assignavit nomine domini nostri summi Pontificis reverendo in Christo patri domino Guillelmo, Dei gratia, episcopo Trecensi, et venerabili viro domino Petro Textoris priori prioratus S. Antonini Ruthenensis diocesis, domini nostri papae capellano, decretorum doctori, ad regnum Siciliae nuntiis per dominum nostrum summum Pontificem destinatis, civitatem Rheginam, castra de S. Nicheto, de Calana, de Motamuri, et fortalitia Ciliae et Balneariae, Cathonam, et omnia alia loca et fortalitia, quae tenebat et possidebat in Calabria, cum territoriis, districtibus, juribus et pertinentiis eorundem vassallis, hominibus et juribus vassallorum eorundem pro voluntate, ordinatione et dispositione omnimoda domini nostri summi Pontificis facienda, quam tenere perpetuo et observare promisit et nunquam contrafacere vel venire clam vel palam, publice vel occulte; et quod nunquam impediet per se vel alium seu alios, nec impediri faciet aliquatenus, vel permittet illum vel illos, quem vel quos dicti domini nuntii, vel dominus noster summus Pontifex ad regimen et custodiam civitatis et castrorum praedictorum duxerint deputandos, etc. »

21. Adjudicatas Roberto eas arces post institutam judiciorum formam, cum utriusque regis oratores ad Sedem Apostolicam pro disceptanda controversia se contulissent, ex laudatis card. Baronii collectaneis Mss. colligitur, quae tradunt, Franciscum Panormitanum episcopum et Franciscum Vingtiniensem comitem a Friderico, missos ad probandum jus suum in eas Calabriae arces, contendisse materna successione ad Fridericum spectasse: sed inania illius iura eo titulo fuisse, ex dictis in xiii et xiv tomis conspicuum est: nefarius tamen ille subornatus consilis Siciliae regis nomen injuria affectavit, ex quo gravissimis huius litteris² a Joanne corripitur meruit, quibus etiam Pontifex injustas illius de redditibus Roberto Calabriae arcibus querelas refregit.

« Joannes, etc. Friderico regi Trinacriae illustri.

« Vide, dilectissime fili, et sedula meditatione considera, quam indiscretum dedere tibi consilium, qui te induxerunt ad indebitam assumptionem huiusmodi tituli (nimirum Siciliae regis), et ad perseverantem illius retentionem inducunt. Vide quanto te pro hoc discrimini subjecerunt atque subjiciunt. Vide quantam maculam in gloria nominis tui ponunt, ut abjecto titulo, quo licenter uti poteras et debebas, dominationem ali debitam, consilia talium secutus, usurpative receperis, quam retinere conscientia salva nequis. Nosti namque, quod cum in pace Siciliae, per Sedem Apostolicam confirmata, ac per speciales tuos nuntios, juramento in animam tuam praestito, solide promissa servari, contineretur expresse, quod aut rex insulae Siciliae, aut Trinacriae ad arbitrium clare memoriae Caroli regis Siciliae, tunc viventis, vocari deberes, bonae memoriae Petrus tunc Novimensis episcopus cancellarius, et dilectus filius vir nobilis Bartholemaeus de Capua miles logotheta et protonotarius regis Siciliae, debita circa haec potestate suffulti, nomine dicti regis, cujus erant procuratores et nuntii, de beneplacito et assensu felices recordationis Bonifacii PP. VIII praedecessoris nostri elegerunt, et arbitrati fuerunt, te debere regem Trinacriae titulari: dictusque praedecessor signanter expressit, quod per hoc honori regalis tituli, quem de toto regno Siciliae ultra pharum et citra apud regem ipsum integre voluit remanere, nullum in aliquo, etiam quantum ad vulgi labia, praedictum afferretur.

22. « Quomodo ergo potuit aliquis sanae mentis tibi consilare, ut pacem violando praedictam, non absque transgressione patula juramenti, ut de aliis laceamus, aliam intitutionem assumeres, quam quae tibi tributa est ex pacis tenore praedictae? Quomodo tibi potuit suaderi, ut illius regni titulum, cujus plena dispositio ad Sedem Apostolicam pertinet, absque ipsius assensu vel licentia usurpares? Numquid aliquando, a tempore praecipue dictae pacis, nos aut praedecessores nostri Romani Pontifices tibi regis Siciliae denominationem adscripsimus, aut verbo vel litteris te sic unquam curavimus titulare? Annon advertis, quod si te uti vellemus huiusmodi titulo, non te requisivimus de pace vel treugis inter te et regem Siciliae incendis, aut de restituendis sibi civitate et castris praedictis, ne absurde videremur insistere, ut tibi ipsi restitutionem huiusmodi faceres, aut tecum pacem vel treugas inires? Profecto, illi, errant qui tibi tamen illicita consulunt, et te per haec in evidentem errorem inducant: nec tuae in talibus experientiae quidquam adscribimus, talia tibi consulentium imperitiae succensemus, etc. Dat. Avin. III id. Decembris ». Significavit Pontifex¹ sequenti incurrente anno Jacobo regis Aragonum, ut frater ipsius violatis iuribus pacis legibus Siculi regis

¹ Ext. in l. Priv. Rom. Eccl. tom. II, pag. 112, et in Ms. Vall. bibl. sign. B. B. num. 12, pag. 68. — ² Lib. I. Ep. secr. cdxliiii.

¹ Ep. cdxliiii.

nomen usurpasset, atque ideo a se objurgatus fuisset.

23. *Robertus rex per oratorem fidelitatis homagium dat Pontifici.* — Profusus est solenni ritu Robertus Siciliae rex hoc anno, se benedictio auctoritateque Sedis Apostolicae Siculum regnum accepisse, ac fidem Bertrandi e Baucio comitis Montis-Caveosi oratoris opera Pontifici sacramento devinxit. Tenebantur quidem religione officii ad aulam Pontificiam, ut clientis obsequium addiceret Ecclesiae, se conferre: sed cum bellico apparatu in Fridericum regem Trinacriae instruendo implicitus esset, Joannes ita illius oratorem admisit, ut tamen Pontificum consuleret iuribus, ac publica documenta ab eo exigeret, quibus profiteretur, Robertum in initis cum Carolo Prino conventis obstringi vocatum ad Sedem Apostolicam, accedere, praesentemque Pontifici clientelarem sponsonem solenni ritu prestare; vel ad eum legatum Apostolicum, qui ipsum sacramento fidei adigeret, mitti posse, atque ex ea Pontificia indulgentia successores reges nullum jus, quo detraherent Pontificio, sibi arrogaturos. Assensit postulatis Pontificiis orator, atque Ecclesiae iuribus hinc publicis Tabulis cavita¹:

« Nos Bertrandus de Baucio comes Montis-Caveosi, consiliarius, familiaris et fidelis serenissimi principis et domini nostri domini Roberti, Dei gratia, Jerusalem et Siciliae regis illustris, tenore praesentium fecimus universis, quod die septimo praesentis mensis Maii, xv Indict. apud Avinionem, offerentibus nobis procuratorio nomine dicti domini nostri regis, cujus inde mandatum speciale suscepimus sanctissimo in Christo patri et clementissimo domino nostro domino Joanni, divina providentia, sacrosanctae Romanae ac universalis Ecclesiae summo Pontifici sacro dominorum cardinalium assistente collegio, ligium homagium et fidelitatis debite juramentum pro regno Siciliae et tota terra citra phatum, quae dictus dominus noster rex a Romana Ecclesia tenet in feudum; ipse dominus noster papa tanquam pius pater et dominus benigne respondit, quod licet ipse juxta formam conventionum initarum ab olim inter Romanam Ecclesiam et clarae memoriae dominum Carolum regem Siciliae, avum dicti domini nostri regis, non teneretur per procuratorem vel nuntium homagium et juramentum praedicta recipere; quinimo ex illarum vigore posset ad id dictum dominum nostrum regem personaliter evocare, vel ad eum aliquem mittere, qui nomine Romanae Ecclesiae praemissa reciperet ab eodem; de paterna tamen benignitate et gratia speciali a nobis illo nomine, quo supra, reciperet cum ea protestatione, videlicet quod ipsa receptio sibi vel futuro Romano Pontifici praedictum

aliquid non pareret: quin utique vocare possent ad personalem praestationem illorum regem Siciliae, cum nollet ipse dominus noster ad consequentiam trahi receptionem seu praestationem hujusmodi; nec per illam dicto domino nostro regi, aut ejus successoribus in praestando per procuratorem suum homagium et juramentum praedicta in posterum novum aliquod jus acquiri.

« Qua quidem praestatione, ut praefertur admissa, nos eidem domino nostro, sacroassistente collegio, dictum homagium dicti domini nostri regis fecimus nomine, et fidelitatis praestitimus juramentum. Et quia, sicut deest gratum filium et devotum, cum ipsius domini nostri beneplacito in his et aliis concurrere promptis affectibus cupimus, et proinde volumus propter ipsam praestationem nostram in aliquo derogari Romanae Ecclesiae, dicto domino nostro, aut futuro Romano Pontifici; nec domino nostro regi, aut successoribus ejus in praestatione juramenti et homagii praedictorum per procuratorem vel nuntium novum aliquod in futurum propterea jus acquiri; ecce praestationi praemissa liberaliter assentimus, sic tamen quod per assensum hujusmodi dicto domino nostro regi vel successoribus ejus in jure, si quid circa id sibi quomodolibet competat, nullatenus detrahatur: et nihilominus nos facturos et curaturos expresse promittimus, quod dictus dominus noster rex infra septimam diem proximo futuri mensis Augusti eidem praestationi praebere assensum; de cuius praebitione infra idem tempus mittet ad Sedem Apostolicam regias patentes litteras, Aurea Bulla regiae majestatis impressa typario communitas. In cuius rei testimonium praesentes fieri fecimus litteras, sigilli nostri appensione munitas. Dat. Avinione die vii mensis Maii, anno Domini mcccxvii, quintadecimae Indictionis ».

24. Exsolvit promissorum religionem Bertrandus comes, atque Robertum regem permovit, ut accepta re subiecto Diplomate¹ regio datam Pontifici syngrapham confirmaret.

« Sanctissimo in Christo patri et clementissimo domino suo domino Joanni, divina providentia, sacrosanctae Romanae ac universalis Ecclesiae summo Pontifici, Robertus Dei gratia rex Jerusalem et Siciliae, cum omni reverentia et honore devota pedum oscula beatorum.

« Nobilis vir Bertrandus de Baucio comes Montis-Caveosi, dilectus cognatus, familiaris, consiliarius et fidelis meus per litteras suas mihi nuper aperuit, quod in praestatione sacramenti fidelitatis et homagii, ad quam eum benigne de speciali gratia meo nomine recepit, idem comes ad vestri et Ecclesiae Romanae cunctam suas concessit litteras sub serie subsequenti: Nos Bertrandus, etc ». Inscrit datam ab oratore suo syngraphae formam fidei conceptam verbis, quibus nos eam superius adduximus, additque: « Ego igitur, pie

¹ Ext. in arce S. Angeli et lib. iii. Priv. Rom. Eccl. tom. iii, pag. 327, et inter Collect. Plat. tom. i, pag. 378, et in Ms. bibl. Vail. sign. lit. B. num. 12, pag. 353.

¹ Ext. ubi sup.

pater, pro dicta gratia gratus, sicut et de aliis vestris beneficiis esse, Deo dante, confido; omnia et singula in prefatis litteris dicti comitis contenta ratificans et acceptans, illis expresse consentio, et mea ratihabitione confirmo. In cuius rei testimonium praesentes litteras fieri feci, et Aurea Bulla mee majestatis impressa typario communiri. Actum Neapoli anno Domini mcccxvii. Dat. ibidem per manus Bartholomei de Capua militis, logothetae et protonotarii regni Siciliae sub eisdem annis Domini, die xxiv Maii quintodecimae Indictionis, regnorum meorum anno nono».

Reponi iussit regias hasce litteras Joannes in Pontificio scrinio, ut Romanae Ecclesiae iuribus consuleret, relique gestae memoriam seculuris temporibus transfunderet; eaque de re Robertum Siciliae regem certiores fecit¹. repetita in iis litteris totius rei gestae historia. quas IV id. Junii hujus anni consignatas brevitas causa praetermittimus. Instituta de clientelari sponione a Roberto rege Pontifici praestita orationi addemus, Robertum ipsum illatis Pontificio aulario decem millibus uncis auri, solvendi reliqui vectigalis diem sibi extrahi Pontificia indulgentia obtinuisse, qua de re publica documenta extant ab ipso edita².

25. *Monita saluberrima Joannis ad Robertum regem et reginam Sanciam.* — Non his modo beneficiis Robertum singulari studio est complexus Pontifex; verumetiam saluberrimis monitis, quibus ipsum ad regiam dignitatem sustentandam regnumque optimis legibus temperandum informavit. In primis quidem omnibus virtutibus perpolitos viros, ad quos summam rerum referret, deligere iussit: ex eorum enim rectis improbisve consiliis regni statum pendere. Quae porro in iis prudentie et integritatis ornamenta exigeret, subiectis verbis descripsit³:

« Joannes, etc. charissimo in Christo filio Roberto regi Siciliae illustri.

« Quanto sincerius personam tuam diligimus, tanto nimirum gravius perturbamur, cum ad nos ea de te pervenire contingit, quae dedecent excellentiae regiae dignitatem, et in tui praesertim status vergunt periculum et honoris. Ecce, fili charissime, de te nedom communis assertio, sed ipsa rei evidentia praedicat, quod licet inter ceteros mundi Catholicos principes abundanter existas litterali scientia praeditus, et excellenti ingenio naturali dotatus; illud tamen ab intuitu regiae considerationis excludens, quominus salubriter disponitur regnum, quod non regitur consilio sapientium, quodque tales consilii regum debent assistere, qui sciant, velint et valeant patientibus compati, paci terrae ac populi salutis prospicere, erudire ad iustitiam reges, imminuentibus occurrere periculis, viqueque maturioris exemplis infor-

mare subiectos, et quadam auctoritate potestativa praesumptionem malignantium cohibere; juvenes inexertos, ignobiles mente simul et genere, et qui cum scientia et industria careant, seipsos gubernare non norunt, tuo lateri applicas et per viam Roboam imprudenter incedens, a te consiliarios venerandas maturitatis elongas. Porro, fili, non haec tibi clare memoriae progenitorum tuorum exempla suadent, qui non homines delicatos et molles, sed timoratos et virtuosos viros, strenuos in agendis, scientie profunditate conspicuos, aut multa saltem et grandia frequenter expertos de remotis etiam finibus attraxerunt, et admiserunt in familiaritatis suae sacrum et suis consiliis aggregarunt: ex quorum assistentia multum decorabatur regale fastigium et regni negotia feliciter agebantur et quorum auctoritas, ut de prudentia et rerum experientia taceamus, legationi dum mittebantur, non parum videbatur adjuvare gravitatis, et ex quibus etiam plurimi propter eorum notam sufficientiam dignoscuntur ad sublimiora fuisse provecti.

« Quaesumus itaque, fili, ut tui honoris ac utilitatis obtentu sano consilio suademus, quatenus a tantis progenitoribus editus, ab ipsorum semitis non declines: sed tui generis magnitudine in his et aliis sic virtutibus etiam superes, sicut scientiae ubertate transcendis, illos in tuos consiliarios eligens, et electos in regalis benevolentiae sinu fovens, quos tibi credas fideles, et prudentes agnoscas; non illa prudentia fragili, ex qua multis inaniter nomen prudentis imponitur, qui in magnis negotiis positi, eorum ingressum vel exitum non vident. Illos, fili, tuo habes lateri jugiter assistentes, qui nec capiantur munusculis, nec muneribus corrumpantur; et qui tibi bene consulere audeant, nec ad tuum dispendium tuam faciem vereantur; et qui non tibi placentia, sed fructuosa suadeant: cum nec quidquid molle senseris existimare debeas esse bonum, et a longis retro temporibus in domibus regum sint, et eadem libenter inhabitent et frequenter ii, qui molibus vestiuntur, supponentes pulvillos cubitis et capitibus oleum infundentes, etc. Datum Avinioni XV kal. Julii ».

26. His ad Robertum regem monitis addemus alia reginae Sanciae tradita quae intempestivae pietatis sensu in transversum acta, dissolvere conjugii iura, seque a Roberto segregare meditabatur, ut liberiores animum rebus divinis transfunderet. Haerere enim viri lateri, ac dare operam liberis, quos in divino timore educaret, iussit; ac demonis dolos exposuit, qui pietatis falso nitore a vera illam pietate abducere moliebatur.

« Charissime in Christo filiae Sanciae reginae Siciliae illustri.

« Quia interdum, filia, humani generis inimicus, ut incautos sub specie boni decipiat, se in lucis Angelum transfiguratur; ideoque de tua salute solliciti, super aliquibus te prae munire providi-

¹ An. 1. p. 3. Ep. com. MMMCXXV. — ² Ead. in abbe S. Angeli et inter Col. Pal. tom. 1. pag. 396. et lib. Privi. Rom. Eccl. tom. 1. pag. 215. et apud do. an. 2. p. 3. Ep. com. vi. et in 5s. Vall. bibl. sign. B. B. num. 42. pag. 535. — ³ Tom. 1. Ep. cccv.

mus, ut te in periculum promptum incidere, quantum in nobis fuerit, non sinamus. Et quidem filia benedictionis et gratiae, scimus te, spiritus sinceritatis vigentem, ad ea, quae Dei sunt laudabiliter provehi: scimus te mundana pia magnanimitate contemnere, et ad immaculati agni nuptias totis sensibus anhelare: sed nec ignoramus, te charissimi in Christo filii nostri Roberti regis Siciliae viri tui sic pro lege matrimonii subijci potestati, quod nec vovendo, nec alias aliquid faciendo, quod ipsi matrimonio deroget, habes tui corporis potestatem. Et licet caelesti sponso placere desideres, oculos tamen terreni sponsi non debes offendere; quin potius, servata pudicitia conjugali, te sibi placidam et irreprehensibilem exhibere. Nec tibi suadet aliquis, quin omnia huiusmodi vota, post matrimonium carnali copula consummatum emissa, sine consensu viri sunt penitus reproba, gravibus plena periculis et ipsius conjugii institutori molesta.

« Quocirca celsitudinem tuam monendam duximus et hortandam in Domino Jesu Christo, in remissionem tibi peccaminum injungentes, quatenus prudenter attento, quod tribus de causis uxor principaliter ducitur, ut sit videlicet in adiutorium conjugii, ut proles suscipiatur ex ea, et incontinentiae vitium evitetur, te nullatenus a bono matrimonii retrahas; sed ipsi viro tuo te adiutorium gratum praebens, per emissionem voti cuiuslibet, aut tui subtractionem, nequaquam eum ad incontinentiam provoces: sed cum ambo in illius aetatis teneritudine consistatis, ut probabiliter possitis de sobolis fecunditate sperare, proli procreandae vocetis: cum conjugii praemium et gratia nuptiarum partus sit feminarum. Dat. Avin. III non. Aprilis ». Haecenus de rebus Siculis.

27. *Imperii urbes in Italia tyrannicis expositas tutatur Pontifex.* — Quod ad reliquas Italicas respectat; cum ob duorum Caesarum electionem Italiae ea pars, quae obnoxia Romano imperio erat, in contraria scissa esset studia, ac plerique potentia et clientelis freti temere vicariorum imperialium dignitatem in Etruriae et Insubriae urbibus affectarent: Pontifex, ad quem imperii principe suo viduati cura devolvitur, tum ut utilitati et paci publicae, tum iuribus Apostolicae Sedis consuleret, Constitutionem edidit, qua vicarios, qui Apostolico injussu urbium gubernacula occupant, exauctoravit. In ea quidem primum praefatus, si ad cardinalium atque episcoporum defendenda jura studium collocandum merito videatur, eo potius in ipsis Romanae Ecclesiae sponsae suae tuenda dignitate, ac iuribus asserendis majorem diligentiam atque operam esse defendendam, haec subdit¹:

« Joannes, etc.

« In nostram et fratrum nostrorum deductum est fama divulgante notitiam, quod licet de jure sit liquidum, et ab olim fuerit inconcusse servatum,

quod vacante imperio, sicut et nunc per obitum quondam Henrici Romanorum imperatoris vacasse dignoscitur, cum in illo ad secularem iudicem nequeat haberi recursus, ad summum Pontificem, cui in persona B. Petri terreni simul et caelestis imperii jura Deus ipse commisit, imperii praedicta jurisdictione, regimen, et dispositio devolvantur, et ea, tempore durante ipsius vacationis imperii, per se vel alium seu alios exercentis, noscitur in imperio memorato; nonnulli tamen in Italiae partibus potestatis et dignitatis fastigium illicite ambientes, in nostrum et sanctae Romanae matris Ecclesiae, quantum in eis est, praedictum evidens, ac diminutionem honoris et juris, vicariatus seu alterius cujuscumque nomen officii, quod ipso imperatore vivente ex ipsius commissione gerebant, in certis terris, territoriis, sive locis post decessum ipsius absque nostra vel Apostolicae Sedis petita vel obtenta licentia retinere sibi; et nonnulli etiam de novo assumere, quod non gesserant, aut gestum antea posteaque dimissum resumere temerariis ausibus praesumpserunt, quo vel quibus adhuc non videntur abuti, ac sub ejus vel eorum colore multa facere et fecisse noscuntur, quae in nostram et Ecclesiae praedictae injuriam aperte redundant; non abhorrentes per id variis involvi criminibus, nec divinae Majestatis formidantes offensam.

28. « Quia igitur error, cui non resistitur, approbatur videtur, et latum pandit delinquentibus sinum, qui eorum perversis conatibus non resistit; nos, volentes nostris et Ecclesiae sponsae nostrae iuribus et honoribus in hac parte prospicere, et malis ac scandalis, quae retentione, assumptione, seu resumptione huiusmodi orta sunt hactenus, et quae periculose possent in antea suboriri, celeriter obviare; necnon periculis animarum huiusmodi retinendum, assumentium seu resumentium nomina, et eis abutentium, ut praefertur, salubriter occurrere cupientes; praesentium auctoritate monemus sub excommunicationis poena omnes et singulos, cujuscumque status, praeminentiae, dignitatis, aut conditionis existant, etiamsi patriarchali, vel quavis alia superiori, aut pontificali, vel regia, seu alia quacumque praefulgeant dignitate, qui post vacationem imperii absque nostra vel Sedis praedictae licentia huiusmodi vicarii, seu cujusvis alterius officii nomen sibi ubilibet retinuerunt, assumpserunt seu resumpserunt et retinent; et qui assument vel resumant fortassis in posterum, et sub talis denominationis pallio abusi sunt et abutuntur, vel etiam abutuntur potestate vel jurisdictione quacumque, seu ejus executione publice vel occulte; quatenus de cetero a denominatione huiusmodi seu nominis assumptione, resumptione ac retentione praedictis; necnon usu, potestate et exercitio supra dictis prorsus abstineant, et omnino desistant; inhibentes insuper sub poena praedicta omnibus et singulis patriarchis et praelatis etiam aliis, superioribus et inferioribus, ac regibus, civitatibus,

¹ Lib. I. Ep. cur. LXXV.

communitatibus, universitatibus, capitaneis, potestabilibus, rectoribus, comitibus, vicecomitibus et aliis omnibus, cujuscumque sint dignitatis, conditionis aut status ne predictos, hujusmodi nomen seu aliud quodlibet in eodem imperio retinentes, ut praefertur, aut assumentes vel resumentes, vel eorum aliquem sub denominatione vel titulo hujusmodi nominum; seu procuratores, commissarios, iudices aut vices eorum gerentes quocumque colore quæsito, recipiant vel admittant; nec ut vicariis, seu vicario, aut officialibus imperii pareant vel intendant, aut pareri vel intendi faciant vel permittant, nec in his eis vel ei quodlibet praestent auxilium, consilium vel favorem.

« Alioquin in omnes et singulos patriarchas, praelatos etiam, superiores et inferiores, et ceteros denominationem predictam, ut praemissum est, retinentes, assumentes seu resumentes; ac illius praetextu exercentes quaecumque officia, potestates, seu jurisdictiones; et in recipientes eos ut vicarios vel officiales imperii, aut commissarios eorum ut talium, et in parentes seu obediens eis ut talibus, aut praestantes in hoc sibi auxilium, consilium vel favorem; nisi infra duorum mensium spatium, a die date praesentium numerandum, penitus resipuerint, vel se licentia Sedis Apostolicæ super hoc ostenderint communitos; excommunicationis in singulares personas et in terras et loca ipsorum, et quaslibet communitates, universitates, civitates, aut villas interdicti sententias de fratrum nostrorum consilio publice promulgamus; contra eos nihilominus spiritualiter et temporaliter gravius processuri, prout inobedientia eorum exegerit, qualitas facili suaserit, et viderimus expedire ». Subdit se in eos divinas humanasque alias penas exultaturum, prout patrati criminis magnitudo iustitiæ severitatem exasperarit. Utque omnis fovendæ hujusmodi temeritatis amputetur occasio, denuntiat omnia sacramenta, quibus ii, qui vicariatus imperii nomen retinuerint, aut sibi arrogarint, fuerint astrikti, auctoritate Apostolica rescindi convellique: praeterea omnes coalitiones contrarias conventionesque, quamvis iurejurando corroboratas, dissolvi ac laefactari; et omnia hujusmodi sacramenta, quæ iuribus Ecclesiæ detrahant, cum vinculum iniquitatis res sacra esse non debeat, penitus infringi. Denique concludit, ut ea publica Acta ad omnes pervadere possent, in Ecclesiæ ostiis defendenda, in omnium oculis collocanda. « Dat. Avin. in domo episcopali II kal. April. anno 1 ».

29. In *Ferrariensium perduelles decernit Pontifex*. — Meditabatur Joannes Etruriae, atque Insubriae imperialem vicariatum in Robertum Siciliæ regem Clementis exemplo conferre; sed cum gravissimo in Fridericum regem Trinacriae bello, ut diximus, implicitus esset, rem distulit: firmatis autem induciis, significavit¹ exeunte anno, se ad

cum Clementis litteras de vicariatu imperii ob illius mortem sigillo Apostolico nondum obsignatas ad eum transmissurum; monuitque nulla ab ipso pro gerenda ea dignitate subsilia expetenda esse, cum non oneri, sed honori esset futura, ejusque avus Carolus I gesto vicariatu Siculas res confirmasset. Creatum vero ineunte anno Robertum a Joanne Urbis senatorem, ac Pontificiarum copiarum ducem, ostendunt ea de re litteræ idibus Januarii exarate². Verum VI id. Aprili Flaminiae Ferrariæque administrationem internuntio Pontificio Guillelmo episcopo Trecensi regem ipsum tradere, suosque administris revocare jussit. Excitati quippe Ferrariæ ingens fuerat seditio adversus praesidiarios milites a Roberto impositos, qui non sine magna strage in arcem Thedaldi retrusi luere. Eam quidem defectionem Albertinus Musatus in libro viii³ Mss. Vat. de gestis Italicorum, cujus libri pars maxima nondum typis cusa est, regiorum administratorum licentiæ et latrocinio adscribit, cum Mezo Casertanus comes, exitus a Roberto, Nicolao Marantio Apulo eam praetectorum demandasset: et divexatos Ferrarienses magistratum avaritia queritur Joannes; quocirca exitis Raynaldo, Azone et Opizone marchionibus⁴ Pontificio imperio se subducere, arcemque Thedaldi captam solo adequarunt. De Ferrariensium ad Atestinos defectione meminere scriptores⁵, extatque Joannis XXII edictum, quo Ferrariensibus perduellionis intendit iudicium, ac ni ad dicendam causam constituta die oratores mittant, gravissimarum poenarum terrorem incutit⁶.

30. « Joannes, etc. dilectis filiis universitati et populo ac communitati Ferrariensi, Ecclesiæ Romane subjectis.

« Nuper, sicut ad nostrum auditum fide digna produxit assertio, publicaque fama notoria, vos tanquam infideles et stolidi, filiique degeneres tam grandia beneficia matris ejusdem, non absque multæ ingratitudinis vitio, habere memoriam dedignant; imo nobis verius, et eidem Ecclesiæ pro tam copiosis muneribus gratiarum compensantes opprobrium, et pro eisdem beneficiis rependentes offensas, et contra nos et praefatam Ecclesiam erecta cervice superbiae conspirantes, temerariis ausibus rebellastis; et subsequenter vobis Raynaldo, Azone et Opizone marchionibus Estensis et nonnullis complicitibus advocatis, burgum civitatis ipsius, quod dicitur S. Marci, castro nostro Theodaldi contiguum, et demum castrum ipsum duris expugnastis assultibus; et illud, quod erat ad vestrum et civitatis praedictæ munitionem et robur, cremastis incendio, ipso postmodum castro ut majorem nobis et eidem Ecclesiæ pararetis offensam, converso funditis in ruinam: in officialibus vero charissimi in Christo filii nostri Roberti

¹ Ep. CXLVII, CXLVIII. — ² Mss. Ms. Vat. sign. num. 2962. I. VII. de gest. Ital. — ³ Joan. tom. I. Ep. secr. CXXIV. — ⁴ Jo. VII. I. VIII. c. 82. Ant. III. p. 10. XAL c. 1. ante § 1. Pagn. IIs 1. Ates. I. IV. — ⁵ An. 3. Ep. cur. CCL.

⁶ Tom. I. Ep. secr. CXXLI.

regis Siciliae illustris, cui regimen vestrum et civitatis praedictae, per se vel per alium exercendum Apostolica fuerat auctoritate commissum, ad vestrum et ipsius civitatis regimen deputatos, et nonnullos assistentes ei; denique, seclasticis actibus data licentia et debito prorsus humanitatis excluso, irruistis immaniter et eos, paucis exceptis, quos facilius carceri detineri captivos, depredationi spoliis eorum expositis, crudeliter trucidastis.

« In civitate quoque praedicta, suique comitatu, territorio et districto, qui ad nos et praefatam Ecclesiam velut dominium speciale nedum ab antiquo sed ab ipso primario fundamento etiam temporaliter pertinerunt et pertinet pleno jure; sicut etiam syndici vestri, procuratores et nuntii, cum pleno et sufficienti mandato dudum propter hoc ad Sedem Apostolicam destinati, coram felicis recordationis Clemente papa V praedecessore nostro, in consistorio publico, adstante fidelium multitudine copiosa, recognoverunt vestro nomine solemniter et expresse; illaque de novo praedecessori et Rom. Eccl. saepe dictis concesserunt, subjecerunt, submiserunt et in eos etiam transtulerunt, ligio facto in manibus praedecessoris ejusdem homagium et fidelitatis praestito juramento; dominium usurpatis civitatis, comitatus, territorii et districtus praedictorum, fortalitia et castra nequiter occupando; certis nihilominus ad regimen vestrum et civitatis ipsius potestate, capitaneis, et officialibus aliis vocalis et jam etiam deputatis; sique fidelitatis debito violato, reatum perjurii miserabiliter incurristis, de sinu maternae dulcedinis in perditionis opprobrium lapsu praecipiti corruendo ».

31. Subdit, quamvis ex Apostolica mansuetudine, quae crudelius provocata benignius misereretur ad delenda venia scelera propendat; tamen ad coercendam improborum audaciam, ne in graviora prorumpat, se ipsis aliisque dignitate conspicuis, qui se defectionis illius crimine devinxerunt, imperare ut intra triginta dierum spatium Bononiensi et Atrebatensi episcopis, atque Aymérico de castro Lucii archidiacono nuntii Apostolicis Ferrariam ceterasque comitatus arces, ejectionis aliis praesidiariis militibus, committant, ac Sedi Apostolicae suos ad dicendam causam oratores se sistere jubeant; exauctorari Pontificio imperio eos omnes, qui se publicae rei moderande iugesserunt, eorumque gesta rescindi; ac ni temere allecato munere abeant, anathemate irretiri: si haec Apostolica jussa spernunt, fidelium coetu sacrorumque communione depelli, neque earum censurarum religione, nisi in extremis mortis confiniis solummodo iri. Cum vero beneficia collata ob ingrati animi vitium revocanda sint, si aliis triginta securus diebus persistierint in pervicacia, omnibus privilegiis, immunitatibus, bonis et vectigalibus exutum iri: subditos clientisque fidei datae religione liberandos, interdicens commercia, denuntiatur. Praeterea aliis poenis eorum contumaciam

arguet: si in ea obtriguerint, infamiae nota innotos fore; testamenti condendi facultatem adimendam, atque ex illo succedendi jura amissuros: nullius dignitatis, sive Ecclesiasticae vel civilis, gradum adepturos: Instrumenta eorum opera confecta nullum robur habitura. Tum similitudinis poenis eos afflicti, qui cum ipsis, dum in rebellione perstabunt, consortium fecerint, foedusve publicum vel luctum percusserint, corumve partibus sustinendis se addixerint: quaecumque vero foedera contra Sedem Apostolicam jura inita sint, rescindi. Adjicit postea, cum pertinacia crescente poena augenda sit, si evolutis triginta diebus ultimo praefixis, monitis aversas praebuerint aures, eos omnes, qui publicis numeribus adnoti sunt, exauctorandos, bona vectigalia lisco addicenda, alia exponenda direptioni. Denique post alias id genus poenas intentatas, ad temerandam severitatem inflicti sacrorum interdicti, subjungit:

« Concedimus tamen quod in majori Ferrariensi et aliis Ecclesiis, locis ac domibus eorumdem, duae, tres, quatuor, vel quinque aut sex personae secundum magnitudinem vel parvitatem Ecclesiarum, locorum et domorum praedictorum conversi et illiterati viri, aut clerici in minoribus ordinibus constituti; necnon in parochialibus Ecclesiis parochiales presbyteri, pro ministrandis baptismate parvulorum et aliis sacramentis Ecclesiasticis, quae de jure interdicti tempore ministrantur, possint licite remanere. Intendimus enim quod vobis, si forsitan in rebellione persistieritis autedicta, reatus vestros poenarum acerbitate deflentibus, fletus vestri poenales cedant posteris ad terrorem, et commissum prodicionis crimen semper in frontibus vestris sculptum appareat, et ad confusionem vestram transeat in memoriam futurorum. Dat. Avinione idibus Septembris, Pontificatus nostri anno secundo ».

Quo vero facilius Ferrarienses ad officium adduceret, Bononiensem et Atrebatensem episcopos nuntios Apostolicos Ferrariam legavit, ut Pontificia jussa perduellibus exponerent, mulcerent eorum furorem, Apostolicas in pertinacia obfirmatis censuras objicerent; nec divinas modo, sed humanas etiam poenas iis indigeret. Frangere animos ad monita Apostolica visi Ferrarienses, nuntisque Pontificiis se obstrinxerunt, in Joannis potestate et auctoritate futuros; atque etiam in ipsos, porrectis portarum clavibus, Ferrariae imperium transfundere. Quem felicem successum Pontifex Roberto regi devexo jam anno, nempe id. Decembris significavit: ipsaque paucis post diebus, nimirum XIV kal. Januariis perstrinxit, regios administros Ferrarienses adeo tyrannico jugo ob nimiam avaritiam exasperasse, ut ipsos ad rebellionem concitarent; et Aemilium, ni caveat, defectionem moliri. Movere etiam seditionem Beneventani in Pontificis magistratus, gravibusque edictis repressi fuerunt.

32. *Guelforum et Gibellinorum factionibus*

laceratam Insubriam componere studet Joannes.

— Per idem tempus laniabatur bellis civilibus Insubria, quæ non modo discors duorum principum Ludovici Bavariæ ac Friderici Austriaci electio, sed vetera quoque Guelphorum et Gibellinorum nomina pepererant; cumque Ugutio Fagiolanus, Gibellinorum auctus potentia, Pisas recuperare moliretur, propulsatus est¹: Genuenses, excitatis novis discordiis, in magnum discrimen publicam rem adduxere²: Gibellini Insubres Cremonam cingere obsidione³, quam Bononienses solvere coegerunt: Veronenses consurrexere⁴ in Patavinos duce Cane grandi, cujus prælia Mussatus⁵ metro heroico descripsit, ac montem Silicem expugnant. Ad quæ et alia imminuentia mala sapienda Joannes, Apostolico zelo impulsus, viros religione præstantes transmisit⁶, nimirum Bertrandum e-Turre Minoritum et Bernardum Guidonem Prædicatorem, sacre fidei in Galliis censorem, eundemque, ut arbitror, Romanorum Pontificum ac regum Francorum Annalium scriptorem, non ob styli elegantiam, sed veritatis puritatem nobilissimum, cujus dicta Pontificis litteris consentientia comperi: quos auctoritate ad dissolvendos omnes impictatis nexu, et coalitionis sacramento confirmatas rescindendas instruxit⁷; tum etiam principibus Italici Romano imperio obnoxii Ecclesiasticis ac laicis, impense commendavit⁸, ut saluberrimis eorum monitis faciles se præberent: proposuit enim ob oculos ingentia mala, quæ ex ipsorum discordiis emergerent: animarum discrimina, quæ in caducis opibus per fas et nefas comparandis subirent; paternum denique amorem suavissimis verbis, et prophetarum oraculis petitis explicuit⁹:

« Dilectis filiis nobilibus viris universis marchionibus, comitibus, baronibus cæterisque nobilibus; potestatibus quoque, capitaneis aliisque rectoribus; communitatibus et universitatibus, ac personis civitatum, castrorum et aliorum locorum, per Lombardiæ, marchię Tarvisinæ et Venetiæ; ac Aquileiensi, et Gradensis patriarchatum, necnon archiepi-copatus Januensis terras ac partes constitutis.

« Etsi divinæ legis testetur auctoritas, parentum in filios dilectionis propagari dulcedinem; naturæ tamen id congruit, sensus efflagitant, ac vigor id rationis exposcit, et ipsorum sollicitudinis studio communis parentum pietas effectum apertius manifestat. Quid namque naturæ magis perceptum illabitur? Cui sensuum vires magis assentiunt? Aut quid parentes idem libentius ad impleant prosequuntur, quam amare quos generant, fovere quos parviunt, discordesque concordare quos conjunxerunt, eosdemque reducere devios quos

lactarunt? Numquid, juxta propheticum dictum, oblivisci potest mulier infantem suum, ut non misereatur filio uteri sui? Ubi ex persona omnipotens Dei, cujus sapientia conditi sumus, et providentia gubernamur, indilate subiungitur: Etsi illa oblita fuerit, ego tamen non obliviscar tui.

« Quo fit, ut nos, quos suum universalem in terris vicarium, dignatione sua non nostris exigentibus meritis, patremque multarum gentium ipse constituit; ac sacrosancta Romana et universalis Ecclesia et unica sponsa ejus, cui præsidemus indigni, cunctorum Christi fidelium vera quidem non carne mater, sed spiritu, quos fide docet, sacramentis regenerat, spe refovet, charitate vivificat, nec habet enim aliquid viriditatis ramus boni operis, si non manet in radice charitatis; nequaquam vos nostros et ejusdem Ecclesiæ spiritualis benevolentie filios neglecturi relinquamus; sed indefesse vigilantie cura vias quæramus prudentiæ, quibus procellosis terrarum et partium vestrarum guerrarum turbinibus, rerum jacturis, animarum corporumque periculis, ac venenosis partialitatum dissidiis profligatis, vobis ac ipsis terris et partibus quietis et salutis et pacis (pocula) propinemus. Nam tribulationes civitatum vestrarum et partium audivimus, quas passæ sunt, cum non solum hostilium bellorum sæva, sed et civilium seditionum tumultuosa, quinimo plusquam civilia, scilicet fratrum propinquorum violato necessitudinis jure intestina bella multiplici sunt afflictione perpesse; ac in terris prædictis domus contra domum, contra civitatem civitas, gens contra gentem, pars surrexit contra partem: ex quibus fuere ruinæ, depredationes, depopulationes, incendia, aliæque animarum et damnosa pericula, rerumque nociva dispendia subsecuta.

33. « Verum quia, *Pater filiis Dei notam faciet veritatem*, ut Scriptura proloquitur, filii, quos iterum parturimus, donec formetur Christus in vobis, diligenter advertite, quod prædictis actibus imo excessibus indubie Deus offenditur: peccatur in proximum, persæpe læduntur innoxii; ac nonnunquam justo Dei judicio in culpam pœna redundat, dum tantorum actores criminum, atrociumque scelerum patratores, quietis turbatores et pacis intereunt, occiduntur et fugiant, coacti deserunt propria qui cæci cupidine inhiaverant alienis. Nam dissipat Dominus gentes, quæ bella volunt, qui et si permissione Dei superaverint proximos, separaverint et exprobraverint et ejectione tanquam malos; ipsi tamen victores sua iniquitate vinuntur, dum juxta beati Augustini doctoris egregii dictum, nemo injustum habet lucrum sine justo damno: ubi lucrum in arca, damnum in conscientia; tulit vestem, et perdidit fidem; acquirit pecuniam, et perdit justitiam. Nec minus interdum circumagitata instabilitatis rota subsidunt, qui alta conscenderant: optant pares fieri dudum minoribus, quos elati despexerant; supplicesque super se illos evectos inimicos

¹ Jo. Vill. l. IX, c. 84. — ² Ibid. c. 85. — ³ Ibid. c. 87. —

⁴ Ibid. c. 88. — ⁵ Alb. Muss. l. IX, X, XI, de gestis Italie. Cort. I. III, l. II, c. 1. — ⁶ An. l. p. 1. Ep. cur. LVIII, LXXXVII, LXXXVIII.

⁷ Ibid. Ep. LXXXIX. — ⁸ Ibid. Ep. LXXXVIII, et tom. I. Ep. sect. XCII. — ⁹ An. l. p. 1. post Ep. cur. LIX.

exorant, quia : *Deposuit potentes de sede et exaltavit humiles : esurientes implevit bonis, et ditites dimisit inanes*; cum et dives ille guttam aquæ petierit, qui micæ panis Lazaro negavit.

« Nec tantum singulariter singuli; sed, quod perniciosius est, universaliter universi gravantur extalibus; crescit quippe nefas in publicum, et dampnum in commune redundat. Suis non est terminis contenta nequitia, sed universum commaculans, ingreditur aliena: nam dum se invicem partes præponere nituntur alterutri, ambæ deficiunt: et quæ humilitate et charitate proficerent, odiis et jactantia corrumpunt; quia ut parvæ res crescant concordia, sic magnæ discordia dilabuntur: dumque partis hinc inde nomen assumitur, totum enervatur et deperit, cum nec totum inibi consistat ex partibus, quæ non ipsum eorum ad invicem aggregatione vivendo conficiunt; sed potius ipsum earundem disgregatione dividendo confundunt. Ergo in illis divisus est Christus, qui fecit utraque unum, qui cum sit justus iudex, fortis, atque longaminis, reddet retributionem superbis: *Gladium quippe suum vibravit, arcum tetendit et paravit illum, et in ipso mortis vasa paravit*. Manet namque illos, si non resipuerint, ignis gehennæ perpetuus, exteriores tenebræ, fletus et stridor dentium, remordens conscientia vermis, secunda mors, horrida societas demonum, profundum baratrum, animæ perennis et corporis cruciatus. Hortamur itaque universitatem vestram in Domino, dilectissimi filii, et monemus, ac per aspersionem pretiosi sanguinis quasi agni incontaminati et immaculati domini nostri Jesu Christi qui pendens in cruce Patrem pro suis persecutoribus exoravit, obsecramus attentius in remissionem peccatorum injungentes, quatenus, etc. » Sollicitat ut stricta in mutuas cædes arma abjiciant, ponant inimicitias, extinguant odia, coitiones præteritas dissolvant, atque arctissimi amoris fœdere suas vinciant voluntates. « Datum. Avin. IV kalend. Februarii anno 10. Prefectus in Insu-briam Bertrandus-e-Turre libellum ¹ Pontifici obtulit, in quo ea, quæ Mediolani, Vercellis et Novariæ de Guelpha Gibellinaque factione comperisset, descripsit.

34. *Matthæus vicecomes et alii principes frustra ad pacem allecti.* — Gerebat porro inter Gibellinos principatum Matthæus vicecomes Mediolanensis, qui occasione et discordiis aucupatus viam sibi ad tyrannidem muniebat. Exercebat ille maxime cum nonnullis Brixianis similitates, eosque bello appetebat: cui malo ut mederetur Pontifex, illum amantissimis verbis mulcere studuit ², ac ne Brixiensibus cladem ullam, aut agris vastitatem inferret, abducere; vicissim etiam Brixianos adhortatus; ne qua injuriam Matthæum afficerent. Tum Scaligerum Veronensem, cui nomen Canis

grandis inditum, Raynaldumque ³ dictum Passarium prefectum Mantuanum rogavit, ut ad mutam atendam pacem animos inclinarant. Sed Matthæus vicecomes condendi posteris principatus et latrocinandi illecebra delinquit, fucata tuendi Casarei nominis specie, monita Pontificia sprevit suisque sceleribus secuto postea diuturno et cruento bello, faciem prætulit, ut postea dicitur. Ex quo patet, quam iniurie nonnulli Joannem carpant ob gesta in Insubria adversus vicecomites bella, cum constet studia omnia, ut pacaret Italianam, ipsum collocasse, zeloque justitiæ adversus latrones impios arma strinxisse, quos precibus et monitis compescere non potuisset. Admovit etiam Joannes curas Apostolicas ⁴, ut eundem vicecomitem atque Amedeum comitem Sabaudæ, Philippum ex ea stirpe oriundum, ac Manfredum Salutarium marchionem, armorum societate Matthæo Mediolanensi adversus Robertum Siciliæ regem devinctos, qui Pedemontium bello atterebant, ad pacem cum eodem rege adduceret: nuntiisque Apostolicis Bernardo ac Bertrando religiosi viris, provinciam imposuit, ut ipsos bello absistere juberent ⁵, censurisque induciarum violatores percellerent. Mutus adeo elterale erant odiis adversæ partes, ut facile Pontifici non assenserint: nec tamen ab eis monendis hortandisque Joannem destituisse, ostendunt ejus tum ad Robertum regem ⁶, tum ad Amedeum Sabaudæ comitem ⁷, ac Philippum ⁸ Sabaudæ stirpis principem datæ litteræ, quibus oratores ad discordias, quæ de Pedemontio vertebantur, conciliandas mittere jussit. Dejectas vero admodum in Pedemontio Roberti regis res fuisse, indicant Pontificiæ litteræ IV id. Aprilis exaratæ ⁹, quibus regem carpit defendendi ejusdem comitatus curas ipsum abjicere.

35. *Res Genuensium in Cypro et in Istria.* — Confirmate porro sunt Roberti regis partes nova rerum conversione Genuæ exorta, in qua vicit ¹⁰ Guelpha factio, ac Gibellina voluntarium sibi exilium conscivit. Cæterum erupit ac discordia sequenti anno in bellum atrox, ad quod extinguendum Joannes Apostolica sollicitudine non defuit. Nec minus operæ contulit ¹¹, ut Genuenses ab inferendo Henrico Cypri regi bello abduceret, ac demum pervicit, ut classem ad vastandam Cyprum non immitterent; qua de re Robertum Siculum ¹², ac tum etiam Henricum ¹³ ipsum certiores fecit, Genuenses decrevisse ad kal. Martias anni Domini mcccxxviii exercitum in Cyprum non missuros, non tamen privatos iis induciis contineri, quos acceptarum injuriarum dolor ad expetendam ultionem impelleret; adduci enim ipsos in speciem, Genuenses qui tenerentur a Cyprio rege in vin-

¹ An. 1. Ep. LXXXIV. — ² Ibid. Ep. LXXXVIII, LXXXIX, xc. —

³ Ead. Ep. LXXXIX. et tom. 1. Ep. secr. xci. — ⁴ Tom. 1. p. 1. Ep. secr. cclxxxvii. — ⁵ Ibid. Ep. cclxxxviii. — ⁶ Ibid. Ep. cclxxxix. — ⁷ Ep. cxlvii. — ⁸ Jo. VII. l. ix. c. 85. — ⁹ Tom. 1. Ep. secr. lxxii. — ¹⁰ Ibid. Ep. cxxxii. — ¹¹ Ibid. pag. 127.

¹ Repertus est in Archivo Avin. gerente legationem Octav. Aquar. an. 1595. Romamque peritatus. — ² An. 1. Ep. cur. LXXXII.

culis, libertati restitutum iri, ut facilius concordia coalescere possit. Neque illud prætereundum, rogasse Pontificem ab his litteris Henricum¹, ut commeatu Rhodiis equitibus, qui rei frumentarie inopia laborabant, suppeditaret; sineretque debita vectigalia Cypro educere, donec inter Fulconem et Villaretum et Mauritium et Pagnaco suborta de magistratus supremi dignitate contentio esset Apostolica auctoritate dirempta.

Desciverat a pristina virtute Hospitaliariorum equitum princeps Fulco Villaretus, caplaque Rhodo, non ad proferendum Christi cultum in Syriam extulerat mentem, sed in deliciis abjecebat; præteritisque insolescens victoriis intentusque private rei, publicas curas spernebat: quocirca equites, communicato inter se consilio, eum opprimere ex insidiis adorti sunt²: quas cum effugisset, in instituto iudicio ordine, illum exauctorarunt, sibi que præfecere Mauritium et Pagnaco. Ad quas componendas turbas decreti sunt a Pontifice internumtium, ac Fulconi et Maurilio dicta³ dies, ut Apostolice tribunali se sisterent. Ut vero, Fulcone cedente principatu, Elienus Ordini præfectus fuerit, dicitur inferius.

Miserat⁴ hoc tempore Ossinius rex Armenorum ad Sedem Apostolicam, regesque Occidentales oratores, quorum princeps erat Jacobus episcopus Cabanensis, ut ipsos ad expeditionem pro recuperanda Syria conficiendam incitaret; quos enim excepisset Pontifex, atque ad Philippum Francorum regem dimisisset, significavit Ossinio Philippum ad traducendum in Asiam exercitum egregie animatum. Et quidem Philippus pio ardebat instaurandæ rei Syriacæ desiderio: sed ob exortas in Occidente turbas ipsum postea Joannes ab eo consilio retardavit⁵.

36. Interea ut vires hosti subduceret, intentato anathemate, merces Saracenis inferri vetuit⁶. Cum vero Genuenses nonnulli avaritiæ furis perciti edicta de ea re Pontificia violarent, Babyloniorumque nefario federe inticerent adeo ut etiam execranda Mahometis signa præferrent, ipsos Pontifex ad Christianam pietatem gravissimis litteris revocare studuit⁷: « Ad nostrum, inquit, non sine turbatione mentis pervenit auditum, quod nonnullorum concivium vestrorum animum sic occupavit sæva cupiditas, ut qui gloriantur nomine Christiano, Saracenis nominis predicti blasphemias et persecutoribus infestis Catholicæ fidei, arma, ferrum, signamina et alia prohibita sæpius deferant; societates ac commercia illicita ineant cum eisdem, eorumque vires damnaviliter fulciant, quos viriliter impugnare deberent: nec his contenti, sed tanquam in profundum demersi malorum, nimis impudenter publicantes delestabiles actus suos, cum perfido soldano Babylonie

familiaritatem domesticam contrahunt; nunc mulieres, nunc pueros rapiunt Christianos, quos Saracenis ipsis ad abutendum exponunt; et insuper ad clarius sue perversitatis indicium in vexillis suis signa ferunt nefandissimi Mahometi. Hæc quidem, sicut audivimus, faciunt in animarum suarum dispendium et scandalum plurimorum ». Et infra: « Hæc, filii, cum verisimiliter vos latere non valeant, si sub dissimulationis conniventia pertransitis, nedum Ecclesiam fidei matrem, sed et fidem ipsam offenditis, ac vestri nominis claritatem ex huiusmodi concivium vestrorum malitia infici permittentes, vos detractorum linguis expontis lacerandos, etc. »

37. *Reges Majoricarum et Castellæ in Saracenos expeditionem parant.* — Lacesitus crebris infidelium, e Septa maxime et aliorum Africanorum, injuriis Sancius Majoricarum rex, ad propulsandos impiorum conatus, qui sæpius in ipsius regnum, ex-censione facta, irrumpere tentant, horrendasque clades intulerant; atque etiam in mercatoribus regni sui, agentes in Africa, immanem exercuerant crudelitatem, expeditionem comparavit: ad cuius sustinendos sumptus, alendumque militem auxilia a Pontifice flagitavit. Cuius petitis admissis Joannes, vectigalium Ecclesiasticorum decimas a Clemente V in Concilio Viennensi pro recuperanda Syria in lictas, quarum exigendarum Elnensi episcopo provincia imposita est, ad instruendam adversus Africanos classem derivavit¹, eaque de re litteras² ad Sancium dedit; in quibus post exornatam pluribus elogiis regie stirpis claritatem, atque eximium illius in Ecclesiam studium commendatum, de belli sacri apparatu ab illo adornato, quo ipse ad eas decimas attribuendas fuerat permotus, hæc offert: « Cum tu, inquit, tanquam princeps et athleta Catholicus tam ad defendendos fideles eosdem, quam ad resistendum alias huiusmodi pestilenti sævitie reproborum et ad eorum pertinaciam enervandam, sicut et firma tua assertione lætanter accepimus; et tua præstila opera manifestant, ferventer intendas et ad id collectis viribus, te potenter præpares et accingas; jamque ad id certum propugnatorium et galearum armatarum numerum deputaris, et ad huiusmodi negotium feliciter, auctore Domino, prosequendum te, ut asseris, subire oporteat, profluvia expendarum ».

38. In Hispania etiam Petrus Sancii, Alfonsi regis Castellæ patruus ac tutor, ad eamplam anno superiore in Mauros Granatenses expeditionem promovendam a Pontifice expetiit, ut sacra militia pro fide amplificanda idiceretur, crucisque symbolum accepturis, vel stipem erogaturis præmia indulgentiarum e sacro Ecclesiæ avario propourentur. Extulit magnis laudibus ejus zelum Pontificem, atque ad Toletanum et Hispalensem archiepiscopos et episcopum Cordubensem datis litteris

¹ An. 2. p. 2. Ep. xiv. Bos. Hist. Hosp. eq. p. 2. l. 1. — ² Bos. ibid. — ³ Ibid. — ⁴ Tom. I. Ep. secr. cccxxi. Bos. Hist. eq. lib. p. 2. l. 1. — ⁵ Tom. II. p. II. Ep. secr. lvi. — ⁶ An. 1. p. 1. Ep. com. m. — ⁷ Tom. I. Ep. secr. lxxiii.

¹ An. 1. p. 3. Ep. com. mmmiv. — ² Reg. post eand. Ep.

V kal. Martii ad sacra signa fideles vocare et crucis symbolo insignire jussit ¹. Tum ad tolerandos expeditionis sumptus centum et quinqueaginta aureorum millia eidem Petro Sancti ex decimis vectigalium Ecclesiasticorum, ac duabus partibus tertiæ instaurandis templorum sartis lectis addicte, redigenda attribuit ², imperavitque intentum anathematis et aliarum poenarum terrore, ne quis Granatensibus, excurrente toto a kal. Aprilis triennio, merces ullas inferret ³. Ac ne quis Petro obssisteret in ea expeditione facienda, eumve injuria aliqua afficeret, ipsum et Castellæ ac Legionis regem, dum bellum sacrum in Mauros gererent, in Apostolicam clientelam admisit ⁴: ac Tolelano et Hispalensi archiepiscopis, atque episcopo Cordubensi, quos paulo ante memoravi partes dedit, ut censuris eos, qui ipsos lacerarent, percellerent. Elusit Pontificiam sollicitudinem, fregitque præclara Petri Sancti consilia procerum Castellæ intestina dissensio; accusat enim Joannis alterius regie procuratoris invidiam Mariana ⁵, quem ait in Petrum simulas concepisse, cum sacerdotum decimas, se excluso, ab eo administrari, ac belli pacisque consilia ad eum referri atque in dies æmulum crescere potentia intueretur.

39. Suffusus etiam aliqua in Petrum invidia visus Jacobus rex Aragonum, qui apud Pontificem questus est ⁶, se in belli sacri et gloriæ societatem non vocatum, cum plura pro fide augenda facinora egregia in Mauros explicitisset. Cui respondit Pontifex, nullam querendi materiam subesse, cum ipsius oratores eam suscipiendi in Saracenos belli provinciam non poposissent; neque enim hujusmodi negotia nisi in cardinalium consistoriis agienda: pergeret operam dare redintegrande inter Siciliæ et Trinacriæ reges amicitia, qua perfecta solennes ad Sedem Apostolicam mitteret oratores, atque e cardinalium consensu inferendi Mauris belli consilia se adiuturum. Extulit vero magnis laudibus ejusdem regis pietatem, qui pro liberandis e Babylonii soldani servitute Christianis onustam mercibus navim mittere decreverat: sed ne censuras ob vetitum cum Babylonis commercium contraheret, facultatem flagitante assensit Pontifex. modo forum, equi, arma, lignave conflandis apta navibus barbaris non inveharentur.

40. *Nova equitum militiæ instituta et antiquæ redintegrata.* — Decisa est hoc anno vetus controversia de Templariorum bonis, quæ in Aragonum regis ditione erant, Hospitalariis adjudicandis: Jacobum enim regem in Concilio Viennensi oratorum opera obtinisse, atque a Clemente controversiæ solvende diem constitutam; sed rem illius morte discussam vidimus. Consultum vero ita est

Hospitalariorum rei, ut etiam regno cautum sit, attributis arcibus Templariorum, quæ in regni confiniis site erant, aliis religiosis equitibus Calatravensibus, ut ad excursions barbarorum limitem vindicarent. Institutos tunc conventus militiæ S. Mariæ et S. Georgii tum Montesiæ, creatumque Ordinis principem Guillelmum Erilium, refert Surita ¹: eam vero religionis militiam Calatravæ quidem contributam narrat Mariana ², proprio tamen magistro in veste candida, cruce rubra simplici planaque insignem, cui Cisterciensium instituto legibusque vivere mandatum est, ejus virtute bellica repressi Mauri, qui Valentini littora infesta reddebant. Adit auctor excitatum aliam a Pontifice proximo tempore in Lusitania novam militiam, cui a Christo nomen est, eo regno nobilissimam, ac rubra cruce linea candida intersecante distinctam; Templariorumque aedes, oppida, præsidia ipsi concessa: ad castrum Marinum præcipuum Ordinis domicilium positum, indeque Totarium traductum.

Ita vero novis creandis Ordinibus militaribus Joannes operam dedit, ut ad restituendum veterum splendorem, ac redintegrandam dignitatem incuberit. Discesserant jamdiu a supremi magistri obsequio in Lusitaniæ et Algarbii regnis S. Jacobi equites: ejus dissensionis labe inde olim fluxerat. Nicolai III Romani Pontificis temporibus militiæ S. Jacobi magister, cum sæpius Algarbii et Lusitaniæ aedes obire coactus, bona in dies dissipari ac disciplinam exolescere videret, rem Sedi Apostolicæ detulit: ac Nicolaus, ut malo mederetur, edixit ut Lusitaniæ et Algarbii equites magistrum crearent, cui bonorum administratio committeretur; omnes tamen supremi magistri auctoritati obnoxios jussit esse, ejusque imperiis obsequentes: at illi ejus mox jugum excussere, ac Nicolaum afferre malo remedium meditantem mors oppressit. Tenente vero summum Pontificatum Celestino V, Lusitani equites ab ipso dolo obtinuerunt, ut Nicolai Constitutionem confirmaret: verum Celestini successor Bonifac. VIII de re tota edoctus, Nicolai et Celestini decreta convulsit, ac Lusitanos et Algarbianos S. Jacobi equites, objecta anathematis religione, ad pristinam cum Castellanis equitibus conjunctionem, supremique magistri obsequium reverti imperavit, ne illius exempli perniciem in Hospitalarios, Minoritas ac Prædicatores emanaret. Purvere illi tum quidem, sed postea pastore viduata Apostolica Sede, magno regis Castellæ ac supremi Ordinis magistri contemptu principem sibi præfecere. Quorum pulsatus querelis Joannes papa Algarbii et Lusitaniæ equites S. Jacobi ad veterem vivendi formam, ac magistri Castellani obsequium redire jussit ³ (1).

¹ An. I. p. 1. Ep. com. III, MCCCXIII et MCCCXV. — ² Ibid. Ep. III, MIII, MCCCXV. — ³ Ibid. Ep. MM. XXIV. — ⁴ Ibid. Ep. MCCCXV. — ⁵ Mariana, de reb. Hisp. l. XV, c. 16. — ⁶ Tom. I. Ep. secr. CLII.

¹ Surit. ind. I. II. hoc an. — ² Mar. I. V. c. 16. — ³ An. I. p. 1. Ep. com. MCCCCLXVI.

41. *Turbæ in Hispania ob regni successionem.* — Ut vero enisus est sua auctoritate equitum aadaciam comprimere, qui magistro obsequia præstare respuerunt; ita Dionysii regis subditos, qui ab ejus imperio se subliverant, ad officium adducere studuit. Excitata quidem in Lusitania periculosissimam dissensionem hoc anno, Hispanici auctores doceant ¹, cum Alfonsus filius sceptri hæres Sanctium furto genitum, impurisque natalibus notatum apud patrem nimia auctoritate polere indignaretur: eoque prorupit ira, ut patri bellum indiceret, quem ea suspicione aspergebat, abdicandi sui consilia agitasse, atque a legitimo in spurium sceptrum traducere meditari. Proceres in partes seissi: Conimbricia Pontius ab Alfonso occupati sunt. Adhibuit Joannes Apostolicam operam, ut funestum bellum exstingeret, anathematique sententia eos omnes, qui turbarent rempublicam, ac Dionysio negotium facerent, defixit ²: cujus divulgandæ Elborensi ³ episcopo provinciam dedit. Et quidem regiam dignitatem in grave periculum adductam, ostendunt Pontificis litteræ ⁴ ad Dionysium datæ, quibus eum ad eluenda lacrymis anteaactæ vitæ scelera hortatur: tum enim victoriam de hostibus certissimum relaturum, cum maculas omnes sacra penitentia delevisset.

42. *Angliæ et Hiberniæ contententibus sub Eduardo rege et Roberto Brusio consulit Pontifex.* — Parem sollicitudinem ad pacem in Anglia, Scotia et Hibernia adducen tam contulit Joannes. Ardebant ea regna bello gravissimo, et quo Robertus Brusius Scotiæ regnum, excusso Eduardi primi iugo, invaserat: ac post gravissimas clades acceptas, illius defuncti filium parenti militari virtute ac peritia imparem, opprimebat. Ad extinguendum itaque atrox adeo incendium Pontifex inducias primum inter Eduardum Robertumque, objecta violatoribus censurarum religione, indixit ⁵: tum Gaucelinum lit. S. Marcellini et Petri presbyterum, ac Lucam S. Mariæ in Via-Lata diaconum cardinales legatos ⁶, amplissimis mandatis instructos misit ⁷. Eduardum ⁸ vero regem ac Robertum ⁹, quem non regio, sed magnifici viri titulo ornat, ut cardinalium monitis obsequentes essent, admonuit. Aliisque litteris ad Robertum datis, eum regium nomen, quod apud Scotos sibi pepererat, ipsi non adscriberet, excusavit his verbis: « Quia, inquit, dissensionis negotio inter te ac præfatum regem supra Scotiæ regno pendente, decenter non possumus tibi regii tituli nomen adscribere, prudentia tua moleste non feral, si te regem Sco-

tie in eisdem litteris omisimus nominare: præsertim cum ad nominationem hujusmodi latrum nostrorum consilium nequaquam accederet; nec Romana Ecclesia mater tua, quæ suos processus et actus in statera æquitatis appendit, inter dissidentes consueverit aliquid cum præjudicio alterius immutare. Dat. XVI kal. Aprilis anno 10 ».

Negatum sibi a Pontifice regium nomen Robertus non equi bonique accepit; sed adeo exarsit ira, ut ne quidem ad Pontificias litteras admittendas, cum de pace agendum esset, nisi regio nomine conpellaretur, flecti potnerit: qua de re agetur inferius. Confirmarat is adeo potentiam, ut non Scotiam modo obtineret, verum aliis regnis Eduardum pellere moliretur. Quæ res cum injusta admodum visa esset, vocante in jus Robertum Brusium Eduardo apud Sedem Apostolicam; illique crebras in Angliam, Walliam, Hiberniam excursions, templorum eversiones, populationes agrorum, disturbata Syriacæ expeditionis a Synodo Viennensi decretæ consilia, obtijcente; Joannes Eliensi et Norwicensi episcopis ¹, tum etiam cardinalibus legatis ² infligendarum Roberto censurarum partes dedit, si ipsum evertisse Ecclesias constaret, neque ad crimen expiandum permoveri posset, vel etiam ab Anglia, Wallia et Hibernia invadendis abduci: nec modo ipsum, verum etiam omnes, qui ad ea regna infestanda Roberti partibus se irretirent, defigi anathemate ³; tum illius subditos sacramenti illi præstiti religione exsolvi ⁴ rescindi que fœdera jussit. Imo Pontificem ipsum incussisse eas rebellibus, ex litteris ⁵ ad Cantuariensem archiepiscopum ac suffraganeos datis constat, quibus hisce verbis conceptam anathematis formam promulgandam præserbit: « Dum sicut displicenter audivimus, nonnulli nobiles et magnates regem ipsum et regum Angliæ, ac terram suam Hibernie invadere ausu nitantur illicito, in eos, vel præbentes auxilium, consilium vel favorem ». Et infra: « Excommunicationis sententiam promulgamus, a qua eos sine speciali mandato Sedis Apostolicæ, nisi forsan in mortis articulo, prohibemus absolvi: in quo si fuerint absoluti, et ipsos configerit sanitati restitui, nisi satisfecerint infra mensem, eadem sententia ligari volumus eo ipso, etc. Dat. Avin. kal. Aprilis anno 10 ».

43. Occupare Angliam, Walliam et Hiberniam Robertus tentabat non tam viribus suis, quam perducendum populorum armis, quæ ab Eduardo exasperati gravioris servitutis jugum a suis cervicibus depulerant. Inter cæteros enim Hiberni litteras gravissimis querelis refertas ad

¹ Jo. Marian. l. xv. c. 46 et alii. — ² Tom. i. Ep. secr. CCCXXI. — ³ Ibid. Ep. CCCXXI. — ⁴ Ibid. Ep. CCCXXIII. — ⁵ An. l. p. 1. Ep. chr. CCLXI. — ⁶ Ibid. Ep. CCLXIII, CCLXIV, CCLXV, CCLXVI, CCLXVII, CCLXVIII, CCLXIX, CCLXX. — ⁷ Ibid. Ep. CCLXXII, CCLXXIII. — ⁸ Ibid. Ep. CCLXXVI. — ⁹ Ibid. Ep. CCLXXII.

¹ An. l. p. 3. Ep. MMCCCLXXXIII. — ² An. l. p. 1. Ep. chr. CCLXII. — ³ Ibid. Ep. CCLXI. — ⁴ An. l. p. 3. Ep. chr. MMCCCLXXXIX. — ⁵ An. l. p. 3. Ep. chr. MMCCCLXXXIX.

cardinales legatos misere, quibus significarunt, intolerabili tyrannide ad arma in Eduardum corripienda se compulso fuisse; violatasque ab eodem rege leges, quibus Adrianus Pontifex olim Hiberniam Angliæ contribuerat. De quibus Joannes a cardinalibus certior factus, subjectis litteris ad levandum populorum jugum, regumque clementiam in eos explicandam Eduardum est adhortatus¹:

« Joannes, etc. Eduardo regi Angliæ illustri.

« Ecce, fili, quasdam recepinus litteras, directas pridem per Ibernicos magnates et populum dilectis filiis nostris Gancelino lit. SS. Marcelini et Petri presbytero et Luce S. Marie in Viatala diacono cardinalibus Apostolicæ Sedis nuntiis, et per eos nobis suis interclusas litteris destinatas: in quarum serie vidimus inter cætera contineri, quod, cum felicis recordationis Adrianus papa prædecessor noster, sub certis modo et forma, distinctis apertius in Apostolicis litteris inde latis, claræ memoriæ Henrico regi Angliæ progenitori tuo, dominium Ibernici concessisset; ipse rex ac successores ipsius reges Angliæ usque ad hæc tempora, modum et formam hujusmodi non servantes, quinimo eos transgredientes indebite, diris afflictionibus et gravaminibus inauditis, importabilem servitutem oneribus; et tyrannidibus inhumanis ipsos eo miserabilius et intolerabilius, quo diutius oppresserunt, nec fuit hactenus qui revocaret illata gravamina, aut errata corrigeret: non fuit quem pia compassio super eorum contritione moveret, quamvis super his ad te recursus habitus fuerit, et clamor validus oppressorum aures tuas quandoque pulsarit: unde, talia ferre nequeentes ulterius, coacti sunt se a domo tua subducere, et alium in suum regimen advocare.

44. « Hæc, dilectissime fili, si veritate nitantur, tanto nimirum infestiora nostris accedunt affectibus exequi, quæ tuo sint placita Creatori, et ab omnibus abstinere sollicitè, per quæ contra te debeat provocari Deus ipse ac Dominus ultionum, qui gemitus afflictorum injuste minime despiciit, et qui propter injustitias peculiarem suum decessisse describitur populum, et translationem fecisse regnorum; quanto etiam desiderabilius, his præsertim impacatis temporibus, cupimus te illis libenter intendere, per quæ tuorum corda fidelium ad tuam benevolentiam et obedientiam decibeant allici, et illa pro se vitare, quibus valeant a tuæ cultu devotionis avelli ». Et infra: « Ut autem de prædictis gravaminibus et querelis, quibus prædicti innituntur Ibernici, tuis sensibus innotescat, ad plenam præscriptas litteras missas cardinalibus antedictis; tum formam litterarum, quas prædictus Adrianus prædecessor noster eidem Henrico regi Angliæ de terra Ibernici concessisse dicitur, tuæ magnitudini mittimus præsentibus interclusas. Dat. III kal. Julii ».

45. *Optima de bono regimine consilia dat Joannes Eduardo regi.* — Conciliasse sibi Eduardum, Pontificiis excitatum montis, Iibernos, e felici rerum ipsius in Iibernia eventu colligitur. Concitatos duobus jam ante annis eos populos ab Eduardo Brusio Roberti Scotiæ regis fratre, cujus exemplo Iibernicam coronam arripuerat, Thomas Walsinghamus scribit¹: sed anno insequenti ab regis Anglorum fidissimis clientibus, cæso unguo Scotorum numero, captum et capitis sententia in loco, cui Dondalk nomen est, ob desumptum insigne regium, damnatum. Ut vero Joannes Eduardum ad mulcendos Iibernos, ita ad Anglos proceres sibi devinciendos, conciliandumque Thomam Lancastriæ comitem, quem in se concitaret eo tempore, quo Anglia gravissimis tumultibus fluctuabat, instruxit²: aliisque litteris³ Thomam ipsum est adhortatus, ne levi offensioncula laceratus a regio obsequio se subduceret; nonnullosque comiti devinctos ad eum in regis partes adducendum incumbere jussit⁴. De comitis Lancastriæ adversus regem irarum causis, pluribus agit Walsinghamus⁵, adductum nimirum in suspicionem Eduardum conflante in comitem fœdæ proditiōis, ac sua auctoritate iis studuisse qui comitissam Lancastriæ abduxerant. Ceterum Pontifex optimis monitis imbuunt regem ad regnum probe temperandum, vincendam populorum fidem, augendum divini Numinis decus, tenendas Ecclesias regiamque componendam; quæ subjectis litteris ejus animo infundere studuit⁶:

« Charissimo in Christo filio Eduardo regi Angliæ illustri.

« Urget nos Christi charitas, urget illa specialis affectio, quam ad tuæ salutem animæ et ad tui gerimus stabilimentum honoris aliqua tibi scribere, quibus lectis et plenius intellectis, salutis tuæ et regni tui quieti provideas, et periculis imminuentibus eo certius, quo prudentius via gradiens æquitas occurras. Hæc est sane nostri summa propositi, ut tuum studium provideamus ad te, tuos et tua tam prudenter quam provide ordinanda. Ad tuam autem ordinationem illud principaliter pertinet, ut Regem regum super omnia diligas, ejus venereris Ecclesias, et honorifices sacerdotes: tuo jure contentus, nil cupias vel retineas alienum. Divinum officium reverenter audias et devote; nullius colloquium, cum celebrationi divinorum intereris, citra necessitatis exigentiam admissurus: Ecclesia namque domus orationis, non colloctionis esse describitur, et qui in oratione colloquitur Domino majestatis unam magnam ei fecit injuriam, qui colloquentem sibi audire Creatorem omnium dedignatur, illumque sibi precatum intendere, cui ipse deprecans non intendit.

¹ Wal. in Eduard. II. — ² Jo. tom. I. Ep. secr. CCXVI. — ³ Ibid. Ep. CCXVII. — ⁴ Ibid. Ep. CCLVII. — ⁵ Walsm. in Eduard. II. —

⁶ Tom. I. Ep. secr. CXXXVI.

¹ Tom. I. Ep. secr. DVI. Ext. etiam in Bull. in Jo. XXII. Const. IV.

« Audito vero, ut præfertur, officio, te tuis adibilem præbeas quoties opus erit, tutela tui corporis loci ac temporis opportunitate servatis; nec te levibus aut puerilibus implices, qui que sunt digna principe cogitare, et te illis soleter occupare teneris. Cum enim eras parvulus, si sapias aut facias ut parvulus, equanimiter poteris tolerari: nunc autem cum in ætatis plenitudinem evasisi, cum suscepisti unctionis regie sacramentum, prorsus evacuare debes quæ ad parvulum pertinent, et ab eis ob consecrationis reverentiam, cujus virtus non infirma fore dignoscitur, temperare. Nam et in David, postquam a Simele propheta Domini unctus fuit, directus est spiritu Domini ab illa die et in reliquum; et Saul post inunctionem in virum mutatus alterum prophetare cœpit, cum accessisset ad eunem prophetarum. Causa pupilli, vidue, inopis ac mendici ad te licenter introeat: et in decernendo favoris dexteram, aut sinistram odii regia sublimitas non admittat.

46. « Porro ad tuorum ordinationem specialiter illud spectat, ut habeas bona latera, viros sapientes, providos et fideles te diligentes ex animo, quorum distincta sint decenter officia. Sciat quisque quid sibi faciendum incumbat, et promiscuis actibus non turbentur, consiliarios eligas, et retineas jam electos, qui sciant regere te et regnum, qui nec minutis alieiantur munusculis, nec magnis muneribus exerceantur, ingenio naturali dotati, litterarum scientia præditi, vel multa et grandia saltem experti; non præcipientes in consilio, non inciviles in verbo, non somno, non otio, non crapulae dediti, non impatientes consortii, et qui sciant, velint et audeant bene tibi consulere: qui et impotentiam tuam, si statim non satisfacias indigentibus, negligentiam vel duritiam, si non semper, ut decet, vel recipias venientes, vel respondeas aliqua postulantis curialiter, noverint excusare. Cum talibus, fili charissime, tracta regni tui negotia, et de illius tuitione dispone, quorum consilia, cum audieris, non subicias seorsum abiens iudicio imprudentium; nec tuæ imitens prudentie præferas sententiis talium id quod sentis; aut eorum responsa judicari paliaris ab eis, qui non intelligunt se vel illos: sed si forsitan aliquis asserat quidquam fore sibi consultius revelatum, id ad totius consilii examen reducere non omittas. Sedeant in curia tua, cum et tu ipse vacare non poteris omni die juridico, aliqui sapientes, qui ea, quæ poterunt expediri, ibidem expediant, et quæ tractum habebunt, tibi renuntient, ut vel detur forma expeditionis ejusdem, vel ad suos iudices remittantur. Iudices et officiales gratis constituas, ut per id eos ad vitandum vilium venalitatis inducas.

« Cæterum ad dispositionem domus tuæ, quam deordinatam in plurimis mundus clamat, præsertim in sumptibus excessivis, credimus expedire, ut aliquam personam matram habens et

honestam, quæ videat et provideat quod nec ex nimia parcitate quidquam tuo honori desit, nec ex defectu debitæ providentiæ bona tua a garsinonibus et gulosis hominibus aut aliis personis turpibus consumi contingat. Cum enim bella Christi in Terra-Sancte subsidium disponas devote peragere, propter quæ te multa expendere necessario oportebat, necessarium tibi prorsus esse dignoscitur, ut in cibis, vestibus et aliis sumptibus facendis ac retinenda familia decens moderamen apponas: ut videlicet superflua reseces, et nedum tenacia notam, sed et ævum prodigalitatis evites; scituras quod nos et fratres nostri non aliter facimus, quam quod te facere in hac parte monemus, prout per nuntios tuos inde poteris plenius informari. Nec te pudeat de receptis expensis rationem certis audire temporibus, cum ad id magnatum provoceris exemplis, et nos hoc ipsum tibi et imminentibus celsitudini tuæ negotiis perutile iudicemus. Sic denique in his et aliis te, tuos et tuam salubriter ordina, quod et Deo cedat ad gloriam, tibi ad commodum, tuis ad gaudium et exemplum». Eruditur vero aliis litteris Pontifex Anglos proceres¹ ac præsules², qui gratia et auctoritate apud Eduardum floreant, quibus ipsum præceptis saluberrimis essent informati ad seeptrum egregie sustentandum, proVecturique ad virtutes regio fastigata dignas.

47. *Ad fidelitatis juramentum adigit Eduardum Joannes per legatos Apostolicos qui interea exantur a latronibus.* — Non ad comprimendas modo turbas cardinales legati³ missi in Angliam, verum etiam ad recuperandi Romanæ Ecclesiæ jura, quæ præteritis temporibus obsoleverant; atque sacramento fidei Eduardum regem adigerent. Quo argumento gravissimis litteris ipsi proposuit⁴, ut Joannis regis exemplo, qui Innocentio III Angliam et Iberiam ex pietatis sensu stipendiariis constituerat, fidemque Sedi Apostolicæ devoverat, cardinalibus clientis officia exhiberet.

« Joannes, etc. Charissimo in Christo filio regi Angliæ illustri.

« Si gesta magnifica principum, quos temporibus retroactis produxit inclyta domus tua qua decet, charissime fili, attentione consideres, et recenscas commemorationis officio diligenter, claris tibi patebit indicii, et innotescet evidentibus documentis; imo potius ipsa veritatis notorie certitudo, aberrimis operum comprobata fructibus, demonstrabit quod sicut principes ipsi natalium illustrium splendoribus claruerunt, sic devotionis ingenuæ gratia præcellentes Romanæ Ecclesiæ cœluerunt ut matrem et pro illius gloria, per quem honorum culmina possidentur, tibiis reverentiæ studiis ampliusque donorum muneribus honorarunt. Et inter alia dona largita que princi-

¹ Ed. tom. I. Ep. secr. CCXXIII, CCXXIV, CCXXV, CCXXVI, CCXXVII, CCXXVIII ad Ep. CCLIV. — ² Ibid. Ep. CCLVIII ad Ep. CCLXVIII. — ³ Ibid. Ep. CCXXIX, CCL, CCLXXV. — ⁴ An. I. p. 1 Ep. cor. CCXLII.

pes ipsi ducti beatae considerationis spiritu eidem Ecclesiae contulerunt, clarae memoriae Joannes rex Angliae, unus de principibus antedictis, devote considerans et etiam recognoscens, quod etiam ipse Deum et matrem Ecclesiam in multis offenderat; quod propterea divina misericordia plurimum indigebat; nec quod haberet, quod digne pro satisfactione Deo et ipsi Ecclesiae debita facienda nisi seipsum et regna sua posset offerre, pro eo qui se humiliavit usque ad mortem humiliare se volens Spiritus sancti gratia inspirante, non dolo inductus nec metu coactus, sed mera et spontanea voluntate communique consensu baronum suorum, Deo et beatis Apostolis Petro et Paulo et eidem Romanae Ecclesiae matri suae, ac felicitis recordationis Innocentio III praedecessori et successoribus ejus Angliae et Hiberniae regna cum omnibus juribus et pertinentiis suis pro remissione peccatorum suorum et omnium de genere suo tam vivorum quam etiam mortuorum, totaliter obtulit et concessit, ex tunc a Deo et ab eadem Ecclesia Romana recipiens, et tanquam fundatarius tenens illa, in praesentia bonae memoriae B. Tusculani episcopi tunc Apostolicae Sedis legati et Pandulphi subdiaconi et familiaris praedecessoris ejusdem, Deo et Apostolis praedecessori ac successoribus et Ecclesiae Romanae praedictis: et juravit, et eidem legato homagium ligium pro regnis eisdem Deo et Apostolis, ac praedecessori et successoribus ac Romanae Ecclesiae praedictis, loco et vice ipsorum recipienti publice fecit; successores et haeredes suos, de uxore legitima procreatos, ut Romano Pontifici, qui esset pro tempore et ipsi Ecclesiae Romanae fidelitatem deberent secundum conditionem praestare et homagium recognoscere in perpetuum obligando. Et ad hujusmodi perpetuae obligationis et concessionis indicium voluit idem Joannes rex et etiam stabilivit, ut de propriis et specialibus redditibus regnorum ipsorum pro omni servitio et consuetudine, quae pro ipsis facere deberet, salvo per omnia denario S. Petri, eadem Ecclesia Rom. mille marcas sterlingorum videlicet in sancti Michaelis quingentas et in Resurrectionis festivitatis totidem marcas ejusdem monetae, septingentas videlicet pro Anglia, et trecentas pro Hiberniae regno, in perpetuum reciperet et perciperet annuatim, justitiis, libertatibus et regalibus suis sibi et haeredibus ejus salvis. Quae regulam omnia rex praefatus rata volens esse, perpetuo atque firme se ac successores suos contra ea non venire specialiter obligavit: et si ipse vel aliquis successorum suorum id attentare praesumeret, quicumque esset, nisi communiter, resipisceret, a regni jure caderet supradicti: prout haec omnia fama notificat et Chronicarum inspectio manifestat. Et licet tam idem Joannes, quam alii successores sui hujusmodi censum ex dicta causa solvisse ferantur (clarae memoriae Eduardo rege Angliae genitori tuo, qui aliquanto tempore, ac te, qui sibi in regno praefato succedis ab eo tempore,

quo, Deo volente, praedicti regni gubernacula suscepisti, usque ad presentem annum, quo nobis et eidem Ecclesiae de dicto censu satisfactionem impendisti debitam, et te per nuntios speciales certo modo satisfacturum de ipsis census residuo promissisti, a solutione census hujusmodi propter incumbuntia vobis onera diversa cessastis, duntaxat exceptis) aliqui tamen ex successoribus ipsis, et praesertim tu ac genitor antedictus, praestare fidelitatis hujusmodi juramentum, et recognoscere memoratum homagium eidem praedecessoribus nostris Romanis Pontificibus omistis.

«48. Quaesumus igitur, amantissime filii, celsitudinem regiam regnum attentius et hortamur in illo, qui regibus dat salutem, tibi patris more benevoli tuae potissime considerationes salutis sano consilio suademus, quatenus prudenter attendens, quod revocari non debent, quae Deo sunt affectu pie devotionis oblata; et attente considerans, quod graviter, non absque propria detrimento salutis, displicuerint Altissimo, qui a recognitione dicti homagii et praestatione juramenti hujusmodi cessaverunt; in manibus dilectorum filiorum nostrorum Gaucelini tit. S. Marcellini et Petri presbyteri ac Lucae S. Mariae in Via-Lata diaconi cardinalium nuntiorum Sedis ejusdem, vel alterius eorumdem, si casu contingeret ipsorum aliquem impediri, homagium recognoscere, ac juramentum exhibere praedicta, nostro et ipsius Ecclesiae Romanae vice ac nomine, pro divina et dictae Sedis ac nostra reverentia, tuaque salutis augmento, sicut benedictionis filius spontaneus non omittas; ut proinde superna clementia in tuis processibus et agendis tibi dexteram suae protectionis extendat magis propitiam et benignam, et spiritualis patris animus ad tui clari filii proficuum incrementum fervens et anxius, quantum cum Deo fieri poterit, promovendum tanto efficacius excitetur, etc. Dat. Avin. XVI kal. Aprilis anno 12. Obsecutum Pontificiis jussis Eduardum non constat: illum certe censum mille marcharum pro regnis Angliae et Hiberniae a Joanne rege constitutum ipsis idibus Aprilis hujus anni Pontificio aulario intulisse, cujus media pars festo Resurrectionis Dominicae, altera die S. Michaeli sacra pendenda erat, docet Joannis syngrapha, qua de eo soluto Eduardo cavet¹.

Dum in Anglia cardinales imposito sibi munereungebantur, a nefariis praedonibus spoliati sunt². Ad quorum vindicandam injuriam Joannes censuras iis, qui cardinales insigni injuria afficiunt incussas ab Honorio III cujus Diploma³ suo loco attulimus, in facinoris auctores distingere jussit: eosdemque cardinales, ne adversis constantiam frangerent, salubribus monitis erexit⁴:
«Gaucelino tit. SS. Marcellini et Petri et Lucae S. Mariae in Via-Lata diacono cardinalibus.

¹ An. 1. p. 3. Ep. com. mccc. — ² Wa. in Eduar. II. — ³ Ext. tom. XII. an. Chr. 1225, sub lin. — ⁴ Tom. II. Ep. sect. cxxxix.

« Quis animo non amaricato consideret, vos pacis semitas prosequentes, et proinde minus ejusvis suscipientes injuriam, non expectatis hostibus tot angustiarum vulnera pertulisse? Quis amare non feral, patris mittentis calcata reverentia et matris honore posthabito, discolors filios in pacis Angelos sic electos unanimiter, sieque damna-biliter fuisse molitos? » Et infra: « Sed quia in his malis eum, qui se diligentibus omnia reducit ad bonum, aliquid utile speramus elicere, devo-tionem vestram confortamus et hortamur in Do-mino, quatenus animus vester a facie alienjus adversi non concedat; sed cum Apostolo spectaculum facti opprobriis et turbationibus rapinam honorum vestrorum cum gaudio supportetis, vos habere meliorem et manentem substantiam co-gnoscentes. Nec vos illatæ graves contumeliæ ad impatientiam moveant, quinimo vestris Salvatoris exempla, qui pro nobis tot probra sustinuit omni confusione contempla, ad laudabilem sustentiam vos inducant: in illo singulariter confidatis, qui vulnerat et medetur, et ad multum sua omni-potentia humiliat et sublimat, quod suæ benefi-centiæ dextera restituit in integrum statum ves-trum. Nos autem et fratres vestri, qui in vestro contemptu nos esse contemptos adscribimus, at-tenta deliberatione super his habita, jam cœpimus quod circa hæc facienda vidimus agere, nil in antea de contingentibus omissuri. El ecce vobis per Apostolicas certi tenoris litteras quas vobis lator præsentium assignabit, plenam concedimus potestatem penas omnes atque sententias in Con-stitutione¹ felicitis recordationis Honorii papæ III prædecessoris nostri contentas omnes et singulas prædicti facinoris actores aut conscios incurrisse publice nuntiandi et alias etiam in eos, prout contumaciæ qualitas exigit, exaggerandi proces-sus, etc. Dat. XII kal. Decembris ». Ne vero homi-nes impii censuras Ecclesiasticas sacrilego con-temptu cluderent, Pontifex Eduardum regem, præsulæ Anglos² ac procures³, ut illos meritis pœnis afficerent accendit⁴:

« Numquid, inquit, non indignari debet Deus zelotes et Dominus ultionum, quod christos suos tractatos esse sic immaniter conspici, quos utique nolle tangi per prophetam expressit? Numquid et non læsa est mater Ecclesia, quæ in personis tam specialium filiorum tot et tantis contumeliis est affecta? Annon est nostræ et Apostolicæ Sedis reverentiæ derogatum in quoddam Christianæ religionis opprobrium, dum qui honorari debe-remus in missis, his præsertim, quos Sedes ipsa ad Christianorum omnium salubre consilium servitiumque continue tanquam firmissimas Ec-clesiæ columnas assumit, tam ignominiose in-honorati reperiuntur et spreti? Numquid et non

detractum est notabiliter decentiæ regalis honoris, quod regi tui sic enormiter fuerit violata tran-quillitas, ut cardinalibus ipsis injunctum sibi officium pro tuis et ejusdem regni compendiis promovendis utiliter ac humiliter cupientibus, sic violenter præclusus extiterit securus accessus? Quomodo ergo nos et tu tam graves et tam accu-mulatas dissimulare possemus injurias? Quomodo noster et tuus ita tepet affectus, ut non accende-retur velut ignis ad castigandum tot scelorum patratores et crudelitatis tantæ ministros pœnæ debitæ supponendos? etc. »

Præterea eundem regem aliis litteris est adhortatus⁵, ut libertatis Ecclesiasticæ violatores comprimeret, et cardinalibus ad Ecclesiarum splendorem asserrendum opera non deesset.

49. *Denarius S. Petri ex Anglia, Suecia et aliis regnis collectus.* — Devoverat se religiæ militiæ accepto crucis symbolo, ad instaurandas res Syriacas Eduardus: cujus pium consilium ut promoveret Pontifex, ex sexennali decima, quæ a Clemente V in Concilio Viennensi pro expeditione Asiatica conficienda decreta erat, unius anni de-cumam in Anglia, Scotia, Wallia et Hibernia col-ligendam, ut nomina ingentia quæ contraxerat dissolveret, attribuit⁶: atque etiam vacantium in iisdem regnis, excepta Scotia, primo anno sacer-dotiorum vectigalium, quæ fisco Apostolico ad Ecclesiæ levanda onera inferri jusserat, mediam partem contulit⁷. Cumulavit hæc beneficia aliis divinis: ad conciliandam enim ipsi atque Isabellæ reginæ Numinis gratiam, et cœlestia comparanda munera, nonnulla indulgentiarum præmia iis proposuit⁸, qui pro ipsis apud Deum preces fun-derent: tum ut quem vellet rex sacerdotem au-diendæ exhomologesi sine casuum exceptione adhiberet, concessit⁹.

Neque illud hoc loco reticendum videtur, Pontificem exigi jussisse a Rigando quæstore⁶ B. Petri denarium in Anglia, Wallia et Hibernia. Utque similia adjungamus; cum electo Upsalensi et canonicorum collegio provinciam Joannes dedisset⁷, ut denarium beati Petri in Suecia coge-rent, regem Sueciæ rogavit, hortatusque est, ne quid impedimenti in eo censu a Suecis persolvendo inferret:

« Charissimo in Christo filio regi Sueciæ illu-stri.

« In devotione⁶ matris Ecclesiæ sicut bene-dictionis filius perseverans, beneplacitis libenter adherens, ipsamque veneraris ut matrem cum reverentia filiali: propter quod celsitudinem tuam ad eorum promotionem speramus invenire para-tam, quæ ipsius Ecclesiæ honorem contingunt, ac nostris et Apostolicæ Sedis noveris affectibus pla-

¹ Hæc Constitutio inserta est ad calculum an. 1225. — ² An. 1. p. 3. Ep. c. d. c. d. d. d. — ³ Ibid. Ep. c. c. c. x. v. i. — ⁴ Tom. 1. Ep. secr. c. c. c. x. v. i. et c. c. c. x. v. i.

⁵ Tom. 1. Ep. c. c. c. x. v. i. — ⁶ Ibid. Ep. secr. c. c. x. v. i. et an. 1. p. 3. Ep. c. an. m. m. c. c. l. x. v. i. — ⁷ Ibid. Ep. secr. c. l. v. — ⁸ An. 1. p. 3. Ep. c. an. m. m. c. c. l. x. v. i. — ⁹ Ibid. Ep. m. m. c. c. l. x. v. i. — ⁶ Tom. 1. Ep. secr. m. m. m. — ⁷ An. 1. p. 1. Ep. c. an. c. h. — ⁸ Ibid. Ep. c. an. x. v.

cilura. Cum itaque census, qui vocatur denarius beati Petri in regno tuo debitus Ecclesie Romanæ, a pluribus retroactis temporibus eidem Ecclesie non existerit persolutus, nosque ad conservationem juris ejusdem Ecclesie sollicitis, ut tenemur, studiis intendentes, collectionem census ejusdem dilecto filio electo et capitulo Upsalensi per nostras sub certa forma litteras duxerimus committendam; magnitudinem regiam paterno rogamus et hortamur affectu, quatenus electo et capitulo supradictis, regii favoris auxilium circa collectionem hujusmodi, quod speramus et credimus in hac parte debere multipliciter existere fructuosum, pro nostra et dictæ Sedis reverentia liberaliter largiaris etc. Dat. Avin. III non. Februarii anno primo ».

Nec solum ex Anglia et Suecia, verum e Norvegia¹, etiam Dania² et Polonia³ exegisse denarium S. Petri, date ad eorum partium reges, ac Lundensem, Nidrosiensem Gnesnensemque archiepiscopos Apostolica litteræ docent. Gnesnensi vero partes præterea imposuit⁴, ut inter Joannem episcopum ac ducem Cracoviæ pacem conciliaret.

50. *Rutheni et Lithuani ad fidem invitati.* — Cingebant Poloniam infideles populi ac schismatici Lithuani et Rutheni, crebris in illud regnum finitimaque provincias excursionibus infestissimi: quos Pontifex ad Christianam mansuetudinem ac fidem pellicere studuit. Quo argumento ad duces Ruthenorum, præfixo hoc titulo, salutis inscribende vice: « Illum super cuncta venerari, cui cum vulnerit subest posse »; extant litteræ⁵ tum ad ducem Lithuanorum, quem, ut Romanæ Ecclesie castris se conjungeret, eleganti oratione hortatur⁶: ex eo triumphaturos omnes fideles: ipsum magnum collecturum apud mortales decus, apud Deum vero æterna sibi præmia comparaturum. Fuisse illum Vitenem ex Polonis historicis colligitur, quem bellum asperissimum cum Henrico magistro Prussie gessisse, ac mutuas clades intulisse accepisseque, referunt.

51. *Pontifex insidiis appetitus: hinc magorum et veneficorum scandala.* — In eo publico orbis malo, ac frementibus civilibus bellis regnis omnibus et provinciis, Pontificia aula discordiarum experts non extitit: instigati enim sunt nonnulli cardinales, ut conjurationes adversus Pontificem contarent; quibus faciem prætulisse Bernardum de Artigia Pontificium capellanum, Joannes queritur in litteris, quibus in nefarium hominem inquirendi partes Gahardo Regensi episcopo et Petro e Pratis commisit⁷: « Ad nostrum, inquit, assertio fide digna perduxit auditum, quod magister Bernardus de Artigia, cantor Pictaviensis, commensalis capellanus noster, et Sedis ejusdem reverentie filialis officium inofficiose præteriens,

Dei timore postposito et fidelitatis debito violato, illius qui primum schisma suscitavit in cælo, stimulis, ut creditur, agitatus, nos et prædictos fratres nostros, qui in charitatis unione fore firmissimi et unius moris in domo habitare debemus, ab invicem dividere, ac per exclusionem unanimiatis separare pro posse satagit; et per se ac mediatores improbos zizaniam seminans, nonnullis ex eisdem fratribus, ut contra nos congregationes, conjurationes et conspirationes iniquas inirent, detestandis suggestionibus persuasit, quo sic separati sique divisi in mundi supportandis oneribus debiliores essemus; unde nimirum, si facta relatibus consonant, se reum læsæ constituit majestatis: cumque propterea, et perjurii etiam in nostra presentia per eum commissi prætextu, eum nostro fecerimus carceri delinere, multa que hucusque nos de ipsius turpi vita latuerant, nunc ad nostram audientiam sunt aliquorum delatione perlata, etc. »

52. Sedata cardinalium conjuratio, sed aliorum improbitas in majus exarsit odiorum incendium: appetitus enim est insidiis hoc anno Pontifex ab inimicis, quorum odia livor accenderat: qui primum ad legendum scelus veneno ipsum inficere moliti sunt¹. Quo patefacto flagitio, Joannes antidota adversus veneficorum improbitatem comparavit, transmisitque² ad ipsum Margareta comitissa Fuxensis cornu serpentinum, magnarum ad venena detegenda virium: quod cum inastimabilis pretii censeretur, Pontifex omnia sua bona mobilia et immobilia comitisse actis gratis eo nomine obligavit, atque anathematis pœnam iis, qui illud invita ipsa delinissent, iniecit. Cum igitur Pontifex adversus veneficorum insidias se muniret, impiorum vesania in tantum prorupit scelus, ut magicis artibus demonumque opera ipsum et nonnullos cardinales morte afficere moliretur. Sed divina providentia immane flagitium oppressit: quod cum in lucem emanasset, tanto sui horrore audientes perfudit, ut vix narranti fides a probis haberi posset. De quo ambigente admodum Carolo Marchiæ comite, Pontifex dubium omne discussit³: « Ut cujusvis, inquit, dubitationis scrupulum a corde tuo super hoc auferat detectio veritatis, scire te facimus, quod nonnulli degeneres filii, ac proditores iniqui, in nos et aliquos ex fratribus nostris S. R. E. cardinales conspiratione commissa, dolum conceperunt ut perderent; et ut iniquitatem parerent, potiones et imagines paraverunt ad extinguendum nos et fratres eosdem, opportunitatibus sæpius perquisitis. Ille tamen in ejus potestate hominis mors et vita consistit, misericorditer resistente manum apposuit, et a nocere nitentibus noceri innoxii non permisit. Dat. Avin. VI kal. Augusti ». Nec

¹ An. 1. p. 1. Ep. xcviij, xcviij. — ² Ibid. Ep. xcvi et xcix — ³ Ibid. Ep. ci. — ⁴ Ibid. Ep. c. — ⁵ Ibid. Ep. ciiij. — ⁶ Michov. l. iv. c. 14 et alij. — ⁷ Tom. II. p. 2, Ep. sec. cccclxxvij.

¹ An. 1. p. 1, Ep. ead. lxxv. et tom. I, Ep. sec. et tom. II, p. 2, Ep. cclxi, cclm. — ² Tom. I. sup. Ep. scd. lxxv. — ³ Ibid. Ep. scd. cccxvi.

modo Carolum marchie comitem, verum etiam alios principes ac reges, pervulgata structarum Christi vicario insidiarum fama, armorum potentiam Joanni adversus ipsius hostes detulisse, e Pontificiis litteris colligitur, quibus eo nomine Philippo, Francorum regi grates egit ¹.

Agendum legibus censuit Pontifex in tanti sceleris auctores, et Gallardo episcopo Regensi ² et Petro Textoris decretorum doctori, ac Petro ³ e Pratis juris civilis perito, Petro e Via equiti ⁴, atque Arnaldo e Trianno aula Pontificie seneschallo provinciam imposuit, ut questionem in eos veneficos et magos exercerent: quo edicto flagitii immanitatem ita suis circumstantiis ac ponderibus librat ⁵: « Non attento, inquit, quod leges humane atrocius judicant hominem veneno extinguere, quam gladio trucidare, potiones et venena mortifera preparari fecerunt, ut ex illorum propinatione nos et aliquos ex eisdem fratribus nostris extinguerent. Et ne deficerent in sui mali executione propositi, propinationis habilitate negata, imagines cereas fecerunt sub nostro et ipsorum fratrum nominibus conlici, ut magicis artibus, incantationibus vetitis, ac demonum invocationibus reprobandis adhibitis, vitam labefactarent insontium per punctionem imaginum predictarum. Porro licet hujusmodi perfidi proditores conceperint dolum hujusmodi, et ut iniquitatem parent, opportunitates querere, suosque frequenter curaverunt pro viribus exercere conatus; ille tamen, in cuius potestate hominis et mors et vita consistit, misericorditer resistentia manum apposuit, et a nocere nitentibus innoxii noceri non sinens, potiores et fres ex imaginibus antedictis ab insperato in manus nostras devenire concessit, etc. Datum X kal. Maii ». Instructa est ab iis judiciaria actio, redactaque in publicas Tabulas hoc anno ⁶, que in archæo Avenionensis palatii gerente Venusianam legationem Octavio Aquaviva cardinale repertæ Romanique perlate an. m^oxiv.

53. Fascinatorum illarum imaginum præcipuos artifices fuisse Joannem de Amanto medicum, barbitonsorem ac plures aula Pontificie clericos, cultu demonum et commercio inquinatos, ex aliis litteris colligitur: qui abstracto vero Numine, necromantie geomantieque se addixerant: incluserant sæpius annulis, speculis et circulis demones ad captanda vaticinia: succubis abuti non perhorruerant; nec venena modo, sed solis etiam verbis perdere homines posse affirmaverant. In quos Bartholomæus episcopus Forojuliensis ac Petrus Textor in jure canonico emeritus, legum severitatem distingere jussi sunt hisce litteris:

« Joannes, etc. venerabili fratri Bartholomæo Episcopo Forojuliensi, et dilecto magistro Petro Textoris doctori decretorum.

« Ad nostrum assertio fide digna et sonorum quoddam vulgaris famæ proloquium noviter perduxit auditum, quod Joannes de Lemovicis, Jacobus dictus Barabantinus, Joannes de Amanlo medicus », et infra, « et nonnulli alii, in nostra curia residentes, nolentes juxta doctrinam Apostoli sobrie sapere, sed nimie vanitatis ebrietate desipere, reprobis ausibus appetentes, se necromantie, geomantie et aliarum magicarum artium moliminibus implicarunt et implicant, scripta et libros habentes hujusmodi artium: quæ quidem cum sint artes demonum, ex quadam pestifera societate hominum et Angelorum malorum exorte, vitandæ forent cuilibet Christiano et omni penitus execratione damnandæ. Speculis et imaginibus secundum ritum suum execrabilem consecratis, usi fuere frequenter; ac in circulis se ponentes, malignos spiritus sæpius invocarunt, ut per eos contra salutem hominum molirentur, aut eos interimendo violentia carminis, aut eorum abbreviando vitam violentia inmissa languoris. Demones in speculis, circulis, seu annulis interdum incluserunt, ut eos nedum de præteritis, sed et de futuris inquirerent, futura ipsa, quæ præscire solius Dei est, ex illorum consultationibus prædicturi. Divinationibus et sortilegiis se immiscuerunt perperam, Diis nonnumquam utentes. Sed etiam experimenta quamplurima quandoque fecerunt circa hæc et alia, per eos demonibus invocatis ». Quod magos illos Diis usos narrat Pontifex, indicat ipsos cum demonibus succubis, qui olim gentiles venatrici mulieris forma delusere, rem habuisse. Similiter demones per hæc tempora muliebrem sexum contaminasse incuborum specie plangit Alvarus Pelagius episcopus Silvensis hisce verbis ¹: « Alique, inquit, supponunt se demoni transfigurato incubo, sicut in quodam cœnobio sanctimonialium eam demoniacam vexationem post multas pœnitentias et consimilia et predicationes non usquequaque de eis potui extirpare: tantam enim familiaritatem cum quibusdam ex eis isti demones contraxerant, quod ad eorum aspectum non terrebantur; sed absque pavore cum eis loquebantur et contrectabantur, sicut ex earum judiciali confessione habui. Vere spiritus immundus in immunditia delectatur. (Luc. xi. xxxii. q. iv. In eo de pœnit. di. ii. Si enim in tin. Job. xxxviii.) Dormit in locis humentibus; id est luxuria humorosa ». Hæc Alvarus. Ut vero magi nefaria demonum societate et vi plures hominibus inferant calamitates, ex Pontifice audiamus. « Nec venient asserere, quod nedium potus vel cibi propinatione, quin etiam solius verbi prolatione hominum abbreviare seu prorogare vitam, aut prorsus perimere, et ab omni possent infirmitate curare, talibus se usos fuisse firmiter affirmantes.

« Relicto præterea Creatore suo, in hujus-

¹ Tom. I. Ep. sec. CLIII. — ² Tom. 2, p. 2. Ep. sec. CCLXXIV et CCLXXV. — ³ Ibid. Ep. CCLXXV. — ⁴ Ibid. Ep. CCLXXV. — ⁵ Ibid. Ep. CCLXXIV. — ⁶ Ms. Val. Arch. sign. num. 19.

¹ Alvar. Pelag. de planeta Eccles. l. ii. c. 45.

modi demonum suffragiis confidentes, cosque dignos arbitantes, quibus serviant et quibus honores divinos impendant, illos idololatrarum more adorare cum exhibitione cultus et reverentiae praesumpserunt. His et aliis superstitionibus detestandis, et adversantibus Catholicae fidei praefati clerici et barbarius et eorum quilibet, necnon aliqui alii residentes in curia non semel, sed pluries instituisse feruntur, nedum in suarum, sed et in quamplurimum aliarum periculum animarum, etc. Ad exseindendum perniciosissimum pestem Foro-Julienſi episcopo ac Petro Textoris et Petro e Pratis doctoribus, Pontificiis capellanis, contra eos ejusmodi labe inquinatos quaestionem exercere jubet. « Datum Avin. III kalendarum Martii ».

54. *Geraldus episc. Cathre. lege majestatis damnatus.* — Postulatum etiam iudicio majestatis, ac necis parate¹ Pontifici Hugonem Geraldum episcopum Catureensem, ferunt : quem plurimis aliis criminibus fodasse dignitatem, ex Apostolica in eum lata sententia liquet². Arsisse quidem avaritia adeo, ut vi ac dolo ingentes pecunias extorqueret a subditis, quos sacramento postea devinciebat, nunquam de ea re expositulatos : nec minore elatum superbia in iis rejiciendis, qui ad Sedem Apostolicam provocassent ; atque ob id flagitium episcopatu exauctoratum. Dejectum³ etiam omni episcopali munere ac privilegio, carcerique perpetuo ad crimen expiandum lacrymis mancipatum⁴ ostendunt alia edicta Pontificia consignata XV kal. Junii. Verum ipsum e carcere a foro seculari raptum ad supplicium et unco ractum, nudatum cute, ac flammis crematum, tradit Bernardus⁵ ; ejus verba Pontificiis litteris consentiunt, arguntque de inhumani flagitio convictum fuisse : « Degradavit, (nimirum Pontifex) ac deposuit a sacerdotali ac pontificali ordine ac dignitate episcopum Catureensem Hugonem Geraldum, ablatis ab eodem omnibus insigniis, videlicet annulo, atque mitra, et cappa cum Romana camisia et bireto : sique relictus in simplici habitu saeculari fuit adjudicatus perpetuo carceri IV die mensis Maii apud Avinionem anno Dom. MCCXXVII. Qui postmodum relictus curiae seculari fuit per ejusdem curiae in iudicium tractus, et excoxiatus atque combustus ». Eadem Martinius Polonus⁶, et Ptolemæus Lucensis⁷ referunt. Quibus consentanea traduntur subjunctis verbis in Ms. bibliothecae Vaticanae⁸ : « Fuit degradatus per Tusculanum episcopum cardinalem et curiae seculari traditus, tractusque fuit et in aliqua corporis parte excoxiatus : demum in mense Julii combustus, quia in mortem summi Pontificis, ut dicebatur, fuit machinatus ». His addimus exlare

in veteribus Mss. judiciaria¹ Acta adversus Robertum episcopum Aquensem, qui Bononiae magicas artes laudaverat exercueratque. Sed ea scelestissimis praesentibus ad sanctum archiepiscopum lectorem tot criminum horrore perlusum revocemus.

55. *Concilium Bononiense et miracula B. Clarae a Montefalcone.* — Celebratum² Bononiae hoc anno est Raynaldo archiepiscopo Ravennate, viro sanctitate vitae et miraculis insigni, Concilium episcoporum provinciae : in quo ad restituendam Ecclesiasticam disciplinam vetera a Latino Apostolicae Sedis legato, atque a Bonifacio praedecessore decreta renovata : tum ad componendas Ecclesias, excolendas pietate populos, cleri exoliendos mores, religiosos viros ad vitae sanctitatem revocandos, conferenda sacerdotia, divina sine strepitu peragenda, ac publica vitia reprimenda, plura religiosissime sancita : quae cum sint typis inter reliqua Concilia cusa³ haec nobis delibasse suffecerit.

Nec sanctissimis modo hujus beati archipraesulis exemplis illustrabat haece temporibus Italia ; verum B. Clarae a Montefalcone monasterii S. Crucis abbatissa miraculis : quorum gloria cum in dies effloresceret, Fulginatum, Perusinorum et Spoletanorum praecibus adductus Pontifex Perusino et Urbevetano episcopis partes dedit⁴, ut sacrum de iis examen, ac publicas Tabulas rite conficerent.

« Attendentes, inquit, quod Romana Ecclesia, praesertim in tanto fidei negotio, consuevit cum magna maturitate procedere, ubi videlicet de re tam ardua quaeritur, sensibus quidem abdita, ignota scientiis, et novo quodam probandi genere vita utique et miraculis comprobanda ; nam si difficile existimamus, quae in terra sunt, et quae in prospectu sunt invenimus cum labore, quae in caelis sunt quis investigabit ? dilecto filio nostro Neapoli S. Adriani diacon. card. commisimus, ut apud Sedem Apostolicam de hujusmodi sanctitate, vitae ac miraculis praedictae Clarae informationem per testimonia fide dignorum reciperet, illamque nobis referre curaret, etc. » Addit illum, demandato munere perfectum, nonnulla miracula in cardinalium senatu proposuisse, magnis testimoniis corroborata, quae cum amplius silentio obscuranda non sint, illis instituendi ex praescripta forma sacri examinis de vita et miraculis illius opera patralis provinciam imponit. « Dat. Avin. VIII kal. Novembris anno II ».

56. *Variae Fraticellorum species, et in eos Pontificia Constitutio.* — Exeunte hoc anno, nimirum III kalend. Januariis, damnavit Pontifex⁵ varias pseudoreligiosorum sive Fraticellorum sectas, quae fucatae pietatis lenocinio veram sancti-

¹ Mart. Pol. Appen. — ² An. 1. p. 1. Ep. com. CCCXCVII. —

³ Tom. II. p. p. Ep. secr. CCLXXX. — ⁴ Ibid. Ep. CCLXXVI. Est Extrav. *Devisis exemp. de penit.* — ⁵ Bern. Chron. Rom. Pont. —

⁶ Mart. Polon. — ⁷ Ptol. Luc. Hist. Eccl. Ms. I. XXIV. c. 42. —

⁸ Ms. Vat. sign. num. 3765. in Jo. XXI.

¹ Reper. in arc. Avin. sign. num. 415. legato Octav. card. Aquav. et Roman. translata. — ² Her. Rub. Hist. Raven. I. VI. — ³ Ext. in tom. Cone. p. 2. — ⁴ An. 2. p. 1. Ep. com. CCCXI. — ⁵ Extrav. *Sancta Romana de relig. dom.*

tatem labefactabant ; et apostatarum per orbem vagantium licentiam coercuit. Cum vero sæpius de Fraticellis mentio occurrat sit, variæque sectæ eo nomine notatæ reperiuntur, visum est eorum percensere discrimina, ne dum plerumque quasdam pseudominoritarum factiones perstringimus, putet aliquis alias hæreses pestes, Fraticellorum nominis equivocatione deceptus, ex sacra Minoritarum familia emersisse. Fraterculorum sectæ impurissimæ, quæ promiscuus concubitus sectariis permittelbat, et infanticidio suum sacrabat antistitem, meminit Joannes Baptista Pigna¹ ; illiusque conditorem ex vetustis monumentis refert Armanum Pungilupum Ferrariensem, cujus ossa refossa sepulchro undetragesimo ab hæresiarchæ morte anno, ejusque memorie vestigia abolita vidimus anno Christi mccc². Hanc vero sectam ita describit Pigna : « Fraterculorum ea labes fuit Anabaptistarum, omnia ad communitatem revocantium, non præse imperio, non rem facere aut civilia ulla munera suscipere satis dignum Christiana pietate existimans. Illi, quantum Ferrariensium Annales produunt, virgines, nuptas variasque leclissimas instar sacerdotum sacris initiabant, quibuscum antistites sine ullo discrimine coibant. Partus primum in lucem editus, scelestum atque inaudite feritatis commentum ! statim coacto cœtu in sublime jactabatur, singulis ab sese rejicientibus ; quoad extremum spiritum exhalaret : cujus in manus venisset in ipso fugientis animulæ articulo, is pontifex sacrabatur ».

57. Alterius Fraticellorum sectæ meminit Alvarus Pelagius³, eosque cum Sarrabaytis, id est, pseudoeremitis, Begardis, Beguinis, Apostolicis confundit ; in eo enim consentiebant universi, quod religioso cultu impietatem velarent, ipsosque graphice ita depingit : « Istis ultimis temporibus hypoeritatibus plurimi, maxime in Italia et Alemannia et provincia Provincie, ubi tales Begardi et Beguini vocantur, nolentes jugum subire veræ obedientiæ, sed libertate noxia potiri, nec servare regulam aliquam ab Ecclesia approbatam, sub manu præceptoris et ducis legitimi vocati Fraticelli, alii de paupere vita, alii Apostolici, aliqui Begardi : qui ortum in Alemannia habuerunt specie tenuis, et quantum ad hominem exteriorem mundo renuntiare videntur ; et dicentes, religiosos ab Ecclesia approbatos promissas regulas non servare, durante primo fervore deserta domestica penetrant, soli sedent vel pauci simul, paupertatem servare videntur, abstinentis se macerant, sed ventrem replent, disciplina operam dant : sed deficiente fervore, quasi post annum sedent sub umbra juniperi (Jonæ iii) cujus ignem usque ad annum conservat : occasione de petenda elemosyna, quam nequeunt petere nisi religiosi mendi-

cantes ab Ecclesia approbati, (Extr. de reli. dom. Religionum lib. vi, et inferius Declarato,) vagari incipiunt, ad homines se convertunt, laborare refugiant, quia panem otiosum inveniunt : familiaritates, maxime feminarum, nunc spiritualium, nunc aliarum accipiunt, (xviii. q. ii. Diffinimus et c. Perniciosam :) eis prædicant contra illud (Extra. de hæresi. Cum ex injuncto :) de Deo loquuntur, dulces sermones proferunt (II ad Timoth. iii. Rom. ult.) simplices se ostendunt, per domos minorum et viduarum convivantur, otio vacant, (II Thessal. ult.) dictis et enumeratis aliquot *Pater noster*, reliquo tempore aut pedes in commotionem dant, aut in suis cellis dormitant ». Et infra :

58. « Et quia obedientia ligati non sunt, pro libito comedunt et bibunt, surgunt et ambulant, et ex occasione libertatis, quia corrigi non timent, nec per hominem visitari, nec excitari, communiter poltronizant (vulgare est Italarum) id est, vitam pinguem volunt cum libertate et sine labore : dediti somno et vagationi continuæ, et pro levi commotione suborta loca, in quibus habitant, dimittunt et ab invicem se dividunt, et sicut passeris insolentes de monte in montem transmigrant (Psal. x.) et torpore et tepore lethæo tepefacti, cum curtis capitiis et repetitis, et cum amicitibus et habitibus, quos sibi contra Ecclesias invenerunt, discurrunt per mundum.

« Et quia circa jejunia et orationes et observationes regulares Domino non promiserunt, sed quod faciunt de specie boni ex libertate propria faciunt, ideo recedente primo igne, forsan divino, qui eos urebat, peiores quam frigidi essent in sæculo, quia tepidi recedente calore, ab ore Dominico evomuntur (Apocal. iii.) speciem quidem sanctitatis habentes, virtutem autem abnegantes, (ad litteram II ad Timoth. iii.) in sua hypoerisi se et mundum decipiunt : nam eorum prima absentia in gastrimargiam vertitur, paupertas in peculium, vigilia in somnolentiam, silentium in multiloquium, maxime sub specie loquendi de Deo ; simplicitas in malitiam, solitudo in consortium et familiaritatem secularium et mulierum. Eorum etiam aliqui in civitatibus et villis aliis prope habitant, et a secularibus de die in diem convivia recipiunt sub specie charitatis (XLIV. di. *Convivia*.) commatres et compatres sibi faciunt, (contra illud de consecr. di. iv. *Non licet abbati*, et cap. sequenti) ambaxatas, id est, legationes faciunt et referunt, de animarum consiliis præsumptuosi idiote se intromittunt (contra illud c. Extr. de ata. et quali. *Cum sit* :) de peregrinatione in peregrinationem discurrunt, quia aecedia eos de cella expellit, quam cum sic credunt expellere, sub specie boni peregrinando per mundum per sanctos, tunc cum amplius nutriunt ». Et infra : « Hodie cellulæ nostrorum anachoretarum hypoeritarum a mulierculis visitantur quod eis sæpe A-sisii et alibi prohibui : advenientibus sæcula-

¹ Pigna de Afest. Priv. l. iii. Præter in voce *Fraticell.* — ² Annal. tom. xiv. an. Chr. 1501. num. 45. — ³ Alvarus Pelag. de planctu Eccl. l. ii. c. 51.

ribus, sub specie charitatis mensas parant ». Et infra :

59. « Quidam etiam ex eis, superius Apostolici et Begardi nominati, paupertatem Evangelicam se servare dicentes, quia nec locum habent nec aliquid se portare dicunt, vere girovagi et vere ribaldi per mundum cursant, in plateis comedunt, quia aliqui eorum conscientiam habent comedendi in domo, et specialiter ab aliquo aliquid pelendi; sed clamant in plateis elemosynam sibi dari, vel cantant, nil expresse pelendo, sed clamando; nec laborare volunt conscientias habentes, si aliquod opus faciant corporale: dicunt enim, quod debent orare continue, ne cadant in tentationem, et quia Apostolus dicit I ad Thesal. ult. *Sine intermissione orate*; et *Mariam optimam partem elegit* (Luc. x.) et similia allegantes. *Isti in vestibus ovium veniunt* (Matth. vii.) sed intus sunt lupi rapaces. Isti illos hereticos sequi videntur, qui in canone Apostolici nuncupantur, qui nil proprium possidentes, nequaquam recipiunt eos, qui aliquid proprium possident in hoc mundo. (xxiv. q. iii. *Quidam vero Apostolici*.) Et infra: « Sed isti pseudoapostoli et Begardi istius temporis perfectiores apparere desiderant, quam veri Apostoli et veri anachoretæ, qui et viri Apostolici extiterunt: sed mentita est iniquitas eis, quia ipsi professionem Apostolicam non servant, nec vitam: Apostoli enim in se perfectissimi (xxiv. q. ii. et ult. *Legatur*.) et pauperrimi in salutem gentium per orbem a Domino missi sunt ad baptizandum, ad prædicandum (Marc. ult. *de conse. d. iv. Proprie*.) ad ligandum et solvendum per claves eis a Domino datas (Jo. xx. *de pen. di. i. Quem pœnitet*): sed isti pseudoboves sint ad præsepe evacuandum, non triturandum et prædicandum (xiii. q. i. § *Ilis ita.*) quia missi ab Ecclesia non sunt, sed a spiritu maligno ad illos de Ecclesia decipiendum, (Extr. de hæret.) Cum ex injuncto non catechizant, neque baptizant, neque prædicant nisi de facto (xvi. q. i.) Adjicimus, quia nec presbyteri sunt, et si aliqui sint, non curati, nec absolviunt nec ligant quia claves non habent (xvi. q. i. §. *Ecce i et ii*) vere poltrones et ribaldi et ab hominibus detestandi sunt, quia nec Ecclesiæ serviunt, nec proximo, nec sibi in Christo, nec Domino Jesu Christo in nullo ordine permanentes; de paupertate plenis ventribus, quorum ipsi sunt deus, (Phil. iii.) et vita Apostolica gloriantes, contra enim Dei Ecclesiam et sua sacra Concilia (superius in principio istius §. alleg.) sibi ordinem in oculis hominum invenerunt ». Et infra: « Utinam hi tales pseudoapostoli et ficti religiosi non sic orarent, sed foderent et ararent (Genes. iii.) et panem in sudore vultus sui manducarent, et oratione vocali Dominica *Pater noster* contenti essent, sicut alii simplices hujus mundi, ut non cum sua simulata et imaginaria oratione perirent.

60. « Sed quidam ex eis in mundo porcarii, quidam armentarii, quidam cementarii, qui-

dam carbonarii, quidam fabriferrarii, aut aliis diversis operibus mancipati de labore manuum juste sibi victum quærentes, et sue familie talem sanctum laborem et a Domino indictum religientes (Genes. iii.) quia homo nascitur ad laborandum, (Job. v.) mutato habitu, quem sibi adinvenerunt, sed non corde, de labore et ærumna, vilitate et paupertate ad otium et requiem corporis ubertatem et libertatem noxiam transierunt ». Et infra: « Porro nullus quasi supra dictorum Sarra baitarum girovagorum et pseudoapostolorum, Begardorum et Fraticellorum, et illorum de paupere vita laborare vult manibus suis; sed de elemosynis vivunt ». Et infra: « Sed certum est, quod omnes predicti modum ordinis sibi constituunt in habitu, in vita et in congregatione: quidam ex eis in sua secta viventes, sub cujus colore mendicant, de nullo approbato ab Ecclesiæ Ordine mendicantium existentes, contra Ecclesiam vivunt. Immo istis temporibus dominus papa Joannes XXII contra omnes sic viventes et eis faventes excommunicationis sententiam promulgavit in quadam Extravaganti edita contra eos, quæ incipit ¹: *Sancta Romana* ».

61. In hac porro Constitutione observatur hos Fraticellos, qui religioso cultu sanctitatis larvam præferebant, triplicis Ordinis fuisse; atque alios prætexnisse, habitum se et vitæ ritum ab episcopis aut Ecclesiarum prælatis accepisse; alios jactasse, se tertii Ordinis S. Francisci, et ænilitium vocati, habitum induisse; fuixisse alios Ordinem fratrum Minorum profiteri et S. Francisci regulam ad litteram observare, objecto eo furo, ipsos a Cælestino Quinto hujusmodi vite et status privilegium, quamvis ea ratio non valeat, cum Bonifacius VIII concessa a Cælestino resciderit, ac posteriori decreto standum esset. Hoc porro triplex Fraticellorum sive pseudomonachorum genus in hac impietate consensisse queritur Joannes: « Quia, inquit, in errorum barathrum facili ter ruunt, qui conceptus proprios Patrum definitionibus anteponunt, ipsorum quamplurimi, sicut fide digna relatione percepimus, a veritate Catholicæ fidei deviantes, Ecclesiastica sacramenta despiciunt, ac errores alios student multipliciter seminare ». Ut vero in ea pseudominoritarum superba factione, quæ a sodalibus divulsa se spiritualem venditabat ad hypocrisis pompam, et instar religiosæ familie adolescebat, et in Provincia, Etruria, Calabria et Trinacria, monasteria occupabat condebatur, nonnullæ hæreses detectæ sint ², proximo anno dicitur. Secuti vero Pontificiarum Constitutionum sententiam Fraticellorum nomine nunc maxime intelligimus Petri Joannis Olivi sequaces, et alios pseudominoritas, qui S. Francisci instituta non ex Pontificiis decretis, sed ex nefaria et delira interpretatione sua sectari voluerunt, et in varias pro-

¹ Extrav. *Sancta S-m.* de Relig. domib. — ² Jo. in Const. *Gloriosam Ecclesiam*.

lapsi hæreses ab Ecclesia aberrarunt : in quos veri Minorite pie consurrexere, donec ea pestis penitus excisa est. Nec vero hi pseudominorite omnes, sive fuerint Ordinis Franciscani apostatæ et perduelles, sive ex profana multitudine ad eos se contulerint, eosdem penitus errores tenere; quippe nonnulli etiam reperti, ut plangit Alvarus Pelagius¹, qui Beguardorum impuritatem sectati sunt : « Multi, inquit, sæculares et fratres Minores pro isto carnali spiritu libertatis per inquisitoris hæreticæ pravitatis incarcerati fuerunt ». Et infra : « Tales valde spirituales videbantur, in lucis Angelum transformati ». Ut vero Fraticellorum turbam alii auxerint, vel novam conflarint, qui posteriores Pontificum Constitutiones impugnarunt duce apostata Michaelæ Casenate, dicitur inferius.

Ex Pontificiis quoque litteris constat, plures hoc tempore solo cultu externo Franciscanam sanctitatem professos, re autem vera hæresi infectos fuisse, et improborum dogmatum virus simplicibus populis afflasse : eaque de causa ejusmodi hypocritas omnibus privilegiis, sacro S. Francisci sodalitat ab Apostolica Sede concessis, a Joanne papa exutos; illorumque antesignanum extitisse Joannem Barraut, in quem ac socios Michael ejusdem Ordinis, fidei censor, legum severitatem distringere jussus est² : « Sic, inquit, efficaciter et solerter juxta statuta canonica procedere studeas, quod per tuæ sollicitudinis circumspectam prudentiam dicti Ordinis sacra plantatio, exterminatis

vulpeculis quæ illum venenosis morsibus demoliri præsumunt, fructus afferat Catholicæ puritatis ». Præterea sanxit Pontifex¹, ut hæretici et Apostatæ a religione Catholica ad Judaicam superstitionem deficientes, qui ad templa perfugerent, fidei censoribus dederentur.

62. *Arnaldi e Villanova errores damnati.* — Hoc anno cum libri Arnaldi e Villanova variis contaminati erroribus, quos sparserat, vulgi manibus tererentur, a Joanne Longerio fidei censore et præposito Tarraconensi, Ecclesia illa suo tum pastore orbata, habitis doctorum cœtibus, damnatæ hæreses, ex ejus nefariis scriptis decerpit : « Quod natura humana a Deo assumpta est æqualis Deo in omnibus bonis suis, et quod tam alta sit humanitas in Christo, quantum deitas; et tantum possit. Quod quam cito anima Christi fuit unita divinitati, statim ipsa anima scivit omnia, quæ Deus scit : quia alias, ut dicebat, non fuisset cum ea una persona, præcipue, quia scire est circumstantia pertineus ad suppositum individuale, et non ad naturam. Quod in sacrificio missæ non laudatur Deus opere, sed solum ore ». Proscripti alii ejus errores, quod nimirum universi Ecclesiæ ordines a Christi fide et a charitate defecissent, quod monachi a salutis via aberrarent, quod elemosyna sacrificio altaris esset præstantior, quod sacra pro mortuis peragenda non essent, nec instituenda sacerdotia; quod mundus an. mcccxxxv. desiturus foret : quæ accurate Aymericus² per censet.

¹ Alvar. Pelag. de planet. Eccl. I. II. c. 52. in Beguar. errore. —
² Jo. an. 3. p. 1. Ep. cur. cxlii.

¹ Bullar. in Joann. XXII. Const. 1. — ² Aymer. 2. direct. inq. q. xi.

JOANNIS XXII ANNUS 3. — CHRISTI 1318.

1. *Tartarorum imperatorem litteris adhortatoris adit Pontifex.* — Conditæ est in Perside anno Christianæ salutis millesimo trecentesimo decimo octavo, Indictione prima, archiepiscopalis sedes Soltaniensis, missique plures antistites et Evangelii præcones religiosi viri ad gentes pro fide latius proferenda : instructi sacris ritibus Armeni, et Tartari ad Dei cultum provocati. Imperabat Tar-

taris Usbec, qui erga Christianos regiam benevolentiam explicuerat adeo, ut sub illius auspiciis religio felicissime effloresceret; cum nonnulli viri impii, diabolico instinctu concitati, ad progressus Evangelii disturbandos barbarorum auribus afflarent, campanas, quæ ad divina peragenda et congregandum ad sacras conciones populum pulsabantur, triste aliquod Tartaris omen portendere.

Quibus susurris in media barbarie simplex imperator subornatus, edicto pulsari illas vetuit. Ver-tebatur ea res in religionis nostræ dedecus, neque ita facile neophyti, ut pietate excolerentur, poterant convocari: de qua re certior lactus Pontifex, ad Tartarorum imperatorem, ut ejusmodi edictum rescinderet, tum ad Christi fidem non parum, ut præ se ferebat, in eam propensum pelliceret, hæc litteras dedit¹.

2. «Magnifico viro Usbec, imperatori Tartarorum illustri, divinæ inspirationis gratiam in præsentem et fruitionis æternæ gloriam in futuro.

«Laudanter audivimus, quod tu, non absque speciali motione divina, ob reverentiam Christi esu Domini Salvatoris, religionis Christianæ cultores, infra imperii tui terminos constitutos, benigno favore prosequeris et pertractas: hoc in te per te agente illo, qui pro sua voluntate bona in nobis velle ac perficere operatur; quique vult omnes homines salvos fieri, et ad agnitionem per-tingere veritatis. Nos igitur qui principis Apostolorum Petri, quem Christus cælum ascendens in terris suum vicarium dereliquit, regni cælestis traditis tibi clavibus, per quas ipse sive suc-cessores potestatem aperiendi omnibus et claudendi ejusdem regni januam obtineant, successores sumus, sola Dei patientia non nostris meritis constitutis, animas Deo lucrifacere super omnia cupientes, et errantes in viam veritatis reducere; ut ipsum agnoscat Deum vivum et verum omnium conditorem, qui de tenebris nos vocavit, atque utinam te ac tibi subjectos populos vocare digne-tur in admirabile lumen suum, magnitudinem tuam rogamus et hortamur attentius, et per illius misericordiam obsecramus, qui te ad suam fecit imaginem se capacem: qui mortis et inferni claves obtinens, cui claudit, nemo aperit, et cui aperit, nemo claudit; quatenus prudenter consideras, quod vita nostra vapor ad modicum parens esse dignoscitur, quodque dies nostri transiunt velut umbra; saluberrimam fidei Catholicæ veritatem, quam sacrosancta Romana servat, prædicat et docet Ecclesia, sine qua creatori Deo est impossibile com-placere, reverenter amplectens cum subjectis tibi populis per sacramentum ac sacramentum undam Baptis-matis, per quam, ut filii simus Dei, accipimus potestatem, spiritualiter regenereris in Christo: ut sic ab ipso regni cælestis coronam incorruptibilem una cum ipsis populis consequi merearis.

3. «Verum quia ipse Christus, qui est veritas, favores et bona, quæ suis exhibentur cultoribus, personæ suæ exclamat et reputat esse facta; celsi-tudinem tuam in Domino deprecamur, quatenus ad Christianæ fidei professores, qui dominationis tuæ terram inhabitant, et maxime qui prædicant inibi verbum Dei, sic tuæ benignitatis affectu continues, ipsos operosis favoribus prosequendo, quod tuæ protecti defensionis clypeo, cujusquam offen-

sionis molimina non forment; quin potius assi-due securitatis dulcedine valeant gloriari.

«Cæterum cum, prout accepimus, ob divini reverentiam nominis Christianos prædictos cam-panas, ad quarum pulsationem ad divina conve-nire possent officia, dudum per aliquod temporis spatium habere, ac pulsare libere permisisses, quamvis postmodum inimicorum Christi, qui quantum possunt licet supervacue, non desunt sue iniquitatis jacula jacere contra ipsum, fran-dulenta seductus instantia campanas pulsandi prædictas eis interdicti fecisti a tribus annis pro-ximo præteritis facultatem; rogamus denuo ut suggestiones hujusmodi, quæ de ipsorum sentina venenosa procedant, omnino despicies, Christi cultores eosdem præfatas habere ac pulsare cam-panas, pro divini honore nominis, permittas sine difficultate aliqua et concedas. Speramus enim in Domino, quod ex hoc tibi vitæ præsentis augmenta provenient, nostrique Redemptoris immensa beni-guitas, qui nunquam irremuneratum bonum ali-quod prælermittit, ad sui nominis gloriam agno-scendam oculis tuæ mentis facilius suæ lucis splendoribus illustrabit. Dat. Avinione V kal. April. anno secundo».

4. *Sedes patriarchalis Soltaniensis excitata in Perside.* — Diffuderat se non modo in Cambatiensi urbe imperiali, aliisque Scythiæ Asiaticæ oris re-ligio; verum in Perside etiam et Indiis: id vero Christi vicarium impulit, ut Soltaniensem sedem patriarchalem in Perside excitaret quæ fidelibus Tartarorum imperatori Persidis principi, Chaydo et Doha atque Indiarum et Æthiopiarum regibus ob-noxiis præesset; illique Francum Perusinum Ordinis Prædicatorum præficeret, ac laborum et glo-riæ socios suffraganeos sex episcopos ex eodem sacro Ordine adjungeret¹.

«Joannes, etc. dilecto filio fratri Franco Perusino, Ordinis fratrum Prædicatorum, electo Soltaniensi.

«Pridem gratis relictus intellectu, quod in partibus Persidis et terris aliis circumpositis, sub magni imperatoris Tartarorum Persidis imperio constitutis, venusta fidelium et novella plantatio, quam inibi plantasse dignoscitur misericordia Conditoris, regenerata unda Baptismatis, nomen veneratur Altissimi, et inspicies lucem magnam, extollit laudibus nostri præconia Redemptoris, ingentem suscepimus in corde lætitiā; votis ferventibus atelectantes, ut viros, virtutis, honoris et gratiæ titulo refulgentes, ad cultum novellæ vineæ veræ vitis tanquam cultores industrios et operarios opportunos, quorum curiosa cultura ejusdem vineæ palmites in illarum partium latitu-dinem usque ad extremos orbis terminos, Deo auxiliante, succrescant, per opportuni sollicitu-dinis et diligentie studium poneremus. Propter quod villam Soltaniensem in eisdem partibus et

¹ An. 2. p. 1. Ep. cur. XL.

¹ An. 2. p. 1. Ep. LXIII et post eand. Ep.

dominio constitutam, inter alias villas dictarum parlium, prout fide dignorum habet assertio, insignem, nobilem et famosam, ac habentem populum copiosum, ac fratrum nostrorum consilio, et Apostolicę plenitudine potestatis, in civitatem metropolitanam duximus erigendam : ac ad personam tuam, evangelizantem in illis partibus verbum Dei, de ejus sanctitate vite, litterarum scientia, et aliis copiosis virtutum meritis magna nobis et eisdem fratribus fide digna testimonia sunt relata, oculos dirigentes, te Ordinis Prædicatorum professorem de ipsorum fratrum consilio, et dictę potestatis plenitudine, Ecclesię dictę civitatis in archiepiscopum præfecimus et pastorem ; curam et administrationem et sollicitudinem animarum omnium existentium in eisdem partibus, quę subduntur præfati imperatoris, necnon Chaydo et Æthiopię ac Indię regum seu principum dominiis, tibi plenarie committentes ; tibi quę exercendi omnia, quę ad jura archiepiscopalia spectare noscuntur, secundum quod est sacris canonibus diffinitum, concedentes plenam et liberam potestatem, prout hæc et alia in nostris super hoc confectis litteris plenius continentur.

5. « Volentes igitur ut Catholicę fidei veritas semper de bono in melius, auctore Domino, in illarum partium latitudine expulis tenebris elucescat, sex de fratribus dicti Ordinis, videlicet Geraldum Caluensem, Guillelmum Adæ, Bartholomæum de Podio, Bernardum de Placentia, Bernardum Moreti et Bartholomæum Abalati, in lege Domini eruditos, vita et religione præclaros, et multarum virtutum titulis commendatos, de dictorum fratrum consilio et ejusdem plenitudine potestatis assumpsimus et præfecimus in episcopos et pastores ipsosque in adiutorium commissę tibi sollicitudinis pro majori animarum salute in præfatis partibus duximus deputandos, etc. Datum Avinione kal. Maii anno secundo ». Imposuit eidem Soltaniensi archiepiscopo provinciam, ut si pluribus episcopis ad proferendos Evangelii limites opus esset, ipsos, excitis duobus Catholicis antistitibus, sacris pontificalibus initiaret auctoritate Apostolica : quos cum e vivis excedere contigisset, ut Prædicatorum soliditatem earum partium Ecclesiarum curam gererent, constituit. Quo vero archiepiscopalis muneris numeros omnes Soltaniensis ipse impleret, Pontifex pallium suffraganeis transmissit ¹, ut post consecrationem in Perside conferendam, ei traderent.

6. Extant in Pontificio regesto hujusmodi litterę Guillelmo Adæ episcopo Soltaniensi Ecclesię suffraganeo, ac Joanni e Florentia Dominicanę familię alumno datę ², quos pallium episcopo, cujus partium erat Soltaniensem archiepiscopum sacris pontificalibus initiare, consignare jussit, ut ipsum in Romani Pontificis verba solenni sa-

cramento adactum, eo ornaret ; adjecitque ut electus sacramenti formam conceptis verbis descriptam in suis ad Sedem Apostolicam litteris insereret, chiographoque suo muniret : illa vero a Pontifice transmissa est in litteris ad suffraganeos datis ¹, quibus significavit, se electi laboribus ac periculis, quę subeunda essent, pepercisse, si ex antiquo Romanę Ecclesię more ad consecrationem obtinendam metropolitanus se ad Apostolicam Sedem non conferret : in sacramenti tamen forma veniendi singulis sex annis, atque ad Synodos cum vocatus esset, accedendi legem indixit. Quibus porro diebus pallio utendum esset in aliis ad eundem Francum litteris præscripsit ² : « Cupientes, inquit, prædictam Soltaniensem Ecclesiam, ad quam velut opus manuum nostrarum intenta mente afficimur, cujusque exaltationem desideramus ex animo, honoribus gratiosis attollere ; tibi et successoribus tuis archiepiscopis Soltaniensibus, qui pro tempore fuerint, in Nativitatis et duobus diebus sequentibus, Circumcisionis, Epiphanię, Resurrectionis et duobus diebus sequentibus, et Ascensionis, et Pentecostes, et in quatuor B. Marię, Nativitatis B. Joannis Baptistę, Apostolorum Petri et Pauli, et Omnium Sanctorum, Ramis Palmarum, commemoratione Omnium Sanctorum, B. Laurentii martyris, B. Georgii, B. Gregorii, B. Augustini, B. Dominici, et in principali ipsius Ecclesię festivitatibus, ac in dedicationibus Ecclesiarum, consecrationibus episcoporum, in ordinationibus clericorum, in abbatum ac abbatissarum et monialium benedictionibus, necnon et in die consecrationis tuę, ipsique successores infra dictam Ecclesiam et totam provinciam Soltaniensem pallio de corpora B. Petri sumpto, quod tibi et iisdem successoribus per certos nuntios ad partes ipsas transmittimus, utj licite valeatis, auctoritate præsentium indulgemus, etc. Dat. Avinione kal. Aug. anno secundo ».

7. *Evangelici præcones ad gentes missi.* — Nec ad Tartaros modo Pontifex præcones Evangelicos ex Ordine Prædicatorum ; verum etiam ad alias nationes, toto orbe diffusas, veterique substitutione aut schismatis et hæresis erroribus imbutas, collustrandas divina luce transmisit ; quos ad excolendam vineam Domini instruxit auctoritate subjectis litteris ³, accendique sacro proferendi Evangelii ardore ?

« Joannes, etc. dilectis filiis fratribus Ordinis Prædicatorum in terris Saracenorum, paganorum, Græcorum, Bulgarorum, Cumanorum, Iberorum, Alanorum, Gazarorum, Gothorum, Ruthenorum, Jacobitarum, Nubianorum, Nestorianorum, Georgianorum, Armenorum, ndorum, Mocolitarum, aliarumque non credentium nationum partium proficiscentibus Orientis et Aquilonis, seu quarumcumque aliarum.

¹ An. 2, p. 2. Ep. com. MDCCXLIV. — ² Reg. post eand. Ep.

³ Ibid. Ep. cur. LVII.

« Gratias agimus gratiarum omnium largitori, qui duritie cordium infidelium, in nonnullis locis Aquilonarium et Orientalium partium consistentium, tanquam terræ vastæ solitudinis, et imbre divinæ gratiæ indigenti, imbrem compluit pluvie baptismalis, et per ministerium vestrum et aliorum religiosorum terram illam vomere sanctæ prædicationis excoluit, semenque verbi Dei cœlestis agricola seminavit, quod feliciter in segetem pullulat, ita quod regiones illæ messem multam ostendunt : quæ quidem, dante Domino incrementum, plures requirit operarios, ut conquisita jam messis Dominica inferatur in horrea; et aliorum terra, quam imber cœlestis gratiæ non infudit, vestris meritis de vena superioris irrigui madefacta, capiat verbum Dei, reddatur apta colentibus; ut tandem, in ipsa divini verbi semine seminato, in fecundam segetem pullulet, seges uberem fecundetur in messem, ut crescente vestro et aliorum operariorum ministerio spiritualis consortii sacris horreis cumuletur.

« Ad continuandum igitur in partibus illis salutis eulogium Evangelicæ veritatis, tubam universitati non credentium intonandam, sacris quoque olivæ ramis fidei Christianæ Aquilonaris et Orientalis infructiferi oleastri germina inserenda, ut fiat Christianæ gratiæ latitudo, seque per partes totius orbis extendat; vos hortandos duximus ac etiam excitandos, vobis in remissionem peccaminum injungentes, ut tanquam fideles ministri satoris æterni seralis semen gratiæ in agrum sterilem non credentium animarum, neophytorum et nutantium animos confirmetis in fide, corda fidelium confortetis in luce sermonis et rectitudine operis, propositum vobis iter sine quorumlibet offensione curatis.

« Ut autem ministerium vestrum eo plenius prosperetur, quo majori fueritis auctoritate suffulti; vobis Apostolica auctoritate concedimus, ut in terris illarum partium, quæ adhuc Sedis Apostolicæ magisterio non intendunt, proponere verbum Dei; et constitutis ibidem, non obstante si aliqui fuerint majori excommunicatione ligati, in verbo, officio, cibo ac in aliis honestis et licitis communicare secure; ipsosque seu alios, quos converti ad unitatem Christianæ fidei affectamus, recipere, baptizare et aggregare ovili fidelium valeatis : ut per regenerationis gratiam de longinquo ad suum revertentes auctorem, liberi efficiantur ex servis, de extraneis provehantur in filios, ex corruptibili carne nati ex Dei spiritu renascantur; et obtineant per gratiam, quod non obtinent per naturam, etc. Datum Avinione kal. Maii anno secundo ».

8. *Redintegrata Armenorum cum Romana Ecclesia conjunctio, ad quæ litteræ Apostolicæ doctrinales et parenticæ.* — Desudatum est¹ adeo strenue ab iis, qui antea in Armeniam missi

erant ad discutendas errorum tenebras, quibus ii populi erant offusi, ut Armeni ad Romanæ Ecclesiæ gremium fuerint revocati. Quam quidem redintegratam cum Romana Ecclesia Armenorum conjunctionem, Pontificæ ad Ossinium regem litteræ docent¹ : quibus ipsis oratores perhumniter se exceperisse significat, comperissequ Jacobum Cabanensem in omnibus fidei articulis Latino dogmati consentientem, excepto eo capite, quod sacramentum Confirmationis apud Armenos confertur a puro sacerdote, ab eodemque oleum, quo infirmi inunguntur, consecratur : demum illi servatæ hactenus a Romana Ecclesia fidei formulam tradidisse.

« Joannes etc. Ossinio regi Armeniæ illustri.

« Fili charissime, venerabili fratre nostro Jacobo episcopo Cabanensi, et dilectis filiis nobilibus viris Stephano et Girardo militibus, ac Gregorio Truciniano ambassatoribus tuis et nuntiis a tua magnificentia pro arduis regni tui negotiis ad nos missis, nuper in curia nostra præsentibus, nostro per nonnullos fuit instillatum auditui, quod Armeni, Christiani nominis titulo insigniti, a Romana Ecclesia matre tua, quæ caput est et magistra circa dogmata Catholicæ fidei et ritus Ecclesiasticos in aliquibus discrepabant. Propter quod nos, licet ad id facile nostræ non inclinaret credulitatis assensus; de tua tamen et tuorum salute solliciti, et ne tuam et illorum innocentiam cujusvis obloquii murmur obrueret, aut tui nominis gloriam impositio falsa mendaciter obumbraret; prædictos ambassatores tuos et nuntios ad nostram fecimus seorsum in camera convocari præsentiam, et adhibito per interpretem Gregorio memorato non in velamentis ænigmatum, sed in verbis explicitis et aptis recensuimus, ut infra describitur, professionem fidei quam tenemus, et ritus Ecclesiasticos, quos servamus. Quam utique fidem præfatus episcopus, super hoc interrogatus a nobis, non sub involuero aut verborum ambagibus, sed clare ac pure fuit professus ibidem, idque te ac tuos asseruit corde firmiter credere, et ore simpliciter confiteri, quod tenet et docet Romana mater Ecclesia in hac parte.

9. « Porro circa Ecclesiasticorum observantiam rituum, in hoc tantum non quidem ex contemptu, sed ex quadam ignorantia et simplicitate Armenos discrepare subjunxit a nobis, quod eorum simplices sacerdotes Confirmationis conferunt sacramentum, quod apud nos soli conferre debent episcopi per manus impositionem, in fronte christum renatos. Ipsi etiam sacerdotes oleum, quod infirmorum dicitur, consecrant pro sacramento unctionis-Extremæ; cum tamen id apud nos ad episcopos solos spectet. Cæterum ne in his tuæ ac tuorum sinceritatis extollenda præconia celarentur, volumus quod ad Dei laudem et gloriam, tuæque sublimitatis extollentiam atque decus,

¹ Leond. I. III. Nieh. Pius I. 1. de viris ill. Procl.

¹ Vorn. I. Ep. secr. DCCCLXXXI.

idem episcopus in nostra et fratrum nostrorum præsentia prænissa omnia recenseret; quod et fecit prudenter et provide: dictamque nihilominus professionem a se factam nobis dedit in scriptis, ut in futurum conservaretur rei gestæ memoria, et ipsorum recens notitia posteris se offerret. Ut autem ipsius sinceritas et veritas fidei quam prædicta tenet Ecclesia, quamque nos firmiter credimus et simpliciter confitemur, et quam etiam prædictus episcopus patenter confessus est, asserent ipsum, ut Romana docet Ecclesia, te credere firmiter et tenere, fiat tam tibi, quam tuis omnibus manifesta; eam per præsentem plene proponimus, et exponimus evidenter.

10. « Credimus etenim sanctam Trinitatem Patrem et Filium et Spiritum sanctum, unum Deum omnipotentem, totamque deitatem coessentialem, consubstantialtem, coæternam et coomnipotentem, unius voluntatis, potestatis et maiestatis: Creatorem omnium creaturarum, a quo omnia, et per quem omnia, in quo omnia quæ sunt in cælo et in terra, visibilia et invisibilia, corporalia et spiritualia. Credimus singulam quamque in sancta Trinitate personam unum verum Deum et perfectum.

« Credimus ipsum Filium Dei, Verbum Dei æternaliter natum de Patre, consubstantialtem, coomnipotentem, et æqualem per omnia Patri in divinitate, temporaliter natum de Spiritu sancto ex Maria semper virgine cum anima rationali, duas habentem natiuitates, unam ex Patre æternam, alteram ex matre temporalem: Deum verum et hominem verum, proprium in utraque natura, atque perfectum, non adoptivum neque phantasmaticum, sed unum et unicum Filium Dei in duabus et ex duabus, divina scilicet et humana, naturis; sed in unius personæ singularitate impassibilem et immortalem divinitate: sed in humanitate pro nobis et salute nostra passum vera carnis passione, mortuum et sepultum, et descendisse ad inferos, ac tertia die resurrexisse a mortuis vera carnis resurrectione: die quadragesimo post resurrectionem cum carne in qua resurrexit, et anima ascendisse in cælum, et sedere ad dexteram Patris, inde venturum iudicare vivos et mortuos, et redditurum unicuique secundum opera sua, sive bona fuerint sive mala.

« Credimus etiam Spiritum sanctum, plenum et perfectum verumque Deum, ex Patre et Filio procedentem, coequaltem et coessentialtem et coomnipotentem et coæternum per omnia Patri et Filio.

« Credimus hanc sanctam Trinitatem non tres Deos, sed unum Deum omnipotentem, æternum, invisibilem et incommutabilem. Credimus sanctam Catholicam et Apostolicam unam esse veram Ecclesiam, in qua unum datur Baptisma, et vera omnium remissio peccatorum. Credimus etiam veram resurrectionem ejusdem carnis, quam nunc gesta mus, et vitam æternam. Credimus etiam novi

et veteris Testamenti, Legis, ac Prophetarum et Apostolorum unum esse auctorem Deum ac Dominum omnipotentem. Hæc est vera fides Catholica, et hanc super dictis articulis tenet et prædicat sacrosancta Rom. Ecclesia.

« Sed et propter diversos errores, a quibusdam ex ignorantia et ab aliis ex malitia introductos, dicit et prædicat eos, qui post Baptismum in peccata labuntur, non rebaptizandos; sed per veram pœnitentiam suorum posse consequi veniam peccatorum. Quod si vere pœnites in charitate decesserint, antequam dignæ pœnitentiæ fructibus de commissis satisfecerint et omisis, eorum animas pœnis purgatorii post mortem purgari; et ad pœnas hujusmodi relevandas prodesse eis fidelium vivorum suffragia, missarum scilicet sacrificia, orationes et elemosynas, et alia pietatis officia, quæ a fidelibus pro aliis fidelibus fieri consueverint secundum Ecclesiæ instituta. Illorum igitur animas, qui post sacrum Baptisma susceptum nullam omnino peccati maculam incurrerunt; illas etiam, quæ post peccati contractam maculam, vel in suis manentes corporibus vel eisdem exultæ, prout superius dictum est, sunt purgatæ, in cælum mox recipi: illorum autem animas, qui in mortali peccato, vel cum solo originali decesserint, mox in infernum descendere, pœnis tamen disparibus puniendas, eadem sancta Romana Ecclesia credit et firmiter asseverat: et quod nihilominus in die iudicii omnes homines ante tribunal Christi cum suis corporibus comparebunt, reddituri de factis propriis rationem.

« Tenet etiam et docet eadem Romana Ecclesia, septem esse Ecclesiasticæ sacramenta. Unum scilicet Baptisma, de quo dictum est supra. Aliud est sacramentum Confirmationis, quod per manus impositionem episcopi conferunt, chrismando renatos. Aliud est Pœnitentia. Aliud est Eucharistia. Aliud est sacramentum Ordinis. Aliud est Matrimonium. Aliud est Extrema-UNCTIO, quæ secundum doctrinam B. Jacobi infirmantibus exhibetur. Sacramentum Eucharistiæ ex azymo conficit eadem Romana Ecclesia, tenens et docens, quod in ipso sacramento panis vere transubstantiatur in corpus et vinum in sanguinem Domini nostri Jesu Christi. De matrimonio tenet, quod nec unus vir simul plures uxores, nec una mulier simul habere permittitur plures viros: soluta vero lege matrimonii per mortem alterutrius conjugum, secundas et tertias et deinceps nuptias successive licitas esse dicit, si impedimentum canonicum ex causa alia non obstat.

« Hæc est, fili, purissima, certissima, et solidissima orthodoxæ fidei et ritus Ecclesiastici veritas, Evangelicæ doctrinæ consona, a sanctis tradita Patribus, et Romanorum Pontificum in suis Synodis diffinitione firmata. Quod itaque ad hanc fidei veritatem zelo devotionis afficeris, quod ipsam devotus amplecteris, quod claræ memoriæ regis inclyti patris tui laudabilia imitando vesti-

gia, ad ejus unitatem et observantiam cunctos sibi subditos exemplo laudande imitationis inducis, sciens cum Apo-*lo*lo, quod sicut unus est Deus, unumque Baptisma, sic cunctorum debet esse fidelium una fides; cedit evidenter ad animarum salutem et tui nominis gloriam et insuper ad tui stabilimentum principatus accedit. Quid enim puriori luce relucet in principe, quam fidei recte sinceritas et vera religio, quæ cum in luminis et vitæ dirigantur actorem, tenebras respuunt, nesciunt subjacere defectui, nec verentur occasum?

« Ilæc profecto cunctis audientibus, qui spiritu Dei aguntur, gaudii et exultationis in Domino materiam subministrant: hæc Catholicos rei conscios in jubilo animos excitant. Sed cor nostrum lætitia eo indubie profusiori respergunt, quo celsitudinem tuam potiori charitate prosequimur, et ex officii debito ac paternæ charitatis inducto ad tuam tuorumque salutem ferventius anhelamus. Tu quoque, amantissime fili, ex iis habes unde Domino Deo tuo in vocem exultationis et confessionis erumpas, exultes in eo, et fatearis humiliter tibi et tuis de immenso ipsius dono concessum inter perfidas nationes veræ fidei agnoscere veritatem, illanque devotis affectibus confiteri. Persta igitur, nosli enim quod perseverantiæ palma debetur: cumque præcepto legis cauda hostiæ in sacrificio jubeatur offerri, ille bene immolat, qui sacrificium boni operis usque ad finem perducit debitæ actionis.

41. « Ne vero circa sacramenta, vel ritus Ecclesiasticos inter nos et te ac tuos reliquæ dissonantiæ qualiscumque supersint, quæ tuis et illorum honori derogent et saluti; excellentiam tuam instanter requirimus et rogamus, obsecrantes eam per illum, cujus perfecta sunt opera, et quem tu creatura illius in tam placidi consummatione boni pro viribus imitari teneris, quatenus efficacem pro posse des opem et operam, quod totus clerus et populus regni tui ritum ipsius Romanæ Ecclesiæ circa sacramenta Confirmationis et Extreme-*Un-*ctionis observent: ut videlicet sacramentum ipsum Confirmationis, quod non legitur neque scitur ab Apostolorum tempore ab aliis quam ab ipsis fuisse peractum; quin potius in eorum actibus scribitur, quod ad confirmandum baptizatos in nomine Domini Jesu Christi Petrus et Joannes in Samariam de Hierosolymis transmissi fuerunt; quod ulique sacramentum post tempus illorum fuit solis pontificibus in eorundem Apostolorum locum succedentibus reservatum, nulli alii quam episcopi exhibere, nec aliqui ab aliis quam ab episcopis suscipere quoquo modo præsumant. Licet namque sacramentum ipsum non sit a fidelibus contemnendum, tutius tamen est illud sine periculo, quod necessitatem non habet, omittere quam si ab iis, a quibus illud conferri non licet, ex temeritate, quæ lege damnatur, non sine gravi periculo inaniter conteratur, cum umbra quædam

ostendatur, in opere, veritas autem non subeat in effectu ». Præcepisse quoque Innocentium ¹ III, Gregorium ² IX et Innocentium ³ IV, ne Confirmationis sacramentum ab initialis tantum sacerdotio conferretur, vidimus; cum ad id rite conferendum episcopalis dignitas desideretur in conferente, ex potestate scilicet ordinaria; nam extraordinaria posse sacerdotem, si ea auctoritate a summo Ecclesiæ antistite instructus fuerit, sacramentum illud conferre ex sancti Gregorii exemplo ostensum est ⁴. Pergunt Apostolicæ litteræ:

« Efficias etiam, quantum in te fuerit et procures, quod nullus deinceps nisi episcopus oleum sanctificet infirmorum, cum ut præfertur, ad solos spectet episcopos ipsius olei materiam consecrare ad inungendum infirmos. Si nempe, ut præmittitur, in fide fundati stabiles et immobiles in illa permanseritis tu et tui; si præfati ritui nostro vos conformare curabitis, ne dum opinionis vestræ custodes esse ac de bono nomine habere dicemini, sed et retributionis præmia, non sine laudis humanæ præconio et Apostolici favoris augmento.

« Nec omittimus, quod ipsa sacrosancta Romana Ecclesiæ, summum et plenum primatum et principatum super universam Catholicam Ecclesiam obtinens (quem se ab ipso Domino in B. Petro Apostolorum principe, seu vertice, cujus Romanus Pontifex est successor, cum potestatis plenitudine recepissem veraciter et humiliter recognoscit) sicut præ cæteris tenetur fidei veritatem defendere, sic, et si quæ de fide subortæ fuerint quæstiones, suo debet iudicio definire: ad quem potest gravalus quilibet in negotiis ad forum Ecclesiasticum pertinentibus appellare: sed et in omnibus causis, ad examen Ecclesiasticum spectantibus, ad ipsius potestatem recurrit iudicium: et eadem omnes Ecclesiæ sunt subjectæ, ipsarumque prælati et obedientiam et reverentiam sibi debent; apud quam sic potestatis plenitudo consistit, quod Ecclesiæ cæteræ ad sollicitudinem partem admittit: quarum multas, et patriarchales præcipue, diversis privilegiis eadem Romana Ecclesiæ honoravit, sua tamen prærogativa tam in generalibus Conciliis quam in quibuscumque aliis semper salva, etc. » Subjicit episcopum Cabanensem his omnibus assensisse, ex quo se ad maximas Deo gratias agendas, qui Armenos suæ illa veræ fidei luce collustravit, ut circumjacentium nationum erroribus non involvantur, excitatum ait: certissima vero ipsum ac suos, si in ea fide ac Romanæ Ecclesiæ conjunctione constantes persisterint, apud Deum præmia manere. « Dat. III kal. Maii ». Datæ sunt eodem argumento ad catholicum Armenorum cæterosque præsules ipsius auctoritati obnoxios litteræ ⁵, in quibus

¹ Annal. Iord. X^{ta}, an. Chr. 1199. num. 63. — ² An. 1231. num. 29 et 30. — ³ An. 1254. num. 7. — ⁴ An. 1231. num. 30. —

⁵ Ep. DCCXXVII.

præfatus, quantum Christus mutuum inter suos amicorum conjunctionem commendavit, subjicit oratore Ossinii regis episcopum Cabanensem professum esse fidei Catholicæ, quam Romana colit Ecclesia, formulam, quæ iisdem sententiis ac verbis concepta est atque illa, quam Ossinio transmissis vidimus usque ad ea verba « ex causa alia non obstat »; quibus alia de primatu annectit: « Nec omittimus », usque « semper salva »; tum hæc adjungit:

12. « Quæ omnia et singula præfatus episcopus in nostra et fratrum præsentia prædictorum spontaneæ recognoscens et reverenter acceptans, vos et totum clerum et populum, antedictos eadem recognitione et acceptatione devote persistere affirmavit. Super quibus omnibus gaudemus in illo, qui mirabiliter ab æternis præferens lumina montibus, et cunctos in hunc mundum venientes illuminans, vestras et ipsorum cleri et populi mentes in prædictis veræ lucis radio illustravit: illi vitulum laborum exsolvimus, qui vos et eos in his tanta persecutus est gratia, tanto præbebit beneficio, ut inter habitantes in regione umbræ mortis lux devotionis vestræ sic aperte claresceret, et velut lilium inter spinas salubriter emicaret. Hæc profecto Catholicos rei conscios in jubulum animos excitant: hæc cunctis audientibus, qui spiritu Dei aguntur, gaudii et exultationis in Domino materiam subministrant. Sed et vos, fratres, cæterique prælati regni prædicti specialiter habetis ex istis, unde in vocem exultationis et confessionis erumpatis Domino Deo vestro, exultetis in eo, et humiliter fateamini, prædictis clero et populo regimini vestro commissis, de immenso ipsius dono concessum inter perfidas nationes veræ fides agnoscere veritatem, illamque devotis affatibus confiteri

« Quia igitur spiritualis ille citharædus testatur in Psalmis, bonum pariter et jucundum existere fratres in unum, et unius moris in domo Domini habitare, ut demum in illa tribus Domini lactantes introeant; fraternitatem vestram monemus et hortamur attente, obsecrantes in Domino Jesu Christo, vobisque per Apostolica scripta mandantes, quatenus cogitatione recogitantes intenta, quod ad hoc prælatos Dominus in Ecclesia sua præfici voluit, ut exerceant in ea quæ soliti sint pastores; ad hoc in vincam suam illos operarios introduxit, ut suæ culturæ studio uberius illa constitutur in fructu; ad hoc illos in specula statuit, ut aliis lumine veritatis ostendant, nedum in fidei confessione prædictæ, et recognitione primatus Romanæ Ecclesiæ ac Ecclesiasticorum observantia ritum inconcussa soliditate sedulo persistatis, sed et in eorum immobili persistentia, subditos videlicet clerum et populum confirmetis, ut eis jugiter in confessione divini nominis adunatis, una sit fides mentium et pietas actionum, etc. Datum II kal. Maii ».

13. Nec Armeni modo, qui in Cilicia atque

Armenia agebant, Romanæ Ecclesiæ dogma sunt amplexi: verum alii etiam, qui a Saracenis suis pulsi sedibus in Taurica Chersoneso agebant, Caphensi episcopo Latino Romanæ Ecclesiæ nomine obsequium dextere: quibus id Pontifex gratulatus est, ipsosque instruxit, ut in divinis mysteriis substantia panis et vini integris speciebus cum Christi corpore et sanguine commutaretur, et vino consecrando aqua modica affundenda esset ac divina ea re adumbrata mysteria aperuit¹.

« Venerabili fratri archiepiscopo Armenorum, et dilectis filiis presbyteris per Caphensem diocesium constitutis.

« Exultavit cor nostrum in Domino, multaque perfudit lætitia mentem nostram, noviter intellecto, quod Lucis Creator omnipotens, vobiscum virtutem faciens, mentes vestras veræ lucis radiis illustravit: dum Catholicam fidem, quam veraciter tenet, fideliter docet et prædicat sacrosancta Romana mater Ecclesia, promissis, juramento præstito, inviolabiliter observare; venerabili fratri nostro Hieronymo episcopo Caphensi Romani Pontificis et ipsius Ecclesiæ nomine obedientiam et reverentiam exhibentes humiliter et firmiter promittentes. Propter quod sinceris desideramus affectibus, et instantia multæ sollicitudinis excitamur, ut ejusdem Ecclesiæ salutifera documenta servantes, ejus observantias servetis fideliter, et præsertim in altaris ineffabili ac potissimum sacramento. Quanquam enim in sacramentis cæteris et per ipsa gratia conferatur sanctificans, in hoc tamen sacramento transubstantiatis pane in Christi corpus, et vino in sanguinem, sub speciebus utriusque, quæ remanent, continetur vere sacramentaliter totus Christus. Itaque nosse vos volumus nec latere, quod aquam misceri vino in salutaris calice tenet sancta Romana Ecclesia, prædicat, præcipit et observat; non falsis ad hoc fictionibus circumventa, sed divinis edocta verbis, et rationibus validis sancto atlante Spiritu, per quem gubernatur et regitur, communita. Hunc namque servando ritum, hoc sacramentum celebrans, Christo ipsum statuenti veraciter se conformat. Non enim credendus est Christus ipse, qui temperantiæ summæ cunctis se præbuit in exemplum, in die Cœnæ, qua hoc sacramentum instituit, vino puro, sed lymphato potius usus esse; Salomone prædicente in Christi persona discipulis pro hac die: *Venite, comedite panem meum; et bibite vinum, quod miscui vobis*.

« Vino etiam in hoc sacro mysterio aquam miscens, expresse commemorat mortem Christi, de cujus latere in cruce dormientis dira perfosso lancea non solum sanguis, sed cum ipso pariter aqua fluxit, Evangelista dicente Joanne, quod unus militum lancea latus ejus aperuit, et continue exivit sanguis et aqua. Apostolus etiam Paulus verba Christi de hac commemoratione recitans,

¹ An. 2. p. 1. Ep. chr. XXXVI.

dicat: Hoc facite in meam commemorationem: quotiescumque enim manducabitis panem hunc et calicem biberitis, mortem Domini annuntiabitis. Denique cum aqua vino apponitur, sacramenti fructus, qui est sumentes mihi Christo, clarius designatur; per aquas enim figuratur populus in Scripturis, Angelo dicente beato Joanni in Apocalypsi: *Aquæ, quas vidisti, populi sunt*; ut sic per hoc, quod vino aqua infunditur, Christianus sumens populus incorporari Christo vere intelligitur. Nec quemquam adversus prædicta movere debet, quod per aquam, quæ de Christi profluxit latere, designatur unda Baptismatis: aqua namque non solum sordes carnis abluit et emundat; verum etiam juncta vino reficit et confortat: ut sic aqua prædicta accepta per se Baptismum significet, permixta vero sanguinis sacramentum.

14. « Vos igitur, o dilecti frater et filii, juxta Isaie consilium attendentes ad Abraham patrem vestrum, Romanum videlicet Pontificem, et ad Saram quæ peperit vos, Romanam scilicet matrem Ecclesiam, quæ vos per Baptismum in Christo genuit, et alere ac complecti dulciter prompta est et parata suis uberibus et brachiis charitatis; ejus legem devota mente suscipite, qua statuit, quod in hoc admirabili sacramento nec aqua sine vino, nec vinum absque aqua per ministrum aliquatenus offeratur. Ilanc ergo servare legem universitatem vestram rogamus et hortamur in Domino, et obsecramus per viscera misericordiæ Dei nostri, charitativæ vestre in virtute Dei precipimus et mandamus. Nam juxta Christi fidele promissum aqua hæc, quam ipse protulit de seipso, fons aquæ salientis in vitam æternam, ritum sacramenti prædictum observantibus vobis fiet; dictaque mater Ecclesia fructus colliget uberes ex vestris actibus virtuosus. Datum Avenione V kal. Aprilis, anno secundo ».

15. *Gymnasia in Armenia instituta ad docendas Latinas litteras.* — Ne vero facile fidei puritas inter Armenos exsolesceret, Pontifex aperienda in Armenia gymnasia putavit, in quibus Armeni linguam Latinam discerent: quoque major interpretum copia foret, injuncta est ea Prædicatoribus provincia, ut simul ad Armenos erudiendos incumbere, quos regi Ossinio commendavit Joannes¹, ut ipsis domicilia Ajacii quæ in Ciliciæ extrema ora maritima sita est, constitueret:

« Joannes, etc. charissimo in Christo filio regi Armeniæ illustri.

« Quoniam Majestati divinæ, quæ nos gratis condidit, gratis redemit, gratis etiam ab omni mentis et corporis adversitate custodit, nihil offertur gratius, nihil acceptius exhibetur, quam si homo hominem ad vitam trahat, et divinæ gratiæ, sine qua salvi esse non possumus, fervidus cooperator existat; proinde cum, doctore gentium at-

testante, fides sit ex auditu, auditus autem per verbum Dei, valde necessarium est, ut linguarum confusionem, quam superbiorum hominum insolentia meruit, diversorum idiomatum peritia suppleat; et defectum, quem culpa intulit, humanum studium prævia Dei bonitate depellat. Quis enim, licet eximie sanctitatis splendore luceat, licet lætæ eloquentiæ fonte decurrat, verbum Dei etiam benevolis atque devotis auribus utiliter proferat, quando vis verborum ab audientibus non percipitur, et audientis animus vocis barbariæ asperitate vexatur? Aut cujus unquam præstantissimi viri gratus poterit esse convictus, si sermo humanæ mentis interpret a convivente omnifariam fuerit alienus? ut enim verbas utamur Apostoli¹: *Si nesciero virtutem vocis, ero ei, cui loquor barbarus: et qui loquitur, mihi barbarus*; unde et Salvator noster ad præclaram confessionem sui nominis diversitatem gentium vocaturus, beatis Apostolis, ut linguas loquerentur omnium, potestatem tribuit, ut divinæ vocationis novitatem nova lingua promeret, et veritatem Christianæ fidei inaudite facundiæ celebre miraculum confirmaret.

16. « Cupientes, igitur, ut ubilibet gentium, et præcipue in subiecto tibi regno divina nominis reverentia crescat, augeatur Christiana religio, et fides Catholica dilatetur; in memorato regno multiplicare proponimus viros religione claros, devotione gratos et scientiæ decore vcnustos; videlicet fratrem Raimundum Stephani Ordinis Prædicatorum, et quosdam alios suos socios, qui subiectum tibi populum verbo salutiferæ prædicationis instruant, sanctæ conversationis exemplo ad amorem patriæ celestis accendant, et Latini sermonis peritiam, functi præceptoris officio, gratis atque copiose diffundant. Nam etsi veneranda et prona devotione colenda est illorum gloria, qui divino munere linguis variis Dei magnalia loquebantur; laudanda nihilominus et prorsus imitanda illorum sedulitas, qui pro dilatazione Christianæ fidei interpretandi scientiam comparare in continuati laboris probitate nituntur; et, si impossibile est, ut omnes gentes ad unius linguae labium redeant: non impossibile, sed facile et perutile est, si, accedente magistro et non deficiente discipulo, interpretum multitudo succrescat, quorum suffragio ad tuas accedentes partes facile possint, ultro citroque mutuum ferendo atque referendo sermonem, conceptus mentis vicissim promere, nutrire pacem, socialem vitam ducere, et de impugnatione atque expugnatione inimicorum Christianæ fidei agere cautius liberiusque suscipias; et nos, imo Salvatorem nostrum, pro cuius amore longum atque laboriosam peregrinationem subeunt, in ipsis attendens, illos juxta regalem magnificentiam opportunis favoribus prosequi non desistas; providendo celerius, ut certa loca in regno tuo, et

¹ An. 2. p. 1. Ep. cur. LXVII.

¹ 1 Cor. XIV.

præcipue in civitate Ajacii prædictis Dei famulis assignentur, in quibus devotum et debitum servitium Deo reddere, confluentem plebem instruere, et Latini sermonis copiam valeant ministrare. Ad quod salubre exercitium juvenilis atque puerilis manus est per tuam diligentiam inducenda, ac etiam, si opus fuerit, compellenda : quoniam hæc ætas, varietates idiomatum et facilius capit, et tenacius servat, et suavios atque efficacius promendo refundit. Datum Avinionæ VI idus Junii, anno secundo ».

17. *Regi Armeniæ concessæ prerogative.* — Porrexerat Ossinius rex atque regina Joanna, ex Sicula stirpe regia S. Ludovici confessoris episcopi neptis, supplices Pontifici preces, ut sacerdoti, quem ad exhomologesim excipiendam adhiberent, solvendorum omnium criminum, indulgentiæque in ancipiti mortis discrimine conferendæ auctoritatem traderet : quorum piis votis Joannes annuit. Aliis autem litteris Pontifex eidem Armeniæ reginæ commendavit ¹, ut virum honore amoreque prosequeretur, magnoque studio tueretur Catholicos. Cæterum contulere se Armenorum oratores ad Robertum Siciliæ regem ², Philippum principem Tarentinum ³ ac Philippum Francorum regem ⁴ ut ipsos ad sacram in Asiam expeditionem concitarent. De quibus Ossinio rescripsit Pontifex ⁵ Philippum regem Belgico bello implicitum ; sed strenuum ducem cum lectissimis copiis ipsi in auxilium submissum iri : cum vero ea discordia, quæ Ossinio ipsi cum Henrico Cypri rege intercedebat, magnam rei Christianæ perniciem afferat, legatum Apostolicum ad conciliandam inter eos pacem transmissurum.

Exercebat etiam Cypri rex alias cum Genuensibus inimicitias, quæ in bellum atrox erupissent, nisi Pontificia sollicitudo eas sedare studisset. Quo argumento extant tum ad Genuenses ⁶, ne adversus Cyprum classis immitterent ; tum ad Henricum regem ⁷, ut bello injuriisque inferendis abstineret ; tum de pace inter eos agitari cepta plures litteræ. Exagitabat etiam tunc Cyprius rex Tyrî regulum sororium, quem Pontifex erigere ad constantiam studuit ⁸ ; auditasque illius querelas, hisce verbis significat : « Audivimus oppressiones atque molestias in tuis et liberorum tuorum bonis et jribus, quibus per charissimum in Christo filium nostrum Henricum regem Cypri sororium tuum affici diceris ; a quo quidem propter affinitatis vinculum expectare potius conjectura probabili debuisses impendium gratiæ et favoris ». Hactenus de Asiaticis rebus, quæ si dissidiis non carebant, Europæ non minus eodem malo fluctuabant. Utque a Belgico bello, de quo paulo superius, ut rebus Orientalibus exiliâ illata mentio est, inchoemus.

18. *Discordias inter Robertum Flandriæ comitem, Philippum Francorum regem Belgasque componere studens Joannes, ad sanctam expeditionem eos adducere conatur.* — Recruduit inter Philippum Francorum regem ac Robertum comitem Flandriæ fœderatosque populos vetus discordia, ad quam extinguendam missi internuntii Petrus e Palude Ordinis Prædicatorum, ac Stephanus e Neiraco et Guillelmus e Gandavo Minorite : tum exciti ad Sedem Apostolicam Philippi regis ac Roberti Belgarumque oratores pro exigenda hinc inde ad pacis leges servandas cautione, ac post ancipites tractatus Belgæ ducentorum millium librarum multam, si a fœdere resiliunt, admisere, et Insulam, Duacum, et Berthuniam regi traditum iri, neque Curtracum novis operibus firmandum, sacramento spondere. Regiis vero oratoribus Philippi nomine varia cautionum genera offerentibus, eaque Belgis respuentibus, Pontifex adductis in consilium non cardinalibus modo, verum aliis rerum peritiâ viris conspicuis, hoc consilium dedit, quod Francorum regi subjectis verbis significavit ¹ :

19. « Consuloimus, et consulendo diximus, quod tu semel dumtaxat per certam personam, ad hoc a te deputandam, in animam tuam jures, quod tu dictas conventiones inviolabiliter observabis, per te vel alium non venturus aut facturus aliquid contra eas, vel aliquam earundem : et pro observatione hujusmodi tu obliges bona tua præsentia et futura. Singuli etiam successores tui in regno semel dumtaxat joramentum hujusmodi (facient) per te et successores prædictos in forma præscripta (faciendum), quando comites Flandriæ ad homagium et fidelitatem recipiuntur, in crastino videlicet postquam hujusmodi homagium et fidelitatem comites ipsi præstiterint, et conventiones servare juraverint antedictas ; curabis etiam tu bona fide absque fraude aliqua, quantum poteris, quod frater et patruus et consanguinei tui de Valesio et de Borbonio, comes S. Pauli, ac pater Franciæ conventiones ipsas, quantum in eis fuerit, observare promittant ; et quod tibi, si contra conventiones ipsas vel aliquam ex eis faceres aut venires, per se vel alium in hoc assistere aut te juvare minime teneantur. Ubi tamen Flandrenses ipsi de facto conventiones ipsas vel earum aliquam infringere, aut contra te guerram fortasse moverent, tunc prænominati omnes et singuli a dictis promissionibus sint liberi et immunes ». Exposuit eadem Pontifex ² non Roberto comiti modo, verum etiam Eduardo Anglorum, Alfonso Castellæ, Jacobo Aragonum, Dionysio Lusitanie, et Sancio Balarum regibus : cum omnes eam discordiam conciliari cuperent.

Respuere Belgæ Pontificum consilium ; qua de re Joannes gravissime questus est : « Non

¹ An. 2. p. 1. Ep. DXXXVII. — ² Tom. I. Ep. secr. DXXXVII. — ³ Ibid. Ep. secr. DXXXVIII. — ⁴ Ep. XXXVI. — ⁵ Ibid. — ⁶ Ibid. Ep. secr. DCLXXXVIII, DCLXXXIX, DCCXCIV. — ⁷ Ibid. Ep. DCLXXXVII, DCCXCV. — ⁸ Ibid. Ep. DLII.

¹ Tom. II. Ep. secr. LXXXIV. — ² Ibid. Ep. secr. LXXX, LXXXI, LXXXII, LXXXIII, LXXXIV, LXXXV, C, CI, CII, CIII, CIV.

sufficimus, inquit, mirari, quod pax tam fructuosa Flandrensis ipsis penitentibus adeo differatur. Occulta tamen divina iudicia novimus, hunc enim matura movit in sua malitia, hunc vero ad misericordiam revocare iuxta sue beneplacitum volumus. Ceterum vocatus in crimen est Petrus Paludanus (1) scientia et auctoritate florentissimus Dominicane familiae alumnus, nonnulla verba effudisse tenere, ob quae Robertus ac populi ad pacis monita obdurnarent : ex quo Philippus Francorum rex cum in eundem Petrum graves iras concepisset, Pontifex mittere ipsum studuit¹, significavitque si quae ille laxasset verba, ea non ex consilio, sed ex imprudentia ipsi excidisse, ac iurjurando id confirmasse. At si Petrus e Palude nimio in Flandros studio Philippi incurrit odia, non minus duo Minorita, qui Robertum ad pacem flectere nitebantur, Roberti iras in se conciliant² : quem Pontifex ad concordiam gravissimis litteris revocare studuit³, atque objecit quanta rei Christianae mala sua pertinacia intulisset : inclinanteque jam in senium aetate, non finestum bellum cogitandum, sed divinam ipsi misericordiam optinis operibus conciliandam.

21. « Joannes, etc. Roberto comiti Flandriae.

« Ecce nosti, cum sit longe lateque dolorum, quod ex indevolutione, lapsu et rebellionis strepitu, in comitatu Flandriae contra clare memorie Philippum regem Francorum ab olim ex adipse iniquitatis exorlo, et per te caelerosque Flammings contra recolendae memorie Ludovicum, et charissimum in Christo filium nostrum Philippum Francorum et Navarrrae reges illustres, praefati regis Philippi filios et heredes, in culpam continuato,

diutius multa pervenerunt mundo flagitia, et dissidiis dispendiosa guerrarum, quae animarum pericula, corporum strages, facultatum lapsus et destructiones innumeras intulerunt. Elabora : « Considera ergo, fili, considera, quod cum in his et dissidiis offenderis Redemptorem, qui pacem promisit bonae voluntatis hominibus ; quique dominis non solum bonis et modestis, sed etiam discipulis obedire precepit ; nunc saltem in vite vespera constitutus, tua delicta corrigere, et a via mala pedem tuum cohibere salubriter ac Domini faciem in confessione oris et satisfactione operis praeveneri teneris. Considera quod Rex ipse pacificus, cujus in pace factus est locus, corda seditiosa non incolit, nec in opere peccatis subdito requiescit. Considera brevitatem vite tue cum jam senilem perveneris ad aetatem, et omne quod antiquatur et senescit prope interitum esse cunctet, et recogitans in amaritudine dignos, tui tandem incipias misereri, initurus pacis optande consilia et quae tuo accepta Creatori putaveris impleturus, ut securus iudicem videas, quem Redemptorem expectas. Considera et quanta poterunt posteritati tuae imminere discrimina, si cum reliquis turbinibus odiorum et guerrarum fluctibus involutum, etc. Dat. Avin. III kal. Maii ».

22. Proposuit etiam et ac Belgis federatis albis litteris Joannes⁴, ut reges Francorum a bello sacro distraxissent : crevisse interim animis soldanum Babylonium, pessum fuisse rem Christianam, tantique exitii et aliorum malorum, quae emergissent, si conficerent pacem, causam in ipsos derivatum iri.

« Joannes, etc. nobili viro Roberto comiti, et communitatibus civitatum et coomunitatum Flan-

¹ Tom. I. Ep. secr. no. 1. — ² Meyer. Hist. Fland. in Robert. Holbom. — ³ Tom. II. Ep. secr. no. IV.

⁴ Tom. II. Ep. secr. LXXXIV.

(1) In his quae in tractantia inter Gallos Bellicosque pace a legatis Apostolici hoc anno astiti sunt pro alius aliquot diebus et in annalista nostro desideratur. Igitur qui primi omnino venerunt a Pontifice missi, non quidem Petrus Paludanus cum Minoritis duobus assignandi suat cum eodem annalista ; sed minus illud prius demandandum suspicor Raynatio archiepiscopo Bituricensi, et Berengario Lauria Ordinis Praedicatorum Magistro. Hos enim nuntios suos ad Belgas deputavit Joannes hinc die III kalend. Maii, ut ex annalista num. 23, ex interrogatione tertio in causa F. Petri Paludani coram Pontifice agitata, de qua sunt Acta publica ad Balduinum Miscellum, tom. I, pag. 155, constat F. Petrum cum sociis die XII mensis Maii adhuc Belgicam legationem exisset, cum et continuor Nangi legationem illam Petri de Palude secundam statim eamque papa misit ; ita enim scribit : « Papa iterum alios nuntios direxit ad Flammings, scilicet magistrum Petrum Paludanum, et duos fratres Mures ». Sed et idem continuor Nangi legationem archiepiscopi Bituricensis cum magistro Ordinis Praedicatorum in praecedente annu no. cxxvi relieri, quod veritati coherentem iudico, cum eum archiepiscopus cum socio deputati fuerint legati litteris a Pontifice die III kal. Maii, et Maii die v, Petrus de Palude cum sociis legatione illa famigerat, ut ex Avin. no. x handis constat, vel brevem, vel nullam archiepiscopi legationem exhibuisse oportere, si arduo ad eundem annum pertinerent. Igitur turbatum Regis Pontificiarum litterarum ordinem suspicor ; et litteras de legatione Belgica archiepiscopi ad Restum superius anno pertinere vix dubito. Quibus restituta, ita rem totam digere. Superiori anno Pontifex per legatos suos archiepiscopum Bituricensem, et Berengarium a Landora pacem conciliare frustra conatus, misit hoc anno novos legatos, eorum de Palude cum sociis. Venisse vero hos in Galiam prius, deinde ad Reges pervenisse, Aprili, quantum ex conjectura assequor, mensis ex Avin. s. gra. lxx. no. c. lxx. ita enim constat in Belgis fuisse legatos die v. Maii, cum infra Lat. die cum rege de pace tractassent. In Belgis vero die III kal. Maii Pontificiarum exitum quo excusata a crimine detectionis Belgis volebant, cum nullo crimine illos tamen existit, si nullo crimine eosum habere, et in inferendum consentire. Aliter al. vivendas ab omni culpa fore si consilis hoc digere et perspicuas pueri et ad idem eis appropinquat. Deum ea quae a Pontifice omine praestabat de pace et amenda admonitione esse potius ex omni tractatu. Pontificiarum dixit ; quare si illos negligenter, non si tum ea sua punitiones se fore metuerent, tum a tunc emendatione non ex omni de di. Petrus vero agens, iustum bellum non in Belgis Philippum pro concione divisit a consilio. Lat. s. gra. ex Avin. s. gra. lxx. no. c. lxx. Pontifex ait, qui actum Petri cum sociis ad se decevit, ut de re tota non eret. Institutione tunc puerum metum, ut perit, audi h. g. s. alio, audi soci legationis, qui eas de seque ut quo adlocavi. Auditis et Petris qui ita factum suum ex Avin. ut apponendi Pontificiarum dixit, quare ind ea v. lxx. s. gra. Cum vero praesens attulisset nihil a se restum ve. detur a mente, ut Belgae in die octavae pueri, ut, namque dimissus videret. Interrogata omni lapsa Acta in publicis Tabulis relata a Balduino ubi supra videtur. Nunc tunc regem in Pontifice Bernardus Guidons ex Ordine Praedicatorum, qui deinde insulas Ludovicensis accitus fuit et Bernardus a Torre Martini, quos a Pontifice destinatos ad conventionem Compensandi in Octavis Assumptionis B. M. V., ubi de pace tractandum fuerat, essent continuor Nangi qui addit Belgas fidei a se data de sistendo se conventui defuisse. Extracta res fuit in biennium, prout in Nota ad se sequentem imaginem demonstrabo.

dræ, spiritum cogilandi quæ recta sunt et agendi; superbaque non sapere, sed humilibus consentire.

« Ex abyssis, et imperscrutabili divini iudicii altitudine retrorapsis temporibus super sortem iustorum virga pertransiit peccatorum, et in diversis jam regionibus infideles, fidelibus prævalentes, occupatis et demolitis castris, civilitatibus, viris et mulieribus captivatis, loca divino quondam cultui mancipata nunc gentes obtinent, quæ nomen Domini non noverunt. Inter quæ Terræ-Sanctæ cupiditatem et miseriam, quam soldani Babylonie oppressit rabies, amplius deploramus. Verum licet a charis suis sola sedens civitas sancta, olim plena populo, facta quasi vidua tunc domina gentium, princeps provinciarum destituta subsidio, et humano carere auxilio crederetur: ille tamen, qui eam suo sanguine consecravit, multisque prævenit honoribus, et ex insperato sepius præcis visitavit temporibus, ac crebris recuperavit miraculis, cujus manus nequaquam abbreviata existit, in Concilio Viennæ novissime celebrato clarissimæ memoriæ Philippum Franciæ et Ludovicum ejus filium Navarræ reges, charissimosque filios nostros Carolum Valesii et Ludovicum Ebroleensem dicti Philippi fratres, necnon et Albousum (Philippum) Pictaviæ, et Carolum Marchiæ ejusdem filios comites ad dictæ Terræ-Sanctæ recuperationem adeo piæ devotionis affectibus divina gratia animavit, quod propter Christum abnegantes semetipsos, terrena regna, mundanos honores, uxores, liberos et sæcularia desideria contemnentes, ad crucis assumptionem et passagii, infra septennium per eos faciendi, prosecutionem se in dicto Concilio obligarunt, dictamque crucem una cum charissimo filio nostro Eduardo rege Anglorum illustri, et munera baronum, procerum, nobilium ac populi multitudine postmodum Parisiis de manu dilecti filii nostri Nicolai fil. S. Eusebii presbyteri card. per bonæ mem. Cælestinum V (Clementem), prædecessorem nostrum ad hoc specialiter destinati, in Francia solemniter receperunt.

« Porro cum se ad dicti passagii proscutionem parare disponent, humani generis inimicus, pacis annulus, rancorum, odiorum et discordiarum seminator in cordibus impiorum, a quibus pacis bonum, quod bona continet immensa, tollitur ». Et infra: « vos ad sedulos guerrarum commotiones contradicendum regem Philippum magno conatu perduxit, etc. » Proponit ingentia mala, quæ ex eo bello in rem Christianam redundent, et quæ bona pax allatura esset.

23. Neque orationibus modo Belgarum denunciavit Joannes, se Francorum regis causam cum Ecclesie et fidei causa conjunctam suscepturum; verum etiam Roberto comiti¹ ac fœderatis populis eas minas incussit², ut ipsos ad concordiam intringeret: ac nuntius Apostolicis Petro Paludano,

Stephano, et Guillelmo portas dedit³, ut Belgas censurarum terrore ad officium adducerent. Sed cum parum auctoritate, vel peritia valuissent, Pontifex alios nuntios, nimirum Rainandum archiepiscopum, Boticensem et Berengarium e Landora Ordinis Prædicatorum magistrum, qui postea archiepiscopatu Compostellano donatus est, III kal. Maii a Belgas legavit⁴.

Præfractionem se ad jussa Apostolica prætulit Robertus comes⁵, atque ideo sacrorum justitium Belgio indictum est: cumque ille Ecclesiæ severitatis vim divinis mysteriis celebrari jussis elideret, Joannes graviorum illi penarum terrorem incussit⁶: deum ejus pertinaciam fregit, ut inducias imperatas admitteret⁷: cumque de loco ac tempore ad pacem agendam conventum esset, Bernardum Guidonis censoris sacre fidei in Galliis Ordinis Prædicatorum ac Bertrandum e Turre Minoritæ, gesta anno superiori apud Insu-bres legatione celebres, XIV kal. Oct. creavit⁸ Joannes Apostolicos nuntios, ut adversas partes saluberrimis monitis ad pacem perPELLERENT. Tum hæc graviter de Roberto comite horum bellorum facie conquestus⁹: « Ne inveniat, inquit, patientia divinæ longanimitatis abuti, quo ipsum ad pœnitentiam de commissis debet adducere; ne iram in die iræ sibi finaliter thesaurizet: verendum etenim est, ne ipsum Deum huc usque longanimita, cui impedimenta succensus prædicti non leviter, ut creditur, displicent; acerrimum cum in brevi ira ejus exarserit, juste probeat ultorem, etc. Dat. XV kal. Octobris anno III ».

24. Nec solum in regem Francorum bellum gesserat Robertus, sed etiam Joannem fratrem Namurci comitem insectabatur ob servatam sacramenti, Clemente V sedente, nuncupati religionem, quem Pontifex a fratre opprimendi sibi temperare jussit: tum publico edicto Joannem ipsum nulla ob non secutas in eo bello Roberti fratris partes notandum infamia, sed laude dignissimum esse pronuntiavit¹⁰:

« Dilecto filio nobili viro comiti Flandriæ, salutem.

« Sedes Apostolica pia cunctorum mater fidelium et magistra, ingentem sumens de illorum tranquillo statu letitiam, actus eorum, quos prospicit fore pacificos, laudis offert condignæ præconis, nec desinit illos clypeo defensionis opportune protegere, quibus pro religione fidei date, seu juramenti præstiti inviolabiliter observanda, temporaria prospicit pericula imminere. Sane dilecti filii nobilis viri Joannis de Flandria comitis Namurensis Leodiensis diocesis fratris tui oblata nobis petitio continebat, quod dudum ipse pacem inter claræ memoriæ Philippum regem Franciæ et te concordatam, et per felices recordationis

¹ Ep. LXXIII. — ² Ep. LXXIX et CXXIII. — ³ Ep. XCV. — ⁴ Ibid. — ⁵ Ep. LXXVI, CXXII. — ⁶ Tom. I. Ep. fecit. DCXIII. — ⁷ Ibid. Ep. CXXII. — ⁸ An. 2. p. 2. Ep. com. CCXXII.

¹ Ep. fecit. LXXIV. — ² Ep. LXXV, LXXVI, LXXVII, LXXVIII.

Clementem papam V prædecessorem nostrum auctoritate Apostolica confirmatam, variisque pœnis et sententiis roboratam, omnesque et singulos articulos contentos in ea ad requisitionem et instantiam tuam juravit tenere firmiter et servare, seque ac heredes et posteros sub gravibus pœnis ad ejusdem pacis observantiam obligavit: quodque postmodum, incensore malorum hoste humani generis procurante, inter regem prædictum et te discordia suscitata, idem Joannes requisitus a rege præfato ut juxta dictum juramentum per eum præstitum pacem hujusmodi observaret, et faceret observari, nolens reatum perjurii nec pœnas ac sententias in violatores pacis hujusmodi per dictum prædecessorem prolatas incurrere, sed acquiescens in hac parte requisitionibus dicti regis, tibi in hujusmodi guerra contra dictum regem non adstitit; sed quantum in eo fuit pacem et juramentum hujusmodi inviolabiliter observavit, quamquam idem Joannes in omnibus, quæ violationem pacis et juramenti hujusmodi non contingerint, paratus fuerit et existat tibi tanquam homo tuus ligius et feudalibus devote intendere, ut tenetur, et fideliter obedire; verum tu propter hoc contra dictum Joannem fratrem tuum commotus indebite graviter exististi, et etiam conturbatus, non attendens quantam infamie labem, quantumque propriæ salutis dispendium et animæ periculum incurrisset, si tuo in dicta guerra favendo proposito se ejusdem reato perjurii ac prædictis pœnis et sententiis damnabiliter involvisset: propter quod dictus Joannes nobis humiliter supplicavit, ne si deinceps (quod absit) casus similes movendæ guerræ inter regem Franciæ, qui est pro tempore, et te eveniant, dictumque Joannem utrinque inter pericula constitutum, quod tutius est pro animæ suæ profectu contingat eligere, ac tuam propter hoc indignationem incurrere, in rebus temporalibus subire possit indebita detrimenta, providere sibi super hoc de opportuno remedio dignaremur.

« Ne igitur unde præfatus nobilis apud Deum retributionis æternæ præmium, et apud homines præconia laudis condigna promeruit, inde (quod absit) indebitam præferat lationem; auctoritate Apostolica, si præmissis veritas suffragatur, tenore præsentium declaramus, et ad notitiam tuam deducimus, quod idem nobilis laudabiliter egit, non assistendo in dicta guerra tibi, sed dictam pacem per dictam Sedem Apostolicam confirmatam, gravibusque pœnis sententiisque vallatam, et juramentum per eum super hoc præstitum inviolabiliter observando, et quantum in eo fuit faciendo per alios observari: quodque laudabiliter agat in posterum, si per se ac heredes et posteros suos simulibus eventibus pacem et juramentum hujusmodi observando transgressionis ipsorum reatum ac penarum et sententiarum hujusmodi incursionem studuerit evitare; tibi et hominibus tuis tenore præsentium nihilominus districtius injungentes, ut cum ad Apostolatus nostrum spectet

officium pacem et juramentum hujusmodi juxta ordinationem prædecessoris ejusdem facere observari, quod dictum nobilem in persona sua et heredum suorum, et super locis et terris eidem nobili ejusque heredibus donatis et concessis in comitatu tuo Flandriæ et extra per quondam Guidonem comitem Flandriæ communem patrem vestrum per te vel alium seu alios nullatenus inquietes, sed ipsum et heredes suos dictorum locorum et terrarum permittas pacifica possessione gaudere. Dat. Avin. II kal. Aprilis anno secundo ».

Ad tuendam etiam ejusdem Namurcensis comitis dignitatem, atque ab omni infamie labe vindicandam ob desertas in eo bello fratris sui Roberti partes, cum illius bona ab invasorum manibus eripiendi Pontifex ad universos provinciarum præfectos, duces, comites, aliosque nobilitate, opibus, auctoritate vel armorum laude florentes scripsit¹ illum in ea re servata dati jurisjurandi religione, præclare se gessisse, neque ob id ulla pena aut censure nota dignam; imo ut apud Deum summum sibi gloriæ decus pepererat, ita apud homines commendationem promeruisse.

Ut porro jura regia adversus principum coitiones defendenda suscepit Pontifex, ita Philippum regem, ne jus Ecclesiasticum violaret, gravissimis litteris dehortatus est²: « A clare, inquit, magnitudinis tuæ statu iniquum compendium absit, quod pro alicujus inique suggestionis applausu in his regalibus declinet intentio, ut pro modico caduca temporalitatis augmento jurisdictionis seu jura Ecclesiastica minuantur: absit ut Rex æternus, qui in Ecclesiis et juribus Ecclesiasticis honoratur, quique cunctis regibus dat regnare, per te, quem in regali solio collocavit, in suorum usurpatione jurium offendatur ». Ipsum etiam pluribus aliis litteris³ ad privilegia a S. Ludovico abavo Ecclesiæ Gallicanæ concessa instauranda⁴, ad calumnias alicuiorum reprehendas⁵, regium decus servandum, divinum cultum tuendum, et colendam pietatem excitavit; vertitque magno regie dignitatis probro, si cum divina peragerentur mysteria, animus in preces ardentissimas non effunderet, sed in verba inania laxaret.

23. *Mons Pessulanus Sedi Apostolicæ clientele nomine addictus.* — Contendere a Pontifice Montispezzulani cives, ut vetera ab Innocentio III, Honorio III et Gregorio IX ipsis concessa privilegia, quibus patrocinio Sedis Apostolicæ addicti fuerant, et clientelæ nomine duas anni marcas fisco Pontificio inferre jussi, redintegraret. Quorum votis annuit Joannes, renovato Gregoriano Rescripto, cujus pars hæc potissima est: « Cum Ecclesiam Romanam filiali reverentia venerantes, ejus vos beneplacitis, tanquam filii benedictionis et gratiæ, laudabiliter exponatis; nos vestris suppli-

¹ Post eadem. LXXIIMCCXXII. — ² Tom. II. Ep. sect. LXX. —

³ Tom. II. Ep. sect. LXXI. et LXXII. et LXXIII. — ⁴ Tom. II. Ep. sect. LXXIV. — ⁵ Ibid. Ep. sect. LXXVII.

cationibus annuentes, ad exemplar felicitis memorie Innocentii et Honorii prædecessorum nostrorum, personas vestras et villam Montispessulani cum conspectu et aliis omnibus, que in presentiarum rationabiliter possidetis, sub B. Petri et nostra protectione suscipimus, et presentis scripti patrocinio committimus. Ad perpetuum autem devotionis indicium duas marchas auri, centum massanutius computandis pro marchia, quas Sedi Apostolicæ obtulisti, nobis et successoribus nostris singulis annis in festo Resurrectionis Dominice persolvatis. His Gregorii litteris subiecit Joannes: « Licet adjectione plenitudo non egeat, ut tamen nostra erga vos benignitas clareat, vestris supplicationibus inclinat, præscriptas litteras, et que per ipsos prædecessores nostros acta sunt in premissis, rata gerimus, etc. Dat. Avinion. IV non. Novembris, anno III ».

26. *Academia Parisiensis et aliarum dignitas aucta.* — Neque hoc loco prætereundum videtur, Joannem ad restituendam pristino splendori Parisiensi Academiam data jam ante episcopo Parisiensi imperia regetisse¹, jussisseque auctorum prælectiones ad normam optimam revocari²; tum singularis sue in eam Academiam, in qua scientiarum latitæ hauserat, benevolentie causas retexens, monuit Academicos professores, ut summa cura ac diligentia caverent, ne peregrinum aliquid in scientiis inducerent: « Ne, inquit, unde veritatis derivari consuevit, irriguum, remotissimas etiam irrigans nationes inde scaturire, quod absit, videantur errores, salubrem Apostoli doctrinam secuti suggerimus; ut non plus sapere quam oportet, sed sapere ad sobrietatem unusquisque conetur: nullus in verborum novitatibus aut nimie curiositatis egressu se occupet, ut doctior videatur; sed juxta sapientis eloquium quivis sue prudentie modum ponat; sicque comedat ex melle invento quod sufficit, ne illud evomat satiatius ». Quo vero allicerentur plures ad eam Academiam, ut scientiis expolirentur, adendum præmiorum spe, que illorum scientie proposita forent, patriarchas, archiepiscopos et episcopos est adhortatus³, ut eos, qui in Academia Parisiensi litteris excellit essent, in conferendis sacerdotiis cæteris præferrent; ex eo enim delecti et illius Academiae dignitatem obsolescere, et Ecclesias pastoribus scientiarum ornamentis instructis carere: « Ipsa, inquit, Universitas, quæ multos habuit filios, nunc infirmata est; tanquam Rachel plorat, fere filiis destituta; gemit deserta vinea Domini sabbaoth, pulchros habens palmites, quos Ecclesiarum prælati respicere dedignantur: debita namque virtutibus præmia non impendunt, honorem sapientie non tribunt; sed potius Sion ex sanguinibus edificare contendunt; et quod detestabilis iudicamus, nonnulli Ecclesie principes diligit mu-

nera, et abjectis hujusmodi desertæ filiis, obsequiorum licitorum vel illicitorum retributiones sequuntur, unde ipsa Universitas miserabiliter ac lamentabiliter deficere cogitur, nisi per vos cæterosque Ecclesiarum prælatos relevetur, etc. » Ad restituendum pariter pristinae dignitati Academicam Aurlianensem incubuit Joannes, quam provinciam in Rainardum archiepiscopum Bituricensem contulit⁴, ac Philippum, ut studium regium in ea re explicaret, est hortatus⁵. Confirmata etiam ab eodem Pontifice Perusina in Italia⁶, constituta Cantabrigiana⁷ in Anglia Academia, quam postremam Eduardi regis precibus excitasse, ac privilegiis amplissimis exornasse, datæ ad Cantabrigiani gymnasii professores ostendunt litteræ: « Apostolica, inquit, auctoritate statuimus, ut in prædicto loco Cantabrigiæ sit de cætero studium generale, illudque ibidem vigeat perpetuis futuris temporibus in qualibet facultate; volentes auctoritate prædicta, et etiam decernentes, quod collegium magistrorum et scholarium ejusdem studii Universitas sit censenda, et omnibus juribus gaudeat, quibus gaudere potest et debet qualibet Universitas legitime ordinata, etc. Dat. Avinion. V id. Junii an. secundo ».

27. *Ab Eduardo rege Angliæ parte victoria in Robertum Brusium, unde litteræ gratulatoriæ Joannis.* — Eluserat hactenus Apostolicam sollicitudinem Scotos inter et Anglos odiorum pertinacia, ad quam infringendam Joannes Pontificia auctoritate, mutuaque pacem facilius adducendam inducias indixit⁸. Sed Robertum eas violasse colligitur, cum Pontifex provinciam Gaucelino et Lucæ cardinalibus, ut Robertum Brusium Ecclesiastica execratione defigerent, imposuit⁹; functoque officio cardinales ex Walsinghamo constat⁷: tradit enim Pontificia auctoritate Robertum in Anglia et Scotia solenni ritu sacris depulsum. Nec Robertum modo, verum etiam ipsius fratrem, qui Hiberniam occuparat, censuris irretitum docent Pontificie litteræ⁸. Nec vana in Hiberniam invadentes Ecclesiastica fulmina cecidere, cum hoc ipso anno cruentissimo prælio obruti sint⁹. Factionis princeps Eduardus erat Roberti Brusii frater, cujus exemplo Hibernicam coronam, ut ille Scoticam, corripuerat. Qui in prælio caplus gestati diadematis pœnas infelicis victimæ instar capite luit. Accepto victoriae nuntio eveniente anno, Joannes papa Eduardum est adhortatus¹⁰, ut illius gloriam Deo referret; nec fastu insolesceret, sed potius divinam majestatem majori demissione prosequeretur.

« Sanc, inquit, liberationem regni Angliæ imminatam in virorum sceleratorum occubitu speramus in nomine Domini feliciter consummari,

¹ Tom. II, Ep. cxi, clxvi. — ² Ibid. Ep. clvi. — ³ Ibid. Ep. scxi, clxv.

⁴ Tom. II, Ep. cxi, clxvi. — ⁵ Ibid. Ep. cxi, clxvi. — ⁶ Ibid. Ep. cxi, clxvi. — ⁷ Ibid. Ep. cxi, clxvi. — ⁸ Ibid. Ep. cxi, clxvi. — ⁹ Ibid. Ep. cxi, clxvi. — ¹⁰ Ibid. Ep. cxi, clxvi.

si tu te conspectui Regis regum humiles : si non tibi, sed divino nomini soli debitam adscribas gloriam : si tecum pugnantem Dominum in ejus Ecclesiis et ministris nequaquam impugnēs. Dat. Avinione XII kal. Januarii ». De parte eadem victoria exant alię gratulatorie ad eundem regem¹, tum ad Joannem Wintoniensem episcopum² et Thomam comitem Lancastrie datae³, ut regem ad beneficium referendum divino Numini erudiant.

28. Retulit eam victoriam Eduardus, cum jam ante propensiore studio pietati se addidisset : quae de re ipsi gratulatus erat Pontifex⁴, monueratque ne jus Ecclesiasticum violaret.

« Joannes, etc. Eduardo regi Anglię illustri.

« Exultavit cor nostrum in Domino, tuorum, fili charissime, nuntiorum et mullorum aliorum fide digna relatione percepto, quod mutatus in virum alterum, mane surgens et divinis primitus vacans obsequiis, ad ea, quę virum decent et principi congruunt, intendis sedulo ; personę tuę et domui regię statuens ordinem congruum, quo studes rescere superflua, et supplere provide diminuta, justitiam abundantius solito ministrare subditis, et a multis Ecclesiarum gravaminibus abstinere. Profecto, fili, hæc mutatio est non homini, sed Excelsi dextere ascribenda. Pro hæc habes illi, per quem datur regnare principibus, et a quo cuncta bona procedunt, humiliato spiritu gratias agere, ac continuatione talium operum residua vitę tuę tempora devovere. Perro, fili, unum tibi arbitramur præter præmissa necessarium admodum, circa quod nihil reformatum audivimus ; sed potius, quod dolens referimus, deformatum. Quid illud sit quæres ? Illud utique, quod in regno tuo sacrosanctę Romanę Ecclesię matri tuę, quę tuos gessit progenit res in charitatis visceribus, quibusque in periculis variis astutit consiliis et auxiliis opportunis, teque sincera charitatis amplectitur brachiis, honor debitos non servatur, sibi debita non præstantur, et in suorum prosecutione jurium multipliciter molestatur. Ut enim de recognitione taceamus ad præsens, census pro eodem regno debitus non exsolvitur, in exactione denarii B. Petri sibi debiti perturbatur, illisque frequenter, quibus ipsa de beneficiis Ecclesiasticis in regno illo providet, causa non cognita spoliatis aliis ipsa beneficia conferuntur ; ac in perceptione fructuum beneficiorum vacantium, et multis aliis multipliciter. Putasne honorem sponso posse impendere, sponsam adeo inhonorans ? Putasne sponsum placare posse quibusvis obsequiis. In illius sponsę molestiis perseverans ? Profecto, fili, desipis, si sic sapiš : cum enim sponsę corruptibilis et mortalis injuria noscatur in sponsi injuriarum redundare, redundabit utique multo fortius in mortalis, quæ

indissolubiliori unione, quam alia, conjungitur sponso suo, etc. Dat. Avinione XIII kal. Maii ».

29. De Roberto archiepiscopo Cantuariensi et Thoma Aquinate in sanctorum numero collocandis. — Expulit a Sede Apostolica Thomas Lancastria comes, et Robertum Cantuariensem archiepiscopum, vitę sanctitate et miraculis celebrem (de quo, ut viliorem hoste acerbissimo, virtutum assertore, vindice libertatis Ecclesiasticę acerrimo, in qua propugnanda exitum ab Eduardo I erat passus, agit Harpsfeldius¹) sanctorum Catalogo apponeret. Cui responlit Joannes² ni magna consilii maturitate rem pericli non posse ; quam si promovendam putaret, cardinalium consistorio Anglicani cleri nomine rite adductis in medium editis miraculis, exponenda curaret : « Circa id, inquit, quod de canonizatione sanctę memorię Roberti Cantuariensis archiepiscopi supplicasti ; scire te volumus, quod Romana mater Ecclesię non cosuevit super tanta causa præsertim, precipitanter aliqui agere ; quin potius tale negotium sollemnem executionis indagine, ponderare. Propter quod si negotium ipsum credis promovendum, oportet quod illud coram fratribus nostris in consistorio per sollemnes personas ex parte prælatorum et cleri et populi Anglicani, vitam, merita atque miracula ipsius archiepiscopi attestantium specialiter destinatas, sollemniter proponatur ; supplicatione subjuncta, ut inquisitio de hujusmodi vita mirabili, miraculis ejus et meritis gloriosis personis idoneis committatur ; ut juxta exitum inquisitionis ipsius canonizatio fieri debeat, vel omitti, etc. Dat. Avinione VI kal. Jan. ».

30. Servatus quidem is sacer ritus in B. Thoma Aquinate in sanctorum numerum referendo. Regina enim Maria S. Ludovici episcopi mater, Philippus Tarentinus princeps, Joannes Gravinę comes, ac Neapolitana Academia oratorum opera primo in purpuratorum Patrum consensu illius vitę sanctitatem, et divinitus collata illius suffragii beneficia exposuere, ac Pontifex nonnullis cardinalibus rem cognoscendam demandavit : qui adductis in religiosum examen miraculis dicta veritati consentire Joanni retulere. Tum Neapolitano archiepiscopo, episcopo Viterbiensi ac Pandulpho Sabello partes a Pontifice commisse³ ut miraculorum testes e forn a ipsis præscripta discuterent.

« Joannes, etc. venerabilibus fratribus archiep. Neapolitano, et episcopo Viterbiensi, et dilecto filio magistro Pandulpho de Sabello notario nostro.

« Dudum ex parte charissimę in Christo filię nostrę Marię reginę Sicilię, clarę memorię Caroli Secundi regis Sicilię relicte, et dilectorum filiorum nobilium virorum Philippi principis Tarentini, ac Joannis comitis Gravinensis, et aliorum

¹ Tom. I. Ep. DCCLXII. — ² Ibid. Ep. DCCLXII. — ³ Ibid. Ep. DCCLXIII et DCCLXIV. — ⁴ Tom. II. Ep. sec. 9. DLV.

¹ Harpsfeld. II. An. 3. Eccl. XII. sec. 9. — ² Tom. II. Ep. sec. DCCLXIII. — ³ An. 3. p. 1. Ep. com. X.

plurimum comitum et baronum regni prædicti; communis quoque ac universalis magistrorum et scholarium Neapolitanorum eorum nobiles et fratres nostris propositum exhibuit, et per eorum litteras nuntiatum, quod recolende memorie frater Thomas de Aquino Ordinis fratrum Prædicatorum sacre Theologie doctor, dum viveret, nitore sanctitatis emicuit, conversatione resplenduit, ac multis modis tam ante, quam post suum obitum miraculis coruscavit: quare pro parte ipsorum nobis fuit humiliter supplicatum, ut de ejusdem fratris Thomæ vita et miraculis inquisitione premissa, si reperiremus premissa veritate fulciri, ipsum ascribi rebus sanctorum Catalogo, ipsumque faceremus per universas Ecclesias honore congruo solemniter venerari.

« Verum licet nobis et eisdem fratribus nostris exposita, si vera sint, nostrum et fratrum ipsorum corda multiplici jucunditate repleverint; attendentes tamen quod Romana Ecclesia, præsertim in tanto fidei negotio, ubi videlicet de re tam ardua quæritur, cum magna consuevit maturitate procedere: quod scriptum sit: Causam¹, quam nesciebam, diligentissime investigabam: nam et si gloria² Dei sit celare verbum, gloria tamen regum est investigare sermonem; venerabili fratri Arnaldo episcopo Albanensi, et dilectis filiis nostris Guillelmo tit. S. Cyrici in Thermis presbytero ac Guillelmo S. Nicolai in Carcere-Tulliano diacono cardinalibus commissimus, ut apud Sedem Apostolicam de hujusmodi sanctitatis vite ac miraculorum fama prædicti fratris Thomæ informationem per testimonia fide dignorum reciperent; illamque nobis referre curarent, ut vel similitudine inde sumpta, tutius possemus procedere in negotio prælibato.

« Et quia per dictorum cardinalium relationem fidelem, coram nobis et fratribus nostris factam, accepimus aliqualem informationem de sanctitatis et miraculorum fama prædicta; nos prius et congruum reputantes, ut si vera sint prædicta, non lateant, de ipsorum fratrum nostrorum consilio supplicationi hujusmodi, prout præsentium describitur serie, duximus annuendum. Quocirca discretioni vestræ, de qua plenam in Domino fiduciam obtinemus, per Apostolica scripta mandamus, quatenus vos, vel duo vestrum in loco vel locis, ubi expedire videritis, de vita, conversatione, ac miraculis factis Thomæ prædicti, ceterisque circumstantiis hujusmodi negotium contingentibus, juxta formam, quam vobis sub Bullæ nostræ transmissimus interclusam, in quatuor diligenter veritatem; et quod super premissis inveneritis, fideliter in scriptis redactis sub testamento sigillorum vestrorum per viros idoneos ad Sedem Apostolicam destinatis: ut per inquisitionem vestram sufficienter instructi, sicut nos exigit, et expediens visum fuerit, secum in ipso negotio

peragere valeamus. Dat. Avinione id. Septembris anno mo. Peregrere illi adeo accurate imperia, ut decreti B. Thomæ sanctorum honores fuerint, de quo suo loco agetur: nunc res Siculis percurramus.

31. *Gentem, se bellum, Fridericus Trinacrie rege Gibellinis, et Roberto Guelfis faciente.* — Initus¹ superiori anno Trecentis episcopi et Petri Textoris opera inducitis inter Fridericum Trinacrie et Robertum Sicilie reges; hisque ad firmandam pacem, si res ferret, ad Sedem Apostolicam inter agressuros pollicitis, Fridericus quidem constituto tempore oratores misit²; quibus admissis Pontifex, cum Roberti regis adventum expectaret, Jacobum regem Aragonum rogavit, ut suos mitteret oratores. Sed Robertus adeo læsus, ut Fridericus legatos suos ex aula Pontificia revocavit.³ De Roberto porro, qui die constituta, ut promiserat, ad curiam Pontificiam se non contulit, gravissime exposulavit Joannes⁴, illum regibus Aragonum et Trinacrie. Sedique Apostolica illuisse, nec in hunc discrimen, non subito periculosissimo bello res suas committere.

« Joannes, etc., charissimo in Christo filio Roberto regi Sicilie illustri.

« Manent⁵, fili charissime, apud nos qui te diligunt universi, quod ardua tua negotia toties procrastinatio cum discriminibus subjecis: quod sic nequeis statum tuum, non curans advertere quantum nocuit differre paratis. Mirantur, quod factum dantes sub spe tui favoris laudabili datum ratio, et cui ex tui adventus celeritate felix exitus arduis, ex tui diutina mora tua sic periclitari permittis quasi nobis advertere ad quantum communi illis expeditio prospera, et ad quantum dispendium successus ejus adversus tibi valeat redundare. Mirantur et tertio, quod tu non recogitas, ut videtur, quod gravium sumptuum onere straes corporum, animarum pericula et dispendia facultatum tuo corpore, ut de præteritis temporibus faciamus, humiliter lucusque produxerit in terra Siciliæ, et quæ, si continuabitur, poterit seminare, quibus omnibus in tuo ad curiam adventu per reformationem pacis obviari posse probabiliter sperabatur; tandem distulisti venire, vel saltem mittere nuntios super hoc ad plenam instructos, multis charissimi in Christo filii nostri Friderici regis Trinacrie illustris, te jam a prius tri præventibus, tuncque expectationis anxie talio diebus pluribus fugatis; qui cum maxime tam de redeundo intra certum terminum a re præfata habere se dicunt, jam a nobis et a fratribus nostris insuenter petiere redeundi liberationem, quam nos deceder non poterimus denegare. Sed et nos super omnes in administratione sumus, quod sic nobis illuseris, in

¹ Job. XXIX. — ² Prov. I.

¹ Ep. Av. tit. l. c. c. 2. — ² Ibid. tit. l. c. 3. — ³ Ibid. tit. l. c. 4. — ⁴ Ibid. tit. l. c. 5. — ⁵ Ibid. tit. l. c. 6. — ⁶ Ibid. tit. l. c. 7. — ⁷ Ibid. tit. l. c. 8. — ⁸ Ibid. tit. l. c. 9. — ⁹ Ibid. tit. l. c. 10. — ¹⁰ Ibid. tit. l. c. 11. — ¹¹ Ibid. tit. l. c. 12. — ¹² Ibid. tit. l. c. 13. — ¹³ Ibid. tit. l. c. 14. — ¹⁴ Ibid. tit. l. c. 15. — ¹⁵ Ibid. tit. l. c. 16. — ¹⁶ Ibid. tit. l. c. 17. — ¹⁷ Ibid. tit. l. c. 18. — ¹⁸ Ibid. tit. l. c. 19. — ¹⁹ Ibid. tit. l. c. 20. — ²⁰ Ibid. tit. l. c. 21. — ²¹ Ibid. tit. l. c. 22. — ²² Ibid. tit. l. c. 23. — ²³ Ibid. tit. l. c. 24. — ²⁴ Ibid. tit. l. c. 25. — ²⁵ Ibid. tit. l. c. 26. — ²⁶ Ibid. tit. l. c. 27. — ²⁷ Ibid. tit. l. c. 28. — ²⁸ Ibid. tit. l. c. 29. — ²⁹ Ibid. tit. l. c. 30. — ³⁰ Ibid. tit. l. c. 31. — ³¹ Ibid. tit. l. c. 32. — ³² Ibid. tit. l. c. 33. — ³³ Ibid. tit. l. c. 34. — ³⁴ Ibid. tit. l. c. 35. — ³⁵ Ibid. tit. l. c. 36. — ³⁶ Ibid. tit. l. c. 37. — ³⁷ Ibid. tit. l. c. 38. — ³⁸ Ibid. tit. l. c. 39. — ³⁹ Ibid. tit. l. c. 40. — ⁴⁰ Ibid. tit. l. c. 41. — ⁴¹ Ibid. tit. l. c. 42. — ⁴² Ibid. tit. l. c. 43. — ⁴³ Ibid. tit. l. c. 44. — ⁴⁴ Ibid. tit. l. c. 45. — ⁴⁵ Ibid. tit. l. c. 46. — ⁴⁶ Ibid. tit. l. c. 47. — ⁴⁷ Ibid. tit. l. c. 48. — ⁴⁸ Ibid. tit. l. c. 49. — ⁴⁹ Ibid. tit. l. c. 50. — ⁵⁰ Ibid. tit. l. c. 51. — ⁵¹ Ibid. tit. l. c. 52. — ⁵² Ibid. tit. l. c. 53. — ⁵³ Ibid. tit. l. c. 54. — ⁵⁴ Ibid. tit. l. c. 55. — ⁵⁵ Ibid. tit. l. c. 56. — ⁵⁶ Ibid. tit. l. c. 57. — ⁵⁷ Ibid. tit. l. c. 58. — ⁵⁸ Ibid. tit. l. c. 59. — ⁵⁹ Ibid. tit. l. c. 60. — ⁶⁰ Ibid. tit. l. c. 61. — ⁶¹ Ibid. tit. l. c. 62. — ⁶² Ibid. tit. l. c. 63. — ⁶³ Ibid. tit. l. c. 64. — ⁶⁴ Ibid. tit. l. c. 65. — ⁶⁵ Ibid. tit. l. c. 66. — ⁶⁶ Ibid. tit. l. c. 67. — ⁶⁷ Ibid. tit. l. c. 68. — ⁶⁸ Ibid. tit. l. c. 69. — ⁶⁹ Ibid. tit. l. c. 70. — ⁷⁰ Ibid. tit. l. c. 71. — ⁷¹ Ibid. tit. l. c. 72. — ⁷² Ibid. tit. l. c. 73. — ⁷³ Ibid. tit. l. c. 74. — ⁷⁴ Ibid. tit. l. c. 75. — ⁷⁵ Ibid. tit. l. c. 76. — ⁷⁶ Ibid. tit. l. c. 77. — ⁷⁷ Ibid. tit. l. c. 78. — ⁷⁸ Ibid. tit. l. c. 79. — ⁷⁹ Ibid. tit. l. c. 80. — ⁸⁰ Ibid. tit. l. c. 81. — ⁸¹ Ibid. tit. l. c. 82. — ⁸² Ibid. tit. l. c. 83. — ⁸³ Ibid. tit. l. c. 84. — ⁸⁴ Ibid. tit. l. c. 85. — ⁸⁵ Ibid. tit. l. c. 86. — ⁸⁶ Ibid. tit. l. c. 87. — ⁸⁷ Ibid. tit. l. c. 88. — ⁸⁸ Ibid. tit. l. c. 89. — ⁸⁹ Ibid. tit. l. c. 90. — ⁹⁰ Ibid. tit. l. c. 91. — ⁹¹ Ibid. tit. l. c. 92. — ⁹² Ibid. tit. l. c. 93. — ⁹³ Ibid. tit. l. c. 94. — ⁹⁴ Ibid. tit. l. c. 95. — ⁹⁵ Ibid. tit. l. c. 96. — ⁹⁶ Ibid. tit. l. c. 97. — ⁹⁷ Ibid. tit. l. c. 98. — ⁹⁸ Ibid. tit. l. c. 99. — ⁹⁹ Ibid. tit. l. c. 100. — ¹⁰⁰ Ibid. tit. l. c. 101. — ¹⁰¹ Ibid. tit. l. c. 102. — ¹⁰² Ibid. tit. l. c. 103. — ¹⁰³ Ibid. tit. l. c. 104. — ¹⁰⁴ Ibid. tit. l. c. 105. — ¹⁰⁵ Ibid. tit. l. c. 106. — ¹⁰⁶ Ibid. tit. l. c. 107. — ¹⁰⁷ Ibid. tit. l. c. 108. — ¹⁰⁸ Ibid. tit. l. c. 109. — ¹⁰⁹ Ibid. tit. l. c. 110. — ¹¹⁰ Ibid. tit. l. c. 111. — ¹¹¹ Ibid. tit. l. c. 112. — ¹¹² Ibid. tit. l. c. 113. — ¹¹³ Ibid. tit. l. c. 114. — ¹¹⁴ Ibid. tit. l. c. 115. — ¹¹⁵ Ibid. tit. l. c. 116. — ¹¹⁶ Ibid. tit. l. c. 117. — ¹¹⁷ Ibid. tit. l. c. 118. — ¹¹⁸ Ibid. tit. l. c. 119. — ¹¹⁹ Ibid. tit. l. c. 120. — ¹²⁰ Ibid. tit. l. c. 121. — ¹²¹ Ibid. tit. l. c. 122. — ¹²² Ibid. tit. l. c. 123. — ¹²³ Ibid. tit. l. c. 124. — ¹²⁴ Ibid. tit. l. c. 125. — ¹²⁵ Ibid. tit. l. c. 126. — ¹²⁶ Ibid. tit. l. c. 127. — ¹²⁷ Ibid. tit. l. c. 128. — ¹²⁸ Ibid. tit. l. c. 129. — ¹²⁹ Ibid. tit. l. c. 130. — ¹³⁰ Ibid. tit. l. c. 131. — ¹³¹ Ibid. tit. l. c. 132. — ¹³² Ibid. tit. l. c. 133. — ¹³³ Ibid. tit. l. c. 134. — ¹³⁴ Ibid. tit. l. c. 135. — ¹³⁵ Ibid. tit. l. c. 136. — ¹³⁶ Ibid. tit. l. c. 137. — ¹³⁷ Ibid. tit. l. c. 138. — ¹³⁸ Ibid. tit. l. c. 139. — ¹³⁹ Ibid. tit. l. c. 140. — ¹⁴⁰ Ibid. tit. l. c. 141. — ¹⁴¹ Ibid. tit. l. c. 142. — ¹⁴² Ibid. tit. l. c. 143. — ¹⁴³ Ibid. tit. l. c. 144. — ¹⁴⁴ Ibid. tit. l. c. 145. — ¹⁴⁵ Ibid. tit. l. c. 146. — ¹⁴⁶ Ibid. tit. l. c. 147. — ¹⁴⁷ Ibid. tit. l. c. 148. — ¹⁴⁸ Ibid. tit. l. c. 149. — ¹⁴⁹ Ibid. tit. l. c. 150. — ¹⁵⁰ Ibid. tit. l. c. 151. — ¹⁵¹ Ibid. tit. l. c. 152. — ¹⁵² Ibid. tit. l. c. 153. — ¹⁵³ Ibid. tit. l. c. 154. — ¹⁵⁴ Ibid. tit. l. c. 155. — ¹⁵⁵ Ibid. tit. l. c. 156. — ¹⁵⁶ Ibid. tit. l. c. 157. — ¹⁵⁷ Ibid. tit. l. c. 158. — ¹⁵⁸ Ibid. tit. l. c. 159. — ¹⁵⁹ Ibid. tit. l. c. 160. — ¹⁶⁰ Ibid. tit. l. c. 161. — ¹⁶¹ Ibid. tit. l. c. 162. — ¹⁶² Ibid. tit. l. c. 163. — ¹⁶³ Ibid. tit. l. c. 164. — ¹⁶⁴ Ibid. tit. l. c. 165. — ¹⁶⁵ Ibid. tit. l. c. 166. — ¹⁶⁶ Ibid. tit. l. c. 167. — ¹⁶⁷ Ibid. tit. l. c. 168. — ¹⁶⁸ Ibid. tit. l. c. 169. — ¹⁶⁹ Ibid. tit. l. c. 170. — ¹⁷⁰ Ibid. tit. l. c. 171. — ¹⁷¹ Ibid. tit. l. c. 172. — ¹⁷² Ibid. tit. l. c. 173. — ¹⁷³ Ibid. tit. l. c. 174. — ¹⁷⁴ Ibid. tit. l. c. 175. — ¹⁷⁵ Ibid. tit. l. c. 176. — ¹⁷⁶ Ibid. tit. l. c. 177. — ¹⁷⁷ Ibid. tit. l. c. 178. — ¹⁷⁸ Ibid. tit. l. c. 179. — ¹⁷⁹ Ibid. tit. l. c. 180. — ¹⁸⁰ Ibid. tit. l. c. 181. — ¹⁸¹ Ibid. tit. l. c. 182. — ¹⁸² Ibid. tit. l. c. 183. — ¹⁸³ Ibid. tit. l. c. 184. — ¹⁸⁴ Ibid. tit. l. c. 185. — ¹⁸⁵ Ibid. tit. l. c. 186. — ¹⁸⁶ Ibid. tit. l. c. 187. — ¹⁸⁷ Ibid. tit. l. c. 188. — ¹⁸⁸ Ibid. tit. l. c. 189. — ¹⁸⁹ Ibid. tit. l. c. 190. — ¹⁹⁰ Ibid. tit. l. c. 191. — ¹⁹¹ Ibid. tit. l. c. 192. — ¹⁹² Ibid. tit. l. c. 193. — ¹⁹³ Ibid. tit. l. c. 194. — ¹⁹⁴ Ibid. tit. l. c. 195. — ¹⁹⁵ Ibid. tit. l. c. 196. — ¹⁹⁶ Ibid. tit. l. c. 197. — ¹⁹⁷ Ibid. tit. l. c. 198. — ¹⁹⁸ Ibid. tit. l. c. 199. — ¹⁹⁹ Ibid. tit. l. c. 200. — ²⁰⁰ Ibid. tit. l. c. 201. — ²⁰¹ Ibid. tit. l. c. 202. — ²⁰² Ibid. tit. l. c. 203. — ²⁰³ Ibid. tit. l. c. 204. — ²⁰⁴ Ibid. tit. l. c. 205. — ²⁰⁵ Ibid. tit. l. c. 206. — ²⁰⁶ Ibid. tit. l. c. 207. — ²⁰⁷ Ibid. tit. l. c. 208. — ²⁰⁸ Ibid. tit. l. c. 209. — ²⁰⁹ Ibid. tit. l. c. 210. — ²¹⁰ Ibid. tit. l. c. 211. — ²¹¹ Ibid. tit. l. c. 212. — ²¹² Ibid. tit. l. c. 213. — ²¹³ Ibid. tit. l. c. 214. — ²¹⁴ Ibid. tit. l. c. 215. — ²¹⁵ Ibid. tit. l. c. 216. — ²¹⁶ Ibid. tit. l. c. 217. — ²¹⁷ Ibid. tit. l. c. 218. — ²¹⁸ Ibid. tit. l. c. 219. — ²¹⁹ Ibid. tit. l. c. 220. — ²²⁰ Ibid. tit. l. c. 221. — ²²¹ Ibid. tit. l. c. 222. — ²²² Ibid. tit. l. c. 223. — ²²³ Ibid. tit. l. c. 224. — ²²⁴ Ibid. tit. l. c. 225. — ²²⁵ Ibid. tit. l. c. 226. — ²²⁶ Ibid. tit. l. c. 227. — ²²⁷ Ibid. tit. l. c. 228. — ²²⁸ Ibid. tit. l. c. 229. — ²²⁹ Ibid. tit. l. c. 230. — ²³⁰ Ibid. tit. l. c. 231. — ²³¹ Ibid. tit. l. c. 232. — ²³² Ibid. tit. l. c. 233. — ²³³ Ibid. tit. l. c. 234. — ²³⁴ Ibid. tit. l. c. 235. — ²³⁵ Ibid. tit. l. c. 236. — ²³⁶ Ibid. tit. l. c. 237. — ²³⁷ Ibid. tit. l. c. 238. — ²³⁸ Ibid. tit. l. c. 239. — ²³⁹ Ibid. tit. l. c. 240. — ²⁴⁰ Ibid. tit. l. c. 241. — ²⁴¹ Ibid. tit. l. c. 242. — ²⁴² Ibid. tit. l. c. 243. — ²⁴³ Ibid. tit. l. c. 244. — ²⁴⁴ Ibid. tit. l. c. 245. — ²⁴⁵ Ibid. tit. l. c. 246. — ²⁴⁶ Ibid. tit. l. c. 247. — ²⁴⁷ Ibid. tit. l. c. 248. — ²⁴⁸ Ibid. tit. l. c. 249. — ²⁴⁹ Ibid. tit. l. c. 250. — ²⁵⁰ Ibid. tit. l. c. 251. — ²⁵¹ Ibid. tit. l. c. 252. — ²⁵² Ibid. tit. l. c. 253. — ²⁵³ Ibid. tit. l. c. 254. — ²⁵⁴ Ibid. tit. l. c. 255. — ²⁵⁵ Ibid. tit. l. c. 256. — ²⁵⁶ Ibid. tit. l. c. 257. — ²⁵⁷ Ibid. tit. l. c. 258. — ²⁵⁸ Ibid. tit. l. c. 259. — ²⁵⁹ Ibid. tit. l. c. 260. — ²⁶⁰ Ibid. tit. l. c. 261. — ²⁶¹ Ibid. tit. l. c. 262. — ²⁶² Ibid. tit. l. c. 263. — ²⁶³ Ibid. tit. l. c. 264. — ²⁶⁴ Ibid. tit. l. c. 265. — ²⁶⁵ Ibid. tit. l. c. 266. — ²⁶⁶ Ibid. tit. l. c. 267. — ²⁶⁷ Ibid. tit. l. c. 268. — ²⁶⁸ Ibid. tit. l. c. 269. — ²⁶⁹ Ibid. tit. l. c. 270. — ²⁷⁰ Ibid. tit. l. c. 271. — ²⁷¹ Ibid. tit. l. c. 272. — ²⁷² Ibid. tit. l. c. 273. — ²⁷³ Ibid. tit. l. c. 274. — ²⁷⁴ Ibid. tit. l. c. 275. — ²⁷⁵ Ibid. tit. l. c. 276. — ²⁷⁶ Ibid. tit. l. c. 277. — ²⁷⁷ Ibid. tit. l. c. 278. — ²⁷⁸ Ibid. tit. l. c. 279. — ²⁷⁹ Ibid. tit. l. c. 280. — ²⁸⁰ Ibid. tit. l. c. 281. — ²⁸¹ Ibid. tit. l. c. 282. — ²⁸² Ibid. tit. l. c. 283. — ²⁸³ Ibid. tit. l. c. 284. — ²⁸⁴ Ibid. tit. l. c. 285. — ²⁸⁵ Ibid. tit. l. c. 286. — ²⁸⁶ Ibid. tit. l. c. 287. — ²⁸⁷ Ibid. tit. l. c. 288. — ²⁸⁸ Ibid. tit. l. c. 289. — ²⁸⁹ Ibid. tit. l. c. 290. — ²⁹⁰ Ibid. tit. l. c. 291. — ²⁹¹ Ibid. tit. l. c. 292. — ²⁹² Ibid. tit. l. c. 293. — ²⁹³ Ibid. tit. l. c. 294. — ²⁹⁴ Ibid. tit. l. c. 295. — ²⁹⁵ Ibid. tit. l. c. 296. — ²⁹⁶ Ibid. tit. l. c. 297. — ²⁹⁷ Ibid. tit. l. c. 298. — ²⁹⁸ Ibid. tit. l. c. 299. — ²⁹⁹ Ibid. tit. l. c. 300. — ³⁰⁰ Ibid. tit. l. c. 301. — ³⁰¹ Ibid. tit. l. c. 302. — ³⁰² Ibid. tit. l. c. 303. — ³⁰³ Ibid. tit. l. c. 304. — ³⁰⁴ Ibid. tit. l. c. 305. — ³⁰⁵ Ibid. tit. l. c. 306. — ³⁰⁶ Ibid. tit. l. c. 307. — ³⁰⁷ Ibid. tit. l. c. 308. — ³⁰⁸ Ibid. tit. l. c. 309. — ³⁰⁹ Ibid. tit. l. c. 310. — ³¹⁰ Ibid. tit. l. c. 311. — ³¹¹ Ibid. tit. l. c. 312. — ³¹² Ibid. tit. l. c. 313. — ³¹³ Ibid. tit. l. c. 314. — ³¹⁴ Ibid. tit. l. c. 315. — ³¹⁵ Ibid. tit. l. c. 316. — ³¹⁶ Ibid. tit. l. c. 317. — ³¹⁷ Ibid. tit. l. c. 318. — ³¹⁸ Ibid. tit. l. c. 319. — ³¹⁹ Ibid. tit. l. c. 320. — ³²⁰ Ibid. tit. l. c. 321. — ³²¹ Ibid. tit. l. c. 322. — ³²² Ibid. tit. l. c. 323. — ³²³ Ibid. tit. l. c. 324. — ³²⁴ Ibid. tit. l. c. 325. — ³²⁵ Ibid. tit. l. c. 326. — ³²⁶ Ibid. tit. l. c. 327. — ³²⁷ Ibid. tit. l. c. 328. — ³²⁸ Ibid. tit. l. c. 329. — ³²⁹ Ibid. tit. l. c. 330. — ³³⁰ Ibid. tit. l. c. 331. — ³³¹ Ibid. tit. l. c. 332. — ³³² Ibid. tit. l. c. 333. — ³³³ Ibid. tit. l. c. 334. — ³³⁴ Ibid. tit. l. c. 335. — ³³⁵ Ibid. tit. l. c. 336. — ³³⁶ Ibid. tit. l. c. 337. — ³³⁷ Ibid. tit. l. c. 338. — ³³⁸ Ibid. tit. l. c. 339. — ³³⁹ Ibid. tit. l. c. 340. — ³⁴⁰ Ibid. tit. l. c. 341. — ³⁴¹ Ibid. tit. l. c. 342. — ³⁴² Ibid. tit. l. c. 343. — ³⁴³ Ibid. tit. l. c. 344. — ³⁴⁴ Ibid. tit. l. c. 345. — ³⁴⁵ Ibid. tit. l. c. 346. — ³⁴⁶ Ibid. tit. l. c. 347. — ³⁴⁷ Ibid. tit. l. c. 348. — ³⁴⁸ Ibid. tit. l. c. 349. — ³⁴⁹ Ibid. tit. l. c. 350. — ³⁵⁰ Ibid. tit. l. c. 351. — ³⁵¹ Ibid. tit. l. c. 352. — ³⁵² Ibid. tit. l. c. 353. — ³⁵³ Ibid. tit. l. c. 354. — ³⁵⁴ Ibid. tit. l. c. 355. — ³⁵⁵ Ibid. tit. l. c. 356. — ³⁵⁶ Ibid. tit. l. c. 357. — ³⁵⁷ Ibid. tit. l. c. 358. — ³⁵⁸ Ibid. tit. l. c. 359. — ³⁵⁹ Ibid. tit. l. c. 360. — ³⁶⁰ Ibid. tit. l. c. 361. — ³⁶¹ Ibid. tit. l. c. 362. — ³⁶² Ibid. tit. l. c. 363. — ³⁶³ Ibid. tit. l. c. 364. — ³⁶⁴ Ibid. tit. l. c. 365. — ³⁶⁵ Ibid. tit. l. c. 366. — ³⁶⁶ Ibid. tit. l. c. 367. — ³⁶⁷ Ibid. tit. l. c. 368. — ³⁶⁸ Ibid. tit. l. c. 369. — ³⁶⁹ Ibid. tit. l. c. 370. — ³⁷⁰ Ibid. tit. l. c. 371. — ³⁷¹ Ibid. tit. l. c. 372. — ³⁷² Ibid. tit. l. c. 373. — ³⁷³ Ibid. tit. l. c. 374. — ³⁷⁴ Ibid. tit. l. c. 375. — ³⁷⁵ Ibid. tit. l. c. 376. — ³⁷⁶ Ibid. tit. l. c. 377. — ³⁷⁷ Ibid. tit. l. c. 378. — ³⁷⁸ Ibid. tit. l. c. 379. — ³⁷⁹ Ibid. tit. l. c. 380. — ³⁸⁰ Ibid. tit. l. c. 381. — ³⁸¹ Ibid. tit. l. c. 382. — ³⁸² Ibid. tit. l. c. 383. — ³⁸³ Ibid. tit. l. c. 384. — ³⁸⁴ Ibid. tit. l. c. 385. — ³⁸⁵ Ibid. tit. l. c. 386. — ³⁸⁶ Ibid. tit. l. c. 387. — ³⁸⁷ Ibid. tit. l. c. 388. — ³⁸⁸ Ibid. tit. l. c. 389. — ³⁸⁹ Ibid. tit. l. c. 390. — ³⁹⁰ Ibid. tit. l. c. 391. — ³⁹¹ Ibid. tit. l. c. 392. — ³⁹² Ibid. tit. l. c. 393. — ³⁹³ Ibid. tit. l. c. 394. — ³⁹⁴ Ibid. tit. l. c. 395. — ³⁹⁵ Ibid. tit. l. c. 396. — ³⁹⁶ Ibid. tit. l. c. 397. — ³⁹⁷ Ibid. tit. l. c. 398. — ³⁹⁸ Ibid. tit. l. c. 399. — ³⁹⁹ Ibid. tit. l. c. 400. — ⁴⁰⁰ Ibid. tit. l. c. 401. — ⁴⁰¹ Ibid. tit. l. c. 402. — ⁴⁰² Ibid. tit. l. c. 403. — ⁴⁰³ Ibid. tit. l. c. 404. — ⁴⁰⁴ Ibid. tit. l. c. 405. — ⁴⁰⁵ Ibid. tit. l. c. 406. — ⁴⁰⁶ Ibid. tit. l. c. 407. — ⁴⁰⁷ Ibid. tit. l. c. 408. — ⁴⁰⁸ Ibid. tit. l. c. 409. — ⁴⁰⁹ Ibid. tit. l. c. 410. — ⁴¹⁰ Ibid. tit. l. c. 411. — ⁴¹¹ Ibid. tit. l. c. 412. — ⁴¹² Ibid. tit. l. c. 413. — ⁴¹³ Ibid. tit. l. c. 414. — ⁴¹⁴ Ibid. tit. l. c. 415. — ⁴¹⁵ Ibid. tit. l. c. 416. — ⁴¹⁶ Ibid. tit. l. c. 417. — ⁴¹⁷ Ibid. tit. l. c. 418. — ⁴¹⁸ Ibid. tit. l. c. 419. — ⁴¹⁹ Ibid. tit. l. c. 420. — ⁴²⁰ Ibid. tit. l. c. 421. — ⁴²¹ Ibid. tit. l. c. 422. — ⁴²² Ibid. tit. l. c. 423. — ⁴²³ Ibid. tit. l. c. 424. — ⁴²⁴ Ibid. tit. l. c. 425. — ⁴²⁵ Ibid. tit. l. c. 426. — ⁴²⁶ Ibid. tit. l. c. 427. — ⁴²⁷ Ibid. tit. l. c. 428. — ⁴²⁸ Ibid. tit. l. c. 429. — ⁴²⁹ Ibid. tit. l. c. 430. — ⁴³⁰ Ibid. tit. l. c. 431. — ⁴³¹ Ibid. tit. l. c. 432. — ⁴³² Ibid. tit. l. c. 433. — ⁴³³ Ibid. tit. l. c. 434. — ⁴³⁴ Ibid. tit. l. c. 435. — ⁴³⁵ Ibid. tit. l. c. 436. — ⁴³⁶ Ibid. tit. l. c. 437. — ⁴³⁷ Ibid. tit. l. c. 438. — ⁴³⁸ Ibid. tit. l. c. 439. — ⁴³⁹ Ibid. tit. l. c. 440. — ⁴⁴⁰ Ibid. tit. l. c. 441. — ⁴⁴¹ Ibid. tit. l. c. 442. — ⁴⁴² Ibid. tit. l. c. 443. — ⁴⁴³ Ibid. tit. l. c. 444. — ⁴⁴⁴ Ibid. tit. l. c. 445. — ⁴⁴⁵ Ibid. tit. l. c. 446. — ⁴⁴⁶ Ibid. tit. l. c. 447. — ⁴⁴⁷ Ibid. tit. l. c. 448. — ⁴⁴⁸ Ibid. tit. l. c. 449. — ⁴⁴⁹ Ibid. tit. l. c. 450. — ⁴⁵⁰ Ibid. tit. l. c. 451. — ⁴⁵¹ Ibid. tit. l. c. 452. — ⁴⁵² Ibid. tit. l. c. 453. — ⁴⁵³ Ibid. tit. l. c. 454. — ⁴⁵⁴ Ibid. tit. l. c. 455. — ⁴⁵⁵ Ibid. tit. l. c. 456. — ⁴⁵⁶ Ibid. tit. l. c. 457. — ⁴⁵⁷ Ibid. tit. l. c. 458. — ⁴⁵⁸ Ibid. tit. l. c. 459. — ⁴⁵⁹ Ibid. tit. l. c. 460. — ⁴⁶⁰ Ibid. tit. l. c. 461. — ⁴⁶¹ Ibid. tit. l. c. 462. — ⁴⁶² Ibid

elsi per varias tuas litteras nobis missas adventui tuo per varios statueris terminos; in nullo tamen eorum venire curaris, etc. De Avinione non. Julii ».

32. Implicitus erat Genuesi bello Robertus¹, nec quamvis cum Pontifex urgeret litteris², et milite et commatu communis Genua, ad ipsam Pontificiam accederet, nisi sequenti anno Genua discedere potuit. Premebant Genuam Aurie et Spinola³, Matthaei vicecomitis aliorumque Gibellinorum et Germanorum copis succincti duce Marco vicecomitis filio obsidione, jam ante Saona⁴ mense Martio noctu prodicione occupata, ac pluribus arcibus Guelphis ereptis⁵; quocirca Pontifex Robertum VII kal. Aprilis, ut prompta Gemensibus ac Pedemontanis laborantibus auxilia submitteret, excitavit⁶. Paruit ille monitis Pontificiis, atque ad tuendum adversus Gibellinos insubres Pedemontium copias contraxit⁷. Tum validissimam classem, precibus etiam Genuesium impulsus, comparavit; et una cum Philippo principe Tarentino et Joanne Gravinæ comite Genuam appulsi⁸, urbemque in discrimen adductam commatu refecit. Nec tamen Gibellini cepta consilia abjicere⁹; sed novis collectis viribus, ac federe cum imperatore Gracorum, Friderico Trimerie rege, marchione Montisferrati, Castrucio Lucano, ac Pisanis confirmato, regem Robertum in ea urbe obsidione cinxere; tamque acriter urseri, ut diruta moenium parte, in urbem irrupture periclarint, nec nisi magna cede utrinque edila propulsari potuerint. Audito illius discrimine, Florentini, Bononienses alique Guelphorum partium ad regis auxilium confluxere¹⁰; nec tamen nisi sequenti anno soluta obsidio est. Ceterum provocavit Robertum Marcus vicecomitis Matthaei filius ad certamen singulare, ea lege, ut victor Genua poliretur; sed rex temerariam provocationem repudiavit.

Nec defuit partibus suis Pontifex, ut ejusmodi belli flammam exstingeret, atque ideo iditus Martii Gemenses hortatus est¹¹, ut concordiam inter se redintegrarent: ad quam conciliandam Bernardum Guidonis et Bertrandum e Turre de quibus supra memoravi¹², transmisit: acceperunt jam bello VIII kal. Septemb. iudicii inducias¹³, ac Trecensem episcopum et abbatem S. Saturnini ad dissentientes in mutuum pacem adducendos misit¹⁴. Quo etiam argumento ad Robertum Sicilie regem et Carolum filisum Lavanie comitem, ut ea in re operam suam collocarent, hortatus est¹⁵; tum Gibelline factionis Genuenses obsidionem solvere¹⁶, alios vero ludus et in his contrahere iussit¹⁷. Denique ad dirimendam aquilone non vi controversiam, adversus partibus, si ab his, quos

judices causae constitueret, componi non potuissent, interduci iudicium: cuius liti causas ita relevit¹⁸:

« Joannes, etc. iudicibus.

« Post deponitum seu finitum eorum officium, qui tunc civitatis tamrum Genua regimini preesse debant, duo ejusdem civitatis cives et incolae, videlicet dilectos filios nobiles viros Carolum de Fisco et filium Lavanie, et Gasparem de Grimaldi, juxta morem habitum in talibus observatum concedit et elegerunt: sed pacis amore malorumque omnium incutere perverto hujusmodi statui pacifico favendo, ac inter eos intestina dissidia seminante, nonnulli ex predictis civibus, qui cum suis concivibus, si voluissent, civiter in pacis tranquillitate convivere, poterant cum multis utrorumque profectibus pacis tranquillitate lacerari, quique sepius modo simili assumpti fuerint ad regimen antedictum; inhiantes ad dictum regimen impudenter, ex hoc tanta dedignationis, vel potius indignationis materiam conceperunt, quod nulla causa rationabili precedente civitatis ambitio existerent; ac post hujusmodi exitum suorum concivium, imo potius proprium meditantis exitium, et ut rei pandit eventus, et ad totius civitatis exterminium votis hostilibus aspirantes, nonnullas civitates, villas et loca eidem communi subiecta hostiliter invaserunt et occuparunt, ipsaque contra comitem praefatum ad rebellionis devium delinquentes detinent occupata; ac deinde ex certis congestis presidii, ac suorum complicitum et sequacium ex diversis partibus auxiliis conquestis viribusque conflatis, ad civitatem Januensem se hostiliter contulerunt, ipsamque dura obsidione delinquentes obstrictam, die noctuque instructis machinis et aliis bellicis instrumentis impugnant.

« Et licet predicti capitanei hujusmodi capitaneatus officium duxerint deponendum ac praefatum commune charissimo in Christo filio nostro Roberto Sicilie regi illustri usque ad certum tempus dictae civitatis et ejus districtus concorditer dominium et regimen duxerint concedendum; dictusque rex, hujusmodi concessionem acceptans, et ad bonum pacis et concordiae intrinsecorum et extrinsecorum civium eorundem ferventer aspirans, eosdem extrinsecos requisiverit, quod cum ipse paratus esset ipsos gratiose recipere, eos pacifice gubernare, ac utrosque prout ad sum ejusdem suscepti regiminis officium pertinebat, in iuste directionis aspicillate servare, sibi tanquam eorum civitatis ejusdem rectori, in his, quae ad praedictum spectabat officium, obedire, et ad obsidione praedicta recedere procurarent; iidem tamen extrinseci, in decessu eidem erecti superbiarum, requisitioni ejusdem regis laudabili plurimum parere non tam in insipienter, quam contumaciter contemnerunt, etc. » Subdit, cum ex eo intestino

¹ Tom. I. Ep. spec. DCCXIX. — ² Ibid. Ep. spec. DCCXX.

³ Jo. Vili. I. IX. c. 92. — ⁴ Tom. I. Ep. spec. DCCXX.

⁵ Ibid. Ep. DCCXXI. — ⁶ Jo. Vili. III. c. 1. — ⁷ Ibid. Ep. spec. DCCXXII.

⁸ Tom. I. Ep. spec. DCCXXV et DCCXXVI. — ⁹ Ibid. Ep. spec. DCCXXVII.

¹⁰ Ibid. Ep. spec. DCCXXVIII. — ¹¹ Ibid. Ep. spec. DCCXXIX. — ¹² Ibid. Ep. spec. DCCXXX.

¹³ Ibid. Ep. spec. DCCXXXI. — ¹⁴ Ibid. Ep. spec. DCCXXXII.

¹⁵ Tom. I. Ep. spec. DCCXXXIII. Jo. Vili. I. IX. c. 93, 92.

et in Siciliam abductum regia uti clementia persuasit ¹: « Cum sicut, inquit, audivimus dilectum filium nobilibus viri Martini Zucharie de Janna per societatem illam, ne dicamus colligationem, quæ ducatum Atheniensem temeritate damnaibili occupare præsumpsit, et detinet occupatum sine causa rationabili; (incitatos enim a schismaticis Græcis adversus Gallicæ stirpis Catholicos vidimus, cum tamen in Orientem, ut in Turcas bellum sacrum gererent, trajecissent); captus exilerit et ad te in Siciliam cum eisdem captivis adductus; nos qui et eisdem captivorum injuste detentioni compatiuntur, ac desideramus claritati consuli famæ tuæ, ne in ejus quod absit, redundet infamiam malitia perversorum; magnitudinem tuam hortamur, etc. » Addit preces ut ipsos restituit liberati. « Dat. VII kal. Julii ». Cæterum ut Achaia e Catalanorum manibus, qui injustis armis eam subegerant, eriperetur conciliatum est inter Isabellam principatus heredem ac Joannem Gravina comitem fratrem Siculi regis matrimonium: ad quorum gratiam, ut iniri posset, legem de consanguinitatis gradibus Pontifex solvit ².

Ut vero hic reliqua ad Græcas res spectantia conjungamus; Cephaloniam comes Thimasium levirum Græciæ despotam necavit, invasitque principatum, quem ex pactis conventis, ac jure hæreditario conjugi susceptoque ex ea filio deberi contendebat: qua de re Joannes Francorum regem ex Philippi principis Tarentini litteris certiores fecit ³.

33. *Urosius Rasciæ rex schismaticus regno pulsus*. — Coiere eo tempore inter se fœdera armorum Macedonice proceres ad excutiendum Urosii Rasciæ regis schismatici servitutis jugum, Romanæque Ecclesiæ obsequium amplectendum: contulerunt prius ea consilia cum Pontifice, qui ipsos ad ea perducenda hisce litteris inflammavit ⁴:

« Joannes, etc., dilectis filiis nobilibus viris Guillelmo Bleniste Proto-sevatori, Guillelmo comiti, Paulo Materango cæterisque baronibus regi Albanie.

« Ex fide dignæ insinuationis assertionem non absque paternæ compassionis affectu percepimus, quod vos sub gravi tyrannide illius regis perfidi Rasciæ, nedum schismatici et religionis Christianæ totaliter inimici; quin etiam omni humanitatis destituti fœdere, et ultra feralem sævitiam offerato animo sævientis quasi ex cujusdam necessitatis indicto propter temporis corrupti malitiam inviti convivitis, firmo concepto proposito illius declinandi perfidiam quamprimum opportunitas arripuit, ne ab ipsis convicto mores perditos contrahatis; tanquam viri Catholici et in orthodoxæ fidei veritate fundati, ac spiritu inspirati Dominico, dum favebit aura felicior, educturi libenter

in publicum quod ad tempus dissimulare cogimini, quodque latet de sinceritate vestræ fidei ac devotionis innotescum. Porro, filii, de tam laudando vestro proposito gratulamur, quod nimium acceptum habemus in gerimine, et proleto fiet acceptus dum suo tempore ad fructum pervenerit consummabum.

« Perstate igitur, et spiritum nolitis extinguere; et tam laudandum vestrum in hac parte conceptum quam celerim, tute ac opportune poteritis, in partem producere viriliter studeatis. Nec vos ipsis schismatici malignitas terreat, non quævis turbatio in partem alteram claudicare compellat: sed spe sub Omnipotentis fiducia de nostra et Romanæ matris Ecclesiæ, quæ caput est omnium fidelium et magistra, et quæ de filiorum salute lætatur, favorabili persecutione concepta, ipsius spei fortitudine roborati, ac confortati in virtutis divinæ potentia, robur spiritus assumatis: et quod nunc sub dissimulatione transire vos expedit, suis loco et tempore nullatenus omittatis implere; beatam spem, ac magni Dei et Apostolicæ Sedis auxilium, quod vobis, ut speramus, aderit de propinquo, fiducialiter expectantes, etc. » Subdit eos tam egregio facinore summam apud Deum hominesque gloriam collecturos, Circensemque episcopum, quid factu opus sit ipsis dicturos. « Dat. Avinionæ XV kal. Julii ». Aliis etiam litteris excitavit ¹ ad constantiam in fide Catholica, in qua hactenus perstiterant, Mentulum Musatium comitem Clissanie, Audream Musatium regni Albanie marescallum, et Theodorum Musatium protosevastorem; atque in suscepto de pellendæ impij Rasciæ regis servitutis, tuendæque fidei Catholice consilio confirmavit. Præterea Bladislauum Conic Diocleæ et maritimæ Albanie comitem, virum Catholicum, ad premenda alto pectore egregia illa consilia, cumque affulgeret occasio, explicanda perducendæque est adhortatus ².

Animati Pontificis exhortationibus atque auxilii spe Albanie proceres, abjurato schismate ad tuendum Catholicum dogma in tyrannum insurrexere. Quo accepto Joannes eorum constantiam his verbis extulit ³: « Inducti fortitudine curastis opportunitate captata consurgere, et iugo suæ tyrannidis et iniqua conversatione, (Urosii scilicet Rasciæ regis schismatici), abjecto in libertatem et confessionem fidei prostrare, laudabiliter educentes in publicum, quod quandoque latuerat de sinceritate vestræ fidei ac devotionis innotescum: et ad iudicium plenius devotionis vestræ laudabilis de Romana Ecclesia, matre vestra quæ caput est omnium fidelium et magistra, et quæ de fidelium salute lætatur, filiali securitate confisi, eam tueri in vestrum auxilium advocastis, etc. » Addit fideles omnes ingenti perfusus lætitia, cum ipsos servitutis schismaticæ jugum e suis cervicibus depulisse acceperunt, neque illis opera defuturos.

¹ Tom. I. Ep. scer. DLXXX. — ² Ibid. Ep. DLI. — ³ Ibid. Ep. D-CCCL. — ⁴ Ibid. Ep. LVI.

¹ Tom. I. Ep. DLXXX. — ² Ep. ILXXII. — ³ Ep. DEX...

Profecto iniisse in eorum auxilium armorum lae-
dus Philippum Tarentinum principem, Carolum
Ungariae regem, ac Banum Maladinum Bossinen-
sem, innunt litterae Pontificiae ad Philippum Ta-
rentinum datae¹, quibus bellum adversus Graecos
schismaticos, ac maxime Urosium suscepisse gra-
tulator, Pontificiaeque opera se non defuturum
pollicetur.

36. *Bellum sacrum in Mauros Granatenses.*—
Neque adversus schismaticos modo sacrum bel-
lum, sed etiam in Mauros susceptum. Praeclara
adversus Saracenos Granatenses Petri Sancii faci-
nora, quae anno superiori explicuerat, illius pa-
truum Joannem e Castellana stirpe regia princi-
pem, alterum Alfonsi pueri regis tutorem, laudis
cupidine incendere, ut in barbaros, sacrae militiae
accepto crucis symbolo, arma devoveret. Utque pia
consilia proveheret, cum Joanne papa egit², ut
divina humanaque sibi auxilia porrigeret. Usus
est etiam illius ex fratre nepos Petrus Sancii, qua
floreat apud Pontificem gratia, ut Joannem, qui
equites quingentos cataphractus, ac nonnullas tri-
remes in ea expeditione se duce vel filio confi-
cienda, instruere meditabatur, Sedi Apostolicae
commenderet. Sed cum procuratorem ea, quae
necessaria erat, auctoritate pollentem non misisset,
Pontifex ne sacro bello morae tardiores objiceren-
tur, Compostellano archiepiscopo atque episcopo
Cordubensi provinciam dedit, ut Joannem princi-
pem in belli Granatensis societatem adscisci ope-
rare navarent, atque una cum Maria Lupi comitis
Farensis filia et Elisabetha Alfonsi Lusitanae stir-
pis principis nata iis legibus convenirent, quae cum
Raimundo Cardona Petri nomine fuerant consti-
tuta; obstringerent etiam fidem Joannes princeps
ac filius vel ducturos exercitum, vel strenuum
ducem misuros ac pacem cum Petro regiae pro-
curatore regeque Alfonso servaturos: ipsisque ad
comparandas copias in Granatenses decimarum
mediam partem conferrent. Quod ad Mariam et
Elisabetham spectat, ducenda³ esse erant in uxores
a Joanne principe ac filio, solvente ad eorum gra-
tiam legem de consanguinitatis gradibus Pontifice
ea conditione, ut cum e re Christiana foret, in
regni Granatensis limite bellum adversus barbaros
gereret: inflammavit etiam Christi vicarius pium
Joannis Castellani principis evertenda ex Hispaniis
Saracenae superstitionis ardorem subjectis lit-
teris⁴:

« Joannes, etc., dilecto filio nobili viro Joanni
infanti, nato clarae memoriae Alfonsi regis Ca-
stellae.

« Copiosus in misericordia Dominus, qui de
sua abundantia pietatis corda fidelium ad suae ma-
jestatis obsequia devotionis ardore succendit pre-
cordiis tuis adeo copiosae gratiam caelestis inspi-
rationis infudit, quod tibi delectabile reputas

propriam exponere, in ipsorum prosecutione perso-
nam; sique pio ductus proposito, tanquam stren-
uus athleta Domini negotium impugnationis
perfidorum Agarenorum, a quibus regnum Gra-
natae in Dei contumeliam delinetur, tutior nomine
charissimi in Christo filii nostri Alfonsi Castellae
regis illustris, qui sub teneritudine puerilis aetatis
adhuc dignoscitur constitutus, assumpsisti sub spe
caelestis auxilii ferventer et viriliter prosequendum.
Ut igitur rex praefatus et tu ex praemissis in prom-
pti exhibitione laboris percipias apertius mentem
nostram, personam dicti regis et tuam; necnon et
ipsius regis, regna ac ejusdem et tuas terras et do-
minia, ac bona mobilia et immobilia, quae in prae-
sentiarum juste et rationabiliter possides, ab eo
die quo tu personaliter ceperis in executione hu-
jusmodi officii proficisci, et quamdiu prosecutioni
hujusmodi institeris; sub B. Petri et nostra pro-
tectione suscipimus, etc. » Sublit se Toletano atque
Hispalensi archiepiscopis, et episcopo Cordubensi
provinciam demandare, ut censurarum Ecclesia-
sticarum terrore illis, qui bellum iis moverint,
aut in bona ipsorum involvari, incutiant. « Dat.
Avin. id. Aug. anno secundo ».

Extant hujusmodi litterae¹ ad eos praesules
datae, quibus divinae clementiae extollit, quae
Joannis animum ad excindendos Saracenos, de-
lendamque illam Christiani nominis labem ac
pestem excitavit; praecipitque tum, ut principem
in eo sacro bello districtum tueantur, tum Castel-
lanis, Aragoniis, Cathalanis, Valentinis, Lusitanis
et aliis, qui in illius belli societatem confluerint,
eadem indulgentiarum praemia proponant, quibus
in Terram-Sanctam transfreturi affici consueve-
runt; eaque ad pelliciendos ad tanti operis gloriam,
et commovendos Christianos in Ecclesiis, iis in
regnis sitis, solemniter promulgent.

37. Ad elidendas vero Saracenorum vires in-
cuti iis Ecclesiasticas poenas, atque in Aragonia,
Castella et Balearibus promulgari jussit², qui Gra-
natensibus comenatus mercesque velitas infer-
rent, si qui vero eo crimine se devinxissent, ea
lege a Compostellano, Toletano et Hispalensi archi-
episcopis absolvendos commisit³, ut injuste apud
Granatenses parta ad eos edomandos converterent.
Praeterea praesulibus iisdem injunxit⁴, ut decimas
ac duas partes decumae reparandis Ecclesiarum
sortis tectis adlitas cogerent, atque in bellum Gra-
natense derivarent: tum ad conciliandam inter
procres concordiam incumbenter. Constituta⁵ ea
est Vallisoleti, ubi regni conventus habiti, prae-
cipua reginae industria: ac sancitum, ut Joannes et
Petrus principes divisio copii publico arario in
Maurorum fines irruerent: sed quam tristi rerum
exitu, sequenti anno dicitur, ne luctum ante
tempus accersamus. Justo quidem divini Numinis

¹ Tom. I. Ep. CLXII. — ² An. 2. p. 2. Ep. com. CLVII. — ³ Ibid. Ep. MDCLXXXVII, MDCLXXXIX, MDXC. — ⁴ Ibid. Ep. MDXCIV.

¹ An. 2. p. 2. Ep. MDXCIV. — ² Ibid. Ep. MCCXXVI, MCCXXVII.
— ³ Ibid. Ep. MCCXXV, MDCLXVIII. — ⁴ Ibid. Ep. MCCXXIII,
MCCXXIV. — ⁵ Marian. I. XV. c. 16.

Castellanorum plectentis crimina iudicio ea clades adscribi poterit: cum mores populi a Christiana pietate deficerent, ac præsules vitiorum potius quam virtutum exempla transfunderent: quos Pontifex missis Toletano archiepiscopo et suffraganeis litteris ad sanctitatem colendam, ac subiectos populos verborum et operum nitore erudiendos est cohortatus¹.

38. *Cæsaraugustana sedes in archiepiscopalem excitata, et Tarraconensis divisa.* — Ut facilius pristinus religionis splendor in finitimo Aragoniæ regno refluerecet, novam in eo archiepiscopalem sedem, Cæsaraugustanam scilicet excitavit², (1) de qua hæc Bernardus³: «Anno Domini mcccxxviii, in mense Augusti meo oratus dominus Joannes papa archiepiscopatum Terraconensem unicum antea in regno Aragoniæ divisit, et constituit esse duos, episcopalem sedem Cæsaraugustanam in archiepiscopalem erigens pro secundo, quinque sibi suffraganeis episcopis designatis ex illis undecim, quos prius Tarraconensis metropolitani obtinebat, sex sibi tantum suffraganeis reservatis». Extant ad Jacobum regem Aragonum ea de re Pontificis litteræ⁴; qui cum Aragoniæ episcopatus in plures, ut in Galliis anno superiori egerat, dividere meditaretur, Terraconensis archiepiscopus, ne id præstaret, precibus ab eo contendit⁵ cum episcopatum vectigalia adeo ampla non essent, ut sustinendæ episcopali dignitati partita sufficerent.

39. *Dissidia regum Lusitaniæ componit Pontifex ope Elizabethæ reginæ.* — Similiter de Ulyssiponensi in Lusitania episcopatu dividendo agitavit Pontifex, Compostellanoque archiepiscopo provinciam dedit⁶, ut de vectigalium ac diocæsis amplitudine cognosceret. Tractabat tunc Ulyssiponensis Ecclesiæ gubernacula Stephanus⁷, quem discordias, de quibus anno superiori actum est, inter Dionysium regem et Alfonsum filium ac reginam disseminasse, Pontifex arguit. Asperserat illi hoc crimen Lusitania rex: sed cum nullus in Stephanum accusator legitimus compareret, regi rescri-

psit Joannes legibus in ipsum agi non posse: deinde ad confirmandum in adversis animum, pacemque cum suis sectandam hortatus est, cum in eo bello sine luctu vicor esse non posset; deque morte Dionysii nepotis morientem est solatus¹. Alfonso vero filium gravissimis litteris a gerendis in parentem armis deterruit², ne impii filii nomen sibi pareret: tum detractorum consiliis subornari se non pateretur, qui ad ancupanda sua commoda ipsum in flagitium præcipitem agerent.

«Joannes, etc. dilecto filio nobili viro Alfonso, charissimi in Christo filii nostri Dionysii regis Portugallicæ illustris primogenito.

«Adversus talium molitiones iniquas constantiam tuæ magnanimitatis oppone. Considera, quæsumus, quam indecens esset et reprobum, præfatos tuos genitorem ac genitricem ab invicem dividi, qui debent in unanimitate convivere, et incumbencia onera communi et concordii consilio et auxilio supportare. Considera quam abominabile Deo et hominibus censeretur dissidere inter se patrem et filium cum civilis auctoritas patrem pro filio consilium capere, et in eo plusquam in se ipso pati perhibeat; filiusque totum quod est post creatorem suum debeat censeretur dissidere inter se carne et sanguine, sementativa originis et naturæ beneficio corporalem existentiam principaliter mutuavit.

«Considera quantum sit apud Deum et homines commendabilis et accepta exhibita patri reverentia, quamque sit execrabilis et damnata infansis eventibus irreverentia in parentes. Et quidem parentes honorari Dominus præcepit, et pro honore illis exhibito dierum longitudinem re-promittit. Deo vero abominabilis esse dignoscitur, qui molestare patrem aut irritare conatur: imo sicut putrescit membrum separatam a corpore, et ramus ab arbore avulsus arescit; sic et filius se-junctus a devotione paterna jam non est filius, sed frater et collega illorum, qui ex patre diabolo describuntur. Considera denique, quod in sectione hujusmodi si quod absit, forte procederet, regno, cujus es post dictum regem, volente Deo, gubernat-

¹ Tom. I. Ep. secr. DLXVI. — ² An. 2. p. 1. Ep. cur. xcvi. —

³ Bern. Chr. Rom. Pont. et Ms. Vat. bibl. sign. num. 3763, in Clem. V. — ⁴ Tom. I. Ep. secr. DCCXXIV. — ⁵ Ibid. Ep. DLXXVI.

— ⁶ Ibid. Ep. DLXXIX. — ⁷ Ibid. Ep. secr. DII.

¹ Tom. I. Ep. DLXXVI. — ² Ibid. Ep. DII.

(1) De constituto hoc anno Cæsaraugustino archiepiscopatu, cum antea Ecclesia illa suffraganea esset Ecclesie Tarraconensi, agit hic auctoritas. Hujus erectio, quam Pontifex meditabatur, occasione, Concilia in Aragonia hoc anno duo celebrata sunt. Cæsaraugustanam nempe quæ XIII Decembris metropoli jam constituta convenit, assidentibus archiepiscopo Petro de Luna, cum episcopis Oseensi, Tirasonensi, Calagiritano, et vicariis episcoporum absentium, duobus nempe aliorum episcoporum, qui e Tarraconensi metropoli avulsi Cæsaraugustanam constituerant. Quod in eo Concilio actum sit, quamvis nullibi legatur, faciè intelligimus: agebatur enim de rebus novæ metropoli constituendis. Summa pariter Concilium ante metropolim sue sessionem habuit Eximius archiepiscopus Tarraconensis die VII. Martii anni MCCCXXVIII, sibi veteri, novo vero anno MCCCXXVIII, cui præter archiepiscopum episcopi septem adierant, per procuratorem tantummodo Cæsaraugustano ceterisque presentibus. Litteræ a Patribus illis ad Pontificem datæ pro allegando in synodo Abam¹, Raymundo. Nec plura de rebus in eo constitutis in Collectione Veneto-Labbeana. Sed ejus duo canones referuntur in Collectione canonum Tarraconensium, approbata a Concilio Tarraconensi anni MCCCXXIX, legendi in Collectione Veneto-Labbeana tom. XV, col. 379, cau. LVIII et LIX. Den in Collectione Marteniana VII, col. 305 exant ejus Concilii canones VII, inter quos duo illi a Concilio anni MCCCXXIX relati occurrunt, in e tantummodo discrimine quod in canonibus Collectionis jubeatur clerici et canonici non sacerdotes *ter et anno communicare*; cum his tantummodo i. Martiani Actis legatur, Ultra lecto preferenda sit ignorio. In reliquis canonibus quedam statuta de Beuardis et Begomis, ne scilicet conventus extra Ecclesiam aiant, ne cohabitent in eodem domo, ne vestes præter consuetas proxime et loci gerant, ne libros Theologice veruaculæ scriptis habeant; sed illos actum ad digressas referant. Nihil tamen novi inungitur illis qui ad Arnam reguæ Tertii Ordinis S. Francisci a Nicolao III approbate vitam in Collegio commune instituerint. Denique ne quis, nisi quibus a jure concessum, Virginitatis continentie puellarum votum exigat vel admittat.

possessurus, desolationis posset imminere discrimen, etc. Dat. XII kal. Aprilis ».

Nullas præteritis partes regina Elisabetha, quam admirande virtutes et miracula insignia ad sanctorum numerum extulere, ut pacem inter filium maritumque conciliaret; qua de re Pontifex ipsi est gratulatus¹: « Displicenter », inquit, « audivimus, filia, qualiter nonnulli illius, qui primum schisma suscitavit in cælo vestigia prosequentes, inter charissimum in Christo filium nostrum Dionysium regem Portugallie, virum tuum ex una parte, et te ac dilectum filium nobilem virum Alfonsum utriusque primogenitum ex altera, nisi sunt occultis machinationibus discordiam ponere, ac tuum et ipsius primogeniti animos contra regem ipsum latenter perversis persuasionibus concitare. Sane quod hujusmodi discolorum in hac parte non habuit, sicut gratanter accepimus, conatus effectum, in illo gaudeamus, etc. » Hortatur, ut filium in parentis obsequio contineat, maritoque obtemperet. Pontificis monitis adeo sedulo regina sanctissima morem gessit, ut quamvis ferret fama Dionysium ipsius filio legitimo eripere hæreditarium sceptrum moliri, ut in spurium transfunderet, adversus ipsum non modo in arma non prosilierit, sed ut utrumque demulceret, atque acies appositae dirimeret, studium omne collocarit; ac licet Dionysius thori jura violasset, ipsa tamen adulteræ filios divini amoris intuitu, ut suos raro exemplo tractaret.

40. *Munera a Lusitanie et Gallie regibus missa Pontifici.* — Transmisit ad Dionysium Pontifex², ut ipsum ad pietatem excitaret, nonnullas sanctorum reliquias, in pretioso vasculo reconditas: ac vicissim Lusitanus rex Pontificem quatuor millium aureorum munere est prosecutus³. Utque adjungamus similia; suscepisse Joannem a Philippo Longo Francorum rege pretiosa munera, docent Pontificie ad regem ipsum datæ litteræ⁴, ex quibus hæc decerpsi: « Presentata nobis nuper in festo Circumcisionis Dominicæ grandia tuæ serenitatis munera, ipsa quidem materia, nec minus opere superante in plerisque materiam pretiosa, pulchros videlicet scyphos, potos atque barilia; annulos, speculum et linguaria serpentina, affectu grato suscepimus, etc. » gratias pluribus verbis officiis agit. « Dat. Avinione XV kal. Febr. » Exceperat etiam superiori anno⁵ a Maria regina Siciliæ⁶ anulum aureum pulcherrimum smaragdo insignem: et a Guidone episcopo Aretino crucem⁷,

ac duo Angelorum signa argento conflata; a Beatrice vero comitissa Lucemburgensi tabulas refertas reliquis sanctorum, cui grates hisce verbis exsolvit: « Locale pulcherrimum, tabulas videlicet, nedum decoratas ornatu mirabili, sed etiam variis sanctorum reliquiis copiose munitas, quas nobis tua nuper devotio offerre curavit, tanto lætiori manu suscepimus, quanto magis in spiritalis ædificationis auxilium, et remedium consolationis assidue tam pretiosissimis beatissimisque thesauris reliquiarum hujusmodi optamus piæ ambitionis affectu ditari ».

41. *Ferrarienses et marchiones Atestini ad Pontificis imperia redeunt.* — Aberant ab eo regum et principum in Christi vicarium studio nonnulli Ecclesiæ clientes, ac viri nobiles, qui ex ejus spoliis opes aggerere, atque ad novam annui potentiam moliebantur. Defixi anno superiori ob Ferrariam ereptam Ecclesiæ marchiones Atestini ac Ferrarienses ob initam cum iis coitionem censuris Ecclesiasticis, misso ad veniam deprecandam oratore⁸. Pontificis imperiis se subjecerant (1). Pontifex itaque ad amissa jura recuperanda⁹ Atrebatensem et Bononiensem episcopos, magistrum Aymericum e Castro-Lucii nuntios Apostolicos, in divinis humanisque Ferrariensibus rebus summa auctoritate fultos misit¹⁰, provincia imposita, ut urbis palatia et arces a marchionibus reciperent¹¹, qua etiam de re Raynaldo, Azoni et Opizoni principibus imperia dedit¹², utque ipsorum fratres Bertoldus et Nicolaus procuratorum opera, ut conventum erat, id ratum haberent: « Nobilitatem, inquit, vestram monemus et hortamur atente, per Apostolicam vobis scripta districte præcipiendo mandantes, quatenus palatia supradicta cum fortaliis, appenditiis et pertinentiis supradictis, sicut per eadem confinia designantur, eorum possessionem pacificam præfatis nuntiis, aut duobus vel uni eorum, seu alii vel aliis, cui vel quibus ipsi vel duo ex eis id duxerint committendum, infra terminum antedictum plene et integre nostro et Ecclesiæ prædictæ nomine reddere et assignare curetis; ratificationem, confirmationem et approbationem prædictas per Nicolaum et Bertoldum eosdem cum auctoritate curatorum suorum, ut præmittitur, fieri sine difficultate qualibet facientes, etc. Dat. Avinion. VIII kal. Julii anno secundo ».

Ad constituendam denique rem Ferrariensem Joannes redintegrata a Clemente cum Venetis

¹ Tom. I. Ep. D. — ² Ibid. Ep. secr. DLXXIV. — ³ Ibid. Ep. CDXXVIII. — ⁴ Ibid. Ep. CDLVII. — ⁵ Ibid. Ep. CDXXXIX. — ⁶ Ibid. — ⁷ Ibid. Ep. XLVIII.

⁸ Tom. I. Ep. L. — ⁹ An. 3, p. 4. Ep. cur. CXXIV. — ¹⁰ Ibid. Ep. CXXIII. — ¹¹ Ibid. Ep. L. — ¹² Ibid. Ep. CXVII. — ¹³ Ibid. Ep. CXVIII.

(1) De restituenda quidem Ferraria Pontifici hoc anno agitata fuisse consilium, non ab uno, sed nunquam reipsa redditum censeo. Cum enim eo forte tempore, quo Pontifex litteras ea de re scribit easque in Annalibus recitat, Azon Estensis decesserit, (obit enim die XXIX Junii ut asserti anonymus Estensis chronista Rei. Italie, tom. XV col. 382.) hinc forte omnis de pace tractatio abrupta est. Id colligo ex silentio coævorum scriptorum, qui reditus ejus Ferrariensem ad Pontificem hoc anno facti nusquam meminerunt. Quin, et ipsenec analista facit, hoc ipso anno Ferrarienses sub Atestinorum jugum iterum rediisse. Quæ rerum vicissitudines nunquam sine bello fuissent, et bellum, si quod intercessisset, anonymus Estensis nunquam præterisset.

pacta, quæ inter ipsos ac Ferrarienses Opizonis atque Azonis temporibus vignerant, confirmavit¹. Ubi² etiam, adductis in medium Venetorum, Ferrariensium, atque imperatorum publicis Tabulis, Ferrariam ditionis esse Ecclesiasticæ comprobavit³. Quæ illustrent etiam aliis inserta litteris⁴ Ferrariensium publica monumenta quibus oratorum opera Clementi V ut vero ac justo domino, fidem obsequiumque devovere. Præterea Joannes Patavinus⁵, Tarvisinos⁶, Ravennates⁷, Brixienenses⁸ et Florentinos⁹, ut pacem cum Ferrariensibus colerent, sollicitavit. Bononienses vero, qui ad continendam in Ecclesiæ obsequio Ferrariam egregiam operam navarant, commendavit¹⁰; pariterque Carolum Roberti Jerusalem et Siciliæ regis majorem natu filium ducem Calabriae coortam Beneventi seditionem, inmisso milite compressisse, est gratulatus¹¹. Cæterum Atestini iterum Ferrariam in defectionem traxere.

42. *Emilia et aliæ provincie discordiis agitate.* — Fluctuabant etiam aliæ Ecclesiastici principatus provincie. Ænifiem quidem Ordelaffus¹², qui Foroliviensium et Foropoliensium studiis fretus, inita cum nonnullis Imolensibus, Faventinis et Cæsenaibus exilibus coitione turbare moliebatur. Adversus quem ac fœderatos Apostolicis nuntiis Bernardo Atrebatensi, cui curam postea provincia commisit¹³, ac Bononiensi episcopis, atque Aymerico e Castrolucii sine forensi strepitu inquirendi, ac fœderis injusti rescindendi partes demandavit. Infensus etiam erat Ecclesiæ Fridericus comes e Monteferetro, qui licet Callensem comitatum Anconitanæ marchię præsidii restituisset; Urbinum tamen atque alias terras Ecclesiæ injusta sibi dominatione subjecerat; quas ut restitueret, Pontifex litteris sollicitavit¹⁴. Pariebat sane crebras populorum defectiones nimia libertas, quam Ecclesiæ subditi in alsceiscendis sine Apostolica auctoritate præfectis sibi arrogabant; liberas enim ii publicæ rei habenas nacti, ad stabiliendam potentiam in tyrannos desciscabant; atque id in posterum fieri pluribus rescriptis¹⁵ Joannes vetuit.

Gliscibat etiam in aliis Italiæ terris discordiæ malum: ac Senæ¹⁶ Guelphæ Gibellinaque factionis turbine concussa sunt. Cremona quæ superiori anno Canis Scaligeri ac Gibellinorum impetus fregit¹⁷, mense Aprilis proditione capta sub illius potentia succubuit. Occupavit etiam Scaliger, juncto cum Goritiæ comite armorum fœdere, nonnullas Tarvisinæ ditionis terras, quæ ut pristinis dominis restituerentur, Joannem Apostolicam ad-

hibuisse auctoritatem ad nuntios Atrebatensem et Bononiensem episcopos, Rambaldum comitem e Colletto, ac Tarvisinos litteræ docent¹. Pari etiam studio contendit Pontifex² a Carolo Ungariæ rege, ut Jauriense castrum juris Ecclesiastici episcopo Jaurisienti restitueret; id regii honoris et decoris fore: « Indubitanter, inquit, fili charissime, tenere te volumus, quod tuos honores tuæque laudis et famæ preconium affectione paterna diligimus, et sic in virtuosis tuis actibus, qui honestatem regiam concedunt, delectamur. Sic equidem, si a laudibus et modestia deviant, zelo benevolentie commovemur: optamus etenim actus tuos illa semper maturitate fulciri, quod in conspectu omnium placeant, et quæpiam non offendant ». Commendavit eidem regi³ Ungaricas Ecclesias, ut ad tuenda earum jura regiam potentiam explicaret: ac Strigoniensi archiepiscopo et suffraganeis episcopis præcepit⁴, ut clerum, ejus mores obsoletiores erant, ab impudiciæ labe ad sanctitatem vitæ revocare studerent. Neque illud prætereundum videtur, excitatum a Pontifice Moguntinum archiepiscopum⁵, ut Brunsvicensem ducem, qui Pisoviense monasterium in Nuemburgensi diœcesi diripuerat, ad crimen expiandum prædamque restituendam incusso anathemate, prædiorumque ac locorum beneficio Ecclesiæ acceptorum privatione intentata, subditis fidei sacramento exhibito pronuntiatu liberis, cogret: ac ni officio defungeretur, archiepiscopus censuras ipsi objecit.

43. *Hæreses in Boemia et Polonia; et multiplex Pseudo-Minoritarum hæresis, ejusque origo, progressus et confutatio.* — Expositæ erant crebris diripiuntur rapinis hisce temporibus Germanicæ Ecclesiæ ob continua Friderici Austriaci et Ludovici Bavari, de imperio certantium, prelia: sed levior hæc erat, quam bonorum patiebantur, jactura. Illa gravior animarum, quæ turbulentis iis temporibus profanis erroribus inficiebantur. Serpebat variis in locis, ac maxime in Boemia, Mismia et Polonia fœdaram hæreseon lues, ad quam præfocandam Joannes præsules earum partium excitavit⁶: inter quos Joannem Muscatam episcopum Cracoviensem, qui munus episcopale negligentius tractabat, ut ad nascens malum, quo par erat zelo, excindendum incumberet, hisce litteris adhortatus est:

« Joannes, etc. venerabili fratri episcopo Cracoviensi.

« Non sine amaritudine cordis accepimus, quod in aliquibus partibus regnorum Boemiæ ac Poloniæ, et in eorum confinibus et limitibus, præcipue in civitate et diœcesi Cracoviensi adeo patenter hæreticæ infidelitatis error invaluit, quod ibidem quamplurimi a via veritatis prorsus aversi,

¹ An. 3. p. 1. Ep. LI et LII et CLII et CLIII et CLIV. et an. 2. p. 1. Ep. cur. CCV. — ² Sup. Ep. LII. an. 3. — ³ Ibid. Ep. CCV. — ⁴ Tom. I. Ep. secr. DCCCXIV. — ⁵ Ep. DCCCXV. — ⁶ Ep. DCCCXVI. — ⁷ Ep. DCCCXVII. — ⁸ Ep. DCCCXVIII. — ⁹ Ep. DCCCXX. — ¹⁰ Ep. DCLXII. — ¹¹ An. 2. p. 1. Ep. cur. CLXXXIII. — ¹² An. 3. p. 1. Ep. cur. LIII. — ¹³ Tom. I. Ep. secr. DCCCLIV. — ¹⁴ An. 1. p. 1. Ep. cur. CLXXXVII et an. 3. p. 1. Ep. cur. XXXVI, XXXVII. — ¹⁵ Jo. Vill. l. IX. c. 95. — ¹⁶ Ibid. c. 87. — ¹⁷ Ibid. c. 90.

¹ Tom. I. Ep. secr. DCCCXLI, DCCCXLII, DCCCXLIII. — ² An. 3. p. 1. Ep. cur. CLVII. — ³ Tom. I. Ep. secr. DCLXXI. — ⁴ Ibid. Ep. DCLXXII. — ⁵ An. 3. p. 1. Ep. com. CLXXIV. — ⁶ An. 2. p. 1. Ep. cur. LIV.

cuntes post devium falsitatis, ac seipsos diversis et variis haeresibus maculantes, pestíferas ad concutiendum orthodoxæ soliditatem tibi machinas construunt, ipsamque subvertere falsis et vulpinis impulsibus fallacium argumentationum intendunt. Quid ergo, frater, tu ad hæc? Numquid stabis tota die otiosus, et tanquam nulla sit tibi cura de ovis tuis, qui exprobrant nomini agnium Israel, te zelo fidei non oppones? Annon attendis, quod clamat ad te Dominus per Prophetam, ut loquaris ad omnes civitates Juda sermones, quos locutus est tibi et sermones illos exprimendo subjungit: Vade et clama: Revertere adversatrix Israel, dicit Dominus, et non avertam faciem meam a te? Numquid etiam clamat idem Dominus per Ezechielem dicens: Si speculator viderit gladium venientem, et non intonuerit buccina veneritque gladius, et tulerit animam unam de populo, sanguinem ejus de manu speculatoris requiram? Redde ergo tuæ testimonium fidei, et in Christi negotio ulterius non lentescas: nec sit apud te verbum Domini alligatum; sed diligenter pastoralis partes officii exequaris. Noli otari in talento Domini; sed ut illud Dominus cum fœnoris accessione recipiat, Evangelicam negotiationem exerce. Insta importune et opportune: opus fac Evangelistæ, ministerium tuum imple, et animam, si necesse fuerit, pro defensione fidei ponere non formides, etc. Dat. Avin. kal. Maii anno secundo ».

44. Fuisse eos hæreticos secta Dulcinianos, refert Dubravius¹; atque in eos voluptatum aucupes ignis supplicio a Joanne Boemiæ rege sævitum: «Hoc», inquit, «laude dignum, quod nocturnis pervigilationibus ritu Dulcinianorum fraterulorum, de quibus supra commemoravimus, Pragæ occulte fieri incipientibus, in ipso statim introitu obstitit: exustisque quatuordecim viris mulieribusque hac dulcedine corruptelae depravatis, reliquis cum metum injecerit, ut bacchanalia facere desinerent, contenti posthac religione incorrupta a Patribus accepta ». Dandum id studio Romani Pontificis, qui Joannem regem Boemiæ, Wladislaum Cracoviensem, Boleslaum Loktekum Wratislaviensem duces, et marchionem Misniæ adhortatus est, ne religionem novis erroribus obsolescere et obscurari paterentur, ac sacræ fidei censoribus opera et studio non deessent. Injunctum id munus fuit² Peregrino Oppoliensi et Nicolao Hippodines Prædicatoribus, Coldæ et Hermann Minoritis, datque ipsis imperia, ut adversus fontes divini cultus zelum explicarent³.

Præter Beguardos, quos in Germania incerto auctore pullulasse ex Alvaro Pelagio antea dictum est, aliam Lollardorum pestem grassatam ferunt. Et quidem una cum Beguardis Lollardos emeruisse, cum Henricus VII sceptrum Germanicum suscepit, indicat Hoeseinius⁴ ejus temporis auctor:

«Eodem», inquit, «anno (nimirum MCCXIX), quidam hypocrite gyrovagi, qui Lollardi, sive Deum laudantes vocabantur, per flannem et Brabantiam quasdam mulieres nobiles deceperunt ». Ex quo constat eos hallucinatos⁵, qui ad posteriora longe tempora Lollardorum originem retulerunt, quod Wicleffo primum suas pargente hæreses, Lollardorum nomen infame Wicleffistis inditum vulgo fuerit: quare Walsingham⁶ passim Wicleffistas Lollardos vocat. Cæterum de Lollardorum principe Waltero quodam hoc tempore nefaria dogmata disseminante per Germaniam, Austriam et Boemiam meminere Trithemius⁷, Sanderus⁸, Genebrardus⁹ et alii. Fœlissimi erant illorum hæreticorum errores, quos hisece verbis recenset Trithemius⁶: « Articulorum hæreseos eorundem primus erat iste: missas vanitatem esse dicebant, et nullius vel reverentiæ vel utilitatis. Secundus articulus fuit, Luciferum cum dæmonibus suis cælo injuria pulsum dicebat, tandemque beatitudinem cum omnibus suis restituendum: Michaellem et Angelos omnes æternis cruciatibus deputandos, hominesque ab eorum secta alienos similiter esse dammandos; unde cum se mutuo salutarerent, dicebant: Salutet te injuriam passus, id est, Lucifer. Tertius articulus iste nefandissimus fuit, dicebant enim: Maria, si virgo mansit post partum, non hominem sed Angelum peperit: virgo post partum non fuit. Item dicebant se habere duodecim Apostolos, qui totum imperium singulis annis perlustrarent, et duos ex eis ordine et professione seniores singulis annis paradisum intrarent: potestatem ab Elia et Enoch ligandi et solvendi accipere quam aliis communicabant in eadem secta constitutis. Sacramentum Baptismi irridebant, dicentes: Si baptismus est sacramentum, ergo quodlibet balneum est sacramentum, et per consequens quilibet balneator esset Deus. Sacramentum Poenitentiae turpiter vitabant, confitentem non sacerdotibus, sed laicis in genere peccata sua, in specie (non) exprimentes, sperantes se ex hac confessione omnium peccatorum a pœna et culpa remissionem plenariam recepturos. Sacramentum Dominici Corporis non credebant, hostiam consecratam Deum fictitum appellantes. Sacramentum quoque Matrimonii juratum meretricium in vulgari nuncupabant. Sacramentum Extremæ Unctionis irridebant, et interrogati super eo quid sentirent, unanimiter responderunt: Nos credimus, olera quanto fuerint oleo plus condita, tanto esse meliora. Consecrationes Ecclesiarum cæmeteriorumque et benedictiones palmarum, salis, aquæ et cæterorum, quæ in Ecclesia fiunt, nihil esse dicebant.

«Item dicebant Deum nec scire nec punire mala, quæ sub terra fierent: unde in speluncis et

¹ Dubrav, l. XX, li. 4. Boem. — ² An. 2, p. 1. Ep. cur. LVI. — ³ Ibid. Ep. XXVIII. — ⁴ Hoeseim. l. 1. c. 31.

⁵ Præcol, in elench. hæres. — ⁶ Walsing. in Edward. III. — ⁷ Trith. Chron. Her. sang. — ⁸ Sander. de visib. monarch. — ⁹ Genebr. in Chron. — ⁶ Trithem. ubi sup.

cavernis subterraneis convenientes, pater cum filia, frater cum sorore, ac filius cum matre indifferenter turpitudinem carnis suae exercebant. Romanam Ecclesiam non Christi, sed gentium infidelium esse dicebant; omniaque statuta Ecclesiae cum praelatis et ministris ejus contemnebant. Jejunium irridebant; carnibus omni tempore etiam in sexta feria Paraseveves vescabantur. Dies festos non servabant, sed in die Paschae laborabant. Perjurium dicebant non esse peccatum. Merita et intercessionem quorumlibet sanctorum posse hominibus apud Deum praestare suffragia, negabant. Sed et alios complures articulos profitebantur erroris, quorum profinitas inserta his tadium lectoribus, ut vereor, generaret. Magnus eorum numerus fuit in Austria, Boemia et terris vicinis. Et infra: « Multi eo tempore in Austria fuerunt in diversis locis combusti, qui omnes unanimiter in suis erroribus pertinacissime usque ad mortem cum magna hilaritate permanserunt: inter quos puella una speciosa nomine Gsta, dum jam esset cremanda, interrogatur a iudice, si adhuc esset virgo. Quae coram omnibus respondit: Super terram adhuc virgo sum, sub terra vero minime; credebant enim statui virgines sub terra non posse deflorari, etiam si a nullo viris cognoscerentur, neque tale stuprum esse peccatum ». Gloriantur talibus patriarchis demonum foederatis possunt hujus seculi novatores, qui plura ab his venena hausere. Non tulit autem impune scelus sectae princeps Walterus, quem Coloniae exustum anno mcccxxi ferunt¹, cum haeresim, quam scriptis propagarat, tueretur pertinaciter. Ut vero demon impios illos in aperta scelera voluptatum lenocinio impulit, ita alios, qui pietatis studio videbantur delibuti, adumbratae sanctitatis fallaci specie delusit.

45. Signifer horum hypocritarum extitit Illetricus² et Ceva Franciscanae familiae apostata atque haeresiarcha, qui plures ex eo sacro Ordine infece-
rat. Desciverant ii adeo a B. Francisci institutis, quem suis, ut reverentiam in Christi vicarium, cardinales ac praesules religiosissime colerent, im-
perasse vidimus: atque in eam superbiam viri impii proruperant, ut duas fingerent Ecclesias, alteram diffluentem opibus et deliciis, obsitamque sordibus, qui praeeset Romanus Pontifex; alteram humanarum rerum inopia divitem, ac virtutum omnium genere exornatam, qua ipsi soli continerentur: negarent praesules ulla vel ad jus exercendum, vel divina conficienda auctoritate pol-
lere: virtutem sacramentorum a sacerdotis sanctitate pendere, iurandum sine crimine usur-
panti non posse, Christi Evangelium extinctum antea fuisse, atque in ipsis revixisse et florere effulgebant. Ut vero nefandas adeo haereses Joannes elideret, eas singulas cumulatis pluribus divinae Scripturae oraculis refellit³:

« Joannes, etc. venerabilibus patriarchis, archiepiscopo, et episcopis ac dilectis filiis electis ad quos litterae istae pervenerint, etc.

« Minorum fratrum sacer Ordo ab ipso suae foundationis exordio almi confessoris B. Francisci regulari traditione, et Apostolice Sedis auctoritate atque confirmatione indissolubili quadam textura connexus, fide clarus, spe validus, charitate per-
fusus, humilitate placidus, obedientia devotus, ve-
lut singulare jubar sanctitatis exemplo ac doctrinae verbo per universum orbem claruit, et Ecclesia-
stico decori multum utilitatis et plurimum in-
clyte alacritatis invexit. Verum quia humani ge-
neris inimicus ubi virtutum segetes uberius videt
exurgere, ibi scandalorum vepres et dissidiorum
zizania satagit cumulatis seminare, nonnulli hu-
jus sacrae religionis solo nomine professores, dum
altiora se petunt, dum praeposteris et perturbatis
gradibus, citius ruituri, in magis et mirabilibus
supra se ambulare conantur, illius delusi fallacis,
qui se, ut alios decipiat, in lucis Angelum transfi-
gurat; sibimetipsis ruinam, infirmioribus scan-
dalum, solidioribus vero probationem et meritum
pepererunt, pro viribus satagentes tam praecleari
Ordinis unitatem scindere, obnubilare famam per-
turbare quietem.

« Dudum siquidem hujusmodi superstitiosius
et discoli homines, in provincia Provinciae adver-
sus communitatem praefati Ordinis insurgentes, et
se solos suosque complices de observantia regulae
B. Francisci mira vanitate jactantes, reliquam Or-
dinis multitudinem, de transgressione regulae
perperam judicando, notabant; nonnullos pro-
fanae multitudinis verbis mendacibus, et mentite
sanctitatis obtentu in sui erroris devium adducen-
tes. Quorum vipereos partus in ipso sui exortu
felicitis recordationis Nicolaus papa IV praedecessor
noster, ne in multorum perniciem alerentur, ad
veritatis petram elidere cupiens, generali mini-
stro, qui tunc temporis memorato Ordini praesi-
debat, districtae praecipiendo mandavit, ut hujus-
modi praesumptores disciplina debita coereret,
prout in litteris ipsius praedecessoris nostri plenius
continetur: sed horum pestilentissimas novitates
hoc remedio compressas fuisse potius quam extin-
ctas, redivivus error enuntiat et tristes experientia
manifestat.

« Nuper enim nonnulli factionis supersites
memorare, adjunctis sibi quampluribus de dicta
provincia Provinciae, et provincia Tusciae, et aliis
diversarum fratribus nationum, coram pia me-
moriae Clemente papa V praedecessore nostro di-
versas regulae quaestiones, diversasque contra uni-
versitatem dicti Ordinis proposuere querelas: et
quasi ipsi soli, ipsorumque complices B. Francisci
regulam et perspicacius intelligenter, et efficacius
adimplerent, notam actionis contrariae in univer-
sitate praefati Ordinis impie detorquebant. Qui
Clemens praedecessor, hujusmodi homines beni-
gnitate magis quam severitate satagens emendare,

¹ Trit. ubi sup. et alii. — ² An. f. p. 1. Ep. com. CCLXXXI. —

³ Eod. Ep. CCLXXXI. Ext. in Bull. Jo. XXII.

illorum pestiferos conatus patientiæ virtute tolerans, prædictas questiones atque querelas pluribus archiepiscopis, episcopis, et sacre theologiæ professoribus, et aliis juris scientia præditis, discretione dotatis examinandas commisit, et ad suam audientiam proferendas.

« Quibus diligenter et cum nulla maturitate peractis, sepe nomenatus Clemens prædecessor, de veritate certior factus, præfatam religionem sanctam, et ut ejus utamur sermonibus, muris observantiæ regularis firmiter undique asseruit circumclusam, et quædam, quæ circa regulam dubium sensum afferre poterant, declaravit; districte præcipiendo mandans, ut dicti fratres, qui contra præfatam communitatem Ordinis hujusmodi questiones moverant et querelas, ad conventus, unde discesserant reverterentur, et suis superioribus obedirent humiliter et devote, harum questionum et querelarum prætextu ad Romanam curiam de cætero minime reversuri. Et ut ipsius salubris ordinatio ad optatum duceretur effectum, venerabilibus fratribus nostris archiepiscopo Januensi, et Lucano ac Bononiensi episcopis per suas litteras demandavit, ut ipsi vel alter eorum, per se seu alium vel alios, fratres illos de provincia Tusciæ, qui occasione præfatæ dissensionis et adhiærentiæ ad illicita laxatis habenis quædam loca dicti Ordinis in provincia Tusciæ constituta occupaverant, et occupata temeritate dampnabili detinebant, suis alias obedire superioribus aspernantes, compellerunt ut, eisdem locis per eos occupatis omnino dimissis, ad suorum superiorum obedientiam qualibet exceptione et occasione postpositis reverterentur, moraturi ubicumque et sicut iidem superiores ducerent disponendum: quarum litterarum auctoritate dilectus filius Bernardus prior Ecclesiæ S. Fidelis juxta Senas, cui præfatus Bononiensis episcopus super hoc commiserat vices suas, in ipsos fratres dicti mandati contemtores, eorum exigente contumacia, excommunicationis sententiam promulgavit, et eos fecit excommunicatos publice nuntiari.

« Qui Ecclesiastica vincula non verentes, non absque temeritatis audacia, apostasia nota, mentisque vesania, contra Apostolica mandata et dicti Ordinis instituta se ad partes insulæ Siciliæ transulerunt, et inibi ab obedientia et unitate dicti Ordinis et prælatorum ejus se totaliter separantes, quasi memorati Ordinis beati Francisci stabilem firmamque compaginem rescindere stolidæ præsumptione valerent, novi Ordinis, imo abominabilis hororis cassis conatibus moliti sunt ponere fundamenta, tam detestabili turbæ præficientes magis idolum quam prælatum Henricum de Ceva dicti Ordinis refugum et apostatam fugitivum. Et ut tam fædo capiti membra cætera responderent, provinciales ministros, custodes præterea et guardianos eligere temeritate simili præsumperunt, plurimos ad ipsorum sectam recipere, prædicatores et confessores assumere, eosdemque ad

hujusmodi confessionis et prædicationis officium transmittere; loca etiam a locis fratrum ipsius Ordinis semota ad habitandum de novo construere, seu constructa recipere contra Romanorum instituta Pontificum in animarum suarum periculum, aliorumque perniciem allentantes. Et ut ipsorum error veritas et impietas religio patere, temeritate propria quosdam habitus cum parvis caputulis curtos, strictos, inusitados et squallidos, simulationis consocios, irrisuonis amicos ac dissidii non ignaros, discrepantes a communitate Ordinis supradicti, assumere: et in simplicium cordibus, ut eodem secus in devium erroris adducerent seminare, dictos habitus fore secundum regulam B. Francisci, et in ipsis solum pseudofratribus Ordinem consistere, famamque aliorum fratrum præfatæ communitatis diversis conviciis lacerare procaci impudentique versutia præsumperunt.

« Verum quia sic sunt casus mentis, ut primo quidem infelix animus per superbiam intumescat, et inde in contentionem, de contentione in schisma, de schismate in hæresim et de hæresi in blasphemias, infelici gradatione, imo præcipiti ruina descendat; prædicti temeritatis atque impietatis filii, ut habet fide digna relatio, ad eam sunt mentis inopiam devoluti, quod adversus præclarissimam et saluberrimam Christianæ fidei veritatem impie sentiunt, sacramenta Ecclesiæ veneranda contemnunt, et in religiosum Ecclesiæ Romanæ primatum, cunctis nationibus percolendum, ab ipso coercendi citius, impetu cæci furoris impingunt. Et ne aliquid prædictarum blasphemiarum tolerabile videatur aut dubium, de plurimis eorum erroribus aliquos, ne latere et proinde nocere valeant, præsentibus duximus annotandos.

46. « Primus itaque error, qui de istorum officina tenebrosa prorumpit, duas fingit Ecclesias, unam carnalem divitiis pressam, effluentem deliciis, sceleribus maculatam, cui Romanum præsulem aliosque inferiores prælatos dominari asserunt: aliam spiritualem, frugalitate mundam, virtute decoram, paupertate succinctam; in qua ipsi soli eorumque complices continentur, cui etiam ipsi spiritualis vite merito, si qua fides est adhibenda mendaciis, principantur. Quæ impietas sic istis sceleratis est propria, ut a nulla hæresi possit esse juncta: quippe omnes impii, dum prave in fide sentiunt, dum ab unitate Ecclesiæ atque obedientia per contumaciam separantur, universalem fideliem carnem, seipsos vero spiritui servire frivolis assertionibus mentiuntur. Quorum dementiæ nihil adjici posse illi manifeste cognoscunt, qui sicut unum Christum prædicant, sic unam Ecclesiam profitentur; doctore gentium attestante, qui ait: Ipsum dedit caput super omnem Ecclesiam, quæ est corpus ejus.

« Una est igitur sancta, universalis, Apostolica, atque Romana Ecclesia, quæ non humana præsumptione seu potestate nititur; sed divina et

prorsus incommutabili auctoritate fundatur; ejus egregium primatum si quis impie docendo negat, non solum criminosis aut schismaticis esse convincitur, sed hæreticus impietatis suæ merito divina etiam atque humana ratione et auctoritate censetur: quia peccatum paganismus incurrit quisquis, dum se Christianum assertit, Sedi Apostolicæ obedire contemnit. Cui inter cætera dona hoc privata largitione concessum est, ut saluberrima fides, quam B. Petrus, cælesti Patri revelante, cognovit; et immensa potestas, quam ei in eodem Apostolorum principe Christus indulsit, sic per legitimam Romanorum Pontificum successionem illibata decurrat, ut illam usque ad finem sæculi nec perfidia maculet, nec adulterini pastoris pontificium interrumpat: quam velut validissimam navem divinæ gubernationis præsidio committam, nec variarum opinionum atque hæresum turbine a suæ unitatis compage divellant, nec tyrannicæ potestatis incursus ad ima deprimit: quin potius et illos auctoritate atque veritate superans, et istos patientiæ virtute supplantans, inter blanditias terrene felicitatis et asperitates sæculi felici navigatione media graditur, donec ad portum futuræ beatitudinis, duce Domino, veniat. In qua, velut in arca, animalia munda atque immunda servantur: sicut in arca frumenta paleis permiscetur: quemadmodum in sagena boni pisces et mali coeunt: ut in agro zizania et triticum simili germinatione succrescant; nec tamen ipsam membrorum infirmitatem immunditiam polluit, extollit levitas, corrumpit nequitia, insolentia scindit; sed manens integra atque perfecta, adoptionis filios fide generat, verbo nutrit, auctoritate defendit, penitentia purgat, patientiæ virtute supportat: nec illam divitiarum cumulus suffocet, quia illis tanquam creatura Dei bona eum gratiarum actione bene utitur; et aurum habet, non ut in illo finem constituat, sed ut necessitate patientibus, misericorditer largiendo, succurrat. Extra quam salus esse non potest, quia natura non patitur, ratio non sinit, et divina prudentia non permittit, ut membrum, quod a totius corporis unitate sejungitur, virtute quæ a vertice in corpus influit, aliqua velut vegetetur: quo fit, ut apud istos vaniloquos nec sancta paupertas, nec castitas munda, nec virtus possit esse perfecta; quin consequens est ut omni virtute, omni bonitate priventur, qui Dominum virtutum, ejus est totum quod est optimum, per inobedientiam derelinquant.

47. « Secundus error, quo prædictorum insolentium conscientia maculatur, venerabiles Ecclesiæ sacerdotes, aliosque ministros sic jurisdictionis et ordinis clamitat auctoritate desertos, ut nec sententias ferre, nec sacramenta conficere, nec subjectum populum instruere valeant vel docere; illos lingentes omni Ecclesiastica potestate privatos, quos a sua perfidia viderit alienos: quia apud ipsos solos, ut ipsi somniant, sicut spiritualis vita

sanctitas, sic auctoritas perseverat. In qua re Donatistarum sequuntur errorem, qui olim facto schismate ab unitate Ecclesiæ recedentes, ita in sua secta Dei gratiam dixerunt esse coactam, ut nullus eam recipere esset idoneus, qui non foret ipsorum scelere maculatus: quorum impietatem zelus fidelium illo in tempore sic exhorruit, sic pia persecutione compressit, ut homines tam pestilenti contagione respersos, et censura Ecclesiastica anathematis mucrone feriret, et legum publicarum sanctio extremo judicio prædammaret: quia dignum et æquum, ut contra illos ubique gladii potestas exurgeret, qui auctoritatem Ecclesiasticam a solo Deo traditam et in perpetuum duraturam, profanis assertionibus abnegarent.

« M nec igitur, etiam istis reclamantibus, et usque ad finem sæculi permanebit apud Romanum præsidem sicut summa auctoritas, sic immensa potestas: quam sicut gratis accepit, sic in eos, quos in partem sollicitudinis evocet, in unitate fidei et Romanæ Sedis obedientia permanentes benigne refundit; tam fortiter atque suaviter moderamina indulta potestatis exercens, ut in corpore Christi, quod est Ecclesia, a summo vertice usque ad extrema vestigia nihil per inobedientiam dissolutum, nihil reliquum ordinis confusione turbatum: ejus suavisimum sed validissimum jugum impij, quia humiliter gestare reliqui ut, quod rebus non possent, lacessere maledictis atque conviciis non desistant.

48. « Tertius istorum error in Waldensium errore conjurat, quoniam et ii et illi in nullum eventum asserunt fore jurandum, dogmatizantes mortalis criminis contagione pollui, et pœna tenerique contingit juramenti religionem constringi. Quorum blasphemias pietas Christiana condemnans non levitate mota, sed utilitate aut necessitate coacta, veritatem prætorum atque præsentium, et certitudinem futurorum jurisjurandi religionem confirmat: certissime tenens quod nullatenus de suo genere potest esse peccatum, quod Christus exercuit, qui peccatum non fecit, sed peccatum omne sua passione damnavit. Juravit etenim Dominus, juravit et Apostolus Paulus, suæ operationis exempla nonstantes, ad hoc tantum juramentum esse prohibitum, ne jurandi facilitas frequentiam, frequentia consuetudinem, consuetudo perjurium introducat. Bonum est ergo juramentum, per quod veritas rerum divino testimonio confirmatur: sed malum est illi, qui eo male utitur, et a malo infirmitatis humanæ est, ut aliquis verum proferens jurare cogatur.

49. « Quarta hujusmodi impiorum blasphemia, de prædictorum Waldensium venenato fonte prorumpens, sacerdotes rite etiam et legitime secundum formam Ecclesiæ ordinatorum, quibuslibet tamen criminibus pressos; non posse conficere vel conferre Ecclesiastica Sacramenta configit: quorum utrorumque dementiam Ecclesiasticæ veritatis doctrina redarguit, et censura percellit, quo-

niam nil a bono majus, nil a malo minus pertinetur sacerdote; quia sacramentorum virtus non in merito consecrantis, sed in virtute sancti Spiritus, et verbo perficitur Creatoris.

50. « Quintus error sic istorum hominum mentes obcecavit, ut Evangelium Christi in se solum hoc in tempore asserant esse completum, quod hactenus, ut ipsi somniant, oblectum fuerat, imo prorsus extinctum. Quæ impietas sic tenebrosos Manichæorum calles oberrat, ut tamen Montani atque Priscillæ fœda vestigia non relinquat. Illi etiam promissionem Domini de Spiritu sancto non in Apostolis, sed in seipsis completam esse asserunt: isti Evangelium Christi, ejus virtus in sancti Spiritus perceptione consistit, ita in se completum autumant, ut ab illius claro intellectu et vera observatione universitatem fidelium mentiendo secludant. Sancta vero et universalis Ecclesia, talium hominum figmenta deridens, firmissime tenet et nullatenus dubitat, Spiritum Sanctum juxta fidele Salvatoris promissum in beatos Apostolos die Pentecostes sic plenissime fuisse reclusum, ut illos omnem veritatem, quæ ad salutem pertinet, perfecte doceret; ut ipsos ad amorem Dei mirabiliter inflammaret, et ut eosdem contra omnem tentationem invictæ virtutis firmitas muniret. Cujus Spiritus virtus ita sanctam Ecclesiam usque ad finem seculi nova semper prole fecundat, ut renati fonte Baptismatis una sit fides mentium et pietas actionum: quod profecto non esset, si sanctum Evangelium, in quo Christianæ fidei regula continetur, omnibus esset clausum, et istis solummodo, quod cogitare impissimum est, apertum.

51. « Multa sunt alia, quæ isti præsumptuosi homines contra conjugii venerabile sacramentum garrule dicuntur ». Contemptum a nonnullis, nimirum Lollardis hæreticis, sacramentum Matrimonii et juratum meretricium scelus appellatum, paulo ante vidimus: eandemque hæresim Beguardum quendam Durandum de Baldach Gerundæ in medio rogo propugnasse, refert Eymericus¹. Alio errore huic affini de uxore invita dimittenda, solvendoque Matrimonii sacramento tinctus fuisse videtur Petrus Corbaria, qui postea Ludovici Bavari scelere Pontificatum invasit, quippe ut ex judicariis Actis constat, Minoritis uxore repugnante se aggregavit, ut suo loco dicitur. Hunc vero errorem a pseudoapostolis, qui plures errores cum Waldensibus et Beguardis habuere communes, hausisse indicat Guido² Elnensis episcopus, eundemque confutat.

« Pseudoapostoli, inquit, Apostolorum doctrinæ Evangelicæ et Apostolicæ sunt adversi, dicentes quod vir sine consensu uxoris et e diverso potest ipsorum sectam ingredi, et propter ingressum maledictæ sectæ potest sine mutuo consensu

matrimonium separari. Hoc Christus veritas non docuit, imo prohibuit, qui interrogatus (Matth. xix.) an liceret homini uxorem dimittere quacunque ex causa, respondens Pharisaïs tentantibus ait: Non legistis, quia qui fecit homines ab initio masculum et feminam fecit eos? et dixit¹: Propter hoc relinquet homo patrem et matrem, et adhærebit uxori suæ, et erunt duo in carne una: itaque jam non sunt duo, sed una caro. Quod ergo Deus conjunxit homo non separet. Sic etiam Apostolus (II Cor. vii.) præcipit ex prædicta sententia Domini, quod vir uxoris non dimittat, nec uxor virum; et ponit rationem, quod vir non habet potestatem corporis sui, sed mulier: igitur non potest vir suum corpus continentiam dare sine voluntate et consensu uxoris ejus est, et e diverso; unde ait Apostolus: Nolite fraudare invicem nisi forte ex consensu, ut vacetis orationi. Contradiciunt ergo Apostolo et etiam Christo ministri Sathanæ pseudoapostoli, dicentes quod matrimonium sine mutuo consensu possit per continentiam separari: quia mulier alligata est legi viri quandiu vir ejus vivit, et e diverso; unde ab hac lege non possunt solvi nisi ex mutuo consensu ». Secuti etiam eandem impietatem sunt in Oriente duce Gregorio Palama pseudomonachi Græci, qui matrimonium dissolvere², et viros invitis conjugibus attonso cucullo induere præsumperunt. Præter quos errores alios etiam de variis hominum statibus vario temporum flexu ex Petri Joannis Olivi deliriis et de fine seculi, vel eodem somniale, vel præstigiatore Arnaldo Villanova auctoribus, effutisse queritur Pontifex subjectis verbis: « Multa sunt quæ de cursu temporum et fine seculi somniant, multa quæ de antichristi adventu, quem jam instare asserunt, flebili vanitate divulgant: quæ omnia quia partim hæretica, partim insana, partim fabulosa cognoscimus, damnanda potius cum suis auctoribus, quam stylo prosequenda aut refellenda censemus: ipsa enim mendosa commenta seipsa destruant, quia nec ratione vigent, nec auctoritate constant, nec aliqua verisimilitudine fulciuntur: in hujusmodi doctrinis variis et peregrinis sæpenominati homines studia sua conerunt; ad hoc simplicium corda blandis fictisque sermonibus et simulate humilitatis prætextu attrahere moluntur.

52. « Cupientes igitur quod dicti pestiferi homines, aut in melius commutato consilio a suis perversitatibus resiliunt, aut saltem alios perniciosos sermonibus et suæ pravitatis exemplo contaminare non possent; charissimum in Christo filium nostrum Fridericum regem Trinacriæ illustrem hactenus rogavimus et monuimus, per Apostolica scripta mandantes, ut hujusmodi viros pestiferos et seminarios errorum de prædicta insula expelleret et penitus extirparet: et mini-

¹ Eymer. II. o. direct. inq. q. xi. — ² Guido summa de hæres. pseudoapost. c. 2.

¹ Gen. II. — ² Decr. Jyn. Græc. apud Leon. Allat. de consens. Eccl. Orient. et Occid. I. II. c. 16.

stris, custodibus, seu guardianis dicti Ordinis Minorum, cum ab eis super hoc requireretur, faciendo etiam si expediret, sapedictos pseudofratre capí, et eorum superioribus tradi capitulos, juxta disciplinam Ordinis corrigendos, studeret impendere favorem, consilium et auxilium opportunum. Ipse vero tanquam obedientia filius per suas patentes litteras, nostrarum litterarum seriem continentes, singulis officialibus suis predictam insulam constitutis precipiendo mandavit, ut ad capiendos hujusmodi falsos fratres rectoribus dicti Ordinis, ut predictae nostrae litterae continuabant, darent consilium, auxilium et favorem quodque ipsa mandata in nostris contenta litteris studerent executioni in omnibus demandare.

« Quae praesentientes pestiferi memorati, cum ad sinum patris redire saltem Ecclesiastica disciplina coacti humiliter debuissent, salutrem coercionem et felicem necessitatem, quae ad meliora compellit, fugae praesidio declinarunt, nonnullis eorum in locis abditis et latebris dictae insulae derelictis, qui suis fautoribus, sub quorum defensione consistunt, pro mercede iniqui favoris perversi dogmatis venena rependunt. Alii vero per loca infidelium discurrentes mare et aridam circumferuntur, ut unum saltem faciant proselytum, simul cum illis gehennae ignibus applicandum. Hi sunt quos doctor gentium ante vitandos admonuit dicens: Nemo vos seducat, volens in humilitate et religione Angelorum, quae non vidit, ambulans frustra inflatus sensu carnis suae, et non tenens caput, ex quo lotum corpus per nexus et conjunctiones subministratum et constructum crescit in augmentum Dei. Hi sunt diffidentiae filii, nubes sine aqua, quae a ventis circumferuntur, sidera errantia, quibus procella tenebrarum reservata est; qui juxta Psalmistae vatiniū: Nescierunt neque intellexerunt: in tenebris ambulant. Erraverunt ab utero, a veritate scilicet sanctae matris Ecclesiae recedendo, locuti sunt falsa; vanos et varios errorum tribulos per diversas regiones praesumptione damabili seminando.

« Quamobrem zelus fidei, fervor compassionis animarum excitare debent corda omnium, qui Christi nomine gloriantur, et ipsius sanctae Romanae ac universalis Ecclesiae finibus continentur, ut contra istorum insaniam quasi contra publicam pestem valenter exurgant, nec eos in locis, ubi Christianae religionis viget auctoritas, patiantur pacifice vivere, quos adversus matrem et dominam suam, sanctam scilicet Romanam Ecclesiam, rebellionis suae calcibus et errorum blasphemii con-

spiciunt insanire. Frustra enim utuntur nomine Christiano, qui talibus impietatibus non resistunt, et consequens est, ut possint haec credere, qui possunt talia patienter audire. Tantas igitur et tam graves insolentias, errores pestiferos, detestabiles blasphemias in Creatoris injuriam, populi Christiani perniciem, et nefariae operationis exemplum per patientiam, imo vecordiam tolerare nolentes; universitatem vestram monemus sedule, hortamur attente per Apostolica vobis scripta in virtute obedientiae districte precipiendo mandantes, quatenus praefato Henrico de Ceva atque pseudofratribus, qui ad memoratam Scilicet insulam haecenus confluxerunt, nullum detis, vel dari, quantum in vobis est, permittatis in praemissis consilium, auxilium vel favorem; quin potius ipsos velut apostatos, excommunicatos, ipsius Ecclesiae Romanae rebelles, schismaticos, et perversi dogmatis assertores, lupos graves gregi Dominico non parentes, a vestris finibus arceatis; capientes ipsos vel capi facientes, et captos tradentes rectoribus saepenominati Ordinis fratrum Minorum, cum ab ipsis, vel eorum vicariis, procuratoribus sen nuntiis fueritis requisiti, per eos juxta ipsorum demerita castigatione debita puniendos etc. Dat. Avinione X kalendas Februarii, Pontificatus nostri anno secundo ».

53. Tantarum haereseon calumnias falso impectas his pseudominoritis (1) contendit ex inani- bus conjecturis auctor recentior¹, et a solatibus contra fas accusatos, eo quod obsolescentem S. Francisci disciplinam suo splendori restitui cuperent; « Non leve, inquit, sed evidens argumentum est falsae informationis nimia acerbitas et invectio styli, sine ulla personarum acceptione adversus eos, qui regulari observantiae et puritati adhaerebant, eandemque in alios transformare satagebant: specialiter namque perstringit fratrem Petrum Joannis, qui sub Nicolao IV incurrit aliquorum, quibus via latior placuit, indignationem ex studio verae disciplinae ». Crediderim ignorasse auctorem hunc Petrum Joannis insignem hypocritam plurimum haereseon inventorem judiciaria Ecclesiae sententia damnatum, neque advertisse quam longe absit a Sedis Apostolicae in condendis decretis maturitate dignitateque, ad leves obreptatorum susceos ita Christianorum orbem commovere. Certe hujusmodi apostatarum sectam, quae Celestino Pontifice pullularat, contaminatam haeresebus fuisse, atque in eam zelum acuisse

¹ Auct. Francisc. titelic c. 7.

(1) Baluzius in Miscellaneis tom. I, pag. 408, producit Acta inquisitionis in quatuor Fratres Minores Massiliae instituta. Ex his vero Fratrum illorum haec nomina discimus, Joannes Barrani, Diodatus Michaelis, Guillelmus Saptonus, Poncius Ro. ha. Haereticum, quibus perveraciter insistebant, summa haec fuit, quod nec Pontifici fas esset et Fratribus Minoribus manere in alium in vestibus pauperis rigorem lenirent, atque ad communem cum reliquis Fratribus vivendi legem sese componerent. Sententia in illos lata ab inquisitore Massiliensi, ut saeculari potestati traderetur die VII Maii MCCCLVII, in die I, haec latius deduxit constare nullam esse fidem Ms. Vaticani, in quo damnati ad supplicium de reventiois S. Michaelis anni MCCCLVII memorantur. F. Beraudis Delit osus inter cetera etiam in reus potestatis fuit de martyrum elogio his hominibus impenso. De causa hejus Bernardi Delitosis mo. a. ha. Ordinis Minorum, quae anno sequenti ab inquisitoribus fidei tractata fuit, atque de lata in eum sententia carceris atque penarum, vide Acta apud Baluzium in Vita Papae. Av. tom. II, pag. 341.

Bonifacium VIII vidimus¹, necnon Benedictum² XII et Clementem VI³ in eandem leges distinxisse visuri sumus: interque alia eisdem sectarios confinxisse Ecclesie auctoritatem omnem in ipsos refutam: Pontifices vero inanem umbram larvanque præferre: neque excusari possunt, quin percussi anathemate auctoritatem solvendi peccata sibi contra tas arrogarint, ob quam et superiorem hæresim, huiusmodi pseudominoritis rogi parati fuerunt. Et quidem hoc anno quatuor ejus Ordinis hypocritas Massiliæ flammis addictos refert Eymericus⁴: rem vero superiori anno gestam narrat Ms. Vaticanum⁵. « Hoc anno, (nempe mcccxxvii) in vigilia revelationis S. Michaelis combusti fuerunt in Massilia quatuor fratres Minores propter hæresim de paupertate ».

Oborire fuerunt circa paupertatem variae hæreses: non potuit autem illa esse, quam Michael Cæsenas amplificavit, an Christus et Apostoli jus in his quibus usi sunt, obtinuerint: cum is error nendum damnatus esset hæreses, de quo fuse inferius: sed alia potius hæresis fœdissima esse potuit a Donatistis, Catharis, Waldensibus, pseudopostolicis excepta, deinde ad alios tenebriones propagata, qua effutiebant, Pontificem ac præsules omni auctoritate sacra spoliatis adeo, ut sacramenta ab iis non confici contenderent⁶, quod nimirum paupertatem Christi et Apostolorum non imitarentur; unde Ecclesiastica sacramenta et ab iis et ab aliis despecta Joannes in Constitutione, *Sancta Romana atque universalis Ecclesia*, conqueritur⁷: iidem vero licet sacris ordinibus initiati non essent, tamen non sacerdotali modo, sed pontificalem quoque auctoritatem sibi arrogabant⁸, exomologeses simplicium audiebant, et inanes indulgentias ipsi flagilio conferebant: quippe eos veros Apostolorum successores jactabant, qui inopem vitam profiterentur: postea vero cæteris hæresibus Michaelis hæresim de proprio addiderunt; in quas pestes fuit flamma sæviendum. Memoratos porro hæreticos exustos a sequacibus cultos fuisse ut martyres ferunt⁹, habitos in veneratione eorum cineres, et nomina in kalendaria et hianias relata, jactatumque Christum in iis fuisse spiritualiter crucifixum; Pontificem autem et præsules, ac fidei censores ut hæreticos execratione difixos¹⁰. Nec vero tantum Massiliæ, sed in Narbonensi etiam provincia, et in Capite stagni, et Bitlerris, et apud Lodovam, et in diocesi Agatensi, et apud Lunellum: et in Magalonensi diocesi huiusmodi novatores addictos incendio narrant Bernardus¹¹ et Eymericus.

Sunt qui dicunt¹², impactum iis hæreses

crimen, cum negarent Pontificem contra Franciscanum instituti formulam cellas frumentariis ac vinaria Minoritis posse concedere. At non ob eum, sed alios de quibus memoravimus, errores cum fide Christiana pugnantes, flammis injectos putandum est: præsertim cum in Præfatione Constitutionis, quæ incipit, *Gloriosam Ecclesiam*¹, promulget Joannes, eos factiosos Minoritas, qui tanto ardore arectioris instituti amatores se profitebantur, subjectas hæreses in suis conventibus effudisse: quanquam putandum est, nonnullos, qui pio zelo adducti de collapsa disciplina conquesti aliis initio se conjunxerunt, animadversa sociorum impia hypocrisi, errorum præcipitia defugisse: et quamvis Fratricelli dixerint, superiores pseudominoritas concrenatos, « quia », ut refert Eymericus², « nolebant assentire in laxationem regulæ, nec recipere dispensationem prædicti domini papæ factam super illam »; potuerunt tamen more hæreticorum mentiri, veram subitendo causam.

Cælerum Joannes papa³ indicata superius illa duo exortæ inter Franciscanos de arectiori et laxiori vita disceptantes, de habitus et caputii forma, ac de frumentariis ac vinariis cellis habendis, controversia capita ea ratione definivit, ut provincialium, ut vocant, Ordinis judicio rem permiserit rescripto Apostolico⁴ nonis Octobris hujus anni exarato: ex quo insani Fratricelli fundendam in Ecclesiam Romanam blasphemiarum vocem occasionem sumpsere, ut narrat Eymericus⁵ his verbis, dum Beguinorum errores recenset: « Quartus decimus, inquit, error et hæresis est, quod dominus papa Joannes XXII faciendo quamdam Constitutionem, quæ incipit, *Quorumdam*, in qua dicitur concedere ac dispensare cum fratribus Minoribus, quod possint congregare vinum et bladum in granariis vel cellariis pro tempore futuro ad arbitrium prælatorum Ordinis ipsorum, fecit contra Evangelicam paupertatem; et per consequens, ut aiunt, contra Evangelium Christi: et ideo dicunt quod factus est hæreticus, et quod ex hoc perdidit potestatem papalem ligandi et solvendi et alia faciendi, si in hoc perseveraverit; et quod prælati per eum facti, ex quo dictam Constitutionem fecit, non habent aliquam Ecclesiasticam jurisdictionem seu potestatem ». Ut vero jure condere memoratam Constitutionem potuerit, quidve possit decernere, quidve non, ex doctore⁶ ejus temporis insigni, qui tum in curia Pontificia versabatur, adversus pseudominoritas Pontificias Constitutiones impugnantibus disputante, decerpere visum est.

54. « Prima conclusio. Dominus papa non potest condere canones contra determinata per sacram Scripturam. Secunda, quod nec contra quatuor Concilia principalia (adde nec alia OEcumenica

¹ Annal. tom. XIV. an. Chr. 1297. num. 55. — ² Bened. an. 2. Ep. CLXXXIX. — ³ Clem. I. III. 1. p. secr. Lit. — ⁴ Eymer. II. p. direct. q. xv. — ⁵ Ms. bibl. Vat. sign. num. 3767. — ⁶ Jo. XXII. in supr. Const. *Gloriosam Ecclesiam*. Ant. III. p. tit. XXI. c. 5. § 1. Pæg. in Cart. II. II. p. direct. inquisit. — ⁷ Extrav. *Sancta Roma*. de relig. dom. — ⁸ Jo. VIII. p. II. Ep. secr. CLXXX. — ⁹ Eymer. II. p. direct. q. xv. — ¹⁰ Ibid. — ¹¹ Bern. Chron. Rom. Pont. Ms. bibl. Vat. sign. n. 2613. — ¹² Wad. in Annal. Minor. hoc an. n. 26.

¹ Jo. an. 2. p. II. Ep. com. CCLXXXI. Ext. in Bull. constit. III. et int. lit. Apost. pro offic. S. Inquisit. — ² Eymer. direct. inquis. II. p. q. xv. err. 19. — ³ Ms. Vat. sign. num. 3765. — ⁴ Jo. an. 1. p. I. Ep. Lit. et Extrav. *Quorumdam verb. sign.* — ⁵ Eymer. direct. inquis. II. p. q. xv. error. 14. — ⁶ Ms. bibl. Vat. sign. num. 1869. p. 21.

quoad decreta fidei, nec judiciariam in controversia fidei, Pontificis prædecessoris vel sui ipsius sententiam). «Tertia, quod potest contra determinata per quoscunque doctores sanctos, scilicet Augustinum et Hieronymum, et sic de aliis. Quarta, quod contra determinata per prædecessores suos vel seipsum (in iis nimirum quæ ad fidem non spectant).

«Primum conclusionem probō et auctoritate et ratione. Primo auctoritate domini nostri xxv. q. 1. c. Sunt quidam dicentes, quod Romano Pontifici semper licuit novas condere leges, nisi ubi Evangelista, Dominus, vel ejus Apostoli, et eos sequentes sancti Patres sententialiter aliquid diffiniverunt: in eis vero non novam legem Romanus Pontifex dare, sed potius quod prædicatum est, usque ad animam et sanguinem confirmare debet. Quia si quod docuerunt Apostoli et prophete destrueret, quod absit, videretur non sententiam dare, sed magis errare convinceretur. Istud idem probatur ibidem c. *Omne quod reprehensibile est*. Ex hoc arguo primo sic: Illud non est licitum Romano Pontifici, in quo convinceretur non sententiam dare, sed magis errare. Sed si determinaret contra determinata per sacram Scripturam (ex hypotesi nempe impossibili ob promissum Spiritus Sancti præsidium), convinceretur non sententiam dare, sed errare, ut probatum est. Ergo, etc. Confirmatur quia secundum Augustinum (IV. de Trin. c. vii), contra rationem nemo sobrius, contra Scripturas nemo Christianus, contra Ecclesiam nemo pacificus. Si ergo contra Scripturas determinaret, non esset Christianus. Ergo, etc.

«Secundo: Impossibile est veritatem contrariari veritati, quia sicut dicitur (I Ethic.) vero omnia consonant. Sed inconcussæ et indubitantes quidquid in Sacra scriptura continetur verum est. Ergo nulla veritas sibi potest contrariari. Si ergo determinaretur contra sacram Scripturam, necessario illud non esset verum, sed falsum. Probatur minor ex Proverb. viii. *Veritatem meditabitur guttur meum*; et Eccles. xxiv: *Hæc omnia liber vitæ et testamentum Altissimi, et agnitiō veritatis*; et Apoc. xxi: *Hæc verba fidelissima sunt et vera*; et pluribus locis sacræ Scripturæ. Item Augustinus primo de doctrina Christiana dicit, quod titubet fides, si divinarum Scripturarum vacillet auctoritas». Et infra: «Et xi. q. contra Faustum dicit: Extat auctoritas Scripturarum novi et veteris Testamenti, quæ Apostolorum confirmata temporibus per successiones episcoporum, et propagationes Ecclesiarum: quæ in fide quadam sublimatum constituta est, cui pius et fidelis subserviat intellectus: ibi enim non licet dicere: auctor hujus rei non tenuit veritatem, etc.» Et subdit: «In illa canonica sacrarum eminentia litterarum, etiam minus Propheta seu Apostolus, aut Evangelista aliquid in suis litteris posuit, si ipsa canonis confirmatione declaratur, non licet dubitare quod verum sit: alioquin nulla erit pagina, qua hu-

mane imperitiæ regatur infirmitas, si librorum saluberrima auctoritas, aut contempta penitus aboletur, aut interminata confunditur». Et infra: «Sequitur ergo conclusio, quod non potest contra determinata per sacram Scripturam condere canones. Tercio sic: Inferior non potest determinare contra decreta sui superioris. Sed Scriptura digesta est Spiritu Sancto dicente B. Petro in I. can. sua cap. 1: *Non voluntate humana allata est prophetia: sed Spiritu sancto inspirati locuti sunt sancti Dei homines*; et Ecclesiastici primo dicitur: *Unus est Altissimus creator omnipotens, et Rex potens, etc.* et sequitur: *Ipsæ creavit eam in Spiritu sancto, et vidit, et dinumeravit, et mensus est, etc.*

55. «Secunda conclusio est, quod nec dominus papa potest condere canones contra quatuor Concilia principalia: et hanc conclusionem probō auctoritate Gregorii in decr. xv. d. c. Sicut sancti Evangelii quatuor libros, sic quatuor Concilia suscipere et venerari me fateor». Objicit sibi auctor decreta Conciliorum revocari posse, quia «Concilium non dat auctoritatem summo Pontifici, sed summus Pontifex Concilio q. xvii». Respondet: «Quod hoc competit quatuor Conciliis, non in quantum Concilia sunt, sed in quantum de tali materia sunt, scilicet de veritate articulorum fidei; et sic dico, quod competit hoc illis quatuor Conciliis, quod revocari non possunt, propter hoc scilicet de veritate articulorum fidei; et sic dico, quod competit hoc illis quatuor Conciliis, quod revocari non possunt, propter hoc scilicet quia non fuerunt nisi declarativa articulorum veritatis». Item vero de Conciliis et Pontificum sanctionibus ex cathedra Petri editis in controverso dogmate dicendum: in iis enim, quæ ad finem spectantia decernunt, revocari non possunt.

«Tertia conclusio est, quod potest condere canones contra determinata per quoscunque doctores quantumcunque sanctos, et hoc probō auctoritate et ratione. Auctoritas xx. di. c. Decretales Epistolæ, etc. Ratione sic: Cujus auctoritas et potestas est supra alterius potestatem et auctoritatem, illius legibus non ligatur, sed potius e contra: hoc patet, quia inferior non imponit legem superiori, sed superior inferiori. Sed auctoritas et potestas domini papæ est super auctoritatem et potestatem omnium doctorum talium, imo omnium Apostolorum aliorum a Petro. Ergo ipse potest eis legem imponere, non ipsi sibi. Sed dices: charissime, tu videris tibi contradicere: nunc dicis, quod sua potestas est superior potestate cæterorum Apostolorum a Petro. Ergo si ratio tua concludit, hic ipse poterit condere canones contra dicta per Paulum in Epistolis suis, et contra quatuor Evangelistas; imo fere contra totam Scripturam sacram cujus oppositum dicebas in prima conclusione. Respondendo dico, quod contra dicta omnium Apostolorum extra Scripturam sacram potest dominus papa, quia sic superior est; sed

contra dicta contenta in Scriptura sacra non potest, non quia Pauli sunt, sed quia in Scriptura sunt, quæ necessario continent infallibilem veritatem, quæ a Spiritu sancto est principaliter, a Paulo autem solum ministerialiter, accidentario; ac attribuantur principali agenti, non ministeriali: et ideo cum Spiritus Sanctus sit superior papa, si faceret contra Spiritum Sanctum, asserere non est contradictorium ». Idem dicendum de decretis fidei editis a Conciliis OEcumenicis et a Romanis Pontificibus ¹.

« Sed contra istam conclusionem insto, sicut instat Gratianus xx di. c. *Decretales Epistolar.*, et arguo sic. Quanto quisque magis utitur ratione, tanto majoris auctoritatis ejus verba videntur. Sed tales doctores, cum fuerint majori scientia præditi, magis ratione utuntur. Ergo dicta eorum sunt dictis Romanorum Pontificum præferenda. Respondet sicut respondet Gratianus, qui quasi respondet eodem modo quo dominus noster loquitur in constitutione: dicit enim, quod unum est, quod ad definiendum aliquid scientia sine potestate non sufficit; et hoc satis patet, quia omnis lex debet habere virtutem coercitivam. Licet ergo tales doctores in scientia excellant; tamen quia talem potestatem, qualem papa adepti non sunt, ideo et si forte in Scripturarum expositione præferantur; tamen in causarum seu dubiorum definitione merito postponuntur. Quare Romanorum Pontificum determinationi merito præferenda.

56. « Quarta conclusio est, quod potest condere canones contra determinata per prædecessores suos, et contra determinata per se ipsum valde, rationabiliter plerumque (si ea nimirum non fuerint decreta fidei judiciaria), et hoc probo auctoritatibus, executione et ratione. Primo auctoritate Esther xvi, ubi dicitur sic: Nec putare debetis, si diversa jubeamus, ex animi nostri venire levitate, sed pro qualitate et necessitate temporum, ut rei publicæ poscit utilitas, ferre sententiam; et Extra. de consang. et affi. c. *Non debet* reprehensibile judicari, si secundum varietatem temporum statuta varientur humana; et Extr. de sent. ex lib. vi. c. *Alma mater*, Ecclesia nonnulla plerumque rationabiliter ordinat et consulte, quæ postmodum consultius et rationabilius revocat; in meliusve commutat, ut dominus noster in Constit. *Quia nunquam*, dicit valde pulchre sic: Quia nunquam quod conjectura profuturum credit, subsequens experientia nocivum ostendit, non debet reprehensibile judicari si canonum conditor canones a se vel suis prædecessoribus editos, vel aliqua in eisdem contenta canonibus revocare, modificare vel suspendere studeat: si ea obesse potius viderit quam prodesse. Probatur etiam hoc in di. v. *Verum*. Istud etiam confirmatur exemplo sacræ Scripturæ: constat enim quod

Dominus mandavit exaltari serpentem æneum in deserto, ut eum aspicientes sanarentur a moribus serpentum, sicut patet Numer. xxi, quod tamen postea Ezechias rex confregit, sicut patet IV Regum, xviii, qui filii Israel sibi adolebant incensum. Ex quo patet, quod illud, quod est ex præcepto communi rationabili ordinatum, postmodum instinctu ejusdem rationabilis revocatur; quia frequenter quod pro uno tempore fuit expediens, alio tempore reperitur nocivum. Istud etiam probo ratione sic: Par in parem non habet dominum. Extra. de election. c. *Innotuit*, et prob. xxi. *Inferior*. Sed tantam potestatem habet unus summus Pontifex sicut alius. Ergo constitutio primo facta non arctat alium, quin possit eam, si voluerit, revocare. Confirmatur quia sicut imperator ad imperatorem, sic papa ad papam. Sed imperator potest contra determinata per alium prædecessorem. Ergo, etc. Et ideo valde pulchre dicit dominus Bonifacius de r. p. c. ult. li. vi, quod licet papa non possit suo successori legem imponere, potest tamen quod sibi licere non patitur suis successoribus indicare. Ratio autem quare rationabiliter hoc potest facere, licet istud rationabiliter fuerit ordinatum, est ista, quia secundum Dionysium bonum constat ex omni causa, ita quod defectus unius circumstantiæ debite inesse statim ponit rationem mali, et ideo secundum philosophum ii. Ethic. virtus consistit in medio rationis: et quia aliud expedit uni quam alii, uno tempore quam alio, et sic de aliis circumstantiis, omni enim negotio tempus est et opportunitas, ut dicitur Ecclesiast. viii, ideo frequenter ea quæ primo fuerunt rationabiliter ordinata, postmodum rationabiliter revocantur; maxime in agilibus, in quibus non potest haberi infallibilis certitudo; quare, etc.

« Nunc ex istis elicio duo corollaria. Primum est, quod dominus noster ea quæ continentur in illis Constitutionibus, etc., potuit valde rationabiliter et salubriter ordinare, quod probo statim. In his quæ non sunt contra fidem, bonos mores et sacram Scripturam, nec quatuor principalia Concilia, potest dominus noster condere canones et editos a suis prædecessoribus, prout expediens viderit, revocare. Sed nihil eorum, quæ in dictis Constitutionibus continentur, est contra fidem, nec contra bonos mores, nec contra Scripturam sacram, nec contra quatuor Concilia (adde, ut dictum est, neque contra alia, quod ad decreta fidei attinet, neque contra sanctiones Romanorum Pontificum in controverso dogmate e Petri cathedra editas), vel in Scriptura vel in symbolo fidei de illis mentio non habetur, vel si habetur, ut puta de paupertate Christi et Apostolorum, magis ex Scriptura habetur, quod ipse determinat, quam ejus oppositum. Ergo quicquid in dictis Constitutionibus ordinavit, potuit valde rationabiliter ordinare. Secundum corollarium est, quod cum detrahentes, sacris canonibus, ut blasphemii et Spiritui sancto resi-

¹ Turree, Summ. de Eccl. i. ii. c. 109, Bell. de Rom. Pont. i. iv. c. 3.

stentes, ut probatur. xv p. 1. c. *Violatores*; item anathematizati, vel saltem anathematizandi; item prævaricatores fidei Catholicae, ut probatur ibidem c. Generali decreto sunt etiam tales, quod eis venia deinceps est deneganda, ut probatur ibidem c. *Omnia*. Ex his entescit, ut cum non spectet ad fidem neque ad salutem necessario, cellas frumentarias vel vinarias habere, vel non habere, et summus Pontifex confirmandi abrogandive religiosos Ordines, vel eorum disciplinam constituendi polleat auctoritate; nullam hæresim edita sanctione, *Quorundam exigit*, admisisse; et si pseudominorite hereticum propterea Christi vicarium nuncuparint, ipsos veræ pietati deliria sua prætulisse.

Neque vero ex his, quæ dicta sunt, dicuntur adversus huiusmodi pestiferos homines, qui a S. Francisci institutis defece-¹re, nulla labes reliquæ Minoritanæ multitudini doctrina et sanctitate clarissimæ, quæ partim in Occidente præfocandis his hæresibus sedulam dabat operam, partim in Oriente religionem propagabat, aspergitur; ut nulla aliena nitela egeat Franciscana religio, quæ suo splendore nitet; et sicut non detraxere Apostolorum collegio Evangelistæ, cum in eo Judam proditoris in Christum accusarunt; neque putabit antistitum ordo, illatam sibi injuriam, si aliquos episcopos magicæ impietatis crimine damnatos referant Annales; nec summorum Pontificum violatur majestas, si aliquorum vitia perstringantur; ita non deteritur sacræ Minoritarum familiæ splendor, si ex ea aliqui heretici emeruerint; cum in iis debellandis clarissimos triumphos retulerit. Ut ergo exortos in reliqua Ecclesia hæresiarclias, quamvis patriarchali fulgerent apice, non tacet Ecclesiastica Historia, ita neque hæreticos in religiosis familiis emergentes silentio prætermittet. Sed de his satis: ad Apostolica in exsciudendis erroribus studia orationem revocemus.

57. *Magi ad supplicium quæsit*. — Distringi eodem tempore jussit Pontifex judiciorum severitatem in Aymericum e Castro, atque alios in Carcassonensi diocesi hæreseos nota aspersos²: tum in nonnullos etiam magos³, qui veneficiis ad inferendam mortem, vel philtiris ad homines mulierum irretiendos amoribus utebantur: consulebant daemones in speculis: vocabant in circulos, cum succubis sive Dianis coibant; in quos etiam superiori anno legibus agi ceptum vidimus. Invaluisse vero daemonis cultum tempore hoc insignis ejus ævi auctor⁴ subjectis verbis queritur: « Adorare demonem, baptizare imagines, et talia sunt valde gravia peccata, et modernis temporibus multum incipiunt pullulare. Valde rationabiliter posset Ecclesia statuere, quod

talía facientes, etsi non haberent errorem fidei in intellectu, si facerent hoc præcise propter aliquod pactum cum demone habitum velut hæretici punirentur; et forsitan expederet, ut propter gravitatem pœnæ homines a talibus arcerentur ». Non hæc modo pestes emeruerant in Occidente; verum etiam in ea Græciæ parte Latini ritus et juris erat, hæresis suum virus diffunderat: quod ne latius serperet, Pontifex Apostolico zelo incensus Constantinopolitanum patriarcham, archiepiscopos et episcopos Orientales monuit⁵, ut excellens his zizanitis operam navarent: tum Achaïæ principem et Latini generis proceres, ut sacræ fidei censoribus in contaminatis ea labe insectandis studio non deessent. Quo argumento Venetorum ducem, ut suam adhiberet in defendenda religione auctoritatem, est adhortatus⁶.

« Dilecto filio nobili viro duci Venetiarum.

« In vinea Domini constituti superna dispositione cultores, spirituales in illa culturam vigiliantibus studiis exerceamus, instantia multæ sollicitudinis vigilantes, ut in ea, fruge sanctorum operum succrescente, nullius radii amaritudinis convalescat. Ipsius quidem vineæ palmites fructuosos pestilentes hæretici pestiferis morsibus præcidere molientes, fidelium animas tanquam animalia venenosa conantur extinguere, illis virus mortiferum in aureo Babylonis calice propinando. Propterea nos qui vulpeculas parvulas voce sponsi capere commonemur, ad exstirpandam pestem hæreticæ pravitatis eo ferventius studium Apostolicæ sollicitudinis adhibemus, quo desiderabilius concupimus, ut ubique cultus fidei Catholicæ dilatetur.

« Cum igitur dilecto filio priori provinciali fratrum Ordinis Predicatorum in Græcia dederimus noviter per nostras sub certa forma litteras in mandatis, ut aliquos de ipsius Ordinis fratribus sibi commissis, quos ad hoc idoneos fore cognoverit, inquisitores adversus eosdem hæreticos in partibus illis studeat deputare; nobilitatem tuam rogamus et hortamur in Domino, ac per Dei misericordiam obsecramus, tibi que in remissionem injungimus peccatorum, quatenus diligenter attendens, quod nedom hæreticos, sed receptatores, fautores et defensores eorum pœnis percellant gravissimis canonicæ sanctiones; quoslibet in dictis partibus Græciæ, tuæ ditioni subjectos, a quovis auxilio, consilio et favore hæreticis, fautoribus, receptatoribus et defensoribus antedictis; necnon et Judæis qui contra fidei veritatem plura nefanda committunt, et religionis Christianæ cultores perversi corrumpunt dogmatibus, quomodolibet impendendo cohibens, abstinere eis mandes districtius et injungas, ut inquisitoribus, per provinciam deputandis eandem, ad exterminandum de partibus illis pestem huiusmodi, dictosque Judæos pœna debita puniendum ferventer assis-

¹ An. 2. p. 1. Ep. com. DCCCXVIII. — ² Ibid. Ep. DL. et an. 2. p. 2. Ep. com. CCLXXVIII, CCCLXXIX. — ³ Ms. bibl. Vat. sign. num. 4569. p. 79.

⁴ An. 2. p. 2. post Ep. com. MCDXXVI. — ⁵ Ibid.

stant, et auxilium efficax, opportunumque consilium et auxilium largiantur; ut inquisitores ipsi, hujusmodi auxilii et favoris suffulti juvamine, in inquisitionis negotio contra pravitatem eandem, ad divini nominis laudem et gloriam, utilius proficere valeant; ac tu et ipse, præter mercedem retributionis æternæ, quam tua et ipsorum sinceritas inde merebitur, nostram et Apostolicæ Sedis valeatis benedictionem et gratiam uberius promereri. Dat. Avinione VIII kal. Augusti anno secundo ».

Pulsarant justis querelis Sedem Apostolicam patriarcha Constantinopolitanus, atque alii in Oriente episcopi Latini, quos lucrandarum Christo animarum zelus urebat, nonnullas fœminas, quæ abjuratis erroribus, Catholicis thoro junctæ fuerant, tum in Græcorum, tum etiam Tartarorum imperio postea, fide turpissime prodita, ad pristinos errores deflectere. Ad quod tollendum malum Joannes Venetorum, Genuensium et Pisano- rum magistratibus, qui illis in regionibus versabantur, Apostolica auctoritate ad coercendam illarum muliercularum levitatem jussit incumbere.

58. *Indulgentiæ recitantibus ter Angelicam orationem sub vespertino crepusculo.* — Hoc decimo anno ad incendendam in Deipare cultum fidelium pietatem, cum pius mos in Xantonensi Ecclesia susceptus esset, ut vergente in noctem die

campana ad præmonendos fideles, ut salutatione Angelica Virginis suffragia implorarent, pulsaretur; Pontifex decem dierum indulgentiam iis, qui pie ter eam orationem flexis genibus funderent, si vere eos criminum pœniteret, concessit ¹. Quæ vero de matre Dei encomia in iis litteris exararit, præteriri a nobis non potuerunt: « Quam pium, inquit, quam debitum et jucundum existit, laudibus Virginis gloriøsæ Dei genitricis insistere, dignis sibi jubulare præconiis, et mysticis eam muneribus honorare; plene devota mens conspicit, quæ ad laudem et gloriam Redemptoris quidquid genitrici honoris impenditur pertinere summæ devotionis spiritu intuetur. Huic namque divinis et angelicis laudatæ præconiis, ab Angelo venerabiliter atque officiosissime salutatæ, in mulieribus benedictæ, gratia plenæ; quæ dedit cælis gloriam, terris Deum, fidem gentibus, finem vitis, vitæ ordinem, moribus disciplinam, non desinat humana lingua cantica laudis exsolvere, et spiritualis muneris impendere famulatum. Huic humana devotio, quod nequit, vocis et cordis desideriis exequatur, ut quæ super choros Angelorum ultra omnem humanitatis naturam meruit exaltari, pro nobis apud Redemptorem nostrum ad Patris dexteram residentem jugiter intercedat, etc. Dat. Avin. III id. Octobris anno III ».

¹ An. 3. p. 1. Ep. com. L.

JOANNIS XXII ANNUS 4. — CHRISTI 1319.

1. *Regiam dignitatem in Polonia restituit Pontifex, frustra veniente Boemiæ rege.* — Restituta est Poloniæ intermissa regia dignitas anno a partu Virginis supra millesimum trecentesimo decimo nono, Indictione secunda, ut eo augustiore titulo insignita vires adversus Tartarorum, Lithuanorum, Ruthenorum aliorumque barbarorum excursions confirmaret, ac religionem Christianam tueri facilius, et felicius propagare posset. Vocabatur communibus Polonorum votis ad regium apicem Wladislaus Loktekus Wladislaviæ, Cracoviæ aliarumque provinciarum dux, ditionis amplitudine, populorum numero, opum magnitudine inter eos florentissimus; decretique sunt a publicis ordinum comitiis oratores ad Sedem

Apostolicam, qui ab ea precibus contenderent, ut regio fastigio Wladislaum ornaret. At Boemiæ rex Joannes suam dignitatem infringendam ratus, si Poloni regium decus recuperarent, oratores ad rem discutendam misit, nonnulla in Poloniam jura obtendens, quæ cum æquitate non niti contenderent Poloni, atque Wladislaum successione principalium adeptum, Pontifex ut utrisque consuleret, beneficium distulit, ac Gnesnensem archiepiscopum atque episcopos suffraganeos certiores fecit, Polonorum jura ea mora non labefactum iri.

« Venerabilibus fratribus archiepiscopo Gnesnensi ejusque suffraganeis.

« Dudum venerabilis frater noster Geribardus

episcopus Wladislaviensis, vester et dilectorum filiorum abbatum, monasteriorum, priorum Prædicatorum, et guardianorum Minorum Ordinum, et conventuum eorundem; necnon et capitulorum, Ecclesiarum ac nobilium virorum, ducum, comitum, baronum ac universitatum, civitatum et castrorum per regnum Polonie consistentium, nuntius ad hoc specialiter destinatus, ad præsentiam nostram accedens, nobis vestras et eorum litteras præsentavit, per quas Apostolatus nostro inter cætera significare curastis, quod ab olim post obitum bonæ memoriæ... regis Polonie, qui tunc erat, solitionibus et dissidiis, ac guerrarum discriminibus intestinis inter ipsius habitatores regni peccatis exigentibus suscitatis, regni status ejusdem, quod solebat florere divitis, tam propter hoc, quam etiam propter crebros Tartarorum, Lithuanorum, Ruthenorum et aliorum paganorum incursus, qui Polonorum gentem quasi novellam in fide captivam, diversis vicibus ablucentes, in miserabilem redegerant servitutem, et lumine fidei derelicto in nostri contumeliam Redemptoris idololatriæ servire cogebantur; necnon et propter occupationes diversarum ejusdem regni partium et locorum, defensore carentis, que nonnulli alienigenæ violentè invaserant, erat gravissima depressione collapsus; in Ecclesiis vero, monasteriis et aliis Deo dicatis locis, fidelium devotione constructis, in quibus devotis laudibus colebatur Omnipotens, cultus divini nominis neglectum tradebatur; quorum aliqua spelunca latronum effecta, aliqua solitudini derelicta et multa ipsorum ruinæ vastatibus subiacebant; adicientes nihilominus in litteris supradictis, quod nisi per Sedis Apostolicæ providentiam circumspectam super his occurreretur celeriter de remedio opportuno, verisimiliter poterat formidari, ne terra ipsa ad exanationem irreparabilem deveniret; propter quod tum vos, per episcopum et litteras supradictas, quam idem episcopus per se ipsum cum multa nobis instantia supplicastis, ut cum regnum prædictum esset nobis et Ecclesiæ Romanæ nullo mediante subjectum, et in signum subjectionis hujusmodi, census, qui denarius beati Petri vocatur, nobis et eidem Ecclesiæ annis singulis deberetur; ejusdem regni fidelibus apertentes viscera pietatis, et eorum calamitatis ac pressuris paterno compatiens affectu, et illud clementis propitiationis oculis intuentes, de tali rege provideremus eidem, qui se patenter exemplum ostenderet, qualiter subditos oporteret per justitiæ semitas ambulare: qui quæ in potentia virtutis Altissimi dirigeret in directa, insolentes reprimeret, restauraret deperdita, dictumque regnum tantæ calamitatis angustiis, quibus subijciuntur, incessanter Deo auxiliante subductum, statim resumeret quietis, et dulcedinis primitivæ; dilectum filium nobilem virum Wladislaum Cracoviæ, Sandomiriæ, Syrdiæ, Lancitiæ, Cujaviæ, regni quæ Poloniæ, ac terræ Pomeraniæ ducem, et hæredem

et etiam possessorem; strenuitate sublimem, industria providum, militia stipatum, multitudine vassallorum onustum, divitis, munitionibus et fortalitiis præpotentem, promovendum per nos in regem Poloniæ concorditer nominando; supplicantes instantè ut præfatum ducem in regem dignaremur ipsius regni Poloniæ de benignitate Apostolica promoveri, et coronari diademate regio mandaremus.

« Quia vero vobis ex præmissis firmæ spei fiducia suggererebat, quod præfatum regnum, per promotionem hujusmodi ad virum suarum potentiam restauratum, fortius dictorum paganorum prævaleret incursibus, et facilius pestiferos conatus reprimeret eorundem, ubertate pacis cultu servato justitiæ frueretur, libertas Ecclesiastica ex præmissis dissidiis conculecata summi resumeret Deo propitiante, vigorem; Ecclesiasticæ dicti regni personæ, etiam Ecclesiis eorundem ab oppressionibus relevatis, possent vacare commodius circa cultum divini nominis ampliandum; ipsiusque regni fideles in divinis beneplacitis prosequendis, et ejusdem Ecclesiæ Romanæ, quam ipsi matrem eorum et dominam recognoscunt, fidelitatis et devotionis firmius stabiliri constantia; prædictos episcopum et litteras benigne recepimus, et ea, quæ idem episcopus super ejusdem promotione ducis proponere voluit coram nobis, libenter audivimus, dictarumque litterarum tenorem cum multa jucunditate prospeximus diligenter.

4. « Denum autem charissimi in Christo filii nostri Joannis regis Boemiæ illustris supervenientibus nuntiis, per eos Apostolatus nostro fuit humiliter supplicatum, ut cum eidem regi jus in dicto Poloniæ regno competere, quod se offerebant suo loco et tempore probaturos, abstinere ab ipsius promotione ducis Poloniæ dignaremur. Sed idem episcopus post nuntiorum ipsorum instantiam sicut prius, crebris vicibus contrarium certitudinaliter affirmando, proposuit quod rex præfatus nullum in dicto regno Poloniæ jus proprietatis seu possessionis sibi poterat vindicare, cum plenum jus prædicto duci tanquam ipsius regni domino naturali et hæredi legitimo, cui successio jure naturæ a suis progenitoribus debebatur, in regno competere supradicto, pro hujusmodi sæpèdicti promotione ducis tam pro parte vestra, quam per se ipsum suppliciter insistendo. Nos igitur volentes unicuique jura sua servari, ab hujus promotione petita ad præsens providimus abstinendum, non intendentes per hoc juri vestro et aliorum supplicantium prædictorum præjudicium aliquod generari. quin illo sic uti, si, et quando vobis expedire videbitur valeatis, quod tamen cuiusvis alterius non lædatur. Dat. Avinione XIII kal. Septembris anno tertio ».

5. Intellexere ex his, tum Gerardi episcopi, cui Pontifex ex areano mentem aperuerat, litteris Poloni, quid sibi agendum incumbere. Proximo itaque inente anno regis fastigii honos apud eos

revocatus¹, regre admodum rem ferente Joanne rege Boemiar. Ex ea vero occasione Polonos ad veteres titulos instaurandos excitatos ferunt : Joannes Boemus a Wernero Prussia magistro excitus, ut Prutenis olim ab Othogaro clientela nomine regibus Boemia addictis contra Lithuanos Polonorum federatos auxilio esset erepta in Prussia Polonis Dobrina, ac Wladislaviensi ditione subacta, ac mox utraque in Wernerum transfusa, in Lithuania irrupit, Pomeraniamque juris Polonici provinciam cruciferis attribuit, regioque confirmavit Diplomate : quarenteque de illata injuria Wladislao Lokko, respondit se Polonia regem esse, illum autem principem ; plus vero dignitatem regiam, quam principalem, in jure suo vindicando polleere. Perculit ea vox Wladislaum ac reliquos Polonos, qui ne Boemis inferiores essent, regiam coronam a Sede Apostolica poposcerunt. Perstringit Romanum Pontificem Dubravius², creato Poloniae rege imperatoris partes ipsum sibi vindicasse : sed nulla certe Casaris injuria id factum fuisset, cum Polonia imperio non esset obnoxia ; quidni enim apud Polonos Pontifex regiam poterat revocare dignitatem, qui jam ante illam apud Ungaros, Armenos, Russos, Bulgaros, Lithuanos et alios, de quibus sparsa in Bironianis et nostris Annalibus exempla repelere opus non est, cum ipsum etiam imperium resituisse Occidentem constet, quae jure facta docent pluribus theologi, qui temporalem potestatem Ecclesiasticae subiecti in probant³. Adde imperialem auctoritatem, quae ad hoc non erat necessaria, viduato ob Ludovici Bvari et Friderici Austriaci discordem electionem suo principi imperio, penes Romanum Pontificem fuisse : qua etiam Joannem utrum constat veluti in Rambaldi comitis ac Tarvisinorum causa, cum Henricus Goritiae comes, Canis Scaliger praefectus Veronensis, Ugucio Fagiolanus magister militum, et Guccellus et Camino iura armorum societate extreme superiori anno Tarvisium obsidione cinxissent⁴, delatum a Tarvisinis patrocinium suscepit ; utpote in quem imperialis auctoritas ad injuste oppressos a potentiorum tyrannide vindicandos interregni tempore devoluta esset, ut ipsemet his verbis proficitur in litteris⁵ ad Atrebatensem et Bononiensem episcopos, et Aymericum archidiaconum internuntios Apostolicos datis.

6. « Attendentes, inquit, quod imperii Romani tempore, quo illud vacare contingit, sicut tunc vacabat, et adhuc vacare dignoscitur, regimen, cura et administratio ; necnon et defensionis fidelium ejusdem imperii oppressorum, ac punitio subjectorum eorundem cum ad alium praeterquam ad Rom. Pontificem recursus haberi non

posset, ad nos pertinebat, sicut dignoscitur pertinere ; ac insuper comiti Goritiae, Cani, Uguitioni, et Guccello supradictis et quibuscumque aliis de praefato Rambaldo comite et communi Tarvisino, ac singulis ab ipso communi conquerentibus offerentes liberaliter exhibere, et nihilominus per vos fieri mandantes justitiae complementum ; vobis per nostras sub certa forma litteras dedimus in mandatis etc. » Addit Joannes se memoratis internuntis dedisse imperia, ut Scaligerum ac federatos intentata censurarum religione ab inferendo Tarvisinis eorumque praetori Rambaldo comiti bello sibi temperare juberent : ac si iterum illi obsidionem, quam solvisse acceperat, adversus Tarvisium designant, censuras in incuti jubet. Tum Pagannum Turrianum episcopum Palavinum, cui Albertinus Mussatus suam de gestis Italorum historiam inscripsit, designatum patriarcham Aquileiensem monuit⁶, ne ex patriarchali ditione subsidia ab hoste inferri pateretur. Illum quidem Tarvisinis amicum fuisse, refert Bonifacius⁷ ; sed ex equo in terram allisum brevi interisse : implorasse vero Tarvisinos Pontificiam opem ait. Verum cum hostes, professi se imperii jura tutari, censuras Ecclesiasticas spernerent, diuturno Tarvisini bello attriti sunt a Scaligero, donec ii interprete Goritiae comite Friderici Austriaci designati discordibus suffragis regis Romanorum clientela se commendarent⁸. Quam ob rem exasperatus Scaliger cum Friderici amulo Ludovico Bavaro foedus iunxit : atque ita Germanicae dissensionis inter Caesarei nominis studiosos irrepere. Gibellinae porro factionis splendidum nomen aucupabantur multi, ut eo furore latrociniis turpitudinem colorarent.

7. *Guelphs et Gibellinis furentibus, urbes vastatae, insiquia scelera patrata.* — Inter hos in Piceno Recinetensis, in Avelum provinciae praesidem conjuratione iuncta⁹, excitis Auximanis, impetu facto in Pontificios administratos, trecentos ferro concidere : eos qui cum Pontificiis sensebant, detrudere in carceres, ac liberos summo furore enecarunt : capere virgines, conjuges violarunt, sanctimoniales stuprarunt, episcopum et clerum perculere¹⁰, eorum bona diripere, urbisque administrationem in Fridericum comitem Montisferetri Gibellinum contulerunt¹¹. Inter conjurationis et latrocinii principes¹² erant Lippatus et Andreas e Gonzelina stirpe ; Auximani patritii qui nefarios quoque in suam societatem abseverant quam, ut flagitium pietate colorarent, B. Virginis sodalium nuncupabant. Inter ceteras autem leges, quas suis praescripserant, ea erat, ut sine ullo paene metu quosque Ecclesiae partium neci traderent, maxime eos, qui in Romani Pontificis gratiam verba fecissent. Cum vero plerique censu-

¹ Matth. Michov. l. iv. c. 9. Chron. l. xi. Dubrav. Hist. Boem. l. xx. — ² Polir. supr. l. xx. — ³ Palud. de ecclesiastica potestate Ms. bibl. Vat. sign. num. 4109. Aug. Triumph. de potest. Eccl. q. xxxviii. art. 6. Ale. de S. Epod. tractat. ii. c. 3. Turc. sum. de Eccl. l. i. c. 90. Card. Bellar. de Rom. Pont. l. v. c. 7 et alii. — ⁴ Cortus. l. ii. iv. Bonif. Hist. Tarvis. l. viii. — ⁵ An. 3. p. 3. Ep. cur. cx.

⁶ An. 3. p. 3. Ep. viii. — ⁷ Bonif. Hist. Tarvis. l. viii. — ⁸ Cortus. l. ii. c. 4. — ⁹ An. 3. p. 1. pag. 160, 161, 192, 193. — ¹⁰ An. 3. p. 1. Ep. cur. clxx. — ¹¹ Ibid. Ep. clxxxv. — ¹² Ibid. Ep. clxx.

ras Ecclesiasticas contemptu sacrilego eluderent, Pontifex legatum in ipsos iudicio haresces agere, ac penas statitis in hæreticos distringere iussit¹. Fridericus præterea Montifisero tri comes Recinetensium, Auximanorum et exulum Aesinorum se docem dixit, atque ad novum principatum in ruinis Ecclesie excitandum Spoletanos Gibellinarum partium subornavit², ut correptis armis Guelphos pellerent, atque in ipsum urbis transfunderent dominatum.

8. Exagitantæ eadem Guelphorum Gibellinorumque furæ Insubriam : ad quam pacandam Bertrandum lit. S. Marcelli presbyterum cardinalem A. S. L. X kal. Aug. misit³, amplissimis instructum mandatis. Cremona⁴ proditione a Gilberto Corregia et Brixianis capta in Guelphorum imperium concessit, quæ urbs olim florentissima opibus, ob intestinas seditiones veterem splendorem admiserat : Ticinum ad Guelphorum et Ecclesie partes spectabat, in Isnardus patriarcha Antiochenus Ecclesie Ticinensis administrator acceptorum a Sede Apostolica beneficiorum iuniorum obstitisset. Distrinxit itaque in eum Joannes anathematis sententiam⁵ ipsumque omni dignitate exiit, cum nimirum gravissimis sacrilegiis, caedibus, rapinis, incendiis, perjuriis aliisque sceleribus sese inquinasset : Gibellinis partibus se implicuisset, addictos Romano Pontifici sævissime insectatus esset, invasisset aliena virorum nobilium bona; bellumque contra dignitatis Pontificiæ decus injuste movisset, in quo gravissima scelera fuerant patrata, incensa templa, profanate aræ, cædes editæ, prædæ abactæ : sæpius etiam in iis locis, quibus præerat, Guelphos ab excubitoribus ad mortem insanis vocibus deposci non modo tulisset æquo animo, verum etiam vultum ad eas voces ad hilaritatem porrexisset : cumque Ticinum eo tempore, quo a Guelphorum partium magistratibus administrabatur, defecisset ad Gibellinos, ac nonnulli cives, qui eam defectionem inique ferebant, in spem erigerentur, auxilia Roberti Siciliæ regis affutura; ille inter augustissima misse solennia, dum ad populum concionem habebat, scelere pronuntiarat, dandos neci illos, qui spem auxilii Roberti regis injicerent; adjeceerat illos, qui huiusmodi viros e medio tollerent, a se omnis noxæ religione liberandos. Denique vocatus ad Sedem Apostolicam, ut ab impositis criminibus se purgaret, cum insignis perjurii convinceretur, mutata veste, se proripuit, atque ad Pontificiam aulam redire iussus imperia respuit : quare obfirmatum in pertinacia virum Pontifex hac sententia percudit :

« Ipsum contumacem merito reputantes, in nomine Domini cum Apostolo tantam inobedientiam et irreverentiam ulcisci, excessusque sine detestabiles, sic enormes, sicut etiam nostri debitum

exposcit officii, disciplina debita castigare volentes, ne ipsorum impunitas animum in aliis pariat, et ausus excessum; in Isnardum prædictum, qui omni honore, dignitate atque administratione adeo reddidit se indignum, de fratrum nostrorum consilio perpetuæ depositionis sententiam promulgamus, eumque tam a patriarchali quam pontificali, et omni sacerdotali et clericali privantes officio, condemnamus; ac corpus ejus dantes Silihanæ, ut ejus spiritus salvus fiat, in ipsum excommunicationis sententiam promulgamus. Nulli ergo, etc. Dat. Avinione III kal. Aug. anno III ».

9. Intentavit etiam censurarum terrorem Pontifex¹ Philippo Sabaudæ regis principi, qui Florentino no. ut oratores ad aulam Pontificiam accedentes non sine injuria Sedis Apostolicæ interceperat : ac Taurinensi episcopo, nisi ab evolutio mense restituerentur libertati, provinciam dedit, ut Taurinum et alia loca, in quibus tenerentur in vinculis, Ecclesiastico interdicto supponeret. Sæviebat in eos Philippus Guelphorum partium odio, cum Florentini Roberto regi, a quo dissentiebat, studerent. Et sane egregias illi auxiliares copias in Genuensi obsidione periclitanti submisere² : quibus classi impositis, cum semestri integro G bellinorum copiis circumseptus esset, excensione in portum, cui Sextus nomen est, facta in hostem magno impetu irrupit, ipsumque fudit. Qua parta victoria, Richardo Gambasta Abrutino cum præsidario milite Genuam dimisso, cum quadraginta trirremium classe Avinionem ad Pontificem se contulit³. Captata Roberti regis recessus occasione, Genuenses⁴ exules vires collegere, ac viginti octo trirremium classem præfecto Conrado Auria instruxere, novisque copiis ex Germanis et Insubribus comparatis, Genuam obsidione tentarunt : in qua plurima hinc inde illata acceptaque elades.

10. *Bellum inter Genuenses et Cypri regem per arbitrum componere studet Joannes.* — Non intestino modo in Italia, verum etiam externo in Oriente bello impliciti erant Genuenses : quo ipsos inter atque Henricum Cypri regem consurgente, cum extrema rei Christianæ in Oriente calamitas impenderet, Pontifex ad illius semina præfocanda, cum accepisset Genuenses classem ad invadendam Cyprum acceptasque ulciscendas injurias apparare, missis Apostolicis nuntiis, apud eos instituit⁵, ut ceptis absterent : permitterent suas injurias Sedi Apostolicæ, illam partes Pontificias adeo solerter adhibuituram, ut illata damna sarcirentur, ipsorumque dignitati consultum foret : moxque Henrico regi significavit, ut operam suam ad aver-tendos ab infesta pro ipsius regno Genuenses, cum se ad bellum pro exigenda injuriarum ultione compararent, collocasset : proinde ad propulsanda

¹ An. 4. p. 1. Ep. com. CV. — ² Jo. Vill. l. IX. c. 91 et 96. Ant. III. p. tit. XVI. c. 1. § 3. — ³ An. 2. p. 2. Ep. com. CCCXXII. Jo. Vill. l. IX. c. 97. — ⁴ Id. c. 98. et Ant. ubi sup. — ⁵ An. 3. Ep. com. MXXXVIII.

⁴ An. 3. p. 1. Ep. cur. CCL. — ⁵ Jo. Vill. l. IX. c. 103. —

³ An. 4. p. 1. Ep. cur. CXLV. — ⁴ Ibid. § 4. — ⁵ Ibid. Ep. CXXVI.

imminentia pericula, et pacandos quos lacerat, sollicitavit. Cyprio vero rege suos oratores mittente, ut in Pontificem, uti fidissimum arbitrum, compromissum egerent; discutiendi utriusque partis juris Joannes provinciam non admisit, cum aliorum negotiorum mole premeretur. Sed adhibitis in consilium viris prudentia conspicuis sanxit, ut illata utrinque damna sarcirent, pristinae ii libertati immunitatique in insula Cypro restituerentur, illatae injuriæ venia et oblivione deleterentur, municipali vinculis in libertatem asserebantur, quæ erepta censeret sine forensi strepitu redderentur: ad ea vero quæ juris ambigui viderentur illustranda, mitteret ad Genuenses virum prudentia et auctoritate instructum, ut ea sine judicii contentione dirimerentur: vicissimque Genuenses e suis alium pari industria et potestate auctum dirigerent ad ea, quæ in Cyprio regno in disceptationem caderent, dirimenda. Si vero designati arbitri inter se dissentirent, rem totam Sedis Apostolicæ judicio permitterent, ut quod suaderet æquitas servandæ mutua inter ipsos amicitia studio definiret. Contendit demum Pontifex precibus ab Henrico ut suos ab inferenda ulla Genuensibus injuria contineret, pacique sancientiæ se accommodaret, et quæ Sedes Apostolica statuerat religiosissime servaret: exploratum vero haberet, se illam partem studiis suis promoturum, quæ hujusmodi Apostolico decreto parvisset. At ne interim novæ repullularent dissensiones, annuas inducias Cyprii ac Genuensibus imperavit, quas a Nicosiensi archiepiscopo in Cypro; in Liguria a Catanensi episcopo et Saonensi præsule designato promulgari jussit¹ atque anathema seu Liguribus seu Cypriis nova moturis bella intextavit: de quibus extant hæc ad Cyprium regem litteræ²:

« Charissimo in Christo filio Henrico regi Cypri illustri.

« Quam sit utile tibi, fili charissime, cum omnibus Christi fidelibus et præcipue cum dilectis filiis communi et populo Januensi in pacis unitate convenire; quam sit periculosum cum talibus discordiam enutrire, regni tui dispositio indicat, et blasphemorum crucis, qui ad tuas jugiter aspirant injurias, vicinitas manifestat. Licet igitur ex cujusdam ordinationis tractatu, inter te et subditos tuos ex parte una et præfatum commune et singulares personas illius ex altera perficiendæ nuper habito, sicut per nostras litteras magnitudini regis clare et serius intimamus, inter te et subditos tuos et eosdem Januenses, si votis Apostolicis cum efficacia operis exhibeas aurem cordis, speremus soliditatem (tante homino) plenæ concordie proventuram; ne tamen (quod absit) interrim ex quacunque scintilla discordiæ quævis utrinque exerceatur hostilitas, neve dictis blasphemis unquam machinationis janua pateat, si

cujuslibet sortis dubiæ auferatur eventus, cum ad nos, qui (licet immeriti) vices Regis pacifici gerimus, singulariter pertinere noscatur in universalis Ecclesiæ totaque congregatione fidelium pacem querere, et eam diligentius facere observari; de fratrum nostrorum consilio inter te et subditos tuos prædictos et præfatum commune et singulares personas ipsius usque ad unum annum a die receptionis præsentium numerandum, treugas indicimus, a vobis hinc inde inviolabiliter observandas: ut interim (auxiliante Deo) quantocius sedetur utrinque discordia, et per commoditatem medii operationis, ac per efficacem observantiam ordinationis prædictæ pax invicem solidetur; celsitudini tuæ et subditis regni tui, et præfatis communi et populo et singularibus personis ipsius, quibus super hoc similes litteras destinamus, sub excommunicationis in singulares personas, et interdicti in regnum tuum et in civitatem prædictam pœnis et sententiis, quas in non servantes vel violantes treugas easdem ex nunc ferimus, districtius injungentes, ut dictas treugas recipere et servare, et recipi et servari facere per dictum annum inviolabiliter studeatis; non obstantibus quibuscumque privilegiis tibi, fili, et prædictis Januensibus ac quibuscumque aliis ab Apostolica Sede concessis, etc. Dat. Avin. II kal. Augusti anno in ».

11. *Helionus Rhodiorum equitum magister creatus.* — Nec Cyprus modo, verum etiam Rhodus dissensionibus non carebat: ad quas sapiendas, ne rei Christianæ afferrent exitium, abdicante se justis ex causis summi Hospitalariorum equitum magistri munere Fulcone Villareto, et Mauritio Pagnaco æmulo exactorato, sollicitus Pontifex transfundendæ in eum dignitatis, qui pares tanto oneri virtutes haberet, Franciæ, Tolosæ, Campaniæ, Alvernæ, Castellæ ac Legionis, Portugalliæ, Navarræ et Venetiarum priores, qui in aula Pontificiæ versabantur, excivit, ut ipsorum in re dubia consilium exquireret: cumque in sanctiore cardinalium consistorio illi seorsim inter se de eo contulissent, qui regimini admovendus videretur, unanimi consensu in Helionum, qui tum vitæ religiosæ pulcherrimis exemplis fulgebat, tum præclara adversus Saracenos belli facinora explicuerat, suffragia conjecerunt: cumque vota Pontifici aperuissent, illorum adductis precibus, quem designarant, gerendo muneri præfecit, atque ad illud capessendum Apostolicis litteris instruxit³.

12. *Catalana societas fuit in Græcia.* — In Græcia societas Catalana, quam omisso Turcico bello in Gallici generis reliquias, quæ Achaïæ insidebant, arma vertisse jam ante vidimus, ut latius limites profferrent, Gualterum Athenarum ducem infestis signis petiere. Quam rem gravissime accepit Pontifex, fideles ab ea societate infestari, quos Latinarum partium studio tueri

¹ An. 3. Ep. MCLXXXVII. — ² Ibid. Ep. com. MALA.

³ An. 3. Ep. com. DCCCLXXXIV.

dehnuisset; ac ne muneri deesset Athenarum ducatus clientes, atque Argolicenses animos ac vires, nec Gualtero duci deessent: eoque argumento Gualterum e Fincherolis Argorum praefectum, aliosque nobiles ad retundendos hostiles conatus accendit. Addictæ erant eae loderatæ cohortes clientelæ nomine, ut regia auctoritate tutæ essent, regi Friderico. Quem hoc anno a Tunetano rege, qui regno Bugiæ rege Arabum opera pulsus fuerat, ad expeditionem Africanam sollicitatum magno auri pondere ferunt¹: cum obsessus barbarus majore auri vi Fridericum sibi conciliavit; qui ita enunciat ab utroque barbaro ingentibus opibus obsidionem solvit, Bugiæque rex Tuneto, quo ab altero primum fuerat rejectus, potitus est. Fridericum porro censum pro regno Trinacriæ persolvisse, Pontificia de eo accepto syngapha docet². Intulit quoque fisco Apostolico Robertus Siciliae rex³ decem millia unciarum auri. In utranque vero ulteriorem et citeriorem Siciliam Pontifex Stephanum e Pinn clericum Lemovicensem misit, ut abbatiarum non conventuum vacantium vectigalia colligeret⁴: Apostolicas Constitutiones in eos, qui sacerdotia curæ animarum addicta sacris ordinibus initiari neglexissent, unde divinus cultus exolesceret, promulgandas curaret⁵; cognitaque causa, ipsos contentas in Sanctione, quæ a verbo, *Execrabilis*, ducit exordium, ob retenta injuria sacerdotia contraxisse pronuntiaret⁶.

13. *Satisfactio pœnitentialis imposita Rogerio interfectori episcopi Ferentini.* — Præterea Ariannensi episcopo provinciam dedit, ut penas, quas in Rogerium e Bonito ob cæsum Frequentinum episcopum statuerat, divulgaret, ac ni crimen rite expiaret, anathemate devinctum declararet. Quæ vero pœnæ ad tantum scelus luendum incussæ, subjectæ litteræ ostendunt⁷:

« Joannes, etc. venerabili fratri episcopo Ariannensi.

« Rogerium de Bonito militem Arianensis diœcesis, latorem præsentium, qui Rogerium episcopum Frequentinum ausu sacrilego interfecit, ab excommunicatione, quam propter hoc incurrit, in hujusmodi homicidii reatu ad te remittimus juxta formam Ecclesiæ absolutum, mandantes sub debito præstiti juramenti, ut ante omnia sufficienter et idonee caveat coram te, quod infrascripta, per nos sibi injuncta, et a te etiam injungenda complebit; quodque Ecclesiæ, cujus episcopum interfecit, satisfactionem congruam, cum primum poterit, ad arbitrium tuum, cujus conscientiam oneramus, exhibebit. Injuximus quoque sibi sub debito juramento prædicti, ut per majores omnes Ecclesiæ illius loci, ubi tunc fuit facinus perpetratum, nudus et discalcatus, braccis dumtaxat retentis, virgam ferens in manibus

et corrigiam circa collum, si secure poterit, incedat; et ante fores ipsarum Ecclesiarum a presbyteris eorumdem psalmum pœnitentialem dicentibus, se faciat verberari, cum major in eis aderit populi multitudo, suum publice confitendo reatum: et si aliquid feudum, officium, vel beneficium Ecclesiasticum vel temporale a dicta Ecclesia tenuit, vel jus patronatus obtinet in eadem, quibus ipse ejusque hæredes ipso jure perpetuo sint privati, ea Ecclesiis, a quibus illa tenebit, dimittat omnino, sic quod Ecclesiæ ipsæ de illius dispositione valeant, prout eis videbitur, expedire: et ne minus vindictæ, quam excessus memoria prorogetur, usque ad quartam generationem ipsius posteritas in clericorum collegium, vel aliquod Ecclesiasticum beneficium, seu officium seculare vel regulare nullatenus possit assumi.

« Nosque propter hoc sibi dari fecimus signum crucis in subsidium Terræ-Sanctæ, et pro pœnitentia eidem duximus injungendum, ut cum fuerit passagium generale vel particulare per Ecclesiam Romanam indictum, personaliter legitimo impedimento cessante debeat transfretare; et si eum prius mori contigerit, de rebus suis si habuerit, disponat mittere idoneum bellatorem: limina Apostolorum Petri et Pauli tribus vicibus, et semel B. Jacobi debeat visitare: usque ad septem annos semel qualibet hebdomada unam missam pro anima occisi episcopi faciat decantari, et qualibet sexta feria in pane et aqua jejunet, et quarta feria a carnium esu absteat, nisi fuerit infirmitate detentus, vel in itinere constitutus; et decies orationem Dominicam recitet omni die. Tu autem præter istam pœnitentiam injungas sibi quod animæ suæ salutis expedire. Si enim cautionem predictam, aut satisfactionem, si poterit, non præstiterit, ut præfertur, et alia, quæ mandatur facere forte contempserit, nunties eum in eandem excommunicationis sententiam recidisse. Cæterum volumus, et præsentium tibi auctoritate mandamus, quod per singulas diœceses Beneventanæ provincie supradictas pœnas facias publicari. Dat. Avinionæ kal. Augusti anno m.»

14. *Litteræ Apostolicæ ad Maladinum Chroatiae et Bosniæ comitem pro reprimendis hæreticis.* — Consulturus etiam salutis animarum, ne hæreticorum erroribus irretirentur, Pontificis et imperialibus Friderici II sanctionibus indictas hæreticis, vel ea aspersis infamia, pœnas renovavit, quas a Bertrando tit. S. Marcelli A. S. L. in Insubria in illos distringi jussit¹. Cumque ea lues plures in Chroatia etiam ac Bosnia inficeret, Maladinum banum gravissimis sententiis ad zelum in ea extinguenda, divinoque cultu in ipsius ditone revocando exercendum excitavit²: nonnulli enim ementito sanctitatis habitu ex Waldensium impia propagine suis erroribus simplices circumvenerant, ut vivificæ cruci nullus honos deferretur,

¹ Jo. Vill. l. ix. c. 164. Aut. III. p. III. XXI. c. 4. § 4. —

² An. 4. p. 1. Ep. com. SXXXVII. — ³ Ibid. Ep. CDXLVI. — ⁴ Ibid. Ep. cur. XIV. — ⁵ Ibid. Ep. cur. XI. — ⁶ Ibid. Ep. cur. XII. —

⁷ An. III. Ep. com. MDXXIV.

¹ An. 3. p. 4. Ep. cur. CCI. — ² Ibid. Ep. com. MCCCXVIII.

non perciperetur Eucharistia, nec etiam Baptismus plerisque in locis conferretur.

« Dilecto filio nobili viro Maladino, Chroalorum et Bosnæ comiti, alias dicto hano.

« Nulla, nec immerito, mentem nostram amaritudo perfudit, gravis dolor nos afficit, cum audivimus esse in populo Domini perditionis filios, maledictionis alumnos, qui a Christianæ religionis observantia deviantes, et volentes suo potius errore perire, quam aliena persuasione proficere, in tenebris ambulant et obæcati mente, ut lumen cæli non vident, errores hæreticos damnablem edocent et observant. Spectat igitur ad unumquemque fidem hostiliter contra tales insurgere, sique ipsos in brachio virtutis Altissimi radicatus extirpare, quod pestifera eorum rabies percat, et fideles alios, favente Domino, non contingat. Sæpe namque, non absque gravi turbatione mentis relatione fide digna percipimus, quod terra Bosnensis, ejusque patria hæreticorum, ob rectorum negligentiam longo tempore ibidem degentium, tanta sit infidelitatis labe polluta, quod ibi desolentur Ecclesiæ, clericalis ordo sit extirpatus radicatus, et Christi sacra irrisione pestifera conculcentur: non ibi crucis reverentia, de qua sola voluit Apostolus gloriari, non vivifici sacramenti communio; ipsius etiam baptismi, quod est religionis initium, nomen in plerisque partibus ignoretur, agentibus proculdubio pestiferis doctoribus, qui fidem simplicium simulato religionis habitu pravorum dogmatum conspersione fœdarunt. Profecto non indigne gravi doloris aculeo noster animus sancitur, et ad vindicandas tantas nostri Creatoris injurias animamur.

« Tuam igitur, fili, industriam, quam et nobilitas generis, et morum probitas, et orthodoxe fidei religiosa professio dignis laudibus efferunt, palerna duximus diligentia commendandam, ut ad extirpandos errores de terra et patria supradictis, et præparandum veræ religionis cultum, potentiae tue dexteram sollicitudine religiosa convertas: tunc etenim vere poteris hostium tuorum triumphator existere cum de agro Dominico crucis Christi æmulus studueris extirpare: nosque, qui totis animi votis ad veræ fidei gloriam jugiter aspiramus, quique tuos in hac parte labores gratos plurimum habebimus et acceptos, in tue nobilitatis promovendis negotiis constitues promptiores. Dat. Avinionis XV kal. Augusti anno III ».

45. *Cleri Hungarici legatio ad Pontificem.* —

In Hungaria clerus Augustinum Zagabriensem episcopum Ungaricarum Ecclesiarum dignitatis tuendæ gratia ad Sedem Apostolicam misit. Audita causa

Pontifex, ne Carolus rex aliqua suspicione suffusus episcopo intensus esset, significavit ipse¹, nulla de illo nisi laude et commendatione digna retulisse; atque ad Ecclesiam reverti pateretur, neve oblectatorum susurros admitteret. Eximia etiam sunt in re simili pro defendendo magistro Radulpho Pontificia præcepta² Philippo regi Francorum, apud quem in invidiam erat adductus, data: « In benigniorem, inquit, partem semper interpreteris, in dubio nullum habiturus ex levi causa suspectum: fideles etenim si putaveris facies, et dum quilibet confidentiam tuam in se fidenter recumbere viderit, ab omnibus, quæ infidelitatem sapere valeant, cautius, ut credimus, abstinebit ».

Adiit eo tempore Philippus una cum regina Joanna, ut sunt instabiles humanæ res ac tenui etiam filo regum scepra pendent, ingens vilæ discrimen, vixque e parietis ruinis emersit. Quod accepit Pontifex, grades divino Numini observatum Philippum egit; sumptaque inde occasione regem³, ac reginam⁴ gravibus præceptis erudit, ut ab humanis rebus adeo fragilibus ad divina mentem studiumque transfunderent: « Hec te cautiorem, (regem alloquitur,) contra hostis illius insidias debent reddere et promptiorem, ut liberatori tuo studentes devotius et studiosius deservire. Ex his, fili charissime, tua providentia potest percipere, quod nec potestatis sublimitas, nec generis nobilitas, nec formositas aut valetudo corporis a periculis liberant, quæ nec potest utique humano ingenio prævideri; sed ille, in cujus conspectu sunt mille anni futuri sicut dies hesternæ quæ præterit, quos vult illa subire permittit, etc. » Instruxit eundem regem saluberrimis aliis præceptis, ut concessa Gallicanæ Ecclesiæ a S. Ludovico privilegia restitueret⁵, eamque pristino asseret splendore: familiarem in principum aula pestem calumniatoris, qui regias aures obsiderent, reprimeret.

Concilianda est hoc anno, ac sequenti corroborata a Pontifice concordia inter Philippum Francorum regem et Belgas Gancelini lit. SS. Marcelini et Petri presbyteri cardinalis; censurarum metum Belgis incutientes, præcipua opera, ad quam navandam strenue incitavit ipsum Pontifex⁶: qui illius nuntio ingenti gaudio perusus, ut eam confirmaret, pluribus litteris cum Philippo rege⁷, regina Joanne⁸, comite Valesiorum⁹, Roberto Belgarum principe¹⁰, (1) ac fœderatis ur-

¹ An. 4. p. 4. Ep. com. XLV. — ² Tom. II. Ep. secr. XXV. —

³ Ibid. Ep. secr. LXVI. — ⁴ Ibid. Ep. LXVII. — ⁵ Ibid. Ep. dcccii. —

⁶ Ibid. Ep. secr. LXV. — ⁷ Ibid. Ep. ccvii. — ⁸ Ep. ccviii. —

⁹ Ep. ccix. — ¹⁰ Ep. ccac ad ccxcvii.

(1) Isto quidem anno pacem inter Philippum regem, et Robertum Belgarum comitem conciliare aditus fuit Gacelinus cardinalis A. S. legatus. Quam et composuisse sibi ille blandiebatur, cum Robertum comitem egressisset ut Lateranum venireis rebus Pontifici elementum impioraret; sed ille « nullatenus comparuit », scribit continuator Nangii ad hunc annum, « amore suo frivolas excusationes per interfontes allegando ». Quare res ad annum sequentem extractæ. Sequenti vero anno Robertus quidem venire; sed cavitationibus quibusdam rem primo quod in longum protraxit, dein clam se ex urbe proripuit. Nequaquam tamen; nam urbem Belgarum legati periclitari sese vita intellegentes, si res infecta destituenda fuisset, cum in potestate Philippi regis tunc agerent, illum coegerunt, ut iuvius hæt conventiones iniret. Hæc continuator Nangii, ex quo annalista qui pacem hoc anno firmatam statim corrigas. Annuadvertere hic juvat ex Baluzio in

libus egit; Gancelinoque cardinali praecepit¹ ne, nisi perfecta re, discederet aula regia, in qua plurimum floruisse gratia atque a Sede Apostolica commissi implevisse est gratulatus².

46. *De expeditione Asiaticae litterae Pontificiae ad reges Galliae et Angliae.* — Retardant Philippum inenitendae Asiaticae expeditionis consilia Belgici tumultus: quibus compositis animum ad instaurandam rem Syriacam, pro cuius apparatu instruendo, tum reficiendo arario, quod in parentis et fratris regnum testamentis exequendis exhauserat, duas excurrentis triennii spatio decimas exigendas obtinuerat³, advenit; tum superiori anno ab Ossini regis Armeniae oratoribus ad id egregie animatus esset: quo argumento date ad Armenum extant litterae⁴. Sed tam ardua provincia sine aliorum regum opera non suscipienda ab ipso, Pontifici visa est⁵ cum impar illius potentia Saracenicae videretur: superiorique anno vergente significavit non sufficere pacatas esse Gallias, sed reliquum orbem Christianum ad mutuam pacem revocandum: laniatum vero adeo bellis civilibus, ut sine magno discrimine rem aggradi non possit.

47. « Joannes, etc. Philippo regi Franciae et Navarrae illustri.

« Intensum tuum, fili charissime, desiderium, quod te ad prosecutionem negotii Terrae-Sanctae gerere, praesertim pace jam a pacis amore reddita regno tuo, missa nobis noviter Epistola regia nuntiavit, multipliciter in Domino merito commendantes, illud ei adscribendum credimus, qui ubi vult spirat; quique corda regum habens in suae potestatis arbitrio, eadem ad nutum suae voluntatis attrahit et inclinat: cui gratias in humilitate spiritus exsolvimus, quas valemus. Sine si, juxta sapientis sententiam, in omni negotio sicut tempus et opportunitas attendenda, in hoc profecto negotio, utique nimirum arduo et difficultate repleto, sunt haec singulariter inquirenda. Sed, prohi dolor! haec procul abesse conspicimus, non adesse: pax siquidem, quae inter Christicolae ejus prosecutioni praecipue necessaria noscitur, pene ab ipsis Christicolis exultat; ejus loco turbatio, et adeo dura viget commotio, quod ut alter offendant alterum offensam propriam non abhorret; et ut in periculum praecipitet alium, praecipies praecipitum festinat in summum. Leva, fili charissime, in circuli oculos mentis tuae; et profecto quasi ubique reperies, peccatis exigentibus, guerrarum fremitus et bellicos apparatus. Vide regnum Angliae contra regnum Scotiae, et e contrario insurgens. Attende principes Alemannie guerris et bellicis actibus contra se mutuo intendentes.

« Considera charissimos filios nostros Siciliae

et Trinacriae reges; non est utique pax inter eos, sed solum treugua brevi tempore duratura: nec videmus, quod dolentes referimus, ad pacem inter ipsos disponi negotia, sed potius augeri continue odia, et multiplicari rancores. Et ne omittamus Cypri et Armeniae reges, pax non est utique inter ipsos, sed odia, suspensiones et insidiae crescent continue hinc et inde. Regna quoque Hispaniarum contra regnum Granatae, et suas frontieras satis reperies occupata. Convertite, filii charissime, tum intuitum ad partes Lombardiae: profecto reperies unam civitatem insurgere contra aliam; imo, quod gravius est, invenies quasi quolibet civitatem intestinis odiis et insidiis esse plenam, ac tyrannos illarum partium igne et gladio persequi sibi non parentes. Vide illam tam insignem civitatem Januae, tam praefato negotio opportunam, et ipsam propter talia odia desolatam reperi, et quasi omni auxilio destitutam. Mare quoque in partibus ipsis invenies invium, et per terram iter itinerantibus non patere, nec de praemissis regnis et terris putes provenire, in praefata persecutione negotii, praemissis durantibus, subsidium vel auxilium, sed potius nocumentum. Considera insuper statum miserabilem Ordinis Hospitalis S. Joannis Jerosolymitani, jam quasi dispositum ad ruinam: debet siquidem solis duabus societatibus ultra trecenta sexaginta milia florenorum; sic quod de dicto Ordine nullum, aut parum potest prosecutione dicti negotii provenire subsidium: a quo tamen maximum probabiliter sperabatur». Et intra:

48. « Si haec, charissime, et alia, quae tibi Dominus circa haec ministrabit, deduxeris in recte considerationis examen, profecto procul tempus et opportunitatem pro prosecutione praefati negotii perspicies, et non prope. Ideoque nobis et aliis, cum quibus deliberavimus, expediens videretur, quod ante omnia ad sedandas et sopiendas, vel saltem usque ad tempus non modicum per treuguarum beneficium differendas dissensiones hujusmodi tam tu, fili charissime, quam nos operosum studium et studiosam operam impendere curaremus: quod profecto jam dudum fecimus, nec cessamus.

« Si autem regali providentiae videatur, quod praemissis non obstantibus sit ad prosecutionem praefati negotii procedendum, attende, fili charissime, quomodo negotium ipsum prudenter valeat inchuari. Considera qualiter continuari poterit, et adverte quomodo feliciter valeat consummari. Examina quas expensas tantum requirit negotium: et proinde provide, unde poterunt ministrari; nec ad impossibilia, sicut audivimus alias, tui consiliiarii convertant acies mentis suae. Metre vires tuas, et circumspecte in quo excellenti regia, tuique regni magnates, zelum habentes, ad ante-

¹ Ep. CCLVII. — ² Ep. CCL. — ³ Ep. sec. DCXXIV et post eamd. Ep. — ⁴ Tom. I. Ep. sec. CCLXXI. — ⁵ Tom. II. Ep. sec. LIV.

fatum negotium voleatis et poteritis solvere: et super his deliberatione præhabita diligenti, mittat magnificentia regia viros prudentes et gnaros veritatis, ac præfati negotii zelatores, regalis conscientie plene conscios, et super præmissis plenius informatos: quos utique audire, dante Deo, proponimus: et in quibus secundum Deum poterimus, exaudire. Dat. III kal. Decembris anno III ».

19. Præ se etiam ferebat Eduardus Angliæ rex ingens expeditionis illius aggrediendæ desiderium: cui Pontifex, commendata pia ejusmodi voluntate, ut prius hostes, qui latebant in pectore, vitia scilicet, excinderet, rescripsit ². Exereret diligenter conscientie omnes sinus, ne quam Numini divino vel proximo injuriam inferret: ita enim sedatis animi motibus, facile regni motus compositurum, pacemque revocaturum, sine qua expeditionis Asiaticæ consilia nunquam perducere posset:

« Joannes, etc. Eduardo regi Angliæ illustri.

« Quia, dilectissime fili, promoturum in his et aliis negotia Domini sic concedet propriæ consulere puritati, ut pacem in domo, id est, conscientia sua, primitus solidet; ne si forsitan intus pugna domestica lacecente distrahitur, minus timeatur ab exteris, et culpa in eum, cui obsequium creditur præstari commissâ, fructum impediat assumpti laboris, vellemus te prius inspicere quid domi agitur: et si forte tumultum faciant, si tibi moveant prælium in eadem commissæ per te in Deum et proximum interdum offensæ, vellemus ut prius super illis te et tibi consuleres, et in confessione oris ac satisfactione operis faciem Domini prævenires; ut per id eum tibi placatum efficeres, ut ab eo tibi et regno tuo tranquillitatem et pacem, sine quibus ultramarino passagio te commode nequis impendere, facilius impetres. Super quibus illius, in cujus manu corda sunt principum, misericordiam suppliciter imploramus, ut cor tuum ad præmissa et alia sua beneplacita exequenda convertat, dies et actus tuos in sua pace dirigat, regnum tuum solide quietis amœnitate corroboraret; et te circa dictæ Terræ subsidium in tam sancti propositi soliditate conservet, etc. » Addit ad conciliandam ipsi divinam gratiam, archiepiscopis se Anglicanis præcepisse, ut populum ad porrigendas pro ipsius ac regni salute supplices Deo preces incenderent. « Datum VIII kalendas Junii ».

20. Persuasum fuerat Eduardo a nonnullis viris religiosis, ipsum divina ope regni tumultus compressurum ac feliciter bellum Asiaticum confecturum, si quodam balsamo liniretur, quod a Deipara S. Thomæ martyri datum, ejusque jussu a monacho Pictaviensi monasterii S. Cypriani in ædicula S. Georgii reconditum acceperat; tum vero a duobus Orientalibus Christianis ex responso dæmonum soldano Saracenorum dato compertum finge-batur, ac primum Henrico imper. traditum, deinde duci Brabantie, qui eo munere Eduardum

affecerat, injecta spe ipsum illius inunctionis virtute Asiam debellaturum. Quia de re consuluit Pontificem rex depromptis nonnullis argumentis, quæ dictis fidem conciliare viderentur; ac flagitavit, ut alieni episcopo iniungendi illius Pontificio nomine provinciam traderet.

Verum Joannes audita re, cum de ea sibi non constaret, hæc respondit: « Retulit idem frater N. (nimirum Dominicane familiæ alumnus, qui regias litteras Pontifici reddidit), quod tu, attente considerans, tibi postmodum regnoque tuo adversitates plurimas accidisse, informatus ab aliquibus, putabas indubie, ea tibi ac regno evenisse tuo propter omissionem unctionis prædictæ; quodque si eam susceperes, a te cuncta pellerentur adversa, teque felices successus in omnibus sequerentur, unde ipsam suscipere ferventi desiderio affectabas: verum, præfato non obstante desiderio, hoc facere distulisti, donec nostrum accepisses responsum, an peccatum esset ipsam suscipere, et an te ipsa inungi bonum et expediens putaremus: quapropter memoratus frater N. pro serenitate tua nobis humiliter supplicabat, quatenus super præmissis nostrum tibi consilium mittere dignaremur, et quod ubi nostro judicio accipere unctionem illam culpa non esset, alleri dilectorum filiorum nostrorum cardinalium, qui apud te tunc temporis præsentés erant, aut præfato alicui regni tui, quod eam tibi impenderet, daremus per nostras litteras in mandatis. Nos vero volentes tibi super iis maturius respondere, diximus fratri præfato, quod nobis unum de cardinalibus, cum quo conferre possemus, et de quo tu plene confideres nominare: quod nominante Sabinensem episcopum, ipsoque ad presentiam nostram propterea evocato, et sibi imposito quod secreto teneret omnia, quæ audiret tangentia factum istud, volumus ut in ejusdem episcopi præsentia omnia, quæ nobis solis super hoc dixerat, enarraret, ipsique simul ad partem conferret super hujusmodi negotio diligenter.

« Præmissis igitur in nostram considerationem deductis, et super his cum sæpèdicto (nempe Sabinensi episcopo), cardinali collatione habita diligenti, quoad primum quæsitum; visum nobis fuit finaliter, supposito tamen quod tu, fili, ex probabilibus et rationalibus conjecturis crederes firmiter unctionem hanc a B. Virgine datam esse, et te esse illum, qui primus ex ea prædictur inungendus, nec non quod hanc optabas accipere ad honorem Dei, et specialiter ad debellandos ultra mare fidei inimicos; quod cum non colligeretur ex nobis relatis observatio diei vel horæ, seu superstitionis rei alterius, ipsam sumere non poterat superstitio, nec peccatum esse; unctio etiam hæc primæ non derogat, quam sumpsisti, tum quia regalis unctio in anima quidquam non imprimit, tum etiam quod ab illa ista esse alterius rationis dicitur quoad materiam et ad formam.

« Secundæ vero petitioni tuæ, qua petebas per

nos consuli tibi, an deberes recipere, et de conferenda daremus praelato alicui in mandatis; taliter tunc duximus respondendum, quod cum de predictis nobis, prout convenit, non constaret, quod ea ungi deberes volebamur consilere: sed nec concedere vel negare. Diximus tamen ei, quod si te recipere ipsam contingeret, hoc per episcopum clam fieret et secreto: nam si palam, possent ex hoc admiratio magna et scandalum forsitan exoriri. Committere autem praelato cuique, quod tibi conferret eandem, omnino renuimus: quin potius petitionem factam super hoc tuis ex causis totaliter duximus denegandam ».

« Verum cum tuos felices successus ex nostri cordis intimis affectemus, hoc dudum celsitudinii tue per dictum N. commisimus ac tibi per nostras litteras id idem mandavimus, quod cum nec unctio nec aliquid aliud, nisi ad Deum esses dispositus, proficere quidquam posset, magno affectu hortabamur te, sicut et hoc ipsum recolimus alias pluries nos fecisse, quod te sollicite divinis coaptares beneplacitis, virtuosam ducendo vitam, in teet tuis subditis colendo justitiam, ac recognoscendo, ut teneris, Romanam Ecclesiam matrem tuam, necnon et omnes Ecclesias tui regni et domini in suis libertatibus et privilegiis integre conservando ».

21. *Inter Robertum Brusium et Eduardum regem Angliæ innovatum certamen et pactæ induciæ.* — Ingravescente inter Eduardum Angliæ regem ac Robertum Brusium bello Gancelinus et Lucas cardinales legati, cum ipsis tuis in Scotiam accessus non pateret, Pontificias litteras, quibus ad ponenda arma sollicitabatur Robertus, transmisere¹. Quibus ille acceptis, rem cum suis in consilio se agiturum respondit: nuntiis vero cardinalium a Scotis proceribus in scriptis responsum est, nullum pacis tractatum ipsos admissuros nisi Robertus in eo regio nomine insigniretur; cum cardinales, ne discordiæ malum ulterius glisceret, inducias imperarunt. Cumque in Scotiam de iis promulgandis litteris transmissæ essent, Roberloque allatæ, is nuntium intentata capitis pœna regno iussit abscedere; ac postea cardinalibus fallaci spe concordie aliquandiu delusis, Warvicum aliaque regis Angliæ loca, effuso multo humano sanguine, in suam potestatem redegit. Cum itaque exploratum esset eum pœnis adjectis ob temeratas inducias se implicuisse, cardinales Scotiam sacris interdixere, verum antistitibus sententiam temnentibus, Pontifex quatuor Scotos præsules, qui Roberti partes efferebant, Willelmum S. Andreae, Duncheldensem, Henricum Arbodensem, et Davidem Moravicum episcopos ad Sedem Apostolicam accersivit, tum ut meritis a contumacibus pœnæ exigenter, tum ut cum eis de pace in Scotiam, quæ belli malis attrita erat, adducenda tractaret: ac ne inanibus excusationibus se ab

adducenda eadem sede excusarent, illorum salutis sygrapha liberi commacatus eantum iri pollicitus est.

22. Postulavit etiam iudicio Robertum, ut recurrentibus insequendis anni kal. Maii Sedi Apostolicæ ad dicendam causam se sisteret, evulgatis ea de re subjectis litteris²:

« Joannes, etc. ad perpetuam rei memoriam.

« Cum Robertus excommunicationis et interdicti, et alias sententias, claves Ecclesiæ contemnendo omnino, sustinuerit per annum et amplius et adhuc sustineat, sicut accepimus, animo indurato; siquæ a se videatur timorem Dei et hominum repulisse, ut quasi clavo pertinaciæ in concepta perversitate confixus nec conscientie stimulo urgeatur, nec pudore confundatur infamie neque pœnis pro culpa imminutis terreatur; sed potius mala malis in sue damnationis convulsum coacervans, de novo dicti regis Angliæ terræ cum gentibus suis manu armata hostiliter ingredi, sicut fide digna percepimus relatione, præsumpsit, castra, villas et loca dicti regis post illationem damnorum gravium per rapinas et incendia ibatorum ibidem invadere satagendo propter quod scrupulo non caret hæreticæ pravitalis; nos tamen, volentes ex mansuetudine dicte Sedis ipsius in hac parte nobilitati deferre, eundem Robertum cum, sicut potest colligi verisimiliter ex præmissis, his, quibus citationem hujus committi contingeret, ad dictum regnum Scotiæ pro citatione hujusmodi faciendi tuis non pateret accessus; tenore præsentium, hac fidelium adstante multitudine copiosa, citavimus ut usque ad kalendas Maii proximo venturas, quas pro pretemporio termino assignamus, per se vel procuratorem idoneum Apostolico se conspectui representet, legitime in hujusmodi negotio processurus ac hælurus, et recepturus quod justitia suadebit, etc. Dat. Avinionæ XIV kal. Decembris anno iv ».

23. Paruit Pontificio edicto Robertus Brusius ac sequenti anno oratoris ad diluenda objecta, gratiamque Pontificis comparandam misit. Quod vero ad Warvicum ab ipso regi Angliæ ereptum illatasque cædes et agrorum populationes spectat; captum proditione fuisse, rert Wal-ingamus³. Dum vero Warvici obsidionem rex Eduardus urgebat, atque in illius urbis recipienda spem efferebatur, temere verba ipsum laxasse, quibus captæ urbis ejusdem præfecturam Hugoni Spenserio et Rogero Tamari traditurum indicabat; eaque voce exacerbatum Thomam ducem Lancastrie, regis castris se subduxisse, coactumque Eduardum obsidionem solvere. Quibus rex conflictatus malis biennales inducias cum Roberto pepigit. De tractata vero inter eos pace sequenti anno dicitur: nunc ad Hispanicas res variis inquietas tumultibus, stylum convertamus.

¹ An. 4. p. 1. Ep. cur. xviii.

² An. 4. p. 1. Ep. cur. xxii. — ³ Wals. Hist. Angl. Polyd. Virg. in Eduard. l. 1. 1. Buchan. Hist. Scot. l. viii.

24. *In Hispania contentio de regno, et cladis Christianorum a Mauris accepta.* — Conflugerat ad Sedem Apostolicam Alfonsus Corda S. Ludovici ex Blanca filia, atque ex Fernando Castellani scripti herede Alfonsi X Romanorum regis designati nepos, cujus causa atrox bellum Gallos inter et Castellanos exortum superiori tomo vidimus; cum Galli Fernandi, ut majoris natu, atque in illius jura succedentibus filiis contenderent, Alfonsus vero rex secundum natu, Sanctum, primogeniti extincti filiis prætulisset; ac post diuturna bella Lusitanie et Aragonie reges delecti controversie arbitri. Lata in potentioris gratiam sententia, Alfonso ac fratri nonnulla prædia atque oppida regis Castellæ imperio libera attribuerant. Quam levem regni compensationem indignatus Alfonsus regno abcesserat, et adhuc bonis dejectus exul vagusque extiterat. Movit illius calamitas ad misericordiam Pontificem, qui Compostellano archiepiscopo provinciam imposuit¹, ut apud Mariam reginam Alfonsi regis impuberis aviam ac tutricem; tum apud Joannem ac Petrum principes, quibus summa rerum Castellæ demandata erat, incussa censurarum religione, ad principum Alfonso a regibus arbitris Jacobo et Dionysio adjudicatum restituendum adigeret.

25. « Joannes, etc. venerabili fratri Berengario archiep. Compostellano.

« Insinuante nobis dilecto filio nobili viro Alfonso, nato quondam Fernandi primogeniti claræ memoriæ Alfonsi regis Castellæ, quod olim cum charissimī in Christo filii nostri Jacobus Aragonum et Dionysius Portugallic regis illustres a claræ memoriæ Fernando rege Castellæ ac eodem Alfonso super sopiendo gravi dissidio animarum discrimina grandiaque corporum rerumque dispendia producente, inter ipsos ab olim exorto, arbitrationes et amicabiles compositiones sub certis penis ac prætutis hinc inde juramentis electi, pro bono pacis et concordie inter cætera ordinassent, ut dictus Alfonsus et hæredes ac successores ipsius infra Castellæ et Legionis regna certam terram per reges designatam eosdem in francum allodium cum mero et mixto imperio liberam et exceptam ab omni jurisdictione, dominio, subjectione, servitute ac etiam appellatione tam dicti regis Fernandi, quam aliorum post eum futurorum Castellæ et Legionis regum in perpetuum obtinerent; et tam dictus Fernandus, quam plures nobiles et barones illarum partium per se, ac nonnullæ communitates civitatum et villarum insignium dictorum regnorum per eorum syndicos et procuratores legitimos super observatione ordinationis prædictæ emologatæ a partibus juramentum præstitissent, prout instrumentis publicis et authenticis litteris inde confectis plenius dicitur contineri; idemque rex Fernandus dictam terram assignasset Alfonso præbato juxta formam

ordinationes ejusdem, dictusque Alfonsus post assignationem hujusmodi per sex annos eam possedisset integre, pacifice et quiete; dictus tamen Fernandus rex, dum adhuc ageret in humanis, non attendens quam periculosum, quamque indecens sit censendum in quolibet juramento præstitum non servare, sed præsertim in principe, cujus etiam verba simplicia nullatenus irrita fore debent cum regis sit gloria servare promissa; contra ordinationem hujusmodi pro libito veniens spretis juramento prædicto et penis in illo contentis, eundem Allonsum majori parte dictæ terræ armata manu per violentiam spoliavit, qua dictus Alfonsus tam ipso rege superstitie, quam post ejus obitum remanserat destitutus, in juris injuriarum, sumique dispendium, et scandalum plurimorum, et in periculum animæ dicti regis, quæ ut probabiliter credi potest, penis inde gravibus subiacet, cum non dimittatur peccatum, nisi restituatur ablatum, dictoque Alfonso super his Apostolicæ Sedis auxilium implorante; nos charissimam in Christo filiam nostram Mariam reginam Castellæ illustrem aviam et tutricem charissimī in Christo filii nostri Alfonsi regis Castellæ illustris pupilli, et dilectos filios nobiles viros Joannem quondam Alfonsi et Petrum quondam Sancti regum Castellæ filios tutores ejusdem regis pupilli per speciales nostras litteras rogavimus et hortati fuimus in Domino Jesu Christo, et eisdem propriæ salutis obtentu consulimus bona fide, ut considerantes attente, quod eidem pupillo hoc præsertim tempore plurimum expediebat et expedit ad se pro sua et regnorum suorum tranquillitate corda magnatum attrahere, et omnem scandalorum materiam amputare; una cum magnatibus aliis regnorum ipsorum ac communitatibus supradictis, quarum ad consilium prospicerent adhibendum, sic ordinarent, sique disponerent, quod dicta terra, qua dictus Alfonsus taliter extitit spoliatus, eidem Alfonso, qui sicut asserit constanti animo et invariabili voluntate, ubi sibi fieret debita restitutio sublatorum, se dicti pupilli regis et reginæ beneplacitis coaptare totaliter disponebat, restitueretur ac dimitteretur libere et quiete; necnon de fructibus redditibus et proventibus medio tempore perceptis debita sibi satisfactione præberetur.

26. « Cum autem præfata regina tutrix ac tutores prædicti, sicut ex ejusdem Alfonsi iterata conquestione percipimus, hujusmodi precibus et hortationibus Apostolicis, quæ ejusdem regis pupilli profectum, et tam regis præmortui patris sui, quam propriam tutricis et tutorum prædictorum salutem, dictorumque regnorum tranquillitatem et pacem procuidubio sapiebant, parere efficaciter non curarint; nos attendentes, quod ad nos pertinent omnis censura peccati, et ubi præsertim agitur de jurisjurandi religione contempta, imo etiam violata, justitiam denegare non debemus oppressis, ne deferre videamur homini contra Deum, etc. » Imponit provinciam archiepiscopo,

¹ An. 2. p. 2. Ep. com. MCCLXXI.

ut in ea loca se conferat, excitisque iis, qui evocandi visi fuerint, ac sine forensi strepitu quæsitâ atque explorata de re tota veritate, pupillum regem, aviam ac tutores regios Joannem ac Petrum præterea locorum magistratus ac populos, qui se jurejurando obstrinxere, daturus operam, ut Ferdinandus rex sacramento promissa servaret, incusso censurarum Ecclesiasticarum aliarumque penarum juris terrore ad rescindenda revocandaque omnia, quæ contra datam fidem tentata fuerint, adigat : tum Pontificia auctoritate irritas esse jubet omnes prærogativas, quæ archiepiscopi diligentiam, atque imperia Apostolica eludere possent. « Dat. Avinionæ XIII kal. Julii anno III ».

27. Perfunctum imposito sibi munere Berengarium archiepiscopum Compostellanum, paulo ante ea insignitum dignitate, refert Mariana ¹, atque in conventu Castellæ ordinum Vallisoletii a regina Maria habito Pontificias minas objecisse, ni Alfonso Cordæ attributi a regibus Lusitano et Aragonio agri traderentur : Castellanos vero proceres misericordia quidem viri in spem regni nati, fortunis spoliati, tactos : sed sacramenta obtendisse, quibus se obstrinxerant, minore rege quidquam ex illius ditione detrahi non permisuros.

In iis Vallisoletanis conventibus constitutum, ut regie procuratores Joannes ac Petrus patruus neposque alterne potentie æmuli, conciliatis discordiis, arma in Mauros verterent. Nec minus ad sustinendos eorum impetus Ismael Granatensis rex se comparabat, atque ex Africa auxilia, attributis regi Marrochitano Algezira et Arunda cum interjectis agris, evocaret. Irrupere in Granatensem regnum variis agminibus Joannes ac Petrus : Tisarrum a Petro expugnatum : reliqua prona ad victorem fuere. Joannes illius facinoris gloria invidiaque perstrictus, majus aggredi atque ad principem regni urbem penetrare constituit. Conjuncte ad Alcaudetem copie collataeque : equitum novem millia, peditum innumera multitudo : Toletanus et Hispalensis archiepiscopi cum religiosorum equitum magistri in castris erant. Perrupere illi in interiores terras, ingentique illata vastitate, castra in Granatæ conspectu deflexere ac nulla re alia gesta tertio die profecto S. Joannis Baptiste retro movere. Ducebat primum agmen Petrus atque postremum Joannes : cum barbari in nostros in loco, in quo aquæ penuria erat, atque ex æstu

affligendus siti exercibus irruere et compluribus caesis diripere impedimenta. Petrus princeps in ipso belli ardore siti, sole, labore, molestia interclusa repente anima, concidit : Joannes laud dissimili morte occubuit, ad noctem abaliciata mente spirare visus : atque hic Inctuosus Granatensis illius expeditionis finis extitit. Barbari præferoces ea victoria in Christianorum terras excurrere, nonnullasque iis arces eripere : discordia vero inter proceres, qui rege impubere ad regni administrationem enitebantur, accensa, nec leves pluribus in locis tumultus excitati.

28. *De Compostellæ dominatu inter archiepiscopum et Alfonso regem controversia.* — Recruduit tum ea Compostellæ controversia, quæ de urbis imperio inter archiepiscopum (1) et cives vertebatur. Adducti fuerant antea ad archiepiscopi obsequium Compostellani censurarum religione, quas Sedes Apost. indigi jusserat : ac Berengarius ex Ordinis Prædicatorum magistro in eam sedem evectus paternam in suos mansuetudine, precibusque regine Castellæ cum civibus atque Alfonso Sugerio, qui urbem archiepiscopo obnoxiam sibi subjecerat, in hanc concordie formam descendere ² : « Videlicet quod eadem Ecclesia, libere dicto archiepiscopo restituta, sibi una de portis civitatis ejusdem cum suo fortellito, per quam idem archiepiscopus ingredi et egredi libere posset, et tam per eam quam per alias portas civitatis ejusdem necessaria pro ipsius Ecclesie defensione in illam introducere, traderetur ». Addit Pontifex paulo post Compostellanos, sacramenti religione temerata, archiepiscopum obsidione cinxisse, interclusisse commeatibus, denique mortis intentato terrore ad deditionem pacisque subjectas leges compulisse : ut arcem Alfonsi affini viro prænobili custodiendam traderet, donec rex Castellæ et puerili ætate ad annos viriles pervenisset : tum Alfonso, qui anathemate defixus fuerat, cætui fidelium restitueret. At Pontifex tuendi juris Compostellane Ecclesie ergo internuntiis Apostolicis et Hispanis præsulibus dedit imperia ³, ut Compostellanos censuris percelleret, Philippumque principem ob præsidium Compostellæ impositum perstrinxit.

29. *Equester religiosus Ordo institutus in Lusitania.* — In Lusitania institutus equester religiosus Ordo ad comprimendas Saracenorum excursiones, militia Jesu Christi nomine insigni-

¹ Jo. Marian. l. XV. c. 16.

² An. 4. p. 1. Ep. com. CXLIV. — ³ An. 4. p. 1. Ep. com. CXLV.

(1) Berengarius Compostellanus archiepiscopus, qui cum Alfonso Sugerio de jure in urbem Compostellanam hoc anno contendit, alibi plane fuit a Berengario Compostellano tunc archiepiscopo, v. ad quem Clemens V. anno MCCXXXII litteris suis pro titienda Sacramenta Academia dedit, quæ de re in Annalibus ad an. MCCXXXII, 27. Igitur Berengarius isto monachus egit Ordinis Prædicatorum, pro Joanne XXII legationem obit in Gallia ad pacem cum Belgis conciliandam anno MCCXXVI, ut in Nota ad an. MCCXXVIII, 20. Tunc viro supremum Ordinis Prædicatorum magistrum gerebat, ex quo denum anno MCCXXXII a Joanne Pontifice ad Compostellanas insulas aclus fuit. Hoc de se factæ electioni assensum legi unum præbuit die XIV kal. Octobris ejusdem anni teste Bernardo Gaudens, qui tunc in Ord. e Prædicatorum florebat in lib. I. de Magistris Ord. Prædicator. apud Marium Vet. Monum. tom. VI. col. 413. Ex his vero corrigende sunt præcedentes omnes horum Annalium editiones, quæ in indice rerum in calce voluminis gesta utraque Berengarii anni ejusdemque assignant : quod in nostra editione emendandum curavimus.

tus (1), cruce rubra linea candida intersecante distincta decorus, cui prædia ædesque Templariorum attributa; de quo hæc Bernardus¹: « Anno Dominicæ incarnationis mcccix, pridie idus Martii idem dominus papa Pontificatus sui anno iii, de fratrum consilio instituit novum Ordinem militum, qui dicerentur de militia Jesu Christi in regnis Portugaliæ et Algarbii, ad resistendum in illis partibus Saracenis pro defensione fidei et Christianorum: cujus Ordinis caput seu domum constituit principalem in castro Marino Silvensis diocesis, concessitque et donavit dominus papa militibus dicti Ordinis bona omnia cum pleno jure, quæ fuerunt Ordinis quondam Templi in prædictis regnis, accedente ad præmissa beneplacito et consensu regis Portugaliæ et Algarbii, qui prædictum castrum eidem Ordini munificentia regia contulit et concessit, Sede Apostolica confirmante. Ordo vero prædictus debet vivere et militare Deo pro defensione fidei et infidelium impugnatione secundum regulam et instituta Ordinis Calatravensis; et quando opus fuerit, debet visitari, corrigi et reformari tam in capite, quam in membris per abbatem monasterii de Alcobalia Cisterciensis Ordinis diocesis Ulyxbonensis. De præmissis vero et de forma juramenti præstandi pro tempore regi Portugaliæ per magistrum ejusdem Ordinis, necnon abbati præfato nomine Romanæ Ecclesiæ, ac etiam de aliis conditionibus et circumstantiis appositis et servandis in litteris Apostolicis inde confectis serius ac plenius continetur. Actum Avinione ad perpetuam rei memoriam ». Consentit Bernardo præter alios Joannes Mariana², qui ait eam sacram militiam in illo regno nobilissimam, gestarum rerum gloria floruisse, et castro Marino, in quo primum domicilium fuerat constitutum, Trovarium migrasse. Subdit in eodem regno priora civilia bella inter regem Dionysium Alfonsumque filium, ad rerum summam asperrantem arsisse; atque ad ea sopiendam reginam Mariam Castellæ sacrum Alfonsi Mirobrigam esse profectam, sed re infecta reversam.

¹ Bern. Cod. Rom. Pont. Ms. Vat. bibl. sign. num. 3765, in Jo. XXII. Særo in Annal. hoc an. Mar. I, xv. de reb. Hisp. c. 16.
— ² Mariana. cod. c. 16.

Contrariis studiis jactata est Aragonia, Jacobus enim regis Aragonum filius sceptri hæres, tranquillioris vitæ desiderio regni hæreditate, reluctante patre ac nequidquam monita, ut non tantum sibi, sed orbi natum se meminisset patriæque consuleret ingere, vigesimo tertio Decembris die in publicis comitiis, uxore Eleonora intacta in Castellam ad suos dimissa, et Calatravæ habitu sumpto se adlocavit: indeque regni jus proximo natu Alfonso quæsitum. Certatum est multorum sermonibus de re adeo nova, collaudantibus aliis, aliis dantibus; demum licentia morum effrenata ad eam levitati adscribendam plures adduxit.

30. *S. Ludovici episcopi reliquiarum translatio*. — Hoc anno celebrata est magna religionis pompa translatio reliquiarum S. Ludovici episcopi Tolosani, præsentis illius fratre Roberto Siciliæ rege: editasque ad ejusdem sancti invocationem plures cælestes virtutes, et restitutos valetudini ægrotos, narrat Jordanus his verbis¹: « Anno Domini mcccix, VI id. Novembris summus Pontifex ad translationem ipsius misit sex cardinales, ut in præsentia regis Jerusalem atque Siciliæ germani ejus atque reginæ, multorum prælatorum ac baronum, concurrente etiam cleri ac populi innumera multitudo, cum miris solemnibus et reverentia multa corpus ejus de terra levatum est, et in argenteo et ornato sarcophago super altare reconditum in Ecclesia sumptuoso opere ad ipsius dedicata honorem. Ubi mirabilis Deus in sanctis suis stupenda miracula operatur: nam per ipsius invocationem et merita votis emissis a propinquis et notis xv vere mortui rediere ad vitam. Multa quidem et alia extant miracula, quæ juxta morem gratia brevitas in hoc libro scripta non sunt: nam circa viginti variis legi infirmitatibus liberatos, et totidem juxta notarium haberi, et in quaternis aliis ultra ducentos: quæ omnia manu publica scripta, et diligenter examinata de mandato Massiliensis episcopi, ab iis dumtaxat exposita, qui et oculis viderunt, et manibus contrectaverunt; et firmata sunt præstito juramento ».

31. *Minoritæ martyres in India*. — Non modo

¹ Jord. Ms. Vat. bibl. sign. num. 1960.

(1) Militaris Ordo novus in Lusitania hoc anno cepit; de cujus epocha legendo-analysta hic. Unum tamen addendum hic superest quod præter se pueret. Illius instituendi scopus Dionysio fuit, ut regnum adversus Saracenos tueretur; sed frustra res cessit; cum in ipso Ordinis creandis equi es illi domesticis, ut arbitror, discordiis laborantes, rebus suis providere coacti, externæ curæ non potuerint. Cujus rei assertorem exhibeo Joannem papam qui anno xv Pontificatus sui die XVI kal. Marts, id est, an. mcccxxi, hæc scribit in litteris ad Alfonsum Castellæ regem: « Novi Ordines militares in regnis Aragoniæ et Portugaliæ creati noviter, tantum habent facere cum se ipsi quam aliis operum assere oportune ». Extant litteræ illæ in Codice diplomatico Melitensi tom. I, num. 62.

Anno dixerit hæc etiam jurat militum huius Ordini nomen idem fuisse impositum ac Ordini militiæ Jesu Christi, sæculo præcedenti in Provincia instituto opera S. Dominici, ut in Abigensibus hæreticis puniret. De Ordine iis loquendo extant Honorii III litteræ datæ « Laterani XVII kal. Augusti, Pontificatus ejus anno » quinto, id est, anno mcccxx, quæ ex ære ipsis exhibitæ supplementum Bullarii Ord. Prædicti, tom. v, pag. 2. Joannem fuit militibus, qui sacro huius Ordini nomen dixerunt, ut secundum observantiam Ordinis Fratrum militiæ Templi viverent, habito dumtaxat excepto ». Ex his militibus, quos Ordini Prædictorum in ipsa sua institutione aggregatos fuisse ejus Bullam collector P. Bremond ex litteris Innocentii III datis anno mcccx, sed obscuris a modum et ambiguis deducit; ex his, inquam, militibus natum Ordinem Fratrum Tertii Ordinis S. Dominici tenent veteres recentioresque Ordines illius sanctiores; quæ de re idem Bremond ibid. Prefecto Ordinem hunc religiosorum equitum ab his, quos hoc anno in Lusitania ceptos analista scribit, longe diversum non foreum tam tummodo discrepantia ubi considerat, demonstrat, sed ex eo pariter arguit, quod veteres illi equites Templariorum leges, quasvis ab illis diversæ, adoptarent; Lusitaniam vero recentiores ad Calatravenses accedebant.

beatissimi hujus confessoris sanctitate illustrata est hoc tempore Franciscana familia, verum in India etiam quatuor martyrum Thomæ, Jacobi, Demetrii et Petri gloriosissima constantia : qui cum a Saracenis ob fidem orthodoxam in rogam conjecti essent, in mediis flammarum globis illasi perstitere, collaudante Christum universa gentium multitudine ; deinde clam necati immortalitatis palmam sunt consecuti ; de quibus hæc laudatus Jordanus historiæ commendavit ¹ : « mcccix. Papa Joannes legit in consistorio cum magno favore litteras sibi missas infrascripti tenoris : quod videlicet religiosi viri de Ordine Minorum atque Prædicatorum, cunctis pro predicanda fide infidelibus usque Ormese, cum nullibi proficerent, ad Indiam transire cupiunt in Columbum : et cum pervenissent ad insulam, que Dyoo vocatur, fratres de Ordine Minorum a cæteris tam Prædicatoribus quam secularibus Christianis ad aliam terram profecti sunt, que Thana vocatur, ut inde in Columbum transirent. Erat autem in loco unus Saracenus de Alexandria Ysophus nomine, qui accessit ad Melicum, id est, rectorem terræ, et induxit eum ut inquireret, quomodo et ad quid venissent. Ille accessit interrogat : Quales homines nuncupamini. Illi se Francos esse responderunt, sanctæ paupertatis amatores, ad S. Thomam proficisci cupientes. Tunc fratre interrogato, se veros Christianos asserunt, et de fide Christi cum sancto fervore multa dixerunt. Cum vero a Melico licentiati essent, præfatus Ysophus usque tertio Melicum induxit, ut eos caperet et delinceret. Tandem congregati sunt Melicus et Cadi et populus terræ tam Saraceni, quam pagani et idololatæ ; et interrogaverunt fratres : Quomodo Christus, quem dicitis filium Virginis, potest esse filius Dei, cum Deus uxorem non habeat ? Illi de generatione divina plura dixerunt exempla de radiis solis, de arboribus, de gramine terre, ita ut infideles resistere non valerent spiritui, qui loquebatur in eis. Sed accenderunt ignem copiosum Saraceni, et dixerunt : Vos asseritis legem vestram meliorem lege Mahumeti. Si verum est, ignem intrate, et miraculo quod dicitis comprobate. Fratres responderunt, quod pro honore Christi libenter id agerent et accedens frater Thomas primus intrare voluit : sed contraxerunt Saraceni, eo quod cæteris senior videretur.

« Tunc junior accessit frater Jacobus de Padua, novus athleta Christi, et incunctanter ignem intravit, et usque ad ignis pene consumptionem in eo permansit lætabundus et laudans absque ulla capilli vel pili tunice combustionem. Videntes autem qui adstant alia voce clamabant : Vere isti homines boni et sancti sunt. Cadi vero vero tam præclarum miraculum inficiari volens ait : Non est, ut creditis, sed vestimenta ejus de terra sunt Abrahamæ magni amici Dei, qui in igne

positus Chaldaei kedi non potuit : ideo iste in igne illæsus transit. Tunc expoliaverunt innocentem juvenem, et totus nudus, sicut de matre natus fuit, a quatuor viris in ignem projectus est. Ille vero innocue ignem sustinuit, et cum gaudio de igne illæsus exivit. Tunc vero pagani, sed et Saraceni clamabant : Sancti sunt, sancti sunt. Tunc Melicus eos libertati restituit, ut secundum voluntatem suam abirent. Cadi vero et prædictus Ysophus iniquitate pleni, scientes eos in domo ejusdem Christiani receptos, Meheo aiunt : Quid agis ? Cur Christicolæ hos non interficis ? Ille respondit : Quia nullam causam mortis invenio in eis. Illi vero aiunt : Si eos dimiseris, omnes credent in Christum, et lex Mahumeti totaliter destruetur. Meheus iterum ait : Quid vultis, ut faciam, cum causam mortis nullam inveniam ? Illi vero dixerunt : Sanguis eorum super nos : videtur enim, quod qui non potest peregrinari ad Mecham, si unum interficiat Christianum, ita plenam obtinet veniam peccatorum, ac si Mecham personaliter visisset. Nocte igitur sequenti tres prædicti Melicus, Cadi et Ysophus miserunt satellites, qui tres fratres Thomam, Jacobum et Demetrium cum palma martyrii ad cæli gaudia transmiserunt. Postmodum vero fratrem Petrum, in loco alio existentem, sibi præsentari fecerunt : et cum firmus in fide Christi persisteret, duobus diebus eum diris martyriis afflixerunt, et tertia die capitis obruncatione complevit martyrium. Audientes vero socii Prædicatorum et alii ad partes occiduas hæc scripserunt, lugubri lamentatione querentes, quod a sanctorum martyrum societate disjuncti fuerant, et quod recuperandis martyrum reliquiis devoti intenderant ». Hæc Jordanus, qui paucis adjectis chronologiæ suæ finem imponit. His consentanea tradit S. Antoninus ², quamvis de rei gestæ tempore discrepet, atque ad annum hujus sæculi vigesimum primum id referat. Reliquit pariter eorundem martyrum sacram historiam fusius Lucas Wadings ex Olorici Forojuliensis Chronico et plurium Minoritarum Orientalium litteris ³.

3. *Cassinensis episcopatus institutus.* — Claudimus historiam hujus anni Bernardi verbis, qui de instituto Cassinensi episcopatu hæc tradit ⁴ : « Anno Domini mcccix. Ætatis tempore, veterem abbatiam montis Cassini S. Benedicti abbatis in novam episcopalem sedem erexit, eidem de primo episcopo suo tempore provisorus ». Extracta autem hæc res videtur ad triennium : quippe Diploma Pontificium ⁵, quo Cassinensium monachorum conventus designandi episcopi jure donatus est, atque ab omni alterius quam Romani Pontificis imperio liber renunciatus VI non. Maii, Pontificatus Joannis anno vi consignatum est.

¹ Ap. hl. p. 44. xxiv. c. 9. § 17. — ² Luc. Wad. in Anna. 1321 num. 1 et seq. — ³ Bern. Chr. Roan. Pont. et Ms. bibl. Vat. sign. num. 3766. in Jo. xxii. — ⁴ Jo. ap. 10. p. 2. Ety. com. mdcxxxv.

⁵ Jord. Ms. bibl. Vat. sign. num. 1300. c. 231.

JOANNIS XXII ANNUS 5. — CHRISTI 1320.

1. *Relata de Urosio rege Rasciæ schismatico victoria a Carolo Ungariæ rege.* — Amplificata est in Rascia et Macedonia res Catholica anno Domino vicesimo supra millesimum trecentessimum, Indictione tertia: parva Caroli Ungariæ regis virtute gloriosissima victoria de Urosio tyranno schismatico, qua regnum illud amplissimum ditioni ejus adjunctum est; cum proceres Macedones, quos antea impietatis odio, et conjunctionis cum Romanæ Ecclesiæ desiderio defectionis consilia cum Pontifice communicasse, atque Maledini Bos-sinensis bani et Philippi Tarentini principis armis adjutos vidimus ad depellendum e suis cervicibus schismatis jugum, cum rege Carolo paribus adversum Urosium studiis consensisset. Haerant tamen adhuc in schismaticorum potestate maritima Macedoniae loca: ad quæ expugnanda, ac parva retinenda, cum novis viribus opus esset, Pontifex cujus auspiciis et consiliis bellum illud sacrum susceptum erat, Ungariæ finitimos reges ac principes orthodoxos, ut in tam commendanda causa ad rem Catholicam propagandam latius, confirmandamque auxiliaribus copiis Carolum regem juvarent, sollicitavit litteris, quæ in Regesto Pontificio Friderico Romanorum regi designato inscriptæ sunt¹.

2. «Charissimo in Christo filio Friderico in regem Romanorum electo.

«Firmam gerit de celsitudine tua mens nostra fiduciam, quod in his, quæ divini nominis laudem, exaltationem fidei, et infidelium et schismaticorum depressionem, eorumque reductionem ad fidei Catholicæ unitatem respiciunt, ingenitæ tibi commendabilis voluntatis instinctu ubi nulla extrinsecus providentiam tuam ad id sollicitatio commoveret, terventi desiderio te promptum, utilem, et sollicitum cupias exhibere. Sane charissimi in Christo filii nostri Caroli regis Ungariæ illustris jucunda et grata relatio nostro Apostolatus patefecit, quod dudum ipse sub spe celestis auxilii, cujus est athletarum suorum dirigere et roborare processus, contra schismaticos et ortho-

doxæ fidei inimicos in potenti manu et exercitu copioso procedens, superna sibi favente potentia dextera, de dictis schismaticis feliciter triumphavit; ita quod regnum Macedoniae, sicut nota evidentia facti in illis partibus evidentius notum reddidit, de manibus illorum creptum suæ subdidit ditioni. Qui tanquam princeps Catholicus, et tam genere quam magnanimitate præclarus, ad debellandum dictos schismaticos et infideles usque ad partes maritimas spem robusti cordis strennitate proterens, ad id invigilat, suasque vires Catholicas roborat atque constat, ut in exercitu gravi et dextera extenta, aliorum Catholicorum principum fultus auxilio, procedere valeat ad dictorum schismaticorum et infidelium residuum conterendum.

«Quia igitur, fili, decet te, qui sibi es affinitate et dilectione conjunctus, super prosecutione tam pii utilisque negotii non deesse, sed in favorem orthodoxæ fidei, et dilatationem ipsius tui operis subsidii ministrare; serenitatem tuam affectuose rogandam duximus et hortandam, quatenus ob ejus intuitum, qui suo pretioso sanguine nos redemit, cujus in hac parte negotium geritur, cujusque in his beneplacitis deservitur, nostræque intercessionis instantiam eidem regi in hujusmodi laudabilis prosecutione negotii assistas viriliter et potenter, sibi juvamen et opem, prout ejusdem negotii magnitudo deposcit, per te et subditos tuos liberaliter impensurus; sic in præmissis te utiliter et favorabiliter habiturus, quod Altissimus digna promde tibi præmia recompenset, nosque devotionem tuam dignis possimus in Christo prosequi actionibus gratiarum. Dat. Avin. VI non. Julii anno IV».

3. Conceptæ eadem verborum forma litteræ ad Wladislaum Loktekum, quem regis Poloniae nomine exornat, ad Joannem regem Boemiæ; ad Leopoldum Austriæ, Henricum Carinthiæ duces atque alios proceres, ut strenuam in eo bello regi Carolo operam explicarent, transmissæ². Sed eos reges aliis bellis implicatos vel nulla aut exigua auxilia Carolo submisisse, ex auctoribus colligitur.

¹ Avin. ep. 2. Ep. cum. DCLXXVII.² Reg. post eand. Ep.

Fridericum sane adversus Canem Scaligerum clientem Ludovici Bavari, prementem obsidione Pata-
vium, ad liberandos Palavinos, qui ipsius implo-
rarant opem, copias in Italia distraxisse¹, videbitur
inferius; in Germania vero, ut adversus illum de
imperio certaret, quem potuit validissimum exerci-
tum contraxisse, refert Joannes Villanus²: qui
addit Ludovicum pariter maximas copias colle-
gisse, adeo ut in illis exercitiis totius Germaniæ
flos sub signis esset: nullum vero consertum præli-
um, cum Rhenus interfrens acies dirimeret, ac
Ludovicum inopia ararii dissolvere exercitum co-
egisset.

4. *Wladislaus Poloniae rex coronatus.* — Agi-
tabat etiam alia, quam belli Macedonici, consilia
Joannes Boemiæ³ rex, quem in Silesiam vertisse
arma, eamque sibi subjecisse fuerunt auctores⁴:
quocirca non parum Polonicas res labefacta, Wla-
dislaus vero Poloniae rex, quamvis regi Carolo
nova affinitate devinctus⁵, filiam enim Elisabe-
tham felicioris duobus præteritis conjugio illi de-
sponderat, cum Boemos haberet infensissimos,
atque etiam Pomeraniam ereptam injuria⁶ (fuere
enim ob eam invasam Prussiæ religiosi equites no-
tati anathemate) recuperare meditaretur, in tuendo
recens sumpto regio nomine, quod Boemiæ rex
ipsi invidabat, erat occupatus. Accepisse illud Wla-
dislaum narrat Chromerus⁷, cum Joannes papa
ferre sententiam pro Wladislao, ne regem Boemie
in se exasperare, distulisset significassetque Gerardo
præsuli Polonorum procuratori, ut Poloni jure suo
uterentur; atque ita inenite hoc anno Wladislaum
regia corona redimitum: « Comitibus inquit, Craco-
viam indictis ad vicesimam diem Januarii mensis,
Wladislaus cum uxore Hedwigi in Basilica Craco-
viensi, tunc primum instaurata et consummata,
ab archiepiscopo et cæteris episcopis ritu solemn-
i coronatur an. Chr. mcccxx, atque ex eo tempore
jus coronandi reges, atque ipsa regni insignia
Gnesna Cracoviam propter amplitudinem splendo-
risque urbis, et plurimas maximasq; commo-
ditates, translata sunt ». De Cracoviensi vero Ec-
clesia, in qua inungendorum regum Poloniae sus-
ceptus mos hoc anno, egregio extracta opere
Nankeri archiepiscopi præcipuis opibus ac studio,
meminit etiam Michovias⁸, qui clerum urbis ac
diocesis attributis vacantium sacerdotiorum unius
anni vectigalibus, et fideles opes suas magna laude
contulisse, refert.

5. *Christophorus Danicæ rex.* — Redimitum
pariter in Dania regio insigni per hæc tempora
Christophorum (1), e Pontificiis litteris ad Daniam
episcopos datis colligitur¹, quibus significat, Elge-
rum Lundensem archiepiscopum ad tuendam Ec-
clesiæ suæ dignitatem exposuisse, veteri jure ad
Lundensem præsulatum spectare electum Danicæ re-
gem inunctione regia finire; qui cum Danicæ
Ecclesiæ nomine in aula Pontificia ageret, ne illius
juribus detraberetur, a Sede Apostolica consuli
flagitasse: adductum itaque ejus precibus, cele-
brandam regiam inunctionem se ad natalitia Do-
mini extraxisse, testatur Pontifex².

6. « Venerabilibus fratribus episcopis regni
Danicæ.

« Exhibita nobis venerabilis fratris nostri
Elgeri archiepiscopi Lundensis petitio continebat,
quod a fundatione Lundensis Ecclesiæ usque ad
hæc tempora est inviolabiliter observatum, quod
archiepiscopus Lundensis, qui est pro tempore,
electum et præficiendum in regem Danicæ habet
inungere ac diademate coronare. Quare dictus
archiepiscopus, qui pro Lundensi et totius Eccle-
siæ regni Danicæ negotiis in Romana curia occu-
patur, timens ne per vos in possessione juris, quod
habet in unctione et coronatione hujusmodi dicti
regis quomodolibet perturbetur, nobis humiliter
supplicavit, ut providere sibi super hoc de oppor-
tuno remedio dignaremur. Nos igitur dicti archi-
episcopi supplicationibus inclinati, vobis auctori-
tate Apostolica districtius duximus inhibendum,
ne infra tunc Proximo venturum festum beati
Joannis Baptistæ, ad unctionem et coronationem
regis Danicæ præsumeretis procedere quoquo modo;
decernentes irritum et inane, si secus contingeret
attentari, prout in nostris super his confectis lit-
teris continetur.

« Attendentes igitur, quod idem archiepi-
scopus negotiis adhuc apud Sedem Apostolicam
occupatur; quodque mora, quam dictus archiepi-
scopus pro eisdem negotiis apud Sedem contrahit
memoratam, nullum sibi debet præjudicium ge-
nerare; adhuc eadem auctoritate vobis districtius
inhibemus, ne ad unctionem et coronationem cha-
rissimi in Christo filii nostri Christophori regis
Danicæ illustris usque ad instans proximum ven-
turum festum Nativitatis Domini absque consensu
dicti archiepiscopi nullatenus procedere attentetis.
Nos enim ex nunc irritum decernimus et inane, si
secus per quoscunque quavis auctoritate, scienter
vel ignoranter, contigerit attentari. Datum Avi-
nionæ IX kal. Aug. anno quarto ».

¹ Chron. rer. Pol. tom. II. l. XII. Bonif. dec. 2. l. IX et alii. —
² Jo. Vill. l. IX. c. 119. — ³ Eod. l. IX. c. 125. — ⁴ Dubrav. l. XX.
Hist. Boem. Chron. rer. Pol. rer. l. XVI. Viehov. l. IV. c. 15. —
⁵ Chron. et Michov. ib. Bonif. dec. 2. l. IX. — ⁶ Chron. ubi sup.
— ⁷ Chron. rer. Pol. 4. l. XII. — ⁸ Michov. ubi sup.

¹ An. 4. p. I. Ep. com. DLXXXIX et MCDVIII. — ² Ep. MCDVIII.

(1) Assumptio Christophori fratris Erici regis ad regnum Danicum obitu fratris sui absque hærede defuncti vacuum, optime cum hoc
anno, ab annalistis componitur. Hoc enim anno in festo Conversionis S. Pauli « in parlamento Wibergensi electus fuit », que verba sunt
anonymi chroniste apud Ludwig Reliquar. tom. IX pag. 110. Solemnem vero regis hujus inaugurati-nem integro biennio di. am chroniste
omnes Danici apud Ludw. ibid. ad anno MCCCXXII notant: « Esgerus archiepiscopus duos reges haurum simul in Ecclesia Welthingborgh,
videlicet et Christophorum et Ericum filium ejus consecravit. Et sequenti die idem rex omnia iuramenta fidelitatis, que prædicto archiepiscopo,
et Ecclesiæ suæ fecerat rapit, et ipsum archiepiscopum et suos dissidavit »; sed anno reges sequenti ambo expulsi sunt, Danicæ regno a
principibus Holsatiæ distracto et occupato.

7. Successerat ¹ demortuo Erico fratri in regno Christophorus, nec sine magnis difficultatibus Danie gubernacula capessivit : Ericus enim frater ipsum non modo patria pepulerat, verum edixerat, ut ob quædam scelera nunquam regno gerendo admooveretur. Probabant nonnulli defuncti regis supremam voluntatem atque Ericum Slevicensem ducem ad solium evehere nitentur : alii vero illius conditionem miserti, cum fratri Erico ac patri Christophoro jure proximus succederet, et si qua flagitia dum juventute arderet, admisisset ; e superioribus calamitatibus atque extincto atatis fervore ad modestiam revocatum, ac probe sceptrum moderaturum arbitrati, præcipua Joannis uterini fratris opera in regnum revocarunt. Et sane Christophorum ob gravia facinora (sed quæ domi impiis fratris voluntatibus obsequabatur, patrarat) nimirum ob Joannem archiepiscopum Lugdunensem conjectum in vincula ², ac duos presbyteros carceris diuturni squallore necatos anathemate notatum a Bonifacio papa, ostendunt litteræ Pontificiæ, quibus annitente Elgero archiepiscopo, Lundensi Ecclesiæ a Bernardo et monte Valrano Apostoli ac Sedis nuntio conciliari jussus est.

8. Proseutus est nonnullis Apostolicis beneficiis ³ Christophorum Joannes, atque inter alia, ut quem vellet ad excipiendam exhomologisim sacerdotem exhiberet ⁴, deditque aliis litteris Pontificiæ imperia eidem Christophoro ⁵, ut oppressos a fratre Erico rege extincto Hospitalarios equites pristinis jurbus restitueret, ad quorum tuenda jura ad regem Norwegiæ scripsit ⁶. Qui porro Ericum regem sequenti anno, cum annis triginta quinque sceptrum tenuisset, e vivis excessisse tradunt ⁷, haud parum aberrare e litteris superioribus constat, cum ex iis, quæ VIII kal. Mart. hujus anni consignate sunt, exeunte circiter anno superiore defunctum colligatur.

Quo etiam Waldemarum marchionem Brandenburgensem, nullis relictis liberis extremum diem clausisse, scribit Albertus Argentinensis ⁸ ; unde gravissima in eo principatu exorta dissidia, cum illum Ludovicus designatus rex Romanorum, ut beneficium imperii sibi vindicaret, Pontifex vero ipsi adverseretur : qua de re plura inferius. Porro Joannem hoc anno, obeunte Petro Moguntino archiepiscopo, ad Roberti regis Siciliæ gratiam Mathiam e Buèche Hugonis comitis fratrem, ducibusque Austriæ gratissimum ad archiepiscopatum evexisse, ac magna pompa exceptum, addit idem auctor ⁹. Quibus adjungimus Albertum designatum archiepiscopum Pataviensem subjecta sacramenta forma Pontifici fidem obstrinxisse ¹⁰ : « Ego Albertus electus Pataviensis ab hac hora in antea fidelis et obediens ero B. Petro, sanctæque Apostolicæ Romanæ Ecclesiæ, et domino meo

Joanni Papæ XXII suisque successoribus canonice intrantibus. Non ero in consilio, etc. » Concepta est isdem verbis hac forma, quibus alias concipi solitam attulimus. Nec solum hoc modo sacramento Germanicæ episcopos adigi moris fuisse vidimus ; verum etiam, ut cum discors regis Romanorum esset electio, eum regem agnoscerent ac tuerentur, quem Romanus Pontifex suffragio Apostolico exulisset.

9. *Quomodo Joannes papa in imperii controversia se gesserit misso cardinali paciario in Insubriam, qui in Mattheum vicecomitem adinadvertit.*

— Neutram quidem in illa imperii inter Ludovicum ac Fridericum designatos reges Romanorum controversia, de qua superius illatus sermo est, electionem probat Pontifex ; ac vel in Fridericum, qui Guelphorum partes in Italia tuendas susceperat, vel ad imperium in Gallicum genus, ut nonnulli suspicati sunt, revocandum propendere videbatur : et donec in ea causa a Sede Apostolica, ad quam dirimendæ ejusdem controversiæ auctoritas spectabat, ex legum æquitate pronuntiaretur, ac si interregnum esset, se gerebat : initique cum Roberto Siciliæ et Philippo Francorum regibus Guelphisque armorum fœdus, ut Gibellinos, qui Ludovici Bivari tuendi specie urbium ac provinciarum domitia invadebant, ac turbabant Italiam, in ordinem redigeret.

10. Confirmavit itaque Robertum regem imperii proconsulem, jam ante a Clemente V, assensiente cardinalium senatu, creatum in Insubria, ut Mattheum vicecomitem everteret, qui Genuam continuis oppugnationibus urgebat, ac Mediolani, Ticini, Placentiæ, Vercellis, Novocomi, Bergomi, Bertinæ et Alexandriæ trium filiorum strenuorum ducum fultus potentia, regiam pæne auctoritatem exercebat ¹. Roberto alter subrogatus est vicarius Philippus ² Caroli Valesiorum comitis filius comes Cenomaneus, qui Gallicum postea sceptrum gessit, ut cum Francorum robore Insubriam ad Pontificis voluntates cogeret, utque benevolentia ad suas partes fluctuantes alliceret, cui clerum Insubrem obsequentem esse jussit Joannes ³. Præterea Bertrando Pojeto cardinali legato partes dedit ⁴, ut censurarum religione ipsos ad comitis Cenomaneus excipiendæ imperia adigeret. Cum vero plures, qui sua commoda ex publicis incommodis ac malis aucupabantur, Pontificiæ consilia disenterent, aliasque ex aliis sererent discordias, Pontifex legatum eundem in iis provinciis publicæ servatorem pacis creavit ⁵, et amplissimo imperio, ut tumultuantes in concordiam redigeret, frangeretque tum armis, tum censuris ad Pontificia obsequia instruxit : « Te, inquit, in eisdem provinciis et partibus constituimus pacis de ipsorum fratrum consilio servatorem, te pa-

¹ Grantz. Dan. I. VII. — ² An. 4. Ep. com. MCDIV. — ³ Ibid. Ep. com. MCDV, MCDVI. — ⁴ Ep. MCDVII. — ⁵ Ep. MCDII. — ⁶ Ep. MCDIII. — ⁷ Grantz. II. Dan. I. VII. — ⁸ Albert. Argentin. in Chron. — ⁹ Ibid. et Serar. Mog. tel. I. V. — ¹⁰ An. 4. p. 1. Ep. com. MCCCLXX.

¹ An. 4. p. 1. Ep. cur. LXII. — ² Joan. VIII. I. IX. c. 108. —

³ Ibid. — ⁴ An. 4. p. 1. Ep. cur. LXII. — ⁵ Ibid. Ep. cur. LXIV.

— ⁶ Ibid. Ep. cur. LXV.

ciarium in eisdem provinciis et partibus ordinantes, ut inter quoslibet in ipsis provinciis et partibus constitutos, quos foedere pacis videris reformandos, pacem et concordiam reformare et conservare procures. Et ut commissum tibi in hac parte ministerium utilius et commodius exequaris, tam contra pacem facere, jurare et firmare volentes, quam eandem praesumentes infringere; necnon et contra eos, qui in eisdem provinciis et partibus discordias et scandala seminant, odia suscitant, fovent et nutriunt; contra illos quoque qui statum pacificum earundem provinciarum et partium ac huiusmodi paciarii seu servatoris pacis, commissum tibi officium perturbare vel impedire praesument; pro praesumptione huiusmodi spiritualiter et temporaliter, prout facti suaserit qualitas, et expedire videris, procedendi ac processus tuos executioni mandandi; marchionum insuper, comitum, aliorumque magnatum, potestatum, capitaneorum ceterorumque rectorum et consiliariorum, ac universitatum et singularium personarum tam ipsarum provinciarum et partium, quam etiam aliunde ad id, quoties opportunum fuerit, auxilium et potentiam invocandi, et contradictores per censuram Ecclesiasticam appellatione postposita compescendi », et infra, « concedimus potestatem. Dat. Avinione IV non. Junii an. iv (1) ». Dedit eidem legato cardinali imperia, ut Matthæo vicecomiti ob correptam contra mandata Apostolica Mediolanensem praefecturam, iudicium apud subsellia Pontificia intenderet, liberumque ituro comitatum polliceretur. Ad quae mandanda operi legatus flectere primum clementia Matthæum pertentavit, misso Mediolanum internuntio, qui turpissime habitus ejectusque est: ad quam vindicandam injuriam, antequam in arma consurgeret, instituto apud Astatu iudiciario ordine, Matthæum ipsum anathemate perculit edixitque intentata graviore maledicta, ut bimestri excurrente Sedi Apostolicae se sisteret: eamque sententiam ad Insubriae praesules omnes, solemniter ritu divulgandam, transmisit ¹:

« Bertrandus miseratione divina tit. S. Marcelli presbyter cardinalis A. S. L. venerabilibus in Christo patribus, universis patriarchis, archiepiscopis et episcopis: ac dilectis nobis in Christo electis abbatibus, prioribus etc.

« Nos, volentes tanquam obedientiae filius,

contenta in litteris Apostolicis executioni mandari comperto prius per diligentem informationem, quam super hoc fecimus, quod ad civitatem Mediolanensem, ubi dictus Matthæus de vicecomitibus moram trahere dicitur, tutus ad huiusmodi mandatum Apostolicum exequendum haberi non posset accessus (de quo nobis ex eo maxime constitit, quod cum nuper paulo postquam fines nostrae legationis intravimus, discretum virum magistrum Ricannu Petri capellanum nostrum, familiarem et domesticum cum litteris nostris exhortatoriis, quarum aliae praefato Matthæo, aliae vero dirigebantur communi Mediolanensi et populo, ad ipsos Matthæum, commune et populum misissemus, rogantes, requirentes eos, et instantius exhortantes, ut ad nos suos ambaxiatores et nuntios mitterent, de sua intentione plenarie informatos, viros sani, prudentis et maturi consilii, Deum timentes, discretionem et conscientiam bonam habentes, cum quibus eorum vice conferre, tractare, deliberare et ordinare omnia, per quae ipsis et incolis ac partibus provinciae Lombardiae daretur pacis et tranquillitatis serenitas, valeremus; quique ab ipsis Matthæo, communi et populo super his plenum et sufficiens mandatum haberent, idem Matthæus preces nostras huiusmodi et monita non solum exaudire, sed etiam obstinatione et obstinata elatione audire despexit: quinimo adventum capellani nostri praefati praesentens, satellites suos armis armatos ad hospitium, ad quod idem capellanus cum sua simplici comitiva in dicta civitate Mediolanensi declinaverat, destinavit: qui eidem capellano ex parte vicarii dicti Matthæi verbis terribilibus injunxerunt, ut statim dictam civitatem exiret: et non ferentes, quod dictus capellanus se dicti Matthæi conpectui praesentaret, dictasque nostras exhortationes et quasdam alias Apostolicas litteras quas praefatus dominus noster papa ipsis communi et populo trans mittebat, eidem Matthæo, communi et populo praesentaret, nec quod equi dicti capellani et ejus comitum, qui satis laboraverant illa die nec adhuc fuerant adaquati, ducerentur ad aquam, imo nec quod servitores et famuli praefati capellani, qui in prandio erant, ad plenum cibum sumerent, eundem capellannum super equum suum quasi captivum ducentes, non permittentes quod capellannum suum reciperet, extra ipsam civitatem ignominiose et viliter ejecerunt, ipsumque capellannum, et qui cum eo erant in castro de Rosato et quibusdam aliis terris et locis

¹ Extat in rotulo pergam. signato num. 1. ex Archivo Avinion. in Vat. delato.

(1) Expeditionem hanc Longobardorum in Maffeu vicecomitem licet optime huius anno consignat et sine errore narrat annalista, diligentius tamen exponendam censeo cum coevo auctore Chronici Astensis, vulgato a Muratorio *Rer. Italic. tom. VI, cap. 101 et 102*. Tradat ille Philippum Valesum Astatu venisse die v Idus huius anni, eodemque die movisse in Maffeu, qui tunc cum Germanis militibus Verella obsidebat, Maffeu misit in adversum duos ex libris, qui Novariam usque procedentes hosti occurrerunt. Uterque exercitus hinc inde immotus; tertia demum die miles qui tam elam a Maffeo submisit arcana quaedam cum Philippo communicavit, qui dein tacens castris desertis rediit Verellas; tunc crastina die non sine damno et caele copiarum suarum remeavit ad propria. Fama est autem Vicecomitum corruptum rem prodidisse. Secundum hanc Bertrandus cardinalis venit Astatu mense Augusti, statimque alios aliosque submisit nuntios ad vicecomitem, ut ad Ecclesiam rediret suadens. Ad auro coecit; ille enim intermissam obsidionem resumens, Verellas septembris mensis dimidio in arcem redigere cepit, donec tandem anno, sequenti mense Aprilis, medio sui cursu jam elapso, Urbanus Vercellensis episcopus additionem urbis fecit, nec tamen ipse evasit incolatus a victore actus in custodiam, e qua tamen ipse elam se subluxit. MAXST.

civitatis Mediolanensis per multos dies tenuerunt vinclos, non permittentis, quod dicto capellano loqui posset aliquis sine eorum licentia; hæc omnia et multa alia, quæ presentibus inserere longum esset, in personas dicti capellani et servitorum suorum (non sine magna temeritate et contemptu nostro, imo verius Sedis Apostolicæ) commiserunt, prout de his etiam fuimus sufficienter informati, considerantesque quod de civitate Astensi executio contentorum in dictis litteris Apostolicis nobis directis ad notitiam dicti Matthæi poterit pervenire, eundem Matthæum, de labe pravitalis hæreticæ ex causis contentis in ipsis litteris Apostolicis non indigne suspectum, super quo ne gregem Dominicum contagione suæ pestis inficiat, idem dominus noster papa urgente conscientia intendit inquirere contra eum, in dicta civitate Astensi in Ecclesia fratrum Minorum civitatis ejusdem, adstante cleri et populi multitudine copiosa, tertia die mensis Septembris excommunicatum, pulsatis campanis et candelis accensis, publice nuntiavimus, et ab omnibus mandavimus arctius evitari: ipsumque ex parte dicti domini nostri papæ peremptorie citavimus, ut infra duorum mensium spatium post citationem hujusmodi, quos idem dominus noster prefato Matthæo pro termino preceptorio assignavit, sub decem millium marcharum argenti et amissionis omnium privilegiorum, libertatum, immunitatum, gratiarum, feudorum, jurium, officiorum, honorum et concessionum quarumlibet ab Ecclesia et imperio Romano, et quibuslibet aliis Ecclesiis concessorum eidem, pœnis personaliter, etiamsi hujusmodi terminus in tempus caderet feriatum, Apostolicæ Sedis conspectui representet, inquisitionem hujusmodi subiturus, ipsiusque domini nostri papæ pariturus beneplacitis et mandatis, et alias factururus et recepturus, quod justitia suadebit: dictasque litteras et contenta in eis in nostra præsentia solemniter fecimus publicari, ac prefatas domini nostri securitatis litteras paratos nos obtulimus prefato Matthæo mittere, vel assignare, ubi et quando ipse aut alius pro eo sufficiens ad hoc habens mandatum, eas duxerit postulandas. Et ut hujusmodi prefati domini nostri et noster processus ad dicti Matthæi et aliorum, quos contingere possunt, deducerentur notitiam, chartas sive membranas, processus, excommunicationes, publicationes, citationem, pœnarum adjectiones, et comminationes continentes eodem, majoris et fratrum minorum, ubi nos residemus, Ecclesiarum Astensium appendi ostiis faciemus, quæ processus ipsos et contenta in eis suo sonoro præconio publicabunt; ita quod prefatus Matthæus et alii nullam possint excusationem prætere, quod ad eos processus ipsi non pervenerint vel quod ignorarint eodem, cum non possit esse incognitum vel occultum, quod tam palenter omnibus publicatur. Cæterum ut circa præmissa tantominus præterit possit ignorantia, quanto ea in

plurimorum notitiam deducuntur, universitati vestre in virtute obedientie districtè præcipiendo mandamus, quatenus vos et quilibet vestrum, qui super hoc fuerit requisitus, tenorem litterarum ipsarum insertum presentibus, necnon et omnia per nos gesta circa executionem prædictam, dictum Matthæum excommunicatum, pulsatis campanis et candelis accensis vestris, dum missarum solennia celebrabuntur in ipsis, ubi aderit populi multitudo, publicè solemniter et faciatis ab aliis etiam solemniter publicari, ac ab omnibus arctius evitari, et in lingua materna exponi, facientes de publicatione et denuntiatione hujusmodi fieri publica Instrumenta, illa nobis quantocius transmissuri. Actum et datum sub sigillo nostro in præmissorum testimonium in prædicta Ecclesia fratrum minorum Astensium prædicta die in mensis Septembris, Pontificatus ejusdem domini Joannis Papæ XXII anno IV^o. Transmissa sunt hæc legati cardinalis Acta judiciaria in Matthæum ad Iusubriæ episcopos, atque ab iis solemnè ritu divulgata¹. Verum vicecomes Gibellinorum signifer in perviciacia obdormit.

11. Conspirabant Guelpharum partium proceres cum card. legato Roberto rege, ac Philippo Cenomanensi: nec tamen armis censurisve Ecclesiasticis Gibellina factio edomita est, Philippi imprudentia², qui cum mille quingentis equitibus tantum succinctus, non expectatis Pontificis, Neapolitani, Francorumque regum necnon Guelphorum auxiliariis copiis, ad Verecellenses socios, cum adversariis pugnantes, juvandos provolaret, in Mortarensi agro a Vicecomitibus, longe validiori exercitu pollentibus, circumfusus salutem redemit fœdere, ornatusque ab iis muneribus in Gallias se subduxit. Exinde Pontificis et Roberti res depreste: ac Verecellenses a Vicecomitibus obsidione cincti sub hostium, quanvis objicerentur his censuræ, potentia succubere³.

12. Opponebat enim Matthæus vicecomes censuris Ecclesiasticis arma, eaque justa contenebat, cum Ludovici Bavari designati regis Romanorum legatum se gereret: quo nomine abstinere a Pontifice jussus, habito ludibrio imperio Pontificio, domini Mediolani nomen affectavit; in quem ideo Joannes hanc sententiam tulit, quam a legato cardinale promulgari jussit⁴: « Licet Matthæus vicecomes de Mediolano, qui se dudum in civitate Mediolanensi vicarium imperii nominabat, vicariatus hujusmodi nomen suppresserit; ipsius vicariatus officium facile retinens, illius exercitum, potestatem et usum hujusmodi, nostris monitis omnino contemptis, exercere præsumit nequiter, sicut prius: et in majorem suæ indevotionis ostentationem et notabilius nostrum et prædictæ Sedis eludium, sibi domini dictæ civitatis nomen usurpans, se nominare dominum

¹ In eod. rotulo pergam. — ² Jo. Vill. l. ix. c. 108 et 109. —

³ An. 5. p. 1. Ep. cur. cy et cxiii. — ⁴ An. 1. p. 1. Ep. cur. ci.

Mediolani, et facere publice nominari præsumpsit, et adhuc, sicut per litteras suas proprio signatas sigillo certius nobis constat, nominare præsumpsit; jurisdictionem, dominum ac potestatem in civitate et districtu Mediolanensi praefectis, et certis districtibus, territoriis, locis et partibus damnandis ausibus exercere: ex quibus ipse Matthaeus nobis et Ecclesiae se patenter inobedientem exhibens, et notorie contumacem, praedictam sententiam excommunicationis incurrit, quam demum publicari fecimus contra eum, et ipsum excommunicatione publice nuntiari, etc. ». Subdit ut sententiam Apostolicam contumacissime ludibrio habuerit: ad ejus tamen frangendam pervicaciam iterum praecipit legato ut censura solemniter in templis promulgaret, illumque ad Sedem Apostolicam ad dicendam causam pergere juberet; quae si eluderet imperia, aliarum poenarum terrorem incussit. « Dat. Avinionae V kal. Julii anno IV ».

13. *Passarinus aliique in Italia tyranni in judicium vocati.* — Advindicandum illum censurarum contemptum Joannes intendit¹ Matthaeo vicecomiti judicium haereseos, cum illi Ecclesiae auctoritas sacrorumque religio ludibrio esset. Postulatus etiam² judicio Raynaldus Passarinus, atque ad dicendam causam de Mantuae vicariatu suscepto, interregni tempore, cum ad Sedem Apostolicam imperii provincialium administratio spectaret, dies constituta:

« Dilecto filio Bertrando tit. S. Marcelli presbytero cardinali A. S. L.

« Licet³ liquidum foret de jure, et ab olim fuisset inconcusse servatum, quod imperio Romano vacante, sicut et nunc per obitum quondam Henrici Romanorum imperatoris vacabat et adhuc vacare dignoscitur, cum in illo ad secularem judicem non posset haberi recursus ad summum devolvebatur Pontificem jurisdictionis ac dispositio et regimen imperii supradicti, ipseque illa, ejusdem imperii vacatione durante, per se vel alium seu alios in imperio exercuisset eodem et exercere deberet, nonnulli tamen in Italiae partibus constituti vicariatus seu ejusdemque nomen officii, quod ipso imperatore vivente ex illius commissione gerebant, in certis terris ac territoriis sive locis, post decessum imperatoris ejusdem sibi absque nostra et Apostolicae Sedis licentia retinere, et nonnulli in aliis de novo assumere, quod non gesserant, aut gestum antea postmodum dimissum resumere, et illis abuti in nostri et sacrosanctae Romanae Ecclesiae derogationem honoris temerariis ausibus praesumebant, se per hoc non absque divinae majestatis offensa variis criminibus involvendo, etc. ». Subdit ut ipse ad emergentia inde pericula propulsanda, tuendamque Ecclesiae dignitatem omnibus quocumque honoris gradu sive regio sive patriarchali

conspicuis interdixit, ne in terris imperio Romano obnoxii praefecturam ullam, quocumque nomine eam appellarent, arrogarent sibi, vel a populis delatam admitterent: qui, si imperia Apostolica respuerent, anathemate, ditionem vero ipsorum sacrorum interdicto percussum iri denuntiavit. Cum vero Passarinus, spreta auctoritate Pontificia, se Mantuae imperii vicarium dicere contra edicta Apostolica non vereretur, promulgavit Pontifex, illum anathemate irretitum teneri, atque omnia loca urbesque, quae ipsi parerent, sacris interdici. Tum Bertrando legato provinciam imposuit⁴, ut Patavii, Bononiae, atque in aliis circumjacentis locis vibratas in Passarinum ejusque studiosos censuras solenni ritu divulgaret, juberetque omnes ab illius, ut fidelium cœtu avulsi hominis, familiaritate et consortio declinare. Quibus litteris adjecta est haec temporis nota. « Dat. Avin. XIV kal. Julii anno IV ». Verone praefectura vocatus est Canis Scaliger⁵ cum illius gerendae auctoritatem a Sede Apost. petere debuisset, ipsumque una cum sequacibus anathemate defigi jussit Pontifex. Sprevit eas censuras Scaliger, ac Patavii quod magno exercitu cinxerat, obsidione urgebat⁶; cum viribus suis nimium praefidens, ac parum de tuitione castrorum sollicitus, a Goritiae comite, qui a Friderico Austriae duce, atque Ludovico Bavari in imperii causa aemulo, submissus erat ad Patavinos Guelpharum partium defendendos, magna clade deletus praecipiti fuga sibi consuluit: in qua obsidione Ugucio Fagiolanus, quem Pisis antea tyrannide arrepta multa secunda praelia ac praelara facinora gessisse vidimus, occubuit. Inter haec vero Gibellini exules summo animorum ardore in Genua oppugnanda perstiterunt⁷, ac terra marique propulsati toties, novos impressere conatus.

14. *Recrudescente bello inter Fridericum et Robertum, inducias a Friderico violatas queritur Pontifex.* — Ceterum belli hujus occasione recrudit Fridericum inter Trinacriam Robertumque Siciliae reges bellum, quod antea Romanorum Pontificum diligentia sopitum videbatur: cujus excitati incendii causam Joannes papa re altius repetita, in Fridericum derivat, ut ostendunt litterae ad transfundendam posteris rei geste memoriam exaratae⁸; in quibus praefatur, ut Clemens Quintus, increbrescente rumore parari bellum in regem Siciliae ejusque terras citra Pharium Pontificiae aulæ vechgales, et in variis portubus litremes ac naves magno apparatu bellico instrui ornarique, gravissimis Pontificia auctoritate incussis poenis illis, qui jussa intringerent, imminens periculum comprimere studuisset; acceptisque Ecclesiae gubernaculis Joannes ipse ad conciliandam inter dissentientes principes concordiam inducias in-

¹ An. 4. p. 1. Ep. cur. xcv, xcvi, civ. — ² Reg. post Ep. cur. xcvi. — ³ An. 1. p. 1. Ep. cur. lxxiv.

⁴ An. 4. p. 1. Ep. cur. xcix et c. — ⁵ Ibid. Ep. lxxiv et civ. et an. 5. p. 1. Ep. cur. xcix. — ⁶ Jo. Vill. 1. ix. c. 119. — ⁷ Eod. l. ix. c. 106 et 114. — ⁸ An. 1. p. 1. Ep. cur. cxvi.

dixisset, et Guillelmum episcopum Trecentem, Petrum abbatem montis S. Saturni Tolosani S. R. E. vicecancellarium, tunc priorem S. Anthonii Ordinis S. Augustini Rhodensis diocesis misisset, ut Apostolica auctoritate inducias infringi vetarent; quæ postea ad tres annos fuerant extractæ, atque ad eas servandas missi a regibus oratores Friderici et Roberti nomine sacramento se devinxissent. Ut vero a Friderico violatæ sint, ita exponit Pontifex :

« Joannes, etc. Treugas subsequenter procuratores ipsi ad hæc et alia infrascripta speciale mandatum habentes, ratificarunt nomine regum ipsorum, et etiam approbarunt; et quod eas dicti reges per totum tempus prædictum inviolabiliter observarent, supra sancta Dei Evangelia tacta corporaliter ab eisdem in regum ipsorum animas juraverunt, super hoc inter se procuratores ipsi dictorum regum nomine homagio præstito et recepto. Cumque dictus Fridericus, juxta nostræ requisitionis instantiam, tempore procedente, pro hujusmodi pacis prosecutione tractatus ad Sedem Apostolicam suos nuntios destinasset, tandem iidem nuntii, cum per dies aliquot moras traxissent ibidem, quia dictus Robertus rex Siciliæ supervenientibus certis impedimentis eidem, ad Sedem præfatam, quamvis ad hoc se parasset, tunc venire non poterat, nec suos nuntios destinare, de nostra licentia recesserunt; licet idem rex Siciliæ, postmodum ab impedimentis expeditus eisdem propter hoc ad memoratam Sedem, ubi adhuc morari dignoscitur, accessisset.

15. « Nuper autem cum alios dicti Friderici nuntios per eum ad nostram præsentiam transmittendos (super quo per diversas litteras nostras post recessum dictorum nuntiorum rogandum et hortandum attentius duxeramus eundem ut cum eis ac dicto rege Siciliæ, vel aliis ad hoc deputandis ab ipso, hujusmodi pacis prosequi possemus negotium et tractatum) anxie nostrum desiderium exspectaret; quidam miles, qui dicti Friderici nuntium se dicebat, ad civitatem Avinionensem, ubi nos cum Romana curia residemus, accedens ad hospitium dicti regis, in eadem constitutum civitate, se contulit: et ejusdem hospitii aulam ingressus, coram adstantibus ibidem improvide, nostra reverentia et Sedis prædictæ calcata, expresse ac publice dixit, quod Fridericus rex prædictus præfatum Robertum Siciliæ regem suosque valitores, vassallos et homines diffidabat. Quibus verbis per militem prolatis eundem, ipsius Roberti regis, qui tunc erat in camera sua ejusdem hospitii, nequaquam expectata præsentia; licet ab adstantibus ibidem fuerit requisitus, nec aliquo super hoc exhibito vel ostenso mandato, præsumptuose recessit. Et deinde, fama publica referente, nullarumque litterarum ad diversos, in curia morantes eadem, transmissarum insinuatione perceperimus, quod idem Fridericus galeas et milites ac gentes alias preparabat et ad regnum et terram prædicta inva-

dendum, ut creditur, et etiam impugnandum. Per quod patenter ostenditur, quod dictus Fridericus rex, quamvis de tempore dictarum treugarum, quas nos de fratribus nostrorum consilio, auctoritate Apostolica ratificandas duximus et etiam approbandas, usque ad festum Nativitatis Domini proximo venturum restare noscatur; transgressionem hujusmodi juramenti, dictasque penas et sententias non formidans, ad ipsius regis Siciliæ dictorumque regni ac terræ, non absque nostra et ejusdem Ecclesiæ Romanæ injuria, molestia et contemptu, impugnationem hostilem et guerrarum commotionem intendit.

16. « Nos igitur, qui præfatum regnum Siciliæ, tanquam recreationis nostræ pomerium paternæ dilectionis oculis intuemur, quique in ipsius non possemus læsione non lædi, talibus conatibus occurrere congruis et opportunis remediis intendentes, eidem Friderico (maxime cum nos de dicto Roberto rege Siciliæ omnibus de ipso conquerentibus parati sumus plenam justitiam exhibere) et aliis universis et singulis tam clericis quam laicis, cujuscumque status, ordinis, conditionis, præminentiæ vel imperiali sen regali, ut prædicitur, aut quacumque alia dignitate præminant; ac universitatibus, communitatibus et populis civitatum, terrarum, locorum, castrorum et aliorum quorumcumque locorum, ubicumque consistentium; hac fidelium adstante multitudine copiosa, auctoritate Apostolica districtius inhihemos, etc. » Imperat, gravissimarum poenarum terrore intentato, ne quis in Roberti terras Ecclesiæ stipendiarias hostili furore excurrere, vastare agros, urbes invadere, aut tentare obsidione audeat interdictum Ecclesiasticum provinciis incutit, populosque ac principes omnibus vectigalibus bonis exuil, quæ ab Ecclesia obtinent, vel imperio, cujus suo principe viduati administratio ad Romanum Pontificem pertinet: Ecclesiasticos viros sacerdotiis ac dignitatibus deturbat; cæteris vero, quacumque auctoritate atque honore floreat, aliarum poenarum, quas ipsorum in se verterit audacia, metum infligit: ac ne Fridericus hæc imperia ipsum latuisse opponat, in publicis locis defigenda sancit. « Actum et datum in palatio ejusdem Ecclesiæ Avinionensis X kal. Augusti anno iv ». Extant de violatis a Friderico induciis, belloque Roberto illato plures litteræ, quibus ipsum Pontifex a pressulibus anathemate cum federatis percelli jussit¹, populosque in Roberti fide confirmavit².

17. De eodem bello hoc anno inter Fridericum Trinacriæ et Robertum Siciliæ reges gesto, refert Joannes Villanus³, Fridericum valida classe conflata, cui Gibellinorum triremes præfecto Corrado Auria se conjungere, Genuæque irritò conatu tentata, in Ischiam insulam vela fecisse: quam cum excensione facta, miles vastaret, Roberti

¹ Reg. post eamd. Ep. — ² Ep. com. cxvii, et reg. post eamd. Ep. — ³ Jo. Vill. l. ix. c. 112.

classem militum treremiumque numero florentissimam ¹ duce Raymundo Cardona hostem in fugam adventu suo avehisse : additque elapsam Frederici classem repelisse Genuam, ac finxisse reportatam de Roberti maritimo exercitu victoriam, ut obsessos ad deditionem eo metu adducerent ; sed eorum impetus civium virtute propulsos.

48. *Defectiones et conjurationes Ferrariae et in Piceno.* — Corripuit illius belli flamma ditiorum Ecclesiasticam ac plures populos civilis furor exercuit, utque a Ferrariensibus ducamus initium : defecerant ii ab officii religione, ac violata data olim Romanis Pontificibus, atque Clementi V fide, coram quo erant professi, Ferrariam a primis incunabulis Ecclesiae obnoxiam fuisse ; exitisque Azone et Opizone marchionibus Ateslinis, Pontificiam arcem everterant : dein moniti officii Apostolico edicto Azo et Opizo, constitutis procuratoribus, tum Ferrarienses polliciti sunt, urbem ad clientelam obsequiumque Romani Pontificis ut iusti domini rediturum : cumque nuntiorum Apostolicae Sedis auctoritate Franciscus Griserius eques Bononiensis Ferrariae praefecturam inmisisset, atque in propugnaculis Pontificia signa fixisset ; deinde Ferrariensium oratores in cardinalium senatu Pontifici proposuissent, ad excipiendam omnia illius imperia se accessisse ; iisque consueta benevolentia auditis jussum esset, ut Azo et Opizo marchiones palatio, quod nunc insederant, atque ante rebellionem Ferrariae motam a Romana Ecclesia obtinebatur, abscederent, aliaque ad id spectantia nuntiis Apostolicis traderent ; tum Ferrariensibus imperatum, ut arcem Thedaldicam, aggeres, propugnacula ac moenia, quae everterant in pristinum statum restituerent : marchiones tamen, quamvis pollicerentur, se in Sedis Apostolicae auctoritate futuros palatio cedere praetermisere, ac populum in rebellionem coniecērunt. At Pontifex ut ea ab invasorum audacia vindicaret, Raynaldo, Opizoni, aliisque earum partium anathema incussit ; ac si contemnerent censuras, iudicio haerescos postulandos edixit.

In Piceno passim conjurationes factae : Recinenses ², Auximani ³, Fanenses ⁴ rebellionis signa extulere ; nonnullique viri nefarii cumulandarum opum et augendae potentiae cupidi, Ecclesiasticae ditionis urbes, oppida, vicos occupare, diripere, incendere, ac nulla sexus aetatisve misericordia saevire in omnes, explere libidinem, cumulare spolia, infestamque reddere provinciam non sunt veriti. In quos Pontifex agere legibus ⁵, intendere iudicium, censurasque, demum in obstinatos arma expedire decrevit. Exitum ⁶ est ejus perduellionis occasione Recinetum episcopalis Sedis dignitate, quae Maceratam ob egregia illius urbis

in Ecclesiam studia traducta est ¹. Urbinates pariter Friderici, Guidonis et Sperantii comitum Montisferetri fedissime servituti se addixerant : in quos iudiciario ordine decretae poenae ², quarum tamen metu ad officium adducti non sunt ; imo ad confirmandam tyrannidem, constituendumque e ruinis Ecclesiae principatum ambitione perciti Spoletum, inita cum Gibeellini factionis civibus conjuratione, invasere ³. Procurrere in Guelphorum auxilium Perusini, urbemque cinxere obsidione : quam dum urgebant, ob Assisinationem ad Fridericum comitem Feretrantem desciscendum rebellionem solvere coacti, ut castra ad Assisium transferrent : ex quorum recessu Gibeellini Spoletani e metu recreati, efferantque rabiem Guelphos, quos in vincula coniecērunt, facibus injectis carceribus, exeunte anno superiore, inhumanissime ipsos in favillam redegerunt.

49. *Isnardi patriarchae Antiocheni contumacia et iudicium.* — Absolvimus res Italicas Pontificiae severitatis in Isnardum patriarcham Antiochenum ac Ticinensis Ecclesiae administratorem exauctoratum exemplo. Supra a nobis memoratum est, ut ille ob secutam Gibeellinam factionem, ac plura scelera commissa iudicio postulatus, ad Sedem Apostolicam dicturus causam se contulerit ; convictusque perfidia, non expectata sententia, mutata veste Ticinum se receperit : damnatus itaque crimine contumaciae, anathemate defixus, atque pristino munere dejectus in tantam prorupit temeritatem, ut non modo divinis se ingereret, verum etiam in Christi vicarium indignas voces evomeret, ejusque carperet auctoritatem. Legibus igitur in nefarium hominem Bertrandus A. S. L. cui exercenda etiam in haereticos quaestiois data provincia erat, ne censura Ecclesiasticae ludibrio haberentur, agere coepit ; atque censoribus fidei in Insubria provinciam subjectis litteris ⁴, contulit, ut in Isnardum velut schismaticum animadverterent, omnique opera vinculis manciparent.

« Bertrandus miseratione divina tit. S. Marcelli presbyter cardinalis A. S. L. venerabilibus in Christo patribus Astensi et Novariensi episcopis ac religiosis viris S. Ambrosii et Dionysii et S. Simpliciani Mediolanensis ac S. Marciniani Terdonensis monasteriorum abbatibus ; necnon Joanni praeposito de Pontorolio Mediolanensis diocesis ac archipresbytero et Cimitiarchae Ecclesiae Mediolanensis ac universis inquisitoribus haereticae pravitatis in provincia Lombardiae superioris per Sedem Apostolicam deputatis, salutem in Domino, etc.

« Post praedicta (latas nimirum censuras) pro patriarcha Antiocheno et administratore Ecclesiae Papiensis se gerere, et talem se nominare, ac officium Pontificale et sacerdotale agere non expavit, insignia episcopalia et patriarchalia deferendo, se

¹ Jo. Vill. l. ix. c. 112. — ² An. 5. p. 1. Ep. cur. xv. — ³ Ibid. Ep. xvi. — ⁴ Ibid. Ep. lxxvii. — ⁵ Ibid. Ep. xvi. xvii, xviii, xix, xx, xxiv, lxxvii et xciv. — ⁶ Ibid. Ep. xcvi.

¹ Ead. Ep. — ² Ibid. Ep. xvi. — ³ Jo. Vill. l. ix. c. 103. —

⁴ Ext. in Ms. Vall. sign. lit. B. num. 42. pag. 114.

divinis officiis immiscendo multoties sicut prius, redditus et proventus Ecclesiae et episcopatus Papiensis recipiendo et in usus proprios convertendo, dicendo praedictum dominum papam non debuisset, nec potuisse taliter procedere contra ipsum, seque ad observandum et tenendum dictas sententias contra eum prolatas aliquatenus non teneri, et contra praedictum dominum papam multa verba profana et blasphemata proferendo, quae verba innuunt, dominum papam praedictum non habere plenitudinem potestatis; non attendens sacris canonibus esse cautum, quod qui Ecclesiae unitatem non tenet, alienus est, profanus est, hostis est.

« Haec namque Ecclesia domus Dei supra firmam petram edificata, claves ligandi et solvendi accepit, quam si quis corrigenstem, corripientemque contemperit, ut publicanus et ethnicus, imo verius ut haereticus est habendus. Domum enim istam solus Dominus ipse fundavit, et supra petram fidei mox nascentis erexit, qui B. Petro aeternae vitae claviger, et ejus successoribus Romanis Pontificibus terreni simul et caelestis imperii jura commisit. Non enim qualibet terrena sententia, sed illud verbum quo constitutum est caelum et terra, per quod denique omnia elementa sunt condita, Romanam fundavit Ecclesiam, et illius privilegio fungitur, cujus auctoritate fulcitur. Et ideo qui Romanae Ecclesiae primatum, ab ipso summo omnium Ecclesiarum capite traditum, auferre conatur, in haeresim labitur, et haereticus est censendus: fidem quippe violat, qui adversus illam agit, quae est mater fidei; et ei contumax invenitur, qui eam cunctis Ecclesiis praetulisse cognoscitur: nititur enim tunicam inconsutilem scindere, et corpus Christi Domini nostri, hoc est sanctam Ecclesiam, lacerare; unde tanquam divisionem et scissuram faciens in Ecclesia sancta Dei debet non solum rerum proserptione, sed et dura et arcta custodia coerceri per judiciales et publicas potestates. Quis enim dubitat inter alia commissa sceleratius esse schisma, quod Scripturae sacrae testimonio hiatu terrae, sepultis auctoribus ejus rimis, et caeteris caelesti igne consumptis, invenitur gravius vindicatum?

« Nos igitur ad provincias Lombardiae et Tusciae, et alias Italiae partes in litteris nostrae legationis expressas per praefatum dominum nostrum cum plenae legationis officio destinati, inquirendi et procedendi contra haereticos et eos puniendi nobis et per suas litteras potestate concessa, etc. » Provinciam imponit censoribus fidei, ut Isnardum velut schismaticum, atque haeresis nota aspersum compingant in carceres, magistratum implorent auctoritatem, et iis, qui cum ipso senserint, censuras inculcant. « Dat. Aste IV id. Octob. Pontificatus ejusdem domini Joannis papae XXII anno v ». Navata est strenua adeo in Isnardum a censoribus fidei opera, ut ipsum proximo tempore comprehenderint. Quo accepto Pontifex Joanni e Beccaria Minoritae, cui Ecclesiae Ticinensis administratio-

nem conbulerat¹, partes injunxit², ut ipsum fidisimis stipatum custodibus ad Sedem Apostolicam meritis afficiendum paenis mitterent.

Habita eodem tempore in Gallis inquisitio de Philiberto sacerdote Bisuntino, qui in Auxitana diocesi Waldensium virus vomuerat, sumptumque de illo supplicium: Pontifex enim Tolosano archiepiscopo, ut ipsum sacerdotali dignitate exueret, provinciam dedit. Cum vero ad Gallicas res deluxerit oratio, ad eas spectantia prosecquamur.

20. *Pax inter Gallos et Anglos.* — Extincto superiori anno exitiali bello quod Gallos ac Belgas multas caedes duobus ac viginti annis efflerat³, ac pace felicissime revocata, ad eam sancendam astringendamque firmiore vinculo, conventum hoc anno, ut Margarita regis Galliarum filia Ludovico comiti Nivernensi Flandriae comitis majori filio thoro jungeretur. Gratulatus⁴ est Philippo Pontifex de pace confirmata, seque ingentem laetitiam ex felici nuntio traxisse; Robertum comitem acceptum beneficio auctoritateque Gallicae aulae Belgium professum esse, clientelaeque nomine sacramento fidem regi devinxisse, Gaucelino cardinali legato significavit⁵, ipsumque ad omnes concordiae leges ad exitum perducendas incumbere jussit. Perstringit illas Bernardus⁶, explicatius vero recenset Meyerus⁷, additque adjectam eam pacis legem, ut si Ludovicus Nivernensis comes Roberti senioris Belgii comitis major natu filius e vivis ante parentem excederet, in principatu non Robertus secundus natus, sed Ludovicus junior avo succederet. Alias praecipuas leges concordiae subijcit, ut Insula, Duacum et Orchiam cum Gallici juris essent: Belgae triginta millia nummum ad refundendos belli sumptus Philippo regi penderent, nec aere vel copiis comites, si pacem infringerent, aliove modo unquam juvant. Ex eo porro Ludovici cum Margarita matrimonio, ex qua Galli res suas augere ac Belgas arctiori vinculo astringere arbitrabantur, confirmatas postea et amplificatas Belgarum res, idem auctor refert, cum Margaritae beneficio Atrebatum et Burgundiae comitatus cum Belgio conjuncti fuerint.

21. *Pastorelli in arma coorti et compressi.* — Excitati hoc tempore tumultus periculosissimi improbo nonnullorum zelo, qui protectionis Asiae aggredienda specie in arma consurrexere. Nullum tum sermo pervulgorum erat, quam de sacro bello in Orientem adversus Saracenos traducendo: decreta enim jam ante fuerat a Clemente V ea expeditio in Viennensi Concilio, exactae a sacerdotibus decimae, Ossinius Armeniae rex missis in Occidentem oratoribus reges ac principes sollicitarat, ut periclitantibus Christianorum reliquiis

¹ An. 5. p. 1. Ep. cur. LXXXVI. — ² Ibid. Ep. LXXXVII. — ³ Bern. Chr. Rom. Pont. — ⁴ Thom. II. p. 2. Ep. sec. CXXCVI. — ⁵ Ibid. Ep. sec. CCLXXX. — ⁶ Bern. Chr. regum. Franc. — ⁷ Meyer. in Robert.

suppeliis ferrent; Francorum rex crucis symbolum acceperat, alii principes eidem se militiæ devoverant, incitabat toties Pontifex Belgas, ne bellum illud suspiceretur obstare. At pace jam conciliata, cum omnium expectatio sacre illius expeditionis desiderio suspensa esset, vertebantur alio consilia: Pontifex namque Philippum Francorum regem ob civilia Christianorum regum bella avertebat, ratus funestam aliquam cladem, nisi pacatus esset Occidens, expectandam, nec minus regni vires potentissimis sol-tanis pares esse aucupandumque videri tempus commodius; cum plebecule fax impatiens tantarum morarum imprudenti accensa zelo, arma corripit: ovium, armentorum, porcorumque ductores concurrunt sub signa: religiosi sacerdotesque multi eorum pietatem commendant: simplicibus rusticanis facinorosi quique se conjungunt, atque exclamant invito reliquo orbe ad recuperandam Terram-Sanc-tam protectionem se inituros. Cumque nullius ducis auctoritate regerentur, grassari ferro, rapinis ac flamma cœpere.

22. Pontifex cum jam ea turba insano zelo effe-rata in agro Avinionensi fremeret, sacro Christi in cœlum ascendentis die censuras iis omnibus, qui sub signa confluerent ante indictum a Sede Apostolica protectionis tempus, incussit¹; atque Nar-bonensem², Tolosanum³ et Arclanensem⁴ archie-pisc. eorumque suffraganeos eos divulgare jussit. At tutum non erat percite furore multitu-dinis obstare conatibus, quæ non sentientes cum ipsis impietatis damna-bat: ac Tolosanus archie-piscopus Pontificem consuluit, qua ratione in ea re se gereret, cum grave immineret periculum ne ipsos in se concitaret. Cui Pontifex tempori serviendum respondit⁵, consulitque ut aliquos plebeios ex singulis Tolosæ vicis ad se evocaret, proponeretque gravi oratione quanta ex Pastorel-lis impenso studio pericula emergerent, ac nunc publice nunc privatim ad officium revocare nite-retur. Prefectos etiam provinciarum, magistrat-usque urbium populari illi furori obstistere jussit: quo argumento Belliquadrensi magistratui hæc datæ litteræ⁶:

« Joannes. etc. dilecto filio nobili viro sene-scalle Bellicadri.

« Habet multorum fide digna relatio, quod nonnulli porcorum et ovium aliorumque custodes animalium rustici, qui se nominant Pastorellos, ignorantes tramitem rationis, ac transfretare se velle in Terræ-Sanc-tæ subsidium prætendentes congregationes varias in diversis partibus ordinare impuberibus ad hoc et mulieribus imprudente assumptis, tam indiscrete quam improvide, mo-liuntur; nonnullis aliis successivis diebus ad con-gregationes accedentibus supradictarum multi

armis carent necessariis ad bellandum, et quidam ex eis insufficienter armis necessariis sunt muniti, et omnes ad transfretandum pariter destituti quo-libet apparatu nullum sequi ducem, nullumque sibi præponere capitaneum, et nullum noverunt assumere directorem: et quod est in eis gravius detestandum, ad impietatis opera laxantes crude-liter manus suas, quamplures immaniter gladiis trucidarunt, diversorum tam clericorum quam laicorum, et etiam Judæorum bona, temporis op-portunitate caplata, violenta prædatione subri-piunt, et ea in usus proprios, non sine grandi no-stri Redemptoris offensa et propriæ salutis dispen-dio convertentes, pluribus diversorum principum et magnatum officialibus graves et enormes inju-rias irrogarunt: non enim hominum tam impru-dentium obsequia, qui per improbos actus osten-dunt devotione se steriles, redduntur in oculis divinæ majestatis accepta; nec eorum terra prædicta subsidio, cum sint viribus et facultatibus impotentes, in suis potest necessitatibus adjuvari.

« Cum igitur ad ipsius Terræ passagium, quod specialiter insidet cordi nostro, cum clarissimo in Christo filio nostro Philippo rege Francorum illustri (qui signo vivitiæ crucis assumpto ad ipsius Terræ subsidium et succursum desideranter aspirat; et super hoc diversa jamdudum et utilia exquirendo consilia laboravit, et indefessis non cessat studiis laborare) promptis desideriis inten-damus, et nonnullis scandalis variisque periculis quæ frequenter in diversis partibus ex tam inor-dinatis congregationibus, sicut manifeste docet magistra rerum experientia, provenerunt in scruti-nio debite considerationis eductis, et ne nulla contingant in posterum, paternæ diligentiae studiis prospicere cupientes; nobilitatem tuam rogamus et hortamur in Domino Jesu Christo, quatenus omnes et singulos, qui Pastorelli, ut prædicatur, nominantur et quosvis alios, laicos tamen, quo-cumque censeantur nomine de congregationibus antedictis, qui velle se asserunt transfretare per terras consistentes et loca tuæ jurisdictioni subje-cta, quod a præmissis desistant, quosque de dicto negotio, Deo dirigente, fuerit ordinatum pro di-vina et Apostolicæ Sedis reverentia, studcas coer-citione debita cohibere. Datum Avinione III kal. Julii anno IV ».

23. Visus¹ est initio Philippus Francorum rex cruceate expeditionis studio, cui se devoverat, Pastorellis favere: qua de re graves querelas Joannes apud Gaucelinum A. S. L. agentem in aula Gallica fudit, cum non cruce signati, sed lupi rapaces et homicide potius appellandi essent. Nec modo e Galliis, sed ex aliis quoque regnis ea popularis fax consurrexerat in arma: de Anglis enim Walsingham² ait plures transfretasse in Gallias; cumque in finitimas Mediterraneo mari provincias pervenissent, ac deessent naves, teme-

¹ Tom. II. p. 2. Ep. secr. CCXL. — ² Ibid. Ep. secr. CCXLVII et CCXLVIII. — ³ Ibid. Ep. DCXXII. — ⁴ An. 4. p. 1. post Ep. cur. LXXIII. — ⁵ Tom. II. p. 2. Ep. secr. CCXLVIII. — ⁶ An. 4. p. 1. Ep. cur. LXXIII.

¹ Tom. II. p. 2. Ep. secr. CCXL. — ² Walsing. in Edward. II.

rarium consilium allicere coactos : Bernardus¹ vero, qui hæc oculis hausit, dissipatos illos testatur, cum ob gravia scelera ac direptiones agrorum (nullis enim stipendiis sustentatis nisi rapto vivere supererat) magistratus in se asperassent, ac pluribus ex iis necatis suspendio, reliquos ut funum evanuisse; de quibus hæc Jordanus refert² : « MCCXX, congregatio multorum facta est valde periculosa in Gallicanis partibus, qui Pastoralibus vocabantur. Illi omnis superioris potestatis jugum excusserant, et ut necessitatibus suis consulere et avaritiæ, Judæorum bona capiebant, si baptizari volebant, et eis mortem infererebant : locis et castris, per quæ transibant, violentias infererebant et damna, maxime in bonis clericorum. Contra hos et fautores eorum camerarius domini papæ per religiosos mandavit prædicationes fieri : cito autem incomposita et agrestis illa multitudo evanuit ».

24. *Judæorum in Galliis fuciura, et in eos Pontificiæ Constitutiones.* — Tum in Aquitania accidisse ferunt, ut quingenti ex Judæis in turrin se reciperent, quibus circumsessis a Pastorellis cum nullum effugium pateret, versi in desperationem, jacta sorte, unum elegere, qui reliquis gulam frangeret; sed cum is ætate senex esset, juvenem in ea crudeli carnificina socium poposcit : ii duo reliquos, voluntariæ morti se offerentes, ne in Pastorellorum manus inciderent, necavere. Qua perfecta re, senex a juvene idem crudele poposcit officium : quo ille perfunctus, non sibi manus intulit, sed Pastorellis se dedit, ac Baptismo una cum pueris superstitionibus lustrari flagitavit. At ipsum ii, ut generis sui tortorem, supplicio affecere. Commotus ob Pastorellorum sævitiam Pontifex, Judæorum adversus ipsos suscipere clientelam est compulsus, litterisque³ ad principes Christianos ac viros nobiles datis, armis a Pastorellorum feritate Judæos defendere jussit.

In ea porro persecutione a Pastorellis excitata plures Judæi ad Baptismi sacra perflugere⁴, quibus aliisque in posterum convertendis ut consuleret Joannes, editas antea superioribus annis Constitutiones, ut a Judaica superstitione ad fidem tracti bonorum jacturam, quæ antea obtinebant, non pateretur (religionis enim odio nefarium illum morem Judæi induxerant) renovavit⁵. Divini porro justitiæ a Pastorellis edita strages adscribi poterit, si atrociam Judæorum scelera ac blasphemæ voces, quas in Christum et Virginem vomebant, perpendantur; utque Thaumudicis fabulis simplicem populum irretire niterentur. Ad quorum perfidiam frænandam Pontifex Talmuth abolere flammis, ac reliquos abusus, quos invexerant, tollendos constituit⁶ :

« Joannes, etc. venerabilibus fratribus archiepiscopo Bituricensi ejusque suffraganeis.

« Datum felicis recordationis Clemens IV, blasphemis Judæorum innumeris, abusionibus multis et detestabilibus blasphemis contra Salvatorem et Dominum Jesum Christum, ac præcelsam et gloriosissimam semper virginem Mariam genitricem ejus, in quodam libro contentis ipsorum, plenius intellectis; et demum piæ memorie Honorius Romani Pontificis prædecessores nostri, assertionem veridicæ relationis audito, quod ipsorum Judæorum damnata suggerente perfidia, nonnulli fidei Christianæ cultores, tam mares quam mulieres, in certis articulis cum Judæis judaizabant eisdem, et alia multa tam Christiani et Christianæ, quam Judæi supradicti enormia committebant, quæ in gravem nostri contumeliam Redemptoris, et detrimentum fidei Catholicæ redundabant; iidem prædecessores, videlicet Clemens Terraconensi et postmodum Honorius Eboracensi archiepiscopis, qui tunc erant super his per eorum sub certa forma contra dictos Judæos litteras dixerunt; et insuper bonæ memoriæ Oddo Tusculanus episcopus in regno Franciæ Apostolicæ Sedis legatus, quia quosdam Judæorum ipsorum libros, qui Talmutz nominantur, per se et alios fidei zelatores inspectos reperit errores innumerabiles, abusiones et blasphemias continere, contra Judæos pronuntias dignoscitur supradictos, prout in eisdem litteris ac pronuntiatione, quarum tenores fecimus annotari præsentibus, continetur.

« Nos igitur, ad quos specialiter pertinet fidei orthodoxæ defensio, in debite considerationis scrutinio recensentes, quod tam pestilens tamque perniciosus morbus, qui adhuc in diversis perdurat partibus, non est aliquatenus contemnendus, ne processu temporis inficiendo fideles alias damabilius convalescat; sed potius ad præcidendum radicatus illius pestiferos palmites, ne in discrimen ipsius fidei dilatentur, sollicitis studiis procedendum; fraternitati vestræ, dictorum prædecessorum inhærendo vestigiis, in virtute obedientiæ strictè præcipiendo mandamus, quatenus Christianos et Christianas omnes et singulos per vestras civitates et dioceses constitutos, tam in cathedralibus et aliis Ecclesiis ipsarum civitatum et diocesium per vos vel alios, quos ad hoc duxeritis deputandos, quam in prædicationibus et sermonibus vestris, quos propter hoc frequenter fieri volumus et mandamus, monere curetis et eis districtius inhibere, ut a præmissis omnibus et singulis aliis in litteris eisdem contentis studeant penitus abstinere, eos ab iis per spirituales pœnas, de quibus expedire videritis, appellatione postposita compescendo; et alias super his contra Christianos et Christianas eosdem, necnon et contra prædictos Judæos, ut a præmissis blasphemis, erroribus, imprecationibus et falsitatibus ac aliis, quæ in litteris continetur eisdem omnino resi-

¹ Bern. Chr. Rom. Pont. — ² Jord. Ms. bibl. Vat. sig. num. 1566.

— ³ An. 4. p. 1. Ep. com. DEULI. — ⁴ Ibid. Ep. cur. CXV.

⁵ Ibid. Ep. cur. CCL et super Ep. CXV — ⁶ Ibid. an. 1. p. 1. Ep. cur. CXV.

hant, juxta statuta canonica, et per alia congrua et opportuna remedia provideudo. Et nihilominus a Judeis, in civitatibus et diocesis consistentibus supradictis, legem seu librum hujusmodi, quem Talmutz, ut prædicitur, vocant, omnesque alios ipsorum libros cum additionibus et expositionibus eorumdem faciatis vobis integraliter assignari, eos ad hoc penitus, de quibus expedire videritis, canonicis compellendo; dictosque Talmutz et libros eis prius cum aliquibus de Minorum et Predicatorum Ordinum fratribus, ac aliis prudentibus et peritis viris, quos in lege Domini noveritis eruditos, diligenti examinatione discussis; vel illos ex eisdem, quos blasphemias, vel errores, aut imprecationes, seu falsitates repperitis continere, igni comburatis, invocato ad hoc, si opus fuerit, auxilio brachii secularis: attentius provisiuri, ut una simul in dicto consilio sic provide, sic consulte in hujusmodi negotio procedatis, quod in eisdem civitatibus et diocesis vestris mandatum nostrum hujusmodi circa Talmutz et librorum assignationem hujusmodi, vobis integre faciendam, uno eodemque tempore celeriter effectum executionis debitæ sortiatur, ne Judæorum ipsorum fallacia dictos libros quomodolibet valeat occultare. Tenores autem litterarum et pronuntiationis predictarum tales sunt :

25. « Clemens episcopus, servus servorum Dei, venerabilibus fratribus archiepiscopo Terraconensi et suffraganeis ejus salutem et Apost. benedictionem.

« Damnabili perfidia Judæorum propter ingratitudeis vitium olim merito reprobata, et synagoge dato libello repudii sue visitationis tempus agnoscere contemnenti, cæcus ille populus, qui peccatum peccavit juxta Jeremie vaticinium, insalubris est effectus; imo vagus et profugus super terram velut fraticida Cain, qui ejectus fuit a facie Domini, quasi major ejus esset iniquitas, quam ut posset veniam promereri. Hujusmodi namque miserabilis populus Patris æterni filium Dominum Jesum Christum, qui secundum carnem factus est ex semine David, prout ante in Scripturis sanctis promiserat per prophetas, frater ipsorum erat, et ad participium hereditatis æternæ illos vocare venerat tanquam ad oves, quæ perierant domus Israel; non solum nequiter negaverunt, dicentes in sua desipientia: Non est Deus: verum etiam cæsum, flagellatum, et crucifixum impie occiderunt, ejus sanguinem super se ac suos detestabiliter imprecantes. Verum cum dispersiones Judæorum ipsorum adhuc noluerint intelligere ut benefaciant, cum ipsis satis humaniter agitur, quod inter fideles absque gravibus contumeliis vivere permittuntur. Sed ecce prava ista generatio, dum cohabitationem ejus pietas sustinet Christiana, dum ipsam ex quadam benignitate recepat, se ingratam inde constituit, et nocivam reddens pro gratia contumeliam, pro familiaritate contemptum et pro beneficiis illa stipendia, quæ munus in

pera, serpens in gremio et ignis in sinu suis hospitibus juxta vulgare proverbium largiuntur.

26. « Dolentes quidem audivimus et narravimus, quod Judei de regno Aragonie, lege veteri præternissa, quam per Moysen suum contulit majestas omnium Conditoris, quamdam legem aliam, seu traditionem, quam Talmutz vocant, falso tradidisse Dominum contingunt: in cujus amplo volumine per orbis latitudinem destinato, quod textum novi et veteris Testamenti excedere dicitur, abusiones fere innumerabiles, ac detestabiles blasphemie contra eundem Dominum Jesum Christum, et Genitricem ejus beatissimam continentur; quorum relatio vel auditus sine interventu pudoris et horroris gravissimi vix potest ab aliquo sustineri: maledictiones quoque gravissimæ, ac imprecationes horribiles, quæ ab eisdem Judæis ingratis et perfidis contra Christianos emittuntur quotidie in dicta lege seu traditione damnabili, sunt adscriptæ. Quid plura? Hujusmodi et alia detestanda, quæ in dicta lege vel traditione profana sunt damnabiliter annotata, præcipua esse censetur ea causa, propter quam predictus fatuus et infidelis populus in sua stultæ perfidia obstinatus.

27. « Quia vero his et aliis abusionibus eorumdem, quæ ut accepimus, nimis excreverunt, non sine detrimento Catholice fidei, quoscunque fideles, sed nos præcipue, qui constituti sumus in specula, ut resistanus ascendentibus ex adverso, decet tam congruis quam festinis remediis refragari; fraternitati vestræ per Apostolica scripta in virtute obedientie firmiter præcipiendo mandavimus, quatenus adversus predictos Judæos super præmissis prudenter et viriliter insurgentes, charissimum in Christo filium nostrum Aragonum regem illustrem, et omnes barones, nobiles et ballivos regni et terrarum ipsius moneatis, et inducatis attente barones, nobiles et ballivos eosdem, ad hoc per censuram Ecclesiasticam, si necesse fuerit, appellatione postposita compellendo, ut a Judeis sibi subtilis totam Talmutz cum suis additionibus et expositionibus, et omnes eorum libros vobis faciant exhiberi. Quibus exhibitis, illos ex eis, qui de textu Biblicæ et alios de quibus nulla sit dubitatio quod blasphemias vel errores contineant seu etiam falsitatem, Judæis restituantis eisdem: cæteros vero sigillis vestris, ut expedit, consignatos in aliquibus tutis locis, quibus vobis videbitur, deponatis custodiendos fideliter, donec super his consulta Sedes Apostolica ordinet in posterum, quod de ipsis (senserit) fieri opportunum.

« Volumus autem, quod tam examinationem librorum, quam hujusmodi restitutionem, consignationem et depositionem cæterorum in præsentia et de consilio fratrum Predicatorum et Minorum, aliarumque personarum, quæ licentiatæ sint et provide, facialis; proviso attentius, ut condito consilio cum prædicto rege aliisque personis

idoneis, prout fuerit opportunum, commissum vobis tam piuni et salubre negotium taliter ordinetis ac ita prudenter et caute procedatis in ipso, quod id iustumque contingat fieri, simul et eodem tempore fiat, ne Judaeorum ipsorum fallacia dictos libros quomodolibet valeat occultare; sed nostrum in hac parte potius mandatum executionis votivæ pulchritudinem consequatur. Ad hæc autem dilectus filius noster Paulus, dictus Christianus, de Ordine Fratrum Predicatorum later presentium creditur non modicum profuturus, tum quia ex Judæis trahens originem, et inter eos litteris Hebraicis competenter instructus, linguam novit et legem antiquam, ac illorum errores; tum etiam quia de sacro fonte renalus zelum habet fidei Catholice, et eruditus occurrit laudabiliter in theologia facultate. Præceptum igitur nostrum in hac parte implere taliter studeatis, ut exinde dignis laudibus et favoris augmento vestra sinceritas habeatur. Datum Viterbii id. Julii, Pontificatus nostri anno tertio, sub anno Dominicæ Incarnationis MCLXXVII. Item :

28. « Honorius episcopus, servus servorum Dei, venerabilibus fratribus archiepiscopo Eboracensi et ejus suffraganeis, salutem et Apostolicam benedictionem.

« Nimis in partibus Anglicanis prout accepimus, Judæorum damnata perfidia in nostri contumeliam Creatoris et detrimentum Catholice fidei nefandis actibus et horrendis operibus relaxavit habenas; ipsi etenim librum quemdam maligna fraude compositum habere dicuntur, quem Talmutz vulgariter nuncupant, abominaciones, falsitates, infidelitates et abusiones multimodas continentem. In hoc quippe libro suum continuant studium, et circa ipsius nefaria dogmata ipsorum prava sollicitudo versatur. Illius insuper doctrine lethifera proprios ab annis teneris filios deputant, ut hujusmodi venenosus pabulis imbuantur, eosque instruere et informare non metuunt, quod magis in libro contentis eodem, quam expressis in lege Mosica credi debet, ut iidem filii, Dei filium fugientes, per devia infidelitatis exhorrescant, et ad veritatis semitam non accedant. Prefati quoque Judæi non solum mentes fidelium ad eorum sectam pestiferam allicere moluntur, verum etiam eos, qui salubri ducti consilio infidelitatis abjurantes errorem ad legem Catholice fidei convolarunt, domis multimodis ad apostatandum inducere non verentur: quorum aliqui dolosa Judæorum ipsorum seducti malitia publice illis cohabitant juxta ritum et legem ipsorum, in parochiis, in quarum Ecclesiis renati sacro fonte Baptismatis extiterunt, seavam imo nequissimam vitam ducunt in nostri Redemptoris injuriam, fidelium scandalum et derogationem fidei Christianæ; ac etiam nonnullos ex talibus iidem Judæi ad alia loca nequiter destinant, ut ibi tanquam incogniti ad suam perfidiam revertantur.

29. « Nec omittit Judæorum ipsorum nequi-

tia, quin orthodoxe fidei cultores quolibet die sabbati ac aliis solemnitatibus eorundem invitet, ac instanter inducat, ut in synagogis ipsorum officium audiant, illudque juxta ritus sui consuetudinem solemnizent, rotulo involuto membranæ seu libro, in quibus lex eorum conscripta consistit, reverentiam exhibentes: quamobrem plerique Christicolæ cum Judæis pariter judaizant. Presumunt quoque prelati Judæi Christianos in sua familia retinere, quos in divinæ majestatis opprobrium diebus Dominicis et festivis operibus occupari servilibus, a quibus est potius abstinendum, nefaria jussione compellunt. Admittunt autem in suis domibus Christianas ad ipsorum infantes seu pueros educandos, et tam iidem Christiani quam Christianæ Judæis cohabitant eisque convivunt; sicque dum opportunitas suggerit, et pravis actibus tempus favel, Judæorum mulieribus Christiani, et Judæi Christianorum fœminis infausto commercio commiscuntur. Alii etiam Christiani vicissim in domibus propriis sæpe conveniunt, ut dum simul commensationibus et potationibus vacant, erroris materia preparatur. Solationibus quoque diebus in orationibus, vel verius execrationibus suis, in maledictionem Christianorum damnabili presumptione prorumpunt, alia nonnulla committendo nequissima, que noscuntur in offensam Dei, et animarum Christianarum dispendium redundare. Verum etsi nonnulli ex vobis sæpe sæpius fuerint, prout asseritur, requisiti ut super his opportunum remedium curarent adhibere, id tamen efficere neglexerunt: de quo tanto propensius admirari compellimur, quanto ex debito pastoralis officii se paratiores et efficaciores exhibere teneantur ad oleiscendas nostri Salvatoris injurias, et hostium fidei Christianæ conatus nefarios reprimendum.

30. « Cum itaque non sit tam pestilens et periculosus morbus aliquatenus contemnendus, ne, quod absit, relictus neglectui tractu temporis convalescat; et adversus tante tamque damnabilis temeritatis audaciam promptis tenamini consurgere animis, et ad ejus repressionem omnimodam efficac studium operamque sollicitam impertiri, ut frænati hujusmodi perversis ausibus, Catholice fidei dignitas gloriosis proficiat incrementis; fraternitati vestræ per Apostolica scripta districte præcipiendo mandamus, quatenus super præmissis et singulis præmissorum per inhibitiones et pœnas spirituales et temporales, aliosque modos, de quibus expedire videritis, in prædicationibus vestris ex his et iis, et ad hoc temporibus congruis per vos vel alios exprimendos, studeatis juxta officii vestri debitum ita efficaciter, et sollicitè providere, ut morbus hujusmodi per adhibendæ medicinæ remedium computetur; vosque proinde aeterni Regis clementiam premium consequi valeatis, ac nos vestram curiosam solerteriam, et diligentiam vigilantem dignis in Domino laudibus attollamus. Quod autem in hac parte feceritis,

nobis per vestras litteras plenius intimetis. Dat. Rom. apud S. Sabinam XIV kal. Decembr. Pontific. nostri anno II, anno Domini mcccxxxv. Item :

« Oddo miseratione divina Tuscanus episcopus, Apostolicæ Sedis legatus, universis præsentibus magistris Judæorum et ad hoc vocatis, diffinitivam sententiam protulimus in hunc modum :

« Noverit universitas vestra, quod nos Parisiis anno Domini mcccxlvi, id. Maii super quibusdam libris Judæorum, qui Talmutz appellantur, presentibus magistris Judæorum et ad hoc vocatis, diffinitivam sententiam protulimus in hunc modum :
« In nomine Patris et Filii et Spiritus sancti Amen. Exhibitis auctoritate Apostolica a magistris Judæorum regni Franciæ quibusdam libris, qui Talmutz appellantur, quos inspeximus et per viros discretos et expertos in talibus, Deum timentes et zelum habentes fidei Christianæ fecimus inspicere diligenter : quia eos invenimus errores innumere abusiones, blasphemias et nefaria continere, quæ pudori referentibus et audientibus sunt horrore, in tantum quod prædicti libri secundum Deum sine fidei Christianæ injuria tolerari non possunt ; de consilio bonorum, quos ad hoc specialiter duximus evocandos, promittimus prædictos libros tolerandos non esse, nec magistris Judæorum restitui debere : et ipsos sententia-liter condemnamus. De aliis vero libris nobis non exhibitis a magistris Judæorum, licet a nobis super hoc pluries fuerint requisiti, vel etiam non inspectis, plenius cognoscemus loco et tempore, et faciemus quod fuerit faciendum ». Nomina autem illorum, de quorum consilio prædicta sententia lata fuit, sunt hæc : venerabilis pater Guillelmus Dei gratia Parisiensis episcopus, etc. quorum sigilla apposita sunt presentibus una cum nostro in testimonium hujus rei. « Dat. anno Domini mcccxlvi, mense Maii ». Subdit Joannes : « Dat. Avinionæ II non. Septembris, Pontificat. nostri anno IV ». Earundem porro Clementis, et Bonorii Pontificum, atque Oddonis cardinalis litterarum, quibus Talmutz Judæorum damnatum est, exemplum Tolosano archiepiscopo atque Parisiensi episcopo, Apostolico Joannis Diplomati insinuatum, transmissum fuisse, testatur Pontificum Regestum.

Sane omnes Thalmudicos libros exustos Parisiis S. Ludovici regis imperio, cum divina ultione percussus fuisset præcel regiorum consiliorum particeps, qui Judaico auro corruptus pium illud facinus retardarat, refert Cantipratensis¹ ; sed Judæorum improbitate Thalmudica impietas reputularat.

31. *Magica pestis damnata.* — Nec ad hanc modo, verum ad magicam excindendam navata est hoc anno opera : quippe censores fidei ampliore instructo auctoritate, ut in eos acerbè inquirerent, ostendunt episcopi Sabinensis litteræ², quarum exemplum subijcio :

« Frater Guillelmus, miseratione divina episcopus Sabinensis, religioso viro.. inquisitori hæreticæ pravitalis in partibus Circassensisibus, salutem in Domino sempiternam.

« Sanctissimus pater noster et dominus Joannes, divina providentia, papa XXII, optans ferventer maleficos inter fores gregis Dominici effugare de medio domus Dei, vult, ordinat, vobisque committit, quod auctoritate sua contra eos, qui demonibus immolant, vel ipsos odorant, aut homagium ipsis faciunt, dando eis in signum chartam scriptam, seu aliud quodcumque ; vel qui expressa pacta obligatoria faciunt cum eisdem, aut qui operantur vel operari procurant quæcumque imaginem vel quodcumque aliud ad demonem alligandum seu cum demonum invocatione ad quodcumque maleficium perpetrandum ; aut qui sacramento Baptismatis abutendo, imaginem de cera seu re alia lactam baptizant, sive faciunt baptizari, seu alias cum invocatione demonum ipsam fabricant quomodolibet, aut faciunt fabricari, aut si scienter Baptismum seu Ordo vel Confirmatio iteratur ; item de sortilegis et maleficis, qui sacramento Eucharistiæ, seu hostia consecrata, necnon et aliis sacramentis Ecclesiæ, seu ipsorum aliquo quoad eorum formatum vel materiam, utendo eis in suis sortilegiis seu maleficiis abutuntur, possitis inquirere, et alias procedere contra ipsos : modis tamen servatis, qui de procedendo cum prælati in facto hæresis vobis a canonibus sunt præfixi. Ipse namque dominus noster præfatus potestatem inquisitoribus datum a jure, quoad inquisitionis officium contra hæreticos ; necnon et privilegia ad præfatos casus omnes et singulos ex certa scientia ampliat et extendit, quoadunque duxerit revocandum. Nos ita præmissa omnia vobis significamus per has nostras patentes litteras de præfati domini nostri papæ speciali mandato, facto nobis ab ipso, oraculo vive vocis. Datum Avinionæ die xxii mensis Augusti anno Domini mcccxx, Pontificatus prædicti domini papæ anno IV ».

Incubere magno studio ad coercenda hæc magorum scelera Narbonensis archiepiscopus ejusque suffraganei, ac fidei censor. Nec tamen tot execrabilium errorum radices evellere potuerunt : quare evoluta post decennio Pontifex, « intellecto, ut ait, quod errores et abominaciones in eisdem litteris comprehensi in partibus illis, de quibus in litteris ipsis habetur mentio, adhuc vigent » ; Apostolico accensus zelo edita a præsulibus et inquisitore Acta judiciaria in magos, ad se transmitti jussit¹, ut ad rescandenda ea mala graviores curas adijceret. Hactenus de impietate excindenda e Galliis ; nunc reliqua ad hunc annum spectantia percurramus.

32. *Saracenis in Hispania invalescentibus Pontifex dissensiones ex Lusitania et Castella avertere conatur.* — Debilitata in Hispania ex accepta su-

¹ Cant. l. I. c. 3. — ² Ext. apud Jo. XXII. an. 15. p. 2, Ep. II.

¹ Jo. ubi sup.

periore anno a Granatensibus clade Christiana res fluctuabat, nec metus aberat Saracenos Africanos ea excitatos victoria magno agmine in illa regna irrupturos. Ad quorum antevertanda consilia propulsandosque conatus Pontifex operam dedit¹, ut classis validissima compararetur, quæ ipsos trajectu arceret. Attribuit itaque Dionysio regi Lusitanie triennalem decimam ex sexenniali in Viennensi Concilio indicta, in illius classis sumptus convertendam. Tum religiosorum equitum S. Jacobi, Alcantaræ, Calatravæ, et Hospitalariorum Ordines egregie instructas copias pro tutando ab excursibus barbarorum Christiano limite suis sumptibus alere jussit². Nec deerant officio Montesiæ equites, quos, flagitante Jacobo rege Aragonum, lineis in bello uti permisit³, ne bellicis laboribus succumberent.

Cum vero nostrorum discordiæ vires auferent barbarorum, convertit Joannes Apostolica studia, ut principes in concordiam adduceret. In Lusitania quidem adeo furor exarserat, ut necdum post plures annos odiorum flamma resincta esset. Petebat armis parentem Alfonsus, suspicatus Dionysium meditari sceptrum in Sanctium spurium transfundere; ac falsus rumor ipsius iras inflammabat, postulatum precibus a Pontifice, ut rem auctoritate Apostolica probaret. Cum vero ea fama longe a veritate abhorreret, publicis litteris Joannes surrorum artes damnavit⁴ contestatusque est nunquam alienas ab aequitate hujusmodi preces sibi porrectas esse, quo præferocem principis animum atque in nothum fratrem incensum mulceret.

33. « Joannes, etc. venerabilibus fratribus universis patriarchis, archiepiscopis, episcopis, etc.

« Nuper ad aures nostras multorum non contemnenda relatione perducto, quod nonnulli Beliali filii, hostes pacis, æmuli charitatis inter charissimum in Christo filium nostrum Dionysium regem Portugalliæ illustrem et dilectum filium magnificum virum Alfonsum ejus primogenitum, ac inter Alfonsum prædictum et dilectum filium nobilem virum Alfonsum Sanctii naturalem filium dicti regis zizaniorum semina falsis suggestionibus spargere satagebant, asserentes, quod rex præfatus nobis supplicaverat, ut dispensare cum eodem ejus naturali filio deberemus, quod non obstante defectu natalium successionem regni posset velut legitimus obtinere, quodque multa Alfonsus prædictus nobis scripserat contra ipsum, nostro præfato ingessit horrorem auditui, paternum amaricavit animum non indigne relatio supradicta. Quis enim absque amariatione recensere inter tanta necessitate conjunctos falsis præsumere inventionibus jura sanguinis violare? Quis animo non amaro consideret, quod quis unigenitum

filium provocet contra patrem, patrem dicimus utique sollicitum et attentum, ut in regno opulento et pacifico suum relinquat unigenitum successorem? Quis amare non ferat contra fratrem suum naturalem legitimum filium irritare?

« Profecto, fratres et filii, hæc sunt membro-rum sathanæ opera, qui odium diligunt, et charitatem execrantur ac pacem. Propter quod nos conatibus talium obviare volentes, cum vicarii ejus simus, licet immcriti, qui de sinu Patris descendit in mundum, ut perhibeat testimonium veritati, ut commissæ vicis officium exequamur; super præmissis in ejus conspectu, qui veritas est et vita, testimonium perhibemus, quod nunquam ex parte regis prædicti vel cujusvis alterius, scripto vel verbo, super dispensatione prædicta nobis extitit supplicatum; et si supplicatum per quosvis super hoc extitisset, ipsi profecto supplicationi abnuere, non annuere merito curassemus. De Alfonso Sanctii prædicto testimonium similiter perhibemus, quod nunquam nobis contra præfatum Alfonsum, seu contra quemvis alium ad nos vel alium, nobis scientibus, ejus litteræ pervenerunt. Imo nec pro se nec pro alio tenet nostra memoria, quod recepimus scripta sua, etc. » Hortatur ipsos, ut falsis ejusmodi rumoribus aversas aures præbeant, studioque omni potius et opera contendant, ut Alfonsus tanto patri obsequatur, vicissimque Dionysius filium paterno amore complectatur; Alfonsus vero Sanctius Alfonsum ut dominum colat, atque Alfonsus Lusitani sceptri heres illum ut fratrem debita benevolentia prosequatur; depulsaque omnis odii suspicione mutua pax et concordia reflorescat. « Dat. Avinione IV id. Septembris anno v ».

34. Plena turbarum etiam erat Castella¹ ob Joannis et Petri principum, impuberes Alfonsi tutorum mortem, proceribus fidei oblitis ad rerum fastigium annitentibus: cum enim reginæ imbecillitas, gravissimis regni curis impar, plerisque contemptui esset, Joanne Emmanuel remotior stirpe florens opibus regioque sanguine satius, regie procuratoris provinciam invasit injuria, ac maximos motus peperit: eoque discordia progressa, ut non provincie modo, sed etiam urbes factionibus scissæ magnos studio partium tumultus moverent. Cum Romanus Pontifex de calamitoso adeo rerum statu certior factus, Joannem Emmanuelem Apostolico zelo monuit, ut tutoris nomine abstinere; Compostellanoque et Toletano archiepiscopis, atque episcopis Burgensi provinciam dedit, ut ad sopiendas² inter principes dissensiones summum studium collocarent, Joannem³ Emmanuelem a cæptis abducerent.

« Venerabilibus fratribus Compostellano et Toletano archiepiscopis et episcopo Burgensi.

« Quanta dudum ambifosa cupiditas officii

¹ An. 4. p. 1. Ep. com. DCCXVIII. — ² An. 5. p. 1. Ep. cur. 411. — ³ An. 4. p. 1. Ep. com. DCXXXV. — ⁴ An. 5. p. 1. Ep. cur. 11.

¹ Jo. Marini. l. XV. c. 17. — ² An. 4. p. 1. Ep. com. CXXXVIII, CXXXIX. — ³ An. 5. p. 1. Ep. cur. XXXI.

utorie charissimi in Christo filii nostri Alfonsi regis Castellæ illustris regnis et terris ejusdem discriminosa pericula et periculosa discrimina suscitavit, quanta ipsis procurant dispendia, et graviora in posterum, nisi occurratur celeriter, commineatur, quantumque superbia Agarenorum temeritatem auxerit et corda fidelium depresserit et virtutem latere non credimus, cum in remotis partibus publica fama notior et in vicinis facti evidentia manifestet, quæ ipsis imputantur ambientibus non indigne. Propter quod dilectum filium nobilem virum Joannem Manuclum per alias nostras litteras rogandum duximus attentius et hortandum, in remissionem peccaminum suadentes eidem, ut præmissa et alia quæ sibi super hoc scribimus, deducens in scrutinio rationis, tutoris nomen, quod auctoritate (ne dicamus temeritate) propria dicitur assumpsisse, deponat; efficacem opem et operam impensurus, quomodo juxta morem patriæ de tutore seu tutoribus regi prædicto et regnis sufficientibus et idoneis valeat provideri, etc. » Confert ipsis auctoritatem provinciarumque, ut ad perrumpenda omnia contraria obstackula, quæ in submovendo Joanne a regia tutela sese opponunt, omnes collisiones fœderave etiam sacramento munia corroborataque rescindant, et quæ in ea regesserint, quamprimum Sedem Apostolicam doceant. « Datum Avinion. V non. Octobris anno v ».

35. Perstrictus ambitione Joannes Emmanuel monitis aures avertēbat¹ atque in dies dissensio majores inserebat calamitates: « Hinc », ut deplorat Hispanicarum rerum scriptor² « scelerum licentia, cædes, latrocinia, luctuosissima rerum facies: a potentioribus tenuiores opprimebantur, regia vectigalia donum avertēbant magistratus principesque, infame latrocinium, turpissimum peculatum; nullum erat genus mali, quod ea provincia non pateretur ». Ut his mederetur Christi vicarius, cui pupillorum ac viduarum cura incumbit, Guillelmum Sabinensem episcopum cardinalem A. S. L. summam pro fungendo eo munere rebusque componendis auctoritate instructum misit³ tum præcipue ut collisiones dissolveret⁴, injusta rescinderet sacramenta, tumultuantes comprimeret; censurisque Ecclesiasticis nobiles viros Castellam turbantes, ac sentientes cum iis populos percelleret.

« Joannes, etc., venerabili fratri Guillelmo episcopo Sabinensi A. S. L.

« Dum nuper de altitudine Apostolicæ specule agrum commissum nostræ custodiæ, quem meditaturi frequenter ingredimur, intentione sollicita spectaremus, ut eis, quibus major necessitas imminet, opportuna nostra ministerii remedia promptius præberemus, occurrit meditationibus nostris regnorum et terrarum Hispaniæ miseranda conditio, quæ nobis illatarum injuriarum memoriam replicans, et imminuentium peri-

culorum congeriem repræsentans, instanter Apostolicæ pietatis remedium in periculo tantorum discriminum interpellat. Dum enim in considerationis nostræ scrutinio recensemus, quod pacis hostis, quietis impatiens, et invidius charitatis dolorum machinamenta conglutinans, et fomenta discordiæ clandestinis intersereus, supplantator statui regnorum et terrarum ipsarum vulnera dolendæ corruptionis inflixit; illumque per tempestuosos guerrarum fluctus et turbines, dissensionibus undique suscitatis et scandalis deformavit, mediocris perferimus doloris in animo punctiones, fidelium animas per guerrarum commotionem hujusmodi perditionem legentes expositas, et corpora discrimini periclitari continuis multiplicatis facultatum dispendiis deplorantes ». Et infra, ubi exposuit Castellæ regem ob ætatis imbecillitatem tantos bellorum aestus sedare non posse: « Tibi, inquit, tam in Castellæ ac Legionis, quam aliis regnis et terris ejusdem regis vices nostras ac plenæ legationis officium, ut deformata reformes, indirecta dirigas et corrigas corrigenda, ac in eis, reddens populum acceptabilem Domino bonorum operum sectatorem, evellas et destruas, dissipas et disperdas et plantes, ac salvas in nomine Domini, prout gratiæ celestis infusio, luateque tibi providentia ministrabit, de fratrum prædictorum consilio tanquam pacis Angelum destinamus; tibi, ut in regnis et terris eisdem inter Ecclesiasticas secularesve personas, duces, principes, marchiones, barones et nobiles, communitates et universitates, ac populos et alios universos et singulos bonum pacis studeas reformare; et agere nihilominus et tractare quæcumque ad cultum Dei et Apostolicæ Sedis honorem, observantiam canonice sanctionis, redintegrationem Ecclesiasticæ libertatis, reformationem morum, honestatis cultum, revelationem Ecclesiarum, et pauperum animarum salutem et tranquillitatem corporum, ac robur status prosperi regnorum et terrarum ipsarum quomodolibet pertinebunt, etc. » Instruit ipsum auctoritate necessaria ad frangendam eorum audaciam, qui Pontificia imperia detrectarint. « Dat. Avin. VIII id. Novembris anno v ». Eodem argumento datæ litteræ¹ ad Castellæ et Legionis proceres aliosque dignitate, opibus, auctoritateque florentissimos, populos aliosque Ecclesiasticos, quibus præcipit, ut legatum debito honore exciperent, ejusque jussis obtemperarent. Inter eos vero tumultus nonnulli spargendarum impune hæreseon occasionem aucupati, liberius vomebant virus: in quos eorumque studiosos cardinalem legibus agere Pontifex jussit².

Quod vero ad Joannem Emmanuclum maximum barbarum auctorem spectat; cum iis in provinciam Granatensis regno finitimam contra reginæ Mariæ regis Alfonsi aviæ, ac procerum voluntatem abiisset, ac nova moliretur, Carpetaniam et

¹ An. 5. p. 1. Ep. com. CLXXXIX. — ² Marian, ubi sup. — ³ An. 5. 1. Ep. cur. XXXIV. — ⁴ Ibid. Ep. LXVII.

¹ Reg. post eand. Ep. — ² Ibid. Ep. XXXV.

eam Lusitaniae partem, cui Extremadurae nomen est, invasisse refert Joannes Mariana¹: quocirca Pontifex eundem principem monuit officii, ut tutoris nomen exueret, ac publicae paci consulere: Guillemo vero cardinali provinciam dedit², exaratis II non. Decemb. litteris, ut si princeps monitis ad munus, quod invaserat exendum flecti non posset, rescissis contrariis prerogativis, obiecto censurarum Ecclesiasticarum terrore, ad officium adduceret, omnesque coitiones ac foedera, quae revocandae concordiae obsisterent, auctoritate Apostolica convelleret. Apostolicum etiam studium adhibuit Joannes³, ut imminens bellum, quod in regis Balearium terris, in quibus nonnulli nobiles ipsi infensi amplissima praedia obtinebant, concitandum videbatur, discuteret, inducias semestres inter Anaticum Narbonensem comitem aliosque dissentientes indixit.

36. *Agitata controversia inter Robertum Brusium Scotiae, et Eduardum Angliae regem, usque ad pactas inducias.* — Jactabatur haec inter Scotico bello Anglia, et licet Pontifex incendii flammam omni opera restinguere esset conatus, incussisset censuras⁴, ac fieri sacra in Scotia vetuisset, indixisset etiam Apostolica auctoritate inducias, ut earum beneficio facilius concordia revocaretur; adeo tamen mutuo odio efferati erant animi, ut armis non abstinerent, ac praecipue Scoti praeteritis elati victoriis in Angliam facta irruptione late populationem inferrent: quos etiam hoc anno ad Eboracum infesto agmine excurrisse, ac Joannem e Britannia comitem Richemundiae cepisse, refert Walsingham⁵. Pontifex itaque cum antea nonnullos praesules ob violatum Ecclesiasticum interdictum, atque Robertum Brusium ob non servatas inducias factasque in Anglia populationes, templa eversa, direptave judicio postulasset, neque ii die constituta ad dicendam causam coram Sede Apostolica comparuissent; Pontifex S. Andreae, Dunelmensem, Arbordensem et Moraviensem ob perpetrata non rite divina, cum indictum sacrorum justitium fuisset, damnatos contumaciae defixit anathemate⁶; atque etiam in Robertum Brusium ob spreto toties imperia Apostolica sententiam subjecta forma verborum conceptam tulit⁷, in qua, recensitis patratibus ab eo in bello malis subdit:

« Dictus Robertus tantis excessibus contemptum contumaciae superaddens, per se vel per procuratorem idoneum comparare in eodem termino coram nobis, et postmodum expectatus diutius, non curavit. Propter quod ipsum de fratrurn nostrorum consilio reputamus et pronuntiamus, exigente justitia, contumacem et fore contra ipsum tanquam contra contumacem merito proceden-

dum. Ideoque cum eisdem fratribus deliberatione praehabita, primo tam ad ipsius Roberti convincendam malitiam, et contumaciam praegravandam in audientia nostra publica; quam etiam in consistorio in dictorum fratrum et aliorum adslantium praesentia, praemissis solemnibus tribus requisitionibus seu proclamationibus, si aliquis esset, qui pro dicto Roberto vellet, ut praemittitur, comparere, vel ejus in hac parte contumaciam excusare, vel pro ipso aliquid allegare; et cum nullus cum ipso procurator, vel excusator seu nuntius compareret, in eundem Robertum excommunicationis sententiam propter hujusmodi ipsius contumaciam manifestam, exigente justitia, de ipsorum fratrum consilio promulgavimus: ad poenas alias contra eum, prout et quando nobis et eisdem fratribus nostris expedire videbitur, processuri, etc. » Vetat quemvis ipsum anathemate nisi in urgente mortis discrimine absolvere. « Dat. Avinione XVI kal. Julii anno IV ».

37. Contulere¹ se ad Sedem Apostolicam proximo ab ea lata sententia tempore Roberti Brusii oratores, ut Pontificis ei animum conciliarent; ac propositis suae causae argumentis, petitaque si qua in re lapsi essent venia, flexere Joannem, ut censuras ad anni insequentis kal. Aprilis dissolveret, ut excurrente illius temporis spatio Anglos inter et Scotos pax componi posset, ad quam agitandam dies fuerat constituta. Significavit mox Pontifex Eduardo regi², archiepiscopo Cantuariensi³, episcopo Norwicensi⁴, pluribusque aliis praesulibus ac proceribus Anglis⁵, qua pacis studio in Robertum et Scotos in remittendis censuris clementia usus esset; tum etiam Roberto, quid ipsius oratores apud Sedem Apostolicam egissent, subjectis litteris exposuit⁶:

« Joannes, etc., dilecto filio Roberto, dicenti se regem Scotiae, et gerenti pro rege, spiritum consilii sanioris.

« Molestae ferre non debet tuae magnitudinis providentia, si te regem non asserimus Scotiae, cura hoc nobis consuetudo curiae, quae duobus de regno aliquo contendentibus, neutri adscribit regii dignitatem nominis, interdicat: nec tuum debet adeo turbare animum, quod propter hujusmodi omissionem nominis nostras recuses recipere litteras, et contenta in eis intelligere praetermittas. Nuper quidem dilecti filii Odoardus de Maubusone et Adam de Gordam milites, tui nuntii, ad nostram praesentiam venientes, litteras tuas nostro Apostolatu praesentarunt: quibus benigne receptis, et praefatis nuntiis audientia plene concessa, quae ipsi coram nobis ex parte tua proponere voluerunt, audivimus diligenter.

« Continebant autem inter caetera litterarum ipsorum series, quod Romani Pontifices praedeces-

¹ Marian. ubi sup. — ² An. 3. p. 4. Ep. com. CLXXIV. — ³ An. 4. p. 2. Ep. e. m. MCLXXVII. — ⁴ An. 4. p. 1. Ep. com. CCXXIII. CCCXIX. CCCXX. — ⁵ Walsing. in Lav. II. — ⁶ Tom. II. p. 3. Ep. secr. DLIII. — ⁷ Ibid. Ep. secr. DLIV. et an. 4. Ep. com. MXXI.

¹ Tom. II. p. 2. Ep. secr. CCCLXXXVIII. — ² Tom. II. p. 1. Ep. secr. CCCXCI. — ³ Ibid. Ep. CCCXCII. — ⁴ Reg. post eand. Ep. — ⁵ Ibid. Ep. CCCXC. — ⁶ Sup. Ep. secr. CCCLXXXVIII.

sores nostri Scotorum regnum tanto charitatis fervore dilexerant, quod regni ejusdem Ecclesiam nemini voverunt nisi Pontifici Rom. subesse : nec in hoc prædecessorum dilectio quieverat eorumdem ; sed regnum præfatum ac res ipsius multis decoraverant privilegiis libertatum. Ad eorum beneficiorum plenitudinem promerendam semper in votis gesseras et gerebas, sanctissimæ Sedi Apostolicæ in omnibus reverentiam exhibere ; in eadem subjuncto, quod super eo, quod citius ad nos tuos nequiveras nuntios propter impedimenta in eisdem expressa litteris destinare, nec invenire quos mitteres, excusatum habere tuam innocentiam dignaremur ; adjiciens in litteris supradictis, quod aliquorum, licet hoc nequaquam credere posses, nos contra magnitudinem tuam tibi que adherentes fore commotos, relatio asserbat : cujus commotionis causam scrutari non poteras, nisi forsitan illa esset occasio, quod litteras, quas sanctæ Romanæ Ecclesiæ cardinales ad partes ipsas transmissi tibi per ipsorum nuntios destinarent, absque procerum tuorum consilio aperire nolueras : nec ipsas postmodum, habito cum proceribus eisdem tractatu solemniter, de consensu omnium admittere nolueras cum effectu ; non quod mandatum nostrum contemneres, sed pro eo quod litteræ supradictæ titulum regium non habebant : quamvis dictos nuntios cum reverentia, qua decuit, admisisses ». Et intra :

« Postremo autem nobis per easdem litteras supplicasti, ut te regnumque tuum habere dignaremur paternæ pietatis auxilio commendatos : et si aliquid per nos contra te processum existeret, revocare de benignitate Sedis Apostolicæ dignaremur ; offerens te pariturum nostris beneplacitis et mandatis, prout dicti nuntii hic ex parte tua nobis plenius explicarunt. Ad hæc autem tuæ magnitudini breviter respondentes fatemur, quod Romani Pontifices prædecessores nostri illius plenitudine charitatis, quam in tuis litteris expressisti, erga Ecclesiam, regnum et reges Scotiæ, qui fuerunt pro tempore, ferbuerunt : quorum vestigia, nisi per te et ejusdem regni incolæ steterit, sequi intendimus, et abundantiori charitatis fervore prosequi, quam ipsi, regnum et ejusdem regni Ecclesiam fuerint persecuti, etc. »

38. Subdit merito se in ipsum commotum, cum non modo litteras, quibus ad inducias sollicitabatur, ipse excipere respuisset ; verum ejus milites virtum religiosum illas legatorum Apostolicorum jussu deferentem expoliassent : non debere ipsum moveri, si regio nomine ornatus non fuisset in hujusmodi litteris, cum Romanorum Pontificum consuetudo id non ferret. Quod ad relaxandas incussas sententias attinet ; respondet Roberto Pontifex, cum cardinales illas induciarum violatoribus inflixissent, ipse vero easdem inducias infregisset, censuris se devinxisse, ac jure Scotiam sacris interdictam ; ipsum vero iis contemptis divina celebrari jussisse : ac licet exerceri in eum

quæstio debuisset, fuisse tamen ipsi ad dicendam causam diem indictam : in qua cum non apparuisset, ex cardinalium consilio fidelium consortio abactum, ac Scotiam interdicto Ecclesiastico peremptam fuisse : tum nonnullis cardinalibus quæstionis in ipsum exercendæ provinciam impositam ; deinde adjicit :

« Verum quia præfati nuntii ad petendum relaxationem sententiarum hujusmodi, et alia faciendum, quæ natura negotii requirebat, mandatum aliquod non habebant, ad relaxationem prædictam procedi de jure non poterat nec debebat : propterea nuntii memorati nobis iterata precum instantia supplicarunt, ut processum et inquisitionem hujusmodi jam inceptam suspendere, et publicationem et aggravationem sententiarum ipsarum usque ad kalendas Aprilis proxime venturas supersedere de benignitate Apostolica dignaremur. Nos igitur intendentes, ut mansuetudinem dictæ Sedis tibi reperias propitiam et benignam, de fratrum nostrorum consilio supplicationi prædictæ de speciali gratia duximus annuendum, etc. » Addit magna se letitia perfusum, diem ad pacem ipsum inter et Eduardum conciliandam fuisse constitutam, atque Angliæ regem litteris ad eam firmandam adhortatum esse. « Dat. Avinionæ XVII kal. Septembris anno quarto ».

39. De missis ad Pontificem a Roberto Brusio oratoribus meminit Hector Boetius¹, qui geminam legationem, alteram ad Pontificem, alteram ad Francorum regem decretam ait, atque oratores e sententia apud Pontificem provinciam confecisse : firmasse etiam cum Gallis vetera fœdera, quibus ad utrumque regnum confirmandum illud adjunctum refert : « Ad antiquas fœderis leges cum Gallis id additum, si alterutrius regis soboles deficeret, nec regni certus constaret haeres, tum per primores illi regni arbitros discuteretur ; et non solum quemque non declaratum regem regnum occupare non permetteret, sed summa vi, si esset opus, præsentia etiam sua prohiberet : declaratum vero non minus defenderet, quam non declarato obsistendum esset. Quæ ut apud posteros etiam rata essent, sumpto sacrosancto Christi corpore jurejurando ea utrinque confirmarunt, et a Pontifice probanda curaverunt ». Addit auctor, restinctum ex eo tempore Scotos inter et Anglos bellum, ac utrumque principem præliis magis fessum, quam rebus pacatis, armis quievisse. Verum cum e litteris Pontificis diem ad tractandam pacem constitutam viderimus, ac seditum bellum testetur auctor, initum aliquod concordiæ genus videtur.

40. Extant quidem eo argumento ad Eduardum², tum ad Robertum Brusium³ IV kal. Aug. Pontificatus anno IV, hortatoriæ ad concordiam litteræ, quibus apud Robertum, si regium nomen

¹ Boet. I. XIV. — ² Tom. II. p. 1. Ep. secr. CCCLXXXVI. — ³ Ibid. Ep. CCCLXXXVII et Ep. CDXLIV.

ipsi non adscriberet, se excusavit. At Robertus nullam se pacis mentionem admissurum professus est, nisi regio nomine ornaretur: et ne litteras quidem Pontificis, si eum titulum non adscriberet, excipere dignatus. Neque in dubium revocandum Robertum, Oddonis et Maladino opera, cui liberi commeatu syngrapha X kal. Octobris hujus anni, ut ad Sedem Apostolicam accederet, data est¹, rem vehementissime ursisse: adeo ut Joannes, cum suam auctoritatem cludi intueretur, nec Pontificias litteras admitti in Scotia, nisi nomen regium Robertum deferret, concordie studio in litteris regium titulum XII kal. Novembris adscript², professus se ea appellatione Eduardi juribus, quæ in Scotiam obtineret, non deträhre.

« Joannes etc. charissimo in Christo filio Roberto regi Scotiæ illustri.

« Licet nobis non esset incognitum, quod per talem denominationem (regiam scilicet) nec poterat juri dicti regis Angliæ deträhri, prout habet Constitutio felcis recordationis Clementis papæ V prædecessoris nostri super hoc edita, cujus copiam tibi sub Bulla nostra transmittimus; ne tamen saltem quantum ad vulgi labia, videretur per denominationem eandem aliquam in jus dicti regis impingere, dissensionis inter te et regem ipsum super regno Scotiæ pendente negotio, aut Romanæ matris Ecclesiæ, quæ suos processus, et actus in slatera æquitatis appendens, inter dissidentes nihil immutare cum alterutrius præjudicio consuevit laudabili observantia derogare; ipsius jam dictæ denominationis titulum tunc de fratrum nostrorum consilio consulte providimus sublicendum. Nunc vero vulgari murmuri postponentes veritatis essentiam, et ipsius Ecclesiæ servare morem in tui scandalum non curantes, tibi per præsentem sub intitulatione regia scribimus, ut per hujusmodi nostræ benignitatis amabilem condescensum ad condescendum nobis in iis, quæ placita sunt Regi pacifico, tuisque fructuosa compendiis, tum facilius animum inclinemus, etc. Dat. Avin. XII kal. Novembris ».

41. Transmisit³ alias eodem argumento litteras ad Robertum ipsum, quibus Clementis V Constitutionem illam inseruit, quæ cautum erat, Romanum Pontificem non censendum cuiquam regiam dignitatem confirmare, quamvis vel litteris id nomen adscribat, vel alia quavis ratione ut regem pertractet.

« Charissimo in Christo filio Roberto regi Scotiæ illustri.

« Ne tuam celsitudinem lateat Constitutio, quam felcis recordationis Clemens papa V prædecessor noster super hoc edidit, quod Romanus Pontifex aliquem sub titulo cujuslibet dignitatis, ex certa etiam scientia, verbo, constitutione vel litteris nominando, per hoc eum in illa dignitate

non intelligitur approbare, aut quidquam eidem tribuere novi juris: præsentibus inseri justissimum Constitutionis prædictæ tenorem, qui talis est: Si summus Pontifex scienter etiam eum excommunicato participet litteris vel osculo, seu alio quovis modo, ipsum per hoc absolvere nulla ratione censetur, nisi se velle forsitan exprimat illum ex hoc pro absoluto haberi. Similiter quoque si quem sub titulo cujuslibet dignitatis, ex certa etiam scientia, verbo, constitutione vel litteris nominet, honoret, seu quovis alio modo tractet, per hoc in dignitate illa ipsum approbare non intelligitur, aut quidquam ei tribuere novi juris ». His ex Clemente repetitis, Joannes Diploma suum illa consignat: « Dat. Avin. VI kal. Novembris ».

42. Mulcere vero Eduardum studuit⁴ ut æqui bonique acciperet, si Robertum pacis studio regio nomine cohonestaret: nec sui consilii esse ipsius juribus quidquam deträhre; seu cum rerum necessitas exposceret, in eam demum sententiam descendisse: assentiretur itaque optimo consilio, nec se aliquorum inanibus verbis subornari patetur.

« Joannes, etc. Eduardo regi Angliæ illustri.

« Ad nos est insinuatione fidelis perductum, quod dilectus filius magnificus vir Robertus de Brus, regnum Scotiæ nunc gubernans, tantam concupit materiam scandali pro eo, quod in litteris per reformanda inter te et ipsum desiderata concordia sibi missis non scripsimus eidem ut regi, quod litteras ipsas, quasi sibi non essent directæ, nedum recipere noluit; quin etiam cum dilectis filiis nostris Gaucelino tit. SS. Marcellini et Petri presbytero et Luca S. Mariæ in Via Lata diacono cardinalibus A. S. N. pro ipsius reformatione concordie destinatis, inire tractatum hactenus recusavit: per quod executio tanti boni contra desiderii nostri votum non tam posset dispendium morosæ dilationis incurrere; quam totalis, quod absit, periculum impedimenti subire.

« Quia igitur, sicut patet per Constitutionem felcis recordationis Clementis papæ V prædecessoris nostri super hoc editam, cujus copiam fecimus præsentibus intercludi, per intitulationem hujusmodi non intelligitur alterutrius accrescere juri vel deträhri, cum nec cognitionaliter imponatur, nec id habeat intentio nominantis; videtur nobis expediens, ut per id ceptum negotium, Deo auctore, desideratos fructus sortiatur et celeres, quod eidem Roberto sub regni tituli descriptione scribamus. Unde super ipso negotio dicto Roberto nostras cum regia denominatione diriginus litteras per nuntios ipsos sibi, de tua tamen conventia, præsentandas; excellentiam regiam affectuose rogantes, tibi que consulentes nihilominus bona fide, quatenus nostram rectam et puram intentionem attendens, eamque tuo prudenti consilio et spiritu quieto discuties, eidem salubriter

¹ An. 5, p. 1. Ep. com. XVIII. — ² Tom. II, p. 1. Ep. sec. CDIV.

³ Ibid. Ep. secr. CDXLV.

⁴ Tom. II, p. 1. Ep. CCCXCVII.

te conformare procures, non impediturus quominus per nuntios ipsos nostros pro tanti negotii consummatione, Domino disponente, felici litteræ prædictæ ipsi Roberto sub denominatione regia, quæ tibi, ut præfertur, proficere, non officere poterit, præsententur. Nec in his contrarium forte suggerentibus acquiescas, sed rectum sequendo iudicium, vulgi murmuri veritatis essentiam anteponas. Dat. Avin. XII kal. Novembris ».

Delato itaque Roberto Brusio regio nomine, adjecta ea contestatione, Pontifex biennales inducias inter Angliæ et Scotiæ reges indixit ¹, eo loquendi genere usus, cum ante ² inter Eduardum regem Angliæ et Robertum regentem regnum Scotiæ, vel gerentem ³ se pro rege Scotiæ, dicere consuevisset. Eaque appellatione contentus Robertus, qui inducias a Pontifice indictas litteris, quibus regio nomine decoratus non fuerat, violarat ⁴ has demum servavit, ut ex Boethii paulo superius dictis colligitur : ac demum Angliæ crudelissimo bello jactata conquievit. Ferunt ⁵ tamen excitare, sed irritò conatu, novas in eo regno turbas meditatum nebulonem, qui se verum Eduardi senioris regis filium jactare ausus, Eduardum partum supposititium esse deblaterabat : at a regis administris comprehensum laqueo esse præfocatum. Cæterum Eduardum hoc anno mille marcharum censum ab Angliæ et Hiberniæ regna Sedis Apostolicæ beneficio obtenta Pontificio ærario intulisse, Joannis syngrapha de eo accepto VI kal. Junii hujus anni exaratum docet ⁶.

43. *B. Thomas episcopus Herefordensis sanctorum Catalogo adjectus.* — Collustrata hoc anno est novo splendore gloriæ Anglia adjecto solemnî ritu a Pontifice sanctorum Catalogo Thoma episcopo Herefordensi, de quo a nobis jam ante actum est ⁷ et insignia sanctitatis argumenta ab Harpsfeldio referuntur ⁸. « Illum, inquit, crebra et paucis annis ad centum sexaginta tria post obitum miracula mirifice orbi commendavit ». De eodem hæc Bernardus scribit ⁹ : « Anno Domini mcccxx. XV kal. Maii apud Avinionem canonizavit, et sanctorum confessorum Catalogo annotavit cum solemnitate in hujusmodi consueta, S. Thomam episcopum Herefordensem a transitu ejus anno xxxviii, qui fuit vir nobilis genere, nobiliorque vita et moribus : præditus scientia et doctrina, doctor in decretis, et magister in theologica facultate. Cujus præclara et ingentia merita, ingens fama virtutum tam præcedentium, quam sequentium miraculorum longe lateque declarat; non solum in beneficiis et remediis sanitarum, verum etiam pluribus mortuis ejus meritis suscitatis, in quibus mirificavit Dominus sanctum suum, et co-

lendum exhibuit universis ». Extant in eam sententiam in Regesto Pontificio litteræ ¹ quæ etiam in Bullario typis mandatæ sunt, in quibus Pontifex nonnulla ad divinæ majestatis providentiæque in sanctos commendationem præfatus, sanctissimi episcopi virtutes his verbis in luce collocat :

44. « Sane beatus hic Thomas natione Anglicus, angelicus homo ipse de parentibus nobilibus et Catholicis originem suam trahens, ab ætate primæva morum honestate præclarus, studiis litterarum sic se dedicavit totaliter, sic in ipsis sollicitè studuit et profecit, quod tam in humanis scientiis, quam etiam in divina honorem magistrarii est adeptus : postque doctrinæ suæ radios longe lateque diffundens, quamplures ad justitiam erudit, velut luminare in mundo præfulgidum continens verbum vite. Ne autem terrenæ carnis inhabitatio deprimeret secum sensum cœlestia cogitantem, ipsam ut serviret spiritui, vigiliis et abstinentiis, necnon pungenti cilicio, seu cibi et potus parcimonia continua macerabat; abstinens a vino sæpius, sciens quod in ipso lubricum laetæ carnis. Sciens etiam, quod Deus se promittit in objectum et præmium mundis corde, a juventute sua castitatis pulchritudinem adamavit; proptereaque mulierum consortia, quæ pretiosam viri animam rapiunt, ac ipsarum blanda colloquia prudentissime devitabat : noverat namque, quod propter mulieris speciem, a qua factum est peccati initium, multi perierunt.

45. « Iste sanctus etiam ut alter Job simplex, rectus ac timens Deum, a Christo didicit esse mansuetus, mitis, corde humilis et benignus. Misericordia nihilominus, quæ ab infantia secum crevit, erga pauperes et afflictos suæ pietatis viscera sic affecit, quod ipse verus pauper, spiritu dives, rebus illos largis sustentabat eleemosynis, istos vero crebris consolationibus refovebat : cum Apostolo namque Paulo infirmabatur cum infirmantibus, et cum patientibus scandalum urebatur. Hic demum sanctus de innocente agno factus in Herefordiensi Ecclesia bonus pastor, seipso in mente major effectus est, studens semper de virtute progredi in virtutem. Quo in tempore in Dei templo in virtutum culmine positus sic effulsit, quod merito gemma præsulum dici posset. Orationi vero insistebat assidue, ac sui fervorem spiritus demonstrabant in orationibus et celebratione missæ abundanter ex oculis lacrymæ defluentes. Commisissas vero sibi oves perducebat ad pascua, et a lupis protectas rapacibus, pastasque verbo et exemplo pariter ad Christi caulas sedule reducebat. Jura vero suæ Ecclesiæ defendebat indutus justitia ut lorica : paratus namque pro sibi commissio grege animam ponere, non timuit in hoc principem, nec magnatem.

« Et quia dignum erat quod huic tam excellenti merito daretur æterna requies post laborem,

¹ Ep. secr. cccxciv. — ² Ep. cdxlii. — ³ An. 5. p. 1. Ep. com. lx. — ⁴ Tom II. Ep. secr. cccxcv. — ⁵ Walsing. in Eduard. II. — ⁶ An. 4. Ep. com. lxxxviii. — ⁷ An. Chr. 1287. num. 16. — ⁸ Harpsfeld. Hist. Angl. Eccl. 13. sec. c. 21. — ⁹ Bern. Chr. Rom. Pont. et Ms. bibl. Vat. sign. num. 3765. in Jo. XXI. Ptol. Luc. in Hist. Eccl. Ms. l. xxiv. c. 42 et alii.

¹ An. 4. p. 1. Ep. com. mii. et Bullar. in Jo. XXII. Const. vii.

cum pro suæ causis Ecclesiæ ad Romanam pervenisset curiam, diem clausit extremum, receptis devote prius Ecclesiæ sacramentis. Sicque vir felix iste, ad Deum transmittendo spiritum, de peregrino et advena factus est eximius cæli civis : et quod decebat multum divinam potentiam majestatis, ut sanctum hunc in cælis regnare secum per signorum evidentiam fidelibus declararet, ipsum coruscare in terris miraculis multis fecit : quorum quædam fidelibus probata testimoniis ad Dei laudem et gloriam sancti hujus duximus inserenda ».

46. Adducit plura prodigia S. Thomæ episcopi suffragiis divinitus patrata, quinque pueros variis mortis generibus extinctos ad vitam revocatos, variis morbis implicitis valetudine donatos, contractis membrorum liberiores usum, cæcis oculorum lumen, gibbosis rectam corporis formam restitutam. Quorum admiratione perstrictus Pontifex in has voces erumpit : « Illi sunt sancti tui, omnipotens Deus, qui tuo dono gratia semper vivant, rubent ut rosa, cadent sicut lilium, ut mel placent : currunt ut spiritus, fragrant ut balsamum, ut sol fulgent. Sic clemens Deus sanctum suum Thomam glorificans fidem firmat, nubilosos errores dissipat et confundit : ad superna nostros rapit affectus, amoris Bammis succendit frigida corda nostra, etc. » Excitat cœlestes spiritus ab omni humana contagione segregatos, hominesque, ac præcipue Herefordensem Ecclesiam, tanto illustratam pastore, ad divinas laudes concinendas :isque miraculis viteque sanctitatis exemplis impulsam se ait e purpuratorum patrum consilio sanctorum honores Thomæ Herefordensi decrevisse, atque universos fideles ad ejus recolendam memoriam his verbis accendit : « Universalitatem vestram monemus et hortamur attente per Apostolica vobis scripta mandantes, quatenus VI non. Octobris festum confessoris ejusdem devote et solemniter celebretis, ut pia ejus intercessione et hic a noxiis protegi, et in futuro sempiterna gaudia consequi valeatis, etc. » Nonnulla indulgentiarum premia sepulchrum recurrente quottannis ipsius festo atque octo diebus ab eo evolutis adventibus proponit. « Dat. Avin. XII kal. Maii, Pontificatus nostri anno IV ». Hactenus de Occidentalibus rebus : jam Orientales perstringamus.

47. *Genuenses et reges Cypri et Armeniæ ad pacem adducere nititur Pontifex.* — Nondum sopita erat inter Genuenses et Henricum Cypri re-

gem vetus controversia : quæ cum jam ante in bellum erumperet, Pontifex Genuenses eosdem a paranda classe abduxerat, et Cyprius illata damna compensare atque judicio Sedis Apost. stare spoponderat. Sed cum difficilem provinciam suscipere Joannes detrectaret, nonnullas concordiæ leges, intentata obmilentibus censurarum religione, indixerat; denique a republica Genuensi Nicolino Flisco, cui nomen cardinalis erat, et Petro Grillo ad rem componendam in Cyprum missis, Joannes Henricum regem monuit ¹, ut Genuenses antea Apostolicis imperiis obsequentes fuissent, modo ipse præscriptas leges impleret, quas si infringeret, opere se ac studio Genuensibus non defuturum. Neque Cyprum modo a Genuensi, verum etiam Armenico bello liberare studuit Pontifex ², imposita Genuensium oratoribus provincia, ut pacem inter Henricum ipsum Cypri et Ossinium Armeniæ reges, inter quos indixerat inducias ³, redintegrarent : utque principes ad pacem flecteret, Apostolicis litteris XII kal. Junii datis rei Christianæ, quam in periculum adducebant, consulere jussit.

Excessit porro e vivis eo tempore Ossinius (1), sceptrumque Armeniæ Leoni transmisit, ut ex Pontificiis litteris ⁴ X kal. Octobris hoc anno exaratis colligitur, quibus significatur, Morisium e Panaco Hospitalarium equitem nonnullas terras Armeniæ adversus Saracenorum excursions defendendas repetere, quæ olim Hospitalariis ab Ossinio rege attributæ fuerant; egregiamque illum operam adversus barbaros navaturum. Injunxerat antea eidem Morisio atque Petro e Junilhaco Nicosiensi canonico partes Joannes, ut inter Ossinium et Henricum reges inducias, de quibus illatus paulo ante sermo est, Pontificia auctoritate promulgarent : sed cum defuncto Ossinio mutata rerum facies esset, repetitis litteris Junilhaco munus tradidit ⁵, ut inter Leonem atque Henricum easdem renovaret.

48. « Cum, inquit, te dictumque fratrem Morisium ad partes illas pervenire postmodum contigisset, tu et ipse treugas inter reges eosdem, sicut per litteras tuas accepisse meminimus, prædicti duraturas temporis spatium indixistis. Verum quia posset forte contingere, quod idem rex Cypri cum

¹ An. 4. p. 1. Ep. com. DCCXXVII. — ² Ibid. Ep. DCCXXV et post eand. Ep. — ³ An. 5. p. 1. Ep. com. CCIV. — ⁴ Ibid. Ep. cur. cviii. — ⁵ Ibid. Ep. com. CCIV.

1. Quo mense, et die Ossinus seu Osius Armenorum rex obiecit incertum est. Annum hunc emortualem ejusdem regis recte assignat annalista. Neque enim ante hunc annum obisse potuit, cum hoc ipso anno, Augusto mense incunte, die festa Transfigurationis Jesu Christi idem rex interfuerit Concilio nationali Admensi, in quo Armenorum episcopi cum Constantinensi eorum Catholico coeuntes fidem Romanam se per omnia tenere et defendi sunt. Concilium istud viderat Galanus Concil., Eccles. Armenor. tom. 3. cap. 29, et ex eo in novam Conciliorum editionem Veneto-Labianam transit. Proferunt in eo Patres probare se Romanam fidem in his, quæ ad geminas in Christo naturas ad receptionem Chalcedonensis concilii, adunctionem aque cum vino in Calice consecrationis, ad celebrationem testorum Natalis e. Ta usum Domini pertinere. Est autem Concilium hoc secundum, in quo Armenorum errores in Manasgardensi Concilio asserti damnantur. Proxi enim Concilio Manasgardensi oppositum fuit Sicense a Gregorio Catholico anno MCCXXVI celebratum. Ex his autem constat Oscium regem vigente hoc anno obisse; et quidem non diu post Concilium hujus celebrationem, ut colligitur ex litteris Pontificiis hujus anni ab annalista hic recitatis, quæ date sunt kal. Octobris, assumpti jam in regem Armenorum Leone Ossini filio et successore.

charissimo in Christo filio nostro Leone rege Armenie illustri, qui Ossinio prefato in Armenie regno succedit, et e converso idem Leo cum dicto rege Cypr treugas nollet observare predictas; nosque nolentes ab incæptis desistere, quin potius tantis periculis, opportunos remediis occurrere cupientes: discretioni tue Apostolica scripta mandamus, quatenus prefatos reges ad observationem treugarum ipsarum ex parte nostra congruæ persuasionis instantia solerter inducas, et efficaciter exhorteris. Quod si hujusmodi tuis inductionibus et exhortationibus acquiescere forsitan non curent, tu inter eosdem reges et regna, terras, homines et subditos eorundem, pro tempore, de quo tue discretioni videbitur, treugas, non tamen propter hoc a dictæ pacis desistendo tractatu, indicare non omittas, faciens eas per idem tempus ab eisdem regibus, regnis, hominibus et subditis per excommunicationis in personas; et regna, terras et loca ipsorum interdicti sententias, ac publicationem et aggravationem ipsarum firmiter observare treugas ipsas; regibus memoratis et alias in locis, de quibus videris expedire, per te vel per alium, seu alios solemniter publicando, etc. Dat. Avin. X kal. Octob. anno quinto». Imperia dedit aliis litteris¹ ut censuras Ecclesiasticas iis inculceret, qui merces velitis a Cypro soldani Ægyptii terris invehent: ipsorum bona publico fisco addiceret; atque illorum commercio et usu familiari reliquos fideles interdicere. Neopatrensi vero archiepiscopo provinciam dedit², ut ad Cephalonie comitem, qui ad Græcorum schisma defecerat, ad Latinum ritum revocandum operam deligeret.

49. *Creatio cardinalium.* — Celebrata exeunte anno est tertia septem Gallorum cardinalium, nimirum sex presbyterorum et unius diaconi, creatio a Joanne, de qua meminit Bernardus his verbis³: «Anno Domini mcccxx. XIV kal. Januarii, feria vi, in jejuniis Quatuor Temporum in Adventu, dominus papa fecit ordinationem unam septem cardinalium, quos assumpsit: quibus postmodum singulis singulos titulos assignavit, videlicet dominum Reginaldum Laporta de Alassaco Lemovicensis diocesis archiepiscopum Bituricensem, cui datus est titulus presbyteri cardinalis SS. Nerei et Achillei: dominum fratrem Beraudum de Gana-bolico diocesis Caturcensis de Ordine fratrum Minorum et magistrum in theologia archiepiscopum Salernitanum, cui datus est titulus presbyteri cardinalis S. Vitalis: dominum Petrum de Prato diocesis Caturcensis archiepiscopum Aquensem, cui datus est titulus presbyteri cardinalis S. Potentianæ, dominum Simonem de Archiaci diocesis Nantoniensis electum Viennensem, cui datus est tit. presbyteri cardinalis S. Priscæ: dominum Pium fortem de Rapistagno de S. Georgio prope Tarnum diocesis Albiensis episcopum Rivensem,

cui datus est titulus presbyteri cardinalis S. Anastasie: dominum Petrum Textoris de S. Antonino diocesis Caturcensis vicecancellarium curie Romanæ, cui datus est tit. presbyteri cardinalis S. Stephani in Cælio-Monte: dominum Raimundum Rufi de Caturco civitate, cui datus est tit. diaconi cardinalis S. Marie in Cosmedina».

50. *Ordinis montis Olivetani initia.* — Conditus est per hæc tempora novus religiosorum virorum Ordo, cui Montis Oliveti nomen est, auctore B. Bernardo Senensi, de cujus instituta sacra disciplina hæc Ferrarius narrat¹: «Bernardus, ante Joannes, Senis ex nobili Ptolemaea familia natus, a prima ætate litteris humanioribus, demde legibus operam dedit; quas et publice, factus doctor, summa cum laude est interpretatus. Cum autem publicam habiturus disputationem in gravem oculorum ægritudinem incidisset, sanctissimam Virginem precatus est, ut si sibi lumen et pristinam oculorum sanitatem restitueret, se suo famulatui, relicto sæculo, perpetuo addicendum. Qui mox compos voti factus, loco lectionis disputationisque gravem habitus de sæculi hujus contemptu concionem in maxima auditorum, quibus quæ sibi accidisset narravit, frequentia. Nec mora, promissionis suæ memor, rudi amictu indutus, urbeque egressus, se in montem Olivetum apud montem Heinum contulit, quem Patricius ex Patricia familia et Ambrosius Piccolomineus, ambo nobiles Senenses, eodem proposito secuti sunt. Ibi ædificula cellulisque extractis, Ordinis fundamenta jecit, facultatibus suis ei datis; asperamque cæpit in jejuniis, vigiliis et orationibus vitam ducere: vitiligine inter orandum scalam ad celos usque pertingentem, Angelosque descendentes monachos albi vestitus per scalam ad ipsum Angelorum Regem ejusque gentitricem candido amictu fulgentes deducere conspexit.

«Cum autem multi in dies ad eum discipuli confluerent, ecce sanctos viros temuli quidam quasi hæreticos apud Joannes XXII Pontificem maximum, Avinione agentem, deferunt, qui eos ad se extemplo accersivit. Cum vero Pontifex ab iis, quos Bernardus miserat, omnem vitæ eorum rationem intellexisset, illos tanquam innocentes ad Guidonem episcopum Aretinum, in cujus diocesi erat locus, qui eis regulam præscriberet approbareturque sodalitatem, remisit. Episcopus itaque, cum sibi sanctissima Deipara in somnis albis induta vestibus apparuisset, recentemque congregationem commendasset, illos inter missarum solemniam in Ecclesia cathedrali, habitu candido solemnium adlubita benedictione, die xxi Martii anno salutis mcccxx induit, eisque D. Benedicti abbatis regulam servandam præscripsit, congregationique S. Mariæ Montis-Olivet, et Joannis Bernardi nomen indidit, etc.» Hi quidem religiosi viri ad maximas virtutes effluere: Guido autem in ty-

¹ An. 5. p. 1. Ep. CVII. — ² Ibid. Ep. cur. LXXI. — ³ Ber. Chr. Rom. Pont.

¹ Ferrar. Cat. sanct. Ital. die XX Aug. ex Chron. Olivetan.

rannum impium descendit; qui tamen in extremo mortis discrimine scelerum penitusse fertur, de quo agetur infernis. Cæterum novi hujusce Ordinis originem refert ad superiora tempora Ms¹. Vaticanum his verbis: « Anno eodem, (nimirum MCCXVI), in Italia, in comitatu Senensi et diocesi Aretina, cæpit Ordo Montis-Olivetii sub regula S. Benedicti per Bernardum de Ptolemæis et duos socios Senenses ».

51. *Templum B. M. V. excitatum in miraculi memoriam Avenione.* — Editum hoc anno circiter ingens miraculum Avenione implorata Virginis ope memorati Ms. auctor refert his verbis: « Anno MCCXX vel circa, Avenione, duobus pro crimine sodomie commisso uno sene et alio juvene ignis incendio adjudicatis, eisque ad columnam ligatis et accensis, minor ille ad invocationem B. Mariæ Virginis, sene cremato, illæsus exivit; unde dictus dominus papa capellam in eodem loco construi fecit, et dotavit pro perpetuis capellanis: quam capellam de miraculis intitulavit ». Confirmant auctoris dicta Pontificie litteræ² de condito sacello juxta Avenionem in loco, cui Bestel nomen est, in quo beatissima Virgo ingens miraculum patrasse, multis illud spectantibus, ferebatur. Celebre etiam erat in Nemausensi agro templum Deiparæ sa-

crum, cui a Valle-Viridi nomen erat, illudque adituri indulgentiarum præmia fuerunt proposita a Joanne: qui hac panegyri pietatem in Virginem commendat¹:

« Joannes, etc. Regina cælorum sedens a dextris virtutis Altissimi ornata monilibus, et omnium virtutum floribus insignita virgo Dei genitrix gloriosa, quæ utique sicut cedrus in Libano exaltata, et sicut cinnamomum et balsamum aromatizans suavitatem odoris, excelsa supra sidera laudis singularis præconio beata ab omnibus generationibus prædicatur, alium in mundo germen florem pretiosissimum, inmarcescibilem et æternum Dominum Jesum Christum humani generis redemptorem ineffabili sancti Spiritus cooperatione produxit, januam cæli aperiens et per-euntes vitam reddens. Hæc igitur regina misericordiæ et spes nostra, ad quam recurrunt continue exules filii Evæ in hac valle miseriæ constituti, ubique locorum pro redemptis pretioso sanguine Jesu Christi ad ipsam clamantibus non desinit ferre suffragia, et piæ intercessionis instantia a splendore gloriæ Patris æterni gratiam impetrare; ob cujus reverentiam Virginis vocabulo insignita sunt veneranda, etc. Dat. Avin. VII kal. Jul. anno IV ».

¹ Ms. libt. Vat. sign. num. 3763 in Jo. XII — ² Tom. VIII, p. 1. Ep. secr. pag. 177.

¹ Joan. an. 4. Ep. CCCCLIII.

JOANNIS XXII ANNUS 6. — CHRISTI 1321.

4. *Tartarorum principibus ad fidem conversis gratulatur Pontifex et fidei propagandæ studet.* — Anno a partu Virginis millesimo trecentesimo vigesimo primo, Indictione quarta, efflorescente¹ apud Tartaros religione Christiana, quam Abuscanus Cosogani Aquilonaris Tartariæ regis filius Hieronymi Caphensis episcopi opera amplexus erat, Romanus Pontifex, cum jam Hieronymus postquam propagandæ latius apud infideles fidei consilia cum sacro Ecclesiæ senatu contulisset, reditum ornaret, datis ad Abuscanum litteris, plorum ipsum cæcui, exultis erroribus veteribus, se aggregasse gratula-

tus est¹, utque ad subditos ad Evangelii lucem e superstitionis tenebris evocandos operam studiumque deligeret, est adhortatus: e tanto enim opere immortale decus ab ipso collectum iri.

« Joannes, etc. dilecto filio nobili viro Abuscano nato claræ memoriæ Cosogani regis in partibus Tartariæ.

« Considera, quæsumus, fili, opus clementissime pietatis, quod in te dignatus est Dominus misericorditer operari de sua inaccessibili luce, ne transirent dies tui et non videres bonum, nec excluderis a desiderio collium æternorum, illuminans

¹ Tom. III. Ep. secr. pag. 87. et an. 6. p. 1. Ep. cur. XXXIV.

¹ An. 6. p. 1. Ep. cur. XL et tom. III. Ep. secr. pag. 87.

habitu mentis tuæ. Profecto, fili, ecce quod nos et Romana mater Ecclesia mater tua in laudem, benedictionem et gloriam Dei ac Salvatoris nostri sponsi cælestis oculos nostros erigimus, et manus nostras levamus in sancta ejus, qui amorem suum in generis humani salute continua miseratione conservans, te sicut venerabilis frater nostri Hieronymi episcopi Caphensis et sociorum ejus assertionem læti percipimus, ad sponsæ suæ thalamum, sancti Spiritus lumine illucescente, direxit: propterea Deum nostrum in salutari ejus anima nostra magnificat, nosque in te jubilo cordis et spiritus exultamus. Verum ut super te tanquam dignum benedictionis filium perpetuæ pacis fida tranquillitas requiescat, volumus te prudenter agnoscere, quod inter cætera, quæ te dirigere possunt rectis gressibus ad salutem, hæc recolenda facti memoria ætatis tuæ tempora futuris seculis collaudanda mandabit, si subditi tui vivo ac indiviso Ecclesiæ Catholice corpori ad participationem vitalis spiritus tua prudentia jungerentur.

« Quare nobilitatem tuam paternis rogamus et hortamur affectibus, ac per Dei misericordiam obsecramus, tibi que in remissionem injungimus peccatorum, quatenus inestimabilis boni præmium pro eisdem subditis procurando, sic res felici ducatu dirigas ad salutem, quod tuo salutari consilio sacri Baptismatis unda renati Deo et Angelis ejus, in communione sanctorum et communicatione sancti Spiritus uniantur inseparabili fœdere charitatis, idque te in sublimitatem gloriæ celsioris adducat; et nostram deinde et dictæ Sedis benedictionem et gratiam plenius merearis. Cæterum cum dictus episcopus et socii pro tua dictorumque populorum procuranda salute ad partes ipsas cum benedictionis nostræ gratia revertantur ad præsens, quæsumus, fili, ut tam eos, quam alios Christianos in eisdem partibus commorantes pro divina et dictæ Sedis ac nostra reverentia benigne pertractans, eos favoribus munias opportunis, tuæque protectionis auxiliis a molestiis tuearis, et in libertate plenæ securitatis manteneas et conserves. Dat. Avin. kal. Decemb. anno vi ».

2. Explicabat¹ etiam egregium in Christianos studium Mussaydan imperator Tartarorum, ac viros religiosos Minoritas Petrum et Jacobum benevolentia prosequabatur: qua de re Pontifex, ut barbarum ad Christi fidem pelliceret, gratias ei egit², significavitque se in spem maximam efferri, ipsum Christiana sacra suscepturum; utque Tartaros, qui in ipsius imperio baptismalibus sacris initiati erant, haberet commendatos excitavit. Optime etiam meritis de re Christiana videbatur Zopan Begilay aliorum Tartarorum rex (ea enim natio, tum victarum gentium multitudine celebrima, regna amplissima ad extremas usque Septentrionis, Meridiei, atque Orientis oras oblinebat) ac Pontifex propagandæ religionis pio desiderio

incensus, ut illius studium erga Christi fideles prolectaret, quas subjecio litteras exaravit¹:

3. « Nobili viro Zopan Begilay regi gratiam, quæ perducit ad gloriam in futuro.

« Larga tui patris et copiosa clementia qui neminem vult perire, ex eo tui cordis intima tetigisse videtur, quod fidei Christianæ cultores, infra latitudinem degentes imperii Tartarorum, multa humanitatis (sicut dilecti filii Jacobus et Petrus Ordinis Minorum exhibitores presentium quod læti suscepimus, voce laudabilis commendationis attollunt) benignitate prosequeris et pertractas, et a tuæ protectionis favoribus non excludit: ex quo datur nobis spei gratiæ fiducia, quod nostri Redemptoris ineffabilis pietas, a quo charismatum omnium dona emanant, oculis mentis tuæ splendoribus suæ claritatis irradians, de vitæ veteris cœcitate ad agnitionem sui nominis misericorditer revocabit. Quare prudentiam tuam rogamus et hortamur attentius, et per misericordiam ejus, qui vult omnes salvos fieri, instantius obsecramus, quatenus quod circa fidei cultores ejusdem tibi dedit pietas inchoari, laudabili prosecutione continuans, prædictos fratres, qui pro tua et populorum imperii memorati salute procuranda ad ejusdem partes imperii cum nostræ benedictionis gratia revertuntur; necnon et Christianos alios, in eodem degentes imperio, habens pro divina et Apostolicæ Sedis ac nostra reverentia propensius commendatos, eos tui favoris ope confoveas, a quibusvis defendas molestiis, et tuæ protectionis auxiliis tuearis. Dat. Avin. kal. Decemb. vi ».

4. At quamvis Tartarorum imperatores ac reges egregia erga Christianos benevolentia affecti essent, non deerant tamen viri scelesti, qui vel malevolentia suffusi, vel etiam dæmonum furiis perciti improbitatem exercerent in ipsos; quos ut ad constantiam Christi vicarius confirmaret, indulgentiarum præmia iis proposuit², qui ob susceptam fidem aliqua injuria afficerentur, vel ad barbaros ad Christum adducendos incumberent, vel pronuntiati Christi ad Deiparæ nomina religioso corporis flexu prosequerentur: « Vobis, inquit, universis et singulis, et aliis de prælato imperio, qui ad fidem Catholicam orthodoxam converterent in posterum, singulis diebus, quibus vos aut dictos convertendos contumelias, aut tribulationes, vel persecutionem pro eodem nomine pati contigerit; et omnibus, qui alios ad dictæ fidei communionem inducent, singulis diebus, quibus super hoc fideliter laborabunt; necnon et illis, qui nomini ejusdem Domini nostri Jesu Christi et beatissimæ semper Virginis Mariæ genitricis ejus dominæ nostræ reverentiam devotis animis exhibebunt, vere pœnitentibus et confessis, singulis diebus, quibus reverentiam hujusmodi facient, viginti dies de injunctis eis pœnitentiis misericorditer in

¹ Tom. III. Ep. secr. pag. 88. et an. 6. p. 1. Ep. cur. XXXVIII. — ² Ep. secr. pag. 89. Ep. cur. XXXVI.

¹ Ead. p. 87. et an. 6. p. 1. Ep. cur. XXXIV. — ² Ibid.

Domino relaxamus. Dat. Avin. X kal. Decembris anno vi^o. Plura de Minoritis, qui in religione Christiana apud Tartaros amplificanda operam ponerent, Wadingus refert¹: quos etiam et alios viros religiosos ea instructos auctoritate, ut apud infideles omnia munera, exceptis iis, quæ episcopalis sunt dignitatis, obire possent, Pontificie litteræ docent².

Extantæ ad neophytos Aquilonares Caphensis episcopi ac Prædicatorum et Minoritarum zelo ad Christum pfectos datæ, ut in conjunctione Romanæ Ecclesiæ perstarent, sequæ æternitatis spe ad vitæ labores excitarent: « Fili, inquit, universitatem vestram paternis rogamus et hortamur affectibus, et per Dei misericordiam obsecramus quatenus diligentius attendentes, quod coronam gloriæ perseverantia repromittit, in huiusmodi sinceritate fidei, per quam mererimini consortium Angelorum, in nonnullis (immobilibus) radicibus stabiliti, illam semper devotis animis observare curetis, ut ipse cognitor secretorum Omnipotens vota vestra percipiens, suis beneplacitis confirmare in vobis gratiæ suæ dona multiplicet; post vitæ præsentis excursus regni sui faciat coheredes. Dat. Avin. X kal. Decembris anno vi^o ».

5. *Ecclesias in Tartaria instituit et sacramentum Confirmationis ab episcopis conferri jubet.* — Perstricti Caphensis episcopi virtutum splendore (fuisse enim ipsum pietate insignem, prolati latius illius opera Christianæ religionis termini, atque ex superstitionis erroribus, quibus irrefiti tenebantur, erepti Tartari testantur) nonnulli Genuenses, cum ipsum juvare omni ope debuissent, gravissimis injuriis afficere. Ad cujus dignitatem ab eorum contemptu et contumeliis vindicandam Pontifex religionis Minoritis Caphensibus dedit imperia³, ut Genuenses eosdem ad expiandum rite crimen, objectis censuris Ecclesiasticis, adigerent.

Constituendis porro Tartariæ Ecclesiis intentus Pontifex, cum nonnullos in Camelesia ad dignitates Ecclesiasticas irrepsisse injuria accepisset, alios etiam sacris ordinibus rite initiatos non esse, ut his mederetur malis, archiepiscopo S. Thadæi e Camelesia provinciam dedit⁴, ut vel sacros ordines, auctoritativeve necessariam Pontificio nomine conferret.

« Joannes, etc. venerabili fratri Cachanæ archiepiscopo S. Thadæi Apostoli de Camelesia, et dilectis illis vicario Prædicatorum et custodi fratrum Minorum in imperio Tartarorum consistentibus.

« Cum, sicut accepimus, nonnulli prelati tam secularium, quam regularium Ecclesiarum imperii Tartarorum ad prelaturas Ecclesiarum ipsarum canonicum non habeant ingressum, ac nonnulli alii rite promoti ad ordines non extiterint; nos sa-

luti eorum in hac parte misericorditer providere volentes, vobis pro salute cleri et populi Christiani in imperio prædicto degentibus, necnon pro reconciliatione eorum præsentium auctoritate concedimus, ut denum postquam illa, quæ tam circa Catholicam fidem quam circa cætera in aliis nostris vobis directis litteris comprehensa, fuerunt sine simulatione completa cum prælatis eisdem, quod in suis remaneant prælaturis auctoritate Apostolica dispensare libere valeatis, vel eos, si maluerint, eadem auctoritate in imperio prædicto transferatis ad alias prælaturas, prout saluti animarum ipsorum videritis expedire.

« Illos vero qui, ut præmittitur, rite quantum ad substantiam ordinum celebrandis ordines sine potestate promoti non existunt ad ordines, tu frater archiepiscopo, rite ordines secundum statuta canonica instituta: in novitate tamen huiusmodi reductionis eorum, cum nondum essent in firma radice plantati, quasi modo genitos infantes lacte dulcedinis nutriendos, tolerantie supportandos humeris, et ad præmissa lenitate potius quam necessitate tradendos, merito judicamus. Sic ergo vos circa hæc solerter ac sollicitè habeatis, quod per vestræ diligentie studium prava redeant in directa, et vigor Catholicæ fidei semper inibi laudabilibus proficiat incrementis, etc. Dat. Avin. idus Octob. anno vi^o ».

6. Incumbebat feliciter ad proferendam latius fidem Zacharias S. Thadæi archiepiscopus, nec levis ab impiis Christi causa injurias acceperat: quem Pontifex ad proseguenda egregie cœpta ac religionem augendam subjectis litteris inflammavit⁵. Cum vero in iis regionibus altissimis obsitis tenebris is vigeret error, ut sacramentum Confirmationis conferretur a sacerdotali tantummodo dignitate præditis, vel etiam sacraretur oleum, quo fideles in incipiti ex ægritudine mortis discrimine constituti liniendi sunt; illum adductis sacre Scripturæ oraculis, ac proposita suscepta veteri ab Apostolis consuetudine erudit; utque Romana Ecclesia omnium Ecclesiarum princeps esset, a qua difficultatum exorientium lux ac veritas peti deberet.

« Joannes, etc. venerabili fratri Zachariæ archiepiscopo S. Thadæi.

« Sane, dilectissime frater, de te multæ lætitiæ causam et exultationis habemus, quia tu in ejusdem fidei veritate spiritu beatæ considerationis inductus, pro divini nominis gloria stabiler perseverans, pro ipsius observatione fidei ab æmulis ejus multas te perpassum angustias, multosque te percepimus pertulisse labores: propter quod speramus in illo, qui bonorum est omnium magnificus elargitor, quique pro minimis grandia recompensat, quod pro laboribus tuis gloria copiosæ mercedis in cælis est tibi de suæ pieta-

¹ Wad. in Annal. Minor. tom. II, hoc an. Av. 6. p. 1. Ep. cur. XLIV. — ² Ibid. Ep. cur. XXXIX. — ³ Ibid. Ep. cur. XXXVII. — ⁴ Ibid. Ep. cur. XXV. Ext. etiam in Ms. Vatic. de reb. usul. et schism. pag. 8.

⁵ Av. 6. p. 1. Ep. cur. LVI. et an. 8. p. 1. Ep. cur. XXI. Ext. etiam in Ms. Vatic. de reb. Tartar. infidel. de schism. p. 21.

tis misericordia reservata. Profecto quod tu ad hanc fidei veritatem zelo devotionis afficeris, quod ipsam devotus amplecteris, quod ad unitatem et observantiam ejus cunctos tibi subditos exemplo laudandae imitationis inducis; sciens cum Apostolo, quod sicut unus est Dominus, unumque Baptisma, sic cunctorum debet esse fidelium una fides; cedit evidenter ad animarum salutem, tuæ fraternitatis laudem, et ad stabilimentum tui status accedit: sed cor nostrum lætitia eo indubie profusiori respigitur, quo te potiori claritate complectimur, et ex debito Apostolatus officii ad tuam tuorumque subditorum salutem ferventius anhelamus.

« Tu quidem ex his habes unde Domino Deo tuo in vocem exultationis et confessionis erumpas, exultes in eo, et fatearis humiliter tibi et tuis de immenso ipsius dono concessum, inter perfidas nationes veræ fidei agnoscere veritatem, et illam devotis affectibus observare. Persta igitur, nosti etenim quod perseverantiae palma debetur: cumque præcepto legis cauda hostiæ in sacrificio jubeatur offerri, ille bene immolat, qui sacrificium boni operis usque ad finem perducit debite actionis. Ne vero circa sacramenta vel ritus Ecclesiasticos ab Ecclesiæ Romanæ matris tuæ observatione discordes, fraternitatem tuam rogamus instantius, et per merita obsecramus illius, cujus perfecta sunt opera, quatenus ritum ipsius Ecclesiæ Romanæ circa sacramenta Confirmationis et Extremæ-Uctionis observes, et a tuis subditis facias observari; ut videbret sacramentum ipsum Confirmationis, quod non legitur, neque scitur Apostolorum tempore ab aliis quam ab ipsis fuisse peractum; quin potius in eorum actibus scribitur, ad confirmandum baptizatos in nomine Domini nostri Jesu Christi Petrus et Joannes in Samariam et Jerosolymas transmissi fuerunt, quod utique sacramentum post tempus illorum fuit solis pontificibus in eorumdem Apostolorum locum succedentibus, reservatum; nulli alii quam episcopi exhibere, nec aliqui ab aliis quam ab episcopis suscipere quoquo modo præsumant.

7. « Licet igitur sacramentum ipsum non sit a fidelibus condemnandum, tutius tamen est illud sine periculo ex necessitate, quæ legem non habet, omittere quam si ab iis a quibus illud conferri non licet, ex temeritate contra legem damnable non sine gravi periculo inaniter conferatur, cum umbra quædam ostendatur in opere, veritas autem non subeat in effectum. Tu et episcopi suffraganei tui tantum, et nullus alius deinceps oleum sanctificet infirmorum, cum ut præfertur, ad solos episcopos et superiores prælatos pertineat ipsius olei materiam consecrare ad ungendum infirmos; si nempe ut præmittitur, in fide fundati, stabiles et immobiles tu et subditi tui in illa permanseritis; si præfatio ritui nostro vos et iidem subditi conformare curabitis nedum opinionis vestræ custodes esse, ac de bono nomine curam habere dicimini, sed et

retributionis celestis larga meremini præmia, non sine laudis humanæ præconio et Apostolici favoris augmento.

« Nec omittamus, quod ipsa sacrosancta Romana Ecclesia, summum et plenum primatum et principatum super universalem Catholicam Ecclesiam obtinens, quam se ab ipso Domino in beato Petro Apostolorum principe, cujus Romanus Pontifex est successor, cum potestatis plenitudine recepisse veraciter et humiliter recognoscit; sicut præ cæteris tenetur fidei veritatem defendere, sic et si quæ de fide suborte fuerint quæstiones, suo debet iudicio definire, ad quem prægavimus quilibet in negotiis, ad forum Ecclesiasticum pertinentibus, appellare in omnibus causis, ad examen Ecclesiasticum spectantibus, ad ipsius potestatem recurri iudicium; et eidei omnes Ecclesiæ sunt subiectæ; ipsarumque prælati et obedientiam et reverentiam sibi debent: apud quam sic plenitudo potestatis consistit, quod Ecclesiæ cæteras ad sollicitudinis partem admittit, quarum multas, sed patriarcales præcipue, diversis privilegiis eadem Romana Ecclesia honoravit; sua tamen prærogativa tam in generalibus Conciliis, quam in quilibetque aliis semper salva. Quare iterato fraternitati tuæ salutaribus monitis suademus, quatenus in præmissorum omnium salubri observantia inconcussè persistere studeas, et eosdem suffraganeos episcopos et alios subditos tuos, quantum in te fuerit, ad sedule persistendum solerter inducas. Si enim tu et tui hoc adimplere curabitis, speramus in illo, qui in vestri cordis habitaculum diffudit lucem suam, quod in montem sanctum suum, in communionem scilicet et unitatem sacrosanctæ Romanæ Ecclesiæ, per observationem fidei, recognitionem et acceptionem primatus ejusdem Ecclesiæ suo ducatu deducti, tandem feliciter adducemini per continuationem bonorum operum in dilecta ejus tabernacula, visione semper fruituri beata. Dat. Avin. X kal. Decembris anno vi ».

8. *Georgianos et Armenos ad Romanam Ecclesiam reducidos dat litteras Pontifex plurimis ad ritum et disciplinam spectantibus documentis.* — De primatu Romanæ Ecclesiæ ac summa illa, qua Romanus Pontifex in cæteros orbis præsules pollet auctoritate, scripsit etiam Joannes ad Georgianos: ubique a Græcorum schismate ad Romanæ Ecclesiæ conjunctionem ipsos revocaret, datis ad Georgium regem atque Georgianos proceres litteris¹ significavit, se ad redintegrandum vetus Georgianæ cum Romana Ecclesiæ fœdus Synodum convocaturum: adductisque in medium pluribus e veteri Testamento tropologicis argumentis, atque ex Evangelio oraculis divinis supremam Pontificis in omnes fideles potestatem illustravit.

« Joannes, etc. Georgio regi Georgianorum illustri, ejusque baronibus, et baroni Porcelli, etc. ac universis populis per regna, provincias et terras

¹ An. 6. p. 1. Ep. cur. XXIII. et eod. Ms. pag. 5.

imperii Tartarorum constitutis. Deum diligere et timere.

« Cum simus super Sedis Apostolicæ speculam constituti, etc. » et infra : « Orthodoxorum neminem jam credimus latere, unum in terris caput esse tantummodo, ex quo totum corpus contextitur militantis Ecclesiæ, rerum id exigente natura, quæ corpus si habuerit duo capita, indicat monstruosum. Probat hoc idem ratio exemplaris æterni, juxta quod militanti Ecclesiæ sub utroque tempore disponendam per instructionem Evangelicam didicit legislator, Paulo Apostolo referente : Vide, facito omnia juxta exemplar, quod tibi in monte monstratum est ; ubi divina dispositione hierarchiæ per media ultima, ipsaque per primam mediatori omnium connectuntur, quod imitandum fore necessario peregrinanti Ecclesiæ Scriptura sacra tam figuris quam testimoniis asserit atque probat. Unus Adam deputatus ad custodiam paradisi, unam est sortitus uxorem : unum Dominum Jesum Christum in justitia et veritatis sinceritate ejusdemque unum in terris vicarium ; et unicam ejus sponsam Ecclesiam præfigurans, doctore gentium attestante : Sacramentum hoc, inquit, magnum est : ego autem dico in Christo et Ecclesia. Lamech vero, quod humiliatum significat, dum uxorem unam divisit in duas, sanguinarius est effectus, et virum in vulnus suum occidit : ad instar cujus qui Ecclesiam scindunt, occidunt animas parvulorum. Deinde salutis arcam tantum unam fuisse legimus, quæ cuncta vastante diluvio super unius patriarchæ remigis potentatu paucas anima sub perfectionis numero reservavit ; facti cujus mysterium pastor Ecclesiæ Petrus Apostolus tangens ait : In arca Noe pauci, id est, octo animæ salvæ factæ sunt per aquam : quod et nos nunc similis formæ salvos facit Baptisma.

9. « Ipsa etiam Veritas, gentium vocationem prædicens, asseruit quod in ovili suo unus tantum debeat esse pastor : Vt, inquit, unum ovile et unus pastor. Ad hoc ovile Paulus ipsa divina clementia revocatus docet et prædicat, unum caput esse tenendum fide pariter et amore : unde schismaticos, et ab unitate corporis Ecclesiæ per inobedientiam recedentes notans, vitandosque insinuans ait : Nemo vos seducat volens in humilitate et religione, quam non vidit, Angelorum ambulans, frustra inflatus sensu carnis suæ, non tenens caput, ex quo totum corpus per nexus et conjunctiones subministratum et constructum crescit in augmentum Dei. Nulli fideli venit in dubium, quin ipse Christus sit pastor Ecclesiæ, atque caput non tantum militantis, sed etiam triumphantis : qui secundum carnis assumptæ naturam mortem pro suis ovibus subiturus, et post Resurrectionem ad Patris dexteram ascensurus, ut quo caput ibat, membra se ire sperarent, ne corpus peregrinantis Ecclesiæ propter corporalem ipsius absentiam videretur acceperit lumen, remanere sibi successorem substituit vicarium specialem : non quidem Jaco-

bum aut Joannem, qui columnæ videbantur, non Paulum legis scientia præditum et doctrina, ut non gloriatur omnis caro in conspectu ejus ; sed Simonem, quem et Petrum cognominavit.

« Hunc itaque suarum ovium pastorem substituens universalem in terris, earumdem pascendarum curam indistincte commisit, eilem tertio dicens : Pæce oves meas ; cui ex prerogativa speciali, ut nobis ipsum caput post se fore totius Ecclesiæ demonstraret, promiserat dicens : Tu vocaberis Cephas ; quod interpretatur caput, ut sicut in capite sensuum plenitudo consistit, a quo ad singula membra occultis meatibus pars aliqua tanquam a fonte rivulus derivatur ; sic tres fidelium ordines in Ecclesia, Noe, Daniel et Job, prælati videlicet, continentes et conjugati : quos Ezechiel vidisse legitur in visione salvandos a Petro. Petra super quam non domum saltus Libani, non porticum columnarum, non domum filiæ Pharaonis ; sed Ecclesiam suam ædificavit Dominus, fidelibus videlicet de omni genere piscium in ejus rete conclusis, tanquam a primæ primatum, qui de fonte Dominici pectoris fluentia potavit ; et suæ salutis debent postulare remedia, et cum omni patientia et doctrina, non contentiose vel superbe in aliquo resistentes, a mentis suæ tenebris dubietatis scrupulos removeri. Nam et si Paulus ex verbo Domini, Petro ceterisque Apostolis universaliter sic dicentis : *Quorum remiseritis peccata, remittuntur eis : et quorum retinueritis, retenta sunt* ; cum Petro fuit, ministerium dignitatis exercens ; fuit etiam ex verbis ejusdem auctoritatis regulariter Petro propositis : *Quodcumque ligaveris super terram, erit ligatum et in cælis : et quodcumque solveris super terram, erit solutum et in cælis* ; in Petro auctoritatis officium recognoscens : et ideo ad eum tanquam primatem, et Evangelii Dominici fontem venit Jerosolymam, et postmodum cum ipso et aliis secundum revelationem contulit Evangelium, ne in vacuum curreret vel etiam cucurrisset.

« Quæ Petri auctoritas ex ejusdem Domini verbis expressius roboratur, cum sibi soli dicitur ab eodem : *Duc in altum* ; et postea subinfertur : *Laxate retia in captivam*. Si ergo Petrus per excellentiam fidei, quæ in uno Christo duas naturas divinitus recognoscens, cum dixit : *Tu es Christus filius Dei vivi* ; claves regni cælestis in terris solus accepit, cum unum sit caput Ecclesiæ militantis ; restat ut ad regimen generalis Ecclesiæ, quam ipse cum Paulo et ceteris de gentibus congregavit, caput ejusdem, summique Dominus per ea, quæ præmissa sunt, manifeste ostenderit successorem. Prævidens autem Dominus, quod Ecclesia sua concitaretur a tyrannis, laniaretur ab hæreticis, et a schismaticis scinderetur, ait : *Ego pro te oro, Petre, ut non deficiat fides tua : et tu aliquando conversus confirma fratres tuos*. Ex quo colligitur evidenter, quod ad Sedem Petri omnis sit quæstio referenda, etc. »

10. Subdit se officii religione ad promovendam omnium salutem devinciri; ac magno teneri dolore, Georgianos a Romanæ Ecclesiæ conjunctione divulsos, atque ad eos illius gremio restituendos summa ardere cupiditate; initium in id omnem consentaneam rationem: paratum se pro re perficienda indicere Concilium, si ita flagitarit; regii quidem muneris esse populos ad salutem adducere, conjunctisque nuntio fœdere omnibus fidelibus Ecclesiam magno afficiendam gaudio, remque Christianam confirmatum iri. Commendat demum Minoritas, qui ad Tartaros pro inferenda Evangelii luce mittuntur, utque iis per Georgiam libere commorari permittat hortatur. « Dat. Avin. id. Octobris anno vi v. »

11. Pellicere etiam Armenos, qui in Tartarorum imperio versabantur, atque alios Orientales ad Romanæ Ecclesiæ obsequium studuit; utque fidem a patribus acceptam incorruptam servarent, ipsis conceptam eadem verborum forma professionem fidei, quam Armenis aliis propositam vidimus¹ tum quid de Purgatorio, non iterando Baptismate, transsubstantiatione in augustissimo missæ sacrificio, quidque de aliis sacramentis credendum observandumque esset, instruxit²:

« Venerabilibus fratribus de Aguemaz et de Arthamar archiepiscopis, ac Zachariæ Argis, Joanni de Norævans, Stephano Traisair, ac. de Pietri viaco., de Astarat de Carry, Jacobo de S. Bartholomæo, Zachariæ de Naczoan, Thadæo de Pacevan, Nerses de Uvanavaniz, Sarbas de Arepada, de Arteron, de Arzenga et de Cars, ac aliis Orientis episcopis ». Et infra: « Ac clero et populo fidelium per imperium Tartarorum degentibus salutem, etc. »

« Nequaquam sine dolore possumus intueri a tanti capitis corpore membra quædam esse divisa, videlicet Armenorum Orientis Ecclesiam: sejuncta nempe per inobedientiam a suo capite spirituali corporis sanctificationem nequaquam participat, cum ab ejus se subtraxerit unitate. Hæc est igitur doctrina, quam tenet et prædicat sacrosancta Romana Ecclesia, quæ justos vivificat, labentes stabilizat, corda purgat. Hæc est vere pugnantis clypeus, arrha sponsæ, præmium et triumphus. Docet insuper Baptismum non esse aliquatenus iterandum, et eos, qui post Baptismum in peccata relabuntur, non esse baptizandos; sed per veram pœnitentiam suorum posse consequi veniam peccatorum. Quod si vere pœnitentes in charitate discesserunt, antequam dignis pœnitentiæ fructibus de commissis satisfecerint et omissis, eorum animas pœnis Purgatorii post mortem purgari: et ad pœnas hujusmodi relevandas prodesse eis fidelium vivorum suffragia, scilicet sacrificia, elemosynas et alia pietatis officia, quæ a fidelibus pro aliis fidelibus fieri consueverunt secundum Ecclesiæ instituta.

Illorum vero animas, qui post sacramentum Baptismatis nullam omnino peccati maculam incurrerunt; illas etiam, quæ post contractam peccati maculam vel in suis manentibus corporibus, vel eisdem exute, sunt purgate, in cœlum mox recipi: illorum autem animas, quæ in mortali peccato, vel cum solo originali discedunt, mox in infernum descendere: panis tamen ac locis disparibus puniendas; nimirum puerorum animas pœna damni non sensus in limbo afficiendas.

« Tenet etiam et docet sacrosancta Romana Ecclesia septem esse Ecclesiastica sacramenta, scilicet Baptisma, de quo dictum est: aliud esse sacramentum Confirmationis, quod per manus impositionem episcopi confertur, chrismando renatos chrismate, in Cœna Domini per solum episcopum vel superiorem ipso antistite consecrato. Aliud est Extrema-UNCTio, quæ de oleo per episcopum vel superiorem, ut prædicatur, benedictio infirmantibus secundum doctrinam beati Jacobi per presbyteros exhibetur. Aliud est Eucharistie quod ex azymo conficit eadem Romana Ecclesia, teneus et docens quod in ipso sacramento panis verus transsubstantiatur in corpus, et vinum in sanguinem Domini nostri Jesu Christi: in quo sacrificio in calice aquæ modicum vino apponitur ad consecrationem Dominici sanguinis celebrandam, ita quod nec aquam sine vino, nec vinum sine aqua offerri debere, eadem Ecclesia sancta docet; quodque per sumptionem hujus sacramenti sanctissimi non frangitur jejunium a sumente. De Matrimonio vero tenet, quod nec unus vir insimul plures uxores, nec una mulier habere permittatur plures viros. Contracta vero matrimonia inter conjunctos usque ad quartum consanguinitatis gradum inclusive, citra dispensationem Romani Pontificis, per sanctam Romanam Ecclesiam nullatenus rata seu legitima reputantur. Soluta vero lege matrimonii per mortem alterius conjugum, secundas et tertias et deinceps nuptias successive licitas esse dicit, si impedimentum canonicum ex causa alia non obstat. Aliud est sacramentum Pœnitentiæ, quo secundum institutionem ejusdem Ecclesiæ fidelis quilibet Christianus omnia peccata sua semel ad minus in anno debet sacerdoti proprio confiteri. Septimum vero sacramentum est sacer Ordo: eadem quippe Romana Ecclesia quatuor agnoscit minores ordines, quorum primus est ordo ostiarii, secundus lectoris, tertius exorciste et quartus acolythi; necnon et tres majores, subdiaconatus videlicet, diaconatus et presbyteratus ordines, quos statutis a jure temporibus in eadem confert Ecclesia ordinatis, etc. »

12. Excitat Armenos ad constantiam in Romanæ Ecclesiæ conjunctionem servandam, nec in ea re se commodi vel honoris sui, sed pii animarum lucri cupiditate duci, ac potius ad eos Apostolicis studiis provehendos ornandosque operam conversurum. Denique addit, ut ritu Romano nonnullos dies, Christi mysteriis sanctorumve felici

¹ An. Chr. 1318. num. 10 et Annal. tom. XIV. an. 1267, num. 75.

— ² An. 8. p. 1. Ep. chr. XXII. Ext. etiam in Ms. Arch. Vatic. de reb. Tart. in fid. et schis. pag. 21.

obitu vel triumpho potius insignes, festos agitent : « Ut larga Dei Patris, et copiosa clementia in laudem et benedictionem et gloriam sui beatissimi nominis suorum veneratione sanctorum vos devotis percipiendis studiis delectari, in vobis gratiae sua dona multiplicet, quesumus ut gloriosissimæ Nativitatis Dei et Salvatoris nostri Domini Jesu Christi, Annuntiationis beatissimæ et præcelsæ genitricis ejus semper virginis Mariæ dominæ nostræ, S. Joannis Baptistæ, beatorum Apostolorum Petri et Pauli, et aliorum sanctorum festivitates juxta ritum, quem prædicta Romana tenet Ecclesia, vobis per dilectos filios fratrem Jacobum et Petrum de Ordine Minorum exhibitores præsentium peritos in lege divina tradendum, cum omni devotione, ut multiplicatis intercessionibus apud Deum ejus misericordiam valeatis abundantius promereri, colere studeatis, et per eosdem subditos vestros coli reverentibus animis faciatis, etc. Dat. Avin. X kal. Decembris anno vi. »

13. Devinxerant ¹ se gravi scelere nonnulli Armeni in Saraicensi Tartarie urbe, qui iuncta cum Saraicensi conjuratione, Stephanum episcopum Catholicum, in excolenda vinea Domini desudantem, magna divini Numinis et Ecclesiæ injuria expulere : quos Pontifex monuit, ut animarum saluti consulere, atque episcopum in pristinam sedem revocarent.

« Joannes, etc. dilectis filiis populo Armenorum per Saraicensem civitatem et diocesim constitutus.

« Nuper non sine multa turbatione percepi-
mus, quod vos contra venerabilem fratrem nostrum Stephanum episcopum Saraicensem patrem et pastorem animarum vestrarum, adjuncti vobis quibusdam de Saraenorum foetida natione hostium Dei et Catholicæ fidei, nequiter insurgentes ; et ei, quem a molestiis aliorum deberetis usque ad sanguinis effusionem tueri, gravibus injuriis et contumeliis irrogatis, cum sede sua, non sine multa divina majestatis offensa et ejusdem Ecclesiæ Romanæ contemptu, per violentiam spoliatum bonis omnibus ejecistis : et (quod mentem nostram duriori vexatione molestat) nonnulli vestrum ab unitate ipsius Ecclesiæ et fidei Catholicæ, sine qua Deum nemo unquam videre poterit, recesserunt (quod moestè referimus) veritate. Cum itaque, filii, multipliciter vobis expediat, ut erroris tam execrabilis cecitatem, quæ vestram salutem multipliciter impedit, vos a Dei separat voluntate, per satisfactionem debitum et pœnitundinem cordium celeriter corrigatis ; universitatem vestram moneamus, rogamus et hortamur attentius, et per misericordiam obsecramus ipsius, qui deducit ad inferos et reducit, per Apostolica scripta vobis mandantes, quatenus ejusdem episcopi gratiam humiliter repetentes, et super præmissis satisfactionem congruam impendentes eidem, ipsum tanquam

patrem et pastorem animarum vestrarum devote recipere, suisque salubribus monitis et doctrinis efficaciter acquiescere studeatis, etc. Dat. Avin. X kal. Decembris anno vi. »

Cumque similis pro Christo injuriis Archiepiscopus Armenorum in Gazaria archiepiscopus fuisset appetitus, atque schismatici patriarchæ studio e sua sede deturbatus, ipsum Christi vicarius apostolicis litteris excitavit ¹, ut animos erigeret, rerumque cælestium tractatione vitæ molestias mulceret ; admonuitque, ut inter divina calici modicam aquam affunderet : « Cum Romana Ecclesia mater vestra, (archiepiscopum ac sacerdotes alloquitur), statuerit quod in altaris mirabili sacramento nec aqua sine vino, nec vinum sine aqua per ministrum aliquatenus offeratur, quæsumus ut semper aquam vino, sicut alias per litteras nostras scripsisse meminimus, in hoc sacramento beatissimo misceatis. Dat. Avin. »

14. *Data Pisanis in Asia et Græcia Ecclesiarum condendarum potestas.* — Flagitavit a Sede Apostolica Pisanorum respublica, ut cum plures cives Africæ, Asiæ Græciæ imperii oras ad permutandas merces percurrerent, eodem privilegio in Syria, Armenia, Cypro, Pontis-Euxini portibus, quo in Tunetano et Bugræano regnis, ac multis Orientalibus partibus potirentur ; ut nimirum templa genti Pisanæ addicta, suis sumptibus possent excitare, in quibus sine ulla præsulorum molestia sacra baptismalia conferre divinoque cultui operam dare possent. Quorum piis postulatis Pontifex assensit ² : « Vestris, inquit, supplicationibus inclinati, vobis, ut in quibuscumque locis regnorum Syriæ, maris majoris districtus, ac imperii et partium prædictarum, ubi dicti fideles degunt vel etiam conversantur, Ecclesias in quibus divina officia celebrentur, ex propriis bonis construere, ipsisque dotes congruas assignare, et in ipsis ad opus eorum fontes baptismales et cæmeteria obtinere libere valeatis, auctoritate præsentium indulgemus : ac nihilominus, ut quivis Catholicus antistes, gratiam et communionem Apostolicæ Sedis habens, ad vestram requisitionem singulis eisdem Ecclesiis primum lapidem imponere, ac fontes et cæmeteria supradicta benedicere, vobis et eisdem antistiti duximus concedendum, etc. Dat. Avin. X kal. Octobris anno vi. »

15. *Præcipites in exitum Græcorum res.* — Hoc anno in exitum Græcorum res adduxit ³ atrocivis discordia, de imperii successione exorta. Causa par Andronicum seniore imperatorem in extremam pæne perniciem præcipitem egit, quam Alfonsus Castellæ regem, difficillimo implicuisse bello vidimus, cum prætermisiss Ferdinandi e vivis erepti majoris nato filii, sceptrum ad filium secundum natu Sancium transmisit : ita enim Mi-

¹ Tom. III. Ep. secr. pag. 86. — ² An. G. p. 1. Ep. com. DLXXXIV. — ³ Joan. Cantabuz. l. I. c. 1. et seqq. Nic. Greg. I. VIII. Georg. Phran. l. I. c. 10.

¹ An. G. p. 1. Ep. euf. XXXV.

chaete imperii cum patre collega Thessalonice et cumulatius duorum filiorum funeribus dolore extincto, anno ab orbe condito sexies millesimo octingentesimo vigesimo nono IV idus Octobris, ut Joannes Cantacruzenus annum consignat¹, Andronicus senior in filium secundum natu Constantinum, nepote Andronico juniore Michaelis primogeniti filio excluso, transfundere imperium in animum induxit. Effertus ea injuria juvenis, qua nocte patriarcha Gerasimus obiit², Constantinopoli fuga se subduxit: utque in eum prona erant hominum studia, præpotentem exercitum contraxit, adversusque Constantinopolim castra movit. Communibus amicis redintegrata concordia, partitumque inter avum et nepotem imperium. Sed non ea diu pax tenuit, iterumque in priores discordiarum fluctus conjectum imperium est: quibus dum ageretur, excitis in auxilium Turcis invadendæ Europæ patefactus aditus est. Disserunt de eo bello civili pluribus Joannes Cantacruzenus ac Nicephorus Gregoras, quorum prior Andronici junioris magnus domesticus et consiliorum princeps, aller in senioris imperatoris aula serviebat: quocirca contrariis studiis impliciti non minus inter se dictis, quam alii armis pugnant videntur, dum quisque partem quam sequitur nixam æquitate probare nititur. Illud vero exploratum est, Andronicum seniore, dum a Romana abhorret Ecclesia, Turcasque ut amicos vocat, Græcorum imperium præcipiti ruinæ objecisse. Antequam vero hujusmodi bellum erumperet, prodigium ingens Andronicum horrore percussisse, narrat hisce verbis Gregoras³:

16. «Primo Quadragesimæ sabbato, cum postridie orthodoxorum imperatorum et patriarcharum memoria proclamanda esset, tum quoque his a vespera ad nocturna sacra illa de more accessit. Tum sub mediam noctem, me adstante, et doxologiam audiente, quidam ab imperatore adest, novum illi nuntium apportans, et ejus sententiam exquirens: Modo enim, inquit, cum imperatori bipenniferi et milites et ensiferi cubitum ituri essent, tantus subito hinnitus circa palatium exauditus est, ut omnes percellerentur: intempesta enim nocte, cum neque imperatorii, neque senatorii equi, nec in ipso palatio, nec ante fores essent, improvisa res animos audientium perturbavit, et alii alios quid rei esset interrogarunt. Eo tumultu nondum sedato, alter hinnitus priore major exauditus est ab ipso etiam imperatore: qui misso ministro, unde is esset, quæsit. Sed nihil audivit aliud, nisi ab equo in quodam palatii pariete ante victricis Deiparæ sacellum, quem Paulus olim præstantissimus pictor effluxisset, D. Georgium Christi martyrem pulcherrime sustinentem, esse editum. Ad hæc logotheta jocosus, ut solebat ad imperatoris interrogationes: Gratulor tibi, inquit, imperator, futuros triumphos, monstruosum

enim istius equi hinnitum nihil aliud indicare reor, nisi tuam adversus Agarenos Asiam nostram populantes, expeditionem. Quibus imperator auditis, alio adolescente ad eum misso: Tu quidem, inquit, isto responso sive, ut soles, mei exhilarandi gratia, sive alia de causa dato, rem ignorare videris: ego autem, quid verum esse censeam tibi dicam. Nam, ut patres nostri nobis tradiderunt, equus iste alias etiam ad eundem modum hinnit cum Balduinus Latinorum princeps a patre nostro pulsus urbem amissurus esset: quo monstro cum et ille diu ut ominoso terreteretur, tandem nec multo post eventum ipse expertus est, cum urbem a Romanis vastari cerneret. Logotheta vero, cum quid respondere, non haberet, adolescentem abire jussit, se postridie imperatori responsurum. Præterea columna, quæ ante Orientalem arcem stat, in qua Byzantis conditoris urbis imaginem olim fuisse fama est, ante multos dies et ipsa commoveri cæpit: quæ agitatio per dies complures duravit, omnibus ad spectaculum concurrentibus». Hæc Nicephorus. Quæ præsentia si quis in illum sensum detorqueat, Andronicum Constantinopolis exitii causam fuisse, dum Orientalis Ecclesiæ cum Romana conjunctionem diremit, is a vero non aberrabit. Sed de schismaticis hæcenus, jam ad hæreticos orationem traducamus.

17. *Minoritæ duo ab hæreticis trucidati.* — Affecere martyrio hoc anno hæretici duos Minoritas Chatalanum Fabri et Pesehalem, qui cum zelo incorruptæ fidei acceptæ a patribus tuendæ in Valentinum Lugdunensis Galliæ municipium, cui Cabioli nomen est, se recepissent, ut de nonnullis in hæresim relapsis et aliis ea infectis lue cognoscere, accensi furore impii conjuratione facta cum iis, qui in oppido erant, noctu armati irrupere; ac religiosos viros adorti gladii ipsos concidere: utque furorem satiarent, lethalibus non contenti vulneribus, etiam ultra mortem sævierunt. Luget tantam immanitatem Pontifex in litteris ad Valentinum et Vivariensem episc. datis⁴, quos impios insectari jussit, atque od tendendam improborum licentiam magistratuum ac nobilium virorum potentiam implorare. Eorum corpora Valentiam sanctimonialis præcipua opera, quæ cælesti ipsorum viso valetudinem recuperavit, translata et in sacello Minoritarum sepulchro mandata sunt: moxque cum multis miraculis eorum gloria effloresceret, Pontifex Valentino episcopo, ut de iis religiosum examen instituere, partes demandavit⁵: «Cum, inquit, sicut habet multorum relatio, omnipotens Dominus, qui sanctos suos mirificat meritis et eos facit coruscare miraculis, meritis eorundem fratrum, qui fidei prosequendo negotia a viris perfidis martyrium susceperunt, evidentiâ miracula in Ecclesia, ad quam eorum corpora delata fuerunt, circa infirmos, qui dictorum corporum devotum poterant habere conta-

¹ Cantac. l. i. c. 1. — ² Ibid. c. 19. — ³ Greg. l. viii.

⁴ An. 6. p. 1 Ep. cur. xli. — ⁵ Ibid. Ep. cur. xliii.

ctum, fuerit operatus et jugiter operari dicatur; ac dignum existat, ut quos signis et prodigiis Dominus sanctos venerandos ostendit, eos veneratione dignos fidelium mater Ecclesia debeat publicare; nos de præmissis miraculis volentes cum omni qua possumus cautela et diligentia veritatem plenius indagare, fraternitati tuæ, de qua plenam in Domino fiduciam oblinemus, de fratrum nostrorum consilio presentium auctoritate committimus et mandamus, quatenus vocatis et adhibitis tecum aliquibus probis viris, tam de vita et conversatione dictorum fratrum, quam de professione fidei facta per eos, dum erant in agone recepti martyrii constituti, et de spontanea susceptione dicti martyrii; quam de dictis miraculis, ac ipsorum circumstantiis universis secundum datam tibi a Deo prudentiam diligenter inquirens, nobis quæ inveneris, studeas fideliter per tuas litteras nuntiare. Dat. Avin. II kal. Dec. an. vi. ».

18. *Pestifera Bizochorum secta damnata, et perperam hoc nomine Franciscani insimulati.* — Grassabantur eodem tempore in variis Christiani orbis partibus multi hypocritæ, quorum alii ementito sanctitatis habitu pura sancti Francisci instituta, ut sonabat vocum candida simplicitas, postpositis cuiusvis acquisiti sensus ambagibus, colere jaclabant; atque ita spretis Pontificum circa eandem Franciscanam disciplinam decretis, commenta sua erroresque propagabant; quamvis hæc secta, quæ Cælestini V auspiciis cœpisse ferebatur, postea a Sede Apostolica damnata esset: alii tertii Ordinis S. Francisci sacram formulam servare præ se ferebant; sed cum graves errores apud eos pullularent, nonnulli enim ex ipsis Ecclesiastica sacramenta ludibrio habebant, ac res in fidei et sacræ Minoritane familie exitium vergebat, præsulibus ac fidei censoribus provinciam dedit Pontifex, ut¹ ad dissipandam illam sectam incurrerent.

« Joannes, etc. venerabilibus fratribus patriarchis, archiepiscopis, et episc. et dilectis filiis fratribus Prædicatorum et Minorum Ordinum inquisitoribus hereticæ pravitatis, ad quos litteræ præsentantes pervenerint.

« Dudum fide digna relatio ad Apostolatus nostri pervenit auditum, quod nonnulli viri pestiferi, qui vulgariter Fraticelli, seu fratres de paupere vita, aut Bizochi, sive Bichini, vel aliis fucatis nominibus nuncupantur, in diversis Italiae partibus ac insula Sicilia, comitatu Provincia, Narbonensi et Tholosana civitatibus et diocesisbus atque provinciis, aliisque diversis cismarinis et ultramarinis partibus, contra sacros canones habitum novæ religionis assumere, congregationes et conventicula facere, et superiores sibi ipsis eligere, quos ministros, seu custodes, vel guardianos, aut aliis nominibus appellabant; plurimos ad eorum sectam recipere, loca etiam de novo construere, et ab aliis

constructa recipere et communiter habitare, et publice mendicare, et alia facere, quasi eorum secta foret una de religionibus per Sedem Apostolicam approbatis, temeritate damnabili præsumebant; et ut error ipsorum veritas, et impietas religio putaretur, plurimi eorum regulam Ordinis fratrum Minorum, quam S. Franciscus instituit, se profiteri et observare ad litteram confingebant, quamquam sub obedientia vicarii generalis vel provincialium ministrorum ipsius Ordinis minime morarentur; præfidentes se a sanctæ memoriæ Petro confessore, tunc Cælestino papa V prædecessore nostro hujusmodi vitæ seu status privilegium habuisse; quod tamen, si etiam ostendissent, caruisset et careret roboris firmitate, cum piæ memoriæ Bonifacii papa VIII prædecessor noster ex certis causis rationabilibus omnia privilegia ab ipso Cælestino concessa, quæ per ipsum Bonifacium non contingeret approbari, viribus penitus vacuasset, dictumque vitæ privilegium non reperitur per eundem Bonifacium approbatum ». Et infra: « Nonnulli etiam ex ipsis, asserentes se esse de tertio Ordine B. Francisci, *penitentium* nuncupato, dictum statum et ritum eorum satagebant sub velamine talis nominis palliare, cum tamen in regula dicti tertii Ordinis talis vivendi ritus nullatenus esset concessus; quodque quidam eorum, a veritate Catholicæ fidei deviantes, Ecclesiastica sacramenta spernebant, et errores alios studebant multipliciter seminare; nos attendentes, quod talium damnanda temeritas in ejusdem fidei detrimentum, fidelium scandalum, præfati Minorum et aliorum Ordinum opprobrium, et etiam suarum et aliarum animarum multarum redundabant; sectam, ritum et statum hujusmodi de fratrum nostrorum consilio auctoritate Apostolica nullius fuisse et esse decernimus firmitatis: et quatenus de facto processerant, de consilio et auctoritate præmissis revocantes omnino, perpetuè prohibitioni subjecimus, eosque ab Ecclesia Dei penitus duximus abolendos: eisdem personis et aliis quibuscumque sub pœna excommunicationis, quam eas si secus facerent incurrere volumus ipso facto, injungentes expresse, ne statum sive sectam et ritum hujusmodi ab ipsis assumptum ulterius sectarentur, vel de novo ipsi assumere præsumerent quovomodo, prout in Constitutione nostra super hoc edita, quæ incipit: *Sancta atque universalis Ecclesia*, plenius continetur.

« Quia igitur, sicut accepimus, in nonnullis cismarinis et ultramarinis partibus prænominati pestifera sectæ viri contra prædictos processus venire et facere moluntur; nos attendentes, quod parum esset prohibuisse præmissa, nisi sit qui eadem tueatur, et puniat transgressores; discretionis vestræ in virtute obedientiæ districtæ precipiendo mandamus, etc. » Præcipit, ut cum a Minoritis rogati fuerint, ad Pontificiam sanctionem mandandam operi suam auctoritatem explicent, ac rebelles censuris coercant: tum, si vi publica

¹ An. G. Ep. com. MCCLXXXIX.

perviciacia ipsorum infringenda fuerit, ea utantur.
« Dat. Avin. anno vi ».

49. Iretitæ simili secta erant plures mulieres, in Belgio præsertim et Germania, quæ tractandarum cælestium rerum colore abrepta in devia, vesana lemeritate nova inducere dogmata, de divina essentia et summa Trinitate questiones agitare, fidem Catholicam depravare ac simplices implicare errorum laqueis non perhorruerant, eaque de causa Clementis V lege fuerant damnatæ. Cum vero nonnullæ aliæ feminae sola nominis Beguinarum notatæ infamia, sed quæ vere pietatis studio se addixissent, atque ab aliarum abhorrenter erroribus, in invidiam abducerentur; Pontifex episcopo Atrebatensi partes dedit ¹, ut si recte de fide ac pietate sentirent, ipsas ab obtrektorum injuriis vindicaret. Captum porro hoc anno Narbonne Beguinum ferunt ² ejusque occasione Sathanam concitasse ³ in Minoritas summum Pontificem ad illud usque tempus Franciscanorum amantissimum. Verum de hoc Beguino, ortaque inde controversia de paupertate Christi proximo anno dicitur. Quod autem ad Pontificem spectat; luce illustris est, ipsum non a Sathana, sed a sancto Spiritu incitatum ad fidem orthodoxam asserendam contra novatorum impietatem, ut Apostolica decreta demonstrant ⁴: concitatos autem a Sathana nonnullos pseudominoritas hæreticos, qui delira figmenta circa paupertatem Christi et Apostolorum pro Evangelicis oraculis jactarunt, qui definiendis fidei controversiis se ingesserunt, suaque erronea Apostolicis decretis prætulerunt; qui maxima scandala invexere, qui antipapatum corripuere, qui persecutionem in fideles indixere: quorum tanta fuit cæcitas et insaniam, ut cum ipsi Ecclesias et pios Minoritas conciterent, fingerent tamen S. Franciscum de ipsis ut ejus veris alumnis prædixisse, eosdem gravissimam persecutionem passuros: schismaticus enim pseudominorita qui plura de hac heresi comegit, hæc habet ⁵: « Incipit tribulatio et tentatio, quam prædixit beatus pater noster Franciscus in morte sua Ordini appropinquare: sed felices vocavit illos fratres, qui perseverabunt in his, quæ promiserunt Domino observare. Prædixit autem ipse beatus pater in infirmitate, de qua mortuus est, scilicet anno Domini mcccxxvi, et tribulatio et tentatio incœpit anno Domini mcccxxi, fratre Michael de Casena existente generali, anno generalatus sui vi ». Illic ille ob superiore proculdubio in Fraticellos sanctionem. Verum ea S. Francisci prophetia, vel intelligenda est ea commotio, quæ contigit Elia supremo Minoritarum prefecto ad Fridericum II contra Innocentium IV Pontificem deficiente; vel si ad

posteriora tempora referatur, non eam interpretari debuerunt prophetiam de iis Fraterculis, qui usum rerum sine ullo jure, quod non religiosorum, sed furum et prædonum est, promissis confinxere, seque felices putabant, si perstarent in ea amentia, et tentatorem vocabant Christi vicarium; sed de illis Minoritis, qui in Pontificis et Ecclesie conjunctione, quæ a S. Francisco suis alumnis unice commendata est, perstarent; quamvis eorum magister Michael Casenas ipsos in hæresim et schisma impellere tentaret. Ceterum Joannem licet ab impiis hypocritis Franciscani cultus larva indutis tot injuriis appetitus sit; illius tamen reliquam Minoritarum multitudinem piam et fidei zelo ardentem paternaliter dilexisse visuri sumus.

Ex multis exemplum insigne proponemus ut Joannes Franciscanum Ordinem tutandum adversus pseudoprophetas et hæreticos, qui ex sanctissimo Ordine instar vermiculorum ex nobilissimo humano corpore erumpentium illudque rodentium eruperunt, tutatus sit. Gravissimas hoc anno in Germania turbas miscuit adversus Minoritas Franciscus e Lutra, ejusdem Ordinis impostor insignis, qui ut sodales suos ad Fraticellorum sectam traheret, finxit se prophetam esse, sibi quæ divinitus a Christo significatum, omnes Minoritas, qui prærogativis et decretis Apostolicis usi, paupertatis Franciscanæ acerbitatem mitigarant, lethali peccato devinctos teneri; se vero a Christo constitutum, ut Minoritarum disciplinam pristino splendori restitueret: præcipiebatque sodalibus, ut præsulum suorum jugum excuterent. Addebatur vir insanus dictis suis obtemperandum a Pontifice, idque a Christo imperatum: in eamque prorupit vesaniam, ut deliria sua tanquam oracula promulgaret: qua de re publica hæc documenta ad Pontificem transmittenda edita fuerunt ¹:

« In nomine Domini. Amen. Per hoc præsens publicum Instrumentum pateat universis, quod anno a Nativitate ejusdem mcccxxi, Indictione quarta, præsidebat sanctæ Romanæ et universali Ecclesiæ domino Joanne, divina providentia summo Pontifice papa XXII, Pontificatus ejus anno v, in præsentia mei notarii publici infrascripti et testium subscriptorum, constitutus vir religiosus frater Mengotus guardianus Ordinis fratrum Minorum domus Spirensis proposuit contra fratrem Franciscum de Lutra, qui suus fuerat subditus, et se ab obedientia et potestate Ordinis subtraxerat (quem etiam reverendus in Christo pater et dominus Enicho Spirensis episcopus eum clero suo in defensionem suam receperat, ac in domo sui palatii suo tenebat et adhuc tenet, ministratis eidem expensis ac luitione tali, sine qua Ordini suo talem jacturam facere nullatenus potuisset) quod idem Franciscus lapsus videtur in errorem sive hæresim damnatam et reprobam per Ecclesiam in quibus-

¹ Ep. com. cxxlvi. et Ext. com. *Rit. recta* de rel. domib. —
— ² Ms. Vat. sign. num. 4003 pag. 1. Wad. in Annal. Min. hoc an. num. 16. — ³ Ibid. — ⁴ Bullar. in Jo. XXII. Const. tit. *Gloriosam Ecclesiam* et extr. *Cominter nonnullos* et *Quia quorundam* de ver. sig. et *Quia vir reprobis*. — ⁵ Ms. Vat. bibl. sign. num. 4010. p. 1.

¹ Ext. in rotulo pergam. sign. num. 5. ex archivo Avin. in Vatic. delato.

dam pseudofratribus qui Sarabaytæ nuncupantur, in articulis infrascriptis. Primo quia se dicit prophetam, ut patet in littera sua, quæ affixa fuit ex parte ipsius Francisci foribus Ecclesiæ majoris Spirensis, in illa parte ubi dicit : Postquam inspirationi divine ad plenum parui in publicatione deviorum voti fratrum, etc. gratia Dei præventus, existens in spiritu, audivi vocem divini spiraminis dicentem mihi : Sede cito, et scribe. Et ego sedi et scripsi. Et dixit mihi : Et tu, fili hominis, evangeliza, etc. Cum tamen vita ipsius adeo sancta non fuerit, ut se habere spiritum prophetiæ præsumere posset.

« Item arcana seu secreta Ecclesiæ Catholicæ, et auctoritatem summi Pontificis inspecta videtur reddere, etiam seipso sentire et hoc in illa parte litteræ supradictæ ubi dicit : Vestri prædecessores in agnitionem plenam omnium occultorum totius Ecclesiæ meæ sanctæ, et maxime plenitudinem auctoritatis summorum Pontificum rimantes, callide subintroierunt ». Et infra : « Rigoris Ecclesiastici perscrutantium, etc. Item videtur sentire in eadem littera, quod uti privilegiis a Sede Apostolica indultus sit impugnare veritatem vite : quod ulique non caret errore. Et hoc patet in illa parte litteræ, ubi dicit : Veritatem, quam Ecclesia mea sancta docet et tenet, non solum impugnare, verum etiam conculare satagentes, etc. Item apparet falsorum criminum impositor, imo potius calumniator sive infamator. Et hoc patet in illa parte prædictæ litteræ, ubi dicit : Veritatem etiam agnitam impugnando ». Et infra : « Veritati quasi agnitæ in hac parte cum remorsu conscientiæ resistendo, nullo prælato ordinis tam notorium errorem corrigente, etc. Item errorem sapit in illa parte litteræ, ubi dicit : Non parendo vestris pro nunc prælatis, multitudini malignantium consentientibus, etc.

« Item errorem sapit reprobatum ab Ecclesia in illa parte litteræ, ubi dicit, loquens de personis damnatis, ut prædicitur, scilicet Sarabaytis, dicit sic : Unde nec ipsum volui multitudine sapientium, ut quidam ex eodem ordine pluries attentarunt, consummare : sed per pauperculum spiritu, destitutum viribus corporalibus, etc. et loquitur de se ipso quasi sectam prædictorum damnatorum velit sequi. Et ex aliis pluribus locis prædictæ litteræ et sermonum ipsius Francisci apparet evidenter, ipsum in errorem esse lapsum, et omnes ejus fautores seu defensores reprehensibiles inveniri. Item apparet quod pertinacia sui erroris in eo perseverat, ex eo, quod in alia littera consubilis seu civibus Spirensibus ex parte ipsius presentata, pro tali veritate, quam ipse dicit se tenere, exponit se morti pro ea defendenda : cum tamen ei constet, quod Ecclesia Romana talem sectam damnaverit et reprobaverit ; et tamen a sua pertinacia non respicit. Tenores vero litterarum, de quibus superius habita est mentio et inferius annotantur, tales sunt ;

« Ecce ego Franciscus frater Ordinis B. Francisci, postquam inspirationi divine ad plenum parui in publicatione deviorum voti fratrum, qui se dicunt Ordinis B. Francisci, gratia Dei præventus existens, in spiritu audivi vocem divini spiraminis dicentem mihi : Sede cito, et scribe. Et ego sedi, et scripsi. Et dixit mihi : Et tu, fili hominis, evangeliza quondam populo meo, nunc autem non populo (in margine descripta sunt hæc verba : Nota, quod si non est populus Dei, sed seclusus sive separatus a Deo, Ecclesia, quæ a Spiritu sancto regitur, male fecit approbando) et dices ad eos : Audite verbum Domini, fratres solo nomine non re Minores, quondam populus meus, nunc autem non populus. Hæc dicit Dominus : Retribuam vindictam servorum meorum, et propitius ero terræ populi mei, quoniam inimici seu hostes servorum meorum maxime fuerunt domestici ut patet ab initio temporis in Cain Abel justum occidente, et progressu temporis in cætu filiorum Jacob Joseph sanctum in exilium tanquam mortuum retrudente. Ex multis quoque antiquis rerum historiis comprobatur veritatem iustorum per domesticos, dum eam suscitare putantur profundius, tendentes insidias facilius, multifarie fore laceratam, et ex certa malitia impugnatam sive conculcatam ; quam veritatem vos, qui pro nunc dicimini fratres Minores, sed non estis in statu vocationis vestræ, deseritis : in quo, ut liquet ex verbo B. Francisci, vocati estis Minores ideo, ut non per Ecclesiasticas præeminencias pontificales seu quasvis alias hujus sæculi dignitates præsumeretis fieri majores sive altiores, paternæ eruditionis immemores tanquam filii degeneres. Jamdudum multi ex vobis per subornationes infestassas ambitione notorie plenas Ecclesiasticis dignitatibus se ingesserunt, et ad easdem sic assumpti vestri prædecessores in agnitionem plenam omnium occultorum totius Ecclesiæ meæ sanctæ, et maxime plenitudinem auctoritatis summorum Pontificum rimantes, callide subintroierunt, sumentes ex hoc diffugii voti vestri fundamentalem occasionem per inexplatam præsumptionem (in margine jacent hæc voces : Nota, quod dicit, fratres voti sui inobservantiam assumunt ab Ecclesia ; et hoc idem dicunt Sarabaytæ) quæ instigatione importuna fratrum ad prælaturas sic assumptorum, rigoris Ecclesiastici arcana perscrutantiam, privilegiis infinitis vallati statuta sanctorum Patrum omnibus Christi fidelibus et maxime Ecclesiasticis personis indistincte injuncta sub specie simulate sanctitatis talia impetrantes, jam ab eorum innumerabilium observantia vos eximi procurastis temeritate inexplata ab ullis personis Ecclesiasticis tam secularibus quam religiosis ; veritatem, quam Ecclesia mea sancta docet et tenet, non solum impugnare, verum etiam conculare satagentes productione privilegiorum statuto Concilii Viennensis cassatorum tunicam Christi mei inconsultilem, scilicet unitatem spiritus Christifide-

litum, quæ subsistit in vinculo pacis, tota die litigiosis processibus nitimini lacerare, veritatem etiam agnitam impugnando : propter quod jam Christifideles in effrenem contemptum statutorum Ecclesie, et maxime in Alemannia, indovistis fastu vestre vesanæ pertinacie, an per statuta Concilii Viennensis privilegium Bonifacii VIII de communione corporis Christi sororibus et fratribus tertii ordinis concessum, esset annullatum ab eo, cujus solius interest et intererat interpretari et definire, summi Pontificis nunc Christi mei vicarii Joannis XXII (definitionem) requirere ac interpellare, antequam eo uteremini, infrunito animo contempsistis, in tam notoria contradictione omnium sapientium totius Alemanniæ, ex certa malitia adhuc in eodem persistendo veritati quasi agnita in hac parte cum remorsu conscientie resistendo, nullo prælo Ordinis tam notiorum errorem corrigente; providentia mea infallibili hoc permittente, ut in tam notoria culpa voti vestri devia jamdudum occultata panderentur, ut coercitione condigna corrigantur. Et ideo in hostes servorum meorum B. Francisci, S. Antonii, S. Ludovici vindictam retribuam, eo quod hi servi mei fastum terrenæ prævenientie abnegantes, doctrina et exemplo in ædificationem totius Ecclesie indefesse refulerunt, quorum vestigia imitari in his, sine quibus non est salus, vos scandolose recusastis, notorie et publice comprobastis, quod hostes servorum meorum censemini : quia si in tam notoriis degenerastis Sedis Apostolicæ præceptis non obtemperando, convincimini quod veritatem vestræ professionis nullo minus hactenus formidastis enervare peccato obstinationis fræna laxantes, observantiam voti vestri, a servis meis exemplatam, ausu temerario exterminando profanastis. Ego igitur patiens et deditus Deus peccata dissimulans hominum, volens (in marginali ora hoc apponitur : Nota quod duo anni sunt elapsi, quod iste spiritus nihil facere potuit de eo, quod efficaciter promisit se facturum) prædestinatos inter vos ad gremium sanctæ matris Ecclesie efficaciter revocare a tantæ temeritatis ignavia, quæ voti vestri devii ex certa scientia occultatis, speciem fictæ sanctitatis prætendentes, statum vestræ professionis omnimode dignoscimini abdicasse.

« Volens igitur esse propitius terræ populi mei, qui propter impugnationem veritatis et destructionem observantiæ regularis ex certa malitia jamdudum per vos hostes servorum meorum instauratam non populus meus, nunc autem populus meus paternæ condescensionis clementiæ, meæ inspirationis efficacia per servum meum fratrem Franciscum de Lutra non meritorum ipsius ulla exigentia, sed meæ meæ exuberantis gratia redundantia, qua et Paulum Ecclesiæ persecutorem in actu persecutionis in vas electionis mihi adoptavi, volui manifestari voti vestri devia, ut professores Ordinis S. Francisci non quotidianis cul-

pis seu etiam earundem recidivis obstinati ab Ecclesia, sicut de novo Templariis accidit, exterminentur; sed magis meritis servi mei B. Francisci apud me impetrare dum viveret promeruit, usque in finem hujus sæculi saltem in paucis fratribus volum suum, sine quo non est salus, observantibus, Ordo B. Francisci conservetur; et ab Ecclesia toleretur : quia sicut ex paucis non multorum annorum curricula numerum fratrum dilatavi, tunc fratribus de virtute in virtutem proficientibus, sic ex nunc volens dare virtutem populo meo in paucis ex eodem Ordine adoptato, ut ego Deus deorum in Sion, id est, in cordibus fratrum pacis visione tranquillatis doctrina et exemplo videar ad instar perfectionis, qua a servo meo S. Francisco Ordo vester hinc institutus, ut in hoc per dictam sapientiam versatæ calliditatis fratrum, nunc ut filii hujus sæculi sapientium, restantem deperdita collegio pauperum paucorum in spiritu humilitatis committuntur se ex toto, ut a principio institutionis Ordinis providentiæ meæ liberalitati, quaerendo primum regnum Dei, non inutiles humane provisionis ut filii degeneres refugio, quia dabo virtutem non solum spiritualem, sed etiam corporalem populo meo, eum in pace benedicendo, cujus benedictionis si vultis fieri participes, devia voti vestri absque ulla mora quilibet vestrum abdicet, non parendo vestris pro nunc prælatis (in margine habetur : Nota, novum modum abdicandi devia voti dicit esse, ut non pareatur prælatis Ordinis) multitudini malignantium consentientibus, et subdolis in malitia ex certa scientia (quantum in eis est) obstinantibus. Alioquin evaginabo gladium meum, videlicet justæ ultionis, et interficiet vos manus mea subtractione gratiæ justificantis, subsequente sententia infallibili damnationis in morte aeterna vos perpetuantis : quia non est prudentia, non est sapientia, non est consilium contra me, qui sum et non est alius, volens ut Christi mei vicarius in terris reformationi Ordinis B. Francisci secundum seriem inspirationis præsentis absque mora invigilet (in margine adjecta hæc observatio : Nota quod Spiritus mandat pape, quod ipse secundum seriem præsentis inspirationis procedat absque mora) sagaciter animadvertendo, quod ad hoc infirma mundi elegerim, ut fortia quæque confundam, volens opus reformationis jam dictæ nulli adscribi creaturæ, sed meæ tantum potentiæ et providentiæ : unde nec ipsum volui multitudine sapientium, ut quidam ex eodem Ordine pluries attentarunt, consummare; sed per pauperum spiritum, destitutum viribus corporalibus, nulli industriæ ac providentiæ creatæ in hoc lacto annitentem, sed omni irrequisito refugio auxilii creati, antequam parceret in executione operis præsentis se totaliter in omnibus meæ submitit providentiæ, spem non habens in alio : cujus inspirationis efficacia fructum volui elicere subscriptum, ut potentia mei Dei, scilicet Patris, secun-

dum formam et modum, quem per bajulum hujus lucis, videlicet fratrem Franciscum per me ad hoc electum ex utero matris, Christi mei vicario reserabo, fratres, qui se dicunt pro nunc Minores, a devoti voti sui revocentur, et a latebris conculationis veritatis, quibus tunica Christi mei inconsutilis notorie est lacerata, ad gremium Ecclesie meae sanctae in obedientia ex regula sibi praescripta refugere absque mora compellantur: et ut sapientia mei scilicet filii Dei, pharisaei in tota Ecclesia in eisdem latebris impugnationis veritatis se jam occultantes, hac luce veritatis inspirate penitentiae fructu facto condigno ab errore tam pestifero, videlicet hypocrisis, resilire alliciantur, et ut bonitate mei Dei Spiritus sancti Christi-fideles a fermento Pharisaeorum, quod est hypocrisis, sagacius attendant se preservare, solliciti servare unitatem spiritus in vinculo pacis, pacis inquam custodientis corda et intelligentis Christi-fidelium in Christo meo Jesu, id est, in veritate, quam Ecclesia mea sancta in certis articulis Christianae veritatis firmiter credit et simpliciter profitetur: qua veritate, quia nuda sunt omnia oculis meae divinae majestatis, per eam nihil relinquatur occultum fermento falsitatis corruptum, ut in inspirato praescripto, quod non reveletur; nec operum, quod non sciatur. Item alia littera sic incipit:

« Reverendi domini civitatum, qui estis hic congregati una cum dominis civibus Spirensis civitatis, ne vobis ac vestris concivibus videatur factum meum ex phantasia propria attentatum »; Et infra: « Sponte me offero ad omnem poenam, quae secundum tenorem regulae et statutorum Ordinis regulae, ut instituta fuit, consonorum potest et debet infligi: et quod magis, si tamen auderem contra regulam, obligarem me ad subeundam mortem, quam ipsi fratres possent exco-gitare torporem. In quo advertatis, quod nulli innitor nisi veritati, quam docet et tenet sancta Ecclesia, et veritati status instituti a B. Francisco, etc. » Subdunt publica documenta, priores litteras foribus principis Ecclesiae Spirensis affixas; posteriores vero in publicis caetibus oratorum, qui ex variis urbibus Spirae convenerant, perlectas fuisse. Pseudominorita hujus audacia adeo

projecta fuit ut postea e sacro suggestu declamaret, omnes qui Minoritis eleemosynam erogarent, lethali noxa se obstringere. Quem furem Joannes papa ad tuendum Franciscanum Ordinem compressit, ut inferius visuri sumus: adeoque Minoritas Apostolico studio est prosecutus, ut vere dixerit adversus susurrones¹: « Ex quo cepit ipsorum Ordo, nullus efficacius quam nos pro statu eorum laboravit ». Atque ex his refelluntur facile recentiorum aliquorum mendacia, qui Joannem quasi de Minoritis male meritum ob successis enascentes hypocritarum errores in invidiam vocaverunt: neque animadvertunt quam turpe sit Christi vicario calumnias impingere ad ineptasapologias in haeticorum et apostatarum gratiam conscribendas.

20. *Joannis e Polliaco error damnatus super exhomologesi apud religiosos sacerdotes facta, pluribus allatis ad rem documentis.* — Repressus a Romana Ecclesia eodem tempore novus error, quem Joannes e Polliaco (1) Parisiensis doctor Ecclesiasticae disciplinae sancienda specie, re autem vera religiosorum Ordinum ac pietatis odio ventilabat: docebat enim² in scholis, spargebatque in populum exhomologeses apud religiosos sacerdotes factas non rite expiare conscientias, nisi eadem crimina a fidelibus suis parochis iterum aperirentur; atque ad confirmandam sententiam in pravam sensum statutum Lateranensis Concilii, *Omnia utriusque sexus*, detorquebat. Adducta est ea controversia ad Sedis Apostolicae tribunal, judicaria dirimenda sententia; atque diutius a theologis, collatis hinc inde argumentis contrariis, agitata: de qua insignem tum editum commentarium³ e Vaticanis monumentis in lucem producimur.

« Utrum confessi legitime privilegiatis teneantur eadem peccata proprio curato confiteri. Et fuit quidam magister, qui determinavit, quod in casibus, in quibus parochianus de jure communi est exemptus a parochiali curato, non debet eadem peccata confiteri, scilicet si habeat inimici-

¹ Tom. vi. Ep. seer. p. 3. pag. 201. — ² Henr. Bictuel. Ms. Vat. sign. num. 4019. pag. 261. — ³ Ms. Vat. bibl. sign. num. 4019. pag. 265.

(1) Joannis e Polliaco dogma ad confessiones laicorum apud Regulares viros quod a tunc *novum errorem* male appellat annalista, cum ante annos circiter septuaginta Guillelmus de S. Amore idem docuerit in tractatu de periculis novissimorum temporum; et quamquam validos adversarios vir ille nactus fuit, quin et Romani Pontificis Alexandri IV. censura librum ejus et degmata omnia conficeret, inter quae non infimum locum tenebant errores de Confessionibus laicorum apud regulares sacerdotes; adhuc tamen opinio illa benignus nacta fuit patronos. Cum enim totus liber Guillelmi damnatus fuerit, singuli in eo asserta dogmata pecciliter censuram nondum obtinuerant. Hinc plures e Gallia praesentes adhuc exigendum a fidelibus auverunt, ut semel saltem singulis anni laici delicta sua pro confessionibus parochis exponerent. Id enim sanxit Concilium Colonense anni MCLXXX, cap. 7, Rothomagensis anni MCLXXXIX, cap. 7, Constantiensis anni MCCC, cap. 33. Quam et Martinus IV litteris ad supremos praesules Ordinis Praedicatorum datus apud e Urbem Veterem IV idus Januarii Pontificatus sui anno 1^o, id est, anno MCLXXXII, recitavit quae apud Martinum Anecd. tom. 1 col. 1172, facultatem illis concessit ut idoneis fratribus manus audiendi fidelium confessiones demandarent; ita tamen ut qui se apud fratres illos expressissent, tenerentur e adhuc semel in anno, prout generale Concilium statuit, parochialibus praesbyteris confiteri ». Idem etiam statuisset Bonifacium VIII anno MCCCIV in Nota ad eundem annum num. 21, contra annalistam ex Nangia demonstravi. Verum Benedictus XI an. MCCCIV nova Constitutione contrarium statuit, ab hoc imposito opere penitentes fideles relevans, quae de re lege Annales ad an. MCCCIV, num. 21. Post hanc Benedicti Constitutionem VI invenies Concilium aliquod in quo praecipum de confessione annua proprio sacerdoti prestanda ita inculcetur, ut irritae definiantur confessiones apud religiosos viros praestitae. Merito igitur Joannes de Polliaco, qui id affirmare ausus fuit post Benedictum, erroris et falsi dogmatis arguitur.

tias capitales, vel si timet revelationem confessionis, vel si sacerdos parochialis sit ignarus: in his casibus potest dominus papa concedere auctoritatem religiosi audiendi confessiones et absolvendi, nec tunc absolutus tenetur eadem peccata confiteri proprio curato, licet debuerit ab eo petere licentiam, quia petita, sive oblenta fuerit sive non, potest confiteri superiori vel privilegiato et non alii sacerdoti: et in incerto potest esse expediens privilegiare, si aliquis haberet devotionem pluris confitendi alicui privilegiato eadem peccata, petita tamen licentia a curato. Extra vero illos casus non potest papa privilegiare quemquam, nec privilegiavit, nec privilegiare expedit.

21. « Et quod non possit, arguitur sic: quia parochialis non commisit jus suum privilegiato, nec papa privilegiat nisi salvo jure alieno, sicut principis privilegium intelligi debet. Ergo confessus privilegiato tenetur et suo parochiali confiteri. Antecedens declaratur in civilibus, nam si princeps dedit alicui privilegium aedificandi in aliquo loco publico, intelligitur salvo jure alieno. *Ne quis aedificet in loco publico* l. prima *Si qua cum principe*; similiter in ecclesiasticis xxv q. iii. Dicit Gregorius si defenderis: In singulis Ecclesiis sua jura servamus.

« Secundo arguitur sic: Quod est de jure divino, a nullo papa, vel ab alio immutari potest. Sed subjectio populi ad sacerdotem parochialem est hujusmodi, quia a Christo instituta. Ergo papa hanc immutare non potest, quod fieret, si posset sic privilegiare, quod confessi privilegiatis non tenerentur iterum eadem, etc. nam per tale privilegium subtraheretur subjectio ad curatum. Minor patet, quia sicut Christus misit xii Apostolos, ita misit lxxii discipulos immediate, ut dicitur Luc. x, ubi dicit glossa, quod sicut in duodecim Apostolis est forma episcoporum, ita in septuaginta duobus discipulis est forma presbyterorum: et ita Christus immediate constituit in eis superioritatem ad populum, quare et sic constituit immediate subjectionem populi ad ipsos. Et hoc confirmatur per Bernardum II lib. ad Eugenium papam: Erras, inquit, si ut summam ita et solam a Domino institutam tuam exisimas potestatem. Si hoc sentis, dissensitis ab eo, qui dicit: Omnis potestas a Deo est. Et infra: Omnis anima potestatibus sublimioribus subiecta est; non dicit potestati quasi in uno, sed potestatibus quasi in pluribus. Non tua ergo sola potestas a Deo est, sed et mediocres et inferiores; et quomodo quos Deus conjunxit non sunt separandi; sic quos Deus subiecit, non sunt privilegiandi.

« Tertio arguitur sic: Qui de jure divino nullam habet ampliorem potestatem, quam ceteri episcopi, non potest subtrahere jurisdictionem episcoporum de jure divino: sed solum de jure positivo, vel de consuetudine introducere, cui potest derogari per positivum statutum, vel desuetudinem contrariam. Sed dominus papa non habet

de jure divino a Christo potestatem ampliorem quam ceteri episcopi. Ergo non potest subtrahere a jure ipsorum, vel ab eis alios eximere nisi de consuetudine, vel de positivo jure, cui potest et expedit derogare per consuetudinem contrariam vel statutum, ut sic Ecclesiae redeant ad suam pristinam libertatem. Major probatur xxi di. c. In novo, ubi dicitur, quod omnes Apostoli potestatem et honorem pari consortio acceperunt, ipsi quoque beatus Petrus principem suum esse voluerunt: ex quo sequitur papatum et principatum Petri, et per consequens Romani Pontificis, non esse a Christo, sed ex humano statuto.

« Quarto arguitur sic: Papa non potest subvertere totum ordinem Ecclesiasticum, quia ad Corinth. ix dicitur: Non est data potestas ad destructionem et subversionem, sed ad aedificationem. Sed quamvis aliquo modo, non tamen totaliter per abbatem privilegiatum tollitur ordo Ecclesiasticus, quia adhuc multi remanent episcopis subiecti, in quibus ordo Ecclesiasticus servatur; tamen per privilegium predictum de confessionibus totus ordo Ecclesiasticus et status subtrahitur, quia nullus tenetur confiteri episcopo vel curato, et quia quilibet potest confiteri privilegiato, et tunc non tenebitur confiteri episcopo. Ergo papa hoc facere non potest, sicut non potest facere, quod in Ecclesia non sint episcopi; unde Bernardus ad Eugenium: Non te tollat memoria (loquor) omnium Ecclesiarum, quae versari se clamant et demembrari. Subtrahuntur enim abbates episcopis, episcopi archiepiscopis, archiepiscopi patriarchis: sic faciendo probatis vos habere plenitudinem potestatis, sed iustitiae non. Ex quo arguitur, quod papa, si hoc faciat, hoc facit de facto, de jure tamen non potest.

« Quinto dicunt hoc asserentes, quod dominus Benedictus papa, concedens hoc privilegium, attendens quod de jure divino tenentur parochiani suis confiteri parochialibus sacerdotibus, aliter non concessit dictum privilegium, nisi ut confessi privilegiatis teneantur eadem peccata confiteri propriis sacerdotibus: nam ipse dicit in Constitutione prima, quod vult, quod legitime confessi dictis privilegiatis teneantur eadem peccata confiteri suis parochialibus sacerdotibus. Constat autem quod non conficitur legitime qui non intendit debita sua solvere illis, quibus debet. Cum ergo quilibet teneatur de jure divino suo parochiali confiteri omnia peccata sua, nisi hoc cum conficitur privilegiatis, non est hujusmodi confessus, etc. ut prius, scilicet quod non obstante dicta Constitutione talis teneatur eadem peccata confiteri, etc.

« Sexto in eadem Constitutione praecipit dominus papa Benedictus fratribus, ut moneant sibi confitentes, quod eadem confiteantur suis parochialibus: constat autem quod non praecipisset, nisi quia de jure naturali et divino tenentur parochialibus confiteri; aliter enim dixisset, quod

vel primario vel vicario episcopi. Ergo, etc.

« Dicunt ulterius, quod talis Constitutio non est utilis nec expediens. Primo quia confendit totum ordinem Ecclesiasticum XI. q. *Peruenit*: Si sua unicuique juris licito episcopo non servatur, quid aliud agitur, nisi ut per eos per quos Ecclesiasticus ordo illæsus custodiri debuit, confundatur? Et Ostien. Extra. de pen. et re. *Omnis utriusque*, dicit quod licentiam nulli alii quam sacerdoti parochiali debent petere licentiam et obtinere, aliter esset confundere Ecclesiasticum ordinem et Ecclesiasticam disciplinam. Secundo non est utilis talis Constitutio, quia per hanc subtrahitur debita reverentia a prælatis, quæ debetur a subditis, et quæ maxime servatur in confessione; quam etiam reverentiam Dominus voluit exhiberi, cum dicit: Ille, ostendite vos sacerdotibus; super quo verbo dicit glo. quod Dominus noster Jesus Christus servavit semper honorem sacerdotibus. Tertio non est utilis nec expediens, quia per hoc datur populo occasio evagandi et libere peccandi, quod reprobat Bernardus, in lib. ad Eugenium. Quarto quod sit in præjudicium sacerdotum, fieri non debet XXXV. q. 2. Absit hoc a me, ut statuta fratrum meorum dissolvam, etc.

« Dicunt etiam isti, quod si est aliquid boni vel aliqua utilitas inde proveniens, quod potest etiam sine tali privilegio et exemptione provenire, quia ubi curatus esset ignarus, sicut in pluribus contingit, vel ubi aliquid esset expediens, quod alteri confiteretur; tamen debet subditus petere licentiam a curato suo, qui eo tempore concederet, et sic servaretur debita reverentia ad curatum; et si forte curatus nollet dare, deberet subditus frangere eorum suum, et confiteri curato, et esset sibi ad meritum, quia aliter non esset vere contritus, ut docet dominus Bonaventura in quarto sententiarum.

22. « Ad intentum propositæ quæstionis et eorum quæ dicta sunt, septem sunt facienda. Primo videndum est, si dominus papa habet superioritatem respectu episcoporum et aliorum prælatorum. Secundo qualem potestatem habeat, utrum scilicet mediatam vel immediatam. Tertio qualem potestatem habent episcopi respectu inferiorum rectorum. Quarto quantum potestatem habeant curati parochiales respectu privilegiatorum per primam Decretalem, *Omnis*. Quinto quod papa potest talem Constitutionem facere, quod *confessi fratribus*, etc. Sexto ostenditur quod hoc expediens fuerit et necessarium. Septimo responditur ad oppositas rationes.

« Circa primum; sciendum est, quod potestas sacerdotis sive Ecclesiastica est spiritualis potestas collata ministris ad ministrandum sacramenta, per quæ homo provehitur in vitam æternam. Hæc autem potestas in duobus consistit, scilicet in sanctificatione materie, et vocatur potestas ordinis in comparatione ad corpus Christi verum; et in preparatione populi ad debitam suscepcionem

dicti sacramenti, præcipue per sacramentum Pœnitentiæ, et vocatur potestas clavium; quæ potestas ligandi atque solvendi in foro conscientiæ est, et est eadem potestas cum prima secundum essentiam, differens secundum diversos actus: nam sicut unica virtute agentis perfecti inducitur forma et fit preparatio materie ad suscepcionem forme, sic eadem potestas datur ministris Ecclesiæ ad corpus Christi consecrandum et conficiendum, et ad preparandum populum ad ejus debitam suscepcionem. Hæc autem potestas clavium prædicta licet in radice sit eadem cum potestate ordinis. et conferatur una cum alia in susceptione ordinis seu sacerdotii; tamen non transit cum effectu nisi in debitam materiam, quæ est peccator subditus, sicut nec potestas ordinis transit cum effectu, nisi adsit panis triticus; prædicta autem subjectio datur per jurisdictionem, cum alicui datur jurisdictione et præsentia super aliquos. Et ideo inter ministros Ecclesiæ duplex invenitur ordo potestatis, unus est secundum potestatem ordinis in habitudine ad corpus Christi verum, et secundum hoc super episcopodem potestatem non est aliquis gradus altior in Ecclesia; nam sacerdos simplex, quamvis attingat ad conficiendum et consecrandum corpus Christi, est tamen quasi puer respectu episcopi, quia non potest facere alium sacerdotem, qui hoc idem facere possit; et ideo similis est puero, qui non potest generare. Sed episcopus non solum attingit ad corpus Christi verum, sed etiam facit alium sacerdotem, qui respectu corporis Christi habet similem potestatem: et ideo dicitur sacerdos magnus, quia habet potestatem ordinis perfectam et completam, super quam nullus est gradus altior in Ecclesia in habitudine ad corpus Christi.

« Alius autem est ordo jurisdictionis acceptæ in habitudine ad corpus Christi mysticum, secundum quam papa habet super episcopodem gradum dignitatis altioris: nam cum sit multiplex communitas hominum, scilicet vici, in quo communicant quasi homines unius ministerii vel officii, et communitas civilitatis, in qua communicant homines diversarum linguarum sub uno politico principatu, et communitas mundi, in qua tota gens continetur, parochialis sacerdos habet jurisdictionem in vico, episcopus in civitate et attinentiis, archiepiscopus in provincia, et patriarcha in regno, et papa habet universalem in toto mundo.

23. « Circa secundum; sciendum, quod quidam dicunt, quod Petrus vel Pontifex jure papatus non habet immediatam jurisdictionem ubique, quia non habet extra suam diœcesim nisi sicut archiepiscopus supra suos suffraganeos episcopos; nam ipse quidem magnus patriarcha seu archiepiscopus habens solum potestatem ubique in casu appellationis ad ipsum, et hoc propter negligentiam vel defectum inferiorum prælatorum; nam si immediatam et ordinariam haberet ubique, es-

sent plures sponsi ejusdem Ecclesiae, scilicet papa et episcopus, contra illud quod habetur VII. q. 1. *Scilicet alterius uxor*. Sed hoc est falsum, nam archiepiscopus non est de jure divino, sed positivo introductus; et ideo archiepiscopus super episcopos non habet superioritatem nisi in iis, in quibus jus positivum eos sibi subiecit. Sed principatus Petri est de jure divino a Christo, scilicet quia totam Ecclesiam suam, nihil retinendo, commisit Petro per illud Joannis ultimo: *Pasce oves meas*, ut infra magis patebit auctoritatibus sanctorum multorum. Ipse ergo ubique potest, nec jurisdictionem habet ab aliis, sed omnes ab ipso, qui aliorum quolibet in partem sollicitudinis vocat: nec si ordinarius est, erunt plures sponsi unius Ecclesiae; est enim unicus sponsus, scilicet Christus, de quo Joannis III: *Qui habet sponsam, sponsus est*; ceteri vero non sunt sponsi nisi ministerialiter, generando filios Ecclesiae non sibi, sed Christo, qui verus est sponsus; et ideo Christus, papa, episcopus et curatus non sunt quatuor sponsi, sed unus qui tres alii unico ministrant, cum Ecclesiae filios general, licet unus mediante alio. Sequeretur autem inconveniens, si duo praeficerentur ex aequo uni Ecclesiae, quod canones prohibent.

24. « Circa tertium; sciendum, quod non sic se habet curatus parochialis ad episcopum in potentia, sicut se habet episcopus ad papam, quia majus jus habet episcopus in sua diocesi sub papa, quam habeat curatus sub episcopo in sua cura: nam ipse parochialis sacerdos non est ordinarius in sua parochia sicut episcopus, cum non fiat per electionem sicut episcopus, sed per provisionem episcopi; sicut dicitur de archidiaconis, quod non sunt ordinarii nisi ubi de consuetudine sunt per electionem, propter quod etiam adjuutores sunt episcopi, et non praebati; unde in eorum ordinatione dicunt episcopi: Quanto fragiliores sumus, tanto magis hujus adjutorio indigemus; unde et Apostolus ad Cor. XIII dicit: Alii sunt gubernantes, alii opitulantes. Per opitulantes secundum glossam intelligit eos qui majoribus opem ferunt, cujusmodi sunt archidiaconi et curati: propter quod etiam quidam doctores scribunt, eos se habere ad episcopos in parochia sicut se habent ballivi ad dominos castri vel villae: sicut ballivi nihil possunt nisi quantum eis a dominis committitur, sic nec curati in parochiis nisi quantum eis ab episcopis committitur: propter quod XIII. q. 1. dicitur cunctis fidelibus: Omnibus presbyteris, diaconibus et reliquis clericis attendendum, ut nihil absque episcopi sui licentia agant, non utique missas absque ejus jussu quisquam presbyterorum in sua parochia agat, non baptizet, etc. Ex quibus patet, quod majorem potestatem habet episcopus et papa similiter in ipso, quam ipsemet sacerdos parochialis, quia episcopus committendo ei curam non se exonerat, sed adhuc habet de parochia curam principalem et potestatem in eadem sicut

ante; sicut ignis, dans ligno potestatem calefaciendi, faciendo lignum calidum, adhuc retinet potestatem alia ligna calefaciendi. Ex his etiam patet, quod eadem subiectione, qui subiecitur populus parochiali sacerdoti, quod eadem subiecitur et episcopis: et ubi papa vel episcopus absolvit, deobligatur parochianus a parochiali sacerdote, quantum a licentia confessionis faciendae vel absolutionis petendae.

25. « Circa quantum, scilicet quod debetur sacerdotibus parochialibus virtute illius Constitutionis, *Omnis utriusque sexus*; sciendum, quod intentio illius Decretalis est in duobus, nam est declarare jus quoddam: nam olim pullulavit error circa potestatem clavium, credentibus quibusdam, quod quilibet peccator a quolibet sacerdote absolvi posset absque determinatione jurisdictionis alterius; nam potestatem ligandi atque solvendi cum effectu dicebant recipi in ordinis susceptione: quem errorem exclusit dicta Decretalis, decernens quod quilibet Christianus tenetur confiteri peccata sua omnia sacerdoti; non cuilibet, sed proprio, id est, jurisdictionem et potestatem habenti, et non alieno, si jurisdictionem non habeat. Aliud est autem, quod dicta Decretalis intendit determinare, scilicet tempus confessionis faciendae, quia semel in anno. Quid ergo juris datur sacerdotibus parochialibus per primam Decretalem respectu privilegiatorum, vel episcoporum? Cerle videtur quod nihil; nam non dicit Decretalis, quod semel in anno quilibet confiteatur suo parochiali sacerdoti, sed dicit proprio sacerdoti; proprius enim sacerdos non sumitur hic prout proprium distinguitur contra commune, quia sic solus parochialis sacerdos est proprius, et non episcopus vel papa, et per consequens confessus papae vel episcopo non esset deobligatus a tenentia confessionis faciendae proprio sacerdoti: sed proprium ibi accipitur prout distinguitur contra alienum, ut dicitur sacerdos alienus, qui nullam habet jurisdictionem super istam gentem, ut curatus unius parochiae est alienus respectu parochianorum alterius parochiae; et dicitur proprius sacerdos quicumque habet potestatem absolvendi ordinariam seu delegatam, ut papa vel episcopus, curatus et quilibet privilegiatus, vel ab ordinario substitutus: et quod sic accipitur in Decretali proprius sacerdos contra alienum, patet ad evidentiam, quia subiungitur in eadem: Quod si alieno privetur Ecclesiastica sepultura. Cum sit ergo aequo proprius sacerdos privilegiatus sicut parochialis, nihil per Decretalem primam datur parochiali respectu privilegiati plusquam aequo; sed confessus et absolutus a privilegiato, vel Christo, vel papae est deobligatus a tenentia supradicta. Etsi Decretalis de solo parochiali sacerdote intelligeretur (quod non est dicendum) posset dici, quod confessus privilegiato teneretur confiteri parochiali suo non eadem peccata sed alia si qua habet; vel si nulla habet, debet se ostendere

parochiali, et dicere se nihil habere confitendum, quia alias est confessus.

26. « Circa quintum, scilicet si papa talem Constitutionem facere potuerit, quod populus confiteretur sic, scilicet privilegiatis, nec teneretur eadem peccata confiteri suo parochiali sacerdoti vel etiam episcopo; sciendum, quod indubitanter potuit, quia ea quae sunt jurisdictionis et non ordinis, possunt committi saltem habentibus ordinem, et modo quo aliquis habet hoc potest committere: dictum est autem supra quod episcopus et papa habent jurisdictionem ordinariam in diocesi et in parochia, etiam magis principalem quam parochialis sacerdos, et potestate ordinaria possunt in parochia absolvere, nec confessi eis tenentur parochiali eadem confiteri. Ergo haec iidem possunt quibuslibet ordinem habentibus committere. Et hoc etiam apparet exemplo Apostolorum in primitiva Ecclesia; nam Apostoli presbyteros ordinabant in villis, qui cum plebibus morabantur, et nihilominus aliquos mittebant, qui populum catechizarent. Sic non obstante, quod Apollo esset presbyter Corinthiorum, tamen Paulus ad eos misit Timotheum I Corinth. iv. Consulendo etiam Romanae Ecclesiae habet, quod potest quilibet impetrare litteras a penitentario pape ad quoslibet sacerdotes, qui eos absolvant; et stultum esset dicere, quod confessi et absoluti a talibus tenerentur suo parochiali eadem peccata confiteri, vel quod confessus Timotheo teneretur eadem confiteri Apollo et etiam apud praedicatorum Bulla domini Alexandri pape jure declarabat, quod papa potest committere auctoritatem audiendi confessiones et absolvendi fratribus etiam superioribus sacerdotibus, imo praetatis quibuscunque, non solum non requisitis, sed etiam invidis. Et quod sic privilegiati possint absolvere, patet quia additur, quod non solum contrarium dicere, imo dubitare haereticum judicamus. Non est autem dubium, quod si papa eo quod potest absolvere in parochia, potestate ordinaria, quod hoc idem potest committere: quod si potestate ordinaria potest in parochia absolvere, ita quod absolutus ab eo non teneatur eadem peccata confiteri suo parochiali vel cuiquam alteri, poterit similiter hoc idem committere fratribus, ita quod absoluti ab eis non tenebuntur eadem peccata alteri confiteri.

27. « Circa sextum, scilicet utrum expediat Constitutionem facere, vel tale privilegium dare; sciendum, quod in indifferentibus, quae etiam sua natura non sunt de se mala, sed possunt benefici, si fiant a principe, non licet judicare in deteriorem partem, scilicet quod male sint facta: nam secundum jura sacrilegium est de iudicio vel de facto principis disputare, nisi ad majorem evidentiam, vel nisi sit manifeste contra Deum. Et ideo ex quo dominus Benedictus talem Constitutionem edidit, quae non est in evidentia contra Deum, cum habet rationes plurimas etiam ad utramque

partem, sacrilegium videtur dicere, quod non sit expediens vel utilis Ecclesiae Dei; sed quod alia sit utilis huic contraria. Sed respondeo et dico, quod credendum est utramque fuisse utilem et esse pro tempore, licet utilitate nobis occulta: forsan enim expediebat tempore Bonifacii, ut per subtractionem Constitutionum a fratribus populus sentiret et cognosceret quid utilitatis ex primis alias habuisset; et forsan nisi Bonifacius hanc fecisset, Benedictus istam Constitutionem non dedisset, propter quod utraque utilis esse potest: sed utrum ex natura rei Constitutio praedicta Benedicti sit utilis, scilicet quod fratres possent, etc. et respondeo et dico, quod sic: et si non esset factum, consulendum esset quod fieret propter multorum sacerdotum ignorantiam, quae causa ruinae multorum, quia dicit Augustinus lib. de Penitentia: Qui vult confiteri peccata sua, ut inveniat gratiam, quaerat sacerdotem, qui sciat ligare et solvere, ne cum negligens extiterit, negligatur ab eo qui eum miserit, et ambo in foveam cadant, quam stultus vitare noluit. Secundo propter plebis multitudinem, quae interdum uni sacerdoti gubernanda committitur, qui si toto tempore vitae suae aliquid non faceret, vere omnium confessiones audire non posset; propter quod Matth. ix. dicitur *Messis quidem multa*, etc. glos. turba multa, *operarii vero pauci*, scilicet sacerdotes, confessionibus intendere sufficientes: et ideo rogandus est dominus messis, scilicet dominus papa, ut mittat operarios. Propter hoc laudatur David, quod cultum Dei ampliavit, sacerdotes constituendo, ut magis posset expediri. Et super Ezechielem dicit Gregorius: Illis qui animarum custodes sunt, et ascendendi gregis onera perceptorunt, mutare loca minime permittantur. Et infra: « Tertio propter confitendi difficultatem, nam quidam, ut experimento compertum est, omnino a confessione desisterent, si non possent aliis quam parochialibus sacerdotibus confiteri: patet hoc de concubinis eorum, etc. verecundantur enim confiteri ei, cum quo conversantur. Quandoque etiam quia eos eorum inimicos suspicantur; et si non sint, tamen suspicantur. Timent etiam quandoque de revelatione confessionis: et propter multa alia, quae scripto non sunt commendanda. Et ideo pie eorum infirmitati papa volens condescendere, ne in desperationem aut perditionem laberentur, de aliis voluit providere confessoribus. Quarto etiam propter alienius vel aliquorum ad aliquem vel ad aliquos specialem devotionem, cui non est obstandum, sicut Extra. de sepulchris cap. *Firmitatem* habetur.

28. « Nunc autem ad argumenta superius facta respondendum est. Ad primum, cum dicitur, quod papa non potest, quia est contra jus parochiani et privilegium principis, etc. respondeo quod argumentum tripliciter deficit, quia primo tenentur, et absolute non tenentur parochiani suo parochiali confiteri, sed sub distinctione vel condi-

tione: nam solum tenentur confiteri proprio sacerdoti prout distinguitur contra alienum, ut dictum est; et ille proprius sacerdos indifferenter est omnis sacerdos habens potestatem ordinariam vel delegatam: propter quod tenentur parochiali suo de jure confiteri, sive fuerint alteri confessi potestatem habenti, et e contra. Secundo deficit, quia non potest in præjudicium illius sibi subtrahi quod in ejus favorem non est ei concessum; subiectio vero populi curato sacerdoti vel episcopo non introducit in favorem præsentis, sed populi: secundo populo non datur ut præsit, sed ut prosit; unde Ezech. xxx: *16 pastoribus Israel, qui pascebant semetipsos: nonne greges pascuntur a pastoribus?* Ideo non præjudicant sacerdotibus dummodo utilitas populi consequatur. Tertio deficit, quia non solum eis non præjudicatur, sed et adjutorium præstat: quod libenter acceptare debent sacerdotes, qui non querunt quæ sua sunt, sed quæ Jesu Christi. Unde Gregorius super illud Numer. xi. ibi, *Emularis pro me*, dicit: *Pia mens pastoris, quia non gloriam querit, sed Dei auctoritas querit, ab omnibus vult juvari.*

29. « Ad secundum, cum dicitur, quod subiectio populi ad curatum parochialem est de jure divino, cum sacerdotes sint immediate missi a Christo sicut Apostoli; respondendum est, quod deficit multipliciter. Primo quidem, quia non idem ordo rerum in institutione et in progressionem: nam in institutione ordo est, quo una res est sub alia ut sibi digniori; non tamen ab illa, sed ambo ab uno principio, sicut patet in primis individuis rerum superiorum et inferiorum, quæ ab uno processerunt; sed in progressionem est ordo, quod inferior res est ab alia, scilicet superiore quasi ab eo acta et mota: et ideo quavis in Ecclesiastica Constitutione sacerdotum alias discipuli non sint missi ab Apostolis, qui sunt forma episcoporum, sed ambo a Christo immediate; tamen in progressionem Ecclesia voluit, quod ab episcopis ponerentur, et nihil haberent jurisdictionis nisi eis ab episcopis committeretur tanquam eorum adjutoribus, quia ubique esse et vacare non possunt; etsi non habent præsentiam de jure divino, ut dicebatur. Secundo deficit argumentum quia dato, quod sic essent instituti a Christo, non sequitur, quod essent ordinarii sicut episcopi; nam missi et positi a Christo possunt aliquos mittere et potestatem committere delegatam, etc. possunt ponere vicarios, scilicet papa, episcopus et curatus; nec tamen essent ibi duo ordines a Christo missorum et institutorum: quia cum instituti ab aliis non absolventur auctoritate sua, sed mittentis, non faciunt tertium ordinem absolutentium, nec etiam præsentium. Tertio deficit argumentum, quia sicut revera corporis Christi veri non fuerunt a principio nisi duo ordines sacerdotum; tamen revera corporis Christi mystici Ecclesia posset facere tertium ordinem, qui etiam potestate ordinaria absolveret: nec tamen homo eximit

quos Deus conjunxit, tum quia similiter remanet subiectus quomodo antea, tum etiam quia confessus privilegiato tenetur se ei ostendere, tum etiam quia exemptio non intellegitur fieri ab homine, sed a Deo, ejus instinctu Ecclesia regi præsumitur.

30. « Ad tertium de papa qui, ut dicunt, non habet a Christo sive de jure divino ultra alios episcopos, sed solum ex humano statuto, respondeo dicendo quod falsum est. Principalis et papalis Petri et Romani Pontificis in Petro est a Christo; unde Cyrillus Alexandrinus episcopus in tertio libro Thesaurorum: *Ut membra uniamur in capite nostro Apostolico throno Romanorum Pontificum, a quo nostrum est querere quid credere, quid tenere debeamus, ipsum venerantes præ omnibus, quoniam ipsius est solum reprehendere, corrigere, statuere, disponere,olvere et ligare loco illius, qui ipsum edificavit, et nulli alii quam Petro quod suum est plenum, et isti ipsi soli dedit: cui omnes jure divino corpus inclinant, et potestates mundi tanquam Domino Jesu Christo obediunt.* Chrysostomus etiam super illud Joannis ultimo: *Pasce oves meas*; *Loco mei præpositus esto, et caput fratrum tuorum.* Et Casariensis super eodem loco: *Commissio Petro fit, et nulli aliquomodo commendat; et simile dicunt Gregorius et Gelasius papa, et dist. xii. in multis canonibus ibi, et Bernardus ad Eugenium lib. ii: Singuli singulos, tibi universos credidit, uni unus, scilicet Christus.* Ex quibus patet, quod de jure divino Romanus Pontifex habet superioritatem super omnes: imo communem jurisdictionem habet a Christo, et omnis jurisdictio a Petro ad ceteros est derivata, qui quidem sunt vocati in partem sollicitudinis, licet differant; nam jurisdictionem impertitur quibusdam per simplicem et absolutam commissionem, et isti sunt commissarii vel delegati; quibusdam vero ad electionem populi, committens seu concedens illi, quem populus elegerit, quod in populi favorem est introductum, et isti sunt ordinarii: omnes tamen qualitercumque habuerint sive habeant, a Petro accipiunt et ipse a Christo. Quod autem arguant quod de jure divino non habeat per illud cap. *In novo*; dico quod secundum glossam omnes a Christo honorem et potestatem accipiunt pari consortio, id est, communi: et loquitur de potestate ordinis et apostolatus, et non jurisdictionis vel administrationis, in qua quidem fuit Petrus major et si quidem dicit ibi, quod alii cum comprecipem voluerunt; dico quod verum est, non instituendo, sed institutum approbando, etc. Exponit Anacletus papa, xxi dist., c. *Sacrosancta*, ubi dicit: *Licet omnes essent Apostoli, Petro tantum a Domino concessum est, ut reliquis omnibus præesset Apostolis, et Cephas, id est, caput et principium teneret Apostolatus.*

31. « Ad quartum de subversione totius ordinis Ecclesiastici, respondetur quod per illud idem argumentum posset concludi, quod totus status

Ecclesiasticus subverteretur, quod confessi presbytero ad quod liceret impetrare a penitentiarius pape encantur confiteri propriis sacerdotibus sive parochialibus. Quomodo ergo dicunt, quod iterum tenentur, nisi in casibus, in quibus sunt de jure communi exempti a sacerdotibus, vel quantum ad volentes his confiteri. Dicendum quod per hoc non subvertitur ordo et status Ecclesiasticus, quia adhuc manent subjecti curatis quantum ad aliquos actus: tenentur etiam eis confiteri non eadem peccata, sed alia, si habent; et si non habent, debent se eis ostendere et dicere se esse absolutos ab eo, qui potuit, etc.

« Ad quintum, cum dicitur, quod dominus Benedictus ita non fecit, quia ponit in Constitutione, etc., respondeo quod legitime confitetur privilegio, qui non intendit eadem iterum confiteri parochiali, quia ei non tenetur ad hoc, ut dictum est; sed solum tenetur confiteri auctoritatem habenti, a qua tenentia absolvit se confitendo privilegio.

« Ad sextum, quod dicitur, quod nec expedit, nec est utile, etc., respondeo quod licet tollatur ordo secundum partem in ordinatis, qui quodammodo ad aliquid subtrahuntur a curato; tamen manet salvatus ordo quantum ad intentionem ordinantis, quae est utilitas populi, propter quam dictus ordo est institutus.

« Ad septimum quod dicitur xi, q. 1, *Pervenit si cuiquam*, respondeo loquitur ibi questio ubi sine utilitate quidam traherent clericos ad publica judicia in seculari foro, contemptis propriis episcopis; quod erat praedjudiciale et inutile.

32. « Ad hoc quod dicunt, quod subtrahitur debita reverentia ad praelatos; respondeo et dico, quod hoc est privatum; sed utilitas populi, quae sequitur est publica, in cujus favorem subjectio introducta est: et ideo ipsi praelati vel curati debent postponere illi, quod de sua reverentia subtrahitur, propter utilitati populi, ut supradictum est. Et quod dicitur, quod Dominus servare voluit honorem sacerdotibus, dicendo: *Re, etc.*, dico quod honor est eis exhibendus, et ad hoc est populus a privilegiatis inducendus, et nihilominus absoluti debent se ostendere sacerdotibus, ut dictum est.

« Ad illud de ostendendo, respondeo quod loquitur, ut ipsemet exprimit, ubi in concessione non exprimitur licentia non petita, et ubi non confitetur aliqua semel in anno, nec de se ostendit alii esse confesum.

« Ad illud de vagatione et libertate peccandi, respondeo si hoc est in dum; tamen revera plurimum tollitur majus malum, scilicet difficultas confitendi, occasio desperandi, et sequitur facilior expeditio populi; et hoc debet librare papa committens, quia spiritualis homo omnia judicat, dicit Apostolus; nec est simile in casu exemptionis ablatum ab episcopis.

« Ad illud quod ulterius dicitur, quod est praedjudicium curatorum, respondeo et dico, quod non est verum, quia eis non debetur absolute, nec

de jure divino, nec de jure positivo, nec est in parochialium favorem introductum, sed populi. Ad id quod melius fieri posset sine exemptione, scilicet petendo licentiam a praelatis et curatis, respondeo et dico, quod non fieret ita bene propter causas multas, una est ex parte curatorum, qui libenter eos non vocarent, nec huiusmodi licentiam faciliter concederent, ut temporibus his saepe probatum et compertum est; unde sic posset verificari illud Exod. ii: *Puella voluerunt aquare gregem, sed supervenerunt pastores, qui ejecerunt eas*, etc. Alia causa est ex parte summi Pontificis, qui efficacius per gratias et alia potest inducere religiosos et privilegiatos ad utiliter exequendum. Alia causa est ex parte religiosorum, qui sub incerto, quod non essent vocandi a curatis, non ita essent solliciti de studio, sicut sunt, certificati per privilegium, quod audire possunt confessiones quando volunt, et ubi sciunt expedire. Alia causa ex parte populi, cujus devotioni non ita satisfaceret, et quia cum dicitur, quod debent frangere cor suum, et cederet sibi ad meritum, nam alias confiteretur fictus; respondeo si confiteretur fictus, id est, non contritus, non ideo non reportaret effectum absolutionis, quia confessioni non praecigitur contritio, sed sufficit attritio, quae virtute clavium contritio: nec ideo est fictus, id est, non contritus, si non elegit confiteri curato parochiali, cum non teneatur confiteri nisi proprio sacerdoti, id est, potestatem habenti. Et sit finis questionis ».

33. Ex his colligitur non levem hunc Joannis Poliaci errorem fuisse, sed gravissimum; atque ideo fortiter oppugnatum a doctoribus theologiae scientiae laude florentissimis. Scripsitque inter alios de jurisdictione Ecclesiastica elegantem Commentarium ¹ Hervaeus supremus Ordinis Praedicatorum magister, egitque non tam religiosorum, quam Ecclesiae universalis causam adversus temerarium novatorem et ejus sequaces, quos hisce verbis perstringit: « His diebus quidam ignorantestatem Sedis Apostolicae, vel contemnentestatem eandem, et querentes suam potestatem stituere et indebitè ampliare, nolunt recognoscere suam potestatem esse a Sede Apostolica, nec eam volunt super predictam potestatem Sedis Apostolicae recognoscere stabilitam, dicentes potestatem curatorum immediate esse a Deo sicut potestatem Sedis Apostolicae; et potestatem curatorum non esse a papa, sed immediate a Christo ».

Praeter Hervaeum vero insignem edidit Commentarium ² Petrus Paludanus postea patriarcha Hierosolymitanus, de potestate Ecclesiastica, cumque Joannes e Poliaci hierarchiae Ecclesiasticae fundamenta concuteret, dum omnium Ecclesiarum pastores aequè immediate a Christo potestatem in commissas oves accepisse contendebat, demonstravit Petrum a Christo jurisdictionem

¹ Jo. Pol. in 4to. — ² Pet. Palud. in 4to. — ³ Jo. Pol. in 4to.

accepisse in alios Apostolos, nec ipsum Paulum, cum Christi ovis esset, Petri imperio liberum fuisse : quæ a nobis delibanda visa sunt, cum Gallus auctor recentior contrarium de Paulo erroneè instaurare sit usus, quem sanctissimus Pater Innocentius X. discussa pijs mature controversiis, in cardinalium doctissimorumque virorum cõlibus, quibus ipse intus ab eodem Pontifice pariter iussus interfui, iuste damnavit : cujus sententia decretoria a Gallis ipsis summa veneratione excepta est : hæc vero Petr. Paludanus subiectis verbis docebat :

34. « Prima conclusio est, quod Petrus habuit a Christo potestatem super omnes Apostolos tanquam princeps et præfatus eorum : quod patet sic, quia sicut patrefamilias aliis filiis aliquem unum quasi primogenitum præponit, quem facit hæredem universalem, alios vero hæredes particulares sub primo, sicut Genes. xii Jacob, cui dedit primogenita, dicit Isaac : *Esto dominus fratrum tuorum*; sic Christus, quando dicit Apostolis : *Omnes vos fratres estis*, (Matth. xxiii unum de Apostolis, scilicet Petrum, quasi primogenitum aliis præponere voluit; unde dicit Cyrillus super illud Lucæ xxi : *Ego rogavi pro te, ut non deficiat fides tua*; omissis cæteris, venit ad Petrum cæteris prælatum, Item Augustinus de verbis Domini, tractans illud Matth. ix, quia *Petrus ambulabat super aquas*; Primo Apostolo, id est Petro, in ordine Apostolorum firmo et præcipuo, in quo figurabatur Ecclesia. Item Cyrillus super illud : *Et tu aliquando conversus confirma fratres tuos* : Quasi dicit : postquam me negate ploraveris, et sic penitueris, corrobora cæteros fratres tuos, cum te principem Apostolorum deputaverim, hoc enim decet, qui mecum robri es et petra Ecclesiæ; ubi sequitur : Hoc autem intelligendum est non solum de Apostolis, qui tunc erant ut roborarentur a Petro, sed de omnibus, qui usque ad finem mundi futuri sunt fidelibus. Item super illud Jo. xxi : *Pasce agnos meos*, etc., dicit Chrysostomus : Eximius enim Apostolorum erat Petrus, et os discipulorum et vertex collegii, unde et negatione deleta committit ei prælationem fratrum, et negationem quidem ei non exprobat, sed dicit : Si diligis me præside fratribus. Item Petrus præ cæteris accepit claves; unde super illud Matth. xvi : *Tibi dabo claves regni cælorum*, dicit Rabanus : Quia enim (per) Regem cælorum major præ cæteris collatis clavibus regni cælestis dotatus est.

« Contra conclusionem primo quod omnes fuerunt pares, unde xxi di. in novo dicitur : Cæteri Apostoli cum eodem, scilicet Petro, pari consortio honorem et potestatem acceperunt. Solutio hujus est de potestate Ordinis sacerdotalis primo, et episcopalis tandem, quæ non recipit magis nec minus : sed non est verum de potestate jurisdictionis.

« Secundo quod scilicet Petrus et Paulus fuerunt æquales, Ambrosius enim quæst. alleg. B.

Petrus et Paulus eminent inter Apostolos universos, et peculiari quadam prerogativa præcelsunt : verum inter eos quis cui præponatur incertum est, puto enim illos æquales meritis esse, qui æquales sunt et passione, etc. Sed de hoc responderetur per hoc, quod dicit meritis quidem, sed prædatione impares : sed sicut etiam dicit Gregorius in fine primi dialogi, meritis specialiter martyri pares. Unde x quæst. Paulus dicit, Hieronymus : Paulus Petrum reprehendit, quod non auderet nisi se non impari sciret; ubi subiungit Gratianus : Hoc non de officio Ecclesiasticæ dignitatis, sed de puritate vitæ et sanctitate conversationis intelligitur : solus enim Petrus inter Apostolos primatum gerebat; unde Aug. eadem quæst. Puto quod sine ulla sua contumelia Cyprianus episcopos Petro Apostolo comparatur, quidni? obtinent martyri coronam : cæterum magis vereri debeo, ne in Petrum contumeliosus existam; quis enim nesciat rationem, Apostolos principatum cunctis episcopatus præferendum? Sed et si distat cathedrarum gratia, una tamen est martyri gloria.

« Sed contra hoc est stylus curiæ Romanæ in indulgentiis, in quibus ostenditur illorum paritas per hæc et similia verba : De beatorum Petri et Pauli Apostolorum ejus auctoritate consi centum dies de poenitentis relaxamus. Sed dicendum, quod solus Petrus fuit superior, et omnes alii sibi subditi, etiam Paulus; sed ideo in gestis specialibus Paulus Petro conjungitur, quia Urbem suo martyrio consecraverunt, et in passione soci fuerunt (xxii di. *Sacrosanctus*).

« Tertio videtur de Jacobo quod fuerit major Petro, quia ille qui iudicat inter omnes videtur major et præfatus. Sed Jacobus tulit sententiam in questione legalium, (Aclor. m.) Petro et Paulo allegantibus, dicens : Ego iudico non inquietari eos, qui ex gentibus convertuntur. Solutio. Jacobus iudicavit non tanquam iudex omnium, sed tanquam iudex ejus loci specialis : non quia Petrus non potuisset iudicare si voluisset, sed quia voluit illi deferre in loco suo; sicut papa, quando est in civitate alia, non aufert propter hoc officialem nec curiam episcopo illius civitatis, sed de his, quæ ibi emergunt, ei iudicium dimittit.

35. « Secunda conclusio principalis est quod Petrus a Christo habuit prælationem super totam Ecclesiam universalem, quia in uno corpore non debent esse plura capita, sed unum tantum, alias esset monstrum, et illis dissidentibus, membra non possent bene regi; unde uni corpori suo mystico Christus Petrum sicut caput unum præfecit. Propter quod super illud : Tibi dabo claves regni cælorum, dicit glossa : Specialiter eam Petro concessit, ut ad unitatem nos invitaret : ideo enim eum principem Apostolorum constituit, ut Ecclesia unum principalem Christi haberet vicarium, a quo quæ diversa membra Ecclesiæ recurrerent, si forte inter se dissidentirent; quod si diversa capita essent in Ecclesia, unitatis vincula rumpèrentur,

Item super illud Lucæ: *Ait Petrus ad Jesum, etc. Facimus hic tria tabernacula*; Damascenus: Non te Dominus tabernaculi quædam, sed universalis Ecclesiæ constructorem constituit. Ille verba tua, tui discipuli, oves tue mandaverunt effectui, Christo tabernaculum constituentes, necnon et servis ejus. Item Leo papa xxiv q. i. Cum beatissimus Apostolus a Domino accepit principatum. Item Chrysostomus super Actus Apostolorum: Petrus a Filio super omnem, qui filii est, potestatem accepit: non ut Moyses in gente una, sed in universo orbe. Item Cyrillus Alexandrinus in libro Thesaurorum dicit sic: Cui, scilicet Petro, omnes jure divino caput inclinant, et primates mundi tanquam Jesu Domino obediunt. Item super illud Lucæ xii: *Tu autem conversus confirma fratres tuos*, dicit Theophilus. Petrus obtinuit, ut esset antistes mundi. Ex his refelluntur temporis hujus sectarii, qui tanquam impostorum more fugientes se missos a Christo, summos gregum, quos in errorum devia præcipientes agunt, pastores mentiuntur et hierarchiam Ecclesiæ evertere moliantur. Sed his dimissis ad Paludanum revertamur, qui omnem in Ecclesia auctoritatem a summo hierarchia manare ita argumentatur.

36. « Tertia conclusio principalis, quod omnis potestas jurisdictionis Ecclesiasticæ et prælatio in Ecclesia procedit et derivatur et originatur a papa vel a sede papali, id est, ab Ecclesia Rom. probatur tripliciter.

« Primo ex præcedentibus cum auctoritatibus sic: Sicut se habuit Petrus, postquam fuit papa, ad Apostolos et ad discipulos et primitivam Ecclesiam, sic se habet papa ad omnes prælatos Ecclesiæ et ad omnes alias Ecclesias. Sed Petrus sic se habuit ad illos, quod a Petro habuerunt omnem potestatem jurisdictionis, non a Christo immediate. Ergo papa sic se habet ad istos, quod ab ipso habent omnem potestatem jurisdictionis. Major patet quia papa Romanus in omni præeminentia, plenitudine et dignitate jurisdictionis succedit plene et perfecte Petro, ut probatum est in probatione majoris præcedentis rationis: et iterum probatur tripliciter auctoritatibus Græcorum: primæ Synodi Nicænæ, quæ magnæ auctoritatis semper fuit apud eos et totam Ecclesiam Dei, in qua inter cætera legitur sic: Ecclesia Romana semper primatum habuit semperque habere debet. Quod autem semper habuit, intelligendum est ex quo Ecclesia fuit, et ex quo primus in ea Petrus sedit et in ipsa finaliter resedit. Secundo patet istud per auctoritatem alterius Concilii apud eos, ubi dicitur sic: Revereamur secundum Scripturas et canonum sanctificationem, sanctissimum antiquæ Romæ episcopum primum esse et maximum omnium episcoporum. Dicit autem antiquæ Romæ ad differentiam Constantinopolis, quam Constantinus illic sedem suam transferens et privilegiis Urbis Romæ extollens, novam Romam voluit appellari. Tercio patet istud auctoritate Concilii

Chalcedonensis, ubi inter cætera habetur, quod tota Synodus acclamavit Leoni papæ: Leo sanctissimus, Apostolicus et œcumenicus, id est, universalis, patriarcha per multos annos vivat. Quod autem episcopi successerint loco Apostolorum, et curati, et omnes inferiores prælati loco discipulorum probatur di. xxi. In novo xxviii. Quorum.

« Secundo probatur sic: Omnis jurisdictio et prælatio sive potestas cujuslibet personæ Ecclesiasticæ procedit et derivatur originaliter et principaliter ab institutore et fundatore Ecclesiæ, cui præsidet: insuper principium et origo totius dignitatis seu potestatis vel etiam prælationis, qua fungitur et in qua residet. Sed omnes aliæ Ecclesiæ et dignitates earum sunt institutæ ab Eccl. Romana, ipsa vero a solo Christo. Ergo potestas et dignitas Eccl. Rom. est solo Christo, omnis vero alia potestas jurisdictionis et prælationis in omnibus aliis rectoribus prælati procedit ab Ecclesia Romana vel papa, quod idem est, quia non intelligitur papa ratione personæ, sed ratione status et dignitatis in qua est. Nonnullisque in hanc sententiam interjectis subdit auctor: « Probatur id per alias duas auctoritates. Primo auctoritate Gregorii II q. vi. *Decreto*, ubi dicitur sic: Sancta Romana Ecclesia ita vices suas impertivit Ecclesiis, ut in partem vocatæ sint sollicitudinis, non in plenitudinem potestatis. Secunda auctoritas est Julii papæ in causa sequenti, dicentis sic: Ipsa namque Ecclesia, quæ prima est, ita vices suas reliquis Ecclesiis credidit largiendas, ut in partem, etc. Ista enim impertitio sive largitio vicium suarum non potest intelligi de particulari, speciali, accidentali commissione, quam papa fecit quibusdam Ecclesiis primo ad primatum et dignitatem legationis, nec de quotidianis commissionibus, quas fecit Ecclesiasticis personis, tamen quia istud non convenit nisi certis et paucis ac determinatis Ecclesiis et personis, auctoritates autem loquuntur de omnibus aliis Ecclesiis in communi; tum quia ista commissio est accidentaliter, illa autem quæ sunt per accidens non cadunt sub arte et necessitate: unde antecedentes sunt intelligendæ de potestate, quam habent Ecclesiæ communiter, et non accidentaliter, quod scilicet talis procedat ab Ecclesia Romana.

« Inter has autem auctoritates licet videantur prima facie credibiliores illæ Græcorum testimonium et confessio contra seipsos, quam auctoritates Romanorum Pontificum, qui sunt quasi testimonium in causa propria, ut dicatur cuilibet eorum: Tu de teipso testimonium perhibes, testimonium tuum non est verum; verum secundum veritatem auctoritates Romanorum Pontificum sunt efficaciores in hoc et in sequentibus, si attendamus illud verbum Christi ad Petrum pro se et pro Sede sua Luc. xxi: *Ego pro te rogavi, Petre, ut non deficiat fides tua*. Ex quo habetur, quod in Romana Ecclesia in fide errari non potest, nec de ejus fide dubitare licet; sed in omnibus

est sequenda. Unde ipse S. Ambrosius : In omnibus sequi magistrum sanctam Romanam Ecclesiam prosequimur. xxii di. *Omnēs*, in fine. Unde cum per prædictas auctoritates constet, Romanam Ecclesiam et Christi vicarios tanto tempore tenuisse, docuisse, et per sacram Scripturam confirmasse ipsam Romanam Ecclesiam a Christo factam fundamentum aliarum, et alias instituisse, et in partem sollicitudinis vocasse, et alias ejus vices gerere ; temerarium est tantorum patrum determinationi præponere sensum suum ».

37. His et aliis convulsa sunt fundamenta erroris Joannis e Poliacio ; discussaque diligentissime hæc controversia a doctoribus, ut dictum est, tum a præsulis, necnon a cardinalibus, et a Pontifice, demum lata est judiciaria sententia ¹, damnatique ii errores : « Dudum », inquit Joannes, « cum dilectum filium magistrum Joannem de Poliacio sacre theologiæ doctorem certis ex causis de fratrum nostrorum consilio ad nostram præsentiam vocavissemus, fide digna relatio ad nostrum perduxit auditum, quod ipse in quibusdam articulis tangentibus pœnitentiæ sacramentum non sobrie, sed perperam sapiebat, infra-scriptos articulos, periculosos continentes errores, docens publice in suis predicationibus et in scholis. Primo siquidem adstruens, quod confessi fratribus, habentibus licentiam generalem audiendi confessiones, tenentur eadem peccata, quæ confessi fuerant, iterum confiteri proprio sacerdoti. Secundo quod stante *Omnēs utriusque sexus* edicto in Concilio generali, Romanus Pontifex non potest facere quod parochiani non teneantur omnia peccata sua semel in anno proprio sacerdoti confiteri, quem dicit esse parochialem curatum ; imo nec Deus posset hoc facere, quia, ut dicebat, implicat contradictionem. Tertio quod papa non potest dare potestatem generalem audiendi confessionem ; imo nec Deus, quin confessus habenti licentiam teneatur eadem confiteri proprio sacerdoti, quem dicit esse, ut præmittitur, proprium curatum, etc. » Interjectis nonnullis, ut indicta fuerit causa Joanni e Poliacio, isque a doctoribus convictus argumentorum vi in cardinalium sacro senatu opinionem malesanam revocavit ; sanxit hæc Joannes :

« Omnes articulos, et quolibet eorum tanquam falsos et erroneos, et a doctrina sacra devios auctoritate Apostolica condemnamus et reprobamus de fratrum nostrorum consilio ; predictorum doctrinam contrariam veram et contrarium esse catholicum asserentes, scilicet quod illi, qui prædictis fratribus confitentur, non magis teneantur eadem peccata confiteri iterum, quam si ea alias confessi fuissent eorum proprio sacerdoti juxta Concilium generale, etc. » Edixit deinde, Alexandri IV et Clementis IV seentus vestigia, ne quis eos errores amplius disseminare ac tueri auderet,

Joannemque e Poliacio publice in scholis et concionibus sacris priores errores abjurare ac refellere jussit. « Datum Avin. VIII kal. Augusti, anno v ». Repetit eandem Constitutionem Joannes Baconus ¹ Anglus Carmelita, ac plura in hoc argumentum scripsit.

Obsecutus Pontifici Joannes e Poliacio, tum in scholis, tum in sacris concionibus publice errorem ejuravit ². Non defuere tamen qui postea aliis nixi argumentis contenderint, semel vertente anno sacram exhomologesim apud parochiam repetendam, neque apud religiosos peractam sufficere : quorum princeps fuit Armacanus ³ dictus Rielardus primas Hiberniæ, qui religiosis apud Innocentium VI de abrogandis eorum privilegiis ob varios abusos litem intendit. Præcipuum ejus argumentum id fuit ⁴, contemni ea ratione clerum, nec labe peccati lethalis eum contemptum immunem : et quia unum peccatum sine alio non dimittitur, ideo exhomologesim apud parochiam repetendam, quantavis religiosi criminum nexas solvendi potestate a Pontifice accepta valerent. Sed negatum est contemni propterea pastores, vel peccatum ex eo suscipi ; ac refelluntur pluribus ab Henrico Bictwelt argumenta Armacani, qui cum non tam zelo tuendæ disciplinæ Ecclesiasticæ duci, quam suffusus livore in religiosos ob prona in eos populorum studia videretur, votis excidit, non quod Pontificia curia auro corrupta a religiosis fuerit, ut deblaterat Walsinghamus ⁵, sed quia falsa erat Armacani doctrina et ejus causa æquitate fulta non erat, ut suo loco ostendetur.

38. *Nova superstilio furens in Italia.* — Hoc tempore in Italia fœdissimæ errorum tenebræ se offuderant, ac non cogendus doctorum cætus, sed validus exercitus adversus novum superstitionis et idololatriæ genus, quod Ecclesiæ hostes invexerant, congregandus fuit. Erant ii Reemetenses aliqui præterita perduellione in Pontificem ac cædibus, latrociniiis, stupris, adulteriis, incendiis omniq. impietate insignes, quorum nomina Joannes hæc notat infamia ⁶ : « Postmodum autem Jacob, Bernardus, Ajoletus, Cerolus, Leo, Canolus, Bulgariscus, Percivallinus et Albritutius antedicti, documentis veritatis abjectis, et ad obscænas operationes et sordidas iniquitates, non advertentes quod illa virtus, illaque sapientia et illa est vera colenda majestas, quæ universitatem mundi creavit ex nihilo, et in quas formas voluit et mensuras terrenam cœlestemque substantiam omnipotenti ratione produxit, idololatriæ nefandissimo cultui per profanas superstitiones et horrendas se stulta et cæca dementia ingesserunt, labe respersi pestifera heretice pravitatis. Ecce quidem hostes profani Catholicæ matris adversus Christum sponsum ejus

¹ Extr. *Vas electionis* de hæret.

¹ Jo. Bacon. Carm. q. II. dist. xv. — ² Holcot. sup. IV. sent. q. v. Henr. Bictwelt. Ms. bibl. Vat. sign. num. 3109, pag. 262. — ³ Ms. bibl. Vat. sign. num. 3765 in Innoc. VI. — ⁴ Henr. Bictwelt. ubi sup. — ⁵ Walsing. in Eduard. III ad an. 1358. — ⁶ Jo. an. 7, p. 1. Ep. cur. xxviii.

insurgunt blasphemii, fidei Catholice murum detractionis ictibus impetunt, ejusque diruere nituntur matris orthodoxe structuram, et illam suarum invasione virum aggredi non formidant, etc. »

Subdit, ut sacre fidei censor, tantorum criminum lama permotus ipsos sacro tribunali se sistere jussit: qui cum contumaciter accedere respuissent, ille, quæsitæ exploratque diligentissime veritate, sententiam tulit, ipsos hæreseos et idololatriæ crimine devinctos, atque ideo ob anathematis notam ab omnibus ipsorum consortium fugiendum: tum seculari foro permiserit, ut supplicio merito ipsos afficeret, bona fisco Pontificio addidit, posteros ab honoribus removendos promulgavit, denique domum, in qua obscenum idolum colebatur, funditus excindendam, atque in perpetuæ infamie monumentum nunquam instaurandam pronuntiavit: et quamvis idololatriæ ipsis ex Apostolica clementia diem dixisset, ut benignitate potius ad Christum revocaret, quam justa severitate perderet, Pontificia eos monita ludibrio habuisse; atque etiam a Recinetensibus, Auximans, Spolelans, comitibus Montisferetri aliisque fœderatis receptos defensosque fuisse.

Ad excindendum ergo ingravescens malum Pontificio zelo permotus Joannes sacram in eos expeditionem orandam edixit, ac patriarchæ Aquilensi et suffraganeis populos ad crucem induendam, propositis indulgentiarum premiis, incendere jussit: et quem ex tanto animarum exitio dolorem hauriret, hæc verbis aperuit: « Deit mater Ecclesia, quod sacro regenerati fonte Baptismatis, et naturæ divinæ consortes effecti, conversatione degeneri in vitalem veterem per mortis illecebras, et præruptam erroris execrabilis semitam, relicta gloria Catholice fidei, relapsi sunt; nosque non immerito tristamur ab intimis, quod perditionis filii decorem Catholice matris, quam nostra interest uni viro virginem castam exhibere Christo, hæreticæ pravitatis conantur obscenitatibus maculare. Non enim expedit, ut tam horrendorum scelerum in succedentia temporum sæcula sine recordatione vindictæ memoria differatur, ne illorum infamii impunitas in generationes futuras similium proroget audaciam præsumptorum: sed potius eo fortius est ipsorum resistentiæ obice intentio elidenda, eoque potentius repugnantia obstaculo sui prosecutione reprimenda propositi, eorumque pravis affectibus contrariis effectibus obviandum, quo magis infideles Christianæ salutis annuli in fidelium intendunt pectoribus cultum Catholice fidei, sine qua nemo unquam Deum videre poterit, depravare. Datum Avinionæ 11 id. Octobris, anno sexto ». Promulgandæ ejusdem criminum condonationis arma in novam illam hæreticorum colluviem correpturis multis præsulibus in Italia, utraque Sicilia et Gradensi patriarchatu provinciam imposuit.

Præterea Germaniam ad pestem eandem in

ipsis Ecclesiæ visceribus hærentem evellendam commovit, ac Bremensem, Moguntinum, Trevirensen, Coloniensem, Salzbургensem archiepiscopos, aliosque ipsis obnoxios præsulibus populos ad arma in tam justa causa capessenda concitare jussit¹. Repetita etiam eodem fere exemplo ad eosdem præsulibus littere, ut sacra illa indulgentiarum præmia adversus Lipparium² et Andream Auximans equites, necnon adversus Fridericum, Guidonem et Sperantiam Montisferetri comites, qui se eorum idololatrarum partibus inquinant, præluserantque tanto sceleri non levibus aliis, antea enim Urbini dominum invaserant, itaque cum aliis perduellibus conjuratione, gravissimis cladibus provincias Pontificias altriverant. Ex iis vero Fredericus longe fratres improbitate vincebat³, ut qui fœdissima illa idololatria se infecisset atque a sacre fidei censore, comperta gravissimis argumentis veritate, meritis pœnis addictus devotusque fuisset. Præteritis vero novum scelus adjecerat, ac Spoletanorum, quos in suas partes traxerat, imperium corripuerat. Conatus etiam fuerat Pontifex, gravissimarum poenarum obiecto terrore, Assinales ad officium traducere; sed cum illi promulgatam in eos Pontificiam sententiam respuissent, intentatas pœnas contraxere, ut queritur Pontifex, qui ad alia asperiora remedia, ne sceleri adblandiri videretur, confugere coactus est⁴. Conjungere se etiam aliis hostibus Ecclesiæ Fanenses, in quos Pontifex eorumque studiosos censuras tulit⁵.

39. *Collabescit ditiois Ecclesiasticæ status.* — Fœdabat alia ditonem Ecclesiasticam labes: creverat adeo ex Pontificum absentia nobilium virorum et populorum audacia, ut principum instar, qui ab armis justitiam petunt, mutuo se bello lacesserent. Quos ut in ordinem redigeret Joannes, Ecclesiæque principatum nutantem confirmaret, tum audaciam improborum frenaret, objectis gravioribus pœnis, temperare armis, atque judicium tribunalibus controversias committere jussit⁶. Cumque in patrimonio⁷ B. Petri in Tuscia, atque in Sabinia, Arnulphorum terra, ac reliqua ditone Ecclesiastica jura Pontificia plures viri nobiles, ac populi nonnulli etiam præfecti plura invasissent, alienassentque Pontifex ad ea recuperanda, temere gesta rescidit⁸, et Pontificio rescripto ad Sedem Apostolicam revocavit. Ad tuendam vero internuntiorum et administrorum Pontificiorum dignitatem edixit, ne censores fidei aut judices ordinarii iis judicium intenderent. Nec tumultibus et periculis carebat Roma, dum Joannes in Avinionensi secessu agebat, qui ne Urbis curam penitus abjecisse videretur, hæc litteris senatum populumque Romanum in officio continere, et conjurationes adversus Ecclesiam a Cæsareæ factionis studiosis inilas sopire studuit⁹:

¹ Reg. post eamd. Ep. — ² Ep. cur. XXX et XXXI. — ³ Ep. cur. XXIX. — ⁴ Ep. cur. XLIX. — ⁵ Ep. cur. XLIX, LXII et LXXVII. — ⁶ Ep. cur. XLVII. — ⁷ An. 5. p. 1. Ep. cur. CLII. — ⁸ Ead. p. 1. Ep. cur. CL. — ⁹ Tom. III. Ep. secr. pag. 99.

« Joannes, etc. senatoribus et populo Romano.

« Dudum plena querelis mater Ecclesia nobis insinuans lamenta suae turbationis exposuit, quod nonnulli mendacem filiorum titulum preferentes, et contra eam instinctu quasi relegato naturae innectentes, colligationes iniquas ad Romanam Urbem inclytam, Apostolicæ Sedis prædictam filiam invadendam, et ipsius statum pacificum subvertendum scandalis et scissuris, sibi que vindicandum dominium, in eadem conglutinare machinamenta clandestina præsumebant; ac vos, ut ab ipsius Ecclesiæ fidelitate pervorteret, et subverterent in infidelitatis errorem, proponentes astutis circumvenire fallacibus, ac virus deceptibilis adulationis effundere, ubi non possent viribus perfidiam consuetæ tyrannidis exercere. Propter quod nos universitatem vestram per nostras litteras rogandam duximus attentius et hortandam, ut animos vestros contra talium presumptorum conamina solite firmitatis munimine roborantes, ac pretiosum fidelitatis vestre thesaurum Deo et eidem Ecclesiæ absque defectu et macula conservantes illesum, contra talium presumptuosam audaciam, quicumque et cujuscunque conditionis existerent, ad nostram et ejusdem Urbis tuendam omnimode libertatem vos tanquam murum indefesse fortitudinis opponeretis viriliter et ferventer, neminem illorum vel ipsorum nuntios in Urbe recipiendo prædicta, vel per alios, quantum in vobis esset, recipi permittendo, etc. Dat. Avin. V kal. Decembris, anno vi. ». Ut vero Romani demum, Joanne in Urbem redire abnuente, desciverint ad Ludovicum Bavarum, inferius dicitur.

40. *Guelpha et Gibellina factio Italianæ exercet.*

— Laniabat¹ reliquam Italianam Guelphorum Gibellinorumque furor. Florentini inito cum Spineta marchione Malaspina Gibellinæ quidem factionis viro, sed Castrucii Lucanorum præfecti hoste, armorum fœdere in Lucanos conspirare. Qui mox arma in Spinetam convertit, eundemque ad Canem Scaligerum Veronensem abegit. Freuebant² etiam armis utriusque factionis Insurbia et Pedemontium. In Pedemontio quidem ad lapsas res superiori anno turpi Philippi Cœnomanensis comitis et Gallorum recessu restituendas Robertus Siciliæ rex Raimundum e Cardona justo succinctum exercitu, cui Pontifex legatum cardinalem adjunxerat, submitit. Galeatus tamen Placentinorum præfecti opera marchionem Cavalcabonem, Pontificis auxilio cum equitatu expedito venientem exeunte Novembre delevit.

Incumbebat³ Roberto regi alterius belli moles. Fridericus Trinacriæ rex, quem in superiori Annali⁴ tom⁵ 1⁶ iis legibus cum Carolo II Siciliæ rege

Bonifacii VIII temporibus pacem confercisce vidimus, ut Trinacriam, donec aliud regnum ex infidelibus armis sibi comparasset, vel in reliquum vitæ tempus, si ea res non succederet, obtineret; moriensque Carolo vel successoribus ereptam vi et injuria Trinacriam restitueret, in posteris coronam traducere, violatæ solenni illo fœdere, decernit. Petrum itaque filium Panormi magna pompa insigni regio exornat, atque in illius verba Trinacrios proceres sacramento adigit¹. Tentat² anno superiori a Roberto, cum Avinione cum Pontifice ageret, ut regnum novo constituto fœdere in filium transmitti impetraret; ac Jacobus rex Aragoniæ pro firmandis frateris rebus acturos de concordia oratores ad aulam Avinionensem misit³, sed cum necessaria auctoritate ad arduum provinciam conficiendam instructi non essent⁴, Pontifex rem infectam esse Jacobo significavit⁵; utque sedulo ad redintegrandam concordiam incumbere, excitavit⁶. Agit de ea legatione a Jacobo ad Pontificem missa Surita⁷. Ceterum Pontificem e cardinalium consilio triennales inducias indixisse inter reges, ac Fridericum eas infringentem decessisse anathemate, Joannes Villanus refert⁸: quem etiam ne Jacobus rex contra leges ac jura Fridericum potentia sua adversus Robertum falciret, censuras iis omnibus, qui regnum Siciliæ bello peterent, conducerint stipendarios, instruerint triremes, copias contraherent, submitterent arma, aut alia quavis ratione suam operam ad inferendum Roberto bellum conferrent, incussisse docent Apostolicæ litteræ⁹. At nec ea religione deterrii sunt plures viri nobiles, quin ex Aragonia et Catalonia aliisque locis in Trinacriam confluerent, atque adversus Robertum venirent subsidio. Quocirca Pontifex Terraconensi archiepiscopo imperia dedidit, ut mare consensurus sacramento adigeret, adversus Robertum arma non arrepturos. Ad piissimum Jacobus Aragonum rex opus, redimendos nimirum e Saracenorum servitute Christianos incumbere, pluresque ex iis etiam nobilitate insignes, qui diu sub barbarorum iugo luxerant, patriæ libertatique restituerat: cumque copis egregie insisteret, ac naves onustas mercibus, ut felicius res succederet, mittere statuisset, facultatem illius rei a Pontifice ob rescripta Apostolica in eos, qui merces Saracenis Asiaticis invehnerent, edita flagitavit: cujus votis annuit Joannes¹⁰ ea lege, ut ferrum, arma, ligna conflandis navibus idonea, quibus Christiani hedi possent, soldani terris non inferret (1).

41. *Mauorum incursiones in Hispania, et controversiæ de jure Ecclesiarum.* — Nec vero in

¹ Jo. Vill. l. ix. c. 126. Ant. iii. p. tit. xxi. c. 5: § 1. — ² Jo. Vill. c. 128. Ant. ubi sup. — ³ Jo. Vill. l. ix. c. 133. Sur. l. vi. c. 41. — ⁴ Ann. tom. xiv. an. 1303, num. 27.

¹ Jo. Vill. ubi sup. — ² Sur. ubi sup. — ³ Tom. iii. Ep. s. r. pag. 32. — ⁴ Ibid. pag. 35. — ⁵ Ibid. pag. 37. — ⁶ Ibid. pag. 37. — ⁷ Sur. l. vi. c. 38. — ⁸ Jo. Vill. l. ix. c. 133. — ⁹ An. 6. p. 1. Ep. cur. xxvii. — ¹⁰ An. 5. p. 1. Ep. com. ccxvi.

(1) Que toto hoc paragrapho tractat annalista res Sculas persequens, lucem et correctionem accipit ex auctore cœvo historie Siculiæ vulgate a Muratorio Anecdol. tom. iii, qui cap. 92 scribit: « Die Dominico XIX Aprilis quartæ Indictionis, quo fuit Pascha Dominiæ Resur-

Syria solum Christiani plures sub servitute Saracenorum ingemiscabant, verum in ipsa Hispania infelici iugo variis excursionibus subdebantur. Ex dissensione quidem fidelium grassandi occasionem aucupati Granatenses in Murcia regni limitem incurere; atque arcem, cui Lorcha nomen est, in Carthaginensi diecesi sitam bellico furore tentarunt. Cujus discriminis metu commoti cives, suos ad Pontificem oratores misere, ut fidelium auxilia ad tuendum Christianum nomen submitteret. Quorum precibus ille adductus Castellanos ad propulsandos Barbarorum impetus, propositis indulgentiis, a praesulibus excitari, sacramque militum conscribi jussit¹.

Guillelmum praeterea episcopum Sabinensem Apostolicæ Sedis in Hispania legatum monuit², ut Lorchanis validissima auxilia submittenda curaret, ac vectigalium Ecclesiasticorum decumas in eam rem derivaret³, ne ii sub potentia Saracenorum tandem fatiscerent, Christianæque religionis dignitas labefactaretur. Denique eos, qui Saracenicis furoris impetus strenue adhuc exceperant fregerantque, ad laborum constantiam his verbis incendit⁴: « Vos igitur, filii, constanter in eo, cujus agitur in hac parte negotium, quique de sua confidentes misericordia non relinquit, figentes anchoram spei vestræ, præfatis hostibus virilibus animis resistatis, ut stabilitum fidei possitis a praesentibus et posteris prædicari, aliis constanti ac fortitudinis præbeatis per exemplum, vobis præmium retributionis aeternæ, quod promittitur bellum Domini gerentibus, rependatur; et in Apostolicæ Sedis gremio, vestris claris exigentibus meritis, mereamini semper specialis favoris locum præcipuum obtinere; scituri, quod cum nos et Romana Ecclesia mater vestra vos et terram vestram gerimus in visceribus charitatis, nostrum erga vos, cum expedierit, auxilium, quantum cum Deo fieri poterit, non tepescet. Dat. Avin. IV id. Junii., anno V^o. Repressos fuisse barbaros, facile colligitur, cum nullos adversus rem Christianam progressus ab iis factos auctores Hispanici hoc anno referant. Debilitatæ sane Castellanos vires admodum civili discordia, ex qua infideles animos collegerant: ad quam extinguendam Sabinensem episcopum A. S. L. regni conventus indixisse Palæntiæ, Joannes Mariana refert⁵: principes enim auctoritatis suæ ac potentie confirmandæ causa prælecturus urbium jure vel injuria corripiebant, unde magni motus concitati. Legione quidem cum

Philippus princeps Sancii regis filius, atque Alfonsi patruus urbem ingredi pararet, coorta¹ seditio: cum enim cives ipsum ingressu arcerent, ille conciliatis praesidiariis, qui in arce excubias agebant, urbe exceptis confugientes ad Ecclesiam principem cives obsidione cinxit, valvisque exustis compulsi ad deditionem: quo bello confecto, Ecclesiam situ et opere munitam cinxit propugnaculis, ac milite firmavit. Quæ res cum adversus episcopum Legionensis jura tentata esset, Pontifex Ecclesiasticæ libertatis tuendæ studio Philippum principem monuit, ut Ecclesiam restitueret episcopo, indeque praesidiarios milites amoveret: tum Guillelmo Sabinensi episcopo, A. S. L. partes injunxit², ut si Philippus Pontificias preces respueret, ad æquanda solo quæ excitatæ in Ecclesiæ circuitu propugnacula, eamque episcopo reddendam, ut divinum in ipsam cultum converso in laudes Dei armorum fragore revocaret, censurarum religione compelleret.

Gessisse morem Pontificiis imperiis Philippus princeps videtur, cum ex aliis litteris X kal. Oct. ejusdem anni exaratis colligatur³, ipsum in re simili, nimirum restituendis Compostellanæ Ecclesiæ juribus, ad Sedis Apostolicæ voluntatem animum flexisse. Certatum jam ante diu fuerat de Compostellanæ urbis imperio inter archiepiscopum prædecessorem et cives: atque archiepiscopus, obtemperans in suæ Ecclesiæ gratiam a sanctiore regis Castellæ consilio sententia, Compostellanos clientela nomine sacramento adegat⁴. Neque ita multo post illi iterum defecere: iterumque ad officium revocati, rursus sacramentum fregere, cum Philippi principis Alfonsique viri opibus et auctoritate florentissimi studiis efferrentur. Verum proximo tempore Alfonso et vivis erepto, Philippus princeps religione motus, supplex veniam exoravit: quamobrem Pontifex ingenti gaudio delibutus, Compostellano archiepiscopo provinciam commisit, ut principem et Compostellanos pœnis omnibus vel Clementis V in Viennensi Concilio Constitutione sancitis, vel a delegatis iudicibus inflictis ea lege absolveret, ut sumptus, quos in conficiendo itinere ad Sedem Apostolicam pro venia flagitanda facturi essent, in Terræ-Sanctæ subsidium derivarent.

42. Ad vindicanda pariter Terraconensis Ecclesiæ pristina jura, quæ in Balearibus insulis obtinebat, Pontifex gravissimis litteris Sancium Majoricarum regem, ut ab iis invadendis sibi temperaret, monuit⁵. Quem quidem divino munere ex

¹ An. 5. p. 1. Ep. cur. CLXV. CLXVI. CLXVII. — ² Ibid. Ep. cur. CLXIV. — ³ An. 6. p. 1. Ep. com. XXXII. — ⁴ An. 5. p. 1. Ep. cur. CLXVI. — ⁵ Mar. rer. Hesp. l. XV. c. 13.

¹ Tom. III. Ep. sec. pag. 46. — ² Reg. post emil. Ep. — ³ An. 6. p. 1. Ep. com. c. XXXIX. — ⁴ Tom. III. Ep. sec. pag. 59

reclionis anno a Nativitate Domini MCCCXXII (lege MCCCXXI, ut indicat character Paschalis) dominus rex Fridericus ad postulacionem eorum etc. unxit, et coronavit in regem Sicilie dictum regem Petrum filium suum; et in dicta coronacione non interfuerunt prelati vel Ecclesiastica alique persone. Idem vero scriptor superiori capite 31 hæc scribit de interdicto in ejusdem regis dronem lato. « Cujus guerra occasione interdictum exiit insulam Sidiæ, quod interdictum Fridericus servari jussit, et fecit predictum insulam a principio Januarii quartæ Indictionis anno MCCCXXI in antea, hec Panoimi fuit incognitum servari in die festo S. Juliani, quod est XXI mensis Januarii; hec idem interdictum non dicitur ab Ecclesia emississe. (Errat ergo Vilanus, qui anathematice innotum a Pontifice Fridericum hoc anno scribit lib. 9. cap. 101). Quod interdictum duravit usque ad Vigiliam festi S. Antonii, quod fuit Indictione III, anno MCCCXXV».

ingenti periculo servatum, ostendunt aliae litterae¹, quibus Joannes ipsum felicissime ex insidiis emeruisse est ei gratulatus hisce verbis : « Ingens periculum, quod contra te et charissimam in Christo filiam nostram reginam Majoricarum illustrem, et dilectum filium nobilem virum Jacobum nepotem tuum hostis ille perfidus, cujus invidia mors in orbem terrarum intravit, qui veluti leo rugiens quaerens quem devoret, curavit mare commovens, rapidos ventorum flatus suscitans, his diebus praeteritis suscitavit ; illiusque elementia, cui venti obediunt et maria acquiescunt, te cum praemissis a tantis periculis agnovimus magnifice liberatum, etc. Dat. Avin. IV id. Novembris, anno vi ».

In Navarra etiam peccata res laud fuisse, refert Mariana² ; arcemque Gorritiae, a Cantabris ea parte, cui Guipuscoe nomen inditum, improvise adventu occupatam : cumque Navarreni injuriae vindicandae studio, contractis copiis duce Pontio Morentia, pro rege Gallo, in eo regno praefecto, essent progressi, a Cantabris montium iuga insidentibus, saxaque in subjectum hostem proventus, fuisse profligatos.

43. *Angliae tumultus.* — Excitati praeterea hoc anno in Anglia³ priores discordiarum fluctus, a quibus recreata videbatur. Nidia enim Spenserorum, qua apud regem florebant gratia, atque invisa principibus potentia, quam cumulatim in dies novis opibus confirmarent, Henricum Herefordiensem et Thomam ducem Lancastriae ad eam evertendam concitavit : contractis ii copiis regem Eduardum, ut eos aula abigeret, adigere sunt aggressi. Pervenerant aliqua ad S. Albani cenobium agmina praedasque agere coeperant ; cum Deus in eorum ductorem ultionis exemplum statuit : versus enim in furias seipsum discerpit, ac secundo a patrato flagitio ile in oppido, cui Alysbery nomen, animam evomuit. Duces Londinum advolarunt cum exercitu, ac regem, quamvis primum nisi secundum leges et jura acturum in Spenserios pronuntiasset, ut ipsos causa non cognita multaret exilio compulere ; paxque reintegrata. Sed ea parum tenuit : cum enim Bartholomaeus e Baletsmere illius conjurationis particeps reginam Isabellam in suam arcem admittere detrectasset, judicatus hostis est, bellicae prioris flamma in incendium atrox erupit, quod in sequentes annos grassatum postea videbitur. Jam Gallicas res perstringamus.

44. *Expeditio Asiatica retardata, et in Julaeos in comitatu Venetino animadversum.* — Florebat placidissima pace Francorum regnum, atque in eum rerum statum agitata toties Asiatica expeditionis consilia perducta erant⁴, ut Philippus rex firmum sacri belli suscipiendi animum gereret, ac professionis diem Christi vicarius indicurus esset, totoque Christiano orbe promulgaturus, ut

crucesignati ad portus maritimos confluerent ; cum pia illa consilia adversa regis valetudo retardavit⁵. Pontificem itaque exoravit Philippus⁶, ut indicendam expeditionem a S. Martini festo ad recurrentem sequenti anno purificate Virginis sollemnitate extraheret : sed funesta rei Christianae regis mors inenite sequenti anno eadem consilia dissipavit. Dum illo recuperandae Syriae zelo fervebat Gallia, leprosi ac Judaei atroci beneficii crimine postulati sunt⁷, ipsos nimirum subornatos a Saracenis Asiaticis, et corruptos pretio, ut fontes ac puteos veneno ad fideles necandos inficerent : convicti ex his nonnulli vario suppliciorum genere perempti sunt ; pulsi ceteri, ne fidelibus exitio essent : synagoga vero Iudeorum Christiana religione consecrata, ut in iis divinae laudes personarent. Certe in Venetino comitatu Judaei Bidauda municipio ejectis, eorum synagogam, superstitionis odio, aequatam solo in sacram adem conversam Joannis jussu, sumptibusque instauratum fuisse, litterae Pontificiae docent⁸.

In vicinis etiam provinciis⁹ Amedeum Sabaudiae comitem inter ac Guidonem delphinum Viennensem, tum federatos horum proceres atrox dissensio erat exorta, ex qua crebrae caedes, hostiles in agros excursions, rapinae, populationes cladesque plurimae fiebant : ad quae sopiendae mala imperata a Pontifice induciae¹⁰. Quarum similiter promulgandarum, ad sedandos¹¹ Sabaudiae motus, qui inter Ludovicum principem Sabaudiae stirpis, et comites e S. Martino, et e Castro monte concitati erant, provinciam Bertrando tit. S. Marcelli A. S. L. demandavit¹², atque graviores poenas obnitentibus intentavit : « In non servantes, inquit, trenguas seu violantes easdem, ad graviores spirituales et temporales poenas iam Apostolica quam imperiali auctoritate, quae in nobis ad praesens pro eo residere dignoscitur, quod imperium Romanum imperatoris regimine caret ad praesens, prout expedire videris nihilominus processurus, etc. Dat. Avin. kal. Octobris, anno vi ».

45. *Controversia de Jaderae imperio inter Venetos et Ungaros composita.* — Recrudescente etiam vetere contentione inter Carolum Ungariae regem ac Venetos de Jaderae imperio, quae a Joanne Superantio ad Venetam ditionem revocata fuerat¹³, ad eam sopiendam Pontifex apud regem auctoritatem adhibuit¹⁴, ut rem aequitate componeret, hortatusque eundem est, eveci ad Strigoniensem sedem Boleslai occasione¹⁵, ut Ecclesias regni Ungarici, cujus limites gloriosissime protulerat, regiae clientelae commendaret ; eique ob felices progressus fauste hisce verbis precatus est¹⁶ : « Optamus, dilectissime fili, ut sicut potestas

¹ Tom. III. Ep. secr. pag. 59. — ² Mar. I. xv. c. 17. — ³ Walsing. Hist. Angl. in Eduard. II. — ⁴ Tom. III. p. 1. Ep. secr. p. 1.

⁵ Tom. III. p. 1. — ⁶ Ibid. p. 15. — ⁷ Walsing. in Hist. Angl. Meyer. Hist. Fland. — ⁸ An. 5. p. 1. Ep. LVII. — ⁹ Ibid. Ep. cur. CLX, CLXI. — ¹⁰ Ibid. Ep. CLXII, CLXIII. — ¹¹ An. 6. p. 1. Ep. cur. XL. — ¹² Reg. post eand. Ep. — ¹³ Append. Chr. Andr. Dand. — ¹⁴ Tom. I. Ep. secr. pag. 75. — ¹⁵ An. 6. p. 1. Ep. CLVII. — ¹⁶ Reg. post eand. Ep.

ineffabilis Dei summi tua in regno mundi dilatavit culmina principalis, sic tua laudabiles actiones te reddant in oculis suae majestatis acceptum, per quas tibi in caelesti patria corona ineffabilis gloriae praeparatur, etc. »

Hoc anno amplificavit Pontifex Perusinam Academiam, quae cum a Clemente V instituta esset, atque in ea publice juris civilis et canonici scholae apertae; adjunxit Joannes ¹ ut medica ars ac philosophia in ea docerentur.

46. *De Thomae Aquinatis miraculis institutum examen.* — Efflorescente Thomae Aquinatis sanctitatis gloria ob plura miracula ejus beneficio patrata; tum etiam reginae Siciliae Caroli II relictae viduae, ac filiorum principis Tarentini comitisque Gravinensis, atque Neapolitanae Academiae precibus adductus, provinciam dederat Humberto Neapolitano archiepiscopo et episcopo Viterbiensi ac magistro Pandulpho, ut de miraculis ac vitae sanctitate illius veritatem diligentissime indagarent, testiumque fide dignorum dicta in scriptum redacta Sedi Apostolicae transmitterent: injunctoque sibi munere archiepiscopus et episcopus, Pandulpho absente, perfuncti strenue, quae ab ipsis erant explorata suo munita chirographo Pontifici misere. Qui ut majorem tante rei consilii maturitatem afferret, Anagnino et Terracineni episcopis ac memorato Pandulpho novam hanc provinciam demandavit ².

« Cum super ejusdem miraculis, quae ipsius meritis in monasterio Fossanovae Cisterciensis Ordinis Terracinenensis diocesis, ubi corpus ejusdem quiescere dicitur, et in diversis aliis locis, sicut asseritur, dignatus est Dominus misericorditer operari, quorundam testium, qui juxta dictarum litterarum nostrarum formam recepti per dictos archiepiscopum et episcopum non fuerint, restet adhuc receptio et examinatio facienda; discretioni vestrae, de qua plenam in Domino fiduciam obtinemus, de fratrum nostrorum consilio per Apostolica scripta committimus et mandamus, quatenus vos, vel duo vestrum tam in dicto monasterio Fossanova quam in loco vel in locis aliis, ubi expedire videritis, de praedictis et aliis miraculis fratris Thomae praedicti, quae extra Romanam curiam ipsius meritis dignatus est, vel ex nunc pendente inquisitione hujusmodi dignabitur Dominus operari (non tamen de illis super quibus per praefatos archiepiscopum et episcopum ad receptionem et examinationem praedictorum testium noscitur esse processum, prout per processum super hoc per eos habitum ejus copiam vobis fieri volumus, poteritis instrui) ceterisque circumstantiis, negotium hujusmodi tangentibus, juxta formam, quam vobis sub Bulla nostra transmittimus interclusam, inquiratis diligentius veritatem, etc. Dat. Avin. kal. Junii, anno v. »

47. *Raynaldi archiepiscopi Ravenmatensis*

pie moritur. — Obiere ii adeo egregie demandatum sibi munus, ac miracula omnibus instructa circumstantiis sanctissimo doctore apud Deum intercessore patrata sacro Ecclesiae senatui retulerunt, ut altero post anno ritu solenni sanctorum cultus illi decretus fuerit, de quo eorum suo loco sermo erit. Nunc praesentem annum felici alterius viri sancti, Raynaldi scilicet Ravennatis archiepiscopi, quem jam ante magno zelo divinarum gloriam promovere, et clerum suae provinciae ad primævum sanctitatis florem revocare conatum vidimus, exitu claudemus, adductis in medium verbis Ravennatum rerum scriptoris cultissimi, qui tanti archiepiscopi mortem piam, atque edita ejus opera miracula describit ¹: « Anno, inquit, mcccxi non absque ingenti apud omnes sanctitatis opinione, quintodecimo kal. Septembris tranquille decedens, in caelestem patriam evolavit omni vir laude merito cumulandus, qui cum magnarum rerum humanarum usu tractationeque religionem et pietatis rerumque aeternarum curam conjunctam perpetuo habuit. Sepultus est in monumento ex marmore in aede Ursiana; quod cum superioribus annis Julius Feltrius ab Ruvere cardinalis Ravennatum archiepiscopus aperiri coram se mandasset, viri sancti cadaver, ut ipse mihi affirmavit cardinalis, integrum ac pene recens promissa barba, statura procera, ingenua forma et specie ad dignitatem apposita inventum est.

« Ad ejus cadaver, cum adhuc in sepulchrum illatum non esset, multa miracula, et insequentibus etiam diebus et annis sunt facta. Et ut reliqua omittam, Jacobus Benincasa jurisconsultus Ravennas, cum desperata omni salute et penitus destitutus acerrimis podagrae doloribus affligeretur, sequae voto nuncupato diem Raynaldi festum quotannis solemniter celebraturum obligasset, postridie ejus diei doloribus et morbo solutus est: quod Joanni quoque Grado in gravi capitis oculorumque dolore, cum esset ad Raynaldi sepulchrum profectus, ejusque opem suppliciter implorasset, per idem tempus contigit. Ex agro item Ravennae eo vico, cui Herboseae nomen est, mulier Blonda vocata, caecodamone supra quam dici potest agitata, a cognatisque suis maxima vi ad Raynaldi sepulchrum pertractata liberatur. Pari felicitate Thomasina Petri Lombardani Ravennatis filia, sacra virgo cœnobii D. Mariae cognomento Padrielsi, quod in Ceneda a mœnibus haud procul erat, nunc in urbem translatus D. Stephani in olivis appellamus, membrorum omnium resolutione languens, cum viri sancti patrocinium invocasset, repente sanitati restituitur, atque hæc pauca de multis, quae in dies fiunt, collegisse sat fuerit ».

48. *Dantis Algerii mors et ejus liber de Monarchia.* — Ravennae etiam obiisse hoc anno refert ² Joannes Villanus Dantem Algerium nobilem

¹ An. 5. p. 1. Ep. CCCXCIV. — ² Ibid. p. 2. Ep. com. MCCCXXIII.

¹ Ilic, Rub. Hist. Rav. l. vi. et ex ed. Sur. tom. vii, xviii Aug. Ferar. novo cath. SS. ead. die — ² Jo. Vill. l. ix. c. 135.

Florentinum patria extorrem, litteris humanioribus poesi Italica et eloquentia clarum. Scripsit inter alia latino sermone librum de monarchia, in quo multa adversus supremam Pontificis auctoritatem, quam in Romanum imperium ex singulari translationis imperii jure tunc in omnia orbis regna et imperia indirecte non ad temporarium lucrem, sed ad salutem hominum accepit, multa garrere ausus est; injectaque occasionem ut multi alii eo argumento scriperint. Constat ejus opinionem gravissimis argumentis S. Antoninus his verbis ¹: « Vult probare, sed male, ita monarchiam esse in imperio Romano et rege Romanorum, quod nullam dependentiam habeat a papa, sed a solo Deo, nisi solum in pertinentibus ad forum animarum, non in temporalibus; et in hoc erravit, cum potestas imperialis et regimen subalternetur papali, ut minor majori: sicut et luna, signans imperium, illuminatur a sole, signante vicarium Christi, et lumine majori: quod colligitur dist. xcvi, cap. *Duo sunt*; unde et utrumque gladium papam habere frequenter disputando concluditur secundum id, quod dixerunt Apostoli Christo: Ecce duo gladii hic. Quod etiam per experientiam monstratum est: nam papa Adrianus transtulit imperium de Oriente in Occidentem, Carolum magnum regem Roman. instituens, quia Ecclesiam liberavit et Italiam de manibus Longobardorum; imperatore Græcorum nec se, nec Ecclesiam juvare valente, sed ad errores declinante. Deinde a Joanne papa Duodecimo vel Leone translatus est a Francis in Theutonicos in primo Othone ». De Joanne XII id demonstrat ex veteribus monumentis card. Baronius ²: Leonem autem fuisse pseudopontificem, cum Joanne non rite dampnato atque ex hæretica nimirum hypothese, quod jurisdictio ob crimina amittatur a

pseudosynodo creatus esset, pluribus illustrat ³. Pergit S. Antoninus:

« Papa quoque deponit imperatorem, et privat, et excommunicat, prout egit Innocentius I: Arcadium enim imperatorem excommunicavit. Gregorius VII Henricum III imperatorem excommunicavit, et imperio privavit. Papa etiam confirmat imperatorem, ipse coronat, ipsi imperator fidelitatem jurat, dist. xii, *Tibi*. Quomodo isti talia attentassent et prælati et sancti homines ista approbassent, si monarchia imperii non subesset papæ, cum par in parem non habeat potestatem? Item imperatores Catholici in omnibus submisserunt se et leges suas Ecclesiæ, ut Constantinus magnus, Theodorus senior et junior, Justinianus, Justinus, Carolus magnus, Otho primus, Sigismundus; sed multi, qui fuerunt pessimi tyranni, et persecutores Ecclesiæ, non defensores, et maiorum morum toto conato quæsierunt subjugare sibi Ecclesiam, et temporalia ejus auferre, et ad nihilum deducere, ut Julianus Apostata, Constantinus Arianus, Henricus Tertius, Quartus, Quintus et Sextus, Fridericus Primus et Secundus, Ludovicus Bavarus et multi Græcorum imperatorum. Aliqui prædictorum secuti sunt hæreses suorum patriarcharum, aliqui ex Latinis fuerunt causa schismatis: sed papa pro tempore existens, ut verus monarcha et super imperatorem Romanum potestatem habens, excommunicavit eos et privavit; et demum tales cum summa confusione exterminati sunt, et ad inferos descenderunt. In hoc ergo erravit Dantes, quem errorem magis diffuse prosecutus est Ocham Ordinis Minorum, quasi ad nihilum deducens potestatem papæ et prælatorum in dominio temporalis. Quamobrem multi viri doctissimi tunc quæstiones disputarunt et libros ediderunt de potestate Ecclesiastica ». At de his iterum inferius.

¹ Ant. iii, p. tit. xxi, c. 5, § 2. — ² Baron. an. Chr. 962, num. 1. etc.

³ An. 963, num. 29 ad 30.

JOANNIS XXII ANNUS 7. — CHRISTI 1322.

1. *Fridericus comes Montisferetri et ejus filii perduelles dant pœnas.* — Statuit divina justitia ¹

año Christi millesimo trecentesimo vigesimo secundo, Indictione quinta, insigne severitatis eue exemplum in improbos idololatrias Ecclesieque hostes infensissimos Fridericum e Monteferetro ac facinoris socios: ad quorum reprimendam impie-

¹ Jo. tom. III, Ep. secr. p. 106. Jo. Vill. I, ix, c. 110. Ant. p. III, tit. xxi, c. 4, § 11.

tatem Pontifex superiore anno religiosam militiam, dato crucis symbolo, ac propositis indulgentiis indixerat, fidelesque ut fœdam pestem e Christiano orbe exciderent, concitaret. Promote jam erant Recinetum, ubi impurissimum idolum impiorum venerationi expositum vidimus, cruce-signate copiæ, cum Fridericus perdnellum, dux ad tuendos Recinetenses episcopi Aretini et Castrucii agmina submisit; parandisque novis auxiliis intentus extorquere ab Urbinatibus duriora vectigalia ite meditatus : quamobrem valde commotus cives, ejus tyrannidem executere decernunt, redeunt ¹ ad obsequium Sedis Apostolicæ, ac Fridericum seminudum, injecto collo laqueo mitiorem necem a conjuratis deprecantem, obtruncarunt. Is scelerati viri, qui se adversus Christi vicarium superbe efferre, atque ad idoli obsceni venerationem prosternere non perhorruerat, exitus fuit; quem S. Antoninus hisce verbis refert :

« Cum una dierum marchio, qui erat pro Ecclesia, cum copiis suis Recanatum impugnaret, et tunc comes Fridericus, Urbini existens, magnam taleam seu impositionem pecunie communitati indixisset, ut posset in succursum accedere cum stipendiariis episcopi Aretini et Castrucii Recanatum; Deo disponente, in detestationem et judicium illius Friderici subito populus Urbinas tumultuans arma corripuit contra dictum Fridericum : qui improvisus se clausit in arce civitatis, et a populo obsessus, videns se non posse defendere vel evadere, se populo tradidit misericordiam postulans ab eo; et pro gratia postulans se decapitari, et non magis illudi et crudeliore morte daminari. Descendens ergo de arce simul cum filio, se spolians et finem in gutture habens, populo se obtulit misericordiam clamans. At populus, irritatus contra eum, nulla misericordia motus est : sed ipsum interfecit cum filio, postea mortuum per terram traxerunt hinc inde, vituperia multa circa illum inferentes : et quia in excommunicatione mortuus, ideo sepultura asini sepultus est, non Ecclesiastica ».

Retulit Deo de profligato præpotenti hoste gloriam Pontifex, ut ex litteris post aliquot menses ad episcopum Ariminensem datis constat ² : « Felicitis, inquit, triumphum victoriæ per nostros et Ecclesiæ Romanæ fideles contra tyrannum crudellem et perfidum Fridericum de Montefeltro, Dei et Ecclesiæ persecutorem impium et pestifera hæreticæ pravitatis labe respersum, et nonnullos sequaces ejusdem dudum obtentæ divinitus; ac alia nonnulla gesta in illis et marchie Anconitanæ partibus per tuæ fraternitatis litteras nobis missas, quas læta manu recepimus, et quæ continebantur in eis, pleno collegimus intellectu, nobis innotescere curavisti, etc. Dat. Avinione kal. Octob., anno vii ».

2. Non tristitia hæc responsa Fridericus a dæ-

mone acceperat; ejus major natu filius Guido a paterno in Ecclesiam odio non degener, qui plures in Piceno motus concitaret, ex Urbinatum manibus fuga lapsus, insequente illum divina justitia, in fidissimi clientis Ecclesiæ Cantis Gabrielis patritii Eugubini potestatem cecidit : a quo mox in vincula conjunctus est. Qua de re certior a Cante factus Pontifex, Guidonem Amelio marchie præsidii tradi jussit ³. Impositum ⁴ est aliis litteris munus idem Amelio abbati Tolosani monasterii S. Saturnini Piceni præsidii, ut cum Guidonem Friderici filium aliosque rebelliones participes in sua potestate obtinuisset, in eos ex legum præscripto pronuntiaret. Sumptum de iis supplicium indicat S. Antoninus ⁵, dum excisam Friderici stirpem, superioribus ex ipsa allatis addit : « Duo, inquit, alii filii ejus, fugientes ex Urbino, Eugubii capti sunt, et alter parvulus in Urbino : et sic impletis iniquitatibus eorum de Montefeltro, qui semper fuerant rebelles et persecutores Ecclesiæ, exterminavit eos Deus de terra ».

3. *Recinetum excisum.* — Exeruit se pariter divina in Recinetenses, apud quos nefandum impurumque idolum excitatum fuerat, justitia : narrat enim Joannes Villanus ⁶ Piceni præsidem, cæsi apud Recinetum nepotis dolore percitum, urbem in favillas redigisse, ac inœnia lunditus, objecta civibus idololatriæ infamia, diruisse : eam rem crudelitati versam, cum Recinetenses, cæso Friderico sponte eiectis præsidariis ultro Pontificio præsidii deditorem fecissent : divinæ tamen sententiæ, gravissima illorum scelera ulciscenti adscriptam. Prona ad victoris obsequium reliqua inere : Assisinitum ad deditorem compulsi ⁷, eorumque propugnacula solo æquata : Auximales ⁸ in ea rerum conversione ad Pontificis imperium rediere, quanquam postea Lipacius paucis post mensibus Firmatorum armis Auxinum Ecclesiæ eripuit ⁹. Fanenses ¹⁰ ad Pontificias partes traducti, ex quorum dissensionibus occasione sumpta, cum Joannes Superantius Venetorum dux Ecclesiasticæ ditionis jura affectaret, Pontifex censurarum religionem objecit Venetis, ac nisi male cæpta revocarent, in eos reges principesque se concitaturum, est comminatus ¹¹. Ravennatem quidem agrum Venetos vastasse, occupasse Padæ littora, damnaque alia graviora intulisse, queritur in aliis litteris, XV kal. Aprilis exaratis ¹², ac significat, ni navales copias Paulo abducant, sarciantque injuriam, datam Æmilie præsidii provinciam, ut Apostolica et imperiali auctoritate in eos animadvertat.

4. *Ditio Ecclesiastica seditionibus agitata, et Matthæi vicecomitis scelera.* — Exortos tum Ravennæ graves seditionum motus, scribit Joannes Villanus ¹³ ac Bernardini Potentani filios Hostasium

¹ Eod. tom. III. Ep. secr. pag. 166. — ² Ibid. — ³ Ant. III. p. tit. xxi. c. 4 § 11. — ⁴ Jo. Vill. I. IX. c. 142. Anton. ubi sup. — ⁵ Jo. Vill. I. IX. c. 138. — ⁶ Eod. I. IX. c. 111. — ⁷ Ibid. c. 161. — ⁸ Eod. lib. c. 139. — ⁹ Tom. III. Ep. secr. pag. 144. — ¹⁰ Ibid. pag. 148. — ¹¹ Jo. Vill. I. IX. c. 168.

¹ Tom. III. Ep. secr. pag. 168. — ² Ibid. pag. 312.

et Guidonem, excitis Malatestæ auxiliis, concidisse gladiis in publica re gerenda collegam, eundemque archiepiscopum Ravennatem fratrem patrualem, jacentem in lecto, ad quem colloqui specie inducti fuerant. Raynaldum ipsum vocat Hieronymus Rubens¹ archiepiscopum Ravennatem designatum. Excitatis tum etiam Bononiæ gravioribus tumultibus, Romæus Peppolus pulsus²: Viterbii Silvester Gatto tyrannidem splendido protectoris titulo corripuit³. Cæterum ad discutiendas crebras populorum seditiones, frændarumque eorum ambitionem, qui Ecclesiæ ditionem laniare, ac res suas in illius ruinis excitare affectabant, sanxit Pontifex⁴, ne quis sine Pontificia auctoritate, urbium ac municipiorum prefecturam quovis nomine coloratam corripere, pœnasque gravissimas iis, qui tenderent contra, incussit.

Ad constituendam etiam publicam pacem in nonnullis provinciis consuetas præsulum electiones celebrari vetuit; sed ab Sedis Apostolicæ nutu rem totam pendere subjecto Diplomate jussit⁵, ut qui ad ipsa crearentur, subditos in Ecclesiæ obsequio studiose continerent.

« Joannes, etc. ad futuram rei memoriam.

« In patriarchatu Aquileiensi, necnon Mediolanensi, Ravennate, Januensi et Pisana provinciis consistentes Ecclesiæ; quas et quæ frequenter, prout experientia docuit, retroacti et hucusque continuata malitia temporis in earum provisionibus variis noscitur discriminibus subjecisse, nostræ mentis obtutibus occurrere; ac propterea similibus in posterum obviare periculis: donec, favente Domino, sublata procella temporis impati, eisdem Ecclesiis et personis earum plena in eligendo securitas ministretur, sollicitis affectibus cupientes; provisiones omnium patriarchalium, archiepiscopaliū, episcopaliū et aliarum quarumlibet Ecclesiarum collegiatarum, necnon abbatiarum, monasteriorum, prioratuum et aliorum quorumcumque piorum locorum secularium et regularium, exemptorum et non exemptorum, consistentium in patriarchatu et provinciis supradictis, ad quas, vel ad quos, seu quæ prælati consueverunt, seu debent per electionem assumi, nunc ubicumque vacantum, et quæ deinceps vacare contigerit, dispositioni et ordinationi nostræ et Sedis Apostolicæ de fratrū nostrorum consilio usque ad ejusdem Sedis beneplacitum de Apostolicæ potestatis plenitudine reservamus, etc. » Prohibet, ne ulla canonicorum aut regularium aliorumve collegia ullos præsules inconsulta Sede Apostolica designare, postulare vel sibi præficere audeant; ac si in eam proruperint temeritatem, quæcumque gesserint Apostolica auctoritate rescindit. « Dat. Avin. III kal. Augusti, anno vi ». Hæc licet sanciret Joannes, Italicæ tamen factiones

non compositæ sunt, atque in ipso Pontificio principatu effervere.

Inter has ditionis Ecclesiasticæ seditiones præerat Urbi Robertus rex, qui illius administrationem acceperat a Pontifice, ut seditionum consilia regia auctoritate reprimeret; quem etiam octo annorum spatio et eo amplius publicam Florentinorum rem gessisse, refert Joannes Villanus¹: hoc vero inenite gubernacula Florentinis restituisse: ex quo apparuit, ipsum ad tyrannidem Italiæ, ut spargebant hostes, non aspirasse: sed delatam sibi provinciæ administrationem eo consilio in turbulentis rebus suscepisse, ut iis pacatis pari illam integritate relinqueret. Creatus etiam fuerat a Pontifice imperii in Insubria legatus, dum interregnum esset, ac magna utrique belli moles adversus Vicecomites Mediolanenses, qui id munus injuria sibi arrogarant, incumbat; jamque superioribus annis adhibiti conatus ad nihilum reciderant. Tentata itaque a Pontifice hoc anno nova consilia, atque iniisse cum Friderico Austriæ duce altero rege Romanorum discordibus suffragiis electo armorum lætus, refert Joannes Villanus², ut conjunctis copiis Matthæum Vicecomitem everterent. Concitarant³ enim Joannem adversus Matthæum non accepta modo invito ipso Insubriæ prefectura, oppugnatione Genuæ, Guelphorum et clientum Ecclesiæ depressio; verum etiam intolerabilis censurarum Ecclesiasticarum contemptus, cleri oppressio, infanda populorum servitus, dira immanitas, obscuratus religionis splendor, propagatio hæreseos, quæ etiam Matthæum contaminatum esse non levis argumentis ferebatur. Quæ atrocia flagitia Pontifex in litteris ad Theodorum marchionem Montisferrati describit, illumque ad vires suas in tyrannum impium cum aliis jungendas adhortatur.

6. « Joannes, etc. Theodoro marchioni Montisferrati.

« Quia prælati, per dura gravamina et violentias multiplices ac pressuras, quibus eos idem Matthæus incessanter affligit, prohi dolor! impediti, personas Ecclesiasticas suarum civitatum et dioceseon nequeunt visitare, subditos corrigere, illis proponere verbum Dei, et Sacramenta Ecclesiastica ministrare, aliæque agere, quæ ipsis ex officii debito pastoralis incumbunt; in illis partibus hæreses pullulant, schismata crescunt, a cultu divino receditur, fidelium animæ perditioni sæpius exponuntur, periclitantur corpora, scandala suscitantur, et ausus aliis malis panditur innumeris, quorum est ipse causa præcipua, perpetrandis; propter quæ necnon et alia, quæ frequenter idem Matthæus pollutis labiis proferre non metuit, et agere scelestis actibus non formidat, graviter nec immerito suspectus habetur de labe pestifera hæreticæ pravitatis: qui, sicut infamia clamat publica con-

¹ Rub. Hist. Ravenn. l. vi. — ² Joan. Villan. l. viii. c. 131. —

³ Tom. iii. Ep. secr. ci, cii, cccxl. — ⁴ Ibid. pag. 331, 332, 336.

— ⁵ An. G. p. 1. Ep. cur. lxxxix.

¹ Jo. Vill. l. ix. c. 136. — ² Jo. Vill. l. ix. c. 143. Ant. iii. p.

tit. xxi. c. 4. § 13. — ³ Tom. iii. Ep. secr. p. 136.

tra eum, carnis resurrectionem denegat impudenter, vel super illa mortificare dubietatis scrupulum secum difert in animo scleratus.

« Nec a tua notitia credimus alienum, qualiter ipse pestilens ejusdem Ecclesiæ persecutor, ut solus in dicta provincia, cultu nequiter extirpato divino, velut idolum desolationis abominabilis adoretur; provinciam ipsam sui conatus peste conturbans, ac militens in exilium pacem ejus, populum Domini rabida vexatione dilacerat, et hereditatem ejus diræ pestis laniat feritate; seque reddit, ac si non videret Dominus mala ejus, et opera illius non intelligeret Deus Jacob, in cæteris pravitatis exactionibus truculentum: ex quibus, præter diversas excommunicationis sententias contra tales a canone latis, quas incurrisse dignoscitur, nos eum a Sacro ipsius Ecclesiæ corpore velut membrum putridum mucrone duximus anathematis præcidendum, tradentes eum Sathanæ in interitum carnis, ut spiritus ejus in die Domini salvus fiat; aliisque diversis contra eum per nostros processus spiritualibus et temporalibus pœnis et sententiis promulgatis. Verum idem Matthæus, nequaquam propter hoc incircumcisi cordis cervicem humilians, sed potius elationis suæ currum ascendens, sic in savitiæ acerbitalatem obriguit, quod virtutem divinam contemnit, humanam parvipendit potentiam; et a malignantate solita non quiescit; quin potius in diversoria mortis, cum suarum sint ulcera indurata culparum, cornu erit et irreverenti animo et infumito, contemnens penitus et desperans, incessanter prioribus deteriora committit.

« Nos igitur considerantes attentius, quod eo fortiore resistentia est intentio sui nequissimi elidenda propositi, eoque potentius suis pravis affectibus contrariis affectibus obviandum, quo ipse pestilens remulus humanæ salutis et pacis in fidelium intendit pectoribus cultum Catholicæ fidei, sine qua nemo unquam Deum videre poterit, depravare; quodque graviter ex præmissis, quod mæsti referimus, impeditur negotium Terræ-Sanctæ, nobisque ad promovendum illud subtrahitur opportuna facultas; et nihilominus in debita recessionis (arcanum) adducto, quod clara tunc devotionis credibilis testimonia te Catholicæ fidei et Ecclesiasticæ libertatis zelatorem fervidum representant, propterea in sinu ejusdem matris Ecclesiæ indubitata fiducia conservatur, qua pro certo confidit, quod ei tua instanti opportunitate suffragia non deerunt, nec potentie tue manum ab ejus auxilio continebis. Dat. Avin. II non. Februarii, anno vi ».

7. Dum vero Theodorum marchionem ac Fridericum Austriacum in Matthæum commovebat Pontifex, aliaque parabat auxilia, censuras Ecclesiasticas in eum latis a Bertrando card. Apostolicæ Sedis legato divulgari, alque etiam religiosam militiam dato crucis symbolo indicii jussit: quibus litteris X kal. Februarius hujus anni dies

adscripta est. Spernentem vero has censuras Matthæum Vicecomitem Aycardus Mediolanensis archiepiscopus, ac fidei censores judicio hæreseos damnarunt, cujus ingentia scelera cumulatam recentibus attulere¹: « Præfatus insuper Matthæus, inquit, tot et tantis nefandis sceleribus et excessibus horridis involutus exorbitans a fidei Catholice veritate, verum lumen non videns, de sacramentis male sentiens ac clavium et Ecclesiæ potestate, ipsasque contemptibiliter vilipendens, diutius sustinuit plures excommunicationum sententias latis in ipsum, tam ab homine quam a jure; ac interdictum Ecclesiasticum, cui præfata civitas Mediolanensis, ipsius Matthæi exigentibus culpis, supposita fore dignoscitur, fecit multoties violari, laicorum corpora defunctorum in Ecclesiis et cœmeteriis, pulsatis campanis, ministris ipsarum invitis et renitentibus, faciens sepeliri; id idem fieri faciens in terris et locis, quæ per filios suos delinere occupata, simili suppositis interdicto. Præterea Zacharinam filiam suam, quæ ipso præsentem cum Richardino de Langusio in Ecclesiæ facie publice per verba contraxerat de præsentem, nulla divortii sententia præcedente, alteri de facto, dicto Richardino vivente, matrimonialiter copulare præsumpsit ». Pergunt vertere crimini Matthæo, ipsum prælatorum Synodos religiosorumque cœtus celebrari, sacrasve haberi conciones vetuisse, neque ob illius tyrannidem immanem sacramenta rite porrigi, aut vitia corrigi, vel hæreses excindi potuisse; hereticorum societate se inquinasse, eosque sibi in fidissimos ministros adscivisse. Denique addunt dæmonum commercio usum esse.

« Dæmones præterea, quorum est servus effectus, et cum quibus confœderationem fecisse videtur, desperatus de divina potentia, multoties execrabiliiter invocavit et quæsit ab eis responsiones et consilia in agendis. Resurrectionem quoque corporum humanorum, quam fides Catholica docet, et sancta Romana Ecclesia proficitur et tenet, impie negat, devians a fidei veritate, etc. » Aggerunt alia crimina illum incus-um anathema a Pontifice triennio sprevisse, postulatumque ob id judicio hæreseos comparere recusasse, ac de contumacia damnatum novoque defixum anathemate in pertinacia veleri obduruisse; ob quæ archiepiscopus ac fidei censores in ipsum ut hæreticum ferunt sententiam, ejus bona addicunt fisco, honoribus evertunt, notantque infamia, quam posteris et filijs inurant: « Lecta, lata et in scriptis pronuntiata fuit sententia supradicta per religiosum virum fratrem Barnabam priorem provincialem prædictum pro tribunali sedentem vice sua et reverendi patris domini archiepiscopi Paxii et Honesti et Jordani inquisitorum prædictorum, etiam pro tribunali sedentium in Ecclesia S. Mariæ de Valentia Papiensis diocesis, anno a Nativitate Dom.

¹ Ext. in Ms.

MCCCXXII, Indictione v, die xiv mensis Martii ».

8. *Henricus Frederici Austriaci frater, arma vertit in Matthaeum, a quo tamen decipitur.* — Inlentatus etiam gravium penarum terror Galeatio et Marco Matthaei filius¹, bello quidem strenuus, sed impietate non disparibus, atque aliis omnibus eorum parium studiosis : quos etiam retardate Asiaticae expeditionis crimine cum arma ad frangendam eorum perlinaciam distraherentur, quae adversus Sarracenos, rem Christianam in Oriente pessumdantes (de quibus agitur postea) vertenda fuissent, postulabat Joan². Adhita³ sunt minis arma, hinc in eum Pontificis et Roberti regis copiae, inde Florentini, Bononienses, Senenses, aliique Guelphi federati consurrexere⁴. Parte alia Aquileiensis patriarcha densis agminibus stipatus, atque Henricus Frederici regis Romanorum designati frater cum equitatu gravioris armaturae, aliaque crucesignatorum multitudine signa extulere. Extant de transmissio in Italiam Henrico ad augendas Pontificis partes Frederici suffragiis discordibus electi Caesaris litterae⁵ ad Pontificem, subjectis conceptae verbis :

« Sanctissimo in Christo patri et domino suo domino Joanni, sacrosanctae Romanae ac universalis Ecclesiae summo Pontifici Fredericus, Dei gratia Romanorum rex semper Augustus, cum filiali recommendatione, devota pedum oscula beatorum.

« Qualiter inducti excellentis et magnifici principis domini Roberti Jerusalem et Siciliae regis consanguinei et affinis nostri charissimi consilio ad sanctae matris Ecclesiae honorem vestraeque beneplacitum sanctitalis, cujus pergrata pluries nobis facta beneficia non ingrati recognoscimus, quinimo a nostra indivulsa memoria ut devotissimus sanctitalis vestrae filius relinemus tenaciter, illustrem Henricum ducem Austriae et Stiriae principem et fratrem nostrum charissimum, cujus personam non minus quam propriam aestimamus, cum valida militie et armatorum multitudine versus Lombardiam pro gubernatione hominum et terrae Brixiae destinaverimus sumptuose, errores et incursum hostiles potentium nostrorum in Alemannia adversariorum nobis continue insidantium eo praetextu excutientes, ut voluntati vestrae elementie reddamus conformes, vicem acceptorum ab ipsa beneficiorum aliquoties rependo; qualiter etiam universa, quae erga nos aguntur negotia disponantur, in quibusve articulis pro status et honoris nostri ac illustrium fratrum nostrorum augmento vestrae sanctitalis gratiam necessario requirendam habemus, religiosum virum fratrem Conradum abbatem monasterii in Salem Ordinis

Cisterciensis confessorem nostrum, necnon viros strenuos Joannem dapiferum de Diezenhont regalis et Herbardorum de Symonig reginalis curiarum magistros, secretarios et fideles nostros dilectos plenissime lanquam mentis nostrae imaginarios, de praemissis omnibus informatos sanctitali vestrae benignissime decrevimus destinandos ipsi humiliter sub confidentia non modica supplicantes, qualenus solita bonitate paterna eisdem nostris secretariis pium et credulum tanquam nobis in nostrarum legationum et petitionum articulis auditum praebat, et petita clementer exaudiat et admittat, nobis cum eorumdem nuntiorum expeditione celeri speratarum consuecte benignitatis gratiarum beneficia pro necessitatibus nostrae exigentiae adeo clementer et favorabiliter impendendo, quod ipsius beneplacitis et honoribus, quorum ampliationi nativa bonitate imitumur, eo applus et potentius queamus intendere, eandemque bonam nostram intentionem effectuosum opere exercere. Datum apud Offenbourg. VIII kal. Junii, regni nostri anno viii ».

Exceptus Henricus est a Brixianis¹, ad quos Pontificiae extant litterae², ut una cum ipso ac Roberto rege et Guelphis foedus coirent adversus Matthaeum Vicecomitem, quem vocat « haeticum pestilentem et perfidum, Dei et Ecclesiae suae adversarium et hostem impium ac severum ».

9. At Matthaeus Vicecomes cum Henrici potentiam formidaret, ipsum suis fraudibus mox irretire cepit. At quas discutiendas Joannes Henricum his verbis commouit³ : « Fili, non absque admiratione ad nostram audientiam subsequenter deduxit relatio fide digna, quod tu ad Matthaeum praedictum tuos, et ad te ipse suos, et demum tuos et suos ad electum praedictum (nimirum Fredericum regem Romanorum), duxeratis nuntios destinandos. Et quia, fili, malitia et fraudes illius haeretici nos non latent, veremur quod cum sua astutia te decipiat, teque a tuo proposito deviet, ut vel tempus labatur inutiliter, vel ad suam fovendam malitiam te salagat inclinare. Verum quia tam electum praedictum, quam te brachiis complectimur charitalis, et intendimus prosequi quantum cum Deo poterimus, gratiose; nobilitatem tuam duximus exhortandam, ut in scrupulino rectae considerationis adducto, quod si, quod absit, Matthaeo praedicto annueres, divinam offenderes maiestatem, quantum cor nostrum graviter saucires, quantumque matrem tuam sacrosanctam Ecclesiam contra te merito irritares; tractatus haeretici praedicti respuens, quae profecto veneno non carent, manum mittas ad fortia, ea quae cepisti laudabiliter prosequendo, etc. Dat. Avin. IX kal. Junii, anno vi (1) ».

¹ Eod. tom. III, Ep. secr., pag. 155. — ² Eod. — ³ Ibid. p. 157, 158. — ⁴ Ibid. p. 186. — ⁵ Extant in rotulo pergami, signato num. 6, ex arch. Avinion. in Vatic. delato.

(1) Henrici fratris Frederici Austriae ducis et regis Romanorum relictum in Germaniam in mensem Martium anni lupus relict historia Cortusiorum; sed crasse auctores illos vel potius textum ejus historiae corruptum esse patet, cons. at ex litteris a Joanne Pontifice ad hunc

¹ Jo. Vall. l. x. c. 113. — ² Tom. III, Ep. secr., pag. 180. — ³ Ibid.

10. Nil profuere Pontificia apud Henricum ducem monita, ac tantum belli apparatus, sub cujus gravitate necesse erat ut Matthaeus succumberet, dissolvi contigit¹: pugnandum enim dolatus Vicecomes oratores ad Fridericum Austriacum misit, blande exposituros, se imperii causam sustinere, atque ob illius defensam dignitatem bello peti; ac si Robertus rex Insubria potiretur, Germanos Casares Italiae aditu et imperio excludendos. Illis permotus Fridericus Pontificium fœdus damnavit, fratremque aucupata rixandi occasione redire jussit: neque ea longius quesita est, Brianorum enim prefecturam sibi committi poposcit Henricus, ac petitis frustratus, cum cives jussu Apostolico ob interregnum Roberto proregi casareo fidem adstrinxissent, in Roberti regis compendium se pugnaturum negavit, Germaniamque repetiit². Nec diu prodita Pontificie cause crimen cum fratre impune tulit: prælio enim utrumque victum, captumque a Ludovico Bavaro, inferius videbimus. Inter hos tumultus exeunte Junio Matthaeus Vicecomes nonagenario major in heresi, ut tulit fama, obiit³; ac major natu filius Galeatii Prefectus Placentinus armorum terrore Mediolanenses coegit, ut ipsum Mediolani ducem ad annum renuntiarent. Verum ille mox Galeatii jugum, ipso ejecto, excussere⁴. Quo accepto nuntio Pontifex, ut ipsos ad obsequium pelliceret: latas in eos censuras a card. legato dissolvi jussit⁵:

« Bertrando tit. S. Marcelli Apostolicæ Sedis legato.

« Venerunt nobis in exultationis augmentum rumores placidi, nuntiantes quod commune et populus Mediolani, jugo tyrannicæ servitutis, quo sub crudeli tyranno, hoste Dei et Ecclesiæ manifesto Galeatio, damnati hæretici quondam Matthæi de Vicecomitibus filio, ac paternæ nequitie successore, et vehementer de hæretica pravitate suspecto, qui Mediolanensis civitatis regimen indebite usurparat, affligebantur immaniter, sicut et per dicti hæretici tyrannidem afflictis fuerant diutius; a se rejecto totaliter et excuso, veritatis spiritum assumptes, ad nostram et Ecclesiæ Romanæ devotionem et obedientiam, a qua deviant, per devia et errores currendo præcipientes, utentes saniori

consilio redierunt, intendentes nobis et eidem Ecclesiæ, ad quos imperii regimen ipso vacante sicut et nunc vacare dignoscitur, pertinet obedire fideliter et parere nostris et ipsius Ecclesiæ beneplacitis et mandatis.

« Nos autem, si in hujusmodi laudabili proposito stabiliter perseverent, cum ipsis volentes agere gratiose, discretioni tuæ, ut per te vel per alium seu alios interdictum seu interdicta, qui seu quibus per nos vel per te ex quibuscumque causis fuerint dicti civitas et clerus ejusdem subiecti, suspendere valeas, sicut videris expedire, plenam concedimus auctoritate presentium facultatem». Extant plures aliæ ad eundem legatum litteræ, quibus dissolvendarum plurium poenarum, quæ in Mediolanenses erant vibratæ, auctoritas collata est; tum ut clericos, qui divina mysteria contra interdicti Ecclesiæ-vei leges celebrant, absolvet. « Dat. Avin. XII kal. Decembris, anno vii ».

11. *Rerum conversiones Mediolani et Parmæ.*

— Dum Mediolanenses effusa lætitiæ significatione de recuperata libertate exultabant, agebantque de concordia legibus cum legato, Galeatii factio incautos oppressit: corruptis enim auro Germanis stipendiariis, qui Galeatium Mediolano depulerant, ipsum Lauda evocatum noctu in urbem admisit¹. Ejecti mox viri nobiles, ac populus, exeunte Decembri, dominatum urbis in Galeatium tristi rerum conversione transfudit. Excitatos porro fuisse Mediolanenses ad res novandas Placentinorum exemplo, qui Azone Galearii filio pulso, se in libertatem et Ecclesiæ obsequium auctore Obizone e Lando Versus (ad quem gratulatoriæ de liberata² Placentia deque profligata³ postea Mediolanensium copiis extant litteræ) vindicant, refert Joannes Villanus⁴: quo etiam exemplo usus est Pontifex⁵, ut Parmenses ad exequentiam Galeatii servitutem concitaret, qui brevi tyranni jugum, despecto ejus terrore, e suis cervicibus depulerunt⁶; qua de re extant publicæ hæc documenta⁷:

12. « In Christi nomine, Amen. Anno ejusdem

¹ Jo. Vill. l. IX. c. 183. — ² Tom. III. Ep. secr. pag. 343. —

³ Ibid. pag. 374. — ⁴ Jo. Vill. l. IX. c. 177. — ⁵ Tom. III. Ep. secr. pag. 349. — ⁶ Ibid. pag. 353. — ⁷ Ext. in arc. S. Ang. et Ms. Vat. arch. Plat. inter Coll. edita jussu Sixt. IV. tom. I. p. 382. et Ms. Vall. sign. lit. B. num. 12. p. 52.

dati die IX kal. Junii hujus anni, legendis in Annalibus hic, quibus discessum ejus nondum rescisse se Pontifex significat. Igitur pro Mario legendum est in textu Maio, quoniam lectionem ex Codice Extensi exhibet Muratorius, Ber. Italic. tom. XII. Et in Maio mense discessisse Henricum notat auctor coarctus Chronici Regensis Ber. Italic. tom. XVII. qui et monet Henricum venisse Brixiam die 4 Aprilis hujus anni. Discessisse die XXII ejusdem mensis discimus ex alia lectione ejusdem historiae ex Codicibus Ambrosiano, et Comitibus Collecti apud eundem.

Ceterum ut suis apte temporibus omnia distinguantur ex æqualibus horum temporibus Historicis Italis singulis, quæ hic in Annalibus traduntur sua tempora a commodanda sunt, Matthæus Vicecomes die XXVI Junii decessit, teste hujus ætatis scriptore Galvano Flamma in manipulo Florum cap. 361, sed illo antiquior chronista Antensis obitum hunc refert in diem XXIV Junii, qui et notat obisse « nescio casu; nec qui-quam s. i. ubi sepulchus fuerit, quia Ecclesia noluit eum recipere ». 4. tumque auctorem habes Ber. Italic. tom. XI. Urbs Mediolanensis domum statim invasit Galeatinus Vicecomes ejus filius, qui tamen die VIII Novembris, feri secunda, lectione civium optatum *ab excommunicatione liberari*, antichronista Astensis, expulsi sunt. Non diu post, die nempe XI Decembris, ad ersa fictionis suis rodit, teste auctore Chronici Regensis, Novembri vero mense, die XXV, Placentiam urbem legato Pontificis dederunt ex eodem Regensi Chronista. In postremo tamen hæc temporis designatione errasse dum non dubito, cum die IX Novembris id congruisse notet auctor Chronici Astensis cap. 169, et chronista Parmensis æqualis vulgatus Ber. Italic. tom. XII. ac Joannes Villani lib. 9, cap. 169, scribat Placentiam defectionem Mediolanensem præcessisse.

MANSI.

a Nativitate mcccxxii, Indictione vi, Pontificatus sanctissimi patris domini Joannis pape XXII anno vii, die tertia Decembris, convocato et congregato consilio universitatis et hominum Parmensis civitatis voce praeconia et sona campanae ut moris est, in palatio veteri communis Parmensis ad infrascripta specialiter facienda, nobiles viri domini Maffeus de Summo potestas, Joannes domini Nicolai capitaneus, abbas antianorum et caeteri antiani communis et populi civitatis Parmensis, ac praedictum consilium unanimiter et concorditer, nemine discrepante, fecerunt, constituerunt et ordinauerunt, sicut de jure et facto melius et efficacius potuerunt, discretum virum magistrum Bartholinum de Ferreris beneficiatum Ecclesiae S. Hilarii de valle Baganzae Parmensis diocesis, licet absentem, tanquam praesentem, suum et cuiusque eorum et dictae civitatis et universitatis syndicum et nuntium specialem ad comparandum pro eis et eorum ac omnium et singularum personarum civitatis et districtus Parmensis nomine eorum reverendo in Christo patre domino Bertrando, Dei gratia tit. S. Marcelli presbytero cardinale Apostolice Sedis legato, vel ejus delegato; et ad jurandum in animas praedictorum et cuiuslibet eorum, et promittendum de parendo mandatis Ecclesiae, atque ipsius domini legati, vel ejus delegati; et quod ipsi de caetero Galeatio de Vicecomitibus de Mediolano, aut fratribus, vel sequacibus suis, vel aliquibus Ecclesiae Romanae rebellibus nullatenus adhaerebunt; nec consilium, auxilium vel favorem praestabunt, sibi in nullo parebunt vel intendunt. Item ad confilendum, recognoscendum et asserendum realiter et cum effectu regimen civitatis et districtus Parmensis, vacante Romano imperio, sicut nunc vacare dignoscitur, ad dominum nostrum summum Pontificem et Romanam Ecclesiam pertinere; et quod ipsum regimen et rectores ipsius recipient et tenebunt deinceps nomine praefati domini nostri summi Pontificis et Rom. Ecclesiae supradictae, quando et quotiescumque vacabit imperium supradictum, sicut reciperent, et tenerent ab imperatore si dictum imperium non vacaret; et ad petendum, impetrandum, obtinendum ab eodem domino legato vel ejus delegato absolutionem et relaxationem sententiae interdicti dudum latae et promulgatae in universitatem et communitatem civitatis Parmensis, ac civitatem eandem; ipsiusque civitatis, communitatis et universitatis terras, castra et loca per sanctissimum patrem et dominum nostrum dominum Joannem papam XXII et cui interdicto impraesentiarum subjacent, ex eo quod auxilium, consilium et favorem praestitisse dicuntur damnate memoriae Matthaeo Vicecomiti de Mediolano, dum viveret, ejusque filiis et sequacibus; et a quacumque alia sententia interdicti, vel excommunicationis lata per dictum dominum nostrum summum Pontificem, vel alium quem-

cumque ejus auctoritate in dictam civitatem et universitatem et ejus communitatem et districtum seu singulares personas ipsarum; et ad subeundum et consentiendum cuicumque praeepto et mandato, quod idem dominus legatus vel ejus delegatus eidem et cuilibet ipsorum facere et imponere voluerint; et ad obligandum pro praedictis et quolibet praedictorum fiendis, servandis et adimplendis, ipsos et eorum quemlibet, communitatem et universitatem ipsius civitatis Parmensis, et ipsam civitatem et ejus districtum, ac eorum et cuiuslibet eorum bona et jura praesentia et futura; et generaliter ad omnia et singula faciendum et promittendum, quae ipsi domino legato vel ejus delegato placuerint, et opportuna ac utilia videbuntur; ratum et gratum se perpetuo promittentes habere, observare et adimplere quidquid per dictum eorum syndicum et cum eo factum et promissum fuerit in praedictis et quolibet praedictorum sub hypotheca et obligatione omnium suorum et praedictarum civitatis, communitatis et universitatis honorum et jurium, praesentium et futurorum. Actum Parmae, etc. » Certior jam ante factus cardinalis legatus Parmenses ad officium reversos, Ugolino Rubae stirpis provinciam solvendarum censurarum contulerat¹ kal. Decemb. ejus litterarum praecipua pars his verbis concepta est²:

13. « Bertrandus miseratione divina tit. S. Marcelli presbyter cardinalis A. S. L. discreto viro Ugolino de Rubis canonico Parmensi capellano nostro, salutem in Domino.

« Cum praefati (nimirum Parmenses) potestas, capitaneus, universitas et commune, pejora a prioribus cumulantes et non attendentes, quod ad dominum papam et Ecclesiam Romanam regimen civitatis praedictae, sicut et aliarum terrarum imperii, debent ipso vacante imperio (sicut nunc vacare dignoscitur) pertinere, sed illud facto potius denegantes, stipendiarios suos in auxilium praefati Matthaei et filiorum ejus contradictam Romanam Ecclesiam, et ad impugnandum gentes et exercitum dictae Ecclesiae jura prosequentem ipsius imperii, transmisissent apud Bassignanam, ubi exercitui praedicto multa damna gravia intulerunt; nosque propterea contra ipsos procedere ad graviora vellemus, per ambaxiatores civitatis ejusdem ad nos propterea venientes accepimus, quod civitas supradicta Parmensis et cives ipsius ac cor redeuntes et suum recognoscentes errorem, seque in premissis graviter deliquisse, redire disponunt ad obedientiam et devotionem Ecclesiae supradictae, et a favore dictorum hostium totaliter abstinere.

« Quamobrem volentes cum civitate et civibus ipsis agere gratiose, discretioni tuae auctoritate Apostolica, nobis specialiter in hac parte

¹ Lib. Privil. Rom. Eccl. tom. I. p. 373. — ² Ext. in Lib. Privil. Rom. Eccl. tom. I. p. 374.

commissa, praesentium tenore committimus et mandamus, quatenus si tibi consilerit ita esse, videlicet quod dicta civitas et universitas ipsius se omnino et cum effectu subtraxerint a sequela, favore et adhesionem Galeatii, fratrum et sequacium ipsius, sibi in nullo parent et intendunt, nec dent auxilium, consilium vel favorem, ac realiter et cum effectu recognoscant regimen civitatis et districtus ejusdem, vacante Romano imperio (sicut nunc, ut praedicatur vocare dignoscitur) ad Romanam eandem Ecclesiam pertinere; et quod ipsum regimen, et rectores ipsius recipiant et teneant nomine supradicte Ecclesiae quandiu et quotiescumque vacabit imperium supradictum, sicut recipere et teneant ab imperatore, si dictum imperium non vacaret, recepta a majoribus universitatibus ejusdem eis videlicet, per quos civitas et universitas ipsa regitur, quod de caetero, praefato Galeatio vel fratribus, aut sequacibus vel aliis quibuscumque contra eandem Rom. Ecclesiam nullatenus adhaerebunt, nec consilium, auxilium, favorem praestabant juratoria cautione, ac juramento de parendo mandatis Ecclesiae atque nostris, interdictum ipsum in dicta civitate, terris, villis, castris et locis ipsius, relaxes et nunties relaxatum, ubi tibi videbitur expedire, et facias ab aliis nuntiari. Quod si forsitan postmodum ad dictorum Galeatii, aut fratrum, vel sequacium praedictorum sequelam et favorem homines ac civitatem, universitatem, terras, villas, castra et loca praedicta redire contingerit, in eandem interdicti sententiam relabi volumus et decernimus ipso facto. Volumus etiam, quod de supradictis omnibus et singulis fieri facias duo publica Instrumenta, quorum uno penes te retento, reliquum nobis, quantumvis poteris, destinare procures. Dat. Placentiae kal. Decembris, Pontificatus ejusdem domini Joannis pape XXII anno septimo ».

14. *Ludovicus Bavarus cum Friderico imperii aemulo armis congressus eum vincit et capit.* — Inter has rerum conversiones erupit in Robertum regem Siciliae conjuratio¹, comparataeque ab hostibus illius vitae insidiae, quae non sine divina providentia discussae: cum illius filius major natus Carolus² dux Calabriae cum triremibus octodecim Siculam oram populatus est; Fridericus vero cum aliis viginti sex Rhegium tentavit.

In Germania Ludovicus Bavariae et Fridericus Austriae duces Romanorum reges designati, cum Romano Pontifici controversiam dirimendam aequitate, ut par erat, permittere detrectarent, de imperio certaturi, incredibili animorum ardore adversas acies, quae ferine equestres erant, commiserunt³. Pollcebat amplioribus viribus Fridericus, cum regis Ungariae potentia factus esset, ac Leopoldus⁴ copias auxiliares ad ipsum adduceret. Sed Ludovicus re cognita, antequam eae copiae Friderico se conjungere possent, superato Anni fluminis vado, Fridericum ad pugnam elicit qui indignum ratus certamine detrectare, proxima auxilia, quibus auctus Ludovico superior erat evasurus, non expectavit. Commissa est cruenta pugna, quae paene totum diem tenuit: in qua plura equitum milia periisse feruntur. Parta demum a Ludovico victoria est, cujus gloria, Friderico et Henrico fratribus multisque aliis nobilibus, captis aucti est ut Stero⁵ Altaemps, Rebdorfius⁶, Ms.⁷ Valicanum, atque auctores Germanici et Itali consentiunt⁸ qui Fridericum artissimae custodiae in arce, cui Trusnit nomen est, mancipatum atque in ea triennio tentum addunt (4).

15. Meruere sane Fridericus et Henricus eo adverso casu prosterni, qui antea a Romano Pontifice adversus Insubriae tyrannos et haereticos in auxilium exciti, initum foedus turpiter violant, causamque Pontificiam prodiderant, ut superius rem attigimus. Caeterum Ludovicus Bavarus victor, parto de aemulo triumpho Pontificem mox certior fecit; quid ipsum ad clementiam in Fridericum explicandam hortatus est⁹, atque operam Apostolicam ad concordiam inter ipsos conciliandam obtulit.

« Ludovico in regem Romanorum electo.

« Excellentiae tuae, fili charissime, recepinus litteras, quas nobis tator praesentium praesentavit, quarum contenta, et quae lato idem proponere voluit, intelleximus diligenter. Et quia ex ipsarum serie litterarum percepinus evidentem victoriam, quam contra trinum coelectum habueras his diebus, te illi, qui bella novit contere, humiliter ascribere et prudenter; necnon et quam humaniter in ipsius coelecti captione, et post in ejusdem custodia te geras et gesseris, ipsius nuntii nobis relatio

¹ Jo. Vill. l. ix. c. 174. — ² Rehd. tit. Alb. Arg. in Chron. —

³ Stero Altaemps in Annal. — ⁴ Reur. Rebdorf. in Annal. — ⁵ Ms. bibl. Vat. sign. num. 3769. — ⁶ Chr. Elwa. Aven. an. Botor. l. vii. Mussat. in Lud. Bav. et alii. — ⁷ Tom. iii. Ep. secr. pag. 259.

⁸ Jo. Vill. l. ix. c. 172. — ⁹ Ibid. c. 158.

(1) Hoc anno pugna decretoria inter duos imperii annos Ludovicum et Fridericum commissa die festa S. Venceslai dncis Bohemiae, die nempe XXVIII Septembris ut prae-dicit auctor gestorum Balduni Treverensis archiepiscopi lib. 3 cap. 5. In eam Friderici res excise, ac plane deletae Fridericus ipse a Joanne Bohemiae rex e captus in potestate Ludovicum tradidit eo pacto ne eum illam privaret aut idem scriptor dicit. Caplus rex arcta custodia stringitur triennio, et semis, per unum tres et dimidium, ut scribit Martius Minorita auctor coevis inter scriptores Eccarditum. II, col. 1638. Sed ex litteris Joannis relatis ab annalista ad an. 1325, 2, intelligimus non tribus, sed duobus tantummodo annis et semis, captivitatem illam durasse, quod et confirmat Joannes Vitoduranus in Chronico. Locum praedicti designat auctor gestorum Balduni inter Orlungum et Mohndall, quem pederari nomine prae-*Amphygugensis* appellat continuator Martini Poloni Eccardianus, et in territorio salzburgenis constituit. In captivitate resposse Fridericum, cum antea moribus esset perditissimis, praedixit auctor coevis Joannes Vitoduranus in Chronico a inter scriptores ab Eccardo vulgaris tom. II, col. 1792. Idem scriptor testatur dimissione ejus, e carcere monachum quendam Carthusiensem intercessisse. Cum libertate et pristina vivendi licentia resumpsisse idem scriptor aliique testantur, donec pederari correptus morbo misere tandem obiit anno 1330, ut in Annalibus ad eundem annum adnotabo.

patefecit. Super quibus providentiam tuam in Domino plurimum commendantes, magnificentiam tuam rogamus attentius et hortamur, quatenus in his inviolabiliter perseveras, ei a quo cuncta bona procedunt, gratias agere studeas; ac quæ illi grata exequi, et vitare quæ sibi displicibilia noveris, non omittas; erga coelectum prædictum, quem in tua manu conclusit Altissimus, ob ipsius concludentis honorem sic clementer sicque pie te abeas, ut misericordiam assequi valeas, quam misericordibus veritas reprobavit. Nos autem ad tractandum et procurandum quod ad pacem et concordiam inter te et ipsum pertinent, offerimus nos paratos: super quo si nobis tua prudentia suæ innotuerit beneplacitum voluntatis, ad exequendum quæ ad illa opportuna viderimus absque cunctatione aliqua procedemus. Super aliis autem nuper providentiæ tuæ per tuum nuntium scripsisse meminimus: quare ad præsens ea non repetimus, sed in illis inviolabiliter permanemus. Dat. Avin. XV kal. Januarii, anno vii.

Non usus est Ludovicus oblato a Pontifice ad tractandam inter eos pacem studio, regnum sibi amplexu asserere posse arbitratus, de quo hæc tradit Ptolemæus Lucensis¹: « Dux prædictus Austriæ captus fuit per ducem Baviaræ et detentus; et sic ipse Ludovicus dux Baviaræ jus imperii sibi vindicans usurpavit ». Inde vero Pontificem inter et Bavarum ipsum gravissimæ discordiæ, cum regni Italici habenas, et Galeatii Mediolanensis clientelam sequenti anno corripuerit, ut suo loco dicitur.

46. *Pontifex concordiam in Lusitania restituit.* — Interea fluctuanti diuturnis dissensionibus Lusitaniæ, in qua Dionysius obitusum in Alfonso Sancium spurium studium alterius filii Alfonsi legitimi, et sceptri Lusitaniæ hæredis, iras ac principum odia in se concilarat; injustaque adversus sanctissimam uxorem odia susceperat, pacem redditurus Pontifex, cum annis superioribus mulcere præferocis principis animos, Dionysium ad æquitatem flectere, D. Elizabetham, quæ filii sui causam adversus maritum impudicum, et in adulteræ liberos propensorem sequi videbatur, ad concordiam inter filium et patrem revocandam excitare litteris suis studuisset; hoc anno archiepiscopum Compostellanum in Lusitaniam ad redintegrandam concordiam Apostolica munimur auctoritate, ut coitiones dissolveret, rescinderet injusta sacramenta, perturbatores pacis censuris reprimeret, ineunda fœdera corroboraret, misit²: ac præsules Lusitanos, ut operam cum archiepiscopo conjungerent, monuit³. Ad conciliandam vero divinam misericordiam, ut eos bellorum civilium fluctus compesceret, preces Deo in ea causa porrecturis præmia indulgentiarum proposuit⁴.

Præterea Dionysium gravissimis litteris⁵ est

adhortatus, ut Compostellani archiepiscopi monita in animum demitteret: reginam sanctissimam, quæ nisi ad pacem ac divinam gloriam spectabat, et Alfonso¹ hæredem in gratiam reciperet; Alfonso Sancti furto genitum cum Alfonso legitimo conciliaret; nec tanta amoris significatione illum prosequeretur; ut alterius in notitiam fratrem odia exasperaret. Tum Alfonso illegitimum revereri² fratrem suum et dominum ac regem futurum, animamque ad illius obsequia flectere³ jussit: Alfonso vero legitimum hæredem, ut lacessitum⁴ gravioribus injuriis patrem Compostellani archiepiscopi opera delinere studeret: ferret æquiori animo⁵, si frater illegitimus ab illo dilaretur, neque enim decorum videri, si rerum inopia laboraret; acsi reges in administratos liberalitatem effundere soleant, non debere mali et iniqui accipere, si filio possessiones aliquas compararet, cum maxime earum opum fultus præsidio præstandis illi obsequiis aptior futurus esset. Tum reginam Elisabetham, quæ pulcherrima sanctitatis exempla in iis adversis rebus explicuit, hortatus est⁶, ut pacem inter discordes adducere omni studio niteretur.

Obsequentissima ipsa erat Dionysio viro etsi adultero et injusto: quam maternum vicisse affectum, nec se implicuisse bello, sed illud extinguere conatam, et Pontificis litteris gratulatoriis vidimus. Demum præcipuis illius, ut par est credere, apud Deum precibus pax est felicissime revocata: Berengarius Compostellanus archiepiscopus acceptus perhonorifice: paritum illius monitis, ac sopitæ omnes discordiæ: qua de re ad archiepiscopum de navata præclare opera, ad sanctam reginam, Dionysium regem, ac filium majorem natu de perfectis Apostolicis imperiis gratulatoriæ litteræ⁷ kal. Julii exaratae.

17. Adhibita⁸ etiam fuerat a Pontifice ad eam concordiam confirmandam Guillelmi Sabinensis episcopi Apostolicæ Sedis legati opera, qui in Castellam ad sedandos illius regni motus, quos principum de tutela regis Alfonsi inter se contententium, ac regnum armis et factionibus laniantium ambitione concitatos vidimus anno superiori, missus fuerat: utque facilius adducere concordiam posset, injunxit⁹ illi XII kal. April. hujus anni Pontifex, ut indulgentiarum præmia iis qui precibus a divino Numine illam exposerent, vel operam pro ea concilianda navarent, proposita promulgaret, ipsumque¹⁰ et Compostellanum, Toletanum et Hispalensem archiepiscopos ac regni proceres ad restituendam Castellæ publicam pacem incumbere pluribus litteris¹¹ sollicitavit: atque in primis Philippum Sancti olim regis filium, ut studeret¹² concordie ac tutoris munus et nomen deponeret, hortatus est. Celebrabantur¹³ Vallisoleti

¹ Ptol. Luc. in Hist. Eccl. Ms. l. xxiv. c. 41. — ² Tom. III. Ep. secr. pag. 66. — ³ Ibid. p. 68. — ⁴ Ibid. p. 69. — ⁵ Ibid. p. 65.

¹ Tom. III. Ep. secr. pag. 61. — ² Ibid. p. 67. — ³ Ibid. p. 61. — ⁴ Ibid. p. 66. — ⁵ Ibid. p. 67. — ⁶ Ibid. p. 61 et 66. — ⁷ Ibid. p. 69 et 70. — ⁸ Ibid. p. 68. — ⁹ Ibid. p. 49. — ¹⁰ Ibid. p. 46. — ¹¹ Ibid. p. 48. — ¹² Ibid. p. 46. — ¹³ Ibid. p. 46.

magni præsulum et procerum convntus kal. Martii præcipua legati Apostolici opera, ejus etiam studio inter Alfonsi regis tutores ad festum Natalis Domini inducie armorum initæ sunt¹.

18. Conjunxere cum legato operam Toletanus archiepiscopus, atque episcopus Burgensis et alii plures, quibus conceptis eadem verborum forma litteris, ob conciliatas inducias est gratulatus, utque strenue cum legato ad pacem confirmandam laborarent, ipsum est adhortatus²: « Licet, inquit, inter dilectos filios nobiles viros Philippum claræ memoriæ Sancii regis Castellæ, Joannem dominum de Viscaya, et Joannem filium... claræ memoriæ Manuelis infantis, a concepto ratione tutela charissimi in Christo filii nostri Castellæ regis illustris pernicioso discriminis odio sibi reconciliandos ad pacem fruguarum fœdus advenierit, super quo non parendo laboribus nec excusans fide digna relatione te percipimus fideliter laborasse; continue tamen affectantes in intimis inter eos accedere insolubile vinculum diætæ pacis, super hoc scire te volumus, quod venerabili fratri nostro Guilhelmo episcopo Sabinensi A. S. L. nostræ scripturæ oraculum destinamus: propter quod fraternitatem tuam requirimus et rogamus attendi, quatenus eidem legato, sicut hactenus adstitisti, sollicitè non desistas assistere. Dat. Avin. VII id. Novembris, anno VII ».

19. Ad dirimendam demum de regiæ procuratione ac tutela gerenda principum controversiam regem Vallisoli regni gubernacula suscepisse, Alfonsum refert Joannes Mariana³, cum jam illius avia Maria regina obiisset, ingentium virtutum femina trium regum ætate, ut ait⁴, « reipublicæ præsidium, Castellæ columnen, pietatis monumentum ». Addit auctor, Guillelmi legati jussu, episcopis universa ditione Vallisoletani convocatis, Concilium hac tempestate nobilissimum peractum⁵: « In eo, inquit, Concilio, IV nonas Augusti, multe salutares leges promulgatæ sunt. In eo numero anathemate vinciuntur qui carnibus Quadragesimæ aut Quatuor Temporum diebus vescuntur; quinque in eis publice vendiderint carnes a nostra religione alienis templis, dum res divina peragitur, interesse vetatur: iis tamen si nostra sacra susceperint, sacri ordines et sacerdotia, unde inopia tollerent, non denegantur. Purgatio vulgaris reprobatur, qua Hispani vulgo utebantur. Extant Joannis Toletani præsulis Constitutiones per idem fere tempus promulgatæ: in iis nisi Judei et Mauri, quo tempore res divina peragitur, a templis recesserint, cessare mandat. Redactas cruciata pecunias ad se cum fide deferri, captivis redimendis, egenorum inopia sublevanda. Presbyteri quater minimum per annum divina hostia sacrificante, neque unquam nisi matutinis precibus exorato Numine: Ecclesiasticis obsequiis parta bona ea dare legareve

filii, quamvis justis, nefas esto; et erit qui sacerdotes et episcopos eorum bonorum dominos et arbitros faciat ».

Quod ad Maurorum in Hispania res attinet; Ismael Granatæ rex ab Ozminio rege Algeziræ ex insidiis casus est⁶. Erepta excellenti forma fœmina neci causam dedit. Mahomad vero filius Ismaelis prætoris eximia fide, qui mox Granatenses in illius verba adegit, cum alium conjurati successorem destinarent, regnum arripuit. In Africa⁷ Tunetanus rex matre Christiana natus, et egregie affectus in Christianos, Christianorum et Arabum opera Tunetanum alium regem æmulum acie vicit, regnoque potitus est: sed iterum postea ab alio ejectus⁸.

20. *Eduardi res bellicæ contra perduelles in Anglia et Scotia.* — Flagravit civili externoque bello Anglia hoc anno: proceres enim Hunifrido Herefordiensi et Thoma Lancastriæ comitibus conjurationis ducibus, Eduardo regi ob nimiam Spenseriorum gratiam et potentiam infensi erant: cumque res ad arma et cædes spectaret, Pontifex ineunte anno Cantuariensem archiepiscopum et episcopum Wintoniensem ad adducendum inter conjuratos ac regem concordiam incumbere jussit⁹: tum Eduardus est adhortatus¹⁰, ut clementiam in suos explicaret, commotosque animos mulceret: sed in apertum bellum erupit discordia, cum in dicto apud Cicestriam conventu Eduardus in hostes contraxit¹¹ ingentia auxilia, ac plures proceres sui terrore ad obsequium compulsi. Inde Hunifridus et Thomas comites insectatus, exeunte Martio, magna clade delevit¹². Hunifridus Herefordiensis comes, dum ponte transibat lancea perfossum occubuit: Thomas Lancastrius captus. Cujus victoriæ ab Eduardo partæ accepto nuntio Pontifex, qui rebelles flectere ad officium non potuerat, oppressos armis fuisse, regi triumphique gloriam acceptam Deo referenti, est gratulatus¹³; atque Ecclesiarum jura, ut ea ab invasoribus vindicaret, enixe commendavit.

« Profecto, inquit, fili charissime, nostro tua adjicit gaudio gratitudo, per quam, ut debes, illi qui bella conterit, istam adscribis victoriam, et non tibi. Hæc utique, fili charissime, beneficia tam immensa debent scribi indelebilibiter in tabulis cordis tui: hæc nulla obliterare debet oblivio, sed in jugi memoria retineri; debesque cum propheta quærens dicere: Quid retribuam Domino pro omnibus quæ retribuit mihi? Et utinam tibi ipsi taliter respondebis: Istud sibi retribuam; licet respectu tanti beneficii parum sit censendum aut nihil: illi quidem meam offeram juventutem, ipsi fortitudinem meam custodiam, et residua vite mee tempora in continuatione salutaris propositi et piorum prosecutione operum devotio, fa-

¹ Eod. l. xv. c. 17. — ² Jo. Vill. l. ix. c. 149. — ³ Eod. l. c. 154.

⁴ Tom. iii. Ep. secr. pag. 242. — ⁵ Ibid. pag. 242. — ⁶ Mariana de reb. Hisp. l. xv. c. 18. — ⁷ Eod. l. c. 17. — ⁸ Ibid.

⁹ Tom. iii. Ep. secr. pag. 35. — ¹⁰ Ibid. pag. 34. — ¹¹ Walsin. in Edward. II. — ¹² Jo. Vill. l. ix. c. 157. — ¹³ Tom. iii. Ep. secr. pag. 36.

vendo Ecclesiis, ipsarum libertates et jura; necnon et ministros Dei; personas Ecclesiasticas confovendo, etc. Dat. Avinione II kalend. Maii, anno VI^o.

21. Fuisse crudelitatem victoriam Eduardum, ac Thomam Lancastrium et alios plures viros nobiles criminis socios capitis sententia damnassee, ferunt. Nec eorum supplicio paucata Anglia; incumbebat enim illi Scotici belli moles cum Robertus rex a conjuratis excitatus in arma consurrexisset. In quo quidem bello studuit Eduardo Pontifex, atque archiepiscopum Cantuariensem et Wintoniensem episcopum Pontificias censuras iis, qui Angliam aut Hiberniam invaderent, objectas divulgare²; Dublineensem archiepiscopum³ Roberto Brusio perduellionis iudicium intendere; Anglos denique, Wallenses et Hibernos praesules Eduardo sacerdotiorum decimas ad levandos belli sumptus pendere jussit⁴. Confectis in Scotos florentissimum exercitum Anglie rex, ac superiori clatus victoria Scotiam terrae marique oppugnare ac frangere ad obsequium constituit. Sed cum imprudentissime necessarios commineatus sustentando exercitui non providisset, ingens ea expeditio nullo opere prelio dissoluta est⁵, magna hominum multitudine (ad viginti milia ascendisse refert Joan. Villanus⁶, fame morboque consumpta; rexque non sine magno dedecore regredi compulsus est.

22. Defuncto Philippo Francorum rege, succedit Carolus ad quem Pontifex dat litteras paræneticas et gratulatorias. — Sublatus e vivis est Philippus Longus Francorum rex inenite hoc anno, ut testatur Bernardus⁷: « Philippus rex obiit tertia die intrantis mensis Januarii in prima parte noctis Dominicae dici, anno Domini MCCXXI ». Nimirum numeratis de more auctoris ab incarnato Verbo annis: consumptis diuturna aegritudine, in qua singularem explicuit patientiam⁸, pari pietate Ecclesiasticis sacramentis ingenti immortalitatis spe munitus. Magnarum virtutum princeps, dignus S. Ludovici abnepos, cujus exemplo bellum sacrum in Sarraenos sine fictione erat redintegraturus, (superioribus enim annis⁹ sopito bello Flandrico, ne profectionem iniret, ob Occidentis turbas fuerat retardatus) in ipso conatu, cum Pontifex diem trajectionis constitutus esset¹⁰, relicto sui magno desiderio excessit e vita. Commendavit¹¹ moriens regnum Christi vicario ejusque apud Deum preces ad expiandas reliquias criminum maculas imploravit. Nec pio defuisse Joannem officio indicant litteræ, quibus viginti dierum indulgentiam preces pro illius anima Deo porrecturis imperiit¹².

Accepit post Philippum Galliae ac Navarrae sceptrum frater Carolus Marchie comes, de quo haec Bernardus scribit¹: « Carolus hujus nominis Tertius (IV), filius quondam tertio genitus Philippi regis hujus nominis Quinti (IV), germanus quoque frater praefati domini Philippi hujus nominis Sexti (V), qui defuncto praefato Philippo rege germano suo eidem successit in regno; cum nullum haeredem filium reliquisset, quia filiae in regno Franciae ad regnandum nunquam leguntur successisse. Coepit autem regnare in regno Franciae et Navarrae defuncto fratre suo in mense Januarii anno Domini MCCXXI, fuitque coronatus et inunctus in regem Rhemis civitate IX kal. Martii ».

23. Significat autem non sine lacrymis Carolus Philippi fratris obitum Pontifici, qui magnum ex eo dolorem percepit, atque ipsius² et Joanne³ reginae viduae luctum mulcere litteris studuit. In iis vero, quas ad Carolum dedit, fraternae mortis occasione ipsum ad humanarum rerum despicentiam, et transfundendum ad caelestia animum, ac mortis incerti exitus divinique iudicii jugi meditatione vitae rationem probe instituendam excitavit⁴:

« Carolo regi Franciae illustri.

« Affectu benigno celsitudinis regiae receptimus litteras per venerabilem fratrem nostrum Raynaldum Osiensem episcopum et dilectum filium Petrum S. Susannae presbyterum card. presentatas, per quas infirmitatem clarae memoriae Philippi regis Franciae, ejusque transitum, ac qualiter in illis se habuerat providentia regiae, maestuose nobis calamo nuntiavit; nostrarumque ad fratrum nostrorum pie ac religiose pro ipsius animae salute orationum suffragia postulans, seque ac regnum Sedi Apostolicae recommendans, more devoti filii se paratum ad ejusdem Sedis beneplacitum non omisit. Prefecto, fili charissime, cum primum transiit ipse auribus nostris insonuit, cordis nostri amaricavit intima et punitionis durioris aculeo sauciavit: unde si te potavit absyntio, si te felle cibavit, si tua commovit viscera, si extorsit gemitum, si expressit lacrymas, cum ad hoc te affectus inclinaverit naturalis, non deest quempiam super hoc admirari.

« Sane, fili charissime, si tam innocenter rex ipse vixerit, quam laudabiliter rexit, tamque patienter flagella Domini in sua aegritudine tulerit; necnon quam humiliter, quam devote Ecclesiastica petierit et reverenter receperit, velut princeps Christianissimus, sacramenta: et postremo quam confidenter et alacriter, Dei misericordiam et sanctorum patrocinia invocans, Deo reddiderit spiritum, qui creavit illum, et terrae corpus unde assumptum fuerat, ad debite rationis deducitur examen, cessabit dolor, ubique planctus et gemitus acquiescant; ac proculdubio multa tibi materia

¹ Jo. Vill. et Wals. ubi sup. — ² Tom. III. Ep. secr. pag. 37. —

³ Ibid. p. 39. — ⁴ Ibid. p. 43. — ⁵ Wals. ubi sup. — ⁶ Jo. Vill. l. IX. c. 160. — ⁷ Bern. Chr. reg. Franc. Paul. Amd. in eod. Mass. in eod. — ⁸ Tom. III. Ep. secr. p. 8. — ⁹ An. 1319, num. 17. — ¹⁰ Tom. III. Ep. secr. p. 1. pag. 1. Ep. II. — ¹¹ Ibid. Ep. secr. pag. 6. — ¹² An. 6. p. 1. Ep. com. DCCCLXV.

¹ Bern. Chr. reg. Franc. — ² Tom. III. Ep. secr. pag. 9. — ³ Ibid. p. 7. — ⁴ Ibid. p. 6.

aderit ipsi congaudenti gaudenti, ipsum nempe vitam brevem et fluidam, quæ nihil est aliud quam vapor ad modicum parens, quæ velut umbra præterit et in eodem statu persistere nunquam novit, pro æterna et incommutabili firmiter credimus commutasse; ipsiunque de hac valle calamitatis et miserie, in qua civitatem manentem non habuit, ad civitatem gloriæ, quam sollicitè quæsitum dum vixit, cujus Angeli sunt concives, Deus pater templum, Filius splendor et Spiritus sanctus est charitas; in qua mansio est secunda, totumque continet quod delectat, credimus pervenisse: necnon et de illaci mundano gaudio, quod luctus occupat, ad vera perfectaque et æterna gaudia jam transisse credimus, vel saltem ad spem infallibilem illuc veniendi e vestigio pervenisse.

« Deponere itaque, fili charissime, deponere gemitum luctumque abjice, ac juxta dictum Apostoli gaudenti congaude, ne te de charitatis inopia arguendo, illud tibi Dominicum verbum exprobrando valeat dicere: Si diligeretis me, utique gauderetis, quia vado ad Patrem. Orationes autem nostræ fratrumque nostrorum pro ipsius salute non defuerunt, nec nostræ utique deerunt dum vivemus, Domino concedente. Te autem, fili charissime, regnaque tua, sicut debitores sumus, et nos esse recognoscimus, proponimus et intendimus habere in opportunitatibus propensius commendata. Oblationem insuper tuam gratiam animo acceptantes, regie benevolentiae gratias pro eadem offerimus, quas valemus. Ad hoc, fili charissime, quia decet patrem benevolum charissimum sibi in Christo filium circa ardua occupatum dirigere, ipsiusque cautum in his reddere, per quæ posset in illis laudabiliter se habere; agnoscentes te ad ardua regie dignitatis ascendisse, admodum necessarium arbitramur, ut memoriter (tenere) æternæ studeas quæ sequuntur.

24. « In primis, quia consideratio altitudinis regie dignitatis offuscare nonnunquam rationis oculum consuevit, expedit advertere te prudenter, quod quantacumque ipsa dignitas sit sublimis, a curis tamen multis, et oneribus variis, ac innumeris periculis nequaquam qui illi præsidet, est immunis. Hæc tibi, fili charissime, consideratio suadebit, ut in agendis consilia cures adhibere salubria, ac velut in lubrico positus tibi non des liberos impetus, sed circumspecias quo eundum sit et quousque; nec alta te sinet sapere, sed potius suggeret te humilibus consentire: quod utique necessarium non mediocriter arbitramur volenti regnorum gubernacula laudabiliter gubernare.

« Rursus te scire non ambigimus, et a tua memoria non excidere affectamus, quod nihil est morte certius, nec aliquid incertius hora mortis, sicut magistra rerum experientia continue hæc nunc manifestat: videmus enim sic mori juvenem, sicut senem; sic fortem, ut debilem; sic nobilem, ut ignobilem; divitem, ut pauperem; justum, ut peccatorem; sapientem, ut stultum; ac

doctum pariter, ut indoctum. Videmus quoque frequenter infirmos convalescere et incolumes subito expirare; alios loquendo deficere, alios comedendo, alios eundo, alios stando, alios dormiendo, alios laborando, alios ridendo, alios flendo, spiritum exhalare. Hoc quoque Scriptura sacra testatur, dicens quod constitutum est omnibus semel mori; et alibi, quod nescit homo finem suum: sed sicut pisces capiuntur hamo, et aves comprehenduntur laqueo, sic homines plerumque rapiuntur in tempore malo. Hæc profecto consideratio vitare te, fili charissime, noxia faciet; et stimulat te festinanter agere quæ videris expedire. Illic sapiens ait: Fili, memorare novissima tua et in æternum non peccabis. Et alibi suadet, dicens: Quodcumque potest facere manus tua, incessanter operare, quia nec opus, nec ratio, nec scientia nec sapientia erunt apud inferos, quo tu properas; diemque tibi quamlibet persuadet velut ultimum ordinare.

25. « Adhuc, fili charissime, optamus in tua fixe memoria retineri, quod quantumque hæc dignitas sit excelsa, non est libera a reddenda ratione: imo illi præsidens non solum de gestis, sed et de sermonibus, necnon et de cogitationibus, quod est gravius, strictam tenetur reddere rationem. Hinc Apostolus ait: Omnes stabimus ante tribunal Christi; et sequitur: Unusquisque pro se rationem reddet. Et cui? Sequitur: Deo; cujus utique sapientiæ nil poterit occultari, cum ante ejus oculos omnia tam præsentia, tam præterita quam futura, nuda sunt et aperta: cujus potentie nullus resistere poterit, cum cuncta, et quæ in celo, et quæ in aere, et quæ in terra, et quæ in profundum abyssi sunt posita, sint ejus ditioni subjecta: cujusque justitiam nullus evadere poterit, cum tempus acceperit, judicandi: tunc enim nulli parcel, nec acquiescet cujusquam precibus, nec pro redemptione dona plurima acceptabit.

« Horum, fili, consideratio te inducet, ut illum timeas, illi juventutis tuæ primitias offeras, ipsi fortitudinem tuam custodias, et residua vite tuæ tempora in continuatione salutaris propositi, et piorum cum prosecutione operum studeas devovere; favendo Ecclesiis, ipsarum libertates et jura, necnon et Dei ministros, personas videlicet Ecclesiasticas, confovendo. Hæc tibi, fili charissime, si ea observaveris diligenter, annos vite producent: hæc tibi dierum longitudinem ministrabunt: hæc firmabunt proculdubio thronum tuum. His itaque tui animi imbue, his infirma, talibus assuesce, ut per consuetudinem mores fiant, nec perverti possint amplius conversi quodammo do in naturam, etc. Dat. Avin. VI id. Februarii, anno VI ».

26. Reddidit ob egregia monita Pontifici grates Carolus¹, atque illis se obtemperaturum est pollicitus: tum etiam armorum potentiam suaque

¹ Tom. III, Ep. secr. p. 40.

illi obsequia, accepto insigni regio, perhumaniter ac pie devovit : Joannes vero ipsum ad sectanda majorum præclara vestigia provocavit¹ : utque ad moderandum pro dignitate Gallorum seipsum divinam illi opem conciliaret, omnibus qui pro ipso preces apud Deum funderent, Cælestini V et Clementis exemplo quadraginta dierum indulgentiam proposuit ; modo tamen conscientie labes sacra confessione expiasset. Quo vero stimulos illi ad veram comparandam gloriam, que in Numinis divini cultu sita est, incenderet ipsius animum, hisce laudibus læcessivit : « Serenitatis regie vota præclara sic præclaris evidentium operum clarent effectibus, quibus sub regio titulo Regi regum fidelis servus deservit ; sicque fulgentis famæ fulgore præfulgent, quod ad decantandum assidue novum Domino canticum, qui ad sui exaltationem nominis in te magnifica operatur, audientes undique invitant. Tu siquidem, quem dominantium Dominus multis prætitulavit titulis, inter cæteros regie dignitatis participes non indigne præconiis humanis extolleris, et non immerito predicari a singulis promereris, ac juvari devolis et piis Christianorum intercessionibus apud bonorum omnium largitorem, ut ipse, qui hujusmodi vota benignus aspirat, pius et misericors prosequatur etiam adiuvando ; quatenus sic bene cæptis inhaereas, sic insistas, quod idem te post decursi feliciter præsentis vitæ curricula in dilecta sua tabernacula introducat, etc. Dal. Avin. Vnon. Julii, anno vi ».

27. Hortatus est² aliis litteris Carolum Valesiorum comitem regis patruum, insigni prudentia, belli peritia singulari, ætateque provecutum virum, ut nepoti ad regnum probe gerendum consilio et opera non deesset. Ornavit etiam pluribus novum regem Apostolicis beneficiis³, quæ cæteris regibus conferri consueverant ; concessitque inter cætera, ut anathematis interdictive sententia amplioribus verbis concepta, si illius nomen non exprimeretur (quod ante a Sede Apostolica datum fuerat S. Ludovico) comprehendere ac devinciri non censeretur⁴. Quæ vero causæ ipsum ad id præstandum adduxerint, his verbis explicat⁵ : « Attendentes, inquit, quod claræ memoriæ Christianissimi reges et principes progenitores tui, sicut exacti temporis antiquitas fidelis intitulat, et experientia clara docet, ad Deum et Ecclesias retiludine fidei et devotionis integritate ferventes, ipsas personasque Ecclesiasticas, bona et libertates earum regalis potentie clypeo protexerunt ; et nihilominus in suis munificentis erga illas, immensitatem solum pro mensura ponentes, eas multis liberalitatibus ampliarent ».

28. *Divortium Caroli regis et novæ nuptiæ.*
— Denique flagitante Carolo, matrimonium antea

cum Blanca, e qua etiam prolem suscepserat, præter leges initum dissolvit. Deprehensum in adulterio Blancam referunt⁶, utque illius vite consideretur, Mathildem comitissam matrem invitam repudio assensisse. Certe jam ante Philippum Pulchrum nurus adulterii iudicio postulatæ victimæ ; in quo divinam justitiam adorandam observavimus, quæ stirpem Philippum ejusdem, qui Bonifacii VIII olim Christi vicarii teterrimis fœdere calumniis visus erat, fœdissima infamie labe inquinari permisit. De eo divortio scribit hæc Bernardus⁷ : « Ille dominus Carolus, vivente adhuc patre suo, duxerat in uxorem Blancam ducis Burgundiæ filiam ; sed postmodum extitit matrimonium accusatum, et inquisitione facta fuit tandem declaratum per iudicium domini Joannis pape XXII in consistorio de consilio sapientium, de jure nullum esse matrimonium prædictum, dudum de facto celebratum sub anno Domini MCCXXII, in Vigilia Ascensionis Domini XIV kal. Junii ».

Adducenda nobis visa est Pontifici sententia, ut Joannem a nonnullorum dieteris vindicemus : « De fratrum, inquit⁸, consilio, deliberatione prius diligenter præhabita cum eisdem, processimus in hunc modum. Quia per proposita et probata primo coram episcopo Parisiensi, et subsequenter coram nobis evidenter apparet et clare, præfatos regem et Blancam quarto consanguinitatis gradu ex utroque latere respectu minus stipitis esse conjunctos ; constat etiam præfatam Mathildem comitissam Atrebatensem fore genitricem Blancæ præfate et quod eadem comitissa una cum pluribus aliis dictum regem de sacro fonte levavit, sicque comitissa ipsa matrina et Blanca præfata soror spiritualiter sunt dicti regis effectæ ; quarum profecto consanguinitatum prædictarum quolibet, ac spiritualis ipsa proximitas inter ipsum regem et Blancam prædictam contracta sufficit ad impediendum non solum contrahendum inter ipsos regem et Blancam matrimonium, sed contractum etiam dirimendum, nisi auctoritate Sedis Apostolicæ impedimenta præfata per sufficientes dispensationis beneficium sint sublata ; constatque insuper evidenter ex forma dispensationis prædictæ (data illa a Clemente V fuerat, quæ non omnia impedimenta canonica exprimebat dissolvebatque), tam coram episcopo Parisiensi præfato, quam coram nobis exhibite pro parte Blancæ prædictæ, et ex aliis propositis et probatis, quod illa nequaquam omnia impedimenta expressa superius comprehendit, nec a lili omnia aliquatenus se extendit ; ipsoque regem et Blancam volentes a vinculo, quo occasione dicti matrimonii mutuo tenebantur adstricti solvere, ac ipsorum cuilibet, quantum ad dictum matrimonium attinet, abundi quo voluerint licentiam imperit ; sententiam inter ipsos divortii proferentes,

¹ An. 6. p. 1. Ep. com. DCCCLVII. — ² Tom. III. Ep. secr. n. 2. — ³ An. 6. p. 1. Ep. com. D CCCLVI, D CCCLVII, et ad Ep. D CCCLX ad D CCCLXXIV. — ⁴ Ibid. Ep. D CCCLV. — ⁵ An. 6. p. 1. Ep. com. D CCCLXXIX.

⁶ Paul. Jam. Gégou. Mss. la Phil. Pulchri J. V. M. l. IX. c. 171. — ⁷ Bern. Chr. rez. Franco. — ⁸ An. 6. p. 1. Ep. com. D CCCLX.

pronuntiamus et sententialiter declaramus, dictum matrimonium nullum esse, nec fuisse de jure; ipsis et eorum cuilibet impertientes licentiam ad vota alia transeundi, praefato matrimonio non obstante, etc.» Adjecta sunt Clementis V litterae, quas omnia illa impedimenta non diremisse pronuntiavit Pontifex; tum regis Caroli ac Blancae, quibus institutis procuratoribus ad proponendam Sedi Apostolicæ causam summis contendebant precibus, ut controversiam citius definiret. «Dat. Avin. XIV kal. Junii, anno vi».

29. Dissoluto eo matrimonio, novam conjugem Carolum duxisse Mariam Luxemburgicam Joannis regis Boemiæ sororem, atque Henrici imperatoris filiam, refert Bernardus¹: ac Pontifex legem de quarto consanguinitatis gradu solvit, quamvis acceptarum ab Henrico injuriarum viget memoria, de quibus hæc affert²: «Sane nonnulla per genitorem quondam dictæ Mariæ contra charissimum in Christo filium nostrum Robertum Siciliæ regem illulsem, ac in ejus personam et alias etiam contra sacrosanctam Romanam Ecclesiam, cujus rex ipse fidelis existit; necnon et in ejusdem regis personam, contra domum inclytam Francorum, cujus est rex ipse membrum nobile, temere attentata, super quorum attentatorum revocatione Apostolicæ existunt Constitutiones editæ, quæ in scholis leguntur publicæ, et in judiciis allegantur; dispensationem ipsam gravem et difficilem efficaciter arguebant». Latam ab Henrico imperatore in Robertum ob bellum Romæ adversus ipsum gestum, Guelfosque concitatos capitis sententiam, atque a Clemente revocatam superius vidimus. Sublit Joannes obnuendum esse benefactis præteritarum injuriarum memoriam; atque ideo Mariam Luxemburgensem regi Francorum desponderi permittit.

Ceterum Burgundiæ dux ob dimissam Blancam graves in regem Carolum suscepit iras: ad quos conciliandos, cum sanguine essent conjunctissimi, Pontifex operam navavit³; et Blancam Carolo, Clementianque Ludovici ac Joannem Philippi regum uxores commendavit⁴. Ad sedandos etiam reliquos Galliarum motus Dignensem et Magalonensem episcopos in Vasconiam misit⁵, ut minium tumultuantes ibi proceres in concordiam adducerent: inducias ab archiepiscopo Viennensi indici jussit⁶ inter delphinum Viennensem et Amedeum Sabaudia comitem: et quo eundem Amedeum Roberto Siciliæ regi conciliaret, ut Avenionem accederet, ipsi consuluit, Sedisque Apostolicæ clientelam spondidit⁷. Nec disparem adhibuit operam⁸, ut Jacobum Aragonum et Sanctum Balaerum reges ob ipsorum jura in Montepessulano, Omeladesio et Carladesio

a regiis administris jam ante sub Ludovico et Philippo regibus violata exulceratos conciliaret.

30. *Asiana expeditio per oratores Gallos apud Pontificem ventilatur.*—Eo ardentius ad alendam pacem incubuit Joannes¹, quo Carolus a Philippi fratris consiliis de bello sacro redintegrandis non alienus visus est: religiosæ enim militiæ jam ante nomen, accepto crucis symbolo, dederat; atque ob Saracenum in Armeniam excursions a Pontifice urgebatur, ut extremo Orientis exitio occurreret: quo argumento plures sunt ad ipsum² ac patruum Carolum Valesiorum comitem³ hortatoriæ litteræ, in quibus Laiicii urbis Armeniæ olim florentissimæ excidium, ac reliqui regni vastitatem deplorat.

«Carolo regi Franciæ et Navarræ illustri.

«Habet, fili charissime, litterarum nuper missarum de Armeniæ partibus et nuntiorum inde venientium infausta relatio, nostra utique non indigne viscera saucians et præcordia dure pungens, quod his diebus, inundante Saracenum superbia suis finibus non contenta, et robore adunato, Armeniæ regnum invadens hostiliter, in redemptos Christi sanguine prelioso ingenta immanitate insurgere non expavit; ac in eos impræmeditados et inscios ferociter irruens, multos eorum absque delectu sexus, ordinis, vel ætatis occupata et prorsus subversa civitate de Laiiciq, immaniter, proh dolor! trucidavit. Nec his contenta, ad abolendum de terra illa Christianorum nomen et cultum, imo ad exterminandum omnino exinde Christianitatis residuum, ardenti, sicut fertur, suspirat desiderio et proposito damnando festinat; tanto certior, nisi perversis ejus restiterit misericordia divina conatibus, de suæ iniquitatis conceptu, quanto Terræ præmissæ conditio, Catholicorum mundi principum et aliorum fidelium non fulta suffragio, insufficientis resistentiæ verisimilitudinem repræmitit.

«Propter quod excellentiam regiam rogamus et obsecramus per viscera misericordiæ Dei nostri, tibi in remissionem omnium tuorum peccaminum suadentes, quatenus illius obtentu, qui pro redemptione humani generis crucis subire supplicium non expavit, prudenter considerans et attendens quam sit recuperationis Terræ-Sanctæ negotio, pro quo proseguendo invictum Crucis vexillum nosceris assumpsisse, præfatum regnum Armeniæ opportunum, ad illud præservandum ab impiorum manibus, et dicto negotio conservandum attendas sollicitè et intendas, etc.» Hortatur, ut copias validas eo transmittendas comparet ad sustinendas labantes Christianorum res, donec Occidenti restituta pace, conciliatisque principibus, ex omnibus regnis atque provinciis florentissima expeditio ad Saracenos retundendos ac Palistinam recuperandam adornari possit. «Dat. Avin. X kal. Julii, anno vi».

¹ Bern. Chron. reg. Franc. — ² Tom. III. Ep. sec. pag. 21. et an. 6. p. 1. Ep. com. SCLXXIV. — ³ Tom. III. Ep. sec. pag. 189. — ⁴ Ibid. p. 17. — ⁵ Ibid. p. 22 et 23. — ⁶ Ibid. p. 18. — ⁷ Ibid. pag. 79. — ⁸ Ibid. p. 13 et 20.

¹ Tom. III. Ep. sec. p. 18 — ² Ibid. p. 13, 15. — ³ Ibid. p. 191.

31. Transmissi sunt a Carolo rege oratores¹ ad Sedem Apostolicam, qui cum Joanne de Asia-tica expeditione agerent : atque abeuntibus reliquis, comes Clarimonlis eam ob causam in aula Pontificia hæsît, pluresque habiti ea de re tractatus; de quibus nonis Augusti rex certior factus a Pontifice : iterumque, quæ in iis occurrerant dubia, exposita² discussaque de pedum et equitum numero, de stipendiis militum et classis sumptibus, unde petendi ac tolerandi essent; de exercitus in Asia mora, an mediocres aliquæ copiæ præmittendæ, vel universæ acies in hostem movendæ.

Quesiver³ etiam a Joanne regii oratores, quibus auxiliis Carolum bellum sacrum aggredientem fulcire, quantove ære juvare medicaretur. Quibus responsum a Pontifice est, se quadriennales omnium Galliæ et Navarræ sacerdotum decimas attributurum; jam enim Philippum regem defunctum ex illa sexennali in Viemensi Concilio decreta biennale recepisse : tum centum quinquaginta aureorum millia, quæ a Bertrando comite Leomanie et Alivillaris (is erat Clementis Quinti nepos, qui a Joanne de ingenti auri vi repetundarum postulat, partem illius in pia opera erogandam responderat accepisse : partem vero aliam pro expeditionis Asiaticæ imminentis sumptibus sustentandis) exacta traditurum; denique sacra indulgentiarum præmia ex Ecclesiæ thesauro omnibus, qui pecuniis expeditionem Asiaticam juvarent; unde non exigua earum vis redigenda esset, elargiturum : de quibus Joannes non. Decembris scripsit ad Carolum, precesque adiecit, evastatæ a Saracenis Armeniæ miseretur, intermissamque fratris morte expeditionem egregiis illius exemplis provocat redintegraret, cujus conficiendæ gloria ipsi reservata videretur.

32. *Saracenis furentibus in Armeniam, Pontifex dat litteras Encyclicas hortatorias ad bellum sacrum.* — Consumpta verbis inanibus res est, nam Joannem urgebant bella Italica, et Carolus prætermissis bello sacro, Anglico se implicuit. Aquitanie imperium in illius clientela erat, atque ab Eduardo rege Angliæ beneficio auctoritateque Gallicæ aule obtinebatur. Accepto itaque insigni regio, Carolum regi Angliæ denuntiasset refert Walsingham⁴, ut de more in Gallias ad fidem solenni ritu novo regi Aquitanici principatus beneficiarii nomine adstringenda accederet: inde enatum bellum, cum Eduardus non paruisset, conversaque in Aquitaniam Gallorum arma ait auctor, ac principibus Christianis alias ex aliis dissensionibus mutuas excitantibus alentibusve, Saraceni liberas furori habenas in Orientales laxaverunt.

Accepto itaque Babylonius solanus Gallorum apparatu, adversus imminens bellum strenue se

comparavit, et Armenos, ne Gallis se conjungerent, opprimere est meditatus : utque perniciose perliceret consilia, Tartaros qui hætenus Christianorum fœderati existerant, et quorum auxilio res Christiana steterat in Oriente, atque Aramannum Turcam novis fœderibus sibi devinxit. Sustinendis tot hostibus Saracenis, Tartaris, Turcis impar erat Armenia : dum illius etiam vires intestina discordia magis debilitavit⁵.

Describit non sine lacrymis Pontifex clades illatas a soldano Babylonie, Aramano Turcarum principe, atque Damorda Tartaro viro scelestissimo, qui Mahometis nomine exorando a Saracenis sibi promisso, sacrilegæ gloriæ cupiditate ad Christianum excindendum nomen fuerat excitatus; utque Armenis in extremum adductis exitum opitularetur, exente anno expeditionem, appetente proximo vere conficiendum a nonnullis ducibus, indixit, ac fideles, ut vel stipe vel opera eam juvarent, est adhortatus⁶.

33. « Joannes, etc. universis Christifidelibus præsentem litteras inspecturis.

« Dum mentis nostræ aciem et internæ considerationis aspectum ad Terræ-Sanctæ subsidium ejusque flebilis statum intenta meditatione porrigimus, illud cum propheta dicere cogimur : Magna est velut mare contritio tua : quis medebitur tui ? Gravam utique afflictionem ejus futuram idem propheta commemorans, nec habens cui compararet illam, cui assimilaret, cuique æquaret eandem, tempestati maris ejusque amaritudini, quod intumescentibus fluctibus ventorum impulsione concubuit, latruncolorum palet incursibus et hiantis aquæ periculis prompta demersione paratur, vicina quadam illi solitudinis et formidandæ nobis comparatione metaphoræ exæquavit, cum diceret : Magna est velut mare contritio tua; quam undique fluctus operiunt, venantur insidiæ, hostes jaculantur in mortem. Sed cum illius medelam difficillimam propheta conspiceret, quam longo jam spiritu cernebat languore tabescere, divina relinqui desolatione videbat, merito subjunxit, ut diceret : Quis medebitur tui ? absunt namque, qui diligunt : longe sunt ab ea, qui operi ferant : instant, qui odiunt : gravant, ut non resurgat : finitimos quoque ejus Armenos, ipsorumque regiones et sata per se perque alios aggrediuntur, depopulantur et vastant : sic opprimunt, ut eos perimant ; sic opprimunt, ut vel ipsis tributum dent ; sic opprimunt, ut Christi nomen, quod absit, abnegata fide aboleatur in illis : Machometo vero nequissimo serviant, illi impudico sternaunt, hostes nobis fiant ex milite, apostate ex fidei ; locus postremo non maneat, ubi in transmarinis partibus, caperetur Armenia, pedem Christianitas suæ devotionis afligat.

¹ Tom. III. Ep. secr. pag. 18 et 20. — ² Ibid. p. 191, 199, et pag. 209 ad 232. — ³ Ibid. p. 191. — ⁴ Walsm. in Ypodig. Neust.

⁵ Jo. Vall. l. IX. c. 148. Aut. III. p. 61. XXI. c. 5. — ⁶ An. 7. p. 1. Ep. cur. VIII. et Mss. arch. Vat. de rebus Tart. Armen. et alior. infid. et schism. p. 9.

« Nam, quod dolentes celerimus et magna cordis amaritudine recensemus, diebus istis novissimis, prout venerabiles fratres archiepiscopi et episcopi, ac charissimus in Christo filius noster Leo rex, et dilecti filii nobiles viri Ossinus comes Curchi et gubernator, ceterique barones ac populus regni Armeniæ nobis per suas litteras et nuntios lacrymabiliter intimarunt, soldanus Babylonie vult secundum nequitia Pharaonis, cujus cor contra Dei erat populum induratum, et Turci, licet eos hactenus graviter diutius afflixissent, quod Christianis alia terra solida ultramarina præter Armeniam non remanserant, eam nunc de medio tollere conabantur; præsertim quia fide digna relatione perceperant, Sedem Apostolicam decrevisse, eisdem Armenis in tantis eorum oppressionibus ut fidelibus subvenire; sicque dubitans, ne Franci Armenis sociati eosdem efficacius impugnarent, idem soldanus cum Tartaris, qui dudum per centum annos Armenorum amici extiterant, per quos soliti erant se a Saracenis defendere, eisdem obsistere, illos etiam impugnare, et cum Aramano Turcomanorum domino perniciosam amicitiam inivit, ut triplici fultus munimine a tribus partibus Armeniæ terram invaderet, quo Armenorum resistantiam præteritam minueret, eos aggrediretur secutius, cautius imò severius conculcaret: quod effectus vicinior docuit et pavor eorum proximus comminatur.

« Nam Damordas magnus et potens inter eos, qui Armeniæ adjacent, Tartaros, ætate ut fertur juvenis, moribus elatus, quique ob suam in Christi fideles nequitiam, detestanda facinora et odii virus effusum, Secundus a Saracenis dicitur Machometus; cui etsi inchoata perfecit, et suam in Christianos truculentiam consummabit, abominabile Deo Machometi nomen pollicentur, ut gaudeat; offerunt ut exultet (nam lætantur cum male fecerint, et exultant in rebus pessimis) cum triginta millibus equitum Armeniæ regnum invasit, per viginti quinque dierum spatium, quibus in ipso discurrit ad hostes, depopulatus est, vastavit, incendit et rapuit: boves quoque, oves et cætera eorum animalia abegit: agrorum sala virentia equorum snorum pabulis adeo consumpsit, quod semen eis, unde deinceps sererent, non reliquit.

34. « Et quia eorum hostis in Armeniam non timebatur Tartarorum adventus, ipsique Armenie intra et intima quaque cognoverant, veluti alias inibi familiarius conversati, occisis quamplurimis in planitie, qui ad Armeniæ montes non fugerant, ac nonnullis, qui in montanis ac forcelitis ejusdem fugæ suæ presidium posterunt, pueris videlicet et feminis, in captivitatem adductis, effrugiunt Ecclesias, altaria polluant, sacerdotes occidunt; necnon abbatias, monasteria, casalia et præsternas ardentis loci flamma consumunt. Quorum sic detestandus furor descevit immenius, quod non pepercit mortuis, nec compassus est jam defunctis; cum eorum exterminaret

corpora, sepulchra violaret, deprædaretur tumulos, nuda relinqueret monumenta; sicut et viventium peculium rapuit, suppellectilem spoliavit, dum conspecta quaque diriperet, abscondita turpiter rimaretur. Ac deinde post ejusdem Tartari Damordas de regno Armeniæ antedicto egressum, præfatus Haramanus Turcomanorum dominus ipsius Damordas procuracione, quin potius nequam machinatione, cum magno exercitu idem Armeniæ iterato regnum invasit, vastans et dissipans quod invenit. Cumque eundem Damordas de die in diem reditum expectent cum tremore valido hostiliter, nec immerito, et terribilem ejusdem in Armeniam reditum reformidant, prout eorundem prælatorum, regis, gubernatoris, baronum et populi calamitates hujusmodi et nonnulla alia circa hæc continentes, transmissæ nobis antedictæ litteræ indicabant.

« Sed et soldanus idem præfata dudum machinata nequitia triplici volens Armenos contritione contere, post memoratum illorum egressum, innumeram equitum et peditum multitudinem hostiliter in Armeniam Saracenorum immisit, quæ depopulata est reliqua, vastavit atque combussit Laiacium Armeniæ civitatem, locum utique insignem cum suo inibi castro demoliens, et tandem navali obsidione vel bello captum etiam ejusdem civitatis castrum fortissimum, in mari situm evertens; ut illud Joelis prophetæ in hoc etiam vaticinium impleatur: Residuum erucæ comedit locusta, residuum locustæ comedit bruchus et residuum bruchi comedit ærgo; prout ad nos post præfatas Armenorum litteras et nuntios fide digna, sed mesta, relatione pervenit. Qua de re clamant oppressus ad nos, velut ad patrem filius: clamant fideles ad Romanam Ecclesiam ultramarinus populus, ut ad matrem; clamant afflicti idem ad cunctos Christicolæ, ut ad fratres, præsidium postulans, ultra requirens monita, flagitans vires indulgentiæ, largitionis et subventionis exposcens. Christianitas enim, ut præfati sumus, in Armenia paupere oppressa est. Soldanus illis insultat, dum obtinet; minatur, dum vincit: ex hoc blasphemus exprobat Deo vivo, dumque superbit impius, incenditur pauper, affligitur qui minus potest, Jerusalem in Creatoris contumeliam detinet, in confusionem fidelium, in periculum animarum. Depopulatur Armeniam, vastat, incendit et viris minatur exterminium, illis suæ servitutis iugum perpetuum comminatur.

35. « Effeminati, ut fertur, Ægyptii moliantur ut navigent, galeas parant, iter in Cyprum intendunt; regnum quippe fidele, devotum, Christianitati plurimum opportunum. Nam, ut eadem habebat relatio, soldanus ipse charissimum in Christo filium nostrum Henricum regem Cypri illustrem, qui in tanto bellorum discrimine Armenis compassus, multos eorum ac aliorum fidelium de dicto regno Armeniæ et castro Marino Laiacii ante dicto, missis navigiis, ut mortis fidem

vitarent periculum, et inibi utcumque sustentari valerent in Cyprum fecit adduci; diffidat elatus. Sed : *Non sic impii, non sic*; sed, ut speramus in Domino, tanquam pulvis, quem prociat ventus a facie terræ; quia novit Dominus viam justorum, et iter impiorum peribit; quod, nondum elapso triennio, in eodem regno Armeniæ contra soldani exercitum, qui depopulaturus Armeniam in gravi multitudine fuerat, suæ clementia dignationis effect: nam cum essent numero decem et octo millia equitum Saracenorum, Christiani ducenti vel circiter, quibus vivere Christus erat, et mori lucrum, in Salvatore nostro habentes fiduciam, in certis Armeniæ passibus, Saracenos aggredientes eosdem, sex millia ex eis equitum vel circa ceciderunt in bello, nonnullis eorum aliis in Christianorum servitutum adductis; nunc etiam, qui solitus est mirabilia in suis operari fidelibus, misericors non desistit. Quippe, ut ex præfata relatione percipimus, post demolitionem Latacii, eversionemque Marini castri ejusdem, dum eadem soldani præmissa hostiliter equitum et peditum in Armenia multitudo, sicut exultant victores capta præda, insolentius lætaretur, sexcenti Armeniæ milites, animo constantes et strenui, ter eadem die particulari conflictu cum longe pluribus eis, ex eadem multitudine tunc sibi vicissim succedentibus, hostibus habito, palatæ victoriæ reportavit: adeo ut admiratus, qui eidem Saracenorum multitudini præerat, recollecto militum suorum exercitu, quatuor vel quinque millia equitum, computatis iis, qui in pugna Latacii et castri ex eis perierant, desse priori suorum numero inveniret: nec mirum, nam *Clamaverunt justi ad Dominum cum tribularentur, et de necessitatibus eorum liberavit eos.*

36. « Verum quia sæpe mala bonis inferuntur, ut meliores fiant; sæpe peccatoribus ut convertantur; sæpe justis, ut probeant in illis, nam *Vasa figuli probat fornax, homines vero justos tentatio tribulationis*; quia justis sicut sol in justitia manebunt, nam *Beatus vir qui suffert tentationem, cum probatus fuerit, accipiet coronam vitæ, quam repromisit Deus diligentibus se*; qui boni, in malis crescant: crevit Job, dum affligeretur recepit de manu Domini duplicia; qui vero peccatores, quales omnes ex humilitate existimare se debent, nam *Si dixerimus quia peccatum non habemus, ipsi nos seducimus, et veritas in nobis non est*; convertamur ad Dominum et miseremur quia pius et misericors est et nullus ad ignoscendum; et per cordis contritionem, oris confessionem et operis satisfactionem scrulemur vias nostras, et queramus et revertamur ad Dominum, levemus corda nostra cum manibus ad Dominum in cælos, quia non repellet in sempiternum Dominus; quia si abjecti, et miseremur secundum multitudinem misericordiarum suarum. Clamaverunt itaque ad Dominum, dum tribularentur: clamant et nunc oppressi dum sustinent, et graviora ab

opprimantibus reformidant. Clamant utique ad Dominum, clamant ad ejus vicarium; cunctosque Christicolæ, ut eis subveniatur in tempore, devota precum instantia interpellant.

37. « Numquid igitur nos ac universi Christiani fideles, dum illius, qui pro nobis in cruce passus est, vulnera cernimus, afflictiones memoramus, opprobria recensemus, quibus saturatus est, quæque illi ab insipiente sunt tota die; numquid, inquam, in tanta fidelis populi contritione, tanta miseria, tanto ejus clamore, tantoque illius pavore, et nefande impudicitia formidando metu, et nisi celerius succurratur eidem, non incertis, continere poterimus lacrymas? premere gemitus? viscera concludere pietatis? Absit a mente fidelium, a cunctis Christicolis relegatur!

« Quare nos hæc et fratres nostri præfata Romanæ Ecclesiæ cardinales, maturo pensantes iudicio, eadem libra debite considerationis appendimus, et ex intimis nostræ mentis præcordiis condolemus: et ut tantis præcaveamus dispendiis, occurramus casibus; rerum damnis, animarum corporumque periculis succurramus, vias cogitamus et modos, quibus iis celeriter medela præstetur. Et inter cætera, quæ nobis in præsentiarum et memoratis fratribus nostris pro expedienti se exhibent, ipsorumque Armenorum devota supplicatio continebat, pecuniarium a Christifidelibus parandum subsidium, quo Armeniæ et Cypri regnis prædictis de frumento et hordeo, aliisque victualibus et ad vitam necessariis ac armis stipendiariorum stipendiis, quibus nunc maxime pro defensione sui Armenia indiget, succurratur: necnon quod bellatores idonei, tam equites quam pedes, illuc pro ipsius defensione Armeniæ ex eorumdem fidelium subsidio destinatur occurrat, donec Omnipotens tantis ejusdem afflicti populi, ac totius Christianitatis in illo, tribulationibus, suæ benignitatis miseratione compassus, dexteræ suæ potentiam extenderit ad juvenem.

38. « Quocirca universos et singulos paterna dilectione requirimus attente, inducimus, ac præmiis spiritualium gaudiorum, quæ sunt temporalibus merito præferenda, allicimus; universitatem vestram tenore præsentium per aspersionem sacratissimi sanguinis Domini nostri Jesu Christi, et per ejusdem viscera misericordiæ Dei nostri præcordialius obsecrantes, quatenus prædictorum Armenorum sanguinis et fidei, calamitatis et ruinæ misericordiam et pietatem habentes, eis et præfati Cypri et Armeniæ regnis in tantæ eorum necessitatis articulo, imo Terræ-Sanctæ desolationi perpetuæ, quod absit, nisi eisdem succurratur celerius, in manibus inimicorum deficientibus, in prædictis quibus indigent opportunis et amplis subveniatis auxiliis, et copiosis elemosynarum suffragiis propensius succurratis; ac ut ardentes Christianæ fidei zelatores, pro ipsius defensione fidei, et prædictorum regnorum tuitione, Terræ-

Sancte recuperationi ac transmarino passagio quamplurimum opportuna, cum regna eadem inter cunctas fidelium terras magis sint ipsi Terræ Sanctæ vicina, unum scilicet in terra solida Armeniæ positum, alterum videlicet Cyprî in marislimo, ad ulteriora, magisque accommodata ad recipiendum, refocillandum et retinendum Christianorum exercitus; impugnandum quoque infideles eosdem, et recuperandum, divino assistente presidio, de eorum manibus Terram Sanctam, vos ad illuc personatiter transfretandum promptis affectibus et sinceris desideriis in peccatorum vestrorum remedium præparetis: parata quidem manet in caelis pro fide Christi obeuntibus corona martyrum beatorum.

39. « Et ut vos ad transfretandum, succurrendum et subveniendum præfatis Armeniæ regni que Cyprî fidelibus possitis eo libentius atque ferventius animari, quo vos potius fructum ex transfretationis succursu et subventionem hujusmodi noveritis percipientes; nos de omnipotentis Dei misericordia, et beatorum Petri et Pauli Apostolorum ejus auctoritate confisi, et illa quam nobis, licet insufficientibus meritis, Deus ligandi atque solvendi contulit potestatem; omnibus qui infra annum a proxime futuris kal. Martii numerandum, contra soldanum et alios infideles in succursum et auxilium regnorum Armeniæ et Cyprî prædictorum in personis propriis et expensis accesserint, in eis vicissim, vel eorum altero ad minus per unius anni spatium juxta dispositionem Sedis Apostolicæ moraturi, illam peccatorum suorum, de quibus corde contriti et ore confessi fuerint, veniam indulgemus, quæ proficiscentibus in Terræ Sanctæ subsidium concedi per Sedem Apostolicam, consuevit; et in retributionem iustorum salutis æternæ pollicemur augmentum, etc. »

Addit Pontifex eos etiam sacris præmiis affectum iri, qui cum protectionem ornare non possint, conducentur stipendiarios, vel pecuniis pro suarum fortunarum modulo ad sustinendos sacri belli sumptus contulerint: tum etiam ea consecuturos, qui cum itinere se commiserint, morte oppressi fuerint. Demandat etiam provinciam omnibus præsulibus, virisque Ecclesiasticis ac religiosis, ut Pontificias litteras populis pro concione exponant, ipsosque ad perpetrandos intrepide pro Christi gloria periculorum æstus, difficultates superandas ac ferenda Armeniæ et Cypro laborantibus promptissima auxilia incendant. « Datum Avinionē XIII kalendas Januarii anno septimo ». Indixit Encyclicis aliis ad totius orbis præsules datis litteris¹ publicas ad conciliandam Armeniis divinam opem preces, quarum formulas inter divina repetendas præscripsit.

« Joannes, etc., archiepiscopo Brundisino ejusque suffraganeis.

« Vobis vestrumque singulis in virtute obe-

dientiæ districtius injungimus et mandamus, ut juxta ordinationem dudum habitam in Concilio Lugdunensi, tam in cathedralibus, quam in singulis vestrarum civitatum ac diocesium Ecclesiis poni truncum concavum faciatis tribus clavibus consignatum, prima penes loci ordinarium, secunda penes Ecclesiæ sacerdotem, tertia vero per aliquem idoneum laicum et fidem illius parochiæ, in qua truncus extiterit, per dictum eligendum ordinarium, fideliter conservandis: in quo dicti fideles, juxta quod Dominus cornu mentibus inspiraverit, suas elemosynas deponere in dictorum regnorum nempe Armeniæ et Cyprî defensionis subsidium, ac impugnationem hostium nominis crucifixi, suorumque remissionem peccatorum moveant. Et ut hæc ab illo, a quo cuncta bona procedunt, facilius impetrentur, in ipsis Ecclesiis semel in hebdomada certa die, quam sacerdos pronuntiat populo, missa publice, una videlicet hebdomada, missa de Sancta Trinitate, secunda de B. Virgine, tertia de sanctis Angelis, et sic deinceps, cum devotione et reverentia decantetur. In qualibet autem missarum hujusmodi cum omni devotione post *Agnus Dei*, ante sumpcionem corporis Domini psalmum dici mandamus et decernimus infrascriptum, videlicet: *Deus, venerunt gentes in hereditatem tuam*; cum *Gloria Patri*, et versiculis, qui sequuntur. Versus: *Salvos fac servos tuos*. Responsio: *Deus meus, sperantes in te*. Vers.: *Esto nobis, Domine, turris fortitudinis*. Resp.: *A facie inimici*. Vers.: *Nihil proficiat inimicus in nobis*. Resp.: *Et filius iniquitatis non apponet nocere nobis*. Vers.: *Exsurge Domine, adjuva nos*. Resp.: *Et libera nos propter nomen tuum*.

« Oremus. Omnipotens sempiterne Deus, in cujus manu sunt potestates et omnium jura regnorum, respice ad populum Christianum tuum nomen sacratissimum invocantem, ut gentes, quæ in sua feritate confidunt, potentie tuæ dextera comprimantur. Alia vero oratio semper dicatur in omnibus missis: *Hostium nostrorum, quæsumus, Domine, elide superbiam, et eorum contumaciam dextera tuæ virtute prosterne*. Per Christum Dominum nostrum. In omnibus autem missis aliis, quæ intra hebdomadam dicuntur, semper dicatur post *Agnus*, et ante sumpcionem corporis Domini nostri Jesu Christi psalmus: *Deus in adiutorium meum intende*, cum versiculis suprascriptis et cum oratione: *Hostium nostrorum*.

« Hujusmodi vero elemosynæ et oblationes, quæ in truncis mittuntur seu deponuntur eisdem, diligenter et fideliter conserventur, ut et de eis et largitionibus aliis, quæ pia fidelium largitate provenierint, secundum dispositionem Sedis ejusdem opportuna subventio dictis fidelibus proficiscentibus in dictorum regnorum defensionem et subsidium ministraretur, et nulla fraus committatur in eis, et absque diminutione qualibus fideliter conserventur in defensionem et subsidium hujusmodi

¹ Ext. in rotulo pergam. signato num. 747, ex Archivo Avinion. p. Vat. delato.

integraliter convertendæ, etc.» Subdit, ut sacræ illæ pecuniæ in rationum codices referendæ sint: et anathema, nullo dignitatis habito discrimine, eas occupantibus rapientibusve intendit. «Dat. Avin. XIII kalend. Januarii, Pontificatus nostri anno VII.»

40. Collegere in medio Saracenicæ belli ardore animos Armeni, in quorum auxilium e Cyprio aliisque provinciis fideles procurrere; conflatoque justo exercitu, sanguinem pro Christiano nomine profundere parati, ad hostium excursionis reprimendas crucis signa extulere: quos immortalitatis spe ad mortem fortiter oppetendam, si opus foret, confirmavit ad constantiam Pontifex¹, ac venia criminum commissorum reliquis, modo expiata primum rite conscientia esset, donavit. «Attendentes, inquit², vos ad certandum contra inimicos fidei Christianæ pro defensione ipsius in campo certaminis constitutos, ut in eodem eo vos habeatis utilius, quo liberius ad æternam possitis beatitudinem pervenire, etc.» aliisque litteris de proposita criminum et pœnarum gratuita condonatione in acie contra Saracenos occubituris, deque irruptionibus crebris hostium in Armeniam hæc habet Pontifex: «Ex vestra insinuatione percipimus, quod adeo estis soldano aliisque infidelibus Christiani nominis inimici vicinitate propinqui, quod videmini fore quasi signum positi ad sagittam, et oportet vos contra eos pro defensione memoratæ fidei atque vestra frequenter inire certamina, in quibus vestrum quamplurimum sæpius moriuntur.»

41. *Tartaros ad fœdus cum Christianis ineundum et ad fidem Christianam capessendam allicit Pontifex.* — Liberandis ab extremo exitio Armeniæ rebus intentus Pontifex, non Cyprios³ modo et Gallos aliosque fideles, ut superius a nobis dictum est; verum etiam Tartarorum imperatorem in soldanum Babylonis concitare est meditatus. Invetrata erant Tartaros inter ac Saracenos odia, ac plures olim imperatores Tartarorum Christianis valida contra Babylonios et Ægyptios auxilia tulerant, horrendisque Saracenos allecerant cladibus: adeo ut si Occidentales a mutuis dissensionibus liberi arma cum Tartaris, ut sæpius rogatos ab iis vidimus, conjunxissent, Mahumeticum nomen penitus ab iis facile fuisset excisum. Scriptis itaque litteris ad Boysetham imperatorem Pontifex⁴, vetera Tartaros inter et Christianos fœdera ad memoriam ipsi revocavit, utque Tartari Armenos sæpius a Turcorum et aliorum hostium irruptionibus atque oppressione vindicassent: precesque adjecit, ut Leoni regi Armeniæ more majorum imperialem opem explicaret.

«Magnifico viro Boysetham imperatori Tartarorum, gratiam in præsentem, quæ perducatur ad gloriam in futuro.

«Refert progenitorum tuorum memoria, quod ipsi nominis Christiani non absque inspirationis divinæ consilio, ut pia credulitas suggerit, se reddentes benevolos amatores, cum regibus Armeniæ, qui fuerunt pro tempore, fœdus amicitie stabilis observarunt; eis contra Turcos, et alios eorum persecutores et hostes prompti juveninis impendentes auxilium, et in eorum ac regni et subditorum suorum defensionem sollicitam potentie suæ dexteram extendendo, laudandæ imitationis exemplum tibi et aliis eorum posteris relinquentes. Propter quod indubitata nobis fiducia repromittit, quod tu a dictorum progenitorum in hac parte vestigiis, velut germen proprium, non declinans, eo majoris charissimo in Christo filio nostro regi Armeniæ illustri adversus eosdem persecutores et hostes impendens subsidii fuleimentum, quo dictorum progenitorum exempla te ad id merito debent inducere potioris efficacia rationis.

«Cum igitur, sicut nosti, memorati persecutores et hostes, ad ejusdem invasionem regni suos ardentes exponendo conatus, aliqua nunc ipsius regni loca nequiter invasisse dicantur, et ad invadendum alia ardentem aspirent; magnitudinem tuam rogamus et hortamur attentius, et per Dei misericordiam obsecramus, quatenus hujusmodi progenitorum ipsorum inherendo vestigiis, dicto regi contra persecutores et hostes eosdem pro divina et Apostolicæ Sedis ac nostra reverentia sic potenter assurgas, sique illum tuæ virtute potentie tuearis, quod persecutores et hostes ipsi, tuo potenti brachio superati, eoganur occupata dimittere, et ab ipsorum regis et regni persecutionibus resiliere; teque divina clementia, percipiens vota tua suis super hoc beneplacitis conformare, ad agnitionem sui gloriosissimi nominis, sine qua salus esse non potest, dignetur misericorditer revocare, et per suorum dirigere semitam mandatorum; et tibi, post vite præsentis excursus, in cælesti patria præparare feliciter mansionem. Dat. Avin. III non. Julii, anno VI.»

42. Pellicere eundem imperatorem ad Christiana sacra conatus est Joannes, eumque ad universi orbis Conditorum, a quo potentiam sceptrumque omnium Tartarorum accepisset, agnoscendum excitavit. Plures illius majores religionem Christianam erant amplexi, suos sæpius ad Sedem Apostolicam oratores miserant, inierant cum regibus Francorum fœdera, muneribus et officiis certabant invicem. Ad redintegrandam itaque veterem amicitiam Pontifex, qui sperabat ex Tartarorum et Francorum mutuo fœdere, Saracenicum imperium facilius oppugnatum et eversum iri, Boysethanum imperatorem ad mittendos ad Sedem Apostolicam et Gallicam anlam oratores sollicitavit⁵, renque eam tibi fore gratissimam significavit.

¹ Tom. III. Ep. secr. pag. 268. et l. VII. p. 1. Ep. cur. VII. IX et X. — ² Eod. Ep. cur. VII. Ext. etiam in eod. Ms. arch. Vaz. p. 41. — ³ Tom. III. Ep. secr. pag. 266. — ⁴ Ibid. pag. 49.

⁵ Tom. III. Ep. secr. pag. 89. et an. 6. p. 1. Ep. cur. VIII.

« Magnifico viro Boyssethau imperatori Tartarorum, gratiam in presenti, quæ perducet ad gloriam in futuro.

« Inter sollicitudines alias nostris humeris incumbentes hoc perpeti cura revolvimus, et in hoc solida charitatis ardore crebris orationibus a Domino postulamus, ut ipse lapis angularis, qui fecit utraque unum, suam sanctam, Catholicam et universalem Ecclesiam toto orbe terrarum in unitate fidei orthodoxæ dignanter adjuvet, cunctis mundum purget erroribus et diffundat in mentibus ignorantium nomen ejus suæ radios claritatis, ut ipsum cognoscant Deum vivum et verum omnium conditorem. Propterea jubilum copiosæ lætitiæ desideriis nostris accresceret, si te dignum filium benedictionis constituens, vivo ac indiviso ejusdem Ecclesiæ Catholicæ corpori ad participationem vitalis spiritus jungereris inseparabilis fœdere charitatis. Ideoque magnitudinem tuam rogamus et hortamur attentius, et per illius, qui mortificat et vivificat, deducit ad inferos et reducit, misericordiam obsecramus, quatenus ejusdem fidei saluberrimam unitatem quam primo sancti Apostoli de fidei Christi pectore susceperunt, et quam sacrosancta Romana servat, prædicat et docet Ecclesia, sine qua nemo unquam Deum videre poterit, reverenter amplectens; et devote considerans, quod omnis homo eo ipso, quod rationalis est conditus, debet ex ratione colligere illum, qui eum condidit esse Deum; in ipsius lumen et regimen, omnis vetustate peccati et cæcitatibus errore depositis, per Baptismatis transeat sacramentum, fidem hujusmodi constanter et fortiter observando: ut per illam gratia Domini salvatus, cum Dei electis assequi valeas hæreditatem incorruptibilem, incontaminatam et immarcescibilem conservatam in cælis.

43. « Cæterum frequenter audivisse meminimus, quod memorati progenitores tui tanquam viri magnanimitate sublimes, ut Romanis Pontificibus prædecessoribus nostris et Apostolicæ Sedi devotam reverentiam exhiberent, ad ipsos interdum propter hoc mittebant nuntios speciales; et nihilominus cum Francorum regibus, qui tunc erant, amicitiam contrahentes, illos per eosdem nuntios et litteras visitabant: quos prædecessores ac reges ipsi recipientes honorificentia, qua decebat, eorum gratis aspectibus lætabantur, se hinc inde progenitoribus ac regibus ipsis donis et muneribus honorando. Ex quibus potes plene colligere, quod tibi et imperio tuo ad laudis cumulum et honoris accresceret, si progenitorum ipsorum imitatus exemplum, per similes nuntios nos et dictam visitares Sedem, et cum charissimo in Christo filio nostro rege Francorum illustri amicitiam renovares: nos enim ex hoc specialiter lætaremur in Domino, qui tibi libenter in omnibus, cum secundum Deum grata procederent, præceremus. Dat. Avin. IV non. Julii, anno vi. »

44. Taceatur in Aquilonari Tartaria religio-

nem Christianam Abuscanus princeps, regis Cologani filius, cui superiori anno ob sacra Christiana amplexa Pontificem gratulatum vidimus; quem etiam hoc anno ad populos sua auctoritate ad Christum adducendos est adhortatus¹: utque cælestibus præmiis ad pietatem principem neophytum accenderet, singulis diebus, quibus augustissimo mæ-sæ sacrificio interesset, viginti dierum indulgentiam impertiit.

« Dilecto filio nobili viro Abuscano, nato claræ memoriæ Cologani regis in partibus Tartariæ.

« Ingentem, nec mirum, materiam gaudiorum suscepimus quod summus ille lapis angularis Dominus Jesus Christus, in quo omnis ædificatio constructa crescit in templum sanctum in Domino; quodque nos salvos vult fieri, ad cognitionem sui non desinit semper abundantissimo beneficio erudire, per inenarrabilem gratiam suam toto orbe diffusam augens continue familiam Christianam, te sicut venerabilis fratris nostri Hieronymi episcopi Caphensis et socii ejus relatione jucunda percepinus, veræ fidei luce perfusum et sacri Baptismatis fonte renatum, ac imbutum doctrina Apostolica et Evangelicæ veritatis, unitati sanctæ Romanæ ac Apostolicæ et Catholicæ Ecclesiæ aggregavi.

« Quia igitur Deo patri æterno, et Apostolicis volis ad gaudium cedit immensum, si Redemptoris nostri familia in ipsis partibus, quas dudum cæcitas errorum obduxerat, dilatetur; nobilitatem tuam rogamus et hortamur in eodem nostro piissimo Redemptore, quatenus prudenter attendens, quod inter cætera, quæ de recto calle dirigere poterunt ad vitæ gaudia sempiterna, hoc est præcipuum, si subditos tuos vivo et indiviso ejusdem Catholicæ Ecclesiæ corpori, et cognitioni veræ fidei aggregabis; ad hoc præstes opem, et ad hoc totis studiis elaboras, ut ejus obtentu, qui fidelibus suis iter æternæ vitæ demonstrans, paradisi januas, quas primi parentis inobedientia clauserat, ineffabili misericordia reseravit, eosdem subditos per te et alios cognitione fidei Catholicæ illustratos unitati ejusdem fidei studeas aggregare. Ut autem, fili, tuæ devotionis integritas eo promptius piis operibus intendere studeat, quo majorem indulgentiam per Apostolicæ Sedis gratiam fuerit consecuta; devotioni tuæ, dummodo vere fueris pœnitens et confessus, qualibet die, in qua ob reverentiam ejusdem Domini nostri Jesu Christi et beatissimæ matris ejus missam audieris, vel ad Ecclesiam causa orandi te devote contuleris, viginti dies de injunctis tibi pœnitentiis misericorditer relaxamus. Nulli ergo, etc. Dat. Avin. II kal. Martii, anno vi. »

45. *Sedes episcopales in Oriente institutæ.* — Miserat Hieronymum Clemens V in Tartariam, ad eos populos, veteris superstitionis tenebris obsitos,

¹ An. G. p. 1. Ep. com. CDLXXIX.

collustrandos Evangelii luce; sacrisque episcopatibus insigniverat, quamvis nullius illi episcopatus nomen attribuisset. Cum vero ab eo felicissime in Tartaria Aquilonari religio propagaretur; Joannes illum Caffensi episcopatu a se instituto donavit, cujus diocesis fines ita circumscripsit¹: « Civitatem Caffensem; tunc villam infra Cambaliensis diocesis limitem constitutam, qui locus insignis existit, et ubertate multiplici hominum et rerum exuberat, de fratribus nostrorum consilio, et Apostolicæ plenitudine potestatis in civitatem ereximus, et civitatis vocabulo duximus decorandam; et a villa de Varia in Bulgaria usque Saray inclusive in longitudine, et a mari Pontico usque ad terram Rhutenorum in latitudine pro diocesi eadem Caffensi Ecclesiæ duximus assignandam; statuentes ac etiam decernentes, ut Ecclesia Sanctæ-Agnetis dicti loci Caffensis ex tunc haberetur et existeret perpetuis futuris temporibus cathedralis, etc. Dat. Avin. IV kal. Martii, anno vi ».

46. De instituendo alio episcopatu in Curchi Armeniæ provincia agitavit consilium Pontifex², expetente Ossino comite; electumque Jerosolymitanum, num ea res fidei amplificationi conducere, XII kal. Augusti cognoscere jussit. Confirmatus³ porro fuerat XIII kal. Jul. in Jerosolymitano patriarchatu Petrus canonicus Nicosiensis, cujus prædecessor Petri etiam nomen gesserat: quo argumento Joannes ad regem Cypri, ut patriarcham studio regio prosequeretur, litteras dedit⁴. Cæterum regem Cyprium ob lata Armenis, in extremum adductis exitium, auxilia soldani Babylonii iras in se concitasse, sequenti anno amplius videbimus, quo Pontifex Cyprium periclitantem defendit.

47. *Rhodus vane tentata a Turcis.* — Tentata est a Turcis per hæc tempora Rhodus insula, hostisque a Rhodiis equitibus magna clade profligatus. De parta victoria consentiunt historici, quanquam de illius tempore discrepant: Joannes enim Villanus⁵ ad annum hujus sæculi vigesimum; continuator vero belli sacri⁶, aliique⁷ in hunc annum rem conjiciunt. Adscribenda vero est illius triumphi gloria divino Numini, cum Barbarorum classis navium octoginta quatuor Rhodiis triremibus, et sex aliis Genuensibus, ac viginti majoris minorisque alvei navibus circumfessa vel in nostrorum potestatem venerit, vel fluctibus mersa sit, duce Gerardo e Pinibus Ordinis Hospitalariorum vicario. Cumulata ea victoria maritima terrestri altera: decem enim Turcarum millia, quæ in Episcopia insula exposita fuerant, a victoribus capta, quorum pars casa; pars abducta in servitutum.

48. *Catholicis Latinis in Achaïa et in Oriente consulit Pontifex contra Turcas et schismaticos.*

— Peperit alium nobilissimum de schismaticis triumphum Carolus Ungarie rex, atque Urosium regem Rasciæ ad suas leges, ut ait Joannes Villanus⁸, compulsi. Eas vero fuisse, ut ejurato schismate Romanæ Ecclesiæ se aggregaret, e Pontificis inferius afferendis litteris colligitur⁹, quibus ipsi ad officium redempti fidei formam, quam erat professurus, præscribit¹⁰. Fuisse vero a rege Carolo impietatis odio bello pettiti, cum Macedones pio recuperandæ Romanæ Ecclesiæ conjunctionis desiderio arderent; maximumque ejus sacri belli auctorem, Christi vicarium extitisse, superius vidimus.

Servandæ incorruptæ religionis zelo ac schismatis abolendi accensus Pontifex ægerime tulit, Latinos qui in Achaïa versabantur, infidelium et schismaticorum commercio se inquinare: jussitque Constantinopolitanum patriarcham (Latino scilicet) atque archiepiscopum Patracensem Latinos illos detertere, ne cum schismaticis in divinis communicarent.

« Patriarchæ Constantinopolitano et archiepiscopo Patracensi.

« Ut splendor fidei Catholicæ nullis pravorum actibus valeat obfascari, tanto curiosius invigilare convenit Ecclesiarum prelatos, quanto de iis, velut eorum incumbentibus officiis, reddituri sunt districtius æterno judicii rationem. Sane non absque mentis amaritudine percepimus his diebus, quod in principatu Achaïæ Christiani fideles, qui Latini in illis partibus vulgariter nuncupantur, cum Græcis schismaticis et aliis infidelibus conversantes, interdum tam ipsi, quam eorum uxores et familiæ prædictorum schismaticorum ritui, non sine suarum animarum periculis, adherent imprudenter; et accedentes sæpius ad missas audiendas, eorum oblationes sacerdotibus schismaticis offerunt, et sacramenta Ecclesiastica juxta ritum hujusmodi temere recipiunt ab eisdem: dictique Latini ad missas et alia divina officia, quæ secundum ritum sacrosanctæ Romanæ Ecclesiæ celebrantur ibidem, admittere dictos schismaticos non verentur.

« Cum autem præmissa, ex quibus divina majestas offenditur et religioni detrahatur non modicum Christianæ, non sint aliquatenus toleranda; fraternitati vestræ per Apostolica scripta committimus et mandamus, qualenus vos et quilibet vestrum per vos vel alium seu alios, præfatos fideles illarum partium Christianos, ne talia, quæ in animarum suarum salutis vergunt dispendium, de cætero attentare præsumant; sed ab illis prorsus abstineant, monere et efficaciter inducere viis et modis ad hoc expedientibus studeatis; ipsos ad id nihilominus per censuram Ecclesiasticam et alias spirituales pœnas et sententias, prout, quando et quoties ac sicut expedire videritis, appellatione

¹ An. 6. p. 1. Ep. com. CDXCVII. — ² Ibid. Ep. LXXXIII. — ³ Ibid. Ep. DCXXI. — ⁴ Reg. post eand. Ep. — ⁵ Jo. Vill. t. IV. c. 118. — ⁶ Contin. belli sac. — ⁷ Bos. l. II. de Rhod. ep. et ali.

⁸ Joan. Vill. l. IV. c. 175. — ⁹ An. 1322. num. 14 et seq. — ¹⁰ Tom. III. Ep. secr. pag. 260.

postposita, compellendo. Dat. Avin. kal. Octobris, anno vii ».

49. Graviori se contaminabat flagitio Catalana societas, quæ cum in Orientem, ad Turcas oppugandos trajecisset, arma in fideles Gallici generis nefarie verterat; ac piraticum exercebat in nostros; ejectione ex animo omni pietatis et religionis sensu, Christianos quos interciperi poterant, divendebant Turcis. Impiorum antesignanus erat Alfonsus, cujus ad officium revocandi provincia patriarchæ Constantinopolitano et Patracensi archiepiscopo, de quibus paulo ante memoravi, a Pontifice data est ¹:

« Patriarchæ Constantinopolitano et archiepiscopo Patracensi.

« Ad nostrum infestæ relationis assertione pervenit auditum, quod Alfonsus capitaneus, aliique rectores, ac nonnullæ singulares personæ magnæ societatis, tanquam in tenebris et umbra mortis ambulantes damnabiliter, sibi que thesaurizantes iram in die iræ et ultionis justiciæ Dei, nonnullos fideles Christicolæ, in principatu Achaïæ ac vicinis et circumpositis regionibus commorantes, per se et per piratas crudeles et cursarios suos hostiliter persequuntur, affligunt inhumaniter, et captivant interdum; et quod est dolendum amarius, avaritiæ cecitate seducti, Christicolæ ipsos, venales Turcis infidelibus exponentes, pretio vendunt damnabili, et tradunt eos infidelium ipsorum diræ servitutis imperio, miserabiliter captivantes. Cum igitur prædicta, si vera sunt in illius opprobrium, qui Christicolæ ipsos sui pretiosi redemit effusione cruoris, ac Catholicæ fidei et gloriæ nominis Christiani, necnon et illorum, qui talia patrare præsumunt, propriæ salutis dispendium redundare noscantur; fraternitati vestræ, etc. », præcipit ut ducem fœderatorum aliosque singulos a tanto scelere deterreant; ac si eo se contaminare non perhorruerint censuris Ecclesiasticis devinciunt. « Dat. Avin. kal. Octobris, anno vii ».

50. Dum Catholici eo furore suos in Græcia Turcis prodebant, a quibus demum perendi erant, non minus Græci schismatici civilibus dissensionibus suum accersebant exitium, ut in Turcarum prædâ cederent; nec perhorruit Andronicus imperator eos ex Asia, in qua religionem Christianam deleverant, in Europam adversus nepotem Andronicum juniorem evocare ²: qui tamen ab eo primo belli impetu Zarulum inter et Selybriam tracti fugatique sunt. Ex qua clade Andronicus senior, Turcarum diffusis viribus, suorumque timeus defectionem, pacem a nepote flagitavit. Cumque is a suis suaderetur ³, ut avo eas leges imponeret, quibus constrictus movere amplius bellum non posset, nimirum imperii parti, quam antea priori tractatu obtinuerat, ultimo bello comparata loca

adjungeret; is in contrariam versus sententiam avo universi imperii administrationem reliquit. Jam a schismaticis ad hæreticos sermonem transferamus.

51. *Turbæ ex pseudo-minoritis coortæ; unde insignis questio de paupertate Christi et Apostolorum penitus exposita.* — Demandata est hoc anno Galliarum archiepiscopis et episcopis provincia ⁴, ut Tertii Ordinis S. Francisci sodalium causam cognoscerent, qui hærescos crimine erant postulati, ut e subjectis litteris videri poterit.

« Joannes, etc., venerabilibus fratribus universis archiepiscopis et episcopis per Narbonensem, Tolosanam, Auxitanam, Burdegalem, Terraconensem, Arelatensem, Aquensem, Viennensem et Ebreduensem provincias constitutis.

« De nonnullis professoribus Ordinis continentium, qui fratres Tertii Ordinis B. Francisci vulgariter nuncupantur, gravis ad nostri Apostolatus auditum, quod dolenter referimus, pervenit infamia. justæ ultionis acrimoniæ in eosdem, si dictis facta conveniant, relatura; quod in hujusmodi Ordine Tertio sunt nonnullæ sexus utriusque personæ, quæ volentes potius suo errore perire, quam Evangelicæ doctrinæ et salubri persuasione proficere, de articulis fidei, de sacramentis Ecclesiæ, de Apostolicæ potestatis plenitudine, ac in quantum ejusdem claves Ecclesiæ se extendunt, altercari et disputare, nonnulli etiam ex eis aliter in præmissis, quam Romana Ecclesia doceat et sentiat, sentire ac profiteri præsumunt in derogationem, quantum in eis extat, Catholicæ fidei, ac in perniciem suarum et aliarum, quas astute decipiunt, simplicium animarum.

« Nos itaque dignum censentes et debitum, ut super his per vos et vestrum, quemlibet auctoritate nostrâ, cum sitis in partem nostrâ sollicitudinis evocati, habeatur indago et certitudo plenaria veritatis; fraternitati vestræ per Apostolica scripta in virtute obedientiæ strictæ, præcipiendo mandamus, quatenus ne talis morbi contagium in fideles subrepat populos animasque simplicium, quod absit, inficiat, personis utriusque sexus ejusdem Tertii Ordinis in vestris diocesisibus constitutis ad vestram, prout commodius fieri poterit, præsentiam evocatis, inquiratis tam super præmissis et singulis præmissorum, quam de ingressu earum ad hujusmodi Tertium Ordinem, et per quem vel quos ad ipsum Ordinem fuere recepti, et in cujus seu quorum manibus, ac ubi et quando et quid specificè fuere professi, juxta datam vobis ex alto prudentiam, diligenter, et habita de ingressu, receptione et professione ipsorum, ac de disputationibus et erroribus, ut præferetur; et utrum tantum fideles atque Catholici firmiter de prædictis et aliis sentiant, quod sancta Romana sentit Ecclesiæ, certitudine veritatis, etc. » Subdit ut iis, quos a criminis labe puros invenerint, nullam moles-

¹ Tom. III. Ep. secr. pag. 260. — ² Id. c. 50. Hist. l. 1. c. 31. — ³ Id. c. 32.

⁴ An. 6. p. 1. Ep. cur. LI

tiam indignant, sed moneant, ne se aliorum erroribus irretiri atque inquinari patiantur: illos vero quos non sentire cum Ecclesia, sed hæresis macula aspersos deprehenderint, canonicis pœnis afficiant. « Dat. Avin. IV kal. Martii, anno vi ».

52. Exercitum postea in hos a præsulibus judiciorum severitatem, refert ¹ Ms. Vat. his verbis: « Hujus tempore papæ diversis vicibus fuerunt combusti multi fratres Minores propter opinionem de paupertate Evangelica, et multe sorores Ordinis in diversis locis ».

In Germania compactus in carcerem est a Spirensi episcopo Franciscus e Lutra Minoritarum deseror, ingentium criminum reus, quem Pontifex deduci ad Sedem Apost. atque armato milite, ne vincula evaderet, stipari jussit. Quo argumento ad episcopos Germanos, viros principes, urbiumque magistratos scripsit, ut suam in id operam conferrent. Quos vero ille errores ad dissolvendum sacrum Minoritarum Ordinem serere ac disseminare publice elata protervia cœpisset, indicat Joannes in aliis ad Spirensem episcopum datis ²: « Coram clero, inquit, et populo Spirensi contra statum dicti Ordinis publice prædicare infamatorie non expaverat, damnatam Sarabaytarum sectam satagens suscitare (de Sarabaytarum sive pseudoremitarum secta ex Alvaro Pelagio supra egimus), et inter cætera patenter prædicare præsumperat, quod non erant in statu salutis fratres Ordinis prælibati, quosdam ipsius Ordinis fratres pestiferos, in quorum cordibus hostis antiquus sator zizaniz pravos seminavit errores; contra quos, utpote tunicam Domini scindere molientes, modum certæ provisionis salubris duximus apponendum, ausu damnabili approbando, et dicendo, quod injuste processum fuerat contra eos. »

Pestiferorum Minoritarum nomine designari videntur Fraticelli illi qui pura et candida S. Francisci instituta sectari se jactabant, et a Celestino V Pontifice auctoramentum sectæ, quæ postea a Bonifacio damnata fuerat, accepisse contendebant; quique duce Henrico Ceva trahere in apostasim Minoritas, Ordinemque sanctissimum solvere nitebantur ³: in quos, veluti hæresi maculatos, præsules legibus agere jussos vidimus: contra quos et alios, nisi a Joanne Franciscani Ordinis acerrimo propugnatore studia Apostolica magno ardore collocata fuissent, universus fere Ordo periclitatus fuisset, ut Pontifici ipso teste visuri sumus. Ii porro pseudominoritæ gravissimo insectabantur odio Minoritas, a quibus defecerant; adeo, ut memoratus impostor Franciscus e Lutra, uti refert Joannes, pro concione exclamaret: « Quod peccaret et mortaliter quicumque daret eleemosynam fratribus Ordinis memorati ». Proripuit ulterius hujus hypocritæ improbitas, quippe ut queritur Pontifex: « Alta superstitiosa et falsa in nostrum et Apostolicæ Sedis

contemptum, dicti Ordinis opprobrium, plurimorum scandalum, et animæ suæ perniciem palam non est veritus prædicare, etc. Dat. Avin. kal. Februarii anno vi. »

53. Nec longe dispar scelere illi fuit Ruffinus ⁴ Minorita, qui episcopi personam eminenti non perhorruit: quem a Michaelæ Casenale supremo Ordinis præposito carceri mancipari jussit. At ipse Michael in errorem, demumque in hæresim et schisma prolapsus est, Ordinemque universum, cui præerat, trahere in exitum molitus hoc ipso anno. Cujus facinoris occasionem narrat accuratissime Nicolaus Minorita ⁵, ejusdem Michaelis schismate et hæresi contaminatus, ut passim ipse perspicue ostendit, pravoque animo edidit ingens volumen, in quod insignia Pontificis in controversia de paupertate Christi et Apostolorum sanctita, tum venenata Michaelis Cæsenatis scripta adversus Pontificem, tum etiam Ludovici Bavari edicta, ejusdemque studiosorum varios libellos compegit. Is ergo, ab ipso exordio rem altius repetens, scribit superiore anno, scilicet mcccxi, præfecturæ Michaelis anno vi, quendam Beguinum sive Bizochem, de qua secta jam ante a nobis dictum est, Narbonensis archiepiscopi, et Joannis Belvæ fidei censoris Ordinis Prædicatorum imperio captum, et judicio hæreseos postulatam fuisset; Beginum vero inter alia affirmasse: « Quod Christus et Apostoli » ut ait auctor, « viam perfectionis sequentes, nihil habuerunt jure proprietatis et dominii in speciali, nec etiam in communi ». Cum vero in ipsum judicariam actionem exerceret fidei censor, atque ad Concilium religiosarum familiarum præpositos, et plures alios doctores congregasset; ex iis Berengarius Tolom Minorita theologus negavit superiorem articulum de paupertate Christi et Apostolorum hæreticum esse; sed orthodoxum atque in decretali Nicolai papæ, *Exiit*, contineri contendit: dictum vero revocare jussus, ad Sedem Apostolicam provocavit. Ex hac scintilla excitatum ingens incendium: cum enim Berengarius in sacro cardinalium senatu proposuisset sententiam, Pontificio jussu custodiæ traditus est, ac theologorum celeberrimi cætus deinde congregati, ut controversia dirimeretur. Ac primum, ut accurate ventilaretur anathematis pena, a Nicolao papa obiecta disceptantibus de sua Constitutione, remissa est, edita sanctione ⁶, quæ juri canonico adjecta est.

Tum vero indigna suspicio nonnullorum surreptuum vitio magnam Franciscanorum multitudinem pervasit, Joannem in adversariorum partes inclinare, atque in Ordinis comitiis Perusi congregatis primas schismatis faces accendere; quippe in eam temeritatem se projicere, ut dum Apostolica Sedes in agitata definiendaque con-

¹ Ms. bibl. Vat. sign. num. 3765. in Jo. XXII. — ² Av. 6. p. 1. Ep. com. CDLXIX. — ³ An. Chr. 1318. num. 45 et 61.

⁴ Tom. III. Ep. secr. pag. 317. — ⁵ Nic. Min. Ms. bibl. Vat. sign. num. 4008. p. 1. et Ms. 4010. p. 1. — ⁶ Extat in Extrav. *Quia nonnunquam* de verbor. signif.

troversia occupata essent, ipsi sententiam suam universis fidelibus Encyclicis litteris proposuerint, quasi jam a Nicolao in decretali *Exiit*, promulgata: cum tamen ipse de ea questione, in qua plurima distinguenda Joannes in suis Constitutionibus illustrat, decretorie non esset locutus; utque si quid ambiguitatis in ejus dictis emerisset, ejus explanationem a Romano Pontifice petendam sanxisset; non vero a Minoritarum prefecto et sodalibus, cum hi errare possent, non vero Christi vicarius e Petri cathedra sententiam laturus: « Si quid », inquit Nicolaus, « penes aliquem in his ambiguitatis emerisset, ad culmen predictæ Sedis Apostolicæ deducatur, ut auctoritate Apost. sua in hoc manifestetur intentio. Cui soli concessum est in his statuta condere, et edita declarare ». Ita nonnulli Minoritæ adversus hanc Constitutionem fucata illius tuende specie, dum solvendi dubii Christi vicario præripere auctoritatem tentant, prævaricati sunt. Quorum litteras memoratus Nicolaus Minorita his verbis conceptas refert¹:

« Universis Christi fidelibus, præsentis litteras inspecturis, frater Michael Ordinis fratrum Minorum generalis minister, Guillelmus Angliæ Henricus superioris Alamanniæ, Arnaldus Aquitanie provinciales ministri et in sacra theologia magi-

stri; necnon Hugo de Novocastro, et Guillelmus de Almuich sacre theologiæ doctores, Nicolaus minister Franciæ, ac Guillelmus Bloc baccalauri in sacra pagina, et omnes ministri et custodes, discreti et lectores generalium studiorum apud Perusium congregati in capitulo generali, ipsumque totum generale capitulum Ordinis supradicti, salutem et pacem in Domino sempiternam (1).

54. « Noveritis, quod nos anno Domini MCCXXII, Indictione v, pridie non. Junii, audita et intellecta questione quadam, quæ in Romana curia præsentialiter agitur, qua quæritur, utrum asserere Christum et Apostolos ejus non habuisse aliqua in proprio nec in communi sit hæreticum; et requisiti quid de ipsa questione sentiremus, et in scriptis sub nostris sigillis et subscriptionibus propriis redigere curaremus; visis et examinatis dicta questione, tum allegationibus, quæ pro et contra sunt, diligenter et matura deliberatione digestis determinationi sanctæ Romanæ Ecclesiæ firmiter et totaliter inhærentes, concorditer et unanimiter dicimus et latemur, quod dicere et asserere, quod Christus viam perfectionis ostendens, et Apostoli eandem viam perfectionis sequentes, atque per exemplum in alios volentes perfecte vivere derivantes, nihil jure proprietatis, domini, seu juris proprii in speciali et in communi habuerunt, non est hæreticum; sed sanum, Catholicum et fidele ». Si restringerent vocem, *nihil*, quantum ad immobilia, non errarent; sed ipsos definisse

¹ Ms. bibl. Vat. num. 4008, pag. 54. et Ms. 4010. p. 2. Ext. etiam apud Alvar. Pelag. de Plan. Eccl. Ep. II. c. 62. et apud Vad. hoc ao. num. 52.

(1) Celebris de paupertate Christi et Apostolorum questio hoc anno in apertam animorum dissensionem erupit. Agitandam illam suscepit Joannes, qui forte in eam mentem venerat occasione discutiendi scripta Petri Joannis Olivi, ac illud præscriptum in quo de ætissima paupertate differens, Christum et Apostolos nihil habuisse proprium sive in commune, sive in privato contendit. Id enim asseruisse Petrum Joannes ex secunda accusatione in F. Ubertinum de Casabibus, ejus Acta vulgavit Baluzus Miscellan. tom. I, pag. 296, disemus. Cum in utramque partem multi multa dixissent, requisiti Fratres minores ut sententiam suam proderent, editis litteris Christi paupertatem in proprio et in communi tenere se professi sunt; quique fidei esse Catholicæ asseveraverunt. Tanta delinendi audacia offendit Joannem, qui hoc ipso anno exente nempe VI idus Decembris ista Constitutione, quæ et inter Extravagantes communes legitur *tit. de Verbor. Signif.* omne quod usum facti et juris in rebus sua consumendis discretem sustulit; translatumque in Apostolicam Sedem rerum suarum, quæ usui ipso constituuntur a Minoritis, dominium a se removens Joannes largitoribus suis restituit. Ferens h. acerbum F. Bonagratia, qui apud Pontificem suorum Minoritarum partes agebat, appellationem in suo et sociorum nomine in publico Pontificis et cardinalium, ut vocat, consistorio interposita die XIV Januarii anni sequentis, ut ex Mariano, antiquo Ordinis sui chronista, tradit Wadings in Annalibus ad an. MCCXXIII, num. 1, statim Pontifex prædictam Constitutionem suam iterum revocans ad incende a auxit, roboravitque productis argumentis, quibus omne juris et facti discretem inane esse commentum demonstravit, eamque sic reformatam sub eadem anni die, qua prior, inscriptione reproduxit, ut ex eodem antiquo Ordinis sui scriptore, qui circa annum MDV florebat, Wadings adnotavit Postmodum eodem anno habente Pontifex Constitutionem suam dedit relatum in Annalibus anno sequenti num. 61. Ille Pontificis Constitutio de paupertate Christi et Apostolorum, mirum est quod turbas inter Minoritas excitaverit; nam alii Pontifici obsequendum rebantur; alii omnino resistendum censebant quorum ducem se præbuit summus Minoritarum antistes Michael Casenatis, qui ita admittebat, nec ita admittebat ut paupertati Minoritarum officeret; in concordiam cum Decretali Nicolai III redigere conantes. Concordie hujus incandens ratio varis tunc excogeta: sunt, et modo pariter inter Minoritas alia ac deum alia incutitur. Quos inter legendus Wadings ad annum MCCXXIII. Exasperatus Pontifex ob Minoritarum perverciam summum eorum præsidem Michaelem loco amovendo, quod tamen novissi anno MCCXXVIII accidit. Bernard. S.R.E. cardinali Tuscanum ex Minoritis assumpto vices anni præsidis commisit, quondamque successor a Minoritis daretur. Tunc adversarios Constitutionis suæ variis institutis insectationibus vexavit, quæ causa fuit ut illi agerentur in transversum, atque e carcere Pontificis se subducentes, ad Ludovicum Bavarium, qui cum Pontifice inimicos agebat similes, transiret. Ceterum Minoritæ reliqui dire interrim torquebantur, nolentes sive Pontifici perverciæ resistere, sive de severitate paupertatis suæ quidquam remittere. Cui Concilio ut inhaerent, vel ipsi viri principes suadebant hortabanturque. Inter eos Sancta uxor Roberti regis Siciliæ litteras ad illos dedit, monens rogansque, ut in ea, quam Christianus professor fuit, paupertate persistere. Harum litterarum summum exhibet Joannes Vitoduranus, qui tunc inter Franciscanos professus Chronicon suum scribebat, et integras legit de Wadings anno MCCXXVII. Necesse pariter Joannes insistebat ut Minoritarum paupertatem ad eandem cum ceteris monachis viam perduceret. Quorum rei gratia anno MCCXXIV nova Constitutio usum juris et facti in rebus, quæ usu consumuntur, unum eundemque esse adductis argumentis demonstravit. Secundum hanc Parisiensis Conventus ad eligendum successorem Michaelis Casenatis indicitus fuit, qui locus ut eligeretur mandavit Joannes, ratus in proximam sibi urbem facilius se impetraturum, ut Minoritæ redigerentur ad obsequium. Conventus iste celebravit anno MCCXXIV, et in eo multa quidem ad gratiam Joannis Pontificis decreta sunt; at de paupertate Christi « explicata questionis difficultas », ait Wadings, « et reducta ad concordiam Decretali Nicolai III et decisione Capituli Perusini ex verbis Nicolai desumpta cum Decretali Joannis Pontificis ». Nullum tamen, ut arbitror, definitio ista integre ex autographo descripta legitur. Idcirco quid staterunt Patres, et quam conciliandam Decretalium concordiam invenierint ignoramus. Sed Joannes Vitoduranus affirmat asserit tunc fuisse Christi paupertatem illam, quam ad id usque Minoritæ propinquarent. Quare existimandum est unam aliquam institutionem rationem ex his, quæ Minoritæ excogetabant. Verum post illam Minoritæ conventus professionem nihil a Joanne in eos asperè decretum scimus: ex quo intelligimus ipsum patrem Joannem deum acquiescere in eam sententiam ut Christus aliqua saltem ratione nihil sive in communi sive in privato possederit. Immo igitur annalista sententia hujus asseritioe quoscumque hæresis manifeste damnat.

tentiam Michael, Ochamus et alii Minoritarum præpositi, ut sodales seducerent, lbellum VIII id. Junii in eodem cœtu Perusino ediderunt, in quod plura falsa argumenta congesse. Hoc vero temerarium facinus Nicolaus pseudominoritas schismaticus excusat, dum ait. Minoritas rogatos fuisse a nonnullis cardinalibus et aliis viris nobilibus, ut quid ipsi sentirent de paupertate Christi in cœtu universi Ordinis definirent: « Subsequenter, inquit¹, aliqui cardinales et nonnulli alii viri nobiles requisierunt præfatum fratrem Michaellem generalem ministrum dicti Ordinis et totum capitulum generale apud Parisium (Perusium) in Pentecoste tunc proximum celebrandum, quod ipsi definirent et determinarent illud de dicta questione de paupertate Christi et Apostolorum ejus sentirent, et in scriptis redigerent, ac universis Christifidelibus destinarent ». Mox autem auctor schismaticus sodalium impiam arrogantiam detegit, dum alia causa permotos addit: « Ex hoc, inquit, sperantes, præfatum dominum Joannem ad errores dispositum refrænare, ne de dicta questione in præjudicium prædecessorum suorum et fidei attentaret oppositum definire »; quasi Christi vicarius, e Petri cathedra fidelibus dogma propositurus, errare posset atque a Michaelle et sociis e capitulo, ut vocant, corrigendus fuisset. Hæc fuere schismatis et hæreseos exordia, quæ Ecclesiam Catholicam postea laniarunt. Disceant religiosæ familia ex hoc doctissimorum virorum lapsu modestius de sua doctrina sentire, nec fidei dirimendis controversiis, ac muneris ad Sedem Apostolicam pertinentis sese ingerere; quippe Michaellem, Ochamum, Henricum aliosque nonnullos in concepta sententia pertinacissime hæsisse, postquam hæreseos damnata fuisset; ac præter schisma, quod subornato Ludovico Bavaro creavere, etiam Fraticellorum, quibus ab opinione impia nomen fuit, scilicet fingentium ob dogma de paupertate Christi a Joanne definitum eundem ac successores a Spiritu S. Christi vicariatu, exauctoratos: secutam nefariam propagasse, visuri sumus.

Prodiit auctor recentior Michaelis defensor, qui illius decisionem tueri acerrime, atque hoc telo adversantes adoritur²: « Cum, inquit, manifesta sit hæresis dicere, hanc determinationem capituli Perusini esse Fraticellorum hæresim; hoc enim convinceretur Sedem Apostolicam, et atque adeo totam Ecclesiam cum generali Concilio non modo errasse judiciali, ut ferunt, errore; sed etiam hæresim longe ante et sæpius ab Ecclesia profligatam et damnatam docuisse, approbasse et acceptasse ». Supponit auctor hæresiarchæ Michaelis sepultos errores et mendacia renovat, nimirum Nicolai Constitutionem, in sensum Fraticellorum deformat, esse decretum fidei illamque

in Concilio OEcumenico confirmatam: ostensum enim jam ante fuit, Concilium de ea quæstione non egisse; neque sanxisse Nicolaum, ut Constitutio *Exiit* esset decretum fidei: nunquam etiam Ecclesiam eandem sanctionem pro decreto fidei habuisse, nunquam enim assensisset, ut eandem Constitutionem Joannes revocaret, cum³ decreta fidei revocari nequeant. Non itaque sequitur a fide aberrasse Ecclesiam, si Michael cum suis in edendo Perusino decreto erraverit: errasse autem illum constat, cum ob determinationem illam pertinaciter defensam una cum aliis judiciaria sententia damnatus fuerit ab Ecclesia hæreseos, quam Pontifex pluribus Constitutionibus confutavit. Præcipua vero ratio, qua auctor⁴ innititur hæc est: « Quacumque porro via in concordiam veniet Joannes cum Nicolao, eodem modo reconciliare licet eundem cum determinatione Perusina, cum eadem sit Nicolai sententia ». Negat id adversus Michaellem hæresiarcham Geraldus⁵ Minoritarum præpositus generalis. Consonant quidem externa specie voces, sed sensu longe discrepant; nam Nicolai verborum sensus verus et legitimus declaratus a Joanne, ad quem ea auctoritas, non autem ad Minoritas spectabat, is est: Christum et Apostolos nullum habuisse dominium quantum ad immobilia vel in speciali vel in communi, habuisse autem quantum ad mobilia: Minoritarum autem in Perusinis comitiis decernentium sensus ab iis intentus is fuit: Christum et Apostolos nullum dominium neque quantum ad mobilia, neque quantum ad immobilia habuisse; ad quem propugnandum multos commentarios⁶ edidere: quem sensum pravum pii verique Minoritæ paulo post captivantes intellectum in obsequium fidei, abiecerunt audita Joannis ex Petri cathedra sententia⁷. Michael autem, Okamus, Bonagratia et alii determinationem erroneam in primo sensu intento tenentes, pertinaciter hæresim, quæ Fraticellorum vulgo dicta est, anxere: cum ob arrogantiam errorem fateri nollent, a quo certe nemo Catholicus eos vindicare potest. Producimur in hac causa testem supremum Minoritarum præfectum adversus Michaellem hæresiarcham ita decertantem, Geraldum nimirum, de quo paulo ante memoravi: « Tu, inquit⁸, non dominus papa reprehensibilis multipliciter extitisti: tu namque quæstionem de paupertate Christi et Apostolorum ejus in discussione Sedis Apostolicæ tunc temporis actu pendente, prædeterminare ausu temerario præsumpsisti: de qua temeritate, nullo quidem sanæ mentis dubitante, dignus reprehensione et confusione fuisti. Commisisti tibi Ordinem gravi exposuisti periculo, Ecclesiam universalem gravi replesti scandalo, decretum Sedis

¹ Ext. ad conditorem de verb. sign. — ² Ead. Nitel. pag. 205. —

³ Ms. bibl. Vat. sign. num. 4010. pag. 206. — ⁴ Ext. in Ms. bibl. Vat. sign. num. 4008, 4009, 4010 et in Ms. 3740, p. 1. — ⁵ Exir. *Cum inter nonnullos* de verb. sign. — ⁶ Ms. bibl. Vat. sign. num. 4010, pag. 206.

¹ Ms. bibl. Vat. sign. num. 4009. pag. 4, et 4010 pag. 4. —

² Nitel. Francisc. pag. 216.

Apostolicæ contempsisti; dicit enim dominus Nicolaus III in decret. *Exult*: Si quid penes aliquem in his ambiguitatibus emergerit, hoc ad culmen Sedis Apostolicæ deducatur, ut ex auctoritate Apostolica sua in hoc manifestetur intentio, cui soli concessum est in iis statuta condere et condita declarare. Tu vero ambiguitatem, quam noveras in materia dicte Decretalis ad culmen Sedis Apostolicæ jam esse deductam, præoccupare et universis Christi fidelibus tuam audaciam nolam facere voluisti, nec quod in hoc Sedis Apostolicæ manifestetur intentio, expectasti: quapropter et præsumptionem contra te dedisti, et peribide opinionis speciem prætendisti, in hoc enim opinari et credere videbaris, quod Sedes Apostolica tuam sequi deberet intentionem; vel quod ei omnino disponere repugnare. Unde mirari non debuisti, si dominus papa litteram tuam seu determinationem, pro quanto erat tua dixit hæreticam: non quidem definiendo, pronuntiando vel sententiando, vel etiam pro tribunali sedendo; sed ad partem coram Ordinis nostri fratribus objurgando, reprehendendo et tuam temeritatem præsumptuosam increpando. Tunc enim ex visibilibus conjecturis te fore suspicabatur hæreticem, sicut consequenti tempore declaravit: cernebat enim quod in prenominata determinatione, seu verius interminatione tua, speciem malam, ut prædictur, prætendisti, quæ gravem et periculosam hæresim sapiebat: quare non mirum, si ad causam et ad speciem dicte litteræ, seu determinationis vel potius, ut dictum est, interminationis attendens dixit ipsam hæreticam modo et forma et circumstantiis supradictis. Nec ex hujusmodi dicto sequuntur inconveniëntia, quæ tua falsa calliditas infert, scilicet quod dominus papa ideo schismaticam et hæreticam faciat, ut destruat et confundat determinationem Ecclesiæ et regulam B. Francisci et religionem nostram: determinatio enim Ecclesiæ non est simpliciter eadem cum determinatione tua, ut de se patet cuilibet intuitu.

Ex his verbis arguitur Niteke auctor, cui non tam credendum, quam Minoritarum magistro adversus hæresiarcham pugnantem constat; præcipue cum in eo non Franciscani Ordinis, sed apostatarum hæreticorum patrocinium sumere videatur; et Franciscanæ religionis notissima pietas ab eo exigat, ut cum Geraldo potius quam Michaeli in hac re sentiat. Pergit Geraldus adversus Michaeli: « Item determinatio Ecclesiæ fuit a causa legitima; determinatio autem tua illegitima et prohibita, ut ostensum est superius. Item determinatio Ecclesiæ speciem habuit fidelissimam, puta quia non ultimat, sed remittit ambiguitates emergentes ad culmen Sedis Apostolicæ, per Sedem Apostolicam decidendas; determinatio vero tua plena est specie mala, ut dictum est supra, et est ultimata ac si universi Christi fideles tuæ tenerentur determinationi et sententiæ gene-

raliter a hærere: quare determinatio tua, n' tua est, hæretica potest esse, determinatione Sedis Apostolicæ Catholica remanente. In regulâ vero B. Francisci determinatio tua nec verbaliter, nec sententialiter continetur. Unde igitur habes nisi a patre mendacis? quod si opus tuum est hæreticum, sic opus B. Francisci opus Sedis Apostolicæ, vel potius opus Dei: regula namque nostra fuit B. Francisco divinitus inspirata. Unde igitur trahis nisi ab illo, qui in infernum te trahat post se, quod si facta tua sunt hæretica et confusa, quod ideo religio nostra et hæretica destructa et confusa? nonne vides quomodo religio nostra facta tua videt et condemnat? » Subdit Geraldus religionem Minoritarum non Michaeli hæretico, sed Christo innixam, medio B. Francisco « in fide, ut ait, et devotione, et obedientia, et reverentia, ac unitate sacrosanctæ matris Ecclesiæ », in eaque, quamvis Michael et socii errent, inconcussam permansuram. Hæc ille. Nunc adversus venenatam Michaelis et sociorum dogmata, Petri de Arreblayo tit. S. Susannæ presbyteri cardinalis doctrinam orthodoxam proferemus. Is enim consultus a Pontifice, sententiam suam in hæc verba deprompsit.

56. « Dicta Petri de Arreblayo tit. S. Susannæ presbyteri cardinalis.

« Est questio¹, utrum asserere pertinaciter, Christum Salvatorem nostrum et ejus Apostolos nihil habuisse nec in speciali nec in communi, sit hæreticum censendum ». Et aliquibus de hæretici descriptione interjectis, subiicit: « Hæreticus est qui non recipit quatuor Concilia vel contradicit. Ergo multo fortius qui contradicit Evangelis et canoni Bibliæ. Sed in multis locis sacre Scripturæ reperimus Christum habuisse aliquid. Ergo qui pertinaciter contradicit isto modo est censendus hæreticus. Quod autem Christus habuerit hoc probatur: habebat enim oculos, ut in *e. Exult*, et *xii. q. 1. c. Exemplum*, etc. *Habebat*; ubi dicitur, quod in oculis illis conservabat siti dacti et oblata, ut suorum necessitatibus, et aliorum indigentium subveniret debitis temporibus: et est Augustinus, et etiam hoc probatur. *Jo. xiii. cap. ubi* Christus dicit: *Quod facis, fac citius*; quidam enim existimabant, quod diceret, quod emeret cibus propter Pascha. Ergo concluditur, quod pecuniam habebat Christus unde emerit.

« Item certum est, quod habuit vestimenta *Matt. xxvii: Dixerunt sibi vestimenta mea, et super vestem meam miserunt sortem*, etc. Rem in transfiguratione: *Vestimenta ejus facta sunt candida sicut nix*, *Marc. ix.* Item de muliere: *Si tegero fimbriam vestimenti ejus*, *Marc. v.* et *Matt. ix.* Item quando lavit pedes, deposuit vestimenta sua et post resumpsit *Jo. xiii.* Item pisces et panes habuit *Matt. xiv. c.* Rem Apostoli habuerunt tunicas: *Qui non habet gualtum, vendat tunicam*

¹ Ms. Bibl. Vat. c. vii. num. 17. 60.

suam et erat gladium; fuit dictum Apostolis per Salvatorem nostrum Luc. XXI. Item et Apostoli emebant et vendebant : *Unde habebimus, ut emamus panes*.

« Item Paulus Apostolus propriis manibus laborabat et vendebat, ut haberet victum, Ext. de cen. *Cum Apostolus*, et de consecrat. di. ult. c. *Nunquam*. et XXI. q. 1. c. 1. ibi. *Ad ea, quæ mihi opus erant, et his qui mecum sunt, ministraverunt manus istæ* ». Et infra : « Item videtur, quod Apostoli saltem in communi haberent, xu. q. 1. *Dilectissimis*, et c. *Exemplum*. Et cap. *Expediit*. *Erant enim eis omnia communia*. Act. iv. Patet ergo, quod Christus habuit aliquando.

57. « Nunc arguo. Indefinita communis locutionis aequipellet universali; unde valet tantum dicere, Christus non habuit aliquid, sicut dicere Christus nunquam habuit aliquid. Sed istud est falsum, quia aliquando habuit aliquid, ut est probatum, quia plus negat negativa, quam affirmet affirmatio. Et ita dicere, quod Christus non habuit aliquid, dicit sacram Scripturam dicere falsum. Sed hoc dicere est hæreticum et mendosum, ut probatur. Ergo talis pertinaciter sic dicens est hæreticus.

« Quod autem dicere quod sanctum Evangelium, seu sacra Scriptura falsitatem contineat sit hæreticum, sic probo per c. ix di. etc. ». Multis ea de re cumulatim argumentis subdit : « Item si testis aliquid falsum in suo dicat testimonio, totam testimonii fidem partis mendacio decolorat. m. q. ix. c. *Pura*. Cum ergo Evangelistæ sint testes fidei nostre, si quid es-et falsi in dictis eorum et libris, totum esset testimonium suspectum, et sic dubium et sic facerent multos dubios in fide. Sed dubius in fide censetur hæreticus, Extr. de hæret. c. 1. Ergo, etc. Item Evangelium veritas appellatur, ut in c. Cum ex injuncto, Ext. de hæret. et de bapt. c. *Majores*; et c. *Deditum* : et est ratio, qua Spiritu sancto dictante scriptum; imo, ipse Spiritus sanctus scripsisse dicitur, ut habetur xxiv. q. ult. c. *Hæresis* etc. penult. et cum Spiritus effugiat fictum vel absurdum, hæreticum esset dicere, quod ipse scripsit, vel scribi fecerit, vel dictaverit aliquid falsum, cum sit Spiritus veritatis : et ad hoc possent induci jura c. *Si ex falsis instrumentis* l. n. et m. et Extr. de re ill. c. 1. et ext. de fide instr. c. *Inter dilectos*.

« Patet ergo ex prædictis, Christum habuisse et ejus Apostolos; et sic habuisse, quod in rebus, quas habuerunt, jus habebant : nam dicere, quod Christus habuerit et ejus Apostoli usum facti simplicem, communis modus loquendi sic dicere reprehendit; nam cum volumus dicere, quod quis faciat injuriam, dicimus hoc tit de facto; ita quod intelligimus, quod jure non fiat. Sed dicere quod Christus injuriose aliquid habuerit, dicit hæreticum : cum ipse sit verum jus, et vera justitia. Ergo concluditur, quod omnino jus habuerint in rebus, quas habuerunt ar. inst. de re

di. in prin. de oblig. q. ex di. nas. § *Placuit*.

58. « Præterea aut dicemus, quod Christus non habuit jus, aut dicemus quod habuit jus in rebus quas habuit : si dicamus, quod jus habuit, habebimus intentum : si dicamus, quod non habuit jus, expresse dicimus contra textum Evangelii et Biblie, quia jam probatum est Christum habuisse, et potuisse vendere et donare. Sed donare non potest, nisi habeat jus domini, quia dare est accipientis facere; quia si non esset dominus, non transferebat jus in alium. Ergo etc. nemo enim plus juris transfert in alium, quam ipso habeat fl. de acquir. re don in. l. *Traditio*. Ergo habet jus, quia aliter esset dicere Christum fuisse furem et baratorem et injuriosum, ut colligitur ex prædictis. Et ideo dico prout mihi videtur, Christum et ejus Apostolos habuisse jus in hoc quod habuerunt, et contrarium esse hæreticum et insanum; semper supponendo omnia correctioni vestre sanctitatis, et Sanctæ Sedis Ecclesiæ Romanæ ».

59. Tot argumentorum lucem ac nitorem obscurare nitentur adversarii, et Christum atque Apostolos quoad, ut aiebant, simplicem usum facti, non quoad jus et dominium ea, quæ referunt Evangelistæ, habuisse contendebant : tum Christum in habendis loculis imperfectorum personarum, perfectorum vero in abdicatione gessisse. In quos Petrus tit. S. Stephani in Cœlio-Monte presbyter cardinalis egit his verbis ¹ :

« Responsiones Petri cardinalis S. Stephani in Cœlio-Monte.

« Evangelium dicit simpliciter, Christum et Apostolos loculos habuisse. Ergo non licet alicui aliquid, propter quod dictum hujusmodi confundatur; quinimo debet quicumque fidelis Evangelium defendere et confirmare usque ad mortem et sanguinem, ut in præallegato c. *Sunt quidam*. Item quatuor Evangelia sunt inviolabiliter observanda, velut fundata in quadrato lapide fidei sanctæ xv di. *Sicut sancti*. Istud autem fundamentum est Jesus Christus Dominus Deus noster, ut in c. *Fundamenta* : et sic non licet aliquid addere vel minuere de Evangelio. Sed patet manifeste, quod iste, qui sic asserit, addit vel minuit aliquid de Evangelio. Ergo corruptor Evangelii merito potest dici : sicut illi Alogii dicuntur fractores et violatores Evangelii et verbi B. Joannis Evangelistæ, propter quod in canone hæretici judicantur, xxiv q. m. c. Quidam vi. *Alogii*. Sic recte talis asserens, sic addens vel minuens fractor merito potest dici, et per consequens sicut dicti Alogii hæretici judicari. Item nulla Scriptura debet præferri Evangelio et dictis Apostolorum, ix di. c. *Quis nesciat* : si enim aliquis dicat, quod aliqui sancti scriperunt, quod Christus et Apostoli habuerunt loculos propter imperfectos, hæc scriptura sanctorum non debet præferri Evangelio et dictis Apostolorum : imo Evangelium, ut

¹ Eod. Ms. Vat. sign. num. 5749, pag. 91.

supradictum est, servari debet usque ad mortem et sanguinem. Item cum sacra Scriptura legitur vel docetur, non secundum propriam virtutem ingenii debet intelligi, sed secundum sensum alienum; sed secundum sensum veritatis, et secundum veritatem traditam illis, quibus data fuerat primo ad servandum; sic loquitur c. *Relatum* xxxv di. Beatus autem Paulus et alii Apostoli, qui habebant istam legem a Deo, servaverunt eam secundum veritatem. Ergo secundum observantiam eorum nos debemus intelligere istam legem: et qui aliter intelligit, errat, quia secundum sensum alienum et non secundum observantiam Apostolorum: ipsi autem Apostoli servabant eam, oculos habendo, in communi servando, necessaria emendo, et secundum quod opus erat unicuique distribuendo, ut patet clare per supra allegata. Ergo asserens aliter eos servasse, patet manifeste, quod negat eos non ita servasse. Iste autem sic asserens est huiusmodi. Ergo est hæreticus censendus: si enim liceret cuilibet intelligere legem Evangelicam et Apostolicam secundum propriam intelligentiam, seu secundum proprium sensum suum, et quod dimitteret observantiam illorum, quibus lex data fuit, hoc esset subvertere legem, quod non licet: imo sic faciens hæreticus judicatur, xxiv. q. iii. c. fi. in fi. Item Lex et Evangelium continent jus divinum, in c. *Humani generis*, super quo iure divino et ejus observantia omnes fideles debent convenire: et si sit aliquis, qui non conveniat cum Ecclesia in observantia juris divini et legis Evangelicæ, hæreticus est censendus, xxiv. q. i. c. *A recta ergo fide* et c. *Heec est fides*. Ille autem, qui dicit, quod Apostoli non habuerunt aliquid in communi, non convenit cum Ecclesia, et deviat a fide; quia lex Evangelica dicit, quod habuerunt Apostoli aliquid in communi: quare patet quod talis est hæreticus judicandus. Item plus peccat ille, qui defendit et sustinet errorem per alium probatum, quam ille alius qui primo dicens errasset: quia talis defensor est illius erroris et damnabitur illo est, quia nedum iste secundum errat, imo errorem alius parat, et illius errorem confirmat; et ideo nedum hæreticus, imo potius hæresiarcha censendus est, xxiv. q. iii. c. *Quia aliorum de verbor. signif.* Super quibusdam iste hæreticus. Ergo etc. Iste autem affirmat illum non errare, qui errat et contra legem Evangelicam et contra Ecclesiam eandem legem servantem istum sic errantem defendit, et ejus errorem confirmat; et sic per consequens in dictis suis innuit, quod Ecclesia errat in eo quod tenet, quod Apostoli habuerunt aliquid in communi: ille autem qui credit vel asserit Ecclesiam errare, infidelis est et hæreticus xxi. di. c. *Quamvis* xxiv. q. i. *Loquitur*, et c. *Non turbatur*, et c. *Omnibus*, quare patet, quod hæreticus est censendus: Ecclesia enim nec errat nec errare potest, nec fides deficere, quia rogavit Christus, quod non deficeret fides Petri. In viam

autem collationis prædictæ dico sub protestationibus suprascriptis. Ego Petrus Sancti-Stephani in Cælio-Monte presbyter card. S. R. E. vicecancellarius. Cum vero adversarii, eorumque erroris sequaces Nicolai Constitutionem ad suam confirmandam opinionem in alienum sensum traducerent, ad ventilandam accuratius controversiam, consulti sunt præter cardinales episcopi; et doctores de vero ejus Constitutionis sensu disceptarunt: inter quos episcop. Aviciensis ita disseruit:

« Dicta episcopi Aviciensis.

« Ad illud quod dicitur in expositione regule fratrum Minorum, dicendum est, quod duo ibi dicuntur: primum est, quod abdicationem omnium rerum tam in proprio, quam in communi, Christus viam perfectionis ostendens verbo docuit et exemplo firmavit: secundum est, quod Christus infirmorum personam suscepit in loculis. Primum autem dictum, quantum ad hoc, quod dicit, quod Christus verbo docuit abdicationem omnium rerum tam in proprio quam in communi, et exemplo firmavit; non invenio alicubi scriptum in Evangelio, aut in cæteris Scripturis Novi Testamenti, et maxime quod ipse et Apostoli non habuerunt aliquid dominium, seu proprietatem in vestimentis et alimentis sibi datis, sed solum usum facti, remanente dominio, et proprietate penes alium». Et infra:

« Et mirum est quod ad probandum Christum et Apostolos sic fuisse pauperes et mendicos, quod nihil proprietatis et domini habuerunt in quibuscumque rebus, sed solum simplicem usum facti, adducuntur auctoritates sanctorum: cum primitivi sancti, quorum auctoritates adducuntur, SS. Augustinus, Hieronymus, Ambrosius, Gregorius, Basilus et ceteri nunquam distinxerunt in rebus, quæ usu consumuntur inter habere eas quoad dominium, et quoad simplicem usum facti: nec prædicti sancti, qui sicut veri et perfecti religiosi renuntiaverunt seculo, conati sunt tendere ad statum, in quo nihil habeatur in communi: imo summam paupertatem meritoriam reputaverunt illam, per quam sic renuntiatur seculo, ut nihil in proprio habeatur. Unde Basilus in regula sua x. c. dicit sic: Communionem vite perfectissimam hanc ego voco, a qua possessionum quidem proprietatis propulsa est, communia autem omnia. Ecce quod vitam communem perfectissimam vocat illam, in qua nihil est proprium, sed omnia communia; perfectissimo autem nihil est perfectius: unde relinquentes propria, quamvis sint in statu habentium aliquid in communi, vere tamen dicuntur nudi, et omnia contempsisse, et nihil præter Christum quærere: et in hoc sensu sunt intelligendæ omnes auctoritates sanctorum, loquentium de contemptu mundi et rerum temporalium. Unde illud, quod Augustinus dicit in Epistola ad Ebendam: Si vis esse perfecta, et in primæ stare fas-

taglio dignitatis, fœ quod fecerunt Apostoli : vale et vende omnia, quæ habes, et da pauperibus, et sequere Salvatorem, et nudam solamque crucem nuda sequaris; hæc enim nuditas exponitur per Hieronymum ad Nepotianum, qui dicit sic : Si non accipio parlem inter ea teras tribus, sed quasi levita et sacerdos vivo de decimis, et altari serviens, de altaris oblatione sustentor, habens victum et vestitum, his contentus ero, et nudam crucem nudus sequar. Vide ergo quod etiam clerici viventes de altari, si victu et vestitu sint contenti, nudam crucem sequuntur nudi. Similiter intelligendum est illud Augustini de catechizandis rudibus, ubi dicit sic : Omnia bona terrena contempsit Christus, ut contemnenda monstraret. Hoc enim solum intelligitur de contemptu rerum mundi, quæ in proprio possidentur, non de communibus bonis Ecclesie vel monasterii, quæ res non mundi, sed D. i. Unde Prosper de vita contemplativa : Possessiones, quas oblatas a populo su. cipiant sacerdotes, jam non sunt res mundi credendæ, sed Dei.

« Item illud quod dicit Hieronymus in tertia Epistola ad Heliodorum, quod perfectus servus Christi nihil habet præter Christum, aut si aliquid habet præter Christum, perfectus non est; et sic, ut videtur, qui habet aliquid in communi, perfectus non est, exponitur per Hieronymum ad Nepotianum, ubi dicit : Qui tantum Ecclesie bonis utitur, nihil habet præter Christum. Et Prosper : Qui tantum de bonis Christi, contrahendo omnem proprietatem, nihil in hoc seculo habere querit, quia hoc est possidendo contemnere, non sibi sed aliis possidere. Et simili modo sunt intelligendæ omnes auctoritates quorumcumque sanctorum, loquentium de contemptu mundi, et de renuntiatione bonorum temporalium, qui nunquam cogitaverunt, nec locuti sunt de aliquo statu, in quo sic contemnerentur ea, quæ sunt necessaria victui, quod in eis haberetur solus usus facti, proprietate et domino penes alium remanentibus.

60. Concludo ergo quantum ad questionem iussam propositam, quod dicere Christum et Apostolos nunquam aliquid habuisse in proprio vel communi, videtur mihi esse hæreticum; cum sit clare contra textum sacre Scripturæ. Dicere autem, quod in his quæ habuerunt, non habuerunt nisi solum usum facti, et nihil domini sui proprietas, non est : deo clare hæreticum, quia Scriptura sacra de hoc non loquitur pro vel contra. Quid ex in re a Joanne XXII fuerit definitum, tractat inferius. « Puto tam in, quod sit falsum et radix erroris periculosissimi, qui apud aliquos insurrexit; videlicet quod potestas et auctoritas Ecclesie, quam Christus commisit Petro et Apostolis, non manet apud papam nec apud prelatos, pro eo quod non sunt successores eorum; quia, ut dicunt, non imitantur vitam Christi et Apostolorum, nihil habendo in proprio vel in communi.

« Quod ergo dicitur in illa Decretali *Exiit quæ senon it*, quod Christus in loculis accepit per-

sonam infirmorum, originem habet a glossa, quæ habetur Jo. XII quæ dicit sic : Cui Angeli ministrabant, loculos habet in sumptus pauperum, condescendendo infirmis. Et istud potest exponi dupliciter : uno modo, quod Christus, cum esset Deus et homo, in quantum erat Deus, major erat Angelis, nec sic indigebat loculis : sed Angeli ut ministri obsequabantur ei; quantum autem ad naturam humanam, infirmus fuit et minor Angelis, et sic indiguit secundum cursum nature cibis et alimentis, sicut ceteri homines; et pecunia seu loculis, mediamentibus quibus vite necessaria emerentur. Infirmus ergo, de qua loquitur glos, prædicta, non sonat imperfectionem status, sicut alii argunt; sed notat conditionem humane nature pro statu mortali.

61. « Alio modo exponitur, quod infirmos appellat non illos, qui de loculis Domini vivunt; sed illos, qui scandalizantur, putantes scilicet imperfectionis vel minoris perfectionis esse de loculis Domini vivere : talibus enim infirmis condescendens seu compatiens Dominus, ne forte scandalizarentur, et majori perfectioni adscriberent, si viderent servos Dei loculos communes habere, et de illis vivere : ideo loculos habere voluit, ut esset aliis in exemplum, ut legitur 12. q. 1. c. *Exemplum accipite*. Unde Augustinus in 2. l. de sermone Domini in monte : Hoc autem vehementer cavendum est, ne forte, cum viderimus aliquem servum Dei providere, ne ista necessaria desint vel sibi vel iis quorum cura sibi commissæ est, iudicemus eum de crastino sollicitum esse; nam et ipse Dominus, cui Angeli ministrabant, tamen propter exemplum, ne quis postea scandalum pateretur, cum aliquem servum ejus animadvertisset ista necessaria procurare, loculos habere dignatus est; quibus portabatur pecunia, de qua usibus necessariis quidquid opus fuisset, præberetur; sicut Paulus Apostolus de crastino potest videri curasse, cum dicit 1 Cor. 16 : *De collectis autem, quæ sunt in sanctos, sicut ordinavi in Ecclesiis Galatiæ, ita et vos facite*; nec ad unum diem tantum videtur victus iste procuratus. Et in his et hujusmodi Scripturarum locis satis apparet, Dominum nostrum non improbare, si quis humano more ista procuraret; sed si quis propter ista Deo militet, ut in operibus suis non regnum Dei, sed istorum acquisitionem intueatur. Et sic patet, quod glossa non loquitur de infirmitate, quæ sonat imperfectionem status habentium loculos; sed loquitur de infirmitate illorum, qui possent scandalizari, cum viderent servos Dei, seu prelatos loculos habere ». Hactenus episcopus Aniciensis.

62. Primum solvenda hujus difficultatis modum attingit Hervæus in suo egregio Commentario, dum ad Minoritarum objectiones respondet ¹, Christum propter imperfectos habuisse loculos, nimirum propter nos, quorum natura imbecillis

¹ Ms. libl. Vat. sign. num. 3740. pag. 182.

adeo et imperfecta est, ut nullarum rerum subsidio sit sustentanda, et ad hæc subsidia infirmitatis nostræ comparanda loculi sunt necessarii : quibus absolute Christus Angelorum Dominus non egebat, et tamen huic humane imperfectiōi se accommodavit, dum loculos habere et humano more iis uti voluit : « Dicendum, quod quando dicitur, quod Christus habuit loculos propter imperfectos ; quod illa imperfectio, qua scilicet nos dicimur imperfecti in comparatione ad Christum, non dicit imperfectiōem privative dictam, scilicet carentiam perfectiōis nate haberi in statu viæ, quia necessitas naturalis habendi talia non potest secundum cursum communem tolli in statu viæ ; nec etiam necessitas procurandi secundum cursum communem, licet Deus posset miraculose tollere talem necessitatem : Christus autem cui ministrabant Angeli, et per creationem etiam poterat habere talia, non habebat necessitatem faciendi talem provisionem vel procuracionem. Et hoc expresse dicit Augustinus super illud verbum : *Nolite solliciti esse in crastinum*, Matth. vi » . Et infra ¹ : « Idem Augustinus dicit : Habebat Dominus loculos, et a fidelibus oblata conservans, et suorum necessitatibus et aliis indigentibus tribuebat. Tunc primum Ecclesiasticæ pecuniæ forma instituta est, ut intelligeremus, quod precepit non cogitandum esse de crastino, non ad hoc fuisse præceptum, ut nihil pecuniæ servetur a sanctis ; sed ne Deo propter ista serviatur, et propter inopiæ timorem justitia deseratur. Ecce expresse dicit, quod quando Dominus conservavit oblata pro suorum necessitatibus et aliis indigentibus, tunc forma Ecclesiasticæ pecuniæ instituta est. Sed forma Ecclesiasticæ pecuniæ instituta a Domino non diminuit de perfectiōe vite. Ergo nec reservare bona oblata in futurum pro suorum et aliorum necessitatibus. Dicens etiam ipse Augustinus, esse dictum : *Nolite esse solliciti*, etc. non esse intelligendum, ut nihil pecuniæ servetur a sanctis, sed ne Deo propter ista serviatur, et propter inopiæ timorem justitia deseratur ; manifeste ostendit, non esse interdictum per illud verbum omnem sollicitudinem de futuro ; sed excessivam præponentem temporalia spiritualibus, vel alia ultra mensuram debitam procurantem, etc. »

63. Illustrabitur magis non intelligendum imperfectos in genere moris, sed in genere imperfecti seu infirmi naturæ status, si quis perpendat Christum imperfectiones in genere moris suscipere non potuisse. Docet autem egregie Soranus episcopus Christum ingerenda imperfectorum persona tenuisse apicem perfectiōis ² : « Si dicatur, inquit, in eo quod loculos habuit, infirmorum suscepisse personam, ex hac adjectione non sequitur, sed firmatur eum et Apostolos habuisse aliqua in communi ; quamvis si dicatur, eum in hoc monstrasse infirma humanitatis assumpta, potest dici,

quod quidquid Christus gessit in carne et ut homo non ratione unionis ad Verbum, sicut quod fugit, fatigabatur ex itinere, esurivit et sitivit, quod fremuit, lacrymatus est et cætera talia ; completabat sibi ratione infirmitatis et naturalis imperfectiōis naturæ : permittebat enim naturam humanam, quæ sua sunt facere et pati : omnia tamen hæc stabant cum apice summæ perfectiōis in eo. Itaque sicut fugiendo egit, ut infirmus, quia puerili ætati convenit fugere minantem, ut dicit Chrysostomus ; in hoc nihilominus tamen etiam perfectis dedit exemplum, ut cum necessitas persecutiōis eveniret, fugere non erubescant, ut dicit idem Chrysostomus : Fugere, cum oportet, et quando, adhibitis aliis circumstantiis, est virtutis ; sic etiam quamvis portare loculos sit infirmitas humane, et non competet sibi ratione deitatis ; in hoc tamen exemplum dedit perfectis, Ecclesiæ videlicet prælatis, ut ad usus pauperum facultates Ecclesiæ possideant in communi » . Hæc ipse.

64. Consentiant cum Sorano episcopo Petri Columnæ diaconi cardinalis dicta, ita nimirum dici posse Christum in servandis loculis perfectorum personam sustinuisse, æque atque a Nicolao dictum esse imperfectorum in iis gessisse, eundem vero textum sacrum in varios sensus trahi posse exemplo confirmat ³.

« Constitutio, inquit, quæ allegatur in contrarium, *Exit qui seminat* ; manifeste dicit quod Christus habuit loculos, infirmorum infirmitatibus condescendens ; sed ex quacumque causa habuerit, habemus propositum, quia habuit loculos. Et forte dici posset, quod in hoc, scilicet in habendo loculos, non imperfectorum, sed perfectorum formam assumpsit ; quia perfectiōis et providentiæ fuit, suorum necessitatibus et egenis providere. Similiter et quod de fuga dicitur, quod infirmorum infirmitatibus condescendit, forte et hoc ipsum posset dici perfectiōis et virtutis esse, suo loco et tempore dare locum iræ, et non aggredi pericula : quod fecit Dominus, fecerunt et Apostoli, ut seipsos ad tempus aliud utilius reservarent. Non enim est verisimile quod Christus discipulis suis imperfectionem injunxerit ; et tamen dixit : Si vos persecuti fuerint in una civitate, fugite in aliam. Et super illo verbo Matthæi : *Si filius Dei es, mitte te deorsum* ; dicit Chrysostomus : Ad sanam doctrinam pertinet, quod cum homo invenit quid faciat, totum Deo non committat.

« Item auctoritatem illam : *Nolite solliciti esse*, aliter exponit Augustinus, aliter Hieronymus, aliter Chrysostomus. Augustinus de opere monachorum, pertractans verbum illud, dicit sic : Si hoc verbum Domini, *Nolite solliciti esse in crastinum*, ita intelligatur, ut nihil in crastinum reponatur, non poterunt ita servare qui se per multos dies a conspectu hominum separatos includunt, viventes in magna intentione orationum et con-

¹ Ms. bibl. Vat. sign. num. 3710, pag. 186. — Ibid. pag. 149.

² Ms. bibl. Vat. sign. num. 3710, pag. 109.

templationum. Et postea subdit : Si enim urgeantur ex Evangelio, ut nihil reponant in crastino, respondet : Cur ergo ipse Dominus loculos habuit, ubi pecuniam collectam reponeret? Cur tanto ante fame imminente frumenta sanctis patribus missa sunt? Cur Apostoli indigentiae sanctorum necessaria procurant? Quod patet etiam in multis sanctis patribus, praesertim in Abraham Isaac et Jacob et in Job, qui beatissimi in temporalibus, pauperes mente erant. Hieronymus autem exponit praedictum verbum : Nolite solliciti esse, etc. dicens sic : Sufficit nobis praesentis temporis cogitatio, ut futura, quae incerta sunt, Deo relinquamus. Chrysostomus autem exponit sic : Sic sufficit labor quantum ad superflua : noli de superfluis laborare etc. »

65. Ex hujus dictis patet discrepantes externa specie interpretationes unius dicti sive actus adduci posse, quae egregie conciliantur, si interpretationum mens spectetur. Non ergo ita illa Nicolai papae verba : *Sic infirmorum personam Christus suscepit in loculis*; accipienda sunt, quasi adaequalem hujus facti interpretationem ipse tradiderit, ac veluti in fidei judicio decretorum sententiam protulerit, adeo ut ab Apostolica discedat perfectione, qui loculos habuerit, uti Fraticelli acceperunt; sed Nicolai mens et consilium spectanda sunt. Is ergo, cum Minoritas in tradita a beato Francisco monastica vitae formula confirmare contenderet, eam primum protulit sententiam : « Dicimus quod abdicatio proprietatis omnium rerum non tam in speciali, quam etiam in communi propter Deum meritoria est et sancta; quam et Christus viam perfectionis ostendens docuit et exemplo firmavit ». Quae quidem sententia verissima est, hac interpretatione temperata, *omnium rerum*, intellige immobilium, ut Parisiensis ¹ Academia interpretata est; vel ut alii et doctores et episcopi et cardinales sunt interpretati *omnium rerum*; id est, non necessariarum ad vitam : cum enim sustentatio imperetur a Deo, absolute necessaria ad vitae sustentationem abdicari non possunt. « Secundum », inquit ² cardinalis Gaucelinus, « illud Hieron. in Epistola ad Rusticum monachum : Nudum Christum nudus sequere : sed non est multum vestitus qui pauperem victum habet, sine quo sustentari non potest ». Vel ut alii docuerunt, *abdicatio omnium rerum*, scilicet quoad curas nimias, quam explanationem adducit Bertraudus ³ tit. S. Mariae in Aquiro.

« Nec obstat, inquit, quod vita Christi fuit, quam verbo docuit et exemplo firmavit, non habere aliquid in communi nec in speciali, quia illud verum est quantum ad superfluitatem seu thesaurizationem; non autem intelligitur quantum ad necessitatem propriam seu aliorum quia tale ha-

bere, ut puto, non diminuit aliquid de perfectione paupertatis, ut credo, cum augeat de perfectione charitatis ». Harum vero interpretationum primam, quam attulere Parisienses, Joannem secutum visuri postea sumus; et sanxisse Nicolaum non intellexisse per hanc vocem, *omnium rerum*, omnia tam immobilia quam mobilia et necessaria ad vitam; sed tantummodo immobilia, quorum causa domorum, hortorum aliorumque hujusmodi ad Minoritas spectantium, jus ac dominium in Romanam Ecclesiam derivatum est, ut ii Christo et Apostolis in hujusmodi immobilium, quae nunquam illi acquisivisse leguntur, abdicatione non tam in speciali quam in communi, similiter viderentur : in quo Pontifices pio Minoritarum affectui sunt obsecuti.

66. Ex Nicolai sententiae interpretationibus enitescit, illam cum Evangelio conciliari; nec ullam difficultatem oborituram, maxime si quis Bertraudum cardinalem tit. S. Mariae in Aquiro secutus, Decretalem *Exiit*, ubi dicitur Christum et Apostolos abdicasse proprietatem omnium rerum non tam in speciali, quam etiam in communi, intelligendam sentiat ut fert moralis loquendi modus, quatenus maximo vitae flexu et frequentissime omnium rerum egeni et inopes fuerunt : ita flumen dici, quamvis aliquando ejus alveus exarescat; unde Christum habuisse loculos cum Nicolai sententia, eo sensu accepta, non pugnat : a quo quidem paupertas moraliter sumpta, quam Christus et Apostoli coluere, commendata est; non illa per nugaces dialecticorum argutias conficta, dum nimirum vocem *omnium rerum*, rigida et inepta distributione pseudominoritate pertinaciter contendere etiam vestis, potus et cibi proprietatem a Christo et Apostolis fuisse abdicatam. At qui dialecticis tricis irretiti vocem *omnium rerum*, in amplissimo significato, et non pro ratione moralis restrictionis accipere voluerunt; ad concilandum Evangelistam dicentem, Christum habuisse loculos, cum Nicolao ipsorum dicta ad varia tempora retulerunt cum semper Christum habuisse aut semper abdicasse non dicatur; inter quos cardinalis S. Cyriaci haec habet ⁴ : « Videntur ista duo se posse compati, scilicet Christum nihil habuisse, et Christum aliquid habuisse, hoc ad diversa tempora referendo; sed ad idem tempus non videtur ». Quam distinctionem multumplexi sunt posteriores, qui Joannis et Nicolai Constitutiones inter se consentire demonstrant ⁵. Idem vero cardinalis sensu thiereseos labe aspersos, qui nihil ullo tempore Christum in proprio vel in communi habuisse pertinaciter contenderent.

Affirmarunt quidem contrarium, sed non pertinaci animo, utpote decretis Ecclesiae assentiri parati, aliquot cardinales, nimirum Berengarius ⁶

¹ Parisien. stud. in fine tract. Ext. in Ms. bibl. Vat. sign. n. 57.0, pag. 248. — ² Apud Mss. bibl. Vat. sign. num. 3740, p. 90. — ³ Ibid. pag. 96.

⁴ Ms. bibl. Vat. sign. num. 57.0, p. 107. — ⁵ Turceer, de sum. Fecl. c. 112. B. E. de Rom. Pont. l. IV, c. 11 et alii. — ⁶ Ms. bibl. Vat. sign. num. 3740, pag. 103.

episcopus Tusculanus, qui Christum loculos, quoad simplicem usum facti, sed cum justum habuisse sentiebat; Bertrandus e Turre presb. card. tit. Martini in Montibus et Vitalis episcopus Albanensis; qui pluribus scriptis Minoritarum sententiam propugnauerunt: quorum ullius consulenti Pontifici hæc respondit ¹.

67. « Ego frater Vitalis epise. Albanensis respondeo in modum qui sequitur. Primo præmitto omnibus et singulis dictis meis illud, quod scribitur xxiv. q. i. c. *Hæc est fides*, ubi sic dicitur: Hæc est fides Catholica, papa beatissime, quam in Ecclesia didicimus, quamque semper tenemus: in qua si minus perite, aut parum caute forte aliquid positum est, emendari per te cupimus, qui Petri Sedem tenes et fidem. Si autem hæc nostra confessio Apostolatus tui iudicio comprobatur, quicumque me culpæ voluerit, se imperitum vel malevolum, aut etiam non Catholicum, sed hæreticum comprobabit. Prædictum capitulum duo continet evidenter, quæ in protestatione mea volo includi. Primum, est quod si in dictis meis forte aliquid ponam minus provide, incaute vel indiscrete, omnia per Christi vicarium corrigantur. Secundum est, quod quicquid per eundem Christi vicarium fuerit determinatum de prædicta questione et de quibuscumque aliis, maxime ad fidem pertinentibus, omnia volo simpliciter et indubitabili fide tenere; prompte et libere confiteri. Addo etiam ad præmissam protestationem, quod nihil intendo dicere aut scribere per modum assertio-nis; sed solum per modum collationis, quantum ex Scripturis sacris et ex dictis sanctorum probabiliter potero colligere. His præmissis, etc. » Et infra.

« Ad evidentiam dicendorum præmitto, quod perfectio simpliciter seu status perfectionis consistit in habitu charitatis interioris: in actu vero exteriori non consistit simpliciter, sed secundum quid et quasi per accedens: constat enim quod Joannes Baptista acriorem vitam in comedendo, bibendo, induendo duxit, quam Dominus Jesus; sic enim ait ipse Salvator Matth. xv: *Venit, inquit, Joannes non manducans neque bibens, et dicunt: Dæmonium habet. Venit Filius hominis manducans et bibens, et dicunt: Ecce homo vorax et potator vini*. Constat etiam quod multi martyres acerbiora tormenta passi sunt, quam Christus: nec propter hoc sequitur, quod Joannes Baptista aut aliquis martyr fuerit majoris aut tante perfectionis simpliciter, sicut Christus, quia ex majore charitate Christus passus est, quam omnes martyres simul; et ex majore charitate Christus manducabat et bibebat, quam Joannes abstinerebat.

« Dico itaque quod Salvator noster Dominus Jesus Christus, qui venit in mundum, ut viam salutis perfectis et imperfectis ostenderet, interdum personam infirmorum et imperfectorum as-

sumpsit: imperfectorum dico, quantum ad actum extrinsecum; puta habendo loculos, habendo dico modo prædicto, comedendo et bibendo de his, quæ apponebantur. Interdum vero, sicut exemplar summae perfectionis, perfectorum personam assumpsit, nullam proprietatem vel dominium in re aliqua sibi retinendo.

« Primum patet in illa Decretali, *Exiit*, ubi dicitur, quod Christus infirmorum personam accepit in loculis. Hoc idem patet per Hugonem super illum psalmum: *Bonum est confiteri Domino*; ubi sic dicit: Habebat Christus loculos, conformans se imperfectis: Paulus autem noluit sumptus accipere, sed gratis factus est minister, et invenitur Paulus magis aliquid fecisse quam Christus. Christus autem in numero imperfectorum inveniri voluit, ne præsumerent non accipientes, et confunderentur accipientes. Quod autem dicit Hugo, Paulum aliquid magis fecisse quam Christus, intelligendum est quantum ad actum extrinsecum, in quo, ut præmissi, non consistit perfectio simpliciter; non est autem intelligendum quod Paulus aliquid vel in aliquo magis fecerit, quam Christus, quantum ad habitum charitatis intrinsecum, in quo consistit perfectio simpliciter; sicut superius dixi, quod Joannes Baptista, quantum ad actum extrinsecum magis abstinuit, quam Christus, sed non abstinuit ex tanta charitate, ex quanta comedit et bibit Christus. Item Augustinus super illum versiculum psalmi: *Producens fœnum juvenis*, etc. dicit sic: Habuit, inquit, Dominus loculos, sed quia multi infirmi ista quesituri erant, in hoc infirmorum personam suscepit. Ex quibus patet, quod Salvator noster habendo loculos, infirmorum et imperfectorum statum assumpsit ».

68. Egregie quidem Vitalis indicavit Decretalem, qua ratione Christus infirmorum personam accepit in loculis, dum observat interdum ab actu externo commodo appetitui sensitivo quæpiam vulgo dici imperfectum, quia in statu naturæ lapsæ facile in vitium illius commodi illecebra deflectitur; perfectionem vero dici actum arduum ac difficilem naturæ sensitive: ita comedere, bibere, quæ ad gustum sapiunt, persecutionem fugere, habere loculos, imperfectorum actus dici vulgo; ut contra tolerare jejunia, vesci locustis et melle silvestri, pilis camelorum indui, saxum inhabitare, carere opibus et aliis his similia, perfectorum actus existimari: cum re ipsa in his perfectio non sit collocata, et Christus comedens esuriente Baptista fuerit perfectior. Ex quibus patet, eatenus habentes loculos dici imperfectos, quatenus loculis in natura lapsa homines facile abutuntur: cum aliunde his bene utendo, possint esse non habentibus perfectiores; atque ita fraterculos immerito Pontificem ac præsules ob divitias in crimen abjectæ perfectionis Evangelicæ vocasse.

Errabat vero in eo Vitalis, dum dixit Christum

¹ Ms. bibl. Vat. sign. num. 3710, pag. 3.

sicut exemplar summæ perfectionis perfectorum personam assumpsisse, nullam proprietatem vel dominium in re aliqua sibi retinendo: non enim, ut Hervæus¹ Ordinis Prædicatorum magister, doctores Parisienses² et Joannes papa arguunt, perfectionis exemplar dedit, nullo sibi in res quibus utebatur retento jure, præter simplicem usum facti, quod cum ipsis dignitate pugnabat, cum rebus uti juste deberet; sed in eo quod, cum rerum omnium jus ac imperium multiplices ob causas obtineret, rebus tamen fere omnibus caruerit, adeo ut victum alienamque domum ac necessariam suppellectilem piorum liberalitati accepta retulerit, ut perfectionis exemplo nobis præluceret. Contraria vero opinione imbuti erant plures, qui in eo perfectionis locabant apicem, dum rerum omnium dominium a se abdicasse jactabant, lautum vero et opiparum rerum usum consecrabantur: quorum jactantiam Angerius Carmelitarum, ut vocant, provincialis scriptis retudit³; ac non tam in ea abdicatione juris rerum, quam in paupere rerum usu, ex quo maceratur caro, et tumor mentis frangitur, paupertatem Evangelicam constare contendit. Superiora vero in hac de paupertate Christi controversia fusus afferenda duximus, ut pateant malevolorum calumniæ, qui Pontifices qui sedere Avenione præcipiti impetu animi fidei decreta edidisse temere effutunt.

69. Cum porro multe de Minoritis querelæ ad Sedem Apostolicam perferrentur, ipsos specie paupertatis Apostolicæ, qua cæteris religiosis Ordinibus antecellere jactabant, consecrari opes et lites iniquas Sedis Apostolicæ nomine, ad quam verbale et ænigmaticum, ut ait Joannes, rerum quas possidebant, dominium ex Nicolai Constitutione spectabat, intenderent; Joannes Constitutione, quæ inter Extravagantes a verbis, *Ad conditorem canonum*, exorditur, promulgata VI. id. Decembris hujus anni, dominium hujusmodi præter ea quæ ad sacra spectant, restituit Minoritis, vetuitque eos Pontificio nomine quemquam in litem adducere. Cujus facti plures rationes attulit in eadem expressas Constitutione, e qua has dumtaxat delibamus: « Talis, inquit, domini carentia re in præsentem, ac spe in futurum omni commodo denudati, quod paupertatem temporalem, quam altiore præ mendicantibus aliis in communi habentibus sibi vindicant dicti fratres, pauperem non efficit non habentem ». Et infra: « Adhuc ordinatio prædicta, (scilicet Nicolai papæ de reservato Sedi Apostolicæ rerum immobilium, non vero consumendarum usu, ut pluribus verbis probat), Ecclesiarum prælatis, et rectoribus et multis aliis gravis existere nimium et molesta monstratur. Numquid non grave præmissis potest existere, quod ipsos oporteat se Romanæ Ecclesiæ opponere, quæ ipsorum est domina et magistra;

ac cum ea agendo, vel defendendo litigare assidue vel cedere juri suo? Illic tamen oporteat facere cum in multis fratres prædicti existere dicantur injuri, sicut clamosa multorum prælatorum et rectorum diversorum, adhuc in curia existentium, habet insinuat. Qui quidem fratres facta sua palliare nituntur et defendere per procuratores, ab ipsis dictis sanctæ Romanæ Ecclesiæ constitutos nomine, etc. »

70. Exulceravit ea res pseudominoritas, et sua carpi a Joanne vitia impatienti animo tulere, effluentes subornatum ab æmulis religiosis Pontificem: atque omnium primus Bonagratia Bergomensis Ordinis procurator eam Constitutionem impugnavit, et provocationem ad ipsum Pontificem xxiv Januarii insequentis anni concepit, cujus formula a Nicolao pseudominorita affertur: deinde Michael Cæsenas a Romana Ecclesia deficiens, eo furoris prorupit, ut velut hæreticam pluribus calumniis insectatos sit edito execrando libro⁴, quem Pisis anno mcccxxviii, mense Aprilis, Indictione xi promulgavit, in quo vir apostata quinque errores in hanc Constitutionem impingit Pontifici, eumque maledictis dilaniat. Ludovicus etiam Bavarus, quamvis arma tantum tractare nosset, ab impiis tamen edoctus, plura adversus eandem sanctionem in suæ appellationis formula an. mcccxxiv effutit⁵, et crimine hæreseos Pontificiam majestatem obscure nixus est. Quas omnes calumnias Joannes insigni Commentario postea confutavit, ac veritatem et fidem orthodoxam suæ asseruit dignitati. Qua de re inferius fuse agetur⁶.

Ceterum ut exploratum est, apud pios Joannem non injuste memoratam Constitutionem, *Ad conditorem canonum*, edidisse, atque in ipsum impie insurrexisse Bonagratiam, Michaellem et alios, qui ipsum ob abdicatum Franciscani Ordinis rerum dominium postularunt crimine hæreseos; ita postquam extincta jam esset prætorum invidia temporum et calumniæ impiorum in Sedem Apostolicam sepultæ oblivione essent, Romani Pontifices pristina in Minoritis benevolentia officia explicere. Inter quos Martinus V restituta Decretali Nicolai, *Exiit*, et Constitutione Joannis XXII *Ad conditorem canonum* abrogata, dominium rerum ad Minoritas spectantium suscepit: quem plures alii Pontifices secuti sunt, ut ea singulari clientela tecti Minoritæ ad divinum cultum liberius incumberent: de quo Wadingus ad sui Ordinis defensionem agit⁷. Nunc ad aliam controversiam sermo traducendus est.

71. *Constitutio Pontificia circa susceptionem ordinis sacri post matrimonium ratum.*—Ad sedandos conscientiarum motus Joannes nonnulla alia, quæ erant a viris peritis controversa, dremisit; ac pro-

¹ Herv. in tract. suo Ms. cod. pag. 194. — ² Stud. Paris. p. 248. — ³ Ext. in Ms. sup. 3740. pag. 232.

⁴ Ext. in Ms. bibl. Vat. sign. num. 4008 apud Nicol. Minor. pag. 29, ad 75. — ⁵ Apud eund. Nic. Min. p. 47. — ⁶ An. Chr. 1329. num. 22. etc. — ⁷ Wadn. Annal. Min. tom. III. an. 1322. num. 61.

nuntiavit, nuncupatum solemniter in suscipiendis ordinibus sacris votum contractum antea matrimonium etiam nequaquam cognita uxore, non dirimere : ab omni tamen munere sacro sacerdotioque detrahendum, ac si sponsa virum petierit, ad peritendum matrimonium adigendum : si vero dissolvatur matrimonium, ac religiosam familiam inierit, sacerdotio perfungi posse, ac dignitate Ecclesiastica potiri. De quo subjecta Constitutio edita ¹ :

« Joannes, etc. ad futuram rei memoriam.

« De fratrum nostrorum consilio presenti declaramus edicto, quod licet votum solemnizatum per sacri susceptionem Ordinis quam tum ad impediendum matrimonium contrahendum, ac ad dirimendum, si post contractum fuerit, secundum statuta canonum sit efficax reputandum ; ad dissolvendum tamen prius contractum, etiamsi per carnis copulam non fuerit consummatum, cum nec jure divino nec per sacros reperimus canones hoc statutum, invalidum est censendum ; auctoritate Apostolica districtius inhibentes, ne quispiam, durante matrimonio, nondum etiam consummato, aliquem de sacris ordinibus presumat suscipere, nisi prout sacris canonibus noverit convenire. Quod si secus a quoquam forsitan attentatum fuerit, ordinamus quod nec matrimonio dissoluto in sic suscepto Ordine ministrare, nec ad superiores provehi, nec ac aliquod beneficium aut officium Ecclesiasticum valeat promoveri, nisi aliquam de religionibus approbatis, quarum professio ad castitatis custodiam, et abdicatorem temporalium, et sui superioris obedientiam suos professores adstringat, ipsum canonice contigerit ingredi, ac ejus regulam expresse vel tacite profiteri : quo casu diocesanus super prænissis et singulis prænissorum cum eo dispensare valeat, nisi sit aliud canonicum, quod obstat. Ad ingressum hujusmodi sic ordinatum (si matrimonium consummatum non fuerit) per diocesannum instanti moneri precipimus et induci : quod si forsitan renuerit adimplere, ipsum si sponsa ejus insisterit, per censuram Ecclesiasticam compellendum decernimus, contractum matrimonium consummare. Nulli ergo, etc. Dat. Avinione kalendas Decembris, Pontificatus nostri anno VII ».

Illic licet definita sint, tamen repertus postea est Petrus e Corbaria, qui etiam post matrimonium consummatum, uxore relicta, Minoritarum familiam ingressus, non modo ad sacerdotium irrepserit, verum pseudopontificatum invaserit, ut dicitur inferius.

72. *Coerciti nonnulli impostores in agro Picensi.* — Grassati sunt in Italia nonnulli impostores, qui ad emungendas a simplici populo pec-

cunias, foedissima spargebant in vulgus mendacia ; et quamvis sacris ordinibus non essent initiati, sacras tamen exhomologeses excipiebant, ac dissolvendorum votorum, nostrarumque expiandarum auctoritatem sibi impie arrogabant ; quos Pontifex a Picensibus episcopis reprimi jussit ¹.

« Joannes, etc. venerabilibus fratribus universis episcopis per provinciam marchiae Anconitanæ constitutis.

« Dolosi quidam mendacii fabricatores et stolidi, qui fratres hospitalis de Altopassu Lucanæ diœcesis se faciunt nominari, perversorum operum sectatores, ac multa falsitatis cono fedati, per partes ipsas, sicut nuper accepimus, discurrentes, nonnulla enormia et nefanda, ut alios decipere, et ab eis pecuniam et alianequiter extorquere valeant, publice prædicare presumunt. Ipsi vero, quorum unus Bartholomæum de Luca, alius Nicolaum Florentine vel Senensis diœcesis, et tertius Bartholomæum de Mutina se faciunt nominari ; iniquitatem quasi aquam bibentes, seque falso dicentes diversis nostris et Apostolicæ Sedis privilegiis fore munitis, ad prædicationem eorum per excommunicationis sententiam alios venire compellunt, illam in impediendo eos proferunt impudenter, et eis dantibus auxilium, vel favorem, certam indulgentiam largiuntur. Super omnibus autem votis, præterquam ultramarino, cum eis, qui vota emisissent hujusmodi, dispensare præsumunt, a restitutione incertorum ablatorum bonorum, necnon et a fratricidio et quovis alio homicidio, ac reatu perjurii, dummodo certa eis summa pecuniæ persolvatur, indifferenter absolvent. Et quamvis fidem viri mendaces laici fore noscantur, tamen ad confessionem eorum recipiunt confiteri volentes, et illis beneficium absolutionis impendunt ; absolventi alios tam a pœna quam a culpa, habere plenariam potestatem a nobis mendaciter asserentes : et ut facilius adhibeatur fides mendacii et prædicationibus eorundem, non sine multa temeritate moluntur asserere, quod in eorum hospitali centum missæ quotidie celebrantur ; puellæ pauperes, quæ ad ipsum confluent hospitali, de bonis hospitalis traduntur nuptui memorati, nec affirmare verentur quod in eodem hospitali ducentæ sunt puellæ de bonis hujusmodi maritandæ : et quod terribilius est auditui, quamdam Bullam ad similitudinem ejus, qua nostræ et Apostolicæ Sedis litteræ solitæ sunt bullari, se fingunt habere, in qua verus sanguis et aqua, qui de sacratissimo Salvatoris Dei et Domini nostri Jesu Christi effluerunt latere, conservantur ; et alia incredibilia velut amantes affirmare non metuant, quæ seriem longæ narrationis exigent, si oporteret illa per singula recitari, etc. Dat. Avin. kal. Julii, an. VI ».

¹ An. 7. p. 1. Ep. cur. v. Ext. etiam in Arch. S. Ang. et in Ms. bibl. Vall. sign. lit. D. num. 1, pag. 12. Ext. et Extrav. Antiq. de vot. et vot. redempt. et inter coll. Plat. tom. 1, pag. 381.

¹ Tom. III. Ep. secr. pag. 108.

JOANNIS XXII ANNUS 8. — CHRISTI 1323.

1. Pontifex pro Christianis in Tartaria degentibus agit apud Usbec Tartarorum imperatorem.

— Discutiendæ caliginis gentilitiæ superstitionis anno a redempto orbe millesimo trecentesimo vigesimo tertio ¹, Indictione sexta, desiderium concepit Gedominnus Lithuanie et Russiæ rex: redintegrata ² ab Orosio Serviorum rege intermissa diu cum Romana Ecclesia conjunctio: Armeniæ interioris populi ad fidem, a qua deflexerant, revocati ³: promota in India, Perside ac Tartaria religio; de qua cum sentiret optime Usbec imperator, ejusque studio in dies effloresceret, Saraceni pietatis Christianæ hostes infensissimi, quos Damordam regem Tartarum Mahumetica infecisse impietate atque in Christianos efferasse, superiori anno vidimus, imperatoris aures obsedere, ne campanas a Christianis ad divina peragenda pulsari pateretur; atque in eam ferociam in urbe Soldaya exarsere, ut concitata seditione Christianos pepulerint, eorumque templa divini Numinis cultui consecrata, Mahumetico ritu profanarint. Quo accepto Christi vicarius, ut religionem ab impiorum injuria vindicaret, imperatorem barbarum ad reprimendos Saracenos, tum ad Christiana sacra amplectenda adducere hisce litteris, quarum exemplum quinto ante anno, nonnullis immutatis miserat, nisus est ⁴.

2. «Magnifico viro Usbec imperatori Tartarorum illustri, divinæ inspirationis gratiam in præsentem, et fruitionis æternæ gloriam in futuro.

«Lætante audivimus, quod tu, non absque speciali motione divina, ob reverentiam omnium Creatoris, religionis Christianæ cultores infra imperii tui terminos constitutos, benigno favore prosequeris et pertractas; hoc in te ac per te agente illo, qui pro sua voluntate bona, in nobis velle et perficere operatur; quique vult omnes homines salvos fieri, et ad agnitionem pertingere veritatis. Nos igitur, qui principis Apostolorum Petri (quem Christus ad cælum ascendens in terris suum vicarium reliquit, regni cælestis traditis sibi

clavibus, per quas ipse suiique successores potestatem aperiendi omnibus, et claudendi ejusdem regni januam obtinerent) successor sumus sola Dei patientia, non nostris meritis constituti, animas Deo lucrificare super omnia cupientes, et errantes in viam veritatis reducere, ut ipsum agnoscant Deum vivum et verum omnium conditorem, qui de tenebris nos vocavit, atque utinam te ac tibi subditos populos vocare dignetur celeriter in admirabile lumen suum; magnitudinem tuam rogamus et hortamur attentius, et per illius misericordiam obsecramus; qui te ad suam fecit imaginem sui que capacem: qui mortis et inferni claves obtinens, cui claudit nemo aperit, et cui aperit nemo claudit; quatenus prudenter considerans, quod vita nostra vapor ad modicum parens esse dignoscitur, quodque nostri dies transeunt velut umbra, saluberrimam fidei Catholicæ veritatem (quam sacrosancta Romana servat, prædicat et docet Ecclesia, sine qua creatori Deo est impossibile complacere) reverenter amplectens cum subiectis tibi populis per sacramentum et sacramentum undam Baptismatis, per quam ut filii simus Dei accepimus potestatem, spiritaliter regenereris in Christo; ut sic ab ipso regni cælestis coronam incorruptibilem una cum ipsis populis consequi merearis.

«Verum quia ipse Christus, qui est veritas, favores et bona, quæ suis exhibentur cultoribus, personæ suæ exclamat et reputat esse facta; celsitudinem tuam in Domino deprecamur, quatenus ad Christianæ fidei professores, qui dominationis tuæ et subiecti tibi imperii terras inhabitant, et maxime qui prædicant inibi verbum Dei, sic tuæ benignitatis affectum continues, ipsos operosis favoribus prosequendo, quod tuæ defensionis protecti clypeo cujusquam offensionis molimina non formident; quin potius assiduæ securitatis dulcedine valeant gratulari.

3. «Cæterum cum, prout accepimus, ob divini reverentiam nominis, Christianos predictos campanas, ad quarum pulsationem ad divina convenire possent officia, dudum per aliquod temporis spatium habere ac pulsare libere permisisses; contra postmodum inimicorum Christi, qui quan-

¹ Tom. IV. Ep. secr. pag. 12. — ² Tom. III. Ep. secr. pag. 263.

³ An. 7. p. 4. Ep. con. DCCCLVIII. — ⁴ An. 8. p. 1. Ep. con. XXXIV.

tum possunt, licet supervacue, non desinunt suae iniquitatis jacula jacere contra ipsum, fraudulenta seductus instantia, campanas pulsandi predictas eis interdicti fecisti, ut asseritur, facultatem; rogamus denuo, ut suggestiones hujusmodi, quæ de ipsorum sentina venenosa procedunt, omnino despiciens, Christi cultores eosdem præfatas habere ac pulsare campanas, pro divini honore nominis, permittas sine difficultate aliqua et concedas.

« Demum quia in Christianorum angustiis, tribulationibus et pressuris non possumus anxie non torqueri, dolenter andivimus, Christianos in civitate Soldaye noviter degentes, esse noviter de civitate ipsa per Saracenos ejectos, et campanis de Ecclesiis ipsorum depositis, Ecclesias ipsas factas esse mesquitas. Nos autem ad Christianos ipsos, tanquam paterad filios præcordialis habentes compassionis affectum, adhuc preces adjicimus precibus; et a celsitudine tua, quam per hujusmodi pietatis opera penes Deum et homines crescere cupimus, petimus et ob reverentiam ejus, qui bona uniuscujusque opera cum mercede compensat opima, præfatos Christianos, ut præferatur, ejectos facias in dictam civitatem ad inhabitandum inibi regredi, et restitutis eis dictis Ecclesiis et campanis, ipsos Domino nostro Jesu Christo, quem colimus, intrepide obsequi et servire permittas; sciturus indubie, quod quanto per plura pietatis et charitatis opera ad Christianos ipsos oculos tuæ propitiationis extendes, tanto suaviores intentiones thurificabis Domino, et gratiora sibi offers holocausta. Speramus enim in Domino, quod ex hoc tibi vitæ præsentis augmenta provenient, nostrique Redemptoris immensa benignitas, qui nunquam irremuneratam bonum aliquod prætermittit, ad sui nominis gloriam agnoscendum oculos tuæ mentis facilius suæ lucis splendoribus illustrabit. Dat. Avin. V. kal. Octobris anno, vii ».

4. *Armenis contra Saracenos opitulatur Pontifex pecunia et adhortationibus ad eos missis.* — Prosequi magno honore Romanum Pontificem solitos Tartarorum imperatores, Christianosque adversus Saracenorum impetus lueri, superius vidimus. Certe hoc anno Boyssethan imperator a Pontifice excitatus, rei Christianæ a Saracenis in extremum adductæ exitum in Armenia, submissis in nostrorum auxilium viginti equitum milibus, dum Occidentales mutuis se cædibus conficiebant, salutem attulit. Sed antequam de his agamus, quæ prius gesta percurramus. Adjutum plurimo iere a Pontifice Leonem Armenie regem ad sustinendos belli Saracenicis sumptus, docent inter cætera litteræ datæ ad Petrum patriarcham Constantinopolitanum et Geraldum Beneventanum archidiaconum litteræ¹, quæ triginta aureorum millia in rem Christianam periclitantem in Armenia vertere jussit: quantum vero dolorem ex illius vastitate accepisset, operamque ad confuenda auxilia conu-

lisset, Armenos præsules hisce litteris certos fecit¹:

« Joannes, etc. archiepiscopis et episcopis per regnum Armenie constitutis.

« Relato mutorum, quos charissimus in Christo filius noster Leo rex illustris, et dilecti filii nobiles viri Ossinus comes Curchi et gubernator, cæterique barones, ac populus regni Armenie cum ipsorum litteris imper ad nostram præsentiam destinant, nos profecto cibavit absinthio, nosque felle potavit merito; per illam plenius intellecto, quod barbarica feritas Christiani nominis invida persecutrix, vos et alios Christi fideles Armenos, utique invictos fidei Catholicæ pugiles et Christianæ professionis fervidos defensores, ac ipsum Armenie regnum immaniter persequi non veretur; et vestrum ac eorum sanguinem sificens, infert stragem corporum debilem, horrenda committit genera scelerum, et rerum addit execrabiles vastitates, quæ præsentialiter nobis recensere per singula, prout scripsistis, ea ratione omisimus, quia vobis tanquam nimis dira, prohi dolor! sagittatione percussis, renovare nolumus vulnera, quibus et nos vehementer offensi porrigere nitimur opportuna in Domino solidationis unguenta ».

5. Addit ut mox, ex fratribus adeo nuntiis horrore perfusus, cum cardinalibus magno studio de submittendis Armeniæ pecuniarum in sumptus bellicos subsidii deliberavit; omnesque Occidentales reges, principes ac populos propositis sacris indulgentiarum præmiis ad conferendas suas in tam justa causa opes fuerit adhortatus. Tum Armenos ad defendendam fidem, despiciendaque pericula indulgentiarum spe excitavit; omnemque operam, ac studium ad retundendos barbaros pollicetur. « Quocirca, inquit, jam mundo notior et cunctis sæculis celebrem fidei vestre ac Armenorum ipsorum constantiam sinceris in Domino laudibus commendantes, universitatem vestram rogamus et hortamur attente, quatenus memoratos regem, gubernatorem, barones et populum dicti regni Armeniæ, quibus super his specialiter scripta nostra dirigimus, inducere ac monere curetis, ut contemptis barbaricæ hostilitatis impulsibus, nullam in eorum umbralili terrore potentiam habituris, non deserant inceptum ejusdem fidei, quæsumus, pro perfidiæ superatione certamen; sed conatus suos animorum viribus roborantes viriliter, pro ejus nomine ac honore concertent, qui moriendo vincens pro humani generis redemptione certavit. Licet namque barbarorum ipsorum multiplex numerus dictos Armenos in præsentem excedere videatur; novit tamen Altissimus, suæ causæ defensor unicus, ejus insuperabili dextera multos in paucorum manu concludere, et prospero tantis persecutionibus dato fine, potentiam plurium virtutis unico brachio superare. Denique cum pro illo mori vite gloria sit perennis, summus operum bo-

¹ Tom. III. Ep. Secr. pag. 266.

¹ Tom. II. Ep. Secr. pag. 267.

norum omnium opifex per eventum omnem sic beati certaminis eos felices faciet jam victores. Ad hoc subjungimus, vos in virtute Domini nostri Jesu Christi rogantes, monentes et obsecrantes attente, ut et vos, in quantum in vobis fuerit, hujusmodi victoriæ sperate negotium totis affectibus prosequentes, secundum gratiam vobis a Deo traditam, assistatis eisdem pro nostra et Apostolicæ Sedis reverentia auxiliis, consiliis et favoribus opportunis, etc. Dat. Avin. kal. Aprilis, anno vii ».

6. Victi prius a vitiis fuerant Armeni, quam a Saracenis vincerentur; ascriptaque est illata ab impiis vastitas diviniæ justitiæ, quæ eorum tanquam sævissimorum carnificum opera ad sumendas de Orientalium Christianorum flagitiis pœnas usa est: atque ideo, cum ad propulsandum barbarum nullum potentius auxilium foret, quam iratum divinum Numen morum conversione ad misericordiam inflectere, Pontifex eosdem præsules Armenos aliis litteris ad fideles a vitiis deterrendos, munerisque pastoralis partes strenue obeundas excitavit¹.

« Venerabilibus fratribus archiepiscopis et episcopis per regnum Armeniæ constitutis.

« Non dubitamus quin vos, in quorum mentes et animas superna bona charismatum defluerunt, percipiatis sensu et intellectualiter videatis, quod Deus noster et Salvator æternus Dominus unigenitus Dei Patris filius Jesus Christus, qui in cælis habitat et dominatur in terris, hominum peccatis offensus prelatos interdum delirare permittit et principes, regna inter se suo Marte colligere, ac gentes consurgere invicem, adversantes pro libito, ac fideles ab infidelibus cruciari. Hinc profecto guerrarum discrimina prodemul, rerum vastitas provenit, personarum cædes producuntur et vulnera, contingunt cruenta mortis exitia; et quod, prohi dolor! dolemus amarius, animarum ploranda pericula subsequuntur. Ex quibus ipse Deus, utique Dominus ultionum, bona remunerans et mala non deserens impunita, punit ut corrigat delicta parentum in filiis: vindicat ut compescat prelatum et principum scelera in subiectos.

« Quia igitur memoratus Salvator noster, qui dominatur super cunctos prelatos et principes orbis terræ, vobis sicut et Catholicis cæteris mundi prelatibus adscriptis dignitatis contulit apicem, et ut serviatis eidem, illum quam obtinetis super commissum populum vobis tradidit potestatem; universitatem vestram requirimus, monemus et hortamur attente, quatenus ad præmissa velut Catholici, velut justis et divini timidi ultionis vestrorum dirigatis aciem oculorum, decernentes inter dexteram et sinistram, ne summe potens ipse Dominus jam ex peccatis humanis factus impatiens et provocatus in iram illatas offensiones atque injurias durius ulciscatur per immensitatem regno Armeniæ, aliisque regnis confinibus Agarenorum persecu-

tiones et bella, imo tormenta lartarea. Si pensatis per quod in vobis (offendatur Deus) ad id ipsum solerti cura vestro commissos regimini inducturi, peccata præterita emendationis condignæ suffragio corrigere studeatis; et in futurum juxta gratiam vobis a Domino præstitam vigilantem atque salubriter cohibere sic, quod sub timore cælestis gladii serviatis Deo, cui omnia serviunt, sibi que offeratis justitiæ holocausta, vivendo innocenter et juste, et in aequitate ac pace dictos regendo populos, puniendo crimina, et conatus ac ausus excedentium reprimendo, rationem villicationis vestræ in supremo judicio reddituri; quod idem Salvator noster adversus peccantium jacula tam pœnitentia cordis, quam operis satisfactione placatus, dignetur in vobis, ac eisdem commissis populis misericorditer servare quod præstitit, nec velit perire crudeliter quod creavit: sit vobis et commissis hujusmodi populis contra ipsos adversarios persequentes ex alto victoriæ, sit de cælo veniens fortitudo; et peccatorum cordibus directis ad Deum ejus misericordia ineffabilis auferat formidines hostium, et pie conferat temporum gaudia tranquillorum: circa hæc illud inter cætera, quantum in vobis fuerit, specialiter provisuri, quod salutaribus Ecclesiæ Romanæ prohibitionibus et præceptis sine transgressione servatis, cautelam vigilem impendatis, ut victualia vel utensilia quæque prohibita, per aliquos Christianos in contemptum ipsius prohibentis Ecclesiæ, et totius Christianitatis profecto jacturam, ex permissione vel conniventia vestra, seu ministrorum et subjectorum vestrorum nullatenus deferantur ad barones, qui ex illorum fulcramento superbiunt, ad quorum exterminium plus aspirant.

« Præterea ut circa ista, quæ affectibus nostris interne præponderant, in quantum nobis ex Altissimi pietate permittitur, sollicitudinis et diligentie studium impendamus; subjungendo mandamus, ut tam charissimum in Christo filium nostrum Leonem regem Armeniæ illustrem, cui super his specialia scripta nostra dirigimus, quam alios barones et dominos temporales, et Christi fideles alios dicti regni, vestræ speciali gubernationi commissos, opportune ac importune inducere, monere curetis pariter et hortari, ut salutaribus in hac parte monitis et exhortationibus piis vestris se laudabiliter conformantes, et agnoscentes ex culpe reatu se tanquam pœna demersos fore persecutionis barbaricæ hujusmodi reorum Ninivitarum more, qui per exaggeratæ penitentiae meritum ultionis divini sententiam evitarunt, tam per hoc, quam per orationum imploranda suffragia, et alia pia condignaque opera charitatis, ac bonæ de cætero vitæ frugem, sic in divinatorum præceptorum semitis diviniæ sententiæ ambulant, quod Deum Creatorem et Salvatorem nostrum, injuria humanæ fragilitatis offensum, merito sibi placent: vos vero, tanquam lucerna super candelabrum positi, vestris subditis exemplares sic virtutum sermone ac opere

¹ Ad. 7. p. 1. Ep. Cyr. XI.

vos ipsis exhibeatis exemplum, quod vestra laudabilis actio sit instructio reliquorum; indeque finaliter salus patrie desiderata proveniat, sique vobis apud Altissimum fructus operationis ad gloriam, et felix tanti negotii exitus, nostro et Apostolice Sedis praeconio extollat prudentiae vestrae famam. Dat. Avin. kal. Aprilis, anno vii ». Hortatus est aliis litteris Leonem ¹ regem Armenie, Ossimum ² conitem Curchi ac regie procuratorem, proceresque ac populum, ut vitæ maculas delecent lacrymis, flecterent ardentissimis precibus ad misericordiam iratum divinum Numen, denique genere pro Christi nomine pericula adirent.

7. *Armeni in Perside et in Armenia minori ad fidem orthodoxam invitati.* — Emergere porro e tenebris perditionis Armenie inferioris populi, divinae tandem luce collustrati litteras et oratores ad Romanum Pontificem misere, ut incorrupte fidei formam a Sede Apost. veluti purissimo fonte peterent. Delibutus itaque Joannes magno letitiae sensu Apostolicum studium, ad revocandos ad gremium Ecclesie Armenos, qui in Perside versabantur, contulit; legavitque in Persidem Guillelmum magnae religionis virum, quem Soltaniensem archiepiscopum creavit: et Constantinum patriarcham Armenorum ad conjungendam cum archiepiscopo in ea re operam, zelumque in animarum salute promovenda explicandum incitavit ³.

« Venerabili fratri Constantino patriarchae Armenorum.

« Agimus in humilitate spiritus devotas laudes domino Deo nostro quod, sicut inferioris Armenie populi, quos in tenebris et umbra mortis diutius ambulantes antiquus hostis in sagenam incluserat cecitatis, nobis per litteras eorum et nuntios insinuare curavit ipse misericors et miserator Omnipotens, qui secundum multitudinem suam, *Nolo mortem peccatoris, dixit, sed ut convertatur et vivat*; antiquum ab ipsorum oculis velamen cecitatis abducens, ad prospectum veri luminis, hoc est, ad Christianae fidei jubar et Evangelicae veritatis lineam, a qua exorbitantibus non est salus, juxta quod sacrosancta Romana mater Ecclesia mater omnium et magistra fideliter profitetur et praedicat, revocavit. Nos autem ex his spiritualium gaudiorum ubertate relecti, et sperantes in misericordia Domini, quod non subsistet, nec abbreviabitur in his tantummodo manus ejus, sed votorum nostrorum feliciter diriget pro sui laude nominis ad ulteriora progressus; ad praedicandum verbum vitae populi Armenorum imperii Persidis, qui quamquam tibi in spiritualibus obediunt et intendunt, a doctrina tamen Ecclesie Romanae degenerant; et ad reducendum eos in semitam veritatis, et ad lucrificandum Christo animas eorumdem, ad instar illius, qui *spiritus suos Angelos facit, et ministros suos ignem urentem*; venerabilem fratrem

nostrum Guillelmum Soltaniensem archiepiscopum, Christianae fidei zelatorem, qui dictae fidei ardore succensus maris et terre pericula libenter ob Christi nomen perferre se oblitus, ad plantandum et irrigandum in partibus illius novae plantationis hortum, incrementum dante Domino, destinamus.

« Et quia favores tuos, cooperationes et studia, velut praelati Catholici et in partem Apostolice sollicitudinis ad convertendas ad salutem animas evocati, fore noscuntur ad felicem hujusmodi plantationis effectum plurimum opportuna; fraternitatem tuam rogamus et obsecramus in Filio Dei Patris, in remissionem tibi peccaminum suadentes, quatenus prudenter attendens, quod divina ac Apostolice Sedis gratia inter tantos tamque diffusos populos Ecclesiastica dignitate praefules, ut retribuas domino deo tuo pro his, quae tribuit ipse tibi, calicem salutis quem tibi propinamus accipias, et speciales nuntios tuos et litteras ad Armenos ejusdem imperii Persidis una cum eodem archiepiscopo destinate procures: qui Armenos ipsos ex parte tua solerter inducant, salubriter alloquantur et moneant, ut eundem archiepiscopum ob reverentiam Apostolice Sedis et nostram devote recipiant, et verba vitae ac fructum salutis aeternae, quem eis praedicando et exhortando pollicebitur; tenaciter eorum mentibus intigentes ad viam veritatis, quae Christus est, et ad salutiferam Ecclesie Romanae doctrinam, ad quod summopere te decet annili, antiquis relegatis erroribus, se convertant; sique in melius atque salubrius praesentis seculi stadium Christo auxiliante percurrant, ut vitae perennis bravium comprehendant. Tu vero, qui ad revocandas ab erroribus tot populorum animas ad salutem, te cooperatorem et auditorem tam optime mercedis efficies, praeter benedictionem et gratiam, quas a nobis et a matre tua Sede Apostolica consequeris, Deo gratissimum offerres holocaustum; per quod caelestem tibi cumulabis gratiam, mercedem aeternam tibi proculdubio repensuram. Dat. Avin. kal. Junii, anno vii ».

8. Eodem pene exemplo conscriplas litteras Leoni regi Armenie misit ⁴, ipsumque hortatus est, ut ad reponendam divino Numini pro acceptis ab eo amplissimis beneficiis gratiam, amplificandamque in minori Armenia fidem suos oratores ac litteras ad populos, qui recens Evangelica luce collustrati fuerant, mitteret, ut archiepiscopo ab Romano Pontifice legato obsequerentur, atque a constantiam in religione Christiana excitaret. Complexus porro est Joannes Apostolica benignitate Franci-cum e Perusia, Guillelmi Soltaniensis archiepiscopi praedecessorem, qui dignitate discesserat, eamque procuratoris opera Sedis Apostolice curae commiserat, quo liberius caelestium rerum contemplationi vacaret. Haec enim Pontifex in lit-

¹ Tom. III. Ep. secr. pag. 268. — ² Ibid. — ³ An. 7. Ep. com. DCCCLXVIII.

⁴ An. 7. Ep. com. DCCCLXIX.

teris, quibus ejus votis assensisse significat, addit: « Tibi de Sedis Apostolicæ benignitate utendi apud Græcos et fideles, in quorum partibus pro salute fidelium et ampliatione Catholice fidei conversariis, pontificalibus insigniis in divinis officiis et locis competentibus, absque tamen usu pallii, sicut uti consueverat ante hujusmodi cessionem; necnon benedictionem populo in eisdem locis more pontificum largienti, dummodo legatus Sedis Apostolicæ, aut aliquis archiepiscopus vel episcopus præsens in benedictione hujusmodi non existat; plenam et liberam auctoritatem præsentium concedimus facultatem, etc. Dat. Avin. kal. Junii, anno vii ».

9. *Armenia defensa a Tartaris contra Saracenos.* — Insigne hic in Armenios divine providentiæ exemplum silere non possumus, quæ cum ad vindicandam eorum scelera Saracenos tolerasset, iis jam ad pietatis cultum revocatis, ac præteritis sceleribus sacra penitentia expiatis misericordiae non oblitæ, Tartaros in Armenorum auxilium commovit. Repressa itaque hoc anno Saracenorum rabies, cum expertam toties Tartarorum potentiam formidaret, sollicitatum ad defendendos Armenos a Pontifice luis-e Bosseytham imperatorem, superioris anno divimus. Contrariis etiam studiis Tartari ac Saraceni, cum utraque natio ad orbis imperium anniteretur, dissidebant. Addicta præterea a lapsis retro temporibus clientelæ nomine magno Chamo erat Armenia a Leone rege, qui magnis cladibus eorum ope Saracenos attriverat; ductusque amplitudinis suæ et gloriæ tuendæ desiderio, Armenorum suscepit patrocinium, ac soldanum Babylonium a lacerandis Armenis imperii Tartarici clientibus sibi temperare jussit: paruit mox soldanus, ac subjectas pacis leges admisit, quæ in Regesto Pontificio præfixo hoc titulo descriptæ sunt¹:

« Nova de partibus ultramarinis habita per litteras mercatorum de societate Bardorum ab eorum sociis morantibus in Cypro, data Famagustæ die ultimo Maii proxime præteriti, redacta de Turco idiomate in Latinum, prout melius fieri potuit. Continetur in litteris ipsis capitulum in hæc verba:

« Habemus de novo, quod fertur per litteras habitas hic de partibus Armeniæ, quod concordia inter soldanum et Armenos facta est ad requisitionem Tartari, qui dicit Armenos esse suos homines. Pro qua faciendâ Tartarus ipse misit ad soldanum duos ejus admiratos, quolibet ducem decem millium equitum, multos ut concordaret cum Armenis, alias illos ipse dedenderet, ob quod dicitur, quod concordia facta est in hunc modum. Soldanus debet habere ab Armenis tributum consuetum anno quolibet, quod est duodecim centena millium denariorum, per annos, quorum denariorum singuli quatuor computantur

pro uno bisantino albo de Cypro. Et ultra hoc debet habere medietatem directus commercii Layacii et portellæ, et medietatem salinarum: et a flumine versus Syriam debet habere unum bisantium auri vetus anno quolibet pro quolibet homine a viginti supra. Et soldanus non debet tenere aliquam fortaliciam in Armenia, et debet facere refici expensis suis castrum Layacii, et omnem aliam fortaliciam, quam destrui fecisset in Armenia, ita fortes ut erant, vel melius. Scribitur etiam, quod Catholicus Armenie, qui erat Alappi in Syria, iuxta de mandato soldani, ad ipsum apud Caurum ad firmandum cum ipso concordiam supradictam: nescitur tamen adhuc per quantum tempus; nam quidam dicunt per tredecim, quidam per quatuordecim annos. Quando certiora super his habebimus nova, illa vobis instanter significabimus. Placeat Deo. quod sit ad bonum statum Christianorum. Nec hucusque ista notoria sunt, nec erunt, quousque dictus Catholicus in Armeniam sit reversus ».

10. *De Syriacæ expeditione consilium inter regem Gallie et Pontificem.* — Certiorem paulo post nuntium de pace Armeniæ restituta accepit Pontifex, ac rem Carolo Francorum regi significavit: « Ceterum, inquit, ad gaudium celestidini regiæ nuntiavimus tibi dignis reatibus noviter accepisse, quod sub tributo annuo quinquaginta millium florenorum, soldano per Armenos more solito persolvendo, pax est inter eos pro annis quindecim reformata, et in eis partibus publicata: itaque Armeni propter guerram prougi ad propria sunt reversi. Quæ quidem pax ab Armenis acceptabilis reputatur, etc. Dat. Avin. id. Novembris, anno viii ». Agitasse Carolum Galliarum regem consilia de expeditione in Orientem, ad liberandam et Saracenorum tyrannide Armeniam adornanda, ostendunt tum Apostolicæ ad Leonem regem Armeniæ, Ossinum comitem Carchi, atque omnes regum ordinis datæ litteræ², quibus ipso excitat ad confirmandos ad constantiam animos ac frangendos hostis impetus, dum Carolus Gallie et Navarræ rex florentissimum in hostem exercitum comparabat; tum legationes a rege de ea causa ad Pontificem missæ, quibus ad Sedem Apostolicam Petrus episcopus Vivariensis, Robertus Bononiæ comes, Ludovicus comes Clarimontis et Richardus e Montmoranciensi perfuncti sunt³. Egrege etiam affectus ad sacrum illud bellum videbatur Carolus Valesiorum comes⁴ regi patrui: quocirca Joannes scriptis ad Galliarum archiepiscopos et episcopos litteris Eneyelicis⁵, in quibus a Damorda, Tartaro, Aramano, Turco ac Babylonio soldano Armeniæ clades illatas, indictumque a soldano bellum Henrico regi Cypro ob submissa Armeniæ auxilia describebat; Pontifici nomine expeditionem sacram denun-

¹ Tom. IV, p. 2. Ep. ser. pag. 89.

² Tom. III, Ep. ser. pag. 278. — ³ Ibid., pag. 199. — ⁴ Ibid., pag. 286, 288, 291.

tiare, et pio ardore ad arma fideles concitare jussit.

Misit¹ etiam VII kal. Jun. Guillelmum archiepiscopum Viennensem, ac Dominicum Ordinis Prædicatorum ad aulam Gallicam, ut de pactis nomine Ecclesiæ cum rege incundis agerent. Cumque archiepiscopus Viennensis nuntius Apostolicus Carolo Galliarum regi Pontificium de vindicanda e servitute Saracenorum Terra-Sancta consilium exposuisset, rex ejusque patruus dux Valesiorum expeditionis suscipiendæ ingens desiderium præ se tulere, et quæ a nuntio erant proposita, in deliberationem revocarunt. Proposuerat² vero archiepiscopus, Sedem Apostolicam lagitare, ut si dux Valesiorum expeditioni sacræ se devoveret, quatuor cataphractorum equitum, quindecim peditum millia cum cæteris omnibus, qui spontanea pietate adiuventi se illi conjungerent, duceret: tum ut is princeps quinquennio toto in Terra-Sancta bellum Saracenis inferret. Quare a regis sanciore militari consilio in examen adducta, missi a rege ad Pontificem oratores exposuere, turpe fore si rex, aut princeps parente rege oriundus, bellum illud susciperet, nisi tot copiis instructus eo contenderet, ut in campo contra hostes stare posset; viderique ad id saltem equitum cataphractorum decem millia desiderari, cum soldanus sexaginta equitum cataphractorum millia conflare possit: verum cum rex ac Valesiorum dux spe essent imbuti, victoriam polius Dei auxilio, quam multitudine copiarum niti; liberandæque Terræ-Sanctæ incredibili cupiditate tenerentur, arduum illud opus suscepuros, suaque omnia in ea collocataros expeditione, modo Pontifex quatuor illis equitum, et peditum quindecim millibus bellicos sumptus sufficiens curaret: quos quidem subductis rationibus ad sex decies centena millia librarum Turonensium ascensuros constabat. Tum adjecere oratores, ut cum liberandæ Terræ-Sanctæ provincia omnes Christianos tangeret, æquum non esse, ut sumptus bellici e Galliis tantummodo haurirentur; viderique ea onera in omnes fideles, ad quos ex æquo injuria nominis Christiani pertinet, cum laicis tum clericis partienda. Quibus postremis Pontifex his verbis respondit Carolo³.

11. « Utinam, fili charissime, omnes viri Catholici mente perciperent, profiterentur ore et opere adimplerent: sic onus cujuscumque leve existeret ac suave: sic utique prompte posset et facilliter eripi Terra prædicta, quantum humana nosse sinit fragilitas, de manibus impiorum. Quis enim nesciat, quod contra Redemptorem nostrum committitur, in omnium injuriam redundare? Quis rursus ignorat, Christicolarum omnium interesse, Terram illam Sanctam ortus Redemptoris ejusdem gratia illustratam, conversationis decoratam præ-

sentia, passionis beneficio et sui pretiosi aspersione sanguinis consecratum; quæ violentè per Agarenos detinetur immundi-simos occupata, quæque eorum immunda contrectatione polluitur; de ipsorum manibus eripi, et ad Christicolarum manum, ad ejusdem Redemptoris nostri laudem et gloriam, ac consolationem ingentem fidelium revocare? Profecto hæc non debent ignota fore fidelibus intentibus ratione.

« Sane, fili charissime, circa præmissa difficultas quadam nobis et dictis fratribus in uno se obtulit, et in alio impossibilitas se ingressit. Numquid non difficile tractari cuilibet onus, quod pro dicto negotio ad ipsum debeat pertinere, summamque prædictam sexdecies centena millia librarum Turonensium dividere inter omnes? Utique videtur difficile nimis nobis. Numquid non, et si hoc posset fieri, exequi impossibile videretur? Proculdubio nobis et prædictis nostris fratribus sic videtur, etc. » Addit ad sustinendos bellicos sumptus, quæ ex decimis, piorum elemosynis pro indulgentiis comparandis collatis, legatisque a fidelibus relictis regi expeditionem ducturo tribuentur tanta esse, ut nulli unquam principi majora sint oblata: nec revocandum in dubium, ut si dictarum copiarum numerum conscripserit, tot ex omnibus regnis provinciisque equites peditesque ad ipsius signa convoluturos, suisque se sumptibus sustentaturos, ut plures forte, quam opus sit, concurrere videantur. « Dat. Avinione VII id. Sept., anno viii ».

Reversi a rege nuntii Apostolici, iterum mense Novembri ad eum sunt dimissi¹, pluraque agitata consilia; quæ omnia demum evanuerunt. Publica quidem pax, quæ omnino ad rem perducendam erat necessaria, turbata cæpta: in Belgio² enim concitati populares motus, ac de principatu etiam inter Ludovicum comitem et Robertum patruum disceptatum in aula Gallica: verum in gratiam Ludovici ex legibus initii cum Roberto comite fœderis, de quo suo loco a nobis dictum est, lata sententia³. Exortæ etiam hoc anno Gallos inter et Anglos novi belli causæ⁴, cum Eduardus Aquitaniam Gallo regi acceptum ritu solemniter referre detractasset.

12. *Minæ Saracenorum in Cyprum cui Pontifex opitulatur.* — Explicuit vero in bello Armeno egregiam operam Henricus Cypri rex, ac rem Christianam, inmissa adversus Saracenos valida classe, egregie juvit, pluresque Armenos ab extremo exitio hostiumque servitute vindicavit: quam ob rem laudibus ipsum extulit Pontifex, hortatusque est, ut ad præclare gesta provehenda incumberet. Cæterum graviore in Henricum iras concepit soldanus Babylonius, ac superbe minas in eundem regem effudit, arma se ad excinden-

¹ Tom. II. Ep. secr. pag. 200. — ² Tom. IV. p. 2. Ep. sec. p. 10. — ³ Ead. Ep.

¹ Tom. IV. p. 2. Ep. secr. p. 51, 52, 53, 54, 55, 56. — ² Jean. Vill. I. IX. c. 221. Meyer, in Lud. Hist. Fland. — ³ Vill. eod. l. c. 184. Meyer, in Lud. Niv. — ⁴ Walsin. in Eduard. II.

dum Cyprum conversurum. Ad quam defendendam Pontifex, ea de re certior factus, sexennales sacerdotum Cyprum decumis in bello sacro collocandas adversus Saracenos Cypro Armeniave propulsandos attribuit, præmiaque indulgentiarum prælium in tam justa causa iuribus adiecit: tum regem ad conciliandam sibi optimis operibus divinam misericordiam, quæ Cypriorum læcessita criminibus erat, excitavit.

« Joannes, etc. charissimo in Christo filio Henrico regi Cyprum illustri.

« Displicenter audivimus rugitus damnabiles horribilis bestię, nefandissimi videlicet soldani Babylonici, hostis Christianitatis infestis, qui contra te, fili charissime, ex misericorditer impensis pro Armenis his diebus subsidis plus solito dicitur irritatus, minasque graves arroganter tibi propterea intulisse. Profecto, fili charissime, dummodo vię tuę, populique tui Domino exercituum sint acceptę, illius perditionis filii, qui venundatus est, ut faciat malum, minas non expedit nimium formidari: sed quanto se contra Factorem suum plus erigit et extollit, quantoque in membrissuis acrius ipsum disponit persequi, tanto debet ejus ruina vicinior fiducialiter præstolari: si aulem sibi tuę tuorumque subditorum semitę sunt infestę, nisi ipsas per cordis contritionem, confessionem oris ac satisfactionem operis duxeritis corrigendas, est ex præteritis multipliciter formidandum, quod ultionum Dominus per infideles hujusmodi de vobis disposuerit se ulcisci.

« Quocirca serenitatem regiam monemus, rogamus et hortamur attente, quatenus tu et tui subditi vias vestras studeatis cum omni diligentia perscrutari; et si qua inveneritis, quę divinę possint oculos offendere majestatis, ipsum placare, quantum in vobis fuerit, studeatis cernui remediis opportunis; ut si convertere dignetur in misericordiam, quod forsitan disposuerat ad vindictam. Et quia per eos, qui Christi redempti sanguine ipsum, qui pro nostra redemptione crucifigi, et subire tormenta voluit, quantum in eis est, iterum crucifigere molientes, in divinę majestatis opprobrium, animarum suarum periculum, et orthodoxę fidei detrimentum crucis blasphemis subsidia, cum quibus impugnant Christicolas, ministrare præsumunt, Rex ipse cęlestis merito provocatur acrius ad iracundiam et vindictam, etc. » Gravissime admonet, ut eorum avaritiam ardentem comprimat, qui arma invehunt Saracenis, quibus ipsi postea Christianos opprimunt. « Datum Avinioni V. id. Aprilis anno septimo ». Justis-imę quidem ultionis iras in Christianos Deus effundebat, dum ipsos nis armis peti patiebatur, quę Apostolicis Constitutionibus violatis, cæca conticiendę per fas nefasque pecunię cupiditate Saracenis porrexerant; ut aliis litteris inculcat Henrico regi Pontifex, non expectanda alia a serpentibus, quos alant in sinu, præmia, quam ut ab iis mortiferis morsibus lanientur:

nefarium cum Saracenis commercium Armenis exitum altiusse, nec leviores Cypro clades invecturum. Ad deterrendos porro ab eo flagitio pœnarum gravitate fideles, Joannes editas in Concilio Lugdunensi in eos, qui arma vetustasque merces Saracenis invehere, renovavit¹; ac patriarchas ceterosque præses earum severitatem in criminis participes dstringere jussit².

13. *Controversias inter Armenos et Cyprios sedare studet Pontifex.* — Sopita nondum erat vetus discordia inter Henricum Cyprum, atque Ossinum Armenię reges olim magno rei Christianę periculo disceptata, quę cum felici fœdere concilianda speraretur, sublato repente Ossino, perducı ad exitum pacis tractatus non potuerat: redintegrata tamen postea tum Latinorum, tum Armenorum præsulum opera fuerat inter Henricum, ac Leonem Ossini filium ejusque tutores, qui suos in Cyprum oratores ad illam conjungendam summa auctoritate instructos miserant³: necdum tamen bene coaluerat, cum in nonnullis capitibus, in quibus de sanciendis damnis agebatur, novę dissensiones exortę essent: cujus rei culpa, ut ferebat fama, ad Armenos pertinebat. Pontifex igitur Petro designato patriarchę Jerosolymitano, Aymerico episcopo Paphensi, ac Mauritio Hospitaliarum equitum in Cyprum et Armenię regnis magistro provinciam dedit, ut ad extinguendam discordiam, et utriusque populi animos artissimo amicitie fœdere devinciendis incumbere: tum auctoritate ad omnia, quę rei perficiendę conducere, prestanda ipsos munivit. Revocabatur vero in dubium⁴ an Isabelle Amaurici Tyri domini viduę, atque Henrici ejus filii, qui in carcere apud Armenos obierant, mors initam olim inter Ossinum Armenię et Henricum Cyprum reges concordiam diremisset; cum in eo tractatu plures leges⁵ ad Isabelle et liberorum gratiam continerentur, quę iis extinctis perducı ad exitum non poterant. Consulenti itaque patriarchę Jerosolymitano Apostolicam Sedem, respondit Pontifex⁶, ut rem ex æquitate componeret, censuque Henricum regem præstiti sacramenti religione solutum novas cum Armenis fœderis leges sine perjurii labe conficere posse.

« Joannes, etc. charissimo in Christo filio regi Cyprum illustri.

« Cum⁷ sicut nobis, fili charissime, significare curasti, de certis conventionibus habitis inter te et inclętę memorię Ossinum regem Armenię firmiter observandis olim præsteritis juramentum; super quibus, multis exortis postmodum dubiis fuisse et esse non modicum expediens asseratur, quod per viam tractatus amicitie super eisdem conventionibus et dictis ex eis ortis dubiis procedatur, an juramento hujusmodi non obstante

¹ An. 8. p. 1. Ep. cur. 1. — ² Ibid. Ep. cur. II. — ³ An. 7. p. 1. Ep. cur. XII. et tom. III. Ep. secr. pag. 271. — ⁴ An. 7. p. 1. Ep. cur. XXII. — ⁵ Tom. III. Ep. secr. pag. 271. — ⁶ An. 7. p. 1. Ep. cur. XVI. — ⁷ Ibid. Ep. cur. XVI.

potueris et possis secunda conscientia tractatum super praemissis inceptum inter te et eundem regem, ac quondam Isabellam dominam Tyri et Henricum ejus filium prosequi aut alium si necesse fuerit inchoare, supplicando tunc super hoc providi conscientia, nos consulere curavisti. Ad quod tibi breviter respondemus, quod cum super observatione praedictarum conventionum dubia, sicut asseris, sint exerta, ex quibus, nisi per tractatum dilucidarentur hujusmodi, formidantur scandala verisimiliter (sicut accepimus) suboriri, nec juramentum iniquitatis vinculum esse debeat, eo non obstante, potuisti ac potes super tractatu jam incepto procedere, vel etiam inchoare, cum propter hoc contra juramentum a te super praedictis praestitum venire minime videaris. Dat. Avin. V. id. Aprilis anno vii. Denique ipsum est adhortatus¹, ut patriarchae et Paphensis episcopi consiliis obsequeretur. Nec modo cum Armenis, sed etiam quod Rhodiis equitibus² ac Genuensibus³ alias controuersias exercebat; quarum conciliandarum provincia iisdem patriarchae et episcopo a Pontifice demandata est.

Sumpsisse hoc anno divinum Numen justum de Genuensibus, qui conflata decem trirremum classe in mari piraticam exercebant, ac nulla aequi et iniqui habita ratione Christianos et infideles spoliabant, supplicium refert Joannes Villanus⁴. Onusti itaque amplissimis spoliis et opibus, cum se ad satrapam Turcarum Cerabi Syontinum ut amicam contulissent, barbarus, ipsos dolo intercepte ac praedatores diripere meditatus omni officiorum genere in terram pellexit; cumque ii splendido et opiparo convivio accumberent, suos extemplo in illos irruere jussit. Cesi itaque vel servituti mancipati, tresque tantummodo ex dieb. trirremum numero barbarorum manus in eo tumultu efugere (1). De his mentionem facit S. Antoninus⁵, atque illud divinum oraculum in eos inorque: *Vae qui praedaris, nonne et ipse praedaberis?* Quod porro ad Turcas attinet; infestabant adeo maria Orientalia, ut tutus Christianis accessus non pateret: quae res Venetos adduxit, ut conflata validissima classe ea purgarent maria, quorum Turcae imperium, occupatis insulis, inva-

serant atque ad Rhodum ipsam excurrerant. At de religiosa alia in Turcas expeditione dicetur inferius: nunc ad Servios schisma exuere praestiterantes sermonem traducimus.

14. *Orosium Serviae regem ad Romanam Ecclesiae conjunctionem redeuntem litteris et legatis prosequitur Pontifex.* — Aggregavit¹ se hoc anno Romane Ecclesiae Orosius S. rviae rex, ac veteris Graecorum schismatis dampnandi desiderium explicuit: quem felicem nuntium Sedi Apostolicae primus attulit Philippus Tarentinus princeps, ejus filiam Blancam Orosius uxorem deposcebat, armaque et regni vires Philippo ad recuperandum Constantinopolitanum imperium offerebat. At Philippus, utpote singulari studio Ecclesiae addictissimus, antequam affinitatem cum Orosio contraherent, Christi vicarium consulit; cui a Joanne redditum hoc responsum: « Valde gratum et placidum gerimus, si alias de tua voluntate processerit matrimonium memoratum, dum tamen, prout ex ipsorum nuntiorum tuorum narratione letanter accepimus, praefatus rex una cum clero, nobilibus et populo regni sui schismatice pravitate detersa rubigine solidetur, ut cupere dicitur, in firma petra Catholica fidei, et integretur orthodoxae matris Ecclesiae unitati, aliaque compleat, quae tuae magnitudini pro faciliore acquisitione Constantinopolitanum imperii obtulit, sicut habet nuntiorum assertio praefatorum ».

15. Convertit mox Apostolicum zelum Pontifex ad Serviorum cum Romana Ecclesia conjunctionem perficiendam: cumque Orosius memoratum Philippum rogasset, ut qua pollebat apud Sedem Apostolicam gratia et auctoritate, nuntios Apostolicos in Serviam legandos curaret, qui obnoxios sibi populos fide Catholica eruerent; Pontifex id munus contulit Bertrando Brundisino archiepiscopo, Bernardo e Parma canonico Adversano et Joanni Dominici Ordinis Praedicatorum theologo, quos ad Philippum Tarentinum, Joannem Achaiae principes et Carolum Calabriae ducem Siculi sceptri heredem misit², ut ipsum ad rem praecclare gerendam consiliis instruerent. Orosio vero regi paratos venientis paternos amplexus significavit, fideique orthodoxae formam, quam ipse ac Servii essent professuri, proposuit³:

« Joannes, etc. magnifico viro Orosio regi

¹ Tom. III. Ep. secr. pag. 271. — ² Ead. p. et an. 7. p. 1. Ep. cur. XXI. — ³ Tom. III. Ep. secr. p. 271. et an. 7. p. 1. Ep. cur. XXI. — ⁴ Jo. Vill. l. ix. c. 217. — ⁵ Anton. III. p. tit. XXII. c. 5. § 9.

¹ Tom. III. Ep. secr. pag. 266. — ² Ibid. — ³ Ibid. p. 263.

(1) Quae hic narratur in Annalibus de prodicione in classem Genuensium instituta correctione aliqua indigent. Primo igitur classis, quae Genuensibus Ecclesiae partes sequentibus instructa fuit tum in Graecos, tum in Genuenses Ghibelinos, qui Peram incolabant. Cum vero Graeci cum Ghibelinis juncti classem amassent oppositum illi pugnam evitantes excurrerunt in Pontum Euxinum tenentesque Cibeam portuosam Sinopolum societatem cum Turca principe ejus Urbis invenerunt. Ille prodicione omni simulans ex reproposito tandem Genuensibus incautos oppressit, cepitque ex eorum trirremibus sex; quatuor reliquae evaserunt; sed cum armis indederent, visum est Genuensibus et discrimine servatis una e quatuor trirribus incendio absolvere et tres reliquae probe armis vincerentur ad pugnam. Narrat haec G. ornus Stella vetustus Genuensium Annalium scriptor, qui opus suum ad annum usque MCDXXXV perduxit, videlicetque illud Muratorius (loc. cit. l. vii. tom. XVII. Hinc discas errasse Joannem Villanum scribentem lib. 9. cap. 216, tres tantummodo trirremes evasisse incolunt. Errat vero planius annalista cum urbem hanc Tarentum Spontium appellat; quasi vero apud geographos omnes non constet Spontium nomen esse urbis in Apulia; Spontis vero, alio nomine Sinopolis, urbs erat portuosa ad Euxinum, quae tunc imperio Turcae subdebatur, ut opportune scribit Rogerius monachus Ordinis Praedicatorum in annotationibus nonnullis geographicis, quae Gallice traditas legitur in opere inscripto *Recueil de divers voyages curieux*, tom. II. col. 6. Rogerius iste germanus inclita Rogerii Bichonis ex parte superioris saeculi ferebat.

Servie illustri, gratiam in præsentī, quæ perducatur ad gloriam in futuro.

« Nuper dilectus filius nobilis vir Philippus princeps Tarentinus, claræ memoriæ Caroli regis Sicilia: filius, per gratos suarum litterarum affatus et speciale nuntium nostro apostolatuī reseravit, quod Deo patre luminum ad veræ religionis zelum prius præparante tuæ mentis affectum, eidem principi per litteras et nuntios expressisti, quod dilectæ in Christo filiæ nobili mulieri... natæ ipsius coniugi desideras fœdere conjugali; et quod abjurata et dimissa erroris schismatici vetustate, cum clero et nobilibus, totoque populo regni Serviciæ sacrosanctæ Ecclesiæ Catholicæ corpori redintegrari, et ad unitatem veræ fidei orthodoxæ reduci, ac religionem ejusdem fidei, veramque doctrinam Patris et Filii et Spiritus sancti, quam tenet, docet et prædicat sancta Romana universalis Ecclesia, devotis et piis mentibus profiteri, ac inconcusse et inviolabiliter desideras custodire; ut sub pastore Apostolico, cui Pastor ille cœlestis in persona B. Petri Apostolorum principis pascendas oves post suam resurrectionem commisit non extra sed intra ovile Dominicum doctrinis salutaribus imbuaris; ab eodem principe, per litteras et nuntios deposcendo, ut per suæ intercessionis instantiam obtineret ad tuam præsentiam a nobis apocrysiarios destinari in veritate Catholicæ fidei eruditos, qui velut pacis Angeli, te dictosque clerum, nobiles et populum salutari doctrina ejusdem fidei informarent.

16. « O quam gratum nostris id occurrit affectibus! Quam acceptum cum gaudio exultationis ingentis, quod tam nobilis ovis, a caula Dominicæ pascuæ segregata, cum clero et populo dicti regni Apostolici pastoris directa vehiculo ad ovile Dominicum et unitatem ejusdem Ecclesiæ revehatur. Hoc etenim quod totis visceribus, quod etiam in ipsis missarum solemnibus a Domino petimus incessanter, ut videlicet sacrosanctam Ecclesiam unicam sponsam suam toto orbe terrarum adunare dignetur; ut eadem Ecclesia, servans in membris suis omnibus unitatem, per fecunditatis augmentum in multitudine latius extendatur; et Dominica luce perfusa per orbem totum radios suos protendat: ut iidem radii servantur in corpore, rami ejus ab arbore non cadantur, nec ipsius rivi præcendantur a fonte: ut sic, ejusdem Ecclesiæ unitate integraliter conservata, unum sit corpus ejus nullam membrorum suorum patiens sectionem; una origo et una mater fecunditatis successibus copiosa, quæ fideles Deo servet et filios regno, quos generavit, assignet.

« Ecce igitur, devotione tua hujusmodi patefacta, commota sunt viscera paternæ pietatis in filios; et velut perfusi ingentibus gaudiis super drachma perditam, reinventa, et pro errantibus ovibus ad gregem Dominicum reducendis, veripique pastoris officium exequi cupientes, libenter annuimus postulatis; ac juxta vota tua nobis

exposita venerabilem fratrem nostrum Bertrandum archiepiscopum Brundisinum, et magistrum Bernardum de Parma canonicum Adversanum et Joannem Dominici Ordinis fratrum Prædicatorum, lectorem fratrum conventus Narbonensis dicti Ordinis, tanquam pacis Angelos et pacificos Christi discipulos, non gaudentes in vanitate verborum, neque sapientiæ Dei mundanam sapientiam præferentes; viros utique in lege Domini plenius eruditos, ad tuam præsentiam destinamus, ut ipsi in solido littore fidei consistentes te, clerum, nobiles et populum dicti regni velut de naufragio erutos tuto sinu recipiant; et tanquam tabula de tranquillī sali fluctibus in portum veræ salutis adducant. Et quia fidei primum est et solidum fundamentum, sine qua impossibile est placere Deo, professionem fidei, quam tenemus; quam a te, clero, nobilibus et populo dicti regni exigimus, ut eandem tu et ipsi profiteri et Servire, si ad nostram et ejusdem Ecclesiæ, ut desideramus, unitatem redire velitis, vobis verbis explicitis et apertis tenore præsentium explicamus. Et quidem credimus S. Trinitatem, etc. » Eadem est fidei formula¹, quæ Palæologo imperatori a Clemente IV, et ad Armenos aliosque a Joanne transmissa fuit usque ad ea verba, *Semper salva*. His addit Joannes:

17. « Ideoque excellentiam tuam monemus et rogamus attente, ac in Domino Jesu Christo per aspersionem sui pretiosi sanguinis obsecramus, quatenus diligenter attendens, quantum tibi crescet ad meritum, quantum succedet ad gloriam, si una cum omnibus dicti regni ad unitatem ejusdem Ecclesiæ et caulam Dominicam reducaris, sic studeas habitare maternam, sic tuam tuorumque mentem disponere, quod ad requisitionem nuntiorum, quos præsentialiter mittimus, te ac prædictis clero, nobilibus et populo præscriptam humiliter susipientibus et profitentibus fidei veritatem, regnum prædictum in ejusdem fidei solido fundamento fundetur; tuque merito charissimus et acceptione intimus efficiaris Ecclesiæ filius, et inter alios Catholicos Ecclesiæ principes lateris et gaudeas nomine Christiano; regnumque prædictum, in firma petra Apostolicæ Ecclesiæ solidatum, contra omnes temporum turbines et incursus infidelium nationum inconvulsam recipiat indeficientis roboris firmitatem.

« Cæterum gratum geremus plurimum et acceptum, et ex nunc ad id nostrum exhibemus assensum, quod postquam ejusdem professionem fidei et recognitionem primatus Romanæ Ecclesiæ juxta formam contentam præsentibus duxeris faciendas, inter te et prædictam natam ejusdem principis legitimum matrimonium contrahatur; ex quo profecto tibi et filiis tuis, quos actore Deo ex copula sic honorabilis thori suscipies, fortitudo,

¹ Ext. in *Annal.* tom. XIV. an. 1267. num. 75 ad 79. et tom. XV. an. 1318. num. 10.

securitas atque robur contra quoscunque impugnantes inimicos pro praesentibus temporibus et futuris provenient; multorumque regum et principum propter hujusmodi parentelam, in te tuisque posteris famosa et potenti, vallaberis firmitate. Dat. Avin. II id. Junii, anno vii ».

Eodem argumento ad Bertrandum archiepiscopum ac socios litteras dedit¹, quibus apocrisiariorum Pontificiorum munus demandavit, ac strenuam in iis ad Romanam Ecclesiam traducendis navare operam jussit; et post descriptam eandem conceptis verbis fidei formulam, quam regi transmiserat, adjicit:

« Joannes, etc. Discretionis vestrae praesentium tenore committimus, quatenus ad partes illas vos absque tarditate morae personaliter conferentes; ac secundum datam vobis a Deo prudentiam procedentes, regem, clerum, nobiles et populum memoratos ad ejusdem fidei orthodoxae professionem, et ad acceptandum vel recipiendum ipsius Ecclesiae Romanae primum juxta praescriptam formam, idoneis securitatibus et cautelis adhibitis, admittatis: ita quod, si divina gratia regis, cleri, nobilium et populi praedictorum mentis aciem illustrabit, idem rex ac praetati, clerus, nobiles et populus dicti regni, in parlamento publico congregati, eandem fidei veritatem et primum Romanae Ecclesiae, juxta praescriptam seriem plene ac seriose lectam et expositam, fideliter, explicitè ac aperte hoc modo recognoscant, et profiteantur praestito juramento:

18. « Ego Orosius rex Serviae suprascriptam fidei veritatem, prout plene lecta est et fideliter exposita, veram, sanctam, Catholicam et orthodoxam fidem esse cognosco: eam accepto, et corde ac ore profiteor; ipsamque, prout ea veraciter tenet, fideliter docet et praedicat sacrosancta Romana Ecclesia, me inviolabiliter servaturum, et in ea omni tempore perseveraturum; nec ab ea ullo unquam tempore recessurum, nec quoquomodo deviatorum, vel discrepaturum promitto. Primum quoque ipsius sacrosanctae Romanae Ecclesiae, prout in praemissa serie continetur, ad ipsius Ecclesiae obedientiam sponte veniens, fateor, recognosco, accepto ac sponte suscipio: et me omnia praemissa tam circa fidei veritatem, quam circa ejusdem Ecclesiae Romanae primum, et ipsorum recognitionem, acceptionem, susceptionem, observantiam ac perseverantiam servaturum, praestito corporaliter juramento, promitto et confirmo. Sic me Deus adjuvet, et haec sancta Evangelia. Huic autem scripto, de mea recognitione, acceptione, professione, susceptione, promissione ac juramenti praestatione sponte mea facto, lecto et perfecto, sponte subscripsi, et sigillum apponi feci.

« Porro a praetatis praedicta et alia exigitis, videlicet ut manualement, vobis recipientibus nomine ejusdem Rom. Ecclesiae, obedientiam et

reverentiam exhibeant; et se ab illa nullo unquam tempore recessuros, praestito juramento promittant: et nihilominus in eorum promissione venit, quod nec contra suam professionem aliquid publice praedicare, aut occulte suadere praesumant. De hujusmodi autem professionibus fiant publica instrumenta, multiplicanda in varia omnino similia, ut aliqua penes vos retinere, nonnulla possitis deponere, et alia per diversos nuntios propter inopinatos casuum fortuitorum eventus ad Sedem ipsam, ut in ejus conserventur Archivio, cum cautela et diligentia omnimoda remittatis, etc. Dat. Avin. II id. Junii, anno vii ».

Instruxit etiam ea legatos auctoritate Joannes, ut regem Orosium, impuro thoro procreatum ad gerendos regios honores natalium dignitate donarent: « Discretionis, inquit, vestrae praesentium tenore committimus et mandamus, quatenus cum dicto rege, quem sicut accepimus quondam Orosius Serviae rex pater ejus conjugatus genuit de soluta; ut hujusmodi non obstante defectu libere ad quemlibet honorem seu dignitatem, serenitati regiae congruentem, et quoslibet actus legitimos admittatur; et quod filii sui legitimi sibi in dominio et honore succedant, auctoritate Apostolica, qua in hac parte vos fungi volumus, et de Apostolica plenitudine potestatis dispensetis ».

19. *Lithuaniae et Ruthenorum rex ad fidem in speciem conversus.* — Cumulata est illa de Orosio Serviae rege, gremium Ecclesiae inire meditante, publica letitia alia ingenti, nimirum Lithuaniae et Ruthenorum regis Gedeminni, a daemonum insana superstitione ad divini Numinis cultum conversionis spe, quam regi Francorum Pontifex hisce verbis significavit¹: « Gedemnen, qui se regem Lethoviae et Ruthenorum intulit, nobis nuper per suas litteras intimavit, se desiderare intense cum suis regnicolis sacrosanctae Romanae Ecclesiae subjacere unitati; supplicans a nobis legatos sibi, qui eum ad fidem orthodoxam admittant, et in ea salubriter instruant, destinari: super quibus per nuntios nostros plenius informari poterit regia celsitudo. Dat. Avin. VII id. Novemb., anno vii ».

20. Attulit pacem Livoniae et Prussiae illius conversionis specimen, cum pro fidei amplificatione religiosi equites infideles lacesserent, vel ab iis bello peterentur: Iodasque Vilnae hoc anno die Dominico post evolutum D. Michaeli sacrum diem compositum est, atque anno sequenti a Romano Pontifice confirmatum: quo argumento subjectae litterae datae ad Pruthenos equites², cum quibus pacem Gedeminus confecerat.

« Dilectis filiis magistro, praeceptoribus et fratribus S. Mariae Theutonicorum Jerosolymitan, per Alamaniam, Livoniam, Prussiam et partes circumjacentes constitutis.

¹ Tom. III. Ep. secr. pag. 264.

² Tom. IV. p. 2. Ep. secr. pag. 12. — An. 8. p. 2. Ep. com. MCCCXCIII.

« Gratias agimus Domino Deo nostro, qui per altitudinem divitiarum sapientiæ et scientiæ suæ omnem creaturarum superans intellectum secundum ordinatissimam dispositionem suam ad salvandas animas vias præbens et præparans salutare, magnifici viri Gedenne regis Letwinorum direxit votum et præparavit affectum : ut qui jamdudum exstitit in paganitatis devio constitutus, sicut laudabilibus ostenditur indicis, ad veritatem converti desiderat fidei orthodoxæ, et professionis doctrinæ Catholicæ et moribus imbui Christianis. Hoc namque per litteras, hoc per nuntios suos, quos ad Sedem Apostolicam propter hoc specialiter destinavit, nobis et fratribus nostris S. R. E. cardinalibus patefecit; pia et instanti devotarum precum adjectione deprecans, ut ad eum et terras suas nuntios nostros, Deum timentes, in lege Domini eruditos, specialiter mitteremus; quorum salutaribus doctrinis cognitione veræ fidei illustratus, ipsi cum aliis ad fidem venire cupientibus Christianam, sacrum suscipere Baptismatis sacramentum. Quas preces cum summo gaudio summaque letitia amplectentes; ac eas, cum ejus conversio possit, superna auxiliante gratia, innumeras illarum partium gentes infidelitatis tenebris involutas ad fidem pertrahere orthodoxam, jucundis desideriis admittentes, venerabilem fratrem nostrum Bartholomæum episc. Electen. et dilectum filium Bernardum abbatem monasterii S. Theofredi Aniciensis diocesis, magni consilii magnæque experientiæ viros, decretorum doctores et in sacra pagina eruditos, ac etiam pro ampliatione fidei intrepidus et spontaneis animis laborantes, ad dictum regem et partes illas de dictorum fratrum consilio duximus destinandos; sperantes per gratiæ celestis auxilium et incrementum, ac opportunum ministerium eorumdem ejusdem regis et aliorum convertendorum ad fidem Dominicis horreis uberem segetem inferendam.

« Post hæc dilecti filii advocatus, consules et universitates civitatis Rigensis per eorum litteras et nuntios speciales nobis et eisdem fratribus intimarunt, quod rex idem sparsum in se rorem supernæ gratiæ per bonarum operationum incrementa multiplicans; nec solum fide cupiens imbui Christiana, sed et ipsam desiderans exhibitione honorum operum demonstrare; tam vos, quam nonnullos Ecclesiarum prælatos et religiosos, ac principes et nobiles, et universitates illarum partium Catholicæ fidei professores, per suas litteras requisivit, ut ad eum speciales nuntios mitteretis, cum quibus ipse desiderabat pacem bonam et firmam perpetuis tenendam temporibus tractare pariter et firmare : propter quod dilecti filii nobiles viri universi dictarum terrarum Livonie et Escoviae in festo B. Laurentii anni proximi præteriti certo loco una cum aliquibus ex vobis colloquendi gratia convenerunt ad investigandum et perscrutandum veritatis formulam, ut eorum

verbis utamur, de litteris, quas idem rex versus Theutoniam ad vos et prædictos nobiles destinavit : in qua colloctione, placitis hinc inde consiliis habitis, tandem concorditer et unanimiter mittere idoneos et solennes nuntios, quemadmodum dictus rex petierat, cum pleno mandato faciendi omnia, quæ Christianitati dictarum partium expedirent, ad ipsius regis præsentiam decreverunt.

« Accedentibus ergo tam dictorum prælatorum et nobilium et ejusdem universitatis Rigensis, quam nostris nuntiis ad præsentiam regis ejusdem, iidem nuntii ab eo, sicut ex ejusdem universitatis insinuatione percepimus, honorifice fuere recepti, et splendide pertractati; dictique nuntii litteras suas, tam nobis quam eisdem dominis eorum directas, ostenderunt eidem. Quibus visis et auditis idem rex suo sigillo recognovit, et confessus est omnes articulos in eisdem litteris comprehensos de cordis sui conscientia processisse : adjiciens quod quando legati, quorum quotidie præstolabatur adventum, ad eum pervenerint (id quod omnipotens Deus novit, et in suo corde firmaverat) illico satageret effectui mancipare; subjungens se a suis progenitoribus in sua pueritia audivisse, quod Romanus Pontifex erat pater et dominus omnium suorum; post quem archiepiscopi et episcopi in orbe præeminent potestate; inferens eisdem nuntiis, quod loquerentur de pace hinc inde firmanda, qua mediante, et Dei suffragante clementia, omne bonum inter eum et Christianitatem illarum partium poterat ordinari.

« Verum iidem nuntii, necessitate et utilitate Christianitatis attenta, cum ipso rege et suis pacis fœdera inierunt pro cunctis hominibus Christianis, prout inveniendi et faciendi pacem hujusmodi, plenam habebant ab eorumdem dominis facultatem : quam quidem pacem tam rex et sui, quam vestri et alii nuntii supradicti observare inviolabiliter jurarunt, prout in litteris inde collectis, et theutonice scriptis, sigillis prædictorum regis et nuntiorum communitis, et quarum tenores, de Theutonico in Latinum translatos, nobisque transmissos, de verbo ad verbum præsentibus inserere fecimus, plenius continetur, etc. » Subdit, pacis initæ conceptam formulam Latinis verbis tractandam, a se perfectam auctoritate Apostolica corroborari, quam inferius litteris suis inserit; mixtisque precibus, imperiis, cruciferos equites hortatur, ut contractum fœdus religiosissime colant, ex quo divina gloria efflorescere, amplificari religio, ipsorum augeri decus debeat; sequē veros fidei pugiles, atque athletas strenuos ostendant. Quod si forte violarint, sciant Osiliensi episcopo atque ejus Ecclesiæ decano et præposito partes injunctas, ut ipsos censuris Ecclesiasticis percellant. « Dat. Avin. II kal. Septemb., anno viii ». Regis porro Gedennini litteris dies in hunc modum adscripta est. « Dat. in castro nostro Vilna ann

Domini mcccxxiii, Dominica proxima post festum beati Michaelis ». De Gedemini regis conversione agitata iterum sequenti anno nobis agendum erit. Nunc reliquis Septentrionales res prosequamur.

21. *Fumariani ethnici in Norwegos barbariem exercent.* — In Norwegia limite nonnulli populi, quibus Fumiar nomen est, demonum servitute infecti, Christianæ pietatis odio in eum furorem proripere, ut in Norwegiam excurrentes, ferinam barbariem in fideles exercuerint. Quo tristi nuntio ad Sedem Apostolicam allato, Joannes tuendæ religionis, propagandæque latius zelo Norwegos incitavit, ut in arma ad excindendam impietatem consurgerent; ac præmia indulgentiarum crucis signa secularis, vel ære aut opera sacrum bellum promoturis contulit¹.

« Universis Christifidelibus per regnum Norwegie constitutis.

« Fide digna multorum relatio ad Apostolatus nostri deduxit auditum, quod quidam pagani dicti Fumiar, crucis hostes et inimici nominis Christiani maximas strages et depopulationes in Christianos illarum partium exercuerunt hactenus; et quoties eorum nequitia deservit iniquitas, exercere præsumunt, quaerentes si possent partes illas aquilonares, ab olim divina gratia regeneratas unda Baptismatis, ad perfidia reducere cecitatem; et exinde delere Christianum nomen et cultum, si eorum feritas, quod avertat Altissimus, fidelium viribus prævaleret. Ne igitur messis Dominica, quæ in partibus illis coaluit in fructus multiplicium fidelium populorum ab eisdem paganis, gentilitatis horrore hispidis tenebris cecitatis obductis, inhumaniter opprimatur; cum ad magnum pudorem redundaret fidelium, si terra jam fundata et radicata in lumine veritatis, per blasphemias nominis Christi dispendiis non solum temporalibus, sed etiam spiritualibus subjaceret; quinimo Christi fideles certo salutis illecti stipendio, ad obsistendum paganis eisdem et defendendum partes illas, quas fideles inhabitant, adversus eorundem nequitiam perfidorum fortius accendantur; omnibus vere pœnitentibus et confessis, quos in tuitione patriæ contra illarum partium infideles se viriliter opponentes, mori contigerit, illam remissionem omnium concedimus peccatorum, quæ concedi per Sedem Apostolicam in Terræ-Sanctæ subsidium transfretantibus consuevit. Dat. Avin. IV idus Februarii, anno vii ».

22. *Inter Daniæ regem et principem Megalopolensem discordiam componit Pontifex.* — Ut Norwegos ad sacrum bellum adversus infideles incitavit Joannes, ita ad fideles a mutuo sibi bello inferendo abducendos operam contulit. Non leves illius cause inter Christophorum Daniæ regem atque Henricum principem Megalopolensem erant exortæ: Henricus enim negabat ditionem, cui Rostok nomen est, ad Danicum sceptrum spectan-

tem, ejusque fidei ab Erico rege Christophori fratre commendatam, restituere: cumque res ad arma vergeret, Pontifex nonnullis Ecclesiasticis viris provinciam imposuit¹, ut Megalopolensi principi, causa cognita, censurarum religionem inicerent.

« Venerabili fratri nostro episcopo Ripensi, et dilectis filiis præposito Slesvicensis, ac archidiacono Roskildensis Ecclesiarum.

« Querelam charissimi in Christo filii nostri Christophori regis Daciæ illustris recepimus continentem, quod dudum claræ memoriæ Ericus rex Daciæ frater ejus, de fidelitate nobilis viri Henrici domini Magnopolensis, Raseburgensis diocesis plene confidens, terram Rostok, quæ a longis retro temporibus, quorum in contrarium memoria non existit, regibus Daciæ, qui fuerunt pro tempore, dicitur fuisse subjecta; quamque dictus Ericus rex, dum vixit, diutius in pace possederat, et tunc etiam pacifice possidebat; eidem nobili bona fide commisit custodiendam per eum, et restituendam dicto Erico regi, vel heredi et successori suo, cum super hoc existeret requisitus. Verum eodem Erico rege, priusquam sibi dicta terra restituta fuisset, naturæ debitum persolvante, quamvis præfatus Christophorus rex, frater et universalis hæres ipsius, eundem nobilem requisierit, ut sibi, prout tenebatur, terram restitueret memoratam; idem tamen nobilis nullo jure suffultus, sed causam possessionis terræ prædicte sient asseritur intervertens, dictam terram eidem Christophoro regi restituere contradicit, eamque violenter detinet occupatam, in divina majestatis offensam, propriæ salutis et famæ dispendium, et ejusdem Christophori regis præjudicium et gravamen: propter quod idem rex nostrum et Apostolicæ Sedis remedium super his humiliter imploravit. Volentes igitur indemnitati regis ejusdem, et ipsius nobilis animæ periculo in hac parte de opportuno remedio providere, discretionis vestræ per Apostolica scripta mandamus, etc. » Imponit iis provinciam, ut sine forensi strepitu indagata explorataque rei gestæ veritate, Pontificio nomine Henricum Megalopolensem ad restituendam Christophoro regi, quam injuste occupat ditionem adducant, ac si monitis aversas aures præbeat, censuris percellant; iisque etiam testes feriant; si odio vel metu se subduxerint. « Datum Avin. kal. Februarii, anno vii ».

23. *Feltrensis episcopi cædes et turbæ in tota fere Italia.* — Distinguenta Pontificiarum censurarum severitas majori terrore fuit in atrociori longe facinore adversus Guecelonem Caminensem, quem impietas et ambitio adversus Manfredum Feltrensem episcopum efferavit: cum enim Guecelo Feltriæ Belunique et aliarum arcium, quas eripuerat Ecclesiæ, tyrannide dejectus esset, fictam amicitiam cum episcopo, adhibito interprete Hen-

¹ An. 7. p. 1. Ep. com. cxxxv.

¹ An. 7. p. 1. Ep. cxxxvii.

rico Goritiæ comite, coivit : deinde colloqui specie in insidias plectum, subornatis scariis contrucidavit ac manus impias ejus sanguine imbuuit. Illum itaque, cæterosque parricidas Pontifex anathemate defigi jussit¹ et agris privavit, quos ab Ecclesiâ, jure fiduciario acceperat. Haud diu superfit Guecelo sceleri, cum proximo anno perissee referat Cortusiorum historia². Quod ad Goritiæ comitem, quem inter Guecelonem et Manfredum pacem simulatam junxisse memoravi; illum hoc anno veneno Tarvisii inter nuptiales epulas extinctum, scribit Joan. Villanus³ : cujus facinoris infamiam adhæsisse ait Cani Scaligero hosti infensissimo, qui a Goritiæ comite in obsidione Patavina profligatus fuerat. Addit auctor Patavinos inter se conciliatos⁴.

24. Jactata est reliqua Italia superiorum bellorum civilium turbine : in ditone quidem Pontificia ex Joannis in secessu Avenionensi mora crebræ populorum defectiones, cum a transalpinis prætectis se premi indignarentur. Urbium ea de causa Pontificum imperium excussit⁵ : Ceruvia⁶ a tyrannus occupata, Spoletum a Perusinis obsidione oppugnatum⁷ : Firmani, Auximani et Fabrianenses in perduellione plura adversus Pontificiam auctoritatem lacinora patrarunt⁸ : quanquam exente anno Firmani et Fabrianenses ad officium revocati⁹ : Bononienses quamvis Pontificiarum essent partium, Romaniolæ imperium affectarunt¹⁰ : Ferarienses¹¹, de quibus iterum inferius, cum redituros ad obsequium præ se tulissent, cum hostibus conjurarunt¹². Afflixit alias Italiæ provincias civilis discordiæ furor : Florentiæ enim ingentes tumultus concitati¹³, quos Castrucii Lucensium præfecti hostiles in eorum agros excursions auxere¹⁴ : Genua a Gibellinis exutibus tentata obsidione¹⁵, sed noctu a Roberti regis præsidariis copiis in hostem irrupentibus liberata, ac suburbana a civibus recuperata.

25. *Galeatio vicecomite profligato, cæteri tyranni collabescunt.* — Præcipuus belli turbo Insubriam turbavit. Induxerat in animum Pontifex Galeatium vicecomitem, quem hostem et hæresi contaminatum judicaret, a Matthæi patris impietate et astu non degenerem evertere; regique Roberto imperialis legati dignitatem antea attributam asserere. Conjunxere¹⁶ ad rem perficiendam cum Pontifice et Roberto regis vires fœderati Guelphi, compluresque Germani, qui accepto crucis symbolo adversus Ecclesiæ perduelles religioſam militiam erant professi, advolarunt : qui ut libere commeari per ditionem Venetam possent, Pontifex a Joanne Superantio id contendit¹⁷.

Aucti hisce viribus Raimundus e Cardona Roberti copiarum dux, et Bertrandus cardinalis A. S. L. plura adversus Galeatium secunda prælia fecere. Bertona a Raimundo ad deditionem compulsa¹. Alexandria a legato cardinale expugnata². Henricus³ Belga genere, Laudensi comitatu ab Henrico imperatore donatus, cum Pontificiæ potentiæ sustinendæ impar esset, cum legato fœdus iniit : sed suspensa ex eventu illius fides ac lubrica post ea apparuit, quanquam iterum ad Pontificias partes rediit. Opizo e Lando prænobilis Placentinus, quem anno superiori Placentiam vicecomitibus eripuisse, traduxisseque ad partes Ecclesiæ vidimus, ineunte hoc anno vel exeunte superiori victoriam de hoste relitit⁴.

26. Cumulavit eam victoriam altera⁵, inclinante Februario, ad flumen Adduam de Mediolanensibus magno labore parta ; cum initio hostis bello superior visus esset : neque ab eo triumpho adhuc menses duo effluxerant, cum Marcus vicecomes Galeatii frater ad ejusdem fluminis ripam magna clade deletus est⁶, atque illius septemdecim signa capta. Collabente itaque sensim Galeatii potentia, ejusque viribus in dies accisis, Gibellini nobiles, qui Matthæo vicecomiti adhæserant, atque urbium præfecturas, imperio suo principe viduato contra Apostolica edicta invaserant, suæ potentiæ diffidere cœpere, atque ad res suas confirmandas Ecclesiæ gratiam ambire. Inter eos Canis Scaliger, qui legatum pro imperio se Veronæ gesserat, ea lege a Pontifice in gratiam admissus, ut imperii vacantis administrationem ad Romanum Pontificem spectare publice agnosceret, seque censuris Ecclesiasticis juste devinctum fuisse ; eandem tamen præfecturam Romanæ Ecclesiæ nomine gerere pergeret. Qua de re hæc ad legatum, ut fœdus perliceret, litteræ a Joanne datæ⁷.

27. *Cupientes sanctæ Romanæ Ecclesiæ indevotos, reducere ad devotionem ejusdem, discretionis tuæ per Apostolica scripta committimus et mandamus, quatenus nobili viro Cani de Scala, qui post quondam Henrici Romanorum imperatoris obitum in certis terris et civitatibus Lombardiæ pro vicario gerere in præjudicium præfatæ Ecclesiæ, ad quam imperii prædicti regimen, ipso vacante, sicut et nunc vacat, pertinere dignoscitur, non expavit; propter quod ipse excommunicatioſ et terræ, quæ reguntur per eum, interdicti per nos contra tales latas sententias incurrisse noscuntur; quique nunc saniori ductus consilio, velut devotus filius ad Ecclesiæ memoratæ redire gremium, sicut intelleximus, est paratus, absolutioſ et relaxationis beneficium a prædictis sententiis auctoritate nostra studeas juxta formam Ecclesiæ, si præmissa fulciri veritate repereris, imperitari, etc. Dat. Avinionē V id. Aprilis, anno vii ».*

¹ An 7. p. 2. Ep. com. MCCCXXXIV. — ² Cortus. hist. l. III. c. 23. — ³ Jo. Vill. l. IX. c. 199. — ⁴ Eod. l. c. 191. — ⁵ Eod. l. c. 196. — ⁶ Tom. III. Ep. secr. p. 341, 344. — ⁷ Jo. Vill. l. IX. c. 207. — ⁸ Tom. III. Ep. secr. p. 304. — ⁹ Tom. IV. p. 1. Ep. secr. p. 9 et 10. — ¹⁰ Tom. IV. p. 2. pag. 39. — ¹¹ Tom. III. Ep. secr. p. 382. — ¹² Ibid. — ¹³ Jo. Vill. l. IX. c. 214 et 219. — ¹⁴ Eod. lib. c. 220. — ¹⁵ Ibid. c. 187. — ¹⁶ Tom. III. Ep. secr. pag. 343, 360, 376. — ¹⁷ Ibid. Ep. secr. pag. 358.

¹ Jo. Vill. l. IX. c. 189. — ² Eod. lib. c. 194. — ³ Ibid. — ⁴ Tom. III. Ep. secr. p. 354. — ⁵ Jo. Vill. l. IX. c. 190. — ⁶ Eod. lib. c. 198. — ⁷ Tom. III. Ep. secr. p. 359.

Secutus Scaligeri fœderatus victoriæ cursum Passarinus ¹ qui Mantuæ dominatum vicarii nomine invaserat; iisdemque legibus in Ecclesiæ gratiæ restitutus. Adducti eodem Pontificiæ potentiæ terrore Atestini marchiones Raynaldus, Opizo, Bertoldus et Nicolaus; cum ante gravioribus injuriis Ecclesiæ affecissent, illique Ferrariam vi ac dolo eripuissent, in Sedis Apostolicæ obsequium procubuerunt. Quibus Joannes mox gremium paternum clementer explicuit, deditque legato patres ², ut ipsos ac Ferrarienses censuram religione, et pœnis omnibus exsolveret.

28. *Ludovicus Bavarus perduellibus dat opem et sententia Pontificia percellitur.* — Resiliere ³ mox a promissis (ut improbus fidei custos timor est) Atestini marchiones ad defectionem pellecti a Ludovico Bavano ⁴, qui missis oratoribus alios Gibellinos proceres ad partes suas traduxit ⁵, et Galeatii ac Mediolanensium ut clientum imperii suscepto patrocinio, Pontificis regisque Roberti conatus infringere aggressus est: Bertoldo etiam comite cum nonnullis aliis ad cardinalem legatum, qui Placentiæ agebat, misso denuntiavit, ne imperii terras infestaret. Cui Bertrando respondit, sui non esse consilii eas invadere, sed interregni tempore ob discordem electionem celebratam tueri; seque non parum mirari, Ludovicum Catholicum principem Galeatio hæreses crimine postulatò studere: tum instituit, ut dicta chirographo principis corroborata sibi traderent. Cum oratores, veriti ne si ea proderent, Ludovico hæretici hominis contra Ecclesiam defensi nota aspergeretur, rem detractarunt; veniamque errati postulata, abcessere. Non prætermisere tamen quos potuere, ad Mediolanensium auxilium sollicitare ⁶, suisque principis partes augere. Perculit ea nova Gibellinorum coitio Pontificem; excitavitque Guelphos fœderatos, necnon Bononienses ⁷, ut ad retundendas auxiliares copias, quæ Mediolanensibus a marchionibus Atestinis, Scaligero et Passarino submittebantur, impigre se compararent, ut attriti adversarii ad obsequium procumberent.

« Joannes, etc. Bononiensibus.

« Sicut relatio noviter fide digna notificat, pridem filii damnatæ nequitie Raynaldus, Opizo, Bertoldus et Nicolaus quondam marchiones Estenses dilectis filiis nostris Bertrando tit. S. Marcelli presbytero card. A. S. L. et episcopo Bononiensi se, ut dicitur, obtulerant ad veram obedientiam Ecclesiæ redituros, ut sub isto velamine taliter datæ spei fructus libere suorum colligerent prædiorum, sine quibus, ut presumitur, verisimiliter ipsi se tueri ulterius in obstinata protervia non sperabant. Nuper vero, quia bona fide nuncquam vitia mansuescunt, ipsi una cum syndico

similiter damnati communis Ferrariensis, Ecclesiæ præfate rebellis, jurarunt (ut dicitur) fidelitatem in manibus ejusdem nuntii dilecti filii nobilis viri Ludovici ducis Bavarie in regem Roman. electi, et cum eorum complicitibus Cane de Scala et Passarino de Mantua iniverunt fœdus prave societatis et ligæ: qui dicuntur exsortium suæ gentis acingere, cum quo Mediolanensibus perfidis in opprobrium Dei, nostrum et ejusdem Ecclesiæ, nec minus confusionem nostram et totius Italiæ subsequenter succurrere valeant: de quibus in Christo nobis et vobis cæterisque Christi fidelibus optatam clementia divina victoriam votivis successibus repromittimus. Quocirca universitatem et prudentiam vestram rogamus attente, quatenus ad præcidendam dictis rebellibus et damnatis omnem successum hujusmodi facultatem viriliter more vestro et strenue insurgentes, velitis sic vicina et opportuna circa id consilia adhibere, quod dictorum Mediolanensium certante Domino, attenuata potentia ex rebellium et damnatorum ipsorum subsidio nulla recipere vel sperare valeat resistentiæ fulcimenta. Dat. Avin. VIII id. Augusti, anno VII ».

29. Fefellere Pontificem suæ spes: paucis enim ante diebus cum Raimundus e Cardona Mediolanum valida obsidione, promotis ad urbem mense Junio castris, premeret ¹, Passarinus et Scaliger auxilia fessis Mediolanensibus attulere ²; ademptaque est Galeatio specie tenus Mediolanensis præfectura, quam Beroldus comes Ludovici Bavari nomine gessit ³, ut non tam Galeatii quam publice rei et imperii causa defendi videretur: denique ob morbos, qui in castris grassabantur, soluta obsidio est. Inde iis in Ludovicum Bavarum, qui Pontificum et Roberti regis exercitum Mediolano propulsasset, suscepta; ac legibus in eum agi cœptum est. Præcipua accusationis capita hæc erant: Ludovicum discordibus electum suffragiis, antequam ea controversia dirimeretur a Sede Apostolica, imperii administrationem corripuisse: alterum vero, quod maxime Pontificis animum asperarat, Galeatii, quem hostem et hæresi contaminatum pronuntiavit Sedes Apostolica; tum perduellium Ferrariensium patrocinium suscepisse. Non deerant tamen Ludovico plures rationes, quæ ipsius gesla apud plerosque excusarent: controversiam de imperio cum Frederico Austriaco jam direptam ferro: Mediolanum vero defensum, non ut Galeatio hæretico studeret, sed ut assereret sibi imperii jura; neque a Roberto Siciliæ rege amplissimum imperii provinciam, nunquam forte recuperandam, occupari pateretur. Non his tamen Joannes a meditato consilio revocatus est: sed octavo Octobris die, ut refert Joannes Villanus ⁴ in Ludovicum Bavarum sententiam tulit: cujus forma subjectis verbis concepta est ⁵.

¹ Eod. p. 359. — ² Eod. tom. p. 364. — ³ Eod. tom. p. 383. —

⁴ Eod. tom. p. 381. — ⁵ Jo. Vill. l. ix. c. 195. — ⁶ Eod. l. ix. c. 212. — ⁷ Tom. III. Ep. secr. p. 362.

¹ Jo. Vill. l. ix. c. 211. — ² Ibid. c. 212. — ³ Ibid. — ⁴ Ibid. c. 227. — ⁵ Tom. IV. Ep. secr. p. 105, et l. var. bull. Jo. XXII. p. 35.

30. « Joannes, etc. ad perpetuam rei memoriam.

« Attendentes, quod dum errori non resistitur, is ad quem resistere pertinet, illi ut cumque presumitur consentire, quodque plerumque iustitiæ opprimitur veritas, si defensionis opportune illi beneficium subtrahatur; profecto nec errori damnablem consentire per resistentiæ negligentiam volumus, neque pati ob defectum opportune defensionis præsidiū iustitiā opprimi sponsæ Christi. Dudum siquidem per obitum claræ memoriæ Henrici Romanorum imperatoris imperio Romano vacante, principes Ecclesiastici et seculares, ad quos translato ab olim per Sedem Apostolicam prædicto imperio de Græcis in personam magnifici Caroli in Germanos futuri Romanorum regis, in imperatorem postmodum promovendi, electio pertinebat, votis eorum in diversa divisīs, duos sicut dicitur in discordia elegerunt; quibusdam eorum in dilectum filium magnificum virum Ludovicum Bavariæ, quibusdam vero in dilectum filium Fredericum Austriæ duces, nominando et eligendo ipsos in Romanorum reges, dirigentibus discorditer vota sua. Verum præfatus Ludovicus a nobis, ad quem suæ electionis huiusmodi, sicut præmittitur, in discordia celebratæ; ac personæ ipsius examinatio, approbatio ac admissio, repulsio quoque et reprobatio noscitur pertinere, electione prædicta nequaquam admissa, nec ejus approbata persona, sicut notoria fama notoriatur et publica facti evidentia manifestat; non querens, ut deberet, pro ostium ad huiusmodi regni seu imperii conscendere dignitatis fastigium, sed potius aliunde, nescimus quo ductus, vel verius seductus consilio, præfati Romanorum regni nomen sibi et titulum regium usurpavit: quamvis priusquam alterutrum eorum per Sedem Apostolicam fuisset approbata vel reprobata persona, neutri electorum ipsorum assumere licuit nomen et titulum prælibatum; cum nec interim Romanorum reges existant, sed in reges electi; nec sint habendi pro regibus, nec reges etiam nominandi.

31. « Idem etiam Ludovicus eodem præsumpto titulo non contentus; administrationem jurium regni et imperii prædictorum, in gravem Dei offensam et contemptum, ac manifestam injuriam Romanæ Ecclesiæ matris suæ, ad quam ejusdem vacationis imperii regimen, sicut et in præsentiarum vacat, pertinere dignoscitur; necnon et plurimorum scandalum, et rei turbationem et lationem publicæ, ac suæ animæ detrimentum, proslire, seque illi immiscere irreverenter ac indebite præsumpsit hactenus et præsumit, exigendo et recipiendo sub præfato titulo regio fidelitatis in Alemannie et nonnullis Italie partibus, tam a personis Ecclesiasticis quam secularibus vassallis imperii, per se et alios juramenta; ac dignitatibus, honoribus et officiis ad ejusdem Romani regni seu imperii dispositionem spectanti-

bus, pro suo libito disponere: sicut iis proximis diebus de marchionatu Brandeburgensi, quem primogenito suo de facto publice contulit, ordinavit; necnon alia plurima exercendo, quæ ad ejusdem Romani regni et imperii regimen non est dubium pertinere. Ejusdem insuper Ecclesiæ Romanæ hostibus, sicut Galeatio de vicecomitibus et ejus fratribus, quamvis sint de crimine hæresis a suis competentibus iudicibus, exigente iustitia, per definitivam sententiam condemnati; et nonnullis aliis Ecclesiæ præfate rebellibus se exhibere fauorem et defensorem contra dictam Ecclesiam, prosequentem adversus eosdem rebelles jura ipsius imperii et negotium fidei, in gravem divinæ majestatis injuriam, contemptum ejusdem Ecclesiæ, et animæ suæ perniciem, non est veritus, nec veretur.

32. « Nos itaque tam temerariis ausibus, ne mos tam perniciosus invalescat in posterum, obviare ac prout ad Apostolatus nostri spectat officium, iustitiam sponsæ Christi in hac parte defendere; dictumque Ludovicum a tam periculoso erroris devio ad veritatis callem reducere cupientes; ac considerantes, quod ad ejus præsentiam, ad proponendum eorum eo præsentialiter per quæ posset et deberet retrahi a prædictis, nequaquam tutus patet accessus; quodque in præmissis fornicatur, quod mora periculum, et dissimulatio damnum forent, proculdubio aflaturæ, ad providendum super præmissis excessibus et obviandum eisdem, subscriptum modum de fratrum nostrorum consilio, ac ex certa scientia et de Apostolicæ potestatis plenitudine eligentes; præfatum Ludovicum, præsentium fidelium multitudine copiosa, præsentium tenore monemus eidem sub virtute sanctæ obedientiæ, ac excommunicationis pœna, quam ipsum, nisi cum effectu huiusmodi monitioni nostræ paruerit, incurrere volumus ipso facto; auctoritate Apostolica nihilominus injungentes, ut infra trium mensium spatium, a data præsentium computandum, quos ei de eorumdem fratrum consilio pro peremptorio termino assignamus, ab administratione, fautoria et defensione prædictis prorsus absteat ac desistat: administrationem ipsam per se, vel alium, seu alios non resumpturus ulterius, nisi tunc demum, cum et si electionem suam huiusmodi, quæ de ipso dicitur celebrata, ac personam ejusdem per Sedem Apostolicam approbari contigerit et admitti; quodque gesta per eum post præsumptum ab eo titulum memoratum circa præmissa, quatenus processere de facto (cum de jure non teneat, velut ab ipso ejus faciendi non competeat nec competit) attentata curet infra prædictum terminum, quantum patietur possibilitas, realiter revocare, aperte per præsentium seriem intimantes eidem, quod si in præmissis per eum infra præfatum terminum exequendis negligens fuerit, vel remissus, nos contra ipsum ad publicationem pœnarum, in quas propter præmissos excessus notorio incidisse no-

scitur, vel incidet in futurum, et alias quantum suadebit iustitia, ejus non obstante absentia, procedemus.

33. « Universis insuper patriarchis, archiepiscopis et episcopis, et aliis personis Ecclesiasticis quibuscumque sub pœna suspensionis ab officio et beneficio, quam eos incurrere volumus ipso facto nisi infra prædictum terminum infrascriptæ inhibitioni nostræ efficaciter studuerint obedire; et tam ipsis, quam omnibus et singulis civitatibus, communitatibus et universitatibus, necnon personis sæcularibus quibuscumque, cujuscumque conditionis aut status existant, etiamsi regali aut alia quacumque dignitate præfulgeant, in virtute sancte obedientiæ, et sub pœnis excommunicationis in personas et interdicti in terras eorum, necnon privationis privilegiorum quoruncumque Apostolicorum et imperialium, ac fudorum quæ ab Ecclesia vel imperio obtinent, districtius inhibemus, ne prædicto Ludovico in præmissis vel aliis, regni seu imperii tangentibus regimen, tantam regi seu in regem Romanorum electo, nisi et quousque dictam electionem et personam ipsius per Sedem eandem approbari conligerit vel admitti, in aliquo pareant seu intendant; neve eidem in quibuscumque ad regimen prælibatum spectantibus præbeant auxilium, consilium vel favorem. Non obstante si ipsi, vel eorum aliqui ad hoc se dicto Ludovico ut regi, seu in regem electo, adstrinxerint per fidelitatis vel alterius cujuslibet generis juramenta: quæ quidem, cum præstita fuerint ei, cui minime præstari debuerant, nec servari sine æternæ salutis valeant detrimento, præstantes, eadem non adstringunt. Quæ nihilominus ad cautelam auctoritate Apostolica relaxamus; illaque cassa et irrita nuntiantes, decernimus penitus non tenere, nec fore aliquatenus observanda, seu si præfato Ludovico vel quibusvis aliis, communiter vel divisim, per litteras Sedis ejusdem foret sub quacumque verborum forma vel expressione concessum, vel concederetur in posterum, quod excommunicari, suspendi, eorum terræ seu loca interdicti non possint, quas contra præsentem processum nostrum in nullo eis volumus suffragari, sed ipsas quoad hoc viribus volumus omnino carere. Ex præmissis autem nos nequaquam intendimus, nec volumus obligari, quin ad publicationem dictarum penarum, et alias contra dictum Ludovicum possimus, pendente hujusmodi dilatione, procedere, prout justum fuerit, et nobis visum fuerit expedire. Ut autem hujusmodi processus, etc. Datum Avinione in palatio episcopali VII id. Octobris, anno VIII ».

Percrebuit proximo tempore Pontificæ sen-

tentiæ fama ad Ludovicum Bavarum, qui ut rebus suis consulere, Albertum Hospitalarium equitum in Germania magistrum, Græsturp (1) archidiaconum Herbipolensem, atque Henricum Pragensem canonicum oratores ad Sedem Apostolicam misit, ut causas late sententiæ cognoscerent, diemque extrahi deposcerent. Demandati a Ludovico iis muneris litteræ¹ hac verborum forma tempus consignant. « Dat. apud Nuremberg II idus Novembris, anno Domini MCCCXXIII, regni vero nostri anno IX ».

34. *Ludovicus piam scribit apologiam.* — Profectis jam ad Pontificem oratoribus de concordia acturis, Ludovicus improborum subornatus consilii vi et armis sua jura asserere, sibi que adversantis Pontificis hostem se profiteri maluit, quam demissione, ut coeperat, Christiana nascentem discordiam componere. In contrariam itaque mentem adversus, spernere indictum a Pontifice judicium decrevit; utque facinus coloraret, accessit tabellionibus ac testibus, exaratis XV kal. Jan. litteris; quibus singula a Joanne objecta confutare nitebatur, contendit se potioribus electorum principum suffragiis creatum, atque Aquisgrani regia corona redimitum; exinde vero sine nova Pontificia confirmatione ex veteri more jura imperialia assecutum: neque illi ob nomen regis Romanorum affectatum actionem intendendam, cum jam annis pluribus illud gessisset: Galeatio non ad tuendam hæresim, si qua infectus sit; sed Mediolanensem opinionem, quam oppugnabat hostis, defendendam opem tulisse. Cujus principis apologiam² ad illustrandam historiam afferendam ducimus ex potiore parte, in qua vis juris constat: « Respondemus, inquit Ludovicus, et dicimus ad præmissa, (scilicet objecta in judicio a Pontifice,) quod hactenus a tempore cujus non est memoria, circa electos Romanorum reges et principes sic est de jure et consuetudine observatum; et sic tenent, dicunt et sentiunt et semper tenuerunt, dixerunt et senserunt principes et meliores ac majores imperii; et est maxime in partibus Germaniæ adeo notorium apud omnes, ut non sit qui dubitet vel ignoret, quod Romanus rex eo solum, quod electus est a principibus electoribus, ad quos pertinet ipsius electio, omnibus vel majori numero eorundem, et coronatus corona regia in solitis locis et consuecis, rex est, et pro rege habetur, et rex nominatur, et eidem ab omnibus paretur et intenditur sicut regi, ac jura regni libere administrat: fidelitatem et obedientiam

¹ Ext. inserte in tom. IV, Ep. secr. Jo. XXII, p. 107. — ² Ext. apud Herwart, ad an. 1323.

(1) Ludovicus Bavarus, cui Joannes Pontifex diem dixit hoc anno ex causis in Annalibus indicatis, oratores tres misit ad Pontificem, ut deum illum extraherent. Horum oratorum nomina, ex Codice mendoso dat hic analista. Vera nomina habes expressa in litteris Joannis sequenti anno die VII Januarii datis, vulgatisque in Anecdotis Marten. tom. II, col. 647. Tres igitur venerunt « Albertus de Stratzburgh, magister Ernestus (Non vero Græsturp ut in Annalibus) de Sebech archidiaconus Herbipolensis, et magister Henricus de Thirno » canonici Pragenses. Oratores vero isti nomini in exordio sequentis anni, die videlicet IV nomis Januarii miserunt se Pontifici, ut ex istis litteris discimus.

recipit, fenda confert, et de bonis, honoribus et dignitatibus et officiis regni juxta beneplacitum ordinat et disponit. Quare cum notorie constet, nos a longe majori numero electorum, ad quos jus eligendi regem pertinet, rite esse electos, et diademate regio coronatos in locis debitis et consuetis; et hoc ipso nomen, et titulum prelibatum, et jus administrandi jura regni, et de ipsius rebus, honoribus, dignitatibus et officiis disponendi, legitime assectos; manifeste patet quod in injuriam nostram et gravamen dicit, nos illicite nomen et titulum usurpasse, et ad administrationem et dispositionem præfatas indebite ingressisse: cum potius, quemadmodum alii Romanorum reges prædecessores nostri in hac parte usi sunt, et nos utamur licite jure nostro. Cum etiam circiter decem annos nomen et titulum, administrationem et dispositionem hujusmodi in pacifica possessione continue scripserimus et gesserimus absque reprobatione electionis et personæ nostræ, si tamen poterant reprobari; et citra impeditionem et contradictionem, si cujus forte poterant interesse, sicut est notorie manifestum, nimis est injuriosum et juri contrarium, quod nunc primum ipse dominus Apostolicus lege imperfecta, parte inaudita, negotio indiscusso, et juris ordine prætermisso, contra nos queritur, invehitur et procedit; intendens ac si, abjecto nomine et titulo, et deposita administratione præmissa, nos ipsos quasi capite minuamus: licet sæpe missis ad eum per nos nuntiis et rescriptis suis litteris, per eos vel in illis nunquam fuimus reprehensi.

33. « Et quia ex præmissis per evidentiam et effectum operis patet, quod sacri regni regimen gubernamus, prorsus a veritate discrepat, quod dicit imperium nunc vacare, et ejusdem sibi regimen pertinere. Ex quo enim rex sumus, et jura regni administramus ut rex, et in possessione regendi regnum Romanum sumus et fuimus multis annis, non poterit dici vacare quod habet regem regentem et regendi regnum et imperium potestatem habentem, solis dumtaxat infulis imperialibus coronandum. Nec concedimus illa simpliciter, ut proponitur, ad Sedem Apostolicam examinationem, admissionem et approbationem electionis, et personæ nostræ repulsionem et reprobationem pertinere, sicut asserit. Qui transferre ad Germanos imperium potuit, et electoribus creandi Cusaris jus conferre, idem confirmandi illius sibi potuit auctoritatem reservare: et hoc jure Pontificis usos, ac dissidentium Caesarum causam cognovisse, antea a nobis historiæ commendatum est¹. Quocirca inanes sunt quæ sequuntur Ludovici argutie: « Sed si (quod non credimus) pertineret, hoc unum demum sibi locum vindicare forte posset, si per querelam, vel per viam supplicationis, appellationis vel provocationis, vel alio modo ad ipsam Sedem fuisset devolutum

ipsum negotium vel deductum, quæ locum non oblinent in præsentem; vel si forte petitis per nos infulis imperialibus, vel denominatione nostrâ, ex causis legitimis jure scriptis, quas ad nos locum non credimus habuisse, personam nostram contigisset exigente justitia refutari; denominatio quippe personæ, vel electionis admissio habitæ subsequenter nobis non jus, nomen vel titulum tribuissent, quæ jam ex ipsa electione sortiti sumus; sed ea potius detexissent, approbassent et latins commendassent. Hæc veritas ratione juvatur, canonibus et legibus fulcitur, et summorum utriusque juris doctorum sententiis comprobatur, et usu et consuetudine longissimi temporis declaratur.

36. « Quod vero adjunxit, nos Galeatio de Vicecomitibus et ejus fratribus de hæresi condemnatis et nonnullis aliis Ecclesiæ Romanæ rebellibus, quos tamen non denominat, defensionem exhibuisse, ut asserit, et favorem; penitus nihil scimus. Nam si dicti Galeatii et fratres sui sunt de hæresi condemnati, nobis non innotuit; nec per ipsum summum Pontificem vel alium, qui voluit, aut potuit nobis insinuatione debita est detectum. Ipsum ergo tanquam in facto consistens, et in remotis actum, rationabiliter poteramus ignorare. Imo quem favorem aut defensionem eis vel aliis, quos nescimus, et quos non denominat, exhibuimus; et quomodo sint vel fuerint rebelles Ecclesiæ, non videmus. Aperte conicimus, et per effectum operis cognoscimus, nonnullos rebelles nominari Ecclesiæ, qui per fidem devotionis suæ molientibus contra statum et jura imperii renitentur ».

Hæc Ludovicus rex Romanorum designatus suarum partium asserendarum studio, cujus jura politica, quæ ad gerendos Cæsareos apices bellica virtute electorumque principum suffragio sibi peperit, impugnanda suscipere non profitemur. Cum vero is adversus dignitatem Ecclesiæ plura gesserit, maximaque scandala concitarit, ea premi silentio historiæ lex non patitur: nec licet tradantur Annalibus, exinde tamen inclytæ domus Bavaricæ gloria obscuratur, uti nulla labes Christo aspergitur, etiamsi inter ejus progenitores quispiam idololatram recensatur in Evangelio; nec detrahitur Ecclesiæ sanctitati, quamvis ex gentilibus genus traxerit, nec rosarum forma lædatur, etsi nascentur e spinis. Adde eo illustriorem esse stirpem Bavaricam, quo postrema hac ætate illius constantia et pietate stetit in Germania orthodoxa religio: qua in re præclaram Maximilianii virtutem nulla futura ætas conticescet. Candido ergo stylo, consultum Bavaricæ domus splendori et dignitati volentes, quæ perperam a Ludovico gesta conscribemus.

In primis igitur, quod observatione dignum est, in superiore apologia objecit Pontifici, Minoritarum summum præfectum, aliosque ejus Ordinis præcipuos in jus vocatos de patefacto exhomologeseon arcano in crimine foveri: « Ipse est, in-

¹ Annal. tom. XIV, in. Chr. 1263, num. 16. et an. 1264, num. 39.

quit, dissimulator, defensor et fautor hæreticæ pravitalis ejus, quæ totam sanctam Ecclesiam inficit et conturbat; et a confessione retrahit penitentes, et generandis in spiritu viam claudit. Nam cum ad ipsius summi Pontificis audientiam gravibus et frequentibus archiepiscoporum, episcoporum et nonnullorum indigne gradus prælatorum querimoniis sit deductum, et legitime propositum coram eo contra generalem ministrum, custodes, guardianos et fratres Minores Ordinis S. Francisci, quod ipsi sint secretæ confessionis proditores; et peteretur ab eo, ut hoc tanquam perniciosissimum in Ecclesia sancta Dei, unde periclitabantur animæ, aditus ad gratiam obstruatur et peccatorum remissio negligitur, juxta pastoralis officii emendaret; ipse tanquam tergiversando, dissimulando et celando morbum hujusmodi pestiferum, et lethalem mortem animæ perpetuam inferentem, curare salubriter et debito medicamine non curavit; dietis fratribus, in hac parte, sanctæ Romanæ Ecclesiæ et fidei Catholicæ inimicis constituens se fautorem». Hactenus Ludovicus, nocendi studio fingens calumnias: qui postea, cum animadvertisset Michaëlem Casenatem ac socios cervices superbas in Christi vicarium erigere, atque impie de paupertate Christi sentire; eorundem suscepti patrocinium: sed hæc postea.

Interea prætexens Cæsarea jura a Joanne papa opprimi, captansque politica diffugia ad Pontificia edicta eludenda, suo et omnium Cæsarei apicis studiosorum nomine ad Concilium provocavit: «Cum, inquit, propter præmissos articulos (nempe Minoritas defensos, et vocatum in jus discordibus suffragiis electum Cæsarem), quos non est dubium statum fidei Catholicæ, sanctæ Romanæ Ecclesiæ, sacri imperii contingere, et omnium interesse, opus sit convocatione Concilii generalis, instanter et cum omni devotione ipsum, quam primum commode poterit, ad locum communem et aptum pelimus congregari: in quo ad Dei omnipotentis honorem, sanctæ Christianitatis bonum statum et profectum fidelium; necnon pro reverentia reverendorum patrum dominorum cardinalium, patriarcharum, primatum, archiepiscoporum, episcoporum et totius ordinis Ecclesiastici; necnon ejusdem sacri Concilii solemnitate, dante Domino, personaliter intendimus interesse, etc. Anno a Nativitate Domini mcccxxii, Indictione vi. Edita hæc provocatio, ut illa juris exceptione contra edicta Pontificia aliquem justitiæ colorem factioni suæ allineret. Cæterum nomine Concilii, ad quod provocabat Ludovicus, non tam is sollemnis episcoporum cætus, quibus Pontifex præsidere solet, intelligebat, quam paucorum conventiculum, cui præesset ipse Ludovicus, quod omni studio congregare visus est, ut in eo sævum aliud quod schisma crearet, ut docent illius gesta: ipsum siquidem cardinalem Ursinum tentasse, ut aufugeret in Germaniam, et schismaticorum conciliabulum

coacturum adversus Joannem spopondisse, constat¹ de quo inferius. Memorata porro fraus ad Concilium contra edicta Apostolica provocandi cum a principibus ad flagitia turba crebro postea usurparetur, demum a Pio II damnata est anathemate in Mantuana Synodo, ut suo loco dicitur. Nunc reliqua hæc anno gesta prosequamur.

37. *Motus in Sardinia et Lusitania.* —

In Sardinia atrox in Pisanos conjuratio erupit²: Arboreæ enim toparcha quem Judicem vocabant, inita cum Aragoniis coitione, Pisanis tota insula ex conducto, in quos sævire potuit, obruncatis, defecit ad Jacobum regem Aragonum, qui illius insule imperium clientelæ nomine a Romano Pontifice ac lege acceperat, ut Siciliæ insulam Carolo II relinqueret. Alfonsus vero filius sceptri Aragonii hæres, valida classe in insulam invectus, plura loca in suam potestatem redegit³, Pisanosque variis attrivit cladibus: demum pacem ea lege sequenti anno cum ipsis pepigit, ut Calaris arce retenta cum aliis agris oppidisque contributis Pisanorum juris, reliqua penes Aragonios essent. Addit Mariana⁴ in Castella ob regis Alfonsi juventutem proceres multa fœdera adversus regiam dignitatem coivisse, vectigalium rationem a Joanne Aragoniæ regiæ principe eodemque Toletano archiepiscopo exegisse, scriniique regii præfecturam, qui magistratus hactenus ab archiepiscopis Toletanis gerebatur, ipsi eripuisse; nec nisi inane nomen penes ipsos ab eo tempore basisse: Joannem vero Aragonium impatientem injuriæ in parentis regnum abscessisse, ac Semenum Lunam præsulæm Toletanum renuntiatum.

In Lusitania labefacta fuerat immunitas ordinis Ecclesiastici, Dionysio rege de sacerdotum sceleribus cognoscendi jus sibi arrogante, et jura Ecclesiarum infringente: cujus sceleris cum supplex veniam deposeret, Pontifex partes dedit Gondisalvo Ulyssiponensi episcopo absolvendi regis anathematis vinculis, quibus se irretierat, modo in posterum ab hujusmodi ausis sibi temperaret. «Nos, inquit, volentes benigne, quantum cum Deo possumus, super his votis annuere et saluti animæ prospicere dicti regis; ac de tunc circumspeditionis industria plenam in Domino fiduciam obtinentes, fraternitati tuæ per Apostolica scripta committimus et mandamus, quatenus satisfactione tam monasterio prædicto et Ecclesiis, quibus in suis libertatibus vel alias ex prædictis injuria fuerit irrogata; quam quibuscumque personis et locis, quorum interest et poterit quorumlibet interesse, super quo tuam oneramus conscientiam præstita competentis ac ab eodem rege recepta cautione juratoria, quod talia vel similia in derogationem libertatis Ecclesiasticæ de cætero non committat; eidem a prædictis ac a quibuscumque aliis excommunicationum sententiis, quas

¹ Ms. Vat. bibl. sign. num. 109, pag. 163. — ² Jo. Vill. l. ix, c. 197. — ³ Eod. lib. c. 210. — ⁴ Jo. Mariana, l. xv, c. 18.

pro incarceratione et detentione clericorum, tam religiosorum quam secularium, etiam si aliqui in ipsius regis carceribus obierunt, de quibus forsitan minime recorderetur, incurrisset haecenus; juxta formam Ecclesiae hac vice auctoritate nostra studeas absolutiois beneficium impertiri, injungens eidem, prout secundum Deum salutariam ipsius expedire noveris, penitentiam salutarem: quam si complere forsitan, quod absit, contempserit, in eandem sententias recidat ipso facto. Dat. Avin. III. kal. Junii anno vii ».

38. *Elucubraciones variae super controversia de paupertate Christi.* — Extracta in hunc annum est mota superioribus annis controversia de paupertate Evangelica, an Christus et Apostoli jus et dominium in ea, quibus usos esse divina recensent oracula, obtinerent; an vero sine jure simplicem et purum usum, ab omni dominio sejunctum obtinissent. De qua controversia plures editae sunt concertationes theologicae: consultaque Parisiensis Academia sententiam suam in subjecto commentario¹ multo doctrinae splendore illustravit. In quo, et in lucem edendis, si quipiam forte alicui non ariserit, is secum reputet, non omnia apud quemque paria esse dignitatis, neque eodem argumento omnium mentes vinci; neque ob id reliqua silentio premenda fuisse, cum in iis plurimum memoria dignissimarum rerum majestas efflorescat.

« Illoc dedit dominus cardinalis Viennensis de studio Parisiensi.

« Queritur utrum Christus et Apostoli haberent aliqua bona temporalia in communi quantum ad proprietatem et verum dominium: et arguitur quod nihil omnino habuerint, nec in proprio nec in communi quantum ad proprietatem, primo de Christo solo, secundo de Apostolis. Quantum ad Christum, arguitur quinque mediis. Primo per illud Matth. viii: *Vulpes foveas habent, et volucres caeli nidos: filius autem hominis non habet ubi caput reclinet.* Sed ille, qui non habet ubi possit reclinare caput, nil habet. Ergo, etc. Et confirmatur per Hieronymum super eodem verbo in glo. Tho. Quid me propter divitias et saeculi lucra cupis sequi, cum tantae sint paupertatis, quod nec hospitium habeam, et tecto utar non meo. Et Chrysostomus super eodem verbo Lucæ ix: Qualiter paupertatem, quam Dominus docuerit, per opera demonstrat: non erat ei mensa, non candelabrum, nec quidquam talium. Secundo super illud Matth. xvi: *Vade ad mare, et mitte hamum,* etc. glo. Rabani: Dominus tantae fuit paupertatis, ut unde daret tributa non haberet: Judas quidem communia in loculis habebat; sed res pauperum in suos usus convertere nefas duxit, dans exemplum nobis. Tertio super illud Psal. *Infusus sum in limo profundi, et non est substantia;* dicit Augustinus in originali: Suam paupertatem volens Dominus nobis commendare,

fortasse dixit: Non est substantia; ad summam enim paupertatem devenit, quando formam servi induit. Sed paupertas est nil habere. Ergo, etc. Quarto Extr. de verb. signif. dicitur de illa paupertate non habentium in proprio nec in communi, quia Christus hanc paupertatem verbo docuit et exemplo firmavit. Quinto et ultimo quantum ad Christum per rationem: sic: Christus exemplar omnis perfectionis debuit in se summum gradum perfectionis habere. Sed perfectio vite spiritualis consistit essentialiter in tribus votis religionis, scilicet continentia, paupertate et obedientia. Ergo in quolibet istorum Christus debuit supremum gradum observare. Sed summus gradus paupertatis est nihil habere in proprio nec in communi. Ergo, etc. Et confirmatur, quia Christus continentiam observavit in supremo gradu: non enim habuit continentiam conjugalem, nec vidualem, sed virginalem; similiter obedientiam habuit in supremo gradu, quia factus est obediens usque ad mortem, mortem autem crucis, Phil. ii. quae mors fuit acerbissima et vilissima. Ergo et paupertatem in supremo gradu debuit observare.

39. « Quantum ad Apostolos probatur id quadrupliciter. Primo Matth. x: *Nolite possidere aurum, neque argentum, neque pecuniam in zonis vestris: non peram in via, neque duas tunicas, neque calceamenta, neque virgam: dignus est enim operarius cibo suo,* sed omnia ista fuerunt a Christo praecepta Apostolis, ut patet ex principio secundi capituli. Ergo, etc. Secundo, Matth. xix: *Si vis perfectus esse, vade et vende quae habes, et da pauperibus.* Sed qui vendit omnia quae habet. et dat pauperibus, nihil habet. Ergo, etc. Et eodem capitulo dixit Petrus: *Ecce nos reliquimus omnia, et secuti sumus te.* Tertio Luc. iv: *Omnis ex vobis, qui non renuntiat omnibus quae possidet, non potest esse meus discipulus.* Si omnibus renuntiat, nihil habet. Ergo, etc. Quarto Chrysostomus in glo. Tho. Jo. xii. *Judas loculos habebat:* nullus discipulorum pecunias afferebat. Sed per hoc quod hic dicit occulte insinuat, quod quaedam mulieres eum de suis facultatibus nutriebant.

« In oppositum est, quia Christus loculos habuit, quos portandos Judae commisit. Jo. i. xii et xiii. Apostoli etiam pecunias habuerunt, de quibus aliquando emerunt cibos. Jo. iv.

40. « Responsio. Dicendum, quod cum in ipso sint duae naturae in uno supposito, divina scilicet et humana, quaedam convenerunt Christo ratione divinae naturae solum, sicut creare et infinitum esse; quaedam vero sunt, quae competunt Christo ratione humanae naturae sic, quod repugnant sibi ratione divinae, sicut pati et mori: alia autem sunt, quae competunt sibi ratione utriusque, licet diversimode, sicut esse nasci: nasci enim competit Christo et ratione divinae naturae, sed ab aeterno; et etiam ratione humanae naturae, sed ex tempore. Modo nulli est dubium quin Christus ratione dei-

¹ Exta in Ms. bibl. Vat. sign. num. 3716, pag. 218, etc.

tatis est verus dominus omnium corporalium et spiritualium creaturarum, quia habet verum et plenum jus in omnibus creaturis quantum ad proprietatem et usum ratione creationis et conservationis rerum, Psalm. *Dominus est terra et plenitudo ejus*. Et alibi : *Meæ sunt fere silvarum, jumenta in montibus et boves*. Et Judith. II : *Dominus calorum, creator aquarum et dominus totius creaturæ, exaudite me*. Sed utrum dominium omnium creaturarum, vel saltem aliquarum corporalium competat Christo ratione humane naturæ, sicut nasci de matre ex tempore suo modo competit sibi ratione humane naturæ, videtur aliquibus dubium. Et propter hoc sic procedam, quia primo ostendam, quid est verum dominium temporale : secundo distinguam de dominio temporali : tertio ostendam quibus modis, et quot Christus fuit verus dominus omnium temporalium, vel saltem aliquorum.

« Quantum ad primum articulum ; dico quod verum temporale dominium verum est jus proprium habendi, possidendi, utendi re aliqua simpliciter, vel secundum aliquem certum modum. Dico, quod dominium est jus aliquid uti enim re ; et possidere sine jure, non facit nec dat verum dominium, alias fures et latrones, qui possident res alienas, et utuntur eis pro libito voluntatis, essent veri domini, quod est falsum. Jus etiam quodcumque non semper tribuit dominium, quia plus est jus quam dominium : omne enim dominium verum temporale est aliquid jus sed non e contra ; quia non omne jus est dominium : nam servus habet verum jus temporale super dominum suum, quia dominus tenetur nutrire et alere servum, sicut servus tenetur servire et obedire domino suo ; et tamen licet servus habeat jus in domino suo, non potest proprie dici dominus, similiter filius habet aliquid jus in patre, etc. » Multis in hunc et secundum articulum, in quo dominii, quod definit, *jus habendi rem cum quadam superioritate et auctoritate*, variae distinctiones afferuntur, interjectis, ad tertium descendit.

« Quantum ad tertium articulum principalem, sic procedam, quia quaeritur de Christo et Apostolis simul, utrum habuerint aliqua bona temporalia ; primo ostendam, quod Christus habuit bona aliqua temporalia, in quibus habuit verum et reale jus quoad usum et proprietatem ipsorum. Secundo ostendam idem de Apostolis, quod habuerunt aliqua simul cum Christo et etiam per seipsos.

41. « Quantum ad Christum, pono tres conclusiones. Prima est, quod Christus in quantum homo et ratione humane naturæ individualis habuit ab instanti suæ conceptionis verum (jus) et verum dominium infusum in omnibus rebus creatis, et quantum ad proprietatem et quantum ad usum. Secunda conclusio est, quod cum prædicto dominio infuso, quod ab instanti conceptionis fuit in Christo, Christus acquisivit novum jus

et novum dominium in aliquibus rebus sibi collatis a fidelibus et devotis, quando conversabatur in mundo. Tertia conclusio, quod licet habuerit verum et plenum dominium infusum in omnibus creaturis, nunquam tamen fuit usus dominio rerum immobilium, nisi, sicut et quantum unus non dominus potest uti, nec habuit talis domini executionem : dominio vero bonorum mobilium, quantum ad usum et proprietatem fuit usus, sed valde paucorum et parce.

« Primum conclusionem probo quadruplici ratione. Primo sic : Cuiusque competit verum et perfectum jus habendi aliquam rem, et utendi ea jure proprio pro libito voluntatis, illi competit verum et perfectum dominium in illa re : hæc propositio patet ex primo articulo superius declarato. Sed Christo secundum quod homini et ratione suæ humanitatis, competit ab utero suæ conceptionis verum et perfectum jus utendi omnibus rebus corporalibus, imo omnibus creaturis pro libito suæ voluntatis. Ergo ipse habuit ab utero suæ conceptionis verum dominium et perfectum in omnibus creaturis. Sed verum et perfectum dominium est dominium completum quantum ad rei proprietatem et usum, sicut fuit supra declaratum in secundo articulo. Ergo, etc. Major hujus rationis patet ex primo articulo principali : sed minor probatur et primo per Apostolum ad Hebræos II, ubi loquens de Christo quantum ad humanitatem dicit : *Minuisti eum paulo minus ab Angelis : gloria et honore coronasti eum, et constituisti eum super opera manuum tuarum. Omnia subjecisti sub pedibus ejus*. In eo enim, quod omnia subjecit, nihil dimisit non subjectum ei. Auctoritas est clara : et quod loquatur de Christo quantum ad humanitatem, patet per glossam Ambrosii ibidem dicentem sic : *Minuisti eum paulo minus per passibilem naturam : minoratus est enim, dum se exinanivit, formam servi accipiendo*. Ergo propter infirmitatem carnis, quam Dei sapientia gestare dignata est, etc. (carnis) humilitatem recte dicitur : *Minuisti eum*, etc. quia mortalis et passibilis. Sequitur in eadem glossa Ambrosii : *Constituisti eum super opera manuum tuarum*. Ecce potestas Christi ostenditur, ut enim a divino opere nihil excipitur, ita nec a Christi potestate. Ecce textum planum et glossam planissimam : nisi quis velit gratis transversari. Sed forte dicitur ad ista, quod omnia subjecit humanitati assumptæ quoad dignitatem solum, quia ad suppositum divinum assumptæ ; sed non quoad dominium et auctoritatem. Istud statim removet glossa sequens Augustini dicens : Et non solum constitutus est super omnia opera, ut dignior ; sed et omnia subjecisti sub pedibus ejus, id est, potestati ejus et dominio, ut adorent eum et vereantur : posset enim esse superior, et tamen omnibus non dominari. Hæc glossa. Secundo eadem minor probatur per illud Matthæi ultimo : *Data est mihi omnis potestas in celo et in terra*, etc. Qui omnia dicit, nihil ex-

cludit. Et quod intelligatur de humanitate, patet per glossam ibidem : Data est ; non de coeterna Patris deitate, sed de assumpta dicit humanitate, qua minor est Angelis, in qua etiam gloria et honore coronatus est ». Et paulo infra : « Et glo. Tho. Filius quippe Dei Virginis filio, deus homini, deitas carni contulit, quod semper ipse cum Patre praecedit. Tercio probatur per illud Apocalypsis xix : *Habet in vestimento et femore suo scriptum, Rex regum et dominus dominantium*. In vestimento ; interlinearis, id est, in humanitate ; et dominus dominantium ; id est, illorum, qui dominium exercent in subditos. Quarto probatur eadem minor per illud Philipp. ii : *Propter quod et Deus exaltavit illum, et donavit illi nomen, quod est super omne nomen : ut in nomine ejus omne genu flectatur caelestium, terrestrium et infernorum*. Glo. Aug. Quod a conceptione acceperat, dicitur ei et donatur post resurrectionem propter manifestationem, et glossa Ambrosii sequitur : Quæres, cui donatum? Utrum homini an Deo? Respondeo, homini donavit nomen, quod est super omne nomen, non Deo. Sequitur in glo. Augustini : Donavit ergo secundum hominem Christo secundum carnem mortuo, resurgenti et ascendenti, ut in nomine Jesu omne genu flectatur caelestium, terrestrium et infernorum ; id est, imperio ejus fateantur subijci Angeli, homines et demones. Ille Augustinus. Constat autem, quod ille est verus dominus, cui subijciuntur Angeli, homines et demones, quia subjectio refertur ad dominum et principatum ; unde subdit idem Augustinus in glossa : In carne, quam accepit, factus est dominus dominorum, et est dominus Deus qui est dominus caelestium, terrestrium et infernorum.

42. « Secundo probatur conclusio prima sic. Illud quod importat dignitatem et perfectionem simpliciter, et non impedit finem incarnationis, sicut immortalitas et similia quod potest communicari et de facto communicatum est alicui puro homini, multo fortius est communicatum Christo secundum humanam naturam ab instanti suae conceptionis : hoc satis videtur rationabile, quod illi naturae unitae deitati omnis humana perfectio naturalis et gratuita, sicut et benefica ». Et infra : « Sed jus habendi et utendi pro libito voluntatis, et dominium verum quo ad proprietatem et usum super omnia temporalia inferiora saltem fuit collatum primo homini in statu innocentiae et naturae integræ ; juxta illud Genes. ii : *Dominamini piscibus maris et volatilibus cæli* ; unde prius homo pro tunc poterat omnibus uti sicut verus dominus pro libito voluntatis ; et Christo tale dominium fuit collatum ab initio suae conceptionis : unde licet uti et maxime indifferenter dominio rerum temporalium forte non importet dignitatem et perfectionem simpliciter, sed sicut actus indifferens, qui potest bene et male fieri ; tamen habere dominium et jus utendi pro libito voluntatis pertinet ad dignitatem et perfectionem simpliciter, alias

nunquam fuisset communicatum homini in statu perfecto innocentiae, nec competeret beatis post generalem resurrectionem ; nec competeret Deo ratione divinae naturae, qui est dominus verissimus omnium rerum quoad proprietatem et usum.

43. « Sed contra minorem hujusmodi rationis potest obijci : nam per votum paupertatis et religionis quis abrenuntiat omnibus bonis temporalibus, et privat se omni jure et dominio, et quantum ad proprietatem et quantum ad usum. Sed vovere paupertatem tacit ad perfectionem spirituales, de qua loquimur. Ergo habere dominium et jus utendi rebus non pertinet ad perfectionem spirituales : imo magis privare se per votum paupertatis tali dominio et jure pertinet ad perfectionem spirituales. Item quando dicitur, quod Deus est dominus omnium creaturarum. Ergo habere dominium et jus dominandi pertinet ad perfectionem simpliciter ; si ista probatio est bona, ita probat quod uti de facto ipsis rebus pro libito voluntatis dicit perfectionem simpliciter : quia constat, quod sicut Deus habet dominium omnium rerum : ita de facto utitur omnibus rebus pro libito voluntatis, et sic usus omnium rerum fuisset in Christo, quod est contra conclusionem hujus questionis.

« Ad ista dicendum, ad primum dupliciter. Primo quod votum paupertatis, et abdicatio dominii, juris et aliarum rerum temporalium pertinet ad perfectionem spirituales vitæ sicut instrumentum perfectionis, sicut dicitur in tertia conclusione : hoc, inquam, verum est in natura lapsa, vel quæ potest deficere et labi in peccatum, sicut sunt vitiores communiter ; et quia talia jura et dominia ut plurimum a Deo retrahunt, et incitant ad peccatum : sed in natura, quæ labi non potest nec peccare, sicut fuit natura humana assumpta a Verbo, sicut et sunt et erunt omnes beati, privatio talis juris et dominii per votum paupertatis vel aliter non esset perfectionis, sed imperfectionis. Secundo potest dici, quod instantia prædicta falsum assumpsit quando dicit, quod per votum paupertatis et religionis quis renuntiat, et privat se omni dominio et jure rerum temporalium ; hoc, inquam, falsum est, quia non privat se usu temporalium necessarium ad vitæ sustentationem, quia hoc fatum esset, nec jure sic utendi. Item licet privet se dominio proprietatis quantum ad dominium proprium, non tamen quantum ad dominium communis, in quo dominio communicat sicut pars communis ; et tali dominio et juri non renuntiat per votum paupertatis.

« Ad secundum quod jus utendi pro libito ipsis rebus temporalibus importat perfectionem simpliciter in omni natura et in omni statu, in quo utens non potest deficere nec errare, sicut est natura divina et natura humana in statu beatorum ; et quia humanitas Christi assumpta a Verbo non poterat errare, idcirco sine imperfectione sua

habuit plenum jus utendi omnibus pro libito voluntatis; simpliciter dico, quia uti de facto quilibet est perfectionis in natura, quæ non potest errare, nec male velle; sicut fuit status humanæ nature assumptæ a Verbo: nunc dico, quod Christus quantum voluit usus fuit. Verum est, quod paucis uti voluit propter nostrum exemplum et nostram redemptionem, propter quam voluit habere usum valde pauperem». Et infra:

44. « Et quia omnia facta sunt propter hominem, et homo est dominus omnium naturaliter, posset dici, quod Christus secundum humanitatem, secundum quam est caput hominum, ipse est verus dominus omnium corporalium. Isto modo videtur arguere expresse Apostolus Ephes. 1: *Omnia subiecit sub pedibus ejus, et ipsum dedit caput super omnem Ecclesiam*, quæ est *corpus ejus*; ubi glossa Ambrosii: Sub pedibus ejus, id est, sub humanitate ejus, quæ significatur per pedes: quia sicut pes est pars inferior corporis, ita in Christo inferior pars est humanitas, quam Angeli adorant: et ipsi Christo hæc omnia subsunt. Hoc glossa. Et infra circa medium ejusdem versus dicit idem.

« Quarto principaliter probatur eadem conclusio sic, et est ratio particularis quantum ad quædam bona, quæ habuit non a conceptione, sed quasi a nativitate». Et infra: « Probatur quod Christus habuit verum jus quantum ad usum in omnibus, quæ comedit et bibit ab instanti suæ nativitatis usque ad mortem, et arguo primo sic: Quicumque facit aliquid juste, habet jus faciendi illud; et quicumque habet aliquid juste, habet jus habendi illud; hoc patet per locum a conjugatis, et contrarium videtur implicare contradictionem, scilicet quod aliquis faciat aliquid juste, et tamen non habeat jus faciendi. Sed Christus juste comedit et bibit, et iuste usus est cibo et potu et aliis necessariis ad sustentandam vitam humanam, quia omnia habuit dono expresso vel tacito, vel alio justo titulo. Ergo habuit jus habendi et jus utendi, comedendo vel bibendo. Probatur: Justum et injustum sunt privative opposita circa actum humanum saltem deliberatum. Ergo secundum legem privativæ oppositionis omnis actus Christi saltem deliberatus fuit justus vel injustus. Sed actus comedendi et bibendi in Christo fuit actus deliberatus, et non fuit injustus, ergo justus; et si justus, ergo habuit jus utendi cibo et potu, aliter esset dare concretum sine abstracto et effectum formalem sine forma, quod est impossibile: quia sicut nulla potentia potest fieri, quod aliquid sit album sine albedine, ita nullo modo potest fieri, quod aliquid sit justum sine iustitia et jure. Probatur, si Christus comedit et non habuit aliquid jus in cibo, nec quantum ad usum, usus Christi et comestio non differebat ab usu latronum; quia et illi utuntur de facto comedendo cibum furatum omnino sine iure». Et infra:

45. « Secunda conclusio est, quod præter dominium infusum ab instanti conceptionis respectu omnium creaturarum, Christus in quantum homo, et ratione suæ individualis nature acquisivit verum jus et dominium in quibusdam rebus sibi collatis ex fidelium collatione et suæ acceptione: quod probabo sex mediis.

« Primo quia non plus repugnat dominium acquisitum aliquarum rerum domino infuso omnium creaturarum ab instanti conceptionis Christi, quam scientia experimentalis acquisita rerum temporalium repugnat scientiæ omnium naturalium et gratitutorum, vel supernaturalium infusæ anime Christi a principio suæ creationis. Sed anima Christi fuit a Deo infusa scientia omnium naturalium et supernaturalium a principio suæ creationis et conceptionis; et hoc non obstante Christus præterea acquisivit lumine intellectus agentis scientiam experimentalem rerum naturalium, sicut dicit Thomas par. ult. q. xii, art. ii, juxta illud Lucæ ii: *Jesus proficiebat sapientia, ætate et gratia apud Deum et homines*. Ergo simili causa domino sibi infuso ab instanti suæ conceptionis respectu omnium creaturarum, potuit et debuit stare dominium de novo sibi acquisitum per modum naturalem et communem processu temporis in rebus a devotis et fidelibus collatis.

« Secundo cuicumque acquiritur aliquod novum jus in usu rei, quæ totaliter consumitur ipso usu, eidem competit jus et dominium in proprietate. Sed Christus in quantum homo in rebus sibi a fidelibus collatis, puta in cibo et potu, collatis sibi a Martha et Zachæo et cæteris, acquisivit verum jus in novum modum domini utendi illo cibo sibi dato; alias non plus nec magis licuisset comedere cibum datum quam non datum. Ergo tunc acquisivit novum jus et novum modum domini in tali proprietate.

« Tertio quia si Christus non acquisivisset aliquod novum jus, vel novum dominium in rebus sibi de novo collatis, hoc fuisset, aut quia donantes non potuissent jus suum dare, aut quia Christus non potuisset recipere: primum non potest fingi, ex quo illi erant veri domini rerum collatarum: secundum etiam non potest dari, quia si Christus in quantum homo non potuisset recipere novum jus rerum donatarum, hoc fuisset aut ratione divine nature, cui uniebatur; aut ratione pleni domini omnium jam infusi a conceptione, cum quo forsitan non posset stare novum dominium particulare; aut ratione alicujus paupertatis et abdicationis domini. Non propter primum, quia humana natura unita deitati retinuit omnes proprietates et conditiones humanas, præter defectus innaturales, et defectibiles passiones secundum Damascenum. Nec etiam obsistit, quod licet unus et idem non possit habere in eadem re plura dominia ejusdem rationis, tam plura dominia diversarum rationum et distincta talia jura potes-

acquirere, et simul habere : sicut dominium altum et dominium bassum, directum et utile ; dominium autem humanitati Christi infusum in conceptione, et dominium postea acquisitum ex tempore in rebus collatis non est ejusdem rationis, nec modi : sicut nec scientia Christo infusa cum scientia acquisita experimentaliter ». Et infra :

« Quarto, quia datio et receptio dicuntur relative, et mutuo se respiciunt ; quia non potest esse datio nisi ubi est receptio, et quantum donans dat, tantum recipiens recipit. Sed dantes Christo bona sua dando privabant se et spoliabant jure et dominio, quod habebant in rebus datis : aliter non fuisset verum donum, sed fictum. Ergo Christus, recipiendo eorum dona, illud jus et dominium sibi acquirebat.

46. « Quinto sic arguo. Primo præmitto duo : primum est, quod potestas judicandi, est potestas jure domini ; quia nulli competit judicare jure proprio nisi soli domino, juxta illud I Cor. iv : *Qui autem judicat me Dominus est*, et ad Rom. xiv : *Tu quis es, qui judicas servum alienum ?* secundo præmitto, quod meritum de condigno innititur juri et justitiæ, et non solum liberalitati et gratiæ donantis : verum quicumque meretur de condigno, merendo acquirit novum jus in præmio, quod meretur. Ex his arguo : Quicumque meretur de condigno judicariam potestatem, merendo acquirit novum jus et verum dominium super judicandos. Sed Christus in quantum homo meruit sibi per passionem potestatem judicandi vivos et mortuos, sicut Thomas declarat, part. ult. q. xix, art. v, et illam judicariam potestatem Christum meruit ab instanti suæ conceptionis. Ergo Christus super omnes judicandos ex parte sua, verum jus et verum dominium acquisivit. Ergo sicut Christus in quantum Deus est verus dominus omnium creaturarum, jure tamen et dominio increato ; ita Christus in quantum homo est verus dominus omnium creaturarum, jure tamen et dominio infuso et creato, sicut patet ex prima questione principali. Sed non obstante dominio increato rerum omnium, res dedicate et oblatae sunt Dei specialiter et Deo subjectæ jure speciali dedicationis et oblationis juxta c. Extr. Ingredientes monasteria se et sua Deo dedicant. Ergo a simili res Christo homini et in quantum homo collatae et oblatae erant Christi duplici jure, jure generalis domini creati et infusi a principio suæ conceptionis et jure specialis domini sibi acquisiti tempore collationis et receptionis talium donorum. Et potest confirmari, quia sicut Salomon habuit forte duplex jus in regno Jerusalem, unum ex divina promissione et electione Ps. lxxxviii ; secundum, ex patris sui Davidis collatione et successione III Reg. i, et sicut filii Israël in exitu de Ægypto habuerunt duplex jus in spoliis Ægyptiorum, saltem quandiu fuerunt in Ægypto, unum ex Ægyptiorum accommodatione, aliud ex divina collatione ; propter quod excusantur a furto, quia

asportaverunt eas secum, sicut patet Exod. xii, sic Christus in quantum homo habuit et habere potuit duplex jus et duplex dominium, diversarum tamen rationum in rebus sibi a devotis collatis : unum sibi a Deo infusum in conceptione, commune aliud, postea acquisitum ex fidelium collatione et sua acceptione.

47. « Et confirmatur auctoritatibus Scripturæ, quod Christus fuit verus dominus rerum sibi collatarum. Primo per illud quod scribitur Jo. xii : *Maria unxit pedes Jesu*; sequitur : *Dixit ergo unus ex discipulis suis Judas Iscariotes, qui erat eum traditurus : Quare hoc unguentum non venditur trecentis denariis et datum est egenis. Dixit autem hoc, non quia de egenis pertineret ad eum ; sed quia fur erat et loculos habens, ea quæ mittebantur, portabat.* Glossa interlinearis super illud : *Et loculos habens* ; Domini loculorum custos. Ergo dominus habebat loculos illos, et contenta quæ in loculos mittebantur, quorum Judas solus erat custos. Item alia glossa marginalis : Non pertinebat ad eum de egenis quantum ad intentionem suam, quia non curabat de eis, non quin commissum esset ei dispensare pauperibus. Ergo Christus commiserat dispensationem illarum pecuniarum Judæ. Sed dispensationem pecunie nullus potest alteri committere, nisi ille, qui habet jus in pecunia. Secundo : Est dominus pecunie. Ergo Christus habuit jus et fuit verus dominus pecuniæ. Secundo probatur idem per illud quod scribitur Joannis xii, quando post buccellam introivit in eum Sathanas, dixit ei Jesu : *Quod facis, fac citius. Hoc autem nemo scivit discumbentium ad quid dixerit ei : quidam autem putabant, quia loculos habebat Judas, quod dixisset ei Jesus : Eme ea quæ opus sunt nobis ad diem festum, aut egenis aliquid daret.* Augustinus, ut habetur in glo. Tho. Habebat ergo et Dominus loculos, et a fidelibus oblata conservans, suorum necessitatibus et aliis indigentibus tribuebat.

48. « Ad hoc responderetur (nempe ab adversariis), juxta Decretalem, *Exiit*, quod Christus loculos habuit non quantum ad statum Apostolicum, quem assumpsit, qui fuit status summæ perfectionis, in quo nihil habuit nec in proprio nec in communi ; sed Christus interdum condescendit infirmis, et tunc loculos habuit. Et hoc videtur expresse dicere quædam glossa marginalis Jo. xii super illud, *Et loculos habens*. Cui Angeli ministrabant, loculos habebat in sumptus pauperum, condescendens infirmis. Ad istud dicendum, quod ista responsio non interinit questionem nostram, sed magis confirmat ; quia dat rationem et causam, quare Christus habere voluit loculos : certum est enim quod ille, qui habet loculos et pecuniam propter infirmos et pauperes, vere habet loculos et vere habet pecuniam, et potest habere verum jus habendi et dominium, sicut patet de hospitalibus et de domo Dei : constat enim quod domus non habet pecunias, nec aliqua bona temporalia,

nisi propter infirmos et pauperes; et cum hoc stat, quod domus Dei habet verum jus et dominium in his, quæ possidet propter sublevationem pauperum. Solum ergo causa redditur in ista glossa et per similes auctoritates, quare Christus habuit loculos et pecuniam: certe propter infirmitatem et imperfectionem Apostolorum et discipulorum sequentium Christum; tanta est enim infirmitas et debilitas humane nature, ut non possit præsentem vitam transire absque cibo et potu et quibusdam aliis necessariis, quæ non sufficienter interdum sine pecuniis habentur. Item propter eorum infirmitatem personalem, qui postquam viderant multa miracula, adhuc dubitabant de Christo, et omnes in passione dubitaverunt; unde dicit eis Jesus Luc. xxii: *Nolite timere, pusillus grex*. Et Matth. xxvi: *Dixit Petro: Spiritus quidem promptus est, caro autem infirma*. Et ideo propter istam duplicem infirmitatem Apostolorum et discipulorum, et scilicet infirmitatem humane nature et infirmitatem personalem eorum, qui fuerunt valde duri ad credendum et timidi ad mala toleranda, scilicet pauperatatem, etc. quia statim credebant deficere: Christus condescendens eorum infirmitati et imperfectioni, statuendo statum perfectum Apostolicum, voluit habere loculos et bona mobilia in communi, sicut magis patebit in secunda questione.

49. «Tertia conclusio est, quod licet Christus secundum quod homo habuit verum jus et verum dominium a Deo sibi in conceptione infusum rerum omnium creaturarum; isto tamen dominio nunquam fuit usus quantum ad res immobiles, nec habuit dominii executionem rerum immobilium nisi sicut et quantum unus extraneus posset uti; dominio autem aliquarum rerum mobilium fuit usus, sed paucarum et parce valde propter nostrum exemplum.

«Prima pars hujus conclusionis, scilicet quod non habuit usum, nec executionem dominii quoad immobilia, patet, quia Matth. vii dicitur: *Vulpes foveas habent, et volucres celi nidus: filius autem hominis non habet ubi caput suum reclinet*. Sed qui non habet ubi reclinet caput, non habet aliquem locum, nec per consequens aliquam rem immobilem. Ergo, etc. Unde glo. Hieronymi super prædicta auctoritate: Quid nec propter divitias et seculi lucra cupis sequi, cum tante sim pauperatis, quod nec hospitium quidem habeam, et tecto utar non meo? Et Chrysostomus super eodem verbo Lucæ q. in glo. Tho. Aspicit qualiter pauperatatem, quam Dominus docuerat, per opera demonstrat. Non erat ei mensa, non candelabrum, nec quidquam talium. Primum autem, quod homines consequerentur acquirere communiter inter res immobiles, est domus: quare, etc. Est tamen advertendum, quod non uti de facto bonis temporalibus maxime immobilibus, nec quantum ad proprietatem, nec quantum ad usum, non minuit verum dominium, nec tollit jus utendi;

quia constat quod filius parvulus posthumus mortuo patre suo habet verum et plenum dominium, et verum jus in omnibus patris defuncti, quia si filius et hæres, et hoc tam in proprietate, quam in usufructu et usu; et tamen parvulus hæres non potest habere executionem sui domini, nec uti suo jure. Isto modo loquitur Apostolus Gal. iv: *Quanto tempore hæres parvus est, nihil differt a servo, cum sit dominus omnium*. Christus igitur noluit ubi dominio rerum immobilium propter nostrum exemplum, ut retraheret homines ab affectione et amore inordinato mundi: rebus enim temporalibus ubi parce est ædificatio videndum, ideo pauper usus docuit Christi perfectionem; sed dominium et ejus privatio seu carentia est res invisibilis, et per consequens non est materia ædificationis; ideo non oportuit Christum habere pauperatatem dominii, sicut pauperem usum et usus pauperatatem.

«Secunda vero pars questionis, scilicet quod Christus fuerit usus jure et dominio aliquarum rerum mobilium quantum ad usum et proprietatem simul, interdum vero quantum ad usum tantum sine proprietatis consumptione. Probatur primo per illud Matth. xxi: *Ite in castellum, quod contra vos est, et invenietis asinam alligatam, etc.* Sequitur: *Et si quis vobis aliquid dixerit, dicite quia Dominus hic opus habet*. Ecce quia Dominus usus fuit re quantum ad usum solum absque consumptione proprietatis. Item interdum fuit Christus usus dominio mobilium quantum ad usum et proprietatem simul, quia constat quod Christus comedit et bibit. Sed in cibo et potu, (sumptis nimirum in actu secundo,) usus non differt a proprietate: imo uti cibo et potu est totalis consumptio proprietatis eorum. Ergo si Christus fuit usus jure suo quantum ad usum, usus etiam fuit in talibus jure proprietatis: et sic habuit executionem dominii quantum ad usum, et habuit quantum ad proprietatem. Ex istis omnibus patet, quod Christus habuit verum dominium rerum sibi collatarum a fidelibus; ex triplici vero jure: ipse namque fuit verus dominus jure divino et increato, sicut omnium creaturarum. Secundo fuit dominus jure humano et creato infuso sibi ab instanti conceptionis. Tertio fuit dominus jure creato et particulari acquisito ex collatione devotorum et sua acceptione. Sed contra istas tres conclusiones objicitur quinque mediis positis in principio questionis.

50. «Secundo principaliter circa Apostolos et discipulos pono duas conclusiones. Prima est, quod ante Christi passionem habuerunt cum Christo aliqua bona mobilia in communi quantum ad proprietatem. Secunda conclusio est, quod post passionem Christi ipsi Apostoli et discipuli habuerunt aliqua in communi, quorum fuerunt veri domini quantum ad proprietatem et usum.

«Prima conclusio probatur quinque modis. Primo sic: Decimæ, accipiendo eas non pro decima

parte determinate secundum quendam determinata, sed accipiendo decimam pro necessaria et decenti sustentatione ministrorum Ecclesie; talis, inquam, decima secundum omnes theologos et juristas debetur solis ministris Ecclesie de jure divino et naturali, ut patet Extra. de decimis in multis capitulis, in quibus dicitur, quod de jure divino debetur. Sed veri ministri Ecclesie primitive fundatae per Christum, fuerunt Christus et Apostoli et etiam discipuli, Christus sicut summus Pontifex, Apostoli vero ut episcopi, discipuli autem tanquam veri curati, et nullus alius fuit verus minister Ecclesie, maxime ex quo legalia cessaverunt et fuerunt mortifera. Ergo ipsis tanquam veris et solis ministris Ecclesie debebantur jure divino et naturali decimae fidelium, et necessaria vite suae. Sed ille, cui aliquid debetur jure naturali et divino, habet verum jus et verum dominium in illo; quare, etc. Et confirmatur ista prima ratio per Augustinum lib. de opere Monachorum, et habetur in glos. I Corinth. ix super illo verbo: *Namquid non habemus potestatem manducandi*, etc. Evangelistis et ministris Dei a plebibus necessaria debentur: et si quis eo, quod sibi debetur, uti non vult, amplius Ecclesie impendit; sicut Paulus, qui exigendo stipendium debitum, quotidianum victum suis laboribus continue transigebat. Sequitur: Hoc apparet non esse jussa illa, sed permissa, ut quisquis uti vellet, eo uteretur quod sibi liceret, et ex Domini constitutione: si quis autem uti nollet, non contra jussum faceret; sed de suo jure cederet misericors conversatus in Evangelio, in quo et debitam mercedem nollet accipere. Sed de suo jure cedere non potest qui non habet verum jus. Ergo Apostoli verum jus habuerunt. Item debita merces et debita stipendia sonant jus et dominium illius, cui debentur. Ergo, etc.

51. «Secundo Matth. iv dicitur, quod Christus, qui non habuit unde solveret tributum in Capharnaum, dixit Petro: *Vade ad mare et mitte hamam, et erit piscem, qui primus ascenderit, tolle, et aperto ore ejus invenies staterem: illum sumens da eis*, scilicet tributariis, *pro me et pro te*. Tum arguo sic: Illud quod competit homini jure politico et jure naturali, competit viris Apostolicis absque praesudicio sui status: hoc patet, quia Ext. Ezii, dicitur quod in articulo extremæ necessitatis vite politica omnia sunt illis viris Apostolicis communia. Sed res vagæ, quæ sub nullius dominio sunt, jure naturali et divino competunt occupantibus et capientibus: unde et Philosophus etiam I. Politic. c. vi dicit, quod predatura ferarum, avium celi, piscium maris est naturalis: Talis, inquit, acquisitio ab ipsa videtur natura data hominibus sicut secundum primam generationem mox fit et secundum perfectam. In jure etiam dicitur, quod illud, quod sub nullius dominio continetur, occupanti conceditur; unde pisces piscati in mari, et gemmæ et thesaurum inventa

in profundo maris jure naturali competunt inventantibus. Sed Christus cepit piscem et staterem in mari. Ergo ille piscis et stater fuerunt Christi et Petri jure naturali. Ergo ipsi habuerunt in eis verum jus et verum dominium in proprietate et usu. Tertio Joan. x cap. dicitur, quod quando Jesus cum Samaritana juxta fontem loquebatur, quod discipuli ejus abierant in civitatem, *ut cibos emerent*. Quæro, quis portabat pecuniam illam, et cujus erat, et cujus erant illi cibi empti? Aut Christi, aut collegii discipulorum, aut aliena? Si sua, habeo propositum. Si aliena, non licebat eis comedere nec emere de alieno. Apostoli autem quandoque emebant sicut inhumani, aliquando vendebant. Act. iv. *Joseph, qui cognominatus est Barnabas ab Apostolis, cum haberet agrum, vendidit eum*. Et de Paulo Act. xx et ad Thesalon. dicitur, quod ipse operabatur manibus suis, et de pretio vivebat: emere autem et vendere sunt actus veri domini, et nulli alteri competunt jure proprio et auctoritate. Et si dicatur: Apostoli emebant et vendebant jure alieno, ut procuratores vel dispensatores tantum, et non ut domini; cum non legatur procuratio ista, nec quis constituerit eos procuratores aut quorum, eadem facilitate contemnunt: quod probatur, quia certum est, quod illos cibos emptos in suam utilitatem et commodum comedendo regulariter convertebant, et non in utilitatem domini cujuscunque, cujus possent dici procuratores.

«Quarto quia dicitur super illo verbo Joannis xiii. *Quidam enim putabant, quia loculos habebat Judas*, etc. dicit glossa Augustini: Christus loculos habebat, in quibus oblata conservabantur suorum necessitatibus, et aliis indigentibus: in quo datur forma Ecclesie, servari necessaria, quia jubetur non cogitare de crastino, ne pro terrenis serviant aut timore inopie justitiam deserant. Et alibi dicit Augustinus, et habetur xii. q. i. quod in istis loculis primum Ecclesiasticæ pecuniæ forma instituta est. Auctoritates planæ sunt cap. xii. q. 1. Et infra.

52. «Secunda conclusio est, quod post Passionem et Ascensionem Christi Apostoli inter se habuerunt aliqua bona immobilia in communi: quod probò multiplicitèr. Primo quia Actor. ii dicitur: *Omnes etiam, qui credebant, erant pariter et habebant omnia communia. Possessiones et substantias vendebant, et dividebantur illa omnibus, prout cuique opus erat*. Item cap. iv: *Nec quisquam eorum quæ possidebat, aliquid suum esse dicebat, seu erant illis omnia communia*. Sequitur: *Quotquot enim possessores agrorum, aut domorum erant, vendentes offerebant pretia eorum quæ vendebant, et ponebant ante pedes Apostolorum. Dividebantur autem singulis prout cuique opus erat*; unde glo. Respondetur, quod prædicti textus non loquuntur de Apostolis, sed expresse loquuntur de tota turba fidelium tunc conversorum in Judæa, quorum erant omnia communia

in Ecclesia primitiva. Sed istud non videtur, quia certum est, quod textus expresse loquitur tam de Apostolis, quam de quibuscumque aliis, tunc de novo conversis in Judea; unde dicit: *Omnes, qui credebant, etc.* unde omnes Apostoli et ceteri fideles conversi apud Judaeam omnia simul possidebant in communi: quod forte erat et propter conversorum paucitatem, et propter fidei fervorem. Et istum ritum servabant usque ad tempus Constantini, sicut videtur dicere decretum xi. q. 1. Non ita alii sensere, sed tantummodo apud Judaeos conversos, qui divino amore iarserant, initio omnia fuisse communia: non autem postea, cum aucta est Ecclesia numero populorum: nec apud conversos ex gentibus, ut gravissime Joannes XXII in suo Commentario docet¹. Et quod dicta auctoritas intelligi debeat non solum de turba, sed et de Apostolis, patet ex hoc, quod ibi dicitur, quod omnes, qui credebant, pariter erant, et erant illis omnia communia. Tantum ergo de distributione ly omnia communia, quantum ly omnes credebant, contraponitur. Sed ly omnes credebant, distribuit non solum pro turbis, sed etiam pro discipulis; quia omnes pariter credebant. Ergo ly omnia communia, debet distribuere non solum pro turbis, sed etiam pro discipulis omnibus. Nec praedicta glossa negat de discipulis, sed specialiter affirmat de turbis, quia de eis minus videbatur.

53. «Secundo; constat ex diversis locis Scripturae, quod beatus Paulus operabatur manibus propriis, et de hoc vivebat, ne gravaret illos, quibus praedicabat. Sic habetur I Thessal. ii et II Thess. iii. Item Act. xx. *Ad ea, quae mihi opus erant.* Illa opera, quae Paulus vendebat, aut sua propria, aut communia Apostolorum, aut alterius. Non propria secundum omnes. Ergo communia Apostolorum, quia non bene potest fingi cujus alterius essent. Idem posset argui de pretio illorum operum: Idem de membranarum Pauli. Cujus erant? sicut prius.

«Tertio: Jo. xxi dicitur, quod post resurrectionem Christi Petrus et quidam alii discipuli redierunt ad piscationem suam et solus Petrus traxit rete in terram plenum magnis piscibus; ubi quaero: Cujus erat jus et dominium illorum piscium, quos ceperunt et postea comederunt, et forte partem venderunt? Non potest dici nec fingi, quod alicujus alterius, quam Apostolorum, qui piscati fuerant; quia pisces existentes in mari sub nullius dominio continentur: et ideo Philosophus I Politic. cap. vi. dicit, quod praedativa piscium maris et ferarum, et avium celi competunt homini jure naturali. Ergo isti pisces fuerunt Apostolorum.

«Quarto: Apostoli comederunt et biberunt post resurrectionem Domini, et juste sine injuria cujusquam. Ergo habuerunt jus in usu saltem illius cibi et potus; quia dicere quod aliquid sit

justum, et non sit ibi jus, seu justitia, est contradictio; sicut dicere, quod aliquid sit album, et non sit ibi albedo; effectus enim formalis ac forma sunt idem, unde sicut album ad albedinem, ita justum ad jus vel justitiam. Ergo si Apostoli juste comederunt, aliquid jus et aliquam justitiam in cibo illo habuerunt, saltem in usu: et si in usu, ergo et in proprietate, quia in talibus non differt usus a proprietate.

«Quinto: de Augustino legitur in Ecclesia quod factus presbyter monasterium clericorum, id est, canonicorum regularium mox instituit, et cepit vivere secundum regulam sub sanctis Apostolis constitutam. Sed constat, quod canonici regulares secundum regulam Augustini habent in communi multa bona, quorum habent plenum jus et dominium vendendi, distrahendi et alienandi. Ergo et Apostoli habuerunt, secundum quorum regulam fuerunt instituti, vel B. Augustinus nescivit regulam Apostolicam.

«Sexto: Gregorius qui fuit monachus, et ceteri sancti instituerunt monasteria et cenobia habentium possessiones in communi, vel non servarunt perfectionem Apostolicam et vitam Christi et Apostolorum, vel Apostoli habuerunt aliquid in communi sicut et ipsi.

54. «Contra duas istas conclusiones objicitur quatuor modis in principio questionis. Ad primum ergo, quod objicitur in contrarium de Christo, quia Matth. vii. dicitur: *Vulpes foveas habent*, etc. dicendum videtur primo, quod ad litteram Christus ibi loquitur non de ubi locali terrene possessionis; sed ubi accipit ibi pro conscientia cujusdam scribae elati et cupidi, qui dolose et fraudulenter dixerat Christo: *Magister, sequar te quocumque ieris*; non intendens sequi cum amore fidei ad doctrinam, sed dolose cupiens alloquendo eum addiscere facere miracula, sicut Christus faciebat; et ex hoc cupiebat lucrari pecunias et favores. Et Christus respondens illi scribae, dixit: *Vulpes*, id est, dositates et avaritiae, et aves caeli, id est, vanitates et superbiae habent locum in conscientia tua: filius autem hominis, id est, Christus, non potest per gratiam in tali conscientia habitare, nec ibi ubi caput reclinat habere. Non ergo loquitur Christus ad litteram de ubi locali et terrene possessionis, sed de ubi mentali et spirituali illius peccatoris». Et infra: «Secundo dicendum ad istam auctoritatem et vere ad omnes alias consequentes, quod omnes peccant per fallaciam consequentis, arguendo a superiori ad inferius negative, et a particulari ad universale negative, in quo casu est fallacia consequentis; sicut si dicerem: Non est sor, ergo non homo, isto modo arguitur in proposito dicendo: Non habuit Christus ubi caput suum reclinat. Ergo nihil habuit; praedicta fallacia consequentis ab inferiori ad superius negative: posito enim quod non habuit ubi reclinaret caput, potuit tamen habere pecuniam et multa alia mobilia». Firmior et illustrior est

¹ Jo. in Constitutione *Quia vir reprobos*.

secunda hæc responsio, quam plures alii episcopi et doctores usurparunt¹. Licet Christus eo in loco domum non possideret, Nazarethi tamen et lectum et domum pauperculum habere potuisse : et quamvis rerum immobilium dominium exercere noluerit, non colligi quin rerum usu consumptibilium dominio uteretur. « Ad auctoritatem Hieronymi dicendum, quod Hieronymus ibi nihil negat habuisse Christum nisi solum de domo et tecto. Et si ex hoc inferatur : Ergo nihil habuit ; est fallacia consequentis, ut dictum est. Ad auctoritatem Chrysostomi dicendum, quod Chrysostomus negat solum Christum habuisse domum et utensilia seu suppellectilia domus, scilicet mensam et candelabrum, etc. hujusmodi ; unde dicit : Nec aliquid talium ; de aliis autem non negat : imo arguere esset fallacia consequentis.

« Ad secundum dicendum, dicitur primo, quod Hieronymus in illa glossa dicit, quod Christus non habuit pro tunc unde solveret tributum, et nil plus negat ; et ideo arguere nihil habuit, est fallacia consequentis, quia potuit habere multa alia : tributum enim et vectigal non solviunt nisi de pecunia monetata. Christus autem, etsi tunc non habuit pecuniam, habuit tamen vestes proprias, et potuit habere multa alia sibi data. Secundo committitur eadem fallacia, dicendo : Christus non habuit tunc unde solveret tributum. Ergo nunquam alias : quia frequenter multi divites non habent actu obolum, unde solvant tributum ; qui tamen habent multa alia bona. Est autem sciendum, quod sicut habetur ex textu Joannis xiii, in loculis Jude ad duo pecunia ponebatur, quia aliquando dabatur elemosyna Christo pro suis necessitatibus et sui collegii, scilicet discipulorum ; interdum vero dabatur sibi pecunia per eum seu discipulos, eorum arbitrio pauperibus et Christum sequentibus ; quod forte fiebat, ut secretius et prudentius distribueretur : sicut et tunc diversis religiosis pro prædictis duabus causis pecunia datur a devotis personis. Et propter hoc dicitur Jo. xiii, quod Christus dixit Jude : *Quod facis, fac citius* ; quasi Christus diceret ei : Ene ea, quæ opus sunt nobis ad diem festum ; scilicet pro Christo et collegio, aut egenis ut aliquid daret. Et forte istæ pecunie reponebantur in distinctis loculis : et possibile erat, quod tunc Christus non haberet aliquid in loculis Jude de eis, quæ erant data sibi pro suis necessitatibus et discipulorum ; sed solum de his, quæ erant data ad distribuendum cæteris pauperibus : et de illa pecunia noluit accipere ad solvendum tributum pro se et pro Petro : non quin possit licite recipere sicut verus dominus rerum omnium pauperum ; sed in hoc dat exemplum nobis, sicut dicitur glossa Hieronymi, ut res pauperum in nostros usus non convertamus.

« Ad tertium dicendum est, quod Dei Filius,

quando nostram substantiam induit, ad summam paupertatem pervenit, accipiendo paupertatem non solum materialiter et informem, quæ est mera privatio et carentia : sed accipiendo paupertatem formatam per charitatem, quia ex maxima et suprema charitate paupertatem elegit.

55. « Ad quartum dicendum dicitur primo, quod quando dicitur in Decretali, quod illam paupertatem quæ est non habere nec in proprio nec in communi, Christus verbo docuit et exemplo firmavit ; dico quod intelligendum est de paupertate, quæ est non habere in proprio nec in communi bona immobilia, quæ Christus nunquam habuit nec in proprio nec in communi quantum ad dominium acquisitum, sicut patet supra in secunda questione : sed de bonis mobilibus non est verum, quia Christus habuit aliqua pauca in communi. Et videtur ista ratio ita esse rationalis de jure, sicut illa, quam faciunt doctores juris, et Goffredus quolib. xi. q. iv super illo verbo Extr. *Cum ad monasterium* : Abdicatio proprietatis et custodia castitatis adeo sunt annexa regulæ monachali, ut contra ea nec summus Pontifex possit licentiam indulgere ; quod exponitur, non potest, id est, non debet ; quia non dicit ibi impotentiam, sed difficultatem. Secundo potest dici, quod hodie illa Decretalis est abrogata per dominum Joannem papam XXII in illa Decretali nova, *Quia nonnunquam quod conjectura aliqua*, etc. ibi enim dicitur, quod amodo liceat de his, quæ continentur in illa Decretali, maxime de paupertate, de qua loquitur, disputare et conferre propter aliqua dubia in hoc de novo suborta : ex quo videtur Constitutio illa declarativa pauperlatis Christi abrogata et revocata ; non directe sicut falsa, sed tanquam dubia, et per consequens non habet auctoritatem nec firmitatem : aliqua enim Constitutio declarativa potest abrogari dupliciter, uno modo, quia a conditore juris, qui putat id, quod prius declarabatur, esse verum ; et postmodum diligenter inquisitione præhabita invenitur, et pronuntiatur falsum : et isto modo Decretalis *Exiit*, nondum est abrogata, seu etiam revocata. Alio modo, quia id quod prius declaratum erat, postea per jus sequens vertitur in dubium : et isto modo Decretalis, *Exiit*, est nunc revocata et abrogata per sequentem Decretalem domini Joannis, sicut dictum est.

56. « Ad sextum quintum dicendum, quod si illa ratio est bona, probat quod Christus nunquam debuit comedere nisi panem et aquam, quia certum est, quod superior gradus pauperlatis et abstinentiæ est non habere nisi panem et aquam, et solum eis vesci, quam habere panem et vinum, carnes et pisces. Ergo si Christus debuit tenere supremum gradum pauperlatis et abstinentiæ, debuit tenere supremum gradum in utendo, sicut et in possidendo : et per consequens non debuit comedere nisi panem et aquam, sicut fecerunt antiqui patres multi ». Et paucis interjectis : « Imo

¹ Extr. eorum tract. in c. 1. Ms. Val. 8120. num. 5740

secundum hoc sequeretur, quod Joannes Baptista, qui non comedebat nisi locustas et mel silvestre, et induebatur pilis camelorum fuit perfectior simpliciter et perfectione essentiali, quæ secundum istos consistit essentialiter in paupertate, quia Christus comedit communiter panem et vinum et pisces et carnes, sicut patet ex diversis locis Evangeliorum. Et ideo ipse dicit Matth. xi: *Venit Joannes neque manducans, neque bibens, et dicunt: Dæmonium habet. Venit filius hominis manducans et bibens, et dicunt: Ecce homo vorax et potator vini.* Christus non induebatur de pilis camelorum, sicut Joannes; sed habuit plures tunicas et miani inconsutilem, ut habetur Joan. xix. Dicendum est nihilominus ad rationem, quod paupertas potest accipi dupliciter, uno modo materialiter, scilicet pro carentia et privatione rerum; et isto modo potest esse virtus informis: alio modo, ut paupertas est virtus formata per charitatem. Christus summe perfectus non oportuit, quod acciperet supremum gradum paupertatis primo modo sumptæ, scilicet ut est virtus informis; sed decuit eum sumere supremum gradum paupertatis secundo modo sumptæ, prout paupertas est virtus formata per charitatem, quod et fecit, quoniam suprema charitate pro nobis pauper fieri voluit: unde Christus magis fuit pauper paupertate sic formaliter sumpta, quam Joannes Baptista, quia ex majori charitate: sed Joannes fuit magis pauper paupertate materiali.

57. « Ad quatuor rationes, quæ fiebant de Apostolis dicendum ad primam, quod in tota illa auctoritate: *Nolite possidere*, etc. nihil prohibet Christus discipulis suis, nisi rerum temporalium superfluitatem et inordinatam sollicitudinem, sicut patet in toto illo capitulo decimo per textum et glossam: *Nolite solliciti esse*, etc. Et ideo secundum veritatem nihil facit ad propositum. Si autem omnino dicatur, quod auctoritas est intelligenda ad litteram, oportebit dicere, quod sicut Apostoli habuerunt ex præcepto Christi et ex voto non habere aurum nec argentum; ita fuerit in præcepto et in voto non portare duas tunicas, nec portare calceamenta, nec portare virgam in via, quod falsum est; in eo contrarium frequenter fecerunt Christus et Apostoli. Et secundum hoc sequitur, quod religiosi, qui reputant se tenere professionem Apostolorum, non possent portare duas tunicas, vel calceamenta, neque virgam, vel si in istis admittunt sensum spirituales et mysticum, eadem ratione debent admittere in hoc, quod dicitur: *Nolite possidere aurum*, etc., cum omnia illa verba sub unico sensu et sine interpositione quacunque contineantur in textu Evangelii. Et quod predicta auctoritas non sit intelligenda ad litteram, sicut sonant verba grammaticaliter, nec in toto nec in parte, ego probo ex hoc, quod omnia illa, quæ ibi perhibentur et præcipiuntur negative, alibi in Evangelii continentur affirmative, et de facto affirmative inveniuntur

tacta per Christum et Apostolos. Verbi gratia: *Nolite possidere aurum*, etc. contrarium legitur de Christo Matt. ii quod reges obtulerunt ei munera, aurum, thus et mirram; et distincte dicit glossa, non Mariæ, nec Joseph, sed puero. Item: *Neque peram*; contrarium Luc. xxii. *Quando misi vos sine sacco et pera, nunquid aliquid defuit vobis? At illi dixerunt: Nihil. Dixit ergo eis: Sed nunc qui habet sacculum, tollat similiter et peram.* Item: *Nec tunicas habeatis*; contrarium Jo. xix. Christus habuit plures tunicas, quin milites, qui crucifixerunt Christum, diviserunt vestes in quatuor partes: tunicam autem inconsutilem non diviserunt. Item: *Neque calceamenta*, contrarium Joannis i: *Non sion dignus solvere corrigiam calceamenti ejus*, scilicet Christi: Item Actorum xii dixit Angelus Petro: *Surge, calceate caligas tuas.* Item Marc. vi præcepit eis Christus portare sandalia in pedibus. Sed sandalia episcoporum sunt perfecta calceamenta. Item Ephes. vi dicitur de Apostolis: *Calceati pedes in præparatione Evangelii pacis.* *Neque virgam*; contrarium dicitur Marc. vi: *Præcipi eis, ne quid tollerent in via, nisi virgam.* *Nec pecuniam in zonis*; contra de loculis Jude, quos portavit de mandato Christi, ut dispensator ejus. Item Jo. iv: *Discipuli abierant in civitatem, ut cibos emerent*; nonnisi de pecunia, quam portabant. Oportet ergo dicere propter ista, quod illa auctoritas: *Nolite possidere*, etc. non est intelligenda grammaticaliter: sed ad litteram Christus ibi prohibet sol in superfluitatem et sollicitudinem rerum temporalium, et permittit et præcipit temperatum et parum usum.

« Ad tertiam et quartam dicendum, quod quicumque religiosus in quacunque probata religione ex voto suæ professionis abrenuntiat omnibus, quæ possidet in proprio, et dat omnia quæ habet pauperibus et collegio suo religioso, quia omne collegium religiosum quodcumque collegium est vere pauperum, pro eo quia nullus eorum habet aliquid in proprio, licet totum collegium alias habeat multa bona temporalia in communi; unde religiosi sunt pauperes, quia nullus per se potest habere proprium in proprio, licet omnes in simul de uno collegio habeant proprium in commune: et sic loquitur Decretalis, quod ingredienti monasteria se et sua Deo dedicant. Ad quartam dicendum ad illud Chrysostomi: *Nulles discipulorum pecunias afferebat*, etc. dico quod verum est proprias; sed ille mulieres, quæ sequebantur Christum, dabant Christo et discipulis suis pecunias: et tunc erant communes totius collegii, et de his nutriebantur. » Hactenus Academia Parisiensis.

58. Editi sunt in ea controversia a pluribus aliis viris doctissimis insignes Commentarii, atque inter alios Hervæus¹ magister Ordinis Prædicatorum.

¹ Ext. in Cod. Ms. bibl. Vat. sign. num. 3740, pag. 195.

rum prolixum conscripsit, e quo eam partem delibabimus, in qua adversariorum argumenta ita confutat :

« Dicunt quidam, quod Christus et Apostoli habuerunt res venientes in usum vite humane quantum ad communem usum, quantum ad quem dominus talium rerum potest uti eis, scilicet consumendo, alienando, præcipue quantum ad res, quæ consumuntur usu suo : et hoc quantum ad nudum usum facti, non autem quantum ad jus, quia Christus et Apostoli non erant capaces illius juris. Et hoc declarant, quia ipsi erant obligati ad oppositum, scilicet ad non habendum tale jus et voto et præcepto. Primum declarant per illud Matt. xix : *Ecce nos reliquimus omnia* ; ubi dicunt, Apostolos renuntiassse voto omni juri in rebus temporalibus. Secundum declarant per Matt. x : *Nolite possidere aurum, neque argentum, nec pecuniam in zonis vestris : non peram in via, non duas tunicas, non calceamenta, nec virgam : dignus est enim operarius cibo suo*. Ubi dicunt dominum interdixisse sub præcepto Apostolis, ne haberent aliquod jus in rebus temporalibus. Hæc autem responsio videtur mihi multum irrationalis, videlicet quod aliquis obligetur voto vel præcepto ad earendum jure in illis, quorum usus est in præcepto. Sed usus rerum temporalium, quantum ad necessaria vitæ, sunt in præcepto. Ergo obligare se ad nullum jus, vel etiam præcipere quod nihil juris in talibus habeatur, satis videtur irrationabile. Et hoc patet dupliciter.

« Primo quia ita sit, sicut supra dictum est, quod jus in talibus, sive quantum ad usum, sive quantum ad ipsam substantiam rei, nihil aliud sit, quam potestas utendi licite talibus ; sequitur quod usus talium sine jure est illicitus. Sed præcipere quod homo careat eo, sine quo usus talium est illicitus, est præcipere quod careat totaliter usu talium, vel quod exerceatur usus istarum rerum illicite : quorum utrumque est illicitum, et contra Domini præceptum. Ergo dicere, quod præcepto divino prohibeatur aliquis ne jus habeat in talibus, est dicere quod Deus præcepit illicitum, et præcepto suo de sustentatione vitæ contrarium.

« Secundo quia secundum omnes res in rebus temporalibus ordinatur ad usum earum tanquam ad finem, et præcipue quantum ad usum necessarium pro sustentatione vitæ, ad quem quidem usum homo obligatur præcepto divino. Sed nulla res habet ordinem per se loquendo ad aliquem finem nisi sit tale, quod finis non possit haberi sine eo, vel saltem non æque bene, aliter enim frustra ordinaretur ad finem. Ergo præceptum illud, quo præcipitur alicui carere jure in rebus temporalibus, esset præcipere carentiam illius, sine quo usus temporalium non potest vel simpliciter haberi, vel saltem æque bene : tale autem præceptum videtur irrationabile, videlicet præcipere finem et præcipere carere eo, sine quo finis vel simpliciter non potest haberi, vel saltem non

æque bene. Et idem etiam sequitur de voto, quod scilicet illud votum esset irrationale et illicitum, quo aliquis obligaret se ad carentiam illius, sine quo usus temporalium, et præcipue quantum ad hoc, quod est in præcepto, vel simpliciter non posset haberi, vel non æque bene : nec unquam Christus fecit tale præceptum, ut dicunt isti : nec etiam aliquis Apostolus vovit tale votum. Quod autem dicitur Matt. xii : *Ecce nos reliquimus omnia* ; intelligendum est quantum ad abticationem temporalium in proprio, non autem quantum ad abticationem totalem tam in proprio quam in communi. Et hoc est, quod habetur Act. iv ubi dicitur : *Nec quisquam eorum quod possidebat, ut suum esse dicebat : sed erant illis omnia communia* ». Et infra.

59. « Sciendum quod multa talia de abjectione temporalium et parentum et aliorum amicorum carnalium dicuntur in Evangelio, quæ intelligenda sunt quantum ad præponendum Deum talibus secundum animi preparationem ; non autem intelliguntur quantum ad abjiciendum prædicta secundum effectum exteriorem. Verbi gratia Luc. xvi : *Si quis venit ad me, et non odit patrem suum, et matrem, et uxorem, et filios, et fratres et sorores, adhuc et animam suam, non potest meus esse discipulus*. Quod quidem non esse accipiendum, quod tales quantum ad naturam odiamus, qui precipimur diligere inimicos, sed secundum B. Ambrosium sic intelligendum est, ut a Deo parentum amore non desistamus ; ita scilicet, quod præponamus Dominum amoris carnali parentum. Super illud Marc. x : *Amen dico vobis, nemo est, qui reliquerit patrem*, etc. dicit Theophil. Ea autem dicens, non inuit ut patres relinquamus, non adjuvantes eos ; nec ut ab uxoribus separemur : sed nos instruit præferre honorem Dei secularibus.

« Quod autem secundo adducunt illud Matt. x : *Nolite possidere aurum*, etc. non sic accipiendum est, quasi Dominus interdixisset eis simpliciter et universaliter habere quodcumque jus in rebus temporalibus : sed hoc ideo dixit, quando misit eos ad predicandum, ut absoluti ab omni cura temporalium, ne prædicatione impediretur, scirent ea eis deberi ab illis, quibus predicatorum erant. Unde B. Hieronymus super illud verbum : *Dignus est enim operarius mercede sua* ; dicit sic : Et quia quodammodo nudos et expeditos ad prædicandum Apostolos miserat, et dura videbatur esse conditio magistrorum, severitatem præcepti sequenti sententia temperavit, dicens : *Dignus est operarius cibo suo* ; quasi diceret : Tantum accipite, quantum in victu et vestitu necessarium vobis est. Unde Apostolus : *habentes victum et vestitum, his contenti simus*. Et alibi : *Communiceis is qui catechizatur, et qui se catechizat in omnibus bonis* ; ut quibus discipulis seminant spiritualia, consortes faciant eos carnalium suorum, non in avaritiam, sed in necessitatem. Item Chrysostomus super

illud verbum dicit sic: Deinde, ut non dicant Apostoli: Mendicantes ergo nos jubet vivere, et in hoc verecundarentur, monstrat eis hoc debitum esse, operarios eos vocans, et quod datur, mercedem appellans. Item Augustinus super illud verbum: *Nolite possidere* etc. dicit sic: Vel aliter cum deceret Dominus: *Nolite possidere aurum*, etc. continuo subiecit: *Dignus est operarius cibo suo*. Unde satis ostendit cur eos possidere hoc, aut terre noluerit: non quod necessaria non sint sustentationi vite hujusmodi, sed quia sic eos mittebat, ut eis hoc deberi demonstraret ab illis, quibus Evangelium credentibus annuntiarent, tanquam stipendia militantibus. Apparet autem hic non illa precepisse Dominum, tanquam Evangeliste vivere aliunde non debeant, quam eis præbentibus, quibus annuntiant Evangelium; alioquin contra hoc præceptum fecit Paulus, qui victum de manuum suarum laboribus transiebat: sed apparet potestatem dedisse Dominum Apostolis, in qua scirent ista sibi deberi. Cum autem a Domino quid imperatur, nisi fiat, inobedientiæ culpa est: cum autem potestas, licet eique non uti, et tanquam de suo jure recedere.

« Hoc ergo ordinans Dominus, quod qui Evangelium annuntiant, de Evangelio vivant, illa Apostolis non loquebatur, ut securi non possiderent, non portare huic vite necessaria, nec magna nec minima: ideo posuit: *Nec virgam*; ostendens a fidelibus suis omnia deberi ministris suis, nulla superflua requirentibus. Et si dicatur, quod id debitum, de quo loquitur Chrysostomus et Augustinus, intelligatur quantum ad debitum gratitudinis, non autem quantum ad debitum juris; non valet, quia et Chrysostomus dicit necessaria Apostolis debita sicut mercedem operariis; et Augustinus dicit necessaria esse debita Apostolis sicut stipendia militantibus, et dicit etiam, quod Dominus dedit potestatem Apostolis in qua scirent ista sibi deberi. Sed tale debitum non dicit tantum debitum gratitudinis, sed et juris, quod expressius infra ostendit Augustinus dicens, quod Apostolus non utens tali potestate, recedebat a jure suo. Ergo talis potestas est potestas juris, et non tantum debitum gratitudinis.

« Sciendum autem, quod habere aurum et argentum, vel consilia prohibuit Dominus Apostolis, non interdicens eis universaliter quodcumque jus in rebus temporalibus, sed propter alias causas, et specialiter propter duas. Primo, quia talia aliunde debebantur eis, scilicet ab eis quos docebant. Secunda, ne haberent ista ad superfluitatem, sicut exponit B. Hieronymus ». Et infra: « Probatur ex causis, propter quas dicuntur Apostoli nihil juris habere in temporalibus, quia causa, quam allegant illi, qui asserunt Apostolos non habuisse tale jus, est quia carentia talis juris pertinet ad Evangelicam perfectionem. Sed hoc est falsum, quia habere aliquid in communi

non diminuit de perfectione personali vel status. Ergo, etc.

60. « Et ex his etiam, quæ dicta sunt in ista questione, non solum habere tale jus non diminuit de perfectione persone vel status: imo oppositum videtur diminui de perfectione vite quantum ad personas vel status: quia hoc esset carere eo, quod ordinatur ad usum temporalium, ut ad finem, sine quo vel finis non posset simpliciter haberi, vel æque bene: cum tamen ad talem finem, scilicet ad usum temporalium quantum ad necessitatem vite, teneamur ex præcepto divino. Idem probatur ex commutatione, quam faciebant Christus et Apostoli. Vendebant aliqua, puta, pisces, quos capiebant, et opera quæ manibus faciebant: quandoque etiam emebant aliqua pro pecunia, sicut patet Jo. iv et innuit etiam Jo. xiii. Tunc ergo quæro: quando emebant, utrum pecunia, quam tribuebant venditoribus, transiret in jus venditorum, vel non? Si non; venditores nullum jus habebant in illa pecunia, quod est inconveniens, tum quia ipsi decipiebantur, nam ipsi intendebant habere jus in pecunia eis tradita, et sic Apostoli erant deceptores; tum quia aliquod genus hominum præter Apostolos tenebatur tam ad perfectionem Evangelicam, quam ad habendum nudum usum facti sine jure: nam illi venditores utebantur de facto illa pecunia eis tradita, et tamen ut ponitur, nullum jus habebant in ea ». Et infra: « Et sic, ut mihi videtur, vel modicam apparentiam habet assertio illa, quæ dicitur quod Christus et Apostoli non habuerunt, saltem vite necessaria, nullam habent existentiam veritatis: nam omnes illæ auctoritates sive sint Scripturæ sacræ, sive sanctorum, in quibus videtur, quod Christus eis talia interdixit, vel quod ipsi eisdem renuntiaverint; intelligendæ sunt vel quantum ad modum habendi, quod ista scilicet non haberent in proprio, sed in communi; vel quantum ad curam superfluum providendi. Et si essent centum millia auctoritatum, non potest plus concludi ex ipsis.

« Ad primam ergo in oppositum, (nimirum ad Decretalem), in qua dicitur quod Christus assumpsit aliquando personam infirmorum, sicut quando habuit loculos, aliquando vero assumpsit personam perfectorum, sicut quando nihil habuit in proprio vel communi, ergo secundum hoc nihil habere in proprio vel communi convenit Christo secundum quod assumpsit personam perfectorum; major est falsa simpliciter, quod videlicet Christus et Apostoli in suo perfecto esse, vel quando gerebant personam perfectorum nihil habuerunt in proprio vel communi. Ad auctoritatem autem Basilii, quæ inducit contra hoc, dicendum quod paupertas extrema, quam tenuerunt Apostoli, et de qua loquitur Basilius, non consistit in nihil habendo penitus; sed in non habendo ultra necessaria vite: alioquin nihil debuissent habere quantum ad usum facti, nec

quantum ad jus; quia major paupertas est carere rebus quantum ad utrumque, quam quantum ad alterum tantum. Et quod dicitur ultra, quod ipsi non debebant curare etiam de nutrimento, hoc non est sic intelligendum, quod absolute non curarent de nutrimento nisi vellet mori fame; sed sic intelligendum est, quod videlicet propter curam nutrimenti præternecessarium non omitterent prædicationem, vel ea quæ Dei sunt. Et hoc etiam patet per illud, quod sequitur, quod scilicet nec duas tunicas possiderent: quod non est intelligendum absolute, sicut sancti exponunt; sed intelligendum est de præternecessario impedimento, sicut supradictum est. Et infra: « Ad secundum dicendum, quod minor (nimirum paupertatem nihil habentium in communi esse inter virtutes integrantes statum perfectionis), est falsa, quia paupertas nec est perfectio formaliter, nec pars perfectionis. Ad probationem, cum dicitur: *Si vis perfectus esse*: etc. dicendum, quod hoc non dicitur quia paupertas secundum exteriorum effectum sit perfectio formaliter, vel pars perfectionis; sed quia facit dispositivè ad perfectionem ». Haecenus Hervæus.

Hujus argumenti solutionem ita illustravit Lucerinus episcopus, ut perfectionem non in suis opibus distrahendis, sed in sequendo Christo sitam demonstravit: « Quod, inquit, in arguendo subditur, quia dixit Dominus Matth. xix: *Si vis perfectus esse, vade, vende quæ habes, et da pauperibus, et veni, sequere me*; dico quod Dominus in rebus illis duo dixit, unum scilicet, quod venderet omnia, quæ haberet et daret pauperibus; et hæc est via perveniendi ad perfectionem: alterum autem dixit, quod sequeretur se; et in hoc consistit perfectio. Unde Hieronymus dicit super Matthæum exponens illud, quod dixit Petrus in persona sui et aliorum Apostolorum: *Ecce nos reliquimus omnia, et secuti sumus te*: Quia non sufficit tantum omnia relinquere, subjunxit Petrus quod perfectum est: *Et secuti sumus te*. Unde et ipse Dominus laudans perfectionem Apostolorum, respondens Petro nullam mentionem fecit de rerum dimissione; sed tantum de sequela, dicens: *Amen dico vobis, quod vos, qui secuti estis me, in regeneratione, cum sederit filius hominis in sede maiestatis suæ, sedebitis et vos*, etc. »

61. De eadem questione decretum fidei pronuntiatum e Petri cathedra. — Editis ita multis Commentariis¹ et concertationibus habitis; cum omnium fere cardinalium, episcoporum, doctorumque panis exceptis, qui Pontificem decernentem secuturos se profitebantur, in id concurrerent sententia, Christum et Apostolos jure ea, quibus uti sunt, habuisse; et paupertatem Evangelicam in justo rerum usu, non injusto constare, ac figmento ineptæ distinctionis quoad simplicem

usum facti adulterari sacra oracula, et verum eorum sensum perverti; Pontifex in hac fidei controversia divino, quod nunquam Ecclesiæ defuturum Christus pollicitus est, præsidio fultus, e Petri cathedra decretoariam hanc tulit sententiam², quam per universum orbem Christianum promulgari jussit.

« Venerabili fratri Andreae episcopo Terracineni Vicario nostro in spiritualibus in Urbe.

« Cum inter nonnullos viros scholasticos sæpe coulingat in dubium revocari, utrum pertinaciter affirmare Redemptorem nostrum et Dominum Jesum Christum, ejusque Apostolos in speciali non habuisse aliqua, nec in communi etiam, hæreticum sit censendum, diversis diversa et adversa etiam sententibus circa illud; nos huic concertationi finem imponere cupientes, assertionem hujusmodi pertinacem, cum Scripturæ sacræ, quæ in plerisque locis ipsos nonnulla habuisse asserit, contradicat expresse, ipsamque Scripturam sacram, per quam utique illi orthodoxæ probantur articuli, quod ad præmissa fermentum aperte supponat continere mendacii; ac per consequens, quantum in ea est, ejus in totum fidem evacuant, fidem Catholicam reddat, ejus probationem adimens, dubiam et incertam; deinceps erroneam fore censendam et hæreticam, de fratrum nostrorum consilio hoc perpetuo declaramus edicto. Rursus in posterum pertinaciter affirmare, quod Redemptori nostro prædicto ejusque Apostolis in iis, quæ ipsos habuisse Scriptura sacra testatur, nequaquam jus ipsis utendi, seu consumendi competierit; nec illa vendendi seu donandi jus habuerint, aut ex ipsis alia acquirendi, quæ tamen ipsos de præmissis fecisse Scriptura sacra testatur, seu ipsos potuisse facere supponit aperte; cum talis assertio ipsorum usum, et gesta evidenter includat in præmissis non justa, quod utique de usu, gestis seu factis Redemptoris nostri Dei Filii sentire nefas est Scripturæ sacræ contrarium, et doctrinæ Catholicæ inimicum; assertionem ipsam pertinacem de fratrum eorumdem consilio deinceps erroneam fore censendam merito et hæreticam declaramus. Nulli ergo, etc. Dat. Avin. n. id. Novemb. Pont. nostri anno octavo. » Ex his consignatum in Extravagantibus editis annum emendes.

Assensere decernenti Pontifici, ac susceptam antea opinionem erroneam propugnataque (sine pertinacia tamen) exierunt Vitalis et Berlandus e Turre cardinales Minoritæ, ac Berengarius episcopus Tusculanus, tum Arnaldus Roiardus Sideritantis et Monaldus Beneventanus archiepiscopi; pariterque Caphensis, Ulyssiponensis, Rigeensis et Pictaviensis episcopi, qui plura scripta excutiendæ veritatis gratia ediderant. Inter quos eminebat scientia et doctrina Vitalis cardinalis, qui

¹ Em. in ead. Ms. bibl. Vat. sign. hum. 3740. Bern. Chr. Rom. Pont.

² Tom. iv. Ep. secr. pag. 1, et Ms. bibl. Vat. sign. num. 3765, in Jo. XXII. ext. etiam inter Extr. c. i. tit. de verb. sign.

tres Commentarios ¹, detortis in suam sententiam Scripturis divinis et sanctorum Patrum dictis confecit, cujus argumenta Joannes Neapolitanus Ordinis Predicatorum insignis theologus dissolvit ².

At Michael Casenas supremus Minoritarum prefectus, conceptum erroris virus alto pressit animo, atque in hæresim post sanctionem Pontificiam auctum impie effudit, perperamque intellectis Nicolai papæ sententiis, quas in prævum et obliquum sensum tractas velut decreta fidei obtrudebat, abutebatur in scriptis tum editis, atque hoc argumentum ³ tanquam validissimum magno in S. Francisci laudem ephiphonemate jactabat : « Non est hæreticum asserere, quod exemplar, regula et mensura non exceduntur in perfectione ab exemplato et mensurato. Sed B. Franciscus fuit voluntarie sic pauper, quod non habuit aliquid in proprio vel communi. Ergo asserere, quod B. Franciscus non excesserit in paupertate Christum, qui exemplar, regula et mensura omnis perfectionis, non est hæreticum. Præterea hoc idem patet stigmatibus sibi impressis propter singularitatem sequelæ in Christi paupertate, quod admodum super deductum est ».

Detecta sunt in ea argumentatione plura vitia; nam ex eo quod Joannes Baptista in genere operis jejuniis ita excelluerit, ut nisi locustas et mel silvestre comederet; similiter in genere asperioris cultus ita emerit, ut pilis camelorum vestiretur, non colligendum Christum, exemplar et regulam perfectionis, locustas et mel silvestre tantum comedisse, indutumque fuisse pilis camelorum, ne a regulato et mensurato vinceretur. Ita Carthusiani inferrent Christum non comedisse carnes, ne Christus a S. Brunone superaretur. Quamvis ergo S. Franciscus non attrahat aurum, suisque illud attricare vetuerit, non sequitur Christum nunquam loculos quoad jus et dominium habuisse. Falsum etiam est, S. Franciscum non usum jure iis quibus vitam sustentabat. Falsa quoque probatio, Christi insignis ob paupertatem singularem, et non ob ardentissimum amorem in Christum fuisse decoratum. Sed puduit Michaëlem revocare errorem, quem e comitis Perusinis datis ad fideles Encyclicis litteris propagare erat nusus; vocatusque in judicium, defecit palam ab Ecclesia versusque in hæresiarcham, quinto post anno nefario Commentario edito calumniam hæreseos Christi vicario aspersit, suam impietatem pluribus argutis fulcire molitus; quas a Joanne luculentissime confutatas visuri sumus.

Adjunxit se socium illius perfidiæ Guillelmus Ochamus Anglus: qui secta Nominalium inter philosophos condita, plurimum in scholis pulverem excitavit, eo temeritatis prorupit, ut dum superior quæstio apud Sedem Apostolicam agita-

retur, Christum Dominum vel Apostolos privato aut communi nomine quidquam obtinuisse a sacro suggestu damnaret hæreseos. De quo Pontifex in litteris ad Ferrariensem et Bononiensem episcopos datis, ⁴ quibus intendendi illi judicii provinciam imposuit, ut excurrerent mensis spatio ad Sedem Apostolicam ad dicendam causam se sisteret, ita expostulat: « Plus sapere, quam oportet sapere moliens, et os suum ponens in celum non submissa voce, sed altius solito proclamando indiscrete et imprudenter dicere et affirmare non sine multa temeritate præsumpsit, hæreticum esse dicere et asserere, Salvatorem nostrum et Dominum Jesum Christum ac ejus Apostolos aliquid habuisse in proprio vel communi: quamvis nec posset nec deberet quomodolibet ignorare questionem subortam super hoc esse in Romana curia, et in ea terminari debere, etc. Dat. Avin. kal. Decembris an. viii ». Is rebellionis adversus Romanum Pontificem postea signa extulit, sensique cum hæreticis et schismaticis, unde infami hæresiarchæ nomine a Pontifice notatus est ⁵.

Porro ex asserta a Joanne fide orthodoxa, et Christi Domini majestate calumniandi occasionem sumpsit proximo anno Ludovicus Bavarus corruptus ab impiis; neque intelligens, quæ diceret, plura temere effudit ⁶, contrariam fidei sententiam amplexus: atque etiam postmodum alii, Fraticellorum sectam argentes, Joannem acerbè invecli sunt. Quorum obstruxit ora Jacobus Novellus cardinalis Ordinis Cisterciensis, in summo Pontificatu Benedicti XII nomen adeptus, erudito Commentario, in quo theologum agens, respondet hæreticis, licet statuatur falsa hypothesis, Nicolaum papam pronuntiasse, Christum et Apostolos abdicasse proprietatem, jus et dominium omnium rerum, tam immobilium quam mobilium, atque etiam vestium, cibi et potus, et in his tantummodo simplicem usum facti habuisse sine ullo jure civili ac mundano; haud tamen inferendum, Joannem prolapsum in hæresim, ut effutiebant impii, dum contrarium huic sententiæ postremæ decretoria Constitutione, *Cum inter nonnullos*, definivit; locutum enim Nicolaum in Sanctione, *Exiit*, solum opinative; cum dubia illius a successore explanari voluerit, neque illam sententiam veluti articulum fidei credendam proposuerit universæ Ecclesiæ: corrigi itaque potuisse a Joanne, qui obortam in Ecclesia controversiam ex sacris oraculis diremit, uti Petrum a Paulo correctum observat S. Augustinus: « Non enim, inquit, fuit voluntas in crimine, sed defectus humane intelligentiæ: potissime quia dominus Nicolaus dicta sua supposuit correctioni Sedis Apostolicæ ». Ille Benedictus apud Eymericum, ⁷ scilicet ex falsa hypothesis, ut observat Pegna, quod Nicolaus ita

¹ Ext. in Ms. bibl. Vat. sign. num. 3740. p. III. etc. pag. 80. — ² Ibid. pag. 210. — ³ Ext. in resumptione dictorum ejus pag. 82. ejusd. Ms. Vat.

⁴ Tom. IV. p. 1. Ep. secr. p. 38. — ⁵ Jo. au. 14. p. 1. —

⁶ Apud Nic. Min. Ms. Vat. sign. num. 4008. p. 17. — ⁷ Apud Eymer. II. p. direct. inquis. q. XVII. ad object. XIII.

sensisset, ut haeretici eum sensisse voluerunt; sed non ita senserat: quæ circa explanatione allata a Joanne, non correctione egit. Neque vero Benedicti verba carpi possunt, etiamsi concessisset Nicolaum, dum opinando loquibatur, errasse: Joannem vero decernendo errare non potuisse contenderet. Respondet enim Joannes Turresemata cardinalis ¹: « Assistentia Spiritus sancti promissa a Christo non respicit personam papæ, sed officium sive sedem: et ideo cum opinari sit personæ, judicare vero sit officii, licet esset possibile papam male opinari, errare tamen sententiando in judicio de his, quæ sunt fidei, non est possibile, stante divina promissione.

Ex his vero pervicacia memoratorum haeticorum convincitur, siquidem ii Joanni singulari præsidio Spiritus sancti instructo, ex divinis oraculis motam in Ecclesia controversiam e Petri cathedra dirimenti, assentiri recusarunt, et confictæ impie ab ipsi-met interpretationi verborum Nicolai opinantis adherescere maluerunt. Cæterum refert Joannes Bacho ² occasione superioris decreti: ³ fidei a Joanne editi, ab aliquibus ventilatam novam quæstionem: « Utrum Christus et Apostoli ut viam perfectionis exercentes, habuerint aliquid in proprio vel in communi, » tum subdit idem auctor: « Hæc quæstio mota est per aliquos præsumptos, qui volebant exponere articulos condemnatos per dominum Joannem, dicendo quod verum est, quod Christus condescendens imperfectionibus infirmorum interdum loculos habuit et aliquid in illis; sed tunc gessit personam infirmorum, prout in multis aliis infirmitatibus nostras ipse portavit: tamen Christus, viam perfectionis ostendens, et primi fundatores militantis Ecclesiæ proprietatem omnium rerum abdicavit, tam in speciali quam in communi, et hoc habetur, ul videtur, vi. de verb. signif. c. Exiit §. Porro, et fuit Constitutio Nicolai ». Hæc Bacho, qui pluribus deinde argumentis eam opinionem refellit: quam tamen nonnulli recentiores insaurare videntur. Verum non tantum post edictum decretum fidei a

perinacibus ea quæstio agitata, sed etiam antequam fieret, motam propugnataque a Vitali Minorita cardinale Albanensi pluribus Commentariis vidimus: quare cum eruditione et pietate præstantissimus hujusmodi opinionem atque, ut Pontificem amplecteretur, non tutum putamus suspectam haeticorum doctrinam, qualis illa est haeretici Ubertini Casalis, quam nonnulli recentiores magni fecisse videntur, longo sepultam ævo revocare (4). De germana vero dictorum Nicolai interpretatione sat antea dictum est, ut ea repetere opus non sit: jam reliqua hoc anno gesta prosequamur.

61. *Thomas Aquinas sanctorum Catalogo ascribitur.* — Auctum Thomam Aquinatem sanctorum honoribus hoc anno consignat subiectis verbis Ms. Vaticanum ¹: « Anno Domini mcccxxiii, XV kal. Augusti, Avinionensi canonizavit, (nimirum Pontifex) sanctum Thomam de Ordine Prædicatorum, quinquagesimo a felici ejus transitu decurrente ». Confirmat hæc Bernardus ², qui ejus laudes celebrat his verbis: « An. Dom. mcccxxiii, XV kalend. Augusti, dominus Joannes papa XXII apud Avinionem in consistorio, ut est moris, cum solemnitate debita canonizavit, et sanctorum confessorum adscripsit Catalogo S. Thomam de Aquino Ordinis Prædicatorum, a felici ejus transitu de hoc mundo anno quinquagesimo decurrente; de vita ejus et miraculis inquisitione duplici prævia diligenti, etc. » nonnullis de ejus nobili prosapia, virtutum ornamentis, doctrinæ præstantia interjectis, addit: « Illic propter ejus eminentem scientiam vocatus a Gregorio papa X ad generale Concilium Lugdunense, veniens de Neapoli, ubi famose legebat ut doctor, cum pervenisset ad monasterium Fossanovæ Cisterciensis Ordinis Terracinenensis diocesis in Campania, ibidem susceptus cum devotione et fide mirabili Ecclesiæ sacramentis, in Domino obdormivit, virgo mente et corpore, clarus opere et doctrina. Ob ejus sanctitatis præconium et virginitatis titulum declarandum, post ejus obitum

¹ Jo. Tur. sum. de Eccl. l. ii. c. 112, ad object. vi. — ² Joan. Bacho c. xii. dist. 25. — ³ Extrav. Cum inter.

¹ Ms. bibl. Vat. sign. num. 3765, in Clem. — ² Bern. in Chron. Rom. Pont. Ms. Vat. bibl. sign. num. 2043, Ptol. Luc. in Hist. Eccl. Ms. l. xxiv. c. 42.

(1) Ubertini de Casali sententiam a recentioribus nonnullis probari affirmat annalista, eandemque sententiam olim Vitali cardinali Albanensi sisse censet. Verum nomen discriminis inter opinionem Vitalis et Ubertini intercessisse ex ejusdem Ubertini confessione a Balduino discellan, tom. 1, pag. 397 vulgata constat. Narrat in ea Ubertinus se a Nicolao cardinali de sententia sua requisitum anno mcccxxiii in quadam summa, de *Dominica de Passione* respondisse in Christo, et Apostolis statum duplicem distinguendum esse; erat enim « universales prælati Ecclesiæ novi Testamenti; et hoc modo, ait, habuerunt quantum ad auctoritatem disputationis et distributionis pro dandæ pauperibus et ministris Ecclesiæ. Secundo », pergit Ubertinus, « posuit illi considerare ut species persone, fundamenta perfectionis religionis, et isto modo aut habuerint distinguendum est. Civiles et mundane, ut possent defendere rem suam ab invicem »; et isti ratione Christum et Apostolos possedisse aliquid negat, cum Christus « separaverit Apostolos ab omni mundo non litig e Mat. v: *Et qui vult tecum in judicio contendere, et tuum tunc tollere, probe sit et patitur* ». Alia est ratio habendi « res temporales jure naturali, et communis christianis fraternæ. Et isto modo, ait, Christus habuerunt bona temporalia ad sustentationem naturæ ». Hæc explicandi ratio plane diversa est ab ea quam ex Joanne Bachone hanc sententiam a Joanne Pontifice approbatum et commendatum fuisse hoc eloquio: « Nolimus plus aulice, quam bene responsionem ex quæstione. Et tunc », prosequitur Ubertinus, « ad quod dixit frater Ubertinus fuit commendatum, approbatum, autem, quam aliquid statuatur in contrarium ». Ex quibus postremo verbis de incertum quis arbitretur Joannem Pontificem pronuntiasse nihil quod ipam possessionem a Christo sive ut erat Ecclesiæ rectus summus, sive ut privatum agebat hominem. Sed etiam nihil re ipsa expressit in sua Constitutione Pontifex si quis Ubertini sententiam admitteret non statim, ut arbitror, haeretici notam incurreret. Merito tamen Ubertinus damnatus fuit; quippe qui ratus s. auctoritatem suam Pontificis Joannis Constitutione damnari, illam tamen certam assertamque habuerit; in eadem hanc confessionem sua professus: « Quidquid contrarium est statutum, delitum, etc. haereticum est et insanum, etc. » MANST

elapsis septem mensibus una vice, et iterum elapso septennio vice altera, ac tertio annis circiter xiv evoluit in apertura sepulchri ejus, diversis ex causis per vices temporum saepius patefacti, singulis vicibus ex ejus sacro corpore odor magnus et suavissimus emanavit: qui, locum replens, mirifice fundebatur, et omnem fragrantiam aromatum superabat; multisque aliis miraculis in vita claruit et post mortem». Meminere de sanctorum cultu B. Thome decreto Joannes Villanus¹, et S. Antoninus², quorum verba repelenda non sunt, cum haec Joannis Encyclicae litterae confirmant, in quibus praecipua viri sancti gesta et post mortem ejus suffragio patrata miracula describuntur³.

« Joannes, etc. universis patriarchis, archiepiscopis et episcopis, etc.

« Dum adhuc infra pubertatis annos existeret, Ordinis Praedicatorum habitum suscepit: in eo, invito etiam patre, qui ejus felicibus actibus invidebat, constantius mansit; ac in ipso tandem regularem professionem emisit: ubi in brevi adeo scientia, vita et moribus profecit, ut aetate adhuc juvenis ad sacerdotium promoveretur; et ad ejusdem theologiae magisterium Parisiis, loco utique celeberrimo, assumptus magno inibi sui suiique Ordinis, ac Parisiensis studii favore per multorum annorum curricula cathedram regebat magistralem: quippe cum illi vita existentiam, conversatio famam, doctrina pareret opinionem, opera divulgationem, eademque tam brevi confecta tempore admirationem merito exhiberent, ut illud psalmi: *Rigans montes de superioribus tuis, de fructu operum tuorum satiabitur terra*; in eo verissime impleteretur, quod utique thema idem sanctus, dum esset in sacra pagina incepturus, assumpsit; quodque, fertur, ut revelatione sibi post suam orationem facta dicerat, dum propter juventutem suam se inhabilem ad magisterium reputans, quod proponeretur in instanti principio hæsitare. Et infra:

65. « Profecit utique vir peritus, a terrenorum ambitione semotus et ad caelestium asecutionem intentus, perfecto vacans studio, intendebat Deo: praetermittebat terrena, ut assequeretur aeterna: praemittebat divina, ut roboraretur in schola; cum singulis diebus, antequam lecturus ascenderet cathedram, vel distraheretur ad alia, missam unam celebraret, aliam audiret: in quibus et alias in oratione, cum in illa foret assiduus, lacrymarum effusionem mentis suae dulcedinem devotionemque Deo, cui nihil est absconditum, revelabat.

« Cumque castitatis nitore canderet, parcomonia devota custodiebat humilitatem, hanc eandem sobrietate medica nutrebat adeo, ut multi cum in carne virginitate mansisse incorrup-

tum existimarent: quod ejusdem sancti confessor Ordinis memorati, qui longo tempore ipsius confessionem audierat, publice, ut ad nos testimonio fide digno pervenit, coram omnibus die defunctionis ejusdem asseruit, dicens: Ego confessionem in generali istius sancti viri audivi, de quo testificor, quia ita inveni eum purum, sicut puerum quinque annorum: quia nunquam suae carnis sensit corruptelam. Qui praeterea vir Dei cibis religiosorum vestimentisque communibus contentus, conversatione mitis, benignitate suavis, pietate misericors, humilitate subjectus, caeteraque virtutum varietate redimitus, honorum supercilium, mulierumque cautius consortia spernebat: non elatus, non praecinctus, nec etiam disputans, quod et interdum disputanti solet esse commercium, jactator effectus, ut ampullosus etiamsi sibi eadem injicerentur ab aliis, in illo palestra syllogizationis exercitio uteretur. Totus igitur Dei famulus divinis operibus intentus, aut eruditioni, qua praecebat; aut praedicationi, qua i. motus erat; aut orationi, qua devotus; aut Scripturae sacrae, qua profundus sedulus vacabat; adeo ut, praeter naturalis necessitatis aut quietis horas, nullum sibi aut vix temporis spatium relinqueret otiosum.

66. « Appropinquante autem die, qua de hoc saeculo migraturus esset ad Dominum, quaque devicto triumphatoque mundo in perpetuas aeternitates recipiendus in patria, nam bonorum laborum gloriosus est fructus, cum a felicis recordationis Gregorio papa X praedecessore nostro ad Lugdunense Concilium diceretur esse vocatus, de Neapoli veniens, ubi tunc temporis more solito famose legebat ut doctor; et per maritimam transiens, cum ad monasterium Fossanova Ordinis Cisterciensis Terracinenensis diocesis, parumper digressurus, per dies aliquot antea ad ipsum, ut illuc deferretur, affectuose deposcendus, pervenisset, intrans monasterium plenus Dei spiritu, haec verba protulisse refertur: Haec requies mea in saeculum saeculi: hic habitabo quoniam elegi eam. Quod verum esse eventus edocuit, et sacri corporis sui illic facta tumultatio manifestat. Coepit enim illic in infirmitate gravari eadem, viribus paulatim destitui: infirmitatem tamen ipsam, et si dierum plurium, non impatienter tolerans; sed aequanimit, totus ut erat humilis patientia supportans, qua sibi leniret infirmitatem, Deo obedientia placeret, ministris de se, quos nos intendebat aggravaret, reverentiam imitandae quoque patientiae exempla praeberet». Et infra: « Cumque in eadem infirmitate, de qua obit sanctissimi Dei et Domini nostri Jesu Christi corpus, in cibum sumendum, sibi ut vaticinium deferretur, totus profusus in lacrymas, et dulci amore ejusdem anima, assueta dulcedine Dei liquefacta, inter caetera multa et decora quae protulit, haec vel similia fide et devotionis verba, toto illius monasterii conventu multisque dicto-

¹ Jo. Vill. l. ix. c. 218. — ² Ant. III. p. II. l. XXI. c. 5. § 8. —

³ An. 7. p. 2. Ep. com. MCCCLXXVI. Est in Berl. in Joan. XXII. Const. XI.

rum Prædicatorum et Minorum Ordinum assistentibus fratribus, eructasse refertur : Ego de isto sanctissimo corpore Domini nostri Jesu Christi et aliis sacramentis multa docui, multa scripsi in fide Jesu Christi et sanctæ Romanæ Ecclesiæ; cujus correctioni cuncta subjicio, cuncta suppono.

« Recepto deinde ab ipso eodem vivifico sacramento, cunctisque aliis sacramentis Ecclesiæ debita veneratione cum lacrymarum effusione susceptis, tertio die obdormivit in Domino, cui credidit, quem amavit et tota mentis affectione dilexit, etc. » Affert Pontifex probatissima miracula, ob quæ sanctorum Catalogo solenni ritu adjectus sit, nimirum ipsius corpus post decem menses aperto sepulchro suavissimum odorem diffudisse : podagricum post annis decem toleratum morbum, implorata ejus ope, morbo solum; defunctum ad illius sepulchrum exportatum restitutum vitæ : non recte de illius sanctitate sentientem repente a divino Numine percussum, petitaque a S. Thoma venia ad sanitatem revocatum : morbos ejus opera ab ægris depulsos, mutis linguæ officium, surdis auditum redditum. Tum hæc de sacra illius memoria singulis annis recollenda præsulibus imperia dat. « Universitatem vestram monemus et hortamur attente, per Apostolica vobis scripta præcipiendo mandantes, quatenus nonis Martii festum confessoris ejusdem devote ac solemniter celebretis et faciatis a vestris subditis veneratione debita celebrari; ut pia ejus intercessione, et hic a noxiis protegi, et in futuro sempiterna gaudia consequi valeatis ». Proponit nonnulla indulgentiarum præmia illius sepulchrum annis singulis aditoris. « Dat. Avin. XV kal. Augusti, Pontificatus nostri anno vii ».

67. *Philippi archiepiscopi Bituricensis de miraculis et sanctitate institutum examen.* — Institere apud Sedem Apostolicam Guillelmus Bituricensis archiepiscopus, atque ejus Ecclesiæ canonicorum collegium, ut cum Deus pluribus miraculis Philippum, qui olim Bituricensibus præfuerat, ornaret, ipsi sanctorum cultum decerneret : qua de re antea ab Urbano IV et Clemente IV examen agitatum fuerat; sed cum in tanta re maturitas consilii maxima adhibenda Joanni videretur, Carnotensi et Aurelianensi episcopis, ac Prædicatorum Bituricensium præfecto partes dedit¹, ut de vita ac miraculis illius inquirerent : « Pium est, inquit, penitus atque justum, ut quos Deus merito sanctitatis coronat et honorat in cælis, nos venerationis officio laudemus et glorificemus in terris; cum ipse potius laudetur et glorificetur in ipsis, qui est laudabilis et gloriosus in sanctis; quique ut sue virtutis potentiam mirabiliter manifestet, et nostræ salutis causam misericorditer operetur, fideles suos, quos coronat in cælo, frequenter etiam honorat in mundo, ad eorum memoriam

signa faciens et prodigia, per quæ pravitas confundatur hæretica, et fides Catholica roboretur. Sed licet sit pium et debitum venerationi sanctorum intendere, et eos colendos in terris populis exhibere; expedit tamen in illis illam maturitatis adhibere cautelam, ut nulla fallat incertitudo judicium, nec ignorantia facti judicantis solertiam circumscribat, quæ tanto periculosior foret in talibus, quanto in majoribus erraretur; sed prudentia multa præambula et diligenti maturitate servata : veritas exquisita sollicitè deducatur in lucem, de dubiis sententia eliciatur indubia; et certitudo habeatur, et sumatur certior in incertis, etc. »

Subdit ut ab Urbano et postea a Clemente IV Carnotensi et Nivernensi episcopis date fuerint partes, ut Philippi olim archiepiscopi Bituricensis miracula ac vitæ gesta ad examen sacrum revocarent, testumque dicta in publicas Tabulas referrent. Postmodum vero ut Clementi V eæ suis sigillis communitatè oblatæ fuerint, illæque Nicolao episcopo Ostiensi, et Joanni tit. SS. Marcellini et Petri presbytero, et Guillelmo S. Nicolai in carcere Tulliano diacono cardinalibus munus rei exactius discutendæ imposuerit; quibus duæ membranæ convolutæ ex sanctiore Bituricensi Tabulario, in quarum altera de miraculis a viro sancto patris, in altera de ipsius vitæ sanctissimæ gestis testium dicta continebantur, una cum litteris Urbani et Clementis fuerint oblatæ. Quibus omnibus discussis, ad illustrandam magis veritatem Joannes S. Petri Perusini et S. Petri Assisinitis monasteriorum abbatibus partes dedit¹, ut earum Clementis et Urbani litterarum exemplum e Pontificio Registro exciperent : sanisque novum iterum examen instituendum esse; atque hanc Carnotensi et Aurelianensi episcopis, ac priori Bituricensium Prædicatorum, de quibus paulo ante memoravi, provinciam injunxit :

« Mandamus, quatenus vos, vel duo vestrum in locis, ubi expedire videritis, de vita et conversatione et miraculis præfati archiepiscopi, quæ ipsius meritis dignatus est hactenus, vel nunc pendente inquisitione hujusmodi dignabitur Omnipotens operari, cæterisque circumstantiis negotium hujusmodi tangentibus, juxta formam quam vobis sub Bulla nostra interclusam transmittimus, inquiratis diligentius veritatem : et quæ super præmissis inveneritis, fideliter in scriptis redacta, sub testimonio sigillorum vestrorum per viros idoneos ad Sedem Apostolicam destinatis; ut per inquisitionem vestram sufficienter instructi, sicut res exigit, et expediens visum fuerit, securius in ipso negotio procedere valeamus. Dat. Avinion. XIX kal. Januarii anno vii ». Meminit de Philippo archiepiscopo Bituricensi in Gallia Christiana Claudius Robertus², quem beati nomine insignit, et

¹ An. 8. p. 1. Ep. com. DLXIII.

¹ An. 8. p. 1. Ep. DLXIV. — ² Claud. Rob. Gall. Christ. in archiep. Bituric. Vinc. I. III, c. 434.

septuagesimum primum in archiepiscoporum numero collocat; ejus insigne clementie exemplum in Hugonem episcopum Chramontensem refert: cum enim Innocentius Quartus, illum contumacia in Philippum damnatum exauctorasset episcopatu, vir egregius non prius ei genibus voluit assurgere, quam summum Pontificem ad misericordiam in adversarium explicandam flexisset.

Celebratam translationem capitis sancti Martini Thronensis episc. principia Caroli regis Francorum opera et religione, qui thecam argenteam elegantiori arte elaboratam, ut in ea reponeretur comparavit, Pontificie litteræ¹ indicant ad decanum et Ecclesie B. Martini canonicos datæ, quos Sedis Apostolicæ auctoritati tantum obnoxios ait:

68. *Eleazari Ariani comitis beata mors quem deinde Gregorius XI in Sanctorum numerum retulit.* — Clausisse hoc anno vitam Parisiis S. Eleazarum Ariani comitem ferunt², vicesima septima Septembris die³, dum pro Roberto Siciliæ rege in aula Gallica oratorem agebat: qui una cum uxore B. Delphina raro exemplo, licet eodem cum ipsa thoro uteretur, virginitatem tamen cohibuit. Cui aliquando de nimia apud Montem-Pessulanum mora expostulanti hæc per litteras respondit⁴: « Sanus corpore sum et sospes: si vero me videre cupis, quære me in vulnere lateris Christi; illic enim habito, et ibi me poteris invenire, frustra alibi quæsitura ». Datus is est a Roberto rege Siciliæ ob singularem virtutum splendorem virtutis præceptor Carolo duci Calabrie, Siculi regni hæredi, ut eum probis moribus perpoliret. Neque irrita a viro sancto impensa opera⁵: cum enim Carolus, juvenili abreptus levitate, obscœna verba fundere et lascivire solitus, ab Eleazaro correptus esset, ita illius monita impressit pectori, ut postmodum pudicitia legibus frenaret ora, neque in puros magna procerum admiratione a suis sermones laxari pateretur. Cum vero plurima polleret auctoritate in regia Neapolitana, illam in tuendis inopum juribus collocavit; quocirca patroni pauperum nomen vulgo illi inditum⁶. Deinde Lutetiam legatus⁷, ut uxorem Carolo ex stirpe Gallica regia compararet, prudenter munere perfunctus est, in medio regalis aule luxu divinis rebus transfundere animum solitus. Quo tempore ad alias cœlestes agni nuptias vocatus, plissimo exitu ad immortalitatem migravit. Describit⁸ extremum illius vitæ actum antiquus auctor hæc verbis:

« Sentiens mortem impendere, magistro Francisco Maronensi Minoritæ conferraneo suo, qui tum erat Parisiis generale fecit confessionem cum multis lacrymis. Quotidie etiam mane apud lectum suum misse sacrificium pie audivit, et crebro sub illa adversa valetudine confessus est: et quamvis tota vita sua et suam et Delphinæ virginitatem celasset accurate; attamen sub vite finem, com-

pellente eum spiritu Dei, ista ad adstantes loquebatur: Salvatus est homo malus per mulierem bonam, quam sicut virginem accepi, ita et in hac mortali vita virginem relinquo.

69. « In ea agrotatione¹, quæ gravissimos, eosque perpetuos ei dolores afferebat, quos ille patientissime spe futurorum tolerabat, spiritus ejus jugiter conjunctus cum Deo fuit; volebatque nihilominus etiam bona audire, jubebatque sibi Christi passionem legi, nec lingua etiam a divinis cessabat laudibus, crebro repetens illum versum²: *Domine open ferat illi super lectum doloris ejus; universum stratum ejus versasti in infirmitate ejus.* Sumpto autem Dominico sacramento cum sacro oleo ungeretur, et versum illum dicerent: Per sanctam crucem et passionem tuam, libera eum, Domine; ipse eundem tertio repetivit et addidit: Hæc est spes mea: in hac volo mori. Ad extremum jam in agone positus, vultum prae se tulit valde terribilem; unde colligi licebat eum in magno versari labore ob quædam illi objecta, atque sub ejusmodi conflictu exclamavit: Magna est dæmonum vis; sed eam penitus enervarunt virtus et merita sacrosancæ Incarnationis et Passionis Jesu Christi. Et post paululum rursus exclamans: Plane, inquit, vici. Post aliquantum temporis spatium cum ingenti clamore dixit: Totum me divino iudicio committo; atque his dictis reparatus est vultus ejus, et quodam rubore atque splendore multaue elegantia perfusus: atque ita reddidit spiritum; nec fuit vel tenuiter mutatus vultus ejus, sed permansit serenus et pulcher. Hæc autem omnia vidit quidam nobilis multum petulans et lubricus, adeoque ob sua peccata corde compunctus est, ut nullo pacto ferre sustinens, mox accito ad se fratrem Franciscano, qui illic aderat, in quodam cubiculo cum ingenti pietate, et largissimo lacrymarum imbre sua peccata confiteretur. Obiit sanctus comes plenus virtutibus et operibus bonis anno salutis mcccxxiii, V kal. Octobris ».

Sepultus in cultu Franciscano primum est Parisiis in Minoritarum templo: ac dein Aptam translate ejus reliquie, ad quas maximæ cœlestes virtutes edite, ac vario morhorum genere laborantibus valetudo divinitus restituta: imo et mortui ad vitam revocati. Quinetiam Balearicum regnum, quod atroci turbabatur bello, eo videntum sese obicientem, docentemque, sine fuso cruore pacatum est. Quibus permotus Urbanus V sanctorum honores solemnî ritu postea illi decrevit³. Diploma vero morte oppressus edere non potuit: quod ab illius successore Gregorio XI est promulgatum, quod subjecta formula conceptum ex Ms. edidit Wadingus⁴.

« Gregorius episcopus, servus servorum Dei, ad perpetuam rei memoriam.

« Rationi congruit et convenit honestati, ut

¹ Tom. iv, p. 1. Ep. secr. pag. 76. — ² Sa. tom. v. — ³ Bar. in Not. ad Mart. Ro. xxvii Sept. — ⁴ Sur. ibid. c. 23. — ⁵ Ibid. c. 27. — ⁶ Cap. 28. — ⁷ Cap. 32. — ⁸ Apud Sur. xxvii die Sept.

¹ Cap. 33. — ² Psal. xl. — ³ Wadin. in Annal. Mun. hoc an. num. 39 et seq. — ⁴ Wadin. tom. III. an. 1343, num. 40.

ea, quæ de Romani Pontificis providentia processerunt, licet ejus superveniente obitu litteræ Apostolicæ confectæ non fuerint, super illis suam consequuntur efficaciam. Olim siquidem felicis recordationis Urbanus papa V, prædecessor noster, provide attendens, quod Domino nostro Jesu Christo, Regi regum et dominantium Domino, sub cujus ditione cuncta consistunt, magna gratiarum actionum et laudum a cunctis fidelibus Christi debentur impendia, dum ipse Rex cælestis omnis scientiæ gloria, cujus ineffabilis altitudo scientiæ et providentiæ nullis inclusa limitibus, nullis terminis comprehensa, recti censura judicii cælestia pariter et terrena disponit, sanctos suos per exemplaris vitæ doctrinam et sanctitatis merita venerandos, de præsentis vitæ carcere ad æternam beatitudinem evocatos, crebris coruscare facit miraculis, ac mira et stupenda, eorum intercedentibus meritis, certis et perspicacibus ostendens indicis, illos post labores nimios duraque præsentis vitæ certamina quietis æternæ satiari dulcedine, palmamque cælestis gloriæ obtinere; quod (quodque) ipse opifex Deus in misericordia copiosus, liberalis in gratiis et in retributione munificus, de supremis cælorum ad ima mundi oculos majestatis suæ inflectens, et benigna consideratione discitens, B. Elzearii de Sabrano comitis Ariani et baronis Ausoisii domini, de Provincia oriundi, generis nobilitate præclari, sui que gloriosissimi confessoris merita grandia et opera mirifica, quibus ipse constitutus in seculo lucerna luminosa resplenduit, atque veluti justus iudex et retributor laudabilis dignanter intendens condignis recompensare muneribus, eum tanquam emeritum et retributione dignissimum post vitæ præsentis ergastulum et laboriosa mundi certamina, quæ fervens in divinis obsequiis potenter et patenter exercuit, æthereis sedibus collocarat, ut sederet cum principibus, et solium gloriæ teneret felicitatis æternæ dulcore potitus; ne ejusdem B. Elzearii landabilium actionum claritas, quibus in terris constitutus effulserat, sub nubo latens, tenebris obfuscaretur, idem prædecessor aliqua ex eis suis litteris, si super his confectæ fuissent, exprimi voluit, quas nos præsentibus inseri fecimus, ut deduceatur in publicam notionem.

« Illic equidem a juvenilis ætatis primordiis Dei Filium tenera mente dilexit, nec diligere desiit, studia continuando salubria, dum vitæ sibi commoditas affluit temporalis, sed quoniam (quanto) majori profecit ætate, ac in tempora prolixiora prosiliit, tanto in ejus exarsit amore fervore spiritus ampliori: et sic pudicitia adhæsit operibus, sic carnis studuit evitare contagia, quod licet uxorem habuerit ætate juvenem et nobilitate præclaram; tamen, prout ex dictæ uxoris et confessoris ejusdem sancti testimoniis constitit, sanctus ipse semper candore virgineo rutilavit. Præterea sanctus ipse, qui dum vixit in præsentis seculo clarissimus genere, sublimis potentia, facultatibus

opulentus, moribus elegans exstitit, inhonestis et turpibus animo penitus relegatis, circa servos Christi ac pauperes, aliasque miserabiles personas valde compatiens, se ipsum in elemosynarum largitione (eis plerumque ministrando) munificum exhibebat: tantaque abundavit charitate, quod nil tam charum sibi erat, quin libenter erogasset, ut saltem unam animam trahere potuisset ad Christum: nec de nullo suo æmulo vindictam facere volebat. Et ne fervorem spiritus sociæ carnis ardor extingueret, sed mortificatione et repressione ipsum potius accendi contingeret, carnem ipsam, quam assidui asperitate cilicii (prout asseritur) edomans, effrenem ipsius libidinum artem sustinentiæ (continentiæ) fræno coercuit, ut non propriæ voluntatis ducta remigio, sed salubri moderamine spiritus tute licita perageret, et prorsus ab illicitis abstinere delictis. Etenim corpus macebat jejuniis, priscorum observantiæ a sanctis patribus ordinatæ novorum austeritatem adjiciens sibi motu propriæ voluntatis inducto: nam per totum adventum et singularum septimanarum sextam feriam, et cunctis aliis temporibus jejuniis observabat: et in multis interea orationibus se occupabat, ne aliqua sibi hora temporum inutiliter pertransiret; paramentis aliquibus sub genua non utende, imo quamplurimum vestes proprias admovebat (amovebat.) Et dum consilio ducis Calabriæ præfuit, petitiones pauperum interim (ita) promovebat, quod omnes ipsum advocatum pauperum nominabant.

« Hic insuper vitæ fuit puritate perlucidus, humilitate præclarus et sincerus veritatis amicus; ac cuncta eloquia ipsius ad virtutis augmentum operaque salubria hortabantur, demulcebant auditorum præcordia, et in eorum ædificationem salutarem multipliciter redundabant. Quamdā enim mulierem, quæ per totum annum et amplius toto corpore impotens fuerat, et aliquibus sui corporis partibus adeo desiccata, ut lignum aridum videretur, et quæ, postquam sanctus ipse migravit ad Christum, ad ejus tumulum se deferri fecerat, ad dicti sancti invocationem subito fuisse curatam dubium non existit: in signum hujusmodi mulier ipsa domum suam propriis pedibus est reversa. Quidam etiam casualiter in uno fossato undique subtus terram prostratus ita, quod aliquis ad ipsum nullo modo pervenire poterat, postquam ibidem tandiu steterat, quod naturaliter vivere non debebat, ad prædicti sancti invocationem a morte extitit præservatus. Istum enim sanctum dilexit Dominus, et in fine consortio hæreditatis elegit; perennis quoque diademate gloriæ decoravit: et ut ejus nomen extolleretur laudibus populorum, tam in ejus vita, quam postquam (ut præmittitur) feliciter migravit ad Christum supernis deliciis fruiturus, ipse opifex Dominus, in sanctis suis vere miraculis, eundem sanctum aliorum quamplurimum et variorum splendore miraculorum illustravit; manifeste demonstrans

quantum sibi honoris et reverentiae deberetur.

« Unde praefatus praedecessor, de huiusmodi actibus dicti sancti et mirabilis habita fide dignis probationibus, quantum nosse sinebat ipsa fragilitas certitudine veritatis, multorum praefatorum et aliarum circumspectarum personarum solemnibus precibus pluries excitatus, ipsum B. Elzearium de fratrum suorum consilio, de quorum numero tunc eramus, auctoritate omnipotentis Dei, et beatorum Apostolorum ejus Petri et Pauli, atque sua, choro beatorum a Domino ineffabili sanctificatione susceptum, cum solemnitate celebri sanctorum Catalogo, videlicet XVI kal. Maii, Pontificatus sui anno vii duxit adscribendum. Et ut devotis laudibus extolleretur in terris, quem ipse dominantium Dominus honorari voluerat in excel-

sis, festivitatem confessoris ejusdem die xxvi mensis Septembris, quo migravit ad Dominum, cum debita reverentia voluit celebrari : quodque (atque) etiam, ut ad Ecclesiam fratrum Minorum, ubi corpus ejusdem sancti venerabiliter requiescit, ferventius et copiosius fidelium confluat multitudo, et celebris ejusdem sollemnitas peragatur, omnibus vere poenitentibus et confessis, qui reverenter illuc in eodem festo annuatim accesserint, ejus suffragia petitori, de omnipotentis Dei misericordia et ipsorum beatorum Petri et Pauli Apostolorum ejus auctoritate confisus, unum annum et quadraginta dies de injunctis eis poenitentis misericorditer relaxavit, etc. Nulli ergo, etc. Datum Avin. nonis Januarii, Pontificatus nostri anno i ».

JOANNIS XXII ANNUS 9. CHRISTI 1324.

1. *Ludovici Bavari oratorum ad Sedem Apostolicam accessus, et Pontificis responsum in litteris Apostolicis expressum.* — Ineunte anno Christi millesimo trecentesimo vigesimo quarto indictione septima Ludovici Bavari oratores, quos antea ad aulam Pontificiam legaverat, ut obsequentem se Ecclesiae, nec sentire cum haereticis profleretur, diemque ad dicendam causam constitutam extrahi deposceret, ingressi purpuratorum patrum consistorium VI nonas mensis Januarii, Pontifici in solio consistenti supplicem hunc libellum ¹ porrexere :

« Pater sanctissime,

« Ad mandatum sanctitatis vestrae in scriptis posuimus ad quid venimus, et quid a Sanctitate vestra petere debeamus. Bicimus igitur ex parte domini nostri filii vestri devoti, quod licet paucis diebus elapsis ab aliquibus murmuraretur, et absque tamen ulla insinuatione certa referretur apud dictum dominum nostrum, processus aliquos esse factos a Sanctitate vestra, ipsum et jura sua ac statum suum graviter contingentes; tamen dominus noster praedictus nullatenus credere poterat, nec credebatur : imo aestimabat aemulorum

suorum esse filimenta, nec etiam verisimile reputabat, quod sancta Romana Ecclesia taliter processisset, cum nunquam antea super iis fuerit monitus vel citatus. Ad cautelam tamen nos misit ad inquirendum ac investigandum, utrum contra ipsum, ut praemittitur, processus aliqui facti essent : et si inveniremus eos factos, quod supplicarem Sanctitati vestrae ut, salvo in omnibus jure suo, daret ei terminum aliquem competentem et decentem, inspecta locorum distantia et maxime negotii arduitate considerata; infra quem domino nostro praedicto processus huiusmodi veritatem referre possemus, ut ipse sibi ac juribus suis, ipsum tangentibus, de consilio suorum principum et procerum valeat super iis, prout tenetur et debet, salubriter providere; et de informando Sanctitatem vestram plenius circa dictum processum et ipsum contingentia, et de ostendenda iustitia sua et innocentia sua circa dictum processum et ipsum contingentia, prout sibi videbitur expedire; necnon de reformando in statum debitum, si forsan in aliquibus excessisset. Igitur, pater sanctissime, cum invenerimus processus huiusmodi esse factos, supplicamus Sanctitati vestrae ex parte domini nostri praefati humiliter et devote, ut salvo in omnibus jure suo terminum competentem, prout praemittitur, dare et concedere dignemini :

¹ Ext. apud Jo. tom. iv. p. 1. Ep. secr. p. 107. et l. var. Bull. p. 35.

cum dictus dominus noster intendat, quantum in ipso est, tanquam devotus filius Sanctitatis vestrae paternitatem et sanctam Ecclesiam vel matrem revereri, et ipsam finali obedientia pro posse adjuvare, defendere et tueri; terminum petimus sex mensibus longiorem ».

2. Mirum cuiquam videri posset, quomodo hac demissione Christiana, et observantia Pontificem mulcere studuerit Ludovicus, qui paulo ante, ut vidimus¹ concepta appellationis formula Pontificem ipsum calumnia haereseos appetiverat, atque ab ejus judicio ad Concilium Oecumenicum provocarat: quod Ludovici factum ignorans Joannes, accepto ejus libello supplicae, rem in deliberationem cum cardinalibus adduxit, ac publico consistorio VII idus Januarii congregato, praesentibus orationibus objecit, Ludovicum non cognita Sede Apostolica electionis controversia, contra decreta Pontificia non electum in regem, sed regem se dixisse. Vicecomites haereseos crimine postulatos tutatum esse; cum antea ad eos evolvendos accessurum se in Italiam spopondisset: marchiones Attestinos et Ferrarienses Ecclesiae perduelles in sua verba sacramento adegisse; vetera Ecclesiae jura, quae interregni tempore ac discordiis suffragiis duobus electis regibus vicarios imperii creare solet, infregisse: ob quae licet ipsi dies proroganda non esset, ad duos tamen illam menses preferre, non ut ab ipso gesta tueretur, sed venia petita demisse emendaret. Quae subjectis verbis prodit Pontifex:

3. « Joannes, etc. ad perpetuam rei memoriam.

« Nos super littera et supplicatione praedictis cum ejusdem fratribus deliberatione praehabita diligenti, eosdem nuntios VII idus ejusdem mensis Januarii coram nobis fecimus evocari; ac eisdem in nostra et dictorum fratrum praesentia in consistorio constitutis taliter duximus proloquendum.

« Vidimus litteram patentem et supplicationem praedictas, quas in nostra et fratrum nostrorum praesentia exhibere curastis, et contenta in eis intelleximus diligenter: ac super illis cum eisdem fratribus deliberatione praehabita diligenti, attendentes et ad memoriam reducentes devotionem, quam praefatus dux Bavarie per alios nuntios suos ad praesentiam nostram hactenus destinatos, ejus litteras de credentia deferentes, ad nos et praefatam Ecclesiam se gerere assererat: et quod inter alia nonnunquam nobis obtulerat per nonnullos ex nuntiis supradictis, se paratum in Ecclesiae praedictae et nostrum obsequium contra rebelles Ecclesiae ad partes accedere Lombardiae, miramur quamplurimum, et causa nobis iuste admirationis ingeritur, quomodo sic subdito, nulla per nos data sibi occasione vel causa, in virum alterum sit mutatus. Ipse namque in contemptum nostrum, et magnam injuriam sanctae matris Ecclesiae, se regem Romanorum intitulat:

cum de electo in discordia in Romanorum regem, sicut iste fuisse dicitur, a nullo sit in dubium revocandum, quod ante approbationem seu admissionem electionis suae per Sedem Apostolicam habitam, non debet tali nomine vel titulo appellari: quod utique dudum, cum de intitutione duorum electorum in reges Romanorum controversia incidisset, per Sedem eandem auditis allegationibus partium in casu simili decretum extitit, deliberatione cum similibus tunc sanctae Romanae Ecclesiae cardinalibus praehabita diligenti. At insuper dux praedictus Galeatio de vicecomitibus ejusque fratribus de Mediolano rebellibus ejusdem Ecclesiae, et de haeresi per eorum competentes iudices condemnatis, favere hactenus contra praefatam Ecclesiam non expavit, nec adhuc, sicut audivimus, a fantoria destitit eorundem.

« A Ferrariensibus etiam, videlicet Raynaldo et Opizone natis dilecti filii Aldebrandini Estensis, de labe pravitalis haereticae similiter condemnatis, ac rebellibus Ecclesiae memoratae, ratione civitatis Ferrariensis fidelitatem et homagium praesumpsit recipere, ipsisque favorem, auxilium et consilium impendere in nostrum et ejusdem Ecclesiae magnum contemptum, atque dispendium et praedicium manifestum; cum dictam civitatem Ferrariensem, ejusque districtum ad plenum jus atque dominium et proprietatem ejusdem Romanae Ecclesiae pertinere noscitur.

« Administrationi etiam imperii se indebite ac irreverenter immiscuit, donando de bonis ipsius, homagia recipiendo et alia indebite attentando: cum tamen hujusmodi administratio, imperio predicto vacante, prout ad praesens vacare dignoscitur, ad Sedem pertineat memoratam: sicut hoc jure patet, consuetudine declaratur, et Romani Pontifices praedecessores nostri in casu vacationis imperii jure hujusmodi usi sint, velut ad eos pertinente indubie, sicut etiam nonnullis exemplis evidentibus patet. Nam felix recordationis Clemens papa IV, praedecessor noster, tempore suo existentibus duobus in Romanorum reges electis, clare memoriae Carolum regem Siciliae in Tuscia vicarium generalem constituit; qui dictum officium exercuit diligenter. Similiter, pia memoriae Clemens papa V, praedecessor noster in provinciis Lombardiae et Tusciae charissimum in Christo filium nostrum Robertum regem Siciliae illustrem vicarium ordinavit; ejus juris possessione, vel quasi, praefatus dux Bavariae, quantum in eo est, nos et dictam Ecclesiam indebite et praesumptuose nimium spoliare conatur.

« Si igitur praedicta, necnon verba in dictis litteris et supplicatione per vos exhibitis posita, quae magis sunt ad turbationem irritantia, quam ad mansuetudinem mentem intelligentis provocantia, vellemus attendere diligenter, nullum vobis responsum dare utique deberemus; tamen memores devotionis praeteritae dicti ducis, vobis praefatis nuntiis de dictorum fratrum consilio

¹ An. 1323, num. 34, etc.

breviter respondemus, quod enim processus noster praedictus contra dictum ducem Bavariae et electum, ut praedicatur, factus rite sit et super notorio habitus; terminumque competentem contineat, infra quem ad ejus deduci, nisi per ipsum steterit, notitiam poterit, ac a praesumptis per ipsum temere etiam resiliere, ipsaque quantum erat sibi possibile revocare, quorum neutrum ipsum constet fecisse per exhibita; sed potius, quod intendat illa, ut dicta scriptura asserit, excusare ac de jure, quod utique electo faciendi nequaquam competat nec potest competere, se velledicere asserat, intendens per consequens excessus suos notorios minus provide defensare; non intendimus aliquid innovare, ipsum tollendo vel suspendendo, vel quoad impediendum effectum sententiarum in eolatarum terminum, dilatioem, vel prorogationem aliquam concedendo; imo volumus eum quoad omnia contenta in ipso et ipsorum effectum in suo pleno vigore atque robore permanere.

« Verum quia in dicto processu eidem aperte duximus intimandum, quod si in praemissis in dicto processu contentis per omnia infra prefixum ad hoc sibi terminum exequendum foret negligens vel remissus, nos contra ipsum ad publicationem poenarum, in quas propter praemissos excessus notorios inciderat, vel incideret in futurum, et alias quantum suadet justitia procederemus, ejus absentia non obstante; intendimus usque ad duos menses, a data praesentium computandos, a publicatione poenarum et processibus hujusmodi, ac ab aggravatione supersedere processum ejusdem, infra quos certificari possimus quid per eundem circa praemissa exiterit reformatum.

« Per hoc tamen non volumus nec intendimus nos aliquatenus obligare, qui etiam eorumdem duorum mensium pendente termino ad aggravationem dicti processus et alias possimus procedere contra ipsum; si et prout nobis pro conservatione jurium et honoris ejusdem Ecclesiae viderimus expedire, etc. Dat. Avin. VII id. Januarii anno VII^{mo}. Affixe fuere hae litterae Avenionensis Ecclesiae foribus, et in Germaniam ad Frisingensem episcopum transmissae ut eas divulgandas curaret, ne quem latere posset, quid inter Ludovici oratores ac Sedem Apostolicam agitatum esset, ac dolo et calumnie ora obstruerentur¹.

4. *Ludovici Bavarum studium et acta in defendendis perduellibus et lueticis, et in propugnatione sui asserti juris contra Pontificias leges et jussa.* — Effluxere duo ii menses Bavaro a Pontifice dati, ut commissa adversus Apostolicam Sedem dignitatem expiaret. Verum ipse, non impetrato, ut vidimus, sex mensium spatium, ut causam ageret, congregato suorum caeterum, constitutus sibi Pontifice angustiores temporis metas contestatus est: se fidem Catholicam colere, et Ecclesiae decus semper asserturum; neque in animum posse in-

ducere, se quapiam in re laesisse Sedem Apostolicam, ac si laeserit, facturum satis: prosecuturum Pontificem honoribus debitis, ac jura etiam imperii tutaturum; seque eadem coram Pontifice, cum se daret prima occasio, professurum. Quae Georgius Herwartus subjectis concepta verbis ex veteribus monumentis afferit².

« Nos Ludovicus Romanorum rex semper Augustus comparemus, et infrascriptas protestationes nostras coram vobis proponimus, et in scriptis offerimus, ac si in praesentia domini nostri summi Pontificis (cujus copiam, arcante termino, tanquam absentis et remote distantis habere non possumus) essemus personaliter constituti: promittentes expresse, quod eisdem in ipsis summi Pontificis, quamprimum commodè poterimus, notitiam deducemus et coram eo innovabimus. In primis protestamur, quod sanctam Ecclesiam Rom. magistram fidei Catholicae matrem et alumniam nostram colere, diligere et fovere, statum ejus solidare et jura servare semper intendimus bona fide. Item quod hostes ejus et rebelles quoslibet quos scimus, vel a professione dicte fidei aberrantes, tanquam fidelis advocatus et fervidus Christianae fidei zelator hostiliter persequi et exterminare volumus toto posse.

« Item quod non credimus contra ipsam sanctam Ecclesiam nos unquam in aliquo excessisse: et si quando excederemus, parati sumus ad ejus correctionem humiliter emendari, et sub regula disciplinae suae obedienter consistere, et suo consilio et regimine gubernari. Item quod eidem volumus reverentiam debitam et honorem. Protestamur insuper, quod domino nostro summo Pontifici eam quam debemus, et quemadmodum Romanis Pontificibus Rom. imperatores et reges praedecessores nostri obedientiam, devotionem et reverentiam gesserunt et habuerunt, volumus similiter gerere et habere.

« Item protestamur quod statum Rom. imperii et jura, res et honores suos salvos sine praedictio cuiuslibet, juxta debitum fidei nostrae et virtutem praestiti sacramenti, quantum scimus et possumus, nostris temporibus similiter disponimus custodire ».

5. Magnifica hac ostentatione invidiam exortae disensionis omnem in Pontificem apud suos derivabat Ludovicus. Jactabat enim ad speciem constitutum bimestre, ut caepa emendaret, quod ipse de disceptanda judicio causa interpretabatur, angustius esse: de erepto vero Ecclesiae supremo Ferrariae imperio, adactoque in sua verba illius urbis oratore, tacuit; cum magna verborum pompa Ecclesiae jura se tutaturum profiteretur; recusabatque haeretici hostisque fidei Galeatii clientelam deserere, cum fidei splendorem se vindicaturum sponderet: imo ad tuendos Ecclesiastici juris oppressores exercitum immisit, ut suo loco videbi-

¹ Tom. IV. p. 1. Ep. secr. p. 110.

² Herm. ad an. 1324. num. 40.

mus. Frustra itaque enim excusare nititur Herwartus ¹ dum publicas eas Tabulas, quæ ad coloranda gesta plurima arte editæ erant, veluti illustria juris Ludovici ejusdem monumenta adducit; et Joannem veluti iniquum immerito traducit: non enim verba Ludovici spectanda sunt, sed opera potissimum.

Ut vero funestæ illius dissensionis, quæ maximos fluctus in Ecclesiam concitavit culpam non in Joannem, sed in Ludovicum ejusque senatores impios derivandam, illustremus, rem uti gesta est, in luce collocabimus, eam paulo altius ex jam dictis repetendo. Potuisset Ludovicus Pontificia sibi studia conciliare, si ut Cæsarei erat muneris Ecclesiam tueri, eamque ab hostium seivissimorum nefaria tyrannide vindicare studuisset. Sed improborum fascinatus consiliis, cum Pontifici adversus vicecomites divini Ecclesiasticique juris eversores, et Nominis rerumque sacrarum contemptores operam regiam spopondisset, eorum deinde, ut dictum est, patrocinium suscepit, atque etiam Ferrariensium perduellium clientelarem spouisionem admisit, invasitque Romanæ Ecclesiæ jura: nec pluribus edictis monitus, respuit, sed iniqua provocacione ad Concilium diffugia captavit. Commotum vero juste Pontificem indicat Albertinus Mussatus ², dum Italiæ tyrannorum, quos armis in Pontificem defendendos suscepit Ludovicus, impietatem describit hisce verbis:

« Pestis, (tyrannorum scilicet) per ea tempora per totam ferme Italiam et præsertim Lombardiam, Tusciam, Romandiolam et Marchiam invaserat: qui contemptis Deo et Sanctis, sanctas Ecclesias scilicet episcopatus, abbatias, prioratus et quascumque etiam magnorum proventuum Basilicas, quos ut populos vorarent, in armis, bellis et quotidianis armorum usibus stipendiariis erogabant; deque ipsis sacris locis eorum stabula, pulsus antistitibus et prælatis, fecerant. Hanc tyrannis vicecomitibus Mediolani, sævam rabiem nequius cœpisse, et adeo perseverasse, ut ipsi tyranni Ecclesias et prælaturas de facto, sprete papali Sede et jurisdictione, suis clientibus et parum dignis conferrent: promovisse primum, et non alium, hæc omnia momenta senem illum inveteratum malorum Maphæum vicecomitem. Illis nefandis actibus abstinere; archiepiscopum Mediolani et alios pulsos prælatos in pace sine (suis) restituti locis, prædiis et bonis ad Ecclesias spectantibus, quibus sacræ coluntur Ecclesiæ, illum Maphæum stirpemque ejus tantis malis nutritam, ut de justo usu abusum, et de equitate iniquitatem fecissent, monuisse; divinum cultum in ea urbe exerceri per veros prælatos permitterent.

« Sed mandata Apostolica spernentes, non modo destitire, sed intandos actus auxere, preces Apostolicæ mansuetudinis rennentes: deinde

seipsos excommunicationum vinculis innodantes, et verba proterva in sacram Ecclesiam, ipsumque Apostolicum jactantes, quæ manifeste hæresis ignominias, et intolerabiles Christianæ religionis contemptus et pertuacias ostendebant. A quibus similiter canonice et solemniter moniti, nec abstinere passi, vel ab Ecclesiastica monitione correcti, peccata infanda accumulaverunt peccatis, Saracenorum et aliarum superstitionum sectas et materias imitati, ut et ipsi Saraceni et hæretici manifesti. Insuper monitum hunc Ludovicum Bavarum, illorum hæreticorum erroribus infandisque actibus non adhiærere: sed si ad sacrum imperii culmen aspirasset, illos et consimiles abhorreere, et veri filii sacrosanctæ Ecclesiæ more ad illos repellendos et refellendos tam pravis ausibus, Ecclesiæ adstare et servire. Sed ille, cujus mens in Ecclesiam effera earum tyrannidum tyrannorumque Italicorum jura tenere spiritu diabolico conjectaverat, non modo destitit; sed vicarium suum gentemque Germanam adversus Ecclesiæ monita patenter transmisit, et se hæreticum et divinarum Constitutionum exhibuit contemptorem ». Hactenus Mussatus.

6. Hos tyrannos impios Ludovicus, cum eorum opera imperiale insigne se adepturum speraret Italiæque potiturum, defendendos suscepit. Quæ in re non inique modo, sed imprudenter etiam se gessit: imprudenter quidem, cum Pontificia benevolentia ad firmandum solum longe foret aptior; et vicecomites non Cæsarei nominis tuendi, sed augendarum rerum suarum cupiditate moverentur, ut exitus edocuit: quippe qui firmata potentia Cæsares irriserunt: Inique vero Ludovicum datam Pontifici de iis debellandis fidem infregisse judiciaria sententia in Galeatium paternæ sequacem impietatis lata indicat, in qua ejus flagitia hisce verbis recensentur ³:

7. « Joannes, etc. ad perpetuam rei memoriam.

« Dudum ad nostri apostolatus fama, quoniam infamia publica deduxit auditum, quod quondam damnatæ memoriæ Matthæus de Vicecomitibus de Mediolano nonnullos de diversis mundi partibus ad Sedem Apostolicam venientes capiebat, et etiam detinebat, eos bonis omnibus spoliando; ac litteras clausas, quæ nobis per nonnullos Ecclesiæ Romanæ devotos filios et fideles de diversis partibus mittebantur, per se, officiales et ministros suos aperire et lacerare, et alias pro suo libito contrectare, et inspicendas diversis exponere ausu damnabili præsumebat.

« Expositum etiam fuit in publico consistorio coram nobis, quod ipse Ecclesiæ monasteriis et aliis piis locis, ac personis Ecclesiasticis, sæcularibus et regularibus civitatis et districtus Mediolanensis talliam seu collectam plurimum onerosam imponens, ad exactionem illius procedebat adeo

¹ Herw. tom. I. in Lud. defensioe ad an. 1324. num. 14. etc. —

² Alb. Muss. in Lud. Bavoro.

³ Tom. IV. Ep. secr. p. 420. et lib. variar. Bullar. p. 27.

violenter, quod illam ab aliquibus personis Ecclesiasticis per explicationem rerum, a quibusdam per captivum et detentionem personarum ipsarum, et ab aliis per diversos cruciatus corporum extorquebat; et nonnulla alia impia et iniqua in personas Ecclesiasticas inhumane exercebat, quæ in gravem divine majestatis offensam, opprobrium Catholicæ fidei, et magnum fidelium scandalum redundabant: quodque tam ipse, quam Galeatus, Marcus et alii filii sui, paternæ nequitie sectatores, bona cathedralium et aliarum Ecclesiarum, consistentia per civitates et dioceses, in quibus per se et alios tyrannidis sævitiam exercebat, vel majorem partem ipsorum occuparet occupata tenere damnablem præsumebat; ipsarumque prælatos amarissimas pœnas exilii cogebat miserabiliter experiri.

« Idemque Matthæus adeo redditus erat religionis cujuslibet insolens persecutor, quod tam prælati eisdem, quam religiosi Prædicatorum, Minorum ac Eremitarum S. Augustini fratribus, et aliorum Ordinum paupertatis, ne Synodos et Concilia, vel quælibet capita congregarent, vel in eorum subditos visitationis vel prædicationis officium exercerent, interdicebat expresse; perversos dictorum Ordinum fratres, suæque iniquitati conformes in eorum fovendo nequitia, eosque suis conventibus per violentiam prælici faciendo: et quod in Ecclesiis sæcularibus et regularibus, tam virorum quam mulierum ausu sacrilego personas intrudebat indignas, utpote qui in monasterio S. Celsi Mediolanensis nonnullos monachos, abbate dicti monasterii exulare compulso, violenter intruserat. Nonnullas etiam puellas in monasterio monialium Mediolanensium, postquam illis fuerat impudenter abusus, per intrusionis reatum recipi fecerat violenter.

« Nec veritus adhuc in Christum Deum rabiem diræ persecutionis armare, venerabilem fratrem nostrum episcopum Verceilensem in civitate Verceilensi, conflatis viribus, obsederat violenter, ac demum eundem per violentiam captivum in carcere præsumperat detinere; quamvis postea de manibus ejus per fugæ subsidium divina fuit misericordia liberatus. Per sufficientem quoque informationem, de speciali mandato nostro habitam per bonæ memoriæ Berengarium episcopum Tusulanum, tunc viventem apud sedem prædictam, idem Matthæus repertus fuit super hujusmodi sacrilegis, offensis et excessibus publica infamia laborare.

8. « Valids etiam clamor ad audientiam nostram deduxit, quod idem Matthæus, per Stephanum natum ejus, dilectum filium abbatem S. Stephani Verceilensem, ac præpositum, archipresbyterum et plures canonicos Verceilenses, ac per virum sacrilegum Scottum de S. Germiniano, aliosque suos satellites, et ministros iniquos et impios, nonnullas alias personas Ecclesiasticas, seculares et religiosas, etiam in sacerdotio constitutas, capi fecit ac teneri carceri mancipatos, in illos diversorum

tormentorum genera exercendo. Statuta etiam canonica, tanquam a fide Catholica prorsus exorbitans, contemnens damnablem et impugnans, interdictum Ecclesiasticum, cui dicta civitas Mediolanensis ejus culpis exigentibus subiacebat, sicut et adhuc subjacere dignoscitur, observare desepxit, et fecit per alios violari, defunctorum corpora laicorum in cæmeteriis Ecclesiarum pulsatis campanis, ministris Ecclesiarum ipsarum renitentibus et invitis, faciendo in contemptum clavium contra sanctiones canonicas tumulari: id idem per Galeatum in Placentina et per Marcum filios suos in Terdonensi civitatibus, tunc sub eorum tyrannide consistentibus; et per alios tyrannos civitatum et locorum, quæ per eum et alios suos filios tenebantur, vel cum eis fuerant juramento vel confœderatione ligata, eidem interdicto subjecta, observari faciendis, dictumque interdictum nequit violari, et divina, quantum in eo erat, profanari officia in eisdem in contemptum clavium eandem.

« Idemque Galeatus, perfidia paternæ prævaricationis imbutus bonæ memoriæ episc. Placentinum, tunc viventem, bonis omnibus spoliavit, domos, vineas et alia bona episcopalia devastando, ac ea, quæ de redditibus et proventibus dictorum bonorum percipi potuerunt, suis usibus applicando. Nonnullos etiam clericos Placentinos, gravibus afflictos vulneribus, bonis omnibus spoliavit; et quibusdam eorum horribili nece peremptis, Ecclesiastica beneficia eorundem aliis nequitia suæ fautoribus, de facto concessit; dictum episcopum Placentinum cogens miserabiliter exulare, qui deinde Apostolicam Sedem petens, ibidem diem clausit extremum. Idem Galeatus, ad execrabiliora licentians manus suas, clerum Placentinum talliis, collectis, gabellis et diversis angariis pedagogisque novis affluxit: claustra etiam monialium civitatis ejusdem damnablem violavit, exinde nonnullas moniales adducens, eisque virginitatis filium, quod perpetuo voto Christo spondederant, effræni et damnata libidine auferendo. Nonnulla etiam bona, quæ tam clerici quam laici in locis Prædicatorum, Minorum et Eremitarum S. Augustini et aliis diversis Ecclesiis Placentinis pro securiori custodia duxerant deponenda, tam per se quam per suos satellites asportavit. Diversas quoque Ecclesias, hospitalia et alia pia loca cremavit incendio, et contra claves Ecclesiæ per se et alios labia detractionis aperiens, per quosdam clericos et religiosos fautores suos fecit coram omnibus prædicari, quod tenenda (timenda) non erant excommunicationes et alie sententiæ lata contra eum. Propter quæ non erat dubium, dictos Matthæum ejusque filios diversarum excommunicationum fore sententiis innodatos.

9. « Præter hæc idem Matthæus et filii ejus obstacula præstiterant, ne nostri vel dilecti filii Bertrandi tit. S. Marcelli presbyteri card. in illis partibus A. S. L. nuntii, civitatem Mediolanensem

vel terras et loca prædicta, seu territoria possent ingredi eorundem; vel infra illa nostras vel ejusdem legati deferre litteras, ac quoscunque nuntios ipsos capi, incarcerationi et frequenter occidi crudeliter faciendo. Nec adhuc idem Matthæus contentus, quod ipse in profundum malorum demersus præceps abierat, sed laborans, ut alios secum traheret in ruinam, devotos ejusdem Ecclesiæ a devotione ipsius avertere, et indevotos, ne ab erroris invio ad vitæ viam et devotionem redirent ejusdem Ecclesiæ, impedire viis et modis omnibus quibus poterat conabatur: imo ut contra dictam Ecclesiam et fidem Catholicam execrabilius posset suam nequitiam exercere, cum schismaticis confederationem et colligationem inivit. In provincia etiam Lombardiæ, ac circumadjacentibus locis, et partibus seminavit discordias, guerras movit, fructum pacis subvertens scandalis et scissuris in tantum, quod Ecclesiarum prælati, propter ejusmodi pressuras et scandala multipliciter impediti, personas Ecclesiasticas suarum civitatum et diocesium et alios eorum subditos non poterant visitare, nec corrigendos corrigere, nec illis proponere verbum Dei, aliaque spiritualia gerere, quæ exigebat officium pastorale. Ex quibus profecto pullularunt et pullulant in illis partibus hæreses, creverunt schismata, diminutus est cultus divinus, fidelium animæ perditioni fuerunt expositæ, corpora patuere periculis et matis innumeris licentia præstita; et scandala suscitata fuere: propter quæ sic licentiose per dictos Matthæum ejusque filios adversus Deum, et Ecclesias et fidem Catholicam perpetrata, et alia quæ sequuntur, habebantur graviter, nec indigne, suspecti de labe hæreticæ pravitatis.

¶ Notum est enim in partibus Lombardiæ, quod ejusdem Matthæi paterni avus et avia, dum vivebant, fuerunt habiti de memorata pravitate suspecti: quoniam propter hujusmodi labem pestiferam eadem avia, iudicio Ecclesiæ de hæresi condemnata, tradita fuit flammarum incendio per iudicium seculare. Communis etiam in partibus illis habet notitia, idque fama publica manifestat, quod quondam Manfreda mulier de Mediolano, dicti Matthæi ex linea materna propinqua, labe respersa pravitate ejusdem, in persona ejusdem, quæ Guillelma nomine vocabatur, Spiritum sanctum asseruit incarnatum, ipsamque Guillelmam a Deo assumptam mirabiliter extitisse: post quæ, cum super his ac diversis aliis articulis hæresim sapientibus manifeste, per inquisitores pravitatis ejusdem tam contra eas, quam nonnullas alias credentes ipsarum, fuisset veritatis certitudo comperta, Manfreda et Guillelma tradite fuerunt iudicio seculari, et demum ignis incendio concrematæ. Et quia inter alios credentes ipsarum præfatos Galeatius culpabilis fuit repertus, inquisitores ipsi propter hoc captivarunt et detinuerunt eundem; licet postmodum per ejusdem Matthæi potentiam coacti minis et terroribus eum duxerint

dimittendum. Idem quoque Matthæus in tantum exorbitabat a fidei Catholicæ veritate, quod carnis resurrectionem negabat.

10. ¶ Cum ex præmissis præfati Matthæus et filii ejus se Dei adversarios manifestos, et fidei Catholicæ corruptores patenter ostenderent, incessanter deteriora prioribus committentes; nos considerantes attentius, quod non expediebat, quod tam horrendorum scelerum in succedentia temporum secula sine recordatione vindictæ memoria deferretur, venerabili fratri nostro archiepiscopo Mediolanensi. et dilectis filiis inquisitoribus hæreticæ pravitatis in provincia superioris Lombardiæ, nostris dedimus litteris in mandatis, ut ipsi, vel duo aut unus eorum contra præfatos Matthæum, Galeatium, Marcum et alios præfati Matthæi filios ejusdem hæresis fultos labe, quoad ea, quæ præmissa continebantur et alia, de quibus poterat haberi verisimilis suspicio contra eos, juxta formam canonum, et prout alias eis ex officio inquisitionis contra hæreticos competebat, procedere cum omni diligentia procurarent. Qui super præmissis, eorumdem litterarum nostrarum forma servata, diligentius inquirentes, ac comperto legitime prænominatos Matthæum, Galeatium, Marcum et alios ejus filios sepe dictos de prædicta labe respersos; primo dictum Matthæum, et deinde Galeatium, et subsequenter Marcum, Luchinum, Joannem et Stephanum natos ejusdem Matthæi legitime convictos de hæresi, juxta formam canonum auctoritate nostræ commissionis hujusmodi, et prout alias eis ex officio inquisitionis contra hæreticos competebat, per diversas sententias diffinitivas successive prolatas decreverunt et judicaverunt hæreticos manifestos: eosque de hæresi condemnarunt, ipsorum bona omnia, mobilia et immobilia, jura, jurisdictiones et quæcumque alia ubicumque essent, et quibuscumque nominibus censerentur, per easdem sententias confiscando et confiscata declarando; nonnullis aliis pœnis in præfatos Matthæum, Galeatium et Marcum et alios ejusdem Matthæi filios et nepotes legitime promulgatis; prout in processibus et sententiis, per dictos archiepiscopum et inquisitores super his habitis et probatis, plenius continetur.

11. ¶ Cum autem postquam idem Matthæus, in obstinata pravitate deficiens, infelicissimæ mortis persolvit occasum, dicti Galeatius, Marcus, Luchinus, Joannes et Stephanus hæretici manifesti secundum obstinatum nequitiam et eorum impudentiam eorundem, absque erubescencia scelerum, dura facie, et indomabili mente velut domus exasperans adversus Deum et Romanam Ecclesiam et orthodoxam fidem semper damnabilis et contumacius intumescant; per victricis crucis suffragium de fratrum nostrorum consilio contra dictos hæreticos, eorumque fautores, adjuutores, consiliarios et valitores quoscumque, eisque quomodolibet adherentes vel parentes eisdem; et eos, qui eisdem hæreticis impendent auxilium, consilium

vel favorem, vel adhærebunt, aut parebunt eisdem; providimus in virtute Altissimi insurgendum, ac universos Christi fideles ad tollendum de fidelium medio infideles eosdem et incredulos, ac subversores Catholicæ fidei de Catholicorum gregibus extirpandos, donis spiritualibus invitandos, ut Dei causam fideique negotium lauto assumant ferventius, et animosius persequantur, quanto salutis æternæ clypeo communiti hujusmodi persecutionis eventum poterunt securius experiri. Ideoque nos de omnipotentis Dei misericordia, et beatorum Petri et Pauli Apostolorum ejus auctoritate confisi, illa quam nobis, licet insufficientibus meritis, Deus ligandi atque solvendi contulit potestate, omnibus vere penitentibus et confessis, qui contra dictos Galeatum, Marcum et Luchinum, Joannem et Stephanum ejusdem Matthæi filios, rebelles, hæreticos, excommunicatos, Dei adversarios et hostes apertos, persecutores et inimicos Ecclesiæ manifestos, ac quoslibet adhærentes vel parentes eisdem; necnon contra eos, qui in posterum in hujusmodi hæretica pravitate et excommunicatione durantibus impendent auxilium, consilium vel favorem, vel adhærebunt aut parebunt eisdem, processerint, etc. » Et infra: « Illam suorum, de quibus corde confiti et ore confessi fuerint, concedimus veniam peccatorum, quæ proficiscentibus in Terræ-Sanctæ subsidium concedi per Sedem Apostolicam consuevit, et in retributione justorum salutis æternæ pollicemur augmentum, etc. Dat. Avin. X kal. Aprilis, Pontificatus nostri anno viii ».

12. Decreta est sacra hæc expeditio in viceco-

miles, cum jam Februario exeunte Pontificius exercitus ab auxiliariis Ludovici Bavari copijs profligatus fuisset¹, ejusque dux Raymundus Cardona (†) Mediolanum in vincula adductus. Qua accepta clade, Pontifex reficiendo exercitui, confirmandisque suorum animis curas intendit. Extant eo argumento date ad Florentinos socios subjectæ litteræ²:

« Potestati, capitaneo, vexillifero justitiæ, prioribus artium, antiqvis, consilio et communi Florentinis.

« In discrimineurbationis Italicæ moderatam olim fortitudinis vestre constantiam valde notavimus, quæ inter dexteram et sinistram, inter contingentia scilicet prospera et adversa varios fortunæ casus experiens, nec adversis deprimitur, neque prosperis relevatur: imo illud præclarissimum semper attributum vestræ laudi, quod eo validior vestra probitas comprobata reviguit, quo durius pios vestræ devotionis affectus dudum hostilis adversitas impugnavit. Sane audivistis, ut credimus, sinistra fatalitatis eventum inoffensam nostri exercitus, cum quo erat militia vestræ gentis armigeræ, in comitatu Mediolanensi diebus proximis contingentem: de quo licet fors nostri et sanctæ Romanæ Ecclesiæ atque vestri et aliorum devotorum hostes in exterminium suæ, prohi dolor! malignitatis exierit; nos vero etsi ex vestris huc usque gestis verisimiliter supponamus certitudinem vestre constantiæ in aliquo non commotam; ex patris tamen affectione tenerrima, qua domesticæ

¹ Jo. Vill. l. ix. c. 239. — ² Tom. iv. p. 1. Ep. secr. pag. 69.

(†) De anno quo captus fuit Raymundus Cardona, Pontificiarum copiarum in Insubria post Legatum Apostolicum dux præcipuus, dissidium est quoddam inter corvos scriptores; nam alii cum Joanne Villano lib. 9, cap. 238, fuscum captivumque assertit die ultima Februarii anni MCCXXXII; alii diem pugne constitunt penultimum Februarii anni MCCXXXIV, quam in feriis III incidi se notant, quod fidelet auctoritate Chronici Mutinensis desumunt in annu MCCXXXII et vulgari Rer. Italic. tom. xv. Annus consonat cum his quæ scribit auctor Chronici Modociensis, qui tunc Modocetæ egisse se affirmat, et pugnam hanc commissam scribit non quidem Modocetæ, sed ad Vapinnam, quod oppidum est Mediolanensis agri, et diem notat XVI Februarii. Vide historiam lopus cap. 21, Rer. Italic. tom. XII. Alii denique cum auctore Annalium Mediolanensium, qui desunt anno MCCIII, rem ad annum usque sequentem MCCXXXV, Rer. Italic. tom. XVI extrahunt. Sed posterior hæc sententia plane repugnat est, cum scriptores omnes eorum temporum aequales adversos habeat; summum enim consensum anno MCCXXXIV rem hanc adscribit. Nec desuntur Joannes Villanus, qui annum MCCXXXII ideo notat, quod ipse annum nonnisi a Martino exordiat. Ceterum si vires ab anno MCCXXXIV removendum non esse discimus ex auctore Chronici Mutinensis, de quo supra; notat enim ille diem penultimum Februarii et feriam III, qui plane characteres annum MCCXXXIV expriment. Mensem Februarium omnes assignant; ad diem quod attinet oculatus testis Mediolanensis a ceteris dissidet, cum alii diem Februarii postremum, alii penultimum maluerint; hic vero diem ejusdem mensis XVI instructam ad pugnam aciem utramque inducit; sed forte mendum irrepit in Codicem ac pro XVI legendum XXVI, quia facile die agnina steterat in conspectum; pugna dein ad hodium extracta. Cum vero annus ille bisextilis fuerit, hinc alii diem XVIII mensis quæ in feriis III incidit (quæ die pugnatæ asserti annalista Mutinensis superius commemorantur) mensis novissimum, alii vero penultimum appellatur. Quid dem actum sit de Raymundo in hostium potestate tradito silet annalista; sed ex Joanne Villano, atque Joanne isto multo inculpabili teste auctore Chronici Mediolanensis cap. 27 discimus Mediolanensi carcere evasisse, seu potius fugam simulasse, cum repa a Galeato vicecomiti clam dimissus fuisset ut ad Pontificem se conferens, pacem cum his, quas proponebat, conditionibus impetraret. Occultas hæc pactiones ignorantes scriptores reliqui fuga subactum e carcere Raymundum scribunt. Liberationis hujus mensis silet auctor Modociensis; Joannes Villanus Novembrem indicat. Ceterum Modocetæ actum se contulisse Cardonam scribit auctor idem Modociensis: tunc post sex dies ad legatum Placentin concessit, ac demum perrexit ad Pontificem, cui legatio eam suam exposuit; sed cum pro Galeato Italia vicariatum peteret, Pontifex ceteriorum se de omnibus Robertum Siciliæ regem futurum respondit. Interim Raymundus Avenionem movit; donec sequenti anno, Modocetæ per Gato tractata, ac rebus in Insubria utrimque compitis a Florentinis requisitus fuit Pontifex, ut sibi Raymundum concederet copiarum suarum vires in Castracum Lucanum Dominum. Quo assente, ille sequenti an. MCCXXXV Florentiam se transferens belli in Castracum dux reinvictus fuit. Memorabili prælio cum hoste commisso die XXII Septembris an. MCCXXXV victus, profligatusque fuit, quin, et si hies habebatur Joanni Villano, in eodem prælio vitam obivit. Sed an hoc Chronici Modociensis tradit vivum in hostium potestate venisse, qui fidem habendum credo cum id pariter scribit auctor Historiæ Pastoriensis Rer. Italic. tom. XI et reliqui res in Italia gestas anno MCCXXXV persecuti. Insuper In Historia Cortusiorum lib. 3, cap. 9, lego captivum illum egisse apud Castracum, quoadusque Ludovicus in Italiam veniens liberum dimitti jussit, quod accidisse anno MCCXXXIX auctor Chronici Modociensis lib. 3, cap. 3 affirmat.

De Henrico, quem annalista hic Belgam appellat, auctor Modociensis narrat e pugna incoleum evasisse, et clam se proripuisse Modocetam. Quare nonnisi ex incertis rumoribus rem audiam narrat Villanus, dum captum illum, et a Germanis militibus redemptum dimissumque affirmat. Denique Modocetæ die X Decembris ejusdem anni in montis Galeati recidit teste eodem auctore Chronici Modociensis cap. 29, ex quo corrigendi sunt Annales in quibus urbis casus ad .Estatu exitum referitur.

vos tractavimus, quæsumus, filii benedictionis et gratiæ, ut inde vultus vester nullatenus concidat, ne in æmulum oculis serenam mutasse videamini faciem, et in aliquo minuisse testemini virilis animi probitatem: quinimo universitatem et sinceritatem vestram rogamus et hortamur attente, quatenus cum etiam post naufragium tentanda sint maria, resumatis altius cum solita promptitudine vires vestras; et hujusmodi gentem vestram nedom in deficienti de pristino perditorum equitum et peditum numero, verum (si potestis) etiam in majori armigerorum subsidio concite restauratis, cum ad habendam de ipsis hostibus, Domino favente, victoriam vos proculdubio moveat libertas inæstimabilis patriæ, et cupiditas incitet tam cælestis gloriæ quam terrenæ: speramus enim in virtute Altissimi, quod tale apponet in hac parte remedium, quod vos, et præfatos devotos alios prosperabit. Dat. Avin. kalend. Aprilis, anno viii ».

Erexit aliis litteris Modocienses, qui cladis illius partem senserant, his verbis ¹: « Denique istud unum ad solamen conceptæ amaritudinis addimus, quod cum dicti hostes manifestam prosequantur injuriam, vos vero cum fidelibus cæteris prosequamini Dei fidem atque justitiam, nunquam in prædictorum hostium conflictu succumbitis; imo si vincimini, vincitis, et per gloriæ meritum triumphatis propterea æternaliter apud Deum. Dat. Avin. XV kal. Aprilis, anno viii ». Simillimis sententiis Henricum Belgiæ aulæ principem, quem Joannes Villanus ² in eo prælio ad flumen Adduam captum, seque a Germanis redemisse ait, ad colligendos animos, si quæ rerum suarum damna esset passus, excitavit ³: « Dum, inquit, te attendimus pro Dei fide atque justitia conflxisse; dum pensamus, quod probi athlete quiddam tormenti ferunt in præliis, non quia pugnant illud tolerant, sed ut pugnent, quæsumus, ut vultus tuus de hujusmodi sinistro eventu non concidat, et erectum viri strenui animum hostilis vana gloria non consternat. Dat. kal. Aprilis, anno viii ».

Pugnatum ⁴ est, nonnullis a datis hisce litteris elapsis diebus, secundo eventu a Pontificiis, atque ab Henrico Belga Mediolanensis copię sunt profligatæ. Propugnarat ⁵ is antea Montiam contra Galeatii vicecomitis impetus, factaque eruptione castra solvere coegerat: verum postea in medio belli ardore victoria ad Mediolanenses inclinavit, mensæque Junio Ecclesiæ copię equestres, quas Passerinus Turrianus ductabat, ab hoste profligatæ fuere ⁶: præcipitque æstate Galeatius, ad motis iterum castris Montię, quam tum Obizo Lando nomine Pontificio tuebatur, illam ad dedicationem compulsi ⁷. Denique devexo anno Bertrando Sedis Apostolicæ legatus, cum in Laudam facto impetu irrupisset, magna clade propulsatus

est ¹. Tuebatur Galeatium Bertholdus de Marsteron, qui Ludovici Bavari nomine legatum cesareum agebat: quem ut hæreticorum contra Pontificios defensorum Joannes, intentato anathemate obiectisque aliis pœnis, præfecturam Insubriæ abjicere, ac gesta revocare jussit ².

« Ad futuram rei memoriam.

« Vineæ domini Sabaoth, licet immeriti, divina gerentes permissione sollicitudinem atque curam, providere et agere circumspectus nos oportet, ut non solum prætergredientes Catholicæ fidei semitam et prævaricationem addentes, ut eandem vineam valeant demoliri; sed etiam favores et auxilia ministrantes eisdem tanquam degeneres propagines noti fiant, et a veris fidei cultoribus evitentur. Sane quia, licet dudum Galeatius, Luchinus, Marcus, Joannes et Stephanus fratres filii damnatæ memoriæ Matthæi de vicecomitibus de Mediolano, de labe pravitatis hæreticæ convicti fuerunt legitime, et per competentes judices sententialiter condemnati, et processus et sententiæ hujusmodi condemnationis tam in Lombardiæ quam aliis diversis partibus solemniter publicati; nullique Catholicæ fidei professores non solum de circumvicinis, sed etiam de aliis partibus contra dictos hæreticos in expugnationem eorum arma sumpserint, qui cum exercitu Ecclesiæ accesserunt Bertholdus de Marsteron dictus de Nifen, et Bertholdus de Groyspach et Fridericus de Truendingen, qui se magnifici viri Ludovici ducis Baviaræ in regem Romanorum electi, quem regem nominant Romanorum, ambaxiatores et nuntios fore dicebant, dictusque Bertholdus de Marsteron ejusdem electi in illis partibus pro vicario publice se gerebat, dictis Galeatio et fratribus favorem multiplicem impendendo, eosdemque hæreticos velut complices et fautores eorum defendere nequiter præsumebant, ordinantes per civitates Lombardiæ, ac mandata et præcepta ex parte ejusdem electi sub pœnis gravibus facientes in dictorum hæreticorum favorem et auxilium manifestum, gentes armigeras per unum ex eis, videlicet præfatum Bertholdum de Marsteron Mediolanum mittendo adversus exercitum fidelium ejusdem Ecclesiæ contra dictos hæreticos congregatum; dicti Bertholdus de Marsteron et alter Bertholdus et Fridericus per competentes judices, quibus legitime constitit de præmissis sententialiter judicati, pronuntiat et declarati fuerunt fore fautores et defensores hæreticorum supradictorum, ac propter fautoriam hujusmodi excommunicationis sententiæ et perpetuæ infamiæ subjacere, omnesque pœnas reales et personales, spirituales et temporales contra fautores hæreticorum editas incurrisse, prout in processibus et sententiis super his habitis et prolata contra eos plenius continetur.

¹ Eod. tom. iv. p. 1. Ep. secr. pag. 50. — ² Joan. Vill. l. ix. c. 29. — ³ Tom. iv. p. 1. Ep. secr. p. 50. — ⁴ Joan. Vill. l. ix. c. 250. — ⁵ Eod. lib. c. 243. Ant. iii. p. lit. xxii. c. 5. § 10. — ⁶ Id. Vill. c. 259. — ⁷ Id. Vill. eod. lib. c. 271.

¹ Eod. lib. c. 278. — ² Tom. iv. p. 2. Ep. secr. p. 118. et lib. Vatar. Bullar. p. 16.

« Ut autem excessus hujusmodi ipsorum Bertholdi de Marsteron et Bertholdi de Groyspach et Friderici, et sententia contra ipsos promulgata in publicam notitiam deducantur, eodem fuisse et esse fautores, complices et defensores hæreticorum publicos et notorios, ac propterea excommunicationis sententiæ et perpetuæ infamiae subiacere, omnesque alias penas reales et personales, spirituales et temporales contra fautores, complices et defensores hæreticorum editas incurrisse, de fratrum nostrorum consilio auctoritate Apostolica nuntiamus et publicamus, præsentē hac multitudine fidelium copiosa.

« Cæterum multorum insinuatō fide digna ad Apostolatus nostri perduxit auditum, quod idem Bertholdus de Marsteron dictus de Niffen, post et contra processus nostros super his habitos, et in illis partibus solemniter publicatos, velut vicarius (ut prædictur) in partibus Italiæ electi prædicti, quem regem nominant Romanorum, gentes armigeras et exercitum congregavit et congregat de diversis civitatibus, castris, terris et locis in dictorum Galeatii et fratrum suorum favorem, præsidium et juvamen contra exercitum fidelium Ecclesiæ memoratæ contra præfatos hæreticos eorumque fautores et defensores per ipsam Ecclesiam ordinatum; et quod cum gentibus illis, non absque hæreticorum prædictorum fautoria notoria et sequela, ejusdem Ecclesiæ gentes invasit, et bellum movit, et exercuit et exercet contra eas; ne his contentus ad frangendum vota fidelium præsumpsit et præsumit facere mandata communitatibus ac personis singularibus civitatum, castrorum et aliorum locorum illarum partium, sub gravibus pœnis, ne ipsæ et gentes ipsarum ad exercitum fidelium Ecclesiæ conveniant, vel eisdem inhæreant, vel sequantur eos, seu assistant eisdem, et tanquam vicarius ejusdem electi communitatibus civitatum, castrorum et locorum prædictorum obediētibz sibi privilegia dudum concessa eisdem de facto innovat et confirmat, aliaque eis de novo concedit. Privilegia vero dictis communitatibus in devotione ejusdem Ecclesiæ consistentibus, sibi quæ minime obediētibz concessa, de facto revocat, adimit et annullat: pœnas etiam fidelibus eisdem infligit, ipsosque condemnat et punit rerum et famæ jactura, quantum nullam facienti prædicta habeat quomodolibet potestatem. Propter quod tante præsumptioni et usurpationi (prout ad Apostolatus nostri spectat officium) occurrere intendentes, eundem Bertholdum de Niffen per publicum præsentis processum edictum, de ipsorum fratrum consilio monuimus ei sub excommunicationis, ac privationis privilegiorum et feudorum, quæ a Romana vel aliis quibuscumque tenet Ecclesiis, pœnis et sententiis, quas cum ipso facto incurrere volumus, si monitioni et mandato hujusmodi non parebit, districtius injungentes, ut infra duorum mensium spatium, quod sibi pro preemitorio termino assigna-

mus, præmissa omnia et singula, quatenus ad illa de facto processit, eatenus quantum in ipso erit et possibile fuerit, ipsa de facto studeat revocare, si illa proprio vel ejusdem vicariatus vel alio quocumque vocabulo seu colore quæsito in posterum nullatenus præsumpturus; quinimo a fautoria, defensione omnique adhesionē dictorum hæreticorum et rebellium, ac prædicto præsumpto usurpato vicariatus officio, et quolibet exercitio ejusdem officii infra dictum terminum omnino desistat, nec se de illis per se vel alios directe vel indirecte, publice vel occulte aliquatenus intromittat: nosque nihilominus prædicta omnia et singula, per dictum Bertholdum de Niffen sub ejusdem nominis vocabulo vel alio quovis modo præsumpta vel attentata, auctoritate prædicta revocamus, cassamus et irritamus, et viribus vacuamus, ac cassa, vacua et irrita nuntiamus, et nullius existere decernimus firmitatis.

« Mandamus nihilominus universis et singulis patriarchis, archiepiscopis et aliis Ecclesiarum prælatis, necnon ducibus, marchionibus, comitibus, baronibus et nobilibus; universitatibus quoque et communitatibus civitatum, castrorum et aliorum locorum, et aliis personis singularibus quibuscumque, cujuscumque status, conditionis vel dignitatis existant, sub excommunicationis in personas eorum et interdicti in communitates, universitates, civitates, castra et loca prædicta pœnis et sententiis, quas ex nunc in ipso ferimus et eos (nisi infra duorum mensium spatium a data præsentium computandis hujusmodi monitioni et mandato nostris parere curaverint cum effectu incurrere volumus ipso facto, ut dicto Bertholdo de Marsteron seu de Niffen tanquam vicario, ut præmittitur, vel alias super præmissis vel similibus in nullo pareant vel intendant, processibus aliis quibuscumque per nos seu per dilectum filium nostrum Bertrandum tit. S. Marcelli presbyterum cardinalem A. S. L. vel alios judices competentes habitis tam contra dictum Bertholdum de Marsteron, quam alios et parentes eisdem, in suo robore duraturis, etc. Dat. Avin. id. Aprilis, Pontificatus nostri anno viii ».

Data sunt paucis post diebus Bertrando legato a Pontifice imperia, ut dictum Bertholdum Niffensem, Bertholdum de Groyspach, et Fridericum de Tervendigen, qui se Ludovici Bavarie regis Romanorum vocitabant oratores (e quibus Niffensem, ut vicarii imperii nominis invidiam declinaret, cum dignitatem eam Pontifex Roberto regi contulisset, Ludovici oratorem molliore verbo se dixisse colligitur) propositis hæreticorum defensoribus pœnas contraxisse solenni ritu in templis divulgaret: « Prædictos Bertholdum de Marsteron alias dictum de Niffen, et Bertholdum de Groyspach, ac Fridericum de Tervendigen fuisse et esse fautores, complices et defensores dictorum hæreticorum publicos et notorios, ac propter hoc excommunicationis sententiæ et perpetuæ infamiae subiacere,

omnesque pœnas alias reales et personales, spirituales et temporales contra fautores, complices et defensores hæreticorum edictis incurrisse ac omnia alia in eodem processu contenta in Ecclesiis, civitatibus, terris et locis aliis decretæ provincie tuæ legationis, de quibus verideris expedire, denuntiare et solemniter publicare procurres, clero et populo in locis singulis, ubi fiet dicta publicatio, specialiter propter hoc convocatis. etc. Datum Avin. XV kal. Maii, anno viii ^a. Imposita eadem in Germania Magdeburgensi, Coloniensi, Salisburgensi et Treverensi archiepiscopis, ac Leodiensi et Constantiensi episcopis provincia. Revocatum vero ex Insubria in Germaniam a Ludovico Bivaro suarum copiarum ducem, ne Galeatium hæreseos crimine damnatum adversus Pontificem tueri videretur, Joannes Villanus ¹ atque ex eo S. Antoninus ² scribunt. Verum si tum Ludovicus Galeatium, ut Pontificis iras unceret, deserere visus, mox illius clientelam resumpsisse ex Joannis papæ edictis constat: adversus enim ipsum ordinem urst, cum is in jus vocatus non cœpta emendasset nec misisset procuratores, ut responderet in iudicio, vel controversias pactione sedaret; sed expediret arma, et Romanæ Ecclesiæ jura, occupato etiam supremo Ferrarie imperio, invaderet. Præterea contendebat Joannes, interregnum esse creatis duobus Cæsaribus, donec lis a Sede Apostolica dirimeretur: neque illam in acie, qua justus possit succumbere, sed in iudicio æquitate decidendam: proinde Robertum jure a Clemente V legatum imperii in Insubria constitutum; ac ne munus illud exerceret, injusto bello appetitum. Contra Ludovicum Bavarum opponebat, jus in armis, capto in acie Friderico æmulo, sive is juste vel injuste Cæsar designatus esset, sublatam omnem controversiam, diremptamque ferro; neque jam Pontificia sententia dirimendam; ac post sustentatum a se tot annis Romanum sceptrum interregnum dici non posse, juraque imperii contra Pontificem et Robertum jure recuperari: quæ Ludovici defensio fuisse in ejus scriptis tractatur ³. Secundo itaque armorum successu timidus, legum voces et judiciorum ordinem contemnebat: quæ res Pontifici acerbissima accidit; quippe qui justitiæ tenax et legum vindex Cæsarum discordibus suffragiis electorum controversias in Apostolico tribunali dirimi volebat, ut Richardi Alphonsique causa fuerat olim disceptata. Hanc itaque in Ludovicum, in iudicio non comparentem, sententiam pronuntiavit ⁴:

13. « Joannes, etc. ad certitudinem præsentium et memoriam futurorum.

« Quamvis præfati electi (nempe Ludovici) in non parendo nostris monitionibus et mandatis inobedientia pertinax, nec infra secundum termi-

num sibi similiter hujusmodi dilatione concessum comparendo coram nobis per se vel procuratorem legitimum, nec etiam postea de benignitate Sedis Apostolicæ diebus pluribus expectati contemptus ejusdem exigant; scandalum quoque, et pericula plurima, quæ profecto præmissorum dissimulatio et impunitas vel dilata justitia probabiliter comminatur, desiderant super præmissis contra dictum electum de remedio celeri per opportunam et rigorosam justitiam providi; nos tamen adhuc volentes cum eodem electo uti potius mansuetudine quam rigore, ac probare, utrum mansuetudinis nostræ benignitas ipsum a tam periculoso devio valeat, quod desideris intensius appetimus, revocare; de dictorum fratrum consilio auctoritate Apostolica per infrascriptum modum duximus ordinandum: videlicet, quod ad publicationem sententiæ excommunicationis per nos, ut præmittitur, promulgatæ, in quam idem electus propter suam in præmissis commissam inobedientiam et contemptum incidisse dignoscitur, procedentes ab aliarum pœnarum publicatione, in quas similiter incidit, supersedeamus ad præsens.

« Ideoque præfatum electum de ipsorum fratrum consilio auctoritate Apostolica in prædictam excommunicationis sententiam incidisse, præsentē hac multitudine copiosa fidelium, declaramus; ipsumque prædicta excommunicationis sententia innodatum et velut excommunicatum, præter casus exceptos, evitandum ab omnibus nuntiamus: eumque nihilominus, adstante prædicta multitudine copiosa fidelium, per hoc præsens edictum publicum solemniter auctoritate prædicta monemus, sibi auctoritate Apostolica sub pœna privationis omnis juris, si quod sibi ex sua electione prædicta, quæ de ipso dicitur celebrata, vel ad regnum et imperium Romanum quoquo modo competat et possit competere: quam, si monitioni et mandato hujusmodi efficaciter non parebit, eum incurrere volumus ipso facto; districtius injungentes, ut infra trium mensium spatium a data præsentium, in antea computandum, se regem Romanorum non intitulet, non denominet, nec describat, nec per alios faciat, quantum in eo fuerit, tali intitulari titulo, vel etiam nominari; ab intitulatione et denominatione regali hujusmodi, per eum indebite usurpata, ac administratione regni et imperii prædictorum et rerum et jurium eorumdem (denominationem, intitulationem et administrationem præfatas non resumpturus ulterius, nisi, si et quando personam ipsius et electionem, quæ de ipso celebrata fuisse dicitur, per Sedem eandem approbati contigerit et admitti) a fautoribus quoque et defensione tam dictorum hæreticorum Mediolanensium rebellium Dei et Ecclesiæ, (nimirum Galeatii et fratrum vicecomitum) quam Ferrariensium, videlicet Raynaldi et Opizonis filiorum dilecti filii nobilis viri Hdebrandini marchionis Estensis, qui quidem filii sunt similiter de labe pravitatis hereticæ condemnati ac rebelles Eccle-

¹ Jo. Vill. l. IX. c. 243. — ² Ant. III. p. tit. 22. c. 5. § 10. —

³ Ext. apud Nic. Mun. Ms. Vat. sign. num. 4008. pag. 13. etc. —

⁴ Tom. IV. p. 1. Ep. secr. pag. 110. et l. Var. Bull. pag. 28.

sie memorate eorumque fautorum, valitorum et sequacium prorsus abstinere procuret, fidelitati etiam et homagio, quae ratione civitatis Ferrariensis, quae ipsius Romane Ecclesiae plenius iuris et proprietatis existit, praesumpsit recipere ab eisdem, in nostrum et ejusdem Ecclesiae magnum contemptum, atque dispendium et praedictum manifestum, publice et omnino renuntiet; illaque prorsus a se abiciat, quasi nunquam sibi praestita existissent: nec ratione illarum aliquid penitus juris usurpet in civitate Ferrariensi praedicta, ejusque districti vel civibus ac districtualibus eorumdem; sed potius omnia praedicta usurpata, praesumpta et attentata per ipsum sub denominatione et intitutione praedicti seu colore vel occasione ipsarum, curet effectualiter infra dictum terminum, prout sibi possibile fuerit, solemniter et publice revocare; ac parere in omnibus praedictis nostris monitis, inhibitionibus et mandatis; necnon et ad ejusdem Ecclesiae redire gremium studeat, satisfactionem debitam impensurus, de offensionibus et injuriis supradictis: ac nihilominus infra dictum terminum, quod praedicta omnia revocaverit ac paruerit in eisdem omnibus hujusmodi nostris monitionibus, inhibitionibus et mandatis plenarie cum effectu, nos per authenticas personas, litteras vel instrumentum publicum certificare procuret: ac insuper infra dictum terminum per se, vel procuratorem seu procuratores idoneos compareat coram nobis, super dictis excessibus, offensionibus et injuriis; ac super poena privationis regis, si quod sibi competet vel competierit ad regnum seu imperium supradicta; declaranda vel inserenda; necnon et poenis aliis, quibus excessus ac inobedientia et contemptus praedicti eundem electum obnoxium reddiderunt, definitivam sententiam et nostrum beneplacitum, quantum officium nostrum patitur, auditurus et alias facturus et recepturus, quod iustitia suadebit, etc.» Addit plura graviora imperia, ac praesules, proceres et populos Romani imperii Ludovico ut regi parere vetuit, antequam caesarea electio Sedis Apostolicae auctoritate confirmata esset, et contra nitentibus divinas humanasque poenas intentavit. Tum quoruncunque principum cum Ludovico inita foedera rescidit. «Dat. Avin. X kal. April. Pontificatus anno viii».

14. Disceptabat contra publicis libellis Ludovicus, se jure et legibus Caesareis accepisse apices, ac Fridericum aemulum imparibus electum suffragiis, et si qua lis interessisset, direptam paelio, in quo ille sub victoris potestate succubuerat: nunquam hactenus reges discordibus suffragiis creatos in jus vocatos, si reges se dixissent: consulenda in ea lite vetera Germanorum et imperii instituta; tum graves querelas in Joannem iudit: «In dicto, inquit¹, processu sive excessu mandare dicitur

subditis nostris Ecclesiasticis et mundanis, seu secularibus etiam ejusdemque status vel conditionis existant, etiamsi regali vel quacunque alia praefulgeant dignitate, sub poenis gravibus inflictis ac etiam comminatis, ne nobis tanquam regi Romanorum, et in regem Romanorum electo pareant vel intendant, aut ne nobis praestent auxilium, consilium, vel favorem». Et infra: «Contra nostram manifestam iustitiam, atque iura, ut ex praedictis apparet, et contra libertatem et dignitatem et utilitatem sacri imperii, et principum imperii electorum et aliorum principum, et omnium imperii subsectorum et contra consuetudines imperii approbatas praedictas, quae pro legeservantur et servatae sunt ab antiquo; praecipue contra consuetudinem jam approbatam, atque servatam ab eo tempore, cujus contrarii memoria non existit, quae cavetur, quod si vota principum, ad quos spectat eligere, ad eligendum convenientium dividantur in plures, et duo in discordia eliguntur, alter electorum, qui potentior fuerit et praevalet, debeat obtinere. Sed victoriam nobis contulit plenam atque plenissimam misericors Dominus, ad quem bellorum spectat victoria, ut victo hoste et adversario conculcato, potentiorum atque victorem nos fecerit per misericordiam suam». Falsa est hypothesis probari a Deo semper victoris causam, nec enim misericors Deus crudelitate sed aequitate, non ferro sed legibus lites dirimi jubet. Subdit Ludovicus: «Licet electio ejusdem adversarii nulla fuerit, et nullum jus tribuere potuerit nec nostro in aliquo derogare: quia a minori parte principum fuit electus, videlicet a duobus, et quia facta fuit ex intervallo post primam electionem nostram, et ideo ut nulla nullum jus sibi tribuere potuit, nec nostro in aliquo derogare. Item quia electio sua facta fuit non in loco debito de Franchefort, et sic nulla de jure et per consuetudines approbatas praedictas. Item quia facta fuit non in termino et die praefixis ad eligendum per eum ad quem spectat praefigere: et sic nulla per iura communia et per consuetudines imperii approbatas, quae pro jure servantur,

15. «Item quia coronatus fuit et inunctus in regem non in loco ad hoc antiquitus deputato, videlicet Aquisgrani, et pluribus aliis rationibus evidentibus, atque causis, quas numerare et exprimere non expedit, velut notorias et omnibus manifestas». Et infra: «Reservasse sibi dicitur, ut possit pendente dilatione contra nos procedere, prout sibi videbitur expedire. Ex quo manifeste patet odium notorium, quod ad sacrum imperium et nos gerit». Non ex eo odium patet, sed in asserendis legibus Joannis constantia: addit aliam querelam Ludovicus: «Item manifeste patet, quod se sacro imperio et nobis prius inimicum capitalem constituit, nos et devotos sacri imperii videlicet persequendo, et rebelles et hostes imperii videlicet publice et notorie confovendo, inimicorum nostrorum et sacri imperii continue utendo consiliis;

¹ Ext apud Nic. Min. schismaticum Ms. bibl. Vat. sign. num. 4008. pag. 15. et Ms. sign. num. 4010. pag. 23.

imo seipsum, et actus suos et opera sua dirigendo in omnibus et per omnia consiliis eorundem : et post hæc iudicem nostrum se constituere nititur contra antiquos canones, decernentes, quod suspecti et inimici iudices esse non debent ». Falsum est Pontificem Ludovici et imperii hostem se professum esse, sed prior Ludovicus suscepta hostium Ecclesie clientela hostem se est professus; non etiam imperii hostis Joannes dici potest, qui legibus item, quæ evertebat imperium, dirimi voluit, nec quamvis suspectus contendatur, iudicarium ordinem debuit intermittere, cum nullus sit eo superior legum arbiter. Pergit Ludovicus :

« Præterea cum constet et notorium sit, omnes reges Romanorum electos etiam in discordia, licet electio nostra haberi debeat omnino ex causis evidentibus pro concordia, ut superius est narratum; et tam Lotharius quam Conradus, tam Philippus quam Otho, tam Richardus quam Alfonsus, tam Adolphus quam Albertus electi fuissent in discordia; tamen administraverunt semper imperium sicut potuerunt de jure, nec per quemquam Romanum Pontificem præsumptum fuit, quod per ipsum nuper noscitur attentatum, in præjudicium et gravamen notorium sacri imperii, atque nostrum et principum electorum imperii et principum aliorum ». Falsa sunt hæc, nam Urbanus et Clemens Richardi Alfonsique item cognovisse ostensum est. Quæ vero sequuntur de electione, jam ante a nobis discussa fore : « Præterea electione nostra a majori parte, imo a duabus partibus principum facta, et quæ ex causis evidentibus et notoriis debet esse legitima : nobilis vir Fredericus dux Austriæ, licet non in loco electionis, nec in die ad eligendum præfixa, a longe minori parte principum, videlicet a duobus tantummodo se eligi fecit in regem : et ex prædicta electione non solum nos, qui de jure notorio poteramus et debebamus, possumus et debemus administrare; imo etiam ipse Fredericus administravit, cui in administratione sua ipse procedens, imo verius excedens, favit pro posse suo, sicut notorium est et manifestum, nec aliqua potest tergiversatione celari; nunquam tamen non solum nobis, sicut nec debuit nec potuit, sed nec ipsi Frederico, quem administrare sciebat, administrationem quomodolibet interdixit; cum tamen et ante assumptionem suam, et post ipsam jam per annos octo et ultra administraverimus, et administrare nos sciret notorie ac etiam evidenter, sicut poteramus et debebamus, possumus et debemus, prout patet ex supradictis.

16. « Item per diversas mundi partes et provincias persequens imperiales ac sacrum imperium, parti eos impugnanti favit et favit, prout est notorium toti mundo, ipsos filios charissimos Ecclesie appellando, et conando pro viribus subjugare devotos imperii et fideles, eorum faucibus devorando : adeo quod se jactat, quod non remanebit in brevi de omnibus imperialibus et imperio

adhærentibus unus, quin ipsum destruxerit et confuderit; ita quod nemo de imperialibus et imperio adhærentibus, atque fidelibus remanebit, quod absit ». Jactata sunt hæc ad creandam invidiam : Gibellinos autem tyrannos jure repressos armis sat ante demonstratum est; tum iniquas esse subjectas querelas.

« Item cum nobiles viros de Grambach et de Treveligen et de Suffen comites ad legatum ejus in Italiam legatos a latere nostro mitteremus, facturos ejus ope et auxilio pacem et concordiam inter partes, quæ illis sibi bellum et duras guerras movebant, continue ipsarum partium invitatione et pietatis officio excitati, ipse renuit, et bellum et obsidionem fidelibus Mediolanensibus paravit, et parare mandavit, sicut in istis partibus est notorium et manifestum; quod tamen professioni suæ minime congruebat, dictos comites in nostrum et ipsorum, vel verius in ipsius vituperium dimisit nimium inhoneste.

« Item ipse crudelis usurpator jura principum imperii privata, negotio indiscusso, parte inaudita, nititur usurpare : cum enim vacante imperio comiti Palatino Rheni de jure et approbata consuetudine imperii observata hactenus inconcussa, præsertim in partibus Alamannie jus competat administrandi jura imperii, feuda Ecclesiastica et temporalia conferendi, et cuncta alia negotia disponendi; ipse in dicti principatus et principum suorum injuriam contendit, quod in illum casum sibi competit ad se administrationem vacantis imperii pertinere ».

17. Germanie administrandæ non se Joannes ingesserat, neque contra veteres consuetudines quidquam novavit : Italia autem administrationem si prædecessorum more acceperit, argui jure non potest. Verum superiora jactabat Ludovicus Bavarus, ut Germanos in suas partes pelliceret : qui etiam ad principes in Joannem papam concitandos spargebat, nil aliud Joannem moliri, quam ut Germanis eriperet augustales apices, et imperatoris creandi auctoritate ad se revocata, electores principes ferendi suffragii jure deturbaret. Navarunt ea in re Ludovico operam nonnulli nefarii viri, qui cum adducende publicæ concordie ex officii religione studere debuissent, augere discordiam ac Pontificem in invidiam et odium apud electores principes adducere conabantur. A quorum calumniis ut se Pontifex vindicaret, hæc ad Moguntinum, Coloniensem et Trevirensem archiepiscopos, ac Joannem regem Boemie scripsit.

« Joanni regi Boemie illustri.

« Infausti rumoris assertio nostris pertulit auribus his diebus, quod quidam iniquitatis filii, sub veste humilis religionis externis gestantes habitum, sed interius a religionis veritate vacui, iniquitate pleni et malitia non carentes, ejus qui ab initio mendax est et pater mendacii, opera nequiter imitando, tibi, fili charissime, ac quibsdam aliis regis Romanorum promovendi in im-

peratorem coelectoribus tuis falso et mendaciter suggererunt, quod circa processus, quos contra magnificum virum Ludovicum ducem Bavarie, dudum in discordia in regem Romanorum electum, propter varios excessus execrabiles contra Deum, nos et Romanam Ecclesiam, reique publicae utilitatem per eum perpetratos, asper habuimus, ad hoc nostra ferebatur intentio et dirigebantur studia mentis nostrae, ut tandem te et coelectores alios eligendi jure hujusmodi privaremus. Et licet credamus te tuosque coelectores hujusmodi falsis suggestionibus, ex fermento iniquitatis et malitiae prodeuntibus, aures non accommodasse facilius ad credendum; tamen ad confundendum omnino nequitiam hujusmodi detractorum, satagentium inter matrem et filios scandala suscitare, praemissa tuae celsitudini providimus describenda, quam tenere volumus indubie, quod nostrae intentionis nequaquam extitit, nec existit per processus praedictos tuis et aliorum coelectorum juribus in aliquo derogare; indecens enim esset, quod inde sequerentur injuria, unde jura nascentur; et illi de paterna manu nocumenta sentirent, qui per eam ad gratiam meruerunt attolli. Quocirca serenitatem regiam attentius deprecamur, quatenus hujusmodi instantiam super his non inclines; sed potius suggestores eosdem fabricatores mendaciorum reputes et mendaces. Dat. Avin. VII kal. Junii, anno viii^o. Eodem exemplo ad Trevirensensem, Moguntinum et Coloniensem archiepiscopos missae litterae.

18. Non deerant etiam Ludovico aliae artes et illecebrae, ut adversarios sibi conciliaret: multisque fucis ac blanditiis mulcere tentavit Leopoldum ducem, qui, cum sparsa de Pontifice signimenta apernisset, de rei veritate hisce verbis est eductus: « Quod autem se scire asserat, quod si nobis certa dimiserit, nos nedum sibi, sed ejus haereditibus alia dimittemus; quomodo sit ausus dicere sic evidenter falsa et impossibilia, non sufficimus admirari: cum, Deo teste, nunquam pro parte sua nobis, nec pro nostra sibi de nostra conscientia, vel mandato factus de his sermo fuerit; nec nobis credimus haec licere. Quare verbis talibus nequaquam est fides ab aliquo prudente adhibenda: sed ad illum finem loquitur, ut alios in sui erroris attrahere valeat fulcimentum ». Addidit monita, ne se fallacibus hostis promissis irretiri pateretur. « Datum Avinione VI id. Junii, anno viii^o. Tum federatos Ludovici reges ac principes ab ipsis amicitia divellere est conatus; et interque eos Christophorum regem Daniae fecit certiorum, Ludovicum a ceptis non potuisse abduci; atque adeo non parum regium decus obscuraturum, si illius partibus se infici pateretur, in quem lata sententiae has causas expressit:

« Joannes, etc. Christophoro regi Danorum illustri.

« Magnificientiae tuae litteris solida benignitate receptis, prout ex illarum tenore perpendimus,

magnam devotionem erga nos ut spirituales patrem, et sanctam Romanam Ecclesiam matrem tuam habere pretendis, non absque sincera mentis indicio te nobis et tua liberaliter offerendo. Super quo benevolentiam regiam cum gratiarum actione multiplici dignis in Domino laudibus commendantes, ut versa vice de sincera patris affectione confidas, placitum gerimus quod nos requiras in tuis opportunitatibus confiteri: nam sicut te ut charissimum filium brachiis paternae dilectionis amplectimur, sic in illis, quantum cum Deo poterimus, te favorabiliter prosequemur ». Et infra:

« Audivisse te credimus, quod cum magnificus vir Ludovicus dux Bavarie, discorditer in Romanorum regem electus, ante obtentam ab Apostolica Sede approbationem et confirmationem ipsius, indebite se immiscens administrationi ejusdem regni atque imperii, cujus regimen, imperio ipso vacante, sicut vacare noscitur in presenti, ad nos et praedictam Ecclesiam de jure noscitur pertinere, impertinenter nomen et titulum regium sibi assumeret, et jura dicti regni et imperii occuparet in offensam Dei, nostram et Ecclesiae praefatae injuriam, opprobrium pariter atque damnum: quamvis ad ipsum publica monitio nostra praederet, ut infra certum competentem terminum sibi praefixum a praemissis desisteret, et attentata indebite revocaret. Quia tamen sic insania suae mentis invaluit, quod hujusmodi nostra monitione contempta, patenter adhaeret et favet nostris in Italia et ejusdem Ecclesiae rebellibus et hostibus publicis, finaliter tanquam haereticis condemnatis: contra ipsum ducem processum noviter fecimus; in quo eum, prohi dolor! tam exigente quam clamante justitia excommunicavimus publice, et processus adhuc alios fecimus, ex quibus dammandos et reprobos ausus suos salubriter, actore Domino, reprobamus, etc. Dat. Avin. II kal. Junii, anno viii^o. Non placuerunt haec Dano regi, qui affinitatem cum Ludovico pepigit, oravitque litteris¹ cardinales, ut ad conciliandum Joanni Ludovicum operam darent: « Vobis, inquit, et vestrum cuilibet omni instantia qua possumus supplicamus, quod dominum Joannem summum Pontificem velitis pie monere et inducere, ut praedictum D. Ludovicum regem Romanorum jure suo ac juris sui prosecutione perfrui amore Dei, justitiae et nostrarum precum interventu, velit permittere ».

19. Non ob Dani preces deserendum jus Pontificium Joanni visum est, nec Ludovicus admonitus saepius flecti potuit, ut legibus Caesarei apicis controversiam dirimi assentiretur. Imo jure in vi aperta constituto, Pontificibus variis praeliis attrivit in Insubria ducum suorum opera: quae Joannes Villanus² aliique accurate describunt, ac praeter

¹ Ext. apud Herwarth, ad an. Chr. 1324, num. 107. — ² Jo. Vill. l. IX, c. 259, 271.

susceptum vicecomitum juris imperialis specie patrocinium, etiam perduelles Pontificios, qui ditionem Ecclesiasticam laniabant, tuebatur. Inter hos marchiones Atestini Rainaldus et Opizo judiciaria sententia percussi, in qua de eorum perfidia ita Joannes queritur ¹: « Ipsi in desperationis currentes abyssum, et mala malis prioribus addere non verentes, quamquam eadem Ferrariensis civitas ejusque comitatus et districtus ad jus et proprietatem B. Petri et Romanæ Ecclesiæ pertinere noscuntur, in sceleratissimæ proditionis dolo machinationes eidem Ecclesiæ per falsum alterius nominis titulum in civitate, comitatu et districtu novam ingerere quæstionem (conati), post dictas sententias et condemnationes in eos rationabiliter promulgatas a magnifico viro Ludovico duce Bavarie in discordia in regem Rom. electo contra juramentum fidelitatis, quod eidem Ecclesiæ præstiterant, recognitione facta per eos coram eisdem ducis nuntiis, recognoscere promiserunt: ac præmissis reatum addentes perjuri, juramento fidelitatis licito eidem Ecclesiæ per eosdem prius præstilo violato, eisdem nuntiis dicti ducis nomine aliud fidelitatis pro dictis civitate, comitatu et districtu; quinimo infidelitatis et perfidiæ juramentum præstare temere præsumperunt ». Subjicit alia patrata Adria et Comaclo expugnatis contra Ecclesiam scelera, ob quæ cruceatam in eos expeditionem indicit, atque arma anno excurrente a die a legato constituenda gestaturis indulgentias impertitur. « Dat. Avin. IV non. Maii, anno viii ». Commisæ sunt patriarchæ Aquileiensi et Bertrando tit. S. Marcelli præsbitero cardinali partes ², ut bellum sacrum in Atestinos et Ferrarienses promoverent: excitatusque Robertus Siciliæ rex ³, ut regiam operam ad recuperandam Ferrariam collocaret: decoris illius fore, ut cum ea civitas, dum illius gerebat præfecturam, omissa esset, ejusdem potissimum armis ad obsequium revocaretur.

Certiores etiam fecit Venetos Pontifex ⁴ de bello sacro in Rainaldum et Opizonem aliosque ipsorum partibus implicitos indicto; contenditque precibus, ut in hostes Ecclesiæ magnis animis consurgerent: neve Firmanorum et Fabrianensium perduellium precibus, qui Sperantiam e Monteferetro hæresi notatum duce crearent, ac Venetæ reipublicæ opem implorabant, corrumpi se paterentur, conceptasve de iis Ecclesiæ spes tollerent: « Eam, inquit ⁵, gerit de vobis velut devotis filiis Ecclesia mater vestra fiduciam, quod ipsius rebelles et hostes tanquam proprios abhorrentes, ipsam curabit sicut hæcenus, in omnibus revereri ». Meriti sunt optime de Ecclesia Veneti ⁶, atque ad Ferrariam in Pontificiam ditionem redigendam classem Æmiliæ præsidi obtulere ⁷. Qua

in re Superantii ducis ac Venetorum eximium in Ecclesiam studium Joannes extulit ¹.

« Joannes, etc. duci, consilio et communi Venetiarum.

« Relatione grata nuper audivimus, quod vos Firmanorum nostrorum et sanctæ Romanæ Ecclesiæ publicorum reb. illium damnatorum, et hostium obstinatum considerantes insaniam, nulla miseratione condignam, denegastis eisdem petita per ipsos pecunia mutua: misistis ad eos vestros nihilominus nuntios, ut ad ejusdem Ecclesiæ redirent gremium et mandata. Injunxistis præterea illis, qui vasis vestris maritimis præsidebant (quod simul cum cæteris valde nobis est placitum) ut contra Ferrarienses, laborantes utique damnationis mole permaxima, dilecto filio provincie Romandioli rectori ad requisitionem ipsius assisterent auxiliis et favoribus opportunis. Super quibus nolantes, quod erga nos et dictam Ecclesiam sinceræ devotionis obsequio clarere nitimini, devotionem vestram cum gratiarum actione multiplici dignis in Domino laudibus commendamus, etc. Dat. Avinione X kalend. Junii, anno viii ».

Cæterum non modo tum potuit Ferrariensium edomari rebellio, imo Atestini marchiones, qui Ferrariam Ecclesiæ eripuerant, Argentam proditione Octobri exeunte ² occuparunt. Cum vero tristem illum Argente casum e Bononiensium litteris accepisset Pontifex ³, ipsos anno proximo incurrente ad militarem in hostes explicandam virtutem sollicitavit; ne ob adversos eventus animos curasve remitterent: « Ob hoc tamen, inquit, ad reprimendam conamina hujusmodi hostium studia sollicitudinis nostræ non desinunt; nec in illo sperare desinimus, cujus est inexpugnabilis et infinita potentia: qui tunc prævalet, cum succumbere creditur; et tunc fortius vindicat, cum applaudisse peccantibus reputatur. Datum Avin. XII kal. Februarii, anno ix ».

26. Passa est etiam Ecclesia plures alios hostes, atque inter cæteros acerbissimum persecutorem, qui defensor illius esse debuerat, Guidonem episcopum Aretinum, qui ejus urbis tyrannidem corripuerat, et Cæsarei nominis augendi fucato prætextu, Ecclesiasticam ditionem acerbè vexavit. Cujus præcipua flagitia his verbis recenset Joannes ⁴: « Adeo, inquit, licentiavit nequitie suæ ausus in malum, quod, hoc præsentī anno civitatem Castelli, tidelem et devotam Ecclesiæ memoratæ, procravavit et fecit per Sacconum germanum suum, aliosque consanguineos suos cum militibus et peditibus suis armatis proditionaliter occupari; multis ex fidelibus civitatis ejusdem peremptis gladio, et multis aliis, quos a nece gladius præservarat, post spoliationem bonorum de civitate prædicta exulare compulsi.

¹ Tom. IV, p. 1. Ep. secr. pag. 107. — ² Ibid, p. 130. — ³ Ibid, p. 2. Ep. secr. pag. 11. — ⁴ Eod. tom. p. 10 — ⁵ Ibid p. 12 — ⁶ Ibid, p. 41. — ⁷ Ibid.

¹ Tom. IV, p. 2. Ep. secr. pag. 11. — ² Jo. Vill. I. IX. c. 276. Rubens Hist. Rav. I. vi. — ³ Tom. V, p. 1. Ep. secr. pag. 100. — ⁴ Lab. Var. Bull. pag. 13.

« Amplius autem praefatus episcopus praemis adjiciens, quasi sibi impune peccandi libera facultate concessa, de proximo praeterito mense Februarii cum nonnullis civibus civitatis Urbini intrinsecis et extrinsecis; necnon cum Firmans et Fabriancensibus, abisque Romanae Ecclesiae rebellibus, diversis tractatibus habitis, ordinavit cum eis qualiter dictam civitatem Urbani, jure proprietatis plenique domini ad Romanam Ecclesiam pertinentem, posset suae tyrannidi applicare; et usque adeo tractatum hujusmodi in partem nequiae scelerate perduxit, quod gentes suae, et dictorum rebellium die certa mensis praedicti per duas portas civitatem eandem cum multitudine pedum et equitum intraverunt; sed divina favente clementia, quae cum vult superbos humiliat, et fideles suos ab inimicorum suorum praeservat insidiis et defendit, gentes ejusdem episcopi et alii rebelles Ecclesiae de civitate praedicta dejecti fuerunt, et fugati turpiter; civitate eadem in devotione et fidelitate ejusdem Romanae Ecclesiae remanente, etc. » Subdit illum oblitumatum in scelere, atque ad defectionem clientes Ecclesiae omnibus artibus sollicitare; datque objectis penis gravioribus imperia, ut Tiferinum restituit Ecclesiae, Aretii praefecturam deponat, Pienos rebelles fulcire ope abstat. « Datum Avin. II id. April. anno viii ». Sprevit haec jussa Guido; ad ejus Francandam temeritatem Cortonium ab Aretio a Pontifice diremptum est¹, illicque Rainerius Bordilius episcopus datus. Sed ex eo gravissima inter Aretinos et Cortonienses praelia secuta, nec Guido a Gnelphis insectandis tractandisque injustis armis desistit, donec dextra divini Numinis vindice percussus acerbe haec crimina dellexit², damnavitque Ludovici Bavari partes.

21. *Sententia Pontificis in Ludovicum omni jure imperii privati.* — Appelebat interea dies Ludovico Bavaro eidem constituta, qua nisi ad expedienda gesta adversus Pontificiam dignitatem judicio Apostolice Sedis se sisteret, omnibus ad imperium ex electione comparatis juribus privare ipsum Joannes erat comminatus: cumque Ludovicus erepta Ecclesiae jura restituere, suamve Pontifici causam permittere denegaret, armisque regiam asserere sibi dignitatem in animum induxisset; tum antistes, ut Salisburgensem archiepiscopum et episcopum Argentinensem, qui ne Pontificias censuras incurrerent, illius respuebant imperia, insectaretur: Pontifex judiciario fulmine illum percellere, juribusque omnibus, quibus sibi imperium vindicabat, ut contemptorem Sedis Apostolice, jurium illius in re Ferrariensi invasorem, atque haereticorum vicecomitum protectorem exere decretoaria sententia constituit, de quo haec habet Bernardi³ Ms. libellus de Romanis imperatoribus: « Dominus papa Joannes XXII nullis

factis processibus contra praedictum Ludovicum eum juris ordine observato, et praemissis citationibus cum terminis peremptoriis et publicis edictis, cum ipse Ludovicus non duceret comparendum, privavit eum in publico consistorio Vidus Julii anno Domini mcccxiv omni jure, si quod sibi competebat, aut competere in imperio ratione electionis facte de ipso in discordia; quia ante confirmationem electionis suae, et antequam persona sua esset per Sedem Apostolicam approbata, usurpavit sibi titulum regii nominis et Augusti, et quia adhasit et favit rebellibus et adversariis Ecclesiae Romanae Mediolanensibus et Ferrariensibus, et etiam quibusdam pro crimine haeresis condemnatis de Mediolano ». Extat ea sententia subjectis concepta verbis⁴, cujus praecipuam partem decerpimus.

« Joannes, etc. ad perpetuam rei memoriam.

« Dudum, pro eo quod dictus dux Bavarie in discordia, in regem Romanorum promovendum in imperatorem electus, discordi electione hujusmodi per Ecclesiam Romanam, ad ejus examen personae electi in regem Romanorum in imperatorem assumendi, approbato et electionis admissio pertinet, discordi electione hujusmodi non admissa, nec ejus approbata persona, nomen regis Romanorum indebite usurpaverat, ac regni Romanorum et imperii administrationi se in ejusdem Ecclesiae manifestam injuriam, plurimorum scandalum, suae et aliorum multorum animarum periculum, ac etiam contra processus nostros, adversus talia praesumptes excommunicationis, et alias diversas spirituales et temporales penas et sententias continentes, factos antea et solemniter publicatos, nimis presumptuose et periculose ingesserat, exigendo videlicet et recipiendo sub praefato titulo regio fidelitatis in Alamannie et nonnullis Italiae partibus, tam a personis Ecclesiasticis quam secularibus vassallis imperii per se et alios juramenta; ac de dignitatibus, honoribus et officiis, ad ejusdem Romani regni seu imperii dispositionem spectantibus, pro suo libito disponendo; sicut diebus praeteritis de marchionatu Brandeburgensi, quem primogenito suo de facto publice contulit, ordinavit et alia plurima exercendo quae ad ejusdem Romani regni et imperii regimen non est dubium pertinere; necnon Ecclesiae memorate rebellibus, sicut Galeatio de vicecomitibus, ejusque fratribus de crimine haeresis a suis competentibus judicibus, exigente justitia, sententia liter et publice condemnatis; ac nonnullis aliis perditis Dei et Ecclesiae praedictae hostibus se contra ipsam defensorem exhibuerat et fautorem, et alia gravia commiserat, quae necnon et alia plurima, quae circa praemissa tenere praesumpserat attentare, adeo erant notoria, quod nulla tergiversatione celari poterant, nec dissimulatione negle-

¹ Anr. III, p. III, c. 5 § 10. — ² Alb. Moss. de Lud. Bavaro. — ³ Bern. de imp. Rom. Ms. bibl. Vat. sign. num. 2043.

⁴ Tom. IV, pag. 1. l. p. secr. pag. 113. et lib. Variar. Bular. pag. 13.

et irreprehensibiliter incorrecta relinqui; certos processus, per quos ipsum a deviis hujusmodi ad veritatis et justitiæ semitam reducere studebamus de fratrum nostrorum consilio diversis temporibus fecimus contra eum.

« Primo namque, videlicet VIII idus mensis Octobris jam elapsi, ipsum per elictum publicum presente fidelium multitudine copiosa monuimus, etc. » Pergit gesta cum Ludovico recensere, quæ ante a nobis allata sunt, ut primum jussus fuerit non regis Romanorum, sed electi in regem Romanorum nomen usurpare; Galeatio hæreseos nota inusto nullam opem ferre, Ferrariensium Romanæ Ecclesiæ perduellum clientelam deserere; deinde oratores miserit, ad quorum preces intentati iudicii dies ad bimestre extractos sit: constituto vero die X kal. Aprilis recurrente cum sprevisset monita, nec ullos misisset oratores, pronuntiatum Ludovicum objectam anathematis sententiam contraxisse, repetitaque imperia ne Ferrariensibus perduellis et Galeatio hæretico auxilio esset, neve regem se, sed electum in regem appellaret, aut administrationem imperii corripere; expositaque reliqua illius sententiæ a nobis adductæ serie, ut trimestre ad objecta in iudicio emendanda indictum fuerit, eoque jam evolutio non comparuerint, subdit:

22. « Verum quia præfatum trium mensium spatium eidem Ludovico ad deponendum titulum regium, et ab administratione regni et factoria hæreticorum et rebellium prædictorum penitus abstinendum; necnon realiter et cum effectu quæcumque de facto cum non potuisset de jure, tanquam rex Romanorum gesserat, quantum sibi foret possibile, revocandum, nobisque et Ecclesiæ satisfaciendum de injuriis et offensis et gravaminibus, per præmissa nobis et eidem Ecclesiæ temere irrogatis, ac de præmissis per authenticas litteras, vel instrumentum publicum nos certiores reddendum; et hoc sub pœna privationis omnis juris, si quod ei ex sua electione prædicta ad dicta regnum et imperium competebat seu competierat, quam, nisi præmissis pareret efficaciter, eum ipso facto incurrere volumus, prout superius plenius continetur, necnon et super dictis excessibus et injuriis ac sub pœna privationis prædicta declarandum, seu inferendum, et pœnis aliis, quibus excessus inobedientia et contemptus prædicti obnoxium eum reddiderant, definitivam sententiam, et nostrum beneplacitum audiendum, quantum nostrum pateretur officium, per nos peremptorie assignatum; idem Ludovicus nec per se comparuerit, nec alius pro eodem, neque prædicta impleverit, intra prædictum terminum, nec ea curaverit adimplere, sed illis potius peiora studuerit cumulare, nec nos per authenticas vel instrumenta publica reddiderit certiores; licet tunc merito potuissemus contra ipsum procedere, ejus proterva contumacia exigente; de benignitate tamen Sedis Apostolicæ, de fratrum prædictorum

consilio, ipsum usque ad diem præsentem hora consistorii duximus expectandum.

« Cum itaque nec interim comparuerit, nec adhuc ipse comparcat, nec aliquis alius pro eodem, de fratrum eorundem consilio præfatum electum reputamus et declaramus merito contumacem; ejusque contumaciam tam in non comparendo quam in non acquiescendo nostris superius expressis salutaribus monitis et mandatis auctam considerantes attente, ne deinceps plures trabat in sui erroris devium, ad quod sua tota ferri videtur intentio, et ne de tanta contumacia gloriatur, si justitia ulterius differatur; omnino nos tam temerariis ausibus, tam periculosis excessibus, tamque obstinata malitiæ electi præfati oculis cupientes occurrere, ne sero medicina ipsis procedentibus ulterius præparetur; attendentesque, quod ad excessus hujusmodi perpetrandos gloria tituli regii, quem sibi temere usurpavit, intentius sibi tribuit, ac in ipsis perseverandi fomentum periculose nimium subministrat; hanc ad Dei honorem, et sanctæ Romanæ Ecclesiæ ac totius Catholici populi quietem et pacem, ejusdemque electi salutem, prout justitia exigit, amputare volentes; de fratrum ipsorum consilio memoratum electum, qui propter excessus notorios, contemptus quoque ac superadditis obstinatis contumaciis supradictas, tam in non comparendo sibi præfixis terminis, quam in non parendo nostris salutaribus præceptis et monitis supradictis, prædictis regno et imperio reddidit multipliciter se indignum; quique propter suam protervam ambitionem et superbam proterviam a Deo, ne regnet vel imperet, est abjectus; ipsum Ludovicum ducem Bavaræ omni jure, si quod sibi ex electione sua prædicta competere seu competiisse poterat, ac domino privatum denuntiamus et ostendimus; nosque ipsum jure præfato sententiando privatum declaramus et privamus; nihilominus ad cautelam de benignitate Sedis Apostolicæ, et eorundem fratrum consilio supersedentes ad præsens a pœnis aliis, quibus excessus prædicti ipsum reddiderunt obnoxium, eum ad illas infligendas vel declarandas inflictas possemus procedere juxta tenorem nostrorum prædictorum processuum, justitia mediante, reservantes nobis procedendi ad pœnas ipsas infligendas, seu inflictas declarandas conjunctim vel divisim, prout negotii qualitas exigit, ejusdem Ludovici obedientia vel inobedientia suadebit et expedire viderimus, plenariam potestatem.

23. « Et quia, si deinceps præfatus Ludovicus se Regem Romanorum seu electum intulnare præsumeret, seu administrationi regni vel imperii ingerere attentaret, ejus excessus et contumacia graviores existerent, quam ante nostram præfatam sententiam existissent; ideoque, præsentem hac fidelium multitudine copiosa, Ludovicum præfatum per hoc nostrum elictum publicum moneamus eidem nihilominus auctoritate præfata

Apostolica districtius injungentes sub pena excommunicationis et privationis feodorum, quæ ab Ecclesia Romana, vel aliis seu imperio obtinet; necnon et privilegiorum quorumcunque, a Sede Apostolica vel Romano imperio eadem vel suis prædecessoribus, quatenus ejus commodum tangerent, quomodolibet concessorum, ne deinceps se regem Romanorum vel electum intulerit, nec administrationi regni vel imperii se immisceat, seu ingerat quoquo modo: a fantoria quoque prædicta desistat realiter, nec illam ulterius reassumat; ac quæ gessit vel fecit sub colore prædicti tituli regii temere usurpatis revocet, quantum erit sibi possibile, cum de jure non tenerint, velut attentata ab illo, cui jus non compellit faciendi: quæ et nos in nostris processibus aliis revocavimus, quatenus de facto processerant, ipsa cassa, nulla et irrita nuntiantes; eaque præsentialiter cassamus, annullamus et irritamus, ac cassa, nulla et irrita declaramus: quas penas et eorum quamlibet ipsum incurrere volumus ipso facto, si præmissa contempserit contumaciter adimplere. Ipsumque nihilominus citamus per hoc edictum publicum, ut kal. Octobris venturi proximo, vel sequente die non feriata, si dies kalendarum ipsarum feriata fuerit, quam sibi peremptorie de eorumdem fratrum consilio assignamus, per se vel per procuratorem idoneum compareat coram nobis, super pœnis aliis, quibus excessus prædicti ipsum reddunt obnoxium, sententiam audieturus, et alias facturus, quod justitia suadebit; prædictentes eidem, quod si venerit, sive miserit, sive non venerit neque miserit, nos ad sententiam prædictam conjunctim vel divisim, prout expedire viderimus, absque citatione alia procedemus.

24. « Universis præterea Christi fidelibus cujuscunque conditionis, præminentie, sive status existant; etiamsi dignitate patriarchali, pontificali, aut alia superiori vel inferiori, seu etiam regali forsitan decorentur; necnon et aliis personis Ecclesiasticis, secularibus vel regularibus, cujuscunque religionis, aut Ordinis; ducibus quoque, marchionibus, comitibus, vicecomitibus, baronibus, universitatibus civitatum, castrorum cæterorumque locorum; et specialiter universis incolis et habitatoribus eorumdem regni et imperii Romanorum inhibemus et mandamus expresse, ne eidem Ludovico super iis, quæ ad administrationem regni vel imperii prælatorum pertinent, quoquo modo assistant, pareant, seu intendant; aut præsent eidem consilium, auxilium vel favorem per se vel per alium, publice vel occulte, quacunque occasione quesita, etiam prætextu alicujus honagii, vel cujuscunque colligationis, confederationis, societatis, seu cujusvis conventionis aut ligæ contracte ante vel in posterum contrahendæ; etiamsi colligationes, confederationes, societates et conventiones injusmodi, et alia supradicta pœnarum adjectione, litterarum, vel juramenti seu cujuslibet alterius essent vin-

culo firmitatis innexa: nos enim colligationes, confederationes, societates, conventiones cæteraque hujusmodi præmissa, quod hoc, de plenitudine dissolvimus potestatis, juramenta super illis præstita, penasque propterea præmissas penitus relaxantes, et universos ac singulos, qui eas contraxerant, se ad observantiam eorumdem quantumcunque solemniter astringendo, ab ipsarum in præmissis observatione penitus absolventes. Specialiter autem incolis et habitatoribus eorumdem regni et imperii prohibemus expresse, ne dicto Ludovico vel alii pro eo de redditibus vel obventionibus sive juribus regalibus, vel imperialibus, seu ratione regni seu imperii prædictorum, aut domini cujusvis per eum usurpatis in illis respondeant, vel aliam impendere sub quocunque velamine satisfactionem attentent. Alioquin omnes singulares personas, cujuscunque sint præminentie, conditionis, aut status, Ecclesiastici vel mundani, excommunicationis; terras vero, loca ipsorum, necnon civitates, castra, villas et loca quæcumque alia ubilibet constituta, ac universitates ipsorum, quæ prædictas inhibitiones vel earum aliquam præterire, propria temeritate præsumerent, interdicti sententiis, quas ex nunc proferimus, decernimus subijcere: non obstantibus quibusvis privilegiis et indulgentiis Apostolicis, præfato Ludovico, seu quibusvis personis religiosis et secularibus, ac aliis tam Ecclesiasticis quam mundanis, cujuscunque præminentie, status, dignitatis vel conditionis existant, etiamsi patriarchali, seu regali, aut alia quacunque præfulgeant dignitate; aut universitatibus et locis aliis, communiter vel divisim, sub quacunque forma, vel expressione verborum ab eadem Sede concessis, vel in posterum concedendis, etiamsi de illis, totoque tenore ipsorum de verbo ad verbum specialiter et expresse oporteret fieri mentionem, quæ sibi, vel eorum alicui contra præsentem processum, vel aliqua contenta in ipso in nullo volumus suffragari; quæ quidem privilegia et indulgentias omnino, quoad hoc, volumus et decernimus viribus vacuari: apertius nihilominus prædicentes, quod adversus hujusmodi præsumptores, et specialiter contra prælatos religiosos, et alias personas Ecclesiasticas; necnon marchiones, duces, comites, barones, incolas, habitatores, civitates, castra, villas, loca et universitates ipsorum, ad indigendum pœnas contra tales in præfatis nostris processibus contentas et comminatas, seu declarandum inflictas; videlicet excommunicationis, privationis dignitatum, personatum, officiorum et beneficiorum Ecclesiasticorum personarum ipsarum, ac privilegiorum quorumcunque Apostolicorum et imperialium eorumdem personatum secularium et etiam civitatum, castrorum, villarum et locorum, universitatumque ipsarum ac feudorum, quæ a Romana, vel quibusvis aliis Ecclesiis, seu imperio prædictis obtinent; et alias spiritualiter, et tempo-

rahter, quando et sicut facti qualitas suadebit, aut expediens putabimus, divina gratia praeunte.

25. « Porro cum nostri Salvatoris exemplo conversionem peccantium, quorum non perditionem, sed salutem quarimus, afficemus; universas personas et singulas, Ecclesiasticas et mundanas, cujuscumque sint praecminentiae, ordinis, dignitatis, conditionis aut status; necnon civitatum, castrorum, villarum et locorum quorumcunque universitates et communitates, quae forsitan praefato Ludovico tanquam regi seu in regem Romanorum electo adherendo, obediendo et intendendo; seu consilium, auxilium vel favorem praestando, directe vel indirecte, publice vel occulte, in iis quae ad regimen seu administrationem pertinent regni seu imperii praedictorum, aut alias quidquam contra tenorem dictorum processuum temere attentando, penas et sententias contentas in eisdem processibus propterea incurrissent; per hoc edictum publicum monemus et hortamur in Domino, ut infra dictas kalendas Octobris a praedictis adhaesione, obediencia, consilio, auxilio et favore resistentes et resipiscentes omnino, non parituri vel adhesuri eidem ulterius quomodolibet in praemissis ad gravium et mandata sanctae matris Ecclesiae cum effectu, et sine cujusquam fictionis velamine redire procurent: quo casu per opportune absolutionis remedium illorum cupientes benigne providere salutem, metropolitanis eorum absolvendi eosdem a memoratis poenis et sententiis, recepta primitus ab ipsis resipiscentibus cautione juratoria de ulterius non parendo contra dictos processus et sententiam hujusmodi praefato Ludovico, nec praestando super dictis auxilium, consilium vel favorem; plenam concedimus tenore praesentium potestatem. Volumus tamen quod super absolutionibus et cautionum receptionibus praedictarum metropolitani praefati duo contici faciant publica vel authentica monumenta, quorum altero penes se retento, reliquum nobis fideliter mittere, nosque de illis per suas patentes litteras certiores efficere non omittant.

« Si vero aliquem vel aliquos taliter absolutos forsitan, quod absit, contingeret in errores pristinorum, vel aliquem eorumdem relabi contra processus et sententias memoratas, et contenta in eis temerariis ausibus veniendo; illos in eisdem poenis et sententiis reincidere decernimus ipso facto: a quibus, praeterquam ut praemittitur per alium, quam per Romanum Pontificem, nisi dumtaxat in mortis articulo, liberari nequeant vel absolvi; adimemus tamen praedictis metropolitanis, quam quibusvis aliis, juxta prohibitionem praecedentium nostrorum processuum, omnimodam super hoc potestatem. Licet autem ex praesumptuosius et indebitis usurpationibus, injuriisque, inobedientiis, culpis et excessibus praedicti Ludovici quadam necessitate compulsi fuerimus procedere taliter contra eum; nequaquam tamen nostrae intentionis exiit, nec existit, juri principum

Ecclesiasticorum et saecularium, ad quos electio Romani regis, in futurum imperatorem promovendi, spectare noscitur, per processus nostros, seu aliqua contenta in eis, in aliquo derogare: cum illud omnino ihibitum eis volumus reservare, etc. » Jubet edictum Avenionensis Ecclesiae postibus affigi, ne Ludovicus id se latuisse obtendat. « Dat. Avinion. V id. Julii, Pontificatus nostri anno viii ».

Transmissa est ad Christianos principes Pontificia sententia, ut e litteris ad Carolum Francorum¹, Eduardum Anglorum² reges eo argumento datis apparet, promulgataque est in Galliis a Guilhelmo Senonensi³, Burchardo Magdeburgensi⁴, in Germania, in Anglia Cantuariensi⁵ et Eboracensi, Capuano in Italia archiepiscopis. Exercitae porro severitatis a Pontifice culpam tribuendam Ludovico, non modo dicta a nobis demonstrat, sed etiam Germanus auctor docet:⁶ « Quia, inquit, idem Ludovicus confirmationem petere contempsit a papa, dictus summus Pontifex, multis praemissis processibus et sententiis, ipsum privavit et electionem ejus cassam declaravit, multis poenis aliis successu temporis adjectis ».

26. *Ambit dignitatem Romani imperii.* — Tuli publicus rumor⁷, nec vanum indicant Joannis litterae⁸ ad Francorum regem, exactorato Ludovico, agitatum de imperio transferendo ad Gallos, ad quorum gratiam ut Pontificatum mordicus tenerent, Sedes Apostolica Avenione defixa erat, ac vix alii quam generis Gallici cardinales creabantur, relictique Joannes Villanus⁹, Carolum regem Francorum una cum Joanne rege Boemiae leviro suo, dum Robertus rex Siciliae in aula Apostolica agebat, ad Avenionenses partes vere ineunte accessisse, ut de imperio a Pontifice obtinendo paciscerentur: deinde cum Germaniae principibus egisse¹⁰, ut ab iis eligeretur: inditoeque in confinibus imperii apud Barenenses conventus, ac principes, electores eo profecturos spopondisse: elatum itaque ea spe Carolum regem, splendido stipatum comitatu ad constitutum locum mense Julio se contulisse: sed cum solus Leopoldus dux Austriae accessisset, delusum Germanorum principum promissis non sine pudore abscessisse. Regis quidem Boemiae ac fratris Balduini archiepiscopi Trevirensis studia in Carolum videntur refrxisse, cum Maria Lucemburgica regina ex partus doloribus una cum filio jam obiisset¹¹: ita eo casu revocandi ad Gallos imperii spes successisse.

Ceterum de Barensi colloquio in litteris ad regem Francorum meminit Pontifex¹², quibus Leopoldi ducis oratores significasse ait, Austriacum foedus arctissimum cum rege Carolo conjunxisse:

¹ Tom. iv, p. 2. Ep. secr. pag. 22 et 161. — ² Ibid. pag. 47. — ³ Tom. v, p. 4. Ep. secr. pag. 71. — ⁴ Tom. iv, p. 2. Ep. secr. pag. 67. — ⁵ Ibid. pag. 17. — ⁶ Ms. bibl. Vat. sig. num. 3763, in Joan. XXII. — ⁷ Alb. Mus. in Lud. Bayer. Alb. Arg. in Chron. Rehdorff. in Chron. — ⁸ Tom. v, Ep. secr. pag. 15. — ⁹ Jo. Vill. l. ix, c. 248. — ¹⁰ Ibid. l. c. 268. — ¹¹ Ibid. l. c. 278, et Ms. Vat. sig. num. 2043. Bern. Chr. regum Franc. in Carolo IV. — ¹² Tom. v, p. 1. Ep. secr. pag. 1.

tum in aliis ad Leopoldum ipsum a Ludovico postulatum de federe pro liberando Friderico, quibus ipsum cum eodem Ludovico ut rege Romanorum vel electo in regem totius jungere velat : « Ante omnia, inquit, provisorius, ne cum dicto Ludovico, qui iure, si quod sibi ex electione sua quæsitus fuerat, suis demeritis exigentibus est privatus, ac vinculo excommunicationis innodatus, velut cum rege Romanorum vel in regem electo ad præmissa procedas; cum per processus nostros, sicut te nosse credimus, contra talia præsumens pœne variae sint inflictæ. Dat. Avin. XVII kal. Octobris, anno ix ».

27. *Ludovicus Pontifici infensus Fraticello- rum fit fautor; unde nova ejusdem hæresis refutationes.* — Pontificæ in Ludovicum Bavarium sententiæ meminere etiam Joannes Villanus¹ et S. Antoninus², eundemque ut Ecclesiæ persecutorem fautoremque hæreticorum omni jure ad imperium ex electione adepto privatum aiunt : injectasque minas, nisi appetentibus kal. Octob. animum ad Ecclesiæ obsequium frangeret, in ipsum ut hæreticum et schismaticum legibus actum iri. Contendit Ludovicus Bavarus se contra fas a Joanne exauctoratum fuisse, ac nomen Cæsareum jusque non dimittere constituit; sed illud contra edicta Pontificia sibi armis asserere : tum acceptæ, ut putabat, injuriæ impatiens multa in Pontificiam dignitatem molitus est³, cum Joannes anathematis illum sententiâ, quam antea intenterat, ni poneret titulos, ineunte Octobri percussit, ac fote hærescos crimine postulavit, constituto illi ad dicendam causam diæ preëmptorio. Cujus sententiæ series ad plures provincias præcipueque Romanam ad episcopum Terracinensem, Pontificium in Urbe vicarium in divina re, transmissa est ut promulgandam curaret. In charta vero Pergamena descripta Avinione gerente Avinionensem legationem Octavio Aquaviva cardinale cum aliis insignibus monumentis est reperta⁴.

28. Ad declinandam hujus Pontifici fulminis vim, celebratos in Germania mense Octobri a Ludovico Bavaro solemnes ordinum imperii conventus, refert Joannes Villanus⁵, in quibus graves de Joanne papa querelas effudit, atque a lata in se sententiâ ad Concilium Œcumenicum Romæ celebrandum provocavit. Deinde vindictæ expetende cupiditate astutians ad eripiendam, si posset, illi tiarâ Apostolicam, qui sibi diadema imperiale eriperet, multa Joanni objecit, quibus indignum illum Pontificatu contendebat; eamque provocationis formam mense Novembri ad aulam Pontificiam misit: ex qua gravissimum Ecclesiæ injectum scandalum tumultusque concitavit. Utebatur, ut e Villano colligitur⁶, in exarandis illis nefariis scriptis Joannis Janduni et Marsilii Patavini insi-

gnitum philosophorum et astrologorum opera : sed quos pluribus hæresibus contaminatos ait. Ceterum plures provocationum formulas a Ludovico compositas, quibus in Pontificem per gradus invehebatur acerbius, ut ab ipso novis edictis petebatur, ex aliquot eorum exemplis⁷ litterisque Apostolicis colligitur⁸ : extatque conceptus Ludovici Bavari nomine a viris impiis, de quibus paulo ante memoravi, libellus in Ms. bibliothecæ Vaticanæ a Nicolao Minorita schismatico compacto⁹ in quo ex improborum consultorum consilio atrocissimas in Joannem injurias fudit, impiumque de Christi et Apostolorum paupertate dogma, quod nonnulli pseudominorite hypocrite tuebantur secutus in speciem, in illius erroris abyssum cecis ducibus adductus est, ut Romanum Pontificem, dum controversiam dirimeret, hæresim ex Petri Sede promulgasse affirmaret : cum hujusmodi decretoriæ fidei sententiæ princeps auctor sit Spiritus sanctus illiusque administer Romanus Pontifex. Cujus infelicis lapsus nefarius hoc monumentum in illa sua in Joannem invectiva reliquit¹⁰, quod ad eorum, quæ consecuta sunt uberiorem doctrinam, lucemque historiæ potiori ex parte repetemus.

29. « Non sufficit, inquit, sibi temporalis imperii jura attentare subvertere, et in coronam nostram ac fideles imperii tam nequiter deservire, nisi et ipsum Dominum nostrum Jesum Christum Regem regum et Dominum dominantium, principem regum terre, et ejus sanctissimam Matrem, quæ ejusdem voti et status consilio in observantia pauperlati vixit, et sanctum Apostolorum collegium, ipsorum denigrando vitam, et actus infringeret, et doctrinam Evangelicam de paupertate altissima, in qua exemplaris perfectio exterioris vitæ ipsorum de pleno et perfecto mundi contemptu tanquam in fundamento immobili est firmata. Quod fundamentum non solum sua mala vita, et a mundi contemptu aliena conatur subvertere; sed hæretico dogmate, et venenata doctrina in prædicationibus publicis et solemnibus, et variis assertionibus affirmando asseruit, Christum et Apostolos habuisse bona communia in communi eo modo, quo alia collegia habent. Quod dictum est notorie hæreticum, profanum et contra Evangelii sacrum textum : innumera enim sunt dicta sanctorum prophetarum, prædicationum Christi paupertatem altissimam. Cujus renovator fuit principalis seraphicus vir Franciscus : tota enim silva sacri Evangelii quoad Christi ortum, incolatum et exitum, et circa sanctorum doctorum et discipulorum ipsorum Apostolorum usque ad tempora hæc, omnia clamant, Christum scilicet et Apostolos vixisse in altissima paupertate prædicta, quæ consistit in nihil habende civiliter in hoc

¹ Jo. Vill. l. ix. c. 263. — ² Ant. tit. xxix. c. 3. § 10. — ³ Eod. p. 40. — ⁴ Arch. Avin. num. 103 an. 1324. — ⁵ Jo. Vill. l. ix. c. 275. — ⁶ Eod. l. c. 263.

⁷ Ext. apud He wett. ad an. 1324. num. 39 et seq. — ⁸ Lib. iv. p. 2. Ep. secr. pag. 74. et tom. v. p. 1. Ep. secr. p. 20. — ⁹ Apud Nic. Mus. Ms. lib. Vat. sign. num. 5068, p. 13. — ¹⁰ Eod. p. 61.

mundo. Quod si quæretur, quid vult dicere, altissima paupertas, de qua Apostolus dicit: Altissima paupertas eorum. etc. ? Respondet Innocentius papa V: Alta paupertas est habere pauca propria propter Deum: altior, quæ nulla habet propria, habet tamen in suo collegio in communi: altissima, quæ nihil habet in hoc mundo in proprio vel in communi: et hæc fuit Christi et Apostolorum». Nonnullisque in beati Francisci laudem interjectis, ad convicia in Joannem redit Bivarus miscelque hæresim.

30. « Hic oppressor pauperum, vilæ Christi et Apostolorum inimicus, prædicta omnia parvipendens, ac volens Christi paupertatem altissimam de medio tollere, et sub miris dolis et fraudibus, et venenatis fallaciis ipsam rationaliter annullare, duo nefanda statuta, in quibus hæresiarquia et hæreticus perfectus cum aliis assertionibus alias factis notorie comprobatur, et in Christi vitam blasphemus et sacris diffinitionibus sanctorum priorum Pontificum prædictorum aperte contrarius, promulgavit». Subdit earum Constitutionum primam fuisse, *Ad conditorem canonum*; alteram, *Cum inter nonnullos*; quas variis argumentis, ab hæreticis et apostatis suggestis, rehellere nititur. Tum pluribus injuriis et calumniis eundem Pontificem proscindit, adversusque ipsum provocationis ad Concilium OEcumenicum formulam impiam concepit, in qua impacta Joanni, quem Pontificia exutum auctoritate contendit, hæreseos calumnia, ubi fallacibus verbis colorare facinus nisus est, subjicit: « Ad sancta Dei Evangelia tacto libro juravimus, omnia et singula supra dicta nos credere vera esse, et quod prædicta talia probari poterunt contra eum: quæ secundum sanctorum statuta patrum sufficienter sufficient ad eum hæreticum judicandum. Juravimus etiam nos contra eundem pro viribus persecutores, etc. » Concilium præterea clientium imperii nomine, quos ob defensam partes Cæsareas, propugnatumque imperii dignitatem censuris contra fas percosos disceptabat cogendum postulavit, ut ipsorum causa in eo cognosceretur; cui provocationi hæc temporis nota adjecta est: « Acta et publicata fuit hæc appellatio anno Domini mcccxxiv ».

31. Exinde Ludovicus Bavarus, quamvis non injustam antea causam tueri pluribus Cæsarei nominis studiosis visus esset, tanto tamen piaculo iniquissimam prorsus reddidit, seque augustali jure exiit: dum enim Fratricellorum hæresim Constitutione, *Cum inter nonnullos*, damnatam professus est, eamque suscepit amplificandam, in barathrum hæreseos præcipitem se dedisse præ se tulit impulsoribus impiis consiliariis, qui principis politica jura quavis ratione tueri annitentis facilitate abusi sunt: quem etiam non sine conquisitis coloribus excusare nititur Herwartus¹. Porro a sententia, quam Romanus Pontifex in judicio fidei

tulit, sine hæreseos crimine discedere non licet², cum ob divini Spiritus singulare præsidium promissum a Christo tunc errare non possit. Juridicam itaque Pontifex in Ludovicum sententiam tulit, qua illum ob impugnatum Ecclesiæ dogma publice promulgatum, quod nimirum Christus et Apostoli in iis quibus ipsos divinæ Scripturæ testantur usos, verum jus sive in speciali sive in communi obtinerent, crimine hæreseos damnavit, ac penas in hæreticos statutas ipsum contraxisse sanxit. Cujus sententiæ autographum in Archivio Avenionensi Octavio Aquaviva card. legato compertum est³.

Pœnituit⁴ postea Ludovicum tanti sceleris in propugnanda fraterculorum hæresi, laniandaque Pontificis fama perpetrati, atque hoc responso illud excusavit, gestum id Udalrici scribæ invidia, et improbitate, cumque seclus in morte fassum, se vero armorum tantum non theologiarum controversiarum peritum esse: « Sicut miles, inquit, scripturarum et litterarum subtilitatum ignari, quia dicebantur meliores magistri theologiæ et fratres religiosi, non credentes nos aliquid contra fidem facere, appellationi eorum consensimus, et sic adhierebamus, et ipsam pro defensione nostra et jurium nostrorum et imperii interposuimus ». Dixit etiam non studio tuendi erroris, sed Pontificis, qui ipsum in eripiendo Cæsareis apicibus pupugisset repungendi animo illa fuisse: qua de re inferius mentio recurret. Cæterum Joannes, cum hostes Ecclesiæ latus in dies virus suum diffundere et Ludovicum principem subornasse conspiceret, ac palam duabus memoratis prioribus Constitutionibus impie detractis, tertiam edidit⁵, quæ ab his verbis ducit exordium, *Quia quorundam*, et juri canonico adjecta est; in qua gravibus rationibus a se antea promulgata confirmavit: cujus argumentum Pontificiæ curiæ doctor in suo Commentario, pro ea defendenda edito, ita accurate exponit⁶.

« Contra istas duas Constitutiones, (nempe, *Ad conditorem canonum*, et *Cum inter nonnullos*), aliquid dixerunt, objectantes dominum nostrum non potuisse ea quæ dicta sunt, declarasse; et ad sui mendacii colorationem adducebant talem rationem. Illud, quod per clavem scientiæ in fide et moribus definiverunt semel Romani Pontifices, adeo immutabile perseverat, quod illud successoribus suis revocari non licet in dubium, nec contrarium affirmare: licet secus sit in iis, quæ sunt per eos per clavem potentiæ ordinata. Sed, ut dicunt, Romani Pontifices et multa Concilia generalia declaraverunt et definiverunt per clavem scientiæ primo, quod regula fratrum Minorum est regula Evangelica, Christi et Apostolorum imitatrix quæ

¹ Herwart, sum. de Eccl. l. II. c. 112 et alii. — ² Ext. num. 277. in Arch. Avin. — ³ Ext. de co Lud. lib. super. in Arch. Avin. num. 138. — ⁴ Tom. v. p. 1. Ep. secr. p. 32 et 120, et p. 2. pag. 19. et lib. Varior. Bull. p. 32. et Extr. *Quia quorundam* de verb. sign. — ⁵ Ms. bibl. Vat. sign. num. 4869. p. 21.

¹ Herw. ad an. Chr. 1325. num. 46. etc.

nihil habet in hoc mundo proprium, vel commune; sed in rebus, quibus utuntur, habent simplicem usum facti: secundo quod Christi et Apostolorum paupertas consistit in expropriatione cuiuslibet temporalis domini civilis et mundani, et quod eorum sustentatio fuit in solo et nudo usu facti. Ergo quibuscumque successoribus non licuit oppositum declarare. Sed oppositum in dictis duabus Constitutionibus declaratur, ut visum est. Ergo hoc non licuit facere domino. Ad hanc autem rationem primo dominus noster valde subtiliter, artificiose et efficaciter respondit¹, et circa maiorem insistendo, et circa minorem. Et primo circa maiorem ostendendo, quod scientia vel non est clavis spiritualis, vel sic ut ad ipsam non pertinet aliquod definire, sed solum ad clavem potestatis. Reliqua maioris propositionis pars silentio præterita, quia vera, et ideo nil contra a Pontifice dictum est. «Secundo circa minorem primo ostendendo, quod falsum est quod Romani Pontifices declinaverunt, quod fratres in rebus quibus utuntur, habeant simplicem usum facti; et probat per eos, quod habeant usum juris, ostendendo quod dictus dominus Nicolaus, in quo se funt tant principaliter, nunquam dixit sustentationem Christi et Apostolorum existisse in solo et nudo et simplici usu facti; imo quod oppositum sensit, probat. Tertio ostendendo, quod habere aliqua in communi, non derogat altissimæ paupertati. Quarto ostendendo, quod in rebus usu consumptibilibus non potest usus a proprietate seu dominio separari. Quinto probando, quod usus denudatus omni jure non est justus, quare perfectis non competit talis usus, nec eis talem usum conditor canonis reservavit. Sexto ex eorum dicto eos confutando ostendit, quod si licuit dicto domino Nicolao contra declarationes prædecessorum suorum aliqua declarare in materia supradicta, quod eadem ratione sibi licuit contra determinata per dominum Nicolaum prædictum; vel si non licet, non alteri licuit. Septimo ostendit per ea, quæ in Constitutione dicti domini Nicolai continentur, quod ad Romanos Pontifices, et per consequens ad dominum nostrum pertinet, si quid dubietatis circa snam Constitutionem emerget, declarare. Octavo ostendendo, quod licet Romanis Pontificibus Ordines confirmare et confirmatos cassare: quare esto non habeant majus periculum fratres Minores, ut videtur licet circa eorum regulam talia facere et opposita declarare. Nono ostendendo, falsum esse, permulta Concilia generalia talia declarasse, vel quod Concilia generalia, (nempe ii Pontifices,) non celebraverunt, vel nullam de talibus mentionem fecerunt. Decimo ostendendo, quod nec ad fidem, nec ad mores pertinet, Christum et Apostolos non habuisse in iis quibus uti sunt, nisi simplicem usum facti: imo magis oppositum pertinet, cum nec in Scriptura sacra, nec in Symbolo habeatur, quod

fratres Minores non habent in rebus nisi simplicem usum facti; nec quod non liceat Romano Pontifici dominium, quod sibi reservavit in rebus, quæ in fratribus obveniunt, abjicere; nec quod procuratores per summos Pontifices constitutos successoribus non liceat revocare. Quare concludit necessario, quod responsio talium nulla est et quod ipse talia superius præmissa potuit declarare, et ipsa etiam ordinare. Ultimo concludendo definit primo, quod tales nisi sunt publice defendere et etiam approbare hæresim damnatam in ista Constitutione, *Cum inter nonnullos*; asserendo quod Christus et Apostoli in iis, quæ habuerint, habuerunt tantum simplicem usum facti omni jure denudatum, et quod omnes tales et singuli, qui verbo ac scripto per se, vel alium seu alios talia publice præsumperunt; illique qui eos instruxerunt in talibus, et ut præmissa facerent decuerunt, in damnatam hæresim inciderunt, et ut hæretici sunt vitandi. Secundo definit, quod si aliquis deinceps damnatas per Constitutionem prædictam, *Cum inter nonnullos* hæreses vel ipsarum alteram scienter verbo vel scripto defendere, vel approbare præsumperit, tanquam hæreticus ab omnibus evitetur. Tertio inibet, ne quis contra ordinata, definita, seu facta in Constitutione, que incipit, *Ad conditorem canonum* verbo vel scripto scienter approbet aliquid vel defendat; et si quis contrarium præsumperit, tanquam contumax et rebellis Rom. Ecclesiæ habeatur. Isle est casus et sententia totius istius Decretalis. Hactenus Avinionensis doctor, ex quo observandum est, pseudominoritas aliosque Pontificiarum Constitutionum de paupertate Evangelice impugnatores superius argumentum in eo, quod scientiam clavem dixerant, cum ad hoc, ut clavis dicatur potestas illi sit conjungenda, correxisse; majorique apparatu subornatum, ac mole vibratum illud repetisse.

32. «Quod est, inquebant, per Sedem Apostolicam in fide et moribus semel definitum et approbatum, fas non est deinceps contradicere; hoc statim probatur xix. di. *Si novitiorum*, ubi dicitur: Quod vere Apostolica fides approbavit, hodie teneatur acceptum; et sequenti cap. *Sed omnes*, et xiv. q. i. Hæc est fides.

«Probatur etiam ratione, primo quia tunc Ecclesia aliquo tempore aliud contra fidem declarasset, et tunc non semper fuisset virgo sine macula et sine ruga. Item promissio Christi, qua promisit Luc. xxii, quod fides Petri nunquam deficeret, fuisset falsa; tunc enim fides aliquo tempore defecisset. Præterea B. Augustinus in Epistola ad Hieronymum arguit sic: Si in Scriptura sacra semel aliquid falsum inventiatur, tota ipsius Scripture vacillabit auctoritas. Ergo a simili, si Sedes Apostolica aliquid falsum determinasset, tota Ecclesiæ auctoritas titubaret. Et confirmatur quia secundum beatum Augustinum contra Epistolam Fundamenti: Ego Evangelio non crederem, nisi me Catholice Ecclesiæ commoveret auctoritas.

¹ Est. *Quia quoniamdam* de verb. sig.

Ergo sicut ei quod est per Evangelium diffinitum, non est fas deinceps contradicere. Sed per Sedem Apostolicam semel fuit diffinitum et approbatum, quod Christus et Apostoli nihil habuerunt quantum ad dominium in proprio vel in communi. Ergo oppositum asserere nefas est.

« Probatur Minor, Extr. v. *de verborum significationibus*, *Exist* lib. vi. § *Porro*, ubi dicitur sic: Dicimus, quod abdicatio omnium rerum in proprio vel in communi propter Deum meritoria et sancta est. Et sequitur: Quomodo primi fundatores militantis Ecclesie, prout ab ipso fonte hauserant, in volentes perfecte vivere per doctrine et vite ipsorum alveos derivarunt. Item ibidem dicitur, quod Christus hanc expropriationem et verbo docuit et exemplo firmavit. Quae quidem Decretalis fuit per plures Romanos Pontifices approbata, et etiam per Concilium Viennense, etc. » Ille illi. Sane major propositio, nimirum nefas esse contradicere in iis, quae definita sunt per Sedem Apostolicam in fide et moribus, certissima est et additae probationes eam omnino confirmant, si intelligantur, nisi debent, ea quae spectant ad fidem et universales Ecclesiae mores in necessariis ad salutem; at pseudominor ita non in eo sistunt, sed quae ad fidem et mores tantum spectant accidentario et remote, quales sunt nimirum Franciscani Instituti encomia, privilegia seu decreta Pontificum eo attinentia, et omnia in iis contenta fidei et morum essentialia esse falso supponunt, ac ludunt in aequivoco: illas ergo sanctiones, licet sint in Sexto, esse fidei et morum decreta essentialia negandum est constantissime¹; neque enim decreta fidei condunt Pontifices nisi id expresserint, et ut de necessitate credenda proposuerint: ita Constitutionem, *Exist*, non fuisse decretum fidei, indicat Nicolaus ipse, dum non damnat haereseos contrarium sentientes: imo eandem sanctionem velut ambiguum successoris decretoriae sententiae subiecerit; ac si fingatur esse fidei decretum, non quidem in eo sensu quem quilibet ipsi affinxerit, sed in eo quem Pontifex declaraverit, fidei decretum erit, ut Patrum et Ecclesiae traditiones in hujusmodi ritibus decet; quam rationem Avinionensis doctor subjectis verbis illustrat²:

33. « Respondetur quod sicut patet Extr. de *Baptis. et ejus effectu c. Majores*, quando occurrit aliquid dubium in articulis fidei, vel in Scriptura sacra, licet declaratio magistralis possit pertinere ad illos, tamen declaratio et determinatio auctoritativa et finalis, cui omnes habent acquiescere, pertinet ad dominum papam; quod clare fuit demonstratum Actuum xv, ubi orta dissensione, ntrum legalia debeant servari cum Evangelio, consuluerunt Petrum et alios Apostolos, qui erant in Jerusalem: et Petrus sicut princeps Apo-

stolorum decrevit, legalia non esse observanda.

« Nec obstat, quod Jacobus ibidem dicit: *Ego judico non inquietari eos*, etc. tum quia Petrus primo decrevit, postmodum Jacobus sicut illius loci episcopus ad ostendendum, quod Petrus ibi, sicut et in tota Ecclesia, jurisdictionem ordinariam habebat; Jacobus autem in loco illo non quidem aequalem, sed subordinatam, quia sua erat sub illa Petri et successorum ejus; ahi autem Apostoli ibi jurisdictionem non habebant.

« Item certum est, quod sententia Jacobi non potuit arctare extra fines suae jurisdictionis, sicut sententia episcopi Parisiensis non arctat illos de diocesi alia. Sed illa sententia obligavit universos per totum mundum constitutos. Ergo fuit sententia in toto orbe universaliter presidentis. Ille autem erat solus Petrus; quare, etc. Si ergo, cum occurrunt dubia circa Scripturam sacram vel circa articulos fidei, declaratio et determinatio ad dominum papam pertinet, multo fortius cum dubia occurrunt circa intellectum alienius Constitutionis, per ipsum vel per praedecessorem suum editae, declaratio vel determinatio pertinet ad ipsum. Modo circa dicta illius Constitutionis quantum ad paupertatem Christi et Apostolorum continebat dubitari; et ideo dominus noster et rei veritatem et verum intellectum Constitutionis voluit declarare.

« Cum ergo dicitur, quod in illa Decretali definitur, quod Christus et Apostoli nihil habuerunt quantum ad dominium in proprio vel in communi; dico quod non est verum simpliciter; vel si alicubi diceretur, intelligendum esset quantum ad bona immobilia, non autem quantum ad bona mobilia; et hoc videtur dicere textus canonis Luc. ix, cum dicitur: Filius hominis non habet ubi caput reclinet; Christus enim et Apostoli non habuerunt domum, agrum aut praedia: sed bene habuerunt eorum pretia. Et credo quod ista glossa est ita bona, sicut etiam glossa, quam dant doctores communiter super illo verbo illius Constitutionis Extr. de statu mon. *Cum ad monasterium*, quod castitas et paupertas ita sunt ossibus monachorum annexa, quod contra ea summus Pontifex dispensare non potest, id est, non debet, sicut glossant multi solemnes doctores.

« Quod ergo dicitur in illa Constitutione, *Exist*, in § *Porro*: Dicimus quod abdicatio omnium rerum in proprio vel in communi propter Deum meritoria est et sancta, quam primi fundatores, etc. dico quod intelligenda est abdicatio omnium rerum in proprio vel in communi, supple, *omnium rerum immobilium*. Et eodem ad illud, quod ibidem dicitur, quod hanc expropriationem Christus et verbo docuit et exemplo firmavit; dico enim, quod intellexit quantum ad bona immobilia, quae primitiva Ecclesia habere noluisset, quia futuram Ecclesiam in gentibus praevidebat, sicut supradictum est, non autem quantum ad bona mobilia, nec etiam de immobilibus intellexit quan-

¹ Direct. quasit. II. p. com. num. 32. inq. xvii. — ² Ms. lib. Vat. reg. num. 4869. p. 72.

tum ad jus in usu, sed solum quantum ad jus et dominium in re simpliciter; quare, etc. Vel potest aliter glossari, quod aliquid potest dici proprium duobus modis, uno modo in quantum distinguitur contra commune, et sic abdicatio omnium rerum in proprio etiam mobilium est meritoria et sancta: alio modo ut proprium distinguitur contra alienum, et sic abdicatio omnium rerum in proprio, sic quod homo semper viveret de alieno, in quo nullum jus haberet, saltem pars communitalis, non est meritoria nec sancta ».

Ex dictis patet minoris propositionis ab adversariis factae solutio; fuit definitum a Nicolao tantquam illud sit decretum fidei, ubi sonant verba, « quod Christus et Apostoli nihil habuerunt, quantum ad dominium, in proprio vel in communi », falsum est, uti demonstratum fuit; sed in Constitutione illud opinative positum est: quod autem nihil habuerint in proprio vel communi quantum ad immobilia, illud verum est, uti Joannes declaravit ex Nicolai voluntate in Constitutione expressa: quod neque mobilia habuerint, falsum.

Quod vero ad secundam probationem minoris petitam e Concilio Viennensi spectat; falsum omnino est, controversiam eam direptam in Concilio, quantumvis exclamet Michael Casenas in suis haereticis Commentariis¹: « Ecclesia posuit finem in questione de paupertate Christi per Sextum et per Concilium ». Corrigendusque est auctor niteke Franciscanae, qui Michaelis Casenalis errorem secutus, contendit² Decretalem *Exiit*, in Concilio Viennensi confirmatam et Jacobum cardinalem, qui in Pontificatu Benedicti XII nomen gessit, Fraticellorum argumenta dissolvendam, negantemque approbatam unquam per universalem Ecclesiam aliter, nisi ut communes Constitutiones papales, nullamque de ea in Concilio mentionem habitam, confutare nititur. Certe Clemens V qui in sua Decretali *Exiit de paradiso* non dicit Concilium generale approbasse vel confirmasse Decretalem *Exiit*; Joannes XXII, qui in ordine tum episcopali, Concilio interesse potuit, deque re tota diligentissime quæsit, et cum cardinalibus et episcopis qui interfuere, contulit, Michaellem Casenalem haeresiarcham contrarium asserentem arguit mendacii, Benedictus XII qui vesanum illam Fraticellorum erroris patrocinium a Concilio (Ecumenico potentium impudentiam refellit, rem melius novere, quam recens auctor aut alii quos errantes secutus est. At licet fingatur eam Decretalem approbatam in Concilio, negat tamen Joannes XXII in Constitutione *Quia vir reprobis*, quod attinet ad articulum de abdicatione rerum in speciali et in communi, approbatam: neque enim ea controversia in Concilio Viennensi discussa fuit, aut a Concilio de dogmate non proposito fertur cæcis oculis decretoria sententia.

« In hoc », inquit Joannes³, « quod dicit; nempe haeresiarcha Michael Casenas), quod dicta Constitutio, *Exiit*, fuit per universalem Ecclesiam approbata; dicimus quod quantum ad hoc, scilicet quod fratres Minores in rebus usu consumptibilibus habeant usum facti, nunquam fuit per universalem Ecclesiam approbata: dicimus etiam, quod non fuit in Viennensi Concilio confirmata, nec hoc poterit per Constitutionem aliquam vel aliquas apparere; imo nec de fratrum consilio promulgata ». Multo certe minus dici potest in eo Concilio fuisse definitum, Christum et Apostolos nullum habuisse jus vel dominium rerum, quibus nisi sunt: proferant enim adversarii Acta Concilii. Sed mendacissimus haeresiarcha sibi potius somniant, quam cardinalibus, episcopis et doctoribus, qui illi interfuerant, fidem adhiberi voluit, et contra superiorem Pontificis Constitutionem, *Quia quorundam*, nefarium Commentarium edidit, quem Ludovicus Bavarus una cum aliis suis edictis promulgavit, de quo inferius agetur. Advertendum porro est in memorata sanctione, præter decretum de justo rerum usu in Christo et Apostolis, quod ad fidem spectat, aliam questionem expendi, an in rebus usu consumptibilibus usus justus a jure segregetur; quæ questio ad fidem non pertinet; eam tamen Pontificis hostes ad fidem spectare inepte contenderunt, contrarium errorem secuti, ut ex ea pharetra jacula blasphemiarum in Christi vicarium torquerent, quem propterea exutum a Christo Pontificia potestate garriverunt⁴. Præstat itaque doctorem Avinionensem prædictam Constitutionem propugnantem audire.

34. « Quantum, inquit⁵, ad quartum articulum, quomodo fratres Minores possunt habere usum nudum facti, intelligendo istum articulum quantum ad res, quæ non consumuntur usu, pono quatuor breves conclusiones. Prima erit, quod non possunt habere in talibus rebus usum nudum licitum per omnis juris nudationem. Secunda quod possunt habere nudum usum per proprietatis exclusionem. Tertia quod non possunt habere nudum usum per omnis utilitatis privationem. Quarta quod possunt habere per actionis in judicio abdicationem.

« Primam conclusionem probo facilliter sic: Impossibile est, esse usum licitum sine jure utendi seu jure in usu simpliciter, et sine jure in re, secundum quid, hoc patet ex prima et tertia conclusione præcedentis articuli. Ergo impossibile est, quod fratres Minores habeant usum in talibus rebus licitum, si sit denudatus omni jure, et ideo, sicut dominus noster deducit, talem usum sic omni jure denudatum nunquam fratribus dominus Nicolaus reservavit, quia ille usus perfectionem non adjicit, imo potius repugnat, sicut ille

¹ Ms. bibl. Vat. sign. num. 1010, pag. 231. — ² Nitek. Franc. q. XVII. in cens. responsions ad objection. 5, et in cens. 15.

³ Joan. in Const. *Quia vir reprobis* num. 40. — ⁴ Lud. Bav. in cunctis adversus Jo. Ms. bibl. Vat. sign. num. 4008, pag. 80. — ⁵ Ms. bibl. Vat. sign. num. 1260, p. 32.

qui necessario est illicitus. Ergo talem usum nunquam dictis fratribus reservavi.

« Secunda conclusio est, quod in talibus rebus possunt habere usum nudum per proprietatis exclusionem, et hanc probo facilliter. In rebus in quibus aliquis potest habere usum salva rei substantia, dominio illius rei penes alium remanente potest homo habere usum nudum per proprietatis exclusionem vel absque dominio in proprietate; et si habeat talem usum ex concessione domini, erit usus licitus. Sed fratres Minores possunt habere usum in rebus, quæ usu non consumuntur, sicut in domibus, libris et hujusmodi, salva rei substantia, dominio illius rei penes dominum papam, vel alium remanente et ex concessione domini. Ergo, etc.

« Tertia conclusio est, quod non possunt habere usum nudum in talibus rebus per omnis utilitatis privationem, et hanc probo sic: Usus domus est inhabitatio domus. Sed in habitatione domus fratres indigent etc.

« Quarta conclusio est, quod possunt habere usum nudum per actionis in iudicio abdicationem, et hanc probo facilliter sic: Quando aliquis petit aliquam rem, non tamen necessario, non est repugnantia habere illud sine alio. Sed jussus et si pariat actionem, non tamen petit eam necessario, imo voluntarie. Ergo possunt habere jus in aliqua re detenta per alium absque hoc, quod sibi vindicent in iudicio. Secundo quia illud possunt habere fratres, quod adjicit ad perfectionem sicut melius, vel saltem non est illicitum. Sed sua non repetere iudicio vel adjicit ad perfectionem, ut videtur innuere Apostolus I ad Cor. vi vel saltem non est illicitum. Ergo fratres possunt habere usum in rebus per actionis in iudicio abdicationem. Et sic patet quomodo in talibus fratres Minores possunt habere usum nudum et quomodo non ». Et infra:

35. « Quartum ¹ dubium hic declarandum utrum in rebus usu consumptibilibus possit usus licitus a proprietate seu dominio rei separari; et arguo primo quod sic, quia monachus in nullo casu est capax proprietatis: abdicatio enim proprietatis ita est regulæ monachorum annexa, quod contra eam papa dispensare non potest, ut dicitur Extrav. *De statu monachorum. Cum ad monasterium*. Sed monachus necessario utitur rebus usu consumptibilibus, sicut quando comedit et bibit. Ergo in talibus rebus potest usus licitus a proprietate seu dominio separari. Contra, in rebus ubi usus non est sine consumptione proprietatis, impossibile est esse jus in usu sine jure in proprietate: hoc patet, quia ex quo per usum consumitur proprietas, usus non erit licitus, nisi possim consumere licite proprietatem. Sed non possum licite consumere proprietatem sine potestate licita seu juris in proprietate. Ergo, etc. Sed in rebus usu

consumptibilibus non est usus sine consumptione proprietatis. Ergo in talibus rebus non potest usus a proprietate seu dominio separari ».

Subdit auctor varia rerum consumptibilium discrimina: alie nempe in sua natura et forma mutantur corruptaque in substantiam alentis vertuntur, ut alimenta; alie usu non quidem momentaneo, sed diuturno paulatim deteruntur, ut vestes: alie non ex ipso usu per se, sed per accidens, quia omnia terrena consenescent ac depereunt. Deinde loquens de iis, quæ mox absumuntur, ostendit in ipsis justum usum jure rei non orbatum: « Ille, inquit, qui potest per se rem licite transferre in alium non solum quantum ad usum, sed quantum ad proprietatem, habet jus necessario in re et in usu rei: hoc patet, quia nemo potest transferre pro se et nomine suo in alio quod ipse non habet. Sed qui utendo consumit rem, non minus transfert rem et alienat a quocumque, cujus ante fuit, quam qui per venditionem et donationem transfert in alium; imo magis, quia vendendo et donando adhuc manet res in propria forma, post talem autem consumptionem non. Ergo si talis per se licite utitur, necessario habet jus in re non solum in usu rei illius ». Distinguit deinde auctor usum rei statim consumptibilis completum et incompletum, et ubi justus usus rei incompletæ consumptæ incompletum est rei jus et dominium; et ubi justus usus completus pariter consumptæ rei completæ, completum jus sive completa proprietas. Tum concludit: « In rebus usu consumptibilibus non potest usus licitus separari a dominio in re seu proprietate rei. Ergo in talibus rebus non possunt fratres Minores nec alii habere usum nudum per proprietatis exclusionem: et ideo patet differentia inter res quæ non consumuntur usu, et eas quæ statim usu consumuntur; quia in rebus quæ non consumuntur usu, potest esse nudus usus per proprietatis exclusionem, licet non per omnis juris nudationem: sed in rebus quæ statim usu consumuntur, non potest esse usus licitus nudus per omnis juris nudationem, nec per proprietatis exclusionem.

« Ad principalem rationem dico, quod monachus non est capax proprietatis sic, quod de re possit disponere ad libitum: imo tamdiu potest dispensator monasterii vel monasterium rem ad usum concessum monacho revocare, donec usus sit inchoatus; et ideo non dicitur dominus, vel habere proprietatem. Sed in ipso usu, quia non potest esse sine consumptione proprietatis, ideo quantum conceditur monacho de usu in tali re, tantum sibi conceditur de proprietate; nec abdicatio talis proprietatis monacho est annexa: quare, etc. »

Ex his illustratur solutio difficultatis, quæ torsit ingenia plurium doctorum Catholicorum, qui Joannem, dum in rebus consumptibilibus ju-

¹ Ms. bibl. Vat. sign. num. 1869, pag. 34.

¹ Ms. 264, Vat. sign. num. 1869, pag. 56.

stium usum a jure et dominio rerum non separari in memorata Constitutione pronuntiavit, crasse in controversia ad fidem non spectante existimarent; inter quos numeratur Robertus cardinalis Bellarminus¹ hoc deceptus argumento: « Quia, inquit, esse dominum non est posse rem destruere quocumque modo: sed posse libere destruere quando, ubi, quomodo quis voluerit; et etiam donare, vendere, commutare, etc. Constat autem omnes veros religiosos habere usum panis quem comedunt et vini quod bibunt; nec tamen posse illa donare, vendere, mutare, projicere ». At ex hoc probatur tantum non haberi a religioso viro plenum et liberum dominium ante usum rei consumptibilis; non vero in ipsa consumptione, quod haberi constat, cum nulli alteri remaneat. ut demonstrat Pontificiæ Constitutionis propugnator² hoc argumento: « Si res illa, qua quis utitur, est alterius concedentis talem usum rei, aut concedit usum rei, nihil retento in re; aut concedit usum, retento dominio in re: si primo modo, sequitur quod concedens usum, concedit quicquid habet in re, et quantum ad usum et quantum ad jus: si autem ille, cujus dicitur res esse, concedit usum talem retento dominio, hoc est impossibile, quia in re consumpta non remanet jus alicui ». Refellit deinde objectionem ineptam, posse retineri jus abstrahendi ex ore, tum enim foret rei usus incompletus, atque ideo jus incompletum, subditque: « Patet quod monachus et filius familias et servus habent aliqual jus in rebus, quibus utuntur: sed quia non habent plenum jus et liberum nomine suo, ideo tales non dicuntur esse capaces simpliciter juris vel domini in rebus, sicut etiam in religionibus ».

Porro mirum non est, si in ea questione legali de distinctione juris ab usu justo rei consumptibilis plures Joannis mentem non sint assecuti, cujus non videre Commentarium: neque enim ut Pontifex ipse docet³, res consumptibilis pro tempore, antequam destruat, debet sumi; sed legaliter, uti etiam Nicolaus papa acceperat, nimirum pro ipsa consumptione, in qua jus ab usu distrahi non potest, nisi quis abutatur injuste (quod de Christo sentire impium esset) ut adversarii, qui simplicem usum facti sine ullo jure ipsi tribuebant, sentire voluerunt. Quod autem ad eam Constitutionis partem, in qua Joannes sanctionem, *Cum inter nonnullos* repetit; in ea cardinalis Bellarminus, cæterique pii omnes cum Joanne consentiunt, neque Herwartus Ludovicum Bavarum rite excusat cum Bellarminus Joannem in re metaphysica ad fidem non spectante immerito perstringat erroris: Ludovicus vero non in ea modo, quam ad fidem pertinere, cum pseudomonitoris falso contendebat; sed in alia, ad fidem spectante non sine magno rei Christianæ detrimento, im-

probissimorum hominum artibus incitatus in speciem amplexus sit. At de his hæcenus. Nunc reliqua hoc anno gesta prosequamur.

36. *Sardinia ab Alfonso Aragonio comparata.*

— Parta est hoc anno Sardinia ab Alfonso Aragonici sæpdi hærede, quam a Bonifacio VIII jure beneficiario una cum Corsica traditam Jacobo regi vidimus, ut Siciiliæ insulam Carolo II restitueret; sed nullo compendio, cum Fridericus frater illam tenuerit. Gesta varia in eo Sardonico bello prælia narrat Joannes Villanus⁴: denique pacem inter Pisanos et Aragonios ea lege initam, ut insula paretur Aragoniis. Cæterum Calarim in Pisanorum potestatem relictam, Mariana refert⁵: quibus addit Surita⁶, Petrum Ripacurtiæ comitem a Jacobo ad autam Pontificiam missum, qui ob gravissimos sumptus in eo bello profusos exposceret, ut ex annuo duorum millium marcharum Sardonico censu Pontifex, ad quem supremum insule spectat imperium, quingentas marchas, tum ex aliis stipendiis et oneribus mediam partem detraheret, atque a Jacobo rege et Alfonso superstilibus nullum vectigal exigere. Fœdissime hæc ingrati erga Sedem Apostolicam animi notæ non vulgari stupore Pontificem et collegium cardinalium detulere. Joannes tamen, ne a se Aragonium regem abalienaret, illiusque petitis aliqua ex parte annueret, ex liberalitate, non pacto, vel ulla sibi imposita lege, decennio vertente mille marchas annuas, ac submittendi militaris vectigalis mediæ partem remisit. Jacobum itaque Pontifex, revocatis in memoriam conventis⁷ cum Bonifacio VIII initis de solvendis duobus millibus marcharum, et centum equilibus et peditibus quingentis in castris Pontificiis regiis sumptibus trimestri sustentandis; et Caroli regis proposito exemplo, qui parta maximis sumptibus et laboribus Siciilia, octo millia unciarum auri Ecclesiæ summa fide persolvisset, hortatus est⁸, ut rem æqui consuleret.

« Charissimo in Christo filio Jacobo regi Aragonum illustri.

« Ad nostram nuper accedens præsentiam dilectus filius nobilis vir Petrus infans natus tuus comes Ripacurtiæ sub commissa sibi per litteras regias, quas nobis præsentavit, credentia pro parte tuæ celsitudinis prudenter exposuit coram nobis, quod tu, fili charissime, ac hæredes tui pro regno Sardinie et Corsicæ, quod felicis recordationis Bonifacius papa VIII prædecessor noster tibi et eisdem hæredibus donavit de fratribus suorum tunc S. R. E. cardinalium consilio et concessit, ab eadem Ecclesia et Romanis Pontificibus in perpetuum tenendum feudum sub homagio ligio et pleno vassallagio ac fidelitatis debite juramento, aliisque pactis et conditionibus in ejusdem prædecessoris litteris expressis plenius et contentis, ad censum

¹ Bellarm. l. iv. de Rom. Pont. c. 14. — ² Ms. bibl. Vat. sign. num. 4869, pag. 5. — ³ Jo. in Com. *Quia vir reprobos*.

⁴ Jo. Vill. l. ix. c. 239. — ⁵ Mariana l. iv. c. 18. — ⁶ Sur. l. vi. c. 50. — ⁷ Ext. Annot. tom. XIV. an. 1297, num. 2. etc. — ⁸ Tom. v. Ep. sæc. pag. 29.

annum duorum millium marcharum argenti bonorum et legalium sterlingorum, in festo beatorum Petri et Pauli Apostolorum, Romano Pontifici, ubicumque fuerit, et Romanae Ecclesiae annis singulis solvendum; ac militare praestandum servitium, centum videlicet equitum, cum uno equo ad arma et duobus equitibus ad minus pro quolibet, ad quingentorum peditum armatorum, quorum centum existant balistarii sufficienter muniti; qui vestris sumptibus infra Italiam semel in anno, quodcumque praedicta indigebit Ecclesia per trimestris temporis spatium a die, qua terram intrabunt Ecclesiae computandi, servire debeant Ecclesiae praebitate; mutandi nihilominus hujusmodi servitium in stolio galearum, seu vasorum maritimorum, dando per te et haeredes eosdem quinque galens armatas et munitas infra maritimam Italiae, dictis sumptibus per tempus praedictum tenendas, ac milites et pedites, vel galearum ipsarum stolium ultra tempus retinendi praedictum similibus gaggiis ad expensas Ecclesiae Romani Pontificis pro sua voluntatis arbitrio, libera potestate retenta, sicut in eisdem litteris plenius et serius continetur; existere noscimini effecit obligati.

« Cum autem praedicti regni, non absque gravi discrimine tuae gentis et importabili tibi profluvio expensarum per te noviter acquisiti, redditus et proventus adeo, sicut asseruit dictus comes, reperias tennes et exiles, quod ultra necessarias expensas faciendas ibidem parum aut nihil, quoad praesens, tibi poterit superesse de illis; nec speres etiam, quod tantum in futurum valeant, quantum valere praedictae concessionis tempore credebantur; reputaresque propter hoc non leviter te gravatum, si pro dicto regno tu et haeredes praedicti singulis annis solvere teneremini tantum censum; praefatus comes natus tuus tuo nomine nobis humiliter supplicavit, ut tibi super expensarum oneribus, quae te subire oportuit pro regni acquisitione praedicti, et aliis praedictis per eum propositis benigno compatiens affectu, duorum millium marcharum summam pro censu debiturum praedicto, ad quingentas marchas reducere, ac residuum dicti census, praedictique militaris servitii medietatem tibi et eisdem haeredibus remittere in perpetuum; quodque tu et dilectus filius nobilis vir Alphonsus primogenitus tuus, censum quingentarum marcharum hujusmodi, seu ejus partem, non teneremini solvere dum viveris, nec usque ad decem annos praestare hujusmodi militare servitium, vel galearum stolium vobis in dictarum expensarum relevamen et subsidium de benignitate solita concedere dignamur.

« Et licet praedicta petitio, quam diligenter audivimus, nobis et fratribus nostris S. R. E. cardinalibus, cum quibus plene deliberavimus super ea, grandem iniecerit, velut insolita, et alias inaudita, materiam admirandi; cum non legerimus,

nec sciverimus, quod unquam per aliquem praecessorum nostrorum Romanorum Pontificum cuiquam persona de censu Ecclesiae debito aliqua fuerit in toto, seu parte facta remissio in perpetuum, vel ad tempus, quanquam ex causis interdum legitimis, aliquibus fuerint solutionum termini prorogati: certum est enim, quod clare memoriae Carolus primus rex Siciliae non sine multa effusione sanguinis et excessiva expensarum magnitudine, regno Siciliae de manibus inimicorum Ecclesiae potenter erepto, ad octo millia unciarum de censu annuo pro dicto regno, de quo satis modicus census antea debebatur, semper Ecclesiae memoratae solvenda se ac haeredes suos efficaciter obligavit; de qua summa tam ipse, quam haeredes praedicti satisfecerunt statutis terminis usque modo, vel super solutione ipsius certis et iustis causis prorogationem impetrarunt aliquoties; inde tamen sibi nulla facta remissione in perpetuum vel ad tempus, et etiam non obstante, quod ad praesens per alios, magna pars regni defineatur praedicti; tamen ex sincere dilectionis affectu, quo te dictumque comitem supplicantem et domum tuam regiam prosequimur in visceribus charitatis, volentes, super his, quae secundum Deum possumus, tuam celsitudinem prosequi gratiose; eidem comiti de dictorum fratrum consilio duximus offerendum, nos medietatem duorum millium marcharum census et militaris servitii praedictorum usque ad decem annos proximos venturos, nullo tamen pacto nullaque conventionione adstricti, sed de nostra mera liberalitate et gratia speciali, tibi tuisque haeredibus in dictarum expensarum suffragium remissuros, dummodo comes praedictus recognoscendi nobis et Ecclesiae Romanae totum censum et militare servitium supradicta sub modis, formis et conditionibus contentis in litteris super dicta donatione confectis, et recipiendi dictam gratiam tuo nomine, ac ipsis expresse consentiendi, esset suffultus sufficienti regia potestate: adjecto tamen quod si tu et haeredes praedicti in solutione residuarum mille marcharum, in dicto termino festi beatorum Petri et Pauli Apostolorum facienda, forsitan cessaretis, remissioque de illis mille marchis facta esset, tam pro illo anno, quo cessatum fuisset a solutione praedicta, quam pro toto residuo temporis dictorum decem annorum, haberetur penitus pro non facta; quodque per praemissa pactis, conventionibus et obligationibus praedictis inter eandem Romanam Ecclesiam et te facta et stabilita non derogaretur in aliquo, quin potius in suo robore et efficacia permanerent.

« Verum praefatus comes, audita oblatione praedicta, et cum suo consilio deliberatione habita super ea, se non habere respondit super hoc potestatem: sed ipsam gratiam non respuens, nec admittens, ut tuam in hac parte posset consulere providentiam, per nos sibi petiti indulgeri: quod utique nobis gratum extitit et acceptum. Super quibus, fili dilectissime, proinde prospicias, quid

agendum : nos enim quæ sibi obtulerimus sub modis, conditionibus et forma prædictis, sumus adimplere parati. Cæterum ad hoc, quod ulterius de gravamine census et minori valore regni prædicti eadem petitiō continebat : de dictorum fratrum consilio duximus respondendum, quod licet pro tempore isto acquisitionis tam novæ futuri terrarum regni prædicti redditus nequeant aestimari, cum in novitate tanta multa expendere oporteat, et de quibus non erit necessarium in futurum ; intendimus tamen, prius informatione super his habita diligenti, cum eisdem fratribus opportuno tempore ordinare quod in hac parte fieri honeste poterit et debebit. Dat. Avin. XII. kal. Decembris anno ix ». De remissis ad decennium mille marchis ex Sardico censu, ac media copiarum stipendiariarum parte, meminit Surita ¹.

37. *Mortuo Sancio rege Majoricarum, ejus nepotis successoris tutelam suscipit Pontifex.* — Præterea tum regem Aragonum regni Blearici ad aulam Aragoniam et Ceritaniam, Russionem, Montepessulanum, Omeladesiam et Carladesiam occupandi armis consilia agitas, addit auctor ; cum ex avi Jacobi voluntate Sancii regis Majoricarum morte ad se devolvi viderentur, quippe nullos ex uxore liberos Sancius reliquerat : cumque Jacobus major natu frater vivo patre vitæ tranquillioris amore se ab omni ad sceptrum jura abdicasset, Philippus vero alter Sancii frater sacerdotalibus sacris esset initiatus ; Jacobus Ferdinandi filius, attributo Philippo tutore, successor testamento dictus est ², Jacobo vero Ferdinandus subrogatus, atque huic reges Aragonum substituti. In iis vero Blearici regni motibus, cum rex Aragonum cæteris regnis Balaeres insulas cæterosque principatus adjungere affectaret, Pontificem pupilli regis clientelam adversus Aragoni potentiam suscepisse constat ex litteris ad Carolum regem Francorum et comitem Valesium scriptis ³, quibus rogat, ut Jacobo regis Sancii nepoti et hæredi in Montipessulani principatus causa, aliarumque terrarum, Gallicæ aulæ vectigalium, quæ ad Sancium spectabant, studeret ; tum ex aliis ad sanctiorem Jacobi regis senatum datis ⁴.

« Consiliariis charissimi in Christo filii nostri Jacobi regis Majoricarum illustris.

« Fatali recolenda memoriæ Sancii regis Majoricarum audito nuper casu, de ipsius obitu velut illius, quem de brachiis Apostolicæ Sedis subtraxit Altissimus, nobis merito inde dolentibus, rationabiliter condolemus. Sed cum idem rex tanquam perfecte Catholicus migrans ad Dominum, ut firmiter credimus, pro istius peregrinationis exilio vel jam fruatur, vel sit fruendus in proximo patriæ gaudio sempiterno ; vobisque, sicut audivimus, et subjectis de charissimo in Christo filio nostro Jacobo rege Majoricarum illustri nepote

suo, ejus in dicto regno utique successore, pro- viderit licet impubere ; si ejus ætatis oplando proventui diviniæ gratiæ faverit incrementum, et alias quantum in se fuerit in consilio non defecerit salutare, adhuc auctore Deo tempore ac virtute proficiens, dicere poterit : Cum sederem quasi rex circumstante me exercitu, eram tunc mœrentium consolator ; ex utriusque considerationis intuitu, quasumus, ut cessantibus concepti doloris angustis, inde consolationis in Domino spiritum assumatis. Et quia rex ipse defunctus in ultimo testamento, seu codicillis ejusdem, dicto regi successori suo, ut præfetur, impuberi super salubri suo et dicti regni regimine de opportunis contutoribus certo modo dicitur ordinasse ; rogamus universitatem vestram et hortamur attente, quatenus tanquam diligentes statum prosperum præfatorum regis et regni, ordinationem hujusmodi servantes tenaciter et facientes, quantum in vobis fuerit, efficaciter observari, naturalem veræ fidei et devotionis affectum, quem ad patrum habui se noscimus, propagetis laudabiliter ad nepotem, velut illum de cuius successione rex ipse defunctus, sicut speramus in Domino, digne disposuit ; et quæ nobis imaginum stirpis regiæ dereliquit, etc. Dat. Avin. XI kal. Octobris, anno ix ».

Cæterum Jacobum regem Pontifex salubribus præceptis informavit, monuitque ¹ ut juventutem virtutibus assuesceret, atque Ecclesias tueretur : « Cum, inquit, Christus sic diligit Ecclesiam unicam sponsam suam, quod quis sibi nequaquam placere valet, nisi præfatam Ecclesiam devote studeat honorare ; regiam magnitudinem attentius exhortamur, quatenus Ecclesias et personas Ecclesiasticas pro divina reverentia semper habeas in honore ; sicque in devotione hujusmodi et aliis piis actibus tuam solidare studeas juventutem, quod dum ætatis provectionis fueris, et curis majoribus fueris occupatus, portes assueta suavius et in bonis operibus magis quotidie delectaris ; ut te in omnibus Domino dirigente, cuncta tibi succedant prospere, ac tandem æternæ beatitudinis præmium assequi merearis. Dat. Avin. VII kal. Novembris anno ix ».

38. *Ortas discordias inter Anglorum et Francorum reges componere studet Pontifex.* — Hoc anno erupisse inter Eduardum Anglorum et Carolum Francorum reg. graviores discordias, ex quibus in Aquitania atrox bellum accensum, et Angli magna illius ditioris parte Caroli Valesii armis depulsi, refert Walsinghamus ². Obstrictus erat Eduardus, ut more irajorum Aquitanicum ducatum et comitatum Pontiniacensem beneficio et auctoritate aulæ Gallicæ obtinere solemniter ritu profiteretur, et novo regi Carolo clientis officia deferret : cumque varias, ut illud onus excuteret,

¹ Sur. l. vi. c. 58. — ² Lib. vi. c. 57. — ³ Tom. v. p. 4. Ep. seer. pag. 2. — ⁴ Ibid. pag. 27.

¹ Tom. v. p. 1. Ep. seer. pag. 28. — ² Walsing. in Eduard. II. Polyd. Virg. xvii. in eod. Paul. Emil. in Carol. IV. Cagnu. in eod. et alii.

obtenderet causas bellique immineret terror, Pontifex tuenda inter eos concordiae sollicitus, Eduardum monuit ¹, ut Francorum regi clientele nomine fidem addiceret, omnesque dissidiorum causas amputaret.

« Joannes, etc. Eduardo regi Angliæ illustri.

« Cum homagium, quod charissimo in Christo filio nostro Carolo regi Francorum et Navarræ illustri pro ducatu Aquitanie rationabiliter debere assereris, dicaris nondum sibi juxta debitum præstitisse; nosque cupiamus utrinque, velut inter notabiles reges Catholicæ fidei et præclara generis affinitate conjunctos, Deo fragrantia, et tam utrique fructifera, quam subtilis pacis et concordie perennis aromata redolere, attento quod debita soluta præstantius duplicata vice fiunt recipientibus lætiora; excellentiam regiam affectuose rogamus, quatenus tam ad præmissa quam alia quæ inter te ac dictum regem nutritivæ pacis bonum et concordie sapiant, sic (fili charissime) disponas intentionem cordis et dirigas animi tui gressus, quod inter te ac dictum regem et utriusque subiectos antiquam sinceritatis massam alienius novæ discordie non corrumpat infectio; et apud Deum ac ipsam Sedem sæpe propterea dignis laudibus resonet famæ regie magnitudo. Dat. Avin. IV id. Martii, anno viii ».

Refert Walsinghamus ², indixisse Eduardum Londini solennes omnium regni ordinum conventus, ut deliberaret, an ad devinciendam regi Francorum fidem obtente jure fiduciario Aquitanicæ ditionis nomine ad Francorum aulam se conferret, cum jam sæpius ad præstandum illud officium judicio postulatus esset: Anglos vero in eam abisse sententiam, ut ipse iter non susceperet, sed prius solennes mitteret oratores, qui a Carolo rege blandirentur, ut ipsum ea vice officii illius religione liberaret; vel diem ad exhibendam clientelarem sponsonem constitutam extraheret: missos vero Edmundum comitem Cantuariensis regis Eduardi fratrem atque archiepiscopum Dublinensem ad aulam Gallicam, exceptosque perhonorifice; nil tamen impetrare precibus potuisse, ni prius commissam ante in Aquitanico ducatu adversus Francorum regis supremam auctoritatem expiata essent: exorta enim erant in Aquitania inclinante superiore anno inter Anglorum et Francorum regum administris discordiarum semina.

Pullularant ea culpa Radulphi Aquitanie præfecti, qui municipium S. Saerdotis ob provocationem ad Gallum regem, supremum Aquitanie dominum, editam flammis deleverat. Qua lacerata injuria Galli illum apud Montem Pisatum cinxere obsidione. Cujus belli cum levia quidem viderentur principia, sed formidandi exitus; Pontifex ab Eduardo contendit ³ ut cum ea, quæ a suis crudeliter in Aquitania gesta erant damnaret,

si quo modo in servata adversus ipsos judiciorum forma lesa esset dualis auctoritas, controversiam amicitia et æquitate cum Gallo rege componeret.

Avertit aures Pontificis monitis Eduardus: cum enim ipsius frater Edmundus Cantii comes in Gallica aula orator pacis studio assensisset, ut Radulphus discordie fax una cum sociis traderetur Gallis, ut in eos ageretur legibus, contra Dublinensis archiepiscopus consulendum esse Eduardum contenderet; accepta re Anglorum rex Edmundi fratris sententiam revocavit ⁴, ac suos tueri armis adversus Gallorum impetus constituit. Discessit itaque ab aula Gallica in Aquitaniam Edmundus Cantii comes ad eam defendendam; Carolus vero rex patrum Carolum Valesium valido succinctum exercitu immisit ad fiduciaras terras ab Anglo repetendas. Quo accepto Pontifex, qui sicuti ex concordie primis rumoribus magna fuerat lætitia debbitus, ita ex adversis consernatus, Francorum regem sollicitavit litteris ⁵, ne armorum vi, sed blando tractatu rem dirimeret, seque affinitatis nexu Eduardo conjunctum meminisset.

In medio interim belli ardore Joannes Guilelmum archiepiscopum Viennensem atque Hugonem episcopum Auriensem, ut concordiam urgerent IX kal. Septembris misit ⁶, instruxitque auctoritate ⁷ ad coitiones paci contrarias dissolvendas. Perfecit denum pluribus litteris Pontifex ⁸, ut Eduardus amplissimos oratores Wintoniensem et Norwicensem episcopos, Joannem e Britannia comitem Richemundie et Henricum e Bellomonte ad Carolum miserit, quem enixis rogavit ⁹ precibus, ut illius amore, in cujus adventu cælestes ab omni humana contagione segregate mentes præconia pacis cecinerunt; tum redintegrandæ Asiaticæ expeditionis, eo bello disturbande studio, ac proximæ cum Eduardi primogenito ex Isabella sorore nepote suo conjunctionis intuitu, paci animum accommodaret.

« Carolo regi Franciæ et Navarræ illustri.

« Exultavit cor nostrum in Domino per tuæ, fili charissime, magnificentie litteras his diebus præteritis intellecto, quod solennes nuntii charissimi in Christo filii nostri Eduardi regis Angliæ illustris ad tuam præsentiam destinati tecum conveniant super iis, quæ in partibus Vasconie per arresta tua fuerant ordinata: per quod probabiliter guerre materia prorsus videbatur esse sublata. Sed, prohi dolor! exultatio illa nimis cito evanuit per hoc quod fide digna relatione percepimus, quod qui promissa renebant præfati nuntii adimplere, ad exequendum armata manu arresta hujusmodi excellentia regia, et ad resistendum

¹ Tom. iv. p. 2. Ep. secr. xiv. — ² Walsing. in Edward II. — ³ Ead. pag. 45.

⁴ Walsing. in Edward II. — ⁵ Tom. iv. p. 2. Ep. secr. pag. 21 et 33. — ⁶ Ead. tom. iv. p. 2. Ep. secr. pag. 31. et tom. v. p. 1. Ep. secr. pag. 1. — ⁷ Tom. iv. pag. 2. Ep. secr. pag. 35. ibid. Ep. secr. pag. 41, 45, 46, 51, 52, 53 et tom. v. p. 1. Ep. secr. pag. 3 et 18. — ⁸ Ead. tom. v. pag. 4. — ⁹ Tom. iv. p. 2. Ep. secr. pag. 24.

præfati nuntii similiter se parebant. Et quia, filii charissime, sicut alias prudentiæ regiæ scripsimus, dissensio hujusmodi posset parere grande præjudicium negotiis arduis, quæ cepistis prosequi, vel etiam forsitan totaliter impedire, nec guerra cæpta sic prompte tractatus posset amicitialis recipi sicut aule; regalem providentiam adhuc rogamus attente sibi quæ sano consilio suademus, ut attentis dispendiis variis, quæ non solum circa præfata negotia, sed et circa alia, præcipue circa transmarium negotium, quod (ut asseris) cordi tuo insidet plurimum, possent sequi; quamque sit indecens et ab-urdum, principes tanta consanguinitate et affinitate conjunctos (qui sedebant multis fulcire prædiis et favoribus confovere, ac illa, quæ temporum diversitate contingit inter ipsos emergere quantumcumque gravia, quantumcumque difficilia tractatibus ordinare domesticis, et familiaribus colloctionibus expedire) sic ad invicem adversari; sic caute sic prudenter executionem hujusmodi differat, quod amicabilem tractatum non impediatis aliisque negotiis, ad quæ intendit magnificentia regiæ, non obstat. Et ecce nos regi præfato super hoc scribimus, sibi (ut expedire vidimus) efficaci ter suadendo, ut via resistentiæ facta prorsus omissa, ad vias justitiæ et tractatus amicitiales se convertat, responsum suum super hoc absque moræ dispendio præstolantes: quo habito, indilate celsitudinem tuam regium curabimus reddere certiore. Placrat quoque benevolentie regiæ nobis per suas innolescere litteras, quid super præmissis intendat, ut sic possimus circa præfatum negotium disponere provide quod viderimus expedire. Et quia tenemus indubie, quod tua, filii charissime, et dicti regis personalis præsentia esset pro sedanda dicta discordia plurimum opportuna, præfato regi per nostras litteras suademus, ut ad diem condiciam pro faciendo homagio, si non præterit, vel ad condicendam, si præterit, curet (si commode poterit) interesse; subjungentes quod tua providentia dare litteras de securo conductu obtulerat se paratam; quod, filii charissime, digneris facere, si fueris requisitus. Sic enim venerabilis frater noster Petrus episcopus Vivariensis te nobis retulit liberaliter concessisse. Dat. Avin. II kal. Julii an. viii ».

Adhibuit quoque Pontifex ¹ studium in revocandis ad mutuam pacem Eduardo principe Sabaudie cum Guigone delphino nec non Sabaudie ² principes et marchionem Salutarum, qui Pedemontio bellum intulerant Roberto regi, qui oratores ad Sedem Apostolicam pro iungendo fœdere miserat ³ conciliare nisus est. Propendebat in eam pacem Robertus rex, cum alia bella cogitaret: misere enim ad illum Veneti suos oratores, ut de Catholica re redintegrandâ in Græcia cum

ipso agitent. Sollicitati ¹ vero ad id bellum erant a Joanne principe Achaie, in quem cum Superantius ducale studium explicasset, illi ac senatui Veneto Pontifici gratias egit: aliisque litteris eodem die, nimirum VI kal. Novembris datis Guntinum (al. Galcherum) Brencensem ducem Athenarum, quem a Catalana societate Græcique schismaticis oppugnatum vidimus ipsis commendavit ².

39. *Andronicus Græcorum imperator metu Tartarorum de ejurando schismate agitât consilia.* — Irrupisse hoc anno mense Februario in Thraciam Tartaros Scythas et Gazaria et Russia cum innumero equitatu, atque ad Constantinopolim vastatis agris excurrere, scribit Joannes Villanus ³. S. Antoninus vero trecenta equitum millia adduxisse, remque non incredibilem ait ⁴, ac Græcorum centum quinquaginta millia vel necesse ferro, vel in servitutem adduxisse; hancque addit sententiam: « Justo autem Dei judicio, Græci sic flagellati sunt ab inimicis Dei scilicet infidelibus, quia ipsi Græci facti sunt inimici Dei diversis schismatibus et hæresibus, pluries ad veritatem redeuntibus, et cito ad vomitum revertentes ». Percussus his adversis Andronicus Græcorum imperator, cum etiam fama accepisset, Occidentales principes, qui instaurande in Syria Christianæ religionis consilia agitant, expeditionem ad imperium Constantinopolitanum illi eripiundum meditari; de revocandis ad Romanæ Ecclesiæ conjunctionem et obsequium Græci agere cepit. Quo felici rumore permobus Marinus Sanutus qui se suæque divini cultui in Syria redintegrandi devoverat, gratulatorias ad Andronicum ipsi litteras dedit ⁵, eique significavit se cum Roberto rege Siciliæ ac Gallis principibus et cardinalibus ac præsulibus egisse, ut Græcorum prætermisso imperio, arma in Syriam traderentur: seque etiam pacis cum Carolo Valesiorum duce, qui detalia ad imperium jura obtendebat, interpretem fore spondidit:

40. « Excellentissimo ac sapientissimo principi, ac suo domino, domino singulari domino Andronico Palliologo, Dei gratia imperatori Constantinopolitano, moderatori Romanorum magnifico et semper Augusto, Marinus Sanutus, dictus Torcellus, de Venetiis, seipsum humiliter ad omnia imperialia beneplacita et mandata.

« Noverit vestrum magnificum imperium, quod diligo et dilexi, me fuisse satis longo tempore in Romana curia, et tandem in curia magnifici domini regis Franciæ pro tractandis et ordinandis opportunis negotiis Terræ-Sanctæ: et a viris religiosis, qui venerant de vestro imperio, et præcipue a domino episcopo Cyphensi, intellexi de vestra imperiali sapientia et fide ac voluntate boni, quam ad unionem Ecclesiarum habetis. De quo

¹ An. 9. p. 1. Ep. cur. 1. et Rom. v. p. 2. Ep. secr. pag. 61. — ² Tom. iv. p. 2. Ep. secr. pag. 86, 87. — ³ Tom. v. p. 1. Ep. secr. pag. 61.

⁴ Tom. v. p. 1. Ep. secr. pag. 99. — ⁵ Ibid. pag. 100. — ⁶ Vill. l. ix. c. 241. — ⁷ Aut. lit. p. tit. xxi. c. 5. § 9. — ⁸ Sanut. Ep. vii.

cor meum fuit et est non modicum hilaratum, cognoscens quod Ecclesiarum unio est complementum passagii Terræ-Sanctæ: nec scio majus bonum posse fieri in hoc mundo, quam Ecclesias reunire. Propterea frequenter colloquium hujusmodi cum pluribus dominis cardinalibus, et cum excellenti domino rege Roberto, et cum aliquibus principibus regni Franciæ, et etiam cum domino Petro de Via nepote domini patris; et maxime cum nobilissimo domino Guillelmo comite Hanoniæ, Vlandiæ et Zelandiæ ac Frisiæ domino, genero domini Caroli, et cum domino Gualterio de Castillione comite Porzani et comestabulo Franciæ, et cum domino Roberto comite Bononiæ et Alverniæ, de negotio supradicto; qui pro magna parte regunt et ordinant ipsum regnum: ac etiam colloquium habui cum prælatis de multis quæ tangunt honorem et securitatem vestri imperii, et reperi multos prædictorum habere optimam voluntatem. Et ideo propter Dei honorem et utilitatem fidei, et amorem specialem vestri magni imperii offero me, si opportunum vobis videbitur, tractare et laborare secundum meam possibilitatem pro prædicta unione Ecclesiarum, et pace ac concordia cum sancta Romana Ecclesia, et cum excellenti domino Carolo ac cæteris personis, quibus vestræ magnificæ prudentiæ videbitur opportunum. Plura alia explicavi de ista materia domino fratri Hieronymo episcopo Caphensi, quæ oretenus vestræ majestati poterit explicare ».

41. Cum discessurus etiam esset ex aula Pontificia Caphensis episcopus, illum Marinus Sanutus rogavit ¹, ut Andronicum imperatorem faceret certior, ipsum ad asserendum illi imperium pluribus egisse cum Occidentalibus principibus, ne arma verterent in Græcos: licet enim eorum imperium everti posset, haud tamen ob gentes efferas, quibus cinctum erat, diu servari posse; et quamvis subderentur jugo Græci, a schismate non recessuros, ut de Cypriis, Cretensibus, Eubœis, Atheniensibus et Achivis constabat: neque ad divinam gloriam amplificandam quid utilius excogitari posse, quam si imperator et patriarcha sponte Romanæ Ecclesiæ se aggregarent; magna enim exinde subsidia ad Palestinam et Mahumetanam tyrannidem vindicandam comparatum iri: « Via, inquit, per quam potest Ecclesia reuniri, ut mihi videtur, esset habere magnificam personam suam una cum suo patriarcha, et cæteros etiam de domo sua: propter quod omnes ipsius subditi et alii, sicut Rutheni et Exagoræ, et regnum Servie, et Zorzani (Georgiani) et alii, qui sunt sub dominio Francorum (Alaunorum), Tartarorum, Turcorum et sub dominio soldani Babylonici, erunt obediens Ecclesiæ Romanæ; quod quidem esset maximum bonum pro reuniendis Ecclesiis, et securum pro gente sui imperii, tam pro anima quam pro corpore ». Certatum est ² magna con-

tentione in arcanis consiliis regum ac principum, an per Constantinopolitanum imperium exercitus in Saracenos traducendus esset, an maritimo itinere classe instructa in soldani terras irrumpendum: sed nullus pedem movit.

42. *Oratores Armeni pro Asiatica expeditione sollicitanda, quam litteris fovet Pontifex.* — Quod ad Asiaticas res spectat, Leo Armeniæ rex amplissimos oratores Basilium Tarsensem archiepiscopum atque auratos equites Aythorum, Manuzac et Balduinum in Occidentem ad imploranda auxilia, miserumque Orientalium Christianorum statum experimendum misit: qui cum ad Carolum Francorum regem se contulissent, Pontifex ipsos illi enixe datis nonis Maii litteris commendavit ¹, rogavitque ² Carolum Valesiorum, Ludovicum Clarimontis comites, Alfonsumque Hispanum in aula regia auctoritate florentissimos, ut operam suam in ea re collocarent. Meminit de hac legatione Marinus Sanutus, vir ardentissimo zelo pro urgendo bello sacro præditus, qui libros ac membranas cosmographicas Pontifici obtulit, quibus regionis situm, ac bellandi rationem explicabat, Armenosque oratores denisse ei commendavit ³ calamitatesque ab impiis acceptas his verbis describit: « Vivunt sub tributis intolerabilibus, quæ infidelibus profanis persolvunt, et innumerabilibus angustiis aliis cum timoribus continuis comprimuntur: quod licet jam habeant licentiam a soldano reædificandi terram de Lajaza cum castro suo de terra, non tamen permittitur eis reædificare castrum de mari, cujus reædificatio eis pernecessaria judicatur. Remedium contra ista mala est vestra sanctitas singulare, si dignetur præcipere, diligentem maris custodiam fieri per fideles ». Et infra: « Et per consequens per defensionem custodiæ antedictæ reædificaret rex Armeniæ castrum de mari, quantumcumque soldanus impie reclamaret. Maximum vero miraculum fuit quod Redemptor noster amissis terris de Lajaza, ac castris tam de terra quam de mari regni Armeniæ, residuum conservavit: unde videtur quod divina clementia illam partem servare disposuit, ne Christiani de recuperatione, si tota fuisset perdita, desperarent: et partem prædictam aliam ab infidelibus occupari permisit, ut saltem propter poenam damni passi fideles circa maris custodiam, quam prius suam per ignaviam neglexerant, de mandato ac ordinatione clementissimæ vestræ celsitudinis diligentius vigilarent, etc. Datum Venetiis, anno Domini nostri Jesu Christi mcccxxiv, de mense Decembris ».

43. Diuturnæ Pontificis cum Ludovico Bavaro dissensiones, Italorum factiones, Francorum in suscipiendis cum finitimis bellis ardor, ac bellandi pro Christo post nuncupata toties vota segnitie consilia de Asiatica expeditione confregere. Ne

¹ Sanut. Ep. VIII. — ² Superiori Epist.

¹ Tom. IV, p. 2. Ep. secr. pag. 25. — ² Ibid. post eand. Ep. — ³ Sanut. Ep. VIII.

lamen conjicerentur omnino in desperationem Armeni, Joannes archidiacono Beneventano Sedis Apostolicæ nuntio, et Aymerico episcopo Paphusi provinciam V. id. Augusti commisit ¹, ut pro Armenia et Christianorum earum partium tutiōne triginta aureorum millia numerarent; ac Leonem Armeniæ regem ad regnum strenue propugnandum est adhortatus ². Tum Henricum ³ Cypri regem ad reprimendam detestabilem eorum avaritiam, qui merces Saracenis inveharent, e quibus præferociores infideles efficerentur, excitavit: in quos etiam gravissimas penas statuit, superiori anno discipulantesque in ea re peccatum non committi, damnavit erroris: ⁴

44. « Quia, inquit, sicut gravi insinuatione percipimus, nonnulli solo dumtaxat nomine Christiani in illum errorem ausu damnabili præsumperunt prorumpere et præsumunt, ut pertinaciter asserant et affirmant ab illarum rerum commercio et negotiorum exercitio fore solummodo abstinendum: quæ dumtaxat in præfatis Conciliis (Lateranensi nempe et Lugdunensi), prohibentur mendaciter; quinimo damnabiliter adstruentes contra Constitutiones prædictas vidualia et alia quæcumque mercimonia, præter dicta prohibita in Conciliis supradictis in Alexandriam, vel alia loca Saracenorum terræ Ægypti deferre vel mittere non esse peccatum, per affirmationem erroris hujusmodi pertinacem se et alios eorum imitantes errores, in peccatorum faciem et labem pravitatis hæreticæ immergentes; nos eorumdem prædecessorum in hac parte vestigiis inherentes, tantoque super præmissis providere solertius cupientes, quanto magis hoc exigere noscit negotium fidei et urgens necessitas dicte Terræ, quæ ab eisdem prædecessoribus Nicolao, Bonifacio et Clemente super præmissis, ut prædicatur, facta sunt, grata habentes et rata, illa auctoritate Apostolica approbamus et innovamus, et præsentis scripti pagina communimus, eaque præcipimus inconcusse et inviolabiliter observari; damnautes et reprobantes errorem eorum, qui adstruere vel affirmare contendunt, vidualia et alia quæcumque mercimonia, præter prohibita in eisdem Conciliis, in Alexandriam vel alia loca Saracenorum terræ Ægypti deferre vel mittere non esse peccatum: ac decernentes eosdem tanquam hæreticos puniendos; cum non sit dubium in damnatam incidere hæresim affirmatores vel assertores erroris hujusmodi pertinaces. Nulli ergo, etc. Dat. Avin. nonis Septembris, an. viii.». Erepto e vivis Petro patriarcha Hierosolymitano, Pontifex Raimundum Dominicane familiæ virum religiosum eo titulo exornavit ⁵, eique contulit ⁶ Nimociensis Ecclesiæ administrationem, cum Jerosolymis ob infidelium tyrannidem sedere non posset. Tum ea instruxit

auctoritate ⁷, ut in Avenionensi vel aliis urbibus ac locis de censibus ad patriarchatum Hierosolymitanum spectantibus cognoscere posset; denique ipsum a Gulielmo episcopo Sabiniensi sacrari, et pallio a Neapolitane Ecclesiæ S. Adriani, Luca S. Mariæ in Via-Lata, ac Bertrando S. Mariæ in Aquiro diaconis cardinalibus ornari, fideique sacramento adigi jussit ⁸: fa laque abeundi potestate, clero Hierosolymitano et Henrico regi Cyprii eum commendavit.

45. *Missi Lithuaniam legati pro fide amplificanda, quos regi litteris parvaneis commendat Pontifex.* — Nec consultum modo est a Pontifice Asiæ, verum Septentrioni, in quo amplissima gentes infidelitatis gelu constrictæ hactenus, divini amoris ardore vise sunt colliquescere. Ad quas fide orthodoxa imbuendas decreti sunt ⁹ Apostolici nuntii Bartholomæus episcopus Electensis et Bernardus abbas monasterii S. Theofredi Ancienensis diocesis, quibus data provincia est ¹⁰, ut ex omnibus religiosis ordinibus viros pietate ac doctrina insignes in laboris et gloriæ promulgandi apud Lithuanos et Ruthenos Evangelii societatem adsciscerent. Gedominius enim Lotwinorum sive Lithuanorum rex, de cujus agitata ad fidem conversione historiam superiori anno delibavimus, ad Romanum Pontificem ut supremum Christianorum sacerdotum principem litteras dederat, quibus se divino instinctu spiritu, ut in filiorum Dei numerum accederet, significarat. Legatis itaque collata est subjectis litteris amplissima auctoritas ad religionem Christianam in ipsius regno propagandam.

46. « Joannes, etc. Vobis auctoritatem concedimus ut in terris illarum partium convertendarum ad fidei Catholice veritatem proponere verbum Dei; et constitutis ibidem, non obstante si aliqui fuerint majori excommunicatione ligati, in verbo, officio, cibo ac in aliis honestis et licitis communicare secure, ipsosque seu alios, quos converti ad veritatem fidei Christianæ affectamus recipere, baptizare, aggregare ovili fidelium valeatis; in his omnibus per vos, vel alium, seu alios exequendis pari in omnibus potestate functuri nisi in iis, quæ ordinis episcopalis existunt, et auctoritatem pontificalis exigunt dignitatis, quæ per te, frater episcopo, volumus exerceri. Liceat quoque personis dudum sacro Baptismate delibutis, redeuntibus ad fidei veræ lumen et obedientiam dicte Sedis, majori excommunicatione ligatis, absolutionis beneficium juxta formam Ecclesiæ impertiri: ac etiam dispensare, ut redeuntes de schismaticis ad Ecclesiæ Catholice unitatem inter suos, si voluerint, valeant habitare, eisque communicare sine contumelia Creatoris; et quod clerici nationum ipsarum, publice ad dicte Sedis obedientiam

¹ Tom. IV. p. 2. Ep. secr. pag. 89, 90. — ² Ebd. pag. 89. — ³ Ibid. pag. 91. — ⁴ An. 8. p. 1. Ep. cur. I. — ⁵ An. 8. p. 2. Ep. com. MCLXIX. — ⁶ Ibid. Ep. MCLXX.

⁷ An. 9. p. 1. Ep. com. CCLXXVII. — ⁸ An. 8. p. 2. Ep. com. MCDXL. — ⁹ An. 8. p. 1. Ep. cur. XI. — ¹⁰ An. 8. p. 1. Ep. cur. XXVI.

redeuntes, gaudeant privilegio clericali (1) v.

47. Ornavit ipsos pluribus aliis praerogativis, quo rem Catholicam augere ac divinum cultum amplificare possent. Tum auctoritate munivit, ut pristino statui praeceptorum temporum injuria collapsas episcopales sedes ac metropoles restituerent, vel novas excitarent, praeficerent idoneos pastores in urbibus atque oppidis, religiosas familias admitterent, conferrent indulgentiarum praemia, commutarent vota exceptis religiosis, continentiae ac peregrinationis ultramarinae: tum auctoritate Apostolica rata haberent eorum matrimonia, qui in schismate in tertio vel quarto consanguinitatis gradu contraxissent, atque Ecclesiae se aggregarent. Praescripta quoque fidei formula, quam Romana proficitur Ecclesia, in eaque ipsos Gedominium regem ac Lithuanos erudire jussit. Praetermittenda vero hic nobis visa est, cum eisdem verbis, atque ea, quam ad Palaeologum imperatorem, Gracos et Armenos transmissam vidimus, concepta sit.

Commendavit eodem lezatos Pontifex Lithuaniae, atque amphissinae Russiae partis regi, gratulatusque est ipsum divino afflatum spiritu unicam divinitatem, personarumque triadem; Romanum vero Pontificem Christi in terris vicarium, a cujus Sede fidei orthodoxae puritas petenda sit, agnovisse. Cum vero graves de cruciferis equitibus querelas attulisset, qui etiam olim adeo Mindavum regem oppresserant, ut illum ac Lithuanos post suscepta Christiana sacra ad veterem superstitionem desciscendi causam dederint, quos quidem e Longino diximus Lithuaniae supremum imperium affectasse, cum illud Mindavus in ipsos Baptismo rite Instratus obtenta ab Alexandro IV regia corona transfudisset; Gedominio Joannes est pollicitus, ad componendas eas controversias curas se adhibiturum, ipsumque ac Lithuanos ac Ruthenos paterno studio complexurum:

48. « Excellenti et magnifico viro Gedomunne, Letviorum et multorum Ruthenorum regi illustri, Deum colere et timere.

« Missa nobis tuae magnitudinis littera devotione referta, verbisque succincta, grata nimirum nostris ac fratrum nostrorum S. R. E. cardinalium venit affectibus; in qua dum tuam devotionem attendimus, dum advertimus salvationis tuae salubre propositum, dum illum, quem ad Deum

ac nos et Romanam Ecclesiam te gerere asseris devotionis affectum intentae meditationis intuitu contemplamur, auditui nostro gaudi et laetitiae materiam praebuisti. Post primum quidem tunc grate salutationis alloquium, in ipsius primordio littere subjunxisti, quod omnes fidei Christianae cultores auctoritati nostrae debent esse subiecti, quodque tota fides Catholica juxta provisionem Romanae Ecclesiae gubernatur; declarans nobis, quod quondam praedecessor tuus rex Mindonne, cum toto suo regno fuit ad fidem Christi conversus: sed propter atroces et innumerabiles injurias dilectorum filiorum magistri et fratrum Ordinis S. Mariae Theutonicorum Jerosolymitanorum a fide hujusmodi recesserunt et in errorem pristinum sunt relapsi, sicut et te oportet propterea usque ad hodiernum diem, licet invitum, in errore hujusmodi permanere; ac subsequenter quamplures articulos contra eosdem magistrum et fratres in eisdem litteris annotasti, multorum gravaminum, injuriarum excessuum expressivos; subneclens, quod tu nequaquam Christianos impugnas tantquam fidem velis destruere Christianam, sed defendis te ab inimicis tuis, ut faciant reges et principes alii Christiani; et quod Praedicatorum et Minorum Ordinum fratres tecum habes, quibus commissisti et licentiam dedisti liberam, ut baptizent, praedicent et informant Christianum populum et etiam infideles, ut ad omnipotentem Deum et Dominum convertantur. Supplicasti denique nobis, ut ad statum tuum flebilem attendere dignemur, quia paratus es nobis in omnibus, sicut ceteri reges Catholici, obedire ac fidem recipere orthodoxam; dummodo praedictis magistro et fratribus in ullo penitus tenearis; eligens nos dictosque fratres nostros praedictae Romanae Ecclesiae cardinales cum filiis tuis praesentibus et futuris in partes, ac iterato supplicans, ut venerabilem fratrem nostrum Fredericum archiepiscopum Rigensem una cum legato nostro et Apostolicae Sedis ad te ad partes illas pro facienda pace, ac terminis disponendis mittere dignaremur.

« Consequenter post aliqualis decursum temporis profusae devotionis odore secundae litterae, quas nobis tua excellentia destinavit, exultationem et gaudium super eo nobis et eisdem fratribus nostris uberrima cumularunt, quod tu et alii principes omnes et barones regni tui, perseverantes laudabiliter in praemissis, circa nos et eandem Ecclesiam te et ipsos plena sinceritate conspicuos indicarunt: illum in persona tua influentes obedientiae reverentis haberi spiritum,

¹ An. 8. p. 1. Ep. xix. — ² Ext. in tom. xiv. An. an. Chr. 1267. num. 44 etc. et an. 1318 num. 16. — ³ An. 8. p. 1. Ep. xiv. — ⁴ An. Chr. 1235. num. 58. — ⁵ Ibid. — ⁶ Sup. Ep. chr. xiv. Ext. etiam in Ms. arch. Vat. de reb. ind. et schism. pag. 16.

(1) Quae hic ab annalista recitantur Joannis litterae ad Bartholomeum Eleonensem et Bernardum abbatem extant pariter in Anecdotis Martenii tom. I, col. 1319. Sed ibi nec integrae afferuntur, nec in anni adscriptione sincere. Nam datae leguntur *Armeniae kalendis Junii, Pontificatus anno primo*. Hanc anni adscriptionem nemo non esse ex eo colligo, quod in Registro Episcoporum Joannis ad annum ejus viii, Epistola haec referatur, ut ex annalista hic deduxisse mihi videor, cum in litteris hoc anno a Joanne ad illos datis contineri dicat fidei confessi nem quem Romana Ecclesia prohibetur. Haec etiam in litteris a Martenio vulgatis recurrit, insuper in eisdem Martenii litteris narrat Joannes se receptis litteris a Gedominio Lithuanorum rege accepisse. Vix credo in ipso initio, Pontificatus anno priori, regebus ab eodem rege litteras exceptisse. Facilius confissemur illi potuit anno Pontificatus sui octavo. Quin et ex litteris ejusdem Joannis ad Gedominium non ante praesentem vel praecedentem annum secundum ejus regis litteras Pontifici redditas intelligimus; ex quo plane deducimus litteras a Martenio vulgatas, non ante hunc annum Joannis octavum datas fuisse.

tibi ut credimus, non sine divinæ clementiæ dono concessum, prout in earundem litterarum principio annotatur, quod ex illustratione divina te asseris, unum esse Deum Patrem, et Filium et Spiritum sanctum : et hoc firmiter credis et tenes, noscens ab eodem Deo vivo et vero nos pastorem et gubernatorem salvandorum omnium constitutum, ut quidquid ligaverimus et solverimus in cælo et in terra, ab altissimo Iudice ratum maneat. Multa insuper grata nostrisque accepta propositis earundem tenor continet litterarum, quæ inserere præsentibus causa omittimus brevitalis.

49. « Nos igitur, tam primis quam secundis huiusmodi litteris, debita cum eisdem fratribus nostris attentione discussis, Deo Patri omnipotenti (a quo bona omnia procedunt, in cuius manu regum corda consistunt, cui etiam quæcumque vult illa sine obice difficultatis inclinat) multimodas gratiarum retulimus actiones pro eo, quod Spiritus sancti gratia videtur mentales tuas oculos sui fulgore radii illustrasse ac ostendisse tibi viam Catholice veritatis ; ut regalis providentia reformet salubriter fidem ipsam Catholicam, quam prædecessor tuus prædictus cum suo regno suscepit, licet ab ea deficientes postmodum damnabiliter in errorem pristinum laberentur, ut tuæ litteræ continebant ; præsertim cum et nostrum ex hoc, et ipsius Ecclesiæ hoc expectemus magnum et salutare desiderium adimplendum, si viderimus eandem Ecclesiam multiplicatæ prolis fœtu conerescere, variasque gentium nationes, sub ejusdem fidei observantia in unum acceptabilem Christo populum congregatas, in domo Domini habitare.

« Hanc utique domum, unam videlicet Ecclesiam sibi ex gentibus congregatam, non habentem maculam neque rugam, Dominus noster elegit, juxta quod legitur in Canticis canticorum : *Una est sponsa mea, electa mea, immaculata mea*. Ipse quoque Dominus unum esse ovile ovium et unum pastorem, in Evangelio protestatur : et in Apostolorum Symbolo unam esse Catholicam et Apostolicam Ecclesiam fides Catholica profitetur. Hanc autem Dominus Jesus Christus in semetipso lapide angulari iundavit : hanc et sui pretiosi sanguinis effusione redemit ; cuius magisterium Apostolorum principi B. Petro vicario suo, et per ipsum suis successoribus, singularis privilegii prærogativa commisit : *Tu es, inquit, Petrus, et super hanc petram ædificabo Ecclesiam meam* ; et cum ille post suam resurrectionem verbo tertio repetito dixisset : *Pasce oves meas*. Pro cuius etiam fide se orasse fatetur, loquens ad eum in Evangelio : *Ego pro te rogavi, Petre, ut non deficiat fides tua : et tu aliquando conversus confirma fratres tuos*. Ac ut ejusdem Apostolorum principis suorumque successorum universalis Ecclesiæ esset auctoritas et introducendi in regnum cælorum indubitata potestas, ad eundem dixit : *Tibi dabo*

claves regni cælorum, et quodcumque ligaveris super terram, erit ligatum et in cælis : et quodcumque solveris super terram, erit solutum et in cælis.

« Qui ergo se ad huiusmodi ovile, et sub ejusdem pastoris cura reduxerint, ac sub ejus doctrina et magisterio cursum vite peregerint, salvationis gratiam merebuntur ; qui vero ab eis deviarint, damnationis sententia ferientur. Et ideo paterno desideramus affectu, ut salutis tuæ vitæ dispendio, electorum aggregari consortio merearis ; et quæ credit, tenet et servat eadem Romana mater Ecclesia (deletis omnino schismaticorum erroribus, in quorum observatione deviat a via Incis et panditur iter ad tenebras) veræ conversionis et conversationis gratiam amplectaris. Hinc est quod nos ad venerabilem fratrem nostrum Bartholomæum Electensem episcopum, et dilectum filium Bernardum abbatem monasterii S. Theofredi Aniciensis diocesis, viros utique litterarum scientia præditos, vitæ et conversatione laudabiles, et gratiam Evangelicæ prædicationis habentes, nobisque propterea ac dictis fratribus acceptos, dirigentes oculos mentis nostræ ; ipsos ad te ac partes tueditioni subjectas de ipsorum fratrum consilio ut nostros et dictæ Sedis nuntios duximus specialiter destinandos, ut tibi ac regno tuo evangelizent et prædicent Deum et Dominum nostrum Jesum Christum ; vesque in orthodoxæ ac sanctæ Catholice et Apostolicæ Romanæ Ecclesiæ fidei veritate salubriter instruant et informant ; quatenus ipsum Dei Filium Jesum Christum tu et gens tua salutaribus eorum eruditionibus agnoscentes, Baptismi, qui nondum illo forsân renati estis, purificari mereamini in sacramento ; ac suum gloriosum nomen Christianæ fidei observantia colatis.

50. « Cæterum quod super memoratis articulis, in prædictis primis ac secundis litteris etiam contra dictos magistrum et fratres expositis, ad nos dictosque cardinales fratres nostros habuisti recursum ; nos attendentes, quod ex recta confidentia et pura devotione procedit, quod nostrum et ipsius Ecclesiæ subire in illis iudicium non recusas, et imploras auxilium confidenter, ejus obedientiæ te submittere ; eisdem magistro et fratribus, te post susceptionem ejusdem fidei ad gremium ejusdem Ecclesiæ redeunte, nostris dabimus litteris in mandatis, et faciemus, auctore Domino, per circumspectam Apostolicæ Sedis providentiam, quod ab huiusmodi molestiis, damnis et injuriis tibi de cætero inferendis penitus respiciant ; tecumque fraterne tenentur vivere et in pace, sine qua non congrue colitur pacis auctor. Et nihilominus, cum simus omnibus, secundum Apostolum, in justitia debitores, super huiusmodi articulis, causis et quæstionibus, quos et quas cum dictis magistro et fratribus, vel adversus eos te habere proponis, post tuæ felicis conversionis auspiciis adeo favorabilis justitiæ plenitudinem ac defensionis præsidium tibi tuisque natis et

regno exhibere proponimus, quod tu, qui nos dictosque cardinales fratres nostros in patres cum eisdem filiis tuis, ut praemittitur, elegisti, merito gaudere poteris tales elegisse patres; teque in nobis et praedicta Romana Ecclesia id quod in patris et matris auxilio reperire speraveras, invenisse. Sed et memoratis episcopo et abbati dedimus in mandatis, ut omnia inter te dictosque magistrum et fratres in dictis partibus agere studeant et tractare, quæ ad cultum et laudem Dei, exaltationem Catholicæ fidei, honorem Apostolicæ Sedis, relevationem Ecclesiarum et pauperum, animarum salutem et corporum pertinebant.

« Ideoque magnificentiam tuam rogamus, monemus et hortamur attente, quatenus eosdem episcopum et abbatem pro divina dictæ Apostolicæ Sedis ac nostra reverentia, imo potius nos in ipsis benigne recipiis, et honeste pertractans, eorum salubribus monitis acquiescas; sisque Christianis Catholicis, qui apud te degunt, pius et misericors, benevolus et benignus; et permittas, quod iidem episcopus et abbas alique personæ idoneæ, gratiam Evangelicæ prædicationis habentes, quas ad hujusmodi prædicationis officium duxerint assumendas, Christianis eisdem aliisque infidelibus tibi subditis evangelizare libere valeant Jesum Christum. Dat. Avinionæ ».

51. *Rex Lithuaniae in idololatria permanet.* — Ad Lithuanos Ruthenosque, ad fidem Catholicam redeuntes, arctiori vinculo Ecclesiæ adstringendos, Theutonicos equites religiosos, qui atroci ipsos diutius bello afflixerant, ab inferenda illis ulla molestia abducere studuit. Significavit igitur, ut Gedeminnus rex divino radio a Patre luminum, a quo omne donum optimum et omne donum perfectum descendit, collustratus Christianam fidem suscepisset, suaque Apost. Sedi obsequia detulisset, atque adeo ad ipsius subditos in Evangelicam lucem adducendos episcopum Electensem atque abbatem Bertrandum mitti flagitasset. Ne vero res disturbaretur, ipsos ad componendas omnes controversias, quæ cum eodem rege ipsis intercederent, est adhortatus ¹.

52. Interea confirmatæ sunt a Pontifice ² hoc anno fœderis inter Gedeminnium et Livones Vilmæ initi superiori anno leges, ac fœdifragis censurarum incussa religio. Refrinxisse porro in egregie ceptis pium Gedeminnii ardorem, atque in veteribus tenebris involutum hæsisse, refert Crantzius his verbis ³: « Nihil cunctatus Pontifex annuit postulatis, mittens episcopum cum abbate et clero competentem: qui ubi in Livoniam pervenere, perducti sunt, annitente archiepiscopo Rigensi (is erat Fridericus) memorato, in conspectum Lithuanicæ principis. Exposito legationis suæ mandato, cum barbarus vir jam animum mutasset, in hanc sententiam fertur respondisse: Papam vestrum nec

novi nec nosse cupio. Fidem ac religionem, quam paterna traditione accepi, in ea permanebo, certans pro illa a sanguine usque ad mortem. Legati ubi audiverunt, defectis in terram frontibus, non latè redierunt, tantum itineris, tantum periculorum per mare, per terras emensi: sic se res habet. Antiquus ille hostis princeps tenebrarum, Ægypti tyrannus Pharaon non dimittit populum Domini, nisi in manu forti ». Sequenti porro anno Gedeminnus regem filiam Wladislai Lokteki regis Poloniæ filio Casimiro, dimissis pro dote captivis Polonis junxisse, illamque solemni ritu in Cracoviensi templo baptismalibus sacris initiatam Annæ nomen accepisse, tradunt auctores ⁴. Sanctum inde inter Polonos et Lithuanos fœdus, ac finitimas provincias, quæ Lithuanico bello continuè fœdæte excursionibus atque in solitudinem redactæ fuerant, revocatis colonis excoli ac reflorescere cœpisse, tum utrumque a lversus cruciferorum fœderatos excursiones fecisse; demum divina ultione peritæ Gedeminnium, cæsumque ad Plescoviam a Polono equite, refert Crantzius ⁵, qui tamen Davidem illum vocat.

53. *Crimina objecta equitibus cruciferis, et Poloniae region obsequiosæ litteræ ad Pontificem.*

— Cum equitum cruciferorum Livoniæ ac Theutonico-rum hospitaliariorum Sanctæ Mariæ Jerosolymitanorum Ordo gravissimorum criminum, ob quæ ad Sedis Apostolicæ tribunal supremus illius magister atque alii inferiores præfecti exciti erant, infanti suspicione laboraret; quæ tamen equites illi negabant constantè, ac se illorum labe puros, ac immunes contendebant; Pontifex, ut rei Christianæ consuleret, singulis accusationum capitulis in medium adductis contraria remedia apposuit ⁶. Ordinisque procuratores sacramento adegit, imperia Apostolica ipsos religiosissime servaturos. Objectum ergo ipsis fuerat, arceri ab illis præcones Evangelicos, sive religiosos sæcularesve, ne populis, veteris superstitionis tenebris involutis, Evangelii lucem inferrent, eosque sacris concionibus ad Christi cultum traducerent; cumque per eorum terras iter habendum esset, securitati ipsorum cavere recusasse: præterea neophytos, quos paterna complecti benevolentia, ac singularibus studiis prosequi debuissent, ut alios ad Christum ea amoris significatione pellicerent, intolerabili servitutis iugo paterere: non permittere, ut excitarentur templa, in quibus divina doctrina imbui atque informari possent; neque in illos modo exercere tyrannidem, verum etiam viros Ecclesiasticos opprimere, necare, spoliare Ecclesias et excindere aut flammis delere, cumque eos atrociter læsissent, vinculis, minis, terrore, pœnis ad remittendam injuriam adigere: coitiones ad labe-factandam in iis partibus Romanæ Ecclesiæ aucto-

¹ An. 8. p. 1. Ep. chr. XVII. — ² An. 8. p. 2. Ep. com. MDCCCXCIII. — ³ Crantz. Wandal. I. VIII. c. 9.

⁴ Michov. I. IV. c. 11. Chomer. I. IX in Wlad. Loktek. et alii. — ⁵ Crantz. Wandal. I. VIII. c. 10. — ⁶ An. 8. p. 1. Ep. com. DCCCXXII.

ritatem lecisse : tum itinere prohibere eos, qui ad Sedem Apostolicam se conferrent ; quodque inmanitate barbarum atque a Christiana mansuetudine ac lege penitus abhorret, sœvire pietatis specie in sodales suos sive fratres, quorum si quis in prælio ab hoste sauciatus esset, ei mox inhumane, antequam extremos agerent spiritus, reliquam ferro vitam abrumperet ac flammis cadaver injicere : invadere etiam jura Rigensis archiepiscopi et illius Ecclesiæ canonicorum collegii, atque episcoporum, qui sub archiepiscopi auctoritate erant ; tum in civium Rigensium bona involare, pessumdare immunitates, publicam rem labefactare, fluminum, Dunæ præcipue occupare ripas ac portum Rigensem, ne libere commercium ini-teretur, intercludere.

Ad ea igitur tollenda mala, vel ne aliquando erumpent præcidea, intentato anathemate isdem equitibus Apostolico pro imperio præcepit, ne similia unquam auderent ; restituerent præsulibus Ecclesiasticis ac Rigensibus erepta, neque ullam iis molestiam inferrent : devincti ceusuris tum ii, qui vulneratos in certamine commilitones religiosos necarent, tum, qui tam horrendo sceleri consentirent : caverent, ne venientes ad Sedem Apostolicam interciperent : coitiones ac sacramenta, quibus Ecclesiæ auctoritati detraheretur, convulsa : colerent Ecclesiasticos, atque ab injuriis quibuscumque illis inferendis, aut templis violandis temperarent : sinerent neophylis Ecclesias extrui, in quibus lege Christiana erudiri atque excoli possent : ipsos non modo non opprimerent, sed etiam officiis prosequerentur : sacerdotes, qui ad disseminandum apud infideles Evangelium, ac proferendos religionis Christianæ fines se conferrent, salvos et incolumes tuerentur ; quos si forte quapiam in re violarent, tam sceleris auctores, quam ceteri omnes, ad quos quoquo modo ea criminis labe pertineret, anathemate damnati. Quæ sanctio « IV id. Februarii, Pontificatus anno viii » est consignata.

In Polonia Henricus dux Haliciæ et Posnanicæ, idemque Poloniæ heredem se gerens, datis ad Pontificem litteris ¹, a Glogoviæ pervigilio S. Joannis hujus anni, professus est a se cliente nomine Romanæ Ecclesiæ censum persolutum iri ; quæ litteræ in Ms. Nicolai cardinalis Aragonii extant.

« Sanctissimo in Christo Patri et domino suo reverendo domino domino Joanni, divina providentia summo Pontifici, Henricus dux Haliciæ, hæres regni Poloniæ, dux Glogoviæ et Posnanicæ cum recommendatione ipsius, pedum oscula beatorum.

« Ad agendas gratias debitas pro immensa beatitudine vestra devoto filio vestro gratia benignius impertita in eo, quod interventu mediante serenissimi domini Roberti regis regni Jerusalem et Siciliæ, consanguinei nostri charissimi dignati

gratiose fuistis in matrimonio inter me et Mathildem filiam olim domini marchionis Brandeburgensis in quarto consanguinitatis gradu contracto misericorditer dispensare, prolem etiam a nobis prius habitam et habendam legitimam decernendo, mea facultas non sufficit : quod summi Creatoris elementia mercedem pietatis vestræ aeterno gaudio recompenset. Consideratione tamen tantæ gratiæ liberaliter mihi factæ beatitudini vestræ et Rom. Ecclesiæ, prout alias ex debito teneor, de cætero promptus ac fideliter summo desiderio me conformare una cum fratribus meis intendo : denarium vero S. Petri, licet modo insolito exigatur, ipsum tamen ego et fratres mei in signum obedientiæ, quâ sanctissimæ paternitatis vestræ ac Apostolicæ Sedi immediale nos recognoscimus esse subiectos, in omnibus terris et districtibus nostris solvi dudum mandavimus reverenter ; fiducialiter præsumens, quod si aliquis imperator vel rex Romanorum de facto in jurisdictionem nostram suam vellet exercere, Sedis Apostolicæ præsidio violentiis et injuriis (criminosi) defensati, etc. Dat. Glogoviæ in vigilia S. Joannis Baptiste, anno Domini mcccxxiv ». Hæc litteris in memorato volumine sunt aliæ adjectæ ¹ Wladislai regis Poloniæ datæ Cracoviæ in pervigilio S. Trinitatis, quibus denarium S. Petri pensandum pollicetur, postitque ut Apostolica auctoritate Poloni ad profitemdam in Tartaros crucis accepto symbolo, religionis militiam concitentur, atque auxilia ad eorum retundendos conatus efflagitat.

« Sanctissimo in Christo patri et domino domino Joanni, divina providentia sacrosanctæ Romanæ ac universalis Ecclesiæ summo Pontifici, Wladislaus Dei et Apostolicæ Sedis providentia rex Poloniæ, devotus filius, ad pedum oscula beatorum.

« Cum constet vos, pater celeberrime, totius Christianitatis et præcipue nostrum, qui subsimus nullo mediante, consistere gubernatorem luculentum, expedit quævis nostra et terrarum nostrarum, inostrarum, quarum sollicitudinem gerimus pervigilem ex commisso, adversa impedimenta vestris auribus inculcare, ut in iis, ad quæ non sufficimus nosmetipsi, manum nobis consilii et auxilii porrigatis adjutricem. Hinc est, quod sanctitati vestræ insinuatione præsentium cum dolore reverentius intimamus, quod duo ultimi principes Ruthenorum de gente schismatica, quos immediatos pro scuto inexpugnabili contra crudelem gentem Tartarorum habebamus decesserunt ex hac vice : ex quorum interitu nobis et terris nostris ex vicinitate Tartarorum, quos decreto credimus terram Ruthenorum nostris metis contiguam (de qua annua tributa consueverunt papæ percipere) occupare, perturbatio indicibilis (nisi Dei omnipotentis et vestra gratia affuerit) imminet. Eapropter sanctitati vestræ,

¹ Ext. in Ms. Nicol. card. Aragon. sign. lit. C. pag. 139.

¹ Ead. pag. 133. et in alio Ms.

quæ nullum in tribulatione despicit suam misericordiam, implorantem filii devoti more supplicamus, quatenus memores servitii nostri pariter vestri et honoris (cum ex debito nostræ subjectionis nos et terras nostras teneamini defensare vestro consilio et auxilio, videbent in predicatione sanctæ crucis et aliis subsidiis, quæ beatitudini vestræ videbuntur opportuna contra gentem Tartarorum supradictam, ne occupent terram Ruthenorum, et per consequens nos invadant) celeriter succurrere dignemini oculo pietatis. Et nos nihilominus una cum nobis adhaerentibus, id quod facere poterimus pro dilatazione sanctæ Ecclesiæ gentisque Catholice, exacta diligentia operabimur, auxilio Jesu Christi mediante; scientes, sanctissime pater, si his per vestram misericordiam breviter intenderitis, Ecclesiæ et gens fidei orthodoxæ in suis proficiens incrementis: alias ad opprobrium desolationis irrecoverabilis ruent una cum terris nostris, de quibus solvitur annuus census in signum subjectionis vestræ sanctitati. Dat. Cracoviæ in vigilia S. Trinitatis, XII kal. Julii».

44. *Visio mirabilis*. — Claudimus hunc annum insigni prodigio. Narrat Joannes Villanus ¹ sacro Epiphanie die in provincia Guillelmi Corni animam, quæ paulo ante e corpore migraverat, se pluribus videndam objecisse, multaque admiranda

de alterius vitæ rebus et pœnis Purgatorii dixisse. Cumque plurimo hominum comitatu stipatus prior Predicatorum eo accessisset, atque adversus diabolicas fraudes sacratissimam hostiam clam detulisset, spiritus Salvatorem mundi delatum pronuntiavit. Eadem refert S. Antoninus his verbis ²: « In provincia Provincie, in civitate dicta Alesio, circa illud tempus hoc accidit mirum, ut refertur in Chronico. Apparuit quidam spiritus, qui asserbat se esse animam cujusdam, qui de propinquo mortuus fuerat in civitate illa: utrum autem audiretur tantum et non videretur; vel videretur et in qua specie appareret, non clare habetur. Mira hic spiritus referebat de alia vita et de Purgatorio. Prior autem conventus Ordinis Predicatorum, qui erat in illa civitate, vir venerabilis conservationis, accessit ad illum, occulte secum deferendo sacramentum Corporis Christi ad obviandum fraudibus diaboli, si forte esset opus ejus: et cum dictus prior examinaret illum, et adjuraret in præsentia plurimorum hominum, hoc cognoscens ille spiritus, dixit priori: Tu habes tecum verum Deum Salvatorem mundi. Sub adjuratione vero inquisitus plura secreta manifestavit; addens demum, quod propter merita ejus et fratrum cito haberet requiem. »

¹ Jo. Vill. l. ix. c. 234.

² Ant. III. p. tit. xxi. c. 5. § 8.

JOANNIS XXII ANNUS 10. — CHRISTI 1325.

1. *Fridericus e carcere solutus fœdus init cum Bavaro, quod Pontifex improbat*. — Annitebatur ad imperium Occidentis Carolus Francorum rex ¹, ejusque causam Romanus Pontifex promovebat anno Christi millesimo trecentesimo vigesimo quinto, Iudictione octava, cum spes afflueret, si Carolus evinceretur ad imperium, optime rei Christiane consultum iri: ob illius enim potentiam, cui suam etiam Siciliæ et Ungariæ reges, Gallico sanguine sati, conjungendam offerebant, sopienda bella civilia, obterendos hostes Ecclesiæ; ceterosque perduelles ad officium revocandos, denique sacram in Saracenos expeditionem, cui se

Carolus devoverat, ab ipso, conjuncto cum Galliarum et Navarræ regnis imperio, felicioribus auspiciis contra soldanum Babylonum promovendam. Dissipata tamen ea consilia, cum Ludovicus Bavarus omni contentione pro afferendo sibi imperio contraria studia contrerret. In primis quidem cum sollicitatum ad bellum sibi inferendum ab Austriacis ducibus Francorum regem obtentum in diuturni carceris squalore Fridericum, pluresque ob id a se abalienatos videret; fœdus cum Friderico ex lege, ut omni ad imperium jure discederet, init mense Aprili ²: quam concordiam ipsius fratres, excepto Leopoldo, admisisse refert Joannes

¹ Tom. I. Ep. sec. pag. 45.

² Jo. Vill. l. ix. c. 315. Chr. Elvang.

Villanus ¹. Illius vero fœderis et pactionum formula ex monumentis Bavaricis affertur a Georgio Herwarto ², cujus præcipua decerpimus capita :

« Primo, prædictus dux Fridericus renuntiare debet clare et omnimode regno et omni juri, quod in illo habere posset, et debet litteras, quibus eligebatur, si electio vocari posset, et omnes alias litteras, quæ ipsum ad hoc juvare ac promovere possent, a quocumque hæc illi date et in quacunque forma scriptæ sint, reddere regi sine omni fraude et dolo : neque etiam regnum unquam ambire ulla ratione, neque per ullius voluntatem aut instantiam, nec in eo ullum obstaculum a quocumque inductus aut irritatus, sive ab eo qui se papam nominat (scilicet Joannem a quo, Fratellorum errores secutus, desciverat Ludovicus), sive a quovis alio regi opponere quamdiu rex vivit.

« Deinde debent prædicti duces omnes quinque (nimirum Austriaci), regi restituere quicquid de imperio tenent et occupant, sive sint dominia, civitates et in universum terre, homines et bona quocumque nomine, et quicquid de his oppignerarunt; sive etiam quod ab aliis imperatoribus et Romanis regibus regis antecessoribus oppigneratum est, aut oneratum, id omne debent redimere et liberare. Debent etiam omnes quinque cum rege fœdus inire æternum, cum eo et ejus liberis permanendi, et illos juvandi contra quoscumque, quocumque dictos nomine, clericos et laicos, et nominatim contra illum, qui se papam dicit; omnesque ejus adiutores ac fautores, quamdiu is contra regem et regnum est ». Et infra : « Debent etiam procurare, ut omnes principes, sive laici, sive clerici, comites, liberi, vassalli et alii quocumque nomine, qui in illorum ministerio hactenus fuerunt propter bellum, feuda sua recipiant a rege, et illum agnoscant et habeant pro suo domino, illique obediant tanquam Romanorum regi de jure. Et quicumque principes, sive laici, sive clerici, comites, liberi, vassalli, aut alii quocumque nomine, id facere noluerint; contra illum et illos debent regi auxilium ferre cum corpore et bonis suis sine fraude et dolo tandem, quoad ille vel illi sua feuda accipiant a rege; illumque agnoscant et habeant pro suo vero domino, eique obediant ac subditi sint tanquam Romano regi de jure; præter illos octo supradictos, scilicet Charinimum, Badensem et alios principes, qui una

cum ducibus, sua feuda absolute absque omni contradictione accipere debent a rege, etc. Facta et scripta est in Transnith die Mercurii, ante Dominicam, qua cantatur *Lectare* ». Cum has concordie pactiones respiceret Leopoldus, ad eum sibi conciliandum studium omne convertit Ludovicus (1).

2. At contra Pontifex, cum solum vinculis Fridericum audisset, Leopoldum est adhortatus ³, ne fœdus cum Ludovico jungeret, neve in colloquium cum ipso saltem in loco suspecto descenderet, datamve regi Francorum fidem violaret; sed potius Pontificiam sententiam, ultimo latam in Bavarum, divulgandam curaret coram Friderico fratre; ad quem etiam Fridericum extant Pontificie litteræ ⁴, quibus de Ludovico exactorato, censurisque defixo sit certior, et omni religionis, qua se ipsi devinxisset, nexu solvitur.

« Friderico duci Austriæ, dudum in regem Romanorum electo.

« Ad nostrum auditum nuper perduxit relatio fide digna, quod Ludovicus dux Bavarie te pridem a suo carcere, quo diu mancipatum detinuerat, relaxavit : quæ utique relaxatio dummodo sit libera, velut a nobis optata diutius, est accepta. Sane quia multorum habet opinio, quod in relaxatione hujusmodi ad multa Deo infesta, tibi que inexpedientia, et rei periculosa publice te promissionibus, obligationibus, juramentis ac pœnis et aliis vinculis duxeris adstringendum; nos super hoc de salubri providere remedio cupientes et attendentes, quod ad præmissa metus probabilis, qui in constantem caderet hominem, te potuerit adduxisse; necnon, quod variis enormibus excessibus contra Deum, nos et Romanam Ecclesiam per eundem Ludovicum commissis, suisque gravibus culpis exigentibus, dudum diversos processus, excommunicationis ac privationis juris, si quod sibi ex electione, quæ de ipso in regem Romanorum facta fuisse in discordia dicebatur, ad regnum vel imperium pertinebat, et alias diversas pœnas et sententias continentes, habere compulsi (urgente conscientia) fuimus contra eum per quos quidem processus inter cætera omnibus et singulis tam clericis quam laicis, conjusumque præeminentiæ, status, vel conditionis existerent, ut nullus eidem Ludovico super his, quæ ad regimen vel administrationem regni vel imperii pertinent prædictorum, assisteret in aliquo, vel pare-

¹ Jo. Vill. l. ix. c. 191. — ² Herw. ad hunc an. num. 39.

³ Iou. v. p. 1. Ep. secr. pag. 49. — ⁴ Ead. pag. 49.

(1) Quamquam Fridericus in his, quibus cum Ludovico convenit pactionibus primo quidem renuntiare cogebatur omni quod in novum regnum obtinebat juri; adhuc tamen ab eodem Ludovico petit, et impetravit ut regium nomen quo hucusque usus fuerat servaret et retineret. Id se fama referente compertisse scribit Joannes Vioduranus in Chronico his verbis : « Post illa vero pacta et colloquia uterque (Ludovicus nempe et Fridericus) sibi nomen regale adscripsit publice, et sigillo regio utebatur, ut fortur ». Nec vana id fama proditum demonstrat episdem Friderici post receptam libertatem Diploma legendum apud Ludovic Belg. tom. iv. pag. 274. Datum est illud in Silezia « A. D. MCCCLXXVI, regni vero nostri (Friderici) anno X I. » Præligitur huic Diplomati episdem Friderici nomen cum adscriptione « regis Romanorum semper Augusti », ac dirigatur « ad universos Sacri Romani imperii fideles »; eodemque colliguntur iura omnia, quibus antea utebatur fratribus suis « Leopoldo, Alberto, Emrico et Ottom » ducibus Austriæ, et Syriæ principibus, quibus obstrictum se profertur eo nomine, quod « ad exaltationem suam et confirmationem Sacri Romani regni dum esset in periculoso constitutum afflicti, totis suis voluntate et opere indesinenter et imperterriti præ cæteris laboravit », vel igitur datam Ludovico fidem Fridericus deseruit, vel forte Ludovicus ab initis primo pactionibus recessit in gratiam Friderici captivi, permittens ut manem regis titulum retineret. MAXSI.

ret, aut prestare, per se vel per alium publice vel occulte consilium, auxilium vel favorem, etiam prætextu cujuscumque homagii aut colligationis, confederationis, societatis, vel conventionis seu ligæ contractæ tunc, vel in posterum contrahendæ, etiamsi penarum adjectione, litterarum vel juramenti, seu cujuslibet alterius essent vinculo firmitatis innexæ, colligationes, confederationes, societates et conventiones hujusmodi dissolvendo, po nasque propterea præmissas et juramenta præstita de potestatis plenitudine relaxando, duximus expressius inhibendum; propter quæ patet, promissiones et obligationes quascumque eidem Ludovico per te factas, et juramenta præstita, penasque adjectas super his nullius firmitatis existere vel momenti, ea ex officio nostro cassa et irrita et nulla esse penitus declaramus, et quatenus processerunt de facto cassamus, irritamus et omnino viribus vacuumus, decernentes te ad eorum seu aliquorum ipsorum observantiam non teneri; tibi quæ nihilominus in virtute sanctæ obedientiæ, ac sub excommunicationis pœna, quam te (si contrarium feceris) incurere volumus ipso facto, districtius inhibentes, ne ad ejusdem Ludovici rebellis et excommunicati quocummodo redire carcerem, aut sibi (quamdiu extra Sedis Apostolicæ gratiam fuerit, sicut nunc esse dignoscitur) parere in aliquo vel obedire præsumas. Dat. Avin., IV non. Maii, anno ix.». Hactenus Joannes ad Fridericum. Qui tamen eidem Ludovico conjunctus hæsit, ac regem et principem suum professus¹ socios et sequaces populos proceresque in Bavariæ obsequium publicis litteris pellicere studuit. Cum vero intas inter illos pactiones Leopoldus aperuisset Pontifici, Joannes eas ut iniquas damnavit, contenditque ipsos de iis, quæ ad se non spectarent, pacisci non potuisse; hac Leopoldum monuit², ut ab eorum fraudibus sibi caveret, cum gravissima subesset suspicio, illos inter se gesta et conventa non aperire, atque ex aliorum damnis sua commoda consecutos.

3. « Joannes, etc. Luipoldo duci Austriæ.

« Percepimus quid, juxta relata tibi per germanum iis diebus præteritis a carceribus liberatum, inter ipsum et liberantem in ipsa liberatione fuerit ordinatum; quidque a te et tuis aliis fratribus ab ipsis fuerit postulatum: super quo tuam benevolentiam plurimum in Domino commendantes, eidem referimus gratiarum uberes actiones. Profecto, tibi, ordinationem ipsorum non indigne reputamus temerariam et insanam; velut de his, quæ ad ipsos non pertinent attentatum; et quæ in Ecclesiæ Romanæ, electorum quoque, ac totius rei publicæ præjudicium et injuriam, si (quod absit) procederet, redundaret.

« Petitiones autem prædictæ fraudulentæ sunt, per quas sua venantur commoda, non sine tuo fratrumque tuorum tam corporali quam spirituali

incommodo evidenti. Per primam quidem salagunt te fratresque tuos prædictos suæ subjectioni, quorum alter vester est capitalis æmulus; quique, si diem illum videre posset (quod avertat Dominus) non posset de vestris dispendiis variis satiari. Per secundam autem petitionem a devotione Dei et sanctæ matris Ecclesiæ ac nostræ, in qua persistitis viriliter hactenus, et ut tenemus indubie persistetis, retrahere vos laborant; et ad hostis Dei et Ecclesiæ obedientiam inclinare, ejusque vos subdere ditioni.

« Sane, fili, quia, sicut nosti, virtuti non minus adscribitur, quam acquirere, parta servare; circumspectionem tuam providam, et providentiam circumspectam duximus exhortandam, tibi et nihilominus sano consilio suadentes, quatenus fel et venenum quæ sub petitionibus hujusmodi latitant, cogitans et recogitans diligenter, ipsas a tuo cures abjicere animo; et contra illas more serpentis, cujus in hac parte prudentia commendatur, aures tui cordis studeas obturare: ac amicitiam Dei et Ecclesiæ ac nostram et cunctorum Ecclesiæ fidelium, quas per actus tuos fideles et strenuos merito quæsvisti, in ipsis immobiliter persistendo, studeas omni diligentia sedula observare, consideranter attendens sapientis consilium suadentis, ne inimico tuo te credere debeas in æternum, quia ejus nequitia more æruginat aramenti: sed etsi humiliatus curvus incedat, animum tuum ab illo abjice, teque ab illo perinde custodi: Est enim qui nequiter humiliat se, et interiora ejus plena sunt dolo. Sed etsi vocem suam sumpserit, cave ne credas te illi, quoniam septem nequitias in suo, te ut decipiat, corde gerit.

« Qualem autem ad fratrem tuum prædictum ante liberationem ejus gesserimus animum, qualenive ex quo extitit liberatus, ex oblati per nos tibi et tuis nuntiis, et litteris destinatis tuam credimus prudentiam plenius informatam. Quomodo autem tam in liberatione ipsa, quam postea nostram et Apostolicæ Sedis gratiam conservare, ac ampliorem studuerit promereri, quæ gessit in ipsa liberatione ac postea, et quæ gerere et procurare continue non omittit, hæc arguunt quæ scimus tuam providentiam non latere. In ipsa quidem liberatione cum hoste Dei, et persecutore Ecclesiæ execrabili fœdus et amicitiam copulavit, et insuper ad contrahendum parentelam cum ipso contra statuta canonum se adstrinxit. Nec his contentus, te fratresque tuos, quantum in eo fuit, a devotione nostra subduxit et Ecclesiæ, et illi tuo singulari æmulo nos conjungere laboravit; communitates et principes ad ejus obedientiam verbis et litteris nihilominus pertrahendo, ipsumque nominando regem et suum dominum, et eidem favendo et totaliter adhaerendo; non attendens pericula, quæ per processus nostros incurrunt talia facientes.

4. « Rursus si diligenter attendens quantum

¹ Tom. v. p. 1. B. 1. 300. 100. — ² — B. 6. 11 p. pag. 52.

ipsum post liberationem repereris varium, ne dicam mendosum, vide quantum nos et tu de eo confidere, quamdiu in his persistit, valeamus: cum indubie supponamus, quod de his, quæ inter ipsos acta sunt, nondum tibi aperuerint veritatem. Linguas siquidem suas tibi liberatus quam liberans videntur docuisse loqui mendaciam, et ut iniqua perpelrent, convenisse. Propterea suum fecerunt conventiculum, omnibus suis necessariis prætermisissis, contenti solis suis duobus confessoribus, quibus forsitan omnia non panderunt. Hoc enim habent perversa tractantes proprium, ut lucem odiant, nec ad lucem libenter veniant, ne forte sua opera arguantur. Deduc itaque, fili, quesumus, præmissa omnia in consistorio rationis, illaque diligenter examina, eorum finem inspicies, ut paratos tibi laqueos valeas evitare, nec eorum consilia verearis: speramus enim in Domino, quod ipse illa velut exosa sibi merito dissipabit. Persta igitur, fili, in ceptis tam laudabiliter: nobis enim videtur indubie, quod continue a suo proposito se elongent, quodque ut in foream, quam tibi et aliis fidelibus paraverunt, incidant, se disponant; ac honore, quem ambiunt impudenter assumere, carebunt merito, et habitis si quos habent, reddent, si in ceptis persistierint, se indignos. Dat. Avin. VII kal. Aug., anno ix ».

5. *Mollitur Pontifex transferre imperium Romanum ad Francos.* — Perstitit in suscepta sententia, et cum Joanne papa ac Francorum et Sicilia regibus Florentinisque fœdere Leopoldus¹: atque hoc ipso anno Ludovicum, dum Burgravium obsidebat, fudit fugavitque². Cum vero Pontifex Fridericum, qui ut vincula evaderet, sua ad imperium in Ludovicum jura transfuderat, pristinis iuribus ex electione quæsitis restituisset³; Bavarium vero ut hostem Ecclesie omni jure privatum, ac sceptro indignum pronuntiasset, nonnulli Germani diuturnæ pertæsi discordiæ, missis oratoribus ad Avenionensem aulam, flagitarunt ut Fridericum, excurrente brevi tempore, regem Romanorum declararet: ægre enim ferebant tot annis ancipites et incertos, quem agnoscerent, fluctuare. Quibus respondit Joannes, non oblatum sibi Friderici electione decretum, neque illius jura discussa: quæ si proponerentur in iudicio, ex legibus sententiam se laturum, deque his Joannem episcopum Argentinensem docuit anno proximo⁴.

« Joannes, etc. Joanni episcopo Argentinensi.

« Sane, frater, mirati fuimus admodum, quod nuntii prædicti electionem, de magnifico viro Frederico duce Austrie in regem Romanorum dudum discorditer celebratam, decreto electionis non oblato, nec data informatione alia super ea, coram nobis petierunt infra brevis temporis spatium confirmari. Et ut responsionem, quam super

propositis hujusmodi fecimus, non ignores; ecce quod tam ipsis nuntiis, verbo, quam directo filio nobili viro Alberto duci Austrie litteris taliter duximus respondendum; videlicet quod super ipso negotio parati sumus prompte et expedite cum fratrum nostrorum consilio, sicut et requirit negotii qualitas, justitiam exhibere; et adhuc gratiose et favorabiliter, quantum sine Dei offensa, sueque sanctæ Ecclesiæ præjudicio, ac injuria principum, ad quos electio regis Romanorum promovendi in imperatorem pertinere noscitur, poterit fieri, cum hoc opportune postulatum fuerit, nos habere. Dat. Avinione II non. Septembris, anno x ».

Non assensit acquissimo responso Albertus, ac Pontifex apud Germanos in suspicionem ad ductus est⁵, ex innato in patriam studio illi imperium inferre moliri, apud quam summum jam sacerdotium pervenerat, ac repente mutata rerum facies est. Nam et populi Australes ad Ludovici partes se contulere⁶: Albertus dux Joannem regem Boemie et Trevirensis archiepiscopum ad fœdus cum Ludovico et Friderico trahere studuit⁷; Bavarus et Austriacus electi partim inter se imperium ducentes potius, quam si omnino ab eo excluderentur, sancito novo fœdere (priori enim ad Ludovici gratiam Fridericus regno abcesse rat⁸) in cas concordiæ leges descendere⁹, ut alter Germanicum, Italicum alter regnum capesseret: ex quo cum Pontificiis rebus ac fœderalis Guelfis haud dubium exitum immineret, Carolum Gallorum regem in consecrando imperio remissum animis fuisse incusavit Joannes¹⁰, ex eoque studia Pontificia intepuisse: effundendum ea occasione avarium, executiendum in rebus agendis languorem, occupandum tempus antequam efflueret: significatum sibi, Fridericum fidem Ludovico devinxisse proque eo in gratia apud Sedem Apostolicam restituendo intercessurum: ac si repulsam tulerit, ipsum recepta imperii parte acutissimum cum Ludovico fœdus conjunctorum.

6. « Carolo regi Francorum illustri.

« Diligenter⁷ percepimus quæ continebant litteræ regie, et transcriptum litteræ de Alamannia excellentiæ regie destinatæ: et antequam nobis fuissent præsentata, per dicta illius, qui de Alamannia prædicta scripserat, litteras receperamus; et non tantum eadem, quoad familiaritatem et amicitiam illorum ducum incredibilem, continentes adhuc fide dignorum receperamus litteras quod dictorum ducum ad hoc intentio ferebatur, quod liberatus deberet remanere in Alamannia sub titulo regio, et illud ab ipso recognoscere liberante; liberans autem sub imperiali titulo deberet ad partes Italiae se transferre, vel si liberanti esset acceptus liberatus pro eo deberet ad partes

¹ Rehdorf, in *Annal. Aler. Aven.*, in *Chron.* — ² Tom. v. p. 2, Ep. sect. pag. 241. — ³ Ibid. pag. 241. — ⁴ Jo. Vill. I. ix. c. 191. — ⁵ Tom. v. p. 1, Ep. sect. pag. 15. — ⁶ Ead. p. 1, Ep. sect. pag. 52. — ⁷ Ibid. pag. 15.

¹ Jo. Vill. I. v. c. 315. — ² Chron. Elwang. — ³ Tom. x. p. 1, Ep. sect. pag. 49. — ⁴ Tom. v. p. 2, Ep. sect. pag. 258.

Italiae proficisci: creditur tamen quod, spretis periculis, liberans eligeret Italiani visitare». Extant¹ de hujusmodi seu divisione, seu societate imperii pacta inter Ludovicum et Fridericum publica documenta, quæ a Cuspiniano referuntur, septima Septembris hujus anni die consignata, et repetuntur ab Herwarto² Iudibrii gratia, ea quippe ut commentitia refellit. At cum arcanis Pontificiis litteris consentiant, non conficta esse constat; neque convincit idem auctor falsitatis, adductis prioribus fabulis, siquidem diversas pactiones variis temporibus ob rerum conversiones initas exploratum est. Pergit Pontifex, quem illud Friderici et Ludovici arctissimum fœdus urebat, in litteris ad Gallorum regem datis.

« Profecto, fili charissime, si conceptus isti, quod absit, producerentur ad partum, multa posset pericula, et utique ampliora quam considerari valeant, provenire. Ideoque providentia regia, tepiditate deposita curet super hoc vigilare: res enim sic adhuc sunt dispositæ, ut regium possit ut prins desiderium adimpleri, quod forsitan non poterit, si prædicti possint suum propositum stabilire. Tepiditas regia multum negotio obfuit, quia et nos reddit et reddidit tepidos et morosos. Litteram illam, per quam de regio thesauro nil onititur, tenuit magnificentia regia jam fere per annum, licet sæpius spes data fuerit transmittendi. Excutiat circumspectio regia, quæso, hanc torporem; et operetur si ad hoc intendat, dum dies est: nox enim supervenire poterit, in qua non poterit operari. Sollicitatur, sicut intimatum est nobis de illis partibus, is qui regali excellentiæ insinavit prædicta, ut nostram liberanti debeat gratiam impetrare, quod si non posset fieri, se cum illo velit conjungere, et de imperio recipere quidquid volet. Scribenti rescripsimus, prout vidimus expedire. Ex multis, quæ audivimus, credimus quod nondum liberatus de modo liberationis, et factis in ea promissionibus suis fratribus exposuerit veritatem, etc. Dat. Avin. III kal. Aug., anno IX ».

7. *Tentata nova regis Romanorum electio.* — Non hisce stimulis Carolus Francorum rex excitatus est, ut ad subijciendum sibi imperium cum Germanis aliis benevolentia et promissis splendidis cum aliis ferro, cum aliis auro certaret: de quo, deque Leopoldo duce Austriæ, qui Ludovici odio, ac fratri liberandi causa traducere ad Carolum imperium studuerat, narrat Mutius³ Leopoldum ipsum in Gallias se contulisse, et Carolum regem nrise, ut Ludovico bellum inferret; res maximas geri facile posse: Germaniam a Bavo notato anathemate descivisse; laturam auxilia Ungariam. Sed plura erant quæ Carolum regem a consecando anxie imperio detererent. Multos autem Germanos ad Carolum inclinasse, ut col-

lapsam majestatem imperii restitueret, majorique terrore ac vi infideles adoriretur, scripsit, Bertrando tit. S. Marcelli Apostolicæ Sedis in Italia legato Marinus Sanulus⁴, ejus verba subjicio: « Frater Albertus de Nigrocastro de Alamannia, qui fuit magnus præceptor sanctæ domus hospitalis S. Joannis Jerosolymitani de Alemannia, familiariter retulit mihi, quod principes Alemanniæ contentabantur dare coronam imperii prædicto regi Franciæ solum in vita sua; et hoc faciebant, ut imperium aliquod bonum haberet principium; nam reverenter loquendo, videtur mihi quod illud ex humilitate maxima et sapientia procedebat ». At horum consilia a Bertholdo Moguntini archiepiscopi fratre in Confluentinis cætibz disjecta fuisse, subdit Argentinensis. De tentata nova regis Romanorum electione extant Pontificæ ad Carolum Francorum regem litteræ IX kalend. Septembris datæ⁵; quibus ipsi indicat, quæ Germaniæ principes in ea causa Sedi Apostolicæ scripsissent, alisque litteris significat⁶, Albertum ducem Austriæ Austriacosque gravate accepisse datum in extrahenda Friderici electionis confirmatione responsum, ac Joannem regem Boemiæ et Balduinum archiepiscopum Trevirensis in suas partes allicere meditados; atque ideo admonet, ut rebus suis consulat, quæve ad perducenda consilia agendum sit exploret; quibus litteris III non. Septembris dies adscripta est. Boemum porro regem ac Balduinum archiepiscopum Trevirensis Gallorum regi, ne eligeretur, adversatos scribit Rehdorfius his verbis⁷: « Papa Joannes misit quemdam legatum in Alemanniam priorem de Tolosa de Ordine Hospitaliorum, mandans principibus electoribus et principaliter dominis Henrico Coloniensi et Matthiæ Moguntino episcopis, de quibus specialiter confidebat, ut alium regem eligerent: et cum in termino conducto præsentem convenissent, domini Waldewinus Trevirensis archiepiscopus et Joannes rex Boemiæ hujus propositum impederunt: et sic legatus reversus est sine fine ». Hæc Rehdorfius. Neque his obstat Marinus Sanulus, dum in litteris⁸ ad Bertrandum cardinalem, de quo paulo ante memoravi, narrat Boëmum regem de Carolo; cui sororem nuptui locarat, evchendo ad imperium egisse, variatæ enim temporum rerumque conversioni serviunt hominum voluntates.

8. *Adversus Ludovicum Germani et Itali excitati; hinc motus et bella.* — Fuere itaque vera comperta Joannis papæ monita Carolo regi Francorum data, ipsum votis non potiturum, nisi acerrimis studiis illa consecraretur: inferret nimirum Ludovico Bavaro, hosti Ecclesiæ judicato bellum; Pontifex enim reliquos reges finitimos ad signa in Ludovicum attollenda, ut Joannem Boemiæ et Wladislaum Poloniæ reges,

¹ Apud Cuspinian. in Anst. pag. 638. — ² Herw. ad hunc an. num. 34, etc. — ³ Mut. Chr. Ger. l. XXIV.

⁴ Murin. San. Ep. XVII. — ⁵ Tom. v. p. 2. Ep. secr. pag. 210. — ⁶ Ibid. pag. 211. — ⁷ Rehdorf. in Chr. — ⁸ Marin. San. Ep. XVII.

ac plures alios principes concitare studuit¹; traxitque Polonus in Brandenburgico bello Lithuanos infideles armorum socios; unde non leve*m* Joanni creatam invidiam indicat Rehdorfius².

Vertisse Ludovico Bavaro crimini Pontificem, non adepta confirmatione fiduciarium imperii marchionatum Brandenburgensem filio contulisse, superius vidimus: ferebat enim ægre Bavarum potentiam suam auxisse eo principatu, quem cum Wladislaus Loktekus rex Poloniae cum exercitu invasisset, de re ut præclare gesta idibus Julii gratulatus illi est Pontifex³: neque ex eo suscepto bello ipsius gloriam apud quemquam obscurari posse: si ejus oratores in aula Pontificia traxissent moras, ut veniam daret rogavit⁴; reginaeque Hedwigi de effuso in Romanam Ecclesiam studio gratias egit⁵. Meminere historici⁶ de bello Brandenburgico a Polonis gesto eo consilio, ut Brandenburgenses a fœdere equitum cruciferorum divellerent; ac Lithuanos belli socios plura crudeliter et barbare egisse, at præter Pontificis voluntatem: ex eo tamen postea a Bavaro sumpta est invehendi acerbissime in Joannem occasio, ferendæque in eum nefariæ sententiæ⁷, de qua suo loco agetur. Nunc ad institutam orationem regredimur. Sollicitati quoque a Pontifice in Ludovicum Bavarum alii principes, Slaviae, Glogoviae, Longomeriæ duces⁸, comesque Spahnheim⁹, ne illius filium marchionatus Brandenburgici possessionem inire sinerent.

« Præsertim cum nullum jus (Joannis verba sunt), ut vestram prudentiam latere non credimus, sibi competat in eodem: nec dictus dux de illo potuerit aliquid disponere, sicut in nostris processibus contra eum, suis culpis gravibus existentibus, per quos revocare debuisset, quidquid de sacro et indebite attentaverat, super his plenius continetur; scituri, quod obediens dicto Ludovico, seu sibi præstantes super dicto marchionatu auxilium, consilium vel favorem, excommunicationis et alias graves spirituales et temporales pœnas et sententias contentas in easdem processibus incurrere dubium non existit, etc. Dat. Avin. IV id. Augusti, anno x¹⁰. Veliti aliis litteris¹¹ Brandenburgenses studere Ludovici filio, quem de parentis manu nullo jure principatum accepisse ait; pœnasque si cum ipso senserint, Apostolicis Diplomatibus comprehensas incutit:

« Joannes, etc. nobilibus viris universis vassallis, necnon communitatibus et universitatibus ac populis communitatum, castrorum, terrarum, villarum et aliorum locorum marchionatus Brandenburgensis.

« Nos dudum fide dignis relatibus intellecto, quod Ludovicus dux Bavariae, tunc pro rege Ro-

manorum se gerens, nondum electione discordi, quæ de ipso in regem Rom. promovendo in imperatorem facta fuisse dicebatur, Romanæ Ecclesiae, ad quam examinatio ac approbatio, seu reprobatio electionis et personæ cujuscunque in regem Romanorum electæ pertinere dignoscitur, præsentata; nec ea per eandem Ecclesiam approbata vel reprobata, ejusdem regni administrationi ambitiose et impudenter et indebite se immiscens, de dignitatibus ejusdem regni seu imperii Romani (sicut de marchionatu Brandenburgensi, quem primogenito suo de facto contulerat, disponere præsumebat) necnon damnatis hæreticis ac rebellibus Dei et Ecclesiae partium Italiae manifestis adhæserat et adhærebat, ac præstiterat et præstabat contra Deum et eandem Romanam Ecclesiam auxilia, consilia et favores; adversus eundem ducem diversos processus habuimus, per quos ipsum a dictis excessibus et aliis delictis variis per eum nequiter et horribiliter perpetratis retrahere salubriter, et ad viam veritatis et salutis reducere credebamus. Et infra, ubi exposuit ob plura perperam attentata jure omni in regnum vel imperium Pontificia sententia extitum, subjicit:

« Sane cum idem primogenitus prætextu collationis de dicto marchionatu per eundem ducem patrem suum præsumptæ de facto, ut præmittitur, marchionatum prædictum et ejus jura (licet certum sit, nullum jus prætextu dictæ collationis in eisdem sibi competere) nitatur, sicut asseritur, temerariis ausibus occupare, seu occupatum violenter et temerarie detinere; universitatem vestram monemus, rogamus et hortamur attentius, vobis nihilominus et vestrum singulis in virtute sanctæ obedientiæ ac sub prædictis pœnis et sententiis districtius injungendo mandantes, quatenus eidem primogenito seu alii vel aliis ejus nomine vel mandato, tanquam marchioni, seu super aliquibus juribus ad dictum marchionatum spectantibus, nullatenus pareatis, adhæreatis seu præstetis per vos vel per alium seu alios directe, publice vel occulte, auxilium, consilium vel favorem: nec de juribus, redditibus, proventibus seu obventionibus quibuscunque marchionatus prædicti sibi vel aliis, aut aliis ejus nomine respondeatis vel aliquid persolvatis. Quod si contrarium (quod absit) præsumperitis quovis modo, omnes pœnas et sententias in processibus supradictis contentas plenius et expressas incurrere volumus ipso facto, a quibus ab alio quam a Romano Pontifice obtinere absolutionis vel relaxationis beneficium, nisi prout continetur in ipsis processibus, nequeatis, etc. Dat. Avin. kal. Augusti, anno ix¹². Neque de ea severitate quis juse queri potest, cum Romanos Pontifices eorum, qui percutti sunt anathemate, sequaces censuris percellere consuevisse, tum a card. Baronio, tum a nobis in superioribus tomis demonstratum sit.

9. « Non porro in Germania modo Ludovicum Bavarum ac sequaces, verum in Italia insectatus

¹ Tom. v. p. 4. Ep. secr. pag. 52. — ² R. h. dorf. in Chr. —

³ Tom. v. p. 4. Ep. secr. pag. 52. — ⁴ Ibid. pag. 51. — ⁵ Ibid. —

⁶ Chr. I. M. et alii. — ⁷ Ext. apud Nicol. Min. M. Va. bibl. signum. 4008. p. 25. et in Ms. sec. I. Vall. — ⁸ Tom. v. p. 4. Ep. secr. pag. 54. — ⁹ Ibid. p. 52. — ¹⁰ Ibid. p. 477.

est Pontifex. Acceperat is recentem a Mediolanensibus vicecomitibus cladem, cum ipsi vicum, cui S. Domini nomen inditum, in Parmensi agro mense Martio expugnasset ¹, ut ex eo in Etruriam ac Liguriam bellum traducere, ac Gibellinis contra Guelphos ferre auxilia possent. Pertinuit Pontifex, ne inde, ut contigit, ad reliquam turbandam Italiam hostis excurreret; Bertrandoque legato recuperandi ejusdem loci provinciam dedit ², ac sollicitavit ³ Genuenses ⁴, ut auxiliares copias, ne in priores bellorum fluctus et discrimina conjicerentur, cum legato conjungerent. Obsecuti sunt Genuenses Pontificis precibus, quibus Joannes de ballistariis in Insubriam missis gratias egit ⁵. Postulati ⁶ etiam una cum pluribus aliis Florentini, ut copias egregie instructas ad legatum mitterent. Coegerat is hostem ad summam rerum inopiam, cum Scaliger Veronensium, Passarinus Mantuanorum, atque Atestini marchiones Ferrariensium praefecti, juncta armorum societate, commaculati obsessis invexere ⁷; indeque Azo, ut Castrucio, qui Lucensium dominabatur, adversus Florentinos cum copiis opem ferret, occasionem nactus est ⁸. Concitavit quidem in Etruria adversus Guelphos gravissimos motus, illisque plures intulit clades Castrucius Gibellinarum partium Lucensium ac Pistoriensium. Caesareus legatus, ut Ludovici ostendunt Diplomata ⁹; contra vero Pontificia sententia damnatus ¹⁰ postulatusque est crimine haereseos, quem bellica virtute ac peritia e parva et tenui fortuna ad summas opes ac potentiam effloruisse, Marinus Sanutus in litteris hoc anno ad Iuguram archiepiscopum Capuanum et regis Siciliae serinij praefatum datis describit ¹¹. Contra quem Florentini, adverso ad Altopassum attriti ¹² certamine, Carolum ducem Calabriae ad publicae rei gubernacula in decennium vocaverunt ¹³. Ad confirmandos vero labantes sociorum animos Joannes Rainerium et Ugutionem Cortonensium magistratus, qui egregium erga Ecclesiam explicuerant studium, excitavit ne ob cladem Florentinis illatam animis contraherentur: « Super casu, inquit, quem contigisse nuper in Florentinorum exercitu per praefatas litteras descripsistis, Florentinis ipsis compatiatur in visceribus charitatis. Verum quia justus Dominus, cujus iudicia sunt occulta, interdum bonos ac malos tentari permittit, ut bonorum ipsorum patientia ad majus meritum comprobetur, et malos ipsos de sua superbia gloriantes deficiat terribilis et repellat; exhortationibus nostris adjicimus, ut praemissis consideranter attentis, casus ipse non vos terreat, nec amoveat a petra fortitudinis pedes vestros, sperantes in Domino, quod ipse breviter dentes

iniquorum sua potenti virtute conteret, et elata confringeret cornua superborum. Dat. Avin. id. Novembris, anno x ».

Sollicitati sunt inter haec Pisani multis verborum lenociniis a Bavari oratoribus, ut more majorum imperialem causam defendendam susciperent; sed repulsi sunt: quocirca Pontifex multis laudibus eorum constantiam atque in Ecclesiam fidem extulit ¹, ubi nonnullis verbis Bavarum, veluti male de Ecclesia meritum, quaesito ex electione jure excidisse praefatus est: « Snos, inquit, prout fida relatione didicimus, non admisistis, sed exclusistis instanter praeforibus nuntios venientes, ut ipsi velut pseudoprophetae laborum dulcedine vestram non impravissam inde prudentiam quadam serpentis astucia seducerent in ruinam ».

Contra vero in Piceno Firmani et Fabrianenses ferro, flammis, caedibus ac rapinis in Pontificios clientes grassati sunt. Ad quos reprimendos gravissima edicta pronuntiavit Pontifex ²: reque altius repetita, exposuit ut improbissimis nonnullis Recinetensibus, Auximanis ac Friderico e Monte Feretro infelicissime e vita sublato, atque ob infandam idololatriam censuris Ecclesiasticis defixis, se conjunxerint: « In illam enim (ut loquitur), mentis dementia, quinimo caecitatem et ignorantiam corruerant fidei orthodoxe, quod documentis veritatis abjectis, et per obscenas operationes et sordidas inquinati, in gravem Dei omnipotentis injuriam et offensam idololatriae nefandissimo cultui per personas superstitiones et horridas se occulta et caeca ingesserant insania, labe respersi pestifera idololatriae ac haereticae pravitatis, hostesque facti profani Ecclesiae sanctae Catholicae adversus Redemptorem nostrum Dei unigenitum sponsum ejus insurrexerunt, blasphemias ejusdem fidei Catholicae detractionum ictibus impetendo ». Addit Pontifex, ut ob receptos impios illos idololatrias, junctumque cum iis laedus anathemate irretiti Firmani ac Fabrianenses una cum Lipacio et Andrea impetu caeperint Auximum ad obsequium Ecclesiae postea redactum, ac deletis ferro quamplurimis civibus, Berardum episcopum durissimo carceri manciparent: praefectoque sibi Sperantia e Monte-Feretro, explicitis signis, in Piceni praesidem agentem Macerate arma moverint, ac plures, in oppidum impressiones fecerint; propulsatique furorem in agros verterint, exciderint arbores, atque obvia quaque everterint deinde in oppidum, cui S. Quirici nomen est, Camerinenus dioceseseos ditionisque Pontificiae, occuparint: ac licet incursu ponarum gravissimarum metu propescere jussi essent, monita omnia respuerint. Tum subditi:

« Et licet ad privationem civitatis Firmanae a dignitate ac honore episcopali et titulo ac nomine civitatis et terrae Fabriani praedictarum

¹ Jo. Vill. l. ix. c. 289. — ² Tom. v. p. 1. Ep. secr. pag. 93. — ³ Pag. 103. — ⁴ Ead. pag. — ⁵ Tom. v. p. 2. Ep. secr. pag. 37. — ⁶ Tom. v. p. 1. Ep. secr. pag. 93. — ⁷ Jo. Vill. l. ix. c. 307. — ⁸ Ibid. Ant. iii. p. 64. xvi. c. 6. § 4. — ⁹ Ext. in Appen. post Rebd. Chr. — ¹⁰ Tom. v. p. 1. Ep. secr. pag. 188. — ¹¹ Sanut. Ep. iii. pag. 292. — ¹² Jo. Vill. l. vi. c. 205. Ant. iii. p. fil. xxi. c. 6. § 4. — ¹³ Jo. Vill. l. ix. c. 229.

¹ Tom. v. p. 1. Ep. secr. pag. 102. — ² Ibid. pag. 185.

muris seu mœniis circumdantibus illam, ac fortalitiis et adificiis omnibus consistentibus in eadem, et ad pœnas alias, prout eorumdem Firmanorum ac Fabrianensium demeruit dolosa protervia et rebellio manifesta, procedere valeremus; nostri tamen Salvatoris exemplo, qui inluctis pœnis aliquibus peccatoreum castigatum interdum, cujus vitam, non mortem desiderat, ut a sua via mala convertatur expectat, probare volentes, num ipsi correcti forsitan aliquoties ex præmissis, tantæ rebellionis abjecta rubigine, ad cor redire et præfatam Ecclesiam matrem et dominam eorumdem ostendere satagant quoquomodo, etc. » Magistratus ac præcipuos cives, ut evolvente se duorum mensium spatio ad officium atque Ecclesiæ imperia redeant, admonet: ni pareant has minas incutit: « Si forsan ipsi, in eorum (quod absit) erroribus persistentes, infra terminum: ipsum requisitioni et monitioni ac mandatis nostris hujusmodi contempserint obedire, prædictam civitatem Firmam omni dignitate ac honore episcopali ac titulo civitatis et nomine, dictamque terram Fabriani muris seu mœniis circumdantibus illam, ac fortalitiis et adificiis omnibus consistentibus in eadem, quæ funditus ex tunc præcise dirui expresse mandamus, non reedificanda ulterius absque Sedis Apostolicæ licentia speciali; de prædictorum fratrum consilio et Apostolicæ potestatis plenitudine ex nunc prout ex tunc sententiando, privamus, volentes statui venerabilis fratris nostri episcopi Firmani, prout conveniens fuerit, providere, etc. Dat. Avin. VII id. Maii, anno ix ».

Tentaverunt præterea Urbinum Fabrianenses¹ una cum Guidone episcopo Aretino et Nolfo Friderici e Monteferetro filio: sed strenne propulsi ab Urbinatibus, quibus Pontifex gratulatus est. Triumpharunt etiam de hostibus Ecclesiæ Æsculani². Quod vero ad Guidonem Aretinum episcopum exactoratum spectat; is Gibellinarum partium vindex acerrimus plures in Picano motus concitavit³, atque a censoribus fidei, ut idololatrarum et hæreticorum fautor damnatus est⁴, a Pontifice vero ob id etiam crimen episcopatu dejectus⁵: excitatus Spoletani ducatus præfectus⁶ ad Faventinus perduelles edomandos, adversum quos singuli provincie populi ad bellum accensi⁷: Puteolanus etiam episcopus ad tentandam revocandamque ad obsequium Ecclesiæ Ferentariam se accinxit⁸: rogatusque Joannes Superantius dux ac senatus Venetus, ut operam ad eam recuperandam collocarent: qua in re optime dux de Ecclesia est meritus; cui Joannes eo nomine plurimas gratias egit⁹. Afferebat Pontifici horum bellorum moles graviores molestias, ac varios in animo æstus concitabat, ut ipse in litteris¹⁰ ad Carolum

ducem Calabrie datis testatur: « Scire, inquit, te facimus, auctore Deo, in cujus manu vita est hominis, sospitem, qua te, fili, dux perfrui cupimus, nobis exterius adesce corpoream; interius vero ultra metas potentie nos languore spiritus laborare, etc. »

Comparabat tum Carolus princeps una cum patre ingentem adversus Siciliæ insulam expeditionem: ad quam discutiendam Fridericus Roberti regis vitæ struxit insidias¹, ac submisit incendiones, qui classi faces subjicerent: sed, detecta prodicione, de reis sumptum supplicium. Cum vero a Pontifice expetiisset Carolus dux, ut præmia indulgentiarum signa contra Fridericum secuturus concederet, ejus preces non admisit Pontifex, repulsæque hanc rationem subjecit²: « Quia non præcesserunt processus nostri contra tuum avunculum, per quos ad concedendum indulgentiam, quam olim felicis recordationis Martinus papa prædecessor noster contra Siculos et insule Siciliæ occupatores concessit, procedere cum nostra decernia valeamus, habeat nos tua nobilitas, quesumus, super hoc excusatos, etc. » Cumque Carolum belli illius conficiendi provinciam in se suscepisse Pontifex accepisset, ob ingentia pericula, in quæ se conjiceret, sibi rem ingratam accessisse significavit, piisque monitis instruxit³:

10. « Joannes. etc. Carolo Roberti regis Siciliæ primogenito, duci Calabrie.

« Te, fili, capitaneum armatæ regie, mittendæ in insulam Siciliæ suscepisse displicenter audivimus in persona propria prosequendum, cum nobis persone tue pericula, quæ Deus avertat, verentibus satis fuisset acceptius, si alius capitaneum hujusmodi assumpisset ». Et infra: « Cum mittas manum ad fortia, tuæ nequaquam prudentiæ innitaris; sed viros fideles et prudentes tecum habeas, quorum utaris consiliis, teque prudenter et mature regas et alios, ac dirigas sic in omnibus actus tuos, quod personam tuam evidentibus non supponas periculis, nec omittas etiam quæ tibi illa et expedientia videbuntur. Et ut virtutum Dominus actiones tuas aspirando præveniat, et adjuvando salubriter prosequatur, ipsum timere et diligere super omnia studeas, exercendo quæ tibi placita fuerint; et quæ possent ejus oculos offendere penitus devitando. Ecclesias insuper et personas Ecclesiasticas semper habeas in honore, ab ipsarum injuriis et oppressionibus penitus abstinendo: necnon pupillis, orphanis ac viduis, aliisque personis miserabilibus pietatis et misericordiae non claudas viscera; sed sis eis potius misericors et defensor. Redeuntibus quoque ad obedientiam, et tuam misericordiam implorantibus te piùm exhibeas in parcendo, ut beatitudinis, quam vis misericordibus repromittit Veritas, participio non frauderis, etc. »

¹ Eod. p. 1. pag. 76. — ² Ibid. pag. 77. — ³ Pag. 167, 168 et pag. 77. — ⁴ Pag. 77 et 168. — ⁵ Pag. 167. — ⁶ Pag. 61. — ⁷ Ibid. — ⁸ Pag. 103. — ⁹ Ibid. — ¹⁰ Tom. v. p. 2. Ep. secr. p. 56.

¹ Jo. VIII. l. ix. c. 281. — ² Tom. v. p. 1. Ep. secr. pag. 59. — ³ Ibid. pag. 60.

41. Accepto illius belli apparatu Alfonsus comes Urgellensis, Aragonici sceptri haeres, viginti triremes ac sex naves instruxit, ut primum Sardiniam rem curaret, ac deinde redintegrandam inter Siciliae et Trinacriae reges concordiae ratione tentata, si voti compos non fieret, patriam Fridericum armis iuvaret. Aggressus vero est Carolus Calabriae dux Siculum bellum, ut refert Joannes Villanus¹, magno apparatu ac terrore, iuente Maio: cumque aliquandiu contrariis ventis fuisset agitat, Panormum frustra obsidione tentavit; idque mirum accidit, ut tertio a soluta obsidione die maxima mentium pars sponte corruerit; ex quo in tanto periculo Panormitanorum res versata fuerint, constitit. Messanam etiam incassum oppugnavit, oramque maritimam evasasse contentus praecipiti aestate reversus est, cui de felici reditu Pontifex X kal. Novembris est gratulatus². Caroli porro parentem Robertum regem, cum divinarum rerum studio se addixisset, hisce litteris ad transcendendum rebus caelestibus animum magis incendit.

« Regi Siciliae,

« Exultantem de te, fili charissime, nuper concepimus ex auditu laetitiam, quod ut familiari cum Deo saepe loquaris eloquio, et in conspectu suo cordis tui meditatio dirigatur, etiam canonicas sollicite recitas, et devota veneratione, qua decet, cultus divini mysterium solemnizans. Quaesumus igitur, et excitando te, fili charissime, intimo patris affectu, quo possumus deprecamur, quatenus sic delectabiliter ista continues, summa orationis dulcedine gustum tuum quasi libamine suavi reficiens, mulcens mentem, ac ejus praesidio componens, et roborans vitam tuam, quod ex illorum perseverantia quae sola praemium promeretur ut nosti, sentias incrementum votivae prosperitatis in terris, et coronam vitae aeternae finaliter gaudeas te in caelis. Dat. Avin. XV kalend. Decembris, anno x (1) ».

42. *Concordia firmata inter Francorum et Angliae reges.* — Contulit ad redintegrandum inter Carolum Francorum et Eduardum Angliae reges maximum studium Pontifex³, cum quo suum Isabella regina, ut conjugem fratri conciliaret, conjunxit: utque facilius concordia coalesceret initae superiori anno iudiciae extractae sunt⁴. Gratulatus etiam est kalend. Aprilis Joannes⁵ Eduardo, reginam in Gallias misisse: quae adeo

strenue ad rem perficiendam incubuit, ut sacro Pentecostes festo pax constituta sit, de qua gratulatoriae ad Viennensem archiepiscopum et Hugonem episcopum Arascanum extant Pontificiae litterae⁶:

« Joannes, etc. Guillelmo archiep. Viennensi et Hugoni episcopo Arascanico A. S. N.

« Lactantem fraternitatis vestrae recepimus litteras, pacem inter charissimos in Christo filios nostros Carolum Francorum et Navarrae, et Eduardum Angliae reges illustres ingenti desideratam desiderio non absque Spiritus sancti gratia in die fuisse concordatam Pentecostes, ad universalis Ecclesiae immensum gaudium, nuntiantes. Super quo illi, qui ubi vult spirat et dissidentium misericorditer corda unit, atque conciliat juxta suae beneplacitum voluntatis, in humilitatis spiritu cernui gratias duximus referendas. Et quia, sicut eadem litterae continebant, optant partes, ut quousque per regem praefatum Angliae homagium praestitum fuerit, moram in illis partibus contrahatis, placeat nobis et volumus, ut earum beneplacitis acquiescere debeatis, etc. Dat. Avin. IV non. Junii, anno ix ». His consentiunt quae Joannes Villanus² scribit iis legibus pacem confectam, ut Eduardus clientis officia Carolo regi solemniter Aquitaniae nomine exhiberet, et quae parva bello a Carolo Valesio fuerant, a Gallis retinerentur. Verum, ut refert Walsingham³, Eduardus in filium Aquitaniae ducatum transfudit, ut fidem Carolo sacramento obligaret.

43. *Ducem Aquitaniae salubribus praeceptis instituit Pontifex.* — Novum porro Aquitaniae ducem Pontifex instruxit⁴ ad sectandas virtutes praeceptisque optimis informavit, uti se in parentes et Carolum regem avunculum gereret.

« Eduardo duci Aquitaniae.

« Quia recte ordinata principia felices solent sortiri eventus, desideranter appetimus, fili, et tibi nequaquam ambigimus expedire, ut in initio tui regiminis sic te geras et proinde prudenter, quod status tuus et terrae tuae, te praesidente, Deo propitio de bono semper in melius prosperetur. Ad quod opportunum admodum et necessarium reputamus, ut tecum habeas viros maturatos et providos, qui tuam salutem diligant, quorum consiliis regules facta tua; et in officiis terrae tuae homines constituas peritia praeditos et fide pollentes, pacem et justitiam diligentes, odientes avari-

¹ Jo. Vill. l. ix. c. 297. — ² Tom. v. p. 2. Ep. secr. pag. 261.

— ³ Tom. v. p. 5. Ep. secr. pag. 46 ad 24. — ⁴ Ibid. pag. 8. —

⁵ Ibid. pag. 21.

¹ Tom. v. p. 5. Ep. secr. pag. 12. — ² Jo. Vill. l. ix. c. 314.

— ³ Walsu. in Eduard. II. — ⁴ Tom. v. p. 1. Ep. secr. p. 215.

(1) Qui hoc tempore Siculam Historiam scribebant auctores, nempe anonymus Martenii et Nicolaus Specialis in Chronico a Baluzio vulgato, nemulū tradunt, quae Sculae huius Expeditionis historiam quam auctista et Joannes Villanus prosequitur, corrigunt et emendant. Apparet in Panormi Curios, non quidem initio Maii, ut Villanus scribit, sed eo mense exeunte die scilicet 26 Maii, secumque trahebat classem XII triremibus, aliisque in modum navis instructam, urbem tenuit obsessam diebus XXV, nec inde recessit nisi iussu fratris sui Roberti, qui place indelect difficile esse urbem muniam, et propugnatoribus defensam expugnare ait Nicolaus Specialis lib. 7 cap. 23. Revertas ex ea obsidione copias per insulam circumducens igne et ferro iste agros vastavit, die Augusti quinta successum est ad urbem Messanam, ibique diebus tredecim perseveravit; non tamen appropinquantes ad moenia Messanae, ait anonymus Martenii cap. 34. Nec ita multo post, die videlicet 17 mensis Augusti, Carolus cum suis rediit in Calabriam. Male igitur auctista oppugnatam hoc anno Messanam constituit.

tiam et injustitiam abhorrentes; inclytis regibus charissimis in Christo filiis nostris Carolo Francorum et Navarrae velut tuo domino speciali, et Eduardo Angliæ tanquam patri et domino cum omni devotione et reverentia pariturs; necnon charissimæ in Christo filie nostræ Isabellæ reginæ Angliæ illustri genitrici tuæ honorem exhibiturus debitum, labores quos ipsa te in utero gestando pertulit et amorem sincerum, quo te prosequitur, non oblitus.

« Nec permittas, fili, super omnia Deum diligere ac timere, ipsiusque mandata tenaciter observare, Ecclesias et personas Ecclesiasticas pro divina reverentia honorando, et in suis juribus et libertatibus confovendo, pauperibus, orphanis ac viduis et aliis personis miserabilibus miserando, eosque ab oppressionibus et gravaminibus tuorum officialium et quorumcumque malignantium relevando. Quocirca nobilitatem tuam paternis rogamus et hortamur affectibus, quatenus sic in huiusmodi et aliis piis operibus tuam solidare studeas juventutem, quod, cum ad ætatem provec-tiorem deveneris, et curis fueris majoribus occupatus, portes assueta suavius, ac in tam impiis actibus magis ac magis quotidie delecteris; inde-que Deo merearis fieri semper acceptior, qui te ad laudem sui nominis et rei utilitatem publice perducit, sicut oramus suppliciter, in dierum longi-tudinem et salutem, ad nos quos, quantum cum Deo poterimus, propitios et benignos in tuis opportunitatibus reperies, recursum fiducialiter habiturus. Dat. Avin. II non. Octobris, anno x ». Similiter Isabellam reginam est hortatus ¹, ut filium Eduardum virtutibus excoleret: tum ut ad redintegrandam pacem recenter initam abruptamque inter reges omni studio contenderet. Quo etiam argumento ad Carolum et Eduardum reges hortatorias litteras dedit ². Conceperat nimirum Anglus in regem Francorum et uxorem filiumque odia, cum Isabella et Eduardus, spretis ipsius imperiis, redire in Angliam detrectarent ³; ab-alienati enim ob nimiam Spenseriorum gratiam improbamque administrationem a rege Angliæ erant. Ad quam removendam discordiam duos episcopos legavit Joannes ⁴: demum rem in aper-tum bellum erupisse, ac Spenserios capite dam-natos, regemque exauctoratum videbimus.

14. *Belgium civili bello laborat.* — In Belgio præterita dissidia recrudesce (1) ⁵: cumque Ludovicus comes nonnullos Brugenses, proditoris crimi-ne postulatos, Curtraci persequeretur, ac faces tectis, ubi agebant, injici jussisset, tantum exci-tatum incendium est, ut Curtraci magna pars ignibus conflagravit. Irritati municipii clade Cur-

tracenses, arma strinxere in comitem: exitique in auxilium Brugenses Ludovicum, fuso ejus exercitu, vinetum Brugas adduxere, ac participes comitis consiliorum, ut publicorum malorum auctores, capite damnarunt: demum arrepta ¹ a Gallo rege comitis clientela, missoque ² Petro Atrebatensi episcopo internuntio Apostolico, ob perviciaciam delixi ³ anathemate, ac geminio prælio fusi ⁴, comitem Ludovicum libertati restituere: cujus fœderis leges Meyerus prosequitur ⁵.

15. — *Dionysii regis Lusitanie obitus; de quo litteræ Pontificis ad S. Elizabetham viduam.* — In Lusitania Dionysius rex hoc anno ineunte e vivis sublatus est, de quo hæc Joannes Mariana ⁶: « Anno millesimo trecentesimo vigesimo quinto, septimo nonas Januarii, Dionysius Lusitanie rex Scalabri decessit, diuturno regno anno quadrage-simo quinto novem mensium dierum quinque: excelsa animi magnitudine et perpetua felicitate inter principes ea ætate inclytus. Domestica dissi-dia, implacabileque inter patrem et filium odium ad aliquam injuriam extrema ætate accesserunt. Corpus in Cisterciense monasterium illatum, quod ejus impensa ab Olyssipone sex passuum millibus ab imo totum erat exstructum: pietatis id argu-mentum est. Liberalitatem magnificentiamque animi multa oppida constituta, alia perpetua mœ-nium corona aut aliis operibus munita indicant ». Successit Dionysio Alfonsus filius cognomento Fortis, quem e sancta Elisabetha susceperat. Si quæ porro in vita Dionysius crimina violato jure Ecclesiastico, commisisset, vel ætatis ardore in vesanos amores actum præcipitem diximus, sanc-tissimæ conjugis precibus obtenta celesti gratia, ea magno sensu pietatis delibutus lacrymis dele-visse visus est, ut in consolatoriis ad sanctam reginam litteris Pontifex exponit ⁷, dum ritu Christiano omnibus Ecclesiasticis munitum sacra-mentis, concepta ingenti de alterius vite immor-talitate spe emigrasse ait.

16. « Charissimæ in Christo filie Elizabethæ reginæ Portugalliæ illustri.

« Licet charissimi in Christo filii nostri Al-fonsi regis Portugalliæ illustris nati tui litteræ nobis missæ, claræ memoriæ Dionysii regis Por-tugalliæ viri tui obitum nuntiantes, non indigne amaricaverint mentem nostram, cum non potue-rimus de tam devotissimi et charissimi subtra-ctione filii non dolere; felix tamen ipsius regis transitus, qui devotione ad Deum et sanctam Ecclesiam clarens præcipua, et zelo fidei ortho-doxæ accensus, devote receptis sacramentis domi-nicis, de morte transiisse ad vitam, et in excelsis

¹ Tom. v. p. 1. Ep. sect. pag. 215. — ² Ibid. pag. 211 et 225. — ³ Jo. Vill. l. ix. c. 311. — ⁴ Jo. Wal. ubi sup. — ⁵ Tom. v. p. 1. Ep. sect. pag. 15. Jo. Vill. l. ix. c. 309. Meyer. Hist. Flan. l. xii.

¹ Tom. v. p. 1. pag. 15. — ² Ibid. — ³ Meyer. sup. l. xii. — ⁴ Jo. Vill. l. ix. c. 330. Meyer. eod. l. xii. — ⁵ Meyer. Hist. Flan. l. xii. — ⁶ Mariana l. xv. c. 18. — ⁷ Tom. v. p. 1. Ep. sect. pag. 39.

(1) Motus isti Belgici partim ad hunc annum, partim vero ad sequentem pertinent. Isto quidem anno Ludovicus comes et principatu deturbatus agitur in carcerem, substituto in ejus locum Roberto. Eo sequenti anno deposito, Ludovicus iterum assumitur. MANST.

cum amicis et electis Dei obtinuisse mansionem perpetuam creditur, nobis in partem magnæ consolationis accessit, et ejusdem regis nati tui debita gratitudo, quam ipsum erga dictum genitorem suum gerere prædictarum litterarum series indicavit, dum de ipsius animæ salutis sollicitus, illam per nos et cæterum fratrum nostrorum S. R. E. cardinalium haberi commendatam in nostris orationibus supplicavit humiliter, cordis amaritudinem non modicum temperavit : cum hoc nobis spem tribuat, quod ipse circa salutem propriam velit intendere, ac eam studiosis operibus procurare. Ad quod eidem necessarium nuntiamus, ut Deum timeat, ejusque præcepta observare tenaciter non postponat, sponsam ejus sanctam Ecclesiam in suis prælatis et aliis personis Ecclesiasticis honorando, compatiendo pauperibus, et eos ab oppressionibus defendendo; virosque Deum amantes, pacem et justitiam diligentes ad sua consilia et officia admittendo : super quibus regem eundem per alias nostras litteras duximus exhortandum.

« Sane, filia charissima, quia sicut nosti, ex præsentis vitæ fallacis rerum mundanarum veluti corruptibilium figura præterit, et nihil quod sub sole nascitur, soliditatis habet stabile fundamentum, nec aliquem a lege mortalitatis, cunctis indictæ mortalibus, eminentia dignitatis, seu cujusvis potestatis excusat, sed potius omnes tam divites quam pauperes sibi juxta voluntatis et dispositionis divinæ beneplacitum sint subjecti; excellentiam regiam deprecamur, quatenus præmissa, necnon et prædicti regis viri tui felicem obitum, cujus animam veluti devoti et Catholici principis nos et dicti fratres nostri commendatam specialiter in nostris orationibus habuimus et habere intendimus, consideranter attendens, abstersis lacrymis et mitigatis doloribus spiritum consolationis assumas, quo regem natum tuum et domum regiam tuæ circumspectionis providentia consoleris; ipsum ad prædicta quæ premisimus, et alia quæ salutem suam respiciant dirigendo, maternis affectibus et sedulis exhortationibus inducendo; ad nos nihilominus fiducialiter habitura recursum super tuis opportunitatibus, quæ, quantum cum Deo poterimus, et propitius reperies et benignos. Dat. Avinionæ kal. Martii, anno ix. v. Superfuisse ferunt¹ reginam Elizabetham annis undecim, quos in omnium virtutum genere exerceat, adeo ut sanctitas vitæ ingentibus illustrata miraculis ipsi in triumphanti Ecclesia sanctorum felicitatem, atque in militanti cultum venerationemque pepererit. Erexit etiam ad constantiam scriptis eodem argumento litteris² Pontifex Alfonsus regem, cujus oratores ad antram Apostolicam in illo primo illius regni ingressu missos excepit³, ipsique viros Ecclesiasticos, præ-

sertim religiosos equestres Ordines, ad tunden- dos Saracenos institutos, enixe commendavit⁴.

17. *Rex Aragonum Sardinia potitur, et confectæ Tabulæ de tributo solvendo Pontifici.* — Hoc anno rex Aragonum bellum Sardiæ redintegravit⁵ proximoque totius insulæ liberam possessionem est adeptus : licet enim anno superiori pacem firmatam viderimus; ex quo tamen Alfonsus regni hæres Sardinia classem solverat, Pisani et Catalani mutuis cadibus passim se conficere cæpere; ac Pisanis oratorum opera de injuriis agentibus, Jacobus auxilia in Sardiniam submisit⁶, tum ut parta ultimo bello retineret, tum Fridericum adversus Siciliæ regem juvaret. Missus vero a Jacobo rege Bernardus e Boxados orator, qui coram Pontifice et cardinalibus adjectas a Bonifacio in regni Sardiæ donatione leges Jacobi nomine ratas habuit, ac Pontificiam liberalitatem in remittendo ad decennium dimidio censu admisit, eaque de re publica hæc edita monumenta⁷:

« In Christi nomine. Amen. Anno ejusdem a Nativitate mcccxxv, Indictione viii, Pontificatus sanctissimi patris et domini nostri domini Joannis divina providentia, Papæ XXII anno nono, die xxi mensis Junii, constitutus in consistorio coram sanctissimo patre et domino nostro prædicto ac sacro collegio reverendorum patrum dominorum S. R. Ecclesiæ cardinalium, præsentibus nobilibus clericis cameræ, notariis et testibus infrascriptis, nobilis miles dominus Bernardus de Boxados domini Jacobi, Dei gratia, Aragonum, Valentie, Sardiæ, Corsicæ regis illustris, comitisque Barchinonensis, ac S. R. E. vexillarii, admirati et capitanei generalis procurator et nuntius per ipsum dominum regem ad admittenda, acceptanda, recognoscenda et facienda quæ inferius describuntur, ad ipsum dominum nostrum papam specialiter destinatus, quasdam ipsius domini regis patentes litteras, suo magno pendenti sigillo sigillatas, humiliter præsentavit et exhibuit dicto domino nostro papæ, quarum tenor inferius inseretur, per quas idem miles de sua dicebat procuracione constare.

« Quibus quidem procuracionis litteris coram se, et dicto collegio, nobis notorio ac dicto milite præsentibus, primo publice lectis, idem dominus noster papa quasdam alias litteras ejusdem domini regis aurea sua Bulla bullatas; in quibus idem rex fateretur et recognoscit expresse Sardiæ et Corsicæ regnum a domino summo Pontifice et Rom. Ecclesiæ recepisse in feudum sub conditionibus, conventionibus, modis et forma, atque tenore, qui in papali Rescripto continetur, facto super donatione et concessione ipsius Sardiæ et Corsicæ regni per felices recordationis dominum Bonifacium papam VIII sub certis modo et formis

¹ Mariana l. xv. c. 18. — ² Tom. v. p. 1. Ep. secr. pag. 29. — ³ Ibid.

⁴ Tom. v. p. 1. Ep. sec. pag. 39. — ⁵ Str. l. vi. an. c. 60. — ⁶ Ibid. — ⁷ Ext. in lib. Privil. Rom. Eccl. tom. III. pag. 315. et in Ms. bibl. Vat. sign. lit. B. num. 12, pag. 313.

in ipsis litteris regis comprehensis, quarum secunda linea incipiebat : *Sanctitati vestre, tenore presentium pate fiat*, etc. penultima finiebat : *Bona nobis competentia et competitura in eo habuimus*, etc. necnon et copiam alterius litteræ, quam ipse dominus noster papa eidem regi olim sub Bulla sua transierat, ut asseruit, pro eo quod ipsa contingebant negotia, ad quæ dictus procurator et nuntius destinatus extiterat, immediate mihi fecit legi, cujus tenor sequitur in hunc modum, etc. Dat. Avin. XII kal. Decemb., Pontificatus nostri anno ix ».

« Joannes, etc. » Inseruntur litteræ anno superiori a nobis adductæ : tum aliæ publicæ Tabulæ, quibus Jacobus rex Bernardum e Boxados procuratorem regio instruxit mandato, ut se obstringeret, remissionem illam futuram irritam, si reliquum censum Pontificio fisco non inferri contingeret : tum caveret eam rem Pontificiis iuribus fraudi non fore, nec leges a Bonifacio in conferenda jure beneficiario Sardinia abrogatum labefactatumque iri. « Dat. Valentie VIII id. Martii, anno Domini mcccxiv ». Subdunt publicæ Tabulæ :

18. « Quibus lectis, idem dominus noster summus Pontifex sententiam dictarum litterarum prefatarum domini Bonifacii papæ VIII super donatione Sardinie et Corsicæ regni confectarum, summam eidem militi exposuit in vulgari : et interrogavit eundem, si vellet admittere, acceptare, facere et adimplere omnia et singula, ad quæ se suum procuratorium extendebat, ita quod præmissa, pactis, conditionibus et obligationibus prædictis inter eandem Romanam Ecclesiam et ipsum regem Aragonum factis et stabilitis non derogaretur in aliquo ; quin potius in suo robore et efficacia permanerent. Qui quidem miles respondit, quod volebat, in quantum ad hoc se lectum suum procuratorium extendebat. Tunc dominus noster prefatus, juxta formam oblationis eidem domino Petro infanti per ipsum dominum nostrum dudum, et postmodum prefato regi Aragonum per suas litteras factæ, prout in tenore ipsarum litterarum superius lecto plenius continetur, sub modis, conditionibus et forma prædictis de fratrum suorum consilio medietatem duorum millium marcharum argenti sterlingorum census annui, et militaris servitii prædictorum usque ad x annos proxime venturos prefato regi Aragonum, sui quæ hæredibus in dictarum expensarum suffragium de mera liberalitate et gratia speciali remisit : adjecto tamen per eundem dominum nostrum, quod si ipse rex Aragonum vel hæredes sui in solutione residuarum mille marcharum census annui præfati, in dicto termino festi beatorum Petri et Pauli Apostolorum faciendæ, quocumque anno dicti decennii forte cessarent, remissio hujusmodi de illis mille marchis pro censu ipso, quam faciebat tam per illo anno, quo cessatum esset a solutione prædicta,

quam pro toto residuo temporis dictorum decem annorum haberetur penitus pro non facta : quodque per præmissa pactis, conditionibus et obligationibus prædictis inter eandem Romanam Ecclesiam et antedictum regem factis et stabilitis non derogaretur in aliquo ; quin potius in suo robore et efficacia permanerent.

« Ac consequenter prefatus miles, humiliter genuflectens, nomine dicti regis Aragonum domini sui, dictam gratiam per dictum dominum nostrum summum Pontificem et Romanam Ecclesiam, prefato domino suo et hæredibus ejus factam, admisit, recepit et acceptavit, et eidem expresse consensit : et nomine quo supra recognovit prefatum regem Aragonum dominum suum, ejusque hæredes, eidem domino nostro suisque successoribus Romanis Pontificibus canonice intrantibus, ac Romanæ Ecclesiæ ad totum censum duorum millium marcharum argenti sterlingorum annis singulis ; et ad militare servitium supradicta pro Sardinia et Corsicæ regno teneri, quod idem rex tenet, et hæredes sui tenere debent in feudum ab eis, sub modis, formis et conditionibus contentis in litteris super dicta donatione confectis. Et voluit et consensit expresse procurator prefatus nomine quo supra, quod si rex dominus suus, vel hæredes sui in solutione residuarum mille marcharum census annui præfati, in dicto termino festi beatorum Petri et Pauli Apostolorum faciendæ, quocumque anno dicti decennii forte cessarent, remissio hujusmodi de mille marchis pro censu ipso regi Aragonum ejusque hæredibus facta tam pro illo anno, quo cessatum esset a solutione prædicta, quam pro toto residuo temporis dictorum decem annorum, haberetur penitus pro non facta : quodque per præmissa pactis, conditionibus et obligationibus prædictis, inter eandem Romanam Ecclesiam et antedictum regem factis et stabilitis non derogaretur in aliquo ; quin potius in suo robore et efficacia permanerent. De quibus omnibus et singulis tam per dominum nostrum ex mera liberalitate eidem regi de gratia speciali remissis et adjectis, quam per eundem militem nomine procuratorio regis ipsius admissis, acceptatis, recognitis, quibus expresse consensit, mandavit nobis notariis infrascriptis idem dominus noster summus Pontifex, quod inde faceremus unum vel duo publica Instrumenta, quæ idem miles fieri voluit et concessit.

19. « Cumque prefatus miles pro ampliori gratia, eidem domino suo regi Aragonum faciendæ, domino nostro humiliter supplicaret, idem dominus noster summus Pontifex de fratrum suorum consilio gratiam prædictam eidem domino regi factam, sub modo ampliavit et forma inferius comprehensa : videlicet, quod si ipse rex Aragonum vel hæredes sui in solutione residuarum dictarum mille marcharum annui census præfati, in dicto festo beatorum Petri et Pauli Apostolorum faciendæ, quocumque anno dicti decennii forte

cessarent, remissio hujusmodi de mille marchis pro censu ipso, et medietate servitii militaris prædicti pro illo anno solummodo, quo cessatum esset a solutione prædicta, haberetur penitus pro non facta, cæteris omnibus suprapositis in sua liberalitate et gratia et adjunctionibus antedictis, ut supra plenius continetur, in omnibus et per omnia in suo robore duraturis: et de hoc etiam voluit idem dominus noster, quod faceremus publicum seu publica instrumenta. Quam quidem ampliacionem gratiæ, et omnia contenta in ipsa sub forma superius expressa dictus miles nomine dicti regis reverenter et humiliter acceptavit, et eidem expresse consensit. Acta fuerunt hæc Avinione in episcopali palatio, ubi prædictus dominus noster papa cum sua curia residebat, anno, indictione, die et Pontificatu prædictis, præsentibus venerabilibus in Christo patribus dominis Gasberto archiepiscopo Arelatensi camerario, Ademario episcopo Massiliensi thesaurario ejusdem domini nostri papæ, et domino Petro de abbata canonico Valentino ad præmissa vocatis testibus et rogatis». Quod ad aliorum regnorum vectigalia Sedi Apostolicæ pendenda spectat; solummodo a Roberto rege Siciliae Pontificia syngrapha docet¹. Tum etiam missos in Poloniam nuntios ad exigendum denarium S. Petri, commendatorie ad Wladislaum regem et Andream e Verulis ac Petrum de Alvernia litteræ ostendunt².

20. *Nomullorum pseudominoritarum pervicacia et hæresis, auctore Petro Joanne Olivi, cujus errores recensiti et refutati.* — Interea recurrere de proprio Christi et Apostolorum controversiæ, nonnullis hypocritis, quos malus agebat spiritus, detrahentibus Constitutionibus Apostolicis, quas superioribus annis editas vidimus; quibus illorum error, qui Christum Dominum et Apostolos puro rerum usu sine illo jure potius affirmabant, re-

fellebatur. In quos in regno Balearico a Majoricarum episcopo, in Aragonia a Valentino inquiri imperavit Joannes³. Inter cæteros Ubertinus et Casali (1) pseudominorita judicio postulat⁴ cum lis apud Sedem Apostolicam penderet, non obtenta facultate discessit, atque in vincula a Pontifice abripi jussus est. Verum ipse severitatem elusit, confugitque ad Ludovicum Bavarum, cui una cum hæresiarcha Marsilio in concipienda adversus Joannem sententia, referciendaque hæresibus postea operam navasse, refert Mossatus⁵; meminitque de ejusdem impiis scriptis adversus decreta Apostolica Mss.⁶ Vat. Ubertini⁷ Casalis magister fuerat Petrus Joannis Olivi, damnatus proximo ineunte anno, factionis, quæ inter Minoritas spiritualium speciosum nomen sibi arrogabat, princeps: hauserat⁸ vero plurimam faciem partim ex Waldensium lacunis, partim ex abbatis Joachimi deliriis, accomodatam nempe sancto Francisco blasphemis iis encomiis, quæ Joachimus in S. Benedictum temere effundisse ferebatur, magnoque argumento est improbum hypocritam a cacodemone in angelum lucis transformato delusum, si vera sunt quæ referunt Franciscani Annales⁹, illum in extremo vitæ discrimine professum, omnem suam scientiam ipsi infusam divinitus, et quadam die hora tertia repente a Numine collustratum fuisse: hoc enim auctore patre mendacii dictum colligitur, ut hæreses suas altius defigeret in animis simplicium discipulorum, qui adeo erant fascinati, ut pro iis tuendis flammam pertulerint⁸. Cæterum vana penitus sunt, quæ nonnulli de Franciscana familia referunt, illam adeo fuisse collapsam hoc tempore, ut viros sanctos disciplinæ restitutores circumventos calumniis incendio deleverit; deformatores enim fuisse, ex serie historiæ patet. Quam-

¹ Tom. v. p. 1 Ep. secr. pag. 131. — ² Tom. v. p. 2. Ep. secr. pag. 268 et 273. — ³ Moss. in Lud. Bav. — ⁴ Ms. Vat. sig. num. 4010, in indice. — ⁵ Marc. Olisip. 1 v. c. 24. — ⁶ Guid. epis. Elnev. sum. de har. Petr. Jo. — ⁷ Marc. Olisip. 1 v. c. 33. — ⁸ Eod. lib. c. 24.

¹ Tom. v. p. 2. Ep. secr. pag. 307. — ² Tom. v. p. 1. Ep. secr. pag. 160.

(1) Mendam in Annalibus eubare hic suspicor. Ubertinus de Casali Genuensis inter Pseudominoritas hoc anno judicio postulatus, atque e fuga quam meditabatur retractus in carcerem tandem sese propiusse ad Bavatum asservit. Ubertinus primo quidem Minoritarum Ordinem professus fuit, nec in eo tantummodo egit, sed et inter acerrimos Minoritæ paupertatis propagatores valuit. Sententiam ea de re suam a Joanne requisitus anno MCCXXXI exposuit, ut ipse in charta vulgata Baluzæ Miscell. tom. 1 pag. 307 affirmat. Sed ante eos annos cum dogmata Petri Joannis Olivi acriter defenderet, ejusque defensionis gratia invidiam in se multorum Ordinis sui creasset; e re sua cecidit si e Minoritis ad Sancti Benedicti Monachos transiret, qua de re legenda apud Wadumum Pontificia Joannis litteræ ad ipsum e Ubertinum monachum Sancti Petri de Gembloux Ordinis sancti Benedicti diocesis Leodiensis date kalendas Octobris, anno 11, id est anno MCCXXVII. Hinc apud Mossatum in Ludovico Bavarum, Ubertinus iste, non quidem Ordinis Minorum, ut semper designatur ab illo Minorita, sed *Monachus* appellatur. Vestim tamen non annuum mutavit, ut ex sententia de paupertate, cujus superius meminimus, planum est. Quam sententiam anno MCCXXXI, die XXVII Septembris palam se defendere per syngrapham a se scriptam professus est omnem contrariam definitionem respicere se ut hæreticam, et fides oppositam protestatus. Ex hac solemniter audita sententia sua expositione suspicari quis posset, Ubertinum hoc ipso anno e carcere Pontificio, (cui traditum fuit e hoc anno ex anonymo quodam Vaticano Ms. codicis a-se-rit analista) evasisse et cum ad Bavatum se propiusset, postum in tuto statim opinionem suam fidenter pandisse. Cum tamen apud Mossatum legimus monachum istum auctorem fuisse Ludovico Bavarum ut Romanum qui a Romanis invilabatur, concederet; eoque veniret Ludovicus anno MCCXXVII jam tunc secessionem hanc ab eo factam constat.

Ad judicium Apostolicum in dogmata Petri Joannis Olivi quod attinet, extra locum suum ab analista hic referri, satis constat. Cum enim sententia illa lata fuerit sabbato primo Quadragesimæ die VI Februarii, his characteribus exprimi annum veteri quidem stylo MCCXXV, seu alterum presentem MCCXXVI, nemo ambigit. In annum igitur sequentem hæc omnia rejicienda erant. Theologi vero a Pontifice delecti, ut inire eadem dogmata discenterent, duo tantummodo ex octo quibus ea provincia commissa fuit in Annalibus recensentur. Omnium nomina prædicta leguntur occurere in sententias quasdam ex libris Petri Joannis excerptas, quam consensum scriptis traditam Theologi illi Pontifici destinantur, et vulgata Baluzæ Miscellæ, tom. 1, pag. 219. Sunt vero Gaius prior generalis Carmelitarum, Bernardus de Turre Ord. Minorum, Aquitaniae provincie minister, Guillelmus de Laduno Ord. Prædicatorum *Lector Sacri Palatii* (idem Viennensis archiepiscopus) Nicolaus de S. Justo de can. S. Quintini, Laurentius Angliensis Ord. S. Benedicti, Simon Angliensis Carmelita, Arnaldus Royard Minorita, Petrus de Palude Ordinis Prædicatorum.

vis autem nonnulli Petri Joannis errores jam ante in Concilio Viennensi damnati fuissent, cum tamen alii ex ejusdem scriptis eruti invalescerent, impietatis judicio aliqua illius Commentaria damnata sunt, ut tradit Ms. Vaticanum¹: « Anno, inquit, Domini mcccxxv (sumpto nimirum illius ab Incarnatione Verbi exordio), sabbato primo Quadragesimæ condemnavit (*nimirum Joannes*) postillam fratris Petri Joannis Biterrensis diocesis de Ordine Minorum: ex qua fomentum sumpsit quedam secta pestifera illorum, qui se pauperes de tertio Ordine S. Francisci appellant, ex quibus multi fuerunt combusti ». Confirmat hæc Bernardus², qui etiam ab eodem amplificatam Beguinorum sectam scribit:

« Anno Domini mcccxxv, sabbato primo Quadragesimæ quæ fuit VI idus Februarii, dominus Joannes Papa XXII reprobavit et sententialiter condemnavit in publico consistorio, assistentibus cardinalibus et prælatis et magistris in theologia et doctoribus utriusque juris, quamdam pestiferam postillam, quam frater Petrus Joannis olim Ordinis fratrum Minorum de Serinhano diocesis Biterrensis fecerat super librum Apocalypsis B. Joannis, tanquam continentem pestiferum et hæreticum dogma contra unitatem Ecclesiæ catholicæ, et potestatem summi Pontificis Romani, et Apostolicæ Sedis. Continebat etiam plures articulos erroneos et hæreticos. Ex qua postilla sumebat originem et fomentum secta quædam pestifera illorum, qui Beguini sunt vulgariter appellati, qui se fratres pauperes de tertio Ordine S. Francisci communiter nominabant: ex quibus quamplures fuerant per judicium prælatorum et inquisitorum hæreticæ pravitatis tanquam hæretici, condemnati et relictis iudicio curiæ secularis, et combusti diversis locis in provincia Narbonensi, etc. » In libri margine æque vetusto caractere additum est: « Narbonæ, Biteris, in Capite stagno, apud Pedevacium, apud Lodovam, apud Lunellum, et Massiliæ, et Carcassonæ et Tolosæ ». Eadem afferuntur in Ms. card. Baronii Notis, quibus consentit Aymericus hic verbis: « Dominus Joannes papa XXII Avinione residens, informatus de perversa doctrina fratris Petri Joannis de Ordine fratrum Minorum, cum magno consilio multorum in theologia magistrorum et doctorum condemnavit dicti fratris Petri Joannis, de quo actum est supra hos liberos ut vere hæreticales; scilicet postillam super Apocalypsim, postillam super Matthæum, postillam super Canonicas, propter errores contentos in eis, et hæreses quæ recitantur supra questione nona ». Eadem Pegna³ refert in Commentario, qui ipsum professione Minorum ait, Cериaco diocesis Biterrensis oriundum, ac sepultum Narbonæ in Ecclesia Minorum. Ad cujus sepulchrum cum simplices affer-

rent venerationis ergo donaria, jussu Pontificio refossa ejus ossa refert et dissipata: « Idem, inquit, dominus papa fecit exhumari ossa dicti fratris Petri Joannis, et omnia tam cercas imagines, quam pannus per manus simplicium ad ejus tumulum deducta Narbonæ fecit publice concremari. Aliqui tamen volunt dicere, quod licet ossa fuerint exhumata, non tamen cum prædictis concremata, sed Avinionem deducta, et de nocte in Rhodanum projecta pro eo, quia repertum extitit, quod libros suos prædictos supposuerat correctioni sacrosanctæ Romanæ Ecclesiæ ». Ac ne quis ambigat, posthac, damnatos Petri Joannis in Apocalypsim, Commentarios a Romana Ecclesia, testimonium producimus ejus temporis scriptoris insignis, scilicet Alvari Pelagii Ordinis Minoritarum, postea episcopi Silvensis, qui in suo tractatu in Extravag. Joannis, *Cum inter nonnullos*, hæc narrat⁴:

« Dominus papa de consilio sacri collegii dominorum cardinalium in condemnatione, juxta supplicationem sibi factam pro parte Ordinis fratrum Minorum, quam fecit de postilla, quam Petrus Joannis super Apocalypsim conscripsit, habuit consilium magistrorum in sacra pagina, quibus examinationem ipsius postillæ commisit: inter quos magistros fuerunt fratres Gregorius de Landinio archiepiscopus Viennensis, et Petrus de Palude Ordinis Prædicatorum, et multi alii magistri aliorum Ordinum et statuum. In quo iudicio, per ipsos magistros in scriptis sub eorum sigillis etiam in forma publici instrumenti præfato domino Papæ tradito, de quodam articulo, quem dictus Petrus Joannes scripsit in dicta postilla, cujus articuli tenor de verbo ad verbum talis est: Ex quo per Romanæ Ecclesiæ authenticas testificationem et confirmationem constat, regulam Minorum per B. Franciscum editam, esse vere et proprie illam Evangelicam, quam Christus in seipso servavit, et Apostolis imposuit, et in Evangeliiis suis conscribi fecit; et nihilominus constat hoc per irrefragabilia testimonia librorum Evangeliorum et cæterarum Scripturarum sanctarum, et per sanctos expositores eorum, prout alibi est superabunde monstratum; dicti magistri in sacra pagina de ipso articulo suum dant consilium in hæc verba.

« Si dictus Petrus Joannis hæc verba accipit secundum intellectum et declarationem Decretalis *Exiit qui seminat*: verum dicit. Si autem intelligit sicut ipse alibi declarat, et sui sequaces asserunt, quod regula B. Francisci sit vere et proprie idem et id ipsum, quod Christi Evangelium et e converso, et quod dominus papa non habet potestatem super eam, sicut nec super Evangelium; vel quod quidquid est in regula beati Francisci, totum Christus ad litteram servaverit, et Apostolis imposuerit observandum; hoc totum simpliciter repu-

¹ Ms. bibl. Vat. sign. num. 3765. in Jo. XXII. — ² Chr. Rom. Pont. Ms. bibl. Vat. sign. num. 2043. et ex eo Bar. in Schedis. — ³ Pegna. comm. 54. in q. xxvii.

⁴ Ext. in Ms. Arch. Vat. Var. Bull. Jo. XXII. pag. 89. Ext. etiam typ. cussa apud Alvar. Pelag. de planctu Eccl. l. 11. c. 59.

tamus hæreticum, ridiculum et insanum : nec istud probatur per aliquod testimonium, quod inducat. Hæc verba dicti Conclii ».

21. Extant in Ms. Archivi Vaticani nonnulli alii articuli, ex Petri Joannis scriptis decerpti, qui cum nefariæ doctrinæ suspitione non carerent, transmissi fuere Pontificis jussu ad Franciscum episcopum Florentinum, postea cardinalitia purpura exornatum, ut ipsos ad theologicum examen adduceret : qui iis accurate discussis, sententiam suam subjectis verbis explicuit ¹ :

« Mittantur (nimirum articuli memorati), reverendo in Christo patri domino domino Francisco Dei gratia episcopo Florentino.

« In nomine Domini. Amen. Super articulis mihi transmissis, quæ inferius continentur, duxi breviter sicut sequitur rescribendum. Primus noseitur esse talis : Utrum Catholice possit dici, quod Pontificatus Christi fuerit primo stirpi vitæ Evangelicæ et Apostolicæ in Petro et aliis Apostolis datus, ac deinde ad statum habentem temporalia utiliter et rationabiliter commutatus ». Et infra :

« Prædictus articulus videtur implicare duos errores. Primus est, quia dicit pontificatum fuisse datum determinate stirpi, scilicet stirpi vitæ Evangelicæ et Apostolicæ : hoc enim videtur esse falsum et erroneum, quod potest probari sic, quia Pontificatus fuit datus toti cœtui fidelium Christianorum, et non determinate stirpi : quod patet ex hoc, quia quicumque fidelis Christianus rite eligitur et consecratur in Pontificem vel episcopum, vere est Pontifex vel episcopus, nec oportet, quod teneat vel observet vitam Apostolicam, (id est, proprio abrenuntiet.) » Et infra :

« Item dico, quod videtur sine dubitatione, faciendo mentionem de Pontificatu Christi dato stirpi, ut dicit, quædam supponere et principia facere, ex quibus possit aliquos errores fundare, quibus destructis tales non possunt nec debent errores fundari. Et ideo dicendum videtur quod Petrus Joannis, qui in sua dixit postilla, quod dictus Pontificatus datus fuit stirpi vitæ, etc. jure primogenituræ ; et sic ad ordinem Apostolorum tali jure spectare dicit, ut vidi contineri in prologo ejusdem postillæ vii notabili, subtrahendo Apostolis quod suum erat, et eis datum, ut est dictum ; et hoc dixit ad hoc, quod qui de stirpe dictæ vitæ non fuerit, ad dictum Pontificatum non debeat assumi. Quod falsum videtur tali ratione, quia si concedatur quod datus fuerit ipse Pontificatus eo modo, quo dicit in Petro et aliis Apostolis, quod ipsi Apostoli omnes fuerunt Pontifices, et hoc est verum ; licet Judas non expectaverit Pontificatum, quamvis sacerdos fuerit : sed Petrus ex concessione Christi speciali et ampliori propter rationem et ordinem universi, qui est, quod omnia ad unum caput seu terminum reducantur, summus

fuit Pontifex, et exercitium habuit universaliter ut vicarius Jesu Christi, dicente sibi Domino Joan. ultimo : *Pasce oves meas*. Ubi aliquis de stirpe decedit, in locum ejus succedere debet proximus, quem nemo antecedit, ut hæc plene probantur in alia facultate. Sed Apostoli, quos nullus anteibat in sancta Ecclesia, erant proximiores Petro eorum capiti post Christum de stirpe vitæ prædictæ. Ergo quicumque de Apostolis remansit post Petrum, sibi ipsum Petrus successorem debuit facere in Pontificatu ratione juris primogenituræ, et quia stirpi datus erat Pontificatus secundum Petrum Joannis, et si hoc B. Petrus non fecit propter rationes prædictas mortaliter peccavit, subtrahendo Apostolis quod suum erat et eis datum, ut est dictum.

« Dico quod quia Pontificatus non erat datus stirpi, secundum quod ipse Petrus Joannis dixit, beatus Petrus sibi Clementem substituit, nec alium quem Apostolum viii. q. 1. *Si Petrus in te..* Et glo. Et quod de Apostolis aliquis post Petrum remanserit, vide xii. q. 1. *Dilectissimis*. Et quod B. Petrus peccaverit mortaliter sic faciendo, Spiritu sancto plenus, et qui sciebat, quomodo Pontificatus erat datus, est impossibile ». Et infra :

« Secundus error implicatur in hoc, quod dicit, Pontificatum mutatum de statu vel stirpe Apostolorum ad statum habentium temporalia : quia per hoc clare dicitur, quod Apostoli non habuerunt temporalia nec in proprio nec in communi ». Et infra : « Non tamen Pontificatus ipse datus est sub præcepto non habendi temporalia, vel sub prohibitione habendi ; constat enim quod et Christus et Apostoli temporalia habuerunt : nam et Dominus habebat loculos, et a fidelibus oblata conservans, et suorum necessitatibus et aliis indigentibus tribuebat ; et Apostoli, cum rerum pretia, quæ offerchantur recipere, et etiam dispensarent, xii. q. c. *Dilectissimis*, etc. *Scimus*, quamvis nihil proprium dicerent eorum, quæ possidebant, sed omnia erant communia, ut in illis cap. dicitur. Patet igitur, quod status ille primus in Christo et Apostolis erat status habens temporalia : et hoc quoad communia bona temporalia, sicut sunt bona Ecclesiastica hodie quantum ad clericos et pauperes, quoniam bona Ecclesiæ pauperum sunt, xvi. q. 1. c. ult. Ex quibus satis apparet, quod quoad bona temporalia Ecclesiarum, quæ non propria sed communia sunt et dicuntur, xxi. q. 1. *Expedit*, Pontificatus tempore Christi et Apostolorum erat in statu habente temporalia, et nunc similiter. Ergo non potest dici commutatus ad statum habentem temporalia ; cum commutatio vel mutatio sit de uno in aliud ». Et infra :

22. Secundus articulus est : « Utrum Catholice possit dici, quod in sexto statu hujusmodi vitæ non solum simplici intelligentia, sed palpativa et gustativa experientia videbitur omnis sapientia Verbi incarnati, et potentia Dei Patris, quia Christus promisit, quod cum venerit ille

¹ Apud Jo. XXII. Var. Bull. pag. 79. et in Ms. Bibl. Vat. sign. num. 4004.

Spiritus veritatis docebit vos omnem veritatem ». Multis interjectis ad hæc confutanda, non videri nempe septem humanitatis Christi mysteria, non conceptionem, non nativitatem, non passionem, mortem et sepulturam, non descensum ad inferos, non resurrectionem, non ascensum in coelos, non adventum postremum; non etiam Trinitatis mysteria conspici, verbum generari, procedere Spiritum, nec divinam essentiam, etc. subdit:

« Prædictus articulus non videtur Catholicus in eo quod dicit, quod in presenti vita non solum simplici intelligentia, sed etiam gustativa et palpativa experientia videbitur omnis sapientia Verbi incarnati, et potentia Dei Patris; quia ex hoc sequitur, ut probatum est, quod in presenti vita habebimus experimentalem notitiam de articulis fidei: sed sic fides non habebit meritum, dicente Gregorio in homiliis, quod fides non habet meritum, cui humana ratio præbet experimentum. Sic etiam fides evacuaretur in præsentī vita, quod est contra auctoritates præmissas, (nempe Apostoli): *Videmus nunc per speculum et in ænigmate, tunc autem facie ad faciem*. Et: *Nunc ex parte cognoscimus, et ex parte prophetamus: cum autem venerit quod perfectum est, evacuabitur quod ex parte est*, (id est, imperfectum). Itemque: *Fides est substantia rerum sperandarum, argumentum non apparentium*. Sic etiam in præsentī vita possemus in aliquo statu habere notitiam experimentalem de unitate divinæ essentiae, et trinitate personarum, et sic plene esse beati, etc. »

Tertius articulus est de prædestinatione post quem subicitur:

« Quartus articulus talis est: Utrum Catholice possit dici, quod B. Franciscus sit Evangelicæ vitæ et regulæ sexto et septimo tempore propagande revelator, et summus post Christum et ejus matrem observationem ». Et infra: « Ponit assertionem de incertis minus probabilem et non credibilem, cum supponat quod Apostoli minus quam B. Franciscus vitam Evangelicam et regulam observarint: quod ratio refugii et probabilis credulitas aspernatur ». Et infra: « Per hoc quod dicitur, vitam Evangelicam fore propagandam sexto et septimo tempore, clare satis innuitur quod adhuc aliud Evangelium sit futurum: quod est omnino erroneum, et per Ecclesiam tempore Alexandri IV jamdiu damnatum tanquam hæreticum; sic enim sequeretur, quod lex Christi, quæ per Evangelium nobis exponitur, non esset perfecta, et sic non posset homines introducere ad vitam æternam ». Et infra: « Non est ergo expectanda in sexto vel septimo tempore propagatio vitæ et regulæ Evangelicæ, quia nullus status vitæ præsentis est futurus perfectior quam Evangelii jam divulgati, per quod homines ad finem omnis perfectionis, scilicet ad æternam beatitudinem perducuntur: et dicere contrarium omnino est hæreticum. Si autem aliquis dicat, quod per vitam regulæ Evangelicæ, sexto et septimo tempore propa-

ganda, intelligitur regula fratrum Minorum quam B. Franciscus edidit, non autem intelligitur per illam propagationem novæ regulæ novum Evangelium futurum; dico, quod istud nihil videtur valere, primo quia, cum ipse dicat, quod B. Franciscus est summus observator talis vitæ post Christum et ejus matrem, innuit per hoc quod Christus et ejus mater illam regulam et vitam, de qua loquitur, servaverunt. Constat autem, quod non servaverunt regulam, quam B. Franciscus edidit, quia nondum erat tempore Christi et matris ejus. Ergo non intelligitur de illa etc. »

23. Scriptæ præterea ab eodem Florentino Præsule aliae animadversiones in damnatos Pelri Joannis Commentarios præfixo hoc titulo:

« Super tertio cap. super verbo; *Tene quod habes*.

« Item sicut soli primo, (verba sunt Pelri Joannis,) comminatur translationem suæ Ecclesiæ de loco suo, sic soli sexto significat, quod si non perseveraverit, ejus corona ad alium transferetur: cujus mystica ratio est; quia sicut primus status habuit primatum respectu sui totius primi generalis status mundi, qui ab Apostolo vocatur tempus seu ingressus plenitudinis gentium, sic sextus habebit primatum respectu totius tertii duraturi usque ad finem sæculi. Ne ergo superbiaut de suo primatu aut insolescant, quod non possint ipsum perdere, aut quod alius nequeat substitui eis et fieri æque dignus, insinuat eisdem prædicta translatio. Secunda ratio est, quia uterque eorum substitutus est alteri: nam gloria, quæ fuerat sy agogæ parata et pontificibus suis in Christum creditiscent, translata fuit ad primitivam Ecclesiam et ad pastores ejus; sic et gloria parata finali Ecclesiæ quinti status transferetur propter ejus adulteriam ad electos sexti status, unde et in hoc libro vocatur Babylon meretrix circa initium sexti status damnanda. Notandum tamen quod per hoc verbum doceatur, numerum electorum ad complendam fabricam civitatis supernæ sic esse præfixum, quod si unus per suam culpam corruat, alterum oportet substitui, ne illa fabrica remaneat incompleta.

« Qui vicerit. Hoc verbum expositum est supra. Notandum quod ipse victor signanter dicitur liendus columna templi Dei: et sicut primi Apostoli Christi fuerunt fundamenta Ecclesiæ, sic iste debet esse columna recta ipsius, et perfringens ad sublimem consummationem ipsius; debetque esse firmum et decorum sustentaculum altæ et finalis perfectionis ipsius, etc. »

« Reverende pater, (is erat memoratus Franciscus Florentinus,) dominus noster, (scilicet Joannes papa,) vult quod super hoc (id est, propositionibus Petri Joannis in postilla,) deliberetur et scribatur.

24. « Secundum Hieronymum verba et scripta sanctorum doctorem sunt pie accipienda et exponenda, et semper trahenda ad bonum et verum

ac pium sensum et sententiam : sed verba et scripta hominum suspectorum sunt fugienda ut pestis et repellenda ut quoddam venenum et lepra. Sicut enim dicit Augustinus in homilia, vera falsis permista in una disputatione vel narratione hominis significant lepram : unde secundum eundem leprosi non absurde intelligi possunt, qui scientiam veræ fidei non habentes, varias doctrinas profitentur errorum. Et quia frater Petrus Joannis prædictus multa falsa et erronea, ac hæretica scripsit in sua postilla super Apocalypsim, prout jam incipit innotescere toti Ecclesiæ fidelium, in Romana curia et alibi per diversas mundi partes et nationes ; ideo verba præmissa in dicto notabili credo esse trahenda et intelligenda secundum suum sensum perversum et corruptum, quia qui semel malus in eodem genere malitiæ, semper præsumitur malus ». Et infra :

« Dicit primo, quod sicut primus status habuit primatum respectu sui totius primi generalis status mundi, sic sextus habebit primatum respectu totius tertii duraturi usque ad finem mundi. Ne ergo de suo primatu superbiaut insolescant, quasi non possent ipsum perdere, aut quasi alius nequeat substitui eis, et fieri æque dignus, insinuat eis prædicta translatio. Secundam rationem assignans dicit sic : Secunda ratio est quia uterque substitutus est alterius, nam gloria, quæ fuerat synagoge parata et pontificibus suis, si in Christum credidissent, translata fuit ad primitivam Ecclesiam, et ad posteros ejus ; sic et gloria parata finali Ecclesiæ quinti status transferetur propter ejus adulteria ad electos sexti status : unde et in hoc libro vocatur Babylon meretrix, circa initium sexti status damnanda. Ex præmissis colligi potest, quod exponendo prædictum textum : *Tene quod habes*, etc. ne alius accipiat coronam tuam ; ponit de facto, quod primus status perdidit primatum, quem habuit ; et sextus status poterit perdere primatum, quem est habiturus, et sicut synagoga perdidit gloriam sibi paratam, quæ gloria parata fuit translata ad primitivam Ecclesiam ».

25. His consentanea Guido episcopus Elnensis¹ : tum de Petri Joannis erroribus plura habent Aymericus in Directorio inquisitionis², qui ex ejusdem Commentariis in Apocalypsim blasphemiam in Ecclesiam convicia recenset, quibus ille hypocrita proscindit Ecclesiam, dum ipsam Babyloniam meretricem, bestiam, synagogam Sathanæ, carnalem Ecclesiam, habitationem demoniorum ; Pontificem vero mysticum antichristum impie vocat³ : at suæ sectæ homines Christi militiam, Ecclesiam spirituales, et sanctos patres appellat. Ilis mendaciorum lenociniis et blasphemis in Ecclesiam vocibus jam ante usi erant Waldenses⁴, ac pseudo-apostoli, qui stupris adulterisque contaminatis-

sini Ecclesiam meretricem vocitarant ; quod impium mendacium Alvarus Pelagius¹ episcopus Silvensis his verbis confutat : « Attendendum est isto tempore Matth. xvi, Marc. viii, Luc. xii, a fermento quorundam pseudoprophetarum, quod est hæresis, dicentium Ecclesiam meretricem, scilicet vere de meretrice impia conscientia et malignante psal. xxv. *Odium Ecclesiam malignantium* ; tales adulterii et spurcitiei filii sunt exorti. Ecclesia enim Catholica in se et in suis sanctis non meretrix, sed sancta est, non habens maculam hæresis (Ephes. v.) nec rugam schismatis ». Et infra : « At Jeremias xxxi : *In charitate perpetua dilexi te, ideo attraxi te, miserans tui*. Hoc matrimonium initium fuit in paradiso, quando de latere dormientis Adæ formata est Eva (Gen. ii) xxxv q. i. Cum igitur in principi. Extra, de divort. Gaudemus. Extra in Clemen. de sum. Trin. *Sacrosanctæ*, ratificatum in cruce, ubi de latere Christi dormientis processerunt duo sacramenta, scilicet sanguis et aqua, quibus formatur et dotatur Ecclesia, ut præleg. cap. *Sacrosanctæ*, et Extr. de celebr. miss. *In quadam* : aqua enim mundatur, ut sit sine macula (Cant. iv) ibi. *Et macula non est in te* ; Christus loquitur Ecclesiæ. Sanguine ornatur, ut sit purpurata sicut Regina. Psal. xlvii. *Astitit Regina*, id est, Ecclesia. Consummatum erit post judicium, quando introducetur sponsa in thalamum sponsi, ut bonis ejus plenarie perfuatur, Apoc. xix ibi : *Quia venerunt nuptii agni, et uxor ejus præparavit se* ». Et infra : « De isto etiam matrimonio inter Christum et Ecclesiam dicitur Osæ ii ibi : *Desponsabo te mihi in fide : Sponsabo te mihi in iudicio, et justitia, et misericordia et miserationibus. Sponsabo te in sempiternum*. Ter dicit, *Sponsabo*, ut ostendat hoc matrimonium initium, ratum et consummatum : initiatur enim in fide, per quam quælibet anima de Ecclesia Dei sponsa Dei efficitur, et annulo fidei subarrhatur ». Et infra : « Consummatum autem hoc matrimonium in eternitate : et hoc est quod ait : *In sempiternum*. Sed non dicit in quo stat consummatum, immens quod ineffabilis erit delectatio matrimonii consummati ; unde Augustinus : Quod Deus præparavit diligentibus se, fide non capitur, spe non attingitur, charitate non comprehenditur, desideria et vota transgreditur : acquiri potest, æstimari non potest ». Hactenus Alvarus.

26. *Fraticellos in Oriente hæresim spargentes reprimit Pontifex*. — Edoctus præterea a patre mendacii Petrus Joannis, pseudopropheta agens ; vaticinatus erat¹, Pontificem et Ecclesiam eversum iri. Tum effut erat inter cætera fore, ut Evangelium obsolesceret inter Latinos, atque inter Græcos, Saracenos et Tartaros effloresceret : quæ cum etiam nonnulli jactarent apostate, nam et Fraticellos metu Bonifacii VIII in Orientem se subdu-

¹ Guid. Carmel. sum. de hæ. c. de hæ. Petri Jo. — ² Aymer. Direct. inquis. p. 2. q. xxxv. — ³ Rad. p. q. ix. — ⁴ Guid. episc. Elnensis de hæ. Walden. Turrecrem sum. de Eccl. p. 2. l. iv.

¹ Alv. Pel. de plant. Eccles. l. i. c. 66. — ² Eymer. sup. q. ix.

xisse vidimus ¹, imperavit Joannes, edita Constitutione, ne quis e religiosis ordinibus nisi a suis præsulibus missus inter infideles Evangelium promulgaret.

« Joannes, etc. ad perpetuam rei memoriam.

« Ad nostrum nuper relatio fide digna perduxit auditum, quod nonnulli religionis gestantes habitum, sed a veritate religionis omnino vacui, et modestia penitus alieni ad partes quandoque transmarinas se transferunt, in quibus pauci fideles respectu infidelium commorantur: et ut ibidem facilius decipere simplicium animos, ac ipsos et alios in errores præcipitare seu retinere valeant; sub ovili veste ac humilitatis habitu lupinum animum occultantes, per doctrinas suas reprobas et erroneas fidelium mentes quantum in eis est, corrumpere satagunt: in ipsis partibus periculosa nimium spargere non omittunt, nec non et os suum ponentes in cælum, lingua eorum transeunte falsifica super terram, sanctæ Romanæ Ecclesiæ detrudere Constitutionibus, et alia multa a fide devia in suis sermonibus et secretis colloquutionibus, evomere insani ausibus non verentur: ex quibus Deus offenditur, periculosa suscitantur scandala, paratur simplicibus laqueus; ipsique talium præsumptores de hæresi vehementer arguunt se suspectos.

« Nos itaque, tantis obviare periculis paternæ diligentiae studiis copientes, universis et singulis religiosis cujuscumque religionis, ordinis, status vel conditionis existant, de fratrum nostrorum consilio districtius auctoritate præsentium inhibemus, ne ipsorum aliquis absque superioris sui ordinis licentia, sibi per ipsius litteras patentes concessa de cætero ad partes se transferat antedictas; superioribus ipsis nihilominus injungentes, ne quibusvis sui Ordinis fratribus, nisi dumtaxat viris litteratis, providis et expertis hujusmodi licentiam impertiri præsumant, etc. » Intentatum anathema, cujus nexu nisi in extremo mortis discrimine solvi possent, iis qui contra hæc tenderent: dataque præsulibus imperia, ut ejusmodi monachos nisi superiorum syngrapha instructi essent, divina celebrare aut conciones sacras habere, permitterent, sed veluti apostatas insectarentur; ac si qui e sacro suggestu aliqua adversus religionem effluerent, ipsos sine judiciario strepitu in carcerem conjicerent, soluta quavis prærogativa, qua Pontificis Diplomatismus munitis se contenderent. Quæ sanctio « VI id. Maii, Pontificatus anno IX » edita est.

27. Refregit Pontificum hoc decretum pseudomonachorum audacia: plures enim ex Fraticellorum facie, qui Romanam Ecclesiam collapsam penitus, ac religionis et sanctitatis expertem ob amplissimas opes, quibus suæ dignitatis splendorem tuebatur, impiaque dogmata effutiebant, penetrarunt in Orientem, ac fideles nonnullos hæresi antea

damnata infecere, non Clementem V, non Joannem XXII, non Benedictum XII, non quoscumque alios etiam Pontifices veros pastores fuisse, sed fucatum tantum et umbratili auctoritatem gessisse; veram autem firmamque auctoritatem a divino Numine in ipsos, paucos numero et specie mendiculos, sed celestibus thesauris affluentem transusam. Ad quorum reprimendam improbitatem, Orientales fideles a Clemente VI monitos ¹, ut ab iis hypocritis sceleratissimis caverent, inferius visuri sumus ². Cæterum edidit Joannes adversus nascentes errores plures sanctiones ³, quas in Academia Parisiensi jussit divulgari: datisque ad Robertum regem Siciliæ litteris ipsum edocuit ⁴ Ecclesiam nil contra Minoritas statuere, sed in impios tantum illos, qui se spirituales jactabant, atque Ecclesiam Romanam evertere nitebantur:

« Roberto regi Siciliæ.

« Constitutionem, fili charissime, non contra fratrum Minorum Ordinem, sed contra nonnullos illis fratribus, qui se spirituales nominant, adherentes eorumque doctrinam sequentes pestiferam, sanctam Romanam Ecclesiam ejusque statuta falsis insaniis satagunt impugnare, nos excellentia regia noverit de fratrum nostrorum consilio edidisse: cujus tenorem regiæ providentiæ, ut eisdem innotescant de illa plenius, in cedula mittimus præsentibus interclusam. Datum II non. Feb. anno IX ». Rogavit ab his litteris ⁵ eundem regem, ut Beguinos, qui ex Sicilia in ducatum Calabriæ ad disseminandos errores suos fugerant, coerceret, ne ea lue populos inquinarent, ac præsulibus puniendos traderet. Ex his constat iniquas esse eorum querelas, qui Joannem in invidiam nimie in Minoritas acerbitatis adducunt: perpendere enim debuerunt ipsum amantissime complexum Minoritas, tantummodo autem Franciscani Ordinis hostes, sacris ejus insigniis indutos, insectatum.

28. *Ad Carolum Ungariæ regem de fide propaganda sollicitum litteræ Pontificiæ.* — Pullulantem etiam tum in Bosnia hæresim excendere satagit, ac Stephanum ⁶ et Elizabetham ⁷ Bossinenses principes excitavit, ut in ea labe delenda zelum explicarent. Tum regem Ungariæ Carolum gravissimis litteris monuit ⁸, ut regia auctoritate Fabianum Minoritarum fidei censorem fulciret.

« Joannes, etc. charissimo in Christo filio Carolo regi Ungariæ illustri.

« Frequenter, fili charissime, fide digna relatio Apostolicæ Sedis pulsavit auditum, quod principe tenebrarum, humane salutis æmulo nocendi cupido, consuetis nequitie stimulis procurante, magna hæreficorum caterva, de multis et variis partibus congregata, ad principatum Bosnensem, in confinio Dalmatiæ constitutum, sub

¹ Clem. VI. l. III. Ep. secr. tit. Ext. etiam in Ms. Arch. Vatic. de reb. transcr. pag. 57. — ² An. Chr. 1344. — ³ Tom. v. p. 2 Ep. secr. pag. 201. — ⁴ Tom. v. p. 1. Ep. secr. pag. 58. et lib. Var. Bull. sign. lit. A. pag. 118. — ⁵ Ibid. pag. 59. — ⁶ An. 9. p. 1. Ep. cur. v. — ⁷ Ibid. Ep. VII. — ⁸ Ibid. Ep. VI.

¹ Annal. tom. XIV. an. 1297. num. 55.

fiducia inibi seminandi obscenos errores tuteque nocendi conflavit. Qui antiqui hostis imbuti versuta ac veneno sua falsitatis armati, Catholicorum animas, sub simplicitatis simulatione illis praefensa, sed falsa Christiani nominis professione corrumpunt, dum eorum sermo scripit ut cancer: humiliter irrepunt, sed latenter occidunt; et lupi rapaces interius existentes, vestitum ovium exteriori simulatione demonstrant, quia non possent fallere veras et simplices Christi oves, nisi sub nomine Christiano legerent rabiem bestialem.

« Cum igitur praedictorum haereticorum nefanda, sed eliminanda seductio in dicto principatu, sicut asseruit, jam multas animas labe respersit seu infercit pravitatis; dictusque principatus tuus, sicut accepimus, sit ditioni subiectus, ac propterea deceat et expediat cum omni cautela studio et provisionis accelerata medio, de principatu praedicto pestem huiusmodi radicibus extirpare, ne passim vagari permissa intactas adhuc Christi oves morbo ejusdem pravitatis inficiat, et in vicinis provinciis periculosus dilatur; serenitatem regiam rogamus et hortamur in eodem Domino Jesu Christo, tibi nihilominus per Apostolica scripta mandantes, quatenus ob reverentiam Apostolicæ Sedis et nostram, ac pro salute animarum, ad eliminandum et extirpandum dictos haereticos de principatu praedicto opem praepares et impendas congruentem, regio culmini et ejusdem provincia statui opportuna, etc. Dat. Avinionæ nonis Junii, anno ix ».

29. Agitabat tum Carolus ingentia fidei propaganda inter finitimos barbaros consilia, quæ cum exposuisset Pontifici, flagitavit ut e regnis, in quibus florebat Christiana religio, auxilia sibi pro fide augenda dimicaturis submitteret. Cujus piis votis Joannes annuere non potuit, responditque¹ moris non esse ut Romanus Pontifex ulla auxilia cuiquam principi extra regni sui limites petenda attribueret: « Sane, inquit, fili charissime, cum per easdem litteras inter cetera nobis duxeris supplicandum, ut ad refringendam rationum infidelium tuo regno vicinarum, contra quas te pugnare frequenter oportet, superbiam et malitiam contendam, certum tibi subsidium in certis aliis regnis propinquis concedere dignaremur; regalem providentiam volumus non latere, quod licet te, dictumque regnum tuum prerogativa favoris precipui prosequamur, libenter ad ea, quæ tuum et ipsius regni commodum et honorem respiciunt, paternis affectibus intendentes; quia tamen nulli regi subsidium extra regnum suum concedere consuevimus, tuæ petitioni huiusmodi annuere cum nostra decencia non valemus: quare nos habeat regia magnificentia super hoc, quæsumus, excusatos, etc. Dat. Avin. id. Septembris, an. x ». Gratulatur quoque isdem litteris filium regni heredem tutum ab ipso susceptum. Ce-

terum Pontifex, quem extra Ungariam Carolo negasse auxilia vidimus, ut Ungaros ad sequenda illius signa concitaret, omnibus qui in acie adversus infideles et Saracenos pugnando fortiter caderent, vel occumberent ex vulneribus, præmia indulgentiarum contulit.

30. *Regi Boemiæ Asianam expeditionem meditantis dat litteras Pontifex.* — Ardebat² simili pio desiderio proferendæ inter Barbaros religionis Christianæ Joannes Boemiæ rex, atque oratorum opera suscipiendæ a se Asiaticæ expeditionis consilia significavit Pontifici: qui magnis ea laudibus extulit, illumque hisce litteris ad constantiam in concepta voluntate incitavit³:

« Joannes, etc. Joanni regi Boemiæ.

« Cum nuntii te, fili charissime, ad transfelandum zelo fidei Catholicæ in subsidium Terræ Sanctæ, et ad certos honores nostros et ejusdem Ecclesiæ toto cordis affectu sub eadem credentia coram nobis asseruerint aspirare, personam et bona tua propterea te paratum exponere nihilominus offerentes; nos oblationem huiusmodi, quam Deo gratam tibi que honorabilem, et nobis placitam admodum et acceptam indubitanter supponimus, tuumque in hac parte laudandum propositum gratiarum actionibus uberibus prosequimur, et digna laude in Domino commendamus. Et licet supplicatis pro parte tua per ipsos nuntios, qualitate supplicatorum ipsorum et aliis pluribus obstitentibus, per nos præfatis nuntiis expositis et tibi referendis per eos, non annuerimus usquequaque; ea tamen de illis, quæ secundum Deum et honeste potuimus, ad exauditionis gratiam admittenda favorabiliter duximus, sicut in litteris confectis super hoc regiæ patebit magnitudini, et ipsi nuntii referre potuerunt viva voce. Rogamus igitur excellentiam regiam et obsecramus in Domino Jesu Christo, quatenus in eodem proposito, exhibitione fructuosi operis, cum opportunum fuerit, prosequendo constanter et indefesse perseverare studeat regia celsitudo: teneamus enim indubie, quod perseverantia ipsa grata divinæ majestatis accedet oculis, et honoribus et protectibus regiis existere poterit multipliciter opportuna. Dat. Avin. kal. Aprilis, anno ix ».

31. *Joannis principis felices in Græcia progressus.* — Quod ad Orientalium res spectat, refert Jo. Villanus⁴ Joannem Roberti regis Siciliae fratrem, Peloponnesi sive Moræ principem, comparata viginti quinque triremium classe, ad Cephaloniam applicuisse; cumque comitem a fratre cæsuum reperisset, eas insulas sibi subjecisse, ac domitis rebellibus, Clarentiam appulisse feliciter, atque a civibus maximo cum honore exceptum. Addit Marinus Sanutus⁵ in litteris ad Ingramm Capuanum archiepiscopum regisque Siciliae scrinii præfectum, irrupisse et Blachia in

¹ T. m. v. p. 2. Ep. secr. p. 258.

² An. 9. p. 1. Ep. com. CCXII. — ³ Tom. v. p. 1. Ep. secr. pag. 46. — ⁴ Jo. Vill. l. ix. c. 282. — ⁵ Sanut. in Append. Ep. III.

Græciam Albanensium ingentem exercitum, ac Græcos et Catalanam societatem magnis cladibus attrivisse, ipsorumque regionem late populosam : tum eorundem conjunctas copias propulsasse. Præterea Turcas piraticam exercuisse in Ægeo mari, atque Eubream et Naxos insulas, abductis in servitutem Christianis, infestasse.

Rediitum Constantinopoli, ineunte Februario Andronicum junorem imperiali diademate, re-

fert Nicephorus Gregoras ¹ : servatosque in ea celebritate ritus Joannes Cantacuzenus ² exactus describit. Quia perfecta pompa, cum e S. Sophia Basilica rediret Andronicus, senior equo in lutum est provolutus, qui casus a plerisque in triste labentis imperii omen versus est ³.

¹ Greg. l. VIII. — ² Cantac. l. I, c. 31. — ³ Greg. eod. l. VIII.

JOANNIS XXII ANNUS 11. — CHRISTI 1326.

1. *Joannes cardinalis S. Theodori legatus paciarius in Italiam missus.* — Cum discordia in Insubria atque Etruria, anno Christi millesimo trecentesimo vigesimo sexto, Indictione nona, in dies ingravesceret, ac populos inter se magno furore committeret; nec Bertrandus cardinalis legatus in eas provincias missus ob negotiorum molem, quibus obruebatur, sollicitudinem suam ad omnia quæ occurrebant, interponere posset; Pontifex oneris impositi partem in Joannem S. Theodori diaconum cardinalem convertendum censuit ¹:

« Joannes, etc. Joanni S. Theodori diacono card. A. S. L.

« Attendentes quod gratiarum dator Altissimus personam tuam, nobilitate generis, scientiæ magnitudine, providentiæ dono, discretionis virtute, industriæ munere, circumspectionis gratia et aliarum virtutum titulis insignivit, humeros tuos fortitudinis robore muniendo, ut onera gravia facilius supportares; plenam quoque imo plenissimam de hujusmodi tuis laudabilibus meritis fiduciam obtinentes, licet apud Sedem Apostolicam ex tui maturitate consilii tua non modicum opportuna præsentia dignoscatur, nosque illa careamus inviti; te ob honorem et exaltationem Ecclesiæ ad reformationem et directionem necessarias, ac desideratam quietem provincie ac partium prædictarum, nimirum Etruriæ, de statum prædictorum consilio illuc tanquam pacis Angelum duximus destinandum: discretionis tuæ in eadem provincia Tusciæ, tam in imperio quam in terris Romanæ Ecclesiæ constituta; necnon archie-

piscopatu Pisano, et Castelli ac Perusina civitatibus et diocesisbus, Massa Trabaria, civitate Urbini, diocesi et districtu ipsius, marchie Anconitanæ, ducatus Spoletani provinciis; Campaniæ, Maritimæ et Sabiniæ comitatibus, patrimonio B. Petri in Tuscia et Urbevetana, Viterbiensi, Tiburtina, Reatina, Tuderina, Interamnensi, Narniensi civitatibus et diocesisbus, omnibus aliis provinciis et terris in litteris legationis dicti Bertrandi cardinalis legati expressis; necnon insulis et terris Sardinie et Corsicæ, sub ipsius Bertrandi legatione libere remanentis et inclusis; plenæ legationis officium committendo, ut evellas et destruas, dissipes et disperdas, ædifices et plantes, ac facias auctoritate nostra quæcumque ad honorem Dei, prosperum statum partium earundem, ac reformationem pacis fidelium videris expedire, concessa tibi auctoritate simili contradictores et rebelles quoslibet, præterquam nostros et ejusdem Ecclesiæ Romanæ officiales, quos nobis specialiter reservamus, per excommunicationis et interdicti, vel amotionis, aut depositionis sententias, sive alias per censuram Ecclesiasticam, appellatione postposita, compescendi, etc. Dat. Avin. XV kal. Maii, an. x ».

Eundem creavit paciferum, sive publicæ pacis servatorem in Etruria, quod munus amplissimum erat, ad factiosos ad concordiam adducendos reprimendosque. Ornavit ² etiam pluribus privilegiis pro concilianda illi populorum veneratione, et officio egregie obeundo: atque inter cætera, ut cum Florentiam accederet, templorum et

¹ Tom. v. p. 2. Ep. secr. pag. 350, et an. 10. p. 1. Ep. cur. v.

² Tom. v. p. 2. ab Ep. cur. VII. ad XLII.

sacrorum usum civibus restitueret ¹. Tum vero universo Etruriæ et aliarum provinciarum, quæ legato obnoxie erant, præsules, viros nobiles, magistratus urbium, ac populos eidem cardinali S. Theodori, ut legato Sedis Apostolicæ pacisque servatori parere jussit ²; cum autem ille se Pisas contulisset, nihil a Pisanis honorifice exceptus habitusque, quo nomine gratias ipsis agit Pontifex ³.

2. *Castrucius dolose in gratiam admitti postulat.* — Dum vero Pisis agebat legatus, Castrucius Anterminellus Lucanorum tyrannus, ut refert Joannes Villanus ⁴, missis ad eum litteris pacem oravit: quo accepto nuntio Pontifex respondit legato ⁵, Lucanos se in gratiam amantissime admissurum, si ad Ecclesiæ partes se traducerent; sed vereri se, ne animus ab eorum dictis longe abhorreret:

« Legato Tusciae.

« Lætante audivimus, fili, te cum tua comitiva Pisis pervenisse prospere, clemique ac populum civitatis ejusdem te amicaliter ac honorificentia placida recepisse. Placent nobis quæ infidelium (Lucenses notat hoc verbo) nuntiis respondi: et si Dominus in eorum cordibus spiraret, quod a devio suos vellent pedes retrahere, dummodo realis esset retractio, non verbalis esset nobis gratum admodum et acceptum, ac in his et aliis proinde plus ad facta, quam ad verba tuum intuitum dirigendo, dilecto filio magnifico viro Carolo duci Calabriae scribimus, ut amicaliter, et benigne Pisanos pertractare studeat, ac ut ipsos suæ devotioni attrahat, studiosam curet diligentiam adhibere, ad quod eum tua providentia inducere non omittat. Gratia Domini nostri Jesu Christi sit tecum, quæ te in agendis dirigat et protegat ab adversis. In confectioe præsentium nos et fratres nostri, Dei misericordia, valebamus. Dat. Avin. VI idus Julii, anno x ».

3. Non aberravit a vero Pontificis conjectura: Castrucius enim, ut se in tutum subduceret redimeretque tempus, dum novas vires ad excipiendos hostiles impetus comparabat, pacis tractatum dolo iniecerat, ut refert Joannes Villanus ⁶: traditque ⁷ Gualterum ducem Athenarum Carolo duci prævisse, ac Florentiæ Pontificium Diploma, quo Robertus imperii in Italia administrator, dum teneret interregnum, promulgaturum, promulgari jussisse: mense vero Julio Carolum Senas accessisse, atque ob discordias Tolernæorum et Salimbenensium, inter quos inducias imperavit ⁸ præfecturam Senarum ad quinquennium obtinuisse ⁹; deinde inclinante eodem mense una cum uxore, magna procerum multitudine ac flore nobilitatis

magnisque copiis succinctum Florentiam ingressum ¹. Stipavit ipsum in ea expeditione Joannes Achaie princeps patruus, quem Pontifex litteris, ut nepoli opera et consilio adesset, est adhortatus ².

Elusisse ³ Castrucium arte et dolo horum principum vires formidabiles, dum tractatum pacis simulatæ cum legato, cui Pontifex ut omni studio ad Gibellinos ad Ecclesiæ partes revocandos incumberet, commendabat ⁴, extraxit. Ita enim consumptum tempus, bellumque mora consenuit, quod impetu gerendum fuisset: si enim Lucam versus castra movissent, cum mense Augusto Castrucius gravi implicitus valetudine teneretur, levi momento res esset confecta. Cum vero convalescisset, ac mense Octobri duæ arces, quibus Cavignanum et Mammianum nomina, ab ipso defecissent, adeo strenui ducis partes obivit ⁵, u occupatus iterum angustiis, Caroli ducis copias ne eo tenderent repulerit, omnesque conatus fregerit.

4. *Guido episc. Aretinus perduellis Pontificia sententia percellitur.* — Nec parum Castrucium juvere exortæ inter Carolum et Florentinos discordiæ, quas a legato demum sopitas ipsi Pontifex gratulatus est ⁶. Cui etiam provinciam injunxit, ut Apostolicam sententiam in Guidonem episcopum Aretinum, quem dignitate exauctoratum ⁷ diximus ⁸, Gibellinarum partium ducem acerrimum latam divulgaret ⁹. Corripuerat is malis artibus Aretinorum præfecturam, et graves clientibus Ecclesiæ clades intulerat; interque alia scelera Castrucio arctissimo fœdere se conjunxisse, queritur Pontifex ¹⁰:

« Joannes, etc. dilecto filio Joanni S. Theodori cardinali A. S. L.

« Idem episcopus, mala malis accumulans, sibi quæ iram in die ultionis et justi judicii Dei thesaurizare damnabiliter non formidans, damnato Castrucio de Anterminellis, Dei et Ecclesiæ manifeste rebelli et hosti, excommunicato, ac de hæreticorum fautoribus sententialiter et publice condemnato, excommunicationis et alias graves pœnas et sententias contra quoscumque participantes, fautores, adjutores, valitores, consiliatores, receptatores, defensores et adjutores dicti Castrucci; cujuscumque status, dignitatis, ordinis vel conditionis existant, etiamsi pontificali, vel quacumque alia præfulgeant dignitate, per litteras et processus nostros super hoc habitos, et in eis partibus sic solemniter publicatos, quod non est dubium illos ad ipsius Guidonis notitiam pervenisse, impositas et inflictas incurrere nequaquam metuens; sed in mortis et damnationis præcipitum potius se immergens, adhæsit, favit,

¹ Tom. v. p. 2. Ep. secr. pag. 350. — ² Ibid. pag. 251, et an. 10, p. 1. Ep. cur. v. vi. et tom. vi. p. 1. Ep. secr. pag. 59. — ³ Tom. v. p. 2. Ep. secr. pag. 361. — ⁴ Jo. Vill. l. ix. c. 349. — ⁵ Tom. v. p. 2. Ep. secr. pag. 355. — ⁶ Jo. Vill. l. ix. c. 449. — ⁷ Eod. lib. c. 347. — ⁸ Jo. Vill. l. ix. c. 352. — ⁹ Ant. lit. xxi. c. 6. § 5.

¹ Jo. Vill. l. x. c. 1. — ² Tom. v. p. 2. Ep. secr. pag. 265. — ³ Tom. v. p. 2. Ep. secr. pag. 55. — ⁴ Jo. Vill. l. x. c. 1. — ⁵ Ibid. c. 6. — ⁶ Tom. vi. p. 2. Ep. secr. pag. 59. — ⁷ Jo. Var. Bull. pag. 13. Jo. Vill. l. ix. c. 342. — ⁸ An. 1324. num. 21. — ⁹ Tom. v. p. 2. Ep. secr. pag. 348. — ¹⁰ Ibid.

adhæret et favet, sibi que præstat et præstitit contra eandem Romanam Ecclesiam et fideles ipsius publice ac notorie, auxilia multiplicia, consilia et favores.

« Postmodum vero cum ad dilectorum filiorum Joannis de Ancona et Servidei de Penna de Ordine fratrum Minorum, inquisitorum hæreticæ pravitatis in provincia nostra marchie Anconitanæ deputatorum, auctoritate Apostolica notitiam clamoribus plurimum validis, referenteque fama seu potius infamia publica pervenisset, quod dictus Guido quondam Friderico de Monteferetro, ac Jacobo et Berardo Persevalii, Ajoleto Cruciani, Burgharesco ejus nepoti, Zanolo, Cerolo ac Leoni de Racaneto, de hæresi et idololatria, necnon Lipacio et Andree quondam Gonzoli de Auximo de hæresi sententialiter et publice condemnatis adhæserat, ac eisdem post condemnationem hujusmodi præstiterat multipliciter auxilia, consilia et favores, etc. » Recenset atrocitas alia ejusdem scelera, utque ob episcopatus administrationem Pontificio jussu non dimissam anathema incurrerit, veteraque flagitia recentibus cumularit: ob quæ omnes præsules et urbium magistratus, intentata censurarum religione, Guidonis commercio abstinere jussit; cunctaque cum ipso iuncta fœdera rescidit. « Datum. Avin. VIII. kal. Junii anno x ». De promulgata a legato adversus Guidonem exactorum sententia meminit Joannes Villanus ¹, atque a Pontifice Ubertinum e nobili Aretinorum familia satum creatum ² episcopum Aretinum; possessionem tamen Ecclesiæ, quamvis res tentata fuerit (eo argumento ad Franciscum Florentinum episcopum, ut vi et armis electum Aretinum in Ecclesiam induceret, extant litteræ secundo post anno ineunte datæ ³) inire non potuisse. Vocatus quoque est in suspicionem Simon Pisanus archiepiscopus, sentire cum hostibus ac præcipue Castuccio: sed in eam opinionem se adduci non potuisse, significavit illi Pontifex ⁴, utque in pristina fide et constantia perstaret, hortatus est. Tutit vero graviter Bononiensium defectionem, quam in litteris ad Bertrandum tit. S. Marcelli presbyterum cardinalem datis ⁵ ob adversos casus, quibus occulto Dei, ut ait, iudicio excepti fuerant contigisse, illosque hæreticis et aliis cum ipsis sententibus adhæsisse deplorat, sequæ inducias, quas pepigerant cum hostibus, rescidisse significat: quo argumento ad Bononienses scriptis litteris, eos servandarum pactarum induciarum cum Passarino Mantuæ tyranno religione exsolvit ⁶ (4).

5. *In ditione Pontificia varii et tristes belli casus.* — Certatum quoque pariter eventum vario est in ditione Ecclesiastica inter eos, qui partes Ecclesiæ defendebant, ac perduelles, qui se Gibellinos profitantur. Fabrianenses ¹, Pœni Gibellini et Aretinis conjuncti quoddam oppidum, impetu cepere implereque credibus: ii tamen postea a Tano Aeno et Malatesta profligati ². In victorem vero conflata conjunctio a Lamberto ³, qui domi nandi cupidus consanguineos opiparo exceptos convivio adortus, Ariminum sibi subiecit absente Malatesta: qui mox eo advolans, perrupta urbis porta, tyrannum pepulit. Turpi quoque proditiōnis genere Auximani ⁴ Firmanos, dum lusu et joci indulgebant, contra fœdera invasere, urbemque sanguine et flammis deformarunt. His malis fessi Firmani se ad obsequium Ecclesiæ detestatos spondere ⁵. Fabrianenses ⁶ etiam, quos a Malatesta contosos diximus, ad officium reverti.

6. *Fœdus inter Austriacum et Bavarum damnat Pontifex, ac Carolo Francorum regi ad sacrum imperium evehendo favet.* — Dum ea in Italia gerebantur, Pontifex initum inter imperii æmulos fœtus omni opera dissolvere nisus est. Inter cætera vero objecti plura ⁷ in eo contra electorum principum, ac Romani Pontificis dignitatem contineri, cum illius leges religioso Chartusiano sacerdote adhibito initæ occultæ tenerentur, nec Ludovico cum iis, quæ affirmabant Friderici sequaces, consentiret; questusque est de Balduino archiepiscopo Trevirensi, edicta in Bavarum Pontificia non divulgasse: « Non sulticimus, inquit, admirari, quod in cor aliorum prudentis, qui nostros processus contra Bavarum habitos noverit ascendere possit vel potuerit, quod concordia, quæ facta esse inter Australes et Bavarum dicitur, nobis grata sit vel accepta; præsertim cum illa concordia solis tribus ex ipsis, vel ad plus quatuor nota, omnibus aliis prout fertur, occulta remanet et incerta. Ex quo probabiliter convincitur reproba et indecentia, ac juri sanctæ Romanæ Ecclesiæ et illorum, ad quos jus eligendi regem assumendum in imperatorem pertinet, obvia continere; præsertim cum Bavarus iis, quæ Australes asserunt, non concordet: imo, sicut fertur, in duabus congregationibus eligentium habitis pro parte sua iis fuerit contradicium expresse ».

7. De iis duobus principum conventibus in Germania, pro illius turbis componendis celebratis, agit Joannes Villanus ¹, ac refert, emissio e vinculis Friderico Austriaco exeunte superiori

¹ Jo. Vill. l. x. c. 3. — ² Eod. lib. c. 12. — ³ Tom. vi. p. 2. Ep. secr. pag. 59. — ⁴ Eod. p. Ep. cxxxvi. — ⁵ Tom. v. p. 2. Ep. secr. pag. 335. — ⁶ Ibid. pag. 360.

¹ Jo. Vill. l. ix. c. 331. — ² Ibid. c. 351. — ³ Ibid. — ⁴ Ibid. c. 340. — ⁵ Tom. v. p. 2. Ep. secr. pag. 321. — ⁶ Ibid. pag. 315. — ⁷ Ibid. pag. 254. — ⁸ Jo. Vill. l. ix. c. 315.

(1) Qui in exordio hujus anni, Januario mense nondum elapso, Ecclesiæ partes deserere visi sunt Bononienses, pace cum Mutinensibus Ecclesiæ adversarius composita, pacis elapsis mensibus, iterum redeunt ad obsequium. Scribit eam vetustus auctor Chronici Bononiensis vulgatus Rer. Italie. tom. xviii, Bononienses ad legatum Pontificium, qui copias in Passarium Mutinensium dominum agebat, misisse equites trecentos, quod ab auctore et cœvo Chronici Estensis Rer. Ital. tom. xv, col. 388 memoria proditum est.

anno primum habitum, atque inter partes adversas discordiam exortam, cum Leopoldus negaret consensurum se, ut frater iuribus imperii abscederet. Hoc vero anno alium tractatum habitum, atque in eo agitatum, ut Ludovicus Bavarus in Italiam accederet ad insigne imperiale accipiendum, ac Leopoldus ab eo vicarius imperii diceretur: Fridericus autem in Germania regio nomine potiretur. Verum urgentibus Pontifice ac rege Francorum principes imperii electores adversatos, obiectisquæ Fridericum suam in Ludovicum suffragia conferre sine nova electione non potuisse. Initum quidem ea de causa inter Pontificem ac principes electores fœdus indicare videntur Joannes papæ litteræ¹ ad Joannem Boemie regem et Balduinum Trevirensis archiepiscopum datæ, quibus Austriæ ducis oratori responsum significat, nullum fœdus cum Ludovico aut Friderico eo inconsulto a Sede Apostolica firmatum iri.

Dum superiora agitabantur, addit Joannes Villanus², Leopoldum, qui cum Roberto Siciliæ ac Carolo Francorum regibus ac Florentinis fœdus percusserat, vigesima septima Februarii die, non sine veneni suspitione extinctum (1). Vocatur in crimen a nonnullis³ nefaria cum necromantis familiaritatis susceptæ, ac insano videndi demonis correptum desiderio, illum deformi aspectu magi opera intuitum, ac mox ex horrore decubuisse morbo, ac phreneticum obisse. Quæ si ab invidis non jactata ad calumniam, qui magicarum artium sint fructus, tristes exitus ostendunt.

Porro adulto anno Fridericus Austriacus, cum Pontificem abalienatum a Ludovico cerneret assensum sibi imperii spern concepit, atque una cum fœderatis amplissimam suam ac Moguntini et Coloniensis archiepiscoporum nomine apparavit legationem, cuius princeps erat futurus Albertus Austriacus; sed ab his præmissi oratores aversum a confirmando eodem Friderico Joannem et alia meditantem consilia commovere: moliebatur nimis Carolum IV regem Francorum evahere ad imperium, deque ea re arcanos iniisse tractatus colligitur ex subjectis litteris quibus Austriacorum consilia ac molitiones aperuit⁴:

« Joannes, etc. regi Franciæ illustri.

« Regali magnificentiæ taliter respondemus,

quod gratum est nobis, opportunitatibus favendo regi, dictæ dilationi annuere, quantum videlicet ipsum negotium nos concernit: sed dum attente circa illud attendimus, quod in tractatu dicti negotii prælixione termini nonnulli ambaxiatores solemnes certarum civitatum solemniū de ipsorum regiorum nuntiorum beneplacito affuerunt, veremur quod ipsius termini prorogatio eis inconsultis vel insciis dubios ipsos reddat et anxios; quod utique non expedit in hac parte. Præterea, sicut ad aures supponimus regias pervenisse, ambaxiata solennis pro parte viri magnifici Friderici ducis Austriæ, dudum in regem Romanorum electi, dirigenda nobis ordinata existit pridem, in qua dilecti filii nobilis vir Albertus ipsius Friderici germanus pro eo, et de Bucheli ac de Virmenberchi comites pro venerabilibus fratribus nostris Moguntino et Coloniensi archiepiscopis fuerunt ad veniendum cum aliis nonnullis personis sollemnibus specialiter deputati. Qui siquidem Australes duos postmodum præcursores nuntios præmittentes, a nobis nonnulla in favorem electionis Friderici prædicti cum ferventi instantia postularunt: quibus cum annuendum minime decreverimus, tam præcursoribus ipsis oretenus, quam Alberto prædicto per speciales litteras duximus taliter respondendum, videlicet quod super negotio per eosdem nuntios proposito, præfatum Fridericum principaliter contingente, pirati eramus prompte et expedite cum fratribus nostrorum consilio, sicut et requirit negotii qualitas, justitiam exhibere: et adhuc gratiose et favorabiliter quantum sine Dei offensa, suæque dictæ Ecclesiæ præjudicio, ac injuria principum, ad quos electio regis Roman. promovendi in imperatorem pertinere noseitur, poterit fieri, cum hoc opportune postulatū fuerit, nos habere. Ex quibus providentiæ, queso, colligat regia, quæ possent, præsertim exordio, necnon intento fini dicti negotii, ex prorogatione responsionis hujusmodi, maxime Australibus ipsis et sibi adherentibus, conductam ambaxiatam prosequentibus, obstacula provenire. Nihilominus tamen offerimus nos paratos memoratis civitatibus prædictarum ambaxiatoribus juxta regium beneplacitum scribere prorogationem termini antefati, rogareque illos etiam, quod exinde displicentiæ materiam eorum devotio non assumat. Dat. Avin. IX kal. Septembris anno x. Non Gallus, non Austriacus potiri imperio poluere, sed

¹ Tom. v. p. 2. Ep. secr. pag. 256. — ² Jo. Vill. l. ix. c. 315. — ³ Alb. Arg. in Chron. et add. ad Lyndet. aut. r. — ⁴ Ms. Arch. Vat. Buljar. Jo. XXII. sign. lit. A. p. 121.

(2) Obiit hoc anno Leopoldus frater Friderici Austriæ ducis, uti cum annalista aequales scriptores affirmant. De mense dissidium est aliquod. Nam Villanus diem 27 Februarii assignat; sed qui tunc in Germania agebat Joannes Vitiatorius Minorita mortuum asserit isto quidem anno, sed circa finem Martii, Argentorati. Aprior est tamen fœdus ejusdem Leopoldi vit duranus, præ Alberto Argentoratensi, quem pariter ætate præcessisse credit, cum Argenteus s. s. Chronicon suum claudat cum anno MCCLXXVII. Vitiatorius vero annum MCCLXXVI non sup. rat. Hæc ergo de Leopoldo ex aliorum relato et se audivisse tradit Vitiatorius: « De duce Leopoldo refertur quod vitam suam quasi tyrannum cum bono fine terminavit. Nam cum Argentorat post aliquot dies decumberet, forte exit prædictum. Insuper a papa Joanne sibi valde fav. ratur, eo quod se Ludovico semper opposuit, per confessionem suam in Fra. m. Monasterium, cognomenque appellatum de Bibrach, absolutionem omnium peccatorum suo non atque poenæ debitæ pro peccatis meruit adipisci ». Qui nec tyrannum vitam egisset, quantum id affirmat Vit duranus, dimittit continuato Chronico Martini Poloni, vulgatis ab Ecclesia inter his ories in diei XVI. tom. II: scribit enim ad hunc annum: « Moritur dux Leopoldus vir non eximi corporis; sed valde astutus, magni cordis et intrepidus, equus etiam more et propter probitatem ipsius papa Joannes dicitur multum doluisse ». Continuatur iste hist. h. suam ad annum usque MCCLXIV. perducit. Ex his fama nominis Leopoldi adversus obreptiones Alberti Argentoratensis, quas annalista hic adoptat, in tuto ponitur. Habes etiam omnium, ut arbitror, antiquissimum exemplum indulgentiæ Pontificiæ, quam vocant in articulo mortis.

Ludovicus Bavarus vi et armis illud tenuit; exindeque a principe Pontifici adversante maximam procellam, quæ Ecclesiam concussit gravissime, excitam visuri sumus.

Interea Germania, cui pacem ex inimicorum Cesarum conjunctione restitutam plerique sperabant, fluctuabat urgente sua in Ludovicum edicta Pontifice, qui Trevirensis archiepiscopus ob præmissis eorum promulgationem corripuit his verbis¹: « Miramur insuper, nec sufficiens admirari, cum nobile membrum esse noscaris Ecclesie sanctæ Dei, cur a capite et commembris tuis aliis, publicando processus contra dictum Bavarum habiles, te renuis conformare. Quocirca fraternitatem tuam requirimus et hortamur, ut attendens attentius, quantum Deum offendis et matrem tuam, quæ te præfecit Ecclesie Treverensi, quantumque honori tuo detrahis, quantisque per hæc periculis te exponis, præceptis Sedis Apostolicæ toties iteratis obedire non protrahas; sed ea prompte studens adimplere, etc. Dat. Avinionæ VII idus Martii, Pontificatus nostri anno x ». Terrere poterant Trevirensis objecta pericula, si Pontificia in Ludovicum Bavarum edicta vulgaret: Bocharius enim archiepiscopus Magdeburgensis, a Ludovici sequaciis appetitus insidiis, pro defendenda Ecclesiastica dignitate occubuerat. Obsecutus ille Romano Pontifici censuris Magdeburgensem provinciam ob susceptas Bavari partes deflexerat: cumque illa ea religione solvi deposceret, ac Pontifici obsecuturam sponderet, data² fuere hæc Bochario anno superiori imperia:

« Joannes, etc. venerabili Bochario archiepiscopo Magdeburgensi.

« Dudum ex manifestis rationabilibus et urgentibus causis contra Ludovicum de Bavaria, tunc in discordia in regem Romanorum electum, pro eo quod discordi electione hujusmodi per Romanam Ecclesiam, ad cujus examen personæ electæ in regem Romanorum in imperatorem assumendæ approbatio et electionis admissio pertinet, non admissa, nec ejus approbata persona, nomen regis Romanorum indebitè usurparat, ac regni Romanorum et imperii administrationi se, in ejusdem Ecclesie manifestam injuriam, plurimorum scandalum, ac suæ alicujusque multorum animarum periculum ingerebat, diversos processus fecimus, varias pœnas et sententias continentes ». Nonnullis interjectis, quibus censuras Ludovico adherentibus inflictas recenset, subjungit: « Tuque dictos processus et contenta in eisdem litteris publicare solemniter curavisti, prout tua nobis in imatio patefecit. Et quia nonnullas personas et loca tuæ dictioni subjecta reputasti contra processus et sententias eisdem dicto Ludovico adhæsisse ac etiam adhærere, tu prout

ex forma litterarum hujusmodi tibi directarum poteras, publice nuntiari mandasti et fecisti personas ipsas tunc nominalim expressas excommunicationis ac loca hujusmodi et specialiter civitatem Magdeburgensem, Hallesensem, Calvensensem, de Barboys et de Roseborg, ceteraque alia oppida et castra tuæ diocesis interdicti sententiis subiacere. Verum quia, sicut ex insinuatione prædicta percepinus, hujusmodi persone singulares, quas excommunicatas, necnon dicte civitatis ac prænominatorum et aliorum oppidorum et castrorum (quæ interdicta mandasti et fecisti, ut præmittitur nuntari) universitates coram te post hujusmodi spatium proponere curaverunt, se prædictas sententias minime incurrisse, pro eo quod ipsi contra processus et sententias præfatos eidem Ludovico minime adhæserant, nec etiam adhærebant, offequentes se super hoc purgare, seu ipsorum innocentiam ostendere juxta morem illius patriæ per propria juramenta; nobis humiliter supplicasti, ut illorum statui et saluti providere clementer et misericorditer dignaremur.

« Nos igitur cunctorum Christicolarum tranquillitatem et salutem plenius desideris affectantes et volentes ut eos, qui consistunt in fide ac devotione ipsius Romanæ tuæque Ecclesiarum, confirmes et corroboret in eisdem, et alios qui forsitan deviarunt ab illis ad gratiam reconciliationis admittas, ipsosque sic admissos verbo informes et stabilias salutari; tuis supplicationibus inclinati fraternitati tuæ, de qua sinceram et firmam in Domino fiduciam obtinemus, per Apostolica scripta committimus et mandamus, quatenus circa illas ex eisdem personis singularibus, quas excommunicatas; et eas ex universitatibus, civitatis ac prænominatorum et aliorum oppidorum et castrorum eorundem, quas et quæ interdictas seu interdicta mandasti et fecisti, ut prædictur, nuntiari; quæve se sine culpa fuisse asserunt in præmissis, seque coram te purgaverint, seu innocentiam suam ostenderint juxta morem illius patriæ per proprium juramentum, facias quod justitia suadebit; alios vero, qui adhærendo dicto Ludovico, vel præstando eidem auxilium, consilium vel favorem contra processus prædictos excommunicationis vel interdicti sententias incurrerunt, ab hujusmodi excommunicatione juxta Ecclesie formam, si tibi videbitur, possis absolvere; ac interdictum hujusmodi, quod universitates civitatis oppidorum et castrorum prædictorum ob causam similem incurrerunt, auctoritate prædicta valeas relaxare, injungendo eisdem super his quæ de jure fuerint injungenda. Volumus tamen quod ipsi vel illi eorum, qui eidem Ludovico contra processus prædictos in posterum adhærebunt, si persone singulares, in excommunicationis, si vero universitates extiterint, in interdicti eo ipso prædictas sententias relabantur. Dat. Avinionæ X kal. Februarii anno ix ».

8. *Bochari archiepiscopi Magdeburgensis*

¹ Tom. v. p. 2. Ep. secr. pag. 254. — ² An. 9. p. 2. Ep. com. MCCCLXIII.

Ludovico infensi cædes. — Dum impositum munus obibat Bochardus strenue, ac Magdeburgenses et alio Pontificiis imperis parere ac Ludovici exactorati partes deserere juberet, captus ab hostibus tetro carcere inclusus est, in quo a luvatis carnificibus clava armatis, parricidales choræas agentibus, necatus est. Quam tristem cædem describit Crantzius¹: « Sub noctem, inquit, rapitur in carcerem tenebrosum, squalidum, profundum; oneratur catenis, maceratur inedia, mille excruciatu modis, vir Deo dignus, quem improbi diu habere pontificem non mererentur. A die nati Joannis ad festum usque Matthæi sedebat in tenebris, lucerna lucens. Jam consilium parricidæ firmaverunt. Eliguntur viri quatuordecim; de Magdeburgo octo, de Halliis quatuor, de Calvis duo, veste per omnia simili et larvis induuntur, ut etiam inter sese nosse non possent, quis esset quisque. Clavas manibus preferentes irruunt in carcerem, clamoribus testati nequitie ebrietatem. Vincunt pontificem ludibundi chorizantium in morem circueiunt, et ut in tenebris poterant, clavis sæpe innoxiiis jacentem tetigerunt. Jam vertigine in errorem acta, ut internosci quis caderet non posset, unus ex his clava ferit caput pontificis; nec opus fuit ictum iterare. Vertiginem tamen continuant, donec mortuum esse non dubitent. Egressi ponunt larvas, nec inter eos quis necem peregisset, sciebatur: nisi quod omnes æque noxii esse et haberi voluerunt, qui uno consilio gravissimum parricidium et atrocissimum facinus peregerunt: nec refert cujus manu interierit, quando omnium conatu consummatum est scelus. Linquitur sanctum in carcere cadaver anno pæne toto. Ignorabat capitulum vacare Ecclesiam. Jam pæne in oblivionem venerat pontifex, cum cives velut ignari rerum, inspectare vadunt quid agat carceratus. Reperiunt jam foetere gravem, vermibus scatere, diuturnitate pæne consumptam carnem: enuntiant defunctum in carcere. Non potuit internosci pontificis nisi in capite signum. Extrahitur, in medio templo tumulatur, lacrymantibus per circuitum bonis omnibus, quod vir justus et pontifex inter suos tam miserabiliter laceratus periisset ». Illic ille.

Audito cædis nuntio Joannes papa, sicariis intendit judicium, ac Miseni, Nuemburgensi et Hildesemensi episcopis partes dedit, ut Magdeburgensem provinciam sacrarum usu interdicent, auctorisque sceleris ferirent anathemate, atque ex iis octo, eorumdemque posteros ad tertiam progeniem publicis numeribus, gerendisque sacerdotiis multarent. Obliterasse illos jussu Apostolicis, refert Crantzius², additque Bochardi successorem designatum etiam a Ludovico Bivaro capto in carcere brevi vitam clausisse: tunc vero sufferunt lantgravii Hassie filium. Ex Pontificiis autem litteris certissime constat Magdeburgenses

sacris interdictos patrati sceleris in Bochardum acerbè pœnituisse, atque Othonem designatum archiepiscopum magnis honoribus, et demissis obsequiis pro-ecclesiis¹: tum missis oratoribus ad Sedem Apostolicam a commisso crimine rite expiari poposcisse, ac demum ad clementiam Joannem quinto post anno flexisse qui Magdeburgensibus eam pœnam imposuit², ut sacellum in eo loco, in quo cæsus fuerat Bochardus, excitarent, ut in eo sacerdos pro archiepiscopi trucidati anima sacra quotidie perageret: in templo etiam principe quinque altaria Deo ponerent, ut in iis pariter divina ad placandum eidem caso præsul divinum Numen celebrarent; sanxitque ut Magdeburgenses singulis archiepiscopulibus successuris clientelarem sponsonem fidemque sacramento addicerent.

« Joannes, etc. ad perpetuam rei memoriam.

« Quamvis cædes ejusdem antistitis (nempe Bochardi archiepiscopi Magdeburgensis) mentem nostram horrendi criminis atrocitate commoverit, cum inauditu sit facinus propriam necare pastorem, parricidiale committere crimen in præsulem, et funestam perniciem in antistitem proprium ministrantem subditis verbum fidei Christianæ tam nequiter exercere; considerantes tamen, quod per plurium annorum curricula consules et communitas prelibati magnam contritionem et devotam pœnitentiam ostendentes de excessibus prædictis, pro consequenda super his misericordie venia penes Sedem Apostolicam per procuratores eorum, propter hoc apud dictam Sedem per plures annos continue commorantes, insistere continuatis precibus non cessarunt; attendentes quoque propter multitudinem delinquentium prædictorum fore in hac parte severitati canonice detrahendum, ac rigorem pœnarum, eis pro præmissis excessibus debitum, ejusdem Sedis misericordia temperandum; nec minus etiam in meditationis nostræ scrutinium deducentes, quod dicti consules et communitas erga dilectum filium Othonem electum et eandem Ecclesiam Magdeburgensem sic se gratos, humiles et devotos reddere studuerunt atque student, quod idem electus et capitulum ejusdem Ecclesie pro misericordia cum dictis consulibus et communitate habenda penes nos, et Sedem eandem sollicita et instanti devotarum præcump instantia interpellant; de ejusdem Sedis consuetâ clementia satisfactionem et emendam prædictas, nobis oblatas, juxta modum et formam expressos præsentibus per consules et communitatem prædictos providimus exhibendas; videlicet quod consules et communitas præfati ad laudem Dei construi faciant unam capellam in longitudine septem, in latitudine vero tres cum dimidia cannas, et in altitudine concedentem mensuram habentem pro consideratione longitudinis et latitudinis prædictarum, secundum con-

¹ Crantz, Wand, I. VIII. c. 12 et 13. — ² Crantz, eod. c. 13.

¹ An. 15. p. 4. Ep. com. DLXXV. — ² Ibid.

suetudinem terræ illius in loco vel prope locum, in quo dictus Bochardus archiepiscopus, proli dolor fuit occisus, et per tempus jacuit occultatus; in qua unus clericus infra annum, si sacerdos non fuerit, in presbyterum promovendus, seu sacerdos libere per archiepiscopum Magdeburgensem, qui erit pro tempore instituendus, in ea quotidie per se ibidem divina officia celebret, vel per alium faciet celebrari pro anima Bochardi archiepiscopi memorati: et quod in eadem capella esse debeat perpetuum luminare, sintque ejusdem capelle perpetui redditus annui assignandi realiter cum effectu eidem capellæ per consules et communitatem prædictos quadraginta et octo florenorum auri, dividendorum hoc modo: si quidem triginta floreni auri præfato clerico, seu sacerdoti et duodecim ejus ministro, et tres pro luminari, et alii tres residui dabuntur pro candelis cereis pro usibus dictæ capellæ opportunis; et quod in majori Ecclesia Magdeburgensi per dictos communitatem et consules quinque altaria debeant fieri, seu construi, in quibus per quinque sacerdotes in divinis officiis perpetuis futuris temporibus ad laudem Dei et pro anima dicti Bochardi archiepiscopi serviatur, ad illa per archiepiscopum Magdeburgensem, qui erit pro tempore, libere instituendos in eos: quibus etiam debeant per eosdem communitatem et consules sufficientes dotes, seu annui et perpetui redditus assignari per infrascriptum modum inter eos similiter dividendum. Nam singuli dictorum altarium singulos sacerdotes habebunt, et percipient singulariter singuli viginti quinque florenos auri redditus annuatim. Sed quia usus florenorum auri in dicta civitate, ut dicitur, non existit, loco quatuor florenorum auri, quando eorum copia inibi non habebitur, una marcha puri argenti et usualis monete persolvatur eisdem. Quæ omnia iidem procuratores, prout ad id habebant sufficiens et speciale mandatum, acceperunt, ratificaverunt et approbaverunt expresse procuratorio nomine communitatis, etc.» Solvit Pontifex Magdeburgenses censurarum nexu, exceptis Bochardi interfectoribus, quorum percenset nomina, eorumque posteros nota infamia, edicitque ne ab ullo sacerdote quam a Romano Pontifice absolvi possint; tum addit: «Volumus etiam, quod præfati consules et communitas cuilibet archiepiscopo Magdeburgensi, qui erit pro tempore, in cujuslibet archiepiscopi novitate juramentum fidelitatis et homagii præstare et facere teneantur, etc. Dat. Avin. XI kal. Julii anno xv.»

9. *Regis Poloniæ irruptio in marchionatum Brandeburgensem.* — Hoc anno irrupit hostili furore in marchionatum Brandeburgensem, quem Ludovicum Bavarum majori natu filio contulisse vidimus, Wladislaus rex Poloniæ auxiliis Lithuanorum, cum quibus foedus pepigerat, Ruthenorum et Walachorum succinctus; ac maximam infelici provincie intulit vastitatem. Ultum ipsum esse

acceptas a superioribus marchionibus injurias, cum Premizlaus rex ab iis casus est, vastata Pomerania et vendita, refert Michovius¹, atque infanda flagitia a barbaris in ea expeditione patrata, templa flammis assumpta, directa monasteria, matronas et virgines violatas. Inter lot scelera editum est insigne a moniali, quæ rapiebatur ad stuprum, virtutis facinus, quod narrat Chronieus²: «Memoratur, inquit, forte et præclarum monachæ ejusdam facinus, quæ capta a Lithuano quopiam, cum ad stuprum traheretur, rogavit eum, ne sibi vim faceret; mercedis autem loco promisit, se eum edocuram esse, qui corpus ejus vulnerari nullo unquam ferro posset: quod cum discere ille perciperet, jugulum ei fortis puella præbuit, ut in ipsam ejus rei periculum faceret. Credulus ille, stricto gladio, caput ejus amputavit. Sic illa barbari libidinem elusit, stuprumque turpe honesta morte evasit».

10. *Septentrionalia regna ab infidelibus infestata.* — Infestata sunt hisce temporibus Norwegiæ, Suetiæ et Gotiæ regna variis paganorum excursionibus, Carclorum maxime et Ruthenorum, qui graves earum partium Christianis clades intulerunt. Ad quos propulsandos cum Magnus rex Sedis Apostolicæ auxilia implorasset, Pontifex mediam illi e vectigalibus Ecclesiasticis collectæ sexennalis decimæ, in Syriæ res convertendæ, partem attribuit, ac nuntiis Apostolicis Joanni et Serone et Bernardo de Ortolis partes dedit³, ut eam illi, explorata re de barbarorum irruptionibus, erogarent:

«Joannes, etc. Joanni de Serone Prædicatori, et Bernardo de Ortolis Apostolicæ Sedis nuntiis.

«Dudum ex insinuatione charissimi in Christo filii nostri Magni regis Norwegiæ illustis, non absque magna mentis compassione percepimus, quod infideles pagani, Carelli videlicet et Rutheni, regnis suis Norwegiæ, Suetiæ ac Gotiæ propinqui, adeo regna ipsa, præsertim Norwegiæ prædictum sibi viciniis, et degentes Christicolæ in eodem per rapinas, incendia, strages varias, captiones, incarcerationes, depopulationes et tam locorum sacrorum, quam aliorum dirutiones, et alios incursus hostiles multiplices hactenus: maxime post clare memorie Haquinii regis Norwegiæ avi sui obitum, crudeliter et immaniter affligerunt, et molestare continuè vexationibus non desistunt, quod iidem Christicolæ, sic ex præmissis afflictis multipliciter et consumpti, adversus hostium crucis prædictorum sevitiam, et superbam mentem stare non poterunt diutius, nisi opportunis subsidiis fulciantur; quodque regis ejusdem ad hoc, necnon et infideles eosdem ad divini nominis laudem et gloriam ac fidei exaltationem Catholice, liberationemque Christiani populi impugnandos non sufficiunt, ut habet præfati regis petitionis

¹ Michov. l. iv. c. 9. — ² Chron. l. xi. in Wlad. l. viii. c. 13.

— ³ Tom. v. p. 2. Ep. secr. pag. 373.

series, nobis per dilectos filios nobiles viros Bertrandum de Sociolis et Raimundum de Lemena nuntios et ambaxiatores suos exhibita, facultates.

« Nos autem eidem regi et suis subditis Christianis super oppressionibus, calamitatibus et miseriis huiusmodi, paterno compatiens affectu, eisque volens de illo, quod commode presentialiter possumus, subsidio providere; discretioni vestre per Apostolica scripta committimus et mandamus, quatenus si de praedictis necessitatibus nobis ignotis merito vobis, dum in illis partibus fueritis, constiterit evidenter, praefato regi medietatem pecuniae dictae decimae sexennalis collectae in eisdem regnis, ac etiam colligendae in subsidium et necessitates praedictae, secundum ordinationem venerabilis fratris nostri archiepiscopi Narbonensis, et duorum ex suis suffraganeis, per eundem archiepiscopum et vos super hoc assumendis, quorum oneramus in hac parte conscientias, dispensandae nostro nomine concedatis, etc. Dat. Avin. idibus Aug. an. x ».

11. *Civiles discordiae in Belgio, et dissidia crudescunt inter reges Angliae et Galliae quibus mederi studet Pontifex.* — Fœdavit¹ eodem anno caedibus Flandriam Jacobus Peyt iis Barbaris impetate et crudelitate non impar, seditio-nis popularium, quae violata pace Arkensi recruduere, signifer: adeo enim impius extitit, ut clericis et Ecclesiis omnia quae posset damna inferret, cunctosque viros Ecclesiasticos in unum corpus refusus, illudque perditum velle publice jactaret: adeo crudelis, ut fratres et consanguineos in se mutuo exercere carnificinam juberet. Obtruncavit denique est, atque ob labem haereseos ab episcopis ejus memoria damnata. Redeuntibus porro ad officium sub hujus anni initio Flandris, atque Francorum rege Carolo exposito, ut censuris solverentur, Pontifex Silvanectensi et Tornacensi episcopis provinciam eam imposuit².

Recrudere alia in Aquitania discordiae cum Francorum rex partas ultimo bello terras retinere vellet, easque Anglus repeteret: quae quidem ut restituerentur Eduardo juniori duci Aquitaniae Joannes nuntios suos apud Gallum operam dare subiectis litteris jussit³:

« Guillelmo archiepiscopo Viennensi, et H. episcopo Aurasicensi Apostolicae Sedis nuntiis.

« Desiderantes intense, ut inter charissimos in Christo filios nostros Carolum Franciae et Navarrrae, et Eduardum Angliae reges illustres pacis perennis et concordiae, sublati quibuscumque impedimentis contrariis, vigeat plenitudo, volumus et fraternitati vestrae per Apostolica scripta mandamus, quatenus instetis apud eundem regem Franciae, sicut videritis expedire, ut ipse circa restitutionem terrae ducatus Aquitaniae per ipsum occupatae, dilecto filio nobili viro Eduardo pra-

dicti regis Angliae primogenito duci Aquitaniae faciendam, non juris rigorem velit attendere, sed potius se habeat gratiosum; nos super his et aliis vobis occurrentibus reddituri nihilominus, quoties opportunum noveritis certiores. Dat. Avinionae kal. Maii an. x ». Hortatus jam erat ad id Carolum ipsum Pontifex, ut nimirum clementiam et liberalitatem in nepotem clientem, redditus terris, quas bello pepererat, explicaret; aliisque litteris⁴ incunte Julio exaratis suasit, ut mutuae conjunctioni aliquid daret; tum etiam Tolosanum⁵ et Aginatem pro rege Gallorum, Vasconiae⁶ vero pro Anglo praefectos ad sopiendos tumultus ac servandam pacem jussit incumbere.

12. At cum erumperet in majus incendium dissensionis flamma, ad divinam opem implorandam publicas preces indixit Pontifex; quo argumento litteras ad Galliarum et Angliae archiepiscopos et episcopos dedit⁷, ut populos ad caeleste illud munus expetendum permoverent, ac preces, quae inter divina essent fundendae, praescripsit.

« Joannes, etc. Ad illum, qui mari et ventis imperat, per quem fit de turbatione tranquillitas, cum fratribus nostris deliberavimus recurrendum; ac apud ipsum, in cujus manu sunt omnium potestates et iura regnorum, quique regum corda inclinare potest quo voluerit, humilibus supplicationibus insistendum, ut benignius reges praefatos (Carolum nimirum et Eduardum) aliosque orthodoxos principes, eorumque principatus et regna respiciat, ac ab illis dissensiones amoveat, dissidentium corda in concordiae unitate conciliet, tranquillitatem tribuat, ipsosque in illius soliditate consolidet et confirmet, sicque ipsos praesse, ut prosint, tribuat; eorumque regimen sic regat et dirigat, ut cedat tam ipsis quam eorum subtilis ad salutem, perpetuam quietem ac pacem; nobisque ipse, cujus providentia in sui dispositione non fallitur, modos et vias aperiat, per quas hoc, ut in votis gerimus, efficaciter promovere possimus.

« Ut autem hoc multiplicatis intercessoribus promptius assequamur, universitatem vestram, cujus suffragia supponimus multipliciter opportuna, monemus, rogamus et hortamur attente, quatenus vos nostris desideriis in hac parte conformantes, et vestras diebus singulis ex totis praecordiis in excelsa preces humiles porrigentes, devotas orationes fundatis ad Dominum, ut ipse, cujus est ita pacis perfecta concessio, quod ipso eandem concedente, non sit qui condemnet iudicio, potestate deleat, vel terrore perturbet; inter memoratos principes suae pacis et concordiae fluentia diffundat ». Et infra: « Et ut ad praedicta per salutaris retributionis exinde obtinendae praemium promptius exequi studeant orthodoxi, nos de omnipotentis Dei misericordia, beatorum quo-

¹ Meyer, Hist. Fland. I. XII. in Lud. Niv. — ² An. 10, p. 1. Ep. com. pcv. — ³ Tom. v. p. 2. Ep. secr. pag. 219.

⁴ Tom. v. p. 2. Ep. secr. pag. 209. — ⁵ Ibid. pag. 208. — ⁶ Ibid. pag. 212. — ⁷ Tom. VI. p. 2. Ep. secr. pag. 2. Ext. etiam in Ms. bibl. Vall. sign. lit. C. num. 27. p. 65.

que Apostolorum Petri et Pauli auctoritate confisi; et illa, quam ipse nobis Dei Filius ligandi atque solvendi tribuit potestatem, omnibus vere pœnitentibus et confessis singulis diebus, quibus usque ad annum postquam eis innotuerit computandam, devote pro prœmissis oraverint, viginti dies de injunctis sibi pœnitentis relaxamus». Et infra: «Et quia in missarum solemnibus ad Deum consueverunt preces fundi devotius, ordinamus quod in singulis missarum celebrationibus post dictum a celebrante *Pater noster*, responsioneque secuta, antequam in missa ulterius procedatur, illud canticum: *Lætatus sum in his que dicta sunt mihi cum Gloria Patri*, a religiosis clericis et aliis litteratis præsensibus cum devotione dicantur; et post dicantur: *Kyrie eleison, Christe eleison, Kyrie eleison et Pater noster*; et post isti versiculi subsequantur: *Domine, salvos fac reges. Et exaudi nos in die, qua invocaverimus te. Salvum fac populum tuum, Domine. Et benedic hereditati tue, et rege eos et extolle illos usque in eternum. Fiat pax in virtute tua. Et abundantia in terris tuis. Domine exaudi orationem meam. Et clamor meus ad te veniat.* Oratio: *Largire, Domine, famulis tuis indulgentiam placatus et pacem, ut pariter ab omnibus mundeantur offensis, et secura tibi mente deserviant. Per Christum Dominum nostrum.* Dal. Avin. VI kal. Octobr. an. xi ».

13. Auctæ¹ sunt eæ inter Carolum et Eduardum reges discordiæ ex atroci inter Isabellam reginam Angliæ Caroli sororem ac virum dissensionem: cum enim illa antea Gallicam aulam componenda pace accessisset, diutius in ea quam vir cuperet, hesit: vocatum etiam in suspicionem turpis cum Rogerio et Mortuo-Mari consuetudinis nonnulli ferunt². Ab oratoribus vero regis Angliæ nomine in regnum redire jussa, negavit se reversuram, ni rex Hugonem Spenserium ejiceret exorsum omnibus, qui regni administratione abutebatur³, et a quo fama⁴ erat regem in libidinum cœnum impelli, cujus perfidiæ nunquam se committeret. Respondit contra Isabellæ Eduardus, Spenserium nullas ei moliri insidias, sed meritis ipsam officiis prosecuturum: atque ea de re Eduardo apud Sedem Apostolicam exposulante; conquerente etiam Francorum rege violatam a regis Angliæ copiis in Vasconia pacem, et contestante malorum omnium, quæ fœdifragorum culpa emergerent, auctorem se non futurum si sua armis jura tueretur; Pontifici adducta re in deliberationem cum cardinalibus, Guillelmum archiepiscopum Viennensem et Hugonem episcopum Aurasicanum, qui e legatione redierant, ut in his peritissimos, adjuncto Joanne et Grandisono, iterum mittendos censuit⁵: eosque ad pacem Eduardum inter ac Isabellam revocandam jussit incumbere.

Qua de re ad Francorum regem¹ ac plures alios² tum Gallos, tum Anglos scripsit:

« Joannes, etc. Carolo regi Franciæ.

« Ad nostram³ notitiam circumspectio regia deducebat, pacem dudum inter ipsam et charissimum in Christo filium nostrum Eduardum regem Angliæ illustrem super guerra Vasconie initam, et juramento vallatam, fore absque diffidatione aliqua tegere violatam, ac subditis regis in personis et rebus per gentes dicti regis Angliæ in partibus ipsis Vasconie contra pacem prædictam illata fuisse damna gravia, excessusque perpetratos detestabiles varios et continue perpetrari, ad illum finem hæc ad nostram notitiam deducendo, quod excessus injuriæ pacis violatæ, ac juramenti transgressio præfati regis Angliæ, necnon mala, damna et offensiones contra Deum et sanctam Ecclesiam, quæ sequuntur exinde, ac pejora, quæ poterunt subsequi tam animabus quam corporibus, nobis existent manifesta; necnon et ad finem, quod de quibusvis malis et periculis, quæ in præsentem ex præmissis succedant, vel in futurum continget succedere, nos et ipsa Ecclesia excusatum regalem celsitudinem haberemus; quodque provideremus, quid in casu hujusmodi sit agendum. Profecto, filii charissime, hæc non indigne cor nostrum amaritudine repleverunt; hæc nos cibaverunt absinthio, et ministrarunt nobis amarissimum potum fellis, cum per talia videamus divini offendere oculos majestatis, jura violari sanguinis, universæ congregationi fidelium discrimina varia preparari.

« Sane, filii, attendentes, quod (sicut dictus cantor nobis exposuit) excellentiam regia hoc per viam denuntiationis, nequaquam proponere seu quovis modo coram nobis prosequi intendebat, sed solum illa, ad finem seu fines, quem seu quos finis continet regiæ litteræ, ad nostram notitiam deducebat; et insuper ad memoriam reducentes, quomodo rex Angliæ supradictus ante adventum cantoris prædicti nobis per suas litteras sæpius et nuntium curaverat intimare, quod charissima in Christo filia nostra Isabellæ regina Angliæ consors ejus, quæ de ipsius licentia ad partes Franciæ pro bono pacis utriusque regni pridem accedens, plus debito ad eum redire, quamvis pluries super hoc requisita solemniter, differebat; non ex se, sed ab alio causam sumens, prout ipse rex se tenere indubie asserebat, quod redire finet ad eum, quousque vir nobilis Hugo Ledespenser regis ejusdem nepos et camerarius amoveatur ab eo, licet nunquam perceperit, ut constare asserit rex prædictus, quod dictus Hugo eidem regiæ damnum aliquod seu vituperium procuraverit publice vel occulte (quod si percepisset, utique sicut asserit correxisset taliter, quod cederet suis aliis subditis in exemplum, dictusque Hugo paratum se obtin-

¹ Tom. v. p. 2. Ep. secr. pag. 204. — ² Walsing. in Eduar. II. Meyer. Hist. Fland. I. XII. — ³ Jo. Vill. I. X. c. 7. — ⁴ Walsing. ubi sup. — ⁵ Tom. v. p. 2. Ep. secr. pag. 206, 213 et 219. tom. vi. p. 1. Ep. secr. pag. 1 et 3. et an. 10. p. 1. Ep. com. MCCCL.

¹ Tom. v. p. 2. Ep. secr. pag. 211. — ² Ibid. pag. 204, 216, 221 et tom. vi. p. 4. Ep. secr. pag. 10 et 23. — ³ Superior p. 211.

lerit, si in aliquo eandem reginam offenderit, eidem satisfacere ad arbitrium boni viri) ac supplicaret per nos salubriter provideri, quod dicta regina ad ejus rediret consortium, et ut teneatur adhæreret eidem ad animarum utriusque salutem, præcipue cum ipse paratus esset ac semper existeret, ipsam reginam, quam semper dilexit et diligit, honorifice ac maritali affectione tractare, juxtaque sui status excellentiam et exigentiam facere in omnibus quod incumbit; quodque tuam, fili, excellentiam inducere curarem, ut terras per te occupatas in ducatu Aquitanie duci restitueret Aquitanie, cum jam ab eodem homagium receperis pro eisdem; satis nos prædicta, nec immerito perplexos et anxios, qui super præmissis agi expediat, reddiderunt, præsertim cum super reditu reginæ prædictæ, ex dubio, quod prætendit penitus supputando, nostros ad te, fili, ac reginam et regem Angliæ nuntios, prout novit celsitudo regia, duxerimus destinandos, qui a neutra partium responsum ad hoc obtinere congruum minime potuerunt: sique ipsos redire oportuit, inordinato negotio (non sine periculo, ut probant sequentia) remanente. Et ut habet nuntiorum relatio prædictorum rex Angliæ conductum eis dare nisi super reginæ negotio recusavit, nec de illo ipsis loqui potuit, nisi ut vir amarificatus nimium et immense turbatus.

« Verum quia ante adventum diei cantoris negotium istud, velut tangens nimium intima cordis nostri, in consistorio secreto proposueramus nostris fratribus, eorum consilium super hoc requiringdo, post ejusdem adventum cantoris cum nonnullis ex ipsis fratribus et tandem cum omnibus id secreto consistorio deliberavimus sapius, quid Deo gratum, negotio expediens nobisque conveniens possemus agere in præmissis. In quo multis in consideratione deductis, in hoc tandem deliberatio resedit omnium ibidem præsentium, quod adhuc præfatos nostros nuntios, videlicet venerabiles fratres nostros C. archiepiscopum Viennensem et R. episcopum Aurasicensem, velut instructos in præfatis negotiis deberemus, adjecto eis non sine causa dilecto filio Joanne de Grandiseno archidiacono Notburgie in Ecclesia Eboracensi, ad tuam reginæ ac regis Angliæ prædictorum præsentiam evestigio destinare: quod et ordinavimus indilata, per quos plenius, quid nobis agendum videtur super his, dante Domino, rescribemus; etc. Datum Avin. kalend. Septembris anno x^o. Hactenus Pontifex ad regem Francorum, cui inter nuntios ipsos enixe commendavit¹. Denique Isabellam reginam regemque Eduardum pluribus litteris variis exaratis temporibus est adhortatus², ut in mutua gratiam redirent, e quibus hæc saluberrima consilia regi, cui extremum exitum impendebat, a Pontifice data afferre suffecerit:

14. « Celsitudinem regiam rogamus et hortamur attentius, ac per Dei misericordiam obsecramus, quatenus varia scandalosa discrimina, quæ valent ex hujusmodi discordia, si, quod absit, procederet, merito formidari, ac quot et quanta bona sperari possint probabiliter ex concordia proveniura, in scrutinio regie considerationis adductis, præfatos nuntios, tuæ salutis et honoris fervidos zelatores, benigne recipiat; sique ipsos patienter ac quieto, pacifico et tranquillo animo audiat et exaudiat regia providentia in hac parte, quod omni turbatione regis pacifici et æterni gratia suffragante, sedata, pacis et charitatis grata subsequatur tranquillitas, quam desiderabiliter affectamus. Et licet aliqui murmurasse dicantur, quod præfati nuntii nequaquam reciperentur a tua serenitate benigne, quinimo afficerentur injuriis, si ad tuum regnum Angliæ se transferrent, nos tamen hoc credere nequivimus, nec in cor nostrum ascendit, quod nuntios a Sede missos prædicta, et pro tuis honoribus laborantes offendi vel injuriöse tractari sinneret regia prudentia quoquo modo. Quamobrem eisdem mandavimus, sicut præmittitur, ut dictis obtentis litteris illic accedere non postponant. Cæterum, dilectissime fili, negotia venerabilium fratrum nostrorum Norwicensis, Lincolnensis et Herfordensis episcoporum, ac tam ipsorum quam aliorum prelatorum regni tui personas et Ecclesias regie celsitudini, sicut alias, commendamus; ipsam attentius deprecantes, quatenus ipsos ob divinam et Apostolicæ Sedis reverentiam regio favore pertractans, ab eorum injuriis et oppressionibus facias tuos officiales et subditos abstinere, etc. Dat. Avin. IV id. Maii anno x^o.

Affecerat inter alios Eduardus atrocioribus injuriis Joannem et Britannia Richemundie comitem bonisque privarat: cum tamen ille in Gallias ad gerendas ipsius res accessisset, summaque fide et constantia in maximis bellis sua studia et officia Eduardo ac parenti explicasset; maximos etiam periculorum æstus, et hostium carceres ejus causa subiisset. Cujus rei indignitate permotus Pontifex, Eduardum hortatus est¹ ut comitem pristinae gratie fortunisque restitueret; non has pro acceptis beneficiis injurias reponendas: tum Guallerm archiepiscopum Cantuariensem optimis cum monitis ad id flectere, atque Apostolicas ipsi reddere litteras jussit².

15. *Hugonis Spenserii miserandus exitus.* — Agebat Eduardum præcipientem in hæc et alia mala nefariiis suis consiliis Hugo Spenserius, quem paulo ante memoravi, et cujus voluntatibus infelix princeps pendebat, eaque re omnium in se odia concitabat. Imminentium vero malorum præsignis Pontifex Hugonem monuit, nisi Apostolicis consiliis morem gereret, voluntatesque a se aversas conciliaret, demum sub rerum mole succubaturum.

¹ Tom. v. p. 2. Ep. secr. pag. 204. et tom. vi. p. 4. Ep. secr. pag. 10. — ² Tom. v. p. 2. Ep. secr. pag. 219.

¹ Lib. x. Ep. com. MCCC. — ² Reg. post eand. Ep.

« Hugonis Ledespensier juniori.

« Utinam, fili, consideranter attenderes, ne dum tibi credis consulere, gravioribus periculis te submittas. Hæc pro tanto dicimus quia ut habet vox communis, nobis utique implacida et ingrata, tu inimicitias minuere (non) satagens, ad gravamina prælatorum et principum continue ac vigilantè intendis; ex quibus nectum gravatorum inimicitias aggravas, sed et Dei et hoc videntium iram contra te provocas et irritas. Quocirca nobilitati tuæ sano consilio suademus, quatenus ab his prorsus abstineas, ac viis et modis aliis inimicitias minuire studeas, et provideas amicitias cumulare: veremur etenim, quod nisi nostris acquieveris in hac parte monitis, oneri quod sufferre non poteris, te submittis. Datum Avinione X kal. Maii anno x ».

16. Sprevit Pontificia monita Spenserius, atque in triste fallacis humanæ felicitatis exemplum versus, carnificum, qui ipsum omni suppliciorum genere disercuarunt, ludibrium extitit; miserumque regem, quem suis lenociniis corruperat, in exitium traxit. Describunt tragicam illam rerum conversionem auctores ¹, nimirum Isabellam reginam furentem in virum zelotypia, atque in Spenserio odio, Caroli regis Francorum fratris ærario comitisque Hannoniæ, cujus filiam Philippam Eduardus filius uxorem acceperat, in Hollandia mense Septembri octoginta navium classem comparasse, et cum proceribus Anglis quibus Spenseriorum administratio exosa erat, in Britanniam vela fecisse: usam vero militari dolo, ac divulgasse armorum fœdera pepigisse cum Scotis, atque in finitima eorum ora excensionem facturam: cumque his rumoribus delusus rex Eduardus Londino in eas se partes conferret, haud procul a regia urbe applicuisset, ac recto itinere contendisset Londinum, plura edicta in Spenserios sparsisse, ac melioris administrationis spe populos delinivisse: tum certatim omnes, atque inter alios Londinenses illius partibus accessisse, regemque in Walliam persecutam: Eduardum autem cum se in extremum discrimen ab uxore adductum videret, naviculam conscendisse, ut una cum Hugone suo in Hiberniam evaderet; sed maris æstu ventisque contrariis sæpius in terram rejectum: haud vero ita multo post a Lancastriæ comite, cujus parens Eduardi jussu capite truncatus fuerat, captum una cum Hugone; ac tum Eduardum, cum se honorifice ab hostibus tractari videret, Hugoni metuentem, illum amplexu sibi adstrinxisse: sed agminum duces dolo usos finxisse, de arcanis quibusdam se cum rege agitare velle: atque ita dimissum Hugonem, moxque raptum ad Isabellam reginam, illiusque jussu patibulo suspensum, avulsis genitalibus et in ignem injectis, unco tractum atque in partes con-cisum. Is infelicis Spenserii exitus fuit. Rex vero

Eduardus in custodiam datus, ac tristi supplicio ad sequentem annum reservatus. In iis bellorum civilium motibus Joannes Apostolicus mueri non defuit, ut ad regem ac reginam exeunte Septembri date ad pacem hortatoriæ litteræ ostendunt ¹, tum ad Apost. Sedis nuntios, ut coitiones sacramento etiam firmatas rescinderent ²; sed odiorum pertinacia ac subditi casus Pontificiam diligentiam eluserunt.

17. *Studia Pontificis de conciliandis regibus et maxime Roberto Siciliæ et Friderico Trinacriæ.* — Adducere etiam in aliis provinciis ac regnis publicam pacem Joannes studuit: ad quam conciliandam inter delphinum Viennensem et Sabaudia comitem, Joannem Tolosanum archiepiscopum et magistrum Hospitaliariorum equitum jussit ³ incumbere, ac pœnis gravioribus intentatis, adversas partes prælio abstinere, plurimum enim superiori anno fusus sanguis fuerat. De qua ineunda concordia plures ad Guidonem delphinum, Eduardum Sabaudum, necnon Galliciarum et Boemiæ reges litteras dedit ⁴. Afferendæ etiam concordie studio bella, que in Pedemontio inter regem Siciliæ ac Philippum e Sabaudia, Manfredum Salutarium, Montislerati et Carreti marchiones exarserant, sopire studuit ⁵, indic-tasque jam ante inducias prorogavit.

Agitatum etiam ab eo est ⁶ cum Jacobo rege Aragonum de pace inter Robertum Siciliæ et Fridericum Trinacriæ reges conjungenda, quam Aragonius fratris studio urgebat, eaque de causa ad Sedem Apostolicam oratores legarat; reque in deliberationem adducta, visum est ⁷, ut ii ad Aragoniam aulam redirent, atque a Jacobo ad Fridericum Trinacrium mitterentur regii legati, qui ipsum ad pacis leges regi Roberto tolerabiles adducerent, ac voti effecti compotes ad regem Robertum diverterent, illumque ad eas admittendas flecterent: si trahere in suam sententiam non possent, inducias inter eos firmare satagerent, quibus excurrentibus Siciliæ et Trinacriæ reges oratores ad Pontificem mitterent, ut de fœdere cum eo tractarent; ac tum a Sede Apostolica cum Jacobo Aragonio de re perficienda agitaretur: de quibus eundem regem certiorum fecit, ac si consilii ratio accepta esset, quamprimum oratores ad Siciliæ et Trinacriæ reges transmitteret. Felicem illi rei exitum his verbis ultimis precatu est: « Gratia Dei cor regum dirigat in agendis. Dat. Avin. XVIII kal. Maii, anno x ».

18. Agit de iis Surita ⁸, ac belli inter hos reges causam eam notat, Fridericum ab armis quiescere negasse, nisi Trinacriæ regnum suis posteris permitteretur; quæ res cum antiqui fœderis a Carolo Valesio initii, confirmatique a Bonifacio VIII legibus pugnabat: Robertum vero illud

¹ Jo. Vill. l. ix. c. 7. Walsing. Hist. Angl. in Eduar. II et alii.

¹ Tom. vi. p. 1. Ep. secr. pag. 42. — ² Ibid. pag. 3. — ³ Tom. v. p. 2. Ep. secr. pag. 363. — ⁴ Ibid. pag. 362 ad 370. — ⁵ Ibid. pag. 337 et 342. et tom. vi. p. 2. Ep. secr. pag. 46. — ⁶ Tom. v. p. 2. Ep. secr. pag. 234. — ⁷ Ibid. pag. 240. — ⁸ Sur. l. vi. c. 75.

regnum ad se revocare studuisse, illatque annis singulis fœdissimis populationibus adeo attrivisse Trinacriam, ut nil propius abesset, quam ut populi tot calamitatibus fessi se Roberto subicerent : regem autem Aragonum, fratris casu consternatum, de concilianda pace multos tractatus, de commutanda certis legibus Trinacria cum Dyrrachii comitatu, ac suppediandis vectigalibus pro Albanie regno Friderico comparando, de Sardinia illi tradenda, de Murcia regno et Granata ipsi conferendis ingessisse; sed graves in iis difficultates subortas : cumque Friderico fratri auxilia submittere decerneret, a filio Alfonso revocatum, ne ab Alfonso rege Castellæ bello peteretur; Robertum vero se obtulisse Friderici posteris amplissimas fortunas traditurum, si regnum sibi Trinacria restitueret. Tum mense Maio classem immisit in Trinacriam¹, fœdamque illi expositis in terram copiis intulit vastitatem (1).

Dum ea parabatur classis, ineunte anno, atroces insidiæ Caroli ducis Calabria vitæ comparatae sunt, quæ cum feliciter discussæ essent, Pontifex Robertum regem ad adorandam divinam providentiam excitavit his verbis² : « Consideret, quæso, serenitas regia bonorum omnium largitoris benevolentiam, quæ dicto principi et in eo tibi et universis fidelibus in præmissis clementer ostendit ut pro ea te sibi gratum exhibeas, et ad gratiarum juges actiones assurgas, etc. Dat. Avin. VII. kal. Februarii, anno X^o. Aliis etiam litteris Carolum ad agendas Deo pro insidiis superatis grates permovit³. Gerebant in principes bellum cum hostibus, qui insidias, proditores et quidquid ignava perfidia comminiscitur, genus putabant victoriæ : quocirca superiori etiam anno Neapoli atque antea Avenione Robertum insidiis appetitum vidimus.

19. *Ecclesiarum jurebus et disciplinae consulit Pontifex.* — Quod ad Aragonias res attinet; Joannes Alfonsum⁴ comitem Urgellensem ingrati in Deum et Ecclesiam animi perstrinxit, qui mox ejus criminis suspicionem ex Pontificis animo multis verborum officiis delere conatus est⁵. Gravioribus quoque verbis increpitus est rex Aragonum⁶ violati juris Ecclesiastici, ac revocare jussum⁷ quæ in Barchinonensem episcopum, præconis voce sede sua depulsum scelere hactenus inaudito, gesta essent : « Præconizationem prædictam ocius, inquit, studeas revocare, quod præ-

missa possis merito devitare. Nec immuniem se putet a prædictis circumspectio regia, eo quod ea fieri non præcepit; ipse namque sua efficiet, si ea neglexerit revocare : licet enim Ileri in se bonus existeret, peccata tamen sibi filiorum imputavit divina providentia, quæ negligenter omiserat emendare. Dat. III id. Martii, anno X^o.

Sumserant Ilerdæ episcopus et canonicorum collegium, non passuros se in aliis templis, quam in principe Baptismata sacra conferri infantibus, vel nuptos benedictione sacra donari. Quæ lex cum iniqua esset, ac plura invcheret mala; tum brevis ævi et imbecillium virum infantes ob id Baptismo non abluti excederet e vita, Pontifex Petri principis adductus precibus eam rescidit, ac sacramentum, quo episcopus et canonici de non tradenda aliarum Ecclesiarum parochis facultate irritum jussit esse.

In Lusitania Alfonsus rex edito regio cavit, ne quis ultionem de hoste ferro, sed legibus peteret : nefarius enim mos inoleverat, ut furori in ulciscendis injuriis fræna laxarentur. Quam Alfonsi legem multis laudibus commendavit Pontifex, epique illi gratias⁸, Apostolicum nuntium Petrum Labruna honorifice excepisse. Beatrici vero reginæ nonnullas sacras reliquias, casque inter vivilicæ Crucis, in qua redempti humani generis perfecta mysteria, particulam transmisit⁹.

20. *Complutense Concilium a Toletano episcopo celebratum.* — Hoc anno xxv mensis Junii die celebratum est¹⁰ Complutense Concilium provinciale a Joanne Toletano archiepiscopo Hispaniarum primate, et regii Castellæ scrinii præfecto, cui Petrus Segobiensis, Joannes Exomensis, Fernandus Conchensis, Giennensis episcopi et Palentini, Seguntini et Cordubiensis episcoporum procuratores interfuerunt, ac plura in eo ad afferendam rei Ecclesiasticæ dignitatem constituta; atque in primis Joannes archiepiscopus, ut suam auctoritatem confirmaret, hæc sanxit : « Quia, ipsa experientia rerum magistra nos edocente, probavimus nonnullos suffraganeorum nostrorum nobis et nostræ Toletanæ Ecclesiæ in eisdem promittendis, (vultu nimirum et observantia in archipræsenti), negligentes hactenus exstitisse; ideoque Concilio approbante, præsentī Constitutione duximus statuendum, ut episcopus per alium quam per nos sine nostra licentia consecratus, ex quo suam fuerit ingressus diocesim usque ad annum, legitimo impedimento cessante, ad nos accedere personahter teneatur, ad

¹ Jo. Vill. l. ix. c. 348. — ² Tom. v. Ep. secr. pag. 263. — ³ Ead. pag. — ⁴ Ead. pag. — ⁵ Tom. vi. p. 1. Ep. secr. pag. 24. — ⁶ Ead. pag. — ⁷ Tom. v. p. 2. Ep. secr. pag. 238.

⁸ An. 10. p. 1. Ep. com. c. 121. — ⁹ Ead. pag. 243. — ¹⁰ Ibid. pag. 244. — ¹¹ Ms. bibl. Vall. sign. lit. L. num. 18. p. 68.

(1) De expeditione quam Robertus Sicilia rex hoc anno in Fridericum instauravit, non Surita tantummodo recens scriptor, nec semper accuratus testis preferendus est; sed et idem describit aequalis eorum temporum historici sicut, et anonymus Martini, cum Nicolao Spectali. Int r quos anonymus ille multo diligentius quam Surita, certum tempus cepit, et absolute expeditionis hujus potavit scribit ille, hoc anno de quarta Junii, comem Novellum, regis classis præfectum, ad artem tractus Panormitani appuuisse, expositis in terram copiis, d e vii Junii, die Marti, cum Panormitanis conflictasse, iterumque ad manus cum illi venisse die XI seu fexta Junii. Tandem die XI Julii, agru Panormitano relicto, Capetam solvasse. Tota classis trecentibus octuaginta constitit, ut scribit Nicolaus Specialis lib. 7, cap. 19, eundemque numerum expressisse censeo anonymum, quamquam in textum pro octuaginta irreperit octingenta. Maxxi.

promittendum nobis et nostrae Ecclesiae reverentiam et obedientiam, ut tenetur, nisi de nostra speciali licentia dictus terminus sibi per nos fuerit propagatus: alias contrarium faciens tandem ab ingressu Ecclesiae sit suspensus, donec ad nos accesserit et obedientiam praestiterit a canonibus definitam». Confirmata etiam ad libertatem Ecclesiasticam tuendam statuta, quae a Gundisalvo Joannis praedecessore apud Pennasielam edita erant: quibus adjunctum est, ut cum quis ob Ecclesiarum jura invasa, bona Ecclesiasticorum direpta, vel atroces injurias iis illatas ab episcopo dioecetano anathematismis infamia notatus esset; reque ad archiepiscopum relata, ab eo ceteris omnibus suffraganeis fuerit injunctum, ut patrati criminis auctorem solenni ritu in omnibus Ecclesiis anathemate delictum pronuntient, interdictum sit ingressu Ecclesiae iis omnibus, qui se inertes in imperiis exequendis praebuerint, donec illum solenni ritu fidelium cœtu pulsus divulgarint.

21. *Privilegia a Pontifice collata.* — Celebratum aliud sequenti anno Toleti Concilium visuri sumus ab eodem archiepiscopo Joanne, qui egregia pastoralis sollicitudinis exempla explicuit, ornatusque est a Pontifice eo privilegio², ut extra provinciam accepta a metropolitani potestate certis diebus in peragendis divinis pallio uteretur. Adjungenda hic visa sunt alia privilegia a Pontifice hoc anno concessa. Meditabatur peregrinationem Compostellanam Philippus Valesii comes sequenti anno inire, eaque perfecta bello sacro in Saracenos Hispaniae se devovere: quae pia consilia cum exposuisset Apostolica Sedi, ea, uti a Spiritu sancto afflata, magnis laudibus extulit Pontifex³, atque omnibus qui ipsum in acie stiparent fortiterque pro fide occumberent, premia indulgentiarum proposuit.

Excesserat et vivis paucis ante mensibus illius parens Carolus Valesius, quem aiunt⁴ in extremo vitae confinio procurare Engerrani, de quo dictum est, necis penitus, obtinuisse a rege Carolo, ut illius corpus e patibulo depositum consanguineis sacrae sepulturae mandandum traderetur. Magnis sane virtutibus ornatus erat princeps, quem ad restituendam Orienti armorum vi Catholicam fidem saepius paratissimum vidimus, si temporum ratio cum illius votis consensisset⁵: e quo Valesiorum regum prosapia duxit originem, atque inter illius elegia illud affertur, non quidem regem, sed filium, patruum, ad parentem regem exstitisse.

22. *Scurrilitas sacrilega aliquorum in Italia pœnis affecta.* — In Gallis patrata hoc anno est infanda scurrilitas a nonnullis, qui inter divina mimicas ineptias exercere: quos Pontifex justa severitate, ut subiecte docent litterae⁶, percussit:

« Joannes, etc. ad perpetuam rei memoriam.

« Non absque vehemēti admiratione precepto, quod mense Maii proximo praeterito fratribus Ordinis Minorum in Villa Exoldunensi Bituricensis diocesis commorantibus, de translatione B. Nicolai confessoris festum celebrantibus celebre, ad quod quamplures personae fuerant invitatae; quidam frater ipsius Ordinis cum baculo pastorali, amulo et aliis pontificalibus insigniis missam conventualem et solennem, guardiano conventus ejusdem villae aliisque predictis fratribus, uno videlicet eorum tenente ad instar abbatis altum baculum pastorem, et decem aliis cappis indutus sericis sibi assistentibus, celebrarat. Et subsequenter in secundis ejusdem festi vespers, dicto fratre ibidem in pontificalibus vespertorum ipsorum officium prosequente, quidam alius frater ejusdem Ordinis indutus mulieris amictu, duas litteras bullatas portans in manibus, ad fratrem accesserat eundem in pontificalibus ut praemittitur celebrantem dicens ei, quod ipsum faciebat summus Pontifex cardinalem». Et infra, ubi subiecit Bituricensi archiepiscopo datam provinciam, ut sine strepitu forensi diligentissime exquireret veritatem, exploratque facinore Gancelino tit. SS. Marcellini ac Petri presbytero, ac Bertrando S. Marie in Aquiro, tum Arnaldo S. Eustachii diaconis cardinalibus partes demandatas, ut illum qui personatum episcopum egerat, atque alterum qui muliebri veste indutus illum creatum cardinalem denuntiaret, in examen adducerent; crimenque ab iis compertum fuisse, addit Pontifex: « In patratione praemissorum excessum a recto regulae declinatur, dum a viris sacrae religioni deditis in tantae levitatis ludibrium prosiluit, et forma Ecclesiastica deformatur: dum pontificalis dignitatis auctoritas deducitur taliter in contemptum, et ii, qui deberent in domo Domini verbo pariter et exemplo proficere, ac virtutibus coruscare, tam profanae vanitatis flatibus ventilantur, talia in devotis mentibus praesentium, dum agebantur sacra mysteria et celebrabantur divina officia, non sine fidelium scandalo nefarie praesumendo: ex quibus intime tangimur et movemur.

« Ne igitur hujusmodi presumptuosa temeritas in perniciem transeat aliorum, sed in committentibus puniatur ac etiam extinguatur, ne quod absit, ceteri sumant audaciam similia committendi; auctoritate Apostolica de fratrum nostrorum consilio, eundem Joannem Garnerii omnibus officiis, si qua in eodem habet ordine, perpetuo privamus, ipsumque inhabilitamus et inhabilem reddimus ad quaevis officia in posterum obtinenda, et alios actus legitimos exercendos, et per unius anni continuum spatium a missarum celebrationibus ipsum suspendimus; quodque ipse per totum eundem annum jejunare sexta feria, et dumtaxat panem comedere et aquam bibere, sedendo donec comeditur et bibitur in superficie terrae coram sui conventus fratri-

¹ Eod. Ms. pag. 69. — ² An. 10. p. 2. Ep. con. MCCXV. —

³ Tom. v. p. 2. Ep. secr. pag. 284. — ⁴ Paul. Emil. in Carol. IV.

— ⁵ An. Chr. 1315. num. 3. — ⁶ An. 10. p. 1. Ep. cur. L.

bus teneatur; et quod per integrum annum huiusmodi in quolibet capitulo de manu illius, qui sibi praeerit, acutam seu rigidam et bene sensibilem recipiat disciplinam, ut huiusmodi ab eo commissum sine rubore et cum scandalo aliorum excessum delectat, et detulendo patienter ad contritionis affectum ejus animus efficaciter inducatur. Ordinamus quoque atque decernimus auctoritate praedicta, ut praedicto Joanni Robineti capitulum habitus dicti Ordinis, quem deferat, amoveatur omnino, sique huiusmodi detruncato habitu usque ad festum Resurrectionis Domini proximo venturum maneat et incedat, nisi cum eo interim super hoc per Sedem praedictam extiterit dispensatum; quodque per totum eundem annum dicta feria jejunare, comedere, bibere ac sedere, prout de dicto Joanne Garuerii praefangitur, teneatur; et quod per eundem annum viginti vicibus in capitulo, sicut sibi exprimitur, successive recipiat disciplinam similem, etc. Dat. VIII kal. Augusti, anno x. Eodem argumento Pontifex Bituricensi archiepiscopo scripsit, praecepitque ut in Exoldunensi conventu Pontificiam sanctionem promulgaret, pomasque reis infligendas curaret.

23. *Pseudo-Minoritis et Fraticellos haeresim disseminantes reprimit Pontifex.* — Emacuerat adeo inter nonnullos Minoritas pristinae pietatis flos, ut aliqui haereseos infamia laborarint, contemptisque sacris institutis S. Francisci, quem ipsis Romani Pontificis et praesulum observantiam religiosissime commendasse vidimus, nefarias voces in Sedem Apostolicam effluerent. In iis Petrus¹ quidam minister, ut vocant, eo crimine postulatus traditus custodie est; commissaque flagolino abbati monasterii S. Petri et Mathaeo Ungari Minorite theologo provincia, ut de illius dictis in Pontificem temere jactatis inquirerent. Guillelmus² etiam Minorita e Villafranca e sacro suggestu contra Apostolicas Constitutiones, quibus definitum erat ab haeresi non abesse, qui pertinaciter affirmarent Christum Dominum et Apostolos aliquid proprio vel communis nomine non possedisse, declamare non perhorruit: ejus causam Elnensis episcopus cognoscere jussus est.

Nonnulli quoque tum seckstissimi hypocritae, qui pseudoapostoli vel Fraticelli videntur exstisse, religiosa veste insignes, multis verborum lenociniis simplices quosque contaminare suis erroribus in ditione Pontificia, ac pietatis specie pietatem omnem extinguere nitebantur. Contra quos Joannem Amelium archidiaconum Forojuliensem ducatus Spoletani praesidem leges distringere imperavit³:

« Dilecto filio Joanni de Amelio archidiacono Forojulien. ducatus Spoletani rectori.

« Ad audientiam nostram tua nuper insinuatione pervenit, quod nonnulli pravitatis fidi, ovium pellem sub religionis habitu praetendentes

extrinsecus, lupi vero rapaces intrinsecus existentes, decretum tibi provinciam, velut ovile Dominicum sub hac fictione, pro dolo! et simulatione subintrant, ut invententes ibi simplices fidelium animas, quaedam eis, sub verbo praedicationis emuntient, et sophisticis atque fallacibus suggerant argumentis, ex quibus ipsi fideles induci, abjurata fide, labantur in perfidia lubricum, et a nostrorum ac sanctae Romanae matris Ecclesiae declinent semitis mandatorum. Cupientes itaque his providere salubriter, ac gerentes de tua circumspectionis industria fiduciam in Domino specialem, procedendi contra tales simpliciter et de plano, absque strepitu et figura iudicii, teque per omnes vias et modos juri non obvios informandi, ac faciendi quod suadebit justitia, tibi auctoritate praesentium licentiam impertimur. Contradictores, etc. Dat. Avin. kal. Martii, anno x. Similiter in Germania Franciscus et Lutra Benedictinus apostata, de quo jam ante egimus, pestiferos errores in omnibus, quae circumcursabat, locis disseminat: quocirca Ratisponensium Minoritarum praefecto munus a Joanne injunctum est, ut impium hominem carceri traderet.

24. *Commercia cum Saracenis vetita, et id permissum Genuensibus.* — Cum vero nonnulli impii Christiani, qui terreni lucri cupiditate illecti, jacturam aeternitatis incurrere, totiusque a Conciliis Oecumenicis ac Romanis Pontificibus vetita cum Saracenis commercia inire non perhorrent, ut poenarum metu a crimine submoverentur, Joannes ob insigne Ecclesiasticarum censurarum contemptum in eos statutus in haereticos legibus agi jussit⁴. Quorum suscipere patrocinium ausus est Rizardus Cremonensis⁵, ac dictis contrariam Apostolicis Constitutionibus sententiam tueri; qui cum sentiret etiam cum haereticis et perduellibus Ecclesiae, censoribus fidei in ipsum amad-vertendi munus injunctum est. Quibus etiam sequenti anno, cum magis furceret illius improbitas, eadem repetita imperia⁶; ac Bertrando cardinali A. S. L. date partes⁷, ut in ipsum legibus ageret, cujus scelera his verbis in medium adducit:

« Rizardus Matambre de Cremona approbationis, innovationis et declarationis hujusmodi (mirum criminis labem contrahere, non modo qui merces in Conciliis Oecumenicis vetitas Saracenis Aegyptiis inhereret, verum etiam alias a Nicolao IV, Bonifacio VIII, Clemente V prohibitas inferret, aut illi flagitio consentirent), non ignarus asserere, affirmare, adstruere ac dogmatizare verbo et scriptis in suae salutis animae dispendium et multorum, quos secum in errore haeresis damnata satagebat trahere, perniciem et jacturam; quod deferre vel mittere Saracenis in Alexandriam, aut in alia loca Saracenorum terrae Aegypti victualia et alia quaecumque mercemonia, praeter

¹ Tom. V, p. 2, Ep. secr. pag. 247. — ² Ibid. pag. — ³ Tom. vi, p. 2, Ep. secr. pag. 320.

⁴ Tom. V, p. 2, Ep. secr. pag. 247. — ⁵ Ibid. pag. — ⁶ Tom. vi, p. 2, Ep. secr. pag. 205 et 215. — ⁷ Ibid. pag. 37 et 50.

prædicta in eisdem Conciliis prohibita, non erat peccatum, præsumperat damnabiliter ac etiam præsumebat : quodque idem Rizardus hujusmodi pravis suis ac iniquis actibus non contentus, sed se Dei et Ecclesie ac fidei Catholicæ rebellem et hostem exhibens manifeste, Raynaldo et Opizoni marchionibus Estensis, ac Galeatio de Vicecomitibus, ejusque fratribus hæreticis, et de crimine hæresis a suis competentibus iudicibus sententia-liter et publice condemnatis; necnon Ludovico de Bavaria excommunicato, Dei et Ecclesie rebelli et hosti, adhæserat ». Et infra : « Contra dictum Rizardum super prædictis et ea tangentibus secundum formam canonum ac privilegia officio inquisitionis concessa solerter et diligenter per te, vel alium, seu alios inquirere ac procedere non postponas. Dat. Avin. non. Maii ».

25. Interea hoc anno ad Genuensium gratiam justis causis adductus Pontifex Apostolicas leges de non ferendis ad Saracenos mercibus ad biennium mollivit, cum ea respublica, antea florentissima opibus, tum ob civium dissensiones, tum intercepta commercia cum Orientalibus ab antiquo splendore deficeret, neque ad Constantinopolitanum imperium, aliasque plures provincias merces transferre possent. Permisit itaque retinendæ veteris dignitatis causa, ut merces ferro, telis, lignis, navalibus exceptis, ad Laodicenam Babylonio oram soldano obnoxiam advehere; indeque cum Persis, Tartaris, Indis et aliis populis, quibus Christianorum commercio interdictum non esset, merces distrahere ac permutare possent. Imposita vero est archiepiscopo Genuensi provincia, ut sacramento navium rectores e portu soluturos adigerent, ipsos contra imperia Pontificia non iluros, nec merces velitas Saracenis invecturos. Cum vero in Pontificiis litteris dicatur, Genuenses ad Constantinopolitanum imperium merces devehere tum non potuisse, id ob Turcarum excursions, qui ea maria infesta reddebant, videtur contigisse, de quibus supra ex Sanuto memoravi: is enim auctor suadebat propterea Romano Pontifici, ut classem ad reprimendos Turcas compararet, ita namque et Christianorum libertati consulturum; atque a Grecis, qui ad conjunctionem cum Romana Ecclesia his beneficiis allicerentur, summam gratiam initurum.

26. *Andronicus imperator revocandæ ad Romanam Græcorum Ecclesiæ desiderium præ se fert.* — Præ se ferebat quidem Andronicus imperator redintegrandæ cum Romana Ecclesia conjunctionis desiderium, atque oratores ad Francorum regem Carolum misit, quibus significabat, se pacem cum omnibus Christianis maximeque cum Gallis servaturum, et alias ingentes spes et promissa ostentabat: de quibus ut certior fieret Carolus, Benedictum e Cuni- Dominicanæ familie

religiosum virum legandum censuit¹; quem Pontifex ad Robertum regem Siciliæ ac Philippum principem Tarentinum transmisit, ut quæ ipsis in tanta re gerenda visa essent, optima consilia explicarent.

« Regi Siciliæ.

« Significavit nobis charissimus in Christo filius noster Carolus rex Franciæ et Navarræ illustis, quod vir magnificus Andronicus, qui se Romanorum imperatorem et moderatorem intulit, per suas litteras insinuavit eidem, intentionis et voluntatis esse sui imperii, velle pacem et amorem cum omnibus et specialiter Christianis: et cum regem ipsum, ejusque domum et prædecessores super alios mundi principes ad hoc perciperet delectari, certum ad ipsum destinabat nuntium litterarum exhibentem ipsarum, super intentione prædicta plenius informatum. Rex itaque præfatus scire, ut asserit, desiderans certius; an ipse Andronicus præfate intentionis existat, et an quæ litteris præfatis adstruit, operibus cupiat adimplere, dilectum filium Benedictum de Cuni Ordinis Prædicatorum sacre theologiæ magistrum ad eundem Andronicum pro scrutandis hujusmodi providit de nostro beneplacito cum suis litteris destinandum.

« Nos autem attendentes, quod negotium hujusmodi tuam excellentiam, necnon et dilectum filium nobilem virum Philippum principem Tarentinum germanum tuum inter ceteros Catholicos principes non mediocriter tangit, volumus quod item magister, priusquam ad dictum accedat Andronicum, ad tuam dictique principis se conferat præsentiam, auditus utriusque intentionem, ac informationem, si quam ei dare decreveritis super his, nobisque illas postmodum rescripturus. Quocirca regalem excellentiam attentius excitamus, quatenus cum eodem principe, quid nos deceat vel expediat in hac parte, provida deliberatione discernens, magistrum eundem reddere student super his plenius informatum: nos enim præfato magistro collegam alium in negotio ipso cogitavimus adjungere; sed donec de tua dictorumque principis et Andronici intentionibus super his plenius nobis liquerit, consultius id providimus differendum: super quibus etiam præfato germano tuo per magistrum ipsum litteras nostras dirigitur oportunas. Dat. Avin. XII kal. Septembris, anno x ».

27. De misso ad Andronicum imperatorem Benedicto e Cuni, ut ipsum ac Græcos ad fidem orthodoxam alliceret, extant aliæ litteræ², quibus ea spe facultatem ipsi tribuit, ut cum mathematicis (his nimium, quorum profanæ artes in prædicendis, magistro demone, vanaque astrologiæ ostentatione, rerum futuris eventibus ab Ecclesia damnatæ sunt) et ceteris schismatis labe infectis publice occulte ageret, concionesque sacras ha-

¹ An. 19. p. 1. Ep. com. DCCCXC. — ² Ibid. post eam l. Ep. —

² Tom. v. p. 2. Ep. secr. pag. 266 et 372.

¹ Tom. v. p. 2. Ep. secr. pag. 266. — ² Ibid. pag. 372.

beret. Terruerant Andronicum pervulgati de expeditione Gallorum Asiatica ineunda sermones, fueratque a Marino Samuto admonitus¹, plerosque Constantinopolitanum prius imperium expugnandum censere, et eorum opinionem in regum consiliis a se retutatum; sollicitatusque, ut Christifideles contra Saracenos omni studio iuvaret. Cælerum præclara adeo de restituenda Asiæ Christiana religione, ac superstitione excindenda Mahumetica ob Occidentalium dissensiones est turbata; neque universus exercitus, sed levis copiae ad defendendas Christiani nominis reliquias Orientem petebant, pluresque cruce signati ostentationis magis, quam pietatis causa crucis symbolum ferebant: quos in Emilia Pontifex a provincia præside Aymerico archiepiscopo Ravennate vel ad promovendam sacram rem Asiaticam profectionem mittere, vel sacrum symbolum abjicere monendos curavit².

28. *Cyprios Græcos male de fide sentientes corrigit: et linguarum Orientalium studium in publicis scholis promouit Pontifex.* — Adducebatur hoc interim spatium in discrimen orthodoxa in Cypro religio, cum Nestoriani duas in Christo personas, ipsumque non natura sed adoptione Dei filium; Jacobitæ contra unicam in eo tantum naturam contra OEcumenica Concilia cum Eutyche publice impieque effutirent: Cyprii etiam Græci purgatorium ignem negarent, ac perverse sentirent, neque improbos inferni penis affici, nec sanctos cælesti felicitate ad diem usque extremum iudicii potiri: sacramentum etiam Corporis Domini animalibus ad restituendam iis valetudinem porrigeret, ac nisi Constantinopoli deferretur, excipere abnerent. Ad quas fœdas excindendas hæreses Pontifex Raimundum patriarcham Hierosolymitanum zelum explicare hisce litteris jussit³:

« Joannes, etc. Raimundo patriarchæ Jerosolymitano.

« Trahimur in amara suspiria, et multa mentis turbatione movemur, dum infra fines Ecclesie Catholice, cure nostri regiminis divina dispositione commisse, contra puritatem Catholicæ fidei errores percipimus pullulare: ad quos extirpandos tanto solertius vigilare nos convenit, quanto majora formidantur ex illis pericula fidei et fidelibus proventura. Habet siquidem infesta nimis de transmarinis partibus insinuat, nobis missa, quod in regno Cypri, ubi Catholica fidei viget cultus, quidam iniquitatis filii, Nestoriani et Jacobitæ vocati, quorum secta nequissima olim in Conciliis generalibus reprobata extitit et damnata, se adversus Dei scientiam extollentes, ac in damnatos errores et hæreses incidere non verentes; præfati Nestoriani in Christo Jesu Domino nostro duas personas, et ipsum per inhabitantem gratiam adoptivum Dei Filium existere; dictique Jacobitæ unam tantum inesse naturam contra veritatem orthodoxæ

fidei damnabiliter profitentur; habentes suas illie distinctas Ecclesias, in quibus errores et hæreses hujusmodi, non sine magnis suarum et multorum aliorum animarum periculis, publice dogmatizant. Et inuper quod Græci aliqui, qui pro majori parte in regno morantur eodem, negant purgatorium et infernum, asserentes mendaciter et temere, nullum sanctorum esse in paradiso usque post iudicium generale; sed interim in certo loco quiescere sine pœna: et hoc idem etiam de malis asserere moluntur. Alii quoque Græci sunt ibi, qui sacramentum altaris non communicant, nisi eis de Constantinopoli deferatur, et nonnulli etiam alii hujusmodi sacramentum in escam jumentis pro sanitate ministrare præsumunt.

29. « Cupientes igitur prædictos errores et hæreses de finibus fidelium extirpari, ac de tuæ circumspectionis exquisita prudentia plenam in Domino fiduciam obtinentes, fraternitati tuæ per Apostolica scripta committimus et mandamus, quatenus ad extirpandum prædictos errores et hæreses, ac reformandum et corrigendum quæ in hac parte reformanda noveris ac etiam corrigenda, intendere juxta datam a Deo tibi providentiam adeo studeas diligenter, quod divinam et Apostolicam Sedis gratiam uberius propter hoc merearis, etc. Datum. Avin. kalend. Octobris, anno xi ». De gliscentibus iis hæresibus Hugoni regi Cypri eadem sententia scripsit Pontifex, utque ad eas excindendas Raimundo patriarchæ regiam opem porrigeret, hortatus est; cum nullam majorem gloriam, quam in fide amplificanda, afferendoque studio ne illius flos ac dignitas emaresceret, colligere posset: « In virtute, inquit, ac decore fidei a Domino censetur constituti viri potentia præditi, et pro sapia illustrium præcellentes, qui dum illam fulciant, et se operosos exhibent in illius dilatazione ministros, fama crescant et meritis, et a Domino in suis actibus diriguntur. Sed in eorum gloria non parum macula ponitur, cum in suis districtibus fides vim patitur, et infidelium subjectorum morsibus laceratur; frequenter enim exercitatione membrorum caput alligitur, et nonnunquam pœna principibus propter peccata plebis infertur ».

Cæterum propagandæ latius inter Orientales nationes religionis studio Pontifex decretum Concilii Viennensis de Græca, Hebraica, Arabica et Chaldaica linguis in celeberrimis gymnasiis docendis instauravit ac Parisiensem episcopum, ad illud in Academia Sorbonica operi mandandum, incumbere jussit⁴:

« Joannes, etc. venerabili fratri episcopo Parisiensi.

« Cupientes, ut fidei Christianæ religio, dilatalo tentorii sui loco, funiculos suos faciat longiores, et proinde salus proveniat animabus, plenam volumus habere notitiam, qualiter statutum felicis recordationis Clementis papæ V prædeces-

¹ Samut. in lit. ad Andronicum. — Tom. v. p. 2. Ep. sec. p. 331.

— ² Tom. VI. p. 1. Ep. secr. pag. 80.

³ An. 10. p. 1. Ep. cur. xcix.

sortis nostri de scholis in Hebraicæ, Græcæ, Arabicæ et Chaldaicæ linguarum generibus in Parisiensi et certis aliis studiis erigendis, et a certis viris Catholicis sufficientem habentibus linguarum ipsarum notitiam scholis regendis eisdem, ac de provisione animæ ipsis regentibus in stipendiis competentibus et sumptibus facienda in Concilio Vienneensi editum, quod dilatacionem fidei et profectum animarum earundem respicere noscitur, observetur in Parisiensi studio prælibato. Quocirca fraternitati tuæ per Apostolica scripta committimus et mandamus, quatenus (nos certiores facias) de illis et eorum numero, qui dictas scholas in præfato Parisiensi studio juxta hujusmodi statutum in linguis regunt eisdem; et si scholares auditores habent, et qualiter in stipendiis et sumptibus antedictis, et per quos et in quanta vel quantis pecuniariis summis dictis regentibus providetur, etc. Datum Avin. VIII kal. Aug. an. x »

30. *Amplificata apud Tartaros Christiana religio.* — Proferebat se latius per id tempus in remotioribus Orientis oris fides Christiana, atque in Tartaria imperator missos a Romanis Pontificibus ad eos populos Christianis sacris imbuendos episcopos perhumaniter excepit, et ad sustentandam honeste vitam stipendia attribuit, ut Andreae e Perusio episcopi e sacro Minoritarum Ordine suffraganei archiepiscopi Cambaliensis ad Perusinorum præfectum litteræ testantur ¹ :

« Frater Andreas de Perusio de Ordine Minorum fratrum, divina permissione vocatus episcopus, reverendo patri fratri guardiano Perusini conventus, etc.

« Novistis me cum bonæ memoriæ fratre Peregrino coepiscopo, et meæ peregrinationis individuo comite, præter multos labores et langiores, in medias varique tormenta, atque pericula in terra pariter et in mari, ubi fuimus, rebus omnibus, etiam tunicis et habitibus spoliati; demum Deo juvante ad Cambaliensem civitatem, quæ sedes est imperii magni Chanis, anno Dominicæ Incarnationis mcccvi, ut credo, pervenisse : ubi secundum mandatum a Sede Apostolica nobis datum, archiepiscopo conserato, moram ibi per quinquennium fere contraximus. Infra quod temporis spatium procuravimus alafa ab imperatore magnifico pro victu et vestitu octo personarum : est autem alafa impensa, quam imperator tribuit nuntiis magnatum, oratoribus, bellatoribus, diversarum artium artificibus, jacularioribus, pauperibus et diversis diversarum conditionum personis : quæ impensæ plurimum Latinorum regum introitus et expensas transcendunt. De divitiis, magnificentia et gloria hujus magni imperatoris, de vastitate imperii, multitudine populorum, numerositate civitatum et magnitudine earundem; et de ordinatione imperii, in quo nemo adversus alium ausus est levare gladium, transeo, quia

longum foret scribere, et audientibus incredibilia viderentur : nam ego ipse, qui præsens sum, talia audio, quæ vix ipse credere possum ». Et infra :

31. « Est quedam magna civitas juxta mare Oceanum, quæ vocatur lingua Persica Cayton, in qua civitate una dives domina Armena Ecclesiam erexit præclaram satis et grandem, quam quidem, de ipsius voluntate per archiepiscopum in cathedrali erectam, cum competentibus dotibus, fratri Gerardo episcopo et fratribus, qui cum eo erant, donavit in vita et in morte reliquit; qui primus eandem cathedram suscepit. Mortuo autem dicto episcopo, inibi sepulto, voluit archiepiscopus in eadem Ecclesia me facere successorem : sed hujusmodi locationi et successioni me non præbente assensum, ipsam contulit fratri Peregrino episcopo memorato, qui illuc habita opportunitate se contulit, et postquam paucis annis rexit eandem, anno Domini mcccxxi in crastino Octavæ Apostolorum Petri et Pauli diem clausit extremum. Ante cujus discessum per quatuor fere annos ego, qui in Cambaliech non eram consolatus ex aliquibus causis, procuravi quod dicta alafa seu elemosyna imperialis mihi daretur in præfata civitate Caytonis, quæ distat a Cambaliech itinere hebdomadarum fere trium; ut dixi, sollicite procuravi : et cum octo equitibus, ab imperatore mihi concessis, ad eandem civitatem cum magno honore perrexerim et applicui, adhuc fratre Peregrino præfato vivente; et in quodam nemore proximo civitati ad quartam partem unius milliarii Ecclesiam convenientem et præclaram ædificari feci cum omnibus officinis sufficientibus pro xxii fratribus, et cum quatuor cameris, quarum quælibet esset pro quocumque prelato sufficiens. In quo quidem loco moram traho continuam, et vivo de elemosyna regia memorata, quæ juxta mercatorum Januensium æstimationem ascendere potest annuatim ad valorem centum florenorum aureorum vel circiter : et de hac elemosyna magnam partem in ædificatione loci prædicti expendi, cui similem in eremitoriis in tota nostra provincia nullum scio quoad pulchritudinem et omnem amœnitatem.

« Denique non longo elapso tempore post obitum fratris Peregrini recepi decretum archiepiscopi de locatione nostra in memorata Ecclesia cathedrali, cujus locationi assensum præbui, causa rationabili suadente : et nunc in loco, vel Ecclesia civilis, nunc in eremitorio moram facio juxta meæ libitum voluntatis, et sum sano corpore, et quantum longævitas vitæ patitur, aliquibus adhuc annis in hac messe laborare potero, licet canitiem habeam ex defectibus naturalibus et proprietatibus senectutis. Sane in isto vasto imperio sunt gentes de omni natione, quæ sub cælo est, et de omni secta, et conceditur omnibus et singulis vivere secundum sectam suam. Est enim hæc opinio apud eos, seu potius error, quod unusquisque in sua secta salvatur; et nos prædicare pos-

¹ Ext. apud Wad. tom. III, hoc an. num. 2

sumus libere et secure : sed de Indæis et Saracenis nemo convertitur. De idololatriis baptizantur quamplurimi, sed multi ex baptizatis non recte incedunt per viam Christianitatis. Quatuor nostri fratres martyrizati fuerunt in India a Saracenis, quorum unus bis in ignem copiosum injectus illæsus evasit ; et tamen ad tam stupendum miraculum nullus est a sua perfidia permutatus, etc. Datum in Cayton anno Domini MCCCXXVI. in mense Januarii ».

32. *Gregorium X miraculis clarum Placentini postulant sanctorum Catalogo annoverandum.* — Superiore anno Placentini, permoti fama miraculorum Gregorii pape X, supplices a Joanne XXII flagitarunt, ut illum in sanctorum Albo collocaret : ad quorum justas preces Joannes, ut in tanta re solitam consilii maturitatem adhiberet, Pisano archiepiscopo et episcopo Mutinensi provinciam dedit ¹, ut de illius sanctitate et miraculis, adductis in religiosum examen testibus, publica documenta conficerent :

« Joannes, etc. venerabilibus fratribus archiepiscopo Pisano et episcopo Mutinensi, ac dilectis filiis Bindo de Senis proposito Ecclesiæ Coloniensis notario nostro.

« Dudum ex parte dilectorum filiorum Jaco-
nini de Pontecanali pro Rom. Ecclesiæ rectoris, ac
prioris antianorum, et ipsorum antianorum, nec-
non consilii et communis civitatis Placentinæ
coram nobis et fratribus nostris propositum exti-
tit, quod felices recordationis Gregorius papa X
prædecessor noster, dum viveret, nitore sanctitatis
emicuit, conversatione resplenduit, ac multis ma-
gnisque tam ante quam post suum obitum mira-
culis conrascavit : quare pro parte ipsorum fuit

nobis humiliter supplicatum, ut de ejusdem Gre-
gorii vita et miraculis inquisitione præmissa, si
reperiremus præmissa veritate fulciri, eum adscri-
beremus sanctorum Catalogo, ipsumque faceremus
per universas Ecclesias honore congruo solemniter
venerari. Verum, licet prædicta coram nobis et
eisdem fratribus nostris exposita, si vera sint, no-
strum et fratrum nostrorum corda multiplici ju-
cunditate repleverint ; attendentes tamen, quod
Romana Ecclesia, præsertim in tanto negotio con-
suevit cum magna maturitate procedere, ubi vide-
licet de re tam ardua queritur, et de cælestibus
indagatur ; nam si difficile existimamus quæ in
terra sunt et quæ in prospectu sunt invenimus
cum labore, quæ in cælis sunt quis investigabit ?
ut tutiori et solidiori tramite procedamus, discre-
tioni vestræ, de qua plenam in Domino fiduciam
obtinemus, per Apostolica scripta mandamus,
quatenus vos vel duo vestrum in loco vel locis,
ubi expedire videritis, de vita, conversatione ac
miraculis Gregorii prædicti cæterisque circum-
stantiis, hujusmodi negotium contingentibus,
juxta formam, quam vobis sub Bulla nostra trans-
mittimus interclusam, inquiretis diligentius veri-
tatem ; et quæ super præmissis inveneritis, fideliter
in scriptis redacta, sub testimonio sigillorum ve-
strorum per viros idoneos ad Sedem Apostolicam
destinetis, ut per inquisitionem vestram sufficien-
ter instructi, sicut res exigit et expediens visum
fuerit, securius in ipso negotio procedere valea-
mus. Dat. Avin. VI id. Maii, anno IX ». Conditæ
erant Gregorii reliquiæ in Aretina Ecclesia, cujus
diæcesis hoc anno dispartita est ¹, condito Cortonæ
novo episcopatu.

¹ An. 9. p. 2. Ep. com. MDXIX.

¹ An. 9. p. 2. Ep. com. MMLXXI.

JOANNIS XXII ANNUS 12. — CHRISTI 1327.

1. *Bavari in Italiam adventus, et Tridenti habitus conventus.* — Concussit ¹ Italiam Ludovici Bavari ad eam sibi armis subjicientiam, corripiendaque vi insignia imperii, adventus anno Christi millesimo vigesimo septimo, Indictione

decima : cum enim ob Caroli ducis Calabriae, qui Florentinam rempublicam administrandam suscep-
perat, et Joannis S. Theodori cardinalis A. S. L. et publicæ pacis servatoris in Etruria instituti su-
periori anno accessum, annuas regis Siciliæ in
Trinacriam irruptiones, attritamque Friderici po-
tentiam, et Insubriam a Bertrando legato conti-

¹ Jo. XXII tom. VI. p. 1. Ep. secr. pag. 60.

nus afflictam bellis, Gibellini hinc armis, hinc censuris Pontificis urgerentur, illum crebris legationibus et pollicitationibus ad maturandum iter pellexere, Indixit ¹ Tridenti mense Februario suae factionis comitia Ludovicos, in quibus plura perperam gessit, schismaticorumque et impiorum illuviem ad se traxit, qui in eum prorumpere fuorem, ut supremum in terris Christianorum caput anathematis notarent infamia, captivisque ex nomine inanibus argutis, ut facie sacrilegi viderentur, presbyterum Joannem appellarent : ex quo Pontificiae dignitatis contemptu sententiae Apostolicae habitae ludibrio, et Ecclesiasticum

interdictum, coram Ludovico, divinis celebratis officis, violatum. Eminebant ¹ inter ceteros impetate scelestissimi Ludovici Bavari assentatores Marsilius Patavinus theologiae scientiae improbus interpres et Jandunus philosophicarum argutiarum nugarumque artifex, qui novis haeresibus ex inferis excitatis, id unum moliebantur, ut Ecclesiam Dei excinderent, vel foedissime subicerent servituti; quibus Pontifex quinto idus Aprilis iudicium haereseos intulit : sed de his agetur inferius. Nunc Bavarum Italiam ingredientem sequamur 4).

2. Cum de Tridentinis conventibus habitis a

¹ Jo. Vill. l. x. c. 17.

¹ Tom. vi. p. 3. Ep. secr. pag. 221.

(1) Ludovicus Bavarus hoc anno Italianam expeditionem suscepit, atque in ipso limine, Tridenti scilicet, frequentem conventum habuit, quo plures Italorum principes conveniunt. Tridenti adhuc agebat die VI kal. Martii quae de urbe ita dedit litteras ad Fridericum *Sicthor*, ut appelleret *regem*, et alias ad Petrum eius filium de suo in Italiam adventu certos illos faciens, paratissime se ad omnia eorum commoda spondens. Recitat litteras illas anonymus Sculcus apud Martene cap. cxvi. Juratum est ibi ab omnibus in verba Ludovici, quem Itali adiutores se armis, et pecunia sponderunt ut Guelfos conduceret, et imperii coronam adipisceretur. Cum vero in eo conventu plures essent episcopi, et non laicorum tantummodo civilis congressus haberi posset, sed et Concilium Ecclesiasticorum, causa pariter Ecclesiastica discussa fuit de orthodoxa scilicet Joannis papae, et accusationis sexdecim capitulis, praeterim circa ea quae de paupertate Christi docuerat, propositis et admittendis, haereticum illum plane et a fide Catholica alienum pronuntiavit. Haez damus ex hinc Joannes Villani lib. 10, cap. 14, qui licet inanes interdum rumores pro veris et comperitis obtrudit, probabilia tamen haec in re ex idoneo aliquo auctore auctor narrare videtur. Haec res Tridenti compositis, Ludovicus iter promovens Bergomum, inde Conum pervenit mense Martio, teste Joanne Villani ibidem, et auctore Chronici Bononiensis Rer. Italic. tom. xv, non. *Mio* mense, ut per errorem forte amanuensis scripsit Bononius Moria auctor coaevi Chronici Modonensis lib. 3, cap. 37. Longiorum in ea urbe moram ut protraheret, coegit Margaritae uxoris suae, quam operabatur, adventus. Cum venisset, Mediolanum actum se consulit die XVII Maii, ait Morgia, qui tunc praeses aderat, in Chronico Modonensi, cui per omnia adscriptum est, pariter et alius Galvaneus Flammii Ord. Praed. in manipulo florum cap. 365. Errant igitur veteres illi scriptores, qui cum auctore rerum Mediolanensium violato Rer. Italic. tom. xvi, pro die xvii, diem xxvii substituerunt. Haec res consiliis, Ludovicus lerrea cora a ornatus fuit quam Mediolani adveniam Mediolani recepit, caeremoniam hinc agente Guidone, episcopo de *Arctino*, archiepiscopo *Mediolanensi*; quae verba sunt Morgia in Chronico Modonensi, ex quibus discimus (nisi forte mendam aliquid in textu irripere) a schismaticis depositum fuisse Fr. Aycardum archiepiscopum Mediolanensem (qui tunc exortus agebat ob secutas partes Pontificis) eiusque loco Guidonem electum. Episcopos alios, qui comes huic accesserat, fuit Froicuus de Madis, cum Brixensis episcopus, quem Pontifex destituerat. Ihuus episcopi, de quo silet Morgia et Flamma, meminit eorum pariter tempore fere aqualis Jacobus Malveus, qui Brixianum Chronicon ad annum usque mcccxxxix perduxit. Vulgatum est opus illud Rer. Italic. tom. xvi. Tridentinum etiam episcopum, ibidem depositum a Pontifice, adfuisse caeremoniae huic scribit vetus auctor Annalium Mediolanensium ejus superius memimus. Et actum sacra Pentecostes die ultima Maii, scriptores omnes testantur. Nec ita multo post, die v Junii, festo S. Margaritae sacra, Gaetanum vicecomitem principatum Mediolani exsolavit, eique captivum. Haec Galvaneus Flamma ibidem; sed cum nolet tunc illam v Julii sacram fuisse memorie S. Margaritae virginis, nec in ullo unquam veteri Martyrologio, nec in Mediolanensis pariter, quod cum Ado diomibus Boschi ante plures annos excussit, est, legimus die illa v Julii S. Margaritam cultam ubique fuisse meadum esse Ihuus scriptoris textum suspicari. Joannes Villani lib. 10, cap. 30, diem vi signat; quem Morgia, oculatus testis, ut saepe alius monimus, diem vii Julii praefert. Exacerbationis Ihuus causas alii alibi praetextum, verissimum censeo, quem Morgia assignat. Narrat ille Galetium de rebus cum Pontifice componendis Jandunum cogitasse, tantumque rem processisse, ut non multum abesset a concordia. Arcanas haec molitiones subodoriatus Marcus vicecomes, Galeati frater, Ludovicus fautor praecipuus et fratris sui infensus, actum se ad Ludovicum, tunc agentem Tridenti, contulit, quem et sollicitavit, ut statim Mediolanum proficiscent rebus suis provideret. Consilium adveniens Ludovicus, protectionem Mediolanensium in maturavit, ac dejecto Galeatio episcopo haeribus et suis, omnes, excepto Marco, habuit captivos; qui tandem intercedentibus Ihuus pluribus principibus, dimissi sunt, primo quidem rebus, uo Galeatio retento, teste Galvaneo Flamma in manipulo cap. 365, tum ipso demum Galeatio, ut assent Morgia in Chronico. Modotti, qui tamen anno sequenti in actum significat. In hac Mediolanensi mora coactum illi a rege Concilium, in quo Joanne xxi abrogato, Petrus de Corvaria assumptus fuit, scripsit Petrus Azarius, qui Chronicon prin ipum vicecomitem ad sua usque tempora, annum scilicet mcccclxi perduxit, vulgavique Muratorius rerum Italianarum tom. xvi. Haec enim ille cap. 7: « Dum praedicta gereretur, convocato Concilio in Mediolano, et cum in praedictis quatuordecim comitatibus et Alemannie, et secum, cum Ludovico scilicet sociatis, et in opprobrium praedicti Joannis papae, propter ea quae tunc committat contra imperium, ejusque partitones, creaverunt alium antipapam etc. » Verum cum electio Petri de Corvaria in Pontificem non nisi sequenti anno Romae contigerit, ut auctura omnes et eorum temporum scriptores affirmant; et scriptor iste nulla interdum miscet, locis et temporibus distincta, non minus suspicanda conjectura datur, non forte in annum confusam electionem antipapae, quae succedente anno contigit, cum celebratione Concilii, quod hoc anno a Ludovico Mediano adhuc agente, haberi potuit. Nisi reputavimus huc ipso anno mcccxxvii in Medioanis Concilio Joannem papam deponitur, ejusque loco destitutum fuisse Petrum de Corvaria, qui tandem anno sequenti Romae institutus fuit. Seu potius sequi inderemus ibidem Auctorem Ratisponae scis, cujus Chronicon vulgavit Ae ardis in Corpore. Historic. med. xvi tom. ii, qui Concilium a Ludovico habitum non Mediolani, sed Romae commemorat. Florentibus Arcas circa meum saeculi xv. Concilium quidem in Italia a schismaticis celebratum, scribit pariter Joannes Maris in lib. de schismat. et Concil. cap. 21, ubi pariter meminit alterius Concilii a Joanne Pontifice adversus antipapam Avinionem habui, non quidem isto ann, ut per errorem a Labbeo adductum, cum noum sequenti antipapa assumptus fuit. Verum cum scriptor iste reuoluit si, quam ut ibidem sola assertione sua meretur; scribit enim saeculo xvi, et veteres omnes coarctae scriptores ex hoc Avinionensi Concilio nihil memorem, eadem scriptum. Inueni factum ex hoc Concilio Avinionensi habito anno praecedenti mcccxxvi, die xvii Junii cujus canones legas in collectione Labbeana tom. xv, col. 280. Venet. edit. Nec ipse pariter Joannes in litteris quas de condemnato a se facta Nocola antipapa scripsit, vulgatis a Murero Anecd. tom. ii, sententiam haec in Concilio de se se nunquam meminit. Ab egendum est igitur a collectioibus Conciliorum in hujus vii sequenti anni Concilio Avinionense; ejusque loco substituentum est Mediolanense Ihuus ann, vel forte Romam ann sequentis celebratum. Nunc iterum ad Bavaram.

Mediolano exivit Ludovicus die v Augusti, sed castus non longo postis antiquandi ibi substitit, ait Flamma cap. 365. Locus castrorum Flamma appellat *Bracellatum* in *pratis Domini Ludovici de Orto*, nec alium designari credo a Joanne Villani lib. 10, cap. 31, cum profectum illum scribit in oppidum Brixianum, quod appellatur *la Orto*, Ihuus et geographum totius Lombardiae et Tusciae conventum indictum assent. De hoc tamen conventu nihil apud utrumque scriptorem suppore et gentem. Inde menses de xvi Augusti, quem diem signat Morgia in Chronico Modonensi, eodem Augusto mense in Tusciam ad Petram-Sanciam, tunc ditionis Lucensis oppidum, pervenit, ubi et moram

Gibellinis certior esset factus a Bertrando legato Joannes papa, tunc eorum vires, suasque superiores arbitratos, nullas timendi causas subesse, exaratis XII kalendas Aprilis litteris, respondit¹; partesque ipsi dedit, ut cum Carolo duce Calabriae, cui eo argumento eadem die rescripsit², ad propulsandos hostes se compararet: sed Pontificis consilia et vires Bavari vicit bellica audacia. Cujus itinera Marinus Smutus³ descripsit, datis ad cardinales sibi familiares litteris, quibus auctor erat, ut ad declinanda mala imminencia Pontifex Ludovicum admitteret in gratiam, cum populorum studia in eum vergerent. Ingrediente Italiam Bavaro, Florentini ut periculum antevertent, oratorem misere⁴ ad Sedem Apostolicam Simonem Paziun, qui a Pontifice flagitavit, ut adversus Ludovicum ne Italiam penetraret, sacram expeditionem dato crucis symbolo indiceret; Bononienses exules, ut civitas milite instructor foret patriæ restitui a legato juberet; ac Ferrarienses ad augendas vires in gratiam admitteret. Cui respondit Joannes⁵, adductum se in deliberationem, an crucis signa in Ludovicum essent explicanda: tutum non esse Bononienses exules revocare in patriam, ne proditorem conflarent: Ferrarienses, qui recenter cum Tridentinis coitiones inierant, vix ad officium adduci posse. Navata tamen ei rei opera⁶, de Bononiensibus etiam exulibus in patriam reducendis data legato imperia⁷, si Pontificia re id fore cognosceret; alios vero cives hortatus est, ne ob Ludovici in Insubriam irruptionem animos desponderent, ullisve adversis rebus ab Ecclesia divelli se paterent. Tum certiores fecit, quibus censuris hostes defixi essent.

« Ipse quidem, inquit, Ludovicus suis demeritis exigentibus, sicut vos nosse credimus, jure si quod ei ex electione, quam de se celebratam asserit, ad regnum Romanorum acquisitum fuerat, privatus jamdiu extitit, justitia exigente: ac subsequenter ducatu Bavariæ, et omnibus feudis quæ ab Ecclesia Romana, seu Ecclesiis aliis, vel imperio obtinebat; necnon et omnibus privilegiis Ecclesiasticis et imperialibus fuit his diebus præteritis privatus, seu declaratus privatus, justitia exigente. Et nihilominus extitit declaratum ipsum

fautorem hæreticorum notorium, ipsumque pœnas illicitas talibus incurrisse. Et quia de hæresi evidentiis est convictus, ad audiendum super hoc sententiam est sibi peremptorius terminus assignatus, sicut plenius in nostris processibus, quos dilecto filio Bertrando tit. S. Marcelli presbytero cardinali A. S. L. in illis partibus transmittendis duximus, poteritis intueri. Illos autem Dei hostes et nostros ac vestros, tyrannos scilicet de Mediolano, de Ferraria et de Mutina, de hæresi ac de fautoria; illum de Cumis, et de Luca, et de Aretio condemnatos, vestra prudentia non ignorat, etc. Dat. Avinione III kal. Maii anno XI^o. Excitati sunt ad conjunctionem armorum et constantiam similibus litteris alii fœderati populi: tum Benignus et Albissus e Neco judices Pisani ob navatam Ecclesiæ operam commendati¹. Ut vero Pisani demum sub Bavari potentia et artibus succubuerint, videbitur inferius.

3. *Ludovicus Mediolani ab excommunicatis corona ferrea redemptus.* — Interea redimitum ipsum magna pompa, exeunte Maio, die sacro Pentecostes in æde Ambrosiana, refert Joannes Villanus²: non quidem ut moris est, ab Aycardo Mediolanensi archiepiscopo; illum enim partium Ecclesiæ defensorem acerrimum vidimus, Pontificiamque potius in Ludovicum sententiam, ut fuerat jussus³, divulgabat; sed a Guidone Tarlato olim Aretino exactorato et Brixiensi suis sceleribus inquinant. Interfuere vero profanæ celebritati Gibellinæ factionis proceres: qua perfecta pompa colligendo in militum stipendia auro intentus Bavarus Galeatium, et ejus filium ac fratres, pro quibus tuendis Pontificis hostem se professus erat, in vincula conjecit. Adscripta est, ut refert S. Antonius⁴, hujus tyranni calamitas divinæ vindictæ, ut ab illo, quem exciverat ad deprimendam Ecclesiam, dominatu pelleretur. Sed nec minus Ludovicum ingrati animi vitio in ea re laborasse subjecit. Terruere Galeatii aliorumque vicecomitum vincula Gibellinos proceres⁵, quos ut sibi conciliaret Ludovicus, ac suspiciones de ipso conceptas amoveret, indictis comitiis, plura objecit Galeatio; atque inter cætera, de defectione ad Pontificias

¹ Tom. VI. p. 3. Ep. secr. pag. 61. — ² Ibid. — ³ Sancti. in Appen. Ep. XVI. — ⁴ Tom. VI. p. 2. Ep. secr. pag. 50. — ⁵ Ibid. pag. 45. — ⁶ Pigna de Princ. Alest. I. IV. — ⁷ Tom. VI. p. 3. Ep. secr. pag. 126.

¹ Tom. VI. p. 2. Ep. secr. pag. 71. — ² Jo. Vill. l. I. c. 19. Ant. III. p. 67. XXI. c. 6. § 5. Albert. Argem. in Chron. Matius I. XXIV. — ³ Tom. VI. p. 2. Ep. secr. pag. 50. — ⁴ Ant. III. p. tit. XXI. c. 6. § 5. — ⁵ Ibid. c. 33. Ant. ubi sup.

aliquando provocavit. Hæc Andreas dei scriptor Chronici Senensis, tunc Senis agens, quod ejus opus vulgatum est Rer. Ital. tom. xv. Repugnat tunc chronologia Villani lib. 10. cap. 31. quippe, qui nominis Septembris an. eupto ad opudum illud venisse Ludovicum asserit, cum vero scriptor ille in chronologicis erret frequenter; plecto tamen scriptoris, aliquando diligitis nec ab eis locis remittit, fidem se sui mutans. Secundu hanc die VI. Septembris, ut historici omnes conveniunt, ad obsidendum Pisane urbis se contulit, quam duntaxat exiguat one diebus XXVIII, ut scribit Nerius, auctor coarctus historie ejusdem Leonensis alioquin meditate sollicitudine, tandem die XI. Octobris obtinuit. Quæ da egerit ex historiis, Joanne Villani lib. 10. cap. 33. Andrea dei in Chronico Senens, ad hanc annum regetas. Secum cum hæc Lucan venit cum Castruccio die IV. Novembris, unde Pistorium excurrit; hinc iterum se Luca restituit in festo S. Mariani, teste Nerio, ibique urbem cum tota ejus ditione, Pistorio pariter, Luna, Volaterris et S. Geminiano Castruccio ducis litro insignito, asseruit, signato Diplomate die XVI. Novembris anno MCCXXXII, quod in Appendice ad Vitam Castruccio ex Aldo descriptum, et vulgatum Romæ anno MDXC legitur. His peractis reversus est Pisas die XXII. Novembris, ait Joannes Villan. lib. 10. cap. 36, sed Nerius diem XVIII. signat. Nec ita multo post, die nempe XXI. Decembris, ut recte Andreas dei in Chronico, Senensi, protectionem Romanam suscepit. Hæc latius aliquando deduxi tum ad majorem lucem us quo in Annalibus traduntur affundendum, cum pariter ut suis rebus ordo constaret.

partes consilia cum Bertrando legato cardinale agitas: quæ an vera essent, an ad abolendam invidiam facti subornata, non est facile discernere. Marcum vero vicecomitem, ut ab omni criminis labe purum, vinculis solvit: Luchinus et Azo ducentis supra quinquaginta aureorum millibus redimere libertatem jussi.

Ludovicus porro reflecto ea ratione ærario, ac sumpta, ubi dictum est, Mediolani ferrea corona, ad auream Romæ accipiendam se accinxit. Ferunt nonnulli ipsum¹, ut morem majorum servare videretur, oratores ad Pontificem misisse, qui ab ipso deposcerent, ut Romam ad conferendum illi imperiale insigne accederet, vel legatis, ut Clemens V cum Henrico VI egerat, id munus tribueret. Sed abhorrebat longe a confirmando Ludovico Joannes, cum non modo iuribus imperii, verum etiam ducatu Baviaræ illum privarit², ac sententiam ad Joannem regem Boemiæ transmissit³: illius jussu Joannes S. Theodori diaconus cardinalis die S. Joanni Baptiste sacro sententiam in eum, ut hæresis nota contaminatum et Ecclesiæ persecutorem latam, divulgavit⁴. Florentiæ: data⁵ sint Aycardo Mediolanensi archiepiscopo eadem imperia in Insubria: in Germania Balduinus⁶ Trevirensis archiepiscopus, qui etiam tum rem distulerat, Ludovicum omnibus penis Pontificia sententia comprehensum devinctum pronuntiavit: Henricus Colonienensis archiepiscopus⁷ parem in sententiis Pontificiis divulgandis laudem tulerit; ac Matthias Moguntinus una cum aliis archiepiscopis ad insectandum Bavarum sit excitatus⁸.

Germaniæ etiam principes ac populi solliciti⁹, ne nova ab illo vectigalia, ad quæ exigenda turrim in Rheni insula excitaret, imponi sinerent, pristinamque tuerentur libertatem. Veliti etiam Italiæ proceres, ut Philippus¹⁰ Sabaudus, Guecelo¹¹ Tempesta, Tarvisini, pluresque alii sentire cum Ludovico, sed omni contentione suum Ecclesiæ studium explicare jussi. Placentini¹², ut urbem propugnaculis contra Ludovici impetum munirent, admoniti¹³. Genuenses, inter quos Gibellini invalu-erant, ad mutuum concordiam excitati¹⁴. Commoverat enim populos Ludovici adventus, atque hos spe, hos metu concitavit. Ac Pisis¹⁵ quidem, cum de Ludovico Mediolani coronato nuntius accessisset, coorta seditio, sed magistratuum diligentia mox repressa.

4. *Romani enim agunt per litteras et legatos ad reditum Pontificis in Urbem implorandum.* — Gravioris vero motus Romæ a populo nobilissimique civibus concitata. Agebat¹⁶ eos indignatio, translatam Avenionem a Gallis Pontificibus Apostolicam Sedem, amissoque veteris imperii

splendore, ipso summi sacerdotii dignitate carere: orbatam Pontificis et cardinalium præsentia Urbem in squalore jacere, eivum numero minui, attenuari opibus, vetera Ecclesiarum decora in ruderem redigi. Joannem itaque demissis primum precibus interpellarunt, ut Sedem Apostolicam Romæ restitueret. Quos Pontifex mulcere adventus sui spe subiectis litteris conatus est¹.

« Joannes, etc. dilectis filiis consilio et populo Romano.

« Super eo nimia commendatione condigno, quod vos, atque filii benedictionis et gratiæ, videndi patris avidi zelatores, instanter a nobis et gratanter exigitis, ut matris et universalis Ecclesiæ S. Petri Apostolorum principis limina visitemus, adverteat, quaesumus, vestra prudentia variam negotiorum urgentiam, quæ pro tranquillo statu cunctorum Christi fidelium et præsertim Italiæ partium diutius, pro dolor iniqua, nos ad præsens inexplicabiliter detinet occupatos. Verum illis (in quibus filiali compassione, si libet, æquanimiter et amabiliter potius corporalem ex causa nostram suppletis absentiam, cum divini majestatis auxilio prospere, sicut cupimus et pariter affectare vos credimus, consummatis) nedum libenter et prompte, imo anhelantibus ex corde affectibus hujusmodi limina ipsius Ecclesiæ, cujus minister Apostolicæ servitutis existimus, iter bonum parante nobis Altissimo, visitare curabimus præsentialiter; fruituri, si Deo placuerit, vestra paternis affectibus corpora visione: licet inspiciamus vos mentalibus oculis et favoribus præviis, quos bono modo valeamus, et gratis geramus vos merito in visceribus charitatis, etc. Datum Avin. XIII kal. Februarii anno XI ».

5. Non his promissis delinili Romani quiescere, sed magis tumultuati sunt, cum Ludovicum Romam cum exercitu petere rumor increbresceret: ac Pandulphus Anguillariæ comes et Annibaldus de Annibaldis regionarii, atque a Roberto rege Siciliæ Urbis senatore publicæ rei præfecti, hæc litteras² Pontifici transmissere, quibus obtestabantur, ut iter Romam intenderet; ac significabant, populum intuentem illius sanctitatis cupidissimum ad retundendos Ludovici impetus se comparare.

« Epistola Pandulphi comitis Anguillariæ et Annibaldi de Annibaldis, regionum in Urbe vicariorum, ad Joannem XXII.

« Licet vestræ beatitudinis sanctæque matris Ecclesiæ profiteamur esse fideles, ex debito tamen nostri officii pro subsidio vestri peculiaris populi Romani solliciti reddimur ad cuncta, quæ vestræ placeant sanctitati. Et quamvis beatitudo vestra universali præsit Ecclesiæ; peculiari tamen jure præest civitati Romanæ: et tanto amplius vestra sanctitas in scrinio beatitudinis vestræ crebro populum prælibatum decet habere, quanto qui nati sunt et continue nascuntur totis visceribus mentis

¹ Caspin. de Cesar. Thirithem. in Chron. Hirsang. — ² Tom. vi. p. 1. Ep. secr. pag. 44. — ³ Ibid. pag. 51. — ⁴ Jo. Vill. l. x. c. 26. — ⁵ Tom. vi. p. 2. Ep. secr. pag. 50. — ⁶ Tom. vi. p. 1. Ep. secr. pag. 52. — ⁷ Ead. Ep. secr. pag. 48. — ⁸ Ibid. pag. 44. — ⁹ Ibid. — ¹⁰ Tom. vi. p. 2. Ep. secr. pag. 78. — ¹¹ Ead. pag. 75. — ¹² Ibid. pag. 82. — ¹³ Ibid. pag. 95. — ¹⁴ Ibid. pag. 70. — ¹⁵ Jo. Vill. l. x. c. 24. — ¹⁶ Ibid. c. 20.

¹ Tom. vi. p. 2. Ep. secr. pag. 43. — ² Ext. ib. pag. 4.

et animi desiderant continuis recitationibus videre sanctitatem vestram; his præsertim temporibus, quibus insurrexerunt nova illius pessimi tyranni Bavari sanctæ matris Ecclesiæ inimici, qui ut fertur, ad ipsam vestram civitatem ut ipsam viribus intret, dirigit suos gressus: quem Romanus populus reputat inimicum, et contra eum disponimus cum dicto populo pro vestra sanctitate et sancta matre Ecclesia viriliter resistere et pati, si oportuerit, corporum cruciatum; et cum ea aviditate, qua possumus, nos cum populo memorato studemus ad hoc facere apparatus, etc.» Extulit multis laudibus Joannes præclarum illorum in Sedem Apostolicam studium, atque ad constantiam in retinendo Ludovico Bavaro eos est cohortatus, se opportuno tempore Sedem ipsam Romam translaturum pollicitus. Consignatæ hæ litteræ VI id. Junii. Quo etiam die alias ad Jacobum Sabellum pluresque alios patrifios Romanos dedit rogans ut omni ope anniterentur, ne Romani Bavaro student.

6. At dum hæc scribebat Pontifex, Romani plurima novarant in Urbe¹, atque in Ludovici partes propendebant, ne Urbem ipsam credibus ac direptioni exponerent: parali tamen pro majestate Pontificia bellum gerere, si Joannes Sedem Apostolicam Romam reduceret. Quem ut permoverent magis, Matthæum Ursinum ex sacro Prædicatorum Ordine religiosum virum, postea creatum cardinalem, oratorem decrevere, subjectisque litteris², ut reditum maturarent, insistere: « Quoniam totius mixti corporis connexio spiritualis superioribus inferiora subjecit, et caput unum membris singulis excellentiæ sublimitate præfecit, condignum proculdubio æstimamus, ut culmini Apostolicæ Sedis ejuscusque subsit dignitatis potestas, non solum vestræ almæ Urbis, sed totius orbis, cui Deus claves regni cælorum concessit, ac primum contulit Pontifici singularis; et, ei quem universalem regem, præsumem et pastorem Salvator instituit, cuncti qui Christiani vocabulo nuncupantur, humiliter pareant, et pastoralis præminentie inclinentur.

« Ut vestræ reverendissimæ sanctitati pateat manifeste totius vestræ Urbis, et generaliter omnium civium Romanorum voluntaria unitas et unita voluntas implendæ sanctæ matris Ecclesiæ, et Sedis (sanctitatis) vestræ beneplacita et mandata sincero animo et valenti; latorem præsentium reverendum virum magistrum Matthæum de filiis Uesi provincialem Romanæ provinciæ fratrum Ordinis Prædicatorum, vita et scientia approbatum, quem pro sanctæ Romanæ Ecclesiæ, vestræ devotionis honore fervidum novimus zelatorem, quem admodum in vestrorum publicatione processum experimento didicimus, quos constanter publicari mandavit, curavimus ad vestræ sancti-

tatis pedes singulariter destinare, qui ut concivis fidissimum reverentiam vestram de intentione et affectione nostrâ voluntarie unitatis certissime informabit; expectantes et optantes quidquid per eum vestra beatitudo duxerit intimandum, et mandare decreverit servis suis, paratis contra quoscunque rebelles, Sedi Apostolicæ non parentes, toto conatu insurgere et pro viribus obviare. Cæterum cum filiorum affectus suspensis desideriis patris expectent præsentiam personalem, sicut expectatione diutina suspirant propensius et anhelant sanctitati vestræ devote et humiliter supplicamus, quatenus ipsos vestros filios in Urbe vestra inelyta dignemini corporali visitatione eorum desideria cito cum gaudio adimplere ».

7. Acceptis hisce Romanorum litteris Pontifex, solitis verborum blandimentis opportuno se tempore in Urbem accessurum, respondit; gravissimæque expostulavit ipsos inclinare in partes Ludovici, quem ut hæreticorum defensorem iuribus imperii privasset, hostem Ecclesiæ judicasset, principatu Baviaræ deiecisset, cui ob crimen hæreseos diem ad decretoriam sententiam expiendam constituisset: corrumpendam non esse fidei et constantiæ in Sedem Apostolicam gloriam, quam a majoribus accepissent; atque ideo hortatus, ut in priorem statum Urbem restituerent:

« Joannes, etc. dilectis filiis consulibus bovariorum et mercatorum, ac singularum aliarum artium viginti sex bonis viris, duobus videlicet per quamlibet regionem, ac populo Urbis.

« Sane, dilectissimi filii, quia displicenter nimis audivimus his diebus, quod in Urbe innovata sunt aliqua, per quæ inter vos videtur dissensionis periculose jecisse semina hostis pacis; quodque ab æmulis a devotione Ecclesiæ sanctæ Dei per diversa jam est mundi climata publicatum, quod in favorem et subsidium illius hostis sanctæ Romanæ Ecclesiæ, Ludovici scilicet de Bavaria qui velut hæreticorum fautor, et infestus persecutor ejusdem sanctæ Rom. Ecclesiæ, variisque aliis criminibus irrelitus, jure si quod electione, quam de se in regem Romanorum celebratam asserit, fuerat acquisitus, necnon et ducatu Baviaræ, feudisque omnibus, quæ a Romana et quibusvis aliis Ecclesiis, seu imperio obtinebat, per Sedem Apostolicam est privatus, ac de fautoria hæreticorum sententialiter condemnatus; cuique per Sedem eandem ad audiendum super crimine hæresis, de qua convictus evidenter noscitur, est assignatus terminus peremptorius, sunt novitates hujusmodi attentatæ: quamquam hæc nullatenus possumus credere, cum sint prorsus rationi obvia, et præmissarumstrarum continentie litterarum. Quis enim credere debeat quod tam devoti filii, sic radicati in fide Catholica, sicut firmati in devotione sincera Ecclesiæ sanctæ Dei, ponendo maculam in sua gloria, sic horrendam viro tam pernicioso, tamque atroci persecutori ejusdem Ecclesiæ, contra matrem

¹ Jo. Vill. l. x. c. 20. — ² Ext. apud Jo. tom. vi. p. 2, Ep. sec. pag. 3.

suam favorem seu subsidium cogitaverint imperituri? Proculdubio tam periculosos defectus de viris tam providis nequaquam probabiliter est credendus.

« Hæc vobis, licet apud eos sint incredibilia, nuntiare duximus, ut super iis positis cautius providere; vestram circumspectionem providam exhortantes attentius et rogantes, quatenus novitates istas ad finem Deo gratum, vestraque devotioni ac fidei, quam ad eandem matrem vestram gessistis et geritis, congruum prompte sic ordinare curetis, quod interpretatio hujusmodi perversorum interpretum novitatem ipsarum falsa et mendosa cunctis evidenter appareat, vestraque sincera fides elucescat evidentius, et prorsus inviolata persistat providentes attente, ne subdola malignorum vos seducere persuasio valeat, nec ad suam vos perfidiam pertrahat, sicut optant: sed vestrorum progenitorum vestigiis inherentes, firmi et immobiles in fide ac devotione ipsius sanctæ Dei Ecclesiæ matris vestre curetis persistere; ipsique contra prælatum persecutorem Dei et ejusdem Ecclesiæ, ejusque fautores assistatis viriliter et potenter: per hoc enim vestri nominis augmenta suscipiet gloria Dei ac ejusdem Ecclesiæ matris vestre, nostram quoque merito uberiorem promereri poteritis gratiam, ac ad vestra beneplacita reddere promptiores, etc. » Excusat se nondum posse prout gerit in votis, iter in Urbem aggredi, subditque: « Gratia Domini nostri Jesu Christi in agendis vos dirigat, nec vos seduci permittat; sed in suo prorsus beneplacito vos corroboret et confirmet. Amen. Dat. Avin. VI id. Junii anno XI ».

8. Hortatus est etiam ¹ scriptis eodem die litteris Romanos patritios Stephanum, Jacobum, Sciarram ac Joannem Columnenses; Neapolitanum Ursinum, Theobaldum e S. Eustachio; Ambaldum, Petrum, Allebrandinum Annibaldenses; Joannem et Nicolaum comites, ut strenue Ecclesiæ partes contra Ludovicum tuerentur. Sed jam curandæ publicæ salutis specie res in rebellionem eruperat ²: Neapoleo Ursinus et Stephanus Columna, ut Pontificiarum partium vindices, atque a Roberto rege Siciliæ nuper creati aurati equites, ne illi Urbem proderent, in exilium pulsati sunt: Siciliæ regi Romæ senatori interdictum in Urbem accessus: Sciarra Columna, Gibellinæ factionis vir, Urbanis rebus, adjunctis quinquaginta duobus viris, delectis quatuor ex singulis regionibus Urbanis, præfectus: ac tum, ut refert Joannes Villanus ³ oratores iterum Avinionem misere, ut Pontificem Romam accerсерent; exponerentque se, ni veniret, Ludovicum in Urbem admissurus, suæque consultius salutis. Sextus is erat dies a coronato Mediolani Ludovico, quo oratores decreti, missæque a Romanis litteræ, terror enim ipsos compleverat; datique tantum tres oratoribus

dies, ut in aula Pontificia morarentur, ne alias ex aliis moras Joannes traheret, repetitisque adventus sui promissis eos eluderet. Ejusmodi litterarum exemplum infra scriptum est ¹:

9. « Nexum immensi debiti, quo parentibus filii alligantur insufficientes totaliter ad solvendum in hoc saltem retribuant, quod gaudent in illorum honoribus et opprobria delectantur. Hac certe meditatione continua nos veri filii Ecclesiæ sanctæ Dei modernis temporibus audientes iniquos stare ventos pro Petri navicula tempestatibus conquassanda, turbamur in intimis, et lethalius vulneramur, præsertim cum Ecclesia sancta matre nostra, cum qua et vivere et mori unanimiter sumus dispositi, ab ea tam longævo spatio separati præsentialiter et continue non manemus. Ea propter vestre beatitudini flexis poplitibus supplicamus, quatenus Sedem vestram primævam, et verum Ecclesiæ fundamentum, quam oblivioni videmini tradidisse, abjectis morulis et exceptionibus consuetis, præsentialiter visitetis: in qua omnium adversantium repulso turbine, pater et filii conflati in unum poterant, Deo propitio, in pacis pulchritudine nuptialiter delectari.

« Alioquin ex nunc apud Deum, totamque cælestem curiam et Ecclesiam ipsam, ac omnes mundi Christicolæ excusentur, si quid sinistrum accidit vel contingat; et filii patris præsentia destituti, tanquam acephali declinent ad dexteram vel sinistram. Et ecce quod pro his serius enarrandis oraculo vivæ vocis nobiles et sapientes viros dominos Petrum Vajani et Petrum de Magistris Lucæ judices, et Gocium Gentilis dilectos cives et ambaxatores nostros ad vestram præsentiam destinamus; eisdem districtius injungentes, quod quia factu opus est, non verbis, ultra tres dies apud Romanam, imo Avinionicam curiam non morentur: sed cum festinantia retrocedant, ut eorum audita relatione saltem nostræ indemnitati cautius consulere valeamus. Data Romæ apud Ecclesiam S. Mariæ in Araceli die vi mensis Junii, X Indictione ».

10. Auditus Romanorum oratoribus Pontifex, reque in consilium magna celeritate et maturitate cum cardinalibus adducta, cum evoluta trium dierum spatio reditum adornarent, nec litteræ, quibus ipsis respondere meditabantur, composita essent, recedendi facultatem impertit; ac significavit se nuntiorum opera, quos citissime erat transmissurus, consilium suum expositurum. His vero postea litteris Romanos in officio continere studeuit, reditus in Urbem moras excusavit ².

« Joannes, etc. dilectis filiis quinquaginta duobus electis viris per Romanum populum super pacifico statu Urbis, consulibus arcium populoque Romano.

« Quantum nostrum ad Urbem accessum de-

¹ Tom. vi. p. 2. Ep. secr. pag. 1. — ² Jo. Vill. l. x. c. 20. — ³ Eod. cap.

¹ Ent. apud Jo. XXII. tom. vi. Ep. secr. pag. 5. — ² Ibid. pag. 5 et 6.

siderio affectetis, quantoque desideretis affectu, vestrarum prænissarum litterarum nos docuit lectio, ipsorumque nuntiorum insinuatio luculentius patefecit. Et licet, filii amantissimi, filiorum desiderantium patris præsentiam videatur desiderium commendandum; hoc tamen intelligimus, si sit, ut decet et expedit, debitis circumstantiis communitum: inter quas circumstantias indubie numerandas supponimus habilitatem temporis, securitatem viæ vel itineris, et quod locus, ad quem accessus petitur, sit pacificus et securus. Sane, si ad habilitatem temporis proficiscendi ad Urbem ipsam sine mora, ut petitur, mentis aciem convertatis, proculdubio si quantum temporis apparatus ad accessum huiusmodi exigit attendatis, reperietis tempus inhabile subsequi ad recessum. Si autem vos ad securitatem viæ vel itineris convertatis, tam maritimas quam terrestres, tam nobis quam fratribus nostris, tam iis qui ipsam sequuntur curiam, quam qui ad eam de cunctis mundi partibus pro suis necessitatibus sunt venturi, reperietis innumeris insidiis et periculis variis inundare.

14. « Porro si de statu Urbis inquiratur: an censendus sit pacificus et securus, respondeant super his quæ acta sunt iis diebus inibi et aguntur. Ab ea quidem nobiles noviter sunt ejecti, ac compulsi in manu populi sua dare fortalitia, et filios seu nepotes pro obidibus assignare. Filio quoque nostro charissimo Roberto illustri regi Siciliæ, nostro in dicta Urbe vicario, ejusque fratribus est interdictus accessus; nec ejus in ea recipiuntur litteræ, nec nuntii admittuntur: et qui consueverunt Romano populo esse chari, propter regem odio sunt habiti et suspecti. Ludovicus insuper de Bavaria, Dei et noster æmulus, persecutorque notorius Ecclesiæ sanctæ Dei palam asserit, et prælatis ac principibus scribere non omittit, novitates prædictas in Urbe prædicta fore in ejus favorem et præsidium attentatas; atque adeo in eadem Urbe potentem existere, quod non credit, quod ejus ingressum potentia aliqua impedire valeat, sicut in plerisque litteris suis vidimus contineri.

« Quas insuper novitates quidam vester concivis (sicut in quibusdam suis litteris infidelibus missis et interceptis a fidelibus, ab iis qui eas se vidisse asserunt, contineri dicitur) pro favore partis, et ad honorem Bavari asseruit factas esse: et quod negotia Urbis, prout vellet, procederent, et regis e contra se novitatum ipsarum fuisse, esse et futurum promotorem. Vos quoque, de quibus potius admiramur, si forsitan nos Urbem præsentialiter contingeret non adire, si quid sinistrum accidit vel contingat, et filii patris præsentia destituti, tanquam acephali declinant ad dexteram vel sinistram, id est, ad receptionem Bavari, sicut nuntiorum habuit expositio, apud Deum totamque cælestem curiam et Ecclesiam ipsam, ac omnis mundi Christicolæ petitis excusari. Si quis autem

hæc omnia et singula ad examen rectæ deduxerit rationis, non credimus, si in eo ratio vigeat, quod præmissis sit stantibus, possit pro nobis, fratribus nostris et curia, Urbs sæpefata locus tutus, quietus et pacificus reputari.

12. « Sane quia noster ac fratrum nostrorum ad hoc intense fertur affectus, ut nos ad Urbem prædictam, cum primum opportune poterimus, conferamus; Deo ac sanctis Apostolis Petro et Paulo et sanctis aliis, quorum inibi corpora requiescunt, exhibitori reverentiam debitam: ac ut ibidem vicis commisse nobis officium, interveniente ipsorum suffragio, utiliter exequamur, mutuaque præsentia nos et vos invicem consolamur; circumspeditionem vestram rogandam duximus et hortandam, quatenus sub ratione vestrum desiderium restringentes, sic curetis Urbem ipsam disponere, quod in ipsa probabiliter tute possit et quiete residere curia, nosque in eadem pastorale possimus officium libere ad Dei gloriam, consolationem vestram reique publicæ commodum exercere. Et utinam, dilectissimi filii, præmissa verba, scilicet quod si vos in sinistram declinare contingeret, haberemini apud Deum, etc. nec mente concepta, nec ore prolata, nec, quod est gravius, scripturæ tradita extitissent. Quomodo enim ab infidelitate scienter committenda potuistis petere, ut haberemini excusati? Quomodo credidistis, quod Deus, cælestis curia, Ecclesia, vel Christicolæ de tanto excessu, quantus esset ille, si in illum, quod absit, vos incidere contingeret, vos excusatos haberet? Præterea quomodo propter absentiam nostram vos acephalos dicere potuistis? Papæ namque præsentiam nequaquam patrem ipsum vobis constituit, nec equidem absentiam acephalum quemquam reddit: alioquin nobis in Urbe moram trahentibus, sequeretur quod omnes Christicolæ alii possent acephali, quod veritati obviat, reputari.

« Utinam tunc memores fuissetis verbi Apostoli, quod ad laudem Romanorum ipsis scribens protulit dicens: Gratias, inquit, ago Deo meo per Jesum Christum pro omnibus vobis, quia fides vestra annuntiatur universo mundo. Credimus etenim, quod si verbum Apostolicum vestræ memoriæ occurrisset, verbum illud declinandi in sinistram de ore vestro nullatenus processisset: quod utique vos in fide fluctuantes arguit, ac arundini vento agitate seu maris fluctui, quæ a vento movetur et circumfertur, similes vos ostendit: nisi velimus dicere, quod desiderium ingens, quod habetis, ut in Urbe curiam haberetis, vos ad proferendum illud impulit, non quod cor vestrum intraverit tam detestabile verbum.

13. « Et quia facta potius quam verba sunt attendenda, hortamur vestram prudentiam et rogamus, quatenus sic factis fidem vestram constantem et indubiam ad nos et sanctam Romanam Ecclesiam ostendere studeatis, quod evidenter appareat, præmissa ab ore vestro non ex animo pro-

cessisse, devotis Ecclesiæ et specialiter regi prædicto vos ostendendo benevolos, ac indevolis ut ad devotionem redeant, præsertim dicto Bavaro (cui per nostros processus, quos debet venerabilis frater noster Viterbiensis episcopus noster in Urbe vicarius publicasse, specialiter est interdictus ingressus, ac contra ipsum, si eum intrare contingeret, necnon et ipsum recipientes seu in hoc faventes eidem et dantes consilium, auxilium vel favorem impendentes, publice vel occulte, pœnæ variæ sunt inflictæ) viriliter resistendo; scituri quod nos una cum fratribus nostris, ut impedimenta tollantur viæ vel itineris, quantum in nobis erit, diligentiam adhibere intendimus sedulam: ac illum, cui mare et venti obtemperant, et cui voluerit subest posse, devotis orationibus, ut illa dignetur tollere et propulsare, rogamus». Et infra, ubi litteras Romani populi inseruit, adjecit:

« Sane quoniam vox viva efficacius, quam mortua, imprimere consuevit; ecce quod dilectos filios Guidonem de S. Germano præpositum Aniciensis capellanum nostrum, causarum nostri palatii auditorem et Guillelmum de Veirato præcentorem Agathensis Ecclesiæ, Apostolicæ Sedis nuntios, de quorum circumspectione plene confidimus, ad vos pro præmissis explicandis serius destinamus: quos pro nostra et Apostolicæ Sedis reverentia honorifice velitis recipere, attente ac patienter audire, ac eis et eorum euilibet in solidum indubie credere super his, quæ vobis circa præmissa pro parte nostra duxerit explicanda. Dat. Avin. VI kal. Augusti, anno xi ».

14. *Legatus Pontificis Romam missus a perduellibus repulsus.* — Cum his motibus Urbs fluctuaret, Pontifex Joannem card. Ursinum A. S. L. Romam, aut ad propiora loca conferre hinc litteris jussit, ut seditionem sopiret, ac dissidentes ad tuendas contra Bavarum Ecclesiæ partes conciliaret:

« Joannes, etc. Joanni S. Theodori diacono cardinali A. S. L.

« Cum ad statum Romanæ Urbis, in qua caput sacerdotii providentia divina noscitur statuuisse, convertimus aciem mentis nostræ, ipsum utique non absque grandi turbatione animi periculis subiectum variis cernimus et turbatum. Quis enim statum tutum et absque periculo dicere poterit, cujus populares de nobilibus suspicantur, ipsosque ab ipsius regimine, imo ab habitatione, quod est durius, prorsus efficiunt alienos, fortalitia ipsorum recipiunt, et ipsos nobiles obsides dare cogunt? Quis enim talis civitatis statum ruinæ magnæ vicinum non timeat, sic divise? Profecto dum hoc in consistorio deducimus rationis, super eam flere cogimur, et nostrum amaritudinem cor repletur; illique paterno compatiens affectu, vias et modos non cessamus perquirere, per quos possit Urbs ipsa inclyta a tantis periculis eripi et reduci ad statum quietis et pacis. Et quia te ad statum

illius prosperum non ambigimus affici, velut nobile membrum ejus, de tua industria et prudentia plenam in Domino fiduciam obtinentes, discretionis tuæ per Apostolica scripta committimus et mandamus, quatenus ad Urbem prædictam, vel ad locum aliquem illi vicinum, sicut magis cognoveris expedire, te personaliter confere, juxta datam a Deo tibi prudentiam ad muniendum Urbem ipsam, et tollendum omnem suspicionem hujusmodi cures interponere sollicitudinis tuæ partes, etc. » Legatum ad munus obeundum, percellentes pervicaces necessaria auctoritate instruit. « Dat. Avinionæ XII kal. Augusti, anno xi ». Excitavit aliis litteris, III kal. Augusti exaratis, ad rem strenue gerendam, et quinquaginta duos viros populumque Romanum sollicitavit, ut legato concordiam inter ipsos adducturo obsequerentur: tum patritios ac præ cæteris Neapoleonem Ursinum, Stephanum Columnam, Pandulphum comitem Anguillarie et Annibaldum, Angelum episcopum Viterbiensem Pontificis vices Romæ gerentem, abbatem S. Pauli, ac Joannem Achaie principem sollicitavit, ut nervos omnes ad Urbem in pristinum statum revocandam intenderent.

Misisset tum Robertum Siciliæ regem fratrem suum Joannem memoratum Peloponnensi principem, increbrescente de Ludovici adventu fama, ut regni aditus ac maritimæ, Campaniæque arces milite præsidario muniret, refert Joannes Villanus¹: illumque Romam, ut cives in Pontificias partes traheret, vi ingredi parasse repulsam passim Romanorum terribili vastitate intulisse, atque etiam quinque Genuensium triremes quinto Augusti die cepisse Ostiam, ac fauces Tiberinas obsedis, ut commeatus Urbi intercluderent: cum Romani nonnullas copias ad recuperandum Ostiam transmissere, quæ non sine cæde propulsatæ: Genuenses autem veriti, ne majoribus copiis impares essent, facibus Ostiæ injectis abscessere. Quo excidio efflerati Romani, cœptum cum Roberto concordie tractatum abruperunt.

15. Accedit interea, ut erat jussus, legatus cardinalis, et exente Augusto cum Joanne Achaie principe, atque exulibus Guelpharum partium Romanis Urbem ingredi nititur, ut pacem illi restituat: at repulsus a civibus vi penetrare in Urbem apparat: inique cum aliquot civibus coitione, nocte intempesta per hortos Pontificios ad Ecclesiam S. Petri cum Joanne principe et Neapoleone Ursino, ac lectissimis equitum copiis irrupit, Romanorumque præsidia cædit. Subsistere jubet in area S. Petri instructam ad pugnam equitum aciem, atque ulterius eventum belli tentat. Sed cum ii, qui arma pro Pontificio nomine conjuncturos polliciti erant, se in Urbe non commoverent, atque plurimus undique populus ingrueret; exoriente luce suburbanis ignes injecti, ut Roma-

¹ Jo. Vill. l. x. c. 21.

nos a se insequendo retardaret. Cujus incendii ope agmina ex Urbe tuto educit. Ut vero Romani factiosi, missis oratoribus, Bavarum in Urbem exciperint, dicitur inferius.

46. *Tumultus in ditione Ecclesiastica.* — In reliqua ditione Ecclesiastica graves etiam tumultus concitati. Viterbienses, excusso Ecclesie jugo, Ludovici hostis obsequio se addixerant: in quos cum Robertus Siciliae rex et Joannes Achaiae princeps signa attollere meditarentur, ipsorum consilia et conatus Pontifex commendavit¹. Alberghetinus² Faventinus ad defectionem traxit, homo in Ecclesiam perfidus, impius in parentem. Franciscum Manfredum, quem dominandi libidine principatu depulit: cum Richardus Manfredus frater, acceptis a Bertrando cardinale legato, qui Bononiae agebat, copiis, Faventiam revocare ad officium studuit³: sed repulsi a Faventinis agros circumquaque vastavit. Inde adversus Imolenses⁴, qui licet a Pontifice officii et constantiae admoniti⁵, cum Alberghetino tamen defectionis agitabant consilia, versae irae, magnaque ii clade caesi et eorum opes diractae. Arimini Rambertus Malatesta ab Ecclesia descendit⁶: rogati vero Veneti⁷, Jaderenses⁸, atque insularum Dalmatiae adjacentium incolae, ne perduellibus commeatibus inferrent. Et quidem optime de Ecclesia meritos, ac studium et operam Æmilie praesidi ad hostes oppugnandos explicuisse Venetos, commendatoriae ad Joannem Superantium ducem ac populum senatumque Venetum indicant litterae⁹.

Certatum quoque in aliis provinciis magno animorum ardore adversus Ecclesie hostes: atque adeo in Etruria munita arx, cui S. Mariae-ad-Montem nomen est, a Carolo duce Calabriae et Florentinis erepta¹⁰ Castruccio Lucensium tyranno, indeque Artimimum expugnatum¹¹. In Insubria a cardinale legato Mutina, depulsa e cervicibus Passarini servitute, ad Ecclesie partes quarto Junii die traducta¹², ac mense Decembri oppidum cui S. Domini nomen inditum, inescatis auro civibus, ad deditionem pellectum¹³. Non tamen itinera Ludovico in Apennini angustiis interclusa¹⁴ fuere ab eodem legato.

47. *Pisae captæ a Ludovico.* — Penetravit itaque in Etruriam cum exercitu Ludovicus, cum mense Augusto Insubria castra movissent, atque una cum uxore a Castruccio magnificentissime exceptus¹⁵, cum Pisas cogitaret, ejus oratores exclusi sunt a civibus, qui proditionis metu Germanos pepulere, atque ad tolerandam obsidionem se accinxere. Concepti in eos graves iras Bavarus: tumque Guido Tarlatus episcopus Aretinus exauctoratus pro conciliandis Pisanis intercessit: quo-

rum oratores cum sexaginta aureorum millia Ludovico sponderent ea lege, ut Pisas prætergrederetur, indignante Bavaro subito abrupto tractatu in vincula coniecti sunt, ac mox Pisæ xi Septembris die cincta¹ obsidione, quæ ad mensem extracta est. Postea dissensio inter cives exorta, urbsque oppressa² metu iis legibus tradita Ludovico, ut ipsi sexaginta millia aureorum penderent, Castruccio vero et exules urbem non ingrederentur: sed tertio die magistratus adacti metu scripta fœdera exussere seque addidere servituti Ludovici; qui præter illa sexaginta aureorum millia, alia centum millia, ut Romanum iter conficeret, exegit. Pœnituit tum eos spontaneæ deditionis, qui si constanter hostem facinibus arcuissent, Bavaris obsidionis diuturnitate debilitatus conatus suos frustra consumpsisset. Ex Pisarum autem expugnatione illius potentiae terror omnibus offusus est.

48. *Guido olim episcopus Aretinus moritur ejurato schismate.* — Post hæc adeo elate se gerere cœpit, ut publice, Pisis captis, sententiam latam in Robertum Siciliae regem ab Henrico VII imperatore, atque a Clemente V revocatam renovarit, ut narrat Pontifex in litteris ad Carolum Francorum regem ea de re scriptis³. Dum vero Pisis agebat Ludovicus, inter ipsius factionis principes, Castrucium scilicet et Guidonem exepiscopum Aretinum, orta contentio⁴: in Guidonis enim os ab altero objectum est proditionis crimen, ejusque culpa, qui suas copias non adduxisset, Florentiam expugnatam non fuisse, cum ipsa una cum Azone Galeatii filio castra ad inœnium conspectum promovisset. Retorsit in Castrucium Guido perfidiam infamiam, ut qui Ugutionem Fagiolanum Gibellinarum partium Pisarum et Lucae principatu exuisset; nec se datam Florentinis induciarum fidem frangere debuisset: cum vero Bavarus Castrucium non reprehendisset, Guido presso intus injurie dolore, consulendarum Aretinarum rerum specie abscissit a Ludovico; gravissimaque indignatione, atque ex ea morbo correptus, coram multis commissa in Pontificem Romanum crimina, ac Ludovicum ut hæreticum, et hæreticorum fautorem execratus: conceptoque pio, si valetudinem recuperaret, defendendæ Ecclesie dignitatis desiderio, vigesima prima Octobris die extinctus est, ut narrat Joannes Villanus⁵, quibus consentanea scribit S. Antoninus⁶, adductis in medium illius vitii virtutibusque, hisce verbis:

« Vir quidem magnus fuit et gloriosus in sæculo, nisi quod adversus Pontificem rebellis, ut omitam quod et statui suo et dignitati exercitum id omnino fuit contrarium. Quem tandem errorem recognovisse ante obitum, ac pro Pontifice, si vita suppetteret, adversus hostes militaturum promi-

¹ Tom. vi. p. 3. Ep. secr. pag. 259. — ² Jo. Vill. l. x. c. 27. — ³ Eod. l. x. c. 35. — ⁴ Ibid. c. 40. — ⁵ Tom. vi. p. 2. Ep. secr. pag. 12. — ⁶ Ibid. pag. 68, 69. — ⁷ Ibid. pag. 47. — ⁸ Ibid. p. 68. — ⁹ Ibid. pag. 69. — ¹⁰ Jo. Vill. l. x. c. 29. — ¹¹ Eod. lib. c. 30. — ¹² Cap. 23. — ¹³ Cap. 51. — ¹⁴ Ibid. c. 33. — ¹⁵ Jo. Vill. l. x. c. 34.

¹ Jo. Vill. l. x. c. 35. — ² Ext. de eo instrum. publ. apud Jo. Var. Bull. pag. 103. — ³ Tom. vi. p. 3. Ep. secr. pag. 193. — ⁴ Jo. Vill. l. x. c. 36. — ⁵ Ibid. — ⁶ Ant. iii. p. lit. xi. c. 6. § 5.

sisse, quidam litteris tradiderunt. Quamvis enim multos soleat decipere sera poenitentia, misericordiae tamen Dei nec mensuras possumus nec tempora definire, apud quem nullas patitur veniae moras conversio. Post ejus autem mortem Petrus cognomento Sachon hujus Guidonis frater tyrannidem Arelinorum exercuit ».

Deerat ¹ paulo antea Pontifex censoribus fidei provinciam, ut in Guidonem Tartarum e Pertramala, episcopali dejectum dignitate, haereseos infamia laborantem, legibus agerent. Cujus morte audita, Bertrando Cariti Vauressi archidiacono et Guillelmo Dulcino Ordinis Praedicatorum Apostolice Sedis nuntiis munus injunxit ², ut inquirerent an Guidonem in extrema mortis confinia adductum anteactae vitae scelerum poenituisse, atque adeo sepulture Ecclesiasticae mandari potuerit, quive tabelliones publici illius poenitentiam scriptis consignarint.

19. *Pontificia sententia in Ludovicum haereseos damnatum.* — Perculit eo tempore, nimirum vigesima Octobris die Joannes exultantem secundis rebus Ludovicum Bavarum Apostolica sententia ³, atque omnibus honoribus et dignitatibus ac jurebus exuit. Extat ea sententia, inferius a nobis subjienda, in Ms. Codice Archivi Vaticani ⁴, in qua Pontifex, praefatus se Apostolica Constitutione damnassee haereseos illos qui pertinaciter negarent Christum et Apostolos jus in res, quibus uti fuere, habuisse, addit Bavarum scripta suo munita sigillo ejusmodi errore foedata ad principes ac populos Germaniae et Italiae misisse, libellum haereseos inquinatissimum a Marsilio et Janduno compositum recepisse, atque ad eas haereses promulgandas studia conferre; quamvis a praesulibus Catholicis monitus esset ne tantum piaculum patraret, neve sacerdotes ad divina, violato Ecclesiastico interdicto, profananda adigeret. Extat is libellus apud Nicolaum pseudomonitorum schismaticum, ⁵ in quo caesareus scribe nomine Ludovici, quem hoc facto prodebat turpissime, aspersa ipsi haereseos infamia, blasphemias delirasque illationes ex orthodoxo dogmate asserto a Pontifice elicit, nimirum si Christus jus in eas res, quibus usus est, habuisset, paupertatem altissimam praese non tulisset; ex quo ita concludendum impie contendit.

« Necessario concluditur Christum (nempe si jus in eas res quibus utebatur habuit), non fuisse verum Christum, nec Messiam illum, quem lex et prophetae promittunt: in aestimatione enim divitiarum, sive communium sive propriarum, est principale fundamentum et janua singularis sectae anticristi et totius erroris mendacii, et etiam Saracenorum, etc. » Haec ille, fusaque oratione inde Judaeorum ac Saracenorum superstitionem

confirmari disceptat: quasi Christus altissimam omnium Angelorum et hominum admiratione et laudibus celebrandam, paupertatem non esset professus, qui jus et dominium paucissimarum rerum, quibus ipsum esse usum divina testantur oracula, exereuerit: cum tamen in reliqua omnia condita, quorum abstinenti usu, supremum jus et imperium, longe quidem angustius, quam quod maximi imperatores unquam sibi arrogarunt, tenuerit: quod Joannes ad depellendam superioris erroris caliginem eximio Commentario, quem suo loco afferemus, postea illustravit. Nunc vero, ut Ludovici errorem comprimeret, illum justissima hac sententia ¹ defixit:

20. « Joannes, etc. episcopus, servus servorum Dei ad perpetuum rei memoriam.

« Dudum volentes certis dubiis, quae inter nonnullos viros vertebantur scholasticos, finem dare, de fratrum nostrorum consilio duximus declarandum, quod pertinaciter affirmare, quod Redemptori nostro et Domino Jesu Christo, ejusque Apostolis in iis, quae ipsos habuisse Scriptura sacra testatur, nequaquam ipsis jus utendi seu consumendi competierit, nec illa vendendi seu donandi jus habuerint, aut ex ipsis alia acquirendi; quae tamen ipsos de praemissis fecisse Scriptura sacra testatur, seu ipsos potuisse facere supponit aperte; cum talis assertio ipsorum et usum et gesta evidenter includeret in praemissis non justa, quod utique de usu, gestis, seu factis Redemptoris nostri Dei Filii sentire nefas est, Scripturae sacrae contrarium et doctrinae Catholicae inimicum; assertionem ipsum pertinacem de fratrum eorundem consilio deinceps erroneam fore censendam et haereticam, duximus declarandum. Ac subsequente cum ad notitiam nostram fama publica perduxisset, quod nonnullorum mentes dicebatur pater mendacii adeo excecasse, quod ausu nefando ac petulantia improba ausi fuerant defendere publice damnatam per Constitutionem nostram praedictam haereseim, ac etiam approbare, videlicet quod Christus et ejus Apostoli in iis, quae habuisse leguntur, tantum habuerunt absque jure aliquo simplicem usum facti; ex quo, si verum esset, sequeretur usum Christi fuisse non justum, quod profecto blasphemiam continet, et est Catholicae fidei inimicum; cum hoc de pertinaci animositate ac erronea non esset dubium processisse, omnes et singulos, qui verbo et scripto per se, vel alium, seu alios talia praesumpserant publice, ipsos quoque, qui eos instruxerant in talibus, et ut praemissa facerent docuerunt, in damnatam incidisse haereseim, ac evitandos fore ut haereticos, de fratrum nostrorum consilio per nostram Constitutionem aliam, quae incipit, *Quia quorundam*, duximus declarandos, prout in eisdem Constitutionibus plenius continetur.

21. « Sane cum fama publica necnon et insi-

¹ Tom. vi. p. 4. Ep. secr. pag. 60. — ² Tom. vi. p. 3. Ep. secr. pag. 118. — ³ Jo. Vill. l. x. c. 37. — ⁴ Varian. Bull. Jo. XXII. pag. 73. — ⁵ Nic. Minor. Ms. bibl. Vat. sign. num. 4008, pag. 18.

¹ Var. Bull. pag. 75.

nnatio, tam verbalis quam literalis, plurium sublimium personarum ad nostrum perduxisset auditum, quod Ludoviens de Bavaria, in discordia dudum regem Romanorum, ut dicebatur, electus, velut in reprobum sensum datus contra prædictam declarationem tenere præsumperat, acta mentione expressa de Constitutione prædicta, *Cum inter*, contrarium asserere publice, ac in ejus præsentia per alios, ut plures in sui erroris devium traheret, lacere publicari; et ut sua insania in plurium notitiam perveniret, libellum quemdam, sigillo suo in eodem appenso, inter alia multa falsa et erronea prædictam continentem hæresim, videlicet quod in Christo et Apostolis in rebus, quas habuerant, nullum jus competit, sed tantummodo usus facti; insuper adjecto, quod dicere contrarium hæreticum est censendum, prout etiam nos et plures ex fratribus nostris in diversis libellis prædicti Ludovici ejus sigillo pendenti sigillatis vidimus contineri; per certos nuntios ad diversas civitates et principes Alamanniæ, et Italiæ, et aliarum partium, necnon et ad tyrannos et hæreticos partium prædictarum curaverat transmittere, libellum ipsum affigi faciens in locis publicis et exponi publice, ut haberet de tanta et tali infamia plures testes; ex quibus evidentiùs apparebat, ipsum asseruisse pertinaciter esse Catholicum quod dicta Constitutio hæreticum judicavit, ac fore hæreticum quod dicta Constitutio Catholicum declaravit, præcipue cum in eodem affirmaret libello, se credere esse vera; et insuper cumulans mala malis duos viros nequam, perditionis filios et maledictionis alumnos, quorum unus Marsilium de Padua et alter Joannem de Janduno se faciunt nominari, ad eundem Ludovicum (quem suis demeritis exigentibus velut hæreticorum fautorem et persecutorem sanctæ Romanæ Ecclesiæ, ac plurium atrocium aliorum excessuum patratorem, de fratrurn ipsorum privaveramus consilio, jure, si quod sibi ex electione prædicta fuerat acquisitum) gressus suos propere dirigentes, sibi librum quemdam erroribus plenum, ac variis hæresibus non vacuum, sicut multorum fide dignorum Catholicorum habebat assertio, præsentarant; quos errores et hæreses in terra ipsius Ludovici, et in ejus præsentia docere sæpius præsumperant publice, sicut habebat insinatio eorundem; quodque, licet nonnulli viri Catholici sacris litteris eruditi eidem Ludovico dicerent doctrinam illam hæreticam, ipsosque Marsilium et Joannem fore veluti hæreticos puniendos, periculosumque sibi fore tales ad suam familiaritatem admittere, aut in terris suæ ditionis subditis sustinere; ipse tamen non acquiescens eorum salutaribus monitis, velut credens illorum hæreses, ipsos in suis familiares retinuerat, errores prædictos ac hæreses publice dogmatizare permittens; adhuc quod diversis ligatus excommunicationum sententiis in locis interdictis divina faciebat, etiam nonnunquam contra rectorum Ecclesiarum et religio-

rum voluntatem et beneplacitum excommunicationis et interdictis præsentibus celebrari, imo quantum in eo erat, potius profanari; ex quibus evidenter præsumebatur, imo convincebatur potius, clavium Ecclesiæ sanctæ Dei evidenter contemptor existere, ac labi respersus hæreticæ pravitatis; nos attendentes, quod juxta doctrinam Apostoli peccantes publice sunt publice arguendi, ac utilitati publicæ expedire, peccata nocentium deduci in publicam notionem, cum ad ipsum non esset totus accessus, per quem nostra posset ad eum redargutio per nuntios ac litteras pervenire: excessus ipsos multitudini tunc adstantium fidelium non absque dolore ingenti animi referendos duximus, ut sic saltem ad ejus notitiam nostra posset circa excessus ipsos reprehensio pervenire.

22. « Et licet, justitia exigente, tunc possemus ad sententiam super præmissis proferendam procedere contra ipsum, cum adeo præmissa forent notoria, quod nequirent tergiversatione aliqua occultari; volentes tamen adhuc de benigntate Apostolica expectare, an dimissis præfatis erroribus ad sinum sanctæ matris Ecclesiæ et viam vellet se convertere veritatis, de fratrurn eorundem consilio ipsum illi non. Aprilis proxime præteriti per edictum publicum citavimus præsentem fidelium multitudine copiosa, ut infra kal. Octobris, ex tunc proxime subsequenti, coram nobis personaliter compareret, facturus super præmissis quod suaderet ratio et sententiam audiretur. Quem terminum, eidem denuo de fratrurn nostrorum consilio peremptorie duximus assignandum, prædicentes publice, quod sive veniret, sive non veniret, ad proferendum procederemus sententiam et alias super omnibus præmissis et singulis, conjunctum vel divisim, prout videremus expediens et justitia suaderet.

23. « Et ut processus noster prædictus et omnia ac singula in eodem contenta ad præfati Ludovici et omnium aliorum, quorum intererat, communem deducerentur notitiam, chartas sive membranas, processum continentes eundem, in Ecclesiæ Avinionensis appendi et affigi ostiis seu superliminibus fecimus, quæ processum ipsum suo quasi sonoro præconio et patulo indicio publicarent, ut idem Ludovicus et alii, quos processus ipse tangebant, nullam possent excusationem prætere, quod ad eos non pervenerat, vel quod ignorassent eundem, cum non esset verisimile, quoad ipsos remanere incognitum vel occultum, quod publicabatur omnibus tam patenter: prædictum insuper citandi modum decernentes eligere eum, ut prædictur, ad dicti Ludovici præsentiam propter viarum pericula et alia discrimina varia totus minime pateret accessus; volentes et auctoritate Apostolica de potestatis plenitudine decernentes, ut perinde processus dicte citationis eundem Ludovicum apprehenderet et arctaret ac si eidem insinuatibus personaliter et alias solemniter extitisset, Constitutione quacumque, per præde-

cessores nostros Romanos Pontifices in contrarium edita, non obstat.

24. « Sane cum dictus Ludovicus (quem, ut prædictur, jure si quod sibi ex electione prædicta acquisitum fuerat, privaveramus justitia exigente : ac subsequenter, ejus aucta contumacia, iudis omnibus, quæ a Romana, vel quibusvis aliis Ecclesiis, seu imperio obtinebat ; et specialiter ducato Bavarie ac omni jure, quod in eodem, aut ejus occasione, vel causa sibi competebat, seu competere poterat quoquo modo ; necnon et omnibus privilegiis Apostolicis et imperialibus sibi, seu ejus prædecessoribus, quatenus scilicet ipsum tangere poterant, indultis justo privaveramus iudicio ; quænamque pro fautoria hæreticorum excommunicationis innodatum sententia, quam per biennium et ultra indurato sustinuerat, sicut et adhuc sustinet animo, declaraveramus manifestum hæreticorum fautorem, pœnas omnes a canonibus inflictas talibus incurrisse, prout hæc plenius in nostris processibus contra ipsum habitis continentur) infra prædictum sibi præfixum terminum jam elapsum comparere per se vel alium non curavit, ipsum usque ad crastinum hora consistorii duximus de fratrum nostrorum consilio expectandum. Et quin nec tunc comparuit, nec aliquis pro eodem, de fratrum eorumdem consilio eum reputavimus et declaravimus contumacem.

25. « Et licet tunc præmissa adeo essent notoria, quod nulla poterant tergiversatione celari, et contra ipsum ad sententiam possemus procedere, exigente justitia, proferendam ; ipsum tamen benignitate Apostolica usque ad diem præsentem hora consistorii de eorumdem fratrum consilio duximus expectandum. Et quoniam nec hac die hora jam dicta comparuit, nec compareret adhuc, nec aliquis pro eodem, nec ad correctionem prædictorum se disponit in aliquo ; sed velut in profundum malorum perductus mala malis superaddere, offensisque offensis cumulare, ac iram Dei contra se provocare, fidelesque verbis et operibus persequi non omittit ; nos in prædictis lesionem fidei, patrumque sanctorum contemptum et probra, necnon et præsentium scandala varieque posterorum pericula attendentes, tantisque malis et periculis obviare salubriter cupientes, cum præmissa adeo sint notoria, quod nequeant tergiversatione aliqua occultari ; præsentem hac multitudine fidelium copiosa, ipsum reputantes et declarantes merito contumacem, Dei nomine invocato, de fratrum eorumdem consilio ipsum fore hæreticum declaravimus, ipsasque assertiones per dictam Constitutionem hæreticas, ut prædictur declaratas, et scripturas quascumque continentes easdem ; necnon et ipsum Ludovicum velut hæreticum reprobavimus et sententialiter condemnavimus. Si quis autem doctrinam et assertiones prædictas defendere vel approbare præsumpsit, cujuscunque dignitatis, ordinis, conditionis aut status existat, tanquam hæreticus ab omnibus contuitur. Et

nilominus ipsum Ludovicum bonis omnibus, mobilibus et immobilibus, juribus, jurisdictionibus et quibuscunque aliis, ubicunque sint et quibuscunque nominibus censentur, et specialiter consilatu Palatino Rheni, et omni jure, ratione vel occasione illius vel alias quovis modo ad eundem Ludovicum pertinentibus ; habendam vocem in electione regis Romanorum in imperatorem promovendi, seu in electione hujusmodi aliquem ad prædicta regnum vel imperium eligendi, seu quomodolibet nominandi, privatum fore decernimus et privamus, exponendis vel concedendis Catholicis, si, prout, et quando, ac quibus, vel de quibus Sedes Apostolica ordinatum duxerit, jure principalis domini semper salvo.

26. « Vassallos quoque ipsius et quascunque alias, tam Ecclesiasticas quam seculares personas, necnon communitates, universitates et civitates, castra, terras et villas, quæ sibi fidelitatis vel aliis quibuscunque juramentis tenerentur adstricta, prorsus ab illis absolvimus ; ac quascunque colligationes, confederationes, societates, pactiones et ligas per quoscunque cum eodem contractas vel initas ; etiamsi juramentis, pœnis vel aliis quibuscunque firmitatibus essent innixæ, quatenus favorem aut commodum ipsius concernerent ; de potestatis plenitudine penitus dissolvimus : ac pœnas adjectas, et juramenta super iis præstita relaxamus, decernentes quasvis personas singulares, ac communitates, universitates, castra, villas, terras et oppida nequaquam teneri de cætero ad observationem earum vel cujuscunque earundem. Universis etiam et singulis prelati et personis Ecclesiasticis, secularibus et regularibus, cujuscunque præsentie, dignitatis, ordinis, status vel conditionis existant, etiamsi patriarchali, pontificali aut majori seu inferiori fulgeant dignitate ; necnon regibus, ducibus, principibus, marchionibus, comitibus, baronibus, nobilibus, potestatibus, capitaneis, rectoribus et aliis dominis temporalibus ; et qui aliquo titulo se præmissorum intulant, licet jus non habeant in eisdem ; ac communitatibus, universitatibus, civitatibus, castris et villis : et specialiter Mediolanensi, Sionensi, Cumanæ, Vercellensi, Pergamensi, Laudensi, Cremonensi, Arcine, Novariensi, Papiensi, Mantuanæ, Ferrarensi, Veronensi, Lucanæ et aliis quibuscunque inlubemus et mandamus expresse, ne prædicto Ludovico de hæresi, ut præmittitur, condemnato adherere, communicare, participare, vel favere quomodocunque, directe vel indirecte publice vel occulte, præsumant ; nec portant, mittant, portari vel mitti faciant, aut procurent granum, vinum aut quæcumque victualia, pannos, ligna, ferrum, arma, seu quævis mercimonia, pecuniam, vel quidquid aliud, quod possit in ipsius utilitatem vel commodum redundare : nec societates, confederationes, colligationes, pactiones aut ligas quascunque cum eodem initas et contractas, præsertim in ejus favorem, auxilium

vel utilitatem, conservent. Alioquin personas quascunque singulares excommunicationis, universitates vero vel communitates et collegia, quae p[er] se quidem videlicet processus noster hujusmodi ad eorum pervenerit nobilitatem, vel pervenisse probabiliter potuerit: aut per ipsos scelerit, quominus pervenerit ad eosdem, in hac parte offenderent quovis modo, necnon terras et loca quorumcumque circa praedicta delinquentium interdicti sententias, et generaliter p[er] his omnibus, quibus fautores et defensores haereticorum et adherentes eisdem subiunguntur a jure, vel quibusvis Constitutionibus, volumus et decernimus subiacere: apertus praedicantes eisdem, nos ad earundem penarum declarationem et executionem contra delinquentes hujusmodi processurus, specialiter si et quando et quoties videbimus expedire, non obstantibus si eis vel eorum aliquibus, communiter vel divisim, a Sede Apostolica sit indultum, quod interdicti, suspendi vel excommunicari non possint per litteras Apostolicas, non facientes plenam et expressam ac de verbo ad verbum de indulto hujusmodi mentionem; et quibuslibet privilegiis, indulgentiis et litteris Apostolicis, generalibus vel specialibus; quibusvis personis, locis vel ordinibus sub quacunque forma vel expressione verborum concessis; etiamsi de illis esset specialis et expressa et de verbo ad verbum in praesentibus mentio facienda, per quae nullum contra praemissa vel praemissorum aliquid volumus afferri suffragium, vel obstaculum interponi. Ceterum processus tam contra praedictum Ludovicum, quam contra fautores et adherentes ipsius, per nos habitos, de fratrum eorundem consilio ratos existere decernimus, eosque ratificamus et ex certa scientia etiam approbamus. Ut autem sententiam et processus praesentes hujusmodi ad dicti Ludovici et aliorum, quorum interest, communem notitiam deducantur, chartas sive membranas, sententias et processus continentes eosdem, in Ecclesia Avinionensi appendi vel affigi ostiis seu superliminaribus faciemus, quae ipsos sententiam et processus suo quasi sonoro praeconio et patulo indicio publicabunt; ita quod dictus Ludovicus et alii, quos contingere dignoscuntur, nullam possint excusationem praetendere, quod ad eos non pervenerint, vel quod ignorarint eosdem: cum non sit verisimile quo ad ipsos remanere incognitum vel occultum, quod tam patenter omnibus publicetur. Dat. Avin. X kal. Novembris, Pontificatus nostri anno XII. Data sunt mox Germaniae praesulibus imperia, ut Ludovicum haereseos sententiam damnatum promulgarent: quo argumento littere¹ ad plures ad Moguntinum archiepiscopum ac suffraganeos, aliosque III non. Novembris, consignatae sunt.

27. *Marsilius et Jandunus haeresiarcae; co-*

runque errores Pontificia Constitutione damnati, et ab aliis refutati. — Praecipui haeresiarcae, quos suis studiis Ludovicus impiorum politico-rum consilio offerebat, erant memorati Marsilius Patavinus et Jandunus, qui ad illius attollendas res deprimentisque majestatem Pontificiam novas haereses conflabant. Meminit de Marsilio Patavino nefandissimo haeresiarcha Albertus Pighius, deque ejusdem nefariis scriptis haec habet¹: « Nemo diligentius, vehementius, aut etiam copiosius causam secularis potestatis adversus Ecclesiasticam egisse legitur, quam plane subvertere et in nihilum redigere omni studio conatus est. Scripsit is ante annos ducentos ad Ludovicum Bavarum temporibus Joannis XXII, a quo ille excommunicationis vinculo innodatus fuerat, ex contumace haeretico facere satagens, velut apologiam quamdam adversus auctoritatem Pontificiam, cui Defensoris² pacis titulum fecit, cum eandem omni studio eliminat ab Ecclesia. Fuit homo Aristolelicus magis quam Christianus, atque ex illius magis quam Christi institutis novam Ecclesiasticam hierarchiam formam conatus effingere; quamvis sacras litteras et sanctorum Patrum sententias, sed suo more intellectas, sine fine et modo congerat, veritatique confidentissime objiciat, ubique seipsum victorem pronuntians: sed ante victoriam tam amarus, tam violentus in Romanos Pontifices, ut merito dubitares, nisi tempora di-jungerent, hinc a Lutherum, an Lutherus ab isto suam didicerit rhetoricam; nam uterque alterum in hac parte conatur vincere ». Haecenus Pighius. Cum pestifer Marsilii liber, cui etiam consarcinando damnatissimam operam Jandunus contulerat, in vulgus emanasset, Pontifex servandae incorruptae religionis zelo ductus, cum illis iudicium constituta die intendisset³, obfirmatos in contumacia X kal. Novembris decretoria percussit sententia, eorumque haereses damnavit⁴:

28. « Joannes episcopus, servus servorum Dei, ad perpetuum rei memoriam.

« Licet juxta doctrinam Apostoli ob id esse haereses sit necesse, ut fiant qui probati sunt aperti manifesti; qua tamen juxta doctrinam ejusdem Apostoli, haereticorum sermo ut cancer serpere, id est, a parvo ad majus paulatim tendere consuevit, necesse est, ut talibus eorumque perversis dogmatibus sic celeriter occurratur, quod tam perniciosus morbus neglectus inter initia vires sumere nequeat; sed potius suo praefocetur in ortu. Sane dudum ad nostram evidentiam relatione, tam verbali quam literali, plurimum sublimium ac fidelium personarum, necnon fama publica notoriante perducto, quod duo viri nequam, perditionis filii, et maledictionis alumni, quorum unus Marsilium de Padua et alter Joannem de

¹ Tom. VI, p. 3. Ep. sec. par. 70, et post eand. Ep. et pag. 171, 172.

¹ Albert. Pigh. l. V, c. 1. — ² Ext. in Ms. in libl. Vat. sign. num. 3974. — ³ Tom. VI, p. 3. Ep. sec. par. 221. — ⁴ Var. Bull. pag. 76. et in Append. lib. Marsil. Ms. Vat. sign. num. 3974.

Janduno se faciunt nominari, quemdam librum composuerant multa falsa, erronea et hæretica continentem; quodque ipsos errores ac hæreses in ducatu et terris Bavarie (Ludovico de Bavaria excommunicato, Dei et Ecclesiæ fidei quæ Catholicæ persecutore manifesto et hoste crudeli, suisque horrendis excessibus et gravibus culpis exigentibus jure, si quod ei ex electione discordi, quæ de ipso celebrata dicebatur, ad regnum Romanorum, vel imperium competeat, iusto privato iudicio eisdem Marsilio et Joanni favente super his, ac etiam adhaerente) dogmatizare publice præsumebant; quibus licet nonnulli viri Catholici, se pro defensione fidei opposcentes, ostendissent aperte, quod illa doctrina erat erronea et hæretica, velut contraria Evangelicæ et Apostolicæ veritati, et ut a tali doctrina desisterent snassissent eisdem, ipsique eorum nolent acquiescere monitis, sed in publicandis suis erroribus perducere; tandem tam præfati quam plures prælati, necnon et alii viri Catholici per perniciosas hæreses inter Catholicos dogmatizari publice indecens et perniciosum nimium reputantes, nobis certos articulos excerptos de libro prædicto curaverunt nonnulli mittere, ac per se ipsos aliqui præsentare, supplicantes attentius, ut super præmissis curarem sanctæ Dei Ecclesiæ de optimo remedio providere: de quibus articulis subscriptos duximus præsentibus annotandos. Et licet tam cum fratribus nostris S. R. E. cardinalibus, quam cum archiepiscopis et episcopis aliisque Ecclesiarum prælatis, necnon et cum pluribus sacræ theologiæ magistris, ac utriusque juris professoribus deliberationem super ipsis articulis perhabueramus diligentem; ex quorum deliberatione aperte convincitur, quod errores articulorum ipsorum sunt adeo manifesti, quod quicquid ad eorum manifestationem adjiceretur, frustra adjici videatur, et quasi sol facibus adjuvari: ut tamen minus periti promptius illos percipere valeant et vitare quædam ad ipsos declarandos errores perfunctorie satis de eorumdem fratrum consilio præsentibus duximus inserenda.

29. «In primis itaque isti viri reprobi dogmatizare præsumunt, quod illud, quod de Christo legitur in Evangelio beati Matthæi, quod ipse solvit tributum Cæsari, quando staterem, sumptum ex ore piscis, illis qui pelebant didrachma jussit dari, hoc fecit non condescensive et liberalitate suæ pietatis, sed necessitate coactus. Quod utique doctrinæ contradicit Evangelicæ, nostrique sententiæ Salvatoris. Cum enim, sicut in eodem Evangelio legitur, Christus interrogasset Petrum: *Reges terræ a quibus accipiunt tributum, vel censum? a filiis suis, an ab alienis?* et Petrus dixit: *Ab alienis*, ex hoc concludens Christus filios regum esse liberos dixit: *Ergo liberi sunt filii*; constat autem Christum secundum carnem fuisse David filium, juxta testimonium Angeli sic dicentis: *Dabit ei Dominus sedem David patris ejus*, etc. Et per consequens quod ipse a solutione tributi vel census,

erat prorsus immunis. Hoc etiam ex hoc patet, quod statim subjunxit: *Ut autem non scandalizemus eos, eade et da staterem pro me et pro te eis*. Ubi evidenter patet, quod non ut adstrictus, sed ut evitaret scandalum, staterem tributi exactoribus jussit solvi.

«Ex prædicto autem dicto suo nituntur concludere præfati viri reprobi, quod omnia temporalia Ecclesiæ subsint imperatori, et ea potest accipere velut sua. Videntur enim supponere, quod ex hoc, quod Christus tributum solvit ex debito, res temporales, ejus imperatori subessent; et per consequens, quod res Ecclesiæ temporales sint imperatori subjectæ, et eas possit recipere velut suas. Quæ quidem conclusio nullatenus ex præmissis sequitur, nec sequi potest etiam apparenter: cum enim liquet ex prædictis, Christum fuisse a solutione tributi vel census liberum et immunem, et staterem non solvisse ex debito, sed ut aliorum scandalum evitaret; nullo modo potest concludi, quod res Christi, quales sunt res Ecclesiæ subsint imperatori. Præterea etiamsi Christus staterem solvisset ex debito, impertinenter concluderetur ex eo, quod res Christi, quales sunt res Ecclesiæ, subessent imperatori: cum Christus non pro rebus, sed pro persona staterem solvit antedictum: quod patet ex eo, quod ille jussit solvi pro se et Petro modo prædicto, non pro rebus suis et bonis. Unde non sequitur, quod ex eo quod persona est tributaria, sint et bona: imo qui pro persona tributum tenetur solvere, habere potest bona libera et e contra: et quia hæc patent falsa etiam per jura imperialia manifeste, superselimus super hoc plenius allegare.

30. «Secundo, isti filii Belial, dogmatizare præsumunt, quod beatus Petrus Apostolus non plus auctoritatis habuit, quam alii Apostoli habuerunt, nec aliorum Apostolorum fuit caput. Item quod Christus nullum caput dimisit Ecclesiæ, nec aliquem vicarium suum fecit: quod est totum contrarium Evangelicæ et Apostolicæ veritati. Quod enim Christus vicarium suum beatum Petrum constituerit, patet. Constat enim, quod Christus officium pastoris gessit in terris. Hinc est quod in Joanne se vocat pastorem dicens: *Ego sum pastor bonus*, etc. Liquet etiam quod curam gregis sui ante Ascensionem beato Petro generali commisit, quando sibi illud Joannis dixit: *Pasce oves meas: pasce agnos meos*. Unde cum pastor gregis Dominici, scilicet Christus, curam ejusdem gregis beato Petro commiserit; quin enim, quoad curam gregis suum vicarium fecerit, nullus debet in dubium revocare. Hoc ille imperator Christianissimus Constantinus aliquando testatus est dicens: *Beatus Petrus videbatur in terris vicarius Dei Filii constitutus*. Ex hoc etiam sequitur evidenter, quod Petrus caput universalis Ecclesiæ potest dici juxta morem illum sacræ Scripture, quo rector aliqujus multitudinis dicitur esse caput. Unde legitur in Joële (Osea): *Congregabuntur*

filii Juda et filii Israel pariter : et ponent sibi caput unum ; id est, rectorem. Constat autem quod beatus Petrus eo ipso, quod Christus sibi commisit curam gregis Domini, ipsum (eiusdem gregis) constituisse rectorem, et per consequens caput.

« Fatemur tamen cum Apostolo, quod Christus Ecclesie est verum caput et principale, sub quo tamen Petrus caput dicitur secundum modum prædictum ; secundum quem modum sub Christo capite et Petro multa capita particularia possunt dici, sicut patriarcha patriarchatus sui et archiepiscopus archiepiscopatus sui : sicut videmus, quod licet Christus sit Ecclesie principale ac primum fundamentum, juxta illud Apostoli : *Fundamentum autem aliud nemo potest ponere præter illud, quod positum est, quod est Christus Jesus* ; et alibi, loquens gentilibus conversis, dixit : *Vos estis cives sanctorum et domestici Dei, superædificati super fundamentum Apostolorum et prophetarum, ipso summo lapide angulari Christo Jesu* ; id est, quod fundamentum est Christus Jesus ; tamen etiam Apostoli dicuntur fundamentum, juxta illud Psalmistæ : *Fundamentum ejus*, id est, Ecclesie, *in montibus sanctis*. Et secundum hunc modum Christus videtur Petrum prædisse futurum Ecclesie fundamentum, dum dixit : *Tu es Petrus, et super hanc petram ædificabo Ecclesiam meam*. Unde sicut Christus dicitur sanctus sanctorum, Rex regum et Dominus dominantium ; sic similitudinaliter pastor pastorum et caput capitum et fundamentum fundamentorum Ecclesie potest dici. Sic igitur ex prædictis patet, quod Petrus secundum prædictum modum caput est Ecclesie et vocatur. Et hoc videtur Christus in impositione nominis designasse ; dixit enim sibi, sicut legitur in Joanne : *Tu vocaberis Cephas* ; Cephas autem Græce interpretatur Latine caput. Unde Constantinus imperator de Romana Ecclesia loquens dixit, quod principatus sacerdotum et Christiane religionis caput ab imperatore caelesti constitutus est Romæ. Justinianus quoque in quadam Epistola Joanni papæ missa, testatur hæc dicens : Non patimur quidquam, quod ad Ecclesiam pertineat, quicquid manifestum et indubitatum sit quid innovetur, et non hæc vestræ sanctitati, quæ caput est Ecclesiarum omnium, innoscat. Et alibi sic dicit : Summi Pontificis apicem apud Romanam Ecclesiam esse, ipsamque fore sacerdotii fontem, nemo est qui dubitet ; id est, qui debeat dubitare. Ludovicus autem imperator beatum Petrum principem Apostolorum vocat.

« Quod autem beatus Petrus plus quam alii Apostoli habuerit auctoritatis, ex prædictis etiam concluditur evidenter ; certum est enim, quod major est auctoritas pastoris quam gregis ; Petrus autem totius gregis Domini generalis constitutus est pastor, ut probatum est superius ; quod de nullo alio potest dici. Præterea constat, quod major est non limitata auctoritas limitata ; omnes

autem alii Apostoli receperunt limitatam potestatem, sive supra verum corpus Christi conficiendum ; sumendum et aliis ministrandum : quæ quidem auctoritas seu potestas fuit in Cœna Domini omnibus Apostolis attributa ; et etiam illa, quam post resurrectionem Dominus supra corpus mysticum dedit illis, dicens : *Quorum remiseritis peccata, remissa sunt ; et quorum retinueritis, retenta sunt*. Sive etiam in Ascensione, quando dixit eis : *Euntes ergo docete omnes gentes ; baptizantes in nomine Patris*, etc. Petro autem sine limitatione aliqua commisit curam gregis Domini, cum sibi dixit : *Pasce oves meas, pasce agnos meos*. Item sibi soli, ita quod nulli alii singulariter dixit : *Tibi dabo claves regni cælorum ; et quodcumque ligaveris super terram, erit ligatum et in cælis ; et quodcumque solveris super terram, erit solutum et in cælis*. Hæc etiam in sancto Luca Evangelio Jesus videtur satis congrue designasse, ubi loquens Petro dixit : *Duc in altum* ; significans quod ad ipsum solum pertineat, in altum, id est, in profundum disputationum fidei dubia definire ; sibi autem et aliis quod sequitur : *Laxate retia in captivam* ; quia omnes Apostolos constituit hujusmodi piscatores, juxta illud quod in sancto Evangelio Marci dixisse legitur Christus : *Venite post me, faciam vos hominum piscatores* ; hoc quoque, scilicet quod Petrus plus cæteris Apostolis recepit auctoritatis, apparet ex multis quæ Jesus sibi, et de ipso aliis dixit ; necnon et ex multis, quæ ipsum post Ascensionem Domini dixisse atque fecisse, sacra Scriptura testatur. Ex prædictis itaque patet, quod Petrus a Christo fuit vicarius constitutus, quando sibi totius gregis Domini curam commisit, et per consequens rector et caput gregis ipsius institutus est et vocatus. Ex quibus sequitur, quod sibi a Christo amplior quam aliis attributa fuerit auctoritas et potestas. Hinc est quod Clemens ejusdem Petri successor et discipulus dixit : Nec inter ipsos Apostolos par fuit institutio : sed in omnibus præfuit unus, scilicet Petrus.

31. « Tertio isti filii Belial asserere non ventur. quod ad imperatorem spectat, papam instituire et destituere ac punire ; quæ utique omni juri obviant, et repugnant. De primo quidem post Christum Novi Testamenti summo Pontifice, scilicet Petro, patet, quod non ab imperatore temporali seu terreno constitutus papa fuerit, sed a Christo, dicente sibi illud Joannis : *Pasce oves meas ; pasce agnos meos* ; per quæ verba ipsum suum vicarium generalem constituit, ut patet ex prædictis. Adhuc, de illis summis Pontificibus, qui fuerunt ante Constantinum magnum imperatorem, quod ipsorum institutio ad imperatores non pertinuerit, satis liquet volenti acquiescere veritati. Cum enim fore omnes imperatores illius temporis fuerint idololatæ, ac fidei Catholice et orthodoxorum Pontificum persecutores atrocissimi, adeo quod omnes fere a beato Petro

inclusive usque ad beatum Silvestrum effecerint martyres; quod ad eos papae institutio potuerit pertinere, nullo modo utique credi debet. Nec de ipso Constantino usque ad suam conversionem ad fidem Catholicam, quod ad eum institutio pertinerit, dici potest; nec per conversionem ad fidem hoc assequi potuit, cum per eam papae filius ac discipulus fuerit et subjectus. Praeterea cum imperator ipse post susceptum Baptismum inconueniens reputauerit et injustum, quod ubi principalis sacerdotum et Christianae religionis caput ab imperatore celesti institutum fuerat, videlicet Romae, illic imperator terrenus potestatem haberet, ideoque sedem imperialem Silvestro papae concesserit, et ad partes Orientales imperii et regni translatam potestatem; multo fortius injustum et inconueniens est censendum, quod ad ipsum imperatorem papae potuerit institutio pertinere. Et idem patet dicendum esse de Graecis imperatoribus, qui sibi in imperio successerunt.

Quod autem ad imperatores Latinos non pertinerit nec pertineat institutio supradicta, patet: imperium enim per papam a Graecis translatum est in Latinos; nec plus juris in ipsos, quam apud Graecos existeret, papam ipsum transferentem legimus transulisse. Graecis autem imperatoribus, ut ex praedictis patet, talis non pertinebat institutio; quare nec pertinere poterit ad Latinos imperatores pertinet ex concessione postea ipsis facta per summum Pontificem, vel summos Pontifices, est dicendum, quod nulla concessio facta per papam aliquem imperatori seu imperatoribus, debet intelligi, quod ipsi imperatores papam possent instituere seu eligere; sed quod possent electioni summi Pontificis interesse. Et quod sic concessionem illam intelligi debeant, satis ex eo, quod in quodam capitulo legitur, ubi sic dicitur: Verum quia imperatores quandoque modum suum ignorantes, non in numero consentientium, sed potius distribuentium, imo exterminantium esse voluerunt, etc. Item querimonia nuntiorum Ludovici imperatoris, quibus in Urbe praesentibus electio de papa Adriano II ipsis non vocatis exhibita celebrata, hoc similiter probat: conquerebantur enim dicentes, quod cum praesentes essent, non fuerant invitati: nec optate meruerunt electioni futuri praesulis interesse. Adhuc quia nonnulli imperatores illo privilegio abusi fuerunt, ac frequenter in haereticorum prolapsi perfidiam, et Catholicae matris Ecclesiae unitatem fuerunt impugnare conati; statuta sanctorum Patrum contra eos, ut se electioni papae non ingererent, prodierunt, ac ut anathematis innodaretur vinculo quisquis eorum suffragia Ecclesiam obtineret. Nonnulli quoque imperatores ducti religione mentis affectu ex abundanti, supradicto renuntiaverunt privilegio, ut patet ex tenore canonum super hoc conditorum, per quos et non alios probatur concessio antedicta.

¶ Praeterea legant homines isti pestiferi histo-

rias approbatas, et ostendant quis unquam papa Catholicus ab imperatore institutus fuerit. Profecto credimus quod nullum poterunt reperire. Nec dubium, si ad eos talis pertinisset institutio, quin potestate fuissent usi hujusmodi, et quin historis de institutione tali mentio haberetur. Dicere autem quod papae destitutio, seu punitio ad imperatorem pertineat, est erroneum et insanum. Quomodo enim pertinebit papae destitutio, cum ejus institutio ad eum non pertineat, ut ex praedictis patet? Inde etiam secundum jura imperialia privato debet procedere, unde datio noscitur processisse. Praeterea, quomodo imperator principem clericorum destituere poterit, vel punire, cum etiam secundum imperiales leges id in simplici clerico nequeat exercere? Audeant insuper isti perituri homines quid circa hoc nonnulli Catholici principes senserint, et quid duxerint sanciendum.

¶ Theodosius quidem et Arcadius imperatores Catholici expresse sanxerunt, quod nullus episcoporum, sive eorum qui Ecclesiae necessitatibus serviunt, ad ordinariorum sive extraordinariorum iudicium pertrahantur: habent enim illi suos iudices, nec quidquam eis cum legibus est commune. Item imperator Constantinus, cum querelam clericorum quorundam coram se deferendam conspiceret, dixit: Vos a nemine laicorum potestis judicari, qui Dei solius estis iudicio reservati. Et si dicatur: Si solius Dei iudicio reservantur, ergo nec a iudicibus Ecclesiasticis poterunt judicari; dicendum quod imo ipsi quidem Pontifices vicarii, licet differenter, sunt Christi; quia papa universalis, velut vocatus in potestatis plenitudinem; alii vero particulares, velut illi, qui in partem sollicitudinis sunt vocati; unde a Deo videntur judicari, quia ab eo iudicantur potius quam ab ipsis, cum ille ejus auctoritate sit, illud facere videatur. Et propter hoc imperator praedictus signanter dixit: A nemine laicorum. Item (Theodoricus rex) cum Romae Concilium convocasset, ut sanctum Concilium judicaret de his, papae Symmacho ab adversariis dicebantur impingi, certi episcopi, qui convenerant, imperatori dixerunt, quod ad illum, qui impetebantur, scilicet papam, pertinebat Concilium convocare, quia ejus Sedi primum Petri Apostoli meritum, deinde secuta jussione Domini Conciliorum venerandorum auctoritas, singularem in Ecclesiis tradidit potestatem, nec ante minoris subiacuisse iudicio antistitem dictae Sedis. Quo audito (rex) praefectus, Deo inspirante, respondit synodalis esse arbitrii in tanto negotio sequenda praescribere; ac ad se nihil, praeter reverentiam, de Ecclesiasticis negotiis asseruit pertinere. Episcopis etenim principes Christianos solitum est capita subdere, non de eorum capitibus judicare. Hinc est quod Innocentius papa Arcadium imperatorem excommunicavit, quia consensit, ut a sua sede sanctus Joannes Chryso-

stomus pelleretur. Plures quoque summos Pontifices legitur, imperatores pro suis excessibus imperiali dignitate privasse. Beatus quoque Ambrosius, licet Ecclesie universalis non esset Pontifex, Theodosium magnum imperatorem excommunicans, eisdem ingressum Ecclesie interdixit. Ad hujusmodi autem erroris sui fulcrumentum, scilicet quod ad imperatorem pertineat papam destituere et punire, illud quod in sanctis Evangelis legitur de Pilato, scilicet quod Christum crucifixum, presumunt inducere; asserentes ipsum Pilatum tanquam Christi ordinarium crucifixisse ipsum tanquam sibi subiectum, quod habet duplicem intellectum. Aut enim intelligunt Pilatum Christum crucifixisse de jure, aut de facto; si de jure, hoc obviat veritati; de jure enim de crimine quis puniri non potest, nisi qui deliquerit vere vel interpretative, vel qui convictus fuerit delictis, Christus autem secundum veritatem non deliquit, quia innocens fuit manibus, et mundo corde: *Qui peccatum non fecit, nec inventus est dolus in ore ejus*; et hoc Pilatus ipse fuit expresse testatus, cum enim ipsum Judaeis tradidit cruciendum, dixit: *Mundus sum a sanguine justis hujus*. Item nec fuit deliquisse convictus, quod idem pluries est testatus; cum enim Judaei instarent quod crucifigeret eum, in uno loco dixit: *Quid enim mali fecit?* quasi dicat: Nihil invenio eum fecisse mali. Et alibi pluries eisdem Judaeis instantibus, quod crucifigeret illum, dixit: *Ego nullam in eo invenio causam mortis*. Quare ipsum de jure non potuit punire. Si autem intelligant quod de facto, et injuste punivit eum innocentem, sicut et veritas se habet, tunc non possunt concludere aliud, nisi quod imperator papam de facto potest interficere et injuste: quod utique non solum de imperatore concedimus, verum etiam de privato, sicut et plures imperatores a privatis personis et summos Pontifices a non suis iudicibus, sicut omnes martyres legitimus interemptos.

32. « Quarto dicunt isti vaniloqui, imo falsiloqui quod omnes sacerdotes, sive sit papa, sive archiepiscopus, sive sacerdos simplex, sunt ex institutione Christi auctoritatis et jurisdictionis aequalis ». Hanc haeresim ab Aerio contactam, cum episcopalem gradum adipisci non potuisset, S. Augustinus observat¹ quam nonnulli alii haeretici imitari; huic vero Marsilius et Jandunus hoc virus addidere: « Quod autem unus plus alio habeat, hoc est secundum quod imperator concedit uni vel alii plus et minus: et sicut concessit alicui, sic potest illud etiam revocare. Quae utique doctrina sacrae obviat, et haeticam sapientiam pravitatem; quod enim sacerdotum simplicium et non simplicium ex ipsa institutione Christi non existat aequalis potestas, patet tam in his qui fue-

rant in Testamento Veteri, quam in iis qui fuerunt in Novo. In Veteri siquidem testamento per Moysen ex praecepto Domini Aaron in summum pontificem, filii vero ejus uncti fuerunt in simplices sacerdotes; quorum potestas, ut patet, inaequalis existit, quia ex simplicibus sacerdotibus velut ad superioris auctoritatis et potestatis honorem ad Pontificatum sunt assumpti: tuncque licebat quaedam pontifici, ut sancta sanctorum ingredi, quae non licebant simplici sacerdoti. In Novo vero Testamento pontificis et simplicium sacerdotum ab ipso Christo ex eo assumpsisse videtur exordium, quod duodecim Apostolos, quorum typum gerunt pontifices, ac septuaginta duos discipulos instituit, quorum typum gerunt simplices sacerdotes. Constat autem ex multis, quod de ipsis in sanctis legitur Evangelis, quod Apostolorum et discipulorum auctoritas dispar fuit.

« Adhuc quod potestas aliorum quorumcumque sacerdotum potestati papae par non sit, nec aequalis, patet evidentius ex praedictis, quod aliorum episcoporum, scilicet patriarcharum, archiepiscoporum et episcoporum, per potestas nec sit nec fuerit, patet. Inferiorum siquidem potestas superiorum non est per potestati: constat autem patriarchas esse superiores respectu archiepiscoporum, et archiepiscopos respectu episcoporum, et episcopos respectu simplicium sacerdotum. Et si dicant isti homines reprobi, quod istorum episcoporum distinctio ab imperatore processit, non a Christo, dicimus quod imo processit ab ipso, ille enim, cujus auctoritate fit aliquid, velut fecisse videtur. Beatus autem Petrus Christi vicarius, et gregis Domini caput, atteniens quod aucto grege, sine ipsius augmentatione custodiae gregi non poterat salubriter provideri, auctum gregem post Ascensionem Domini considerans, et auctorum amplius praevicens in futurum, gradus praedictarum potestatum instituit et distinxit: quare cum auctoritate Christi praedicta distinctio facta fuerit, Christo debet adscribi. Hanc autem potestatem datam Ecclesiae, psalmista diu ante praedixit, dicens: *Pro patribus nati sunt tibi filii, constituit eos principes super omnem terram*. Ubi patres Ecclesiae vocat Apostolos, et filios Ecclesiae fideles, per Apostolos, ipsos conversos: ubi satis aperte Ecclesiae, id est, ejus pastori, attributa potestas intelligitur instituendi diversos gradus principum, cum expedire perciperet Ecclesiae sanctae Dei. Audiant insuper isti perversi homines, quod Justinianus imperator Catholicus super hoc dixit; cum enim circa gradus praedictos episcoporum, eorumque superioritatem et subjectionem constituisset aliqua, subjunxit dicens: Nam hoc secundum sacram regularum explanationem, Apostolicamque traditionem constituimus. Ex quibus colligitur evidenter, non ab imperatore distinctionem et auctoritatem pontificum originaliter et principaliter, sed ab auctoritate Apostolica processisse: imperatoremque, ut illa servaren-

¹ Aug. in Catal. har., et ex eo Gual. Carmelita summo, de haeres. Har. Annal. tom. I. an. C. r. 58. num. 4.

tur melius, juxta statuta Apostolica eadem statuisset.

« Considerent etiam quae et quanta ex his, si vera essent, inconvenientia sequerentur. Sequeretur utique, quod usque ad tempus Constantini nulla potestas esse potuerit in Ecclesia sancta Dei, cum illo tempore imperatores fere omnes gentiles fuerint, et persecutores Ecclesiae ac praedatorum ejusdem de quibus dici non potest, quod praelatis Ecclesiae potestatem concesserint aliquam, ut ex praedictis patet. Ex praedictis insuper sequeretur, quod universalis Ecclesia, quae Spiritu sancto regitur, erraret et erraverit, ipsos honorando pro sanctis; quod est utique contra illud, quod Christi discipulis in Ascensione sua, ut in sancto Evangelio Matthaei legitur, promissit dicens: *Ego vobiscum sum usque ad consummationem saeculi*. Secundum enim istos diaboli filios, pro illo tempore vera Christi promissio non fuisset, nec aliquis illorum Pontificum, qui a paganis fuerunt eo tempore interfecti, sancti fuerunt, nec pro sanctis honorari deberent. Hoc quoque est expresse contra illum articulum: Unam, Sanctam, Catholicam et Apostolicam Ecclesiam; quia secundum eos nec sancta fuit pro illo tempore, nec potuit dici sancta.

« Utrum autem in omnibus Apostolis, ac in simplicibus sacerdotibus fuerit ordinis potestas aequalis; dicimus, quod quantum ad ordinis dignitatem pares sunt et fuerunt: aequae enim sacerdos quilibet sacerdotalem characterem recipit rite et secundum formam Ecclesiae ordinatus: potestas autem ipsius ordinis par quoad sacramentum altaris omnino non existit, nec exhibet simplicis et non simplicis sacerdotis, quod patet, quia potestas ligabilis et suspensibilis illi: qui ligari et suspendi nequit, nequaquam per potestatem: constat autem, quod papa ligare potest aliorum sacerdotum et suspendere potestatem, sic quod licite uti dicta potestate non poterunt, licet effectus subsequatur, si usi fuerint, et ipsi sunt ex hoc merito puniendi: nullus autem aliorum sacerdotum potestatem papae ligare vel suspendere potest: quod etiam de aliis superioribus et inferioribus patet. Ex quo sequitur evidenter, quod potestas etiam ordinis superiorum et inferiorum sacerdotum omnino par judicari non potest. Concedimus tamen, quod si sine prohibitione aliqua minores usi fuerint hujusmodi ordinis potestate, puta hostiam consecrando, par sequitur effectus. Aequae enim prolatis verbis illis: *Hoc est corpus meum*, etc. a simplice sacerdote fit transsubstantiatio panis in corpus Christi, sicut si ea superior protulisset; quod ex eo contingere noscitur, quia unus et idem est sacerdos interior, videlicet Christus, qui prolatis verbis praedictis a sacerdote quolibet anno consecrandi, transsubstantiationem hujusmodi facit: et ideo non est mirum, si par effectus sequi debeat verbis praedictis a quocumque sacerdote prolatis, cum unus et idem auctor hujusmodi esse noscatur effectus.

33. « Quinto adhuc isti blasphemi dicunt, quod tota Ecclesia simul juncta nullum hominem punire potest punitione coactiva, nisi concedat hoc imperator; quod utique doctrinae Evangelicae nocetur obviare. Constat enim, quod a Christo Petro et in persona Petri Ecclesiae potestas coactiva concessa, vel saltem permessa extitit; quae quidem permissio fuit postea adimpleta, cum sibi Christus dixit: *Quodcumque ligaveris super terram*, etc. Ligantur enim non solum voluntarii, sed inviti. Adhuc constat, sicut ibi legitur in Matthaeo, quod si aliquis damnum alicui indebite dederit, illudque ad mandatum Ecclesiae noluerit emendare, quod Ecclesia per potestatem a Christo sibi concessam ipsum ad hoc per excommunicationis sententiam compellere potest: quae quidem potestas est utique coactiva. Circa quod est advertendum, quod cum excommunicatione major nedum excommunicatum a perceptione sacramentorum removeat, sed etiam a communione fidelium ipsum excommunicatum excludat; corporaliter est a Christo coactio Ecclesiae permessa; cum etiam secundum leges imperiales gravius reputetur inter homines conversari, ipsorumque privati suffragiis, quam ab hominibus separari; sequitur potestatem coactivam non ab imperatore terreno, sed ab ipso Christo fuisse originaliter Ecclesiam consecutam.

« Praeterea beatus Petrus post Ascensionem Domini in personam Ananiae et Sapphurae uxoris suae sine imperiali concessione aliqua hac usus est potestate: in quos, quia de pretio agri Deo oblato fraudaverant, mortis sententiam promulgavit; quae quidem sententia non processit de ipsorum conjugum voluntate. Item beatus Paulus Elimam magum, Sergium Paulum a fide quaerentem abducere, ad tempus luce corporali privavit. Illum quoque fornicatorem Corinthium in carnis interitum tradidit Sathanae, ut ejus spiritus salvus esset. Item Corinthiis scribens idem Apostolus dixit: Quid vultis? in virga ad vos veniam, an in charitate, et in spiritu mansuetudinis? In quo satis expresse coactivam potestatem supponit se habere. Item scribens eisdem abbi dixit: *Arma*, inquit, *militiae nostrae non sunt carnalia, sed potentia Deo*, id est, a Deo concessa, *ad destructionem munitioum consilia destruens, et omnem multitudinem extollentem se adversus scientiam Dei*. Et sequitur: *In promptu habentes ulcisci omnem inobedientiam*. Ex quibus patet, Paulum non ab imperatore, sed a Deo habuisse potestatem, etiam coactivam; ejus contrarium blasphemi praesumunt dicere supradicti. Rursum advertant isti nequam homines, quomodo audent dicere, quod ab imperatore terreno Ecclesiarum praelati coactivam vel aliam receperint originaliter potestatem; cum, ut supra dictum est, imperatores usque ad Constantinum magnum fere omnes pagani fuerint seu idololatras et persecutores; imo exterminatores, quantum fuit in eis, Ecclesiae

sanctæ Dei. Quomodo ergo illi talibus coactivam vel aliam potestatem concederent, utique nullus sapiens credere debet.

34. « Et quia ne tantorum auctores et doctores errorum plures in ipsorum errorum detr. herent devium, ipsique propter impunitatis audaciam nequaquam fient nequiores, licet nos cum eorum excessus adeo forent notorii, quod nulla poterant tergiversatione celari, et possemus procedere ad sententiam contra eos; de benignitate tamen Apostolica, quæ conversionem desiderat perversorum, nos ipsos Marsilium et Joannem et quemlibet ipsorum de fratrum eorumdem consilio V idus Aprilis proxime præteriti, die videlicet Dominicæ Cœna, per edictum citavimus publice, præsentem fidelium multitudine copiosa, ut infra quatuor mensium etiam proxime subsequendum spatium, quos eis et eorum cuilibet, de eorumdem fratrum consilio, pro peremptorio termino præfiximus et assignavimus, Apostolico conspectui se personarum præsentarent, super prædictis excessibus et delictis, ut præfertur, notoriis justam, dante Domino, sententiam audiri; ac responsuri et facturi quod iustitia suaderet; eisdem apertius prædicentes, quod sive infra prædictum comparent terminum coram nobis; sive non comparent, nos ad prædicta absque monitione et citatione procederemus, prout videremus expedire, eorum absentia non obstante; volentes tunc nihilominus, ac etiam decernentes occasione prædicta, etiam si termini supradicti præfixo in tempore forsitan caderet feriato, perinde valere, sumique effectum sortiri debere, ac si tempus feriatum non existeret, quacumque Constitutione super hoc in contrarium edita non obstante: et ut ad ipsorum et aliorum, quos laqueabant, notitiam communem deducerentur prædicta, chartas sive membranas, processum continentes eundem, in majoris Ecclesiæ Avinionensis appendi vel alligi ostiis fecimus, quæ processum ipsum suo quasi sonoro preconio et palato indicio publicarent, ut ipsi et alii, quos processus ipse laqueabat, nulla possent excusatione contendere, quod ad eos non pervenisset, vel quod ignorassent eundem: cum non esset verisimile, quoad ipsos remanere incognitum vel occultum, quando publicabatur omnibus tam patenter. Voluimus etiam, auctoritate Apostolica decernentes, quod idem processus prædictos citatos apprehenderet et auctaret, quia ad eos, moram trahentes cum dicto Ludovico, tutus non patebat accessus, ac si eis insinuat personarum et publicatus solemniter extitisset, Constitutione quacumque per Romanos Pontifices prædecessores in contrarium edita non obstante.

« Cum autem præfati Marsilius et Joannes citati, ut prædictum, nec aliquis eorumdem in præfixo sibi termino comparere non curaverint, nec aliquis pro eisdem, nos ipsos et eorum quemlibet de fratrum prædictorum consilio reputavimus et decrevimus merito contumaces. Et licet

etiam eorum contumacia exigente potuissemus cum eorum essent excessus, ut præfertur, adeo notorii, quod non poterant aliqua tergiversatione celari, ad sententiam alias rationabiliter contra ipsos procedere et quemlibet eorumdem; de benignitate tamen Apostolica, quæ conversionem peccatorum desiderat, ipsos decrevimus usque ad nostrum beneplacitum expectandos: quocirca contra ipsos procedere usque ad diem præsentem de eorumdem fratrum consilio duximus differendum.

35. « Sane considerantes attente, quod præmissi Marsilius et Joannes ad redeundum ad sinum Ecclesiæ se non præparant, sed potius ut in sui erroris devium alios pertrahant, elaborant; nec non et ad memoriam reducentes, quod dudum cum hostis humani generis ad impugandum sinceritatem fidei hæreticorum fallaciam subinduceret fraudulentam, sancti patres prædecessores nostri contra ipsos viriliter insurgentes, eorum prava dogmata cum suis auctoribus condemnarunt, sicut patet de Arrio et Manichæo, Nestorio et Dioscuro, ejusque complicitibus et pluribus aliis, quos cum suis hæresibus iustissima sententia condemnarunt, ac volentes eorumdem patrum vestigiis inherere; et insuper attendentes probabiliter formidari, quod contra præmissa mora periculum, et damnum dissimulatio forent procubdubio allaturæ, non intendentes eos ulterius expectare, sed reputantes ac decernentes potius contumaces: ad laudem et gloriam sanctæ et individue Trinitatis, consolationemque fidelium, et fidei Catholice firmitatem de fratrum nostrorum consilio, Dei nomine invocato, articulos prædictos, videlicet quod illud, quod de Christo legitur in Evangelio beati Matthæi, quod ipse solvit tributum Cæsari, quando staterem sumptum ex ore piscis, illis qui petebant didrachma jussit dare; hoc fecit non condescensive et liberalitate suæ pietatis; sed necessitate coactus: item quod beatus Petrus Apostolus non fuit plus caput Ecclesiæ, quam quilibet aliorum Apostolorum, nec habuit plus auctoritatis, quam habuerunt alii Apostoli, et quod Christus nullum caput dimisit Ecclesiæ, nec aliquem fecit vicarium suum: rursus quod ad imperatorem spectat corrigere papam et punire, ac instituere et destituere; adhuc quod omnes sacerdotes sive sit papa, sive archiepiscopus, sive sacerdos simplex quicumque, sunt æqualis auctoritatis et jurisdictionis ex institutione Christi, sed quod unus habet plus alio, hoc est secundum quod imperator concessit plus vel minus, et sicut concessit, revocare potest; ultimo quod papa, vel tota Ecclesia simul sumpta nullum hominem quantumcumque sceleratum potest punire punitione coactiva, nisi imperator daret eis auctoritatem, velut sacræ Scripturæ contrarios et fidei Catholice inimicos, hæreticos, seu hæreticales et erroneos; necnon et prædictos Marsilium et Joannem hæreticos, imo hæresiarchas fore manifestos, et notorios

sententialiter declaramus ; articulosque ac librum prædictos, necnon et quancunque aliam scripturam continentem eosdem ; prædictos quoque Marsilium et Joannem, ut hæreticos manifestos et notorios, imo ut hæresiarchas potius reprobandos et sententialiter condemnandos. Si quis enim doctrinam prædictam defendere vel approbare præsumperit, ejuscunque dignitatis, ordinis, conditionis aut status, tanquam hæreticus ab omnibus confutetur :

« Præterea universis et singulis Christifidelibus districtius inhibemus, ne prædictos Marsilium et Joannem hæreticos et de hæresi, ut præmittitur, condemnatos sententialiter, aut eorum alterum receptare, defendere, fovere, aut eis quomodolibet, adherere, per se, vel alium seu alios, publice vel occulte, directe vel indirecte, auxilium, consilium, vel favorem præsumant ; sed eos eventum potius ut hæreticos manifestos, ipsosque, quos capiendos fidelibus exponimus, zelo persequantur fidei, et capiant ubicunque ipsos reperire potuerint ; ac Ecclesiæ captos assignent, animadversione debita puniendos, etc. Dat. Avin. X kal. Novemb., Pontif. nostri anno XII ».

36. Meminit hujus Constitutionis Turrecremata¹ ac memoratas hæreses Marsilii et Jauduni perstringit ; scriptisque adversus eosdem Alvarus Pelagius in suo Collyrio² adversus hæreses, tum in libro de planctu Ecclesiæ, ac duas alias insuper Marsilium vomuisse memorat his verbis³ : « Dicit etiam ille perfidus Marsilius, quod vacante papatu succedit imperator. Sed unde hoc habuit, et quo motu hoc dixit ignoro, cum nedum omnis Scriptura, sed huic positioni omnis ratio contradicla : papa enim succedit imperio, Extra. de foro compet. *Licet*, Extra. de re jud. Pastoralis in Clement. *Non imperator in papatu*. Quæ enim communicatio cani et sancto ? Ecclesiast. xiii. II Corint. vi. profanus et divinis ? Extr. de Juda. Ad hæc xii. q. ii. *Nulli*. Subdito et domino ? Extr. de elect. *Venerabilem*. Quomodo potest imperator in Ecclesiasticis succedere, cum inhabilis sit ad talia possidenda et tractanda, cum etiam statutum factum ab eo in Ecclesiæ favorem non valeat nisi expresse ab Ecclesia approbatur ? xvi di. Bene quidem Extr. de Consti. *Ecclesia*, Quia Balthasar vasa templi contaminat, a Deo percussus, Dan. v. de confect. di. i. *Vestimenta*. Item Ozias rex Juda, quia sacerdotum officia usurpare voluit, a Domino lepra percussus est, II Paralip. xxvi. ii. q. vii. § Item cum Balaam versio, *Sicut ergo*. Item Heliodorus missus a rege Antiocho, invadere ætarium, ubi erant in templo reposita deposita, calcibus equi mirabiliter apparentis, percussus, semivivus relictus est, II Machab. iii. Item si imperator succederet in papatu, jam solveret et ligaret : sed non imperatoribus, sed piscatoribus date sunt claves a Deo, de pœn.

di. i. *Quem ponit*, et non laicis, sed *prebiteris* : imperator enim a sacerdotibus Ecclesiæ anathematizatur et religatur xvi. di. *Duo*. At hæc faciunt xvi. di. *Satis evidenter*, xvii. di. § *Hinc etiam*. Item Ambrosius imperatori volenti Ecclesiam occupare ait : Quid tibi et adultera ? adultera est, quæ non tibi est legitimum matrimonio copulata : cedat palatium imperatori, Ecclesia antistiti. xxiii. q. vii. *Convenior* : distincta autem quantum, ad hoc sunt officia Romanorum Pontificum et imperatorum, xi. di. *Quoniam*, xvi. di. *Cum ad verum* : unde in fine ibi dicitur de imperatore : Ac vicissim non ille rebus divinis præsidere videretur, qui esset negotiis spiritualibus implicatus. Vide sup. cap. xi. vers. *Item error*.

37. « Insuper quod dicit ille impius, subdolos, et sophista, quod Ecclesia temporalia habere non potest, falsum est, quia nedum laici, sed etiam clerici possunt habere temporalia et proprium. Sed illa de antiqua hæresi traxit, hi sunt enim hæretici, qui condemnant proprium, habentes in hoc mundo, xxiv. q. iii. *Quidam versio*. *Apostolici*. Abi etiam sunt qui dicunt, quod a tempore Silvestri pape, qui recepit donationem a Constantino, de qua xvi. di. *Constantinus*, Ecclesia non fuit in statu salutis. Sed isti mentita est iniquitas sibi, psal. xxvi. nam Ecclesia primitiva habebat pecunias et proprium in communi, Act. iv et xii. q. i. *Dilectissimis*, et cap. — *Scimus* ; unde et videntes summi sacerdotes et alii fideles magis expedire Ecclesiis habere possessiones, quam pecunias, quæ dabantur eis ex possessionibus venditis, dederunt eis possessiones, quæ in ditione episcoporum consistunt, xii. q. i. *Videntes de prædictis Ecclesiarum*, xii. q. ii. *quasi per totum*. Propter hunc etiam causam Christus aliquoties habuit loculos, Jo. xii. quia sua erat Ecclesia locus habitura, xii. q. i. *Habebat*, etc. Exemplum xxiii. q. iv. *Duo ista*. Quod autem et episcopi et alii clerici possint habere proprium in speciali, qui religiosi non sunt, clarum est, xii. q. i. *Episcopi cum n. c. seq.* et § *Cum ergo* et § *Ostensum*. » Et infra : « Item si sancti martyres et confessores prælati in Ecclesia Dei scivissent esse peccatum Ecclesiam bona temporalia possidere, nunquam donationes talium recepissent et dispensassent : sic argumentatur Prosper xii. q. i. *Expedit*. Simile c. vii. q. i. *Omnia qui gerebat*. Præterea filii Levi clericos præfigurant, xxi. di. § *Terras et civitates possidebant* xiv. q. i. § *His ista* ».

Sparsi sunt præter memoratas hæreses plures alii errores in venenatis Marsili libris, quos in perduellionis Lutherani exordio, cum diu ob Pontificiam proscriptionem in tenebris, quibus erant digni jacuissent, perflidi in lucem edidit, ne ut ait Albertus Pighius : « Nulla non pestis nunc revivisceret, aut quid deceret persecutioni Ecclesiæ ». Confutavit tunc idem Catholicus doctor⁴

¹ Turrec. summ. de Eccl. l. iv. p. 2. c. 37. — ² Edm. Mss. in bibl. Vat. sign. num. 1129. p. 3. — ³ Alvar. Pelag. Epi. silven. l. i. de planctu Eccl. c. 68.

⁴ Alber. Pig. l. v. de hæresen. eccl.

inutili libro typis cuso Marsili pestilera dogmata, ut fideles adversus illius venena communi-
ret, quem licet cupidus consulere poterit; cum
ipse magna fide Marsili argumenta relerat, ut nos
ex Ms. ¹ vel isto Vaticanae bibliothecae, quod prae-
manibus habuimus comperimus, eaque solide et
erudite confutet; nostra vero ad historicam nar-
rationem revocanda sit oratio, ut Ludovicum,
cujus gratia assentatores nefandi tot fixere here-
ses, Romam properantem sequatur.

38. *Ludovicus copias Urbem versus ducit.* —
Exeunte anno eduxit Pisis exercitum Ludovicus ²,
cum a Pisano populo et clero auri vim in milium
stipendia exegisset, et Castruccio aliquot diebus
expectato (eni Pisanos Sarzanam, Rotinam, aliaque
oppida invitos tradere coegerat ³; quique non sine
magnis difficultatibus, ut Romam confunderet,
adduci peteret.) a Romanis Gibellinis sollicitatus
ut castra promoveret, ne Ursini ac Robertus rex
fluctuantem populum in suas partes traheret,
Urbemque occuparent; vigesimo primo Decembris
versus Romam per maritimam oram iter intendit
non sine maximis difficultatibus. Tum vero Pontifi-
ficis spes inanes apparere: cum imminente
Italiae Ludovico, Joannes perspectis Gibellinorum
rebus, illius impetus fractum iri praedicebat ⁴ a
Bertrando legato et Carolo duce Calabriae, quos
ad conjungenda, ut Ludovico iter abrupterent,
arma adhibebat: qui tamen venienti nullum
obicem objicere. Pervenit Viterbium secunda
Januarii di. ⁵ insequentis anni Ludovicus, quo se
mox Castruccio cum bellicissima equitum manu
contulit. Carolus ⁶ vero dux Calabriae vigesimo ec-
tavo Decembris Florentia abscessit in regnum pa-
ternum, ut illius aditus adversus Ludovicum in-
ruptiones muni-
ret.

39. *Jacobi regis Aragonum obitus.* — Dum
secundis rebus utebatur Ludovicus, parlesque Ec-
clesiae prosternebat, Petrus princeps Jacobi regis
Aragonum filius, zelo accensus, suam Pontifici
operam adversus Bavaram detulit: cujus egregia
in Ecclesiam studia commendavit Joannes, tem-
porisque opportuno ejus se adhibitorum operam
rescripsit ⁷. Ceterum exagitabat ⁸ tum Petri prin-
cipis pater Jacobus rex Caesar-Augustanam Ec-
clesiam, a qua opprimenda ipsum sibi imperare
jussit Pontifex; ac Jacobum regem Blearum est
adhortatus ⁹, ne Tarracensis Ecclesiae iura, quae
in Minorica insula Tarracensis archiepiscopi
virtute barbaris, ut vidimus, erepta obtinebat, in-
vaderet; ac Philippo ¹⁰ e Majoricis sacrae Ecclesiae
B. Martini quæstori ac regio tutori, ut servarentur
integra, commendavit: instititque ¹¹ apud eundem
principem, ne suum nepotem, qui nonnullis Ara-
goniis magnatibus ad dirimendas ferro quasdam

controversias in certamen singulare ex nefaria
gentis consuetudine vocabatur, discrimini se com-
mittere perni illeret. Tum etiam ad regem Arago-
num, ut rem velaret, haec scripsit: « Quia que-
dam in partibus regni tui consuetudo esse asseritur,
divino prorsus et humano juri contraria, quod
leones, etiam milites et eorum filii super quæstio-
nibus suis, etiam si stare juri se off-rant, hoc non
admisso, cum adversario bellum suscipere com-
pelluntur; nec, ut nosti, praefatum regem Blearum
scilicet, deceat, nec sibi et dicto regno suo
expediat, se tanto exponere casui, praedictum re-
gem, tam in humana consuetudine praedicta non
sinas aliquatenus coarctari. Dat. Avin. V. kal. Junii,
an. vi. »

Ereptus est e vivis paucis post mensibus, ni-
mirum mense Octobri, ut refert Joannes Villan-
nus ¹, vel Novembri ineunte ut Hispani auctores
affirmant, Jacobus rex Aragonum, magnis quide-
m, ut aiunt, virtutibus ornatus, et pacis bellicae
artibus decorus, cujus peritia in rebus ingentibus
se explicuit. Laudat ipsum Joannes Mariana ² liti-
bus ideamus fuisse, ac Radam jurisconsultum
insignem, cum illius argutis aequitas opprimeretur,
regno pepulisse; atque hoc elogium subiungit:
« Illud in Jacobo rege eximium, quod regni
principatus Aragoniam, Catalaniam, Valentiam
individuos fore perpetua lege s. xxit ». Sexaginta
sex annorum fuisse trahit Surita ³, ejusque corpus
in monasterium S. Crucis illatum.

40. *Synodus Toleti celebrata.* — Hoc anno se-
cunda mensis Februarii die habita est Synodus
provincialis Toleti Joannis archiep. Toletani jussu,
in qua plura de servando in cognoscendis causis
judiciorum ordine, deque Ecclesiastica restituenda
disciplina statuta sunt. Tum haec in clericos, qui
censuras Ecclesiasticas spernerent, sancita: « Quia
frequenter aliqui clerici, qui in obedientiae exhi-
bitione et observatione mandatorum Dei et Ec-
clesiae suae sanctae esse debuerant speculum aliorum,
manendo excommunicati longo tempore animo
indurato occasione laicis tribuunt similia fa-
ciendi; ideoque statuimus, quod quicumque cle-
ricus excommunicatus ab homine passus fuerit
contumaciter per triginta dies a tempore sententiae
sic se manere ligatum, si beneficiatus fuerit, per
sententiam domini archiepiscopi vel ejus vicarii,
suo beneficio expellatur, et per duos menses sit
inhabilis ad aliud obtinendum: si beneficiatus
non fuerit, pro superioris arbitrio pecuniaria
multa puniatur: sic quod major poena ei impo-
natur, quam per regem et statuta contra laicos
taliter excedentes ».

41. *Joannis principis in Granatenses Sara-
cenos Victoria.* — In Castella Joannis princeps
Emmanuelis filius, limiti adversus Granatenses
Saracenos praefectus, belli sacri consilia medita-
-

¹ Ms. lat. 5. c. sign. num. 3974. — ² Jo. Vill. l. X. c. 49. —
Cap. 47. — ³ Gab. 49. — ⁴ Tom. VI. p. 2. Ep. sect. p. 1. c. 1. —
Jo. Vill. l. X. c. 49. — ⁵ H. l. c. 56. — ⁶ Tom. VI. p. 4. Ep.
sect. p. 40. — ⁷ Ead. par. — ⁸ Ead. par. pag. 33. — ⁹ H. l. p. 36.
— ¹⁰ Ead. par. p. 40.

¹ Jo. Vill. l. X. c. 46. — ² Mariana l. XV. c. 49. — ³ Sur. l. VI.
c. 75.

tur: quæ cum aperuisset Pontifici, ad ea magnis animis perducenda excitatus est¹; eoque militari ardore incensus Rudem arcem, ut scribit Mariana², improvise adventu cepit, collatisque ad Guadalfortium cum Mauris signis, illustrem de fidei hostibus victoriam relict; de qua Pontifex gratulatorias hæc litteras ad illum dedit³, utque debellandis fidei hostibus operam, uti magna cum virtutis laude coeperat collocaret, accendit.

« Joannes, etc. nobili viro Joanni nato celeberris memorie Emmanuelis infantis.

« Nobilitatis tuæ litteras gloriosam victoriam, quam tibi adversus nationem Saracenorum fetidam pridem in eis partibus dominus exercituum de celo contulit, cum ingenti lætitia recepimus describentes, et ex earum lectione, necnon et relatione venerabilis fratris nostri Guillelmi episcopi Sabiniensis, et dilecti filii Lucæ S. Mariæ in Via-Lata diaconi cardinalis, quibus plenius super iis scripseras (per quas modum ipsius lætitudinis victoriæ, captionis quæ vexilli profani regis Granatæ, ac alia, quæ præcesserant et subsequenta fuerunt, plenius intelleximus) factores effecti, ei exsolvere laudis jubileum curavimus, qui te tante devotionis accendit, ut fortis athleta et pugil Christi effectus strenuus contra blasphemum nominis Christiani, crucis hostes et Christianorum sanguinem sitiennes, pro nostri Redemptoris reverentia potenter et viriliter offeras tenetipsum; quique tandem, te gratia suæ benedictionis præveniens, adversus hostes ipsos triumphalem tibi victoriam ministravit.

« Exultamus insuper in Domino, et in eo tuæ devotionis prudentiam multipliciter commendamus, quod victoriam ipsam non tibi, sed sibi, qui contra suos pugnans adversarios, non modicam in manu tua conclusit ipsorum multitudinem, sapienter ascribis. His profecto, fili, rebus intendere persuadet tibi clara tui prosapia generis, et cor tuum gratia perfundente divina, te illis inhæreere inducit studiis, quæ benedictionem tibi adaugeant, et laudem apud homines tuæ titulis probitatis acquirant. Sane quia inter virtutes, currentes ad bravium, corona est perseverantiæ repromissa, eandem nobilitatem tuam rogandam duximus et hortandam, qualenus laudabiliter cepta pervigili cura continuans, sic Dei negotium ad finem perducere, gratia tibi assistente divina, studeas peroptatum; sicque, ubicumque potueris, pugil Christi, cultum ejus, repressis ejusdem crucis hostibus, propagare procures, etc. Datum Avinione ». Felices ii progressus, exortis novis in Castellana aula discordiis, abrupti: cum enim Alfonsus rex, neglecta Constantia Joannis principis filia, quam uxorem ducere sponderat, in Mariam regis Lusitanie filiam affectus convertisset, Joannes⁴ relicto bello priore, contentus parva victoria, ad

sue ditionis oppida recessit. Abalienatus etiam est a rege Alfonso ob crudele illius in Joannem Cantabrie principem facinus, quem vocatum excepit tumque convivio, violato hospitii jure, obtrunca vit; moxque in Cantabram misso exercitu principatum occupavit; ex quo atroci facto vindicis nomen apud suos tulit.

42. *Elisabeth Lusitanie reginæ pia opera.* — Inter hæc in Lusitania Elisabeth regina, cui sancte nomen eximie virtutes peperere, piis operibus se totam addicebat¹, magnoque sumptu xenodochium exercens in pauperes misericordie causa condere meditabatur, proximo intervallo situm a religiosis ædibus, quas antea Columbricæ in Clarissarum usum extruxerat, cum quibus divinis rebus liberorem animum transfundere cupiebat, perficiendique pii consilii potestatem petiit a Pontifice; qui piis ejus votis subjecto Diplomate annuit²:

« Charissimæ in Christo filiæ Elisabeth reginæ Portugallicæ illustri.

« Petitio tua nobis exhibita, quod tu olim cupiens terrena in celestia, et transitoria in æterna felici commercio commutare, ad honorem B. Claræ virginis quoddam monasterium monialium ordinis ejusdem sanctæ, prope civitatem Colimbrigensem construi fecisti, et de bonis propriis ample dotasti, illudque permagnum et latum spatium muro vallasti, atque infra murum, et vallum hujusmodi domos, in quibus tu cum tua familia valeas commorari, ædificari mandasti; quodque nihilominus tu quoddam hospitale pro alimentandis pauperibus juxta domos hujusmodi construere, et propriis facultatibus dotare intendis: quare nobis humiliter supplicasti, ut tibi construendi hospitale prædictum in dicto loco licentiam largiremur.

Nos itaque hujusmodi tuum laudabile propositum in Domino commendantes, ac volentes, quantum cum Deo possumus, votis tuis annuere in hac parte, tuis supplicationibus inclinati, ut prædictum hospitale et juxta illud capellam, in qua altaria ad honorem B. Claræ et Elisabethæ erigantur, ac unus vel duo perpetui capellani instituantur ibidem Domino servituri, per te et successores tuos loci diocesano in posterum præsentandi, qui possint pauperibus dicti hospitalis et familiaribus suis sacramenta Ecclesiastica ministrare; construere valeas, dote sufficienti pro præmissis omnibus ejusdem hospitali et capellæ juxta ejusdem diocesani arbitrium per te primitus assignata, devotioni tuæ tenore presentium indulgemus: volentes insuper et auctoritate Apostolica nihilominus concedentes, quod idem diocesanus in loco opportuno cæmeterium benedicere possit, in quo prælati hospitalis pauperes et familiares tui prædicti, cum eos pro tempore mori contigerit,

¹ Tom. vi, p. 2. Ep. secr. pag. 87. — ² Mariana l. xv, c. 19. —

³ Tom. vi, p. 2. Ep. secr. pag. 192. — ⁴ Mariana l. xv, c. 19.

¹ An. 121, p. 1. Ep. com. c. lxx. Wad. in Annal. hoc an. num. 18, 19. — ² Ibid.

valeant sepeliri; jure parochialis Ecclesiae et cuiuslibet alterius in omnibus semper salvo. Nulli ergo, etc. Dat. Avinion. VI kal. Novembris, anno XII ».

43. Aberrat ab his S. Elisabethae reginae Lusitanie virtutum exemplis Isabella regina Angliæ, quæ Eduardum regem maritum suum mancipandum vinculis curaverat¹; denique infelix rex Eduardus in publicis totius regni ordinum conventibus gradu regio deturbatus est², ipsiusque sceptrum ad filii manus translatum. Neque is actus ultimus calamitatis miseri principis, quem sibi exitum ob contempta Pontificia monita accessivisse vidimus; atrocissima enim custodiæ mancipatus est: cumque nonnulli de eo liberando cogitarent, in vinculis extinctus est. Tulit rumor acerbissimo eoque ignominiosissimo supplicii genere discredatum, ne ulla in corpore violentæ mortis nota appareret, adacto nimirum in anum tubo ductili, trajectoque veru ignito, quo exusta sunt viscera. Rogerius Mortimerius tutelam regis Eduardi III una cum Edmundo Cantii et Henrico Lancastrie comitibus suscepit novoque Angliæ regi Pontifex, VI idus Novembris hujus anni, de adeptoque regno gratulatus, optimis præceptis illum imbuuit, ita sceptrum caducum moderaretur, ut immortale sibi compararet. Gessit bellum sub ipsa regni initia cum Roberto Brusio rege Scotiæ, ac Joannes Hannoniæ comitis frater maxima e Flandria ad Eduardum auxilia adduxit: quibus copiis externis et Anglico instructus exercitu, Robertum (qui in Angliam ante irruerat) adorsus, ob suorum discordiam reducere exercitum coactus est.

44. *Super juribus in Aquitania dissidia inter reges Angliæ et Galliæ.* — In Aquitania Anglorum cum Gallis controversiæ non leves erant: ac licet Pontifex idibus Maii Joanni Wintoniensi et Guillelmo Norwicensi episcopis de pace inita sit gratulatus; haud ita tamen res compositas³ datæ ad Sedes Apostolicæ nuntios Julio et Augusto litteræ indicant. Geste vero rei historia, quam parum accurate tractant Gallici scriptores petenda est ex ipsis concordiæ, quæ tum inter reges percussa est, publicis documentis, quæ ad Joannem XXII pacis solertem interpretem transmissa sunt, atque ex Archæo Avinionensi in Vaticanum illata, præ manibus habuimus, quæ diligentius a nobis excutienda visa sunt, cum ex male servato hoc fœdere bella, quæ Anglos Gallosque exercere tot sæculis, primam duxisse originem visuri simus.

In primis de fœdere antea inter Carolum et Eduardum II mito interprete præcipue Isabella regina Eduardi conjuge et Caroli sorore suamque ad id operam conferentibus archiepiscopo Viennensi et episcopo Arausicano Sedes Apostolicæ nuntiis, facta a nobis mentio est ex historicis, quos secuti, diximus eam latam fuisse legem, ut quæ

parta fuerant in Aquitania a Carolo Valesio, Gallici juris essent: sed in documentis⁴ publicis Gallorum regis sigillis obsignatis, ea pactio non est expressa, sed obscuris admodum verborum ambagibus adumbrata, quas cum hujusmodi tricarum politicarum artifices nexuissent, atrocissimarum discordiarum maximo rei Gallicæ damno semina sparsere, cum Galli in eum sensum concordie leges detorquerent: Angli vero fucum sibi factum disceptarent: adjectum enim fuerat, Gallum secundum leges de his terris pronuntiaturum, jus suum Anglo repetente, atque ita his dirempta non fuit. In illo vero tractatu ea pactio perspicua est, ut Gallus Aquitaniæ virum probum Anglo non suspectum præficeret ad justitiam administrandam, solverentur utrinque exercitus, Anglusque Gallum regem, recurrente festo assumptæ in caelum Deipare sacro Bellovaci conveniret, et acceptam Gallicæ coronæ Aquitaniam referret, quæ tum ipsi, revocato memorato præfecto restituenda foret. Et hæc pari consensu a Gallicis et Anglicis oratoribus ad Isabellæ reginæ gratiam, Sedisque Apostolicæ preces anno mcccxxv ut Caroli et Eduardi regum litteræ⁵ ostendunt, sancita fuerunt. At dein, cum Eduardus II in filium Aquitaniæ jura transfudisset, posteaque intestino oppressus bello periisset, atque Eduardus III Angliæ sceptrum capessivisset, priora recrudere bella, jus suum armis, quod legibus non potuerat, Eduardo repetente; sed ne sanguinis jura violarentur, ea dissidia, urgente concordiam Pontifice, a quo Guillelmus archiepiscopus Viennensis et Joannes Grandisono missi⁶, ita composita⁷ sunt, ut primum quæ ab Anglis in Aquitania erepta fuerant contra superioris fœderis formulam restituerentur, et vicissim parta a Gallo redderentur Eduardo: tum Anglus quinquaginta millia sterlingorum ad sarcienda illata damna numeraret, Aquitanii vero superiorum dissensionum auctores, qui a Franco rege capite damnati fuerant, exilio tantum ad Anglorum gratiam mulctarentur. Superioris præterea fœderis leges restitute, editaque Marmandæ mense Octobri publica de his documenta, quæ proximo anno xx Februarii Parisiis Gallorum regis sigillo obsignata fuerunt. At involuta et anceps hæc pax extitit, cum Carolus prius e vivis sublatus sit, quam parlas a Carolo Valesio Aquitaniæ terras Eduardo nepoti restitueret: Philippus vero Valesius, qui componendis hujus fœderis pactionibus interfuit⁸, ad solium excoctus expugnata a suo patre in Aquitania loca retinere voluerit, neque ad id a Pontificibus flecti potuerit: cumque summo et acerbiori jure cum Anglo gzeret, illum ad Galliarum excidium concitavit; sed de his postea. Nunc ad Carolum orationem revocamus. Extulit pluribus laudibus Joannes⁹

¹ Ext. in Arch. Nat. ex Avinion. delata, sign. num. 10, in chart. pergam. — ² Ext. insert. in cod. Instr. — ³ Tom. vi, p. 1. Ep. sec. pag. 17. — ⁴ Ext. de eo publ. docum. sign. num. 8, in Arch. Val. ex Avin. delata. — ⁵ Ibid. Mss. ubi suæ. — ⁶ Tom. vi, p. 3. p. 191.

⁷ Walsing. in Eduard. II. — ⁸ Ibid. in cod. — ⁹ Tom. vi, p. 1. Ep. sec. pag. 23.

Caroli Francorum regis eximium in tuendis viris Ecclesiasticis, ac reprimenda eorum, qui ipsi infensi essent temeritate, studium: Joannemque reginam uxorem permovit ut ipsum ad Ecclesiasticorum venerationem, Dei cultum, pia opera, atque alia exempla virtutum urgeret.

Invidit quidem demon pii regis felicitati, qui administratos suos ad confandas illius vite magicis artibus insidias impulit, de quibus Pontifex his verbis queritur: « Nonnulli perditionis filii et iniquitatis alumni, detestanda factionis nefariis operationibus damnabiliter intendentes, quasdam sub figura seu tyario regio confari imagines plumbeas, vel etiam lapideas fabricarunt, seu fabricari fecerunt, ut magicis artibus horrenda maleficia, incantationes, et convocationes demonum et alia execranda et prohibita opera exercerent ». Tantorum flagitiorum auctores nonnulli clerici accusati: qui cum a regis administris in vincula conjuncti essent, atque ad Ecclesiasticum tribunal de eorum causa cognoscere spectaret, Pontifex Guillelmo episcopo Sabinensi, Petro tit. S. Suzannæ, ac Bertrando S. Mariæ in Aquiro diacono cardinalibus munus imposuit, ut clericorum eorundem causam discerent, judicessve constituerent.

45. *Magia, astrologia, aliæque hæreses grassantur.* — Per ea quidem tempora demones curiositatis lenocinio plures Christianos ad magicas artes allexisse, seque phialis, speculis, sigillis aliisque rebus vinciendo curasse constat. Tantum enim tamque lugubrem fidelium lapsum his verbis deplorat Pontifex: « Dolenter advertimus, quod etiam cum nostrarum turbatione viscerum cogitamus, quamplures esse solo nomine Christianos, qui relicto primo veritatis lumine, tanta erroris caligine obnubilantur, quod cum morte fœdus ineunt, et pactum faciunt cum inferno: demonibus namque immolant, hos adorant, fabricant ac fabricari procurant imagines, annulum, vel speculum, vel phialam; vel rem quamcumque aliam magicæ ad demones inibi alligandos. Ab his petunt responsa, ab his recipiunt, et pro implendis pravis suis desideriis auxilia postulant; pro re foetidissima foetidam exhibent servitutem. Proh dolor! hujusmodi morbus pestifer, nunc per mundum solito amplius convalescens, successive gravius inficit Christi gregem, etc. » Objectum est a Pontifice anathema iis, qui nefarias hujusmodi artes exerceant; ac sanctum, ut pœnis in hæreticos constitutis afficerentur, omnesque libelli de arte magia conscripti, excurrente octiduo, flammis abolerentur; inlicitumque anathema iis, qui ipsos servarent.

46. Nefariis ejusmodi artibus imbutum Franciscum Asculanum astrologum Florentiæ flammam supplicio traditum hoc anno scribit Joannes Villanus¹. In tantam enim vesaniam proruperat,

ut in sphaeræ tractatu a se Bononiæ composito affirmaret, in superioribus orbibus caelestibus spiritus generari, qui incantatoria arte ad opera admiranda constringi possent: astra in hominum voluntates influere, easque ad necessitatem cogere, Christum dominum certo astrorum concursu natum inopem atque in crucem suffixum; dissimiliterque conversione nasciturum aut christum, ac summas opes, potentiam et orbis imperium adepturum. Quam perniciosam hæresim cum a fidei censoribus evomere jussus esset, iterumque rosoribus quæ vomerant, damato libro uteretur, urgente episcopo Aversano Minorita ducalis scrinii præfecto, qui nefarium hominem in scelera ad libidines effusum et usu versari dolebat, flammis exustus est. Plura vera Franciscum prædixisse, ut de Ludovici Bavari Romam usque secundis processibus, refert memoratus Villanus: quæ quidem demonum opera præagire facile potuit, cum solemne sit hujusmodi hominibus, demonum consortio inquinatis, ad scelus legendum inanem astrologiam obtendere.

47. Iis igitur temporibus infernæ potestates Ecclesiam oppugnare omnium telorum genere annis, promovebant artes magicas, ut nefarios et curiosos a Christo omnino abducerent. Præterea Marsilii et Landuni hæresibus, de quibus superius actum est, in Italia ac Germania præcipue inficiebant politicos; alios vero pietatis specie in schisma et hæresim agebant præcipientes. Grassati enim in Bossina, Sclavonia, et Transilvania religionis larva induti hæretici². Polonia ea labe non caruit³, ad quam abolendam Predicatores⁴ fidei censores in eo regno sunt constituti: in Sicilia Fraticelli⁵ sua venena sparsere. Michael Cæsenas⁶ summus Minoritarum præfectus suis scandalum iniecit: cum enim sententiam suam promulgalam in Perusinis comitiis præferret fidei Decreto a Pontifice edito, in jus ad subsellia Apostolica vocatus hoc anno, rebellionem et fugam molitus est. Deinde ubi se parum collegisset, pœnitere præ se tulit; ac significavit litteris⁷ Joanni, se Apostolicæ Sedi, ac sententiam suam subicere, itaque ad capessendam illius imperia ingressum. Cui rescripsit Pontifex eum se præstolaturum. At Michaelum ipsum reversum ad vomitum, seque ad Ludovicum Bavaram contulisse, atque antipapæ adhæsisse visurum sumus.

Rediere⁷ vero nonnulli Minoritæ ad sinum Ecclesiæ: quos expiato rite crimine a Bartholomæo Minoritarum, ut vocant, provinciali una cum aliis⁸, qui hæreticis et schismaticis studuerant, jamque respuerant a crimine, Pontifex exemplo, ut ait, Dei non morte, sed vita peccatorum gaudentis, Astensi et Albensi episcopis in consilium

¹ An. 11. p. 1. Ep. cur. XX. — ² Ibid. Ep. XXV. — ³ Ead. p. 1. Ep. cur. XXVII, XXVIII. — ⁴ Tom. VI. p. 1. Ep. secr. pag. 37. — ⁵ Tom. VI. p. 3. Ep. secr. pag. 123. — ⁶ Ead. par. pag. 125. — ⁷ Ibid. pag. 95. — ⁸ Ead. pag.

¹ Ext. in Gallar. in Jo. XXII. Const. 43. — ² Jo. Vill. l. x. c. 41.

adhibitis, in gratiam restitui jussit. Illos porro tum Ludovici Bavari partibus, cum ageret in Insulbria accessisse colligitur, similiter namque Alberto episcopo Brixiensi data¹ auctoritas, ut sex ex his, qui Bavaro obsenti erant, divitiaeque coram ipso officia peregerant, censuris exsolveret. At Fratres illos, quibus de paupere vita nomen erat, qui Calabrian inficiebant, comprehendi supplicioque jussit² affici.

48. Ad purgandam etiam Bossinam, in qua vetus Catharorum et Manichaeorum lues haeserat, Carolum regem Ungariae, qui eximia in dies Christiani principis exempla in amplificanda religione, atque haereticis insectandis explicabat, ad Dalmatiae et Bossinae haereticos delendos adhortatus est, hocque ornavit elogio³: « In illis, filii charissime, quae ad exaltationem Catholicae fidei et exterminationem haereticæ pravilitatis respiciunt, celsitudinem tuam eo libentius salubriusque requirimus, quo experientia certa didicimus, quod tu velut gloriosus athleta Domini, intrepidusque pugil Ecclesiae, ac orthodoxae religionis zelator assiduus, ad exterminandum labem pravilitatis ejusdem de regni tui finibus, et conterendum inimicos crucis et fidei vota tua semper feliciter direxisti ». Gessisse adversus infideles sacrum bellum Ungariae principes pro amplificanda fide Caroli auspiciis, ostendunt datae ad Philippum comitem Palatinum et alios proceres Apostolicae litterae⁴.

49. *Boleslaus dux Russiae ad fidem Catholicam revocatus.* — Propagandae etiam religionis Catholicae zelo permotus Pontifex Boleslaum ducem Russiae, Graecorum schismate infectum, ut ad Romanae Ecclesiae conjunctionem una cum populis suis rediret, sollicitavit⁵. Tum excitavit Wladislaum⁶ regem Poloniae, qui proximo sanguinis gradu Boleslaum attingebat, ut in tam praeclearo opere regiam diligentiam navaret.

« Wladislao regi Poloniae illustri.

« Famae gloria crescit et merito, filii charissime, multipliciter profuturus tibi et aliis apud Deum, si ad incrementum fidei Catholicae ulterius ad quod tanquam princeps Catholicus piis considerationibus innitaris. Cum itaque, sicut exultatione praegrandi nuper audivimus, nobilis vir Boleslaus dux Russiae pronepos tuus, qui ex ritus imitatione Graecorum ab universalis sanctae Romanae matris Ecclesiae unione dividitur, spiritum Domino aspirante conceperit ad unitatem ipsius Ecclesiae redeundi, nec bene conveniat, ut ex tua, quod absit, degeneratione prosape arbor discrepet a radice; rogamus excellentiam regiam quantum affectuose possumus et hortamur, te minime in remissionem peccaminum obsecrantes, quatenus praefatum ducem, cui super hoc per

alias nostras litteras scribimus, quod relicto hujusmodi ritu erroneo redeat, sen veniat in salutis praemium ad ipsius Ecclesiae unitatem, paternis et salubribus inducere monitis non omittas. Dat. Avin. XVI kal. Julii, anno XII ».

Controversiam idem rex habebat de regni limitibus cum Jo. rege Boemiae, qui Wratislaviam inter alia a Polonia dividerat: cumque Wratislaviensis ager denarium vectigdem Romanae Ecclesiae penderet, ne ex ea mutatione dominatus juri Pontificio detraheretur, Petrus Alvernus Apostolicae Sedis nuntius coram Joanne rege jus¹ Ecclesiae exposuit, idque in publica monumenta jussit redigi assentiente ipso Boemo rege, et paciscente quidquam damni ex eo Ecclesiam non accepturam.

50. *Iudi eruenti Neapoli vetiti.* — Suscepta² erat Neapoli nefanda consuetudo, ut Iudi crudeles ederent, in quibus exercendarum virium specie, plurimus sanguis humanus fundebatur: ad quos abolendos navata est a Pontifice opera, ut subjectae litterae docent³.

« Joannes etc. archiepiscopo Capuano et Geraldo de Valle A. S. N.

« Sane nostra tenet memoria, quod cum olim in minoribus constituti moram in partibus regni Siciliae traheremus, non sine stupore audito, quod Neapoli, civitate utique regia, ludus quidam perniciosus et execrabilis carbonarii nuncupatus, certo anni exercebatur tempore: in quo Christiani, per modum pugnae seu invasionis vires suas alter in alterum exercentes, se ipsos quandoque mutilabant invicem, et interdum etiam occidebant impune, variis exinde aliis scandalis et periculis subsecutis; ad quod horrendum spectaculum multitudo tam sublimium, quam aliarum personarum, in quarum conspectu praemissa committerentur horribilia, concurrebat; nos tam temeraria ludibria, tamque horrenda facinora multipliciter abhorrentes, clarae memoriae Carolo regi Siciliae tunc viventi diximus et denuntiavimus, quod talia sibi a Deo ad culpam et negligentiam merito poterunt imputari; eidem nihilominus suadendo, ut ea non sineret ulterius in suis terris et districtibus attentari, qui nostris salutaribus acquiescens consiliis, ludum hujusmodi pro tunc penitus interdixit.

« Recolimus etiam charissimo in Christo filio nostro Roberto regi Siciliae illustri, dudum apud Sedem Apostolicam colloquenti nobiscum, hoc idem suasisse super Iudo prohibendo praedicto, quod dicto Carolo regi genitori suo duxeramus, ut praemitterit, suadendum ». Addit Pontifex ac deplorat ludum illum nefarium instauratum, ex quo recrudescunt odia, funditur Christianis sanguis, seruntur dissidia, atque mala ingraves vult: ad quae tollenda Capuano archiepiscopo et Geraldo e

¹ An. 12, p. 4. Ep. cur. XL. — ² Tom. VI, p. 1. Ep. sec. pag. 67 et 68. — ³ An. 11, p. 1. Ep. cur. XXII. — ⁴ Tom. VI, p. 1. Ep. sec. pag. 64. — ⁵ Lati. p. 1. Ep. sec. pag. 52. — ⁶ Ebd. pag.

¹ Ext. in Mss. Arch. Vat. sign. lit. C. p. 150. et in alio sign. lit. E. pag. 210. — ² Tom. VI, p. 3. Ep. sec. pag. 215. — ³ Ead. p. 3. Ep. sec. pag. 215.

Valle memoratis provinciam imponit, ut regem ad prohibendos, adfecto penarum terrore, hujusmodi ludos, impellant: tum etiam, ut pro sacris concionibus tribus diebus festis in maxima populi frequentia, anathema in illos, qui eos ludos celebrant spectantive, fulminet ac pronuntiet ipsos a nemine, nisi in extremo mortis discrimine, praterquam a Romano Pontifice, illius criminis labe absolutum iri. « Dat. Avin. XII kal. Januarii, anno XII ». Repetita sequenti anno eadem imperia, jussuque internuntii apud Robertum regem omni opera incumbere, ut regia auctoritate crudeliter eos ludos disturbaret. Quo etiam anno, ut similia conjugamus, objecta anathematis religione edixit¹, ne quis Avinione, aut in illius suburbanis, dum Pontificia aula in ea Urbe versaretur, hastiludia exhiberet.

51. *Res Trinacrie et Cypr.* — Quod ad Siculas res spectat; Robertus rex, ut narrat Joannes Villanus², mense Julio septuaginta trimum classem ad populandam Trinacriam remisit, magnaque vastitas Trinacris illata, ut iis attriti malis ad obsequium cogerentur. At Fridericus Roberti impar viribus ex adventu Ludovici Bavari, in spem latus, repetenda ultionis consilia moliebatur, de quibus sequenti anno agitur. Cesserat idem Robertus in Pedemonte diuturnum bellum cum Philippo Sabaudæ stirpis principe, sollicitaque ambo sunt³, ut paci animos accommodarent; pariterque Guigo delphinus ut firmando optato fœderi assentiretur incitatus⁴. Illum vero una cum Sabaudæ comite diuturnas inimicitias reginæ Clementiæ consiliis possidisse, sequenti anno videbimus. Ne vero exercita jamdiu Genuenses inter atque Cyprios discordia maximo Christianæ rei damno recrudesceret, Pontifex Hugonem regem, qui patru Henrico successerat, atque in Genuenses animo propendebat, litteris est adhortatus⁵, ut ad confirmandam concordiam studia sua conferret. Potiri tum felici pace Cyprum et Armeniam Hugo rex Pontifici significarat⁶: Genuenses tantummodo nonnullos exercere piraticam, Cyprisque infestos esse, contra quos se compararet: sed Joannes, qui ex Genuensium bello rei Christianæ exitium timere verebatur, Hugoni rescripsit, maximo se ex iis dissidiis dolore affici, atque adducendæ paci et tranquillitati operam daturum; qua in re sequenti anno Apostolicum studium collocasse visuri sumus. Nunc Græcorum res perstringemus.

52. *Andronicus Junior pulso seniore imperium Constantinopolitanum occupat.* — Depulit⁷ hoc anno imperiali solio Andronicum senierem junior Andronicus nepos. Conflata vero in eum est proditio Spiritui sancto in Apostolis igneis lin-

guis devotio die sacro, quemadmodum Cantacruzenus notat⁸; ut nimirum ob perditionis plecti constaret: nocturne adnotis mœnibus scalis, adjuvantibus proditoribus, ac porta ab iis, qui subierant urbem, patefacta Constantinopolis capta est quarta et vicesima die mensis Maii undecimæ Indictionis. Ut vero Andronicus senior victoris ingredientis tumultu excitatus ad Virginis sacellum conlegerit, describit Gregoras. Sollicitatus est junior Andronicus a Niphone olim patriarcha ad avum male transcendendum; a quo ille gradu patriarchali fuerat depulsus: ac post agitata varia consilia illud sumptum est, ut insignia imperialia seni relinquere, sed extra palatium pedem efferre aut publicam rem attricare non liceret, attributaque illi ad vitam sustentandam modica stipendia: in qua custodia quæ et quanta mala sit perpeusus describit Gregoras, atque ex eo dicitur inferius. Esaias vero patriarcha, monasterio ab Andronico seniore inclusus, a victore curus exceptus solio patriarchali restitutus est: in qua pompa nullis episcopis et presbyteris, sed meretricibus stipari visus. Ex quo facile colligas, quantam morum sanctitati schisma cladem inferat. Posito itaque rerum Andronico juniore, ac solo habenas imperii tractante, civilia bella, quibus Constantinopolitanum imperium agitata fuerat, quiescere: quæ quanta mala rei Christianæ invexerint, superius indicavimus, cum inde Turcarum potentia invaluerit. Quanto vero tempore arserint, ex Cantacruzeno⁹ decerpendum visum est: « Belligerant, inquit, annos sex, mensem unum, incipientes nimirum anno ab orbe condito vigesimo nono supra sex millia et octingentos Indictione quarta, XIII kal. Maias, et ad annum quintum et trigessimum supra sex mille octingentos ad Indictionem undecimam et XIV kal. Junias perducenles ».

53. *De religione et viris Ecclesiasticis quid decreverit Pontifex.* — Edite sunt hoc anno a Pontifice nonnullæ Constitutiones: atque in primis cum clerus apud Pontificem de religiosis Prædicatoribus, Minoritis, Carmelitanis et Augustinianis expostularet, ipsos parochorum jura infringere, nec Bonifacii VIII Decretum, *Super Cathedrali*, a Clemente V in Concilio Viennensi confirmatum, observare; Joannes rei aequitate permotus, ne condita a prædecessoribus jura obsolescerent, ea lege religiosos viros astingi pronuntiavit¹⁰, et ad eam servandam censuram religione adigendos; neque ad illius severitatem eludendam ulla Apostolica privilegia ipsis præsidio et munimine fore constituit.

Præterea sanxit¹¹, privilegia, quæ nonnullis urbibus et populis a Sede Apostolica erant concessa, ne extra certos limites vocari in judicium

¹ Tom. vi. p. 3. Ep. secr. pag. 217. — ² An. 12. p. 1. Ep. cur. iii. — ³ Jo. Vill. l. x. c. 21. — ⁴ Tom. vi. p. 2. Ep. secr. pag. 59. — ⁵ Ead. pag. — ⁶ Tom. vi. p. 2. Ep. secr. pag. 80. — ⁷ Ead. p. 2. Ep. secr. pag. 86. — ⁸ Cantac. l. i. c. 59. Nic. Oreg. l. ix.

⁹ Cantac. l. i. c. 58. — ¹⁰ Ibid. c. 59. — ¹¹ Ext. in Extr. com. l. ii. de ind. cap. unic. — ¹² An. 11. p. 1. Ep. cur. xxv.

possent, ad aulam Pontificiam non extendi, cum ob Pontificiam dignitatem apicem omnes ab illa iustitiam repetere debeant; par non esse, beneficia ab ipsa collata illius maiestati fraudi esse. « Attendentes, inquit, quod Romana curia communis est patria, Sedesque Apostolica mater existit omnium fidelium et magistra; hoc Edicto in perpetuum valituro auctoritate Apostolica declaramus, præfatum Indultum hactenus quibusvis concessum, vel in posterum concedendum, ad causas et negotia, quæ apud Sedem eandem agitantur, seu pro tempore configerit agitari, propter prærogativam seu eminentiam dicte Sedis aliquatenus non extendi, nec universitates et personas, cuiuscunque dignitatis, conditionis aut status existant, aliquam immunitatem exinde recipere, quominus apud Sedem eandem Apostolica auctoritate vocatæ comparere, ac respondere legitime teneantur. Nulli ergo, etc. Dat. Avin. non. April. anno XII ».

54. *Concessæ indulgentiæ recitantibus vespere salutationem Angelicam.* — Hoc anno ad incendendam fidelium pietatem, cum Romanæ Ecclesiæ gravis persecutionis procella ingrueret, Pontifex cum jam ante statuisset, ut in vespertino crepusculo fideles, dato signo, Angelicam salutationem repeterent, et incarnati Verbi divini mysteria religiose recolere, decem dierum indulgentias sacram eam orationem pronuntiaturis adiecit¹:

« Angelo episcopo Viterbiensi nostro in Urbe vicario.

« Saluterem illud verbum, *Ave Maria*, etc. pium quidem Evangelicæ salutationis eloquium, orationis loco quadam a fidelibus veneratione præcipua est dicendum, cum Virgo ipsa in ejus Filio Domino Jesu Christo pignus mundo humanæ salutis attulerit, et quæ Salvatoris omnium esse meruit genitrix, apud ipsum præ cæteris esse meruit efficax interventrix. Dudum sane ad reddendum dicte Virgini gloriam, et per intercessionis suæ præsidium a divino Numine gratiam dictis fideibus implorandum, quod in quolibet noctis crepusculo campana pulsetur, et ad sonum ejusdem ipsi fideles præmissæ salutationis verbum dicerent, pie duximus ordinandum. Et ut prædicti fideles ad hoc spirituali munere inducerentur avidius, omnibus et singulis prædicta hora hujusmodi verbum devote dicentibus, de omnipotentis Dei misericordia ac ejusdem gloriose Virginis et beatorum Apostolorum Petri et Pauli meritis ac intercessionibus confidentes, decem dies de indulgentia duximus concedendum, etc. Dat. Avin. non. Maii, anno XII ».

55. *Cardinalium creatio.* — Exeunte anno recurrentibus Quatuor Temporum jejuniis Pontifex, ut sustinende incumbenrium rerum mol par esset atque Ecclesiam a Ludovico Bavaro qualiendam

Inleiret, decem novos cardinales laborum socios renuntiavit², quorum non inæ Joannis Vite auctor³ recenset his verbis: « Hic dominus summus Pontifex Pontificatus sui anno XII, Dominicæ incarnationis MCCCXXVII, feria VI Quatuor temporum, Adventus videlicet, XV kal. Januarii, fecit tertiam ordinationem decem cardinalium, quos assumpsit: videlicet Joannem de Convenis archiepiscopum Tolosanum, Annibaldum Gaitanum Romanum archiepiscopum Neapolitanum; Jacobum Cisteraciensis Ordinis magistrum in Theologia episcopum Mirapiscensem, Raimundum Ruthenensis diocesis episcopum S. Pauli; Petrum de Mortomari Lemoicensis diocesis episcopum Antissiodorensis, Petrum de Capis episcopum Carnotensem, fratrem Mattheum de Usinis Romanum de Ordine Predicatorum magistrum in theologia archiepiscopum Sipontinum, Petrum de Toletis Hispanum, episcopum Carthaginis vel Murcia, Joannem de Columna Romanum, Ubertum de Pateo de Montepessulano ». Erant ii viri insignes, qui illustribus virtutum exemplis in Ecclesiâ præluxerant: e quibus Jacobus Novelli Mirapiscensis Joanni in Pontificatu accepto Benedicti nomine successit, magna et doctrine et probitatis laude conspicuus: cui Pontifex his litteris ab Ecclesiâ Mirapiscensis cura ipsum solum, atque in partem moderandæ universæ Ecclesiæ Catholice vocatum, significavit³:

« Jacobo olim episcopo Mirapiscensi sacrosanctæ Romanæ Ecclesiæ presbytero cardinali.

« Moysi legislatoris, qui Jethro cognati sui utili adherendo consilio viros potentes et Deum timentes circa regendam plebem Israeliticam elegisse testatur, exemplo ducti laudabili, ad onus spiritualis totius orbis regiminis, quod nobis ex inuncto desuper Apostolatus officio incumbere noscitur, auxiliares et cooperatores nobis, viros utique potentes et Deum timentes, in quibus sit veritas et avaritiam oderint, nos et fratres nostri profundis meditationibus, laboriosisque vigiliis; de diversis ipsius orbis partibus perquirentes, ad personam tuam, quam honorum omnium largitor Altissimus multis virtutibus insignivit, intuitum considerationis nostræ direximus, et te per nos a vinculo, quo Ecclesiâ Mirapiscensi tenebaris astrictus, de potestatis plenitudine absolutum ad honorem et statum cardinalatus de dictorum fratrum consilio una cum nonnullis aliis duximus assumendum. Quocirca discretioni per Apostolica scripta mandamus, quatenus onus prædictum, Apostolica dispensatione tuis impositum humeris, devote suscipias, ac provisioni nostræ hujusmodi in humilitate spiritus acquiescens, ad presentiam Apostolicæ Sedis absque morose dispendio tarditatis accedas, una nobiscum et eisdem fratribus divinis obsequiis, et Ecclesiæ Romanæ servitiis vacaturus.

¹ Tom. VI, p. 2. Ep. secr. pag. 1.

² Tom. VI, p. 3. Ep. secr. pag. 193. — Bern. Chr. Rom. Pont. Mss. Vat. bibl. sign. num. 2040. — ³ Tom. VI, p. 1. Ep. secr. p. 193.

Dat. Avinioni XIII kal. Januarii, anno xu». Evexit etiam VI kal. Januarii ad Ostiensem et Vellefrensem episcopatum Bertrandum fil. S. Marcelli cardinalem in Insubria Apostolicæ Sedis legatum, cum Rainaldus episcopus Ostiensis eam Ecclesiam moriens orbam reliquisset.

56. *Mors S. Rochi.* — Obiisse ferunt¹ hoc anno B. Rochum cujus sanctitas celestibus beneficiis in eos, qui peste percussi illius apud Numen divinum suffragia implorant, collatis inclauit. Ejus gesta Franciscus Diodus, Petrus Pinus, Claudius e Rota, Ludovicus Maddura², et Crantzius³ conscripsere. Silentio autem dissimulandum non est, nonnulla in ejus gestis apud Auctores fictitia reperiri, velut cum dicitur illius parentem Montipessolano imperasse et Rochum principatu se abdicasse, ut peregrinationem susceperet : constat enim tunc Baleares reges eum principatum Beneficium Gallicæ coronæ obtinuisse, et Franco- rum regibus clientelari sponsione acceptum retulisse⁴, quamvis de insigni aliquo magistratu sive prefectura possit intelligi. Narratur⁵ etiam B. Ro-

chum egisse triennio Romæ apud cardinalem natione Britonem, atque ab hoc perductum ad Pontificem, quæ fabulosa sunt, ut patet, Romana curia Avenione delixa : neque antea venire potuerat, cum anno mcccxc natus referatur. In eo vero omnes consentiunt, ipsum in Italica peregrinatione in xenodochiis famulatum peste laborantibus, et plerosque crucis signo ab eo lustratos valetudini restitutos. Demum sanctitatis illius fama apud Patres Concilii Constantiensis celebrata est, quorum decreto ad propulsandam lucem honores sanctis debiti eidem exhibiti fuere¹ : nam, solenni supplicatione indicta, imaginem ipsius, instructo agmine religioso, per urbem ingenti pompa circumtulērunt ; quo peracto extincta pestis est : indeque exemplum sumptum, ut ibique locorum ejus venerandæ imagines expositæ, et sacella templaque ad ejus memoriam Numini posita fuerint. Urbanus etiam VIII Ecclesiastico officio colendam ejus memoriam edixit. Translatum ejus corpus aiunt Venetias anno Domini mcdlxxxv.

¹ Apud Sur. tom. iv. — ² Ibid. — ³ Crantz. in Metrop. Saxen. l. ix. c. 25. — ⁴ Tom. i. p. 3. Ep. secr. pag. 135. — ⁵ Tom. vi. p. 3. Ep. secr. pag. 87.

¹ Auct. sup. citati et Bar. in Not. ad xvi Aug.

JOANNIS XXII ANNUS 13. — CHRISTI 1328.

4. *Ludovici Romam ingressus et coronatio.* — Exhorruit Christianus orbis anno a partu Virginis millesimo trecentesimo vigesimo octavo, Indictione undecima, pseudopontificem improbissimum, sumpta ex Romani Pontificis intempestivæ ab Urbe absentia occasione, effrænata audacia Apostolicam Sedem invasisse. Tanti auctores sceleris hæresiarachæ et proditores fuerunt, qui Ludovicum Bavarum vindictæ cupidine, ut ipse fassus est, in Pontificem ob Romanum ipsi abrogatum imperium æstuantem, ad id concitarent, non curantes quantum exinde illius rebus ac dignitati damnum inferrent. Penetrarat ille ineunte anno cum Germanico et Italico Gibellinorum exercitu in ditionis Ecclesiasticæ terras; ac Viterbium jam a Silvestro Gatta ad defectionem adductum, secundo Januarii die pervenerat¹; cum Romani,

adversarum factionum ac spei metusque æstu incerto agitati, aliis excipiendum avidè Ludovicum, aliis constanter excludendum, admittendum vero certis legibus sentientibus aliis; postremam amplexi sententiam¹, amplissimos oratores Viterbium ad eum misere, ut læderis cum ipso leges componerent. At Sciarra Columninus et Jacobus Sabellus ac Theobaldus e Sancto Eustachio, viri auctoritate in Urbe ac nobilitate principes, plurimo a Castruccio ac Gibellinis Etruriæ auro corrupti, fidei in Pontificem immemores, ac futurorum ignarum malorum, Ludovico missis nuntiis arcano significarunt, ut spretis Romanorum oratorum dictis, iter in Urbem maturaret, ea enim votisque ipsum certissime positurum. Qua spe elatus Ludovicus Bavarus, perhumane acceptis oratoribus, Castruccio dandi illis responsi provinciam contulit : ac

¹ Jo. Vill. l. x. c. 49.

¹ Jo. Vill. l. x. c. 55.

innox signa moveri jussit, ut quisque itineri Romani versus se accingeret. Septimo itaque Januarii die, attonitis ex illius improvise adventu Romanis, exceptus est¹; de quo hæc in Manuscripto Vaticano leguntur: « Hoc anno Ludovicus Bivarus intravit Italiam; et licet Robertus Siciliæ rex et dominus Bertrandus Ostiensis cardinalis, tunc legatus Italie, conarentur ipsum in passibus impedire; recto tamen itinere venit Romam; et castrametatus in pratis, ut dicitur, ante Urbem, tandem auxilio Columnensium introivit². Traditum mox illi Urbis et arcium imperium addunt³, cum boni quique ingenuere, ut publicis postea Tabulis professos videbimus.

2. Interea ex clero et religiosis Ordinibus prudentia et sanctitate præcipui in fugam se convertere: sacratissima Veronica, in qua Christi Domini pergentis ad crucis supplicium divino miraculo expressa effigies, a Basilicæ Vaticanæ canonico, ne a schismaticis et hæreticis indigne conspiceretur, absconsa, indictumque sacrorum justitium. Celebrata a Ludovico in Capitolio magna pompa comitia, in quibus ipse Romanorum rex est salutatus, creatusque a populo ad annum Urbis senator et copiarum urbanarum dux; denique decretum, imperiali diademate ipsum cingendum. Hæc pluribus Joannes Villanus aliique auctores. Quam vero inani jure id sit attentatum refert Albertus Argentinensis³: « Prætenderunt enim, inquit, urbei (ii nimirum, qui Bavaro adhaerebant), hoc eis competere, papa etiam nolente: præsertim, cum senatores prius papam requisiverint, ut ad Urbem se transferret ».

3. Redimitus itaque est imperialibus ornamentis Ludovicus in Basilica S. Petri, de qua celebritate hæc Nicolaus Minorita⁴: « Die, inquit⁵, xvi Januarii quæ fuit Dominica de nuptiis, anno Domini mcccxxviii, prælatus princeps dominus Ludovicus Romanorum rex fuit non per papam, sed per quatuor syndicos populi Romani, ad hoc specialiter constitutos, in Ecclesia S. Petri in imperatorem Romanorum solemniter corona aurea coronatus, et ex tunc imperator vocatus: nam a die suæ electionis, usque ad diem qua Romæ corona aurea coronatus, non imperatores, sed reges Romanorum in suis litteris et ab omnibus appellantur ». Impositam illi a Sciarra Columnano imperialem coronam, addit S. Antoninus⁶: « In coronando, inquit, nullus solitus ordo, nemo legatus, nulla Pontificis auctoritas sibi adfuit. Imposita est illi corona populi nomine a Sciarra Columnensi, principe diversæ factionis: in cuius rei memoriam ipse posterique ejus ad antiquum gentis insigne,

quod est columna, coronam addidere, quasi præclarum fuerit scelerate fecisse ».

Delibutum vero inunctione Angustali una cum uxore a Jacobo Alberto exanctorato episcopo Venetiarum¹ cardinalis Pratensis nepote, susceptisque ornamentis imperialibus, pias ad ostentationem, sed suspecto consilio leges tulisse, refert Joannes Villanus²: nimirum pri nam de fide Catholica incorrupta servanda, secundam de tuenda libertate Ecclesiastica, tertiam de viduis et pupillis defendendis; atque astu simpliciores Romanos sibi devinxisse: cum tamen objecta religionis specie religionem oppugnare, odiaque in Christi vicarium atque omnes Catholicos illi adhaerentes, quos æquabat cum hæreticis, ipse Apostolica sententia damnatus, effundere moliretur.

4. *Indicta a Pontifice in Ludovicum cruceata militia.* — Ignorabat Pontifex³ Ludovicum tanta celeritate felicitateque in Urbem pervasisse, et imperialem coronam suscepisse; cum XII kalen. Februarii hujus anni, ut secundus illius progressus abrumperet, et Urbe ac Siciliæ regno arceret, sacram militiam, præmiis indulgentiarum propositis iis omnibus, qui signa Ecclesiæ Robertivæ regis sequerentur, vel stipendiis, consilio aut milite jvarent, indixit, transmissio ad Joannem Ursinum cardinalem legatum subjecto Diplomate.

« Joannes, etc. Joanni S. Theodori diacono cardinali Apostolicæ Sedis legato.

« Cum prædictus Ludovicus, qui ut prædicatur jure, si quod sibi ex electione prædicta fuerat acquisitum, ac subsequenter, ejus aucta contumacia, feudis omnibus, quæ a Romana vel quibusvis aliis Ecclesiis, seu imperio obinebat; et specialiter ducatu Bavariæ, ac omni jure ad ipsum in eo cum ejus occasione vel causa sibi quomodolibet competenti, nec non et omnibus privilegiis Apostolicis et imperialibus ei aut suis prædecessoribus concessis, quatenus ipsius tangere poterant commodum, justo privatus extiterat judicio; quique etiam pro fautoria hæreticorum innodatus excommunicationis sententia, quam per biennium et ultra indurato sustinuerat, sicut et tunc sustinebat animo, manifestus hæreticorum fautor declaratus fuerat, et pœnas a canonibus inflictas talibus incurrisset; quæ in processibus contra eum habitis plenius continentur, infra prædictum sibi præfixum terminum (nempe kal. Octobris superioris anni) comparere per se vel alium non curavit, ac etiam postea de mansuetudine Sedis Apostolicæ diebus pluribus expectatus; nos eundem reputavimus de eorumdem fratrum consilio merito contumacem. Et quoniam se ad correctionem præmissorum disponere in aliquo non curavit, sed velut in profundum malorum perductus, mala malis super addere, offensasque cumulare offensis, ac iram Dei contra se jugiter invocare, ac fideles verbis et

¹ Jo. Vill. lib. Muss. in Lud. Bav. Bern. in Libell. de imp. Rom. Ms. bibl. Vat. sign. num. 1043. Ms. bibl. Vat. de Rom. Pont. sign. num. 3765. — ² Cortus, Hist. I. III, c. 11. — ³ Alb. Arg. in Chr. et ex eo Nangem. 45. — ⁴ Nic. Min. Ms. bibl. Vat. sign. num. 4008. pag. 21. Cortus, Hist. I. III, c. 11. — ⁵ vi habet Vill. I. X, c. 56. — ⁶ Ant. ib. p. tit. XXI, c. 6, § 6.

¹ Cortus, Hist. I. III, c. 11. — ² Jo. Vill. I. X, c. 56. — ³ Tom. vi. p. 3, Ep. secr. pag. 107.

operibus persequi non cessabat; nos lesionem fidei, patrum quoque sanctorum contemptum et probra, necnon et presentium scandala variaque posteriorum pericula superiis attendentes, obviareque tantis malis et periculis salubriter cupientes, cum essent praemissa sic notoria, quod nequibant tergiversatione aliqua occultari: Dei nomine invocato de fratrum eorundem consilio, praesenteque fidelium multitudine copiosa, praefatum Ludovicum fore haereticum declaravimus: ac praedictas assertiones per dictam Constitutionem haereticas declaratas et scripturas quascunque contra eandem, necnon et ipsum Ludovicum velut haereticum reprobovimus, et finaliter duximus condemnandum; volentes ut si quis doctrinam, seu assertiones praedictas defendere, praesumeret, vel etiam approbare, cujuscumque dignitatis, ordinis, conditionis aut status existeret, tanquam haereticus deberet ab omnibus confutari.

5. « Ne itaque tot et tantorum facinorum et divinae majestatis offensam, et ejusdem Romanae Ecclesiae matris omnium fidelium contumeliam et contemptum, fideique Catholicae ac utilitatis reipublicae detrimentum nequiter patrorum, in succedenda temporum saecula sine correctione debita in multorum perniciem memoria diffundatur; nec idem Ludovicus, qui pertinaciter in suis praedictis erroribus et haeresibus persistere, ac excessus excessibus, et injurias injuriis cumulare, pacem Dei et Ecclesiae perturbare quasi continue non veretur, ac inter Christicolae schismata, dissensiones et scandala (praecipue in Urbe Romana et in regno Siciliae citra pharum, quod ad Romanam Ecclesiam jure directi domini noscitur pertinere, et pro quo charissimus in Christo filius noster Robertus rex Siciliae illustris existit, vassallus Ecclesiae antedictae) nititur periculose nimium suscitare, suos praves et damnandos conceptus, per quos cultum ejusdem fidei Catholicae, sine qua Deum nemo videre poterit, depravare quantum est in ipso satagit, in partum possit perducere; sed potius, dextera Domini faciente virtutem, obsistat eidem viriliter, et sui damnandi executio propositi elidatur, opportunis providere remediis cupientes; quia in his Dei et ejusdem Catholicae fidei causam agi conspicimus, illam devote prosequentibus decrevimus etiam spiritualibus auxiliis assistendum, ut causam ipsam eo ferventius prosequantur, quo tutius hujusmodi prosecutionis eventum poterunt experiri. Ideoque nos de omnipotentis Dei misericordia, et beatorum Petri et Pauli Apostolorum ejus auctoritate confisi omnibus vere penitentibus et confessis, qui dictum Ludovicum ejusque complices, fautores et receptatores, quandiu extra dicte Sedis gratiam extiterit, in personis et sumptibus propriis necnon et iis qui in personis propriis, alienis tamen sumptibus expugnabunt, et super hoc per annum incipiendum a die, de quo tu duxeris ordinandum, continuum vel interpolatum infra biennium ex tunc complendum proximo laborabunt, Ecclesiae se-

quando vexillum, tam clericis, quam laicis, et eis insuper, qui suis dumtaxat expensis juxta quantitates et facultates suas destinabunt idoneos bellatores, per dictum tempus moraluros et laboraturos ibidem; illam concedimus veniam peccatorum, quae concedi per eandem Sedem proficiscentibus in Terrae Sanctae subsidium consuevit, etc. » Imponit legato promulgandae indulgentiae provinciam ad fideles sub signis Ecclesiae contra ipsius hostes congregandos. « Dat. Avin. XII kal. Februarii anno xii ».

Conceptae eadem verborum forma litterae transmissae ad Bertrandum cardinalem Apostolicae Sedis in Insubria legatum ¹, et ad Capuanum archiep. ² in Sicilia citeriori. Praeterea eidem archiepiscopo ac memoratis legatis cardinalibus, tum patriarchae Gradensi ac Gennensi, Mediolanensi et Pisano archiepiscopis data provincia ³, ut omnes Ecclesiasticos ac laicos anathemate defixos pronuntiarent, qui Bivari partes lucrentur, vel ipsi comitatus atque auxilia submitterent. Quae imperia praeter ceteris, intentata censurarum religione, proposita Mediolanensibus, Saonenisibus, Comensibus, Vercellensibus, Bergomensibus, Landensibus, Cremonensibus, Aretinis, Novariensibus, Ticinensibus, Multinensibus, Ferrariensibus, Veronensibus, Lucanis, qui populi faedus cum Ludovico pepigerant. Nec modo comitatus, vel auxilia favaro suppeditaturis, verum etiam cum eo commercium habiturus objectae censurae.

6. *Cleri et populi Romani constantiam commendat Pontifex datis litteris hortatoriis.* — Cum vero de occupata antea ab illo Urbe, ac Romani cleri in fugienda Ludovici communione, intermissoque ob ipsis praesentiam temporum et sacerorum usu constantiae nuntius ad Pontificem affluisset, Viterbiensem episcopum Urbis in divinis vicarium Pontificum, et clerum Romanum ob fidem commendavit Joannes, utque in ea Ecclesiae persecutione virtutum exemplo praecluerent, fortiterque obsisterent haereticis, ac praecipue blasphemis Marsilio et Janduno quos duas bestias ex abyso Sathanae egressas appellat hortatus est. Ut autem Ludovicus ob susceptam eorum impietatem, aliasque causas anathemate devinctus esset, ac loca, in quibus ageret Ecclesiastico interdicto percussa, his litteris exposuit Pontifex ⁴:

7. « Joannes, etc. Angelo episcopo Viterbiensi, nostro in spiritualibus in Urbe vicario, et dilectis filiis clero ejusdem Urbis.

« Post multas alias moras et expectatione prolixas, quibus modis omnibus desiderabamus eundem, (nempe Ludovicum Bavarum,) per emendationis frugem ad sinum et gratiam Sedis Apostolicae revocari, intellecto quod ipse non emendationi, sed consuetudini praeteritarum factionum ausus illicitos deputabat, ruptisque habenis mo-

¹ Tom. VI. p. 661 p. sec. pag. 107. — ² Ebd. pag. — ³ Ebd. par. pag. 109. — ⁴ Ibid. pag. 113.

destinæ, in campum illicitæ voluntatis exiliens, ad civitatem Tridentinam, infra metas Italiae constitutam, nonnullos hæreticos et de publica hæresi rationabiliter condemnatos, ac rebelles ejusdem Ecclesiæ illuc direxit convocandos, cum eis contra pacificum statum reipublicæ, in cunctorum fidei-um scandalum, ac Catholice fidei detrimentum, et Apostolicæ Sedis injuriam et offensam consilium ineundo; illud præcipue pravis machinationibus continuando, ut omnes pariter multis se juvantes auxiliis, sub umbra culminis, quod idem Ludovicus sperabat indebite usurpare, possent velut coherentes squammæ in suis rebellionibus et hæresibus perseverare liberius, Ecclesiæque devotos de suis finibus effugare, ipse Ludovicus, eorum fultus potentia, usurpatum nomen regium indebite retinere, ac imperiale deinceps promptius usurpare; ad hæc congruentes studia, suasque potentias conglobantes, non attendentes, quod Dominus exercituum novit reproborum infatuare consilia et etiam dissipare; nos eorum perniciosius volentes obviare conatibus, prout ad id Apostolicæ sollicitudinis debitum nos urgebat, per alios processus nostros specialiter super hoc et solemniter habito eundem Ludovicum moruimus, sibi super hoc districtius injungentes sub anathematis et aliis pœnis a jure, seu constitutionibus quibuscumque inflictiis seu comminatis iis, qui titulum regium falso propria temeritate sibi usurpare, aut se administrationi imperii immiscere, quæ ipso vacante, sicut tunc vacabat et vacat, ad eandem Romanam Ecclesiam noscitur pertinere, ipsam Ecclesiam in administratione hujusmodi perturbando et, quantum in eis erat, etiam spoliando; vel iis, qui hæreticis ac Romanæ Ecclesiæ rebellibus præsumunt contra dictam Ecclesiam impendere consilium, auxilium vel favorem, quasque infligunt iis, qui guerras præsumunt movere. Et infra: « Considerantes etiam, quod ipse ad omne malum presumpta licentia adversus Dominum et adversus Christum ejus blasphemias loquebatur, duasque bestias de abyso sathanæ et inferni sulphureo puteo prodeuntes, ac detestabiles hæreses contra Redemptorem nostrum in scandalum fidei publicantes, videlicet Marsilium de Padua et Joannem de Janduno, ac libellum per eos editum, impiissimos errores et fœdissimas hæreses continentem, receperat; eosque in consortium suæ familiaritatis admittens, velut credens et publicus fautor eorum, ipsis dogmatizandi et disseminandi hæreses supradictas defensionem et licentiam exhibebat, quinimo contemptor canonum et disruptor ejuslibet Ecclesiasticæ disciplinæ, quamvis foret diversis excommunicationum sententiis innodatus, divina faciebat officia in locis etiam Ecclesiastico interdicto suppositis, excommunicatis et interdictis presentibus, celebrari, etc. » Pergit, ut de hæresi ob id eundem damnarit, et omnes subditos fidei sacramento liberarit, censurisque ejus studiosos delixerit; tum subdit:

8. « Verum idem Ludovicus, omnino aversus a Deo et in profundum malorum demersus, divina pariter et humana jura pervertens, invasit Italiam; et per indevotorum loca progrediens, Urbem pollutis gressibus introivit, serenitatem ejusdem Urbis suæ prave contagione præsentia, quod dolenter referimus, maculando: ejus accessus et ingressus in dictam Urbem sicut ejus sequaciis est odor mortis in mortem, sic vobis propter laudabilem vestram constantiam, et claram et commendabilem obedientiam, quam erga Deum dictamque Romanam Ecclesiam et nos fortibus et robustis animis ostendistis, est odor vitæ in vitam: cum ex hoc maxime laudis præconio magnæque commendationis titulo apud homines fulgeatis, vestraque sinceritas fidei ubique non indignæ laudis præconiis commendetur; ita quod propterea, licet vos semper gesserimus in præcordiis charitatis, specialem benevolentiam vindicastis. Quantæ enim commendationis laude reddidistis vos dignos, quod non obstante malitia temporis impati; quinimo spreto populari tumultu, et applausibus laicorum multorum, communionem ejusdem viri pestiferi declinastis hactenus, et etiam declinatis ac interdictum, cui propter præsentiam ejusdem hæretici Urbis ipsa, quod non absque ingenti dolore referimus, subjacere dignoscitur, velut prædilecti filii benedictionis et gratiæ studuistis et studetis inviolabiliter observare super quibus Deo ac nobis et Apostolicæ Sedi cunctisque fidelibus grati admodum et acceptis circumspectionis vestre prudentiam dilectionis plenitudine prosequentes eam plurimum laudandam duximus et commendandam.

« Ideoque universitatem vestram rogamus attentius et hortamur, quatenus in laudabilibus ceptis vestris constantissime persistatis (sperantes in Domino et potentia virtutis ejus dextere, quod ejusdem viri acerrimi, se adversus Dei potentiam et scientiam extollentis, fidei Catholicae puritatem et statum reipublicæ pervertere satagentis, suorumque sequacium cornua elata confringet) ejusque violentiæ, quantum decet levitas ministros Altissimi, in verbo virtutis potenter et viriliter resistatis, scituri quod devotio et constantia vestra, quam super his ostendistis et ostendistis pro communione Sedis ejusdem, sic indelebiliter est et erit impressa, quod suo loco et tempore ejus gratitudinem realiter cognoscetis. Nos enim super iis taliter providere Deo auctore studebimus, auxilii sui dexteram nobis et Ecclesiæ sanctæ suæ adesse sperantes, quod ejusdem hæretici de perversis conatibus honor erit Altissimo Catholicaque fidei robur et Ecclesiasticæ libertatis augmentum provenient, et vestra et aliorum fidelium prosperitas et utilitas subsequenter, Dat. Avin. IV kal. Martii, anno xii ».

9. *Pontificii a Ludovici sequacibus, dicitibus Marsilio et Janduno, divercati.* — Dixerunt clerici Romanum in Pontificis obsequio constantem

schismatici et heretici, tulitque gravissimos in ea persecutione Ecclesiae labores Viterbiensis episcopus vicarius urbanus, quem datis nonis Martii litteris Pontifex ad revocanda in memoriam sanctorum gesta, invitandum eorum invictam inter tyrannorum iras et carnificum furorem patientiam excitavit: promissam enim perseverantiae immortalitatis et gloriae coronam. Perstiterunt una cum eo constanter in Sedis Apostolicae cultu plures viri nobiles Romani, quorum prolixior est in Regesto Pontificio Catalogus: inter quos Jacobus Columna canonicus Lateranensis enituit, quem ut zelo ardentissimum sollicitavit Joannes, ut populum ad Marsilium ac Jandunum haereticas capiendos commoveret. Confluxerant ii Romam mox atque Ludovicum ea positum percerebunt, ut suis haeresibus fideles inficerent: ac Marsilius a Ludovico Bavaro, quasi ad eum sacrum cura et administratio spectaret, Pontificii vicarii munus, cui praeerat Viterbiensis episcopus, scelere acceperat, cepitque tyrannidem in viros probos, qui se haereticorum et schismaticorum communione contaminare exhorrescebant, piosque sacerdotes, qui sacrorum usu pie abstinebant, exercere. Ad comprimendum vero ferocientem virum Pontifex Joanni S. Theodori diacono cardinali A. S. L. onus injunxit, ut in vicinis Romae locis edicta publica proponeret, quibus Marsilium et sceleris socium Jandunum capi juberet.

10. « Joanni S. Theodori diacono cardinali A. S. L.

« Ad nostri Apostolatus auditum his diebus fama publica divulgante pervenit, quod illi duo nequam homines Marsilius de Padua et Joannes de Janduno haeretici manifesti, et per nos dudum de fratribus nostrorum consilio de haeresi finaliter et publice condemnati, audito quoque Ludovicus olim Bavarie dux et discorditer in regem Romanum electus (qui suis horrendis excessibus et gravibus culpis exigentibus excommunicatus, ac jure, si quod ei ex praedicta electione ad regnum Romanorum vel imperium forsitan competeat; necnon ducatu Bavarie ac comitatu Palatin, Rheni, et jure quocumque habendi vocem in electione regis Romanorum in imperatorem promovendi, justo judicio privatus extitit, et de haeresi finaliter

et publice condemnatus) Urbem intraverat et in ea suam tyrannidem exercebat, ad Urbem ipsam se personaliter conferentes, haerese publice praedicare praesumunt: dictusque Marsilius praetextu vicariatus, quem ibidem sibi per dictum Ludovicum commissum asserit, tam contra clericos quia nolunt interdictum, cui propter dicti Ludovici praesentiam subjacere processum nostrorum auctoritate Urbs praedicta noscitur, violare, quam eorum cognatos et affines in nostram offensam procedere immaniter non veretur.

« Nos autem periculis et scandalis quae fidei et fidelibus ex praemissis provenitura feruntur probabiliter, obviare salubriter cupientes, discretionis tuae per Apostolica scripta praecipimus et mandamus, quatenus cum ad Urbem praedictam per seveam et damnatam dicti Ludovici tyrannidem suorumque complicum occupatam intus accessus ad praesens non pateat, Romanum populum et eos, qui rectorum et gubernatorum ipsorum gerunt officium, quocumque nomine censeantur, per publici propositionem edicti in legis publicis, de quibus tibi videbitur, et sit verisimilis praesumptio, quod ad eorum pervenire valeant notificationem, moneas efficaciter et inducas, ut ipsi praedictos Marsilium et Joannem haereticos capiant et lute custodiant, subdendos, sicut jura praecipiant, Ecclesiastica disciplinae, si poenas vitare curaverint, quas incurrunt talium contemptores. Dat. Avin. XVII kal. Maii, anno xii ».

Elusit Pontificiam severitatem Marsilius clientela Ludovici tectus, quem Joannes Villanus ¹ perfidum haeticum ac Bavari ductorem et magistrum appellat. Recensita sunt anno superiori illius haerese et confutata: quibus sceleribus aliud atrox adjecerat, ut praecursor antichristi, Petri scilicet et Corbaria, evaderet, atque ad illius profanationem praecipuum operam correpti sacrilegio in rebus sacris vicariae praefecturae occasione impenderet. Evomuerat jam ante eam blasphemiam ² Romanum Pontificem non suam a Christo Domino, sed Romanorum imperatore auctoritatem accipere, hujusque juris esse Pontifices ad arbitrium creare vel gradu pellere (1).

¹ Jo. Vit. l. x. c. 104. — ² Jo. Var. Bml. pag. 67.

(1) Ludovicus Bavarus Romam hoc anno veniens, imperiale dialema assecutus eo tandem audacia proripuit, ut depositionis sententiam in Joannem Pontificem, diceret. Sententiam hanc ex schismaticorum quorundam scriptis eruit, annalista hoc recitat. Cum vero postmodum in Miss. Concilii secusum descriptam cum reperiisset dedissetque Baluzius in Collectione Actorum veterum ad Vitas paparum Avinionensium tom. II, col. 512, etc. ex eo tandem intelleximus, sententiam illam, quam unius scripti serie contextum vulgavit annalista, duas inter se discretas in unam conjungere atque confundere. Duplex enim sententia ab imperatore in Joannem hoc anno dicta apud eundem Baluzium legitur. Prior quidem in qua Ludovicus amovendi a sacerdotio Pontificis causam offert, quod Ecclesiam vastaverit, et electione de se in imperatorem facile armatis resistit. Alterius vero sententiae fundamentum pontificis lapsum a fide; eo quoque in Constitutionibus in causa pauperum Christi haereticis multa docuerit. Utraque vero haec sententia eodem mense et die, XVII scilicet Aprilis hujus anni, consignatur. Cur non unam, sed duplicem promulgaverit Ludovicus, hanc fuisse causam suspicio. Primo quidem hujus sententiam depositionis in Pontificem dixit, eo quod sibi et Ecclesiae esset adversarius; atque haec sententia revera die XVII Aprilis hujus anni promulgata est; cum vero 14 postmodum audax nimis Lacinus videretur, ut Lacinus Pontificem deponeret; ideo sententiam jam prolatae reformationi visum est. Tunc igitur alia multa est ratio ut a Pontificatu Joannes amoveretur; non enim amplius id sibi juris imperator arrogavit; sed cum Pontificem haereticum rem demonstrasset, hunc consequi censuit, ut cum ab Ecclesia alienus esset, capso facto fuit omni Ecclesiastica dignitate, potestate, auctoritate privatus, quae illius electi verba sunt. Ita Ludovicus et voluntas sua obsequatur, et invidiam facinoris sui amittit; non enim a se anatum Pontificem, sed dignitate merito suo excessive causabatur. Mem hanc conjecturam fuit titulus, qui secundo hanc sententiam praefigit, apud eundem Baluzium; ita enim conceptus est: « Sententia Ludovici IV imperatoris adversum Joannem XXII correctam et emendatam ». Quamquam vero secunda haec sententia, eandem diem et mensem

11. *Impia Ludovici in Pontificem sententia, quae penitus refellitur.* — Ludovicus itaque ejus haereseos lenocino ab assentatoribus haereticis delibutus, cum decimo quarto Aprilis die purpura et imperialibus ornamento decorus ad porticum Basilicae S. Petri in solio consedisset, mortis sententiam¹ tulisset in haereticos, qui divinam et imperialem majestatem lesissent, utque a quolibet iudici etiam non rogato, nec servata in flagranti delicto iudiciorum forma, possent damnari, sanxisset² ut tabelliones publica acta annis imperii sui consignarent; denique per duellibus honorum multam inflixisset fraudulento adversus Pontificem et Catholicos saviendi consilio: die lunae insequenti³ Christi vicarium damnare haerescos, ac dignitate Pontificia exuere temere est aggressus.

Extat illa Ludovici sententia⁴ apud Nicolaum pseudominoritam, qui illum a cleri et populi Romani syndicis, atque a Minoritis ad id facinus concitatum narrat: «Videns, inquit auctor schismaticus, praedictus imperator, quod praefatus dominus Joannes papa supradictus tria statuta⁵ nimirum, *Ad conditorem, Cum inter nonnullos, Quia quorundam* ediderat et publice promulgaverat, et perinaciter defendebat ». Et infra: «Inductus supplicationibus et instantiis plurimis syndicatorum cleri et populi Romani, atque fratrum Minorum, plenam ad hoc clerici et populi auctoritatem habentium et liberam potestatem, prout apparuit ex oblatiis tunc dicto imperatori syndicati eorum publicis Instrumentis; memorialum dominum Joannem papam XXII in haeresi publice deprehensum, per sententiam definitivam solemniter deposuit de papatu, cujus sententiae tenor talis est, etc. » Ille Nicolaus ad schismatici commendationem.

Verum hosce syndicos cleri Romani, partis nimirum infectae (potiorem autugisse vidimus, idque etiam Alvarus Pelagius, qui una cum piis abiit, testatur⁶) fuisse Marsilium et Jandunum haereticos constat⁷ pariterque Sciarram Columnium et alios, qui populi Romani nomen auctoritatemque corripuere. Quod vero Nicolaus in tanta re syndicos Minorum meminit, satis facinoris horrorem delegit. Cur non enim tot aliorum Ordinum religiosorum syndici exciti? Cur non collegii cardinalium? Cur non patriarcharum, non archiepiscoporum, non episcoporum, non abbatum, aliorumve praesulum cotus vocati? Cur non rogati tot regum, principum, populorum,

Ecclesiarum et Academicarum oratores? siquidem tanta res omnes tangebatur. Denique Ludovicus, qui jam ante a Pontificis sententia ad Synodum Oecumenicam provocaverat, quomodo illius exactionem sine eadem Synodo moliri ausus est. Si enim ipsum exactionem potuisset, a Joannis sententia, non ad Concilium, sed ad Caesareum fastum provocare debuisset: sed laedendi Pontificis libido id facinus sensit, Marsilio haereticarum et Ubertino Casali apostata consultoribus, quos edicta illa impia composuisse, Albertinus Mussatus refert⁸. Prior quidem sententia cum Fraticellorum erroribus referta sit, Ubertini Casalis deliria styliumque redolet; prolixiorque ea est, quam ut a nobis repetenda sit, ne in immensam molem confutatio assurgat: praecipua itaque illius capita perstringemus.

12. Obijcit primum Pontificem affirmasse in Constitutione, *Ad Conditorem*, Minoritas non esse simplices usuarios, et usum juris vel facti a rei dominio in consumptibilibus non separari. At controversia haec ad fidem non spectat, sed ad questionum legalium argutias; recte vero id pronuntiatum a Joanne fuisse, probat hujus temporis doctor: «Prima, inquit⁹, conclusio est, quod usus licitus non potest separari a jure utendi, et hanc conclusionem proba et auctoritatibus et rationibus. Primo, auctoritate Domini nostri, qui hoc manifestissime probat in Constitutione, *Ad Conditorem*, et in illa, *Cum inter nonnullos*, et in ista quam habemus praemanibus. Secundo proba auctoritate Augustini ad Macedonium, et est in decretis xiv. q. iv. c. *Quid dicam, de usuris*, ubi dicitur sic: Hoc certe alienum non est, quod jure possidetur; hoc autem jure, quod juste, et hoc juste, quod bene. Tunc arguo: Hoc jure quod juste possidetur, hoc juste quod bene. Tunc a primo ad ultimum quod bene possidetur, juste possidetur. Tertio proba auctoritate Isidori, et ponitur Extra. de verb. sign. c. Jus dictum est a jure possidendi; jure autem possidetur, quod juste, hoc autem juste, quod bene; arguo sicut prius. Quarto auctoritate ejusdem Isidori v. Etymol. et est in decretis di. i. c. *Jus generale*, ubi dicitur sic: Jus autem dictum est, eo quod justum est. Ex qua auctoritate arguo sic: Omnis actus justus est juris, quia jus dictum est, eo quod justum. Iterum quia impossibile est adhibere rationem justi sine omni ratione juris. Sed omnis actus licitus est justus. Ergo omnis actus licitus est juris. Usus autem quidam actus est. Ergo omnis usus licitus est cum jure utendi. Quod autem omnis actus licitus sit justus, patet quia

¹ Ext. apud Nicol. Minor. Ms. bibl. Vat. sign. num. 4908, p. 21. — ² Jo. Vill. l. x, c. 69, Muss. in Lud. Bav. — ³ Vill. cod. lib. c. 70, Muss. ibid. — ⁴ Nic. Min. Ms. bibl. Vat. sign. num. 4908, pag. 80 — ⁵ Ext. Inter Extravag. de verb. sign. — ⁶ Alv. Pel. de plancta Eccl. l. i, c. 36. — ⁷ Tom. vi, p. 3, Ep. secr. pag. 110.

⁸ Muss. in Lud. Bav. — ⁹ Ms. Vat. sign. num. 4869, pag. 31.

quam prior exhibet; suorum tamen abjuncto post priorem illam tempore produsse; cum tamen in locum prioris substitutionem esset, idem die et mense consignatum. Haec pariter ante non multos annos a Joanne Pontifice praestitum fuerit in Constitutione, quam de papalitate Fratrum Minorum edidit. Illam enim prius evalutam, deinde correctam et emendatam, degenere regredi sit. Cuius ejusdem diei et anni subscriptionem, ut in Nota ad A. MCCXXXII, 54, annuadverti.

omnis actus deliberatus hominis aut est justus aut injustus. Sed certum est quod licitus non est injustus. Ergo omnis actus licitus est justus. Confirmatur quia omnis actus justus (est licitus). Ergo omnis licitus est justus. Et istam rationem tangit dominus noster in Constitutione, *Cum inter nonnullos*; dicit enim sic quod dicere quod Christus et Apostoli in rebus, quibus utuntur, non habuerunt nisi simplicem usum facti, convincit actus eorum fuisse non justos, quia negatio in subjecto apto nato infert privationem, sicut non visio in oculo infert cecitatem, et non auditio in aure surditatem: actus autem hominis est susceptibilis justitiae et injustitiae, quia, etc. ». Plura addit in eam sententiam, quae brevitas studio praetermittimus.

At subdit Ludovicus, Petrum sociorum nomine dixisse: *Ecce vos reliquimus omnia*; ex quo multis verborum ambagibus deducit, ipsos jus etiam rerum consumptibilium reliquisse; vocem enim, *omnia*, nihil quod relinqui possit excipere. At mox mendacium se prodit: ut enim usus rerum relictus non fuit, ita nec jus utendi relictum; alterum namque ad vitae sustentationem, alterum ad justitiam virtutemque spectat, sanctique patres, qui Spiritu sancto collustrati ea Petri verba explanarunt, de jure consumendi relicto ab Apostolis altum tenere silentium: neque in eo sancti perfectionem Evangelicam, sed in sectando Christo et rerum caducarum exenda sollicitudine nimia, collocarunt. Qua de re, tum de vero illius sententiae sensu antea abunde dictum est.

Pergit Ludovicus: « Secundus error, qui in dicto statuto, *Ad Conditorem*, continetur est quod rebus usui consumptibilibus non potest quis uti, quia eis uti non contingit, sed abuti ». Sed ad fidem non spectat haec questio, ut propterea Joanni, si in argutis legalibus distinguendis errasset, impingenda haereseos calumnia non fuerit. At nullatenus lapsus est Pontifex, ac varias in eadem Constitutione vocis uti et alterius abuti significationes docte explicuit, ostenditque abuti interdum sumi pro injusto rei usu, interdum pro rei consumptione licet justa, ita enim dixit propheta: *Abutere eis*; id est, consume eos. Ex hoc vero aspergenda Pontificis calumniae haereseos nulla arripit occasio prudenter potuit; ut nec eundem tertiae objectionis, in qua adversus eandem Constitutionem opponit, dixisse Joannem, non pertinere ad perfectionem, ut Minoritae careant jure ac dominio rerum, quibus utuntur; ac dominium, quod Pontifices praedecessores de rebus ad Minoritas spectantibus tenere, aenigmaticum extitisse, cum nullum ex illo temporarium commodum capere sperarent. Sed quam recte id pronuntiatum a Pontifice fuerit, ex ejusdem Constitutionibus memoratis adeo perspicuum est, ut mirum sit tantum principem aliorum pseudoreligiosorum nugis et quisquiliis se implicuisse.

13. Quarto perstringit haereseos Pontificem Ludovicus ob decretum fidei, quo sancitum est, Christum et Apostolos in iis quibus eos usos fuisse Scriptura testatur, jus habuisse in communi vel speciali. Illud autem non oppugandum fuisse a Catholico principe, sed religiose colendum constat, cum Romanus Pontifex, ferens uti Ecclesiae princeps in controverso fidei dogmate judicariam sententiam, errare non possit, testante Christo¹: « Tu es Petrus, et super hanc petram aedificabo Ecclesiam meam, et porte inferi non praevalent adversus eam; idque alio oraculo confirmante²: « Rogavi pro te, Petre, ut non deficiat fides tua: et in aliquando conversus confirma fratres tuos ». Quae quidem de firmitate Sedis Apostolicae intelligent sancti patres docuerunt.

Quinto objicit Ludovicus, docuisse Joannem, actum utendi in rebus temporalibus in Christo et Apostolis non potuisse esse justum absque jure utendi, *civili et mundano, contentioso et litigioso*, addidit Ludovicus verbis Pontificis, nam praecipuum Joannis telum, quo haeretici confossi fuerunt, hoc fuit, rerum usum in Christo et Apostolis fuisse justum, ergo non sine jure, et blasphemum esse injustum usum ipsis asingere: de jure autem civili et mundano, contentioso et litigioso non aliud dixit, quam jus civile sive contentiosum non esse injuste, sed juste inductum, et a perfectis etiam jus coram iudice suo repositi posse: quamquam maxime interdum sit perfectionis, ne serenitas animae turbetur, vel ob altiores finem, injuriam ferre.

14. Sexto vertit crimini, Joannem in Constitutione, *Quia quorundam*, revocasse in dubium, num ea Christi verba: « Nolite possidere aurum et argentum, nec pecuniam in zonis vestris, etc. » praeeptiva fuerint. Sed haec deliria pseudomonitorum, jactantium praeeptum Apostolis, ne unquam pecuniam attraherent; reiecit docte Pontificiae Constitutionis defensor academicus Avenionensis³: « Secundum, inquit, Augustinum in lib. de Opere Monachorum, et in libro de Mendac. cap. 22, et in libro contra Adamantium discipulum Manichaei cap. 20, hoc non fuit praeeptum, sed documentum utile pro illo tempore: unde in praedicto libro de Mendacio et praedicto cap. dicit Augustinus sic: Dictum est Apostolis, ut nihil secum portantes in via, de Evangelio viverent et quodam loco Dominus designavit cum hoc dixit, cum subjunxit Marci x: *Dignus est operarius mercede sua*; ubi satis ostendit Dominus permissum hoc esse, non jussum, ut in opere predicationis verbi, cum aliquis ab eis, quibus praedicaret, in usus hujusmodi vitae sumeret aliquid, illicitum facere non arbitretur, cum laudabilis non fieri in Apostolo Paulo monstratum est, qui cum diceret: *Communicet autem qui catechizatur verbo*

¹ Matt. vi. — ² Luc. xxii. — ³ Ms. bibl. Vat. sign. num. 4666 pag. 73.

ei, qui se catechizat in omnibus bonis, et in multis locis illud salubriter fieri ab eis qui verbum Dei prædicant ostenderet : sed tamen unquam non sum usus hac potestate. Potestatem ergo dedit Dominus, cum ista diceret, non imperio constrinxit. Hoc Augustinus. Et in dicto libro contra Adamantium cap. 20 dicit sic : Ne Dominus Jesus-Christus impiis hominibus contra sua præcepta fecisse videatur, qui etiam loculos habuit, quibus ad victum necessarium pecunia portabatur ; non jussa ista, sed permissa ex hoc intelligitur, quod Apostolus Paulus manibus suis operatus victum quærebat, non usus hac potestate, quam Dominus viris Evangelicis, sicut ipse dicit, dedit. Et in libro de Opere Monachorum dicit : Non apparet hæc esse illa jussa, sed permissa, ut quisque vellet uti, ea uteretur, quod scilicet liceret ex Domini Constitutione. Si quis autem uti nollet, non contra jussa faceret, sed de suo jure discederet, misericordius et laboriosius conversatus in Evangelio, in quo et debitam mercedem nollet accipere ; alioquin etiam contra jussum Domini fecit Paulus, qui postea quam ostendit sibi licere, statim subjicit : *Sed non sum usus hac potestate* ». Et infra : « Dicit idem Augustinus : Acceperant discipuli hæc potestatem, ordinante Domino, ut qui Evangelium nuntiarent, de Evangelio viverent, eo dicente : *Dignus est operarius cibo suo* ; qua potestate Paulus, aliqua erogans, uti noluit. Liberum ergo est uti et non uti hac potestate. Et idem etiam dicit Augustinus de Consensu Evangelistarum, et fuit auctoritas posita supra. Ex quo patet intentio Augustini, quod illud non fuit præceptum seu jussum, sed pro illo tempore utile documentum : et ratio Augustini est ista : Verba ista, *Nolite portare*, etc., et quod reciperet sumptus ab iis, quibus prædicabat, dicta sunt sub eodem textu verberum. Sed illud non fuit præceptum, sed permissum et concessum, quod patet quia tunc Apostolus Paulus in non recipiendo peccasset, et non supererogasset, quod est falsum. Ergo nec primum fuit præceptum, sed documentum. Præterea hoc fuit dictum Apostolis in quantum erant prælati, et in quantum eis succedunt episcopi, quod patet quia ut sic eis debentur necessaria, admittenda ab illis, quibus prædicabant vel prædicant, et jus recipiendi habent. Item quia hoc dictum fuit eis quando mittebantur ad prædicandum, prædicare autem competit prælati ex officio ; religiosi autem non nisi ex voluntaria commissione domini pape, vel aliorum prælatorum. Item quia ex hoc accipitur forma et institutio prælatorum in Ecclesia, sicut dicit Beda in glo. Luc. x. Sed nullus diceret, quod episcopi, cum vadunt ad prædicandum, peccarent mortaliter, si haberent aliqua in communi ; imo hoc esset damnare non solum statum prælatorum præsentium, imo et sanctissimos episcopos, sicut Augustinum, Ambrosium, Hilarium et sic de aliis, qui in communi bona Ecclesie possederunt, et pro se et aliis laudabiliter dis-

pensaverunt ; imo etiam adauctis multis possessionibus ampliarunt. Ergo non fuit præceptum, sed documentum. Præterea cum sub eodem textu verborum dictum sic Luc. x : *Neminem per viam salutaveritis*, si alia essent sub præcepto, et istud fuisset sub præcepto, quod non videtur ; satis enim videtur esse durum dicere, quod Apostoli, discipuli et Apostolici viri mortaliter peccassent, si aliquem in via salutassent, ut dictum sit per Sapientem Eccl. xii : *Erubescite a salutantibus de silentio* ; quare patet, quod non fuit præceptum sed documentum. Præterea quia omnia illa, de quibus Matth. x fit mentio, Christus et Apostoli alibi in Scriptura leguntur habuisse, quod tamen non habuissent, si fuisset præceptum ipsos unquam habuisse. Quod enim primo dicitur : *Nolite possidere aurum* ; certum est, quod Matth. ii dicitur, quod Magi obtulerunt Domino aurum, thus, myrrham : illud autem aurum non potuit fuisse alterius quantum ad dominium, quam ipsius Christi, ut deductum fuit supra. Item cum subjungitur : *Neque argentum, neque pecuniam* ; certum est quod loculos Christus et Apostoli habebant, in quibus pecunia conservabatur etiam pro necessitatibus ipsorum, ut dictum fuit supra. Item Actuum iv, *ipsi recipiebant pretia agrorum venditorum*, pretium autem rei venditæ communiter est pecunia ; quare, etc. Item cum subjungitur : *Non peram in via* ; certum est, quod Lucæ xxii dicit eis Jesus : *Quando misi vos sine sacculo et pera et calceamentis, numquid aliquid defuit vobis ? at illi dixerunt : Nihil. Dixit ergo eis : Sed et nunc qui habet sacculum, tollat similiter et peram, et qui non habet, vendat tunicam suam et emat gladium*. Ex quibus verbis patet, quod Christus supponebat aliquos de Apostolis habere sacculum et peram. Item cum subjungitur : *Neque duas tunicas* ; certum est, quod Christus habuit duas vel plures : constat enim in multis locis Evangelii, ut patet Matth. xxvii, et Luc. xxiii et clarius Joannis xix ». Et infra : « Quare patet, quod omnia, quæ ibi videntur eis fuisse interdicta, alibi leguntur habuisse. Patet ergo, quod non fuit præceptum, sed documentum. Præterea si hoc fuisset præceptum, Paulus viros Apostolicos ista portare non præcepisset ; cuius tamen oppositum apparet ad Titum iii ». Et infra : « Quare patet, quod nomen præcepti frequenter sumitur pro documento, et sic accepit Marcus, cum dixit : *Præcepit eis, ne quid tollerent*, etc. Unde sciendum, quod multa de abiectione temporalium et parentum et aliorum amicorum carnalium ponuntur in Evangelio, quæ magis sunt intelligenda quantum ad præponendum Dominum talibus secundum animi præparationem, quam quantum ad abijciendum prædicta secundum effectum exteriorum, cum enim dicitur Lucæ xiv : *Si quis venit ad me, et non odit patrem suum, et matrem, et uxorem, et filios, et fratres et sorores, adhuc autem et animam suam, non potest meus esse*

discipulus; istud non est accipiendum, quod tales quantum ad naturam odiantur, cum præcipiamur Matth. v diligere inimicos; sed secundum Ambrosium sic intelligendum est, ut a Domino parentum amore non desistamus, ita scilicet quod præponamus Deum amori carnali parentum; unde super illo verbo Marci x: *Nemo est, qui reliquerit domum, aut fratres, aut sorores, aut patrem, aut matrem*, etc. dicit Theophil. sic: Non inuit, ut parentes relinquamus, non adjuvantes eos, nec ut ab uxoribus separemur; sed nos instruit præferre honorem Dei secularibus rebus. Et ita etiam cum dicitur Matth. x: *Nolite possidere aurum*, etc. non sic accipiendum est, quasi Dominus interdixit Apostolis simpliciter et universaliter habere quodcumque jus in rebus temporalibus; sed hoc ideo dixit quando misit eos ad prædicandum, ut absoluti ab omni cura temporalium, ne prædicatio impeditur, scirent ea eis deberi ab illis, quibus prædicabant: unde videtur mihi secundum expositionem sanctorum ibidem, quod Christus hoc eis interdixit non propter hoc, ut interdiceret eis habere aliquid jus in rebus temporalibus, sed propter alias causas. Primo ut ostenderet alimenta eis deberi ab iis, quibus prædicabant, et hanc causam reddit Hieronymus super illo verbo, dicens quod quodammodo nudos et expeditos Apostolos ad prædicandum miserat, et dura videbatur esse conditio magistrorum: sed severitatem præcepti sequentis sententia temperavit, dicens: *Dignus est operarius cibo suo*; quasi diceret: Tantum accipite, quantum vobis in victu et vestitu necessarium est. Recenset docte plures alias causas, quas præterminitimus. Idem etiam recte observat, licet statuatur, ea verba, *Nolite possidere aurum*, præceptiva fuisse eo nempe loco et tempore; male tamen a particulari ad universalem inferri. Quod etiam perpendit Guido¹ episcopus Elnensis adversus pseudoapostolicos, qui in eo errore Waldensium deliria erant sectati.

13. Septimo Ludovicus, vocavit in crimen hæreses Pontificem, quod de clavibus Ecclesie male sentiret: « In dicto, inquit, suo hæreticali statuto, *Quia quorundam*, in dubium revocat sive negat clavem scientiæ Ecclesiæ Catholice fore clavem ». Recte id a Joanne contra pseudominoritas, ut suo loco dictum est, negatum fuerat: ad decernendum enim fidei articulum non scientia tantummodo, qua interdum doctores præcellunt Pontificibus, desideratur; sed etiam auctoritas decernendi ex promisso Spiritus sancti singulari præsidio, ex quo sit, ut cæteri præstantissimi scientia doctores vel sanctitate conspicui, assertionem fidei condere non possint. Certe in formula² fidei Græcis, Armenis aliisque ad Ecclesiam accessuris propositum est: « Romanus Pontifex, » et infra, « si quæ de fide subortæ fuerint quæstiones, suo debet

judicio definire ». Quare hujus auctoritatis defectu perperam Michael, Ochanus, Ubertinus, Casalis et alii pseudominoritæ, qui Ludovicum Bavarum male docuerunt, quantumvis scientiæ fastu turgere in dirimenda fidei controversia clavem Apostolicam invaserunt.

Octavo denique insignem calumniam a pseudominoritis illatam Pontifici ira incitatus repetit: « Ipse, inquit, in dicto statuto, *Quia quorundam*, etiam dogmatizat, quod summus Pontifex in iis, quæ ad fidem et mores pertinent, potest suorum prædecessorum definitiones et dicta revocare, et ejus contrarium statuere, quod decernitur in eisdem ». Prima objectionis pars, nimirum affirmasse Joannem, decreta fidei a prædecessore edita rescindi posse, ex lectione Constitutionis refellitur: conspicuum enim est, rescindi non posse: de quo cum his non esset, major propositione argumenti ab adversariis facti scholastico more silentio præterita est, illustratur vero a Pontifice illius Constitutionis defensore¹ gemina ratione, tum quia veritas veritati contraria esse non potest; tum quia principalis decernens extitit Spiritus sanctus, ejusque minister fuerit Pontifex, atque adeo contra Spiritum sanctum, cujus instinctu decretum fidei editum, tendere non licet; alioquin quateretur fidei fundamentum juxta illud Augustini: « Ego Evangelio non crederem, nisi Ecclesiæ me commoveret auctoritas »; ea vero interiret auctoritas, si decretum fidei rescindi posset. Quod vero ad secundam partem objectionis a Ludovico factæ spectat; distinguendum est de iis, quæ ad mores spectant essentialiter, et de iis quæ accidentario pertinent: quæ essentialiter spectant, inconcussa esse nunquam Joannes in sua Constitutione negavit. De his vero, quæ spectant accidentario ad mores qualia erant ad Franciscanorum disciplinam spectantia, late disserit, variisque Pontificum exemplis et prædecessorum et Conciliorum Oecumenicorum decreta convelli posse demonstrat: atque in refellenda minori propositione argumenti adversariorum insisit, nimirum decreta prædecessorum circa regulam Minorum vel ejus elogium non fuisse decreta fidei, in quo tota adversariorum delirantium vis effundebatur. Ex his patet Ludovicum ex consilio improborum has fraterculorum fæces movisse, et paucorum apostatarum partes politico facinore suscepisse.

16. His ergo de causis Bavarus, falso contendens Joannem hæreticum esse, repetendæ ab eo ultionis dolore elatus, hanc sententiam protulit²:

« Denuntiamus et declaramus, pronuntiamus et publicamus præfatum Jacobum de Caturco, ex quo, ut dictum est, contra fidem Catholicam publice asseruit et statuit prædicta, et ea manifeste et notorie promulgavit et publicavit, et pertinaci-

¹ Guido sum. de hæres. c. 10. de hæret. — ² Ext. in Annal. tom. xiv. an. Chr. 1267. num. 73. et tom. xv. an. 1318. num. 11.

¹ Ms. bibl. Vat. sign. num. 4869. pag. 21, 22. — ² Ext. apud Nicol. Min. Ms. bibl. Vat. sign. num. 4008. pag. 80.

ter pro viribus defensavit, fuisse et esse censendum hæreticum notorium, et manifestum excommunicatum ab omnibus Catholicis evitandum, et quia de facto se gerit pro papa, ipsum privamus et deponimus, sive privatum et depositum nuntiamus, et omnes sententias et processus, omniaque per ipsum auctoritate papali sive pontificali a dicto tempore citra facta et gesta, nullos et nulla fuisse, nulliusque roboris et firmitatis existere». His Bavarus Marsilii et Janduni hæresiarcharum sequacem se ostendit, dum Romanum Pontificem exauctorare perterriti, tum subijci:

Insuper universis et singulis, sub nostro imperio dependentibus cujuscunque status, dignitatis aut conditionis existant, districte præcipimus et mandamus, quatenus nullus dictum Jacobum de Caturco hæreticum, excommunicatum, et omni dignitate, potestate et auctoritate privatum, de cætero habeat, reputet, sive teneat sicut papam, nec eidem pareat sive obediat tanquam papæ, nec in hoc præstet sibi auxilium, consilium vel favorem, publice vel occulte; nec ejus processus aut sententias, præcepta vel interdicta, a dicto tempore citra prolata, præsumat observare, nec eidem tanquam papæ et ejus nuntiis obedire. Quicumque autem contrafacere præsumperit vel venire, cum omnibus feudis, quæ ab imperio tenet, ac omnibus gratiis, privilegiis, libertatibus et immunitatibus a nobis vel prædecessoribus nostris eidem concessis, privamus: ad quas pœnas, omnes contrahentes post mensem a publicatione præsentium quoad Italicos, et post duos menses quoad alios nostro subjectos imperio, adstringi volumus et arctari. In quorum omnium testimonium atque fidem præsentem processum conscribi mandavimus, et nostræ imperialis majestatis Bulla Aurea signoque nostro imperiali solito jussimus communiri. Dat. et actum in Urbe Roma in platea publica extra Ecclesiam S. Petri, præsentibus clero et populo Romano, ac multis aliis principibus, tam Ecclesiasticis quam secularibus, episcopis, abbatibus, ducibus, comitibus et baronibus, ibidem nobis assistentibus, xvi die mensis Aprilis anno Domini millesimo trecentesimo vicesimo octavo, Indictione xi, regni nostri anno xiv, imperii vero primo ».

17. Ingenuisse ob tantum facinus bonos omnes, refert Joannes Villanus¹: notant enim Pontificem orthodoxi dogmatis assertorem, ac Ludovicum, fraterculorum fasciatum deliriis, illi calumniam hæreses impingere, fallacesque esse ejus argutias, quas ab impiis doctioribus hauserat. Ad quas refellendas non immeritum, cum Pontificis Commentarium, quo hujusmodi argumenta conflantur, allaturi simus², idque duntaxat addeamus ex Alvaro Pelagio³ ejus temporis scriptore statuta falsa hypothesi, Pontificem fuisse hære-

seos rite accusatum, haud tamen ad Ludovicum ejus causæ cognitionem pertinuisse: « Synodus etiam universalis » inquit Alvarus, « in eum, corrigibilem præsertim, jurisdictionem non habet, nec in eum sententiam depositionis profert etiam in hæresi; sed dicit ei: Ore tuo judica causam tuam, ut per e. In tantum xxi. di. Nunc autem ibi: Et dicit ei, scilicet papæ, Synodus universalis: Noli audiri in nostro judicio, sed collige in sinu tuo causam tuam; rursus: Quoniam ex te, inquit, justificaberis, aut ex ore tuo condemnaberis; et infra. ib. Et in arbitrio præfati Pontificis tribuit judicare judicium suum. Facit eadem di. In tantum, ibi: Quia ponens in cælum o vuum, lingua ejus transiente super terram, excommunicationem in S. Leonem papam dictavit. et xvn. § Hic etiam, ibi: Nec antedictæ Sedis antistitem, id est, papam minorum subjacuisse judicio; et ibi: Episcopi vero in Synodo præsidentes, congregata auctoritate Symmachi, quod est notandum, quod etiam in causa, quæ agitur contra papam, ipse Synodum congregabit, dixerunt: Symmachus papa Sedis Apostolicæ præsul ab hujusmodi oppositionibus impetitus, quantum ad homines respicit, sit immunis et liber: sed causam ejus totam Dei judicio reservamus, et per e. Nemo ix. q. iii. ibi: Neque ab omni clero: ubi de hoc notatur, quod Concilium non potest papam judicare: no. etiam Ostien. extr. de concess. præb. Proposuit, quod si totus mundus sentiret in aliquo negotio contra papam, quod sententiæ papæ standum esset, quod verum intellige, nisi esset causa fidei ».

At contra sensit cum Joanne XXII universus orbis Christianus in controversia de paupertate Christi, exceptis paucis apostatis religiosorum Ordinum; quocirca ejusmodi Fraticellorum hæresis in ipso præfata fomite orbem non pervasit. Licet autem universa Ecclesia in adversam sententiam contra Joannem inclinasset: peccasse tamen gravissimè Ludovicum in ferenda adversus eum sententiā ostendit Alvarus⁴, cum Romanus Cæsar in summum Pontificem etiam sentem nullam auctoritatem obtineat: « Quod papa, inquit, vel Ecclesia, vel clericis quilibet ab imperatore judicari non valeat, sed e contra, tum quia papa a Deo, non ab homine jurisdictionem recipit, et ab eo solo judicandus est, ix. q. iii a § Solo usque ad fi. q., tum quia imperator inferior xvi. di. Si imperator et c. Cum ad verum, extr. de mai. et obe. Solitæ, xxi. di. Interior »; et infra, « tum quia imperator filius est Ecclesie et non pater xvi. di. Si imperator: pater vero filium corrigit, non contra; unde et lex erubescit filios esse correctores patrum in aut. de nupt. § Si vero, xxiii. q. iv. Displect. versi. voluntas, xiii. xlv. § Salomon, xvi. di. Quis dubitat; tum quia imperator imperium tenet ab Ecclesia sicut vassallus fidelis, lxiii. di. Tibi domino Extr. in Clem. de jur. jur. Romani prin-

¹ Jo. Vill. l. x. c. 79. — ² An. Chr. 1329, num. 22, etc. —

³ Alvar. Pelag. de pœnis Eccles. l. i. c. 6.

⁴ Alvar. Pelag. eod. l. i. c. 68.

cipis: sed vassalli respondent sub iudicio domini, non contra, Extr. de judi. Ceterum, facit quod no. de foro compe. Verum, glo. fin. et quod legitur et no. xxv. q. v. De forma; tum quia imperator advocatus est et defensor Ecclesie. Extr. de elect. Venerabilem xcvi. di. Si imperator et c. In scripturis xi. q. ii. Sacerdotibus: tum quia imperator gladium recipit ab Ecclesia, ut supr. in principio istius operis probavi; sed qui gladium ab alio recipit, non illum, a quo recipit, percutit, aut iudicat cum eodem. Ad quod bene facit quod legitur et no. xcvi. di. Si imperator, ibi: Et contra illius beneficia pugnare videatur, a quo propriam consecutus est potestatem.

18. « Facit etiam quod legitur et no. Extra. de na. ex li. ven. c. i. optime quod legitur et no. Extr. de postu. c. ult. in glo. ult. tum quia papa non homo simpliciter, sed quasi Deus in terris est, psal. lxxxi. Ego dixi di estis. Extr. de transt. c. ii. et c. Quanto ut Ecclesia bene c. i. Sed homo Deum non diiudicat. Sed e contra, xi. m. aliorum, tum quia Moyses et Josue et Samuel, qui typum tenebat papa, sicut rectores populi generales iudicant populum Exod. et Josue quasi per totum. l. Regum vii. non e contra: tum quia papa non est de foro imperatoris, nec ratione papatus, quem non tenet ab imperio, sed a Deo, Joan. ult. xxi. dist. In novo, nec ratione alienius rei terrenae, quam ab imperatore teneat: nam etsi imperator donationem fecit Ecclesie de multis temporalibus. xcvi. dist. Constantinus; ipsam tamen donationem liberam fecit, nec fecit eum feudatarium suum, aut emphyteotam, aut vassallum, lxiii. di. Ego Ludovicus xvi. q. i. § Novarum et l. placet lxiii. q. ult. § Quamvis l. scimus: que donatio valida et perpetua est, ut no. præ. c. Ego Ludovicus. Si ergo papa non est de foro ejus, iudicari non potest per eum, ut extra de foro compe. per totum et xi. q. i. In primis et Extra. de re ju. c. Pastoralis in Clemen. ff. de juris. omn. juri. l. ult. Extr. de off. le. Novit. Extr. de const. ut animarum § fin. lib. vi. tum postremo, quia nedum non. super papam christum Domini, sed nec super aliquem clericum potestas aut jurisdictio datur cuicumque laico, quia sunt clerici inferiores laici et eis infesti, ut ii. q. vii. in primis xxii. c. Usque ad § Ex his. Extr. de accus. Cum p. Extr. de consti. Ecclesie Sancte Mariæ Extr. de re Eccl. non ali. Cum laicis xcvi. di. Bene quidem xi. q. i. In primis xxv. c. usque ad § Cum ergo; tum quia hoc quod juris erat de facto et sancta consuetudine et debita reverentia hoc omnes reges et Romani principes servaverunt, xi. q. i. Sacerdotibus xcvi. di. In scripturis xvii. di. § Tunc est ».

19. At si imperator justus reum Pontificem iudicare non potest, multo minus designatus rex discordibus suffragis, Pontificique sententia exauctoratus, propugnator adversæ factionis ex dolo politico et apertus hostis justum Pontificem fidei assertorem jure damnare potuit, ut adversus

Ludovicum Bavarum idem Alvarus argumentatur his verbis: « Quod autem Bavarus in imperio intrusus, olim dux Bavarie cum populo stulto et infideli et furioso, et clero phantastico Romano, adulfante sibi, in furia Theutonica et in insipientia sua et vindicta dominum papam Joannem XXII, in cujus tempore scribo hunc librum, deposuerunt in Urbe ». Et infra: « Hoc minus etiam est ad consequentiam deducendum, quia nedum imperator non est, sed intrusus in imperio et tyrannus et lupus rapax, devorans nedum oves Ecclesie obedientes sancte Ecclesie matri suæ a dextris stantes, Jo. x, sed etiam hædos putidos et olidos secundum glo. Matth. xxv, stantes a sinistris, faventes sibi, filios degeneres et infirmulos, xcvi. di. In Scripturis; et hostis Ecclesie manifeste xcii. di. Si inimicus, et ab ea justo iudicio reprobatus Extr. lib. vi. Fundamenta §. Quid plura; et ab eodem papa Joanne de hæresi sententialiter condemnatus. Qualem ergo sententiam dare potuit in imperio intrusus contra papam Catholicum, cui tota Ecclesia, sicut tenetur, obedit et tenet eum pro papa, non auditum, non confessum, non convictum, non rei evidentia hæreticum? contra illud xxi. di. Nunc autem, ix, q. iii, Nemo ii, q. i. Nos in quemquam eum. v, c. seq. Extr. de cohæ. cle. et mu. vestra et c. ultim. Ext. in Clem. de re iudicata Pastoralis cum multis si. quæ enim ab intrusis fiunt non tenent, ut legitur et no. de cons. di. i.

« Ille ergo quomodo potuit, quia non potuit, iste Bavarus dominum papam Joannem accusare, cum sibi non obediat? iii. q. iv. Alieni ibi: Aut Apostolicæ Sedis jussionibus inobedientem suscipere non debemus, supple in accusationem. Item quia infamis, quia jussa Apostolicæ Sedis libenter transgreditur: caus. c. et q. ca. Si quis. Item Bavarus contra papam conspirator cum suis Gibelliniis fuit, non dico de omnibus. Ergo papam accusare non potuit, c. causa et q. Conspiratore. Item excommunicatus multis excommunicationibus papam accusare non potuit, caus. cad. Nullus etc. Omnes. Item Bavarus papæ insidiator et detractor ab accusatione sua repellitur caus. c. et q. Clericus qui etc. Detractores. Item Bavarus sacrilegus propter multorum clericorum et religiosorum captivem, et multarum Ecclesiarum et monasteriorum invasionem, xii. q. i. Nulli c. Qui abstulerit, c. De viro xvii. q. iv. Sacrilegium c. Omnes raptores c. Qui rapit c. Si quis suadente et quasi per totum. Vide hic de Bavaro usque ad vers. seq. qui incipit, Ad hæc etiam. Et xxvi. q. iv. Quid ergo Extr. lib. vi. de re judi. Ad Apostolicæ. Nedum non papam, sed nec alium accusare potest, iii. q. iv. Nulli unquam et q. v. Constituimus.

« Item Bavarus, Ecclesie et domini papæ publicus hostis et inimicus capitalis, papam accusare non potuit, nec in eum sententiam ferre, etiamsi alias iudex suus fuisset, iii. q. v. Accusatores, etc. » Et infra: « Item iste Bavarus armavit se

contra papam ad litteram et secundum glo. conviciendo, vel diffamando eum. Ergo contra eum vel contra quemlibet episcopum admitti non debet in aliquo ad hoc. III. q. Omnes, Omnes qui adversus patres armantur ut patrum invasores infames, esse censemus». Et infra: «Quoniam jubent canonica decreta patrum, ut accusatio vel testimonium eorum, qui odio quolibet persequuntur, vel qui inimici aut suspecti habentur, nullo modo recipiantur idem. VI. q. 1. Sacerdotes. Quod autem contra eum sententiam ferre non potuit inimicus, patet. III. q. v. Quod suspecti ubi de hoc; unde dicitur ibi, quod suspecti et inimici iudices esse non debent, ut ipsa ratio dicat, et plurimis probatur exemplis: nam quid gratius et amabilius dare quis inimico potest, quam si ei ad impetendum commiserit quem ledere forte voluerit?» Et infra: «Ubi Athanasius a suo patriarcha canonice condemnatus, quia proclamavit, quod inimicus esset, a Synodo Chalcedonensi recipere suam Ecclesiam iudicatur.» Et infra: «Quæro, inquit, iudicium, quod prætendunt, ubinam possit agitari? an apud ipsos, ut iidem et inimici sint et testes et rei iudices? Quod si in iudicio, ubi iidem sunt inimici qui iudices, nec humana committi debent iudicia, quanto magis divina, id est Ecclesiastica, quis sapiens et non intelligat?» Et infra: «Nam quodammodo naturale suspensorum iudicium insidias declinare, et inimicorum iudicium velle refugere, et c. De istis inimicis legitur et no. extr. de off. de l. Insinuante, ubi etiam no. quod minor inimicitia repellit iudicem quam testem et de accu. Quam oporteat. Item Bavarus excommunicatus et hæreticus condemnatus dare sententiam non potuit contra papam, Extr. de re jud. Ad probandum, xxiv. q. 1. § Sin autem. Cum si. Quomodo ergo miser iste Bavarus secularis et inferior, et tot dictis laqueis irretitus procedere potuit contra papam contra illa omnia, c. xxi. di. § In his omnibus, cum c. seq. usque ad fl. di. Sed et Concilium, vel potius conventiculum, quod Rom. super hoc fecit (tunc prope Romanam eram per tres leucas in eremitorio montis Compatriis, a persecutione et facie Bavari fugitivus in terra Guelforum) acephalum liquet esse, ubi de tanta potestate, scilicet domini papæ, agebatur, et majorum non fuit expectata sententia, ut xxi. dist. Submittitur. Vere etiam potest dici in hac parte Bavarus bestia lapidanda, quia montem tetigit. Ad Hebr. xii. Exod. xix.»

20. *Egregium Jacobi Columnæ facinus.* — Nec defuere qui Ludovici lacinus in ipsa Urbe Romana, ejus oppressa armis, publice reprehenderint intrepide: refert enim Joannes Villanus¹, Jacobum Columnam Stephani filium xxii Aprilis die in S. Marcelli area Pontificiam sententiam adversus Bavarum latam coram nullo Romano et eo amplius perlegisse, contestatum syndicum cleri

Romani verum non extitisse, qui adversus Joannem papam verba fecisset; ipsum enim abfuisse, et clerum, nimirum Lateranensis, Vaticanæ, ac S. Mariæ Majoris Basilicorum canonicos et alios præcipuos auctoritate clericos, ac viros religiosos Prædicatores et Minoritas, aliosque præpotentis hostis vim fuga declinasse; reliquos, qui cum Ludovico sentirent, anathematis nota inustos, neque Bavarum verum imperatorem esse: deinde foribus S. Marcelli Pontificiæ sententiæ membranæ affixis, cum quatuor sociis præcipiti fuga Præneste se recepisse admodum ex eo casu Urbe commota, ac Ludovico fremente, tardiusque ad eum comprehendendum equites immittente. Subdit Villanus, collaudatam a Joanne Jacobi constantiam, ipsunque creatum episcopum fuisse.

21. *Impia lex Ludovici in Pontificem.* — Insequenti a divulgata Romæ a Jacobo sententia Pontificia Ludovicus improborum consilio aliud facinus de redigendis in servitatem futuris Pontificibus est molitus, statuens enim hanc Marsilii hæresim, Pontifices non a Christo sed ab imperatore Pontificum jus accipere, ita ipsos esse voluit legibus imperialibus obnoxios, ut si eas transgredierentur, omni Pontificia auctoritate exuerentur, hancque sanctionem edidit¹: «Summus Pontifex in Urbe Romana continuam residentiam facere teneatur, nec extra Urbem prædictam seu per duas vulgares diætas longe ab ipsa Urbe possit ullo modo absentare absque cleri et populi Romani petita licentia et obtenta; nihilominus in casu præmissio in Urbe præfata Sede cum consistorio remanente. Si vero talis summus Pontifex contra præscriptam formam se absentare præsumperit, et a clero populoque Romano tertio monitus infra terminum, eidem per dictum clerum et populum moderandum, ad Urbem Romanam non redierit celeriter, ibidem ut præmittitur continue moraturus, ipso jure Pontificatus sui honore et dignitate presentis Constitutionis auctoritate volumus fore privatum; decernentes ad alterius summi Pontificis electionem procedi debere, ac si per mortem ipsius naturalem de alio electionem fieri immineret. Data Romæ apud S. Petrum sub sigillo majestatis nostræ anno Domini mcccxxviii, die xxiii mensis April. Indict xi, regni nostri anno xiv, imperii vero i.»

At si Christus vicarium suum orbi dedit, non is utique Cæsarea, sed divina tantum lege collatam a Deo auctoritatem amittet: ni forte Romanus imperator Deum etiam sibi esse obnoxium contenderit, qui ad cæsareum imperium vices suas modo huic modo illi conferret. Voluit utique Marsilius secleris auctor Græcorum imperatorum, qui patriarchas suos ut vilissima habebant mancipia, tyrannidem impietatemque instaurari in Occidente; cum tamen id in summo Pontifice quam in patriarcha pertentare atrocioris sit flagitii. Me-

¹ Jn. Vill. l. x. c. 71.

¹ Ext. in Ms. sched. Vall. bibl.

minit de superiori edicto contra supremam Pontificis auctoritatem conscripto Joannes Villanus ¹ illudque ut par est, damnat.

22. Prodit se præterea illius edicti temeritas, dum Romanis eligendi Pontificis jus confert, cum illud nonnisi a Sede Apostolica conferri possit. Ad quos autem id vere spectet, illustrat Petrus Paludanus ² qui primum de Pontificatu Antiochiam Romanam translatam ita præloquitur: « Est, inquit, advertendum quod Sedes Petri non dicitur prima, in qua sedit, sed ultima in qua finaliter resedit, legitime translatus. Petrus qui super universalem Ecclesiam sedit, a principio nullam determinatam sedem sibi appropriavit; sed sedem Jerosolymitanam Jacobo fratri Domini dimisit. Postea vero Antiochiæ primo sedit: sed et illam sedem reliquit Ignoto martyri discipulo S. Joannis Evangelistæ. Postea vero Romanam venit, et illuc sedem suam transtulit, et immobiliter illic resedit: unde non Antiochiæ primo, sed Romana ultima debet dici Sedes Petri. Verum qui in Sede Romana legitime constituitur, successor Petri efficitur, et per consequens plenus et perfectus vicarius Christi. Aliud autem est de electione episcopi, aliud archiepiscopi, quia electio episcopi debet pertinere ad clericos omnes suæ diocesis, vel ad majores clericos, sicut ad Ecclesiam cathedralem, quia præficitur solum diocesi; sed archiepiscopus præficitur suæ diocesi specialiter et toti provincie communiter: qui autem omnes tangit, ab omnibus debet approbari; unde, quantum est de primilivo jure eligendi, non ad solam Ecclesiam cathedralem cuius specialiter interest, sed ad suffraganeos, quibus præficitur, spectat electio archiepiscopi: et ita olim servabatur: propter quod in electione B. Nicolai metropolitani Myrensis Ecclesie conveniunt episcopi suffraganei tanquam principales, ad quos solos electio pertineret, si archiepiscopus nullam sedem determinatam haberet. Sed quia difficile est semper suffraganeos convocare, constitutum est de consensu omnium, ad quos spectat, quod ad solam Ecclesiam spectat electio archiepiscopi, sicut et episcopi. Si ergo Petrus mortuus fuisset antequam Romæ Sedem elegisset, ad primitivam totam Ecclesiam, vel ejus consensu ad solos Apostolos quasi suffraganeos pertinuisset electio successoris Petri: sed postquam Romæ resedit, de jure communi et ad patriarchas ratione, universalis Ecclesiæ, et ad clerum Romanum ratione appropriationis spectat electio, ut videtur. Sed quia difficile erat patriarchas convocare, nec erat tutum simplicibus canonicis totum negotium committere, papa loco patriarcharum et canonicorum Romanorum cardinales instituit, qui papam eligerent, concurrente tamen ad hoc consensu Ecclesiæ generalis, sicut infra plenus ostenditur; unde qui sic in Romanum Pontificem eli-

gitur, est verus Petri successor, et Christi plenus vicarius; unde dicit canon Concilii Chalcedonensis: Si quis prædicatur infamis, liberam habeat licentiam appellandi ad beatisimum antiquæ Romæ, quem habemus Petrum, petram refugii cum ipsi soli libera potestate loco Dei sit jus discernendi (de) episcopi criminalis infamia secundum claves a Domino sibi datas ». Ex his ergo patet ad cardinales solos, non ad reliquum clerum Romanum eligendi Pontificis jus spectare.

23. *Ludovici in Pontificem sententia capitalis lata, cujus singula capita exploduntur.* — Porro a memorato edicto promulgato recurrente quinto die, suadente hæresiarcha Marsilio, Ludovicus capitali sententia ¹ summum Christianorum antistitem damnavit; tantoque scelerei duas causas prætexuit, nimirum orthodoxum dogma a Joanne assertum defensamque Christi gloriam, et ob id egregium facinus hæreticum illum esse vocitabat: alterum ob imperii in ambigua duorum Cæsarum electione administrationem veteri instituto susceptam, defensumque jus Pontificum, ad quod spectabat eam controversiam legibus dirimere; et hanc Joannis constantini, læsæ majestatis crimen appellavit. Replevit Marsilius ² mendaciis, calumniis, hæresibus impietatisque fœdissimis notis hanc posteriorem Ludovici Bavari sententiam, cujus errores Catholicis doctores ejus temporis confutaverunt. Primum tanquam fundamentum statuit, ut se non fuisse jure cæsareo exauctoratum probet, scilicet imperium æque ac sacerdotium independentem et sine medio a Deo traxisse principium, ut nimirum sacerdotium divina exerceat, imperium autem humanis præsideat. Sed maximum inter utrumque inesse discrimen, illustrat his verbis Hervæus ³, neque ea æque independentia.

« Sciendum, inquit, quod licet ita sit, quod omnis dominus et omnis præsidens, sive in temporalibus sive in spiritualibus, sit aliquo modo vicarius Christi, seu Dei; tamen non eodem modo principes temporales et papa sunt vicarii Dei, quia principes temporales, qui acceptantur ad regimen populi ex ipsius consensu, non instituuntur vicarii Dei expresse et immediate, nisi aliqui reges fuerint qui revelatione Dei expressa fuerint instituti: sed possunt dici instituti a Deo implicite et mediate, in quantum a Domino inditum est rationi humanæ, quod bonum est aliquam potestatem esse eminentem aliis, quæ possit compescere malos, qui scilicet nocent reipublicæ humanæ ut humana est, et possit conservare pacem bonorum a molestiis talium: unde sufficit, quantum ad hoc, potestas talis institui, per quam præsidens possit compescere molestias et conservator esse boni humani in reipublica: nec ad potestatem talium pertinet ordinare populum ad gratum obsequium

¹ Jo. Vill. l. x. c. 72. — ² Pet. Palud. de potest. Eccl. Ms. bibl. Vat. sign. num. 4109.

¹ Ext. apud Nic. Mun. sch. Ms. bibl. Vat. sign. num. 4008. pag. 23. etc. et in Ms. sched. Vat. bibl. — ² Muss. in Lud. Bav. — ³ Hervæ. de jurisd. Eccl. Ms. bibl. Vat. sign. num. 4109. p. 196.

Dei, modo quo fides Christiana potuit, vel etiam quod attendat acceptationem divinam, sicut fides nostra docet : propter quod quia conjectura ordinata de bono humano pertinet ad rationem et voluntatem humanam, ideo sufficit ad institutionem talis potestatis consensus humanus. Primus autem papa, scilicet Petrus, in tali potestate et tali statu expresse institutus est a Domino, ut ejus vicarius : ita quod ejus praelatio et potestas est potestas, quæ est expresse et proprie loquendo potestas vicarii alterius, et hæc vicaria commissa est sibi expresse quando dictum est sibi : *Pasce oves meas* ; unde potestas Petri expresse est potestas vicarii expresse deputati a Christo super oves suas, etc. Patet minor, quia potestas papæ, quæ succedit Petro non solum ut simplici episcopo, sed ut generali vicario Christi in tota universali Ecclesia, est potestas vicarii Christi proprie dicti : et per consequens patet consequentia, scilicet quod institutio potestatis papalis pertinet ad solum Christum, cujus est expresse vicarius, etc. »

24. Falsum etiam est imperium inter fideles independentem a sacerdotio duxisse a Deo principium, quod Alvarus Pelagius episcopus Silvensis pluribus auctoritatibus confirmat¹ : « Sicut, inquit, unus Christi sacerdos et rex dominus omnium, sic unus in terris et omnibus vicarius generalis. Ad hoc Hier. 1 : *Ecce constitui te hodie super gentes et super regna, etc.* Jeremias autem sacerdos fuit typus papæ : sic argumentatur Innocentius III. Extr. de majoritate et obedientia. Solitæ § Nos autem, ibi : Ut alienum a suo demonstraret ovili, qui Petrum et successores ipsius magistros non cognosceret, et pastores ; pastores autem accipiuntur a Christo pro dominis ovium, Jo. x. ». Et infra : « *Quodcumque ligaveris super terram, etc.* Matth. xvi. I Cor. xv, Hebr. n. et dict. ca. Solitæ nihil excipiens, qui dicit : Quodcumque, xxi. dist. Cleros, ibi : Antea autem Pontifices et reges erant, etc. Psal. xcviii. Et Samuel inter eos, qui invocant nomen ejus. Item Samuel invocator nominis Domini, licet non sacerdos, figurans papam, populum Israel cunctis diebus suis judicavit, et rexit Israel, I Regum vii. ad fidem. Item Melchisedech sacerdos Dei altissimi rex Salem, id est, Jerusalem fuit gen. xiv. ultra medium, quia typum Christi tenuit Psal. cix : *Tu es sacerdos in æternum* ; et sic papæ vicarii Christi Extr. de transl. Quarto item Moyses sacerdos, Psal. xcviii. *Moses et Aaron in sacerdotibus ejus.* xxii. di. c. n. et no. xxii. di. § 1. et lxvi. di. Porro ; qui gerit personam Christi, de pen. di. iii. Inter hæc. Etrexit in tota vita sua populum Israel, exod. vii. ibi : *Ecce constitui te Deum Pharaonis* ; et papa Deus est imperatoris », id est superior quod ad directionem attinet, quod alibi hisce argumentis confirmat idem Alvarus², « Item omnis potestas, quæ in Ecclesia est, a Deo

est : *Non est potestas nisi a Deo*, Rom. xiii. xi. q. iii. Qui resistit, et Joan. xix. *Non haberes in me potestatem ullam, nisi tibi datum esset desuper*, facit xxiii. q. 1. Quod culpatur. Sed *quæ a Deo sunt ordinata sunt*, ut dicitur ibidem Rom. xiii. Ergo istæ duæ potestates spiritualis et temporalis, quæ sunt in Ecclesia, ordinatæ sunt. Non autem essent ordinatæ, sed potius dissipatæ, si una alteri minime subderetur, facit lxxxix. dist. Ad hoc. Igitur una alteri subjecta est. Sed non spiritualis temporalis, ut xxvii. dist. Quis dubitet cum seq. Ergo temporalis spirituali tanquam digniori, xvi. di. Duo sunt. Item omnis potestas dependens in esse ab alia sicut a totali causa, est illi subjecta. Sed potestas temporalis est hujusmodi respectu spiritualis. Igitur est illi subjecta ». Et infra : Item sicut videmus in majore et minori mundo naturali, sic et in mundo mystico, id est, id congregatione hominum, et maxime fidelium debemus arguere esse : Sed in majore mundo naturali videmus, quod corpora inferiora regulantur et subjiciuntur corporibus cælestibus ; et corpora cælestia spiritibus, scilicet intelligentiis et motoribus : ita similiter et in minori mundo, id est, in homine, corpus regulatur et subjicitur animæ naturaliter et ab ea vitam recipit, ad hoc lxxxix. di. ad hoc de pen. di. 1. Resuscitatus sub §. Hoc idem secundum Aug. x. de Civitate Dei c. vi. anima utitur corpore sicut stimulo et instrumento. Igitur sic erit in mundo mystico, qui est universalis Ecclesia, quæ potestas temporalis regulabitur et subjicietur spirituali, et per consequens imperator papæ ».

25. Urget hoc argumentum Robertus card. Bellarminus³ in libro de Romano Pontifice, ostenditque ut conjunctæ carni ita præest spiritus, ut si actiones carnis fini spiritus officiant refrænet sensus, carnem maceret, imo et aliquando, ut in martyribus, morti objiciat ; ita politicam potestatem conjunctam et subjectam spirituali inter Christianos, ut si politica aberraret ab ultimo fine, a spirituali coercenda sit : imperare vero politicæ spirituales probare pergit Alvarus :

« Illa potestas principatur et imperat alteri potestati, ad ejus actum tanquam ad finem ordinatur actus alterius potestatis. Sed ad actus proprias potestatis spiritualis, qui sunt Deum colere in sacrificiis, quibus vult ab homine coli, et regenerare homines sacramentis eos ordinantibus ad vitam æternam, immediate ordinatur potestas temporalis sive imperialis et ejus actio sicut ad finem, dicente Augustino v. de Civitate Dei c. xxiv : Nec enim nos Christianos quosdam imperatores ideo felices dicimus, quia vel diutius imperarunt ; vel quia imperantes filios morte reliquerunt ». Et infra : « Sed si juste imperant, et potestatem suam ad Dei cultum maxime dilatandum ordinant. Unde et Isidorus : Cognoscant principes sæculi Deo se debere esse reddi-

¹ Alv. Pel. de planet. Eccl. l. 1. c. 13. — ² Eod. lib. c. 37.

³ Bell. l. v. de Rom. Pont. c. 6.

turos rationem propter Ecclesiam, quam Christo tuendam suscipiunt, et c. xxii, q. v. Principes. Igitur potestas spiritualis imperat temporali, et papa imperatori. Confirmatur etiam hoc, quia illa potestas, quæ immediatius et directius ordinatur ad finem simpliciter ultimum consequendum, est simpliciter sublimior illa, quæ nonnisi mediante illa ordinatur ad consequendum illum; ita quod sicut finis est sub fine, sic et potestas sub potestate xi, q. iii. Qui resistit. Sed potestas spiritualis immediate ac directe ordinatur ad finem simpliciter ultimum consequendum, scilicet vitam æternam, xcv, di. Esto ver. Recordemur. Potestas vero temporalis nonnisi mediante spirituali, pro quanto scilicet ordinatur ad cultum Dei dilatandum et defendendum, ut per c. Principes, qui cultus est actus potestatis spiritualis. Ergo potestas spiritualis est simpliciter sublimior temporalis ». Et infra :

« Christus est Rex regum et Dominus dominantium. Igitur et papa ejus vicarius est et rex. Hoc est etiam quod dicit Apostolus ad Ephes. i quod Deus omnia subiecit sub pedibus Christi, id est, sub humanitate ejus secundum glo. quia sicut pes est inferior pars corporis, ita humanitas est inferior natura in Christo, et *ipsum dedit caput super omnem Ecclesiam, quæ est corpus ipsius*: ubi gl. dicit, quod proprie dicitur caput Ecclesie secundum humanitatem, secundum quod conjungitur ei natura et gratia. Sed papa solus est ejus vicarius, ut saepe dictum est. Igitur ipse solus est caput Ecclesie militantis, vel tenet capitis Christi locum, cui omnia membra Ecclesie sunt subjecta ut Christo, qui fuit rex et sacerdos. Ad hæc xix, di. Ita Dominus. Extr. lib. vi de elect. Fundamenta: unde et Petro vicario suo dixit Jo. i: *Tu vocaberis Cephias*, quod latine sonat caput, eo quod pro capite sit constitutus Apostolorum, ut dicit Papias xxi dist. In novo xxii di. c. i. Unde et clerici qui sub nullius disciplina vel providentia episcopi vivunt, acephali vocantur, xcn di. Nulla ratione.

« Item apud illum residet regalis sive imperialis dignitatis plenitudo, cui de jure competit imperium transferre, quod est uni auferre et alteri conferre; jus est potestatem eligendi imperatorem tribuere, electum examinare, inungere, consecrare, et per consequens approbare vel reprobare. Sed hæc omnia de jure competunt papæ, ut dicitur Extr. de elect. Venerabilem, et in Clem. de jure jur. Romani principes, et in Clem. de re judicata. Pastoralis curæ, et Extr. li. vi de re judi. Ad Apostolicæ; et de hoc supra dixi in xii c. ver. item tenet. Facit ad hoc quia papa privat etiam reges regnis, et substituit alios et absolvit fideles a fidelitate eorum, potest etiam nedum ipse sed etiam quilibet episcopus, (justa nimirum de causa, ac ni prohibeantur ab Apostolica Sede), reges et imperatores excommunicare: ad hæc xv q. iii. Alius et c. Nos juratus Extr. lib. vi, de sup. neq.

li. præ Grandi xcvi, di. duo. Item apud illum residet potestatis plenitudo, ad cujus judicium referri debet omne arduum vel ambiguum vel difficile, tam in spiritualibus quam in temporalibus. Sed talis est papa ut per c. Per venerabilem extr. q. li. Sint legi, etc. Item ille est simpliciter prælatus omnium et monarcha, ex cujus judicio pendent omnes, et qui pro omnibus est redditurus in divino judicio seu examine rationem, hi enim sunt actus prælati. Sed papa est hujusmodi, ut xcvi di. Duo sunt, et ix, q. iii. Aliorum. Ergo etc. Elsi dicatur quod est monarcha in spiritualibus et non in temporalibus, non est verum, quia propter contemptum in spiritualibus papa punit imperatorem in temporalibus, xcn, id. Adrianus.

26. « Item ille est major alio, qui ipsum judicare, et a quo judicari non potest. Sed papa potest imperatorem judicare et omnem hominem, et a nemine judicari, xl, di. Si papa et ix, q. iii. Nemo. Ergo, etc. et de hoc supra dixi. Item luna a sole recipit luminis dignitatem; et imperator luna a papa sole culminis dignitatem, sic arguitur per c. Solitæ Extr. de major. et obed. Item Hugo de sacramentis lib. ii, part. 2, c. iv dicit, quod quantum vita spiritualis dignior est quam terrena, et spiritus quam corpus, tantum spiritualis potestas terrenam potestatem sive sæcularem honore ac dignitate præcellit, nam spiritualis potestas terrenam potestatem et instituere habet ut sit, et judicare habet, si bona non fuerit: ipsa vero a Deo instituta est primum, et cum declinat, a solo Deo judicari potest, sicut scriptum est I Cor. ii: *Spiritualis judicat omnia, et ipse a nemine*; et hoc declaratum est expresse in populo Israelitico, ubi primum a Deo sacerdotium institutum est; postea vero per sacerdotium, jubente Deo, regalis est potestas ordinata. Audi vocem populi in omnibus, quæ loquuntur, Reg. viii: *Dedit eis regem Saulem*.

« Item Ambrosius ostendit in suis scriptis, quod aurum non tam pretiosius sit plumbo, quam regia potestate sit altior ordo sacerdotalis. Item idem: Sublimitas episcopalis nullis poterit comparationibus adæquari, si regum fulgori compares et principum diademati, longe erit inferius quam si plumbi metallum ad auri fulgorem compares: quippe cum videas regum colla et principum submitti genibus sacerdotum, et osculata eorum dextera, orationibus eorum credant se communiri, xcvi, di. duo sunt. Item Joannes papa: Imperatores Christiani subdere debent executiones suas Ecclesiasticis præsulibus, non præferre, xcvi di. Si imperator in fi. Dicendum est ergo, quod apud papam residet vere et originaliter utriusque potestatis et jurisdictionis plenitudo ».

Ut vero illa temporalis potestas aliter in ipso quam in principe consistat, explicat inferius Alvarus¹: « Præhabet, inquit, potestatem tempora-

¹ Alv. l. i. c. 56.

lem, non tamen secundum eundem modum, secundum quem habetur a principe temporalis; sed modo digniori et perfectiori: non enim sic habet eam, ut exerceat ejus opera immediate, nisi in aliquibus casibus, Extra qui fi. sint leg. Per venerabilem § Rationibus; sed agit opera ejus nobiliori modo, scilicet imperando et dirigendo, et ad suum finem operibus ejus utendo. Propter quod principes omnes temporales obedire debent ei, apud quem spiritualis potestas in summo residet, tanquam summo Domino nostro Jesu Christo; Extra. de ma. et obe. Omnes principes; et ipsum sicut superiorem et sicut caput recognoscere, ipsique revereri et honorare, atque ei subiacere. Pervertit nisi sunt hunc ordinem Ludovici consultores impii, qui Christi vicarium in servitium redigi, ac veluti plebium Germanum subiacere voluerunt.

27. Præterea objicit Bavarus velut immane facinus Joanni papæ, indictum fuisse ab eo sacrum bellum tyrannicis Gibellinis; et Christi fideles in illos sacris præmiis concitatos: quod asperiori verbo vocat, abusus gladio sanguinis, et indulgentias pro homicidiorum stipendiis contulisse. At juste sacrum bellum a Pontifice non modo contra infideles, sed etiam improbos Christianos divini humanique juris eversores geri, demonstrat Augustinus Triumphus Eremitanæ S. Augustini familiæ religiosus vir hisce verbis: « Dicendum, inquit, quod Christiani cum peccant, gravius puniendi sunt, quam pagani vel Judæi; promittunt enim in Baptismo diabolo et pompis ejus renuntiare, et ipsi Christo per fidem et charitatem incorporari: si ergo contingat aliquos Christianos diabolicis instigationibus sic superari et implicari, ut tunicam Christi inconsutilem velint scindere, et a capite Ecclesie tyrannica violentia se subtrahere, tanquam mendaces effecti promissionis factæ in Baptismo per crucem Christi compescendi, sunt magis quam pagani vel Judæi, quia ut dicitur II Petri II: *Melius erat eis viam veritatis non cognoscere, quam post agnitionem retrorsum reverti ab eo sancto mandato, quod traditum est eis*; et signanter dicit melius, quia minus malum est pati injuriam ab extraneis, quam a familiaribus amicis, ut glo. dicit ». Ad argumentum adversariorum contententium, cruceatam militiam in Christianos cruce insignitos non effundendam, respondet idem Augustinus: « Non ejicitur, inquit, cruce signatus cruce in quantum est crucis Christi imitator, sed ut est vicarii Christi contemptor, et membrorum Christi persecutor: dicit enim Chrysostomus in Homilia de Laude Crucis, quod crux Christi est consolatio pauperum, refrænetio divitum, destructio superbiorum, tyrannorum poena, triumphus contra demones, obsessorum murus, pater orphanorum, defensor viduarum ». Licet vero belli exitus fefel-

lerit Pontificem, haud tamen consilium ex eo demandandum; sed divina adoranda providentia, quæ etiam cruce signatos exercitus ab infidelibus deleri sæpius passa est.

28. Ludovicus porro post detorta in alienum sensum aliqua divina oracula, ut se Pontifici auctoritati subducat, hanc conclusionem elicit: « A Deo in ipsa electione jurisdictionem et potestatem in temporalibus nos soli recipimus, dum eo ipso quod sumus electi et confirmati, nulla prorsus confirmatione fienda per hominem indigemus ». Primum in his Ludovicus ab avitis legibus deflectit: Henricus enim, ut antiquiores præmittant, Albertus, Rudolphus, ceterique Germani Cæsares, ut publica eorundem monumenta doceant, etiam concordibus electi suffragiis, agnovere Pontificia se indigere confirmatione, eamque nuncupato fidei sacramento poposcere. Præterea quamquam in ipsa electione a Deo Cæsarea jurisdictionis confertur, haud tamen negandum, quin medio Pontifice, qui septemviratum constituit, mediis principibus qui eligunt, mediis imperii ordinibus qui consentiunt, conferatur: quod ita illustrat Alvarus:

« Ad illud c. xcvi. di. Si imperator, ubi dicitur, quod divinitus imperator consecutus est suam potestatem, et ad illud quod dicitur ibi in glo. argumentando, non ergo a papa; respondeo quod hoc non sequitur ex textu, sed est fallacia consequentis: sicut non sequitur, Gentes divinitus sunt consecutæ Baptismum. Ergo non mediantibus Apostolis; similiter, Aaron et filii ejus divinitus consecuti sunt sacerdotium. Ergo non mediante Moyse, cum Exod. xxvii dixerit Deus Moysi: *Vesties his omnibus Aaron fratrem tuum et filios ejus cum eo et cunctorum consecrabis manus, sanctificabisque illos ut sacerdotio fungantur mihi*. Et de hoc xxi. dist. 53. i. ibi: Qui ex præcepto Domini Aaron, etc. Sic quod papa facit, Deus facit, Extr. de translatione, Quanto ver. non enim. Et quod imperator habet ab Ecclesia, a Deo habet. Numquid enim non habet approbationem sui juris, consecrationem, unctionem et diadema a Deo, ex quo habebat a papa? ut præ. c. Romani principes de jurejur. Quis sapiens negaret hoc? Deus enim aliqua facit immediate, ut quæ creat; aliqua vero mediante creatura in exemplis positæ supra, et in Exodo frequenter dicitur: *Locutus est Dominus ad Moysen*; et intelligunt sancti per interpositam creaturam per Angelum, et utraque possunt dici divinitus esse facta. Ad. c. iv. xxiii. q. iv. quod dicit, potestates temporales a Deo fuisse concessas; verum est, quia omnis potestas sive imperialis, sive alia, a Deo est immediate et principaliter, ad Rom. xiii. in prim. xxiii. q. i. Quia culpatur; et mediate, quia potestas sub potestate est, xi. q. iii. Qui resistit, quia miles a potestate recipit gladium, xxiii. q. v. Miles et imperator ab Ecclesia, ut supra plurimum est probatum ».

29. Quod vero Ludovicus ut rite patrare faci-

¹ Aug. Triumph. de potest. Eccl. q. xxvi. art. 5.

nus videatur, jactat sibi soli gladium divinitus ad vindictam malefactorum traditum; auctoritatis suæ limites plus æquo amplificat, dum gladium vertit in Pontificem: etsi enim statuamus justum Cæsarem fuisse, is certe tantum in subditos Germanos Italosve aliquos, non in alios puta Gallos, Anglos, Hispanos Polonosve malefactores exercere potuit: multo minus in Pontificem, a quo gladii potestatem mediis electoribus acceperat, eique fidem addicere sacramento tenebatur, quem Gallus, Hispanus, Boemus, Polonus, Anglicus, Siculus, Ungarus, Danus, Norwegus, Suecus, Cyprinus, Rhodius, Armenus, ut patrem et dominum colebant; quemque etiam ipse Germanus Cæsar singulari alio titulo tanquam fidei sacramento obstringendus avito jure et exemplo pari obsequio complecti debebat. Producta jam sunt a nobis de ea re plurimum Cæsarium monumenta; nunc quæ de his adversus schismaticos scripsit Alvarus¹, breviter perstringemus: «Item, inquit, nulli dubium est, quod imperator fidelis est Ecclesiæ, et fidelitatem sibi jurat, sicut sepe supradictum est, LXII, di. Tibi domino et Extra. de jurejurando, Romani principes Clem. Et inde est ratio quare facilius papa contra ipsum procedit ad depositionem, quam contra alios reges; et papa sibi enssem porrigit, et ipsum coronat et inungit tanquam defensorem principalem Ecclesiæ et protectorem Ecclesiasticæ libertatis. Et quod non administrat ante confirmationem papæ, licet contra no. Inno. et Ostien. Extr. de elect. Venerabilem, et supra dixi, apparet præcipue per quamdam Extravagantem apologeticam domini Innocentii IV, qui deposuit Fredericum, quam per totum orbem misit: dicit enim ibi Innocentius inter alia: Aliud enim est in aliis regibus, qui a suis Pontificibus inunguntur, Extr. de sacra unct. c. 1, a quibus pro temporalibus subjectionibus fidelitatis accipiunt juramenta: facit xi, q. 1 placuit 1, et xxii, q. viii § Ecce aliud in Romano principe, qui Romano Pontifici, a quo imperii honorem et diadema consequitur, et fidelitatis et subjectionis vinculo adstringitur, sicut antiquitas tradidit, et modernitas approbavit. Item aliud, inquit Innocentius, est de reliquis regibus, in quibus pro hæreditaria successione suorum proveniunt jura regnorum: aliud de imperatore Romano, qui per liberam Germaniæ principum electionem assumitur, in quos jus et potestas eligendi regem, in imperatorem a nobis postmodum promovendum, sicut ipsi non abnuunt sed fatentur, ab Apostolica Sede pervenit, quæ olim a Græcis imperium transtulit in Germanos. De hoc Extra. de electione Venerabilem, et in præc. cap. Clem. Romani principes». In quo utique cæteris regibus Cæsar inferior non erit, ut pravi politici argumentari voluerunt. Sed semper fuit augustior, cum in Pontifice Christo se submittat, cui quo ma-

gis se submittunt reges, eo sublimior illorum dignitas efflorescit. Subdit Alvarus: «Et licet de hoc jus antiquum non reperitur expressum, longa consuetudine est hoc approbatum: de facto enim et consuetudine a trecentis et quinquaginta annis et amplius invenimus imperatores coronatos ab Ecclesiâ, antequam imperii officium prosequantur, consuetudo autem loco juris succedit cum jus deficit, di. 1. Consuetudo. Consuetudo autem est jus quoddam moribus institutum, quod pro lege accipitur cum deficit lex, ubi de hoc etiam no. et Extra. de consue. cap. ult. » Hæc Alvarus Pelagius, cui de gerenda a Cæsaribus in Pontificem observantia adungere lubet insignem sententiam S. Bernardi¹ in Epistola ad Conradum imperatorem scribentis subjectum salubre monitum: «*Legi omnis anima potestatibus sublimioribus subdita sit, et qui potestati resistit, Dei ordinationi resistit*; quam sententiam cupio vos, et omnibus modis moneo custodire, et in exhibenda reverentia summæ et Apostolicæ Sedi et beati Petri successori, sicut ipsam vobis vultis ab universo servari imperio». Ex eo ergo, constat Pontificem non esse subditum Cæsari, nec futurum reum læsæ majestatis.

30. Sed esto fuerint ea vera Pontificis crimina, quæ Ludovicus in suæ sententiæ formula cumulat de aversis Armenorum auxiliis, fœdato stragibus Brandenburgensi principatu, concussa bellis Italia, oppugnata dignitate Cæsarea; non tamen ob hæc vel aliam criminum molem præter hæresim Pontifex gradu papali deturbari potest, nedum a Cæsare, sed ne quidem ab universali Ecclesiâ, ut docte probat subjectis verbis² Petrus Paludanus, de quo supra memoravi: «Dicendum, inquit, quod a papa in nullo casu, quamdiu est papa propter quodcumque crimen potest nec a Concilio, nec a tota Ecclesiâ, nec a toto mundo deponi: non solum quia est superior, sed quia est a Deo, qui sibi Romani præsulis, quamdiu præsul est, judicium reservavit, ix, q. iii, Aliorum. Sed quando labitur in hæresim, tunc eo ipso præcisus est ab Ecclesiâ, et desinit esse caput, et tunc deponitur de facto, non de jure, quia qui non credit, jam judicatus est: de jure scilicet, hoc est, ante judicium, quia eo ipso quod est hæreticus, ab Ecclesiâ est præcisus; non potest autem caput a corpore præcisum, quamdiu est præcisum, caput esse illius corporis, a quo est præcisum; unde papa per hoc desinit esse caput corporis Ecclesiæ, quod ab illo præciditur per hæresim ipso facto, secundum illud Deuteronomii XIV: *Non poteris alterius gentis hominem facere regem*. Unde hæreticus non potest esse nec manere papa, quia extra Ecclesiam non potest habere claves Ecclesiæ. Per peccatum autem est caput languidum, et non propter hoc desinit esse caput, nec potest a membris per consequens judicari. Quia ergo Marcellinus

¹ Alv. l. i. c. 43.

² Bern. Ep. ad Conrad. imp. — ² Palud. de Eccl. potest. Ms. bibl. Vat. sign. num. 4109. pag. 229.

papa, qui idololatrataverat, non fuit iudicatus de facto, sed dictum est ei : Tu ipse iudica causam tuam, di. xxi, nunc autem, hoc est, quia non erat hæreticus, quia a fide nunquam deviaverat animo sed metu tormentorum sacrificaverat idolis ; potissime propter hoc, quia papatus, qui non est ab homine, non potest ab homine iudicari : unde propter quodcumque crimen, quo papa non desinit esse papa, sicut est omne aliud præter hæresim proprie dictam, papa ab homine iudicari non potest, sed reprehendi potest, sicut Paulus in faciem restitit Petro, quia reprehensibilis erat ; ita quod in malis non est ei obediendum, sed resistendum ». Et infra : « Iste, qui habet superioritatem a Deo, non subjectus, nisi per hæresim a communitatis corpore dividatur, semper manet communitate superior ; unde non potest ab ea aliquatenus iudicari : et ideo papa solius Dei, qui solus superior ejus est, iudicio reservatur. Secunda ratio talis est : Potestas quæ excedit potestatem Ecclesiæ, non est ab Ecclesia, quia nemo dat alteri quod non habet. Sed potestas papæ solius excedit potestatem totius residuæ Ecclesiæ, quia in omnibus aliis Ecclesiis a Romana est pars potestatis, in sola Romana, id est in solo papa est plenitudo potestatis, xi, di. Quare, ut dictum est. Ergo potestas non potest esse ab Ecclesia ». Nonnullisque interjectis hæc subjicit : « Quilibet in eo, in quo non est alicui subjectus, potest se alteri submittere, qui filii sunt leg. c. Per venerabilem, et ideo populus nulli subjectus potest sibi rectorem præficere, cui submittat se in humanis et civilibus : et sicut liber vendens se ad pretium participandum, se emptori subjungendo, facit eum dominum suum sic populus se subjungendo voluntarie alicui, ut principi vel rectori, facit eum principem suum, dans super se potestatem in civilibus et humanis, et ista potestas erit in illo virtute, in quantum potens erat se subjungere. Sed potestatem spiritualement non potest populus conferre ; unde nullo consensu populus potest sibi aliquem præficere in curatum, nec se alicui subjungere, ut curato, sic quod det ei potestatem se absolvendi in foro conscientie, cum illa potestas non sit nisi a Deo : ideo nulla consuetudine sola potest quis sibi eligere confessorem de poen. c. n. l. di. nec similiter potest sibi aliquem præficere in episcopum sic, quod ab eis habeat potestatem confirmandi et ordinandi quod non est nisi a Deo. Ita similiter cum papa in eo quod papa, habeat plenitudinem potestatis ; ex quo potest aliquid, quod totus mundus non habet formaliter nec virtute, sicut quod potest dare indulgentiam plenissimam, quod potest restringere materiam sacramenti Matrimonii, multiplicare ministerium Confirmationis et Ordinis et huiusmodi. Ista potestas, quæ non respicit humanum iudicium nec civile non est in virtute populi eligentis.

31. « Sed contra est, et videtur quod Ecclesia Romana habeat primatum ab ordinatione universalis Ecclesiæ sive Conciliorum tripliciter. Primo

modo per simile de imperatore, quia sicut papa præest in spiritualibus, quæ sunt propria clero ; sic imperator in temporalibus, quæ sunt propria populo : unde isti duo sunt quasi duo magna luminaria in mundo. Sed imperator præest populo in temporalibus ab electione populi. Ergo papa in spiritualibus ab electione cleri, al. di. xciii, Legimus in medio, ubi dicit glossa, quod exercitus facit imperatorem. Respondeo non est simile, quia imperator non habet potestatem nisi temporalem, terrenam et mundanam, quam populus, se ei subiungendo, potest ei dare : licet enim privatorum consensus iudicem non faciat eum, qui nulli jurisdictioni præest. C. de jurisdictione ord. iudic. le. Privatorum ; tamen populi consensus potest facere iudicem in temporalibus. Sed in spiritualibus nullorum hominum consensus facit iudicem illum, qui non est per quancumque submissionem ; unde nulla submissione potest se quis subjungere excommunicandum illi, qui aliter excommunicare non potest. Verum quia papa ut papa habet spiritualement potestatem, qualis non est in tota reliqua Ecclesia, ut dictum est, ideo illum per nullam electionem solum acquirere potest.

« Secundo arguitur per illud, quod dicitur. iii. q. vi. Dudum ubi dicitur, quod sancti Apostoli successoresque eorum sanctam Romanam Ecclesiam primatem omnium Ecclesiarum esse voluerunt : ex quo videtur, cum Apostoli et eorum successores fuerint puri homines, quod a puris hominibus Ecclesia Romana habuit principatum. Solutio sicut supradictum fuit de Petro, ita et hic de sua Ecclesia dicendum est, quod a solo Deo primo et principaliter habuit principatum de jure ; sed a Conciliis et Patribus voluntibus voluntati Domini obedire, sicut debebant, de facto obtinuit principatum. Sed tertio objicitur contra hoc, et videtur, quod imo etiam principaliter a Conciliis, consequenter antea a Domino approbante xvii. di. Huic etiam Sedi, scilicet ratione primi Apostoli Petri meritis, deinde secuta jussione Domini Conciliorum reverentiorum auctoritas singularem in Ecclesiis tradidit potestatem. Sed dicendum, quod licet in præferendo Romanam Ecclesiam aliis meritis Petri præcesserit Domini jussionem quantum ad hoc, quod Dominus in persona Petri Ecclesiam fundavit, et ibi voluit esse primum, ubi Petrus finaliter resideret ; tamen Petrus fuit causa meritoria tantum, sed Christus effectiva, Concilia vero sequentia causa executoria de facto tantum.

32. « Secunda conclusio principalis, scilicet quod papa præeminentiam et plenitudinem, quam habet in Ecclesia, non habet ab homine, sed a Deo, probatur multipliciter. Primo sic : Successor Petri habet in tota Ecclesia non ab homine, sed a Deo præeminentiam super omnes et plenitudinem potestatis. Papa sive Pontifex Romanus est huiusmodi. Ergo etc. Major patet, quia illa plenitudo et præeminentia potestatis, quæ fuit in Petro, transit

ex dono Christi ad Petri legitimos successores : sicut enim Adam quaedam dona habuit personalia, sicut omnem scientiam, quaedam vero pro sua posteritate in statu innocentiae, sicut originalem justitiam; sic et Petrus quaedam dona a Christo habuit pro sua persona, sicut miracula, ut quod ad ejus umbram sanarentur infirmi, quaedam vero pro successoribus suis in Ecclesia, et haec sunt prima, sine quibus Ecclesia non staret, sicut claves ligandi et solvendi, aliter porte inferi praevalerent adversus eam : unde hanc plenitudinem potestatis, per quam Ecclesia resistit mundo et diabolo, Christus contulit Petro pro se et suis successoribus; unde et ubi supra sicut Christus accepit a Patre ducatum et sceptrum Ecclesiae gentium, ex Israel egrediens, super omnem principatum et potestatem, et super quodcumque est, ut ei genu curvelur; sic et Petro et ejus successoribus plenissime commisit. Item de renunt. c. Quando dicit Innocentius : Potestatem transferendi Pontificis ita sibi relinquit Dominus et magister, quod eam soli beato Petro vicario suo, et per ipsum successoribus suis praebeuit et concessit. Minor patet, quia successor Petri in plenitudine et praeminentia potestatis, sive papatu est solus episcopus Romanus ». Et infra : « Item ista conclusio, scilicet quod potestas papae sit a Deo, probatur auctoritate Cyrilli in lib. Thesaur. qui tractat illud Matth. xvi : *Tu es Petrus, et super hanc petram aedificabo Ecclesiam meam; et portae inferi non praevalent adversus eam*, dicens : Secundum autem hanc Domini promissionem Ecclesia Apostolica Petri ab omni seductione et haeretica circumventionem immaculata manet super omnes primates Ecclesiarum et populorum in suis Pontificibus in fide plenissimam, et auctoritatem Petri. Item xxi. dist. c. Quamvis : Sancta Romana Ecclesia Catholica et Apostolica nullis synodaticis constitutis ceteris Ecclesiis prelaeta est, sed Evangelica voce Domini et Salvatoris nostri Jesu Christi primatum obtinuit. Item xxi. d. Omnes : Non ergo quaelibet terrena sententia, sed illud verbum, quo constitutum est caelum et terra, per quod denique omnia condita sunt, Romanam Ecclesiam fundavit. Item sequenti cap. Sacrosancta Romana Ecclesia et Apostolica non ab Apostolis, sed ab ipso Domino et Salvatore nostro primatum obtinuit. Item ib. Prima ergo Sedes caelesti beneficio Romana Ecclesia. Item ib. Haec vero Apostolica Sedes caput et cardo, ut praefatum est, a Domino et non ab alio constituta est. Ad idem Constit. d. i. Basilicas, ubi dicitur sic in fine de Ecclesia Romana : Ubi dominus Ecclesiae totius posuit principatum ».

33. At propugnat ausa Ludovicus Bavarus Othonis et aliorum schismaticorum Caesarum exemplo : « Praedecessorum, inquit, nostrorum, videlicet Othonis primi, qui cum clero et populo Romano Urbi et orbi providit, et aliorum quamplurimorum imperatorum vestigiis inherere volentes ». Exempli hujus, utpote nefarii, imitatio-

nem confutat Alvarus Pelagius his verbis ¹ : « Ad illud quod dicitur, quod imperator potest papam judicare, si papa reperitur a fide devius, quod non probatur nisi exemplo Othonis primi regis Theutonicorum qui, ut fertur, cum clero et populo Romano Joannem XII deposuit a papatu, dico hoc falsum esse, quia papa in haeresi etiam incorrigibilis judicari non potest ab imperatore, sicut de hoc satis dixi supra in iii, iv, xii et xxxi, cap. Nec est trahendum ad consequentiam factum Othonis ». Et infra : « Non debemus autem attendere ad factum Othonis, quia non est exemplis, sed legibus judicandum, c. de sententia Nemo, de hoc no. xx, di. De quibus : leges autem infinite sunt in contrarium, quod nunquam debet nedum papa, sed nec aliquis clericus a seculari iudice condemnari, Extra. de judi. Al se cleri, etc. Decernimus et xi. q. i. quasi per lotum et adde quod no. in praec. c. iii, iv, xii et xxxi ». Haec Alvarus.

At directe responderi potest ex historicarum monumentis ², Othonem pessimo exemplo Joannem pellere Pontificatum aggressum, et schisma conflasse, ac pseudosynodum illam, quae Joanni Leonem subrogare voluit, peccasse gravissime : atque in eo quod contendit propter peccata auferri Pontificibus clavium potestatem, in errorem impigisse, ex quo sequeretur nullam in Ecclesia jurisdictionis certitudinem esse, et omnis politicus ordo confunderetur. Sive ergo id Othonis vindictae, sive zelo sed non secundum scientiam adscribatur, non debuit in eo Ludovicus errantem illum imitari. At neque Otho, neque coacta ipsius imperio pseudosynodus praesumpserunt in Joannem XII ferre sententiam.

34. Cum vero contenderit Ludovicus, Joannem infectum haeresi eo quod Christum jus rerum, quibus usus est, habuisse sanxerit ³, quod vocal, « perfectionem arctissimae paupertatis in Christo penitus denegasse : ex quo consequeretur, inquit, Christum non fuisse perfectissimum viatorum », facile refellitur, Christus enim, quamvis omnium rerum creatarum imperium (quod obtinuisse quoad jus, non quoad usum, ut nobis praeclucet exemplo, certum est) exercuisset, perfectissimus tamen omnium viatorum exilisset. In quo autem sita sit vera perfectio, Aniciensis episcopus his verbis gravissime demonstrat ⁴ :

« Tam secundum philosophos, quam secundum theologos summa perfectio humana consistit in operatione optimae potentiae secundum optimum habitum respectu optimi objecti, ut patet ex primo et decimo ethicorum : sed potentia optima hominis est intellectus et voluntatis; optimi autem habitus sunt illi, qui perficiunt praedictas potentias, optimum autem objectum est Deus : et ideo summa perfectio hominis consistit in actu intellectus con-

¹ Alv. Pel. de planet. Eccl. l. i. c. 37. — ² Baron. Annal. tom. ix. an. 1061. num. 11. etc. — ³ Ext. de verb. sign. Cum inter nonnullos. — ⁴ Et. in Ms. bibl. Vat. sign. num. 3710. pag. 130.

templantis Deum, et in actu voluntatis diligentis ipsum secundum habitus utique actui congruentes; et secundum differentiam perfectionis dictorum statuum est differentia perfectionis personalis, propter quod cum in patria sit contemplatio clara et dilectio perfecta, excludens omne impedimentum ex parte creaturæ, quod in via esse non potest; idcirco summa perfectio personalis possibilis homini est in patria, de qua dicit Apostolus I Cor. xii : *Cum venerit quod perfectum est, evacuabitur quod ex parte est*; cui perfectioni non potest æquari aliqua perfectio viæ, juxta quem sensum dicit Christus Matth. xi : *Non surrexit inter natos mulierum major Joanne Baptista, qui autem minor est in regno cælorum, major est illo*. Ex quo manifeste apparet, quod perfectio personalis viæ non attingit ad perfectionem patriæ: perfectio enim viæ habet multas imperfectiones adjunctas, quæ evacuabuntur in patria.

33. « Nihilominus tamen perfectio Christianæ vitæ in præsentī consistit, ut dictum est, in habitibus virtutum et in earum actibus: maxime tamen consistit in habitu et actu charitatis, quæ in via præminet cæteris virtutibus; unde Apostolus I Cor. xii. enumeratis donis Dei et officiis Ecclesiasticis, subjungit; *Adhuc excellentiorem viam vobis demonstro*: et loquitur de charitate, de qua proseguitur in sequente cap. et concludit: *Major autem horum est charitas*: in ejus enim duobus mandatis universa Lex pendet et Propheta, ut dicit Christus Matth. xxii, et Apostolus Rom. xiii : *Plenitudo legis est dilectio*, propter quod Coloss. iii. dicitur: *Super omnia autem charitatem habentes, quæ est vinculum perfectionis*. In ipsa igitur et ejus actu potissime consistit perfectio personalis præsentis vitæ, quia ipsa virtutibus omnibus imperat, et ad finem suum ordinat. Patet ergo in quo consistit perfectio personæ, quæ sola reddit hominem perfectum et bonum, et sine qua nullus est perfectus aut bonus, etiamsi sit in statu perfecto, quia hæc est perfectio formalis et simplex, sicut sanitas animalis est sanitas formalis et simpliciter: propter quod sicut nihil dicitur sanum nec animal nisi in quo est adæquatio humorum, quæ est sanitas formaliter et essentialiter; sic nullus dicitur perfectus nisi ille, in quo sunt habitus et actus virtutum, et præcipue charitatis, quia in his consistit formaliter et essentialiter perfectio hominis tanquam ejus sanitas spiritualis ». Hactenus episcopus Aniciensis. Quam doctrinam jam ante docuerat Apostolica sanctione Joannes papa his verbis : « Perfectio vitæ Christianæ principaliter et essentialiter in charitate consistit, quæ ab Apostolo perfectionis vinculum dicitur, et quæ unit seu jungit aliqualem in via hominem suo fini, ad quam per contemptum bonorum temporalium et ipsorum expropriationem via disponitur »: scilicet in statu naturæ lapsæ, veluti etiam per jejunia et carnis macerationem ad perfectionem itur: et sicut non colligitur Christum non fuisse perfectis-

simum viatorum, quod melle silvestri et locustis, ut Joannes Baptista, vitam non sustentaret; multo sane minus quod jus earum rerum, quibus usus est, tenuerit; cum perfectius sit, uti juste quam non juste. Ob assertam ergo fidem orthodoxam et iustitiam propagatam, non ob hæresim Pontificatu exuere summum Pontificem Ludovico consultores hæretici suaserunt.

36. Quod ad aliud objectum crimen spectat de abrogato Ludovico augustali apice; electionem Cæsaream abrogari a summo Pontifice certis in casibus posse, probat Augustinus Triumphus¹, confirmatque² ratione et exemplo: ratio hoc syllogismo proponitur: « Omnis res, inquit, per quas-cumque causas nascitur, per easdem dissolvitur, principium autem ipsius generationis imperatoris planum est, quod est ipse papa quantum ad ejus electionem », siquidem ab eo septemviri constituti; quare quod per hos fit, per papam fieri censetur, « item quantum ad coronationem et confirmationem. Ergo principium ejus depositionis et corruptionis ipse papa existit ». Rei vero in opus adducte constant juridica exempla recentiora in Othone IV et Friderico II, quorum primus ab Innocentio III, alter ab Innocentio IV exauctorati fuerunt. Juris ordinem describit Paludanus³ his verbis: « Ad officium papæ spectat de quocumque mortali peccato corrumpere quemlibet Christianum, et si correctionem contempsit, per distractionem Ecclesiasticam coercere, de judiciis cap. Novit. Quod si in excommunicatione perseveret, potest ipsum, ut dictum est, deponere, et subditos ab ejus subjectione absolvere sicut schismaticum, propter contumaciam et inobedientiam pertinacem: et ex hoc etiam, quia excommunicatus et legitimis actibus et officiis publicis non debet fungi, et schismatici dignitate et cingulo militiæ sunt nudandi, xxiv. q. i. Qui circa xv. q. vi. c. penult. » Ob hanc juris acerbiteriam, a Joanne districtam in Ludovicum, idem Ludovicus nimium vindictæ cupidini indulsit, dum hanc ab hæretico conceptam Pontificis proscriptionem promulgavit his verbis: « Sæpeditum Jacobum, omnis Ecclesiastici Ordinis prærogativa nudatum, et officio ac beneficio Ecclesiastico spoliatum, tenore præsentium subjecimus sæcularis nostrorum ministrorum arbitrio potestatis, ab omnibus feudatariis et justitiariis nostri sacri imperii ubicumque deprehensum hæreticum animadversione debita puniendum ». Indixit etiam persecutionem in eos omnes, qui Joannem ac Christi vicarium colerent, idque ex Italo ac Germanorum præsulum et principum consilio actum ostentare nisus est. Verum tantum abest ut Romani, Itali Germanique assenserint flagitio, ut ob id Ludovicum proborum omnium odia contraxisse Albertinus Mussalus⁴,

¹ Aug. Triumph. de pot. Eccl. q. xli. art. 2. — ² Ead. q. art. 1.

— ³ Palud. Ms. bibl. Vat. sign. num. 1109, de Eccl. po. p. 229.

— ⁴ Muss. in Lud. Gav.

et Joannes Villanus¹ testentur, ac secute mox rerum conversiones idem aperte commonstrarint. Consignata est hujusmodi sententia xxviii die Aprilis hujus anni, quam Aventinus ex bibliotheca Bavarica erutam refert, non quidem suis conceptam verbis, sed quia non satis veneni continere ipsi videbatur, impostoris more multa commentus est, affixitque Ludovico alia mendacia, ut ex eadem sententia non tantum Joannes, sed alii etiam Pontifices carperentur: veluti cum obijcit Joannem *facere se adorari, pedesque sibi osculari* permittere, servum servorum Dei se dicere et non servire; a Franciscanorum Pensis conventibus simulacrorum cultorem declaratum (1). Hæc enim non extant in Ludovici sententia, quam ex schismaticorum libris, qui in Vaticana bibliotheca reconditi sunt, decerpimus. Ex quibus patet quæ fides hujusmodi historico, monumenta publica adulteranti, et Lutherana deliria illi principi, cujus dignitatem se asserere videri vult, impingenti habenda sit. Quamvis autem superiora facinora Ludovicus postea damnaverit, eaque vindictæ cupidine adscripserit, lassusque sit non inscium se fuisse, quantum patrare flagitium; prodiit tamen auctor recentior² qui traducendi Joannis Pontificis et commendandi Ludovici partes arripit. Sed in his refellendis immorari nobis non est animus; sufficit enim veritatem puram in luce collocare, et producere monumenta veterum: inter quos Bernardus Guido episcopus Lodovensis, quid de gestis Ludovici senserit, candide historia tradit³.

37. « Præfatus Ludovicus in ostentatione coronationis suæ, suggerentibus nefariis hominibus mente et fide corruptis, contra sanctissimum patrem et Dominum Joannem papam XXII universali et Catholica Ecclesiæ præsentem, et vicarium domini Jesu Christi prorupit, ausu nefario sanctum polluens sacerdotium et pontificium S. Petri, dicens eundem sanctissimum papam esse hæreticum, et non esse papam Romanum, nec esse sibi a Catholicis obediendum ». Et infra: « Et alia nefaria nonnulla invenit, quæ pudor est

dicere, et auditui sunt horrori. O insania capitis! O barbarica stultitia! O furor furens ad scindendam tunicam inconsutilem Domini Jesu Christi, qui dicit bonum malum et malum bonum! »

Neque his contentus Ludovicus, cum illa quæ in lata a se sententia continebantur, perficere in Joannem ipsum non posset, in Pontificiam effigiem iras convertit, quam ex stramine efformatam Cæsareis administros exussisse ex Mussato⁴ videbimus: cujus facinoris meminit S. Antoninus⁵, dum tradit Joannem a Bavaro flammæ supplicio damnatum. « Adeo, inquit, fuit lemerarius et superbus dictus Ludovicus Bavarus, quod post falsam coronationem ausus fuit facere contra papam Joannem processum et contra regem Robertum, tanquam hæreticos et Patarenos, cum multis derisionibus et contumeliis eos ad ignem condemnando: unde omnes boni fideles abominati sunt eum, et multi clerici ex Urbe recesserunt, ne participarent cum illis schismaticis et excommunicatis ».

38. *Rejctæ preces de Friderico Austriaco ad imperium evchendo.* — Dum atrocibus adeo injuriis Ludovicus Pontificiam majestatem labefactare nitabatur, Albertus Austriæ dux spe aliqua elatus, Pontificem Ludovici odio Fridericum illius æmulum ad imperium evecturum, missis oratoribus flagitavit, ut Fridericum ipsum regem jam Romanorum designatum confirmaret; ac post promissa amplissimis verbis sua Ecclesiæ studia, est pollicitus fratrem se ad omnes Pontificis voluntates adducturum: cujus postulata cum nulla ratione niterentur, nec decretum electionis Friderici ad Sedem Apostolicam transmissum esset, quod tamen antea, cum Australium Germanorum oratores idem urgent, expetitur fuerat; Pontifex rem juste perfici non posse respondit⁶, objecitque Fridericum nunquam Apostolicam Sedem de suæ electionis juribus edocuisse; neque justitia, sed vi imperiale solum affectare. Pontificiarum potiorum partem subijcio:

« Joannes, etc. Alberto duci Austriæ.

« Cujus (nimirum Friderici clerici oratoris)

¹ Jo. Vill. l. x. c. 79. — ² Georg. Herv. in Lud. Bav. defensione. — ³ Bern. imp. Rom. Ms. bibl. Vat. sign. num. 2013.

⁴ Muss. in Lud. Bav. — ⁵ Ant. III. p. tit. XXI. c. 6. § 6. —

⁶ Tom. VI. p. 3 Ep. secr. pag. 173.

(1) Quanquam hæreticos scriptores in iis quæ per summam impudentiam effutunt, adversus Romanam Ecclesiam excusare nolo; tamen ea, quam probo, sinceritas cogit ut, ut Aventinum Annalium Boicorum scriptorem defendam ab accusatione vitæ sententia a Bavaro in Pontificem dictæ. Annuadvertere in eam rem juvat Udalricum quendam Goldronem Ludovico ab Epistolis fuisse, qui cum ab eo principe læsum se reputaret, eum injuriis ulturus imponere, id molitus est, ut Pontificem in Bavarium vehementius concitaret. Quare sententiam Bavari in Joannem et alia ejusdem publica Acta per summam scelus interpolavit, atrocia convicia in Pontificem interserens. Fraus illa diu Bavaram latuit, utpote principem litterarum plane rotem, nec legere quidem scientem, ut inter ceteros scribit Meisterlin vetustus scriptor historie Nurembergensis ad annum asque MCDLXXX perductæ, vulgatus a Ludewig in Reliquis tom. VII. Rei tandem veritas, impostor ipso, cum extremum jam spiritum ageret, revelante, patuit, eandemque totam aperuit Bavarus in litteris ad Benedictum XII datis recteque in Annalibus ad an. MCDLXXXVI, XXXII, quæ igitur Ludovici litteræ ab Aventino, ex bibliotheca Bavarica erutæ, recitantur, ipse forte sunt, quas Udalricus impostor vitavit, cum presertim in iisdem vitatis litteris atroces contineri injurias in Pontificem, ac inter cetera « Apostolicum bestium esse illum ascendentem de mari, et antichristum » idem scriptor historie Nurembergensis, qui ante exortos Lutheranos scribebat, affirmet histor. part. 2, cap. 8, § 5. Ex his plane demonstratum arboris Aventinum a fraudis suspitione immunem habendum. Postquam vero fraus illa ex ipsa imperatoris confessione patuit, tunc Acti illa publica reformata paruisse suspicor, iis subditis, quæ contra neutrum principis interpretant, atque hinc factum censeo, ut Acta eadem publica, a schismaticis relecta, plane diversa sint ab iis quæ ex Bavaricis pluteis Aventinus extraxit. Annuadvertere tamen hic juvat historicum illum Nurembergensem in eo errasse, quod vitatias ab Ulnico scribat litteras a Bavaro ad Benedictum XII datas. Quanquam enim tunc Ulnicus quidam Bavari cancellarius agebat; ausu tamen erat ab Ulnico impostore, ut ex litteris ejusdem Bavari, de quibus supra, eruitur.

credentia hoc habuit in effectu, quod fratrem tuum præfatum in regem Romanorum electum scribere, nominare et approbare etiam dignaremur: et ut ad hoc inclinaremur facilius, obtulit te paratum pro eodem fratre tuo certitudinem et securitatem facere tibi possibilem, quod idem frater ad mandatum nostrum persistet, et omnia sua negotia secundum nostram voluntatem diriget et disponet. Profecto, fili, de supplicatione tam per te facta, quam per nuntium antedictum (nos) et nonnulli ex fratribus nostris S. R. E. cardinalibus, quos ad hoc duximus evocandos, admodum nec immerito fuimus admirati: quis enim unquam prædecessorum nostrum aliquem in regem Romanorum electum in discordia regem nominavit seu approbavit, nulla fide de electione huiusmodi facta? Proculdubio factum non legimus, nec vidimus, quam fieri poterit iustitia non offensa. Scimus quidem, quod dum de intitulatione duorum electorum in reges Romanorum controversia incidisset, per Sedem Apostolicam decretum extitit, deliberatione cum S. R. E. cardinalibus præhabita diligenti, quod neuter illorum ante approbationem seu admissionem electionis suæ, per Sedem eandem habitam, deberet intitulari tali nomine, seu etiam appellari. Tuam autem prudentiam credimus non latere, quod dictus germanus nec dicte suæ electionis decretum nobis obtulit, nec de ea nos aliter informavit; quare advertat tua prudentia, quomodo sine offensa iustitiæ possit tua prædicta supplicatio ad exauditionis gratiam introduci. Et utinam, fili, præfatus germanus tuus per semitas iustitiæ ad tanti honoris apicem ascendere procurasset: sed nescimus quo seductus consilio, non iuribus, sed viribus, non per iustitiæ semitas, quæ inter ipsum et ejus coelectum esse debebat media, sed potentia potius, tam ipse quam ejus coelectus, ac congressibus bellicis decrevisse videntur, exortam inter eos dirimere questionem.

39. « Quantum autem via prædicta Deo, a quo est omnis potestas, exosa fuerit et infesta quæ eorum utrique, prosequendo viam huiusmodi, acciderunt, evidentius attente considerantibus manifestant; in tertio decimo siquidem anno regni sui existere se describitur. quanta autem incommoda, quot strages corporum, lapsus rerum, animarumque pericula ex eorum congressibus bellicis, ut de incommodis ipsorum taceamus personalibus, fuerint subsecuta, rei evidentia clarius manifestat. Nec adhuc a via prædicta germanus tuus se videtur velle retrahere; sed per eandem ad imperiale ascendere solum. in Dei offensam, matrisque suæ S. R. E. præjudicium, et rei publicæ detrimentum, oblivioni datis periculis variis, quæ incurrit propter ea, et quæ adhuc potest incurere, et forsitan peiora. Hæc, fili, ad tuam germanique tui prædicti et aliorum suorum sequacium memoriam utinam curares reducere, ac ut tanta vitaretis discrimina provide providere, etc. Dat. Avin. IV non. Martii anno XII ».

40. *Indictus conventus principum electorum de creando novo Cesare.* — Excluse itaque Friderico spe sua, cum sibi ad imperium iustitia viam non nuntiaret, jura vero sua ex impiorum consilio labefactaret Ludovicus, Pontifex Apostolica auctoritate omnia, quæ in Urbe in conferendis eidem imperialibus insignibus erant gesta, convulsit¹: eaque de re nonis Aprilis huius anni ad Germanos principes imperii electores litteras dedit², quibus etiam Bavarum iuribus et præterita electione quasitis, et ducatu Baviaræ ac vectigalibus omnibus et terris, quas Ecclesiæ vel imperii beneficio auctoritateque obtineret, Apostolica sententia deturbatum significavit, atque ad celebrandum novi Romanorum regis electionem solemnes conventus celebrare jussit. Habuere itaque feria tertia post octavam a Dominica Resurrectione diem evolutum comitia, ac recurrente a festo Pentecostes octavo die, designando novo regi daturos se operam spondere; qua de re Joannes IV kal. Maii Robertum Siciliæ regem, Bertrandum in Insurbia et Joannem in Etruria Apostolicæ Sedis legatos cardinales hisce verbis fecit certiores³: « Principes Ecclesiastici et sæculares, in electione regis Romanorum vocem habentes, in novissima congregatione sua, videlicet die Martis post Octavas Resurrectionis Domini proximo præteritæ, diem Martis post Octavas instantis festi Pentecostes ad electionem celebrandam loco solito pro preemptorio termino assignarunt, ad eam procedere, favente Domino, intendentes. Dat. Avinione IV kal. Maii, anno XII ».

41. Cum die constituta principes haud facile convenire possent, non modo enim Ludovicum, verum Fridericum quoque Austriacum obtisisse, ex litteris ad Albertum ducem allatis colligitur, cum is etiam armis ad imperium anniteretur; Pontifex celebrandæ electionis diem ad sex hebdomadas vel duos menses extraxit, quæ Mathiæ archiepiscopo Moguntino significavit⁴: « Nos, inquit, attendentes magnitudinem negotii, quodque sanctæ Dei Ecclesiæ, fideique Catholicæ, ac utilitati reipublicæ plurimum expedit, quod persona Deum timens et Deum diligens ad regimen regni Romanorum et imperii assumatur; ac provideri cupientes, ne propter breve tempus possit contingere periculum in hac parte, (volumus) ut si expectare poteris, et possit absque periculo negotii electionis prædictæ fieri, terminum prædictum usque ad sex septimanas vel duos menses, si hoc magis expedire cognoveris, ab eodem termino in antea computandum prorogare aliaque gerere valeas, quæ circa prorogationem huiusmodi fuerint opportuna, etc. Datum Avin. nonis Maii, anno XII ».

Facta etiam est eidem Mathiæ archiepiscopo Moguntino cæterisque principibus electoribus, qui

¹ Ibid. vii. p. 3. Ep. c. c. pag. 167. — ² Ead. pag. — ³ Ibid. pag. 222. — ⁴ Ibid. pag. 167.

die Martis, post sacram resurgenti Christo celebratam recurrente, in Moguntino agro convenerant a Pontifice potestas ¹, ut si visum esset ob hostium insidias vel conatus in alio loco, quam Francofurti electionem novi Romanorum regis celebrare possent : « Ut alium, inquit, locum, de quo tunc providentia videbitur, pro celebranda electione prædicta eligere, ac etiam tibi et aliis coelectoribus assignare valeas, in quo tu et ipsi convenire et ibidem ad electionem prædictam possitis, sicut in dicto loco de Frankinfort valeretis, procedere in præfixo prædicto, vel aliis terminis prorogandis seu etiam assignandis fraternitati tue facultatem et licentiam tenore presentium largimur ; auctoritate Apostolica nihilominus decernentes, electionem in loco, quem hac vice ad hoc elegeris celebrandam, perinde valere, quibusvis consuetudinibus, observantiis seu statulis contrariis nequaquam obstantibus, ac si in prædicto loco de Frankinfort celebrata fuisset. Dat. Avin. non. Maii, anno XII ».

42. Data alia etiam Mathie archiepiscopo imperia ², ut Spirensem clerum injusto sacramento exsolveret, quo a Bavaro adacti fuerant, Apostolicas ipsos litteras non recepturas, Pontificisque imperiis non parituros. Fuisse vero Mathiam ab hostibus Ecclesie armis appetitum, ex litteris ad Henricum Colonensem ³, Henricum Hassie langravium, ac plures alios datis colligitur, quibus ad explicandam illi opem sunt excitati ⁴. Cum vero Baldvinus Trevirensis archiepiscopus ⁵ jamdiu nonnullas Moguntini principatus arces occupasset, cum ad eam Ecclesiam vocaretur, de qua electione a Pontifice abrogata agit Serarius ⁶ ; admonitus est, ut eas Mathie restitueret. Data etiam eidem archiepiscopo XII kal. Aprilis provincia ⁷, ut cruciatorum equitum Prussie et Pomeranie causam cognosceret, qui juncto cum Ludovico Bavaro armorum fœdere marchionatum Brandenburgensem, irruptione facta, caedibus fœdarent, episcopatum Wladislaviensem et alias fidelium terras ferro flammisque corruperant, stuprarent virgines, homines in servitutem abduxerant ; adeo ut Ecclesie pastoribus destitute essent, divinusque cultus exolesceret : sævierat in ipsa templa eorum furor calices, sacra ornamenta diripuerant adeo ut a sacrilegis ipsum Dominicum corpus in terram abjectum fuerit : veterant etiam clientibus, objectis gravioribus pœnis, ne denarius S. Petri Romanæ Ecclesie penderetur, vel sacerdotum decem per solverentur, publica Acla a Pontificiis nuntiis de tantis sceleribus confecta, atque intentatas censuras ludibrio habuerant. Cum itaque eorum ope Ludovici Bavari major natu filius marchionatum Brandenburgensem sibi vindicasset, Pontifex Bremensi archiepiscopo pridie kal. Februarii munus

injunxit ¹, ut eam ditionem Ecclesiastico interdicto subjeceret, omnesque religiosos viros, etiam plurimos in simili casu auctos privilegiis, templorum et sacerdotum usu abstinere juberet.

43. *Petrus Corbaria creatur antipapa, qui pseudocardinales creat, et coronatur.* — Hæc ad elidendam Ludovici potentiam agebat in Germania Pontifex, cum ille Romæ sacro Ascensionis Dominice die atrox facinus creato pseudopontifice adorsus est : observatque Nicolaus Minorita ², Ludovicum, ut rite scelus perageret, affirmasse, cardinalium senatum hæreticum esse, qui cum Joanne XXII sentiret : proinde omnes archiepiscopos et episcopos, qui ejus decreta exceperet, hæresi maculatos ; atque ita ad plebeculam et nonnullos Minoris Ordinis sacerdotes, quibus præerat Marsilius hæresiarcha (nam canonicorum collegia patriarchalium Basilicarum auferant) redactam eligendi Pontificis potestatem. Ludovicus itaque e face illa dignum schismaticorum caput Petrum e Corbaria pseudominoritam, qui sacerdotium jam contaminarat, dum in conjugio invita uxore illud susceperat, ad solium Pontificale extulit ³. Luget tantum facinus Alvarus Pelagius in libro de Planctu Ecclesie his verbis ⁴ : « Bavarus in imperio intrusus, olim dux Bavarie, cum populo stulto et infideli et furioso, et clero phantastico Romano adulante sibi, in furia Theutonica et in insipientia sua et vindicta dominum papam Joannem XXII, in ejus tempore scribo hunc librum, deposuerunt in Urbe, et sibi substituerunt de facto pseudoreligiosum de Ordine Minorum fratrem Petrum de Corbaria, quem cognovi in Urbe verum hypocritam, cum conventualis essem ibi Romæ in Araceli, decimantem mentem (Math. xxiii.) et animum in quibusdam abstinentiis exterioribus, et in aperto et in abditis loculis compilantem, et inter mulierculas Romanas quasi continue residentem et gloriam aucupantem : et sicut mihi testimonium perhibuerunt minister illius provincie Romanæ et custodes tunc, cum essemus in magno Concilio, de facto ejus et aliorum, qui Ecclesie et Ordini rebellaverant, Anagninæ minus habentem, scilicet in castitate, et sic fidem paupertatis, et munditiæ, et obedientiæ, quæ sunt legis graviora, relinquentem. Math. xxiii ».

Bernardus quoque Ludovici facinus ita describit ⁵ : « Ad cumulum vesania suæ, et in vituperium dicte Urbis, et in scandalum fidei Catholicæ fecit fieri et erigi in antipapam quendam pseudoreligiosum de Ordine fratrum Minorum circa festum Ascensionis Domini, anno ejusdem Domini benedicti mcccxxviii eundemque antipapam fecit non sacris sed execratis orationibus execrari potius quam sacri : cui etiam antipapæ ipse Ludovicus reverentiam indebitam tanquam summo Pontifici

¹ Tom. vi. p. 3. Ep. secr. pag. 163. — ² An. 12. p. 1. Ep. c. r. v. — ³ Tom. vii. p. 1. Ep. secr. pag. 97. — ⁴ Ebd. p. pag. 92. — ⁵ Ibid. pag. 91. — ⁶ Serar. Hist. Mus. l. v. in Math. — ⁷ Tom. vi. p. 3. Ep. secr. pag. 174.

¹ Tom. vi. p. 3. Ep. secr. pag. 163. — ² Nic. Min. Ms. bibl. Vat. sign. num. 4008. p. 27. — ³ Muss. in Lud. Bav. Cort. Hist. l. iii. c. 11. — ⁴ Alv. Pel. l. i. c. 37. — ⁵ Bern. in libelli de imp. Rom. Ms. bibl. Vat. sign. num. 2013.

exhibuit, et cervicem et genua inclinavit, ipsumque manu tenuit et deduxit tanquam idolum et pastorem et nefarium hominem pro vicario Domini Jesu Christi. Præfatus pseudopapa vocabatur frater Petrus Raynaldinii de Corbario Reatine diocesis, qui uxorem habuerat et adhuc habebat Joannem Matthæi de Corbario ejusdem diocesis, cum qua cohabitabat publice conjugaliter ut maritus annis quinque, antequam assumeret habitum fratrum Minorum, quem assumpsit, renitente patre et invita ». Eadem Ptolemæus Lucensis repetit ¹, consentitque sanctus Antoninus ², qui hæc addit: « Prius fecerat Ludovicus unum alium; sed ille nolens schismati operam dare, recusavit et ex Urbe aufugit ». Consentientia superioribus scribunt Germanus auctor anonymus ³, Joannes Villanus ⁴, Curtusiorum Historia ⁵, alique plures, inter quos Albertinus Mussatus ⁶ observat Ludovicum ob id facinus suorum odia collegisse.

« Quod, inquit, pravis aliquorum sibi adjutorum consiliis papam Joannem abominatus ac detestatus, furioso plebeciorum populi que Romani clamore, accensoque rumore, in illum sub nullius sacri solemnisque juris serie, solius facti executione, depositionis hæreticæque superstitionis sententiam fulminasset; neve divini humanique juris allusioni sacrarumque Constitutionum ac consuetudinum quidquam deesset, turpi ludibrio periculoque Christiani ritus discrimine antipapam cardinales que creasse sub clamore favoreque dementiæ popularis sub sacri manti papalis effigie galeorumque rubeorum, ad ultimumque fœdum ac cæcum consistorium constituisse de potentia papæ factiosas pro imperitis consodales suos astu partiario conscriptiones promulgasse; denique et simplicissimorum puerorum more Joannis papæ ideam seu imaginem ex stramine formari passum esse, ipsamque imaginem Joannis papæ nomine igni adjudicatam cremasse. Quæ quidem talia toti mundo horrenda abominandaque Ludovico huic levitatis, parvæque prudentiæ, potiusque paucae maturitatis infamiam attulere. Verum cum per plurimos imperialis factionis hæc jam dictis consodalibus pravisque consiliariis, quam ipsi Ludovico adseribi dicerent; usquequaque tamen ipsa excusatio non levabat ».

44. Quarto ab ea profanatione die, nimirum decima quinta ⁷ Maii, antipapa ex iis, qui conflando

schismati operam dederant, creavit pseudocardinales (1) Jacobum Alberti olim episcopum Castellani, quem ad Ecclesiam Ostiensem et Velletrensem traduxit, Franciscum episcopum Albanensem, Nicolaum e Fabriano Augustianum tit. S. Eusebii presbyterum cardinalem, Petrum Orighinum S. Petri ad Vincula, Bonifacium Dominicani, Paulum Viterbiensem Minoritam, Joannem Arlotum, Joannem Mathæi vicecomitis Mediolanensis filium. Exauctorati erant hi a Joanne justo Pontifice omnibus sacerdotiis et dignitatibus, qui mox a Ludovico amplissimis stipendiis donati; et quamvis Corbarius sententiam tenuisset, Christum et Apostolos nullius rei dominium proprio vel communi nomine possedisse, atque id vitæ genus servandum a clero; ipse tamen et pseudocardinales sui mox luxum, opes et deliciis consecrari flagitio cæpere ¹, ac sacerdotia dignitatesque auro dividere: ex quo patuit ab eo et aliis in Romanæ Ecclesiæ magnificentiam jactata, non zelo, sed invidia tantum temere dicta.

Interjectis duobus diebus, Bavarus dimisso in ædibus Vaticanis antipapa, Tybur contendit ², ut Romam solemnî pompa ingrederetur sacro Pentecostes die, cui Petrus Corbarius una cum anticardinalibus ad Basilicam Lateranensem occurrit, ac ³ Ludovicus tiaram Pontificiam pseudopontifici, isque Bavaro diademâ imperiale imposuit ⁴, sicque tanquam in scenico ludo fictæ dignitatis jura sibi mutuo contulere. Confirmasset Ludovicum latam ab Henrico imperatore in Robertum Siciliæ regi in Florentinos sententiam addit Joannes Villanus: cum tamen Clemens V eam, quæ in Robertum pronuntiata erat, ut injustam rescidisset.

45. *Antipapæ nefaria gesta, et in Catholicos persecutio.* — Invadere etiam tyrannidem non est veritus hypocrita Petrus Corbaria, qui ne quidem justum principatum decere Christi vicarium ex Fraticellorum schola effutierat: neque illum pudit provinciis ditionis Ecclesiasticæ præses imponere, pseudoapostolicos nuntios legatosque in varia regna mittere: utque Dominicane familiæ religiosos viros, qui ut fortissimi pugiles contra pseudominoritas iis temporibus pro fide dimicantur, vexaret, Bonifacium pseudoepiscopum et anticardinalem sacro illorum Ordini præesse jussit ⁵. Neque expavit sacrilega edicta proferre ⁶, quibus latam a Ludovico Bavaro contra exauctoratum

¹ Ptol. Luc. Hist. Eccl. l. xxiv. c. 41. — ² Ant. III. p. tit. xxi. c. 6. § 7. — ³ Ms. bibl. Vat. sign. nom. 3765. in Jo. XXII. — ⁴ Jo. Vill. l. x. c. 73. — ⁵ Curt. Hist. l. ii. c. 12. — ⁶ Muss. in Lud. Bav. — ⁷ Jo. Vill. l. x. c. 75.

¹ Jo. Vill. l. x. c. 75. — ² Ibid. — ³ Cap. 76. — ⁴ Ant. III. p. tit. xxi. c. 6. § 9. — ⁵ Reg. Nic. antip. pag. 1. — ⁶ Ib. p. 87.

(1) Nicolaus pseudopontifex, supremum munus per omnia usurpans, cardinales hoc anno plures renuntiavit. Præter eos, quos hic enumerat analista, alios se pariter ex ejus Regesto Pontificio cruisse Wadingus in Annalibus Minorum ad hunc annum affirmat, sed eorum nomina iis congruat, quos analista hic ex Villano memorat. Andreæ Dei, scriptor cœvus in Chronico Senensi hos recenset: « Franciscum ex Alemannia episcopum Venetum, Petrum Orighi Romanum, Joannem Arlotum Romanum, Fatium Pisanum episcopum de Oraticio, Nicolaum e Fabriano minoritam, de Frati minor (non ergo Augustinianum) e fratrem Hermonicum Tebaldi e S. Stabo Romanum minoritam ». Quoad Joannem vicecomitem, quem in cœtum cardinalium hujus anni refert analista, ex auctore cœvo Chronici Mediolanensis cap. 39, discimus a Pseudopontifice purpura donatum fuisse anno sequenti die xx Januarii, cui et legatio per Lombardiam credita. Galvanus Flamma in Manipulo Florum an. mcccxxix. Narrat Joannem anno illo renuntiatum cardinalem tituli S. Eustorgii, non diu post fœctum illam dignitatem sprevisse.

Joannem XXII sententiam a se corroboratam profitebatur, et omnes, qui vero Pontifici adhaerebant, sacerdotiis, dignitatibus bonisque privabatur :

« Nicolaus, etc. universis praesentes litteras inspecturus, ad perpetuam rei memoriam.

« Vobis et vestrum singulis praesentibus duximus fore manifestum, quod cum per sententiam dilecti filii nostri Ludovici Romanorum principis et serenissimi imperatoris semper Augusti omnes et singuli Jacobo de Caturco se papam asserenti obedientes, adhaerentes et faventes tanquam haeretici sint damnati, ac quod omnibus et singulis beneficiis et feudis ac bonis omnibus sint privati; nos eidem sententiae iustae et rationabili adherere volentes, et ipsam omnimode confirmare, omnes clericos et beneficiatos ac religiosos, eorumque ordinis existant, dicto Jacobo adhaerentes, faventes et eidem obedientes, ejusque mandata tam interditi quam aliorum observantes, omnibus et singulis beneficiis Ecclesiasticis et feudis et bonis omnibus privavimus auctoritate Apostolica et privamus; decernentes ipsos et ipsorum singulos sibi, ut praemittitur adhaerentes fore eorumdem beneficiorum, feudorum et dignitatum privatos, et tanquam vacantes seu vacantia apud Apostolicam Sedem collationi et dispositioni nostrae et dictae Sedis specialiter reservavimus, etc. Dat. Romae apud Ecclesiam S. Mariae de Araceli VI kal. Junii, Pontificatus nostri anno 1^o.

46: Neque clerum modo, verum et Christianam plebem, incussis atrocioribus minis, a legitimi Pontificis obsequio nititur divellere, sancitque ut statute in haereticos poenae exercentur in Catholicos, qui ipsum Corbarium esse Pontificem negarent :

« Nicolaus, etc. universis in Christo fidelibus.

« Cum pridem Jacobus de Caturco ab Apostolatus officio, cui in Dei offensam et sanctae matris Ecclesiae opprobrium indigne et immerito praesidebat, propter manifestas haereses, errores et alios nefarios et enormes excessus suos justo judicio depositus fuerit et amotus, dilectionem vestram attentius rogamus et monemus, et nihilominus in virtute sanctae obedientiae districte precipimus et mandamus, ne eidem vel quibuscumque suis processibus vel sententiis, habitis vel habendis, quomodolibet pareatis, nec ipsum papam nominetis, vel in papatu faveatis auxilio, consilio vel favore: omnes enim et singulos, qui contrarium praesumerent, vel etiam pertinaciter assererent, seu defenderent ipsum esse verum papam et injuste privatum fore, et exinde papam nominarent; nos quoque minus rite creatum dicerent, nec nominare papam vellent, nostrisque processibus, sententiis, absolutionibus non parerent, ac si Apostolicus non essemus, aut etiam blasphemias nobis et confratribus nostris dicerent: tanquam haeticos decernimus puniendos. Et ad executionem praemissorum efficacius habendam, inquisitori

haereticae pravitatis damus strictissime in mandatis, quatenus quoscunque tales invenerit, fultus auctoritate nostra poena debita puniat et castiget, etc. » Deturbari suis dignitatibus jubet Catholicos praesules, « Dat. Rom. apud S. Mariam de Araceli, VI kal. Junii, Pontificatus nostri anno 1^o. Excitata itaque est antichristi hujus jussu in fideles persecutio, ac Romae duos a Ranerio Uguccionis Fagiolani filio senatore, quorum alter patria Etruscus, alter Insuber erat, cum intrepide et constanter assererent Joannem verum esse Pontificem, nec Apostolico gradu Ludovici sententia dimoveri potuisse; Corbarium vero esse apostaticum, ejusque complices schismaticorum et haeticorum synagogam, flammis traditos fuisse scribit Joannes Villanus 1.

47. Dum Ecclesia schismate laniabatur, Joannes papa, ut divinam misericordiam ad eos sedandos fluctus flecteret, solemnes preces indixit, ipsasque fundentibus viginti dierum indulgentiam impertiit.

« Joannes, etc. Quia in missarum solemnibus ad Deum consueverunt preces effundi devotius, de eorumdem fratrum consilio ordinamus, quod in singulis missarum celebrationibus post dictam a celebrante *Pater noster*, responsionem secuta, antequam in missa ulterius procedatur, illud canticum: *Latus sum in iis, quae dicta sunt mihi*; totum cum *Gloria Patri*, etc. a religiosis clericis et aliis litteratis praesentibus cum devotione dicatur. Et primo dicantur *Kyrie eleison, Christe eleison, Kyrie eleison, Pater noster*; et post, isti versiculi subsequantur: *Domine, salvos fac reges, et exaudi nos in die, qua invocaverimus te. Salvum fac populum tuum, Domine, et benedic hereditati tuae; et rege eos et extolle illos usque in eternum. Fiat pax in virtute tua; et abundantia in turribus tuis. Domine, exaudi orationem meam; et clamor meus ad te veniat. Dominus vobiscum; et cum spiritu tuo. Collecta: Ecclesiae tuae quaesumus, Domine, preces placatus admiite, ut destructis adversitatibus et erroribus universis, securi tibi serviat libertate. Per Dominum nostrum, etc.*

« *Hostium nostrorum, quaesumus, Domine, elide superbiam, eorum contumaciam dexterae tuae virtute prosterne. Per Christum Dominum nostrum. Benedicat celebrans consequenter.*

« Nos autem Christi fideles ad exequendum supradicta promptius donis volentes spiritualibus animare, omnibus vere poenitentibus et confessis, tam his celebrantibus quam ipsis assistentibus observantibus supradicta, quam aliis preces tunc devotas Deo fundentibus, pro praemissis diebus et missis singulis, quibus haec fecerint xx dies, de omnipotentis Dei misericordia et beatorum Petri et Pauli Apostolorum ejus auctoritate confisi, de injunctis sibi poenitentibus relaxamus. Nulli ergo, etc. Datum XII kalendas Julii, anno xii ».

¹ Jo. Vill. l. X. c. 70.

etiam sunt ad fundendas Deo preces pro Ecclesia religiosi viri, interque ceteros Cistercienses ¹, Dominicani ² Tolosæ congregandi, tum Minoritarum ³ Bononiæ solemnes Ordinis conventus, quibus Bertrandus electus Ostiensis cardinalis legatus præesse iussus ⁴, habituri.

48. De indictis publicis a Pontifice precibus meminit Albertinus Mussatus ⁵, ac repente divinitus conversas res et hæreticorum schismaticorumque potentiam concidisse, observat: «Joannes, inquit, papa tantis anfractibus rumoribusque assidue invalescentibus, etsi mente vel corde timidus, nil tamen ambigui in patulum ostendens, Dei maxime fiducia ad fratrum curialiumque exhortationes erigebatur, hoc non contingere aiens, nisi ut his luctationibus ac vexationibus sancta crescat Ecclesia, inimicos sua ipsorum exterminet pernicies: edictumque subito per universam Ecclesiam omnibus fidelibus emisit in sacerarum missarum solemnium officiis post *Pater noster* orationem specialem ad altaria cantari, sterneret Deus inimicos sua virtute, ut Ecclesia illi solita et sua libertate conservat seu subseruiat, addito Psalmo: *Lætatus sum in his, quæ dicta sunt mihi*, etc. Mirum quid post edicti hujus decantationem notatur: exivit enim, ut ejus virtute signa per eos dies subsequuta sint». Subdit auctor præcipuos Gibellinos proceres, qui Ludovicum in his sceleribus armis fulciverant, brevi misere periisse: sed de tristi eorum casu agatur inferius. Nunc præcipuarum rerum inter hæc gestarum narratio percurrenda est.

49. *Ludovici res everti captæ.* — Agente Romæ Ludovico, et in membranis maledictis in Pontificem inquinandis occupato, in eum a Pontificis res strenne gesta est: instructus a Roberto rege ad eum depellendum exercitus in Neapolitano regno, in Etruria Pistorium a Philippo e S. Ginceto, qui Florentiæ Caroli ducis nomine præerat, interceptum: captusque est in illius urbis expugnatione Donatus Augustianus pseudoeписcopus (schismaticis enim occasione monachorum sex et claustris in episcopales sedes irrumpebat) quem Joannes cardinalis legatus exutum sacerdotio legum severitati subjicere iussus est ⁶. Castrucius porro, qui senatoriam Romanæ Urbis præfecturam a Ludovico acceperat, mox ea jactura territus, veritusque ne alii populi ab ipso deficerent, magnis itineribus in principatum ad eum confirmandum concessit, augendoque illi intentus, Pisas profectus cives adegit ⁷, ut sibi reipublicæ summam deferrent.

Cæterum Castrucii ab Urbe recessu consilia de invadendo regno Neapolitano consensuere, cum tamen Ludovicus, si recto itinere eo contendisset, ut communi hominum opinione pervulgatum

fuit. Robertum Siciliæ regem suæ impari potentia oppressisset ¹: licet enim Carolus dux Calabriae cum mille quingentis equitibus cataphraetis regni aditus tutaretur; in Ludovici tamen castris cum imperiale insigne arripuit, quinque millia et eo amplius equitum conspecta sunt ²: sed cum tempus in expectanda classe Trinacriæ regis, ducendis inanibus pompis, exanctorando Christi vicario, creando antipapa consumeret, obsolescere cepit ejus felicitas, eripiente illi consilium divino Numine, ut ait Joannes Villanus, ac Roberti regis potentia cepit assurgere. Ut enim militum plures ipsius milites a Romanis in ea periculosissima seditione, quæ mense Marlio concitata est, cæcos ³, Urbem veterem frustra oppugnatam ⁴; amissum Astur ⁵ insequenti ab antipapæ execratione die, quatuordecim Roberti regis treremes Tyberis ostia ingressæ cepere Ostiam ⁶, et exposito in terram milite obvia quæque ferro flammaque vastavere, et ad Basilicam usque S. Pauli excurrere: immissique postea a Ludovico octingenti equites cum multo peditatu ad recipiendam Ostiam non sine magna clade propulsati sunt. Fabrianensibus Bavari partium a Tano pontificiarum copiarum duce magna clades illata ⁷; concisæ nonnullæ prope Narniam quarto Junii die Ludovici copię ⁸. Insuper antea Pontifex illius provincie prædidi arces Roberto regi milite præsidario adversus Ludovici impetus muniendas tradere, ubi tamen prius ab eo sacramentum exegisset; ipsas Ecclesiæ restitutum iri.

50. *Ludovici et antipapæ fuga, et in Urbe rerum instauratio.* — Expugnata quidem, aut improvise adventu oppressa a Bavaro nonnulla agri Romani loca, refert Joannes Villanus ⁹; ob inopiam tamen commeatuum vigesimo Junii die Tybur rediisse, ut regni Neapolitani fines pervaderet tentaret: sed cum omnes obsepti aditus, et annonæ gravissima, summaque ærarii inopia esset, vigesimo Julii iter reflectere coactum: cumque ¹⁰ interea copias suas promoveret Robertus rex, et in Campaniam ac finitimas Urbi terras penetraret, adduci se in periculum intuitum, maxime cum Romanorum potior pars gesta ejus execrans, publicis vocibus hæreticis et schismaticis mortem, salutem et gloriam Ecclesiæ, ejusque studiosis comprecaretur, ac nonnullos adversæ factionis necasset; exterritum ac pudore oppletum, secumque trahentem idolum abominationis Petrum Corbarum antipapam, ac reliquam schismaticorum colluviem, quarto Augusti die Urbe excessisse, nocteque insequenti Bertoldum Ursinum Joannis S. Thicodori cardinalis legati nepotem et Stephanum Columnnam, cum copiis ingressos, Pontificias partes fulcivisse, ipsosque senatores renuntiatos: octavo vero mensis ejusdem die Nea-

¹ Tom. vi. p. 3. Ep. secr. pag. 188. — ² Ead. p. pag. 204. — ³ Ead. p. pag. 403. — ⁴ An. 11. p. 1. pag. 95. — ⁵ Muss. in Lud. Bav. — ⁶ Tom. vi. p. 3. Ep. secr. pag. 109. — ⁷ Jo. Vill. l. x. c. 60.

¹ Jo. Vill. l. x. c. 56. — ² Ibid. — ³ Cap. 66. — ⁴ Ibid. — ⁵ Cap. 68. — ⁶ Cap. 74. — ⁷ Cap. 37. — ⁸ Cap. 77. — ⁹ Cap. 78. — ¹⁰ Cap. 98.

poleonem Ursinum et legatum cardinalem, ad quem extant litteræ IV idus Septembris datæ ¹, ut Urbis reversæ ad officium templorum et sacrorum usum ad tempus restitueret, magnifice ac festis acclamationibus exceptos, Urbis statum componens, plures in Bavarum et antipapam sententias promulgasse: illorumque privilegia omnia publice exusta in Capitolio, mortuorum Germanorum corpora eruta a pueris e sepulchris, ac tracta in Tyberim: Sciamur Columnium et Jacobum Sabellium ac sequaces, quos Ludovicum excivisse in Urbem vidimus, in ea rerum conversione dejectos fugam arripuisse; direpta eorum bona ac fisco addicta: neque multo post Guillelmum Ebulum cum equitibus octingentis ac multo pediatu a Roberto rege submissum, Urbem in Pontificis regisque obsequio confirmasse. Consentit Joannis Villani dictis Ptolemeus Lucensis ² in historia Ecclesiastica, cujus hæc verba sunt: « Post hæc autem præfatus Ludovicus in mense Augusti de Urbe Romana discedit non volens, sed nolens, et rediit ad urbem Pisanam, ubi cum suo antipapa de malo in pejus continuo debacchatur adhuc hodie, quo hoc scripsimus, inchoante jam anno Dominicæ incarnationis mcccxxix. Nondum venit finis malorum ipsorum ». Illustrant superiora litteræ Pontificis, qui de felice victoria de qua paulo ante memoravi, accepto nuntio, Christianos principes, atque inter cæteros Philippum Valesium Francorum, et Philippum Ebroicensem Navarræ novos reges de Roma recuperata, aliisque rebus gestis insignibus certiores fecit ³:

54. « Philippo regi Franciæ.

« Post plures nonnullorum mercatorum quam aliorum missas de partibus Urbis litteras, continentes, quod divina providentia pro Ecclesia sancta sua ibidem dignata est his diebus præteritis operari, litteras dilecti filii nostri Joannis S. Theodori diaconi card. A. S. L. recepimus, quibus inter cætera, continetur, quod die quarta præsentis mensis Augusti Ludovico de Bavaria excommunicato, schismatico et hæretico, Urbem cum ignominia et dispendiis plurimis exeunte, dilecti filii nobiles viri Stephanus de Columna miles et Bertoldus de filiis Ursi Urbem intraverunt eundem, per quorum solertem industriam Romanus populus, se peccasse considerans et cognoscens, humiliatus et pacificatus exiit, et eodem nobiles pro nobis et sancta Dei Ecclesia constituit senatores. Et interim præfatus legatus ad Urbem prædictam dirigens gressus suos, illam intravit die Dominica immediate sequenti, et a Romanis clamantibus: Vivat sancta mater Ecclesia et sanctissimus pater papa Joannes, ac cardinalis legatus, et moriantur Petrus de Corvaria, hæretici et Paterini, ac alii proditores; cum gloria et honore devote ac honorifice fuit

receptus, ibique moratur pacifice, alloquendo populum, et ad devotionem Dei ac nostram et Ecclesiæ jugiter exhortando; dictique nobiles suum exercent senatoriæ officium, facto per eos in eadem Urbe generali parlamento, in quo inter alias reformationes ibidem factas, processus, privilegia et alia quæcumque facta et ordinata per dictos Bavarum et Petrum de Corvaria revocarunt, præconizato etiam per Urbem eandem publice, quod omnia talia coram dictis senatoribus infra certum super hoc præfixum terminum portarentur, quodque in omnibus contractibus factis illis temporibus tempus Pontificatus nostri, sicut hactenus, poveretur.

« Præterea sanctum sudarium Jesu Christi, quod in Ecclesia B. Mariæ rotundæ de Urbe cum magno tremore per Romanos aliquos servabatur, præfatus legatus cum devotione magna cleri et populi, adstantium et sequentium, ad Basilicam principis Apostolorum de Urbe reportavit in vigilia festi B. Laurentii proxime præteriti, et in loco solito honorabiliter collocavit. Et quia tenemus iudubie te, fili charissime, de prosperitate Ecclesiæ matris tuæ, velut devotus ipsius filius et princeps Christianissimus, ac errantium et ab ea deviantium conversione et reductione ad ipsam plenius et devotis affectibus consolari; præmissa tuæ celsitudini, ut nobiscum in Domino congruideas, et inde nostro gratiarum actiones offeras Salvatori serie præsentium intimamus. Hæc autem nuntiare magnificentiæ regiæ usque ad diem datæ, quod ad nos prædictæ litteræ pervenerunt, distulimus de præmissis a fide dignioribus certiores effici præstolantes. Dat. Avin. V. kal. Septembris anno xii^o. Eodem argumento litteras Joannæ reginæ ¹ Francorum, ac Philippo regi Navarræ, Carolo Alenconii comiti ² regis Galliarum fratri Ludovico Borboniorum duci, Roberto Atrebatensi comiti Bellimontis scripsit.

Perstillsse porro Romanes in obsequio Ecclesiæ, atque omnes, qui schismaticorum partes in Urbe erant secuti, fortunis eversos, describit Pontifex in litteris ad Petrum archiepiscopum Cæsaraugustanum datis ³: « Ecce, inquit, frater, quod litterarum inscriptionibus et relatiis perceperimus fide dignis, eadem Urbs, in nostra et charissimi in Christo filii nostri Roberti regis Siciliæ illustris, in eadem Urbe vicarii nostri, solida devotione persistit, dictorum Ludovici et Petri hæreticorum et schismaticorum actibus per ejusdem Urbis senatores reprobatis et damnatis solemniter, ipsorumque litteris, quæ reperiri poterunt, publice concrematis; ac insuper domibus et habitationibus conficiorum ejusdem Petri, cardinalium, notariorum, scriptorum et officialium aliorum quorumlibet, qui fugæ se commiserunt ignominiosæ datis funditus in ruinam ».

¹ Tom. VII. p. 3. Ep. secr. pag. 3. — ² Phot. Luc. l. XXIV. c. 41. — ³ Tom. VI. p. 3. Ep. secr. pag. 203.

¹ Reg. post eand. Ep. — ² Ibid. pag. 204. — ³ Tom. VII. p. 1. Ep. secr. pag. 169. ag. 13.

52. Coactus Urbe abscedere Ludovicus, Viterbium se contulit; Petrus vero Corbaria e pseudo-pontifice in latronem versus, S. Fortunatigazam sacram atque ipsas lampades diripuit: tantus in sacrilego opum amor fuit, qui se paupertatis amantissimum per summam hypocrisim prae se tulerat. Cumulavit hoc facinus impia tyrannide: cum enim iusta se execratione desigi a Catholicis audiret ac pervulgari, nec Ludovicum jure exauclorare Pontificem, vel Corbariam ipsum ad solium evehere potuisse, excanduit vir nefarius, ac uni e ministris impietatis partes demandavit, ut in Catholicis seiviret, Pontificiasque sententias latas in schismaticos irritas pronuntiaret. Conceptæ sunt his verbis sacrilegæ antipapæ litteræ ¹.

« Nicolaus, etc. Emanuelli Sementis de Albigena, Ordinis fratrum Prædicatorum.

« Habet rei veritas, nec orbis et Urbis angulis est occultum, qualiter damnatæ memoriæ Jacobus de Caturco, per serenissimum principem Ludovicum Romanorum imperatorem semper Augustum, nostrum et Ecclesiæ sanctæ Catholicæ et Christianæ fidei pugilem, ac clerum populumque Rōmanum omni dignitate omnique Pontificatus honore nuper recte privatus et depositus extilit sententialiter ob suarum nefandarum congeriem offensarum. Nos vero processu temporis, divina disponente clementia, licet immeriti, ad apicem Apostolatus assumpti contra ejusdem damnati sequaces, fautores et eidem pertinaciter adherentes et communicantes in talibus criminibus, cuiuscumque status, ordinis, dignitatis et conditionis existentis sententiam privationis et depositionis protulimus generalem, et tanquam hæreticorum fautores decrevimus esse censendos. Verum quia nonnullorum indurata cervices et pravæ nec sic a talibus improbitatibus respiciunt, quin etiam effrænate os suum ponentes in cælum, nos et potestatem nobis a Domino traditam et sacri Romani auctoritatem imperii lacerare non desinunt, variis et diversis utentes contra nos detractionum vocabulis, et asserentes improbe, ac dogmatizantes temere, nostras sententias non valere, in eorum periculum animarum, scandalum etiam plurimorum, ne ipsorum malitiæ et nequitiae falsæ suggestionis fermento tota massa fidelium cum ipsis conversantium corrumpatur, adhibere disposuimus adusionis et præcisionis remedia opportuna, etc. Dat. Viterbii apud S. Franciscam XVIII kal. Octobris, Pontificatus nostri anno 12 ».

53. *Infelix exitus principum Ludovici adhaerentium.* — Hæc inter Ludovicus expeditionem meditabatur ² in Florentinos, adversum quos a Castrucio, qui Pistorium ad deditionem perpuerat ³, concitabatur. Et sane impendebat iis magni discriminis terror, cum novus casus Bavari con-

silia retardavit; qua de re hæc S. Antoninus tradit: « Cum jam omnia Ludovicus parasset, ut e Tuderlo in Etruriam iter dirigeret, classis Siculorum qua regem Robertum invadere constituerat, tardius comparata eo tempore advenit, cum jam Ludovicus captum regni negotium omisisset. Præerat autem classi Petrus Friderici regis filius, erantque cum eo naves Genuensium exulum, qui regi adversabantur. Ludovicus ergo cum equitatu delecto Cortonem (Cornetum) profectus est: ibi namque prædicta classis eum præstolabatur. In colloquio autem inagis querelæ effuse, quam ulla provisio aut reparatio facta: ille enim frustra paratam classem magnamque vim pecuniæ incassum absumptam; hic ob tarditatem adventus res simul spesque suas ob id frustratas querebatur: ac reditum in regnum, quod illi postulabant, omnino recusavit. Et hæc fuit causa retardationis impetiosi progressus in Florentinos ». De Petri regis Trinacriæ filii ac Saonensium classis sero adventu agit accuratius Jo. Villanus ⁴, ac Ludovicum exeunte Augusto Tuderlo profectum, in colloquio cum Petro descendisse, et promissa ex fœderis legibus viginti millia unciarum auri, ut in Roberti regis terras irrumpere, repetitis: hunc vero soluturum pollicitum, cum in hostis terras signa extulisset; tum Ludovicum accepto nuntio de tumultibus, Pisis opera filiorum Castrucii hoc anno, ut dicitur, extincti excitatis, illuc una cum Petro iter intendisse, exceptumque vigesimo primo Septembris die honorifice Tarlatum Tarlatum Aretinum populi signiferum creasse, Petrum vero Trinacriæ regis filium paucis post diebus, cum reditum comparasset, initi cum hæretico et schismatis auctore principe pœnas exsolvisse: disiecta enim ac laniata a ventis ejus classe, quindecim triremes una cum vectoribus fluctibus haustas alias discerptas quassatasque, salvum tamen Petrum Messanam cum quatuor triremibus applicuisse; cæteras autem laceras militibus et armamentis valde destitutas ad varia Siciliæ loca pervenisse.

54. Haud quidem feliceioris Petro principe extitere alii Ludovici fœderati: ut enim prætermittamus. Sylvestrum Gattam Viterbiensem tyrannum, quem Bavari jussu ⁵ captum ac tortum, ut thesaurum suum proderet, quem Viterbii in Minoritarum sacrario absconderat, ascendente ad triginta aureorum millia, Castrucius ad apicem speratæ felicitatis excitatus, Pistorium enim bello occuparat, et Luca Pisis ac plurimis locis aliis poliebat, mortuus ⁶ est ætatis suæ septimo quadagesimo: exitusque vaticinii illius apparuit, dum Romæ in pretiosa veste hæc verba in pectore intexerat ⁷: « Est quod Deus vult »; et a tergo: « Et erit quod Deus vult »; nimirum pulvis et cinis: qui inanes sibi fastus augurabatur:

¹ Regest. Nicolai antip. pag. 125. — ² Ant. III. p. 101. XXI. c. 6. §. 8. — ³ Jo. Vill. I. X. c. 85, 86.

⁴ Jo. Vill. I. X. c. 167. — ⁵ Ibid. c. 67. — ⁶ Ibid. c. 87. Ant. II. tit. XXI. c. 6. §. 8. — ⁷ Jo. Vill. I. X. c. 60.

ejus vero filii principatu pulsati in exilium acti sunt¹.

Similiter insignes alii Gibellini principes Ludovici socii periere, de quibus hæc narrat Albertinus Mussatus² qui celesti ira, ac divina in Ecclesiam providentia eorum casum adscribit : « Passarinus, inquit, Mantuæ tyrannus, vir astutissimus, cujus maxime ductu consuloque Ludovicus in Italiam tractus extiterat, ab Ludovico de Gonzaga et Tito ex conjuratione cum Canegrandi della Scala habita, presidioque ejus, inscio Passarino, in Mantuam accepto, obruncatus necatusque est, filio ejus Francisco capto, et cæsis membris omnibus decalvato, in castellaris fundum jacto, in quem olim Francischinum nobilem de Mirandula, multosque Passarinus conjectos ad famis mortem coegerat. Hæcque finis Passarini fuit tyranni longissimo tempore crudelissimi. Episcopus Furliviensis (Aretinus), qui et spreta papæ Joannis et Ecclesiæ auctoritate magno apparatu in Lombardiam ad Ludovicum accesserat, favoreque multo excoluerat, repentina morte ac crudeli correptus est : quanquam et hic signa extremæ penititudinis eorum, quæ in hoc opere commiserat et verbis et antibus patenter ostenderit, Castrucius vir robustæ fortitudinis mox, dum Roma digressus in Lucam rediit, et ipse morte præventus est ». Paucisque interjectis, cæteris annumerat Galeatium vicecomitem, de quo sapiens actum est. De eo vero postquam multis precibus laxatus esset et vinculis, ac stipendia sub Castrucio turpiter mereret, qui Mediolano, Papie, Laudæ, Cremonæ, Como, Novariæ, Vercellis imperarat, misere hoc

anno extincto agens Joannes Villanus³, eam sententiam librat, divina quidem differri judicia sed non auferri. De quo etiam dignissima sunt, quæ a nobis afferantur hæc S. Antonini verba (1) :

« Obiit² quoque per idem fere tempus Galeatius vicecomes, qui dudum in Mediolanenses castrisque Gallie urbes amplum ac regno simile tenuerat imperium. Is enim post amissas res ac perditas opes ad Castrucium confugerat, ac in Pistoriensis obsidione cum eo fuerat. Ibi contracto morbo Piscie et vita decessit, sique verum ostenditur quod ait Psalmista : *Vidi impium superexaltatum et elevatum sicut cedros Libani ; transivi, scilicet per considerationem mentis, et ecce non erat, quæsi vi eum, et non est inventus locus ejus*. Et iterum : *Dejecisti eos dum allevarentur. Quomodo facti sunt in desolationem, subito defecerunt : perierunt propter iniquitatem suam : velut somnium surgentium exterminati sunt et ad inferos descenderunt cum armis suis excommunicati ut rebelles Ecclesiæ. Idem contingit, et in posterum eveniet cunctis rebellibus et inimicis Ecclesiæ ».*

Agnovit quidem Pontifex in horum principum Ecclesiæ hostium adversis casibus divinam justitiam arcanæ judicii exercuisse, dum hæc ad Joannem patriarcham Alexandrinum et Petrum episcopum Caesarugustanum scripsit³ : « Excelsam extendente divina potentia manum suam, tyranni crudeliores partium Italie, videlicet Castrucius, Galeatius, Passarinus et ejusdem Passarini filius, alique quamplures nequam homines, qui Deum et eandem Ecclesiam fidemque Catho-

¹ 1. Vill. l. x. c. 108. — ² Muss. in Lud. Bav. Jo. Vill. l. x. c. 101.

¹ Jo. Vill. l. x. c. 87. — ² Ant. III. p. 61. XXI. c. 6. § 8. —

³ Tom. VII. p. 1. Ep. secr. pag. 169.

(1) Obiit hoc anno Castrucius Lucensium dux inclutus, quem inter summos ætatis suæ imperatores non gentiles tantummodo, sed et exteri pariter scriptores collocant. E privato repente princeps, tum et dux magnus initia fortune, reliqua virtuti debuit. Nam improvisa fortune vice et supplicio, cui sub Ugucione della Faggola principe destinatus fuerat, translati in sulum, breviter anguste ditiosus pomeria, industria, viribus, pravis, victoris ita dilatavit, ut præter urbes quinque, Lucam, Pisas, Pistorium, Pratum, Volaterras optata moenibus cincta ad trecenta, Villano teste, comprehenderint. Hostem non semel meluerunt Florentini, quos non uno prælio afflixit; memorabile illud, quod inter Altampassum et Porcarium commissum fuit, in quo Florentinorum res acceps, adeo ut externorum principum opem adversum potentissimum hostem implorare cogerent. Senserunt et Pisani et Pistorienses, quos semel atque iterum subjugavit. Vixissim autem amicitiam strenui duces magni principes audiverunt Franciscus, et Ludovicus Bavarus de imperio inter se disceptantes magnis largitionibus eum sibi dederunt contendunt. Frid-rico enim fuit « regis Romanorum et secretarius et comes et vicarius »; Ludovico vero « vexillifer imperialis, Laterani comes, dux », ac demum eo procurante a Romanis « Urbis Romæ senator » reamitur. Nec ea viri amicitia Ludovico frustra cessit, res enim ejus famula steterunt quandiu Castrucius; eo sublato, Ludovicus labare primum dein et cadere visus est. Amore etiam conjunctissimos habuit Galeatum Mediolani dominum et vicecomes fratres, quorum libertatem (captivi enim a Ludovico detinebantur) precibus, et auctoritate, quo plurimum apud Ludovicum valebat, impetravit. Tantam viri potentiam concitavit non bellica tantummodo virtus et rei militaris peritia; sed et virtutes reliquæ, quales virum principem deceat; si enim tyrannidem expias, quam nemo laudaverit præsertim in patriam, in reliquis principis optimi effigiem expressit; justitiæ tenax, cæcis, liberalis, magnificus. Sed cum nihil in terris omnibus sit numeris absolutum, vita quædam viri ierant, quibus tantum virtutem gloria non modice derogabat. Nam crudelior aliquando in suis visus est, quam pro justo principe, quod tantum in tyrannus necessitas servandi principatum utcumque excuset. Illud inexorsabile, quod Ludovicum Bavarium jura Romani Pontificis sæculge invadentem, armis et consilio juvent, communique se cum illo censuram Ecclesiasticarum vinculo obligavit. Quod sæculus alio scribere cœperat, nam in medio secunda fortuna cuius lethali interce, tus morbo, in ipso vite exitu, quanquam non levia petitis et regionis dedit argumenta, nunquam tamen irrogant Romane Ecclesiæ injuriarum agnoscere et veniam apud Deum et Ecclesiam deprecari sustinuit. Ita Villanus, quem vera referre est sentio scriptorum nostrorum colligo; nunquam enim illi conciliationem ejus cum Pontifice sulsissent, quamquam extra Ecclesiæ communem et vita excessisse illum Villano asserenti hunc assentior. Rem hæc validis, ut arbitror, argumentis adstruxisse me blandior in Notis ad Vitam Castruci Nicolai Tegrini auctore conscriptam, quam Lucensibus typis mensque adorationibus illustratam non ita pridem reculendum curavit vir clarissimus abbas Joannes Tegrini. Obiit die III Septembris anni hejus MCCCXXVII, æta em agens annorum XLVII. Res ab eo gestas nostrorum scriptorum non pauci posteritati mandarunt, tum ex æqualibus ætatis illius, quorum apud nos Mss. Commentarii servantur, tum ex recentioribus quorum vetustissimus Nicolaus Tegrinus sæculi xv libentis scriptor Castruci Vitam oratorio potius stylo quam historicum descripsit; non enim natam et chronologicum factorem seriem ordiunt, sed accervunt omnia narrat et celebrat. Eandem spartiam adornavit Nicolaus Macchiavelus; sed pro historia labelum abstruxit; et dum in Castrucio heroeam effigiat, non qualem ipse fuit, sed qualem ipse fluxit, exhibuit omnium justissima historia Aldi Manutii junioris, que vernacule scripta prodit Romæ anno MXXV; singula enim facta ibi suo in loco ac lumine collocantur, quibus ornamentum addit collectio veterum Actorum ad Castruci res gestas illustrantium.

licam, dictis adhærendo et favendo hæreticis et schismaticis, hactenus impugnarunt ferociter, a suis resiliere pertinaciter recusantes erroribus, infelicitissimæ mortis persolverunt occasum. Quæ tibi ad gaudium providimus nuntianda, non ut letaris, sicut nec nos letamur, quin potius tristamur in perditione morientium; sed consoletis in Domino, cum ipsum qui superbis resistit et humilibus dat gratiam, percipis malos, ne majora committant, interdum tollendo de medio, justum suæ potentie iudicium exercentem, etc. Dat. kal. Novembris, anno XII^o.

55. *Marchiones Atestini poscentes redire in gratiam Ecclesiæ recipiuntur.* — Fœderatum Ludovicum infelicis exemplis terribi marchiones Atestini ad obsequium Ecclesiæ redire in animum induxere¹. Dammati² jam fuerant hæreseos crimine a censoribus fidei, atque in divinam providentiam plures blasphemias voces exomuisse, illam res humanas non curare, Romanæque Ecclesiæ dignitatem sacrilegis vocibus temerasse accusati. Ad quæ objecta diluenda, captandamque Sedis Apostolicæ clementiam Gasparinum et Albertinum oratores misere, qui injectis collo laqueis, ad Pontificis pedes insigni Christianæ demissionis exemplo se prostravere, ac marchionum Atestinorum nomine Ferrariam Pontificiæ ditionis esse, neque jus in eam ullum ipsos obtinere professi sunt. Deim commemoratis veterum principum Atestinorum in Ecclesiam officiis, ad purganda objecta nefandæ hæreseos capita digressi, blasphemia ea verba nunquam ab iis jactata exposuere, vel si dicta, et præcipitis iracundiæ ardore, levitate animi prorupisse; de fide autem Catholica, deque Ecclesiæ majestate recte sentire. A Pontifice itaque admissi in gratiam censuris omnibus soluti, pristinisque juribus et amplitudini restituti ea lege, ut Argentam oppidum aliaque ad Ravanatensem Ecclesiam spectantia restituerent: quo argumento subjectæ litteræ exarata³, in quibus primum graviora iis imposita crimina, ob quæ ipsos antea hæreseos infamiam notatos vidimus, recensentur:

« Joannes etc. ad perpetuam rei memoriam.

« Venerabilis frater noster Guido episcopus Ferrariensis auctoritate litterarum nostrarum, sibi et dilecto filio inquisitori hæreticæ pravitatis in provincia Lombardiæ super hoc dictarum, interdum cum dicto inquisitore, interdum solus, prout ex forma dictarum litterarum et ex commissione sibi super hoc facta per dictum inquisitorem competebat procedens, asserens dictos nobiles (nimirum Raynaldum et Opizonem Atestinos) clare et manifeste fore convictos de criminibus hæreticæ pravitatis, cum dixissent et protulissent pluries et scienter in publicum, quod Deus nihil habet in terra lacere, nec de factis hominum, nec

de mundo hujusmodi intromittit; item quod Ecclesia Romana est nihil, et quedam barataria, nec vera Ecclesia est censenda; item quod non sit peccatum spoliare Ecclesias Dei et ministros earum; plura etiam alia dixerant erronea et abominabilia contra fidem, quæ præfati nobiles negare, ac audaci quadam obstinatione in negatione persistere presumpserant, ac expresse contrarium affirmare, quas responsiones et negationes emendare in termino præfixo peremptorie non curant; diffinitive sententiavit eosdem nobiles in suis negationibus persistere pertinaciter, et tanquam hæreticos judicavit, penas eisdem imponendo varias, ipsosque declarando alias incurrisse, prout in processibus super præmissis per præfatos episcopum et inquisitorem interdum simul, interdum separatim, ut præmittitur, habitos plenius continetur: quorum quidem omnium processuum præfatorum extensam seriem propter prolixitatem eorum præsentibus non duximus inserendam, licet velimus haberi ac si de verbo ad verbum continerentur plene et totaliter in eisdem.

56. « Cum autem ille, qui omnes homines vult salvos fieri, et quod ad agnitionem veniant veritatis, cuicumque cum voluerit subest posse, cor eorum tangere placuit, ac oculis eorum quos culpa clauserat aperire, ad cor idem nobiles redeuntes, suosque enormes ac detestabiles attendentes excessus, necnon et pericula varia, in quæ inciderant propter illos, corde contrito et humiliato spiritu, sicut sequentia prætendebant; in Gasparinum de Thagis legum doctorem et Albertinum Abobus filium quondam Jacobini speciales eorum procuratores et nuntios, ad omnia infra scripta plenum et sufficiens ab eis mandatum habentes, prout in litteris super hoc confectis, et eorum sigillo munitis, quas penes nos retinuiimus, continetur plenius, ad nostram præsentiam personaliter destinavunt. Qui quidem procuratores et nuntii coram nobis et nostris fratribus comparentes, habentes et gestantes circa collum funes in signum ingentis contritionis de iis, quæ commiserant et doloris, in nostra et dictorum fratrum, necnon archiepiscoporum et episcoporum et aliorum prælatorum, tunc in curia Romana morantium, ac officialium nostrorum et Sedis ejusdem copiosa multitudine præsentia constituti, dictorum nobilium nomine recognoverunt et confessi fuerunt expresse procuratorio nomine et ut nuntii eorundem, quod prædicta civitas Ferrariensis, ejusque districtus cum omnibus juribus et pertinentiis eorundem ad plenum jus et proprietatem B. Petri et ejusdem Rom. Ecclesiæ pertinebant; quod fuerant, sunt et esse debent de omnimoda jurisdictione, potestate et dominio cum mero et mixto imperio Romanæ Ecclesiæ memoratæ; quodque iidem nobiles in jurisdictione, potestate et dominio et mero ac mixto imperio civitatis prædictæ et districtus ejusdem, seu in aliquibus vel eorundem aliquæ, jus aliquod non habuerant nec

¹ Muss. in *lud. Biv.* — ² *Tom. VII.* p. 1. Ep. secr. pag. 21. —

³ *Ead.* p. 1. pag. 27.

habebant, salvis et reservatis præfatis nobilibus omnibus et singulis domibus, possessionibus et rebus, ac juribus, quæ de jure pertinent ad eodem in civitate præfata, ejusque diœcesi et districtu : ita tamen, quod reservatio hujusmodi facta dictis nobilibus referri non debeat, neque possit ad jus, jurisdictionem vel dominium civitatis, comitatus et districtus prædictorum in solidum, vel pro parte, vel ad aliquid eorumdem; ac insuper civitatem et districtum prædictos cum omni jurisdictione, potestate, dominio, iure et mixto imperio, et quocumque regimine eorumdem, quatenus de facto illa vel eorum aliqua fuerant vel esse potuerant quomodolibet apud nobiles memoratos, in nostris manibus procuratores prædicti eorum nomine libere resignarunt, ac claves civitatis prædictæ nobis ibidem præsentialiter et manualiter supradicto nomine nihilominus assignarunt: proponentes insuper prædictorum nobilium nomine procuratores prædicti, quod dicti nobiles originem traxerant ex parentibus Catholicis et Ecclesiæ Romanæ fidelibus et devotis, qui eidem Ecclesiæ contra suos æmulos et rebelles adhaerant et adstiterant spretis rerum dispendiis, nec vitæ personarum periculis opportunis auxiliis: ad hæc exempla sequentia subiungentes.

57. « Azo quidem Estensis marchio et progenitor eorumdem, sicut proposuerunt et asseruerunt procuratores prædicti, cum toto suo exfortio cum quondam Gregorio de Montelongo tunc A. S. L. ad captionem et recuperationem civitatis prædictæ per Rom. Ecclesiam fuerat, quæ tunc per Salin-guerram vicarium quondam Frederici olim Rom. imp. delinebatur indebite occupata; quodque idem Azo cum toto prædicto exfortio etiam fuerat ad capiendum Guezelinum (s. l. Ezelinum) de Romano rebellem Ecclesiæ memoratæ. Raynaldus quoque marchio Estensis eorum similiter predecessor pro devotione ejusdem Ecclesiæ ab eodem Frederico captus extiterat, et in Apuliæ partibus in ejus carceribus interemptus. Multa quoque et alia eorum majores fecerant in subsidium, defensionem et exaltationem ejusdem Ecclesiæ, quæ longum esset per singula enarrare. Adjecerunt insuper procuratores prædicti, quod majores ipsorum nobilium affinitates et parentelas et ligas cum fidelibus Ecclesiæ et devotis semper consueverunt contrahere et inire, sequæ in charitatis operibus, Ecclesias et hospitalia construendo, eaque de bonis dotando propriis, et aliis piis operibus exercere: subiungentes quod dicti nobiles, majorum suorum vestigia imitantes fidem tenent et tenebunt hactenus et intendunt tenere immobiliter in futurum, quam tenet sancta Romana Ecclesia atque docet.

58. « Credunt quoque et crediderunt et intendunt credere firmiter in futurum, quod Deus creator est et dominus cæli et terræ et omnium quæ in eis sunt; qui omnia bene fecit, et sine eo factum est nihil; quod in mundo nisi ipso volente

nihil permittitur, vel permittente fit nihil. Item quod Romana Ecclesia illa, cui nos præsidere fa-
lentur, et sancta, Catholica et Apostolica Ecclesia, quam ipsi credunt; et quæ ipsa credit et docet, credunt ea servanda et lenenda expresse, ac in contrarium credere hæreticum profitentur ». Et infra: « Verum est tamen quod cum interrogarentur super aliquibus verbis, quæ dicebantur dixisse, cum illa non protulissent, nec eorum mentem intrassent, prout eorum memoriæ occurrebat, se illa nequaquam dixisse, nec ea credere, nec unquam credidisse; sed contrarium responderunt, cum aliud non possent, salva conscientia, respondere. Et quia memoriam bonorum labilem esse constat, adjecterunt quod si ipsos illa contigisset aliquid protulisse, illa non ex proposito ac pensate, nec ex certa scientia, sed potius inconsulto calore iracundiæ, vel per jocum, vel ex animi levitate, non in contemptum Romanæ Ecclesiæ, vel nostrum, seu nuntiorum ejusdem Sedis Apost. fuerant ab ipsis prolata. Ad quæ probanda, necnon quod testes, qui eos ea protulisse dixerant, falsum ipsos ex eo deposuisse manifestius apparebat, quod illa die in loco illo non fuerant, in quo ea eos deponebantur dixisse ». His permotus Pontifex, in marchiones Atestinos explicuit clementiam, ac Bertrando legato provinciam dedit, ut eos censuris ac pœnis, quas contraxerant, liberaret; tunc addit: « Ipsos insuper dictos nobiles et quemlibet eorum restituiimus in integrum ad statum, dignitatem et bona, salvis subsequentibus de Apostolica, necnon et imperiali, quæ ad nos vacante imperio, sicut et nunc vacat, pertinere noscitur, plenitudine potestatis. Subjungit Pontifex paterna monita, ut fidem orthodoxam colant, linguamque a blasphemis fundendis vocibus coercerant, obsequentes sint Ecclesiæ, et castrum Argentæ Raven-nati Ecclesiæ restituant. Dat. Avin. nonis Decembris, anno XIII ».

59. *Plures urbes ad Ecclesiæ imperium tractæ, nonnullæ ob-scissæ.* — Nec Ferraria modo verum plures etiam aliæ urbes Romanæ Ecclesiæ obnoxie ad officium redire ¹. Tarvisini ² in ditionem Ecclesiæ sponte concessere, ac tunc a Pontifice Gonzolo Tempestæ et Tarvisinis ipsis de tam egregio in Ecclesiam studio gratiæ, quorum administratione Bertrando cardinali legato concedita ³. Parmenses contra, quamvis de instituenda in eorum urbe Academia Pontifex consilia ageret ⁴, ineunte Augusto, Pontificiorum ducum gravius jugum questi, copias Pontificias urbe depulere ⁵; dieque insequenti Rhégienses ⁶ a legato defecere; et cum Scaligero in fœdus coiere. Crevit vero admodum Scaligeri Veronensis potentia, cum demum Patavium sapiens antea frustra bello tentatum, atque ob discordias attritum in suam rede-

¹ Tom. VII. p. 1. Ep. secr. pag. 30, 32. Jo. Vill. l. X. c. 96. —

² Tom. VII. p. 1. Ep. secr. pag. 13. — ³ Ead. p. pag. 12. —

⁴ Tom. VI. p. 3. Ep. secr. pag. 90. — ⁵ Jo. Vill. l. X. c. 97. —

⁶ Ead. cap.

git potestatem ¹. Intercessisse vero antea inter Carrarense Patavinoseque Nicolaum et Marsilium atroces discordias, e Pontificis litteris ² ad Nicolaum datis colligitur, quibus conqueritur indigna inter fratres odia crevisse, alterumque alterius exitium moliri; neque enim id modo a decore alio horre, verum publicam rem in discrimen adducere: dataque abbati monasterii Wangadissensis et Bertrando Raimundi provincia, ut omni studio et opera ipsos inter se conciliare niterentur. Potitum ³ autem Canem Scaligerum Patavio Marsilii et sociorum voluntaria deditione proditioneque, refert Mussatus, cum frustra antea pluribus eam preliis lacerasset: ita misera urbs suorum magistratum foedata sceleribus, servitutem commutavit. Observat vero auctor, Canem Scaligerum mox Ecclesiasticas opes, scilicet monasterii S. Justine, alendis pauperibus sacras, in Marsilium contulisse, ut eo beneficio ornaret proditorem, cui hæc nullo emolumento fuisse auctor exprobrat: « Ah! Marsili, mille panes per singulos dies de mille pauperum manibus rapuisti, non plus quam uno solo refectus et pastus: nec tamen Deo supplente defuit, quin et singuli eorum panibus uberius quam tu vescerentur; ac mille saturatis a Deo, tu unus famelicus permansisti: Templis Dei sanctorum Prodocimi et Justine eleemosynas mille egenorum assiduas in tua horrea subtraxisti, Tartari et Ubertinelli successor et sacrificiorum libamina combibisti: sed auctore Cane, inquis, concessa et donata possideo, etc. » Ex quo et aliis observandum, Gibellinos proceres, qui in Italia Cæsarem tueri dignitatem præ se ferebant, fuisse maxima ex parte sacrorum prædones indeque iustitiam Pontificia causæ adversus horum fautorem Ludovicum patere.

60. *Caroli ducis Calabriae mors Guelphos consternat.* — Oppressus est hoc tempore Robertus Siciliae rex gravissimo luctu domestico, cum regnorum hæres Carolus Calabriae ⁴ et Florentiae dominus unigenitus, contracto in venatione morbo, Neapoli nono Novembris sublatus est, nullis relictis liberis masculis (susceptus in lucem superiori anno Florentiae filius Carolus brevis ævi extitit ⁵) sed filia tantum Joanna, atque alia posthuma, sepultusque in monasterio S. Claræ XIV Novembris. Confectum e filii obitu dolore Robertum ea verba usurpasse fuerunt: « Cecidit corona capitis mei ». Et quidem ex Joanne I in regno successione maxima in Siciliam invecta sunt mala, quæ sub Joanna II recruduisse vadebimus, donec regnum illud diuturnis bellis laniatum Gallico generi ereptum est. Accepto Caroli ducis obitu Pontifex Robertum regem ad Christianam constantiam hæc litteris excitavit ⁶:

« Joannes, etc. Roberto regi Siciliae illustri,
« Scimus, fili charissime, transitum benedicti

tui unigeniti, quem non absque stupore et ingenti cordis amaritudine et dolore audivimus his diebus, et tibi et nobis, imo et cunctis fidelibus, secundum sensualitatem gravem doloris et anxietatis materiam ministrasse: debet tamen, fili charissime, zelum temperare scientia, et dolorem spei fiducia delinire; imo et te et nos decet non modicum consolari, ne illius benedicti anima nos possit arguere de inopia charitatis, dicens et ipse quod Dominus ad Apostolos ait: Si diligeretis me, gauderetis utique, quia vado ad Patrem. Spe enim tenemus firmissima, quod ipsum Pater cœlestis de valle miserie mundi hujus eduxerit, tanquam sibi dilectum et placidum ad illam cœlestem Jerusalem delaturus. Adhuc quæ causa dolendi, si isti viro inclyto charo nostro miseriarum finis, angustiarum terminus, laboris exitus sunt concessi? si de labore ad requiem, de periculo pervenit ad securitatem et pacem? Profecto, fili charissime, si hoc consideremus attente, consolationis magnæ nobis materiam ministrabunt, etc. Dat. III. id. Decembris, anno XIII ». Eodem argumento exaratis litteris confectam luctu Sanciam reginam erigere studuit ¹; in quibus hæc inter alia:

« Expedit humanis non indulgere semper affectibus, sed præscindere potius rationabili consideratione dolorem, attendentes quod ad nos illum revocare non possumus, sed voluntati divinæ nostram, quantum potuimus, studuimus conformare ». Et infra: « Ideoque serenitatem rogamus regiam, ut et tu, filia charissima, hæc et alia, quæ tibi Dominus inspirabit, recogitans diligenter, de tam gravi jactura in Domino consolens, vigilans ut quando dies vocationis tuæ, utique certa quæ veniet, sed quando incertissima venerit, spiritum Deo reddere sis parata: circa consolationem dicti regis viri tui intendens sollicitè, quem Deus totius consolationis dignetur juxta tuum et nostrum desiderium consolari, quod attenta sua immensa prudentia et scientia speramus effici, imo et ipsum alios consolari. Gratia Domini nostri Jesu Christi sit tecum. Amen ».

61. Dejecti sunt ob Caroli ducis mortem Guelphorum Italici animi, quorum maximæ spes in eo erant collocatæ: interque cæteros consternati Florentini ² ac Senenses ³, quos ducis imperii se subjecisse vidiunt, ut illius clientela adversus tyrannorum impetus tegerentur: eos vero recreare in illa consternatione Pontifex nisus est. Cæterum mutatam mox ob Caroli mortem Florentinæ reipub. formam describit Joan. Villanus ⁴, quibus antea Robertum reg. filium ac Carolum quingentos equites cataphractos festo omnibus sanctis sacro submisit in auxilium ait ⁵: periclitabantur enim ob Ludovici Bavari ad Pisanam urbem adventum, in qua dum morabatur, octingenti equites suis fraudati stipendiis ab eo defecere ⁶. Ipse vero

¹ Jo. Vill. l. X. c. 165. — ² Tom. vi. p. 3. pag. 126. — ³ Muss. l. XII. de reb. Ital. — ⁴ Jo. Vill. l. X. c. 111. Aut. III. p. tit. XXI. c. 6. — ⁵ Jo. Vill. l. X. c. 22. — ⁶ Tom. VII. p. 1. Ep. sec. p. 145.

¹ Tom. VII. p. 1. Ep. sec. pag. 146. — ² Ibid. pag. 27. — ³ Reg. post eand. Ep. — ⁴ Jo. Vill. l. X. c. 112. — ⁵ Eod. l. c. 110. — ⁶ Eod. l. c. 109.

ibi agens, priora facinora confirmare, et novis augere aggressus est consilio Michaelis Casenatis, qui tum hæresiarchiam se professus est; de quo scelestissimo homine, inficere suis hæresibus universam Ecclesiam moliente, nunc agendum est.

62. *Michaelis Casenatis schismatici Avinionem accessus, et inde fuga, atque impii conatus adversus Pontificem.* — Texerat sua hypocrisis Michael impium fastum, quem de sua scientia conceperat, postquam enim in Perusinis comitis in controversia fidei erroneam sententiam temere promulgarat, ita in male ceptis obduruit, ut errorem, quem multis scriptis, quæ a Romana Ecclesia dum controversiam agitabat, discussa fuerant, in præsulum et doctorum cælibus defenderat, licet damnatus hærescos fuisset Apostolica sanctione, *Cum inter nonnullos*, pertinacissime tamen tenuerit, lapsusque sit in hæresim quam variis artibus effundere sodalium animis, et latius propagare; tum in socios, qui ipsi adversabantur, tyrannidem exercere præsumpsit¹. Ob hæc scelera vocatus² ad curiam Pontificiam, ut paternis monitis ad officium revocaretur, diu conquisitis adversæ valetudinis mendaciis subterfugit; denique exeunte superiore anno Avenionem se contulit: quem produci mense Aprili hujus anni ante se voluit Pontifex, ut ipsum paterne emendaret, coramque Bertrando e Turre cardinale Minorita et Ordinis procuratoribus increpuit, obiectis censuris, e Romana curia discedere vetuit. Potuerat Joannes suspicione hærescos laborantem justo carceri una cum perfidiæ sociis addicere; verum benignitate eos ad officium adducere optabat: sed homo arrogans in iras effleratus impia defectionis ab Ecclesia inivit consilia. Et fugæ colorem aucupaturus, Franciscanos duos, qui interfuerant rei, cum increpitis fuerat a Pontifice, adduxit ut ad ipsius gratiam publicum de re gesta documentum hoc eederent³:

« Anno Domini mcccxxviii, ix die Aprilis, quæ fuit sabbato in Albis, dominus Joannes papa XXII fecit vocari coram se fratrem Michaelē ministrum in præsentia domini fratris Bertrandi de Turre cardinalis, et fratrum Petri de Prato ministri provincie S. Francisci, Raimundi de Lados procuratorum Ordinis in Romana curia, et Laurentii de Coalhano baccalarii Avinionensis: et dixit generali ministro prædictus dominus Joannes papa, eum inter multa alia nuncupans, quod erat stultus, temerarius, capitosus, tyrannus, fautor hæreticorum, et quod erat sicut serpens nutritus in sinu ab ista Ecclesia, et specialiter increpavit eum de quadam littera capituli generalis facta Perusii, quod questione pendente in curia, ipse eam determinare cum capitulo generali præsumperat: quam litteram dixit fuisse et esse hæreticam pluries et frequenter. Ultimo præcepit

sibi per obedientiam et sub pœnis excommunicationis, privationis officii et inhabilitatis ad quodcumque officium et beneficium, ut non exiret de Romana curia sine licentia speciali: quas pœnas, ut dixit, volebat ipsum incurrere ipso facto in hora, qua exire de curia attentaret ».

63. Restitisse in faciem Pontifici Michaelē refert Nicolaus pseudominorita schismaticus, eumque laudat constantiæ, de quo postea etiam Michael gloriatus est: cujus impudentiam Gerardus, in locum illius postea suffectus supremus præfectus Minoritarum, ita refregit⁴: « Domino papæ te mendaciter asseris restitisse: nosti namque quod qui fugit a facie, non restitit in faciem; nec Paulus resistens Petro fugit a facie Petri, nec simulatione veritatem periclitari permisit. Tu autem, sicut res gesta declarat, a facie domini papæ nocturno tempore sicut fur et latro fugisti. Non igitur sicut Paulus in fide et veritate doctor gentium restitisti, sed sicut Agar mater infidelium fugit a facie Saræ dominæ suæ, sic tu a facie Sedis Apostolicæ dominæ tuæ velut desperatus homo fugisti ». Et infra: « Quod autem argumentis vanissimis imitaris, luculenter apparet, tum cum vis tuam apostaticam fugam etiam Christi consilio colorare, dicis quod papa te tuosque sequaces persequatur usque ad mortem, ideo juxta consilium Christi dicentis: *Si vos persecuti fuerint in una civitate, fugite ad aliam*; in civitatem Pisarum te transtulisti. Sed verecundari deberes tu, qui confidis te ducem esse cæcorum, lumen eorum qui in tenebris sunt, eruditorem insipientium, magistrum infatuatorum, habentem formam scientiæ, qui doctor cognominaris theologiæ, quod ita Scripturam accipias, quod taliter arguas: legis enim, si codicem verum habes, Matth. x: *Cum autem persequerentur vos in civitate ista*; non dicit una, sed *ista*, de qua scilicet sermo præcesserat, ubi Dominus dixerat: *Quicumque non receperit vos, exeuntes foras de domo vel civitate, excutite pulverem de pedibus vestris*: ubi enim peregrinum cives non recipiunt, nec audire volunt, sed de civitate sua illum expellunt, utique persequuntur: et de tali civitate suadet Dominus, quod prædicatores verbi Dei exeant, et in aliam transeant, fructum facturi salutis. Tu tamen in civitate Avinionensi receptus fueras, expulsus non fueras: imo quod non recederes jussus fueras; coram domino papa prædicaveras de fide, auditus et audiendus eras: locum convenientem habitationis, sufficientiamque victus, libertatem prædicandi, et facultatem loquendi et consiliandi cum quibus velles, habebas. Dicat ergo tua nequam conscientia, si in tali casu jubet vel consult Dominus fugere, et ad aliam civitatem ire. Nonne dicit: *Beati qui persecutionem patiuntur propter justitiam, quoniam ipsorum est regnum cælorum?* Quia ergo propter tuam, non justitiam, sed inju-

¹ Tom. VI. p. 3. Ep. secr. pag. 188. — ² Nic. Mi. Ms. bibl. Vat. sign. num. 4008. pag. 21. — ³ Ext. ibid. pag. 22.

⁴ Apud eund. Nic. Min.

stítiam puniri timebas, de Christi consilio nec de Christi promissis curasti, sed ut videtur, ad memoriam reduxisti verba B. Petri dicentis : *Nemo vestrum patitur quasi homicida, aut fur, aut maledicus, aut alienorum appetitor : si autem ut Christianus, non erubescat.* Quia ergo de fide interrogari erubisti, evidenter utique demonstrasti, quod non ut Christianus, sed ut maledicus pati timebas : nec juxta conscientiam Pauli, eum te comparas, aufugisti ». Anget illius fugæ apostolicæ criminis loci, ad quem fugit, circumstantia ; quo nomine ita eum perstringit Geraldus : « Recessisti a vicario Christi, et accessisti ad vicarium antichristi ». Et infra : « Accessisti, ut tu ipse dicis, ad civitatem Pisarum, ubi tunc erat sedes Sathanæ ». Ex his arguendus Nitele Franciscanæ religionis auctor¹, qui hæresiarcham de fuga excusat, et Christi vicarium indigne carpit : « Pontificem, inquit, iratum non sustinens, et quantis æmuloz subiaceret insidiis perpendens, cum in auribus senis, ætatis et propensionis vitio ad suspensiones prompti, inania pericula et varios casus instillare continuo non desistebant ; expertus etiam est die decima mensis Aprilis quam acerbo in eum stomacho ferveret Joannes, quamque oblique decisionem Perusinam respiceret ». Ille ille, qui potius pii Minoritarum magistri verba attendere debuit, quam pervicacis hominis deliria, quem non religionis zelus, sed ambitionis furor transversum egit. Antequam vero fugam caperet xii Aprilis die nefariam provocationem edidit², cuius causam hanc memoratus Nicolaus affert : « Cognoscens, inquit, et intelligens, quod dictus dominus Joannes papa intendebat eum cogere ad abnegandum dictam determinationem capituli generalis ». Facti vero turpitudinem in totius Ordinis invidiam derivare nismus, indicat idem ejus sequax Nicolaus : « Videns, inquit, præfatus generalis arrestatus, quod dicta pronuntiatio, sive assertio et arrestatio erant in enorme ipsius præjudicium et gravamen, ac Ordinis et capituli generalis et fidei orthodoxæ, et sentiens se et dictum Ordinem ex prædictis enormiter aggravatum et aggravari posse ex prædictis, etc. » Ita Michael, ut male in Perusino cœtu a se ac sodalibus definita³ tueretur, schisma et hæresim conflavit.

Dum porro varias nocendi artes explorat, suorum opera, perdita agitat consilia cum Ludovico Bavaro : qui cum jam ante, ut vidimus, Michaeli et sociis Minoritis objecisset hæresim, et sacras exhomologeses pandere, et sacramenta profana facere diceret, ac Pontifici, quod Minoritas singulari studio prosequeretur, in hæreticos studium aspersisset ; suborta postea controversia de proprio, cum Michaellem plura in Ecclesiam moliri advertisset, hunc et socios partium suarum

idoneos administratos futuros ratus, eorum hæresim propugnandam publice suscepit⁴, colnque ut viros sanctos, quos antea, cum putaret addictos Pontifici, ut hæreticos exagitaverat, Ludovicus itaque rogatus ut triremem instructam ad Michaellem, Ochannum et Bonamgratiam expiendos mitteret, non defuit : qua læti occasione Michael cum sociis descivit ab Ecclesia, tacitamque fugam in Italiam capessivit⁵ mense Maio, Pisasque applicuit ; ubi mox dies noctesque trivit, ut volumen pro concepta hæresi propugnanda conficeret, et schisma amplificaret. Titillatum spe atque illecebra corripiendi antipapatus fugisse, postea increbuit⁶. Porro in illum Pontifex judicariam actionem instituit, et in locum ejusdem apostatæ Bertrando e Torre cardinale Minoritarum Ordini subrogato, decretoriam tulit sententiam, quam Bertrando e Podieto episcopo Tusculano in Italia legato divulgandam transmisit⁷, in qua obicitur Michaeli, illum multa tum alibi tum Romæ in fidei orthodoxæ odium commendationemque hæreticorum effudisse, in jus vocatum accessit variis fucis judicium declinasse, pios quosque et in Ecclesiam egregie affectos vexasse ; participes vero nefariorum consiliorum promovisse : eumque ob patrata illa scelera contra Ecclesiæ majestatem juste vinculis mancipari potuisset, religiosis tamen cui præerat Ordinis honori parcitum, intentataque anathematis et exauctoramenti religione imperatum fuisse, ne sine Pontificia facultate pedem Avenione efferret. Deinde subdit :

64. « Postmodum vero præfatus Michael audita intrusione, quæ de quodam prædicti sui Ordinis per illum iniquitatis filium Ludovicum de Bavaria, Dei et ejusdem Ecclesiæ manifestum persecutorem et hestem, et de hæresi sententialiter condemnatum, patrata in Urbe prædicta dicitur, ad quam ipse Michael pro persona sua nequiter aspirasse dicitur, ac etiam aspirare ; intellecto quoque, quod quædam armata galea, quam ipse sibi per dictum Ludovicum mitti procuraverat, sicut patronus ejusdem galeæ affirmavit postmodum, de Aquismortuis applicarat, prædictis inhibitione ac penis et sententiis in contemptum deductis, nocturno tempore latenter et furtive de civitate prædicta recessit : et associatis sibi quibusdam suæ iniquitatis complicitibus (inter quos erant duo nequam viri, videlicet Bonagratia de Ordine prædicto, qui suis excessibus et delictis exigentibus in eadem curia arrestatus ad sancta Dei Evangelia juraverat, se de ipsa curia minime sine nostra speciali licentia recessurum ; et quidam Anglicus vocatus Guillelmus Okam Ordinis prælibati in quem ratione multarum opinionum errorum et hæreticarum, quas ipse scripserat et dogmatizaverat, pendebat in eadem curia iniqui-

¹ Nitele, Franc. c. 3. ad an. 1328. pag. 351. — ² Ext. ex ibid., pag. 22. — ³ Ea definitio pap. an. Chr. 1322. num. 54. ex Nic. Min. pag. 4. etc.

⁴ Ext. ex de Lud. libel. apud Nic. Min. pag. 13. — ⁵ Nic. Min. pag. 28. — ⁶ Jo. tom. vi. p. 3. Ep. secr. pag. 197. — ⁷ Ead. Ep. p. 3. pag. 188. reper. idem proc. in chart. perg. num. 214. Avin. arch. an. 1594 et deinde Rom. translatus.

sitio, auctoritate nostra diu jam incerta; et propter hoc erat, ne absque nostra licentia de curia memorata discederet, arrestatus) ad portum supradictum deveniens, seque reddens cum dictis complicibus fugitivum, primo quandam navem sen chocam, ac deinde galeam supradictam conscendit. Addit Pontifex se, illorum comperta fuga, episcopum Portuensem atque alios viros ad perugas revocandos misisse: qui spreta auctoritate Apostolica responderint, se ad Nicolaum papam ac Ludovicum ceptum iter prosecuturos: atque ideo testatur Joannes se perfidum ac schismaticum hominem supremam Minoritarum praefectura deturbasse, illudque munus ex cardinalium consilio in Bertrandum e Turre episcopum card. Tusculanum contulisse: quem ad rebelles percellendos, et ejusdem religiosae familiae statum optime componendum summa auctoritate instruxit, utque eam provinciam susciperet, obiretque adhortatus est. « Dat. id. Junii, Pontific. nostri anno xii ».

65. Edixit praeterea Pontifex archiepiscopis¹, ut sententiam Pontificiam in Michaelē Cæsena-tem, Bonagratiam, Ochanum aliosque e Pontificia aula fugitivos, haereseos et schismatis justa suspitione infames, atque anathemate defixos e cardinalium consilio vibratam solemniter rita promulgarent, nefariosque homines in vincula conjicerent. Tum Robertum Siciliæ regem rogavit², ut defendendæ Ecclesiæ studio Michaelē qua terra, qua mari insectaretur, et comprehendendum curaret: quo etiam argumento ad Conradum Spinulam regiæ Roberti classis praefectum scripsit³. Michael vero ad ineundam a Pontifice gratiam Philippi Galliarum regis auctoritatem adhibuit, ut sibi in Gallis muneris supremi apud Minoritas abundi facultatem concederet: cui Pontifex commissa ab illo scelera, ut antipapæ ac Ludovico adhæsisset, quinque etiam se in Petri Sedem intrudere affectasset, relexit⁴; ex quibus justas in perditos homines iras conciperet. Quo accepto Philippus animum a Michaelē avertit⁵: pariterque regina, quæ antea flagitabat a Joanne, ne in Michaelē Pontificiam severitatem distringeret, de commissis ab eo sceleribus edocta rescripsit⁶ Pontifici, nullum in Gallia aula patrocinium Cæsena-tem, si ad eam confugeret, praestitum iri. Fuisse vero Michaelē hoc anno Parisiis damnatum in Minoritarum comitiis, refert Pegna⁷. Cæterum alios etiam reges Edwardum⁸ Angliæ reginamque Isabellam, Alfonsum Aragonum, Jacobum⁹ Balearium, Philippum principem, ac Toletanum archiepiscopum de justa in Michaelē lata sententia certiores fecit.

66. Ad Cæsenas flagitio claritatem adipisci

meditatus, a Pontificia sententia ad Ecclesiam Catholicam provocavit¹ xviii Septembris. Sed ad quam Ecclesiam provocavit? Non ad eam utique, cui præerat Christi vicarius, sed novam hæreticorum colliviam, ejus condendæ princeps extiterat. Praeterea hæresiarcha novus librum² ad impietatem propagandam edidit, in quo variis argutiis decretum fidei, *Cum inter nonnullos*, oppugnavit; ipsamque sanctionem, quia fides orthodoxa adversus novatores asserta est, proscindere maledictis non perhorruit, vocans « hæreticalem, detestabilem, religionis et fidei destructivam ». Tanta hominis impij fuit insaniam, cum tamen in eadem sanctione nil aliud contineatur, quam Christum et Apostolos jussu rebus necessariis ad vitam usos. Alias quoque duas Constitutiones, *Ad conditorem*, et *Quia quorundam*, confutare aggressus, in iis etiam, quæ nullatenus spectant ad fidem, plurium hæreseon calumniam Pontifici aspersit. Ejusmodi autem librum Ludovicus Bavarus, a Michaelē in breviorē formulam redigi voluit: et hunc posteriorem libellum³, in quo Cæsenas hæresiarcha novem errores contra tres memoratas Constitutiones orthodoxæ fidei assertori Pontifici impingit, una cum sententia⁴, quam ipse Romæ xviii Aprilis tulerat in Pontificem, ostiis Pisanæ Ecclesiæ affigi jussit xii Decembris: quibus nefariis libris Ochanus et Bonagratia sua nomina apposuerunt. Quinetiam Commentarium alium composuit Michael⁵, in quo vertit in questionem, an Pontifex sine Concilii sententia tenendus foret hæreticus: quippe Catholici sentiebant non posse, neque ad Ludovicum ob Cæsareos apices dammandi Pontificis sententia hæreseos munus spectare; tenendumque sine Concilio hæreticum conclusit.

67. In Michaelē Cæsena-tem et assecclas sententia Pontificis, qui tamen optime sentit de Minoritis. — Fretus deceptusque hujus hæresiarchæ nequitia Ludovicus Pisis xii Decembris, ut refert Joannes Villanus⁶ maximos sequacium suorum cœtus habuit, in quibus Michael ampullata oratione plurium hæreseon calumnias effudit in Pontificem: cumque maledicendi finem fecisset, mox Bavarus in Joannem veluti hæreticum pronuntiavit sententiam, et Pontificatu ipsum deturbare ausus est. Addit Villanus Pontificem eodem mense recurrentibus Quatuor Temporum jejuniis Avinione in cardinalium et præsulum senatu edicta in Ludovicum veluti hæreticum et persecutorem Ecclesiæ promulgasse, atque ob hæc scelera eum Cæsarea, ducali, aliave dignitate exauctorasse, ac fidei censoribus dedisse partes, ut in ipsum et fautores legum severitatem distringerent. Quæ quidem sententia xii Joannis Pontificatus anno consignata in Charta pergamena exa-

¹ Tom. vi, p. 3. Ep. secr. pag. 123, 124. — ² Ibid. pag. 238. —

³ Ibid. pag. 222. — ⁴ Ibid. pag. 197. — ⁵ Ibid. Ep. cxcviii et cc.

— ⁶ Ibid. pag. 198 et 201. — ⁷ Pegna. in Aymer. Direct. Inquis. p. 2.

com. 40. in q. xv. — ⁸ Tom. vi, p. 1. Ep. secr. pag. 239. —

⁹ Ibid. pag. 238.

¹ Ext. ejus appellatio translata Rom. ex Arc. Aven. sig. num. 251.

Ext. etiam apud Sur. Min. Ms. bibl. Vat. sign. num. 1008. pag. 29.

— ² Ext. apud eund. Sic. ib. ad par. 75. — ³ Ext. ib. pag. 75. —

⁴ Ext. ib. pag. 85. — ⁵ Ext. ib. pag. 82. — ⁶ Jo. Vill. l. x. c. 115.

rata reperta ¹ est in Avinionensis palatii Archivio gerente legationem Avinionensem Octavio card. Aquaviva.

Districta etiam in apostatæ Cæsenatis sequaces severitas : extant quidem eo argumento datæ ad præsidem patrimonii beati Petri litteræ, quibus ei præcepit ², ut in Minoritas, qui Michaeli e Cæsena adhaerebant, legibus ageret; tum etiam ad Joannem patriarcham Alexandrinum et Petrum archiepiscopum Cæsaraugustanum, ut Arnaldum Canelli et Petrum Fibla pseudominoritas, qui plures in Romanam Ecclesiam blasphemias effuderant, ac per totam Italiam tanquam ministri diaboli fœdos errores disseminarant, seque in Aragoniam ad eam inficiendam contulerant, in custodiam traderent ³. Infecti fuere præ ceteris Michaelis partibus Saonenses ⁴ Minoritæ, e quibus tamen nonnulli oculos ad veritatis lucem extulere : alii in pertinacia obfirmati omnibus privilegiis Apostolica sententia exuti sunt, habendamque concionum et sacrarum confessionum excipiendarum munere interdicti. Denique anno extremo scilicet X kal. Januarias Michaeli horrenda multa adversus Ecclesiam molientem, quem gehennæ filium vocat, pœnis gravioribus devinxit. Agit de Michaeli, qui in hæresiarcham evasit, Aymericus ⁵ in Directorio Inquisitionis, cujus hæreses recenset.

68. Ex infelici Michaelis Cæsénatis, Petri Corbariæ antipapæ, Ochami, Bonagratie aliorumque lapsu, jactatisque adversus Pontificias Constitutiones vocibus, plures Franciscano Ordini infensos Pontificem exasperasse in Minoritas, testatur S. Antoninus ⁶ : sed regum principumque precibus ad pristinum amorem facile revocatum, cum plures viri sanctitatis laude insignes in eo Ordine versarentur, neve solum pœnis insontes irretirentur. Præterea ascitos jam antea in cardinalium numerum duos Minoritas Bertrandum e Turre et Vitalem e Furno magna contentione eundem Ordinem defendisse : « Assumpti, inquit, ad cardinalatus præcellentiam duo fratres Aquitonici, viri utique litterati et suæ religionis Minorum ferventissimi zelatores, frater videlicet Vitalis de Furno, et frater Bertrandus de Turre canum latrantium contra ordinem clamoribus in facie Ecclesiæ respondent. Vivebat etiam tunc dominus infans Aragoniæ patriarcha Alexandrinus, qui ex magna devotione ad Ordinem deferrebat habitum Minorum occultatum, qui juvabat fratrum causam. Parum ante istam tribulationem præcesserat canonizatio B. Ludovici episcopi Tolosanæ, qui in facie Ecclesiæ crebra miraculorum corruscatione refulgebat. Quis ad dilectionem Ordinis fortius efferebat quam rex Siciliæ Robertus Ludovici sancti frater, et domina regina San-

ctia uxor ejus; quæ pro defensione Ordinis personam et potentiam suam obtulit, eam exponere parata, et pro stabilitate Ordinis et regule parata immolari? Multi quoque reges ac principes Ordinem in tanta tribulatione positum adjuvabant in curia, rex Franciæ, rex Castellæ, rex Aragoniæ, rex Cyprî, rex Majoricarum ». Et infra : « Magna pars dictorum regum et principum scripsit pro excusatione et conservatione religionis ipsius cordialissime domino papæ; et magni magistri et famosi tunc erant. Et hoc divino instinctu dominus papa malitiam invidorum susurrantium et solemnitatem et innocentiam religionis perpendens flexus ad eam, tum ex compassione tum afflictione litteras multum consolatorias et favorabiles misit Parisiis capitulo generali, et ad amorem pristinum est reductus ».

Et quidem Pontificem, exceptis nonnullis pseudominoritis hæreticis, schismaticis et apostatis, de reliquo sacro Ordine optime sensisse, Albertus Callensis in Piceno, Antonius Sagonensis in Corsica, Nicolaus Ajacensis in Armenia, Rodulfus Dunensis in Hibernia, Joannes Senogalliensis et Matthæus Balneoregiensis creati ex eodem Ordine hoc anno episcopi demonstrant ¹. In litteris certe scriptis ad Francorum reginam, sacram illam familiam Pontificiæ clementiæ commendantem, hæc respondit : « Quia in eadem littera recommendationem Ordinis adjecit regia celsitudo, precesque fudit, ut pacem in dicto Ordine ponere curaremus; ad hoc, ut alias respondimus, respondemus quod personas dignas honoris pariter et favoris tenemus indubie in Ordine multas esse, quas cum earum probitatis obtentu, tum etiam partium regiarum intuitu proponimus et intendimus propensius habere commendatas : nec excessus olim rectoris (nimirum Michaelis Cæsénatis) sequaciumque suorum, adhuc et plurium aliorum si cum eis concurrerent, a dilectione nos dicti retraherent Ordini, nec contra illum turbare non poterunt, Domino concedente; cum non deceat alium ex alterius odio prægravari pœnaque suos actores tenere debeat, nec sit ad alios extendenda. Pro pace autem dicti Ordinis nos sicut unus de prædecessoribus nostris utiliter credimus laborasse : et si fratres vellent agnoscere quanto periculo dictus Ordo subiacebat tempore, quo assumpti ad statum hujusmodi finimus, credimus quod nequaquam in dubium revocarent, quod ex quo cœpit ipsorum Ordo, nullus efficacius quas nos pro statu eorum pacifico laboravit : nec adhuc recusamus laborem, imo parati sumus prompte assumere quoties opus erit ». Ex his refellas Franciscanæ Nitelæ auctorem et alios, qui Joannem ut Minoritarum adversarium traducunt, qui suorum potius culpam fateri ingenue debuissent, si ad eos coerendos Joannes adactus sit, uti his verbis proficitur :

¹ An. 1594. consignat. num. 186. — ² Tam. VII. p. 1. Ep. secr. pag. 41. — ³ Ibid. pag. 169. — ⁴ Ibid. pag. 78. — ⁵ Aym. Iur. Inquis. 2. p. q. IX. et l'eg. com. 34. — ⁶ Ant. III. p. tit. XXIV. c. 9. § 15.

¹ Luc. Wad. in Annal. Minor. hoc an. num. 23.

« Sed quia stultorum infinitus est numerus, nec dubium quin in eodem sint multi fatui, et qui non ponderant quæ loquuntur; ipsos superiores eorum deberent corrigere, alias oportebit, quod ab aliis, non absque aliqua nota Ordinis, corrigantur; sicut et jam multi linguas suas ad talia laxaverunt, propter quæ oportuit velut de hæresi et schismate valde suspectos inquisitores hæreticæ pravitatis et ordinarios extendere manus suas ».

69. *Caroli Francorum regis obitus, cui succedit Philippus nepos.* — Hoc anno ¹ kal. Februarii Carolus Francorum rex e vivis excessit, atque in S. Dionysii templo sepulture mandatus est, nullo relicto sceptri herede, haud magnarum virtutum princeps: et licet ingentia agitarit consilia, nullum tamen in opus perduxit. Exaruit in eo Philippi Pulchri stirps regia, quæ cum magna effloresceret gloria, brevissimo temporis intervallo extinctis quatuor regibus deficit. Impletum tum episcopi Morianensis oraculum, cum Bonifacium VIII Philippi Pulchri factione captum audivit, illum ac filios perituros misere, nec posteris sceptrum transmissuros. Cavendum itaque summopere, ne reges jure vel injuria Christi vicarium lædant.

Accepto de Caroli IV regis obitu nuntio Pontifex mœrentes Gallorum principes ² Ludovicum Boiorum comitem, Robertum Atrebatensem, atque alios, sed præcipue Joannem reginam e mariti sui morte dolore confectam solari studuit, humanarumque rerum, ut ad divina illam erigeret, inconstantiam exposuit ³, cum ab evolutis annis quindecim reges quinque, Philippus Pulcher, Ludovicus Hutinus, Joannes, Philippus Longus, Carolus IV, Francorum et Navarræ sceptra tenuissent.

« Joannes reginæ Franciæ et Navarræ.

« Infesti rumoris assertio ad nostrum pervenit auditum, quod nobis charissimum filium, tibi charissima in Christo filia virum amantissimum, mors immatura subtraxerat ». Et infra: « Desiderantes itaque ut tui doloris aculeos temperes, et præscindas rationabili consideratione dolores, tuæ mentis obtutibus exponenda duximus quæ sequuntur. In primis quod, ut acerbitatem mortis ejus temperaret æqualitas, mortis tributum cunctis hominibus est indictum, a quo non excipit eminentie generis seu cujusvis dignitatis, a cujus solutione sapientia seu potentia non eximit, nullumque contra illud divitiæ muniverunt; nec ad remissionem statuti prædicti observantiæ ætatis miseriam provocat, seu sexus invitat fragilitas, sicut in libro experientiæ hæc leguntur aperte. Et ne super hoc ad antiquorum recurramus exempla, hæc in regno Francorum inelyto possunt quasi præsentia intueri, in quo quidem à xv annis citra quinque præfuisse reges legimus, et eorum quemlibet tributum hujusmodi persolvisse.

« Secundo quam brevis et misera sit hæc vita caduca, ad quod inducimur dicto beati Job sic dicentis: *Homo natus de muliere, brevi vivens tempore, repletur multis miseriis: qui quasi flos egreditur et conteritur, et fugit velut umbra, et nunquam in eodem statu permanet.* Quid enim est aliud præsens vita? Profecto ut verbis utamur B. Jacobi, non est aliud nisi *vapor ad modicum parens*. Quid enim est aliud hæc vita, nisi cursus quidam ad mortem, in quo quidem nec momentum licet quiescere, nec a cursu cessare? Hæc utique, filia prædilecta, si meditationis attentæ censura recenseas, humanitatis conditione pensata, quod ferre in præsentī moleste nimis nosceris, æquanimiter supportabis ». Addit ad perniculendum ejus dolorem, ut rex omnibus sacramentis Ecclesiasticis rite procuratus, regniue negotiis compositis, concepta de æternæ felicitatis spe firmissima animam pie efflavit. Tum illi Apostolicam benevolentiam, ad quam in adversis rebus confugiat, pollicetur; concluditque hisce verbis: « Gratia Domini nostri Jesu Christi sit tecum, quæ tibi patientiam in adversitatibus tribuat, et misericorditer consolationem infundat. Amen. Dat. Avin. X kal. Martii, anno xii ».

Relicta a Carolo viro prægnans fuerat regina Joanna, gravisque exorta controversia, quis regii uteri custos, regique procurator foret. Eduardus, missis Parisiis oratoribus, ad id munus enitebatur, contendebatque ⁴ si partus prospere in lucem non exiret, Isabellæ reginæ matris Caroli IV sororis, jure ad se regnum devolutum iri; sed vicit ob legem Salicam contraria sententia, regniue administratio Philippo Valesio Caroli comitis nepotis S. Ludovici ac Philippi Pulchri regis fratris filio, postremique regis patrueli delata est, ac sancitum e majorum institutis regno ipsum successurum, si mascula proles a Joanna regina non ederetur. Gratulatus Philippo est Pontifex, eum Galliarum et Navarræ administrationem iniisse, ac præceptis saluberrimis ad obeundum pro dignitate id munus informavit ⁵. Enixa demum est regina Joanna femineum partum ⁶, atque ex memorata veteri lege Salica, regno ipsa atque Isabella Angliæ regina et Eduardo, qui minora in regnum jura obtinebat exclusis, Philippus Valesius proximus agnatus, consentientibus regni ordinibus, octava Pentecostes die Rhemis est Francorum rex sacratu ⁷, de quo hæc ex Ms. Vaticano ⁸ decerpta subjicio: « Mortuo Carolo rege Francorum sine hærede masculo, Philippus comes de Valesio nepos ejusdem Caroli ex patruo regnum adeptus est Francorum: Rhemis coronatur, licet ex opposito per procuratores suos ad hoc missos instaret Eduardus Angliæ rex, petens se admitti ad regnum, tanquam illum cui deberetur ex successione matris suæ, quæ fuit

¹ Paul. Æmil. in Phil. — ² Tom. vi p. 3 Ep. secr. pag. 205. —

³ Jo. Vill. l. x. c. 61. — ⁴ Eod. l. x. c. 89. Paul. Æmil. in Phil. VI.

— ⁵ Ms. bibl. Vat. sign. num. 3765. in Jo. XXI. et Ms. aliud de reg. Franc. sign. num. 2040.

⁶ Jo. Vill. l. x. c. 61. Paul. Æmil. in Carol. IV. — ⁷ Tom. vi. p. 3. Ep. secr. pag. 205. — ⁸ Ibid. pag. 204.

soror Caroli tunc defuncti. Est tamen consuetudo antiqua regni Franciæ, filias non succedere in regno; ideoque idem Eduardus repulsus fuerat nec admissus: quare inter eundem Philippum et Eduardum gravis orta dissensio multis duravit annis, quæ et Franciam ultra modum afflixit». At de bello Anglico ageatur inferius.

70. *Joanna regina Navarræ.* — Non eadem regni Navarræ ratio fuit, quod quamvis materno jure Carolus exemplo fratrum conjunctum cum Francorum regno possidisset, cum tamen in Navarra Salica lex non vigeret, Philippus Valesius eodem jure ad illud anniti non poterat: et licet antea Joannæ Ludovici Ilutini filiæ æ matris adulterium, objectum viderimus incertum partum, ademptumque a Philippo Longo regnum Navarræ, ex quo multa bella erupere; novus tamen rex, ne plures sibi hostes pareret, cum etiam Anglus, ut dictum est, septro Gallico inhiaret, Navarræ regnum Joannæ Ludovici Ilutini filiæ, quæ Philippo Ebroidensi duci regia Francorum regnum stirpe salo, ac S. Ludovici pronepoti nupsert, dimisit: fuisseque illam communibus Navarræorum votis ad solium evectam, refert Mariana¹. Adepta itaque Navarræ regnum Joanna regina, Romano Pontifici regia officia pie defutit: cui vicissim Pontifex de suscepto sceptro est gratulatus², ipsamque incitavit, ut ad regnum æternum contenderet.

« Joannæ reginæ Navarræ.

« Missa nobis magnificentiæ tuæ nuper Epistola, ascensum tuum ad thronum nuntians regium ac sincerum, quem ad nos et sanctam matrem geris Ecclesiam, repræsentans affectum, grata nimirum nostris occurrit aspectibus. Super quibus magnitudini tuæ gratias non indebitas referentes, et oblationem acceptam habemus, et acceptamus oblatam, illa cum locus aderit usuri tanto securius, quanto id promptius consideramus offerri. Ceterum quia salutem tuam plenius zelamus affectibus, et incrementa tui desideramus honoris, circumspeditionem regiam exhortamur in Domino, eidem nihilominus sano consilio suadentes, ut status istius excellentiæ, cum sit transitorius et brevi tempore duraturus, te non extollat indebite, sed ei, qui ad illud dignatus est te perducere, in humilitate spiritus gratias agens assidue, sic transire per bona temporalia studeas, quod æterna non amittas: sed cum vite finis advenerit, ad illorum beatum participium feliciter, quod tibi concedat Altissimus, admittaris; suasura charissimo in Christi filio nostro, viro tuo, ut sic regnum illud temporale regere studeat, ut ad perenne feliciter post hujus vite transitum valeat pervenire. Dat. Avin. VI kal. Septembris, anno XII».

71. *Belgæ rebellantes a Philippo rege perdomiti.* — Divisis Navarræ et Galliarum regnis, quæ in ultimis regibus conjuncta fuerant, Philippus

primum in Belgas, qui Ludovicum comitem principatum depulerant, expeditionem duxit¹: et inter cæteros in castra adduxit delphinum Vienneensem, et Sabaudie comitem, quos quidem post diuturna bella, de quibus antea memoravi, in mutuum amicitiam reginæ Clementiæ, prudentissimæ feminae, Ludovici olim regis uxoris, ac delphini amitiæ, quæ extrema ageritudo, e qua paulo post obiit conflictabatur, studio revocatos, ac multa sibi in benevolentiam signum oscula porrexisset, refert Joannes Villanus². Confluxerant³ etiam ad regis signa Barensis, Namurcensis et Hannoniæ comites, pluresque viri nobiles adeo ut duodecim millibus equitum Philippus esset instructus: is tamen, irrumpentibus Flandris in ipsum regium tentorium, in maximum discrimen fuit adductus. Consurgentibus demum ad pugnam omnibus Gallis, magna Belgarum strages, nimirum ad duodecim millia, edita est, alii fuga dissipati: Hypra aliæque municipia ad victorem prona fuere. Revocatus Brugas est Ludovici comes, quem Philippus rex ad principatum moderate gerendum est adhortatus, interminatus, ni justis principis munus obiret, ipsum se gradum depulsurum. De parta illustri adeo victoria Philippus rex Pontificem certiorum fecit, utque in extremum periculum ab hostibus qui ad illius tentoria penetrarant, esset adductus: cui Joannes referendam divino Numini hujusmodi victoriam respondit, utque in victos clementiam explicaret, Apostolicis monitis sollicitavit:

« Joannes, etc. Philippo regi Franciæ.

« Sane, fili dilectissime, cum horrore quodam percipimus, quod hostes usque ad tua tentoria te inscio potuerunt pervenisse. Sed hoc forsitan permisit Altissimus, ut certius cognosceres, ab ipso futuram victoriam processisse, teque ad suam devotionem ejusque beneplacita exequenda, et arctius evitanda quæ prohibuit, obligaret. Et quia tam liberationem ab inimicorum insidiis, quam victoriam subsecutam non humane potentiæ, sed supernæ, sicut prædictæ attestantur litteræ, cum actionibus gratiarum adscribis, circumspeditionem regiam multipliciter in Domino commendamus, regalem excellentiam attentius exhortantes, quatenus præmissa de tua memoria oblivio non obli-teret; sed cum assidua gratiarum actione perduret, ut sic ejus uberiore continue gratias, quas ipse tibi dignetur concedere, merearis: et attendens insuper, quod magna est gloria principum uti misericordia et mansuetudine post triumphum, illi populo, si humiliter et devote ad tuam devotionem et fidelitatem redire sine fictione voluerit, ob illius reverentiam, qui cum iratus est, non obliviscitur misereri, sinum tuæ non omittas gratiæ aperire. Ceterum de victoria insinuatione hujusmodi regie celsitudini gratiarum referimus

¹ Jo. Vill. l. x. c. 89. — ² Ibid. c. 167. — ³ Ibid. c. 89. —

Tom. vii. p. 1. Ep. secr. pag. 113.

uberes actiones. Dat. Avin. VIII id. Septembris, anno xiii ».

Perdoniti Gallorum armis Belgæ, præterita defectionis veniam supplices poposcerunt : cumque ex convenis antea cum Philippo IV et Carolo IV regibus Apostolica auctoritate initis, anathematis et interdicti Ecclesiastici vinculis se irretissent, Philippum regem interpretem adhibere apud Pontificem, ut ea regione solverentur. Flexus itaque ad regias preces Joannes, subjectis præsulibus eam provinciam demandavit¹.

« Joannes, etc. venerabilibus fratribus archiepiscopo Rhemensi et episcopo Silvanectensi, et dilecto filio decano Ecclesiæ Rothomagensis.

« Petitio charissimi in Christo filii nostri Philippi regis Franciæ illustris nuper nobis exhibita continebat, quod communitates, burgimagistri, advocati, scabini, consilarii, corrarii et præpositi, cæterique habitatores et homines plurium villarum, locorum et castellaniarum patriæ et territorii Flandriæ contra paces et capitula contenta in eis inter claræ memoriæ Philippum tunc regem Franciæ, dicti Philippi nunc regis patrum ex una parte, et Robertum tunc Flandriæ comitem et habitatores locorum et villarum patriæ et territorii prædictorum ex altera primo, ac deinde inter claræ memoriæ Carolum tunc regem Franciæ et Navarræ, ipsiusque regis, qui nunc est consanguineus, prædecessores suos ex parte una, et communitates ac habitatores plurium locorum et villarum patriæ Flandriæ prædictæ ex altera dudum factas et initas temere veniendo, quamplures rebelliones et inobedientias contra eundem Philippum, nunc regem, gentesque ac subditos ipsius regis patenter et notorie commiserunt, paces prædictas in pluribus punctis et articulis contra fidem per eos datam ac juramentum præstitum violarunt, excommunicationis in personas et interdicti in communitates, villas et loca tam a felicis recordationis Clemente papa V, prædecessore nostro, quam a nobis latis sententias propterea incurrendo, quas quidem sententias executores tam ab eodem prædecessore, quam a nobis super hoc specialiter deputati, seu aliorum ad requisitionem ipsius regis, qui nunc est, predictos burgimagistros, advocatos, scabinos, consiliarios, corrarios, præpositos cæterosque habitatores excommunicationum, ac communitates, loca, castellanias et villas rebellium prædictorum interdicti sententias prolatis incurrisse, auctoritate Apostolica declararunt, preut hæc in Apostolicis super hoc confectis litteris et processibus inde secutis plenius et serius continetur : quodque postmodum præfati burgimagistri, advocati, scabini, consilarii, corrarii, præpositi cæterique habitatores et communitates, villarum, castellaniarum et locorum rebellium prædictorum ad cor reversi, suumque recognoscentes errorem, ducti

spiritu consilii sanioris ad ejusdem regis obedientiam tanquam fideles subditi redentes, de et super inobedientiis, rebellionibus et attentatis aliis omnibus supradictis eidem regi competentem fecerunt emendam, se super iis ipsius regis voluntati totaliter supponendo ; quare nobis idem rex humiliter supplicavit ut personis et locis præfatis provideri de absolutionis et interdicti relaxationis beneficio misericorditer mandaremus, etc. » Dissolvit Pontifex ad regias preces censuras, et auctoritate memoratos præsules in-truit, ut Belgas expiato ritu Ecclesiastico crimine sacrorum communioni restituant. « Dat. Avin. XIV kal. Novemb. anno xiii ».

Lapsis aliquot annis Belgæ iterum in Philippum regem conjurarunt, censurasque eo fuso non contraxisse prælexuere, quod Eduardum Gallicum nomen regium sibi asciscentem sequerentur. De quibus ingentibus turbis, atque ejusmodi de contrahendis censuris pactionem abrumperet sint ausi, dicitur inferius. Addimus nunc Pontificem adhortatum esse Philippum, ut illius belli curis solutus animum viresque ad Ecclesiæ schismaticis oppugnata decus tuendum converteret : « Tenemus, inquit¹, probabiliter, quod intensum tuum desiderium, quod ad ulciscendas matris tue, videlicet injurias, tuitionemque Catholicæ fidei te habere tam publica vox quam privata multorum testatur, tuæque litteræ hoc exprimebant expresse, induxit Dei benevolentiam, ut brevi completo tempore, quod dudum compleri prolixiori nequivit circa matris ejusdem Ecclesiæ negotium, tuis possis promptius præfatum desiderium adimplere. Quare nostris exhortationibus adjicimus, ut successus prosperi, qui plerumque a bonis retrahere consueverunt conceptibus, te non retrahant ; sed animent potius, sicut et viros gratos percepta beneficia fortius animant et accendunt, ut illi, a quo ea percipiunt, promptius ipsi obsequantur ». Addit res Ecclesiæ in dies elferri, hostiumque frangi potentiam : senatores Urbis vice Roberti Siciliæ regis administrandæ publicæ rei præfectos munus strenue ac placide obire : omnia, quæ a schismaticis gesta erant rescissa : edixisse, gravissimis adjectis pœnis, ut qui litteras pseudopontificis haberet, quam primum deferret ; omnium illorum domos, qui ab hæresiarcha cardinales, notarii, scriptores, officiales creati fuerant, funditus in æternum dedecus excisas. « Dat. IV non. Octobris, anno xiii ».

72. *Pontifex Philippum regem ad Ecclesiæ studium hortatur, Anglo conciliare nititur.* — Explicuerat Philippus Pontifici præclarum tuendam Apostolicæ Sedis dignitatis studium, atque ad evitandam hostium Ecclesiæ tyrannidem, excindendumque schisma armorum potentiam obtulerat. Cujus zelum Pontifex magnis extulit laudibus², rogavitque ut ad singulas Italiæ urbes ac populos

¹ An. 43. p. 1. Ep. com. ccxcvii.

¹ Tom. vii. p. 1. Ep. secr. pag. 114. — ² Tom. vi. p. 3. Ep. secr. pag. 197.

litteras daret, ac publice profiteretur, se Ecclesiae causam suscepturum, atque arma in schismaticos et antipapae sequaces conversurum. Instiluit etiam apud Joannam Francorum reginam¹, ut maritum regem ad gloriosissimum opus impelleret, ac scribere Italīs suaderet; ne Ludovico, ejusque, ut ait, idolo, nimirum antipapae obsequerentur, sed potius Roberto Siciliæ regi omnem operam ponerent.

Uxerat etiam aliis exente anno superiore litteris Pont. Philippum, ut Ecclesiae causam strenue defenderet, seque ad ulciscendas illius injurias generose accingeret: ea re summam a Christo Domino gratiam ipsum initurum; si enim mortales sponsi suis illatas sponis contumelias vindicent, immortalem sponsum Ecclesiae suae sponsae injurias vindicantem amore complexurum: tum etiam gratulatus est² abjecta ab ipso inanum fabellarum lectione sacros regum Veteris Testamenti libros perlegi.

« Joannes, etc. regi Franciæ.

« Accedit nobis ad ingens gaudium, cum te, fili charissime, in iis occupari percipimus, quæ dignitati conveniunt regiæ, regi regum sunt placida, et utilitatem respiciant subditorum. In his profecto te comprobas occupari, cum abjectis romanorum fabulis, quarum lectio aures magnatum frequenter occupat, Veteris Testamenti regum historiis intendis sedule: ex quibus potes circa bellicos actus instrui ac quantum in illis divina providentia egerit, erudiri: ex quo potes evidenter percipere, quantum divina revereri majestas debeat, quodque in illa sola spes omnis victoriæ sit ponenda. Adhuc in præmissis te arguis occupari, cum circa tuendas Ecclesias et personas Ecclesiasticas earumque injurias ulciscendas te curas exhibere sollicitum, quodque utique gratiam ejusdem sponsi Ecclesiae, scilicet Christi, tibi vindicas ampliorem: si enim sponsi carnales adeo diligant sponas suas, ut ad illos suam extendant gratiam, quos illas nonverint honorare, ac contra illos exandescere soleant, qui sponsabus eisdem injurias præsumpserint irrogare; proculdubio multo magis sponsus, qui amplius ad sponsum afficitur, quam quivis sponsus alius suam ipsam honorantibus exhibet gratiam, et contra inhonorantem eam, seu sibi irrogantibus injurias irascitur et turbatur, etc. Dat. Avin. VI id. Decembris, anno XII ».

73. Ut porro fluctuanti Ecclesie felicis opem Philippus rex ferre posset, studium ad pacem in Gallis tuendam, exorientes cum Anglorum rege Eduardo discordias sopiendas, malaque imminentia avertenda convertit Pontifex. Contenderat, ut diximus, Eduardus jure sanguinis ad sceptrum Gallorum vocari, vinque et arma adhibere ad causam defendendam parabat; cum Joannes conciliandos novis affinitatibus eos reges censuit, Robertumque Atrebatensem ac plures Galliarum aulæ

principes, tum reginam Francorum sollicitavit, ut ad perficiendam concordiam incumbere: tum Philippum regem et adhortatus, ut Joannem majorem natu filium cum Eduardi sorore matrimonio conjugare niteretur; ex ea enim affinitate facile futura bella diremptum iri. Repudiata sunt, nec mandata operi Pontificia consilia magno Francorum detrimento; ab Eduardo enim irato gravissimis claudibus affectas Gallias, atque in extremum adductas discrimen visuri sumus. Traditam porro Eduardi sororem Joannam Davidi Roberti Brusii regis Scottorum filio in uxorem, ac pacem post diuturna bella inter Scottos et Anglos firmatam, refert Joannes Villanus¹: quam quidem vocatam turpem ait Walsinghamus², cum Scotia antea in Eduardo I regno Anglico conjuncta, ac superioribus temporibus jure beneficiario obnoxia, ab omni onere et officio Anglis regibus præstando libera ex illius fœderis legibus pronuntiata sit.

74. *Anglia et Scotia conciliatæ.* — Poposcit tum veniam a Pontifice Robertus Scotiæ rex, pluribus censuris ab præterita in Eduardum II bella irretitus; missisque oratoribus, Apostolicis imperiis obsequentissimum se posthac futurum pollicitus est. Excepit Joannes, qui pacem inter Anglos et Scottos reintegratam gaudebat, benigne legationem, dissolvitque censuras Apostolico Diplomate, in quo fuisse repetit, ut ardente inter Robertum et Eduardum II Angliæ regem bello, post varias concordatæ rationes pertentatas Gaucelinum episcopum Albanensem, tunc tit. SS. Marcellini et Petri presbyterum, ac Lucam S. Mariæ in Viaticata cardinales legatos miserit, imperarique Anglos inter et Scottos inducias, intentato iis, qui bellum moverent, anathemate: Robertus vero pacis consilia respuerit, ac licet cardinales ipsum censuris, et Scotiam Ecclesiastico interdicto perculissent, si in Angliam cum exercitu irrumperet; ipse tamen violata induciarum religione Angliam invaserit, et Berwicum ac nonnullas alias arces Eduardo eriperit, ob quæ cum cardinales delixum anathemate et Scotiam sacris interdictam pronuntiarint: cum vero idem Robertus censuras toto vertente anno sperneret, et Angliam vexaret armis, Pontificio edicto in jus ad subsellia Apostolica accessitus fuerit: cumque apud ea non compareret, servato judiciorum ordine ex sacri senatus sententia damnatus sit contumaciæ, ac fideliū consortio ejectus. Jam vero instaurata cum Eduardo III pace ad Ecclesiae obsequium redeunti Pontifex veniam tribuit³.

« Joannes, etc. charissimo in Christo filio Roberto regi Scotiæ illustri.

« Cum ad præsens, cooperante pacis principe, qui facit concordiam in sublimibus suis et arcem possidet unitatis, quique de throno cælesti ad ima descendens, pacem in terra per celestium Angelo-

¹ Tom. VI. p. 3. Ep. secr. pag. 169. — ² Ibid. p. 2, pag. 191.

¹ Jo. Vill. I. XVI. c. 80. — ² Walsing. in Eduard. III. Boeth. Hist. Scot. I. XIV et alibi. — ³ An. 13. p. 1. Ep. com. MCCCXLIX.

rum exercitum, gloriose pacis cauteum concinentem, bonæ voluntatis hominibus multavit, et demum regressurus ad Patrem pacis bonum, quod super omnia diligebat, tanquam donum gratissimum dedit fidelibus, et reliquit; pax et concordia inter te et charissimum in Christo filium nostrum Eduardum nunc regem Angliæ illustrem fuerint reformatæ, tu cupiens tanquam devotionis filius ad sinum alme matris Ecclesiæ, que nulli redeunti claudit gremium, cum humilitate redire, ipsiusque ac nostris in omnibus obedire mandatis, nobis per venerabiles fratres nostros Jacobum S. Andree et Joannem Moraviensem episcopos, ac dilectum filium Adam electum Breknensem nuntios et procuratores tuos (qui episcopus S. Andree, Jacobus Benedicti archidiaconus Ecclesiæ S. Andree, et Adam electus præfati, Adam de Moravia, decretorum doctor in littera, in qua eos ad id procuratores tuos constituisti, per te nominati fuerunt) ad nostram præsentiam super his specialiter destinatos, humiliter supplicasti, ut providere tibi et statui tuo, ac regno et terris tuis præfatis de salubris et opportune absolutionis et interdicti relaxationis beneficio misericorditer dignemur. Nos itaque, qui ipsius regis pacifici vices in terris quamvis insufficientibus meritis exercemus, ipsius exemplis salutaribus eruditi, huiusmodi pacis et concordie dulcedinem interni brachiis amplectentes; considerantes etiam attentius, quod divinitatis natura clemens est et pia, magisque ad indulgentiam quam ad vindictam prona, quæ non vult mortem peccatoris, sed ut convertatur et vivat; præfatis nuntiis et procuratoribus nomine tuo postulantes humiliter et devote (qui etiam, habentes ad hoc a te speciale mandatum, de stando super omnibus et singulis nostris et ejusdem Ecclesiæ mandatis in animam tuam præstiterunt corporaliter in nostra præsentia jurementum, bona tuæ ad hoc etiam obligando) te a præfatis omnibus et singulis excommunicationum sententiis atque penis, quas per nos et cardinales ipsos latas, ut præmittitur incurristi, auctoritate Apostolica tenore presentium duximus absolvendum, dictumque interdictum in regnum Scotiæ et alias terras præfatas, per cardinales ipsos ut præfertur prolatum, usque ad biennium a data præsentium numerandum auctoritate prædicta de speciali gratia relaxamus.

75. « Verum quia mediator Dei et hominum homo Dominus noster Jesus Christus hanc præpositis Ecclesiæ tradidit potestatem, ut confitentibus penitentiae satisfactionem docerent, et eisdem salubri satisfactione purgatis reconciliationis januam aperirent; tibi pro præmissis quoad præsens huiusmodi penitentiam injungimus salutarem, videlicet quod de cætero per te, vel alium, seu alios treugas, si quas per Sedem Apostolicam inter te et ipsam regem indici canonice contingeret in futurum, nullo modo violare, ac mandatis Apostolicis licitis contraire, regnum etiam Angliæ ac ter-

ras alias dicti regis nunquam invadere, seu alias occupare presumas, nisi quantum tibi de jure concessum fuerit, vel permissum; reservatis nobis omnibus aliis, que pro præmissis tibi injungenda fuerint, tibi nostro arbitrio in posterum imponendis. Nulli ergo, etc. Datum Avinione id. Octobris anno M^o M^o. Data aliis litteris archiepiscopis et episcopis imperia¹, ut a Roberto postulati, illum anathematis nexu solutum, et sacrorum usum Scotiæ ad biennium restitutum promulgarent. Nam diu pax ea tenuit, cum Roberto brevi extincto, Eduardum III. spreta affinitate, ad avita in Scotiam jura recuperanda Davide sororum gravissimo bello exagitate visuri simus.

76. *Poscenti Alphonso regi Castellæ Pontifex dat opes et privilegia ad bellum contra Saracenos Granatenses.* — In Hispanis Alphonsus Castellæ rex, ardore propagandæ religionis ac regni limitis proferendi succensus, bellum in Saracenos ceptum urgere constituit; utque belli molem facilius volveret, ab Romano Pontifice sacrarum opum auxilia flagitavit, ac Joannem episcopum Conchensem et Petrum electum Carthaginensem oratores legavit, instruxitque auctoritate, ut fidem regiam ad servanda ineunda ea de re pacta obstringerent. Quo argumento subjectas litteras supplices transmisit².

« Sanctissimo ac beatissimo in Christo patri ac domino, domino Joanni, divina providentia sacrosanctæ Romanæ ac universalis Ecclesiæ summo Pontifici, charissimus ejus filius Alphonsus Dei gratia Castellæ, Legionis, Toleti, Galleciæ, Sibilæ, Cordubæ, Murciæ, Giennii et Algarbii rex, ac Viscayæ et Molinæ comitatum dominus, cum recommendatione humili et reverentia pedum oscula beatorum.

« Pater sanctissime, clare novit vestra providentia circumspicere, qualiter Deo servire præcordialiter affectantes, fidei Catholicam pro viribus exaltare, velut verus titulus Ecclesiæ et Catholicus Christianus, ac deprimere seu frangere Saracenorum inimicorum fidei orthodoxæ perfidiam et abominabilem nationem, sicut fecerunt reges, de quorum stirpe noscitur descendisse; cum regnorum nostrorum redditus non sufficerent ad tam arduum tamque sanctum negotium modo debito prosequendum, sperantes ad hoc auxilium per gratiam seu liberalitatem Sedis Apostolicæ consequi opportunum, supplicari per nostros fecimus nuntios, ut aliquas petitiones nobis, regnis et subditis nostris expedientes, vestra sanctitas dignaretur misericorditer exaudire.

« Verum, ut percepimus, quia vestra sancta pietas aliquas gratias nobis intendit facere pro subsidio guerræ per nos contra Saracenos inceptæ, sub certis conditionibus, et ad earum observantiam obligationibus, quibus adjiciendis, quamvis

¹ Reg. post eand. Ep. — ² Ext. apud Jo. an. 12. p. 8. in arte Ep. MCCCLXXV. et 13 Ms. bib. Vall. s. gn. lit. B. num. 12. p. 161.

antecessores nostri, qui in Castella et Legione pro tempore regnaverunt, acceperint tertias et thesauros Ecclesiarum ad guerram, quam cum præfatis habuerunt inimicis fidei exercendam, et ad eorum incursibus terras et regna suo commodius protegenda; tamen ob devotionem eximiam, qua Deum et Sedem Apostolicam reveremur, impendentes reverentiam qua tenemur vobis vicario Jesu Christi, vestram voluntatem complentes facimus, constituimus, creamus, ordinamus nostros veros procuratores, xonomos, syndicos, vel actores et nuntios speciales venerabiles dominos Joannem Conchensem episcopum, Petrum Carthaginensem electum clericos nostros, ac nobilem virum Fernandum Sancti militem ac judicem curie nostræ absentes tanquam præsentem omnes vel duos eorum ad comparandam coram sanctitate vestra et sacro collegio reverendorum dominorum cardinalium, et offerendum ex parte nostra supplicationes, quæ ipsis procuratoribus, aut eorum duobus videbuntur specialiter prosecutioni guerræ Saracenorum, nobis, regnis ac subditis nostris expedientes, et oblatas proseguendum et acceptandum una vobiscum: imo et si sanctitati vestræ videbitur cum dicto collegio, super dictis supplicationibus et eorum qualibet quidquid sanctitas vestra et dictum collegium tractandum, ordinandum et promittendum ordinaverit per eosdem procuratores vel duos ipsorum nomine procuratorio nostro: necnon obligandum nos, terram et subditos nostros ad tenendum et servandum firmiter omnia et singula, quæ dicti procuratores aut duo eorum in præmissis et eorum quolibet duxerint promittendum sub quibuscumque conditionibus et pœnis spiritualibus, tempore dictarum tertiarum nobis concedendarum tantummodo duraturis, adjuiciendis cuilibet capitulo dictarum supplicationum per vos et dictum collegium ut exequamur ea, ad quæ dicti nostri procuratores vel duo eorum nos duxerint obligandos: et præstandum in animam nostram cujuslibet generis sacramentum super præmissis omnibus et singulis observandis et tenendis: et generaliter ad omnia alia et singula procurandum, faciendum, agendum et exercendum, quæ veri et legitimi ac sufficientes procuratores procurare, agere, facere et exercere possunt in præmissis et quolibet præmissorum, etiamsi mandatum exigant speciale, et quæ nosmet procurare, facere et exercere possemus, si personaliter interessemus. Insuper promittimus ratum et firmum habere, tenere et servare quidquid per dictos procuratores vel eorum duos procuratum, factum, actum et gestum fuerit in præmissis et quolibet præmissorum, et in nullo contrariare vel venire sub hypothea et obligatione regnorum et aliorum bonorum nostrorum: protestantes, quod curso dictarum guerrarum tempore, saluum remaneat jus exemptionis et libertatis competentium nobis et regnis nostris. In quorum omnium testimonium, has nostras pa-

tentes litteras, nostro sigillo plumbeo eisdem appenso dictis nostris procuratoribus jussimus elargiri. Dat. Toleti VII id. Martii anno a Nativitate Domini MCCXXVIII.

77. Poposcere Castellani oratores a Pontifice¹, ut religiosa expeditio collato crucis symbolo propostitaque novarum venia indiceret: tum in militares sumptus sacerdotiorum decumæ ac duæ partes tertiæ reficiendis sartis tectis addictæ, conferrentur. Extulit laudibus Pontifex Castellæ regis de duenda in Mauros expeditione consilium², ejusque petitis pro sustendis bellicis sumptibus ita assensit, ut ea certis legibus temperaret, sanciretque ut a sacro illo auro subsidario rex abstinere eo flexu temporis, quo inducias pacemve cum barbaris pacisceretur: tum ad hæc conventa Alfonso obstrinxit:

« Joannes, etc. charissimo in Christo filio Alfonso regi Castellæ et Legionis illustri.

« Volumus quod in hujusmodi negotium per te assumptum viriliter et efficaciter, tam per mare quam per terram, ad exaltationem et dilatationem Catholicæ fidei contra Saracenos eosdem prosequaris; et ubi hujusmodi negotium in persona propria non prosequeris, illud per terram ad minus cum mille militibus vel equitibus bene munitis equis et armis prosequi tenearis, non solum defendendo terram Christianorum ab impugnationibus dictorum Saracenorum regni Granate, sed impugnando et expugnando Saracenos ipsos, castra, fortalities, terras et loca ipsorum et alios Saracenos, tam vicinos quam quoscumque alios, dum venerint in auxilium eorundem, nisi forte interdum pro meliori plus defensionem cum prædicto militum seu equitum numero dictæ terræ Christianorum ab impugnationibus Saracenorum dictorum, quam hujusmodi impugnationi eorundem hostium prospereris insistendum: quorum tamen hostium impugnationi et expugnationi debes intendere diligenter, cum ipsi fidem Catholicam et terras fidelium, potissime in ipsorum frontariis constitutas, ac personas Christianorum non desinant impugnare, Christianos ipsos capiendo, suæque ditioni subdendo, ipsosque tam mares quam feminas et parvulos filios et filias eorundem cogendo fidem Catholicam, ut præmittitur, abnegare et nonnulla alia nefanda in eosdem Catholicos committendo. Si vero aliqui milites seu equites per obitum ipsorum, vel ex aliqua rationabili causa, vel casu de numero prædicto deficerent, idem numerus absque reprehensibili mora per tuæ sollicitudinis studium celeriter restauraretur. Ubi autem non prosequeris dictum negotium personaliter per teipsum, ordinabis in capitaneum aliquem virum Catholicum aptum, strennum et fidelem, quem duxeris eligendum a dominis, cum supradicto militum vel equitum numero, equis, armis, ut præmittitur,

¹ An. 12, p. 3. Ep. com. MCDLXXVII. — ² Ibid.

munitorum, ad prosecutionem dicti negotii loco tui contra Saracenos eodem, adhibito ubi forsitan aliquis vel aliqui de numero prædicto deficerent, moderate supradicto. In casu vero ubi dictum negotium in persona propria prosequeris, necessarium non existimamus, quod tu ad faciendam prosecutionem hujusmodi cum certo determinato numero militum vel equitum adstringaris; ex eo maxime, quod probabiliter credi potest, quod velut princeps magnificus in comitiva tua ad prosecutionem dicti negotii, quoties illud in persona propria prosequeris, longe majorem tecum duceres, quam præmissam militum vel equitum quantitatem.

78. « In terris quoque, castris et locis in dicto regno Granatæ tam per te noviter acquisitis, quam quæ divina suffragante virtute acquiri contigerit, conserventur et ædificabuntur Ecclesiæ seculares, videlicet cathedrales secundum mandatum et ordinationem nostram et dictorum successorum nostrorum vel aliorum, quibus nos vel dicti successores id duxerimus vel duxerint committendum, considerata aptitudine, conditione, qualitate et dignitate locorum, in quibus fuerint hujusmodi Ecclesiæ ordinandæ: in quibus etiam de mandato nostro seu nostrorum successorum ponentur et constituentur personæ Ecclesiasticæ seculares, per quas in eis divina celebrentur officia, et ministrentur locorum ipsorum habitatoribus Catholicis Ecclesiasticæ sacramenta; collegiæ vero et aliæ inferiores Ecclesiæ a cathedralibus fundari possent de mandato prælatorum, vel aliorum Catholicorum, quibus hoc de jure competit vel competet in futurum: ac similiter institutio seu ordinatio personarum Ecclesiasticarum, quas, ut prædictum, seculares esse volumus, in eisdem collegiatis et aliis inferioribus Ecclesiis ponendarum possit fieri per eosdem, quibus competet id de jure, salvo jure patronatus tui; quod jus intelligi volumus illud esse, quod tibi jura communia canonica in casu de quo agitur seu agetur, præstiterint.

79. « In locis autem taliter post guerram per te noviter cœptam acquisitis, vel in posterum, infra dictum tamen quadriennium acquirendis, si seorsum vel permixtim habitare contigerit Saracenos circa sacerdotes ipsorum, qui Zabazara vulgariter nuncupantur, necnon templa seu meschitas ipsorum ne, quod absit, per eorum funestos ritus invocationes, et clamores verborum, ac publicas invocationes et peregrinationes ipsorum in cordibus fidelium scandalum generetur, tu tanquam princeps Catholicus et zelator fidei Christianæ juxta Constitutionem super hoc editam in Concilio Viennensi, cum eosdem Saracenos in dictis locis noviter, ut præmittitur, acquisitis vel etiam acquirendis ad eorum templa seu meschitas contigerit convenire, ut ibidem adoret perfidum Machometum, ejusdem Machometi nomen alta voce invocari et extolli Christianis audientibus, vel aliqua

verba in illius honorem eos profiteri, vel proclamare publice, seu hujusmodi peregrinationes in fidelium scandalum fieri non permittas: sed talem observationem funestam de dictis locis omnino auferas, et a tuis subtilis auferi procures; districtius inhibendo, ne præfata invocatio, seu professio nomine ipsius perfidi Machometi publice, aut peregrinatio prælibata ab aliquo in tuo existente dominio attentetur de cætero, vel quomodolibet toleretur; eos, qui secus præsumperint, taliter castigando, quod alii eorum exemplo perterriti a presumptione simili arceantur. Et quia spiritualia diu temporalibus non subsistant, ac justum est, ut qui altari servit, vivere debeat de altari, et juxta verbum Apostoli, mirum esse non debet, si temporalia mutantur, a quibus spiritualia seminantur; volumus quod pro bonis et rebus in dicto regno Granatæ per Catholicos noviter, ut præmittitur, acquisitis vel in posterum acquirendis decimas ac primitias Ecclesiis et personis Ecclesiasticis, instituendis ibidem, cum super hoc per eas fueris requisitus, facias cum integritate persolveri, secundum quod jura ad id te adstringere dignoscuntur: et nihilominus libertas et immunitas Ecclesiastica in civitatibus, castris, terris et locis acquisitis, et quæ acquiri contigerit in regno præfato, eisdem Ecclesiis et personis Ecclesiasticis et aliis plene et libere servabitur juxta canonicas sanctiones.

80. « Volumus insuper quod processus nostri et sententiæ excommunicationis et interdicti per nos, ut præmittitur, in personam tuam et civitates et loca prædicta late, et præmissorum occasione ferendæ per aliqua verba dicti procuratorii tui nullatenus restringantur, sed in sua firmitate consistant; ita quod si eas incurrere te contingat, tandem in persona tua ac civitatibus et locis prædictis eas habere decernimus roboris firmitatem, donec congrua satisfactione præmissa dictas sententias de nostro vel successorum nostrorum speciali mandato contigerit specialiter relaxari. His etiam additum est, ut pactiones a Castellæ regis oratoribus cum Gaucelino episcopo Albanensi, et Joanne tit. S. Crucis in Jerusalem presbytero, ac Jacobo S. Georgii ad Velum Aureum diacono cardinalibus, necnon Gaspero archiepiscopo Arelatensi camerario imple Pontificio nomine, illibate maneant: et si qua de iis oboriatur controversia, illa a Sede Apostolica solvatur: tum subdit, ut Alfonsus vertente anno gesta ab oratoribus rata habeat, ejusque litteras antea memoratas inserit, quibus hæc subjicit:

« Cæterum, fili charissime, ut vitentur gravamina, quæ interdum viri Ecclesiastici sunt perpassi, volumus quod per dictos archiepiscopum Hispalensem et Cordubensem ac Giennensem episcopos, necnon per subcollectores, super iis depnandos ab eis, hujusmodi decima juxta Constitutionem Viennem Concilii ad monetam currentem communiter levetur et etiam exigatur, quodque

calices, libros et alia ornamenta Ecclesiarum, divinis officiis deputata, ex causa pignoris vel distraktionis cujuspiam per se, vel per alium, seu alios occasione hujusmodi decime contra Constitutionem eandem capere seu recipere, distrahere seu recipere, distrahere seu occupare quomodolibet non præsumentur. Dat. Avin. id. Junii, Pontificatus nostri anno XI». Data sunt ea de re memoratis præsulis imperia, ut quadriennales decimas cogerent, modo inite pactiones corroborate essent a rege: tum ut crucesignatam expeditionem, promulgatis indulgentiarum præmiis, ad excindendam e Granatensi regno Mahumeticam superstitionem e sacro suggestu indicerent, et clerum populumque, sacrum professuros militiam, affixo humeris crucis synbolo insignirent.

81. *Sacrum bellum civili dissensione retardatum.* — Turbatat bellum illud sacrum gravissima dissensio, quæ Alfonsum inter Joannem Manuelem e stirpe regia progenitum exarserat: ad quam extinguendam Pontifex Petrum cardinalem, episcopum olim Carthaginensem, in Castellam legavit, regemque illum hortatus est¹, ut discordiæ semina præfocaret: perpenderet quanta ex ejusmodi civili bello mala emeritura essent, quantave ipsius dignitati labes aspergeretur, Petrum vero studia sua omnia pro redintegranda inter illos concordia defigere jussit²; utque auctoritatem ipsi in re gerenda conciliaret, pileum cardinalitium, quamvis moris non esset nisi e Pontificiis manibus accipi, in Hispanias transmisit³: « Ut honorabilis, inquit, et utilis exequaris, (nimirum imperata), tibi capellum rubenum, insigne cardinalatus, tibi contra morem duximus de eorumdem fratrum consilio per latorem præsentium destinandum ». Solliciti⁴ vero Pontificiis precibus Alvarus Nuntius comes e Transtamara et Garcias Lassus qui auctoritate in Castellana regia florebat, ut cardinali legato in sopiendis discordia operam impenderent: denique sancitum esse in sequenti anno concordie fœdus, refert Mariana⁵, rege ad illam propendente, ut belli molem in Saracenos verteret.

82. *Rex Aragonum sponsonem pro Sardinia præstat.* — Interea Alfonsus Aragonum rex, cum ex acceptorum Sardinie et Corsicæ regnorum jure fiduciario legibus excurrente primo regni adepti anno obstrictus esset ad Sedem Apostolicam, ut fidem devinceret, se conferre, ob negotiorum, quibus obruebatur, molem expellit, ut tempus extraheretur: cujus precibus permotus Pontifex, illud ad annum⁶ a primo evoluta proximum prorogavit.

« Alfonso regi Aragonum illustri.

« Cum pro regno Sardinie et Corsicæ, quod clare memorie Jacobus rex Aragonum pater tuus a nobis et Romana Ecclesia tenuit, et quod tu,

charissime fili, similiter obtines ex successione paterna, infra annum unum, a die obitus ejusdem patris tui in antea numerandum, ex juramento per dictum patrem tuum præstito, quo se ac hæredes et successores suos in eodem regno ad hoc solemniter obligavit, tenearis nostram et Apostolicæ Sedis adire præsentiam, facturus nobis nostro et ipsius Ecclesiæ nomine ligum in manibus nostris homagium, et præstiturus fidelitatis debite juramentum; nos, paterno more compatiens tuis occupationibus variis, quos tibi nova suscepti regiminis auspicia subministrant; ac propterea tuis in hac parte supplicationibus inclinati terminum super præmissis unius anni prædicti usque ad unum alium annum, a fine præfati anni in antea computandum, tibi de fratrum nostrorum consilio tenore præsentium prorogamus. Volumus autem per hoc, juramento per dictum patrem tuum (sicut præmittitur) præstito, seu quibuscunque conditionibus, obligationibus, seu pactis et conventionibus aliis in concessione dicti regni facta præfato patri tuo appositis, quæ in suo robore permanere decernimus, in aliquo nullatenus derogeretur. Dat. Avin. non. Maii, anno XII». Ægre tulit rex ampliores temporis metas sibi non prorogatas: cui Joannes rescripsit, moris non esse, ut Romana Ecclesia rem adeo gravem in posteriora tempora extraheret. Alfonsus tamen, cum metueret, si regno discederet, graviores in eo motus posse concitari, Petrum fratrem Ripacurtiæ comitem oratorem ad Joannem misit, ut suscipiendi itineris laborem sibi remitti deprecaretur: cujus precibus flexus Pontifex, e cardinalium consilio assensit, ut rex in Aragonia solemniter per obtenta Sedis Apostolicæ beneficio auctoritateque Sardinia sacramentum nuncuparet. Rogatus quoque Pontifex, ut a rege ad infidelium, ac præsertim soldani Babylonici oras duas naves mitti permitteret, tum ad exportanda sacra S. Barbaræ lipsana, tum ad nonnulla alia negotia conficienda; respondit⁷, continuas suas ex Cypri et Armeniæ partibus clamoribus aures feriri, Barbaris merces inferri, quibus aucti magis ferociebant; reliquiarum tamen sanctæ illius martyris intuitu ipsi unius mittende navis, comitique Ripacurtiæ alterius potestatem fecisse.

83. *Philippus regia stirpe Baleari progenitus novam Franciscanorum familiam condere postulans rejicitur.* — Hoc anno Jacobi Balæaris regis patruus atque antea tutor Philippus e Majoricis, Aragonum, Siciliæ et Francorum regum consanguinitate illustris, novum Franciscani instituti Ordinem, in quo præscripta a S. Francisco religiosæ vite formula sine ulla interpretatione atque additamento servaretur, condere in animum induxit, ac perficiende rei auctoritatem oblato hoc libello supplicæ⁸ a Pontifice flagitavit.

¹ Tom. VI. p. 3. Ep. secr. pag. 227. Mariana I. XV. c. 20. — Eod. p. pag. 226. — ² Ibid. par. 227. — ³ Ibid. — ⁴ Jo. Mariana I. XV. c. 21. — ⁵ Tom. VI. p. 3. Ep. secr. pag. 230.

⁶ Tom. VII. p. 1. Ep. secr. pag. 470. et an. 13. p. 1. Ep. com. LXXXV et LXXXVI. — ⁷ Ext. apud Wad. in Annal. hoc an. n. 29.

« Supplicatio Philippi de Majoricis.

« Supplicat sanctitati vestræ (qui estis vicarius Jesu Christi in terris, qui de domus suæ divitiis descendit in uterum pauperis Virginis, ut paupertate nostræ carnis indutus penitentiae viam arctam sumeret, et per crucis ignominiam gloriosus ad Patris ascenderet dexteram) Philippus de Majoricis thesaurarius B. Martini Turonensis pro se et sui propositi sociis præsentibus et futuris, quod cum ipse, licet peccator, fide Christianus sit, fidei opera habere desiderans; et ideo non solum præcepta, sed et Evangelica Christi consilia a juventute servare affectans, ex omnibus viis salutis illam solum prælegit et prælegit, ad quam prælegendam est et esse vult voto adstrictus, scilicet regulam beatissimi Francisci, quæ B. Francisco per Spiritum sanctum inspirata est, et passionis Christi signis solemniter confirmata; de qua idem sanctus in suo testamento dicit sic: Ipse Altissimus revelavit mihi, quod deberem vivere secundum formam sancti Evangelii, et ego paucis verbis simpliciter feci scribi, et domini papa confirmavit mihi. Et iterum circa finem testamenti sui, loquens fratribus, ait: Dominus dedit mihi simpliciter et pure dicere et scribere regulam, et ista verba simpliciter et pure sine glossa intelligatis, et cum sancta operatione observetis usque in finem.

« Huic igitur tanti Patris admonitioni toto desiderio cordis adhaereo; eos tamen, qui summorum Pontificum expositiones et declarationes receperunt, in nullo tango, quia in via Dei alius sic ambulat, alius sic; sed ego ipsam B. Francisci regulam, simpliciter et pure intellectam et sine glossa, in qua promittitur Evangelii Christi observantia, cujus Evangelii vita a Christo exemplata et tradita est fidem Evangelii tenentibus; sicut sacrosancte Romane Ecclesie filius vestris, pater sanctissime, pedibus subditus et subjectus a vobis regulam ipsam et vitam tandem desideratam libenter et libere observandam, cujuspiam contradictione cessante, mihi et mei propositi sociis præsentibus et futuris concedi prostratus et genibus flexis exposco: non tamen in societate fratrum Minorum, qui hodie sunt, nec sub obedientia ordinis prælatorum propter dissonantiam voluntatum inter ipsos et nos: sed sicut illi, qui Cisterciensium Ordinem inchoaverunt, a nigris monachis se sequestrasse dicuntur ad regulam S. Benedicti perfectius observandum, sic et ego pro me et mihi adherentibus peto humiliter supplicans, me et socios, qui inspirante Deo una mecum præfata regulam et vitam servare desiderant, vestræ sanctitatis auctoritate ad ipsam sæculo dimisso recipi, et ex speciali gratia statim ad professionem admitti; maxime cum omnes, quos nunc mecum associabo, probationis annum vel annos, quantum ad notitiam et exercitium vite religiose, existentes in sæculari habitu tenuisse possint dici: qua professione facta, liceat nobis regulam prædictam

Domino juvante servare, eleemosynas pro Christo mendicare, eleemosynisque et laboribus manuum sustentari, etc.». Sub finem modestie metas egressus, minas, ni votorum compos fieret, adiecit, quæ ipsum hand sancto adductum spiritu indicant: «Pater, inquit, sanctissime, quam peto pro me et propositi mei sociis, licet ea indignus sim peccatis exigentibus, indignius tamen est eam mihi denegari: et sicut a Spiritu sancto est via perfectionis Christianæ, quam postulo, sic a spiritu maligno esse denegationem ejus non dubitant fidei Catholice vitam et genera æstimantes. Si denegetur ergo, quid restat? Audient certe celi quæ loquor, audiet et terra verba oris mei.». Repulsam imprudenti homini obicit Pontifex e cardinalium consilio, ne Ordo Franciscanus multis concussus factionibus magis labefactaretur.

84. *Ordinem Eremitarum S. Pauli confirmat, clerici Ungarici avaritiam cohibet Pontifex.* — Contra Caroli Ungariæ regis adductus precibus efflorescentem in ipsius regno Emeritarum S. Pauli primi religiosum familiam, ac magnis virtutibus, præcipueque celestium rerum tractatione conspicuam, Apostolica auctoritate confirmavit¹:

« Ad perpetuam rei memoriam.

« Ad nostri Apostolatus auditum relatio fide digna perduxit, quod dilecti filii fratres S. Pauli primi Emerite in Ungaria et aliis partibus constituti, per austeritatem piæ vite, bonorumque operum actiones adeo se reddunt in conspectu Dei et hominum gratiosos, quod eorum exemplo plurimi ad pietatis opera perducuntur; quodque ipsi secundum B. Augustini regulam desiderant virtutum Domino perpetuum impendere famulatum. Nos igitur hujusmodi pium, laudabile ac meritorium propositum et obsequium eorundem fratrum, Dei et sanctorum suorum prosecutionum laudem et gloriam, digne in Domino commendantes: et attendentes illa salubria et efficacia fore ad perennis salutis bravium impetrandum, ut eo libentius dicti fratres divinis beneplacitis se coaptare, seque diligentius exercere operibus sanctitatis, quo invenisse gaudebant nos et dictam Sedem sibi gratiosos, propitios et benignos, charissimi in Christo filii nostri Caroli regis Ungariæ illustris, quem ad fratres ipsos specialis devotionis affectum habere percepinus, Apostolicam pro fratribus præfatis in hac parte gratiam humiliter implorantis, et eorundem fratrum devotis supplicationibus annuentes, prælibatis fratribus auctoritate Apostolica regulam concedimus antedictam, per eos et successores ipsorum in locis suis, quæ habent, et præstante Domino habebunt in posterum, perpetuis futuris temporibus observandam: memoratis insuper fratribus eorumque successoribus, qui in capitulo ipsorum, quoties expedierit, celebrando aliquem ex eis idoneum in eorum priorem generalem eligere, ac electum recipere valeant,

¹ An 13. p. 1. Ep. cum. CBLXXIII.

et habere : idemque prior sic electus, receptus et habilis in dictos fratres et successores visitationis et correctionis debite officium valat exercere, ac ipsos ab excommunicationis sententia, si quam eos propter violentam manuum injectionem in se ipsos, vel propter statuta dicte regule violanda incurrere contigerit, juxta formam Ecclesie absolvere consuetam, etc. Dat. Avin. X kal. Decemb. anno xiii ».

Antea vero, querente eodem Ungarie rege, nonnullorum presulum et clericorum acerbitate nimia in exigendis decimis a neophytis, qui ad Ecclesie gremium se conferebant, Barbaros a fide Catholica amplexandam deterredi, Joannes clerum Ungaricum nimiam illam acerbitatem temperare, ac potius animarum quam rerum caducarum compendio sludere jussit ¹ :

« Venerabilibus fratribus archiepiscopis et episcopis, necnon dilectis filiis electis, abbatibus, prioribus et aliis Ecclesiarum praelatis in regno Ungarie constitutis.

« Significavit nobis charissimus in Christo filius noster Carolus rex Ungarie illustris, quod vos, cum contingit aliquos ex Cumanis, Blachis et Sclavis et aliis infidelibus ad fidem Catholicam divina gratia et dicti regis inductione converti, ab hujusmodi taliter conversis et in fide Catholica prædicta novis decimas integras nimis rigorose exigitis, ac etiam extorquetis ; propter quod neophyti et conversi hujusmodi ex eo, quod solvere decimas ante conversionem eorum non consueverunt, interdum asserunt, quod ad fidem Catholicam prædictam assumendam ex eo invitantur, ut dent clericis bona sua ; et multi, qui ad fidem ipsam libenter converterentur, a conversione hujusmodi propterea retrahuntur : quare dictus rex nobis humiliter supplicavit, per nos super hoc de opportuno remedio provideri. Nos igitur nolentes, quod prædicti infideles ab hujusmodi conversione ipsorum ad fidem Catholicam propterea retrahantur, universitati vestræ per Apostolica scripta districte præcipiendo mandamus, quatenus in exigendo decimas prædictas ab hujusmodi de novo conversis vos sic benigne et curialiter, quousque conversi ipsi in fide prædicta perfecti et in ea plenarie roborati fuerint, vos geratis, quod conversi ipsi se gravatos non reputent : quinimo benignius pertractati alios infideles ad prædictam fidem Catholicam assumendam inducant, et ipsi in fide prædicta devotius perseverent. Dat. Avin. VIII id. Maii anno xiii ».

85. *Missi viri ex Ordine Predicatorum in Orientem.* — Eodem anno Pontifex, propagandæ inter infideles religionis ex Apostolico munere sollicitus plures religiosos viros ad excolendas fide Barbaras nationes transmisit ; ac Predicatoribus comitia Ordinis Tolose celebraturis imperia dedit ², ut quinquaginta ex sacra ipsorum familia virtu-

libus et scientia instructos, forlesque ad ferendos labores mitterent : « Inexplicabili, inquit, desiderantes affectu, et summo studio prosequentes quod divini cultus officium, jam in plerisque gentiliū partibus actore Domino, propagatum eo indesinentius frequentetur et vigeat, quo ministris potioribus invalescat, sollicita deliberatione providimus, ut in hac vestra congregatione salubri, in qua Dominus Deus noster, de cujus dilatazione nominis agitur, medius noscitur constitutus, per vos, filii, ordinetur, provideatur et fiat, quod de Ordine vestro, qui inspirante Deo velut cælum micat stellis, sic personarum numero et virtute coruscet ; ad minus quinquaginta fratres ad hoc voluntarii, nimis tamen nec juvenes nec antiqui, sed bene religiosi alias et discreti, ac sufficientes clerici competenter mittantur ad partes dictorum gentiliū per singulos Ordinis prædicti conventus ad exercenda ibi divina mysteria, prout expeditius fuerit, dividendi, etc. Dat. Avin. VI kal. Maii, anno xiii ». Plures etiam e Minoritarum Ordine in Persidem, in Indias, in Turchestani, ad imperium Elchigaday, ad terras Chorazam, ut gentibus Evangelium inferrent, missos refert Walingus ³.

86. *Imminens Cypro bellum amovere nititur Pontifex.* — Quod ad res Orientales spectat ; Joannes e Janvilla ad soldanum Babylonium missus pro Syriacis rebus promovendis, reversus ex Asia nonnulla soldani responsa attulit, de quibus Joannes papa Philippum regem Francorum IV kal. Novembris deliberare jussit ⁴ : sed ut omnia illius consilia aliorum regum exemplo evanuerint ob Anglorum bella, suis locis dicitur. Imminerebat Cypro haud leve periculum, nisi Pontifex Apostolica sollicitudine illud discussisset : Genuenses enim ulli veteres injurias classem adversus Hugonem regem instruebant, cum quibus Robertus Siciliae rex arma conjungere meditabatur : sed Joannes ut rei Christianæ consulere, admonuit Hugonem ⁵ ut illata Genuensibus damna sarciret, regem vero Robertum, ut bellicum illum apparatus intermitteret. Missus vero est a Genuensibus pro componenda controversia Nicolinus Fliscus, cui cardinalis nomen inditum, quem Hugoni, ut perhonorifice exciperetur, commendavit Pontifex ⁶, eundemque regem ut paci animum accommodare sit adhortatus. Intercesserant etiam Hugonem ipsum inter ac Rhodios equites nonnullæ controversiæ, quæ sollicitudine Pontificia sopitæ sunt ⁷ ; regii enim oratores, habito cum Helione e Villanova summo Hospitalariorum equitum magistro, et Rhodii conventus oratoribus colloquio, post contentiones aliquas demum in concordiam cum iis venere.

Et sane par erat, ut mutuo fœdere Christiani conjungerentur, cum infideles viribus invalesce-

¹ Wad. hoc an. num. 23. — ² Tom. VII, p. 4. Ep. secr. pag. 117. — ³ Tom. VI, p. 5. Ep. secr. pag. 222. — ⁴ Tom. VII, p. 1. Ep. secr. pag. 63. — ⁵ Ead. pag.

¹ An. 2, p. 1. Ep. cur. IV. — ² Tom. VI, p. 5. Ep. secr. pag. 187.

rent, adversum quos Pontifex Robertum regem Siciliae cum Venetis armorum societatem coire, Vid. Decembris jussit¹. Alliciebantur ad idem lœdus Philippus Tarentinus et Joannes Achæa principes, cujus tractandi provincia Isnardo archiepiscopo Thebano a Pontifice demandata est², ut schismaticorum et Turcarum impetus frangeretur. Iuliam vero magna Francisci Danduli ducis Veneto-

rum gloria, qui Joanni Superantio exeunte anno superiori extincto successerat, refert Appendicis ad Chronicon Andreae Danduli auctor his verbis : « Iste dux zelo fidei Catholice cum Joanne XXII summo Pontifice, rege Francie, et imperatore Constantinopolitano ligam contra Turcas et unionem composuit : qua durante, securitas maxima Christicolis in Romanie partibus residentibus, et damna Turcis data fuerunt ».

¹ Tom. VII, p. 1. Ep. secr. pag. 145. — ² Ibid. pag. 65.

JOANNIS XXII ANNUS 14. — CHRISTI 1329.

1. *Nefaria acta antipapæ quæ Pontifex damnat, datis litteris ad episcopos.* — Emicuit insigne divinæ in Ecclesiam providentiæ exemplum anno redempti orbis millesimo trecentesimo vigesimo nono, Indictione duodecima, quamque infelices rerum exitus excipiant eos principes, qui rerum suarum augendarum spe religionem contemnunt. Ludovicus Bavarus, antequam schisma in D. i Ecclesia conflaret, ad summam effloruerat potentiam, adversasque Italie vires solo pene terrore obtriverat : at mox atque pseudopontificem creavit, superiori inclinatæ, atque hoc anno adeo collapsæ sunt res ejus, ut ab omnibus desertus pudoreque oppletus, fugam in Germaniam carpere coactus, Italicum regnum amiserit. Quæ singula antequam recenseamus, atrox ab illo ineunte anno patiatum facinus in medium adducemus. Excepit ipse Pisis tertio Januarii die Petrum Corbariam pseudopontificem snis anticardinalibus stipatum, omnesque vero Christi vicario exhiberi consuetos honores more histrionico illi detulit¹; quæ res Pisanis omnibus prudentibus horrore fuit : ac scenicus Pontifex octavo Januarii concionem habere ad populum non erubuit, atque indulgentiarum præmia iis, qui Joannis XXII nomen execrarentur polliceri. Et quidem in Petri Corbarie nefario Regesto extant litteræ² idibus Januarii Pisis exaratae maledictis in Christi vicarium referte : identique sathanæ emissarius iterum decimo nono Februarii die, schisma propagare enitente Ludovico, anathema in verum Pontificem, ac Robertum

Siciliæ regem et Florentinos, præcipuos illius in Italia defensores, cæterosque Catholicos vibravit³ et aliis penis eos subiecit.

2. Accidit vero, ut quo tempore solennes illi conventus celebrandi erant, tanta repente inhorruerit procella, tantaque effusa sit nubibus pluvia, quamvis nullus unquam meminisset : ut nemini dubium esset tanto scelerei cælum irasci. Cumque Pisani eam occasionem, ne criminis participes essent, captaient, inmissus est a Ludovico militum præfectus, qui opibus et auctoritate conspicuus cives ad profanam concionem compelleret. Sed divina ab eo vindicta non abfuit, ex aura enim frigidiore obrescens, ut morbum depelleret, vespere balneum stibititii vini ingressus, inopino casu ignem corripiente aqua ardenti, flammis præfocatus interiit⁴ : versumque id ab omnibus prodigio est ac Ludovici et antipapæ gesta invisa Deo esse communem Pisanorum existimatione pervulgatum. Ceterum adversum sacrilegos, contra cælum et Christi in terris vicarium blasphemias voces evomentes, Pontifex sacro Cœnæ Dominica die Ecclesiasticum fulmen jecit⁵, ac Ludovicum Bavarum et Petrum Corbariam, novis flagitiis vetera cumulantibus Apost. sententia damnavit, quam præsulibus Ecclesiæ, atque inter cæteros archiepiscopo Caesar-augustano significavit⁶.

Ausus etiam est perfidus Corbaria ad schisma amplificandum, ac plures in exitum trahendos pseudopiscopos Ecclesiis ut Thomam et Conra-

¹ Jo. Vill. l. x. c. 116. — ² Regest. Nicol. V. antip. pag. 481.

³ Jo. Vill. l. x. c. 123. — ⁴ Eod. c. 123. — ⁵ Tom. VII, p. 1. Ep. secr. pag. 171. — ⁶ Ead. pag. 171.

dum Augustinianos Senogalliensis et Auximane, Vitalem Minoritam Firmam intrudere : quos a Piceni¹ præsile et episcopis² polli ac plecti jussit Joannes papa, tum pseudopontifex antilegatos in provincias misit. In Corsica quidem vir improbus ejus ac Bavari nomine legationem gerens, plures hæreses serere studuit, et indulgentias transfretur in Terram-Sanctam propositas, ad turpem questum aucupandum pollicebatur : cuius plectendi provincia Nebiensi episcopo imposita est³. Miserat etiam in Græciam aliasque Orientis oras Corbaria scelus suorum administrans, quos episcopali dignitate insigniverat, ut Pontificia vectigalia occuparent. Ad quorum evertendos conatus Joannes Constantinopolitano patriarchæ aliisque archiepiscopis Catholicis significavit⁴, ut antipapa matrimonio junctus esset, ac repugnante conjuge Ordinem Minorum ingressus, graviores pœnas in eo Ordine ob infamem vitam contraxisset, quarum severitate elusa, demum se schismatis principem constituisset; præcepitque ut illius partibus inquinatos ac nefandos præcursores vinculis manciparent :

3. « Patriarchæ Constantinopolitano ac Patracensi, Circensi, Thebano, Corinthiensi et Atheniensi archiepiscopis.

« Ad nostri Apostolatus auditum nuper infesta relationis assertione pervenit, quod ille filius sathanæ Petrus de Corbaria hæresiarcha et schismaticus, homo utique reprobus, qui dudum uxore sua legitima, quam in facie Ecclesiæ desponsarat, cuique pluribus annis cohabitavit publice in sæculo, absque ipsius uxoris voluntate dimissa, Ordinem fratrum Minorum intravit (uxorem Petri Corbarie viro, ut ad thorum rediret iudicium intendisse, et coram Joanne episcopo Reatino auctoritate ordinaria causam cognitam, latumque a Joanne Aufune cantore Constantiensi sententiam, ut uxori adheresceret, testatur Pontifex in aliis litteris ad Philippum regem et Joannam reginam Francorum, cujus formam suis conceptam verbis transmisit⁵. Addit Pontifex quam turpiter Petrus contra leges susceptum Minoritarum habitum conspurcavit). In quo vitam ducens, sicut habet assertio multorum veridica, inhonestam, propter horrendos et detestandos excessus per ipsum commissos pœnis gravibus per eundem Ordinem fuit subjectus : quas velut rebellis et inobediens Ordini prædicto deduxit damnabiliter in contemptum : et tandem tanquam in profundum malorum demersus, suscitando in Ecclesia Dei schisma nefandissimum, se fecit et facit Nicolaum papam V in divine majestatis contumeliam, totusque fidelium cælus opprobrium et scandalum abusive ac derisorie per suos sequaces damnatos et complices nominari.

« Ad partes Romanæ, in quibus Catholice

fidei viget cultus, quosdam suarum nequitiarum complices et fautores, quos episcopos nominat, ad seducendos fideles earundem partium, ipsosque in suorum errorum hæresim et schismatum trahendos præcipitum, occupandosque ibidem proventus Ecclesiasticos, molitur ausibus nefandissimis destinare. Nos autem hujusmodi damnatis conatibus et fidelium partium prædictarum periculis olivari salubriter cupientes, fraternitati vestræ per Apostolica scripta committimus et mandamus, quatenus si quos tales per eundem Petrum hæresiarcham et schismaticum destinatos, vel ipsius fautores, sequaces et complices, aut contra Constitutiones et declarationes nostras dogmatizantes hæresim damnatam per eas, in vestris civitatibus, diocesis, et provinciis repereritis; super quo adhibere curetis, sicut ad vestrum pastorale pertinet officium, diligentiam studiosam; cujuscumque sint conditionis, ordinis, dignitatis aut status, etiam si Pontificali, aut quavis alia præemineant dignitate, capiat et ad Sedem Apostolicam sub fida custodia, si commode fieri valeat, transmittatis, etc. Dat. non. Maii, anno xii ».

4. *Joannes vicecomes pseudocardinalis et legatus in Insubria.* — Creatum in Insubria ab eodem pseudopontifice legatum ad pervertendam fidem et laniandam Catholicam Ecclesiam, refert Joannes Villanus¹; idque muneris Joanni Matthæi vicecomitis scelestissimi viri damnatique crimine hæreses filio impositum, adjuncta illi cardinalitia purpura : quam rem vigesimo nono Januarii die gestam ait. Quo accepto Pontifex Bertrando Apostolicæ Sedis in Insubria legato provinciam injunxit²; ut Joannem pseudocardinalem ac Luchinum fratrem hæreseos et schismatis crimine contaminatos, ac damnatos ab Apostolica Sede solemniter divulgaret : « Fraternitati, inquit, tuæ per Apostolica scripta mandamus, quatenus prædictos Luchinum et Joannem filios dicti Matthæi hæreticos, qui Ludovico de Bavaria et Petro de Corbaria hæreticis et schismaticis manifestis, eorumque fautoribus, et sequacibus adherendo et præstando auxilia, consilia et favores contra Deum et Ecclesiam sanctam suam, fidemque Catholicam, errores erroribus, hæreses hæresibus, et excessus excessibus tanquam in profundum malorum demersi cumulare damnabiliter hactenus studuerunt, et continue in suæ damnationis cumulum non desistunt; dictusque Joannes velut aversus a Deo totaliter, et desperationis laqueo involutus, se sub dicto Petro de Corbaria hæresiarcha et manifesto schismatico cardinalem per hæreticos et schismaticos rebellesque alios salagit sicut habet multorum relatio, in divine majestatis opprobrium, Ecclesiæ Romanæ contemptum, ac fidei et fidelium derisionem et scandalum; nominare, esse manifestos hæreticos, et de hæresi sententialiter condemnatos ac schismaticos; in Ecclesiis et locis tuæ

¹ Tom. VII, p. 1. Ep. secr. pag. 46. — ² Ibid. pag. 32. — ³ Ibid. p. 2. pag. 46. — ⁴ Ibid. p. 1. pag. 66. — ⁵ Ibid. pag. 118.

¹ Jo. Vill. l. x. c. 19. — ² Tom VII, p. 1. Ep. secr. pag. 10.

legationis et aliis, de quibus et quoties tibi expedire videbitur, per te vel alium seu alios publice nuntiare procures, etc.» Addit ut fideles ab improborum illorum schismaticorum societate ac studio, intentatis poenis gravissimis et censuris, deterreat. «Dat. Avin. id. Martii, anno xii».

Creandi Joannis antiscardinalis Ludovicus auctor extiterat¹, cum ea ratione res suas confirmare arbitraretur, qui etiam parum memor illatæ Galeatio injuriæ Azonem illius filium et Joannis nepotem ac principatum Mediolanensem eiecit², promissis sibi centum viginti quinque aureorum millibus, ut militi stipendia persolveret. Adjunxit vero Azoni Porcarium virum principem, ut promissam auri vim reportaret, sed Porcarius parte recepta in Germaniam abiit: qua spe delusi Ludovicus et antipapa, cum res in dies angustiores fierent, haud parum consternati. Decrevit itaque Ludovicus exercitum in Insubriam traducere. De cuius consiliis certior factus Pontifex, XVI kal. April. significavit Philippo Francorum regi³, Bavarum Pisis discessum ornare, ut cum Scaligero colloquia iniret, reditumque in Germaniam compararet.

5. *Pisis discedente Ludovico, res conversæ in Etruria legati Pistorienses ad Pontificem.* — Dum Pisis agebat Ludovicus, nonnulli conjurati Florentiæ subornati, qui Urbem dedere moliebantur: sed patefactæ insidiæ, sumptumque de sontibus supplicium. Bertrandus vero Roberti regis dux instructo egregie exercitu succinctus in comitatum Pisanum plurimam agris cladem intulit⁴: ac Ludovici res tam in Insubria quam Etruria nutarunt; quas cum fulcire niteretur, impelli magis ac labare visæ, de quibus hæc S. Antoninus⁵ assert: «Ludovicus, quoniam Germani equites, qui ab eo transfugerant, omnibus ceptis cogitatisque obistere videbantur, nec promissæ ab Actio pecuniæ comparebant, quo his prospiceret incommodis, transire in Galliam Citeriorem statuit. Relicto itaque Pisis falso Pontifice, cum omni hæreticorum apostatarumque sentina, scilicet antequam captus duceretur ille antipapa Avenionem, ut dictum est; cum per agrum Parmensem devenisset in Galliam, existimaretque subito Pisas reverti, majora quam putabat in Gallia impedimenta offendit». Et infra: «In Etruria vero post ejus discessum varios casus variosque eventus res susceperunt».

Corruit quidem primo Petrus e Corbaria: Pisani enim, in quibus Catholicæ religionis amor hæserat, ut Urbem immani portento liberarent, antipapam ac sequaces expulerunt. Qua de re Pontifex his verbis Francorum regem fecit certior⁶: «Synagogam malignantium et operantum destabilia et iniqua, Petri videlicet de Corvaria et

ministorum ipsius, etiam Dominus dissipavit: præcepto quidem Petro et suis sequacibus per Pisanos, quod civitatem illam exirent, furtive festinarunt recedere quasi nullo eorum alio expectato; quo autem dictus Petrus ierit, communiter ignoratur». Non injecisse in eum manus Pisanos ob præfectum Ludovici, qui multo milite præsidario instructus erat, contestati sunt⁷ in Pontificia aula eorum oratores. De ejecto Tarlatino Ludovici vicario dicitur inferius, ubi prius quæ tempore præcessere adduxerimus.

Afflicta⁸ itaque admodum ea rerum conversione Ludovici res in Etruria non Pontificiis viribus, ne parti de hoste Ecclesiæ triumphus laus mortalibus adscriberetur; sed divino Numine Bavari sequaces mutuis dissensionibus dissipante, ut Pontifex Francorum regi subjectis litteris significavit⁹: «Ut ea, quæ ad Dei honorem et ejusdem exaltationem fidei est, in partibus Italiæ Salvatoris nostri clementia his diebus præteritis operata et operatur continue, sublimitas regia non ignoret; ad ejus notitiam pro animi consolatione ac regni deducimus quæ sequuntur. In primis siquidem inter partem gentis Bavari ac Lucanæ et Pistoriensem civitates ex una parte, ipsamque Bavarum ex altera vertiginis immisit Dominus spiritum; ita quod gens illa Bavari una cum parte civium civitatum prædictarum contra eundem Bavarum rebellavit: et capto illo, quem ipse pro rectore dimiserat in civitate Lucana, civitatem occupaverunt eandem, et contra ipsum Bavarum detinent occupatam. Cives autem Pistorienses, ejecta gente dicti Bavari, per se regunt civitatem prædictam, etc. Dat. Avin. III non. Junii, an. xiii».

Cum igitur in Insubria, uti dictum est, traduxisset exercitum Ludovicus, mox Etruria jugum ejus excussit¹⁰. Primi omnium equites, qui ob non soluta stipendia defecerant, ac loca imminentia Lucæ insederant, Ludovici res labefecerunt: inita enim cum veterano milite præsidario conjuratione, arcem duce Marco vicecomite ingressi Lucam occuparunt. Gherardinus vero Spinola Genuensis Lucensem principatum ab equestribus copiis triginta aureorum millibus coemit, quarum partem magnis conductum stipendiis secum retinuit; paucisque post mensibus Castrucii¹¹ filii Lucam proditione ingressi, Urbem sibi subjicere pertentant; sed demum non sine clade a Gherardino ex arce cum suis erumpente propulsati sunt. Cæterum Pistorienses ea rerum commutatione exterriti, potentiæ Florentinorum impares pulsus Germanis militibus, se in libertatem asseruere¹², ac fœdera cum Florentinis percussere. Transmisere¹³ vero ad aulam Pontificiam oratores veniam ob secutas Ludovici Bavari et antipapæ partes postulatu, qui in cardinalium consisto-

¹ Jo. Vill. l. x. c. 119. — ² Eod. cap. — ³ Tom. vii. p. 1. Ep. secr. pag. 118. — ⁴ Cap. 117. — ⁵ Ant. III. p. lit. xxi. c. 6. § 11. Ex Leonar. Aret. l. vi. — ⁶ Tom. vii. p. 1. Ep. secr. pag. 121.

⁷ Tom. vii. p. 2. Ep. secr. pag. 51. — ⁸ Ant. III. p. lit. xxi. c. 6. § 11, 12. — ⁹ Tom. vii. p. 1. Ep. secr. pag. 121. — ¹⁰ Jo. Vill. l. x. c. 124. — ¹¹ Cap. 151. — ¹² Cap. 131. — ¹³ Tom. vii. p. 2. Ep. secr. pag. 58.

rium producti exposuere, se quidem Ludovico ut imperatori paruisse, nunquam tamen, cum a Romano Pontifice confirmatus non esset, justum imperatorem existimasse: intrusum a Petro Corbaria episcopum excepisse; Castrucio, ejus tyrannide oppressos, obtemperasse. Quæ flagitia execrati se orthodoxam semper fidem, quam Romanus Pontifex docet, professuros sunt polliciti. Extant de eo munere ipsis demandato hæc publicæ Tabulæ:

6. « In Christi nomine. Amen. Anno Nativitatis ejusdem millesimo trecentesimo vigesimo nono, Indictione xiii, die duodecimo mensis Septembris ». Nonnullis interjectis, quibus Hugonem episcopum Justinopolitanum et Albizanum equitem decernunt oratores, ipsos hisce mandatis instrunt: « Ad comparandum et se presentandum conspectui sanctissimi in Christo patris et domini domini Joannis divina providentia papæ XXII, sicut coram ipsorum patre et domino et Christi in terris vicario, et coram sacro collegio reverendorum patrum dominorum cardinalium ad recognoscendum et confitendum se deliquisse super eo et pro eo peccasse, quod damnatum Ludovicum de Bavaria, qui se Romanum imperatorem nominat coadjunxerunt, eique consilium et auxilium præstiterunt et præstari ab aliis fecerunt, et permisit: dominia quod (quoque), officia et rectorias ab ipso Bavaro sicut imperatore receperunt; licet ipsum nunquam crediderint, nec credant fuisse, vel esse imperatorem, postquam non erat per sanctam matrem Ecclesiam et dominum papam supradictum approbatus; sed potius improbus. Insuper super eo et pro eo, quod fratrem I. de Sedegis in episcopum in dicta civitate Pistoriensi assumptum, et electum a Petro de Corbaria schismatico et apostatico, et nunc damnato per sanctam matrem Ecclesiam receperunt, et ipsi episcopo indebite electo dictæ civitatis episcopatum regenti sibi consenserunt et obediverunt, et consilium et auxilium præbuerunt. Et insuper pro eo, quia Castrucium Castrucini de Internellis tyrannum pessimum et iniquum, ac damnatum hæreticum et schismaticum per dictum summum Pontificem contra justitiam receperunt, et ei per tempus plurimum obediverunt, et auxilium et consilium præstiterunt, committendo temere et non ex certa scientia plura delicta contra sanctam Romanam Ecclesiam et sanctissimum papam dominum Joannem præfatum. Hæc autem effectui mandaverunt quousque respirare potuerunt, et gratiam et misericordiam sanctæ matris Ecclesiæ procurare quam rehabere sperantes sanctæ matris Ecclesiæ et domini papæ presidio invocato, se supradictis Bavaro et Ecclesiæ inimicis opposuerunt et opponere intendunt, etc. » Imponere etiam oratoribus provinciam, ut ob violatum sacrorum interdictum, divina profanata, aliaque scelera in Pontificiam auctoritatem patrata veniam poscerent, seque ad ea rite expianda submitterent: tum ad solvenda arario Pontificio duo marcharum millia totius

populi bona obligarent, si a promissis unquam deficerent. Quæ cum summa animi demissione, productis magno doloris sensu omnibus flagitiis in sacro cardinalium senatu exposuissent, donati sunt amplissima venia, confirmata publico Diplomate III kal. Novembris, Pontificatus anno xiv consignato.

7. *Pisanos censuris solutos pristinis juri-
bus restituit Pontifex, eos Florentinis conciliat et de
bene actis commendat.* — Interea Pisani ad res novas pristinamque recuperandam libertatem excitati¹, cum comite Bonifacio et Donatrico de Tarlatino et Petramala Aretino Bavari præfecto ejiciendo consilia ineunt: ac Marco vicecomite nonnullis equestribus copiis succincto Luca excito Germanos præsidarios ejecere. Cum Pontifex archiepiscopo Pisano XIII kalend. Junii munus injunxit², ut interdictum Ecclesiasticum, quo Pisæ ob atrociam in ea urbe patrata facinora in Pontificiam majestatem devinctæ erant, ad festum Omnium Sanctorum remitteret: dissolutum vero postea est penitus, cum Pisanorum oratores ad Pontificiam Sedem hoc eodem anno accessere, ut flagitii in Bavaro et antipapa excipiendis commissi veniam poscerent: ac publice coram cardinalibus sunt contestati, se Joannem verum Pontificem semper ab eo tempore, quo Apostolicum solum conscenderat, credidisse; fidemque orthodoxam, quam ille prædicaret, tenere. Pluribus vero verbis ad captandam misericordiam exposuere, ut terrore armorum compulsi Ludovici servituti se subjecissent, et schismaticis laqueis fuissent irretiti; quos tum demum feliciter abruptissent, cum meliorum rerum spes ipsis alluisset. Quibus permotus Pontifex eodem Pisanos censuris solutos pristinis juri-
bus restituit³:

8. « Comuni, universitati et populo civitatis Pisanæ.

« Nuper ad nostram præsentiam venientes dilecti filii nobiles viri Guillelmus de Seximundis, Nicolaus Gualandis, et Guido Masca vestri ambaxiatores et nuntii, ad infrascripta omnia sufficiens a vobis mandatum habentes, coram nobis et fratribus nostris in consistorio, presente ibidem prælatorum et aliorum fidelium multitudine copiosa, proponere curaverunt, quod cum Ludovicus olim dux Bavariæ excommunicatus, hæreticus et schismaticus vobis dudum velle ad civitatem vestram accedere intimasset, vos tanquam devoti et fideles sanctæ matris Ecclesiæ filii eum recipere minime intendentes, ut ad eandem civitatem venire nisi de voluntate et assensu, ac cum concordia Ecclesiæ nullatenus præsumeret, eidem per vestros ambaxiatores et nuntios missos ad ejus præsentiam diversis vicibus propter hoc infirmare curastis: ac postmodum eodem Ludovico ad civitatem eandem

¹ Jo. Vill. l. x. c. 135. — ² Tom. vii. p. 1. Ep. secr. pag. 27. — ³ Tom. vii. p. 2. Ep. secr. pag. 51. et Ms. Var. Bull. Jo. XXII, p. 103. Ext. in rotulo perg. sign. num. 328. ex arc. Avin. Rom. arg. delato.

accedere, iis non obstantibus, satagente vos eidem realiter et viriliter opposcentes, per mensem et ultra restitistis eidem, donec per potentiam suam portu aquæ et maris perdidit, et omni destituti succursu, vos contra eundem defendere ulterius nequivistis. Tunc vero Ludovicus prædictus vobis coactis et violentatis, ac omni auxilio et spe auxilii destitutus; necnon castris, villis et locis comitatus et districtus vestrorum per gentes et sequaces ipsius Ludovici occupatis et expositis vastitati, stipatus magna multitudine armatorum, equitum et pedum civitatem intravit eandem, quondam Castrucium hostem vestrum et amulum, ac Guidonem, qui se intitubatur episcopum Aretinum, aliosque multos rebelles sanctæ matris Ecclesiæ secum ducens. Qui civitatis jam dictæ, ac comitatus et districtus ejusdem regimine per aliquam tempora tenuit usurpatum, multaque detestanda et execranda verbo, scripto et facto fecit ibidem et exercuit, et per alios fieri et exerceri, vobis resistere seu prohibere nequeuntibus, fecit, voluit et permisit. Subsequenter vero Ludovicus præfatus inde recedens, et versus urbem infelices dirigens gressus suos, nonnullos de civitate prædicta Pisana clericos et laicos, ne aliquid posset interim immutari circa ipsius civitatis regimen, secum duxit sub manu potenti civitatem eandem munitam dimittendo; nihilominus et eandem dicto Castrucio commendando, et a vobis invitis magnas pecuniarum summas exigendo, et etiam per suam tyrannidem extorquendo.

« Rursus post certi temporis spatium, memoratus Ludovicus, de dicta urbe ad præfatam civitatem rediens et existens in ea cum magna potentia gentis suæ, virum perfidum Petrum de Corbario apostaticum et schismaticum cum suis nequam officialibus et ministris in civitatem introduxit præfatam, eique fecit tanquam papæ honorem, in divinæ majestatis contumeliam, et emetorum jacturam fidelium exhiberi. Quem honorem tam regimina, quæ ibi erant, quam nonnulli ex vobis et Forenses Petro exhibuerunt eidem: et aliqui tam de civitate quam comitatu prædictis ab eo beneficia et officia receperunt, ipsisque Ludovico et Petro, eorumdem damnatis sequacibus, in eadem civitate manentibus, homines dictæ civitatis ejusque comitatus et districtus tam clerici quam laici, interdictum seu interdicta, cui vel quibus propter præmissa civitas ipsa cum eisdem comitatu et districtu subiacebat, minime servaverunt: quinimo potius violarunt coacti sic, quod ibidem divina celebrata, seu potius profanata fuerunt: quamvis vos prædicta per eundem Ludovicum et Petrum, eorumque sequaces, ministros et complices præsumpta, facta et attentata esse et fuisse, abominabilia et horrenda Catholicis, et inania et nulla de jure; nosque verum papam, et sacrosanctæ Romanæ et universalis Ecclesiæ summum Pontificem esse, et fuisse a tempore promotionis nostræ ad Apostolicæ dignitatis apicem, crederetis

et teneretis firmiter, sicut adhuc creditis indubitabiliter et tenetis; nec a fide Catholica, quam nos et ipsa Ecclesia prædicamus et docemus, recedere, nec alicui contra ipsam favere intenderitis quoquo modo: quamquam non fueritis ausi præmissis detestandis resistere, ut præfertur.

9. « Postmodum autem dicto Ludovico de civitate, comitatu et districtu prædictis recedente, vos memoratum Petrum de Corbario, suosque damnatos officiales et ministros cum sua licentiantes ignominia, de dicta civitate vestra expellere curavistis, eundem Petrum de Corbario arrestare tunc præ timore vicarii dicti Ludovici et gentis armigeræ, quos ibidem dimiserat, non audentes: licet postea, resumptis tractu temporis viribus, eosdem vicarium et gentem et quoscumque dicti Ludovici officiales, ac Ecclesiæ vestrosque rebelles et hostes, inibi existentes, potenter et viriliter ejecistis de civitate prædicta: et ad observationem interdicti et interdictorum prædictorum inviolabilem humiliter redistis, ac parere reverenter vicario et officialibus venerabilis fratris nostri Simonis archiepiscopi Pisani, et ad charissimum in Christo filium nostrum Robertum regem Siciliæ illustrem pro ipsius gratia et pace habenda vestros nuntios transmittere curavistis: et insuper cum dilectis filiis communi et civibus Florentinis, Ecclesiæ Romanæ devotis, pacem, unitatem et concordiam, adactis in concordia ipsa certis articulis, devotionem, reverentiam et honorem nostrum, et sanctæ matris Ecclesiæ tangentibus, reformastis. Quare præfati ambaxiatores et nuntii nobis in eodem consistorio supplicarunt humiliter et devote, ut vestris non attentis excessibus; sed sequentes potius divinæ miserationis exemplum, vobis aperire dignaremur sinum pietatis et misericordiæ, vos ad nostram et ejusdem Ecclesiæ gratiam admittendo, ac interdictum seu interdicta prædicta tollendo de civitate, comitatu et districtu prædictis; vobisque, necnon personis singularibus civitatis, comitatus et districtus prædictorum, clericis et laicis, religiosis et sæcularibus ab interdicti, suspensionis, excommunicationis et aliis pœnis et sententiis, quas propter prædicta vel aliquid prædictorum quomodolibet incurristis, de absolutionis et relaxationis beneficio providendo, ac dispensando misericorditer cum personis Ecclesiasticis, religiosis et sæcularibus civitatis, comitatus et districtus prædictorum, quæ occasione præmissorum fuerunt irregularitatis macula irreligæ; ac abolendo a vobis et ipsis omnem infamæ maculam sive notam ex præmissis ortam, et in eo statu restituendo, quo eratis ante adventum dicti Ludovici de Bavaria ad civitatem jam dictam; offerentes prædicti ambaxiatores et nuntii vestro nomine, vos nostris et Ecclesiæ in omnibus stare ac parere mandatis, omnemque subire pœnitentiam, et emendam complere, quas vobis injungendas seu imponendas duxerimus pro præmissis.

10. « Nos autem, qui licet insufficientibus meritis vices illius in terris gerimus, cui proprium est misereri semper et parcere, quique non venit iudicare populum, sed salvare, cupientes ipsius, quantum possumus, vestigiis inhærere; et attendentes quod excusationes huiusmodi, etsi non tollant delictum totaliter, diminunt tamen peccatum; et insuper puram devotionem, quam vos et predecessores vestri retroactis temporibus ad Romanam ecclesiam, ad memoriam revocantes; excusationes easdem admittimus, ac vos ipsosque ambaxiatores vestro nomine ad nostram et ejusdem Romanæ Ecclesiæ gratiam, per eosdem ambaxiatores et nuntios vestro nomine factis et promissis primitus quæ sequuntur, duximus admittendos. Ipsi namque ambaxiatores et nuntii nomine vestro ad sancta Dei Evangelia tacta corporaliter promiserunt, ac etiam juraverunt, vos stare, parere mandatis Ecclesiæ ac nostris super et de prædictis et prædictorum quolibet, et ab eisdem dependentibus, seu aliquo eorumdem; quodque dictos Ludovicum et Petrum, eorumque officiales et ministros, aut alterius eorumdem, seu ipsius Ludovici stipendiarios, vel aliquos alios, qui venient contra mandatum Ecclesiæ seu nostrum, vel aliorum summorum Pontificum canonice intransium, nunquam admittetis ad civitatem ipsam, comitatum vel districtum ipsius, nec iis vel eorum alicui præstabitis per vos vel alium seu alios, directe vel indirecte, publice vel occulte, auxilium, consilium vel favorem: sed stabitis potius et perseverabitis in nostra ac successorum prædictorum ac Ecclesiæ devotione, obedientia et reverentia debitis, et resistentia contra illos, qui ad civitatem comitatum et districtum prædictos venire taliter attentarent. Promiseruntque insuper prælibati ambaxiatores et nuntii, et etiam juraverunt, se facturos et curaturos quod vos omnia et singula prædicta ratificabitis, approbabit, promittetis, jurabitis, et vos ad ea observanda et complenda efficaciter obligabitis, inde confectis scripturis publicis, seriem præsentium continentibus, vestro communis sigillo; quæ nobis ad nostram et ejusdem Romanæ Ecclesiæ cautelam celeriter transmittentur.

« Quibus juramento et promissionibus per nos ibidem receptis, vos, communem, universitatem et populum ab omnibus et singulis poenis et sententiis, juris vel hominis, necnon processibus quibuscumque, quos et quas incurreritis propter prædicta seu aliquod prædictorum, de fratrum eorumdem consilio absolvimus; omnemque infamiam maculam sive notam, quam contraxissetis propter hoc, tollimus totaliter, et etiam abolemus: vosque ad omnia privilegia, honores, bona, statum et famam in integrum restituimus de plenitudine potestatis; et nihilominus interdictum seu interdicta quæcumque, quibus prædicti civitas, comitatus et districtus qualitercumque propter præmissa, vel aliquod eorumdem subjacent, re-

laxamus omnino, etc. Dat. XVII kal. Octobris, anno XIV ».

11. Cæterum ut publicæ Etruriæ quieti consuleret Pontifex, Florentinos ad pacem cum Pisanis incundam excitavit¹; quam feliciter conciliatam Joannes Villanus refert²: quamvis nonnulla ante emersissent odia, cum Pisani Lucam a Germanicis copiis, quæ a Ludovico defecerant, prelio emere tentassent. Sollicitavit quoque Pontifex³ Robertum Sicilia regem, ut acceptas injurias Pisanis remitteret, veteraque cum ipsis fœdera redintegraret: dignos videri venia, qui nonnisi armorum vi multisque damnis affecti sub Ludovici potentia succubuissent: admitteret oblata ab iis multa nomine quindecim aureorum millia: quamquam satius foret ipsorum benevolentiam quam opes sibi comparare. Explicuerat egregiam in revocandis ad obsequium Ecclesiæ Pisanis operam Bonifacius e Donoratico, quem Pontifex multis laudibus ob editum tam præclarum facinus extulit⁴. Ut vero illius opera Petrus Corbaria custodie traditus, atque Avenionem adductus, crimen coram cardinalium senatu execratus sit, sequenti anno videbimus. Addimus nunc Pontificias litteras, quibus Joannes Pisanis de re bene gesta gratulatus est⁵:

« Joannes, etc. antianis, populo et communi Pisanis.

« Quoties gesta vestra, Deo nuper grata sanctæque matri Ecclesiæ admodum opportuna ad memoriam revocamus, profecto toties non indigne jucunditate replemur et gaudio, et ad gratias referendum ei, de cujus nobis concessum est munere, ut ad talia vestros converteretis animos, incitamus. Hæc sunt utique fidelia consolationis et honoris servitia, quæ pia compassione Christi sponsæ in tempore malo et in die afflictionis ejus, studuistis, spretis periculis variis, laudabiliter exhibere. Vestro siquidem laudabili studio civitas vestra, quæ tyrannica potestate heretici ac schismatici Bavari, ab Ecclesiæ unitate recesserat, ab errore liberata noscitur, et relicto schismate, rediisse ad Ecclesiæ unitatem: dum enim tempus affuit illud, Domino ministrante, ejecto de dicta civitate vicario hæretici supradicti, ac post Petro de Corbaria antipapa, qui solum suum in dicta civitate posuerat, licentiatum de civitate eadem et ejecto, dimissis prorsus erroribus et schismate prædictorum, redire vestro ministerio festinavit, et rediit dicta civitas ad Ecclesiæ unitatem. Et ne dictus Petrus antipapa, se transferendo ad partes alias posset Dei Ecclesiam cum suis sequacibus ulterius perturbare; suscitavit Deus spiritum Danielis in dilecto filio nobili viro Bonifacio comite de Donoratico, ut ipsum Petrum reciperet et custodiret, ne posset proficisci alibi, ut sic malis,

¹ Tom. VII. p. 3. Ep. secr. pag. 29. — ² Jo. Vill. l. X. c. 138.

— ³ Tom. VII. p. 2. Ep. secr. pag. 56. — ⁴ Ibid. pag. 55. —

⁵ Tom. XIV. p. 2. Ep. secr. pag. 57.

quæ inde possent subsequi, obviaret, etc. Dat. Avin. III non. Septembris, anno XIV ». Rediere ad obsequium Ecclesiæ una cum superioribus insignibus populis præcipui nobilitate viri Etruriæ Gibellinarii partium; inter quos Gerinus, Franciscus et Ugolinus Ubaldini, alique perduelles a Joanne Ursino S. Theodori diacono cardinale A. S. L. Pontificio jussu Ecclesiæ conciliati ¹. Haec tenens de Etruriæ rebus: jam alia persequamur.

12. *Plures Insubricæ urbes et viri principes a Bavaris desciscunt.* — Traducto in Insubriam exercitu, Ludovicum mense Aprili celebres conventus, ut eam provinciam fluctuantem in suis partibus contineret, habuisse scribit Joannes Villanus ², quibus Scaliger Veronensis, Mantuæ, Cremonæ alique tyranni interfuerunt. Incendit enim in se omnium odia ob creatum antipapam Ludovicus, et eo flagitio res suas maxime evertit. Depulere itaque a suis cervicibus schismaticæ servitutis jugum plures insignes urbes ac populi: quos Ecclesiæ conciliari, ac sacrorum usum ad proximas kalendas Augusti illis restitui jussit Pontifex ³, donec cum de ipsorum fide penitus constaret, censuræ inflictæ dissolverentur. Quo argumento hæc Benevenuto Bononiensi II id. Maii rescripsit ⁴: « Latenter percepto, quod Papiensis, Novariensis, Vercellensis, Pargamensis et Laudensis civitates cum suis communitatibus, relicto erroris invio, pedes suos in viam veritatis, sicut jam cepisse dicitur, convertere intendentes, illis viis reprobis Ludovico de Bavaria et Petro de Corvaria, hæreticis et schismaticis, constanter et viriliter se opponunt; nos more paterno eisdem super his congaudentes et sperantes, quod si divina in eisdem civitatibus et communitatibus licite celebrentur, preces et sacrificia, quæ Deo in ipsis offerri sunt solita, ipsos in ceptis firmabunt, ac ut ipsi perficere valeant impetrabunt, et ut perficiant obtinebunt; ad Dei honorem, ipsorumque consolationem interdicta omnia in eisdem civitatibus et communitatibus apposita usque ad instantis kal. Augusti duximus suspendenda ». Addit sibi ingratum admodum rumore accidisce, Mediolanenses ad committendas cum Ludovico Bavaris acies se comparare, cum ea res periculo non careat; videreque satius cunctari, dum ad eum delendum excidendumque omnium vires conflari possent; ac præcipit, ut si nondum in eum exercitum eduxerint, ipsos ab eo consilio revocet: cæterum se legato ac Placentinis scribere, ut auxiliares copias cum Mediolanensibus adversus hostem conjungant: quæ quidem litteræ ad Bertrandum legatum, Placentinos et alios, idibus Maii datæ extant in Regesto Pontificio: quibus eisdem Mediolanenses se ad Ecclesiam traduxisse significat, utque vires cum ipsis in Ludovicum convertat, persuadet.

13. *Perstitere constantes in obsequio Ecclesiæ Mediolanenses* ¹, nec Ludovici minis, quamvis Montiam castra promovisset, atque ad urbem excurreret, frangi potuerunt. De quibus secundis nuntiis hæc Pontifex ad Philippum Francorum regem scripsit ²: « Mediolanum fere cum omnibus civitatibus aliis Lombardiæ, quæ consueverunt obedire dicto Bavaris, contra eum etiam rebellant, sic quod in campis cum oportet persistere; civitatibus cum recipere, sibi que renuentibus obedire: jamque ut habet fide digna multorum relatio, usque ad burgos Mediolani perveniens, obsidionem ibidem posuit: civibus Mediolanensibus cum suo exortio civitatem potenter defendentibus, et se viriliter opponentibus contra eum, etc. Dat. III non. Junii, anno XIII ». Cur vero Azo vicecomes in principatu Mediolanensi a Ludovico confirmatus defecerit, exponit S. Antonius his verbis ³: « Actius illius peridium in paterna, (nimirum Galeatii,) dudum eversione expertus, parere noluit adventanti, sed Mediolano cæterisque oppidis exclusit; quare bello in his locis necessario est implicatus ».

14. *Ut suas adversus Ludovicum partes Azo confirmaret, ad castra Ecclesiæ clam transiit.* Cujus oratoribus humanissime receptis, est ei gratulatus pium reditum Pontifex ⁴: « Prefecto, inquit, vox tua dulcis, imo sancti Spiritus potius; in nostri cordis insonuit auribus; quæ nique non indigne ingenti gaudio nos replevit: etenim cum peccatoris conversio Dei angelos, pastoremque gregis unius ovis errantis inventio gaudio repleat, quanto magis filii revictio mortui, ejusque qui perierat reinvento exultatione implere debet et gaudio patrem pium? Illi itaque gratias referentes, qui te de tenebris vocavit in admirabile lumen suum, tuam prudentiam exhortamur, ut spiritum tam benignum, qui misericorditer te respexit, nutrire studeas, eique reverentiam exhibere, eisdem humiliter supplicando, ut quod in te cepit perficiat, et perfectum custodiat et conservet ». Et infra: « Age igitur, fili, virtuose in ceptis et persevera constanter, ac contra tuum, Dei et Ecclesiæ suæ hostem pestiferum, Bavarum videlicet, hæreticum et schismaticum, ejusque fautores et sequaces viriliter arma sumens, procedere procures provide ac potenter, ad hoc ipsum Mediolanum et alios tibi adherentes nobiles ac populos nihilominus excitans et inducens, etc. Dat. Avin. X kal. Julii, an. XIII ».

15. *Joannes pseudocardinalis et Azo vicecomes ad obsequium Ecclesiæ redeunt.* — Commisum est per hæc tempora ab Azone in patrum Marcum crudele fœnus: cum enim ille, ut narrat Joannes Villanus ⁵ (1), post occupatam Lucam, et restitutas pristinae libertati Pisas magnis muneri

¹ Tom. VII, p. 1, Ep. secr. pag. 5. — ² Jo. Vill. l. X, c. 130. — ³ Tom. VII, p. 1, pag. 25. — ⁴ Ibid. pag. 12 et 20.

¹ Jo. Vill. l. X, c. 130. — ² Tom. VII, p. 1, Ep. secr. pag. 121. — ³ Ant. III, p. tit. XXI, c. 6, § 11. — ⁴ Tom. VII, p. 1, Ep. secr. pag. 20. — ⁵ Jo. Vill. l. X, c. 136. Ant. III, p. tit. XXI, c. 6, § 12.

(1) Quæ hic narrat annalista de nece Marci vicecomitis ab Azone fratre suo laqueo prælocati, veretur ne simul cum Joanne Villano, uno

bis decoratus ad Florentinos se contulisset, exepiusque honorificentissime eorum magistratibus et episcopis Florentino, Fesulano et Spoletano fidem devinxisset, partes Ecclesiae se amplecturum, atque a Bertrano card. A. S. L. praeteritis in oppugnanda Ecclesia criminis veniam flagitaturum; Mediolanum reversus a civibus maximis honoribus colonestatus, post infamitas epulas ad arcana excusantia, nepotis jussu laqueo praefectus est, ejusque cadaver in publicum vicum e fenestris projectum, stupentibus ad tantum facinus Mediolanensibus, nec tamen morire audientibus. Accessisse vero mense Septembri ad Pontificiam aulam Mediolanensium et Azonis oratores, ac Joannem cardinalatu a Petro Corbaria accepto cessisse, creatumque a Pontifice Novariensem episcopum, atque sacrorum, et templorum usum Mediolanum restitutum, refert idem Villanus¹. Extant Pontificis ad Joannem et Azonem litterae², quibus ad fidei constantiam ipsos excitat, propositoque ob oculos infelici exilio, e quo emeruerant, admonet ne se demonum laqueis irretiri patiantur.

« Joannes, etc. Azoni de vicecomitibus rectori Mediolani.

« Profecto, nisi Spiritus ille, a quo te motum credimus, ut derelicto devio, in quo currendo ad inferos properabas, ad regalem viam, quae ad regnum ducit perpetuum, gressus tuos dirigeres, spem nobis firmiorem, quam tua opera tribuissent, spes de salute tua concepta a nostro prorsus animo excidisset. Sed Spiritus ille, cujus perfecta sunt opera, in spe illa nos firmos tenuit, quod in coeptis debeas persistere, ac ea perducere ad effectum. Cogita igitur, fili, et recogita diligenter in quo statu fueris, et ad quem te converteris: et attende, quod nemo poneus manum ad aratrum, et retro respiciens aptus est regno Dei. Memorare

insuper quales successus habuerint haeretico Bavaro adherentes, et quod facis fac citius, in luceque stude conceptus tuos deducere, qui diu latuerunt in tenebris. Ne locum des demonibus, eorumque membris, ne concepta valeant impedire. Quod si feceris, assistet tibi Altissimus, et prosperabuntur, ipso faciente, qui peccatorum conversionem expectat misericorditer et salutem desiderat, ut libenter credimus facta tua: aliter expectare non absque formidine convenit finem illum, quem non conversi fuerunt his diebus praeteritis (a quo tamen te praeservet Dominus) assecuti. De illis autem tuis operibus, quae spei nostrae de tua conversione videbantur prima facie obvia, nuntii tui praedicti praesentium bajuli referre tibi poterunt aliqua oraculo vivae vocis. Gratia Dei ad ea, quae sibi sunt placita, in his et aliis dirigat mentem tuam. Amen. Datum Avinion. VI id. Novembris, anno XIV^o. Conceptas eodem argumento¹ litteras ad Joannem Azonis patrum dedit Pontifex. Haud levis postea sequenti anno oborta suspicio, ne uterque fidem infringeret, atque exaratis pridie nonas Augusti, Pontificatus anno XIV, litteris², objectum est ipsos Caravatum clientela Ecclesiae commendatum in suam potestatem redigere molitos: Joannem vectigalia Mediolanensis archiepiscopatus Aycardo eripere, Ecclesiasticos a Sede Apostolica et legato sacerdoti donatos, ne bonis potirentur, prohibere; tres schismaticos a pseudopontifice promotos in consortium et mensam admittere, pseudominoritas schismaticos adversus ejus ordinis Catholicos tueri: a quibus Joannem atque Azonem jussit abstinere, utque promissam fidem religiose colerent, admonuit.

16. *Post varios belli casus Ludovicus rediit in Germaniam.* — Quod ad res in eo bello gestas attinet; cum Mediolanum sibi subjicere non potuisset Ludovicus, iras in circumjacentes agros,

¹ Joan. Villan. l. X. c. 146. — ² Tom. VII. p. 4. Ep. secr. pag. 45.

¹ Reg. post eand. Ep. — ² Tom. VII. p. 2. Ep. secr. pag. 45.

ille accepit, ex vulgi rumore captaverit. Non opposita plane omnia narrat Boninecontus Morizia, qui tunc Modoetia agens rerum ejus regionis Chronicon scribebat. Narrat ille lib. 3, cap. 42, Marcum, qui in fratrem Azonem inquit meditabatur, « die quadam octava mensis Septembris a animi lapsu, somni corpore, aulam principis Mediolanensis intrasse, et subito, ut mors, quae nulli parci, violenter eum oppressit et cum magno dolore, is cujus vita multis fuit condensa, in Ecclesia S. Marci Majores Mediolani humatus fuit ». Nihil etiam de illo Marci supplicio tradit rerum Mediolanensium scriptor aequalis Galvanus Flaunna in opusculo rerum ab Azone, Luchino, etc. vicecomitibus gestarum, vulgato rer. Ital. tom. XII; scribit enim ibidem col. 1002: « Marcus die XV Augusti Mediolanum venit, et die V (lege VII) ex Morzia Septembris diem clausit extremum, etc. » Forte tamen scriptores isti vicecomitibus ad huc rem in Azonem invidiam coarctentem, et clam praestant studioso silentio praeserunt. Sed vix credo defuncti cadaver tanto ludibrio, quanto ex Villano narrat analista, traditum putare: is enim error testimonio auctoris Modoetiensis plane evanescit.

Ceterum Chronologia rerum a Ludovico gestarum paulo dignius quam hic instituerit analista dirigenda est. Azō tunc vicaria imperialis per Insuliam a Ludovico ornatus Mediolanum mense Februario, ait Morizia in Chronico Modoetico, renavit. Aprilis mense ejusdem anni detectionem pauci sternerat; nam Modoetionenses die ejusdem mensis XVII eodem teste solabantur. His compertis Ludovicus actum accitit cum exercitu, qui primo appropinquat Modoetiae. Mense Maio mensis. Denique pago illo relicto, cujus arcem, non vero oppidum tenebat, Mediolanum contigit, et die XI Junii obsidione tentare cepit, ait Flaunna in opusculo de rebus vicecomitum. Egrege repulsus ab Azone, tandem acceptis ab illo pecuniis copias reduxit, raptique Papam die XIX Junii, ait Flaunna, venit. Haec paucis diebus, ex Morizia in Chronico Modoetico, moratus, Tridentum, tunc in Germaniam renavit. Si vera haec narrat auctor Chronici Mutinensis, vulgatus rer. Ital. tom. XV, post hanc evenit Papam in moram Parme temus longius extraxit Ludovicus: cum ex eo scriptore nominis die Veneti ante Natale Domini Tridentum pervenit, et ad parlamentum, ut die haec, et fati ibi nullo tempore. Postea vit in Alamanum, adeoque nominis ante sequenti. Besunt analista hic cum anno MCCCXII. Rer vero Ludovici in Germaniam relegit Joannes Vioduanus, qui tunc Chronicon suum in Germania scribebat, asserens transisse illum in Sueviam Superiorem, et inde per Ulmam ad Rhenum descendendo tenuisse Coloniā, tunc Moguntiam, Wormatiam et Spira; « sed », ait scriptor, « tunc omnes religiosi et saeculares clerici servabant in eruditum in civitatibus sibi paratis: quod viros (sunt in eis clericos alios, ut hic enarrant) ».

Annusvertere hic etiam juvat interdictum sacrorum usum sequenti anno die XIV Februarii Mediolanum restitutum fuisse, teste Flaunna in opusculo de rebus vicecomitum. Nec praeterendum, annum cronicalem Frederici Austriae non praesentem ad sequentem ab eodem Vioduano assignari. Quia et in confirmatione Martini Poloni ab Ecardo vulgata Frederici mors cum die V Januarii anni MCCCXXX componitur.

quos late est populatus, convertit¹, ac Ticinum armorum terrore ad deditionem corbis legibus compulsi; cum interim Bertrandus legatus cardinalis valido succinctus exercitu Parmam, Reginum, Mutinam ac Faventinam ad obsequium Ecclesie traxisset². Sed parum diu ob injecta Rubeo prænobili Parmensi vincula tres priores urbes in fide persistere³. Quem cœsum, ut in rem suam verteret Ludovicus, Cremonam reversus periculosissima conjurationem Bononiæ in legatum conflavit⁴; sed ea patefacta atque excitis ob proditorum multitudinem, ut refert Joannes Villanus⁵, qui tunc Bononiæ Florentinorum orator erat, novis auxiliis a legato, sumptum est de conjuratis, quorum Alberghellinus Manfredus Faventino principatu depulsus princeps erat, supplicium. Ita Ludovicus speculatus Tridentum iter intendit, ut novas e Germania vires evocaret. De quibus Pontifex hæc ad Francorum regem scripsit⁶: « Ut regalis circumspectio nova, quæ hic narratur ad præsens, de paribus Italie non ignoret; ea sibi providimus, ut sequitur intimare. Fertur siquidem, quod Bavarus die quarta hujus mensis Octobris discessit de Papiæ versus civitatem Cremonensem, quam die x mensis ejusdem intrasse dicitur, infelices dirigens gressus suos, quibusdam quod inde Parmam, et aliis quinimo prius Tridentum disponit accedere referentibus, habiturus ibidem colloquium eum Australi, etc. Datum Avinion. V kal. Novembr. anno xiv »⁷. De Ludovici ex Italia recessu hæc tradit Bernardus⁸: « Ludovicus Bavarus sub anno Dominicæ Incarnationis inchoante mcccxxxix, paulo ante Pascha infelix discessit de Parma civitate Italie et de tota Italia. Ibi parum profuit, nec profecit, multumque oblitit sibi et Ecclesiæ Catholicæ et paci patriæ et reipublicæ, et rediit in Theutoniæ ». Pervenit Tridentum Ludovicus inclinante anno: cum Friderici Austriaci Romanorum olim regis designati, cum quo solennes conventus, ut e superioribus litteris colligitur, erat initurus, obitus lama percrebuit: ac tunc meliorum rerum desperatione, ne uti regnum Italicum amiserat, paucis exceptis urbibus, quæ ancipites suspensa ex incerto rerum exitu fide fluctuabant, illa absentia sua Germanico detinerebatur; superatis Alpibus, nec repetita postea unquam Italia, in Germaniam se contulit⁹: maxime cum Robertus dux Baviaræ idemque comes Palatinus Rheni, ipsum exeeratus, sentiret cum Ecclesia, ac nuntios Sedis Apostolicæ operam suam commendaret: quem Joannes pridie nonas Aprilis excilavit¹⁰, ut in fide perstaret.

17. *Tentata concordia inter principes Italiæ, populus Romanus in fide Ecclesiæ confirmatus.* — Ad elidendas Ludovici vires, federatos illius principes Pontifex ab ejusdem partibus divellere anni-

sus est: atque in primis ut præcipuum dignitate et potentia Fridericum regem Trinacriæ ad sinum Ecclesiæ adduceret, sollicitavit¹ mense Martio, ac Robertum Siciliæ regem, ut pacem vel inducias cum ipso iniret; reginamque Siciliæ promovendæ rei jussit incumbere. Conte inter eos principes concordia non potuit, ac rei Friderici non parum a Roberto depresso sunt, ut ex litteris Pontificiis ad archiepiscopum Neapolitanum VIII kal. Septembris scriptis colligitur: quibus ipsi partes impesit, ut cum plures insulani Trinacrii antea perducelles ad Roberti regis obsequium redire, atque in illius fide constantes esse in animum induxissent, censuris quibus erant irretiti, exsolveret. Studuerat etiam Joannes conciliare Roberto regi Montisferrati et Salutarium marchiones², et Philippum Sabaudum³; cum ea concordia Pedemontio ac Genuæ, in maxima discrimina adductis, et regno Siculo conduceret; indietaque sunt a Pontifice induciæ inter eos principes, inclinante mense Martio, atque Astensi et Albensi episcopis datæ partes, ut adversantes ad inducias servandas inducerent. Sed Roberti regis hostes dictis Pontificiis audientes non fuere, ac Pedemontium in discrimen conjecere: cui Pontifex copias, ut laboranti succurreret, submisit⁴: cum vicissim rex agmina regia pro continenda in officio Marchia transmississet.

18. In Urbe Roberti regis copię ad illam in Pontificis obsequio confirmandam adversus Gibellinorum conatus, cum in militari disciplina non continerentur, nonnullas turbas peperere; indeque factiones haud leves secutæ. Quo accepto Pontifex Guillelmum Ebulum Roberti copiarum ducem IV non. Januarii admonuit⁵, ut suorum impetus reprimere, imminenti quæ inde pericula verteret. Neque ita multo post concitata⁶ est a populo Romano adversus Guillelmum conjuratio, quæ exanctoratus est, et Stephanus Columnensis ac Poncedius Ursinus senatores creati. Cum vero Romanus populus in fidei erga Ecclesiam constantia perstaret, tempus restituti jam sacrorum usus Pontifex Joannem S. Theodori cardinalem A. S. L. extrahere jussit⁷: sequi in contrariis Urbis factionibus æquum adversis partibus præbere⁸. Cæterum Romani, publico celebrato Concilio, coram Joanne legato fidem Pontifici adversus Ludovicum et antipapam devinxere, ac superiora sentiendo cum iis exerati facinora omnia temere ab iisdem perperam tentata rescidere; de quibus Joannes Philippum Francorum regem subiectis verbis certiores fecit⁹: « Populus Rom. his diebus proxime præteritis in manu legati nostri Tusciæ, in Urbe præsentis, publice populo congregato per suos syndicos; necnon et nobiles, qui tunc

¹ Tom. VII, p. 4. Ep. secr. pag. 143. — ² Ibid. pag. 143. —

³ Sup. pag. 135, 136 et p. 2. pag. 30. — ⁴ Tom. VII, p. 1. Ep.

secr. pag. 13. — ⁵ Ibid. pag. 148. — ⁶ Ibid. pag. 2. — ⁷ Jo. Vill.

l. X, c. 121. — ⁸ Tom. VII, p. 1. Ep. secr. pag. 3. — ⁹ Ibid. pag. 5.

— ¹⁰ Ibid. pag. 121.

in eadem urbe aderant. per seipsos juramentum fidelitatis, reverentiae et obedientiae, praecipue contra Petrum et Bavarum praedictos eorumque sequaces corporaliter praestiterunt, recognoscentes se circa ea, quae fecerant erga eosdem Petrum et Bavarum errasse graviter, ea qualenus de facto processerant, quantum ad ipsos pertinere poterat, nihilominus revocando, etc. Dat. III non. Julii, anno xiii ».

Praecipui etiam Romani patritii, qui Ludovicum in Urbem exiverant, atque ut imperiale insigne corripere auctores fuerant, Jacobus et Sabella stirpe et Theobaldus et S. Eustachio Ildebrandini episcopi Palavani opera criminis veniam flagitarunt; atque antipapam execrati, in Joannis ut justus Christi in terris vicarii obsequium, conceptis subjectis verbis formula¹, procubuerunt: « Coram vobis sanctissimo in Christo patre et domino meo, domino Joanne, divina providentia, papa XXI, et sacro collegio dominorum cardinalium dominorum meorum constitutus, ego Ildebrandinus episcopus Paduanus, procurator nobilium virorum Jacobi de Sabello et Theobaldi de Sancto Eustachio civium Romanorum, habens ad infra scripta speciale mandatum, prout apparet per Instrumenta publica confecta manu Francisci de Aringiano publicae auctoritatis Apostolicae notarii; in primis nomine et vice praedictorum Jacobi et Theobaldi confiteor et recognosco, vos sanctissimum patrem et dominum Joannem praedictum esse et fuisse verum et summum Pontificem sacrosanctae Romanae et universalis Ecclesiae, ac verum et unicum Christi vicarium et beati Petri successorem. Item confiteor nomine, quo supra, etc. » Fatetur Ildebrandinus eorumdem nomine, ipsos gravi flagitio se obstrinxisse, cum Joannem Achaiae principem et Joannem S. Theodori diaconum cardinalem mœnibus propulsarunt, non obstitere ne Petrus et Corbaria Pontificatum latrocinio invaderet, dedere operam ut Ludovicus diademate cingeretur, inunctioneque imperiali liniretur; assensere senatorem Urbis renuntiari, denique Romanae rei administrationem ab eo susceperunt. Professus etiam est Ildebrandinus Petrum Corbariam nullo jure, sed sacrilegio Sedem Petri conscendisse, ac demissis tot flagitia Apostolica clementia deleri expetiit, quam Joannes ipsis impertiit, ac Diplomate III id. Octobris, Pontificatus anno xiv exarato confirmavit. Simili successu ceteri in ditione Ecclesiastica rebelles ad officium, damnatis Ludovici partibus, rediere.

19. *Variorum principum perduellium exitus.* — Immiserat ille² ad turbandum Picenum comitem Clarimontis Trinacrium: sed ad reprimendos illius conatus, cum initio aliquos secundos progressus fecisset, atque Aesio proditione capto³, Tanum armis strenuissimum ducem capite plecti

jussisset, Pontifex Robertum Siciliae regem, ut Piceni praesidi copias auxilio submitteret, rogavit datis X kal. Aprilis litteris: cumque fidelissimus Ecclesiae cliens et defensor Robertus exercitum traduxisset⁴ in provinciam, universi Picentes ad Pontificis obsequium revocati sunt⁵, pariterque Ravenna et alia loca ad officium rediere⁶. Cujus felicitis nuntii Francorum regem Pontifex participem fecit⁷: « Praeterea, inquit, de partibus Romanis narratur, quod Sciarra de Columna obiit his diebus: et est certum quendam tyrannum pessimum Silvestrum nomine, qui civitatem Viterbiensem sua detinebat tyrannide saeva contra Ecclesiam occupatam, interfectum fuisse per quemdam alium Gibellinum; quodque civitas postmodum ad obedientiam Ecclesiae, receptis ejus gentibus, cum honore notabili est reversa. Rursus narratur et creditur etiam ex verisimilibus conjecturis, quod Tudertina civitas ad ejusdem obedientiam Ecclesiae, nisi jam redierit, breviter revertatur: qua reducta nulla civitas rebellis Ecclesiae in ejus partibus proculdubio remanebit. Dat. Avin. V kal. Novembris, anno xiv ». Eluxit quidem in tyrannide Italiae e medio tollendis divina justitia: ut enim ea, quae de Galeatio, Castrucio, Passarino, Guidone Aretino, Marco vicecomite, Alberghettino ac postremo de Sciarra Columna, et Silvestro Gatta dicta sunt, mittamus; Canis Scaliger⁸, cum sperate felicitatis apicem videretur conscendisse, ac Tarvisinos, quos Ecclesiae clientelae se commississe superiori anno vidimus, quindecim dierum obsidione mense Julio ad deditionem compulisset; mox a cena, in qua opipare et splendide deliciis indulserat aegritudine implicitus die sanctae Mariae Magdalenae sacro extinctus est: moxque Albertus et Martinus principatum, pulsus Canis Scaligeri spuris, suscepere.

20. *Atestini marchiones Ferrariam accipiunt.* — His tyrannis feliciores, ac sanius amplexi consilium marchiones Atestini Raynaldus, Opizo et Nicolaus, qui initam cum Ludovico Bavaro armorum societatem abrupernat. Receperat eos in gratiam Pontifex superiori anno⁹, utque arctiori eos nexu Ecclesiae devinciret, ac beneficiis ad majorem, qui optime de Ecclesia fuerant meriti, sectanda vestigia provocaret, Ferrariae toparchatum ad decennium certo imposito censu tradidit¹⁰, soluta contraria Clementis V sanctione: « Constitutione », inquit Joannes¹¹, « quae per felices recordationis Clementem papam V praedecessorem nostrum, ne dicti marchiones in eisdem civitate, comitatu et districtu vicariatum, dominium, vel officium, aut regimen aliquod habere, obtinere vel exercere valerent, facta fuisse dicitur, non obstante: ita tamen, quod ipsi communiter et haeredes sui quolibet anno dicti decennii decem millia Floren-

¹ Jo. tom. vii. p. 1. pag. 148. — ² Jo. Vill. l. x. c. 147. —

³ Cap. 128. — ⁴ Tom. vii. p. 2. Ep. secr. pag. 111. — ⁵ Jo. Vill. l. x. c. 141. — ⁶ Tom. vii. p. 1. Ep. secr. pag. 19. — ⁷ Ibid. pag. 23. — ⁸ Ibid.

— ⁹ Tom. vii. p. 1. Ep. secr. pag. 19. — ¹⁰ Ibid. pag. 23. — ¹¹ Ibid.

rum boni et puri auri, et legalis ponderis in duobus terminis, qui sequuntur, videlicet medietatem in instanti festo Nativitatis Domini, et aliam medietatem dictorum decem milium in subsequenti festivitate beatorum Petri et Pauli mensis Junii nobis et eidem Ecclesie in Romana curia, ubicumque ipsum esse contigerit, suis periculis et expensis absque aliqua diminutione census nomine persolvere integrahiter teneamur, etc. » Præcipit Bertrando cardinali legato, ut abscissa omni mora Atestinus Ferrariensis urbis agrique præfecturam, Pontificis vice gerendam, committat. « Dat. Avin. II kal. Junii, an. xii ».

Explicit etiam Pontifex in omnes Apostolicam clementiam, qui a schismate Ludovici et Petri Corbarie ad sinum Ecclesie redire : ac ne superiori exempla repetamus, Joanni S. Theodori diacono cardinali ¹, Coloniensi archiepiscopo ² in Germania, Benedicto Novocomi episcopo ³ in Insabria, Nebensique ⁴ in Sardinia ac pluribus aliis ⁵ provinciam dedit, ut eos qui schismatis laqueis se irretissent, in fideliū communionem restituerent : partesque easdem summo Minoritarum præfecto ⁶ et aliis, qui in singulis provinciis sacri illius Ordinis viris præpositi essent, imposuit, ut sodales, qui cum Ludovico et antipapa sensissent, expiato crimine, piorum consortio aggregarent. Injecerat his perniciosum scandalum Michael Cæsenas, qui antea Minoritis præfuerat, atque ob hæresim, quam superiori anno venenato Commentario in Pisanæ Ecclesie foribus affixo promulgat, hac decretoria sententia est damnatus ⁷ :

21. *Sententia in Michaelen Cosenatem et contra singulos ejusdem errores amplissimus Pontificis Commentarius.*

— « Joannes etc. ad perpetuam rei memoriam.

« Quia præfatus Michael venenim, quod corde occultum diu tenuerat, evomere publice, velut in sensum datus reprobum, non formidans, ad civitatem Pisanam (quæ per eundem Ludovicum de Bavaria, jure si quod sibi ex electione discordi, quæ de ipso in regem Romanorum facta dicebatur fuisse, quomodolibet competeat, justitia exigente privatum, tyrannice tenebatur) non expavit dirigere gressus suos, ubi cum eisdem Ludovico et Petro de Corbaria hæreticis, schismaticis et rebellibus conversans continue; ipsosque in suis hæresibus, erroribus et damnatis schismatibus fulciens, ac præstans eisdem adversus Deum et Ecclesiam ipsam veritatemque Catholicam auxilia, consilia et favores, nonnulla erronea et hæreticalia contra Constitutiones et declarationes Sedis Apostolicæ, præsertim contra illam, quæ incipit, *Cum inter*, scribere ⁸ ac dogmatizare in diversis locis publice, sicut fama seu

potius infamia publica notoria ac per eadem scripta et quorundam etiam depositiones testium receptorum super hoc nobis et eisdem tribus constitit evidenter, præsump-it; pertinaciter asserendo Catholica quæ dicta Constitutio hæretica, et hæretica quæ Constitutio eadem Catholica declaravit; per quæ utique se reddidit de dictis hæresis et schismatis, abisque diversis criminibus respersum, imo etiam ut hæresiarcham manifeste convictum, satagens per suas falsas, erroneas et hæreticales doctrinas et dogmatizationes hujusmodi, quas verbis et scriptis inculcare suis damnandis molitur conatibus, fideles a sua fidelitate pervertere, ac animas decipere simplicium secumque deducere in præcipitium damnationis et mortis; nos ne vir tam reprobis gloriæ ulterius, suæ pravitatis opera absque condignis demeritorum stipendiis præteriri; ac ne deinceps in sui erroris devium, ad quod tota sua ferri videtur intentio, plures trahat, tantis malis et periculis occurrere salubriter cupientes, cum præmissa adeo sint notoria, tam per facti evidentiam, quam per plures ipsius litteras ad partes diversas directas, quarum aliquæ ad nostras et fratrum nostrorum prædictorum manus etiam pervenerunt, quod non potest tergiversatione aliqua occultari: de fratrum eorundem consilio, auctoritate Dei omnipotentis, ac beatorum Petri et Pauli Apostolorum ejus et nostra, præfatum Michaelen fautorem hæreticorum et manifestum hæreticum et hæresiarcham, et schismaticum declaramus, ipsumque ut hæreticorum fautorem et manifestum hæreticum et hæresiarcham ac schismaticum sententialiter condemnamus, privantes eundem officiis, dignitatibus et honoribus quibuscumque, vel privatum potius declarantes: ipsumque ab omni gradu deponimus et privilegio nudamus Ecclesiastico, ac eum inhabilem ad præmissa reddimus et quodlibet prædictorum, poenis omnibus et sententiis spiritualibus et temporalibus, quibus divino et Ecclesiastico jure hæreticorum fautores et hæretici et hæresiarchæ ac schismatici existunt obnoxii, plectentes eundem, et velut talem eum fore obnoxium eadem sententia declarantes, etc. Datum Avinione II kalend. Maii, Pontificatus nostri anno xii ».

22. Non perhorruit Michael exauctoratus pristinum munus attractare, ac suas vices Azolino committere ¹: nactusque est facinoris socios, in Dalmatia Franciscum Tergestinum ², Franciscum Esculanum, et Gerardum Rostagni ³ in Galliis: in Anglia Petrum et Joannem ⁴; Stephanum ⁵ Salmantinum in Hispania, Franciscum ⁶ et Guarinum ac Saonensis conventus schismaticos ⁷ in Italia: quos omnes Pontifex meritis poenis afflicti jussit. Ipse vero Michael in Germaniam, ut eam inficeret,

¹ Tom. vi. p. 3. Ep. secr. pag. 11. — ² Tom. vii. p. 1. Ep. secr. pag. 84. — ³ Ibid. pag. 25. — ⁴ Tom. vii. p. 2. Ep. secr. pag. 46. — ⁵ Tom. vii. p. 1. Ep. secr. pag. 34. — ⁶ Ibid. pag. 98. — ⁷ Ibid. pag. 3. — ⁸ Ext. impia illius Comment. apud Nic. Mem. Ms. bibl. Vat. sign. rum. 1008. pag. 29. etc. et pag. 77.

¹ Tom. vii. p. 1. Ep. secr. pag. 6. — ² Ibid. pag. 9. — ³ Ibid. pag. 123. — ⁴ Ibid. pag. 135. — ⁵ Ibid. pag. 130. — ⁶ Tom. vii. p. 2. pag. 16. — ⁷ Ibid. p. 1. pag. 8.

profecturus, cum Bona, imo verius, cum Malagrata, ut ait Pontifex in litteris ad Francorum regem scriptis, Ludovico Bavaro socium se adiunxit, quos secutus est Guillelmus Ocham. Eminabant hi tres scelere in reliqua hæreticorum et schismaticorum colluvie; ac scientiæ laude qua florebant, ad fidem labefactandam abusi sunt. Ceterum Pontifex, ut contra Michaelis Casenatis Commentarios antidotum pararet, libellum edidit in quo singulas vires perfidi hæreses confutavit: quem veluti hujus historiæ clarissimum lumen ad discutendas errorum tenebras, quas homines impii adversus Joannis de paupertate Constitutiones, solvendasque difficultates, quas etiam nonnulli Catholici in conciliandis ejus dictis cum Nicolai papæ Decretali, *Exiit*, sunt experti, etsi prolixiorum, ob doctrinæ lamen in eo contentæ dignitatem e Mss. Vaticanis ¹ decerptum publici juris facimus: cum maxime auctor glossematis in Constitutionem, *Cum inter nonnullos*, et Pegna ² in Commentario in Eymericum, aliique typis excudendam expetierint:

« Ad perpetuam rei memoriam.

« Quia vir reprobis fr. Michael de Casena, dudum magister generalis Ordinis fratrum Minorum, qui suis excessibus exigentibus de ministerii officio per nos de fratrum nostrorum consilio privatus, et inhabilis redditus ad quæcumque dignitates et officia obtinenda fuerat, justitia exigente; conversus in vaniloquium, non intelligens quæ loquitur, nec de quibus affirmat, in illam prorupit insaniam, quod tres Constitutiones nostras, videlicet, *Ad conditorem canonum*, *Cum inter nonnullos* et *Quia quorundam*, nixus est multipliciter impugnare, asserendo inter alia hæreticum, quod dicta Constitutio, *Cum inter*, Catholicum asserit, et Catholicum quod Constitutio eadem hæreticum declarat, et ut sua insaniam pluribus esset nota, libellos suos continentes impugnationes prædictas ad diversas mundi partes et studia destinare, et ipsos affigi in portis Ecclesiarum et locis aliis publicis temeritate plectibili attentavit; propter quæ et plures ipsius excessus alios de eorundem fratrum consilio fautor hæreticorum et hæreticus, exigente justitia, declaratur, prout in nostris sententiis latius continetur, licet impugnationes prædictæ adeo sint invalide notorie, quod sint responsione indignæ; quia tamen in ipsis impugnationibus arma sumit contra legem ex lege, ac Evangelium impugnât ex Evangelio, et de veris fingens mendacia, provocat ad mendacium; veritatem, ne simplicium corda possint inducere erronea ac hæretica sua dicta, succincte duximus suis opinionibus, ut sequitur, respondendum.

23. « In primis itaque iste hæreticus Constitu-

tionem, *Ad conditorem canonum*, in eo conatur impugnare, quod dicta Constitutio probare intendens, quod fratres Minores, sine proprio vivere proficentes, in rebus, quæ usu consumuntur, non sunt censendi simplices usuarii, assertit quæ sequuntur: dicens siquidem, quod in talibus rebus, scilicet quæ usu consumuntur, usus juris vel facti separatus a proprietate rei, seu dominio possit constitui, repugnat juri et obviat rationi ». Et infra: « In rebus usu consumptibilibus, nec jus utendi, nec usus facti separata a proprietate seu dominio possunt constitui vel haberi. Hæc verba Constitutionis prædictæ, ut dicit iste hæreticus, sacre Scripturæ, et sacris canonibus, et diffinitionibus sanctorum doctorum, ac etiam determinationi sanctæ Romanæ Ecclesiæ obviat manifeste. Quod autem sacre Scripturæ repugnet, per illud quod legitur in Actibus Apostolorum ii et iv cap. aperte probatur, ut dicit. In secundo enim capite dicitur sic: *Omnes qui credebant erant pariter, et habebant omnia communia: possessiones et substantias vendebant, et dividebant illa singulis, prout cuique opus erat*. In iv vero capitulo scribitur sic: *Multitudinis credentium erat cor unum et anima una: nec quisquam eorum quæ possidebat, aliquid suum esse dicebat*. Et paulo post sequitur: *Nec quisquam egenus erat inter eos, quotquot enim erant possessores agrorum et domorum vendentes afferebant pretia eorum quæ vendebant, et ponebant ante pedes Apostolorum: dividebant autem singulis, prout cuique opus erat, et panes frangebant circa domos, sumentes cibum cum exultatione*. Hæc ibi. Hoc autem vocabulum, *suum*, sancti exponunt sic: *suum*, id est, proprium, ut patet vii, q. i. cap. scimus. Et cap. nobis et cap. non dicatis § Sic ergo, et per Augustinum circa principium regulæ suæ. Et glo. ord. super verbo, *habebant omnia communia*, dicit sic: Indicium fratrum Minorum est omnia possidere et nihil proprium habere; ex quibus verbis, dicit isle hæreticus, insinuat aperte, quod nullius rei temporalis, nec usu consumptibilis, necnon consumptibilis usu habebant credentes proprietatem: quia res non consumptibiles usu, scilicet possessiones, agros, domos et substantias, glo. id est pecora, vendebant, et ipsa nec in speciali, nec in eorum communitate eorum retinebant: illas autem res, quas lex instituta de usufructu § *Constituitur* usu consumptibiles esse testatur, scilicet pecunias pro pretio venditarum rerum acceptas et panes, de quibus habetur ibi mentio specialis, in communi habebant et dividebant singulis, prout cuique opus erat: et nullus ex eis aliquid suum, id est proprium, esse dicebat: sed erant illis omnia communia, et sic quilibet eorum habebat usum rerum usu consumptibilium absque proprietate et dominio, id est, proprietate et dominio separatim ». Ex quibus concludit, quod dicta asseveratio et doctrina in dicta Constitutione contenta Scripturæ divinæ obviat, et omnem religio-

¹ Ms. bibl. Vat. Nic. Min. sign. num. 4008, pag. 94, et Ms. sign. num. 4010, pag. 119. — ² Peg. apud Eym. ii. p. Direct. Inquis. q. xvii. com. 2219.

nem habentem votum abdicacionis proprietatis omnium rerum temporalium destruit et confundit, quia secundum hoc quilibet religiosus quando uteretur rebus usu consumptibilibus, proprietarius censeretur.

24. « Hec sunt verba istius heretici, in quibus includit proculdubio multa falsa, ad quae ut sequitur respondemus. Dicimus enim, quod verum est, quod dicta Constitutio docet et asserit, quod in rebus usu consumptibilibus nec jus utendi, nec ipsum uti potest constitui vel haberi : sed licet nec jus utendi, nec ipsum uti in rebus illis haberi possit vel constitui, ipsis tamen potest, sicut dicit dicta Constitutio, quis abuti ; abuti autem secundum dictam Constitutionem, dum tractatur de rebus usu consumptibilibus, sumitur pro consumptione rei. Et quod jus utendi in talibus rebus non possit constitui, probat dicta Constitutio ex definitione usus, quæ talis est : Usus est jus utendi rebus alienis salva rei substantia : id est, jus percipiendi fructus, seu utilitatem aliam in totum vel per partem suo nomine, qui possunt ex re, in qua usus constituitur, provenire. Constat autem quod in rebus usu consumptibilibus, quamdiu earum substantia salva et integra permanet, nulla potest utilitas provenire, ut patet in pane et vino, ex quibus nullus fructus vel utilitas potest colligi seu haberi, substantia salva rei. Quare evidenter relinquitur, quod in rebus talibus, videlicet usu consumptibilibus, jus utendi separatim a proprietate, seu dominio nequeat constitui seu haberi. Et per hoc beatus Joannes Chrysostomus rationem reddit, quare pro pecunia mutuata usura, sicut merces pro domo vel re alia usu non consumptibili locata licite recipi nequaquam possit, dicens quod in re usu non consumptibili, ut in domo vel agro, habens illa non solum habet proprietatem seu dominium, sed ex illis substantia salva rei, ac proprietate rei et dominio, fructus seu utilitatem aliam percipit : ut patet in domo, in qua inhabitat, et sic ex ea commodum inhabitationis habet sibi domus, salvo dominio, remanente salva rei substantia, et domo remanente. Ex agro quoque fructus recipit agri, salva rei substantia et dominio remanente. Et ideo, quia locans fructus rei seu utilitatem aliquam proveniente ex ea, retento sibi dominio, conductori concedit, nec illa scilicet fructus, seu utilitatem domus vel agri finita locatione repelit, non est mirum si pro his pretium recipere possit : mutuans autem pecuniam in ejus, cui mutuata pecunie transfert dominium, non fructum aliquem nec utilitatem aliam, quæ ex ea salva rei substantia valeat provenire, et tantundem ab eo, cui mutuatur, postea repelit : quare ultra illud, quod mutuatur, a recipiente mutuum licite recipere nequit, ut legitur xxxviii di. cap. *Eficiens*. Quod autem ipsum uti ab aliquo haberi nequeat, dicta Constitutio sequens Augustini sententiam positam in libro Confessionum clare probat, quia quod non est, haberi ne-

quaquam potest : actus autem utendi in rerum natura non est, nec antequam quis utatur, nec postquam usus est, nec dum est, nempe integer in actu utendi, id est, successivo, prout latius prosequitur dicta Constitutio : quare relinquitur quod haberi non possit.

25. « Ad illud autem quod dicit, quod ex prædictis Scripturis sacris insinuat aperte : quod nullius rei temporalis nec usu consumptibilis nec non consumptibilis usu, proprietatem credentes habebant : dicimus, si intelligat quod in speciali proprietate nullus credentium habebat, verum esse quod dicit, pro tempore illo quo dicta Scriptura loquitur : quia hoc dicit expresse Scriptura prædicta Act. iv c. cum dicit : *Nec quisquam eorum quæ possidebat, aliquid suum esse dicebat*. Si autem intelligat, sicut intelligit, ut per ea quæ propouit inferius clare patet, quod credentes nullius rei proprietatem habebant etiam in communi, Scripturis prædictis etiam contradicit expresse, cum dicat, quod illis, scilicet credentibus, omnia quæ possidebant, erant communia inter eos : et quod illa communione quod prius ante conversionem Judæorum ipsis fuerat proprium, postquam credentes effecti sunt, fuit inter eos communicatum : constat autem quod illa, quæ possidebant ante conversionem, erant illis quantum ad dominium propria, alias enim illa communicare non poterant : quare sequitur, quod fuerunt quoad proprietatem seu dominium inter eos communicata, quod de rebus non consumptibilibus usu Scriptura prædicta Act. iv dicit aperte, nisi violentia sibi fiat. Cum enim dixisset : *Nec quisquam eorum quæ possidebat aliquid suum esse dicebat, sed erant illis omnia communia*, parum post sequitur : *Nec quisquam egens erat inter eos* ; et causam hujusmodi volens reddere subdit : *Quotquot enim erant possessores agrorum et domorum vendentes pretia portabant ante pedes Apostolorum, etc.* Cum igitur prius dicat, quod inter credentes omnia erant communia : et post subjungat, quod agri vendebantur et domus, evidenter apparet, quod illa communia, antequam venderentur, erant effecta : alias enim sequeretur, quod remansissent illorum, quorum prius fuerant propria, et per consequens, quod ipsi ante illorum venditionem remansissent proprietarii : cujus tamen contrarium dicit Scriptura prædicta, cum dicit : *Nec quisquam eorum quæ possidebant, aliquid suum esse dicebat*.

26. « Ad illud autem, quod volens probare, quod rerum usu non consumptibilium credentes non habuerunt dominium etiam in communi ; subjungit, scilicet : quia res non consumptibiles usu vendebant, et ipsas nec in speciali, nec in eorum communitate retinebant ; dicimus quod ex hoc non sequitur, quod ante venditionem illarum rerum non habuerunt dominium : sed bene sequitur, quod post venditionem illud non retinebant, et hec est verum ; per venditionem enim

perfectam in e mentes transtulerunt dominium, quare illud sibi non retinuerunt. Et si queratur, quare Apostoli agros et domos non retinebant in Judæa, sed potius illis venditis habebant eorum pretia in communi; respondet Melchisedes papa dicens: Futuram, id est, transituram Ecclesiam in gentibus, id est, ad gentes, Apostoli prævidebant, ideo prædia in Judæa minime sunt adepti. Et si dicatur, quod Melchisedes videtur supponere, quod credentes etiam ante venditionem prædiorum illa nequaquam habuerunt in communi, cum dicat quod illa in Judæa minime sunt adepti: dicimus, quod Melchisedes pro tanto dixit Apostolos in Judæa non fuisse adeptos prædia, quia non sic adepti fuerunt ea, quod illa sibi intenderent retinere; et ideo non videbantur ea fuisse adepti, cum qui sic rem adipiscitur, ut eam in continenti a se abdicare debeat, adeptus proprie non dicatur. Ex prædictis patet, quod Apostolis fuit licitum in Judæa, si voluissent, retinere prædia: nec voto compulsi sunt, quod illa non retinuerunt, sed voluntate propria, quia se non contracturos moram ibi, sed transituros prævidebant ad gentes.

27. « Ad illud autem quod subsequenter dicit, quod res usu consumptibiles in communi credentes habebant, et sic quilibet eorum habebat rerum usu consumptibilium usum facti; dicimus, quod si intelligat, quod erant eis communia quoad proprietatem seu dominium, verum dicit: si vero intelligat, quod non fuerint communia quoad proprietatem seu dominium, sed tantum quoad simplicem usum facti, eum errare dicimus, et sacre Scripturæ contradicere supradictæ. Et quod Scriptura illa demonstrative supponat, res usu consumptibiles quoad proprietatem seu dominium credentibus fuisse communia, patet: dicit enim omnia illis, scilicet credentibus, fuisse communia; et quia qui omnia dicit, nihil excludit, sequitur quod dictum illud etiam res usu consumptibiles comprehendat. Quæro ergo, quoad quid erant illis communia illa bona? Aut dicit iste hæreticus, quod erant communia quoad usum facti, aut quoad jus utendi, seu usumfructum, seu possessionem; aut quoad dominium, seu proprietatem: hæc enim secundum Decretalem illam, *Exiit*, in rebus temporalibus reperi consueverunt, quod tantum verum est in rebus non consumptibilibus usu: quantum autem ad simplicem usum facti, quod res illæ, scilicet usu consumptibiles communes fuerint, dici nequaquam potest, primo quidem quia in rebus talibus, scilicet usu consumptibilibus, usu facti sumendo usum proprie, locum habere non potest: usus enim sumptus proprie requirit, quod cum ipso usu substantia rei salva maneat, ut ex prædictis patet, quod in rebus usu consumptibilibus nequit esse. Item quia usus facti sic est utentis proprius, quod non potest alterius dici, nec communicabilis sibi: patet enim, quod actus comedendi sic erat sibi proprius, quod non poterat dici aliis esse communis; quare et

communio prædicta non potest intelligi quoad simplicem facti usum.

28. « Rursus quia usus facti communitati non convenit, cum talis usus personam veram requirat et exigit, quam non gerit communitas, sed potius imaginariam, seu etiam repræsentatam, adhuc dici non potest, quod respectu juris utendi seu usu-fructus dicta communio possit dici, cum in rebus talibus, scilicet usu consumptibilibus, jura prædicta, scilicet jus utendi seu usu-fructus constitui nequeant, ut ex eorum diffinitionibus, quas ponit dicta Constitutio, *Ad Conditorem*, patet. Item nec quoad possessionem dicta communio potest dici, quia si loquamur de possessione quæ jus est, illa communis inter credentes secundum eum esse non potuit, cum ipse asserat Apostolos nullum jus habuisse in istis temporalibus, sed tantum simplicem facti usum. Si autem loquamur de possessione quæ facti est, illa sic est cujuslibet possidentis propria, quod non est communis alicui, nec etiam communicabilis, sicut de usu facti dictum est supra: quare sequitur, quod res illæ usu consumptibiles, quæ inter ipsos erant effectæ communes quoad proprietatem et dominium, sint communes inter ipsos effectæ. Quantum autem ad illud, quod postea iste hæreticus dicit, videlicet: Et sic quilibet eorum habebat usum rerum usu consumptibilium absque dominio et proprietate, sive a proprietate et dominio separatum; dicimus quod istud infert ex falsa suppositione, quam fecerat prius: dixerat enim superius, quod res usu consumptibiles inter credentes erant communes tantum quoad simplicem facti usum; et ex hoc concludit, quod quilibet eorum absque dominio et proprietate habebat rerum usu consumptibilium usum facti: unde cum primum sit falsum, scilicet quod res usu consumptibiles essent communes inter credentes tantum quoad simplicem facti usum, imo erant communes quoad dominium seu proprietatem, ut superius est probatum; patet illud, quod ex eo concluditur, esse falsum, scilicet quod quilibet haberet in rebus talibus simplicem usum facti. Primum patet falsum alia ratione, quia usus facti nequit haberi ab aliquo, ut superius est ostensum.

29. « Ad illud vero, quod dicit iste hæreticus, quod dicta doctrina, scilicet quod in rebus usu consumptibilibus usus juris vel facti, a proprietate seu dominio separatus, non potest constitui nec haberi, omnem religionem habentem votum abdicacionis proprietatis rerum temporalium destruit et confundit, quia secundum hoc quilibet religiosus, quando uteretur rebus usu consumptibilibus, proprietarius censeretur; dicimus quod mentitur aperte. Omnes enim Religiones, præterquam beati Francisci, quarum professores ad vivendum sine proprio adstringuntur, confitentur se habere posse secundum suas regulas, et habere etiam tam res usu consumptibiles, quam non consumptibiles quoad proprietatem et dominium in communi,

licet aliqua statuta superaddita regulis quantum ad aliqua immobilia suas regulas duxerint restringendas; quarum professores dici non possunt uti rebus consumptibilibus usu, si usus proprie sumatur, ut superius est probatum; possunt tamen res hujusmodi consumere, utpole vinum bibendo, et panem comedendo, et sic de aliis: sed per actum consumendi talia, non sunt censendi proprietarii, cum ipsa non ut propria consumere, sed ut communia sunt dicendi, actusque consumendi res hujusmodi nequaquam a communi dominio separantur: sicut si duo habentes panem communem illum indivisum comederent, neuter propter hoc, panis, quem comederit, proprietarius fieret; nec diceretur comedisse proprium, sed communem.

30. « Videtur etiam, quod probabiliter possit dici, quod post distributionem bonorum usu consumptibilium, quæ fiebat inter Apostolos et credentes alios, ut dicitur Act. ii et iv, quilibet portionis sibi assignate proprietarius et dominus posset dici. Et hoc Scriptura prædicta Actorum iv videtur expresse supponere, cum dicit: *Nec enim quisquam egens erat inter ipsos*; et quare hoc? reddit rationem subijungens: *Quotquot enim possessores agrorum et domorum erant, vendentes afferebant pretia eorum, quæ vendebant, et ponebant ante pedes Apostolorum, dividebant autem singulis, prout unicuique opus erat*. Cum ergo dicat quod nullus egens erat pro eo, quod unicuique dividebatur, prout opus erat, supponit aperte, quod id, quod unicuique datur divisum, ejuslibet erat proprium: dividere enim est divisum aliquibus diversas partes rei alicujus dare. Cum ergo daretur ab illis, qui dare poterant, scilicet Apostolis, et illis qui recipere poterant ea quæ ad vitæ humanæ sustentationem pertinebant, videtur quod dominus quilibet fuerit ejus portionis, quæ sibi fuerat assignata: alias non videretur verum, quod dicitur, quod egentes non erant, nisi plus post divisionem haberent in assignata sibi portione, quam ante.

« Præterea constat quod vestimenta quotidiana inter res usu consumptibiles computantur, post communionem autem prædictam, de qua fit mentio in præallegato c. Act. iv, in Actis legitur, quod Angelus Petro dixit: *Præcingere et calcea te caligas tuas*. Item dixit ei: *Circumdanda tibi vestimentum tuum*, etc., ubi clare supponit Angelus, quod caligæ et vestimenta assignata Petro propria quoad dominium erant Petri: quare videtur quod pecunia, panis, vinum et vestimentum, et res aliæ usu consumptibiles sibi divisim pro vitæ sustentatione assignatæ similiter ejus erant: nec votum vivendi sine proprio videtur, quod se extendat ad talia, quibus necessario eget vita humana. Præterea ex illo c. Act. iv probari non potest, quin credentes de bonis illis communibus ex divisione Apostolorum licite recipere potuerint, et ut proprium obtinere: Scriptura enim prædicta

quantum ad hoc nihil aliud dicit, nisi quod sequitur: *Multitudinis credentium erat cor unum et anima una: nec quisquam eorum quæ possidebat, aliquid suum esse dicebat: sed erant illis omnia communia*. Per verba autem ista videntur ist omnium, quæ possidebant, a se dominium abdicasse, et illud transulisse in communitatem: non autem videntur se adstrinxisse, quin si detur eis de bonis illis communibus quoad sustentationem vitæ suæ possint licite recipere, et ut propria retinere: imo hoc Scriptura prædicta satis supponit aperte, cum dicit: *Dividebatur autem cuique prout opus erat*: dividere autem est, sicut prædictum est, alicujus rei diversas partes aliquibus dare.

31. « Item ad probandum, quod asserere quod in rebus, quæ usu consumuntur, non possit haberi usus a domino separatus, obviat sacre Scriptura, adducit, quod Petrus Domino dixit, Matth. xix: *Ecce nos reliquimus omnia, et secuti sumus te*: quod secundum eum non potest intelligi, quod Apostoli reliquerint omnia quantum ad usum, quia constat ex Scriptura sacra, quod post ea rebus usu consumptibilibus utebantur. Ergo reliquerunt omnia tam consumptibilia, quam non consumptibilia usu quantum ad dominium et proprietatem, ut probatur, ut ipse dicit, xii, q. 1, c. *Dilectissimis*: quia qui omnia dicit nihil excipit; et S. Gregorius super illo verbo: *Relictis rebus*: dicit: Multum reliquit, qui sibi nihil retinuit, et qui quantumlibet parum, totum deseruit. Ergo dicere quod usus rerum usu consumptibilium non possit separari a proprietate et dominio, sacre Scripturæ obviat et repugnat. Et confirmatur hoc, sicut dixit, quia Apostoli abdicationem omnium rerum voverunt secundum Augustinum xvi de civ. Dei: ad quorum exemplum religiosi, qui figuram tenent Apostolorum ut dicitur xvi, q. 1, c. *Ex auctoritate* voverunt abdicationem omnium rerum temporalium, non tamen quantum ad usum; quare sequitur secundum eum, quod Apostoli voverunt et religiosi voverunt abdicationem domini et proprietatis omnium rerum usu consumptibilium et non consumptibilium usu. Hæc dicta ejus.

« Ad hoc dicendum, quod per verba: *Ecce nos reliquimus omnia*, etc. non potest concludi, quod quoad dominium seu proprietatem reliquerunt ea: reperimus enim hæc verba dicta de Petro, Jacobo et Joanne: Luc. v, ubi dicitur, quod *subductis ad terram navibus, relictis omnibus secuti sunt eum*: et tamen post illa verba legitur Matth. iv, quod *Jesus, ambulans juxta mare Galilææ vidit Petrum et Andream mittentis retia in mare*, quibus ait: *venite post me, et faciam vos fieri piscatores hominum. Qui continuo relictis retibus secuti sunt eum*: et quod dictum Luc. v præcesserit illud, quod dictum est Mt. th. iv, dicit Augustinus in libro de Concordia Evangelistarum expresse. Item post id quod legitur Matth. iv, habetur Matth. vii quod *venit Jesus in domum Petri*. Ergo domus adhuc remanserat Petri. Item

Matth. xxvi legitur, quod *nonis ex his, qui erant cum Jesu* (videlicet Petrus, ut dicitur Joann. xviii) *exeruit gladium suum, et percussit eus serrum principis amputavit auriculam ejus.* Cui Jesus ait: *Converte gladium tuum in locum suum.* Ergo gladius erat Petri. Item Luc. xii dictum est Petro et aliis Apostolis: *Qui habet sacerdotium, tollat similiter et peram; et quæ non habet, scilicet gladium, vendat tunicam suam et emat gladium.* Item Actor. xii dixit Angelus Petro: *Præcingere et calceare te caligas tuas;* item dixit ei: *Circunda tibi vestimentum tuum, et sequere me.* In quibus verbis sacra Scriptura evidenter supponit quod post illa verba posita Luc. v de Petro, Jacobo et Joanne *relictis omnibus secuti sunt eum;* Scripturæ sacræ prædictæ supponunt eum et reliæ et domum, et post illa Petri, *Ecce nos reliquimus omnia*, etiam gladium et vestes habuisse ut sua: quare relinquitur quod per illa verba, *relictis omnibus secuti sunt eum*, non potest concludi Apostolos a se dominium omnium temporalium abdicasse.

32. « Item de Mattheo legitur Luc. v quod cum Jesus dixisset Mattheo: *Sequere me;* quod ipse surgens relictis omnibus secutus est eum, statim sequitur, quod Mattheus, qui et Levi dicebatur, *magnum convivium fecit ei in domo sua;* unde patet, quod quantumcumque de eo dicat Scriptura, quod relictis omnibus secutus est eum, non sequitur quod quoad dominium reliquerit ea, cum statim subditur, *quod in domo sua fecerit magnum convivium.* Et propter hoc Petrus Matth. xix cum Dominus dixisset uni qui non erat de discipulis: *Si vis perfectus esse, vende omnia quæ habes, et da pauperibus, et habebis thesaurum in celo: et veni, sequere me;* Petrus dixit: *Ecce nos reliquimus omnia*, etc., non dixit, nos vendidimus omnia, et dedimus pauperibus; sed dixit: *Nos reliquimus omnia;* possunt enim res temporales relinqui quoad curam et affectionem illarum, sine domini abdicatione; vel *reliquimus omnia*, scilicet præter illa, sine quibus non potest hæc vita transiri, sicut sunt alimenta, vel pro alimentis necessaria, quibus non est verisimile, quod ipsis renuntiaverint, ut probant Scripturæ prædictæ, et aliæ multæ, de quibus dicitur latius infra in objectionibus, quas iste hæreticus facit contra Constitutionem, *Cum inter.* De Jacobo autem et Joanne dicitur Marc. i, quod *relicto patre suo Zebædeo in navicula mercenariis, secuti sunt eum.* Certe patrem non reliquerunt, ut ei renuntiaverint, et pro patre postea non habuerint eum; imo ejus filii remanserunt: quare illa verba non concludunt, quod per illa verba, *Nos reliquimus omnia*, intelligatur a se abdicasse omnia temporalia, saltem illa, de quibus sacra Scriptura dicit contrarium quoad proprietatem et dominium.

33. « Item non obstat cap. *Dilectissimis* xii, q. 1, quod pro se dictus hæreticus adducit, in quo B. Clemens scribit condiscipulis suis Jerosolymis

habitantibus, cum B. Jacobo episcopo Jerosolymitano æquiparat statum Apostolorum et ipsorum discipulorum ac Judæorum Jerosolymis, post missionem sancti Spiritus conversorum, quantum ad modum habendi ista temporalia, statui primorum parentum in statu innocencie constitutorum: et dicit ibi quantum ad statum prædictum primorum parentum, quod communis usus omnium, quæ sunt in hoc mundo, omnibus hominibus esse debuit; sed per iniquitatem alius dixit hoc esse suum, et alius illud, et sic inter mortales facta est divisio; proculdubio ista Scriptura supponit, quod si primi parentes non peccassent, omnia communia fuissent quoad dominium seu proprietatem: quod patet in eo, quod dicit, quod per iniquitatem, id est, per peccatum primorum parentum, alius dixit hoc esse suum, et alius illud, et sic inter mortales facta est divisio. Hæc autem divisio facta fuit ejus rei, cujus prius erat communio: divisio autem facta est rerum, et non usus simplicis facti, ut patet, quia alius dicebat hoc esse suum, et alius illud: et non dicit, quod unus diceret usum hujus rei suum esse, et alius allerius; sed dicebat unus rem aliquam, et alius aliam esse suam: sicque patet quod rerum, quoad dominium, non quoad usum, divisio facta fuit; et per consequens sequitur, quod ante divisionem quoad rerum dominia communio erat. Et hoc clarius per sequentia in eodem cap. patet, ubi sequitur: Et sicut non potest dividi aer, neque splendor solis, illa nec reliqua, quæ communiter data sunt omnibus hominibus ad habendum; ubi manifeste dicit omnia temporalia communiter data fuisse omnibus hominibus ad habendum: non dicit quoad facti usum, sed dicit ad habendum, quia usus facti haberi nullatenus potest, ut superius est probatum. Ergo si data fuerunt eis ab illo, scilicet a Deo, qui dare potuit, dicendum est quod domini fuerunt effecti, quia dare est accipientis facere. Deinde subiungit B. Clemens sic: Istius enim consuetudinis more retento, Apostoli eorumque discipuli una nobiscum et vobiscum communem vitam duxerunt: ut enim bene nostis, erat multitudinis eorum, scilicet credentium, cor unum et anima una: nec quisquam eorum aut nostrum de his quæ possidebat, aliquid suum esse dicebat, sed omnia nobis et illis erant communia. In quibus verbis beatus Clemens supponit aperte, quod ante conversionem illorum Judæorum, de qua habetur Act. ii et iv mentio, Apostoli et eorum discipuli aliqua possidebant; ibi cum dicit: Apostoli eorumque discipuli una nobiscum et vobiscum, et loquitur Judæis conversis, communem vitam duxerunt. Et in quo erat ista communis vita? Declarat, dicens: Erat enim multitudinis credentium cor unum et anima una: nec quisquam eorum, scilicet Apostolorum et ipsorum discipulorum, de quibus locutus est supra, aut nostrum, scilicet Judæorum conversorum, de iis quæ possidebant, ecce aperte dicit,

quod Apostoli et discipuli aliqua possidebant ante; sequitur, aliquid suum esse dicebat; sed omnia nobis, scilicet conversis, et illis, scilicet Apostolis et eorum discipulis, erant communia. Sique per dictum cap. clare patet, quod ante conversionem Judæorum prædictam Apostoli et eorum discipuli aliqua habebant, et quod illa communicaverunt conversis Judæis; et Judæi conversi communicaverunt Apostolis et eorum discipulis similiter quæ habebant. Itaque quisquam eorum, scilicet Apostolorum et discipulorum ac Judæorum conversorum, eorum quæ possidebat, nihil suum esse dicebat, sed omnia erant communia inter ipsos.

« 34. Item in eo, quod dicit, quod Apostoli post verba illa: *Ecce nos reliquimus omnia*, etc. usi sunt rebus consumptibilibus usu; dicimus esse falsum, quia in rebus usu consumptibilibus, usus proprie sumptus haberi nequit, nec illis aliquis potest uti, ut superius clare est ostensum. Item in eo, quod dicit, beatum Augustinum dixisse, Apostolos vovisse rerum omnium abdicationem, dicit falsum; hoc enim B. Augustinus non dixit: sed cum recitasset Apostolos dixisse: *Ecce nos reliquimus omnia, et secuti sumus te*, subiunxit: Hoc votum potentissime voverunt. Dic mihi, hæretice, quod est illud votum, quod voverunt? Certe dici non potest, quod votum illud esset abdicationis, seu domini proprietatis omnium rerum temporalium, cum de hoc in præcedentibus seu subsequentiis nullam fecerit mentionem. Quod est ergo illud votum? Certe videtur, quod voverunt se Dominum secuturos, de quo immediate mentio erat ibi: *Secuti sumus te*. Et si dicatur, quod in eo voverant se relictuos omnia et Dominum secuturos, quia ista verba præcesserant verba illa, cum dixisset: *Ecce nos reliquimus omnia, et secuti sumus te*; dicimus, quod non est verisimile, quod B. Augustinus intellexerit, quod in voto hujusmodi, scilicet quod reliquimus omnia, intelligantur illa comprehensa, quæ Scriptura sacra eos postea asserit habuisse, sicut sunt quæ ipsos habuisse superius est probatum.

« Item non est intelligendum, quod beatus Augustinus intellexerit, quod ipsi Apostoli voverunt non habere aliquid in communi, cum intendens circa vitam Apostolicam suam religionem fundare, loquens suis fratribus sic dixerit in regula sua: Sit vobis anima una et cor unum, et non dicatis aliquid proprium: sed sint vobis omnia communia, et distribuatur unicuique vestrum, prout opus erit. Et sequitur: Sic enim legis in Actibus Apostolorum, quia erant eis omnia communia, et distribuabatur unicuique, prout opus erat. Cum igitur B. Augustinus et ejus fratres res habuerint et habeant in communi, non est revocandum in dubium, quin beatus Augustinus Apostolos habuisse supposuerit in communi: quare per auctoritatem prædictam Augustini iste hæreticus nequaquam potest concludere, quod Apostoli

voto abdicaverint omnium rerum dominium; nec quod illud abdicaverunt in proprio et in communi.

« Item non obstat e. illud xvi q. i c. *Ex auctoritate* per ipsum superius allegatum; imo facit potius contra ipsum: loquitur enim de monachis, qui ut ibi dicitur, figuram tenent Apostolorum: constat autem, quod monachi habent mobilia et immobilia quoad proprietatem et dominium in communi, ut probatur xvi q. ii c. *In nullo*; quare videtur quod et Apostoli habuerint, seu habere potuerint talia in communi. Verum est tamen quod in Judea non retinuerunt immobilia; sed potius ea vendiderunt, quia prævidebant ad gentes Ecclesiam transituram, ut probatur Actor. ii et iii cap. i c. *Futuram*.

35. « Adhuc iste veritatis et fidei inimicus ad probandum, quod in rebus, quæ usu consumuntur, possit haberi usus a dominio separatus, arguit sic: Omnes decimæ terre, sive de frugibus sive de pomis arborum, Domini sunt, ut habetur Levit. ult., usus autem decimarum tantum est Levitarum, ut Numer. xviii. Constat autem, quod illæ decimæ sunt de frugibus et pomis, quæ sunt res usu consumptibiles; quare cum dominium decimarum sit Domini, et usus earum sit Levitarum, sequitur quod in rebus usu consumptibilibus haberi potest usus a dominio separatus. Ad hoc dicendum est, quod iste hæreticus arguit evidenter ex falsis: quod enim dicit, Levitas habuisse usum tantum decimarum, falsum dicit, ut probatur Numeror. xviii cap. per eum in contrarium allegato, ubi Dominus sic dicit: *Filiis Levi dedi omnes decimas Israel in possessionem pro ministerio quo servit mihi in tabernaculo fœderis*. Ex quibus patet, quod Levite non tantum usum in decimis, sed et dominium habuerunt. Nec obstat, quod in eo c. dicitur, quod in usus Levitarum et necessaria Dominus decimas separavit: aliud est enim alicui in usum rem aliquam dare, et aliud dare alicui usum alicujus rei; ubi enim usus alicujus rei utilis conceditur alicui, usus tantum rei et non dominium sibi intelligitur esse datum: sed ubi alieni res datur in usum, nedum usus rei, sed et dominium intelligitur esse datum; unde cum dicitur in præallegato cap. quod in usus Levitarum et necessaria Dominus separavit, declaravit Dominus ad quid, vel propter quid Levitis decimas dedit: quia enim de frugibus et fructibus dupliciter nos vivimus, uno modo comedendo, ad quod primo et principaliter sunt concessi, juxta illud Gen. i: *Ecce dedi vobis omnem herbam, et universa ligna, quæ habent in semetipsis sementem generis sui, ut sint vobis in escam*; verum quia nonnunquam qui abundat in talibus, deficit in aliis necessariis ad vitam humanam, voluit Dominus quod Levite possent non solum de frugibus illis comedere, sed etiam de illis quoad alia vitam necessaria, vendendo vel permutando, sibi providere: et ideo dixit, *In usus et necessaria*. Et idem

dicendum est de verbis illis in eodem cap. contentis ad Aaron prolatis, ubi Dominus sic dixit : *Universa frugum initia, quæ gignit humus et Domino deportantur, cedent in usus tuos*, illarum autem rerum dominium concessit illis Dominus, ut in eodem cap. patet; in quo Dominus ad Aaron loquens sic dixit : *Omnis oblatio et sacrificium, et quidquid pro peccato atque delicto redditur mihi, et cedit in sancta sanctorum. tuum erit et filiorum tuorum*; sequitur : *Primitias autem, quas voverunt et obtulerunt filii Israel, dedi tibi et filiis et filiabus tuis jure perpetuo*. Ex quibus patet, quod non solum in decimis, nec in rebus prædictis aliis Aaron et levitæ usum, sed et dominium habuerunt.

36. « Rursus nititur ostendere, quod dicere, quod usus simplex facti non possit haberi in rebus usu consumptibilibus a dominio separatus, est vitam Christi et Apostolorum ejus impugnare, quia perfectio paupertatis, sicut et aliæ perfectiones consiliorum Evangelicorum fuerunt in Christo et Apostolis perfectissime; et constat secundum eum, quod paupertas Evangelica excludit sollicitudinem, quam requirit proprietas seu dominium rerum temporalium : ex quo sequitur, secundum eum, quod usus rerum usu consumptibilium potest a proprietate et earum dominio separari. Ad hoc dicendum, quod concedimus, quod perfectio paupertatis in Christo et Apostolis perfectissime fuit; perfectio siquidem Evangelicæ paupertatis magis consistit in animo, ut scilicet animus amore istis temporalibus non adhaereat, quam in carentia temporalium rerum : hanc autem paupertatem perfectissime Christus habuit et post eum Apostoli ejus, et per consequens perfectionem paupertatis Evangelicæ habuerunt. Ad illud autem quod dicit, quod paupertas Evangelica rerum usu consumptibilium dominium et proprietatem excludit; dicimus quod falsum est : imo illarum rerum supponit sacra Scriptura ipsos Apostolos ad minus in communi habuisse proprietatem et dominium. Probatur Act. iv, ut superius est ostensum. Ad illud autem, quod dicit, quod abdicatio proprietatis et domini sollicitudinem excludit, dicimus similiter, quod est falsum. Et quod talis abdicatio non excludat sollicitudinem, patet; constat enim, quod si dominus servo concedat peculium, quantum proprietas seu dominium peculii in servum non cadat, nec propterea servus a sollicitudine est immunis; alias injuste reprehendisset Dominus servum negligentem, de quo agitur Luc. xix, quia pecuniam a domino sibi traditam non tradiderat ad usuras. Et hoc videmus ad sensum, quod ille, ad quem rei utilitas pertinet sine dominio, magis est circa rem illam sollicitus, quam sit nudus dominus ejus; ut ad sensum videri potest in fratribus Minoribus, qui nudum usum facti se habere in talibus asserant, qui circa illa magis sunt solliciti quam Romana Ecclesia, ad quam illarum rerum dominium asserunt pertinere.

37. « Præterea dicitur esse hæreticus, quod vitam Apostolorum repugnat doctrina prædicta; quia secundum eum quantum ad abdicationem proprietatis rerum temporalium fuerunt Apostoli secum beatum Remigium ad dignitatem primi hominis revocati : sed primus homo et ejus posterius, si stetissent in originali iustitia, habuissent usum rerum usu consumptibilium sine proprietate et dominio eorumdem secundum beatum Clementem, ut dicit : ad quod probandum inducit xn q. i c. *Dilectissimis*; quare dicere, quod in rebus usu consumptibilibus non potest usus a proprietate et dominio separari, est, ut dicit vitam Apostolorum et religiosorum, Apostolos in abdicatione proprietatis omnium rerum imitantium, impugnare. Ad quod dicendum quod illud, quod ipse dicit, quod primi parentes in statu innocentie in nullo habuerunt dominium, sed tantum simplicem facti usum, ad minus post illam benedictionem : *Crescite et multiplicamini*, etc., Scripturæ sacræ contradicit expresse : legitur enim Genes. i quod Dominus primis parentibus dixit : *Crescite et multiplicamini, et replete terram, et subjicite eam*; alia littera loco ejus, quod supra dicitur, et subjicite eam, habet : *Et dominamini ei*, et illam prosequitur Augustinus in lib. super Genesim ad litteram, et in lib. de civ. Dei l. xiv, c. xxi, et sequitur : *Et dominamini piscibus maris et volatilibus cæli, et universis animantibus quæ moventur super terram*. Ex quibus evidenter apparet, primos parentes post benedictionem prædictam et terræ et piscium maris ac volatilium cæli et universorum animantium, quæ moventur super terram, dominium in statu innocentie habuisse. Et si quæritur, utrum illud dominium proprium fuerit vel commune, videtur dicendum, quod si tempore benedictionis prædictæ solus Adam formatus erat et non Eva, sicut ordo Scripturæ sacræ evidenter innuit, cum illa benedictio fuerit data Adam extra paradisum existente, Eva vero formata fuerit ipso Adam in paradisum translato, ut patet Genes. i et ii c., videtur quod ante formationem Evæ dominium temporalium Adæ proprium fuit, non commune. Commune quidem esse non potuit, cum solus pro tempore illo fuerit, et respectu unius, qui nunquam alios habuit, nihil dici commune possit. Et hoc videtur expresse dici Eccles. xvii cap. ubi dicitur sic : *Deus creavit de terra hominem, et secundum imaginem suam fecit illum*; et sequitur : *Dedit ei potestatem eorum, quæ sunt super terram, et posuit timorem illius super omnem carnem, dominatus est bestiarum et volatilium*. Ex quibus patet, quod solus dominatus fuit : ex quo sequitur ipsum solum pro illo tempore dominium habuisse, quia secundum Dionysium de Divinis Nominibus cap. 12 a domino dicitur dominus, dominans et dominator : unde cum de solo Adam dicitur, quod dominatus est bestiis et volatilibus, sequitur quod et solus dominus fuit, et quod Eva tunc formata non esset.

Patet quia statim post illa verba: *Et dominatus est bestiaria et volatilia*; sequitur *Creant ex ipso adiutorium simile sibi*. Hoc idem videtur sentire Damascenus lib. 1, cap. fin. ubi loquens de primo parente, sic dicit: Ille igitur hominem Conditor vasculum construxit, statuit et tribuit ei sui ipsius dominationis gratiam, et in communionem ejus præter hanc ipsum fecit, unde et animalium nominatorem prophetice et suorum dominorum dominatorem effecit; alia littera habet: Et suorum servorum dominatorem fecit, et sequitur: Fecit ex ipso auxiliatricem ipsius.

38. « Nec obstat cap. *Detestissimis* in contrarium allegatum: per illud enim concludi non potest, quod primi parentes temporalium dominium non habuerint; sed quod illud non habuerint divisum: imo ex auctoritate philosophi, quam beatus Clemens in eodem cap. adducit, concluditur evidenter, ipsos habuisse dominium in communi: ipse enim dicit, quod sicut non potest dividi aer, nec splendor solis, ita nec reliqua, quæ communiter data sunt ad habendum dividi debere: ex quibus verbis clare patet philosophum dixisse ita temporalia fuisse data communiter omnibus ad habendum: et si data fuerint ab illo, qui dare potuit, scilicet Deo, et ei qui capax fuit, scilicet homini, sequitur quod eorum dominus factus fuit. Nec philosophus inducit comparationem aeris et splendoris solis ad temporalia respectu domini, ut sicut non habebant dominium aeris et splendoris solis, sic nec haberent dominium temporalium rerum; sed respectu indivisionis tantum illam comparationem induxit, sic enim dixit: Et sicut non potest dividi aer, nec splendor solis: ita nec reliqua, quæ communiter data sunt hominibus ad habendum, dividi debere, sed communia sunt habenda. De aere tamen D. Augustinus in lib. De Libero Arbitrio sic dicit: Si aliquid aeris, quod ego reddidero, possis tu ducere; illud tamen non poteris, quod in meum cessit alimentum: nam et a naribus alimenta nos capere medici docent, quod alimentum aspirando solus sentire possum, et redando non possum restituere, ut a te ductum naribus censeatur.

« Adhuc ad ostendendum, quod in rebus usu consumptibilibus usus facti possit a dominio separari, adducit quod legitur Luc. xix ubi Dominus servo, cui pecuniam ad negotiandum tradiderat et eam tenerat otiosam, dixit: *Serve nequam, quare non dedisti pecuniam, et ego veniens usus exegissem illam?* ex qua auctoritate patet, ut dicit quod in pecunia prædicta servus usum habebat actualiter, et dominus proprietatem ejusdem: quare cum pecuniam esse de rebus usu consumptibilibus lex præallegata superius testetur expresse, secundum cum prædicta doctrina sancto Evangelio contradicit. Ad hoc dicendum quod, sicut probatum est supra, impossibile est in rebus usu consumptibilibus quemquam usum habere vel simplicem facti usum. Nec obstat Scriptura

prædicta: usus enim pecuniæ, imo potius abusus, non est ipsam simpliciter alicui tradere, sed taliter tradere quod consumpta quoad dominium censeatur. Unde licet servus actualiter pecuniam mutuandi traderet per traditionem solam sine translatione domini, nequaquam usum, sed abusus potius fuisse pecuniam potest dici: sed per translationem domini habetur pro consumpta pecunia, quam quidem translationem non servus, sed dominus, ejus nomine libal mutuum, facit: unde cum servus nomine domini mutuasset, ipse dominus videtur usus, imo abusus potius fuisse pecunia, et non servus. Præterea servus, qui jussu domini pecuniam mutuat, non debet dici habere usum, seu abusum simplicem facti, cum jus habuerit pro concessione hujusmodi mutuandi.

39. « Rursus dicit, quod prædicta assertio determinationi sanctæ Romanæ Ecclesiæ obviat et repugnat, quia in Decret. quæ incipit, *Exiit*, per universalem Ecclesiam, ut dicit, approbata et in Viennensi Concilio confirmata diffinitur, quod fratres Minores habent usum facti omnium rerum, quibus utuntur absque omni dominio et proprietate; de quo usu sic dicit, quod usus non juris, sed facti tantummodo nomen habens, quod facti est tantum in utendo, præbet utentibus nihil juris; manifestum est autem, ut dicit, quod fratres Minores habent tantum usum facti rerum usu consumptibilium; ergo in rebus usu consumptibilibus potest usus facti proprietatem et dominio separari. Ad hoc dicendum, quod sicut dicit dicta Constitutio *Ad Conditorem*, verba prædicta intellexit conditor illius canonis *Exiit*, de rebus quæ non consumuntur usu, quod per præcedentia et subsequencia probatur satis clare; ante enim proposuerat quæ sequuntur: Cum in rebus temporalibus sit considerare præceptum, proprietatem, possessionem, usumfructum, jus utendi et simplicem facti usum, etc. postea sequitur, concedens fuit ei professioni, quæ sponte devovit, Christum pauperem in tanta paupertate seclari, necessario usu facti fore contentam. Cum autem prædicta, scilicet proprietatem, ususfructus, jus utendi et usus facti sumptus proprie nequeant in rebus usu consumptibilibus reperiri, sed proprietatem tantum, ut patet ex definitionibus ususfructus et usus; apparet, quod de rebus usu consumptibilibus, in quibus præmissa nequeant reperiri, non intellexit conditor canonis verba illa: Hoc etiam apparet per ea, quæ in eadem Constitutione postea sequuntur: sequitur enim: Quod prædicti, scilicet fratres, sint usu facti contenti, non obviat, quod civilis providentia in humanis rebus constituit, videlicet non posse usum vel usumfructum a dominio perpetuo separari, ne dominum semper, abscedente ab eo usufructu, dominis inutile redderetur. Quæ quidem lex de rebus illis intelligitur, quarum penes unum usus rei, et penes alium dominium possit, licet inutile, remanere: quod nequaquam in rebus usu consumptibilibus potest

esse, cum in illis per usum seu abusu ususarii substantia talis rei esse desinat, et per consequens proprietas etiam inutilis non subsistat; sicut dicitur in Constitutione *Ad Conditorem* supradicta. Si autem velit iste hæreticus, quod dicta Constitutio *Exiit* definire quod fratres Minores in rebus usu consumptibilibus habeant simplicem facti usum, dicimus quod diffinivit impossibile, et per consequens de jure diffinitio non teneret: cum enim sit impossibile in rebus usu consumptibilibus usum juris vel facti habere a dominio separatum, cum hoc rationi obviet et juri repugnet, statutum a quocunque factum in contrarium non teneret. Item in hoc quod dicit, quod dicta Constitutio *Exiit* fuit per universalem Ecclesiam approbata; dicimus quod quantum ad hoc, scilicet quod fratres Minores in rebus usu consumptibilibus habeant usum facti, nunquam fuit per universalem Ecclesiam approbata; dicitur us etiam, quod non fuit in Viennensi Concilio confirmata, nec hoc poterit per Constitutionem aliquam vel aliquas apparere, imo nec de fratrum consilio promulgata.

40. « Adhuc dicit iste hæreticus, Constitutionem prædictam *Ad Conditorem* errorem alium continere in eo quod continet quæ sequuntur: Rursus nec simplex usus facti, qui nec est servitus, nec pro illo competit jus utendi in talibus rebus, scilicet usu consumptibilibus, potest constitui vel haberi: cum enim uti re aliqua nihil aliud sit proprie quam fructus rei seu utilitatem aliam in solidum vel pro parte recipere, quæ ex ea possunt salva rei substantia provenire, restat quod re illa nisi quis nequeat, ex qua ejus salva substantia nulla potest sibi provenire utilitas, quales res usu consumptibiles esse constat. Ex quibus patet quod nec usus, qui est servitus personalis, nec jus utendi, quod non est servitus, sed mere jus personale, nec actus ipse utendi sine jure aliquo possunt in rebus usu consumptibilibus constitui vel haberi; cum quodlibet premissorum exigit quod ex re ipsa, salva rei substantia, possit habenti jus utendi, seu utenti ex re ipsa utilitas aliqua provenire; quod utique nequit in rebus usu consumptibilibus reperiri ». Et infra: « Licet autem in rebus usu consumptibilibus, nec jus utendi nec ipsum uti possit constitui vel haberi, ipse tamen poterit quis abuti; abuti autem dum tractatur de rebus usu consumptibilibus, pro rei constructione sumitur, quod opponitur quod est uti. Ut quidem præsupponit quod cum usu salva rei substantia maneat: sed abuti exigit quod cum actu hujusmodi rei substantia consumatur, cum abuti nihil aliud, quam contra naturam usus uti, in hæc materia proprie dici possit. Hæc verba dictæ Constitutionis: ex quibus apparere dicit hæreticus supradictus, quod dicta Constitutio in eo quod dogmatizat, quod nec usus facti nec actus utendi haberi potest in rebus usu consumptibilibus; quodque rebus hujusmodi usu consumptibilibus nullus uti potest, quannvis eis possit abuti abusu,

qui contra naturam usus existit, sacræ Scripturæ obviat manifeste. Ad quod probandum inducit Levit. cap. fin. ubi dicitur quod *omnes decimæ terræ sive de frugibus, sive de pomis arborum Domini sunt*; et Numerorum xviii dicitur de Levitis, quod *nihil aliud possidebunt, decimarum oblatione contenti, quas in usus eorum et necessaria separavit*. Ex quibus liquere dicit, quod usus in rebus usu consumptibilibus ex Dei statuto habetur.

« Ad hoc dicendum, quod iste in prædictis manifeste se fundat in falsis: quod enim Leviticus in decimis tantum habuerint simplicem usum facti, falsum est et contradicit expresse illi cap. Numerorum xviii per ipsum allegato, ubi sic Dominus dicit: *Filiis Levi dedi omnes decimas Israel in possessionem pro ministerio, quo serviunt mihi in tabernaculo federis*. Ex quo patet, quod Levitæ non tantum usum in decimis, sed et dominium habuerunt. Nec obstat quod in eodem cap. dicitur, quod *in usus Levitarum et necessaria Dominus separavit decimas*: aliud enim est alieni dare in re aliqua usum facti, et aliud rem alicui in usus ejus necessariam dare, ut superius est ostensum. Ad illud autem quod dicit, quod usus in rebus usu consumptibilibus ex Dei statuto habetur, dicimus quod est falsum, quia in tota Scriptura sacra non habetur mentio de simplici usu facti.

41. « Adhuc dicit hæreticus prædictus, quod ubicunque Scriptura sacra de usu rerum consumptibilium usu loquitur, semper manifestat, quod quæ rebus usu consumptibilibus potest uti, et quod proprie contingit et veraciter eis uti, sicut patet ad Timotheum v ibi: *Utere modico vino*; et II Regum xiii. ubi cap.: *Filiæ regis virgines vestimentis laqueis modo utebantur*; et Numer. xviii cap. ibi: *Universa frugum initia, quæ gignit humus, et Domino departantur, cedent in usus tuos*; et parum post: *Cervæ vero in usum tuum cedent*; et Judic. xix ibi: *Habentes panem et vinum in tuos et ancillæ tuæ usus*; et Deuter. xxiv cap. in fine, et Josue v ibi: *Nec usi sunt ultra*, etc., et Levit. viii; ibi: *In usus varios*, etc., et Esther ii et Exod. xxviii. Item etiam patet secundum eum per auctoritates sanctorum, scilicet S. Clementis xn. q. i. c. *Dilectissimis*, et S. Augustini xii di. Ad hoc dicendum, quod Constitutio prædicta *Ad Conditorem* loquitur de usu et de uti secundum quod dividitur usus contra dominium et proprietatem, et contra usufructum et jus utendi secundum Decretalem illam *Exiit*, quæ dicit sicut ista, scilicet proprietatem, usufructum et jus utendi, ac simplicem usum facti in temporalibus reperiri, cuius gratia dicta Constitutio *Ad Conditorem* facta fuit.

42. « Iste etiam hæreticus ad ostendendum, quod pecuniæ inter res usu consumptibiles numeretur, allegat leges, ut ex prædictis patet: constat autem, quod secundum leges in rebus usu con-

sumptibilibus nec usufructus, nec jus utendi, quod est servitus, nec etiam jus utendi, quod non est servitus, sed mere jus personale potest constitui vel haberi, ut probatur ff. de usufructu earum rerum quæ usu consumuntur l. 1. et n. ff. de iurejurando. l. 1. Sed et si possessori §. Sed si rerum ff. commodati. l. 1. in §. fi. cum multis similibus. Item nec quisquam uti talibus rebus potest, sumendo proprie uti; usus enim seu uti, si sumatur proprie secundum leges, requirit quod ex re illa, in qua usum habere se asserit vel ea vult uti, possit fructus, vel utilitatem etiam assequi, salva substantia rei: quod non potest in rebus usu consumptibilibus reperiri; et ex hoc beatus Joannes Chrysostomus rationem reddit, quare mutuantur pecunia pro mercede pecuniam recipere nequeat licite, cum locus agrum vel domum, hanc licite recipere possit, ut dictum est supra. Ex quibus patet, quod in rebus consumptibilibus usu usus haberi nequeat, nec quis ipsis etiam uti possit: cum hoc iuri repugnet et obviet rationi. Licet autem in rebus talibus, scilicet usu consumptibilibus, usus vel uti locum sibi proprie non vindicat: consumptio tamen et actus consummendi locum habet, ut dicit Constitutio prædicta: quæ tamen non possunt dici simplicia, nec a rei, quæ consumitur, dominio separata, cum ipsa rei consumptione ejus dominium preat et prorsus esse desinat, ut probat dicta Constitutio *Ad Conditorum*, quæ sic dicit: Præterea si in rebus usu consumptibilibus possit usus constitui vel haberi, nequaquam simplex, nec a rei substantia proprietate, seu dominio separatus usus hujusmodi potest dici; cum per talem usum, id est utendi actum, et in ipso actu et cum ipso actu res hujusmodi consumatur, ac sine ipsius rei consumptione esse valeat usus talis. Ex quo patet, quod usus talis nec simplex, nec separatus a dominio dici possit; et hoc patet, cum per talem facti usum proprietates et dominium ipsius rei perire noscatur. Dicimus ergo, quod Decretalis *Ad Conditorum*, de non uti loquitur, sicut Decretalis *Exil* loquebatur: quæ de ipsis loquitur secundum quod leges loquuntur, secundum quas impossibile est, loquendo de illis proprie, sicut dicta Decretalis *Ad Conditorum* loquitur, et dicit ex parte in §. Rursus nec simplex usus facti, ibi cum dicit: Cum enim uti re aliqua nihil aliud sit proprie, etc. locum habeant in rebus consumptibilibus usu, sed in ipsis consumptio et consummendi actus locum habent, ut probatur ff. de usufructu earum rerum, quæ usu consumuntur l. 1. Hoc senatus §. 1. et §. fi. ff. de iurejurando. l. 1. Sed et si possessori, §. Sed si rerum. Licet autem, ut prædictum est, in rebus usu consumptibilibus usus, proprie loquendo, locum non habeat: tamen frequenter dicitur, quod quis in illis usum habeat, vel eis utitur: sed quoties hoc contingit, usus vel uti pro rei consumptione debent sumi. Sic dicimus, quod quoties sacra Scriptura usum in talibus rebus usu

consumptibilibus attribuit, pro rei consumptione ipsum sumit, ut patet in illa auctoritate: *Utere medico vino*; sumitur enim *Utere* ibi pro *consumere*, id est, pro bibere: constat autem vinum bibendo consumi. Et per hoc patet responsio ad illas auctoritates inductas, hoc salvo, quod Numerorum xviii, ubi dicitur: *Universa frugum initia, quæ Domino dep'ntantur, cedent in usus tuos*; falso modo inducitur, ut superius est ostensum.

43. «Adhuc iste hæreticus dicit, quod dicere, quod sint aliquæ res usu consumptibiles, et tamen non contingit illis uti, contradictionem implicat manifestam. Profecto per hoc ut ignarus et inscius legislatorem arguit, qui rubricam posuit *De usufructu earum rerum, quæ usu consumuntur*: unde Constitutio loquitur secundum quod legislator et leges plerumque loquuntur, sumendo usum pro abusu, id est, pro consumptione rei: quia nec alius usus, videlicet nisi consumptio in rebus usu consumptibilibus potest esse; et ideo dici ff. de iurejurando l. 1. Sed et si possessori §. Sed si rerum, sic: Si rerum, in quibus usus-fructus constitui non potest, propter abusum, id est, propter rei consumptionem, etc. Et glo. super rubricam illam ff. de usufructu earum rerum, quæ usu consumuntur, super illo verbo, usu, dicit, id est quasi usu; et expresse ibi innuit, quod usus ibi ponitur improprie.

«Adhuc dicit iste hæreticus, quod cum secundum Augustinum lib. 1 de Doctrina Christiana, abusus sit illicitus usus, ex prædictis sequi videtur, quod Christus et Apostoli et alii sancti viri, quoties actus comedendi et bibendi et induendi exercuerunt, toties rebus hujusmodi sunt abusi; quod sentire vel dicere est impium et blasphemum. Ad quod dicimus, quod Christus et Apostoli et alii sancti viri panem comedendo et vinum bibendo abusi sunt rebus illis, sicut abusus in Constitutione prædicta sumitur, in qua pro rei consumptione sumitur, sicut patet ex ejus serie manifeste. Sed contra hoc dicit hæreticus prædictus, quod hoc, videlicet quod abuti sumitur pro consumptione rei, non valet, tum quia quod sic debeat accipi, nec ratione nec auctoritate probatur, tum quia abuti re, non voce semper in mala significatione sumitur, sicut patet Genes. cap. xxxiv et Esther ult. et I ad Corinth. ix et aliis pluribus locis. Ad hoc dicimus, quod illud quod dicit, nec ratione nec auctoritate probari, quod verbum abuti pro rei consumptione sumitur, evidenter est falsum: in lege enim ff. de usufructu earum rerum, quæ usu consumuntur l. 1. Hoc senatus §. Si pecunie, dicitur sic: Si pecunie sit usufructus legatus, vel earum rerum, quæ in abusu consistunt, nec cautio interveniat, videndum timo usufructu ab pecunia, quæ data sit, vel cætera res, quæ in consumptione consistunt, condici possunt. Ubi patet, quod legislator in rebus, quæ usu consumuntur promiscue utitur verbis istis, abusu videlicet et consumptione. Et

eadem l. § fi. dicitur sic : Quæ in usufructu pecunie diximus vel ceterarum rerum, quæ sunt in abusu, eadem et in usu dicenda sunt. Item fl. de ju. ejur. l. Sed et possessori §. Sed si rerum, dicitur sic : Sed si rerum in quibus usufructus propter abusus, id est propter rei consumptionem, constitui non potest, etc. ubi aperte abusus pro consumptione recipit legislator. Ex quibus patet, quod leges legentes proprie de rebus quæ usu consumuntur, negant usum in illis locum habere, et abusus locum habere concedunt : qui quidem abusus, id est rei consumptione, si fiat ab eo, cui jus abutendi, id est consumendi competit, erit licitus ; si vero ab eo, cui jus non competit, illicitus est censendus. Item quod abusus pro consumptione ponatur, congruit rationi ; præposito enim sensum dictionis, cui per compositionem apponitur, augere vel diminuire consuevit : unde patet quod rationi congruit, quod per illam præpositionem, ab. sensus dictionis usus, cui per compositionem apponitur, augeatur. Falsum insuper dicit in eo quod dicit, quod abusus quoties re, non voce dicitur, accipitur in mala significatione : in legibus enim imperatorum abusus, cum de rebus usu consumptibilibus agitur, in bona parte communiter sumitur, ut superius est probatum. Adhuc reperimus, quod in Scriptura sacra abusus in bona significatione sumitur ; unde Jeremia xviij propheta deo loquens dicebat sic : *Fiant corruentes in conspectu tuo : in tempore furoris tui abutere eis* ; ubi abutere non pro actu illicito, sed pro licito debet sumi, cum in deo abusus in mala significatione sumptus non cadat : tantum autem videtur dicere, *abutere eis*, ac si diceret, consume eos ; sique patet quod abusus etiam in sacra Scriptura pro consumptione sumitur, et in bona significatione.

44. « Adhuc dicit iste maledictus hæreticus, quod dicta definitio, quam dat de uti dicta Constitutio, non est vera definitio nec consona definitionibus, quas dant sancti. Ad hoc dicimus, quod illa definitio, descriptio seu notificatio, quam dat dicta Constitutio de uti, conveniens est et vera : dicit enim, quod uti re aliqua nihil aliud est proprie quam fructus rei seu utilitatem aliam in solidum vel pro parte recipere, qui ex ea possunt, salva rei substantia, provenire. Et quod sit conveniens patet, usus enim definitur sic : *Usus est jus utendi rebus alienis, salva rei substantia* ; ex quo sequitur quod uti, proprie loquendo, requirit quod cum ipso usu remaneat substantia salva rei, et quod ex ea possit utenti utilitas aliqua provenire. Ad illud autem quod dicit, quod dicta definitio non est consona definitionibus, quas dant sancti ; dicimus quod non est inconveniens, quod ejusdem rei diversimode considerate dentur definitiones diversæ : sancti autem, qui ipsum uti definiunt, ipsum uti sumunt aliter quam sumat Constitutio antedicta, respectu enim finis ipsum uti accipiunt, videlicet ad quem finem res, quibus

utimur, ordinantur, et secundum hoc dicit Augustinus, quod uti est res, quæ in usum veniunt referre ad ea, quibus est fruendum ; Decretalis autem *Exult*, cuius occasione Constitutio *Ad Conditorum* facta fuit, de usu loquitur non prout res ad finem est ordinabilis, sed prout contra dominium, seu contra proprietatem ac usufructum, sive jus utendi dividitur ; et ideo non est mirum, si per sanctos aliæ definitiones de usu datæ fuerint, cum ipsum uti aliter sumperint, quam sumat Constitutio antedicta.

45. « Præterea iste hæreticus loquendo de usu et de uti extra modum loquendi Scripturæ sacræ et sanctorum se opponit : dicit enim in rebus usu consumptibilibus locum habere absque jure aliquo simplicem usum facti ; profecto modus iste loquendi nec in Novo Testamento, nec in Veteri, nec in scripturis sanctorum aliquibus, sicut credimus, poterit reperiri. Præterea advertat iste hæreticus, si Augustini definitio conveniat dictis suis. Item dicit, quod in rebus usu consumptibilibus potest haberi usus simplex facti a dominio separatus ; Augustinus autem dicit, quod uti est res, quæ in usum conveniunt, referre ad ea, quibus est fruendum ; procudubio dicta definitio ejus dictis non convenit, cum de rebus loquitur dicta definitio, et ipse de simplici usu facti dicendo : Uti est res, quæ in usum, etc.

« Adhuc dicit iste hæreticus, quod prædicta assertio determinationi sanctæ Romanæ Ecclesiæ obviat in prædicta Decretali *Exult*, sic dicente : In his, quæ ad victum et vestitum, et divinum cultum ac sapientiale studium pertinent, necessariarum usum rerum fratribus esse concessum. Ex quibus verbis colligitur evidenter, quod contingit in rebus pertinentibus ad victum et vestitum, quatenus constat esse res usu consumptibiles, fore usum. Dicimus quod per verba illa non concessit fratribus simplicem facti usum ; imo hoc ipso, quod ipsis usum concessit, si concessio valuit, ipsis jus utendi concessit : et sic in illis non habent simplicem usum facti. Et si dicat, quod imo nullum jus eis concessit ; dicimus, quod quantum ad res usu consumptibiles posuit usum improprie pro rei consumptione : nec est novum, quod idem verbum ponatur proprie et improprie respectu diversorum. Præterea Decretalis prædicta dixit, necessariarum usum rerum in his, quæ ad victum et vestitum pertinent, fratribus esse concessum ; non dixit usum facti : et sic nihil facit pro eo. Et si omnino dicat, quod conditor canonis intellexit de usu facti, sumendo usum proprie ; dicimus, quod cum in talibus rebus usus const tui nequeat neque haberi, ut probat dicta Constitutio et est probatum supra in primo articulo, dicta Constitutio contineret quantum ad hoc impossibile ; et per consequens cum Constitutio possibilis esse debeat, non valeret ; non tamen fuit illa conditoris intentio, ut probat Constitutio *Ad Conditorum* antedicta.

46. « Rursus dictus hæreticus dicit, dictam Constitutionem *Ad Conditorem* errorem alium continere in eo, quod continet quæ sequuntur : Præterea, inquit, si simplex facti usus absque jure utendi haberi posset ab aliquo, constat quod non justus esset actus utendi hujusmodi reputandus, cum ille usus fuerit, cui jus non competebat utendi ; talis autem usus, scilicet non justus, ad perfectionis statum nequaquam pertinet, nec perfectionem adjicit ; sed potius sibi repugnare et detrahere noscitur manifeste. Et infra loquens de usu facti concessio fratribus, secundum quod in Decretali *Exiit* continetur, sic dicit : Ex quo sequitur, quod usus facti de quo ordinatio loquitur, de tali intelligi debeat, qui justus sit, id est pro quo competit jus utendi. Item iste hæreticus, volens imponere Constitutioni quod non dicit, dicit quod dicta Constitutio intelligit loqui de jure utendi civili et mundano, quod est jus proprium, pro quo datur actio in judicio : sic patet ut dicit, in hac Constitutione *Ad Conditorem* et in Constitutione, quæ incipit *Quia quorundam*, in qua, ut dicit, hoc manifestat aperte, de quo asserti se inferius diciturum : hoc autem asserti obviare sacræ Scripturæ, dicenti Mat. xix in persona Apostolorum : *Ecce nos reliquimus omnia*, etc. ex qua, ut dicit, per doctores Catholicos patet, quod reliquerunt jus agendi in judicio, quod non stat cum tali perfectione supererogationis, quæ implicat ad peccatum, sicut probat Apostolus I ad Cor. vi dicens : *Jam quidem omnino delictum est in vobis, quia judicia habetis inter vos* ; et ideo, ut dicit, Christus injunxit perfectis, ut non litigent, neque contendant in judicio, Matth. v et Luc. vi. Ad hoc dicimus, quod dicta Constitutio aperte et expresse loquitur de usu, pro quo competit jus utendi, quod est aliud a jure agendi : potest enim alicui competere jus utendi, cui tamen non competit jus agendi : quare dicimus, quod imponit Constitutioni, quod non intellexit, nec dicit. Utrum autem tale jus sit mundanum et civile, et an pro illo Apostolis competierit jus agendi, dicitur inferius in his, quæ opponit iste hæreticus contra Constitutionem, *Cum inter*. Item in hoc quod dicit, quod Constitutio *Quia quorundam* continet manifeste, quod intelligitur de jure civili et mundano, quod est proprium, mentitur aperte ; imo dicta Constitutio dicit clare, quod jus utendi communis fratrum extitit ; cum enim Innocentius et Alexander in suis declarationibus regule fratrum Minorum dixerint, quod locorum, domorum et utensilium et librorum, quæ licet habere Ordini, habeat Ordo usum ; dicta Constitutio *Quia quorundam*, volens probare, quod illud de usu juris intelligi debeat, sic subjungit : Cum enim dicatur in declarationibus supradictis, quod Ordo usum rerum habeat permissarum, ad usum juris necesse est hoc referri. Facta quidem, quæ singulariter sunt, personam veram exigunt et requirunt : Ordo autem vera persona non est, sed representata et imagi-

naria potius est censenda ; quare quæ facti sunt, sibi vere convenire nequeunt, licet ei possint congruere, quæ sunt juris. Ex quibus patet, quod dicta Constitutio jus utendi non dicit esse proprium, sed toti universitati convenire.

« 47. Item dicit hæreticus iste, quod si usus posset separari a jure utendi, usus a jure utendi separatus non esset injustus ; quia aliud est habere jus utendi et aliud licentiam utendi ; et ideo, quamvis usus absque omni jure et licentia utendi esset illicitus, usus tamen absque jure utendi, cum licentia tamen utendi, nequaquam illicitus esset censendus. Secundum hoc iste hæreticus inter jus et licentiam videtur facere differentiam, supponens quod aliquis habeat utendi licentiam ab eo, qui eam potest concedere, et quod non habeat jus utendi, quod tamen evidenter est falsum : si enim aliquis licentiam concedat alicui utendi re sua usibili, ita quod licentia teneat, constat quod iste habeat jus utendi re illa, cui licentia est concessa. Hinc est, quod licet religiosus in concordia extra suum monasterium electus sine sui superioris licentia jus consentiendi non habeat ; oblenta tamen licentia, jus habebit consentiendi, Extr. de electione c. Quare sit li. vi et c. Si religiosus cum similibus multis. Præterea autem iste hæreticus dicit, quod iste, cui utendi re aliqua licentia est concessa, juste re illa utitur, aut quod injuste, aut quod nec juste re illa utitur nec injuste. Si dicat, quod injuste, concordat utique cum Constitutione prædicta, quæ vult, quod qui sine jure utitur, utatur injuste : si dicat quod juste utitur, sequitur per consequens, quod et jure, quia quod juste sit et jure fit, Extr. de verborum significatione c. Jus dictum est xiv. q. iv c. Quid dicam. Si dicat autem quod ille, cui est licentia utendi concessa, nec juste utatur nec injuste, hoc est falsum : impossibile est enim actum humanum individualem indifferenter esse, id est nec bonum nec malum, nec justum nec injustum : cum enim actus humanus dicatur qui ex deliberata voluntate procedit, et per consequens qui fit propter aliquem finem, qui quidem obiectum noscitur voluntatis ; oportet, quod si finis actus sit bonus, et ipse actus sit bonus ; si vero finis sit malus, oportet quod actus sit malus, quia sicut Augustinus in lib. de Moribus Ecclesie dicit, secundum quod finis est culpabilis vel laudabilis, secundum hoc laudabilia et culpabilia sunt opera nostra. Nec obstat si dicatur, quod imo Isidorus inter justum et injustum ponere medium fas videtur, dicens, quod ire per agrum alienum fas est, jus non est : Isidorus enim diviserat legem inter divinam et humanam, et imposuerat nomina istis legibus dicens, quod fas lex divina est, jus lex humana ; unde volens de his exemplum dare subjungit : Ire per agrum alienum fas est, id est, de jure divino licitum est, jus non est, id est de jure humano non licet, ut patet dist. i c. Omnes leges. Non ergo voluit Isidorus inter justum et injustum fas pro medio ponere, sed declarare, quod aliquid

de jure divino licet, quod de jure humano non licet.

« Adhuc iste hæreticus dictam Constitutionem salagit impugnare in eo, quod probare intendens, quod simplex usus, id est, sine jure utendi a proprietate seu dominio separatus in re usu consumptibili haberi non possit, sic dicit : Præterea quod simplex usus sine jure utendi a proprietate seu dominio separatus in re usu consumptibili haberi nequeat, sic probatur ; si enim haberi posset usus talis aut ante ipsam actum, aut in ipso actu, aut post actum completum hujusmodi haberetur : quod autem hoc fieri nequeat ex hoc patet, quia quod non est nequaquam haberi potest : patet autem, quod actus ipse antequam exerceatur, aut etiam dum exercetur postquam perfectus est in rerum natura non est. Ex quo sequitur, quod haberi minime potest : licet enim ante actum ipsum quis facultatem habeat ipsum exercendi ; per hoc tamen actus ipse in rerum natura nisi in primo non existit : cum autem actus est in fieri, nec adhuc est in rerum natura, cum esse rem perfectam significet, quod quando est in fieri non potest actui convenire : quod enim de actu, qui est in fieri, præterit jam non est : quod autem sit instantaneum est, seu momentaneum est, et tale, quod magis intellectu percipi potest, quam sensu. Adhuc post completum actum, licet si ex ipso facto producta res aliqua fuerit, res ipsa haberi non valeat ; factum tamen ipsum, quod jam transiit, non habetur. Hæc verba ipsius Constitutionis, ex quibus concludere nititur hæreticus supradictus, quod prædicta probio gesta Christi et Apostolorum destruit, quæ sacra Scriptura eos fecisse testatur, scilicet quod si actus utendi haberi non possit, quia in rerum natura non est, nec antequam fiat in rerum natura non sit, nec dum fit, nisi pro instanti, nec postquam perfectus fuit ; per consequens sequitur, quod nec aliquid fieri possit, cum factum antequam fiat in rerum natura non sit, nec dum fit, nisi pro instanti ; nec postquam fuerit perfectum. Proculdubio ista consequentia est falsa, et est potius totum contrarium concludendum, videlicet quod si actus utendi, quia in rerum natura non est, haberi non potest, concludi debeat quod, quia factum in rerum natura non est, fieri non possit : sicut enim quod non est haberi non potest, sic quod est factum fieri nequit : unde si actus utendi haberi non possit, quia in rerum natura non est, sequitur quod non factum, quia in rerum natura non est, fieri possit. Rursus dicit iste hæreticus, quod per rationem prædictam sequeretur, quod nec usus rerum usu consumptibilium etiam conjunctus cum proprietate seu dominio haberetur possit : quod de usu facti utique nos fatemur, et idem dicimus de rebus non consumptibilibus usu, licet enim illis quis de facto uti valeat, habere tamen nequit in talibus usum facti, ut ex prædictis patet.

48. « Præterea dicit iste hæreticus, quod dicta

Constitutio falsum includit in eo quod dicit, quod si in rebus usu consumptibilibus possit usus constitui vel haberi, nequaquam simplex separatus a proprietate seu dominio usus hujusmodi possit dici, cum per talem usum, id est utendi actum et in ipso actu et cum ipso actu res hujusmodi consumatur, in ipsiusque rei exerceatur substantia, nec sine ipsius rei consumptione esse valeat talis usus : dicit enim quod prædicta Constitutio intelligit, quod statim et ultimate in actu utendi res hujusmodi consumatur, cum manifestum sit, quod vestes non statim in primo actu utendi ultimate et omnino consumuntur ; sicut etiam panis non statim in principio actus consumitur : et sicut non est inconveniens, quod dominus habeat dominium domini servi comedentis, ita non est inconveniens, quod dominus habeat dominium cibi vel potus existentium in ore servi. Ad quod dicendum, quod iste hæreticus manifeste imponit Constitutioni quod non intellexit nec dixit, videlicet quod in primo actu utendi ultimate et omnino res usu consumptibiles consumantur ; sed intellexit et evidenter expressit, quod per usum perfectum, per quem res dicuntur usu consumptibiles, consumantur : dixit enim, quod per talem usum, id est, utendi actum et in ipso actu res hujusmodi consumuntur : posuit enim copulative utendi actum et in ipso actu et cum ipso actu ; unde satis expressit, quod non per ipsius actus principium consumantur res hujusmodi, sed per actum perfectum. Item subiunxit, quod actus utendi in ipsius rei, scilicet consumptibilis usu, exerceatur substantia, nec sine ipsius consumptione esse valeat usus talis : unde cum dicat, quod sine rei consumptione esse valeat usus talis, satis evidenter expressit, quod de usu illo, per quem res consumitur, non de ejus principio intellexit.

49. « Rursus dicitur hæreticus dictam Constitutionem impugnare nititur in eo quod dicit, quod retentio domini, quam summus Pontifex fecit in rebus, quæ ad fratres Minores obveniant, vel in posterum obveniant dictis fratribus, quantum ad statum perfectionis nequaquam profuit, quantum ad hoc, quod propter carentiam talis domini se pauperiores dicere valeant, quam si res illas cum dominio illo, quo carere se dicunt, obtinerent, et infra : Talis enim carentia domini re in presenti et in spe in futurum, omni commodo denudati, pauperiorem non efficit non habentem ». Et infra : « Nolentes in posterum, quod sub præfatu seu pallio talis domini verbalis, nudi et enigmatici fomentum tantis malis, quanta procedunt ex simulatione hujusmodi, ministraret, sancimus, etc. Prædicta verba secundum istum hæreticum sacre Scripture, ac doctrina Evangelice et Apostolice et sancte matris Ecclesie obviant et repugnant : nam ex Scriptura divina superius, ut asserit, est ostensum, quod Apostoli et eos sequentes viri perfecti ex consilio Christi proprietatem et dominium rerum temporalium omnium reliquerunt, usu

rerum necessarium ad vitæ humane sustentationem, cui non est licitum renuntiare, contenti: constat autem secundum ipsius, quod dominium, quod Apostoli in omnibus rebus temporalibus, quarum usum habebant, ex Christi consilio reliquerunt, fuit omni temporali comodo, usu scilicet utili denudatum; sicut manifeste patet in rebus, quarum proprietatem et dominium, usu retento, prout Evangelica testatur historia, reliquerunt; cum in consilio a Christo dato de rebus temporalibus abdicandis abdicatio proprietatis et dominii earum rerum et non usus, ut superius ostenditur, includatur. Si ergo carentia talis dominii ad perfectionem non pertinet, nec pauperiorem efficit non habentem, sicut dicta Constitutio dogmatizat; sequitur quod Christus simulatam et falsam doctrinam tribuerit volentibus perfectionem attingere, quod omnia temporalia quoad proprietatem et dominium relinquere consulendo; et quod Augustinus et Hieronymus doctores Ecclesie et alii sancti patres religionum institutores erraverunt, qui dictum Christi consilium sequi volentes, abdicationem proprietatis et dominii omnium rerum sunt professi.

50. « Profecto iste hæreticus, ut prævaricator legis notorie verba Constitutionis predictæ truncate recitat, illa quæ ejus defectum manifeste insinuant, omitendo: intendit enim probare dicta Constitutio, quod retentio dominii predicta, facta per summum Pontificem, quantum ad statum perfectionis nequaquam predictis fratribus profuit: quam probationem omittit dictus hæreticus, quæ talis est, ut ex dictæ Constitutionis tenore manifestus liquet. Quod enim, inquit, quantum ad statum perfectionis nequaquam eis profuerit retentio dominii supradictæ, patet: cum enim perfectio vitæ Christianæ principaliter et essentialiter in charitate consistat, quæ ab Apostolo vinculum perfectionis dicitur, et quæ unit se jungit aliquantulum hominem suo fini, ad quam per contemptum honorum temporalium et ipsorum expropriationem via disponatur, per hoc præcipue quod sollicitudo, quam ipsa temporalia in acquirendo, conservando et disponendo exigunt, quæ plerumque ab actu charitatis retrahit amputetur: restat, quod si sollicitudo eadem post expropriationem hujusmodi, quæ ante ipsam inerat perseveret, ad perfectionem hujusmodi talis expropriatio valeat nil conferre. Constat autem, quod post ordinationem predictam non fuerunt in æquidistans, ad conservandis bonis predictis in iudicio, et extra iudicium minus solliciti, quam ante ipsam fuerant fratres ipsi: quanquam sint religiosi mendicantes alii, habentes aliqua in comuni. Credimus itaque, quod nullus sapiens probationem hujusmodi reprobabit, propter quod ipsam hæreticus non expressit. Item intendit probare dicta Constitutio, quod quantum ad hoc, quod propter carentiam talis dominii se pauperiores fratres ipsi dicere valeant, quam si res ipsas cum illo, quo carere se

dicunt dominio obtinerent, non profuit retentio dominii supradicta, quod ut sequitur probat: Licet enim prædecessor noster predictus dominium illarum rerum, quæ ipsis fratribus offerri, seu conferri, aut alias obvenire contingerent, quarum tamen usum Lecti habere licet Ordini vel fratribus antedictis, usu simplicis facti predictis fratribus reservato, in se et Rom. Ecclesiam recipiendum duxerit, ac libere pertinere decreverit, ut superius est expressum; attento tamen ipsorum fratrum utendi modo et ejus effectui, et patientia circa modum Romanæ Ecclesie subsecuta, non ipse usus fratrum dici debet; sed potius Romanæ Ecclesie dominium esse simplex. Quis enim simplicem usarium dicere poterit, cui rem usariam Lecti permutare, vendere aut donare? Proculdubio hæc naturæ repugnant usuarii, nec ad usarium pertinent: quæ tamen de rebus mobilibus antedictis faciunt fratres ipsi. Quod autem dominium Romanæ Ecclesie reservatum simplex censi debeat, ex hoc patet, quod ex illo nullum Ecclesie eidem temporale obveniret hactenus commodum, nec speratur quod obvenire debeat in futurum; cum nec intentio reservantis, nec fratrum ipsorum fuerit, quod ad quemcumque alium, quam ad fratres dictarum rerum perveniret compendium, quod proculdubio modus ipsorum fratrum et Romanæ Ecclesie subsecuta patientia evidenter declaravit. Et quod talis fuerit intentio ordinantis, etiam ex hoc patet, quod illarum rerum sibi et Ecclesie Rom. dominium duntaxat retinuit, quarum usum facti liceret habere Ordini et fratribus antedictis: talis autem domini carentia re in presenti et spe in futurum, omni comodo denudati quoad paupertatem temporalem, quam altiore præ mendicantibus aliis, in communi habentibus, sibi vindicant fratres antedicti, pauperiorem non efficit non habentem. Ex predictis probatum evidenter credimus, quod attento usu dictorum fratrum rerum, in quibus usum facti simplicem asserunt se habere, et patientia Apostolicæ Sedis, eos pauperiores carentia talis domini non efficit.

51. « Ad hoc autem quod ipse dicit, quod ex hoc sequitur, quod Christus simulatam et fallacem doctrinam tribuit volentibus ad perfectionem attingere, quod omnia temporalia quoad proprietatem et dominium relinquere consulendo; dicimus falsum esse, quod consuluerit Apostolis et discipulis suis ad minus, quod non haberent in comuni: et de hoc dicitur latius in objectionibus contra Constitutionem *Cum inter*, per istum hæreticum factis. Ad illud autem quod dicit, quod etiam ex predictis sequitur, quod Augustinus, Hieronymus et alii sancti patres religionum institutores erraverunt, qui dictum Christi consilium sequi volentes, abdicationem proprietatis et dominii rerum omnium sunt professi; dicimus quod mentitur aperte, quia nullus eorum, exceptis fratribus Minoribus, abdicarunt a se nec suis fratri-

tus res quantum ad proprietatem et dominium in communi: imo eis secundum suas regulas Leet, et Leet habere etiam res nichil les in communi. Ad illud autem, quod inducit Leviticus ultimo, ubi dicitur, quod omnes decimæ terre sive de frugibus, sive de pomis arborum Domini sunt et illi sanctificantur; et quod Num. cxxv. ubi loquens de perfectione levitarum Dominus dicit: *Nihil aliud possidebunt, decimarum oblatione contenti, quæ in usus eorum et necessaria separavi*. In usum, inquit iste hæreticus, non in dominium dixit, profecto per hoc se pravificatorem legis manifeste ostendit: in illo enim cap. Num. xvm expresse dicitur, quod Dominus dedit levitis dominium decimarum: et ad quid daret eis declaravit, dicens, quod in usus eorum et necessaria decimas huiusmodi separabat; non autem dixit, quod usu facti levitæ essent contenti: multum autem refert utrum res aliquas aliquibus detur in usum et necessaria, an usus in re aliqua, seu rei alienius alicui concedatur, sicut plenius et latius est superius, ubi induxit eadem capitula, declaratum. Ad id autem quod dicit, quod hoc est contra determinationem Ecclesiæ factam in cap. *Exilii*, superius satis est responsum.

52. « Rursus dicitur hæreticus Constitutionem cum inter nonnullos satagit impugnare dicens, quod dicta Constitutio declarat fore censendum hæreticum affirmare deinceps Dominum nostrum Jesum Christum ejusque Apostolos non habuisse aliquid in speciali nec etiam in communi, et insuper hæreticum dicit fore censendum affirmare Christo et ejus Apostolis in his, quæ eos habuisse sacra Scriptura testatur, non competisse jus utendi, nec illa vendendi seu donandi jus habuisse, aut ex ipsis alia acquirendi; dicitur quod hæreticus iste Constitutionem imperfecte recitat quantum ad ultimam partem ejus; quia post illud verbum: Nequaquam ipsis jus utendi, omittit, seu consumendi, quod immediate sequitur illi. Item post verbum illud, aut ex ipsis alia acquirendi, omittit quæ sequuntur, scilicet, quæ tamen ipsos de præmissis fecisse Scriptura sacra testatur, seu ipsos potuisse facere supponit aperte. Unde ut melius ejus fraus et malitia delegatur, textus dictæ Constitutionis partis ultimæ noscitur esse talis: Rursus in posierum pertinaciter affirmare, quod Redemptori nostro prædicto ejusque Apostolis in his, quæ eis habuisse Scriptura sacra testatur, nequaquam jus ipsis utendi seu consumendi competierit, nec illa vendendi seu donandi jus habuerint, aut ex ipsis alia acquirendi, quæ tamen ipsos de præmissis fecisse Scriptura sacra testatur, seu ipsos potuisse facere, supponit aperte; cum talis asseveratio ipsorum usum et gesta evidenter includat in præmissis non iusta, quod utique de usu et gestis seu factis Redemptoris nostri Dei Filii sentire necesse est, Scripturæ sacræ contrarium, ac doctrinæ Catholicæ minime, asseverationem ipsam pertinaciam de fratrum co-

muni consilio deinceps erroneam fore censendum merito, hæreticamque declaramus, etc.

« Dicit ergo hæreticus iste, quod dicta Constitutio, cum de habere et eo competere loquitur, intelligit de habere seu competere jure proprietatis seu domini civilis seu mundani, per quod contenditur seu in judicio litigatur: et quod de tali intellexerit, patet ut dicit, quia dicta Constitutio evidenter includit, quod Christus et Apostoli in his rebus, quas ipsos habuisse sacra Scriptura testatur, jus vendendi et donandi, seu alia ex ipsis acquirendi habuerunt; quod jus a jure humano fuisse introductum manifestum existit. Profecto iste hæreticus imponit Constitutioni, quod ipsa non dicit: Constitutio enim dicit, quod pertinaciter affirmare Christum et Apostolos in his, quæ eos habuisse sacra Scriptura testatur, jus ipsis utendi seu consumendi non competierit, vel illa vendendi seu donandi jus non habuerint, aut ex ipsis alia acquirendi; quæ tamen ipsos de præmissis fecisse Scriptura sacra testatur, seu ipsos potuisse facere supponit aperte, hæreticum est censendum: et tamen licet de jure domini seu proprietatis nullam faciat mentionem, ipse tamen imponit ei, quod intellexerit loqui de jure proprietatis et domini civilis et mundani, per quod contenditur et in judicio litigatur; et hoc ex eo, quia jus emendi, vendendi et donandi, quod dicta Constitutio Christum et Apostolos asserit habuisse, ab humano jure introductum fuisse manifestum existit: et idem dicta Constitutio intellexit, quod Christus et Apostoli non solum in communi, sed etiam in speciali proprietatem et dominium rerum temporalium habuerunt: quod dictum, secundum eum omnem religionem, quæ volens vitam et doctrinam Apostolorum sequi, vovet vivere sine proprio, destruit et confundit, et omnes religiosos facit proprietarios etiam in speciali, et voti sui per consequens transgressores; et doctrinæ Evangelicæ et Apostolicæ ac sanctæ Romanæ Ecclesiæ et omnium doctorum Ecclesiæ et sanctorum Patrum, institutorum religionum obviat manifeste. Proculdubio dicta ipsius hæretici possent uno verbo repelli, videlicet quod talium imponit Constitutionem, imponendo ei quod non dicit, quod scilicet intellexerit loqui de jure domini seu proprietatis, cum nulla in ea habeatur mentio de domino, ut patere potest cunctis influenti.

53. « Sed quia iste hæreticus pertinaciter asserit, Christum et Apostolos nullius rei temporalis proprietatem seu dominium in communi vel proprio habuisse, videndum est utrum ejus assertio possit stare: et quia ipse dicit in precedentibus, et hic etiam supponit, quod dominium proprium a jure humano est introductum, primo queritur quo jure sit jus proprietatis seu domini sic introductum. Ad hoc dicit iste hæreticus, quod a jure humano et civili: ad quod probandum inducit vii di. c. Quo jure, ubi dicitur quod jure humano dicitur, hæc villa mea est, hæc domus mea est, et

hic servus meus est. Item inducit dictum Clementis, quod recitatur XII q. 1. c. *Dilectissimis*, ubi dicitur sic : Communis usus omnium, quæ sunt in hoc mundo, omnibus hominibus esse debuit : sed per iniquitatem alius dixit hoc esse suum, et alius illud, et sic inter mortales facti est divisio; et intelligit illud quod dicit, per iniquitatem debere intelligi jus humanum. Scripturæ sacra dicit contrarium evidenter, scilicet quod imo jure divino, non humano, fuerit dominium introductum : jus enim divinum est, quod in Scripturis divinis habemus, ut legitur VII q. 1. c. *Quo jure*, in principio; ubi dicitur, quod jus divinum est, quod in Scripturis divinis habemus; humanum vero jus, quod in legibus regum. In Scripturis autem divinis habemus, quod antequam leges regum, imo etiam antequam reges essent, res aliquæ ab eis non erant. Ergo jure divino aliquis dicere poterat aliquid suum esse. Major patet per c. *Quo jure*, prædictum. Minor autem probatur etiam pro innocentie statu : videtur enim, quod Adam in statu innocentie, antequam Eva formaretur, solus dominium habuerit rerum temporalium : commune dominium, cum solus esset, pro illo tempore habere non potuit, cum communio plures requirere dignoscitur. Et quod dominus fuerit antequam Eva formaretur, Eccl. XVII cap. probari videtur expresse; ibi enim dicitur sic : *Deus creavit de terra hominem*; et sequitur : *Posuit timorem illius super omnem carnem, et dominatus est bestiarum et volatilibus*. Dicit ergo quod dominatus fuerit, ex quo sequitur, quod dominium habuit : a domino enim secundum Dionysium de Divinis Nominibus cap. 12. dicitur dominus, dominator et dominans; ex quo sequitur, quod ex quo dominatus est, quod dominium habuerit. Quod autem tunc formata Eva non esset, patet quia statim post verbum illud, *Et dominatus est bestiarum et volatilibus*; sequitur : *Creavit ex eo*, scilicet Adam, *adjutorium simile sibi*, scilicet Evam. Ad idem facit illud Sapientie IX cap. ubi dicitur sic : *Deus patrum nostrorum et Domine misericordie, qui fecisti omnia verbo tuo, et sapientia tua constituiti hominem, ut dominaretur creaturæ tuæ, quæ a te facti est*, etc. Et hoc expresse dicit Damascenus lib. II cap. 61. ut dictum est supra. Item quod post lapsum primorum parentum ante diluvium, et antequam essent reges, poterit aliquis dicere, hoc est mentum, probatur Genes. III, ubi Dominus ad Adam dixit : *In sudore vultus tui vesceris pane tuo*. Ego patet, quod Adam tunc potuit dicere panem suum; et tamen tunc non erant reges nec homines alii, nisi soli primi parentes. De Abel quoque, qui fuit secundo genitus primorum parentum, dicitur Gen. IV quod *Abel obtulit de primogenitis gregis sue*; ex quo patet, quod Abel potuit tunc dicere : *Isis grex est meus*. Item quod post diluvium sine jure regum potuerit dicere aliquis aliquid suum, patet : legitur enim Genes. IX, quod *Noë vineam plantavit*, et vinum productum ex ea bibit : puto quod

nullus sapiens negabit, quin vineæ locum suum fuerit et etiam viti, et tamen tunc non legimus regem aliquem existisse. Item illud Genes. XII dicit Dominus ad Abraham existentem in terra Chanaan : *Semini tuo dabo terram hanc*; quod et fecit : constat autem, quod illi de suam suo potuerit dicere, terra ista est nostra, et non per jura regum; quia eam ex collatione Dei habuerunt, non regum. Item Genes. XXVI cum descendisset Isaac in Gerar, dixit Dominus ei : *Tibi et semini tuo dabo universas regiones hæc*; quantum regionum dominium semen ejus non ex jure regum, sed ex collatione Dei habuerunt. Præter Numerorum XXI dicitur, quod unusquisque quod in præda rapuerit, suum erit : quod non erat per jura regum, cum ille populus Israeliticus tunc regem aliquem non haberet, sed dux ejus Moyses tantum esset. Item Numerorum XXXIII Dominus ad Moysen dixit : *Præcipe filiis Israel et dic ad eos : Quando transieritis Jordanem, integrantes terram Chanaan, dispergite cunctos habitatores illius. Ego dabo vobis illam in possessionem, quam dividatis vobis facte*; quod et fecerunt, ut legitur Josue XII. Quilibet ergo istorum post divisionem terre illius illam, quæ ad eum obvenit, potuit dicere suum esse; et hoc non jure regum, sed diviso, cum tunc temporis, ut dictum est, regibus non regeretur populus ille. Item Numerorum XXXV Dominus ad Moysen dixit : *Præcipe filiis Israel, ut dent levitis de possessionibus suis urbes ad habitandum, et suburbana per circuitum, ut ipsi in urbibus morantur, et suburbana sint pro pecoribus et jumentis*; quod et fecerunt, ut legitur Josue XIV. Ex quibus patet, quod cum Dominus præcepit filiis Israel dare levitis de possessionibus suis, quod filii Israel antequam darent possessiones illas, poterant dicere suas esse, et levite postquam sibi fuerant datæ : et hoc non per jura regum, cum reges non haberent; sed per ordinationem divinam. Ex quibus omnibus patet, quod in Scripturis sacris habemus, quod aliquis in statu innocentie et post lapsum primorum parentum, et ante diluvium et post diluvium, dicere poterat sine jure regum aliquid esse suum : et quod jure divino sint dominia aliqua probatur XXII q. 1. c. 1.

54. « Adhuc quod nullo jure humano, sed solum divino dominium rerum temporalium potuit dari hominibus, patet : constat enim, quod non aliam aliquis dare non potest nisi cuius est, vel alias ejus voluntate : nec dubium quoniam Deus omnium temporalium vel jure creationis, quia illa de initio creaverat, vel jure factionis, quia de sua materia illa fecerat, dominus esset. Ergo nullus rex de illarum dominio, nisi de voluntate Dei potuit ordinare. Unde patet, quod nec jure naturali primævo, si prout pro illo jure, quod omnibus animalibus est commune; cum illud jus non subsistat, sed inclinat, sed dicitur ad quod omnes animalibus cum annis facienda. Nec jure gentium, nec jure regum, seu imperatorum fuit do-

minium rerum temporalium introductum; sed per Deum, qui est et erat eorum rerum dominus, fuit collatum patris parentibus, ut patet Genes. i. quarum rerum Adam, quando solus fuit, id est, antequam Eva formaretur, solus ut videtur dominus extitit, ut superius est ostensum. Verum est tamen, quod de jure gentium multi modi acquirendi dominium, et nonnulli per jura civilia, seu imperiaha fuerunt inducti. Item modus agendi pro istis rebus temporalibus in iudicio, id est, circa formam proponendi jus suum in iudicio, fuit per jura civilia introducta.

« Ex prædictis itaque patet, quod non obstat cap. *Quo jure*, in contrarium allegatum, loquitur enim de jure agendi in iudicio, cujus formulas civile jus et non aliud introduxit. Et hoc voluit dicere Augustinus in illo cap. *Quo jure*, quando dixit: Tolle jura imperatoris et quis audeat dicere, hæc villa mea est, meus est iste servus, mea est ista domus? Quasi dicat, nullus potest in iudicio proponere hoc, nisi per imperatoria jura: quod jus actionum formulas introduxit. Vel potest dici quod Augustinus hoc dicebat cum hæreticis disputando, non quod hoc pro veritate teneret, scilicet quod dominium de jure divino non esset: et quod ita sit patet, quia xxii q. v. n. c. i ipse idem Augustinus contrarium dixit expresse, ubi sic dicit: Quamvis res quæcumque terrena non recte a quoquam possideri possit nisi vel jure divino, quo cuncta justorum sunt; vel jure humano, quod in potestate est regum terræ, etc. Item non obstat, xxii q. i c. *Dilectissimis*, ubi dicitur sic: Communis usus omnium, quæ sunt in hoc mundo, omnibus hominibus esse debuit, sed per iniquitatem alius dixit hoc esse suum, alius illud; et sic inter mortales facta est divisio. Et hoc dicit ipse quia divisio temporalium est facta per jus humanum, quod dicitur iniquum, et contra æqualem juris naturalis. Dicimus quod hoc est factum, quia per iniquitatem non intelligitur jus gentium, cum sit æquum, sed intelligitur peccatum primorum parentum, per quod natura corrupta fuit, et post non fuit contenta communibus, sed sibi propria voluit possidere.

55. « Secundo queritur, utrum Christus aliquis rei temporalis dominum habuerit, et quale. Quod autem dominum rerum temporalium habuerit, sacra Scriptura tam in Testamento Veteri, quam in Novo in multis locis testatur. Multi quidem prophete eum regem futurum populi Israelitici, et per consequens habere regni dominium prophetarunt. Isaias quidem de eo prophetavit (Isaiæ xxxiii, sic dicens: *Ecce Dominus legifer noster, Dominus iudex noster, Dominus rex noster, ipse veniet et salvabit nos*. Item per os Jeremie prophete Dominus (Jer. xiii) sic dixit: *Suscipito David germen justum, et regnabit rex, et sapiens erit, et faciet iudicium et justitiam in terra. Et hoc est nomen, quod vocabant eum Dominus justus noster*. Iste enim est lapis abscissus de

monte sine manibus, cui Deus cæli dedit regnum, quod in æternum non dissipabitur, ut habetur Daniel. ii. Item: Zachar. ix de eodem dicitur sic: *Exultat s. filia Sion, jubila, filia Jerusalem: ecce rex tuus veniet tibi justus et salvator: ipse pauper, et, et ascendet super asinum et super pulchrum filium asinæ*. De hoc David in multis locis prophetavit; unde in quodam loco in persona ejus sic dixit: *Ego autem constitutus sum rex ob eo super Sion montem sanctum ejus, prædicans præceptum ejus*. Eumque futurum regem in multis aliis locis prophetavit. Unde totus ille Psalmus *Eructavit* loquitur de isto rege et sponsa ejus, scilicet Ecclesia; et alii multi Psalmi loquuntur de rege hujusmodi satis clare. De hoc etiam Salomon Canticoorum in sic dixit: *Egredimini, filie Sion, et videte regem Salomonem*, etc. De hoc etiam antequam conciperetur, Gabriel Archangelus, ut legitur Lucæ ii dixit: *Dabit ei Dominus Deus sedem David patris ejus, et regnabit in domo Jacob in æternum*. Item et eo nato Angelus ad pastores Lucæ ii dixit: *Natus est vobis hodie salvator, qui est Christus Dominus*; id est, rex et dominus. Huic etiam nato illi tres magi Matth. ii perhibuerunt testificonium, sic dicentes: *Ubi est qui natus est rex Judæorum?* Item ille Nathanael verus Israelita, in quo dolus non erat, dixit ei Joan. i: *Tu es filius Dei: tu es rex Israel*. Pilatus quoque in superscriptione crucis scripsit: *Jesus Nazarenus rex Judæorum*, quam quidem superscriptionem non sine divino instinctu, Judæis instantibus quod non scriberet, *rex Judæorum*, sed *quia dixit se regem Judæorum*; ipsos audire noluit, sed respondit: *Quod scripsi, scripsi*. Hoc etiam Salvator noster confessus fuit Joan. xviii, cum enim Pilatus interrogaret eum, utrum esset rex Judæorum, respondit ei: *Regnum meum non est de hoc mundo*; ex quo Pilatus concludens dixit: *Ergo rex es tu?* *Jesus respondit: Regnum meum non est hinc*; non dixit, *non est hic*, sed dixit: *Non est hinc*; quasi diceret, regnum meum a mundo non habeo, sicut nec habebat, imo a Deo, sicut Angelus ejus gentrici prædixerat, dicens Lucæ i: *Dabit illi Dominus Deus sedem David patris ejus*, etc. Et hoc beatus Petrus Act. ii expresse testatur dicens: *Certissime ergo sciatis omnis domus Israel, quia et Dominum et Christum fecit Deus hunc Jesum, quem vos crucifixistis*; in quibus verbis Petrus satis clare concludit duo de Jesu Domino nostro, videlicet quod regnum suum a mundo non habuerit, sed a Deo, videlicet in eo, quod dicit, quod Jesum fecit Deus Christus, id est, regem: per Christum enim regem intelligimus, quia Christus interpretatur unctus; et quia reges inungi consueverunt, per Christum tamen intelligimus regem; unde Rabanus ibi: Manifeste Petrus ex hoc Psalmo regnum Christi non terrenum, sed caeleste ostendit esse. Item concludit Petrus ex verbis prædictis, quod Christus, in quantum homo subsistens in divino supposito, fuerit Domi-

nus et Rex factus: constat enim, quod in quantum erat Deus crucifixus non fuit, sed in quantum homo. Et ideo cum Dominus et Rex fuerit factus in quantum crucifixus, et crucifixus fuerit in quantum homo, sequitur quod regnum et dominium tanquam homini Deus sibi concessit. Hoc etiam supponit Angelus loquens, eo nato, pastoribus dicens: *Hodie natus est vobis salvator, qui est Christus Dominus*, id est, rex et dominus: ubi advertendum, quod illud quod Gabriel Angelus Christo nondum nato dixerat de futuro, dicens Mariæ: *Dabit ei Dominus sedem David patris ejus*, etc. Angelus iste eo nato dixit pastoribus per verba de presenti dicens: *Hodie natus est vobis salvator, qui est Christus Dominus*. Hoc Augustinus libro de Concordia Evangelistarum in præmio expresse testatur, dicens: Dominus Jesus Christus unus verus rex et unus verus sacerdos est; et paulo post dicit sic: Secundum hominem quippe Christus et rex et sacerdos effectus, cui dedit Deus sedem David patris sui, et regni ejus non erit finis.

56. «Item quod salvator fuerit dominus omnium temporalium videtur: de eo enim dicitur Isaïæ xvi: *Emitte agnum, Domine, dominatorem terræ*. Item Micheæ v de eo dicitur sic: *Et tu Bethleem Effrata, nequaquam minus es in principibus Juda; ex te enim egredietur qui sit dominator in Israel, et egressus ejus ab initio dierum æternitatis*. Malachiæ vero iii de eo dicitur sic: *Statim veniet ad templum sanctum suum Dominus dominator, quem vos queritis, et Angelus testamenti, quem vos vultis*. Item Jo. xii, ipsa Veritas dicit: *Vos vocatis me magister et domine, et bene dicitis, sum etenim*. Item Matth. xxi dixit discipulis: *Ite in castellum, quod contra vos est, et statim invenietis asinam alligatam et pullum cum ea: solvite et adducite mihi. Et si quis aliquid vobis dixerit, dicite quia Dominus his opus habet, et confestim dimittent eos*. Hoc quoque B. Joannes in Apoc. xix testatur dicens: *Habet scriptum in vestimento, Rex regum et Dominus dominantium*. Hoc etiam Apostoli in suo Symbolo confitentur, dicentes: *Et in Jesum Christum filium ejus unicum, Dominum nostrum*. Hoc etiam sancti Patres in Symbolo, quod cantatur in missa, protestantur expresse ibi: *Et in Jesum Christum filium ejus unicum, Dominum nostrum*.

«Præmissa autem, scilicet regnum ei universale dominium habuit Christus in quantum Deus ab æterno eo ipso, quod Deus Pater genuit eum; et in quantum homo ex tempore, scilicet ab instanti conceptionis suæ ex Dei datione, ut patet ex prædictis: et nihilominus habuit dominium rerum aliquarum temporalium non ab instanti suæ conceptionis, sed postea successive modis aliis, utpote ex collatione fidelium, vel emptione acquisitis, et quæ sint illa videamus: nullus autem potest de his melius testimonium perhibere, quam Apostoli et discipuli ejus. Videamus

ergo quid super hoc ipsi dicant, specialiter a tempore, quo cepit miracula facere et prædicare. Certe narrant, ipsum aliqua habuisse, sed pauca: habuit itaque vestimenta; unde legitur Matth. xxv in transfiguratione *sua vestimenta ejus facta esse albi sicut nix*. Item Joan. xiii dicitur de eo sic: *Surgit a cæna, et ponit vestimenta sua*, etc. Item Joan. xix in persona ejus legitur: *Partiti sunt vestimenta mea, et super vestem meam miserunt sortem*; et ad idem facit Matth. xxvii. Item beatus Joannes Baptista videtur supponere, quod habuerit calceamenta; legitur enim Matth. iii quod B. Joann. Baptista loquens de eo dixit: *Cujus non sum dignus calceamenta solvere*. Marci i recitatur ipsum dixisse: *Cujus non sum dignus procumbens solvere corrigiam calceamenti ejus*. Joannis vero i recitatur dixisse: *Cujus non sum dignus, ut solvam corrigiam calceamenti*. Item Joannes supponit, ipsum loculos habuisse, in quibus Judas quæ mittebantur portabat; unde Jo. xiii cum dixisset Judæ Jesus: *Quod facis, soc citius; quidam putaverunt, quia loculos habebat Judas, quod dixisset ei Jesus: Eme ea, quæ vobis opus sunt ad diem festum; aut ut egenis aliquid daret*. Et quod loculi essent Jesu, patet per Augustinum dicentem: Habebat Dominus loculos a fidelibus oblata conservans, et suorum necessitatibus, aliisque indigentibus tribuebat, ut habetur xii q. i c. *Habebat*, et patet per id, quod in ejus persona propheta dixit: *Qui manducat meum panem, levabit calcaneum suum contra me*; et recitatur Jo. xiii. Quod autem vinum interdum habuerit patet, quod ad minus in cæna illa habuit, in qua Eucharistiæ in-buit sacramentum, de quo habetur Mat. xxvi, Marc. xiv et Luc. xxii. Isle ergo hæreticus dicendo, Jesum Christum Dominum nostrum non habuisse dominium aliquod temporalium, Scripturis prædictis Veteris et Novi Testamenti contradicere expresse. Et si velit dicere, quod illi regno et dominio renuntiavit expresse, ostendat illud, si sciat; quod tamen, ut credimus, per sacram Scripturam non poterit; imo contrarium sacra Scriptura supponit expresse, quæ supponit eum non longe a passione sua dixisse: *Vos vocatis me magister et domine, et bene dicitis, sum etenim*. Item illud Matth. xxi, ubi Dominus duobus discipulis dixit: *Ite in castellum, quod contra vos est, et statim invenietis asinam alligatam et pullum cum ea: solvite et adducite mihi. Et si quis vobis aliquid dixerit, dicite quia Dominus his opus habet*. Item tempore passionis se regem cognovit, ut probatum est supra. Item David in persona ejus legitur dixisse etiam pro tempore passionis: *Diviserunt sibi vestimenta mea, et super vestem meam miserunt sortem*: et recitatur Matth. xxvii. Ex quibus evidenter apparet, ipsum regno et dominio non renuntiavisse prædictis: imo videtur, quod nec potuerit renuntiare, et si fecisset, contra ordinationem Patris fecisset; dicitur enim Danielis ii, ubi de ejus regno fit mentio, sic:

Suscipiet Deus celi regnum, quod in aeternum non dissipabitur; et eorum ejus affecti non traduntur. Item Bernardi. vii dicitur sic: *Uedit ei patetere, et honorem ei egredi, et omnes sapuli,*

bus et lignum, et ceteri: patetere ejus potestatem, quoniam non fecit; et regnum ejus quod non corrumpit.

57. « Sed dicit iste hieronimus, quod hoc est contra sacram Scripturam, quae in plerisque locis dicit, Christum fuisse pauperem et egenum. Ad quod dicendum, quod dici non debet esse contra sacram Scripturam, quod in tot locis Scriptura sacra testatur aperte: sed et contra merito potest dici, quod dicere contrarium, est contra sacram Scripturam, et mendaces reddere tot prophetas, Angelum et Apostolos, ac ipsum Dominum nostrum; qui tamen veritas est et vita. Ad illud autem, quod dicitur, quod Scriptura eum fuisse pauperem et egenum in pluribus testatur; est dicendum, quod non carentia domini fecit eum pauperem et egenum, sed potius carentia perceptionis fructus et obventionis rerum, quarum dominus erat: modum enim dominium separatim in perpetuum ab omni perceptione commodi rei, habentem non facit divitem, cum sit inutile reputandum; unde habens tale dominium potest egenus et pauper merito reputari, quod patet ad sensum: si enim rex Francie, non renuntiando regno, se absunderet a regno, et post lapsum aliquis temporis incognitus rediret ad illud, si se pro rege non gereret, nec aliqua emolumenta perciperet dicti regni, sed in domo regia reciperet ut unus alius ex gratia necessaria vitae suae, talis utique, licet rex esset et dominus, posset mendicus et pauper merito reputari. Hinc est, quod Apostolos ad Galatas iv dicit, quod haeres, quamdiu est parvulus, non differt a servo, cum tamen sit omnium dominus: sic Christus Rex regum, et Dominus dominantium, quoad perceptionem fructuum regni et rerum temporalium, nisi in valde paucis, pro rege vel domino se non gessit: propter quod merito pauper dici potuit voluntarius et egenus; non propter dominii carentiam sive regni, sed propterea quia se eorum fructibus et proventibus non juvabat.

58. « Nunc autem de Apostolis est videndum utrum habuerint dominium aliquorum temporalium in proprio vel in communi. In questione ista videtur distinguendum inter tempus, quo Apostoli fuerunt cum Redemptore nostro dum viveret, et tempus post ejus mortem. Si quaeratur utrum tempore, quo cum Redemptore nostro fuerunt, habuerint aliqua; videtur adhuc distinguendum inter tempus antequam ad praedicandum mitterentur, et tempus missionis, et quo in praedicatione fuerunt, et tempus postquam sunt a praedicatione reversi. Si consideretur primum tempus, videlicet tempus antequam ad praedicandum mitterentur, non videtur quod eis habere aliqua, praesertim ad vitae sustentationem perti-

nentia, fuerint interdicta: quod apparet ex forma vocationis eorum, cum enim ad discipulatum vocati fuerunt, forma vocationis Petri et Andreae, ut patet Matth. ix fuit haec: *Venite post me, faciam vos fieri piscatores hominum;* et sequitur: *At illi, relictis retibus, continuo secuti sunt eum.* De Jacobo autem et Joanne in eodem cap. non dicitur aliud, nisi quod vocavit eos, et sequitur: *Illi autem statim, relictis retibus et patre, secuti sunt eum.* Forma autem Matthari fuit haec: *Sequere me;* et sequitur quod *relictis omniabus, surgens secutus est eum.* Forma autem vocationis Philippi noscitur fuisse talis: *Sequere me;* ut habetur Joan. i. Ex forma autem vocationum praedictorum, nec ex his, quae ipsi fecisse tunc leguntur, non apparet quod ipsi renuntiaverint omnibus bonis suis. De Petro autem et Andrea non legitur, quod tunc reliquerint, nisi retia sua; et tamen legitur Mare. i et Matth. viii, quod post praedicta Jesus exiens de synagoga, venit in domum Simonis et Andreae cum Jacobo et Joanne, ubi curavit socrum Petri de febre. De Jacobo autem et Joanne non legitur, quod tunc reliquerint nisi retia et patrem, quae quidem retia videtur fuisse patris, qui vivebat potius quam ipsorum. De Philippo autem non legitur, quod tunc reliquerit aliquid. De Matthaeo autem legitur, quod relictis omnibus secutus est eum; et tamen statim sequitur postquam dictum est, quod reliquit omnia et secutus est eum, quod fecit sibi Levi, id est, Mattheus, magnam convivium in domo sua: ergo per illam generalitatem non desierat domus illa esse sua. Praetera cum Jesus misit duodecim, quos et Apostolos vocaverat, legimus eis interdixisse aliqua, videlicet ut non possiderent aurum, neque argentum, neque es in zonis suis, et nonnulla alia: ex quibus patet, quod ante missionem illa eis interdicta non erant, alias frustra in missione fuissent eis talia interdicta, ut patet Matth. x et Mare. iii et Luc. ix, eodem modo Lxx discipulis, dum eos misit, aliqua interdixit, ut patet Luc. x, ex quo sequitur, quod ante illa non fuerant ipsis interdicta.

59. « De discipulis autem constat, quod aliqui habuerunt multa. De Joseph ab Arimathia legitur Joan. xix, quod erat discipulus Jesu: Matth. autem xxviii dicitur, quod erat dives homo et discipulus Jesu. Item constat quod Simon leprosus erat discipulus Jesu: et tamen legitur Matth. xxvi quod Jesus in Bethania erat in domo ejus. Item Lazarus, Martha et Maria Magdalena, qui erant ejus discipuli, erant multa bona habentes; unde legitur de eis Jo. xi, quod castrum dictum Bethania erat Mariae Magdalene et Marthae, et quod in Bethania fecerunt ei cenam magnam, in qua Martha ministrabat, Lazarus autem erat unus de discumbentibus cum Jesu: Maria vero accepta libra argenti nardi pistici pretiosi mixit pedes Jesu, et extersit capillis suis pedes ejus. De Tabitha quoque, quae interpretatur Dorchas, quam

Petrus suscitavit a mortuis, ut legitur Act. ix, quod erat discipula et plena operibus bonis et elemosynis, quas faciebat; et quod omnes v. duæ fleutes ostenderunt Petro tunicas et vestes, quas faciebat eis Dorelas; ex quibus patet, quod et ista, non obstante discipulatu, temporalia habebat, de quibus faciebat elemosynas prædictas. Nec reperimus, quod Jesus Dominus noster aliam legem vivendi discipulis dederit, et aliam Apostolis suis: imo B. Clemens in quadam Epistola sua, cujus pars recitatur xii q. i c. *Dilectissimis*, expresse supponit, quod eadem erat Apostolorum et discipulorum vita, dicens: Communis vita omnibus est necessaria, et maxime iis, qui vitam Apostolorum et discipulorum imitari volunt. Item nec cum ipsis Apostolos ex discipulis fecit, videtur eis indixisse aliam vitam, quam prius habuerunt, sed potestatem eis aliquam tribuisse; unde cum eos Apostolos ordinavit, legitur Matth. x sic dixisse: *Et vocatis duodecim Apostolis suis, dedit illis potestatem spirituum immundorum, ut ejectionem eos, et curarent omnem languorem et omnem infirmitatem.*

60. « Si vero consideretur tempus, quo missi fuerunt ad prædicandum, videtur quod illo tempore aliqua fuerint eis habere interdicta, legitur enim Matth. x quod illos duodecim Apostolos misit, præcipiens et dicens: *Nolite possidere aurum, neque argentum, neque pecuniam in zonis vestris: non peram in via, neque duas tunicas, neque calcamenta, neque virgam.* Matth. vero vi legitur sic dixisse: *Et vocavit duodecim et capit eos mittere binos, et præcepit eis ne quid tollerent in via, nisi virgam tantum: non peram, non panem, neque in zona es; sed calceatos sandaliis, et ne induerent duabus tunicis.* Luc. vero ix legitur sic dixisse: *Misit illos, scilicet duodecim Apostolos, prædicare regnum Dei et sanare infirmos, et ait ad illos: Nihil tuleritis in via: neque virgam, neque peram, neque panem, neque pecuniam, neque duas tunicas habebatis.* Ex quibus videtur, quod pro tempore viae prædictæ tantum prædicta eis fuerint interdicta. Augustinus tamen dicit expresse in libro de Concordia Evangelistarum, quod illud non fuit præceptum, sed potestas data recipiendi necessaria ab iis, quibus Evangelium prædicabant, quam servare Apostolis licuit, vel etiam non servare: alias autem Apostolus Paulus transgressor præcepti hujusmodi extitisset, quia plerumque ab illis, quibus prædicabat non recipiebat necessaria; sed illa vel recipiebat ab aliis, vel ea suis manibus acquirerebat, sicut patet I ad Corinth. ix et ad Philip. iv, I ad Thesalonicens. i et Aclor. xx ubi dicitur: *Argentum autem et aurum, aut vestes nullius concupivi, sicut ipsi scitis; quoniam ad ea, quæ mihi opus erant, et iis qui mecum sunt ministraverunt manus istæ.* Præterea quod illud præceptum fuerit temporale, satis innuitur: Luc. xxii, ubi Dominus Apostolis dixit: *Quando misi vos sine sacculo et pera et calcamentis, nunquid ali-*

quid defuit vobis? Præterea discipulis lxx (lxxu) quando misit eos, dixit: *Nolite portare sacculum, in quo pecunia consuevit portari, neque peram, in qua con-neverunt alimenta portari, neque calcamenta;* et tamen de illis certum est, quod nonnulli ex discipulis erant multa bona habentes, ut patet ex prædictis.

61. « Si autem consideretur tempus post reversionem, tunc videtur quod eis liceret habere præmissa in communi saltem; habuerunt enim Apostoli, postquam fuerunt reversi de prædicatione, panes et pisces, ut patet in miraculis panum et piscium, quæ facta fuerunt postquam de prædicatione ad Jesum redierunt, ut patet Marc. vi ubi de Apostolis postquam a prædicatione redierant, dicitur sic: *Et convenientes Apostoli ad Jesum, remissiaverunt ei omnia quæ egerant et docuerant, scilicet in prædicatione.* Ecce quod de prædicatione, ad quam missi fuerant, reversi erant et rationem Domino reddiderant de ea; et post, eodem cap. sequitur miraculum quinque panum et duorum piscium, ubi Apostoli, cum Dominus dixisset eis, quod darent turbæ manducare, dixerunt: *Evanes enim sunt denarii denarii panes, et dabimus illis manducare.* Illi dixerunt: *Non sunt nobis plus quam quinque panes, etc.* Luc. vero ix dicitur sic: *Et reversi Apostoli narraverunt illi quæcumque fecerant;* et post sequitur eodem cap. miraculum prædictum quinque panum, ubi dicitur, quod cum Dominus Apostolis dixisset: *Vos date illis manducare;* illi dixerunt: *Non sunt nobis plus quam quinque panes et duo pisces; nisi forte nos edamus et edamus in omnem hanc turbam escas.* Ex quibus patet, quod postquam reversi sunt a prædicatione Apostoli, habuerunt panes, pisces et pecuniam, de qua tantæ turbæ, quanta erat ibi, poterant emere cibos.

« Item quod postquam redierunt a prædicatione habuerint pecuniam, patet: nam legitur Joan. iv quod Jesu sedente super fontem Jacob, discipuli ejus abierunt in civitatem, ut cibos emerent: sicque patet, quod pecuniam habebant, cum emptio mediante pecunia fiat: Dentononii n cap. et tamen tunc temporis Apostoli de prædicatione fuerant, ut videtur, reversi, cum in cap. præallegato Jesus discipulis dixerit: *Ego misi vos metere quod vos non laborastis: alii laboraverunt, et vos in labores eorum introistis.* Supponit quoque evidenter Scriptura Evangelica, ipsos post reversionem prædictam, sacculos, in quibus portabatur pecunia et plures tunicas habuisse; legitur enim Luc. xxii Dominum nostrum Jesum Christum Apostolis dixisse: *Qui habet socculum, tollat similiter et peram: et qui non habet gladium, vendat tunicam suam, et emat gladium;* et sequitur, quod Apostoli dixerunt ei: *Domine, ecce gladii duo hic.* Ex quo patet, quod duos gladios habebant: Petrus quoque legitur Joan. xviii gladium habuisse, ubi dicitur, quod *Simon Petrus habens gladium eduxit eum, et percussit Pontificis ser-*

rum, cui Dominus dixit: *Mitte gladium tuum in vaginam.*

62. « Si autem queratur de tempore post mortem Christi; videtur adhuc distinguendum inter tempus ante missionem Spiritus sancti, et tempus post missionem ipsius. Si queratur de tempore ante missionem Spiritus sancti, non legitur quod quoad præmissa circa eos aliquid fuerit immutatum; sed quod juxta præceptum Domini, dicentis Luc. ultimo: *Vos autem sedete in civitate, quoadusque induminò virtute ex alto*; expectaverunt in civitate adventum Spiritus sancti. Si autem queratur de tempore post missionem Spiritus sancti, videtur adhuc distinguendum inter illos, qui ex Judæis conversi fuerunt in primitiva Ecclesia Jerosolymitana, et inter gentiles. Quoad conversos ex Judæis, videtur quod Apostoli et discipuli Christi ex una parte, et illi qui postea ad prædicationem Petri et miracula sunt conversi, omnia quæ habebant sibi invicem communicaverunt; ita quod nullus ipsorum proprium sibi retinuerit, sed communia fuerunt effecta; et intellige, quod quoad dominium illa fuerunt communicata, ut probatur Actor. II et IV, ut superius est ostensum. Et quia iste hæreticus dicit, quod illa communio intelligitur de turba discipulorum, inter quos erant omnia communia quæ habebant; non de Apostolis, quia nihil habebant in temporalibus nec in proprio nec in communi, nisi tantum in rebus usu consumptibilibus simplicem facti usum; dicimus quod hoc dicendo, Apostolos a credentium numero evidenter excludit: dicitur enim Actor. II quod omnes qui credebant erant pariter et habebant omnia communia: si ergo omnibus credentibus erant omnia communia, sequitur quod si Apostolis non erant communia, quod credentes non erant, quod est falsum: imo sicut ipsi inter credentes principales erant, sic eis omnia communia principaliter existebant: unde sicut principalioribus pecuniæ agrorum et domorum venditorum ante pedes Apostolorum ponebantur, ut legitur Actor. IV, et hoc expresse probatur per Epistolam Clementis recitatam pro parte XN. q. I. c. *Dilectissimis*, in qua B. Clemens, scribens condiscipulis suis, Jerosolymis habitantibus cum B. Jacobo episcopo Jerosolymitano, sic dicit: *Apostoli eorumque discipuli una nobiscum et vobiscum communem vitam duxerunt: ut enim bene nostis, erat multitudinis eorum eor. unum et anima una: nec quisquam eorum aut nostrum, de iis quæ possidebat, aliquid suum esse dicebat, sed omnia nobiscum erant communia*; unde satis clare monstratur, quod Apostoli et eorum discipuli illa, quæ habebant communicaverunt Judæis Jerosolymitanis conversis, et contra, unde Hieronymus ibi: *Talem fuisse Ecclesiam credentium primo in Christum, qualem nunc monachi etiam imitantur et cupiunt, ut nil cuiquam sit proprium, nullus inter eos dives, nullus pauper, patrimonium dividatur, orationi vacetur et psal-*

mis, doctrinæ quoque et continentie insistatur; Lucas manifeste refert cum dicit: *Quotquot erant possessores agrorum aut domorum, etc.* Expresse quoque innuit et supponit, quod ante illam communionem habere potuerunt Apostoli et discipuli eorum aliqua in proprio et in communi.

« Quantum autem ad conversos ex gentibus non videtur, quod ipsi invicem et aliis credentibus communicaverint sua: imo videtur, quod ipsi retinuerint sibi propria sicut prius, ut probatur de Corinthiis I ad Corinthios c. VI. in principio, ubi dicitur sic: *De collectis autem, quæ fiunt in sanctos, sicut ordinari in Ecclesiis Galatiæ, ita et vos facite.* Per nam sabbati unusquisque vestrum apud se reponat recondens quod ei placuerit. Item ad Philippenses IV Apostolus Philippensibus sic dicit: *Scitis autem et vos, Philippenses, quod in principio Evangelii, quando profectus sum a Macedonia, nulla mihi Ecclesia communicavit in ratione dati et accepti, nisi vos soli: quia et Thesalonicanam semel et bis in usum mihi misistis*; sequitur: *Repletus sum, acceptis ab Epaphrodito quæ misistis, odorem suavitatis.* Item Actor. XI legitur, quod cum Azabus propheta in Antiochia in præsentia Barnabæ et Sauli significasset per spiritum famem futuram magnam in universo orbe terrarum, quæ facta est sub Claudio; discipuli, prout quisque habebat, proposuerunt singuli ministrum mittere habitantibus in Judæa fratribus: quod et fecerunt, mittentes ad seniores per manus Barnabæ et Sauli. Et hoc est, quod Augustinus in de Doctrina Christiana dicit expresse, sic dicens: *Tam extiterunt capaces Spiritus sancti qui primo ex Judæis crediderunt, ex quibus facta est prima Ecclesia Jerosolymitana, ut omnia sua venderent, eorumque pretium indigentibus distribuenda ante pedes Apostolorum ponerent, seque totos dedicarent Deo, tanquam centuplum novum, in orationibus et fractione panis spiritualis et corporalis, qui prius veteri templo serviebat: quod nullas Ecclesias gentium fecisse scriptum est, qui non tam prope erant, qui simulacra manu facta deos habebant: ex quo intelligimus, magnam utilitatem fuisse Judæos sub lege tanquam sub pedagoga custoditos, ut signa quæ temporaliter eis carnaliter servientibus erant imposita unius Dei cultum, qui fecit cælum et terram, opinionem observatum religarent.*

63. « Tertio videndum est, utrum pro rebus, quas habuerunt Apostoli, licet non legantur litigasse pro ipsis, eis licuerit litigare. Et quod non licuerit dicit hæreticus iste, ad quod probandum inducit Matt. XIX, ubi Petrus pro se et aliis Apostolis Domino dixit: *Ecce nos reliquimus omnia*, etc. ex quo patet secundum Catholicos doctores, ut dicit, quod Apostoli reliquerunt jus agendi in iudicio, quod non sit cum tali perfectione supererogationis, quæ implicat ad peccatum, sicut probat, secundum eum, Apostolus I ad Cor. VI dicens: *Iam quidem omnino delictum est in vobis.*

quod judicia habetis inter vos; et ideo Christus, ut dicit, *injunxit perfectis*, ut non litigarent in judicio, Matth. v et Luc. vi dicens, quod illa tantum intelliguntur perfectis injuncta: et similiter illud Apostoli I ad Cor. vi. In quibus iste hæreticus menditor aperte, quia quod in Evangelio prædictis dicitur, non potest intelligi de perfectis, prout ipse sumit perfectos: illos enim solos perfectos asserit, qui a se temporalium omnium proprietatem abdicarunt, et dominium sibi duntaxat retento simplici usu facti; constat autem quod illa verba: Et qui vult tecum in judicio contendere, et tunicam tuam tollere, dimitte ei et pallium, posita Matth. v et Luc. v, intelliguntur de iis, qui in proprio temporalia obtinebant: loquitur enim Dominus illi qui tunicam habebat et pallium, dicit enim: *Qui voluerit tunicam tuam tollere, dimitte ei et pallium*; sicque patet, quod tunicam habebat et pallium is, cui loquebatur. Præterea illi statim, cui prædicta injunxerat, sic præcepit ibidem: *Qui petit a te, da ei; et volenti mutuari a te, ne avertaris*. Ex quibus etiam patet, quod habentibus temporalia hactenus est locutus, cum dixerit, quod det ei, qui a se petit: quod non posset facere, cum dare sit accipiens facere, nisi dominium etiam quoad temporalia obtineret; nec mutare posset, nisi ejus, quod mutaret esset dominus, cum in mutuo a mutante in eum, qui mutuum recepit, rei mutuate sit dominum transferendum. Item ipse intelligit Apostolis datum prædictum fuisse mandatum, quod est falsum: tempore enim illius sermonis in monte facti, in quo injuncta sunt prædicta, nullus adhuc erat Apostolus, ut patet, quia sermo ille recitatur Matth. v, et Apostoli fuerunt facti post, ut patet Matth. x. Unde dici non potest, nisi mendaciter, quod illa præcepta, contenta in illo sermone Domini in monte, solis Apostolis facta fuerint, cum nondum essent Apostoli.

64. «Item attendat iste hæreticus, quod Dominus præcepit Matth. xviii discipulis suis dicens: *Si peccaverit in te frater tuus, vade et corripe eum inter te et ipsum solum*; et sequitur: *Si autem te non audierit, dic Ecclesie*; si autem Ecclesiam non audierit, sit tibi sicut ethnicus et publicanus. Voluit ergo Salvator noster, quod ejus discipuli, inter quos erat Petrus, ut p. 167, quia statim sequitur ibi: *Tunc accedens ad eum Ictrus*, etc. conquererentur Ecclesie de injurantibus sibi. Et quod verba prædicta Matth. v non solum perfectis, sed generaliter intelligantur omnibus esse data, ex eo patet, quod illa verba sunt dicta in illo magno sermone Domini in monte, quod continetur Matt. v, vi et vii cap. In fine autem vii cap. Dominus concludens, sic dixit: *Omnis ergo, qui audit verba mea hæc, et faciet ea, assimilabitur viro prudenti, qui edificavit domum suam super petram*, etc. et sequitur quod *omnis qui audit verba mea hæc, et non facit ea, similis erit viro stulto, qui edificavit domum suam super are-*

nam, etc. Cum ergo non dixerit *omnis qui audit verba mea*, sed dixerit: *Verba mea hæc et facit ea, assimilabitur viro prudenti*, etc. qui vero audit et non facit, similis erit viro stulto; apparet, quod non solum perfectis sunt dicta verba prædicta, sed et imperfectis, cum omnibus illa servantibus promittatur premium, et omnibus non servantibus pœna. Pro hoc etiam facit quod Christus Apostolis Matthæi ultimo dixit: *Euntes ergo, docete omnes gentes, baptizantes eos in nomine Patris, et Filii, et Spiritus sancti, docentes eos servare omnia quaecunque mandavi vobis*. Ex quibus clare etiam patet, quod mandata data discipulis, sicut illa fuerunt data cum nondum essent Apostoli, ut patet ex prædictis, intelliguntur omnibus data. Et hoc tenet Augustinus in lib. de sermone Domini in monte. Item idem Apost. I ad Cor. vi: *Jam quidem omnino delictum est in vobis, quia judicia habetis inter vos. Quare non magis accipitis? Quare non magis putimini fraudem? Sed vos injuriam facitis et fraudatis, et hoc fratribus*; non intelligitur dictum talibus personis, de quibus loquitur iste hæreticus, scilicet qui a se dominium omnium temporalium abdicaverunt, contenti solo simplici usu facti: loquebatur enim Apostolus Corinthiis conversis ad fidem, qui quidem non renuntiaverunt bonis suis, nec ad invicem communicaverunt sibi, ut patet I ad Cor. ultimo in principio, ubi Apostolus hortatur eos, ut collectas inter se facerent, deferendas Jerusalem sanctis, sic dicens: *De collectis, quæ fiunt in sanctis, sicut ordinavi in Ecclesiis Galatiæ, ita et vos facite. Per unum sabbati unusquisque autem vestrum apud se reponat, recondens quod ei placuerit*. Hæc autem non facerent, si nihil haberent, et patet sicut in articulo proximo latius continetur. Augustinus quoque dixit, quod non legitur, quod conversi ad fidem ex gentibus communicaverint sua. Quare patet, quod dictum Apostoli nihil pro ipso hæretico facit, quia non loquitur de perfectis, sicut ipse perfectos accipit, scilicet qui abdicaverunt omnium temporalium dominium, solo simplici usu facti contenti: sed loquitur de omnibus Corinthiis ad fidem conversis, qui dominium temporale retinuerunt sibi. Sane secundum hoc videtur, quod fidelibus non liceat litigare sine peccato, quod esset nimis durum.

65. «Et ideo est dicendum, quod præcepta illa Matth. v data: *Si quis te percuterit in unam maxillam, probe ei et alteram: et qui vult tecum in judicio contendere et tunicam tuam tollere, dimitte ei et pallium: et quicumque te angariaverit mille passus, vade cum eo alia duo*; secundum quod dicit Augustinus in libro de Sermone Domini in monte: Non sunt semper servanda in executione operis, sed semper in præparatione animi sunt habenda; scilicet ut semper simus parati hoc facere et sustinere, quando charitas hoc requiret: et recitatur xxiii q. 1 c. *Paratus*. Et propter hoc Apostolus non simpliciter dixit I ad Corinthios vi:

Quare non injuriam accipitis; sed dixit: *Quare non magis injuriam accipitis*. Et quod hoc eis simpliciter non interdixit, ex eo apparet, quia in precedenti cap. scilicet I ad Corin. vi, Apostolus reprehenderat Corinthios, quia erant negligentes in iudicio faciendo, dicens eis: *Nomen deus qui est in vobis iudicatis*? Item in præallegato cap. I ad Cor. vi, Apostolus Corinthios reprehenderat, quia coram infidelibus litigabant et iudicium subibant, dicens: *Audet. id est, presumit, aliquis vestrum, habens negotium adversus alterum iudicare, id est, iudicium subire, apud iniquos, et non apud sanctos*, id est, fideles. Item ostendebat, quod hoc ad fideles pertinebat, dicens: Et si in vobis, id est per vos, iudicabitur mundus, id est mundani, indigni estis qui de minimis, scilicet temporalibus, iudicetis, quasi dicat, quia qui maioribus, multo fortius minoribus est dignus. Et sequitur: *Secularia igitur iudicia si habueritis, contemptibiles, qui sunt in Ecclesia, illos constituite ad iudicandum*. Hoc autem dicebat sibi ironice, unde subdit: *Ad ceterandiam vestram dico*; subaudi, quia curritis ad iudicia infidelium. *Non est inter vos sapiens quisquam, qui possit iudicare inter fratrem et fratrem suum? Sed frater cum fratre in iudicio contudit*; et hoc apud infideles? Deinde reprehendit eos, quia iniuste et fraudulenter fratres suos ad iudicium trahabant, dicens: *Jam quidem omnino delictum est in vobis, quia iudicia habetis inter vos*; scilicet fraudulenta et injuriosa, unde sequitur: *Sed vos injuriam facitis, et fraudatis, et hoc fratribus*. Et quod de talibus, qui fraudulenter trahabant fratres ad iudicium Apostolus intellexerit; patet quia statim subiunxit: *An nescitis, quia iniqui regnum Dei non possidebunt*? eos agere inique supponens: unde patet quod Apostolus non interdixit simpliciter Corinthiis conversis ad fidem litigare; imo quod eis liceret, ex multis, ut patet ex prædictis, ostendit et ideo subiungit: *Omnia mihi licent*; glo. omnia mea licet repetere mihi. Nec per sacram Scripturam patet, quod Christus, seu Apostoli secundum intellectum historicum semper servaverint præcepta prædicta: de Christo enim Domino nostro legitur Jo. xiii, quod cum unus ex ministris Pontificis dedisset ei alapani, non sibi præbuit aliam, sed dixit ei: *Si male locutus sum, testimonium perhibe de malo; si autem bene, cur me cordis*? Item de B. Paulo legitur Actor. xxii, quod cum tribunus jussisset eum flagellis caedi et torqueri, et eum astrinxisset loris, dixit adstanti concionii Paulus: *Hominem Romanum indignantem licet vobis caedere*? Quo audito tortus non fuit. Item Act. xxiii, cum princeps sacerdotum præcepisset percuti os Pauli, Paulus dixit ad eum: *Percutite me, domine, percutite me. Et tu sedens iudicans me secundum legem, et contra legem iube me percuti*? Item eodem capite legitur quod Paulus, cum audisset a filio sororis suæ, quod plures ex Judeis devoverant; se non manducaturus neque libitu-

ros, donec occiderent ipsum; misit nepotem suum ad tribunal ad nuntiandum sibi prædicta, et sic evasit, ut legitur xxiii q. ii cap. *Maximus*. Item cum Ierosolymis in manus Romanorum traditus fuisset, et Judæis contradicentibus ipsum non expederent, ad Caesarem appellavit, ut legitur Actor. xli. Ex quibus satis liquet, quod non fuit intentio Salvatoris nostri prohibere fideles se defendere in iudicio et res suas; nisi quando hoc charitas suaderet: quare patet, quod prædictus hæreticus ut prævaricator legis divine allegaverat supradicta capitula, quæ non tangunt in aliquo nostras Constitutiones prædictas.

66. « Cum ergo quaeritur utrum Apostolis et discipulis et eorum sequacibus pro rebus, quas habebant, liceret et liceat litigare; videtur dicendum, quod illis, qui propria non habebant, pro rebus aliquibus tanquam propriis non licuit litigare: illis autem, qui habebant communia pro illis ut pro communibus animo ipsa bona communia defendendi, vel repetendi sine fraude et aliqujus injuria licuit litigare, præsertim illis, qui curam habebant illius communitalis, vel saltem alii eorum mandato: nisi forsan ex hoc grave scandalum sequi posset, quo casu esset iudicium dfluendum, vel omittendum. Et si diceretur, ut dicit iste hæreticus, quod viris perfectis pro rebus religionum suarum esset prohibitum litigare, omnes religiosi, qui renuntiaverunt propriis et habent in communi, ut sunt illi qui vivunt secundum regulam beati Augustini et Benedicti, et quasi omnium aliorum sanctorum Patrum, diversarum religionum fundatorum, qui habent in communi, in via damnationis existerent, bona communia in iudicio defendendo: qui tamen tenentur servare, tueri et defendere bona illa, quod ex eo patet, quia B. Augustinus ad Bonifacium dixit: Maximus episcopus Vagiensis auxilium petit ab imperatore Christiano contra hostes, non tam sui ulciscendi causa, quam tuende Ecclesie sibi credite; quod si prætermisisset, non ejus fuisset laudanda patientia, sed negligentia merito culpanda. Item quod prælati quorum status reputatur præstantior aliis, et qui locum tenent Apostolorum pro rebus suarum Ecclesiarum litigare liceat, patet: Nicolaus enim papa præcepit archiepiscopo Trevisensi et ejus Ecclesie filiis, ut spirituali simul et materiali gladio laici occupatores possessionum et rerum Ecclesie ipsius insequerentur, eorumque fautores, quosque cum integritate possessiones et res aliæ occupatæ fuerint revocare xvi q. i c. *Auctoritate*; quod non licisset, si hoc licitum non fuisset. Ad quod facit Extra. de sententia excommunicationis c. *Dilecto* li. vi, de restitutione spoliatorum c. *Cum abm*. Item in Concilio Gangrensi statutum fuit, quod si quis oblata Deo dederit vel acceperit præter episcopi assensum, qui ab eo institutus est, et qui dat et qui accipit, anathema sit, et sequitur: *Iniquum enim esse censuimus, ut potius custodes chartarum quam*

defensores rerum hereditarium, ut præceptum est, judicemur, xvi. q. i. c. *In causis*. Innocentius quoque in hoc, quod renuntiantibus propriis et habentibus in communi pro communi licet litigare, expresse determinasse videtur Extra. de iudiciis c. *Cum deputati*.

67. « Adhuc iste hæreticus Constitutionem *Quia quorundam* impugnare nititur dicens, quod de clavibus Ecclesie male sentire videtur, quia in dubium revocat sive negat clavem scientie Ecclesie Catholice fore clavem : cum enim in dubium revocet, utrum scientia clavem Ecclesie sit censenda, et super hoc opiniones contrarias et diversas recitet in partem illam, quod scientia non sit clavis in Ecclesia, declinare videtur ; cum dicit quod Salvator noster in promissione clavium facta beato Petro hoc sensisse videatur expresse, cum immediate post illam promissionem subiunxerit : *Quodcumque ligaveris super terram, erit ligatum et in caelis*, etc. nulla de scientia habita mentione : quæ sacre Scripturæ et sanctorum sententiis et doctrinæ Ecclesie Catholice, ut dicit iste hæreticus, contradicunt. Ad quod probandum inducit, quod legitur Luc. xi, ubi Salvator noster sic dicit : *Vae vobis legis peritis, qui tulistis clavem scientiæ, et ipsi non introistis, et illos qui introibant prohibuistis* ; ex quo patet, ut dicit, quod clavis scientiæ est una clavis Ecclesie a clave potentie separata. Profecto patet, quod ejus malitia adeo istum hæreticum exerceavit, quod ad veritatem aliquam nequit erigere intellectum. Dicat nobis iste hæreticus, quibus loquebatur Salvator in verbis predictis ? Profecto negare non potest quin loqueretur Phariseis et scribis, quia sic ille textus dicit expresse ; quibus tamen claves Ecclesie tradidit quovis tempore non fuerunt : unde patet, quod non intellexit loqui de clavibus Ecclesie Dominus in verbis predictis. Attendat adhuc iste hæreticus verba Salvatoris nostri, dixit enim ; *Vae vobis legisperitis, qui tulistis clavem scientiæ* ; clavem dixit scientiæ, non dixit clavem regni cælorum, de quibus clavibus, cum de clavibus Ecclesie loqueretur, est intelligendus : illas vero Petro a Christo promissas legimus, et non scientiæ clavem, ut patet Matth. xvi ubi Dominus Petro sic dicit : *Ego dico tibi, quia tu es Petrus et super hanc petram ædificabo Ecclesiam meam, et portæ inferi non prævalent adversus eam, et tibi dabo claves regni cælorum*. Pe clavibus autem istis regni cælorum Augustinus de doctrina Christiana sic dicit : Has claves dedit Ecclesie suæ, ut quæ solveret in terra, soluta essent in caelis ; et quæ ligaret in terra, ligata essent in caelis. Hoc etiam Salvator noster dixisse videtur expresse, sicut Constitutio prædicta *Quia quorundam* dicit ; quia immediate post verba illa, *Tibi dabo claves regni cælorum* subiunxit : *Et quodcumque ligaveris super terram, erit ligatum et in caelis : et quodcumque solveris super terram, erit solutum et in caelis*. Et si quæretur, quæ sit clavis scientiæ, de

qua Dominus loquitur Luc. xi, respondet glos. a, quod clavis scientiæ Dominice est Christi humilitas, quam qui habet, habet apertum ostium ad intelligendum Scripturas. Hanc Pharisei et Legisperiti contempserunt, nec ipsi eam in Lege et Prophetis noluerunt intelligere, nec ab aliis intelligi permiserunt. Item clavis scientiæ potest dici fides secundum illud Isaie vii : *Nisi credideritis, non intelligetis*. Hanc clavem scientiæ, scilicet Christi fidem, Pharisei et legisperiti suis pravis expositionibus de Legis et Prophetarum dictis abstulerunt, quantum in eis fuit, sicut iste hæreticus, ut patet, nititur auferre. Hanc clavem, scilicet fidem habebat Petrus, antequam sibi Dominus promitteret regni cælorum claves, ut patet in præallegato cap. Matth. xvi, cum Dominus Apostolos interrogasset, quem dicebant homines esse filium hominis, et postmodum diceret eis : *Vos autem quem me esse dicitis ? Respondens Petrus dixit : Tu es Christus filius Dei vivi*. Et sic patet, quod hanc clavem, scilicet fidei, Petrus habebat ante promissionem prædictam. Habebat etiam et humilitatem, alias Deus Pater hoc non revelasset ei, qui tanta revelare parvulis, id est humilibus consuevit, juxta illud Matth. xi : *Confiteor tibi Pater, qui abscondisti hæc a sapientibus et prudentibus, et revelasti ea parvulis* : et juxta illud Psalmista : *Scientiam dat parvulis*. Et quod Pater Petro revelaverit responsionem prædictam, hoc immediate subiunxit Dominus noster, qui immediate post responsionem Petri eidem Petro sic dicit : *Beatus es, Simon Barjona, quia caro et sanguis non revelavit tibi, sed Pater meus, qui est in caelis*.

68. « Item impugnatur adhuc iste hæreticus Constitutionem prædictam, falso imponens ei, quod dicit, quod summus Pontifex in his quæ ad fidem et mores pertinent potest suorum prædecessorum definitiones et dicta revocare, et contrarium statuere, prout decreverit statuendum ; aperte juxta morem suum mentitur hæreticus supra dictus : Constitutio enim illa hoc non dicit, nec de hoc facit aliquam mentionem, ut patere potest cuilibet intuenti ; imo expresse negat, quod dicere Christum et Apostolos non habuisse in iis, quæ habuerunt nisi simplicem usum facti, profecto hoc directe, nec ad fidem pertinet, nec ad mores, ut in § *Præterea* patet, in quo sic dicit : Præterea dicant nobis assertores hujusmodi, ubi legunt, quod ad fidem vel ad mores pertineat Christum et Apostolos non habuisse in iis, quæ habuerunt, nisi simplicem facti usum. Profecto directe hoc ad fidem non pertinet, cum de hoc articulus non sit aliquis, nec sub quo valeat comprehendendi, ut patet ex symbolis, in quibus articuli fidei continentur ; nec etiam reductive, quasi hæc sacra Scriptura continet, quo negotio, tota Scriptura sacra reddidit dabit, et per consequens articuli fidei, qui habent per Scripturam sacram probari, redderentur dubii et incerti ; hoc enim in Scriptura sacra non poterit, sed contrarium reperiri. Ex

quibus concludit dicens : Unde non possunt ex prædictis concludere, nisi falso, quin contra ordinata per summos Pontifices circa talia liceat successoribus aliud ordinare, quod prædictus Nicolaus expresse in sua declaratione inseruit, ut superius plenius continetur. Præmissa quoque, ut ad plurius possent pervenire notitiam, eorumque memoria conservari valeret diutius, Scriptoræ præsentii decrevimus committenda : quam quidem Bulla nostra munitam majoris Ecclesie Avinionensis ostiis affigi fecimus seu appendi, ut sic juxta nostrum desiderium ad communem deducta notitiam hæreticorum doctrina prædicta pestifera sic suo præloceatur in ortu, quod nequaquam ejusdem virus nequiter ad inficiendum simplices ulterius diffundatur. Dat. Avin. XIV kalend. Decembris, Pontificatus nostri anno XIV, anno Domini MCCCXXIX ».

69. *Paucis exceptis universus Minoritarum Ordo in fide Romani Pontificis perseverat.* — Transmisit hunc Commentarium Pontifex ad præsules, ut hæreticorum ora obstruerent, interque alios ad Hugonem episcopum Parisiensem ¹, ut divulgandum curaret : qui quidem una cum Parisiensi Academia egregiam laudem in propugnanda Apostolica doctrina et Michaelis erroribus refellendis tulit ². Pari gloria in Anglia Icherius e Concreto Apostolicæ Sedis nuntius adversus nonnullos Michaelis sequaces pseudominoritas, qui foedissimos errores spargebant, susceptis impigre multis laboribus enituit ³. Willelmus etiam Juliaci comes, cum pium insectandi hæreticos ardorem concepisset, a Pontifice est collaudatus ⁴. Quamvis vero nonnulli Minorite, impietatis signiferis Petro e Corbaria, Michaele et Ochamo, qui per universum orbem Christianum publice in Ecclesiis defixi anathemate et hæreseos nota iniusti fuere, ut docent publica ea de re documenta ⁵; schismatis et hæreseos laqueis se implicuissent; tamen sacer Ordo pene universus in fide Romani Pontificis constans perstitit, ipso Pontifice in litteris datis ⁶ ad reginam Francorum teste : qui suam in eundem Ordinem benevolentiam non ob prævaricatorum perfidiam imminutam, sed ob aliorum zelum in comitiis solemnibus adeundis, magnisque susceptis impigre laboribus explicitum, auctam proficitur.

« Joannes episcopus, etc. Joannæ reginæ Franciæ illustri.

« Ut de affectione, quam ad eundem Ordinem gerimus, sollicitudini regis satietat indubie, volumus excellentiam regiam istud scire, quod ex tunc affectus noster ad eundem Ordinem auctus est merito, non mutatus. Ex tunc enim, non obstante quod ille Petrus de Corbaria, reputatione frater ejusdem Ordinis, cathedram B. Petri præ-

sumptuose nimium tentaverit occupare, seque summum Pontificem a suis sequacibus fecerit nominari, Michael quoque olim eorum minister, cum nonnullis sequacibus a nostra et Sedis Apostolicæ obedientia se velut schismaticis et hæreticis, duxerit subtrahendum; ministrisque dicti ordinis et aliis fratribus Petrus et Michael supradicti sub penis gravibus per suas litteras duxerint injungendum, ne venerabili fratri nostro Bertrando episcopo Tusculano, quem dicto Ordini quousque de ministro ordinatum foret, vicarium dedimus, in aliquo non parerent; nec nostras, seu ejusdem vicarii sententias excommunicationis, vel alias, nullatenus observarent, sed interdicta per nos posita violarent, Ordo tamen prædictus generaliter ubique (paucis exceptis personis vilibus, quæ fere omnes propter eorum delicta dudum carceri adjudicati fuerant, vel erant præsentialiter judicandi) adeo prompte et plene nostris et dicti vicarii parere mandatis, sicut unquam summo Pontifici vel suo vero ministro paruit dictus Ordo. Interdicta quoque nostra servaverunt, ubi potuerunt, fratres dicti Ordinis : ubi vero non poterant, fugientes de locis illis, se ad loca, ubi servare poterunt, transtulerunt. Contra fautores quoque Petri et Michaelis tam inquisitores hæreticæ pravitatis ejusdem Ordinis, quam ministri et alii, ad quos poterat pertinere, diversos processus fecerunt et sententias protulerunt : ac in præsentii omnes ministri et fratres alii pro generali ministro opportune, spretis mortis periculis, quod erat incredibile, properant versus Parisios gressus suos. Nonne per hæc, filia charissima, meruit dictus Ordo, sed et promeruit merito gratiæ et favoris augmentum? etc. » Roganti reginæ ut ea comitia Ordinis in longius tempus extraherentur, respondet Pontifex id consilium ejusdem Ordinis utilitati non conducere. Quibus litteris adjecta dies est « III non. Maii, Pontificatus anno XII ».

Minoritas vero aliis litteris paterni amoris notis insignibus referitis hortatus est ¹, ut virum virtutibus conspicuum sibi præficerent; ex rectoris enim improba administratione gravissima mala emersisse : pietati propagandæ ac moribus ad sanctitatem perpoliendis studerent. De servando vero discipline rigore hoc illos præcepto imbuunt : « Sic discretionis moderetur æqualitas, ne vel nimia remissio nutritiva sit vitiorum, vel impia districtio parricida virtutum ». Ad servandam præterea mutuam animorum conjunctionem, conciliandam sibi præsulum benevolentiam ipsis admodum necessariam impulsit, ipsosque illorum famam carpere ac traducere vetuit. Excitavit denique ad preces Numini divino fundendas, ut tranquillitatem in Ecclesiam, hæreseos et schismatis fluctibus agitatam, adduceret : pariterque sollicitati Cisterciensis ² ac Prædicatoris ³, qui Ordinis

¹ Tom. VII, p. 2. Ep. secr. pag. 113. — ² Tom. VI, p. 1. Ep. secr. pag. 123. — ³ Ead. p. pag. 135. — ⁴ Ibid. pag. 99. — ⁵ Ext. inter alia in Avin. Arch. reperta num. 461. — ⁶ Tom. VII, p. 4. Ep. secr. pag. 124.

¹ Tom. VII, p. 1. pag. 125. — ² Ead. p. pag. 122. — ³ Ibid. pag. 58.

comitia celebrabant, ut piis orationibus Deum ad molandas iras restituendamque Ecclesiae quietem flecterent. Nec vanas Pontificis de religiosorum virorum precibus conceptas spes fuisse sequenti anno visuri sumus, quo antipapa schisma execratum est.

70. *Echardus haeresiarcha damnatus.* — Emergit e Prædicatorum, quam paulo ante memoravi familia, blasphemus Echardus, vir apud eos sacræ paginæ doctoratus laurea donatus : qui cum errores fœdissimos disseminaret, primum a Coloniensi archiepiscopo in ipsum fidei questio habita est : eaque ad Sedem Apostolicam revocata, cum iterum exerceri cepisset, constitit tum utroque examine, tum Echardi ipsius confessione, ipsum prædicasse, scripsisse ac docuisse nonnulla, quæ cum fide Catholica pugnabant, et alia quæ hæreses suspicione laborabant : ac propterea ex sacri cardinalium senatus consilio damnata fuere. Tum etiam Pontifex in eos omnes, qui pertinaciter eos errores tuerentur, quæstionem haberi jussit : injunxitque partes archiepiscopo Coloniensi ¹, ut litteras Pontificias, quibus ii errores confutati erant, in provincia sua promulgaret, ne inficerentur simplicium animi, velque maxime, apud quos Echardus, dum vivebat, errores fuderat.

« Joannes, etc. ad perpetuam rei memoriam.

« Dolenter referimus, quod quidam his temporibus, de partibus Theutoniæ Ekardus nomine, doctorque, ut fertur, sacræ paginæ ac professor Ordinis fratrum Prædicatorum, plus voluit sapere quam oportuit, et non ad sobrietatem, neque secundum mensuram fidei, quia a veritate auditum avertens, ad fabulas se convertit. Per illum enim patrem mendacii, qui se frequenter in lucis Angelum transfiguravit, ut obscuram et tetram caliginem sensuum pro lumine veritatis effundat, homo iste seductus, contra lucidissimam veritatem fidei in agro Ecclesiæ spinas et tribulos germinans, ac nocivos cardos et venenosos paliuros producere satagens, dogmatizavit multa, fidem veram in cordibus multorum obnubilantia, quæ docuit quam maxime coram vulgo simplici in suis prædicationibus, quæ etiam redegit in scriptis. Ex inquisitione siquidem contra eum super his auctoritate venerabilis fratris nostri Henrici Coloniensis archiepiscopi prius facta, et tandem auctoritate nostra in Romana curia renovata comperimus, evidenter constare per confessionem ejusdem Ekardi, quod ipse prædicavit, dogmatizavit et scripsit viginti sex articulos, tenorem qui sequitur continentes.

71. « — Primus articulus. Interrogatus quandoque, quare Deus mundum non prius produxerit, respondit tunc sicut nunc, quod Deus non potuit primo producere mundum, quia res non potest agere antequam sit; unde quam cito Deus fuit, tam cito mundum creavit. — Secundus articulus.

Item concedi potest mundum fuisse ab æterno. — Tertius articulus. Item simul et semel quando Deus fuit, quando Filium sibi coæternum per omnia coæqualem Deum genuit, etiam mundum creavit. — Quartus articulus. Item in omni opere, etiam malo, malo, inquam, tam penæ quam culpæ, manifestatur et reflect æqualiter gloria Dei. — Quintus articulus. Item vituperans quempiam vituperio, ipso peccato vituperii laudat Deum; et quo plus vituperat et gravius peccat, amplius Deum laudat. — Sextus articulus. Item Deum ipsum quis blasphemando, Deum laudat. — Septimus articulus. Item quod petens hoc aut hoc, malum petit et male, quia negationem boni et negationem Dei petit, et orat Deum sibi negari. — Octavus articulus. Qui non intendunt res, nec honores, nec utilitatem, nec devotionem internam, nec sanctitatem, nec præmium, nec regnum cælorum, sed omnibus iis renuntiaverunt, etiam quod suum est, in illis hominibus honoratur Deus. — Nonus articulus. Ego nuper cogitavi, utrum ego vellem aliquid recipere a Deo vel desiderare : ego volo de hoc valde bene deliberare, quia ubi ego essem accipiens a Deo, ibi essem ego sub eo, vel infra eum, sicut unus famulus, vel servus; et ipse sicut Dominus in dando : et sic non debemus esse in æterna vita. — Decimus articulus. Nos transformamur totaliter in Deum, et convertimur in eum simili modo, sicut in sacramento panis convertitur in corpus Christi : sic ego convertor in eum, quod ipse operatur me suum esse. Unum non simile per viventem Deum verum est, quod nulla ibi est distinctio. — Undecimus articulus. Quidquid Deus Pater dedit Filio suo unigenito in humana natura, hoc totum dedit mihi : hic nihil excipio nec unionem, nec sanctitatem, sed totum dedit mihi sicut sibi. — Duodecimus articulus. Quidquid dicit sacra Scriptura de Christo, hoc etiam totum verificatur de omni bono et divino homine. — Decimus tertius articulus. Quidquid proprium est divinæ naturæ, hoc totum proprium est homini justo et divino : propter hoc iste homo operatur quidquid Deus operatur, et creavit una cum Deo cælum et terram, et est generator Verbi æterni, et Deus sine tali homine nesciret quidquam facere. — Decimus quartus articulus. Bonus homo debet sic conformare voluntatem suam voluntati divinæ, quod ipse velit quidquid Deus vult : quia Deus vult aliquo modo me peccasse nollem ego, quod ego peccata non commissem; et hæc est vera pœnitentia. — Decimus quintus articulus. Si homo commisisset mille peccata mortalia, si talis homo esset recte dispositus, non deberet velle se ea non commisisse. — Decimus sextus articulus. Deus proprie non præcepit actum exteriorum. — Decimus septimus articulus. Actus exterior non est proprie bonus, nec divinus : nec operatur ipsum Deus proprie, neque parit. — Decimus octavus articulus. Afferamus fructum actuum non exteriorum, qui nos bonos non faciunt; sed

¹ An. 13. p. 1. Ep. cur. v.

actuum interiorum, quos Pater in nobis manens facit et operatur. — Decimus nonus articulus. Deus animas amat, non opus extra. — Viginti unus articulus. Quod bonus homo est unigenitus Filius Dei. — Viginti primus articulus. Homo nobilis est ille unigenitus Filius Dei, quem Pater aeternaliter genuit. — Viginti secundus articulus. Pater genuit me suum filium et eundem Filium, quicquid Deus operatur, hoc est, unum, propter hoc general ipse me suum filium sine omni distinctione. — Viginti tertius articulus. Deus est unus omnibus modis, et secundum omnem rationem; ita ut in ipso non sit invenire aliquam multitudinem in intellectu, vel extra intellectum: qui enim duo videt, vel distinctionem videt, Deum non videt: Deus enim unus est extra numerum et supra numerum, nec ponitur unum cum aliquo: sequitur, nulla igitur in ipso Deo distinctio esse potest aut intelligi. — Viginti quartus articulus. Omnis distinctio est a Deo aliena, neque in natura neque in personis probatur, quia natura ipsa est una et hoc unum, et qualibet persona est una, et ad ipsum unum quod natura. Viginti quintus articulus. Domine dicitur: Simon, diligis me plus his? sensus est, id est, plus quam istos, et bene quidem, sed non perfecte; in primo enim et secundo et plus et minus et gradus est et ordo: in uno autem nec gradus est nec ordo. Qui igitur diligit Deum plus quam proximum, bene quidem, sed nondum perfecte. — Viginti sextus articulus. Omnes creature sunt unum purum nihil: non dico, quod sint quid modicum vel aliquid; sed quod sint unum purum nihil.

« Objectum præterea extitit dicto Ekardo, quod prædicaverat, alios duos articulos sub his verbis. — Primus articulus. Aliquid est in anima, quod est increatum et increabile: si tota anima esset talis, esset increata et increabilis, et hoc est intellectus. — Secundus articulus. Quod Deus non est bonus, neque melior neque optimus; ita male dico, quodcumque voco Deum bonum, ac si ego album vocarem nigrum. Verum nos omnes superscriptos articulos, per multos sacre Theologie doctores examinari fecimus, et nos ipsi cum fratribus nostris illos examinavimus diligenter, et demum quia tam per relationem doctorum ipsorum, quam per examinationem nostram invenimus primos quindecim memoratos articulos, et duos etiam alios ultimos tam ex suorum sono verborum, quam ex suarum connexion sententiarum errorem, seu labem hæresis continere, alios vero undecim, quorum primus incipit, *Deus non præci-uit*, etc. reperimus nimis male sonare, et multum esse temerarios, de hæresique suspectos, licet cum multis expositionibus et suppletionibus, seu cum Catholicum formare valeant vel debere; ne articuli huiusmodi seu contenta in eis, corda simplicium, apud quos prædicali fuerunt, ultra influere valeant, neve apud illos, vel alios quomo-

dolibet invalescant: nos de dictorum fratrum nostrorum consilio præfatos quindecim primos articulos, et duos alios ultimos tanquam hæreticos, dictos vero alios undecim, tanquam male sonantes, temerarios et suspectos de hæresi, ac nihilominus libros quoslibet, seu opuscula ejusdem Ekardi, præfatos articulos, seu eorum aliquem continentes damnamus et reprobamus expresse: si qui vero eosdem articulos pertinaciter defendere, vel approbare præsumpserint, contra illos, qui prædictos quindecim articulos et duos alios ultimos, seu eorum aliquem sic defenderint, aut approbaverint, tanquam contra hæreticos; adversus vero eos, qui alios dictos undecim articulos, prout sonant verba eorum, defenderint aut approbaverint, velut contra suspectos de hæresi, procedi volumus et mandamus.

72. « Porro tam illis, apud quos præfati articuli prædicti seu dogmatizati fuerint, quam quibuslibet aliis, ad quorum devenire notitiam, volumus notum esse, quod prout constat per publicum instrumentum inde confectum, præfatus Ekardus in fine vite suæ fidem Catholicam profitens, prædictos viginti sex articulos, quos se prædicasse confessus extitit: necnon quæcumque alia per eum scripta et docta sive in scholis, sive in prædicationibus, que possent generare in mentibus fidelium sensum hæreticum vel erroneum, ac vere fidei inimicum; quantum ad illum sensum revocavit, ac etiam reprobavit, et haberi voluit pro simpliciter et totaliter revocatis, ac si illos et illa sigillatim et singulariter revocasset; determinationi Apostolicæ Sedis et nostræ tam se, quam scripta sua et dicta omnia submitiendo. Dat. Avin. VI kal. Aprilis, Pontificatus nostri anno XIII ».

Ignoravit plane infandas hujus hominis hæreses Taulerus¹, qui meminit in opusculis suis Echardi tanquam egregii alicujus theologi pietate conspici: cujus errorem secuti alii, non discussa re, hæresiarcham tanquam virum insignem Ordinis Prædicatorum suis Annalibus commendaverunt. Certe inter mellita verba pietatem spirantia suspectam doctrinam interjecit: quippe, cum præcipiti volubilitate garriret ad inanem gloriolæ aucupium, blasphemias horridas, et contradictorias sententias tanquam arcanas, quibus doctrinam excellentem tegeret, obtrudebat.

73. *Sedibus Moguntinæ et Wratislaviensis consulit Pontifex.* — Nec solum munus injunxit Coloniensi archiep. Joannes, ut pestiferos errores ab Echardo disseminatos e suo grege evelleret; verum ut decanum quoque et canonicos Moguntinos novo archiepiscopo infensos reprimeret². Obierat enim anno superiori Matthias archiepiscopus, vir magni in defendenda Sedis Apost. dignitate zeli, ingentiumque virtutum, de quo præclarum castimonie exemplum, ex Wione refert

¹ Taul. in opuscul. de convitiis in Echard. et ex eo Bzov. in Annal. ad an. Chr. 1337, num. 11. — ² Tom. VII, p. 1. Ep. sec. pag. 84.

his verbis Serarius ¹ : « Vitam, inquit lib. 2 Wion, duxit castissimam : dum enim quadam vice, eo ignorante, a camerariis suis pulcherrima quadam virgo in cubiculum fuisset intromissa, ut ejus sanitati, consilio, ut aiebant, medicorum, continentiam ei obesse affirmantium, consulerent, virginem quidem blande a se intactam dimisit : sed camerariis ne talem rem amplius tentarent, sub interminatione praecepit, etc. » Peperit Moguntino principatui ingentes motus Matthiae archiepiscopi mors, cum Joannes ² papa jam ante Sedi Apostolicæ ob Germanica bella praeficiendi illi Ecclesiae archiepiscopi reservasset auctoritatem et Henricum (de Wirnberg cognominat eum Serarius ³) ex cardinalium sententia creasset archiepiscopum, quem idibus Martii litteris ad clerum et populum Moguntinum datis commendavit : Balduinus vero Trevirensis archiepiscopus a Moguntino clero postulatus in archiepiscopum, canonicis violatis juribus, sedis ejusdem administrationem arripuisset, ac vi tentata temere tueretur. Accessit porro in gratiam patris deprecator apud Pontificem Joannes Boemiae rex : cui ab illo responsum ⁴, id jura pati non posse, cum Moguntinus clerus, qui suis votis ipsum ad archiepiscopatum vocabat, rem constituto tempore et legitimum ritum non promovisset.

74. Pari oppressos praesules contra potentiorum audaciam tuendi zelo permotus Pontifex eundem Joannem Boemiae, ad Wladislavum Poloniae, et Carolum Hungariae reges ut contra Bolconem ducem Silesiae Nankero Wratislaviensi episcopo opera et consilio adessent, est adhortatus ⁵. Traductum illum superiori anno e Cracoviensi Wratislaviam, refert Chromerus ⁶ magnisque mox involutum calamitatibus bellicis, cum Prutheni equites societate regis Boemiae fulti adversus Polonum, cui auxilia ferebat Ungarus, de Pomerania certarent : in ejus belli ardore Wratislavia a Prussis capta impetu et adempta Polonis, et mox flammis deleta. Illatum postea vicissim a Polonio in Prussiam bellum, sociantibus cum eo arma Ungaris et Lithuanis, et regio late devastata. Pactae post induciae et a Wernero cruciferorum equitum principe Joannes rex Boemiae, et ab Wladislao Poloniae rege Carolus Ungarus rex controversiae delecti arbitri ; de quibus Michovias ⁷ et Chromerus ⁸ fusius agunt.

75. *Petri Cumerii errores circa potestatem Ecclesiae confutat Bertrandus episcopus Eduensis.* — In Galliis Petrus Cumerius in Parisiensi senatu procurator regis gravem controversiam adversus Ecclesiasticam libertatem movit ⁹, contendebatque lites ad Ecclesiasticum forum non averte-
tendas, sed cum divina et humana discreti sint,

divina jura a sacerdotibus, humana a regibus ejusque administris tractanda : tum omnem illorum in dirimendis controversiis auctoritatem convellere. Propugnavit Ecclesiasticorum causam Bertrandus episcopus Eduensis, cujus opusculum insigne in Bibliotheca Patrum extat ¹, in quo ubi pluribus episcoporum dignitatem et eos reges, qui ipsos singulariter sunt veneratione prosecuti, victoriis et felicitate cumulatos demonstravit, divini humanique juris dicendi auctoritatem discretam, sed non inter se pugnantem ostendit, ut apud unum eundemque consistere non possit : veteres sacerdotes in naturali et Moisaica lege utraque usos, Christum Dominum et Apostolos in Evangelica ; ac Petri Cumerii argumentum egregie in his verbis retorquet ² : « Dicebat, et in hoc bene, quod per duos gladios intelligebantur duae potestates, videlicet temporalis et spiritualis. Sed penes quos voluit esse istos duos gladios ? Certum est quod penes Petrum et alios Apostolos : Petro autem successit dominus papa, Apostolis vero succedunt alii episcopi, sicut discipulis curati, ut apparet in glos. Luc. x. Ex quo arguo sic : Per duos gladios intelliguntur praedictae duae potestates. Sed Christus voluit esse illos duos penes Ecclesiam. Ergo et utramque potestatem. Sed dices, quod Christus reprehendit Petrum, quia percussit gladio temporali, amputando auriculam, dicens ei : *Converte gladium tuum, etc.* Sed hoc non valet : Christus enim non dixit Petro, quod expelleret a se talem gladium, sed reponeret in vaginam, penes se servandum in vagina, ut daret intelligi, quod talis potestas, etsi sit penes Ecclesiam ; tamen ejus exercitium quantum ad causam sanguinis in nova lege vult esse in manu iudicis laicalis, secundum nutum vero et imperium penes sacerdotem.

76. « Tertio ³, probo ex intentione Pauli Apostoli, ubi dicit, quod habens negotium etiam seculare adversus alterum debet judicari apud sanctos, unde fecit tale argumentum : *An nescitis quomodo sancti de hoc mundo judicabunt ? Et si in vobis judicabitur mundus, indigni estis, ut de minimis judicetis ;* quasi dicat : Non nescitis quoniam Angelos judicabitis ? Quanto magis ergo secularia ? Et sequitur : *Secularia igitur judicia si habueritis, contemptibiles, si qui sunt in Ecclesia, illos constituite ad judicandum.* Nec obstat quod subdit Apostolus ibidem : *Ad verecundiam vestram dico ;* quia illud referre debet ad hoc quod dicit, *contemptibiles constituite.* Unde quasi ironice in hoc loquitur Apostolus, ac si diceret, quod citius deberent recurrere ad iudicium contemptibilem, qui sunt in Ecclesia, quam ad iudicium aliorum, qui sunt extra Ecclesiam. Ergo multo fortius deberent recurrere ad iudicium sapientum, qui sunt in Ecclesia multi. Unde ta-

¹ Serar. Mogunt. rer. l. v, in Matthia. — ² Tom. VII, p. 1. Ep. secr. pag. 94. — ³ Ser. Mog. rer. l. v. in Henr. — ⁴ Tom. VII, p. 1. Ep. secr. pag. 93. — ⁵ Ead. p. pag. 95 et 98. — ⁶ Chron. Hist. Pol. l. xi. — ⁷ Mich. l. iv. c. 10. — ⁸ Chron. sup. l. xi. — ⁹ Paul. Emul. in Phil. IV.

¹ Ext. in bibl. Cambr. p. pag. 1182. — ² Luc. XXII. — ³ Sup. tom. I, p. 1. 1399.

tim postquam Apostolus dixerat: *Ad verecundiam vestram dico* ; subiungit : *Sic non est inter vos sapiens quisquam, qui possit iudicare inter fratrem et fratrem suum* ; quasi dicat, imo est. Patet ergo ex istis et multis aliis, quæ causa brevitatis omitto, quod utraque potestas potest cadere in personam Ecclesiasticam ». Et infra :

« Nec obstat si dicitur, quod Petrus et alii Apostoli, imo etiam Christus parum usi sunt ista potestate temporali ; et quod in eis non fuit alia ratio, quam nunc sit in nobis, sicut probatur 12. q. 1 cap. *Futuram*, et in multis aliis cap. Apostoli a finito (fidelibus) non recipiebant agros nec prædia, quam nunc sit in nobis, sicut probatur 12. q. 1 cap. *Futuram*, et in multis aliis cap. Apostoli a finito (fidelibus) non recipiebant agros nec prædia, sed pretia eorum : quæ tamen Ecclesia valde rationabiliter recipit etiam cum magno merito dantium et offerentium, sicut patet de Constantino et aliis. Et ratio diversitatis tangitur in dicto capite pro eo, quod Apostoli futuram Ecclesiam in gentibus prævidebant non apud Judeam remansuram, etc. Consimiliter quia Christus et Apostoli ab initio totaliter nostræ salutis et conversioni ac eruditioni intenti, parum circa ejusmodique jurisdictionis exercitium insistebant, attendentes illud primæ ad Cor¹. *Omnia mihi licent, sed non expeditur*. Et illud Eccles.² *Omni negotio tempus est et opportunitas*. Sed nunc per Dei gratiam totus populus Gallicanus colla Christianæ fidei submisit. Merito igitur Ecclesia insistit circa delictorum punitionem, et justorum judiciorum redditionem, etc. » Ubi divino jure fultam Ecclesiasticorum jurisdictionis causam aperuit, naturali quoque juri, ac demum civili probat.

77. « Dicit, inquit, lex, quod si iudex laicus fuerit suspectus, adjungatur ei episcopus civitatis : si autem fuerit negligens, totum judicium ad episcopum refertur, ut probatur in corpore Authenticorum, etc. Præterea Theodosius imperator talem legem condidit : Quicumque litem habens, sive petitor fuerit, sive actor, sive ab initio litis, vel decursis temporum curricularis, sive cum pejoratur, sive cum incoeperit perimi (promi) sententia, si judicium elegerit sacrosanctæ S. dis antistitis, illico sine aliqua dubitatione cesset : si alia pars refragatur, ad episcoporum judicium cum sermone litigantium dirigatur. Quam legem postea Carolus magnus, qui erat rex Franciæ, ita confirmavit : Volumus, etc. » Hæc ex nobili de hac controversia tractatu delibare placuit, cui alter elegans ab eo-

dem auctore adjunctus : *De origine et usu jurisdictionum : sive de spirituali et temporali potestate*.

Quem vero exitum controversia sortita sit, describit Paulus Æmilius¹ : « Prima actione nihil constitutum. Cum ampliatur die D. Thomas Cantuariensi festo cum patrum frequenti globo Bertrandus regem adit, admonique illum illuxisse diem quem pro libertate Ecclesiæ Thomas sanguine suo consecrasset. Respondit rex, omnia sibi curæ futura. Anceps vox. Bertrandus ut certius latiusque eliceret responsum, oravit ut qui divinitus vocatus fuisset ad sceptrum, ambiguo responso non dimitteret tristes se ac sacerdotes, qui quotidie rem divinam pro eo facerent. Tunc rex : Jura, inquit, Ecclesiarum auxerim potius, quam imminuta velim. Gratias universi egerunt. Rex Catholicici cognomen promeruit ». Retulit etiam Bertrandus episcopus justæ defensionis Ecclesiasticæ dignitatis præmia : illum enim creatum a Joanne cardinalem, urgente Philippo rege, visuri sumus. Petrus vero Cannerius tanto laboravit odio, ut pueri illius imaginem stylis confingerent, ejusque infamia in proverbium abierit.

De lata porro a se in Ecclesiasticorum gratiam sententia, ac repressis eorum conatibus, qui sacerdotum auctoritatem labefactare moliebantur, Philippus rex Pontificem certiorum fecisse videtur ; cum vicissim Pontifex illi, ut Catholicum principem se gessisse gratuletur² : « Litteras, inquit, regis fervorem magnæ devotionis et fidei quibus erga Deum et Ecclesiam sanctam suam, fidemque protegendam et dilatandam Catholicam præfulgere regalis serenitas noscitur, recensentes delectabiliter, et responsum perveris detractoribus ledere sinceritatem regiam circa præmissa molentibus factam, sicut Catholicum et orthodoxum decebat principem, describentes recepimus læta manu ; et præmissa etiam nonnullorum gratis Deo et nobis relatiuis audivimus exultantes, inde regiam prudentiam cum gratiarum actionibus uberibus laudis et commendationis præconiis in Domino plurimum attolentes, eamque rogantes attentius et hortantes, quatenus in hujusmodi salutari proposito, ut mereatur semper uberius divinam et Apostolicæ Sedis benedictionem et gratiam, stabiliter perseveret, etc. Dat. III. non. Junii, anno xiii » (1).

¹ 1. Cor. vi. — ² Ecc. viii.

² Paul. Æmil. in Phil. IV. — ³ Tom. vii. p. 1. Ep. secr. pag. 121.

1. Minor ampliatum nostrum osculante adeo ex-cipit se ea, quæ hic exhibet de controversia junium Ecclesiasticorum cum laicis, ut crederet in litteris Joannis ad Philippum regem hoc anno datis die III non. Junii, occurrere eidem regi gratias pro lite Ecclesiasticæ adjudicata. Id profecto parum cum æpocha congrua et absolute hujus controversiæ ; nam, ut ex Paulo Æmilio narrat annalista, Philippus die S. Thomæ Cantuariensis festi, id est, die XXII Decembris hujus anni, ut constat ex Actis ejus junium, legendis apud Labbeum Couet. tom. xv, col. 294 edit. Venet. in quibus dies illa cum feria VI fiturum, ut respiciat meo dat. anno MCXXIX, die, inquam, illa, Ecclesiasticæ apud regem conveniunt, rogantes ne quid sibi de prius suis detraberetur. Rex vero, prosequitur Acta illa, in sequentem diem Venetiis responsum exhibuit, adroque hoc ita quidem anno MCXXIX tota causa peracta ; res anni sequentis exordio, die scilicet v. Januarii anni MCCXXX adhuc pendebat. Quomodo ergo Pontifex die III non. Junii pro felici epæ exitu datæ litteras ponit ? Sed nec satis in Annalibus ejus causæ Acta explicandæ. Igitur die XXII Decembris Ecclesiastici pro concione relictant et quæ patronus causarum regis pro iuribus eorum, everteendis in oppositum abulerat, id vero ita prorsiterunt, ut non quidem sententiam a rege expectare valerent, sed ut consilium apud tutumque suggererent. Rex scripto tradit ea quæ repositant Ecclesiastici rogavit. Illi chartam porrexerunt, in qua singula pura sua, quæ

78. *Eduardus Gallo adjicit fidem quam deum violat.* — Hoc anno trajecit in Gallias Eduardus III Angliæ rex¹, solemnique ritu acceptam beneficio auctoritatisque auctæ Gallicæ Aquitaniam professus, fidem Philippo regi devinxit. Qui tamen conversis rebus datæ fidei immemor Francorum rex vocari voluit, ac regnum Gallicum magno rerum Christianarum damno ferro flammaque invasit. Hoc vero tempore domesticæ turbæ suis contentum esse coegerunt: dissensere enim ab eo Angliæ principes, quos ipsi conciliandos Pontifex suscepit², litterasque dedit ad Eduardum, ad patrum illius Edmundum Cantie et Thomam mareschallum et Henricum Lancastriæ comites, necnon ad Cantuariensem archiepiscopum, cui discordiæ causas sibi aperire jussit, ad Joannem³ episcopum Wintoniensem, quem ob dissensionis auctæ suspicionem corripuit; denique ad Isabellam⁴ reginam, ut pacandis rebus operam daret.

79. In Scotia Robertus rex, qui regiam dignitatem adversus Anglorum conatus tot gestis præliis sue genti asseruerat, ad eam divino constabiliendam præsidio, jam ante accepta regia insignia, totque annorum flexu vi et armis defensa, Apostolica auctoritate novo ritu induere peroptavit; tum ut ejus successores ex novo Pontificis Decreto ab episcopo S. Andreae, instaurato veteri more, regia unctione linirentur: cujus votis Joannes subjecto Diplomate assensit⁵:

« Clarissimo in Christo filio Roberto regi Scotiæ illustri.

« A summo cælestis regni rege perpetuo, per quem singuli reges regnant et principes principantur, temporalis gladii ad vindictam malorum laudemque bonorum est ipsis attributa potestas, ut judicent in æquitate populos et in terris dirigant subjectas sibi gentium nationes; sitque voluntas eorum in executione justitiæ, ac meditatio in lege rectitudinis et observantia bonæ pacis. Ad quæ utique perfectius exercenda iidem reges unctionis sacre virtute, quam per venerabiles Dei ministros antiquo more suscipiunt, donum gratiæ recipiunt potiores, ut et in prosecutione justæ regiminis fortius convallescant, et tam in se quam in eorum subditos prudentiori et sanctorum spiritu dirigantur. Vehemens namque est in eisdem regibus hujusmodi efficacia unctionis, nam inuncto Saule insiliit Spiritus Domini super eum, et in virum alterum est mutatus: et David, unctione suscepta,

Spiritu Domini est directus. Ad insinuandum quoque, quod in regibus esse debeat plenitudo virtutum et integra domini temporalis auctoritas, capiti principis sub circulari forma honorabile imponitur diadema, ut ab eo, qui talibus fuerit decoratus insigniis, et titulis præsignitus, tanquam a capite subditis, velut membris recte vivendi modus et modestiæ regula indicatur.

« Sane tu, velut devotissimus Ecclesiæ filius princepsque Catholicus, devote considerans rorem spiritualis gratiæ, qui per hujusmodi infunditur unctionem ferventi desiderio ducis, ut Romana Ecclesiæ, tuæ cunctorumque mater fidelium et magistra, quod tibi et Catholicis principibus, qui legitime tibi in regno prædicto successerint, hujusmodi inunctio et coronatio possint manu sacra Pontificis exhiberi, suæ robur auctoritatis exhibeat, et præsidium Apostolicæ firmitatis impendat; maxime cum, sicut ex tenore tuæ petitionis accepimus, tum tu quam prædecessores tui reges Scotiæ consueveris ab episcopis S. Andreae, qui fuerunt pro tempore, ab antiquis retroactis temporibus insignia recipere regni dignitatis: quare tu per tuos solennes nuntios, quos propter hoc ad Sedem Apostolicam specialiter destinasti, nobis humiliter supplicasti, ut tibi, quod coronationem et inunctionem cum cæteris regalibus insigniis ab episcopo S. Andreae, qui erit pro tempore, volente et valente, alioquin ab alio regni Scotiæ antistite tu et successores tui reges Scotiæ valeatis recipere, auctoritate Apostolica concedere de speciali gratia dignaremur.

« Nos igitur sinceritatis tuæ devotionem multum attendentes, ac considerantes, quod erga Apostolicæ Sedis obsequia tanto te studebis reddere promptiorem, quanto eam tibi senseris magis propitiam et benignam, tuis supplicationibus grato concurrentes assensu, ut tam tu quam successores tui, qui tibi legitime in regno prædicto succedent, in devotione Romanæ Ecclesiæ persistentes, a S. Andreae, aut ipso forsitan ea exequi nolente sine causa rationabili vel etiam nequeunte, a Glasguensibus episcopis, qui sunt vel erunt pro tempore, gratiam et communionem Apostolicæ Sedis habentibus, possitis unctionem et regium suscipere diadema: idemque Sancti Andreae, vel eo illa, ut præfertur, nolente exequi vel etiam nequeunte, dictus Glasguensis episcopus auctoritate Apostolica, adhibito secum decenti episcoporum numero tum propter regiam honorificentiam, tum propter sacre reverentiam unctionis, more debito te et successores prædictos inungere, tuoque et

¹ Walsl. in Eduar. III. sub hoc an. Paul. Emil. in Phil. IV. — ² Tom. VII. p. 1. Ep. secr. pag. 553 et 134. — ³ Pag. 134. — ⁴ Sup. pag. 133. — ⁵ An. 13. p. 3. Ep. com. MCMVI.

servari sibi posebant, longo ordine deduxerant. Qua accepta rex ad feriam vi sequentem, id est v Januarii anni succedentis MCCCXXX colloquium extraxit. Stata die rex per causarum suarum patronum professus est rata et integra habiturum se « jura Ecclesiæ, et prælatorum quæ habebant tam de jure, quam de consuetudine bona et rationabili ». Adjecit tamen, et probare admissus fuit regius ille minister, « causarum civilium cognitionem ad Ecclesiam pertinere non posse ». Verborum illorum ambiguitate hærentes Ecclesiastici planius sibi regis mentem exponi rogant. Statuunt minister nomine regis pollicitus est consuetudines Ecclesiæ, de quibus sibi constaret, se minime oppugnaturum. Cum nec ita satis provisum rebus suis Ecclesiasticis censerent, die Dominica, scilicet VII Januarii, apud regem instarunt eadem postulantes, quibus regis nomine respondit minister emendanda vicissim ab Ecclesiasticis contentis novuilla quæ præter fas et jus a se agebantur, quam in rem terminum illis constituere se dixit usque ad festum Nativitatis Domini proxime venturum. Atque ita re infecta dimissi sunt. Nec deinceps quidquam de controversia illa disceptatum.

illorum verticibus auctoritate prædicta regium imponere valeant diademata, jure tamen Romanæ Ecclesiæ, et ejuslibet alterius in omnibus semper salvo, de fratrum nostrorum consilio tenere præsentium indulgetur. Volumus autem, quod idem episcopus, qui præmissa exoneret, ut præfertur, ab eisdem regibus tempore unctionis et coronationis hujusmodi nostro et ejusdem Ecclesiæ Romanæ nomine corporale recipiat juramentum, quod de præfato regno et aliis terris suis sueque ditioni subjectis universos hæreticos, ab Ecclesiâ denotatos, bona fide pro viribus exterminare studebunt; quodque libertates et immunitates Ecclesiasticas ledere, vel minuire per se vel alios non presument; quinimo eas defendunt et conservabunt illæsas, ipsasque facient a suis subditis integraliter observari. Nulli ergo, etc. Datum Avin. id. Junii anno. xiii. ».

80. Conceptæ sunt eadem fere formula verborum litteræ ad episcopum S. Andream, cui auctoritas collata, ut Scotiæ reges sacra unctione liniret, eoque id muneris obire nequente, in Glasguensem episcopum ea provincia transfusa est: « Ut, inquit, iam clarissimus in Christo filius noster rex Scotiæ illustris, quam successores Scotiæ reges, in devotione Romanæ Ecclesiæ persistentes a te et successoribus tuis episcopis S. Andream, aut vobis forsân ea exequi nolentibus sine causa rationabili vel etiam nequeuntibus, a Glasguensi episcopo, qui erit pro tempore, gratiam et communionem Apostolicæ Sedis habentibus, possent unctionem et regium suscipere diadema, tuque et dicti successores tui vel vobis illa nolentibus vel nequeuntibus exequi, ut præfertur, dictus Glasguensis episcopus auctoritate Apostolica, adhibito vobiscum decenti episcoporum numero tum propter regiam honorificentiam, tum propter sacræ reverentiam unctionis more debito ipsum Robertum regem et successores prædictos reges innigere, et illorum verticibus auctoritate prædicta regium valeatis imponere diadema ». Et infra: « Indulgemus, etc. ». Adrita inperia, ut ab eodem rege et successoribus sacramentum de tuenda immunitate Ordinis Ecclesiastici excludendisque hæreticis, exigrent.

81. *Roberti regis obitus, cui succedit filius David.* — Non diu post expetitum hoc beneficium vitæ superfuit Robertus, hujus enim anni æstate ipsum obiisse ex afferendis inferius aliis Pontificiis litteris ¹ (e quibus Walsinghamus, qui ejus obitum ad alium annum refert, corrigendus) constat. Illum porro in incipiti morbis discrimine pro caduco potius regno cum finivimus, quam pro æterno comparando adveniens infidelis bella gessisse ponitur, ætateque confregisse solam sibi ferri atque ad sepulchrum Domini cum conditis esse refert Hector Boethius ²: « Omixe, inquit, omnes

oravit, ut dum ipse fatis concessisset, unum eligerent ex præstantissimis regni ducibus, qui cor suum Jerusalem ad Christi sepulchrum deferret, id enim sibi vivo maxime semper fuisse in votis, ut eo profectus hostes Christiani nominis oppugnaret: sed quoniam per frequentia bella, fatumque suum non licuisset, id saltem modo optaret, ut quod est præstantissimum corporis humani, et quo jam sæpe illuc evolaverat, id sepeliendum in templo Domini sepulchri, quod in Golgotha ædificatum est, illuc deferretur. Eo itaque defuncto, ex consilio magnatum Jacobus Douglas haudquaquam aliena sua voluntate, etsi præsentia illius regno etiam magnopere usui futura erat, ad id electus est ». Hæc Boethius. Ex Pontificiis vero litteris biennio post exaratis ³ exploratum est, Jacobum Douglassium Roberti regis cor secum deportasse in Hispanias, atque illud in Granatensi expeditione contra Saracenos, a quibus cæsus occubuit, circumtulisse ⁴ ut pio desiderio Roberti, qui id testamento sanxerat, obsequeretur: « Petitio, (Joannis verba sunt), dilecti filii Thomæ comitis Moraviæ nobis exhibita continebat, quod dudum claræ memoriæ Robertus rex Scotorum, dum adhuc rebus superesset humanis, zelo fidei et piæ devotionis accensus, proposuerat ad partes transmarinas contra perfidos Saracenos cum decenti hominum armatarum comitiva personaliter se conferre, sed morte præventus non potuit hujusmodi suum propositum adimplere; quodque cum idem rex suum ultimum conderet testamentum, voluit et mandavit expresse, quod si eum mori contingeret, cor suum ab ejus corpore extraheretur, et in bello contra Saracenos etiam portaretur; quodque postmodum, cum ipse rex naturæ debitum persolvisset, corpus ipsius exenteratione extitit. ipsiusque cor a dicti regis corpore extitit separatum, et per quendam Jacobum de Douglas militem Glasguensis diocesis in Hispaniam in bello contra dictos Saracenos juxta voluntatem ipsius regis deportatum, etc. » At licet pium id Roberti regis consilium fuerit, tamen sine Pontificia venia fieri non debueral, cum Bonifaciana Constitutio cadavera truculenter dilacerari, intentata censurarum religione, vetet. Ad expiandum itaque facinus ad Moraviæ comitis preces episcopo Moraviensi partes dedit Pontifex, ut omnes, qui truculente exenterationi dederant operam vel assenserant, susceptæ religionis nexu solveret: que litteræ VIII id. Augusti, Pontificatus anno xv consignatæ, evolutio nimirum a morte Roberti biennio.

82. Reliquit ille Davidem Scotici sceptri hæredem, qui mox Pontificem adulta hujus anni ætate de recenti parentis interitu fecit certio rem, ut ab eo solatium dolori quaereret, Apostolicoque patrocínio in suscepti regni auspiciis tegetur: quem Joannes ad Christianam constantiam stu-

¹ Rom. VII. p. I. Ep. sect. 142. 143. — ² Hect. Boet. l. XIV. 314. ref. Scot. l. VIII.

³ An. 15. p. 3. Ep. com. 2607. — ⁴ Boeth. et Buch. ubi sup.

duit erigere, ac præceptis saluberrimis informavit¹, ut divitiis amorem et timorem altissime animo deligeret, Ecclesiam veneraretur, tueretur, jura Ecclesiastica prudentissimos quosque in consilium ascisceret, in miseris clementiam et misericordiam explicaret.

« David regi Scotorum.

« Præsentatus nuper Apostolatui nostro regalis excellentiæ litteras, per quas inelytæ memoriæ Roberti regis Scotorum genitoris tui transitum, teque, fili charissime, inde turbatum et anxium nuntiasti, benigne non absque magna compassione recepinus, et earum seriem intelleximus diligenter. Sane, fili dilectissime, quia decet principem fortitudo, ut nec elevetur in prosperis, nec concidat etiam in adversis; sed sic animum suum temperet, ut in omnibus divinis beneplacitis se conformans, bona de manu Domini, si dare dignetur, cum lætitia spiritualiter suscipiat; et adversa, si evenire quandoque permiserit, sufferre cum humili patientia sit paratus; sublimitatem regiam in Domino exhortamur, quatenus te talem in omnibus sicut princeps magnanimus exhibens; et considerans nihilominus diligenter, quod eundem genitorem tuum sic divina clementia oculo pietatis respexit, quod post anxietates et pericula varia, quæ, sicut novit tua prudentia, in hac valle miseriæ diutius fuit perpressus, pacem vidit suo tempore, ac imitati Ecclesiæ sanctæ Dei, extra quam aliquibus fuerat temporibus ante suum de hoc mundo exitum reconciliari meruit; ita quod tanquam princeps Catholicus de præsentī sæculo nequam ereptus post multorum laborum inquietudinem transiisse ad patriam feliciter credi possit; consolationem assumas in Domino et ei, qui te dictumque genitorem tuum lot et tantis dignatus est beneficiis prævenire, suppliciter ad gratiarum actiones assurgens, et habens in tuis actibus ipsius timorem et amorem ante oculos mentis tuæ, non cesses operari quæ sibi placita fuerunt, et quæ suæ majestatis possent oculos offendere, summo pere studeas devitare: Romanam Ecclesiam, tuam et cunctorum matrem fideliū, reverearis in omnibus, regni tui Ecclesias earumque prælatos et personas alias Ecclesiasticas honorando pro divina reverentia, et nihilominus in suis juribus et libertatibus confovendo.

« Et ut regni gubernacula, quæ disponente Domino suscepisti, ad Dei laudem et gloriam tuique honoris et salutis augmentum, ad subditorum pacem et commodum dirigas salubriter et disponas, prudentium virorum, qui tuam et eorundem subditorum salutem et quietem zelantur, utaris consiliis; talesque consiliarios, justitiariorum et officiales habere satagas, qui Deum timeant, justitiam diligant, et lucra propria in tuum et

subditorum prædictorum dispendium non venentur: ita quod in regno eodem cessent oppressiones pauperum, adsit pupillorum, viduarum aliarumque miserabilium personarum defensio, regnetque in omnibus cum pace justitia oleo misericordiæ, sicut opportunum extiterit, temperata. Hæc, fili amantissime, si feceris, et dirigere continue per viam rectitudinis juxta divinæ voluntatis beneplacitum curaveris gressus tuos, corroborabit Dominus regnum tuum, adaugebit tibi dies vite, ac tandem de regno temporali, quod obtines, ad regni gloriā provehet sempiternam; nosque ac eandem Romanam Ecclesiam propitios in tuis opportunitatibus reperies et benignos. Dat. Avin. X kal. Septembris, anno xii. ». Ceterum cum pax, ut vidimus, Scotas inter et Eduardum III firmata esset, ex qua libera ab omni Anglorum imperio Scotia pronuntiata fuerat, Pontifex Davidis precibus flexus interdictum Ecclesiasticum omnino dissolvit¹, cum ante biennium tantum sacrorum usus restitutus esset: jactum vero a Sede Apostolica et legatis cardinalibus diximus, cum Robertus Scotiam ab Anglico imperio divulsit. Data etiam est Bertrando Chariti archidiacono Varenensi et Raimundo e Quercu Apostolis nuntiis provincia², ut censuris eos exsolverent, qui Roberti regis partes, dum anathemate devinctus esset, fuerant secuti; vel ob non solutas decimas consortio fidelium depulsi³: ne vero jura Sedis Apostolicæ obsolescerent, censum Romanæ Ecclesiæ pendi solitum, dictum denarium S. Petri, a Scotis exigere jussit⁴.

83. *Alphonso rex Aragoniæ Sardiniam et Corsicam Ecclesiæ beneficiarias agnoscit, et dat fidelitatis juramentum.* — Professus est solemniter hoc anno Alphonso rex Aragoniæ⁵, se beneficio auctoritateque Sedis Apostolicæ Sardiniae et Corsicæ regnum accepisse, ac Joanni fratri suo, cui Joannes in ea celebritate partes Pontificias demandarat, fidem sacramento devinxit, sequæ dictas a Bonifacio VIII leges fiduciariis Sardiniae regibus sancte et religiose servaturum, est professus: eblanditus enim erat Alphonso, misso Petro comite Ripacurtiæ, summis precibus a Sede Apostolica, ut licet ad aulam Pontificiam pro exhibendis clientis officiis se conferre obstrictus esset; ea tamen in Aragonia Pontificias vices gerenti præstare liceret, ne ex ipsius absentia bellorum motus concitarentur. Qua de re extant ad Joannem Toletanum olim archiepiscopum, eundemque patriarcham Alexandrinum designatum litteræ⁶, quibus exigendi a fratre Romanæ Ecclesiæ nomine sacramenti provincia, additis subjectis legibus, imposita est: (1).

¹ An. 14. p. 1. Ep. com. CCLXXXVIII. — ² Tom. VII. p. 2. Ep. secr. pag. 427. — ³ Ibid. pag. 126. — ⁴ Par. 1. pag. 131. — ⁵ Par. 2. pag. 492. — ⁶ An. 13. p. 2. Ep. com. MCDXIII.

¹ Tom. VII. p. 1. Ep. secr. pag. 133.

« Joannes, etc. Joanni olim archiepiscopo Toletano, in patriarcham Alexandrinum electo.

« Tibi de magna et speciali gratia, quam hac vice persone Alfonsi regis facere intendimus in hac parte, ita quod in posterum ad consequentiam non trahatur, super infrascriptis committimus vices nostras; fraternitati tue tenore presentium injungentes, quatenus infra mensem computandum a receptione presentium, quas tibi per dictum filium magistrum Hugonem de Mirabello præpositum Ecclesie Mimatensis, capellanum nostrum et ejusdem Sedis nuntium mittimus, certam diem solemnem, dummodo dies ipsa eundem mensem ab hujusmodi receptione presentium, ut præmittitur, computandum nequaquam excedat, et locum aliquem insignem, quos ad hoc duxeris deputandos, eidem Alfonso regi assignare procures. Qua siquidem die in majori Ecclesia dicti loci, existente ibi nuntio supradicto, totum tenorem litterarum prædecessoris ejusdem, quem tibi sub Bulla nostra transmittimus, in ejusdem regis ac cleri et populi dicti loci presentia personaliter, nomine nostro et successorum nostrorum Romanorum Pontificum, ac ejusdem Romane Ecclesie fidelitatem, plenum vassallagium, homagium ligium et juramentum in forma curialis recipere infrascripta, videlicet: Ego Alfonsus, etc. plene ac seriose legi fideliter facias et exponi: quibus scilicet et expositis, illico ab eodem Alfonso rege, etc. » Affertur ea inferius a nobis in regis litteris, qua ab Alfonso nuncupata, hæc fieri jubet.

84. « Deinde in tui presentia, representantis personam nostram, et fungentis vice nostra, ac ejusdem Romane Ecclesie in hac parte, ac recipientis nomine nostro et successorum nostrorum et Romane Ecclesie prædictorum confessionem, recognitionem, promissionem per stipulationem solemnem et juramentum; necnon obligationes et promissiones et cætera infrascripta, nuntio ibi existente præfato, idem Alfonsus rex, clero et po-

pulo etiam presentibus antedictis, confitebitur et recognoscat expresse ex gratia et liberalitate prædecessoris ejusdem et Romane Ecclesie, dictum regnum Sardinie et Corsice eidem genitori suo ac sibi suisque heredibus fuisse concessum in feudum; et sic dictum genitorem suum illud recepisse, sequæ illud tenere sub conditionibus, conventionibus, sive pactis, modo, tenore ac forma que in dictis ejusdem prædecessoris litteris continentur: quos per stipulationem solemnem promittet et jurabit, se inviolabiliter servaturum. Pro quibus etiam servandis dictum regnum Sardinie et Corsicæ, juraque sibi in eo competentia et competitura et bona sua, quæ ibidem consistunt et consistent, nobis et ipsi Ecclesie obligabit; et promittet nihilominus, quod successores sui hæredes in dicto regno Sardinie et Corsicæ eo tempore, quo facient et præstabunt vassallagium, homagium et fidelitatis juramentum sub forma prædicta, similia confessiones, recognitiones, promissiones, juramentum et obligationes facient et præstabunt Romano Pontifici, qui erit pro tempore et Ecclesie sedepdictæ ». Addita imperia, ut ex veteri pactione ab Alfonso Diploma regium Bulla Aurea obsignatum elliceret, quo is Sardiniam et Corsicam Romano Pontifici, ad quem supremum earum spectet imperium, acceptas referret, initaque conventa confirmaret: quæ litteræ pridie idus Octobris, Pontificatus Joannis anno xii consignatæ sunt. Ejusdemque diei nota apposita est aliis litteris¹ ad regem Alfonsum datis, quibus labore itineris ad Sedem Apostolicam pro nuncupanda clientelari sponcione liberatus est, jussusque Joanni patriarchæ solemniter ritu fidem addicere.

85. Accepit Alfonsus grati animi significatione beneficium; cumque publice Sardiniam et Corsicam jure beneficiario accepisse professus esset, et pacta vetera corroborasset, subjectas litteras, uti

¹ An. 13. p. 2. Ep. com. MCDXIV.

pererat, eoque nomine Concilium provinciale Tarracense celebravit, quod PP. Martene et Durand Anecdote, tom. iv vulgunt, idemque cum presentis anno diligendum ilico censuerunt, quod in adscriptione Aetorum hujus Concilii legatur: « Quarto kal. Martii, anno Domini millesimo trecentesimo vigesimo nono ». Cum tamen Joannes patriarcham Alexandrinum se ibidem appelleret, et ex iis, que in Annalibus hic leguntur, constat hoc ipso anno die, prid. id. Octobris, non patriarchæ, sed electi tantummodo ad patriarchatum titulum obtinuisse; in ea Concilio adscriptione si non veterem servari, adeoque ex presenti in sequenti annum transferendum suspicari, illuc meam conjecturam certum demonstrat subscriptum in fine adjecta, quam inferius dabo, in eo Concilio præcedentium Conciliorum collectio edita est, ex qua plures canonum aliorum canones, qui adhuc desiderabantur, in lucem extracti sunt. Quæ tamen Collectio Tarracensis canonum Conclio tunc a Martenio tribuitur, ab aliis posterioribus sive episcopis sive tunc in lucem introducta est, ut plane demonstrat canon LXXIII in hac verba conceptus: « Constitutionem olim editam in provinciali Concilio Tarracense per beatæ memoriæ dominum Joannem patriarcham Alexandrinum, et administratorem Ecclesie Tarracense, etc. », tum subnunt ex eo canon Concilio canon qui in eadem Collectione inter canones Joannis nomine præfixus non legitur. Collectio tunc igitur canonum provincie Tarracensis primus videtur Joannes, quam deinde post episcopi obtinuit Concilium seu archiepiscopus alius iterum promulgavit, adjectis ex dictis, non ex ipsius Concilio Tarracensis sub Joanne editis, et a Martene ibidem vulgatis, selectis canonibus. Duplex Concilium sub Joanne nuncupat adscriptiones episcoporum, que in fine Collectionis lapsus leguntur. Apparet enim nomina episcoporum Valentini, Bertusensis, Berdensis, Barchinensis, Buensis et Gerundensis qui videtur adfuisse scilicet Tarracense die Lunæ IV kal. Martii anno MCCCXXIX, id est, anno MCCCXXX, quod dies Lunæ in eam diem cadit, unde aliud argumentum cinet ad probandum sententiam nostram de anno, cum Concilium tunc assidendum est. Post adscriptiones istas canon alter in ea Collectione succedit absque temporis quidem adscriptione; cum subscribitur episcopo Joannes Alexandrinus, Valentinus, Berdensis, et Barchinensis Benignus, cum in superiori Concilio subscripsit non Benignus, sed Gerengius Bertusensis, Vpeldensis, qui non apparet in superioribus, et Berdensis Benignus, cum in superiori Concilio extet Annalibus Iudensis. Duo ergo plane diversa sunt Concilia Tarracensa sub Joanne patriarcha Alexandrino eadem Collectione comprehensa.

Inter canones Collectionis lapsus præterendum nuncupat canonem LXXX, in quo Patres nostro congruum medellam affertentes edicunt, ne quis in jejuniis ab Ecclesia indicis, et præceptis in Quadragesima, canones committat, nisi necessitate cogente. Tanti his cæsus opinionem, quæ tunc apud multos obtinuisse videtur, ut jejuniis bona ratio in unica Collectione, unde habito ciborum discrimine, consisteret. Quæ sane opinio demonstrat fideliem de primis istam tunc plane diversam obtinuisse ab ea, quæ modo a nonnullis concipitur, rati in jejuniis rationem præcipuam habendam de ciborum discrimine, quo sublato, jejuniis consistere nequaquam posse.

MANST.

fuerat constitutum, ut rei gestæ memoria ad seculas ætates propagaretur, his conceptas verbis exaravit¹:

« Sanctissimo ac beatissimo in Christo patri et domino, domino divina providentia sacrosanctæ Romanæ et universalis Ecclesiæ summo Pontifici, Alfonsus Dei gratia rex Aragonum, Valentie, Sardinie et Corsicæ, ac comes Barchinonensis pedum oscula beatorum.

« Sanctitati vestræ litterarumstrarum præsentium serie patefiat, quod nos viso ac plenarie intellecto papali rescripto super concessione et donatione confecto, quam felicis recordationis dominus Bonifacius papa VIII prædecessor vester fecit illustrissimo domino Jacobo recordationis eximie regi Aragonum patri nostro, suisque hæredibus in feudum perpetuum de regno Sardinie et Corsicæ cum juribus omnibus et pertinentiis suis, sub certo servitio, certisque conditionibus conscriptis largius in predicto rescripto continentie subsequentis: Bonifacius episcopus servus servorum Dei, etc. » Subjiciuntur Bonifacii litteræ eadem verborum forma conceptæ, quas nos antea suo loco ita consignatas inseruimus². « Dat. Romæ apud S. Petrum II non. Aprilis, Pontificatus nostri anno III. » His subjungit Alfonsus rex:

« Considerantes, quod nuper post decessum predicti domini regis claræ memoriæ genitoris nostri, nos qui tanquam ejus legitimus et universalis hæres in dicto Sardinie et Corsicæ regno succedimus, juxta formam et condiciones contentas in rescripto donationis jam dictæ fidelitatem, vassallagium et homagium ligium, ac secundum formam in eodem rescripto expressam sanctitati vestræ et S. Rom. Ecclesiæ facere et præstare personaliter tenebamur; providimus per inclytum et legitimum fratrem nostrum infantem Petrum Ripacurtiæ et Impur. comitem nuntium nostrum, propter hoc ad Sedem Apostolicam destinatum, a sanctitate Apostolica supplicando facere humiliter postulari, ut cum nobis his diebus propter occupationes varias, quas novi suscepti regiminis regnorum nostrorum auspicia præparabant, ad Apostolicam præsentiam personaliter accedere grave foret, dictam fidelitatem et juramentum secundum predictam formam in præfato infante nomine nostro recipere dignaremini; quodque licet Apostolica sanctitas hoc posset rationabiliter denegare; de magna tamen et speciali gratia, quam personæ nostræ facere voluit in hac parte, quam in posterum ad consequentiam trahi nequaquam intendimus: reverendo in Christo patri domino Joanni nunc patriarchæ Alexandrino, germano nostro, tunc vero in patriarchatum electo Alexandrinum commisit, injungendo eidem, ut in-

fra mensem computandum a receptione litterarum commissionis hujusmodi, quas sibi per venerabilem Hugonem de Mirabello præpositum Ecclesiæ Minatensis capellanum vestrum et Sedis Apostolicæ nuntium transmisistis, certam diem solennem, dummodo dies ipsa eundem mensem non excederet, et locum insignem nobis assignare curaret, ad infrascripta in præsentia dicti Hugonis a nobis recipienda, sub modo et solemnitate contentis in nostris litteris prædictis, quæ datæ sunt Avinione pridie idus Octobris, Pontificatus vestri anno XIII ».

« Nos igitur, pater beatissime, gratiam Apostolicam super hoc nobis factam cum filiali reverentia et devotis gratiarum actionibus admittentes, tenore præsentium fatemur et recognoscimus, quod cum ipse reverendus patriarcha secundum tenorem dictæ commissionis assignasset nobis diem solennem, videlicet diem festi beatorum Simonis et Judæ Apostolorum, et locum insignem, scilicet civitatem Valentie; et constat et est verum, quod constitutis nobis et ipso in Ecclesia majori beatæ Mariæ sedis Valentiniæ, ubi dictus infans Petrus et episcoporum, prælatorum, baronum; clericorum, militum et populi copiosa multitudo convenerat; lectisque in nostra et ipsorum, ac dicti Hugonis de Mirabello præsentia dicto papali rescripto donationis dicti regni supra inserto, et rescripto etiam commissionis prædictæ, ipsisque clare nobis et eis expositis in vulgari fecimus, et præstitimus tanquam rex Sardinie et Corsicæ in manibus memorati reverendi patriarchæ, representantis personam vestram, fungentis vice Apostolica et sanctæ Romanæ Ecclesiæ, fidelitatem, plenum vassallagium et homagium ligium in forma sequenti:

86. « Ego Alfonsus, Dei et Apostolicæ Sedis gratia, rex Sardinie et Corsicæ, plenum vassallagium, fidelitatem et ligium homagium faciens, et juramentum præstans pro dicto regno Sardinie et Corsicæ ab hac hora in antea fidelis et obediens ero beato Petro, domino nostro, domino Joanni divina providentia papæ XXII suisque successoribus canonicè intrantibus, sanctæque Apostolicæ Romanæ Ecclesiæ. Non ero in consilio, aut consensu, vel facto, ut vitam perdant, aut membrum, aut capiantur mala captione. Consilium, quod mihi credituri sunt per se, aut per nuntios suos, sive per litteras, ad eorum damnum, me sciente, nemini pandam: et si scivero fieri, vel procurari, sive tractari aliquid, quod sit in eorum damnum, illud pro posse impediam, et si impedire non possem, illud eis significare curabo. Papatum Romanum et regalia S. Petri, tam in regno prædicto, quam alibi existentia, adiutor eis vero ad retinendum et defendendum, ac recuperandum, et recuperata manu tenendum contra omnem hominem. Universas et singulas condiciones, modos, seu formas et tenores contentos in litteris concessionis dicti regni Sardinie et Corsicæ, ac omnia et singula

¹ Ext. in Lib. Priv. Rom. Eccl. tom. III. pag. 153. et Ms. bibl. Vat. sign. 11 B. nem. 12. pag. 387. — ² Tom. XIV. an. Ch. 1297. num. 2.

quæ continentur in eisdem litteris, plenarie adimplebo et inviolabiliter observabo, nec ullo unquam tempore veniam contra illa. Sic me Deus adjuvet, et hæc sancta Dei Evangelia.

87. « Ac deinde in ejusdem reverendi patriarchæ præsentia, representantis personam vestram Apostolicam, et fungentis vice vestra et ejusdem Romanæ Ecclesiæ; in præsentia etiam omnium aliorum prædictorum confessi fuimus, et recognovimus expresse ex gratia et liberalitate dicti domini Bonifacii felicitis recordationis papæ VIII, et sanctæ Romanæ Ecclesiæ dictum regnum Sardinie et Corsicæ, eidem domino genitori nostro, ac nobis nostrisque successoribus hæreditibus fuisse concessum in feudum; et sic dictum dominum genitorem nostrum illud recepisse, nosque illud retinere sub conditionibus, conventionibus sive pactis, modo, tenore, forma, quæ in dictis ejusdem domini papæ Bonifacii prædecessoris vestri litteris continentur. Quos tenorem, modum, conventiones, conditiones et formam per stipulationem solemnem promissimus et juravimus nos inviolabiliter servaturos: pro quibus etiam servandis nos et dictum regnum Sardinie et Corsicæ, iuræque nobis in eo competentia et competitura, et bona nostra, quæ inibi consistunt, et consistent, vobis et ipsi Ecclesiæ obligavimus. Promissimus etiam, quod successores nostri hæredes in regnum Sardinie et Corsicæ eo tempore, quo facient et præstabunt vassallagium, homagium et fidelitatis juramentum sub forma prædicta similia confessiones, recognitiones, promissiones, juramentum et obligationes facient et præstabunt Romano Pontifici, qui erit pro tempore et Ecclesiæ supradictæ. Et nihilominus prædicta omnia in manu et præsentia dicti reverendi patriarchæ, fungentis in hoc vice Apostolica, per nos, ut præmittitur, confessa, recognita et promissa fatemur iterum et recognoscimus, ac promittimus per præsentem nostras litteras, Aurea Bulla nostra bullatas, quas fieri fecimus, dictoque reverendo patriarchæ, tanquam representanti personam Apostolicam, tradidimus infra mensem ad hoc statutum, ut per eum eidem sanctitati Apostolicæ poterit notum fieri. Humani generis Redemptor vestram beatissimam personam dignetur per tempora longiora custodire. Dat. Valentie V kal. Novemb. anno Domini MCCCXXIX ».

Acceptis hisce litteris, Joannes papa sequenti anno hæc Alfonso rescripsit: « Super homagio per te, fili, nobis et Ecclesiæ Romanæ in eis partibus pro regno Sardinie præstito patentes litteras tuas, Aurea tua Bulla munitas, nobis per dilectum filium Bertrandum de Fonte canonicum Toletanum, venerabilis fratris nostri Joannis patriarchæ Alexandrini germani tui nuntium, exhibitorum præsentium præsentatas grate accepimus, promptitudinem super hoc et diligentiam in Do-

mino commendantes. Dat. Avin. VI id. Februarii, anno XIV ».

88. *Negata Aragonis dispensatio pro contrahendis nuptiis in vetito gradu.* — Quod attinet ad Petrum Ripacurtiæ comitem regis Aragonum fratrem, de quo in Alfonsi litteris injecta mentio, flagitavit rex a Joanne ut leges de gradibus consanguinitatis ad illius gratiam solveret, ut Elionoram reginam Cypri Friderici regis Trinacriæ, patris sui filiam, uxorem duceret: cumque petita respiceret Pontifex, ne Fridericus hostis Ecclesiæ ea nova affinitate Aragonis sibi arctius devinceret, Alfonsi orator in ea prorumpere verba ausus est, ut si Pontifex non assentiretur, eas tamen incestas nuptias perfectum iri. Quo audito, principe Christiano indigno responso, Joannes Alfonsum gravissimis litteris certiorum fecit, ob quas justas causas legem canonicam ad fratris gratiam non remitteret: tum quanto piaculo se devincerent, qui vetitas nuptias celebrarent, ad ductis imperialibus et Pontificiis decretis demonstravit.

« Joannes, etc. regi Aragonum illustri.

« Sane, fili charissime, quanquam libenter tam regis præfati, (nempe Philippi regis Franciæ) quam tuis affectibus, quantum cum Deo possumus, annuamus, sicut de tuis, docente magistra rerum experientia, circumspectionem regiam credimus non latere; super dispensationis tamen postulate negotio sine Dei offensa, proximi et Ecclesiæ præjudicio impræsentiarum, quod moleste ferimus, annuere non valemus. Cum enim statuta sacrorum canonum non sint nisi pro necessitate vel utilitate Ecclesiæ mutilanda, et hanc dispensationem, ut clare patet, necessitas aliqua Ecclesiæ non requirat, nec ex ea speratur utilitas aliqua probabiliter subsequi (cum nec inter dictum comitem et reginam prædictos, seu inter ipsum comitem et ejusdem reginæ progenitores dissensio vigeat, nec subsit materia, ex qua in posterum debeat probabiliter excitari) patet quod ob bonum pacis, propter quod plerumque consuevit Ecclesia ad dispensationis beneficium inclinari, non potest sine transgressionem canonum, tale beneficium super hoc imperitari. Rursus nedum non expectatur utilitas ex copula supradicta, imo quod subsequi debeant pericula gravia, probabiliter formidatur. Novit enim providentia regia, regem Trinacriæ fore dictæ genitorem reginæ, nec ignorat regem ipsum Trinacriæ cum Ludovico dudum duce Baviaræ, hoste Dei et Ecclesiæ, ac de fautoria hæreticorum et crimine hæresis condemnato, charissimique in Christo filii nostri Roberti regis Siciliæ illustris persecutore atrocissimo; colligatum existere ac actualiter una cum dicto Ludovico dictum regem et regnum, quod ad Ecclesiam Romanam jure recti domini pertinet, et pro quo idem rex ejusdem Ecclesiæ vassallus existit, persecutus est astate præterita, et ut in futuro persequi valeat, sicut dicitur, se disponit. Numquid igitur, durante

statu hujusmodi, si regis talis filia jungeretur cum domo sic fidei, sicut est domus Aragonum, possent tam Ecclesie, quam regi Sicilie predicto, quam fidelibus aliis Tuscie et Lombardie partium pericula varia probabiliter formidari? Profecto, fili charissime, si potestatem, quam uxores in viros vindicant, attente consideres, non poteris, ut credimus, aliud quam dicimus opinari.

89. « Attende, fili, ad quid virum illum sapientem, cui nullus purus homo in sapientia precessit similis, nec sequetur, uxores ejus traxerint, et a quo revocarint eum: utique a Dei veri dilectione ipsum separaverunt et servitio, et ad deorum suorum falsorum cultum et obsequium, non absque idololatriæ vitio, pertraxerunt. Si igitur in tam sapiente talia potuerunt, quid putas in minus sapientibus possunt? Et si dicatur, sicut et dicitur, quod facta dispensatione hujusmodi, super pace reformanda inter dictos reges et Ecclesiam curabis tunc cum fratribus et aliis amicis tuis pro pace hujusmodi reformanda curam sedulam adhibere; proculdubio medicus prudens ad administrandum medicinam infirmo tempus opportunum eligit, in quo medicina salutem possit efficacius operari. Attendat ergo providentia regia, si ad procurandam pacem predictam tua diligentia post dispensationem esset adeo efficax sicut ante: et supponimus indubie, quod ipsam post adeo non reperies efficacem. Primo quidem, quia rex Sicilie supradictus nec de nobis, nec de te sperare poterit, sicut ante speraret. Secundo, quia dictus rex Trinacrie, ex quo intentum suum per dictam dispensationem fuerit assecutus, non erit sic obediens votis tuis. Adhuc prefatus rex Trinacrie nobis et Ecclesie in multis aliis injuriosus existit. Primo quidem quia, licet juramento corporali prestito idem rex singulis summis Pontificibus homagium facere, et ligium juramentum fidelitatis infra certum terminum sit adstrictus prestare; nobis tamen hoc facere pretermisit. Secundo quia, licet certum censum pro regno predicto, juramento corporali prestito, certo termino solvere nobis et Ecclesie teneatur; in solutione tamen hujusmodi annis pluribus jam cessavit. Tercio, quia inaudita gravamina inferre Ecclesiis et personis Ecclesiasticis non formidat. Attendat ergo circumspexio regia si, eo in injuriis hujusmodi persistente, sit æquum, quod Ecclesia sibi gratiam faciat, per quam possit in tanta malitia pertinacius perdurare.

90. « Sane quia salutem ejusdem regis paterno more intensius desideris affectamus, benevolentiam regiam hortamur et rogamus attente, ut sicut jam te cœpisse novimus, de statu tam periculoso, tam ignominioso regem ipsum eripere suadeas, et ad pacem reformandam inter reges predictos, ipsunque regem Trinacrie ad devotionem Ecclesie reducendum et gratiam interponas efficaciter sollicitudinis tuæ partes. Ex hoc quidem et divinam uberiorem promereberis gratiam, ac

nos et reges ipsos tibi constitues ad tua beneplacita promptiores. Postremo autem prefatus miles nuntius regius extra scripturas oblatas nobis ex parte exposuit regia oraculo vivæ vocis, quod si nos dispensationem hujusmodi negaremus, quod prefatum matrimonium nihilominus compleretur. Nos autem, hoc admiranter audito, vix potuimus credere, quod de mente regis tam Catholici processerit dictum tale: præsertim quia, sicut audivimus, cum diebus præteritis per nonnullos consuleretur tibi, ut inter te, fili, et reginam predictam etiam sine dispensatione, si dispensatio negaretur, deberet matrimonium celebrari; tu velut princeps Catholicus et devotus Ecclesie filius, timens Deum offendere, indignanter talem consiliarium repulisti. Unde credendum non est probabiliter, quod tu, id quod in tua persona illicitum et inconveniens reputasti, in cujusvis persona alia procurares vel etiam, quantum esset in te, cum patientia sustineres.

« Et ut celsitudo non ignoret regia quam detestabile apud Catholicos principes fuerit crimen istud, quantisque pœnis persecuti fuerint committentes, pauca tibi duximus præsentibus inserenda. Ecce quid unus statuit Catholicus imperator: Si quis, inquit, illicitas et contra jus naturæ, quas lex incestas et nefandas et damandas vocat, contraxerit nuptias, si quidem non habuit filios ex prioribus legitimis, et inculpabilibus sibi contractis nuptiis, mox ei suarum rerum casum imminere: simul autem et eis, quæ nomine dotis data sunt ei, in nullo potiri, sed omnia ærario assignari, eo quod dum licuerit facere nuptias legitimas, contra leges amaverit, et confundere quidem sobolem, nocuerit autem et generi, egerit vero quæ impia sunt et scelerata: sitque ei plena non confiscatio solum, sed et cinguli privatio et exilium; et si vilis fuerit, corporis verberatio, quatenus discat caste vivere, et intra naturam se continere; non autem delectari et amare ultra terminum et tradita nobis a natura etiam, et legibus repugnare. Mulier quoque si legem sciens, hanc quædam neglexerit, incestisque semetipsam tradiderit nuptiis, sub eadem pœna constituenda. De his autem unus canon sic dicit: Omnis pollutus incesti macula, est infamis. Alius autem sic dicit: Nos sequentes patres nostros, illos scilicet incestuosos, notamus infamia et infames esse censemus; quia infamiæ macula sunt aspersi.

91. « Audi, fili charissime, quid contra tales statuerit Concilium Viennense: Eos, inquit, qui temeritate præsumpta in suarum periculum animarum, scienter in gradibus consanguinitatis vel affinitatis, Constitutione canonica interdictis, matrimonialiter contrahere non verentur, refrænare metu pœnæ ab hujusmodi eorum temeritatis audacia cupientes, excommunicationis sententiæ decrevimus subjacere; præcipientes Ecclesiarum prælati, ne illos, quos eis constiterit taliter con-

traxisse, excommunicatos publice tandem nuntient, seu a suis faciant subditis nuntiari, donec suum humiliter recognoscens errorem, separantur ab invicem, et absolutionis mereantur beneficium obtinere. Ad hæc, clarissime fili, quia excellentiam regiam, successibus abundare prosperis, intensius desiderii affectamus, eandem rogamus attentius et hortamur, quatenus sic in cunctis te prudenter et provide dirigas, sic laudabiliter actus tuos et opera, velut princeps Catholicus et ex devota prosapia genitus modereris, ut Regi regum, per quem regnas et regeris jugiter occurras acceptior, magisque reddaris in ejus oculis graciosus, ac in orbe terrarum nominis tui fama clarioribus titulis augeatur: quod utique assequeris, si declinare vetita studueris, teque in præceptis divinis sedule exercere, etc. Dat. X kal. Martii, anno xii. Paruit monenti Pontifici Alfonso rex, cum referat Surita, Petrum Riparcutiae comitem Joannem Gastonis Fuscensis comitis sororem thoro sibi junxisse, cum Pontificem ad dandam potestatem ut Constantiam reginam Cypri Friderici regis Trinacriae filiam uxorem duceret, flectere non potuisset: illam vero regi Armeniæ nupsisse.

92. *In nuptiis regis Castellæ dispensatum super impedimento.* — Contraxerat vetitas nuptias cum Maria regis Alfonsi Lusitaniæ filia Castellæ rex: cumque veniam suppliciter posceret a Pontifice, utque initum matrimonium confirmaret deprecaretur, Joannes explicandam in eum misericordiam censuit, cum ille non in Ecclesiasticæ auctoritatis contemptum, sed ad publicam pacem afferendam, ac potentiam in Saracenos confirmandam id pertinasset; tum ut ex longiore in copula differenda mora pericula anteverteret, legemque de conjugii ad sui gratiam ab Apostolica Sede solvendam speraret. Ad expiandum vero crimen Pontifex Bracharensi archiepiscopo ac Burgensi et Egitanensi ac Palestino episcopis munus imposuit, ut conjuges constituto tempore thoro abstinere juberent, ac fidem jurejurando devincerent, nunquam simile quid ipsos molituros.

« Fraternitati, inquit, vestræ mandamus, quatenus eos separatim ad tempus, injuncto eis inter alia sub virtute juramenti præstandi, quod similia non committant vel facientibus præbeant consilium, auxilium vel favorem; dictoque regi pro salutari penitentia injungentes, ut ad placandam divinam offensam, et quod excessus hujusmodi tam graves tamque detestabiles ipsius divina pietas non debeat imputare, unam Ecclesiam collegiatam erigat in loco, quem in regno suo duxerit eligendum, etc. Dat. Avin. XVI kal. anno xii. » Cum etiam Joannem Ovetensem episcopum ea de re certiorum factum causam, ob quam regi non rescriberet, ipsi significare jussit: « Quod, inquit, præfato regi ad præsens rescribere omittimus, non miretur eum, sicut tua prudentia non ignorat, contrahentes matrimonium in

gradibus consanguinitatis vel affinitatis Constitutione canonica interdictis, excommunicationis subjacenti sententiæ auctoritate Concilii Viennensis. Nos tamen præfato regi non dirigeremus libenter nisi tanquam devoto et in gratia existenti Ecclesiæ, quod minime valemus facere, donec absolutus a sententiâ hujusmodi fuerit (super quo nos apud ipsum excusare studeas) scripta nostra. Datum Avin. III non. Martii, anno xii. » Rege vero ac regina censurarum religione, quibus se irreligant, solutis, Pontifex Mariam reginam gravissimis sententiis ad sectandam pietatem informavit.

Alfonso vero petita ab illo ab Apostolica Sede pro conficienda Granatensi expeditione subsidia concessit, de quibus superiori anno, adductis Alfonsi regis ad Pontificem supplicibus litteris, ipsum egisse vidimus; utque adjectas leges religiose servaret, est adhortatus.

93. *Hispani reges in Mauros fœdus jungunt.* — Pellexit Alfonsus Castellæ rex in sacri belli societatem Alfonso Aragonum et Alfonso Lusitaniæ reges, quos quidem novis affinitatibus sibi devinxerat: neque enim modo Mariam Lusitani filiam sibi junxerat, verum Blancam Petri principis, qui ad Granatam occubuerat, filiam Petro Lusitani regis filio despondit, regique Aragonum Alfonso Eleonoram sororem uxorem tradidit. Porro de sacro illo inter tres reges fœdere hæc scribit Mariana: « Inter tres reges fœdus adversus Mauros sancitum, si gentis impiæ reliquias viribus societatis delere possent: tantum præterea ne perfugas inter se reciperent, in quo tranquillitatis publicæ spes continebatur ». Accessisse in illius belli sacri societatem Philippum Navarræ regem, sequenti anno visuri sumus: quem quidem hoc anno una cum conjugæ Joanna regina tertio nonas Martii solemniter ritu sacro oleo perunclos coronatosque Pompeiopoli, refert idem Mariana: « Novos vero reges his legibus ante eam celebritatem sanctis assensisse: « Regni vendendi, permutandi, regni patrimonii alienandi facultas sublata: si proles mascula nata esset, cum primum vigesimum ætatis annum explesset, Vasconum regem fore: republicæ moderatorem, datis Philippo patri centum aureorum millibus, si nullam ex se prolem reliquissent, novi regis instituendi liberam potestatem penes tres ordines futuram ».

94. *Armeni a Saracenis oppugnati per Pontificem auxilio laetantur.* — Dum ea apud Occidentales principes gerebantur, oppugnabant Armenos in Oriente Saraceni: cum Pontifex eorum tuendorum zelo, ne sub impiorum tyrannide succumberent, Petro et Manso et Arnaldo et Fabricis Apostolicæ Sedis nuntiis partes dedit, ut plurimam auri vim in belli sacri sumptus convertendam erogarent; ea tamen lege, si Armeni in fide et conjunctione Ecclesiæ constantes perstarent: acceptat enim nonnulla in eo regno contra traditam a patribus incorruptam religionem novata. Consultum etiam lapsæ in Syria religioni, præfectus-

que est patriarchatus Hierosolymitano Petrus e Plaude (Palude) Ordinis Prædicatorum theologie scientiæ laude florens, et Raimundo, qui in Cypro obierat, subrogatus : cui etiam ad dignitatem sustentandam Ecclesiæ Nimeciensis in Cypro administratio tradita. Ad pascentes præterea divino verbo Georgianos instituta est Tephelicæ sedes cathedralis, et Joannes Dominicane familiæ alumnus Georgiæ datus episcopus, ut ex subjecto Diplomate patebit :

« Joannes, etc. dilecto filio Joanni de Florentia electo Tephelicensi.

« Nuper ad dilationem fidei Christianæ cultumque divini nominis ampliandum, suadentibus etiam aliis rationabilibus causis, locum insignem Tephelicensem nuncupatum, in regno Jorgianorum constitutum, de fratrurn nostrorum consilio, et Apostolicæ plenitudine potestatis in civitatem creximus, ipsamque vocabulo insignivimus civitatis et civitalem Tephelicensem volumus perpetuis futuris temporibus nuncupari ; ac de consilio et plenitudine antedictis decrevimus et constituimus in civitate ipsa fore constituendam Ecclesiam cathedralem, eamque dignitatis episcopalis titulo decorandam ». Et infra : « In te Ordinis fratrum Prædicatorum professorem, in sacerdotio constitutum, in sacra pagina eruditum, qui conditiones et qualitates illarum partium presentialiter et palpabiliter expertus, et per tuam rationem verbi divini multorum jam fidelium lucrificasse animas diceris Domino Jesu Christo ; cuique sacræ religionis zelus, vite munditia, morum gravitas, discretionis maturitas, aliæque dona virtutum, prout etiam testimonia fide digna perhibent, commendabiliter suffragantur, oculos convertimus nostræ mentis : quibus omnibus debita meditatione discussis, de persona tua Ecclesiæ præfate de dictorum fratrum consilio auctoritate Apostolica providemus, etc. Dat. Avin. XIV kal. Novemb. anno XIV ».

95. *Græci Asiatici ad ejurandum schisma invitati.* — Ad revocandos etiam ad sinum Ecclesiæ a diuturno schismate Asiaticos Græcos, Joannes religiosos viros zelo ac scientia præditos transmisit in Galatiam et Cappadociam, qui populos vera religione excolerent ; tum imperatorem Trapezuntinum ad redintegrandam Ecclesiæ Asiaticæ cum Romana conjunctionem excitavit :

« Magnifico viro Trapezuntarum imperatori, gratiam in presenti, quæ perducatur ad gloriam in futuro.

« Licet votis zelemur ardentibus, ut cunctis mortalibus, quos Dei Filius Jesus Christus suo sanguine pretioso redemit, cælestis gratiæ radius illucescat, et salus vota proveniat animarum, ut hostis antiqui, semper querentis ut noceat, elusa nequitia, supernæ beatitudinis gloria, quam non sufficit capere intellectus humanus, quanque Salvator noster, a quo universorum charismatum dona manant, se diligentibus repromittit, in sua-

vitatis fecundæ dulcedine perfruat ; hoc tamen profundius perpeti cura revolvimus, hoc sitimus ardentius, hoc in solidæ charitatis ardore crebris orationibus postulamus, ut inter omnes, quos regeneravit unda Baptismatis, cesset scissuræ divisio, cessent errorum nebulæ, fidei charitas jubilet, et mentales oculos in Christo credentium temperate fidei perfidia non obducat ; Unaque Sancta Catholica et universalis Ecclesiæ in unitate veræ fidei, sub uno pastore, et minus ovilis intemerata et solida unione, ad conquiendam ejusdem beatitudinis gloriam gratis successibus fecundetur. Ideoque excellentiam tuam monemus, rogamus et hortamur attente, te in Domino Jesu Christo, per aspersionem sui pretiosi sanguinis obsecrantes, quatenus diligenter attendens, quod tibi crescat ad meritum, accedet ad gloriam atque famam, si datum tibi desuper fuerit ut tu et populus tuæ ditioni commissus directionis tuæ studio, ad unitatem ejusdem Catholicæ et universalis Ecclesiæ revertamini, extra quam non est gratia, neque salus ; te et prædictum populum habilitare et reducere studeas ad ejusdem Catholicæ et sacrosanctæ Romanæ Ecclesiæ perpetuam et inviolabilem unionem, etc. Dat. Avin. kal. Decembris anno XIV ». Conceptæ sunt eadem formula litteræ hortatoriæ ad Rassiorum, Tephelicensium in Georgia et Choraicensium reges, atque ad Solagay, Misserquis, Tephelicensium principes, tum Carpi et Aliquis regulos, quos omnes ad repetendum Romanæ Ecclesiæ sinum excitavit ; tum Prædicatores et Minoritas, qui iis in oris circumferebant Evangelium ; tum Bernardum e Gardiola episcopum Diagorgauensem enixe commendavit.

96. Retulere magnam pietatis et constantiæ gloriam Ungari Asiatici, Malchaytis et Alani, qui licet impiis superstitionum erroribus irrelitis populis circumfusi essent, incorruptam tamen fidei puritatem servaverunt. Eminebant inter eos dignitate Jeretanny Ungarorum regum stirpe satus, qui cum præsulem Catholicum a Sede Apostolica flagitasset, Pontifex episcopum Genisicensem ad eos transmisit ; subjectisque litteris ad fidem tuendam, ac religiosorum virorum pia monita excipienda ipsos instruxit :

« Dilectis filiis Jeretanny et universis Christianis Ungaris, Malchaytis et Alanis salutem.

« Ingentem, nec mirum, materiam gaudiorum suscepimus, quod summus ille cælestis agricola, qui omnes quos diligit ad cognitionem sui misericorditer semper beneficio evocat atque trahit, quodque per inenarrabilem gratiam unigeniti sui toto orbe diffusam auget continue familiam Christianam, vos veræ fidei luce perfusos, et sacri Baptismatis fonte renatos et imbutos, doctrina Evangelicæ et Apostolicæ veritatis in Orientalibus partibus in eorum medio, qui nondum gratiam recepere Baptismatis, collocavit. In immensum insuper nobis cessit ad gaudium intellecto, quod tu, fili Jeretanny de stirpe Catholicorum princi-

pum regum Ungariæ descendisti; quodque tu et alii Christiani in dictis partibus commorantes, zelo fidei et devotionis fervore succensi, doctorem Catholicum desideratis habere, qui vos in fide Catholica verbis salutaribus instruat, et sanctis exemplis informet: propter quod a nobis humiliter vestris supplicationibus postulastis, ut aliquem Catholicum antistitem, sacrarum Scripturarum scientia præditum, vitæ sanctitate decorum, verbo utilem et exemplo mirabilem, ad partes ipsas pro institutione vestra in eadem fide Catholica mittere dignaremur.

« Cupientes igitur, ut Christi familia ubique locorum incrementa suscipiat, sed maxime in ipsis partibus dilatetur, venerabilem fratrem Gemiscalentensem episcopum, vobis notum, ad partes ipsas cum nostræ benedictionis gratia providimus destinandum. Quocirca devotionem vestram monemus et hortamur in Domino Jesu Christo, quatenus sacris instructionibus, quas idem Thomas et alii episcopi Catholici, necnon dilecti filii fratres Prædicatorum et Minorum Ordinum, in ipsis partibus commorantes, in doctrina Catholicæ fidei vobis fecerint, mentales aures devotius adhibentes, animos vestros veritati ejusdem fidei et sanctorum patrum auctoritatibus coaptetis. Benedictionem nostram insuper vobis impendimus, et rogamus humani generis piissimum Redemptorem, ut ipse vos benedictionis suæ rore perfundat, ut in veræ fidei unitate constantes vos de bono perficiatis in melius, et alios ad familiam gregis Dominiæ fructuosius exemplis et operibus evocetis. Dat. Avin. III kal. Octobris, anno XIV ».

97. *Pro Christianis in Perside laborat Pontifex datis litteris ad imperatorem Tartarorum cum fidei formula.* — Excitati etiam litteris Apostolicis omnes Christiani, qui in Perside versabantur, ut in divino amore ac religione constantes perstarent: tum Zacharias archiepiscopus S. Thadæi Apostoli e Coratesia in Perside ad zelum in fide proferenda inflammatus. Incumbant vero magna laude ad traducendos ad Christum eos populos Dominicane ac Franciscane familiarum religiosi viri, qui plures Persas ab errorum tenebris in altissimam Evangelii lucem eduxere. Denique Pontifex Apostolico impulsus zelo, ut omnes Barbaros ad cultum divini Numinis converteret, Tartarorum imperatorem, proposita orthodoxæ fidei formula, ad eam amplectendam hisce litteris sollicitavit. Miserat enim oratores imperator ad Apostolicam Sedem, ut sacerdotes et episcopos ad ipsum ac Tartaros fide Christiana excolendos deposcerent.

« Magnifico viro Elchigadan imperatori Tartarorum Corassan, et Turquestan ac Indostan, gratiam in præsentem, quæ perducet ad gloriam in futuro.

« Pastoralis officii commissi nobis a Domino debitum exigit, ut excellentiam tuam ad ea, quæ tuæ salutis prolectus respiciunt, tibi quæ

laudum adscribunt, sollicitis inducamus studiis, et affectuosis exhortationibus excitemus. Licet igitur verbum crucis, ac universalis redemptionis humanæ salutiferum venerandumque præconium per Apostolicam tubam in salutem universitatis exiverit, et ad universos orbis fines sonus doctrinæ pervenerit salutaris; tamen personam tuam eo specialius lucrifacere Domino cupimus, mentisque tuæ oculos cognitione veræ et Catholicæ fidei illustrare, quo propter beneficia et multa solamina, quæ in terris dominio tuo subjectis exhibes Christianis te magis præcipua affectione prosequimur, tuosque spirituales proventus ardentius affectamus; quoque etiam spes certa nobis impenditur, quod ad fidem Catholicam, faciente illo, in cujus manu corda sunt hominum omnium, facilius convertaris. Non enim procedit nisi ex superni luminis gratia, quæ sicut credimus, oculos tuæ mentis aperuit ad exercendum erga renatos fonte Baptismatis pietatem, quod tu dilectos filios fratres Prædicatorum et Minorum Ordinum, fideles operarios Jesu Christi, in partibus Orientis evangelizantes in fervore spiritus verbum Dei, benigne suscipis, devote pertractas et officium eis hilaris hospitalitatis impendis. Colligimus etiam ex aliis tuorum laudabilium operum floribus tuæ devotionis insignia, qui nuper duos fratres ejusdem Ordinis Prædicatorum, venerabilem fratrem nostrum Thomam nunc episcopum Seniscantensem cum uno socio ejusdem Ordinis speciales nuntios tuos ad Apostolicam Sedem devote et humiliter destinatis, petens et cupiens tibi per litteras Apostolicas benedici, ac etiam de fide Catholica informari. Laudabilia igitur vota tua gratis affectibus complectentes, eundem Thomam ad statum proveximus pastorem, curam animarum, quas ad gregem suum in civitate Seniscantensi cælestis pietas jam vocavit, vel vocabit in posterum, eidem Thomæ episcopo auctoritate Apostolica committentes. Et ut Catholicæ fidei series tibi plenius innotescat, eam tibi annotatam præsentibus destinamus, quæ talis est.

98. « Et quidem credimus sanctam Trinitatem Patrem, et Filium et Spiritum sanctum. etc. » Eadem est fidei formula quæ ad Armenos antea transmissa est, usque ad hæc verba: « Sua tamen prærogativa tam in generalibus Conciliis, quam in quibuscumque aliis semper salva. Ideoque magnificentiam tuam rogamus et hortamur attente, quatenus sedula meditatione recogitans, quod fragilis est et caduca humanæ naturæ conditio, plena periculis, exposita casibus, instabilis status ejus; considerans etiam, quod a lege mortis, mordentis omnia, nullus excluditur, promptus assurgas, præsto te offeras, paratus accedas ad agnitionem Christianæ fidei, et suscipiendum Baptismatis sacramentum ad laudem divini nominis, tuæ salutis profectum, et augmentum fidei supradictæ, ut lucis suæ radio illustratus, te solerter exerceas ad ejus fines laudabiliter ampliandos, ut post vitæ

præsentis excursum a porta inferi libereris, et ejus diris crucialibus, penisque gravissimis evitatis, æternæ beatitudinis præmia perpetuis duratura temporibus consequaris. Ad hæc multæ benignitatis affectum, quem, sicut prædiximus, Latinis Christianis, in partibus illis morantibus et illuc accedentibus, favorabiliter exhibes, ubi gratis prosequentes petimus, ut affectum hujusmodi tua nobilitas continet circa illos et ceteros alios, qui fide imbuti fuerint orthodoxa. Ceterum instanter rogamus, ut eundem Thomam episcopum, et omnes Catholicos antistes, in dictis partibus commorantes, et qui illuc accedent in posterum; necnon præfatos Prædicatorum et Minorum Ordinum professores, ad dictas partes non alicujus commodi temporalis obtentu, sed solum pro lucrificiendis Domino animabus non absque gravibus laboribus et periculis accedentes, benigne pertractes, jucunde recipias, prædica-

tiones ipsorum aure cordis efficaciter audias, ipsosque per tuos subditos similiter facias benigne suscipi et tractari; ut bonorum omnium retributor mentem tuam aperiat, te beneplacitis suis coarctet, tuosque labores in ejus obsequium præstitos non solum temporalibus, sed etiam spiritualibus præmiis recompenset. Datum Avin. IV nonas Novemb. s. anno XIV ».

Profecti etiam sunt in Æthiopiam præcones Evangelici: missisque litteris præfixa hæc salutatione, « Gratiam in præsentī, quæ perducat ad gloriam in futuro », Æthiopum imperatorem Pontifex ad veram religionem afficere studuit¹: cum vero illæ eadem pæne verborum formula conceptæ sint, qua transmissæ ad Trapezuntinum imperatorem, repetendæ non visæ sunt.

¹ An. 14. p. 1. Ep. com. CCLXXXIII.

JOANNIS XXII ANNUS 15. — CHRISTI 1330.

1. *Fuga, detectio et resipiscentia antipapæ.* — Affluisit Ecclesiæ felix annus a partu Virginis millesimus trecentessimus trigesimus, Indictione decima tertia, quo pestiferum schisma, Petro Corbario seculis damnante, ac Joannem, quem antea ut hæreticum immani vesania damnaverant, verum Christi vicarium solemnī ritu ac ingenti demissione agnoscente, sedatum est. Cujus historiæ longam adducturi seriem, temporum ordinem servandum putavimus. Subduxerat¹ se anno superiori Petrus fuga præcipiti cum reliqua schismaticorum et hæreticorum colluvie; quæ mox piorum metu dissipata² est, e Pisana urbe: auxilique fugitivi antipapæ pavorem, Preas in veri Christi vicarii procubuisse, ac tum fugam ad Bavarum est motus; urgenteque terrore, ne caperetur a Catholicis, latebras quæsitiv. Rem accurate narrat ex Bernardo Bosquetus his verbis³: « Post recessum Bavari de civitate Pisana, callide cogitans », (nimirum Tarlati nobilis Gibellinus Pisanorum præfectus), « sibi appropriare dominium civitatis, de

voluntate civium Pisanorum, qui erant de tyrannide Bavari gravati multipliciter et afflicti, cœpit tractare de pace cum potestate, Ecclesia et civibus Florentinis. Et tunc dederunt comitatum prædicto Petro antipapæ, ut inde recederet et abiret: cumque peteret a prædicto Tarlato, ut sibi provideret de securo conductu, donec pervenisset ad Bavarum, qui adhuc erat in partibus Lombardiæ, negavit Tarlatus: et tunc prædictus antipapa secretius dedit seipsum in manibus Bonifacii comitis Novelli de Donoratico Pisani; et ipse Bonifacius fecit eum de nocte occulte duci cum quodam suo antecardinali fratre Paulo de Ordine fratrum Minorum ad unum castrum suum in maritima, quod vocatur castrum de Urgari, quod distat a civitate Pisana per xxxv millia: ubi cum prædicto Paulo antecardinali occultis latuit circiter per tres menses. Verum cum cives Florentini quacumque ex causa duxissent exercitum gentis suæ versus partes illas, dubitans et timens dictus Bonifacius comes, ne hoc facerent, ut prædictum antipapam scirent ibi latere, et quærerent ipsum antipapam habere; fecit eum quanto potuit occultius reduci ad domum suam in civitate

¹ Tom. VII. p. 1. Ep. secr. pag. 121. — ² Ibid. p. 2. Ep. secr. pag. 49. — ³ Bosq. in Jo. XXII.

Pisana, ubi tenuit eum absconditum et occultum, etc.»

2. Interim Pontifex extinguendi schismatis cupidus, ac restituendæ Ecclesiæ pristina tranquillitatis, omnem operam debuit, ut abditiores recessus, in quos se condidisset antipapa, scrutaretur : et omnes, qui illum occultatum tenerent, vel ut capesseret fugam præsidio essent, honorum privationis terrore et censurarum religione perculit : tum illius comprehendendi Simoni archiepiscopo Pisano, episcopo Florentino, et electo Lucano kal. Martii provinciam dedit. Excurrente brevissimo a datis hisce imperiis tempore, eductus est ex impuro latibulo suo coluber : dum enim Pisanorum oratores in Pontificia aula versabantur, pererebunt Petrum Corbarium in comitis Bonifacii e Donoratico potestate esse. Quem mox, accepta certissima rei fama, Joannes litteris est adhortatus ¹, ut illum, ut loquitur, « gehennæ filium atque alumnum maledictionis », ad Sedem Apostolicam adducendum traderet : tum gravissima pericula proposuit, in quæ se suosque conficeret, nisi Apostolica jussa faceret. Quæ litteræ hæc nota loci ac temporis sunt consignatæ : « Dat. Avin. Vind. Maii, Pontificatus nostri anno XIV ». Pontificis parendum decrevit Bonifacius comes, quem detinuisse antipapam arcana divini Numinis providentia perpendit Joannes ² : « Ne, inquit, dictus Petrus antipapa, se transferendo ad partes alias, posset Dei Ecclesiam cum suis sequacibus ulterius perturbare, suscitavit Deus spiritum Danielis in dilectum filium nobilem virum Bonifacium comitem de Donoratico, ut ipsum Petrum reciperet et custodiret, ne posset proficisci alibi, ut sic malis, quæ inde possent subsequi, obviaret ».

3. Tentus vero in liberali custodia Corbarius pseudopontifex, cum diffugia aucupari non posset, Pontificiam misericordiam tentandam putavit : atque ad eam conciliandam demissas hæc litteras ³ transmisit, quibus antipapatus correpti crimine execratus est, ac Joannem verum Christi in terris vicarium agnovit :

« Reverendissimo ac sanctissimo patri et domino, domino Joanni papæ sacrosanctæ Romanæ Ecclesiæ, frater Petrus de Corbaria, dignus omni

pœna, seipsum ad pedes cum reverentia veræ subjectionis, etc.

« Licet, secundum canonem Evangelicæ veritatis, qui non intrat per ostium in ovile gregis Dominici fur appelletur et latro rapacitatis lupinæ, audiens et considerans diligenter tanta enormia scelera pravitatis hæreticæ stylo terreo exarata in ungue adamantino, quanta dicebantur a multis de vestra solida fide, sicut præsumptuosos, temerarios et superbus ascendi super astra cæli Ecclesiastici, ubi mihi meis peccatis exigentibus parata fuit sedes iniquæ praelationis ; sed postquam deveni ad territorium Pisanum, et quævisi diligentissime de predictis, et inveni quod obliqua erant et falsa, et deficiebant in pondere veritatis, dolui et doleo vehementer, et pœnitet me fecisse quæ feci contra jura et leges vestri sacratissimi nominis de consilio perversorum. In cuius rei testimonium jam est annus completus, quod adversarium vestrum dimisi sponte, et sedem meam præsumptuosi culmini dereliqui : et propono firmiter in civitate Pisana et etiam in Urbe, atque ubique locorum rennere ¹, secundum quod vestra benignissima sanctitas decreverit ordinandum. Et quia gravissime peccavi et erravi patenter in invio et non in via, supplico vestræ clementissimæ pietati qualenus mihi maximo peccatori dignemini parcere secundum multitudinem magnam misericordiæ Dei vivi, ut rediens ex totis visceribus reliquias deleam et annihilem supradictorum de cordibus universorum fidelium, et ora claudam omnium obloquentium de vestra serenissima sanctitate ; et Ecclesiæ Dei de cætero sit unus pastor et unum ovile pro pace totius populi Christiani. Datum in continibus Lucanorum (1) ».

4. *Antipapam resipiscentem urbane tractat Pontifex, cique bene indulget.* — Ille Petrus e Corbaria in clientum Ecclesiæ potestatem lapsus demisse scribebat, qui dum Ludovici Bavari potentia nitebatur, Pontificem Joannem e Caturco, hæreticum et exauctoratum appellabat, atque inanibus anathematum suorum fulminibus percutere nitebatur, illum tamen seu vere sive in speciem resipiscentem paleno sinu excipere decrevit Pontifex, ut subjecto Diplomate ipsemet testatur ² :

« Joannes, etc. Petro de Corbario Ordinis fra-

¹ Tom. VII. p. 2. Ep. secr. pag. 6. — ² Ep. secr. pag. 57. —

³ Ext. inserta in Pontif. lit. tom. VII. p. 2. Ep. secr. pag. 8.

¹ Id. est, abjurare. — ² Tom. VII. p. 1. Ep. secr. pag. 8.

(1) Ex litteris Petri de Corbaria, hic abanalista recitatis, lux affunditur historice aliqui obscure, de fuga, defectione et resipiscentia antipapæ. In litteris enim illis testatur se anno jam evoluto spontaneam usurpatæ dignitatis abdicationem fecisse ; quod an vere sibi scriptum, an deinde iusta causa subest. Facere enim conficisse potuit, ut destitutum se Bavari præsidio intelligens, a quo Pisis cum molitæ militum custodia relictus fuerat, et in Pisanis spei sibi parum fore considerans, non sponte, sed coacte sese subdiceret. Sed continuator Nungii altius inspicit hunc monachum cum primo Avinionensi Pontifice, et frequentibus erroribus suis ejuravit, assertuisse, ipsomet Pontifice veritate in dictorum complacuisse, se ante annum et menses quatuor, adeo quæ anno præe ebat, Aprili vel Maio mense, spontaneas litteras dedisse ad Pontificem, quibus paratum se ad obsequium proditorum ; nec nisi a talibus, quorum custodie traditus erat, ne reverteretur prohibuit. Tempore tamen sit, aut illius partem aliquam transire latens in oppido, quod Bona dicitur Gindours ex editione Martini apud la Vigne, in editione vero Baluzi est *Burgari*, in altera Muratori rer. Ital. tom. III. part. II. *Burgari* ; omnes mendose, nam verum et germanum eius nomen est *Bulgariem*, seu *Bulgari*, qui locus est in pauculis intra autem Cocinam et promontorium Pambini non longe a Donoratico, cuius oppidi comiti sese tradiderat. Inde Pisis transiit testatur Bernardus, sed forte in alio ignoto loco ad Lucensem limes prius abditus fuit, nam ex eo loco ad Pontificem litteras dedit, quæ Juno mense huius anni scriptas iudico, cum Pontifex litteris datis III id. Julii illis responderet. Ex his etiam litteris falsi arguuntur veteres illi scriptores, qui antipapam per scelus proditum traditumque in manus Pontificis a comite Donoratico affirmant ; sponte enim se illi commississe creh non immerito potest.

trum Minorum, quod cœpisti laudabiliter, feliciter adimplere.

« Profecto, fili, ex dictarum serie litterarum percepinus tibi immensam exultationis et gaudii materiam ministratam. Numquid non ingens materia gaudii, quod tibi ambulanti in tenebris, et quasi in profundum malorum prolapso, lux illa vera, quæ omnem hominem venientem in hunc mundum illuminat, illuxisse videtur, namque suam tibi, ut de profundo malorum ex eas, misericorditer porrexisset? Sane quia affectum paternum non præterunt commoda filiorum, nos expertes non sumus illo gaudio, quod utique inane existeret, si quod cœpisti laudabiliter Spiritus sancti gratia, feliciter non compleres. Et quoniam nemo ponens manum ad aratrum, retro respiciens, aptus est regno Dei; hortamur in Domino et rogamus, ut attente provideas, ne spiritum tam benignum extinguas: sed ipsum in te nutries, ejus inspirationes exequi cum omni promptitudine et reverentia studeas.

« Et quia sæpe nocuit differre paratis, sæpeque vidimus tempus a mane usque ad vesperam immutari; sano tibi suademus consilio, ut more cujusvis vinculis interruptis et laqueis, de tenebris ad lucem, ac de morte ad vitam exire ac pervenire festines, nihil hæsitans quin nos si compensaveris facta dictis, reperies patrem pium, benignum et propitium, et omnium tuarum immemorem offensarum, etc. » Subjungit ut cum se ad gesta damnanda Pisis, Romæ, vel in aliis locis paratum obtulerit, plurimum rei Catholice conducere, ut Pisis ea omnia, quæ Pontificis in morem peregerit, abjuret; seque ad Apostolicam Sedem conferat, ut apud eam injurias Ecclesiæ illatas sarciat, gratiamque Pontificiam ineat. « Dat. Avin. III id. Julii, anno XIV ».

5. Mollioribus hisce verbis Petrum Corbarium ad schisma ejurandum pellicere matuit, cum ex ea facilius reliquos schismaticos veritatis hæc collustrandos, rediturosque ad sinum Ecclesiæ spes affulgeret, quam si cum ipso verbis durioribus egisset, iisque lacessitis in perviciacia obriguisset. Quamvis enim, si obfirmatus in scelere fuisset, certa manerent illum supplicia: sequaces tamen in schismate non parum confirmasset: quam ob causam Pontifex ab aliis litteris, in quibus atrocissima ejus flagitia recensebat, ut ad crimina lacrymis expianda ipsum adduceret, mittendis supersedit. Extant eæ in Pontificio Regesto¹, in cujus pagina marginali hæc verba apposta: *Ista non processit*. Eam tamen litterarum partem afferre opere pretium ducimus, in qua scelerata exprimat, plurimæque historię lux afferenda videtur.

« Joannes, etc. Petro de Corbario Ordinis fratrum Minorum, quod cœptum est laudabiliter, feliciter consummare.

« Tuae quidem personæ conditio reddit offen-

sam hujusmodi utique multipliciter graviores: eras enim vir religionem professus subditi singulariter Apostolicæ Sedi, vir ætatis provector, Scripturæ divine nequaquam inscius, et qui diu moram traxeras in religione prædicta. Gravitate offensus te non credimus ignorare: tunicam quippe Christi inconsutilem tentasti scindere, quod tamen gentiles milites facere vitaverunt, ipsamque Pontificatu suo, qui in æternum permanet, voluisti privare, vicariatum suum ab excommunicato recipiens et privato omni jure, si quod competeat sibi ex electione in imperatorem de ipso celebrata in discordia et de hæresi condemnato; dogmatizans et asserens publice, quod ad illum pertinebat papam deponere et ordinare alium, per hoc incidens in hæresim jam damnatam. Dignitates quoque tam cardinales quam pontificales, et alias inferiores, tam sæculares quam regulares; necnon et alia inferiora beneficia Ecclesiastica cum cura et sine cura, amotis interdum ab eis de facto fidelibus, hæreticis de facto seu hæreticorum fautoribus et schismaticis in animarum suarum periculum providisti. Officiales insuper juxta morem summorum verorum Pontificum ad indulgentias et dispensationes reservatas Sedi Apostolicæ, imo etiam quæ non consueverunt per Sedem eandem fieri; timore Dei postposito, facere ac concedere ausu nefando et temerario nimium præsumpsisti. Hæreticos quoque et schismaticos, ac hæreticorum et schismaticorum fautores non erubuisti per te vel alium, seu alios promovere.

6. « Numquid per hæc Christi tunica scindebatur? Numquid sponsa Christi sancta Dei Ecclesiæ quantum in te erat, tradebatur stupratoribus ad stuprandum? Numquid per hæc via ad subvertendam sanctam Dei Ecclesiam fidemque Catholicam parabatur? Numquid per hoc erat via parata hæreticis ad suas hæreses predicandas publice, et simplices a veritate fidei revocandum? Numquid negabas Christum Pontificem? Numquid sponsam suam, quantum in te fuit, exponere prostibulo attentasti? Numquid schismaticum et hæreticum, imo hæresiarcham et hæreticorum patronum publice te fecisti? Numquid in locis interdicto suppositis tam in Urbe quam in tota Italia, quantum in te fuit, coegisti profanare divina? Numquid tentasti fideles suis privare prelationibus et dignitatibus et beneficiis Ecclesiasticis, et ad illos fautores hæreticorum seu hæreticos promovere?

« Profecto, fili, graves et atroces offensæ sunt istæ: et tamen hæc omnia bonitatem Dei non retrahunt, quin de tua salute sit sollicita, et quin cor tuum, ut defectus tuos recognoscat, illuminet; ut sic pedes tuos ad viam veritatis convertere non omittas. Si enim a corde tuo puro processerint quæ continent Epistola supradicta, tenemus indubie, supposito quod a corde tuo puro processerint supradicta, quod Spiritus sanctus in ejus confessione affuerit; quinimo quod non a te, quæ in ea

¹ Tom. VII, p. 2, pag. 9.

scripta sunt, sed ab eodem in te loquente Spiritu emanarint, etc. Dat. III id. Julii, Pontificatus nostri anno XIV ».

7. Acturus porro interpretem Bonifacius comes pro restituendo in gratiam Pontificis pseudopapa, primum illius vitæ ac salutis cavere studuit, obtinuitque facile ex innata Ecclesiæ mansuetudine, quæ tunc majorem explicuit clementiam, quo atrocius læcessita ac lusa fuerat; hæc enim eidem comiti Pontifex rescripsit : « Volumus indubie te tenere, quod si deputatis a nobis ipsum spontaneum duxeris assignandum, eidem vitam servabimus; et si in prædictis perstiterit, ipsum gratis et favoribus prompto animo prosequemur; si autem ipsum invitum duxeris eidem assignandum, adhuc sibi vitam, ut tuis satisfiat desideriis, servabimus; et si a devitiis respuerit, ipsum gratis nostris et favoribus non relinquemus expertem. Dat. III id. Julii anno XIV ».

Commendavit aliis litteris Bonifacii ac Timucii illius præfecti præclarum in Ecclesiam studium, flagitantique comiti nonnulla in Petri gratiam, ac primum ut omnium criminum nexibus tam occultis quam manifestis absolveretur; Joannes hæc respondit : « Attendentes quod ad talem misericordiam sine peccatorum confessione potestas nostra, etiam ut ministri, se nequaquam extendit, quod postulasti nequivimus adimplere. Sed ecce quod volentes ejus providere salutem, tuæque annuere voluntati, sibi per nostras patentes litteras, (extant eæ in eodem Regesto Pontificio) indulgemus, quod postquam errores suos recognoverit, secundum formam contentam in nostris litteris aliis eligere possit confessorem idoneum, qui audita ejus confessione sibi possit absolutionis beneficium juxta formam Ecclesiæ impertiri ». Adjecerat alia petita, ut nullius quam Romani Pontificis auctoritati obnoxium illum fore decerneret; tum etiam aliqua stipendia ad tolerandam vitam attribueret, quibus amplissime annuit Pontifex: tria enim aureorum milia ex ærario Pontificio illi annis singulis pendenda constituit: ex quibus illi attribuendis data Pisano archiepiscopo et electo Lucano imperia, donec ipsi uberius consultum esset.

8. Porrexerat etiam alias in ejusdem Corbarii gratiam preces Bonifacius, quas Joannes non admisit, responditque¹: « Ad id quod in calce tuæ litteræ continetur, scilicet, quod nisi ea, quæ pro eo postulabas, sibi primo faceremus, et super ipsis Apostolicum mitteremus privilegium, vehementius dubitabas ne a tali facto dictus Petrus resiliet proposito, et in pertinacia longanimiti perduraret; respondemus, quod si de puro corde suo processerant quæ nobis per suas litteras nuntiavit, de hoc non est in aliquo hesitandum: si vero non de puro corde processerint, sed de facto, vide, fili, quantum esset Ecclesiæ sanctæ Dei periculum

sibi concedere postulata: jam enim si præmissa postularet, quæ pro eo per tuas litteras postulasti, cor suum nequaquam delegit, et quantum perverse se facturum disposuerit, pandit. Unde, fili, in hoc nec tu, nec fidelis aliquis debes annuere, nec impertiri sibi favorem aliquem, sed ipsum nec, quos ad hoc deputavimus per nostras alias litteras, debes invitum etiam assignare ». Tum rescindit omnia sacramenta, quibus se Petro in rei Catholice injuriam devinxisset. « Dat. Avin. III id. Julii, anno XIV ».

Ursit aliis litteris eodem die exaratis Bonifacium, ut invitum traderet: « Cum non sit, inquit, cum tanto discrimine ejus pertinaciæ indulgendum, venerabilibus fratribus nostris archiep. Pisano et episcopo Lucano, vel eorum alteri, ubi ambo vel nollent vel non possent his intendere, nostro et Ecclesiæ Romanæ nomine debeas assignare ». Et infra: « Gratia Domini nostri Jesu Christi sit tecum, quæ tibi gratiam tribuat, ut quæ juste petuntur et suadentur fideliter, sublato ulterioris moræ dispendio, exequaris ». Tum omnia promissa, si quæ læcisset, etiam jurejurando firmata, quæ in Ecclesiæ detrimentum vergerent, dissolvit infregitque. « Dat. III id. Jul. anno XIV ».

9. Gessit morem Pontificis imperiis Bonifacius. Præscripsit vero Joannes Simoni Pisano archiepiscopo modum, quem in Petro e Corbaria ad Ecclesiæ gremium revocando tenere deberet.

« Joannes, etc. Simoni archiepiscopo Pisano.

« Primo in tua præsentia et venerabilis fratris nostri Lucani episcopi, vel alterius vestrum, si forsan amorum præsentiam abhorret; necnon et illorum, in quorum præsentia frequenter esse ac fuisse noscitur, recognitis erroribus et etiam abjuratis, per vos sibi absolutionis beneficium impendatur: deinde in præsentia multorum prælatorum, religiosorum et clericorum, nobilium et ignobilium usque ad numerum, de quo vobis et dilectis filiis nobilibus viris Bonifacio comiti de Donoratico ac Timucio ejus bajulo expeditis videretur, repetat et faciat iterum supradicta; sibi que postmodum absolutionis beneficium impendatis, ac sub virtute juramenti præstiti iungatis, ut infra certum competentem terminum eidem præfigendum, cum illis, quos eidem vos vel alter vestrum, ubi ambo circa hoc intendere non possetis, assignandos duxeritis, se nostro conspectui personaliter repræsentet: alioquin in eadem ipso facto pœnas et sententias relabatur, et proin infecta præmissa absolutio habeatur.

« Hoc autem fraternitatem tuam volumus non latere, quod litteram dicti Petri nobis missam ad Dei laudem et gloriam fratribus nostris in consistorio legimus, quam utique, ut apparebat, audiverunt cum gaudio, et Deo de tanta misericordia, quam circa eundem Petrum exercebat, gratias retulerunt, devotionem mitterent plurimum in Domino commendantes. Ad hæc quia inter alia tenor continet litteræ supradictæ, quod idem

¹ Tom. VII, p. 2. Lp. scri. pag. 11.

Petrus proponit firmiter in civitate Pisana et in Urbe eliam, ac ubique locorum, ut ejus verbis utamur, renuere¹, sicut nos decreverimus ordinandum, videtur nobis, sibi et Ecclesie Catholice plurimum expedire, ut suis recognitis Pisis erroribus et eliam abjuratis, quæcumque ut papa præsumpsit facere, esse nulla, sicut et sunt, publice recognoscens juxta modum, quem tu et dictus episcopus, vel alter vestrum, ut prædicitur, ordinandum duxeritis, ad nostram non tardet præsentiam se conferre: nullibi siquidem de injuria illata Deo et Ecclesie melius potest satisfacere idem Petrus, quam ubi Christi vicarius noscitur et Ecclesie caput esse: nec alibi sic nostrum favorem percipere poterit, nec securius, si recte consideret, immorari. Dat. Avinion. III id. Julii, anno xiv ».

Extant quoque Apostolicæ litteræ, quibus eidem Simoni archiepiscopo et Guillelmo designato episcopo Lucano est provincia data, ut Petrum e Corbaria, damnatis rite ab eo erroribus, censuris exsolverent: tum a quorumcumque præsulum auctoritate liberum pronuntiarent: restituerent priorem cœtui omnes, qui ipsam jam ante exceperant, redeuntesque ad Ecclesie sinum pœnis ac sententiis, quibus essent irretiti, liberarent. Corbario autem sacerdotis, apud quem conscientia maenlas expiaret, eligendi potestatem fecit.

10. *Corbarius Avenionem ingressus pseudopontificum, publicis de ea re confectis Tabulis, deponit.*—Ipsum porro ejurasse Pisis solemnî ritu antipapatum, atque omnia in Christi vicarium a se gesta damnasce, edita ea de re publica Acta ac litteræ Pontificiæ² lesantur: utque apud subsellia Apostolica commissa scelera expiaret, quarto Augusti die a Pisanis et comite Bonifacio, ut refert Joannes Villanus,³ firmatis nonnullis conventis, que antea a nobis indicata sunt, Pontificis administris, qui duas trirèmes ad illos instruxerant, traditus est: ac secundis auris afflantibus secundo die Niciam in Provincia applicuit. Quo accepto nuntio Pontifex, patris Evangelici prodigum filium excipientis instar, magno se ex illius adventu debilibus gaudio significavit⁴ atque ad constantiam in suscepto optimo consilio ipsum excitavit, cum ea magno usui in extinguendo schismate, atque innumeris animabus et laqueis dæmonum eripendis, traducendisque ad Christum futura esset:

« Petro de Corbario Ordinis fratrum Minorum.

« Læti percepimus hodie te, iter spontaneæ prosequenter, ad nostram veniendi præsentiam lætum et incolumem Niciam pervenisse. Profecto, fili, talis adventus cor nostrum exultatione replevit et gaudio non indigne: si enim patri cedat ad gaudium videre filium inventum fuisse, qui pe-

rierat, vel qui fuerat mortuus revixisse, cujus tamen inventio vel revictio paucis, aut forsân nulli fuerat profutura; quantum putas tua inventio et a morte spirituali resuscitatio in nobis possit et debeat peperisse gaudium, de cujus inventione et resuscitatione multorum salus probabiliter spectatur? Rursus si Angelis est gaudium super uno peccatore agente penitentiam, cujus forsân penitentia futura non esset utilis nisi sibi, quantum nobis, imo toti Ecclesie Catholice super tua conversione possit existere gaudium, quæ nedom tibi prodest ad meritum, sed et Deo ad gloriam, Angelis ad gaudium, cunctisque cedit hominibus ad exemplum? Procul dubio tantum est et esse debet hujusmodi gaudium, quod lingua non posset illud de facili explicare.

« Nec tu, fili, expertus a gaudio debes esse: si enim est gaudium ad lucem venire de tenebris, et de crudelissimo liberari carcere, ac de jugo gravi ad suave transire; utique tibi, in quo spiritualiter concurrunt præmissa omnia, ingens in Domino gaudium debet esse: nec quoad nos, nec quoad te gratiarum debet cessare actio, nec vox laudis, imo debent illi, qui tam clementer laqueum misericorditer nobiscum dignatus est agere, in corde et ore jugiter resonare; ac etiam ipsum suppliciter exorare, ut qui præmissa faciendi virtutem tibi tribuit, in ipsis quoque perseverandi usque in finem virtutem misericorditer largiatur. Gaude ergo, fili, in Domino, qui de tantis malis te liberavit et periculis, et gratiarum actiones non cesses agere; laqueum ad nos venire festina, scilicet indubie, quod nos pium patrem et clementem reperies, prælerita in memoria non tenentem; sed te tractantem sicut charissimum filium et specialem amicum. Dat. Avin. V id. Aug. anno xiv ».

11. Dum ille Niciæ subsistebat, imperiaque Apostolica expectabat, ut Pisis egerat, in celebri præsulum ac virorum nobilium corona sacrilegio Petri Sedem invasisse fassus est¹, iterque ceptum prosecutus, et in omnibus insignibus locis publice damnato crimine vigesima quarta Augusti die Avenionem ingressus, proxime insequenti in medio cardinalium senatu, laqueo collo injecto, ut narrat Joannes Villanus², magna animi demissione ad Pontificis pedes prostratus, seque hæres contaminatum fassus, condemnatoque Bavaro, qui illum pseudopontificem crearat, admissa a se flagitia injectumque orbi Christiano impietatis exemplum execratus, misericordiam imploravit. Conscripte sunt ea de re publicæ Tabulæ in privato secundo Consistorio editæ³, cum in primo eoque publico ob adstantium multitudinem ac strepitum, Petrus scriptam de antipapatu ejurato formulam integram repetere non potuisset, ac pudore per-fusus obmutuisset.

¹ Id est abjurare antipapatum et hæresim. — ² Tom. VIII. p. 1. Ep. secr. pag. 23. — ³ Jo. Vill. I. XIX. c. 163. — ⁴ Tom. VII. p. 2. Ep. secr. pag. 12.

¹ Tom. VIII. p. 1. Ep. secr. pag. 24 et 57. — ² Jo. Vill. I. X. c. 164. Sur. I. vit. c. 13. — ³ Id. in arc. S. Aug. et in Ms. Arch. Vat. sign. lit. C. Nuc. card. de Arisp. pag. 141 et in ano Ms. pag. 248. Apud Bosq. in Vit. Jo. XXII. et apud Contel. in Elench. card.

« In nomine Domini. Amen. Conetis et singulis pateat evidenter, quod anno a Nativitate Domini mcccxxx, Indictione xiii, Pontificatus sanctissimi in Christo patris et domini nostri domini Joannis, digna Dei providentia papæ XXII anno xv, die sexta mensis Septembris, constitutus personaliter coram ipso domino nostro papa in privato Consistorio, præsentibus et assistentibus ejus reverendis in Christo patribus domnis cardinalibus ejusdem sacri collegii, necnon aliis testibus, et nobis clericis cameræ suæ publicis tabellionibus infrascriptis; frater Petrus de Corbario Ordinis fratrum Minorum ex sua certa scientia, gratis et spontanea voluntate, ac motu suo proprio libere facta et exhibita reverentia humili et devota, sæpius genibus flexis, eidem domino nostro papæ, ac domnis cardinalibus in eodem consistorio præsentibus, testibus domnis Gasberto Arelatense, Bertrando Ebrounense archiepiscopis; Bertrando Stephani electo Regensi, Bindo Lemjardo, Manuele domini papæ notariis, Gaufrido Cavallicensi, Petro Carcassonensi, Ildebrandino Paduano episcopis; Helione magistro majore hospitalis Jerosolymitani, Guidone daphino Viennensi, Joanne comite Forensi, Geraldo de Lalo et Bernardo Graverii capellanis Apostolicis; in effectu proposuit et legit per ordinem sicut denotantur inferius omnia et singula, quæ sequuntur.

12. « Pater sanctissime, sicut vestra tenet memoria, nec exiit a mea, die vigesima quinta mensis Augusti proxime præteriti, ego frater Petrus de Corbario Ordinis fratrum Minorum, in vestri sanctissimi in Christo patris et domini nostri domini Joannis, superna providente clementia, sacrosanctæ Romanæ et universalis Ecclesiæ summi Pontificis, veri et unici vicarii Jesu Christi, sacrique collegii vestri RR. in Christo patrum dominorum card. præsentia; necnon præsentem fidelium tam prælatorum et religiosorum, quam aliorum clericorum et sæcularium multitudine copiosa in consistorio publico, quantum ad sententiam et effectum recognovi et confessus fui, reprobavi, anathematizavi, refutavi et renui omnes et singulos errores et hæreses, in quibus incideram hactenus ex assumptione damnali et hæretici ac schismatici status antipapalis, per me erronee et inique dudum assumpti ab hæretico et schismatico Ludovico de Bavaria, et nonnullis fautoribus suis ejus complicitibus in hac parte schismaticis et hæreticis condemnatis; necnon ex damnablebus fautoris et adhesionibus ipsorum et plurium aliorum hæreticorum, et specialiter Ludovici prædicti et Michaelis de Casena olim generatis ministri Ordinis antedicti, pessimorum hæreticorum et schismaticorum reprobatorum per Ecclesiam sanctam Dei, multorumque sequacium, complicitum et fautorum suorum, quibus in eorum factis perversis, ac falsis opinionibus et damnis favi sæpius damnabiliter et adhasi; illosque ac quoscunque alios errores et hæreses abjuravi, jurando ad

sancta Dei Evangelia, mentaliter et corporaliter per me facta, præmissa omnia et singula inviolabiliter observare, ac mandatis sanctæ matris Ecclesiæ et Apostolicis per omnia obedire.

13. « Sane enim tunc fatigatus ex labore, debilitatus in vigore, angustatus in dolore, et confusus ex rubore, contractusque ex itinere ac timore, impeditus in clamore, extinctus in devotione, mortuus tandem in amore, eo quod dilexi dudum malitiam super benignitatem, et iniquitatem magis quam loqui æquitatem, justo Dei iudicio obmuerim evidenter, et sicut volui non potuerim omnia exprimere supradicta, nec vos etiam forsân, beatissime pater, una cum dicto sacro vestro collegio dominorum cardinalium prædictorum ea plene propter tumultum assistentium, et dicta impedimenta mea, intelligere potuistis; ideo latius in præsentî privato consistorio resumptis confortativis viribus, postquam de benignitate et humilitate clementiæ sanctitatis vestræ apparuit, quoniam non ex operibus justitiæ, quæ nunquam feci actualiter; sed secundum magnam Dei et vestram misericordiam me salvastis: et operuistis omnia mea scelera et peccata, laborem meum oppressivum sedando pacifice, et vigorem perditum mihi restituendo integre, et dolorem afflictivum dulcificando consolative, ruboremque confusivum laudabiliter removendo, ac timorem meum confortando viriliter, et clamorem meum raucum sanando celeriter: extinctamque devotionem meam suaviter inflammando, et amorem meum mortuum vivificando; cum confidentia securitatis pacifice et benigne prædictos errores et hæreses, ac omnia et singula scelera et delicta mea iniquissima et nefanda proponere confidi, publicare et legere volo in scriptis, ut certius pateant universis, et vos, beatissime pater, una cum dictis domnis cardinalibus possitis ea intellectum suscipere pleniori. Quare hujusmodi hæreses et errores, ac scelera et delicta mea coram vobis et dictis domnis cardinalibus ac testibus aliis, et clericis cameræ Apostolicæ publicis tabellionibus infrascriptis, ad laudem et gloriam altissimi Dei patris, beatissimæ semper virginis Mariæ, beatorum Angelorum et sanctorum omnium, et vestri sanctissimi patris præsentis, veri et unici in terris vicarii Jesu Christi, pro salute et pace perfecta totius populi Christiani propono, confiteor, recognosco, publico et lego per ordinem, ut inferius describuntur.

14. « In nomine Dei Patris omnipotentis, ac Filii, et Spiritus Sancti. Amen. Quoniam, juxta sapientis doctrinam, occultanti scelera sua denegatur directio, pure autem confitenti et ea penitus deferenti, est misericordia repromissa; idcirco ego frater Petrus de Corbario Ordinis fratrum Minorum minimissimus et sceleratissimus peccator hoc consideranter attendens, nolens ulterius cum

¹ Est, etiam apud Bert. in Jo. XXII ex editione Bosq.

impiis commiseri, sed cupiens toto corde in viam veritatis, quam inique deserui, dirigi, et misericordiam et gratiam Jesu Christi, et vestri beatissimi in Christo patris ac domini nostri domini Joannis, superna providente clementia, summi Pontificis, veri et unici ejus in terris vicarii, ac Ecclesie sacrosanctae Catholice, quibus meis iniquissimis et nefandis me privavi sceleribus, valeam promissis et efficacius obtinere; quanquam nuper Pisis existens coram patribus reverendis dominis, Simone archiepiscopo Pisano et Guillelmo Lucino episcopo, ac discreto viro magistro Raynaldo Stephani clerico papalis camere et Apostolico nuntio presentibus, quam multis praelatis aliis, religiosis et nobilibus, ac popularibus civitatis praedictae, errores meos et scelera spontanee cum ingenti cordis amaritudine confessus fuero, et dominis archiepiscopis et episcopo, ad hoc per vos, pater sanctissime, deputatis, supplicaverim humiliter et devote, ut mihi parato praefatos errores et quoscunque alios abjurare, ac mandatis stare vestris Apostolicis: et insuper mihi recognoscenti, quod ea, quae ut papa, imo verius antipapa tam circa personam haeretici Bavari, quam circa creationem, quam de facto praesumpsi cardinalium et aliorum officialium, quos veri summi Pontifices soliti sunt habere, quam circa dispositionem et ordinationem patrimonii beati Petri Apostoli; necnon circa privationem nonnullorum praefatorum a suis praelationibus, et aliorum clericorum a suis dignitatibus et beneficiis aliis Ecclesiasticis, quocumque nomine censeantur, et provisionem attentatam de facto de praemissis praefaturis, dignitatibus et beneficiis aliis Ecclesiasticis quibuscumque; necnon et quaecumque alia, quae ut papa quocumque modo praesumpseram seu feceram, nulla, praesumpta ac temeraria fuisse et esse, et ab omni effectu juris vacua, et nullius penitus existere firmitatis, velut attentata ab illo, cui nullum jus talia facere competeat, et illi, in quorum personas illa attentata fuerint, cum essent schismatici et haeretici seu haeticorum fautores notorii, essent penitus non capaces, necnon et ea, quatenus de facto processerant, quantum erat mihi possibile revocanti, et nulla fore et inania declaranti, absolutionis mihi impenderent beneficium ab omnibus sententiis juris et hominis, quas ob praemissa incurreram, vel aliquid praemissorum, neque incorporarent et restituerent sacrosanctae Ecclesiae Catholicae unitati, quod nique praefati archiepiscopus et episcopus auctoritate vestra Apostolica ipsis per litteras vestras patentes Apostolicas in hac parte concessa, recognitionibus et revocationibus supradictis receptis, ac juramento de stando mandatis vestris Apostolicis prompte et liberaliter exequi curaverint; hoc adjecto, quod si ad pristinos errores, seu actus schismaticos sceleratos redirem, in easdem poenas et sententias reincidam ipso facto; ac nihilominus illa nuper in diversis civitatibus provinciae Provinciae con-

fessus fuerim et abjuraverim, et nulla fore per me attentata recognoverim, et ea quatenus de facto processerant, quantum poteram et ad me pertinere poterat, revocaverim et declaraverim esse nulla; nihilominus tamen ad fortius abolendas maculas haereticum et infamiae, quas contraxi et incurri ex praemissis et pluribus aliis damnabilibus factoriis, adhesionibus et consiliis per me dudum exhibitis haeretico et schismatico Ludovico de Bavaria, principali status mei damnati huiusmodi patratori, ac ejus sequacibus, factoribus et complicitibus; et specialiter haeretico et schismatico Michaeli de Casena, olim Ordinis fratrum Minorum generali ministro, de haeresibus et schismate, ac pluribus haeticorum factoriis et adhesionibus perversos, praefate sanctissime pater, legitime condemnato; adme tamen errores meos et scelera in praesentia vestri, sacrique vestri collegii dominorum cardinalium constitutus, intendendo et volo recognoscere et abjurare, ac alia facere, quae vestra sanctitas dixerit ordinanda.

15. « In primis itaque confiteor, et cum ingenti amaritudine animi recognosco, quod cum seductor ille schismaticus et haeticus manifestus Ludovicus de Bavaria, dudum jure, si quod sibi quasitum fuerat ex electione discordi de ipso in regem Romanorum celebrata, iuste privatus fuisset per Sedem Apostolicam et eandem sanctitatem vestram, ac ut haeticus et fautor haeticorum notorius de multis haeresibus et fautoriis haeticorum ac schmatibus condemnatus, ad Urbem Romanam imbutus diabolico spiritu pervenisset, et religiosus vir frater Joannes de Meliano minister Romanae provinciae dicti Ordinis fratrum Minorum, ac reverendus in Christo pater dominus Joannes Dei gratia S. Theodori diaconus cardinalis, Sedis Apostolicae et ejusdem vestrae sanctitatis legatus pro majori observatione interdicti, cui tunc erat per vos, sanctissime pater, supposita Urbs praedicta, ejusdem Ludovici adventu percepto, mihi et aliis fratribus in eadem Urbe morantibus sub virtute obedientiae et excommunicationis poenis, quas non parentes ipso facto incurrerunt, publice injunxissent, ut dictam Urbem omnes et singuli exiremus: ego tamen infelix peccator, praecipis huiusmodi non obstantibus, licet omnes alii fratres, paucis exceptis, eidem legato et ministro promptius obedirent; in eadem Urbe, presente dicto pessimo haeretico et schismatico Ludovico, et assistentibus ei pluribus aliis schismaticis et haeticis condemnatis et reprobatis per sanctitatem vestram, et Ecclesiam sanctam Dei pertinaciter remanere praesumpsi: et in ea, licet esset iuste et sancte per vos Ecclesiastico interdicto supposita, celebravi saepius, imo quantum in me fuit, verius profanavi.

16. « Deinde cum idem perfidus Ludovicus datus in sensum reprobum se de facto fecisset imperatorem a dictis Romanis perfidis coronari, et contra vos, beatissime pater, diabolicam et ini-

quissimam depositionis, imo verius abusionis, promulgasset sententiam, et processus diversos temerarios, falsos nimium et injustos; meque ad quorundam perfidorum principalium Romanorum, clericorum et laicorum instantiam ejus sequacium una cum certis de clero et populo perfidis ejus complicitibus et fautoribus ad hoc secum vocatus, in papam et summum Pontificem, imo verius antipapam damnatum et pestiferum elegisset; ego miser inductus, imo seductus suis, et multorum tam clericorum quam laicorum ejus fautorum et sequacium dictæ Urbis precibus importunis, et perniciosius instantiis ac infestis falso et erronee assertentium, quod papam imperator deponere poterat, et loco depositi alium ordinare; et quod per consequens eidem hæretico et schismatico Ludovico, qui tunc in fictum et falsum imperatorem denuo se coronari de facto fecerat, et vos, pater beatissime, abusive deposuerat, hoc licebat; mea superbissima damnatione, more Luciferi, ambitioneque damnabili nihilominus excæcatus, hujusmodi clamorationi tam nefandæ quam reprobæ, imo nulli, malitiose consensum meum temerarium et excæcatum, sicut præmittitur, omni pœna dignissimum non erubui adhibere; et subsequenter consecrari, imo execrari ab hæretico et schismatico Jacobo dudum episcopo Castellano excommunicato et deposito, et coronari a dicto hæretico Ludovico de Bavaria me permisi: licet ad eum, etiamsi verus imperator existeret, sicut revera non erat, nec est, sed hæreticus manifestus et reprobis; egoque verus essem papa, sicut in veritate non eram, sed antipapa potius schismaticus, hæreticus et iniquus, nequaquam talis coronatio pertineret. Item quod cardinales, imo verius anticardinales, et omnes officiales, quos verus papa est habere solitus, ordinare de facto præsumpsi, Bullamque more pape, licet essem reprobis et damnatus, fieri feci hujusmodi, eaque falso usus fui temere et inique.

17. « Et ut statum meum perversissimum et Ludovici predicti damnati, ac falsas opiniones hæretici et schismatici Michaelis de Casena, dudum ministri generalis Ordinis antedicti fratrum Minorum, scilicet quod Christus et ejus Apostoli in his, quæ habuisse leguntur, non habuerint nisi tantum usum facti simplicem, possem fortius ac promptius stabilire; Dei timore postposito, extendens ad omnia illicita manus meas, processus et depositionis sententiam Ludovici manifesti predicti hæretici et de pluribus hæresibus condemnati, contra vos, sanctissime pater, habitam et etiam fulminatam, supplens omnem defectum, si quis esset in ipsis, ex certa scientia et de plenitudine potestatis non solum illos confirmare et mei scripti communiter patrocinio non erubui; sed etiam de novo sententiare, prædicare, pronuntiare, declarare et predicta publice omnia et singula in dictis processibus promulgata præsumpsi. In quibus quidem processibus, Ludovicus præ-

dictus pronuntiabat et declarabat, fore hæreticum et Scripturæ sacræ contrarium dicere, quod Christus et Apostoli in his, quæ habuisse leguntur, habuerint aliud, quam simplicem usum facti: ex qua quidem pronuntiatione evidenter concluditur ipsum et me etiam ex confirmatione et pronuntiatione et prædicatione prædictis in damnatam hæresim per Constitutionem vestram Apostolicam, de fratrum vestrorum promulgatam consilio, incidisse. Et nihilominus ad diversos reges et principes meas litteras destinavi, per quas ad eorum notitiam deducebam, quomodo vos, pater beatissime, cui multa falsa, hæretica et erronea in eisdem litteris imponebam, suggerentibus dictis hæreticis sceleratis Ludovico et Michaeli, ac juxta votum suum ordinantibus, per eundem Ludovicum ac per me eratis depositus, et sententialiter condemnatus; eosdem reges et principes exhortando nihilominus et rogando, quod vobis, sanctissime pater, tanquam papæ non parerent in aliquo, nec favores aliquos exhiberent; sed contra vos potius mihi et dicto Ludovico præberent auxilium, consilium et favorem.

18. « Nec his contentus tam in Urbe quam in pluribus civitatibus et locis aliis clericos seculares et regulares compuli, ut non obstante interdicto, cui per vos, beatissime pater, erant supposita loca ipsa, in eisdem celebrarent, imo verius, quantum erat in me, profanarent divina. Talias quoque Ecclesiis imposui tam in Urbe quam alibi, pro quibus, calicibus, ornamentis et nonnullis rebus aliis ipsas Ecclesias spoliavi. Fideles insuper prælatos nonnullos et alios clericos in dignitatibus et beneficiis aliis Ecclesiasticis, in illis præficiendo vel hæreticos vel schismaticos vel eorum fautores et plerumque non absque simoniaca pravitate quibus etiam, illis scilicet, quorum hujusmodi prælatio requirebat, de facto, cum de jure non possem, per me vel alium munus consecrationis, imo verius execrationis impendi. Contra fratres quoque Minores, non parentes Michaeli predicto tanquam generali ministro, qui tamen depositus erat juste et condemnatus de hæresi, et hæreticus et schismaticus declaratus, et alius per generale capitulum Ordinis Minorum concorditer in generalem assumptus; et contra servantes interdicta per vos, sanctissime pater, vel legatos seu officiales vestros alias promulgata, utroque spirituali videlicet et temporali gladio procedere non expavit eidem Michaeli et suis sequacibus hæreticis et schismaticis inique impertiendo, injuste ac temere auxilium et favorem. Indulgentias insuper et dispensationes Sedi reservatas Apostolicæ concedendo de facto et etiam faciendo. Nonnullis quoque pontificibus commisi, ut sacros ordines celebrarent, in quibus ordinibus plures, ut credo, ad sacros ordines promoverunt temere, cum eis virtute præfate licentiæ non liceret. De patrimonio quoque S. Petri in nonnullis locis ad tempus, et interdum in perpetuum disponere non expavi. Hæc omnia et plura alia contra

Deum, sanctamque Catholicam Ecclesiam ac vos, beatissime pater, verum et unicum Jesu Christi vicarium, recognosco et confiteor, me de facto inique nimirum et temere perpetrasse. Quæ omnia et singula recognosco et confiteor nulla fore, ac cassa et inania, velut ab illo, cui ea faciendi non competebat jus aliquod attentata, eaque quantum ad me spectare potest, quatenus processere de facto, revoco et nulla fore et fuisse pronuntio et declaro.

19. « Confiteor insuper, et ore ac omnino recognosco, me credere et tenere fidem illam, quam sancta Romana Ecclesia, ac vos, pater sanctissime, tenetis, prædicatis atque docetis : et specialiter recognosco me tenere et credere, quod ad imperatorem non pertinet deponere nec instituire papam ; imo hoc tenere hæreticum repto, prout per processum contra hæreticos Marsilium de Padua et Joannem de Janduno, per vos, beatissime pater, super hoc et nonnullis aliis erroribus habitum, quem diligenter studui, continetur. Item fateor et recognosco hæreticum esse dicere, Christum et ejus Apostolos non habuisse in his, quæ eos habuisse Scriptura sacra testatur, nisi simplicem usum facti ; licet dudum contrarium tenuerim, et hæc tenentibus impenderim indebite auxilium et favorem : et fateor et recognosco, quod hoc assertentes sunt censendi hæretici manifesti, secundum quod in Constitutionibus vestris, pater sanctissime, quarum una incipit, *Cum inter*, etc. alia vero, *Quia quorundam*, etc. plenius continetur. Et super materia proprii et communis, ac juris et domini, quod Jesus Christus et ejus Apostoli in rebus temporalibus habuerint, credo, profiteor et teneo in omnibus et per omnia firmiter id, quod in dictis Constitutionibus et responsionibus per vos factis objectionibus, quas dictus Michael ejusque sequaces contra Constitutiones prædictas fecerant, de quibus sum informatus, plenius continetur ; ac omnia et singula scripta, dicta et publicata contra Constitutiones et responsiones prædictas, et tangentia ea, per hæreticos et schismaticos Ludovicum et Michaellem prædictos, seu quoscunque alios assero, recognosco et dico fuisse et esse nulla, erronea, schismatica, hæretica atque falsa, eaque omnia refuto, renuo, anathematizo, reprobō et detestor. Item confiteor, et recognosco in veritate, quod vos, sanctissime pater, et domine domine Joannes papa XXII, et nullus alius, estis verus summus Pontifex, et unicuius in terris vicarius Jesu Christi : et contrarium, quod tenui et dicta quorumcumque idem mecum dicentium refuto, anathematizo, renuo, reprobō et detestor.

20. « Item recognosco et fateor in veritate ut supra, quod ego male, falso, temere et erronee et inique assumpsi, et exercui de facto statum summi Pontificatus, imo verius antipapatus damnabilem antedictum ; et adhæsi ac favi hæreticis suprascriptis et pluribus aliis : ideoque statum, adhæ-

sionem et fantoriam hujusmodi in omnibus et per omnia refuto, renuo, anathematizo, reprobō et detestor. Item recognosco et fateor in veritate, quod male, temere et inique de facto promovi et consecrari feci, seu potius execrari nonnullos prælatos, schismaticos et hæreticos, seu fautores hæreticorum, et aliquos devotos Catholicos et fideles deposui, et beneficia Ecclesiastica pluribus infidelibus, schismaticis et rebellibus, seu eorum fautoribus contuli ; et sapius per simoniacam pravitatem, quam exercere per me et dictos hæreticos et alios perfidos non expavi, et cætera, quæ verus papa gerere consuevit, malitiose de facto exercui. Quæ omnia et singula scelera tam horribilia et nefanda refuto, renuo, anathematizo, reprobō et detestor.

21. « Item fateor et recognosco in veritate quod anticardinales et antiepiscopos per me, ut prædicatur, promotos, quos feci consecrari, imo verius execrari de facto, non reputo esse cardinales nec episcopos ; imo confiteor ipsos fuisse, si non fuerint absoluti et reconciliati per vos, beatissime pater, schismaticos, hæreticos atque nullos ; et omnes actus, quos circa ipsos, vel quoscunque alios, et specialiter circa Ludovicum prædictum ac ejus fautores, complices et sequaces, et cui de facto, cum de jure non possem, dico quantum in me est, fore et fuisse de jure tanquam hæreticos et schismaticos, invalidos ac nullius roboris vel momenti ; eosque ut tales, quatenus processere de facto, in quantum possum, infringo, irrito et denuntio nullos esse, ac expresse refuto, renuo, anathematizo, reprobō et detestor. Quæ omnia et singula hæretica et schismatica, scelera et delicta gravissima, ac omnes hæreses suprascriptas, et quascunque alias mentaliter et corporaliter sponte abjuro, petens humiliter a vobis, beatissime pater, mihi veniam et misericordiam impetiri.

22. « Item promitto et juro ut supra, quod nunquam præscripta, nec infrascripta, seu aliqua eorumdem, per me retractata et abjurata tenebo nec exercebo, nec pro tali, scilicet papa, me habebo, nec quantum in me etiam erit, permittam quoquo modo ab aliis me haberi. Item promitto et juro ad sancta Dei Evangelia, corporaliter et mentaliter per me facta, quod nunquam dictis hæreticis et schismaticis Ludovico et Michaeli, nec eorum fautoribus complicitibus et sequacibus, aut aliis per vos, beatissime pater, et eandem Ecclesiam denotatis vel denotandis, scienter quamdiu in rebellionē, et extra devotionem et gratiam fuerint sanctæ matris Ecclesiæ atque vestram, adhærebo, nec eis præstabo auxilium, consilium vel favorem : nec cum eis, vel eorum aliquibus ligam, conjunctionem, pacta, conventiones seu conspirationes faciam. aut contraham quoquo modo. Item quod cum hæreticis, et schismaticis antedictis, seu fautoribus, sequacibus et complicitibus eorumdem, seu cum aliquibus a me promotis, imo verius execralis, ut præmittitur, conver-

sationem aliquam non habeo, nec eis præstabo aliquod consilium, auxilium vel lavorem. De quibus omnibus et singulis superscriptis ad aeternam rei memoriam pro salute mea et publica pefo, quod unum et plura, quotquot erunt expedientia fieri publicis Instrumentis per vos magistrum Guillelmum de Petritia et Bernardum Stephani cameræ domini papæ clericos ac notarios publicos.

23. « Que quidem omnia et singula, per me supra assertive proposita et prolata, juro per hæc sancta Dei Evangelia, a me facta mentaliter et corporaliter, verà esse, ac præscripta vitanda vitare, et observanda inviolabiliter observare. Ea vero, quæ me asserui credere, juro ut supra, me illa credere fore verà. Item omnes errores et hæreses supradictos et eorum singulos, et specialiter dicere, credere et tenere quod ad imperatorem pertineat deponere ac instituere papam; item quod Christus et ejus Apostoli in his quæ habuisse leguntur, non habuerint nisi simplicem usum facti; et quoscunque errores et hæreses alias abjuro, anathematizo, renuo, reprobò et refuto. Et insuper promitto et juro, factis mentaliter et corporaliter per me Evangelicis sacrosanctis, super omnibus et singulis superscriptis stare mandatis Ecclesiæ sanctæ Dei, et vestris Apostolicis, et fidem tenere, quam sancta Romana Ecclesia Catholica et vos, pater beatissime, creditis, tenetis et prædicatis; necnon et vestras Constitutiones et declarationes factas super materia proprii et communis, ac juris et domini, quod Jesus Christus et ejus Apostoli in rebus temporalibus habuerunt, perpetuo et inviolabiliter observare; ac stare et parere in omnibus et per omnia mandatis sacrosanctæ Romanæ Dei Ecclesiæ, et vestri præfati domini nostri papæ: petens humiliter et devote, me per vos, pater sanctissime, non attentis meis excessibus et sceleribus gravibus; sed sola Dei misericordia, cujus estis unicus in terris vicarius, ab omnibus pœnis et sententiis juris et hominis, quas propter præmissa vel eorum singula, seu aliquod eorumdem misericorditer absolvi, et unitati redintegrari, et reincorporari Ecclesiæ sanctæ Dei: paratum me offerens omnem penam sive penitentiam, quas mihi pro præmissis injungendas vel imponendas vestra sanctitas duxerit, cum omni obedientia sustinere et etiam adimplere.

24. « Quibus omnibus et singulis superscriptis ad dicto fratre Petro de Corbario sua certâ scientia gratis, et spontanea voluntate propositis, confessatis, lectis, recognitis, publicatis, anathematizatis, reprobatis, relutatis et abjuratis, factisque per eum promissionibus et juramentis superius expressatis, tandem præfatus dominus noster summus Pontifex post præmissa omnia et singula, ad ejusdem fratris Petri instantis petitiones humiles et devotas circa ipsius absolutionem et reincorporationem per ipsum a domino nostro papa sepius et cum instantia humiliter postulata, egit secum more pri-

patris; et illius vice et imitatione præcipue, cujus est dignus ac unicus in terris vicarius, misericorditer et benigne attente considerans, quod ipsum Petrum ad confusionem hujusmodi non indixit violentia aliqua, sed timor Dei spontaneæque voluntas; necnon quod ejus contritio verà videatur, tam ex eo quod illa Pisis, et ad ipsum dominum nostrum veniendo in multis civitatibus et locis provincie Provincie publicæ, et hic etiam in curia tam in publico Consistorio, quam privato non erubuit confiteri, nec ad suam prætermisit venire præsentiam voluntarius et congaudens humiliter et devote pro gratia et misericordia impetrandis; tum etiam quod paratum se obtulit, atque offert quæcumque ei præfatus dominus noster injungenda duxerit, adimplere; et ut partes sui officii exequatur, ejusque actibus, prout est sibi possibile, conformetur, qui mortem peccatorum non desiderat, sed ut convertantur et vivant, de fratribus suorum consilio absolutionem et reincorporationem prædictorum archiepiscopi Pisani et Lucani episcopi ratas habuit, et etiam confirmavit; ipsum fratrem Petrum nihilominus absolvit, et duxit reincorporandum unitati Ecclesiæ sanctæ Dei, super irregularitate, quam contraxit propter præmissa seu aliqua præmissorum, secum misericorditer dispensando; ordinationem et declarationem penitentiae dicto Petro pro præmissis et eorum singulis, prout, quando, et quoties expedire videbitur imponenda, sibi specialiter, et expresse nihilominus reservans. Actum et datum Avinionæ anno, Indictione, die, mense, loco et Pontificatu quibus supra; præsentibus testibus venerabilibus patribus dominisque Gisberto Arelatense archiepiscopo domini papæ camerario, et Bernardo Stephani electo Regensæ, ac nobili Guillelmo de Patilia et Raydo Stephani cameræ domini papæ clericis, auctoritate Apostolica publicis notariis, ad hæc vocatis, quibus mandatum fuit per præfatum dominum nostrum, ut inde conficeremus unum vel plura publica Instrumenta, idem frater Petrus promisit se subscribere, eaque sui sigilli munimine roborare ».

25. *De antipapæ resipiscentia gratulationes.* — Pepercisce Pontificem Petro e Corbaria cum multa paterni amoris significatione, confirmat Joannes Villanus¹; et manantibus fletu oculis et terra illum erexisse, porrexissetque osculum, instar Evangelicæ patris prodigum filium et remotionibus terrarum oris redeuntem, amplexantis. Extant etiam litteræ, quibus exsolvit² eum omnibus pœnis atque Ecclesiasticis censuris, quibus ob affectatum Pontificatum contraxerat, ac datam a Simone Pisano archiepiscopo criminum veniam confirmavit: tum ab aliorum prælatorum auctoritate liberum et immunitem, Sedique tantum Apostolicæ obnoxium pronuntiavit: « Exemptionem, in-

¹ Jo. Vill. l. x. c. 164. Bera. in Chr. Rom. Pont. — ² Tom. VIII. p. 1. Ep. sacr. pag. 176. et Ms. bib. Vat. sign. lit. B. num. 12, pag. 435.

quit, per præfatos archiepiscopum, (nimirum Pisanum), et episcopum (scilicet Lucensem), auctoritate litterarumstrarum sicut præfertur concessam, ratam et gratam habentes, et nihilominus ex superabundanti ab omni jurisdictione, subiecti ne ac potestate cuiuscunque, seu quorumcunque præterquam Romani Pontificis et Sedis prædictæ totaliter eximimus auctoritate prædicta; volentes ac etiam statuentes quod amodo eidem summo Pontifici et Sedi præfate tantummodo sis subjectus; non obstantibus Ordinis fratrum Minorum, quem fustis professus, statutis contrariis, seu privilegiis, indulgentiis et litteris Apostolicis quibuscunque eidem Ordini, vel quibusvis aliis sub quacunque forma vel expressione verborum concessis, etiam si de illis in præsentibus specialis et expressa esset de verbo ad verbum mentio facienda. Nulli ergo, etc. Datum Avin. kal. Decembr. Pontificatus nostri anno xv ».

26. Scripsit Encycheas Pontifex ad fideles litteras de Petro ad Catholicæ Ecclesiæ sinum reverso, quas ab Hugone episcopo Parisiensi in celeberrima Parisiensi Academia divulgari iussit¹: ex tantique aliæ eo argumento ad Christianos reges datæ², et quibus historiæ veritas magis elucet.

« Joannes, etc. Philippo regi Franciæ.

« Quia iustum est, ut qui passionum fuerint socii, non sint a consolatione et gaudio alieni, ad gaudium excellentiæ regis nuntiamus, quod Petrus de Corvaria, qui caput schismatis fuerat, in festo B. Jacobi Pisis in nostrorum nuntiorum, et aliorum tam prælatorum quam clericorum sæcularium et regularium, necnon et multorum nobilium et popularium civitatis ejusdem præsentia constitutus, cum cordis amaritudine, sicut intelleximus, erroribus suis recognitis et etiam abjuratis, ac beneficio absolutionis et reintegrationis a præfatis nostris nuntiis humiliter postulatis, absolutus extitit et reincorporatus unitati Ecclesiæ; prius tamen, quod nostris parere mandatis debeat, corporali præstito juramento. Qui sponte die iv Augusti una cum nostro nuntio et certis personis nobilibus intravit mare, illoque gressu ipsorum dirigente qui novit, et iter prosperum faciente qui potest, die vi mensis ejusdem Niciam incolantes pervenerunt: ubi errores suos recognovit similiter publice, et etiam abjuravit: similia faciens in locis solemnibus usque Avinionem.

« Qui prosequens iter suum die xxiv ipsius mensis Avinionem intravit: et in crastinum in Consistorio publico, proposito themate primo: « Pater, peccavi in cælum et coram te, jam non sum dignus vocari filius tuus »; et eo prosequuto, errores suos recognovit cum cordis amaritudine, prout signa certiora indicabant: illisque abjuratis, et quod super prædictis nostris staret mandatis, corporali præstito juramento, humiliter petiit, se ad nostram et Ecclesiæ restitui gratiam, qua suis

nefandis excessibus merito se indignum reddiderat, et unitatem Ecclesiæ, qua similiter se fecerat alienum. Nos autem, qui vicem ejus in terris, licet insufficientes gerimus, cui proprium est misereri, quo commisse vicis exequeremur officium, eum pie et benigne ad Ecclesiæ et nostram recepimus gratiam, et restitimus Ecclesiæ unitati, prout in aliis patentibus litteris nostris continetur plenius, quas in diversis aliis partibus destinamus ». Eodem exemplo ad Siciliæ, Aragoniæ¹, Castellæ, Lusitanie, Balarium, Ungariæ et Poloniæ reges scripsit², deque lato adco nuntio alios etiam plures viros principes ac præsules, ut Joannem patriarcham Alexandrinum³, et Simonem archiepiscopum Pisanum⁴, qui præclaram in tanto opere navarat operam, ac senatum populumque Pisanum certiores fecit.

27. Confirmarunt hi in eunte anno in publicis civium comitiis sollemni sacramento ea omnia, quæ Pisaní oratores Pontifici de execrando Petro Corbario pseudopontifice, de pellenda Ludovici Bavari servitute, neque eo colendo ut Cæsare, neque ejus prasidio militari vel oratoribus excipiendis sponderant; de quo edita sunt publica documenta⁵, et ad Pontificem transmissa, quæ velustas ex parte arrosit, et ab his verbis ducunt exordium: « In nomine Domini. Amen. Anno ejus a Nativitate mcccxxx, Indict. xii, die xix Januarii, Pont. sanctissimi in Christo patris et domini nostri domini Joannis pape XXII, anno xiv ». Sublitter⁶ ut Pisanorum scriba Guilelmo Cabiolo canonico et Dulcino Ordinis Prædicatorum Apostolicæ Sedis nuntiis litteras Pontificias exaratas xvii kal. Octobris, Pontificatus anno xiv, consignatas de absolvendis Pisanis, allatas ab oratoribus tradiderit, quarum formula inseritur. Ducunt exordium ab his verbis: « Nuper ad nostram præsentiam, etc. » atque a nobis superiori anno allatæ fuerunt. Addunt vero publica illa documenta, Pisanos omnia ab oratoribus gesta confirmasse, et quæ a Pontifice data erant de ejurando schismate, et spernenda Ludovici Bavari servitute imperia complevisse.

Bonifacio autem comiti, de quo supra memoravi, egregiam operam in evertendo schismate explicuisse, est gratulatus⁷, eumdemque magnis affectum numeribus a Pontifice, refert Joan. Villanus⁸. Proximo certe anno illo castro Peretano ditionis Pontificiæ in Suanensi agro maritimo donatum jure fiduciario, quod in prolem masclam legitimo procreatam thoro, unius aurei quotannis recurrente festo Apostolorum Petri et Pauli persolvendi censu imposito, testatur Diploma⁹ proximo anno xi kal. Jun. datum.

Cæterum ne Petrus Corbarius ad vomitum

¹ Reg. post eand. Ep. et tom. vii. p. 2, pag. 195. — ² Eod. pag. 195. — ³ Ibid. pag. 57. — ⁴ Totul. Pervan. Arch. Vat. sign. num. 338 ex Arch. Avin. Roman. delatus. — ⁵ Ibid. — ⁶ An. Chr. 1329, num. 8. — ⁷ Tom. vii. p. 2, Ep. secr. pag. 58. — ⁸ Jo. Vill. l. x. c. 164. — ⁹ An. 15. p. 3, Ep. rom. mcdlvi.

¹ Tom. viii. p. 1 Ep. secr. pag. 22 et 27. — ² Ibid. pag. 23.

redire facile posset, ac novum in Ecclesia schisma couflare, Pontifex et publice quieti et Petri ipsius saluti consulturus, sub honesta cum custodia in Pontificio palatio tenuit¹; ac nemine cum eo colloqui permissio, plurimos illi libros, ut studio et orationi vacaret, et cibos opipare suppeditari iussit. De quo hæc refert Bernardus². « Præfatus Petrus fuit clementer et misericorditer susceptus ad penitentiam, positus in decenti custodia ad cautelam, ut probaretur an ambularet in tenebris vel in luce; ibique hodie, quo hæc scripsimus, tractatur ut familiaris, sed custoditur ut hostis ». Exactis in eo honesto carcere tribus annis et mense uno, morbo et senio confectus obiit; sepultusque est in Minoritarum Ecclesia cultu Franciscano indutus.

Ut vero indictas Pontificio jussu publicas preces oriente schismate vidimus, illa eo collabente fideles ad solvendas divino Numini grates, ac preces ingeminandas Joannes est adhortatus, ut pristina pax Ecclesie restitueretur; quo argumento Joanni S. Theodori diacono cardinali A. S. L. hæc imperia dedit: « Tuam providentiam excitamus, quatenus consideranter attendens, quod misericorditer Salvator noster, eandem Ecclesiam sponsam suam respexit in hac parte, corde humiliato eidem cures gratiarum actionis exhibere; sedule clerum et populum Urbis ac aliarum civitatum et locorum, de quibus tibi videbitur, ad idipsum efficaciter, juxta datam tibi a Deo prudentiam, commonendo: nihilominus et eis salubriter suadendo, ipsosque ut efficacius poteris inducendo, ut preces suas Altissimo student humiliter fundere, quod pacem et unitatem, quam cepit eidem sponsæ suæ sic mirabiliter restituere in hac parte, ipse cui cum voluerit subest posse, digneque misericorditer confirmare. Dat. X kal. Octob. anno xv ». Præterea eidem cardinali legato munus injunctum³, ut ad reges et principes scribendum a Romanis curaret, gesta ab ipsis in pseudopontifice designando coronandoque Bavaro pro ea, quæ pollebant potestate, revocata.

« Joanni S. Theodori diacono cardinali.

« Cum certis ex causis expediens reputemus, quod populus Urbis juxta morem suum scribendi universis Christi fidelibus generaliter et specialiter certis regibus et principibus, quorum nomina continet cedula præsentibus interclusa, per suas patentes scribant litteras, quod ea, quæ fecerunt nonnulli ex civibus Romanis de mandato populi prædictorum sen illorum, qui tunc præerant regimini dicte Urbis, quantum ad coronationem illius infelicis hominis Ludovici de Bavaria, dudum in regem discorditer Romanorum electi, necnon et circa electionem Petri de Corbario Ordinis fratrum Minorum in papam, imo verius antipapam assumpti, tantum processerunt de facto, non de jure aliquo cum nullum eis competeret,

nec compellet faciendi præmissa; quæ prædicti populus diligentius attendentes, post recessum dictorum Petri et Ludovici de Urbe prædicta, quod ad eos non pertinebant præmissa nec aliquod præmissorum, publice recognoverunt, eaque quatenus de facto processerant: quantum ad eos pertinere poterat, revocarunt: et idem de omnibus, quæ dicti Petrus et Ludovicus in Urbe attentarant, prædicta recognoscere et facere curaverunt, certum terminum peremptorium præfigentes nihilominus, ut omnes illi, qui aliquas litteras Bulla qua dictus Petrus, seu sigillo quo dictus Ludovicus utebantur, imo verius abutebantur, de facto immittas habebant, exhibere deberent, quarum nonnullas, a diversis personis exhibitas combusserunt; tuam prudentiam exhortamur, quatenus prædictas litteras per populum prædictos viis et modis, quibus expedire cognoveris, fieri et dirigi studeas, adhibita sedula diligentia, nobis rescripturus fideliter quidquid factum extiterit in hac parte. Dat. X kal. Octobris, anno xv ».

Præsumpta illa inique a nonnullis Romanis Pontifex abolita, servata juris forma, divulgari voluit; cum aliqui contenderent, Ludovicum ob correpta in Urbe consensu et auctoritate Romanorum imperialia ornamenta justum esse imperatorem: quorum inaniam argumenta litteris ad regem Boemiæ dissolvit⁴:

« Joanni regi Boemiæ.

« In responsione, quam tibi, fili charissime, et venerabili fratri nostro Balduino archiepiscopo Trevirensi super facto Bavari misimus, fuit per errorem insertum, quod idem Bavarus per Petrum de Corvaria, dudum antipapam coronatus in imperatorem fuerat et inunctus: cum secundum veritatem ab eo nec inunctus fuerit, nec etiam coronatus; sed inunctus fuit, sen verius execratus a Jacobo dudum episcopo Castellano, tunc suis demeritis exigentibus deposito, excommunicato et ut hæreticorum fautore condemnato. Coronatus autem de facto extitit, cum de jure posset a nemine coronari (cum privatus fuisset omni jure, si quod sibi competierat ex electione in discordia celebrata de ipso) a quibusdam Romanis, ad quos non pertinebat imperatoris coronatio, etiamsi esset coronandus de jure: quod utque ipsi Romani post discessum Bavari de Urbe publice in Urbe et coram nobis per litteras et nuntios sunt confessi. Ex quibus unctione et coronatione omnino nihil juris sibi quarri potuit, quam si a Petro tunc antipapa attentata fuissent. Dat. VI kal. Octobris, anno xv ». Conceptæ⁵ sunt iisdem verbis ad Baldunum archiepiscopum Trevirensensem et ad ducem Austriæ Joannis litteræ. Quam vero jaste negarit Pontifex, Ludovicum adeptum imperialem dignitatem ex acceptis perduellum Romanorum studio imperii insignibus, agnoscat qui perpenderit eodem conferende imperialis dignitatis aucto-

¹ Jo. VIII, l. 1, c. 164. — ² Bern. in Vit. Joan. XXII. apud Bosq.
— ³ Tom. VIII, p. 1. Ep. secr. pag. 110.

⁴ Tom. VIII, p. 1. Ep. secr. pag. 85. — ⁵ Reg. post eam l. Ep.

ritatem jure ad Pontificem pertinere, quo ad principes electores designandi regis jus spectet, cum hæc utraque Romanorum Pontificum auctoritate sint constituta.

28. *Principes Germanos et præsertim Boemiæ regem a Ludovici partibus detertere plurimum studet Pontifex.* — Cum vero Ludovicus¹ arcepos titulos inanes armis sibi asserere affectaret, traheret secum Jacobum exanctoratum Venetiarum episcopum, qui se Petri Corbarii cardinalem et legatum in Germania jactabat, ac Michaelen Casenatem hæresiarcham, qui Minoritis præfuerat; Pontifex omnes Germanos principes, Ecclesiasticos et sæculares ad schismaticorum dolos discutiendos ac vires Ludovici elidendas excitavit: interque ceteros Robertum² et Henricum³ comites palatinos Rheni et duces Bavariz, qui a Ludovici impietate abhorrebant. Cum etiam Rodolphum Saxoniæ ducem objecta censurarum Ecclesiasticarum religione, detertere studuit⁴, ne in partes Ludovici concederet; sed potius ad creandum novum Romanorum regem cum cæteris principibus electoribus se compararet: atque Othonem⁵ Austriæ ducem confirmare in suscepto adversus Ludovicum bello est nisus; et Argentinensem, Basiliensem et Augustensem episcopos⁶ fœdere armorum connectere.

At brevi amplissima Othonis ducis promissa evanuerunt, cum fidem erga Sedem Apostolicam commodorum suorum ratione metiretur: Roberti enim comitis palatini Rheni et Bavariz ducis exemplo, quem Pontifex ob amplexus in Ludovicum Ecclesiæ partes in eunte anno commendarat, haud diu post ad Ludovicum defecerat⁷, de confirmando illi imperio agitare cœpit⁸, inique cum Joanne Boemiæ rege et Balduino archiepiscopo Trevirensi coitione, pro conciliando Pontifici Ludovici litteras et oratores misit, quibus etiam suos adjunxit Boemiæ rex. Ille vero præcipuas pactionum, ad quas Bavarum obstrinxerant, leges attulere, nimirum ut antipapam exauctoraret, editam provocationem ad Concilium revocaret, gesta in Ecclesiâ rescinderet, agnosceret se anathemate devinctum juste fuisse: ea tamen lege ut imperium teneret. Hæc moliebatur Ludovicus, ut firmaret solum, lapsasque res instauraret, cum tamen ad nullas pro expiandis criminibus suscipiendis pœnas paratum se exhiberet: sed augustalis jure, quo ob hæresim et schisma exciderat, commoda aucuparetur, ut Pontifex Boemo regi exposuit⁹:

29. « Joannes, etc. Joanni regi Boemiæ.

« Profecto, fili, quin intentio tua aliorumque principum circa præmissa recta fuerit, nequaquam in dubium revocamus: sed fuisse admodum nobis gratum, quod tu, fili charissime, et præfati principes conditionem præfati Bavari et ingressum

ejus ad imperium et in eodem progressum examinasset attentius in consistorio rationis: profecto ipsum reperissetis privatum jure, si quod sibi ex electione illa in discordia celebrata quæsitum fuerat, justitia exigente. Et quia his non contentus, Marsilium de Padua et Joannem de Janduno, qui quendam librum composuerant plures hæreses continentem, et ad eum velut hæreticorum patronum fugerunt, prompte recepit; et ut illos errores prædicarent publice, non erubuit impartiri favorem. Illic fuit declaratus hæreticorum fautor publicus et notorius, et ut hæreticorum fautor, exigente justitia, condemnatus. Sane quia diutius expectatus ab his non resipuit, sed velut venundatus, ut faciat malum, nedum favorem impendere curavit hæreticis, sed ipsis hæresibus facto et verbo non est veritus se immiscere, fuit merito promittialis hæreticus, et ut hæreticus, exigente justitia, condemnatus, prout hæc in processibus Apostolicis plenius continentur. Ex prædictis satis potest ejus inhabilis conditio ad imperiale fastigium apparere.

« Qualis autem ingressus ejus ad imperium fuerit, ex sequentibus patet, quod Deo odibilis, injuriosus sanctæ Dei Ecclesiæ, et de facto duntaxat nimium temerarie attentatus. Sicut enim ex prædictis jam liquet, electus fuerat in discordia, privatusque, exigente justitia, jure, si quod sibi ex electione eadem fuerat acquisitum; et nihilominus fautor hæreticorum declaratus et hæreticus, et ut fautor et hæreticus condemnatus. Quibus non obstantibus, ut ad ea, quæ requirit imperialis dignitas, videlicet inunctionem, consecrationem et coronationem, posset saltem pervenire de facto, cum de jure non posset, Petrum de Corbario in Christi opprobrium, subversionem Catholicæ fidei, et injuriam totius cætus Catholici in antipapam assumere non expavit. In quo quidem facto confessus ipso facto illam damnatam hæresim, quam incurrerat antea, scilicet quod ad imperatorem papam pertineat ordinare. A quo quidem Petro se pati inungi, seu fœdari potius non erubuit, ac etiam coronari». Postremis hæc verbis secutus est Joannes vulgi errorem, quem aliis litteris a nobis paulo ante allatis correxit. « Ex quibus patet, qualis ingressus fuerit ad imperialis fastigium dignitatis. Progressus autem ejus qualis fuerit, est lippis et tonsoribus satis notum, quia ubicunque fuerit, Ecclesias Catholicas et fideles est manifeste et immanissime, ut membrum Satanæ, persecutus; Ecclesias ipsas vasis et ornamentis spolando Ecclesiasticis, ac fideles compellendo violare interdictum Ecclesiasticum, et profanare divina; spoliando insuper viros Catholicos suis prælationibus et beneficiis, ac eis de facto hæreticos et schismaticos subrogando, ipsique hæreticis et schismaticis contra Catholicos impartiendo favorem et consilium, ac fideles ipsos immaniter persequendo.

30. « Profecto, fili, probabiliter arbitramur,

¹ Tom. vii. p. 2. Ep. secr. pag. 135 et 139. — ² Ibid. pag. 160.

— ³ Ibid. pag. 161. — ⁴ Ibid. pag. 166. — ⁵ Ibid. pag. 162. —

— ⁶ Ibid. pag. 161 et 169. — ⁷ Ibid. pag. 170. — ⁸ Ibid. pag. 171. et tom. viii. p. 1. Ep. secr. pag. 74. — ⁹ An 1½ p. 1. ep. iv.

et credimus, quod si ad memoriam tu et dicti principes revocassetis prædicta, nullatenus dixeretis, ipsum remanere in regno et imperii ad utilitatem et honorem nostros et Ecclesie, vestro iudicio pertinere. Quomodo enim posset ad utilitatem et honorem Ecclesie pertinere, quod vir tam reprobus, de fautoria hæreticorum et hæresi iusto condemnatus iudicio, regno et imperio præsideret? Qui etiam hæreticos in suo habet consortio, et quantum ad clericos hæreticorum et schismaticorum consilio gubernatur. Tenet enim in suo consortio Jacobum episcopum dudum Castellanensem episcopatu Castellaniensi privatum: item Michaellem de Casena olim Ordinis Fratrum Minorum generalem ministrum, qui suis exigentibus demeritis est pronuntiatus hæreticus, et de hæresi condemnatus; Guillelmum quoque Okam Anglicum Ordinis Fratrum Minorum hæresiarum, qui hæreses varias dogmatizabat publice, et scripta fecerat hæresibus et erroribus plena: propter quæ fuerat vocatus ad curiam, ejusque scripta fuerant pluribus doctoribus assignata (ut ea deberent examinare cum diligentia, et quæ invenirent hæretica seu erronea declarare) qui jam multos articulos declaraverunt hæreticales, qui quidem male sibi conscius, fugæ præsidio vitare voluit canonice ultionem; Bonamgratiam insuper de Bergamo Ordinis Fratrum Minorum, qui suis demeritis exigentibus in curia fuerat arrestatus, et juramento præstito, quod de curia non recederet absque licentia Sedis Apostolicæ obligatus, qui male similiter sibi conscius de curia ad ipsum Bavarum et Petrum de Corbario una cum Michaelle et Guillelmo prædictis gressus suos infelices dirigere procuravit; Marsilium quoque de Padua condemnatum de hæresi in sua familiaritate detinere præsumpsit. Talibus est stipatus consiliariis: talium consilio, ne dicamus, dolo, decipitur et gubernatur. Qualem itaque posset de tali homine habere Ecclesia defensorem? Si enim in arido, id est, sine statu nisi usurpato, tam crudelis sibi persecutor extiterit, qualis idem putas existeret, si in viridi, hoc est, in statu solido se videret? Bursus quomodo sub regimine talis hominis degere posset Christianus populus, quem sic afflixit immaniter?

« Profecto, fili, talem hominem dimittere in regali et imperiali regimine, non esset consulere populo, sed nocere, non præstare regimen, sed augere discrimen. Si enim integritas præsentium salus est subditorum, sequitur quod instabilitas et infidelitas ipsorum sic præsentium perditio sit eorum subditorum. Qualem putas, fili, ex principatu huiusmodi, quem extorsit sedilio et ambitus occupavit, subsequi posse finem? Profecto sperari non potest probabiliter, quod bono peragi possint exitu, quæ tam malo et perverso sunt principio inchoata. Audi quid de talibus principibus Sapiens dicat: *Regnantes, inquit, impiis, ruinæ, hominum scilicet, subsequuntur.*

Et abibi: *Genet, inquit, populus, cum impiis sumiserint principatum.* Attende, fili, quam esset gregi Dominico sub tam inideli principe vivere formidandum: teste enim sapiente, qualis est rector civitatis, tales sunt vel fiunt habitantes in ea. Esset itaque nimium formidandum, quod si remaneret in præfato regimine, multos a fide retraheret Catholica, suæque perfidiæ, quod absit, plurimos aggregaret. Adhuc, fili, quantum in principe quolibet veritas requiratur, tua non ignorat prudentia, et quantum in eo vigeat, te audivimus non latere. Sane si quæ offeruntur pro parte Bavari, fili charissime, cogites diligenter, reperies utique, quod de tot et tantis excessibus per eum commissis emendam Deo et Ecclesie nullam offerat.

31. « In primis enim offertur pro parte sua, quod ipse Bavarus deponet suum hæreticum antipapam: hoc autem non est offerre emendam aliquam de commissis, primo quia etiamsi verus imperator existeret, quod tamen constat eum non esse, depositio talis ad eum nunc non pertineret; secundo quia ipsemet Petrus de Corbario reatum suum humiliter recognoscens, a statu illo, quem de facto receperat, illi renuntiando se de facto deposuit, et ab ipso discessit Bavarus, sicut nobis idem Petrus his diebus præteritis per suas litteras manu scriptas propria, quarum tenorem infra reperies, nuntiavit. Secundo dicitur quod recedet ab appellatione sua: certe nec emendam aliquam propter hoc offert, cum nec appellationi suæ, si quæ fuit, opponitur nisi de facto valeat, cum de jure non tenerit, velut ab hæretico interjecta, et ab eo, a quo non licet, cum superiore non habeat, appellare. Tertio offertur quod omnia, quæ fecit seu attentavit contra nos et sanctam Romanam Ecclesiam, cum effectu debeat revocare: in hoc etiam clare patet quod emenda aliqua non offertur, contra nos enim seu contra Romanam Ecclesiam non potuit nisi de facto aliquid facere; unde si quid de facto fecit, de facto revocat: nulla in hoc Deo, nobis vel Ecclesie præstatur emenda. Quarto pro parte ejus offertur, quod recognoscat se excessisse, et sententiam excommunicationis ipsum ligasse: per hoc patet etiam, quod nec Deo, nec nobis, nec Ecclesie aliqua offertur emenda. Quinto offertur pro parte ejus, quod gratiæ nostræ se offerat ad misericordiam: per hoc quippe asserit, quod a nobis petet misericordiam, non quod aliquam præstet emendam. Ultimo concluditur pro parte Bavari supradicti, quod omnes oblationes supradictæ intelligenter ita, quod Bavarus in honore et statu suo permaneat, scilicet in imperio et regno. Ex quo proculdubio evidenter concluditur, quod de his quæ commisit, est impænitens homo iste, et ideo reddit se de absolutione quælibet, quæ nulli nisi penitenti conceditur, merito quantum in eo est indignum.

32. « Sed juxta hoc quarimus, fili, quomodo intelligat ille Bavarus in regno vel imperio rema-

nere? Aut enim intendit remanere in statu et regno sine jure in eis de novo querendo: aut per jus novum, quod intendat acquirere in praeclatis. Si enim ille sine novo jure intelligat retinere, sequitur quod regnum et imperium sine jure et honore imperiali et regio delinqueret; in regno siquidem nullum jus obtinet in presenti, cum jure, si quod per electionem sibi in eodem quesitum fuerat, iusto iudicio sit privatus. Quantum ad imperium autem; quia nomen imperatoris per inunctionem, consecrationem et coronationem quis nanciscitur, factas quidem a Romano Pontifice, seu alio ejus auctoritate. Pateat igitur ipsum Bavarum jus aliquod non habere, quia non a vero summo Pontifice, sed ab antipapa recepisse dicitur et noscitur supradicta, scilicet inunctionem, consecrationem et coronationem: quare sequitur, quod hoc casu imperium sine jure aliquo obtineret, et per consequens quod nisi de novo jus sibi in regno et imperio quareret, nec rex, nec imperator debet dici a fidei aliquo; sed fur et latro, juxta nostri Salvatoris sententiam, dicentis: *Qui non intrat per ostium in oculo ostium, sed ascendit aliunde; ille fur est et latro*. Et quod nullum jus in regno vel imperio habeat in presenti, palam est considerandum. Constat enim ipsum multa notorie commisisse, ex quo illa discors electio celebrata exiit, propter quae et quodlibet eorum se prorsus fecit ab honore regni et imperii alienum. Si vero intelligat, quod sibi de novo in regno vel imperio jus acquireret, constat quod, cum sit sacrilegus, excommunicatus et tyrannus, nec a quovis posset eligi, nec sibi etiam ab aliquo, cum tales sint ineligibiles, de regno et imperio provideri.

33. « Cum igitur Bavarus petit, quod in honore suo et statu remaneat, scilicet in imperio et regno, possumus sibi dicere quod Dominus dixit filiis Zebedei: *Nescitis quid petatis*. Vere ipse, hoc petendo, ignorat quid petat: rem siquidem impossibilem petit: impossibile enim est ipsum remanere in honore imperiali et regio sine novi juris acquisitione, cum honorem et dignitatem non habeat; sed ipsum regnum et imperium sive ipsorum honorem natus est usurpare tyrannice, et adhuc nititur retinere. Rogamus itaque providentiam regiam et in Domino exhortamur, quatenus praemissa attente considerans, et nihilominus pericula varia et inconvenientia innumera, quae ejus praefata praesidentia universali gregi Dominico comminatur, consideranter attendens; et ad ea quae ad honorem Dei, statum Ecclesiae et imperii respiciunt prosperum, te convertens, partes tui consilii, et auxilii sedule interponas, quomodo de persona digna tanto regimine provideri debeat, sub qua fides stabiliatur Catholica, augeatur fidelium numerus et a noxiis praeservetur: ad quod quidem nos promptos, dante Domino, repertes et omnino paratos. Licet autem offensae praedicti Bavari excedant omnes alias, quae leguntur a patrum

nostrorum temporibus hactenus perpetratae; quia tamen, licet immeriti, vices illius in terris gerimus, qui cum iratus fuerit, non obliviscitur misereri, more pii patris conversionem ejus et salutem intentis desideriis affectamus ad Dei honorem, huiusque et aliorum principum praedictorum intuitu, et ut salus ipsius Bavari et multorum aliorum nobis mediantibus procuretur; offerimus, si ad gremium Ecclesiae redire voluerit idem Bavarus, sicut debet, ipsum benigne recipere nos paratos, eique tantam, et talem impartiri gratiam, quod tu et principes supradicti poteritis merito contentari. Dat. Avin. 11 kal. Augusti, Pontificatus nostri anno XIV ».

34. Non hisce argumentis victus est Boemus, ut Ecclesiae causam adversus Ludovicum, quo patrata scelera admissa iusta poena expiaret, propugnandam susciperet: quippe objecta a Bavaro Italici regni administrationis illecebra illum titillabat: quare superioris foederis conventa obtulere iterum Pontifici, et Gibellinae factionis duces sollicitare, ut ipsius partes sequerentur, non destitit. Ad quem Pontifex iterum scripsit, laesae Ecclesiae eo tractatu non fieri satis, neque illius honori consuli; tum ingrati in Sedem Apostolicam, a qua Luxemburgica familia ad regium apicem fuerat excitata, animi crimine perstrinxit¹:

« Joanni regi Boemiae.

« De regia, fili charissime, non credimus memoria exidisse, suas nobis sub data Vigilia Pentecostes direxisse literas, continentes quomodo tu et venerabilis frater noster Trevirensis archiepiscopus cum Bavaro super quibusdam tractatibus personaliter convenistis: quos quidem tractatus secundum tuum iudicium et dicti archiepiscopi, necnon et iudicii principis Othonis ducis Austriae super hoc plenius informati, utilitatem in omnibus et honorem sanctae Romanae Ecclesiae atque nostrum respicere in eisdem asserbat litteris, prout tu et ipsi nos intendebatis per sollemnes nuntios plenius informare. Huiusmodi autem tractatus forma, prout missi per te et archiepiscopum et ducem praedictos verbo et scripto nobis exposuerant nuntii, noscitur esse talis.

35. « Ista est intentio dominorum, scilicet regis Boemiae, archiepiscopi Trevirensis et ducis Austriae, quod per eos tractetur et ordinetur concordia et compositio inter dominum nostrum papam sanctamque Romanam Ecclesiam ex una parte, et Bavarium ex altera: et si huiusmodi tractatus et ordinatio concordiae sint accepti domino nostro papae ipsique Romano Ecclesiae, viriute potestatis eis a dicto Bavaro concessae inter alia facient ista fieri per Bavarium. Primo quod cum effectu deponet suum haeticum antipapam. Secundo quod penitus recedet ab appellatione. Tertio quod omnia, quae fecit seu attentavit contra sanctam personam domini nostri papae Ecclesiam-

¹ Tom. VIII. p. 2. Ep. secr. pag. 72.

que Romanam, revocabit cum effectu. Quarto quod recognoscat se excessisse et sententias excommunicationis ipsum ligasse. Quinto quod gratia domini nostri papæ se offerret ad misericordiam. Et si Bavarus dicta, facta, tractata et ordinata facere non vellet, sciat Sedes Apost. quod dictus Bavarus antedictos dominos non modicum commovebit, et a consiliis eorum recedet, et potestatem eis concessam infringet in tantum, quod hujusmodi factum præordinatum per Bavarum, tamen non adimpletum, possit resultare in magnum honorem et utilitatem Ecclesiæ Romanæ. Hæc omnia sic intelligantur, quod Bavarus in honore et suo statu remaneat, scilicet in regno et imperio.

36. « Profecto, fili, quod dictus tractatus utilitatem ac honorem Ecclesiæ non respiciat neque nostrum; imo, si fieret quod præfatus concludebat tractatus, scilicet quod Bavarus in regio et imperiali remaneret honore, in Dei offensam, Ecclesiæ Catholicæ, præfate cederet, ex nostra responsione missa tibi præfatisque principibus satis, ut credimus, potuit regie prudentiæ dictisque principibus apparere. De aliis autem, quæ acta tractataque ac ordinata in parlamento fuere prædicto, scimus multa ex eis nec ad Dei, nec Ecclesiæ, nec rei publicæ utilitatem cedere: sed in magnum eorum contemptum, depressionemque ipsius Ecclesiæ et præjudicium ac hæreticorum favorem ». Interjectis nonnullis, quibus queritur a Boemo sollicitatum Azonem Mediolani regulum, ut una cum Gibellinis sociis in Ludovici Bavari obsequium traheret imperialis nominis tuendi specie, productis etiam ejusdem ad Azonem litteris datis Lucemburgi IV Julii, addit:

« Ac insuper præfatum ducem Austriæ, qui obediens præfato Bavaro ut vir Catholicus impugnabat, revocasti ab isto proposito, ejusque Bavari privati jure, si quod sibi ex dicta electione quæsitus fuerat, ac de diversis hæresibus condemnati, stipendiarium et subditum effecisti. Nec his contentus, quasi cursorem seu præcursorem et mediatorem inter dictum Bavarum, et civitates obediens Ecclesiæ ac alios devotos Ecclesiæ te constituens, devotos ipsæ Ecclesiæ a devotione retrahere, ac ut ipsum hæreticum in suum regem et imperatorem recipere, non absque gravi Dei offensa contempnere sanctæ Ecclesiæ, ac tuo et ipsorum grandi periculo, procurare nimium temere præsumpsisti. Et non solum hæc in Theutonia attentasti, sed etiam tuos nuntios, videlicet Thomam de Septemfontibus et Simonem Philippi et magistrum G. Pichon ». Et infra: « Ad partes Italiæ transmisisti, qui pervenientes Mediolanum Azoni exposuere prædicto, quod tu potestatem habebas ipsum Azonem et suos concordandi cum Bavaro, et quod libenter super hoc esses in colloquio cum eodem, quodque ipsos nuntios miseras de ipsa concordia tractaturos: quibus fuit pro parte dicti Azonis responsum, quod ipse Azo te

non rogaverat de concordia prædicta tractanda, quia cum Bavaro ipse et sui nullam volebant concordiam, cum de ipso confidere in perpetuum non intendant. Cumque præfati nuntii ulterius procedentes dicerent, quod concordia taliter fieret, quod Bavarus nec terram intraret, nec ad eam aliquem mitteret, sed quod sibi daretur aliquid annualium; fuit pro parte Azonis responsum, quod nec in hoc modo aliquo consentirent. Cumque subjungerent nuntii antedicti, quod ipsi bene sciebant, quod hoc facere recusabat, quia tractatum pacis nobiscum habebat; fuit pro parte Azonis responsum, quod nobiscum super pace non habebat tractatum, sed pacem, quia tractatus pacis inter nos et ipsum jam fuerat consummatus ».

Confirmantur Azonis dicta de sua cum Ecclesiæ conjunctione Pontificiis litteris¹, quibus Bertrandus cardinalis Apostolicæ Sedis legatus VII kal. Decembris certior factus est, Azonem ad Ecclesiæ obsequium revocatum auctoritate Sedis Apostolicæ, Romano imperio principe suo viduato, Mediolani ac provinciæ creatum vicarium sacramento se oratorum opera Ecclesiæ devinxisse illius partes adversus Ludovicum tutaturum: poscere auxiliares copias vicissimque auxilio non defuturum polliceri. Denique jussus cardinalis ut cum Azone firmissimum armorum lædus coiret. Exeunte porro anno Azo, Joannes et Luchinus fratres omnibus pænis ac sententiis solvi jussi sunt missique ab iis oratores publice professi sunt, ipsos semper fidei Catholicæ addictos fuisse, omniaque divinitatis et humanitatis Christi mysteria coluisse, atque excitandos in corporibus suis ad vitam mortuos, contrariæ enim hæresis infamia Matthæus vicecomes laborarat, credidisse. Revocatos itaque ad obsequium Ecclesiæ Azonem ac Mediolanenses, cum Joannes rex Boemiæ ad Ludovici hostis Ecclesiæ partes traducere nitetur, Pontifex illi ob collata a Sede Apostolica in Lucemburgensem familiam beneficia ingrati animi labem objecit. Pergit enim:

« Profecto, fili charissime, non sufficimus admirari, quis te adeo fascinaverit, quis te moverit, quod sic matrem tuam sanctam Dei Ecclesiam undique persequaris, sic intendas sedule devotos suos a devotione retrahere etditioni istius hæretici subjugare. Si enim consideranter attenderes, quam pie erga genitorem tuum² predecessor noster se gesserit, reperies utique, quod ejus favore et suffragio ad fastigium imperialis conscenderit dignitatis. Ipse quidem fratrem suum tumque patrum, cui ætas et defectus scientiæ repugnabant, in Trevirensis promovit archiepiscopum, qui unus est de his, ad quos regis Romanorum electio assumendi in imperatorem noscitur pertinere, qui quidem electioni suæ favorem non modicum et suffragium præstitit. Quam prompte autem ejus electionem admisit et approbaverit

¹ Tom. VIII p. 1. Ep. secr. pag. 134. — ² Clemens V.

prædecessor noster prædictus, te non credimus ignorare : si enim electionem minus episcopi sic prompte sic facili ter expedisset, utique satis esset : et sicut a magnis viris audivimus, qui hoc secrete polerant, si per paucos dies admissionem et approbationem electionis huiusmodi distulisset, erant parati qui se volebant opponere ; qui forsitan electionem ipsam annis pluribus impedissent. Quinque quoque in suum favorem cardinales ad eum usque Romam associandum, ejusque vice inturgendum et coronandum transmittere non omisit. Civitalibus quoque Lombardie ac Tuscie pro eo sua efficacia scripta transmisit, ex quibus quanta tibi domique tue nedum quoad regnum Boemie, sed quoad alia non facile numeranda proveniant honores et commoda, si diligenter allenderis, profecto tu et præfatus archiepiscopus, eam non persequi, sed prosequi, sibi que assistere vigilanti studio curaveris. De nobis autem quam benigne, quamque favorabiliter erga tuam magnificentiam nos habuerimus, oblivione ingratitudeque matrem non credimus de memoria regia delevisse. Scimus autem quod inter alios mundi principes precibus tuis benigne consuevimus exauditionis januam aperire.

38. « Adhuc non sufficimus admirari, quomodo, fili charissime, sic famæ tue effectus sis prodigus, ut homini de diversis heresibus notoriis publice condemnato sic te possis fautorem ostendere, statusque sui reprobi et damnati spretis periculis et pœnis variis, quibus periculose nimirum te involvis, publice te exhibes promotorem. Hæc, fili charissime, pro tanto ante tuæ providentiæ oculos curavimus ponere, ne nobis, qui tuæ curam habemus animæ, silentium ad culpam in districto examine valeat imputari : necnon et quia intensis desideriis affectamus, ut vias tuas periculosas considerans, ad instar prophetæ dicere de-beas : *Cogitavi vias meas, et converti pedes meos in testimonia tua*. Proculdubio periculosum intrasti devium, a quo nisi respiciens ad viam te reduxeris veritatis, ad mortem et pœnas æternas inferi te deducet. Attende, fili charissime, quod licet humanum sit peccare, perseverari tamen in malitia debet diabolicum reputari. Noli ergo, quæsumus, hominis conditionem exuere, diabolicamque vestire ; quod proculdubio facies, si in ceptis im-provide, quod absit, te contigerit perdurare. Et si le, fili charissime, in tali devio perdurante, sancta mater Ecclesia supersedeat quo ad dispensationes et alia in te suas effluere gratias, non mireris quia non decet eam in tali statu perseverantibus gratias, per quas in eo firmari pertinacius valeat, elargiri ; sed cura, fili charissime, quæsumus, exhibere te sibi devotum filium, et proculdubio ipsa se tibi piam matrem et benevolam cum omni promptitudine non differet exhibere. Dat. XI kal. Octob. anno quinto decimo ».

39. *Joannis regis in Italiam expeditio.* — Respuit Pontificia montia Boemus, cum decorum

tuli tractatum, neque cum Ludovico Bavaro convenerat, corripiente Italici regni administrationis aviditate, quammodum ex ejus ad Azonem et Insubres magnates litteris colligitur ; irrumperet in Italiam de crevit, arcanisque auxiliis Gibellinis et ab eis cepit commovere : cum interim, quasi rem aliam ageret, in Gaiulith nimirum controversiam cum duce de successione principatus componeret, repente in Insuliam, a Brixianis excitus, signa convertit¹. Parum vero penetrarunt auctores Joannis regis consilia, qui illius in Italiam irruptionem iniquo Brixianorum casui attribuit : e Pontificis enim et regis ipsius litteris² vidimus, jam ante ipsum Bavari partium studio subornare Insulres nistum, ut ad illius gratiam redirent, sibi que obsequerentur, atque ad solemnes etiam conventus perficere meditatum. Facile vero fuit Brixianos illius persuasionibus et promissis succumbere³ eum, ut refert Joannes Villanus⁴, a Scaligeris Veronesibus bello appetiti graviora damna pertulissent, ac plures in Brixiano agro arces ab iis fuisse expugnate. Bergomenses⁵ intestinis discordiis laniati eandem mox fortunam secuti : Coleones enim premedibiles Bergomales Joannis regis copias intra urbem parthum studio evocarunt. Hæc gesta inclinante anno : ut vero ejusmodi Boani regis in Italiam excursio plures urbium defectiones magnasque rerum conversiones pepererit, sequenti dicetur. Reliquas jam Italicas res prosequamur.

40. *Plures populi et præ cæteris Romani ad Pontificis obsequium plene redeunt.* — Subjecere⁶ se Ecclesiæ dominatui Laudenses in Insulria, quamdiu nimirum interregnum esset, ac plures populi ad depellendum schismaticæ servitutis jugum excitati : cum impiarum partium ducibus infelici morte absumptis, divina providentia in Ecclesia sua in pristinum splendorem vindicanda intinit ; de quibus hæc Pontifex ad Berengarium Compestellanum archiepiscopum scribebat⁷ :

« Præterea, inquit, civitas Laudensis, suis ambasciatoribus missis ad nostram præsentiam, noviter fidelitatem nobis et Ecclesiæ obsequare promisit firmiter et juravit nobis ipsius civitatis dominium ubilominus concedendo : sicque speratur de nonnullis aliis terris et civitatibus partium Italie fieri breviter, cum ejusdem Ludovici hæretici tyrannidem crudeliter abhorre dicantur plus solito, et reincorporari cupiant unitati et gratiæ Ecclesiæ sanctæ Dei.

« Audivisse insuper te, frater, credimus qualiter virtute disponente divina, quæ tot et tanta miracula pro sua Ecclesia operatur, quasi omnes tyranni et persecutores Ecclesiæ in partibus supra-dictis brevi spatio temporis mortis persolverunt

¹ Dub. Hist. Franc. t. LVII. lib. V. c. 170. Ant. it. p. tit. XXV. c. 6. § 14. — ² *Excerpta* Ep. Jo. Jom. VIII. p. 1. Ep. secr. pag. 72. — ³ *Id.* Jo. Jom. c. 170. — ⁴ *Id.* c. 163. — ⁵ *Id.* c. 170. Ant. it. p. 174. et Dub. l. l. c. — ⁶ *Id.* t. l. l. Ep. secr. pag. 198. — ⁷ *Id.*

occasum. Hec autem, quamvis multa sint, alia quæ divinæ bonitatis providentia pro eadem Ecclesia sua operata miserè condiderit et clementer est hactenus, et operari continue non desistit (pro quibus eidem, quantum valemus, laborum vitulum exsolvimus) tibi ad consolationem tuam et aliorum fideliū nuntiamus, ut inde laudare Deum et devotis insistere precibus studeas apud eum, qui est pastor æternus, quod sic clementer et benigne cepit erga ipsam Ecclesiam sponsam suam, ad laudem et gloriam nominis sui dignetur perficere, cuncta submovendo noxia, et futura omnia concedendo. Dat. Avin. II id. Januarii, anno XIV ».

Respondere Pontificiæ spei felices exitus; Æsculani enim in fidei constantia confirmati ¹, Tuderini Joannem Sciarra Columnium Jacobi illius Sciarra, qui Ludovicum corona cinxerat, filium depulere ². Pistorienses, Viterbienses ac Romani, missis amplissimis oratoribus, præteritæ defectionis veniam a Sede Apostolica flagitarunt ³, censurisque sunt soluti. Execrati crimem singulari demissione ac pio doloris sensu præ cæteris Romani, qui majori flagitio inconflando schismate se contaminarant; et coram Pontifice ac sacro purpuratorum senatu solemnè ritu professi sunt Urbis imperium ad Christi vicarium spectare, eandemque se Pontificio nomine adversus Ludovici conatus strenne defensuros, ac regi Roberto senatori parituros spondere, omnia privilegia indultave a Bavo et antipapa concessa repudiarunt, ac præsumpta a se impie resciderunt: quæ ab oratoribus Avenione gesta, hæc litteris Pontifex Romanis ipsis significavit ⁴:

« Joannes, etc. communi et universitati ac populo Urbis.

« In nostra et eorundem fratrum præsentia constitui, vestro et senatus Urbis prædictæ syndicio nomine sua mera spontanea et libera voluntate recognoverunt, dixerunt et asseruerunt, quod vos et Urbs prædicta, tanquam Romanæ peculiaris filii Ecclesiæ, quæ aliarum Ecclesiarum caput et magistra esse dignoscitur, eo amplius et specialius estis et esse debetis ad tuitionem et defensionem, necnon devotionem, reverentiam et obedientiam et mandata nostra et ipsius Ecclesiæ successorumque nostrorum parati et prompti, quam alie urbes et civitates, cæterique populi hujus mundi, quo per eandem Ecclesiam ac nos nostrosque prædecessores Romanos Pontifices existere noscimini majoribus honoribus, excellentiis beneficiis insigniti; quod ad nos, quamdiu vivimus, et nullum alium, nisi de mandato et voluntate nostris, spectat dominium dicte Urbis: adjicientes præfati syndici, quod quanto magis nobis, qui Urbem prælatam in promotionibus personarum ipsius et aliis munificentis speciali-

ter honoravimus, ac eidem Romanæ Ecclesiæ fore noscimini fortius obligati, tanto gravius contra nos et ipsam Ecclesiam errando et delinquendo peccastis, cum illum damnatum hæreticum Ludovicum de Bavaria, nostrum et Ecclesiæ supradictæ fideique Catholicæ atrocem persecutorem et hostem, suosque sequaces et complices in Urbe recepistis prædicta; ipsumque Ludovicum tanquam imperatorem coronari, ac Petrum de Corbario hæresiarcham et schismaticum, in antipapam eligi permisistis ibidem; et quamplures ex vobis eundem Petrum de Corbario, qui se faciebat Nicolaum papam ausu nefandissimo nominari honorare sibi quæ ut papæ exhibere reverentiam præsumpistis; præfatis Ludovico et Petro hæreticis et schismaticis, ac suorum et cujuslibet ipsorum sequacibus, complicitibus et fautoribus adhærendo nihilominus, ac consilium, auxilium et favorem præstando. Qui quidem Ludovicus et Petrus, eorumque complices et sequaces, vobis patientibus, in eadem Urbe diversos horrendos excessus, et enormes contra nos et sanctam Dei Ecclesiam fidemque Catholicam commiserunt.

41. « Ad hæc recognoverunt dicti ambasciatores et syndici vestro quo supra nomine, et confessi fuerunt ulterius, quod vos dicto Ludovico hæretico de facto, cum de jure non possetis, senatum et dominium Urbis ad certum tempus concessistis; nec dictum Petrum de Corbario papam esse, quinimo potius apostaticum, schismaticum et damnatum credidistis, sed per quondam Jacobum dictum Sciarra de Columna, qui tunc sua tyrannide vos premebat, ac sequaces suos, expulsis tunc de Urbe præfata quasi omnibus nostris et memorati regis fideibus, et juramento per dictum Jacobum Sciarra præstito, quod nullo modo prædictum Ludovicum Urbem prælatam intrare permitteret, in præmissis et circa ea decepti et circumventi multipliciter exististis. Clerus etiam dicte Urbis per Joannem dicti Jacobi Sciarra filium, et Marsilium de Padua hæreticum ad eligendum certos clericos Urbis ejusdem pro bono statu, sicut fingebant, ipsius fraudulenter et deceptorie fuit inductus: quos quidem clericos præfati Joannes et Marsilius procurarunt electioni dicti Petri de Corbario in antipapam et apostaticum consentire.

« Deinde vero præfati syndici quibusdam clausis nobis directis litteris, necnon certis capitulis præmissa tangentibus præsentatis et lectis ibidem etiam coram nobis, asserentes vestro nomine vos de prædictis et aliis commissis in Urbe præfata contra nos et eandem Ecclesiam dolere plurimum ac etiam poenitere; nobis humiliter supplicarunt, ut nos, non attendentes delictorum vestrorum enormitatem et magnitudinem, sed sequentes potius divinæ miserationis exemplum, vobis aperire sinum pietatis et misericordiæ dignemur, vos ad nostram et ejusdem Ecclesiæ gratiam admittendo, ac providendo vobis ac per-

¹ Tom. VII, p. 2. Ep. secr. pag. 70. — ² Ibid. pag. 33. — ³ Ibid. pag. 71, 76, 77. — ⁴ Ibid. pag. 1.

sonis singularibus dicte Urbis et districtus ejusdem de absolutionis beneficio ab omnibus poenis et sententiis, quas propter præmissos excessus et dependentiam ab ipsis quomodolibet incurristis, ac abolendam a vobis omnem infamie maculam, sive notam ex præmissis obortam, vosque restituendo in integrum ad status, privilegia, honores, bona et famam, et interdictum cui Urbs cum suo districtu subjaceret propterea relaxando; offerentes nobis prædicti syndici syndicario vestro nomine, ac etiam promittentes, quod vos ac Urbem prædictam ejusque districtum sub obedientia, servitio et honore nostris et ejusdem Ecclesie Romanæ, dictique regis Siciliæ, cui per nos prædictæ Urbis regimen est commissum, tenebitis et custodietis tam contra præfatum Ludovicum de Bavaria, suosque complices, sequaces et fautores, quam quosvis alios nostros et ejusdem Ecclesie Romanæ dictique regis infideles, adversarios, rebelles et hostes, quodque recipietis humiliter, et complere curabilis efficaciter omnem pœnitentiam, sive pœnam personalem, pecuniariam et realem, quam vobis et vestrum singulis pro præmissis et ea tangentibus imponendam duxerimus, vel etiam indulgendam.

42. « Et ne videamini gestis et factis dictorum hæreticorum et schismaticorum ex proposito consensisse, nec modo aliquo consentire; mox ibidem præfati syndici vestro syndicario nomine privilegiis, concessionibus, gratiis, dominis, gestis omnibus et singulis factis, habitis et concessis quomodocumque et qualitercumque per dictos Ludovicum et Petrum hæreticos et schismaticos, vel alterum eorumdem (licet nulli sint, utpote ab hæreticis et schismaticis et illis, qui non habebant potestatem præmissa concedendi) præsumptis, renuntiaverunt expresse: necnon promissiones, obligationes, confederationes, concessiones et pacta, et quasvis colligationes, pactiones, societates et ligas, per vos cum memoratis Ludovico et Petro vel altero eorumdem quoquo modo facta et inita, revocaverunt nomine vestro et senatus prædictorum, cassaverunt, annullaverunt et irritaverunt, quantum in eis erat, ac ea pro cassis, nullis et irritis habuerunt; quæ nos etiam sub quibuscumque modis, formis, conditionibus facta et inita, etiamsi juramentorum præstatione, pœnarum adjectione vel aliis quibuscumque firmitatibus vallata fuissent, nulla, cassa, irrita et vacua fuisse ac esse decernimus; et quatenus processerunt de facto, utpote cum hæreticis et schismaticis in summi Regis offensam temere præsumpta cassamus, irritamus, annullamus et omnino viribus vacuumus; decernentes ad eorum observationem vos et quosvis alios aliquatenus non teneri.

« Subsequenter autem nos præmissis propositis, recognitis, factis et supplicatis per supradictos ambasciatores et syndicos vestro nomine coram nobis et eisdem fratribus, sicut superius exprimi-

tur, plenius intellectis; vobiscum (quos velut nostros et memoratæ Romanæ Ecclesie peculiare filios in nostra et ipsius Ecclesie sincera devotione et obedientia constanter et immobiliter de cetero permansuros confidimus) volentes super prædictis agere gratiose, vos et Urbem ipsam cum suo districtu ad nostram et ipsius Ecclesie gratiam et reconciliationem sub forma, quæ sequitur, duximus admittentes, etc. Dat. XV kal. Martii, anno xiv ». Prætermittendam reliquam Pontificii Diplomatis partem brevitatibus studio censuimus, ex qua illi censuris, quibus se irretierant, ac pœnis soluti, pristinisque juribus et amplitudini restituti.

43. At in pertinaces repetitæ censura: in primis enim Joannes gravissimis poenis eos devinxit¹, qui Jacobo antilegato, illisque pseudo-prophetis et cuculatis impostoribus obsequentes essent; ac præstules, proceresque Germaniæ et religiosi viri, ut Prædicatoribus² et Carmelitis³ ad induenda arma lucis adversus schismaticos inflammati. Ulque cætera ad reprimendos hæreticos Michaelis sequaces gesta conjungamus, Berengarium⁴ e Mari pseudominorita qui Genueus archiepiscopatus titulos ab antipapa acceperat, solemnî ritu defixum anathemate pronuntiari jussit Pontifex; Mansuetus pariter pseudominorita in Aretinum episcopatum intrusus ad pœnitentiam invitatus: Petrus, Joannes, Henricus et Thomas Minorita, qui adversus dogmata Apostolicis Constitutionibus definita obloquebantur, in Angliâ judicio postulati: Gallias, « ubi », inquit Pontifex⁵, « inter cætera regna mundi clarere religio Christiana noscitur », quam laudem corruptam a posteris lugebitur suo loco, inicere moliebatur novis erroribus Franciscus Tudertinus: sed in eum Ambianensi episcopo et fidei censori legibus agere demandata provincia est⁶: Conradus Minorita, qui Parisiis dogma Catholicum Apostolicis Diplomatibus fidelibus propositum damnavat hæreseos, cum criminis illum pœniteret, ad Joanne reginæ preces⁷ mitiori pœna jussu Pontifici affectus⁸. In Fraticellis denique in Sicilia, in qua perversa instituebant sodalitia, insectandis revocandique ad fidei puritatem a præsulibus navata⁹ Pontificio jussu opera est, ac rex Robertus et regina Sancia admoniti¹⁰ ut censores fidei regia auctoritate fulcirent.

Affluxit hoc tempore infestus rumor ad Sedem Apostolicam, Leonem Armeniæ regem sentire cum schismaticis, atque Ecclesias et loca religiosa ab Henrico et Curto olim excitata evertisse, ac titulos Ecclesiarum locorumque delevisse. Quæ re permo- tus Pontifex nuntios Apostolicos Petrum et Mauso et Arnaldum e Fabricis, quos triginta aureorum millia in Armeniæ auxilium convertere jusserat,

¹ Tom. VII. p. 2. l. p. sec. pag. 133. — ² Pag. 119, 166, 167. — ³ Pag. 166. — ⁴ Pag. 21. — ⁵ Pag. 126. — ⁶ Pag. 100. — ⁷ Tom. VII. p. 1. cap. 27. — ⁸ Ibid. — ⁹ Pag. 91. — ¹⁰ Ibid.

nonnullis aliis hoc in tempore plurimum sunt gravati. Propter quod, fili charissime, licet tuis petitionibus prompte annuendum, sicut nosti, duxerimus hactenus, ac intendamus, quantum cum Deo poterimus, in futurum; petitiones tamen predictas nostro fratrumque eorundem iudicio nequivimus admittere absque Dei offensâ, magnoque Ecclesiarum gravamine, ac diminutione notabili cultus Dei: et præsertim cum, prout a tua non credimus memoria exidisse, decimam Ecclesiasticorum reddituum, præterquam militarium Ordinum, et duas partes tertiæ decimarum reservari solite pro Ecclesiarum fabricis in prælibatis regnis et terris tuis consistentium, non est diu sub certis modis, pactis et conditionibus tibi usque ad quadriennium concedendas duximus in subsidium negotii memorati, etc.» Addit debuisse potius eos, qui huiusmodi consilia suggererant, majorum præclara facinora, qui Ecclesias amplissimis locupletassent opibus, imitanda proponere ob oculos, quam ad Ecclesias spoliandas incumbere, ac justam de Hispaniarum sacerdotiis ad externos transfusus querelam defuisse. «Dat. non. Februarii, anno xiv». Missi alii oratores ab Alfonso Castella rege fuere affecto jam anno ad Pontificem et senatum cardinalium, nimirum Fernandus Rodericus de Valle-Bona et Joannes Furcadus de Mendoza, amplissimis freti mandatis, ut de subsidio belli Maurici a Sede Apostolica eliciendis paciscerentur; quæ de re litteræ regie VIII idus Octobris exarate¹: proximoque anno piis regis votis obsecundatum est.

46. Non disparia fuere petita regis Aragonum, qui ad bellum adversus Granatenses gerendum se comparabat, cogitabatque regni limitem proferre latius: missis enim oratoribus flagitabat, ut decimæ Ecclesiasticæ attribuerentur, sacrum in Mauros bellum dato arma correpturis crucis symbolo, propositisque indulgentiis pro concione sacra in Aragonia, Valentia, Catalonia, Sardinia et Corsica denuntiaretur. Assensit Pontifex² piis votis, ac Joanni patriarchæ Alexandrino regis fratri sacrum indulgentiarum proponendarum fidelibus provinciam imposuit³, utque illi, quos vellet, muneri præficeret. Quod ad petitas decimas attinet, biennales concessit: regem vero Alfonso obstrinxit, ut excurrente eo biennio, quo bellum sacrum gerendum erat, trimestri integro ipse exercitum in hostem duceret: in terris, quas ex hostium tyrannide eriperet, templa Christo poneret ac vectigalibus necessariis ad divinum cultum dilaret: elapso etiam biennio quingentos equites armis egregie instructos limiti tuendo præficeret, ad Barbarorum, qui fideles abripiebant in vincula et Christianum nomen ejurare cogeant, excursions reprimendas. De quibus extant VI non. Maii litteræ⁴ Pontificiæ.

«Alfonso regi Aragonum.

«Gratias agimus Domino Deo nostro, a quo fluentia gratiarum emanant, quod te natura benignum virtutibus imbuuit, mentemque tuam, ætatis tempus maturo superante consilio, ad exaltationem et defensionem Catholica fidei præparavit, ut pro divini non inis gloria et ejusdem fidei periculis altitudinis tuas laudabiles convertas et dirigas actiones. Sane dudum dilecti filii nobiles viri procuratores et nuntii tui, ad Sedem Apostolicam accedentes, nobis et fratribus nostris S. R. E. cardinalibus reverenter exponere curaverunt, quod in zelo fidei ac devotionis accensus ad propulsandas impugnationes, contumelias et offensas, quos perfidi Saraceni regnis et terris tuis vicini in Christianis dictorum regnorum et terrarum tuarum perpetrare et committere in gravem nostri Redemptoris injuriam jugiter non verentur; necnon pro exaltatione ejusdem fidei et sanctæ matris Ecclesiæ ac universorum Christi fidelium ad impugnandum et expugnandum eosdem Saracenos, dextera divina tibi assistente propitia, contatis undique viribus, viriliter intendas. Et quia ad prosecutionem tanti negotii et continuationem prosecutionis ipsius necessario tui noscebantur incumbere magna profluvia expensarum, ad quarum supportationem tu non poteras sufficere conanode per teipsum, iidem procuratores et nuntii nomine tuo subsidium decimarum omnium proventuum Ecclesiasticorum regnorum et terrarum ac domini tuorum tibi usque ad certum tempus concedi cum prædicatione crucis in Aragoniæ et Valentiniæ, ac Sardinie et Corsicæ regnis et comitatu Barchinoniæ, ac cum indulgentiis concedi solitis transfretantibus in subsidium Terre-Sanctæ contra hostes fidei supplices, a nobis suppliciter postularunt.

«Nos igitur, tuum patrum et laudabile propositum in hac parte diligentius attendentes, huiusmodi supplicationibus eo libentius annuendum fore providimus, quo huiusmodi causam, quam ad laudem Dei in præmissis te assumpsisse et promovere confidimus, Apostolici favoris fulciendam et juvandam præsidio utile et expediens extimamus». Et infra: «Prædicationem siquidem crucis in dictis regnis et terris tuis per venerabilem fratrem nostrum Joannem patriarcham Alexanrinum, administrationem Ecclesiæ Terraconensis in spiritualibus et temporalibus per Sedem Apostolicam deputatum, et alias personas Ecclesiasticas seculares et regulares ad id idoneas ab eo deputandas contra Saracenos regni Granatæ, et alios Saracenos tam vicinos quam quoscunque alios, dum in eorum auxilium veniunt, pro certo tempore fieri concessimus per nostras litteras speciales; ita quod proponeretur in dictis regnis et terris ac domini tuis sollemniter verbum crucis: et tam tuis et aliorum fidelium regnorum et terrarum ac domini predictorum, quam cæterorum undecunque illuc confluentium et illam ibidem

¹ An. 14, p. 3. Ep. con. vmmv. — ² Tom. vii, p. 2. Ep. scr. pag. 186. — ³ Ibid. pag. 189. — ⁴ Ibid. pag. 180.

devote suscipere volentium per eos, qui ibidem propere dictum verbum, affligeretur humeris venerabile signum ejus; ut tali signo crucis vivificæ communiti prædictum negotium contra Saracenos prælatos ferventer assumerent, illud viriliter proseguendo, cum indulgentiis solitis in similibus casibus indulgeri expressis in litteris supradictis. Decimum insuper omnium reddituum et proventuum Ecclesiasticorum ab omnibus archiepiscopis et episcopis cæterisque personis Ecclesiasticis quibuscumque, exemptis et non exemptis regnorum et terrarum ac domini prædictorum ». Et infra : « Usque ad biennium a kal. proxime instantis mensis Junii includendum de ipsorum fratrum nostrorum consilio tibi auctoritate præsentium duximus concedendam; expendendam tamen per te seu de mandato tuo in ejusdem prosecutione negotii, ipsa prosecutione durante, ac recipiendam juxta modum et formam annotatos ». Quæ sequuntur, consonant cum aliis Joannis litteris pridie kal. Aprilis exaratis¹, quibus eæ pactiones inter Aragonem et Pontificem temperatæ confirmatæque sunt :

« Joannes, etc. Alfonso regi Aragonum illustri.

« Volumus inter alia, quod tu ad exaltationem et dilatationem Catholicæ fidei in hujusmodi tertio anno vel omnimode per te ipsum personaliter per tres menses integros ad minus continue vel interpolatim, postquam perveneris ad terras Saracenorum, præter tempus quod posterius in eundo ad terras prædictas et redeundo ab eis, quod in dictis tribus mensibus volumus computari, hujusmodi negotium prosequaris; vel ubi dictum negotium non prosequeris personaliter per te ipsum, ordinabis in capitaneum guerræ contra Saracenos prædictos aliquem virum Catholicum, aptum, strenuum et fidelem, quem duxeris eligendum; ipsumque transmissis ad dictas terras cum quingentis armatis equitibus ad minus, equis et armis bene munitis ad prosecutionem dicti negotii loco tui in tertio anno prædicto contra Saracenos eodem; hoc diligentius observando, ut si aliquis vel aliqui de dicto numero quingentorum equitum armatorum morte, vel casu, vel ex aliqua rationabili causa deficerent, idem numerus absque reprehensibili mora per tue sollicitudinis studium celeriter restauretur, et per eos per tres menses integros, ex quo pervenerint ad terras prædictas, præter tempus accessus ad eas et redditus eorundem in dictis tribus mensibus nullatenus computandum, prosecutioni dicti negotii insistatur; ita quod, cum per tunc tempus trimestre prædictum per te vel per dictum capitaneum cum dictis quingentis equitibus armatis, ut prædicatur, instabis prosecutioni dicti negotii, hujusmodi decimæ omnium reddituum et proventuum Ecclesiasticorum regnorum et terrarum et domini prædi-

ctorum subsidia pro dicto tertio anno tibi integraliter ministrentur ». Et infra :

« Ad prosecutionem autem hujusmodi negotii contra hostes prædictos debes intendere diligenter, cum ipsi fidem Catholicam et terras fidelium, potissime in ipsorum frontariis constitutas, ac personas Christianorum non desinant impugnare, Christianos ipsos capiendo, suæque ditionis subdendo, ipsosque tam mares quam feminas, et parvulos filios et filias eorundem cogendo fidem Catholicam abnegare, et nonnulla alia nefanda in eosdem Catholicos committendo ». Additæ sunt plures aliæ pactiones initæ de episcopalibus Ecclesiis condendis in urbibus de Granatensibus comparandis, reprimendis Mahumeticæ superstitionis sacerdotibus, ne publice profanum Mahometis nomen implorent, prohibendis ad Mecham nefariis peregrinationibus, decimis pendendis Ecclesiis, servanda Ecclesiastici ordinis immunitate : quæ conventa iidem concepta verbis, atque ea, quæ cum rege Castellæ jam ante firmata rehelimus. Quæ litteræ his verbis consignatæ. « Datum Avin. II kal. Junii, anno xiv ». Insertæ etiam iisdem litteris alia Alfonsi regis Aragonum exarate Barcinone IV kal. Aprilis hujus anni, quibus Garsias Biscare et P. Cima amplissimis mandatis ad paciscendum cum Pontifice de bello in Granatenses gerendo instructi sunt.

47. Conjungere cum aliis regibus Christianis Hispaniarum arma adversus Granatenses decrevit Philippus Navarræ rex, et licet par causa cum non urgeret, cum a Barbarorum excursionibus procul ipsius regnum abesset; incitatus tamen zelo adversus infideles ob gravissimas injurias, quas nominis Christiani ingenti opprobrio finitimus fidelibus inferabant, ducere cruce-ignatas adversum illos copias in animum induxit : cui Pontifex eximium zelum est gratulatus.

« Joannes, etc. Philippo regi Navarræ illustri.

« Gratias agimus gratiarum omnium largitori, quod ipse, qui arcani consilii imperscrutabili majestate tangit, cum vult, corda regum et principum, eos ad obsequia sua zelo promptæ devotionis accedens, tibi florentibus juventutis tuæ annis, sicut grata tua insinuatione percepimus, sic maturæ virtutis gratiam ministravit, ut velut summi Redemptoris athleta magnificus delectabile tibi reputes velle propriam exponere in obsequiorum fidei Christianæ prosecutione personam et laborum subire multiplicium gravitatem; tangeris enim dolore cordis intrinsecus, dum impugnationes atroces, persecutiones infestas et crudelitates infandas, quas perdidisti Agareni Granatæ et Almaritæ fidelibus Christianis regnorum et terrarum eis vicinarum intulerunt hactenus, et continue inferre non cessant, dolorosis, quinimo opprobriosis reatibus percipis, et mentibus oculis intueris. Dicti namque Agareni hostes perdidisti crucis Christi, sicut habet fide digna relatio, fidem Catholicam et terras fidelium in ipsorum

¹ Ab. II. p. 3. Ep. cum. MMM.DXLVI.

frontariis constitutas, et Christianorum personas frequenter impugnant; Christi nos capiunt, suæque subjiciunt dilectioni, ipsosque tam viros quam feminas, et parvulos filios et filias eorundem, fidem Catholicam abnegare compellunt, nonnulla alia sceleratissima et nefanda in eosdem Catholicos committendo, quæ ad auditum communem fidelium frequenter ingrata fama deducit ».

« Ex quibus ad vindicandas nostri Redemptoris injurias divino, ut speramus, spiritu excitatus, non parcendo laboribus, nec formidando pericula, nec expensarum oneribus indulgendo, pro divini nominis gloria, et Catholice fidei palmis dilandis in propria persona ad reprimendum impugnationes nefarias eorundem ad partes illas cum decenti comitiva gentis armigeræ dirigere gressus tuos sub spe cælestis auxilii potenter te præparas et ferventer accingis. Quod profecto propositum de puræ mentis tabernaculo prodiens, Domino Deo nostro, sicut credimus, in augmentum jucundæ laudationis accrescit: nosque in illo plenis gaudiis exultamus, sibi que plenitudinem exolvimus gratiarum, quod præcordia regis cælestis benedictionis rore perfundens, sic tibi gratum præbuerit animum ad sua beneplacita prosequenda, quod ea, quæ sunt in oculis sue majestatis accepta, instantia diligentis indagationis exquiris, et efficere niteris studiosius; per hoc divine gratiæ te constituens amatorem, et ad promerenda divine gloriæ præmia tanquam benedictionis filius aptiorem, etc. Datum Avin. VI kal. Martii, anno xiv ».

48. Nec Hispani modo reges ad subiciendos Christo Granatenses flagrabant zelo, verum etiam nonnulli alii principes, e quibus Joannes Hannonie comes octingentis equitibus succinctus Hispanias petiit. Cæterum Avinionem erat aditurus, ut Pontificem salutaret, indulgentiarumque præmia pro se ac suis deposceret¹: sed cum Ludovici Bavari hostis Pontifici socer esset, trepidatum ibi admodum est, ne quas insidias confaret Joanni pape: habitique mox ingentes militum equitumque delectus ad vim vi repellendam, si quid fraudis moliretur, ac præmissi ad eum oratores, qui intentato anathemate versus Avinionem progredi vetarent, atque in Granatenses eventui indulgentias tribuerent. Paruit comes jussis Apostolicis, et criminis suspensionem omnem amovit. Consecutam et tanto armorum adversus Mahomadem regem Granatæ apparatu clarissimam victoriam, refert Joannes Villanus² Granatenses ad quindecim millia ab Alfonso rege cæsos, cum arcis, quam oppugnabat, obsidione solvere tentarent, arcemque obsessam in Christianorum redactam potestatem. Describunt fusius hoc bellum sacrum Hispanici auctores³ Alfonso regem contractis omnibus copiis in Granatæ fines penetrasse, atque hoc anno Thebam munitissimum oppidum castris

cinxisse: Ozminum cum sex equitum milibus et pedum gravissima multitudine a Mahomade rege Granatæ missum esse: cumque partem exercitus nostros ad pugnam allicere jussisset, ut ipse cum reliqua a compositis insidiis incautos opprimeret, delusas ejus artes contrariis artibus, vinque vi magna infidelium strage repressam: eo tempore Prunam a Christianis expugnatam, ac Thebam, amissa auxilii spe, pacta incolarum incolumitate, ad deditionem compulsam: oppressa metu victoris Cagnetum Prieghunque, tum alias etiam arces Alfonso portas aperuisse.

Quod attinet ad alios Hispaniarum reges, qui in Granatenses vertere armorum molem erant polliciti; si verbis opera consensissent, excindi tum potuisset ex Hispaniis superstitio: at Alfonso rex Lusitanie Castellani socer quingentos tantum equites transmisit, qui non perfecto bello abcessere: rex Aragonum¹, uti convenerat, ob novos in Sardinia a Liguribus præcipueque a Saonensibus concitatos motus exercitum in hostem non duxit: Emmanuel Marciæ limiti præfectus, qui irrumperet in Granatensium fines debebat, parum sincere fidem reddidit: Navarrae domi se continuit², ne in regno seditiones oborirentur. Cum itaque cæteri reges paribus studiis cum Alfonso Castellano non concurrerent, nec leves factiones in regno essent, ille parvis contentus indulciis, pactis annuis duodecim aureorum milibus, cum Mahomade iniit. Verum præcipua quæ ad id ipsum flexit causa, impuri Gusmanie pellicis amores extitere ejus lenocinis enervatus a bellicis sudoribus abductus est, cum latius circumferre victorias ac regnum Granatense in extremam ruinam impellere posset: sed conversas secuturis annis rerum vices, attritasque Alfonsi palmas a barbaro visuri sumus, cum ille furens ira Abolacenum ex Merinorum familia novum Marrochitanum regem in Christianos Hispanos concitavit.

Quod ad Sardinie motus spectat; defecisse in ea insula nonnullos proceres Genuenses, qui amplissima prædia obtinebant, et cum aliis fœderatis conjurasse in Aragonios, refert Surita³: tum Aytone Oriam cum novemdecim tritremibus et navibus sexdecim circumfœdisse insulam, ne auxilia ab Aragoniis inferrentur: Alfonso vero regem instructa valida classe fluctuantem insulam in suo obsequio confirmasse.

49. *Philippus rex Gallie comiti Atrebatensi infensus.* — Hoc interim spatio in Galliis Philippus rex peregrinationem ad S. Marian Vallis-Viridis, deinde ad sepulchrum S. Ludovici episcopi, cujus reliquie colebantur Massiliæ, obiit; demum Avinionem ad Pontificem profectus, cum eo octo diebus arcana consilia habuit, ac tulit rumor de Asiatica vel Italica expeditione apertasse: sed de Asiatica egisse sequens historia ostendit.

¹ Jo. Vill. l. x. c. 137. — ² Lib. xx. c. 465. — ³ Jo. Mar. l. xv. c. 21. Sur. l. vii. c. 11.

¹ Mar. et Surit. ubi sup. — ² Tom. vii. p. 2. Ep. secr. pag. 116. — ³ Sur. l. vii. c. 13.

His prælaris consiliis contraria hoc anno, etsi leviora, discordiarum jecta sunt semina, quæ progressu temporum atrocissima bella accendere.

Certarat judicio Robertus¹ Atrebatensis comes Bellimontis Philippus comitis filius de Atrebatensi comitatu adversus Mathildem anitam, victusque in Parisiensi senatu judicio est, et comitatus Atrebatum Mathildi adjudicatus². Concepti inde Atrebas adversus Philippum regem atroces iras, atque in hostem implacabilem conversus : quem aiunt furem ira usurpasse eis vocem, se Philippum ad solium extulisse, eundemque dejecturum : de quo ut magno Anglorum in Gallie regnum irruptionis auctore, suo loco dicitur. Interea cum Pontifex Roberti in regem irarum certior esset factus, illum ut in regis gratiam rediret sollicitavit³, ne Philippus in Robertum susciperet odia, indeque civile bellum erumperet : Philippum vero rogavit⁴ ut regiam clementiam explicaret in Robertum, neque ira asperari ejus animum pateretur.

« Decet, inquit, fili charissime, magnificentiam regiam sedule intendere, ut gesta tua tuo nomini convenient et dignitati. Rex quidem diceris, rex autem dicitur a regendo. Si ergo vis esse quod diceris, rege te primum : tunc autem te reges laudabiler, si nulla in te dominata fuerit passio, quæ non ratione regatur. Sane circa aliorum regimen decet te mansuetudine uti potius quam rigore, et errantes benigne ab erroris devio revocare : sic quod diceris, scilicet rex, nique eris. Hoc pro tanto dicimus, ut discessum dilecti filii nobilis viri Roberti de Atrebatu comitis Bellimontis improvide factum nil in mente germinet regia odii vel rancoris, etc. Dat. VIII. kal. Decembris, anno xv^o. Neque hoc loco prætereundum est, expostulanti eidem regi biennales sacerdotiorum Angliæ decimas Eduardo regi esse attributas⁵, ex quibus vires colligeret, ac potentiam Galliis formidabilem confirmaret, cum nondum illa inter reges pax coaluisset, ut belli metus abesset ; respondit Pontifex, se quidem exhausto opibus Anglo decimas exposcenti antequam fiducia-rium se aule Galliæ esset professus, repulsam dedisse ; cum vero fidem ei sacramento devinxisset, deque inter ipsius filium et regis Angliæ sororem matrimonio incundo agitalum esset, sine Francorum injuria decimas concessisse, quique

esse consilii studium in sedandis utriusque discordiis collocare. Et sane Joannes antea Philippum regem ac reginam fuerat adhortatus, ut ad pacem cum Eduardo firmandam animos accommodarent : vicissimque Eduardum regem ac matrem Isabellam nonis Septembris deterruit, ne agitalum cum Philippo rege Francorum pacem abrumperent.

10. Pontifex Eduardum regem Angliæ a severitate et aliis excessibus revocare nititur. — Recondere interea in Angliā gravissimæ dissensionis, atque Eduardi regis patruus Edmundus comes Cantii lese majestatis lege postulatus capitulis sententia damnatus est, casusque hoc anno, ut refert Joannes Villanus¹ ejus temporis scriptor, cum Angliam ad scrutandum fratrem, quem luci supersitem acceperat, commovisset : insinuatum vero id ipsi a præstigialore qui rem a magistro dæmone hauserat, refert Walsinghamus² : atque hi inepte simplicitatis fidem patri mendacii adhibentis, artumque magicarum fructus tristes extiterent. Errat vero in Chronologia auctor dum rem duobus ante annis collocat, cum superiori anno scriptæ ad Edmundum litteræ extant necato³ Edmundo quadragesimæ tempore S. Cuthberti pervigilio. Præterea affectum supplicio insequenti mense Octobri Rogerium e Mortuo-Mari, qui antea regnum Angliæ administrarat, cum in suspitionem turpis cum Isabella regina familiaritatis vocaretur, addit idem auctor. Antea vero Eduardum Pontifex monuerat⁴, ne intempestiva severitate proceres a se abalienaret :

« Joannes, etc. Eduardo regi Angliæ.

« Ad aures nostras, fili charissime, relatio plurimum infausa perduxit, quod certis ex causis, quas tamen relatio subtecebat, die xix mensis Octobris circa mediam noctem cum gente cæpisti armigera subito nonnullos principes et alios regni tui nobiles, et in carcerem retransisti ». Et infra ubi se magno dolore affectum exposuit, auctos honoribus atque opibus prænobiles viros in iuncto moliri aliquid ausos, præmonuitque ne ab æquitate in ferendo judicio dellecteret, caveretque, ne eorum testimonia acciperentur, quos invidia aut odium adversus insontes efferaret, ac si nil gravius ab his consultum reperiret, pristinae mox restitueret libertati, subdit : « Si vero contra ipsos (quod absit) gravia reperiri contingat, adhuc, fili charissime, tuam prudentiam exhortamur in Do-

¹ Meyer, Hist. Flam. l. XII. Paul. J. mil. in Phil. VI. Misson, in eod. — ² Tom. VII. p. 1. Ep. secr. pag. 25. — ³ Ibid. — ⁴ Tom. VII. p. 2. Ep. secr. pag. 218.

¹ Jo. Vill. l. x. c. 453. Polyd. V. l. XIX. an. 1329. — ² Walsing. in Eduard. III. — ³ Ibid. — ⁴ Tom. VII. p. 1. Ep. secr. pag. 39.

(1) Sententia in comitem Atrebatensem, quæ ejus provincie possessio duci Burundie adjudicator, ad sequentem, non vero ad præsentem annum pertinet. Sequens etiam anni gesta hinc exorditur eorum temporum scriptor, qui Nanzium continuavit : « Hoc anno lata est sententia in præmota pax. Francor. pro dno Bertholdo pro comite Atrebatensi, contra dominum Robertum ducem de Atrebatu comitem Bellimontis n. Normannia ». Roberti igitur secessio ex urbe Lod. tri, cujus meminit Pontifex in litteris exente hoc : anno datis, de quibus analista, ante latam sententiam accidit, cum hoc intelligeret Robertus pium fore in adversarium suum inclinare. Vel forte ideo fuit, quod iherosol. cujus pro se promiserat, per dolum fabricatos iudices deprehenderat. Qua de re idem Nanzii continuator ad an. MCCXXXI. E. tem. an. rem confirmatorem dñi Nanzii asserere Robertum sententia judiciali victum abesse ; sed discessus ille alius est ab eo cujus Pontifex meminit, cum post sententiam comes a Philippo dimissus fuerit, teste eodem ; discessus vero, de quo Pontifex, fuit incongrue factus, adeoque invito rege. Forte igitur discessit, et postea rediit.

mino et rogamus attente, quatenus recogitans diligenter, quod misericordibus est ab illo qui non mentitur misericordia reponnissa; quodque tu, qui Regi regum es subditus, cujus misericordia egere nosceris, cum omnes offendimus in multis, tutiusque sit tibi de misericordia quam de rigoro-
sa iustitia reddere rationem, digneris ipsis misericordiae viscera aperire, sique juxta promissionem Dominicam in illo horrendo iudicio misericordiam assequi merearis. Speramus equidem, charissime fili, quod nedum in praemissis misericordiam tibi accommodam poteris reperire, imo istos tibi ad fidelitatem et devotionem obligabis insolubiliter, multosque alios ad tuam fidelitatem et amorem sincerum pertrahere poteris per exemplum. Hoc postremo rogamus, et sano consilio suademus, quatenus in iis et quibusvis aliis gravibus ira, odium et appetitus vindictae prorsus a regio animo exulent; sed omnia in charitate, mature, et cum sano consilio et secundum debitum ordinem peragantur: quod tibi dignetur concedere, cui cum voluerit, subest posse. Dat. Avin. VII id. Novembris, anno xv». Acceperat etiam Pontifex, Eduardum abalienatum animo a regina matre Isabella impudica pristini in ipsam amoris signa ac vultus serenitatem non explicare; ad quem matri conciliandum preces porrexit, ut matris famam servaret, parceret ejus pudori, lapsusque occulere: «Excellentiam, inquit, regiam exhortamur in Domino et toto cordis rogamus affectu, quatenus ad tuam reducens memoriam quae et quanta in utero suo sit propter te pericula passa, quantaque cura te nutritur, et quam sedulam adhibere diligentiam curaverit circa tua negotia, quantisque propter te exponere se periculis non expaverit; necnon quam sit filiorum erga parentes reverentia Deo grata, quamque sit erga eos irreverentia odibilis et infesta, non facilliter movearis ad credenda de ipsa sinistra aliqua, nec ab subtrahendum sibi filialem benevolentiam accendaris: sed potius, si (quod absit) ipsam excellentiae regiae deferat aliquis, diligenter attendat circumspicere regia conditionem deferentium et deferendi modum: scimus enim, nec credimus te latere, quod propter tua negotia multos sibi procuravit exosos ac malevolos contra se provocavit. Item quantum sint, quae proponuntur tibi, verisimilia; et qualiter, et per quos sint probanda; sique his et aliis, quae tibi Deus circa haec ministrabit, in consideratione deductis, ea repellere et matri famam conservare non omitas». Et infra: «Obsecramus te, fili, per viscera misericordiae Jesu Christi, ut matris pudori, quantum secundum Deum poteris, velis parcere, et ejus lapsum, si quis (quod absit) fuerit non publicare, sed quantum bono modo poteris, ipsum potius studeas occultare. Dat. VII id. Nov. anno xv». Adhibuit etiam apud Eduardum Philippae reginae preces, ut socrum in gratiam cum Eduardo restitueret.

Ne vero recrudescerent in Anglia discordiae veteres, atque in apertum bellum erumperent, ad eas sopiendas ad Henricum comitem Lancastriae, Guillelmum e Monteaucto, atque archiepiscopum Cantuariensem scripsit, ut suam industriam adhiberent, et pericula imminuerent, et quem ex his conciperet metum, exposuit: «Si, inquit, ab his, quae ipsis sunt imposita, sunt insontes, compati-
mur eis admodum quia taliter sine causa molestiam sunt perpersi, et insuper compatiuntur dicto regi, qui iuste credens procedere, sic dure deceptus processit contra eos: ipsi quoque regno compatiuntur, super quod maledictionem suam ille cuius maledictio maledictos reddidit quibus maledixerit, effudisse videtur: nempe si considerentur mortes et strages perpetratae in eodem regno: a brevi enim tempore videtur ad antiquum statum infidelium regnum hujusmodi jam rediisse, nec adhuc finis imponitur, sed ad deteriora via continue preparatur. Unde considerantes, quod vigor juris in talibus statui regni non proficit, sed ipsum mutat personis egregiis, multiplicaque odia et rancores: videretur expediens, quod via alia tentaretur, videlicet quod juris mitigato rigore poenae indulgerentur delinquentibus mitiores, non quod statum tanti viri, ubi ipsos deliquisse constaret, deberent, tam ignominiose puniri; via nihilominus considerarentur aliae, per quas possent induci ad fidelitatem regiam regii subditi, et invicem subditi in seipsis: alias formidandum videtur, quod brevi tempore regnum illud remanebit nobilibus vacuum sine quibus non consueverunt regna defendi ab extrinsecis, nec extrinsecis iustitia ministrari. Dat. VII id. Novembris, anno xv».

In Scotia, cum Jacobus S. Andreae episcopus ejusque Ecclesia opprimerentur, Pontifex illum ad constantiam, utque in Deo spem collocaret erexit. Tum etiam Thomam Moraviae comitem rogavit, ut jura dignitatemque Ecclesiarum, sed praecipue S. Andreae, quae splendore inter caeteras conspicua erat, tueretur: «Ut Ecclesias, inquit, et personas easdem in terris tibi subditis praesentem, sed et omnes alias, quantum in te fuerit, attenta sollicitudine veneris, ac specialiter S. Andreae Ecclesiam inter caeteras regni Scotiae praerogativis multimodis insignitam, ipsiusque ac aliarum praesules et rectores, nobilitatem tuam rogamus et in Domino attentius exhortamur: per hoc enim praeter humanae laudis praeconium, divinae retributionis meritum tibi non indigne acquires, nostram quoque et Apostolicae Sedis benedictionem et gratiam propterea uberius vindicabis, etc. Dat. X kal. Novembris, anno xv». Si David Scotiae rex ab oppressionis Ecclesiarum regni culpa non abuit, diu crimen impune non tulit: sequenti enim anno Eduardus Baliolus, conciliatis sibi proceribus Angli, bellum illi intulit, ac demum tertio post anno regno depulit, uti suis locis videbitur.

51. *Trevirensi Ecclesiae illata injuria expia-*

tur publica pœnitentia. — Hæc inter Moguntini cives in gratiam cum Henrico archiepiscopo rediere ¹, solutique ² omnium censurarum pœnis, quas in ejus belli civilis ardore ob sacerdotes affectos gravibus injuriis, eaque præsertim pœna, quæ in Synodo Moguntina constituta fuerat, ut eorum, qui canonicos sacerdotio initiatos atroci vulnere aut percussione læsissent, posterius ad quartam progeniem neque ad ordines sacros, neque ad sacerdotia admitterentur. Quod vero ad Balduinum Trevirensis archiepiscopum Moguntini auctorem belli attinet; is graviorem injuriam a Loreta comitissa de Spanheyem domina oppidi Scarkenberg in Trevirensi diœcesi acceperat, conjectusque cum plurima religiosorum virorum et presbyterorum turba in custodiam fuerat, qua deum restitutus libertati, rogatusque ut crimini veniam daret, ac pro recuperando sacrorum usu apud Sedem Apostolicam intercederet, litteras superiori anno ad Pontificem ea de re dederat. Clementiam vero severitate temperandam Joannes ratus, Loretam ac flagitii patrati in Balduinum socios fidelium consortio restituit: jussus vero pœnas ad illud rite expiandum in subjectis litteris ad episcopum Leodiensem missis descriptas infixit ³.

« Joannes, etc. episcopo Leodiensi.

« Ipsi, et eorum singuli quam cito poterunt, ad civitatem, seu locum solemnem propinquiorem civitati Trevirensi, cum ad eandem civitatem Trevirensis pro peragenda pœnitentia hujusmodi absque personarum periculis non auderent, sicut in eorum asseruerunt conscientiis, accedere personaliter se offerant; et in aliquo festo solenni, sicut in festo Pentecostes venturo proximo, si fieri commode poterit, alias instanti festivitate B. Joannis Baptistæ vel alia solenni ab ingressu civitatis vel loci nudis pedibus, et nihilominus præfati milites, domicelli et Beltramus in tunicis sine corrigiis absque caputiis et infulis, et totaliter discooperitis capitibus, portantes ipsorum singuli unum tortorium cereum ponderis quatuor librarum ad minus accensum in manibus gradiatur: et cum ad Ecclesiam ipsam pervenerint in majori altari dictæ Ecclesiæ prædicta tortoria sic accensa devote et humiliter offerant, suumque reatum prædictum ibidem confiteantur publice, cum major ibidem aderit populi multitudo. Et si forsitan præfata comitissa tortorium tanti ponderis portare non possit, illud per alium coram se deferri faciat, et ipsa aliud minoris deferat ponderis, prout conscientia sibi dictaverit et viderit expedire.

« 52. Præterea comitissa præfata, quam cito commode poterit, ad civitatem Trevirensis quinquaginta transmittat homines, qui tute accedere valeant ad eandem; qui quidem homines, in aliqua prædictorum festivitate vel alia solenni

ab ingressu dictæ civitatis usque ad majorem Ecclesiam Trevirensis pedibus nudis incedentes, accensa tortoria cerea in manibus portent illa in majori altari ejusdem Ecclesiæ offerendo, ipsiusque comitissæ nomine, cum major ibidem aderit multitudo populi, reatum prædictum ibidem publice confitendo. Rursus fabricari faciat comitissa prædicta quatuor lampadas argenteas ponderis duodecim marcharum, quas tunc mittat eidem Ecclesiæ per homines supradictos ante majus altare prædictæ Trevirensis Ecclesiæ permansuras, pro quibus tenendis perpetuis temporibus ibidem sufficienter accensis certos acquirat de suo proprio redditus, quos assignare propter hoc memoratæ Trevirensi Ecclesiæ in perpetuum teneatur. Super quibus omnibus et singulis confici volumus litteras authenticas, seu publica Instrumenta seriem continentia præsentium, nobis fideliter postmodum destinanda: et ultra hoc quod tam prædicta comitissa, quam milites, domicelli et Beltramus prædicti jejunare per duos annos continuos in ferulis Quadragesimæ, sextis feriis teneantur; eademque comitissa in honorem quinque plagarum Domini nostri Jesu Christi, quinque et quilibet aliorum prædictorum unum pauperes reficiant per duos annos sextis feriis, quibus jejunabunt, ut superius est expressum. Quocirca fraternitati tuæ per Apost. scripta committimus et mandamus, quatenus per te, vel alium, seu alios comitissam milites, domicellos et Beltramum prædictos denuntians ab eadem excommunicationis sententia, cum per eos requisitus fueris, absolutos, quibuscunque aliis ejusdem comitissæ super prædictis captione et detentione complicibus et fautoribus, qui ab eadem sententia petierunt humiliter se absolvi, auctoritate nostra beneficium absolutionis juxta Ecclesiæ formam impendas, etc. Dat. Avin. IV nonas Maii, anno XIV ».

53. *Judeorum facinora, et res Græcorum.* — Hoc anno inventam tradunt ¹ in Judæorum synagoga, quæ in Gustrowensi urbe Wandalie erat, divinam hostiam quatuor crucientam locis, quam Judæi a Christiana muliere coemptam ad exercendam in Christum crudelitatem pugionibus confoderant: dumque eam pungenter, auditus se velut infantis vagitus, neque eo miraculo ad fidem conversi. Sola ex iis Judæa mulier sacro Baptismo lustrata est, illiusque opera relectum postea facinus ac sumptum de Judæis supplicium a Joanne Wandalie principe. Ut vero comperta sit tincta cruore hostia narrat his verbis Crantzius: « Præmisso jejuniis, ac sacra communione cum precibus et assumptionis viris gravibus ex oppidi consularibus, foderunt idcirco demum cum jam obrepisset desperatio, invenerunt vitro lectam populo involutam hostiam quatuor locis crucientam. Advocatur clerus, pulsantur campanæ, in laudes Christi ora laxantur. Capella in loco inventionis de oblationibus accur-

¹ Tom. VII, p. 2. Ep. secr. pag. 34. Serar. Mog. rer. l. v, in Henr. — ² Super. Ep. pag. 74. — ³ An. 14, p. 1. Ep. com. DCXXXII

⁴ Crantz. l. VIII. Vand. c. 8.

rentium erigilur, Ecclesiastica stipendia fundantur ad concinendas Deo laudes. Permansit capella in annum tertium post quingentos ac mille : tum enim confligante oppido ab igne fulguris cum Ecclesia parochiali, deperit in Vigilia Apostolorum Petri ac Pauli ».

Affert idem auctor in ejusdem provincia Magnopoleusis Graeciae oppido haud diu ante commissum a Judæis piaculare crimen in tremendum Christi sacramentum : pyxidem enim multis hostiis refertam furati torserunt alias, alias laniarunt, alias conculcarunt sparseruntque publico itinere, ut a fidelibus calcarentur : « Res, inquit, perlata est ad Gastrowense capitulum. Clerus indicto jejuniu postulavit a Deo revelari, quid factum esset de venerabili sacramento, furemne sacramentum, an argentum ivitasset. Cum deferretur res ad dominum Joannem praesidem, cepit statim suspicari quod erat, jussitque rapi Judæos in quaestiones. Statim falenter crimen, detegunt conscios, corripuntur omnes noxii in provincia, sacratae hostiae quaeruntur in sabulo, crebrescunt miracula, fil populorum concursus, ex piorum instruitur capella, Christo laudes personant, Judæi exquisitis suppliciis fracti rotis necantur ».

Hoc circiter anno creatum Constantinopoli schismaticorum patriarcham Joannem Thessalonicensem, cum Esaias e vivis abiisset indicant Pachmerius¹ et Cantacruzenus. Exercuisse vero Numen in schismaticos iras ob eorum perfidiam, refert Joannes Villanus², Constantinopolitanum nimicum imperatorem trajecto Hellesponto in Graecos, qui Tartaros exciverant, expeditionem duxisse; sed magna clade ab iis profligatum : Turcas vero auctos viribus et audacia mare Aegæum et insulas infestasse, indeque labare Graecorum res admodum cœpisse, cum annis consequentibus conflata numerosissima classe pecora hominesque crudeliter raperent, ac plures insulas vecligales efficerent. Sed quæ ille paucis perstringit, fusius narrat Græci auctores, e quibus hæc decerpimus. Verterat Orchaues Turcarum rex in suam rem Graecorum dissensiones, ad Niceam Bithyniæ urbem principem, Concilio in ea habito celeberram, ac regiam imperatorum Graecorum, dum Constantinopoli Latini potiti sunt, sedem obsidione cinxerat; cum Andronicus junior ad solvendam obsidionem provalavit, alteroque pede sagitta sauciatus, cum se reciperet Philocrenem, ut vulnus curaret, exorta in Graecorum castris subita trepidatione, a trecentis equitibus ad speculandum magis quam pugnandum immissis Græcus exercitus fœdissime est dissipatus; eaque parta victoria, reversus. Niceam barbarus³ urbem infelicem ad deditionem et in servitutem compulit; de qua expugnatione hæc in card. Baronii Notis⁴ reperio : « Nicea Bithyniæ expugnata a

Turcis, a quibus codices, sacræ imagines ac reliquie sanctorum venduntur Constantinopolitanis ». Inde latius victoriam circumtulit Orchaues, Graecorumque in Asia potentia obsolevit.

54. *Gualterus dux in Achaïam parat expeditionem.* — Meditatus est expeditionem in Achaïam Gualterus dux, ut Atheniensem principatum e Catalanae societatis, quæ juncta erat fœdere cum schismaticis, manibus eriperet. Cui Apostolica praesidia impensurus Joannes, fideles propositis indulgentiarum premiis allicere conatus est¹, ut Gualterus in schismaticos signa cruceala attollentem sequeretur : « Dilecti, inquit, filii nobilis viri Walteri ducis Athenarum Brenne et Licii comitis gravi quaestione percipimus, quod nonnulli schismatici perditionis filii et iniquitatis alumni, omnis rationis expertes et detestabiles, solum proprii persecutores arbitri, ducatum Athenarum, qui est antiqua et patrimonialis hereditas dicti ducis, expulsis inde gentibus pro dicto duce morantibus in eodem, hostiliter occuparunt, et detinent occupatum, Ecclesiasticos et personas Ecclesiasticas, ceterosque fideles indigenas et habitatores ducatus ejusdem gravissimis oppressionibus affligentes in divine majestatis injuriam et contemptum, grave fidelium scandalum, et ejusdem ducis enorme et importabile detrimentum : propter quod praefatus dux ejusdem ducatus patrimonio spoliatus ad eripiendum dictum ducatum de manibus schismaticorum occupatorum et de tentorum praedictorum et recuperationem ipsius, ac liberandum Ecclesias et personas Ecclesiasticas, ac fideles indigenas, et habitatores ducatus ejusdem de dictorum schismaticorum manibus et rabie tyrannidis eorundem, et reducendum eosdem in statum pristinae libertatis ferventer aspirans, desiderat conflatis undique viribus ad partes illas, Deo propitio proficisci, etc. » Data est a Pontifice auctoritas Constantinopolitano patriarchæ Latino Corinthiensi, Patracensi et Hydruntino archiepiscopis, ut militiam religiosam professuros crucis symbolo distinguerent, quæ litteræ datæ « Avin. XVIII kal. Julii, anno xiv ».

Solvisse Gualterum Brundisio portu proximo anno, atque expeditionem in Achaïam duxisse irritò exitu, visuri sumus ex Joanne Villano².

55. *Nascarini et alii populi schismatici in Oriente ad fidem Catholicam invitati et traducti.* — Revocandorum ad Ecclesiæ Romanæ sinum omnium schismaticorum, ac veteræ fidei propagaudæ zelo ex Apostolica specula Joannes papa in extremas Orientis oras, in quibus Nascarini Christianas leges colebant, oculos extulit : utque eos ad salutem adduceret, cum nonnulla inter ipsos schismata erroresque pullulassent, Jordanum ex sacra Dominicana familia episcopum Columbensem transmisit : tum paternis litteris ad colendam fidei puritatem, fugiendum schisma, religiosos

¹ Pachym. l. ix. p. 62. col. 1. Cantac. l. ii. c. 21. — ² Jo. Vill. l. x. c. 152. — ³ Laonic. Chalccond. de reb. Turc. l. i. — ⁴ Baron. in Not. Nesc.

¹ An. 14. p. 2. Ep. com. DCXXI. — ² Jo. Vill. l. x. c. 192.

viros, qua par est, observantia prosequendos, est adhortatus¹.

« Joannes, etc. nobili viro domino Nascari-
norum et universis sub eo Christianis Nascari-
nis de Columbo gratiam in presenti, que ducat ad
gloriam in futuro.

« Votis zelamus ardentibus et summis deside-
riis affectamus, ut cunctis mortalibus, quos Dei
Filius Jesus Christus suo sanguine pretioso rede-
mit, caelestis gratiae radius illucescat, et salus
voliva proveniat animarum; ut hostis antiqui,
semper querentis ut noceat, elusa nequitia, su-
pernae beatitudinis gloria, quam non sufficit ca-
pere intellectus humanus, quamque Salvator
noster se diligentibus repromittit, in suavitatis
foecundae dulcedine perfruantur. Hoc etiam pro-
fundius perpetui cura revolvimus. hoc stimus
ardentius, hoc in solidae charitatis ardore crebris
orationibus postulamus, ut inter omnes, quos
regeraverit unda Baptismatis, cesset scissurae
divisio, errorum nebulae fidei claritatem non
maculent, et mentales oculos in Christo creden-
tium et colentium nomen ejus detestabilis schi-
smatis imitatio et temerariae fidei perfidia non
obducatur; sed una sancta Catholica et universalis
Ecclesia Romana, nulla schismatum scissura di-
visa, in unitate fidei orthodoxae sub uno pastore,
et unius ovilis intemerata et solida unione ad
conquirendam ejusdem beatitudinis gloriam feli-
cibus prosperetur eventibus, et gratis successibus
foecundetur.

« Ideoque universitatem vestram rogamus,
monemus et hortamur attente in Domino Jesu
Christo, per ipsius pretiosi asperionem sanguinis
obsecrantes, quatenus venerabilem fratrem nos-
trum Jordanum Catalani episcopum Columben-
sem Prædicatorum Ordinis professorem, quem
nuper ad episcopalis dignitatis apicem auctoritate
Apostolica duximus promovendum, quemque ad
partes ipsas velut fructuosum futurum et utilem, ut
speramus, ad messem nationum ipsarum partium
in horrea Dei unica inferendam, ad dictas partes
providimus personaliter destinandum; necnon
dilectos filios fratres Prædicatorum et Minorum
Ordinum in dictis partibus commorantes, vel
illuc venientes ob reverentiam nostram et Sedis
Apostolicæ habere velitis propensius commenda-
tos: attendentes quod per tam longas maris ter-
raeque distantias praefatus episcopus et fratres, non
absque magnis laboribus et periculis, pro sola
cooperatione divinatorum obsequiorum ad partes
illas accedunt: quos benigne recipientes et chari-
tative tractantes, sacris instructionibus, quas in
doctrina Catholicae fidei vobis facient, vestrarum
mentium aures praebitis devotus, animosque
vestros, quorumlibet schismatum pulsus erroribus,
unitati Catholicae fidei et sanctorum patrum au-
toritatibus in omnibus coaptetis; quoniam id est

summa et immensa universali gregi fidelium
profuturum, si ubique locorum in cunctis fide-
libus, qui gaudent nomine Christiano, unus Deus,
una fides, unum baptisma, una totius mundi
confessione votis concordibus teneatur, etc. Dat.
Avin. VI idus Aprilis, anno XIV». Concepte sunt
eadem verborum formula² ad Molephatanos
littere, praefixo hoc titulo: « Universis Christianis
commorantibus in Molephatam gratiam in præ-
senti, que perducatur ad gloriam in futuro ». Excita-
ti etiam ad servandam incorruptam fidei puri-
tatem confirmandosque ad constantiam animos
fidei immortalitatis spe Christiani, qui in Usbechi
et Elchigaday imperatorum Tartarorum regnis
versabantur³.

« Universis conversis ad fidem Catholicam,
et Catholicis Christianis habitantibus inter infi-
deles et schismaticas nationes in partibus Aquilonis
et etiam Orientis, et specialiter in imperio Usbech
et Elchigaday salutem, etc.

« Gratias agimus Deo nostro quia, sicut grata
et exultabili relatione percepimus, gratia Dei illu-
minati estis, divites facti in revelatione Domini
nostri Jesu Christi, qui et confirmabit vos usque
in finem ambulare in semitis mandatorum ipsius:
fecit enim Dominus in cordibus vestris lucem
splendere ad illuminationem scientiae claritatis
suae, ut habeatis thesaurum spirituales in vasis
fictilibus, ut sciatis quod licet is, qui foris est
noster homo corrumpatur, tamen is qui intus est
renovatur de die in diem; quoniam id, quod in
praesenti est momentaneum et leve tribulationis
humanae, supra modum in sublimitate aeternum
gloriae pondus operatur in nobis, non contemplan-
tibus temporalia quae videntur, sed quae non vi-
dentur aeterna. Amplexantes igitur tempus accep-
tabile vocationis vestrae ad Catholicam veritatem,
nemini dantes ullam offensionem in omnibus
exhibeatis vosmetipsos sicut Dei ministros in
multa patientia, in castitate, in charitate non
ficta, in verbo veritatis, in virtute Dei, per arma
justitiae a dextris et a sinistris, non ducentes jugum
cum infidelibus, et eorum irritantes errores; sed
impietates de ipsorum cordibus evellere studeatis,
illuminantes eos in agnitionem Catholicae verita-
tis: quae enim participatio justitiae cum iniqui-
tate? aut quae societas lucis ad tenebras? aut quae
conventio Christi ad Belial? aut quae pars fidelis
cum infideli? Studeatis ergo vos esse templum
Dei vivi, mundantes vos ab omni inquinamento
carnis et spiritus, perficientes sanctificationem in
timore Dei, perseverantes in bono usque in finem,
etc. » Commendat iisdem fidelibus Thomam
Mancasolani episcopum Semiscatensem ac Prædi-
catori Ordinis religiosos viros, qui in eas oras ad
Evangelium disseminandum excurrunt. « Dat.
Avin. XI kal. Februarii, anno XIV ».

Penetrarunt Evangelici praedicones ad montes

¹ An. 11, p. 1. Ep. com. DCCXVI.

² Regest. ib. — ³ An. 11, p. 1. Ep. com. DCLIX.

Albors, atque in iis innumeram hominum multitudinem e superstitionis tenebris eductam ad sacra baptismalia pellexere. Aggregati itaque ii filiorum Dei numero, a supremo in terris Christi vicario veram fidei puritatem haurire cupidi, sacerdotes peritos ad se ab Apostolica Sede multi poposcerunt. Annuit piis eorum votis Joannes et Guillelmum de Cigiis episcopum Taurisiensem aliosque plures ex memorato Prædicatorum Ordine religiosos viros, qui ipsos Evangelica lege imbuerent, tum orthodoxæ fidei formam, quam Romana Ecclesia proficitur, transmisit¹:

« Universis Christianis habitantibus in montibus de Albors, gratiam in presenti, quæ perducat ad gloriam in futuro.

« Patri luminum et perennis gloriæ largitori corde devoto gratiarum referimus, quantas possumus, actiones, qui sicut eum ingenti mentis exultatione percipimus, vobis dudum in tenebris ambulantibus revelavit veræ Catholicæ fidei lucem magnam, et nebula gentilis erroris eductos ad veritatem Catholicam misericorditer evocavit, et traxit in agnitionem Filii sui Domini nostri Jesu Christi, qui per lavacrum regenerationis abluit, et mundati ab inquinamento pristinae vetustatis, in novitate vitæ Domino complacitis parati, sicut lætanter audivimus, doctrina veræ Catholicæ fidei, quam tenet, docet et prædicat sancta Romana Ecclesia, doceri et instrui, si vobis magistri et directores in fide ab eadem sacrosancta Romana Ecclesia destinantur.

« Ecce igitur vestris in hac parte desiderii annuentes, vosque gerentes in visceribus charitatis, ac confidentes, quod qui cepit in vobis opus bonum, perficiet usque in diem Domini nostri Jesu Christi, venerabilem fratrem nostrum Guillelmum de Cigiis episcopum Taurisiensem et dilectos filios fratres Ordinis Prædicatorum, viros utique magnæ religionis et vitæ et in lege Domini eruditos, ad vos providimus destinandos; rogantes et obsecrantes vos in eodem Domino nostro Jesu Christo, quatenus attendentes, quod per tam longas maris terræque distantias præfatus episcopus et fratres, non absque magnis laboribus et periculis, pro sola cooperatione et promotione divinorum obsequiorum ad partes ipsas accedunt, eos ob divinam et Apostolicæ Sedis reverentiam benigne recipere, gratanter amplecti, instructionem eorum in fide et Evangelicæ eruditionis doctrinam aure mentis audire, eorumque prædicationibus firmam credulitatem impendere, fidem auditam et creditam vestris operibus comprobare, gratia Dei ad vos perveniente et subsequente efficaciter studeatis. Ut autem ipsius fidei series vobis plenius innotescat, eam vobis annotatam præsentibus destinamus, quæ talis est. Et quidem credimus sanctam Trinitatem Patrem, Filium, et Spiritum sanctum, etc. » Concepta est iisdem

verbis hæc fidei formula, atque illa quam antea a Clemente IV¹ ad Palæologum, et a Joanne² ad Leonem regem Armeniæ, transmissam vidimus: ea porro repetita, addit has preces Pontifex.

« Ideoque universitatem vestram rogamus et hortamur attente, quatenus meditatione sedula cogitantes, quod fragilis est et caduca humanæ naturæ conditio, plena periculis, exposita casibus, instabilis status ejus; considerantes etiam, quod a lege mortis mordentis omnia nullo excluditur, prompti assurgite, præsto vos offerite, et parati accedite ad agnitionem Christianæ fidei et salutis, quæ provenit ex Baptismatis sacramento, ad laudem divini hominis vestraque salutis profectum, et augmentum fidei supradictæ, ut lucis suæ radio illustrati vos solerter exerceatis ad ejus fines laudabiliter amandos, ut post vitæ præsentis excursum a porta inferi liberati ejus diros cruciatu penasque gravissimas evitatis, æternæ beatitudinis præmia perpetuis duratura temporibus adepturi. Dat. Avin. X kal. Februarii, anno XIV ».

56. *Patriarcha Jacobitarum ad unitatem Ecclesiæ redit.* — Hortatus etiam est Pontifex Marforianum Jacobitarum patriarcham³, ut creditis ipsius pastoralis curæ populos ad conjunctionem cum Romana Ecclesia revocaret, et Prædicatores ac Minoritas ad gentes missos studiis suis completetur.

« Joannes, etc. Marforiano Jacobitarum gratiam in presenti, quæ perducat ad gloriam in futuro.

« Circumspectionem tuam monemus, rogamus et hortamur attente, te in Domino Jesu Christo per aspersionem sui pretiosi sanguinis obsecrantes, quatenus diligenter attendens, quod tibi crescit ad meritum, accedet ad gloriam atque famam, si datum tibi desuper fuerit, ut tu et populus tibi subditus directionis tuæ studio ad unitatem ejusdem Catholicæ et universalis Ecclesiæ revertamini, extra quam non est gratia neque salus, te et prædictum populum habitare et reducere studeas ad ejusdem Catholicæ et sacrosanctæ Romanæ Ecclesiæ perpetuam et inviolabilem unionem, ac dilectos filios fratres Prædicatorum et Minorum Ordinum ad partes ipsas venientes, vel morantes in eis, vel per illas transitum facientes charitative recipias et benigne pertractes; et maxime venerabilem fratrem nostrum Guillelmum de Cigiis episcopum Taurisiensem, quem ad Dei laudem et gloriam, et pascendum gregem fidelium in partibus illis prædicationis verbo pariter et exemplo Ecclesiæ Taurisiensi præfecimus in pastorem, etc. Dat. Avin. X kal. Febr. anno XIV ».

57. *Joannes Core creatus archiepiscopus Soltaniensis.* — Consulturus etiam Pontifex aliis Orientalibus Ecclesiis, Soltaniensi archiepiscopa-

¹ Annal. tom. X.V. an. Chr. 1267, num. 75. — ² Tom. XV. an. 1318. num. 10 et seq. — ³ An. 14. p. 2. Ep. com. LXIV.

¹ An. 14. p. 1. Ep. com. CCCXXXV.

tui in Persico imperio præfecit Joannem Core Ordinis Prædicatorum dato ad eum subjecto Diplomate ¹:

« Joannes, etc. dilecto filio Joanni de Core electo Soltaniensi.

« Te de fratrum nostrorum consilio Soltaniensi Ecclesie in imperio imperatoris Persidis constitutæ, tunc vacanti, providinus, præficientes te illi in archiepiscopum et pastorem, curam et administrationem ipsius et sollicitudinem animarum, quæ subduntur eidem, tibi in spiritualibus et temporalibus plenarie committentes, prout in nostris litteris inde collectis plenius continetur. Ut igitur postquam munus consecrationis Deo auctore susceperis, pallio in quo Pontificalis officii plenitudo, quod archiepiscopalis nominis appellatone confertur, etiam decoretis, hujusmodi pallium insigne plenitudinis videlicet ejusdem officii de corpore B. Petri sumptum, per venerabiles fratres nostros Thomam Semiscatensem et Jordanum Columbensis episcopos suffraganeos tuos ejusdem Ordinis professores tibi tuisque successoribus archiepiscopis Soltaniensibus, qui erunt pro tempore, per aliquem ipsorum, qui principaliter tibi et cisdem successoribus munus consecrationis impendet secundum formam in aliis nostris litteris annotatam, duximus destinandum, etc. Dat. Avin. XIV kal. Martii, anno xiv ».

Cum in eodem Soltaniensi archiepiscopatu in Persico imperio accepisset nonnullos præsules Ecclesiarum administrationem ritu canonico non suscepisse, alios vero sacris ordinibus non rite initiatos, ut his mederetur malis, Soltaniensi archiepiscopo et suffraganeis episcopis partes dedit ², ut Apostolica auctoritate non adnotos canonice Ecclesiis orthodoxæ fidei, nuncupata professione et formula præscripta, iisdem vel aliis Ecclesiis præficerent; alios sacris ordinibus non rite initiatos sacrarent. Demandata etiam est Sevastopolensis Ecclesia Petro Geraldo episcopo designato ³, ut Evangelium propagaret: atque Galipolitana Miletio ⁴, qui tunc Philippo principi Tarentino ejusque Philippo Romanie despoto commendatus est ⁵.

58. *B. Ivois virtutes et miracula.* — Efflorescente in dies editarum a divino Numine ad B. Ivois Britannii sacerdotis preces caelestium virtutum gloria, excitatus hoc anno est a Gallo rege, duceque et clero Britannico Joannes papa, ut patrata viri sancti meritis miracula in religiosum examen adduci juberet, qua de re jam ante Clementem V. per recte preces fuerant, atque apud Joannem patre ab ecorenter Pontificatu repetite. Ab ipso itaque ea provincia hisce præsulibus demandata est ⁶.

« Venerabilibus fratribus Lemovicensi et Engolismensi episcopis, ac dilecto filio abbati mona-

sterii S. Martini de Troartio Baiocensis diœcesis salutem, etc.

« Exultant et gaudent in celis animæ beatorum qui Christi vestigia imitando, in asperitate vite carnis vitia debellarunt. Exultat profecto Creator æternus, cum suam humani generis creaturam post triumphum de carnis nexibus habitum conspiciat palman gloriæ meruisse. Exultat nec immerito, angelica turba cælorum, cum terrenorum incolam, terræ tenebris cultu fidei et devotionis splendore fugatis, caelestis patriæ civem factum, et compatriotam supernorum civium innotuer. Decet igitur ut exultent ingentibus gaudiis cuncti Christicolæ, dum quis, pro Christi nomine mundanis spretis illecebris, se pennis virtutis erigens sic profecit, quod accepit post præsentium cursum dierum bravium et habitaculum in excelsis. Sane dudum, quod non sine laudis jubilo digne lati referimus, dilectus filius nobilis vir Joannes dux Britannie et quamplures aliæ magnæ reputationis personæ illarum partium tam felices recordationis Clementi papæ V prædecessori nostro, tunc viventi, quam post ejusdem prædecessoris obitum, nobis dispositione divina ad apicem summi apostolatus assumptis, de meritis sanctitalis et vite, quibus recolendæ memoriæ Ivo Ilacory presbyter Trecorensis diœcesis, dum in humanis ageret, respelundisse dicitur, ac de miraculis, quæ ad sepulchrum ipsius, cujus corpus in Trecorensi Ecclesia requiescit, virtutum Dominus fertur jugiter operari, per litteras suas laudabile testimonium perhibentes; per speciales nuntios et litteras nobis humiliter supplicarunt, ut de hujusmodi vita et miraculis auctoritate Apostolica mandaremus inquiri. Ac subsequenter idem dux et nonnullæ aliæ magnæ estimationis personæ partium earundem post præmissarum supplicationum instantiam iteratis vicibus, per suas litteras similes preces super præmissis nobis duxerunt humiliter porrigendas, ut de vita et miraculis supradictis, quæ non solum continuabantur sed magnificabantur assidue per diligentem indaginem certitudine habita decerneremus eum honorandum in terris, quem in caelis Dominus honorabat. Ac nuper charissimi in Christo filii nostri Philipus rex et Joanna regina Francie illustres, necnon multi archiepiscopi et episcopi ac abbates, et alii prælati regni Francie, universitas quoque doctorum et scholarium studii Parisiensis, idemque dux per alias eorum litteras: ac insuper venerabilis frater Ivo episcopus Trecorensis et dilectus filius nobis vir Guido de Britannia, eximie devotionis zelo ad Sedem Apostolicam personaliter accedentes, ad nostri Apostolatus auditum devotis insinuationibus deduxerunt, quod idem Ivo presbyter sic, dum vixit, proprium mandatis divinis subiecit arbitrium, sique contemptis mundi deliciis et mundanis omnino affectibus relegatis se Deo gratam et acceptabilem hostiam immolaret, quod per ipsius grandia præcelsaque

¹ An. 11, p. 2, Ep. com. ALI. — ² Jo. an. 11, p. 1, Ep. DCLX.

³ Ibid. Ep. DCLXIII. — ⁴ Ibid. Ep. DCLXIV. — ⁵ Post eand. Ep.

— ⁶ Ext. Jo. litter. apud Bæbe. III. an. 3. p. 2, Ep. com. CCXXVII.

merita et multa et evidentiâ miracula Dominus operatur.

« Licet igitur dignum existat, ut humanis laudibus reverenter extollatur in terris, quem providentiâ divinâ sublimitas propter ejus vitæ merita elementer honorari voluit in excelsis, nosque per hujusmodi grandia testimonia non modicam informationem receperimus de præmissis; volentes tamen super his cum omni, qua possumus, cautela procedere, et omni in hac parte maturitate servata investigare sollicite veritatem, discretioni vestræ, de qua plenam in Domino fiduciam oblinemus, per Apostolica scripta mandamus, quatenus vos vel duo vestrum in loco vel locis, ubi expedire videritis, de vita et conversatione ac miraculis ejusdem Ivonis presbyteri ceterisque circumstantiis, hujusmodi negotium tangentibus juxta formam, quam vobis sub Bulla nostra mittimus interclusam, inquiratis diligentius veritatem, et quæ super præmissis inveneritis, fideliter in scriptis redacta sub sigillis vestris per viros idoneos ad Sedem Apostolicam destinetis, ut per investigationem vestram fideliter instructi, sicut res exigit et expediens visum fuerit, securius in ipso negotio procedere valeamus. Dat. Avin. IV kal. Martii, Pontificatus nostri anno XIV ». Cum hoc Diploma ad memoratos præsules transmissum perisset, a Benedicto postea ex Autographo excerptum ac promulgatum est, idemque munus

iis præsulibus impositum. Extant porro ejus vitæ Acta fide dignissima apud Surium, ut is ab ineunte ætate se totum Deo addiderit, scientiisque excellentibus ab episcopo Trecorensi adhibitis ad Ecclesiasticas causas dirimendas in eo munere integerrime jus dixerit: et quoties adversus aliquem sententiam graviolem promeret, lacrymis manare visus sit; deinde a rerum forensium usu ac strepitu se subducere meditatus, parochiæ administrationem suscepit, in qua singularem animarum sibi commissarum curam gessit; ac pupillorum et viduarum clientelam capessivit adeo, ut ad eos ab injuriis lites moventium vindicandos, cum juxta eorum causa esset, ipsam suis urgeret sumptibus sine illa prævii spe, adiret judicum tribunalia ac patronum ageret. Tanto vero pauperes amore complectebatur, ut sua in iis pascendis exhauret, atque in summa annonæ inopia pauculos panes, qui supererant, cum ipsis partiretur: cui tamen divina providentiâ multiplicatis panibus non defuit. Carnem castissimam assiduus jejuniis durissimo lecto pœnisque voluntariis macerabat; mentem vero celestium rerum contemplatione reficiebat: quibus virtutibus adeo divini Numinis gratiam est promeritus, ut ad ejus preces maximas cœlestes virtutes ediderit. Denique instructa pro illo in sanctorum numerum referendo actione judiciaria Clemens VI celestium honores Ivoni decrevit, ut suo loco dicetur.

JOANNIS XXII ANNUS 16. — CHRISTI 1331.

1. *Marsilii et Janduni errores a Pontifice excisi et damnati.* — Prostrato feliciter schismate in Petro Corbario ad veri Pontificis obsequia, ut vidimus, reverso, Joannes revocandis ad Ecclesiæ sinum aberrantibus atque hæresum, quæ una cum schismate propagatæ fuerant, reliquiis excindendis, anno a redemptione humani generis millesimo trecentesimo trigesimo primo, Indictione decima quarta, operam dedit: Marsilius enim et Jandunus hæresiarchæ Ludovici Bavari assentatores, ut Romani Pontificis et episcoporum majestatem labefactarent, omnibusque bonis exutos in eum statum redigerent, in quo sub persecutoribus Christiani nominis fuerant jandiu consti-

tuti, fœdissimos errores sparserant, quos licet Apostolica Sedes ex sacris oraculis confutasset, et Petrus Corbarius schismatis signifer ejurasset: nonnulli tamen ea venena adeo imbibebant animis, ut ad extinguendum nefas censoribus fidei in ejusmodi hæresibus contaminatos animadvertendum fuerit; quare hæc ad Aquensem archiepiscopum et suffraganeos episcopos datæ litteræ¹, quas fuisse Encyclicas ad alios præsules missas maximo argumento est.

« Joannes, etc. archiepiscopo et suffraganeis

¹ Tom. VIII. p. 2, Ep. secr. pag. 161. et Bullar. select. Jo. XXII. Ms. Arch. Val. sig. lat. A. pag. 132.

et inquisitoribus hæreticæ pravitatis in provincia deputatis.

« Dudum ad audientiam nostri Apostolatus multorum insinuatione perducto, quod nonnulli homines in reprobum sensum dati, præsertim religiosi habitu, sed revera hæretici, et ab unitate Catholice Ecclesiæ separati, hæresim per nos olim, deliberatione cum fratribus nostris S. R. E. cardinalibus, ac multis archiepiscopis et episcopis, aliisque Ecclesiarum prælatis, necnon et compluribus sacræ theologiæ magistris et utriusque juris professoribus præhabita diligenti, ac de consilio fratrum ipsorum damnatam, videlicet quod Christo et ejus Apostolis in iis, quæ ipsos habuisse Scriptura sacra testatur, habuerunt tantummodo absque jure aliquo simplicem usum facti, approbare, dogmatizare ac defendere temerariis ac periculosis ausibus præsumelant; nos ne tales homines perfidi divino et humano timore vacui gloriarentur, suæ pravitatis opera sine condignis meritorum stipendiis præteriti, omnes et singulos, qui postquam Constitutiones nostræ super prædictis editæ ad eorum pervenissent notitiam, vel per eos quominus possent pervenisse stetisset, hæresim condemnatam hujusmodi ausi essent defendere, approbare, seu etiam dogmatizare, aut tenere publice vel occulte, hæreticos declaravimus, sicut per Constitutionem nostram, quæ incipit, *Quia quorundam*, duximus alias declarandos; et arbitantes dignum existere, quod tales perversi homines ejusmodi non fruerentur privilegiis (concessis per Sedem Apostolicam) a cuius se subtrahabant obedientia, quamque impinguare nequiter satagebant, ipsos omnibus et singulis tam exemptionis quam aliis quibuscunque privilegiis et gratiis, libertatibus et immunitatibus, tam ordinibus suis quam locis et personis eorum sub quacunque forma vel expressione verborum ab Apostolica Sede concessis, auctoritate Apostolica omnino privavimus: et præter pœnas alias, contra talia præsumentes inflictas, quibus ipsos subjacere volumus, privatos perpetuo, et ordinariæ jurisdictioni ordinariorum locorum quoad causas et alia omnia decrevimus esse subjectos.

2. « Sane quia, sicut fide digna, licet infesta, plurimum relatione percipimus, adhuc nonnulli eorum, (fuisse in eo numero Michael-em, Ochamum, Bonamgratiam, ex lata a Minoritis in ipsos judiciaria sententia inferius alludenda constat,) ausu damnabili et nefando tam prædictam damnatam hæresim, necnon et quosdam erroneos et hæreticos articulos, periculosos errores et hæreses detestabiles continentes: videlicet quod illud, quod de Christo legitur in Evangelio B. Matthæi, quod ipse solvit tributum Cæsari, quando staterem sumptum ex ore piscis iis, qui pecebant didrachma jussit dari, hoc fecit non condescensive et liberalitate suæ pietatis, sed necessitate coactus; item quod B. Petrus Apostolus non fuit plus caput Ecclesiæ, quam quilibet aliorum Apostolorum,

nec habuit plus auctoritatis quam habuerunt alii Apostoli; et quod Christus nullum caput dimisit Ecclesiæ, nec aliquem vicarium suum fecit, quodque papam corrigere et punire, ac instituere et destituere ad imperatorem asserunt pertinere; et adhuc quod omnes sacerdotes sive sit papa, sive sit archiepiscopus, sive sacerdos simplex quicumque, sunt æqualis auctoritatis et jurisdictionis ex institutione Christi, sed quod unus habeat plus alio, hoc est secundum, quod imperator concessit plus vel minus, et sicut concessit; potest etiam revocare; præterea quod papa vel tota Ecclesia simul sumpta nullum hominem, quantumcumque sceleratum, potest punire punitione coactiva nisi eis imperator tribuerit potestatem; quos quidem articulos et quamcumque scripturam continentem eosdem, velut sacræ Scripturæ contrarios, et fidei Catholice inimicos hæreticos, seu hæreticales et erroneos; ac omnes et singulos cujuscumque dignitatis, ordinis, conditionis aut status existent, qui prædictos articulos, aut scripturam eos continentem, quoad præmissa præsumerent defendere vel etiam approbare; ab omnibus confundendos velut hæreticos olim duximus de dictorum fratrum consilio declarandos et nihilominus dilectus filius Petrus de Corbario Ordinis fratrum Minorum, olim hæresiarcha et schismaticus, qui errores et hæreses prædictos approbaverat et tennerat diabolica suggestione deceptus, eos postmodum ad lucem veritatis reductus in nostra et eorundem fratrum nostrorum, necnon magnæ cleri et populi multitudinis præsentia sponte abjuravit, anathematizavit, reprobatum et fuit detestatus expresse in diversis mundi partibus defendere, dogmatizare ac approbare præsumunt, fideles secum in eosdem errores et hæreses trahere, non absque divinæ majestatis contumelia, fidei læsione Catholice, ac multorum periculis velut ministri Sathane molientes; nos tales, quos timor Dei a malo non revocat, pœnæ saltem formidine severitateque disciplinæ a suis hujusmodi nequissimis excessibus retrahere cupientes, discretioni vestræ in virtute sanctæ obedientiæ per Apostolica scripta districtius injungendo mandamus, quatenus contra omnes et singulos cujuscumque dignitatis, ordinis, conditionis aut status existant, prædictas damnatas hæreses vel earum aliquam approbantes, defendentes, aut dogmatizantes, publice vel occulte, quos omnibus et singulis tam exemptionis quam aliis quibuscunque privilegiis Apostolicis eis, vel eorum ordinibus, aut locis communiter vel divisim, sub quacunque forma vel expressione verborum concessis, privavimus auctoritate Apostolica, et adhuc etiam tenore præsentium eadem auctoritate privamus: necnon et contra suspectos de prædictis, seu eorum aliquos summarie simpliciter, et de plano, tanquam adversus hæreticos, seu fautores et defensores hæresum soleriter et fideliter vos, fratres archiepiscopo et suffraganei, vestrique vicarii et officiales vestri ordinarii,

vosque filii inquisitores auctoritate Apostolica juxta statuta canonum et privilegia concessa inquisitionis negotio tam a captione personarum, quam ad sententiam procedatis, invocato ad hoc, si necesse fuerit, auxilio brachii secularis, non obstantibus quibuscumque privilegiis, indulgentiis et litteris Apostolicis, per quæ vestra vel alicujus vestrum jurisdictione posset circa præmissa, vel ea quomodolibet tangentia impediri, etiamsi de illis esset in præsentibus specialis et expresse de verbo ad verbum mentio facienda, quæ quoad hoc nulli volumus suffragari; sic vos super prædictis soleriter et fideliter habituri, quod præter plenius mercedis præmium, quod inde merebitur, nostram et ejusdem Sedis gratiam uberiori assequi valeatis. Dat. XII kal. Febr. an. xv » (1).

3. *Thomasius, antipapæ capellanus, ejusque schisma.* — Inter alios, qui disruptis schismaticis laqueis ad Ecclesiam supplices confugere, Thomasius, qui Petri e Corbaria capellanus se gesserat, commissum piaculum deflevit: cumque senio morboque affectus enriam non posset adire, et misericordiam imploraret, data est a Pontifice Joanni card. Ursino A. S. L. provincia, ut eum rite absolveret, ea pœna injuncta, quæ in subjecto Diplomate describitur¹:

« Joannes, etc. Joanni S. Theodori diacono cardinali.

« Discretionis tuæ, de qua plenam in Domino fiduciam gerimus, per Apostolica scripta committimus et mandamus, quatenus si est ita, eundem Thomasium, recepto prius ab eo corporaliter tacto libro, ad sancta Dei Evangelia juramento, quod non credit nec credidit quod creatio vel depositio summi Pontificis spectet vel spectare debeat ad imperatorem: sed hoc hæreticum reputavit et reputat, et hæresim damnatam per Ecclesiam, quam et ipse quantum in eo fuit et est damnat; et quod prædictam hæresim vel aliquam aliam nunquam tenebit, docebit aut scienter dogmatizabit, et vitabit consortium et familiaritatem Ludovici de Bavaria hæretici et schismatici, aliorumque hæreticorum et schismaticorum et sequacium ipsorum, denotatorum et denotandorum ab Ecclesia, dum in hæresi, schismate, factoria et sequela hujusmodi perdurant; et quod nobis ac successoribus nostris canonice intransitibus fidelis et obediens erit; et quod hujusmodi crimina, quæ confessus est, et iis similia non committet, nec Ludovico prædicto, dum in hæresi seu schismate

vel Ecclesiæ rebellionem durabit, vel aliis hæreticis et schismaticis per Ecclesiam denotatis, seu denotandis, seu quibuscumque aliis ipsius Ludovici sequacibus denotatis vel denotandis nullo unquam tempore adharebit ». Et infra: « Juxta formam Ecclesiæ absolvas: et super irregularitate per eum contracta ex eo, quod se non tamen, in contemptum clavium divinis immiscuit misericorditer dispenses, eumque restituas ad eam et bona; non tamen ad beneficia Ecclesiastica, quæ antea obtinebat: sed eum dumtaxat habiles ad obtinendum beneficia Ecclesiastica consimilia illis, quæ obtinere antea noscebatur, dummodo in illis Ecclesiis non existant, in quibus prima beneficia, quibus per processum nostrum contra tales habitos propterea privatus existit, antea obtinebat: eum nihilominus usque ad annum, a die absolutionis, dispensationis et habilitationis hujusmodi computandum, ab officio divino suspendas, injungens eidem, ut infra dictum annum in quatuor locis solemnibus, videlicet in Basilica principis Apostolorum de Urbe, et monasterii S. Pauli prope Urbem, ac S. Joannis Lateranensis, et S. Marie Majoris de dicta Urbe Ecclesiis, in singulis earum videlicet singulariter, quamprimum in eis solemnitatibus festivitates occurrant et fidelium inibi aderit multitudo, reatus suos et culpas publice et alta voce confiteatur et dicat, etc. Dat. Avin. IX kal. Julii anno xv ».

4. *Instaurata Edicta in Fraticellos, et in sectam Clarenorum.* — Ut paterna pietate collecti Ecclesiæ gremio qui redibant ad officium, ita animadvertum in alios, qui in pertinacia obdurecebant. Irrefutii erant privati erroribus nonnulli hypocritæ, fratres de paupere vita vulgo nuncupati, qui a Pontifice alias ita descripti fuerunt²: « Fratres Minorum Ordinis professores sacram religionem B. Francisci confessoris egregii sub despecto habitu parvisque capitulis ostentantes, viri utique fugitivi, nec minus apostatæ; quærentes a jugo religionis colla subducere et debitum regularis effugere discipline, columbinæ simplicitatis speciem præ se ferentes exterius, et callidi hostis astutias interiori preferentes ». Erant ex ea nimirum pseudominoritarum illuvie, qui S. Francisci pura et incorrupta instituta ex candida et literali vocum interpretatione observare gloriabantur, in quos vetera Edicta instaurata fuerunt³.

¹ An. 15. p. 4. Ep. com. DCCCLXXVIII.

² Jo. an. 1. Ep. cvi. Ext. etiam apud Wad. an. 1317. num. 10. — ³ Bull. Jo. XXII. Ms. arch. Vat. sig. lat. A. pag. 129.

(1) Cum Marsilii de Padua, et Joannis de Janduno nomina hic in Annalibus recurrant, admonendos lectores censeo, Jandunum jam inde ab aucto superioris sive obisse, sive a Bavaro recessisse. Id mihi ex conjectura potius suggeritur, quam certo aliquo argumento constat. Hanc vero conjecturam suppleant litteræ Joannis pape ad Joannem Bohemiæ regem datæ die 11 kal. Augusti, Pontificatus sui anno XIV, id est, anno MCCXXX ». In iis enim Ludovico in crimen vertitur, quod apud se detineat *Jacobum Castellanicum* episcopum; item *Michaellem de Casena*, et *Gulielmum Kom Anglicum, Bonagratiann de Pergano* (Bergomensem, quem in aliis litteris apud Martine conversum, id est, nullo clericali iudicio, appellat) ac denique *Marsilium de Padua*. Janduni non meminimus, cui s. omissionis nulla aprior succurrit ratio, quam quod obierit, vel ab illo recesserit. Recessisse tamen potius, quam obisse puto, cum in litteris ad Ben. de anno XII, legendis in Annalibus ad an. MCCXXXVI, spondeat Ludovicus se pro viribus insectaturum Joannem de Janduno et Marsilium de Padua, nisi ad Ecclesiæ obsequium redierint.

« Joannes, etc. venerabilibus fratribus archiepiscopo ejusque suffraganeis, et dilectis filiis inquisitoribus hereticæ pravitatis in eis partibus auctoritate Apostolica deputatis.

« Processus contra Fraticellos.

« Dudum ad audentiam Apostolicam Sedis multorum insinuatione perducto, quod nonnulli profane multitudinis, qui vulgariter Fraticelli, seu fratres de paupere vita, aut Biziochi, sive Bighini, vel aliis nominibus, nuncupantur in partibus Italie, necnon in insula Sicilia, comitatu Provinciae, Narbonensi et Tolosana civitatibus et diocesis ac provinciis, aliisque cismarinis partibus contra sacros canones habitum novæ religionis assumere, congregationes et conventicula facere, et superiores sibi ipsis eligere, quos ministros, seu custodes, vel guardianos aut nominibus appellant aliis, plurimos ad eorum sectam recipere, in quibus habitant in communi, publice mendicare, quasi eorum secta una de religionibus per Sedem Apostolicam approbatis, temeritate damnabili præsumperant et præsumebant etiam incessanter; et ut ipsorum error veritas, et impietas religio putaretur, plurimi eorum regulam Ordinis fratrum Minorum, quam sanctus Franciscus instituit, se profiteri ad litteram observare fingeant, quamquam sub obedientia generalis vel provincialium ministrorum ipsius Ordinis minime morarentur, prætendentes se a sanctæ memorie Cælestino V prædecessore nostro hujusmodi status, seu vite privilegium habuisse (confirmatam a Cælestino monasticam eorum disciplinam, et vocatos pauperes eremitas domini Cælestini, contendunt nonnulli, et Clarenum congregationem fuisse hujusmodi; at illi advertant quid subjiciat Pontifex) quod tamen, etiamsi ostenderent, non valerent, cum felices recordationis Bonifacius papa VIII, prædecessor noster ex certis causis rationabilibus omnia privilegia ab ipso Cælestino concessa, quæ per ipsum Bonifacium non contingeret approbari, vacuasset viribus, nec dictum privilegium inveniretur per eundem Bonifacium approbatum; nos attendentes, quod in errorum barathrum facilius ruunt, qui conceptus proprios patrum diffinitionibus anteponunt, ipsorumque quamplurimi, sicut nobis fide digna innotebat relatio, a veritate Catholice fidei deviant; contra sectam, ritum et statum hujusmodi auctoritate Apostolica de fratribus Minorum consilio processimus sub hac forma: Joannes etc. ad perpetuum rei memoriam, Sancta Romana atque universalis Ecclesia, etc.»¹ Extat hæc sanctio inter Extravagantes, hæc temporis nota consignata, « Dat. Avin. III kal. Januar. Pont. nostri an. II ».

Tum subjicit :

5. « Sane quia sectam præfatam non resurgere, sed abolitam remanere perpetuo, prædictamque inviolabiliter observari sententiam plenè consideris affectamus, ad quod expedire plurimum

credimus, processum et sententiam hujusmodi sæpius præsentem fidelium multitudinem publicari; discretionem vestram per Apostolica scripta in virtute obedientie districtius injungendo mandamus, quatenus vos fratres archiepiscopi et suffraganei per vos vestrosque subditos et alios viros religiosos et seculares, exemplos et non exemplos, de quibus vobis videbitur (quos ad hæc non obstantibus exemptionis et quibusvis aliis privilegiis eis, vel eorum ordinibus, aut locis sub quacunque forma vel expressione verborum concessis, compellere per censuram Ecclesiasticam appellatione postposita valeatis) singulis diebus Dominicis ac festivis in Ecclesiis et locis vestrarum civitatis et diocesis, ac in sermonibus publicis, de quibus expedire cognoveritis, eosdem processum et sententiam, dum clerus et populus ad divina vel sermones audiendos conveniant, publicantes, omnes et singulos sectam hujusmodi observantes generaliter, necnon nominatim illos, de quibus vobis summarie, simpliciter et de plano, ac sine strepitu et figura judicii constitit in præmissis incidisse sententiam excommunicatos denunciare singulis diebus Dominicis et festivis in eisdem Ecclesiis, locis et sermonibus publice procuretis. Et quia sine fautoribus et receptatoribus diu pestilentes homines hujusmodi latere non poterunt, nec durare, diebus Dominicis et aliis solemnibus, præsentem fidelium multitudinem copiosa, sub excommunicationis poena et aliis, quos fautoribus et receptatoribus talium per jura canonica sunt inflicta, ut a fautoria, receptatione ac defensione illorum publica et occulta debeant abstinere moneatis et efficaciter inducatis, contra non parentes monitioni hujusmodi ad denuntiationem inflictarum comminationum pœnarum hujusmodi et alias, prout expedire videritis, vos archiepiscopi suffraganei vestra ordinaria, vosque filii inquisitores Apost. auctoritate simpliciter et de plano, absque strepitu et figura judicii vestri, secundum statuta canonum et privilegia concessa inquisitionis officio procedentes, invocato ad hoc, si necesse fuerit, auxilio brachii secularis. Datum Avin. XIV kal. Martii, anno XV ».

6. Proruperat eo impietatis hujusmodi hypocritarum fax, ut licet sacerdotio non essent initiati, simplices plebeios ad sacram exhomologesim admitterent, atque ad eos pellicendos inanes indulgentias pollicerentur. Præerat hujusmodi Fraticellis, qui diversam longe ab aliis Hermannis, Dulcinique, vel Apostolicorum impurissimis fraterculorum factionibus sectam adulterinæ sanctitatis specie ex litterali eaque in sensum nefarium detorta Franciscani instituti interpretatione delusi, imbutique nefaria Petri Joannis Olivi, (qui licet a Minoritano Ordine non se divulerit, aliis tamen illius discindendi causam suis erroribus præbuit) doctrina conflagrant, Angelus e valle Spoleтана laicus, improbe susceptæ sententiæ ad insaniam adductus : in quem Pontifex Melphisensem episco-

¹ Extravag. Sancta Romana de relig.

pum legibus agere imperavit, commissaque ab illius nequitiae sociis flagitia ita exposuit¹:

« Joannes, etc. episcopo Melphicensi et iniquisitoribus haereticæ pravitalis, in partibus regni Siciliae et terris citra pliarum auctoritate Apostolica deputatis.

« Ad nostri Apostolatus auditum perduxit nuper insinuationi displicibilis et infesta, quod quidam ministri Sathan, perditionis filii, et maledictionis alumni, qui se fratres de paupere vita faciunt vulgariter appellari, quamvis eorum secta jandudum per Sedem Apostolicam fuerit perpetuae prohibitioni subjecta, se in illis partibus sub ducatu cujusquam nequam hominis, videlicet Angeli de valle Spoleana, idiotæ utique et quasi litterarum ignari, qui se caput seu magistrum ipsorum nominat, congregant et congregant incessanter; et gentes sub pelle ovilla rapacitatem lupinam, ut subtilius et facilius decipere simplicium animas valeant, varias haereses et errores, quibus ipsi respersi dicuntur, disseminare in divinae majestatis offensam periculose nimium moluntur; falsas pronuntiantes indulgentias et plures personas ad confessionem sacramentalem, licet claves non habeant, animas decipiendi damnabiliter admittentes, et alia detestanda varia in suarum animarum periculum, et plurimorum scandalum committentes.

« Cum autem talibus, ne crescant haereses et errores hujusmodi, sed extirpentur potius antequam per intensionem coalescant in segetem, sit ocyus obviandum, discretioni vestrae per Apostolica scripta committimus et mandamus, quatenus adversus predictum Angelum, et alios ejus complices in hac parte secundum sanctiones canonicas et privilegia concessa inquisitionis haereticæ pravitalis officio, solerti adhibita diligentia, taliter providere, invocato ad hoc, si necesse fuerit, brachii secularis auxilio, studeatis, quod haereses et errores predicti extirpentur radicitus, et fides Catholica conservetur illaesa, etc. Dat. Avinion. X kalend. Decembris, anno xiv ».

7. Meminere Minorum Annales² cujusdam Angeli nuncupati Clarenî, secte illius, quæ Cælestino V Pontifice oborta est, et S. Francisci instituta purissima colore jactabat, sequæ a sociorum, tanquam apud eos pietas delloresceret, consortio divulgasset, promotoris; quique Liberato in secta condenda socio successit in magistratu: et si ea, quæ refert Franciscana historia cum iis, quæ ex Jordano suo loco attulimus³ de Liberato et Angelo factionis Fraticellorum seu fratrum de paupere vita, quam Bonifacius damnavit, conditoribus conferamus, non dispar studiis reperietur Angelus idiota et haereticus, quem Pontifex superiori Diplomate exagitat: nam primo Angelum Clarenum

in illa ipsius historia fertur⁴ non fuisse sacerdotem, et accusatum de exceptis sacris exhomologesibus apud Joannem, tum Bonifacio VIII, et patriarchæ Constantinopolitano sectam illius damnantibus non parvisse. Cum vero hunc Liberati socium Jordanus⁵ rerum sui temporis accuratus auctor in narrandis iis, quæ ad Minoritas spectant, referat antea Petrum et Forosempronio dictum, et Angeli nomen sibi ascivisse, « Quia, inquit, se fingebat revelationes angelicas habere », pariter patriæ nomen commulasse suspicio subesse forsitan possit, ne facile a censoribus fidei, qui in fraterculis in Oriente tum in Occidente jussi⁶ erant inquirere, comperiretur. Referunt⁷ pariter Franciscani Annales, Clarenorum sectam, quæ Cælestini Quinti papæ indulgentia adoleverat, ac transfugas Ordinis Minoritarum colligebat, damnatam a Joanne fuisse; lamen ejusdem Cælestini proposito Diplomate acerrime se tutatam esse. Sed cum id rescissum fuerit adversus Bonifacium et Joannis justissima decreta non valuit eorum excusatio: atque ideo non veram pietatem coluisse constat, ut prætereamus infandam illam haeresim, qua Liberati et Angeli sequaces Pontifices exutos omni auctoritate, eamque in ipsos transfusam ob studium paupertatis effutiebant⁸.

Nec putandum hæc crimina falso Joanni cujus animum a Minoritis aversum perperam aiunt, nimium credulo insusurrata ab invidis; quo nomine sacrum Minoritarum Ordinem indigne traducunt: nam plures alii Pontifices non modo Bonifacius VIII, qui nascentem sectam elidere studuit, sed etiam Clemens VI de blasphemis hujusmodi a pseudoreligiosis jactatis gravissime est conquestus⁹. Porro memorati Angeli sequacium, qui in Neapolitano regno pullularant, causam Gerardus Otto supremus Ordinis præpositus, atque Ilcionus Rhodiorum equitum magister, tum archiepiscopus Neapolitanus cognoscere jussi sunt⁷. Neque ambigimus, quin plures viri simplices et pio purissimi Franciscani Instituti servandi zelo se Angelo aggregarint: quæ illecebra plures affecti sensim haeresim ab hypocritis, in Angelos lucis transformati, instillatam imbibeant.

Quod si Congregationis Clarenorum, qui ad Pii Quinti tempora persisterunt, atque a Sixto Quarto Eremitæ sancti Francisci appellati reperiuntur, auctor Angelus de Cingulo Clarenus agnominatus a Clarenio flumine inter Asculum et Nursiæ Alpes, prope quod extructo cœnobio diu cum suis discipulis vixisse ferunt, idemque auctor Ecclesiasticus vere pius extitisset, ut tradit Wadmingus⁹, illum non fuisse Liberati in condenda nefaria Fraticellorum secta socium, sed ab eo

¹ Tom. VIII, p. 2. Ep. secr. pag. 281, et lib. Bull. Jo. XXII, Ms. Arch. Vat. scen. lit. A. pag. 139. — ² Wad. in Annal. an. 1317, num. 46, et an. 1318. ann. 15. — ³ Annal. tom. XIV, an. 1291, num. 26.

⁴ Apud Wadung. an. 1318, num. 23. — ⁵ Jord. Ms. Vat. sign. num. 1960, et Annal. tom. XIV, an. Chr. 1291, num. 26. — ⁶ Ibid. — ⁷ Marc. O yssip. l. VII, c. 34, ex Chr. vet. et Mar. — ⁸ Jord. Ms. Vat. sign. num. 1960. Annal. tom. XIV, an. Chr. 1291, num. 26. — ⁹ Clem. VI. Ann. tom. III, Ep. secr. Lit. — ⁷ Tom. VIII, p. 2, Ep. secr. pag. 242 et 315. — ⁸ Wad. an. 1317, num. 28. — ⁹ Wad. s.riptor. Ord. Min. in Av. 2. de Cing.

di-crepantem dicendum esset: cui opinioni favet patriæ distinctio, cum illum Foro Semprenio oriundum scribat Jordanus¹, hunc Cingiliatum referat Wadingus²; quin etiam Marcus Ulyssipponensis³ ex Chronico perclusio Joannem appellat.

Si vero idem fuerit, qui varia nomina subdole commutarit, tum nefarium hypocritam fuisse et haereticum non ambigendum est; et primos socios respersos impietate, flexuque temporum partim haeresim expurgatam flammis, partim doctrinae luce discussam, ut quæ initio secta fuerat impia, in piorum hominum societatem præstantem religione et sanctitatis fragrantia suavisimam effloresceret, ac tum demum foveretur a Sixto IV, pristinoque Minoritarum sodalilio a Pio V restitueretur. Quod vero Angelus apud sectarios suos vel alios sanctitatis existimationem collegisset, non mirum est, cum ab imperitis a sanctitate non facile discernatur hypocrisis, prorsusque splendido illo primi collapsæ discipline Franciscanæ restitutoris nomine indignus esset; licet enim defloruisse disciplinæ splendorem statuerimus cum Marco Ulyssipponensi⁴, ac Liberatum et Angelum a Raimundo Ordinis præposito, Corrado Offidano, Jacobo Tudertino, Petro e Monticulo, quorum aliquos ob egregias virtutes beatorum nomine insigunt, ad Celestinum V missos; id plane constat ipsos ad sodalium consortium jubente Bonifacio redire debuisse, nec stare religiosam familiam posse, quæ Apostolico anathemate percussa sit. Fuisse autem justum decretum Bonifacii (inferius a nobis repetendum) certum est, cum Liberatus et Angelus restituendi Ordinis furo illum dissiparent, personatamque tantum religionem gererent. Infectus erat illius hypocrisis lue Bernardus Fuscieri pseudominorita, quem Guido Carmelita episcopus Majoricæ, proximo anno ad Elensem in Catalonia episcopatum traductus, ut ex Pontificiis litteris⁵ constat, comprehendit atque una cum fidei censore ejusdem hæreses ex ipsis litteris in triginta duos articulos digessit⁶.

8. *Michael Cæsaris errores a Geraldo Othone refulati*. — Alebat inter Minoritas schisma Michael Casenas hæresiarcha, atque in Italia suas vices demandat Thedino pseudominorite, cujus complimendi Fulconi Piceni præsidi provincia a Pontifice demandata est⁷. Cudebat varia idem Michael adversus Ecclesiam fideique Catholicam Monachii, ubi Ludovici Bavari chentela lectus erat, venenata Commentaria⁸, quæ Encyclicis litteris hoc anno xxiv Januarii datis ad Minoritas, ut eos perverteret, iniecerat, et querebatur⁹ Geraldum in sui locum fuisse subrogatum; suamque

hæresim et apostasiam argumentis colorabat variis, quæ confutat Geraldus Otho in eo Commentario, quem ex Perpinianensibus comitis conscripsit¹, in quo hypocritæ larvam ita perite detrahit, ut nuda ejus impietas pateat:

« Nonne, inquit, cogitas, fili, incredulitatis, exemplum quod frater Elias meus et tuus in officio, sed tuus in schismatico scandalo prædecessor, apostata fuit, schismaticus et hæreticus: qui sub domino Innocentio IV cum Friderico, ab imperatoria dignitate deposito et sententialiter per Ecclesiam condemnato, se subtraxit ab obedientia domini papæ et ab Ecclesiastica unione? His tamen non obstantibus nostra religio, procurante Domino, non super hoc Elia hæretico, nec super le imitatore suo, sed super solidissimam petram Christum mediante B. Francisco fundata in fide et devotione et obedientia et reverentia ac unitate sacrosanctæ matris Ecclesiæ, inconcussa permansit, sicut hodie; te errante a Catholica fidei tramite cum hominibus devius deviante, nostra religio per Dei gratiam in communione et gratia Sedis Apostolicæ perseverat. Non igitur tu dominum papam, sed te dominus papa velut vere reprehensibilem reprehendit. Quare, miser homo, non vides vel non intelligis quam inaniter et quam mendaciter de resistantia gloriaris? Cæterum cum inducis exemplum cleri Romani, dicens scilicet: Ab ipsius domini Joannis obedientia et communione recessi ad instar Catholicorum et approbatorum virorum de clero Romano, qui ab obedientia et communione Anastasii papæ deviantis a veritate fidei, quam Ecclesia determinaverat, recesserunt prout in canone xix. dist. capit. *Anastasius* legitur et habetur; istud quidem exemplum contra te militat in duobus.

9. « Primo namque quia, si exempla Romani cleri sequi decreveras, cur Romani cleri principibus dominis S. R. E. cardinalibus Catholicis et fidelibus, in obedientia et communione domini papæ manentibus, non mansisti? et cur ipsis non recedentibus recessisti, nisi quia eos non sequi sed præcedere, si te voluissent sequi, in apostatica fuga volebas? Si tamen dicat tua perfidia, quod non ipsos dominos cardinales clericos domini papæ, sed anticardinales dudum clericos antipapæ habebas pro clero Romano seu pro principibus cleri Romani, responde. Si cum illis tunc perfidis a communione domini papæ tunc recedentibus recessisti, cur cum illis redeuntibus, et penitentiam agentibus rediens penitentiam non egisti, postquam eorum exempla sequi volebas, nisi quia superbia sicut prior egreditur ad illicita opera, et posterior revertitur seu frangitur ad penitentiam? sic tu superbus superbæ filius primus esse in apostasia et novissimus in penitentia voluisti? Si vero tua dicat inaudita temeritas, quia nec dominum papam, nec adhuc antipapam habes pro

¹ Jord. Ms. Vat. sign. num. 1960. — ² Wad. de Script. Ord. M'n. — ³ Marc. Olys. l. vii. c. 24. — ⁴ Ibid. l. v. c. 27. — ⁵ An. 16. p. 2. Ep. com. MCCXXV. — ⁶ An. 17. p. 2. Ep. com. MDLVI. — ⁷ Tom. viii. p. 1. Ep. secr. pag. 111. — ⁸ Ext. in Ms. bibl. Vat. sign. num. 5010. pag. 106. et in Ms. 4008. pag. 151. — ⁹ Eod. Ms. 4010. pag. 212.

¹ Ext. in Ms. bibl. Vat. sign. num. 5010. pag. 215.

clero Romano, responde. Si secundum opinionem tuam Romana possit inveniri Ecclesia, quia constat si non invenitur Romanus clerus, quia nec Romana Ecclesia invenitur: clerus autem, qui habitat in Avinione, qui habitat Romae, qui habitat in toto orbe Catholicorum et orthodoxorum obedit et communicat domino papae; clerus autem qui est Saona sub tuo sacrilego et blasphemio vicario Berengario Boelusse Januensi pseudoarchiepiscopo et Pisano in theologia magistro obedit vel antipapae, vel Sathanae, vel synagoga Judaicae, vel utriusque. Ubi est igitur Ecclesia Romana Catholica, ad quam appellas? dic, si tu scis, ubi est transportata? Nonne verecundaris? nonne confunderis dicere et scripturare per mundum ea, quae omnes Christiani aures atque Catholice horrent, quod tu nullius dignitatis, nullius nobilitatis, nullius auctoritatis, nullius potentiae, nullius virtutis, licet nulli criminis homo sanctissimum Apostolicum Christi vicarium, universam Ecclesiam, patriarchas, archiepiscopos, episcopos, principes, burgenses, cives, laboratores, tot viros et feminas populos Christianos sub obedientia et communione domini papae servientes de haeresi et fautoria haeresis audes condemnare?

10. «Secundo praemissum exemplum contra te militat, quia tu, non dominus papa, in duas incidisti culpas». Et infra: «Tu, sicut tota novit Ecclesia, manifestis haereticis, puta Petro de Corbario, dudum sacrilego et haeretico antipapae, Marsilio de Padua, Joanni de Janduno et quampluribus aliis etiam in criminibus et sacrilegis communicasti, communicas et communicare non cessas. Item occulte conaris per falsas suggestiones, scripturas et suasiones fratres olim tibi commissi Ordinis non quidem ad gradus Ecclesiasticos, sed a gradibus et cultibus, ab obedientia et reverentia Ecclesiasticis revocare». Et infra: «Quare communis nostri Ordinis propter easdem causas a tua communione et obedientia merito se abegit; tamen domino papae vere et fideliter, et ut vere fidei adhæsit, quia ipse non communicat nec communicavit haereticis, nec etiam occulte operatus est quidquam: quinimo in revocatione damnatorum, redire cum poenitentia volentium, et in editione suarum Constitutionum, exempla nequam sequens Anastasii, de consilio dominorum cardinalium, episcoporum, presbyterorum et diaconorum multiplice deliberatione processit. Quapropter hoc solum exemplum, si bene cogitasses, te a tanta insania retrahere debuisset». Haec Geraldus, qui Michaelen haeresiarcham ejus argumentis urget et convincit. Verum hypothesis quod Anastasius II a fide deflexerit, ac propterea a clero Romano abjectus et mox divinitus turpi morte oppressus sit, falsa est. Ac primum observandum Michaelen haeresiarcham contendisse¹, Romanum

Pontificem sine Concilio Oecumenico in ferendo fidei decreto errasse posse, ac Joannem in illo, contra quod ipse Michael novae haereseos signa extulerat, neminem, *Cum inter nonnullos, errasse*.

11. Ut vero probaret errare posse Pontificem in judicio fidei, calumnias jam ante confictas a schismaticis in nonnullos Pontifices repetiit, atque objecit de Anastasio II, sed falso. Ac primum Anastasii hostes schismatici nunquam finxere, ipsum in dirimenda e Petri cathedra fidei controversia errasse: ex quo Michaelis obiectio eliditur. Et si refert Gratianus *dist. xix c. Ita Dominus, errasse* Anastasium, quod rata esse voluerit sacramenta Baptismi et Ordinis, quae Acacius haereticus contulerat: non in eo erravit Anastasius, sed Gratianus suam in peritiam produxit, ut docent theologi². Quod ad alia vero objectionum capita in Anastasium attinet, futilia sunt: statuamus enim quod voluerit ille Photinum, qui communicaverat Acacio, absolvere sine cleri consensu; non propterea a fide deflexit. Demonstrant etiam cardinales Baronius³ et Bellarminus, falsum esse ipsum, voluisse revocare Acacium; et pariter confictum fuisse, illum divina vindicta percussum⁴. Ac si quis omnino contenderet, Acacii nomen dyptichis restituere voluisse, moxque divinitus oppressum; non ex eo auctoritas Pontificis exsoleretur, sed magis divina in Ecclesiam providentia illustraretur⁵ stabitque Pontificem in proponendo universae Ecclesiae fidei decreto a Spiritu sancto ex Christi sponione regi. Obiecit praeterea Michael, errasse Liberium, Verum is nullum in controversia iudiciaria tulit adversus fidem decretum; sed praevicatus est communicando cum Semiarianis, quapropter in ejus locum subrogatus est Felix, qui martyrii palmam damnato Constantio tulit, de quo pluribus cardinales Baronius⁶ et Bellarminus⁷, qui de Felicis successionem causam hanc affert: «Tamen enim Liberius haereticus non erat, tamen habebatur propter pacem cum Arianis factum haereticus; et ex ea praesumptione merito potuit ei Pontificatus abrogari. Non enim homines tenentur, aut possunt corda scrutari; sed quem externis operibus haereticum esse vident, simpliciter haeticum judicant, ac ut haeticum damnant». Resipiscens vero Liberius Felicem iterum successit excitatusque divinitus imperatorem Constantium atque episcopos Ursatium et Valentem haereticos damnavit; de quo memorati auctores.

Inania similiter sunt, quae de Leone obijciuntur, cum ipse pseudopontifex esset; quare merito vim argumenti retorquet in Michaelen Geraldus⁸: «Sed temporibus nostris a communione et obedientia Petri de Corbario, in antipapam tyrannice et diabolice per hominem laicum, saecularem et

¹ Ext. ejus comm. cod. in Ms. bibl. Vat. sign. num. 4010, pag. 206 c. c.

² Turro, Sum. de Eccl. l. II, c. 112, Bell. de Rom. Pont. l. IV, c. 10 et alii. — ³ Bar. an. Chr. 497, num. 27. — ⁴ Ibid. et Bell. sup. cap. — ⁵ Bar. col. un. 27, 28. Turro, et Bell. ubi sup. — ⁶ Bar. an. Chr. 357, num. 27. — ⁷ Bell. l. IV, de Rom. Pont. c. 9. — ⁸ Ms. bibl. Vat. sign. num. 4010, pag. 215.

excommunicatum intrusi, quicumque fideles se subtrahere tenebantur. Videas igitur, si tu habes oculos quibus videre valeas, si luiti equaliter oberecatus tam in facto quam in isto dicto: quomodo enim et qua fronte ista exempla pro te inducere potuisti? » Et infra: « Tu in tuo recessu accessisti ad intrusum, et recessisti ab illo, qui canonice fuerat nullo dubitante ingressus. Recessisti a vicario Christi, et accessisti ad vicarium antichristi. Accessisti ad eum, qui aliunde ascendebat ut latro; et recessisti ab eo, qui per ostium intravit ut pastor. Accessisti ad eum, qui in nomine proprio veniebat; et recessisti ab eo, qui venerat in nomine Christiano. Accessisti, ut tu ipse dicis, ad civitatem Pisarum, ubi tunc erat seles Sathane, et tibi fratres, quorum animas in cura te habere dicebas, faciebas ab antipapa officia et dignitates Ecclesiasticas acceptare; quorum consecrationi, seu potius execrationi, inunctioni, vel verius fœdationi sicut impudicus leno fornicationum et fœditatum spiritualium assistebas ». Et infra:

12. « Quod autem appellationis tuæ pallium, sub quo rebellionem tuam schismaticam velare conaris, sit inane et vacuum, patenter apparet consideranti cuiuslibet eum qui appellat, et eum contra quem appellat, et iudicem quem appellat. Tu autem appellasti realiter non ut persona publica, quia ordo appellationem tuam non approbat nec commendat, sed potius improbat et condemnat; sed ut persona privata attentasti facere quod fecisti: hoc autem modo fecisti te personam hæreticam, prout constat per litteras tuas, ut in processibus contra te habitis in novissimo nostri Ordinis generali capitulo declaratur: persona autem hæretica secundum canonicas sanctiones appellare non potest, nec admitti appellatio ejus debet: tu autem qui decretales et decreta frequenter allegas, ista melius nosse deberes. Sed audi causam, quare omnis hæretici appellatio non debet admitti, quia ut Paulus ait, subversus est qui hæreticus est, et deliquit proprio iudicio condemnatus, ad Tit. in cap. Persona vero contra quem appellasti est ille, qui non habet superiorem in terris: propter quod de jure ab ipso appellari non potest ». Et infra: « Appellasti quoque ad illam Ecclesiam, quam tu in tuis litteris, quas ad diversas partes Ordinis direxisti, pronuntiasti, asseruisti et denuntiasti esse hæreticam, et per consequens omni potestate iudicaria destitutam: quare appellatio tua nullum potuit nec debuit habere vigorem. Sicut ergo schismatica rebellio Dathan et Abiron, Chore suorumque complicitum per appellationem excusari non potuit; sic et tua rebellio non est excusabilis, sed plectibilis ignibus sempiternis.

13. « Zelus autem tuæ fictæ fidei ad tuorum excusationem errorum fore falsissimus evidenter declaratur, tum quia vere fidei verus zelus in causa fidei non facit fugere, sed pro defensione

fidei expectare; unde zelus tuus, qui te ad fugiendum induxit, demonstrat aperte, quod opinionem tuam Evangelicam esse sententiam minime reputasti; tum quia zelus fidei non querit super adinventionem mendosa fundari, sicut tu viam tuam super multis mendaciis et adinventionibus falsis sæpe fundasse probaris: tum quia temeritate alias inaudita de libello per dominum papam contra dicta tua et sectam tuam edito te dicis duodecim collegisse errores, inter quos enumeras nonnullas Evangelicas et propheticas sententias, sicut in illo libello in pluribus passibus demonstratur aperte. Sed quia tu ad rationes et allegationes et ad auctoritates contra tuam insaniam per dominum papam induclas non respondes, nec respondere potes; nec contra sophisticarum tuarum rationum responsiones replicas, nec replicare attentas, non oportet quod nos, qui videmus, sicut tu videre videris, tibi fore manifeste conclusum contra rationes et responsiones huiusmodi præter necessariis disputationibus laborare. Propter quod nequaquam a nobis petere debuisti, ut ostenderemus tibi, an dicta domini papæ concordarent cum Evangelica veritate, et an dicta tua ab ea in aliquo discordarent: hoc enim sufficienter ostensum est tibi. Si tamen aliquam rationem pro tua fundata opinione proferres, vel rationum et auctoritatum contra tuas insanias inductarum solutionem, vel apparentem responsionem, parati sumus juxta B. Petri consilium ad satisfactionem faciendam tibi, et omni poscenti nos in causa fidei rationem.

14. « Sicut ergo nec fidei, ita nec religionis nec regule zelum habuisse probaris: quomodo enim zelasti pro regula, enormiter veniens contra primaria regule fundamenta? tu namque jugum obedientie sicut bos indomitus impudentissime rejecisti; cum tamen sanctissimus institutor nostri Ordinis B. Franciscus dicat in principio regule: Frater Franciscus promittit obedientiam et reverentem dominum papæ Honorio, ac successoribus ejus canonicis intransitis et Ecclesie Romanæ ». Et in fine: « Semper subditi et subjecti pedibus ejusdem sanctæ Romanæ Ecclesie paupertatem et humilitatem et sanctum Evangelium Domini nostri Jesu Christi, quod firmiter promissimus, observemus. Constat autem universitati fidelium, sepedictum sanctissimum in Christo patrem dominum Joannem XXII canonicè quidem fuisse Apostolicam Sedem ingressum, et illam Romanam Ecclesiam cui, Domino disponente, noscitur ipse preesse. Tu vero infelix infelice contra regulam, quam professus fuerat, ab ejus obedientia recessisti, et vocem Ecclesiasticam atque Evangelicam obedienter audire minime voluisti.

« Item contra votum paupertatis proprietarius fuisti, et alios plurimos proprietarios fecisti; sicut enim eorum, qui tui dudum fuerant complices, concors relatio juramento firmata confirmat, quod tu pecuniam ad Monachum in camera tua habes,

et pecuniam immediate manibus fratrum, quos pro tuis mitis negotiis, exhibere vel interdum exhibere facis; non obstante, quod regula nostra clamat: Præcipio firmiter fratribus universis, ut nullo modo denarios vel pecuniam recipiant per se vel interpositam personam; unde Franciscus de *Æsculo* tue iniquitatis complex, pergens de *Cumis* versus Monachum, inventus est super se immediate portare octuaginta florenos; sed quia nequaquam de bono jure fuerunt, prædones eos divino judicio rapuerunt, ut expropriationem, quam non servabat voluntarius, servaret invitus. Contra castitatem quoque, cum juvenes, qui per te decepti tuis erroribus adhaeserunt, saepe mittis per mundum sine habitu et sine socio cum pecunia et gladio, in argumentum certissimum, quod nihil penitus curas de castitate eorum. Dicis ergo, insensate, numquid non erubescis? nonne confunderis dicens, te pro nostri Ordinis perfectione et puritate zelare, qui notorie contra obedientiam, contra paupertatem, contra castitatem, quas in professione vovisti, jugiter cum tuorum scelerum complicitibus operaris? etc. Dat. Perpiniani post definitionem generalis capituli, anno Domini MCCCXXXI ».

15. *Michael et socii a Minoritis damnati.* — In iisdem Perpinianensibus comitiis sacer Minoritarum Ordo, firmissimæ Ecclesiæ petre innixus, eundem Michaellem, sua signenta decretis fidei a Pontifice editis preferentem, atque ex eo lapsu in alias prouentem hæreses, quantumvis id Franciscanæ familiæ zelo actum ementiretur, judiciario ordine una cum Guillelmo Ochamo, Henrico Chalemio et aliis damnavit, omnemque labem ac suspicionem, quæ de tacita cum eo consensione suboriri potuisset, a se penitus removit; cujus edicti ¹ præcipua pars hæc est: « Dilectus in Christo frater Pastor, dudum minister in provincia Provinciæ, in nostra præsentia constitutus proposuit, quod præfati Michael, Henricus, Franciscus, Guillelmus et Bonagratia in divine majestatis offensam, et in sanctæ Romanæ Ecclesiæ, quantum in eis est, detrimentum, et in non modicum nostri Ordinis jacturam tanquam hæresiarchæ semina-verant hæreses, et velut archischismatici divisiones procuraverant et schismata, et sicut crudeles homicidæ, fratricidæ ac matricide proscriptiones, captiones et tormenta, contra prælibatos prælibati Ordinis conspirantes, suis procuraverant fratribus, et religionem nostram, matrem suam, voluerant evertere. Quod enim seminant hæreses, patenter apparet ex diversis schedulis et litteris, per præfatum Michaellem personis pluribus et communitatibus ad diversas partes directis, quas vidimus, tenuimus et legimus, ac legi audivimus et examinari per quamplures sacræ theologiæ doctores, et alios in theologia peritos fecimus: ex quibus evidentiùs colliguntur errores plurimi, qui

nostro et dictorum doctorum, seu verius universalis Ecclesiæ judicio hæreticales merito sunt censendi.

« Primus est, quod imperator potest papam deponere et depositum declarare. Secundus est, quod clerus et populus Urbis Romæ potest papam deponere et depositum declarare. Tertius est, quod illud alias inavultum facinus, quod adversus sanctissimum patrem et dominum, dominum Joannem papam XXII in urbe prædicta per aliquos perditionis et diffidentie filios de facto attentatum exiit, de jure ac legitime actum fuit. Quartus est quod Constitutiones per Romanum Pontificem canonice intransem editæ de consilio sacri ac fidelis collegii dominorum cardinalium sunt hæreticæ. Quintus est, quod obedire illi, cui universalis Ecclesiæ obedit, est animam damnare et se hæreticum confiteri.

16. « Ex eorum quoque fructibus et artibus, ex quibus cognoscuntur falsi prophetae, declaratur ipsorum hæresis: quoniam tempore, quo præfatus Petrus de Corbaria dudum sacrilegus antipapa pro vero papa damnabiliter se gerebat, prædicti Michael, Guillelmus, Franciscus, Bonagratia in civitate Pisana Petro tunc hæretico manifesto adhaeserunt, ipsorum pro suæ confirmatione pravitalis hæreticæ informarunt, consilium, auxilium et favorem præstantes eidem; in tantum, quod ipse Michael, pro generali ministro se gerens, pluribus nostri Ordinis fratribus præcepit, quatenus a sepe dicto Petro antipapa reciperent Ecclesiasticas dignitates; et cum consecrarentur vel potius execrarentur, et dum pro clericibus dignitatibus, seu verius indignitatibus inungerentur vel potius fœdarentur, dicti Michael, Guillelmus, Franciscus et Bonagratia cum damnatis hæreticis et eis, qui a sæpius repetito antipapa Ecclesiasticas dignitates susceperant, et cum nostri Ordinis apostatis conversantur et habitant, consiliantur et tractant, seu verius machinantur, et ad eversionem status Ecclesiastici et fidei orthodoxæ laborant. Quod autem divisiones procurent ac schismata, veridica fama seu potius infamia universis pæne fidelibus declaravit: nam et ipsi ab Ecclesiastica unitate et a nostri Ordinis societate divisi scissuram, quam temere inchoarunt, damnabiliter totis viribus ampliare contendunt, ad diversas partes personis religiosis et secularibus scriptitantes: et ne Romano Pontifici vero et unico in terris Christi vicario vel præfato generali ministro pareant et obediant, vanis et falsis inductionibus suadentes, Judam Galileum, qui olim in diebus professionis avertebat populum post se, et ne obedirent Romano principi suadebat, totis conatibus imitantes. Quod autem conspirationes ad fratrum proscriptionem, captionem et tormentorum afflictionem faciant; evidentia rei, quæ per eos in Bavaria et vicinis partibus agitur, manifestat: nam per gentes Ludovici de Bavaria jam fecerunt capi et torqueri fratrem Conradum de Monacho quondam

¹ Ext. in Ms. bibl. Vat. sign. num. 1008.

custodem Bavariæ, ipsumque per violentiam et angustiam tormentorum n. gare fidem Sedis Apostolicæ saltem ore compelli.

« Nos ergo præmissa scelera dissimulare oculis conniventibus non valentes, protestatione superiorum iterum repetita, videlicet processibus sanctissimi patris et domini Joannis divina providentia papæ XII non intendimus per istos processus in aliquo derogare; sed eos tanquam justos et sanctos intendimus pro viribus iuvare: sed per istos processus intendimus, quantum in nobis est, et quantum nobis competere potest, offensam homini nostri Jesu Christi et ejus in terris vicarii, Ecclesiæ sacrosantiæ et nostri Ordinis legitimis ultionibus vindicare: quapropter in die definitivis præsentis capituli generalis in domo materiali ante claustrum pro tribunali sedentes, admissis quibuslibet, qui volebant et poterant interesse, auctoritate privilegiorum nostro Ordini a Sede Apostolica indultorum, præfatos Michaelen, Henricum, Franciscum, Guillelmum et Bonam gratiam in præmissis erroribus errasse et hæreses contraxisse, velut hæreticorum fautores, hæreticos et hæresiarchas, et in præmissis Ecclesiæ sacrosantiæ et Ordinis nostri divisionibus et rebellionibus schismatizasse, tanquam schismaticos et archischismaticos; in prædictisque conspirationibus proscriptionum, captionum et tormentalium afflictionum adversus præfatos et alios nostri Ordinis fratres conjurasse, tanquam crudles homicidas, fraticidas et matricidas finaliter condemnamus, privantes eosdem nostri Ordinis privilegia, gratias et beneficiis, consortio et favore, et eosdem ad perpetuum carcerem judicantes, et velut tales dignos et obnoxios præmissis penitus proscripti sententia declarantes, etc. » Videant ex his recentiores, qui tanto ardore horum famam defendendam suscipiunt, num in eo cum Ordine consentiant, cum idem sacer Ordo, fide et constantia Ecclesiæ conjunctissimus eosdem Michaelen, Othannum et socios veluti capitales divini Numinis, Ecclesiæ et Ordinis ipsius hostes, lacerata hypocrisis, quam induebant, larva, fuerit insectatus: nec vero horum lapsus ejusdem Ordinis sanctorum et doctorum virorum numero florentissimi, splendore magis officit, quam Luciferi et equacium lapsus nocuit Angelorum beatorum dignitati.

17. *Reginam Siciliæ edocet Pontifex de Michaelis erroribus.* — Altiati tuerant Sanctæ reginæ Siciliæ memorati Michaelis errores, que cum Sedem Apostolicam, ut puriore doctrina erudiretur, consulisset, Joannes scriptum a se contra

hæreticorum errores, inter quos is erat, Romanum Pontificem leges a Conciliis Œcumenicis vel a prædecessoribus latis ad alicujus gratiam solvere non posse, Commentarium transmisit: quem fuisse putamus illum¹, quem suo loco inseruimus²; tum adjecit ex iis subjectas controversias illustrari:

« Regine Siciliæ,

« Ex contentis in scripturis præsentibus interclusis, si ea diligenter intellexeris, percipere poteris evidenter, quid secundum Scripturam sacram et dicta sanctorum debeas credere et tenere hæret cum esse pertinaciter dicere, Christum et Apostolos non habuisse aliquid in communi vel proprio, sed tantum simplicem usum facti. Item quomodo contra statuta Conciliorum generalium et prædecessorum suorum dispensare valeat et etiam ordinare³. » Quia ratione id intelligendum sit, antea demonstratum est et Joannes in Constitutione *Quia vir reprobis* contra Michaelis calumnias respondit⁴: « Necnon quod per nullum universale Concilium, nec per aliquem summum Pontificem ordinatum extitit, seu etiam declaratum, Christum et Apostolos non habuisse aliquid in communi vel proprio, sed tantum simplicem usum facti. Item quod hoc, scilicet quod Christus et Apostoli nihil haberint in proprio vel communi nisi tantum simplicem usum facti ad fidem non pertinet: sed est contra fidem aperte. Ex quibus relinquitur evidenter, quod omnino quæ a veritatibus remissis ad probandum, quod Christus et Apostoli nihil haberint in communi vel proprio nisi usum facti simplicem inducuntur, super falso fundantur, suntque Scripturæ sacræ contraria manifeste. Aperiantur igitur, quæso, ad præmissam veritatem intelligendam cordis tui oculi, et eamque tenaciter ac inviolabiliter conservare procura: quod tibi concedat, qui de ignorantie tenebris quos vult ad lumen veritatis adducit. Dat. IV id. Augusti, anno XV ».

18. *Regis Boemæ in Italiam adventus.* — Attulit Italiæ magnas rerum conversiones Joannis Boemæ regis adventus, ac populos Gibellinarum Guelpharumque partium qua spe, qua metu commovit: tumque graves inter cæteros suspiciones concepit Azo, qui Mediolanensibus præerat, et a Joanne papa expetiti, num ipse Boemi in Italiam expeditionem promoveret; cui Pontifex hæc sine ipsius assensu geri respondit⁵ (1): « Quia, fili »,

¹ An. Chr. 1329, num. 22, etc. — ² Ead. p. pag. 96. — ³ An. Chr. 1321 num. 32. — ⁴ An. 1329, num. 68. — ⁵ Tom. viii, p. 1. Ep. secr. pag. 126.

(1) Joani Bohemæ regis in Italiam expeditio exeunte anno superioris sæculi, et hoc anno prospere continuata rerum hoc anno gestarum partem maxime nupet. E. Tridenti venit Buxam, die XXX Decembris, ut anonymus Geronensis scriptor cœvius, et Historie Gottisartum auctor, et Medicens in Chrono. Buxam quod cum anno sequenti eloudi; cujus urbis dominum, decenteribus civibus, habuit; tum die XII Januarii Beremum, die die XVI ejusdem mensis Geronam iter cepit in postelatem, qui nun urbium exemplum mox secuta sunt Februario mense Tapia, Verocchie et Navaria, quin et Mediola cives die XVI Februarii urbis sue principatum ibi detulisse scribit Galvaneus Platinus in opus. de vicerecom. die II Martii Parmam pervenit, ut anonymus Regensis, die IX Febris Mutinensium cum rege provocatum fuit, fese anonymo Mutinensi sublequati. die XVI Aprilis venit Regium, ut anonymus Regensis; statimque se Mutinam cœdentes, die sequenti, urbe in ingressus est, fese anonymo Mutinensi, die XV ejusdem mensis rex cum legato Pontificis in oppido Plinmachin colloquium habuerunt, quod beatus utriusque sanctum consecutum fuit. die XVI Aprilis Carolus ejusdem Joannis filius Parmam venit,

Azonem alloquitur, «a te et a multarum civitatum fidelibus in dubium revocatur, utrum adventum regis Boemie ad civitatem Tridentinam, convocatio rectorum civitatum Lombardie, ut ad suam presentiam se conferrent, receptio domini civitatis Brixienis, et quod aliarum civitatum dominum habere procurat, de nostra conscientia, voluntate et beneplacito processerint ac procedant; indubie volumus te tenere, quod nec nostra conscientia, nec de nostro beneplacito procedunt, nec processere premissa. Dat. XIX kal. Februarii, anno xv ».

Præ se ferebat Boemius in Italiam a Pontifice exitum, ut populorum Guelphorum voluntates sibi conciliaret. De cujus accessu Florentini ob patris Henrici imperatoris veteres inimicitias apud Pontificem questi, hoc simile responsum XV kal. Februarii retulere ¹: « Quia inter cætera litteræ huiusmodi continebant, quod magnificus princeps Joannes Boemie illustris nuper ad civitatem veniens Tridentinam asseruit, quod ad partes Italiæ se de nostro beneplacito conferebat; scire vos et quovis alios fideles volumus, quod nec de conscientia, vel licentia nostra ad partes supradictas accedit etc. » Ad confirmandas vero eorum vires Pontifex, conjungere ipsos cum Pisanis mutuo fœdere studuit, atque ad illud cocundum utroque est adhortatus ².

19. *Confederationes contra regem Boemiæ.* — Neque ita multo post Florentinum potentiam conceptus ante de Boemo terror attrivit; ac Luca, iisdem obsidione depulsus, ad ejusdem regis obsequium procuravit ³. Pronæ similiter eodem tempore ad Joannis regis obsequium plures urbes fuere. Parmæ enim portas illi aperuit Orlandi Rubei factio legati Apostolici copiarum Pontificiarum ducis odio: nec multo post Rhegium ac Mutina certis legibus illius jugum accepere. Perturbatum vero Pontificem ex Boemi secundis processibus, cum eas urbes, quæ jugum Ecclesiæ excusserant, in suam clientelam recepisset, refert Joannes Villanus ⁴. Cæterum ex Pontificiis litteris ad legatum datis ⁵ exploratum est, Joannem papam inimicitias cum rege Boemiæ hand facile suscipiendas arbitratum cum is asserendæ Germanico nomini Italiæ, restituendæque publicæ pacis studio signa extulisse præ se ferret, atque oratores ad Sedem Apostolicam ea de causa transmisisset. Porro Bertrandus legatus cum rege Joanne fœdus pepigit ⁶, ac percubuit regem Boemum studiis Francorum regis elatum, dissimulante Pontifice,

Insubriæ atque Etruriæ dominatum affectare: atque ex eo Gibellinorum Guelphorumque animi adeo concitati, ut qui antea pertinacissimis odiis ab invicem abhorrerent, in regem et legatum conjurarint. Principes armorum socios Robertum Siciliæ regem, Mediolanensem et Mantuanum principes ac Florentinos recenset S. Augustinus ¹.

Ex hac vero fœderatorum conjunctione contra Joannem regem ipsius res paulo post dissolutæ ², cum relicto Parmæ filio Carolo, qui tum ad ingentes spes pubescebat, in Germaniam, deinde in Gallias se contulisset ³. Concitatus enim in se Joannes ob partum novum in Insubria atque Etruria principatum plurimum principum invidiam, odiaque incurrerat ⁴: dumque in Germaniam tendebat, ut novas copias contra Italos fœdere junctos contraheret, novi in Germania adversus eum hostes consurrexere, Wladislaus nimirum, Poloniæ rex Joanni ob affectatum ab illo Poloniæ regnum, datamque injuria cruciferis equitibus Pomeraniam infensissimus; Carolus Ungariæ ab Wladislao socero, tum a Roberto rege Siciliæ provocatus; Fridericus Misniæ et Otho Austriæ duces urgente Ludovico Bavaro a Joanne rege ablatente, ac metuente ob initum ab eo cum Pontifice fœdus, ne imperium sibi vel filio, uti accidit, pareret. Adducta itaque in discrimen Boemia, datum insigni imprudente est, Joannem regem fœlicis turbis se implicuisse: de quibus agit Dubravius, additque eum omnia Italica expeditione in Boemiam se contulisse, atque adversus Fridericum dixisse, in Misniam, advertisse Othonem Austriacum magno succinctum exercitu, cum Polonorum et Ungarorum copiis auxiliariis, quæ ad quinquaginta milia militum ascenderant, venientem; trajectoryque Danubii aruisse.

20. *Diversa studia principum et regum Germaniæ erga Sanctam Sedem.* — Subornatus a Ludovico Bavaro Othone, refert Albertus Argentinensis ⁵, qua de re anno superiori dictum est: eundemque Pontifex hoc anno Ludovici partibus ad suas traducere nisus est ⁶:

« Joannes, etc.

« Eorum quæ dudum nobis una cum inelytæ memoriæ Luipoldo duce Austriæ germano tuo scripseras, et quæ eorum virtute fuerunt subsequuta oblitus, homagium illi membro diaboli Bavaro, de diversis hæresibus condemnato, publice ac solemniter non erubuisti facere, et fidelitatis juramentum prestare, teque sibi tuosque liberos

¹ Tom. VIII. p. 1. Ep. secr. pag. 107. — ² Ibid. p. 2. Ep. secr. pag. 108. — ³ Jo. Vill. l. x. c. 173. Ant. III. p. tit. XXI. c. 6. § 12. Uubr. Hist. Boem. l. XXI. — ⁴ Jo. Vill. l. x. c. 175. — ⁵ Tom. VIII. p. 1. Ep. secr. pag. 139. — ⁶ Jo. Vill. l. x. c. 180.

¹ Ant. III. p. tit. XXI. c. 6. § 13. — ² Jo. Vill. l. x. c. 180. — ³ Ibid. c. 183 et 197. — ⁴ Ibid. c. 197. — ⁵ Argem. in Chr. de reb. gest. Berthold. episc. Argentin. — ⁶ Tom. VIII. p. 1. Ep. secr. pag. 76.

Chron. Regien. Die VIII Parmam reliit, eodemque mense in Bohemiam reversus est. Toto eo tempore Azonem Mediolanensem non obsequentem tantomodo habuit, sed et charum; a quo vicissim multis tum officiis, tum largitionibus exultavit, ut Moravia in Chronico Mudothiensis, et ex Galvano Flamma tum in opuscul. de vicecom. cum in manipulo florum discimus. Cur igitur S. Antonius Azonem inter Joannis adversarios accenseat, nihil est. Quamquam non diliteor hæc omnia ab Azone metu potius quam amore præstita, tunc metu secessionis Joannis liberatus Azo, ejusdem regis adversarios fœdere sibi sociavit.

ad pacem cum eo observandam perpetuo obligare. Nos autem attendentes quam graviter Deum Ecclesiamque sanctam matrem tuam propter hoc offenderis, quantumque gloriam tuam maculaveris, quantisque periculis animam, corpus et substantiam exposueris per prædicta, more pii patris tuis compatientes iacturis et calamitatibus, desideranter appetimus, ut oculos aperias mentis tuæ, attenteque consideres unde excideris per prædicta: et utique reperies, quod de Dei gratia, quæ sola in via sufficit homini, et sine illa nihil aliud, excidisti, te a corpore mystico, cuius Christus caput nescitur, separasti, ac de Dei filio servum diaboli te fecisti, præter penas, quas tam per jura Apostolica, quam imperialia inflictas hæreticorum lautoribus dicti Bvari incurristi. Et hoc considerans festina pœnitentiam condignam agere, ac ad unitatem redire Ecclesiæ absque cunctatione aliqua non omittas, ut sic gratiam Dei recuperes perditam, bonorumque sanctæ Ecclesiæ particeps fieri merearis. Et attende provide, quod neque homagium, neque fidelitatis juramentum eidem Bavaro præstita, ut ea servare debeas in aliquo te adstringunt, sicut et nos his diebus in Consistorio declaravimus publico, ea quantum de facto processerant irritantes, ac penitus annullantes. Et quia nil morte certius, nil incertius hora mortis, non pigriteris in his, quæ tibi tam salubriter consulimus, exequendis. Gratia Domini nostri Jesu Christi cor tuum in præmissis dirigat, ut a præmissis periculis salvus lias. Dat. XV kal. Februarii, anno xv ».

21. Vicit Othonem obsequii in Sedem Apostolicam gloria Rudolphus Saxonie dux, qui cum sua interesse putaret, ut ad celebrem principum conventum a Ludovico Bavaro habendum se conferret, Pontificem consuluit: cui Joannes hoc suggessit consilium¹:

« Joannes, etc.

« Nos sapientis dictum considerantes attente dicentis: *Qui picem tetigerit, coquinabitur ab ea*; quodque et qui superbo communicaverit, superbia inductus; veremur probabiliter, quod si illic iuris nequaquam immunis ab eorum immunditiis reverteris. Quare nescimus aliud dicere, quam quod de talibus dicit Dominus per prophetam: Exi, inquit, de illa, scilicet, congregatione profana et sordida, popule meus: et ne ejus sis particeps delictorum, et de plagis, id est pœnis illi congregationi reprobræ tam per jura canonica et civilia, quam nostros processus iudicis, non accipias, id est in eis non incidatis. Si ergo illis, qui illi nequam congregationi intererunt, dicatur: Exite; multo fortius antequam intersit est dicendum: Ne appropinquetis. *Quæ enim*, dicit Apostolus, *societas luci ad tenebras? Aut quæ pars fidei cum infidei?* Quasi dicat nulla. Rogamus igitur et consulimus, liti, ut illam nequam Deo

infestam multipliciter et exosam congregationem fugias nec ei aliquatenus appropinques. Dat. XIII kal. Februarii, anno xv ».

22. Adversus hæc Ludovici Bavari comitia, alios Pontifex indixit² conventus: tum Othonem et Barnym Stetinenses duces hortatus est³, ut strenue adversus Ludovicum pro tuenda Ecclesiæ causa signa attollerent. Nova vero edicta in Ludovicum lata ob hæreses et schismatis crimina et subiectis ad eosdem duces litteris patet⁴.

« Othoni et Barnim ducibus Stetinensibus Ecclesiæ Romanæ fidelibus.

« Litteras Apostolicas continentes recognitiones et abjuraciones, hæresim et errores dilecti filii Petri de Corbario Ordinis fratrum Minorum olim hæresiarchæ et schismatici, per eundem Petrum ad nostram dudum venientem præsentiam sponte factas; necnon processus noviter contra Ludovicum Bavarie ducem hæreticum et schismaticum, ac Ludovicum ejus filium dudum habitos, venerabili fratri nostro episcopo Caminensi per eum publicandos in eis partibus destinamus. Quocirca nobilitatem vestram rogamus et hortamur attentius, quatenus in devotione sacrosanctæ Romanæ Ecclesiæ matris vestræ constanter et inviolabiliter una cum dilectis filiis nobilibus nepotibus vestris, et aliis earum partium fidelibus persistentes, eisdem Ludovico de Bavaria, ejusque filio et aliis rebellibus et hostibus Dei et Ecclesiæ vos ad eorum contendam superbiam tanquam viri fideles et strenui opponatis. Dat. II id. Februarii, anno xv ».

23. Explicuere porro Otto et Barnym ejus filius, ac Bucizlaus Barnym et Wartizlaus duces Stetinenses præclarum officii et observantiæ in Ecclesiam Romanam exemplum⁵: principatum enim amplissimum illi dono obtulere. Quorum principum extant litteræ subjecta verborum formula superiori anno adulto exarato⁶:

« Sanctissimo in Christo patri et domino suo, domino Joanni papæ XXII, sacrosanctæ Romanæ universalis Ecclesiæ summo Pontifici, Otto et Barnym ejus filius Dei gratia Pomeraniæ, Slavie Casubieque duces atque domini in Stetin, tutoresque filiorum incliti principis ducis Wartizlai eorum patris bonæ memoriæ, videlicet Butislai Barnym et Wartizlai, cum debita reverentia devota pedum oscula beatorum.

« Novent vestra sanctitas, quod nos nomine nostro terræ nostræ tutorio nomine dictorum filiorum ducis Wartizlai, et patrum nostrorum prædictorum, communder et divisim, honorabilem virum dominum Theodoricum Zathelmitzen canonicum Caminensem dilectum nostrum capellanum facinus, constituimus et ordinamus nostrum ac dictorum pupillorum verum et legiti-

¹ Tom. VIII, p. 1. Ep. secr. pag. 79. — ² Ibid. pag. 77. —

³ Ext. inter Bull. selectas lit. Jo. XXII. Ms. Arch. Vat. sign. lit. A. pag. 128. — ⁴ Tom. VIII, p. 1. Ep. secr. pag. 70. — ⁵ Ext. apud Jo. an. 15. p. 4. Ep. com. DCCLXXVI.

¹ Tom. VIII, p. 1. Ep. secr. pag. 79.

munum procuratorem et nuntium specialem, ad petendum ab eadem sanctitate vestra infeudationem nostri ducatus, terræ nostræ et ducatus pupillorum patruellum nostrorum prædictorum omni modo et forma quibus melius fieri potest, et ea a vestra sanctitate in feudum nomine nostro et prædictorum nostrorum pupillorum et patruellum recipiendum, ac litteras super iis et alias quascumque ab eadem sanctitate vestra petendum et recipiendum; et eidem sanctitati vestræ et sancte Romanæ Ecclesiæ iuramentum fidelitatis nomine nostro in animas nostras specialiter præstandum, ac omnia singula faciendum, quæ verus legitimus procurator facere potest, et etiam circa præmissa fuerint opportuna; et quæ nos faceremus, si præsentem essemus; ratum et gratum habentes et habituri in perpetuum quicquid idem procurator noster egerit in præmissis nomine nostro, et quolibet præmissorum: et hoc sanctitati vestræ sub sigillis nostris, et per hoc præsens publicum Instrumentum duximus significandum. Datum et actum in Stetyn, anno Domini mcccxxx, indictione xiii, xviii die mensis Septembris, hoc est, in crastino S. Lamberti confessoris ». Addita sunt plurium testium nomina.

24. Profectus ad Sedem Apostolicam orator Stetinensium ducum nomine Romani Pontificis clientelæ addixit ipsorum principatum, ejusdemque jura fiduciaria accepit a Joanne papa, qui de re gesta subiectum Diploma ad duces hoc anno transmisit ¹:

« Joannes, etc. dilectis filiis nobilibus viris Otthoni et Barnym ejus nato, ac Butizlao Barnym, et Wartizlao ducibus Stetinensibus salutem, etc.

« Dilectus filius Theodoricus Zathelniltzen canonicus Caminensis procurator vester a vobis, filii Otto et Barnym, tam vestris propriis, quam vestro, filii, Butizlæ Barnym et Wartizlæ, quorum vos dicti Otto et Barnym tutores esse noscimini, nominibus constitutus in nostra et quorundam fratrum nostrorum S. R. E. cardinalium præsentia proponere procuravit, quod vos zelum eximie devotionis, quam ad Romanam Ecclesiam matrem vestram habere noscimini; nobis et eidem Ecclesiæ, quantum vobis est ad præsens possibile, ostendere cupientes vestro, prædicti Otto et Barnym, et tutorio vestro, præfati Butizlæ Barnym et Wartizlæ, nominibus ducatus, comitatus, villas, oppida et castra vestra infrascripta, ad vos totaliter et immediate pleno jure spectantia, quæ libere ac pacifice possidetis, vultis et intenditis a nobis et eadem Ecclesia Romana tenere in feudum; et tam vos quam vestri hæredes, et successores exinde nobis nostrisque successoribus et Ecclesiæ memoratæ fideles vassalli existere proponitis perpetuis temporibus et devoti, nobis humiliter supplicans procurator prædictus, ut vobis de ipsius ducatus, comitatibus et illis oppidis, et

castris infeudationem facere, ac ea vobis pro vobis et vestris successoribus in feudum dare et concedere dignemur; et offerens procurator præfatus nomine procuratorio, quo supra, pro vobis infeudationem prædictam a nobis et Ecclesia memorata recipere, ac nobis et eidem Ecclesiæ pro dictis ducatus, comitatibus, villis, oppidis et castris præstare fidelitatis debite iuramentum ». Et infra:

« Nos autem, auditi et plenius intellecta supplicatione prædicta, visoque tenore Instrumenti procuratoris hujusmodi, ac deliberatione super præmissis præhabita diligenti; ducatus, comitatus, villas, oppida et castra prædicta, quæ sequuntur, videlicet: in ducatu Stetinensi Stetin, Gripeswolt, Tuntlyn, Dymym cum castro antiquo Trepethowe, Wolgast cum castro Ukerimunde cum castro Griffenlügen, Gaitze, Pyritz, Bave, Novastargarden, Goltuowe, Wellyn, Camayng civitatem Griffenlierghe, Novatrepehowe Belgarden cum castro Pontym, Uzenym, Doberen, Lobest cum castro Lassan Warpe. Item comitatum Sutzekowe et comitatum Nougarden. Item Belgarden cum castro Boreusten cum castro. Item principatum Ruyge, Syndis, castrum novum in insula Ruyge Bart Grimme, Tribuses, Loyze cum castro, castra Dymym, Camerowe, K. kmedepone, Sacherigenmolen, Sanzekowe, Osta, Wolt, Broke, Cleponowe, Cumirowe, Lindeberch, Mogheborsch, Spantckowe, Cochele, Oldewighesciguerg, Linde, Cosenove, Sarone, Vukimunda, Voghesave, Cleponowe in terra Stetinen, de Verrade, de Twerade, Bave, Brode, Lumbethowe et Hildenborch; vobis in persona procuratoris prædicti, pro vobis ac hæredibus et successoribus vestris nomine procuratorio, quo supra, recipientibus, infeudamus; ac pro vobis et eadem Romana Ecclesia in feudum auctoritate Apostolica damus et concedimus, ejusdem Romanæ Ecclesiæ et ejuslibet alterius jure salvo. Quas quidem infeudationem, dationem et concessionem in feudum præfatus procurator, nomine, quo supra, recipiens et acceptans, mox ibidem recognovit et sponte confessus fuit vos dictos ducatus, comitatus, villas, oppida, et castra prædicta tenere, ac vos, hæredes et successores vestros debere tenere perpetuo in feudum a nobis et prædicta Ecclesia Romana; et propter hoc in nova creatione ejuslibet Romani Pontificis fidelitatis iuramentum debere ac teneri eidem Romano Pontifici præstare cum omnibus capitulis, quæ de jure ac consuetudine partium illarum ad iuramentum hujusmodi se extendunt: dictumque iuramentum præstitit nobis ibidem nomine vestro cum omnibus prædictis capitulis procurator prædictus, nobis supplicans humiliter et devote, ut vobis litteras nostras Apostolicas dignemur concedere in testimonium præmissorum, quod eidem duximus favorabiliter concedendum ». Additur superior mandati procuratoris datæ formula. Nulli ergo, etc. nostræ infeudationis, etc. « Dat. Avin. III id. Martii, anno xv ».

¹ Ad. 15. p. 4. Ep. com. DCCLXXVI.

lani tamen comparata augusto, ut refert Joannes Villanus¹ quadraginta duarum trirerum et triginta navium classe, nullo civium exultumve Genuensium, seu Guelforum Gidellinorumque Saonensium habito discrimine, Lignorie oram evastarunt. Qua percussi clade Ligures, ad repellendum communem hostem vires conjungere, mutuasque inimicitias missis ad Robertum regem oratoribus ut concordiae leges ferret, voluntaria oblivione delere decreverunt. Conciliati itaque sunt iis legibus, ut exules restituerentur patriae, arces tamen reipublice potestati subicerent, ac Pontificias partes adversus Ludovicum Bavarum et Joannem regem Boemiae tuerentur. In ea Catalanorum adversus Genuenses expeditione maritimas vires Jacobum regem Balearum conjunxisse, narrat Surita². Intercedebat etiam Jacobo Baleari controversia gravis cum Gastone Foxi comite de nonnullis castris, quae ipse obtinebat: comes vero ad Rogerium Bernardi fratrem comitem Castri Boni Sclarimunde aviae reginae Balearum jure hereditario spectare contendebat³, et Jacobo bellum denuntiabat. Admovit Apostolicas curas Joannes, ut exorientem discordiam pacaret, atque archiepiscopum Aquensem huic muneri praefecit, Balearumque regem rogavit⁴, ut ei obsequens esset, atque ab hostili grassatione abstereret⁵: pariterque Gastonem⁶ flectere ad pacem studuit, eumque, ut aequitate non armis experiretur, est adhortatus⁷.

28. Denique tanquam summus Christianorum hierarcha ad compescendas insontium strages, et reprimenda mala, quae in subditos populos, Christi emptos sanguine, redundatura erant, tradita sibi divinitus potestate usus, annuus inducias imperavit, districtosque enses a principibus poni jussit, objecto iis anathemate, qui Apostolica imperia infringere, ac principum contra haec tendentium ditionem sacris interdixit: cujus edicti promulgandi archipraesuli legato provincia data est⁸.

« Venerabili fratri Armando archiepiscopo Aquensi.

« Nuper non sine cordis amaritudine intellecto, quod hostis humani generis inter charissimum in Christo filium Jacobum regem Majoricarum illustrem ex parte una, et dilectos filios nobiles viros Gastonem comitem Foxi et Rogerium Bernardi de Fuco vicecomitem Castri Boni germanum ejusdem comitis ex parte altera adeo gravis dissensionis materiam suscitavit, non viis pacificis, sed congressibus bellicis exortas inter ipsos disponunt dirimere quaestiones. Nos igitur considerantes attente strages corporum, facultatum lapsus et animarum pericula, ac Ecclesiarum et personarum Ecclesiasticarum, orphanarum quoque ac viduarum et pauperum discrimina varia, quae dicti congressus, si sequerentur, quod absit

probabiliter, comminantur; ac ideo ad hujusmodi sedandam discordiam, et turbatae pacis inter partes praedictas reformanda foedera vigilantibus studiis intendentes, et de circumspectione tua gerentes in Domino fiduciam pleniorum; te ad partes illas ad impediendum eodem congressus, et reformandum pacis foedera inter partes praedictas providimus destinandum, prout in nostris inde confectis litteris plenius continetur.

« Verum quia frequenter expedit monitionum lenitati Ecclesiasticam adjici disciplinam, fraternitati tuae per Apostolicam scripta committimus et mandamus, quatenus partes easdem et ipsarum quolibet ac valitores earum, ne se invicem aut terras suas usque ad unum annum hostiliter quomodo invadant, nec aliquis ad hoc eis praebat consilium, auxilium vel favorem, per excommunicationis in personas, et interdicti in terras eorum sententias, a quibus absolvi praeterquam in casu mortis nisi a Sede Apostolica minime valeant (non obstante qualibet indulgentia cuilibet eorum vel eorum alteri, seu cuilibet alii sub quacunque forma verborum, vel expressione ab ipsa Sede concessa) quando et prout secundum Deum expedire videris, per te vel alios seu alium compescere non omittas. Si vero ad partium earumdem vel aliorum, quorum intererit, provinciam pro praemissis exequendis nequires secne forsitan te conferre, volumus quod processus tuos super praedictis habendos, in locis circumvicinis, de quibus verisimile existat, quod ad eorum valeant pervenire notitiam, solemniter publicare procures: quibus quidem processibus eos, quos ipsi contingunt, adeo arcari, postquam sic publicati fuerint, volumus ac si eis personaliter publicati et insinuat fuissent. Dat. Avin. IV id. Junii, anno xv. Resc. dit etiam Pontifex¹ omnes coitiones et armorum foedera, quae inter socios eorum principum inita fuerant, et sacramenta ea de causa concepta irrita esse sauxit; perfecitque ut ii principes ad dirimendam aequitate controversiam inclinarint, ac delecti sint viri periti et prudentes, qui concordiae rationes explorarent: si vero eorum discrepant sententiae, Pontifex ad dirimendam litem curas se adhibiturum est pollicitus. Poscebat temporum necessitas, ut Christianorum bella sopirentur, cum Barbari ad religionem evertendam imminerent.

29. *Consilia de expeditione Granatensi et potissimum de Asiatica contra Saracenos et Turcas prosequitur Pontifex.* — Et quidem Afri Balearicum mare piratica grassatione vexabant, expositisque in insulis nauticis copiis, maritimam oram diripiebant. Ad quorum coerendas excursiones triennalis decuma Jacobo regi concessa a Pontifice: « Cum, inquit², sicut ad notitiam nostram et fratrum nostrorum S. R. E. cardinalium tua ac quorundam aliorum fide digna relatione perve-

¹ Jo. Vill. l. x. c. 130. Sur. l. vii. c. 16. — ² Sur. l. vii. c. 13. — ³ Tom. viii. p. 1. Ep. secr. pag. 37. — ⁴ Ibid. pag. 50. — ⁵ Ibid. pag. 38. — ⁶ Ibid. — ⁷ Ibid. pag. 7. — ⁸ An. 15. p. 2. Ep. cur. xxiv.

¹ An. 15. p. 2. Ep. cur. xxv. — ² Ibid. p. 4. Ep. com. CDLXXVI.

nit, dictum regnum per incursiones hostiles infidelium et aliorum hostium multiplicibus in mari et terra prædis, spoliis et rapinis oppressum fuerit et afflictum, et quampluribus navibus, mercibus, et mercatoribus per eosdem infideles et hostes fuerit spoliatum, et alias per incursum eorum in personis habitatorum suorum gravissima pertulerit detrimenta, etc.» Permisit eidem regi instaurandæ rei mercatorie, quæ dissipata excursionibus piraticis erat, gratia ut tres naves Alexandriam mitteret, modo vetitas merces non inferrent Aegyptiis; tum etiam hanc adiecit exceptionem¹: « Exceptis quoque infantibus et pueris præcipue Christianis, qui interdum per nonnullos falsos et impios Christianos rapiuntur, et ad Saracenos in eorum navibus cum mercimoniis deferuntur, et venundantur eisdem: ex quorum damnato commercio contingit dictos Christianos peros fidem Catholicam abnegare, dictorum Saracenorum perfidia imbui, et multa alia nefanda committi in gravem divinæ majestatis offensam, et fidei Catholice detrimentum ».

Excurrere² in Valentinum regnum Mauri, ac ferro flammasque sunt grassati: ad quos reprimendos non ex Hispaniis modo, verum aliis quoque regnis fideles generoso ardore accensi provolarunt. Accessit inter ceteros triumphalibus crucis signis Willelmus Juliacensis comes, qui arma Christo contra perfidos Granatenses devoverat, et a Pontifice litteris ad Alfonsum Aragonum regem³, Joannem patriarcham Alexandrinum, Petrum Ripacuriae comitem, tum Raymundum Berengarii comitem Montanorum de Prades, principes regia stirpe satos, datis⁴ plurimum commendari meruit. Agitabat etiam Granatensis expeditionis consilia Philippus Francorum rex⁵, atque oratorem Ranulphum Rochafortium ad Alfonsum regem Aragonum misit, ut de conjungendis cum ipso armis ad excindendas ex Hispania Mahometanorum reliquias pacta iniret; ac pollicebatur se gloriæ et laborum socios Angliæ, Scotiæ et Navarræ reges, tum Gallos principes, ac delphinum et ducem Sabaudie adducturum. Agebat tum Alfonsus Valentie, qui iis auditis deliberaturum respondit; ob inducias tamen, quas rex Castellæ cum Granatensibus erat pactus, rem difficilem exitum habituram. Cæterum eæ induciæ diuturnæ non erant future, quippe ineunte hoc anno Maurice expeditionis consilia cum Alfonso rege Castellæ a Pontifice instaurata sunt, illique ad quadriennium inchoandum a festo Ascensionis Dominicæ proximo anno recurrentis sacerdotiorum regni Castellani decumæ, et duæ partes tertiarum illius auri reticiendis templis sacri attributæ fuerunt⁶ eæ lege, ut terra marique Granatenses adirentur; ac si a castris abesset, præficeret ducem exercitui, in

quo ad minus mille equites cataphracti numerarentur. Tum alias pactiones de Ecclesiis in urbibus, quæ e tyrannica Maurorum servitute eriperentur excitandis et vectigalibus donandis, ac Mahumetica superstitione compescenda adiecit, quibus de rebus ad Alfonsum regem VI id. Aprilis scriptæ litteræ, partesque datæ¹ archiepiscopo Hispalensi, et Cordubensi ac Giennensi episcopis, ut decumanum aurum cogerent, et quæstores sacerdotes instituerent.

30. *Athenorum ducis in Achaïam irrita expeditio.* — Gerere porro in votis præ se ferebat Philippus Francorum rex ex Hispaniis Saracenicum nomen delere, ut Hispanos reges expeditionis, quam in Asiaticos infideles moliebatur, socios sibi adscisceret: atque ob id etiam Joannes rex Boemiarum, quem Syria Christo restituendæ se devovisse vidimus, regi Aragonum contra Granatenses operam detulerat². Interea ex aula soldani, a quo Palæstinam repetebant Christiani, regressus Petrus Paludanus patriarcha Jerosolymitanus nullas quidem barbari principis nomine litteras attulerat, alias tamen porrexit oratorum quatuor sigillis munitas, in quibus descripserant, quæ sibi variis temporibus soldani nomine responsa fuissent: cumque patriarcha ad Philippum profecturus esset, exaratis XVI kal. Mart. litteris Pontifex Francorum regem in deliberationem vocare jussit, quid agendum esset, pariterque se cum cardinalibus de iis, quæ patriarcha scriptis tradiderat, deliberaturum. Deinde pervenere ad Sedem Apostolicam Leonis Armeniæ regis oratores, quos Joannes ad Philippum Francorum regem dimisit, eique litteris, XII kal. Octobris exaratis, commendavit³. Poscebant ii pro tutanda Armenia auxilia, ac salubria ad Saracenos invadendos consilia afferebant. Cum itaque Galliarum rex de bello sacro cum suis principibus diu agitasset, atque etiam superiori anno diebus ocio et eo amplius cum ipso Pontifice de ea expeditione obeunda egisset⁴; denique missis ad Sedem Apostolicam litteris Joannem rogavit⁵, ut tanquam summus Christianorum omnium princeps Mahometanis ad liberandam ex eorum tyrannide Palæstinam, Christi sanguine olim consecratam, bellum sacrum indiceret: ex conventis itaque decrevit expeditionem Pontifex, vententis biennii vere suscipiendam, ac Petro Paludano, qui legationem apud soldanum Babylonium obierat, tum Gallis præsulibus dedit imperialia⁶, ut fideles sacræ militiæ nomen daturos crucis symbolo insignirent.

« Joannes, etc. venerabilibus fratribus Petro patriarchæ Jerosolymitano, ac universis archiepiscopis et episcopis per regnum Francie constitutis salutem.

« Gaudemus et exultamus in Domino, gaudet

¹ An. 15, p. 4. Ep. CCLII. — ² Sur. I, VII, c. 15. — ³ Tom. VIII, p. 1. Ep. secr. pag. 48. — ⁴ Ibid. — ⁵ Sur. I, VII, c. 14. — ⁶ An. 15, p. 3. Ep. com. MIV.

¹ An. 15, p. 3. Ep. MV. — ² Sur. I, XIV, c. 14. — ³ Tom. VIII, p. 2. Ep. secr. pag. 212. — ⁴ Jo. Vill. l. X, c. 162. — ⁵ An. 16, p. 1. Ep. cur. VII. — ⁶ Ibid.

et exultat sancta mater Ecclesia, et plebs cuncta fidelium potest et debet non indigne fatari, quod charissimus in Christo filius noster Philippus rex Francorum illustris velut Christianissimus princeps calamitatibus, miseriis ac necessitatibus Terræ-Sanctæ, in qua Salvator noster salutem totius humani generis extitit operatus, et quæ per sordidos Saracenos Catholicæ fidei inimicos dehonestatur continue in Crucifixi contumeliam, et opprobrium nominis Christiani, affectu interno compatiens; ac summum desiderium, quod a longo tempore habuit in dictæ Terræ-Sanctæ subsidium transfretandi, cupiens sine tarditatis obstaculo ducere in effectum, passagium ultramarinum; sicut ipse nobis per suas litteras intimavit, ad deliberationem dictæ Terræ-Sanctæ de manibus infidelium prædictorum, clare memorie Christianissimorum regum Franciæ antecessorum suorum (qui charitatis et devotionis fervore succensi velut fideles pugiles et Christi athletæ constantissimi, dictæ Terræ-Sanctæ negotium per retroacta jam tempora fuerunt feliciter prosecuti) imitando vestigia, cum nonnullis prælatis, paribus, baronibus et multis aliis regni sui et partium aliarum magnatibus provida consultatione ac via tuto deliberatione præhabita: ad laudem et gloriam divini nominis et Catholicæ fidei exaltationem assumpsit, firmiterque disposuit, auctore Domino, ad Terram eandem ad eripiendum eam de manibus hostium prædictorum, et vindicandas injurias et contumelias, quas dicti hostes perfidi crucis Christi in conculcationem et contaminationem dictæ Terræ Salvatori nostro haecenus intulerunt, et continue inferre in Terra prædicta multiplicibus blasphemis, non sine magno cunctorum Catholicæ fidei cultorum opprobrio, non desistant, personaliter proficisci. Et quia idem rex pro hujusmodi faciendo passagio, sublato cujuslibet dilationis obstaculo, iter adversus terram eandem arripere infra biennium ab instanti mense Martii computandum intendit, nobis humiliter supplicavit, ut verbum crucis proponi ac prædicari ad hujusmodi faciendum passagium universis Christi fidelibus publice faceremus. Nos igitur ex prædictis diligentius attendentes, quod idem rex ad Deum et Dominum nostrum Jesum Christum dirigens studiosis operibus mentem suam, pro divini gloria nominis sic in terris militare desiderat, ut in cælis ab eo æternæ vitæ præmium assequatur; suamque propterea devotionem multipliciter in Domino commendantes, dignas laudes et gratias Altissimo qui hoc dignatus est regalibus prae cordis inspirare, non immerito proinde exsolvimus reverenter.

« Copientes itaque, ut hujusmodi pium laudabileque ipsius regis propositum, sancta assumptio, ipsumque negotium beo, cujus agitur causa, favente auspiciis felicibus prosperentur, et votivis proficiant incrementis; ejusdem regis supplicationibus inclinati, fraternitati vestræ de fratrum nostrorum consilio per Apostolica scripta commit-

timus et mandamus, vos nihilominus obsecrantes per aspersionem pretiosis sanguinis Jesu Christi quatenus commemorantes attente dictæ Terræ statum, pro dolor miserabilem, quem tu frater patriarcha palpasti; et considerantes provide quod, cum fidelium suorum regimini vos velut in sollicitudinis partem assumptos præfecerit Dominus, defendere ac augere fidem Catholicam, ut corroboretur et propagetur in cordibus hominum, plus cæteris tenemini ex officio pastorali, tanquam præcones fideles, et athletæ fortes fidei contra prædictos perfidos hostes Christi, tu videlicet frater patriarcha in toto regno Franciæ, in quo in præsentiarum moram trahis, generaliter per te ipsum duntaxat, vos vero fratres archiepiscopi et episcopi, singuli videlicet vestrum in singulis vestris civitatibus et diocæsisbus per vos et alias personas Ecclesiasticas, seculares et regulares ordinum quorumcumque, quas ad hoc idoneas fore noveritis; cunctis fidelibus per dictum regnum constitutis proponitis juxta datam vobis et eis prudentiam publice verbum crucis, ac venerabile signum ejus tu frater patriarcha, generaliter in toto regno prædicto, vosque fratres archiepiscopi et episcopi in eisdem vestris civitatibus et diocæsisbus per vos et alium seu alios, ut præmittitur, ipsis Christi fidelibus dicti regni et cæteris, undecumque illuc confluentibus, et ejusdem crucis signaculum devote ibidem suscipere volentibus, quos ad hoc utiles fore credideritis, concedatis, etc. » Pluribus de inflammandis pro concione ad profitendum religiosam militiam fidelibus, et criminum condonatione eam induto crucis symbolo obiluris proposita, deque fidelium stipe sacra colligenda interjectis, divinum Numen, ut cæpta feliciter promoveat, exorandum decernit.

« Cæterum, inquit, desiderantes intense, ut hujusmodi sanctæ assumptionis negotium optatum sortiatur effectum, et ejusdem regis ac aliorum Christi fidelium pia devotio, orationum adjuta suffragiis, circa prosecutionem dicti negotii efficacius roboretur, volumus et auctoritate præsentium ordinamus, ut in singulis prædictis, et aliis etiam regularibus Ecclesiis dicti regni qualibet hebdomada semel, certa die prænuntianda populo, una missa pro liberatione dictæ Terræ de manibus hostium prædictorum, præfata prosecutione durante, cum infrascriptis orationibus solemniter celebretur; ita quod in prima de Trinitate, in secunda de Cruce, ac in tertia hebdomadis de B. Maria Virgine, et sic deinceps missæ hujusmodi debeant celebrari; nisi forsitan id festivitatis aliquæ solemnitas impediret, quo casu post orationes festi ordine suo semel in hebdomada dicantur orationes hujusmodi, ut præfertur. Cunctis quoque fidelibus vere poenitentibus et confessis, qui durante prosecutione dicti negotii pro ipsius consummatione felici devote ad Dominum preces effuderint, decem dies, singulis videlicet diebus, quibus oraverint, de injunctis eis poenitentis mi-

sericorditer relaxamus. Prædictæ autem orationes sunt istæ :

« *Deus qui admirabili providentia cuncta disponis, te suppliciter exoramus, ut Terram, quam Unigenitus tuus proprio sanguine consecravisti, de manibus inimicorum crucis eripias, et eam in Christiana religione tuo nomini servire concedas. Per eundem, etc.* Oratio secreta. *Sacrificium. Domine, quod immolamus intende, et propugnatores tuos ab hostium malignitate custodias, et in tue protectionis securitate conserves.* Alia oratio post communionem. *Protector noster aspice, Deus, et fideles tuos ab hostium defensione periculis, ut ab omni perturbatione semoti libera tibi mente deserviant. Per Dominum, etc.* Dat. Avin. nonis Decembris, Pontificatus nostri an. xiv. Indictæ sunt biennio post eadem preces fundendæ toto orbe Christiano, atque ea de re Encyclicæ ad aliorum regnorum præsules datæ litteræ ¹.

Dum præsules Galli magno pietatis ardore fideles immortalitatis spe ad restituendum Palæstinæ Christi cultum concitabant, Philippus rex celeberrimos procerum cœtus habuit ea die, qua sacra Christi natalitia recoluntur : in quibus evolvente a proximis kalendis Martii biennio trajectorum se cum exercitu in Asiam sponndit, suosque magnates, ut ipsum in ea expeditione stiparent, postulavit : tum a regni ordinibus aurum subsidiarium in sumptus bellicos flagitavit. Addit Joannes Villanus ² accuratissimus auctor, illum oratores de nuncupato voto Pontificem et cardinales certiores facturos decrevisse, ac terrena comoda non divitiarum gloriam sæculatam plura postulata graviora in viginti septem capita redegissee. Cujus petita cum Pontifex et cardinalium senatus ut iniqua repelleret, exinde primum ardorem in Philippo refixisse, illumque inter et Ecclesiam obortas offensinuculas, abalienationesque animorum. Ut vero proximo anno expeditionis constitutum diem extraxerit, ac plures pactiones cum Joanne iniverit ; deinde eas temperari voluerit, postea contra Pontificia monita Anglico bello se implicaverit, quasi subterfugiende Orientalis expeditionis prætextum capere, demumque perjurii graves pœnas dederit, suis locis dicetur. Nunc reliqua ad hunc annum spectantia conjungamus.

Ut laboranti Armeniæ succurreret Joannes, dum expeditio adornaretur, ingentem vim auri jam ante ad instaurandas arces transmiserat : cujus partem cum nuntiis Apostolici Petrus et Manso et Arnaldus et Fabricis in munientis Aiaci propugnaculis consumpsissent, ut reliquam etiam optime collocarent, est hortatus ³. Consulturus pariter Cypro ad discordias, que inter Genuenses ac regem Cyprium, et dominum Tyri intercesse-

rant, componendas Apostolicum adjecit studium ⁴ : electusque controversiæ arbiliter tulit sententiam, ut accepta illatæ hinc inde damna sarcirentur.

30. *Athenarum ducis in Achaïam irrita expeditio.* — Hoc anno expeditionem in Græciam suscepit Gualterus comes Brenensis Athenarum dux ⁵, ut principatum a Catalanis injuste sibi ereptum recuperaret, ac Brundusio mense Augusto solvit, impositis octingentis equitibus Gallis amplissimoque alio exercitu : poteratque facile hostem vincere, si ad pugnam illum elicere potuisset, at is certamen detrectavit, seque in arcibus continuit : quas cum ipse nisi longo tempore expugnare non posset, nec sumptus bellicos tolerare, ingens ille apparatus brevi evanuit, reque infecta redire coactus est, et Catalani ducatum Guillelmo Frederici regis Trinacriæ filio asseruere. Hæc de Orientalibus rebus conjungenda visa sunt, ut uno intuitu earum status pateret : jam de Ecclesiastico jure defenso nonnulla attexenda.

31. *Jura episcoporum Magalonensis et Rothomagensis tue tur Pontifex.* — Tuendæ Magalonensis Ecclesiæ studio Pontifex, cum prætores regii aliique administri Magalonensi episcopo de Melgorii et Montisferrandi comitatu a Romana Ecclesiâ jure fiduciario illi attributo controversiam intenderent, illiusque possessionem evertere molirentur, Philippum regem est adhortatus ⁶, ut reprimeret suorum conatus : ventilatam antea sub Ludovico IX sanctissimo rege causam, adjudicantemque Ecclesiæ, nec prædecessores reges molestiam amplius movisse. Et quidem ejus donationis a Romana Ecclesiâ factæ publica documenta in Ms. cardinalis Aragonii extant ⁷ :

« Joannes, etc. Philippo regi Franciæ.

« Doctor egregius, vas electionis et Christi Apostolus Paulus nos instruit, ut ambulare sicut lucis filii debeamus. Prefecto, fili charissime, inter eos, qui regnaverunt a multis citra temporibus, non occurrit nostræ memoriæ aliquis, cui sic nomen lucis congruerit, sicut tuo proavæ sanctæ memoriæ B. Ludovico, cujus siquidem vita lux fuit coram omnibus principibus ; cujusque opera gloriosa sic luxerunt coram omnibus, ut eis ostenderit quid deberent agere, quid vilare, quodque illum glorificare debeant, qui sibi et scire, velle ac posse in hac valle miseriæ tribuit talia exercere. Hujusmodi lucis tu filius nosceris, nomine filii largi sumpto : ideoque rationi congruit, ut velut hujus lucis filius ambulare debeas, id est, quod ejus gesta laudabilia studeas imitari. Hæc pro tanto, fili dilectissime, premisimus, quia quidam officiales regii venerabilem fratrem nostrum Joannem episcopum et Ecclesiâ Magalonensem super comitatu Melgorii et Montisferrandi Magalonensis diœcesis noviter gravant et molestant.

¹ An. VII. p. 1. Ep. cml. xviii. et reg. post. cand. Ep. — ² Jo. Vill. l. x. c. 192. Sur. l. vii. c. 13. — ³ Tom. viii. p. 2. Ep. secr. pag. 211. —

⁴ Ms. arch. Vat. card. Arag. sign. lit. E. pag. 217. et in alio Ms. pag. 161.

⁵ An. 47. p. 1. Ep. cml. xviii. et reg. post. cand. Ep. — ² Jo. Vill. l. x. c. 193. — ³ Tom. viii. p. 1. Ep. secr. pag. 62.

« Sane quid Ludovicus prædictus, dum adhuc in rebus humanis agens a nonnullis ejus instillaretur auribus, quod eadem Magalonensis Ecclesia in ejus et regni sui præjudicium comitatum tenebat prædictum, egerit, ad tuam memoriam, ut eum militari vales, revocamus. Ipse quidem felicis recordationis Clementem papam IV prædecessorem nostrum, quem habere super jure dicti comitatus notitiam supponebat, super eo consultit: quid autem sibi vir Dei prædecessor præfatus responderit, littera dicti prædecessoris nostri sibi directa, cujus tenorem continet interclusa, præsentibus cedula serius manifestat, (de his litteris suo loco in Clementis Pontificatu meminimus, easdemque postea, cum eadem lis recruduisset, a Bonifacio VIII repetitis attulimus:)¹ qua recepta tam Ludovicus ipse, quam ejus successores in regno permiserunt, absque molestia aliqua episcopum et Ecclesiam Magalonensem comitatum prædictum pacifice possidere, etc. » Addit preces, ut præclaris in ea re sancti Ludovici vestigiis insistens, episcopum Magalonensem suis juribus deturbari infestarique a regis administrationis non sinat. « Dat. Avin. non. Septembris, Pontificatus nostri anno XIV ».

32. Tulerat antea Francorum rex iniquiore animo Pontificem Rothomagensi Ecclesie non præfecisse Guillelmum e S. Maura, cum a rege magno studio commendatus esset, tum ob alias virtutes, tum ob regii sigilli præfecturam, quam gerebat; et alium theologicæ scientiæ laude polloquentem prætulisset. Qua de re conquerenti hæc Pontifex de episcopalis muneris dignitate scripsit²:

« Joannes, etc. Philippo regi Franciæ.

« Profecto, fili charissime, officium Pontificum ab officio cancellarii multum distat, talisque potest idoneior ad cancellariatus reputari officium, qui non esset ad archiepiscopale seu episcopale etiam idoneior aliis reputari ». Et infra: « Nos quidem claræ memoriæ Caroli II regis Siciliæ cancellarii fuimus, et scimus quæ ad illud officium pertinere noscuntur, quæ proculdubio sunt alia ab his, quæ ad pontificalem pertinent dignitatem. Pontificis quidem est officium pastorale, gregem scilicet sibi commissum verbo doctrinæ Scripturæ sacræ, et exemplo vitæ pascere et subsidio temporali. Hoc satis expresse Saluator noster docuit, dum B. Petrum suum constituit vicarium generalem, dicendo: *Pasce oves meas*, et *Pasce agnos*. Officium quoque medicum, noscuntur habere, qui inter lepram et lipram, id est, inter peccatum et peccatum debent cognoscere, et spirituales medicinas congruas, ut a suis sanentur infirmitatibus, ministrare. Habent quoque a sibi commissio populo exirpare vitia, et virtutes plantare. Constituuntur insuper pro hominibus in iis, quæ sunt ad Deum, ut dona et sacrificium offe-

rant pro peccatis. Habent insuper sacramenta ministrare Ecclesiastica, quæ proculdubio sunt ab officio cancellarii aliena ». Et infra: « Etsi, fili charissime, quæ de ore nostro prodierunt, cum fuimus insinuat, de memoria non exiverunt regia, evidenter potuisti percipere, quod non minorem reputabamus in episcopis, præcipue in archiepiscopis, quam in cardinalibus sufficientiam requirendam: unde aliquem nominatum ad cardinalatum, quantum in nobis fuit, admisimus, quem non sic admisimus ad archiepiscopalis apicem dignitatis, etc. Dat. IX kal. Martii, anno XIV ».

33. *Contendit Philippus rex de creandis cardinalibus ex natione Gallica.* — Quod ad cardinales hoc anno creatos spectat; cum Philippus rex collegium sacrum Gallis impleri optaret, cæterisque duos aggregari cuperet, Pontifex ob ingentem cardinalium Francorum numerum, cum e novemdecim sexdecim e Galliis originem traxissent, alterum ex iis repulit¹, alterum nempe Talarandum episcopum Antisiodorensium in partem oneris vocavit, de quo ad regem litteras dedit²:

« Regi Franciæ.

« Licet cæteris venerabilium fratrum nostrorum sanctæ Romanæ Ecclesiæ, numerosa illuminatus multitudo cardinalum omni scientia probatorum et experientia ad regimen universalis Ecclesiæ opportunus sit adeo insignitus, quod augeri nulla necessitas exigebat; sufficientia tamen dilecti filii nostri Talarandi S. R. E. presbyteri cardinalis, olim episcopi Antisiodorensis attenta ac affectione, quam ad eundem gerit excellentia regia, in consideratione deductis, eidem de ipsorum fratrum consilio cætui duximus aggregandum, ipsum assumentes in presbyterum cardinalem. Et ut in veniendo possit expensas habilititer supportare, eidem dietam Antisiodorensium Ecclesiam de fratrum eorumdem consilio usque ad instans festum Magdalene duximus commendandam. Circumspectionem autem regiam volumus non latere, quod jam xx cardinales, de quibus xvii de regno Franciæ originem traxisse noscuntur, existant in collegio memorato. Dat. VIII kal. Junii, anno XIV ». Creatum IX kal. Junii Talarandum cardinalem refert Bernardus³.

34. Lapsis paucis mensibus Philippus rex et Joanna regina Francorum iniquis admodum Joannem precibus urere, ut Gallici generis cardinalem alium crearet, quibus rescripsit Pontifex⁴, ut cœptis absterrent: invidia enim res plena erat adeo Gallos sui generis amantes esse, ut adepto Pontificatu vix ex aliis nationibus renuntiarent cardinales, eaque ratione summum penes gentem suam sacerdotium retinerent.

« Joannes, etc. Joannæ reginæ Francorum.

« Utinam, filia charissima, mos servatus in

¹ Ann. tom. XIV. an. Chr. 1360. num. 30. — ² Tom. VIII. p. 1. Ep. secr. pag. 27.

³ Tom. VIII. p. 1. Ep. secr. pag. 31. — ⁴ Ibid. — ⁵ Bern. Chr. Rom. Pont. Ms. bbl. Vat. sign. num. 2043. — ⁶ Tom. VIII. p. 2. Ep. secr. pag. 312.

creandis nostris fratribus circumspectioni regiae esset notus : ipsorum quidem creatio nunquam sit in camera, sed in consistorio, votis fratrum omnium exquisitis. Item non consuevit nisi ex causa creatio fieri eorundem ; causae autem consueverunt existere vel parvus eorum numerus, vel ipsorum impotentia ad summum officium exercendum : quae si ad praesens considerentur attente, profecto nec numerus parvus, nec ex parte illorum debet aliqua impotentia judicari. Numerus quidem, attento numero qui ante tempus felicitis recordationis Clementis papae V praedecessoris nostri consuevit existere, non parvus judicandus est, sed potius excessivus : credimus enim, quod ante tempus ipsius numerus non adeo magnus fuerit, sicut est in praesenti. Defectus autem praecipuae scientiae, et interdum etiam corporalis virtutis creationem novam requirere consuevit, qui per Dei gratiam hodie non vindicat sibi locum : tanta quidem iam scientiae theologiae et utriusque juris in nostro collegio, Dei gratia, viget sufficientia, quod pro casu aliquo extra eos non oportet nos aliorum suffragia mendicare ; licet in causis, quae fidem respiciunt vel universalem statum Ecclesiae, consueverimus praedictorum praesentium in curia, ac doctorum et professorum juris civilis aliorumque peritorum consilia postulare. Utinam quot sunt inter fratres nostros, qui non habent sufficienter, quae ad statum eorum sunt necessaria, quodque oportet nos propterea sufferre molestias, providentia regia plene sciret.

« Adhuc optaremus, quod ad memoriam revocaret, quot sint fratres hodie de regno Francie, et quot se regnis aliis in collegio antedicto et ubique reperiet, quod de regno Francie sunt sexdecim, de regno vero Italiae sex, de regnis vero omnibus aliis solus unus, scilicet Hispanus existit. Optaremus insuper, filia benedictionis et gratiae, quod regum aliorum te instantia non lateret. Adhuc desideramus, quod celsitudo regia dictum sapientis dicentis : *Omnia tempus habent*, et quod cum negotio est tempus et opportunitas, interdum ad memoriam revocaret. Credimus quidem, quod si hoc deduceret ad consistorium rationis, quod pro creatione novi fratris isto tempore non instaret. Nos autem praemissis in consideratione deductis, ac cum venerabili fratre nostro Petro tituli S. Martini in montibus presbytero cardinale ac regio nuntio conferentes, licet parati essemus fratribus nostris vota exponere regia ; quia tamen ex iis, quae in proximo praeteritis ordinibus probavimus, ubi vota super hoc eodem negotio regia eisdem fuerunt exposita, verebamur quod attentis omnibus supradictis, eorum non haberemus assensum ; visum fuit expedientius ad praesens istud negotium subicere : quare habeat nos super hoc celsitudo regia excusatos, etc. Dat. VI kal. Octobris, anno XIV ».

Conceptae eadem verborum forma litterae ad Philippum datae, sub cujus demum precibus suc-

cubuit, cum aliorum regum preces durius, vel quæstis fucis rejiceret, ut ne quidem unum ex eorum regnis in cardinalatum numerum adscriberet. Insignis porro virtutibus ac scientiae gloria florentissimus is fuit, quem exeunte anno e gente Gallica inter cardinales retulit, nimirum Petrus¹ Aëluensis episcopus, a quo libertatem Ecclesiasticam, a Petro e Cuneris oppugnata, strenue defensam conscriptis duobus gravissimis Commentariis vidimus². Exstant datæ ad eum litteræ XIII kal. Januarii. Pontificatus anno xvi consignatæ, quibus ipsum dignitate cardinalitia ornatum significat³, atque ab Aëluensis Ecclesiae onere exsolvit : tum ad Philippum regem Francorum ac reginam, quibus ipsos votis compotes factos gratulatur⁴.

33. *Regi Angliæ et reginæ Aragonum Pontificem consulentibus monita salutaria.* — Inter hæc miserat ad Sedem Apostolicam Eduardus Anglorum rex oratorem suum, ut in nonnullis rebus dubiis optima ad temperandum moderandumque regnum consilia eliceret : cui operam suam lubentissime detulit Pontifex, atque hæc inter cætera respondit⁵ :

« Joannes, etc. Eduardo regi Angliæ.

« In primis ad id, quod de reformatione regni et ipsius salubri regimine quaeritur, respondemus quod ante omnia prudentia regalis debet intendere, ut illi a quo bona cuncta procedunt, et per quem datur regnare principibus, placere studeas, et quæ majestatis ipsius oculos possent offendere, omni studio declinare. Et quia Ecclesia Christi sponsa, ejusque sponsus ea sunt indivisibili unione conjuncti, ut altero in honore non habito, reliquos honorari non possit ; nec enim sponso irrogari potest injuria, quin detrahatur et sponse ; nec ipsius sponse honori ac libertati detrabi, quin et sponso ejus, quantum in detrahente fuerit, derogetur ; decet ut tu, fili charissime, si Christo placere desideras, ab injuriis Ecclesiarum, quæ in regno tuo supra modum et singulariter irrogantur, ministros tuos et subditos retrahas, et ab iis abstinere compellas ». Et infra, ad administrandam probe justitiam hæc monita addit : « Expediens videretur, cum scriptum sit, quod *ubi multa consilia, ibi salus*, quod circumspectio regi non uni, nec duobus regni communicaret regimen, nec unius, nec duorum consilio regeretur ; sed generali prælatorum, principum et aliorum nobilium ac communitalium consilio congregato, vigilantissimo studio, non ex abrupto, via salubris tanto regimini quaereretur, eaque comperta executione non verbaliter nec simulato, sed reahiter ac veraciter mandaretur, juramentis ab ipsis, quos velut consiliarios vel ut rectores contingeret eligi, præstitis quod suum commode et fideliter exequerentur officium, amore prorsus et odio relegatis ;

¹ Contel. in Elench. card. in 6, creat. Jo. — ² An. Chr. 1329. num. 75. — ³ Tom. VIII. p. 2. Ep. secr. pag. 220. — ⁴ Ibid. —

⁵ Tom. VIII. p. 1. Ep. secr. pag. 42.

abjectis nihilominus pœnis formidabilibus, quas incurrerent non servantes.

36. « His itaque taliter ordinatis, quia in dicto regno multae dicuntur consuetudines, quae nec juri divino, nec humano, nec rationi naturali sunt consonae, sed magis adversae, quarum observantia offensa divina incurritur, libertas Ecclesiastica violatur, jus proximi laeditur, vique ad falsa proferenda testimonia panditur, et per consequens materia ad proferenda perversa judicia ministratur : multum expediens videretur, quod providentia regia visum Deum timentibus, scientibus de talibus, scilicet an tales sint ipsae consuetudines, judicare deliberatione praehabita diligenti, si tales repertae fuerint, ad extirpandum ipsas vel taliter temperandum, quod earum cessaret iniquitas, procedere non omittat ». Consuluerant etiam oratores, an ad pacem inter Libernos adducendam eo rex se conferre deberet : in quo Pontifex Eduardo auctor extitit, ne Anglia discederet, cum novi tumultus in ea possent exoriri ; sed viros prudentia singulares ad conciliandos dissentientes mitteret, qui neutrius partis studia amplecterentur. Quod vero demum de expeditione Asiatica suggererat, respondit omni se studio in id incumbere, ut quanto citius adornaretur. « Dat. kal. Julii, anno xv ».

37. Consuluit Maria regina Aragonum Pontificem, quibus remediis quispiam magorum insidiis appetitus se committere deberet : cui a Pontifice hoc responsum datum ¹ :

« Marie reginae Aragonum.

« Tibi quaerenti, charissima filia, quibus persona illa in tuis litteris nominata se juvare posset remediis contra mullorum insidias, qui magicis factionibus suam personam student in occulto laedere, cum hoc perficere nequeant in aperto. Breviter respondemus, quod cum per illos diabolus noceat, cui nonnunquam a Deo justo iudicio potestas permittitur sic nocendi, quam nequit exercere aliter quam fuerit a divina maiestate permissus, nescimus aliud remedium in hac parte, nisi quod ad Deum tota mente recurrere debeat, ipsumque humiliter implorare, ut a talibus ipsam misericorditer dignetur prolegere, et immunem servare. Et ut mereatur super hoc exaudiri, caveat ne quid committat, quod ipsius oculos offendere valeat maiestatis ; et de commissis vera cordis contritione ac confessione integra, et satisfactione quam sibi iudex suus impenitendum duxerit, satisfacere non omittat. Per ista credimus et hostis ille malignus nequaquam sibi graviter nocere poterit : nec ad alia remedia confugimus, nec quaesivimus, Deo teste, nos contra quos nulla talia magica sunt attentata. Dat. XV kal. Februarii, anno xv ».

38. *Corsi salubribus praecipitis imbuti a Pontifice.* — Instaurandae etiam Christianae pietatis apud

Corsos, in quibus illius dignitas delibuerat, sollicitus Pontifex paterne illos monuit, ut exciderent vitia, et virtutibus darent operam, atque Ecclesiasticum ordinem, ut parerat, colerent. Sed haec praecipita, quibus eos informat, ex Apostolicis litteris ¹ audire praestat :

« Joannes, etc. universis comitibus, marchionibus, baronibus, et aliis nobilibus insulae Corsicae.

« Cupientes ut praesules et ministri ac aliae personae Ecclesiasticae, in insula Corsicae consistentes, eo devotius et nitidius obsequiis divinis intendant, quo magis a vexationibus et molestiis saecularium liberi fuerint et immunes, ac divina maiestas propterea, in suis honorata ministris, se vobis propitiis exhibeat et benignam ; universitatem vestram monemus, rogamus et hortamur attente, per Apostolica vobis scripta mandantes, quatenus obtentu ejusdem regis aeterni, necnon ob Sedis Apostolicae reverentiam atque nostram, venerabiles fratres nostros Antonium Sagouensem et alios episcopos, necnon dilectos filios presbyteros aliosque clericos insulae supradictae, gratiam et communionem ejusdem Sedis habentes, revereri et honorare curetis, eisdem praetatis et eorum Ecclesiis decimas et alia jura eis a vobis debita persolventes, et a subditis vestris facientes exsolvi ; eosque indebitis questionibus non impetatis, nec per alios impeti permittatis : religiosos viros, qui pro reformatione morum et aedificatione animarum vestrarum ad dictam insulam interdum per Sedem destinantur eandem, honeste et charitative tractetis : Ecclesiarum bona, per negligentiam vel simplicitatem praetolorum vel violentiam illatam eisdem ab Ecclesiis alienata, eisdem Ecclesiis, quarum erant, restituantis et restitui facialis, non ingerentes nec ingeri permittentes molestias super illis : mulieres fornicarias sacerdotum et aliorum clericorum in illis partibus ad requisitionem episcoporum seu diocesanorum vestrorum expelli ab eorumdem presbyterorum et clericorum consortio et domibus facialis, nullam jurisdictionem in eosdem presbyteros et clericos propterea usurpantes ; sed praedictis episcopis seu diocesanis super his favorabiliter assistentes, ut dicti presbyteri et clerici Deo vero et munditiae amatori in mentis et corporis castimonia obsequantur : illegitimos quoque, qui a promotione Ordinum sacrorum censura canonum repelluntur, per importunas preces vel minas non petitis, nec facialis per episcopos promoveri : magistros quoque, seu viros alios eruditos in Grammatica et aliis scholasticis disciplinis quaerere, et habere in dicta insula studeatis, qui titulos vestros in Grammatica instruant, et moribus bonis informant, et doceant Ecclesiam sanctam Catholicam revereri, et de ipsorum cordibus ignorantiae nubem expellant.

39. « Ad aedificandum quoque Ecclesias et

¹ Tom. VIII. p. 1. Ep. secr. pag. 46.

¹ An. 1.5. p. 3. Ep. com. MCLIV.

alia loca religiosorum, si quando ibidem, legitima super hoc obtenta licentia, aedificari contingant, manus studeatis porrigere adiutrices : filios et consanguineos vestros clericos et religiosos fieri permittatis, ut eorumdem religiosorum salutari doctrina instruamini, gressus vestros dirigere in divinorum sententiarum mandatorum ; ab omnibus quoque vitis, præcipue furto, fornicatione, perjurio et profligatione, ac aliis criminibus, per quæ multum superna majestas offenditur, abstinere curetis : acidiam quoque et otium, quod multum resolvere noscitur humanas mentes et corpora in illecebras voluptatum, per piarum actionum studia evitelis : ad Ecclesias quoque audituri divina officia et sacræ predicationis eloquium devotissime accedatis : cum consanguineis vestris prætextu pacis vel alio colore quasitis, seu alia clandestina matrimonia contra sacros canones minime contrahatis : pacem et concordiam invicem habeatis : homicidia perpetrare, vel perpetranda consilium modis omnibus devitelis : erga vassallos et subditos vestros humanitatem, non tyrannidem exerceatis ; sique vos in bonis operibus et divinis beneplacitis coaptetis, quod luceant vestra bona opera, et glorificetur in eis Altissimus, qui habitat in excelsis. Cæterum præsentibus litteras devote suscipite, et contenta in eis sic aure cordis efficaciter intelligere studeatis, quod producant fructum Deo gratum et vestris proficuum animabus, dictasque litteras, ut ad reformationem morum et adificationem virtutum possint sapius vobis legi, eidem Antonio episcopo restitui, custodiendas salubriter in sua Ecclesia Sagonensi. Dat. Avin. II id. Julii, anno xv.

40. *In Dania et Suecia libertas Ecclesiastica asserta.* — In Dania Christophorus rex Burglavensem episcopum addixit custodiæ : ex ejus facti invidia, cum jam ante in Ludensi Synodo ad asserendam episcopalis ordinis libertatem sancitum, Sede Apostolica approbante, fuisset, ut si Dania rex præsulē quempiam injuria caperet, sacrorum usus negaretur populo, quo principem ad officium revocarent ; non modo Dani ex Synodali decreto, verum etiam Hallandi, quia olim Daniæ contributi fuerant, celebratæ ejusdem Synodi tempore sacra internisere, quamvis a Danica ad Suecicam ditionem traducti essent. Permotus ea re Magnus rex Suecæ exposuit Pontifici, æquum non esse, ut sui subditi commissi ab extero principe criminis pœnas luerent : cui annuit Pontifex et Hallandis Aquilonaribus, si extra limites Daniæ siti essent, sacrorum usum restitui jussit, data ad hoc episcopum Skarensem Apostolico Diplomate ¹ :

« Venerabili fratri episcopo Skarensi.

« Sincera devotio, quam charissimus in Christo filius noster Magnus, Suecæ et Norvegicæ rex illustris, ad nos et Apostolicam Sedem gerere

dignoscitur, promeretur ut petitionibus suis, quantum cum Deo possumus, favorabiliter annuamus. Sane petitio dicti regis exhibita continebat, quod olim in provinciali Concilio Ludensi inter alia ordinatum exhibet et statutum, et demum per Sedem Apostolicam confirmatum, ut quicumque episcoporum infra terminos regni Daniæ mala captione de mandato regis Daniæ, sive ejus conniventia, seu assensu pro tempore caperetur, ipso facto; dummodo probabiliter præsumi posset hoc processisse ex voluntate regis ejusdem, in toto dicto regno, quamdiu taliter detineretur captivus, essent divina officia interdicta : et pro eo quod terra Hallandiæ Aquilonaris, ad dictum regem Suecicæ et Norvegicæ nunc pertinens, tempore dicti Concilii erat infra, licet ad præsens sit extra, limites regni et dominiū regis Daniæ prædictorum eo prætextu, quod Christophorus rex Daniæ venerabilem fratrem nostrum Guichonem episc. Burglavensem detinet carceri mancipatum, dictæ terræ clerus et populus timentes, ne occasione prædicta, eadem terra comprehenderetur sub statuto seu ordinatione Concilii memorati, cœperunt observare interdictum hujusmodi et observant : quare nobis dictus Suecicæ et Norvegicæ rex humiliter supplicavit, ut cum terra præfata ac clerus et populus dictæ terræ extra limites et dominiū prædicta consistent, providere super hoc eidem clero et populo paternam diligentiam curarem.

« Nos igitur ejusdem Suecicæ ac Norvegicæ regis supplicationibus inclinati, fraternitati tuæ per Apostolica scripta committimus et mandamus, quatenus si terra supradicta non subsit regi Daniæ memorato, auctoritate nostra declares seu decernas ad terram, clerum et populum prædictos statutum et ordinationem hujusmodi non extendi, eosque per consequens non teneri ad ejusdem observantiam interdicti. Dat. Avin. XII kal. Augusti anno xv. Agit de Christophoro rege Daniæ Cranzius ¹, ipsumque plures proceris conjunctionis conflatæ crimine accusatos sustulisse, contraxisse gravissima Danorum odia ac regno depulsum, deinde ad illud recuperandum maximos labores pertulisse narrat.

41. Porro Magnum regem Suecicæ non modo Hallandiam Gothico imperio asseruisse, verum et Schoningiam et Blechingiam illi adjecisse, arbitris earum provinciarum præsulibus, referunt Gothorum Sueonumque monumenta ². Cum vero erga divina egregie esset affectus, ad illius pietatem alendam, pelliciendosque ad ea sacra studia clientes regios, hoc ipsum beneficio Apostolico affecit ³ :

« Joannes, etc. charissimo in Christo filio Magno Suecicæ et Norvegicæ regi.

« Tuis supplicationibus inclinati, ut quoties-

¹ Ant. Loc. p. 100. Ep. 600. MOCLA. XV.

¹ Gantz. Dan. I. VII. c. 29. — ² Magn. Hist. Goth. I. XXI. c. 2.

— ³ Ibid. Ep. MDXV.

cumque in capellis tuis, vel quibuscumque Ecclesiis regni tui in tui præsentia feceris missarum solennia celebrari, et in eis proponi per prædicationis ministerium verbum Dei; proponens verbum hujusmodi possit auctoritate Apostolica tibi et omnibus aliis personis ibidem præsentibus, dummodo tu et personæ prædictæ vere poenitentes fueritis et confessi, si archiepiscopus vel episcopus fuerit, unum annum, si vero alia persona Ecclesiastica, cui alias tamen competat prædicare, fuerit sexaginta dies de injunctis tibi et eis poenitentibus misericorditer relaxare, devotioni tue de speciali gratia tenore præsentium indulgemus, etc. Dat. Avin. XII kal. Augusti, anno xv.

42. *Miraculum S. Hyacinthi et alia aliorum.* — hoc anno editum est S. Hyacinthi Ordinis Prædicatorum suffragiis insigne miraculum¹: infans enim, qui nondum Baptismo lustratus mortem obierat, delatus ad illius sepulchrum vitæ est restitutus, moxque sacra unda ablutus. Patrata etiam eodem anno Florentiæ plura miracula duorum piorum sæcularium laicorum opera, quorum alter Barduccius nomine apud S. Spiritum fratrum Augustinianorum, alter Joannes Vespiagnanus apud S. Petri majus templum sepulti, refert Joannes Villanus², ac plurima ad eorum sepulchra donaria sacra appensa: additque inventas reliquias S. Zenobii in eadem urbe a Pisano archiepiscopo, et Florentino, Fesulano et Spoletano episcopis, atque partem cranii in theca argentea in formam humani capitis eleganter elaborata repositam, ut recurrente sacro illius sancti nomini die populorum venerationis exponeretur: Florentinos vero magno pietatis sensu delibutos ad eas colendas, ac S. Zenobii implorandas apud Deum preces concurrisse. In Avinionensi autem agro, cum ingens miraculum præsentibus multis fidelibus a Numine ad Dei patre gratiam editum esset, Joannes papa sacellum excitavit; quæ etsi ante hæc tempora gesta, litterarum Pontificiarum ad Petrum Grossinum, quem illius capellanum instituit, occasione inserendum visum est: «Dandum, inquit³, ad honorem divini nominis ac præcelsæ genitricis Dei Mariæ domine nostræ, omniumque sanctorum quamdam capellam in loco vocato de Bestel juxta civitatem Avinionensem, ubi Deus, precibus et intercessionem genitricis ejusdem, quoddam magnum miraculum in conspectu multorum fidelium adstantium operatus exhibuit, ejusdem domine nostræ venerando vocabulo insignitam construi fecimus et fundari, etc. Dat. III non. Aprilis, anno xv.». Conversa etiam a Pontifice⁴ in Castronov. Judæorum synagoga in Ecclesiam B. Mariæ, ac stipendia tribus presbyteris, qui ad divinum cultum incumberent, attributa; Judæi vero inde exturbati. His addimus monitum ab eodem Pontifice Jacobum regem

Balcarium⁵, ne a Judæis novam synagogam in ipsius terris excitari pateretur.

43. *Controversiæ de visione beatifica initia, et inde in Pontificem per schismaticos confutata invidia.* — Agitari cepta est⁶ hoc anno in Pontificia curia quæstio de visione animarum contraversa inter theologos ejus temporis. Et sane Joannes, dum fidei orthodoxæ, quam Romana proficitur Ecclesia, a Clemente IV conceptam ad Armenos, ad Charthainos, ad Persas, ad Tartaros, ad Alanos, ad Nascarinos, ad Lithuanos, ad montis Albors accolæ transmiserat, hæc docuerat⁷: «Tenet et prædicat sacrosancta Ecclesia», et infra, «illorum animas, qui post sacrum Baptisma susceptum nullam omnino peccati maculam incurrerunt; illas etiam, quæ post peccati contractam maculam, vel in suis manentes corporibus, vel eisdem exute sunt purgati, in cælum mox recipi». Hoc itaque fidei decretum nullatenus in dubium revocatum est. Sed utrum animæ illæ piorum omnis labis expertes cælo exoptæ, et empiras adeptæ sedes, divinæ essentiæ visione facili, clara et intuitiva potirentur: pars major perfrui visione sentiebat; pars negabat, sed visionem beatificam dandam solummodo in extremo judicio, cum decretoria illa sententia a Christo pronuntianda foret: «Venite, benedicti Patris mei, possidete regnum, quod paratum est vobis a constitutione mundi». Addebant ejusdem opinionis propugnatores frustra in judicio eam sententiam ponuntium iri, si jam ante sanctorum animæ visionem beatificam, quæ Dei regnum est, adeptæ essent. At pluribus validis rationibus ea solvebatur objectio, ut ex pervetusto Ms. Vaticano constat, in quo hæc responsio affertur⁸:

«Ad illud, quod objicitur, quod finale judicium erit frustratorium, si animæ sanctorum ex nunc vident Deum; dicendum est, quod hoc falsum est; nam finale judicium etiam secundum hoc habebit quadruplicem effectum. Primus est generalis separatio bonorum omnium a malis; et iste effectus competit solum finali judicio universali: at in particulari judicio non omnes mali exterminantur, sed in bonorum exercitum relinquuntur. Secundus effectus est ostensio et propagatio divinæ justitiæ, quia omnibus de justa retributione divina constabit, et habebit divina justitia testimonium non solum ab illis, qui intus sunt per divinam electionem, sed etiam ab illis, qui foris sunt per divinam electionem, sed etiam ab illis, qui foris sunt per justam reprobationem: et hoc non sit in particulari judicio. Tertius effectus est gloriæ tam corporis quam animæ perfecta consummatio. Item ex inspectione miseræ reprobationum, ex cujus evasione plurimum exultabunt (nimirum justî), et gratias agent. Item ex

¹ Sur. in Vit. S. Hyacin. l. I, c. 34. — ² Jo. Vill. l. X, c. 179. — ³ Tom. VIII, p. 1. Ep. secr. pag. 177. — ⁴ Ibid. pag. 156.

⁵ Par. 2. Ep. secr. p. 263. — ⁶ Ms. bibl. Vat. sig. num. 4009, pag. 180. — ⁷ Au. Chr. 1318. num. 10. — ⁸ Ms. bibl. Vat. sign. num. 4009, pag. 171.

speciali revelatione multorum secretorum divinarum, quæ nunc non revelantur sanctis de communi lege. Item ex introductione etiam corporali in cælum empyreum, quod est proprie locus corporum beatorum : si enim secundum eos animæ beatæ nunc ex amenitate cælestis habitationis jucundantur et delectantur, quæ proprie non afficiuntur ad loca corporalia, quid mirum si corpora glorificata ex cæli empyrei introductione et habitatione amenissima amplius fovebuntur et delectabuntur? Quartus effectus est reproborum omnium tam Angelorum quam hominum perfecta et completa punitio, et quoad corpora et quoad animas : quæ pena tanto erit major, quanto in pluribus et cum pluribus gehennæ ignibus et suppliciis relegati erunt ».

44. In ea theologorum contentione, cum maxime ex Patribus testimoniorum strues et moles argumentorum afferretur pro ea parte quæ sanctorum animas intueri Deum facie ad faciem ante judicium affirmabat, et pularet Joannes non ita diligenter excuti contraria argumenta, quod testatur Benedictus successor Joannis; ut erat sacrarum litterarum studio addictissimus, maxima sollicitudine undique argumenta pro parte negante conquirere ¹ cepit, et varia ex Patribus testimonia (siquidem in ea re plures disenserant, ac nonnulli etiam nunc hæc, nunc contrariam sententiam in suis scriptis tenuisse ferebantur ²) contexere cepit atque ea tanquam privatus doctor in suis concionibus repetere, ut præstules doctoresque ea argumenta diligentius discuterent. Exinde a malevolis Bavarici nimirum schismatis sequacibus et pseudominoritis hæreseos damnatis, quorum principes erant Michael Cæsenas, Guillelmus Ochamus et Bonagratia, de quibus supra memoravi laniala calumniis est Pontificia existimatio, quasi decretorie pronuntiatum fuisset a Joanne, non videri ante judicium divinam essentialiam; unde mox ii improbo zelo formulas provocandi ad Synodum OEcumenicam contra eum ut hæreticum conceperunt ³, in quibus hæc objecere : « Dominus Joannes anno Domini mcccxxxi in festo Omnium Sanctorum in sermone, quem publice fecit, qui incipit, *Mementote operum patrum, quæ fecerunt in generationibus suis*, etc. et in alio sermone, quem publice fecit eodem anno in Dominica tertia de Adventu, qui incipit, *Gaudete in Domino semper*, etc., et in alio sermone, quem publice anno Domini mcccxxxii in vigilia Epiphaniæ, quæ incipit, *Surge, tolle puerum et matrem ejus* », et infra, « dogmatizatus est, quod sancti in cælo non vident nec videbunt usque ad diem generalis judicii et futuram corporum resurrectionem faciem Dei, sive divinam essentialiam; sed tantummodo vident et videbunt usque ad futurum

universale judicium humanitatem Christi ». Falsum erat hæc dicta definitive a Pontifice, verum ita volebant dictum, et calumniabantur hostes Pontificii. Adversus quos scripsit Ulricus insignis doctor Germanus, ac post constabilitam pluribus argumentis veritatem de fruitione divinæ essentialiæ ante judicium, demum in fine operis ¹ adversus calumniatores Pontificios ostendit, quæ objiciebantur ab hostibus, dicta a Joanne instar scholastici disceptatoris.

45. « Excusatio et pia interpretatio papalis sermonis.

« Sane quæ jam in his tribus supradictis libris, et in tribus solutionibus superius de beata visione Dei ante diem judicii percipiendi dixi et posui, contra eos præcipue scripsi, qui sanctissimum papam Joannem in suo sermone dicunt, diffiniendo determinare sanctorum animas ante diem judicii non posse Deum beate videre; vel contra eos, qui hoc ipsum ex ejus sermone presumunt asserere determinate et diffinitive, quasi ipse etiam videatur hoc diffiniendo et determinando sentire. Verum si sermo papalis pie et sane intelligitur, non proprie sermo, nec definitio, nec determinatio, seu prædicatio; sed magis quasi quædam scholastica disputatio, aut disputantium collatio aptius esse perpenditur. Non enim hoc habet sanctorum prædicatum consuetudo Ecclesiastica, ut publice in Ecclesia prædicationes fiant per tales allegationes, sicut papalis sermo stipatur: sed in Ecclesiasticis sermonibus ea, quæ dubia sunt, timore et magna cautela; et ea quæ certa et manifesta sunt, pro auditorum salute cum magna verborum simplicitate a sanctis prædicatoribus proponuntur: quam formam quia sermo papalis de beata visione non servat, ideo non proprie Ecclesiasticus sermo, nec recta prædicatio; sed congruentius scholastica disputatio, seu altercatio aut disputantium collatio, vel veritatis sollicita investigatio existit. In scholasticis enim disputationibus et altercationibus, seu in disputantium collationibus et argumentis, auctoritatibus, similitudinibus, glossis et syllogismis, ac aliis subtilitatibus verborum multis cujuslibet rei veritas magna sollicitudine indagatur et investigatur: et non ibi sicut in Ecclesiasticis sermonibus et prædicationibus simplex veritas audientium devotis mentibus et auribus simplicibus verbis supereminatur.

« Itaque sanctissima papalis mens, cupiens loqui de beata visione deitatis ante diem judicii ab animabus sanctorum percipiendi, devitans formam et modum ac morem in Ecclesia publice prædicantium, et sermonem de verbo Dei fidelibus cum simplicitate facientium; et assumens formam et modum atque morem per auctoritates, rationes, similitudines, argumenta, glossas, syllogismos et per multas alias virtutes et subtilitates

¹ Ben. XII. in Prefat. vol. de visione animar. Ms. bibl. Vat. sign. num. 4006. — ² Id. in suo lib. — ³ Ext. in Ms. bibl. Vat. sign. num. 4009. pag. 180.

¹ Ulricus l. IV. c. ult. Ms. bibl. Vat. sign. num. 4005. pag. 136.

verborum, sicut fieri solet in scholis et in studiis disputantium, ostendit se magis personam disputatoris quam Ecclesiastici predicatoris seu sermonis inceptoris, quando loquitur de beata visione deitatis habere. Porro quoniam in scholasticis disputationibus quorundam magistrorum et doctorum est, diffiniendo quaestiones determinare, et quandoque interrogationibus, solutionibus, argumentationibus et responsionibus, ac oppositionibus veritatem quaestionum indagare; ideo devota mens papalis more Salvatoris nostri Jesu Christi, in medio doctorum in Jerusalem sedentis et interrogantis ac respondentis, se humilians, loquendo et scribendo de beata visione deitatis ante diem iudicii percipiendam, videtur habere personam scholastici disputatoris, cum ibi per rationes,

argumenta, auctoritates, similitudines et glossas arguit et solvit, et concludendo instructionem, et correctionem ac Ecclesiae determinationem concipiscit, sicut expresse dicit; et in sua disputatione nihil certum definiendo et determinando relinquit, nec sua disputatione et sermone aliquod praedictum veritati facere intendit ». Conflata est major Pontifici invidia proximo anno non in Germania modo, sed etiam in Gallia. At Pontifex aspersas sibi calumnias demum delevit: ipsum enim professum videbimus in publico cardinalium senatu quaecumque in controversia de visione dixisset, collationis theologiae instar, non asseveranter dicta fuisse; de quibus inferius suis locis.

JOANNIS XXII ANNUS 17. — CHRISTI 1332.

1. *Consilium Pontificis de adventu in Italiam impedit Philippus rex, qui interea de expeditione Asiatica multa pollicetur.* — Instabant Africani et Granatenses Saraceni Hispanias ¹, Turcae Graeciam ², Armeniam ³ Aegyptii et Babylonii, anno Christi millesimo trecentesimo, Indictione decima quinta, cum Pontifex promovendae sacrae adversus impios expeditionis desiderio flagrans, ut pia consilia perduceret, dissidentes Christianos mutuo foedere conciliare, Sedemque Apostolicam restituere Italiae meditatus est.

Exposnerat ⁴ Gallicis principibus, exente superiori anno, Philippus Francorum rex solenne de vindicanda ex infidelium servilitate Syria votum suum, cujus oratores mittendos Avenionem cum expectaret Pontifex, discessus ex urbe Avenionensi diem praefigere distulit: mirantique Philippo regi sibi consilium de transfrenda Bononiam aula Pontificia patefactum non fuisse, rescripsit ⁵ pridie kal. Martii oratorum illius causa itineris suscipiendi diem extractam; quod etiam idibus Aprilis reginae Joannae significavit ⁶, addiditque: « Multorum habet opinio, quod praeter multa alia, quae

sperantur ex mutatione curiae subsequi commoda ipsi transmarino passagio, ordinatis quae ad nos pertinent, non minus Bononiae, quam Avinionis foret nostra praesentia opportuna. Gratia Domini nostri Jesu Christi sit tecum, quae te sic in via dirigat, quod ad desideratam caelestem patriam sine devio te perducatur. Dat. Avin. id. April. anno xvi ». Eodem etiam die ad regem Francorum scripsit, discessus ex Avenionensi urbe diem se non constituisse, donec Asiatici belli conficiendi provinciam suscepisset. Jam tum regii oratores Avenionem pervenerant, anceps tamen haerebat Pontifex, an rex iis, quae ipse oratoribus responderat, assensurus esset, ac priora consilia perducatur. Objectae itaque novae morandi causae, de quibus hac legato tot morarum impatienti rescriptum est: « Super mutatione curiae pridem ordinatum extitit, sicut nosti: sed super recessu nostro de his partibus, et ad illas, Domino dirigente, accessu propter adventum nuntiorum charissimi in Christo Philippi regis Francorum illustris, qui tunc venturi erant ad curiam, certus non potuit, nec adhuc potest praefigi terminus, cum negotia, pro quibus jam dicti venerunt nuntii, sint ardua, nostram diutius in his partibus praesentiam exigentia forsitan, quam antea crederemus. Dat. kal. Martii, anno xvi ». Illustrat haec

¹ Marian. l. xvi. c. 2. — ² Tom. ix. p. 1. Ep. secr. pag. 130 et 327. — ³ Tom. viii. p. 2. Ep. secr. pag. 361. — ⁴ Jo. Vill. l. x. c. 198. — ⁵ Tom. viii. p. 2. Ep. secr. pag. 216. — ⁶ Ibid. pag. 217

Joannes Villanus ¹, dum accurate percenset decreta primos a Francorum rege oratores illius nomine plena invidiæ postulata attulisse, flagitasse enim in primis opulentum illum, quem Joannes cum ularat, thesaurum : tum sexennales toto Christiano orbe decumas et sacerdotia conferendi permutandive in Gallias jus : tum ut filius Viennensi et Arelatensi regno, frater vero Carolus Italicæ donarentur. Verum cum repulsam tulisset, atque a Pontifice responsum esset, Ecclesiam expeditionem ei adorienti nunquam defuturam, obortam invicem tacitam indignationem abalienationemque animorum. Prima itaque illa Philippi legatio caruit exitu : quare pactiones aliæ a Joanne propositæ, quas cum discuteret, hyems effluxit.

2. Decreti demum mense Martio adulto a Philippo rege alii oratores fuerunt ad Sedem Apostolicam, additæque subjectæ litteræ de Asiatica expeditione suscipienda, ea pactionum, quas sanxerat Pontifex, formula conceptæ ² :

« Philippus Dei gratia Francorum rex.

« Notum facimus universis, quod cum duxerimus sanctissimo patri in Domino Joanni divina providentia sacrosanctæ Romanæ ac universalis Ecclesiæ summo Pontifici per nostras alias litteras supplicandum, ut indiceret passagium generale, quod per eundem indicendum speramus; nos ad manifestandam fidelibus quibuscumque sinceram intentionem, quam habemus ad dictum generale passagium assumendum, si illud per Sedem Apostolicam contingat indici, et ad omnia et singula nobis per Sedem eandem in ipsius passagii subsidium concedenda, convertendum in ejusdem utilitatem passagii sine diminutione quacumque juxta provisionem inferius annotatam; facimus et constituimus dilectos et fideles consiliarios nostros Petrum Rothomagensem archiepiscopum, Joannem Morinensem episcopum, Guidonem Bandeti decanum Ecclesiæ Parisiensis, Henricum de Avalgoria, et Petrum de Castellis dominos milites procuratores nostros et nuntios speciales ad infra-scripta, dantes eisdem », et infra, « speciale mandatum supplicandi præfato sanctissimo in Christo patri summo Pontifici, quod pro pleniori succursu Terræ-Sanctæ sibi placeat ad nostram postulationem indicare passagium generale, et ipsum, postquam indictum fuerit, pro nobis et nostro nomine coram dicto summo Pontifice et in ejus præsentia assumendi et præstandi in animam nostram corporale tactis sacrosanctis Evangelis juramentum, quod nos iter arripimus dicti passagii a kal. Augusti proximo venturi ad tres annos, itindque prosequemur realiter et personaliter, justo et legitimo impedimento cessante. Ita tamen et non aliter assumptionem passagii, juramentum et obligationem hujusmodi per procuratores nostros

prædictos juxta potestatem eis, ut præmittitur, datum fieri volumus, intendimus et mandamus, quod si justum ac legitimum impedimentum seu impedimenta hujusmodi nos, hæredes seu successores nostros super his allegare contingat, de illo seu de illis, an sint justa et legitima vel non, duo prælati regni nostri archiepiscopi vel episcopi per Sedem Apostolicam deputandi, se diligenter debebunt auctoritate Apostolica absque cujuslibet alterius partis vocatione simpliciter et de plano sine strepitu et figura judicii informare; ac super impedimento seu impedimentis ipsis occurrentibus, an justa et legitima vel non censenda sint, prout eis visum fuerit, juxta informationem præhabitam declarare : cui declarationi omnino stari debet absque eo, quod per Sedem Apostolicam ex officio suo vel alias quomodolibet possimus nos, hæredes successoresve nostri possint super his trahi ad examen Sedis Apostolicæ, seu ad eam super ipsis recursus haberi, seu alias in judicio vel extra per eandem Sedem, vel ejus auctoritate, aut alias quomodolibet molestari : quodque potestas prædictis concedenda prælati per eandem Sedem re integra vel non integra revocari non possit; et quod morte deputantis dictos prælatos, seu committentis eisdem potestas hujusmodi non expiret. Que omnia et singula in potestate et mandato datis nostris prædictis procuratoribus, necnon in assumptione dicti passagii juramento et obligatione prædictis per eos pro nobis et nostro nomine, ut prædicitur, faciendis inesse volumus et ponimus in eisdem, alias non facturi assumptionem passagii, juramentum et obligationem prædictam.

3. « Si vero dictos duos prælatos ad hoc a Sede Apostolica deputandos, vel eorum aliquem interim transferri, cedere aut decedere contingeret, antequam declaratio prædicta facta sit, loco illorum seu illius, quos vel quem transferri, cedere aut decedere contingeret, alius seu alii prælati dicti regni ex nunc deputabuntur et subrogabuntur per Sedem eandem, singuli in singulorum translatorum, cedentium aut decedentium loco per ordinem, quo per dictam Sedem fuerit ordinatum ad informationem et declarationem hujusmodi, ut præmittitur, faciendas. Per assumptionem autem, juramentum et obligationes prædicta, quæ facimus seu fieri mandamus ratione hujusmodi passagii generalis, non intendimus hæredes successoresque nostros obligari seu teneri quomodolibet ad transmarinum passagium faciendum, vel ibi seu pro eo mittendum personas quascumque; nec ad mittendum, solvendum seu ministrandum expensas, quas faceremus et subiremus, si dictum passagium per nos realiter et personaliter faceremus, et illud faciendum seu etiam prosequendo, vel aliquid aliud qualecumque subsidium facere vel juvamen nec bona nostra, hæredum vel successorum nostrorum ad hoc esse seu remanere obligata quomodolibet vel adstricta : ordinatione tamen super colligendis,

¹ Jo. Vill. l. x. c. 198. — ² Ext. apud Ant. 22. an. 18. p. 1. Ep. vii. sup. passag. Terræ-Sanctæ.

recuperandis, conservandis et distribuendis, assignandis et reddendis in manu Sedis Apostolicæ decimis et aliis subsidiis quibuscunque nobis pro dicto passagio per Sedem Apostolicam concedendis, contenta tam in istis quam in nostris aliis litteris in suo robore duratura.

« Damus insuper dictis procuratoribus, juxta formam expressatam superius, plenam et liberam potestatem, ac speciale mandatum pro nobis et nostro nomine, et in animam nostram, coram summo Pontifice et in ejus presentia corporale juramentum præstandi, quod nos non accipiemus nec accipi sciemus faciemus, seu consentiemus, quod alius aliquid de his capiat seu accipiat quæ nobis per Sedem Apostolicam in subsidium antedicti passagii conceduntur ad hoc, ut in usus alios quam in utilitatem dicti passagii convertantur : nec ea in usus convertemus alios, nec converti sciemus a quovis alio patiuntur. Et si forsitan aliquid de prædictis pro usibus aliis a nobis vel aliis contingeret accipi casu aliquo vel converti, illud ad locum pristinum et ad usum dicti passagii, statim cum hoc ad nostram notitiam deveniret, sine morosa dilatione reponi et restitui faciemus : ad quod hæredes et successores nostros adstringi volumus et etiam obligari.

4. « Et si forsitan contingeret, nos infra dictum terminum impedimento perpetuo impediri, vel taliter, quod probabiliter appareret duobus prælatis, sicut præmittitur, per Sedem Apostolicam deputatis, qui in prædicto termino vel alio per Sedem Apostolicam ex causa aliqua prorogato, nec infra septem mensium spatium immediate sequentium iter arripere possemus et illud prosequi, volumus quod juxta ordinationem Sedis Apostolicæ potestas colligendi seu exigendi decimam et alia subsidia, in regno nostro Franciæ imponenda per Sedem eandem, nobisque ut prædicitur concedenda, statim debeat expirare, nisi forsitan per eandem Sedem circa expirationem collectionis hujusmodi contingeret aliud ordinari : quo casu quicquid de decima et aliis subsidiis prædictis, nobis pro dicto passagio per Sedem Apostolicam concedendis, penes nos hæredesve nostros, aut quoslibet alios tunc restaret, et in dicti passagii præparationibus, aut pro eo de mandato nostro juxta ordinationem Sedis Apostolicæ infra contentam non esset expensum; necnon et galææ et aliarum quæcumque res lactæ, emptæ, seu quomodo libet prædicto passagio seu pro eo acquisitæ de dictis decimis et aliis nobis per Sedem Apostolicam, ut præmittitur, concedendis et omnibus debitis, in quibus receptores infrascripti seu quicumque alii de concedendis hujusmodi collectis tunc vel non collectis quomodo libet tenebuntur, debebunt per nos seu successores nostros quatuor prælatis regni nostri, quorum duo per Sedem Apostolicam, alii vero duo per nos, vel duobus ex eis, quorum unus per eandem Sedem, alius vero per nos fuerint deputati, sine

difficultate qualibet assignari. Qui quatuor seu duo ex eis, unus scilicet per Sedem Apostolicam, alius autem per nos, ut prædicitur, deputati, omnia recipient, conservabunt in locis regni nostri securis et congruis, nomine Sedis Apostolicæ distribuenda per eandem Sedem, et ad opus illorum, in quos distribuenda et expendenda fuerint, ut juxta modum qui sequitur in Terræ Sanctæ subsidium utilius et commolius convertantur.

5. Modus autem est iste : quod si postquam nos contingeret, ut præmittitur, impediri, per Sedem Apostolicam, indicatur generale passagium vel etiam particulare, si nos vel rex Franciæ, qui tunc regnabit, vellemus seu vellet in illo passagio transfratere, debebunt nobis vel regi Franciæ, qui tunc erit, omnia prædicta tam in pecunia quam in rebus aliis sub forma et modis circa conservationem, distributionem et ordinationem adjectis in præsentī provisione, sub quibus pro dicto passagio conceditur, integraliter assignari. Si vero nos vel successor noster, qui pro tempore fuerit, nollemus vel non possemus, aut nollet seu non posset in illo passagio transfratere, aliqui tamen prælati, seu magnates aliqui, vel nobiles alii dicti regni vellent in illud passagium proficisci, juxta statum et conditionem ipsorum et numerum bellatorum, quos secum ducerent, debebit illis de dicto residuo auctoritate Sedis Apostolicæ provideri.

« Si autem nollet aliquis prælatus vel nobilis de dicto regno in dicto passagio proficisci, vel essent illi adeo pauci, quod illis proviso de collectis decimis et aliis subsidiis adhuc aliqua superesset; in prædictis casibus Sedes Apostolica de toto eo, quod de decimis et aliis subsidiis esset collectum, ubi nec nos, nec rex Franciæ, qui pro tempore fuerit, nec aliqui prælati vel seculares, magnates seu nobiles prædicti vellemus seu vellent in dicto passagio proficisci, vel de illo quod restaret, proviso illis, qui de regno Franciæ tunc voluerint transfratere pro utilitate Terræ Sanctæ etiam in personis aliis quam de regno, possit libere, prout sibi visum fuerit, ordinare. Si vero impedimentum infra dictum terminum occurreret temporale, ac tale, per quod crederetur probabiliter non debere nos a prosecutione itineris in supradictis terminis impediri, non expiraret decimarum et aliorum concedendorum prædictorum exactio, neque cesset. Sane si impedimentum occurreret in termino ad arripiendum iter statuto, siquidem esset tale, quod probabiliter infra septem menses immediate sequentes cessare deberet, non expiraret exactio decimarum, neque cesset. Si autem impedimentum hujusmodi esset tale, quod infra septem menses prædictos probabiliter (non cessaret), ex tunc expirare debeat decimarum et aliorum subsidiorum exactio supradicta, nisi per Sedem Apostolicam dictis terminis ex causa aliqua fuerit prorogatus. Quo casu, si prorogatio

termini annum non excederet, non cesset exactio decimarum; si vero ipsa prerogatio annum excederet, tunc statim expiret decimarum exactio; sed finito prerogationis tempore, dum tamen rex ipse paratus fuerit negotium dicti passagii proseguere, vires resumant absque commissione alia commissio prius facta, possitque ex tunc per deputatos prius procedi commissarios ad exactiorem predictam, ac si continue ipsorum commissio in suo robore persisteret. Si vero impedimentum huiusmodi arreptionem totam impediret, eo casu dictum residuum et cetera omnia quæ tam in pecunia, quam rebus aliis quibuscunque predictis tunc restarent, debebant in manu Sedis Apostolicæ, videlicet penes quatuor prelatos, quorum duo per Sedem Apostolicam, duo vero per nos; aut duos ex ipsis, quorum unus per eandem Sedem, alius per nos deputati fuerint assignari per eos, sicut præmittitur, conservanda et per eandem Sedem disponenda, sicut in alio articulo superius continetur. De impedimentis autem prædictis duo prelati predicti per Sedem Apost. deputandi, seu eisdem modo, qui prædictur, subrogandi se informabant, et etiam declarabant.

6. « Et ut utilitati dicti passagii provideatur uberius, volumus et etiam ordinamus, quod pecunia concedenda nobis per Sedem Apostolicam in subsidium passagii antedicti non thesaurariis nostris regis vel receptoribus, sed certis burgensibus ad hoc idoneis, per nos deputandis, dicta decima a collectoribus Sedis Apostolicæ, et alia subsidia assignentur, quæ dicti burgenses recipere eaque fideliter conservare debebant, et de mandato quatuor dictorum prelatorum regni Franciæ modo prædicto deputandorum utiliter ad ipsius viagii commodum dispensare. Quibus quidem prelatibus aut duobus ex ipsis modo prædicto deputandis receptores prædicti annis singulis de receptis et expensis, seu missis computum et debitum debebunt reddere rationem. Ipsi autem prelati prædicti, aut duo ex ipsis, ut prædictur, deputandis ad mandatum nostrum seu ordinationem pro dicti passagii preparationibus, provisionibus et commodis absque eo, quod aliquid de prædictis convertatur in usus alios, solutiones fieri facient et complebunt, nec aliquid, quod de prædictis receptum fuerit, convertent in usus alios, quam dicti passagii, nec per posse permittent. Item quod si per nos dictis prelatibus contingeret præcipi vel mandari, ut ipsi de receptis aliquid solverent, liberarent aut solvi facerent, seu etiam liberari, si videretur eisdem, quod illud non cederet ad utilitatem passagii antedicti, dicti prelati aut duo ipsis, scilicet ex unus deputatus per Sedem Apostolicam et alius per nos, teneantur nobis rescribere fideliter seu referre, quid ipsis videbitur faciendum ad finem illum quod iuxta rescriptiones seu relationes eorum super hoc per nos debeat ad utilitatem dicti negotii maturius et commodius provideri. Si vero pen-

dente negotio aliquem seu aliquos dictorum decedere contingeret prelatorum, successores eorum, vel si forsan eorum vacarent Ecclesiæ, alii loco eorum subrogabuntur idonei per illos, qui defunctos deputaverant antedictos. Nonnullisque interjectis de ratione ab iis prelatibus reddenda quotannis Sedi Apostolicæ, de sumptu in belli sacri rem verso addit:

7. « Nos autem, hæredes et successores nostri super prædictis et aliquo præmissorum Sedi Apostolicæ, vel deputandis ab ea, seu alii cuiusque non tenebimur nec tenebuntur aliquam reddere rationem. Per hoc autem nolumus nec intendimus impediri, quin quatuor prædicti prelati nobis et successoribus nostris de collectis expensis et residuo prædictis partes et particulas omnes et singulas exhibere et assignare teneantur, et reliqua reddere in usus et utilitatem dicti viagii, ut præmittitur, convertenda in casibus, in quibus ad nos seu successores nostros spectabit distributio eorumdem secundum ordinationem prædictam. Ut autem prædicta ad utilitatem dicti negotii debeant inviolabiliter intemerata servari, promittimus nos facturos et curaturos quod charissimus filius noster Joannes de Francia dux Normanniæ Andegavensis Cænonnensisque comes, licet absens, per procuratorem suum ad hoc legitime constitutum super sancta Dei Evangelia corporaliter tacta jurabit coram summo Pontifice prædicto et in ejus præsentia, quod ipse in quocunque statu sit in presenti, seu etiam deveniat in futurum, etiamsi ad successionem seu regimen dicti regni venire contingat eundem, prædicta omnia et singula, quatenus concernunt et tangunt ordinationem eorum, quæ recepta fuerint de decimis vel aliis quocunque nomine censeatur, nobis per Sedem Apostolicam pro dicto passagio concedendis, tenebit et firmiter observabit modo et forma superius expressatis; ratum et gratum habentes, et etiam perpetuo habituri quidquid per dictos procuratores et nuntios nostros quatuor, tres aut duos ex ipsis in prædictis et quolibet prædictorum ac dependentium ex eisdem actum, promissum, juratum et obligatum fuerit ac etiam procuratum. In quorum testimonium et ad majorem firmitatem nostrum fecimus apponi sigillum: Actum et datum Aurelianæ xx die mensis Martii, anno mcccxxxii. Oborte sunt postea Philippo regi ingentes difficultates circa huiusmodi conventionem, si is casus contingeret, ut improvisa rerum conversione ab ea expeditione distraheretur. Superiores itaque leges, uti dicemus, temperandas poposcit; demumque suis tractatibus Armeniæ cladem accersivit, neve a Joanne Pontifice Sedes Apostolica Italiæ restitueretur, impotente obstistit, cum omnia ad eam rem comparata essent.

8. *Bononienses Pontificii adventus expectatione mulcentur.* — Admoniti¹ quidem Bono-

¹ Tom. VIII, p. 3, Ep. secr. pag. 313.

nienses de suscepta a Pontifice et cardinalibus traducendae in Italiam aulæ Apostolicæ sententia, ac blanda prolectati spe, se suaque omnia Pontificiis imperiis et obsequiis subiecere¹; his-isque oratoribus ea de causa in publico consistorio Pontifici et sacro cardinalium collegio studia sua addicere. Cum legatus munitissimam arcem, in qua Pontifex habitaret, excitare magnis operibus et sumptibus cepit, æqualis ob id solo pluribus civium domibus, et palatia cardinalium designare: suspensis vero rei expectatione Bononiensium animis, cum verbus opera non responderent, superiores morarum causas relexuit, atque huius spei illecebra permulsit Joannes²:

« Nunc Dei misericordia eisdem sopitis negotiis, periculisque viarum plurimum diminutis, nostri et fratrum eorumdem erat propositum dilectam sponsam nostram, Romanam scilicet Ecclesiam, auctante Domino, visitare: et quia Lombardiæ et Tusciæ provinciæ reformatione ac consolatione in pluribus indigebant, quæ per nostram et ipsorum fratrum præsentiam sperabantur promptius adimpleri, nec locus occurrebat nobis et ipsis fratribus aptior civitate Bononiensi prædicta; nostri erat propositi, et in hoc nostrum et ipsorum consilium residebat, ut ad civitatem eandem Bononiensem deberemus cum eadem curia, concedente Domino, nos transferre, ibique moram trahere, sicut provinciarum prædictarum reformatio et consolatio postulabant; exinde versus Urbem dirigendo, divina gratia prævia, gressus nostros. Dat. XIII kal. Julii, anno xvi ».

Pervasis metus Bononienses, ne ita advenlus Pontificis in Italiam ea occasione retardatus inani spe Italorum expectationem falleret. Inculcarunt itaque, ni maturaret in Italiam iter, adeo hostium potentiam ingravescere, ut gravis formido immineret, ne demum Bononia succumberet; proinde ut auxilio promptissime accurreret flagitarunt. Quos Joannes Pontifici auxilii spe, ut bono essent animo excitavit: « Respondemus, inquit,

quod timor de his videtur nobis superfluum ingeri, cum jus et ratio ad tuitionem et defensionem vestram merito nos adstringunt. Rursus si antequam civitatem et comitatum Bononiensem sub nostro et Ecclesiæ Romanæ posuissetis dominio, defensionis tamen vestræ principalium quam cæteris terris Ecclesiæ institerimus sicut rei evidentia manifestat, apertius et indubie debetis supponere, quod nunc debitores effecti studiosius, si casus se offerret, curaremus quod nobis incumberet, dante Domino, adimplere, etc. Dat XI kal. Septembris, anno xvi (1) ».

9. *Factiones in Italia ingravescunt.* — Edocutus erat Joannes experientia quanta Sedis Apostolicæ translatio mala Ecclesiæ invexisset, cum ex illius ab Urbe absentia conflandi recentis schismatis sumpta fuisset occasio, atque Urbs continuis civium dissensionibus fluctuaret: ad quas componendas Philippus e Cambrarhaco hoc anno Apostolicus nuntius, et Joannes Ursinus S. Theodori diaconus cardinalis legatus operam navare jussi³, dataque eodem nuntio Viterbiensium ad officium redeuntium præfectura⁴. Quod ad reliquas Italiæ provincias, Etruriam præcipue, Insubriam et Liguriam spectat; tristissima erat earum facies: in Etruria enim Pisani exules⁵ cum Parmensibus et Genuensibus Gibellinis Pisas, conflato exercitu, tentarunt; atque in gravissimum discrimen adduxerant, cum Florentini opportunas suppetias attulere. Fœdabatur etiam contrariis factionibus Insubria, in qua Joannis regis Boemiæ rebus depressis Brixiani, quos illum excivisse vidimus, omnium primi eundem pellere sunt aggressi. Conjurasse Guelpharum partium cives, ac Martinum Scaligerum mille quadringentis succinctum equitibus in urbem induxisse, refert Joannes Villanus⁶, arx tamen aliquandiu obsidione toleravit: sed cum Joannis regis filius Carolus Parma discedere atque incerto discrimini se committere vereretur, ad deditionem mense Julio compulsus;

¹ Tom. IX. p. 1. Ep. secr. pag. 7. — ² Ibid. pag. 35. — ³ Joan. Vill. l. X. c. 206. — ⁴ Ibid. c. 205.

¹ Jo. Vill. l. X. c. 201. — ² Tom. VIII. p. 2. Ep. secr. pag. 312.

(1) Motuum Italicorum anni hujus historia paulo diligentius retextenda est, correctis erroribus nonnullis, qui subinde annalium nostro irrepserunt. Ac primo omnium animadvertisse juvat, Bononiensium ad Pontificem legationem alia plane de causa institutam fuisse, quam qua hic in Annalibus assignatur. Anno enim precedenti, non præsentī, Novembri mense, Bononienses ablegatos suos Rolandum e Galviensibus multum, et Thomam de Formagnis legum peritum Avenionem ad Pontificem miserunt, ut suo nomine Urbem Pontifici submitterent. Agentes illi Avenione, datis ad Bononienses literis, remittunt, Pontificem et cardines protectionem suam Bononiæ statuissē, quod Bononiensibus accipit per quam gratissimum. Proinde hæc Mathæus de Grædonibus in suo Memoriali rerum Bononiensium, quod ad annum usque MCCCXXXVII perduxit. Suspicio vero Bononienses, sive illum qui tunc Bononiæ agebat legatum, missi jam Avenionem legatos duobus, geminos alios addidisse, episcopum Mirapescensem, et Abbatem Grandisvæ. Ita enim agimus in Historia Miscella Bononiensi, quam veruacule scripsit P. Bartholomæus de la Papija Muerla, legitimum rerum Italicarum tom. XII: « A dì XVIII Ottobre ritornarono gli ambasciatori, che il legato aveva mandato al SS. Padre per cessione della sua veneta, furono Messer il vescovo di Mirapescer, Messer l'abbate della Granselvæ, Messer Rolandino de Galuzzi, e Messer Tomaso de Formagnin ». Erat insuper annalista in assignando anno, quo legatus arcem Bononiæ excitavit; nam coarctis omnibus scriptoribus latentibus, arx illa præcedenti anno Martio mense a legato addicam cepta est. Vide eundem Matthæum ad annum MCCCXXXII.

Ceterum, quæ notat annalista num. 9, de Brixien-sibus, qui omnium primi jugum regis Bohemiæ excutere aggressi sunt, veritati plane coherent. Urbem enim illa cessit Martino Scagiero die XV Junii, teste, qui hoc anno historiam suam claudit, Jacobo Malveco in Chronico Brixiano dist. IX, cap. 74. Secundum hæc, Azo viccomes, Memolani dominus, cum Martino Scaligero, ac dominis Mantuæ federato Septembri mense, ad Cornazzum in Historia Patiensis, vulgatus Rer. Italic. tom. XII, eodemque in mense, seu die XX, ut scribit auctor Chronici, sive XXXVI, ut notat Flaminio in Manupio Florum, Bergomum invasit et obtinuit. Non tamen re semper felici est usus; nam die XXV Novembris commissa cum Carolo filio regis Bohemiæ pugna ad S. Felcem hand prociat Ferraræ, virtus ingatusque fuit, ut quidam Regensis Chronici scriptor non indigens læstatur. Ante eadem illam, die XXIII Novembris, Trevisum jam occupaverat fu federatorum exercitus, quanquam arx diu arnis victicibus resistit, nec nisi sequenti anno deditionem fecit.

Bergomum ad victorem primum mox extitit. Azo vicecomes Ticinum in suam potestatem redegit¹, arcemque civit obsidione, qua sequenti anno potitus. Præterea parum fidei, quam Ecclesiæ obstrinxerat, memor Cremonam, quæ in Ecclesiæ partes iamdudum concesserat, prodicione occupare tentavit²; sed urbe haud sine clade depulsus cum Gonzaga Mantuano Mutinensem agrum et populum. Notabat anceps Mutina³, cui principi se addiceret, atque jam ante, ut vidimus, excusso Ludovici jugo, in Ecclesiâ imperii concesserat, iterumque ab eo se subluserat; et aliquandiu tutata libertatem, superiori anno Boemum in principem sibi asciverat.

10. Ut ob superiores Etruriæ et Insuburiæ motus Pontificem ad restituendam iis provinciis pacem ex ejus litteris⁴ in meditato ad Urbem itinere Bononiæ subsistere deliberasse vidimus, ita ob insperatam rerum conversionem abduci a consilio potuit; refert enim Jo. Villanus⁵, filiosimos antea Pontificis fœderatos, Robertum scilicet Siciliæ regem ac Florentinis armorum societatem cum Azone Mediolanensi, Scaligeris Veronensibus, Gonzaga Mantuano, et marchionibus Atestinis adversus Joannem Boemiæ regem illiusque socios, sive Ludovicum Bavarum sive Pontifex illi studerent, inisse et quidem admodum rebus Pontificiis iniquam: ex illius enim legibus constitutum, ut Mutina, cuius dominum recuperare conatum Pontificem vidimus, marchionibus Atestinis, S. Donini oppidum et Cremona, cujus imperio potiebatur Ecclesiâ, Azoni vicecomiti, Scaligeris Parma, Mantuano Rhegium, Florentinis Luca cederent. Ducebat hos suorum commodorum ratio: Robertum vero regem veteres in Joannis parentem Henricum imperatorem, tum in Ludovicum Bavarum, a quibus sententia capitis damnatus fuerat, agebant similes, abalienatusque erat a legato ob arcem cum Boemo habitam conjunctionem: ex quo fœdere hoc sane anno Joannis regis res corrumpere ceptæ, Pontifici vero haud parum annis sequentibus labefactate. Cæterum ea in re ingrate admodum erga Sedem Apostolicam ejus fœderati se gessere.

Adiit porro Joannes rex Sedem Apostolicam, ut cum Pontifice arcana consilia iniret: cujus imminentem adventum significavit Joanni papæ Philippus rex Francorum, addiditque eo tantum clientum ac satellitum numero, quem circumscriptisset Pontifex, illum accessurum; de quibus comitalis regne officii actæ his verbis Philippo gratiæ⁶.

« Joannes, etc. regi Franciæ.

« Tam humaniter, tam benigne pium propositum ac devotum conceptum charissimi filii Joannis regis Boemiæ illustri ad nostram veniendi

præsentiam litteræ serenitatis regiæ deduxerunt, quod profecto in admirationem nostrum provocaverunt animum, ac lætitia merito repleverunt. Quis autem admirari non debeat, quod tantus princeps nobis adventum regis prælati sic dulci eloquio nobis nuntiare curaverit, ac supra se recipere, quod idem rex sic de tali gente, necnon et tali modo ac statu veniet sociatus, sicut nos duxerimus ordinandum? Profecto, filii, non est qui super hoc non debeat admirari. Ad hoc quidem regalem animum nullum impolit debitum, cum sine his eidem regi liceret præmissa irreprehensibiliter adimplere: sed, ut tenemus indubie, ad hoc reverentia, quam ad illum geris, cujus vices in terris, licet immeriti, gerimus, sincera devotio, qua ad ejus honorem sponsæ sanctæ, scilicet Ecclesiæ affici nosceris, cujus cura nobis incumbit, regium animum inclinarunt, super quo devotionem regiam plurimum in Domino commendantes eidem gratiarum exsolvimus uberes actiones, etc.» Extant eo argumento ad regem Boemiæ, qui suum adventum ad curiam indicaverat, Pontificiæ litteræ⁷ XII kal. Augusti, an. xvi exarate, quibus consulit ne cum laborem suscipiat, cum in rebus gravibus sine cardinalium assensu consilia explicari non soleant, eaque res longiorem moram trahat: si tamen venerit peramanter exceptum iri pollicetur. Excusasse autem Boemum bella Italica in Guelphos colligitur, et concepta ad promovendam rem Christianam studia explicuisse, tum ex aliis Pontificiis litteris⁸ graves illum adversus Azonem vicecomitem Mediolanensem querelas attulisse: controversias tamen suas, excepta Bergomensi re, Pontificio arbitrio permisisse. Dubravius etiam refert⁹, Joannem regem rogatum a Bavaro, ut pro ipso in gratiam Ecclesiæ restituendo intercederet, cum Pontifice ea de re egisse: iratum vero Ludovicum, cum res e voto non succederet, quasi Joannes rex cum Pontifice ipso ex composito collusisset. Sane quod ad Ludovicum Bavarum attinet, Philippus rex Francorum regios in Bavariam oratores misit, qui ipsum ad gremium Ecclesiæ Christiana demissione repetendum provocarent, ac Ludovicus legatos suos ad Sedem Apostolicam ad illius gratiam comparandam missurum se responderat. Egrot vero exeunte anno Pontifex regi Philippo gratias¹⁰, studium suum Ecclesiæ pro fide asserenda ipsum explicuisse.

Monitus porro officii Bavarus, patrata quidem a se flagitia agnovit, ad ea tamen rite expianda non se comparavit; sed in id tantum incubuit, ut augendæ suæ amplitudinis et correptæ cæsareæ dignitatis asserendæ rationes conquireret. Missis itaque oratoribus Arnolfo Mumebacensi et Udalarico Augustensi, qui ei a secretis erant, Joannem

¹ Jo. Vill. l. x. c. 212. — ² Cap. 269. — ³ Tom. IX. p. 4. l. p. secr. pag. 19. — ⁴ Tom. VIII. p. 2. Ep. secr. pag. 312. — ⁵ Jo. Vill. l. x. c. 265. — ⁶ Lib. bull. select. Jo. XXII. sign. ut. A. pag. 164.

⁷ Lib. bull. select. Jo. XXII. sign. lit. A. pag. 162. — ⁸ Tom. IX. p. 1. Ep. secr. pag. 60. — ⁹ Dubrav. Hist. Boem. l. XXI. — ¹⁰ Tom. IX. p. 1. Ep. secr. pag. 106.

papam de fœdere postulavit, deque ea re publicas edidit litteras, in quibus Joannem ipsum, quem antea horrendis maledictis appetiverat, et capitali damnavat sententia, sanctissimum in Christo patrem sacrosanctae ac universalis Ecclesiae summum Pontificem appellavit: tum procuratores ad afferendas pro se Pontifici excusationes, inunctionem imperialem afflagitandam, et concordiam paciscendam mandatis instruxit. Afferuntur eae litterae ab Herwarto in Ludovici apologia, additque tanta haec fuisse, ut Joannes ad Ludovicum gremio Ecclesiae restituendum commoveri debnisset, nec tamen receptum conqueritur. Sed is auctor omnibus fucis causam quam tuendam suscepit colorare, Pontificis vero gesta, quamvis consona aequitati, traducere consuevit.

11. *Verè causæ, cur Ecclesiae communioni non fuerit restitutus Ludovicus Bavarus, a quo interea populos discedentes anathemate liberat Pontifex.* — Si vero rei indagetur veritas, Ludovicum suo, non Joannis vitio non fuisse Ecclesiae conciliatum patebit. Nam in primis Ecclesiam magno revocandi in sinum suum Ludovici arsisse desiderio demonstrant plura documenta publica, quæ suis locis promentur: sed ea res rite fieri debuit, agebaturque de Christi et Ecclesiae honore, ut qui hæresim publice erat professus, qui schisma conflarat, qui persecutionem indixerat in Catholicos, tanta crimina ritu Ecclesiastico expiaret, seque Apostolicæ Sedis imperiis subiceret: ipse vero inanes tantum excusationes offerebat, seclerumque præmia ingentia, imperiales nimirum apices deposecebat, cum iustissima sententia post vulgatam hæresim parte utcumque jure caesareo fuisset exauctoratus: et pessimi exempli foret, sponse Christi Ecclesie dignitatem tam fœde conculcari, ac tot ab eo patrata facinora imponne ferri, nec tutum videbatur, suspecto homini imperium committere, ejusque potestati fidelissimos athletas, et clientes Ecclesiae subdere. Sed de hujusmodi Ludovici tractatu iterum agetur inferius.

Cæterum Pontifex ad revocandos in viam salutis Bavarî studiosos cardinali legato munus imposuit², ut eos omnes, qui imperatorem illum appellaverant, censuris solveret, si ab ejus partibus se discessuros pollicerentur; siquidem iustissime percussi erant anathemate, qui hominem, ob hæreses et schismatis crimina rite a Christi vicario exauctoratum decretoria sententia, imperiali nomine contra edicta Pontificia affecerant: pellectique ea misericordie significatione Firmani, Auximani, Urbinates, Fabrianenses, Mateliciani ac plures alii, quos jam ante penituerat flagiti, missis ad Sedem Apostolicam oratoribus, defectionis veniam poposcerunt³:

12. « Coram vobis sanctissimo in Christo patre

et domino, domino Joanne divina providentia sacrosanctæ Romanæ et universalis Ecclesie summo Pontifice, ac ejusdem Ecclesie reverendissimorum patrum dominorum cardinalium sacro collegio, nos devoti vestri Zucius de Bennegnatis, Hugolinus Pecorucci, et Joannes Nicoletti syndici et ambaxiatores Firmanorum, Auximanorum, Urbinatium, Esinorum, Fabrianensium, Matelicæ, S. Elpidii, Sceræ comitum Sciræ, S. Quiritali et Barbaræ comitatuum, et universitatum pro ipsis et nomine ipsorum dicimus et proponimus infra-scripta. In primis quod communia et universitates prædictæ et singulares personæ ipsorum ab eo tempore et citra continue, quo vestra, sanctissime pater, ad Apostolatam assumptio ad ipsos extitit divulgata, firmiter crediderunt et credunt, vos dominum Joannem fuisse et esse prædictæ Ecclesie verum et unicum summum Pontificem et in terris Christi vicarium, et ipsorum in spiritualibus et temporalibus dominum singularem, et apud vos fuisse apostolatam auctoritatem. Item cum sanctitas vestra contra Ludovicum de Bavaria, qui se primo regem, et deinde imperatorem Romanum nominavit, processerit et ipsum repro-baverit, ac ipsi ut tali obediri, vel ipsum pro tali haberi sive nominari ante ingressum dicti Ludovici in Lombardiam duxerit prohibendum, non crediderunt ipsi communia et communitates, nec singulares personæ ipsorum iis temporibus, quibus idem Ludovicus Lombardiam intravit, vel quibus moram traxit in ea, aut quibus fuit absens ab ipsa, ei ut regi Romanorum fore obediendum vel parendum, vel ipsum pro rege Romanorum habendum, vel nominandum. Item cum dictus Ludovicus post processus, reprobationem et prohibitionem prædictos, et nonnullos alios processus per sanctitatem vestram factos contra ipsum sine auctoritate vestra se in regem et imperatorem Romanum coronari fecerit, et Romanum imperium invaserit, non crediderunt nec credunt eundem Ludovicum fore verum regem vel imperatorem Romanum, aut ipsi ut tali obediendum vel favendum, aut ipsum pro Romano imperatore habendum, seu nominandum. Item non crediderunt unquam neque credunt fratrem Petrum de Corbario, qui B. Petri Sedem invasi, et se Papam falso nominavit, fuisse vel esse Romanum Pontificem seu papam, aut ipsum pro Romano Pontifice habendum, seu nominandum ». Et infra:

13. « Item dicimus et proponimus, quod communia et universitates prædictæ, et ipsorum singulares personæ omnibus temporibus prædictis, et per ipsa tempora et ante fidem Catholicam et unam sanctam et Apostolicam Ecclesiam firmiter crediderunt, nec dictis temporibus vel ipsorum aliquo aliquid dixerunt vel egerunt, intendentes revera deviare a fide prædicta. Fatentur igitur syndici et ambaxiatores prædicti, quod fratrem Petrum de Corbario sæpèdictum nominaverunt

¹ Herwart l. cit. II, ad an. Chr. 1331, num. 1. — ² Tom. VIII, p. 2, Ep. secr. pag. 299. — ³ Ibid. pag. 304, et lib. Bull. select. Jo. XXII sign. il. A. pag. 135.

papam, simulate tamen : ipsius anticardinalem et antilegatum cardinalem et legatum nominaverunt, et receperunt aliquos antiepiscopos, et alios officiales et ministros ejusdem, et promotos per ipsum : et Joannem de Claramonte antimarchionem nominaverunt et receperunt, fide tamen, et alios nuntios dammati Bavari supradicti, vel nuntiorum et ficta et falsa auctoritate ipsius et dicti fratris Petri, ut tales nominaverunt, et ipsis ut talibus simulate obediverunt, et antiepiscopum et eorum litteras ut talium receperunt, et ipsis ut talibus scripserunt : et ipsorum litteris, et nugatoria, ficta et falsa auctoritate usi sunt. Hec tamen omnia in hoc capitulo contenta, quae fecerunt vel ipsis faventibus facta sunt, fecerunt et passi sunt simulate ac propter metum inimicorum suorum, et ut ipsis injuriantibus possent resistere, non credentes ea fore licita, sed prorsus illicita et nefanda.

¶ Fatentur insuper, quod plures exercitus, cavalcatas et conflicti fecerunt contra terras et fideles vestros et sanctae matris Ecclesiae, tanquam contra eorum aemulos et notorie inimicos cum terrarum captionibus, personarum occisionibus, et rerum dictarum terrarum et personarum captionibus, afflictionibus, gravium damnorum, atrocium injuriarum illationibus, et plura alia his similia commiserunt et fecerunt contra mandata vestra et sanctae matris Ecclesiae, et rectoris provinciae marchiae Anconitanae praedictae. Quae omnia et singula cordialiter poenitet eos fecisse, perpetrasse et amare dolent talia commisisse, recognoscentes in praemissis suas culpas et iniquitates enormes. Fatentur denique, quod multis mandatis, prohibitionibus, processibus, et sententiis, Apostolica et legationis suae ordinaria auctoritate contra ipsos communia et universitates ac singulares personas eorum factis et latis non paruerunt temporibus supradictis, et interdictum seu interdicta in ipsis terris et diocesisibus earumdem, quavis auctoritate prolata, aliquibus temporibus non servaverunt. Fatentur etiam, quod crediderunt et confessi fuerunt, et credunt et confitentur omnes articulos fidei, quos sancta mater Ecclesia tenet, confitentur et docet; et dicunt et promittunt, quod non receperunt supradictum damnatum Bavarum, ejus nuntios vel aliquem dominum, vel ejus officialem, vel familiarem cuiusquamque tituli, dignitatis, praeminentiae, status, conditionis vel nominis sit; nec aliquos stipendiarios vel gentes suas, nec aliqui rebelles Ecclesiae singulari vel universitati dabunt auxilium, consilium vel favorem, publice vel occulte; sed pro posse eis resistent, et eos persequentur et impugnantur. Et infra :

¶ Supplicant itaque humiliter syndici et ambaxiatores praedicti sanctitatem vestram, quatenus inspectis antiquis servitiis Romanae Ecclesiae impensis et, dante Domino, impendendis in posterum per ipsas terras, et damnis receptis ex devo-

tionem et causa praedictis, et destructione ipsarum terrarum, dignemini misericorditer providere ita, quod supradicti constituentes inveniant gratiam in sanctitate vestra, quam sperant in omnibus et singulis supradictis tanquam filii devii redeuntes ad misericordiam pii patris, offerentes se paratos vice et nomine praedictorum constituentium jurare et stare ac parere mandatis Ecclesiae et vestris, sanctissimi patris et domini, domini papae praedicti; et omne aliud juramentum praestare, quod ad obtinendum vestram gratiam et absolutionem ab omnibus et singulis supradictis fuerit necessarium vel etiam opportunum; et omnem poenitentiam atque poenam portare, quam sanctitas vestra vel deputatus ab ea eis duxerit injungendam. Repetita supplicis illius libelli formula, procuratores sacramento solemniter Pidentium nomine se devinxere, Romanis Pontificibus ipsos obsequentes fore, neque cum Ludovico, Petrice et Corbario sequacibus unquam consensuros; qua de re publica documenta confecta sunt. Ac tum Joannes in memoratos Pidentes Pontificiam explicuit clementiam, et censuras poenasque Apostolicis edictis inflicta abolevit. Extat hac de re Diploma. « Dat. non. Aug. an. xvi ».

14. Influxere pariter ad sua vota Pontificiam clementiam Mediolanensium oratores, qui cum jam ante ineunte superiori anno decreti fuissent, hoc demum votorum compotes facti, cum prius in sacro cardinalium senatu solemniter ritu praetoriorum, adversus dignitatem Pontificiam gestorum, veniam subjecta verborum forma poposcissent.

¶ Coram vobis sanctissimo in Christo patre et domino, domino Joanne divina providentia sacrosanctae Romanae ac universalis Ecclesiae summo Pontifice, ac ejusdem Ecclesiae reverendorum patrum dominorum cardinalium sacro collegio, nos devoti syndici et ambaxiatores cleri populi et communitatis Mediolanensis pro ipsis clero, populo et communitate et singularibus personis ipsorum dicimus et proponimus infrascripta. In primis quod clerus, populus et communitas praedicta, et singulares personae ipsorum ab eo tempore et citra continue, quo vestra, sanctissime pater, ad Apostolatam assumptio apud ipsos exiit divulgata, firmiter crediderunt et credunt, vos dominum Joannem fuisse et esse praedictae Ecclesiae verum et unicum summum Pontificem, et in terris Christi vicarium, et apud vos fuisse et esse Apostolicam auctoritatem. Item cum sanctitas vestra contra Ludovicum de Bavaria, qui se primo regem et deinde imperatorem Romanum nominavit, processerit et ipsum reprobaverit, ac eidem ut tali obediri, vel ipsum pro tali haberi, sive nominari ante ingressum dicti Ludovici in civitatem, vel diocesim, seu districtum Mediolanensem duxerit prohibendum, non crediderunt clerus vel populus et communitas antedicti nec singulares ipsorum personae iis temporibus, quibus idem Lu-

dovicus diœcesim, districtum et civitatem Mediolanensem intravit, vel quibus moram traxit in eis, aut quibus fuit absens ab ipsis, et ut regi Romanorum fore obediendum aut favendum, vel ipsum pro rege Romanor. habendum aut nominandum.

« Item cum dictus Ludovicus post processus, reprobationem et prohibitionem prædictas, et nonnullos alios processus, etiam per vestram sanctitatem factos contra ipsam se coronari sine auctoritate vestra in imperatorem Romanum fecerit, et Romanum imperium invaserit, non crediderunt nec credunt eundem Ludovicum fore verum imperatorem Romanum, aut ipsi ut tali obediendum vel favendum, aut ipsum pro Romano imperatore habendum seu nominandum. Item non crediderunt unquam neque credunt fratrem Petrum de Corbario, qui B. Petri Sedem invasil, et se papam falso nominavit, fuisse vel esse Romanum Pontificem seu papam, aut ipsi ut Romano Pontifici seu papæ fore aliquoties obediendum vel favendum, aut ipsum pro Romano Pontifice habendum seu nominandum ». Subdunt Mediolanensium oratores, nunquam ipsos credidisse Corbarii pseudocardinales ac legatos veras, sed adulterinas gessisse dignitates. Tum exposuere ut inter Turrianam familiam ac Matthæum vicecomitem veteres inimicitie exarsissent adeo, ut inde plures cædes fuissent secute, ingraves enteque Matthæi potentia Turrianus in carcerem fuerit conjectus; lataque in Matthæum Pontificia sententia. falsus rumor increbuerit ideo ipsum delictum anathematæ, ut eo depresso ejectione, Turriani urbis imperium adipiscerentur; deinde ille, inita cum pluribus Insubria populis ac proceribus armorum societate, conductisque maximis copiis, civitatem sua tyrannide oppresserit; Matthæoque et vivis sublato Galeatius, cum se magna peditum equitumque multitudine succinctum videret, Bergamensium, Laudensium, Vercellensium, Novariensium, Ticinensium, Comensium, aliorumque viribus fretus dominatum Mediolanensium corripuerit: cumque metueret, ne ex eo submoveretur, Ludovicum induxisse Mediolanum. Tum subdunt:

15. « Cum autem idem Ludovicus ipsam civitatem intrasset, et ejusdem dominium arripuisset, et stipendiarios ibidem inventos, qui dicto Galeacio obedire consueverant, quod sibi obedirent jurare fecisset, et ad susceptionem coronæ ferreæ, ut moris est in reges Romanorum electis et per Ecclesias approbatis, festinaret; ob hoc magna multitudo equitum et peditum ultra stipendiarios prædictos, et eos, qui cum Ludovico præfato civitatem intraverant sæpeditam, de aliis civitatibus et locis ipsi Ludovico faventibus et adherentibus convenerunt in civitate prædicta; et tanta equitum et peditum inibi multitudo fuit, quod nec clerus, nec populus, nec singulares persone ipsius civilis ipsius coronationi resistere potuissent: cum-

que hujusmodi multitudine et potentia sic esset stipatus, coronam assumpsit prædictam. Decursis vero postmodum aliquibus diebus, idem Ludovicus prælatum Galeacium duosque fratres et filium ejus captivavit et in carcerem detrusit, et fortalitia omnia civitatis et diœcesis Mediolani suæ tyrannidi plenarie subjugavit: et quendam Theonicum ibidem constituit vicarium suum, eumque magna multitudine stipavit hominum armorum, mandans universis Mediolanensibus sub gravissimis pœnis personarum et bonorum, quod ipsi vicario totaliter, vobis autem, sanctissime pater, vel nuntiis, aut litteris, vel præceptis, sive prohibitionibus vestris nullatenus obedirent. Quinimo multa et mendosa, falsa et nefanda contra sanctitatem vestram, multaque erronea tam per dictum Marsilium quam plures alios diversis temporibus prædicari, et libellos diffamatorios conscribi, divulgari et in publico appendi in civitate et diœcesi prædictis mandavit.

« Subsequenter autem cum supradictus frater Petrus papatum et dictus Ludovicus imperium, ut præmittitur, invasissent, idem Ludovicus dictusque vicarius universis Mediolanensibus, quod præceptis, jussionibus, prohibitionibus, ordinationibus, Constitutionibus, decretis et litteris ipsius fratris Petri tanquam papæ, ejusque officialibus et ministris legatis et nuntiis in spiritualibus, et ejusdem Ludovici tanquam imperatoris ipsiusque officialibus et ministris in temporalibus obedirent, et eos pro talibus nominarent, haberent atque tractarent, sub pœnis prædictis districte præcipiendo mandavit: qui vero vos papam nominarent, aut vestris præceptis, jussionibus, prohibitionibus, ordinationibus, Constitutionibus, decretis, litteris, legatis, nuntiis, officialibus vel ministris obedirent, aut vestram allegarent auctoritatem, flammarum incendio cremarentur. Quæ omnia clero, populo et communitati Mediolanensium et eorum singularibus personis prædictis detestanda, abominabilia et nefanda prorsus videbantur: sed ipsis resistere, vel ea compescere non audebant, neque poterant propter metum, tyrannidem et potentiam Ludovici et vicariorum prædictorum ». Addunt sub illa servitute ingemuisse, donec regressis vicecomilibus, collectis animis, durissimum illud jugum suis cervicibus depulerunt. Veniam itaque flagitantibus Mediolanensibus, Pontifex subjecta verborum forma ignovit, ac pristinae ipsos restituit dignitati.

16. « Vos ab omnibus processibus, pœnis et sententiis, quos et quas propter rebellionem prædictam et adhæSIONem dictorum Ludovici de Bavaria et Petri de Corvaria, et alia præmissa, per eosdem procuratores, syndicos et nuntios vestro nomine recognita et confessata, factis, latis seu promulgatis ab homine vel a jure, quomodolibet incenrristis, de dictorum fratrum consilio absolvimus, et in integrum restituimus ad famam, statum, honores, privilegia et bona quæcumque

de Apostolicæ plenitudine potestatis; ac a vobis omnem infamiam maculam sive notam, ex præmissis vel eorum contingentibus et dependentibus ab eisdem obortam penitus abolemus; imponendi et injungendi per nos vel alium seu alios, nobis præsentibus vel absentibus, semel vel pluries, et etiam indulgendi quæcumque penas et penitentias, de quibus nobis videbitur, nihilominus potestate retenta, etc. Dat. IV non. Junii. Pontificatus nostri anno XVI. Ilis gestis, legavit mox Pontifex Apostolicos nuntios ad clerum et populum Mediolanensem censuris exsolvendo, quos VII kal. Septembris Joanni episcopo Novariensi, Azoni, Luchino et Ladozasio de Vereellino vicecomitibus commendavit.

Missi porro Mediolanum internuntii, cives ex subjecto decreto¹ censuris solvere jussi sunt: « Ordinamus, inquit, quod vos ab eisdem clero, communi et populo, necnon prædictis personis singularibus, quibus de dictarum absolutionis et restitutionis beneficio juxta formam et tenorem aliarum nostrarum litterarum vobis super hoc directarum duxerimus providendum, juramentum recipere specialiter studeatis, quod ipsi Placentinam, Bononiensem et Landensem civitates, Crenam, Caravacium, Martinengum, Valentiam, Basignanum Castrum novum, Bosseadve et Asulam castra seu terras, ac districtus, vel pertinentias, seu homines aut bona eorundem; vel quasque civitates et terras alias, fortalitia vel quasque habitationes alias hominum, seu districtus, dominia, jurisdictiones, pertinentias, seu portus vel passus terræ vel aquarum flumina, seu descensus vel ascensus eorum, stratas, vias publicas seu privatas quorumcumque locorum supranominatorum, aut quæcumque alia loca, quæ per nos et eandem Romanam Ecclesiam, vel nostro et ipsius nomine reguntur, aut a nobis et Ecclesia ipsa tenentur vel in futurum tenebuntur, vel dicto nomine gubernabuntur, qualiacumque sint et in quibuscumque consistant castris et locis, quæ a presidentibus Mediolanensium infra dictos civitatem, comitatum et districtum ad præsens tenentur et possidentur duntaxat exceptis; aut personas Ecclesiasticas vel seculares eorundem locorum et districtum prædictorum, vel alienius eorundem per se vel alium seu alios, directe, publice, vel occulte non invadent, capient, usurpabunt, impediunt vel depraedabuntur, in toto vel in parte nec talia facientibus dabunt seu præstabunt succursum, auxilium, consilium vel favorem, nec eis in personis vel rebus eorum irrogabunt injurias vel offensas, quandiu in nostra et ejusdem Ecclesiæ fidelitate et devotione manebunt. Dat. non. Octobris, anno XVIII. Decreta hæc proximo anno, quæ ne repeterentur, conjungenda fuerunt. Verum Azone Pontificis urbes affectante, extracta est censurarum dissolutio, legesque ad-

dite ut sacramentum a Mediolanensibus exigere-
tur, ipsos terras, quæ tum in Insurbria parebant
Ecclesiæ, non populaturos; demumque octavo
nost anno missis oratoribus a Benedicto fide-
lium sacrorumque communioni restitutos, visuri
sumus.

17. *Rex Trinacriæ ad conjunctionem Ecclesiæ sollicitatus.* — Defixit etiam Pontifex Apostolicum zelum pro adducendo ad sinum Ecclesiæ Friderico rege Trinacriæ, qui Ludovici pertinaciam æmula-
batur, atque a fidelium communione segregatus in exitium agebatur præceps. Paternis itaque li-
teris Alienoræ reginam est adhortatus¹, ut viri
pectus emollire satageret, exponeret ei pericula,
quibus se obijceret, bona ingentia, quæ infelicer
amitteret; nec satis æstimari precum, suffragio-
rum et sacrorum, quorum cæteri fideles parti-
cipes essent, beneficium posse:

« Joannes, etc. Alienori reginæ Trinacriæ.

« Filia amantissima, non sufficimus admirari,
quod princeps inclytus Fridericus rex Trinacriæ
vir tuus sic obstinatus et induratus in sua perti-
nacia tandem, non sine gravi scandalo sueque
salutis animæ manifesto periculo extra unitatem
Ecclesiæ permanserit et permaneat; non conside-
rans, nec attendens quanta in orationibus, suffra-
giis et sacrificiis, quæ in tota Catholica Ecclesia
jugiter offeruntur Altissimo, quorum esset parti-
cipes, si infra communionem fidelium existeret,
perdidit et perdit continue commoda; quantisque
periculis circa salutem animæ perpetuam, si in
tali statu, quod absit, decederet, se exponit. Quo-
circa prudentiam rogamus regiam, et in Domino
attentius exhortamur, quatenus tu benedictionis
filia, quæ Deum times et salutem animæ tuæ per-
quiris, præfato regi viro tuo suadere viis et modis,
quibus expedire videris, non postponas, ut præ-
dictis periculis et aliis, quæ sibi possunt occurrere,
consideranter attentis, a suis resilire cum effectu
devisis et ad sanctæ matris Ecclesiæ redire prope-
ret unitatem. Nos quidem ipsum, si ut tenetur,
humiliter redire procuraverit, parati erimus cum
gaudio recipere, et ut filium benedictionis et
gratiæ condignis favoribus et honoribus pertra-
ctare. Dat. VI id. Septembris, anno XVII. »

18. *Philippi principis Tarentini mors et controversia de possessione regni Siciliæ.* — Sublatus²
est hoc anno ex humanis Philippus princeps Ta-
rentinus, cui funebres imperiales honores exhibi-
ti, cum imperii Constantinopolitani jura dotalia
obtinere Catharinæ uxoris nomine Baldoini II
imperatoris precepitis, quam Pontifex indulgent-
iam lacrimis ad Christianam constantiam excitavit³: « Sane, inquit, quia, benedictionis filia,
mortis jactura restitutionis beneficium non ad-
mittit, sibi que tua prodesse nequaquam possit

¹ Tom. IX. p. 1. Ep. secr. pag. 42, 13 et p. 2. Ep. secr. pag. 252.

¹ Tom. IX. p. 1. Ep. secr. pag. 111. — ² Tom. VIII. p. 2. Ep. secr. pag. 243. Summont. l. III. Hist. Neap. — ³ Sup. Ep. secr. pag. 213.

mœstitia, nocivaque tuo posset existere corpori, et irritativa divinæ offensæ; magnificentiam tuam hortamur in Deo et rogamus, quatenus præmissis in consideratione deductis et aliis quæ tibi circa hoc Dominus ministrabit, divino beneplacito te coaptans ad ea, quæ consolationem præfati viri tui possint afferre animæ, tuisque fore liberis profutura, te committere studeas et in his te viriliter exercere. Dat. V kal. Martii, anno xvi. Successit in Tarentino principatu, et matris ad Constantinopolitanum imperium juribus Philippus filius, qui cum a patruo Joanne Achaïæ principe fidem solenni ritu sacramento sibi obstringi deprecaretur, isque gravate ferret ad nepotis obsequium procumbere; cum maxime inanes tantum titulos, atque umbram imperii levem circumferret, exorta gravis discordia est inter eos principes: cujus componendæ studio Pontifex Joanni principi suadere nisus est¹, ut animum ad fidem nepoti devinciendam flecteret, seque in ea re divinæ voluntati accommodaret.

« Joanni principi Achaïæ.

« Utinam, fili, velle tuum divinæ voluntati submitteres, hoc utique faciens quod debes faceres, eique complaceres: si autem tuam divinæ proposueris voluntati, Deum offendes graviter, maculamque in gloriam tuam ponis. Hæc pro tanto præmissimus, quia, sicut intelleximus, homagium recusare facere, quod tamen, ut dicitur, te facturum in nostra presentia juravisti. Nobilitatem tuam itaque hortamur in Domino et rogamus, ut tue salutis non immemor dictum homagium facias, omni difficultate sublata. Licet enim Deus legatur pius et misericors, legitur etiam Deus ultionum²: horrendum autem est in manus illius incidere, quæ nequeunt ab aliquo evitari. Dat. III non. Decembris, anno xvii. »

19. Ad elidendas alias dissensiones, quæ in Sicilia post Roberti regis mortem de regni successione erupturæ timebantur, cum Carolus Ungariæ rex Caroli Martelli majoris natu filii Caroli II jure regnum sibi debitum contenderet, ex Bonifaciana vero Constitutione³ regni jura in Caroli ducis Calabriae filias transfundenda essent, Pontifici ac Siciliae et Ungariæ regibus visum est, discordias omnes facile conciliatum iri, si Ludovicus et Andreas regis Joannæ filii Joannæ et Mariæ ducis Calabriae filiabus matrimonio conjungerentur: de quo federe inito Apostolicæ extant litteræ⁴. Inventum porro Caroli olim ducis Calabriae Joannæ et Mariæ parentis, ad quem si Roberto superstes fuisset, Siculum regnum spectasset, corpus post plures annos corruptionis expers, cum sepulchrum apertum esset, ut in eo uxoris defunctæ hoc anno corpus conderetur: de quo Pontifex hæc ad Sanciam reginam Caroli matrem scripsit⁵:

« Joannes, etc. reginæ Siciliae.

« Læta mixta tristibus nobis his diebus geminæ litteræ regie nuntiaverunt. Numquid non tristitia plenum audire, illas infantulas inclutas filias quondam ducis Calabriae matris privatas cura et sollicitudine exiitisset? Utique plenum earum charis tristitia et mœrore. Numquid plenum lætitia corpus præfati integrum post tanti temporis spatium reperisset? Utique et hoc unicuique fideli consolationis et gaudii materiam subministrat. Gloria sit illi, qui ducissam de hujusmodi miseria ad sursum vocavit gloriam, corpusque ducis integrum tam-hu voluit conservare, etc. Dat. kal. Februarii, anno xvii. »

20. *Regina Siciliae favens pseudominoritis monetur a Pontifice.* — Abripi¹ se sinebat in exitium studio pietatis, cui addictissima erat, regina: cumque Franciscanum Ordinem singulari observantia complecteretur, ut ipsius litteræ ad eundem sodalitii religiosos viros datae indicant², a nonnullis Pseudominoritis labe Michaelis Casenatis inquinatis subornari se passa est: adeo, ut adversus Geraldum supremum Minoritarum præfectum, vocantem in jus perversos eos hypoeritas plura tentaret, favori tque schismaticis et hæreticis, pios vero insectaretur. Quibus malis ut mederetur Pontifex, Robertum regem docuit³ a Pontificali constantia abhorre pestiferam patientiam, quæ alienis peccatis parcendo sibi non parcat, fratriculosque ad officium revocandos esse.

« Joannes, etc. charissimo in Christo filio Roberto regi Siciliae illustri.

« Receptis noviter et perlectis litteris regis, in quibus inter cætera magnitudo regie processum citatorum dilecti filii Geraldii Othonis ministri generalis Minorum contra Petrum de Cadeneto et Andreæ de Gahano sui Ordinis habitum arguebat, non sufficimus nec adhuc sufficimus admirari. A regia siquidem memoria excidisse non credimus, quomodo dudum nobis repetitis etiam vicibus scripserit, quod exosam pariter et suspectam habebat admodum conversationem et assistentiam dicti Petri circa reginam filiam nostram charissimam in Christo, consortem suam, quod eam instrueret perversis dogmatibus, et ipsa quoque id affirmaret, nec sperabat regia providentia, quod regina ipsa sibi aut nobis esse obediens quandiu assisteret ille sibi: ideoque postulabat regalis excellentia, quod omnino ipsum procurarem elongari ab ea. De Andrea vero præfato existit notorium, quod fautor et de sequela damnati Michaelis extitit et existit, et ex multis causis aliis de hæresi et schismate noscitur vehementer esse suspectus. Cur igitur moleste gerat tua serenitas, si eos nos velimus corrigere, sine dubio rationabiliter non videmus.

¹ Tom. ix. p. 1. Ep. secr. pag. 142. — ² Ext. Annal. tom. xiv. an. Chr. 1297. num. 53. — ³ Tom. viii. p. 2. Ep. secr. pag. 241. — ⁴ Ibid. pag. 244.

¹ Tom. viii. p. 2. Ep. secr. pag. 244 et 290. — ² Ext. apud Wad. 2331. num. 8. — ³ Ext. de his lit. in rotulo Ms. Arch. Vat. Avin. sign. num. 204.

« In his, fili charissime, non decet nos nec ipsum talia conviventibus oculis pertransire. Abjicienda quidem prorsus est a sacerdotali vigore pestifera patientia, quæ sibiimet peccatis aliorum parcendo non parit : et si regina præfata contra dictum generalem irritetur, et ad ipsius diffinitionem intendat, provideat tua et ipsius prudentia, ne potius in vestri utriusque honoris dispendium (quod verendum est amplius) hoc valeat retorqueri. Oportebit etiam ipsum et fratres fideles ejusdem Ordinis, qui ex multis contra dictum ministrum attentatis reperiunt in ejus persona eorum Ordini graves ac atroces injurias a regina specialiter inrogatas, loqui et ad suam excusationem scribere, ac proponere in diversis mundi partibus, quanto discrimini exponit regina Ordinem antedictum, favendo schismaticis et hæreticis apostatis dicti Ordinis, eosque undecumque veniant recipiendo et abunde necessaria ministrando, et persequendo fideles, non sinendo, quod suum in fratres dicti Ordinis sibi faventes, seu ipsam potius seducenles, valeat officium exercere ; nec non (quod est utique gravius) non sinit inquisitores hereticæ pravitatis et prælatos contra suspectos, imo hæreticos suum officium exercere : quinimo per violentiam de manibus prælatorum litteras Apostolicas super dictæ inquisitionis officio sibi missas rapere non expavit. Hæc et alia, quæ in partibus illis sunt notoria, queque fama publica in diversis partibus publicat notoria, nec non et multa alia proponere poterunt, a quibus nequaquam tua erit apud intelligentes personas magnificentia excusata. Super iis autem dictæ reginæ scribimus in forma, quam continet cedula præsentibus interclusa. Dat. Avin. III id. Martii, anno xvi ». Extant hæc Pontificis litteræ ¹ ad reginam datæ, e quibus cum partem decerpimus, qua Joannes ipsam placide adhortatur, ne hypocritarum præstigiis et demonum laqueis se irretiri sinat.

« Joannes, etc. Quia prædicta, qualiacumque fuerint acta, credimus a pacis æmulo et charitatis invido, qui tuæ et fratrum charitati invidens, ad ipsam indicendam virus suæ maliitiæ non omisit infundere, procurata ; rogamus circumspectionem reginalem attente, ut illi curet resistere fortis in fide, illudque sibi Apostoli dicere : *Quis me separabit a charitate Dei ?* ac eidem cum Apostolo respondere, *certa sum quod neque mors, neque vita, neque instantia, neque futura, neque fortitudo, neque altitudo, neque profundum, neque creatura alia me a charitate Dei poterit separare*, et quia charitas Dei sine charitate proximi non habetur, attende, filia charissima, ne hostis illius astutia te ab ea valeat separare : quod ille dignetur concedere, cui cum voluerit subesse posse. Dat. Avin. IV non. Septemb. anno xvii ».

21. *Bellum inter Catalanos et Genuenses so-*

pire studet Pontifex. — Navata est a Pontifice plurima opera ¹, ut pacem inter Genuenses et Aragonium Bilearemque reges, Roberto Neapolitano rege interprete, redintegraret ; sed cum illatas injurias Genuensibus, ac damna sarcire Catalani cunctarentur, Genuenses armis repetere amissa creverunt ; atque adulta ætate instructa valida classe maritimam Cataloniae oram ferro, flamma, rapina lædantur ², indeque insulas infestarunt Balcæares. At Pontifex, accensum crudeliter bellum restinguere cupidus, iterum Aragonium et Balearem reges de redintegranda concordia interpellavit ³, ac pacis arbitri nomine de sarcendiis hinc inde acceptis illativæ damnis sententiam tulit : atque Alfonso Aragonium VI id. Decembris ad amplectenda pacis consilia excitavit, monuitque Genuenses Pontificio decreto se accommodaturos : quantas ex Genuensi bello Mahomades Granatæ rex ad invadendum Valentium regnum vires colligeret. Non enim Genuensi solum bello, sed Saracenicæ quoque implicitum fuisse Alfonso regem Aragonum refert Surita ⁴, ac Radoanum regis Granatensis ducem cum triginta peditum ac decem equitum millibus in Valentium regnum irrupisse, munitumque oppidum, cui Elche nomen, mense Aprili obsidione cinxisse : sed cum Alfonso cum exercitu in subsidium advolasset, castra inde movisse. Traxit ⁵ Mahomades rex Granatensis in Hispanias ex Africa Abomelicum regis Marrochitani filium, qui magno succinctus exercitu fretum trajecit, utque cum Granatensi convenerat, Algezira et Arundæ regem se dixit. Moliebatur barbarus universas Hispanias ferro subigere, ac septem millia equitum transvexit.

Metuebant Aragonii ne impetus in Valentium regnum converteret, cum in Castellæ regis terras excurrit, atque Hieraclæam in freto Gaditani arcem munitissimam, ut ea obtenta auxilia facilius ex Africa eliceret, obsidione cinxit. Justum sane hoc divine in Alfonso regem Castellæ supplicium exhibi, ut a serpentibus, quos foverat in sinu, laniaretur : si verum est quod refert Surita ⁶ dum Francorum, Navarræ, Aragoniæ, Angliæ, Scotiæ reges ac maxima principum multitudo paribus consentirent studiis, ut Saraceni universa Hispania junctis armis pellerentur, in eam vesaniam abripi se passum esse, ut ex invidia prius arma cum infidelibus adversus Christianos reges conjungere decerneret ; quas autem pactas inducias ad excusandum livorem obtendebat, primi Granatenses ledendi illius causa violarunt. Institutionem porro hoc anno ab eodem Alfonso Castellæ rege novam militiam, cui Bandæ nomen erat, narrat Mariana ⁷ : illum baltheo militari donatum Compostellæ, Burgisque inunctum ; regium insigne Limia præsule Compostellano sacris operante,

¹ Tom. viii. p. 2. Ep. secr. pag. 245 et 264. — ² Jo. Vill. l. x. c. 207. — ³ Tom. ix. p. 1. Ep. secr. pag. 153. — ⁴ Sur. l. vii. c. 18. — ⁵ Jo. Mar. l. xvi. c. 2. — ⁶ Sur. l. vii. c. 14. — ⁷ Mar. l. xvi. c. 2.

accepisse, Africanorum vero irruptione conturbatum, dum impudicis Gusanie pellicis amoribus indulgebat.

22. *Turcicæ grassationes in Græcos, et Andronici imperatoris infelix obitus.* — Irrumpebant Marochitani ex Africa in Hispanias, cum Turcæ Orchanis regis jus-ſu ex Asia, quam suæ tyrannidis jugo subjecerant, in Europam proferre victorias meditati, ducentarum et octoginta majoris vel minoris alvei navium classem contraxere, atque impositis quadraginta Turcarum millibus, Constantinopolim tentarunt: urbenque in discrimen adductam refert Joannes Villanus ¹, nisi Veneti ac Genuenses opem tulissent. Subierat Andronicus in carcere gravissima incommoda, de quibus hæc Nicephorus Gregoras ²: « Imperator avus, corrupto ex acerbitate doloris corporis habitu, alterius oculi usum amisit; nec multo post alterum etiam, et deinceps in perpetua nocte vixit, ac ut sacre litteræ loquuntur, potum suum fletu miscebat et panem doloris concedit: omīto enim illusiones, et fœda convicia, quibus et custodes eum et famuli lacescebant ».

Excepit Andronicum seniore in eo carcere alia gravior calamitas, cum nepos imperator morbo implicitus in extremum vite discrimen adductus esset: ne enim nepote extincto restitueretur imperio, data illi optio est, an monasticum habitum induere, an aliud ingens malum pati mallet, nimirum aut violentam necem, aut exilium, aut duriora vincula. Quo terrore oppressus diu in lecto sine voce jacuit: cumque orbis oculis quo se conferret ignarus esset, volens nolens allonsus, et nomine Antonii imposito religioso cultu indutus est: deinde extortum ab eo sacramentum, imperialium potestatem nunquam se ambiturum, vel oblatam admissurum: quæ si recusasset, de inferenda ei nece sumptum consilium: « Ille vero », ut ait Gregoras, « rursus perterritus et vite timens, invitum illud etiam est assensus: et quia cæcus erat alio manu ducente, superne rubram crucem, inferne nigram gestans vivere situs est ». Exegit in eo monastico habitu biennium, ut narrat idem auctor, innumeris malis conflictatus, ac demum in summa egestate diarrhœa ex nimio aque potu et testaceorum esu correptus, in latrina noctu omni destitutus humano auxilio, die qua sancti Antonii, cujus nomen sumpto habitu monastico acceperat, memoria recolitur, obiit; unde mutant quæ de pia ejus morte refert Gregoras, nec adstruere facile potest, a quo illa acceperit. Hic ergo Andronici senioris miser exitus fuit; ob cujus schisma Turcarum armis Græcorum imperium collabi cœpit. Exinde vero liberâs illius habenas, extincto avo, Andronicus junior retinuit.

23. Cæterum Latinorum opera propulsati Constantinopoli Turcæ in archipelagi insulas furorem

convertere, ac decem Græcorum millia et eo amplius in servitutem abduxerunt. Eubœa sive Negrepontus eo terrore compulsa est ad annum vectigal, ac tot malis conflictati Christiani profusis clamoribus Pontificis ac regis Francorum opem supplices implorarent. Affectos porro damnis ingentibus Venetos, ex litteris Pontificis ad Franciscum Dandulum ducem ac senatum Venetum colligitur, quibus Joannes auxilia promptissima adversus Turcas, ac majora cum regis Francorum oratores accesserint, pollicetur ³. Indicat vero, divinam justitiam barbarorum excursionibus ipsis ob toleratos in eorum terris schismaticos et hæreticos infestari passam, neque unquam feliciter de infidelibus triumphaturos, quam si schismaticos et hæreticos ad fidei orthodoxæ cultum revocarent.

« Duci et communi Venetorum.

« Amara fuit petitio, quam misisse nobis vestre littere ministrarunt: per eas quidem displicenter nimis accepimus, quomodo illa fera bestia Turcica vos gravavit in personis et rebus crudeliter his diebus. Super quo cum fratribus nostris deliberationem habuimus, et de remediis certis cum eorum ordinavimus consilio, quæ deo dante cito realiter exequemur, et in adventu nuntiorum charissimi in Christo filii nostri Philippi regis Francorum illustris, quem præstolamur vicinum, de amplioribus exhibendis etiam, divina suffragante gratia, disponemus. Sane, filii, attendite ne propter vestram negligentiam, qui schismaticos et Dei inimicos in terris vestris tenetis et recipitis, hæc contingant: legimus enim, per inimicos Dei et populi Israelitici eundem populum Israeliticum dure satis Dominum flagellasse. Studete igitur schismaticos et hæreticos de terris vestris ejicere, vel reducere ad Ecclesiæ unitatem: quod si feceritis, speramus in Domino, quod quæ ipse pater misericordiarum ad vindictam præparaverat, ad tuitionem vestram convertet: alias veremur, quod aggravare durius contra vos debeat manum suam. Dat. X kal. Augusti, anno xvi ». Deliberaturum de bello gerendo in Turcas sponderat Venetis Pontifex cum Philippi regis Francorum oratoribus, cum ille sacro bello adversus infideles pro Christiano nomine gerendo arma devovisset, et kal. Martii jam ante illius oratores ad Sedem Apostolicam, accesserant ⁴: cum vero ardua admodum esset rerum quas agitabant moles, Pontifex cum primis oratoribus necessaria ad Asiaticam expeditionem constituere non potuit. Expectandi itaque alii oratores fuere, cum quibus res sancita est, ut sequenti anno videbitur, irritum tamen exitu.

24. Tendebat interea Armenia ad Pontificem principesque Occidentales supplices manus, copiasque auxiliares ad retundendos Babiloni Egyptique soldani conatus deposcebat ⁵. Exhaustus

¹ Jo. Vill. l. x. c. 204. — ² Greg. Hist. l. ix.

³ Tom. viii. p. 2. Ep. secr. pag. 327. — ⁴ lib. p. 421. — ⁵ lib. ed. p. 364.

vero adeo erat Leo rex ob clades a Barbaris illatas, ut reticere arces, militumque praesidia sustentare non posset. Quod cum animadvertent Turcae, ab eo Siquinum et Antiochetam emere voluerunt: at rex dono tradere illas arces Rhodiis equitibus maluit, ut ipsis communicarent, ac finem invenirentur: quia de re Pontifex equitum hospitaliariorum principem Helionum subjectis litteris certiores fecit¹.

« Magistro et fratribus Hospitalis S. Joannis Jerusolymitani.

« Nuper charissimi in Christo filii nostri Leonis regis Armeniae illustris ad nostri Apostolatus auditum insinatio devota perduxit, quod ipse duo castra situata in marchia paganorum Turcorum, quorum unum Siquinum prope mare ad milliaria, et aliud Antiocheta in rupe supra mare posita nuncupatur obliet, quae progenitores sui et idem rex usque ad haec tempora servaverunt. Sed cum propter destructionem terrae illius ex cuius redditibus castra eadem servabantur, nequeant castra ipsa ulterius conservari; sinque pagani aliqui de Turchia, qui castra praefata empturos se offerunt pro certa pecuniae quantitate, quorum verbis consentire super hoc ipsius regis conscientia contradicet, et aliqui de consilio regis praedicti suadeant, quod dicta castra funditus diruantur; idemque rex paratus existat vobis libere donare in perpetuum dicta castra cum iuribus et pertinentiis eorundem, ut recipiatis donationem castrorum ipsorum, illaque custodiat, et vestra propria inhabitetis et defendatis, ne ad manus dictorum perveniant paganorum, idem rex nobis humiliter supplicavit, ut vobis super his scripta nostra dirigere, seu circa ea ordinare aliud, vel dicto regi deliberate consulere, quid agere habeat in praemissis, juxta Sedis Apostolicae providentiam dignemur.

« Quia igitur vester militaris Ordo est infra hujus machinae mundialis orbitam, et principalis in partibus Terrae-Sanctae per dictae Sedis providentiam institutus, et ex largitionibus Christi fidei, multiplicante Domino, in bonis temporalibus adauctus, et longe lateque diffusus, et tam in spiritualibus quam in eisdem temporalibus per Sedem privilegiatus eandem, ut defensetis Christicolae et loca divini cultus, ac inimicis Christiani nominis resistatis fortiter, ipsosque viribiles impugnetis; nos devotum et sincerum praedicti regis in hac parte zelum digne ratum et gratum habentes, et cupientes pro tranquillo et securo statu Christianorum illarum partium, cum sortiri effectum prosperum et voluim, quodque ad hoc per vos, juxta vestrae facultatis suppetentiam quantum sese ad id extenderit salubris et utilis executionis opera impendatur, discretionem vestram attente requirimus, monemus et hortamur in Domino Jesu Christo, vobis nihilominus injungentes, qua-

tenus si vobis visum fuerit, quod castra possitis defendere supradicta hujusmodi, eorum donationem cum omnibus iuribus et pertinentiis ipsorum liberam et perpetuam pro vobis et successoribus et Hospitali vestris recipatis, et infra, « et attendatis, quod exinde Jesu Christo redemptori nostro gratae devotionis obsequium impendatis et exhibeatis vos potenter personarum et locorum dictorum fidelium praecipuos defensores; ac exinde, praeter aeternae salutis fructum vobis propterea ex divina gratia provenientum, famosum proinde laudis humane praekonium acquiratis. Dal. Avin. IV non. Aug. anno xvii ».

25. Permultis etiam Pontifex¹ Leonem regem suscipiendae a Gallo expeditionis, subsidiarii in Armeniam exercitus spe: tum Genuenses Pisanosque, ut mutua injuria sibi temperarent, extra-herentque Roberto rege arbitro inducias ne sacri belli disturbaretur apparatus, monuit². Sed Philippus Francorum rex parum nuncupati voti memor principum, ac praecipue Angli necessaria foedera sibi non conciliabat. Equidem illum hoc anno, cum funesti belli Anglici semina jacerentur, corripuit Pontifex³, parum liberaliter in Eduardum III Anglorum regem se gerere, quem beneficiis sibi devincire deberet, ut comitem laborum et gloriae in Asiatica expeditione sibi adscisceret: illum, ut ex ejus oratoribus acceperat, ad bellum sacrum egregie affectum esse: auctorque extitit ut terras illas quas summo jure sibi vindicaret, regia in eum magnificentia conferret:

« Joannes, etc. Philippo regi Francorum.

« Nosse circumspectionem non ambigimus regiam, quod intentus pluribus minor sit ad singula sensus, quoque virtus unila fortior noscitur se dispersa; ideoque aggredienti quid arduum admodum expedit, quod alia sic curet disponere, quod ad illud exequendum feliciter nequeant nocumentum adferre. Sane, fili charissime, quia scimus celsitudinem regiam assumpsisse negotium arduum, et utique Deo gratum, acceptum Catholico populo, statuique conveniens regio, passagium scilicet transmarinum, quod profecto totum scire ac totum posse requirit regium; regalem providentiam exhortamur in Domino, paternum nihilominus suadentes affectu, quatenus ad ea, per quae praefati negotii impediri possit executio vel differri, sic intentas providere sedule, quod obesse nequeat executioni praedictae.

« Verum, fili charissime, quia quantum sincera charitas, si inter te et filium nostrum charissimum Eduardum illustrem regem Angliae vigeat, affere favoris et commodi praefati prosecutioni negotii poterit, quantumque vestrum dissidium eidem inferre posset obstaculum, prudentia regia non ignorat; benevolentiam regiam rogamus at-

¹ Tom. VIII, p. 2. Ep. secr. pag. 361. — ² Ibid. pag. 402. —

³ Ibid. pag. 217. et Ms. Arch. Vat. Jo. variat. Bull. sign. lat. A. pag. 163.

¹ An. 16, p. 2. Ep. cont. NOCCXXII

tente, ut hoc cogitans et recogitans diligenter, ob honorem illius, pro cuius amore personam tuam laboribus et periculis variis ac regnum expensarum profluvii spontanee ac letanter exponis, sic ad nutriendum inter te et ipsum unitatem spiritus in pacis vinculo disponas animam regium, quod cuiusvis dissidii inter te et ipsum occasione sublata, non solum ne tuæ intentioni obicem nequaquam ponat efficias, et eidem regi occasionem tribuas ut tuæ peregrinationis individuus comes fiat, id quod anhelare dicitur avide, si quæ nuper suis nuntiis obtulisse diceris, digneris implere. Proculdubio, fili charissime, si vincula sanguinis ac jus domini, quibus tibi idem rex adstrictus noscitur, consideraveris diligenter, magnificentiae regiae nequaquam occurret difficile in iis, quæ idem rex tecum habet agere, viam iustitiæ in viam liberalitatis et gratiæ commutare, præsertim cum ipsum ejusque posterus tuis per hoc in perpetuum obstringas obsequiis, etc. Datum Avin. IV id. Aprilis, anno xvi. Præsigniebat Pontifex Asiaticam expeditionem Anglico bello disturbatum iri, atque ideo, ut discordiarum semina tolleretur, aliis II kal. Maii litteris exaratis Philippum¹ regem rogavit, ut Eduardum sibi conciliaret, reginamque² ac Philippum regem Navarre³, ut omnem operam ad avertenda ex eo imminenti bello secutura mala collocare est adhortatus.

26. Præterea implicantem se aliis bellis Philippum, foedus enim cum Joanne rege Boemiæ adversus ducem Brabantiae junxerat, a cæptis revocare studuit⁴:

« Philippo regi Francorum.

« Etsi generaliter in negotiis alienius ponderis sint tria, scilicet quid liceat secundum æquitatem, quid deceat secundum honestatem et quid secundum utilitatem expediat, præcipue attendenda; tamen in arduis et periculosis negotiis sunt hæc diligentius merito observanda. Sane, fili charissime, ad nostrum non absque admiratione pervenit auditum, quod tua magnificentia his diebus subito assignatione dierum prae fixorum ad inclytum principem dilectum filium Joannem ducem Normanniæ primogenitum tuum ad statum militiæ promovendum, ejusque matrimonium celebrandum, ac quantum ad crucis prædicationem transmarinum inchoandum negotium penitus revocata, disposuisti in succursum regis Boemiæ illustris contra ducem Brabantiae, inter quos hostis pacis gravis dissensionis suscitavit materiam, cum principum et aliorum armatorum multitudine proficisci. Profecto, fili charissime, res ista ardua et periculosa nimium est censenda: constat enim eventum varium et dubium esse belli, nuncque hunc, nunc et alium in illo consumere gladius consuevit: nec in multitudine bellantium est

sperandum, cum facile sit Domino exercituum multos in manu paucorum concludere, nec in multitudine exercitus sit victoria, nisi de celo proveniat fortitudo.

« Ideoque regalem providentiam rogamus in Domino et hortamur attente, ut præmissis in considerationem deductis, examinare cum viris Deum timentibus et expertis in talibus studeat sedule, utrum pro parte illius, cui disponit assistere, bellum dici debeat esse justum: alias enim non esset tibi licitum te immiscere talibus; imo cum periculo corporis et animæ talia attentares. Rursus consideranter attende, si regalem maturitatem deceat extra regnum suum ad bellorum discrimina proficisci, teque tuosque principes exponere bellorum eventibus dubiis sic subito sic repente. Adhuc prudentia regia considerare velit quæsumus sedule, utrum si proficisci expediens debeat, consideratis bellorum eventibus dubiis, reputari. Nec omittat in examinatione deducere, si casus adversus in bello sibi, quod Dominus avertat, contingeret quanta posset imminere regno pericula; imo certe gregi Dominico universo. Nec oblivio supprimat, quin ad memoriam revoces, quam ex isto progressu detrahi poterit negotio transmarino, quantumque grave ac molestum tibi esse poterit, si quæ disposueris ad Dei honorem, tuæque salutem animæ expendere, te contingat consumere in iis, quæ forsitan nec Deo erunt grata, imo potius displicibilia, nec tuæ salutis animæ profutura.

« Consideret insuper regia celsitudo, quod rex et dux prædicti sibi sunt affinitate conjuncti, secundo quod decentius esset magnificentiae regiae Deoque acceptius videretur, quod se inter eos mediatorem constitueret, ipsosque laboraret ad pacem et concordiam reducere, ac tantis liberare periculis, quanta utrique eorum suisque valioribus eorum comminatur dissensio, quam uni parti assistendo nutrire inter ipsos discordiam et augere discrimen. Nos in his, quia forsitan multa nos latent, quæ circumspectio regia non ignorat, unum suadere simpliciter non præsumimus, sed optamus, quod celsitudo regia deducat in considerationem præmissa, omnibusque in considerationem deductis, illud eligat, quod Deo acceptius aestimabit; quod tibi dignetur concedere, cui cum voluerit subest posse. Amen. Dat... »

Pontificis monitis obsecutus est Francorum rex, pacisque inter ducem Brabantiae et Boemum interpretem egit. Initæ itaque inter dissentientes ad decimum quintum a festo S. Joannis recurrentem diem induciæ, ac Joannes rex in Bavariam profectus est; dux vero Brabantiae ad aulam Gallicam pro componenda controversia se conferre constituit: conciliatam vero postea discordiam maximo argumento est, cum rex archiori fœdere Brabantinum sibi devincire cupiens, de Maria filia sua illius primogenito jungenda matrimonio hoc anno agilarit. Cæterum Carolus Alenconii co-

¹ Mss. VII, p. 2. pag. 38. — ² Ibid. — ³ Ibid. — ⁴ Ibid. p. 213. et Ms. Arch. Vat. Jo. Bullar. select. sign. lit. A. pag. 165.

mitem Philippi fratrem, more majorum castrum Mercolii beneficio auctoritate Sedis Apostolicæ obtinere profectum, fidem obstrinxisse, significavit eidem regi Pontifex, et in Gallias redeuntem regiæ benevolentia commendavit ¹.

27. *Ungari in Ruthenos expeditio.* — Suscepit ² sacrum adversus Ruthenos schismaticos, et alios finitimos Catholicæ pietatis hostes, bellum Carolus Ungariæ rex : cui Pontifex ejusque exercitui, cum adversus infideles castra promoveret, carniæ esum diebus velitis permisit ³. Confirmabatur earum partium infidelium potentia ex Wladislai regis Poloniæ et cruciferorum equitum sævissimo bello, cum his qui infideles et Barbaros confundere solerent, mutuis se cladibus conficerent. Et quidem superiori anno cruciferos gemina acie deletos, ac spolia, quæ e vastata Polonia referebant, amisisse, refert Cromerus. Hortatus vero hoc anno est idibus Aprilis Wladislaum Pontifex ⁴, ut cum cruciferis pacem faceret, ne Barbari et mutuis illorum dissensionibus triumpharent, atque ad rem Christianam opprimendam vires colligerent. Agitatum vero inter eos est, ut ipsorum controversiæ, quæ de Pomerania vertebantur, Joanni regi Boemiæ a cruciferis, et ab Wladislao regi Carolo Ungariæ arbitris permitterentur. At cum Pomeraniam, quam Polonis eriperant, restituere abnuerent cruciferi, pax tum contici non potuit, et gravissimæ cladis utrinque acceptæ illatæque. Denique cruciferorum Ordinis princeps Lutherus, misso pacis interprete, æquas se concordie leges admissurum est pollicitus, induciæque annuæ pactæ sunt adhortationibus Pontificis, cujus litteræ eo argumento plures in Regesto extant. His vero constitutis Wladislaus tradidit belli molem in eos duces, qui ab ipso ad Joannem regem Boemiæ desciverant, atque in Silesios, qui superiori anno infesta ei arma intenterant. Reversus porro victor Wladislaus febrili languore tentari cœpit, de quo insequenti anno extincto recurrit oratio. Jam reliquam hujus anni historiam prosequamur.

28. *In hæreticis coercendis curæ Pontificis qui veros interea Minoritas colit, inter quos Alvarum.* — Navata est a Joanne papa diligens opera in excindendis ex agro Dominico hæreseon vepribus : cum enim fama accepisset in Jacobi regis Balearum terris nonnullos ea labe inquinatos delitescere, et alios, qui judicium declinabant, eo se conferre; Guidoni episcopo Elmensi, de cujus operibus antea memoravi, provinciam imposuit ⁵, ut in eos legum severitatem distringeret : tum Jacobum ad zelum regionis in fide ab omni impuritate vindicanda explicandum excitavit ⁶. Proximit rex Pontificia studia, atque ad omnes hæreses et uo regno radicibus evellendas operam ac poten-

tiam detulit : cujus eximium, quod in ea re pietatis specimen cunctuaret, meritis laudibus extulit Pontifex, utque præcipuum in principe ornamentum fidem et religionem coleret, est adhortalus :

« Jacobo regi Majoricarum.

« Quam laudabiliter zelo charitatis accensus ad tuendam veritatem Catholicæ fidei, ejusque prosequendum annulos, fili charissime, novearis tam tuæ quam venerabilis fratris nostri Guidonis episcopi Elmensis nobis litteræ nuntiarunt : quod utique Deo ad gloriam, tibi ad meritum, Angelis et bonæ voluntatis hominibus cedit ad gaudium, et cæteris Catholicis principibus ad exemplum. Hæc, fili dilectissime, si in ipsis perstiteris redde te Deo acceptabile in presenti : per hæc illam in futuro coronam recipies, quam Dominus diligentibus se reponmisit. Et quia nihil est, quod lumine clariore præfulgeat, quam recta fides in principe, quæ cum veritatem respiciat luminis, et tenebras respuit, et nescit defectui subjacere ; excellentiam regiæ rogamus attente, ut donum istud illi, a quo descendit omne datum optimum et omne donum perfectum attribuens, de tam excellenti munere non omittas gratias jugiter exhibere. Nos autem divinam potentiam cernui exoramus, ut semen, quod in te jecit, nutriat et usque ad producendum fructum optatum quibuscumque subtiliter producat obstaculis : teque in hoc ardore fidei, in hac devotione mentis, in hoc religionis studio sine defectu in tempora longiora conservet. Dat. V id. Novembris, anno xvii ». Consensisse verbis in asserenda fide contra impios hæreticorum conatus Jacobi regis opera, aliæ indicant litteræ, quibus adscripta est dies V kal. Januariæ.

29. Pari in hæreticos odio permotus ac zelo in apostatas et Fraticellos, de paupere vita nuncupatos, in Sicilia Pontifex Amalfitanum episcopum legibus agere jussit ¹, ac de Bandino Pseudominorita, qui episcopatum Cremonensem ab antipapa exambiverat, Placentiæ carceri mancipato, a secundum canonica jura ad Dei laudem et gloriam, ut ait, ac honorem et exaltationem fidei Catholicæ, supplicium sumi ² ». De alio etiam Pseudominorita, qui Perusino conventui præfuerat et in custodia tenebatur, eo quod contra Apostolicæ editæ Michaeli exactorato et damnato hæreseos adhæserat, Ugolino episcopo Perusino imperia dedit ³, ut ceptam ab ipso tunc abbate et a Francisco prædecessore in eundem actionem judicariam ad exitum perduceret.

« Joannes, etc. Ugolino episcopo Perusino.

« Quia Humilis custos fratrum ejusdem Ordinis in provincia S. Francisci, ad illicita et incon-sulta dilapsus, tam in capitulo suo dudum celebrato Perusii, quam in locis aliis diversis multa

¹ Tom. ix. p. 1. Ep. secr. pag. 105. — ² Tom. viii. p. 2. Ep. secr. pag. 238 et 239. — ³ Ibid. pag. 239. — ⁴ Ibid. pag. 260. Mich. l. iv. c. 12. Cro. l. xi. in Wlad. Loc. — ⁵ Tom. ix. p. 1. Ep. secr. pag. 150 et 151. — ⁶ Ibid. pag. 151.

¹ Tom. viii. p. 2. Ep. secr. pag. 226. — ² Ibid. pag. 293. — ³ An. 16. p. 2. Ep. com. MDCXVII.

contra tenorem processum et monitionis prædictorum (nempe in Michaelem Casenatem exactoratam), adhaerendo dicto Michaeli, ac in ipsius suorumque complicitum et rebellium hæreticorum ac schismaticorum commendationem et favorem, diffamationemque ac detractionem processus prædicti et contentorum in ipso dixisse, procurasse ac fecisse, non sine suspitione vehementi hæresis et schismatis criminum, ferebatur; nos tibi tunc abbatem monasterii S. Petri Perusini, et bonæ memoriæ Francisco episcopo Perusino proximo prædecessori tuo, ejus et tuo proprio nominibus non expressis, per Apostolica scripta commisi-mus et mandavimus, ut super præmissis et ea tangentibus summarie, simpliciter et de plano, et sine strepitu ac figura judicii veritatem diligenter inquirentes, præfatum Humilem, si eum reperiretis culpabilem in hac parte, excommunicationis, depositionis et inhabilitationis penas declararetis incurrisse prædictas, ipsunque alias juxta sanctiones canonicas etiam ad degradationem, si hoc delicti qualitas exigeret, procedendo taliter corrigere ac punire, non obstantibus supradictis omnibus studeatis, quod talia vel similia ex tunc minime attentaret, aliisque ipsis exemplo perterritis merito præcluderetur aditum in similibus delinquendi, etc. » Addit imperia, ut Ugolinus ipse ex legum ritu Humilis causam discentiat, ac vel insolentem absolvat, vel sentem plectat. « Dat. Avin. III non. Septembris, anno xvii ».

30. Grassabantur liberius per ea tempora in Germania Michaelis socii Pseudominorite, neque in Bavaria modo, sed in finitimis etiam provinciis Apostolicis Constitutionibus detrahebant: quæ lucis ne latus serperet in Boemia, Pontifex in eos censuram fidei distringi jussit¹:

« Joanni præposito secularis Ecclesiæ Vicegradensis Pragensis diocesis.

« Fidedigna insinuatione multorum accepimus, quod nonnulli fratres Ordinis Minorum, in partibus Alamanniæ commorantes, in illam prorumpere insaniam non verentur, quod contra Constitutiones et determinationes Sedis Apostolicæ, matura deliberatione prævia dudum factas et editas, venire temere, ac hæreses et errores per easdem Constitutiones et determinationes damnatas prædicare ac dogmatizare, non absque Dei offensa, dicte Sedis contumelia, fideique læsione Catholica, ac suarum animarum et aliorum multorum gravibus periculis, in eisdem partibus præsumperunt hæcenus et præsumunt. Nos autem periculosos dispendiis, quæ secum trahere talium damnanda præsumptio nascitur, obviari remediis salubribus cupientes, discretionis tuæ, de qua fiduciam in Domino gerimus specialem, per Apostolica scripta committimus et mandamus, quatenus de hujusmodi viris erroneis et hæreticilibus de plano, simpliciter summarie te informans,

eosque perquirens per te, vel alium, seu alios diligenter, ipsos ubicunque fuerint capere, ipsosque captos ad Sedem Apostolicam expensis nostræ cameræ sub fida custodia fideliter, ut de ipsis possit exhiberi complementum justitiæ, non postponas; contradietores super iis quoslibet et rebelles per censuram Ecclesiasticam, appellatione postposita, compescendo: non obstante si eis vel eorum aliquibus communiter vel divisim ab eadem sit Sede indulgum, quod interdicti, suspendi vel excommunicari non possint per litteras Apostolicas, non facientes plenam et expressam ac de verbo ad verbum de indulto hujusmodi mentionem; invocato ad hoc, etc. Datum... Januarii, anno xvii ».

Ut vero pertinaces Pseudominoritas debita severitate coercendos decrevit Pontifex, ita veros Minoritas pietate et doctrina insignes honoribus affecit, inter quos hoc anno Alvarus Pelagus ob insignes virtutes, doctrinæque præstantiam, et in hæreticis et schismaticis confutandis pium ardorem, defuncto Albertino episcopo Coronensi subrogatus est, ornatusque hoc elogio¹: « Ad te Ordinis fratrum Minorum professorem in sacerdotio constitutum, litterarum scientia præditum, morum honestate decorum; in spiritualibus providum, et aliis multiplicibus virtutum meritis, prout fide dignorum habet assertio, insignitum direximus oculis nostræ mentis ». Proximo post anno e Coronensi episcopatu ad Silvensem translatus² ad restituendam in ea Ecclesia disciplinam Ecclesiasticam incubuit, passusque est adversantem sibi Petrum archidiaconum Silvensem, quem Pontifex acriter perstrinxit³.

Exaravit porro hoc ipso anno Alvarus insigne sui zeli monumentum, conscripto de planetu Ecclesiæ insigni volumine, in quo libere et docte vitia, quæ in Christi fideles irrepserant, perstrinxit. Non tamen deest operi navus, dum Perusinorum cæterum litteras, et conceptas fuit circa paupertatem Evangelicam opiniones statuere vult. In quo ex Apostolicis Constitutionibus emendandus est, quod non inique feret cum ipse Ecclesiæ conjunctissimus adhaeserit, illique hisce verbis sua scripta submisit⁴: « Ad te, papa beatissime domine Joannes XXII, vere Jesu Christi Domini nostri in terris vicarie generalis, et sponse legitime Ecclesiæ suæ sanctæ, cum tuo venerabili et sacro collegio dominorum cardinalium genibus flexis dirigendo sermonem, hoc opus, quod jam fecisti scribi, suppliciter recomendo; ipsum corrigas et corrigi facias: favorem sibi largiaris. Salus ibi tuæ et nostræ Ecclesiæ continetur. Sicut etiam dixi in suo principio, sic et nunc in fine ejus dico, nihil aliud sentio, nec teneo, nec doceo, nisi quod sentis, tenes et doces cum tua sancta

¹ An. 16, p. 2. Ep. com. MDLXVI. — ² An. 17, p. 2. Ep. com. XVIII. — ³ An. 15, p. 1. Ep. com. MLXVI. — ⁴ Alv. Pel. l. II. c. ult.

¹ Lib. Bull. select. Jo. XXII. sign. litt. A. pag. 141.

matre Ecclesia, quæ nunquam a veritate Catholica deviauit, xxiv q. i. *Recta c. Memor. c. In Sede*. Si ergo in aliquo ex ignorantia, vel improvisione, vel nimia occupatione sicut homo minus bene dixi, per te, xxi dist. *Valentinianus*, corrige; quia tibi præcipue Christianæ religionis zelus incumbit. xxv q. i. *Officii*. Alia canonice dicta tua auctoritate corrobora et confirma, xxv q. ii. *Postea*. Complevi autem hoc opus, Dei gratia comitante, corrente anno Domini mcccxxxii, Pontificatus tui anno xvii, in fine, in festo S. Mariæ nivis in Avinionem, ubi tunc cum tua curia residebas; et incœpi an. Domini mcccxxx, Pontificatus tui an. xiv, in civitate eadem, ubi cum tua curia eras, et ego servus pedum tuorum et officialis indignus in penitentiariæ officio ». Editum tunc opus, quoad eam, præcipue partem, in qua Pontificiam auctoritatem adversus schismaticos et hæreticos tuetur; deinde Benedicto Pontifice auxit. In quo quidem nimio eloquentiæ aestu abripi se sinit, dum pungit liberioribus verborum aculeis Pontificum, cardinalium et præsulum externam amplitudinem: suorum vero sodalium paupertati, accersitis nimis elogiis, lenocinatur. Scripsit idem auctor eruditus quidem alias elucubrationes ¹, atque has inter apologiam adversus Marsilium et Ochamum et Collyrium ² adversus hæreses, quas quidem infeciss eam plures Christianos plangit ³.

31. *Waldenses pullulant in Pedemontio*. — In Pedemontio quidem Waldensium pestis adeo grassata est, ut hæretici nefarios cœtus numero celebres cogere fuerint ausi, parochum Engraviensem in agro Taurinensi obruncarint, ac fidei censorem in castro, in quod se receperat, obsidione cinxerint. Ad quorum conatus reprimendos Pontifex Philippum principem Taurinensem armorum vim ab eo intendendam docuit ⁴: coercita enim impietate de divino Numine optime meriturum. Nefariæ sectæ signifer, et errorum sator, quem Massiliensis inquisitor Minorita in carcerem conegerat, erat Martinus Pascere, qui inter alios errores divini Verbi Incarnationem et Christi Domini in Eucharistiæ sacramento præsentiam negabat. Is vero cum Taurinensis principatus hæreticos, suæque sectæ sequaces, ac ritus et mores probe haberet exploratos, fidei in Insubria censori tradi jussus est a Pontifice ⁵, ut ab eo hæreticorum nomina inquiri possent.

« Dilecto filio Joanni de Badis Ordinis fratrum Minorum inquisitori hæreticæ pravitatis in civitate et diocesi Massiliensi per Sedem Apostolicam deputato, vel ejus vices gerenti, salutem.

« Nuper ex relatione dilecti filii Alberti de

Castellario Ordinis fratrum Predicatorum inquisitoris hæreticæ pravitatis, in partibus Pedemontis superioris Lombardiæ auctoritate Apostolica deputati, ad nostrum pervenit auditum, quod in vallibus Lucernæ et Persiæ, terris utique dilecti filii nobilis viri Philippi de Sabaudia domini Taurinensis temporalia dominio subjectis, ita creverunt et multiplicati sunt hæretici, præcipue de secta Waldensium, quod frequenter congregationes per modum capituli lacere inibi præsumpserunt, in quibus aliquando quingenti Waldenses fuerunt insimul congregati; quodque dudum, cum præfatus Albertus vellet ibi inquisitionis officium exercere, dicti Waldenses contra ipsum Albertum inquisitorem manu insurrexerunt armati; et quod quadam die quondam Guillelmum rectorem parochialis Ecclesiæ de Engravia Taurinensis diocesis, celebrata missa per eum, in platea dictæ villæ nequiter occiderunt, suspicantes quod dictus rector eos penes inquisitorem præfatum de ipsorum hæresibus detulisset; quodque prænominati hæretici ipsum inquisitorem in quodam castro patenter et publice obsederunt sic, quod oportuit eum inde recedere, inquisitionis ejusdem officio relicto totaliter imperfecto; quodque tu Martinum Pascere, qui alias se vocari fecit Petrum Martyri alias Juziani dictæ diocesis unum de hæreticis supradictis detines in tuis carceribus mancipatum. Qui quidem Martinus principalis in dictis congregationibus et capitulis ipsorum hæreticorum existerat, ac fugitivus omnium inquisitorum, qui fuerunt in Pedemonte a viginti annis citra, et generalis prædicator hæreticæ pravitatis, quique specialiter prædical contra incarnationem Filii Dei et essentiam corporis Christi in sacramento altaris, et qui etiam scit totam conditionem terrarum dictorum filiorum nobilium virorum marchionis Salutarum, ac dominorum de Lucerna et Philippi de Sabaudia præbati. Cupientes igitur, ut idem Albertus inquisitor de hæresibus hujusmodi et eorum circumstantiis universis plenam habere valeat veritatem, discretioni tuæ per Apostolica scripta mandamus, quatenus eidem Alberto copiam dicti Martini hæretici facies, ipsum sibi in loco tuto tradere et assignare indilate procures, ut idem inquisitor possit inquirere super iis tam contra Martinum, quam alios hæreticos memoratos; et etiam ipsos questionare, si hoc iustitia patiatur. Dal. Avin. VIII id. Julii, anno xvi ». Ex his constat eos novatores, qui ad conciliandam recens conticte suæ superstitioni antiquitatis auctoritatem jactitant, Waldenses ipsorum sectam per impietas fuerit in perneganda Christi præsentia in altaris sacramento; alios tamen errores adversus Evangelium tenere, quos recentiores non amplectuntur.

¹ Luc. Wad. in cat. script. Ord. Min. — ² Alv. Pel. collyr. adv. hæres. Ms. bibl. Vat. sign. num. 1129. — ³ Lib. I. de planet. Eccl. c. 67. — ⁴ Ab. 16. p. 2. Ep. com. mcccxxx. — ⁵ Ibid. Ep. mcccxxx.

JOANNIS XXII ANNUS 18. — CHRISTI 1333.

1. *De bello sacro consilia, eique præficitur Philippus rex Gallie, datis eidem litteris Apostolicis.* — Indicta ¹ est a Joanne papa ad recuperandum Christi Domini sepulchrum, restituendamque consecrate illius sudoribus et cruore Palestinæ veram religionem anno post Christum natum millesimo trecentesimo trigesimo tertio, Indictione prima, generalis Christianorum, qui ex omnibus regnis pio ardore accensi ad triumphalia crucis signa concurrerent, expeditio; præfectusque sacro bello Philippus Francorum rex, qui excurrente a mense Augusto triennio iter in Asiam aggressurum sacramento se obstrinxit ², eique ad tolerandos bellicos sumptus sexennales Ecclesiasticorum vectigalium decimæ attributæ ³, quæ de re hæc Ptolemæus Lucensis ⁴: « Anno Dom. mccccxxiii, VII kalendas Augusti, in publico consistorio, quod habuit Joannes papa apud Avenionem in palatio suo, ad petitionem regis Philippi Francorum passagium generale prædicavit, constituendo eum ducem illius exercitus, et decimas regni sui sibi per sex annos concessit in subsidium Terræ-Sanctæ et passagii prædicti; Ecclesiæ autem Romanæ per sex annos decimas universalis Ecclesiæ reservavit similiter pro passagio, quod incipiendum disposuit a kalendis Augusti per tres annos proximos subsequentes.

« In prædicto etiam consistorio Petrus archiep. Rothomagensis, et Joannes episcopus Morensis, et decanus Parisiensis, et Henricus miles dictus de Algoria, habentes procuratorium sufficiens, in animam prædicti regis juraverunt, quod iret in propria persona ultra mare, vel filius suus rex Joannes, nisi causa legitima patrem impediret, quod passagium perficere non posset et quod decimas prædictas sibi per sex annos concessas in alios usus non converteret, quam in subsidium Terræ-Sanctæ, quam personaliter visitare juravit per procuratores prædictos, ut supra est prælibatum ».

2. Extracta hæc fuerant ad plures annos sacra consilia, ac superiori quidem missis frequentibus oratoribus, atque hoc etiam ineunte ¹ summo labore et studio agitata. Inter quæ Pontifex, cum ex Philippi litteris accepisset, regium animum ex iis, quæ cum oratoribus de belli subsidiis erant constituta, ad inferendam Syriæ armorum vi religionem inardescere, ut magis inflammaret, de Christianæ fidei in vastissimo Tartariæ imperio progressibus certiorum ipsum fecit ², commendavit ob depulsum e populorum cervicibus, sublati nonnullis vectigalibus, durius servitutis jugum; hortatusque est, ut ad celestis sponsi colligendam gratiam sponsam ejus Ecclesiam, atque administratos singulari observantia prosequeretur.

« Joannes etc., regi Franciæ.

« Receptis litteris regis, et contentis in eis plenius intellectis, cum ex ipsius contentis edocti fuerimus plenius, accepta sibi fore, quæ super transmarino passagio per nos de fratrum nostrorum consilio cum suis nuntiis fuerant ordinata, fervorque desiderii regis adeo excreverit, quod illud providentia regia quantum poterit accelerare disponit cor nostrum gaudio nec immerito replevit; illi ejus est ipsum negotium cernui supplicantes, ut sic propositum regium in hoc solidet ac confirmet, sicque obstacula quæque submoveat, quod illud, quod mente concepit, valeat adimplere. Et ut circumspectio regia non ignoret quid Deus operetur in Tartariæ partibus, quæ utique conceptum debeant regium inflammare, nuntiabunt illa scripturæ presentibus interclusæ ». Amplificatam in Tartarorum imperio religionem, ac populos innumeros ad Christi cultum religionum vitiorum opera pelfectos, videbitur inferius. « Adhuc illa, quæ circa revocationem rexa et quarundam commissionum, quæ videbantur in subditorum gravamine vergere, non absque motione sancti Spiritus operata est clementia regia his diebus, in cor nostrum cumulaverunt profecto gaudium, et lætitudinem infuderunt.

¹ Tom. VIII. p. 1. Ep. secr. pag. 5, 115, 119. et p. 2. pag. 231. — ² Ead. p. 1. pag. 115. — ³ Par. 2. super pag. 231. — ⁴ Ptol. Luc. Hist. Eccl. l. XXIV. c. 42.

¹ Tom. IX. p. 1. Ep. secr. pag. 108. — ² Ibid. pag. 111.

« Sane, fili charissime, quia non videtur quid actum, cum aliquid superest ad agendum, et supersit reformatio gravaminum, quæ occasione regalæ Ecclesiis inferuntur; regamus excellentiam regiam, ut consideranter attendens, quod *modicum frumenti totam massam corrumpit*, necnon et illud: *Quicumque totam legem servaverit, offendat autem in uno, factus est omnium reus* (præsertim cum directius offensam Christi, sponsi Ecclesiæ respiciunt) (circa) quam revocata promissa non differat (nos) informare; speramus quidem in Domino, quod si hæc digneris exequi, sponsus ipse te in agendis diriget et proteget ab adversis. Pro gratis autem nostris nepotibus, sicut eadem litteræ continebant, gratias offerimus benevolentia regis, quas valemus. Dat. VI nonas Maii, anno xvii ».

3. Informabat his saluberrimis præceptis Pontifex Philippum regem, ut piis operibus ac virtutibus munitis divinæ providentiæ ad perducenda ardua recuperandæ Syriæ consilia se accommodaret. Cumque ille urget Pontificem, ut sacrum in Mahumetanos Asiaticos bellum indiceret, crucisque explicaret signa; Joannes ex sacro cardinalium consilio VII kal. Augusti piis votis assensit, ac tanquam summus Christianorum antistes in Christi hostes, qui Palestinam Mahumetica fœdabant superstitione, bellum indixit¹, discussa prius magna consilii maturitate re universa, in hisque cum regiis oratoribus pactionibus, quæ subjectis litteris continentur: quarum ea præcipua est, ut vertente triennio Philippus in Asiam crucis symbolo insignitum exercitum traderet.

« Joannes, etc. charissimo in Christo filio Philippo regi Francorum illustri, salutem.

« Mita et ineffabilis sapientia Conditoris, quæ omnino inenarrabili quadam dispositione dispensat, mentem tuam ad ejus obsequia sic ingentis devotionis ardore succendit, quod tu velut Christianissimus princeps animo ferventi commemorans, qualiter Redemptor noster unigenitus Dei Filius Dominus Jesus Christus in Terra-Sancta, suo purpurata sanguine, dignatus est salutem humani generis misericorditer operari; necnon qualiter ipse post contumacias exprobrabiles, flagella varia, spinas et sputa, languoresque ineffabiles innocens sine causa damnatus, saturatus opprobriis, clavis affixus, aceto et lelle potatus, confossus lancea in crucis patibulo pro redemptione nostra in dicta Terra tam diræ mortis subit passionem; quamque opprobriose spurcidi Agareni, hostes perfidi crucis Christi, dictam Terram funiculum hereditatis Dominicæ, quam, prohi dolor! occupatam detinent, ipsorum nefandis actibus continue dishonestis et pollunt, in gravem injuriam et blasphemiam nominis Christiani, infra claustra tui pectoris attenta meditatione revolvens; ac eidem Redemptori nostro, qui te sublimavit in

regem, volens, quantum tua se extendit possibilitas, dignam gratitudinem exhibere, disposuisti pro recuperatione dictæ Terræ passagium ultramarinum assumere, ac in illo personaliter in ipsius Salvatoris nostri obsequium transfretare. Et ut hujusmodi tam sanctum propositum, quod habuisti et habes ad dictum passagium peragendum, nobis et fratribus nostris S. R. E. cardinalibus, cunctisque fidelibus evidentiis posses ostendere, illudque efficacius adimplere, per venerabiles fratres nostros Petrum Rothomagensis archiepiscopum, Joannem episcopum Morinensem, ac dilectos filios magistrum Guidonem Baudeti, decanum Ecclesiæ Parisiensis, et nobiles viros Henricum de Analgoria et Petrum Grosselli de Castellis dominos, consiliarios et procuratores suos et nuntios speciales, a te propterea ad Sedem Apostolicam pluries destinatos, sollicitis et continuatis instantiis nobis humiliter supplicari fecisti, quod pro pleniori Terræ prædictæ succursu passagium generale indicare, ac pro illo celebris et utilis peragendo verbum crucis cunctis Christifidelibus cum indulgentiis consuetis prædicari mandare, et passagii ac totius exercitus Christiani, qui in illo, inspirante Domino, transfretabit, te generalem rectorem et capitaneum constituere, ac pro hujusmodi faciendo passagio certa concedere subsidia dignaremur. Nos itaque sanctam intentionem tuam, et ferventem compassionis affectum, quem ad statum, prohi dolor! miserabilem dictæ Terræ habere dignosceris, multipliciter in Domino commendantes; necnon gaudentes et exultantes in eo, sibi laudes et gratias humiles exsolventes, quia dignatus est tam pium tamque salubre propositum regalibus præcordiis inspirare; cupientes quoque, ut hujusmodi sanctum negotium, de cuius agitur causa, favente Deo, felicibus prosperetur eventibus, et votivis producat incrementis, super his per nos cum eisdem nostris fratribus matura et diligenti deliberatione præhabita, tuis piis et sanctis annuentes affectibus et supplicationibus intenti, ad honorem Dei omnipotentis, exaltationem et dilatationem Catholicæ fidei, cunctorum fidelium animarum profectum, liberationem Terræ, et exterminium hostium prædictorum eisdem nuntiis et procuratoribus, necnon prælatorum in Romana curia existentium, et aliorum fidelium multitudine copiosa presentibus, auctoritate Apostolica, de fratrum ipsorum consilio, passagium generale ad Terram ipsam duximus indicendum, teque ipsius totius exercitus Christiani, qui transfretabit in illo, rectorem constituimus et capitaneum generalem. Et nihilominus per nostras litteras¹ verbum crucis cum certis gratiis et indulgentiis cunctis Christifidelibus prædicari mandavimus, et per universas mundi partes decimarum Ecclesiasticorum reddituum propterea imposuimus sexennalem colligendam sub

¹ Ab. 17, p. 2, Ep. comb. McCALLEN.

¹ Ext. in Reg. an. 17, Ep. cur. x, xxii, et post eamd. Ep.

certis modis et formis, ac in utilitatem dicti passagii, Terræ prædictæ subsidium, et alias contra infideles inimicos fidei convertendam; necnon quædam subsidia pro ipso passagio per alias nostras litteras ordinavimus fieri et levari, quæ in eisdem litteris nostris plene et particulariter exprimuntur.

4. « Dicti quoque procuratores et nuntii per tuas patentes litteras eorum nobis et fratribus, per eos exhibitas, sufficiens et speciale ad hoc mandatum habentes, in nostra, fratrum et aliorum prædictorum præsentia ipsum passagium, per nos, ut præfertur, indictum nomine tuo illico, et capitaneatum ac rectoriam illius et dicti exercitus acceptarunt, assumpserunt, ac in animam tuam, prout ex eodem mandato portatur, tactis sacrosanctis Evangelii juraverunt, quod tu in kal. Augusti, quæ erunt anno Domini MCCXXXVI. quas tam tibi quam cæteris cruce signatis et cruce signandis pro termino ad transfretandum in dicto passagio duximus assignandas, arripies iter ejusdem passagii, illudque deinde prosequeris realiter ac personaliter, justo ac legitimo impedimento cessante. Sic tamen et non alias iidem procuratores et nuntii juxta dicti tenorem mandati pro te ac tuo nomine assumpserunt passagium, et in tuam, ut præmittitur, animam juramentum præstiterunt præfatum, quod si justum ac legitimum impedimentum seu impedimenta te, hæredes seu successores tuos super his allegare contingant, de illo seu illis an justa vel legitima sint vel non sint, quod prælati regni tui archiepiscopi vel episcopi per Sedem Apostolicam deputandi prædictam auctoritate Apostolica absque cujuslibet partis vocatione simpliciter et de plano sine strepitu et figura judicii se diligenter informare debeant, ac etiam super impedimento seu impedimentis ipsis occurrentibus, an justa et legitima vel non censenda sint, prout eis visum fuerit, juxta informationem præhabitam declarare; cui declarationi omnino stari debeat absque eo, quod per Sedem prædictam ex officio suo vel alio quolibet tu, hæredes, successoresve tui possitis super iis trahi ad examen Sedis ejusdem, seu alias in judicio vel extra per eandem Sedem, vel ejus auctoritate, aut alias quomodolibet molestari, quodque super iis non possit ad Sedem eandem recursus haberi, et quod potestas hujusmodi, per eandem Sedem dictis concedenda prælatis, re integra vel non integra revocari non possit, quodque pro morte deputantis dictos prælatos seu præmissa committentis eisdem potestas hujusmodi non expiret. Quæ omnia et singula in potestate et mandato dictis procuratoribus tuis et nuntiis per te datis, necnon in assumptione passagii et juramento tunc per eos, ut prædicatur, pro te ac tuo nomine faciendis, voluisti inesse et posuisti etiam in ei-dem hujusmodi assumptionem passagii et juramentum præfatum, alias non facturus; quodque si dictos duos prælatos ad hoc per Sedem prædictam, ut præmittitur, deputan-

dos volentes, alterum antequam declaratio hujusmodi facta esset, contingeret transferri, cedere vel decedere, vel alias impediri sic, quod informationi et declarationi prædictis vacare non possent, loco illorum seu illius, quos vel quem transferri, cedere, decedere aut alias, ut prædicatur, impediri contingeret, alius seu alii dicti regni prælati ex nunc deputentur seu subrogentur per Sedem eandem, singuli videlicet in singulorum prælatorum translatorum, cedentium aut decedentium, vel alias impeditorum loco per ordinem, quo per ipsam Sedem fuerit ordinatum ad informationem et declarationem prædictas, ut præmittitur, faciendas; eo etiam juxta dicti mandati tenorem præmissis adjecto per procuratores et nuntios supradictos, quod non intendebant, nec in intendendis per assumptionem et juramentum ac obligationes prædictas hæredes successoresve tuos obligari seu teneri quomodolibet ad transmarinum passagium faciendum, vel ibi seu pro eo mittendum, personas quascunque, seu ad mittendum, solvendum vel ministrandum expensas, quas faceres et subires, si per te realiter et personaliter prosequeris et faceres passagium supradictum, seu, ad faciendum aliquid, aliud qualecunque subsidium vel juvamen aut bona tua, hæredum, vel successorum tuorum ad hoc esse seu remanere obligata quomodolibet vel adstricta. Ordinationem tamen super colligendis, recipiendis, conservandis et distribuendis, assignandis et reddendis in manu Sedis Apostolicæ decimis et aliis subsidiis quibuscunque, tibi per Sedem concedendis eandem, in dictis et aliis litteris tuis contentam, voluisti et tuo nomine voluerunt dicti procuratores et nuntii in suo robore perdurare.

5. « Præterea iidem procuratores et nuntii, ut ex dicto mandato poterant, pro te in tuamque animam corporali juramento firmarunt, quod de decima et aliis subsidiis in regno tuo provenientibus, et per nos pro eodem passagio per alias nostras litteras tibi concessis, nihil in usus alios quam dicti passagii accipies vel convertes, aut per alios scienter patieris accipi vel converti: quodque si aliquo casu contrarium fieret, cum hoc ad tuam notitiam venerit, illud sic receptum sive conversum in eorum manibus sine morosa dilatione reponi et restitui facies; ad quos secundum ordinationem per nos super hoc in aliis litteris nostris factam conservatio talium pertinebit. Ad quod etiam hæredes et successores tuos voluisti adstringi, et etiam obligari, sicut in dictis tuis litteris est insertum, prout hæc et multa alia pro decimarum et subsidiorum ipsorum collatione sollicita, et conservatione fideliter, necnon plena illorum conversione in utilitatem passagii, et dictæ Terræ succursum, ac ipso passagio effectualiter et utiliter prosequendo. Et in casu, in quo a prosecutione illius te, quod absit, contingeret impediri, de restituendis per te, aut hæredes et successores tuos, et etiam in manu Sedis Apostolicæ reponen-

dis omnibus, quæ de prædictis decima et subsidii recepisses, per nos de dictorum fratrum consilio salubriter ordinata sunt, in nostris aliis inde confectis litteris plenius explicatur.

6. « Per hoc autem, fili charissime, quod te capitaneum dicti generalis passagei constituimus et rectorem, nolumus nec intendimus nos seu Sedem Apostolicam ad aliquid aliud, quam quæ in subsidium dicti passagei concessimus, nec aliter ad illa, quam ut concessa sunt, obligari. Noster autem protestationi hujusmodi nuntii et procuratores prælati expresse pro te ac tuo nomine, prout ex tuo speciali mandato poterant, consenserunt. Igitur, fili benedictionis et gratiæ, quaerimus, sollicita attentione considera, et infra propriæ mentis arcana vigili consideratione pertracta, quid est quod, ut præmittitur, assumpsisti; quid oneris et honoris, quidque meriti et præmii tibi succedere debeat, si hoc tam salubre negotium per te sic pie, sique ferventer assumptum continuato devotionis fervore in manu forti et corde humili constanter et viriliter prosequaris: qualis quoque culpa, qualis nota, quale opprobrium regiæ excellentiæ immineret, si circa idem negotium inconsulte, quod absit, aut segner te haberes. Pone igitur, fili, pone manum ad lortia, grandis enim restat tibi via, magnum exigens apparatus.

« Festina ergo, et noli tardare circa effectua-lem præordinationem apparatus hujusmodi curam sollicitam et efficacem operam adhibere: operare dum tempus habes; et tempora, quorum ignoras successum et seriem, non expectes. Præcave quoque quantum Dominus donaverit eventibus et periculis, per quæ tuum posset, quod absit, propositum seu pia ejus prosecutio impediri. Et ut in omnibus hujusmodi Dominum auctorem et propitium habeas, cor tuum actusque tuos et regni tui regimen divinis omnino beneplacitis studeas copulare: si enim paternis his monitis acquieveris, sperare in Domino firmiter poteris, et utique nos speramus, quod divinæ potentie dextra tuis assistente processibus, Terræ prædictæ, quæ præsidium tuæ visitationis exposcit, liberatio desiderata proveniet; ac ipsa, Domino auspice, a tot et tantis nefandorum hostium prædictorum sordibus liberata, ad cultum Christianæ religionis in Dei laudem et gloriam reducetur, tuque retributionis æternæ gloriam, quam Christus ipsum diligentibus repromisit, ex laboribus sibi fructuosius, quas pro ipso subire desideras, feliciter assequeris. Datum Avin. VII kal. Aug. anno xvii ».

7. *Conventiones inter Philippan et Philippam.* — Prasentire quodammodo videbatur Philippus Francorum rex, expeditionem Syriacam ab eo intermissam in: anxie enim admodum eas pactiones, quas antea admisit, si casus ille contingeret, ut perpetuo impedimento a bello sacro distraberetur, discutere coepit: cumque novæ in iis difficultates oborirentur, mitigandam pactionum acerbilitatem poposcit: cujus petitis assensit

Joannes. Temperatas itaque conventiones iterum admisit Philippus, deque his regias litteras¹ vulgavit:

« Philippus Dei gratia Francorum rex universis presentes litteras inspecturis, etc.

« Sanctissimus pater declaravit², modificavit et de ea et circa eam disposuit in hunc modum: videlicet, quod si fors contingeret nos infra dictum terminum impedimento perpetuo impediri, vel tali quod probabiliter appareret duobus prælatis per Sedem Apostolicam deputatis, quod nec in prædicto termino vel alio per Sedem Apostolicam ex causa aliqua prorogato, nec infra septem mensium spatium immediate sequentium nos iter dicti passagei posse arripere, et illud prosequi; voluit quod potestas exigendi, seu colligendi decimam prædictam in regno Franciæ, ac in Rheimensi et Lugdunensi diocesi, in quantum extra regnum Franciæ extenduntur, impositam per Sedem eandem, et nobis in auxilium expensarum dicti negotii jam concessum, et potestas etiam exigendi alia subsidia in eodem regno et diocesi supradictis, per eandem Sedem imposita et nobis concessa, statim debeat expirare; nisi fors per eandem Sedem circa expirationem collectionis hujusmodi contingeret aliud ordinari. Quo casu nos quidquid de prædicta decima, jam nobis concessa, et aliis subsidiis, nobis pro dicto passagio per Sedem Apostolicam etiam concessis, penes nos, hæredes nostros tunc restaret, et in dicti passagei preparationibus aut pro eo de mandato nostro juxta ordinationem per eundem sanctissimum patrem factam, et in suis et in aliis nostris litteris contentam, non esset expensum; necnon et galeæ et aliæ quæcumque res factæ, emptæ, seu quomodolibet dicto passagio, seu pro eo acquisitæ de dicta decima et aliis subsidiis nobis per Sedem Apostolicam, ut præmittitur, jam concessis, debebunt per nos, vel successores nostros, quatenus fuerint penes nos, vel successores nostros prædictos quatuor prælatis regni Franciæ, quorum duo per Sedem Apostolicam, alii vero duo per nos fuerint deputati, vel duobus ex eis, quorum unus per eandem Sedem, alius per nos, sine difficultate qualibet assignari: quodque de illis, quæ tunc collectæ non erunt de decimis et aliis subsidiis supradictis pro præteritis tunc terminis, nos seu hæredes et successores nostri non remaneamus, nec sinus in aliquo obligati ». Et infra:

8. « Idem sanctissimus pater adjecit et disposuit in hunc modum: videlicet, quod de iis, quæ nos fors assignabimus, seu fecerimus assignari nobilibus seu quibuscumque aliis nobiscum transfreturis forsam ad procuranda, seu emenda aliqua sibi pro passagio necessaria vel etiam opportuna, seu alia ad expensas eorum, quas essent facturi

¹ Ex aut apud Jo. an. 18. p. 1. insertæ Ep. vii ejusd Jo super passag. — ² Ext. ea de re apud Jo. an. 17. Ep. cur. xviii.

in prosecutione dicti passagii supportandas, habeamus pro serenitate nostrae conscientiae et pro securitate negotii Terrae Sanctae inter alia praecavere, quod illi, quibus faciemus illa tradi, jurare debeant, illa quae sic sibi traduntur de subsidiis supradictis fideliter conservare, et in utilitatem dicti passagii, seu preparatoriorum ipsius, quanto commodius et utilius poterunt, et non in aliquos usus alios convertere; necnon quod eo casu, quo nos contingeret impediri sic, ut dicta subsidia deberent reddi praelatis nomine Ecclesiae, conservanda secundum modum et formam, qui seu quae in nostris praedictis litteris et in provisione per Sedem Apostolicam facta super hoc plenius continetur; ipsius praedicta, quae sibi de dictis subsidiis assignabuntur, vel ea, quae fuerint ex eis pro praedicto passagio acquisita, restituent bona fide praelatis, qui fuerint ad conservationem talium deputati: quodque super hoc obligent se, haeredes et bona sua sub firmis et validis obligationibus sub coactione jurisdictionis nostrae, prout de iis, qui se obligant sub sigillo castelleti vel sigillis aliis nostris in regno Franciae fieri consuevit sic, quod non reslet in casu praedicto nisi sola executio, quam nos per ministros nostrae justitiae temporis facere tenemur taliter, quod utilitati Terrae Sanctae non possit aliquid malitiose subtrahi de praedictis. Acto nihilominus, quod tales possint per censuram Ecclesiasticam, si visum fuerit expedire, compelli ad restitutionem praedictam praelatis faciendam: alias, nisi providerimus sic caveri, quod tenemur nos et haeredes et successores nostri ad restitutionem praedictorum faciendam praelatis eisdem, semper tamen habita ratione expensarum rationabilium, si quae forsitan factae fuerint ab illis, quibus praemissa fuerint tradita, in emendis, vel procurandis seu conservandis de praedicta pecunia eis assignata iis, quae sibi pro passagio esse poterant opportuna, prout fuerit rationis; habita etiam ratione aliorum, quae de jure fuerint attendenda, quod idem sanctissimus pater duxit dictorum praelatorum arbitrio committendum, etc. Dat. apud Poissiacum anno Domini mcccxxxiii, n. ease Octobris ». Confirmate eadem pactiones fuere a Pontifice insertis regis litteris Diplomati Apostolico idibus Januarii, anno xviii. Extant ¹ descripta accurate omnia conventionum capita, quae inter Gallum regem, Pontificemque inita fuere pro eripienda et Saracenorum servitute Palestina in Ms. Vaticano in Avemonensi Archivio, gerente anno Domini mxciv Avemonensem legationem Octavio cardinale Aquaviva, comperito.

9. *Privilegia collata Philippo ad bellum sacrum.* — Promovendae hujus expeditionis studio Pontifex, ut omnia obstacula, quae illam disturbatura forent, discuteret, Gallicum regnum in clientelam Apostolicam adsevit, objecitque ana-

thema iis, qui Philippo in Asiam profecto Gallias bello lacerarent. Tum omnibus, qui ad propulsandos hostes arma corripient, praemia indulgentiarum proposuit, dato hac de re ad Philippum Diplomate: « Et idem, inquit, passagium eo liberiori animo prosequaris, quo regnum tuum et terras illorum, qui tecum transfrelaverint in ipso passagio, majori favore Sedis Apostolicae senseris communita, tuis postulationibus benignius annuentes, regnum praedictum, ac terras eorum, qui tecum in dictae Terrae Sanctae subsidium transfrelabant, quandiu in hujusmodi sancti negotii prosecutione fueris, sub B. Petri et nostra protectione speciali suscipimus; districtius inhibentes, ne quis te, aut alios supradictos contra hujusmodi protectionis nostrae tenorem in eisdem regno et terris turbare, molestare aut tibi vel eis molestiam inferre praesumant: nos enim in omnes, qui contra inhibitionem nostram hujusmodi facere vel venire tentaverint, excommunicationis sententiam promulgamus, absolutionem eorum, qui sententiam eandem incurrerint, soli Romano Pontifici reservantes. Insuper in hujus sancti negotii ac tui et regni praedicti favorem et gratiam ampliolem, tuis devotis precibus grato concurrentes assensu, Apostolica auctoritate concedimus, quod si postquam tu iter arripueris pro dicto passagio prosequendo, et ipsius prosecutione durante contra te et regnum praedictum in tuam injuriam guerram moveri contingat, quia ex guerra hujusmodi nisi celeriter occurreretur eidem posset hujus sancti negotii prosecutio impediri, imo non solum in tuam, sed Dei injuriam et in Terrae praedictae ac totius Christianitatis injuriam per maximam guerra hujusmodi posset verisimiliter redundare: quicumque personaliter vel alias ad defensionem regni praedicti auxilium suum in hoc casu impenderit illam indulgentiam consequantur, quae subvenientibus Terrae Sanctae secundum quantitatem subsidii et devotionis affectum in generali Concilio est concessa, etc. Dat. Avin. VII kal. Aug. anno xvii ».

Affecit aliis beneficiis Philippum, ut belli sacri molem toleraret: in primis Clementis IV exemplo eos, qui partem quartam obventionum suarum, vel quintam decimam vel vigesimam bonorum mobilium in belli sacri sumptus derivandam ipsi conferrent, noxarum, quas rite sacra exhomologesi expiarent, condonatione affecit. Sanxit ² etiam praesules, abbates, clericos et alios, qui crucesignatum exercitum sequerentur, suis vectigalibus potuit, eaque ad triennium conductoribus oppignerare posse: Constituti ³ episcopus Parisiensis et S. Dionysii ac S. Germani-de-Pratis monasteriorum abbates privilegiorum transfrelantibus concessorum assertores: decreta ⁴ sexennialis sacerdotiorum decuma ea lege, ut non in alios quam pro bello sacro gerendo sumptus ver-

¹ Ms. Arch. Avin. num. 154.

² An. 17. p. 4. Ep. cur. viii. — ³ Ibid. Ep. ix. — ⁴ Ibid. Ep. xi.

teretur, de qua pendenda a l' archiepiscopos eorumque suffraganeos date litteræ ¹; ejusdemque colligende questores renuntiati Parisiensis, Anticiensis et Carnotensis episcopi. Nec modo in Galliis ac Rhemensi et Lugdunensi archiepiscopatibus, verum in toto orbe Christiano ad Christi cultum restituendum Syriæ imperatæ decumæ, ut ex his verbis ² ad Philippum patet:

« Auctoritate Apostolica de fratrum consilio passagium generale indiximus, ac te ipsius et totius exercitus Christiani, qui transfretabit, in illo rectorem constituimus et capitaneum generalem: et nihilominus per abas nostras inde confectas litteras ³, verbum crucis cum certis gratiis et indulgentiis cunctis Christi fidelibus predicari mandavimus, ac per universas mundi partes decimam Ecclesiasticorum redditum propterea imposuimus sexennale, colligendam sub certis modis et formis, ac inutilitatem dicti passagii et alias contra infideles et inimicos fidei convertendam, etc. » Attributa ⁴ præterea eidem regi omnia legata et donanda vel sponte vel pactione, vel multa pro liberanda Palaestina: tum vectigalia omnium sacerdotiorum non præsularium, quæ labente sexennio vacare contingeret, primo anno quo vacarent in sumptus belli sacri redigi jussa ⁵: derivatæ ⁶ etiam in eam rem multæ, quæ ob commercium cum infidelibus, usuras, vetitas artes, aliæ scelera infligenda essent.

10. Ne vero egregie cæpta progressu temporis consenescerent, vel Philippus improborum susurris a suscepto sacræ expeditionis consilio abduci se pateretur, Pontifex anathema id scelus ausuris intentavit, atque præsulibus Gallis partes dedit, ut crucis symbolo religiosam militiam professuros induerent ⁷.

« Joannes, etc. archiepiscopo Rhemensi ejusque suffraganeis.

« Providere volentes, ne dictus rex malitiosis aliquorum suasionibus vel inductionibus a tam sancto proposito quomodolibet retrahatur, sub anathematis pœna districtius inhibemus, ne quis regem ipsum a proposito prosequendi et perficiendi dictum sanctum passagium malitiose retrahere seu revocare præsumat. E qua nemini venit in dubium decimam et alia subsidia memorata ad tanti prosecutionem neggotii non sufficere, ipsumque negotium longe majoris subventionis beneficio indigere, ac ad illud coadjuvandum cunctorum fidelium grata subsidia existere opportuna, fideles eosdem ad hoc quibusdam spiritualibus munificentis, indulgentiis videlicet ac remissionibus providimus invitandos. Quocirca fraternitati vestræ de dictorum fratrum consilio per Apostolica scripta committimus et mandamus, vos nihilominus obsecrantes per aspersio-

nem pretiosi sanguinis Jesu Christi, quatenus commemorantes attente statum lugubrem dictæ Terræ ac provide considerantes, quod cum fidelium suorum regimini vos velut in sollicitudinis partem assumptos præfecerit Dominus ad promotionem hujusmodi sancti negotii, plus cæteris tenemini ex officio pastoralis tanquam præcones fideles et fortes athletæ fidei contra prædictos perditos hostes Christi, singuli videlicet vestrum in singulis vestris civitatibus et diocesisibus, contra prædictos blasphemos Christiani nominis per vos et alias personas Ecclesiasticas sæculares et regulares Ordinum quorumcumque, quos ad hoc idoneos fore noveritis, cunctis Christi fidelibus iuxta datam vobis et eis a Deo providentiam proponatis publice verbum crucis, et venerabile signum ejus quibusvis illud devote suscipere volentibus, quos ad hoc utiles fore credideritis, concedatis ipsorumque humeris imponatis, etc. Dat. Avin. VII kal. Aug. anno xvi ». Data eadem fuere imperia omnibus archiepiscopis et episcopis, non Galliarum modo, verum totius orbis Christiani constituto hoc protectionis die « kal. Augusti, quæ, inquit, erunt anno Domini mcccxxxvi, quas tam eidem regi, quam cæteris crocesignatis et crocesignandis pro termino ad transfretandum in dicto passagio duximus assignandas », tum etiam ad implorandam divinam opem edictum, ut in omnibus Ecclesiis cathedralibus, regularibus, collegiatis et parochialibus quavis hebdomada solemnî ritu divina res perageretur, in qua adversus infideles victoria expeteretur, eademque in id præscripta formula, atque ea, ex qua jam ante in Galliis idem promulgatum ¹ vidimus: additum etiam est, ut in singulis Ecclesiis gazophylacium exponeretur, in quod fideles stipem subsidiariam in belli sacri sumptus dimitterent.

11. *Quantus fuerit exercitus comparandus et qui dotes Philippi.* — De hujus expeditionis consiliis refert Bosius ² conventum, ut Philippus rex viginti millia equitum, peditum quinquaginta millia Pontificio regioque sumptu sustentanda, duceret, ut Veneti instructissimam triremium classem, in qua quatuor millia pugnatorum veheret contraherent, præter centum alias naves ad tormenta bellica transportanda: pariterque Genuenses, Pisani et alii vires maritimas sperabantur conjuncturi. Cum vero hujus belli sacri desiderio suspensa essent omnium vota, Pontifex de bello sacro decreto principes Christianos, ut Venetos ³, Rhodios equites ⁴, Carolum Ungariæ ⁵ et Robertum Siciliæ reges ⁶, Joannem Dyrachii ducent ⁷ aliosque fecit certiores. Cum vero ad Robertum singulari nomine expeditionem Syriacam promovere spectaret, ac Philippus rex cum ipso presente communicare bellica consilia cupe-

¹ An. 17. p. 4. post Ep. xi. — ² Ep. xiii. — ³ Ext. ib. Ep. xx. et rep. post eand. Ep. — ⁴ Ead. Ep. et Ep. xiv. — ⁵ Ib. Ep. xv. — ⁶ Ibid. Ep. xvi. — ⁷ An. 17. p. 4. Ep. cur. x.

¹ An. 1331. num. 50. — ² Bos. p. 2. hist. eq. Illeg. 1. II. — ³ Tom. ix. p. 1. Ep. secr. pag. 5. — ⁴ Tom. ix. p. 2. Ep. secr. pag. 164. — ⁵ Ibid. pag. 149. — ⁶ Ibid. — ⁷ Ibid. pag. 5.

ret, sollicitavit illum Pontifex ¹, ut constitutis rebus cum Carolo Ungariæ rege (de cuius accessu in Siciliam dicitur inferius) in Provinciam appelleret. Accepit ex Petri archiepiscopi Rothomagensis, qui in Pontificatu Clementis VI nomen accepit, manibus Philippus rex, ingenti pietatis sensu delibutus, sacrum crucis symbolum, ac gerendo pio in Syria bello se addixit; pellexitque suo exemplo plures principes, qui religiose distincti ab archiepiscopo cruce arma Christo devoverunt: de quibus Pontifex litteris XIV kal. Decemb. exaratis Philippo regi est gratulatus ²: « Laetanter, inquit, audivimus te fuisse, fili charissime, die præteriti mensis Octobris cum multitudine principum aliorumque nobilium regni tui vivificæ crucis signo insignitum ». Ut vero Gallos majori ardore Philippus in sacra arma concitaret, dolo utendum ratus, poposcerat a Pontifice, ut omnibus Galliarum præsulibus permitteret symbolum crucis non ex animo incedendæ professionis, sed aliorum, qui officiosæ fraudis ignari essent, allaciendorum studio accipere. Ad quem Joannes gravissimis sententiis respondit ³ dolum simulationemque procul amandandam, ne divina iracundia concitaretur, neque alicuius consecrandi boni gratia agere improbe cuiquam licere.

« Philippo regi Franciæ.

« Si vis, fili charissime, veritati placere in verbis et factis, oportet te, repulsa simulatione, præsertim in negotiis Domini, veritatem servare. Christus enim veritas est, sicut ipse testatur: Terræ quoque Sanctæ negotium noscitur esse sumum; unde in ipso simulationem decet prorsus et expedit exulare. Nec obviat si dicatur, quod si crux a prælatis simulate sumatur, ita quod per crucis sumptionem huiusmodi non ligentur, multi crucem assumunt, alias non sumpturi: quod et si esset verum, cum non sint facienda mala ut bona veniant, non est malum simulationis huiusmodi propterea committendum. Ideoque circumspectionem regiam in Domino exhortamur, eidem nihilominus sano consilio suadentes, ut præcipue in isto sancto negotio omnem simulationem in te et aliis studeas evitare. Venimur quidem, quod per talia tuo Redemptori displiceres nimium, nec transires impune, sicut forsitan aliquis ex tuis prædecessoribus simulationem in Terræ-Sanctæ commissam negotio, ut a multis creditur, impune nequaquam transivit. Non ergo expedit omnes prælatos regni tui simulate crucem assumere; certe nec etiam cum animo transiretandi, ex hoc enim dispendia gravia quoad regnum et Ecclesiam possent sequi. Quare habeat nos tua prudentia, si hoc non concedimus, excusatos. Gratia Domini nostri cor tuum juxta suum beneplacitum dirigat et protegat ab adversis. Amen. Dat. XVII kal. Octobris, anno xviii ».

12. Quod ad regem illum Francorum attinet, cuius nomen Pontifex non exprimit, in quo divinum Numen justitiæ exemplum ob nuncupatum fidei, ut ferebat fama, sacræ expeditionis votum; Philippum Pulchrum, vel aliquem ex filiis designare videtur. Neque ex illius calamitate Philippus Valesius divini operis strenue urgendi traxit exemplum, sed bellis funestissimis magno rerum suarum exitio se implicuit, ut suo loco dicetur. Interca transmisit Pontifex ¹ ad Philippum regem Apostolica de concessa illi conficiendi belli sacri in Babylonios et Ægyptios, eripiendæque ex eorum manibus Syriæ provincia Diplomata, ex quibus alia regi, alia principibus erant inscripta, quæ in publica procerum corona perlegi, atque e Latino verbis Gallicis exprimi voluit ²: « Quia, inquit, nobis decens videtur et expeditius, ut contenta in præfata tibi designata littera celsitudo regia, ac contenta in præmissa principibus littera, eorum prudentia non ignoret; ecce præfatas litteras regali magnificentia pro exhibitione presentium duximus destinandas, quas ut credimus expedit, quod tibi et principibus, qui adesse poterunt, per fidelem interpretem facias publicari ». Sed dum calamo et votis bellum Saracenis inferitur, illi ferro flammæ Christi nos crudelissime in Armenia, in Græcia et in Hispania sunt insectati, eoque ardentius fideles armorum mole oppresserunt. Ex Armenia quidem ad aulam Pontificiam Baldus Spinula Leonis Armeniæ regis orator accessit, ut flebiles querelas effunderet, Saracenos in Armeniam grassari reuque Christianam evertere. Quem oratorem, in Gallias ad urgendam expeditionem properantem, Pontifex Francorum regi enixe commendavit ³.

13. *Turcarum in Europam excursionses.* — Vicere Ægyptios odio et crudelitate in Christianos Turcæ ⁴, qui ex Asia, in qua Christi cultum pæne extinxerant, in Europam cum formidabili exercitu, actis præterito anno prædis illecti trajecere, ac ferro flammæque obvia quæque fœdarunt, adeo ut ad ipsa Athenarum suburbana excursionem facta, illa flammis deleverint: præterea Ægæi maris insulis clades maximas intulerunt; denique innumeras Christi fidelium catervas in servitutem abduxere. Significaverunt lugubrem casum Pontifici Veneti, quorum Orientalis ditio fuerat vastata, ut prompta adversus hostem auxilia contraherentur; quibus Pontifex, misso eam ob rem causarum sacri palatii auditore, hæc rescripsit ⁵:

« Duci et communi Venetorum.

« Duris oppressionibus, quas infideles Turci vobis et partium illarum Christicolis intulerunt his diebus præteritis, et inferri moliantur crudelius, litterarum vestrarum serie, quas benigne recepimus, non sine magna cordis amaritudine

¹ Tom. ix. p. 2. Ep. secr. pag. 190. — ² Ibid. pag. 191. —

³ Sup. pag. 190. — ⁴ Tom. ix. p. 1. pag. 5, 143, 149, et p. 2. pag. 2, 32, 188, 195, 231, 232. — ⁵ Tom. ix. p. 1. Ep. secr. pag. 5.

¹ Tom. ix. p. 2. Ep. secr. pag. 149. — ² Ibid. pag. 191. — ³ Ibid. pag. 187.

intellectis, vobis et ipsis Christicolis compatiuntur in visceribus charitatis. Et ecce quod dilectum filium magistrum B... de S. Genesio decanum Ecclesie Engolismensis causarum nostris palatii auditorem, capellanum nostrum, virum ntique circumspexit et providum, ad vestram presentiam certis per nos eidem super predictis vobis explicandis per ipsum viva vocis oraculo destinamus, cui fidem adhibere vultis credulam in hac parte. Dat. V kalend. Septembris, anno xvii. De hac Turcarum irruptione, acceptisque a Christianis cladibus Robertus¹ Siciliae rex litteras ad Pontificem ac Philippum Francorum regem ducemque Bojorum sive Borbonesi Ludovicum misit, ut auxiliares copie ad retundendos Barbarorum impetus conflarentur; Robertique regis nepos Carolus Alenconii comes, Philippi regis frater, a Joanne papa mitti contra Turcas Christiani exercitus ducem flagitavit². Exponebant Sedi Apostolicae illius oratores, nisi ingravescentis Turcarum potentia reprimeretur, Christianam rem in periculum adductum iri: sacram adversus infideles expeditionem ad se proxime a rege Francorum fratrem, cum dux Normannie nepos aetate bellicis laboribus impar esset, pertinere: inde felicitus gestum iri Syriacum bellum, si ipse in Turcas dux praeretur. Respondit Pontifex³ se quidquam sine regis ejus fratris, quem transmarinae universae expeditionis ducem dixerat, consilio et voluntate nolle decernere: agendam rem cum Siciliae et Cypro regibus, Venetis, Rhodis equitibus et aliis principibus, quorum Turcarum represso inferret: Philippum quidem regem praeciae acturum, si ad barbaram eam gentem retundendam operam conjungeret; ac Sedi Apostolicae rem acceptissimam fore, si copiis Gallicis in Turcas ipsum praecieret, nec se tum illi opera defuturum.

14. « Joannes, etc. comiti Alenconii.

« Sane quia eorum (oralorum scilicet) propositio verbo primo proposita, et consequenter in scriptis oblata continebat, quod cum sanctum ultramarinum viagium per nos et charissimum in Christo filium nostrum Philippum regem Franciae illustrem a mense praesenti Augusti ad triennium fuisset assumptum, secundum quod notum et publicatum fuerat publice in Romana curia; nullusque adeo leneretur eidem regi praedicto complendo viagio, quemadmodum tu germanus ipsius, excepto dilecto filio juvene inclyto Joanne de Francia ejus nato, qui tamen adhuc in aetate constitutus non est, qua laborare valeret; tuque, fili, dum dicti tui nuntii discesserunt de Francia, per litteras charissimi in Christo filii nostri regis Siciliae illustris tui avunculi accepisses, quod Turci contra Christianos, tam per mare quam per terram adeo invaluerunt, quod burgos Athenienses combusse-

runt, et verebantur admodum, nisi provideretur, aliter scandalum et pericula graviora; supplicabant nobis ex parte tua praemissis ex causis praefati nuntii, ut in casu, quo per nos ordinaretur de capitaneo aliquo proreprimeendis Turcis praefatis, placeret nobis te, fili, capitaneum hujusmodi deputare, quia hoc sperabatur profuturum sancto viagio, ex quo appareret quod germanus regius praeiret eundem; eorum tamen, ut dixerunt, non erat (intentio), quod aliquid super hoc fieret, nisi secundum consensum et beneplacitum dicti regis. Ad quae, fili, taliter respondemus, quod cum praefatus rex germanus tuus sit factus dux exercitus generalis passagii transmarini, non est intentionis nostrae, sicut nec esse debet, circa dicti passagii negotium vel ipsum langentia de duce vel capitaneo aliquo aliquid ordinare.

« Caeterum si placeret regi praefato ad obvian- dum dictis Turcis intendere, quod generali passagio multipliciter opportunum existeret (imo multorum judicio necessarium, quia si factum Turcorum prosperetur, ut coepit, transitus generalis passagii nimium difficilis redderetur) expediret ut cum illis, quos maxime tangit dictum Turcorum negotium, utpote cum charissimis in Christo filiis nostris Siciliae et Cypro regibus illustribus, et cum Venetis ac hospitalis magistro, aliisque magnatibus et communitatibus illarum partium haberetur tractatus: quos speramus et supponimus libenter facere posse suum. Et si rex vellet subsidium facere, non credimus quod pro negotio aliquo posset ad praesens circa hoc aliquid aliud utilius facere, nec per quod posset sic prompta via ad dictum passagium prosequendum utiliter procurari. Quo facto si tractatus praemissus procederet, posset rex praefatus de capitaneo dicti exercitus cum praemissorum beneplacito ordinare. Nos autem sine assumptione dicti negotii intendimus manum nostram in dicto negotio in casu praemisso, sicut bono modo poterimus, extendere adiutricem: et si te, fili, praemisso exercitui contra Turcos ordinando vellet rex ipse praeficere, nobis quantum in nobis est gratum existeret pariter et acceptum. Dat. XII kal. Septembris, anno xvii. » Agitavit mox Pontifex⁴ cum Ludovico duce Borbonio (dicebatur is antea comes Claromontanus, ejus apud Bojos dominatum superiori anno ducali titulo ornatum refert Meyerus⁵) regis Francorum in aula Avenionensi oratore, ut Philippus Galliae vires cum caeteris principibus contra Turcas vellet conjungere, hortatoriasque ad regem ipsum litteras dedit⁶, ut cum Turcae Syriacam expeditionem distulbatur putarentur, cum principibus ac regibus belli partem converteret. Assensit Philippus: cujus accepto responso, Joannes haec Roberto regi Siciliae rescripsit⁷: « Regi praedicto scripsimus super apponendis salubribus remediis in hac parte, sperantes in

¹ Tom. ix. p. 1. Ep. secr. pag. 149. — ² Ibid. pag. 115. — ³ Ibid.

⁴ Tom. ix. p. 1. pag. 119. — ⁵ Meyer. Hist. Fland. l. xii. — ⁶ sup. pag. 119. et p. 2. Ep. secr. pag. 231. — ⁷ Ibid. pag. 149.

Domino, quod si tu, fili dilectissime, ac Hospitalarii et Veneti, quibus idem scribimus, et alii dictarum partium, quos idem negotium contingit hujusmodi, velitis effectualiter intendere cum auxilio et regis prefati Francie, qui manus adjuvante poterit divina suffragante gratia Turcorum prædictorum lemerariis ausibus et dammandis præsumptionibus salubriter obviari, etc. Datum II kal. Sept., anno xvii ».

15. *De conjungendo federe principum in Turcas consilia.* — Flagitavit Robertus Sicilia rex a Pontifice, ut in belli adversus Turcarum irruptiones gerendi sumptus Ecclesiasticæ in Italia coactæ decimæ converterentur: cui Joannes rescripsit¹, de iis quidquam inconsulto rege Francorum supremo Christianarum contra infideles copiarum duce, statui non debere, cui pro expeditione transmarina conficienda instaurandisque Syriæ rebus sexennalem decimam essent attributæ; suique non esse consilii², Turcici belli molem universam in se suscipere: at si ille cæterique principes paribus studiis ac viribus concurrerent in fidei hostes, regem Francorum belli sociis accessurum, et Ecclesiam e cardinalum consilio, studio et opera non defuturam.

« Joannes, etc. regi Siciliae.

« Super facto Turcorum volumus tuam prudentiam non latere, quod nostræ intentionis nequaquam existit, quod Ecclesiæ negotium illud assumat; sed si illi, qui timent per ipsos Turcos gravari in terris et subditis propriis, assumant juxta vires dictum negotium, parata erit Ecclesia, sicut consuevit in similibus subsidia opportuna cum fratrum nostrorum consilio, dante Domino, ministrare. Et quia tuam excellentiam noscitur multum tangere negotium supradictum, non expedit, quod se subtrahat ab opportuno dicto negotio subsidio faciendo: quod si feceris, subtrahendi se a præbendo subsidio pro dicto negotio viam multis poteris aperire. Per litteras autem filii nostri in Christo charissimi Philippi regis Franciæ illustris percepinus, quod intendit præfato negotio manum porrigere adjutricem, quod intelligimus, si illi, quos tangit principaliter præmissorum Turcorum aggressio, faciant quod debent: alias subsidium suum esset inutile, cum vix sufficere valeat cum omnibus subsidiis factis sibi per Ecclesiam ad onus passagii, quod assumpsit. Dat. XIII kal. Decemb., an. xviii ».

At licet Turcæ graves Christianis calamitates intulerint, haud levibus tamen cladibus a fidelibus affectos fuisse, demonstrat Pontifex aliis litteris ad Robertum regem V idus Septembris hoc anno datis³, dum ait: « Rursus quamvis, ut læto percepinus animo, quædam prospera partium illarum Chisticolis contra Turcos infideles successerunt his diebus, non est tamen propter hoc

a te, fili dilectissime, ac aliis, quos hujusmodi tangit negotium, a procurandis adversus Turcorum ipsorum sevitiis et fraudulentam malitiam opportunis remediis desistendum ».

16. Ceterum ad promovendam illam Sedis Apostolicæ ac Galliarum regis cum Venetis, Roberto rege Sicilia, Hugone Cyprio, Græcisque in Turcas armorum societatem Joannes Bertrandum archiepiscopum Ebredunensem in Italiam ad Robertum ipsum, et Franciscum Dandulum docem Venetorum transmisit, subiecto de provincia ipsi demandata Diplomate exarato⁴:

« Bertrando archiepiscopo Ebredunensi.

« Habet rumor horribilis, nuntiat clamor implacitus, qui his diebus matris Ecclesiæ insonuit auribus ejus, viscera sancians, præcordia dure pungens, quod inundans Turcorum superbia suis finibus non contenta, collectis viribus, robore adunato, tam per mare quam per terram partes invadens Græciæ et circumadjacentes insulas, in redemptos Christi pretioso sanguine crudeli inhumanitate grassatur. Dolet itaque, nec immerito, mater Ecclesia, dum quos regeneravit in filios, æternus hostis lacerat: dum in fidei Christianæ cultores impiorum gladius dire sevit: dum attente considerat, quod nisi celeriter occurratur, indictum transmarinum passagium impediri poterit, vel difficilius nimis reddi. Nos igitur sub spe Domini exercituum, qui bella conterens, cornua comminuit superborum, intendentes populi Christiani dispendiis, quæ tam perniciosus Turcorum ipsorum minatur aggressus, remediis salutaribus obviare, conamur vias et modos inquirere, per quos possumus hoc effectui promptius mancipare.

« Sane quia viri illarum partium, qui jam et ipsorum Turcorum aggressibus varia sustinuerunt incommoda, quique graviora verentur subire, nisi occurratur ocus, circa hæc cogitasse creduntur profundius, et per consequens habere notitiam pleniorum; nos plenam de tuæ fidei puritate, virtutis constantia ac circumspectione probata in Christo fiduciam obtinentes, tibi auctoritate presentium committimus, in remissionem tibi peccaminum injungentes, quatenus ad partes illas te conferens, de modis et viis nostro præmisso congruentibus desiderio te cures specialiter cum charissimo filio Roberto illustri rege Siciliæ, et cum dilecto filio nobili viro duce Venetiarum suisque concivibus, necnon et aliis, de quibus expedire videris, sedule informare; ipsos et alios, de quibus expediens fore cognoveris, juxta prudentiam desuper tibi datam exhortationibus opportunis inducens, ut ad retrinendos Turcorum ipsorum malignos impetus, repellendos insultus, compescendam nequitiam et conterendam superbiam, manum porrigant adjutricem; operam quantum sedule poteris impensurus, quantum cu-

¹ Par. 2. Ep. secr. pag. 231. — ² Ibid. pag. 232. — ³ Ibid. pag. 436.

⁴ Par. 2. Ep. secr. pag. 233.

iuslibet universitatis, quantumque singularium personarum, quibus te premissa contingeret proponere, erit subsidium, quod intendunt pro tam pio opere exhibere; nosque per tuas cures litteras de omnibus, quae circa praemissa egeris, praemissorumque responsionibus reddere certiores. Datum Avin. VI id. Octob., anno xvm ».

17. *Andronicus imperator, episcopi et populus Graecus ad ejurandum schisma invitati per litteras Apostolicas et legatos.* — Depressus iis Turcorum grassationibus Andronicus, adducendae ad Romanae Ecclesiae conjunctionem et obsequium Orientalis Ecclesiae pium desiderium prae se tulit, deque ea redintegranda cum duobus e Dominicana familia antistitibus, qui Christiana fide inter Zichos et Gochos longe lateque amplificata palmis onusti, ad Sedem Apostolicam redeuntes, ut eam de rege Zichorum converso, de quo agetur inferius, facerent certiores, per Constantinopolim iter habuerant, sermones contulit. Quibus recreatus Pontifex, datis ad Andronicum litteris ¹, paratum se ad eum Apostolico sinu excipiendum significavit, eaque unica re Graecos Turcarum tyrannidem evasuros :

« Viro magnifico Andronico, imperatori Graecorum illustri, gratiam in praesenti, per quam obtineat gloriam in futuro.

« Pridem venerabiles fratres nostri Franciscus archiepiscopus Vospreus et Richardus episcopus Cersonensis ad Sedem Apostolicam de ipsis partibus venientes, nobis et fratribus nostris S. R. E. cardinalibus in consistorio exponere curaverunt bonam voluntatem et intentionem devotam, quam tu et alii de partibus ipsis habetis ad veritatem Catholicae fidei cognoscendum, et redeundum ad sanctae Romanae Ecclesiae, matris Ecclesiarum omnium et magistrae (a cujus gremio fuistis tu et alii supradicti tam longis et debendis temporibus separati) veram obedientiam, et indissolubilem unitatem; quodque nisi unio hujusmodi procuraretur, imperio Constantinopolitano propter perfidos Saracenos, quorum prava intentio ad exterminium nominis Christiani, et ad occupandum specialiter partes ipsas, prout experientia facti docet, ardentem aspirat, magnam noscitur periculum imminere.

« Nos igitur bonam voluntatem et intentionem hujusmodi, quae nobis et eisdem nostris fratribus plurimum grata fuit, dignis in Domino laudibus commendantes; ac cupientes, prout ex injuncto nobis officio Apostolatus incumbit, ut Catholica Ecclesia toto orbe diffusa, cujus Salvator noster Dominus Jesus Christus caput esse dignoscitur, in vinculo dilectionis et pacis ac in identitate mentium adnnetur; necnon ut animarum et aliis periculis, quae ipsis partibus imminet, obviatur; magnificentiam tuam rogamus in Domino

et hortamur, eam per aspersionem pretiosi sanguinis ejusdem Domini nostri Jesu Christi obnoxius obsecrantes, quatenus attente considerans quadia, quot et quanta bona praeter animarum salutem, quae est principalis attendenda, tibi et subditis tuis et cuncto populo Christiano sint proculdubio proventura, si Graecorum Ecclesia redintegretur eidem sanctae Romanae Ecclesiae in charitatis glutino et verae fidei unione; tuamque intentionem salubrem deducens celeriter in effectum, pro bono pacifico statu populi Christiani, et subditorum tuorum, et tuae ac ipsorum animarum salute, necnon pro ampliatione Catholicae fidei animum tuum, repulsis persuasionibus contrariis quibuscumque, ad (abjurandum schisma) errores et schismata, quibus diabolica fraus te et Graecorum populum sic diutius obsecavit, et ad veram obedientiam et unitatem ipsius sanctae Romanae Ecclesiae redeundum, constanti et invariabili proposita habilites et coales, et ad ovile Domini redeas propteranter, tuosque subditos ad haec inducas pariter et hortaris, tempus praeparatum ad bonum, et benevolentiam Apostolicae Sedis oblatam tuae magnitudini non permittens de manibus tuis excidere; sed ea cum gratiarum actione ac efficaci assumptione negotii plenius affectibus prosecuaris, sciturus pro certo, quod facta redintegratione praedicta, Sedes Apostolica te tanquam charissimum filium sic favorabiliter et gratiose tractabit, et habebit in visceribus charitatis, quod gaudere poteris in ea matrem benevolam in tuis opportunitatibus invenisse. Dat. Avin. II non. Augusti, anno xvi ».

18. Nec Andronicum modo, verum etiam patriarcham et clerum populumque Graecum ad restituendam pristinam incorruptae fidei puritatem; et schisma, quod, tot immanes non animabus modo, verum et corporibus clades intulisset hactenus, abolendum hortatus est ¹: cum hujusmodi felici cum Ecclesiae conjunctione imminens a Turcis servitutis jugum depulsuri essent :

« Dilectis in Christo fratri patriarchae, ac viro magnifico Andronico imperatori, necnon universo populo Graecorum spiritum gratiae salutaris.

« Ad unitatem fidelium et universorum salutem, eorumque statum prosperum et tranquillum totis studiis, prout ex Apostolatus nobis incumbit officio, intendentes, illud praecipue in mente gerimus, et ad hoc libenter partes nostrae sollicitudinis impartimur, ut Catholica Ecclesia, toto terrarum orbe diffusa, in vinculo dilectionis et pacis charitatis glutino et identitate mentium adnnetur, Christique oves per vicarii sui in terris vigiliis rectitudine fidei et verae doctrinae directione pascantur. Nuper siquidem, non sine gravi amaritudine cordis, multorum fide dignorum de partibus ipsis ad Apostolicam Sedem venientium re-

¹ Ext. in Ms. Arch. Vat. de reb. Armen. et alior. infidel. et schismat. pag. 24.

¹ Ext. in Ms. Arch. Vat. de reb. Armen. et alior. infidel. et schismat. pag. 25. et an. 17. p. 2. Ep. com. MCCCXLII.

latione percepiimus, quod licet vobis et aliis partium vicinarum, ritum vestrum sequentibus, a tempore antiquati et perniciosi schismatis, quo vos ab unione sanctæ Romanæ Ecclesiæ cunctorum fidelium veræ matris, et rectitudine Catholice fidei separastis præter animarum pericula quæ, prohi dolor! evenerunt in temporalibus continuato tempore male successit; ac multe injuriæ jacturæ et violentiæ sint illatæ, vesterque status decreverit et depressus semper extiterit; nunc in persecutiones hostiles et aggressiones horrendorum Saracenorum hostium nominis Christiani et aliorum infidelium, qui ad occupandum vestras et alias partes Romanicæ invicem colligati et confederati forte dicuntur in exterminium vestrum fortius solito sustinetis, et sæviores in futurum pati verisimiliter formidatis; quodque vos, istis in debite considerationis libratis examine, disposuistis et properastis, prout venerabiles fratres nostri Franciscus archiepiscopus Vosprensis et Richardus episcopus Cersonensis ad nos et Sedem prædictam de ipsis partibus venientium habet grata relatio facta nobis, animos vestros ad redeundum ad obedientiam ipsius sanctæ Romanæ Ecclesiæ, ac orthodoxæ fidei unitatem. Propter quod nos more patris benevoli, qui oberrantes filios libenter reducit ad tramitem veritatis, erga vos sic depressos et afflictos cordiali compassione commoti; ac sperantes tempus reductionis vestræ ad rectitudinem vestræ fidei et unionem universalis Ecclesiæ advenisse, providimus bonam intentionem vestram Apostolicis exhortationibus confirmandam et excitandam, ut deducatur celeriter in effectum.

« Eapropter universitatem vestram rogamus in Domino et hortamur, eam per aspersionem pretiosæ sanguinis Domini nostri Jesu Christi obnixius obsecrantes, quatenus considerantes attente depressiones innumeras et jacturas, quas estis a tempore separationis vestræ hujusmodi ab unitate Ecclesiæ prædictæ perpeSSI, ac animarum et personarum pericula vobis imminuentia sæviora; necnon quot et quanta bona, præter animarum salutem, tranquillitatem, pacem et bonum statum, quæ nedum vobis, sed et universali Ecclesiæ sanctæ Dei cunctisque fidelibus sit vestra redintegratio productura; ad unitatem et obedientiam ejusdem sanctæ Romanæ Ecclesiæ sine dilatione aliqua properetis, et ad ovile Christi redeatis, vestramque intentionem laudabilem in realem deducatis effectum, ac a vobis quælibet schismata et errores, quibus diabolica fraude fuistis hucusque decepti, penitus abigatis. Quæ si, sicut speramus, Domino faciente, complenda duxeritis, ipsa mater Ecclesiæ vobis ad eam redeuntibus sinum suæ largissimæ pietatis aperiet, consolationem et pietatem impendet, ac in vestris necessitatibus opportuna subsidia ministrabit. Dat. Avin. II non. Augusti, anno xvii ». Sollicitatus etiam est Joannes Pisanus, qui plurimum in imperatoria aula gratia

poterat, ut optatissimam illam Græcorum conjunctionem promoveret¹:

« Dilecto filio Joanni Pisano, consiliario magnifici viri imperatoris Græcorum, salutem.

« Cum tam per tuas quam quorundam aliorum de partibus ipsis litteras per dilectum filium Leopardum capellannum tuum nobis oblatas, necnon relatione venerabilium fratrum nostrorum Francisci archiepiscopi Vosprensis, et Richardi episcopi Cersonensis, pridem de dictis partibus ad Sedem Apostolicam accedentium, grate percepiimus nova, prospera et nobis ac fratribus nostris S. R. E. cardinalibus grata plurimum et accepta, reserantia bonam dispositionem Græcorum, et præsertim S. Basilii... et S. Demetrii monasteriorum abbatum, quam ipsi ad redeundum ad obedientiam S. R. E. matris cunctorum fidelium, et orthodoxæ fidei unitatem habere, ut dicte continebant litteræ, constanti proposito asseruntur. De quo laudes et gratias Altissimo referentes, tuæque sollicitudinis studium in hac parte adhibitum, et quod in hujusmodi negotii consummatione felici adhibere proponis, dignis in Domino laudibus commendantes, discretionem tuam rogamus in Domino et hortamur, in remissionem tibi peccaminum injungentes, quatenus præfatos abbates, et Græcos in hujusmodi laudabili eorum proposito corrobore et confirmes, ac eos ad illud realiter consummandum inducas, etc. Dat. Avin. II non. Aug., anno xvii ». Præter hos abbates Barlaam abbas monasterii S. Salvatoris Constantinopolitani ad dissolvendum vetus schisma plurimam navavit operam: de cujus legatione, scriptis ac rebus gestis dicitur inferius.

19. Decreti vero sunt ad faciendum Orientalem cum Romana Ecclesia fœdus nuntii, de quibus memoravi, Franciscus et Richardus Ordinis Prædicatorum alumni, qui Pontificalibus sacris initiati ad Zichos in orthodoxæ religionis cultu confirmandos erant reversuri; ac subiecto Diplomate² ad cœpta feliciter provchenda auctoritate instructi.

« Venerabilibus fratribus Francisco archiepiscopo Vosprensi et Richardo episcopo Cersonensi.

« Arduis mens nostra jugiter occupata diversis, inter cunctas sollicitudines nostris humeris incumbentes, ad illud suspirat ardentius, illudque in solidæ charitatis ardore orationibus devotis exposcit, ut lapis ille angularis, qui fecit utraque unum, suam sanctam et universalem Ecclesiam toto terrarum orbe diffusam, omnium schismatum scissura semota, misericorditer integrans in unitate fidei orthodoxæ adunare dignetur: et præsertim ut Græcorum Ecclesia, tam longis et deflendis temporibus ab ejusdem universalis Ecclesiæ corpore mutilata, antiquati jam schismatis seminariis penitus amputatis, ad unionem ejusdem

¹ An. 17. p. 1. Ep. eur. v. — Ibid. Ep. MCCCXXXIX. et in Ms. memor. p. 23.

corporis tanquam magnum et nobile membrum ejus, auctore Domino, reducat. Sine dum in mente revolvimus innumerable animarum pericula cunctis de flectenda fidelibus, incommoda personarum rerumque dispendia, oppressiones innumeras et depressiones immensas, quæ dicti Græci, ex quo ab unione sanctæ Romanæ Ecclesiæ matris omnium et magistræ, prohi dolor! diverterunt hactenus usque ad hæc tempora sunt perpassi, et quæ, sicut facti evidentia notum reddit, non ulnam augmentata fera paganitas et severitas Saracenicæ in magnam et execrabilem Christiani nominis contumeliam ipsis noviter intulerunt, et inferre sævius machinantur; statui eorum depresso et afflicto compatimur, et erga eos pietatis viscera, prout ex injuncto nobis Apostolatus incumbit officio, misericorditer aperimus: sperantes in misericordia Jesu Christi, ut ipse, ejus judicia sunt abyssus, tempus reductionis eorum per vexationem hujusmodi advenisse, ac Græcis ipsis per hoc cognoscendi suam omnipotentiam, et ad unitatem Catholicæ fidei ac obedientiam sanctæ Romanæ Ecclesiæ firmo et constanti proposito redeundi rectum intellectum præbuisse ac præbere demonstret. Cupientes igitur oves Dominicas, quæ sic spiritualiter et temporaliter pereunt, ad ovile Domini revocare, ut secundum divinam sententiam sit unus ovile et unus pastor, Latinorum et Græcorum populis in unitate orthodoxæ fidei congregatis, et in charitatis ardore conjunctis; utilitates etiam innumeras, animarum salutem, necnon bonum publicum, quæ ex redintegratione bonorum ipsorum unitati ejusdem S. R. E. speramus indubie Deo auspice provenire, debita meditatione pensantes; credentes quoque firmissime, quod vos tanquam viri probate vitæ, facundi eloquentia et lingua disertis, circa hujusmodi nostrum desiderium exquendum vestros labores ac studia opportuna diligentia fideliter convertetis; fraternitati vestræ, de qua in iis et aliis gerimus confidentiam in Domino specialem, per Apostolica scripta in virtute sanctæ obedientie districte præcipimus et mandamus, quatenus ad partes illas vos personaliter conferentes, in illius virtute, qui neminem vult perire, tam clero quam populo Græcorum ipsorum præmissa animarum pericula, dispendia personarum, rerum et bonorum incommoda, quæ ipsis ex separatione hujusmodi justo Dei judicio contigerunt; necnon et graviora dispendia, quæ eis, nisi redintegrarentur unitati ejusdem Romanæ Ecclesiæ, a prædictis infidelibus præparantur; animarumque salutem et profectus immensos, ac publica incommoda, quæ non solum eis, sed Catholicæ fidei ac toti universali Ecclesiæ ex membrorum suorum restitutione, auctore Domino, sunt firmiter proventura, exponere juxta quod vobis Dominus, cujus negotium agitur, ministrabit prudenter et sollicitè studeatis: ipsosque viis et modis salubribus ac inductionibus et exhortatio-

nibus opportunis inducere, ut Catholicæ fidei puritatem, quam dicta S. Rom. mater Ecclesiæ, cujus Dominus noster Jesus Christus caput est et solidum fundamentum, firmiter tenet, docet et prædicat, velint sincero et humili corde suscipere, eamque publice et firmiter profiteri, dictæ quoque S. R. E. primatum agnoscere et ad ejus unionem et salutarem obedientiam properare. Quæ si, ut speramus, Domino inspirante, perfecterint, ipsa mater Ecclesiæ filiis redeuntibus sinum largissimæ pietatis aperiet, consolationem et charitatem ipsis impendet, et in eorum opportunitatibus ipsos sicut charissimos filios gratiose ac favorabiliter pertractabit. Dat. Avin. II non. Aug., anno xviij. De his præsulibus agitur inferius, cum de religione amplificata inter Tartaros dicemus. Elusit vero eorum zelum Græcorum in suscepto schismate pertinacia; quare Turcis tanquam carnificibus divina justitia ad plectendam eorum perfidiam usa est.

20. *Maurorum in Hispaniam invasio.* — Neque intulere modo ex Asia Græciæ bellum Turcæ, verum ex Africa Marrochitani Hispaniis¹: cujus terrore percursi Castellæ, Aragoniæ et Lusitaniæ reges decimas sacerdotiorum ad belli sumptus tolerandos a Pontifice poposcere. Cum vero omnium regnorum decimas pro Syriaco bello conficiendo decrevisset, Philippum de exorto caso, qui votis obstaret, quod attinebat ad Castellæ, Aragoniæ ac Lusitaniæ decimas, admonuit²: «Excellentiam, inquit, regiam credimus non latere, quomodo Saraceni transmarini et cismarini regnum Castellæ atrociter invaserunt, et quomodo se dicuntur disponere ipsum conflatis viribus cum Saracenorum innumerosa multitudo invadere et vastare: propter quæ filius noster in Christo charissimus Alfonsus rex Castellæ illustris misit ad curiam pro decimali et aliis subsidiis obtinendis, et idem faciunt charissimi in Christo filii nostri Alfonsus rex Aragonum et Alfonsus Portugalliæ reges illustres, qui jamdiu miserunt ad curiam pro similibus subsidiis obtinendis, etc. Datum II kal. Martii, anno xviij ».

Oppugnabat tum Heracleam, freto Gaditano imminem omnium telorum genere Abhomelicus Marrochitani regis filius cum florentissimo Maurorum exercitu: Mahomades vero Granatæ rex in Cordubenses agros invectus præfecti peritidia Egabrum cepit, ac mox, abductis in servitutem omnibus fidelibus, solo æquavit: qui vero præerat Heracleæ Vasco Perusius, cum arcem nec milite nec comæata satis instruxisset, eam dedere coactus, in Africam fugit, ut regis iras evaderet. Caterum Alfonsus Castellæ rex adulta ætate contractis copiis Hispaniam accessit, ad cujus signa Jacobus Exerica cum præclaro Aragonum agmine se contulit: cum accepto ditionis Heracleæ nun-

¹ Tom. IX. p. 1. Ep. secr. pag. 108. Jo. Vill. I. N. c. 225. Mar. de reb. Hisp. I. XVI. c. 4. Sur. I. VII. c. 48. — ² Ead. pag. 108.

tio rex, antequam muniretur necessario com-
meatu illum cingere obsidione decrevit, metatus-
que castra, cum tardius Hispali veniret classis,
laborare inopia victuum cepit, ac milites, qui e
castris discedebant, in hostium servitute cecide-
re : tantaque Christianorum, quos variis exen-
sionibus Barbari cepere, multitudo fuit, ut in-
genti nominis Christiani opprobrio singula capita
nummo aureo venderent.

Inter hæc mala, cum trepidaret Hispania, ne
ut olim obtenta Heraclea Africanorum eluvio illam
inundaret, maxime si Marrochitanus cum Tremi-
seno fœdus junxisset, nonnulli impii Castellani
proceres nimirum Emanuel, Joannes Lara, Joanes
Harrus Camerorum regulus sociique factiosi,
Castellæ fines deformarunt : quibus malis con-
flictatus Alfonsus, turpissimum sed necessariam
pacem ad quadricennium confecit, relentis a Bar-
baris arcibus, quas in eo bello ceperant, ac sub-
lato vectigali, quod reges Granatenses pendere
Castellani consueverant. Verum Mahomades haud
diu concitati in Christianos belli adhibitaque sa-
vitæ pœnas effugit, a suis, qui illi communi
mensæ cum Castellæ rege Christiano accubuisse
objecerunt, mense Augusto contrucidatus.

21. *Pontificis curæ pro Catalanis et Ligi-
bus conciliandis.* — Non potuit, ut refert Surita¹,
Alfonsus Aragonum rex eo in bello bellicam suam
virtutem, ut optabat, explicare cum hydropse labo-
raret : cujus etiam vires Genuense bellum admo-
dum distraxit, ne universam armorum molem,
duce Jacobo Exerica, in Barbaros verteret. Impen-
derat superiori anno Pontifex ad illud sopiendum
curas, ac Genuenses Catalanis et Balearibus con-
ciliandos; captumque concordie tractatum pro-
movere hoc anno meditatus² IV id. Februarii
Elionoram reginam, ut maritum ad id adduceret,
hortatus est. Conjungebat etiam cum Pontifice
studium Robertus Siciliæ rex; auctorque Joanni
extitit, ut Genuenses ad pacem urgeret, dirimen-
damque litem susciperet. At Pontifex Aragonio et
Baleari significavit³, a se in ea causa ipsis incon-
sultis sententiam non latum iri : ut vero Genuen-
ses ad ineundam concordiam, quemadmodum ex
Roberti regis consilio constitutum erat, provoca-
ret, VI kal. Aprilis ipsis obtulit, se dirimendæ
æquitatæ discordiæ munus paterno studio susce-
pturum, atque ad pacem, pellicere, adductis in
medium ingentibus malis, quæ inde erumpebant,
conatus est. Non abhorrere a pacis consiliis Ge-
nuensis præ se tulere, conventumque est, ut Ara-
gonii, Baleares ac Genuenses oratores ad aulam
Avenionensem mitterent.

Solvisse hoc anno Romanæ Ecclesiæ in festo
Apostolorum Petri et Pauli Alfonsum regem Ara-
gonum Sardinie et Corsicæ census medium par-
tem, cum alteram ad tempus aliquod Pontifex

liberaliter remisisset, uti suo loco diximus, docet
syngrapha Pontificia⁴, mille nimirum marchas
justorum sterlingorum, quæ constabant, ut ait,
« in quatuor millibus centum septuaginta duobus
floreus auri undecim solidis et quatuor denariis
coronatorum. Singulis marchis pro quatuor flore-
nis auri duobus solidis et quatuor denariis coro-
natorum computatis ». Sunt aliæ plures de illato
in Pontificio aerarium hoc⁵ anno et sequenti⁶ a
Roberto rege Siciliæ vectigali syngraphæ in Pon-
tificio Regesto, quæ indicasse suffecerit.

22. *Delphinus Sabaudum bello appetit et mo-
ritur.* — Interea recrudescuntibus inter Aymonem
comitem Sabaudie et Guigonem delphinum Vien-
nensem veteribus discordiis, Pontifex archiepisco-
pum Aquensem et Mimatensem episcop. XVII kal.
Augusti inducias Pontificio nomine illos inter
inducere jussit⁷, atque ad censuras earum vio-
latoribus incutiendas auctoritate instruxit. At
delphinus spretis Apostolicis monitis Sabaudie
arcem, quam obsidione cinxerat, oppugnare non
desistebat⁸; cum saxo ballista hostili contorto
elusus ad divinum tribunal raptus est. Infelix
mortis genus impudice ejus vitæ consensit : pe-
tulantem enim in struendis aliorum conjugibus
insidiis fuisse, describunt auctores⁹. Significalam
ferunt⁷ divinitus miserandam delphini mortem Caro-
lo principi Joannis regis Boemiæ filio, qui postea
imperium gessit : vidisse enim in somnis præ-
stantem forma juvenem raptum in sublime, atque
genitalibus inhumaniter exsecari : interroganti
vero cur tam eleganti forma juvenis adeo atroci
supplicio discrucietur, responsum esse, damna-
tum a divino Numine eo pœnæ genere, qui impu-
dice aliena cubilia attractasset : elapsis ab eo
cælesti viso paucis diebus relatum, Guigonem
Delphinum sub id tempus confossum, ut dictum
est periisse : Carolum porro, ut cælestis moniti
memor esset, ac ne infelici alterius exemplo lasci-
viret, templum B. Virgini posuissæ in Parmensi
agro eo in loco, in quo per nocturnam quietem
ea species observata erat, atque ad celebrandum
in eo divinum cultum vectigalibus locupletasse.

Cum vero tristem Delphini casum audisset
Pontifex, archiep. Aquensi et Mimatensi episc.
provinciam dedit⁸, ut si qua Christianæ pœni-
tentiae signa in extremo vitæ actu dedisset, anathe-
mate exsolverent. Cæterum interfecto Delphino,
ipsius exercitus dissipatus non est, sed arcis
oppugnationem majori ardore urgebat⁹ : qua
impetu capta, ad tristem vindictam de Guigonis
cade satandam praesidiarios milites in ea inventos
ballistis extra mœnia contorsere. Successit in prin-
cipatu Delphinatum Robertus Guigonis frater qui

¹ Par. 1. Ep. secr. pag. 69. — ² Ead. p. 1. pag. 69 et p. 2.
pag. 308. — ³ Ead. pag. 313. — ⁴ Tom. VIII. p. 1. Ep. secr. pag. 57.

— ⁵ Joan. Vind. l. x. c. 225. — ⁶ Paul. Emil. in Philip. IV.

⁷ Car. IV. imp. in Vit. sua. Æneas Sylvian. in Hist. Boem. c. 33.

Paul. Emil. in Phil. IV. — ⁸ Tom. ix. p. 1. Ep. secr. pag. 57. —

⁹ Jo. Vill. sup. cap.

¹ Sur. l. VII. c. 18. — ² Tom. IX. p. 1. Ep. secr. pag. 153. —

³ Ibid. et post eand. Ep.

tum Neapoli cum rege Siciliae versabatur : ipsum autem cum Aymone Sabaudiae comite pacem pepigisse, refert Joannes Villanus ¹.

23. *Anglum inter et Scotum orta dissidia, belorum semina.* — Inter haec Philippus gravissimo externo bello implicari coepit, quo demum expeditio Asiatica, quam voverat, disturbata : ac nata illa crudelissima inter Anglos et Gallos, ut refert Joannes Villanus ² odia, quae tantum sanguinis fuderunt : Davide enim et Baliolo, qui superiori anno parva elatus victoria ad Sconam regnum iniverat ³, de sceptro Scotico certantibus, Eduardus Baliolum beneficio ejus Scotiam acceptam se relaturum pollicentem, tuendum suscepit ; quem Pontifex ab inferendo bello propositis ingentibus, quae inde emergerent, redundarentque in rei Catholicae exitium calamitatibus, abducere subiectis verbis est conatus ⁴ : « Regalem rogamus excellentiam, et in Domino attentius exhortamur, quatenus strages corporum, lapsus rerum et animarum amplius plangenda pericula, innumeraque alia dispendiosa discrimina, quae non sine divina offensa dissensiones et guerrae praeterita prodixerunt, ac periculosiora, quae secum si suscitarentur ulterius traherent, adducens in regiae considerationis examinae ; et attendens nihilominus diligenter innumera ex eadem pace, si observetur, ut decet et expedit, tibi et eidem regi, ac utriusque subditis fidelibusque ahis, et maxime transmarino passagio, quod ad Dei laudem, exaltationem fidei, et animarum salutem procuratur his temporibus, proventura ; et insuper quanta, si pax sic facta solemnitur, ac tantis et talibus affinitatis et parentelaeviculis stabilita per te, fili charissime, violaretur, quod absit, tribueretur materia hominibus obloquendi ; ad observationem pacis ejusdem inviolabilem summ celsitudo regia studeat animum inclinare, non permittendo aliquid attentari in contrarium, et attentata pro parte regia vel subditorum ejusdem faciendo nihilominus revocari : praesertim cum praefatus rex Scotiae paratus sit, ut intelleximus, facere illud idem. Datum XVI kal. Aprilis, anno xvii ». Nec minus operae posuit ⁵, ut ad colendam cum Anglo pacem Davidem perpelletet, cui etiam objecit ⁶, ipsum bello causam praebuisse, cum promissa a parente Roberto Brusio non perfecisset, quae ut abjecta omni mora in opus perduceret, est adhortatus. Dum haec ad conciliandos reges Avinionis scribebat Pontifex, reges validis succincti exercitibus (David enim ad solvendam Warvici obsidionem advolarat) infestis animis concurrere. Inclinauit ad Anglos victoria, et Warvicum Anglia restitutum : moxque decreti a Pontifice Geraldus Othonis summus Minoritarum praefectus, et Arnaldus e S. Michaelis Ordinis Praedicatorum religiosus vir Apostolici nuntii, quo

dissidentes reges ad pristinam concordiam adducere stunderent ¹. Rogata etiam Isabella regina Eduardi mater ², ut filio pacis consilia instillaret.

« Joannes, etc. Isabelli reginae Angliae.

« Non sine multa mentis amaritudine percipimus his diebus, quod zizaniae sator concutorumque malorum inceptor inter charissimos in Christo filios nostros Eduardum Angliae natum tuum et David Scotiae reges illustres adeo gravis dissensionis injecit semina, quod jam ad tam graves congressus bellicos processerunt mutuo, quod, prohi dolor ! gens innumera in eis dicitur cecidisse : nec his contenti ad graviora inferenda hinc inde, sicut asseritur, se disponunt ». Et infra, ubi subiecit, se ex Apostolica sollicitudine ad extinguendum bellum atrox Geraldum Othonis Minoritarum supremum praepositum, atque, Arnaldum e S. Michaelis Ordinis Praedicatorum inter-nuntios mittere, addit : « Tuam excellentiam exhortamur attentius in Domino et rogamus, quatenus pacis commoda et dissensionum discrimina consideranter attendens, nuntios praefatos benigne recipias, eisque favoribus opportunis super praemissis assistas summi pacificique regis intuitu, ac nostrorum praecaminum interventu, dictum regem natum tuum inducendo sedule, atiasque dando opem et operam efficaces, ut pax Deo grata, et hominibus bonae voluntatis desiderata plurimum, regibus praedictis et eorum regnis proveniat, Terraeque Sanctae negotio (cui per discordiam regum ipsorum impedimenta praestarentur noxia) profutura, ut per hoc illum tibi retributorem tuae sollicitudinis et laboris constituas, qui fidelium obsequia in retributione iustorum sine retributione ineffabili non relinquet. Dat. XVII kal. Octobris, anno xviii ». Susceperant illi iter ad aulam Gallicam, cum Davidem Scotia discessisse acceperunt ³ : cumque Pontifici significassent, accessum suum in Angliam nullam utilitatem allaturum, ad Sedem Apostolicam sunt revocati ⁴. Davidem porro regem in Gallias cum uxore fugisse tradunt ⁵.

24. *Irrita Joannis consilia repetendi Urbem quam factiones dilaniant.* — Interea Joannes restituere Urbi Apostolicam Sedem meditabatur ⁶ : ea enim de causa Philippo⁷ et Cambrillaco injunxerat anno superiori, ut sacram stipem, a fidelibus altari S. Petri illatam, ad Pontificias aedes instaurandas atque hortos excolendos derivaret : verum a Philippo⁸ Francorum rege solitis verborum lenociniis est ab eo consilio retardatus, cui rescripsit iter se nisi ipso consulto minime initurum : « Super recessu, inquit, nostro de Avinione versus partes Italiae differendo celsitudinis regiae litteras meminimus recepisse : ad quae tale damus tenore praed-

¹ Tom. ix. p. 2. Ep. secr. pag. 208 et 209. — ² Ibid. pag. 209.

³ Par. 1. Ep. secr. pag. 219. — ⁴ Par. 2. Ep. secr. pag. 191.

⁵ Jo. Vill. l. x. c. 224. — ⁶ Tom. ix. p. 1. Ep. secr. pag. 285.

⁷ Tom. viii. p. 2. Ep. secr. pag. 285. — ⁸ Tom. ix. p. 1. Ep. secr. pag. 108.

¹ Jo. Vill. sup. cap. — ² Jo. Vill. l. x. c. 124. — ³ Ibid.

⁴ Tom. ix. p. 1. Ep. secr. pag. 127. — ⁵ Ead. p. 1. pag. 127.

⁶ Ibid. pag. 117.

sentium responsum, quod viam prædictam aggredi non intendimus nisi ea ac ejus causa antea excellentiæ regiæ intimata. Dat. II kalend. Martii, anno xvii». Certabant officiis cum Joanne Romano, ut ipsum ad Urbem repetendam alliceret : atque ideo urbanorum magistratum jus auctoritatemque communibus suffragiis ipsi tradidere, restitutis nimirum Ecclesiæ vetustis juribus, quæ ob Pontificum diuturnam absentiam contra fas invaserant. Delata admisit Joannes, Urbique Robertum Siciliæ regem præfecit¹, ut Romanos illius potentia atque auctoritate in officio contineret. At construisset feliciter Italiæ Sedisque Apostolicæ dignitati, si ipsemet, relicta Avenione, Urbis atque Italiæ curam suscepisset, saluberrimaque consilia in opus perduxisset. Neglexit² enim rem Romanam Robertus rex, ac Joannes et Bertrandus Sedis Apostolicæ legali, ruentem rem Ecclesiasticam non sustentarunt. E Pontificis primum absentia Romani proceres, laxatis fidentia habenis, quasi nullius imperiis essent obnoxii, Ursini præcipue et Columnenses atroci inter se bello certabant.

23. Auxit malum Joannes Ursinus Sancti Theodori diaconus cardinalis Apostolicæ Sedis in Etruria legatus : graviore enim dolore ex Bertaldi et Francisci nepotum factione Stephani Sciarre Columnæ filii interfectorum eade percitus, Columnensium eversioni inhians contra Sedis Apostolicæ dignitatem auctoritatemque Pontificiam, provinciam bello concussit, ac Stephanum Columnam et liberos est insectatus : quem Pontifex arma ponere, ipsumque ab effrenata ira continere gravissimis hisce litteris jussit³ : partes enim judicis se in ea causa suscepturum :

« Joannes, etc. Joanni S. Theodori diacono cardinali A. S. L.

« Displacenter nimis audivimus, quod nuper recepta lugubri morte illorum nobilium nepotum tuorum, requisitis amicis et civitatibus omnibus convicinis, grandique equitum ac peditum exercitu congregato, hostiliter castrum Jovis obsidens, in B. Petri patrimonio constitutum, quod ad dilectum filium nobilem virum Stephanum de Columna seu, prout alii asserunt, ad dilectum filium nostrum Joannem S. Angeli diaconum cardinalem ejus filium noscitur pertinere ; quanquam nec dictus nobilis interfuerit stragi prædictorum nobilium, nec sit verisimile, quod ad id consilium, auxilium præstiterit vel favorem ; ipsumque tandem obsessum tenueris, quousque ipso per violentiam habito ipsum dederis in ruinam. Adhuc ad nostram notitiam est deductum, quod præfatus exercitus Urbem potenter ingrediens, præfatum Stephanum de Columna ac suos totamque illam regionem, in qua moram trahere noscitur, hostiliter est ingressus ; nec his contentus, ad invadendum castra alia et terras ipsius, et contra personas

ipsorum Stephani liberorumque suorum et familiarium, Dei timore postposito, et Ecclesiæ prostrata reverentia, se disponit.

« Attende, fili, et diligenter considera quantum Denu offenderis in hac parte. Ad ipsum quidem pertinet per se vel suos ministros illatas injurias alicui vel aliquibus vindicare : tu vero non erubisti ejus officium usurpare temere, cum nec per ipsum, nec per nos ejus ministrum, deputatus ad prædicta fueris perpetranda. Adhuc, fili, considera quantis per præmissa expositis periculis statum tuum : constat equidem, quod obsidio, expugnatio et demolitio dicti castrî et præmissa aggressio contra jura scripta extiterint attentata, ex quibus dicuntur hinc inde secuta vulnera, mutilationes et strages. Constat quoque contra Constitutionem nostram, per quam est, ne in Terra prædicta patrimonii alicui jus sibi dicere liceat, interdictum sub pœnis gravibus, attentata præmissa. Nos insuper non leviter offendisti, quod in terra patrimonii B. Petri præmissa tentaveris, a quibus debebas alios coercere. Attende insuper si talia ad cardinalis Apostolicæ Sedis legati officium in terra Ecclesiæ, in qua nulla sibi temporalis jurisdictio est commissa, valeant pertinere. Et si dicas, te non fecisse præmissa, sed ea nepos tuus frater mortui perpetravit ; certe talis excusatio non est sufficiens reputanda, cum nec præmissa sibi liceant, nec posset ea sine tuo subsidio, consilio et auxilio adimplere, etc.» Addita imperia ut ceptis absteret, seque conferret in Etruriam ad legati munus exercendum. « Datum XIII kal. Septembris, anno xvii».

26. *Pontificia pro Italia pacanda studia.* — Laud ita feliciter Pontifex Insubriæ bella extinguere potuit. Pepigerat¹ ob id anno superiori cum Joanne rege Boemiæ, dum ad Sedem Apostolicam accessit, arcanum fœdus ; Gallicisque, duce comite Armaniaco, succinctus copiis Boemus ad summendam de Azone Mediolanensi vicecomite et Alberto ac Mastino Scaligeris, qui nonnullas fidei et clientelæ regiæ addictas urbes ipsi eripuerant, ultionem inhiabat ; cum Pontifex ut attritam continuis bellis Insubriam levaret, Apostolicos nuntios Bernardum de Apiano sacristam Magalonensem, et Petrum Marini canonicum Xantonensem misit, ut illum cum Azone et Scaligeris conciliarent, litterisque Apostolicis Joannem, Azonem, Mastinum Albertumque, ad amplectenda pacis consilia paterno zelo est adhortatus. Cum vero Joannes rex Pontificem arbitrium controversiæ, quæ ipsi cum Azone intercedebat, excepto Bergamo, delegisset, Azonem monuit Pontifex, ut oratores ad rem æquitate dirimendam ad Sedem Apostol. legaret.

« Azoni de vicecomitibus vicario civitatis Mediolanensis.

« Quia tuum et domus tuæ statum desidera-

¹ Tom. ix. p. 1. Ep. secr. pag. 134. — ² Ibid. pag. 4. — ³ Ibid. pag. 7.

¹ Tom. ix. p. 1. Ep. secr. pag. 107 et 109.

mus prosperum et tranquillum, percepto pridem, quod charissimus in Christo filius noster Joannes rex Boemia illustris per te reputabat multipliciter se offensus, eumque illius esse propositi, quod offensas hujusmodi non intendebat conniventibus oculis petransire; præfato regi, cum esset in nostra constitutus præsentia, suadere curavimus, ut ab offensa tua omnino abstinere deberet, offerentes nos paratos dare operam efficacem quod, si contra ipsum egeras indebite aliqua, de illis sibi emendam faceres competentem: qui prompte respondit, quod super his, civitate excepta Pergamensi, quam in hoc includere noluisti, paratus erat in omnibus ordinationi nostræ stare, gentesque suas instructas et mandato sufficienti nuntias apud nos dimittere, vel quandocumque vellemus ad nostram propter hoc præsentiam destinare. Quare, fili, si hoc idem facere volueris, et ad id procuratores institutos cum mandato sufficienti ad præsentiam nostram transmiseris, nos parati erimus pro pace ac concordia, sicut Deo placere ac honori Ecclesiæ ac utrique parti expedire cognoverimus, efficaciter interponere partes nostras; præsertim cum rex præfatus apud Sedem Apostolicam propter hoc dimiserit gentes suas. Dat. III non. Februarii, an. xvi^o. Flecti ad pacis consilia Azo non potuit, ac Ticino superiore anno potius arcem ab avo extructam expugnavit¹, cumque Joannes Roberti regis factionem, ex qua tot antea bella accensa vidimus, sustentare desiisset, fœdusque cum Boemo rege pacisceretur, Robertus ob vetera odia in Henricum una cum sociis Guelfis adversus Pontificem conjuravit, etsi honestius erat ut Ecclesiæ gratia simultates poneret, quam Ecclesiæ sibi addictissimum, quamquam Roberti inimicum, a se abalienaret.

Ex ea coitione in legatum Pontificum et Boemum regem accepta² ad Ferrariam gravissima clades: nec modo amissæ recuperandæ Ferrariæ spes, verum collapsæ sunt res Ecclesiæ: Franciscus Ordelaffus Forumlivium, Ariminum Malatesta ad defectionem traxere³, sævitumque est in Pontificis administris, Casena⁴ similiter, jugum excussit, illiusque arx sequenti anno ineunte ad deditionem compulsa. Porro Boemus re male gesta una cum filio Germaniam repetiit, cum Lucam oppignerasset, Parmæ Rubeos, Pios Mutinæ præfecisset. Restitutus vero est Luca⁵, Parmæ⁶ ac nonnullis aliis urbibus, ut Saona⁷ et Tuderto⁸, quæ jamdiu luxerant sub interdicto Ecclesiastico, sacerum usus ad constitutum aliquod tempus, ut eo excurrente, Christiana demissione expiato crimine gratiam Ecclesiæ recuperarent.

Cæterum intentatæ sunt hoc anno⁹ mense Novembri cælestes iræ in Florentino adeo, ut horrenda aquarum eluvione urbs illa infelix mersa

esset, nisi Deus clementia vindictam temperasset: vir enim pius Valtisumbrosanus eremita¹ ingentem quasi equestrum copiarum multitudinem tempore nocturno inferre inauduit, aperta quæ cellæ fenestra, turmam demonum veluti ad pugnam instructam vidit incedere: collectoque spiritu et appellato sanctissimo Dei nomine, eos adjuravit, ut ederent quid hujusmodi ostensum significaret; responsunquæ, ipsos procurare ad mergendam aquis Florentiam, si Deus id sineret, ob ingentia civium crimina. Et quidem ea pars urbis, in qua populus intemperanter eodem anno lasciverat, est maxime deformata².

27. *Ungari regis in Siciliam adventus.* — Tentavit Robertus eodem anno Trinacriam, ac Panormi arcem imminetem mari proditione cepit: sed antequam illam milite et comœatu posset, ut par erat instruere, Frederici regis Trinacriæ diligentia recuperata, Robertique regis trirèmes repulsæ. Is porro excepit³ venientem hoc anno, exente Julio, in Siciliam Carolum Ungariæ regem, atque inter Andream illius filium pronepotelem suum et Joannam neptem sponsalia celebravit: solutaque sunt a Pontifice leges de gradibus consanguinitatis, ut controversia de regni successione conciliaretur. (Carolus enim Ungariæ rex ex Caroli II Siciliæ regis majore natu filio Carolo duce Calabriæ regni quæ hærede satus erat) demumque regnum ad Ungari posteros devolveretur: sed ut fallaces sunt humanarum rerum exitus, ignorabat Ungarus tantis hisce curis laqueum filio quæri. Alteri vero primogenito Ludovico Ungariæ sceptrum reservabat utque pericula dissensionum anteverteret, a Pontifice precibus contendit, ut si filius a Strigoniensi archiepiscopo redimiri diademate non posset, alium præsulæm designaret. Cujus votis assensit⁴ Joannes datus ad Colocensem archiepiscopum subjectis litteris.

« Venerabilibus fratribus archiepiscopo Colocensi, Varadiensi ac Zagabriensi episcopis salutem.

« Ex tenore petitionis charissimi in Christo filii nostri Caroli regis Ungariæ illustris in nostram notitiam introductæ percepimus, quod dilectus filius nobilis vir Ludovicus primogenitus suus, dum ipse rex egerit in humanis vel post suum de hac luce transitum, in regem Ungariæ coronandus existat, ad obviandum scandalis et periculis, quæ circa dicti primogeniti coronationem in regem ipsius Ungariæ, ut prædicatur, coronandi multipliciter provenire valeret, et maxime si per venerabilem fratrem nostrum archiepiscopum Strigoniensem, qui est pro tempore, pertineat reges Ungariæ coronare, alter non coronandus forsitan coronaretur, et impediretur legitime

¹ Jo. Vill. l. x. c. 212. — ² Ibid. c. 219. — ³ Ibid. c. 216. —

⁴ Ibid. c. 228. — ⁵ Tom. ix. p. 2. Ep. secr. pag. 268. — ⁶ Ibid. pag. 270. — ⁷ Ibid. pag. 264, 267, 269. — ⁸ Ibid. pag. 274. —

⁹ Jo. Vill. l. xi. c. 1 et 2.

¹ Jo. Vill. l. xi. c. 8. — ² Ibid. l. x. c. 226. et l. xi. c. 4. — ³ Ibid. l. x. c. 226. — ⁴ An. 17. Ep. com. p. 1. lit. divers. formarum 181, 182.

coronandus, seu casu aliquæ vacationis Ecclesiæ Strigoniensis, vel absentie, seu infirmitatis archiepiscopi antedicti coronationem præfati primogeniti in hujusmodi suo regno Ungariæ sibi legitime successuri oportere periculose differri; præfatus rex nobis humiliter supplicavit, ut providere super præmissis de Apostolicæ Sedis circumspecta clementia dignaremur. Nos itaque tam regis et primogeniti, quam domus et regni prædictorum salutem, prosperitatem et pacem zelantes in Domino, et paternis affectibus cupientes, votis quoque dicti regis super iis favorabiliter concurrentes, eidem regi auctoritate litterarum nostrarum ea vice duximus concedendum, quo si dictus archiepiscopus, qui nunc est, seu qui pro tempore foret, tempore coronationis hujusmodi de dicto primogenito faciendæ requisitus per eundem regem seu ex parte sua si requisitionem hujusmodi in vita sua seu per eundem primogenitum, vel ex parte ipsius, si eam post dicti regis obitum fieri contigerit, idemque archiepiscopus, qui est, vel qui pro tempore foret, in loco existeret, ubi commode fieri non posset, ac remaneret vel differret loco et tempore ad hoc ordinandis ad coronationem prædictam procedere, ut tenetur, vel si forsitan alium de facto indebitæ coronaret; ex tunc, et etiam in casu vacationis ejusdem Ecclesiæ Strigoniensis, vel infirmitatis, seu notabilis absentie archiepiscopi antedicti liceret regi vel primogenito præfatis ad vos, quos regia sublimitas et ipsius primogeniti nobilitas esse credunt suos et domus suæ ad ejusdem regni prosperi et pacifici status fervidos zelatores et quemlibet vestrum, de quo rex vel primogenitus jam dicti tunc temporis mauerint, recursum habere pro eadem coronatione dicto primogenito impendenda. Nos igitur ad supplicationem prædicti regis vos, vestrumque singulos ad proseguendum et exequendum prædictæ coronationis negotium juxta subscriptam moderationis seriem auctoritate Apostolica deputantes, fraternitati vestræ per Apostolicas scripta committimus et mandamus, quatenus quicumque vestrum, qui per regem vel primogenitum antedictos, seu pro regis vel primogeniti eorundem parte fuerit requisitus, ex tunc in prænominatis casibus et quolibet eorum auctoritate prædicta hujusmodi coronationis solemniam impendat primogenito memorato. Volumus autem, quod per hujusmodi dictæ coronationis impensionem eidem primogenito faciendam archiepiscopo, qui est et pro tempore fuerit ac Ecclesiæ Strigoniensis jam dictis nullum in posterum, prout superius est expressum, præjudicium generetur, etc. Dat. Avin. II kal. Aug., anno xvii ».

28. *Ludovici Bavari ad Pontificem legatio.*
— Misit Ludovicus Bavarus ineunte hoc anno vel superiori exeunte, quo rem consignat Rebendorfius¹, oratores suos, qui Joannem Christi vicarium

agnoscerent, deposcerentque ab eo in gratiam Ecclesiæ restitui: sollicitatum enim ipsum a Philippo Francorum rege, ut in sinum Ecclesiæ rediret, antea vidimus. Perfunctos ea legatione duos comites de Habs et Oetingen, relict memoratos auctor, ducesque Austriæ Othonem et Albertum intercessisse pro Ludovico apud Pontificem, sed parum ipsos proficere potuisse: repulsæ vero obiectæ rationes Rebendorfius non aperit, quas nos ex Pontificiis litteris mox adducemus. Non instructi erant a Ludovico necessaria ad illius reconciliationem perficiendam auctoritate oratores: nec se Ludovicus ad rite expianda, quæ a se patrata erant, submittebat; imo ut ex ejus litteris² conspicuum est, verbisque obscuris innuit Pontifex, dum rationi minime consentanea ait flagitasse, in imperiali fastigio confirmari postulabat: quam dignitatem cur ipsi denegaret, in litteris³ ad Joannem regem Boemiæ explicuit, ac facile colliget qui Ludovici contra rem Catholicam ac Pontificum majestatem gestorum meminerit. Ut vero erga Ludovici oratores se gesserit Pontifex, non inhumaniter, ut temere quidam effutiant, sed paterne, ex ejus litteris ad Francorum regem datis patebit.

« Regi Franciæ.

« Ut quæ nobiscum egerunt Bavari nuntii celsitudo regia non ignoret, ecce quod quia mandatum sufficiens non habebant, oblataque per ipsos erant insufficientia ad ea, quæ idem commiserat Bavarus, comperta, et quæ petebant per nos sibi fieri erant omnino obvia rationi, tractatum cum eis habere renuimus; hoc eis benignius offerentes, quod si ipsi nobis sufficiens mandatum pro parte sua exhiberent, offerrentque nobis convenientia, et peterent talia, quæ sine Dei offensâ et injuria proximi sint concessibilia, nos sic pie sique clementer erga eundem Bavarum nos habere intendimus, quod se merito poterit commendare: quo re-ponso recepto ad propria remeaverunt. Dat. II kal. Martii, anno xvii ».

Emollitus salutari pœnitentiæ Christianæ spiritu paulo post Ludovicus⁴ ex Christi oraculo, primo querere regnum Dei in animum induxit, sequæ ad regios et imperiales apices deferendos Ecclesiæ gratiæ promerendæ causa paratum exhibere; quæ Francorum et Boemorum regum oratores Pontifici retulere⁵: famamque increbuisse narrat Rebendorfius⁶ ad Henricum inferioris Baviaræ ducem imperium devolutum iri. Sed ut ab eo consilio fuerit revocatus, sequenti anno dicitur.

29. *Moguntini episcopi jura defendit Pontifex.*
— Interea cum nondum sopita esset inter Balduinum Trevirensis et Henricum Moguntinum archiepiscopos de principatu Moguntino controversia

¹ Rebendorf. in Chron. an. 1332.

² Ext. apud Horw. sub an. 1331. — ³ Ext. an. 1336. num. 29 et seq. — ⁴ Tom. IX. p. 2. Ep. secr. pag. 224. — ⁵ Ibid. — ⁶ Rebendorf. in Chron. hoc an.

sia, quæ plura hactenus graviora mala in eam provinciam invexerat. Pontifex Apostolicum munium Geraldum e Bisturæ decanum Andegavensem capellanum Pontificium in Germaniam misit¹. Movebat injuste hoc bellum Balduinus², qui ambitione ductus Henricum a Pontifice Moguntinæ præfectum Ecclesiæ exagitabat, ac scelus ea executione colorabat, se a canonicis Moguntinis electum fuisse: cum tamen tempore constituto ex legibus canonicis partem iura non promovisset, Sedique Apostolicæ præficiendi illi Ecclesiæ pastoris cura esset reservata. Balduinum itaque Joannes gravissimis sententiis, ab inferendis Henrico vel ejus clientibus injuriis se continere jussit: nil juvare, hominem totius orbis imperium animæ damno consequi: mulcendas potius divinas iras, suasque rationes ita constituendas, ut apud divini Numinis tribunal securus consisteret; neque adeo terrenorum amore se irretiri pateretur, ut ad cælestia non aspiraret.

« Joannes etc., Baldewino archiepiscopo Trevirensi.

« Sane, sicut tua novit fraternitas, dudum vacante Moguntina Ecclesia dispositioni Apostolicæ reservata, eidem Ecclesiæ de venerabili fratre nostro Henrico archiepiscopo Moguntino duximus providendum, qui nescimus quorum seductus consiliis sub colore, quod nonnulli canonici te in administratorem ejusdem Ecclesiæ ordinaverant, se opponens, ipsum in sua administratione multipliciter impedis, sibi quæ adherentes gravare modis variis non omittis: ex quibus utique fama tua multipliciter lœditor, ac de ambitione damnabili ab amicis et æmulis judicaris. Quare fraternitatem tuam hortamur in Domino et rogamus, qualenus illud verbum Dominicum: *Quid prodest homini, si universum mundum lucretur, animæ vero suæ detrimentum patiat?* consideranter attendens, necnon et illud: *Vigilate, quia nescitis qua hora Dominus sit venturus*; considerans diligenter, a tantis te periculis festines eripere, ne subito ejus ira in te deserviens animam a corpore separet, teque in tempore vindictæ disperdat: sed potius te sibi reconciliatum ad æterna gaudia introducat, quod tibi clementer concedat, qui sine fine vivit et regnat. Amen.

« Et ecce dilecto filio Geraldo de Bisturæ decano Andegavensi capellano nostro, quem ad partes illas dirigimus, per alias nostras patentes litteras committimus, ut ad vos in amoris et charitatis uniendo vinculo operosum studium interponat; cujus exhortationibus acquiescas salutaribus velut nostris. Et si forsitan aliquid difficile se offerret, quod e vestigio expediri non posset, non differas propterea dictam Moguntinam Ecclesiam eidem archiepiscopo expedire; scilicet pro certo, quod nos quæcumque rationabiliter petieris, tibi faciemus per dictum archiepiscopum expediri.

Insuper injunximus decano prædicto, ut ab eodem archiepiscopo juratorem et aliam recipiat cautionem, quod super prædictis nostris parebit omnino beneplicitis et mandatis. Datum II kalend. Maii, anno xvi.³ Aliis vero litteris Apostolicis excitatus archiepiscopus Coloniensis⁴, ut Trevirensis ad pacem cum Moguntino ineam adduceret, ac Moguntinus ipse⁵ ut nuntii Apostolici adhortationibus studiisque obsecundaret. Coaluisse demum feliciter illos inter optatam concordiam, refert ex Trithemio⁶ Serarius⁷, ac Balduinum archiepiscopum Trevirensis iuribus, quæ se in Moguntino archiepiscopatu habere contendebat, coram nuntiis⁸ Apostolicis cessisse, de quibus suo loco.

30. *Mortuo Wladislaw, succedit Casimirus in regno Polonie.* — In Polonia obiit hoc anno Wladislaw Loktegas senior, bellicis quæ laboribus adversus cruciferos impensis atritus, quem Poloniæ intermissam regiam dignitatem contra Joannem regem Boemiæ, qui etiam Poloniæ regem se dixerat, restituisse vidimus: eique subrogatus est communibus Polonorum votis Casimirus filius⁹, qui in extremo bello magna virtutis militaris exempla explicuerat, atque a Janislaw archiepiscopo Gnesnensi, sacris operantibus pluribus aliis episcopis, regia inunctione delibutus et corona redimitus, ut refert Michovius⁷: « Anno, inquit, Domini mcccxxxiii, in festo S. Marci, quod in diem Dominicum cadebat, dux Casimirus in regem, Anna vero consors ipsius in reginam Poloniæ in Ecclesia cathedrali Cracoviensi per Janislaw archiepiscopum Gnesnensem, assistentibus ei Joanne Cracoviensi, Joanne Posnaniensi, Matthia Wladislavensi, Stephano Lubucensi episcopis et baronum ac nobilium Poloniæ magna copia, iuncti et coronati sunt ». Consentit Cromerus Michovio, et utque addit, reginam Hedwigem viduam matrem Casimiri aliquandiu repugnasse, ne Anna nura corona una cum viro cingeretur, eo niam argumento unum regnum duas reginas non pati; demum filii precibus victam assensisse: calceasse mox regium fastum melioris regni spe, utque liberius celestibus rebus vacare posset, veterem Sandaciam se recepisse, atque in cœnobio sacrarum Deo virginum præscripta a S. Francisco religiose vite formula solemniter voto se adstrinxisse, ac reliquam ætatem jejuniis et orationibus sanctissime exegisse.

31. *Fides in Tartaria amplificata, missis a Pontifice nuntiis et litteris ad principes et populos.* — Efflorescebat⁸ his temporibus in Tartarorum imperio religio Christiana ad maximum decens, pluresque populi divina luce collustrati Christiana sacra amplexi sunt, ut Pontificiæ ad Leonem Armeniæ regem docent litteræ⁹: « Ha-

¹ Tom. ix, p. 1. Ep. secr. pag. 125. — ² Ibid. — ³ Trith. in Chron. Hirs. sub an. 1328. — ⁴ Serar. l. v. Mog. rer. in Henr. III. — ⁵ Tom. ix, p. 1. Ep. secr. pag. 126. — ⁶ Cron. l. xii et xiii. — ⁷ Michov. super cap. — ⁸ Tom. ix, p. 1. Ep. secr. pag. 111. — ⁹ An. 48, p. 1. Ep. com. ccciv.

¹ Tom. ix, p. 1. Ep. secr. pag. 122. — ² Ibid. pag. 125.

bet», inquit Joannes, «fide digna relatio veritatis suffulta suffragiis, notumque tue celsitudini esse potest, quod in Terra Tartarorum jaududum per divinæ miserationis gratiam et ministerium prædicationis verbi Domini, quod nonnulli fratres Ordinis Minorum in Terra prædicta exercuerunt et non desinunt exercere, multitudo indigenarum ad veram ejusdem fidei lucem de suorum errorum tenebris est conversa, et multi alii, qui ab ipsius fidei rectitudine declinabant, ad ejusdem Ecclesie gremium sunt reversi; et sicut devote creditur et verisimiliter speratur in Domino, terræ præfate hominum necdum conversorum diffusoris multitudinis conversio, Deo largiente, succedet». De his secundis fidei progressibus libellum Pontifex ad regem Francorum transmisit¹, ut ipsum ad restituendum Syriæ Christi cultum magis accenderet. Illatum fuerat Evangelium in remotissimas illas oras a Joanne e Monte Corvino primo Cambaliensi archiepiscopo, quem primum a Nicolao IV² ad Aragonem regem Tartarorum missum, deinde a Clemente V³ creatum Tartarici imperii archiepiscopum triginta Saracenorum millia ad fidem convertisse testatur Odoricus Forjuliensis⁴, qui eas tunc regiones perlustravit: ex quo quanta ethnicorum aliorum multitudo Christianis sacris initiata sit colligi potest. Cum vero Joannem archiepiscopum, laborum præmia in cælo quesiturum, ex hac vita abiisse ad Sedem Apostolicam perlatum esset, consulturus Orienti Joannes papa Nicolaum Minoritarum virum virtutibus insignem creavit archiepiscopum Cambaliensem, et cum amplo virorum religiosorum comitatu, quos ad fundendum pro Christo sanguinem ac subeundis alacriter omnes labores divinus amor inflammavit, in Tartariam misit: eumque per Armeniam iter habiturus esset, Leonem Armeniæ regem, ac Jacobum Armenorum catholicon exire rogavit⁵, ut perhumaniter ipsum ac socios acciperent; et impense magno Cham sive imperatori Tartarorum commendavit, egitque gratias ipsum imperialem hactenus benevolentiam in præcones Evangelii Christianosque neophytos explicuisse: hortatus est, ut baptismalia sacra susciperet; denique proposuit amplissima præmia, quæ in cælo fidelibus a divina liberalitate essent reservata. Exemplum Apostolicarum litterarum infra scriptum est⁶.

32. «Magnifico viro magno Cani regi Tartarorum Deum diligere ac timere.

«Accedit ad tue magnitudinis laudem, gloriam et honorem, quod sicut famæ præconium et fide dignorum relationis affectus ad Apostolatus nostri audientiam perduxerunt, tu jactans tuum in Dominum cogitatum, et promereri cupiens apud

eum, Christianis in regno, et terra tui domini commorantibus, et aliis indigenis ad fidem orthodoxam conversis, et in ea neophytis mansuetudinem favoris impendis, et benignitate favorabili tractas illos. Ad nos quoque, qui licet immeriti, Domini nostri Jesu Christi vicariatus officium in orbe terrarum gerimus, habes et ostendis admodum affectum reverentiæ filialis, ex quibus nomini et statui tuis titulus amplæ et dignæ commendationis attribuitur, tuque tibi prout Creatoris cæli et terre gratiam vindicabis, per quam in præsentis vite cursu Domini altitudo suscipiet firmitatem; et postquam carne solutus fueris, sicut naturaliter solvitur omnis caro, apud maiestatem Regis regum æternam, qui potens est salvare rationalium et mortalium animas universas, si credideris in eum et baptizatus fueris, legemque susceperis Christianam, requiem imptabis sempiternam.

33. «Ecce igitur nos, qui tuam et totius regni tui salutem perpetuam sinceram in Domino dilectione zelamus, ejusque fructum salutiferum et perennem tibi et ipsi regno cupimus provenire, ut hæc feliciter et efficaciter valeant per misericordiam summi Patris succedere, venerabilem fratrem nostrum Nicolaum archiepiscopum Cambaliensem Ordinis fratrum Minorum professorem, virum quidem in devotione ac fide Catholica fervidum, eminenter in sacra Scriptura peritum et expertum in opere ac sermone, virtutum comitiva stipatum, fama præclarum, a nobis ex multis bonis et idoneis religiosus electum, et ad Cambaliensem archiepiscopatum de fratribus nostrorum S. R. E. cardinalium consilio promotum, præsentium exhibitorum, cum decenti et sufficienti, honesta et virtuosa comitiva fratrum dicti Ordinis ad Ecclesiam suam Cambaliensem, tuamque præsentiam, ac partes et loca et terras tui domini providimus salubriter destinandum: ut ipse ac dicti fratres collaterales eidem more sanctorum Apostolorum (qui dispartiti ore Dominico, et Spiritus sancti gratia illustrati, serendo verbum Dominicum, cuncta mundi climata, prout eis adscripta fuerant peragraverunt) conjunctim et separatim, prout eidem archiepiscopo et fratribus visum fuerit salubrius expedire, regnum et terram prædicta, aliasque regiones adjacentes circumant et frequentent, ac juxta datam eis a Domino prudentiam verbum Dei evangelizare studeant cum diligentia operosa, medela prædicationis salutiferæ linientes illorum oculos, qui adhuc gloriam Domini non viderunt, eosque ad dictam fidem perfectam et lucidam, Christi, sanctorum et sanctarum miraculis certissimis comprobata, dulciter converteutes; et tam ipsos quam alios ad fidem ipsam jam feliciter conversos, et neophytos in eadem pascentes eruditionis salutiferæ nutrimento, etiam in fide prædicta cum infusione cælestis miserationis et gratiæ roborando.

34. «Hæc est enim fides recta, meritoria et

¹ Tom. ix. p. 1. Ep. secr. pag. 111. — ² Annal. tom. xiv. anno Car. 1289. num. 60. — ³ Tom. xv. an. 1304. num. 19. — ⁴ Wading. Annal. tom. III. hoc an. num. 1. — ⁵ An. 18. p. 1. Ep. com. ccciv. — ⁶ An. 18. p. 1. Ep. cur. iv. Ext. etiam in Ms. Arch. Vat. de reb. Tart. Ann. et al. mssid. et sch. pag. 26.

salubris, quam cælicus agricola seminavit et irrigavit, ad tinctus copiosos perduxit, diffudit et divulgavit usque ad terminos orbis terre mundialis, et quam dicta Romana Ecclesia mater cunctorum Christifidelium et magistra docet, prædicat atque credit; extra quam non est penitus ulla salus: per istam innocens anima Christiana, quam fore pretiosiorum corruptibili corpore perpetuam ambiguum non existit, inter agmina collocatur civium cælicorum. Cum ergo sit thesaurus incomparabilis præmium beatorum, felix qui per temporalia sic pertransit, quod æternæ felicitatis bravium assequatur: hoc siquidem bravium per susceptionem et observationem dictæ fidei, bonorumque operum executionem acquiritur. Et quamvis per ipsius fidei callem recte incedere difficile videatur, mentalis tamen oculus fide ipsa Catholica media, dum eam credit, intellectualiter intuetur divinam omnipotentiam et gloriam supernorum, sicut luce videt materiali carnis oculus mediante.

« Magnitudinem itaque tuam attente rogamus et hortamur in Domino Jesu Christo, quatenus pro ejus reverentia et honore, qui te produxit adesse, conservat in esse, tibi que imperanti super tam gloriosum, quamquam transitorium et pompage fastigium subiecit tantam et tam diffusam multitudinem populorum; prælibatos archiepiscopum et fratres, cum ad regnum et terram tuam jam dicta tuumque conspectum pervenerint, vultu sereno recipias, et a tuis subditis recipi jubeas, sincero et mansueto affectu pertractes et facias pertractari; habeasque tam illos quam eandem Ecclesiam Cambaliensem, cunctosque Christianos in regno et terra prædictis manentes, necnon conversos et, Deo propitio, convertendos ad fidem eandem infra tuum dominium constitutos, cum piæ humilitatis dulcedine affluente favorabiliter commendatos; eis in iis, quæ circa suscipiendam per te, Deo vivo et vero inspirante, sacri Baptismatis gratiam, legemque Christi, et alia tuæ salutis commoda duxerint exprimenda, prædicanda et consulenda, benignum auditum aperiens et attentum exhibens intellectum: illaque recipiens tanquam donum divinitus missum tenaciter in tabulis memoriae tuæ scribes, credas firmiter, operose, fideliter et perpetuo exequaris, sisque aliis tuis subditis salutis exemplar, ut una tecum itique ad instar ad Dominum convertantur, dictamque legem Christi suscipiant et observent, tecumque gloriantur nomine Christiano, et salvi fiant, nec pereant in æternum. Itaque misericordiarum Dominus atque pater tui abundanter misereri dignetur, conseruatque tibi jugiter in hujus vite stadio plenitudinem pacis et gaudii, et post tui dissolutionem carnem ad æternæ jucunditatis ferias te perducit, et glorianter collocet in excelsis. Nos nempe, ac eadem Romana Ecclesia tibi copiam benedictionis uberrime pollicemur omnitem ore proventuram, et devotis affectibus exora-

bimus miserantem clementiam summi patris, ut nunquam in te deficiat fides sua, quam in tuis præcordiis duxerit inserendam; sed pro bonis, quæ feceris, centuplum de polorum altitudine in terris percipias et supernis. Datum Avinione kal. Octobris, anno xviii ».

35. Pellicere alios etiam Tartarorum reges ad Christi cultum enisus est Pontifex, maximeque Sochum et Chigista regem Corum, quos nulla ratione facilius solum firmatus monuit, quam si religionem Christianam in suis regnis tuerentur: tum ad cælesti consecrandum imperium, ac fovendos Evangelii præcones sollicitavit. Inscriptæ vero sunt regi Corum Pontificiæ litteræ in Regesto, subjectaque verborum forma conceptæ¹:

Magnifico viro Secede Chigista regi Corum (Æorum.) Deum diligere et timere.

« Deo vivo et vero, Regi regum et dominantium Domino gratum præstas obsequium, cum Christianos sive antiquos sive novos, in fide Christi commorantes in regno tuo, benigna humanitate prosequeris, et favoris mansuetudine tractas illos; quod quidam lætanter audivimus te fecisse. Unde cum hoc nomini tuo bonam famam adjicias et honorem, tu levans tuæ mentis oculos ad divinæ omnipotentiam majestatis, circa id benigne continues in posterum, quod hucusque laudabiliter effecisti: nam ab hoc in gloria firmabitur tuum solum dicti regni, et si credideris in Dominum nostrum Jesum Christum et fueris baptizatus, legemque Christianam, sine qua nullus salvatur, susceperis et impleveris, salvus eris. Interjectis nonnullis, quibus ex Apostolico munere se præcones Evangelicos in eorum regna ad imbuedos Christiana fide populos submisisse significat, hortatur enim, ut Nicolaum archiepiscopum Cambaliensem regis studiis complectatur. « Dat. Avinione kal. Octobris, anno xviii ».

36. Sollicitatus est similibus litteris ad fidem amplectendam fovendamque Usbech Tartarus², qui in Gazariam imperabat: cumque plures infideles in ejus regno Prædicatorum et Minoritarum opera ad Christum essent traducti, ac schismatici in Ecclesiæ sinum revocati, Pontifex Vosprum Urbem insignem metropolim constituit³, sanxitque ut Ecclesia S. Michaeli Archangelo sacra excitaretur, cui Franciscum et Camerino Dominicane familie religiosum virum præfecit.

« Joannes, etc. venerabili fratri Francisco de Camerino archiepiscopo Vospreni.

« Nuper ex certis rationabilibus causis locum vocatum Vosprum, situm in terra Gazaria, quæ in Terre Tartarorum vastitate consistit, populosum, insignem, aptum et accommodum, rerumque temporalium ubertate fecundum, ad divini nominis tandem et gloriam, honorem ipsius Ecclesiæ militantis, et exaltationem fidei supradictæ de

¹ An. 18, Ep. cur. et Ms. de reb. Tart. pag. 27. — ² Ibid. p. 28. et an. 18, Ep. cur. v. 11. — ³ An. 17, p. 2, Ep. com. XXXI.

fratrum nostrorum consilio, et Apostolicę plenitudine potestatis in metropolim creximus, et metropolis vocabulo curavimus insignire; auctoritate Apostolica ordinantes, ut in dicta metropoli sub vocabulo Michaelis Archangeli fundari et constitui deberet Ecclesia cathedralis; quodque metropolis ipsa civitas Vosprensis et dicta Ecclesia metropolitana perpetuis futuris temporibus censerentur, nuncuparentur et etiam haberentur, prout in nostris litteris inde confectis plenius continetur. Verum quia, sicut habet relatio fidedigna nobis ac fratribus nostris exposita, et cum gaudio intellecta, in eadem terra Gazarię multi schismaticorum et infidelium nationum ipsius terre predicatione verbi divini fratrum Prędicatorum et Minorum Ordinum, qui circa conversionem eorum ad fidem Christi diutino tempore laboraverunt fideliter et ferventer, fidem susceperant eandem, et in ea informati sunt et proficiunt per temporum incrementa, et quorundam supponit devota credulitas, multorum aliorum ad fidem ipsam processu temporis ibidem conversio subsequetur; nos plenis desideriis cupientes pro salute animarum et ampliatione fidei prębitate dare operam efficacem, ut tanti boni commodum valeat feliciter provenire; considerantes quoque ad prosecutionem et promotionem ejusdem boni fore utilem, quinimo necessariam personam eruditam in sacra pagina et expertam, in te dicti Prędicatorum Ordinis professorem, in sacerdotio constitutum, sufficienter instructum in dicta pagina, prout didicimus et expertum; qui, sicut habere relatio supradicta, in nostris et eorundem fratrum nostrorum auribus instillata, in dicta terra Gazarię aliisque adjacentibus partibus una cum eisdem dictorum Prędicatorum et Minorum Ordinum fratribus in conversione schismaticorum, et aliorum infidelium prędictorum magno intersitio temporis indefesse ac sollicitę laborasti, et in eorum conversione hujusmodi profecisti etiam fructuose; quique partes frequentasti pręfatas, illorum hominum nostri mores, et qualitates atque conditiones partium earundem, aciem direximus nostrę mentis. Quibus omnibus attenta meditatione pensatis, de persona tua nobis et dictis fratribus nostris, consideratis pręmissis, accepta dicte Vosprensi Ecclesię de fratrum nostrorum consilio prędictorum auctoritate Apostolica providimus, teque illi prędicemus, etc. Dat. Avin. kal. Augusti, anno xvii ».

37. Erecta etiam est alia in Gochia Gersome episcopalis sedes ac templum S. Clementis nomini sacrum excitari jussum, cui Richardus Anglus Ordinis Prędicatorum episcopus datus. Collegerant autem hi duo Evangelicę viri ingentem Christo messem in illis oris, ac late Evangelium propagant, pfecto ad fidem orthodoxam Milleno Alanorum principe, qui mox operam ad subdilos populos lumine Catholicę fidei collustrandos contulit: de quo pręclaro facinore Pontifex illi est

gratulatus, ac studia Apostolica despondit¹. Traxit ea Milleni conversio Versachor Zichorum regem ad Ecclesię Romanę gremium, cui redeunti Pontifex paternos amplexus explicuit, ut subjectę litterę docent²:

38. « Joannes, etc. charissimo in Christo filio Versacht regi Zichorum illustri salutem.

« Tam per litteras tuas, quam ex relatione grata dilectorum filiorum Francisci de Camerino et Richardi Anglici Ordinis Prędicatorum, de ipsis partibus ad nos et Sedem Apostolicam venientium, coram nobis et fratribus nostris S. R. E. cardinalibus facta jucunde percipimus, quod ipsis olim in loco de Vospro in pręsentia dilecti filii nobilis viri Milleni domini dicti loci evangelizantibus verbum Dei, et errores et schismata, quibus Gręci ab unitate sanctę Romanę Ecclesię, matris Ecclesiarum omnium et magistree, fuerunt hactenus separati, et quorum schismata tu et subditi tui seclabamini et errores, eidem Milleno ac tibi et consiliariis tuis ostendentibus evidenter; tandem dictus Millenus cum suis primo, et deinde tu cum consiliariis antedictis illuminati a Deo, apertis mentis oculis, qui erant hactenus variis tenebrositatibus obsecati, et veritate agnita fidei orthodoxę, omnibus Gręcorum erroribus coram populi multitudine copiosa renuntiastis, et abnegastis eosdem ac veram fidem Catholicam, quam pręfata sancta Romana Ecclesia tenet, docet et predical, veraciter agnovistis, et rediistis ad ejusdem sanctę Romanę Ecclesię unitatem: tuque alios partium vicinarem in similibus errorum prolapsos devium, ut errores abnegarent eosdem, ac veram et Catholicam fidem agnoscerent, et ad unitatem redirent eandem, per tuas efficaces litteras induxisti. De quibus gratias agimus largitori omnium gratiarum, qui sua misericordia et virtute per ministerium Evangelizantium prędictorum te et dictos consiliarios de variis errorum tenebris in lumen verę fidei advocavit, ut in agnitione et observatione Catholicę fidei a tantis errorum devitiis liberati, vias vitę certissimę ambulando, possitis in adoptione filiorum Dei merito gloriari, hereditatis eterne pręmium accepturi.

« 39. Et quia personam tuam gerimus in visceribus charitatis Jesu Christi, et speramus quod ipse, qui illuminavit oculos tuę mentis, dabit tibi, veritatem Catholicę fidei agnoscendi, veram perseverantiam, et in perfectione crescere charitatis, excellentiam tuam monemus et hortamur in Domino Jesu Christo, eam per ipsius pretiosi asperisionem sanguinis obsecrantes, quatenus illuminatus per veram fidem, et unitatem ejusdem Ecclesię in via mandatorum Domini sicut lucis fidelius ambules; ac illuminationibus hujusmodi te dignum per effectum operis exhibens, cum omni timore Domini in agnitione verę fidei ejusque

¹ An. 17. p. 1. Ep. cur. vi. — ² An. 17. p. 2. Ep. com. MCCCXL et Ms. Arch. Vat. de reb. Tart. etc. pag. 24.

observatione ac errorum prædictorum abnegatione perpetua, constanter et immutabili proposito perseveret; dictorumque Francisci et Richardi aliorumque fratrum ejusdem Ordinis, ad partes ipsas proficiscentium, salubribus monitis in fide, quæ corroboracionem Catholicae fidei, ac tuæ et subditorum tuorum salutem sapiant animarum iudandas; et nihilominus subditos tuos et alios de partibus ipsis, a veritate ipsius Catholicae fidei et unitate sanctæ Romanæ Ecclesiæ aberrantes, ad abnegacionem errorum et schismatum prædictorum et suscipiendum, cognoscendum et tenendum veritatem fidei orthodoxæ, et ad unitatem veram sanctæ Romanæ Ecclesiæ, cui Dominus noster Jesus Christus caput esse dignoscitur, veraciter redeundum hortetur pariter et inducas: ita quod tu, per hujusmodi exhortationis et inductionis studium salutare lucrificans animas nullas Deo, coronam potiorē gloriæ in excelsis percipere merearis. Nos enim te gratiose prosequi tanquam benedictionis alumnū intendimus, et more patris benevoli favorabiliter confovere, ut tu ei, cui servire regnare est, liberius, familiarius, constanter ipsius beneficilio te coapes. Dat. Avin. VI non. Julii, anno xvi.

40. Excitavit præterea Encyclicis litteris¹ Pontifex omnes Tartaros ad Christi cultum suscipiendum, legemque Evangelicam veram adipiscendam, felici immortalitatis viam esse docuit, ubi primum de summa sacrorum administratione, populorumque totius orbis terrarum fide informandorum cura, sibi a Christo Domino demandata, est præfatus:

« Joannes, etc. universo populo Tartarorum viam agnoscere veritatis.

« Salvator noster summus Pontifex in æternum, Rex regum et Dominus dominantium, Dominus noster Jesus Christus, beato Petro sanctorum Apostolorum principi claves regni cælorum tribuit, et quæ ligandi atque solvendi contulit potestatem, ut quodcumque per ipsum super terram ligatum et solutum foret, in cælis ligatum existeret et solutum. Hanc si quidem potestatem transfudit in Romanum Pontificem, suosque posteros Romanos Pontifices, ejusdem beati Petri usque in finem sæculi successores, constituens illos in Sede ipsius beati Petri successive sessuros suos vicarios super machinam mundalem. Unde nos, qui licet immeriti præfate B. Petro succedimus, et in regno mundi vice fungimur cælestis pastoris et Domini animarum, exigente officii nostri debito, tenemur et totis desiderijs affectamus, omnem humanam creaturam extra sanctam Romanam Ecclesiam existentem, fideique Christianæ insectam et deviam ab eadem, Dominicæ gregis inducere, ac reducere in ovile unire et reconciliare penitus Ecclesiæ præbatur. Nonnullisque interfectis, quibus ad eosdem populos

cælesti doctrina excolendos Nicolaum archiepiscopum Cambaliensem, aliosque viros religiosos divinis instructos litteris transmississe in eorum terras significat; ad supremum rerum omnium Conditorē adorandum, et Christianam legem amplectendam ipsos subjectis verbis cohortatur:

41. « Universitatem vestram attente requirimus, monemus, rogamus et hortamur in Domino Jesu Christo, quatenus diligenter vestram memoriam excitantes, et reducentes ad illam, quod protoplastus, ex quo genus humanum descendit, exitiū divinae manus operatione formatus, in paradisi terrestri deliciis collocatus, sibi quæ boni et mali cognitio data fuit, et quod homines esset ad imaginem Dei facti; quodque creatura non possit suo Creatori pro meritis respondere, levelis ad Deum vestræ intelligentiæ oculos, et consideretis quod ipse vos creavit et pascit assidue, ac vivitis per eundem, et quod cum vult, omnis carnis figmenta dissolvit: quodque sacræ Scripturæ attestatione inducitur, quod omnis spiritus Deum laudet, omniaque animantia et inanimata Dominum benedicunt; pro ipsius Creatoris reverentia et honore, et ut sibi reddatis humanæ gratitudinis holocaustum, et contemplatione nostri, qui vos Deo vivo et vero conjungere cupimus et etiam laboramus; eosdem archiepiscopum et fratres recipere curetis, quotiens ad vos pervenerint, reverenter, humiliter et lætanter, eorumque prædicationibus et verbis salubribus vestrum attentum patefaciatis auditum: aperiatis sollicitum intellectum, et quæ pro vestræ perfectione salutis vobis expresserint, in memoriæ vestræ tabulis tenaciter inscribatis; corda vestra omnimode disponentes ad suscipiendam sacri Baptismatis gratiam, legemque Christi, doctrinam Evangelicam, et fidem Catholicam Domini nostri Jesu Christi, quam dicta Romana Ecclesia docet, prædicat atque credit. Et cum fidem ipsam suscepissetis, eam firmiter et perpetuo custodite, et cum aliis Christianis efficaciter de cætero forlia membra Christi; ut quibuslibet Sathanae, quibus decipimini erroribus, procul pulsatis, ab ejus sitis vinculis penitus liberati, et mereamini post vitæ præsentis exilium in æterna Domini tabernacula introire, cum aliis cælestibus civibus glorianter et feliciter collocandi. Et quia cæli et terra plena sunt divina gloria, ipse manum aperit, suaque benedictione animal omne implet, dum in hac luce manebitis, et per dictam fidem Jesu Christi eritis conjuncti, abundabitis in bonis temporalibus per suam gratiam copiosam, etc. Dat. Avin. kal. Octobris, anno xvi.

42. Ceterum ad tollendas omnes difficultates, quæ propagationi Evangelii obstat viderentur, tum salutem animarum promovendam Pontifex familiæ Dominicæ religiosos viros, qui ad gentes Orientales proficiscebantur, amplissima instruxit¹

¹ An. 18. Ep. cur. VII. et Ms. Arch. Vat. de reb. Tart. et pag. 27.

¹ An. 18. Ep. cur. II. et Ep. com. 1. Ms. Arch. Vat. de reb. Tart. etc. pag. 26.

anctoritate, ut iis, de quibus esset controversia, an rite Baptismum vel sacros ordines suscepissent, expressa conditione, si nimirum initiati iis sacris non essent, ea sacramenta conferrent.

« Joannes etc. dilectis filiis universis fratribus Ordinis Prædicatorum in terras Saracenorum, paganorum, Græcorum aliarumque non credentium nationum Orientalium et Aquilonarium, seu quarumcunque aliarum partium proficiscentibus, et pro Christo peregrinantibus.

« Ut vestrum sanctum ministerium felicibus auctore Domino prosperetur, et optatum de bono in melius suscipiat incrementum; intendentes quoque animarum prædicatorum et aliorum fidelium partium earundem salutis utiliter providere; vobis et singulis vestrum tam in sacerdotii quam diaconatus ordinibus constitutis, ut omnes et singulos partium prædicatorum, de quibus dubitatur an fuerint baptizati vel non, baptizare juxta provisionem juris in hujusmodi casu adhibitam valeatis, his verbis præmissis, videlicet: Si baptizatus es, non te rebaptizo; sed si nondum baptizatus es, ego te baptizo in nomine Patris, et Filii, et Spiritus sancti; auctoritate Apostolica tenore præsentium indulgemus.

« Insuper eisdem fidelibus de partibus antedictis taliter ordinatis (scilicet non rite) qui divina, ut præmittitur, celebrarunt, quod a vestri ordinis vel alius episcopis, gratiam et communionem dicte Sedis habentibus et in partibus commorantibus antedictis, tam minores quam sacros ordines statutis temporibus aliquo tamen intervallo in hujusmodi sacris ordinibus recipiendis et conferendis propter eorum reverentiam observato, si sine scandalo fieri possit; alioquin omnes una et eadem die simul præfatos ordines sacros et minores pro hujusmodi scandalo evitando recipere; ipsisque episcopis, qui dictos minores et sacros ordines personis eisdem secundum præstitam distinctionem cum intervallo, vel una et eadem die simul valeant conferre, dicendo videlicet: Si ordinatus es rite, non te reordino, sed si nondum ordinatus es, te ordino ad sacros ordines antedictos, servata alias forma et materia ac solemnitate debita in præmissis, quibuscumque Constitutionibus Apostolicis in contrarium editis nequaquam obstantibus, de gratia concedimus speciali. Nulli ergo, etc. Dat. V non. Octobris, anno xvm ».

43. *Temperaver a Pontifice lex de conjugiiis quoad gratias prohibitos in neophytorum gratiam.* — Solvit etiam Joannes¹ canonicas leges de conjugiiis ad fidelum, qui inter gentes versabantur, gratiam vel qui ex superstitione veteri, aut schismate, vel hæresi ad orthodoxorum dogma traducerebant, edita subjecta sanctione:

« Joannes, etc. ad futuram rei memoriam.

« Volentes animarum obviare periculis et futura etiam præcavere, ac cupientes fidem Catho-

licam non minui, sed augeri; cum universis gentibus de novo conversis ad fidem Catholicam, et quæ ad eam in posterum converterentur de nationibus non credentibus antedictis, quod cum personis eis in quarto gradu consanguinitatis vel affinitatis conjunctis, Catholicis tamen, ac personis hujusmodi, quæ cum dictis conversis matrimonia licite contrahere, et in contractis hujusmodi libere remanere impedimento hujusmodi non obstante valeant, tenore præsentium dispensamus. De illis vero ex conversis prædictis gentium, qui ante conversionem ipsorum cum personis eis affluentibus in quibuscumque consanguinitatis vel affinitatis gradibus, a lege divina non prohibitis, matrimonia contraxerunt, vel ante conversionem suam contraxerunt in futurum; taliter respondemus, quod in favorem præsertim Christianæ religionis et fidei fideles hujusmodi sic matrimonialiter copulati vel in posterum copulandi juxta Constitutionem felicis recordationis Innocentii pape III prædecessoris nostri super hoc editam, quæ incipit, *Gaudemus*, in matrimoniis ipsis, dictis impedimentis non obstantibus, libere possint et licite remanere conjuncti. Cum schismaticis autem, qui ad unitatem Catholicæ fidei et plenam obedientiam sanctæ Romanæ Ecclesiæ redierint vel redibunt effectualiter in futurum; quique cum personis in quarto gradu consanguinitatis vel affinitatis affluentibus, matrimonia contraxerint, quod impedimento non obstante præfate possint post effectuale reditum, ut præmittitur, eorumdem in hujusmodi matrimoniis licite remanere, auctoritate prædicta similiter dispensamus, prolem susceptam et suscipiendam ex matrimoniis omnibus in casibus antedictis legitimam de Apostolicæ potestatis plenitudine decernentes; presentibus tam in conversis de novo ex gentibus vel qui in posterum converterentur, post conversionem tamen hujusmodi quoad matrimonia contrahenda, quam etiam in schismaticis, qui redierunt et redibunt ad fidem et obedientiam effectualiter, ut præfertur, quoad matrimonia jam contracta post decem annos minime valituri. Nulli ergo, etc. Datum Avinione III non. Octobris, anno xvm ».

44. *Apostata a fide apud Saracenos resipiscunt.* — Dum inter infideles adversus idololatram et Mahumeticam superstitionem pugnabant prædicatorum ac Minorite, interdum accidebat, ut plures gloriosissime vincerent, palmamque triumphalem martyrii referrent: nonnulli vero ab hoste sauciati caderent, obscurarumque voluptatum lenociniis delinuti Mahumeticam superstitionem amplecterentur. Inter hos Bonacursius et Philippus Ordinis Prædicatorum et Jacobus Pistoriensis Minorita, cum incanti voluptate vinci se passi essent, et metuerent, ne suis præpositis criminis penas darent, acti in desperationem in Mahumeticam spurciciam, cjerato Christo, se præcipites conjecere; versique in hostes suis argutiis fidem

¹ An. 18. Ep. cur. 1. et Ms. de reb. Tart. etc. pag. 16.

oppugnarunt, ut flebiliter refert Pontifex : « Procellis, inquit, culpis tunc ab eis instinctu maligno commissis ob fragilitatem eorum carnis, ipsorum spiritum superantis, ut evaderent ipsius Ordinis disciplinam, in mortificare conuerunt desperationis abyssum, et sese in potestatem Saracenorum easdem partes (nimirum imperii Ub-bech), contentum transulerunt, et tanquam exhumati ex privatione nobilis intellectus, et mentaliter obiecti ritum ipsorum Saracenorum obscenum et abominabilem assumpserunt; cultumque professi expresse fuerunt, execrabilissimi Mahometi, et sese more Saracenorum eorumdem circumcidi lecerunt seu promiserunt, supradicta fide verissima publice abnegata. Praefati quoque Bonacursius et Philippus, qui antea salgebant infideles praedictos rationibus veracissimis superare, et ad fidem convertere praebatam, jacentes in volubro peccatorum, Christifideles in dictis partibus existentes et ad eas etiam accedentes, suis falsis et sophisticis argumentis confundere ac persequi eorum eisdem infidelibus damnabiliter sunt moliti: ex quo fideles ipsi multas et diversas contumelias pertulerunt ». Pœnituit postea eos patrii flagitii; cumque veniam poscerent, nus clementia Pontifex proximo anno pridie kal. Augusti Praedicatorum in Insubria preposito, ut Bonacursium ac Philippum, et Minoritarum Etruscorum praefecto, ut Jacobum Ecclesiae conciliarent, partes dedit; quibus binis litteris adjecta est haec temporis nota. « Dat. Avin. II kal. Augusti, anno xviii ».

Clarius poenitentiae et constantiae fidei statuit trophaeum Stephanus Ungarus Minorita in urbe Saray martyrii corona redimitus, cum primo voluptate corruptus, meliusque religiosae disciplinae exerritus, ac diemum, qui se illi objiciebant,

victus insidiis, ad Mahometanos defecit. Tum flagitii poenitens publice impiam superstitionem damnavit; variis suppliciorum generibus affectus, restitutus est divinitus similitudo: ardenti fornace clausus, in le illatus exiit. Demum in carcere bipenni ad collum sanctus, et ferro confossus, ad rogam constanter perrexit, in quo super igne divinitus extincto, a furentibus Saracenis gladiis, hastis, securibus oppressus animam Deo reddidit, ac post mortem miraculis claruit. Eodem anno Dominicum Minoritam Ungarum occisum a Tartaris, nudatum cute, atque in tormentis divinas lachrymas decantasse tradunt ¹. Guillelmum etiam Anglum pariter Minoritam in Salamastrensi Saracenorum urbe, dum constanter Evangelium promulgabat ac Mahomedicam sectam refellebat, trucidatum. Superiora porro licet anno proximo gesta, instituta tamen de propagata apud Tartaros religione orationi conjungenda visa sunt.

43. *Resumpta questio de visione beatifica, editis hinc inde gravissimis Commentariis.* — (1) Agitari iterum coepta est ² per haec tempora apud Sedem Apostolicam questio, an justorum animae a corporibus segregatae, quibus nulla criminis labe expianda superest, divinitatem facie ad faciem, ut loquitur Apostolus, ante extremi judicii diem intueantur. Dissenserant ea de re doctores, neque hujusmodi controversia adhuc ab Ecclesia fuerat definita: quam cum Joannes dirimam perceret, in suis ad cardinales collationibus Scripturae sacrae oracula, ac Patrum dicta in utramque partem protulit, jussique sunt cardinales, praesules, alique doctores, objecta anathematis religione, controversiam diligentissime excutere, et quae a sanctis Patribus pronuntiata reperirent,

¹ Marc. Glyss. ex veteri Chron. I. VIII. c. 37. Luc. Wad. anno 1334. num. 5. etc. — ² Tom. IX p. 1. Ep. secr. pag. 108. Joan. Vill. I. X. c. 230. Ms. bibl. Vat. sign. num. 3764. in Joan. XXII. Prol. Luc. Hist. Eccl. XXIV. c. 42 et seq.

¹ Marc. Glyss. ex veteri Chron. I. VIII. c. 37. Luc. Wad. anno 1334. num. 5. etc.

1) Agendum hic suscipit annalista de celebri illa controversia, quae ante biennium a Joanne papa excitata, hoc anno agitata magna animorum contentione erupta est: utrum sanctorum animae ab omni peccati laeae rite expiatae ad ipsum Dei intuitum plenum et perfectum statim admittantur, vel potius aliqua beatitudinis portione tunc aperse, non nisi post corporum resurrectionem in ipso saeculorum exitu beatitudinis plenae aere dicam scyphus perfundenda sint. Totam dissidii lupos historiam adeo diligenter annalista persequitur, ut nihil sup- plendum dimis sit. Adnotasse tamen non potui, oppositam etiam hanc veritatem probantem et per pios sese exhibuisse. Primo enim, sub ipsis haec aene reperiendus, scriptoribus et patribus nonnullis ea sedit opinio, ut eisdem, justorum animas statim ab expiatis criminibus sui regni quodam tectis, in quo eas deus sustinet reservata illis absolute beatitudinis ex Dei intuitu humanitatis voluptate, usque ad reconciliatam animae cum corpore societatem, haec Milaniensium quorundam fuit sententia; quoniam alii negant illud terrestre usque post resurrectionem sanctorum nihiliter permititur, deus hanc tenetis paulatim reserantibus a nonnullis tandem descensum est in eam sententiam, ut justorum animas statim ab eis transferant ad sedes quasdam lucidas, in quibus tempus ad resurrectionem usque jaceant cum laeta quadam voluptate falleret, paulum illuc r. gerente Deo, qui, non revelata quidem facie, sed veluti obducto adhuc vultu, sese illis offert utrumque intuentem. Demum Joannes XII. propriam quam praecedentes omnes gradu ad veritatem accedens, opinatus fuit justos quidem statim in caelum recipi, ubi Deo beante, sed hominum plane et facie ad faciem visus fruantur, qui tandem post saeculi consummationem deinceps veli sese illis communicabit. Hanc sentisse Joanni Pontifici opinione constat ex argumentis ab ejus assertoribus productis, et ab adversariis impugnatis: « Si enim », ait assertor quicumque sententia Joanni opposita apud annalistam ad a. MCXXXI, 43, « saeculum eis animae beatae tunc ex amantate celestis habitationis jucundantur etc. » De visione Dei obscura, et veluti per oppannum humanitatis Christi veum exhibita, testis est leopetissimus anonymus ille, quem annalista ad eundem annum num. 44 exponit, quod frustra nititur Natalis Alexander Hist. Eccl. sac. XV, disert. XI, qui Catholici dogmatis assertorem fuisse Joannem ex eo adstruit, quod in Bulla consecrationis S. Thome Aquinatis docent S. Thome « animum caelum posidere, et in caelestibus amandis positum Deum glorificare ». Quod et expressit in Bulla alia qua in sanctiorum Albo adscribit S. Thomam tafordiensium « celestis mperii ipse (S. Thomas) mellabili throno sedet ».

Defendendi igitur Joannis sententia ratio superest si fateamur, in alium quidem a dogmate, quod postmodum Ecclesia Catholica definit, sententiam inclinasse, praesto tamen partimone fuisse errorem ejus cum de veritate vel aliat argumentis vel Ecclesiae definitione aliqua sibi constaret. Quam sincere in veritatem interit demonstrat sedula illa rei indagatio, quam ipse instituit, ex qua tandem vera assertus erroris prompte retractavit, qua de re in Annalibus ad annum sequentem.

conferre. Libellum etiam de ea scripsit Pontifex, quem Petro archiepiscopo Rothomagensi transmisit, in quo nil e suo, sed dicta tantummodo Scripturæ sacre, vel Patrum deprompsit¹. Conflata est Joanni a multis ingens invidia, ipsum eam questionem movisse, et contrarium Catholico dogmati opinionem tueri, tunc demum ac non ante sanctorum animas divinæ essentiae aspectu potituras, cum Christus eam feret sententiam: *Venite, benedicti patris mei, possidete regnum, etc.*, ac plures Pontificis famam lacerabant.

Cum vero Parisiis nonnulli doctores eam controversiam agitent, in quibus erat supremus Minoritarum prefectus, et in eam inclinarent sententiam, animas ante corporum resurrectionem clario divinitatis intuitu non frui; sparsaque esset calumnia, Pontificem ejus opinionis auctorem et signiferum esse, Philippus Francorum rex ejusdem opinionis sequaces durioribus verbis Catholice fidei ardore succensus increpuit, mortem etiam ut hæreticis minatus², ni dicta revocarent. At Pontifex, ut calumniam a se propulsaret, pluribus litteris apud regem reginamque Francorum questus est³, rem sibi a malevolis afflictam, nec se quidquam in ea statuisse questionem, sed dicta Patrum tantummodo veritatis indagandæ studio collegisse, quæ ab archiepiscopo Rothomagensi Gallicis verbis reddi, ac regi exponi jussit⁴. Philippum vero rogavit⁵, ne questionem utramque in partem agitari vetaret, quo ex ea disceptatione emicaret rei veritas.

46. « Philippo regi Francorum.

« Regalem notitiam volumus non latere, quod dudum ad nostrum auditum relatio fide digna perduxit, quod nonnullos magistros in theologia audiveras asserentes, quod, fili charissime, tua magnificentia illos induxerat, ut quod animæ sanctæ ante suorum resurrectionem corporum videbant clare divinam essentiam prædicarent: inno plus eorum aliqui seu aliqui assererant seu asserbat, quod illum seu illos, qui hoc facere renuebant seu renuebat, capitulaveras satis dure. Ab aliis vero audivimus, quibus fidem prorsus adhibemus, quod præceptum tale seu inductio ab ore regio non processit: sed ut princeps zelator veritatis, quam diligis et in tuo regno, prædicari desideras et servari, aliquibus qui forsitan dicebant seu fingeant seu propter metum aliquem non audere talia prædicare, dixisti quod metu cujusquam personæ non sinerent veritatem in præmissis vel aliis prædicare. Hoc profecto dicere decebat, et decet regiam majestatem. Cum autem hanc questionem B. Augustinus interdum in scriptis suis reputaverit valde dubiam, et circa eam variasse dicatur; et nedum ipse, sed et multi doctores alii circa istam materiam variant; propter hoc, ut veritas

possit melius aperiri, nos interdum in nostris sermonibus mentionem habuimus, non profuturo verbum de nostro capite, sed dicta Scripturæ sacre et sanctorum, præcipue illorum quorum Scripturæ ab Ecclesia sunt receptæ; multique tam cardinales, quam illi coram nobis et alibi in suis sermonibus pro et contra de ista materia sunt locuti: et nedum in sermonibus, imo publice, prælati ac magistri in theologia præsentibus, est in curia pluries questio hujusmodi, ut sic plenius posset inveniri veritas, disputata.

47. « Et quia, fili dilectissime, forsitan tibi dicitur, quod nos non sumus in theologia magister, audi quid unus sapiens dicat: Non quis, inquit, sed quid dicat intendit. Unam, fili, sicut et alias meminimus nos scripsisse, vellet audire quæ in nostris sermonibus diximus regia celsitudo, et ut superius prædiximus, unum verbum de capite nostro nos non protulisse reperies; sed quæ vel Christus, Apostoli vel sancti Patres et doctores Ecclesiæ protulerunt. Hæc venerabili fratri nostro Petro Rothomagensi archiepiscopo tradidimus, ut ea si tibi liberet intendere, duceret exponenda: cui et nunc scribimus, ut hæc impleat, si tunc placuerit majestati. Profecto, amantissime fili, si quæ circa istam materiam aliqui scripserint et dixerint, sciret tua magnificentia, merito miraretur. Interdum quidam hoc scripserint et dixerint, quod hæc questio erat tua, quod tua prudentia per totum regnum partem illam prædicari tanquam veram faceret, et aliam ut hæreticam reprobari: multisque comminati sunt religiosi et sæcularibus sub umbra tui culminis, si partem illam, quod animæ separate divinam essentiam non videant, et visionem quam vocat Apostolus *facilem*, quod de illa procedit questio, illos capi facerent per inquisitores hæreticæ pravitatis. Hæc, fili charissime, licet veritate ut supponimus careant, quantum bene credamus, quod ad hæc facienda et dicenda tuam excellentiam duxerint stimulantem, ad honorem regum nequaquam pertinere noscuntur.

« Et quia, amantissime fili, scimus quod in his vel aliis, ut elucideret veritas, intendes, rogamus benevolentiam regiam, ut per fidelem seu fideles nuntios magistris in theologia et baccalariis Parisiis legentibus et degentibus facias nuntiare, quod talibus minis illatis non obstantibus quilibet dicere et disputare et prædicare valeat, quod sibi juxta doctrinam Evangelicam et Apostolicam disputandum videbitur et etiam prædicandum, donec aliud ordinatum per Sedem fuerit Apostolicam, vel etiam declaratum: sic enim ad veritatem questionis prædictæ poterit promptius perveniri. Dat. XIV kal. Decemb., anno xviii. ». Nulla ex his Joanni hæreseos nota impingi potest, cum tantummodo questionem nondum ab Ecclesia decisam expendere; ac non sua sed sanctorum Patrum dicta deponeret. Ut vero orthodoxam sententiam confirmaverit, sequenti anno dicitur.

¹ Tom. ix. p. 2. Ep. se. r. pag. 167. — ² Jo. Vid. sup. c. 230. — ³ Tom. ix. p. 2. Ep. se. r. pag. 195 et 196. et p. 1. Ep. se. r. pag. 108. — ⁴ Ead. p. 2. pag. 196. — ⁵ Ibid. pag. 195.

48. Consultus est inter alios Durandus episcopus Meldensis, de quo hæc Jacobus cardinalis tituli S. Priscæ¹: « Cum tempore felicitis recordationis domini Joannis papæ XXII dubitatio apud aliquos esset mota, an animæ sanctorum purgata a peccatis et penis peccatorum ante resurrectionem vel judicium generale essent Dei essentiam visuræ vel non, multi sapientes et doctores etiam in Theologia de hac materia disquirentes, ut vel sic ad veritatem dicte questionis perungere possent, multa et diversa ac adversa dixerunt, et eorum etiam aliqui scripserunt: inter quos fuit bonæ memoriæ Durandus episcopus Meldensis famosus et antiquus magister in Theologia, qui super dicta materia scribens, et illud quod scripserat mittens dicto domino papæ, conatus fuit ostendere, quod error erat asserere, quod dicte animæ a carne resolute et purgatæ non viderent divinam essentiam ante resurrectionem et judicium generale. Quæ scriptura per dictum dominum papam tradita fuit ad videndum aliquibus magistris in Theologia ». Concepta illa erat subjectis verbis²:

49. « Libellus episcopi Meldensis.

« Prima facie videtur quod dicere, quod animæ sanctorum decedentium sine peccato mortali, et postquam purgatæ sunt a culpa veniali, si quam habent, vel a pœna cujuscunque culpe debita, non videant Deum facie ad faciem usque post resurrectionem corporum, est negare articulum de descensu Christi ad inferos, quod patet sic: Christus non descendit ad inferos secundum corpus, quia illud totum triduum usque ad resurrectionem jaciit in sepulchro; nec secundum deitatem, quia secundum illam est ubique. Igitur descendit secundum animam. Ad quem finem? Ad hunc, ut animas sanctorum patrum et aliorum, quæ erant in limbo inferni, liberaret secundum illud Zachariæ ix: *Tu autem in sanguine Testamenti tui eduaxisti vinctos tuos de lacu*. In inferno autem non est nisi duplex pœna, pœna sensus et pœna damni: in limbo autem sanctorum non fuit pœna sensus, sed solum damni, quæ est carentia visionis divinæ, a qua nullus potest liberari nisi per visionem divinam, quia privatio alicujus non tollitur nisi per actum oppositum. Ergo si descensus animæ Christi ad limbum inferni fuit propter liberationem animarum sanctorum, quæ tunc ibi erant, necesse est quod liberaverit eas a carentia visionis divinæ, quod non potuit fieri nisi dando eis visionem beatam: et qui negat quod animæ sanctorum Veteris Testamenti, quæ fuerunt in limbo inferni, non viderent Deum visione beatâ usque post resurrectionem, negat articulum de descensu Christi ad inferos. Et confirmatur, quia Lazarus sive anima ejus ante passionem Christi erat in limbo, seu in sinu Abraham in magna consolatione, ut Evangelica testatur Scri-

ptura Luc. xvii, multo magis anima Abraham erat in magna consolatione et lætitia. Quid igitur contulit descensum animæ Christi ad inferos? Si dicitur, quod tunc perductæ sunt ad claram visionem et ejus fructum, habetur propositum. Si vero dicatur, quod non, sed quod solum perducti sunt ad ampliorem lætitiâ et consolationem: contra quia secundum prophetiam Zachariæ jam allegatam, quæ secundum sensum naturalem intelligitur de descensu animæ Christi ad inferos, Christus eduxit sanctos sive animas sanctorum de limbo, sic enim scribitur: *Tu autem in sanguine Testamenti tui eduaxisti vinctos tuos de lacu*; dare autem unam consolationem magnam vel parvam de futura liberatione non est eos liberare de vinculis, nec educere de carcere. Ergo propter consolationem ampliorem datam sanctis in limbo existentibus non fuisset impleta dicta prophetia. Relinquitur ergo quod perducti fuerunt ad visionem Dei.

50. « Item Lucæ xxiii legitur, quod Christus existens in cruce dixit latroni juxta se crucifixo: *Mecum eris in paradiso*. Istud autem non potest intelligi quoad corpus Christi et latronis, quia corpus Christi fuit in sepulchro et corpus latronis alicubi, et neutrum in paradiso. Oportet ergo quod intelligatur quoad animam, ita quod anima Christi et anima latronis fuerunt eodem die in paradiso: et cum paradisu sit duplex, unus scilicet corporalis, scilicet cælum empyreum, et alius spiritualis, scilicet visio beatâ, in primo paradiso, scilicet cælo empyreo non fuerunt illo die animæ Christi et latronis, tum quia anima Christi descendit ad inferos secundum articulum fidei, tum quia anima Christi non ascendit in cælum empyreum usque ad diem Ascensionis, scilicet cum corpore. Relinquitur ergo, quod anima latronis fuit illo die cum anima Christi in paradiso spirituali, qui est visio beatâ.

« Item in Epistola ad Philippenses i cap. dicit Apostolus: *Mihi vivere Christus est, et mori lucrum*; et subdit: *Quid eligam ignoro. Cooperator autem e duobus: desiderium habens dissolvi, et esse cum Christo, multo magis melius; permanere autem in carne, necessarium propter vos*. Ex primo verbo, quod dicit: *Mihi vivere Christus est, et mori lucrum*; potest argui: Si lucrum erat Apostolo mori, quid erit lucrum nisi illud quod subdit: *Desiderium habens dissolvi et esse cum Christo*? Ergo intentio Apostoli erat, quod si dissolveretur a corpore, quod reciperet pro lucro quod esset tantum cum Christo. Et qualiter? Numquid secundum visionem humanitatis Christi solum? Certe non, quia anima separata a corpore non habet oculos corporales ut videat corporalia, et in eis dilectetur: et si cognitione spirituali solum per fidem cognoscat humanitatem Christi». His verbis Durandum supponere errorem, nimirum animas separatas non percipere corporalia mentali intuitu, plures doctores arguerunt; quæ de

¹ Ms. bibl. Vat. sign. num. 268. — ² Ext. in Ms. bibl. Vat. sign. num. 1066; par. 285, etc.

re inferius. Pergit ille: « Nullum est ei in lucrum majus, quam esset vivere, quia etiam dum Christus viveret ante resurrectionem et post, conversabantur cum eo, et ipsum corporaliter videntes et ipsum spiritualiter credentes non habuerunt ex hoc solo magnum lucrum tale, quale expectabat Apostolus a Deo: *Mihi vivere Christus est et mori lucrum*; subjungit enim, quod dissolvi et esse cum Christo, multo melius est, quam permanere in carne: istud autem non esset melius, si anima Apostoli resoluta a carne non videret Deum visione beata; sed solum crederet in ipsum, quia hoc habebat existens in carne, et ultra hoc augebatur ejus meritum quotidie; quod non habet locum post mortem: et sic mori et esse solum illo modo cum Christo non esset melius, imo multo deterius, quam permanere in carne; et esset damnium magis quam lucrum. Et si dicatur quod imo, quia post mortem homo non potest peccare nec amittere gratiam, in qua decessit, sicut potest ante mortem; non valet propter duo. Primum est, quia homo existens in gratia ante mortem non potest amittere gratiam per peccatum, nisi velit, quia omne peccatum est voluntarium. Secundo quia, licet secundum legem communem homo non sit certus quin cadat a gratia; tamen Apostolus fuit de hoc certus per revelationem, sicut ipse dicit Rom. viii: *Certus sum enim quia neque mors, neque vita, etc.* Ergo propter certitudinem de non amittendo gratiam post mortem non dicebat Apostolus, quod mori esset sibi lucrum, vel dissolvi et esse cum Christo esset multo melius, quam permanere in carne; sed solum propter visionem beatam, quam expectabat, et quam in raptu expertus est in transitu quodam.

51. « Item Apostolus loquens de se et de consimilibus perfectis, qui totaliter exeunt perfecti et purgati ex hoc modo, dicit II ad Corinth. v: *Scimus quoniam si terrestris domus nostra hujus habitationis dissolvatur, ædificationem ex Deo habemus, domum non manufactam, sed æternam in cælis*. Igitur spiritus et animæ justorum et perfectorum, qualis fuit Apostolus, non habent nisi duplicem habitationem, unam terrestrem in corpore mortali, aliam cælestem, ad quam transeunt, dissoluta prima habitatione terrestri: habitatio autem cælestis, si accipiat corporaliter solum, nihil proficit animæ separate, quæ in puris corporibus delectabile non habet, cum sit spiritus. Ergo oportet, quod accipiat spiritua-liter, ita videlicet, quod animæ sanctæ, dum absolventur a corpore, transeunt ad cælestem habitationem, quæ est visio, qua beati tam homines quam Angeli vident faciem Patris, qui est in cælis.

« Item Apocal. vi dicit Joannes: *Vidi sub altare Dei animas interfectorum propter verbum Dei, et testimonium Jesu Christi, quod habebant, et clamabant voce magna, dicentes: Usquequo, Domine, sanctus et verax, non vindicas sangui-*

nem nostrum de his, qui habitant in terra? Et datur sunt illis singule stole albe; per quas intelligitur gloria animæ. Igitur jam habebant remunerationem, quantum ad animam, quamvis non totalem quantum ad totum compositum ratione corporis, quod glorificabitur solum in resurrectione generali: et ideo dictum est illis, ut requiescant, id est, *expectarent adhuc tempus modicum, donec impleatur numerus conservorum, qui interficiendi sunt sicut et illi*. Item Apoc. vii: *Vidi turbam magnam, etc. stantem ante thronum et in conspectu agni, amicti stolis albis*; et in eod. cap. dicitur: *Illi sunt, qui venerunt ex magna tribulatione, et laverunt stolas suas in sanguine agni*. Ex quibus omnibus datur clare intelligi, quod sancti martyres statim post mortem glorificentur quantum ad animam, quæ gloria vocatur *stola alba*; licet expectent gloriam corporis in generali resurrectione. His duabus stolis finaliter vestientur omnes sancti, secundum illud Proverb. ultimo: *Omnes domestici ejus involuti dupplicibus*.

52. « Item promptior est Deus ad remunerandum bonos, quam ad puniendum malos. Sed mali decedentes in peccato mortali statim puniuntur quantum ad animam, quantum anima separata capax est pænæ. Ergo boni decedentes perfecte purgati remunerantur quantum ad animam, quantum anima separata capax est visionis beate, quæ est facie ad faciem, quia ad hoc corpus aut nihil operatur aut modicum. Minor probatur, scilicet quod mali decedentes statim post mortem puniantur in anima, quantum ipsa capax est, dum est separata; dicitur enim Lucæ xvi de divite epulone: *Mortuus est dives, et sepultus est in inferno*; quod non potest intelligi quantum ad corpus, quod forte sepultum fuit in pulchro sepulchro; sed quantum ad animam, de qua dicitur ibidem ex persona Abrahæ. *Et nunc hic consolatur, scilicet Lazarus, tu vero cruciaris*. Item Jacobi i dicitur: *Beatus vir qui suffert tentationem, quoniam cum probatus fuerit, accipiet coronam vitæ*. Sed tota probatio hominis est in hac vita. Ergo, ea finita, veri probati accipient coronam vitæ, quæ non est aliud quam visio Dei facie ad faciem.

« Ad idem concurrit generalis ritus et auctoritas totius Ecclesiæ, de Apostolis enim cantat Ecclesia sic: *Isti sunt veri sancti, quos elegit Deus in charitate non ficta*; et sequitur: *Et dedit illis gloriam sempiternam*. Ille autem gloria, non est gloria corporis, quæ est in resurrectione; sed gloria animæ, quæ consistit in visione divine essentiæ.

« Item de eisdem cantat Ecclesia: *Modo coronantur et accipiunt palmam*; et sic idem quod prius. De Martyribus vero cantat in hymno Ecclesia: *Terræ victo, etc. usque, vitam beatam possident*. Ergo beati sunt saltem quantum ad animam: beatitudo autem animæ consistit in beati-

visione, etc. », interjectis pluribus aliis argumentis similibus, subjicit Durandus : « Ex quibus patet, quod generalis ritus Ecclesiæ, qui in talibus maximam auctoritatem habet, confitetur Deum laudans, quod sancti post mortem et ante resurrectionem glorificantur quantum ad animam.

53. « Beatus etiam Gregorius lib. iv Dialogorum cap. xxix dicit, respondens quæstioni Petri discipuli quærentis, si ante resurrectionem corporum in cælo recipiuntur animæ sanctorum ; respondet, quod justorum animæ, ut hæc carnis claustra exeunt, in cælestibus sedibus recipiuntur, juxta illud : *Ubiunque fuerit corpus, etc.*, quia illæ proculdubio, ubi Redemptor est corpore, illic et colliguntur sanctorum animæ ; et Paulus desiderat dissolvi et esse cum Christo. Qui ergo Christum in cælo esse non dubitat, nec Pauli animam esse in cælo negat qui dixit : Scimus quod si domus nostra, etc. Sed quærit : Si igitur et in cælo nunc animæ sunt justorum, quid est quod in die judicii pro retributione suæ justitiæ recipient ? Respondet Gregorius : Hoc eis nimirum restat in judicio, quod nunc animarum sola, postmodum vero corporum beatitudine perfuerunt. Dantur sunt illis interim singule stolæ albæ, et dictum est illis, ut requiescerent, etc. qui itaque singulas stolas acceperunt, binas in judicio stolas habituri, quia modo animarum tantummodo, tunc autem animarum et corporum gloria letabuntur. Item in eod. lib., cap. xxviii dicit sic : Esse sanctorum animas in cælo, sacri eloquii testificatione credidisti : oportet ut per omnia verum esse credas et iniquorum animas in inferno, quia ex retributione internæ justitiæ, ex qua jam justi gloriantur, necesse est, ut per omnia injusti crucientur : nam sicut electos beatitudo glorificat, ita credi necesse est, quod a die exitus sui ignis reprobos exurit. Et ecce quam expresse et clare dicit Gregorius, quod animæ sanctorum postquam resolute sunt a corporibus, stolas, quæ est beatitudo animæ, quæ in dicta visione consistit, recipiunt ». Interjectaque auctoritate Bedæ dicentis, pueros Baptismo ablutos mox cælo excipi, addit Durandus argumentum ex ratione petiitum : « Deus etiam, qui dicit : Non remanebit opus mercenarii apud te usque mane ; mercedem beatorum operarium finito tempore non retardabit reddere operationem sine causa : cum autem perfecta merces, quam Deus promisit sanctis suis, sit beatitudo animæ, et beatitudo corporis necessaria est ; quare beatitudo animæ retardetur ei statim postquam resoluta est a corpore, cum ipsa sit capax tali beatitudine, nec ad eam recipiendam indigeat corpore, nec ut subiecto, aut objecto ?

54. « De beatitudine autem corporis quod non reddatur modo, juxta causam est, quia corpus non potest glorificari sine anima, sine qua non vivit, etc. et cujus organum fuit in merendo, et sane qua ad ipsum non potest pertinere meritum,

pro quo reddendum est præmium, quod corpus non glorificabitur donec reuniatur animæ, quod erit in resurrectione : dicere autem, quod animæ sanctorum non glorificentur usque post resurrectionem corporum, multum derogat sinceritati fidei cum enim de die judicii et resurrectione, quæ tunc erit, Christus Salvator noster nihil voluerit revelare Apostolis, imo dixit : *De die autem illa nemo scit, neque Angeli in cælo, sed tantum Pater* ; si tota merces nostra, scilicet beatitudo animæ et beatitudo corporis, differatur usque ad diem illum, de quo nec Angeli sciunt aliquid, nec revelandum est Apostolis, nec Filius voluit aliquid revelare, infirmi possent de facili scandalizari in fide, cogitantes quod merces paradisi sanctis promissa, est eis reddenda pro tempore sic distante, quod nullus scit de hoc aliquid dicere ; sicut fuit dictum magistro Arnaldo Catalano, qui volebat præfigere tempus antichristi : Magister Arnalde, si vultis prudenter dicere, assignetis tantum tempus adventus Christi ». Et infra :

55. « Item secundum doctrinam communem Ecclesiæ post mortem hominis non assignatur nisi triplex status animarum decedentium, quia quedam detinentur in purgatorio, illæ videlicet, in quibus erat aliquid purgandum : quedam vero descendunt in infernum, scilicet animæ damnatorum : aliæ vero ascendunt in paradysum, scilicet animæ sanctorum et purgatorum. Si autem animæ sanctorum non vident Deum usque post resurrectionem corporum, tunc non essent in paradiso, nec in inferno, nec in purgatorio ; sed haberent alium statum conflictum. Et sic patet perquam periculosus error sit dicere, quod animæ beatorum non glorificentur ante resurrectionem corporum, neque animæ malorum puniantur quousque suis corporibus uniuntur ».

56. Solvit dein Durandus adversariorum argumenta contententium animas sanctorum ab omni labe purgatas Deum nisi post generale judicium non visuras ; quem errorem hæreticorum Catharorum fuisse ait. Argumentum primum id ponit : « Præmium vel pœnæ non redduntur bonis vel malis post mortem nisi per divinum judicium. Sed divinum judicium non fiet usque ad finem post resurrectionem. Igitur usque tunc non premiabuntur boni, nec punientur mali ». Illos syllogismi minor de futuro in fine sæculi judicio multis auctoritatibus Isaïæ cap. m, Danielis xii, Joelis iii, Mt. iii, xi, xxii, Marci xx, Apostoli I ad Corinthios v, II Petri v, tum multis aliis sacris oraculis confirmat. Ad quam propositionem respondet Durandus, duplex esse judicium ; aliud generale futurum in orbis consummatione, de quo superiora oracula loquuntur : aliud « particulare et occultum, inquit, quod fit de quolibet homine post mortem, de quo dicitur Eccles. xxxviii : *Memor esto judicii mei, sic enim erit et tuum : mihi heri, et tibi hodie*. Et isto judicio judicatur quilibet in morte sua non secuudum totum hominem,

quia desinit esse; sed secundum principalem partem, videlicet animam, quæ non desinit esse; et secundum quam solum aut principaliter attenditur totum meritum et demeritum: et de isto iudicio non est vera minor propositio, nec auctoritates Scripturæ ad ejus probationem adductæ de isto iudicio intelligunt; sed solum de finali et generali ».

Secundum argumentum hoc est: « Illi debetur præmium per se, cui competit per se mereri tale præmium: quia si per se præmiatur qui per se non meretur, non est condigna retributio. Sed anima non meretur per se, quia tunc omnis anima separata posset mereri, nec corpus meretur sine anima. Ergo totius hominis constituti ex anima et ex corpore est mereri per se. Igitur et præmiari per se. Non ergo unum sine altero ». Huic argumento respondetur, animam conjunctam corpori per actionem liberi arbitrii, supposita gratia, mereri per se et principaliter, quamvis non totaliter, sed nō quod: corpus autem mereri ut quo, scilicet organo, fiat actio: proinde post mortem præmio affici animam, quæ sine corpore præmii sit capax, non corpus, cum non sit capax nisi conjunctum animæ: integram vero hominem, utpote compositum ex corpore et anima conjunctis præmio non donatum iri nisi post resurrectionem. Indirecte etiam retorbo argumento in adversarium respondetur, si solus homo per se præmio donandus, qui per se solus mereatur, sequi animam nullo præmio post mortem affectum iri; non itaque exicipiendam cælo, non celeste gaudium suscepiendam, tum etiam animas separatas purgatoriiis flammis non cruciari.

Tertium argumentum objicitur: « Promittitur et datur denarius illi solum, qui in vinea Domini laboravit. Sed anima non laboravit sine corpore, nec e converso, sed totus homo. Ergo toti homini solum debet dari præmium ». Ostendit Durandus fallax esse hoc argumentum, et mutare quid in quale: licet enim quis locarit operam certo indutus cultu, non colligi, si eam vestem exuat, mercede fraudandum; præcipue enim attendi id quod meretur, ac minus principaliter id quo mereatur.

Quartum argumentum: « Perfecte beatus nihil amplius potest desiderare. Sed visio Dei nobis promittitur tanquam finis omnium desideriorum nostrorum. Ergo si anima videt nunc Deum, nihil debet nec potest expectare. Sed naturaliter anima corpus expectat tanquam illud, sine quo perfecta non est, sicut pars separata a toto imperfecta est, perfecta tamen dum est in toto ».

57. Hæc ita solvuntur a Durando: « Cum dicitur, quod perfecte beatus nihil amplius potest expectare, vel desiderare: dicendum quod beatitudo potest accipi dupliciter, uno modo prout includit omnem perfectionem homini possibilem, et sic Boethius dicit, quod beatitudo est status omnium bonorum aggregatione perfectus, et qui

habet talem beatitudinem nullum potest amplius desiderare, et sic nullus homo erit beatus usque post resurrectionem. Alio modo accipitur beatitudo pro suprema et optima operatione hominis, et hæc consistit in visione divinæ essentiae facie ad faciem; et qui habet talem beatitudinem, adhuc potest plus desiderare et optare, quia beatitudo sic accepta est eligibilior cum quocumque alio bono sibi adjuncto: et isto modo anima separata habet beatitudinem, et potest desiderare uniri corpori et habere beatitudinem corporis sibi uniti ». Et infra: « Item principale non dependet ex accessorio, sed e converso: quantum autem spectat ad præmium beatitudinis, anima quæ est ad imaginem Dei, est principativa, corpus autem est accessorium tanquam illud, quod non gloriatur donec plene sit subditum animæ. Ergo ridiculum est dicere, quod anima non beatificetur quousque uniatur corpori, cum ipsa sit capax beatitudinis sine corpore, non autem corpus sine anima ».

Ad auctoritates vero sanctorum Augustini¹ et Bernardi, ab adversariis objici solitas, ostendit nil ex iis concludi posse, quam animas beatas non tanto impetu in contemplationem et fruitionem divinæ essentiae ob insitum appetitum in corpus ferri, quanto post resurrectionem ferentur, quæ aliquorum est opinio; quamvis alii contrarium sentiant: « Cum dicitur, inquit, quod animæ resolute a corpore constituuntur in placidis sedibus, donec recipiant corpora sua; non est intelligendum de sedibus corporalibus, quæ animæ separatæ pro statu illo non conferunt complacentiam vel displicentiam sed (errat in hoc auctor) placidam sedem vocal gradum beatitudinis imperfectæ, quam habet anima separata respectu beatitudinis quam habebit resumpto corpore: tunc enim beatus erit major extensive, quia anima beatificabitur non quantum ad mentem et quantum ad intellectum et voluntatem, sed etiam quantum ad vires inferiores sensitivas et appetitivas, quæ perficiunt corpus; et etiam intensive secundum aliquos, quia anima clarius videbit Deum et ferventius diliget: quam opinionem videtur declarare B. Augustinus dicens, quod anima separata retardatur quodammodo ex naturali appetitu administrandi corpus, ne tota intentione feratur in Deum quamvis aliqui non assentiant Augustino in hac parte ». Subdit imo eosdem sanctos in aliis locis explicatius referre, animas ante generale iudicium divinæ gloriæ potiri, et singulas stolas accepisse, quæ stola felicitas est animarum. Ad auctoritatem vero Apocalypsis de animabus, quæ visæ sunt sub altari, ex interpretatione S. Bernardi respondet²: « Est notandum, quod licet Bernardus fuerit vir magnæ devotionis in oratione et sermonibus; non fuit tamen magnæ auctoritatis in expositionibus, et ideo in talibus qui vult potest eum tenere vel negare

¹ Aug. XII. sup. Genes. ad lit. et XV. de Trin. c. 25. — ² Bern. in serm. de omnibus SS.

sine reprehensione : propter reverentiam tamen ejus discurremus per dicta sua ». Refellit deinde presse Bernardi verba Durandus, adversariis tamen, dum hæc redarguit, in eum disceptandi occasionem dedit. « Dicit quo illud altare, sub quo clamabant sancti, corpus est Domini Salvatoris : et istud potest tolerari accipiendum corpus pro humanitate, et quod subdit : Interim ergo felices anime sub Christi humanitate quiescunt, nimirum in quem desiderant Angeli prospicere ; non est bene dictum, nec secundum intentionem beati Petri I Petr. i de quo loco sumuntur illa verba : humanitas enim Christi secundum naturam inferior est natura angelica secundum illud Psalmi, et allegatur per Apostolum ad Hebr. *Mimini eam paulo minus ab Angelis*. Quomodo ergo Angeli desiderant prospicere in humanitatem Christi ? nequaquam, sed divinitatem ejus, quam habet cum Patre et Spiritu sancto, imo eandem. Quod autem dicitur, quod veniet tempus, scilicet in resurrectione, quando animæ exaltentur super altare, id est super humanitatem Christi, non prælatione, sed visione et contemplatione, quia videbunt non solum humanitatem Christi, sed divinitatem ; si intelligatur, quod videbunt divinitatem intensius et clarius, tolerari potest, cum de hoc sint opiniones inter doctores : si autem intelligatur, quod tunc videbunt et non prius, negandum est omnino, nec auctoritas Joannis in Apocalypsi, cujus sensum putat se habere et non habet, sic intelligenda est, sicut ipse eam exponit ».

58. Attingerat Durandus doctissime controversæ rei veritatem ; at plures in contrariam abiere opinionem, atque Commentarios edidere¹, parati tamen Pontifici post discussam controversiam decretoriam laturo sententiam adherere, et cogere intellectum in obsequium fidei. Cum vero Durandus vel in sententiæ suæ probationibus, vel in solvendis adversariorum argumentis nonnulla erronea, vel ab annulis in improbum detorta sensum permiscuisset, gravissimum est passus invidiam ; adeo ut etiam a fidei censore in jus vocatum fuisse, Gallorum tamen regis patrocinio lectum, ferant. Constat certe ejus scripta acerrime discussa² fuisse a theologis, qui in Pontificia curia versabantur, ex quibus unus præstans scientia hæc Durando objecit in suo Commentario pro parte adversa edito : « Prima, inquit, difficultas et error esse videtur, quia vult non esse lucrum mori et esse cum Christo, nisi videatur Christi divinitas facialiter ; cum tamen maximum sit gaudium, maxima felicitas et beatitudo videre Christum esse in gloria humanitatis, et scire eum esse Dominum ; quod isti doctores non est lucrum, cum dixerit Christus, quod hoc est vita et æterna, etc. et quem misisti, etc. Secunda difficultas et error est quia dicit, quod anima separata non habet oculos corporales,

ut videat corporalia et in eis delectetur, quod est error pessimus quia tunc anima non posset dicere : *Delectasti me, Domine, in factura tua* ; nec diabolo fuisset ad pœnam, quod ejectus est de cælo, nec Angelis ad delectationem esset cognoscere corporalia, nec anima separata delectaretur in cognoscendo corpora nobilissima : et incidit in errorem Averrois, qui ponebat, quod substantiæ separatæ, et maxime nobilissimæ non cognoscunt inferiora, quia intellectus ejus vilesceret. Vult insuper iste doctor quod Christus non potest videri ab anima separata quia non habet oculos : ponit ergo quod humanitas videatur cum oculis et non intellectu : cum tamen sit objectum intellectus, et sit quædam substantia ; et quod intueri non potest quod non potest oculo corporali videri, quod est hæreticum. Tertius error est quia dicit, quod si anima cognitione spirituali solum cognoscat Christi humanitatem, cum per fidem cognoscat eam, nullum esset ei lucrum mori et esse cum Christo magis, quam vivere : et sic videtur ponere, quod in anima separata non possit esse cognitio humanitatis Christi nisi per fidem, quod est falsum, habent enim cognitionem facialem humanitatis Christi ». Cum hæc a theologis objicerentur Durando, ex ea occasione novæ controversiarum turbe in Pontificia curia oborte fuerunt : quas Joannis XXII jussu a doctoribus ventilatas refert Jacobus Novellus tit. S. Prisce³.

59. « De dicta, inquit, scriptura extraxerunt decem vel undecim dubia, ut eis visum fuit, de quibus formantes decem vel undecim questiones, quæ propositæ erunt in titulis earum, utrum Catholicum, an hæreticum, vel erroneum sit dicere, dictum illud, quod dictus magister Durandus dixerat. Qui articuli per modum talium questionum propositi diversis doctoribus, in curia tunc existentibus, traditi fuerunt per dictum dominum papam ad examinandum, a quo etiam mihi, licet renitenti, traditi fuerunt ». Præcipue harum questionum erant de Angelorum et animarum separatarum statu, qua nempe ratione percipiant corporea, atque ex his voluptatem vel dolorem trahant : tum de Christi humanitatis visione, et num Angeli eam, quamquam natura inferiorem, prospicere cupiant : quas cardinalis Novellus in suo erudito Commentario ita discutit.

« Titulus. Quod in Angelis et animabus separatis a corpore, in quibus non est potentia sensitiva, quæ non operatur nisi in organo corporali, non potest esse delectatio vel tristitia, quæ sequatur cognitionem sensitivam organicam in eis : sed quia per intellectum res corporales et sensibiles cognoscunt, ideo in talium rerum cognitione delectantur.

« Quia anime a corporibus separate possunt cognoscere res corporales, non per sensus corporeos, quos non habent, sed per mentem vel

¹ Ext. in bibl. Vat. sign. num. 4007, et annid 5007. — 2) Id. bibl. Vat. sign. num. 4007 pag. 22.

³ Id. bibl. Vat. sign. num. 4006. pag. 208.

intellectum, ideo et in cognitione humanitatis Christi, causata in intellectu eorum vel a presentia humanitatis Christi, prout magis existimo, vel per aliquas species impressas menti, ut aliqui dicunt, nullum delectantur, ut supra ostendebatur; non quidem delectatione sensuali, sed delectatione mentali, quæ sequitur cognitionem intellectualem humanitatis Christi. Unde non sequitur, quod si animæ separate a corpore oculo corporali non vident Christi humanitatem, et per consequens nec delectantur in tali visione delectatione corporali, quod propter hoc non videant Christi humanitatem oculo mentali, et quod non delectentur in tali visione delectatione spirituali, unde et Damascenus in lib. cap. xiv, loquens de lætitiis vel delectationibus dicit: Lætitiarum ea quidem sunt animales, eæ vero corporales. Animales quidem sunt, quæcumque sunt solius animæ ipsius secundum seipsam, quæcumque sunt circa disciplinas et contemplationem. Corporales vero sunt, quæ cum communione animæ et corporis fiunt, et propterea corporales vocantur; solius autem corporis nequaquam inveniet aliquis lætitiis. Rursus lætitiarum eæ quidem sunt veræ, eæ vero sunt mendaces. Et quæ quidem solius mentis sunt secundum doctrinam et contemplationem: quæ vero cum corpore secundum sensum sunt. Et ita lætitiæ vel delectationes corporales fiunt ex communione animæ et corporis, quæ communio non est in animabus a corpore separatis; sed bene sunt in eis lætitiæ et delectationes, quæ sunt solius animæ, quæ secundum seipsam est.

¶ Tit. Quod licet animæ humanæ a corporibus separate proprie non sentiant res corporales sensu corporeo, quia talem sensum non habent; dicuntur tamen illa sentire sensu intellectivo, vel per intellectum, qui unus existens eodem sentit visibilia, et sic de aliis sensibus: et ex prædictis solvitur quæstio, scilicet quod animæ separate per intellectum sentiunt res corporales et sensibiles, quia talem cognitionem sequitur delectatio vel tristitia cap. viii.

60. « Verum est tamen, quod animæ a corporibus separate sentire dicuntur, non accipiendo sentire pro actu sensus exterioris; sed accipiendo sentire pro percipere delectabile vel contristativum: quam perceptionem habet anima separata non per sensum corporis, sed per cognitionem mentis; unde et Hugo in lib. de Sacramentis part. xvi, cap. iii, exponens illa verba Gregorii de animabus damnatorum: In igne eo ardent, quo se ardere vident; dicit: Quid sibi vult, putatis, hoc quod dicit, quia animæ in eo ipso ardent, quo ardorem suum vident? In rebus corporalibus non ita est, ut ardorem sentiat quicumque ignem conspicatur. Quæ est visio illa animæ, quia sentit omne quod videt; vel si non omne, hoc certe quod ad pœnam videt? Et respondens subdit: An quia sensus animæ, quando per corpus egreditur, ideo diversis modis percipit, et ob quædam eminus

constituta corporali sensu non percipit, quia ad percipienda illa instrumentum corporalis sensus non sufficit? Ibi enim sensus deficit, ubi amplius instrumentum non sufficit: propterea illi sensus, qui instrumenta magis sufficientia habent, majorem in percipiendo vim habent. Oculis longe posita videt, tactus vero sentire non potest nisi immediate conjuncta: si instrumentum tangendi æque ut videndi perspicax esset, æque tactus ut visus eminus constituta perciperet.

¶ Quid igitur ubi instrumentorum nulla diversitas erit, quare non omnis sensus æqualis erit, ut videlicet sit illic idem videre quod tangere, tangere quod dolere? Constat autem quod cognoscere aliquid contristativum diversis sensibus corporalibus non potest esse sine diversitate instrumentorum sentiendi: instrumentum enim videndi, audiendi, tangendi et olfaciendi non potest esse unum et idem propter diversitatem complexionum, quæ dicta instrumenta requirunt, ut sint apta potentiis sensitivis ad suum proprium opus exercendum; et ideo ubi talis diversitas instrumentorum non est, non sunt actus sentiendi corporales diversi. Quapropter cum in anima separata, secundum eam, non sit diversitas instrumentorum sentiendi; sed eodem videat et tangat et alia opera, quæ sensibus attribuantur, anima exerceat, non faciet hoc nisi per unum intellectum, qui omnia, quæ distinctis sensibus percipere possunt, solus percipit, et multo plura quam diversi sensus percipere possint: propter quod non per sensum corporalem sed per intellectum anima a corpore separata dicitur sentire delectabilia vel tristia; in rebus enim spiritualibus idem est visus qui auditus, et idem auditus qui visus, et sic de aliis sensibus, quia intellectus valet omnia ista, dicente Augustino xv lib. de Trin. cap. x: Foris, cum per corpus hæc fiunt, aliud est locutio, aliud visio: intus autem cum cogitamus, utrumque unum est, sicut auditio et visio: duo quædam sunt inter se distantia in sensibus corporis, in animo autem non est aliud atque aliud videre et audire; ac per hoc, cum locutio foris non videatur sed potius audiat locutiones tamen interiores, hoc est cogitationes, visas dixit a Domino sanctum Evangelium, non auditas. Augustinus etiam xv lib. de Trinitate cap. v, loquens de Deo dicit: Illa vita quæ Deus est, sentit atque intelligit omnia, et sentit mente non corpore, quia spiritus est Deus; non autem sicut animalia, quæ habent corpora, per corpus. Sentit Deus, non enim ex anima constat et corpore, ac per hoc simplex illa natura sicut intelligit, sentit, sicut sentit, intelligit; idemque sensus qui intellectus est illi: unde si in Deo, ex eo quod non est corpus nec constat ex anima et corpore, idem est sensus qui intellectus, et sicut intelligit sentit, et sicut sentit intelligit, non corpore nec per corpus, sed omnia ista dicitur agere sola mente: eadem ratione dicitur, quod animæ humanæ a corporibus separate, quia non sunt corpus nec sunt corporis

forma actualiter corpus informantes, non per corpus nec per organa corporalia sentiunt illa, quæ sentiunt, sed per intellectum, et eodem sentiunt quo intelligunt, et quo intelligunt sentiunt, quia solo intellectu ista faciunt. Ex quibus videtur dicendum, quod licet anima a corpore separata oculo corporali non videat res corporales, quarum visione corporali delectetur vel tristetur; videt tamen mente et intellectu res corporales, quarum visione mentaliter delectatur vel affligitur, quia sunt ei vel delectabiles vel contristativæ: quas res corporales, si intellectu non videret, cum eas oculo corporali videre non possit, in nullius rei corporalis visione delectaretur, vel tristaretur, cujus contrarium supra ostensum est ».

61. His de animarum separatarum statu positis, quærit Jacobus Novellus cardinalis, an verba Apostoli ad Philippenses cap. 1. *Mihi vivere Christus est et mori lucrum. Quid eligam ignoro: coarctor autem e duobus, desiderium habens dissolvi, et cum Christo esse, multo autem melius: permanere autem in carne necessarium propter vos*; ita intelligenda sint, ut Apostolus mortem optet, ut per fidem Christum videat, an ut ejus humanitatem divina exornatam gloria, an ut Christum secundum deitatem facie ad faciem intueatur; et concludit ¹ conceptam a Paulo fuisse spem potiundi divinæ essentiae gloria; nec tamen negasse illum, quin glorificatam humanitatem intuiturus esset ²: beatitudinem in divinæ essentiae visione sitam ³; nec modo Paulum expetiisse humanitatem tantum circumfusam gloria, sed etiam divinitatem intuitive prospicere ⁴: neque ⁵ enim, ut ait, visionem humanitatis Christi per præsentiam; nec visionem ejus deitatis per fidem, vel demonstrationem ex effectibus quibuscumque, vel per scientiam, satiare humanam mentem, sed tantummodo eam visionem deitatis Christi, quæ est per ejus præsentiam in ratione objecti beatificantis. Demum pressius in examen adducit Durandi verba, ac primum arguit ⁶ sanctorum animas separatas non tantum per fidem, sed intuitive Christum secundum humanitatem videre: « Animæ, inquit, sanctorum existentes cum Christo, non vident per fidem Christi humanitatem, sed vident eam intuitive et præsentem, dum sunt in ejus præsentia: quæ visio, cum non fiat per speciem alienam, sed per ipsiusmet rei præsentiam, nec sit obscura vel ænigmatica, non potest dici quod talis visio humanitatis Christi sit per fidem aut speculum et ænigma; sed est intuitiva vel facialis, quæ due visiones specie distinguuntur: videre autem sic humanitatem glorificatam multo majus lucrum est, quam videre eam solum per fidem, sic enim eam vident sancti Angeli, et eam sic videntes multum gaudent, ut supra dicebatur: de quibus tamen constat, quod non vident eam spiritualiter

per fidem, sed per rei præsentiam. Apostoli etiam post resurrectionem Christi ejus humanitatem glorificatam viderunt, licet illa gloria vel claritas corporis Christi non eis appareret, ut alibi dicebatur per Augustinum xv questione in lib. questionum ad Orosium: quam tamen claritatem viderunt non per fidem, sed per rei præsentiam et intuitive Apostoli, qui cum eo fuerunt quando transfiguratus fuit in monte: quæ visio magnum lucrum eis attulit, ut alibi etiam declarabatur, et multo majus quam esset lucrum videre Christi humanitatem per fidem solum ». At quavis ingens felicitas sit videre Christi humanitatem, juxta illud Lucæ x: *Beati oculi qui viderunt, quæ vos videtis: dico enim vobis, quia multi reges et prophetae voluerunt videre quæ vos videtis, et non viderunt; et audire quæ auditis, et non audierunt*; major etiam felicitas sit videre Christum fidei oculo, quam corporis, et etiam major videre humanitatem collustratam divina gloria, ut vident animæ segregatæ a corporibus; tamen concludit Jacobus cardinalis cum Durando, Apostolum aliud longe præstantius lucrum spe concepisse, nimirum divinitatis prospectum, cum quo visio humanitatis Christi radiantis gloria conferenda non sit. « Quia, inquit, sancti et glossæ exponunt hæc verba Apostoli, quod ideo cupiebat dissolvi, ut in Christi præsentia esset, non solum ut Christi humanitatem gloriosam præsentialiter videret, nec eam per fidem solum cognosceret; sed ut ejus deitatem facie ad faciem videret, quod lucrum multo majus est quasi incomparabiliter, quam sint prima duo lucra, cum hoc solum lucrum faciat hominem simpliciter beatum, quod non faciunt alia duo lucra sine isto ». Cum etiam nonnulli Durandum carperent, scripsisse, habitationem celestem nihil sanctorum animalibus futuram, si divina visione carerent, ipsum tutatus est Jacobus cardinalis, ejusque intelligenda verba, « non quod talis habitatio non prosit, sed quod non prosit ad illud, ad quod probandum Apostolus dicit: *Seimus quoniam, si terrena*, etc. » Cum vero Durandus dixisset, adversus Bernardum disceptans, verba: *In quem Angeli desiderant prospicere*; non intelligenda de humanitate Christi, cui naturæ dignitate antecederent; sed de divinitate tantummodo, sententiam Durandi ita confutavit:

« Tit. Quod Christi humanitas non debet adorari adoratione patriæ, nisi ex eo, quod est unita in persona personæ Verbi: sed si per intellectum dividatur a Verbi persona, non debet adorari adoratione patriæ, sed adoratione suprema dulciæ, quæ hyperdulia vocatur, quia ipsa Christi humanitas secundum se sumpta creatura est, quæ rationalem animam beatificare non potest; et minus quæcumque alia creatura debet adorari adoratione patriæ. Ex quo concluditur, quod ultimus finis creature rationalis non debet poni in quacumque creatura.

62. « Christi humanitas, si per se considere-

¹ Phil. c. 9. — ² Ibid. c. 10. — ³ Ibid. c. 11. — ⁴ Ibid. c. 12. — ⁵ Ibid. c. 13, 14, 15, 16, 17, 18. — ⁶ Ibid. c. 19.

tur, et non ut est conjuncti in persona personæ Verbi, adoranda non est, nec ei cultus latriæ est exhibendus, et si adoretur vel exhibeatur ei talis cultus, hoc non fit propter ipsam, sed propter Verbum cui conjuncta est in persona, dicente Damasceno in lib. c. xxxii. Caro Christi secundum naturam quidem ejus, si dividas subtilibus intelligentiis, quod videtur ab eo, quod intelligitur, inadorabilis est, ut creatura: unita autem Deo Verbo, propter ipsum et in ipso adoratur: quo enim modo rex et nudus adoratur et vestitus, et purpura ut nuda quidem purpura conculcatur et projicitur, regale autem facta indumentum adoratur et honoratur et glorificatur, et si quis hanc perforaverit, morte quam multoties condemnatur: sicut autem et lignum nudum neque est tactui inaccessibile, igni autem connexus et carbo facto non propter seipsum, sed propter copulatum, ignem inaccessibile fit, et non ligni natura existit inaccessibilis, sed propter copulatum ignem inaccessibile fit, et non ligni natura existit inaccessibilis, sed carbo secundum ignitum lignum; ita secundum sui ipsius naturam quidem non est adorabilis, adoratur autem in incarnato Deo Verbo non propter seipsam, sed propter unitum et secundum hypostasim Deum Verbum: non adoramus quando carnem adoramus nudam, sed carnem Dei, scilicet incarnatum Deum. Et Augustinus exponens illud Psalmi nonagesimi octavi: *Adorate scabellum pedum ejus, quoniam sanctum est*; dicit: Convertito me ad Christum, et invenio quomodo sine impietate adoretur terra, sine impietate adoretur scabellum pedum ejus. Suscepit enim de terra terram, quæ caro de terra est, et de carne Mariæ carnem accepit. Et ideo cum ad terram te inclinas atque prosternis, non quasi terram intuearis, sed illum sanctum, cujus pedum scabellum est. quod adoras, propter enim ipsum adoras, in cujus honore adoras scabellum pedum ejus; et cum adoras illum cogitatione, ne remaneas in carne, et a spiritu non vivificeris: Spiritus est enim, qui vivificat; caro autem nihil prodest. Et glossa exponens dictum locum Psalmi, dicit: Sciendum est, quia in Christo terra est, id est caro, quæ sine impietate adoratur; suscepit enim de terra terram, quia caro de terra est, et de carne Mariæ carnem suscepit. Hæc sine impietate a Verbo Dei, assumpta adoratur a nobis, quia nemo carnem ejus spiritualem manducat, nisi prius adoret: non illam dico adorationem, quæ latriæ est quæ soli Creatori debetur; sed illa quæ in dulia dignior est: dulia enim adoratio est, quæ etiam creaturæ exhibetur, quæ duas habet species, unam quæ indifferenter hominibus, alteram quæ soli humanitati Christi exhibetur.

63. « Sic ergo secundum prædicta Christi caro vel ejus humanitas, si adoretur adoratione latriæ non propter seipsam, nec etiam si ipsa per seipsam sumatur, adoratur; sed propter hoc, quia unita est in persona Deo Verbo, cui per se

et secundum se adoratio latriæ debetur: vel etiam si non adoretur adoratione latriæ, sed dulia excellentiori, quæ dulia ab aliquibus vocatur hyperdulia, semper constat quod vel non adoratur adoratione latriæ, sed hyperdulia, vel si adoretur adoratione latriæ non adoratur propter seipsam, sed propter ipsum Verbum cui in persona est conjuncta: quod non fieret si ipsa Christi humanitas secundum se sumpta beatificare adorantem posset; tunc enim per se sumpta et propter se adoratione latriæ adorari deberet, ut supra dicebatur. Cum ergo inter omnes res creatas magis digna sit propter dona gratiarum et gloriæ Christi humanitas, ut probat Apostolus ad Hebræos primo: *Tanto, inquit, melior Angelis effectus, quanto differentius præ illis nomen hereditavit*; ubi dicit glossa: Per hoc, quod dicit, effectus aperitur, quod hic loquitur de Christo secundum carnem, nam secundum hoc, quod Patris substantiæ consubstantialis agnoscitur, non est factus, sed natus de eo. Ergo sermo versatur secundum humanam naturam, secundum quam et minor fuit Angelis passione, et major ac melior gratiæ plenitudine, de qua etiam ipsi Angeli ad mensuram accipiunt. Et ideo ait, quod ipse Christus tanto melior Angelis est effectus, id est, evidenter secundum hominem factus, quanto differentius nomen, id est, differentiosem honorificentiam quam ante hereditavit, id est firmiter habuit quando surrexit et ascendit. Et quia hoc posset habere, et non præ illis, addidit: præ illis; nam dum mortalis fuit, differens nomen habuit, quia Angeli ministrabant ei; postquam immortalis magis differens, quia honorabilior atque præclarior illis per omnia extitit: cum Christi humanitas etiam post ejus resurrectionem et ascensionem, si secundum se sumatur, vel propter se, non sit adoranda adoratione latriæ, manifestum est, quod Christi humanitas, et per consequens nulla alia creatura quantumcumque sublimis in gloria potest beatificare animam rationalem vel Angelum: et per consequens nulla creatura potest quæri, dum non habetur, vel delectari in ea, dum habetur a creatura rationali ut ejus finis beatificativus ». Et infra:

64. « Quod autem adoratio latriæ Deo debeatur soli, eo quod est creator et beatificator creaturæ rationalis, dicit Thomas II sum. quæst. lxxxiv artic. ii in positione, ubi dicit, quod anima se offert Deo in sacrificium sicut principio suæ creationis, et sicut fini suæ beatificationis: unde cum secundum veram fidem solus Deus sit creator animarum nostrarum, in solo etiam eo animæ nostræ beatitudo consistat: ideo soli Deo debemus sacrificium spirituale, et soli etiam ei debemus offerre exteriora sacrificia in signum, quod recognoscimus nos ab eo esse creatos, et ab eo nos fore beatificandos: unde sicut creator animarum nostrarum non est nisi Deus, ita beatificator animarum nostrarum non est nisi Deus: propter

quod ut nostro creatori et beatificatori ei soli offerimus sacrificium cordis interius, et sacrificium corporale exterius in signum recognitionis talium beneficiorum ejus propter quod ipse solus querendus est a nobis ut finis noster beatificans, et nulla res alia tanquam finis beatificans. Nec obstat si dicatur, quod Dominus Christus dixit Joan. xvii : *Hæc est vita æterna, ut cognoscant te Deum verum, et quem misisti Jesum Christum* ; ubi videtur, quod vita æterna, quæ est finis beatificans formaliter creaturam rationalem, consisteret non solum in visione deitatis, sed etiam quod consisteret in visione et cognitione humanitatis Christi cujus contrarium supra dictum est : hanc enim objectionem solvit Augustinus i de Trin. cap. xii dicens : Quæ est autem vita æterna, nisi illa visio, quæ non conceditur impiis ? Ut cognoscant te, inquit, unum verum Deum, et quem misisti Jesum. Quomodo et ipsum Jesum Christum, nisi quemadmodum unum verum Deum, qui seipsum ostendit illis ? Non quomodo se ostendit etiam puniendis in forma filii hominis. Unde non in visione humanitatis, quæ videtur ab ipsis in judicio, sed in visione divinitatis Christi, quæ eadem est cum divinitate Dei Patris, consistit vita æterna, sicut clare ibi dicit Augustinus. Et ille parte super Joannem serm. ii, exponens ista verba Domini : *Hæc est vita æterna* etc. dicit : Ordo verborum est, ut te, et quem misisti Jesum Christum cognoscant solum verum Deum ; consequenter enim Spiritus sanctus intelligitur, quia Spiritus est Patris et Filii tanquam charitas substantialis et consubstantialis auctorum. Et sic vita æterna vel beatitudo non consistit in cognitione humanitatis Christi, sed essentialiter consistit in aperta et facili visione divinitatis.

¶ Tit. Quod Angeli desiderant videre Christi humanitatem glorificatam, et ab ipsa purgantur a nescientia, et illuminantur suprema scientia, et perficiuntur donis gratiarum : propter quod et eam adorant et recognoscunt jam supra seipso esse, non quantum ad gratiam ; et sic delectantur in re eis inferiore per naturam, non sicut in ultimo fine, sed sicut in illo, quod est ad finem.

65. « Quod autem ¹ Angeli beati hoc etiam modo querant aliqua corporalia, et in eis etiam delectentur ; et quod etiam querant et delectentur in aliquibus, quæ infra eos sunt per naturam, hoc modo scilicet, ut ad finem, manifestum est et ex iis, quæ jam dicta sunt, et etiam in sequentibus : constat enim, quod Christi humanitas est quadam res corporalis, infra angelicam naturam, licet sit ei superior per gratiam et gloriam : hanc autem Christi humanitatem Angeli prospicere desiderant, juxta illud quod dicitur i Petri i : *Scrutantes prophetas in quod vel quale tempus significaret in eis spiritus Christi, præmittens eas, quæ in Christo sunt passionis et posteriores glorias : quibus reve-*

latum est, quia non sibi ipsis, nobis autem ministrabant ea, quæ nunc nuntiata sunt vobis per eos, qui evangelizarunt vobis, Spiritu sancto misso de cælo, in quem desiderant Angeli prospicere. Quæ verba exponens Beda super dictum locum dicit : Constat pro certo quia tanta ejus, quæ passus est pro nobis, hominis Jesu Christi posterior gloria successit, ut etiam angelice in cælo virtutes, cum sint æterna felicitate perfectæ, non solum immortalem deitatis magnificentiam, sed et assumptæ humanitatis ejus claritatem semper adspicere gaudeant. Nec solum sunt contenti, quod desiderant videre humanitatis Christi claritatem ; sed etiam eam adorant adoratione hyperdulce, et ei obediunt quando mittit eos ad procurandam salutem hominum, in hoc mundo viventium, dicente Apostolo ad Hebr. i : *Cum introducit primogenitum in orbem terræ, dicit : Et adorent eum omnes Angeli Dei. Et ad Angelos quidam dicit : Qui facit Angelos suos spiritus, et ministros suos flammam ignis.* Ubi dicit glossa : Cum ipse Pater introducit primogenitum in orbem terræ, id est, visibilem carnem assumptam, fecit apparere in mundo qui ante invisibilis erat in mundo, et ideo ait, *iterum*, quia assumptio carnis dicitur exitus a Patre et introductio in hereditatem, ubi jubetur adorari, unde addit : *Et adorent eum omnes Angeli Dei. Adorent eum, qui passus est et mortuus : non enim de Deo verba ista dicuntur, sed de homine suscepto : Adorent, inquam, eum omnes Angeli Dei. Secundum humanitatem jubentur Angeli adorare Christum.* Ex quo eum tanto meliorem Angelis demonstrat, quanto servis dominum constat esse meliorem ; ideo secundum carnem jussit a cunctis Angelis adorari, dicens : *Adorent eum omnes Angeli Dei ;* et jussioni ejus obtemperant, et ideo iterum dicit Pater de Filio, hoc quidem ad Angelos pertinens : qui, Filius, facit spiritus cælestes angelos, id est, legatos suos : et etiam flammam ignis, id est, Seraphim, qui sunt de ordine superiori, facit ministros suos. Vel ita distingue, ut Angeli dicuntur quando leviter nuntiare mittuntur : quando vero mittuntur ad vindictam, dicuntur ignis ardens. Et super illud ad Hebr. ii : *Omnes sunt administratores spiritus in ministerium missi*, dicit glossa : Hoc opus est Christi, qui Angelis, nobis superioribus, præcipit ad nostram salutem suam exhibere ministerium.

66. « Ille autem adoratio et obedientia, quam exhibent humanitati Christi omnes Angeli, manifeste ostendunt, quod a Christi humanitate maximum commodum et utilitatem angeli consequuntur : purgantur enim etiam superiores angeli a nescientia per Christi humanitatem, et multa dona gratiarum consequuntur : unde Dionysius vii cap. de angelica hierarchia dicit, quod theologi quasdam cælestium essentialium dispositiones introducant a prioribus sacre eruditis : Dominum esse cælestium virtutum et regem gloriæ in cælo, qui est humanitatis receptus : quasdam vero apud

¹ In eadem questione exp. 8.

ipsum Jesum quærentes, et pro nobis suæ divinæ actionis scientiam discentes, et eas ipsum Jesum immediate docentem, et prælargientem eis, manifestantem suam benignitatem : Ego enim, inquit, disputo iustitiam et iudicium salutaris ; ubi dicit Ilugo : Actionem divinam ipsius Jesu vocat passionem et mortem, quam pro nobis sustinuit, quæ circa divina dicitur, quia soli Deo possibile fuit, ut per mortem mortis destrueret potestatem. Huius ergo actionis scientiam cælestes essentias ab ipso Jesu quærentes introducunt, ubi indumentum carnis assumptæ sanguine passionis cruciatum cernentes, dicunt : *Quis est iste qui venit de Edom , tinctis vestibus de Bosra ?* et deinceps : *Quare ergo rubrum est indumentum tuum sicut calcantium in torculari ?* Ita ergo quærentes et discere appetentes introducunt. Introducunt etiam ipsum Jesum ; eos immediate et per semetipsum docentem, et manifestantem eis suam humanitatem, id est, elementem benignitatem, quam nobis exhibuit. Quam manifestationem eis confert prælargiens, id est, ante omnes alios largiens, scientiam operationis suæ : Ego, inquit, disputo iustitiam et iudicium salutaris. Et Joannes Scotus dicit ibi : Quædam cælestes virtutes a superioribus discunt, quomodo Jesus Dominus est cælestium virtutum et rex gloriæ, et quomodo humanitas ipsius a divinitate assumpta est, non ut assumptionis ejus modum intelligant, superat, quippe omnem intellectum, sed ut ipsam assumptionem supernaturaliter et ineffabiliter esse factam cognoscant : quasdam vero, id est, excellentissimas essentias cælestes introducunt apud ipsum Jesum, quærentes immediate, scilicet quærentes et discentes ab ipso, sive pro nobis divinæ actionis, hoc est incarnationis, passionis, resurrectionis et assumptionis in cælum scientiam : et introducunt ipsum Jesum docentem eas immediate et manifestantem eis prælargientem, hoc est, prius quam cæteri largientem suam humanam, id est, elementem, et ad salutem humani generis benignitatem. Sententia ergo Scripturæ approbat, quod Dominus Jesus proximas sibi cælestes essentias semper doceat. Et super illud ejusdem lib. cap. 1. Ergo Jesum invocantes, dicit Ilugo : invocationem facit ad Jesum, qui est paternum lumen, quo mediante omnes spirituales illuminationes et dona gratiarum illuminandis distribuuntur.

67. « Sic ergo a Christi humanitate purgantur Angeli a nescientia multarum rerum, quæ ante nesciebant, et etiam multa dona gratiarum ab eo accipiunt : propter quod et ipsa Christi humanitas caput est angelorum, dicente Apostolo ad Ephes. 1. *Constituit illum ad dexteram suam in cælestibus super omnem principatum et potestatem et virtutem, et dominationem, et omne nomen, quod nominatur non solum in hoc sæculo, sed etiam in futuro. Et omnia subiecit sub pedibus ejus : et ipsum dedit caput super omnem Ecclesiam, quæ est corpus ipsius.* Ubi dicit glos. Constituit illum


in cælestibus supra omnem principatum, et potestatem, et virtutem, et dominationem, id est supra dignitatem horum ordinum angelicorum ; et non solum super hos quatuor, sed etiam super omne nomen, quod nominatur non solum in hoc sæculo, sed etiam in futuro, id est, super omne nominabile, quod vel jam scitur, vel in futuro sciatur. Hoc dicit propter incarnationem Filii Dei, ut etiam homo factus super omnes cælos esse dicatur et super omnem creaturam, habens nomen Dei per naturam non per adoptionem. Et ne videretur præesse omni creaturæ dignitate tantum, et non potestate, subdit : Et omnia ; quasi non solum præest omnibus dignitate, sed et sub eo sunt et, id est, quia omnia subiecit Deus Pater sub pedibus ejus, id est, subiecit ei plene, ut per pedes plena subjectio notetur, vel sub pedibus ejus, id est sub humanitate ejus, quæ significatur per pedes, quia sicut pes est inferior pars corporis, ita in Christo inferior natura est humanitas, quam etiam angeli adorant : Et ipsi homini Christo omnia subiciunt : unde et Dionysius iv cap. Ecclesiasticæ hierarchiæ loquens de Jesu, dicit quod sanctarum substantiarum, super nos existentium, Seraphim ordo suppositus in duo denario clarum significatur circa Jesum stans, et collocatus beatissimis ipsis visionibus, sicut est fas, intuitum figens, et intelligibili distributione sancte in castissimis successionebus adimplens. Quod exponens Lincolniensis dicit : Ille ordo, qui in cælestibus suppositus est, videlicet Seraphim stans, et collocatus seu firmatus circa Jesum, hoc est semper habens intentionem stabiliter in ipsum erectam et directam, apponens seu innitens, hoc est, totis viribus innitens, ut fas est, quia non supra id, quod ei competit, enitens beatissimis visionibus ipsius, Jesu scilicet, et repletus sacre sic videt enitendo intelligibili distributioni, id est intelligibili distributione divinarum illuminationum suavissime delectantium tanquam vaporum et fragrantiarum optime olentium in susceptibles, id est in viribus susceptivis spiritualium odorum.

68. « Ex quibus verbis tam Dionysii et Ilugonis et Apostoli, ac glosse et Lincolniensis patet, quod a Christo, secundum quod est homo, angeli etiam supremi purgantur a nescientia, et illuminantur donis gratiæ perfectivis, et ipsi nituntur intueri quantum fas est, ut ab eo suscipiant illuminationes et bonos vapores gratiarum ; et ex hoc etiam, quia tot et tanta recipiunt a Christi humanitate, in signum subjectionis et reverentiæ ac recognitionis tantorum beneficiorum Christum adorant, non solum ut est Deus adoratione patriæ, sed ut ejus humanitas est plena gratiæ et veritate, a qua non solum ad homines, sed etiam ad angelos profluit rivus veritatis ; et etiam gratiarum adoratione suprema hyperdoliæ. Unde et Hieronymus in sermone de Assumptione B. Mariæ dicit, quod angeli venerantur et adorant super se Christum regem dominum natum ex B. Virgine. Et aliquantulum

supra dicta verba dicit : Omnis illa cælestis civitas congratulatur et veneratur matrem, cujus super se adoral filium regem, ante quem tremunt potestates, et curvatur omne genu, juxta illud quod dicit Apostolus ad Philippenses n : *Humiliavit semetipsum factus obediens usque ad mortem, mortem autem crucis : propter quod et Deus exaltavit illum, et donavit illi nomen, quod est super omne nomen, ut in nomine Jesu omne genu flectatur cælestium, terrestrium et infernorum* : ubi dicit glos. Nunc incipit de claritate ejus secundum hominem, quæ ab ejus resurrectione sumpsit exordium : ut enim Christus resurrectione clarificaretur, prius humilitatus est passione. Humilitas claritatis est meritum, claritas humilitatis est premium : sed hoc totum factum est in forma servi, in forma enim Dei semper fuit et erit claritas. Quid ergo et quantum humilitas mereatur, hic ostendens dicit : Propter quod, scilicet quia tam humiliter Christus passus est merendo, et Deus Pater exaltavit illum, dando immortalitatem et impassibilitatem et donavit per gratiam illi homini Christo nomen, quod est super omne nomen, id est, honorificentiam, scilicet quod vocatur Deus, et hoc ante resurrectionem habuit : sed post resurrectionem quod erat in evidenti, positum est ut scirent demones et homines. Cum ergo dicitur : Propter quod exaltavit illum ; satis apparet propter quid exaltavit, id est propter obedientiam usque ad mortem crucis. In qua ergo forma crucifixus est, in ipsa exaltatus est. Donavit ergo secundum hominem Christo secundum carnem mortuo, resurgenti et ascendenti, ut in nomine Jesu flectatur omne genu cælestium, terrestrium et infernorum ; id est imperio ejus lateantur subijci angeli, homines et demones. Cum ergo Christi humanitatem glorificatam angeli prospicere desiderent, et ab ipsa tam illuminationem scientiæ, quam dona gratiarum accipiant, in cujus recognitionis beneficium ipsam adorant (quæ licet sit angelis inferior per naturam, superior tamen omnibus eis est per gratiam et gloriam) ideoque patet, quod Angeli in aliqua re corporali, et quæ inferior est eis per naturam delectentur, et quærant ferventer ejus conspectum et visionem, non quidem ut suum finem ultimum et optimum, sed ut ordinatum ad finem ultimum et optimum, etc. »

69. Hactenus Jacobus tit. S. Priscæ cardinalis, qui postea adeptus Pontificatu hos Commentaries, ab aliquibus theologis diligentissime discussos, ab lucem edidit, professus hæc a se tanquam privato doctore, non papali decreto dicta, quæ Romanæ Ecclesiæ auctoritati subijcit præfixo illi Proemio, cujus partem decerpimus :

« Tradidi, inquit, dictam scripturam examinandam tribus doctoribus in theologia, ut diligenter viderent, si aliquid erroneum vel hæreticum, aut non probabile in dicta scriptura inveniretur ; etsi erat utile quod dicta scriptura in mundum redigeretur. Quam cum vidissent, et diligenter examinassent, dixerunt mihi et coram multis cardinalibus, quod dictam scripturam examinaverant, quæ ut videbatur eis, erat Catholica, nullum errorem circa ea, quæ fidei sunt, includens : sed vel simpliciter dicta mea concludebant, vel probabiliter dicta erant, et quod videbatur eis esse expediens, quod in mundum poneretur : quod fieri feci, utens consilio Augustini, qui de se loquens primo de Trinitate cap. 3 dicit : Meditationes meas ne oblivione fugiant, stylo alligo, sperans de misericordia Dei, quod in omnibus veris quæ certa mihi sunt perseverantem me faciet. Si quid autem aliter sapio, hoc quoque ipse mihi revelabit sive per occultas inspirationes atque admonitiones, sive per manifesta eloquia sua, sive per fraternas sermocinationes ». Et infra : « Et quia quando incepi scribere, habui transumptum scripturæ dicti episcopi (nempe Durandi), in secundo loco posui ejus verba, ex quibus videbantur dictæ quæstiones esse formatæ : et prout melius potui in dictis locis illa verba ejus, quæ poterant habere bonum intellectum et sanum, declaravi ; in illis autem locis, quibus non fuit mihi visum, quod bene vel rationabiliter dixisset, ejus verba, ut melius potui, reprobavi per scripturam et dicta sanctorum : in locis autem, quibus mihi visum fuit, quod non bene nec ad ejus intentionem verba ejus accepta fuerant per illos, qui dictos articulos extraxerunt, ostendi quod ipse non dixerat illa, quæ ei per illos imponebantur ». Et infra : « Volo quod hæc dicta mea, sicut et aliæ scripturæ meæ, sic accipiantur sicut magistraliter dicta, et non sicut papaliter dicta, nec sicut demonstrata, nisi in quantum per dicta scripturæ vel per illa, quæ ex Scriptura divina deducuntur, concluduntur vel per rationem certam et evidentem, vel per dicta sanctorum doctorum per Ecclesiam approbatorum : alia vero ut probabiliter dicta accipiantur. In omnibus autem tam præsentem scripturam, quam alias meas suppono correctioni et emendationi sanctæ Romanæ Ecclesiæ, volens ex nunc credere et tenere, quod ipsa decrevit esse credendum et tenendum : nec solum determinationi sanctæ Romanæ Ecclesiæ et successorum meorum suppono dicta mea scripta ; sed etiam cujuslibet sententiæ, quæ rationabilior vel probabilior videretur.



BP
145
B37
186⁴
T.2⁴
C.1
PUBA

